

LÉKSIONÈ MISÈL ROMIN-AN

Révizion tèks *Commission Épiscopale Nationale de Liturgie*-a té pibliyé « ad experimentum » an dé volim : I, 8 désanm 1985 ; II, 31 mé 1987.

Korijé an konfòmité ak :

1. Édision tipik Léksionè Misèl Romin-an an toua volim (1970) ;
2. Dézièm édision tipik *Ordo lectionum missae*-a (Editio typica altera. Libreria Editrice Vaticana, MCMLXXXI [1981]) ;
3. Tèks dézièm édision tipik *Nova Vulgata*-a (*Bibliorum sacrorum editio sacrosancti oecumenici Concilii Vaticani II ratione habita. Iussu Pauli PP. VI recognita. Auctoritate Ioannis Pauli PP. II promulgata. Editio typica altera. Libreria editrice vaticana, Città del Vaticano, 1979, 1986, 1998, 2005*) ki doué sèvi pou litiji-a dapré Konstitision apostolik *Scripturarum thesaurus* Pap Jan-Pòl II té bay 25 avril 1979 la.

Koréksion yo fèt dapré prinsip diféran instruksion Kongrégasion pou sèvis Bondié-a ak disipli-n sakréman yo té bay osijè kijan pou yo apliké kòrèktéman Konstitision *Sacrosanctum Concilium*-nan, an patikilié *Liturgiam authenticam*-nan osijè « itilizasion lang pèp yo palé yo nan édision liv litiji romèn-nan » (28 mars 2001).

MISÈL ROMIN-AN

RÉNOUVLÉ DAPRÉ DÉKRÈ TRÈ SIN KONSIL VATIKAN II-A
PROMILGÉ ANBA OTORITÉ PAP PÒL VI
RÉVIZÉ ANBA LÒD PAP JAN-PÒL II

LÉKSIONÈ

I

PRÒP POU TAN-AN :
SOTI LAVAN RIVÉ PANNKOT

ÉPI
TAN « ÒDINÈ »

II

PRÒP AK KOMIN POU SIN YO
MÈS RITUÈL ÉPI « AD DIVERSA »
MÈS VOTIV ÉPI POU DÉFIN YO

Pro manuscripto
Port-au-Prince
30 septembre 2012
S. Jérôme

© Conférence des Évêques d'Haiti (CEH)

Yo imprimé tèks *pro-manuscripto* tradiksyon kréyòl sa-a ak otorizasyon
S. E. Mgr Chibly Langlois
Èvèk o Kay
Prézidan Konfèrans Èvèk Ayiti yo



KONGRÉGASION SAKRÉ POU SAKRÉMAN YO AK SÈVIS BONDIÉ-A

Prot. CD 240/81

DÉKRÈ

OSIJÈ DÉZIÈM ÉDISION TIPIK LA

Lòd léktu Mès la, yo té inprimé premié édision tipik li nan ané 1969. Souvèrin Pontif la Pòl VI té bay lòd spésial, jou 29 mé minm ané-a, dapré désizyon Konstitisyon osijè Litiji sakré-a, pou yo té promilgé Konfèrans Épiskopal yo té doué bay indikasyon pou yo té kapab mété chak léktu bibliik pou sélébrasyon Mès la nan Léksionè yo préparé nan lang pèp yo palé nan divès réjion yo.

Nan édision sa-a té manké indikasyon léktu bibliik yo pou « Òdo » sakréman yo ak rit yo yo té pibliyé apré moua mé 1969 la. An plis, apré yo té fini édision Liv sakré Nouvo Vulgat la (*Bibliorum sacrorum Nova Vulgata*), yo té établi, pa lintèmediè Konstitisyon Apostolik « *Scripturarum thesaurus* » yo bay jou 25 avril 1979 la, pou sé tèks édision Nouvo Vulgat la yo té doué pran kòm tipik pou sèvi dorénavan nan litiji-a.

Kòm donk premié édision tipik la pa an vant ankò, yo té ouè li té bon pou préparé yon dézièm édision, ki ta gin éléman patikilié sa yo parapò a premié-a :

- 1) Yo ogmanté tèks « Avètisman jénéral yo » (*Praenotandorum*).
- 2) Dapré prinsip Konstitisyon Apostolik « *Scripturarum thesaurus* », nan réfèrans tèks bibliik yo yo sèvi ak édision Liv sakré Nouvo Vulgat la.
- 3) Yo mété tout indikasyon bibliik yo, sa y-ap jouinn nan Léksionè « Òdo » sakréman yo ak sakramantèl yo apré piblikasyon premié édision « *Lòd léktu Mès la* ».
- 4) Yo ajouté tou indikasyon bibliik pou léktu yo nan kèk Mès « pou divès nésésité » épitou pou léktu yo nan lòt Mès yo mété pou premié foua nan dézièm édision Misèl Romin-an nan ané 1975.

5) Pou sélébrasion Sint Famiy nan, Batèm Granmèt la, Asansion épi Pannkot, yo ajouté indikasyon léktu « yo kapab chouazi si yo vlé » (« *ad libitum* »), pou yo kapab konplété tèks bibliik sélébrasion sa yo ki distribiyé dapré ron A, B, C nan Léksionè pou dimanch yo ak fèt yo.

Dézièm édision Lòd Léktu Mès la, Souvèrin Pontif la Jan Pòl II té aprouvé-l ak otorité-l épi Kongrégasion Sakré pou Sakréman yo ak Sèvis Bondié-a promilgé-l kounié-a épi déklaré sé li ki tipik.

Sé rèsponsabilité Konfèrans Épiskopal yo pou introdui chanjman yo jouinn nan dézièm édision tipik sa-a nan édision yo doué préparé nan lang pèp yo palé yo.

Antan anyin ki kontrè pa anpéché sa ditou.

Nan palè Kongrégasion Sakré pou Sakréman yo épi Sèvis Bondié-a, jou 21 mé 1981.

IACOBUS R. Card. KNOX

Préfè

VERGILIUS NOË

Sékrète adjouin



KONGRÉGASION SAKRÉ POU SÈVIS BONDIÉ-A

Prot. n. 1758/70

DÉKRÈ

Daprè lòd léktu Mès la, sa Konstitision apostolik *Missale Romanum* nan té aksépté-a, dokiman sa-a Pap Pòl VI té bay li jou 3 avril 1969 la, Kongrégasion Sakré pou Sèvis Bondié-a, ki té déjà prezanté lis léktu labib yo 25 mé 1969 la, li mété atansyon pou-l té fè Léksionè-a tou, koté li mété tèks antié tout léktu yo, daprè lang latin-an.

Kongrégasion Sakré sa-a prezanté liv latin sa-a ki gin Léksionè Misèl Romin-an, li déklaré liv sa-a sé liv modèl la minm.

Antan anyin ki kontrè pa anpéché sa ditou.

Nan palè Kongrégasion Sakré pou Sèvis Bondié-a, jou 30 séptanm 1970, nan fèt sin Jéròm.

BENNO Card. GUT

Préfè

L. ✠ S.

A. Bugnini

Sékrète



KONGRÉGASION SAKRÉ POU SÈVIS BONDIÉ-A

Prot. n. 106/69

DÉKRÈ

Daprè désizion Konstitision osijè Litiji sakré-a, ki mandé pou préparé bay fidèl-yo tab Paròl Bondié-a yon jan pi rich, antan yo ouvri trezò biblika-la pi laj, yon jan pou yo kapab li pati ki pi inpòtan nan Liv Sakré-yo bay pèp-la nan yon kantité ané détèminé (art. 51), Konsèy pou égzékité Konstitision osijè Litijé sakré-a té préparé lòd léktu Liv Sakré yo ki doué sèvi nan Mès la, épi Souvèrin Pontif la Pòl VI té aprouvé-l pa lintèmediè Konstitision Apostolik « Missale Romanum » nan, yo bay jou 3 avril 1969.

Sé poutèt sa, Kongégasion sakré sa-a pou Sèvis Bondié-a, anba lòd spésyal Souvèrin Pontif la ba li, promilgé minm Lòd léktu Mès la antan li établi pou li kòmansé antré an vigè apati jou 30 novanm, premié dimanch Avan, minm ané 1969 sa-a. Sé pou yo sèvi donk nan prochin ané litijik la ak séri B léktu dimanch yo épi séri II premié léktu yo nan sémèn « òdinè » yo.

Min kòm nan Lòd nou prezanté la-a yo ofri sèlman indikasyon pou chak léktu yo, yo rinmèt bay Konfèrans Épiskopal yo pou yo véyé pou tèks yo an antié parèt nan lang yo palé yo, antan yo obsèvé prinsip yo té établi nan Instruksion osijè réalizasyon tradiksion pou diféran pèp yo (*Instructio de popularibus interpretationibus conficiendis*), sa Konsèy pou égzékité Konstitision osijè Litiji sakré-a té bay jou 25 janvié 1969. Réyèlman, tèks nan lang pèp yo palé yo sé oubyin yo pran yo apati tradiksion Liv Sakré yo ki déja aprouvé yon fason léjitim pou chak réjion yo épi Sièj Apostolik la konfirmé yo, oubyin, si yo fè yo tou nèf, sé pou yo prezanté yo bay konfirmasyon Kongrégasion sakré sa-a.

Antan anyin ki kontrè pa anpéché sa ditou.

Nan palè Kongrégasion Sakré pou Sèvis Bondié-a, jou 25 mé 1969, dimanch Pantkot.

BENNO Card. GUT

Préfè

A. Bugnini

Sékrètè

AVÈTISMAN JÉNÉRAL

INTRODIKSION

CHAPIT I

PRINSIP JÉNÉRAL POU SÉLÉBRASION LITIJK PARÒL BONDIÉ-A

1. Kèk prémis

a) INPÒTANS PARÒL BONDIÉ-A NAN SÉLÉBRASION LITIJK LA

Osiyè inpòtans paròl Bondié-a ak fason pou sèvi ak Liv sakré yo nan rénovèlman ninpòt sélébrasion litijik, yo déja di anpil bèl bagay soua nan dézièm Konsil Vatikan-an,¹ soua nan Ansègnman Souvèrin Pontif yo,² soua nan diféran dokiman Dikastè Sin Sièj yo té promilgé apré minm Konsil sa-a.³ An plis nan Prézantasion Lòd léktu Mès la yo té pibliyé nan ané 1969, jan sa doué fèt, yo té mété anpil prinsip ki pi inpòtan yo épi yo té ékspliké yo rapidman.⁴

Min kòm alokasion nouvo édision minm Lòd léktu Mès la, pliziè koté yo té mandé pou yo prezanté minm prinsip sa yo pi klè toujou, sé poutèt sa yo té préparé dispozision sa-a ki pi laj épi pi konfòm pou Avètisman jénéral yo, koté toudabò yo déklaré rapò nésèsè ant paròl Bondié-a ak aksion litijik la an jénéral,⁵ épi pi spésialman osiyè paròl Bondié-a nan sélébrasion Mès la, épi yo ékspliké strikti Lòd léktu yo ki déja défini-an.

¹ Cf. sitou Concilium Vaticanum II, Const. de sacra Liturgia. *Sacrosanctum Concilium*. nn. 7, 24, 33, 35, 48, 51, 52, 56. Const. dogm. de Divina Revelatione. *Dei Verbum*. nn. 1, 21, 25, 26. Decretum de Activitate Missionali Ecclesiae, *Ad Gentes Divinitus*, n. 6. Decretum de Presbyterorum ministerio et vita, *Presbyterorum Ordinis*, n. 18.

² Cf. nan pami sa Souvèrin Pontif yo té di nan diskou oubyin nan dokiman, sitou: PAULUS VI, Litt. Apost. *Ministeria quaedam*, 15 augusti 1972, n. V; A.A.S. 64 (1972), p. 532; ID., Adh. Apost. *Marialis cultus*, 2 februarii 1974, n. 12; A.A.S. 66 (1974), pp. 125-126; ID., Adh. Apost. *Evangelii nuntiandi*, 8 decembris 1975, n. 28; A.A.S. 68 (1976), pp. 24-25; n. 43: *ibid.*, pp. 33-34; n. 47: *ibid.*, pp. 36-37; IOANNES PAULUS II, Const. Apost. *Scripturarum thesaurus*, 25 aprilis 1979; in *Nova Vulgata Bibliorum Sacrorum* editione, Typ. Polyglottis Vaticanis 1979 pp. v-viii; ID., Adh. Apost. *Catechesi tradendae*, 16 octobris 1979, n. 23; A.A.S. 71 (1979), pp. 1296-1297; n. 27: *ibid.*, pp. 1298-1299; n. 48: *ibid.*, p. 1316; ID., Epist. *Dominicae Cene*, 24 februarii 1980, n. 10; A.A.S. 72 (1980), pp. 134-137.

³ Cf. parézanp S. Congr. Rituum, Instr. *Eucharisticum Mysterium*, 25 maii 1967 n. 10; A.A.S. 59 (1967), pp. 547-548; S. Congr. pro Cultu Divino, Instr. *Liturgicae instaurationes*, 5 sept. 1970, n. 2; A.A.S. 62 (1970), pp. 695-696; S. Congr. pro Clericis, *Directorium catechisticum generale*, 11 aprilis 1971; A.A.S. 64 (1972), pp. 106-107; n. 25; *ibid.*, p. 114; S. Congr. pro Cultu Divino, *Institutio generalis Missalis Romani*, nn. 9, 11, 24, 33, 60, 62, 316, 320; S. Congr. pro Institutione Catholica, Instr. de Institutione liturgica in seminariis, *In ecclesiasticam*, 3 iunii 1979, nn. 11, 52; *ibid.* Appendix, n. 15; S. Congr. pro Sacramentis et Cultu Divino, Instr. *Inaestimabile Donum*, 3 aprilis 1980, nn. 1, 2, 3; A.A.S. 72 (1980), pp. 333-334.

⁴ Cf. Missale Romanum ex Decreto Sacrosancti Oecumenici Concilii Vaticani II instauratum auctoritate Pauli VI promulgatum. *Ordo lectionum Missae* (Typis Polyglottis Vaticanis 1969) IX-XII (Praenotanda); Decretum promulgationis: A.A.S. 61 (1969), pp. 548-549.

⁵ Cf. Conc. Vat. II, Const. de sacra Liturgia, *Sacrosanctum Concilium*, nn. 35, 56; PAULUS VI, Adh. Apost. *Evangelii nuntiandi*, 8 decembris 1975, nn. 28, 47; A.A.S. 68 (1976), pp. 24-25 et 36-37; IOANNES PAULUS II, Epist. *Dominicae Cene*, 24 februarii 1980, nn. 10, 11, 12; A.A.S. 72 (1980), pp. 134-146.

b) MO KI SÈVI POU DÉZIGNIN PARÒL BONDIÉ-A

Minmsi li nésésè tousuit pou yo fè atansyon parapò a définisyon paròl yo nan domèn jiridik sa-a pou diskou-a kapab vrèman klè épi transparan, poutan nan Avètisman jénéral sa yo nou sèvi ak minm mo yo té itilizé soua nan dokiman Konsil la minm, soua nan sa yo té pibliyé apré Konsil la, épi liv yo té ékri anba souf inspirasion Éspri Sin-an, nou rélé yo soua Liv sakré-a (Liv ki sin yo) soua paròl Bondié-a tanzantan nan minm diskou-a, poutan sa fèt antan yo évité konfonn non yo ak réalité yo.⁶

c) SIGNIFIKASION LITIJK PARÒL BONDIÉ-A

Anpil trézò yon sèl paròl Bondié-a vi-n déplouayé yon fason admirab nan diféran sélébrasion oubyin divès réyinion fidèl yo k-ap patisipé nan minm sélébrasion sa yo, soua pandan y-ap sonjé mistè Kris la nan dévlopman-l pandan déroulman ané-a, soua nan sélébrasion sakréman yo ak sakramantèl yo, soua lè chak fidèl yo ap réponn dapré aksion Éspri Sin-an ap fè anndan yo.⁷ Konsa réyèlman sélébrasion litijik la minm ki apuiyé toudabò sou paròl Bondié-a épi sé la li fokalizé, li vi-n tounin yon nouvo évenman épi li anrichi paròl la minm ak yon nouvo intèprétasyon épi yon nouvo éfikasité. Konsa, nan Litiji-a, Égliz la suiv ak fidéлитé fason pou li épi intèprété Liv Sakré yo Jézu li minm té konn itilizé-a, li minm k-ap ankourajé tout moun apati « jodi » évenman li-a pou yo égzaminé sa-k ékri yo.⁸

2. Sélébrasion litijik paròl Bondié-a

a) KARAKTÉRISTIK SPÉSIAL PARÒL BONDIÉ-A NAN AKSION LITIJK LA

Sé pa yon sèl fason sèlman yo li paròl Bondié-a nan sélébrasion litijik la,⁹ épi sé pa toujou ak minm éfikasité-a li touché kè moun k-ap kouté yo : min Kris

⁶ Tankou parégzanp *verbum Dei* [paròl Bondié], *sacra Scriptura* [Liv ki sin yo], *Vetus et Novum Testamentum* [Ansyin ak Nouvo Tèstaman-an], *Lectio* (Lectiones) *verbi Dei* [Léktu paròl Bondié-a], *Lectio* (Lectiones) *sacrae Scripturae* [Léktu Liv ki sin yo], *Celebratio* (Celebrationes) *verbi Dei* [Sélébrasion paròl Bondié-a], etc.

⁷ Sé poutèt sa yo kapab li épi sèvi ak minm tèks la dapré diféran aspè épi diféran okazion oubyin sélébrasion ané litijik Égliz la. Yo doué raplé sa nan oméli-a, nan égzéjèz pastoral la épi nan katéchèz la. Apati gid yo mété alafin liv sa-a, li klè pou tout moun kijan yo sèvi parégzanp ak *Romin* 6 oubyin *Romin* 8 nan divès tan ané litijik la épi nan diféran sélébrasion sakréman yo ak sakramantèl yo.

⁸ Cf. *Lc* 4, 16-21; 24, 25-35, 44-49.

⁹ Tankou parégzanp *Proclamatio* [Proklamasyon] oubyin *Lectio* [Léktu] etc. nan sélébrasion Mès la (Cf. *Institutio generalis Missalis Romani*, nn. 21, 23, 95, 131, 146, 234, 235); konsa tou an plis nan sélébrasion

la toujou la, prézan nan paròl li-a,¹⁰ li minm ki réalizé mistè sové-a, ki sanktifié moun yo épi ki bay Papa-l sèvis ki fi-n apouin-an.¹¹

Pi plis toujou distribision sové nou sové-a, sa paròl Bondié-a ap raplé-a épi ap fè avansé-a, li rivé nan plénitid signifkasion-l nan aksion litijik la, yon fason pou sélébrasion litijik la tounin yon prezantasion paròl Bondié-a minm k-ap fèt san rété, ki an plin épi ki éfikas.

Sé poutèt sa, paròl Bondié-a yo prezanté nan Litiji-a, li vivan, li éfikas¹² tout tan pa lintèmédiè puisans Éspri Sin-an, épi li manifesté rinmin aktif Papa-a nan éfikasité li ki pa fébli aléga moun yo.

b) PARÒL BONDIÉ-A NAN FASON SOVÉ NOU SOVÉ-A DISTRIBIYÉ-A

Lè Égliz la proklamé ni Ansyin ni Nouvo Téstaman-an nan sélébrasion litijik la, sé yon sèl minm mistè Kris la l-ap anonsé.

Éféktivman, nan Ansyin-an, Nouvo Téstaman-an kaché, épi nan Nouvo Téstaman-an, Ansyin-an parèt aklè.¹³ Réyèlman, Kris la sé pouin santral ak plénitid tout Ékriti-a minm jan sé sa-l yé pou tout sélébrasion litijik,¹⁴ sé poutèt sa tout moun k-ap chèché sové-a ak lavi-a sé nan sous li yo doué al tiré dlo.

Sa yo kapté pi afon nan sélébrasion litijik la minm, yo konsidé ré li gin inpòtans pi ro toujou pou paròl Bondié-a, réyèlman sa yo di osijè youn, yo kapab déklaré-l tou osijè lòt la, paské yo toulèdé raplé mistè Kris la épi fè-l kontinié prézan, yo toulèdé nan fason pa yo.

paròl Bondié-a nan *Pontifikal ak Rituèl Romin-an* épi nan *Litiji Lè yo*, sa yo rénovlé dapré Dékrè Dézièm Konsil Vatikan-an ki sin anpil la.

¹⁰ Cf. Conc. Vat. II Const. de sacra Liturgia, *Sacrosanctum Concilium*, nn. 7, 33; *Mt* 16, 19-20; *Mt* 28, 20; S. AUGUSTINUS, *Sermo* 85, 1: « Os Christi Evangelium est. In caelo sedet sed in terra loqui non cessat » [« Évanjil la sé bouch Kris la. Li chita nan sièl la min li pa sispann palé sou tè-a »] (*PL* 38, 520; cf. etiam *In Io. Ev. Tract.* XXX, 1: *PL* 35, 1632; *CCL* 36, 289) épi nan *Pontificali Romano Germanico* yo di: « Evangelium autem legitur, in quo Christus ore suo loquitur populo ut... evangelium in ecclesia revocet, ac si populo ipse Christus loquatur » [« Lè sa-a yo li Évanjil la, koté Kris la ak pròp bouch li ap palé ak pèp la pou... raplé évanjil la nan Égliz la, kòmsi Kris la li minm ap palé ak pèp la »] (Cf. V. VOGEL-R. ELZE, ed. *Le Pontifical Romano-germanique du dixième siècle. Le Texte, I.* Città del Vaticano 1963/XCIV, 18, p. 334) oubyin « Accedente enim ipso Christo, id est evangelio, baculos dimittimus, quia humano auxilio non egemus » [« Lè Kris la li-minm ap proché, sètadi évanjil la, nou rinmèt baton-an, paské nou pa bézouin sèkou ki sot nan moun ankò] (*o.c.*, XCIV, 23, p. 335).

¹¹ Cf. Conc. Vat. II, Const. de sacra Liturgia, *Sacrosanctum Concilium*, n. 7.

¹² Cf. *Hebr* 4, 12.

¹³ Cf. S. AUGUSTINUS in: *Quaestionum in Heptateuchum liber* 2, 73: (*PL* 34, 623; *CCL*, 33, 106); Conc. Vat. II, Const. dogm. de Divina Revelatione, *Dei Verbum*, n. 16.

¹⁴ Cf. S. HIERONYMUS, « Si enim iuxta Apostolum Paulum [*I Cor* 1, 24], Christus Dei virtus est, Deique sapientia, et qui nescit Scripturas, nescit Dei virtutem eiusque sapientiam. Ignoratio enim Scripturarum, ignoratio Christi est » [« Si réyèlman dapré Apot Pòl (*I Kor* 1, 24), Kris la sé puisans Bondié, épi sajès Bondié, épi moun ki pa konnin sa-k ékri yo, li pa konnin puisans Bondié-a ak sajès li-a. Réyèlman pa konnin sa-k ékri yo sé pa konnin Kris la »] (*Commentarii in Isaiam prophetam. Prologus.* in: *PL* 24, 17A; *CCL*, 73, 1); Conc. Vat. II, Const. dogm. de Divina Revelatione, *Dei Verbum*, n. 25.

c) PARÒL BONDIÉ-A NAN PATISIPASION LITIJK FIDÈL YO

Nan aksion litijik la, Égliz la réponn fidèlman ak minm « Amèn » sa-a Kris la té réponn yon foua pou tout sièk tan-an, li minm ki Médiatè Bondié ak moun yo, antan-l vidé san-l, pou signin nouvo alians ak Bondié-a nan Éspri Sin-an.¹⁵

Donk, lè Bondié kominiké paròl li-a, li toujou ap tann yon répons ki yon kouté épi yon adoré « nan Éspri-a ak vérité-a » (*Jan 4,23*). Réyèlman, Éspri Sin-an fè répons la vi-n éfikas pou sa yo tandé nan aksion litijik la yo déplouayé-l tou nan lavi-a dapré paròl ki di « sé pou nou fè sa paròl la di épi pa sèlman kouté-l » (*Jak 1,22*).

Dispozision kò-a, jès yo épi paròl yo, ki éksprimé aksion litijik la épi ki manifésté patisipasion fidèl yo, sé pa sèlman apati ékspérians moun nan, koté yo pran yo-a, min sé apati paròl Bondié-a épi déroulman istoua sovè nou sovè-a, koté y-ap ranvouayé-a yo résevoua signifikasyon yo, é poutèt sa fidèl yo patisipé pi plis nan aksion litijik la épi pi afon lè pandan y-ap kouté paròl Bondié-a yo proklamé ladan-l nan yo éséyé rété kolé sou Paròl Bondié-a li minm, nan Kris la ki tounin chè-a, yon fason pou sa yo sélébré nan Litiji-a, yo fè éfò pou kinbé-l nan konduit yo ak lavi yo, épi, an plis, sa yo té fè nan lavi yo, yo éséyé poté-l nan sélébrasion litijik la.¹⁶

3. Paròl Bondié-a nan lavi pèp « alians la »

a) PARÒL BONDIÉ-A NAN LAVI ÉGLIZ LA

Égliz la konstoui épi grandi nan kouté paròl Bondié-a, épi mèvèy Bondié té réalizé lontan anpil fason nan istoua sovè nou sovè-a, yo vi-n prézan yon lòt foua nan sign sélébrasion litijik yo dapré vérité mistè-a ; réyèlman yon lòt foua Bondié sèvi ak asanblé fidèl yo minm k-ap sélébré Litiji-a, pou paròl li-a kouri épi jouinn gloua épi pou non li lévé anlè nan nasion yo.¹⁷

Donk chak foua Égliz la ki rasanblé nan sélébrasion litijik la pa pouvoua Éspri Sin-an,¹⁸ ap anonsé épi proklamé paròl Bondié-a, li vi-n pran konsians pi byin li sé nouvo pèp la, koté alians ki té établi lontan-an, vi-n jouinn pèfeksion-l épitou vi-n pa kapab défèt (*absolutum*). Sé pou sa, tout fidèl Kris la ki vi-n

¹⁵ Cf. 2 *Cor* 1, 20-22.

¹⁶ Cf. Conc. Vat. II Const. de sacra Liturgia, *Sacrosanctum Concilium*, n. 10.

¹⁷ Cf. 2 *Thes* 3, 1.

¹⁸ Cf. *Collectas, Pro Sancta Ecclesia*, in *Missali Romano* ex Decreto Sacrosancti Oecumenici Concilii Vaticani II instaurato, auctoritate Pauli PP. VI promulgato (Typis Polyglottis Vaticanis 1975), pp. 786, 787, 790; S. CYPRIANUS, *De oratione dominica* 23: *PL* 4, 553; *CSEL* 3/2, 285; *CCL* 3 A, 105. S. AUGUSTINUS, *Sermo* 71, 20, 33: *PL* 38, 463 s.

tounin mèsajé paròl Bondié-a gras a batèm nan épi konfimasyon nan Éspri-a, ki rèsévoua gras pou kouté-a, yo doué anonsé minm paròl Bondié sa-a nan Égliz la épi sou tè-a, an patikilié ak témouagnaj lavi yo.

Réyèlman vré, minm paròl Bondié-a yo proklamé nan sélébrasyon mistè Bondié yo, li pa konsèné sèlman kondision réalité yo kounyé-a, min l-ap gadé sa-k pasé yo épi l-ap prévoua sa k-ap vini yo, sa yo nou doué tann ak tèlman anvi éspérans nou-an, pou nan mitan chanjman sou tè-a kè nou rété fiksé la koté ki gin vrè kè kontan yo.¹⁹

b) PARÒL BONDIÉ-A YO PROKLAMÉ NAN ÉGLIZ LA

Kòm dapré volonté Kris la li minm, nouvo pèp Bondié-a distingé ak yon divèsité admirab nan manb li yo, konsa tou gin divès ròl ak fonksion ki korésponn ak yo chak parapò a Paròl Bondié-a, yon fason pou fidèl yo kouté épi médité minm paròl Bondié-a, sa réyèlman sé sèlman sa-k gin fonksion anségné apati òdinasyon sakré-a gin doua proklamé-a, oubyin sa yo konfié minm ministè-a pou yo égzèsé-l.

Konsa nan ansègnman li, nan lavi li ak sélébrasyon kult li, Égliz la kontinié san rété épi transmèt bay tout jénérasyon yo tou sa li minm li yé, tout sa li konnin, yon fason pou nan déroulman sièk yo, li viré san rété nan diréksion plénitid vérité Bondié-a, joutan paròl Bondié-a fi-n akonpli nan li.²⁰

c) RAPÒ SÉRÉ KI GINYIN ANT PARÒL BONDIÉ YO PROKLAMÉ-A AK AKSION ÉSPRI SIN-AN

Min, pou Paròl Bondié-a réalizé sa ki sonnin nan zòrèy yo nan kè yo tout bon vré, aksion Éspri Sin-an nésésè, pou antan l-ap inspiré épi édé, paròl Bondié-a nan aksion litijik la vi-n tounin fondman, règ épi apui tout lavi-a.

Donk travay minm Éspri-a pa sèlman vi-n anvan, akonpagné épi suiv tout aksion litijik la, min li poté nan kè chak moun²¹ tout sa yo di nan proklamasyon paròl Bondié-a pou tout asanblé fidèl yo, épi pandan l-ap ogmanté inité yo tout, l-ap révèyé diféran karism yo tou épi l-ap déplouayé anpil aktivité.

¹⁹ Cf. *Collectam Dominicæ XXI « per annum »* in *Missali Romano o. c.*, p. 360.

²⁰ Cf. Conc. Vat. II Const. dogm. de Divina Revelatione, *Dei Verbum*, n. 8.

²¹ Cf. *Io* 14, 15-17. 25-26; 15, 26 — 16,15.

d) KONÉKSION INTIM ANT PARÒL BONDIÉ-A AK MISTÈ ÉKARISTIK LA

Sé ak minm respè-a, minm si sé pa ak minm kult la, Égliz la té onoré paròl Bondié-a épi mistè ékaristik la, épi li vlé kontinié onoré yo konsa tout tan épi tout koté, épi li té établi pou, antan li suiv égzanp Fondatè li-a, li pa janm sispann sélébré mistè paskal li-a, antan li rasanblé ansanm pou li li « tou sa ki ékri sou li yo » (*Luk 24,27*) épi pou-l égzèsé travay sovè nou sovè-a gras a mémorial Granmèt la épi sakrèman yo. Éfèktivman « préché paròl la nésésè pou ministè sakrèman yo minm, poutèt yo sé sakrèman lafoua-a, ki fèt épi nourri apati paròl la ».²²

Antan li nourri spirituèlman ak toulèdé tab yo,²³ Égliz la vi-n konnin pi plis sou yon bò, épi sou lòt bò-a minm li vi-n sanktifié pi plis. Nan paròl Bondié-a minm yo anonsé aliens Bondié-a, nan Ékaristi-a minm yo renouvélé minm nouvo aliens la ki la pou tout tan-an. La-a yo raplé istoua sovè nou sovè-a nan son paròl yo, isit la yo prezanté minm istoua-a nan sign sakramantèl Litiji-a.

Sé sa-k fè yo doué toujou konsidéré paròl Bondié-a Égliz la li nan Litiji-a épi anonsé-a l-ap minnin tankou nan aboutisman-l nan sakrifis aliens la épi manjé gras la, sètadi Ékaristi-a. Donk sélébrasion Mès la koté yo kouté paròl la épi koté yo ofri épi résévoua Ékaristi-a, sé tankou sé yon sèl akt kult Bondié li yé,²⁴ koté alafoua yo ofri Bondié sakrifis louanj la épi yo bay moun nan plénitid rédanmsion-an.

²² Conc. Vat. II, Decr. de Presbyterorum ministerio et vita, *Presbyterorum Ordinis*, n. 4.

²³ Cf. Conc. Vat. II, Const. de sacra Liturgia, *Sacrosanctum Concilium*, n. 51; Decr. de Presbyterorum ministerio et vita, *Presbyterorum Ordinis*, n. 18; et etiam Const. de Divina Revelatione, *Dei Verbum*, n. 21; Decr. de Activitate Missionali Ecclesiae, *Ad Gentes Divinitus*, n. 6. Cf. *Institutio generalis Missalis Romani*, n. 8.

²⁴ Conc. Vat. II, Const. de sacra Liturgia, *Sacrosanctum Concilium*, n. 56.

PRÉMIÉ PATI

PARÒL BONDIÉ-A NAN SÉLÉBRASION MÈS LA

CHAPIT II

SÉLÉBRASION LITIJI PARÒL LA NAN MÈS LA

1. Éléman litiji paròl la épi rit yo

« Léktu yo pran nan Liv Sakré yo ak chan yo mété nan mitan yo, sé sa ki pati prinsipal litiji paròl la ; oméli-a minm, déklarasion lafoua-a épi priyè inivèsèl la, sètadi priyè fidèl yo, sèvi pou délvopé-l épi fè konklizyon-l ». ¹

a) LÉKTU BIBLIK YO

Léktu biblik yo, nan sélébrasion Mès la, ansanm ak chan yo pran apati Liv sakré yo, yo pa doué manké, ni diminié yo, ni sa-k ta pi grav chanjé yo ak lòt léktu ki pa ta biblik. ² Éféktivman, apati paròl Bondié-a minm yo transmèt nan liv yo, jous kouniè-a « Bondié ap palé ak pèp li-a » ³ épi antan pèp Bondié-a ap sèvi chak jou ak Liv sakré yo, antan li dosil a Éspri Sin-an anba limiè lafoua-a, li rivé kapab bay Kris la témouagnaj ak lavi li épi konduit li dévan tè-a.

Léktu Évanjil la sé li ki pouint tèt ki pi ro nan litiji paròl la minm, lòt léktu yo dapré lòd tradisionèl la, sètadi sot nan Ansyin Téstaman-an pasé al nan Nouvo-a, ap préparé asanblé ki réyini-an pou-l rivé ladan-l.

Nan fason léktè yo ap prononsé-l lè yo li-l ak voua fò, klè épi konpréansib, sa fè yo kondui asanblé-a korèktéman pou kominiké-l paròl Bondié-a an prémié. Yo kapab chanté léktu yo, antan yo pran yo nan édisyon aprouvé, ⁴ dapré karaktè diféran lang yo, min yon fason pou chan-an pa toufé paròl yo, min fè yo tandé yo pi byin. Lè sa rivé sé an Latin y-ap di yo, sé pou yo obsèvé fason yo indiké nan Òdinè chan Mès la. ⁵

¹ *Institutio generalis Missalis Romani*, n. 33 [2008 = n. 55].

² Cf. S. Congr. pro Cultu Divino, Instr. *Liturgicae instaurationes*, 5 sept. 1970, n. 2: A.A.S. 62 (1970), pp. 695-696; IOANNES PAULUS II. Epist. *Dominicae Cenaе*, 24 februarii 1980, n. 10: A.A.S. 72 (1980), pp. 134-137; S. Congr. pro Sacr. et Cultu Divino, Instr. *Inaestimabile Donum*, 3 aprilis 1980, n. 1: A.A.S. 72 (1980), p. 333.

³ Conc. Vat. II, Const. de sacra Liturgia, *Sacrosanctum Concilium*, n. 33.

⁴ Cf. *infra*, *Praenotanda*, n. 111, [p. XLVII] p. 48.

⁵ Cf. *Missale Romanum ex Decreto Sacrosancti Oecumenici Concilii Vaticani II instauratum, auctoritate Pauli PP. VI promulgatum, Ordo Cantus Missae*, ed. typ. 1972, *Praenotanda*, nn. 4, 6, 10.

Nan litiji paròl la, yo kapab mété kèk monision kout épi byin préparé anvan léktu yo, sitou anvan pémié-a. Sé pou yo konsidéré janr litèrè monision sa yo avèk atansyon. Efektivman yo doué sinp, fidèl parapò a tèks la, kout, byin préparé épi sé pou yo adapté dapré diféran fason yo doué introdui tèks la.⁶

Sé toujou apati anbon-an pou yo proklamé léktu yo nan sélébrasyon Mès la avèk pèp la.⁷

Nan pami rit litiji paròl la sé pou yo fè atansyon pou respè yo doué ginyin pou léktu Évanjil la.⁸ Koté yo gin Évanjéliè-a diak-la oubyin léktè-a poté nan prosésion rit pou kòmansé yo,⁹ sa konv nab anpil pou diak la oubyin, si-l pa la, prèt la pran liv Évanjéliè-a sou otèl la¹⁰, épi pou-l poté-l sou anbon-an antan minis yo ak chandèl yo épi ansan-an oubyin kèk lòt sign respè, dapré koutim nan, ap maché dévan-l. Fidèl yo kanpé épi yo aklamé Granmèt la antan yo montré respè yo pou liv Évanjil yo. Diak la ki gin pou proklamé Évanjil la, li inkliné dévan prezidan asanblé-a pou-l mandé épi résévoua bénédiksyon-an. Prèt la minm, lè pa gin diak, li inkliné dévan otèl la épi li priyé tou ba : *Munda cor meum...*[*Bondié ki gin tout pouvoua fè kè-m ak bouch mouin vi-n pròp nèt...*].¹¹

Antan sa k-ap proklamé Évanjil la kanpé nan anbon-an li salué pèp la, li anonse tit léktu-a, li fè sign koua-a sou fron-l, sou bouch li épi sou pouatri-n li, apré sa, si yo sèvi ak ansan, li ansansé liv la épi li proklamé Évanjil la. Lè li fi-n li Évanjil la, li bo liv la antan li di paròl li doué di yo tou ba.

Salutasyon-an, anons *Léktu sint Évanjil la épi Paròl Granmèt la* alafin, sa konv nab pou yo proklamé yo ak chan pou asanblé-a kapab aklamé minm jan-an, minm si sé li yo li Évanjil la sèlman. Konsa yo montré inpòtans léktu Évanjil la épi an minm tan yo révéyé lafoua sa k-ap kouté yo.

Alafin léktu yo, yo kapab chanté konklizyon *Paròl Granmèt la*, minm si sé ta yon chantè ki diféran ak léktè ki té proklamé léktu-a, apré sa tout moun aklamé. Konsa asanblé ki réyini-an bay paròl Bondié-a onè antan-l résévoua-l ak lafoua épi éspri aksyon-d-gras.

b) PSÒM RÉSPONSORIAL LA

Psòm réponsorial la, sa yo rélé « graduèl » tou-a, kòm li tè « pati intégran litiji paròl la », ¹² li vrèman gin anpil inpòtans litijik épi pastoral. Sé poutèt sa sé

⁶ Cf. *Institutio generalis Missalis Romani*, n. 11.

⁷ Cf. *ibid.*, n. 272; et *infra*, *Praenotanda*, nn. 32-34, [p. XXIII] p. 22.

⁸ Cf. *Institutio generalis Missalis Romani*, nn. 35, 95.

⁹ Cf. *ibid.*, nn. 82-84.

¹⁰ Cf. *ibid.*, nn. 94, 131.

¹¹ Cf. *Ordo Missae cum populo*, 11, in: *Missali Romano ex Decreto Sacrosancti Oecumenici Concilii Vaticani II instaurato, auctoritate Pauli PP. VI promulgato* (Typis Polyglottis Vaticanis, 1975), p. 388.

¹² *Institutio generalis Missalis Romani*, n. 36.

pou yo édiké fidèl yo tout tan sou fason pou yo résévoua paròl Bondié-a k-ap palé nan psòm yo, épi pou yo fè minm psòm sa yo tounin priyè Égliz la. Sètènman sa « ap fèt pi fasil si yo favorizé konpréansion psòm yo chanté nan Litiji sakré-a dapré signifkasyon li ginyin ki pi ro bò koté klèjé-a avèk anprésmen épi yo fè-l rivé jouinn tout fidèl yo ak yon katéchèz ki adapté ». ¹³

Kèk monision tou kout ki ta indiké rézon choua-a épi akò-a ant psòm nan ak répons li épi léktu yo, kapab édé nan sans sa-a.

Nòmalmen sé pou yo proklamé psòm réponsorial la ak chan. Gin dé fason pou yo chanté psòm nan apré premié léktu-a : mòd réponsorial la épi mòd dirèk la. Nan mòd réponsorial la, yo ta doué préfééré, nan mézi sa kapab fèt, psalmist la oubyin chanté psòm nan déklaré vèsè psòm nan antan tout asanblé-a patisipé ak répons la. Nan mòd dirèk la yo chanté psòm nan san yo pa mété répons kominoté-a nan mitan, soua nan yon solo psalmist la oubyin chanté psòm nan, antan asanblé-a ap kouté sèlman, oubyin tout moun an minm tan.

Chanté psòm nan oubyin sèlman répons la, sa édé anpil pou yo kapté signifkasyon spirituèl psòm nan épi sa ankourajé médité-l.

Nan chak kilti sé pou yo sèvi ak tout sa ki kapab favorizé chan asanblé-a minm, épi sitou sèvi ak posibilite yo prévoua pou sa nan Lòd léktu Mès la ¹⁴ kanta répons yo propozé pou divès tan litijik yo.

Si yo pa chanté psòm ki vini apré léktu-a, yo kapab résité-l nan fason ki pi adapté pou méditasyon paròl Bondié-a. ¹⁵

Sé nan anbon-an pou psalmist la ou byin chanté-a chanté oubyin résité psòm réponsorial la. ¹⁶

c) AKLAMASION ANVAN LÉKTU ÉVANJIL LA

Minm ‘Alélouia’ oubyin, dapré tan litijik la, vèsè anvan Évanjil la sé « yon rit oubyin yon akt ki kanpé pou kont li », ¹⁷ koté asanblé fidèl yo résévoua Granmèt la ki pral palé avè-l épi salué-l épi déklaré lafoua-l nan chanté-a.

¹³ PAULUS VI, Const. Apost. *Laudis canticum*, in *Liturgia Horarum* ex Decreto Sacrosancti Oecumenici Concilii Vaticani II instaurata, auctoritate Pauli PP. VI promulgata (Typis Polyglottis Vaticanis 1971); cf. etiam Conc. Vat. II. Const. de sacra Liturgia, *Sacrosanctum Concilium*, nn. 24, 90; Sacra Congregatio Rituum, Instr. de musica in sacra Liturgia, *Musicam Sacram*, 5 martii 1967, n. 39; A.A.S. 59 (1967), p. 311; *Liturgia Horarum, Institutio generalis*, nn. 23 et 109; Sacra Congregatio pro Institutione Catholica, *Ratio fundamentalis*, n. 53.

¹⁴ Cf. *infra, Praenotanda*, nn. 89-90, p. XXXIX.

¹⁵ Cf. *Institutio generalis Missalis Romani*, nn. 18 et 39.

¹⁶ Cf. *ibid.*, nn. 272 et *infra, Praenotanda*, nn. 32 ss., [p. XXXIII] p. 22.

¹⁷ Cf. *Institutio generalis Missalis Romani*, n. 39.

Yo doué chanté 'Alélouia'-a ak vèsè anvan Évanjil la antan tout moun kanpé, min yon fason pou sé pa chantè-a ki kòmansé-a oubyin minm koral la sèlman ki chanté min tout pèp la ansanm.¹⁸

d) OMÉLI-A

Pandan déroulman ané litijik la yo ékspozé mistè lafoua yo épi prinsip lavi krétyin-an apati tèks sakré-a nan oméli-a ki yon pati litiji paròl la¹⁹ yo rékòmandé anpil foua épi dépi Consititision litijik dézièm Konsil Vatikan-an ak plis fòs toujou, pi plis minm nan kèk foua yo préskri-l [kòm obligatoua]. Nòmalmman sé moun k-ap prezidè-a ki fè-l.²⁰ Nan sélébrasion Mès la objéktif oméli-a sé pou mèsaj paròl Bondié-a ansanm ak litiji ékaristi-a tounin « tankou anons gran aksion Bondié fè-yo nan istoua sovè-a sètadi mistè Kris-la ».²¹ Éféktivman mistè paskal Kris la léktu yo ak oméli-a anonsé-a vi-n réalisé gras a sakrifis Mès la.²² Kris la minm toujou prézan épi l-ap aji nan prédikasion Égliz li-a.²³

Sé poutèt sa, oméli-a doué ékspliké soua mèsaj paròl Liv sakré yo soua lòt tèks litijik,²⁴ pou-l kondui kominoté fidèl yo pou yo sélébre Ékaristi-a aktivman, pou « yo kinbé nan lavi yo, sa yo té résévoua nan lafoua-a ».²⁵ Présantasion vivan sa-a pou paròl Bondié-a yo li-a épi sélébrasion Égliz la y-ap réalisé yo kapab vi-n pi éfikas si réyèlman oméli-a sé foui méditation-an, si li byin préparé, si-l pa ni trò long ni trò kout, épi si nan li yo fè atansyon a tout moun ki prézan yo minm timoun yo ak sa-k pa-t al lékòl yo.²⁶

Nan konsélébrasion, nòmalmman sé sélébran prinsipal la ki pou fè oméli-a, oubyin youn nan konsélébran yo.²⁷

¹⁸ Cf. etiam *ibid.*, nn. 37-39; *Missale Romanum ex Decreto Sacrosancti Concilii Oecumenici Vaticani II instauratum, auctoritate Pauli PP. VI promulgatum, Ordo cantus Missae, Praenotanda*, nn. 7-9; *Graduale Romanum*, 1974, *Praenotanda*, n. 7. *Graduale simplex*, ed. typ. altera 1975, *Praenotanda*, n. 16.

¹⁹ Conc. Vat. II, Const. de sacra Liturgia, *Sacrosanctum Concilium*, n. 52; cf. S. Congr. Rituum, Instr. *Inter Oecumenici*, 26 sept. 1964, n. 54: A.A.S. 56 (1964), p. 890.

²⁰ Cf. *Institutio generalis Missalis Romani*, n. 42.

²¹ Conc. Vat. II, Const. de sacra Liturgia, *Sacrosanctum Concilium*, n. 35, 2.

²² Cf. *ibid.*, nn. 6 et 47.

²³ Cf. PAULUS VI, Litt. Enc. *Mysterium Fidei*, 3 sept. 1965, A.A.S. 57 (1965), p. 753; Conc. Vat. II, Decr. de Activitate Missionali Ecclesiae, *Ad Gentes Divinitus*, n. 9; PAULUS VI, Adh. Apost. *Evangelii nuntiandi*, 8 decembris 1975, n. 43: A.A.S. 69 (1976), pp. 33-34.

²⁴ Cf. Conc. Vat. II, Const. de sacra Liturgia, *Sacrosanctum Concilium*, n. 35, 2; *Institutio generalis Missalis Romani*, n. 41.

²⁵ Conc. Vat. II, Const. de sacra Liturgia, *Sacrosanctum Concilium*, n. 10.

²⁶ Cf. IOANNES PAULUS II, Adh. Apost. *Catechesi tradendae*, 16 octobris 1979, n. 48: A.A.S. 71 (1979), p. 1316.

²⁷ Cf. *Institutio generalis Missalis Romani*, n. 165.

Nan jou yo prèskri yo, sètadi dimanch ak fèt yo oblijé obsèvé yo, minm nan Mès yo sélébré asouè lavèy jou-a, sé pou yo fè oméli-a nan tout Mès yo sélébré ansanm ak pèp la.²⁸ Minm nan Mès avèk timoun yo épi avèk group patikilié, sé pou yo fè oméli-a.²⁹

Yo rékòmandé oméli-a anpil nan jou sémèn Avan, Karèm épi tan paskal pou fidèl ki patisipé régilièman nan sélébrasion Mès la, épitou nan lòt fèt ak okazion koté pèp la vini pi souvan nan égliz la.³⁰

Prèt la k-ap sélébré-a fè oméli-a antan-l kanpé poubyin chita sou fotèy li oubyin nan anbon-an minm.³¹

Li bon pou yo distingé épi séparé parapò a oméli-a anons tou kout yo ta kapab gin pou bay pèp la, plas koté yo doué fè yo sé lè yo fi-n di priyé apré kominion-an.³²

e) SILANS LA

Yo doué sélébré litiji paròl la yon fason pou li favorizé méditation-an, sé pou sa fòk yo évité nèt tout fòm présipitasion ki anpéché rékèyman-an. Dialòg ant Bondié ak moun yo, antan Èspri Sin-an ap chofé, sa mandé kèk moman silans kout, ki adapté dapré asanblé ki réyini-an, k-ap pèmèt yo résévoua Paròl Bondié-a nan kè yo épi k-ap préparé répons pou priyé-a.

Yo kapab obsèvé moman silans sa yo nan litiji paròl yon fason konvtab parézanp anvan yo kòmansé litiji paròl la minm, apré premié épi dézièm léktu-a, épi anfin apré yo fi-n fè oméli-a.³³

f) DÉKLARASION LAFOUA-A

Sé pou yo di sinbòl la oubyin déklarasion lafoua-a dapré rubrik yo. Objéktif li nan sélébrasion Mès la sé fè asanblé ki réyini-an, apré li fi-n tandé paròl Bondié-a nan léktu yo ak oméli-a, rivé bay konsantman-l épi réponn antan li

²⁸ Cf. *ibid.*, n. 42, et etiam S. Congr. Rituum, Instr. *Eucharisticum mysterium*, 25 maii 1967, n. 28: A.A.S. 59 (1967)7 pp. 556-557.

²⁹ Cf. S. Congr. pro Culto Divino, Instr. *Actio pastoralis*, 15 maii 1969, n. 6 g: A.A.S. 61 (1969), p. 809; *Directorium de Missis cum pueris*, 1 novembris 1973, n. 48: A.A.S. 66 (1974), p. 44.

³⁰ Cf. *Institutio generalis Missalis Romani*, nn. 42, 338 ; *Rituale Romanum* ex Decreto Sacrosancti Oecumenici Concilii Vaticani II instauratum, auctoritate Pauli PP. VI promulgatum, *Ordo celebrandi Matrimonium* (Typis Polyglottis Vaticanis 1969), nn. 22, 42, 57; *Ordo Exsequiarum* (Typis Polyglottis Vaticanis 1969) nn. 41, 64.

³¹ Cf. *Institutio generalis Missalis Romani*, n. 97.

³² Cf. *ibid.*, n. 139.

³³ Cf. *ibid.*, n. 23.

raplé règ lafoua-a nan léspri-l dapré fòmil Égliz la aprouvé anvan li kòmansé sélébré mistè lafoua-a nan Ékaristi-a.³⁴

g) PRIYÈ INIVÈSÈL LA OUBYIN PRIYÈ FIDÈL YO

Nan priyè inivèsèl la, asanblé fidèl yo nan limiè paròl Bondié-a l-ap bay tankou yon répons, priyé nòmalmman pou tout Égliz la épi pou bézouin kominoté lokal la, pou tè-a kapab sovè épi pou ninpòt moun ki anba poua difikilté, pou kèk group moun détèminé.

Antan sélébran-an li minm ap bay dirèksion, li konvnab pou yon diak oubyin yon minis oubyin kè fidèl propozé asanblé-a kèk demann ki kout épi yo konpozé libréman, ki pèmèt « pèp priyé pou tout moun antan li égzèsé fonksion sasèrdotal li », ³⁵ konsa antan foui litiji paròl la akonpli nan li l-ap kapab travèsé yon fason pi adapté al nan litiji ékaristik la.

Sélébran-an dirijé priyè inivèsèl la apati fotèy li-a (*a sede*), min intansion yo sé apati anbon-an yo di yo.³⁶

Antan-l kanpé, asanblé ki réyini-an patisipé nan priyè-a antan-l di oubyin chanté yon invokasion an komin yo mété apré intansion yo oubyin antan-l priyé an silans.³⁷

2. Osijè sa ki pèmèt sélébré litiji paròl la jan sa doué fèt la

a) KOTÉ YO DOUÉ PROKLAMÉ PARÒL BONDIÉ-A

Nan légliz la doué gin yon koté ki pi ro, ki stab, ki dispozé yon fason konfòm épi ki gin dignité konvnab, an minm tan li doué korésponn ak dignité paròl Bondié-a, pou-l raplé fidèl yo klèman nan Mès la yo paré ni tab paròl Bondié-a ni tab Kò Kris la,³⁸ anfin li doué sèvi nan pi ro dégré pou édé fidèl yo tandé épi fè atansion anndan litiji paròl la. Sé poutèt sa, nan konstriksion ninpòt légliz, yo doué pran souin konfòmité épi konèksion anbon-an ak otèl la.

Anbon, an ankò ak strikti li, yon fason stab oubyin okazionèlman, sé pou yo dékoré-l avèk sobriété, omouin nan jou solanèl yo.

³⁴ Cf. *ibid.*, n. 43.

³⁵ Cf. *ibid.*, n. 45.

³⁶ Cf. *ibid.*, n. 99.

³⁷ Cf. *ibid.*, n. 47.

³⁸ Cf. *supra*, nota 23.

Kòm anbon-an sé koté pou minis yo anonsé paròl Bondié-a, dapré nati li, yo doué rézèvé-l pou léktu yo, psòm réponsorial la épi anons paskal la. Min oméli-a épi priyè fidèl yo yo kapab fè yo apati anbon-an poutèt konéksion intim pati sa yo ak tout litiji paròl la. Réyéلمان, li mouin konfòm pou lòt moun monté sou anbon-an, parégzanp kòmantatè, chantè oubyin sa k-ap dirijé chan-an.³⁹

Pou anbon-an kapab sèvi yon fason adapté pou sélébrasion yo sé pou li laj, poutèt pafoua pliziè minis doué kanpé dévan-l. An plis, sé pou yo pran souin pou léktè yo jouinn asé ékléraj sou anbon-an pou yo li tèks yo épi, jan sa konvnab, yo kapab sèvi ak instriman téknik ki gin koulié-a pou pèmèt fidèl yo tandé pi byin.

b) LIV POU ANONSÉ PARÒL BONDIÉ-A NAN SÉLÉBRASION YO

Liv koté yo pran léktu paròl Bondié-a, ansanm ak minis yo, aksion yo, éspas yo ak lòt bagay yo, révéyé nan sa k-ap kouté yo souvni prezans Bondié k-ap palé ak pèp li-a. Sé poutèt sa sé pou yo pran souin pou minm liv yo, poutèt yo sé sign épi sinbòl réalité anro yo nan aksion litijik la, yo vrèman dign, respéktab épi bèl.⁴⁰

Kòm anons Évanjil la sé li ki pouint ki pi ro nan litiji paròl la, toulèdé tradision litijik yo sètadi Oksidantal épi Oriental, toujou établi kèk distinksjon ant liv léktu yo. Éféktivman, yo té konn fabriké liv Évanjil yo ap anpil anpil souin, yo té konn dékoré-l épi konsidéré-l avèk respè anvan lòt oubyin lòt liv léktu yo. Sé pontèt sa li konvnab anpil pou nan tan pa nou-an tou pou nan katédral yo épi minm nan pi gran parouas yo ak légliz yo oubyin sa yo pi frékané yo, yo gin yon Évanjéliè ki dékoré byin bèl ki diféran parapò a lòt liv léktu yo. Sé liv sa-a yo doué rinnèt diak la nan òdinasion-l, épi yo mété-l épi kinbé-l anro tèt sa yo chouazi-a nan òdinasion épiskopal la.⁴¹

Anfin, poutèt dignité paròl Bondié-a, yo pa doué ranplase léksionè yo [liv léktu yo], sa yo sèvi ak yo nan sélébrasion-an, ak lòt mouayin pastoral, parégzanp féyé yo fè pou fidèl yo préparé léktu yo oubyin pou yo médité pèsonèlman.

³⁹ Cf. *Institutio generalis Missalis Romani*, n. 272.

⁴⁰ Cf. Conc. Vat. II, Const. de sacra Liturgia. *Sacrosanctum Concilium*, n. 122.

⁴¹ Cf. *Pontificale Romanum* ex Decreto Sacrosancti Oecumenici Concilii Vaticani II instauratum, auctoritate Pauli PP. VI promulgatum, *De Ordinatione Diaconi, Presbyteri et Episcopi* (Typis Polyglottis Vaticanis 1968), p. 28, n. 24; p. 58, n. 21; p. 85, n. 24; p. 70, n. 25; p. 110, n. 25.

CHAPIT III

FONKSION YO AK MINISTÈ YO NAN SÉLÉBRASION LITIJI PARÒL LA NAN MÈS LA

1. Fonksion sa k-ap prezidè-a nan litiji paròl la

Sa k-ap prezidè litiji paròl la antan l-ap kominiké nouriti profon ki gin ladan- l nan bay fidèl yo, sitou nan oméli-a, minm si li minm tou sé pou-l kouté paròl Bondié-a lòt yo ap proklamé-a, sé toujou li minm an premié ki gin pou fonksion pou anonsé paròl yo transmèt la. Kòm li minm pèsònèlman oubyin pa lintèmédiè lòt moun doué pran souin pou yo proklamé paròl Bondié-a yon fason ki adapté, nòmalmen sé li minm ki doué ékri kèk monision pou pèmèt fidèl yo tandé ak plis atansyon épi, sitou fè oméli-a pou ankourajé yo résévoua paròl Bondié-a ak plis foudi.

Li nésésè pou an premié sa ki doué prezidè sélébrasion-an li byin konnin òganizasyon Lòd léktu yo pou li kapab rivé jouinn foudi nan kè fidèl yo épi an plis, nan priyé ak étid, pou li byin ouè akò épi konéksion ki gin ant diféran tèk litiji paròl la pou apati Lòd léktu yo li byin konprann mistè Kris la épi travay sovè li sovè nou-an.

Sa k-ap prezidè-a gin divès posibilite pou-l sèvi ak choua yo ba li nan Léksionè-a parapò a léktu yo, répons yo, psòm résponsorial yo, aklamasyon Évanjil la,⁶⁶ min nan yon akò⁶⁷ ant tout sa ki gin pou la yo, antan yo tandé fidèl yo tou nan sa ki korésponn yo.⁶⁸

Sa k-ap prezidè-a égzèsé fonksion pròp li ak ministè paròl Bondié-a minm lè l-ap prononsé oméli-a.⁶⁹ Gras a oméli-a éféktivman li kondui frè-l yo pou yo gouté épi konprann Liv sakré yo, li ouvri nanm fidèl yo pou yo rann gras poutèt mèvèy Bondié fè yo, li nourri lafoua nan sa-k prézan yo osijè paròl la ki tounin sakrèman nan sélébrasion-an gras a Éspri Sin-an, anfin li préparé yo pou yo kominyin avèk foudi, li invité yo pou yo adopté konpòtman lavi krétyin-an mandé-a.

Sé résponsabilité sa k-ap prezidè-a pou kèk foudi li introdui fidèl yo ak kèk monision nan litiji paròl la anvan yo proklamé léktu yo.⁷⁰ Monision sa yo kapab édé asanblé ki réyini-an anpil pou-l kouté paròl Bondié-a pi byin, poutèt yo

⁶⁶ Cf. *infra*, *Praenotanda*, nn. 78-91, [pp. XXXV-XXXIX] p. 35-38.

⁶⁷ Cf. *Institutio generalis Missalis Romani*, nn. 318-320; 324-325.

⁶⁸ Cf. *ibid.*, n. 313.

⁶⁹ Cf. *ibid.*, n. 42; *Sacra Congregatio pro Sacramentis et Cultu Divino*, Instr. *Inaestimabile Donum*, 3 avrilis 1980, n. 3: A.A.S. 72 (1980), p. 334.

⁷⁰ Cf. *Institutio generalis Missalis Romani*, n. 11.

révéyé dispozision lafoua ak bòn volonté. Li kapab égzèsé fonksion sa-a pa lintèmediè lòt moun tou, parégzanp diak la oubyin kòmantatè-a.⁷¹

Sa k-ap prezidè-a antan l-ap dirijé priyè inivèsèl la épi, si sa posib, antan li konékté léktu épi oméli sélébrasion-an ak monision épi priyè konklizion-an, l-ap kondui fidèl yo al nan litiji ékaristik la.⁷²

2. Fonksion fidèl yo nan litiji paròl la

Pèp Bondié-a rasanblé ansanm gras a paròl Kris la, li ogmanté, li jouinn nouriti, « sa vo sitou pou litiji paròl la nan sélébrasion Mès yo koté anons lanmò ak rézireksion Granmèt la fè youn san séparasion posib ak répons pèp la k-ap kouté-a épi sakrifis sa-a pa lintèmediè-l Kris la té konfimé Nouvo Alians la nan San-l nan, sakrifis koté fidèl yo kominié soua an dézi soua nan résévoua sakrèman-an ». ⁷³ Épi konsa « sé pa sèlman lè y-ap li sa-k “té ékri davans pou ansègnman nou” (*Romin* 15,4), min tou lè Égliz la ap priyé, chanté oubyin aji, lafoua sa k-ap patispé yo vi-n dévlopé, éspri yo lévé nan Bondié pou yo kapab ba li soumision li mérité-a (*rationabile obsequium*) épi résévoua pi plis nan débòdman gras li-a ». ⁷⁴

Nan litiji paròl la, pa lintèmediè obéyisans lafoua-a, jodi-a tou asanblé fidèl Kris la résévoua paròl aliens la sot nan Bondié, min li doué bay paròl sa-a yon répons lafoua pou jou apré jou li vi-n tounin pèp nouvo Alians la pi plis.

Pèp Bondié-a gin doua pou li résévoua ak abondans nan trézò spirituèl paròl Bondié-a : sé sa tou yo fè rivé éféktif lè yo sèvi ak Lòd léktu Mès la, oméli-a épi aksion pastoral la.

Fidèl yo minm, nan sélébrasion Mès yo, yo kouté paròl Bondié-a avèk respè sou pa anndan ak sou pa déyò sa-a ki pèmèt kouasans lavi spirituèl la nan yo jou apré jou épi fè yo antré ak plis fòs nan mistè y-ap sélébré-a. ⁷⁵

Pou fidèl yo kapab sélébré Mémorial Granmèt la ak yon nanm byin dispozé, sé pou yo konprann sé yon sèl minm prezans Kris la ki ginyin soua nan Paròl Bondié-a « paské sé li minm k-ap palé pandan y-ap li Liv sakré yo nan Égliz la », sou réyèlman « nan pi ro dégré anba espès ékaristik-yo ». ⁷⁶

⁷¹ Cf. *Institutio generalis Missalis Romani*, n. 68.

⁷² Cf. *ibid.*, nn. 33, 47.

⁷³ Conc. Vat. II, Decr. de Presbyterorum ministerio et vita, *Presbyterorum Ordinis*, n. 4.

⁷⁴ Conc. Vat. II, Const. de sacra Liturgia, *Sacrosanctum Concilium*, n. 33.

⁷⁵ Cf. *Institutio generalis Missalis Romani*, n. 9.

⁷⁶ Conc. Vat. II, Const. de sacra Liturgia, *Sacrosanctum Concilium*, n. 7.

Pou yo kapab résevoua paròl Bondié-a épi pou-l antré nan lavi fidèl Kris la, sa mandé pou gin yon lafoua ki vivan,⁷⁷ lafoua sa-a révéyé nan kouté paròl Bondié-a yo proklamé san rété-a.

Éféktivman Liv sakré yo, sitou nan proklamasion litijik la, sé sous lavi ak vèrtu, dapré témouagnaj Apot la Évanjil la sé puisans Bondié li yé pou sovè tout sa-k kouè ;⁷⁸ sé poutèt sa rinmin pou Liv sakré yo sé fòs ak rénovèlman tout pèp Bondié-a.⁷⁹ Sé sa-k fè li bon pou tout fidèl Kris la dispozé yo san rété ak kè kontan pou yo kouté paròl Bondié-a.⁸⁰ Lè Égliz la anonsé paròl Bondié-a épi mété-l an pratik nan lavi-a, li kléré fidèl yo antan Éspri-a ap travay épi li antréné yo nan tout mistè Granmèt la pou-l tounin réalité.⁸¹ Éféktivman lè yo résevoua paròl Bondié-a fidèlman, sa révéyé kè-a ak dispozision-l yo pou konvèsion-an épi pou yon lavi ki kléré ak lafoua-a pou chak moun épi pou kominoté-a,⁸² paské li sé nouriti lavi krétyin-an épi sous tout priyé Égliz la.⁸³

Konéksion intim nan minm ki ginyin ant litiji paròl la ak litiji ékaristik la nan sélébrasion Mès yo égzijé pou fidèl yo la dépi kòmansman sélébrasion-an⁸⁴ épi pou yo patisipé ak atansyon, épi, nan mézi sa posib, pou yo préparé sa yo pral kouté-a, sitou pa lintèmediè yon konésans Liv sakré yo ki pi aprofondi yo ta ginyin anvan ; épitou an plis sa révéyé anvi pou tèks litijik yo y-ap li yo, intèlijans la rivé konprann li épi volonté-a korésponn ak li nan chan-an.⁸⁵

Konsa minm ak paròl la yo kouté-a épi yo konsidé ré nan méditation-an, fidèl Kris la kapab bay yon répons aktif ki plin lafoua, éspérans ak charité, priyé épi sakrifis pròp tèt li, non sèlman anndan sélébrasion-an, min tou nan tout lavi krétyin-an.

3. Ministè yo nan litiji paròl la

Tradisyon litijik la atribiyé fonksion pou li léktu bibliik yo nan sélébrasion Mès la bay minis yo : léktè, diak. Min di pa gin diak oubyin yon lòt prèt, sé pou

⁷⁷ Cf. Conc. Vat. II, Const. de sacra Liturgia, *Sacrosanctum Concilium*, n. 9.

⁷⁸ Cf. *Rom* 1, 16.

⁷⁹ Cf. Conc. Vat. II, Const. dogm. de divina Revelatione, *Dei Verbum*, n. 21.

⁸⁰ Cit. in Conc. Vat. II, Const. dogm. de divina Revelatione, *Dei Verbum*, n. 21.

⁸¹ Cf. *Io* 14, 15-26; 15, 26 — 16, 4. 5-15.

⁸² Cf. Conc. Vat. II, Decr. de Activitate Missionali Ecclesiae, *Ad Gentes Divinitus*, nn. 6 et 15; et etiam Const. de divina Revelatione, *Dei Verbum*, n. 26.

⁸³ Cf. Conc. Vat. II, Const. de sacra Liturgia, *Sacrosanctum Concilium*, n. 24; et etiam S. Congr. pro clericis, *Directorium catechisticum generale*, 11 aprilis 1971, n. 25: A.A.S. 64 (197a), p. 114.

⁸⁴ Cf. Conc. Vat. II, Const. de sacra Liturgia, *Sacrosanctum Concilium*, n. 56; et etiam S. Congregatio pro Sacramentis et Cultu Divino, Instr. *Inaestimabile Donum*, 3 aprilis 1980, n. 1: A.A.S. 72 (1980), pp. 333-334.

⁸⁵ Cf. Conc. Vat. II, Const. de sacra Liturgia, *Sacrosanctum Concilium*, nn. 24 et 35.

prèt k-ap sélébré-a minm li Évanjil la,⁸⁶ épi, si pa minm ta gin yon léktè, l-ap li lòt léktu yo.⁸⁷

Nan litiji paròl Mès la, sé diak la ki gin pou-l anonse Évanjil la, nan kèk okazion lè sa konvab li kapab fè oméli-a, épi dirijé intansyon priyé inivèsèl yo bay pèp la.⁸⁸

« Nan sélébrasyon Ékaristi-a, léktè-a gin pròp ròl pa-l, sé li minm ki pou ranpli yo minm si ta ki minis nan yon ran sipériè ki prézan ». ⁸⁹ Ministè léktè-a yo établi ak yon rit litijik la, sé pou yo onoré-l. Léktè yo établi yo, si yo prézan, sé pou yo égzèsè pròp fonksyon yo omouin jou dimanch ak fèt yo sitou nan sélébrasyon prinsipal la. Yo ta kapab konfié yo tou fonksyon édé pou òganizé litiji paròl la, épi, nan mézi sa ta nésèsè, pou yo ta pran souin préparasyon lòt fidèl yo k-ap li léktu nan sélébrasyon Mès la antan sé tanporèman yo délégé yo pou sa.⁹⁰

Asanblé litijik la bézouin léktè yo, minm si yo pa ta établi pou fonksyon sa-a nèt. Sé poutèt sa sé pou yo pran souin pou gin kèk layik, sa ki pi kapab yo, yo ta préparé pou ranpli ministè sa-a.⁹¹ Lè ta gin pliziè léktè épi ta gin pliziè léktu pou li li bon pou yo distribiyé yo antré yo.

Nan Mès san diak, yo rinmèt fonksyon pou dirijé intansyon priyé inivèsèl yo bay chantè-a, sitou lè yo chanté yo, léktè-a oubyin lòt moun.⁹²

Yon lòt prèt, diak épi léktè ki établi pou pròp ministè sa-a, lè yo pral li paròl Bondié-a nan sélébrasyon Mès la avèk pèp la, yo monté sou anbon-an ak vètman sakré yo doué sèvi ak li pou pròp fonksyon yo-a. Min sa yo ki ranpli ministè léktè-a yon foua an pasan oubyin minm yon fason òdinè, kapab monté sou anbon-an ak rad nòmral, antan yo obsèvé koutim diféran réjyon yo.

« Pou fidèl yo tandé léktu paròl Bondié-a épi épi vi-n gin yon atachman ak yon angouman ki vif nan kè yo pou Liv sakré yo, li nésèsè pou léktè yo k-ap égzèsè ministè sa-a, minm si yo pa établi yon fason stab, min yo gin kapasité épi yo préparé avèk souin ». ⁹³

Préparasyon sa-a doué toudabò spirituèl, min préparasyon yo rélé téknik la nésèsè tou. Préparasyon spirituèl la sipozé omouin yon doub fòmasyon bibliik épi

⁸⁶ Cf. *Institutio generalis Missalis Romani*, n. 34.

⁸⁷ Cf. *ibid.*, n. 96.

⁸⁸ Cf. *ibid.*, nn. 47, 61, 132; Sacra Congregatio pro Sacramentis et Cultu Divino, Instr. *Inaestimabile Donum*, 3 avrilis 1980, n. 3: A.A.S. 72 (1980), p. 334.

⁸⁹ *Institutio generalis Missalis Romani*, n. 66.

⁹⁰ Cf. PAULUS VI, Litt. Apost. *Ministeria quaedam*, 15 augusti 1972, n. V: A.A.S. 64 (1972), p. 532.

⁹¹ Cf. Sacra Congregatio pro Sacramentis et Cultu Divino, Instr. *Inaestimabile Donum*, 3 avrilis 1980, nn. 2 et 18 A.A.S. 72 (1980), p. 334; cf. etiam Sacra Congregatio pro Cultu Divino, *Directorium de Missis cum pueris*, 1 novembris 1973, nn. 22, 24, 27: A.A.S. 66 (1974), p. 43.

⁹² Cf. *Institutio generalis Missalis Romani*, nn. 47, 66, 151; cf. etiam Consilium ad exsequendam Constitutionem de sacra Liturgia, *De oratione communi seu fidelium*, (Città del Vaticano 1966) n. 8.

⁹³ *Institutio generalis Missalis Romani*, n. 66.

litijik. Fòmasyon bibliik la ap gin pou objéktif pou léktè yo kapab konprann léktu yo nan pròp kontèks yo, épi konprann pouin santral méyaj révélé-a nan limiè lafoua-a. Fòmasyon litijik la doué bay léktè yo kèk kapasité pou yo kapté sans épi strikti litiji paròl la épi konpran konéksion ant litiji paròl la épi litiji ékaristik la. Préparasion téchnik la doué fè léktè yo vi-n pi fò jou apré jou nan fè bon jan léktu dévan pèp la soua ak pròp voua yo dirèktéman, soua pa lintèmediè dènié instriman ki sèvi pou anplifé voua-a.

Psalmist la, oubyin chanté psòm nan, gin ròl pou-l chanté dapré mòd réponsorial oubyin dirèk ni psòm nan ni lòt kantik bibliik, graduèl épi ‘Alélouya’, oubyin lòt chan yo jouinn ant léktu yo. ‘Alélouya’-a épi vèsè-a, li minm tou, dapré sikonstans, li kapab kòmansé yo.⁹⁴

Pou yo kapab ranpli fonksion psalmist la li bon anpil pou gin nan chak kominoté éklézial kèk layik ki posédé téchnik atistik pou byin chanté psòm yo épi kapasité pou byin prononsé paròl yo épi pou byin palé. Sa yo té di pi ro-a osijè fòmasyon léktè yo, li valab tou pou chanté psòm yo.

Minm kòmantatè-a k-ap propozé asanblé fidèl yo, nan yon koté ki adapté, éksplikasyon épi avètisman yo doué fè yo, ki klè, ki byin sinp, ki préparé ak souin, ki alékri nòmalmman épi sélébran-an aprouvé yo anvan, sé yon véritab ministè litijik l-ap égzèsé.⁹⁵

⁹⁴ Cf. *Institutio generalis Missalis Romani*, nn. 37a et 67.

⁹⁵ Cf. *ibid* n. 68.

DÉZIÈM PATI

DISPOZISION LÒD LÉKTU MÈS LA

CHAPIT IV

LÒD JÉNÉRAL LÉKTU MÈS LA

1. Objéktif pastoral Lòd léktu Mès la

Lòd léktu Léksionè Misèl Romin-an prezanté-a, dapré sa dézièm Konsil Vatikan-an minm té vlé-a, yo préparé-l toudabò nan yon objéktif pastoral. Pou rivé nan sa, non sèlman nan prinsip nouvo Òdo-a apuiyé sou yo-a, min tou lis tèks yo minm yo mété pi ba-a, sé pa yon foua dé foua sèlman yo rémanié-l épi yo korijé-l antan anpil ékspè nan kèsion égzéjèz, litiji, katéchèz épi pastoral kolaboré sou tout fas tè-a. Òdo-a sé foui travay ansanm sa-a.

Gin éspoua pou léktu ak éksplikasion Liv sakré yo yo fè bay pèp krétyin-an chak jou nan sélébrasion ékaristik la, sa yo fè apati Lòd léktu yo, ap pèmèt pou sé ak plis éfikasité yo rivé jouinn objéktif dézièm Konsil Vatikan-an té propozé pliziè foua-a.⁹⁶

Nan rénovèlman sa-a yo té vlé rivé konpozé épi réalizé yon sèl Lòd léktu yo ki rich épi byin founi, ki korésponn nan pi ro dégré ak sa dézièm Konsil Vatikan-an té vlé épi kòmandé pou fè,⁹⁷ min an minm tan ka ta pèmèt dapré fòm li pou yo ta adapté-l dapré kèk égzijans épi itilizasion Égliz patikilié yo ak asanblé k-ap sélébré yo. Sé rézon sa-a ki fè moun ki té gin chaj fè rénovèlman-an yo té pran souin pou protéjé tradision litijik rit Romin-an, antan yo gin anpil konsidérasion pou valè tout fòm séléksion, dispozision ak itilizasion léktu bibliik yo nan lòt fanmi litijik yo épi nan kèk Égliz patikilié, antan yo sèvi ak sa-k té

⁹⁶ Cf. v. g. PAULUS VI, Const. Apost. *Missale Romanum*: « Quae sane omnia hoc modo ordinata sunt, ut magis ac magis in christifidelibus ea verbi Dei fames exstimuletur, qua, Spiritu Sancto duce, novi foederis populus ad perfectam Ecclesiae unitatem veluti urgeri videatur. Hisce ita compositis, illud etiam vehementer fore confidimus, ut sacerdotes et fideles simul sanctius animum suum ad Cenam Domini praeparent, simul, sacras Scripturas, altius meditali, verbis Domini uberius in dies alantur. Exinde denique sequitur, ut, iuxta Concilii Vaticani II monita, divinae litterae quasi quidam spiritualis vitae fons perennis, sive praecipuum christianae doctrinae tradendae argumentum, sive demum cuiusvis theologicae institutionis medulla ab omnibus habeantur », in *Missali Romano*, ex Decreto Sacrosancti Oecumenici Concilii Vaticani II instaurato, auctoritate Pauli PP. VI promulgato (Typis Polyglottis Vaticanis 1972), p. 15. [Tou sa réyèlman òganizé yon fason pou révéyé nan fidèl Kris yo kalité anvì sa-a pou paròl Bondié-a, ki fè, antan Éspri Sin-an ap kondui pèp nouvo aliens la, li santi sé kòm pousé y-ap pousé-l pou-l rivé nan pèfèksion inité Égliz la. Antan yo ranjé sa konsa, nou gin konfians ak tout fòs sa va pèmèt tou, an minm tan, pou prèt yo épi fidèl yo préparé nanm yo yon fason pi sin pou Soupé Granmèt la épi an minm tan tou pou yo vi-n nourì pi plis toujou, jou apré jou, ak paròl Granmèt la, antan y-ap médité Liv Sakré yo pi afon. Anfin, konsékans la, sèké dapré avètisman dézièm Konsil Vatikan-an, tout moun va konsidéré paròl Bondié yo soua prèské kòm sous lavi spirituèl la tout tan, soua kòm baz prinsipal pou transmèt doktri-n krétyin-an, soua anfin kòm mouèl ninpòt fòmasyon téolojik.]

⁹⁷ Cf. Conc. Vat. II, Const. de sacra Liturgia, *Sacrosanctum Concilium*, nn. 35 et 51.

jouinn aprobasion ékspérimantasion-an, épi an minm tan antan yo éséyé évité kèk défo ki té ginyin anvan nan fòm tradision-an.

Sé poutèt sa Lòd léktu Mès la ki la-a sé yon dispozision léktu bibliik yo ki ofri fidèl Kris la konésans tout paròl Bondié-a, dapré ékplikasion ki konfòm. Nan tout ané litijik la, min sitou nan tan Pak, Karèm épi Avan, séléksion léktu yo épi lòd yo gin objéktif pou édé fidèl Kris yo konnin pi afon ofiamézi lafoua yo déklaré-a épi istoua sové-a.⁹⁸ Pou rézon sa-a Lòd léktu-a korésponn ak bézouin épi souaf pèp krétyin-an.

Min, minm si aksion litijik la nan li minm minm sé pa okinn fòm katéchèz, poutan, li gin yon intansion didaktik ki parèt minm nan Léksionè Misèl Romin-an,⁹⁹ yon fason pou yo gin doua kapab pran-l kòm yon instriman pédagojik pou soutni katéchèz la.

Épitou Lòd léktu Mès la prezanté prinsipal aksion ak paròl istoua sové nou sové-a apati Liv sakré-a nan yon fason ki konvnab pou minm istoua sové sa-a yo raplé pazapa nan pliziè moman ak évènman-l yo nan litiji paròl la, vi-n parèt pou fidèl yo kòm sa ki kontinié an akt nan prézan mistè paskal Kris la vi-n prézan ankò-a gras a Ékaristi-a yo sélébré-a.

Li bon tou pou yo konprann apati yon lòt chapit itilite pastoral yon se Lòk léktu Léksionè Mès la nan rit Romin-an pou tout fidèl yo, sitou sa ki pa toujou patisipé nan minm asanblé-a pou anpil rézon, kouté minm léktu yo tout koté nan sètèn jou épi tan épi médité yo antan yo apliké yo sou sikonstans konkrè yo, minm nan koté pa gin prèt, koté diak la oubyin yon lòt moun Évèk la délégé ak dirijé sélébrasion paròl la.¹⁰⁰

Antan yo doué sonjé toudabò yo sé mèsajé mistè Kris la ak Évanjil la an antié, pastè yo ki ta vlé bay késion pròp asanblé yo kèk répons patikilié apati paròl Bondié-a, yo kapab sèvi nòmalmen ak choua yo propozé nan Lòd léktu Mès la minm, sitou nan okazion sélébrasion kèk Mès rituèl, votiv, oubyin an lonè Sin yo, oubyin pou diféran sikonstans. Antan yo fè atansyon ak prinsip jénéral yo, yo ba yo posibilite patikilié osijè léktu paròl Bondié-a nan sélébrasion Mès la pou kèk asanblé patikilié.¹⁰¹

⁹⁸ Cf. PAULUS VI, Const. Apost. *Missale Romanum*: « enucleatus mysterii salutis continuum processus illustratur, verbis Dei revelatis demonstratus », [« nan fason sa-a, klèman, yo mété an limié déroulman mistè sové nou sové-a ki kontinié-a, jan paròl Bondié révéle-a démontré-l la »], in *Missali Romano, o. c.*, p. 15.

⁹⁹ Cf. Conc. Vat. II, Const. de sacra Liturgia, *Sacrosanctum Concilium*, nn. 9, 33; Sacra Rituum Congregatio, Instr. *Inter Oecumenici*, 26 sept. 1964, n. 7: A.A.S. 56 (1964), p. 878; IOANNES PAULUS II, Adh. Apost. *Catechesi tradendae*, 16 octobris 1979, n. 23: A.A.S. 71 (1979), pp. 1296-1297.

¹⁰⁰ Cf. Conc. Vat. II, Const. de sacra Liturgia, *Sacrosanctum Concilium*, n. 35, 4; Sacra Congregatio Rituum, Instr. *Inter Oecumenici*, 26 sept. 1964, nn. 37-38: A.A.S. 56 (1964), pp. 884.

¹⁰¹ Cf. S. Congr. pro Cultu Divino, Instr. *Actio pastoralis*, 15 maii 1969, n. 6: A.A.S. 61 (1969), p. 809; *Directorium de Missis cum pueris*, 1 novembris 1973, nn. 41-47: A.A.S. 66 (1974), p. 43; PAULUS VI, Adh. Apost. *Marialis Cultus*, 2 februarii 1974, n. 12: A.A.S. 66 (1974), pp. 125-126.

2. Prinsip yo suiv pou élaboré Lòd léktu Mès la

Pou Lòd léktu Mès la rivé nan objéktif li, yo chouazi pati-l yo épi yo dispozé yo yon fason pou yo suiv an minm tan ni déroulman tan litijik yo, ni prinsip éksplikasyon (*hermeneuticorum*) travay égzéjéti yo pèmèt konprann épi déte-miné nan tan nou yo.

Sé pou sa yo ouè li bon pou yo indiké la-a prinsip yo té obsèvé pou réalizé Lòd léktu Mès la.

a) CHOUA TÈKS YO

Déroulman léktu yo nan « Pròp pou tan-an » dispozé yon fason pou : jou dimanch ak jou fèt yo, yo prezanté pasaj ki pi inpòtan, pou yo kapab li dévan fidèl yo ki réyini yo pati ki pi nésésé yo nan paròl Bondié-a, pandan yon éspas tan ki konvab. Yon lòt séri tèks Lik sakré yo, ki konplété yon sètèn fason anons sovè nou sovè-a ki déplouyé nan jou fèt yo, yo prezanté yo pou jou lasémèn yo. Poutan, ni youn ni lòt séri pati prinsipal Lòd léktu yo, sètadi séri dominikal-féstif la épi séri lasémèn dépann youn dé lòt. Pi plis toujou, Lòd léktu dimanch ak fèt yo déplouyé pou touazan, lasémèn yo minm sou dézan. Sé pou Lòd léktu dimanch ak fèt yo maché apa parapò a léksionè jou lasémèn yo, épi visvèsa.

Min déroulman léktu yo propozé pou lòt pati Lòd léktu yo, sètadi séri léktu yo pou sélébrasion Sin yo, pou Mès rituèl yo oubyin pou divès nésésité, oubyin votiv, oubyin pou Mès défin yo, yo réglé dapré pròp prinsip pa yo.

b) ARANJMAN LÉKTU YO POU DIMANCH YO AK FÈT YO

Min karakteristik Lòd léktu yo pou dimanch yo ak jou fèt yo :

1. Chak Mès prezanté toua léktu : premié-a ki sot nan Ansyin Téstaman-an, lòt la nan Apot yo (sa vlé di soua nan Lèt yo, soua nan Apokalips, dapré divès tan ané-a), touazièm nan sot nan Évanjil la. Sé pou yo montré pi byin kijan dé Téstaman yo ak istoua sovè-a fè yon sèl, pouin santral la sé Jézu-Kri yo doué fè sonjé nan mistè paskal li-a.

2. Léktu Liv sakré yo pi varié épi pi plis nan dimanch ak fèt yo, rézon-l sèk pou jou sa yo, yo prezanté yon roulman sou touazan, konsa minm tèks yo ap tounin sou katriyèm ané-a sèlman pou yo li-l.¹⁰²

¹⁰² Yo klasé chak ané avèk lèt A, B, C. Min kijan pou yo fè pou yo kapab konnin ki ané ki A, oubyin B, oubyin C. Ak lèt C-a yo dézignin ané yo kapab séparé kantité chif la réprézanté-a nan toua pati égal, kòm si

3. Prinsip ki kòmandé Lòd léktu yo pou dimanch yo ak fèt yo, sé sa yo rélé « aranjan ki fèt apati yon lidé y-ap suiv » (*compositionis harmonicae*) oubyin « léktu ki prèské fèt alasuit ». Yo anplouayé youn oubyin lòt prinsip, dapré divès tan ané-a épi dapré karaktè spésial tèl tan litijik la.

Gin bon konpozision ki bay bèl aranjan ant léktu Ansyin ak Nouvo Téstaman yon fason spésial, lè sé Liv sakré-a minm ki montré-l, antan ansègnman ak aksion yo ki éspozé nan tèks Nouvo Téstaman-an, yo gin rélasyon ki yon ti jan klè avèk ansègnman ak aksion Ansyin Téstaman. Nan Lòd léktu sa yo, yo chouazi tèks Ansyin Téstaman yo sitou pou koréspondans yo avèk tèks Nouvo Téstaman yo sitou avèk Évanjil la, sa yo li nan minm Mès la.

Yon lòt kalité aranjan ant tèks léktu chak Mès yo, parèt nan tan Avan, Karèm avèk Pak, sa vlé di nan tan sa yo, ki gin koulè oubyin karaktè spésial.

Min nan dimanch « òdinè » yo, ki pa gin karaktè spésial nan yo, yo ranjé tèks léktu Apot la ni Évanjil yo dapré lòd léktu y-ap suiv prèské alasuit, pandan léktu ki sot nan Ansyin Téstaman-an gin rélasyon séré avèk Évanjil la.

Min sa-k té konvnab pou tan sa yo nou sot di-a, yo té ouè li pa-t doué rivé jous sou jou dimanch yo yon fason pou ta gin yon aranjan apati yon tèm ki ta rann konpozision oméli-a vi-n pi fasil. Éféktivman mòd aranjan sa yo pa dakò ak konsépsion otantik aksion litijik la li minm ki toujou sélébrasyon mistè Kris la épi apati pròp tradision-l li pa tèlman sèvi ak paròl Bondié-a an fonksion yon préokipasyon lojik oubyin ékstériè, min l-ap pran souin pou li anonsé Évanjil la épi minnin moun ki kouè yo nan tout vérité-a.

c) ARANJMAN LÉKTU YO POU LASÉMÈN

Aranjan Léktu pou jou sémèn yo, min kijan li fèt :

1. Chak Mès prezanté dé léktu : premié-a ki sot nan Ansyin Téstaman-an oubyin nan Apot yo (sa vlé di soua nan Lèt yo, soua nan Apokalips), nan tan paskal minm sé apati Travay Apot yo, dézièm nan sot nan Évanjil la.

2. Roulman sé minm chak ané pou tan Karèm nan ki suiv prinsip spésial, ki gin karaktè tan sa-a, sa vlé di karaktè batèm ak pénitans.

3. Pou jou lasémèn Avan, tan Nésans Granmèt la épi périòd paskal la, chak ané sé minm jan-an li yé tou : donk léktu yo pa chanjé.

roulman-an t-a kòmansé dépi nan premié ané krétyin yo. Konsa ané 1-an, t-a ané A, ané 2-a t-a ané B, ané 3-a t-a ané C, épi 6, 9, 12... t-a rétownin ané C. Konsa parégzanp ané 1980 sé ané C, ané 1981 sé ané A, ané 1982 sé ané B, épi ané 1983 tounin ané C. Sé konsa pou rès ané yo. Min li klè chak ronn yo déroulé dapré aranjan ané litijik la, sètadi apati premié sémèn Avan-an, ki tonbé nan ané sivil ki vi-n anvan-an.

Nan yon sètfin fason, ronn chak ané-yo vi-n fèt apati karaktéristik prinsipal toua Évanjil yo kapab gadé ansanm yo, sètadi « sinoptik », sa yo li prèské-a-la-fil nan tan « òdinè »-a. Konsa ronn premié ané-a yo rélé-l ané *Matié* paské sé li minm yo li, lòt ané yo minm, sètadi dézièm ak touazièm ané-a, youn sé ané pou li *Mark* épi lòt la ané pou li *Luk*.

4. Min pou jou lasémèn trant-kat sémèn « òdinè » yo léktu évanjil yo plasé nan yon sèl roulman, ki tounin chak ané. Prémie léktu-a minm, réglé sou dé roulman, pou yo li chak dézan. Ané I-an yo sèvi avèk li ané ki inpè yo, ané II-a minm sé ané pè yo.

Konsa minm nan Lòd léktu pou jou lasémèn yo, tankou pou dimanch yo ak fèt yo, prinsip pou ranjé Léktu ki gin rélasyon antré yo oubyin léktu y-ap li prèské alasuit, sé minm fason-an yo apliké yo, sitou lè sé tan ki gin karaktè spésial.

d) LÉKTU POU FÈT SIN YO

Pou fèt Sin yo yo propozé dé séri léktu :

1. Youn nan Pròp sin yo, pou gran fèt yo (solanité), fèt yo ak mémoua yo, sitou si pou chak nan yo gin tèks spésial yo jouinn. Kèkfoua poutan, gin yon tèks ki adapté pi byin, nan sa yo ki plasé nan Komin-an, yo indiké-l kòm pou ba-l préférans sou lòt yo.

2. Yon lòt minm, ki pi laj, yo jouinn li nan Komin Sin yo. Nan pati sa-a, yo kòmansé prezanté tèks ki pi spésial pou divès group Sin yo (Mati, Pastè, Vièj, etc.), apré sa gin anpil tèks ki palé sou késion sinteté-a an jénéral, yo kapab chouazi yo si yo vlé, chak foua yo ranvouayé nan Komin-an pou chouazi léktu yo.

Pou aranjanman tèks yo ki konsèné pati sa-a, sé pou yo noté kijan yo tout fè yon sèl, dapré lòd yo doué déklaré yo. Dabò sé tèks yo pran nan Ansyin Téstaman yo, apré sa sé tèks yo pran nan Apot la, apré sa sé Psòm yo ak vèsè yo ki vini ant léktu yo, alafin sé tèks yo pran nan Évanjil la. Yo ranjé yo yon fason pou sélébran-an kapab chouazi ant yo jan-l vlé, antan-l gin dévan jé-l nésésité bézouin foul la k-ap patisipé nan sélébrasion-an, sof si yo déklaré yon lòt bagay karéman.

e) LÉKTU POU MÈS RITUÈL YO, POU DIVÈS SIKONSTANS YO, VOTIV YO ÉPI DÉFIN YO

Yo jouinn minm aranjanman tèks léktu yo pou Mès rituèl yo, mès pou divès sikonstans yo, votiv yo ak défin yo. Yo prezanté anpil tèks alafoua, tankou nan Komin Sin yo.

f) PI BON KRITÈ POU YO ANPLOUAYÉ NAN CHOUAZI LÉKTU YO ÉPI RANJÉ YO

An plis prinsip sa yo k-ap dirijé aranjanman léktu yo nan chak pati Lòd léktu yo, gin dòt ki pi jénéral, yo kapab détayé yo konsa :

1) *Liv yo rézèvé dapré tan litijik yo*

Dapré inpòtans réalité-a minm avèk dapré tradision litiji-a, nan aranjman sa-a gin kèk liv labib yo rézèvé pou sètin tan litiji-a. Parégzanp yo kinbé tradision pou yo li Travay Apot yo nan tan pak la, ni nan Égliz oksidan-an (anbouazyin ak éspagnol) ni nan Égliz orian-an. Sa pèmèt montré kijan tout lavi Égliz la kòmansé apati mistè paskal la. Yo kinbé tout tradision ni nan Égliz oksidan-an, ni nan Égliz orian-an pou yo li Évanjil Jan-an nan dènié sémèn Karèm yo ak nan tan paskal la.

Léktu Izayi-a, sitou prémié pati-a, yo fiksé-l pou tan lavan-an, dapré tradision Égliz la. Gin kèk tèks minm liv la tou yo li nan tan Nésans Granmèt la. Prémié Lèt Jan-an, yo fiksé-l pou minm tan sa-a tou.

2) *Longè tèks yo*

Osiyé *longè tèks yo*, yo kinbé ékilib. Yo ditingé ant istoua yo, ki nésésité yon sètin *longè tèks yo*, sa fidèl yo abitué kouté avèk atansion, épi tèks yo ki pa doué long poutèt profondè ansègnman-an.

Pou tout tèks ki yon ti jan long, yo prévoua dé fòm, youn pi long ak youn pi kout, dapré nésésité. Nan fason pou yo anplouayé rakousi-a, yo doué fè atansion anpil.

3) *Tèks ki pi difisil yo*

Dapré rézon bézouin fidèl yo, nan léktu dimanch yo ak gran fèt yo, yo évité tèks labib yo ki vrèman trò difisil yo, soua nan tèks la minm poutèt problèm yo prezanté nan aspè konpozision litèrè-a, divès vèsion oubyin ansègnman, soua poutèt li ta trò difisil pou fidèl yo t-a kapab konprann yo. Sèlman yo pa doué kaché richès spirituèl tèks yo poutèt li t-a pi difisil pou yo kapab konprann yo, lè difikilté sa-a vini soua poutèt yo pa bay kont fòmasyon krétyin, sa okinn bon fidèl pa kapab manké, soua poutèt pa gin asé fòmasyon bibliik, sa tout bon pastè nanm yo doué bay. Sé pa kèk foua sèlman yon léktu ki difisil anpil vi-n pi fasil lè yo mété-l nan rélasyon avèk yon lòt léktu nan minm Mès la.

4) *Pa mété kèk vèsè*

Sé yon tradision nan anpil litiji, san yo pa ouété litiji Romin-an minm ditou, pou kèk foua yo pasé kèk vèsè nan léktu Liv sakré yo. Sé nòmal lè yo ouété kèk pati konsa, sans tèks la oubyin éspri-l ak démach Liv sakré yo kapab manké moso. Sèlman, akoz yo pran prékosion pou sans la rété intak nan natu-l, dapré rézon bézouin fidèl yo, minm nan Aranjman liv sa-a yo kinbé tradision sa-a.

Otréman yo t-a prezanté kèk tèks ki pi égal, oubyin léktu ki pa kout pou fidèl yo, okontrè minm lè gin gran bezouin spirituèl, yo doué pasé yo nèt, poutèt yo gin kèk vèsè ki gin mouins inpòtans oubyin kèsion ki pi difisil, sou aspè bezouin fidèl yo.

3. Prinsip yo doué suiv pou sèvi ak Lòd léktu yo

a) POSSIBILITÉ POU CHOUAZI KÈK TÈKS

Nan Lòd léktu yo, moun k-ap sélébré-a gin posibilite pou li chouazi youn ou lòt nan tèks yo doué li yo, oubyin pou yo chouazi yon tèks nan anpil tèks yo yo prezanté pou minm léktu-a. Bagay ki pa rivé souvan nan dimanch yo, nan jou gran fèt yo ak jou fèt yo, pou karakteristik pròp tan litijik la pa éfasé, oubyin pou yo pa kasé san rézon léktu prèské-alasuit y-ap fè nan tèl liv la ; okontrè, posibilite sa-a yo bay li pi fasilman nan sélébrasion Sin yo ak nan Mès rituèl yo, nan Mès pou divès sikonstans, nan Mès votiv yo ak Mès pou défin yo.

Posibilite sa yo, ansanm ak lòt yo indié nan Dispozision jénéral Misèl Romin-an épi nan Lòd chan Mès la,¹⁰³ gin yon objéktif pastoral. Sé poutèt sa, lè prèt la ap préparé litiji paròl la « sé pou li fè atansyon pou sé byin komin spirituèl pèp Bondié-a li chèché, plis pasé pròp panchan pa-l. Sé pou li sonjé an plis nan chouazi diféran pati yo, li doué fè sa an akò ak moun ki gin pou égzèsé yon fonksyon nan sélébrasion-an san bliyé fièl yo, nan sa ki konséné yo pi dirèktéman ».¹⁰⁴

1) *Osijè dé léktu anvan Évanjil la*

Nan Mès yo koté yo prezanté toua léktu yo, yo souété anpil pou yo fè toua léktu yo tout bon vré. Sèlman, si Konfèrans Épiskopal yo, pou rézon bezouin fidèl yo, pèmèt pou yo fè dé léktu sèlman,¹⁰⁵ sé pou yo fè atansyon pou antan y-ap chouazi nan dé premié léktu yo, yo pa évaporé invitasyon pou anségné fidèl yo afon-an ni mistè sovè nou sovè-a. Sé pou sa, sof si yo fè atansyon sou sa yon lòt fason, sé pou yo pito nan dé premié léktu yo sa-k akòdé pi byin ak Évanjil la, oubyin, dapré sa nou té di pi ro-a, sa-k édé pi byin pou transmèt yon ansègnman

¹⁰³ Cf. *Institutio generalis Missalis Romani*, nn. 36-40; *Missale Romanum ex Decreto Sacrosancti Oecumenici Concilii Vaticani II instauratum, auctoritate Pauli PP. VI promulgatum, Ordo cantus Missae*, (Typis Polyglottis Vaticanis 1972), nn. 5-9.

¹⁰⁴ *Institutio generalis Missalis Romani*, n. 313 [2008 = n. 352].

¹⁰⁵ *Ibid.*, n. 318; Sacra Congregatio pro Sacramentis et Cultu Divino, Instr. *Inaestimabile Donum*, 3 aprilis 1980, n. 1: A.A.S. 72 (1980), pp. 333-334.

katéchis pandan kèk tan, oubyin sa-k kapab pèmèt léktu yon liv prèské yon fason ki pa séparé.¹⁰⁶

2) *Osiyè fòm ki pi long ak fòm ki pi kout la*

Nésésité fidèl yo [Kritè pastoral la] doué kondui pou chouazi ant dé fòm ki sèvi pou prezanté minm tèks la. Réyéلمان vré, yo konn bay kèkfoua yon fòm pi long ak yon fòm pi kout sou minm tèks la. Lè sa-a sé pou yo fè atansyon dapré posibilite fidèl yo ginyin pou yo kouté tèks ki pi kout la oubyin ki pi long la, pou léktu-a donnin pou nanm yo ; posibilite yo ginyin pou yo byin konprann kèk tèks ki pi difisil ; posibilite yo ginyin pou yo kouté yon tèks ki pi antié, sa prèch la ap éspliké-a.

3) *Osiyè dé tèks yo propozé*

Lè yo bay doua pou chouazi ant dé tèks ki fiksé, sé pou yo fè atansyon pou chèché avantaj moun k-ap patisipé yo, nan tèks la y-ap sèvi avèk li-a, ki pi fasil, oubyin ki pi adapté pou asanblé ki réyini-an, oubyin nan tèks la y-ap répété-a oubyin y-ap mét akoté-a, ki alé ak tèl sélébrasyon antan li fiské pou li, min ki kapab sèvi si yo vlé pou dèt sélébrasyon, chak foua avantaj fidèl yo mandé sa.

Sa kapab rivé oubyin lè yo pè pou tèl tèks pa kozé difikilté nan tèl group moun, oubyin lè minm tèks la, yo gin pou yo li-l ankò jou k-ap vini yo ni jou dimanch la ni nan sémèn ki suiv la.

4) *Osiyè léktu pou jou lasémèn yo*

Nan léksionè férial la, yo propozé léktu pou chak jou na sémèn yo pandan déroulman tout ané-a, sé poutèt sa yo doué pran léktu sa yo pi souvan nan jou yo prévoua yo-a, sof si ta gin yon solanité, yon fèt oubyin yon mémoua ki gin pròp léktu pa-l.¹⁰⁷

Antan y-ap sèvi ak Lòd léktu lasémèn nan, sé pou yo fè atansyon pou yo konsidéré nan sélébrasyon k-ap vini nan sémèn nan, kilès nan léktu yo yo doué mét akoté. Lè sa-a atò prèt la doué prévoua, antan li gin program léktu tout sémèn nan dévan jé-l, pou-l ouè oubyin ki pati pou yo mét akoté kòm mouins inpòtan, oubyin kijan li kapab profité pou-l ranjé pati sa yo avèk dèt, lè yo nésésè pou prezanté aspè total tout ansègnman-an.

¹⁰⁶ Parégzanp, pandan tan Karèm nan, yo prezanté léktu Ansyin Téstaman yo yon fason ki pa séparé, dapré dévlopman istoua délivrans la ; oubyin pandan dimanch « tan òdinè » yo, yo prezanté léktu yon Lèt yon fason ki prèské pa gin séparation. Konsa li t-a bon pou réponsab nanm yo chouazi youn nan dé léktu yo, yon fason antan l-ap suiv plan-an, pandan anpil dimanch youn dèyè lòt, pou-l kapab bay ansègnman katéchis la yon akò ; li bon anpil pou yo li-l san sé pa dapré lòd li gin koulié-a nan Ansyin Téstaman-an oubyin nan Lèt la, san rélasyon tèks yo ginyin ki fè yo akòdé lè youn ap suiv lòt la.

¹⁰⁷ Cf. *Institutio generalis Missalis Romani*, n. 319 [2008 = n. 358].

5) *Osiyè sélébrasion Sin yo*

Pou sélébrasion Sin yo, yo prezanté léktu ki pròp pou yo, lè ginyin éféktivman, sa vlé di ki konsènè pèsonalite Sin-an minm, oubyin mistè Mès la ap sélébré-a. Léktu sa yo, minm si sé pou yon mémoua yo yé, yo doué di yo nan plas léktu ki tonbé nan jou sémèn nan. Chak foua gin mòd léktu sa yo nan yon mémoua, yo indiké sa klèman nan Lòd léktu sa-a.

Kèk foua, yo bay léktu raproché, sa vlé di ki montré yon aspè spésial nan lavi nanm Sin-an oubyin nan aktivite-l. Nan ka sa yo, pa gin yon trò gran obligasion pou sèvi avèk léktu sa yo, sof si bézouin fidèl yo t-a mandé sa. An jénéral yo indiké léktu ki nan Komin yo pou yo kapab fè choua-a pi fasil. Min sé yon indikasion yo bay : éféktivman, nan plas léktu raproché-a oubyin sa yon propozé tou sinpléman-an, yo kapab chouazi ninpòt lòt léktu yo indiké nan Komin yo.

Prèt la k-ap sélébré ansanm ak pèp la doué chèché toudabò byin spirituèl fidèl yo, épi sé pou-l fè atansyon pou li pa inpozé yo pròp gou pa-l. Sé pou-l pran souin sitou pou-l pa éliminé trò souvan épi san rézon valab léktu yo prévoua pou chak jou nan Léksionè férial la : réyèlman, Égliz la vlé pou yo ofri tab paròl Bondié-a ak plis richès bay fidèl yo.¹⁰⁸

An plis yo bay léktu komin, sa vlé di ki sèvi an Komin oubyin pou yon kalite group Sin spésial (parégzanp Mati yo, Vièj yo, Pastè yo) oubyin pou Sin yo an jénéral. Kòm, nan ka sa yo, yo prezanté anpil tèks pou minm léktu-a, sé prèt k-ap sélébré-a ki pou chouazi sa-k pi alé avèk fidèl yo k-ap kouté-a.

Nan tout sélébrasion yo, an plis sa yo indiké nan ka patikilié pou yo pran apati Komin yo, yo toujou kapab chouazi léktu yo nan Komin Sin yo ak Sint yo, chak foua yon rézon spésial mandé sa.

An plis, pou sélébrasion Sin yo sé pou yo fè atansyon :

a) Nan gran fèt yo [solanité yo] ak fèt yo sé pou yo toujou pran léktu yo mété nan Pròp la oubyin Komin-an ; toujou gin léktu pròp pou sélébrasion yo mété nan kalandriyé jénéral la.

b) Nan sélébrasion kalandriyé patikilié yo, yo propozé toua léktu, prémié-a apati Ansyin Téstaman-an (min nan tan paskal la apati Travay Apot yo oubyin Apokalips), dézièm nan minm apati Apot la, touazièm nan anfin apati Évanjil la, sof si Konférans Épiskopal la désidé sé dé léktu sèlman ki pou ginyin.¹⁰⁹

c) Nan fèt yo ak nan mémoua yo, sètadi lè sé dé léktu sèlman ki ginyin, yo kapab chouazi prémié léktu-a oubyin nan Ansyin Téstaman-an oubyin nan Apot la ; lòt la minm nan Évanjil la. Sèlman nan tan paskal, dapré abitid ki transmèt

¹⁰⁸ Cf. *ibid.*, n. 316, c; Conc. Vat. II, Const. de sacra Liturgia, *Sacrosanctum Concilium*, n. 51.

¹⁰⁹ Cf. *Institutio Generalis Missalis Romani*, n. 318.

nan Égliz la, prémié léktu-a yo chouazi-l nan Apot la, lòt la minm, lè yo kapab, nan Évanjil Jan-an.

6) *Osiyè lòt pati Lòd léktu yo*

Nan Lòd léktu pou Mès rituèl yo, yo indiké minm tèks ki nan chak Òdo yo déja promilgé, sof, évidamman, tèks yo pa gin pou yo mété nan sélébrasion ki fèt nan Mès la.¹¹⁰

Lòd léktu yo nan Mès pou divès sikonstans ak nan Mès votiv épi pou défin yo prezanté anpil tèks ki kapab édé pou adapté sélébrasion sa yo dapré évenman, sikonstans ak késion diféran group k-ap patisipé yo.¹¹¹

Nan Mès rituèl yo, nan Mès pou divès sikonstans, nan Mès votiv ak pou défin yo, kòm yo prezanté anpil tèks pou minm léktu-a, yo chouazi dapré minm rézon yo [kritè yo] ki rapoté pi ro-a pou chouazi léktu nan Komin Sin yo.

Lè yo intèdi sélébré yon Mès rituèl, épi, dapré prinsip yo indiké nan chak rit, sé yon sèl léktu sèlman yo gin doua pran nan pami sa yo propozé pou Mès rituèl yo, sé pou yo fè atansyon chèché byin komin spirituèl sa k-ap patisipé yo.¹¹²

b) PSÒM RÉSPONSORIAL LA ÉPI AKLAMASION ANVAN ÉVANJIL LA

Pami chan sa yo, psòm nan ki suiv prémié léktu-a inpòtan anpil. Dòdinè sé pou yo pran psòm ki dézignin pou léktu-a, sof si sé léktu pou Komin Sin yo, pou Mès rituèl yo, Mès pou divès nésésité, Mès votiv épi pou défin yo, koté yo kité prèt la minm k-ap sélébré-a chouazi, antan-l konsidéré toudabò bézouin pastoral fidèl yo ki prézan yo.

Sèlman, pou pèp la kapab chanté répons psòm nan pi fasil, yo chouazi nan pami sa yo indiké nan Lòd léktu yo, kèk tèks psòm ak répons pou divès tan ané-a oubyin pou divès katégori Sin yo, yo kapab sèvi avèk yo nan plas tèks ki réponn léktu-a, chak foua yo chanté psòm nan.¹¹³

¹¹⁰ Cf. *Rituale Romanum* ex Decreto Sacrosancti Oecumenici Concilii Vaticani II instauratum. Auctoritate Pauli PP. VI promulgatum. *Ordo Paenitentiae* (Typis Polyglottis Vaticanis 1974) *Praenotanda* n. 13.

¹¹¹ Cf. *Institutio generalis Missalis Romani*, n. 320.

¹¹² Cf. *ibid.*, n. 313.

¹¹³ Cf. *infra*, in *Ordine lectionum*, [nn. 173-174, pp. 97-98] p. 1548.

Gin yon lòt chan, pou yo chanté apré dézièm léktu-a, anvan Évanjil la, oubyin li fikse nan chak Mès épi li akòdé avèk Évanjil la, oubyin yo kité posibilite pou chouazi-l nan séri òdinè yon tan oubyin Komin-an.

Nan tan Karèm, yo kapab pran youn nan réfrin yo propozé pi louin-an,¹¹⁴ anvan ak apré vèsè anvan Évanjil la.

¹¹⁴ Cf. *infra*, in Ordine lectionum, [n. 223, p. 130], p. 234.

CHAPIT V

DÉSKRIPSION LÒD LÉKTU YO

Pou édé pastè nanm yo konprann strikti Lòd léktu yo, yon fason pou yo sèvi ak li antan yo fè-l vi-n vivan épi apati li fidèl Kris la réyisi donnin foui, sa té parèt konv nab pou bay yon déskripsion tou kout pou Lòd léktu yo, sitou pou sélébrasion ki pi inpòtan yo ak divès tan ané litijik la, sa yo séléksioné léktu yo-a avèk atansyon dapré prinsip yo té bay pi ro-a.

1. Tan Avan-an

a) NAN DIMANCH YO

Léktu Évanjil yo gin karaktè spésial : yo fè sonjé Granmèt la k-ap vini nan finisman tan yo (prémié dimanch), ni Jan-Batis (dézièm dimanch ak touazièm nan), évenman yo ki paré Nésans Granmèt la tou pré (katriyèm dimanch).

Léktu Ansyin Téstaman yo sé profési osijè Mési-a ak tan Mési-a, spésialman nan liv Izayi-a.

Léktu Apot la prezanté ankourajman ak mèsaj dapré divès karaktè tan sa-a.

b) NAN SÉMÈN YO

Gin dé séri léktu ki prezanté, youn pou yo pran dépi kòmansman-an jous 16 désanm, lòt la dépi 17 jous 24.

Nan prémié pati Avan-an sé léktu liv Izayi-a, séparé dapré lòd liv la, san ouété tèks yo ki pi inpòtan yo ki vi-n nan dimanch yo. Évanjil jou sa yo yo chouazi yo an konsidérasion prémié léktu-a.

Apati jédi dézièm sémèn nan, yo kòmansé léktu Évanjil la osijè Jan-Batis ; prémié léktu-a minm sé soua kontiniasion liv Izayi-a, soua tèks yo chouazi an konsidérasion Évanjil la.

Nan dènié sémèn anvan Nésans Granmèt la, apati Évanjil Matié-a (chap. 1) ak Luk (chap. 1) yo prezanté évenman ki préparé Nésans Granmèt la tout-suit. Nan prémié léktu-a, yo chouazi tèks ki korésonn ak Évanjil la, apati divès liv Ansyin Téstaman yo, koté gin déklarasion profèt ki gin anpil inpòtans osijè Mési-a.

2. Tan Nésans Granmèt la

a) NAN SOLANITÉ YO, FÈT YO ÉPI DIMANCH YO

Pou vijil ak toua Mès nan Nésans Granmèt la, yo chouazi ni léktu profèt la ni lòt yo dapré tradision Égliz Ròm nan.

Dimanch anndan sémèn Nésans Granmèt la, pou fèt sint Fanmiy la, Évanjil la konsidéré lè Jézu té timoun, lòt léktu yo konsènè bèl kalité nan lavi fanmiy.

Nan Oktav Nésans Granmèt la épi nan solanité Mari Manman Bondié-a, léktu yo konsènè Mari ki Vièj ki Manman Bondié avèk Non Jézu-a ki sin anpil la yo ba li-a.

Dézièm dimanch apré Nésans Granmèt la, léktu yo konsènè mistè Inkarnasion-an [Bondié ki vi-n pran chè-a].

Nan Épifani Granmèt la yo kinbé tradision Égliz Ròm nan pou léktu Ansyin Téstaman-an épi Évanjil la ; pou léktu Apot la minm, yo li tèks sou nasion yo Bondié rélé vi-n sovè-a.

Nan fèt Batèm Granmèt la, yo chouazi tèks yo osijè mistè sa-a.

b) NAN SÉMÈN YO

Dépi 29 désanm, yo fè léktu tout premié Lèt Jan-an, ala-fil, sa yo té kòmansé li déja nan 27 désanm, nan fèt Sin Jan-an li minm épi jou apré-a, nan fèt Sin-z-Inosan yo. Évanjil yo konsidéré Granmèt la k-ap parèt. Konsa yo li évenman lè Jézu té ti moun, nan Évanjil Luk la (29 ak 30 désanb), premié chapit Évanjil Jan-an (31 désanm jous 5 janvié), ak prinsipal fason Granmèt la fè ouè sa-l yé-a, nan kat Évanjil yo (7 jous 12 janvié).

3. Tan Karèm

a) NAN DIMANCH YO

Min kijan yo ranjé léktu Évanjil yo :

Nan premié ak dézièm dimanch, yo konsèvé istoua Tantasion ak Transfigirasion Granmèt la, sa yo li dapré toua Évanjil yo yo konn konsidéré ansanm nan.

Nan toua dimanch ki suiv yo, yo pran Évanjil Samaritèn nan, moun ki fèt avèg la, épi Lazar, pou ané A ; Évanjil sa-a yo, kòm yo inpòtan anpil, parapò a inisiasion krétyèn nan [parapò modèl krétyin yo gin pou yo pran], yo kapab sèvi avèk yo tou ni nan ané B ni nan ané C, spésyalman koté gin katékumèn [moun ki nan katéchis pou batèm].

Sèlman, nan ané B ak C yo ofri dòt tèks tou : sètadi pou ané B tèks Jan-an sou gloua Kris la gin pou-l résévoua nan Koua-a ak Rézireksion-an ; pou ané C, sé tèks Luk la sou [konvèsion-an] chanjman konduit la.

« Dimanch Ramo osijè Soufrans Granmèt la », nan prosésion-an yo chouazi tèks ki konsènè antré Granmèt la antré solanèlman nan Jérusalèm nan dapré toua Évanjil yo yo konn konsidéré ansanm nan ; min pou Mès la yo li istoua Soufrans Granmèt la.

Léktu Ansyin Téstaman yo konsidéré istoua sové-a, sé youn nan premié bagay ansègnman katéchis karèm nan ap chèché. Pou chak ané gin yon séri tèks ki pèmèt prezanté prinsipal éléman istoua sa-a dépi kòmansman jous promès nouvo aliens la.

Léktu Apot yo, yo chouazi yo, pou yo korésonn avèk léktu Évanjil la avèk Ansyin Téstaman-an, épi, otan sa kapab fèt, pou yo konkòdé pi byin yo kapab antré yo.

b) NAN SÉMÈN YO

Léktu nan Évanjil ak Ansyin Téstaman, yo chouazi yo dapré rélation youn ginyin ak lòt, épi yo trété divès kategori lidé ki sépsial pou ansègnman katéchis karèm nan, antan yo adapté yo ak signifikasyon spirituèl tan sa-a. Sé poua, dépi lindî katriyèm sémèn nan, yo prezanté léktu Jan prèské san rété, nan léktu sa-a yo jouinn tèks Évanjil sa-a ki korésonn pi plis nan karaktè Karèm nan.

Kòm léktu Samaritèn nan, moun ki fèt avèg la épi rézireksion Lazar la, yo li yo koulié-a nan dimanch yo, min sèlman ané A (épi nan lòt ané yo min si yo vlé sèlman), yo prévoua yo kapab réprann yo nan lasémèn : sé poua, nan kòmansman touazièm sémèn nan ni katriyèm nan ni sinkiem nan, yo mété « Mès yo kapab chouazi » avèk tèks sa yo ; léktu Mès sa yo, yo kapab sèvi avèk yo, nan plas léktu jou-a, nan ninpòt ki jou nan sémèn sa-a.

Nan premié jou Sémèn sint la léktu yo konsidéré mistè soufrans Granmèt la. Létu pou Mès sin Krèm nan montré ni fonksion Kris la kòm Mési ni kontinié minm fonksion sa-a kontinié nan Égliz la gras a sakréman yo.

4. Toua jou sakré yo épi tan paskal la

a) NAN TRIDIÒM PASKAL LA KI SAKRÉ-A

Jédi nan Soupé Granmèt la, pou Mès asouè-a, souvni manjé égzòd la ki vi-n anvan-an bay yon limiè spésial ni pou égzanp Kris la k-ap lavé pié dispip yo ni pou paròl Pòl osijè établi Pak krétyin-an vi-n établi nan Ékaristi-a.

Aksion litijik vandrédi nan Soufrans Granmèt la rivé nan pi ro pouin li nan fason Jan rakonté Soufrans li-a, li minm, tankou Sèvitè Granmèt la yo té anonsé nan liv Izayi-a, li vi-n tounin sèl prèt la tout bon vré antan-l ofri pròp tèt li bay Papa-a.

Pou Véyé paskal la nan nuit ki sin-an, yo propozé sèt léktu yo pran nan Ansyin Téstaman-an k-ap raplé mèvèy Bondié yo nan istoua sové-a, épi dé yo pran nan Nouvo-a, sètadi anons Rézireksion-an dapré toua Évanjil yo yo konn konsidéré ansanm nan, épi léktu Apot la osijè Batèm krétyin-an kòm sakréman Rézireksion Kris la.

Léktu Évanjil pou Mès nan jou Pak la osijè tonm nan yo jouinn vid-la, yo pran-l nan Jan. Min si yo vlé yo kapab li tou tèks Évanjil yo té propozé pou nuit ki sin-an, oubyin, koté yo gin Mès nan asouè, sa Luk rakonté osijè aparision pou disip ki t-apral Émayus yo. Yo pran prémié léktu-a nan Travay Apot yo ki sèvi nan plas léktu Ansyin Téstaman-an nan tan paskal la. Léktu Apot la konsidéré mistè Pak la yo doué viv nan Égliz la.

b) NAN DIMANCH YO

Jous nan touazièm dimanch Pak, léktu Évanjil yo konsidéré aparision Kris la ki résisité-a. Léktu sou Bon Gadyin-an, yo fiské yo nan katriyèm dimanch Pak. Nan sinkièm, sizièm ak sétièm dimanch Pak, yo pran kèk pati nan diskou ak lapriyé Granmèt la té fè apré dènié soupé-a.

Prémié léktu-a yo pran-l nan Travay Apot yo, nan yon ronn ki fèmin sou touazan, yon fason kot a kot épi avèk prògrè : konsa yo prezanté kèk bagay sou lavi Égliz prémié tan-an, sou témouagnaj li ak progrè-l pou chak ané.

Pou léktu Apot la, nan ané A, sé prémié Lèt Piè-a yo li, nan ané B sé prémié Lèt Jan-an, nan ané C sé Apokalips lan. Tèks sa yo, yo akòdè trè byin avèk éspri lafoua ki nan kè kontan-an épi éspérans ki fèm nan, ki spésial pou tan sa-a.

c) NAN SÉMÈN YO

Yo pran prémié Léktu-a nan Travay Apot yo tankou nan dimanch yo, yon fason prèské ki pa intéronp. Pou Évanjil la, anndan oktav Pak la, yo li istoua aparision Granmèt la. Apré sa sé léktu Évanjil Jan-an prèské san intéronp, nan li koulié-a yo pran tèks yo ki gin plis karaktè paskal, pou léktu ki té kòmansé nan tan Karèm nan kapab konplété. Nan léktu tan paskal sa-a, diskou ak priyé Granmèt té fè apré soupé-a, yo gin yon gran pati.

d) NAN SOLANITÉ ASANSION AK PANTKOT

Solanité Asansion-an kinbé kòm prémié léktu istoua évenman-an dapré Travay Apot yo, tèks sa-a konplété ak léktu Apot la osijè Kris la ki lévé anlè adouat Papa-a. Pou léktu Évanjil la minm chak ronn ofri yon tèks pròp dapré divèsité évanjélist yo yo minm.

Nan Mès yo sélébré nan asouè nan Vyé Pantkot la, yo propozé kat tèks Ansyin Téstaman-an, pou yo kapab chouazi youn si yo vlé, pou montré divès signifikasion solanité-a. Léktu Apot la ap montré fonksion Éspri-a ap égzèsè an akt nan Égliz la. Apré sa, léktu Évanjil la ap fè sonjé promès Éspri-a Kris la té fè lè li pa-t ankò glorifié.

Pou Mès nan jou-a, dapré abitud yo résévoua-a, yo pran kòm prémié léktu istoua gran évenman Pantkot la nan Travay Apot yo, tèks Apot la minm ap

montré konsékans travay Éspri-a nan lavi Égliz la. Léktu Évanjil la raplé Jézu lè li t-ap kominité Éspri-a bay disip li yo nan asouè dimanch Pak la, lòt tèk yo kapab chouazi si yo vlé yo, ap palé osijè aksion Éspri-a nan disip yo ak nan Égliz la.

5. Tan « nan kouran ané-a »

a) ARANJMAN AK FASON YO CHOUAZI TÈKS YO

Tan « nan kouran ané-a » kòmansé lindi ki suiv dimanch apré 6 janvié-a, li kontinié jous madi anvan Karèm nan ; li rékòmansé ankò lindi apré Dimanch Pankot la, épi li fini anvan premié Vèp premié dimanch Avan-an.

Lòd léktu yo prezanté léktu pou 34 dimanch ak sémèn ki suiv yo. Sèlman kèkfoua sémèn « nan kouran ané-a » sé 33 sèlman. An plis, kèk dimanch konséné dèt tan (dimanch koté yo fété Batèm Granmèt la ak Dimanch Pantkot la), oubyin yo anpéché akòz gran fèt ki tonbé la (parégzanp Trinité ki Sin anpil la, Granmèt nou Jézu-Kri Roua tout tè-a).

Pou yo kapab sèvi byin ak léktu yo, ki fiksé pou tan « nan kouran ané-a », sé pou yo obsèvé sa yo :

1) Dimanch koté yo fété Batèm Granmèt la sèvi nan plas premié dimanch « nan kouran ané-a » ; konsa léktu premié sémèn yo kòmansé lindi apré dimanch ki rivé apré 6 janvié-a. Si yo sélébré fèt Batèm Granmèt la nan lindi apré dimanch yo té sélébré Épifani-an, léktu premié sémèn nan kòmansé nan madi.

2) Dimanch ki suiv fèt Batèm Granmèt la sé dézièm dimanch « nan kouran ané-a ». Rès yo, yo konté yo nan lòd apati pouin sa-a, jous dimanch ki vi-n anvan kòmansman Karèm nan. Léktu sémèn koté mèkrédi Sann yo tonbé-a, yo intéronp yo apré jou ki vi-n anvan mèkrédi lésann nan.

3) Lè yo réprann léktu tan « nan kouran ané-a » apré Dimanch Pankot la, yo réglé yo nan fason sa-a :

- Si gin 34 dimanch « nan kouran ané-a », yo pran sémèn ki suiv sémèn koté yo té sèvi ak léktu yo pou dènié foua-a anvan Karèm nan.¹¹⁵

- Si sé 33 dimanch « nan kouran ané-a » ki ginyin, yo soté premié sémèn nan pou yo ta pran apré lapankot la, pou nan finisman ané-a yo kapab kinbé tèks ki palé sou dènié tan yo, ki fiksé pou dé dènié sémèn yo.¹¹⁶

¹¹⁵ Konsa, parégzanp, si té gin sis sémèn anvan Karèm nan, lindi apré Pankot ap kòmansé apati sètièm sémèn nan. Gran fèt Trinité ki Sin anpil la pran plas dimanch « nan kouran ané-a ».

¹¹⁶ Konsa parégzanp, si gin sink sémèn anvan Karèm nan, lindi apré Pantkot la, yo soté sizièm sémèn nan, yo kòmansé avèk sètièm nan.

b) LÉKTU POU DIMANCH YO

1) *Léktu Évanjil yo*

Dézièm dimanch « nan kouran ané-a » Évanjil la konsèné toujou fason Granmèt la parèt la, sa yo té fété nan gran fèt Épifani-a, sé pasaj yo abitué pran-an osijè nòs Kana-a ak dé lòt ankò yo pran nan Évanjil Jan-an.

Apati touazièm dimanch nan, yo kòmansé léktu prèské-a-la-fil toua Évanjil yo kapab gadé ansanm yo ; léktu sa-a, li réglé yon fason pou-l prezanté ansègnman ki spésial pou chak Évanjil pandan lavi ak prèch Granmèt la ap dévlopé.

An plis, gras a aranjan sa-a, gin yon akò ant sans chak Évanjil avèk dévlopman ané litiji-a. Réyéman vré apré Épifani yo li kòmansman prèch Granmèt la, ki akòdé avèk Batèm Jézu-Kri-a ak premié fason li montré sa-l yé-a, jan yo té gin nan léktu Épifani yo ak dimanch ki suiv yo. Nan finisman ané litiji-a minm, tou nòmalmman, yo rivé nan lidé dènié tan yo ki spésial pou dènié dimanch yo : chapit Évanjil yo ki vi-n anvan istoua Soufrans Granmèt la, sé késion sa-a sitou yo trété.

Nan ané B, apré 16èm dimanch la, yo glisé sink léktu ki soti nan chapit 6 Jan (« diskou sou pin lavi-a ») ; glisman sa-a fèt yon fason natirèl, paské pin yo Jézu fè vi-n anpil la nan Évanjil Jan-an, sé minm istoua-a nan Mark. Nan léktu prèské-a-la-fil Luk nan ané C, kòm premié tèks (donk touazièm dimanch) yo mété tèt Évanjil la, ki montré trè byin intansion lotè-a, yo pa ouè ki lòt koté li t-a kapab vini.

2) *Léktu Ansyin Téstaman yo,*

Yo chouazi léktu sa yo an rélasyon avèk chak pasaj Évanjil yo, pou yo évité divèsité ant léktu minm Mès yo, sitou montré kijan toulédé Téstaman yo fè yon sèl. Rélasyon ant léktu minm Mès la, yo montré-l antan yo mété anpil atansion pou chouazi tit yo ki nan tèt chak léktu yo.

Nan mézi yo té kapab, yo chouazi léktu yo yon fason pou yo kapab kout épi fasil. Min yo fè yon fason tou pou lè dimanch yo li anpil nan tèks Ansyin Téstaman yo ki inpòtan anpil. Yo ranjé yo dapré bézouin léktu Évanjil la, donk san yon lòd pou rézon-an ; sèlman trézò Bondié-a louvri yon fason pou tout moun k-ap patisipé nan Mès dimanch yo rivé konnin prèské tout paj Ansyin Téstaman-an.

3) *Pou Lèt yo*

Pou Lèt yo, yo prezanté léktu prèské-a-la-fil Lèt Pòl ak Jak yo (Lèt Piè yo ak Jan yo nan tan paskal ak nan tan Nésans Granmèt la).

Prémié Lèt pou Korintyin yo, kòm li asé long, épi li trété divès késion, yo séparé-l nan ronnn toua ané yo, nan kòmansman tan « nan kouran ané-a ». Konsa tou, yo té ouè sa bon pou séparé Lèt Ébré yo nan dé pati, prémié-a yo li-l nan ané B, lòt la nan ané C.

Ya rémaké yo chouazi sèlman léktu ki asé kout épi ki pa trò difisil pou fidèl yo konprann.

Dézièm tablo-a yo prezanté pi louin-an¹¹⁷ montré distribision Lèt yo ant dimanch « nan kouran ané-a » pou ronnn touazan yo.

c) LÉKTU POU GRAN FÈT GRANMÈT LA « NAN KOURAN ANÉ-A »

Nan solanité Trè Sint Trinité-a, Trè Sin Kò ak San Kris la épi Kè Jézu ki sakré anpil la, yo chouazi tèks ki korèsponn ak prinsipal karaktéristik sélébrasion sa yo.

Léktu 34èm ak dènié dimanch la yo sélébré Kris la Roua tout tè-a, li kouvri ak lonbraj modèl David la, yo aklamé-l nan imiliasion Soufrans la ak Koua-a, l-ap kòmandé kòm roua nan Égliz la, li gin pou-l rétownin nan finisman tan yo.

d) LÉKTU LASÉMÈN YO

1) *Évanjil* yo ranjé yon fason pou yo li an prémié Mark (sémèn 1-9), apré sa Matié (sémèn 10-21), anfin Luk (sémèn 22-34). Chapit 1-12 Mark, yo li yo nèt, yo soté sèlman dé pasaj nan chapit sis la, sé nan lòt tan nan sémèn yo yo li yo. Pou Matié ak Luk, yo li tou sa-k pa nan Mark. Dé ou toua fousa yo li tou sa ki gin karaktè pròp nan divès Évanjil yo oubyin ki nésèsè pou yo konprann déroulman Évanjil la byin. Diskou sou dènié tan yo, yo pran-l tout antié nan Luk, konsa yo li-l nan finisman ané litiji-a.

2) *Prémié léktu-a* yo ranjé-l yon fason pou nan sémèn yo yon lè yo li Ansyin Téstaman, yon lè Nouvo Téstaman, dapré longè liv yo y-ap li-a.

Nan liv Nouvo Téstaman yo yo li pati ki asé laj, pou yo kapab bay kòmsi fon chak Lèt.

Nan Ansyin Téstaman yo té blijé chouazi kèk pasaj ki montré karaktè chak liv, nan mézi yo kapab. Tèks istoua yo, yo chouazi yo pou yo montré istoua sovè-a anvan Granmèt la vi-n pran chè-a. Istoua ki trè long yo minm yo té kapab bay yo apèn : pafousa yo chouazi vèsè ki fè léktu-a vi-n pa trò long. Sitou kèk fousa sans rélijijé évenman istoua yo jouinn limiè nan kèk tèks yo pran nan liv Sajès la, yo glisé nan séri istoua-a kòm tèt oubyin kòm finisman.

¹¹⁷ Cf. *infra*, *Praenotanda*, [p. LII] p. 53.

Prèské tout liv Ansyin Téstaman yo jouinn plas nan Lèd léktu lasémèn ki Pròp pou Tan-an. Sèl sa yo soté sé liv profèt ki kout anpil yo (Abdias, Sofoni) ak liv poézi (Kantik). Nan istoua yo ki ékri pou bay ankourajman yo, ki ta mandé léktu ki asé long pou yo konprann yo-a, yo li Tobi ak Rut, yo kité rès yo (Éstè, Judit). Sèlman gin kèk tèks yo pran nan yo pou dimanch oubyin sémèn lòt tan yo.

Tablo niméro III-a ki pi louin-an ¹¹⁸ montré aranjman liv toulédé Téstaman yo ant sémèn nan kouran ané-a pou dézan.

Nan finisman ané litiji-a, yo li liv ki korésponn ak koulè dènié tan yo pou tan sa-a, sé Danièl avèk Apokalips.

¹¹⁸ Cf. *infra*, *Praenotanda*, [p. LIII] p. 54.

CHAPIT VI

ADAPTASION, TRADIKSION NAN LANG PÈP YO ÉPI RÉFÉRANS LÒD LÉKTU YO

1. Adaptasion yo ak tradiksyon yo

Nan asanblé litijik la, yo doué toujou anonsé paròl Bondié-a soua nan tèk Latin yo, sa Sin Sièj la préparé yo oubyin nan tradiksyon nan lang pèp yo pou sèvi nan litiji-a, sa Konfèrans Épiskopal yo aprouvé yo, dapré prinsip ki an vigè yo.¹¹⁹

Yo doué tradui Léksionè Mès la intégralman nan tout pati li yo, san yo pa mété Avètisman jénéral yo akoté. Si Konfèrans Épiskopal yo ta introdui kèk adaptasion ki ta nésèsè épi konvnab, sé pou yo introdui yo apré konfimasyon Sin Sièj la.¹²⁰

Poutèt grosè Léksionè-a, édisyon yo oblijé gin pliziè volim, yo pa fiksé okinn séparasyon pou sa. Min nan tout volim yo sé pou gin tèks ki ékspliké aranjman ak intansyon pati-a.

Yo rékòmandé ansyin abitud pou édité yon liv séparé pou Évanjil yo épi yon lòt pou léktu Ansyin ak Nouvo Téstaman-an.

Min yo kapab tou édité séparéman Léksionè dimanch yo – koté yo kapab mété kèk pati nan fèt Sin yo ki konvnab – épi Léksionè sémèn yo. Yo kapab divizé pa dimanch yo proposionèlman dapré ronnn touzanyan yo pou yo ta kapab prézanté tout bagay chak ané yon fason alasuit.

Min yo kapab anplouyé si yo vlé kèk lòt aranjman yo t-a dékouvri pétèt épi ki ta pi adapté pou bézouin pastoral la.

Sé pou yo toujou ajouté tèks chan yo nan léktu yo ; min yo kapab fè yon liv séparé koté sé chan yo sèlman ki ginyin. Yo rékòmandé pou inprimé tèks la antan li divizé dapré stròf yo.

¹¹⁹ Cf. Cons. ad exsequendam Const. de sacra Liturgia. Instr. *De popularibus interpretationibus conficiendis*, 35 ian. 1969; Notitiae 5 (1969), pp. 3-12; *Declaratio circa interpretationes textuum liturgicorum « ad interim » paratas*: Notitiae 5 (1969), p. 69; S. Congr. pro Cultu Divino, *Declaratio de interpretationes textuum liturgicorum*: Notitiae 5 (1969), pp. 333-334 (cf. etiam *Responsiones ad dubia*, in Notitiae 9 (1973) pp. 153-154); *De unica interpretatione textuum liturgicorum*: Notitiae 6 (1970), pp. 84-85; S. Congr. pro Sacramentis et Cultu Divino, *Epistula ad Praesides Conferentiarum Episcopaliū de linguis vulgaribus in S. Liturgiam inducendis*: Notitiae 12 (1976), pp. 300-302.

¹²⁰ Cf. S. Congr. pro Cultu Divino, Instr. *Liturgicae instaurationes*, 5 sept. 1970, n. 11: A.A.S. 62 (1970), pp. 702-703; *Institutio generalis Missalis Romani*, n. 325.

Chak fouda léktu-a gin diféran pati, yo kapab fè ouè strikti sa-a klè nan tèks la nan aranjanman tipografik la. La-a tou yo rékòmandé pou minm tèks ki pa poéitk yo, yo inprimé yo dapré ségman séparé, pou proklamasyon léktu yo kapab fèt pi fasil.

Koté gin fòm ki pi long épi fòm ki pi kout, sé pou yo prezanté yo séparéman pou yo kapab li toulèdé byin fasil ; min koté séparasyon sa-a pa ta konvnan, sé pou yo jouinn yon fason pou pèmèt proklamé toulèdé tèks yo san èrè.

Yo pa doué prezanté tèks yo nan tradiksyon nan lang pèp yo san tit yo. Yo kapab minm ajouté sou tit la, koté sa parèt konvnan, yon monisyon ki ékspliké sans pasaj la pi klè, antan yo distingé-l ak yon sign adapté oubyin tip karaktè lèt pou sa parèt klé sé yon tèks yo kapab li si yo vlé.¹²¹

Nan chak volim li bon pou yo ajouté yon lis pasaj bibliik yo tankou sa ki nan volim sa-a,¹²² pou yo kapab jouinn pi fasilman tèks ki nésésè oubyin itil pou kèk okazyon nan Léksyonè Mès la.

2. Référans chak léktu yo

Nan liv sa-a, pou chak léktu yo yo bay indikasyon tèks la, tit la avèk « incipit » la (« antèt la ») ; min sa y-a konsidéré osijè yo :

a) INDIKASYON TÈKS LA

Indikasyon tèks la (donk chapit ak vèsè yo) yo bay yo tout tan dapré édisyon Nouvo Vulgat la sof pou Psòm yo,¹²³ yo konn ajouté dèt indikasyon dapré tèks ki sèvi kòm sous la (ébré oubyin araméyin oubyin grèk) chak fouda gin diféran. Nan liv y-ap fè pou pèp la, yo kapab bay soua niméro-a soua lèt la, dapré désizyon Otorité ki gin pouvoua pou chak lang yo. Sèlman sé pou yo toujou byin indiké chapit yo ak vèsè yo, li ta bon minm pou yo mété yo nan tèks la li minm oubyin nan maj la li minm.

Dapré indikasyon sa-a nan liv litijik yo sé pou gin « inskripsyon » tèks la y-ap li nan sérémoni-an, inskripsyon sa-a ki pa nan Lòd léktu sa-a. Y-a fè-l dapré

¹²¹ Cf. *Institutio generalis Missalis Romani*, nn. 11, 29, 68a, 139.

¹²² Cf. *infra*, in *Ordinis lectionum textu*, [pp. 453-458] p. 2603.

¹²³ Yo indiké niméro Psòm yo dapré lòd yo jouinn nan *Liber Psalmorum* Komisyon Pontifikal pou Nouvo Vulgat-la té pibliyé nan ané 1969 la (Pontificia Commissione pro Nova Vulgata, Typis Polyglottis Vaticanis anno 1969 edito).

règléman sa yo, n-apral bay la, min yo kapab chanjé yo dapré Otorité yo ki gin pouvoua yo pou yo konfòmè avèk abitud ak bézouin péyi yo oubyin lang yo :

1) Sé pou yo toujou di « *Léktu* liv », oubyin « *Léktu Lèt* », oubyin « *Léktu Évanjil* », min pa « *Kòmansman* » (sof si nan tèl ka spésial yo ouè sa bon) ni « *Kontiniasion* ».

2) *Non liv* yo sé pou yo konsèvé yo dapré abitud yo transmèt la, sof sa yo :

a) koté gin dé liv ki gin minm non, yo di « *Prémié Liv* » épi « *Dézièm Liv* » (parégzanp : Roua, Makabé), oubyin « *Prémié Lèt* », « *Dézièm Lèt* » ;

b) non yo pi abitué ak yo jodi-a, yo sèvi avèk yo pou liv sa yo :

« *Prémié ak Dézièm Liv Samuèl* », nan plas *prémié ak dézièm Liv Roua* yo ;

« *Prémié ak Dézièm Liv Roua* yo », nan plas *Touazièm ak Katriyèm Liv Roua* yo ;

« *Prémié ak Dézièm Liv Kronik* yo », nan plas *Prémié ak Dézièm Liv Paralipomèn* ;

« *Liv Ésdras ak Néémi* », nan plas *Prémié ak Dézièm Liv Ésdras* ;

c) sé pou yo distingé liv sajès yo avèk non sa yo : *Liv Jòb*, *Provèb*, *Ékléziast* oubyin *Koèlèt*, *Kantik dè Kantik*, *Sajès*, *Ékléziastik* oubyin *Sirasid* ;

d) pou tout liv yo ki té groupé nan pami *Profèt* yo nan *Nouvo Vulgat* la, sé pou yo di « *Léktu liv Izayi, Jérémi, Baruk* », épi « *Léktu profési Ézékièl, Danièl, Ozé, ... Malachi* », minm pou sa yo gin moun ki pa konsidéré kòm vré profèt yo ;

e) sé pou yo di : « *Lamantasion* » épi « *Lèt pou Ébré* yo », san yo pa indiké *Jérémi* oubyin *Pòl*.

b) TIT LA

Gin yon *tit* yo chouazi avèk atansyon yo bay pou chak tèks yo (pi souvan sé nan mo ki sot nan tèks la minm yo pran-l) pou-l montré prinsipal lidé léktu-a épi, koté sa nésésè, pou dapré *tit* yo minm, yo ouè rélasyon ki ginyin ant léktu yo ki nan minm Mès la.

c) « INCIPIIT » LA

« *Incipit* » la, « *Kòmansman* »-an, gin prémié *mo* ki abitué *introdui* léktu-a : « Nan tan sa-a », « Nan jou sa yo », « Frè yo », « Nou minm mouin rinmin anpil », « Min paròl Granmèt la », ki disparèt koté indikasion tan oubyin pèsonaj yo asé klè nan tèks la minm oubyin koté mo sa yo pa nésésè dapré natu tèks la. Pou chak lang pèp yo, fòmil sa yo, yo kapab chanjé yo oubyin soté yo dapré désizion Otorité ki gin pouvoua.

Apré mo sa yo yo bay vré *kòmansman léktu-a*, antan yo ouété oubyin yo ajouté kèk mo dapré nésésité pou konprann tèks la ki soti nan souch li. Konsa tou yo bay indikasion nésésè koté tèks la pa prezanté yon ansanm apati vèsè yo, si yo blijé fè chanjman pou sa.

d) AKLAMASION ALAFIN-AN

Nan finisman léktu yo, pou yo kapab fasilité répons pèp la pi byin, yo mété paròl léktè-a gin pou-l di, *Paròl Granmèt la*, oubyin dòt fraz nan minm sans la, dapré abitud péyi yo.

TABLO I
TABLO ROULMAN FÈT YO AK DIMANCH YO
POU RÉGLÉ LÉKTU YO

<i>Ané Grammèt la</i>	<i>Ronn dimanch yo</i>	<i>Ronn sémèn yo</i>	<i>Mèkrédi lésann</i>	<i>Pak</i>	<i>Pantkot</i>	<i>Sémèn nan kouran Ané-a</i>				<i>Prémie Dimanch lavan</i>
						<i>Anvan</i>	<i>Apré</i>		<i>sém.</i>	
						<i>Karèm</i>	<i>Tan Pak</i>	<i>sém. dépi</i>		
						<i>jous</i>				
2008*	A	II	6 fév	23 mas	11 mé	5 fév	5	12 mé	6	30 nov
2009	B	I	25 fév	12 avr	31 mé	24 fév	7	1é juin	9	29 nov
2010	C	II	17 fév	4 avr	23 mé	16 fév	6	24 mé	8	28 nov
2011	A	I	9 mas	24 avr	12 juin	8 mas	9	13 juin	11	27 nov
2012*	B	II	22 fév	8 avr	27 mé	21 fév	7	28 mé	8	2 dés
2013	C	I	13 fév	31 mas	19 mé	12 fév	5	20 mé	7	1é dés
2014	A	II	5 mas	20 avr	8 juin	4 mas	8	9 juin	10	30 nov
2015	B	I	18 fév	5 avr	24 mé	17 fév	6	25 mé	8	29 nov
2016*	C	II	10 fév	27 mas	15 mé	10 fév	5	16 mé	7	27 nov
2017	A	I	1é mas	16 avr	4 juin	28 fév	8	5 juin	9	3 dés
2018	B	II	14 fév	1é avr	20 mé	13 fév	6	21 mé	7	2 dés
2019	C	I	6 mas	21 avr	9 juin	5 mas	8	10 juin	10	1é dés
2020*	A	II	26 fév	12 avr	31 mé	25 fév	7	1é juin	9	29 nov
2021	B	I	17 fév	4 avr	23 mé	16 fév	6	24 mé	8	28 nov
2022	C	II	2 mas	17 avr	5 juin	1é mas	8	6 juin	10	27 nov
2023	A	I	22 fév	9 avr	28 mé	21 fév	7	29 mé	8	3 dés

* Ané biséktil

TABLO II
ÒGANIZASION DÉZIÈM LÉKTU-A
NAN DIMANCH YO « NAN KOURAN ANÉ-A »

<i>Dimanch</i>	<i>Ané A</i>	<i>Ané B</i>	<i>Ané C</i>
2	<i>1 Korintyin, 1-4</i>	<i>1 Korintyin, 6-11</i>	<i>1 Korintyin 12-15</i>
3	“	“	“
4	“	“	“
5	“	“	“
6	“	“	“
7	“	<i>2 Korintyin</i>	“
8	“	“	“
9	<i>Romin</i>	“	<i>Galat</i>
10	“	“	“
11	“	“	“
12	“	“	“
13	“	“	“
14	“	“	“
15	“	<i>Éfézyin</i>	<i>Kolosyin</i>
16	“	“	“
17	“	“	“
18	“	“	“
19	“	“	<i>Ébré 11-12</i>
20	“	“	“
21	“	“	“
22	“	<i>Jak</i>	“
23	“	“	<i>Filémon</i>
24	“	“	<i>1 Timoté</i>
25	<i>Filipyin</i>	“	“
26	“	“	“
27	“	<i>Ébré 2-10</i>	<i>2 Timoté</i>
28	“	“	“
29	<i>1 Tésalonisyin</i>	“	“
30	“	“	“
31	“	“	<i>2 Tésalonisyin</i>
32	“	“	“
33	“	“	“

TABLO III
ÒGANIZASION PRÉMIÉ LÉKTU-A
NAN SÉMÈN YO « NAN KOURAN ANÉ-A »

<i>Sémèn</i>	<i>Ané I</i>	<i>Ané II</i>
1	<i>Ébré</i>	<i>1 Samuèl</i>
2	“	“
3	“	<i>2 Samuèl</i>
4	“	<i>2 Samuèl 1 Roua 1-16</i>
5	<i>Jénèz 1-11</i>	<i>1 Roua, 1-16</i>
6	“	<i>Jak</i>
7	<i>Sirasid (Éklésiastik)</i>	“
8	“	<i>1 Piè ; Jud</i>
9	<i>Tobi</i>	<i>2 Piè ; 2 Timoté</i>
10	<i>2 Korintyin</i>	<i>1 Roua 17-19</i>
11	“	<i>1 Roua 21-22 ; 2 Roua</i>
12	<i>Jénèz 12-50</i>	<i>2 Roua, Lamantasion</i>
13	“	<i>Amòs</i>
14	“	<i>Ozé ; Izayi</i>
15	<i>Égzòd</i>	<i>Izayi ; Miché</i>
16	“	<i>Miché ; Jérémi</i>
17	<i>Égzòd ; Lévitik</i>	<i>Jérémi</i>
18	<i>Nonb ; Détéronòm</i>	<i>Jérémi ; Naoum ; Abakuk</i>
19	<i>Détéronòm ; Jozué</i>	<i>Ézékièl</i>
20	<i>Jij ; Rut</i>	“
21	<i>1 Tésalonisyin ; Kolosyin</i>	<i>1 Korintyin</i>
22	<i>1 Tésalonisyin ; Kolosyin</i>	<i>1 Korintyin</i>
23	<i>Kolosyin ; 1 Timoté</i>	“
24	<i>1 Timoté</i>	“
25	<i>Ésdras ; Ajé ; Zakari</i>	<i>Provèb ; Koèlèt (Éklézias)</i>
26	<i>Zakari ; Néémi ; Baruk</i>	<i>Jòb</i>
27	<i>Jonas ; Malachi ; Joèl</i>	<i>Galat</i>
28	<i>Romin</i>	<i>Galat ; Éfézysin</i>
29	“	<i>Éfézysin</i>
30	“	“
31	“	<i>Éfézysin ; Filipyin</i>
32	<i>Sajès</i>	<i>Tit ; Filémon ; 2 é 3 Jan</i>
33	<i>1 é 2 Makabé</i>	<i>Apokalips</i>
34	<i>Danièl</i>	“

KALANDRIYÉ ROMIN JÉNÉRAL

JANVIÉ

Cal.	1	Oktav Nésans Granmèt la SOLANITÉ SINT MARI MAMAN BONDIÉ	Solanité
IV	2	Ss. Bazil légran ak Grégoua Nazianz, évèk é doktè Égliz la	Mémoua
III	3	<i>Trè Sin Non Jézu *</i>	
Prid.	4		
Non.	5		
VIII	6	ÉPIFANI GRANMÈT LA	Solanité
VII	7	<i>S. Rémon de Pényafòr, prèt</i>	
VI	8		
V	9		
IV	10		
III	11		
Prid.	12		
Idib.	13	<i>S. Ilè, évèk é doktè Égliz la</i>	
XIX	14		
XVIII	15		
XVII	16		
XVI	17	S. Antoua-n, abé	Mémoua
XV	18		
XIV	19		
XIII	20	<i>S. Fabyin, pap é mati</i> <i>S. Sébastyin, mati</i>	
XII	21	S. Agnès, vièj é mati	Mémoua
XI	22	<i>S. Vinsan, diak é mati</i>	
X	23		
IX	24	S. Fransoua d-Sal, évèk é doktè Égliz la	Mémoua
VIII	25	KONVÈSION S. PÒL, APOT	Fèt
VII	26	Ss. Timoté épi Tit, évèk	Mémoua
VI	27	<i>S. Anjèl Mérisi, vièj</i>	
V	28	S. Toma d-Akin, prèt é doktè Égliz la	Mémoua
IV	29		
III	30		
Prid.	31	S. Jan Bosko, prèt	Mémoua
		Dimanch apré jou 6 janvié : BATÈM GRANMÈT LA	Fèt

Koté yo transféré solanité Épipani-an nan dimanch ki tonbé jou 7 oubyin 8 janvié, yo sélébré fèt Batèm Granmèt la nan lindi ki suiv la.

* Lè yo pa indiké degré sélébrasion-an, yo gin doua fè Mémoua-a si yo vlé.

FÉVRIYÉ

Cal.	1		
IV	2	PRÉZANTASION GRANMÈT LA	Fèt
III	3	<i>S. Blèz, évèk é mati</i> <i>S. Ansgèr, évèk</i>	
Prid.	4		
Non.	5	S. Agat, vièj é mati	Mémoua
VIII	6	Ss. Pòl Miki ak konpagnon-l yo, mati	Mémoua
VII	7		
VI	8	<i>S. Jéròm Émilyin</i> <i>S. Jozéfi-n Bakita, vièj</i>	
V	9		
IV	10	S. Skolastik, vièj	Mémoua
III	11	<i>T. S. Vièj Mari de Lourd</i>	
Prid.	12		
Idib.	13		
XVI	14	Ss. Siril, moua-n, ak Métòd, évèk	Mémoua
XV	15		
XIV	16		
XIII	17	<i>Ss. Sèt Fondatè Òd Sèvitè T. S. Vièj Mari</i>	
XII	18		
XI	19		
X	20		
IX	21	<i>S. Piè Damyin, évèk é doktè Égliz la</i>	
VIII	22	TRO-N ANSÈGNMAN S. PIÈ, APOT	Fèt
VII	23	S. Polikarp, évèk é mati	Mémoua
VI	24		
V	25		
IV	26		
III	27		
Prid.	28		

MARS

Cal.	1		
VI	2		
V	3		
IV	4	<i>S. Kazimir</i>	
III	5		
Prid.	6		
Non.	7	Ss. Pèrpétu ak Félisité, mati	Mémoua
VIII	8	<i>S. Jan de Dié, rélijié</i>	
VII	9	<i>S. Fransouaz Romèn, rélijiéz</i>	
VI	10		
V	11		
IV	12		
III	13		
Prid.	14		
Idib.	15		
XVII	16		
XVI	17	<i>S. Patris, évèk</i>	
XV	18	<i>S. Siril Jérusalèm, évèk é doktè Egliz la</i>	
XIV	19	S. JOZÈF, ÉPOU LA T. S. V. MARI	Solanité
XIII	20		
XII	21		
XI	22		
X	23	<i>S. Turib de Mongrovejo, évèk</i>	
IX	24		
VIII	25	ANONSIASION GRANMÈT LA	Solanité
VII	26		
VI	27		
V	28		
IV	29		
III	30		
Prid.	31		

AVRIL

Cal.	1		
IV	2	<i>S. Fransoua de Pòl, èmit</i>	
III	3		
Prid.	4	<i>S. Izidòr, évèk é doktè Égliz la</i>	
Non.	5	<i>S. Vinsan Férié, prèt</i>	
VIII	6		
VII	7	<i>S. Jan Batis de la Sal, prèt</i>	Mémoua
VI	8		
V	9		
IV	10		
III	11	<i>S. Stanislas, évèk épi mati</i>	Mémoua
Prid.	12		
Idib.	13	<i>S. Martin I, pap é mati</i>	
XVIII	14		
XVII	15		
XVI	16		
XV	17		
XIV	18		
XIII	19		
XII	20		
XI	21	<i>S. Ansèlm, évèk é doktè Égliz la</i>	
X	22		
IX	23	<i>S. Jòrj, mati</i> <i>S. Adalbèr, évèk é mati</i>	
VIII	24	<i>S. Fidèl de Sigmaringén, prèt é mati</i>	
VII	25	<i>S. MARK, ÉVANJÉLIS</i>	Fèt
VI	26		
V	27		
IV	28	<i>S. Piè Chanèl, prèt é mati</i> <i>S. Loui Mari Grignon de Monfòr, prèt</i>	
III	29	<i>S. Katri-n de Sièn, vièj</i>	Mémoua
Prid.	30	<i>S. Pi V, pap</i>	

MÉ

Cal.	1	<i>S. Jozèf Travayè</i>	
VI	2	<i>S. Atanaz, évèk é doktè Égliz la</i>	Mémoua
V	3	SS. FILIP ÉPI JAK, APOT	Fèt
IV	4		
III	5		
Prid.	6		
Non.	7		
VIII	8		
VII	9		
VI	10		
V	11		
IV	12	<i>Ss. Néré épi Achil, mati</i> <i>S. Pankras, mati</i>	
III	13	<i>T. S. Vièj Mari de Fatima</i>	
Prid.	14	<i>S. MATIÉ, APOT</i>	Fèt
Idib.	15		
XVII	16		
XVI	17		
XV	18	<i>S. Jan I, pap épi mati</i>	
XIV	19		
XIII	20	<i>S. Bèrnardin de Sièn, prèt</i>	
XII	21	<i>Ss. Kristòf Magalan, prèt ak konpagnon-l yo, mati</i>	
XI	22	<i>S. Rita de Kasia, rélijjiéz</i>	
X	23		
IX	24		
VIII	25	<i>S. Bèd Vénérab la, prèt é doktè Égliz la</i> <i>S. Grégoua VII, pap</i> <i>S. Mari Madlèn de Pazi, vièj</i>	
VII	26	<i>S. Filip Néri, prèt</i>	Mémoua
VI	27	<i>S. Ogustin de Kantorbèri, évèk</i>	
V	28		
IV	29		
III	30		
Prid.	31	VIZITATION T. S. VIÈJ MARI	Fèt
Prémié dimanch apré Pannkot :			
		TRÈ SINT TRINITE	Solanité
Jédi apré T. S. Trinité :			
		TRÈ SIN KÒ AK SAN JÉZU	Solanité

JUN

Cal.	1	S. Justin	Mémoua
IV	2	Ss. <i>Marslin ak Piè, mati</i>	
III	3	Ss. Charl Lwanga ak konpagnon-l yo, mati	Mémoua
Prid.	4		
Non.	5	S. Bonifas, évèk é mati	Mémoua
VIII	6	S. <i>Nòrbèr, évèk</i>	
VII	7		
VI	8		
V	9	S. <i>Éfrèm, diak é doktè Égliz la</i>	
IV	10		
III	11	S. Barnabé, apot	Mémoua
Prid.	12		
Idib.	13	S. Antoua-n de Padou, prèt é doktè Égliz la	Mémoua
XVIII	14		
XVII	15		
XVI	16		
XV	17		
XIV	18		
XIII	19	S. <i>Romuald, abé</i>	
XII	20		
XI	21	S. Loui de Gonzag, rélijyé	Mémoua
X	22	S. <i>Polin de Nòl, évèk</i> Ss. <i>Jan Fichèr, évèk, ak Toma Mòr, mati</i>	
IX	23		
VIII	24	NÉSANS S. JAN BATIS	Solanité
VII	25		
VI	26		
V	27	S. <i>Siril Aléksandri, évèk é doktè Égliz la</i>	
IV	28	S. Iréné, évèk é mati	Mémoua
III	29	Ss. PIÈ AK PÒL, APOT	Solanité
Prid.	30	Ss. <i>Prémié mati Sint Égliz Ròmèn nan</i>	

Vandrédi apré dézièm dimanch apré Pantkot :

TRÈ SAKRÉ KÈ JÉZU

Solanité

Samdi apré dézièm dimanch apré Pantkot :

Kè Imakilé T. S. Vièj Mari

Mémoua

JUIYÈ

Cal.	1		
VI	2		
V	3	S. TOMA, APOT	Fèt
IV	4	<i>S. Elizabèt de Pòrtugal</i>	
III	5	<i>S. Antoua-n Mari Zakari, prèt</i>	
Prid.	6	<i>S. Mari Goreti, vièj é mati</i>	
Non.	7		
VIII	8		
VII	9	<i>Ss. Ogustin Zao Rong, prèt, ak konpagnon-l yo, mati</i>	
VI	10		
V	11	S. Bénoua, abé	Mémoua
IV	12		
III	13	<i>S. Anri</i>	
Prid.	14	<i>S. Kamiy de Lélis, prèt</i>	
Idib.	15	<i>S. Bonavantur, évèk é doktè Égliz la</i>	Mémoua
XVII	16	<i>T. S. Vièj Mari du Mon Karmèl</i>	
XVI	17		
XV	18		
XIV	19		
XIII	20	<i>S. Apolinèr, évèk é mati</i>	
XII	21	<i>S. Loran de Brindisi, prèt é doktè Égliz la</i>	
XI	22	S. Mari Madlèn	Mémoua
X	23	<i>S. Brijit, rélijjéz</i>	
IX	24	<i>S. Charbèl Maklouf, prèt</i>	
VIII	25	S. JAK, APOT	Fèt
VII	26	Ss. Joachin ak A-n, paran T. S. V. Mari	Mémoua
VI	27		
V	28		
IV	29	S. Mart	Mémoua
III	30	<i>S. Piè Krizològ, évèk é doktè Égliz la</i>	
Prid.	31	S. Ignas de Loyola, prèt	Mémoua

OUT

Cal.	1	S. Alfons Mari de Ligori, évèk é doktè Égliz la	Mémoua
IV	2	<i>S. Euzèb de Vèrsèl, évèk</i> <i>S. Piè Julyin Éymar, prèt</i>	
III	3		
Prid.	4	S. Jan Mari Viané, prèt	Mémoua
Non.	5	<i>Dédikas bazilik S. Mari majè</i>	
VIII	6	TRANSFIGIRASION GRANMÈT LA	Fèt
VII	7	<i>Ss. Sikst II, pap, ak konpagnon-l yo, mati</i> <i>S. Gaétan, prèt</i>	
VI	8	S. Dominik, prèt	Mémoua
V	9	<i>S. Térèz Bénédikt de la Koua, vièj é mati</i>	
IV	10	S. LORAN, DIAK É MATI	Fèt
III	11	S. Klè, vièj	Mémoua
Prid.	12	<i>S. Ja-n Fransouaz de Chantal, rélijiéz</i>	
Idib.	13	<i>Ss. Ponsyin, pap, ak Ipolit, prèt, mati</i>	
XIX	14	S. Maksimilyin Mari Kolbé, prèt é mati	Mémoua
XVIII	15	ASONPSION LA TRÈ SINT VIÈJ MARI	Solanité
XVII	16	<i>S. Étièn de Ongri</i>	
XVI	17		
XV	18		
XIV	19	<i>S. Jan Eud, prèt</i>	
XIII	20	S. Bèrnar, abé é doktè Égliz la	Mémoua
XII	21	S. Pi X, pap	Mémoua
XI	22	T. S. Vièj Mari Rèn	Mémoua
X	23	<i>S. Roz de Lima, vièj</i>	
IX	24	S. BARTOLOMÉ, APOT	Fèt
VIII	25	<i>S. Loui</i> <i>S. Jozèf de Kalasanz, prèt</i>	
VII	26		
VI	27	S. Monik	Mémoua
V	28	S. Ogustin, évèk é doktè Égliz la	Mémoua
IV	29	Soufrans S. Jan Batis, mati	Mémoua
III	30		
Prid.	31		

SÉPTANM

Cal.	1		
IV	2		
III	3	S. Grégoua legran, pap é doktè Égliz la	Mémoua
Prid.	4		
Non.	5		
VIII	6		
VII	7		
VI	8	NÉSANS LA T. S. VIÈJ MARI	Fèt
V	9	<i>S. Piè Klavèr, prèt</i>	
IV	10		
III	11		
Prid.	12	<i>Trè Sin Non Mari</i>	
Idib.	13	S. Jan Krizostòm, évèk é doktè Égliz la	Mémoua
XVIII	14	ÉGZALTASION SINT KOUA-A	Fèt
XVII	15	T. S. Vièj Mari k-ap soufri	Mémoua
XVI	16	Ss. Kòrnèy, pap, ak Sipriyin, évèk, mati	Mémoua
XV	17	<i>S. Robèr Bélarmin, évèk é doktè Égliz la</i>	
XIV	18		
XIII	19	<i>S. Janvié, évèk é mati</i>	
XII	20	Ss. André Kim Taégon, prèt, Pòl Chong A-Sang ak konpagnon yo, mati	Mémoua
XI	21	S. MATIÉ, APOT ÉPI ÉVANJÉLIS	Fèt
X	22		
IX	23		
VIII	24		
VII	25		
VI	26	<i>Ss. Kòm ak Damiin, mati</i>	
V	27	S. Vinsan de Pòl, prèt	Mémoua
IV	28	<i>S. Vinseslas, mati</i> <i>Ss. Loran Ruiz ak konpagnon-l yo, mati</i>	
III	29	Ss. MICHÈL, GABRIÈL ÉPI RAFAÈL, ARKANJ	Fèt
Prid.	30	S. Jéròm, prèt é doktè Égliz la	Mémoua

OKTÒB

Cal.	1	S. Térèz de lanfan Jézu, vièj	Mémoua
VI	2	Ss. Anj Gadyin yo	Mémoua
V	3		
IV	4	S. Fransoua d-Asiz	Mémoua
III	5		
Prid.	6	S. Bruno, prèt	
Non.	7	T. S. Vièj Mari du Rozèr	Mémoua
VIII	8		
VII	9	Ss. Déni, évèk, ak konpagnon-l yo, mati S. Jan Léonardi, prèt	
VI	10		
V	11		
IV	12		
III	13		
Prid.	14	S. Kaliks I, pap é mati	
Idib.	15	S. Térèz de Jézu, vièj é doktè Égliz la	Mémoua
XVII	16	S. Édouij, rélijjé S. Margerit Mari Alakòk, vièj	
XVI	17	S. Ignas d-Antiòch, évèk é mati	Mémoua
XV	18	S. LUK, ÉVANJÉLIS	Fèt
XIV	19	Ss. Jan de Brébeuf ak Izaak Jòg, prèt, ak konpagnon yo, mati S. Pòl de la Koua, prèt	
XIII	20		
XII	21		
XI	22		
X	23	S. Jan de Kapéstran, prèt	
IX	24	S. Antoua-n Mari Klarèt, évèk	
VIII	25		
VII	26		
VI	27		
V	28	S. SIMON AK JUD, APOT	Fèt
IV	29		
III	30		
Prid.	31		

NOVANM

Cal.	1	TOUT SIN YO	Solanité
IV	2	SOUVNI TOUT FIDÈL DÉFIN YO	
III	3	<i>S. Martin de Porès, rélijé</i>	
Prid.	4	S. Charl Boromé, évèk	Mémoua
Non.	5		
VIII	6		
VII	7		
VI	8		
V	9	DÉDIKAS BAZILIK LATRAN-AN	Fèt
IV	10	S. Léon légran, pap é doktè Égliz la	Mémoua
III	11	S. Martin de Tour, évèk	Mémoua
Prid.	12	S. Jozafat, évèk é mati	Mémoua
Idib.	13		
XVIII	14		
XVII	15	<i>S. Albèr légran, évèk é doktè Égliz la</i>	
XVI	16	<i>S. Margerit d-Ékòs</i> <i>S. Jèrtrud, vièj</i>	
XV	17	S. Élizabèt de Ongri, rélijé	Mémoua
XIV	18	<i>Dédikas bazilik Ss. Piè ak Pòl, apot</i>	
XIII	19		
XII	20		
XI	21	Prézantasion T. S. Vièj Mari	Mémoua
X	22	S. Sésil, vièj é mati	Mémoua
IX	23	<i>S. Kléman I, pap é mati</i> <i>S. Kolonban, abé</i>	
VIII	24	Ss. André Dung Lak, prèt, ak konpagnon-l yo, mati	Mémoua
VII	25	<i>S. Katri-n d-Aléksandri, vièj é mati</i>	
VI	26		
V	27		
IV	28		
III	29		
Prid.	30	S. André, apot	Fèt

Dènié dimanch « òdinè » :

GRANMÈT NOU JÉZU-KRI ROUA TOUT INIVÈ-A Solanité

DÉSANM

Cal.	1		
IV	2		
III	3	S. Fransoua Gzavié, prèt	Mémoua
Prid.	4	S. Jan Damasèn, prèt é doktè Égliz la	
Non.	5		
VIII	6	S. Nikola, évèk	
VII	7	S. Anbrouaz, évèk é doktè Égliz la	Mémoua
VI	8	IMAKILÉ KONSÉPSION TRÈ SINT VIÈJ MARI	Solanité
V	9		
IV	10		
III	11	S. Damaz I, pap	
Prid.	12		
Idib.	13	S. Lusi, vièj é mati	Mémoua
XIX	14	S. Jan de la Koua, prèt é doktè Égliz la	Mémoua
XVIII	15		
XVII	16		
XVI	17		
XV	18		
XIV	19		
XIII	20		
XII	21	S. Piè Kanisius, prèt é doktè Égliz la	
XI	22		
X	23	S. Jan de Kenti, prèt	
IX	24		
VIII	25	NÉSANS GRANMÈT LA	Solanité
VII	26	S. ÉTIÈN, PRÉMIÉ MATI	Fèt
VI	27	S. JAN, APOT É ÉVANJÉLIS	Fèt
V	28	SS. INOSAN YO, MATI	Fèt
IV	29	S. Toma Békèt, évèk é mati	
III	30		
Prid.	31	S. Silvès I, pap	

Dimanch anndan oktav Nésans Granmèt la, oubyin, si pa ginyin,
jou 30 désanm nan :

SINT FANMI JÉZU, MARI AK JOZÈF

Fèt

GID SIGN YO

<i>Abak</i>	<i>Liv profèt Abakuk</i>	<i>1 é 2 Kr</i>	<i>Prémié ak dézièm liv Kronik (I é II Paralapomèn)</i>
<i>Abd</i>	<i>Liv profèt Abdias</i>	<i>Lam</i>	<i>Lamanasion (= Trèn)</i>
<i>Aj</i>	<i>Liv profèt Ajé</i>	<i>Lév</i>	<i>Liv Lévitik</i>
<i>Am</i>	<i>Liv profèt Amòs</i>	<i>Lk</i>	<i>Évanjil dapré Luk</i>
<i>Ap</i>	<i>Apokalips apot sin Jan</i>	<i>1 é 2 Mak</i>	<i>Prémié ak dézièm liv Makabé yo</i>
<i>Bar</i>	<i>Liv profèt Baruk</i>	<i>Mal</i>	<i>Liv profèt Malachi</i>
<i>Dan</i>	<i>Liv profèt Danièl</i>	<i>Mi</i>	<i>Liv profèt Miché</i>
<i>Dét</i>	<i>Liv Détéronòm</i>	<i>Mk</i>	<i>Évanjil dapré Mark</i>
<i>Ébr</i>	<i>Lèt pou Ébré yo</i>	<i>Mt</i>	<i>Évanjil dapré Matié</i>
<i>Éféz</i>	<i>Lèt apot sin Pòl pou Éfézyin yo</i>	<i>Na</i>	<i>Liv profèt Naoum</i>
<i>Ésd</i>	<i>Liv Ésdras (= I Ésdras)</i>	<i>Nb</i>	<i>Liv Nonb</i>
<i>Ést</i>	<i>Liv Éstèr</i>	<i>Néé</i>	<i>Liv Néémi (= II Ésdras)</i>
<i>Égz</i>	<i>Liv Égzòd</i>	<i>Oz</i>	<i>Liv profèt Ozé</i>
<i>Éz</i>	<i>Liv profèt Ézékièl</i>	<i>Ps</i>	<i>Liv Psòm yo</i>
<i>Fil</i>	<i>Lèt apot sin Pòl pou Filipyin yo</i>	<i>1 é 2 Piè</i>	<i>Prémié ak dézièm Lèt apot sin Piè</i>
<i>Fm</i>	<i>Lèt apot sin Pòl pou Filémon</i>	<i>Prov</i>	<i>Liv Provèb yo</i>
<i>Gal</i>	<i>Lèt apot sin Pòl pou Galat yo</i>	<i>Rom</i>	<i>Lèt apot sin Pòl pou Romin yo</i>
<i>Iz</i>	<i>Liv profèt Izayi</i>	<i>1 é 2 Roua</i>	<i>Prémié ak dézièm liv Roua yo (= III é IV Roua)</i>
<i>Jak</i>	<i>Lèt apot sin Jak</i>	<i>Rut</i>	<i>Liv Rut</i>
<i>Jan</i>	<i>Évanjil dapré Jan</i>	<i>Saj</i>	<i>Liv Sajès la</i>
<i>Jén</i>	<i>Liv Jénèz la</i>	<i>1 é 2 Sam</i>	<i>Prémié ak dézièm liv Samuèl (= I é II Roua)</i>
<i>Jér</i>	<i>Liv profèt Jérémi</i>	<i>Sir</i>	<i>Sira (= Ékléziastik)</i>
<i>Jij</i>	<i>Liv Jij yo</i>	<i>Sof</i>	<i>Liv Sirasid (Bin-n Sira)</i>
<i>1, 2 é 3 Jn</i>	<i>Prémié, dézièm ak touazièm Lèt apot sin Jan</i>	<i>1 é 2 Tés</i>	<i>Liv profèt Sofoni</i>
<i>Jòb</i>	<i>Liv Jòb</i>	<i>1 é 2 Tim</i>	<i>Prémié ak dézièm Lèt apot sin Pòl pou Tésalonisyin yo</i>
<i>Joèl</i>	<i>Liv profèt Joèl</i>	<i>Tit</i>	<i>Prémié ak dézièm Lèt apot sin Pòl pou Timoté</i>
<i>Jon</i>	<i>Liv profèt Jonas</i>	<i>Tob</i>	<i>Lèt apot sin Pòl pou Tit</i>
<i>Joz</i>	<i>Liv Jozué</i>	<i>Tr Ap</i>	<i>Liv Tobî</i>
<i>Jud</i>	<i>Lèt apot sin Jud</i>	<i>Zak</i>	<i>Travay Apot yo</i>
<i>Judt</i>	<i>Liv Judit</i>		<i>Liv profèt Zakari</i>
<i>Kant</i>	<i>Kantik dè kantik</i>		
<i>Ko</i>	<i>Liv Koèlèt (= Ékléziast)</i>		
<i>Kol</i>	<i>Lèt apot sin Pòl pou Kolosyin yo</i>		
<i>1 é 2 Kor</i>	<i>Prémié ak dézièm Lèt apot sin Pòl pou Korintyin yo</i>		

PRÒP POU TAN-AN

TAN LAVAN

PRÉMIÉ SÉMÈN LAVAN

Dimanch, ané A

PRÉMIÉ LÉKTU

*Granmèt la ap rasanblé tout nasion yo
nan lapè tout tan péyi-roua Bondié-a.*

Léktu liv profèt Izayi

2, 1-5

Paròl Izayi, pitit Amòs la, té ouè, sou Juda ak Jérusalèm :

Nan dènié jou yo, mòn kay Granmèt la ap paré anlè tèt mòn yo, l-ap lévé anlè ti mòn yo, tout nasion yo ap koubé vi-n jouinn li. Anpil pèp ap vini, y-ap di :

« Vini, an nou monté sou mòn Granmèt la, ak nan kay Bondié Jakòb la, l-ap aprann nou chémin-l yo, n-ap maché nan santié-l yo ; paské nan Siyon laloua-a ap soti, épi paròl Granmèt la ap vi-n sot nan Jérusalèm ».

L-ap jijé nasion yo, l-ap korijé anpil pèp ; y-ap fonn épé yo nan pikoua, ak lans yo nan sèpèt. Nasion pap lévé épé kont nasion ; ni yo pap aprann lagè ankò.

Kay Jakòb, vini, an nou maché nan limiè Granmèt la.

Paròl Granmèt la.

PSÒM RÉPONS

Ps 121, 1-2. 4-5. 6-7. 8-9 (R: : cf. 1)

R: Nan kay Granmèt la ak kè kontan n-a pralé.

¹ Mouin kontan, lè yo té di-m :

« Nan kay Granmèt la n-a pralé. »

² Pié nou déja kanpé

nan pòt ou yo, Jérusalèm. R:

⁴ Sé la réyèlman fanmiy yo ap monté, fanmiy Granmèt la,

témouagnaj Israèl, pou fè louanj pou non Granmèt la.

⁵ Paské sé la tro-n yo ap pozé pou jijman-an,

tro-n kay David la. R:

⁶ Mandé sa k-ap sèvi pou lapè Jérusalèm,

sé pou yo gin asirans, sa yo ki rinmin-ou nan.

- 7 Sé pou gin lapè nan miray ou yo avèk sékirité nan sitadèl ou yo. **R.**
- 8 Poutèt frè-m yo ak prochin-m yo m-ap di : « Lapè nan ou ! »
- 9 Poutèt kay Granmèt Bondié nou-an m-ap mandé byin pou ou. **R.**

DÉZIÈM LÉKTU

Déivrans nou-an toupré.

Léktu lèt apot sin Pòl pou Romin yo

13, 11-14 a

Frè-m yo :

Antan nou konnin tan-an, sèké li déjà lè pou nou lévé sot nan dòmi-a ; koulié-a réyèlman, sovè nou gin pou nou sovè-a pi pré pasé lè nou té kouè-a.

Lannuit la pati, jou-a minm ap proché. Konsa sé pou nou kité aksion fènoua yo, épi sé pou nou abiyé avèk zam limiè yo. Tankou nan lajounin, sé yon fason onèt pou nou maché, non pa nan manjé anpil ak bouason cho, non pa nan mové plézi ak libètinaj, non pa nan kont avèk jalouzi, min sé pou nou abiyé nou avèk Granmèt Jézu-Kri.

Paròl Granmèt la.

ALÉLOUYA

Ps 84, 8

R. Alélouya. Montré nou mizérikòd ou-a, Granmèt, épi sovè ou sovè nou-an, ba nou li. **R.** Alélouya.

ÉVANJIL

Véyé pou nou paré.

✠ Léktu sint Évanjil la dapré Matié

24, 37-44

Lè sa-a : Jézu té di disip li yo :

« Tankou nan jou Noé yo, konsa tou vini Pitit moun nan ap vini-an ap yé. Minm jan réyèlman nan jou anvan délij la, yo t-ap manjé, épi yo t-ap bouè, gason yo t-ap marié, épi fi yo t-ap marié, jous nan jou sa-a koté Noé antré nan Arch la ; épi yo pa-t konnin, joutan délij la rivé, épi li pran yo tout : sé konsa tou vini Pitit moun nan ap vini-an ap yé. Lè sa-a

ap gin dé moun nan yon jadin, youn y-ap pran-l, épi lòt la y-ap kité-l ; dé fi ap moulin nan yon moulin, youn y-ap pran-l, épi lòt la y-ap kité-l.

Konsa, sé pou nou véyé paské nou pa konnin ki lè Granmèt nou-an ap vini. Aprann sa donk, si mèt kay la té konnin ki lè vòlè-a t-ap vini, li t-ap véyé sètènman, épi li pa t-ap kité yo kasé kay li-a. Konsa nou minm tou sé pou nou paré, paské sé lè nou pa konnin-an Pitit moun nan ap rivé ».

Paròl Granmèt la.

Dimanch, ané B

PRÉMIÉ LÉKTU

Si-ou té kapab chiré sièl yo, épi désann.

Léktu liv profèt Izayi

63, 16 b-17. 19 b ; 64, 2 b-7

Ou minm, Granmèt, papa nou, rédanmèt nou ; dépi sièk sé non-ou sa. Pouki sa, ou té fè nou ap pèdi rout, Granmèt, louin chémin-ou yo, ou té fè kè nou vi-n di, pou nou pa konnin-ou ? Tounin, poutèt sèvitè-ou yo, fanmiy éritaj ou-a.

Si-ou té kapab chiré sièl yo, épi ou désann ! dévan fas ou mòn yo t-a koulé !

Ou té désann, épi dévan fas ou mòn yo té koulé. Dépi sièk, yo pa-t tandé, ni zòrèy pa-t résévoua ; jé pa-t ouè, Bondié, andéyò ou minm, bagay yo ou té préparé pou moun k-ap tann ou yo. Ou té vi-n rankontré moun ki gin kè kontan-an épi k-ap fè jistis la ; nan chémin-ou yo, y-ap sonjé-ou.

Min, ou fè kòlè, épi nou té fè péché ; nan yo nou té yé tout tan épi n-ap sové. Nou té tankou bagay ki pa pròp, nou tout ; épi tankou toual ki sal ak san, épi tout jistis nou té tonbé tankou fèy boua, épi nou tout, péché nou yo tankou van yo té broté nou.

Pa-t gin pèsòn ki t-ap rélé non-ou, ki té lévé épi ki té kolé kò-l sou ou. Ou té kaché fas ou louin nou, épi ou té lagé nou sou kont péché nou-an. Épi koulié-a, Granmèt, sé papa nou ou yé, nou minm minm nou sé labou-a, épi sa k-ap fòmé nou-an, sé ou minm minm épi travay min ou yo sé nou tout.

Paròl Granmèt la.

PSÒM RÉPONS

Ps 79, 2 ac é 3 b. 15-16. 18-19 (R : 4)

- R: Bondié, fè nou tounin,
fè fas ou kléré, épi n-a sové.
- 2 Ou minm k-ap kondui Israèl tankou bann mouton, panché,
ou minm ki chita anlè Chéribin yo, kléré.
- 3 Révéyé pouvoua-ou, épi vini,
pou-ou sové nou. R:
- 15 Bondié lamé yo, tounin ;
gadé antan-ou nan sièl la pou-ou ouè ; épi vizité pié rézin sa-a,
- 16 Épi protéjé sa min douat ou-a té planté
ak pitit moun nan ou té rann solid pou ou-a. R:
- 18 Sé pou min-ou sou moun min douat ou-a,
sou pitit moun nan ou té rann solid pou ou-a.
- 19 Épi nou pap viré do ba ou, ou-a fè nou viv,
épi n-a rélé non-ou. R:

DÉZIÈM LÉKTU

*N-ap tann révélation Granmèt nou Jézu-Kri.***Léktu prémié lèt apot sin Pòl pou Korintyin yo****1, 3-9**

Frè-m yo :

Gras pou nou ak lapè sot nan Bondié Papa nou ak Granmèt Jézu-Kri.

M-ap di Bondié-m nan mèsì tout tan pou nou nan gras Bondié-a, sa yo ba nou nan Kris Jézu-a, paské nan tout kalité bagay nou vi-n rich nan li, nan tout kalité paròl ak nan tout kalité sians, jan témouagnaj Kris la asiré nan nou-an ; pou anyin pa manké nou nan okinn gras, nou minm k-ap tann révélation Granmèt nou Jézu-Kri-a, li minm k-ap asiré nou jouskalafin san fot, pou jou vini Granmèt nou Jézu-Kri ap vini-an. Bondié fidèl, li minm pa lintèmediè-l yo rélé nou nan sosisiété Pitit li Jézu-Kri Granmèt nou-an.

Paròl Granmèt la.

ALÉLOUYA

Ps 84, 8

R: Alélouya. Montré nou mizérikòd ou-a, Granmèt,
épi sovè ou-ap sovè nou-an, ba nou li. **R:** Alélouya.

ÉVANJIL

Véyé : nou pa konn kilè mèt kay la ap vini.

✠ Léktu sint Évanjil la dapré Mark

13, 33-37

Lè sa-a : Jézu té di disip li yo :

« Gadé, sé pou nou véyé, épi sé pou nou priyé ; sèké nou pa konnin kilè tan-an ap rivé. Tankou yon mésié k-ap pati nan vouayaj, li té kité kay li-a, épi li té bay sèvitè-l yo pouvoua sou chak travay épi li té pasé gad-bariè-a lòd pou-l té véyé.

Konsa sé pou nou véyé ; sèké nou pa konnin kilè mèt kay la ap vini, asouè, oubyin nan mitan nannuit, oubyin lè kòk chanté, oubyin nan matin ; pou lè-l rivé san-zatann, li pa jouinn nou ap dòmi.

Sa-m di nou la-a, sé tout moun mouin di-l : Véyé ».

Paròl Granmèt la.

Dimanch, ané C

PRÉMIÉ LÉKTU

M-ap fè yon jèm jistis jèmin pou David.

Léktu liv profèt Jérèmi

33, 14-16

« Min jou k-ap vini, sé sa Granmèt la di, épi m-ap drésé bon paròl la, sa mouin té palé bay kay Israèl la, ak bay kay Juda-a.

Nan jou sa yo ak nan tan sa-a, m-ap fè yon jèm jistis jèmin pou David, épi l-ap fè jijman ak jistis sou tè-a. Nan jou sa yo Juda ap sovè, épi Jérusalèm ap abité avèk konfians : épi sa-a sé non y-ap rélé-l : Granmèt nou-an ki kòrèk la ».

Paròl Granmèt la.

PSÒM RÉPONS

Ps 24, 4 bc-5 ab, 8-9. 10 é 14 (R: : 1 b)

R: Koté-ou, Granmèt, mouin lévé nanm mouin.

4 Chémin-ou yo, Granmèt, montré-m yo,
épi santié-ou yo, aprann mouin yo.

5 Kondui-m nan vérité-ou la, épi ban-m léson,
paské sé ou minm ki Bondié sovè mouin. R:

8 Li dous épi li douat, Granmèt la,
sé poua péchè yo, li aprann yo chémin-l ;

9 l-ap kondui sa-k dosil yo nan jijman-an,
l-ap aprann sa-k dou yo chémin-l yo. R:

10 Tout chémin Granmèt la sé mizérikòd ak vérité
pou moun ki obsèvé téstaman-l nan ak témouagnaj li yo.

14 Granmèt la ap aji kòm zanmi avèk moun ki krinn li yo,
pou-l montré yo téstaman-l nan. R:

DÉZIÈM LÉKTU

Granmèt la ap asiré kè nou pou lè Kris la ap vini-an.

Léktu prémié lèt apot sin Pòl pou Tésalonisyin yo

3, 12-4, 2

Frè-m yo :

Sé pou Granmèt la fè nou vi-n pi plis, sé pou-l fè charité nou débòdé youn pou lòt épi pou tout moun, tankou sa nou minm nou gin pou nou-an ; pou-l asiré kè nou san répròch nan sintété-a dévan Bondié ak Papa nou, nan vini Granmèt nou Jézu-Kri ap vini-an ansanm ak tout sin-l yo. Amèn.

Pou rès la, frè yo, nou mandé nou, épi nou insisté nan Granmèt Jézu, jan nou té résévoua nan min nou kijan nou doué maché, épi fè Bondié plézi, konsa minm pou nou maché, pou nou kapab fè plis progrè. Nou konnin réyèlman ki lòd nou té ba nou pa pouvoua Granmèt Jézu.

Paròl Granmèt la.

ALÉLOUYA

Ps 84, 8

R: Alélouya. Montré nou mizérikòd ou, Granmèt,
épi sovè ou sovè nou-an, ba nou li. R: Alélouya.

ÉVANJIL

Rédanmsion nou-an tou pré.

✠ Léktu sint Évanjil la dapré Luk

21, 25-28. 34-36

Lè sa-a : Jézu té di disip li yo :

« Ap gin sign nan solèy la, épi lali-n nan épi zétoual yo, épi sou tè-a boulvèsman nasion yo, akoz brui lanm lanmè-a ak dlo yo, moun yo ap séché ak kè soté, antan y-ap tann sa k-ap rivé sou tout fas tè-a ; sèké pouvoua sièl yo ap tranblé. Lè sa-a atò y-ap ouè Pitit moun nan k-ap rivé nan niaj la avèk gran pouvoua épi grandè.

Lè bagay sa yo minm ap kòmansé rivé, gadé épi lévé tèt nou, paské rédanmsion nou-an tout pré.

Fè atansion sèlman, pou kè nou pa vi-n lou nan libètinaj ak bouason ak okipasion lavi sa-a, pou jou sa-a pa tonbé sou nou san nou pa atann ; tankou yon filè réyéman l-ap tonbé sou tout moun ki instalé sou fas tout tè-a. Konsa, sé pou nou véyé antan n-ap priyé tout tan, pou nou mérité chapé sot anba tout bagay sa yo ki gin pou yo rivé-a, épi kanpé dévan Pitit moun nan ».

Paròl Granmèt la.

Lindi

PRÉMIÉ LÉKTU

Granmèt la ap rasanblé tout nasion yo nan lapè tout tan péyi-roua Bondié-a.

Léktu liv profèt Izayi

2, 1-5

Paròl Izayi, pitit Amòs la, sa-l té ouè osijè Juda ak Jérusalèm nan.

Ap rivé nan dènié jou yo, mòn kay Granmèt la ap paré anlè tèt mòn yo, épi l-ap lévé anlè ti mòn yo, épi tout nasion yo ap koulé vi-n jouinn li. Épi anpil pèp ap vini épi y-ap di :

« Vini, épi an nou monté sou mòn Granmèt la, ak nan kay Bondié Jakòb la, l-ap aprann nou chémin-l yo, n-ap maché nan santié-l yo ; paské sé nan Siyon laloua-a ap soti, épi paròl Granmèt la ap vi-n sot nan Jérusalèm ».

L-ap jijé nasion yo, l-ap korijé anpil pèp : y-ap fonn épé yo nan pikoua, épi lans yo nan sèpèt. Nasion pap lévé épé kont nasion, ni yo pap aprann fè lagè ankò.

Kay Jakòb, vini épi an nou maché nan limiè Granmèt la.

Paròl Granmèt la.

Oubyin, yo kapab chouazi sa-a, lè nan ané A yo té li léktu sa-a nan prémié dimanch lavan :

Ap gin fèt pou sa yo k-ap sové-a.

Léktu liv profèt Izayi

4, 2-6

Jou sa-a jèm Granmèt la ap nan grandè ak gloua, épi frui tè-a ap lévé byin ro, ap gin fèt pou sa yo k-ap sové sot nan Israèl la. Min sa k-ap rivé : tout sa yo k-ap rété nan Siyon, épi ti rès k-ap nan Jérusalèm nan, y-ap rélé-l sin, tout moun ki ékri nan lavi nan Jérusalèm.

Si Granmèt la ap pròpté fòt pitit fi Siyon yo, épi l-ap lavé san Jérusalèm nan sot nan mitan-l nan éspri jijman ak éspri chalè. Épi sou tout plas mòn Siyon-an ak tout koté y-ap rélé-l, Granmèt la ap kréyé niaj lajounin ak lafimin épi klèté difé k-ap flanbé nan nuit : sou tout moun réyèlman gloua-a ap sèvi tonèl, épi tant la ap sèvi lonbraj lajounin kont chalè, épi sékirité ak kachèt kont loraj ak kont laplui.

Paròl Granmèt la.

PSÒM RÉPONS

Ps 121, 1-2. 3-4 a. (4 b-5. 6-7.) 8-9 (R: cf. 1)

R: Nan kay Granmèt la ak kè kontan n-apralé

- 1 Mouin kontan, lè yo té di-m :
« Nan kay Granmèt la n-apralé ».
- 2 Pié nou déjà kanpé
nan pòt ou yo, Jérusalèm. R
- 3 Jérusalèm ki bati tankou yon vil
koté tout bagay fè blòk nan yon sèl.
- 4 Sé la réyèlman fanmiy yo ap monté,
fanmiy Granmèt la. R

- Témouagnaj Israèl, pou fè louanj pou non Granmèt la.
- 5 Paské sé la tro-n yo ap pozé pou jijman-an,
tro-n kay David la. **R**
- 6 Mandé sa-k pou lapè Jérusalèm.
Sé pou yo gin sékirité, sa yo ki rinmin-ou nan.
- 7 Sé pou gin lapè nan miray ou yo,
ak sékirité nan sitadèl ou yo. **R**
- 8 Poutèt frè-m yo ak prochain-m yo
m-ap di : « Lapè nan ou ! »
- 9 Poutèt kay Granmèt Bondié nou-an
m-ap mandé byin pou ou. **R**

ALÉLOUYA

Cf. Ps 79, 4

- R** Alélouya. Vini pou-ou libéré nou, Granmèt Bondié nou ;
montré fas ou, épi n-a sové. **R** Alélouya.

Nan plas vèsè anvan Évanjil la, sa yo propozé pou chak jou yo, yo kapab sèvi ak lòt yo nan sa yo ki vi-n pi louin yo : paj 126.

ÉVANJIL

Anpil moun ki soti olévan ak okouchan, ap vi-n nan péyi-roua sièl yo.

✠ Léktu sint Évanjil la dapré Matié

8, 5-11

Lè sa-a :

Pandan Jézu t-ap antré Kafarnaòm, yon santirion té proché koté-l, antan li priyé-l épi li di : « Granmèt, sèvitè-m nan kouché lakay la, paralizé épi l-ap souffri anpil ».

Jézu di-l : « M-apralé, épi m-ap géri-l ».

Santirion-an réponn, li di : « Granmèt, mouin pa mérité pou-ou antré anba fétay kay mouin ; min sèlman di yon paròl, épi sèvitè-m nan ap géri. Sèké ata mouin minm mouin sé yon moun ki anba lòd lòt moun, mouin gin sòlda anba lòd mouin, mouin di sa-a : “Alé”, épi l-alé ; épi lòt la : “Vini”, épi li vini ; épi sèvitè-m nan : “Fè sa”, épi li fè-l ».

Lè Jézu minm tandé sa, li sézi, li di sa yo ki t-ap suiv li-a : « Amèn, mouin di nou, mouin pa-t jouinn kalité lafoua sa-a nan Israèl. Mouin di

nou donk : anpil moun ap vi-n soti olévan ak okouchan épi y-ap lonjé kò yo pou manjé avèk Abraam, Izaak épi Jakòb nan péyi-roua sièl yo ».

Paròl Granmèt la.

Madi

PRÉMIÉ LÉKTU

Éspri Granmèt la ap pozé sou li.

Léktu liv profèt Izayi

11, 1-10

Jou sa-a :

Yon ramo ap soti nan rasi-n Jésé, épi yon flè ap monté sot nan rasi-n li, éspri Granmèt la ap pozé sou li : éspri sajès ak intélizans, éspri konsèy ak fòs, éspri sians ak piété, épi éspri krint Granmèt la ap plin-l.

Sé pa dapré sa-k parèt dévan jé l-ap jijé ni dapré brui ki rivé nan zòrèy l-ap fè répròch ; min l-ap jijé pòv yo nan jistis, l-ap fè répròch nan douati pou pòv yo sou tè-a, épi l-ap frapé tè-a ak bagèt bouch li, ak souf po bouch li l-ap touyé méchan-an. Épi jistis ap sèvi sinti tay li, épi lafoua ap sèvi sintiron rin-l.

Lou ap abité avèk mouton, épi tig ap kouché kot kabrit ; bèf ak lion ak mouton ap abité ansanm, yon ti gason ap kondui yo ; bèf ak ous ap manjé ansanm, pitit yo ap rété minm koté, épi lion ap manjé pay tankou bèf. Ti bébé ki nan tété ap joué sou trou sèpan. Épi nan trou koulèv la ti bébé-a ap lonjé min-l. Yo pap fè méchansté, yo pap touyé sou tout mòn mouin-an ki sin-an, paské tè-a plin ak sians Granmèt la, tankou dlo yo ki kouvri lanmè-a.

Jou sa-a rasi-n Jésé-a, ki kanpé kòm sign pèp yo, nasyon yo ap chèché-l, épi koté-l yé-a ap nan gloua.

Paròl Granmèt la.

PSÒM RÉPONS

Ps 71, 2. 7-8. 12-13. 17 (R: cf. 7)

R: Jistis ap fléri nan jou-l yo
avèk lapè an kantité pou tout tan

- ¹ Bondié, bay roua-a jijman-ou,
épi pitit roua-a jistis ou,
- ² l-ap jijé pèp ou-a nan jistis,
ak pòv ou yo nan jijman. **R:**
- ⁷ nan jou-l yo jistis ap fléri ak lapè an kantité
joustan lali-n nan disparèt.
- ⁸ L-ap kòmandé sot nan lanmè al nan lanmè,
épi sot nan gran riviè-a jous nan bout fas tè yo. **R:**
- ¹² Sèké l-ap délivré maléré-a k-ap rélé-a,
ak pòv la ki pa gin sékou-a.
- ¹³ L-ap pran pitié pou pòv la ak mizérab la,
épi nanm pòv yo, l-ap sové yo. **R:**
- ¹⁷ Sé pou non-l béni pou sièk yo,
dévan solèy la sé pou non li diré.
Épi sé pou tout fanmiy tè yo jouinn bédiksyon nan li.
Sé pou tout nasyon yo fè louanj li. **R:**

ALÉLOUYA

R: Alélouya. Min Granmèt nou-an ap vini avèk pouvoua,
épi l-ap kléré jé sèvitè-l yo. **R:** Alélouya.

ÉVANJIL

Jézu trésayi nan Éspri Sin-an.

✠ Léktu sint Évanjil la dapré Luk

10, 21-24

Lè sa-a :

Jézu trésayi nan Éspri Sin-an épi li di : « Mouin fè konpliman pou ou, Papa, Granmèt sièl la ak tè-a, paské ou té kaché bagay sa yo pou saj yo ak sa-k gin ladrès yo, épi ou té dévoualé yo bay sa ki tou piti yo. Oui, Papa, paské sé konsa sa té fè-ou plézi. Papa-m rinmèt mouin tout bagay. Épi pèsonn pa konnin ki sa Pitit la yé, sof Papa-a ; épi ki sa Papa-a yé, sof Pitit la ak moun Pitit la vlé révéle sa ».

Li té viré kot disp li yo, li té di : « Ala kontantman pou jé yo ki ouè sa nou ouè yo. Mouin di nou anpil profèt ak roua té vlé ouè sa nou ouè yo, épi yo pa-t ouè ; épi tandé sa n-ap tandé yo, épi yo pa-t tandé ».

Paròl Granmèt la.

Mèkrédi

PRÉMIÉ LÉKTU

Granmèt la invité-n nan résepsion-l nan, épi li suiyé dlo sot nan tout figi.

Léktu liv profèt Izayi

25, 6-10 a

Jou sa-a :

Granmèt lamé yo ap fè yon résepsion bon viann pou tout pèp yo sou mòn sa-a, résepsion bon divin, viann ki gin bon gou, divin ki byin pozé. Sou mòn sa-a, l-ap chaviré fas chinn nan ki té maré sou tout pèp yo, ak voual la ki té vlopé sou tout nasyon yo. L-ap chaviré lanmò-a pou tout tan, Granmèt Bondié ap ouété dlo sot nan tout figi, épi l-ap ouété laront pèp li-a sot sou tout tè-a, paské Granmèt la palé.

Jou sa-a y-ap di : « Min Bondié nou sa-a, nou t-ap tann li, épi l-ap sovè nou ; sé li minm Granmèt la, nou t-ap éspéré li, n-ap fété, épi n-ap fè kè nou kontan nan sovè li sovè nou-an. Paské min Granmèt la ap pozé sou mòn sa-a ».

Paròl Granmèt la.

PSÒM RÉPONS

Ps 22, 1-3 a. 3 b-4. 5. 6 (R: 6 cd)

R: M-ap abité nan kay Granmèt la
pou longè jou yo.

¹ Granmèt la ap souin-m, mouin pap manké anyin :

² nan zèb vèt li instalé-m,
sou dlo kalm li kondui-m,

³ li réfè nanm mouin. R:

Li minnin-m sou santié jistis poutèt non-l.

⁴ Sèké si m-ap maché nan tè fon lonbraj lanmò,
mouin pap pè malè, paské ou avèk mouin.

Baton-ou ak bagèt ou
sé yo k-ap konsolé-m. R:

⁵ Ou té paré tab dévan-m
an fas sa yo k-ap pèsékité-m yo ;
ou té anbomé tèt mouin ak losion,
épi kalis mouin ap débòdé. R:

- 6 Réyéلمان sé bon kè ak mizérikòd k-ap rapousuiv mouin
touléjou lavi-m,
épi m-ap abité nan kay Granmèt la
nan longè jou yo. **R:**

ALÉLOUYA

R: Alélouya. Min Granmèt la ap vini, pou-l sovè pèp li-a ;
ala kontantman pou sa yo ki paré pou y-al rankontré-l yo. **R:**
Alélouya.

ÉVANJIL

Jézu géri anpil moun, épi li fè pin yo vi-n anpil.

✠ Léktu sint Évanjil la dapré Matié

15, 29-37

Lè sa-a :

Jézu rivé bò lanmè Galilé-a, épi antan-l monté sou mòn nan li té chita la. Épi anpil foul té proche koté-l antan yo té gin bèbè ak yo, avèg, bouaté, malad, ak anpil lòt, épi yo té lagé yo nan pié-l, épi li té géri yo ; a tèl pouin foul yo té sézi antan yo ouè bèbè k-ap palé, bouaté k-ap maché, avèg ki ouè, épi yo t-ap fè louanj Bondié Israèl la.

Jézu minm antan-l rélé disip li yo, li té di : « Mouin gin pitié pou foul la, paské sa fè toua jou déjà yo pèsévéré avèk mouin épi yo pa gin dékoua manjé, épi mouin pa vlé ranvouayé yo san manjé, pou yo pa tonbé féblès sou rout la ».

Disip li yo té di-l : « Ki koté konsa nou kapab jouinn kantité pin sa yo nan dézè-a, pou nou kontanté pakèt foul sa-a ? »

Jézu té di yo : « Konbyin pin nou ginyin ? »

Yo minm yo té di-l : « Sèt, épi kèk ti pouason ».

Épi li té pasé foul yo lòd pou yo kouché atè-a ; épi li té pran sèt pin yo ak pouason yo, épi antan li di mès, li té kasé yo, épi li té bay disip li yo, épi disip yo té bay pèp la, épi tout moun té manjé, épi yo té kontanté. Épi sa-k té rété an plis nan moso yo, yo té ranmasé sèt panié plin.

Paròl Granmèt la.

Jédi

PRÉMIÉ LÉKTU

Sé pou nasion ki kòrèk la antré, sa ki kinbé vérité-a.

Léktu liv profèt Izayi

26, 1-6

Jou sa-a, y-ap chanté kantik sa-a nan péyi Juda-a :

« Vil fò nou-an sé Siyon ; yo mété yon sovè ladan-l, miray ak avan-miray. Ouvri pòt yo, épi l-ap antré nasion kòrèk la, sa k-ap kinbé vérité-a. Ansyin fot la pati, ou-ap kinbé lapè-a : lapè paské nan ou nou éspéré.

Nou té éspéré nan Granmèt la pou sièk tout tan yo, nan Granmèt Bondié ki fò pou tout tan-an. Sèké li rabésé moun yo ki té abité nan rotè-a ; vil la ki té ro-a, li rabésé-l ; li rabésé-l jous atè, li trinnin-l jous nan pousiè. Pié moun ap foulé-l, pié pòv la, plant pié maléré yo. »

Paròl Granmèt la.

PSÒM RÉPONS

Ps 117, 1 é 8-9. 19-21. 25-27 a (R: 26 a)

R: Konpliman pou sa-a k-ap vini o non Granmèt la.

oubyin Alélouya.

¹ Fè louanj pou Granmèt la, paské li bon,
paské pou tout tan mizérikòd li.

⁸ Li bon pou nou kaché nan Granmèt la,
pasé pou nou mét konfians nan moun

⁹ Li bon pou nou kaché nan Granmèt la,
pasé pou nou mét konfians nan chèf yo. R:

¹⁹ Ouvri pòt jistis yo pou mouin
m-ap antré nan yo pou-m fè louanj Granmèt la ;

²⁰ Sa-a sé pòt Granmèt la, sa yo ki kòrèk yo ap antré ladan-l.

²¹ M-ap fè louanj ou, paské ou kouté-m,
ou tounin sovè k-ap sovè-m nan. R:

²⁵ Granmèt, sovè-m ;
Granmèt, bay siksè.

²⁶ Konpliman pou sa-a k-ap vini o non Granmèt la.
N-ap fè konpliman pou nou sot nan kay Granmèt la.

²⁷ Bondié Granmèt la kléré nou tou. R:

ALÉLOUYA

Iz 55, 6

R: Alélouya. Chèché Granmèt la, pandan nou kapab jouinn li, rélé-l, pandan li tou pré. R: Alélouya.

ÉVANJIL

*Moun ki fè volonté Papa-a,
l-ap antré nan péyi-roua sièl yo.*

✠ Léktu sint Évanjil la dapré Matié

7, 21. 24-27

Lè sa-a : Jézu té di disip li yo :

« Sé pa tout moun k-ap di-m : “Granmèt, Granmèt” k-ap antré nan péyi-roua sièl yo ; min sé sa-k fè volonté Papa-m ki nan sièl la, sé li minm k-ap antré nan péyi-roua sièl yo.

Tout moun donk ki kouté paròl mouin sa yo épi ki obsèvé yo, l-ap sanblé ak yon moun saj, ki té bati kay li sou ròch ; épi lapli té tonbé, épi riviè té désann, épi van té souflé, épi yo té fonsé sou kay sa-a, épi li pa-t tonbé ; li té gin fondasion réyéلمان sou ròch.

Épi tout moun ki kouté paròl mouin sa yo, épi ki pa obsèvé yo, l-ap sanblé ak yon moun sòt, ki té bati kay li sou sab ; épi lapli té tonbé, épi riviè té désann, épi van té souflé, épi yo té fonsé sou kay sa-a, épi li té tonbé, épi déstriksion-l nan té gran anpil. »

Paròl Granmèt la.

Vandrédi

PRÉMIÉ LÉKTU

Jou sa-a, jé avèg yo ap ouè.

Léktu liv profèt Izayi

29, 17-24

Min paròl Granmèt Bondié :

« Nan kèk tan, nan yon ti moman, èské mouin pap fè Liban-an tounin yon jadin, jadin-an minm, l-ap vi-n tankou yon gran rak boua ? Jou sa-a, moun soud yo ap tandé paròl liv la, épi jé avèg yo ap soti nan fènoua ak nan voual la pou yo ouè. Moun ki tou dou yo, y-ap jouinn plis kè kontan nan Granmèt la, épi pòv yo ap dansé nan sin Israèl la ; paské moun ki t-ap fè profitè-a, li tonbé ; moun ki t-ap pasé nan jouèt la, li fini ; y-ap péri

tout moun sa yo ki t-ap pasé tan yo ap fè sa-k mal la, sa-k té konn ap fè moun yo fè péché nan paròl, ki té konn ap mét jijman-an anba pié yo nan pòtay yo épi ki té konn ap fè sa-k kòrèk la tonbé akòz manti yo. »

Sé poussa, min sa Granmèt la di pou kay Jakòb la, li minm ki té rachté Abraam nan : « Jakòb pap ront ankò, ni figi-l pap ront ankò ; min lè l-ap ouè pitit li yo, travay min-m nan mitan yo k-ap fè ouè jan non-m sin, y-ap fè ouè jan sin Jakòb la li sin tout bon vré, épi y-ap préché Bondié Israèl la ; sa-k nan éré nan éspri-a, y-ap konnin intèlijans, épi rébèl yo ap aprann laloua-a ».

Paròl Granmèt la.

PSÒM RÉPONS

Ps 26, 1. 4. 13-14 (R: 1 a)

R: Granmèt la sé limiè-m k-ap sové-m.

- ¹ Granmèt la sé limiè-m k-ap sové-m, kilès pou-m pè ?
Granmèt la sé protéksion lavi-m, dévan kilès pou-m tranblé ? R:
- ⁴ Yon sèl bagay mouin té mandé Granmèt la, sé sa m-ap chèché,
pou-m abité kay Granmèt la tout jou lavi mouin,
pou-m ouè dousè Granmèt la,
épi pou-m vizité tanp li-a. R:
- ¹³ Mouin kouè m-ap ouè byin Granmèt la nan tè vivan yo.
- ¹⁴ Tann Granmèt la, pran kouraj,
épi asiré kè-ou, épi apuiyé sou Granmèt la. R:

ALÉLOUYA

R: Alélouya. Min Granmèt nou-an ap vini avèk pouvoua,
épi l-ap kléré jé sèvitè-l yo. R: Alélouya.

ÉVANJIL

Antan yo kouè nan Jézu, dé avèg yo géri.

✠ Léktu sint Évanjil la dapré Matié

9, 27-31

Lè sa-a :

Pandan Jézu ap travèsé, dé avèg té suiv li antan y-ap rélé byin fò, épi y-ap di : « Pitié pou nou, pitit David ». Lè-l té rivé nan kay la minm, avèg yo té proche koté-l.

Épi Jézu di yo : « Èské nou kouè mouin kapab fè sa pou nou ? »

Yo di-l : « Oui, Grammèt ».

Lè sa-a atò li té touché jé yo, antan-l di : « Dapré lafoua nou, sé pou sa fèt pou nou ». Épi jé yo té louvri.

Épi Jézu té fè yo ménas, antan-l di : « Fè atansion pou pèsòn pa konnin » ; yo minm antan yo soti, yo té gayé nouvèl la nan tout péyi sa-a.

Paròl Grammèt la.

Samdi

PRÉMIÉ LÉKTU

Y-ap pran pitié pou ou, nan voua rèl ou-a.

Léktu liv profèt Izayi

30, 19-21. 23-26

Min sa Grammèt Bondié di, Sin Israèl la :

« Pèp Siyon-an ap abité nan Jérusalèm ; li pap kriyé ankò, y-ap pran pitié pou ou, nan voua rèl ou-a ; minm lè-a kon yo tandé, y-ap réponn ou.

Épi Grammèt la ap ba nou pin nan tray nou, ak dlo nan kè séré nou, li pap fè moun k-ap ba-ou ansègnman-an kite-ou ankò, épi jé-ou yo ap ouè mèt ou-a, épi zòrèy ou yo ap tandé paròl sa-a k-ap ba-ou avètisman dèyè do-ou la : “Sa-a sé rout la : maché ladan-l” ; épi nou pap dévié ni adouat ni agòch.

L-ap bay lapli pou sémans ou-a, ninpòt koté-ou té simin nan péyi-ou la ; épi pin-an tè-a ap bay la l-ap rich, l-ap gra ; jou sa-a, mouton-an ap jouinn anpil koté pou-l manjé zèb nan éritaj ou-a, épi bèf ou yo ak ti bourik ou yo, k-ap travay tè-a, y-ap manjé yon bon manjé ki byin mélanjé, ki byin vanté sou glasi.

Sou tout mòn ki ro ak sou tout ti rotè ki gran, ap gin riviè dlo k-ap kouri, nan jou y-ap touyé anpil moun nan, lè sitadèl yo ap tonbé yo. Épi limiè lali-n nan ap tankou limiè solèy la, épi limiè solèy la ap kléré sèt foua plis tankou limiè sèt jou, jou Grammèt la ap pansé koté pèp li-a té blésé-a, épi l-ap géri blésu kou-l yo ».

Paròl Grammèt la.

PSÒM RÉPONS

Ps 146, 1-2. 3-4. 5-6 (R : Iz 30, 18)

R: Ala kontantman pou tout moun k-ap tann Granmèt la.

oubyin Alélouya.

¹ Fè louanj Granmèt la, paské sa bon pou yo joué pou Bondié nou-an, paské sa bon pou fè fèt ak louanj.

² Antan Granmèt la bati Jérusalèm, l-ap rasanblé moun Israèl yo ki té gayé yo. R:

³ Li minm ki géri kè ki krazé yo, épi ki pansé kou yo ;

⁴ ki konté kantité zétoual yo, épi ki rélé yo tout sou non yo. R:

⁵ Granmèt nou-an gran, épi pouvoua-l gran, sajès li pa gin chif pou méziré-l.

⁶ Granmèt la soutni moun dou yo, min li rabésé péchè yo jouska tè. R:

ALÉLOUYA

Iz 33, 22

R: Alélouya. Granmèt la sé jij nou, sé chèf nou, sé roua nou, sé li minm k-ap sové nou. R: Alélouya.

ÉVANJIL

Antan-l ouè foul yo, li pran pitié pou yo.

✠ Léktu sint Évanjil la dapré Matié

9, 35-10, 1. 6-8

Lè sa-a :

Jézu t-ap maché nan tout vil yo ak bouk yo, antan li t-ap bay anségnman nan sinagòg yo, épi antan li t-ap préché bòn nouvèl péyi-roua-a, épi antan li t-ap géri tout maladi ak tout féblès.

Antan-l ouè foul yo, min li pran lapinn pou yo, paské yo té bouké, épi antan yo té kouché tankou mouton ki pa gin gadyin. Lè sa-a atò li di disip li yo : « Rékòlt la anpil, min travayè yo sé yon ti kras yo yé, priyé Granmèt rékòlt la donk, pou-l voyé travayè nan rékòlt li-a ».

Épi antan-l rélé douz disip li yo, li té ba yo pouvoua sou éspri pa-pròp yo, pou yo chasé yo, pou yo géri tout maladi ak tout féblès. disip sa yo, Jézu té voyé yo, antan-l ba yo konsign, li di :

« Alé kot mouton kay Israël yo k-ap péri yo. Antan nou alé, préché, antan nou di : “Péyi-roua sièl yo ap proche”. Géri malad yo, résisité mò yo, pròpté lépré yo, chasé démon yo. Nou té résévoua gratis, sé pou nou bay gratis ».

Paròl Granmèt la.

DÉZIÈM SÉMÈN LAVAN

Dimanch, ané A

PRÉMIÉ LÉKTU

L-ap jijé pòv yo nan jistis.

Léktu liv profèt Izayi

11, 1-10

Jou sa-a :

Yon ramo ap soti nan rasi-n Jésé, épi yon flè ap monté sot nan rasi-n li, épi Éspri Granmèt la ap pozé sou li : éspri sajès ak intélijans, éspri konsèy ak fòs, éspri sians ak piété, épi éspri krint Granmèt la ap plin-l.

Sé pa dapré sa-k parèt dévan jé l-ap jijé, ni dapré brui ki rivé nan zòrèy l-ap fè répròch ; min l-ap jijé pòv yo nan jistis, épi l-ap fè répròch nan sa ki douat pou pòv yo sou tè-a, épi l-ap frapé tè-a ak bagèt bouch li, épi ak souf po bouch li l-ap touyé méchan an.

Jistis ap sèvi sinti tay li, épi lafoua ap sèvi sintiron rin-l.

Lou ap abité avèk mouton, épi tig ap kouché kot kabrit ; bèf ak lion ak mouton ap abité ansanm, épi yon ti gason ap kondui yo ; bèf ak ous ap manjé ansanm, pitit yo ap rété minm koté, épi lion ap manjé pay tankou bèf. Épi ti bébé ki nan tété ap joué sou trou sèpan. Épi nan trou koulèv la ti bébé-a ap lonjé min-l. Yo pap fè méchansté, yo pap touyé sou tout mòn mouin-an ki sin-an, paské tè-a plin ak sians Granmèt la, tankou dlo yo ki kouvri lanmè-a.

Jou sa-a rasi-n Jésé-a, ki kanpé kòm sign pèp yo, sé li minm nasion yo ap chèché, épi koté-l yé-a ap nan gloua.

Paròl Granmèt la.

PSÒM RÉPONS

Ps 71, 2. 7-8. 12-13. 17 (R : 7)

R Jistis ap fléri nan jou-l yo
avèk lapè an kantité pou tout tan.

¹ Bondié, jijman-ou nan, bay roua-a li
épi jistis ou-a, bay pitit roua-a li,

² l-ap jijé pèp ou-a nan jistis,
ak pòv ou yo nan jijman. R

⁷ Jistis ap fléri nan tan-l yo ak lapè an kantité
joustan lali-n nan disparèt.

- 8 épi l-ap kòmandé sot nan lanmè al nan lanmè,
épi sot nan gran riviè-a jous nan bout fas tè yo. **R:**
- 12 Sèké l-ap libéré maléré-a k-ap rélé-a,
ak pòv la ki pa gin sékou-a.
- 13 L-ap pran pitié pou pòv la ak mizérab la,
épi nanm pòv yo, l-ap sové yo. **R:**
- 17 Sé pou non-l béni nan sièk tan,
dévan solèy la sé pou non-l diré.
épi sé pou tout ras tè yo jouinn bénédiksion nan li.
Sé pou tout nasion yo fè louanj li. **R:**

DÉZIÈM LÉKTU

Kris-la vlé pou tout moun sové.

Léktu lèt apot sin Pòl pou Romin yo

15, 4-9

Frè-m yo :

Ninpòt ki sa ki ékri yo, sé pou ansègnman nou yo ékri, pou gras a pasians ak konsolasion sa-k ékri yo nou vi-n gin éspérans. Bondié pasians la ak ankourajman-an minm sé pou-l fè nou favè pou nou gouté minm bagay antré nou dapré Jézu-Kri, pou nou fè yon sèl ak yon sèl bouch pou nou fè louanj Bondié ak Papa Granmèt nou Jézu-Kri.

Sé pou sa sé pou youn résévoua lòt, minm jan Kris-la té résévoua nou an lonè Bondié. Mouin di réyèlman Kris Jézu té vi-n tounin sèvitè sikonsizyon-an poutèt vérité Bondié-a pou-l réalizé promès papa yo ; min nasion yo minm sé poutèt mizérikòd la y-ap onoré Bondié, dapré sa-k ékri-a : « M-ap fè louanj ou nan nasion yo, Granmèt, épi m-ap chanté pou non-ou ».

Paròl Granmèt la.

ALÉLOUYA

Lk 3, 4. 6

R: Alélouya. Paré chémin Granmèt la, drésé santié-l douat ;
tout chè ap ouè sové Bondié sové yo-a. **R:** Alélouya.

ÉVANJIL

Fè pénitans : péyi-roua sièl yo ap proché.

✠ Léktu sint Évanjil la dapré Matié

3, 1-12

Jou sa yo, Jan-Batis té rivé antan l-ap préché nan dézè Judé-a, épi l-ap di : « Fè pénitans, péyi-roua sièl yo ap proché vré ». Sa-a réyèlman, sé li minm yo té palé pa lintèmediè profèt Izayi ki t-ap di : « Voua moun-nan k-ap rélé nan dézè-a : Paré chémin Granmèt la, drésé santié-l yo douat ».

Jan sa-a minm li té gin rad ki té fèt ak poual chamo épi yon sintiron an po té pasé nan tay li, manjé-l minm sé té krikèt ak mièl maron.

Lè sa-a Jérusalèm té soti al jouinn li ni tout Juda ak tout réjion bò Joudin-an, épi yo t-ap résévoua batèm nan min-l nan Joudin-an antan y-ap konfésé péché yo. Min lè-l ouè anpil nan farizyin yo ak sadiséyin yo k-ap vi-n pou batèm li-an, li té di yo :

« Ras sèpan, kilès ki té montré nou pou nou sové kò nou dévan kòlè-a k-ap rivé-a ? Manyè fè foui ki mérité pénitans la, épi pa kontanté pou n-ap di anndan kè nou : “Nou gin Abraam kòm papa nou”. Mouin di nou réyèlman Bondié gin pouvoua apati ròch sa yo pou-l lévé pitit bay Abraam. Rach la déjà pozé vré nan rasi-n pié boua yo : konsa tout pié boua ki pa fè bon foui, y-ap koupé-l, épi y-ap jété-l nan difé.

Mouin minm m-ap batizé nou nan dlo pou pénitans la sé vré ; min sa-a k-ap vi-n apré-m nan, li pi fò pasé-m, mouin pa mérité pou-m poté sapat li. Li minm minm l-ap batizé nou nan Éspri Sin-an ak difé ; layo-a nan min-l, épi l-apral nétouayé glasi-l la, épi l-ap ranmasé blé-l la nan dépo, kanta pay yo minm, l-ap boulé yo nan difé ki pa kapab étinn nan ».

Paròl Granmèt la.

Dimanch, ané B

PRÉMIÉ LÉKTU

Paré chémin Granmèt la.

Léktu liv profèt Izayi

40, 1-5. 9-11

« Konsolé, konsolé, pèp mouin, sé sa Bondié nou-an di. Palé ak kè Jérusalèm, épi ankourajé-l, paské méchansté-l la fi-n disparèt, fot li-a éfasé, li fi-n résévoua nan min Granmèt la doub pou tout péché-l yo ».

Voua moun nan k-ap rélé nan dézè-a : « Paré chémin Granmèt la, drésé santié Bondié nou yo nan dézè-a. Tout gòj ap lévé épi tout mòn ak bit tè ap bésé, sa-k krochi yo ap vi-n douat, sa-k gin trou yo ap vi-n tounin chémin égalisé, gloua Granmèt la ap révéle, tout chè ap ouè ansanm sé bouch Granmèt la ki té palé ».

Monté sou yon mòn ki ro, ou minm k-ap anonsé bòn nouvèl la Siyon ; lévé voua-ou byin fò, ou minm k-ap anonsé bon nouvèl la Jérusalèm ; lévé, pa pè, di vil Juda yo : « Min Bondié nou-an, min Granmèt Bondié-a k-ap vini ak fòs, épi bra-l ap kòmandé : min rékonpans li avèk li, épi travay li dévan-l. Tankou yon gadyin ap okipé bann mouton-l yo, nan bra-l l-ap rasanblé mouton yo, épi nan léstomak li l-ap lévé yo ; sa-k plinn yo, li minm l-ap poté yo ».

Paròl Granmèt la.

PSÒM RÉPONS

Ps 84, 9 ab-10. 11-12. 13-14 (R : 8)

R: Montré nou mizérikòd ou-a Granmèt,
ba nou sovè ou sovè nou-an.

- ⁹ M-ap kouté sa Granmèt Bondié ap di,
sèké sé lapè l-ap palé pou pèp li-a ak sin-l yo.
- ¹⁰ Réyéلمان, sovè li sovè yo-a toupré sa-k krinn li yo,
pou gloua-a abité sou tè nou-an. R:
- ¹¹ Mizérikòd ak vérité rankontré,
jistis ak lapè anbrasé.
- ¹² Vérité-a lévé sot sou tè-a,
épi jistis la panché sot nan sièl la. R:

- 13 Oui, Granmèt la ap bay bon kè,
épi tè nou-an ap bay foui-l.
- 14 Jistis-la sé dévan-l l-ap maché,
épi l-ap pozé pié-l sou rout la. **R:**

DÉZIÈM LÉKTU

Sé nouvo sièl yo ak nouvo tè-a n-ap tann.

Léktu dézièm lèt apot sin Piè

3, 8-14

Gin yon bagay ki pa doué kaché pou nou, nou minm mouin rinmin anpil la, sèké yon sèl jou kot Granmèt la tankou mil ané, épi mil ané tankou yon sèl jou. Granmèt la pa mizé pou-l réalizé promès li-a, tankou kèk konprann nan ; min sé avèk pasians l-ap aji poutèt nou, paské li pa vlé pou kèk péri, min li vlé pou tout moun tounin fè pénitans. Sèlman, jou Granmèt la ap rivé tankou yon vòlè, lè sa-a sièl yo ap pati avèk gran brui, sa-k antré nan konpozision matiè-a ap fonn nan chalè-a, tè-a minm avèk bagay ki ladan-l yo, y-ap boulé.

Konsa kòm tout bagay sa yo gin pou yo dékonpozé, nou pa bézouin mandé kijan nou doué konpòté tèt nou nan konduit ki sin épi nan santiman rélijyé, antan n-ap tann é n-ap avansé pou nou rankontré jou Granmèt la k-ap vini-an, jou sa-a sièl yo ap dékonpozé antan y-ap boulé-a, épi sa-k antré nan konpozision matiè-a ap disparèt nan chalè difé-a ? Sèké sé nouvo sièl yo ak nouvo tè-a n-ap tann dapré promès li-a, koté jistis la abité-a.

Poutèt sa, nou minm mouin rinmin anpil la, antan n-ap tann bagay sa yo, sé pou nou fè éfò pou yo jouinn nou san tach ak san répròch nan lapè.

Paròl Granmèt la.

ALÉLOUYA

Lk 3, 4. 6

R: Alélouya. Paré chémin Granmèt la, drésé santié-l yo douat ;
tout chè ap ouè sovè Bondié sovè-l la. **R:** Alélouya.

ÉVANJIL

Drésé santié Granmèt yo douat.

✚ Léktu sint Évanjil la dapré Mark

1, 1-8

Kòmansman Évanjil Jézu-Kri Pitit Bondié.

Jan sa ékri nan profèt Izayi-a : « Min mouin voyé Anj mouin-an dévan fas ou, sé li minm k-ap préparé chémin-ou nan dévan-ou. Voua moun nan k-ap rélé nan dézè-a : “Paré chémin Granmèt la, drésé santié-l yo douat” ».

Jan té nan dézè-a, antan l-ap batizé, antan l-ap préché yon batèm pénitans pou padon péché yo. Épi tout réjion Judé-a té soti vi-n jouinn li, ak tout moun Jérusalèm, yo t-ap résévoua batèm nan min-l nan riviè Joudin-an, antan y-ap konfésé péché yo.

Jan té abiyé avèk poual chamo, épi yon sinti po té passé nan tay li, épi sé krikèt ak mièl sovaj li té konn manjé, épi li t-ap préché, antan l-ap di : « Gin youn ki pi fò passé-m k-ap vini apré-m, mouin pa mérité bésé poum défèt lasèt sandal li yo. Mouin minm mouin té batizé nou nan dlo, li minm minm l-ap batizé nou nan Éspri Sin-an ».

Paròl Granmèt la.

Dimanch, ané C

PRÉMIÉ LÉKTU

Bondié ap fè ouè jan-ou kléré.

Léktu liv profèt Baruk

5, 1-9

Dézabiyé-ou, Jérusalèm, ak ròb dèy la ak tray la ki sou ou-a, épi abiyé-ou ak bèl rad ak konsidérasion ak onè li, sa Bondié ba ou-a, gloua Bondié ap abiyé-ou avèk rad jistis la, épi l-ap mété kouròn onè tout tan-an sou tèt ou ; Bondié réyèlman ap fè ouè jan-ou kléré, bay tout kréatu ki anba sièl la. Min ki non Bondié ap ba ou pou tout tan : « Lapè jistis la ak onè dévosion-an ».

Lévé Jérusalèm, épi gadé nan sièl la, épi voyé jé-ou olévan, ou-ap ouè pitit ou yo ki rasanblé sot olévan jous okouchan, nan paròl Sin-an, antan y-ap fè kè yo kontan nan souvni Bondié. Yo té pati kité-ou, réyèlman,

apié, antan ènmi yo t-ap kondui yo, min Granmèt la ap minnin yo, antan y-ap poté yo ba ou nan onè tankou pitit roua ; Bondié té désidé réyèlman pou yo rabésé tout mòn ki ro, épi ti mòn ki la tout tan, épi pou yo konblé bafon yo, pou tè-a égalizé, pou Israèl kapab maché byin vit nan onè Bondié.

Rak boua yo minm ap fè lonbraj pou Israèl ni tout pié boua dousè sou lòd Bondié. Bondié ap minnin Israèl réyèlman avèk kè kontan nan limiè grandè-l la avèk mizèrikòd, avèk jistis ki soti nan li.

Paròl Granmèt la.

PSÒM RÉPONS

Ps 125, 1-2 ab. 2 cd-3. 4-5. 6 (R: 3)

R: Granmèt la té fè mèvèy pou nou ;
nou gin kè kontan

¹ Lè Granmèt la fè prizonié Siyon yo tounin,
nou té tankou nan rèv.

² Lè sa-a bouch nou té plin ak kontantman
épi lang ak chanté fèt. R:

Lè sa-a yo t-ap di nan pami nasion yo :
« Granmèt la té fè mèvèy pou yo ».

³ Granmèt la té fè mèvèy pou nou ;
nou gin kè kontan. R:

⁴ Fè prizonié nou yo tounin, Granmèt,
tankou ravi-n nan Sid yo.

⁵ Moun ki simin nan dlo jé,
yo rékòlté nan kè kontan. R:

⁶ Yo t-apralé antan y-ap kriyé,
pandan yo t-ap poté sémans pou yo simin-an ;
yo tounin minm ak kè kontan
antan y-ap poté zépi yo. R:

DÉZIÈM LÉKTU

Sé pou nou sinsè, épi san nou pa kasé pié, pou jou Kris la.

Léktu lèt apot sin Pòl pou Filipyin yo

1, 4-6. 8-11

Frè-m yo :

Tout tan nan tout priyè-m yo, pou nou tout ak kè kontan m-ap priyé, poutèt nou té patisipé nan Bòn Nouvèl Kris la dépi premié jou-a jous koulié-a ; antan mouin gin konfians sa-a, sèké sa-a ki té kòmansé bon travay la nan nou-an, l-ap fè-l rivé nan dènié pouin-l nan jou Kris Jézu-a.

Bondié sèvi-m témouin, kijan mouin rinmin nou tout nan zantray Jézu-Kri. Épi mouin priyè konsa pou charité nou-an débòdé tout tan pi plis nan sians ak tout kalité bon sans, pou nou sondé sa-k pi konsékan, pou nou kapab sinsè, épi san nou pa kasé pié nan jou Kris la, antan nou plin ak foui jistis la, pa pouvoua Jézu-Kri, pou gloua ak louanj Bondié.

Paròl Granmèt la.

ALÉLOUYA

Lk 3, 4. 6

℞ Alélouya. Paré rout Granmèt la, égalizé santié-l yo ;
tout chè ap ouè sové Bondié sové-l la. ℞ Alélouya.

ÉVANJIL

Tout chè ap ouè sové Bondié sové-l la.

✠ **Léktu sint Évanjil la dapré Luk**

3, 1-6

Sou kinzièm ané anpère Tibèr Sézar, antan Pons Pilat té préfè Judé, Éròd minm té chèf Galilé, Filip, frè-l la, té chèf réjion Ituré ak Trakoni-tid, Lizanias té chèf Abilèn, pandan A-n ak Kayif té chèf prèt yo, paròl Granmèt la té rivé sou Jan, pitit Zakari, nan dézè-a.

Li té vi-n nan tout réjion Joudin-an, antan l-ap préché yon batèm pénitans, pou padon péché yo, dapré sa-k ékri nan liv prèch profèt Izayi-a :

« Voua moun-nan k-ap rélé nan dézè-a : Paré rout Granmèt la ; égalizé santié-l yo. Tout bafon doué konblé, épi tout mòn ak ti rotè doué rabésé, épi chémin krochi doué vi-n douat, épi rout falèz doué vi-n tounin tè plat, épi tout chè ap ouè sové Bondié sové-l la ».

Paròl Granmèt la.

Lindi

PRÉMIÉ LÉKTU

Sé Bondié li minm k-ap vini, épi l-ap sové nou.

Léktu liv profèt Izayi

35, 1-10

Sé pou dézè-a kontan ni tè ki pa gin rout la, épi sé pou tè ki pa-t gin anyin-an dansé, sé pou-l fléri tankou lis. Sé pou-l jèmin byin jèmin, sé pou-l dansé ak kè-l byin kontan, ak louanj l-ap chanté, Yo ba-l gloua Liban-an, ni onè Karmèl la ak Saron-an ; yo minm y-ap ouè gloua Granmèt la ak onè Bondié nou-an.

Ankourajé min k-ap fébli yo, épi jénou ki pèdi fòs yo, asiré yo ; di sa k-ap ézité yo : « Ankourajé, pa pè : Min Bondié nou-an ap minnin vanjans révanj la : sé Bondié li minm k-ap vini, épi l-ap sové nou ».

Lè sa-a jé avèg yo ap ouvri, épi zòrèy soud yo ap ouvri ; lè sa-a bouaté-a ap vòltijé tankou sèrf, épi lang bèbè yo ap ouvri ; paské dlo yo éklaté nan dézè-a, ni ravi-n yo nan tè ki pa-t gin anyin-an. Épi sa-k té sèk la ap vi-n tounin yon létan, épi sa-k té souaf la ap vi-n tounin sous dlo. Nan trou ròch yo, koté dragon yo té abité anvan-an, sé rozo ak jon tou vèt k-ap pousé.

Koté sa-a ap gin santié ak rout, épi y-ap rélé-l rout ki sin ; moun ki sal pap pasé ladan-l ; épi l-ap vi-n tounin yon rout tou douat pou nou, atèl pouin sòt yo pap troupé ladan-l. Pap gin lion koté sa-a, épi mové bèt pap monté ladan-l, ni yo pap jouinn sa la-a ; épi y-ap maché, sa Granmèt la libéré yo, sa-l rachté yo, y-ap tounin, y-ap rivé nan Siyon avèk louanj ak kè kontan tout tan sou tè yo ; y-ap jouinn kontantman ak fèt, épi soufrans ak plint ap pati.

Paròl Granmèt la.

PSÒM RÉPONS

Ps 84, 9 ab-10. 11-12. 13-14 (R: Iz 35, 4 d)

R: Min Bondié nou-an ap vini, épi l-ap sové nou.

⁹ M-ap kouté sa l-ap di, Granmèt Bondié-a,
sèké l-ap palé lapè pou pèp li-a ak sin-l yo.

¹⁰ Réyèlman, sové li sové yo-a toupré sa-k krinn li yo.
pou gloua-a abité sou tè nou-an. R:

- ¹¹ Mizérikòd ak vérité rankontré,
jistis ak lapè anbrasé.
- ¹² Vérité-a l'évé sot sou tè-a,
épi jistis la panché sot nan sièl la. **R:**
- ¹³ Oui, Granmèt la ap bay bon kè,
épi tè nou-an ap bay foui-l.
- ¹⁴ Jistis-la sé dévan-l l-ap maché,
épi l-ap pozé pié-l sou rout la. **R:**

ALÉLOUYA

R: Alélouya. Min Roua-a ap vini, Granmèt tè-a,
épi sé li minm k-ap ouété jouk ésklavaj nou-an. **R:** Alélouya.

ÉVANJIL

Nou ouè mèvèy jodi-a.

✠ Léktu sint Évanjil la dapré Luk

5, 17-26

Nan youn nan jou yo,

Jézu té chita antan li t-ap bay ansègnman. Épi té gin farizyin ki té chita ak savan laloua yo, ki té vi-n sot nan tout bouk Galilé ak Judé ak Jérusalèm ; épi pouvoua Granmèt la t-ap géri moun yo.

Gin moun ki vi-n ap poté yon mésié sou yon kabann, mésié-a té paralizé épi yo t-ap chèché poté-l anndan-an pou yo dépozé-l dévan-l. Épi kòm yo pa-t jouinn ki koté pou yo poté-l anndan-an akòz foul la, yo té monté sou tèt kay la, épi atravè tuil yo, yo té désann li ansanm avèk kabann nan nan mitan-an dévan Jézu. Lè-l té ouè lafoua yo, li té di : « Monchè, péché-ou yo éfasé ».

Épi skrib yo ak farizyin yo té kòmansé réfléchi nan kè yo, antan y-ap di : « Kilès sa-a, k-ap di blasfèm yo ? Kilès ki kapab padonnin péché, si sé pa sèl Bondié ? »

Kòm Jézu té konnin pansé yo, antan li pran laparòl, li té di yo : « Ki sa n-ap réfléchi nan kè nou-an ? Ki sa ki pi fasil, èské sé di “Péché-ou yo éfasé”, oubyin di : “L'évé épi maché ?” Ébyin pou nou kapab konnin Pitit moun nan gin pouvoua sou tè-a pou-l padonnin péché yo », li di paralizé-a : « Mouin di-ou, l'évé, pran kabann ou, al fè rout ou lakay ou ». Minm

lè-a antan li lévé dévan yo, li té pran kabann nan koté li té kouché-a, épi li té pati lakay li, antan l-ap fè konpliman pou Bondié.

Sézisman anparé tout moun, yo t-ap fè louanj Bondié, yo té sézi anpil, yo t-ap di : « Nou té ouè mèvèy jodi-a ».

Paròl Granmèt la.

Madi

PRÉMIÉ LÉKTU

Bondié konsolé pèp li-a.

Léktu liv profèt Izayi

40, 1-11

« Konsolé, konsolé, pèp mouin, sé Bondié nou-an ki di, palé ak kè Jérusalèm, épi ankourajé-l, paské méchansté-l la fi-n disparèt, fot li-a éfasé, li fi-n résévoua nan min Granmèt la doub pou tout péché-l yo ».

Voua moun nan k-ap rélé nan dézè-a : « Paré chémin Granmèt la, drésé santié Bondié nou yo nan tè ki pa gin anyin-an. Tout gòj ap lévé, épi tout mòn ak bit tè ap bésé, épi sa-k krochi yo ap vi-n douat, épi sa-k gin trou yo ap vi-n tounin chémin égalizé, épi gloua Granmèt la ap révélé, épi tout chè ap ouè ansanm sé bouch Granmèt la ki té palé ».

Voua sa-a k-ap di-a : « Rélé ». Épi mouin di : « Ki sa pou-m rélé-a ? » « Tout chè sé zèb, épi tout gloua-l tankou flè jadin. Zèb la séché, épi flè-a tonbé, paské Éspri Granmèt la souflé nan li. (Réyèlman sé zèb pèp la yé). Zèb la séché, épi flè-a tonbé ; paròl Granmèt nou-an minm diré pou tout tan ».

Monté sou yon mòn ki ro, ou minm k-ap anonsé bòn nouvèl la Siyon ; lévé voua-ou byin fò, ou minm k-ap anonsé bòn nouvèl la Jérusalèm ; lévé, pa pè, di vil Juda yo : « Min Bondié nou-an, min Granmèt Bondié-a k-ap vini ak fòs, épi bra-l ap kòmandé : min rékonpans li avèk li, épi travay li dévan-l. Tankou yon gadyin ap okipé bann mouton-l, nan bra-l l-ap rasanblé mouton yo, épi nan léstomak li l-ap lévé yo ; sa-k plinn yo, li minm l-ap poté yo ».

Paròl Granmèt la.

PSÒM RÉPONS

Ps 95, 1-2. 3 é 10 ac. 11-12. 13 (R: Iz 40, 9-10)

R: Min Bondié nou-an, nan fòs l-ap vini.

- 1 Chanté pou Granmèt la yon kantik nouvo,
chanté pou Granmèt la, tout tè-a.
- 2 Chanté pou Granmèt la, fè konpliman pou non-l,
anonsé jou an jou sovè li sovè nou-an. R:
- 3 Anonsé gloua li nan pami nasion yo,
nan tout pèp yo mèvèy li yo.
- 10 Di nan nasion yo : « Granmèt la roua »,
l-ap jijé pèp yo nan jistis. R:
- 11 Sé pou sièl yo kontan, épi pou tè-a dansé,
pou lanmè-a sonnin ansanm ak tout sa-k plin-l ;
- 12 Jadin yo ap kontan ansanm ak tout sa ki nan yo.
Lè sa-a tout boua nan rak yo ap dansé. R:
- 13 Dévan fas Granmèt la, paské l-ap vini,
paské l-ap vi-n jijé tè-a.
L-ap jijé fas tè-a nan jistis
épi pèp yo nan vérité-l la. R:

ALÉLOUYA

R: Alélouya. Li tou pré, jou Granmèt la ;
min l-ap vini pou-l sovè nou. R: Alélouya.

ÉVANJIL

Bondié pa vlé pou sa-k fèb yo péri.

✠ Léktu sint Évanjil la dapré Matié

18, 12-14

Lè sa-a : Jézu di disip li yo :

« Ki sa nou di nan sa ? Si yon moun té gin san mouton, épi youn nan yo pèdi, èské li pap kité katrévindisnèf yo nan mòn yo, pou-l al chèché sa-k pèdi-a ? Épi si-l rivé jouinn li, amèn mouin di nou, l-ap pi kontan pou li pasé pou katrévindisnèf yo ki pa-t pèdi yo.

Sé konsa, sé pa volonté Papa nou ki nan sièl la, pou youn nan ti piti sa yo péri ».

Paròl Granmèt la.

Mèkrédi

PRÉMIÉ LÉKTU

Bondié ki gin tout pouvoua-a « bay sa ki fatigé-a fòs ».

Léktu liv profèt Izayi

40, 25-31

« Ak ki sa nou fè-m sanblé, nou konparé-m ? » sé sa Sin-an di. Lévé jé nou nan anro nèt la, épi gadé : kilès ki té kréyé bagay sa yo, ki fè lamé yo soti an ran-an, ki rélé yo tout dapré non yo ? Akòz grandè fòs ak pouvoua ak otorité-l, pa gin youn ki rété.

Pouki sa ou-ap di, Jakòb, ou-ap déklaré Israèl : « Chémin-m nan kaché dévan Granmèt la, jijman-m nan pati sot dévan Bondié-m nan ? » Èské ou pa konnin, oubyin ou pa-t tandé ? Sé Bondié tout tan-an, Granmèt la, ki té kréyé limit tè-a, li pap fébli, li pap bouké, pa gin fon pou sajès li. Li minm ki bay sa-k fatigé-a fòs, sa yo ki pa égzisté yo li ba yo fòs, li dévlopé fòs la. Timoun yo fébli, yo bouké, jinn jan yo tonbé ak féblès ; min sa yo ki éspéré nan Granmèt la, yo jouinn fòs tou nèf, yo pran zèl tankou èg, yo kouri épi yo pa bouké, yo maché épi yo pa fébli.

Paròl Granmèt la.

PSÒM RÉPONS

Ps 102, 1-2. 3-4. 8 é 10 (R: 1 a)

R: Fè konpliman pou Granmèt la, nanm mouin.

- 1 Fè konpliman pou Granmèt la, nanm mouin ;
tou sa-k anndan-m, fè konpliman pou non-l ki sin.
- 2 Fè konpliman pou Granmèt la, nanm mouin,
pa bliyé tou sa-l fè yo. R:
- 3 Li minm ki padonnin tout fot ou yo,
ki géri tout maladi-ou yo ;
- 4 ki délivré lavi-ou sot nan fòs la,
ki kouronnin-ou ak mizérikòd, ak pitié. R:
- 8 Granmèt la pran pitié, li gin mizérikòd
li pran pasians, li gin anpil mizérikòd.
- 10 Sé pa dapré péché nou yo li trété nou,
ni dapré fot nou yo li rinnèt nou. R:

ALÉLOUYA

R: Alélouya. Min Granmèt la ap vini, pou-l sovè pèp li-a ;
ala kontantman pou sa yo ki paré al rankontré-l. **R:** Alélouya.

ÉVANJIL

Vi-n jouinn mouin, nou tout k-ap rédi.

✠ Léktu sint Évanjil la dapré Matié

11, 28-30

Lè sa-a : Jézu pran laparòl li di :

« Vi-n jouinn mouin, nou tout k-ap fatigé, k-ap rédi anba gro chaj, m-ap réfè fòs nou. Pran jouk mouin sou nou, pran léson nan min-m, paské mouin tou dou, mouin rabésé nan kè-m ; n-ap jouinn répo pou nanm nou ; jouk mouin fasil pou poté, chaj mouin lèjè ».

Paròl Granmèt la.

Jédi

PRÉMIÉ LÉKTU

Mouin minm mouin sé rédanmtè-ou, Sin Israèl la.

Léktu liv profèt Izayi

41, 13-20

Mouin minm Granmèt Bondié-ou la ki pran-ou nan min, ki di-ou :
« Pa pè, mouin poté-ou sékou ».

Pa pè, vè-tè Jakòb, nou minm ki té mouri nan Israèl la ; sé mouin minm ki poté-ou sékou, déklarasion Granmèt la ak rédanmtè-ou la, Sin Israèl la.

Mouin mété-ou tankou yon fouch tou nèf k-ap krazé pay, ki gin dan-l byin séré ; ou-ap krazé mòn yo, ou-ap fè yo tounin fari-n, ni bit tè yo ou-ap fè yo vi-n tounin tankou pousiè, ou-ap vannin yo, van-an ap broté yo, toubiyon-an ap gayé yo ; kanta ou minm minm ou-ap dansé nan Granmèt la, nan sin Israèl la kè-ou ap kontan.

Maléré yo ak pòv yo ap chèché dlo, min yo pa jouinn ; lang yo séché ak souaf. Mouin minm Granmèt la m-ap kouté yo, Bondié Israèl la mouin pap lagé yo.

M-ap ouvri gran riviè sou mòn yo ki pa gin pié boua yo, épi nan mitan savann yo m-ap louvri sous ; m-ap fè dézè-a vi-n tounin létan dlo, tè ki pa gin rout la m-ap fè-l vi-n tounin riviè dlo.

Nan savann nan, m-ap mété pié sèd, akasia, mirt ak pié oliv ; nan dézè-a m-ap mété pié siprè, pié bouapin, pié mélèz ansanm, pou yo gadé, pou yo konnin, pou yo sonjé, pou yo konprann yo tout, sé min Granmèt la ki fè sa, sé Sin Israèl la ki té kréyé-l.

Paròl Granmèt la.

PSÒM RÉPONS

Ps 144, 1 é 9. 10-11. 12-13 ab (R : 8)

R: Granmèt la gin pitié, li gin mizérikòd,
li gin pasians, li gin anpil mizérikòd.

¹ M-ap fè louanj ou, Bondié-m roua mouin,
m-ap fè konpliman pou non-ou pou tout tan ak tout tan gin tan.

⁹ Granmèt la bon pou tout moun,
mizérikòd li pou tou sa-l fè. **R:**

¹⁰ Y-ap fè louanj ou, Granmèt, tou sa-ou fè yo ;
sin-ou yo ap fè konpliman pou-ou.

¹¹ Y-ap déklaré gloua péyi roua-ou la,
y-ap anonsé pouvoua-ou. **R:**

¹² pou yo fè pitit moun yo konnin mèvèy ou yo,
ak gloua grandè péyi roua-ou la.

¹³ Péyi roua-ou la, sé péyi roua tout tan,
kòmandman-ou nan pou jénérasyon ak jénérasyon. **R:**

ALÉLOUYA

Cf. Iz 45, 8

R: Alélouya. Sièl yo, fè larouzé désann sot anro-a,
sé pou niaj yo fè sa-a ki kòrèk la tonbé tankou lapli ;
sé pou tè-a louvri, pou-l jèmin Sovè-a. **R:** Alélouya.

ÉVANJIL

Pa gin moun pi gran pasé Jan-Batis ki té lèvé.

✠ Léktu sint Évanjil la dapré Matié

11, 11-15

Lè sa-a : Jézu di foul yo :

« Amèn mouin di nou, nan pami moun ki fèt sot nan médam yo, pa ginyin ki lèvé ki pa gran pasé Jan-Batis ; époutan sa-a ki pi piti nan péyi roua sièl yo, li pi gran pasé-l. Dépi jou Jan-Batis yo jous koulié-a péyi roua sièl yo sibi kout-fòs, sé moun ki fò ki sézi-l. Tout profèt yo ak laloua-a jous Jan yo té profétizé, épi si nou vlé aksépté, sé li minm minm Éli sa-a ki té gin pou-l vini-an.

Moun ki gin zòrèy pou-l kouté sé pou-l kouté ».

Paròl Granmèt la.

Vandrédi

PRÉMIÉ LÉKTU

Si-ou té kapab kouté kòmandman-m yo !

Léktu liv profèt Izayi

48, 17-19

Min paròl Granmèt rédanmètè-ou la, Sin Israèl-la :

« Mouin minm Granmèt Bondié-ou la k-ap aprann ou sa-k sèvi-ou, k-ap dirijé-ou sou rout la, koté ou-ap maché-a. Si-ou té kapab kouté kòmandman-m yo ! Lapè-ou la t-a tankou yon riviè, jistis ou-a t-a tankou lanm lanmè yo ! Ras ou t-a tankou sab, désandans ki soti nan vant ou t-a tankou grinn sab ; non-l pa t-ap pati, pa t-ap éfasé sot dévan fas mouin ! »

Paròl Granmèt la.

PSÒM RÉPONS

Ps 1, 1-2. 3. 4 é 6 (R: : cf. Jan 8, 12)

R: Moun ki suiv ou, Granmèt, l-ap gin limiè lavi-a.

- ¹ Ala kontantman pou moun ki pa alé nan réyinion méchan yo,
ki pa kanpé nan chémin péchè yo,
ki pa chita nan group moun k-ap pasé nan jouèt yo,
- ² min sé nan laloua Granmèt la volonté-l yé,
sé nan laloua-l la l-ap médité lajounin ak lannuit. R:

- 3 L-ap tankou yon pié boua ki planté sou bò kouran dlo,
k-ap donnin foui-l nan tan li ;
li pap pèdi fèy li, tou sa l-ap fè ap réyisi. **R**
- 4 Sé pa konsa pou méchan yo, sé pa konsa,
min y-ap tankou pousiè van ap voyé jété.
- 6 Sèké Granmèt la konnin chémin moun kòrèk yo,
min rout méchan yo ap péri. **R**

ALÉLOUYA

R Alélouya. Granmèt la ap vini, al rankontré-l ;
li sé chèf lapè. **R** Alélouya.

ÉVANJIL

Yo pa kouté ni Jan ni Pitit moun nan.

✠ Léktu sint Évanjil la dapré Matié

11, 16-19

Lè sa-a : Jézu di foul yo :

« Ak ki sa mouin t-a konparé jénérasyon sa-a ? Li sanblé ak ti gason yo ki chita sou plas la, k-ap rélé zanmi yo, y-ap di : “Nou chanté pou nou, épi nou pa dansé ; nou chanté chanté dèy, épi nou pa kriyé”.

Réyèlman Jan rivé, li pa manjé, li pa bouè, épi yo di : “Sé yon démon li ginyin !” Pitit moun nan rivé l-ap manjé épi l-ap bouè, épi yo di : “Min yon moun voras, yon moun k-ap bouè divin, yon zanmi piblikin yo ak péchè yo !” Ébyin sajès la jouinn pitit li yo ki rann li jistis ».

Paròl Granmèt la.

Samdi

PRÉMIÉ LÉKTU

Éli gin pou-l vini ankò.

Léktu liv Sirasid

48, 1-4. 9-11

Nan jou sa yo :

Profèt Éli lévé tankou difé, paròl li boulé tankou flanbo. Li minm ki té fè grangou rivé sou yo, yo fè-l faché, jalouzi-l fè yo vi-n tounin yon ti kras ; yo pa-t kapab sipòtè kòmandman Granmèt la. Ak paròl Granmèt la,

li fèmin sièl la, li fè difé désann toua foua sot nan sièl la. Sé konsa Éli jouinn grandè nan mèvèy li yo. Ki moun ki kapab jouinn gloua minm jan avèk ou ?

Ou minm yo pran nan toubiyon difé-a, nan chario choual difé ; ou minm yo ékri sou ou pou jijman tan yo, pou-ou kalmé kòlè Granmèt la, pou-ou fè kè papa tounin vi-n jouinn pitit, pou-ou fè fanmi Jakòb yo kanpé ?

Ala kontantman pou moun yo ki té ouè-ou yo, ki té anbéli avèk rélasion zanmi-ou !

Paròl Granmèt la.

PSÒM RÉPONS

Ps 79, 2 ac é 3 b. 15-16. 18-19 (R : 4)

- R: Bondié, fè nou tounin, kléré fas ou, n-a sové.
- 2 Ou minm k-ap kondui Israèl, fè atansion,
ou minm ki chita anlè Chéribin yo, kléré.
- 3 Drésé pouvoua-ou, vini, pou-ou sové nou. R:
- 15 Bondié pouvoua yo, viré ;
gadé antan-ou nan sièl la, pou-ou ouè, vizité pié rézin sa-a.
- 16 Protéjé-l, li minm min douat ou té planté-a,
ak sou pitit moun nan ou té asiré pou ou-a. R:
- 18 Sé pou min-ou sou moun min douat ou-a,
sou pitit moun nan ou té asiré pou ou-a.
- 19 Nou pap viré do ba ou, ou-a ba nou lavi,
n-ap rélé non-ou. R:

ALÉLOUYA

Lk 3, 4. 6

- R: Alélouya. Paré chémin Granmèt la, drésé santié-l yo byin douat ;
tout chè ap ouè sové Bondié sové-l la. R: Alélouya.

ÉVANJIL

Éli déjà vini, yo pa-t rékonèt li✠ **Léktu sint Évanjil la dapré Matié****17, 10-13**

Pandan y-ap désann sot sou mòn nan, disip yo té pozé Jézu késion, antan yo di : « Kòman fè skrib yo di Éli gin pou-l vini anvan-an ? »

Min li minm antan li pran laparòl, li té di yo : « Éli gin pou-l vini vré, pou-l rinnèt tout bagay an plas. Min mouin di nou, Éli déjà vini, min yo pa-t rékonèt li, okontrè yo té fè sa yo vlé ak li. Sé konsa tou Pitit moun nan gin pou-l souffri nan min yo ».

Lè sa-a atò disip yo té rékonèt sé osijè Jan-Batis li t-ap palé yo.

Paròl Granmèt la.

TOUAZIÈM SÈMÈN LAVAN

Dimanch, ané A

PRÉMIÉ LÉKTU

Bondié li minm ap vini, épi l-ap sové nou.

Léktu liv profèt Izayi

35, 1-6 a. 10

Sé pou dézè-a kontan ak koté ki pa gin rout la, sé pou savann nan dansé, sé pou-l fléri tankou lis. Sé pou-l jèmin byin jèmin, sé pou-l dansé ak kè-l byin kontan, ak louanj l-ap chanté. Yo ba-l gloua Liban-an, ni dékoration Karmèl la ak Saron-an ; yo minm minm y-ap ouè gloua Granmèt la ak richès Bondié nou-an.

Ankourajé min k-ap fébli yo, asiré jénou ki pèdi fòs yo ; di sa k-ap ézité yo : « Ankourajé, pa pè : Min Bondié nou-an ap minnin vanjans révanj la : sé Bondié li minm k-ap vini, l-ap sové nou ».

Lè sa-a jé avèg yo ap louvri, zòrèy moun soud yo ap louvri ; lè sa-a bouaté-a ap vòltijé tankou sèrf, lang bèbè yo ap ouvri.

Sa Granmèt la rachté yo, y-ap tounin, y-ap rivé nan Siyon avèk louanj ak kontantman tout tan sou tèt yo ; y-ap jouinn kontantman ak fèt, soufrans ak plint ap pati.

Paròl Granmèt la.

PSÒM RÉPONS

Ps 145, 7. 8-9 a. 9 bc-10 (R: : cf. Iz 35, 4)

R: Vini, Granmèt, pou-ou sové nou.

oubyin : Alélouya.

7 Li minm ki kinbé vérité-a pou tout tan,
ki fè jijman pou moun y-ap maltrété yo,
ki bay sa-k grangou yo manjé, Granmèt la défèt chinn yo. R:

8 Granmèt la kléré avèg yo,
Granmèt la lévé sa-k tonbé yo,
Granmèt la rinmin sa-k kòrèk yo,

9 Granmèt la protéjé étranjé yo. R:

Òfélin-an ak vèv la, li soutni yo,
min rout péchè yo, li gayé-l.

10 Granmèt la ap kòmandé kòm roua pou tout tan,

Bondié-ou la, Siyon,
pou jénérasyon ak jénérasyon. **R**

DÉZIÈM LÉKTU

Asiré kè nou, paské Granmèt la pré rivé.

Léktu lèt apot sin Jak

5, 7-10

Sé pou nou pran pasians, frè-m yo, joutan Granmèt la rivé. Gadé moun k-ap fè jadin-an, l-ap tann foui tè-a ki gin anpil valè-a, li pran pasians, joutan li jouinn lapli premié sèzon-an ak dènié sèzon-an. Konsa sé pou nou pran pasians nou minm tou, sé pou nou asiré kè nou, paské Granmèt la prèt pou-l rivé.

Pa plinyin youn kont lòt, frè-m yo, pou yo pa jijé nou. Min jij la dévan pòt la li kanpé. Pran modèl, frè-m yo, nan malè-a, sou andirans ak pasians profèt yo, ki té palé o non Granmèt la.

Paròl Granmèt la.

ALÉLOUYA

Iz 61, 1 (yo sité-l nan Luk 4,18)

R Alélouya. Éspri Granmèt la sou mouin :
li voyé-m anonsé pòv yo bòn nouvèl la. **R** Alélouya.

ÉVANJIL

*Èské sé ou minm ki gin pou-ou vini-an,
oubyin sé yon lòt pou nou tann ?*

✠ Léktu sint Évanjil la dapré Matié

11, 2-11

Lè sa-a :

Lè Jan té tandé aksion Jézu-Kri yo, pandan li minm li nan prizon-an, antan li voyé dé nan disip li yo li té di-l : « Èské sé ou minm ki gin pou-ou vini-an, oubyin èské sé yon lòt pou nou tann ? »

Antan Jézu réponn, li té di-l : « Alé anonsé Jan sa nou tandé ak sa nou ouè : avèg yo ouè, bouaté yo y-ap maché, lépré yo pròpté, soud yo tandé, mò yo lévé, yo anonsé bòn nouvèl la bay pòv yo ; épi ala kontantman pou moun sa-a ki pa skandalizé nan mouin ».

Antan yo minm yo pati, Jézu té kòmansé di foul yo osijè Jan : « Ki sa nou t-al ouè nan dézè-a ? Èské sé yon rozo van ap souké ? Min ki sa nou t-al ouè ? Èské sé yon moun ki abiyé ak rad fin ? Min, moun ki abiyé ak rad fin yo, sé nan kay roua yo yo yé. Min ki sa nou t-al ouè ? Èské sé yon profèt ? Ébyin, mouin di nou, sé plis pasé yon profèt. Sa-a sé o sijè-l yo té ékri : “Min mouin voyé Mésajé-m nan dévan fas ou, sé li minm k-ap préparé rout ou-a dévan-ou”. Amèn mouin di nou, nan pami moun yo ki fèt sot nan médam yo, pa gin pi gran pasé Jan-Batis ki lévé ; sèlman sa-a ki pi piti nan péyi-roua sièl yo, li pi gran pasé-l ».

Paròl Granmèt la.

Dimanch, ané B

PRÉMIÉ LÉKTU

Sé pa ti kras kontan mouin kontan nan Granmèt la.

Léktu liv profèt Izayi

61, 1-2 a. 10-11

Éspri Granmèt la sou mouin, sé pou sa Granmèt la té sakré-m, li té voyé-m poté nouvèl la bay pòv yo, pou-m pansé kè ki krazé yo, pou-m préché padon bay prizonié yo, épi libérasion bay sa-k fèmin yo, pou-m préché yon ané koté Granmèt la fè gras.

Sé pa ti kras kontan mouin kontan nan Granmèt la, nanm mouin ap dansé nan Bondié-m nan, paské li té abiyé-m ak rad sovè-a, épi li té vlopé-m nan manto jistis la tankou yon mésié k-ap marié ki dékoré ak kouròn épi tankou yon madanm k-ap marié ki anbéli ak piè-l yo. Tankou tè-a donnin sémans li, tankou jadin jèmin sémans li, konsa Granmèt Bondié ap fè jistis jèmin louanj dévan tout nasion yo.

Paròl Granmèt la.

PSÒM RÉPONS

Lk 1, 46-48. 49-50. 53-54 (R: Iz 61, 10 b)

R: Nanm mouin ap dansé nan Bondié-m.

⁴⁶ Nanm mouin ap fè konpliman pou Granmèt la,

⁴⁷ éspri-m ap fété nan Bondié sovè-m,

⁴⁸ paské li gadé jan sèvant li-a rabésé tèt li,

gadé réyèlman dépi koulié-a tout jénérasyon ap di
ala kontantman pou mouin. **R:**

⁴⁹ Paské li fè gran mèvèy pou mouin, sa-a ki gin pouvoua-a, non-l sin.

⁵⁰ Mizérikòd li sot nan jénérasyon al nan jénérasyon
pou moun ki krinn li yo. **R:**

⁵³ Li plin sa-k grangou yo ak byin, li voyé rich yo alé grangou.

⁵⁴ Li poté Israèl, sèvitè-l, sékou, li sonjé mizérikòd li. **R:**

DÉZIÈM LÉKTU

*Éspri nou ak nanm nou ak kò nou,
ap konsèvé pou lè Granmèt la rivé.*

Léktu prémié lèt apot sin Pòl pou Tésalonisyin yo

5, 16-24

Frè-m yo :

Sé pou nou kontan tout tan. San rété sé pou nou priyé. Nan tout okazion sé pou nou rann gras : sa-a sé volonté Bondié nan Kris Jézu pou nou tout. Pa étinn Éspri-a ; pa méprizé profési yo ; sèlman sé pou nou éséyé tout bagay, sé sa-k bon-an pou nou kinbé, sé pou nou rét louin tout kalité mal.

Bondié lapè-a minm, sé pou-l fè nou vi-n sin nan tout bagay, pou-l kinbé éspri nou intak, ni nanm nou, ni kò nou san répròch pou lè Granmèt nou Jézu-Kri ap rivé-a. Li fidèl, li minm ki rélé nou-an, sé li minm tou k-ap aji.

Paròl Granmèt la.

ALÉLOUYA

Iz 61, 1 (yo sité-l nan Luk 4,18)

R: Alélouya. Éspri Granmèt la sou mouin :

li voyé-m anonsé bon nouvèl la bay pòv yo. **R:** Alélouya.

ÉVANJIL

Li kanpé nan mitan nou, sa-a nou pa konnin-an.

✠ Léktu sint Évanjil la dapré Jan

1, 6-8. 19-28

Gin yon moun Bondié voyé, yo té rélé-l Jan. Li minm, li té vini nan témouagnaj, pou-l sèvi limiè-a témouin, pou tout moun té kapab kouè pa

lintémédiè-l. Li pa-t limiè li minm, min sé pou-l té kapab sèvi limiè-a témouin.

Min témouagnaj Jan, lè Juif yo té voyé prèt ak lévité koté-l sot Jérusalèm, pou yo pozé-l kèsion-an : « Ou minm kilès ou yé-a ? » Li té rékonèt, li pa nié, li té rékonèt : « Mouin pa Kris la ».

Yo té pozé-l kèsion : « Ki sa-ou yé ébyin ? Èské ou sé Éli ? »

Li té di : « Mouin pa sa ».

« Èské ou sé profèt la ? »

Li té réponn : « Non ».

Konsa yo té di-l : « Kilès ou yé ? pou nou kapab bay moun ki voyé nou répons ; ki sa-ou di sou-ou ? »

Li té di : « Mouin sé voua sa-a k-ap rélé nan dézè-a : Drésé chémin Granmèt la, jan profèt Izayi té di-a ».

Moun yo yo té voyé yo, ginyin sé nan Farizyin yo yo té soti. Yo té pozé-l kèsion, épi yo té di-l : « Pouki sa ou-ap batizé, si-ou pa Kris la ni Éli ni profèt la ? »

Jan té réponn yo, antan-l di : « Mouin batizé nan dlo ; min nan mitan nou gin youn ki kanpé, sa nou pa konnin-an : sé li minm ki gin pou-l vi-n apré-m nan, li minm ki té anvan-m, mouin pa mérité défèt lasèt sandal li ».

Bagay sa yo té pasé nan Bétani lòt bò Joudin-an, koté Jan t-ap batizé-a.

Paròl Granmèt la.

Dimanch, ané C

PRÉMIÉ LÉKTU

Granmèt la ap dansé ak louanj poutèt ou.

Léktu liv profèt Sofoni

3, 14-18 a

« Fè louanj, pitit fi Siyon ! fè kontantman-ou éklaté, Israèl ! fè kè-ou kontan, dansé ak tout kè-ou, pitit fi Jérusalèm ! Granmèt la éfasé jijman-ou nan, li chasé ènmi-ou yo ; roua Israèl la Granmèt la nan mitan-ou, ou pap pè malè ankò ».

Jou sa-a, y-ap di Jérusalèm : « Pa pè, Siyon ; pa kité min-ou fébli. Granmèt Bondié-ou la nan mitan-ou ak fòs, sé li minm k-ap sové ; l-ap kontan poutèt ou ak bèl kontantman, l-ap fè silans nan rinmin-l nan, l-ap dansé ak louanj poutèt ou ».

Paròl Granmèt la.

PSÒM RÉPONS

Iz 12, 2-3. 4 bcd. 5-6 (R : 6)

- R: Dansé, fè louanj, paské li gran nan mitan-ou, Sin Israèl la.
- 2 Min Bondié sovè-m nan,
mouin gin konfians, mouin pap pè,
paské fòs mouin ak louanj mouin sé Granmèt la,
li vi-n sèvi-m nan sové mouin sové-a.
- 3 N-ap tiré dlo ak kè kontan nan sous Sovè-a. R:
- 4 Fè louanj pou Granmèt la, rélé non-l,
fè konnin mèvèy li yo nan nasion yo ;
sonjé kijan non-l anlè nè. R:
- 5 Chanté pou Granmèt la paské li fè mèvèy, anonsé sa sou tout tè-a.
- 6 Dansé, fè louanj, pèp Siyon,
paské li gran nan mitan-ou, Sin Israèl la. R:

DÉZIÈM LÉKTU

Granmèt la tou pré.

Léktu lèt apot sin Pòl pou Filipyin yo

4, 4-7

Frè-m yo :

Fè kè nou kontan nan Granmèt la tout tan ; mouin tounin di nou sa ankò : fè kè nou kontan. Sé pou tout moun konnin kijan nou trankil : Granmèt la tou pré. Pa chajé tèt nou ak anyin ; min nan tout kalité priyè, lè n-ap mandé, avèk aksion-gras, sé pou nou fè Bondié konnin bézouin nou yo.

Épi lapè Bondié-a, ki dépasé tou sa nou kapab santi, sé pou-l kinbé kè nou ak intélijans nou yo nan Jézu-Kri.

Paròl Granmèt la.

ALÉLOUYA

Iz 61, 1 (yo sité-l nan Luk 4,18)

R: Alélouya. Éspri Granmèt la sou mouin :
li voyé-m poté bòn nouvèl la bay pòv yo. R: Alélouya.

ÉVANJIL

Ki sa pou nou fè nou minm ?

✠ Léktu sint Évanjil la dapré Luk

3, 10-18

Lè sa-a :

Foul yo t-ap pozé Jan késion, yo t-ap di : « Ki sa pou nou fè ? »

Antan-l réponn, li té di yo : « Moun ki gin dé chémiz, sé pou-l bay sa-k pa ginyin ; moun ki gin manjé, sé pou-l fè minm jan ».

Koléktè yo té vini tou pou-l té batizé yo, yo t-ap di-l : « Mèt, ki sa pou nou fè ? »

Min li minm li té di yo : « Pa fè anyin pi plis pasé sa yo mété nou pou nou fè-a ».

Sòlda yo t-ap pozé-l késion, antan y-ap di : « Ki sa pou nou fè nou minm ? »

Épi li té di yo : « Pa fè brital ak pèsòn, pa dénonse pèsòn antan n-ap fè manti, kontanté nou ak apouintman nou yo ».

Antan pèp la t-ap kalkilé, épi tout moun t-ap réfléchi nan kè yo osijè Jan, si sé pa li minm ki té Kris la paraza. Jan té pran laparòl, antan-l di tout moun : « Mouin minm réyèlman sé nan dlo m-ap batizé nou ; min gin youn ki pi fò pasé-m, k-ap vini, li minm mouin pa mérité défèt lasèt sandal li-a ; li minm minm l-ap batizé nou nan Éspri Sin-an ak nan difé. Pèl la nan min-l, l-ap nétouayé glasi-l, l-ap ranmasé blé-l nan dépo-l ; kanta pay yo minm, l-ap boulé yo nan difé ki pap étinn nan ».

Avèk anpil lòt bagay ankò li t-ap ankourajé pèp la antan l-ap bay bon nouvèl la.

Paròl Granmèt la.

Lindi

Sof si jou sa-a sé 17 oubyin 18 désanm, paské lè sa-a yo pran léktu ki dézignin pou jou sa yo, p. 135, antan yo kité sa-a yo ki suiv la.

PRÉMIÉ LÉKTU

Gin yon zétoual k-ap lévé sot nan Jakòb.

Léktu liv Nonb

24, 2-7. 15-17 a

Jou sa yo :

Antan Balaam lévé jé-l, li té ouè Israèl instalé nan tant yo dapré fanmiy yo ; épi antan Éspri Bondié-a tonbé sou li, antan li pran parabòl, li té di :

« Balaam té déklaré, li minm pitit Béòr, mésié-a té di, li minm jé-l fèmin-an ; li té di, li minm k-ap kouté paròl Bondié yo, li minm ki ouè vizion Sa-a ki gin tout pouvoua-a, li minm ki tonbé, épi sé konsa jé-l louvri-a.

Ala bèl yo bèl, tant-ou yo, Jakòb ! ak koté-ou fè ladésant yo, Israèl ! Tankou gòj k-al byin louin, tankou jadin ki rouzé bò riviè, tankou tant Granmèt la té fiksé, tankou pié sèd tou pré dlo yo. Sé pou dlo koulé sot nan bokit li, épi désandans li ap nan anpil dlo. Y-ap pran roua li-a poutèt Agag, épi y-ap ouété péyi-roua li-a ».

Antan li pran parabòl ankò, li té di :

« Balaam té di, li minm pitit Béòr, mésié-a té di, li minm jé-l fèmin-an ; li té di, li minm k-ap kouté paròl Bondié yo, li minm ki konnin ansègnman Sa-a ki anro nèt la, épi ki ouè vizion Sa-a ki gin tout pouvoua-a, li minm ki gin jé-l louvri yo antan-l tonbé-a.

M-ap ouè-l, min sé pa koulié-a ; m-ap apèsi-l, min sé pa tou pré. Yon zétoual ap lévé sot nan Jakòb, épi yon ramo ap lévé sot nan Israèl ; épi l-ap frapé chèf Moab yo, épi l-ap gayé tout pitit Sèt yo ».

Paròl Granmèt la.

PSÒM RÉPONS

Ps 24, 4 bc-5 ab. 6-7 bc. 8-9 (R : 4 b)

R: Santié-ou yo, Granmèt, aprann mouin yo.

- 4 Chémin-ou yo, Granmèt, montré-m yo, santié-ou yo, aprann mouin yo.

- 5 Dirijé-m nan vérité-ou la, épi ban-m léson,
paské ou sé Bondié sové mouin sové-a. **R:**
- 6 Sonjé bon kè-ou, Granmèt,
ak mizérikòd ou yo, paské sé dépi tout tan yo égzisté,
7 dapré mizérikòd ou-a, sonjé-m,
poutèt bon kè-ou la, Granmèt. **R:**
- 8 Granmèt la bon, li douat,
sé pousa l-ap aprann moun ki nan péché yo chémin-an ;
9 l-ap kondui moun ki dosil yo nan jijman-an
l-ap aprann moun ki dou yo chémin-l yo. **R:**

ALÉLOUYA

Ps 84, 8

R: Alélouya. Montré nou mizérikòd ou-a, Granmèt,
épi sové ou sové nou-an, ba nou li. **R:** Alélouya.

ÉVANJIL

Batèm Jan-an, koté-l té soti ?

✠ Léktu sint Évanjil la dapré Matié

21, 23-27

Lè sa-a :

Lè Jézu té antré nan Tanp la, chèf prèt yo té proché koté-l ansanm ak ansyin pèp la, antan y-ap di : « Nan ki pouvoua ou-ap fè bagay sa yo ? épi kilès ki té ba-ou pouvoua sa-a ? »

Antan Jézu réponn, li té di yo : « M-ap pozé nou késion mouin minm tou sou yon sèl bagay, si nou di-m li, mouin minm tou m-ap di nou nan ki pouvoua m-ap fè bagay sa yo. Batèm Jan-an koté-l té soti ? nan sièl la, oubyin nan lézòm ? »

Min yo minm yo t-ap réfléchi antré yo, yo t-ap di : « Si nou di : “Nan sièl la”, l-ap di nou : “Ébyin pouki sa nou pa-t kouè nan li ?” Min si nou di : “Nan lézòm”, nou pè foul la ; sèké tout moun té konsidéré Jan kòm profèt ».

Épi antan yo réponn Jézu, yo té di : « Nou pa konnin ».

Li té di yo li minm tou : « Ébyin ni mouin minm tou mouin pap di nou nan ki pouvoua mouin fè bagay sa yo ».

Paròl Granmèt la.

Madi

Sof si jou sa-a sé 17 oubyin 18 désanm, paské lè sa-a yo pran léktu ki dézignin pou jou sa yo, p. 135, antan yo kité sa-a yo ki suiv la.

PRÉMIÉ LÉKTU

Yo promèt sové Mési-aap sové-a pou tout pòv yo.

Léktu liv profèt Sofoni

3, 1-2. 9-13

Min sa Granmèt la di :

« Ala malè pou ou, ou k-ap provoké-a épi vil yo té rachté-a, kolonb ! Li pa-t kouté voua-a, épi li pa-t aksépté koréksion-an, li pa-t konté sou Granmèt la, li pa-t proché kot Bondié-l la.

Lè sa-a m-ap fè pèp yo vi-n gin bouch pròp ankò, pou yo tout yo rélé o non Granmèt la, épi pou yo sèvi-l ak yon sèl zépòl. Dépi lòt bò riviè Étioipi-a sa yo k-ap priyé-m nan ; pitit mouin yo ki té gayé yo, y-ap poté kado ban mouin.

Jou sa-a, ou pap ront pou tout péché-ou, sa-ou té fè kont mouin yo ; paské lè sa-a m-ap ouété paròl grandizè-ou yo sot nan mitan-ou, épi ou pap rékòmansé ap lévé tèt ou ankò sou mòn mouin-an ki sin-an. Épi sa m-ap kité nan mitan-ou, sé yon pèp ki pòv, ki maléré, épi y-ap espéré nan non Granmèt la.

Rès Israèl la pap fè péché, ni yo pap palé manti, épi yo pap jouinn lang riz nan bouch yo, paské yo minm y-ap jouinn manjé, épi y-ap lonjé kò yo épi pa gin pèsòn k-ap fè yo pè ».

Paròl Granmèt la.

PSÒM RÉPONS

Ps 33, 2-3. 6-7. 17-18. 19 é 23 (R : 7 a)

- R: Yon pòv té rélé, épi Granmèt la té réponn li.
- 2 M-ap fè konpliman pou Granmèt la tout tan,
tout tan louanj li nan bouch mouin
- 3 Nan Granmèt la nanm mouin ap jouinn gloua,
sé pou pòv yo tandé, épi pou yo kontan. R:
- 6 Gadé nan diréksion-l, épi n-ap kléré,
épi fas nou pap ront.

- 7 Pòv sa-a té rélé, épi Granmèt la té réponn li,
épi nan tout tray yo li té sovè-l. **R:**
- 17 Fas Granmèt la sou sa k-ap fè mal yo,
pou-l pèdi souvni yo sot sou tè-a.
- 18 Yo té rélé, épi Granmèt la té réponn,
épi anba tout tray yo li té délivré yo. **R:**
- 19 Granmèt la toupré moun ki gin kè yo krazé yo,
l-ap sovè sa-k gin éspri yo boulvèsé yo.
- 23 Granmèt la ap rachté nanm sèvitè-l yo,
li pap pini tout moun ki éspéré nan li yo. **R:**

ALÉLOUYA

R: Alélouya. Vini, Granmèt, pa mizé ;
délagé chaj pèp ou-a. **R:** Alélouya.

ÉVANJIL

Jan rivé, péchè yo té kouè nan li.

✠ Léktu sint Évanjil la dapré Matié

21, 28-32

Lè sa-a : Jézu té di chèf prèt yo ak ansyin pèp la :

« Ki sa nou di nan sa ? Yon moun té gin dé pitit ; épi antan-l proche kot premié-a, li té di : “Pitit, al travay nan jadin rézin-m nan jodi-a”. Li minm minm antan-l réponn, li té di : “Mouin pa vlé”. Poutan, apré sa, antan-l régrèt, li té alé. Antan-l proche kot lòt la minm li té di minm jan. Sa-a minm antan-l réponn, li té di : “M-apralé, mèt”, épi li pa-t alé. Kilès nan dé yo ki té fè volonté papa-a ? » Yo di-l : « Premié-a ».

Jézu di yo : « Amèn mouin di nou, sèké piblikin yo ak fi mové konduit yo ap pran dévan nou nan péyi-roua Bondié-a. Sèké Jan té rivé koté nou nan chémin jistis la, épi nou pa-t kouè nan li ; piblikin yo minm ak fi mové konduit yo, yo té kouè nan li ; nou minm minm antan nou ouè, nou pa minm gin yon santiman ki fè nou régrèt apré, pou nou ta kouè nan li ».

Paròl Granmèt la.

Mèkrédi

Sof si jou sa-a sé 17 oubyin 18 désanm, paské lè sa-a yo pran léktu ki dézignin pou jou sa yo, p. 135, antan yo kité sa-a yo ki suiv la.

PRÉMIÉ LÉKTU

Sièl yo, fè larouzé tonbé sot anro-a !

Léktu liv profèt Izayi

45, 6 b-8. 18. 21 b-25

« Mouin minm Granmèt la, épi pa gin lòt ; mouin minm ki fòmé limiè-a épi ki kréyé fènoua yo, ki fè lapè épi ki kréyé malè ; mouin minm Granmèt la ki fè tout bagay sa yo.

Sièl yo, fè larouzé tonbé sot anro-a, sé pou niaj yo fè Sa-a ki kòrèk la tonbé tankou lapli ! Sé pou tè-a louvri, épi pou-l jèmin Sovè-a, épi sé pou jistis la lévé ansanm ! Mouin minm Granmèt la mouin té kréyé-l ».

Paské min sa Granmèt la di, li minm ki kréyé sièl yo, li minm Bondié ki fòmé tè-a, épi ki fè-l, li minm ki fiksé-l ; sé pa pou granmési li té kréyé-l, sé pou yo té kapab abité-l li té fòmé-l : « Mouin minm Granmèt la, épi pa gin dòt.

Èské sé pa mouin minm Granmèt la, pa gin dòt Bondié an déyò-m ? Bondié ki kòrèk, épi ki sovè moun, pa gin sa andéyò-m. Tounin vi-n jouinn mouin, épi n-a sovè, nou tout limit tè-a, paské sé mouin minm Bondié, épi pa gin dòt.

Sé sou pròp tèt mouin mouin té fè sèman ; nan bouch mouin sé paròl jistis k-ap soti, épi li pap tounin ; paské dévan-m tout jénou ap plouayé, épi tout lang ap fè sèman. Konsa sé pou-l di, sé nan Granmèt la jistis mouin ak kòmandman-m yé ; koté-l y-ap vini, épi y-ap ront, tout moun ki té répusé-l yo. Nan Granmèt la tout ras Israèl ap jouinn jistis ak louanj ».

Paròl Granmèt la.

PSÒM RÉPONS

Ps 84, 9 ab-10. 11-12. 13-14 (R : Iz 45, 8)

R Sièl yo, fè larouzé désann sot anro-a,
sé pou niaj yo fè Sa-a ki kòrèk la tonbé tankou lapli.

⁹ M-ap kouté sa l-ap di, Granmèt Bondié,
sèké sé lapè l-ap palé pou pèp li-a ak sin-l yo.

- ¹⁰ Réyèlman sové li sové-a tou pré moun ki krinn li yo,
pou gloua-a abité sou tè nou-an. **R:**
- ¹¹ Mizérikòd ak vérité rankontré,
jistis ak lapè anbrasé.
- ¹² Vérité-a lévé sot sou tè-a,
épi jistis la panché sot nan sièl la. **R:**
- ¹³ Oui, Granmèt la ap bay bon kè,
épi tè nou-an ap bay frui-l.
- ¹⁴ Jistis ap maché dévan-l,
l-ap pozé pié-l sou rout la. **R:**

ALÉLOUYA

Iz 40, 9-10

R: Alélouya. Lévé voua-ou byin fò, ou minm k-ap poté bon nouvèl la ;
min Granmèt Bondié k-ap rivé ak fòs. **R:** Alélouya.

ÉVANJIL

Anonsé Jan sa nou tandé ak sa nou ouè.

✠ Léktu sint Évanjil la dapré Luk

7, 19-23

Lè sa-a :

Jan té rélé dé nan disip li yo, épi li té voyé yo kot Jézu, antan-l di :
« Èské sé ou minm sa-a ki té gin pou-ou vini-an, oubyin èské sé yon lòt
pou nou tann ? » Lè mésié yo té rivé koté-l, yo té di : « Jan-Batis té voyé
nou koté-ou, antan-l di : “Èské sé ou minm sa-a ki té gin pou-ou vini-an,
oubyin èské sé yon lòt pou nou tann ?” ».

Nan minm lè sa-a li té géri anpil moun sot nan maladi ak infimité, ak
mové éspri, épi li té fè anpil avèg vi-n ouè klè. Épi antan-l réponn, li té di
yo :

« Antan nou alé anonsé Jan, sa nou té tandé ak sa nou té ouè : paské
avèg yo ouè, bouaté yo maché, lépré yo pròpté, soud yo tandé, mò yo
résisité, pòv yo jouinn bon nouvèl la ; épi ala kontantman pou moun ki pa
skandalizé akoz mouin ».

Paròl Granmèt la.

Jédi

Sof si jou sa-a sé 17 oubyin 18 désanm, paské lè sa-a yo pran léktu ki dézignin pou jou sa yo, p. 135, antan yo kité sa-a yo ki suiv la.

PRÉMIÉ LÉKTU

*Tankou yon madanm marié yo té abandoné,
Granmèt la té rélé-ou.*

Léktu liv profèt Izayi

54, 1-10

Fè louanj, stéril, ki pa gin pitit, chanté louanj, épi fè kontantman-ou éklaté, ou minm ki pa-t fè pitit ; paské yo plis pitit madanm nan yo té abandoné-a, pasé pa madanm sa-a ki gin mari-a, sé sa Granmèt la di. Laji éspas tant ou-a, épi po tant ou yo déplouayé yo, pa ménajé lonjé kòd ou yo, épi ranfòsé pikèt ou yo. Sèké ni adouat ni agoch l-ap anfonse, épi ras ou ap érité nasion yo, épi l-ap abité nan vil ki dézè yo.

Pa pè, paské ou pap ront, épi ou pap bliyé nan bésé tèt ; li pap fè-ou ront, paské ou-ap bliyé ront ou té ginyin lè-ou té jèn nan, épi ront ou ginyin poutèt ou vèv la ou pap sonjé-l ankò. Sèké l-ap kòmandé sou ou, sa-a ki té fè-ou la, Granmèt lamé yo, sé non-l sa, ak Rédanmètè-ou la, Sin Israèl la, Bondié tout tè-a y-ap rélé-l.

Sèké tankou yon madanm ki abandoné épi ki chagrin nan éspri-l, Granmèt la té rélé-ou, épi tankou yon madanm yo réjité dépi-l tou jèn, sé sa Bondié-ou la té di. Pou yon ti moman, mouin té lagé-ou, épi nan anpil pitié, m-ap rasanblé-ou. Nan yon moman kòlè, mouin té kaché fas mouin yon ti tan louin-ou, épi nan mizérikòd tout tan, mouin gin pitié pou ou, sé sa rédanmètè-ou, Granmèt la di.

Tankou nan jou Noé yo, sé konsa sa-a yé pou mouin, lè-m té fè sèman mouin pa t-ap voyé dlo Noé yo sou tè-a ankò ; konsa mouin fè sèman pou-m pa fè kòlè kont ou, épi pou-m pa fè-ou répròch. Mòn yo ap baskilé réyèlman, épi ti rotè yo ap tranblé ; min mizérikòd mouin-an pap rékilé louin-ou, épi alians lapè-m nan pap souké, sé sa-l di, sa-k gin pitié pou ou-a, Granmèt la.

Paròl Granmèt la.

PSÒM RÉPONS

Ps 29, 2 é 4. 5-6. 11-12 a é 13 b (R: 2 a)

R: M-ap fè louanj ou, Granmèt, paské ou délivré-m.

- 2 M-ap fè louanj ou, Granmèt, paské ou délivré-m,
ni ou pa bay ènmi-m yo kè kontan sou do-m.
- 4 Granmèt, ou té ouété lavi-m sot anba tè-a,
ou té fè-m viv, pou-m pa désann nan fòs la. **R:**
- 5 Chanté pou Granmèt la, sin-l yo,
fè louanj pou souvni-l ki sin-an.
- 6 Sèké pou yon moman kòlè-l la,
épi pou lavi volonté-l la.
Nan asouè gin dlo nan jé,
nan matin kè kontan. **R:**
- 11 Kouté, Granmèt, épi pran pitié pou mouin,
Granmèt, poté-m sékou.
- 12 Ou té chanjé plint mouin-an nan chanté dans pou mouin,
- 13 Granmèt Bondié-m, pou tout tan m-ap fè louanj ou. **R:**

ALÉLOUYA

Lk 3, 4. 6

R: Alélouya. Paré rout Granmèt la, drésé santié-l yo byin douat ;
tou chè pa ouè sovè Bondié sovè-l la. **R:** Alélouya.

ÉVANJIL

Jan sé mésajé-a k-ap paré rout Granmèt la.

✠ Léktu sint Évanjil la dapré Luk

7, 24-30

Lè mésajé Jan yo té fi-n pati, Jézu té kòmansé di fowl yo osijè Jan :

« Ki sa nou té soti al ouè nan dézè-a ? Yon rozo van ap souké ? Min ki sa nou té soti al ouè ? Yon mésié ki abiyé ak rad fin ? Min, moun ki gin rad gro pri épi ki alèz sé nan kay roua yo yo rété. Min ki sa nou té soti al ouè ? Yon profèt ? Oui, mouin di nou, épi plis pasé yon profèt. Sa-a sé osijè-l yo té ékri : “Min mouin voyé Mésajé-m nan dévan fas ou, sé li minm k-ap paré rout ou-a dévan-ou”.

Mouin di nou réyèlman : Nan pami moun yo ki fèt sot nan médam yo pèsòn pa pi gran pasé profèt Jan Batis ; min sa-a ki pi piti nan péyi-roua Bondié-a pi gran pasé-l ».

Épi tout pèp la t-ap kouté, épi piblikin yo t-ap bay Bondié rézon antan yo batizé nan batèm Jan-Batis la. Sèlman kanta pou Farizyin yo ak

spésialis laloua yo, yo té méprizé désizion Bondié-a sou yo antan yo pa aksépté batèm nan min-l.

Paròl Granmèt la.

Vandrédi

Sof si jou sa-a sé 17 oubyin 18 désanm, paské lè sa-a yo pran léktu ki dézignin pou jou sa yo, p. 135, antan yo kité sa-a yo ki suiv la.

PRÉMIÉ LÉKTU

Kay mouin-an sé kay priyè y-ap rélé-l pou tout pèp yo.

Léktu liv profèt Izayi

56, 1-3 a. 6-8

Min sa Granmèt la di :

« Kinbé jijman, épi fè jistis, paské sovè m-ap sovè nou-an prèt pou-l rivé, épi jistis mouin-an prèt pou-l révéle. Ala kontantman pou moun ki fè sa, ak pou pitit moun nan ki sézi-l, antan-l kinbé saba-a pou-l pa sal li, antan-l kinbé min-l pou-l pa fè okinn mal. Épi pitit étranjé-a pa doué di, li minm ki kolé kò-l sou Granmèt la antan l-ap di : “Granmèt la séparé-m sot nan pèp li-a” ; gason ki manké moso nan ti kò-l la pa doué di : “Mouin sé youn pié boua sèk”.

Épi pitit étranjé yo, ki kolé kò yo sou Granmèt la, pou yo adoré-l, épi pou yo rinmin non-l, pou yo vi-n tounin sèvitè-l, antan-l kinbé tout saba-a pou-l pa sal li, épi antan-l kinbé aliens mouin-an, m-ap minnin yo sou mòn mouin-an ki sin-an, épi m-ap fè kè yo kontan nan kay priyè-m nan ; sakrifis antié yo ak bèt yo sakrifié yo ap fè-m plézi sou lotèl mouin-an, paské kay mouin-an sé kay priyè y-ap rélé-l pou tout pèp yo ».

Granmèt Bondié-a di, li minm ki rasanblé moun Israèl yo ki té gayé yo : « M-ap rasanblé pèp li-a ankò vi-n lakay li ».

Paròl Granmèt la.

PSÒM RÉPONS

Ps 66, 2-3. 5. 7-8 (R: : 4)

R: Sé pou yo fè louanj ou, pèp yo, Bondié,
sé pou tout pèp yo fè louanj ou.

- 2 Sé pou Bondié pran pitié pou nou, sé pou-l béni nou ;
sé pou-l fè figi-l kléré sou nou.
- 3 Pou yo rékonèt chémin-ou yo sou tè-a,
épi sové ou sové nou-an nan tout nasion yo. **R:**
- 5 Sé pou nasion yo kontan,
épi sé pou yo dansé,
paské ou jijé pèp yo nan douatu,
épi ou dirijé nasion yo sou tè-a. **R:**
- 7 Tè-a té bay frui-l ;
Bondié béni nou, Bondié nou-an ;
- 8 sé pou Bondié nou-an béni nou,
épi sé pou tout limit tè-a respékté-l. **R:**

ALÉLOUYA

R: Alélouya. Vini, Granmèt, vizité nou nan lapé,
pou nou kontan dévan-ou ak yon kè ki kòrèk nè. **R:** Alélouya.

ÉVANJIL

Jan sé lanp k-ap chofé-a, k-ap kléré-a.

✠ Léktu sint Évanjil la dapré Jan

5, 33-36

Lè sa-a : Jézu té di Juif yo :

« Nou minm nou té voyé kot Jan, épi li té sèvi vérité-a témouin. Kanta mouin minm sé pa nan min moun mouin résévoua témouagnaj ; min bagay sa yo mouin di yo pou nou kapab sové. Li minm sé té yon lanp k-ap chofé, k-ap kléré ; nou minm minm nou té vlé joui nan limiè-l la pou yon è-d-tan.

Kanta mouin minm mouin gin yon témouagnaj ki pi gran pasé pa Jan-an. Travay yo réyèlman Papa-a té ban mouin pou-m réalizé yo, sé travay sa yo minm mouin fè-a k-ap sèvi témouin osijè-m, sé Papa-a ki voyé-m ».

Paròl Granmèt la.

ALÉLOUYA

pou jou anndan sémèn yo nan Lavan-an jous jou 16 désann.

Yo kapab sèvi avèk tèks sa yo nan plas tèks yo prezanté apré chak léktu yo.

1. Cf. Ps 79, 4

R: Alélouya. Vini pou-ou sové nou, Granmèt Bondié nou ;
fè fas ou kléré, épi n-a sové. R: Alélouya.

2. Ps 84, 8

R: Alélouya. Montré nou mizèrikòd ou, Granmèt,
épi sové ou sové nou-an, ba nou li. R: Alélouya.

3. Iz 33, 22

R: Alélouya. Granmèt la jij nou, chèf nou, roua nou,
li minm l-ap sové nou. R: Alélouya.

4. Iz 40, 9-10

R: Alélouya. Lévé voua-ou byin fò, ou minm k-ap poté bon nouvèl la ;
min Granmèt Bondié ap vini nan fòs. R: Alélouya.

5. Cf. Iz 45, 8

R: Alélouya. Fè larouzé désann sot anro-a, sièl yo,
sé pou niaj yo fè Sa-a ki kòrèk la tonbé tankou lapli ;
sé pou tè-a louvri, épi sé pou-l jèmin Sovè-a. R: Alélouya.

6. Iz 55, 6

R: Alélouya. Chèché Granmèt la, pandan yo kapab jouinn li-a,
rélé-l, pandan li tou pré. R: Alélouya.

7. Lk 3, 4. 6

R: Alélouya. Paré chémin Granmèt la,
drésé santié-l douat ;
tout chè ap ouè sové Bondié sové-l la. R: Alélouya.

8. **R:** Alélouya. Granmèt la ap vini, al rankontré-l ;
li minm, li sé prins lapè. **R:** Alélouya.
9. **R:** Alélouya. Min Granmèt nou-an ap vini avèk pouvoua,
épi l-ap kléré jé sèvitè-l yo. **R:** Alélouya.
10. **R:** Alélouya. Min Granmèt la ap vini,
pou-l sové pèp li-a ;
ala kontantman pou sa yo ki paré al rankontré-l yo. **R:** Alélouya.
11. **R:** Alélouya. Min Roua-a Granmèt tè-a, ap vini
épi li minm l-ap ouété jouk prizon nou-an. **R:** Alélouya.
12. **R:** Alélouya. Li tou pré, jou Granmèt la ;
min l-ap vini pou-l sové nou. **R:** Alélouya.
13. **R:** Alélouya. Vini, Granmèt, épi pa mizé ;
délagé chaj pèp ou-a. **R:** Alélouya.
14. **R:** Alélouya. Vini, Granmèt, vizité nou nan lapè,
pou nou kontan dévan-ou ak yon kè ki kòrèk nèt. **R:** Alélouya.

KATRIYÈM SÈMÈN LAVAN

Dimanch, ané A

PRÉMIÉ LÉKTU

Min vièj la ap vi-n ansint.

Léktu liv profèt Izayi

7, 10-14

Jou sa yo :

Granmèt la palé avèk Akaz, antan-l di : « Mandé Granmèt Bondié-ou la yon sign nan bafon anba tè-a oubyin nan sièl la anro nèt la ».

Épi Akaz té di : « Mouin pap mandé, épi mouin pap tanté Granmèt la ».

Épi Izayi té di : « Kouté, kay David : èské sa pa kont nou pou n-ap fatigé moun yo, pou nou rivé ap fatigé ata Bondié-m nan ? Sé pousa Granmèt la li minm ap ba nou yon sign. Min vièj la ap vi-n ansint, épi l-ap anfanté yon ti gason, épi y-ap rélé non-l Émanuèl, paské Bondié-avèk-nou ».

Paròl Granmèt la.

PSÒM RÉPONS

Ps 23, 1-2. 3-4 ab. 5-6 (R : cf. 7 c é 10 b)

R : Granmèt la ap antré : li minm li sé roua gloua-a.

- 1 Pou Granmèt la tè-a ak sa-k plin-l,
fas tè-a ak sa-k abité ladan-l.
- 2 Sèké sé li minm ki té fiksé-l sou lanmè yo,
épi ki té rann li solid sou gran riviè yo. R :
- 3 Kilès k-ap monté sou mòn Granmèt la,
oubyin kilès k-ap kanpé sou plas li ki sin-an ?
- 4 Sa-a ki gin min-l inosan ak kè-l nèt,
ki pa nonmin non-l pou granmési. R :
- 5 Moun sa-a ap résévoua bénédiksion nan min Granmèt la
ak jistis nan min Bondié Sovè-l la.
- 6 Sa-a sé ras moun k-ap chèché-l yo,
k-ap chèché fas Bondié Jakòb la. R :

DÉZIÈM LÉKTU

*Jézu-Kri, nan ras David la, Pitit Bondié.***Léktu lèt apot sin Pòl pou Romin yo****1, 1-7**

Pòl, sèvitè Jézu-Kri, li minm yo rélé kòm apot, yo mété apa pou bòn nouvèl Bondié-a, sa Bondié té promèt davans pa lintèmédiè profèt li yo nan sa-k ékri yo ki sin-an, osijè Pitit li-a, ki vi-n fèt pou li sot nan ras David la dapré chè-a.

Li minm ki té prévoua davans kòm Pitit Bondié nan pouvoua-a dapré Éspri k-ap fè nou vi-n sin-an, gras a rézireksion sot nan pami mò yo, Jézu-Kri Granmèt nou-an. Sé pa pouvoua-l nou té résévoua gras avèk mision apot pou réalizé obéyisans lafoua nan tout nasion yo pou non-l, nou minm ki nan pami nasion sa yo, Jézu-Kri rélé nou tout :

Pou nou tout ki a Ròm, nou minm Bondié rinmin-an, nou minm li rélé pou nou vi-n sin-an, gras pou nou ak lapè sot nan Bondié Papa nou ak Granmèt nou Jézu-Kri.

Paròl Granmèt la.

ALÉLOUYA

Mt 1, 23

℞ Alélouya. Min vièj la ap poté yon pitit nan vant épi l-ap anfanté yon ti gason ;
épi y-ap rélé non-l Émanuèl, Bondié-avèk-nou. ℞ Alélouya.

ÉVANJIL

*Jézu sot nan Mari,
ki té fiancé avèk Jozèf, pitit David la.***✚ Léktu sint Évanjil la dapré Matié****1, 18-24**

Min kijan Jézu-Kri té fèt.

Lè manman-l Mari té fiancé avèk Jozèf, anvan yo té abité ansanm, rivé li té vi-n ansint pa pouvoua Éspri Sin-an. Jozèf minm, mari-l, kòm li té kòrèk, épi li pa-t vlé dénonse-l, li té vlé ranvouayé-l an kachèt.

Pandan l-ap kalkilé sa, min Anj Granmèt la té parèt dévan-l nan rèv, antan-l di : « Jozèf, pitit David, pa pè résévoua Mari, madanm ou-an ; sèké sa-k pran nésans nan li-a, sé nan Éspri Sin-an li soti. L-ap anfanté

yon ti gason, épi ou-ap rélé non-l Jézu ; li minm réyèlman ap sovè pèp li-a sot nan péché-l yo ».

Tou sa rivé pou sa Granmèt la té di pa lintèmédiè profèt la té rivé vré, antan-l té di : « Min vièj la ap vi-n ansint, épi l-ap anfanté yon ti gason ; épi y-ap rélé non-l Émanuèl, sa vlé di Bondié-avèk-nou ».

Lè Jozèf minm lèvé sot nan dòmi-an, li fè jan Anj Granmèt la té pasé lòd la, épi li té résévoua madanm li-an.

Paròl Granmèt la.

Dimanch, ané B

PRÉMIÉ LÉKTU

*Péyi-roua David la ap pou tout tan
dévan fas Granmèt la.*

Léktu dézièm liv Samuèl

7, 1-5. 8 b-12. 14 a. 16

Rivé lè roua David té fi-n instalé nan kay li, épi Granmèt la té fi-n ba-l répo tout koté sot anba min tout ènmi-l yo, li té di profèt Natan : « Èské-ou ouè kijan mouin minm mouin abité nan kay boua-pin, épi arch Bondié-a minm dépozé nan mitan yon tant ».

Natan té di roua-a : « Tou sa ki nan kè-ou, alé, fè-l, paské Granmèt la avèk ou ».

Rivé minm nan nuit sa-a minm, min paròl Granmèt la kot Natan, antan-l di : « Alé, épi palé ak David sèvitè-m nan : “Min sa Granmèt la di : Èské sé ou minm k-ap bati yon kay ban mouin pou-m abité ? Mouin minm minm mouin té pran-ou sot nan savann zèb yo, lè ou t-ap suiv bann mouton yo, pou-ou té vi-n chèf sou pèp mouin Israèl, épi mouin té avèk ou nan tout okazion tout koté ou té pasé, épi mouin té touyé tout ènmi-ou yo sot dévan fas ou ; épi mouin té fè-ou vi-n gin yon non ki gran tankou non gran pèsonaj yo ki sou tè-a. Épi m-ap mété yon koté pou pèp mouin Israèl, épi m-ap planté-l, épi l-ap abité la, épi li pap nan kè soté ankò ; pitit méchansté yo pap vi-n pou yo trakasé-l tankou anvan, dépi jou mouin té instalé jij yo sou pèp mouin Israèl la. Épi m-ap ba-ou répo sot anba min tout ènmi-ou yo, épi Granmèt la avèti-ou davans sé Granmèt la k-ap fè yon kay pou ou.

Lè jou-ou yo ap fi-n rivé nan limit yo, épi ou-ap dòmni ansanm avèk papa-ou yo, m-ap fè désandans ou lévé apré-ou, sa-k soti nan vant ou-a ; épi m-ap konsolidé péyi-roua li-a. M-ap yon papa pou li, épi li minm l-ap yon pitit pou mouin.

Kay ou-a ap fidèl, ni péyi-roua-ou la jous pou tout tan dévan fas ou, épi tro-n ou-an ap solid pou tout tan” ».

Paròl Grammèt la.

PSÒM RÉPONS

Ps 88, 2-3. 4-5. 27 é 29 (R: : cf. 2 a)

- R: Mizérikòd Grammèt la, sé tout tan m-ap chanté-l.
- 2 Mizérikòd Grammèt la, sé tout tan m-ap chanté-l,
pou jénérasyon ak jénérasyon
m-ap anonsé vérité-ou nan bouch mouin.
- 3 Sèké mouin té di : « Pou tout tan mizérikòd la bati »,
nan sièl la vérité-ou la asiré. R:
- 4 Mouin té réglé aliens avèk sa-a mouin chouazi-a,
mouin té fè sèman bay David, sèvitè-m nan :
- 5 Pou tout tan m-ap asiré désandans ou-a,
épi m-ap drésé tro-n ou-an pou jénérasyon ak jénérasyon. R:
- 27 Li minm l-ap rélé-m : « Sé Papa-m ou yé,
Bondié mouin ak kachèt sové mouin ».
- 29 Pou tout tan m-ap kinbé mizèrikòd mouin pou li,
épi aliens mouin-an ap fidèl pou li. R:

DÉZIÈM LÉKTU

*Mistè-a ki té rét an silans pandan tout tan yo,
li louvri koulié-a.*

Léktu lèt apot sin Pòl pou Romin yo

16, 25-27

Frè-m yo :

Sa-a ki gin pouvoua pou-l konsolidé nou dapré bòn nouvèl mouin-an ak prèch mouin fè sou Jézu-Kri, dapré révélation mistè ki té rét an silans pandan tout tan yo, min ki louvri koulié-a gras a sa profèt yo té ékri yo, dapré lòd Bondié bay dépi tout tan, mistè sa-a tout nasion yo konnin pou yo obéyi lafoua-a.

Pou Bondié sèl ki saj pa pouvoua Jézu-Kri, onè ak konpliman pou li pou tout tan gin tan ! Amèn.

Paròl Granmèt la.

ALÉLOUYA

Lk 1, 38

℞ Alélouya. Min sèvant Granmèt la :

sé pou sa fèt pou mouin dapré paròl ou-a. ℞ Alélouya.

ÉVANJIL

*Min ou-ap poté yon pitit nan vant,
épi ou-a fè yon ti gason.*

✚ Léktu sint Évanjil la dapré Luk

1, 26-38

Lè sa-a :

Bondié té voyé Anj Gabrièl nan yon vil Galilé yo rélé Nazarèt, kot yon vièj ki té fiancé avèk yon mésié yo té rélé Jozèf, nan kay David, épi non vièj la sé té Mari.

Lè Anj la antré koté-l, li té di : « Salu, plin gras, Granmèt la avèk ou, ou béni nan pami tout médam ». Li minm, lè-l tandé sa, li té troublé nan paròl li-a, épi li t-ap réfléchi ki kalité mòd jan salié sa-a.

Épi Anj la té di-l : « Pa pè, Mari ; ou jouinn gras kot Bondié : min ou-ap ansint, épi ou-ap anfanté yon ti pitit gason, épi ou-ap rélé non-l Jézu. Li minm, l-ap gran, épi y-ap rélé-l Pitit Sa-a ki anro nèt la, épi Granmèt Bondié ap ba-l tro-n David papa-l la, épi l-ap kòmandé kòm roua nan kay Jakòb la pou tout tan, épi péyi-roua-l la pap janm fini ».

Mari minm té di Anj la : « Kijan pou sa fèt, paské mouin pa gin koné-sans gason ? »

Épi Anj la antan-l réponn, li té di-l : « Éspri Sin-an ap sot anro vini nan ou, épi fòs Sa-a ki anro nèt la ap kouvri-ou ak lonbraj li. Sé pou sa a k-ap fèt nan ou-a, Sin-an, y-ap rélé-l Pitit Bondié. Épi min Élizabèt, kouzi-n ou-an, li minm tou li ansint yon ti gason nan viyéyès li-a, épi moua sa-a sé sizièm nan pou sa-a yo té rélé stéril la ; paské okinn paròl pa inposib kot Bondié ».

Mari minm té di : « Min sèvant Granmèt la ; sé pou sa fèt pou mouin dapré paròl ou-a ». Épi Anj la té pati kité-l.

Paròl Granmèt la.

Dimanch, ané C

PRÉMIÉ LÉKTU

Nan ou yon chèf ap soti pou Israèl.

Léktu liv profèt Miché

5, 1-4 a

Min sa Granmèt la di :

Épi ou minm, Bétlèèm Éfrata, ou tou piti nan lamé Juda yo : sé nan ou l-ap soti pou mouin, sa-a k-ap chèf nan Israèl la, épi sous li soti dépi nan kòmansman, nan jou tout tan yo. Sé poutèt sa l-ap rinmèt yo jous nan tan-an koté sa-a ki gin pou-l anfanté-a ap anfanté ; épi rès frè-l yo ap tounin vi-n jouinn pitit Israèl yo. Épi l-ap kanpé, épi l-ap gadiyin mouton yo ak fòs Granmèt la, ak gloua non Granmèt Bondié-l la.

Épi y-ap tounin, paské koulié-a l-ap vi-n gran jous nan bout tè-a. Épi li minm l-ap lapè.

Paròl Granmèt la.

PSÒM RÉPONS

Ps 79, 2 ac é 3 b. 15-16. 18-19 (R : 4)

- R: Bondié, fè nou tounin,
kléré fas ou, épi n-a sové.
- 2 Ou minm k-ap gadiyin Israèl la, paré zòrèy ou,
ou minm ki chita anlè Anj yo, kléré.
- 3 Révéyé pouvoua-ou, épi vini
pou-ou sové nou. R:
- 15 Bondié lamé yo, tounin ;
gadé antan-ou nan sièl la, épi égzaminé, vizité jadin rézin sa-a,
- 16 épi protéjé sa-a min douat ou té planté-a,
épi sou pitit moun nan ou té asiré pou ou-a. R:
- 18 Sé pou min-ou sou moun min douat ou-a,
sou pitit moun nan ou té asiré pou ou-a,
- 19 épi nou pap viré do ba ou, ou-a fè nou viv,
épi n-ap rélé non-ou. R:

DÉZIÈM LÉKTU

*Min m-ap vini pou-m fè volonté-ou.***Léktu lèt pou Ébré yo****10, 5-10**

Frè-m yo :

Antan Kris la ap antré sou tè-a, li di : « Sakrifis ak kado, ou pa-t vlé, min sé yon kò ou té paré pou mouin ; sakrifis yo boulé pou péché, sa pa-t fè-ou plézi, lè sa-a atò mouin té di : Min m-ap vini ; nan tè liv la yo ékri osijè-m, Bondié, pou-m fè volonté-ou ».

Antan-l di pi ro : « Sakrifis ak kado ak sakrifis yo boulé pou péché, ou pa-t vlé sa, ni sa yo konn ofri dapré laloua-a, sa pa-t fè-ou plézi », épi lè sa-a atò li té di : « Min m-ap vini pou-m fè volonté-ou, Bondié » ; li ouété premié-a, pou-l instalé sa-k vi-n apré-a. Sé nan volonté sa-a nou vi-n sin gras a ofrann kò Jézu-Kri ki yon fouda pou tout.

Paròl Granmèt la.

ALÉLOUYA

Lk 1, 38

℞ Alélouya. Min sèvant Granmèt la :
sé pou sa fèt pou mouin dapré paròl ou-a. ℞ Alélouya.

ÉVANJIL

*Koté sa soti pou mouin
pou manman Granmèt mouin-an vi-n koté-m ?***✠ Léktu sint Évanjil la dapré Luk****1, 39-45**

Antan Mari lévé nan jou sa yo, li té pati al nan mòn yo byin vit, nan yon vil Juda. Li té antré nan kay Zakari, épi li té salié Élizabèt.

Rivé, kon Élizabèt té tandé Mari salué-l, ti pitit la té dansé nan vant li, épi Élizabèt té vi-n plin ak Éspri Sin-an, li té rélé byin fò, li di : « Ou béni nan pami tout médam yo ; épi li béni tou, foui vant ou-a. Koté sa soti pou mouin, pou manman Granmèt mouin-an vi-n koté-m ? Gadé, réyèlman, kon voua-ou rivé nan zòrèy mouin lè-ou salié-m nan, ti pitit la té dansé nan vant mouin ak kè kontan. Ala kontantman pou ou, poutèt ou té kouè, paské sa Granmèt la voyé di-ou yo, y-ap réyalizé ».

Paròl Granmèt la.

JOU SÈMÈN LAVAN YO dépi 17 jous 24 désanm

Léktu ki suiv yo, y-a sèvi avèk yo nan jou yo indiké pou yo-a. Min sa yo kité yo poutèt yo tonbé nan Dimanch la, yo kapab di yo apré oubyin anvan, yon lòt jou, sitou nan plas léktu yo indiké ané sa-a pou Dimanch.

Jou 17 désanm

PRÉMIÉ LÉKTU

Yo pap ouété baton kòmandman-an sot nan Juda.

Léktu liv Jénèz

49, 2. 8-10

Jou sa yo : Jakòb té rélé pitit li yo, épi li té di yo :

« Rasanblé, pou-m anonsé nou sa k-ap rivé nou nan jou yo k-ap vini yo. Rasanblé, épi kouté, pitit Jakòb yo, kouté Israèl papa nou.

Juda, frè-ou yo ap fè louanj ou ; min-ou sou kou ènmi-ou yo, pitit papa-ou yo ap adoré-ou. Sé pitit lion Juda yé. Pou lachas, pitit mouin, ou té monté, antan-ou répozé, ou té kouché tankou yon lion, épi tankou yon fémèl lion : kilès k-ap révéyé-l ? Yo pap rétiré baton kòmandman-an sot nan min Juda, ni chèf la sot nan jénou-l, joutan l-ap rivé sa-a y-ap voyé-a ; épi sé li minm nasion yo ap tann nan ».

Paròl Granmèt la.

PSÒM RÉPONS

Ps 71, 2. 3-4 ab. 7-8. 17 (R : cf. 7)

R Jistis ap fléri nan jou-l yo
épi lapè an kantité pou tout tan.

¹ Bondié, bay roua-a jijman-ou,
épi jistis ou pou pitit roua-a.

² L-ap jijé pèp ou-a nan jistis,
épi pòv ou yo nan jijman. R

³ Sé pou mòn yo poté lapè-a pou pèp la,
épi ti rotè yo jistis la.

⁴ L-ap jijé pòv yo nan pèp la,
l-ap sovè pitit maléré yo. R

- 7 Nan tan-l yo jistis ap fléri ak lapè an kantité joutan lali-n nan disparèt.
- 8 Épi l-ap kòmandé sot nan lanmè al nan lanmè, épi sot nan gran riviè-a jous nan bout fas tè yo. **R:**
- 17 Sé pou non-l béni nan sièk tan yo, dévan solèy la sé pou non-l diré. épi sé pou tout ras tè yo jouinn bédiksyon nan li. Sé pou tout nasion yo fè louanj li. **R:**

ALÉLOUYA

R: Alélouya. Sajès Sa-a ki anro nèt la, ki réglé tout bagay avèk fòs ak dousè-a : vini pou-ou aprann nou chémin ladrès la. **R:** Alélouya.

Nan plas vèsè anvan Évanjil la, sa yo propozé pou chak jou yo, yo kapab sèvi ak yon lòt nan sa y-ap jouinn pi louin yo, p. 152.

ÉVANJIL

Ras Jézu-Kri, Pitit David.

✠ Léktu sint Évanjil la dapré Matié

1, 1-17

Liv jénérasyon Jézu-Kri, pitit David, pitit Abraam.

Abraam té anfanté Izaak, Izaak minm té anfanté Jakòb, Jakòb minm té anfanté Juda ak frè-l yo. Juda minm té anfanté Farès ak Zara pa lintèmediè Tamar, Farès minm té anfanté Ésròn, Ésròn minm té anfanté Aram, Aram minm té anfanté Aminadab, Aminadab minm té anfanté Naason, Naason minm té anfanté Salmon, Salmon minm té anfanté Bòz pa lintèmediè Raab, Bòz minm té anfanté Obèd pa lintèmediè Rut, Obèd minm té anfanté Jésé, Jésé minm té anfanté roua David.

Roua David minm té anfanté Salomon pa lintèmediè sa-a ki té madanm Uri-a. Salomon minm té anfanté Roboam, Roboam minm té anfanté Abia, Abia minm té anfanté Asa, Asa minm té anfanté Jozafat, Jozafat minm té anfanté Joram, Joram minm té anfanté Ozias, Ozias minm té anfanté Joatan, Joatan minm té anfanté Akaz, Akaz minm té anfanté Ézékiyas, Ézékiyas minm té anfanté Manasé, Manasé minm té anfanté Amòn, Amòn minm té anfanté Jozias, Jozias minm té anfanté Jékonias ak frè-l yo lè égzil Babilòn nan.

Épi apré égzil Babilòn nan, Jékonias té anfanté Salatièl, Salatièl minm té anfanté Zorobabèl, Zorobabèl minm té anfanté Abioud, Abioud minm té anfanté Éliasim, Éliasim minm té anfanté Azòr, Azòr minm té anfanté Sadòk, Sadòk minm té anfanté Akim, Akim minm té anfanté Élioud, Élioud minm té anfanté Éléazar, Éléazar minm té anfanté Matan, Matan minm té anfanté Jakòb.

Jakòb minm té anfanté Jozèf, mésié Mari-a, sa Jézu té pran nésans nan li-a, li minm yo rélé Kris la.

Tout jénérasyon yo konsa sot Abraam jous David, katòz jénérasyon ; épi sot David jous égzil Babilòn nan, katòz jénérasyon ; épi sot égzil Babilòn nan jous Kris la, katòz jénérasyon.

Paròl Granmèt la.

Jou 18 désanm

PRÉMIÉ LÉKTU

M-ap fè yon désandans kòrèk lèvé pou David.

Léktu liv profèt Jérèmi

23, 5-8

« Min jou k-ap vini, Granmèt la di, épi m-ap fè yon désandans kòrèk lèvé pou David ; épi l-ap kòmandé kòm roua, épi l-ap saj, épi l-ap fè jijman ak jistis sou tè-a. Nan jou sa yo, Juda ap sové, épi Israèl ap abité avèk konfians ; min ki non y-ap rélé-l : “Granmèt nou-an ki kòrèk la”.

Poutèt sa, min jou k-ap vini, Granmèt la di, épi yo pap di ankò : “Granmèt la vivan, li minm ki té fè pitit Israèl yo sot nan péyi Éjip la”, min : “Granmèt la vivan, li minm ki té fè ras kay Israèl la soti nan péyi nan nò-a ak nan tout péyi yo, koté mouin té jété yo-a, épi li kondui yo vini, épi y-ap abité nan péyi-l la” ».

Paròl Granmèt la.

PSÒM RÉPONS

Ps 71, 2. 12-13. 18-19 (R: cf. 7)

R: Jistis ap fléri nan jou-l yo
épi lapè an kantité pou tout tan.

- ¹ Bondié, bay roua-a jijman-ou nan,
épi jistis ou-a pou pitit roua-a.
- ² L-ap jijé pèp ou-a nan jistis,
ak pòv ou yo nan jijman. **R:**
- ¹² Sèké l-ap délivré maléré-a k-ap rélé-a,
ak pòv la ki pa gin sékou-a.
- ¹³ L-ap pran pitié pou pòv la ak mizérab la,
épi nanm pòv yo, l-ap sové yo. **R:**
- ¹⁸ Konpliman pou Granmèt Bondié, Bondié Israèl,
li minm ki fè mèvèy pou kont li ;
- ¹⁹ épi konpliman pou non-l ki gran-an pou tout tan,
épi tout tè-a ap plin ak grandè-l. Amèn, amèn. **R:**

ALÉLOUYA

R: Alélouya. Chèf kay Israèl la,
ki té bay Moyiz laloua-a nan Sinayi-a :
vini pou-ou rachté nou ak bra-ou ki lonjé-a. **R:** Alélouya.

ÉVANJIL

*Jézu fèt sot nan Mari,
ki té fiancé ak Jozèf, pitit David.*

✠ Léktu sint Évanjil la dapré Matié

1, 18-24

Jénérasyon Kris la, konsa li té yé :

Lè manman-l Mari té fiancé avèk Jozèf, anvan yo té abité ansanm, rivé li té vi-n ansint pa pouvoua Éspri Sin-an ; Jozèf minm, mari-l la, kòm li té kòrèk, épi li pa-t vlé dénonse-l, li té vlé ranvouayé-l an kachèt.

Pandan l-ap kalkilé sa, min Anj Granmèt la té parèt dévan-l nan rèv, antan li di-l : « Jozèf, pitit David, pa pè résévoua Mari, madanm ou-an : paské réyèlman, sa-k pran nésans nan li-a sé nan Éspri Sin-an li soti ; l-ap anfanté yon pitit gason, épi l-ap rélé non-l Jézu, li minm réyèlman ap sové pèp li-a sot nan péché-l yo ».

Tou sa minm fèt pou paròl Granmèt la té di pa lintèmédiè profèt la té akonpli, sa-k di : « Min vièj la ap vi-n ansint, épi l-ap anfanté yon ti gason ; épi y-ap rélé non-l Émanuèl, sa vlé di Bondié-avèk-nou ».

Antan Jozèf minm lèvé sot nan dòm-an, li té fè jan Anj Granmèt la té pasé-l lòd la, épi li té résévoua madanm li-an.

Paròl Granmèt la.

Jou 19 désanm

PRÉMIÉ LÉKTU

Nésans Samson-an anj la anonsé-a.

Léktu liv Jij yo

13, 2-7. 24-25 a

Nan jou sa yo :

Té gin yon mésié nan Soréa épi nan ras Dan, yo té rélé-l Manoué, li té gin yon madanm ki té stéril ; Anj Granmèt la té parèt dévan madanm nan épi li di-l : « Ou stéril, épi ou pa gin pitit, min ou-apral ansint épi ou-ap anfanté yon ti pitit gason. Fè atansion sèlman pou-ou pa bouè divin ak bouason fò, ni pou-ou pa manjé okinn bagay ki pa pròp ; paské ou-apral ansint, épi ou-ap anfanté yon ti pitit gason, razoua pa doué touché tèt li : l-ap konsakré pou Bondié réyèlman, dépi-l tou piti épi dépi-l nan vant manman, épi sé li minm k-ap kòmansé délivré Israèl sot nan min Filistin yo ».

Li minm lè-l rivé kot mari-l, li té di-l : « Yon mésié Bondié té vi-n koté-m, antan li gin fas anj, ki fè moun tranblé anpil. Lè-m té pozé-l késion kilès li té yé épi koté li té soti épi ki non yo rélé-l, li pa-t vlé di-m ; min li té réponn mouin konsa : Min ou-apral ansint épi ou-ap anfanté yon ti pitit gason. Fè atansion pou-ou pa bouè divin ni bouason fò, épi pou-ou pa manjé okinn bagay ki pa pròp ; ti pitit la réyèlman ap konsakré pou Bondié dépi-l tou piti, dépi-l nan vant manman-l jous jou lanmò li ».

Li té anfanté yon ti gason konsa, épi li té rélé non-l Samson. Ti gason-an té grandi, épi Granmèt la té béni-l. Éspri Granmèt la té kòmansé vi-n avèk li nan abitasion Dan yo ant Soréa avèk Éstaòl.

Paròl Granmèt la.

PSÒM RÉPONS

Ps 70, 3-4 a. 5-6 ab. 16-17 (R : cf. 8 a)

R : Sé pou bouch mouin plin louanj, pou-m chanté gloua-ou

- 3 Sé pou-ou sèvi-m yon ròch sitadèl,
ak yon kay-défans pou-ou sovè-m,
paské fòs mouin ak kachèt mouin, sé ou minm,
4 Bondié mouin, ouété-m sot nan min péchè-a. **R:**
- 5 Paské ou minm ou sé éspérans mouin, Granmèt ;
Granmèt, éspérans mouin dépi-m tou jèn.
6 Sou ou mouin apuiyé dépi-m nan vant,
dépi nan vant manman-m ou minm ou soutni-m. **R:**
- 16 M-ap vi-n kot pouvoua Granmèt la :
Granmèt, m-ap fè sonjé jistis ou ki pa gin parèy la.
17 Bondié, ou ban-m anségnman dépi-m tou jèn ;
épi jous koulié-a m-ap anonsé mèvèy ou yo. **R:**

ALÉLOUYA

- R:** Alélouya. Rasi-n Jésé-a, ki kanpé kòm signal pèp yo :
vini pou-ou libéré nou, pa mizé plis. **R:** Alélouya.

ÉVANJIL

Nésans Jan-Batis Gabriyèl anonsé-a.

✠ Léktu sint Évanjil la dapré Luk 1, 5-25

Nan tan Éròd yo, roua Judé-a, té gin yon prèt yo té rélé Zakari, nan ras Abia, épi madanm li té soti nan yon fanmi Aaron, non-l sé té Élizabèt. Yo toulédé minm té kòrèk dévan Bondié, yo té obéyi tout kòmandman ak désizyon Granmèt la san kont. Épi yo pa-t gin pitit, paské Élizabèt té stéril, épi yo toulédé té avansé nan laj yo.

Rivé, pandan li t-ap fè sèvis prèt li nan ran klas li dévan Bondié, dapré abitid prèt yo, sò-a tonbé sou li pou-l ofri lansan antan-l antré nan Tamp Granmèt la ; épi tout foul pèp la té déyò, ap priyé pandan lè lansan-an.

Anj Granmèt la té parèt dévan-l, antan-l kanpé adouat lotèl lansan-an. Épi Zakari té troublé antan-l ouè sa, épi sézisman té tonbé sou li.

Anj la minm té di-l : « Pa pè, Zakari, paské yo tandé priyé-ou la ; épi madanm ou, Élizabèt, ap fè yon ti gason ba ou, épi ou-ap rélé non-l Jan, épi ap gin kontantman pou ou ak fèt, épi anpil moun ap kontan nan nésans li-a. L-ap gran réyéyman dévan Granmèt la, ni divin ni alkòl li pap

bouè sa, épi l-ap plin Éspri Sin-an dépi nan vant manman-l. Épi l-ap fè anpil pitit Israël yo tounin kot Granmèt Bondié yo-a. Épi li minm l-ap maché dévan-l nan Éspri ak pouvoua Éli, “pou-l fè kè papa yo viré kot pitit yo”, épi pou-l fè moun ki pa kouè yo vi-n gin ladrès moun kòrèk yo, pou-l paré yon pèp ki kòrèk nèt pou Granmèt la ».

Épi Zakari té di Anj la. « Kòman m-ap fè konn sa ? Mouin minm réyéلمان mouin granmoun, épi madanm mouin avansé nan jou-l yo ».

Épi antan Anj la réponn, li té di-l : « Mouin minm mouin sé Gabriyèl, ki kanpé dévan Bondié ; épi yo voyé-m pou-m palé ak ou, épi pou-m anonsé-ou bòn nouvèl sa yo. Épi min ou-apral bèbè épi ou pap kapab palé jous nan jou bagay sa yo ap fèt, poutèt ou pa-t kouè paròl mouin yo, k-ap réyalizé nan tan yo-a ».

Épi foul la t-ap tann Zakari, épi yo té sézi poutèt li té mizé nan Tanp la. Antan-l soti minm, li pa-t kapab palé avèk yo, épi yo té rékonèt sé yon vizion li té ginyin nan Tanp la. Épi li minm minm li t-ap fè yo sign, épi li té rété bèbè.

Rivé, lè jou sèvis li yo té fini, li té pati al lakay li. Apré jou sa yo, min Élizabèt madanm li té vi-n ansint, épi li té rét kaché, pandan sink moua, antan l-ap di : « Sé konsa Granmèt la té aji avèk mouin, nan jou yo, koté li té voyé jé pou-l ouété ront mouin-an nan pami moun yo ».

Paròl Granmèt la.

Jou 20 désanm

PRÉMIÉ LÉKTU

Min Vièj la ap vi-n ansint.

Léktu liv profèt Izayi

7, 10-14

Jou sa yo :

Granmèt la té palé avèk Akaz, antan-l di : « Mandé Granmèt Bondié-ou la yon sign nan bafon anba tè-a oubyin nan sièl la anro nèt la ».

Épi Akaz té di : « Mouin pap mandé, épi mouin pap tanté Granmèt la ».

Épi Izayi té di : « Kouté, konsa kay David : Èské sa pa kont nou pou n-ap fatigé moun yo, pou nou rivé ap fatigé ata Bondié-m nan ? Sé pou sa

Granmèt la li minm ap ba nou yon sign. Min vièj la ap vi-n ansint, épi l-ap anfanté yon ti gason, épi y-ap rélé non-l Émanuèl, paské Bondié-avèk-nou ».

Paròl Granmèt la.

PSÒM RÉPONS

Ps 23, 1-2. 3-4 ab. 5-6 (R : 7 c é 10 b)

R: Granmèt la ap antré : li sé roua gloua-a.

¹ Pou Granmèt la tè-a ak sa-k plin-l,
fas tè-a ak sa-k abité ladan-l yo.

² Paské li minm sou lanmè yo, li té fiksé-l,
épi sou gran riviè yo li té rann li solid. R:

³ Kilès k-ap monté sou mòn Granmèt la,
oubyin kilès k-ap kanpé sou plas li ki sin-an ?

⁴ Sa-k inosan nan min épi ki gin kè pròp,
ki pa nonmin non-l pou granmési. R:

⁵ Moun sa-a ap résévoua bénédiksion nan min Granmèt la
ak jistis la nan min Bondié sovè-l la.

⁶ Sa-a sé jénérasyon moun k-ap chèché-l yo,
k-ap chèché fas Bondié Jakòb la. R:

ALÉLOUYA

R: Alélouya. Klé David la, ki louvri pòt péyi-roua tout tan yo :
vini, épi ouété prizonié-a ki chita nan fènoua yo sot nan kay prizon-an.

R: Alélouya.

ÉVANJIL

Min ou-ap ansint, ou-ap anfanté yon ti gason.

✠ Léktu sint Évanjil la dapré Luk

1, 26-38

Sou sizièm moua-a Bondié té voyé anj Gabriyèl nan yon vil Galilé yo rélé Nazarèt, kot yon vièj fiancé avèk yon mésié yo té rélé Jozèf, nan kay David la, épi non vièj la sé té Mari.

Épi antan Anj la antré koté-l, li té di-l : « Salu, plin gras, Granmèt la avèk ou, ou béni nan pami tout médam yo ». Li minm, lè-l té tandé sa, li té troublé nan paròl li-a, épi li t-ap réfléchi ki kalité salitasion sa-a.

Épi Anj la té di-l : « Pa pè, Mari ; ou té jouinn gras réyèlman kot Bondié : min ou-ap ansint, épi ou-ap anfanté yon ti pitit gason, épi ou-ap rélé non-l Jézu. Li minm, l-ap gran, épi sé Pitit Sa-a ki anro nèt la y-ap rélé-l, Granmèt Bondié ap ba-l tro-n David papa-l, épi l-ap kòmandé kòm roua nan kay Jakòb la pou tout tan, épi péyi-roua-l la pap janm fini ».

Mari minm té di Anj la : « Kijan pou sa fèt, paské gason, mouin pa konn sa ? »

Épi antan-l réponn, Anj la té di-l : « Éspri Sin-an ap vini sou ou, épi fòs Sa-a ki anro nèt la ap kouvri-ou ak lonbraj li. Sé pou sa sa-a k-ap pran nésans sot nan ou-a, Sin-an, y-ap rélé-l Pitit Bondié. Épi min Élizabèt, kouzi-n ou-an, li minm tou li ansint yon ti gason nan viyéyès li-a, épi moua sa-a sé sizièm nan pou sa-a yo té rélé stéril la ; paské anyin pa inposib kot Bondié ».

Mari minm té di : « Min sèvant Granmèt la ; sé pou sa fèt pou mouin dapré paròl ou-a ». Épi Anj la té pati kité-l.

Paròl Granmèt la.

Jou 21 désanm

PRÉMIÉ LÉKTU

Min rinmin-m nan ap vini, antan l-ap vòltijé nan mòn yo.

Léktu Kantik dè kantik

2, 8-14

Voua rinmin-m nan : min l-ap vini, antan l-ap vòltijé nan mòn yo, l-ap soté sou ti rotè yo. Rinmin-m nan tankou yon kabrit, yon pitit mouton. Min li, li kanpé dèyè miray nou-an, antan l-ap gadé nan fènèt yo, antan l-ap obsèvé nan pèsien yo.

Min rinmin-m nan ap palé avèk mouin : « Lévé, fè vit, zanmi-m, kolonb mouin, bèlté-m. Tan frèt la réyèlman déjà passé, lapli-a pati, épi l-al fè rout li. Flè yo parèt sou tè nou-an, tan romans yo rivé ; nou tandé voua toutrèl la sou tè nou-an ; pié figié-a té donnin premié frui-l yo, pié rézin yo antan yo fléri, yo té bay bon lodè yo.

Lévé, zanmi-m, bèlté-m, épi vini, kolonb mouin, nan fant ròch yo, nan trou falèz la. Montré-m fas ou, voua-ou sonnin nan zòrèy mouin ; voua-ou réyèlman li dous, épi fas ou, li bèl ».

Paròl Granmèt la.

oubyin si yo vlé

Roua Israèl la sé Granmèt la nan mitan-ou.

Léktu liv profèt Sofoni

3, 14-18 a

Fè louanj, pitit fi Siyon ! Kléronnin, Israèl ! Fè kè-ou kontan, épi sé pou-ou dansé ak tout kè-ou, pitit fi Jérusalèm ! Granmèt la té ouété kondanasion-ou nan, li té détounin ènmi-ou yo ; roua Israèl la, Granmèt la, nan mitan-ou, ou pap pè malè ankò.

Jou sa-a, y-ap di Jérusalèm : « Pa pè, Siyon ; pa kité min-ou fébli. Granmèt Bondié-ou la nan mitan-ou, li fò, li minm l-ap sové ; l-ap kontan anpil sou ou, l-ap fè silans nan rinmin-l nan, l-ap dansé ak louanj pou ou ».

Paròl Granmèt la.

PSÒM RÉPONS

Ps 32, 2-3. 11-12. 20-21 (R: 1 a é 3 a)

- R: Fété pou Granmèt la, nou minm ki kòrèk yo ;
chanté yon kantik nouvo pou li.
- 2 Fè louanj pou Granmèt la sou gita,
sou instriman dis kòd la, joué mizik pou li.
- 3 Chanté yon kantik nouvo pou li,
joué mizik byin pou li avèk gran bravo. R:
- 11 Plan Granmèt la minm rété pou tout tan,
kalkil kè-l pou jénèrasion ak jénèrasion.
- 12 Ala kontantman pou nasion-an, ki gin Granmèt la pou Bondié-l la,
pèp la li té chouazi kòm éritaj li-a. R:
- 20 Nanm nou ap konté sou Granmèt la,
paské sékou nou ak protéksion nou sé li minm ;
- 21 paské nan li kè nou ap fété,
épi nan non-l ki sin-an n-ap éspéré. R:

ALÉLOUYA

R: Alélouya. Émanuèl, roua ak chèf nou :
vini, pou-ou sovè nou, Granmèt Bondié nou. R: Alélouya.

ÉVANJIL

Koté sa soti pou mouin pou manman Granmèt mouin vi-n koté-m ?

✠ Léktu sint Évanjil la dapré Luk 1, 39-45

Antan, Mari lévé nan jou sa yo, li pati al nan mòn nan byin vit, nan yon vil Juda. Li té antré nan kay Zakari, épi li té salié Élizabèt.

Rivé, kon Élizabèt té tandé Mari salié-l, ti pitit la té dansé nan vant li, épi Élizabèt té vi-n plin ak Éspri Sin-an, épi li té rélé byin fò, épi li té di : « Ou béni nan pami tout médam yo, épi li béni tou, foui vant ou-a. Épi koté sa soti pou mouin, pou manman Granmèt mouin-an vi-n koté-m ? Min, réyèlman, kon voua-ou rivé nan zòrèy mouin lè-ou salié-m nan, ti pitit la té dansé nan vant mouin ak kè kontan. Ala kontantman pou ou, poutèt ou té kouè, paské sa Granmèt la voyé di-ou yo, y-ap réyalizé ».

Paròl Granmèt la.

Jou 22 désanm

PRÉMIÉ LÉKTU

A-n ap di Bondié mèsì pou nésans Samuèl.

Léktu prémié liv Samuèl 1, 24-28

Jou sa yo :

A-n té minnin Samuèl avèk li, apré l-té fi-n sévré-l, ansanm avèk yon toro touazan, toua mamit fari-n ak yon galon divin ; épi li té minnin-l nan kay Granmèt la nan Silo. Ti pitit la minm té tou piti toujou. Épi yo sakrifé toro-a, épi yo ofri pitit la bay Éli.

Épi A-n té di : « Tanpri, mèt mouin, sou lavi nanm ou, mèt ; mouin sé madanm sa-a, ki té kanpé dévan-ou nan, isit la antan mouin t-ap priyé Granmèt la. Sé pou pitit sa-a mouin t-ap priyé, épi Granmèt la té ban-m

sa-m té mandé-l la. Sé poussa mouin minm tou mouin rinmèt li bay Granmèt la pou tout jou-l yo, l-ap toujou rét pou Granmèt la ».

Épi yo adoré Granmèt la, la.

PSÒM RÉPONS

1 Sam 2, 1. 4-5. 6-7. 8 abcd (R: 1 a)

R: Kè-m fété nan Granmèt la, sovè-m nan.

- 1 Kè-m fété nan Granmèt la :
épi kòn mouin lévé nan Bondié-m nan ;
bouch mouin louvri laj kont ènmi-m yo,
paské mouin kontan nan sové ou sové-m nan. R:
- 4 Zam-flèch sa-k fò yo kasé,
épi fèb yo maré rin-yo ak fòs.
- 5 Sa-k té plin lontan yo pou pin yo loué tèt yo,
épi sa-k té grangou yo yo gin vant plin ;
joutan stéril la anfanté anpil,
sa-k té gin anpil pitit la minm li fébli. R:
- 6 Granmèt la fè moun mouri, li lévé,
li té fè désann anba tè yo, épi li té fè rémonté ;
- 7 Granmèt la fè vi-n pòv, épi li fè vi-n rich,
li rabésé, épi li lévé anlè. R:
- 8 Li lévé maléré-a sot nan poussiè-a,
épi li lévé pòv la sot nan fatra-a,
pou-l chita avèk prins yo,
pou-l kinbé tro-n gloua-a. R:

ALÉLOUYA

R: Alélouya. Roua nasion yo ak ròch kouin Égliz la :
vini, sové moun nan ou té fòmé ak labou-a. R: Alélouya.

ÉVANJIL

Li fè mèvèy pou mouin, Sa-a ki gin pouvoua-a.

✚ Léktu sint Évanjil la dapré Luk

1, 46-56

Lè sa-a : Mari té di :

« Nanm mouin lévé Granmèt la anlè, épi éspri-m té dansé nan Bondié sovè-m nan, paské li té gadé imilité sèvant li-a. Min réyèlman dépi koulié-a tout jénérasyon ap di mouin ala kontantman, paské li té fè gran mèvèy pou mouin, Sa-a ki gin pouvoua-a, épi non-l sin.

Épi mizèrikòd li pou jénérasyon ak jénérasyon pou moun ki krinn li yo. Li té fè puisans nan bra-l, li té gayé moun ki té gin lògèy nan kè yo. Li té jété sa-k gin pouvoua yo sot sou tro-n yo, épi li té lévé sa-k rabésé tèt yo. Sa-k grangou yo, li té plin yo ak byin, épi rich yo, li té ranvouayé yo min vid.

Li té soutni Israèl, sèvitè-l la, antan-l sonjé mizèrikòd li-a, jan-l té palé ak papa nou yo, Abraam ak ras li pou tout tan ».

Mari minm té rété avèk Élizabèt anviron toua moua, épi, li té tounin lakay li.

Paròl Granmèt la.

Jou 23 désanm

PRÉMIÉ LÉKTU

M-ap voyé profèt Éli ba nou, anvan jou Granmèt la rivé.

Léktu liv profèt Malachi

3, 1-4. 23-24

Min paròl Granmèt Bondié-a :

« Min m-ap voyé Anj mouin-an, l-ap paré rout la dévan fas mouin. Épi san zatann l-ap antré nan tanp li-a, Chèf la, n-ap chèché-a, avèk Anj aliens la, nou anvi-a. Min l-ap vini, sé sa Granmèt lamé yo di. Épi kilès ki kapab kalkilé jou l-ap rivé-a ? épi kilès ki kapab kanpé pou gadé-l ? Li minm réyèlman l-ap tankou difé k-ap boulé, épi tankou fèy lésiv ; épi l-ap chita antan l-ap fonn, épi antan l-ap pròpté lajan, épi l-ap nétouayé pitit Lévi yo, épi l-ap nétouayé yo tankou lò ak lajan, épi y-ap vi-n tounin pou Granmèt la moun k-ap ofri sakrifis nan jistis. Épi sakrifis Juda ak

Jérusalèm nan ap fè Granmèt la plézi tankou jou sièk tan yo, tankou tan lontan yo ».

« Min m-ap voyé profèt Éli ba nou, antan jou Granmèt la ki gran-an, ki térib la rivé. Épi l-ap fè kè papa viré kot pitit yo, épi kè pitit yo kot papa yo, pou-m pa vi-n frapé tè-a ak madichon ».

Paròl Granmèt la.

PSÒM RÉPONS

Ps 24, 4 bc-5 ab. 8-9. 10 é 14 (R: Lk 21, 28)

- R: Gadé, lévé tèt nou,
paské rédanmsion nou-an ap proché.
- 4 Chémin-ou yo, Granmèt, montré-m yo,
santié-ou yo, aprann mouin yo.
- 5 Dirijé-m nan santié-ou la, ban-m léson,
paské ou sé Bondié Sovè mouin. R:
- 8 Granmèt la bon, li douat,
sé poua l-ap aprann péchè yo chémin-an ;
- 9 l-ap dirijé moun ki dosil yo nan jijman-an,
l-ap aprann moun ki dou yo chémin-l yo. R:
- 10 Tout chémin Granmèt la sé mizérikòd ak vérité,
pou moun ki kinbé aliens li-a ak témouagnaj li yo.
- 14 Granmèt la aji an zanmi ak moun ki krinn li yo,
pou-l montré yo aliens li-a. R:

ALÉLOUYA

- R: Alélouya. Roua nasion yo ak ròch kouin Égliz la :
vini, sové moun nan ou té fòmé ak labou-a. R: Alélouya.

ÉVANJIL

Nésans Jan-Batis.

✠ Léktu sint Évanjil la dapré Luk

1, 57-66

Élizabèt té rivé lè pou-l anfanté, li té anfanté yon ti gason. Vouazin yo ak fanmi yo té tandé kijan Granmèt la té fè mèvèy mizèrikòd li avèk li, yo té fè kè yo kontan avèk li.

Rivé, sou uitièm jou-a, yo té vini pou yo fè sikonsizyon ti pitit la, yo té rélé-l non papa-l Zakari. Min manman-l antan-l pran laparòl, li té di : « Pa ditou, min y-ap rélé-l Jan ».

Yo té di-l : « Min pa gin pèsòn nan fanmi ou yo rélé non sa-a ».

Yo t-ap fè papa-l sign kijan-l té vlé rélé-l. Antan-l mandé yon adouaz, li té ékri, antan-l di : « Jan sé non-l sa ». Tout moun té sézi. Minm lè-a bouch li vi-n louvri, ni lang li, li t-ap palé, antan l-ap fè konpliman pou Bondié.

Krint té tonbé sou tout vouazin-l yo ; anlè tout mòn Judé yo, yo t-ap gayé tout bagay sa yo. tout moun ki té tandé sa, yo té kinbé-l nan kè yo, antan y-ap di : « Ki sa ti pitit sa-a ap yé ? » Réyèlman min Granmèt la té avèk li.

Paròl Granmèt la.

Jou 24 désanm

Nan Mès matin

PRÉMIÉ LÉKTU

Péyi-roua David la ap kanpé pou tout tan dévan fas Granmèt la.

Léktu dézièm liv Samuèl

7, 1-5. 8 b-12. 14 a. 16

Rivé lè roua David té fi-n instalé nan kay li, lè Granmèt la té fi-n ba-l répo tout koté sot anba min tout ènmi-l yo, li té di profèt Natan : « Gadé kijan mouin minm mouin abité nan kay ki fèt ak planch boua-pin, épi arch Bondié-a minm dépozé nan mitan yon tant ». Natan té di roua-a : « Tou sa ki nan kè-ou, al fè-l, paské Granmèt la avèk ou ».

Rivé nan nuit sa-a minm, min paròl Granmèt la kot Natan, antan l-ap di : « Al di David sèvitè-m nan : “Min sa Granmèt la di : Èské sé ou minm k-ap bati yon kay ban mouin pou-m abité ? Mouin minm mouin té pran-ou sot nan savann zèb la, lè-ou t-ap suiv bann mouton yo, pou-ou té kapab vi-n chèf sou pèp mouin Israèl, mouin té avèk ou nan tout okazion tout koté ou té pasé, mouin té touyé tout ènmi-ou yo sot dévan fas ou ; mouin té fè-ou vi-n gin yon non ki gran tankou non gran pèsonaj yo ki

sou tè-a. M-ap mété yon koté pou pèp mouin Israèl, m-ap planté-l, l-ap abité la, li pap nan kè soté ankò ; pitit méchansté yo pap vi-n pou yo trakasé-l tankou anvan, dépi jou mouin té instalé jij yo sou pèp mouin Israèl la. M-ap ba-ou répo sot anba min tout ènmi-ou yo, Granmèt la avèti-ou davans sé Granmèt la k-ap fè yon kay pou ou.

Lè jou-ou yo ap fi-n rivé nan limit yo, épi ou-ap dòmni ansanm avèk papa-ou yo, m-ap fè désandans ou lévé apré-ou, sa-k soti nan vant ou-a ; m-ap konsolidé péyi-roua-l la, m-ap yon papa pou li, li minm l-ap yon pitit pou mouin.

Kay ou-a ap fidèl, ni péyi-roua-ou la jous pou tout tan dévan fas ou, tro-n ou-an ap solid pou tout tan” ».

Paròl Granmèt la.

PSÒM RÉPONS

Ps 88, 2-3. 4-5. 27 é 29 (R : cf. 2 a)

- R Mizèrikòd ou, Granmèt, sé tout tan m-ap chanté-l.
- ² Mizèrikòd Granmèt la, sé tout tan m-ap chanté-l,
pou jénérasyon ak jénérasyon
m-ap anonsé vérité-ou nan bouch mouin.
- ³ Sèké mouin té di : « Pou tout tan mizèrikòd la ap bati »,
nan sièl yo ou-ap asiré vérité-ou la. R
- ⁴ « Mouin té réglé aliens avèk sa-a mouin chouazi-a,
mouin té fè sèman bay David, sèvitè-m nan :
- ⁵ Pou tout tan m-ap asiré désandans ou-a,
m-ap drésé tro-n ou-an pou jénérasyon ak jénérasyon ». R
- ²⁷ Li minm l-ap rélé-m : « Sé Papa-m ou yé,
Bondié-m ak kachèt sovè m-sovè-a ».
- ²⁹ Pou tout tan m-ap kinbé mizèrikòd mouin pou li,
aliens mouin-an ap fidèl pou li. R

ALÉLOUYA

R Alélouya. Solèy k-ap lévé, klèté limiè tout tan-an ak solèy jistis la,
vini, kléré moun yo ki chita nan fènoua ak lonbraj lanmò-a. R
Alélouya.

ÉVANJIL

Solèy k-ap lévé-a vi-n vizité nou sot anro-a.

✠ Léktu sint Évanjil la dapré Luk

1, 67-79

Lè sa-a :

Zakari, papa Jan, té vi-n plin ak Éspri Sin-an, li té profétizé, antan l-ap di :

« Konpliman pou Granmèt la Bondié Israèl, paské li té vizité pèp li-a, li té fè rédanmsion-l ; li té drésé kòn sovè-a pou nou nan kay David sèvitè-l la, jan-l té palé nan bouch sin yo, ki té la dépi sièk tan, nan profèt li yo ; sovè l-ap sovè nou-an sot nan min ènmi nou yo, ak nan min moun ki té rayi nou yo : pou-l fè mizèrikòd avèk papa nou yo, pou-l sonjé aliens li-a ki sin-an ; sèman-an, sa-l té sèmanté ofisièlman bay Abraam papa nou-an, li t-ap ba nou pou, san krint, antan nou délivré sot nan min ènmi nou yo, nou sèvi-l nan sintété ak jistis dévan-l pandan tout jou nou yo.

Kanta ou minm, ti pitit, sé profèt Sa-a ki anro nèt la y-ap rélé-ou, sèké ou-ap maché pran dévan dévan fas Granmèt la pou-ou paré rout li yo, pou-ou bay pèp li-a sians sovè li sovè-a, pou padon péché-l yo. Gras a zantray mizèrikòd Bondié nou-an, ki fè-l vi-n vizité nou kòm Solèy k-ap lévé sot anro-a, pou-l kléré sa yo ki chita nan fènoua ak lonbraj lanmò-a, pou-l dirijé pié nou nan chémin lapè ».

Paròl Granmèt la.

ALÉLOUYA

pou jou sémèn yo nan lavan-an dépi 17 jous 24 désanm.

Tèks sa yo, yo kapab sèvi avèk yo nan plas tèks yo propozé aprè chak léktu yo.

1.

⌘ Alélouya. Sajès Sa-a ki anro nèt la,
ki réglé tout bagay avèk fòs ak dousè-a :
vini pou-ou aprann nou chémin ladrès la. ⌘ Alélouya.

2.

⌘ Alélouya. Chèf kay Israèl la,
ki té bay Moyiz laloua-a nan Sinayi-a :
vini pou-ou délivré nou ak bra-ou ki lonjé. ⌘ Alélouya.

3.

⌘ Alélouya. Rasi-n Jésé-a, ki kanpé kòm signal pèp ou :
vini pou-ou délivré nou, pa fè plis réta. ⌘ Alélouya.

4.

⌘ Alélouya. Klé David la, ki louvri pòt péyi-roua tout tan yo :
vini, ouété prizonié-a ki chita nan fènoua yo sot nan kacho-a. ⌘
Alélouya.

5.

⌘ Alélouya. Solèy k-ap lévé, klété limiè tout tan-an ak solèy jistis la,
vini, kléré moun yo ki chita nan fènoua ak lonbraj lanmò-a. ⌘
Alélouya.

6.

⌘ Alélouya. Roua nasion yo ak ròch kouin Égliz la :
vini, sovè moun nan ou té fòmé ak labou-a. ⌘ Alélouya.

7.

⌘ Alélouya. Émanuèl, roua ak chèf nou :
vini, pou-ou sovè nou, Granmèt Bondié nou. ⌘ Alélouya.

TAN NOËL
25 désanm
NAN NÉSANS GRANMÈT LA

Pou Mès nan vijil la

Yo kapab sèvi ak léktu sa yo nan Mès sa-a, ki sélébré nan asouè 24 désanm nan, soua anvan premié Vèp Noël la, soua apré.

PRÉMIÉ LÉKTU

Granmèt la jouinn plézi-l nan ou.

Léktu liv profèt Izayi

62, 1-5

Poutèt Siyon mouin pap pé bouch mouin, épi poutèt Jérusalèm mouin pap rét trankil joutan moun kòrèk li-a soti tankou klèté, épi sovè-l la kléré tankou lanp.

Nasion yo ap ouè moun kòrèk ou-a, épi tout roua yo ap ouè gloua-ou la, y-ap rélé-l yon non nouvo, sé bouch Granmèt la k-ap nonmin-l. Ou-ap vi-n tounin yon kouròn gloua nan min Granmèt la, yon kouròn roua nan min Bondié-ou la.

Yo pap rélé-ou « Abandoné » ankò, épi tè-ou la yo pap rélé-l « Dézolé » ankò ; min y-ap rélé-ou « Volonté-m nan li », épi tè-ou la « Sa-a yo abité-a », paské Granmèt la jouinn plézi-l nan ou, épi y-ap abité nan péyi-ou la.

Jèn jan-an ap abité avèk vièj la, pitit ou yo ap abité nan ou, épou-a ap kontan poutèt épouz li-a, Bondié-ou la ap kontan poutèt ou.

Paròl Granmèt la.

PSÒM RÉPONS

Ps 88, 4-5. 16-17. 27 é 29 (R : cf. 2 a)

- R:** Mizérikòd ou yo, Granmèt, tout tan m-ap chanté yo.
- ⁴ « Mouin té pozé aliens pou sa-a mouin chouazi-a, mouin té fè sèman bay David, sèvitè-m nan :
- ⁵ Pou tout tan m-ap asiré désandans ou-a, m-ap drésé tro-n ou-an pou tout jénérasyon ». **R:**
- ¹⁶ Ala kontantman pou pèp la ki konn fè konpliman-an ; Granmèt, nan limiè fas ou y-ap maché,

- ¹⁷ o non-ou y-ap fété tout jounin,
nan jistis ou-a y-ap lévé tèt yo. **R**
- ²⁷ « Li minm l-ap rélé-m : “Papa-m, sé ou minm minm,
Bondié mouin, kachèt sovè m-sové-a”.
- ²⁹ Pou tout tan m-ap konsèvé misèrikòd mouin pou li,
ak aliens mouin-an byin fidèl pou li ». **R**

DÉZIÈM LÉKTU

Témouagnaj Pòl o sijè Kris la, Pitit David la.

Léktu Travay Apot yo

13, 16-17. 22-25

Lè Pòl té rivé Antiòch Pisidi, antan li lévé nan sinagòg la, épi li lonjé min-l pou-l mandé silans, li té di : « Mésié Israélit yo, épi nou minm ki krinn Bondié, kouté. Bondié pèp Israèl la té chouazi papa nou yo, li té lévé pèp la, lè yo té étranjé nan Éjip, épi avèk bra-l lévé byin ro li té fè yo soti nan péyi-a.

Apré sa, li mét David kanpé kòm roua pou yo, antan-l sèvi-l témouin, li té di : “Mouin té jouinn David, pitit Jésé-a, yon moun dapré kè-m, k-ap fè tout volonté-m yo”. Sé nan ras li, dapré promès la, Bondié té fè Jézu lévé kòm Sovè pou Israèl. Anvan-l té rivé-a, Jan té préché yon batèm pénitans pou tout pèp Israèl la. Lè Jan t-ap rivé nan bout chémin-l, li t-ap di : “Sa-a nou pansé mouin yé-a, sé pa sa mouin yé ; min, min l-ap vini apré-m, sa-a mouin pa mérité pou-m défèt lasèt sandal li-a” ».

Paròl Granmèt la.

ALÉLOUYA

- R**: Alélouya. Démin péché tè-a ap éfasé :
Sovè tè-a ap roua sou nou. **R**: Alélouya.

ÉVANJIL

Jénérasyon Jézu-Kri, Pitit David.

✠ Léktu sint Évanjil la dapré Matié

1, 1-25

Liv jénérasyon Jézu-Kri, pitit David, pitit Abraam.

Abraam té anfanté Izaak, Izaak minm té anfanté Jakòb, Jakòb minm té anfanté Juda ak frè-l yo, Juda minm té anfanté Farès ak Zara pa

lintèmediè Tamar, Farès minm té anfanté Ésròn, Ésròn minm té anfanté Aram, Aram minm té anfanté Aminadad, Aminadad minm té anfanté Naason, Naason minm té anfanté Salmon, Salmon minm té anfanté Bòz pa lintèmediè Raab, Bòz minm té anfanté Obèd sot nan Rut, Obèd minm té anfanté Jésé, Jésé minm té anfanté roua David.

Roua David minm té anfanté Salomon sot nan sa-a ki té madanm Uri-a. Salomon minm té anfanté Roboam, Roboam minm té anfanté Abia, Abia minm té anfanté Asa, Asa minm té anfanté Jozafat, Jozafat minm té anfanté Joram, Joram minm té anfanté Ozias, Ozias minm té anfanté Joatan, Joatan minm té anfanté Akaz, Akaz minm té anfanté Ézékias, Ézékias minm té anfanté Manasé, Manasé minm té anfanté Amòn, Amòn minm té anfanté Jozias, Jozias minm té anfanté Jékonias ak frè-l yo lè égzil Babilòn nan.

Apré égzil Babilòn nan, Jékonias té anfanté Salatièl, Salatièl minm té anfanté Zorobabèl, Zorobabèl minm té anfanté Abioud, Abioud minm té anfanté Éliasim, Éliasim minm té anfanté Azòr, Azòr minm té anfanté Sadòk, Sadòk minm té anfanté Akim, Akim minm té anfanté Élioud, Élioud minm té anfanté Éléazar, Éléazar minm té anfanté Matan, Matan minm té anfanté Jakòb.

Jakòb minm té anfanté Jozèf, mésié Mari-a, sa-a nan li Jézu té vi-n pran nésans la, li minm yo rélé Kris la.

Tout jénérasyon yo konsa sot nan Abraam jous nan David, katòz jénérasyon ; épi sot nan David jous nan égzil Babilòn nan, katòz jénérasyon ; épi sot nan égzil Babilòn nan jous nan Kris la, katòz jénérasyon.

Min kijan Jézu-Kri minm té pran nésans.

Lè manman-l Mari té fiancé avèk Jozèf, anvan yo té abité ansanm, rivé li té vi-n ansint pa pouvoua Éspri Sin-an. Jozèf minm, mari-l, kòm li té kòrèk, épi li pa-t vlé dénonse-l, li té vlé ranvouayé-l an kachèt.

Pandan li t-ap refléchi sou sa, min Anj Granmèt la té parèt dévan-l nan rèv, antan-l di : « Jozèf, pitit David, pa pè résévoua Mari, madanm ou-an : sa-k pran nésans nan li-a, réyèlman, sé nan Éspri Sin-an li soti. L-ap anfanté yon ti gason, épi ou-ap rélé non-l Jézu ; li minm réyèlman ap sové pèp li-a sot nan péché-l yo ».

Tou sa rivé pou paròl Granmèt la té di pa lintèmediè profèt la té akonpli : « Min vièj la ap vi-n ansint, épi l-ap anfanté yon ti gason ; épi y-ap rélé non-l Émanuèl, sa vlé di Bondié-avèk-nou ».

Antan Jozèf minm lévé sot nan dòmi, li té aji jan Anj Granmèt la té pasé lòd la, épi li té résévoua madanm li-an ; épi li pa-t gin rélasyon avèk li, joutan li té anfanté premié pitit gason-l nan, épi li té rélé non-l Jézu.

Paròl Granmèt la.

oubyin pi kout

Mari ap anfanté yon ti gason, ou-ap rélé non-l Jézu.

✠ Léktu sint Évanjil la dapré Matié

1, 18-25

Min kijan Jézu-Kri té fèt :

Lè manman-l Mari té fiancé avèk Jozèf, anvan yo té abité ansanm, rivé li té vi-n ansint pa pouvoua Éspri Sin-an ; Jozèf minm, mari-l, kòm li té kòrèk, épi li pa-t vlé dénonse-l, li té vlé ranvouayé-l an kachèt.

Pandan li t-ap réfléchi sou sa, min Anj Granmèt la té parèt dévan-l nan rèv, antan-l di : « Jozèf, pitit David, pa pè résévoua Mari, madanm ou-an : sa-k pran nésans nan li-a, réyèlman, sé nan Éspri Sin-an li soti. L-ap anfanté yon ti gason, épi ou-ap rélé non-l Jézu ; li minm réyèlman ap sové pèp li-a sot nan péché-l yo ».

Tou sa minm rivé pou paròl Granmèt la té di pa lintèmediè profèt la té akonpli antan-l di : « Min vièj la ap vi-n ansint, épi l-ap anfanté yon ti gason ; épi y-ap rélé non-l Émanuèl, sa vlé di Bondié avèk nou ».

Antan Jozèf lévé sot nan dòmi, li té aji jan Anj Granmèt la té pasé lòd la, li té résévoua madanm li-an ; épi li pa-t gin rélasyon avèk li, joutan li té anfanté premié pitit gason-l nan, épi li té rélé non-l Jézu.

Paròl Granmèt la.

Nan Mès yo ki sélébré nan jou Nésans Granmèt la, y-a sèvi avèk fòmil sa yo ki indiké isit la, avèk posibilite pou yo chouazi tèks ki pi adapté nan léktu yo ki soti nan youn nan toua Mès yo, dapré bézouin tèl ou tèl group.

Pou mès nan nuit la

PRÉMIÉ LÉKTU

Gin yon Pitit yo ba nou.

Léktu liv profèt Izayi

9, 1-6

Pèp la, ki t-ap maché nan fènoua-a, li té ouè yon gran limiè ; moun yo ki abité nan réjion lonbraj lanmò-a, yon limiè té lévé pou yo. Ou té fè nasion-an grosi, épi ou pa-t fè lajoua-a grandi. Y-ap kontan dévan-ou, tankou moun ki kontan nan rékòlt, tankou moun ki ranpòté viktoua k-ap fété, lè yo fi-n pran byin ènmi-an, lè y-ap séparé zam yo. Sèké jouk la ki t-ap pézé sou li-a, épi baton-an ki té sou zépòl li-a, épi bagèt moun ki t-ap fè-l pasé tray la, ou té krazé-l, tankou nan jou Madian-an.

Yon ti pitit, réyèlman, té fèt pou nou, yon ti gason yo té ba nou, péyi-roua-a té vi-n sou zépòl li, y-ap rélé non-l « Sa-a ki mérité konsidèrasion-an, Sa-a k-ap bay konsèy la, Bondié fò, Papa sièk tan k-ap vini yo, Prins lapè ». Péyi-roua-l la ap vi-n anpil, épi lapè-a pap gin finisman, sou tro-n David la ak sou péyi-roua-l la, l-ap instalé, pou-l asiré-l, épi pou-l ranfòsé-l nan jijman-an ak jistis la dépi koulié-a ak pou tout tan. Jalouzi Granmèt lamé yo ap fè sa.

Paròl Granmèt la.

PSÒM RÉPONS

Ps 95, 1-2 a. 2 b-3. 11-12. 13 (R: Lk 2, 11)

R: Jodi-a, yon Sovè fèt pou nou,
li minm ki Kris Granmèt la.

¹ Chanté pou Granmèt la yon kantik nouvo,
chanté pou Granmèt la, tout tè-a.

² Chanté pou Granmèt la, fè konpliman pou non-l. R:

Anonsé jou an jou sovè li sovè nou-an.

³ Anonsé gloua li nan pami nasion yo,
nan tout pèp yo mèvèy li yo. R:

¹¹ Sé pou sièl yo kontan, épi pou tè-a dansé,
sé pou lanmè-a sonnin ansanm ak tou sa-k plin-l nan ;

¹² jadin yo ap kontan ansanm ak tou sa ki nan yo.
Lè sa-a tout boua nan rak yo ap dansé. R:

- ¹³ Dévan fas Granmèt la, paské l-ap vini,
paské l-ap vini pou-l jijé tè-a.
L-ap jijé fas tè-a nan jistis
épi pèp yo nan vérité-l la. **R**

DÉZIÈM LÉKTU

Gras Bondié-a ap parèt dévan tout moun.

Léktu lèt apot sin Pòl pou Tit

2, 11-14

Gras Bondié Sovè nou-an té parèt dévan tout moun, antan li aprann nou pou antan nou rénonse péché-a, avèk anvè tè-a, nou viv yon fason réglé épi kòrèk épi sin nan tan sa-a, antan n-ap tann sint éspérans la avèk vini gloua gran Bondié ak Sovè nou Jézu-Kri ap vini-an, li minm ki té rinmèt tèt li pou nou-an, pou-l té kapab rachté nou sot nan tout péché, pou-l té kapab pròpté yon pèp ki fè-l plézi, ki cho pou fè bon aksion yo.

Paròl Granmèt la.

ALÉLOUYA

Lk 2, 10-11

R Alélouya. Mouin anonsé nou yon gran nouvèl :
yon Sovè fèt pou nou jodi-a, Kris Granmèt la. **R** Alélouya.

ÉVANJIL

Jodi-a yon Sovè fèt pou nou.

✠ Léktu sint Évanjil la dapré Luk

2, 1-14

Rivé, jou sa yo, té gin yon lòd Sézar Ogus pasé, pou fè résansman tout fas tè-a. Résansman sa-a sé premié sa-k té fèt pa lintèmédiè Sirinus préfè Siri-a. Tout moun t-apralé pou yo té fè résansé yo yo chak nan péyi pa yo.

Jozèf li minm tou té monté sot nan Galilé, sot nan vil Nazarèt la, al nan Judé, nan vil David la, sa yo té rélé Bétléèm nan, paské li té sot nan kay ak fanmiy David : pou-l té fè yo résansé-l ansanm avèk Mari, madanm li ki té ansint.

Rivé, donk, pandan yo té la, jou yo pou-l té akouché-a té rivé bout yo. Li té anfanté pitit li-a, premié pitit ; épi li té vlopé-l ak ti bann toul, épi li té mété-l kouché nan yon krèch, paské pa-t gin plas pou yo nan lotèl.

Té gin gadyin mouton nan réjion sa-a, ki t-ap véyé, épi ki t-ap pasé tout nannuit ap véyé sou bann mouton yo. Épi min Anj Granmèt la té kanpé bò koté yo, épi klèté Bondié té vlopé yo, épi yo té pè anpil. Épi Anj la té di yo : « Pa pè ; min mouin anonsé nou yon gran nouvèl, k-ap pou tout pèp la. Sèkè yon Sovè fèt pou nou jodi-a, sé Jézu-Kri Granmèt la, nan vil David la. Sa-a ap sèvi nou kòm sign : n-ap jouinn yon pitit vlopé nan bann toual, épi pozé nan yon krèch ». Minm lè-a yon foul lamé sièl la mété avèk Anj la, antan y-ap fè louanj Bondié, épi y-ap di :

« Viv Bondié nan anro nèt yo, épi sou tè-a lapè pou moun bòn volonté yo ».

Paròl Granmèt la.

Pou Mès granmatin

PRÉMIÉ LÉKTU

Min Sovè-ou la k-ap vini.

Léktu liv profèt Izayi

62, 11-12

Min Granmèt la fè tandé nouvèl nan bout tè-a :

« Di ti fi Siyon-an : Min Sovè-ou la k-ap vini, min rékonpans li avèk li, épi travay li dévan-l. Épi y-ap rélé yo : “Pèp sin”, “Sa Granmèt la rachté-a” ; kanta ou minm y-ap rélé-ou “Vil yo anvi-a épi yo pap abandoné-a” ».

Paròl Granmèt la.

PSÒM RÉPONS

Ps 96, 1 é 6. 11-12

℞ Limiè kléré jodi-a sou nou :
paské Granmèt la fèt pou nou.

¹ Granmèt la roua, tè-a dansé,
tout pakèt zilé yo kontan

⁶ Sièl yo ap anonsé jistis li-a,
épi tout .pèp yo ap ouè gloua li-a. ℞

¹¹ Limiè-a lèvé pou sa-k kòrèk la,
kè kontan pou kè ki douat yo.

¹² Sé pou nou kontan moun kòrèk yo, nan Granmèt la,
sé pou nou fè louanj mémoua sintété-l. **R**

DÉZIÈM LÉKTU

Dapré mizérikòd li, li té sovè nou.

Léktu lèt apot sin Pòl pou Tit

3, 4-7

Ou minm moun rinmin anpil la :

Lè bon kè Bondié Sovè nou-an té parèt, avèk jan-l sansib pou lézòm, sé pa sou aksion jistis nou fè li gadé, pou-l sovè nou, min sé mizérikòd li li konsidéré ki fè-l sovè nou, nan bingn ki réfè nou-an, ki fè nou vi-n tou nèf gras a Éspri Sin-an, Éspri sa-a li vidé nan nou k-ap débòdé-a, pa pouvoua Jezu-Kri Sovè nou-an ; pou nou vi-n kòrèk akòz gras li-a, pou nou vi-n éritié lavi tout tan-an dapré éspérans la.

Paròl Granmèt la.

ALÉLOUYA

Lk 2, 14

R Alélouya. Viv Bondié nan anro nèt la,
sou tè-a lapé pou moun ki gin bòn volonté yo. **R** Alélouya.

ÉVANJIL

Gadyin yo jouinn Mari avèk Jozèf, épi ti pitit la.

✠ Léktu sint Évanjil la dapré Luk

2, 15-20

Rivé lè Anj yo kité gadyin yo, épi yo pati nan sièl la, gadyin yo youn di lòt : « An nou travèsé jous Bétléèm, pou nou ouè paròl sa-a ki rivé-a, sa Granmèt la montré nou-an ». Yo rivé byin vit ; yo ouè Mari ak Jozèf, épi ti pitit la ki pozé nan koté zannimo yo konn manjé-a. Lè yo ouè sa, yo rakonté paròl yo té palé yo sou ti pitit sa-a.

Tout moun ki t-ap tandé yo, yo té sézi, osijè sa gadyin yo t-ap di yo-a. Mari minm t-ap konsèvé tout paròl sa yo, li t-ap kalkilé yo nan kè-l.

Gadyin yo tounin, y-ap fè konpliman ak louanj pou Bondié pou tou sa yo té tandé ak sa yo té ouè, dapré sa yo té di yo-a.

Paròl Granmèt la.

Pou Mès lajounin-an

PRÉMIÉ LÉKTU

Tout limit tè-a ap ouè sové Bondié sové nou-an.

Léktu liv profèt Izayi

52, 7-10

Ala bèl yo bèl sou mòn yo, pié moun k-ap anonsé bòn nouvèl la, k-ap préché lapè-a, k-ap anonsé byin-an, k-ap préché sové Bondié sové-a, k-ap di Siyon : « Bondié-ou la roua » ! Min voua santinèl ou yo : yo lévé voua yo, y-ap fè louanj ansanm, paské y-ap ouè jé nan jé lè Granmèt la ap tounin Siyon.

Fè kè nou kontan, fè louanj ansanm, dézè Jérusalèm yo, paské Granmèt la konsolé pèp li-a, li rachté Jérusalèm. Granmèt la drésé bra-l ki sin-an dévan jé tout nasion yo, tout limit tè-a ap ouè sové Bondié sové nou-an.

Paròl Granmèt la.

PSÒM RÉPONS

Ps 97, 1. 2-3 ab. 3 cd-4. 5-6 (R: 3 c)

R: Tout limit tè-a ap ouè sové Bondié sové nou-an.

- 1 Chanté yon kantik nouvo pou Granmèt la,
poutèt mèvèy li fè.
Nan min douat li li té sové pou li.
épi bra li ki sin-an. R:
- 2 Granmèt la fè konnin sové li sové-a,
dévan fas nasion yo li dévoualé jistis li-a.
- 3 Li sonjé mizérikòd li
ak vérité-l pou kay Israèl la. R:
- Tout limit tè-a ap ouè sové Bondié sové nou-an.
- 4 Bat bravo pou Bondié, tout tè-a,
éklaté, dansé, chanté. R:
- 5 Chanté pou Granmèt la sou gita,
sou gita ak son mizik ;
- 6 sou tronpèt ki dous ak son kòn,
fè konpliman dévan fas Granmèt la ki roua-a. R:

DÉZIÈM LÉKTU

Bondié palé avèk nou nan Pitit la.

Léktu lèt Ébré yo**1, 1-6**

Lontan, anpil foua ak anpil maniè, Bondié té palé ak zansèt yo nan profèt yo ; nan dènié jou sa yo, li palé avèk nou nan Pitit la. Sé li minm li instalé kòm éritié tout bagay, sé pa lintèmediè-l li té fè tan yo. Li minm ki klèté gloua li ak pòtré sa-l yé-a, li poté tout bagay ak paròl pouvoua-l la, li pròpté péché yo, li chita adouat gloua-a nan anro nèt la ; li gin pi gran plas pasé Anj yo, non li éritié-a pi gran anpil pasé pa yo-a.

Kilès nan Anj yo Bondié té di : « Sé Pitit mouin ou yé, mouin minm jodi-a mouin anfanté-ou » ? Épi tou : « M-ap yon papa pou li, li minm l-ap yon pitit pou mouin ». Épi, lè l-ap fè Prèmié Pitit la antré sou fas tè-a li di : « Sé pou tout Anj Bondié yo adoré-l ».

Paròl Grammèt la.

ALÉLOUYA

R: Alélouya. Yon jou ki sin kléré pou nou :
vini, nasion, adoré Grammèt la :
paské jodi-a yon gran limiè désann sou tè-a. **R:** Alélouya.

ÉVANJIL

Paròl la vi-n tounin moun, li abité nan nou.

✠ Kòmansman sint évanjil la dapré Jan**1, 1-18**

Nan kòmansman sé té Paròl la, Paròl la té kot Bondié, sé Bondié Paròl la té yé.

Li té kot Bondié nan kòmansman. Tout bagay té fèt pa lintèmediè-l, san li minm anyin pa-t fèt nan sa-k té fèt.

Nan li sé té lavi, lavi-a sé té limiè lézòm ; limiè-a kléré nan fènoua, fènoua yo pa vlopé-l.

Gin yon moun Bondié voyé, yo té rélé-l Jan. Li té vini nan témouagnaj, pou-l sèvi limiè-a témouin, pou tout moun té kapab kouè pa lintèmediè-l. Li pa-t limiè li minm, min sé pou-l té kapab sèvi limiè-a témouin.

Té gin vré limiè-a, sa-k kléré tout moun k-ap vi-n sou tè sa-a. Li té sou tè-a, sé pa lintèmediè-l tè-a fèt, min tè-a pa-t rékonèt li ; li vi-n lakay li, moun lakay li pa-t résévoua-l.

Min tout moun ki té résévoua-l, li ba yo pouvoua pou yo vi-n tounin pitit Bondié, yo minm ki kouè o non-l, ki pa fèt sot nan san yo, ni nan volonté chè-a, ni nan volonté gason, min ki fèt sot nan Bondié.

Paròl la vi-n tounin chè, li abité nan nou ; nou ouè gloua li, gloua tankou pa Sèl Pitit la ki sot nan Papa-a, plin gras ak vérité.

Jan sèvi-l témouin, li rélé byin fò, li di : « Sa-a, sé osijè-l mouin té di : “Sa-a k-ap vini apré-m nan, li pran plas dévan-m, paské li té la anvan-m” ».

Nan sa-l yé anplin-an, nou tout nou résévoua, épi gras pou gras. Sèké laloua-a yo té bay li pa lintèmediè Moyiz, gras la ak vérité-a minm sé pa lintèmediè Jézu-Kri li rivé.

Bondié, pèsòn pa janm ouè-l ; sèl Pitit la, ki nan vant Papa-a, li minm li montré-l.

Paròl Granmèt la.

oubyin pi kout

✠ Kòmansman sint évanjil la dapré Jan

1, 1-5. 9-14

Nan kòmansman sé té Paròl la, Paròl la té kot Bondié, sé Bondié Paròl la té yé.

Li té kot Bondié nan kòmansman. Tout bagay té fèt pa lintèmediè-l, san la minm anyin pa-t fèt nan sa-k té fèt.

Nan li sé té lavi, lavi-a sé té limiè lézòm ; limiè-a kléré nan fènoua, fènoua yo pa vlopé-l.

Sé té vré limiè-a, sa-k kléré tout moun k-ap vi-n sou tè sa-a. Li té sou tè-a, sé pa lintèmediè-l tè-a té fèt, min tè-a pa-t rékonèt li ; li vi-n lakay li, moun lakay li pa-t résévoua-l.

Min tout moun ki té résévoua-l, li ba yo pouvoua pou yo vi-n tounin pitit Bondié, yo minm ki kouè o non-l, ki pa fèt sot nan san yo, ni nan volonté chè-a, ni nan volonté gason, min ki fèt sot nan Bondié.

Paròl la vi-n tounin chè, li abité nan nou ; nou ouè gloua li, gloua tankou pa Sèl Pitit la ki sot nan Papa-a, plin gras ak vérité.

Paròl Granmèt la.

Dimanch anndan sémèn Nésans Granmèt la,
oubyin, si pa ginyin, jou 30 désanm nan

FANMI JÉZU, MARI AK JOZÈF KI SIN-AN

PRÉMIÉ LÉKTU

Moun ki respékté Granmèt la, li gin konsidérasion pou paran-l yo.

Léktu liv Sirasid

3, 3-7. 14-17 a

Bondié fè papa-a jouinn konsidérasion nan pitit yo, li asiré jijman manman-an sou pitit yo. Moun ki rinmin Bondié, l-ap jouinn padon pou péché yo, l-ap kinbé kò-l louin yo, nan priyè chak jou-l l-ap jouinn sa l-ap mandé-a. Épi, tankou moun k-ap ranmasé richès, sé konsa moun ki gin konsidérasion pou manman-l ; moun ki gin konsidérasion pou papa-l, l-ap jouinn kontantman nan pitit yo, jou priyè-l, l-ap jouinn sa-l mandé-a. Moun ki gin konsidérasion pou papa-l, l-ap viv lontan ; moun ki obéyi papa-a, l-ap rafréchi kè manman-an.

Pitit mouin, sipòté viyéès papa-ou, pa fè-l lapinn nan lavi-l ; épi si éspri-l fébli, padonnin-l, pa méprizé-l nan fòs ou-a ; yo pap bliyé charité ou fè papa-a ; nan plas péché manman-an sé byin y-ap rinmèt ou, y-ap bati-l pou ou nan jistis la.

Paròl Granmèt la.

PSÒM RÉPONS

Ps 127, 1-2. 3. 4-5 (R: cf. 1)

- R: Ala kontantman pou moun ki krinn Granmèt la,
k-ap maché nan chémin-l yo.
- 1 Ala kontantman pou tout moun ki krinn Granmèt la,
k-ap maché nan chémin-l yo.
 - 2 Sé travay min-ou ou-ap manjé,
ala kontantman pou ou, sa ap bon pou ou. R:
 - 3 Madanm ou tankou pié rézin ki byin donnin
sou miray lakay ou ;
pitit ou yo tankou jèn ti pié oliv
toutotou tab ou-a. R:
 - 4 Min sé konsa moun nan béni,
sa-k krinn Granmèt la.

- ⁵ Granmèt la ap béni-ou sot nan Siyon,
ou-ap ouè byin Jérusalèm yo
touléjou lavi-ou. **R:**

DÉZIÈM LÉKTU

Lavi fanmiy nan nan Granmèt la.

Léktu lèt apot sin Pòl pou Kolosyin yo

3, 12-21

Frè-m yo :

Tankou moun Bondié chouazi, ki sin, moun li rinmin, abiyé nou ak zantray mizérikòd, bon jan, santiman ki fè nou rabésé tèt nou, sinplisité, pasians, antan nou youn sipòté lòt, antan nou youn padonnin lòt, si youn gin yon ti kont pou-l réglé ak lòt la : tankou Granmèt la té padonnin nou, sé konsa pou nou fè nou minm tou. Épi anlè tout bagay, sé pou nou gin charité sa-a ki chinn nan, k-ap fè nou fi-n bon nèt la, sé pou lapè Kris la trésayi nan kè nou, sé pousa minm yo té rélé nou nan yon sèl kò, épi di Bondié mèsì.

Sé pou paròl Kris la abité nan nou an kantité, nan tout kalité sajès, sé pou youn bay lòt ansègnman, pou youn bay lòt avètisman avèk Psom, chanté sakré, kantik Éspri-a, sé pou nou chanté pou Bondié nan kè nou nan gras la. Tou sa n-ap fè nan paròl oubyin nan aksion, sé pou nou fè yo tout o non Granmèt Jézu-Kri, antan n-ap di Bondié Papa-a mèsì pa lintèmediè-l.

Médam yo, sé pou nou obéyi mari nou, jan sa doué fèt, nan Granmèt la. Mari yo, sé pou nou rinmin madanm nou, pa fè mové jan avèk yo. Ti moun yo, sé pou nou obéyi paran yo nan tout bagay ; sé sa ki fè Granmèt la plézi. Papa yo, pa éksité pitit nou yo, pou nou pa dékourajé yo.

Paròl Granmèt la.

ALÉLOUYA

Kol 3, 15 a. 16 a

R: Alélouya. Sé pou lapè Kris la nan kè nou ;
sé pou paròl Kris la abité nan nou an kantité. **R:** Alélouya.

ÉVANJIL

Ané A

Pran pitit la ak manman-l, sové kò-ou nan Éjip.

✠ **Léktu sint Évanjil la dapré Matié** 2, 13-15. 19-23

Lè Maj yo tounin, min Anj Granmèt la parèt nan rèv dévan Jozèf, li di : « Lévé, pran pitit la ak manman-l, sové kò-ou nan Éjip ; rété laba-a joustan m-a di-ou : sèké Éròd apral chèché pitit la pou-l touyé-l ». Li lévé, li pran pitit la ak manman-l nan nuit la, li pati nan Éjip. Li té rété laba-a joustan Éròd mouri, pou sa Granmèt la té di pa lintèmediè Profèt la té kapab réalisé : « Mouin rélé pitit mouin-an sot Éjip ».

Lè Éròd fi-n mouri, min Anj Granmèt la parèt nan rèv dévan Jozèf nan Éjip la, li di : « Lévé, pran pitit la ak manman-l, al nan péyi Israël la, sèké yo mouri, sa yo ki t-ap chèché lavi pitit la ». Li lévé, li pran pitit la ak manman-l, li rivé nan péyi Israël.

Lè-l tandé sé Arkélaous ki t-ap kòmandé nan Judé nan plas Éròd papa-l, li pè al la ; li jouinn avètisman nan rèv, li pati nan réjion Galilé yo. Lè-l rivé, li abité nan yon vil yo rélé Nazarèt, pou sa Bondié té di pa lintèmediè Profèt yo té kapab réalisé : « Y-ap rélé-l Nazaréyin ».

Paròl Granmèt la.

Ané B

Pitit la t-ap dévlopé, plin sajès.

✠ **Léktu sint Évanjil la dapré Luk** 2, 22-40

Lè jou purifikasion li fi-n réalisé dapré laloua Moyiz la, paran Jézu yo poté-l Jérusalèm, pou yo prezanté-l bay Granmèt la, jan sa ékri nan laloua Granmèt la : « Tout gason ki premié soti nan vant, y-ap rélé-l sin pou Granmèt la » ; épi pou yo ofri sakrifis dapré sa-yo ékri nan laloua Granmèt la : « yon pè toutrèl oubyin dé ti pitit kolonb yo ».

Té gin yon mésié nan Jérusalèm, yo té rélé non-l Siméyon ; mésié sa-a té kòrèk, li té krinn Bondié, li t-ap tann konsolasion Israël la, Éspri Sin-an té nan li. Li té jouinn répons sot nan Éspri Sin-an li pa t-ap ouè lanmò, anvan-l té ouè Kris Granmèt la.

Li rivé nan Tanp la nan Éspri-a ; pandan paran Jézu yo t-ap antré avèk li pou yo réalizé sa laloua-a té mandé pou li-a, li résévoua-l nan min-l, li fè konpliman pou Bondié, li di :

« Koulié-a, Granmèt, ou mèt ranvouayé sèvitè-ou la nan lapè : paské jé-m ouè sovè ou sovè nou-an, sa-ou té paré dévan fas tout pèp yo : limiè pou révélasion nasion yo, épi gloua pèp ou-a Israël ».

Papa-l ak manman-l té sézi poutèt sa yo t-ap di osijè-l la. Siméyon béni yo ; li di Mari, manman-l : « Min sa-a instalé pou lanmò ak rézireksion anpil moun nan Israël, nan sign k-ap sèvi kontradiksion (kanta pou nanm ou minm, yon épé ap travèsé-l) pou pansé ki nan kè anpil moun dévoualé ».

Té gin A-n, madanm ki profèt la, pitit fi Fanouèl la, nan ras Asèr la ; li té granmoun anpil, li té viv avèk mari-l pandan sèt ané dépi li té vièj. Épi li minm li té rét vèv jous nan katrévin-katran ; li pa-t kité Tanp la, li t-ap sèvi Bondié nan jén ak lapriyè lannuit ak lajounin. Nan minm lè sa-a, li vi-n rivé tou, l-ap fè louanj Granmèt la, l-ap palé osijè-l avèk tout moun ki t-ap tann rédanmsion Israël la.

Lè yo fi-n réglé tout bagay dapré laloua Granmèt la, yo tounin nan Galilé, nan vil yo-a Nazarèt.

Kanta pitit la minm li t-ap dévlopé, li t-ap vi-n gin plis fòs, li té plin ak sajès, gras Bondié-a té nan li.

Paròl Granmèt la.

oubyin pi kout

✠ Léktu sint Évanjil la dapré Luk

2, 22. 39-40

Lè jou purifikasion li fi-n réalizé dapré laloua Moyiz la, paran Jézu yo poté-l Jérusalèm, pou yo prezanté-l bay Granmèt la.

Lè yo fi-n réglé tout bagay dapré laloua Granmèt la, yo tounin nan Galilé, nan vil yo-a Nazarèt.

Kanta pitit la minm li t-ap dévlopé, li t-ap vi-n gin plis fòs, li té plin ak sajès ; gras Bondié-a té nan li.

Ané C*Paran Jézu yo jouinn li nan mitan savan yo.***✠ Léktu sint Évanjil la dapré Luk 2, 41-52**

Chak ané paran Jézu yo té konn al Jérusalèm pou fèt Pak la. Lè Jézu vi-n gin douzan, yo monté Jérusalèm, jan yo té konn abitué fè-a pou jou fèt la ; lè yo tounin, ti Jézu té rét Jérusalèm, san paran-l yo pa-t konnin. Yo té konprann li té nan pami vouayajè yo, yo maché pandan yon jounin ; yo chèché-l nan pami fanmi ak zanmi. Yo pa jouinn li, yo tounin Jérusalèm ap chèché-l.

Apré toua jou, yo jouinn li nan Tanp la, li té chita nan mitan savan yo, li t-ap kouté, li t-ap pozé yo késion. Tout moun ki t-ap kouté-l té sézi poutèt intélijans ak répons li. Lè yo ouè-l, yo sézi.

Manman-l di-l : « Pitit, ki sa-ou fè nou konsa-a ? Gadé, papa-ou avèk mouin minm, nou t-ap chèché-ou ak kè-n séré ».

Li di yo : « Pouki rézon nou t-ap chèché-m ? Èské nou pa-t konnin sé nan afè Papa-m mouin gin pou-m rété » ?

Yo minm yo pa-t konprann paròl li t-ap palé ak yo-a.

Li désann avèk yo, li vi-n Nazarèt ; li té rét obéyisan vizavi yo. Kanta manman-l, li t-ap konsèvé tout paròl sa yo nan kè-l.

Jézu minm t-ap fè progrè nan sajès ak nan laj ak nan gras dévan Bondié ak lézòm.

Paròl Granmèt la.

Si yo vlé, pou ané B :

PRÉMIÉ LÉKTU*Sa-a k-ap soti nan vant ou-a, sé li minm ou-ap ginyin kòm éritié***Léktu liv Jénèz la 15, 1-6 ; 21, 1-3**

Jou sa yo :

Paròl Granmèt la rivé kot Abram nan yon vizion, li di : « Pa pè, Abram : Mouin sé protéksion-ou, rékonpans ou ap gran anpil ».

Abram di : « Granmèt Bondié, ki sa ou-ap ban mouin ? M-apralé san pitit, éritié kay mouin-an ap Élièzèr moun Damas la ». Abram di ankò :

« Kanta mouin minm ou pa ban-m désandans ; min sé yon ésklav k-ap éritié-m ».

Minm lè-a paròl Granmèt la rivé koté-l, li di : « Sé pa sa-a k-ap éritié-ou, min sé sa-a k-ap soti nan vant ou-a, sé li minm ou-ap ginyin kòm éritié ».

Li kondui-l, déyò, li di-l : « Gadé sièl la, konté zétoual yo, si-ou kapab ». Li di-l : « Sé konsa désandans ou ap yé ». Abram kouè nan Bondié, li konté sa pou li kòm jistis.

Granmèt la minm vizité Sara, jan-l té promèt la, li akonpli pou Sara sa-l té di-a ; li vi-n ansint, li anfanté pou Abraam yon ti gason nan viyéyès li-a nan tan Bondié té prédi-l la. Pitit li-a Sara anfanté ba li-a, Abraam rélé non-l Izaak.

Paròl Granmèt la.

PSÒM RÉPONS

Ps 104, 1 b-2. 3-4. 5-6. 8-9 (R : 7 a. 8 a)

- R: Sé li minm Granmèt Bondié nou ;
li sonjé aliens li-a pou tout tan.
- 1 Fè louanj Granmèt la, rélé non-l,
anonsé travay li nan pami nasion yo.
- 2 Chanté pou li, joué mizik pou li,
kalkilé sou tout mèvèy li yo. R:
- 3 Fè louanj non-l ki sin-an,
sé pou kè moun yo k-ap chèché Granmèt la kontan.
- 4 Chèché Granmèt la ak pouvoua-l,
chèché fas li tout tan. R:
- 5 Sonjé mèvèy li fè yo,
prodij li ak jijman bouch li.
- 6 Ras Abraam, sèvitè-l,
pitit Jakòb, sa-a li chouazi-a. R:
- 8 Li sonjé aliens li-a tout tan,
paròl li té kòmandé bay mil jénérasyon yo,
- 9 sa-l té pasé avèk Abraam nan,
sèman li té fè bay Izaak la. R:

DÉZIÈM LÉKTU

*Lafoua Abraam, Sara ak Izaak.***Léktu lèt pou Ébré yo**

11, 8. 11-12. 17-19

Frè-m yo :

Gras a lafoua, Abraam obéyi sa-a ki té rélé-l la pou-l pati nan yon koté li té gin pou-l résevoua kòm éritaj, li pati san-l pa konnin ki koté l-apralé.

Gras a lafoua, ata Sara ki stéril résevoua pouvoua pou-l gin pitit nan vant, malgré laj granmoun li, paské li té kouè sa-a ki té promèt la li té fidèl ; sé poua nan yon sèl moun ki déjà tou mouri sé tankou zétoual sièl la an kantité ki fèt, épi tankou sab ki sou bò lanmè, sa yo pa kapab konté.

Gras a lafoua, Abraam ofri Izaak, lè Bondié fè-l bay prèv li-a ; li ofri sèl pitit li-a, li minm ki té résevoua promès yo, li minm yo té di-l : « Sé pa lantrémiz Izaak y-ap rélé-ou yon ras » ; li té konsidéré Bondié gin pouvoua ata pou-l résisité moun sot nan pami mò yo, sé poua li tounin jouinn pitit la, é sa sé té yon parabòl.

Paròl Granmèt la.

ALÉLOUYA

Ébré 1, 1-2

℞ Alélouya. Anpil fason lontan Bondié té palé ak papa nou yo nan profèt yo, alafin nan jou sa yo li palé ak nou nan Pitit li-a. ℞ Alélouya.

ÉVANJIL

Tankou pi ro-a pou Ané B, cf. p. 167.

Si yo vlé, pou ané C :

PRÉMIÉ LÉKTU

*Samuèl, pou tout jou yo pandan l-ap viv la, l-ap sa yo mandé pou Granmèt la.***Léktu prémié liv Samuèl**

1, 20-22. 24-28

Rivé apré kantité jou yo, A-n vi-n ansint, li anfanté yon ti gason, li rélé non-l Samuèl, poutèt sé Granmèt la li té mandé-l.

Mésié-a, Èlkana monté ak tout kay li-a pou-l ofri bay Granmèt la sakrifis li konn fè chak ané-a épi vé li. Min A-n pa monté ; li di mari-l réyèlman : « Mouin pap alé, joutan pitit la sévré, m-a minnin-l, l-a parèt dévan fas Granmèt la, la rété la tout tan.

A-n té minnin Samuèl avèk li, apré l-té fi-n sévré-l, ansanm avèk yon toro touazan, toua mamit fari-n ak yon galon divin ; li té minnin-l nan kay Granmèt la nan Silo. Ti pitit la minm té tou piti toujou. Yo sakrifié toro-a, yo ofri pitit la bay Éli.

A-n té di : « Tanpri, mèt mouin, sé pou nanm ou viv, mèt ; mouin sé madanm sa-a, ki té kanpé dévan-ou nan, isit la antan mouin t-ap priyé Granmèt la. Sé pou pitit sa-a mouin t-ap priyé, Granmèt la té ban-m sa-m té mandé-l la. Sé pou sa mouin minm tou mouin rinmèt li bay Granmèt la pou tout jou-l yo, l-ap toujou rété pou Granmèt la ».

Yo adoré Granmèt la, la.

Paròl Granmèt la.

PSÒM RÉPONS

Ps 83, 2-3. 5-6. 9-10 (R: cf. 5 a)

- R: Ala kontantman pou moun ki abité nan kay ou-a, Granmèt !
- 2 Ala rinmin yo mérité yo rinmin yo, tant ou yo, Granmèt puisans yo !
- 3 Nanm mouin anvì, l-ap dépéri pou kay Granmèt la.
Kè-m ak chè-m ap dansé pou Bondié vivan-an. R:
- 5 Ala kontantman pou moun ki abité nan kay ou-a,
pou tout tan y-ap fè louanj ou.
lotèl ou yo, Granmèt lamé yo, roua-m ak Bondié-m.
- 6 Ala kontantman pou moun sa-a ki jouinn sékou-l nan ou-a,
li dispozé monté yo nan kè-l. R:
- 9 Granmèt, Bondié puisans yo, kouté priyé-m ;
panché zòrèy ou, Bondié Jakòb.
- 10 Protéktè nou, gadé, Bondié,
voyé jé sou fas Kris ou-a. R:

DÉZIÈM LÉKTU

Yo rélé nou pitit Bondié épi sé sa minm nou yé !

Léktu prémié lèt apot sin Jan**3, 1-2. 21-24**

Nou minm mouin rinmin anpil la :

Gadé ki kalité rinmin Papa-a ba nou, joutan yo rélé nou pitit Bondié épi sé sa minm nou yé ! Sé pou sa tè-a pa konnin nou, paské nou konnin-l.

Nou minm mouin rinmin anpil la, koulié-a nou sé pitit Bondié, sa n-ap yé-a pa ko parèt. Nou konnin lè l-ap parèt, n-ap sanblé avèk li, paské n-ap ouè-l jan-l yé-a.

Nou minm mouin rinmin anpil la, si kè nou pa fè nou répròch, nou gin asirans kot Bondié ; ninpòt sa nou mandé, n-ap résévoua-l nan min-l, paské nou kinbé kòmandman-l yo, épi nou fè sa-k fè-l plézi dévan-l.

Min kòmandman-l, sé pou nou kouè o non Pitit li-a Jézu-Kri, épi pou nou youn rinmin lòt, jan-l té pasé nou lòd la. Moun ki kinbé kòmandman-l yo, li rét nan li épi li minm tou li rét nan moun sa-a ; sé konsa nou konnin li rété nan nou, sé gras a Éspri-a li ba nou-an.

Paròl Granmèt la.

ALÉLOUYA

Cf. Tr 16, 14 b

℟: Alélouya. Granmèt, louvri kè nou,
pou nou fè atansyon nan paròl Pitit ou-a. ℟: Alélouya.

ÉVANJIL

Tankou pi ro-a pou Ané C, cf. p. 169.

Lè, poutèt pa gin dimanch dépi 25 désanm jous prémié janvié, fèt sa-a tonbé 30 désanm, anvan Évanjil la yo li yon sèl léktu.

29 désanm

5èm jou anndan sèmèn Nésans Granmèt la**PRÉMIÉ LÉKTU***Moun ki rinmin frè-l, li rété nan limiè.***Léktu prémié lèt apot sin Jan****2, 3-11**

Nou minm mouin rinmin anpil la :

Min kijan nou konnin nou rékonèt Jézu, sé si nou obsèvé kòmandman-l yo. Moun ki di li konnin-l épi li pa kinbé kòmandman-l yo, li sé mantè, vérité-a pa nan li. Min moun ki kinbé paròl li, charité Bondié-a kòrèk nèt nan li, sé konsa nou konnin nou nan li. Moun ki di li rété nan li, sé jan-l maché-a pou li minm tou li maché.

Nou minm mouin rinmin anpil la, sé pa yon kòmandman nouvo mouin ékri nou, min sé yon kòmandman ansyin, sa nou té ginyin dépi kòmansman-an : kòmandman ansyin-an sé paròl la nou té tandé-a. Mouin tounin di nou sa ankò, sé yon kòmandman nouvo mouin ékri nou, li vré ni nan li ni nan nou, sèké fènoua yo pati, vré limiè-a déja ap kléré.

Moun ki di li nan limiè, épi ki rayi frè-l, li nan fènoua jous koulié-a. Moun ki rinmin frè-l li rété nan limiè, pa gin baryè nan li. Min moun ki rayi frè-l, li nan fènoua, l-ap maché nan fènoua, li pa konn koté l-apralé, paské fènoua yo fèmin jé-l.

Paròl Granmèt la.

PSÒM RÉPONS**Ps 95, 1-2 a. 2 b-3. 5 b-6 (R: 11 a)****R:** Sé pou sièl yo kontan, pou tè-a fété.

¹ Chanté pou Granmèt la yon kantik nouvo,
chanté pou Granmèt la, tout tè-a.

² Chanté pou Granmèt la,
fè konpliman pou li. **R:**

Anonsé jou an jou sovè li sovè nou-an.

³ Anonsé gloua li pou nasion yo,
nan tout pèp yo mèvèy li yo. **R:**

- ⁵ Min sé Granmèt la ki fè sièl yo.
⁶ Grandè ak bèlté dévan fas li,
 pouvoua ak dékoration nan tanp li ki sin-an. **R**

ALÉLOUYA**Lk 2, 32**

R Alélouya. Limiè pou révélation nasion yo,
 épi gloua pèp ou-a Israël. **R** Alélouya.

Nan plas vèsè anvan Évanjil la, sa yo prezanté pou chak jou yo, yo kapab sèvi ak yon lòt nan sa yo ki pi louin yo, p. 194.

ÉVANJIL*Limiè pou révélation nasion yo.***✠ Léktu sint Évanjil la dapré Luk****2, 22-35**

Lè jou purifikasyon li fi-n réyalizé dapré laloua Moyiz la, paran Jézu yo poté-l Jérusalèm, pou yo prezanté-l bay Granmèt la, jan sa ékri nan laloua Granmèt la : « Tout gason ki premié soti nan vant, y-ap rélé-l sin pou Granmèt la » épi pou yo ofri sakrifis dapré sa-k ékri nan laloua Granmèt la : « yon pè toutrèl oubyin dé ti toutrèl ».

Té gin yon mesié nan Jérusalèm, yo té rélé non-l Siméyon ; mesié sa-a té kòrèk, li té krinn Bondié, li t-ap tann konsolation Israël la, Éspri Sin-an té nan li. Éspri Sin-an té ba-l répons, li té di-l li pa t-ap ouè lanmò, anvan-l ouè Kris Granmèt la.

Li rivé nan Tanp la nan Éspri-a ; pandan paran Jézu yo t-ap antré avèk li pou yo réyalizé sa laloua-a té mandé pou li-a, li résévoua-l nan min-l, li fè konpliman pou Bondié, li di :

« Koulié-a ou mèt ranvouayé sèvitè-ou la, Granmèt, dapré paròl ou-a nan lapè, paské jé-m ouè sovè ou-ap sovè nou-an, sa-ou té paré dévan fas tout pèp yo : limiè pou révélation nasion yo, épi gloua pèp ou-a Israël ».

Papa-l ak manman-l té sézi poutèt sa yo t-ap di osijè-l la. Siméyon béni yo ; li di Mari, manman-l : « Min sa-a instalé pou lanmò ak rézireksion anpil moun nan Israël, nan sign k-ap sèvi kontradiksion (kanta pou nanm ou minm, yon épé ap travèsè-l) pou pansé ki nan kè anpil moun dévoualé ».

Paròl Granmèt la.

30 désanm

6èm jou anndan sémèn Nésans Granmèt la

Lè pa gin dimanch anndan sémèn Nésans Granmèt la, sé jodi-a yo fété Fanmi Jézu, Mari ak Jozèf ki sin-an, p. 165.

PRÉMIÉ LÉKTU

Moun ki fè volonté Bondié, li diré tout tan.

Léktu prémié lèt apot sin Jan

2, 12-17

Mouin ékri nou, ti pitit mouin yo, paské péché nou yo padonnin poutèt non-l. Mouin ékri nou, papa yo, paské nou konnin sa-a ki la dépi nan kòmansman-an. Mouin ékri nou, jèn jan yo, paské nou ranpòté viktoua sou mové-a. Mouin ékri nou, timoun yo, paské nou konnin Papa-a. Mouin ékri nou, jèn jan yo, paské nou gin fòs, épi paròl Bondié-a rété nan nou, épi nou ranpòté viktoua sou mové-a.

Pa rinmin tè-a, ni bagay ki sou tè-a. Si yon moun rinmin tè-a, charité Papa-a pa nan li. Sèké tout bagay ki sou tè-a sé mové atirans chè-a, avèk mové atirans jé yo, avèk logèy lavi-a ; sa pa vi-n sot nan Papa-a, min sé nan tè-a li soti. Tè-a ap pasé, ni mové atirans li-a ; min moun ki fè volonté Bondié-a l-ap diré tout tan.

Paròl Granmèt la.

PSÒM RÉPONS

Ps 95, 7-8 a. 8 b-9. 10 (R: 11 a)

- R: Sé pou sièl yo kontan, pou tè-a fété.
- 7 Poté bay Granmèt la, fanmi pèp yo,
poté bay Granmèt la gloua ak pouvoua,
- 8 poté bay Granmèt la gloua non-l. R:
- Poté sakrifis, antré nan lakou-l yo,
- 9 adoré Granmèt la nan bèlté-l ki sin-an.
Tranblé dévan fas li, tout tè-a. R:
- 10 Di nan nasion : « Granmèt la roua ».
L-ap drésé fas tè-a pou-l pa souké ;
l-ap jijé pèp yo nan jistis. R:

ALÉLOUYA

R: Alélouya. Yon jou ki sin kléré pou nou :
vini, nasion yo, adoré Granmèt la :
paské jodi-a yon gran limiè désann sou tè-a. R: Alélouya.

ÉVANJIL

Li t-ap palé osijè-l ak tout moun yo ki t-ap tann rédanmsion Israèl la.

✠ **Léktu sint Évanjil la dapré Luk** 2, 36-40

Lè sa-a :

Té gin A-n, madanm ki profèt la, pitit fi Fanouèl la, nan ras Asèr la ; li té granmoun anpil, li té viv avèk mari-l pandan sèt ané dépi li té vièj. Li té rét vèw jous nan katrévin-katran, li pa-t kité Tanp la, li t-ap sèvi Bondié nan jén ak lapriyè lannuit ak lajounin. Nan minm lè sa-a, li vi-n rivé tou, l-ap fè louanj Granmèt la, l-ap palé osijè-l avèk tout moun ki t-ap tann rédanmsion Israèl la.

Lè yo fi-n réglé tout bagay dapré laloua Granmèt la, yo tounin nan Galilé, nan vil yo-a Nazarèt.

Kanta pitit la minm li t-ap dévlopé, li t-ap gin plis fòs, li té plin ak sajès, gras Bondié-a té nan li.

Paròl Granmèt la.

31 désann

7èm jou anndan sémèn Nésans Granmèt la

PRÉMIÉ LÉKTU

*Nou gin konsékrasion-an nan min Éspri-a,
nou konnin tout bagay.*

Léktu prémié lèt apot sin Jan 2, 18-21

Ti Pitit mouin yo, dènié lè-a rivé ; jan nou té tandé-a, Antikris la rivé, koulié-a gin anpil ki vi-n tounin Antikris ; sé pousa nou konnin dènié lè-a rivé. Sé nan nou yo soti, min yo pa-t disip nou ; paské, si yo té disip nou, yo t-a rété avèk nou sètin ; min sé pou yo kapab parèt klè sé pa disip nou yo té yé.

Min nou minm nou gin konsékrasyon-an ki sot nan Sin-an, épi nou konnin tout bagay. Mouin pa ékri nou paské nou pa konnin vérité-a, min antan nou konnin-l, épi paské okinn manti pa sot nan vérité-a.

Paròl Granmèt la.

PSÒM RÉPONS

Ps 95, 1-2. 11-12. 13 (R: 11 a)

R: Sé pou sièl yo kontan, pou tè-a fété.

¹ Chanté pou Granmèt la yon kantik nouvo,
chanté pou Granmèt la, tout tè-a.

² Chanté pou Granmèt la, fè konpliman pou li. **R:**

¹¹ Sé pou sièl yo kontan, pou tè-a fété,
pou lanmè-a sonnin ansanm ak tou sa-k plin-l,
¹² jadin yo ap kontan ansanm ak tou sa ki nan yo.
Lè sa-a tout boua nan rak yo ap fété. **R:**

¹³ Dévan fas Granmèt la, paské l-ap vini,
paské l-ap vini pou-l jijé tè-a.
L-ap jijé fas tè-a nan jistis,
épi pèp yo nan vérité-l. **R:**

ALÉLOUYA

Jan 1, 14 a. 12 a

R: Alélouya. Paròl la vi-n tounin chè, li abité nan nou.
Tout moun ki résévoua-l,
li ba yo pouvoua pou yo vi-n tounin pitit Bondié. **R:** Alélouya.

ÉVANJIL

Paròl la vi-n tounin chè.

✠ Kòmansman sint évanjil la dapré Jan

1, 1-18

Nan kòmansman sé té Paròl la, Paròl la té kot Bondié, sé Bondié Paròl la té yé.

Li té kot Bondié nan kòmansman. Tout bagay té fèt pa lintèmediè-l, san li minm anyin pa-t fèt nan sa-k té fèt.

Nan li sé té lavi, lavi-a sé té limiè lézòm ; limiè-a kléré nan fènoua, fènoua yo pa vlopé-l.

Gin yon moun Bondié voyé, yo té rélé-l Jan. Li té vini nan témouagnaj, pou-l sèvi limiè-a témouin, pou tout moun té kapab kouè pa lintèmediè-l. Li pa-t limiè li minm, min sé pou-l té kapab sèvi limiè-a témouin.

Té gin vré limiè-a, sa-k kléré tout moun k-ap vi-n sou tè sa-a. Li té sou tè-a, sé pa lintèmediè-l tè-a té fèt, min tè-a pa-t rékonèt li ; li vi-n lakay li, moun lakay li pa-t résévoua-l.

Min tout moun ki té résévoua-l, li ba yo pouvoua pou yo vi-n tounin pitit Bondié, yo minm ki kouè o non-l, ki pa fèt sot nan san yo, ni nan volonté chè-a, ni nan volonté gason, min ki fèt sot nan Bondié.

Paròl la vi-n tounin chè, li abité nan nou ; nou ouè gloua li, gloua tankou pa Sèl Pitit la ki sot nan Papa-a, plin gras ak vérité.

Jan sèvi-l témouin, li rélé byin fò, li di : « Sa-a, sé osijè-l mouin té di : “Sa-a k-ap vini apré-m nan, li plasé anvan-m, paské li té la anvan-m” ».

Nan sa-l plin-an, nou tout nou résévoua, épi gras pou gras. Sèké laloua-a yo té bay li pa lintèmediè Moyiz, gras la ak vérité-a minm sé pa lintèmediè Jézu-Kri li rivé.

Bondié, pèsòn pa janm ouè-l ; sèl Pitit la, ki nan vant Papa-a, li minm li montré-l.

Paròl Granmèt la.

Prémié janvié
Uitièm jou Nésans Granmèt la
GRAN FÈT SINT MARI MANMAN BONDIÉ

PRÉMIÉ LÉKTU

*Y-ap priyé non-m sou pitit Israèl yo,
épi mouin minm m-ap béni yo.*

Léktu liv Nonb

6, 22-27

Granmèt la palé ak Moyiz, li di : « Palé ak Aaron ak pitit li yo : Min kijan n-a béni pitit Israèl yo, n-a di yo :

“Sé pou Granmèt la béni-ou, sé pou-l konsèvé-ou ; sé pou Granmèt la montré-ou fas li, pou-l pran pitié pou ou. Sé pou Granmèt la viré figi-l ba ou pou-l ba-ou lapè”.

Y-ap priyé non-m sou pitit Israèl yo, épi mouin minm m-ap béni yo ». Paròl Granmèt la.

PSÒM RÉPONS

Ps 66, 2-3. 5. 6 é 8 (R : 2 a)

- R** Sé pou Bondié pran pitié pou nou, sé pou-l béni nou.
- 2** Sé pou Bondié pran pitié pou nou, sé pou-l béni nou ;
sé pou-l fè figi-l kléré sou nou.
- 3** Sé pou yo rékonèt chémin-ou yo sou tè-a,
sové ou sové nou-an nan tout nasion yo. **R**
- 5** Sé pou nasion yo kontan,
sé pou yo dansé,
paské ou jijé pèp yo yon jan ki kòrèk,
ou dirijé nasion yo sou tè-a. **R**
- 6** Sé pou pèp yo fè louanj ou, Bondié,
sé pou tout pèp yo fè louanj ou.
- 8** Sé pou Bondié nou-an béni ou,
sé pou tout limit tè-a respékté-l. **R**

DÉZIÈM LÉKTU

Bondié voyé Pitit li-a, ki fèt sot nan madanm nan.

Léktu lèt apot sin Pòl pou Galat yo

4, 4-7

Frè-m yo :

Lè tan-an rivé bout li, Bondié voyé Pitit li-a ki fèt sot nan madanm nan, ki fèt anba laloua-a, pou sa yo ki té anba laloua-a, li té kapab rachté yo, pou nou té kapab vi-n tounin pitit adoptif. Laprèw nou sé pitit, sèké Bondié voyé Éspri Pitit li-a nan kè nou, l-ap rélé : « Aba. Papa ». Konsa pa gin ésklav ankò, min sé pitit ki ginyin. Si sé pitit, sé éritié gras a Bondié.

Paròl Granmèt la.

ALÉLOUYA

Ébr 1, 1-2

✠ Alélouya. Anpil fousa lontan Bondié té konn palé ak papa yo
pou lintèmédiè profèt yo,
nan dènié jou sa yo, li palé ak nou nan Pitit la. ✠ Alélouya.

ÉVANJIL

*Yo jouinn Mari ak Jozèf ak ti pitit la.
Apré uitièm jou-a, yo rélé non-l Jézu.*

✠ Léktu sint Évanjil la dapré Luk

2, 16-21

Lè sa-a :

Gadyin-mouton yo rivé byin vit jous Bétlèèm, yo jouinn Mari ak Jozèf, épi ti pitit la ki pozé nan krèch la. Lè yo ouè sa, yo anonsé paròl la yo té di yo osijè ti pitit sa-a. Tout moun ki t-ap tandé yo té sézi osijè sa gadyin-mouton yo t-ap di yo-a. Kanta Mari, li t-ap konsèvé tout paròl sa yo, antan l-ap kalkilé yo nan kè-l. Gadyin-mouton yo tounin, y-ap fè konpliman ak louanj pou Bondié pou tou sa yo té tandé ak sa yo té ouè, dapré sa yo té di yo-a.

Lè ui jou yo fi-n pasé, pou yo fè sikonsizyon ti pitit la, yo rélé non-l Jézu, non sa-a Anj la té bay la, avan li té fèt nan vant.

Paròl Granmèt la.

DÉZIÈM DIMANCH APRÉ NÉSANS GRANMÈT LA

PRÉMIÉ LÉKTU

Sajès Bondié-a abité nan pèp li chouazi-a.

Léktu liv Sirasid

24, 1-4. 12-16

Sajès la ap fè louanj pròp tèt li, l-ap jouinn konsidérasion-l nan Bondié, nan mitan pèp li-a l-ap lévé tèt li ; nan Asanblé Sa-a ki anro nèt la, l-ap louvri bouch li ; dévan fas pouvoua-l, l-ap lévé tèt li ; nan mitan pèp li-a l-ap lévé anlè ; nan foul sin yo, y-ap konsidéré-l ; nan foul sa yo ki chouazi yo, l-ap jouinn louanj, nan mitan sa yo ki béni yo l-ap jouinn bénédiksion.

Sa-a ki kréyé tout bagay la, li pasé-m lòd, li di-m, sa-a ki kréyé-m nan li abité nan tant mouin-an, li di-m : “Abité nan Jakòb, mété éritaj ou nan Israèl, voyé rasi-n ou yo nan sa yo mouin chouazi-a”.

Dépi nan kòmansman, anvan sièk tan yo, li kréyé-m, jous nan sièk tan k-ap vini yo, mouin pap disparèt, nan kay ki sin-an dévan-l mouin sèvi.

Sé konsa nan Siyon mouin instalé fèm, nan vil ki sin-an tou mouin répozé, nan Jérusalèm pouvoua-m instalé.

Mouin pran rasi-n nan pèp ki gin konsidérasion-an, nan pòsion Bondié-m nan éritaj mouin yé, nan foul sin yo mouin jouinn plézi-m.

Paròl Granmèt la.

PSÒM RÉPONS

Ps 147, 12-13. 14-15. 19-20 (R: Jan 1, 14)

R: Paròl la vi-n tounin chè, li abité nan mitan nou.

oubyin : Alélouya.

- ¹² Fè louanj Granmèt la Jérusalèm ;
fè louanj Bondié-ou, Siyon.
- ¹³ Paské li ranfòsé krochèt pòtay ou yo,
li béni pitit ou yo nan ou. R:
- ¹⁴ Li minm ki pozé limit ou yo nan lapè,
li ba-ou kont blé ki gra.
- ¹⁵ Li minm ki voyé paròl li sou tè-a,
avèk vitès paròl li-a kouri. R:

- ¹⁹ Li minm ki anonsé paròl li bay Jakòb,
jistis li ak jijman-l bay Israèl.
- ²⁰ Li pa fè konsa pou okinn nasion,
jijman-l yo, li pa fè konnin yo. **R**

DÉZIÈM LÉKTU

Li té chouazi nou davans kòm pitit adoptif pa lintèmediè Jézu.

Léktu lèt apot sin Pòl pou Éfézyin yo **1, 3-6. 15-18**

Konpliman pou Bondié Papa Granmèt nou Jézu-Kri, li minm ki béni nou nan tout bénédikcion Éspri-a nan sièl la nan Jézu-Kri ; jan-l té chouazi nou nan li dépi anvan tè-a té fèt, pou nou té kapab vi-n sin, san tach dévan fas li nan charité-a ; li minm ki té mété nou apa davans pou-l adopté nou kòm pitit pa lintèmediè Jézu-Kri nan li minm, dapré plan volonté-l, pou louanj gloua gras li-a, sa-l sèvi pou-l fè nou gras nan Pitit li-a li rinmin-an.

Sé pousa lè-m tandé lafoua nou, ki nan Granmèt Jézu-a, avèk rinmin nou nan tout sin yo, mouin pa sispann ap di Bondié mèsì pou nou, antan m-ap fè sonjé nou nan lapriyè-m yo : Sé pou Bondié Granmèt nou Jézu-Kri, Papa gloua-a, ba nou éspri sajès avèk révélasion nan konésans li : sé pou-l kléré jé kè nou, pou nou konnin ki éspérans rélé li rélé nou-an, ki richès gloua éritaj li nan sin yo.

Paròl Granmèt la.

ALÉLOUYA

Cf. 1 Tim 3, 16

R: Alélouya. Gloua pou ou, Kris yo préché nan nasion yo ;
gloua pou ou, Kris, yo kouè sou tè-a. **R**: Alélouya.

ÉVANJIL

Paròl la vi-n tounin moun, li abité nan mitan nou.

✠ **Kòmansman sint évanjil la dapré Jan**

1, 1-18

Nan kòmansman sé té Paròl la, Paròl la té kot Bondié, sé Bondié Paròl la té yé.

Li té kot Bondié nan kòmansman. Tout bagay té fèt pa lintèmediè-l, san li minm anyin pa-t fèt nan sa-k té fèt.

Nan li sé té lavi, lavi-a sé té limiè lézòm ; limiè-a kléré nan fènoua, fènoua yo pa vlopé-l.

Gin yon moun Bondié voyé, yo té rélé-l Jan. Li té vini nan témouagnaj, pou-l sèvi limiè-a témouin, pou tout moun té kapab kouè pa lintèmediè-l, li pa-t limiè li minm, min sé pou-l té kapab sèvi limiè-a témouin.

Té gin vré limiè-a, sa-k kléré tout moun k-ap vi-n sou tè sa-a. Li té sou tè-a, sé pa lintèmediè-l tè-a té fèt, min tè-a pa-t rékonèt li ; li vi-n lakay li, moun lakay li pa-t résévoua-l.

Min tout moun ki té résévoua-l, li ba yo pouvoua pou yo vi-n tounin pitit Bondié, yo minm ki kouè o non-l, ki pa fèt sot nan san yo, ni nan volonté chè-a, ni nan volonté gason, min ki fèt sot nan Bondié.

Paròl la vi-n tounin chè, li abité nan nou ; nou ouè gloua li, gloua tankou pa Sèl Pitit la ki sot nan Papa-a, plin gras ak vérité.

Jan sèvi-l témouin, li rélé byin fò, li di : « Sa-a, sé osijè-l mouin té di : “Sa-a k-ap vini apré-m nan, li pran plas dévan-m, paské li té la anvan-m” ».

Nan sa-l plin-an, nou tout nou résévoua, épi gras sou gras. Sèké laloua-a yo té bay li pa lintèmediè Moyiz, gras la ak vérité-a minm sé pa lintèmediè Jézu-Kri li rivé.

Bondié, pèsòn pa janm ouè-l ; Sèl Pitit la, ki nan vant Papa-a, li minm li montré-l.

Paròl Granmèt la.

oubyin pi kout

✠ **Léktu sint Évanjil la dapré Jan**

1, 1-5. 9-14

Nan kòmansman sé té Paròl la, Paròl la té kot Bondié, sé Bondié Paròl la té yé.

Li té kot Bondié nan kòmansman. Tout bagay té fèt pa lintèmediè-l, san li minm anyin pa-t fèt nan sa-k té fèt.

Nan li sé té lavi, lavi-a sé té limiè lézòm ; limiè-a kléré nan fènoua, fènoua yo pa vlopé-l.

Té gin vré limiè-a, sa-k kléré tout moun k-ap vi-n sou tè sa-a. Li té sou tè-a, sé pa lintèmediè-l tè-a té fèt, min tè-a pa-t rékonèt li ; li vi-n lakay li, moun lakay li pa-t résevoua-l.

Min tout moun ki té résevoua-l, li ba yo pouvoua pou yo vi-n tounin pitit Bondié, yo minm ki kouè o non-l, ki pa fèt sot nan san yo, ni nan volonté chè-a, ni nan volonté gason, min ki fèt sot nan Bondié.

Paròl la vi-n tounin chè, li abité nan nou ; nou ouè gloua li, gloua tankou pa Sèl Pitit la ki sot nan Papa-a, plin gras ak vérité.

Paròl Granmèt la.

Léktu dépi 2 jous 7 janvié

2 janvié

PRÉMIÉ LÉKTU

Sa nou té tandé dépi nan kòmansman-an, sé pou-l rété nan nou.

Léktu prémié lèt apot sin Jan

2, 22-28

Nou minm mouin rinmin anpil la :

Kilès mantè sa-a, si sé pa sa-a ki nié Jézu sé Kris la ? Sa-a sé Antikris la, li minm ki nié ni Papa-a ni Pitit la. Tout moun ki nié Pitit la, li pa gin Papa-a non plis ; moun ki rékonèt Pitit la, li gin Papa-a tou.

Nou minm, sa nou té tandé dépi nan kòmansman-an, sé pou-l rété nan nou. Si sa nou té tandé dépi nan kòmansman-an rété nan nou, n-ap rété nan Pitit la ak nan Papa-a. Min promès la li ofri nou-an, sé lavi tout tan-an. Mouin ékri nou bagay sa yo osijè moun yo k-ap tronpé nou yo.

Nou minm, konsékrasion nou té résévoua nan min-l nan, sé pou-l rété nan nou. Nou pa bézouin pou pèsòn ba nou ansègnman ; min jan konsékrasion-l nan ba nou ansègnman sou tout bagay la ; épi li vré, li pa manti, konsa jan-l ba nou ansègnman-an, sé pou-n rété nan li.

Koulié-a, ti pitit mouin yo, sé pou nou rété nan li, pou lè-l parèt, nou kapab gin konfians pou nou pa ront dévan-l lè-l rivé-a.

Paròl Granmèt la.

PSÒM RÉPONS

Ps 97, 1. 2-3 ab. 3 cd-4 (R : 3 a)

R Tout limit tè-a ap ouè viktoua Bondié nou-an.

¹ Chanté yon kantik nouvo pou Granmèt la,
paské li fè mèvèy.

Min douat li fè viktoua pou li,
bra-l ki sin-an. R

² Granmèt la fè konnin sovè li sovè nou-an,
nan fas nasion yo li dévoualé jistis li-a.

³ Li fè sonjé mizèrikòd li-a.
ak vérité-l la pou kay Israèl la. R

- Tout limit tè-a ap ouè sové Bondié sové nou-an.
 4 **R** Sonnin tronpèt pou Bondié, tout tè-a,
 éklaté, dansé, chanté. **R**

ALÉLOUYA

Ébr 1, 1-2

R Alélouya. Anpil fason lontan Bondié té palé ak zansèt nou yo nan profèt yo, alafin nan jou sa yo li palé ak nou nan Pitit li-a. **R** Alélouya.

ÉVANJIL

Apré-m gin youn k-ap vini, ki té égzisté anvan-m.

✠ Léktu sint Évanjil la dapré Jan

1, 19-28

Min témouagnaj Jan, lè Juif yo té voyé prèt ak lévité koté-l sot Jérusalem, pou yo pozé-l késion-an : « Ou minm kilès ou-yé-a » ? Li rékonèt, li pa nié, li rékonèt : « Mouin pa Kris la ».

Yo pozé-l késion : « Ki sa-ou yé ébyin ? Èské ou sé Éli » ?

Li di : « Mouin pa sa ».

« Èské ou sé profèt la » ?

Li réponn : « Non ».

Konsa yo di-l : « Kilès ou yé ? pou nou kapab bay répons pou moun ki voyé nou yo, ki sa-ou di osijè-ou » ?

Li di : « Mouin sé voua sa-a k-ap rélé nan dézè-a : “Rédrésé chémin Granmèt la”, jan profèt Izayi té di-a ».

Nan moun yo yo té voyé yo, té gin Farizyin. Yo pozé-l késion, yo di-l : « Pouki sa ou-ap batizé, si-ou pa Kris la ni Éli ni profèt la » ?

Jan réponn yo, li di : « Mouin batizé nan dlo ; min nan mitan nou gin yon moun ki kanpé, nou pa konnin-l ; sé li minm ki gin pou-l vi-n apré-m nan, li minm ki té anvan-m, mouin pa mérité défèt lasèt sapat li ».

Bagay sa yo té pasé nan Bétani lòt bò Joudin-an, koté Jan t-ap batizé-a.

Paròl Granmèt la.

Nan réjion koté yo fété Épifani dimanch ki tonbé ant 2 ak 8 janvié, apré Épifani y-a pran léktu ki propozé pou jou ant 7 ak 12 janvié, y-a kité sa-k suiv yo.

3 janvié

PRÉMIÉ LÉKTU

Tout moun ki rété nan li, li pa fè péché.

Léktu prémié lèt apot sin Jan

2, 29-3, 6

Nou minm mouin rinmin anpil la :

Si nou konnin li kòrèk, sé pou nou konnin tou tout moun ki fè sa-k kòrèk, sé nan li li fèt.

Gadé ki kalité charité Papa-a ba nou, pou yo rélé nou pitit Bondié, épi sé sa nou yé vré. Sé pou sa tèt-a pa rékonèt nou, paské li pa rékonèt li. Nou minm mouin rinmin anpil la, koulié-a sé pitit Bondié nou yé, min sa n-ap yé-a pa ko parèt. Nou konnin lè 1-a parèt, n-a sanblé ak li ; paské n-ap ouè-l jan-l yé-a.

Tout moun ki gin éspérans sa-a nan li, li fè tèt li vi-n sin, minm jan li minm minm li sin-an. Tout moun ki fè péché, li fè sa-k pa kòrèk, péché-a sé sa-k pa kòrèk. Nou konnin li minm li parèt pou-l ouété péché nou yo, épi pa gin péché nan li. Tout moun ki rété nan li, pa fè péché, tout moun ki fè péché, li pa ouè-l, ni li pa rékonèt li.

Paròl Granmèt la.

PSÒM RÉPONS

Ps 97, 1. 3 cd-4. 5-6 (R: 3 a)

R: Tout limit tèt-a ap ouè viktoua Bondié nou-an.

¹ Chanté yon kantik nouvo pou Granmèt la,
poutèt mèvèy li fè.
Min douat li sovè pou li,
bra li ki sin-an. R:

³ Tout limit tèt-a ap ouè viktoua Bondié nou-an.

⁴ Bat bravo pou Bondié, tout tèt-a,
éklaté, dansé, chanté, R:

⁵ Chanté pou Granmèt la sou gita,
sou gita ak son mizik ;

⁶ sou tronpèt ki dous ak kòn,
fè konpliman dévan fas Granmèt la ki roua-a. R:

ALÉLOUYA

Jan 1, 14 a. 12 a

℞ Alélouya. Paròl la vi-n tounin chè, li abité nan nou.

Tout moun ki résévoua-l,

li ba yo pouvoua pou yo vi-n tounin pitit Bondié. ℞ Alélouya.

ÉVANJIL

Min Mouton Bondié-a.

✠ Léktu sint Évanjil la dapré Jan

1, 29-34

Nan landmin, Jan ouè Jézu k-ap vi-n koté-l, li di : « Min Mouton Bondié-a, min sa-a ki ouété péché tè-a. Sa-a sé osijè-l mouin té di : “Aprém gin yon moun k-ap vini, ki pasé dévan-m, paské li té égzisté anvan-m”. Mouin minm, mouin pa-t konnin-l ; min sé pou-l té kapab parèt klè nan Israèl, sé poua mouin vini mouin minm m-ap batizé nan dlo-a ».

Jan sèvi-l témouin, li di : « Mouin ouè Éspri-a k-ap désann tankou yon kolonb sot nan sièl la, li rété sou li. Mouin minm mouin pa-t konnin-l ; min sa-a ki voyé-m batizé nan dlo-a, li minm minm li di-m : “Sou moun nan ou-a ouè Éspri-a désann li rété sou li-a, sé li minm k-ap batizé nan Éspri Sin-an”. Mouin minm mouin ouè, mouin sèvi témouin, sa-a sé Pitit Bondié-a ».

Paròl Granmèt la.

4 janvié

PRÉMIÉ LÉKTU

Li pa kapab fè péché, paské li fèt sot nan Bondié.

Léktu prémié lèt apot sin Jan

3, 7-10

Ti pitit mouin yo, pa kite pèsòn troupé nou. Moun ki fè sa-k kòrèk, li kòrèk, minm jan sa-a kòrèk la. Moun ki fè péché, sé nan djab la li soti, paské dépi nan kòmansman djab la fè péché. Sé nan sa Pitit Bondié-a parèt, pou-l défèt travay djab la.

Tout moun ki fèt sot nan Bondié, li pa fè péché, paské sémans sa-a rété nan li ; li pa kapab fè péché, paské sé nan Bondié li soti. Sé nan sa yo

ouè klè sa-k pitit Bondié yo ak sa-k pitit djab yo. Tout moun ki pa kòrèk, épi moun ki pa rinmin frè-l, li pa sot nan Bondié.

Paròl Granmèt la.

PSÒM RÉPONS

Ps 97, 1. 7-8. 9 (R: 3 a)

R: Tout limit tè-a ap ouè viktoua Bondié nou-an.

- ¹ Chanté yon kantik nouvo pou Granmèt la,
poutèt mèwèy li fè,
Min douat li sovè pou li,
bra li ki sin-an. R:
- ⁷ Sé pou lanmè-a sonnin ak sa-k plin-l nan,
fas tè-a ak sa ki abité nan li yo.
- ⁸ Sé pou riviè yo bat bravo,
sé pou tout mòn yo dansé. R:
- ⁹ Dévan fas Granmèt la,
paské l-ap vi-n jijé tè-a.
L-ap jijé fas tè yo nan jistis
ak pèp yo nan douati. R:

ALÉLOUYA

Ébr 1, 1-2

R: Alélouya. Anpil fason lontan Bondié té palé ak papa nou yo nan profèt yo,
alafin nan jou sa yo li palé ak nou nan Pitit li-a. R: Alélouya.

ÉVANJIL

Nou jouinn Mési-a.

✠ Léktu sint Évanjil la dapré Jan

1, 35-42

Lè sa-a :

Jan té kanpé épi dé nan disip li yo avèk li. Li gadé Jézu k-ap maché, li di : « Min Mouton Bondié-a ». Dé disip yo tandé l-ap palé, yo suiv Jézu.

Jézu minm viré, li ouè y-ap suiv li, li di yo : « Ki bagay n-ap chèché » ?

Yo minm yo di-l : « Rabi (sa vlé di Mèt), koté ou abité » ?

Li di yo : « Vini, n-a ouè ». Yo vini, yo ouè koté-l té rété, yo rété lakay li jou sa-a ; lè sa-a, sé té apéprè dizièm è-a.

Té gin André, frè Simon Piè-a, youn nan dé yo, ki té tandé Jan-an, épi ki té suiv li-a.

Sa-a rankontré toudabò frè-l la Simon, li di-l : « Nou jouinn Mési-a (sa vlé di Kris la) ». Li minnin-l bay Jézu. Jézu minm gadé-l, li di : « Ou sé Simon, pitit Jona : y-ap rélé-ou Séfas (sa vlé di Piè) ».

Paròl Granmèt la.

5 janvié

PRÉMIÉ LÉKTU

*Nou travèsé sot nan lanmò-a al nan lavi-a,
paské nou rinmin frè-n yo.*

Léktu prémié lèt apot sin Jan

3, 11-21

Nou minm mouin rinmin anpil la :

Min nouvèl la, nou té tandé dépi nan kòmansman-an, pou nou youn rinmin lòt. Sé pa tankou Kayin, ki té sot nan mové-a, ki té touyé frè-l la. Épi pouki sa li té touyé-l ? Paské aksion-l yo té mové, min aksion frè-l yo minm té kòrèk.

Pa sézi, frè-m yo, si tè-a rayi nou. Nou minm nou konnin nou travèsé sot nan lanmò al nan lavi-a, paské nou rinmin frè yo. Moun ki pa rinmin, li rété nan lanmò. Tout moun ki rayi frè-l, li sé kriminèl, nou konnin okinn kriminèl pa gin lavi tout tan-an ki rété nan li.

Sé nan sa nou konnin charité Bondié-a, sèké sa-a té bay lavi-l pou nou, nou minm tou nou doué bay lavi nou pou frè nou yo.

Moun ki gin byin tè sa-a, épi li ouè frè-l ki nan bézouin, malgré sa li fèmin zantray li dévan-l, kijan charité Bondié-a kapab rété nan li ?

Ti pitit mouin yo, pa rinmin ak paròl ni ak lang, min nan aksion ak vérité. Sé nan sa nou konnin sé nan vérité-a nou soti, épi dévan fas li nou asiré kè nou.

Sèké, si kè nou réproché nou, Bondié pi gran passé kè nou, li konnin tout bagay. Nou minm mouin rinmin anpil la, si kè nou pa réproché nou, nou gin konfians kot Bondié.

Paròl Granmèt la.

PSÒM RÉPONS

Ps 99, 2. 3. 4. 5 (R: 2 a)

- R: Fè louanj pou Granmèt la, tout tè-a.
- 2 Fè louanj pou Granmèt la, tout tè-a,
sèvi Granmèt la nan kè kontan ;
antré dévan fas li avèk gran fèt. R:
- 3 Konnin Granmèt la sé li minm ki Bondié ;
sé li minm ki fè nou, sé pou li nou yé,
pèp li ak mouton pak li. R:
- 4 Antré nan pòtay li yo avèk louanj,
nan lakou-l yo avèk kantik,
fè louanj li, fè konpliman pou non-l. R:
- 5 Sèké Granmèt la bon ;
pou tout tan li gin mizérikòd,
pou jénèrasion ak jénèrasion vérité-l la. R:

ALÉLOUYA

- R: Alélouya. Yon jou ki sin kléré pou nou :
vini, nasion yo, adoré Granmèt la ;
paské jodi-a yon gran limiè désann sou tè-a. R: Alélouya.

ÉVANJIL

Ou sé Pitit Bondié-a, ou sé roua Israël la.

✠ Léktu sint Évanjil la dapré Jan

1, 43-51

Lè sa-a :

Jézu té vlé pati al nan Galilé ; li jouinn Filip. Jézu di-l : « Suiv mouin ». Filip minm sé té moun Bétsayid, vil André ak Piè-a.

Filip jouinn Natanaèl, li di-l : « Sa-a Moyiz té ékri sou li nan laloua-a ak profèt yo, nou jouinn li, sé Jézu, pitit Jozèf moun Nazarèt la ».

Natanaèl di-l : « Nan Nazarèt, ki sa ki kapab soti débyin » ?

Filip di-l : « Vini, ou-a ouè ».

Jézu ouè Natanaèl k-ap vi-n koté-l li di osijè-l : « Min yon pitit Israël tout bon vré, nan li pa gin manti ».

Natanaèl di-l : « Koté ou konnin-m » ?

Jézu réponn, li di-l : « Anvan Filip té rélé-ou, lè-ou té anba pié figié-a, mouin té ouè-ou ».

Natanaèl réponn li, li di : « Rabi, ou sé Pitit Bondié, ou sé roua Israël ».

Jézu réponn, li di-l : « Paské mouin di-ou “Mouin té ouè-ou anba pié figié-a”, ou kouè : ou-ap ouè pi gran pasé bagay sa yo ».

Li di-l : « Amèn, amèn mouin di nou : n-ap ouè sièl la louvri, ak anj Bondié yo k-ap monté-désann anlè Pitit moun nan ».

Paròl Granmèt la.

ALÉLOUYA
pou jou sémèn yo anvan Épifani

1. Jan 1, 14 a. 12 a

℞ Alélouya. Paròl la vi-n tounin chè, li abité nan nou.
Tout moun ki résévoua-l,
li ba yo pouvoua pou yo vi-n tounin pitit Bondié. ℞ Alélouya.

2. Ébr 1, 1-2

℞ Alélouya. Anpil fason lontan Bondié té palé ak papa nou yo nan profèt yo,
alafin nan jou sa yo li palé ak nou nan Pitit li-a. ℞ Alélouya.

3.

℞ Alélouya. Yon jou ki sin kléré pou nou :
vini, nasion yo, adoré Granmèt la ;
paské jodi-a yon gran limiè désann sou tè-a. ℞ Alélouya.

6 janvié
ÉPIFANI GRANMÈT LA

PRÉMIÉ LÉKTU

Gloua Granmèt la lèvé sou ou.

Léktu liv profèt Izayi

60, 1-6

Lévé, kléré, Jérusalèm, paské limiè-ou la rivé, gloua Granmèt la lèvé sou ou. Sèké min fènoua yo ap kouvri tè-a, tènèb ap kouvri pèp yo ; min sou ou sé Granmèt la ki lèvé, y-ap ouè gloua-l nan ou.

Nasion yo ap maché nan limiè-ou, roua yo nan klèté nésans ou-a. Lévé jé-ou toutalantou, gadé : tout sa yo rasanblé, y-ap vi-n jouinn ou ; pitit ou yo ap vi-n sot byin louin, pitit fi-ou yo ap parèt, y-ap poté yo sou bra.

Lè sa-a ou-ap ouè, ou-ap plin richès, kè-ou ap sézi, l-ap gonflé, lè kantité richès lanmè-a ap rivé sou ou-a, lè foul nasion yo ap rivé sou ou-a, sé yon riviè chamo k-ap kouvri-ou, dromadè Madian ak Éfa ; yo tout ap vi-n sot Saba, y-ap poté lò ak lansan, y-ap chanté louanj Granmèt la.

Paròl Granmèt la.

PSÒM RÉPONS

Ps 71, 2. 7-8. 10-11. 12-13 (R: : cf. 11)

R: Tout nasion tè-a ap adoré-ou, Granmèt.

1 Bondié, bay roua-a jijman-ou nan,
bay pitit roua-a jistis ou-a ;

2 l-a jijé pèp ou-a nan jistis,
ak pòv ou yo nan jijman. **R:**

7 Jistis ap fléri nan jou-l yo, ak lapè an kantité,
joustàn lali-n nan disparèt.

8 L-ap kòmandé sot nan lanmè jous nan lanmè,
sot nan gran riviè-a jous nan limit fas tè yo. **R:**

10 Roua Tarsis yo ak zilé yo ap ofri richès,
Roua Arab yo ak Saba ap poté kado.

11 Tout roua yo ap adoré-l,
tout nasion yo ap sèvi-l. **R:**

12 Sèké l-ap délivré maléré-a k-ap rélé-a,
ak pòv la ki pa gin moun pou poté-l sékou.

- ¹³ L-ap pran pitié pou pòv la ak maléré-a,
l-ap sové nanm pòv yo. **R:**

DÉZIÈM LÉKTU

*Koulié-a yo dévoualé kijan nasion yo
éritié promès la ansanm avèk nou.*

Léktu lèt apot sin Pòl pou Éfézyin yo

3, 2-3 a. 5-6

Frè-m yo :

Nou té tandé kijan Bondié té fè-m gras pou nou ; sèké li dévoualé-m mistè sa-a pitit moun yo pa-t konnin nan lòt jénérasyon yo, jan-l dévoualé-l bay Apot yo ak Profèt yo ki sin yo nan Éspri-a : nasion yo éritié ansanm avèk nou, yo fè yon sèl kò avèk nou, yo patisipé minm jan avèk nou pou promès li-a nan Jézu-Kri pa lintèmediè bòn nouvèl la.

Paròl Granmèt la.

ALÉLOUYA

Mt 2, 2

- R:** Alélouya. Nou ouè zétoual li-a olévan,
nou vi-n adoré Granmèt la. **R:** Alélouya.

ÉVANJIL

Nou vi-n sot o-lévan pou nou adoré roua-a.

✠ Léktu sint Évanjil la dapré Matié

2, 1-12

Lè Jézu té fèt nan Bétlèèm Juda, nan jou roua Éròd, min Maj sot olévan rivé Jérusalèm, ap di : « Koté sa-a ki fèt la, roua juif yo ? Nou ouè zétoual li réyéلمان olévan, épi nou vi-n adoré-l ».

Roua Éròd minm antan-l tandé, li troublé épi tout Jérusalèm avèk li ; antan-l rasanblé tout chèf prêt yo ak skrib pèp la, li késioné yo ki koté Kris la t-ap fèt.

Yo minm minm yo di-l : « Nan Bétlèèm Juda ; sé konsa réyéلمان sa ékri pa lintèmediè Profèt la : “Épi ou minm, Bétlèèm, tè Juda, ou pa pi piti nan chèf Juda yo, nan ou réyéلمان l-ap soti, chèf la k-ap kòmandé pèp mouin Israël la kòm roua-a” ».

Lè sa-a atò, Èròd rélé Maj yo an kachèt, li fè yo ékspliké-l avèk souin tan zétoual la ki té parèt ba yo-a, épi antan-l voyé yo Bétléèm, li di : « Alé, épi pran ranségnman avèk souin osijè pitit la, lè n-a jouinn li, tounin avèti-m, pou mouin minm tou m-al adoré-l ». Yo minm, kon yo fin tandé roua-a, yo pati.

Épi minm zétoual la yo té ouè olévan-an, li t-apralé dévan yo, jous li vi-n rét anlè koté ti pitit la té yé-a. Antan yo ouè zétoual la, yo kontan anpil ; antan yo antré nan kay la, yo ouè pitit la avèk Mari, manman-l, antan yo lagé kò yo atè, yo adoré-l. Antan yo louvri trézò yo, yo ofri-l kado : lò, épi lansan, épi lamir.

Antan yo résevoua répons nan sonj pou yo pa tounin kot Èròd, sé atravè yon lòt chémin yo tounin nan réjion yo.

Paròl Granmèt la.

6 janvié

Nan réjion koté yo fété Épipani-an dimanch ki tonbé 7 oubyin 8 janvié.

PRÉMIÉ LÉKTU

Éspri-a ak dlo-a ak san-an.

Léktu prémié lèt apot sin Jan

5, 5-13

Nou minm mouin rinmin anpil la :

Kilès sa-a ki ranpôté viktoua sou tè-a, si sé pa sa-a ki kouè Jézu sé Pitit Bondié-a ?

Sa-a sé li minm ki vini nan dlo-a ak san-an, Jézu-Kri ; pa nan dlo-a sèlman, min nan dlo-a ak san-an. Épi sé Éspri-a ki sèvi témouin, paské Éspri-a sé vérité. Sé yo toua k-ap sèvi témouin : Éspri-a ak dlo-a ak san-an, épi toua sa yo, sé yon sèl yo yé.

Si nou résevoua témouagnaj lézòm, témouagnaj Bondié-a pi gran ; paské sa-a sé témouagnaj Bondié-a, ki pi gran-an, li sèvi témouin osijè Pitit li-a. Moun ki kouè nan Pitit Bondié-a, li gin témouagnaj Bondié-a nan li. Moun ki pa kouè nan Pitit la, li fè-l pasé pou mantè, paské li pa kouè nan témouagnaj la, sa Bondié témouagné osijè Pitit li-a.

Min témouagnaj la, Bondié ba nou lavi tout tan-an ; lavi sa-a sé nan Pitit la li yé. Moun ki gin Pitit la, li gin lavi-a ; moun ki pa gin Pitit la, li pa gin lavi-a.

Mouin ékri nou bagay sa yo, pou nou konnin nou gin lavi tout tan-an, nou minm ki kouè o non Pitit Bondié-a.

Paròl Granmèt la.

PSÒM RÉPONS

Ps 147, 12-13. 14-15. 19-20 (R: 12 a)

R: Fè louanj Granmèt la, Jérusalèm,

oubyin : Alélouya.

¹² Fè louanj Granmèt la, Jérusalèm ;

fè louanj Bondié-ou, Siyon.

¹³ Paské li ranfòsé krochèt pètay ou yo,
li béni pitit ou yo nan ou. R:

¹⁴ Li minm ki pozé limit ou yo nan lapè,
li ba-ou kont blé ki gra.

¹⁵ Li minm ki voyé paròl li sou tè-a,
avèk vitès paròl li-a kouri. R:

¹⁹ Li minm ki anonsé paròl li bay Jakòb,
jistis li ak jijman-l bay Israèl.

²⁰ Li pa fè konsa pou okinn nasion,
jijman-l yo, li pa fè konnin yo. R:

ALÉLOUYA

Cf. Mk 9, 6

R: Alélouya. Sièl yo louvri, voua Papa-a déklaré byin fò :

« Sa-a sé Pitit mouin-an mouin rinmin anpil la ; kouté-l ». R:

Alélouya.

Nan plas vèsè anvan Évanjil la, yo prezanté pou chak jou yo, yo kapab sèvi ak yon lòt nan sa y-a jouinn pi louin yo, paj 215.

ÉVANJIL

*Ou sé Pitit mouin-an sa-m rinmin-an,
nan ou mouin jouinn plézi mouin.*

✚ Léktu sint Évanjil la dapré Mark

1, 7-11

Lè sa-a :

Jan t-ap préché, li t-ap di : « Gin yon moun ki pi fò pasé-m k-ap vini, mouin pa mérité pou-m bésé pou-m défèt lasèt sapat li yo. Mouin minm mouin batizé nou nan dlo, li minm minm l-ap batizé nou nan Éspri Sin ».

Rivé, jou sa yo Jézu vini sot Nazarèt Galilé, li résévoua batèm nan min Jan nan Joudin-an ; minm lè-a pandan l-ap monté sot nan dlo-a, li ouè sièl yo louvri, épi Éspri-a tankou yon kolonb k-ap désann pozé sou li ; yon voua soti nan sièl yo : « Ou sé Pitit mouin-an sa-m rinmin-an, nan ou mouin jouinn plézi-m ».

Paròl Granmèt la.

oubyin

Jénéaloji Jézu-Kri, pitit Adan, pitit Bondié.

✚ Léktu sint Évanjil la dapré Luk

3, 23-38

Lè sa-a :

Antan Jézu té kòmansé, li té gin anviron trantan, dapré sa yo té sipozé, li té pitit Jozèf, ki té pitit Éli, ki té pitit Matat, ki té pitit Lévi, ki té pitit Mèlki, ki té pitit Ianak, ki té pitit Jozèf, ki té pitit Matatias, ki té pitit Amòs, ki té pitit Naoum, ki té pitit Ésli, ki té pitit Naga, ki té pitit Maat, ki té pitit Matatias, ki té pitit Séméyi, ki té pitit Iozèk, ki té pitit Ioda, ki té pitit Ioana, ki té pitit Késa, ki té pitit Zorobabèl, ki té pitit Salatièl, ki té pitit Néri, ki té pitit Mèlki, ki té pitit Adi, ki té pitit Kasam, ki té pitit Èlmadam, ki té pitit Èr, ki té pitit Jézu, ki té pitit Éliézèr, ki té pitit Jorim, ki té pitit Matat, ki té pitit Lévi, ki té pitit Siméon, ki té pitit Juda, ki té pitit Jozèf, ki té pitit Joua, ki té pitit Éliakim, ki té pitit Méléa, ki té pitit Ména, ki té pitit Matata, ki té pitit Natan, ki té pitit David, ki té pitit Jésé, ki té pitit Obèd, ki té pitit Boòz, ki té pitit Salmon, ki té pitit Naason, ki té pitit Aminadab, ki té pitit Admin, ki té pitit Arni, ki té pitit Ésròm, ki té pitit Farès, ki té pitit Juda, ki té pitit Jakòb, ki té pitit Izaak, ki té pitit Abraam, ki té pitit Taré, ki té pitit Nakòr, ki té pitit Séruk, ki té pitit Rago, ki té pitit Falèg, ki té pitit Ébèr, ki té pitit Sala, ki té pitit Kayinan,

ki té pitit Arfaksad, ki té pitit Sèm, ki té pitit Noé, ki té pitit Lamèk, ki té pitit Matuzala, ki té pitit Énòk, ki té pitit Yarèd, ki té pitit Malaléèl, ki té pitit Kayinan, ki té pitit Énòs, ki té pitit Sèt, ki té pitit Adan, ki té pitit Bondié.

Paròl Granmèt la.

oubyin pi kout

✠ **Léktu sint Évanjil la dapré Luk**

3, 23. 31-34. 36. 38

Lè sa-a :

Antan Jézu té kòmansé, li té gin anviron trantan, dapré sa yo té sipozé, li té pitit Jozèf, ki té pitit Éli, ki té pitit Méléa, ki té pitit Ména, ki té pitit Matata, ki té pitit Natan, ki té pitit David, ki té pitit Jésé, ki té pitit Obèd, ki té pitit Boðz, ki té pitit Salmon, ki té pitit Naason, ki té pitit Aminadab, ki té pitit Admin, ki té pitit Arni, ki té pitit Ésròm, ki té pitit Farès, ki té pitit Juda, ki té pitit Jakòb, ki té pitit Izaak, ki té pitit Abraam, ki té pitit Taré, ki té pitit Nakòr, Kayinan, ki té pitit Arfaksad, ki té pitit Sèm, ki té pitit Noé, ki té pitit Lamèk, ki té pitit Énòs, ki té pitit Sèt, ki té pitit Adan, ki té pitit Bondié.

Paròl Granmèt la.

7 janvié

Nan réjion koté yo fété Épifani dimanch ki tonbé 7 oubyin 8 janvié.

PRÉMIÉ LÉKTU

Li kouté nou nan tou sa nou mandé-l.

Léktu prémié lèt apot sin Jan

5, 14-21

Nou minm mouin rinmin anpil la :

Min konfians nou gin nan li-a, sèké tou sa nou kapab mandé, dapré volonté-l li kouté nou. Nou konnin li kouté nou nan tou sa nou kapab mandé ; nou konnin nou gin démann yo nou mandé-l yo.

Moun ki konnin frè-l fè yon péché ki pa mandé lanmò, l-ap ba-l lavi pou sa-a ki fè péché ki pa kondui nan lanmò-a.

Nou konnin tout moun ki fèt sot nan Bondié pa fè péché ; min Pitit Bondié-a konsèvé-l, mové-a pa touché-l. Nou konnin sé nan Bondié nou soti, tout tè-a minm instalé nan mové-a. Nou konnin Pitit Bondié-a vini, li ba nou intéljans, pou nou konnin vré Bondié-a, pou nou égzisté nan vré Pitit li-a. Sa-a sé vré Bondié-a ak lavi tout tan-an.

Ti pitit mouin yo, kinbé kò nou louin zidòl yo. Amèn.

Paròl Granmèt la.

PSÒM RÉPONS

Ps 149, 1-2. 3-4. 5 é 6 a é 9 b (R : 4 a)

R: Granmèt la jouinn plézi nan pèp li-a.

oubyin : Alélouya.

- 1 Chanté pou Granmèt la yon kantik nouvo ;
louanj li nan asanblé sin yo.
- 2 Sé pou Israèl kontan nan sa-a ki fè-l la,
sé pou pitit Siyon yo dansé pou roua yo. R:
- 3 Sé pou yo fè louanj pou non-l avèk dans,
sou tanbou ak gita sé pou yo chanté pou li,
- 4 paské Granmèt la jouinn plézi nan pèp li-a,
l-ap fè pòv yo jouinn konsidérasion nan sové li sové yo-a. R:
- 5 Sé pou sin yo fété nan gloua-a,
sé pou yo kontan sou kabann yo.
- 6 Louanj Bondié yo nan bouch yo ;
- 9 gloua sa-a pou tout sin-l yo. R:

ALÉLOUYA

Lk 7, 16

R: Alélouya. Yon gran profèt lévé nan pami nou,
Bondié vizité pèp li-a. R: Alélouya.

ÉVANJIL

Sa-a Jézu fè-l kòm kòmansman mirak yo nan Kana Galilé.

✠ Léktu sint Évanjil la dapré Jan

2,1-11

Lè sa-a :

Té gin nòs nan Kana Galilé, manman Jézu té la. Yo té invité Jézu tou nan nòs la, ansanm ak disip li yo. Divin vi-n manké, manman Jézu di-l : « Yo pa gin divin ».

Jézu di-l : « Sa sa yé pou mouin minm ak ou minm, madanm ? Lè-m pa ko rivé ».

Manman-l di sèvitè yo : « Ninpòt sa-l di nou, sé pou nou fè-l ».

Té gin sis ja yo té foyé nan ròch, pou purifikasion Juif yo, yo chak té kapab kinbé dé oubyin toua mézi.

Jézu di yo : « Plin ja yo dlo ». Yo plin yo jous nan bouch.

Jézu di yo : « Tiré koulié-a, poté bay chèf résépsion-an ». Yo poté.

Lè chèf résépsion-an gouté dlo-a ki té vi-n tounin divin-an (li pa-t konnin koté-l soti, sèvitè yo minm té konnin, yo minm ki té tiré dlo-a), chèf résépsion-an rélé épou-a, li di-l : « Tout moun kòmansé mété bon divin, épi lè moun yo kòmansé gé, yo mété pi mové kalité-a ; ou minm minm ou konsèvé bon divin-an jous koulié-a ».

Sa-a, Jézu fè-l kòm kòmansman sign yo nan Kana Galilé, li montré gloua li, disip li yo kouè nan li.

Paròl Granmèt la.

Léktu yo dézignin pou jou sot nan 7 al nan 12 janvié yo, yo sèvi avèk yo nan jou ki suiv Solanité Épifani-an, minm si yo répoté Solanité-a nan Dimanch, jous nan samdi ki suiv la.

Sèlman, dépi lindi apré Dimanch koté yo sélébré Batèm Granmèt la, sa vlé di Dimanch ki tonbé apré 6 janvié-a, yo kòmansé léktu tan òdinè yo, antan yo kité sa ki t-a rété an plis yo paraza nan sa yo té dézignin pou jou sot nan 7 al nan 12 janvié.

7 janvié oubyin lindi apré Épipani

PRÉMIÉ LÉKTU

Ésényé éspri yo si sé nan Bondié yo soti.

Léktu prémié lèt apot sin Jan

3, 22-4, 6

Nou minm mouin rinmin anpil la :

Tou sa nou kapab mandé n-ap résévoua-l nan min-l, paské nou kinbé kòmandman-l yo, épi sé sa-k fè-l plézi dévan-l nou fè.

Sa-a sé kòmandman-l nan, pou nou kouè o non Pitit li-a Jézu-Kri, épi pou nou youn rinmin lòt, jan-l té ba nou lòd la. Moun ki kinbé kòmandman-l yo, li rété nan li, ni li minm tou nan li ; sé nan sa nou konnin Éspri li té ba nou-an rété nan nou.

Nou minm mouin rinmin anpil la, pa kouè nan tout kalité éspri, min sé pou nou ésényé éspri yo si sé nan Bondié yo soti ; paské gin anpil fo-profèt ki soti sou tè-a. Nan sa yo rékonèt Éspri Bondié-a : tout éspri ki rékonèt Jézu-Kri vini nan chè-a, sé nan Bondié li soti ; tout éspri ki nié Jézu, sé pa nan Bondié li soti ; sa-a sé Antikris la, sa nou té tandé di li t-ap vini-an, koulié-a li déjà sou tè-a.

Nou minm sé nan Bondié nou soti, ti pitit mouin yo, nou ranpòtè viktoua sou li : paské sa-a ki nan nou-an li pi gran passé sa-a ki sou tè-a. Yo minm sé sou tè-a yo soti ; sé poua sé kozé tè-a y-ap palé, tè-a minm kouté yo. Nou minm sé nan Bondié nou soti. Moun ki rékonèt Bondié, li kouté nou ; moun ki pa sot nan Bondié, li pa kouté nou : nan sa nou rékonèt éspri vérité-a ak éspri manti-a.

Paròl Granmèt la.

PSÒM RÉPONS

Ps 2, 7-8. 10-11 (R: 8 a)

R: M-ap ba-ou nasion yo kòm éritaj ou.

7 M-ap anonsé désizion-l nan :
Granmèt la di-m : « Sé pitit mouin ou yé ;
sé mouin jodi-a ki anfanté-ou ».

8 Mandé-m, m-ap ba-ou nasion yo kòm éritaj ou,
posésion-ou sé limit tè-a. R:

- ¹⁰ Koulié-a, roua yo, konprann,
 pran léson, nou minm k-ap jijé tè-a.
¹¹ Sèvi Granmèt la ak krint,
 fété dévan-l avèk tranbléman. **R:**

ALÉLOUYA**Cf. Mt 4, 23**

R: Alélouya. Jézu t-ap préché Bòn Nouvèl péyi-roua-a,
 li t-ap géri tout maladi nan pèp la. **R:** Alélouya.

ÉVANJIL*Péyi-roua sièl yo tou pré.***✠ Léktu sint Évanjil la dapré Matié****4, 12-17. 23-25**

Lè sa-a :

Lè Jézu tandé yo té arété Jan, li pati kité Galilé-a ; li kité vil Nazarèt la, li vi-n abité Kafarnaòm bò lanmè-a, nan limit Zaboulon ak Néftali, pou paròl profèt Izayi-a té kapab réalisé :

« Tè Zaboulon, ak tè Néftali, rout lanmè-a lòt bò Joudin-an, Galilé nasion yo. Pèp ki té chita nan fènoua yo, li ouè yon gran limiè, sou moun ki té abité nan réjion lonbraj lanmò-a, yon limiè lévé pou yo ».

Apati lè sa-a, Jézu kòmansé préché, l-ap di : « Fè pénitans ; paské péyi-roua sièl yo tou pré ».

Jézu t-ap fè tout tou tout Galilé-a, l-ap bay anségnman nan sinagòg yo, l-ap préché bòn nouvèl péyi-roua-a, l-ap géri tout maladi ak tout féblès nan pèp la. Répitation-l travèsé tout Siri-a ; yo minnin tout moun malad ba li, sa-k gin divès kalité maladi ak soufrans k-ap pézé yo, sa-k gin démon, sa-k gin maladi tonbé, sa-k pa kapab maché, li géri yo. Anpil foul suiv li sot dépi Galilé-a ak Dékapòl ni Jérusalèm, ni Judé ni lòt bò Joudin.

Paròl Granmèt la.

8 janvié oubyin madi apré Épipani

PRÉMIÉ LÉKTU

Bondié sé rinmin.

Léktu prémié lèt apot sin Jan

4, 7-10

Nou minm mouin rinmin anpil la, sé pou nou youn rinmin lòt, paské charité-a sé nan Bondié li soti : épi tout moun ki rinmin sé nan Bondié li fèt, li konnin Bondié. Moun ki pa rinmin, li pa konnin Bondié, paské Bondié sé rinmin.

Sé konsa charité Bondié-a parèt nan nou, Bondié voyé sèl Pitit li-a sou tè-a, pou nou viv gras a li. Min nan kisa charité-a yé : sé pa kòm si sé nou ki té rinmin Bondié, min sé li minm ki té rinmin nou an prémié, li voyé Pitit li-a kòm padon pou péché nou yo.

Paròl Grammèt la.

PSÒM RÉPONS

Ps 71, 2. 3-4 ab. 7-8 (R: : cf. 11)

R: Tout nasion tè yo ap adoré-ou, Grammèt.

¹ Bondié, bay roua-a jijman-ou,

bay pitit roua-a jistis ou,

² l-ap jijé pèp ou-a nan jistis,

ak pòv ou yo nan jijman. R:

³ Mòn yo ap poté lapè pou pèp la,

ti rotè yo ap poté jistis.

⁴ L-ap jijé pòv yo nan pèp la,

l-ap sovè pitit maléré yo. R:

⁷ Nan tan-l yo jistis ap fléri ak lapè an kantité

joustan lali-n nan disparèt.

⁸ L-ap kòmandé sot nan lanmè al nan lanmè,

épi sot nan gran riviè-a jous nan bout fas tè yo. R:

ALÉLOUYA

Lk 4, 18

R: Alélouya. Grammèt la voyé-m poté bòn nouvèl la bay pòv yo, anonsé prizonié yo libérasion-an. R: Alélouya.

ÉVANJIL

*Antan li fè pin yo vi-n anpil,
Jézu montré li sé profèt la.*

✚ Léktu sint Évanjil la dapré Mark

6, 34-44

Lè sa-a :

Jézu ouè anpil foul, li pran pitié pou yo, paské yo té tankou mouton ki pa gin gadyin ; li kòmansé ba yo ansègnman anpil.

Kòm lè-a té ta anpil, disip li yo proché, yo di : « Koté sa-a sé yon dézè, épi lè-a déjà ap fi-n ta ; ranvouayé yo, pou y-al nan vil yo ki tou pré yo, ak nan bouk yo, y-a achté manjé pou yo manjé ».

Li réponn, li di yo : « Ba yo manjé nou minm ».

Yo di-l : « N-apral achté désan goud pin, pou nou ba yo manjé ».

Li di yo : « Konbyin pin nou ginyin ? Al gadé ».

Lè yo o kouran, yo di : « Sink avèk dé pouason ».

Li pasé yo lòd pou yo fè tout moun kouché pa group sou zèb fré-a, yo kouché pòsion san, pòsion sinkant.

Li pran sink pin yo ak dé pouason yo, li gadé nan sièl la, li béni pin yo, li kasé yo, li bay disip li yo, pou yo mété dévan moun yo, ni dé pouason yo tou li séparé yo pou tout moun. Tout moun manjé vant plin. Yo ranmasé rèss moso yo plin douz panié, ni nan pouason yo tou. Moun yo ki té manjé yo minm yo té sink mil gason.

Paròl Granmèt la.

9 janvié oubyin mèkrédi apré Épifani

PRÉMIÉ LÉKTU

Si nou youn rinmin lòt, Bondié rété nan nou.

Léktu prémié lèt apot sin Jan

4, 11-18

Nou minm mouin rinmin anpil la, si Bondié rinmin nou konsa, sé pou nou youn rinmin lòt tou. Bondié, pèsòn pa janm ouè-l. Si nou youn rinmin lòt, Bondié rété nan nou charité-l nan nou-an li réalizé nèt.

Nan sa nou konnin nou rété nan li épi li minm nan nou, sèké li té ba nou nan éspri-l la. Nou minm nou ouè, nou sèvi témouin Papa-a voyé Pitit li-a kòm Sovè tè-a.

Tout moun ki rékonèt Jézu sé Pitit Bondié, Bondié rété nan li, épi li minm nan Bondié. Nou minm nou konnin, nou kouè nan charité-a Bondié ginyin pou nou-an. Bondié sé charité, moun ki rété nan charité-a, li rété nan Bondié, épi Bondié nan li.

Nan sa charité Bondié-a kòrèk nèt nan nou, pou nou gin konfians jou jijman-an ; sèké, jan-l yé li minm nan, sé konsa tou nou minm nou yé sou tè sa-a. Pa gin krint nan charité-a ; min charité ki fi-n kòrèk nèt la, li voyé krint la déyò, paské krint la gin pinision ; moun ki nan krint, li pa kòrèk nèt nan charité-a.

Paròl Granmèt la.

PSÒM RÉPONS

Ps 71, 2. 10-11. 12-13 (R: cf. 11)

R: Tout nasion tè yo ap adoré-ou, Granmèt.

- 1 Bondié, bay roua-a jijman-ou,
bay pitit roua-a jistis ou,
- 2 l-ap jijé pèp ou-a nan jistis,
ak pòv ou yo nan jijman. R:
- 10 Roua Tarsis yo ak zilé yo ap ofri richès,
roua Arabi yo ak Saba ap poté kado.
- 11 Tout roua yo ap adoré-l,
tout nasion yo ap sèvi-l. R:
- 12 Sèké l-ap libéré maléré-a k-ap rélé-a,
ak pòv la ki pa gin moun pou poté-l sékou.
- 13 L-ap pran pitié pou pòv la ak maléré-a,
l-ap sové nanm pòv yo. R:

ALÉLOUYA

Cf. 1 Tim 3, 16

R: Alélouya. Gloua pou ou, Kris, yo préché nan nasion yo ;
gloua pou ou, Kris, yo kouè sou tè-a. R: Alélouya.

ÉVANJIL

Yo ouè Jézu ap maché sou lanmè-a.

✠ Léktu sint Évanjil la dapré Mark

6, 45-52

Lè sa-a :

Apré sink mil moun yo fi-n manjé vant plin, Jézu fòsé disip li yo monté nan batiman-an pou yo pran dévan-l lòt bò lanmè nan diréksion Bétseyid, pandan li minm minm li t-ap ranvouayé pèp la. Lè-l fi-n ranvouayé yo li monté nan mòn nan pou-l priyé.

Kòm asouè té rivé, batiman-an té nan mitan lanmè-a, épi li minm pou kont li li té sou tè-a. Antan li ouè yo ap fè éfò nan ramé-a (sèké van yo té vi-n an fas), vè katriyèm vèy nan nuit la, li rivé koté yo antan l-ap maché sou lanmè-a ; li té vlé dépasé yo.

Min yo minm lè yo ouè l-ap maché sou lanmè-a, yo té pansé sé yon éspri, épi yo rélé. Yo tout réyéلمان té ouè-l, épi yo té troublé. Minm lè-a li palé avèk yo épi li di yo : « Fè konfians, sé mouin minm ki la, pa pè ». Li monté koté yo nan batiman-an, épi van-an sispann.

Yo té pi sézi ankò anndan yo ; sèké yo pa-t konprann késion pin yo ; kè yo réyéلمان té avéglé.

Paròl Granmèt la.

10 janvié oubyin jédi apré épifani

PRÉMIÉ LÉKTU

Sa-k rinmin Bondié-a, sé pou-l rinmin frè-l tou.

Léktu prémié lèt apot sin Jan

4, 19-5,4

Nou minm mouin rinmin anpil la :

Nou rinmin Bondié, paské Bondié té rinmin nou an prémié. Si yon moun di : « Mouin rinmin Bondié », épi li rayi frè-l, li sé yon mantè. Sa-k pa rinmin frè-l la li ouè-a, Bondié li pa ouè-a, kijan li kapab rinmin-l ? Sa-a sé kòmandman-an nou té résévoua nan min Bondié-a : pou sa-k rinmin Bondié-a, li rinmin frè-l la tou.

Tout moun ki kouè Jézu sé Kris la, sé nan Bondié li pran nésans. Épi tout moun ki rinmin sa-a li bay nésans la, li rinmin sa-a tou ki pran

nésans sot nan li-a. Nan sa-a nou konnin nou rinmin sa-k gin nésans Bondié yo, lè nou rinmin Bondié épi nou réalizé kòmandman-l yo.

Sa-a réyèlman sé charité Bondié-a, pou nou kinbé kòmandman-l yo : épi kòmandman-l yo pa lou. Sèké tou sa-k gin nésans sot nan Bondié, li ranpòté viktoua sou tè-a, épi sa-a sé viktoua-a, ki métrizé tè-a, lafoua nou.

Paròl Granmèt la.

PSÒM RÉPONS

Ps 71, 2. 14-15 bc. 17 (R: : cf. 11)

R: Tout nasion tè-a ap adoré-ou, Granmèt.

¹ Bondié, bay roua-a jijman-ou,
bay pitit roua-a jistis ou,

² sé pou-l kòmandé pèp ou-a nan jistis,
ak pòv ou yo nan vérité. R:

¹⁴ L-ap délivré yo sot nan injistis ak violans,
san yo ap gin gran valè dévan-l.

¹⁵ Y-ap priyé pou li tout tan,
tout tan y-ap béni-l. R:

¹⁷ Sé pou non-l béni tout tan ;
toutotan solèy la ap kléré, sé pou non-l diré.
Sé pou tout fanmi tè-a béni nan non-l,
Sé pou tout nasion déklaré ala kontantman pou li. R:

ALÉLOUYA

Lk 4, 18

R: Alélouya. Granmèt la voyé-m poté bon nouvèl la bay pòv yo,
anonsé prizonié yo libéransion-an. R: Alélouya.

ÉVANJIL

Jodi-a Paròl sa-a ki ékri-a réalizé.

✠ Léktu sint Évanjil la dapré Luk

4, 14-22 a

Lè sa-a :

Jézu tounin nan fòs Éspri-a nan Galilé-a ; répitasion-l gayé nan tout réjion-an. Li t-ap anségné nan sinagòg yo, tout moun t-ap fè louanj li.

Li rivé Nazarèt, koté yo té fè édikasion-l nan ; li antré dapré abitud li nan sinagòg la jou saba-a, li lévé pou-l fè léktu-a. Yo rimmèt li liv profèt Izayi-a. Lè-l déroulé liv la, li jouinn koté ki ékri-a :

« Éspri Granmèt la sou mouin ; sé poussa li sakré-m, li voyé-m anonsé pòv yo bòn nouvèl la, géri sa-k gin kè krazé yo, préché libérasion bay prizonié yo, préché limiè bay avèg yo, ranvouayé sa y-ap maltrété yo an libèté, préché yon ané ki fè Granmèt la plézi, yon jou l-ap bay rékonpans ».

Li roulé liv la, li rimmèt sèvitè-a li, li chita. Nan sinagòg la, tout jé té fiksé sou li.

Li kòmansé di yo : « Jodi-a Paròl sa-a ki ékri-a réalizé nan zòrèy nou ». Tout moun t-ap fè témouagnaj sou li, yo té sézi pou paròl gras yo ki t-ap soti nan bouch li-a.

Paròl Granmèt la.

11 janvié oubyin vandrédi apré épifani

PRÉMIÉ LÉKTU

Éspri-a ak dlo-a ak san-an.

Léktu prémié lèt apot sin Jan

5, 5-13

Nou minm mouin rinmin anpil la :

Kilès sa-a ki ranpòté viktoua sou tè-a, si sé pa sa-a ki kouè Jézu sé Pitit Bondié-a ?

Sa-a sé li minm ki vini nan dlo-a ak san-an, Jézu-Kri ; pa nan dlo-a sèlman, min nan dlo-a ak san-an. Épi sé Éspri-a ki sèvi témouin, paské Éspri-a sé vérité. Sé yo toua k-ap sèvi témouin : Éspri-a ak dlo-a ak san-an, épi toua sa yo, sé yon sèl yo yé.

Si nou résévoua témouagnaj moun yo, témouagnaj Bondié-a pi gran ; paské min témouagnaj Bondié-a, ki pi gran-an, li sèvi témouin osijè Pitit li-a. Moun ki kouè nan Pitit Bondié-a, li gin témouagnaj Bondié-a nan li. Moun ki pa kouè nan Pitit la, li fè-l pasé pou mantè, paské li pa kouè nan témouagnaj la, sa Bondié témouagné osijè Pitit li-a.

Min témouagnaj la, Bondié ba nou lavi tout tan-an ; lavi sa-a sé nan Pitit la li yé. Moun ki gin Pitit la, li gin lavi-a ; moun ki pa gin Pitit la, li pa gin lavi-a.

Mouin ékri nou bagay sa yo, pou nou konnin nou gin lavi tout tan-an, nou minm ki kouè o non Pitit Bondié-a.

Paròl Granmèt la.

PSÒM RÉPONS

Ps 147, 12-13. 14-15. 19-20 (R: 12 a)

R: Fè louanj Granmèt la, Jérusalèm.

oubyin : Alélouya.

- ¹² Fè louanj Granmèt la, Jérusalèm ;
fè louanj Bondié-ou, Siyon.
- ¹³ Paské li ranfòsé krochèt pòtay ou yo,
li béni pitit ou yo nan ou. R:
- ¹⁴ Li minm ki pozé limit ou yo nan lapè,
li ba-ou kont blé ki gra.
- ¹⁵ Li minm ki voyé paròl li sou tè-a,
avèk vitès paròl li-a kouri. R:
- ¹⁹ Li minm ki anonsé paròl li bay Jakòb,
jistis li ak jijman-l bay Israèl.
- ²⁰ Li pa fè konsa pou okinn nasion,
jijman-l yo, li pa fè konnin yo. R:

ALÉLOUYA

Cf. Mt 4, 23

R: Alélouya. Jézu t-ap préché bòn nouvèl péyi-roua-a
antan l-ap géri tout maladi ak tout infimité nan pèp la. R: Alélouya.

ÉVANJIL

Minm lè-a, lèp li-a disparèt.

✠ Léktu sint Évanjil la dapré Luk

5, 12-16

Lè sa-a :

Pandan Jézu té nan youn nan vil yo, min yon mésié plin lèp, lè-l ouè Jézu, li lagé kò-l atè sou fas li, li priyé-l, antan-l di : « Granmèt, si-ou vlé,

ou kapab pròpté-m ». Antan-l lonjé min-l, li touché-l pandan l-ap di : « Mouin vlé : sé pou-ou pròpté ». Minm lè-a lèp la pati sot sou li.

Li minm minm li pasé-l lòd pou-l pa di pèsòn sa ; min : « Alé, fè prèt la ouè-ou, épi fè ofrann pou pròpté ou pròpté-a, jan Moyiz té kòmandé-a, nan témouagnaj pou yo ».

Min paròl la t-ap gayé pi plis toujou osijè-l ; épi anpil foul t-ap vi-n pou yo kouté-l, épi pou yo géri sot nan infimité yo. Li minm minm li té ralé kò-l nan dézè-a épi li t-ap priyé.

Paròl Granmèt la.

12 janvié oubyin samdi apré Épipani

PRÉMIÉ LÉKTU

Li kouté nou nan tou sa nou mandé-l.

Léktu prémié lèt apot sin Jan

5, 14-21

Nou minm mouin rinmin anpil la :

Min konfians nou gin nan li-a, sèké tou sa nou kapab mandé, dapré volonté-l li kouté nou. Nou konnin li kouté nou nan tou sa nou kapab mandé ; nou konnin nou gin démann yo nou mandé-l yo.

Moun ki konnin frè-l fè yon péché ki pa mandé lanmò, sé pou-l priyé épi Bondié ap ba-l lavi pou sa-a ki fè péché ki pa kondui nan lanmò-a.

Nou konnin tout moun ki fèt sot nan Bondié pa fè péché ; min Pitit Bondié-a fè-l kinbé fèm, mové-a pa touché-l. Nou konnin sé nan Bondié nou soti, tout tè-a minm instalé nan mové-a. Nou konnin Pitit Bondié-a vini, li ba nou intélijans, pou nou konnin vré Bondié-a, pou nou égzisté nan vré Pitit li-a. Sa-a sé vré Bondié-a ak lavi tout tan-an.

Ti pitit mouin yo, kinbé kò nou louin zidòl yo. Amèn.

Paròl Granmèt la.

PSÒM RÉPONS

Ps 149, 1-2. 3-4. 5 é 6 a é 9 b (R: 4 a)

R: Granmèt la jouinn plézi nan pèp li-a,

oubyin : Alélouya.

- 1 Chanté pou Granmèt la yon kantik nouvo ;
louanj li nan asanblé sin yo.
- 2 Sé pou Israël kontan nan sa-a ki fè-l la,
sé pou pitit Siyon yo dansé pou roua yo. **R:**
- 3 Sé pou yo fè louanj pou non-l avèk dans,
sou tanbou ak gita sé pou yo chanté pou li.
- 4 Paské Granmèt la jouinn plézi nan pèp li-a,
l-ap fè pòv yo jouinn konsidérasion nan sové li sové yo-a. **R:**
- 5 Sé pou sin yo fété nan gloua-a.
Sé pou yo kontan sou kabann yo.
- 6 Louanj Bondié yo nan bouch yo :
9 gloua sa-a pou tout sin-l yo. **R:**

ALÉLOUYA**Mt 4, 16**

R: Alélouya. Pèp ki té chita nan fènoua yo,
li ouè yon gran limiè,
sou moun ki té abité nan réjion lonbraj lanmò-a,
yon limiè lévé pou yo. **R:** Alélouya.

ÉVANJIL

Zanmi mésié k-ap marié-a kontan poutèt voua mésié k-ap marié-a.

✠ Léktu sint Évanjil la dapré Jan**3, 22-30**

Lè sa-a :

Jézu rivé avèk disip li yo nan péyi Judé-a, li rété la avèk yo, li t-ap batizé. Jan tou t-ap batizé nan Énon, tou pré Salim, paské té gin anpil dlo la ; moun yo té konn vini, yo té konn fè batizé yo. Yo pa-t ko mété Jan nan prizon.

Vi-n gin diskision ant disip Jan yo avèk Juif yo osijè purifikasion, yo vi-n koté Jan, yo di-l : « Rabi, sa-a ki té avèk ou lòt bò Joudin-an, li minm ou té sèvi témouin-an, min l-ap fè batèm, épi tout moun ap vi-n jouinn li ».

Jan réponn, li di : « Yon moun pa kapab pran anyin, si yo pa ba li-l sot nan sièl la. Nou minm minm nou sèvi-m témouin, mouin té di : “Mouin pa Kris la, min sé voyé yo voyé-m dévan-l”.

Moun ki gin madanm k-ap marié-a, sé mésié k-ap marié-a ; zanmi mésié k-ap marié-a minm, ki kanpé ap kouté-l, li kontan anpil poutèt voua mésié k-ap marié-a. Kè kontan-m sa-a réalizé. Li minm sé pou-l grandi, mouin minm minm sé pou-m vi-n pi piti ».

Paròl Granmèt la.

ALÉLOUYA
pou jou sémèn nan apré Épipani

1. Mt 4, 16

℞ Alélouya. Pèp ki té chita nan fènoua yo, li ouè yon gran limiè,
sou moun ki té abité nan réjion lonbraj lanmò-a,
yon limiè lévé pou yo. ℞ Alélouya.

2. Cf. Mt 4, 23

℞ Alélouya. Jézu t-ap préché bòn nouvèl péyi-roua-a,
li t-ap géri tout maladi nan pèp la. ℞ Alélouya.

3. Lk 4, 18

℞ Alélouya. Granmèt la voyé-m poté bon nouvèl la bay pòv yo,
anonsé prizonié yo libérasion-an. ℞ Alélouya.

4. Lk 7, 16

℞ Alélouya. Yon gran profèt lévé nan pami nou,
Bondié vizité pèp li-a. ℞ Alélouya.

5. Cf. 1 Tim 3, 16

℞ Alélouya. Gloua pou ou, Kris, yo préché nan nasion yo ;
gloua pou ou, Kris, yo kouè sou tè-a. ℞ Alélouya.

Dimanch ki tonbé apré 6 janvié
FÈT BATÈM GRANMÈT LA

PRÉMIÉ LÉKTU

Min sèvitè-m nan, sé nan li mouin jouinn plézi-m.

Léktu liv profèt Izayi

42, 1-4. 6-7

Min paròl Granmèt la :

« Min sèvitè-m nan, m-ap soutni-l, li minm mouin chouazi-a, mouin jouinn plézi-m nan li : mouin mété éspri-m sou li, l-ap poté jijman-an bay nasion yo. Li pap rélé ni li pap konsidéré figi moun, yo pap tandé voua-l nan lari. Rozo ki féfé-a, li pap kasé-l ; mèch k-ap fè lafimin-an, li pap étinn li ; l-ap fè jijman-an soti nan vérité. Li pap tris, ni brital, joutan li pozé jijman-an sou tè-a ; zilé yo ap tann laloua-l la.

Mouin minm Granmèt la mouin rélé-ou nan jistis la, mouin pran-ou nan min, mouin protéjé-ou, mouin rinmèt ou kòm aliens pèp la pou limiè nasion yo, pou-ou louvri jé avèg yo, pou-ou ouété prizonié yo sot nan kacho-a, pou-ou ouété moun ki chita nan fènoua yo sot nan prizon-an ».

Paròl Granmèt la.

PSÒM RÉPONS

Ps 28, 1 a é 2. 3 ac-4. 3 b é 9 b-10 (R: 11 b)

R: Granmèt la ap béni pèp li-a nan lapè.

¹ Poté bay Granmèt la, pitit Bondié yo,

² poté bay Granmèt la gloua non-l,
adoré Granmèt la nan bèlté ki sin-an. **R:**

³ Voua Granmèt la sou dlo yo ;
Granmèt la sou dlo yo ki anpil yo.

⁴ Voua Granmèt la nan puisans,
voua Granmèt la nan grandè. **R:**

³ Bondié grandè-a fè tonè-a grondé :
⁹ nan tanp li-a tout moun rélé viv.

¹⁰ Granmèt la abité anlè délij la,
Granmèt la ap chita kòm roua pou tout tan. **R:**

DÉZIÈM LÉKTU

*Granmèt la sakré-l nan Éspri Sin-an.***Léktu Travay Apot yo****10, 34-38**

Jou sa yo :

Piè louvri bouch li, li di : « Amèn mouin rékonèt Bondié pa gadé sou figi moun, min nan tout nasion, moun ki krinn li, ki fè sa-k kòrèk, sé li minm li résévoua.

Bondié voyé paròl la bay pitit Israèl yo, li anonsé lapè pa lintèmédiè Jézu-Kri : sa-a sé Granmèt tout moun. Nou konnin, paròl ki rivé nan tout Judé-a kòmansé dépi sot nan Galilé-a apré batèm nan, sa Jan té préché-a, Jézu moun Nazarèt la, kijan Bondié sakré-l ak Éspri Sin-an avèk pouvoua, li minm ki travèsé antan l-ap fè sa-k byin, l-ap géri tout moun ki t-ap pasé tray anba pouvoua djab la, paské Bondié té avèk li ».

Paròl Granmèt la.

ALÉLOUYA**Cf. Mk 9, 6**

℞ Alélouya. Sièl yo louvri, voua Papa-a déklaré :

« Sa-a sé Pitit mouin-an sa-m rinmin anpil la ; kouté-l ». ℞ Alélouya.

ÉVANJIL**Ané A**

Lè Jézu fi-n batizé, li ouè Éspri Bondié-a k-ap vi-n sou li.

✠ Léktu sint Évanjil la dapré Matié**3, 13-17**

Lè sa-a :

Jézu rivé sot Galilé-a vi-n nan Joudin-an kot Jan, pou-l fè-l batizé-l. Jan minm té vlé anpéché-l, li t-ap di : « Sé mouin minm ki doué résévoua batèm nan min-ou, épi sé ou minm ki vi-n koté-m » ?

Jézu minm réponn, li di-l : « Kité pou koulié-a ; sèké sé konsa nou gin pou nou réalizé tout jistis ». Lè sa-a atò li kité-l.

Lè Jézu minm fi-n batizé, minm lè-a li monté sot nan dlo-a ; épi min sièl la louvri pou li, li ouè Éspri Bondié-a k-ap désann tankou yon

kolonb, k-ap vi-n sou li. Min yon voua sot nan sièl la, k-ap di : « Sa-a sé Pitit mouin-an mouin rinmin-an, nan li mouin jouinn plézi-m ».

Paròl Granmèt la.

Ané B

*Ou sé Pitit mouin-an sa-m rinmin-an,
nan ou mouin jouinn plézi mouin.*

✠ Léktu sint Évanjil la dapré Mark

1, 7-11

Lè sa-a :

Jan t-ap préché, li t-ap di : « Gin yon moun ki pi fò pasé-m k-ap vini, mouin pa mérité pou-m bésé pou-m défèt lasèt sapat li yo. Mouin minm mouin batizé nou nan dlo, li minm minm l-ap batizé nou nan Éspri Sin ».

Rivé, jou sa yo, Jézu vini sot Nazarèt Galilé-a, li résévoua batèm nan min Jan nan Joudin-an ; minm lè-a antan l-ap monté sot nan dlo-a, li ouè sièl yo louvri épi Éspri-a tankou yon kolonb k-ap désann pozé sou li ; yon voua soti nan sièl yo : « Ou sé Pitit mouin-an sa-m rinmin-an, nan ou mouin jouinn plézi-m ».

Paròl Granmèt la.

Ané C

*Pandan Jézu té fi-n résévoua batèm, li t-ap priyé,
sièl la louvri.*

✠ Léktu sint Évanjil la dapré Luk

3, 15-16. 21-22

Lè sa-a :

Pèp la t-ap kalkilé, li t-ap réfléchi nan kè-l osijè Jan, si sé pa-t li minm ki té Kris la. Jan pran laparòl, li di tout moun : « Mouin minm sé nan dlo m-ap batizé nou ; gin youn ki pi fò pasé-m k-ap vini, mouin pa mérité défèt lasèt sapat li : sé li minm k-ap batizé nou nan Éspri Sin-an ak nan difé ».

Rivé, lè tout pèp la té fi-n batizé, épi Jézu té fi-n résévoua batèm, li t-ap priyé, sièl la louvri ; Éspri Sin-an désann sou fòm yon kò tankou yon toutrèl sou li, yon voua sot nan sièl la : « Ou sé Pitit mouin-an sa-m rinmin-an ; nan ou mouin jouinn plézi-m ».

Paròl Granmèt la.

Si yo vlé, pou ané B :

PRÉMIÉ LÉKTU

Vi-n nan dlo yo : kouté, nanm nou ap viv.

Léktu liv profèt Izayi

55, 1-11

Min paròl Granmèt la :

« Nou tout ki souaf, vi-n nan dlo yo : nou minm ki pa gin lajan, proche, achte, manjé ; vini, achte divin ak lèt san lajan, san troké anyin. Pouki n-ap dépansé lajan nou nan sa-k pa pin, travay nou nan sa-k pap konblé nou.

Kouté, panché zòrèy nou sou mouin, manjé sa-k bon, nanm nou ap jouinn plézi nan sa-k gin konsistans. Panché zòrèy nou, vi-n jouinn mouin ; kouté, nanm nou ap viv, m-ap pasé yon aliens tout tan avèk nou, mizèrikòd ki fidèl pou David la. Min mouin mété-l kòm témouin pou pèp yo, kòm chèf ak gid pou nasion yo. Min ou-ap rélé yon nasion ou pa-t konnin, nasion ki pa-t konnin-ou ap kouri vi-n jouinn ou poutèt Granmèt Bondié-ou la ak Sin Israèl la, paské mouin fè-ou jouinn gloua.

Chèché Granmèt la pandan yo kapab jouinn li ; rélé-l pandan li tou pré. Sé pou méchan-an kité rout li, pou péchè-a kité kalkil li yo ; sé pou-l tounin kot Granmèt la, l-ap pran pitié pou li ; sé pou-l tounin kot Bondié nou-an, paské li paré byin paré pou-l padonnin. Sèké pansé-m yo pa pansé pa nou, rout mouin sé pa rout pa nou, sé sa Granmèt la di. Sèké minm jan sièl la ro anlè tè-a, sé konsa rout mouin yo ro anlè rout pa nou yo, pansé-m yo anlè pansé pa nou yo.

Minm jan lapli ak lanèj désann sot nan sièl la, épi li pa tounin la ankò, min li rouzé tè-a, li inbibé-l, li fè-l jèmin, li bay moun k-ap simin-an sémans, li bay pin pou moun manjé ; sé konsa paròl mouin-an ki sot nan bouch mouin : li pa tounin vi-n jouinn mouin vid, min li fè tou sa-m vlé, li réyisi nan sa-m voyé-l fè-a ».

Paròl Granmèt la.

PSÒM RÉPONS

Iz 12, 2-3. 4 bcd. 5-6 (R : 3)

R N-ap tiré dlo ak kè kontan sot nan sous Sovè-a.

² Min Bondié sovè-m nan, mouin gin konfians, mouin pap pè, paské fòs mouin ak louanj mouin, sé Granmèt la,

- sé li minm ki vi-n sovè-m.
- 3 N-ap tiré dlo ak kè kontan sot nan sous Sovè-a. *R:*
- 4 Fè louanj Granmèt la, rélé non li,
fè konnin mèvèy li yo nan pèp yo,
fè sonjé kijan non-l anlè nèt. *R:*
- 5 Chanté pou Granmèt la, paské li fè mèvèy,
anonsé sa sou tout tè-a.
- 6 Fété, fè louanj, pèp Siyon
paské li gran nan mitan-ou, Sin Israël la. *R:*

DÉZIÈM LÉKTU

Éspri-a ak dlo-a ak san-an.

Léktu prémié lèt apot sin Jan

5, 1-9

Nou minm mouin rinmin anpil la :

Tout moun ki kouè Jézu sé Kris la, sé nan Bondié li fèt ; tout moun, ki rinmin sa-a ki bay nésans la, li rinmin sa-a ki fèt nan li-a tou.

Sé nan sa nou rékonèt nou rinmin sa yo ki fèt nan Bondié yo, sé lè nou rinmin Bondié épi nou fè kòmandman-l yo. Sa-a réyèlman sé charité Bondié-a, pou nou kinbé kòmandman-l yo : épi kòmandman-l yo pa lou..

Sèké tout sa ki fèt nan Bondié li ranpòté viktoua sou tè-a, épi min viktoua-a ki ranpòté viktoua sou tè-a : sé lafoua nou.

Kilès sa-a ki ranpòté viktoua sou tè-a, si sé pa sa-a ki kouè Jézu sé Pitit Bondié-a ?

Sa-a sé li minm ki vini nan dlo-a ak san-an, Jézu-Kri ; pa nan dlo-a sèlman, min nan dlo-a ak san-an. Épi sé Éspri-a ki sèvi témouin, paské Éspri-a sé vérité. Sé yo toua k-ap sèvi témouin : Éspri-a ak dlo-a ak san-an, épi toua sa yo, sé yon sèl yo yé.

Si nou résévoua témouagnaj moun yo, témouagnaj Bondié-a pi gran ; paské min témouagnaj Bondié-a, ki pi gran-an, li sèvi témouin osijè Pitit li-a.

Paròl Granmèt la.

ALÉLOUYA

Cf. Jan 1, 29

R: Alélouya. Jan ouè Jézu k-ap vi-n koté-l, li di :
« Min Mouton Bondié-a ki ouété péché tè-a. R: Alélouya.

ÉVANJIL

Tankou pi ro-a pou Ané B, cf. p. 218.

Si yo vlé, pou ané C :

PRÉMIÉ LÉKTU

Gloua Granmèt la ap révéle, tout chè ap ouè.

Léktu liv profèt Izayi

40, 1-5. 9-11

« Konsolé, konsolé, pèp mouin, sé sa Bondié nou-an di. Palé ak kè Jérusalèm, épi ankourajé-l, paské méchansté-l la fi-n disparèt, fot li-a éfasé, li fi-n résevoua nan min Granmèt la doub pou tout péché-l yo ».

Voua moun nan k-ap rélé nan dézè-a : « Paré chémin Granmèt la, drésé santié Bondié nou yo nan dézè-a. Tout gòj ap lévé épi tout mòn ak bit tè ap bésé, sa-k krochi yo ap vi-n douat, sa-k gin trou yo ap vi-n tounin chémin égalizé, gloua Granmèt la ap révéle, tout chè ap ouè ansanm sé bouch Granmèt la ki té palé ».

Monté sou yon mòn ki ro, ou minm k-ap anonsé bòn nouvèl la Siyon ; lévé voua-ou byin fò, ou minm k-ap anonsé bon nouvèl la Jérusalèm ; lévé, pa pè, di vil Juda yo : « Min Bondié nou-an, min Granmèt Bondié-a k-ap vini ak fòs, épi bra-l ap kòmandé : min rékonpans li avèk li, épi travay li dévan-l. Tankou yon gadyin ap okipé bann mouton-l yo, nan bra-l l-ap rasanblé mouton yo, épi nan léstomak li l-ap lévé yo ; sa-k plinn yo, li minm l-ap poté yo ».

Paròl Granmèt la.

PSÒM RÉPONS

Ps 103, 1 b-2. 3-4. 24-25. 27-28. 29-30 (R: : cf. 1)

R: Fè konpliman pou Granmèt la, nanm mouin ;
Granmèt Bondié-m, ou gran anpil.

- 1 Granmèt Bondié-m, ou gran anpil.
Ou abiyé ak louanj, ak bèlté,
- 2 ou vlopé ak limiè tankou yon rad.
Antan-ou déplouayé sièl la tankou yon voual. **R**
- 3 Ou minm ki fouyé abitasion-ou yo nan dlo yo.
Ou minm ki mété nuaj yo pou yo poté-ou,
ou minm ki déplasé sou zèl van yo.
- 4 Ou minm ki fè éspri yo vi-n tounin mésajé-ou
ki fè difé k-ap boulé-a vi-n tounin sèvitè-ou. **R**
- 24 Ala anpil travay ou yo anpil, Granmèt
yo tout sé ak sajès ou fè yo,
tè-a plin ak créatu-ou.
- 25 Min lanmè-a, li gran, li gin anpil éspas, li laj :
ladan-l bèt k-ap filé, yo pa kapab konté yo,
bèt piti kon gran. **R**
- 27 Yo tout ap tann ou,
pou-ou ba yo manjé nan tan yo.
- 28 Antan-ou ba yo, yo rasanblé,
antan-ou louvri min-ou, ou plin ak byin. **R**
- 29 Antan-ou viré fas ou, yo boulvèsé ;
lè-ou raplé éspri yo, y-ap mouri,
sé nan pousiè yo y-ap tounin.
- 30 Ou-ap voyé éspri-ou, y-ap kréyé,
ou-ap réfè fas tè-a. **R**

DÉZIÈM LÉKTU

*Li sovè nou, nan bingn ki réfè nou-an,
ki fè nou vi-n tou nèf gras a Éspri Sin-an.*

Léktu lèt apot sin Pòl pou Tit

2, 11-14 ; 3, 4-7

Ou minm mouin rinmin anpil la :

Gras Bondié Sovè nou-an té parèt dévan tout moun, antan li aprann nou pou antan nou rénoncé péché-a, avèk anvè tè-a, nou viv yon fason réglé épi kòrèk épi sin nan tan sa-a, antan n-ap tann sint éspérans la avèk vini gloua gran Bondié ak Sovè nou Jézu-Kri ap vini-an, li minm ki té

rinnèt tèt li pou nou-an, pou-l té kapab rachté nou sot nan tout péché, pou-l té kapab pròpté yon pèp ki fè-l plézi, ki cho pou fè bon aksion yo.

Lè bon kè Bondié Sovè nou-an té parèt, avèk jan-l sansib pou lézòm, sé pa sou aksion jistis nou fè li gadé, pou-l sovè nou, min sé mizèrikòd li li konsidéré ki fè-l sovè nou, nan bingn ki réfè nou-an, ki fè nou vi-n tou nèf gras a Éspri Sin-an, Éspri sa-a li vidé nan nou k-ap débòdé-a, pa pouvoua Jézu-Kri sovè nou-an ; pou nou vi-n kòrèk akòz gras li-a, pou nou vi-n éritié lavi tout tan-an dapré éspérans la.

Paròl Granmèt la.

ALÉLOUYA

Cf. Luk 3, 16

- ℞ Alélouya. Gin youn ki pi fò pasé-m, k-ap vini, sé sa Jan di ;
li minm minm l-ap batizé nou nan Éspri Sin-an ak nan difé.
℞ Alélouya.

ÉVANJIL

Tankou pi ro-a pou Ané C, cf. p. 218.

Nan koté yo répòté solanité Épifani-an nan dimanch épi li tonbé jou 7 oubyin 8 janvié sa-a, yo répòté fèt Batèm Granmèt la nan lindi ki suiv imédiatman, anvan Évanjil la yo chouazi yon sèl léktu

Apati Dimanch apré fèt Batèm Granmèt la yo kòmansé léktu Dimanch tan òdinè yo, y-a jouinn yo pi louin, p. 611.

TAN KARÈM

MÈKRÉDI SANN

PRÉMIÉ LÉKTU

Chiré kè nou, pa chiré rad nou.

Léktu liv profèt Joèl

2, 12-18

Koulié-a, sé sa Granmèt la di, tounin vi-n jouinn mouin ak tout kè nou, nan jèn, ak dlo nan jé, nan rèl ; chiré kè nou, pa chiré rad nou, tounin vi-n jouinn Bondié nou-an, paské li bon, li gin mizérikòd, li gin pasians, ak anpil mizérikòd, li sipériè anlè méchansté. Ki moun ki konnin, si-l t-a tounin, pou-l padonnin, pou-l kité yon bédiksion apré-l, sakrifis ak ofrann likè pou Granmèt la, Bondié nou-an ?

Sonnin tronpèt nan Siyon, déklaré yon jèn sakré, rélé foul, rasanblé pèp, konsakré kominoté, rasanblé vié granmoun yo, rasanblé timoun yo ak sa-k nan tété ; sé pou mésié ki marié-a kité kabann li, sé pou madanm ki marié-a kité chanm li.

Ant koté yo mété rad yo ak lotèl la, sé pou prèt yo kriyé, yo minm sèvitè Granmèt la, sé pou yo di : « Pitié, Granmèt, pitié pou pèp ou-a, pa rinnèt éritaj ou-a nan mank déga, pou nasion yo pa kòmandé sou yo. Pouki pou yo t-a di nan pèp yo : “Koté Bondié yo-a ?” »

Granmèt la vi-n jalou pou péyi-l la, li ménajé pèp li-a.

Paròl Granmèt la.

PSÒM RÉPONS

Ps 50, 3-4. 5-6 a. 12-13. 14 é 17 (R : cf. 3 a)

R: Pitié, Granmèt, paské nou fè péché.

3 Pitié pou mouin, Bondié, dapré mizérikòd ou-a ;
dapré kantité mizérikòd ou,
éfasé fot mouin-an.

4 Lavé-m byin lavé sot nan fot mouin-an,
pròpté-m sot nan péché-m nan. R:

5 Sèké fot mouin-an mouin konnin-l,
péché-m nan kont mouin tout tan.

6 Sé kont ou, kont ou sèl mouin fè péché,
sa-k mal dévan-ou nan mouin fè-l. R:

- ¹² Kréyé yon kè pròp nan mouin, Bondié,
réfè yon éspri fèm nan zantray mouin yo.
- ¹³ Pa jété-m louin fas ou,
Éspri sin-ou nan, pa ouété-l sot nan mouin. **R**
- ¹⁴ Rinnèt mouin kè kontan sovè ou sovè-a,
asiré-m ak éspri ki pi vif la.
- ¹⁷ Granmèt, louvri po bouch mouin,
bouch mouin anonsé louanj ou. **R**

DÉZIÈM LÉKTU

Rékonsilié ak Bondié : min tan gras la koulié-a.

Léktu dézièm lèt apot sin Pòl pou Korintyin yo

5, 20-6, 2

Frè-m yo :

Pou Kris la, n-ap fè sèvis komisionè, tankou sé Bondié k-ap ankourajé pa intèmediè nou. Nou insisté pou Kris la : rékonsilié ak Bondié ; li minm ki pa-t konnin péché, Bondié fè-l vi-n tounin péché pou nou, pou jistis Bondié té kapab réalizé nan li.

Kòm n-ap plédé, nou ankourajé nou, pou nou pa résévoua gras Bondié-a pou granmési. Sèké li di : « Nan tan gras la mouin réponn ou, jou sovè-a, mouin poté-ou sékou ». Min li koulié-a, tan gras la, min li koulié-a, jou sovè Bondié sovè nou-an.

Paròl Granmèt la.

VÈSÈ ANVAN ÉVANJIL LA

Cf. Ps 94, 8 ab

Jodi-a, pa fèmin kè nou,
min kouté voua Granmèt la.

Nan plas vèsè anvan Évanjil la, yo prèzanté pou chak jou-a, yo kapab sèvi ak lòt yo y-ap jouinn pi louin yo, p. 234.

ÉVANJIL

Papa-ou, ki ouè nan koté ki kaché, l-ap rimmèt ou sa.

✠ Léktu sint Évanjil la dapré Matié

6, 1-6. 16-18

Lè sa-a : Jézu di disip li yo :

« Fè atansyon, pou nou pa fè aksion kòrèk nou dévan moun yo, pou yo ouè nou ; otréman nou pa t-a gin rékonpans dévan Papa nou ki nan sièl la.

Lè ou-ap fè charité, pa sonnin tronpèt dévan-ou, tankou ipokrit yo ap fè nan sinagòg yo ak sou plas yo, pou moun yo kapab fè louanj yo. Amèn mouin di nou, yo résevoua rékonpans yo. Ou minm lè ou-ap fè charité, pa kité min goch ou konnin sa min douat ou ap fè, pou charité-ou la kapab rét kaché ; konsa Papa-ou ki ouè nan koté ki kaché-a, l-ap rimmèt ou sa.

Lè n-ap priyé, pa fè tankou ipokrit yo, ki rinmin rét kanpé nan sinagòg yo ak nan kalfou plas yo, pou yo priyé, pou moun yo kapab ouè yo. Amèn mouin di nou, yo résevoua rékonpans yo. Ou minm, lè ou-ap priyé, antré nan chanm ou, fèmin pòt la, priyé Papa-ou nan koté ki kaché-a. Papa-ou, ki ouè nan koté ki kaché-a, l-a rimmèt ou sa.

Lè n-ap fè jèn, pa rét chagrin tankou ipokrit yo, yo fè figi yo dékonpozé, pou moun yo kapab ouè y-ap fè jèn. Amèn mouin di nou, yo résevoua rékonpans yo. Ou minm, lè ou-ap fè jèn, mèt losion sou tèt ou, lavé figi-ou, pou moun yo pa ouè ou-ap fè jèn, min pou sé Papa-ou ki ouè, li minm ki nan koté ki kaché-a ; Papa-ou, ki ouè nan koté ki kaché-a, l-a rimmèt ou sa ».

Paròl Granmèt la.

Si bédiksion ak inpozision sann yo fèt san Mès, li konvnab pou mété litiji paròl la anvan, antan yo sèvi avèk tèks yo propozé pou Mès jou sa-a.

JÉDI APRÉ LÉSANN

PRÉMIÉ LÉKTU

*Min-m prezanté dévan-ou jodi-a
bénédiksion-an ak malédiksion-an.*

Léktu liv Détéronòm

30, 15-20

Moyiz palé ak pèp la, li di :

« Konsidéré sa-m prezanté dévan-ou jodi-a : lavi-a ak byin-an, épi an fas : lanmò-a ak malè-a, pou-ou kapab rinmin Granmèt Bondié-ou la, pou-ou maché nan chémin-l yo, pou-ou kinbé kòmandman-l yo ak sérémoni yo, ak jijman yo, pou-ou kapab viv : konsa l-ap fè-ou vi-n anpil, l-ap béni-ou nan péyi-a, koté ou-apral antré pou-ou posédé-l la.

Sèlman si kè-ou viré, ou pa vlé kouté, ou kité mové lidé tronpé-ou, ou adoré dié étranjé, ou sèvi yo, mouin déklaré-ou davans jodi-a ou-ap péri, nan yon ti moman ou-ap mouri nan péyi-a, lòt bò Joudin-an, koté ou-ap antré pou-ou posédé-l la.

Jodi-a mouin pran sièl la ak tè-a pou témouin, mouin prezanté dévan nou lavi-a ak lanmò-a, bénédiksion-an ak malédiksion-an. Chouazi lavi-a, pou-ou viv ansanm ak ras ou ; pou-ou rinmin Granmèt la Bondié-ou la, pou-ou obéyi voua-l, pou-ou kòlè sou li (sé li minm vréman vré ki lavi-ou ak longè jou-ou yo), pou-ou abité nan péyi-a, sa Granmèt la té fè sèman bay papa-ou yo, Abraam, Izaak ak Jakòb, li t-ap ba yo-a ».

Paròl Granmèt la.

PSÒM RÉPONS

Ps 1, 1-2. 3. 4 é 6 (R : Ps 39, 5 a)

R: Ala kontantman pou moun ki mét Granmèt la kòm éspéras li.

- 1 Ala kontantman pou moun ki pa alé nan réyinion moun ki pa kòrèk yo,
ki pa kanpé nan chémin péchè yo,
ki pa chita nan asanblé moun k-ap moké yo,
- 2 min sé nan laloua Granmèt la volonté-l yé,
sé nan laloua-l la l-ap kalkilé lajounin ak lannuit. R:
- 3 L-ap tankou yon pié boua ki planté sou bò kouran dlo,
k-ap donnin foui-l nan tan li ;
li pap pèdi fèy li, tou sa l-ap fè ap réyisi. R:

- 4 Sé pa konsa pou moun ki pa kòrèk yo, sé pa konsa,
min y-ap tankou pousiè van ap voyé jété.
- 6 Sèké Granmèt la konnin chémin moun kòrèk yo :
min rout moun ki pa kòrèk yo ap péri. **R**

VÈSÈ ANVAN ÉVANJIL LA

Mt 4, 17

Fè pénitans, sé sa Granmèt la di ;
péyi-roua sièl yo tou pré.

ÉVANJIL

*Moun ki pèdi lavi-l poutèt mouin,
l-ap sové-l.*

✠ Léktu sint Évanjil la dapré Luk

9, 22-25

Lè sa-a :

Jézu di disip li yo : Pitit moun nan gin pou-l soufri anpil, pou ansyin
yo ak chèf prèt yo ak skrib yo kondané-l pou-l résisité sou touazièm jou-
a.

Li t-ap di yo tout : « Si yon moun vlé vi-n apré-m, sé pou-l rénonse
pròp tèt li, pou-l pran koua-l chak jou, pou-l suiv mouin. Moun ki vlé
sové lavi-l l-ap pèdi-l ; sèké moun ki pèdi lavi-l poutèt mouin, l-ap sové-
l. Sa sa sèvi yon moun si-l posédé tout tè-a, épi li pèdi pròp tèt li, li
okazoné malè-l ? »

Paròl Granmèt la.

VANDRÉDI APRÉ LÉSANN

PRÉMIÉ LÉKTU

Èské sé pa sa-a pito : jèn nan mouin chouazi-a ?

Léktu liv profèt Izayi

58, 1-9 a

Min paròl Granmèt Bondié :

« Rélé, pa sispann, tankou yon tronpèt, lévé voua-ou ; anonsé pèp mouin-an krim yo fè ak kay Jakòb la péché yo fè. Chak jou y-ap chèché-m, yo vlé konnin chémin-m yo, tankou yon nasion k-ap fè sa-k kòrèk, ki pa lagé jijman Bondié-l la. Y-ap mandé-m jijman jistis, yo vlé proche kot Bondié :

“Pouki sa n-ap fè jèn, épi ou pa gadé ; nou rabésé nanm nou, ou pa konnin ?”

Min li : jou jèn nou-an, sé volonté nou n-ap fè, n-ap réklamé tout moun ki doué nou yo. Min li : sé nan batay ak diskision n-ap fè jèn, n-ap frapé ak kout pouin san pitié. Pa fè jèn tankou nou fè jous jodi-a, pou yo kapab tandé voua nou nan sièl la.

Èské sé kalité mòd jèn sa-a mouin chouazi, pou yon moun ap maltréte nanm li tout jounin ? Èské sé balansé tèt li tankou yon boul, maré rin-l ak sak ak sann ? Èské sé sa nou rélé jèn ak jou ki fè Granmèt la plézi ?

Èské sé pa sa-a pito : jèn nan mouin chouazi-a ? Dèfèt chinn ki fè nou pa kòrèk la, démaré pakèt k-ap pézé sou tèt la, ranvouayé sa-k krazé yo nan libèté, krazé tout chaj ; séparé pin-ou avèk moun ki grangou-a, fè pòv la ak moun ki pa gin kay la antré nan kay ou ; lè-ou ouè yon moun ki ni-kò, kouvri-l, pa méprizé pròp chè-ou.

Lè sa-a, limiè-ou ap éklaté tankou granmatin, santé-ou ap lévé byin vit, jistis ou ap maché dévan fas ou, gloua Granmèt la ap vlopé-ou. Lè sa-a ou-ap priyé, Granmèt la ap kouté, ou-ap rélé, l-ap di : “Min mouin” ».

Paròl Granmèt la.

PSÒM RÉPONS

Ps 50, 3-4. 5-6 a. 18-19 (R : 19 b)

R: Yon kè krazé, rabésé, Bondié pa méprizé-l.

- 3 Pitié pou mouin, Bondié, dapré mizérikòd ou ;
dapré anpil mizérikòd ou, éfasé fot mouin-an.
- 4 Lavé-m byin lavé sot nan fot mouin-an,
pròpté-m sot nan péché-m nan. *R.*
- 5 Sèké fot mouin-an mouin konnin-l,
péché-m nan kont mouin tout tan.
- 6 Sé kont ou, kont ou sèl mouin fè péché,
sa-k mal dévan-ou nan mouin fè-l. *R.*
- 18 Ou pap pran plézi nan sakrifis,
sakrifis antié, si-m ofri-l, li pap fè-ou plézi.
- 19 Sakrifis pou Bondié, sé yon éspri krazé,
yon kè krazé, rabésé, Bondié pap méprizé-l. *R.*

VÈSÈ ANVAN ÉVANJIL LA.

Cf. Am 5, 14

Chèché byin-an, sé pa mal la, pou nou kapab viv ;
épi Granmèt la ap avèk nou.

ÉVANJIL

*Lè y-ap pran mésié k-ap marié-a nan min yo,
lè sa-a y-a fè jèn.*

✠ Léktu sint Évanjil la dapré Matié

9, 14-15

Lè sa-a : Kòm Jézu té rivé lòt bò lanmè, nan réjion Gérazényin yo, disip Jan yo proché koté-l, yo di : « Pouki sa nou minm ak Farizyin yo, n-ap fè jèn souvan, épi disip pa-ou yo minm, yo pa fè jèn ? »

Jézu di yo : « Èské pitit yo ki avèk mésié k-ap marié-a, yo kapab chagrin, toutotan mésié k-ap marié-a avèk yo ? Min gin jou k-ap rivé, lè y-ap pran mésié k-ap marié-a nan min yo, lè sa-a y-a fè jèn ».

Paròl Granmèt la.

SAMDI APRÉ LÉSANN

PRÉMIÉ LÉKTU

*Lè ou-ap vidé nanm ou bay moun ki grangou-a,
limiè-ou ap lèvé nan fènoua yo.*

Léktu liv profèt Izayi

58, 9 b-14

Min paròl Granmèt la :

« Si-ou ouété chinn nan sot nan mitan-ou, épi ou sispann lonjé douèt ou, ni palé bagay ki pa sèvi ; lè ou-a vidé nanm ou bay moun ki grangou-a, lè ou-a plin nanm moun ki nan lapinn nan, limiè-ou ap lèvé nan fènoua yo, fènoua-ou yo ap vi-n tankou midi. Granmèt la ap toujou ba-ou répo, l-ap plin nanm ou ak klèté, l-ap libéré zo-ou ; ou-ap tankou yon jadin ki byin rouzé, tankou yon sous dlo, ki pap manké dlo.

Y-ap bati dézè lontan yo nan mitan-ou, y-ap lèvé fondasion jénérasion ak jénérasion, y-ap rélé-ou sa-a k-ap bati miray ki té tonbé yo, sa-a k-ap drésé santié yo pou lapè-a.

Si-ou sispann fè pié-ou fè louanj li, antan-ou pa fè rout ou yo, antan volonté-ou pa parèt, pou-ou ap palé paròl ou : lè sa-a ou-ap jouinn plézi-ou nan Granmèt la, m-ap poté-ou anlè rotè péyi-a, m-ap ba-ou manjé nan éritaj Jakòb, papa-ou la.

Sé bouch Granmèt la minm ki palé ».

Paròl Granmèt la.

PSÒM RÉPONS

Ps 85, 1-2. 3-4. 5-6 (R : 11 a)

R: Aprann mouin chémin-ou, Granmèt,
m-a antré nan vérité-ou la.

¹ Panché zòrèy ou, Granmèt, kouté-m,
paské mouin maléré, mouin pòv.

² Prézèvé nanm mouin, paské mouin sin ;
sové-m, Bondié mouin, mouin espéré nan ou. R:

³ Pitié pou mouin, Granmèt, paské m-ap rélé koté-ou tout jounin.

⁴ Fè nanm sèvitè-ou la jouinn kontantman,
paské sé koté-ou, Granmèt, mouin lèvé nanm mouin. R:

⁵ Paské Granmèt, ou bon, ou dou,
ou gin mizériköd anpil pou tout moun k-ap rélé-ou.

⁶ Kouté priyè-m, Granmèt,
ak zòrèy ou, kouté voua priyè-m. **R**

VÈSÈ ANVAN ÉVANJIL LA

Éz 33, 11

Mouin pa vlé lanmò méchan-an, sé sa Granmèt la di,
min mouin vlé pou-l chanjé konduit, pou-l viv.

ÉVANJIL

*Mouin pa vi-n rélé sa-k kòrèk yo,
min péchè yo, pou yo fè pénitans.*

✠ Léktu sint Évanjil la dapré Luk

5, 27-32

Lè sa-a :

Jézu ouè yon piblikin yo rélé Lévi, ki chita nan biro ladoua-n nan, li di-l : « Suiv mouin ». Li kité tout bagay, li lévé, li suiv li.

Lévi fè yon gran résépsion lakay li. Té gin yon pakèt foul piblikin ak dèt moun ki té lonjé kò yo pou manjé avèk yo. Farizyin yo t-ap bougonnin, ni skrib yo, yo t-ap di disip li yo : « Pouki sa n-ap manjé, n-ap bouè ansanm ak piblikin yo ak péchè yo ? »

Jézu pran laparòl, li di yo : « Sé pa moun ki an santé ki bézouin doktè, min sé moun ki malad. Mouin pa vi-n rélé moun ki kòrèk yo, min sé péchè yo mouin vi-n rélé pou yo fè pénitans ».

Paròl Granmèt la.

VÈSÈ ANVAN ÈVANJIL POU JOU NAN SÈMÈN KARÈM YO

1. Kréyé yon kè pròp nan mouin, Bondié, Ps 50, 12 a. 14 a
rinmèt mouin kè kontan sové ou sové nou-an.
2. Jodi-a, pa fèmin kè nou, Cf. Ps 94, 8 a b
min kouté voua Granmèt la.
3. Mouin espéré nan Granmèt la, mouin espéré nan paròl li ; Cf. Ps 129, 5. 7
paské koté-l sé mizérikòd avèk anpil rédanmsion.
4. Jété tout péché nou yo louin nou, sé sa Granmèt la di, Éz 18, 31
épi fè kè nouvo ak éspri nouvo pou nou.
5. Mouin pa vlé lanmò méchan-an, sé sa Granmèt la di, Éz 33, 11
min mouin vlé pou-l chanjé konduit, pou-l viv.
6. Koulié-a, sé sa Granmèt la di, Joèl 2, 12-13
tounin koté-m ak tout kè nou, paské mouin bon, mouin gin mizérikòd.
7. Chèché byin-an, sé pa mal la, pou nou kapab viv ; Cf. Am 5, 14
Granmèt la ap avèk nou.
8. Sé pa ak pin sèlman moun viv, Mt 4, 4 b
min ak tout paròl ki soti nan bouch Bondié.
9. Fè pénitans, sé sa Granmèt la di ; Mt 4, 17
péyi roua sièl yo tou pré.
10. Ala kontantman pou moun ki kinbé paròl la nan yon kè ki bon, Cf. Lk 8, 15
ki gin dévouman, ki donnin foui nan pasians.
11. M-ap lévé, m-apral kot papa-m, m-ap di-l : Lk 15, 18
« Papa, mouin fè péché nan sièl la ak dévan-ou ».
12. Bondié si tèlman rinmin tè-a, li bay Pitit li-a, sèl Pitit li-a ; Jan 3, 16
tout moun ki kouè nan li l-ap gin lavi ki pap janm fini-an.
13. Paròl ou yo, Granmèt, sé éspri ak lavi ; Cf. Jan 6, 63 c. 68 c
ou gin lavi ki pap janm fini-an.
14. Mouin sé limiè tè-a, sé sa Granmèt la di ; Jan 8, 12
moun k-ap suiv mouin, l-ap gin limiè lavi-a.
15. Mouin sé rézireksion-an ak lavi-a, sé sa Granmèt la di ; Jan 11, 25 a. 26
moun ki kouè nan mouin li pap janm mouri
16. Min li, koulié-a, tan favè-a, 2 Kor 6, 2 b
min li koulié, jou pou sovè-a.
17. Sémans la sé paròl Bondié-a, sa-a k-ap simin-an minm, sé Kris la ;
tout moun ki jouinn li, l-ap diré pou tout tan.

AKLAMASION
pou tan Karèm nan

1. Gloua ak louanj pou ou, Kris.
2. Gloua pou ou, Kris, Sajès Bondié Papa-a.
3. Glooua pou ou, Kris Paròl Bondié-a.
4. Glooua pou ou, Granmèt, Pitit Bondié vivan-an.
5. Louanj ak onè pou ou, Granmèt Jézu.
6. Louanj pou ou, Kris, Roua gloua tout tan-an.
7. Yo gran épi yo ékstraòdinè, aksion-ou yo, Granmèt.
8. Sové nou sové-a, gloua-a ak puisans la pou Granmèt la Jézu-Kri.

PRÉMIÉ SÉMÈN KARÈM

Dimanch, ané A

PRÉMIÉ LÉKTU

Kréasion ak péché prémié paran yo.

Léktu liv Jénèz la

2, 7-9 ; 3, 1-7

Granmèt Bondié fòmé moun nan ak labou tè-a, li souflé yon souf lavi nan fas li, moun nan vi-n tounin yon nanm vivan.

Granmèt Bondié planté yon paradi plézi dépi nan kòmansman, li mété moun nan li té fòmé-a ladan-l. Ak tè rouzé-a, Granmèt Bondié fè tout kalité pié boua pousé, ki bèl pou gadé, ki dous pou manjé ; pié boua lavi-a tou té nan mitan paradi-a ak pié boua sians byin ak mal la.

Min sèpan-an sé té pi rizèz nan tout bèt yo sou tè-a, sa Granmèt Bondié té fè yo. Li di madanm nan : « Pouki sa Bondié pasé nou lòd, pou nou pa manjé nan okinn pié boua paradi-a ? »

Madanm nan réponn : « Nan foui pié boua yo, ki nan paradi-a, nou gin doua manjé ; min nan foui pié boua, ki nan mitan paradi-a, Bondié pasé nou lòd pou nou pa manjé ladan-l, pou nou pa minm touché-l, otréman nou kapab mouri ».

Sèpan-an minm di madanm nan : « Sé pa vré ditou, nou pap mouri okinn. Sé paské Bondié konnin jou n-ap manjé ladan-l nan, jé nou ap louvri, n-ap vi-n tankou dié yo ki konnin ni byin ni mal ».

Madanm nan ouè kijan pié boua-a té bon pou manjé, li té bèl pou jé, aspè-l té bay plézi, li pran nan foui-l, li manjé, li bay mari-l la tou, ki manjé. Jé yo tou lè dé vi-n louvri. Lè yo rékonèt yo té ni-kò, yo koud fèy figié, yo fè rad pou pasé nan sinti yo.

Paròl Granmèt la.

PSÒM RÉPONS

Ps 50, 3-4. 5-6 a. 12-13. 14 é 17 (R : cf. 3 a)

R Pitié, Granmèt, paské nou fè péché.

- 3** Pitié pou mouin, Bondié, dapré mizérikòd ou ;
épi dapré kantité kè sansib ou yo,
éfasé fot mouin-an.

- 4 Lavé-m nèt sot nan fot mouin-an,
pròpté-m sot nan péché-m nan. **R:**
- 5 Sèké fot mouin-an sé mouin minm ki konnin-l,
péché-m nan dévan-m tout tan.
- 6 Kont ou, kont ou sèl mouin fè péché,
épi sa-k mal dévan-ou la, mouin fè-l. **R:**
- 12 Kréyé yon kè pròp nan mouin, Bondié,
réfè yon éspri fèm nan zantray mouin.
- 13 Pa jété-m louin fas ou,
Éspri Sin-ou nan, pa ouété-l sot nan mouin. **R:**
- 14 Rinmèt mouin kè kontan sovè ou sovè-m nan,
asiré-m ak éspri ki pi vif la.
- 17 Granmèt, louvri po bouch mouin,
bouch mouin ap anonsé louanj ou. **R:**

DÉZIÈM LÉKTU

Koté fot la té anpil la, gras la vi-n anpil pi plis toujou.

Léktu lèt apot sin Pòl pou Romin yo

5, 12-19

Frè-m yo :

Minm jan akoz yon sèl moun péché té antré sou tè sa-a, épi avèk péché-a lanmò-a, sé konsa lanmò-a pasé nan tout moun, paské tout moun fè péché-a. Sèké jouska laloua-a, péché-a té sou tè-a, min yo pa-t akizé moun pou péché-a, paské pa-t gin laloua. Min lanmò-a té kòmandé kòm roua dépi Adan jouska Moyiz minm nan sa yo ki pa-t fè péché tankou dézobéyisans Adan-an, ki sèvi modèl pou sa-k vi-n apré-a.

Sèlman kado-a pa suiv minm filiè avèk fot la ; réyéman si akoz fot yon sèl moun tout foul moun yo mouri, gras Bondié-a ak kado nan yon sèl moun nan, Jézu-Kri, li vidé laj pi plis ankò nan pakèt foul moun yo. Sé pa tankou sa-k té rivé poutèt yon sèl péché-a sa ap rivé konsa pou kado-a ; sèké jijman-an té abouti nan kondanasion akoz yon sèl la, min gras la minm li fè nou vi-n kòrèk sot nan pakèt fot yo.

Réyéman si akoz fot yon sèl moun lanmò-a té kòmandé pa lintèmédiè yon sèl la, moun yo ki résévoua chaj gras ak kado ak jistis pa lintèmédiè

yon sèl moun nan, Jézu-Kri, y-ap kòmandé pi plis toujou kòm roua nan lavi-a.

Konsa, minm jan pa lintèmédiè fot yon sèl moun nan, tout moun té passé anba kondanasion, konsa tou pa lintèmédiè jistis yon sèl moun nan, tout moun vi-n kòrèk pou lavi-a. Minm jan akòz dézobéyisans yon sèl moun nan, tout foul moun yo té vi-n gin péché, konsa tou akòz obéyisans yon sèl la, foul moun yo vi-n kòrèk.

Paròl Granmèt la.

oubyin pi kout

Léktu lèt apot sin Pòl pou Romin yo

5, 12. 17-19

Frè-m yo :

Minm jan akòz yon sèl moun péché té antré sou tè sa-a, épi avèk péché-a lanmò-a, sé konsa lanmò passé nan tout moun, paské tout moun fè péché-a.

Réyèlman si akòz fot yon sèl moun lanmò-a té kòmandé pa lintèmédiè yon sèl la, moun yo ki résévoua chaj gras ak kado ak jistis pa lintèmédiè yon sèl moun nan, Jézu-Kri, y-ap kòmandé pi plis toujou kòm roua nan lavi-a.

Konsa, minm jan pa lintèmédiè fot yon sèl moun nan, tout moun té passé anba kondanasion, konsa tou pa lintèmédiè jistis yon sèl moun nan, tout moun vi-n kòrèk pou lavi-a. Minm jan akòz dézobéyisans yon sèl moun nan, tout foul moun yo té vi-n gin péché, konsa tou akòz obéyisans yon sèl la, foul moun yo vi-n kòrèk.

Paròl Granmèt la.

VÈSÈ ANVAN ÉVANJIL LA

Mt 4, 4 b

Sé pa ak pin sèlman moun viv,
min ak tout paròl ki soti nan bouch Bondié.

ÉVANJIL

Jézu fè jèn, li kité yo tanté-l pandan karant jou.

✠ Léktu sint Évanjil la dapré Matié

4, 1-11

Lè sa-a :

Éspré-a kondui Jézu nan dézè-a, pou djab la tanté-l ; apré-l fi-n fè jèn pandan karant jou ak karant nuit, li vi-n grangou.

Sa-a k-ap tanté-a proché, li di-l : « Si-ou sé Pitit Bondié-a, di pou ròch sa yo vi-n tounin pin ».

Li réponn, li di : « Min sa ki ékri : “Sé pa ak pin sèlman moun viv, min ak tout paròl ki soti nan bouch Bondié” ».

Apré sa djab la pran-l li transpôté-l nan vil ki sin-an, li pozé-l anlè tèt tanp la, li di-l : « Si sé Pitit Bondié ou yé, lagé kò-ou anba ; sèké min sa ki ékri : “Li pasé anj li yo lòd osijè-ou, pou yo poté-ou sou min, pou-ou pa riské frapé pié-ou nan ròch” ».

Jézu di-l : « Min sa ki ékri tou : “Ou pap tanté Granmèt Bondié-ou la” ».

Apré sa ankò djab la pran-l li poté-l sou yon mòn ki ro anpil, li montré-l tout péyi-roua sou tè-a ak richès yo, li di-l : « Tout bagay sa yo, m-ap ba ou yo, si-ou tonbé atè, ou adoré-m ».

Lè sa-a atò, Jézu di-l : « Al fè rout ou, Satan ; sèké min sa ki ékri : “Sé Granmèt Bondié-ou la pou-ou adoré, sé li minm sèl pou-ou sèvi” ».

Lè sa-a atò djab la kité-l, épi anj yo proché, yo sèvi-l.

Paròl Granmèt la.

Dimanch, ané B

PRÉMIÉ LÉKTU

Alians Bondié avèk Noé lè-l fi-n délivré-l sot anba dlo délij la.

Léktu liv Jènèz la

9, 8-15

Min sa Bondié di Noé ak pitit li yo avèk li : « Min m-ap pasé aliens mouin avèk nou, épi avèk ras nou apré nou, ni ak tout vivan ki avèk nou,

ni ak zouazo ni ak bèt chaj ni ak bèt gadinaj sou tè-a, yo tout, sa-k soti nan arch la, ni ak tout bèt sou tè-a. M-ap pasé aliens mouin avèk nou, dlo délij la pa gin doua janm touyé tout chè ankò, ni pap gin délij k-ap détoui tè-a ».

Bondié di : « Min sign aliens la, sa mouin bay ant mouin minm ak nou minm nan pou tout vivan ki avèk nou nan jénérasyon tout tan yo : m-ap mété ark mouin-an nan niaj yo, l-ap sèvi sign aliens la ant mouin minm ak tè-a. Lè m-a kouvri sièl la ak niaj yo, ark mouin-an ap parèt nan niaj yo, m-ap sonjé aliens mouin-an avèk nou épi avèk tout vivan ki gin lavi chè ; pap gin dlo délij yo ankò pou détoui tout chè ».

Paròl Granmèt la.

PSÒM RÉPONS

Ps 24, 4 bc-5 ab. 6-7 bc. 8-9 (R : cf. 10)

- R Tout chémin-ou, Granmèt, sé mizérikòd ak vérité
pou moun ki obsèvé téstaman-ou nan.
- 4 Montré-m chémin-ou yo, Granmèt,
aprann mouin santié-ou yo.
- 5 Kondui-m nan vérité-ou la, ban-m léson,
paské sé ou minm ki Bondié k-ap sovè-m nan. R
- 6 Sonjé bon kè-ou la, Granmèt,
ak mizérikòd ou yo, paské sé dépi tout tan yo égzisté,
7 dapré mizérikòd ou, sonjé-m,
poutèt bon kè-ou, Granmèt. R
- 8 Granmèt la bon, li douat,
sé poua l-ap aprann moun ki nan péché yo chémin-an ;
9 l-ap kondui moun ki dosil yo nan jijman-an,
l-ap aprann moun ki dou yo chémin-l yo. R

DÉZIÈM LÉKTU

Nou minm koulié-a, batèm nan sovè nou.

Léktu prémié lèt apot sin Piè

3, 18-22

Nou minm mouin rinmin anpil la

Kris la mouri yon foua pou tout poutèt péché nou yo, li minm ki kòrèk pou sa yo ki pa kòrèk yo, pou-l té kapab ofri nou bay Bondié, li mouri

nan chè-a, li vivan nan éspri-a ; sé nan éspri-a minm li t-al préché éspri yo ki té nan prizon-an, yo minm ki té réfizé kouè lontan, lè moun yo t-ap tann pasians Bondié nan tan Noé-a, lè-l t-ap bati arch la, koté sé yon ti kras ki té sové nan dlo-a, an tou uit moun nan.

Nou minm tou koulié-a batèm nan sové nou sou minm fòm sa-a, sé pa sa-k sal nan chè-a li ouété, min sé yon bon konsians li mandé nan Bondié gras a rézireksion Jézu-Kri-a, ki adouat Bondié, ki anglouti lanmò-a, pou nou té kapab vi-n éritié lavi tout tan-an, li pati nan sièl la, apré-l fi-n mété anj yo ak pouvoua yo ak otorité yo anba lòd li.

Paròl Grammèt la.

VÈSÈ ANVAN ÉVANJIL LA

Mt 4, 4 b

Sé pa ak pin sèlman moun viv,
min ak tout paròl ki soti nan bouch Bondié.

ÉVANJIL

Satan t-ap tanté-l, anj yo t-ap sèvi-l.

✠ Léktu sint Évanjil la dapré Mark

1, 12-15

Lè sa-a :

Éspri-a pousé Jézu nan dézè-a, li té nan dézè-a pandan karant jou ak karant nuit, Satan t-ap tanté-l, li té avèk bèt sovaj yo, anj yo t-ap sèvi-l.

Apré yo fi-n arété Jan, Jézu rivé nan Galilé, l-ap préché bòn nouvèl péyi-roua Bondié-a, l-ap di : « Tan-an rivé, péyi-roua Bondié-a proché : fè pénitans, kouè nan bòn nouvèl la ».

Paròl Grammèt la.

Dimanch, ané C

PRÉMIÉ LÉKTU

Déklarasion lafoua pèp ki chouazi-a.

Léktu liv Détéronòm

26, 4-10

Moyiz palé ak pèp la, li di :

« Prèt la ap résévoua premié foui yo nan min-ou, l-ap pozé yo dévan lotèl Grammèt Bondié-ou la, ou-a di dévan fas Grammèt Bondié-ou la :

“Siri té pèsékité papa-m, ki désann nan Éjip, lè-l rivé la, li vouayajé kòm pèlrin, yo té yon ti kras kantité moun, min li vi-n dévlopé nan yon nasyon ki gran, ki gin fòs, ki vi-n yon kantité yo pa kapab konté.

Éjipsyin yo fè nou pasé tray, yo pèsékité nou, yo mét chaj ki lou anpil sou do nou, nou rélé kot Granmèt Bondié papa nou yo, ki tandé nou, ki ouè mizè nou ak lapinn nou, ak kè séré nou ; li fè nou soti Éjip ak min-l plin fòs, ak bra-l lévé, ak sézisman éstraòdinè, ak prodij, li fè nou antré nan koté sa-a, li rinmèt nou tè-a koté sé lèt ak mièl k-ap koulé-a.

Konsa koulié-a m-ap ofri premié foui tè-a, sa Granmèt la ban mouin-an. Ou-a kité yo dévan fas Granmèt Bondié-ou la, ou-a adoré Granmèt Bondié-ou la” ».

Paròl Granmèt la.

PSÒM RÉPONS.

Ps 90, 1-2. 10-11. 12-13. 14-15 (R : cf. 15 b)

R : Rét avèk mouin, Granmèt, nan tribilasion-an.

¹ Moun ki abité nan protéksion Sa-a ki anro nèt la,
l-ap rété anba lonbraj Sa-a ki gin tout pouvoua-a.

² L-ap di Granmèt la : « Kachèt mouin,
ak fòs mouin, Bondié mouin, m-ap éspéré nan ou ». **R**

¹⁰ Malè pap proche koté-ou,
chatiman pap proche nan tant ou.

¹¹ Paské l-ap pasé anj li yo lòd osijè-ou,
pou yo véyé sou ou nan tout chémin-ou yo. **R**

¹² Sé sou min yo y-ap poté-ou,
pou pié-ou pa riské frapé sou ròch.

¹³ Sou aspik ak bazilik ou-ap maché,
ou-ap foulé lion ak dragon anba pié-ou. **R**

¹⁴ Paské li kolé kò-l sou mouin, m-ap délivré-l ;
m-ap résévoua-l, paské li konnin non-m.

¹⁵ L-ap rélé-m, m-ap kouté-l ;
m-ap avèk li nan tribilasion-an,
m-ap délivré-l, m-ap fè-l jouinn gloua. **R**

DÉZIÈM LÉKTU

Déklarasion lafoua moun ki kouè nan Jézu-Kri yo.

Léktu lèt apot sin Pòl pou Romin yo**10, 8-13**

Frè-m yo :

Ki sa sa-k ékri-a di ? « Paròl la tou pré nan bouch ou ak nan kè-ou » ; sé paròl lafoua-a, sa n-ap préché-a. Sèké, si-ou rékonèt ak bouch ou Jézu sé Granmèt la, épi nan kè-ou ou kouè Bondié lévé-l sot nan pami mò yo, ou-ap sové. Ak kè-ou, ou kouè pou jistis la, ak bouch ou minm ou fè déklarasion pou sové nou sové-a. Sèké sa-k ékri-a di : « Tout moun ki kouè nan li, yo pap ront ».

Pa gin distinksiyon ant Juif ak Grèk, sèké sé minm Granmèt tout moun yo, li rich pou tout moun k-ap rélé-l yo. « Sèké ninpòt ki moun k-ap rélé non Granmèt la, l-ap sové ».

Paròl Granmèt la.

VÈSÈ ANVAN ÉVANJIL LA

Mt 4, 4 b

Sé pa ak pin sèlman moun viv,
min ak tout paròl ki soti nan bouch Bondié.

ÉVANJIL

Éspri-a t-ap pousé-l nan dézè-a, yo t-ap tanté-l.

✠ Léktu sint Évanjil la dapré Luk**4, 1-13**

Lè sa-a :

Jézu plin ak Éspri Sin-an, li tounin sot nan Joudin-an, Éspri-a t-ap pousé-l nan dézè-a pandan karant jou, djab la t-ap tanté-l. Li pa manjé anyin jou sa yo ; lè jou yo fi-n rivé bout yo, li grangou. Djab la di-l : « Si-ou sé Pitit Bondié, di ròch sa-a pou-l tounin pin ».

Jézu réponn li : « Li ékri : “Sé pa ak pin sèlman moun viv, min ak tout paròl Bondié” ».

Djab la kondui-l sou yon mòn ki ro anpil, li montré-l tout péyi roua ki sou fas tè-a nan yon moman-tan, li di-l : « M-ap ba-ou tout pouvoua sa-a ak gloua yo, paské sé mouin minm yo rinnèt yo épi sé moun mouin vlé mouin bay yo. Ou minm, si-ou adoré-m, yo tout ap pou ou ».

Jézu réponn, li di-l : « Li ékri : “Sé Granmèt Bondié-ou pou-ou adoré, sé li minm sèl pou-ou sèvi” ».

Li kondui-l Jérusalèm, li mété-l kanpé sou tèt kouin Tanp la, li di-l : « Si sé Pitit Bondié ou yé, lagé kò-ou la-a anba-a. Li ékri “li pasé anj li yo lòd osijè-ou, pou yo protéjé-ou”, épi “sé sou min yo y-ap poté-ou, pou-ou pa riské frapé pié-ou sou ròch” ».

Jézu réponn, li di-l : « Yo di : “Pa tanté Granmèt Bondié-ou” ».

Lè tout kalité mòd jan tantasion fini, djab la pati kité-l jous pou tan-an.

Paròl Granmèt la.

Lindi

PRÉMIÉ LÉKTU

Sé pou-ou jijé prochain-ou yon fason kòrèk.

Léktu liv Lévitik

19, 1-2. 11-18

Granmèt la palé ak Moyiz, li di :

« Palé ak tout foul pitit Israël yo, ou-a di yo :

“Sé pou nou sin, paské mouin minm mouin sin, Granmèt Bondié nou-an.

Pa vòlè. Pa bay manti, youn pa doué tronpé prochain-l. Pa fè sèman sou non-m, pa sal non Bondié-ou. Mouin sé Granmèt la.

Pa bay manti sou do prochain-ou, pa fè-l pasé tray. Pri travay anploua-yé-ou la pap rét lakay ou jous nan matin. Pa madichonnin moun soud, pa pozé pièj dévan avèg ; min sé pou-ou krinn Granmèt Bondié-ou la, paské sé mouin minm ki Granmèt la.

Pa fè sa-k pa kòrèk, pa fè jijman ki pa kòrèk. Pa fè régadan pou moun ki pòv la, pa fè louanj figi sa-k gin pouvoua-a. Sé yon fason kòrèk pou-ou jijé prochain-ou. Pa akizé moun ; pa palé moun mal nan pèp la. Pa kanpé pou-ou réklamé lanmò prochain-ou. Sé mouin minm Granmèt la.

Pa rayi frè-ou nan kè-ou, min sé pou-ou réprann li an piblik, pou-ou pa gin péché sou li. Pa chèché vanjans, pa sonjé mové paròl moun minm

péyi ak ou yo. Sé pou-ou rinmin zanmi-ou tankou ou minm, sé mouin minm Granmèt la” ».

Paròl Granmèt la.

PSÒM RÉPONS

Ps 18, 8. 9. 10. 15 (R : Jan 6, 63)

R Paròl ou, Granmèt, sé éspri ak lavi.

- 8 Laloua Granmèt la san tach, li réfè nanm,
témouagnaj Granmèt la fidèl, li bay timoun yo sajès. R
- 9 Jistis Granmèt la douat, yo fè kè kontan.
Kòmandman Granmèt la klè, li kléré jé yo. R
- 10 Krint Granmèt la pròp, li diré pou tout tan gin tan,
jijman Granmèt la vré, yo kòrèk, yo tout ansanm. R
- 15 Sé pou paròl bouch mouin fè-ou plézi,
ni réfléksion kè-m dévan fas ou.
Granmèt, ou k-ap poté-m sékou, k-ap rachté-m. R

VÈSÈ ANVAN ÉVANJIL LA

2 Kor 6, 2 b

Min li koulié-a tan gras la, min li koulié-a jou nou sovè-a.

ÉVANJIL

*Chak fousa nou fè pou youn nan pi piti frè-m sa yo,
sé pou mouin minm nou fè.*

✠ Léktu sint Évanjil la dapré Matié

25, 31-46

Lè sa-a : Jézu di disip li yo :

« Lè Pitit moun nan ap rivé nan gloua li, épi tout anj yo avèk li, lè sa-a l-ap chita sou tro-n gloua li. L-ap rasanblé tout nasion yo dévan-l, l-ap séparé yo youn sot kot lòt, tankou yon gadyin séparé mouton yo ak bouk yo. L-ap mét mouton yo kanpé adouat li, bouk yo agoch li.

Lè sa-a roua-a ap di sa-k adouat li yo : “Vini, nou minm Papa-m béni yo, pran posésion péyi roua-a yo té paré pou nou dépi tè-a té kòmansé fèt la. Sèké mouin té grangou, nou té ban-m manjé ; mouin té souaf, nou té ban-m bouè ; mouin té étranjé, nou té résévoua-m ; mouin té ni-kò, nou

té abiyé-m ; mouin té malad, nou té rann mouin vizit ; mouin té nan prizon, nou té vi-n jouinn mouin”.

Lè sa-a moun kòrèk yo ap pran laparòl, y-ap di : “Granmèt, kilè nou té ouè-ou grangou épi nou té ba-ou manjé ? oubyin nou té ouè-ou souaf épi nou té ba-ou bouè ? kilè nou té ouè-ou étranjé épi nou té résévoua-ou ? oubyin ni-kò épi nou té abiyé-ou ? oubyin kilè nou té ouè-ou malad oubyin nan prizon épi nou té vi-n jouinn ou ?”

Roua-a ap réponn, l-ap di yo : “Amèn mouin di nou, chak foua nou té fè sa pou youn nan pi piti nan frè-m sa yo, sé pou mouin minm nou té fè-l”.

Lè sa-a atò l-ap di sa yo ki agoch li yo : “Ralé kò nou sot sou mouin, nou minm ki madichonnin, al nan difé tout tan-an, ki té paré pou djab la ak anj li yo. Mouin té grangou, nou pa-t ban-m manjé ; mouin té souaf, nou pa-t ban-m bouè ; mouin té étranjé, nou pa-t résévoua-m ; mouin té ni-kò, nou pa-t abiyé-m ; mouin té malad épi mouin té nan prizon, min nou pa-t vizité-m”.

Lè sa-a yo minm tou y-ap pran laparòl, y-ap di-l : “Granmèt, kilè nou té ouè-ou grangou, oubyin souaf, oubyin étranjé, oubyin ni-kò, oubyin malad, oubyin nan prizon, épi nou pa-t rann ou sèvis” ?

Lè sa-a l-ap réponn yo, l-ap di : “Amèn mouin di nou, chak foua nou pa-t fè sa pou youn nan pi piti sa yo, sé pou mouin minm tou nou pa-t fè-l”.

Sa yo apral nan chatiman tout tan-an, moun kòrèk yo minm apral nan lavi tout tan-an ».

Paròl Granmèt la.

Madi

PRÉMIÉ LÉKTU

Paròl mouin fè tou sa-m vlé.

Léktu liv profèt Izayi

55, 10-11

Min paròl Granmèt la :

« Minm jan lapli ak lanèj désann sot nan sièl, épi li pa tounin la, san-l pa rouzé tè-a, san-l pa plin-l, pou-l jèmin, pou-l bay sémans pou moun k-ap simin-an ak pin pou moun ki bézouin manjé-a, sé konsa tou paròl ki

soti nan bouch mouin-an, li pa tounin vi-n jouinn mouin vid, min l-ap fè tou sa-m vlé, l-ap réyisi mision-l nan, sa-m voyé-l fè-a ».

Paròl Granmèt la.

PSÒM RÉPONS

Ps 33, 4-5. 6-7. 16-17. 18-19 (R: 18 b)

R: Nan tout tribilasion yo Bondié sovè moun kòrèk yo.

- 4 Fè louanj Granmèt la ansanm avèk mouin,
an nou fè ouè jan non-l gran nou tout ansanm,
5 Mouin chèché Granmèt la, li kouté-m,
anba tou sa-k fè-m pè li délivré-m. R:
6 Gadé koté-l, pou nou kléré,
fas nou pap ront.
7 Pòv la rélé, Granmèt la kouté-l,
anba tout tribilasion-l yo li sovè-l. R:
16 Jé Granmèt la sou moun kòrèk yo,
zòrèy li nan rèl yo.
17 Figi Granmèt la sou moun k-ap fè sa-k mal yo,
pou-l pèdi souvni yo sot sou tè-a. R:
18 Yo rélé, Granmèt la kouté,
anba tout tribilasion yo li délivré yo.
19 Granmèt la tou pré moun ki gin kè yo krazé,
sa-k gin éspri yo krazé yo, l-ap sovè yo. R:

VÈSÈ ANVAN ÉVANJIL LA

Mt 4, 4 b

Sé pa ak pin sèlman moun viv,
min ak tout paròl ki soti nan bouch Bondié.

ÉVANJIL

Sé konsa pou nou priyé.

✠ Léktu sint Évanjil la dapré Matié

6, 7-15

Lè sa-a : Jézu di disip li yo :

« Lè n-ap priyé, pa palé tankou nasion yo ; yo konprann réyèlman sé nan palé anpil yo-a y-ap kouté yo. Pa fè tankou yo ; sèké Papa nou konnin sa nou bézouin, anvan minm nou mandé-l.

Sé konsa pou nou priyé :

“Papa nou ki nan sièl la, sé pou yo respékté non-ou, sé pou yo rékonèt sé ou ki roua, sé pou volonté-ou fèt sou tè-a tankou nan sièl la. Pin nou bézouin pou nou viv la, ba nou li jodi-a, padonnin sa nou fè-ou, tankou nou padonnin moun ki fè nou kichòy, pa kité nou pran nan pièj, min délivré nou ak tou sa ki mal. Amèn”.

Réyèlman si nou padonnin moun yo pou péché yo, Papa nou ki nan sièl la ap padonnin nou fot nou yo tou ; min si nou pa padonnin moun yo, Papa nou pap padonnin nou péché nou yo ».

Paròl Granmèt la.

Mèkrédi

PRÉMIÉ LÉKTU

Moun Niniv yo chanjé conduit sot nan mové chémin yo.

Léktu liv profèt Jonas

3, 1-10

Rivé paròl Granmèt la di Jonas : « Lévé, al Niniv, gran vil la, préché prèch la mouin té palé-ou la ladan-l ».

Jonas lévé, l-al Niniv dapré paròl Granmèt la. Niniv sé yon gran vil ki té mandé toua jou pou travèsé-l. Jonas kòmansé antré nan vil la, li maché pandan yon jounin ; li rélé byin fò, li di : « Apré karant jou, Niniv ap détoui ».

Moun Niniv yo kouè nan Bondié, yo préché yon jèn, yo abiyé ak sak sot dépi pi gran-an jous pi piti-a. Paròl la rivé kot roua Niniv la, li lévé sot sou tro-n li, li ouété rad li, li abiyé ak yon sak, li chita nan sann. Li fè déklarasion, li palé nan Niniv, nan bouch roua-a ak chèf li yo, li di :

« Ni moun ni bèt, ni bèf, ni mouton pap gouté anyin, pap manjé zèb, pap bouè dlo ; y-ap kouvri ak sak, ni moun ni bèt, y-ap rélé kot Granmèt la avèk fòs, sé pou chak moun kité mové chémin-l ak péché-l, ki nan min-l. Kilès ki konnin si Bondié pap chanjé, si-l pap padonnin, si-l pap tounin sot nan chalè kòlè-l la, pou nou pa péri ? »

Bondié ouè aksion yo, kijan yo chanjé sot nan mové chémin yo, Bondié pran pitié osijè malè li té di li t-ap fè-a, li pa fè-l.

Paròl Granmèt la.

PSÒM RÉPONS

Ps 50, 3-4. 12-13. 18-19. (R: : 19 b)

- R: Yon kè ki krazé, ki rabésé, Bondié pa méprizé-l.
- ³ Pitié pou mouin, Bondié, dapré mizérikòd ou ;
épi dapré jan-ou sansib anpil,
éfasé fot mouin-an.
- ⁴ Lavé-m byin lavé sot nan fot mouin-an,
pròpté-m sot nan péché-m nan. R:
- ¹² Kréyé yon kè pròp nan mouin, Bondié,
réfè yon éspri fèm nan zantray mouin yo.
- ¹³ Pa jété-m louin fas ou,
Éspri sin-ou nan, pa ouété-l sot nan mouin. R:
- ¹⁸ Ou pap pran plézi nan sakrifis,
sakrifis antié, si-m ofri-l li pap fè-ou plézi.
- ¹⁹ Sakrifis pou Bondié, sé yon éspri ki krazé,
yon kè ki krazé, ki rabésé, Bondié, ou pap méprizé-l. R:

VÈSÈ ANVAN ÉVANJIL LA

Joèl 2, 12-13

Koulié-a, sé sa Granmèt la di, tounin koté-m ak tout kè nou,
paské mouin bon, mouin gin mizérikòd.

ÉVANJIL

Yo pap bay jénérasyon sa-a dòt sign pasé sign Jonas la.

✠ Léktu sint Évanjil la dapré Luk

11, 29-32

Lè sa-a :

Pandan foul yo t-ap rasanblé, Jézu kòmansé di : « Jénérasyon sa-a sé yon jénérasyon ki mové ; l-ap chèché sign, min yo pap ba-l sign, sof sign profèt Jonas la. Sèké minm jan Jonas té sèvi moun Niniv yo kòm sign nan, konsa tou Pitit moun nan ap sèvi sign pou jénérasyon sa-a.

Rinn nan-Sid la ap lévé jou jijman-an ansanm avèk moun jénérasyon sa-a, l-ap kondané yo ; paské li vi-n sot nan bout tè-a pou-l kouté sajès Salomon, époutan gin plis pasé Salomon isit la.

Moun Niniv yo ap lévé jou jijman-an ansanm avèk jénérasyon sa-a, y-ap kondané-l, paské yo té fè pénitans nan prèch Jonas la, époutan gin plis pasé Jonas isit la ».

Paròl Granmèt la.

Jédi

PRÉMIÉ LÉKTU

Mouin pa gin dòt sékou pasé ou minm, Granmèt.

Léktu liv Éstè

4, 17 n. p-r. aa-bb. gg-hh

Jou sa yo :

Rèn Éstè kaché nan Granmèt la antan li pè danjé lanmò-a, ki t-ap proche. Li lagé kò-l atè-a avèk sèvant li yo dépi matin jous asouè épi li di :

« Bondié Abraam ak Bondié Izaak ak Bondié Jakòb, konpliman pou ou.
Poté-m sékou, mouin pou kont mouin ;
mouin pa gin défansè sof ou minm, Granmèt,
paské danjé-a nan min mouin.

Mouin té tandé nan liv zansèt mouin yo, Granmèt,
ou té libéré tout moun ki fè-ou plézi yo, Granmèt,
jouskalafin.

Koulié-a minm poté-m sékou antan-m pou kont mouin-an,
antan mouin pa gin pèsòn sof ou minm, Granmèt, Bondié mouin.

Koulié-a minm édé-m antan-m òfélin,
mété paròl adapté nan bouch mouin an fas lion-an,
fè-m gin bon jan dévan-l,
chanjé kè-l pou-l rayi sa k-ap batay kont nou-an,
pou lanmò-l ak lanmò sa yo ki konsanti avèk li-a.

Kanta nou minm, libéré nou anba min ènmi nou yo ;
chanjé dèy nou-an nan lajoua
épi doulè nou yo nan santé ».

Paròl Granmèt la.

PSÒM RÉPONS

Ps 137, 1-2 a. 2 bc-3. 7 c-8 (R: 3 a)

R: Ninpòt ki jou mouin rélé-ou, ou kouté-m, Granmèt.

¹ M-ap fè louanj ou, Granmèt, ak tout kè-m,
paské ou kouté paròl bouch mouin.

Dévan fas anj yo m-ap chanté pou ou.

² m-ap adoré nan Tanp ou-a ki sin-an. R:

M-ap fè louanj pou non-ou
poutèt mizérikòd ou ak vérité-ou.

3 Ninpòt ki jou mouin rélé-ou, ou kouté-m ;
ou mété anpil fòs nan nanm mouin. **R**

7 Min douat ou ap sové-m.

8 Granmèt la ap réalizé travay la pou mouin ;
Granmèt, mizérikòd ou pou tout tan :
travay min-ou yo, pa lagé yo. **R**

VÈSÈ ANVAN ÉVANJIL LA

Ps 50, 12 a. 14 a

Kréyé yon kè pròp nan mouin, Bondié,
rinnèt mouin kè kontan poutèt ou sové-m nan.

ÉVANJIL

Tout moun ki mandé, l-ap jouinn.

✠ **Léktu sint Évanjil la dapré Matié**

7, 7-12

Lè sa-a : Jézu di disip li yo :

« Mandé, y-ap ba nou ; chèché, n-ap jouinn ; frapé, y-ap louvri ba nou.
Sèké tout moun ki mandé, l-ap résevova ; moun ki chèché, l-ap jouinn ;
moun ki frapé, y-ap louvri ba li.

Oubyin kilès nan pami nou, si pitit li mandé-l yon pin, pou-l lonjé yon
ròch ba li ? Oubyin si-l mandé yon pouason, èské sé yon koulèv l-ap
lonjé ba li ? Konsa si nou minm, malgré nou mové-a, nou konn bay pitit
nou yo bon bagay, èské Papa nou ki nan sièl la pap fè pi plis toujou, pou-
l bay moun k-ap mandé-l yo sa ki bon ?

Konsa, tou sa nou vlé pou moun yo fè pou nou, sé pou nou fè-l pou yo
tou : sa-a sé laloua-a ak Profèt yo ».

Paròl Granmèt la.

Vandrédi

PRÉMIÉ LÉKTU

*Èské volonté-m sé lanmò moun ki pa kòrèk la,
èské sé pa pito pou-l chanjé sot nan rout li yo épi pou-l viv ?*

Léktu liv profèt Ézékièl

18, 21-28

Min sa Granmèt Bondié-a di :

« Si moun ki pa kòrèk la fè pénitans sot nan tout péché-l yo, sa-l té fè yo, épi li kinbé tout kòmandman-m yo, li fè jijman ak jistis, l-ap viv byin pròp, li pap mouri. Tou sa-l té fè ki pa kòrèk yo, yo pap sonjé yo ; sé nan jistis li réalizé-a l-ap viv. Èské volonté-m sé lanmò moun ki pa kòrèk la, sé sa Granmèt Bondié-a di, èské sé pa pou-l chanjé sot nan chémin-l yo, pou-l viv ?

Sèlman si moun ki kòrèk la viré do bay jistis li-a, épi li fè sa-k pa kòrèk dapré tout kalité péché moun ki pa kòrèk la konn fè yo, èské l-ap viv ? Tout jistis li yo li té réalizé yo, yo pap sonjé yo ; sé nan révòlt li fè-a, ak nan péché li fè-a, sé nan yo l-ap mouri.

Épi n-ap di : “Chémin Granmèt la pa douat”. Kouté, kay Israèl : Èské sé chémin-m ki pa douat, èské sé pa pito chémin pa nou yo ki mové ?

Sèké si moun ki kòrèk la viré do bay jistis li-a, épi li fè sa-k pa kòrèk, li mouri nan yo, sé nan sa-k pa kòrèk li fè yo l-ap mouri. Min si moun ki pa kòrèk la viré do bay sa-l fè ki pa kòrèk la, li réalizé jijman ak jistis, li minm l-ap fè nanm li jouinn lavi ; sèké antan-l égzaminé, li viré do bay tou sa-l té fè ki pa kòrèk yo, l-ap viv byin pròp, li pap mouri ».

Paròl Granmèt la.

PSÒM RÉPONS

Ps 129, 1-2. 3-4 ab. 4 c-6. 7-8 (R : 3)

R: Si-ou kinbé fot yo, Granmèt,
Granmèt, ki moun k-ap kanpé ?

¹ Nan bafon yo m-ap rélé koté-ou, Granmèt ;

² Granmèt, kouté voua-m.

Sé pou zòrèy ou panché
nan voua priyè-m nan. R:

³ Si-ou kinbé fot yo, Granmèt,
Granmèt, ki moun k-ap kanpé ?

- 4 Paské koté-ou sé padon,
épi nou krinn ou. **R**
- 5 M-ap tann ou, Granmèt ;
nanm mouin ap tann nan paròl li,
- 6 nanm mouin espéré nan Granmèt la.
Plis pasé yon santinèl k-ap espéré dévan-jou,
- 7 sé pou Israël espéré nan Granmèt la. **R**
- Paské kot Granmèt la sé mizérikòd,
sé rédanmsion an kantité koté-l.
- 8 Sé li minm k-ap rachté Israël
sot nan tout fot li yo. **R**

VÈSÈ ANVAN ÉVANJIL LA

Éz 18, 31

Jété tout péché nou yo louin nou, sé sa Granmèt la di,
mété yon kè nèf ak yon éspri nèf anndan nou.

ÉVANJIL

Al kòmansé rékonsilié ak frè-ou la.

✠ Léktu sint Évanjil la dapré Matié

5, 20-26

Lè sa-a : Jézu di disip li yo :

« Si jistis nou pa dépasé pa skrib yo ak Farizyin yo, nou pap antré nan péyi roua sièl yo.

Nou té tandé yo té di ansyin yo : “Pa touyé” ; paské moun ki touyé, li mérité jijman. Mouin minm mouin di nou : Tout moun ki fè kòlè kont frè-l, li mérité jijman. Moun ki di frè-l : “Tèt vid”, li mérité tribinal. Moun ki di : “Moun fou”, li mérité boukan difé-a.

Konsa, si ou-ap ofri kado-ou dévan lotèl la, épi lè-ou rivé la, ou sonjé frè-ou gin kichòy kont ou, kité kado-ou la la minm dévan lotèl la, al rékonsilié avèk frè-ou la anvan ; apré sa ou-a vini, ou-a ofri kado-ou la.

Mété-ou dakò avèk ènmi-ou nan byin vit, pandan ou sou rout avèk li ; pou ènmi-ou nan pa rinmèt ou nan min jij la, pou jij la pa rinmèt ou bay gad la, pou yo pa voyé-ou nan prizon. Amèn mouin di-ou, ou pap soti la, joutan ou rinmèt dènié santim nan ».

Paròl Granmèt la.

Samdi

PRÉMIÉ LÉKTU

Pou-ou kapab vi-n tounin pèp sin Granmèt Bondié-ou la.

Léktu liv Détéronòm

26, 16-19

Moyiz palé ak pèp la, li di :

« Jodi-a Granmèt Bondié-ou la pasé-ou lòd, pou-ou réalizé kòmandman sa yo ak désizyon yo, pou-ou obsèvé yo, pou-ou réalizé yo ak tout kè-ou, ak tout nanm ou.

Jodi-a minm, ou chouazi Granmèt la, pou-l vi-n tounin Bondié-ou, pou-ou maché nan chémin-l yo, pou-ou obsèvé kòmandman-l yo, lòd li yo ak désizyon-l yo, pou-ou obéyi lòd li.

Granmèt la chouazi-ou jodi-a, pou-ou vi-n tounin pèp li yon fason spésial, jan-l té di-ou la, pou-ou obsèvé tout lòd li yo ; pou-l fè-ou pi ro pasé tout nasyon yo li té kréyé yo nan louanj ; nan non-l ak nan gloua-l, pou-ou vi-n tounin pèp ki sin pou Granmèt Bondié-ou la, jan-l té palé-a ».

Paròl Granmèt la.

PSÒM RÉPONS

Ps 118, 1-2. 4-5. 7-8 (R : cf. 1 b)

R: Ala kontantman pou moun yo k-ap maché nan laloua Granmèt la.

¹ Ala kontantman pou moun ki intak nan chémin-an,
k-ap maché nan laloua Granmèt la.

² Ala kontantman pou moun yo ki kinbé témouagnaj li yo,
k-ap chèché-l ak tout kè yo. R:

⁴ Ou pasé lòd
pou yo obsèvé kòmandman-ou yo.

⁵ Mouin souété pou chémin-m yo dirijé
pou-m kinbé désizyon-ou yo. R:

⁷ M-ap fè louanj ou nan kè ki douat,
paské mouin aprann jijman-ou yo ki kòrèk yo.

⁸ M-ap kinbé désizyon-ou yo,
pa lagé-m pou tout tan. R:

VÈSÈ ANVAN ÉVANJIL LA

2 Kor 6, 2 b

Min li koulié-a tan yo résévoua fasil la, min li koulié-a, jou sové-a.

ÉVANJIL

Sé pou nou kòrèk nèt tankou Papa nou nan sièl la.

✠ Léktu sint Évanjil la dapré Matié

5, 43-48

Lè sa-a : Jézu di disip li yo :

« Nou té tandé yo té di : “Sé pou-ou rinmin prochin-ou, pou-ou rayi ènmi-ou”.

Mouin minm mouin di nou : “Rinmin ènmi nou, fè dibyin pou moun ki rayi nou yo, priyé pou moun k-ap pèsékité nou yo, k-ap fè manti sou nou ; pou nou kapab vi-n tounin pitit Papa nou ki nan sièl la, li minm ki fè solèy li lévé sou bon yo ak mové yo, ki fè lapli tonbé sou moun kòrèk yo ak sou méchan yo.

Si nou rinmin sa yo ki rinmin nou, ki rékonpans nou ginyin ? Èské piblikin yo pa fè sa ? Si nou salié frè nou yo sèlman, ki sa nou fè an plis ? èské nasion yo pa fè sa ?

Konsa sé pou nou kòrèk nèt, tankou Papa nou ki nan sièl la li kòrèk nèt” ».

Paròl Granmèt la.

DÉZIÈM SÉMÈN KARÈM

Dimanch, ané A

PRÉMIÉ LÉKTU

Bondié rélé Abraam, pou-l papa pèp Bondié-a.

Léktu liv Jénèz la

12, 1-4 a

Jou sa yo :

Granmèt la di Abram :

« Pati sot nan péyi-ou, ak nan fanmi-ou, ak nan kay papa-ou, vini nan péyi-a m-a montré-ou la. M-ap fè-ou vi-n tounin yon gran nasion, m-ap béni-ou, m-ap fè non-ou vi-n gran, ou-ap béni. M-ap béni moun ki béni-ou yo ; m-ap madichonnin moun ki madichonnin-ou yo ; tout fanmi sou tè-a ap béni nan ou ».

Abram pati, jan Granmèt la té pasé-l lòd la.

Paròl Granmèt la.

PSÒM RÉPONS

Ps 32, 4-5. 18-19. 20 é 22 (R: 22)

R: Sé pou mizérikòd ou vi-n sou nou, Granmèt,
tankou nou té éspéré nan ou.

4 Sèké paròl Granmèt la douat,
tout aksion-l yo nan fidélimité.

5 Li rinmin jistis ak jijman,
mizérikòd Granmèt la plin tè-a. **R:**

18 Min jé Granmèt la sou moun ki krinn li yo,
sou moun ki éspéré sou mizérikòd li,

19 pou-l délivré nanm yo sot nan lanmò,
pou-l ba yo manjé nan grangou. **R:**

20 Nanm nou ap konté sou Granmèt la,
paské sé sékou nou ak protéksion nou li yé.

22 Sé pou mizérikòd ou vi-n sou nou, Granmèt,
tankou nou té éspéré sou ou. **R:**

DÉZIÈM LÉKTU

*Bondié rélé nou, li kléré nou.***Léktu dézièm lèt apot sin Pòl pou Timoté****1, 8 b-10**

Ou minm mouin rinmin anpil la :

Bay konkou-ou nan bòn nouvèl la dapré pouvoua Bondié, li minm ki délivré nou, ki rélé nou yon fason pou nou vi-n sin, sé pa dapré aktivité pa nou, min dapré désizyon pa-l ak gras la li té ba nou nan Jézu-Kri dépi anvan sièk tan yo.

Koulié-a minm li vi-n klè gras a limiè Sovè nou Jézu-Kri, li minm ki détoui lanmò-a, ki kléré lavi-a avèk posibilite pou nou pa péri nèt la gras a bòn nouvèl la.

Paròl Granmèt la.

VÈSÈ ANVAN ÉVANJIL LA

Nan niaj la ki kléré-a, yo tandé voua Papa-a :

« Sa-a sé Pitit mouin-an mouin rinmin-an ; kouté-l ».

ÉVANJIL

*Fas li kléré tankou solèy.***✠ Léktu sint Évanjil la dapré Matié****17, 1-9**

Lè sa-a :

Jézu pran Piè, Jak ak Jan, frè-l la, li minnin yo sou yon mòn ki ro anpil, yon koté apa ; li chanjé fas dévan yo. Fas li vi-n kléré tankou solèy, rad li vi-n blan tankou lanèj. Gin Moyiz ak Éli ki vi-n parèt dévan-l k-ap palé avèk li.

Piè pran laparòl, li di Jézu : « Granmèt, sa bon pou nou rét isit la, si-ou vlé, an nou fè toua tant isit la, youn pou ou, youn pou Moyiz ak youn pou Éli ».

Pandan li t-ap palé toujou, yon niaj kléré vi-n kouvri yo ak lonbraj li. Yon voua soti nan niaj la, li di : « Sa-a sé Pitit mouin-an mouin rinmin-an, nan li mouin jouinn bon plézi-m : kouté-l ». Disip yo ki tandé sa, yo tonbé sou fas yo, yo sézi anpil.

Jézu proché, li touché yo, li di yo : « Lévé pa pè ». Yo lévé jé yo, yo pa ouè pèsonn sof Jézu sèl. Pandan y-ap désann sot sou mòn nan, Jézu pasé yo lòd, li di : « Pa di pèsonn vizion-an, joutan Pitit moun nan lévé sot nan pami mò yo ».

Paròl Granmèt la.

Dimanch, ané B

PRÉMIÉ LÉKTU

Sakrifis zansèt nou Abraam.

Léktu liv Jénèz la

22, 1-2. 9 a. 10-13. 15-18

Jou sa yo :

Bondié tanté Abraam, li di-l : « Abraam, Abraam ».

Li réponn : « Min mouin ».

Li di-l : « Pran pitit ou-a, sèl pitit ou-a, sa-a ou rinmin-an, Izaak, épi al nan tè vizion-an ; lè ou-a rivé la, ou-a ofri-l kòm sakrifis antié sou youn nan mòn yo, sa m-a montré-ou la ».

Yo rivé koté Bondié té montré-l la, li bati lotèl la koté sa-a, li ranjé boua yo sou li. Li maré Izaak, pitit li-a, li mété-l sou lotèl la, anlè ranjé boua yo, li lonjé min-l, li rédi kouto-a pou-l touyé pitit li-a.

Anj Granmèt la rélé byin fò antan-l nan sièl la, li di : « Abraam, Abraam ».

Li réponn : « Min mouin ».

Li di-l : « Pa lonjé min-ou sou pitit la, pa fè-l anyin : koulié-a mouin konnin ou krinn Bondié, ou pa ménajé sèl pitit ou-a poutèt mouin ». Abraam lévé jé-l, li ouè yon bélié dèyè do-l, ki té pri nan liann yo ak kòn li, li pran-l, li ofri-l kòm sakrifis antié nan plas pitit li-a.

Anj Granmèt la rélé Abraam yon dézièm foua antan-l nan sièl la, li di : « Mouin fè sèman sou pròp tèt mouin, sé sa Granmèt la di ; poutèt ou fè bagay sa-a, ou pa ménajé pitit ou-a sèl pitit ou-a poutèt mouin, m-ap béni-ou, m-ap fè ras ou vi-n anpil tankou zétoual sièl la ak tankou sab ki

sou bò lanmè-a ; ras ou ap posédé pòt ènmi-l yo, nan ras ou tout nasion tè-a ap jouinn bédiksyon, paské ou té obéyi voua-m ».

Paròl Granmèt la.

PSÒM RÉPONS

Ps 115, 10 é 15. 16-17. 18-19 (R: Ps 114, 9)

R: M-ap maché dévan Granmèt la, nan tè vivan yo.

¹⁰ Mouin gin konfians, minm lè-m di :
« Mouin rabésé anpil ».

¹⁵ Li gin valè dévan jé Granmèt la
lanmò sin-l yo. R:

¹⁶ Granmèt, mouin sé sèvitè-ou,
mouin sé sèvitè-ou ak pitit sèvant ou.
Ou kasé chinn mouin yo :

¹⁷ m-ap sakrifé sakrifis louanj ba ou,
m-ap rélé non Granmèt la. R:

¹⁸ M-ap rinmèt Granmèt la sa-m té promèt yo,
dévan tout pèp li-a.

¹⁹ nan lakou kay Granmèt la,
nan mitan-ou, Jérusalèm. R:

DÉZIÈM LÉKTU

Bondié pa ménajé pròp Pitit li-a.

Léktu lèt apot sin Pòl pou Romin yo

8, 31 b-34

Frè-m yo :

Si Bondié pou nou, kilès k-ap kont nou ? Li minm ki pa minm ménajé pròp Pitit li-a, min li rinmèt li pou nou tout, kijan pou-l pa t-a ba nou tout bagay ansanm avèk li ? Kilès k-ap akizé sa yo Bondié chouazi yo ? Sé Bondié ki rann nou kòrèk, kilès k-ap kondané ? Èské sé Jézu-Kri, li minm ki mouri, pi plis minm ki résisité, ki rét adouat Bondié, k-ap plédé pou nou-an.

Paròl Granmèt la.

VÈSÈ ANVAN ÉVANJIL LA

Nan niaj la ki kléré-a, yo tandé voua Papa-a :
« Sa-a sé Pitit mouin-an mouin rinmin-an ; kouté-l ».

ÉVANJIL

Sa-a sé Pitit mouin-an mouin rinmin anpil la.

✠ Léktu sint Évanjil la dapré Mark

9, 2-10

Lè sa-a :

Jézu pran Piè, Jak ak Jan, li minnin yo sou yon mòn ki ro, pou kont yo sèl. Li chanjé aparans dévan yo. Rad li vi-n blan tankou lanèj, pa gin okinn savon ki kapab blanchi rad konsa sou tè-a. Éli ak Moyiz parèt dévan yo, yo t-ap palé ak Jézu.

Piè pran laparòl ; li di Jézu : « Rabi, li bon pou nou rét isit la ; an nou fè toua tant, youn pou ou, youn pou Moyiz ak youn pou Éli ». Li pa-t konnin sa pou-l té di. Pandan li t-ap di sa, gin yon niaj ki rivé, li kouvri yo ; yo vi-n pè, antan y-ap antré nan niaj la. Yon voua rivé sot nan niaj la, li di : « Sa-a, sé Pitit mouin-an sa-m rinmin anpil la ; kouté-l ». Minm lè-a, yo gadé toutotou, yo pa ouè pèsòn ankò, sof Jézu pou kont li.

Pandan y-ap désann sot sou mòn nan, li pasé yo lòd, pou yo pa di pèsòn bagay sa yo té ouè yo, sof lè Pitit moun nan ap résisité sot nan pami mò yo. Yo té kinbé paròl sa-a koté yo, yo t-ap chèché sa sa vlé di : « lè l-ap résisité sot nan pami mò yo ».

Paròl Granmèt la.

Dimanch, ané C

PRÉMIÉ LÉKTU

Granmèt la pasé aliens avèk Abraam ki fidèl.

Léktu liv Jénèz la

15, 5-12. 17-18

Jou sa yo :

Bondié kondui Abraam déyò, li di-l : « Lévé jé-ou gadé sièl la, konté zétoual yo, si-ou kapab ». Li di-l : « Sé konsa désandans ou ap yé ». Abraam kouè nan Bondié, yo konté sa pou li kòm jistis.

Li di-l : « Sé mouin minm Granmèt la, ki té fè-ou soti nan Our Kaldéyin yo, pou ba-ou tè sa-a, pou-ou posédé-l ».

Li di-l : « Granmèt Bondié, kòman m-ap fè konnin m-ap posédé-l ? »

Granmèt la réponn, li di : « Pran yon gazèl touazan, yon kabrit touazan, yon bélié touazan, épi yon toutrèl ak yon pijon, poté yo ban mouin ».

Li pran yo tout, li séparé yo nan mitan, li pozé chak pòsion dévan-l tou lè dé bò, min li pa séparé zouazo yo. Votour yo désann sou kò yo, Abraam chasé yo. Lè solèy la t-ap kouché, yon gro dòmi lou tonbé sou Abraam, yon gran sézisman fè-noua anvayi-l.

Lè solèy la fi-n kouché, vi-n gin fè-noua épè, yon founèz k-ap fè lafimin vi-n parèt, yon flanbo difé pasé nan mitan bèt yo ki té séparé yo. Jou sa-a Granmèt la pasé yon alians avèk Abraam, li di : « Sé ras ou m-ap bay tè sa-a sot dépi nan riviè Éjip la rivé jous nan gran riviè Éfrat la ».

Paròl Granmèt la.

PSÒM RÉPONS

Ps 26, 1. 7-8. 9 abc. 13-14 (R : 1 a)

R: Granmèt la sé klèté-m ak sa k-ap sové-m nan.

¹ Granmèt la sé klèté-m ak sa k-ap sové-m nan, kilès ki pou fè-m pè ?
Granmèt la sé protéksion lavi-m, dévan kilès pou-m tranblé ? R:

⁷ Kouté voua-m, Granmèt, k-ap rélé-a,
pitié pou mouin, réponn mouin.

⁸ Osijè-ou kè-m té di : « Chèché fas li »,
sé fas ou, Granmèt, m-ap chèché. R:

⁹ Pa viré fas ou louin-m,
pa viré do nan kòlè bay sèvitè-ou.
Ou minm ki sékou-m, pa réjté-m. R:

¹³ Mouin kouè m-ap ouè byin Granmèt la sou tè vivan yo.

¹⁴ Tann Granmèt la, aji avèk kouraj,
sé pou kè-ou pran kouraj, konté sou Granmèt la. R:

DÉZIÈM LÉKTU

Kris la ap fè nou sanblé avèk kò gloua li-a.

Léktu lèt apot sin Pòl pou Filipyin yo **3, 17-4, 1**

Frè-m yo, pran modèl sou mouin, konsidéré sa yo k-ap maché jan nou gin modèl nou-an. Gin anpil moun k-ap maché yon fason, mouin té déjà di nou sa anpil foua, koulié-a m-ap di sa ak dlo nan jé, y-ap maché kòm ènmi koua Kris la, finisman yo sé lanmò, dié yo sé vant yo, yo mét gloua yo nan ront yo, sé bagay tè-a yo gouté.

Kanta nou minm, sé nan sièl la péyi nou yé, sé la n-ap tann Sovè nou-an, Granmèt nou Jézu-Kri, li minm k-ap réfè kò féblès nou-an pou-l fè-l sanblé ak kò gloua-l la, dapré fòs sa-a ki sèvi-l pou-l kapab mété tout bagay anba pouvoua-l.

Sé pousa, frè-m yo mouin rinmin anpil la, nou minm mouin anvi anpil la, nou minm ki kè kontan-m ak kouròn mouin, rét kanpé konsa nan Granmèt la, nou minm mouin rinmin anpil la.

Paròl Granmèt la.

oubyin pi kout

Léktu lèt apot sin Pòl pou Filipyin yo **3, 20-4, 1**

Frè-m yo :

Péyi nou-an, sé nan sièl la li yé, sé la n-ap tann Sovè nou-an, Granmèt nou Jézu-Kri, li minm k-ap réfè kò féblès nou-an pou-l fè-l sanblé ak kò gloua li-a, dapré fòs sa-a ki sèvi-l pou-l kapab mété tout bagay anba pouvoua-l la.

Sé pousa, frè-m yo mouin rinmin anpil la, nou minm mouin anvi anpil la, nou minm ki kè kontan-m ak kouròn mouin, rét kanpé konsa nan Granmèt la, nou minm mouin rinmin anpil la.

Paròl Granmèt la.

VÈSÈ ANVAN ÉVANJIL LA

Nan klèté niaj la, yo tandé voua Papa-a :
« Sa-a sé Pitit mouin-an mouin rinmin-an ; kouté-l ».

ÉVANJIL

Pandan l-ap priyé, aparans figi-l chanjé.

✚ Léktu sint Évanjil la dapré Luk

9, 28 b-36

Lè sa-a :

Jézu pran Piè, Jak ak Jan, li monté sou mòn nan pou-l priyé. Rivé, pandan li t-ap priyé, aparans figi-l vi-n chanjé, rad li vi-n blan, vi-n kléré. Vi-n gin dé mésié k-ap palé avèk li. Sé té Moyiz ak Éli, ki parèt nan gloua-a, yo t-ap palé osijè sòti-l la, sa-l té gin pou-l réalizé nan Jérusalèm nan. Piè minm ak sa-a yo ki té ansanm avèk li-a, yo té lou ak dòmi. Yo révéyé, yo ouè gloua li ak dé mésié yo ki té kanpé ansanm avèk li.

Rivé, lè yo pati kité-l, Piè di Jézu : « Mèt, li bon pou nou rét isit la, an nou fè toua tant, youn pou ou, youn pou Moyiz ak youn pou Éli » ; li pa-t konnin sa pou-l té di. Pandan li t-ap di sa, gin yon niaj ki rivé, li kouvri yo ; yo vi-n pè, antan y-ap antré nan niaj la.

Yon voua rivé sot nan niaj la, li di : « Sa-a sé Pitit mouin-an mouin rinmin-an, kouté-l ». Pandan voua-a ap palé-a, yo ouè Jézu pou kont li.

Yo pé bouch yo, yo pa di pèsòn anyin jou sa yo, nan sa yo té ouè yo.

Paròl Granmèt la.

Lindi

PRÉMIÉ LÉKTU

Nou fè péché, nou fè sa ki pa kòrèk.

Léktu liv profèt Danièl

9, 4 b-10

M-ap priyé-ou, Granmèt, Bondié ki gran, ki térib, ki kinbé aliens la ak mizérikòd la pou moun ki rinmin-ou yo épi ki kinbé kòmandman-ou yo.

Nou fè péché, nou fè sa ki pa kòrèk, nou aji san rélasyon avèk ou, nou viré do nou, nou dévié sot nan kòmandman-ou yo ak jijman-ou yo ; nou

pa-t obéyi sèvitè-ou profèt yo, ki té palé o non-ou ak roua nou yo, chèf nou yo, papa nou yo ak tout pèp péyi-a.

Sé pou ou, Granmèt, jistis la : nou minm minm sé pou nou ront nan figi-a, jan sa yé jodi-a pou moun Juda ak pou moun ki abité Jérusalèm yo ak pou tout Israèl la, ni pou moun ki tou pré yo, ni pou moun ki louin yo sou tout tè-a, koté-ou té voyé yo an-égzil poutèt péché yo té fè kont ou minm nan.

Granmèt, pou nou minm sé ront nan figi-a, pou roua nou yo, pou chèf nou yo ak papa nou yo, ki té fè péché yo. Kanta pou ou minm minm, Granmèt Bondié nou, sé mizérikòd ak padon, paské nou viré do ba ou, nou pa-t kouté voua Granmèt Bondié nou-an, pou nou té maché nan laloua-l la, sa-l té ba nou pa lintèmediè sèvitè-l yo profèt yo.

Paròl Granmèt la.

PSÒM RÉPONS

Ps 78, 8. 9. 11 é 13 (R : Ps 102, 10 a)

R: Granmèt, sé pa dapré péché nou yo pou-ou aji avèk nou.

- 8 Pa sonjé péché papa nou yo,
fè vit pou mizérikòd ou pran dévan nou,
paské nou vi-n pòv anpil. R:
- 9 Poté nou sékou, Bondié ki sové nou,
poutèt gloua non-ou, délivré nou ;
padonnin péché nou yo, poutèt non-ou. R:
- 11 Sé pou-l antré dévan fas ou, rèl prizonié yo ;
dapré grandè bra-ou
kité rès pitit lanmò yo. R:
- 13 Nou minm minm, pèp ou-a ak mouton pak ou-a,
n-ap fè louanj ou tout tan ;
pou jénérasyon ak jénérasyon,
n-ap anonsé louanj ou. R:

VÈSÈ ANVAN ÉVANJIL LA

Cf. Jan 6, 63 c. 68 c

Paròl ou, Granmèt, sé éspri ak lavi yo yé ; ou gin paròl lavi tout tan-an.

ÉVANJIL

Padonnin, y-ap padonnin nou.✠ **Léktu sint Évanjil la dapré Luk****6, 36-38**

Lè sa-a : Jézu di disip li yo :

« Sé pou nou gin mizérikòd, tankou Papa nou gin mizérikòd. Pa jijé, yo pap jijé nou ; pa kondané, yo pap kondané nou ; padonnin, y-ap padonnin nou.

Bay, y-ap ba nou : sé yon mézu ki bon, ki byin foulé, ki byin souké, k-ap débòdé, y-ap mété nan pli rad nou. Nan minm mézu n-ap mézuré-a, sé ladan-l y-ap méziré pou nou tou, sé ladan-l y-ap rinnèt nou ».

Paròl Granmèt la.

Madi

PRÉMIÉ LÉKTU

*Aprann fè sa-k byin, chèché sa-k kòrèk.***Léktu liv profèt Izayi****1, 10. 16-20**

Kouté paròl Granmèt la, nou minm, chèf Sodòm yo ; résévoua laloua Bondié nou-an nan zòrèy nou, nou minm pèp Gomò-a :

« Lavé nou, pròpté nou, ouété mové kalkil nou yo sot dévan jé-m ; sispann aji mal, aprann aji byin : chèché jijman, édé sa k-ap pasé mati-a, plédé kòz òfélin-an, défann vèw la.

Apré sa nou mèt vini pou nou plédé kòz pa nou dévan-m, sé sa Granmèt la di. Si péché nou t-a tankou vlou rouj, y-ap vi-n blan kon nèj ; si yo t-a tankou linn rouj, y-ap vi-n kon linn blan.

Si nou vlé kouté-m, n-ap manjé richès tè-a ; min si nou pa vlé, si n-ap éksité-m fè kòlè, sé épé-a k-ap dévoré nou : sèké bouch Granmèt la palé ».

Paròl Granmèt la.

PSÒM RÉPONS

Ps 49, 8-9. 16 b c-17. 21 é 23 (R: 23 b)

R: Moun ki san tach nan chémin-an, m-ap montré-l jan Bondié sové nou.

- 8 Sé pa nan sakrifis ou yo m-ap réglé kont avèk ou ;
sakrifis antié-ou yo dévan-m tout tan.
- 9 Mouin pap pran toro sot lakay ou,
ni bouk sot nan pak ou. **R**
- 16 « Pouki sa ou-ap détayé kòmandman-m yo,
ou-ap mété téstaman-m nan nan bouch ou ?
- 17 Époutan ou rayi disipli-n,
ou voyé paròl mouin yo jété dèyè do-ou. **R**
- 21 Sé sa-ou fè, épi mouin té pé bouch mouin.
Ou té konprann mouin té tankou-ou.
- 23 Moun ki ofri sakrifis louanj, l-ap fè-m jouinn gloua,
moun ki san tach nan chémin-an,
m-ap montré-l kijan Bondié sovè nou ». **R**

VÈSÈ ANVAN ÉVANJIL LA

Éz 18, 31

Jété tout péché nou yo louin nou, sé sa Ganmèt la di,
mété yon kè nèf ak yon éspri nèf anndan nou.

ÉVANJIL

Yo di, min yo pa fè.

✠ Léktu sint Évanjil la dapré Matié

23, 1-12

Lè sa-a : Jézu palé ak foul yo ak disip li yo, li di :

« Sou tro-n Moyiz la skrib yo ak Farizyin yo chita : tou sa yo di nou,
sé pou nou obsèvé yo, sé pou nou fè yo, sèlman pa aji dapré aksion pa
yo : sèké yo di min yo pa fè. Yo maré chaj ki lou, bagay moun pa kapab
poté, épi yo mété yo sou zépòl moun yo ; sèlman minm ak yon ti douèt
yo réfizé souké yo.

Réyèlman tout aksion yo, yo fè yo pou moun kapab ouè yo : yo laji
bouat yo ki gin vèsè sa-k ékri yo yo konn poté sou yo-a, yo lonjé fil ki
pandié nan manch rad yo. Yo rinmin premié plas nan résépsion, ak
premié tro-n nan sinagòg yo, yo rinmin moun ap di yo bèl bonjou sou
plas yo, yo rinmin pou moun yo rélé yo « Rabi ».

Kanta nou minm, pa rélé pèsòn “Rabi” ; sèké sé yon sèl ki mèt nou,
nou tout nou sé frè. Épi pa rélé pèsòn “Papa” sou tè-a ; sèké sé yon sèl ki

Papa nou, sa-a ki nan sièl la. Pa fè yo rélé nou “Mèt” ; paské sé Kris la sèl ki mèt nou.

Moun ki pi gran nan nou-an, sé sèvitè nou pou-l yé. Moun ki lévé tèt li, y-ap fè-l bésé-l ; moun ki bésé tèt li, y-ap fè-l lévé-l ».

Paròl Granmèt la.

Mèkrédi

PRÉMIÉ LÉKTU

Vini, an nou frapé-l.

Léktu liv profèt Jérémi

18, 18-20

Yo di : « Vini, an nou fè konplo kont Jérémi ; laloua-a pap péri poutèt pa gin prèt, ni konsèy la poutèt pa gin saj, ni paròl la poutèt pa gin profèt. Vini, an nou frapé-l avèk kout lang, nou pap fè atansyon nan tout paròl li yo ».

Granmèt, viré lidé-ou sou mouin, kouté voua ènmi-m yo. Èské yo konn rinmèt mal pou byin, ki fè yo fouyé fòs pou nanm mouin-an ? Sonjé mouin té kanpé dévan fas ou, pou-m té plédé kòz yo, pou-m té fè kòlè-ou viré louin yo.

Paròl Granmèt la.

PSÒM RÉPONS

Ps 30, 5-6. 14. 5-16 (R: : 17 b)

- R: Sové-m, Granmèt, nan mizérikòd ou-a.
- ⁵ Ouété-m sot nan pièj yo kaché pou mouin-an, paské sé ou minm ki fòs mouin.
- ⁶ Sé nan min-ou mouin rinmèt éspri-m ; ou rachté-m, Granmèt, Bondié vérité-a. R:
- ¹⁴ Sèké mouin tandé rèl anpil moun : sé kè soté toutalantou ; poutèt yo rasanblé ansanm kont mouin, yo fè konplo pou yo ouété nanm mouin. R:
- ¹⁵ Kanta mouin minm minm sé nan ou mouin éspéré, Granmèt ; mouin di : « Sé Bondié-m ou yé,

¹⁶ sé nan min-ou déstiné mouin yé ».

Délivré-m sot nan min ènmi-yo ak pèsékité-m yo. **R**

VÈSÈ ANVAN ÉVANJIL LA

Jan 8, 12

Mouin sé limiè tè-a, sé sa Grammèt la di ;
moun k-ap suiv mouin, l-ap gin limiè lavi-a.

ÉVANJIL

Y-ap kondané-l amò.

✠ Léktu sint Évanjil la dapré Matié

20, 17-28

Lè sa-a :

Pandan Jézu ap monté Jérusalèm, li pran douz disip yo apa, li di yo :
« Min n-ap monté Jérusalèm, y-apral rinmèt Pitit moun nan nan min chèf
prèt yo ak skrib yo, y-ap kondané-l amò, y-ap rinmèt li nan min nasion
yo pou yo pasé-l nan jouèt, pou yo bat li, pou yo klouré-l sou koua, épi
sou touazièm jou-a, l-ap résisité ».

Lè sa-a manman pitit Zébédé yo proche koté-l ansanm ak pitit li yo, li
ajénou dévan-l, li mandé-l kichòy.

Jézu di-l : « Ki sa-ou vlé ? »

Li di-l : « Di pou dé pitit mouin sa yo chita youn adouat ou, lòt la
agoch ou nan péyi roua-ou la ».

Jézu minm réponn, li di : « Nou pa konnin sa n-ap mandé-a. Èské nou
kapab bouè kalis la, mouin gin pou-m bouè-a ? »

Yo di-l : « Nou kapab ».

Li di yo : « Kalis mouin-an, n-ap bouè-l ; min kanta pou chita adouat
mouin oubyin agoch mouin-an, sé pa mouin minm ki kapab ba nou sa,
min sé pou moun Papa-m paré sa ».

Lè dis lòt yo tandé sa, yo faché kont dé frè yo. Jézu minm rélé yo vi-n
koté-l, li di : « Nou konnin chèf nasion yo kòmandé yo, épi sa yo ki nan
gran plas yo, yo fè pouvoua yo pézé sou yo. Sa pa doué fèt konsa nan
mitan nou, min ninpòt ki moun nan pami nou ki vlé vi-n gin pi gran plas,
sé pou-l vi-n tounin sèvitè nou ; épi moun ki vlé vi-n gin premié plas nan
pami nou, sé pou-l vi-n tounin ésklav nou.

Sé konsa Pitit moun nan pa vini pou-l fè yo sèvi-l, min pou-l sèvi, épi pou-l bay lavi-l pou rédanmsion kantité moun yo ».

Paròl Granmèt la.

Jédi

PRÉMIÉ LÉKTU

*Malè pou moun ki mét konfians nan moun ;
bénédiksion pou moun ki mét konfians nan Granmèt la.*

Léktu liv profèt Jérémi

17, 5-10

Min paròl Granmèt la :

« Malè pou moun ki mét konfians nan yon moun, épi ki mété yon moun kòm fòs bra-l, min li ouété kè-l sot kot Granmèt la. L-ap tankou yon boua chèch nan dézè, li pap ouè lè byin-an rivé ; min l-ap abité nan dézè sèk la, nan tè salé-a koté moun pa kapab abité-a.

Bénédiksion pou moun ki mét konfians nan Granmèt la, ki mét espérans li nan Granmèt la ; l-ap tankou yon pié boua yo transplanté sou bò dlo yo, ki plonjé rasi-n li yo nan fréchè, li pap pè lè chalè-a ap rivé, fèy li ap rét vèt, nan tan séchrès la li pap nan tèt chajé, li pap janm manké donnin foui.

Kè tout moun mové, yo pa kapab sondé-l, kilès ki konnin-l ? Sé mouin minm Granmèt la ki sondé kè, ki éséyé rin ; mouin minm ki bay chak moun dapré chémin-l épi dapré foui travay li ».

Paròl Granmèt la.

PSÒM RÉPONS

Ps 1, 1-2. 3. 4 é 6 (R : Ps 39, 5 a)

R : Ala kontantman pou moun ki mété Granmèt la kòm espérans li.

¹ Ala kontantman pou moun ki pa alé nan réyinion moun ki pa kòrèk yo ki pa kanpé nan chémin péchè yo,

ki pa chita nan group moun mové plézantri yo,

² min sé nan laloua Granmèt la li mét volonté-l,

sé nan laloua-l la l-ap kalkilé lajounin kou lannuit. R :

- 3 L-ap tankou yon pié boua ki planté sou bò dlo k-ap kouri,
k-ap bay foui-l nan sèzon-l ;
fèy li pap tonbé,
ninpòt ki sa l-ap fè ap réyisi. **R:**
- 4 Méchan yo pa konsa, yo pa konsa,
min sé tankou pousiè van-an ap broté.
- 6 Sèké Granmèt la konnin chémin moun ki kòrèk yo,
épi rout moun ki pa kòrèk yo ap péri. **R:**

VÈSÈ ANVAN ÉVANJIL LA

Cf. Lk 8, 15

Ala kontantman pou moun ki kinbé paròl Bondié-a
nan yon kè ki bon, ki dosil, y-ap donnin foui nan pasians.

ÉVANJIL

*Ou té résévoua byin, Lazar té résévoua malè ;
koulié-a l-ap konsolé isit la,
ou minm minm ou nan soufrans.*

✠ Léktu sint Évanjil la dapré Luk

16, 19-31

Lè sa-a : Jézu di Farizyin yo :

« Té gin yon mésié ki té rich, li té konn abiyé ak vlou ak soua, chak jou li té konn ap fè bèl résépsion. Min té gin yon pòv tou, yo té rélé Lazar, ki té kouché nan papòt li, li té plin ak blésu, li té anvi plin vant li ak ti kal manjé ki té konn ap tonbé sot sou tab rich la, min pèsòn pa-t konn ba li ; okontrè sé chyin yo ki té konn vi-n ap niché koté-l té malad yo.

Rivé pòv la vi-n mouri, anj yo poté-l nan léstomak Abraam ; rich la vi-n mouri tou, yo antéré-l nan lanfè.

Li lévé jé-l anlè, pandan li t-ap soufri-a, li ouè Abraam byin louin avèk Lazar nan léstomak li. Li rélé byin fò, li di : “Papa Abraam, pitié pou mouin, voyé Lazar, pou-l tranpé ti bout douèt li nan dlo, pou-l rafréchi lang mouin, paské m-ap soufri nan flanm sa-a”.

Abraam di-l : “Ptitit, sonjé ou té résévoua byin yo nan lavi-ou, Lazar minm té résévoua malè ; koulié-a atò li jouinn konsolasion isit la, ou minm minm ou-ap soufri. Ak tou sa, ant nou minm épi ou minm gin yon

gran vid ki égzisté, atèl pouin moun ki t-a vlé sot isit la pou y-al travèsé koté-ou, yo pa kapab, ni sot koté-ou pou travèsé isit la”.

Li di : “Mouin priyé-ou, Papa, pou-ou voyé-l kay papa-m (sèké mouin gin sink frè), pou-l bay témouagnaj dévan yo, pou yo minm tou yo pa vin nan koté soufrans sa yo isit la”. Abraam di-l : “Yo gin Moyiz ak profèt yo : sé pou yo kouté yo”. Li di-l : “Non, Papa Abraam ; min, si youn nan mò yo al koté yo, y-ap fè pénitans”. Li di-l : “Si ata Moyiz ak Profèt yo yo pa kouté yo, sé pa youn moun ki t-a lévé sot nan pami mò yo yo t-a kouté” ».

Paròl Granmèt la.

Vandrédi

PRÉMIÉ LÉKTU

Min sa-a ki té fè rèv la k-ap vini : an-alé, n-ap touyé-l.

Léktu liv Jénèz la

37, 3-4. 12-13 a. 17 b-28

Israèl té rinmin Jozèf pi plis pasé tout pitit li yo, paské sé nan viyéys li li té anfanté-l ; li té fè yon rad long ki té gin anpil koulè. Lè frè-l yo ouè kijan papa-a té pi rinmin-l pasé tout pitit yo, yo rayi-l, yo pa-t kapab palé an-pè avèk li.

Kòm frè-l yo t-ap pasé yon tan Sikèm antan y-ap gadiyin mouton papa-a, Israèl di Jozèf : « Frè-ou yo ap gadiyin mouton Sikèm ; vini, m-ap voyé-ou koté yo ». Jozèf pati dèyè frè-l yo, li jouinn yo Dotayi-n.

Yo minm, kon yo ouè-l dépi byin louin, anvan-l proche koté yo, yo gin tan fè konplo pou yo touyé-l. Youn palé ak lòt : « Min sa-a ki fè rèv la k-ap vini : an nou ouè, n-ap jété-l nan yon vié pui, n-ap di : “Yon bèt sovaj dévoré-l”, konsa y-a ouè ki sa rèv li yo té sèvi-l” ».

Lè Rubin tandé sa, li t-ap éséyé délivré-l sot nan min yo, li t-ap di : « Pa touyé lavi-l, pa vidé san-l ; min jété-l nan pui sa-a ki nan dézè-a, konsa n-a kinbé min nou san yo pa koupab ». Li t-ap di sa, paské li té vlé ouété-l sot nan min yo pou-l rinmèt li bay papa-l.

Minm lè li rivé kot frè-l yo, yo ouété rad ki té gin anpil valè-a, ki té gin bèl koulè-a, sot sou li, yo mété-l nan vié pui-a ki pa-t gin dlo-a.

Yo chita pou yo manjé pin, yo ouè Ismaélit yo k-ap vouayajé, ki té vin sot Galaad, avèk chamo yo ki t-ap poté losion, lansan, ak lami pou Éjip.

Juda di frè-l yo : « Sa sa ap sèvi nou, si nou touyé frè nou-an, épi nou kaché san-l ? Li pi bon si nou vann li bay Ismaélit yo, konsa nou pap sal min nou ; sèké sé frè nou ak chè nou li yé ». Frè-l yo vi-n dakò avèk paròl li yo.

Lè machann Madianit yo vi-n ap pasé, yo ouété-l sot nan pui-a, yo vann li bay Ismaélit yo pou vin piès lajan, Ismaélit yo kondui-l Éjip.

Paròl Granmèt la.

PSÒM RÉPONS

Ps 104, 16-17. 18-19. 20-21 (R: 5 a)

R: Sonjé mèvèy Granmèt la fè yo.

- ¹⁶ Li rélé grangou sou tè-a,
épi li kasé tout baton pin,
¹⁷ Li voyé yon moun dévan yo,
sé Jozèf yo té vann kòm ésklav la. R:
¹⁸ Yo fiské pié-l nan chinn,
yo pasé kou-l nan fè,
¹⁹ joutan paròl li-a rivé,
promès Granmèt la nétouayé-l. R:
²⁰ Roua-a voyé lagé-l,
chèf pèp yo ranvouayé-l ;
²¹ li instalé-l kòm mèt kay li,
kòm chèf sou tou sa-l posédé. R:

VÈSÈ ANVAN ÉVANJIL LA

Jan 3, 16

Bondié si tèlman rinmin tè-a, li bay Pitit li-a, sèl Pitit li-a ;
tout moun ki kouè nan li l-ap gin lavi tout tan-an.

ÉVANJIL

Min éritié-a : vini, an nou touyé-l.

✠ Léktu sint Évanjil la dapré Matié

21, 33-43. 45-46

Lè sa-a : Jézu di chèf prèt yo ak ansyin yo nan pèp la :

« Kouté yon lòt parabol : Té gin yon pèd-fanmi, li té planté yon jadin rézin, li mét lantouraj tout alantou-l, li fouyé yon présoua nan jadin-an, li bati yon kay ro, li loué jadin-an bay kiltivatè yo, li pati byin louin.

Lè tan foui yo t-ap proché, li voyé sèvitè-l yo kot kiltivatè yo, pou yo résévoua foui-l. Kiltivatè yo pran sèvitè-l yo, yo jété youn atè, yo touyé yon lòt, yo kalonnin yon lòt ak kout-ròch. Apré sa li voyé dèt sèvitè ankò pi plis pasé premié yo, yo fè yo minm jan. Alafin, li voyé pròp pitit li-a koté yo, li di : “Y-a respékté pitit mouin-an”.

Kiltivatè yo minm, lè yo ouè pitit la, yo di nan kè yo : “Min éritié-a : an nou ouè, n-ap gin éritaj li-a”. Yo pran-l, yo jété-l déyò jadin rézin-an, yo touyé-l. Lè mèt jadin rézin-an ap rivé, ki sa l-ap fè kiltivatè sa yo ? »

Yo di-l : « Méchan yo, l-a fè yo péri mal, l-ap loué jadin rézin-l nan bay dèt kiltivatè, k-ap rimmèt li foui-a nan sèzon yo ». Jézu di yo : « Èské nou pa-t janm li nan sa-k ékri yo :

“Ròch la bès mason réfizé-a, sé li minm ki vi-n tounin tèt kouin-an : sé nan min Granmèt la bagay sa-a fèt, sé yon bagay éstraòdinè nan jé nou ? “

Sé poua mouin di nou, y-ap ouété péyi roua Bondié-a sot nan min nou, y-ap rimmèt li nan min yon nasion k-ap fè-l donnin foui-l ».

Lè chèf prèt yo ak Farizyin yo tandé parabòl li yo, yo rékonèt sé osijè-yo li t-ap palé. Yo t-ap chèché arété-l, min yo té pè foul yo, paské yo té konsidéré-l kòm profèt.

Paròl Granmèt la.

Samdi

PRÉMIÉ LÉKTU

Sé pou-l jété tout péché nou yo nan fon lanmè-a.

Léktu liv profèt Miché

7, 14-15. 18-20

Kondui pèp ou-a, Granmèt, avèk bagèt ou-a, mouton éritaj ou-a, yo minm ki abité pou kont yo nan rak boua-a, nan mitan Karmèl la ; sé pou yo manjé zèb Bachan ak Galaad tankou jou lontan yo. Tankou jou ou té fè yo soti nan péyi Éjip la, fè yo ouè mèvèy.

Kilès ki tankou-ou, Bondié, ou minm ki ouété péché-a, ou minm ki padonnin fot rès éritaj ou-a ? Li pap fè kòlè ankò, paské sé mizérikòd li vlé.

Sé pou-l tounin, pou-l pran pitié pou nou, sé pou-l ouété péché nou yo, pou-l jété tout péché nou yo nan fon lanmè. Ou-ap bay Jakòb vérité-a,

ou-ap bay Abraam mizérikòd la, sa-ou té fè sèman bay papa nou yo, dépi nan jou lontan yo.

Paròl Granmèt la.

PSÒM RÉPONS

Ps 102, 1-2. 3-4. 9-10. 11-12 (R: 8 a)

R: Granmèt la gin mizérikòd, li pran pitié.

- ¹ Fè konpliman pou Granmèt la, nanm mouin ;
 tou sa-k anndan-m, fè konpliman pou non-l ki sin.
- ² Fè konpliman pou Granmèt la, nanm mouin,
 pa bliyé tou sa-ou doué-l. **R:**
- ³ Li minm ki padonnin tout péché-ou yo,
 ki géri tout maladi-ou yo ;
- ⁴ ki rachté lavi-ou sot nan lanmò,
 ki kouronnin-ou nan mizérikòd ak pitié. **R:**
- ⁹ Sé pa pou tout tan l-ap fè diskision,
 ni pou tout tan l-ap faché.
- ¹⁰ Sé pa dapré péché nou yo li aji avèk nou,
 ni dapré fot nou yo li rinnèt nou. **R:**
- ¹¹ Sèké, otan sièl la ro anlè tè-a,
 mizérikòd li débòdé pou moun ki krinn li yo ;
- ¹² otan olévan louin ak okouchan,
 li voyé péché nou yo louin nou. **R:**

VÈSÈ ANVAN ÉVANJIL LA

Lk 15, 18

M-ap lévé, m-apral koté papa-m, m-ap di-l :
 « Papa, mouin fè péché nan sièl la ak dévan-ou ».

ÉVANJIL

Frè-ou la ki la-a, li té mouri, li réviv.

✠ Léktu sint Évanjil la dapré Luk

15, 1-3. 11-32

Lè sa-a :

Piblikin yo ak péchè yo t-ap proché kot Jézu, pou yo kouté-l. Farizyin yo ak skrib yo t-ap bougonnin, yo t-ap di : « Sa-a résévoua péchè yo, li manjé avèk yo ».

Li di parabòl sa-a pou yo, li di :

« Té gin yon mésié ki té gin dé pitit, pi jèn nan yo-a di papa-a : “Papa, ban-m pòsion éritaj ki déstiné pou mouin-an”. Li séparé éritaj la ba yo. Pa gin anpil jou ki pasé, pi jèn ti gason-an ranmasé tout afè-l, li pati, l-al fè rout li nan yon péyi byin louin ; lè-l rivé la, li gaspiyé éritaj li-a antan l-ap viv nan libètinaj.

Lè-l fi-n dépansé tout bagay, vi-n gin yon gro grangou nan réjion sa-a, li minm li kòmansé nan bézouin. Li pati, l-al nan sèvis yon mésié nan péyi sa-a, mésié-a voyé-l nan jadin-l, pou-l gadé kochon. Li té anvi plin vant li ak grinn boua yo, sa kochon yo t-ap manjé yo ; min pèsòn pa-t ba li.

Li antré nan fon kè-l, li di : “Konbyin jounalié nan kay papa-m gin kont pin yo, kanta mouin minm minm m-ap mouri grangou isit la ! M-ap lévé, m-apral kay papa-m, m-ap di-l : Papa, mouin fè péché kont sièl la ak dévan-ou : mouin pa mérité ankò pou yo rélé-m pitit ou : trété-m tankou youn nan jounalié-ou yo”. Li lévé, li vi-n jouinn papa-l.

Pandan-l té louin toujou, papa-l ouè-l, kè-l boulvèsé ak mizérikòd, li kouri, li lagé kò-l nan kou-l, li anbrasé-l. Pitit la di-l : “Papa, mouin fè péché kont sièl la ak dévan-ou : mouin pa mérité ankò pou yo rélé-m pitit ou”.

Papa-a minm di sèvitè yo : “Fè vit poté pi bèl rad la, abiyé-l ; mété yon bag nan min-l, ak soulié nan pié-l. Minnin toro-a yo t-ap angrésé-a, touyé-l, n-ap manjé, n-ap fété ; paské pitit mouin sa-a ki té mouri-a, li réviv, li té péri, nou jouinn li”. Épi, yo kòmansé fété.

Min pi gran pitit li-a té nan jadin, lè-l rivé li proche bò kay la, li tandé chanté-dansé, li rélé youn nan sèvitè yo, li pozé-l kèsion ki kalité bagay sa yo. Sa-a minm di-l : “Sé frè-ou la ki vini, papa-ou fè touyé toro-a yo t-ap angrésé-a, paské li jouinn pitit la an santé”. Lèt la minm faché, li réfizé antré ; papa-l blijé soti, li kòmansé priyé-l. Li minm minm li réponn, li di papa-l : “Min konbyin ané m-ap sèvi-ou, mouin pa janm dézobéyi yon kòmandman-ou époutan ou pa janm ban-m yon ti kabrit, pou-m fété avèk zanmi-m yo ; min pitit ou sa-a, ki fi-n dévoré éritaj li-a avèk fi mové vi, kon-l rivé, ou touyé toro yo t-ap angrésé-a, akòz li”.

Li minm li di-l : “Pitit mouin, ou toujou avèk mouin, tou sa-m ginyin sé pou ou. Sèlman sé pou nou té fété, sé pou nou té fè kè nou kontan, paské frè-ou sa-a té mouri, li réviv, li té péri, nou jouinn li”.

Paròl Granmèt la.

TOUAZIÈM SÈMÈN KARÈM

Dimanch, ané A

PRÉMIÉ LÉKTU

Ba nou dlo pou nou bouè.

Léktu liv Égzòd

17, 3-7

Jou sa yo :

Pèp la té souaf poutèt pa-t gin dlo, li bougonnin kont Moyiz, li di : « Pouki sa ou té fè nou pati kité Éjip la, pou-ou touyé nou avèk pitit nou yo avèk bèt yo ak souaf ? » Moyiz minm rélé kot Granmèt la, li di : « Ki sa-ou fè pèp sa-a ? yon ti kras ankò épi l-ap kalonnin-m ».

Granmèt la di Moyiz : « Pran dévan pèp la, pran nan ansyin Israèl yo avèk ou, ni baton-an, sa-ou té frapé riviè-a, pran-l nan min-ou, épi alé. Min m-ap kanpé laba-a dévan-ou sou ròch Orèb la ; ou-ap frapé ròch la, dlo ap soti ladan-l, pou pèp la bouè ».

Moyiz fè konsa dévan ansyin Israèl yo.

Yo rélé non koté sa-a « Tansion » poutèt kont pitit Israèl yo, épi paské yo té tanté Granmèt la, yo t-ap di : « Èské Granmèt la nan mitan nou oubyin non ? »

Paròl Granmèt la.

PSÒM RÉPONS

Ps 94, 1-2. 6-7. 8-9 (R : 8)

R: Si jodi-a nou té kapab kouté voua Granmèt la : « Pa fèmin kè nou ».

- 1 Vini, an nou fété pou Granmèt la ;
an nou fè fèt pou Bondié sovè nou-an.
- 2 An nou proché dévan fas li avèk louanj,
avèk kantik, an nou fè fèt pou li. R:
- 6 Vini, an nou adoré-l, an nou bésé atè,
an nou ajénou dévan Granmèt la ki fè nou-an,
- 7 paské sé li minm ki Bondié nou,
nou sé pèp pak li ak mouton min-l. R:
- 8 Si jodi-a nou té kapab tandé voua-l :
« Pa fèmin kè nou,
- 9 tankou nan Mériba, dapré jou Masa nan dézè-a,

koté zansèt nou yo té tanté-m nan ;
yo té chèché-m kont, malgré yo té ouè travay mouin yo ». **R:**

DÉZIÈM LÉKTU

Rinmin-an vidé nan nou gras a Éspri-a yo ba nou-an.

Léktu lèt apot sin Pòl pou Romin yo

5, 1-2. 5-8

Frè-m yo :

Kòm nou vi-n kòrèk gras a lafoua-a, sé pou nou gin lapè k-ap fè nou proche kot Bondié pa lintèmediè Granmèt nou Jézu-Kri, sé pa lintèmediè-l tou nou gin possibilité proche nan gras sa-a pa lintèmediè lafoua-a, gras sa-a ki pèmèt nou jouinn konsidèrasion nou, antan n-ap éspéré gloua pitit Bondié yo.

Éspérans la minm pa fè nou ront, paské rinmin Bondié-a vidé nan kè nou pa lintèmediè Éspri Sin-an yo ba nou-an. Réyèlman, Kris la, sé antan nou té fèb ankò-a, dapré tan-an li mouri pou péchè yo. Apèn yon moun kapab aksépté mouri pou yon lòt ki kòrèk ; sèké pou yon moun débyin, pètèt yon moun t-a riské mouri ? Min Bondié montré jan-l rinmin nou, paské, malgré sé péchè nou té yé, Jézu-Kri mouri pou nou nan tan fiksé-a.

Paròl Granmèt la.

VÈSÈ ANVAN ÉVANJIL LA

Cf. Jan 4, 42. 15

Granmèt, ou sé Sovè tè-a tout bon vré,
ban-m dlo vivan-an, pou-m pa souaf.

ÉVANJIL

Sous dlo k-ap vòltijé pou lavi ki pap janm fini-an.

✠ Léktu sint Évanjil la dapré Jan

4, 5-42

Lè sa-a :

Jézu rivé nan vil Samari-a, sa yo rélé Sikar la, tou pré propriété-a Jakòb té bay Jozèf pitit li-a. Té gin pui Jakòb la koté sa-a. Jézu minm fatigé ak rout la, li té chita konsa sou bò pui-a. Sé té apéprè midi.

Yon madanm Samari vi-n pou tiré dlo. Jézu di-l : « Ban-mouin bouè ». Disip li yo té pati nan vil la, pou yo achté manjé.

Madanm Samaritèn nan di-l konsa : « Kijan ou minm ki Juif, ou kapab mandé-m bouè, mouin minm yon madanm Samaritèn ? » Réyèlman Juif yo pa frékanté Samaritin yo.

Jézu réponn, li di-l : « Si-ou té konn kado Bondié-a épi kilès k-ap di-ou : “Ban-m bouè”-a sé ou minm ki t-a mandé-l, épi li t-a ba-ou dlo vivan-an ».

Madanm nan di-l : « Mèt, ou pa minm gin dékoua pou-ou tiré dlo, épi pui-a fon ; koté ou kapab jouinn dlo vivan-an ? Èské ou pi gran pasé Jakòb papa nou-an, ki té ba nou pui-a, épi li té bouè ladan-l, ni pitit li yo ni bèt li yo ? »

Jézu réponn, li di-l : « Tout moun ki bouè nan dlo sa-a l-ap souaf ankò ; min moun ki bouè nan dlo m-ap ba li-a, li pap souaf pou tout tan ; min dlo m-ap ba li-a, l-ap vi-n tounin yon sous dlo nan li, k-ap jayi pou lavi tout tan-an ».

Madanm nan di-l : « Mèt, ban-m dlo sa-a, pou-m pa souaf, ni pou-m pa vi-n tiré dlo isit la ».

Jézu di-l : « Al rélé mari-ou, épi vini isit la ».

Madanm nan di : « Mouin pa gin mari ».

Jézu di-l : « Ou fè byin di : “Mouin pa gin mari” ; sèké sé sink mari ou té ginyin, épi koulié-a, sa-a ou ginyin-an, sé pa mari-ou li yé : sa-a sé vérité ou di ».

Madanm nan di-l : « Mèt, mouin ouè sé yon profèt ou yé. Papa nou yo té adoré sou mòn sa-a, épi nou minm nou di sé Jérusalèm koté pou nou adoré-a ».

Jézu di-l : « Madanm, kouè-m, lè-a rivé, sé pa ni sou mòn sa-a, ni Jérusalèm n-ap adoré Papa-a. Nou minm n-ap adoré sa nou pa konnin, nou minm minm nou adoré sa nou konnin, paské sovè-a sé nan Juif yo li soti. Min lè-a rivé, épi sé koulié-a, koté véritab moun k-ap adoré yo, y-ap adoré Papa-a nan éspri ak vérité. Réyèlman sé kalité moun sa yo Papa-a ap chèché, pou adoré-l. Bondié sé Éspri, moun ki adoré-l yo, sé nan Éspri ak vérité pou yo adoré ».

Madanm nan di-l : « Mouin konnin Mési-a ap vini, sa-a yo rélé Kris la ; lè-l vini, l-ap anonsé nou tout bagay ».

Jézu di-l : « Sé mouin minm, sa-a k-ap palé avèk ou-a ».

Minm lè-a disip li yo rivé, yo té sézi poutèt li t-ap palé avèk yon madanm nan ; min pèsòn pa-t di : « Ki sa-ou bézouin ? » Oubyin : « Pouki sa ou-ap palé avèk li-a ? » Madanm nan minm kité krich li-a, li pati nan vil la, li di moun yo : « Vi-n ouè yon moun ki di-m tou sa-m té fè : èské sé pa li minm ki Kris la ? » Konsa yo soti nan vil la, yo vi-n koté-l.

Pandan tan sa-a, disip li yo t-ap priyé-l, yo t-ap di : « Rabi, manjé ».

Li minm li di yo : « Mouin gin yon manjé pou-m manjé, nou pa konnin-l ».

Konsa disip yo youn t-ap di lòt : « Èské yon moun t-a poté manjé ba li ? »

Jézu di yo : « Manjé-m sé fè volonté sa-a ki voyé-m nan, pou-m réalizé travay li. Èské nou minm nou pa di nan kat moua ankò, rékòlt la rivé ? Gadé, mouin di nou, lévé jé nou, gadé réjion yo, paské yo déjà tou blan pou rékòlt la. Moun ki té simin-an, li résévoua rékonpans li, l-ap ranmasé foui pou lavi ki pap janm fini-an, pou moun k-ap rékòlté-a kontan ansanm ak sa-a ki simin-an. Nan sa réyèlman paròl la vré : youn simin, lòt la rékòlté. Mouin minm mouin té voyé nou rékòlté, koté nou pa-t travay ; dòt té travay, épi nou minm nou antré nan foui travay yo ».

Nan vil la anpil moun té kouè nan li nan pami Samaritin yo, poutèt paròl madanm nan ki té sèvi témouin-an : « Li di-m tou sa-m té fè ! » Konsa lè yo vi-n koté-l, Samaritin yo mandé-l pou-l rété la-a. Li rété la-a dé jou. Gin plis moun ki kouè nan li toujou poutèt paròl li. Yo t-ap di madanm nan : « Koulié-a sé pa poutèt paròl ou nou kouè ankò ; sèké nou tandé-l li minm, épi nou konnin sa-a sé Sovè tè-a tout bon vré ».

Paròl Granmèt la.

oubyin pi kout

✠ Léktu sint Évanjil la dapré Jan

4, 5-15. 19 b-26. 39 a. 40-42

Lè sa-a :

Jézu rivé nan vil Samari-a, sa yo rélé Sikar la, tou pré propriété-a, Jakòb té bay Jozèf pitit li-a. Té gin pui Jakòb la koté sa-a. Jézu minm fatigé ak rout la, li té chita konsa sou bò pui-a. Sé té apéprè midi.

Yon madanm Samari vi-n pou tiré dlo. Jézu di-l : « Ban-m bouè ».

Disip li yo té pati nan vil la, pou yo achte manjé.

Konsa madanm Samaritèn nan di-l : « Kijan ou minm ki Juif, ou kapab mandé-m bouè, mouin minm yon madanm Samaritèn ? » Réyèlman Juif yo pa frékanté Samaritin yo.

Jézu réponn, li di-l : « Si-ou té konn kado Bondié-a épi kilès k-ap di-ou : “Ban-m bouè”-a, pétèt sé ou minm ki t-a mandé-l, épi li t-a ba-ou dlo vivan-an ».

Madanm nan di-l : « Mèt, ou pa minm gin dékoua pou-ou tiré dlo, épi pui-a fon ; koté ou kapab jouinn dlo vivan-an ? Èské ou pi gran pasé Jakòb papa nou-an, ki té ba nou pui-a, épi li té bouè ladan-l, ni pitit li yo ni bèt li yo ? »

Jézu réponn, li di-l : « Tout moun ki bouè nan dlo sa-a, l-ap souaf ankò ; min moun ki bouè nan dlo m-ap ba li-a, li pap souaf pou tout tan ; min dlo m-ap ba li-a, l-ap vi-n tounin yon sous dlo nan li, k-ap jayi pou lavi ki pap janm fini-an ».

Madanm nan di-l : « Mèt, ban-m dlo sa-a, pou-m pa souaf, ni pou-m pa vi-n tiré dlo isit la. Mouin ouè sé yon profèt ou yé. Papa nou yo té adoré sou mòn sa-a, épi nou minm nou di sé Jérusalèm koté pou nou adoré-a ».

Jézu di-l : « Madanm, kouè-m, lè-a rivé, sé pa ni sou mòn sa-a ni Jérusalèm n-ap adoré Papa-a. Nou minm n-ap adoré sa nou pa konnin, nou minm minm nou adoré sa nou konnin, paské sovè-a sé nan Juif yo li soti. Min lè-a rivé, épi sé koulié-a koté vérité moun k-ap adoré yo, y-ap adoré Papa-a nan éspri ak vérité. Réyèlman sé kalité moun sa yo Papa-a ap chèché, pou adoré-l. Bondié sé Éspri, moun ki adoré-l yo, sé nan éspri ak vérité pou yo adoré ».

Madanm nan di-l : « Mouin konnin Mési-a ap vini, sa-a yo rélé Kris la ; lè-l vini, l-ap anonsé nou tout bagay ».

Jézu di-l : « Sé mouin minm, sa-a k-ap palé avèk ou-a ».

Nan vil la anpil moun té kouè nan li. Konsa lè yo vi-n koté-l, Samaritin yo mandé-l pou-l rété la-a. Li rété la-a dé jou. Gin plis moun ki kouè nan li toujou poutèt paròl li. Yo t-ap di madanm nan : « Koulié-a sé pa poutèt paròl ou nou kouè ankò ; sèké nou tandé-l li minm, épi nou konnin sa-a sé Sovè tè-a tout bon vré ».

Paròl Granmèt la.

Dimanch, ané B

PRÉMIÉ LÉKTU

Yo bay laloua-a pa lintèmediè Moyiz (Jan 1, 17).

Léktu liv Égzòd

20, 1-17

Jou sa yo :

Granmèt la palé tout paròl sa yo :

« Mouin sé Granmèt Bondié-ou la, ki té fè-ou la, ki té fè-ou soti nan péyi Éjip la, nan kay ésklavaj la.

Ou pap gin dié étranjé dévan-m.

Ou pap fè pòtré zidòl, ni okinn pòtré bagay ki nan sièl la anro-a oubyin ki sou tè-a anba-a, ni bagay ki nan dlo yo anba tè-a.

Ou pap adoré yo, ou pap fè sèvis pou yo. Sé mouin minm Granmèt Bondié-ou la, ki fò, ki jalou, ki vizité fot papa yo sou pitit yo nan touazièm ak katriyèm jénèrasion moun yo ki rayi-m yo, épi ki fè mizérikòd pou mil moun ki rinmin-m yo, ki kinbé lòd mouin yo.

Ou pap pran non Granmèt Bondié-ou la pou granmési ; sèké Granmèt la pa kité moun sa-a san pinision, sa-k pran non Granmèt Bondié-l la pou granmési-a.

Sonjé pou-ou fè ouè jan jou saba-a sin ; pandan sis jou ou-ap travay, ou-ap fè tout travay ou ; sétièm jou-a minm sé saba Granmèt Bondié-ou la ; ou pap fè okinn travay nan li, ni ou minm ni pitit gason-ou, ni pitit fi-ou, ni sèvitè-ou, ni sèvant ou, ni bèt chaj ou, ni étranjé ki anndan vil ou yo. Pandan sis jou Granmèt la té fè sièl la ak tè-a ak lanmè-a ak tou sa-k nan yo, épi li répozé nan sétièm jou-a ; sé poussa Granmèt la béni jou sa-a, li fè-l sin.

Ou onoré papa-ou ak manman-ou, pou-ou viv lontan sou tè-a, sa Granmèt Bondié-ou la ap ba ou-a.

Ou pap touyé.

Ou pap fè adiltè.

Ou pap vòlè.

Ou pap palé kont prochin-ou pou fè dépozision ki pa vré.

Ou pap anvì kay prochìn-ou ; ou pap mèt lidé-ou sou madanm li, ni sèvitè-l, ni sèvant li, ni bèf li, ni bourik li, ni okinn bagay ki pou li ».

Paròl Granmèt la.

oubyin pi kout

Léktu liv Égzòd

20, 1-3. 7-8. 12-17

Jou sa yo :

Granmèt la palé tout paròl sa yo :

« Mouin sé Granmèt Bondié-ou la, ki té fè-ou soti nan péyi Éjip la, nan kay ésklavaj la.

Ou pap gin dié étranjé dévan-m.

Ou pap pran non Granmèt Bondié-ou la pou granmési ; sèké Granmèt la pa kité moun sa-a san pinision, sa-k pran non Granmèt Bondié-l la pou granmési-a.

Sonjé pou-ou fè ouè jan jou saba-a sin.

Onoré papa-ou ak manman-ou, pou-ou viv lontan sou tè-a, sa Granmèt Bondié-ou la ap ba ou-a.

Ou pap touyé,

Ou pap fè adiltè.

Ou pap vòlè.

Ou pap palé kont prochìn-ou pou fè dépozision ki pa vré.

Ou pap anvì kay prochìn-ou ; ou pap mét lidé-ou sou madanm li, ni sèvitè-l, ni sèvant li, ni bèf li, ni bourik li, ni okinn bagay ki pou li ».

Paròl Granmèt la.

PSÒM RÉPONS

Ps 18, 8. 9. 10. 11 (R: Jan 6, 68 c)

R: Granmèt, ou gin paròl lavi ki pap janm fini-an.

- 8 Laloua Grammèt la san tach, li réfè nanm,
témouagnaj Grammèt la fidèl, li bay timoun yo sajès. R:
- 9 Jistis Grammèt la douat, yo fè kè kontan,
kòmandman Grammèt la klè, li kléré jé yo. R:
- 10 Krint Grammèt la nèt, li diré pou tout tan gin tan,
jijman Grammèt la vré, yo kòrèk yo tout ansanm. R:
- 11 Yo pi chè pasé lò, ak bijou ki gin anpil pri,
yo pi dous pasé mièl, ak réyon mièl k-ap koulé. R:

DÉZIÈM LÉKTU

*M-ap préché Jézu-Kri yo klouré sou yon koua, sé yon bariè pou lézòm,
min pou sa yo Bondié rélé yo, sé sajès.*

Léktu premié lèt apot sin Pòl pou Korintyin yo

1, 22-25

Frè-m yo :

Juif yo ap mandé sign, Grèk yo ap chèché sajès ; nou minm minm n-ap préché Kris la yo klouré sou koua-a, pou Juif yo sé yon bariè, pou nasion yo sé yon foli, min pou sa yo yo rélé yo, Juif ak Grèk, sé Jézu-Kri, pouvoua Bondié ak sajès Bondié-a ; paské sa-k fou pou Bondié-a li gin plis sajès pasé lézòm, sa-k fèb pou Bondié-a, li pi fò pasé lézòm.

Paròl Grammèt la.

VÈSÈ ANVAN ÉVANJIL LA

Jan 3, 16

Bondié tèlman rinmin tè-a, li bay Pitit li-a, sèl Pitit li-a ;
tout moun ki kouè nan li, l-ap gin lavi ki pap janm fini-an.

ÉVANJIL

Détoui tanp sa-a, épi nan toua jou m-ap mété-l kanpé.

✠ Léktu sint Évanjil la dapré Jan

2, 13-25

Pak Juif yo té tou pré, Jézu monté Jérusalèm. Nan tanp la li jouinn moun k-ap vann bèf ak mouton ak pijon ak moun ki chita ap chanjé lajan. Li fè tankou yon fouèt ak kòd, li chasé yo tout sot nan tanp la, ni mouton yo tou ni bèf yo, li gayé monnin moun k-ap chanjé lajan yo, li chaviré tab yo bouch anba. Moun yo minm ki t-ap vann pijon yo, li di yo : « Ouété

bagay sa yo sot isit la, pa fè kay Papa-m nan vi-n tounnin kay komès ». Disip yo minm vi-n sonjé yo té ékri : « Dévouman kay ou ap fi-n manjé-m ».

Juif yo pran laparòl, yo di-l : « Ki sign ou montré nou poutèt bagay sa yo ou fè-a ? »

Jézu réponn, li di yo : « Détoui tanp sa-a, nan toua jou m-ap drésé-l ».

Juif yo minm di : « Sé karansizan yo té pran pou yo té bati tanp sa-a, épi ou minm nan toua jou ou-ap drésé-l ? »

Li minm minm li t-ap palé osijè kò-l. Sé lè-l fi-n résisité sot nan pami mò yo, disip li yo vi-n sonjé li té di bagay sa-a, yo kouè nan sa-k té ékri-a ak nan paròl Jézu té di-a.

Pandan li té Jérusalèm pou Pak la nan jou fèt la, anpil moun vi-n kouè nan non-l, lè yo ouè sign li yo li t-ap fè yo. Min Jézu minm pa-t kouè nan yo, paské li té konnin tout moun, épi paské li pa-t bézouin pou pèsòn sèvi-l témouin nan pami lèzòm ; li minm li té konnin ki sa-k nan moun.

Paròl Granmèt la.

Oubyin si yo vlé, tout léktu yo ki pi ro yo, ané A.

Dimanch, ané C

PRÉMIÉ LÉKTU

‘Mouin minm ki égzisté-a’ voyé-m koté nou.

Léktu liv Égzòd

3, 1-8 a. 13-15

Jou sa yo :

Moyiz t-ap gadiyin mouton Jétro, bò-pè li, prèt Madian ; antan-l ap kondui bann mouton yo nan fon dézè, li rivé sou mòn Bondié-a, Orèb. Granmèt la parèt dévan-l nan yon flannm difé, anndan yon touf rajé ; li ouè touf rajé-a ap flanbé san-l pa fè sann.

Moyiz di : « M-ap proche pou-m ouè kalité gran vizion sa-a ; pouki touf rajé-a pa fè sann nan ». Granmèt la obsèvé kijan li t-ap proche pou-l gadé, li rélé-l antan-l nan touf rajé-a, li di : « Moyiz, Moyiz ! »

Li réponn : « Min mouin ».

Li di : « Pa proche isit la ; ouété sapat ou nan pié-ou : sèké tè koté-ou kanpé-a, sé yon tè ki sin ». Li di : « Sé mouin minm Bondié papa-ou la, Bondié Abraam, Bondié Izaak, ak Bondié Jakòb ». Moyiz kaché fas li ; sèké li pa-t ozé fiksé jé-l pou-l kontré ak Bondié.

Granmèt la di-l : « Mouin ouè tray pèp mouin-an nan Éjip, mouin tandé rèl li, poutèt mové trétman chèf travay yo ap fè-l sibi, mouin konnin doulè-l, mouin désann pou-m délivré-l sot nan min Éjipsyin yo, m-ap fè-l soti nan tè sa-a, pou-m kondui-l nan yon tè ki bon, ki laj, nan yon tè koté sé lèt ak mièl k-ap koulé ».

Moyiz di Bondié : « Min m-apral kot pitit Israèl yo, m-ap di yo : Bondié papa nou yo voyé-m koté nou. Si yo di-m : Ki non-l ? Ki sa pou-m di yo ? »

Bondié di Moyiz : « Mouin sé sa ki égzisté-a ». Li di : « Konsa ou-a di pitit Israèl yo : ‘Mouin minm ki égsisté-a’ voyé-m koté nou ».

Bondié di Moyiz toujou : « Min sa ou-a di pitit Israèl yo :

“Granmèt Bondié papa nou yo, Bondié Abraam, Bondié Izaak ak Bondié Jakòb voyé-m koté nou ; sé non sa-a m-ap gin pou tout tan, sé souvni-m sa pou jénérasion ak jénérasion” ».

Paròl Granmèt la.

PSÒM RÉPONS

Ps 102, 1-2. 3-4. 6-7. 8 é 11 (R : 8 a)

- R: Granmèt la pran pitié, li gin mizérikòd.
- 1 Fè konpliman pou Granmèt la, nanm mouin ;
tou sa-k anndan-m, fè konpliman pou non-l ki sin.
 - 2 Fè konpliman pou Granmèt la, nanm mouin,
pa bliyé tou sa-l fè yo. R:
 - 3 Li minm ki padonnin tout fot ou yo,
ki géri tout maladi-ou yo ;
 - 4 li minm ki rachté lavi-ou sot nan fòs la,
ki kouronnin-ou ak mizérikòd, ak pitié. R:
 - 6 Granmèt la fè jistis
ak jijman pou tout moun k-ap soufri afron.

- 7 Li fè Moyiz konnin chémin-l yo,
li fè pitit Israèl yo konnin mèvèy li yo. **R:**
- 8 Granmèt la pran pitié, li gin mizérikòd,
li pran pasians, li gin anpil mizérikòd.
- 11 Sèké otan sièl la ro anlè tè-a,
mizérikòd li débòdé sou sa yo ki krinn li yo. **R:**

DÉZIÈM LÉKTU

*Lavi pèp la avèk Moyiz nan dézè-a,
sé pou édikasion nou yo té ékri li.*

Léktu prémié lèt apot sin Pòl pou Korintyin yo **10, 1-6. 10-12**

Mouin pa vlé nou pa konn sa, frè-m yo, sèké zansèt nou yo, yo tout té anba niaj la, yo tout té travèsé lanmè-a, yo tout té batizé nan Moyiz nan niaj la ak nan lanmè-a, yo tout té manjé minm manjé éspri-a, yo tout té bouè minm bouason éspri-a (sèké yo t-ap bouè nan ròch éspri-a ki t-ap suiv yo-a ; ròch sa-a sé té Jézu-Kri). Min sé pa pi fò nan yo ki té fè Bondié plézi, paské yo té tonbé nan dézè-a.

Bagay sa yo minm, sé nan pòtré yo rivé pou nou, pou nou pa mét lidé nou sou sa-k mal, tankou yo minm yo té mét lidé yo sou sa-a. Pa bougonnin, tankou kèkzin nan yo té bougonnin, Sa-a k-ap touyé-a té fè yo péri.

Tout bagay sa yo minm sé nan pòtré yo té touché yo ; min yo ékri yo pou édikasion nou, nou minm ki rivé nan finisman sièk tan yo. Sé pou sa moun ki konprann li kanpé, sé pou-l fè atansyon pou-l pa tonbé.

Paròl Granmèt la.

VÈSÈ ANVAN ÉVANJIL LA

Mt 4, 17

Fè pénitans, sé sa Granmèt la di ; péyi roua sièl la tou pré.

ÉVANJIL

Si nou pa fè pénitans, nou tout ap péri minm jan.

✠ Léktu sint Évanjil la dapré Luk

13, 1-9

Gin kèk moun ki proché lè sa-a, yo poté nouvèl bay Jézu sot Galilé, osijè moun yo Pilat té mélé san yo avèk sakrifis yo t-ap ofri yo ; li pran laparòl, li di yo :

« Èské nou kouè Galiléyin sa yo té fè péché plis pasé tout Galiléyin yo, pou yo soufri kalité bagay sa yo ? Non, mouin di nou ; min si nou pa fè pénitans, nou tout ap péri minm jan. Tankou dizuit sa yo tour Siloé-a té tonbé sou yo-a, èské nou konprann sé paské yo minm yo té gin dèt plis pasé tout moun ki abité nan Jérusalèm ? Non, mouin di nou, min si nou pa fè pénitans, nou tout minm jan n-ap péri ».

Li t-ap di yo parabòl sa-a tou : « Yon mésié té gin yon pié figié ki té planté nan jadin rézin-l ; li vi-n chèché foui ladan-l, li pa jouinn. Li di jéran jadin pié rézin-an : “Sa fè touazan m-ap vi-n chèché foui nan pié figié sa-a, épi mouin pa jouinn ; koupé-l pouki sa pou-l ap okipé plas nan tè-a ?”

Jéran-an réponn, li di-l : “Mèt, kité-l ané sa-a ankò, joustan mouin fouyé alantou-l, mouin mété fimié ; pètèt l-ap donnin foui, otréman, ou-a koupé-l apré” ».

Paròl Granmèt la.

Oubyin, si yo vlé, tout léktu yo tankou pi ro-a, ané A.

MÈS YO KAPAB CHOUAZI

Yo kapab sèvi avèk li ninpòt ki jou sémèn sa-a, sitou ané B ak C, lè yo pa-t li Évanjil Samaritèn nan nan touazièm dimanch Karèm nan.

PRÉMIÉ LÉKTU

Dlo ap soti, pou pèp la bouè.

Léktu liv Égzòd

17, 1-7

Jou sa yo :

Tout foul pitit Israèl yo pati sot nan dézè Si-n nan, yo pozé dapré paròl Granmèt la, yo instalé tant yo Réfidim, koté pa-t gin dlo pou pèp la té bouè.

Pèp la bougonnin kont Moyiz, li di : « Ba nou dlo pou nou bouè ». Moyiz réponn yo : « Pouki sa n-ap bougonnin kont mouin-an ? Pouki sa n-ap tanté Granmèt la ? »

Konsa pèp la vi-n souaf poutèt pa-t gin dlo, li bougonnin kont Moyiz, li di : « Pouki sa ou té fè nou soti Éjip la, pou fè nou mouri ni nou minm ni pitit nou yo ni bèt nou yo ak souaf la ? » Moyiz minm rélé kot Granmèt la, li di : « Ki sa pou-m fè ak pèp sa-a ? yon ti kras ankò l-ap kalonnin-m ».

Granmèt la di Moyiz : « Pasé dévan pèp la, pran nan chèf Israèl yo avèk ou, baton-an ki té sèvi-ou pou-ou frapé riviè-a, pran-l nan min-ou, épi alé. Min m-ap kanpé laba-a dévan-ou sou ròch Orèb la ; ou-ap frapé ròch la, dlo ap soti ladan-l, pou pèp la bouè ».

Moyiz fè konsa dévan chèf Israèl yo.

Yo rélé non koté sa-a « Tansion » poutèt prosè pitit Israèl yo, épi paské yo té éséyé Granmèt la, antan y-ap di : « Èské Granmèt la avèk nou oubyin non ? »

Paròl Granmèt la.

PSÒM RÉPONS

Ps 94, 1-2. 6-7. 8-9 (R : 8)

R Si jodi-a nou té kapab kouté voua Granmèt la :
« Pa fèmin kè nou ».

- 1 Vini, an nou fété pou Granmèt la,
an nou fè fèt pou Bondié Sovè nou-an.
- 2 An nou proche dévan fas li avèk louanj,
avèk kantik, an nou fè fèt pou li. R
- 6 Vini, an nou adoré-l, an nou bésé atè,
an nou ajénou dévan Granmèt la ki fè nou-an,
- 7 paské sé li minm ki Bondié nou,
nou sé pèp pak li ak mouton min-l. R
- 8 Si jodi-a nou té kapab tandé voua-l :
« Pa fèmin kè nou,
- 9 tankou nan Mériba, dapré jou Masa nan dézè-a,
koté papa nou yo té tanté-m nan ;
yo té chèché-m kont, malgré yo té ouè travay mouin yo ». R

VÈSÈ ANVAN ÉVANJIL LA

Cf. Jan 4, 42. 15

Granmèt, ou sé Sovè tè-a tout bon vré ;
ban-m dlo vivan-an, pou-m pa souaf.

ÉVANJIL

Sous dlo k-ap vòltijé pou lavi ki pap janm fini-an.

✠ Léktu sint Évanjil la dapré Jan

4, 5-42

Lè sa-a :

Jézu rivé nan vil Samari-a, sa yo rélé Sikar la, tou pré propriété-a Jakòb té bay Jozèf pitit li-a. Té gin pui Jakòb la koté sa-a. Jézu minm fatigé ak rout la, li té chita konsa sou bò pui-a. Sé té apépré midi.

Yon madanm Samari vi-n pou tiré dlo. Jézu di-l : « Ban-m bouè ». Disip li yo té pati nan vil la, pou yo achté manjé.

Madanm Samaritèn nan di-l konsa : « Kijan ou minm ki Juif, ou kapab mandé-m bouè, mouin minm yon madanm Samaritèn ? » Réyèlman Juif yo pa frékanté Samaritin yo.

Jézu réponn, li di-l : « Si-ou té konn kado Bondié-a épi kilès k-ap di-ou : Ban-m bouè-a, pétèt sé ou minm ki t-a mandé-l, épi li t-a ba-ou dlo vivan-an ».

Madanm nan di-l : « Mèt, ou pa minm gin dékoua pou-ou tiré dlo, épi pui-a fon ; koté ou kapab jouinn dlo vivan-an ? Èské ou pi gran pasé Jakòb papa nou-an, ki té ba nou pui-a, épi li té bouè ladan-l, ni pitit li yo ni bèt li yo ? »

Jézu réponn li di-l : « Tout moun ki bouè nan dlo sa-a l-ap souaf ankò ; min moun ki bouè nan dlo m-ap ba li-a, li pap souaf ditou ; min dlo m-ap ba li-a, l-ap vi-n tounin yon sous dlo nan li, k-ap jayi pou lavi ki pap janm fini-an ».

Madanm nan di-l : « Mèt, ban-m dlo sa-a, pou-m pa souaf, ni pou-m pa vi-n tiré dlo isit la ».

Jézu di-l : « Al rélé mari-ou, épi vini isit la ».

Madanm nan di : « Mouin pa gin mari ».

Jézu di-l : « Ou fè byin di : “Mouin pa gin mari” ; sèké sé sink mari ou té ginyin, épi koulié-a, sa-a ou ginyin-an, sé pa mari-ou li yé : sa-a sé vérité ou di ».

Madanm nan di-l : « Mèt, mouin ouè sé yon profèt ou yé. Papa nou yo té adoré sou mòn sa-a épi nou minm nou di sé Jérusalèm koté pou nou adoré-a ».

Jézu di-l : « Madanm, kouè-m, lè-a rivé, sé pa ni sou mòn sa-a ni Jérusalèm n-ap adoré Papa-a. Nou minm n-ap adoré sa nou pa konnin, nou minm minm nou adoré sa nou konnin, paské sovè-a sé nan Juif yo li soti. Min lè-a rivé, épi sé koulié-a, koté véritab moun k-ap adoré yo, y-ap adoré Papa-a nan éspri ak vérité. Réyèlman sé kalité moun sa yo Papa-a ap chèché, pou adoré-l. Bondié sé Éspri, moun ki adoré-l yo, sé nan éspri ak vérité pou yo adoré ».

Madanm nan di-l : « Mouin konnin Mési-a ap vini, sa-a yo rélé Kris la ; lè-l vini, l-ap anonsé nou tout bagay ».

Jézu di-l : « Sé mouin minm sa-a k-ap palé avèk ou-a ».

Minm lè-a disip li yo rivé, yo té sézi poutèt li t-ap palé avèk yon madanm nan ; min pèsòn pa-t di : « Ki sa-ou bézouin ? » oubyin : « Pouki sa ou-ap palé avèk li a ? » Madanm nan minm kité krich li-a, li pati nan vil la, li di moun yo : « Vi-n ouè yon moun ki di-m tou sa-m té fè : èské sé pa li minm ki Kris la ? » Konsa yo soti nan vil la, yo vi-n koté-l.

Pandan tan sa-a, disip li yo t-ap priyé-l, yo t-ap di : « Rabi, manjé ».

Li minm li di yo : « Mouin gin yon manjé pou-m manjé, nou pa konnin-l ».

Konsa disip yo youn t-ap di lòt : « Èské yon moun t-a poté manjé ba li ? »

Jézu di yo : « Manjé-m sé fè volonté sa-a ki voyé-m nan, pou-m réalizé travay li. Èské nou minm nou pa di nan kat moua ankò, rékòlt la rivé ? Gadé, mouin di nou, lévé jé nou, gadé réjion yo, paské yo déja tou blan pou rékòlt la. Moun ki té simin-an, li résévoua rékonpans li, l-ap ranmasé foui pou lavi ki pap janm fini-an, pou moun k-ap rékòlté-a kontan ansanm ak sa ki simin-an. Nan sa réyèlman paròl la vré : youn simin, lòt la rékòlté. Mouin minm mouin té voyé nou rékòlté, koté nou pa-t travay ; dèt té travay, épi nou minm nou antré nan foui travay yo ».

Nan vil la anpil moun té kouè nan li nan pami Samaritin yo, poutèt paròl madanm nan ki té sèvi témouin-an : « li di-m tou sa-m té fè ! » Konsa lè yo vi-n koté-l, Samaritin yo mandé-l pou-l rété la-a. Li rété la-a dé jou. Gin plis moun ki kouè nan li toujou poutèt paròl li. Yo t-ap di

madanm nan. « Koulié-a sé pa poutèt paròl ou nou kouè ankò sèké nou tandé-l li minm, épi nou konnin sa-a sé Sovè tè-a tout bon vré ».

Paròl Granmèt la.

Lindi

PRÉMIÉ LÉKTU

*Té gin anpil lépré nan Israèl,
pèsòn nan yo pa-t géri, sof Naaman Siryin-an (Luk 4, 27).*

Léktu dézièm liv Roua yo

5, 1-15 a

Jou sa yo :

Naaman, chèf lamé roua Siri-a, sé té yon mésié ki té gin gran plas kay mèt li, li té gin gro grad : sèké sé pa lintèmédiè-l Granmèt la té sovè Siri ; sé té yon mésié ki té gin pouvoua, ki té rich, min li té lépré.

Yon lè, gin bandi ki soti Siri, yo mét min sou yon ti fi nan péyi Israèl la, ti fi-a vi-n nan sèvis madanm Naaman. Li di métrès li : « Pa pito mèt mouin t-al kot profèt ki Samari-a ! Sètènman li t-ap géri-l sot nan lalèp li ginyin-an ».

Konsa Naaman antré kay mèt li, li ba-l nouvèl, li di : « Sé tèl jan ak tèl maniè ti fi péyi Israèl la palé ak mouin ».

Roua Siri-a di-l : « Alé, m-ap voyé lèt bay roua Israèl la ».

Li pati, li pran dis piès lajan avèk li, ak simil piès lò ak dis bèl rad, li rinmèt roua Israèl la lèt yo, min paròl lèt yo : « Lè ou-ap résévoua lèt sa-a, ou-a konnin mouin voyé Naaman sèvitè-m nan koté-ou pou -ou géri-l sot nan maladi lalèp li-a ».

Lè roua Israèl la li lèt yo, li chiré rad li, li di : « Èské sé Bondié mouin yé, pou-m kapab touyé, pou-m kapab bay lavi, ki fè sa-a voyé koté-m nan, pou-m géri yon moun sot nan lalèp li-a : konsidéré sa pou nou ouè si sé pa okazion l-ap chèché pou-l fè kont avèk mouin ».

Lè Élizé, moun Bondié-a, tandé roua-a té chiré rad li, li voyé koté-l, li di : « Pouki sa ou chiré rad ou-a ? Sé pou-l vi-n koté-m épi l-a konnin gin yon profèt nan Israèl ».

Konsa Naaman rivé ak choual li, ak karòs li, li kanpé dévan pòt kay Élizé. Élizé voyé yon mèsajé koté-l pou-l di : « Al lavé kò-ou sèt foua nan Joudin-an, chè-ou ap rékòmansé jouinn santé, ou-ap géri ».

Naaman faché li kòmansé rékilé pou-l al fè rout li, li di : « Mouin té pansé li t-ap soti vi-n jouinn mouin, li t-ap kanpé pou-l rélé non Granmèt Bondié-l la, li t-ap touché koté-m gin lalèp la ak min-l li t-ap géri-m. Èské gran riviè Damas yo Abana ak Farfar pa pi bon pasé tout dlo Israèl yo, pou-m t-a lavé kò-m nan yo, pou-m t-a géri ? »

Kòm li t-ap viré pou-l al fè rout li byin faché, sèvitè-l yo proche koté-l, yo di-l : « Papa, si sé yon gran bagay profèt la té di-ou, sètènman ou t-ap fè-l ; ou gin plis rézon pou-ou fè sa-l di-ou koulié-a : “Lavé kò-ou, ou-ap géri” ».

Li désann, li lavé kò-l nan Joudin-an sèt foua dapré paròl moun Bondié-a, chè-l vi-n an santé tankou chè yon timoun piti, li géri.

Li tounin kot moun Bondié-a ansanm ak tout group li-a, li rivé, li kanpé dévan-l, li di : « Réyèlman, mouin konnin pa gin dòt Bondié sou tout tè-a, sof nan Israèl. Mouin priyé-ou pou-ou résévoua bénédiksion nan min sèvitè-ou la ».

Paròl Granmèt la.

PSÒM RÉPONS

Ps 41, 2. 3 ; Ps 42, 3. 4 (R: Ps 41, 3)

- R: Nanm mouin souaf kot Bondié vivan-an ;
kilè m-ap parèt dévan fas Bondié ?
- 2 Tankou yon sèrf anvi al nan sous dlo yo,
konsa nanm mouin anvi al koté-ou, Bondié. R:
- 3 Nanm mouin souaf Bondié, Bondié vivan-an ;
kilè m-apral parèt dévan fas Bondié ? R:
- 3 Voyé limiè-ou la ak vérité-ou la, pou yo kondui-m,
pou yo minnin-m sou mòn ou-a ki sin-an, ak nan tant ou-a. R:
- 4 M-ap antré kot lotèl Bondié-a,
kot Bondié kè kontan mouin-an.
M-ap fè louanj ou sou gita, Bondié, Bondié-m. R:

VÈSÈ ANVAN ÉVANJIL LA

Cf. Ps 129, 5. 7

Mouin espéré nan Granmèt la, mouin espéré nan paròl li ;
paské koté-l sé mizérikòd, sé rédanmsion an kantité.

ÉVANJIL

*Tankou Éli ak Élizé,
sé pa pou Juif yo sèlman yo té voyé Jézu.*

✠ Léktu sint Évanjil la dapré Luk

4, 24-30

Lè Jézu rivé Nazarèt, li di pèp la nan sinagòg la :

« Amèn mouin di nou, okinn profèt pa jouinn moun lakay li résévoua-
l byin.

Sé vérité mouin di nou, té gin anpil vèv sou tan Éli nan Israèl, lè sièl la
té fèmin pandan touazan ak si moua-a, lè té gin gro grangou sou tout tè-
a ; min sé pa kot youn nan yo yo té voyé Éli, sof kot vèv la nan Sarépta
Sidon-an. Té gin anpil lépré nan Israèl sou tan profèt Élizé ; youn nan yo
pa-t géri, sof Naaman Siryin-an ».

Tout moun nan sinagòg la plin ak kòlè, lè yo tandé sa. Yo lèvé, yo
chasé-l sot nan vil la ; yo kondui-l sou tèt mòn nan, koté vil yo té bati-a,
pou yo jété-l anba. Li minm minm, li pasé nan mitan yo, l-al fè rout li.

Paròl Granmèt la.

Madi

PRÉMIÉ LÉKTU

*Ak kè nou krazé, ak éspri nou rabésé,
ou-ap résévoua nou.*

Léktu liv profèt Danièl

3, 25. 34-43

Jou sa yo :

Azarias kanpé, li priyé konsa : li louvri bouch li nan mitan difé-a, li
di :

« Tanpri, pa lagé nou pou tout tan poutèt non-ou, pa kasé téstaman-ou
nan, pa ouété mizérikòd ou-a sot nan nou, poutèt Abraam, sa-a ou
rinmin-an, ak Izaak sèvitè-ou la, ak Israèl sin-ou nan, yo minm ou palé ak

yo-a, antan-ou té promèt ou t-ap fè ras yo vi-n anpil tankou zétoual sièl la ak tankou sab ki sou bò lanmè-a.

Sèké, Granmèt, nou vi-n pi piti pasé tout nasion yo, nou vi-n rabésé sou tout tè-a jodi-a poutèt péché nou yo, nan tan sa-a pa gin roua ni chèf ni profèt, ni sakrifis antié, ni sakrifis, ni kado, ni lansan, ni koté pou yo ofri prémié foui dévan-ou, pou nou kapab jouinn mizérikòd ou.

Min ak kè nou krazé, ak éspri nou rabésé ou-ap résévoua nou ; tankou ak sakrifis antié bouk ak toro, ak tankou avèk mil mouton gra, sé konsa pou sakrifis nou-an yé jodi-a dévan-ou, pou-l fè-ou plézi, paské pa gin ront pou moun ki mét konfians nan ou.

Koulié-a n-ap suiv ou ak tout kè nou, n-ap krinn ou, n-ap chèché fas ou. Pa fè nou ront, min aji avèk nou dapré bon kè-ou, dapré tout pakèt mizérikòd ou, délivré nou, ak mèvèy ou yo, fè ouè gloua non-ou, Granmèt ».

Paròl Granmèt la.

PSÒM RÉPONS

Ps 24, 4 b c-5 ab. 6-7 bc. 8-9 (R: 6 a)

- R: Sonjé mizérikòd ou yo, Granmèt ;
- 4 Chémin-ou yo, Granmèt, montré-m yo, santié-ou yo, aprann mouin yo.
- 5 Dirijé-m nan vérité-ou la, ban-m léson, paské ou sé Bondié sovè mouin. R:
- 6 Sonjé bon kè-ou, Granmèt, ak mizérikòd ou, paské sé dépi tout tan yo égzisté.
- 7 Dapré mizérikòd ou, sonjé-m, poutèt bon kè-ou, Granmèt. R:
- 9 Granmèt la bon, li kòrèk, poutèt sa, li aprann péchè yo chémin-l
- 9 l-ap dirijé moun ki dosil yo nan jijman-an, l-ap aprann moun ki dou yo chémin-l yo. R:

VÈSÈ ANVAN ÉVANJIL LA

Joèl 2, 12-13

Koulié-a, sé sa Granmèt la di, tounin vi-n jouinn mouin ak tout kè nou, paské mouin bon, mouin gin mizérikòd.

ÉVANJIL

*Si nou chak pa padonnin frè-l,
Papa nou pap padonnin nou tou.*

✠ Léktu sint Évanjil la dapré Matié

18, 21-35

Lè sa-a :

Piè proché kot Jézu, li di : « Granmèt, konbyin foua pou frè-m fè péché kont mouin, pou-m padonnin-l ? Èské sé sèt foua ? »

Jézu di-l : « Mouin pa di-ou jouska sèt foua, min jouska souasant-dis foua sèt foua.

Sé poua péyi roua sièl la sanblé ak yon roua ki té vlé réglé avèk sèvitè-l yo. Lè-l kòmansé réglé sa yo té doué-l, yo minnin youn ba li ki té doué-l di-mil piès lajan. Kòm li pa-t gin dékoua pou-l té rinnèt, mèt li pasé lòd pou yo vann li ansanm ak madanm li ak pitit li yo ak tou sa-l té ginyin, pou-l kapab rinnèt.

Sèvitè-a lagé kò-l atè, li priyé-l, li di : “Pran pasians avèk mouin, m-ap rinnèt ou tout bagay”. Mèt sèvitè sa-a pran pitié pou li, li lagé-l, li éfasé dèt la pou li.

Min sèvitè sa-a soti, li jouinn youn nan sèvitè parèy li yo, ki té doué-l san piès lajan ; li kinbé-l pou-l toufé-l, li di : “Rinnèt sa-ou doué”. Lòt sèvitè-a lagé kò-l atè, li priyé-l, li di : “Pran pasians avèk mouin, m-ap rinnèt ou tout bagay”. Li minm minm li pa vlé, li pati, li voyé mété-l nan prizon, joustan li rinnèt dèt li.

Lè lòt sèvitè yo ouè sa-k pasé, yo pran lapinn anpil : yo rivé, yo rakonté mèt li tou sa-k té rivé.

Lè sa-a atò, mèt li rélé-l, li di-l : “Mové sèvitè, tout dèt ou, mouin té éfasé-l pou ou, paské ou té priyé-m ; èské ou pa-t doué pran pitié pou sèvitè parèy ou-a, minm jan mouin minm mouin té pran pitié pou ou-a ?” Mèt li faché, li rinnèt li nan min gad yo, joustan li rinnèt tout dèt li.

Sé konsa Papa-m ki nan sièl la ap fè nou, si nou chak nou pa padonnin frè nou ak tout kè nou ».

Paròl Granmèt la.

Mèkrédi

PRÉMIÉ LÉKTU

*N-a obsèvé kòmandman yo,
n-a réalizé yo nan aksion nou.*

Léktu liv Détéronòm

4, 1. 5-9

Moyiz palé ak pèp la, li di :

« Koulié-a, Israèl, kouté kòmandman ak jijman, sa m-ap aprann ou, pou-ou réalizé, pou-ou kapab viv, pou-ou kapab antré nan péyi-a, pou-ou posédé-l, sa Granmèt Bondié papa-ou yo ap ba ou-a.

Nou konnin mouin aprann nou kòmandman avèk jistis ; jan Granmèt Bondié-m nan té kòmandé-m nan, sé konsa pou nou aji nan péyi-a n-apral posédé-a ; n-ap obsèvé yo, n-a réalizé yo nan aksion nou. Sa-a sé sajès nou ak intéljans nou dévan pèp yo, pou lè yo tandé tout kalité kòmandman sa yo, yo di : “Min yon pèp ki gin sajès, ki intéljan, yon gran nasion” !

Pa gin yon lòt nasion ki tèlman gran, ki kapab gin dié yo pré-l, tankou Bondié nou-an prézan pou nou tout k-ap priyé-l. Kilès lòt nasion ki tèlman gran pou-l gin sérémoni ak jijman kòrèk ak tout laloua-a, sa-m prezanté jodi-a dévan jé nou-an ?

Konsa sé pou-ou kinbé pròp tèt ou, sé pou-ou véyé sou nanm ou. Pa bliyé paròl yo, sa jé-ou ouè yo, yo pa doué sot nan kè-ou pandan tout tan ou-ap viv. Ou-a aprann pitit ou yo sa ni névé-ou yo ».

Paròl Granmèt la.

PSÒM RÉPONS

Ps 147, 12-13. 15-16. 19-20 (R : 12 a)

R: Fè louanj Granmèt la, Jérusalèm.

¹² Fè louanj Granmèt la, Jérusalèm ;
fè louanj Bondié-ou, Siyon.

¹³ Paské li ranfòsé krochèt pòtay ou yo,
li béni pitit ou yo anndan-ou. R:

¹⁵ Li minm ki voyé promès li sou tè-a,
avèk vitès paròl li-a kouri.

- ¹⁶ Li minm ki bay lanèj tankou linn,
li simin larouzé tankou sann. **R:**
- ¹⁹ Li minm ki anonsé paròl li bay Jakòb,
jistis li ak jijman-l bay Israèl.
- ²⁰ Li pa aji konsa avèk tout nasion,
li pa montré yo jijman-l yo. **R:**

VÈSÈ ANVAN ÉVANJIL LA

Cf. Jan 6, 63 c. 68 c

Paròl ou yo, Granmèt, sé éspri ak lavi ;
ou gin paròl lavi tout tan-an.

ÉVANJIL

Moun ki fè épi ki anségné, y-ap rélé-l gran

✠ Léktu sint Évanjil la dapré Matié

5, 17-19

Lè sa-a : Jézu di disip li yo :

« Pa konprann mouin vini pou-m défèt Laloua-a oubyin Profèt yo :
mouin pa vi-n pou-m défèt, min pou-m akonpli. Amèn mouin di nou sa,
joustan sièl la ak tè-a pasé, yon ti i oubyin yon ti trè pap pasé sot nan
Laloua-a, joustan tout bagay réalisé.

Konsa moun k-ap défèt youn nan pi piti kòmandman sa yo, épi k-ap
apran lézòm fè minm jan, y-ap rélé-l pi piti nan péyi roua sièl yo ; min
moun k-ap fè épi k-ap anségné y-ap rélé-l gran nan péyi roua sièl yo ».

Paròl Granmèt la.

Jédi

PRÉMIÉ LÉKTU

Sa-a sé youn nasion ki pa kouté voua Granmèt Bondié-l la.

Léktu liv profèt Jérési

7, 23-28

Min paròl Granmèt la :

« Mouin té pasé yo lòd dapré paròl sa-a, mouin té di : “Sé pou nou
kouté voua-m, m-ap Bondié pou nou, n-ap pèp pou mouin ; sé pou nou
maché nan tout chémin m-ap kòmandé nou, pou sa kapab bon pou nou”.

Min yo pa kouté, yo pa panché zòrèy yo, min yo pati dapré volonté yo, dapré mové panchan kè yo, yo rékilé, yo pa avansé, dépi jou mouin té fè papa yo sòti nan péyi Éjip la jous jodi-a.

Mouin voyé tout sèvitè-m yo, profèt yo, koté nou, mouin lévé byin bonè chak jou, mouin voyé yo ; min yo pa kouté-m, yo pa panché zòrèy yo, okontrè yo fè kou yo vi-n rèd, yo aji pi mal pasé papa yo.

Ou-a di yo tout paròl sa yo, yo pap kouté-ou. Ou-ap rélé yo, yo pap réponn ou. Ou-ap di yo : “Sa-a sé yon nasion ki pa kouté voua Granmèt Bondié-l la, ki pa résévoua édikasion. Lafoua-a péri, li soti sot nan bouch yo” ».

Paròl Granmèt la.

PSÒM RÉPONS

Ps 94, 1-2. 6-7. 8-9 (R : 8)

R Si jodi-a, nou té kapab kouté voua Granmèt la :
« Pa fèmin kè nou ».

- 1 Vini, an nou fété pou Granmèt la ;
an nou fè fèt pou Bondié sovè nou-an.
- 2 An nou proché dévan fas li avèk louanj,
avèk Psòm an nou fè fèt pou li. R
- 6 Vini, an nou adoré-l, an nou bésé atè,
an nou mét jénou atè dévan Granmèt la ki fè nou,
- 7 paské sé li minm ki Bondié nou,
nou minm nou sé pèp pak li, mouton min-l. R
- 8 Jodi-a si nou té kapab kouté voua-l :
« Pa fèmin kè nou,
- 9 tankou nan Mériba dapré jou Masa nan dézè-a,
koté papa nou yo té tanté-m nan,
yo té sondé-m, malgré yo té ouè travay mouin ». R

VÈSÈ ANVAN ÉVANJIL LA

Joël 2, 12-13

Koulié-a, sé sa Granmèt la di, tounin vi-n jouinn mouin ak tout kè nou,
paské mouin bon, mouin gin mizérikòd.

ÉVANJIL

Moun ki pa avèk moun, li kont moun.

✠ Léktu sint Évanjil la dapré Luk

11, 14-23

Lè sa-a :

Jézu t-ap chasé démon, démon-an té baba. Kon-l fi-n chasé démon-an, baba-a palé, foul yo té sézi. Kèk moun nan yo t-ap di : « Sé pa pouvoua Bèlzéboub, chèf démon yo, l-ap chasé démon yo ». Dòt minm t-ap sondé-l, yo t-ap mandé-l yon sign ki sot nan sièl la.

Li minm, kòm li té ouè pansé yo, li di yo : « Tout péyi roua ki an dézakò sou pa anndan, l-ap vi-n tounin yon dézè, kay ap tonbé sou kay. Konsa si Satan an dézakò sou pa anndan, kijan péyi roua li ap fè kanpé ? paské nou di sé pa pouvoua Bèlzéboub m-ap chasé démon yo. Si moun minm sé pa pouvoua Bèlzéboub m-ap chasé démon yo, pitit nou yo minm pa pouvoua kilès y-ap chasé yo ? Sé poua sé yo minm k-ap jijé nou. Min si sé pa pouvoua douèt Bondié m-ap chasé démon yo, sèké péyi roua Bondié-a tou rivé sou nou.

Lè yon moun byin amé, l-ap gadé lakou-l, tou sa-l posédé, yo asiré. Min si yon moun ki pi fò pasé-l vi-n rivé, épi li ranpòté viktoua sou li, li pran tout zam yo koté li té mété konfians li-a, épi li séparé sa-l pran yo.

Moun ki pa avèk moun, li kont moun, moun ki pa ranmasé avèk moun, l-ap gayé ».

Paròl Granmèt la.

Vandrédi

PRÉMIÉ LÉKTU

Nou pap rélé travay min nou « Bondié nou » ankò.

Léktu liv profèt Ozé

14, 2-10

Min paròl Granmèt la :

« Israèl, tounin vi-n jouinn Granmèt Bondié-ou la, paské ou tonbé nan péché-ou. Pran paròl avèk nou, tounin vi-n jouinn Granmèt la, di-l : “Ouété tout péché nou, pran byin-an, n-ap ofri sakrifis bouch nou. Asiri pap sovè nou, nou pap monté sou choul ankò, paské sa-a ki nan ou-a, ou-ap pran pitié pou li, òfélin-an”.

M-ap géri yo pou yo sispann viré do ban mouin, m-ap rinmin yo ak tout élan kè-m, paské kòlè-m viré kité yo ; m-ap tankou larouzé, Israèl ap jèmin tankou pié lis, rasi-n li ap éklaté tankou Liban. Ramo-l yo ap kouri, gloua li ap tankou pié oliv, odè-l ap tankou Liban.

Y-ap tounin vi-n chita anba lonbraj li, y-ap viv ak blé, y-ap jèmin tankou pié rézin ; souvni-l ap tankou divin Liban. Éfrayim, sa pou-m fè avèk zidòl yo ankò ? M-ap kouté, m-ap rinmin-l tankou yon pié bouapin ki byin vèt, sé nan mouin foui-ou ap soti ».

Paròl Granmèt la.

PSÒM RÉPONS Ps 80, 6 c-8 a. 8 bc-9. 10-11 ab. 14 é 17 (R: cf. 11 é 9 a)

R: Sé mouin minm Granmèt Bondié-ou : kouté voua-m.

⁶ Paròl mouin pa-t konnin, mouin tandé.

⁷ Mouin ouété do-l sot anba chaj yo,
min-l kité kòbèy la.

⁸ Nan tray la, ou rélé-m, mouin délivré-ou. R:

Mouin réponn ou nan kachèt toubiyon-an,
mouin sondé-ou bò dlo Mériba-a.

⁹ Kouté, pèp mouin, m-ap pozé-ou késion,
Israèl, pa pito-ou kouté-m. R:

¹⁰ Pap gin dié étranjé nan ou,
ni ou pap adoré dié étranjé.

¹¹ Sé mouin minm ki Granmèt Bondié-ou,
ki té fè-ou soti nan péyi Éjip la. R:

¹⁴ Si pèp mouin-an té kouté-m,

si Israèl té maché nan chémin-m yo,

¹⁷ mouin t-a fè yo manjé nan blé ki gra,
mouin t-a plin vant yo ak mièl ròch la. R:

VÈSÈ ANVAN ÉVANJIL LA

Mt 4, 17

Fè pénitans, sé sa Granmèt la di ;
péyi-roua sièl la tou pré.

ÉVANJIL

*Granmèt Bondié-ou la sé yon sèl Bondié,
sé pou-ou rinmin-l.*

✚ Léktu sint Évanjil la dapré Mark

12, 28 b-34

Lè sa-a :

Youn nan skrib yo proché kot Jézu, li pozé-l késion kilès ki prémié nan tout kòmandman yo.

Jézu minm réponn li : « Prémié kòmandman-an, sé : “Kouté, Israèl : Granmèt Bondié-ou la sé yon sèl Bondié-a ; sé pou-ou rinmin Granmèt Bondié-ou la ak tout kè-ou, ak tout nanm ou, ak tout éspri-ou, ak tout fòs ou”. Sa-a sé prémié kòmandman-an. Dézièm nan minm sanblé ak li : “Sé pou-ou rinmin prochin-ou tankou ou minm”. Pa gin lòt kòmandman ki pi gran passé sa yo ».

Skrib la di-l : « Sé byin, Mèt, ou palé vérité, sèké sé yon sèl la ki Bondié, pa gin dèt sof li minm ; rinmin-l ak tout kè, ak tout intéljans, ak tout nanm, ak tout fòs ; épi rinmin prochin-an tankou pròp tèt nou, sa pi gran passé tout sakrifis antié ak tout sakrifis ».

Jézu minm ouè li té réponn avèk sajès, li di-l : « Ou pa louin péyi-roua Bondié-a ». Pèsòn pa-t ozé pozé-l késion ankò.

Paròl Granmèt la.

Samdi

PRÉMIÉ LÉKTU

Sé mizérikòd mouin vlé, sé pa sakrifis.

Léktu liv profèt Ozé

6, 1-6

Vini, an nou tounin kot Granmèt la, paské sé li minm ki chiré, l-ap géri nou, li frapé, l-ap souin nou. L-ap fè nou viv apré dé jou, sou touazièm jou-a l-ap fè nou lévé, n-ap viv dévan fas li. N-ap chèché konprann, n-ap suiv chémin pou nou konnin Granmèt la. Sèké sòti-l préparé tankou dévan-jou, l-ap vini sou nou tankou lapli sézon, tankou sérin sou tè-a.

« Sa pou-m fè-ou, Éfrayim ? sa pou-m fè-ou, Juda ? Mizérikòd nou tankou niaj matin, tankou larouzé k-ap passé nan matin. Sé poussa mouin

té rétranché nan profèt yo, mouin té touyé yo nan paròl bouch mouin, jistis ou ap soti tankou limiè. Sèké sé mizérikòd mouin vlé, sé pa sakrifis : sé konésans Bondié plis pasé sakrifis antié ».

Paròl Granmèt la.

PSÒM RÉPONS

Ps 50, 3-4. 18-19. 20-21 ab (R : Oz 6, 6)

R : Sé mizérikòd mouin vlé, sé pa sakrifis.

³ Pitié pou mouin, Bondié, dapré mizérikòd ou-a ;
dapré jan-ou gin mizérikòd,
éfasé fot nou-an.

⁴ Lavé-m byin lavé sot nan fot mouin-an,
pròpté-m sot nan péché-m nan. **R :**

¹⁸ Sèké ou pap pran plézi nan sakrifis,
sakrifis antié, si-m ofri-l, li pap fè-ou plézi.

¹⁹ Sakrifis pou Bondié, sé yon éspri ki krazé,
yon kè ki krazé, ki rabésé, Bondié pap méprizé-l. **R :**

²⁰ Aji ak bon kè pou Siyon, Granmèt nan bòn volonté-ou
pou miray Jérusalèm yo kapab rébati.

²¹ Lè sa-a ou-a aksépté sakrifis jistis,
kado avèk sakrifis antié. **R :**

VÈSÈ ANVAN ÉVANJIL LA

Cf. Ps 94, 8 ab

Jodi-a, pa fèmin kè nou,
min kouté voua Granmèt la.

ÉVANJIL

*Piblikin-an désann an règ lakay li,
min pa farizyin-an.*

✠ Léktu sint Évanjil la dapré Luk

18, 9-14

Lè sa-a :

Té gin kèk moun ki té mét konfians yo nan yo minm kòm si sé yo minm ki kòrèk, yo t-ap méprizé lòt yo, Jézu di parabòl sa-a pou yo :

« Dé moun té monté nan tanp la pou yo priyé : youn té Farizyin, lòt la té piblikin. Farizyin-an kanpé la, l-ap priyé anndan kè-l : “Bondié, mouin di-ou mèsi, paské mouin pa tankou rès moun yo, yo vòlè, yo adiltè, oubyin minm tankou piblikin sa-a. Mouin fè jèn dé foua chak sémèn, mouin bay dizièm pati nan tou sa-m ginyin”.

Piblikin-an minm kanpé byin louin, li pa-t vlé lévé jé-l nan sièl la, min li t-ap frapé léstomak li li t-ap di : “Bondié, pitié pou mouin, mouin sé péchè”.

Mouin di nou, sa-a désann lakay li an règ plis pasé lòt la, paské tout moun ki lévé tèt li, y-ap fè-l bésé-l, moun ki bésé tèt li, y-ap fè-l lévé-l ».

Paròl Granmèt la.

KATRIYÈM SÈMÈN KARÈM

Dimanch, ané A

PRÉMIÉ LÉKTU

Yo sakré David kòm roua sou Israël.

Léktu prémié liv Samuèl

16, 1 b. 6-7. 10-13 a

Jou sa yo :

Granmèt la di Samuèl : « Plin kòn ou-an ak luil, épi vini, pou-m voyé-ou kot Jésé moun Bétléèm nan : sèké mouin déja chouazi davans nan pitit li yo yon roua pou mouin ».

Lè-l antré, li ouè Éliab, li di : « Èské kris Granmèt la pa dévan-l ? » Granmèt la di Samuèl : « Pa gadé fas li, ni rotè tay li, paské mouin réjté-l ; sé pa dapré konsidérasion lézòm mouin jijé : moun ouè sa-k sou déyò, Granmèt la minm konsidéyé kè-a ».

Konsa Jésé minnin sèt pitit li yo dévan Samuèl, Samuèl di Jésé : « Granmèt la pa chouazi okinn nan sa yo », Samuèl di Jésé : « Èské sé tout pitit ou yo sa ? » Li réponn : « Gin yon ti pitit ki rété ankò, l-ap gadiyin mouton yo ». Samuèl di Jésé : « Voyé chèché-l ; sèké nou pap lonjé kò nou pou nou manjé anvan li vi-n isit la ». Konsa li voyé chèché-l, li minnin-l. Li té rouj, li té gin bèl aparans ak bèl figi. Granmèt la di : « Lévé, sakré-l : sé li minm minm ».

Konsa Samuèl pran kòn luil la, li sakré-l nan mitan frè-l yo ; éspri Granmèt la rivé tou douat nan David dépi jou sa-a pou jous apré.

Paròl Granmèt la.

PSÒM RÉPONS

Ps 22, 1-3 a. 3 b-4. 5. 6 (R : 1)

R : Granmèt la ap souin-m, mouin pap manké anyin.

- 1 Granmèt la ap souin-m, mouin pap manké anyin :
- 2 nan zèb vèt li instalé-m, sou dlo kalm li kondui-m,
- 3 li réfè nanm mouin.

Li minnin-m sou santié jistis poutèt non-l. **R :**

- 4 Sèké si m-ap maché nan tè fon lonbraj lanmò, mouin pap pè malè, paské ou avèk mouin.

Baton-ou ak bagèt ou
sé yo k-ap konsolé-m. **R:**

5 Ou paré tab dévan-m
an fas sa yo k-ap fè-m pasé tray la ;
ou anbomé tèt mouin ak losion,
kalis mouin ap débòdé. **R:**

6 Réyèlman sé bon kè ak mizèrikòd k-ap rapousuiv mouin
tou léjou lavi-m,
m-ap abité nan kay Granmèt la
pou longè jou yo. **R:**

DÉZIÈM LÉKTU

*Lévé sot nan pami mò yo,
Kris la ap kléré-ou.*

Léktu lèt apot sin Pòl pou Éfézyin yo

5, 8-14

Frè-m yo :

Lontan nou té fènoua, koulié-a minm nou sé limiè nan Granmèt la : sé pou nou maché kòm pitit limiè. Foui limiè-a li nan tout bon kè, jistis ak vérité ; sé pou nou chèché fè sa-k fè Bondié plézi. Pa patisipé nan aksion fènoua yo ki pa donnin foui yo, okontrè sé pou nou réproché yo. Sèké sa y-ap fè an kachèt yo, yo ront minm di yo. Min lè yo dénonse tout bagay sa yo, sé nan limiè yo parèt klè, sèké tou sa-k parèt klè sé limiè li yé.

Sé pou sa li di : « Lévé, ou minm k-ap dòmi, lévé sot nan pami mò yo, Kris la ap kléré-ou ».

Paròl Granmèt la.

VÈSÈ ANVAN ÉVANJIL LA

Jan 8, 12

Mouin sé limiè tè-a, sé sa Granmèt la di :
moun k-ap suiv mouin, l-ap gin limiè lavi-a.

ÉVANJIL

L-alé, li lavé kò-l, li vini, li ouè.

✠ Léktu sint Évanjil la dapré Jan

9, 1-41

Lè sa-a :

Pandan Jézu ap pasé, li ouè yon moun ki avèg dépi-l té fèt. Disip li yo pozé-l késion : « Rabi, kilès ki fè péché, sa-a oubyin paran-l yo, pou-l fèt tou avèg la ? »

Jézu réponn : « Ni li minm li pa fè péché, ni paran-l yo ; min sé pou travay Bondié kapab parèt klè nan li. Mouin gin pou-m réalizé travay sa-a ki voyé-m nan, toutotan li jou ; lannuit la ap rivé, koté pèsòn pa kapab travay, toutotan mouin sou tè-a, mouin sé limiè tè-a ».

Kon-l fi-n di sa, li kraché atè-a, li fè labou ak saliv la, li pasé labou-a sou jé-l, li di-l : « Alé, lavé kò-ou, nan basin Siloé-a », sa vlé di « Sa-a yo voyé-a ». Konsa, l-alé, li lavé kò-l, li tounin antan-l ouè.

Sé pousa vouazin yo ak moun ki té konn ouè-l anvan, paské sé charité li té konn mandé, yo t-ap di : « Èské sa-a sé pa li minm ki té konn chita ap mandé-a ? » Yon pati t-ap di. « Sé li minm minm ». Lèt yo minm. « Pa ditou, min sé youn ki sanblé ak li ». Li minm minm li t-ap di : « Sé mouin minm minm ».

Yo t-ap di-l : « Kijan jé-ou fè louvri ? »

Li réponn : « Moun sa-a yo rélé Jézu-a, li fè labou, li pasé sou jé-m, li di-m : “Al nan basin Siloé-a, épi lavé kò-ou”. M-alé, mouin lavé kò-m, mouin ouè ». Yo di-l : « Koté-l ? » Li di : « Mouin pa konnin ».

Yo minnin-l kot Farizyin yo, sa-a ki té avèg anvan-an. Min sé té jou saba, lè Jézu té fè labou épi li té louvri jé-l la. Konsa Farizyin yo mandé-l ankò kijan li té fè ouè-a. Li minm minm li di yo : « Sé labou li mété sou jé-m, mouin lavé kò-m mouin ouè ». Gin kèk nan Farizyin yo ki t-ap di. « Moun sa-a pa vi-n sot nan Bondié, paské li pa obsèvé saba-a », Dòt minm t-ap di : « Kòman yon moun ki péchè kapab fè sign sa yo ? » Té gin divizion nan pami yo. Yo di avèg la ankò : « Ou minm sa-ou di osijè sa-a ki louvri jé-ou la ? » Li minm li di : « Sé yon profèt ».

Juif yo pa-t kouè mésié-a té avèg épi li té vi-n ouè, joutan yo rélé paran mésié-a ki té vi-n ouè-a. Yo pozé yo késion, yo di : « Sa-a sé pitit nou-an, sa nou di ki fèt tou avèg la ? Kijan-l fè ouè koulié-a ? » Paran-l yo réponn, yo di : « Nou konnin sa-a sé pitit nou-an, épi li té fèt avèg.

Kijan li fè ouè koulié-a, nou pa konnin, oubyin kilès ki louvri jé-l, nou pa konnin ; mandé-l : li gin laj, 1-a palé pou kont li ». Paran-l yo té di sa, paské yo té pè Juif yo ; sèké Juif yo té déjà fè konplo pou si yon moun rékonèt li sé Kris la, y-ap mété-l déyò sot nan sinagòg la. Sé pousa paran-l yo di : « Li gin laj, pozé-l késion ».

Konsa yo rélé moun nan ki té avèg la, yo di-l : « Fè konpliman pou Bondié. Nou minm nou konnin mésié sa-a sé yon péchè ». Li minm li di yo : « Si sé yon péchè, mouin pa konnin ; yon sèl bagay mouin konnin : sèké mouin té avèg, koulié-a mouin ouè ». Yo di-l. « Ki sa-l fè-ou ? » Li réponn yo : « Mouin té déjà di nou, épi nou pa-t kouté : kisa nou vlé tandé ankò ? Èské nou minm tou nou vlé vi-n disp li ? »

Yo madichonnin-l, yo di : « Ou minm ou mèt disp li ; nou minm minm sé disp Moyiz nou yé. Nou minm nou konnin Bondié té palé ak Moyiz, sa-a minm, nou pa konn koté-l soti ».

Mésié-a réponn, li di yo : « Sé sa-a ki dròl la, nou pa konn koté-l soti, épi li louvri jé-m. Nou konnin Bondié pa kouté péchè yo ; min, si yon moun krinn Bondié, épi li fè volonté-l, Bondié kouté-l. Dépi tout tan yo pa janm tandé yon moun louvri jé yon moun ki fèt tou avèg. Si mésié sa-a pa-t sot nan Bondié, li pa t-a kapab fè anyin ».

Yo réponn, yo di-l : « Sé nan péché ou fèt toutantié, épi ou-ap anségné nou ? » Yo jété-l déyò.

Jézu tandé yo té jété-l déyò, lè-l jouinn li, li di-l : « Èské ou kouè nan Pitit Bondié-a ? » Li réponn, li di : « Kilès li yé, Granmèt, pou-m kouè nan li ? » Jézu di-l : « Ou ouè-l, sé li minm k-ap palé avèk ou-a ». Li minm li di : « Mouin kouè, Granmèt ». Li bésé, li adoré-l.

Jézu di : « Sé pou yon jijman mouin vini sou tè sa-a, pou moun ki pa ouè yo vi-n ouè, épi pou sa-k ouè yo vi-n avèg ». Kèk nan Farizyin yo tandé, sa-k té bò koté-l yo, yo di-l : « Èské nou minm tou nou avèg ? » Jézu di yo : « Si nou té avèg, nou pa t-a gin péché : min koulié-a nou di : “Nou ouè”. Péché nou-an rété ».

Paròl Granmèt la.

oubyin pi kout

✠ **Léktu sint Évanjil la dapré Jan**

9, 1. 6-9. 13-17. 34-38

Lè sa-a :

Pandan Jézu ap pasé, li ouè yon moun ki avèg dépi-l té fèt. Li kraché atè-a, li fè labou ak saliv la, li pasé labou-a sou jé-l, li di-l : « Alé, lavé kò-ou nan basin Siloé-a », sa vlé di « Sa-a yo voyé-a ». Konsa, l-alé, li lavé kò-l, li tounin antan-l ouè. Sé poua vouazin yo ak moun ki té konn ouè-l anvan, paské sé charité li té konn mandé, yo t-ap di : « Èské sa-a sé pa li minm ki té konn chita ap mandé-a ? » Yon pati t-ap di : « Sé li minm minm ». Lòt yo minm : « Pa ditou, min sé youn ki sanblé ak li ». Li minm minm li t-ap di : « Sé mouin minm minm ».

Yo minnin-l kot Farizyin yo, sa-a ki té avèg anvan-an. Min sé té jou saba, lè Jézu té fè labou épi li té louvri jé-I la. Konsa Farizyin yo mandé-l ankò kijan li té fè ouè-a. Li minm minm li di yo : « Sé labou li mété sou jé-m, mouin lavé kò-m, mouin ouè ».

Gin kèk nan Farizyin yo ki t-ap di : « Moun sa-a pa vi-n sot nan Bondié, paské li pa obsèvé saba-a ». Dòt minm t-ap di : « Kòman yon moun ki péchè kapab fè sign sa yo ? » Té gin divizion nan pami yo. Yo di avèg la ankò : « Ou minm sa-ou di osijè sa-a ki louvri jé-ou la ? » Li minm li di : « Sé yon profèt ».

Yo réponn, yo di-l : « Sé nan péché ou fèt toutantié, épi ou-ap anségné nou ? » Yo jété-l déyò.

Jézu tandé yo té jété-l déyò, lè-l jouinn li, li di-l : « Èské ou kouè nan Pitit Bondié-a ? » Li réponn, li di : « Kilès li yé, Granmèt, pou-m kouè nan li ? » Jézu di-l : « Ou ouè-l, sé li minm k-ap palé avèk ou-a ». Li minm li di : « Mouin kouè, Granmèt ». Li bésé, li adoré-l.

Paròl Granmèt la.

Dimanch, ané B

PRÉMIÉ LÉKTU

*Granmèt la montré kòlè-l ak mizérikòd li
nan égzil ak libérasion pèp la.*

Léktu dézièm liv Kronik yo

36, 14-16. 19-23

Jou sa yo :

Tout chèf prèt yo ak pèp la fè péché mal dapré tout kalité mové aksion pèp yo, yo sal kay Granmèt la, sa-l té fè vi-n sin pou li nan Jérusalèm nan. Époutan Granmèt Bondié papa yo lévé bonè nannuit chak jou l-ap avèti yo pa lintèmediè mèsajé-l yo, paské li té vlé ménajé pèp la avèk koté-l abité-a. Min yo minm yo té konn pasé mèsajé Bondié yo nan jouèt, yo té konn méprizé paròl yo, yo té konn pasé profèt yo nan jouèt, joutan kòlè Granmèt la monté kont pèp li-a, san pa gin okinn rémèd.

Ènmi yo boulé kay Bondié-a, yo détoui miray Jérusalèm yo, yo boulé tout kontréfò yo, yo krazé tou sa-k té gin valè. Si yon moun té chapé anba épé, yo té kondui-l Babilòn, pou-l sèvi roua-a ak pitit li yo, joutan roua Pèrs yo vi-n kòmandé, joutan paròl Granmèt la réalisé, sa-l té di nan bouch Jérémi-an, pou tè-a fété saba-l yo ; tout tan li té vid la, li fè saba-a, joutan souasandiz-an yo réalisé.

Min nan premié ané Sirus, roua Pèrs yo, pou réalisé paròl Granmèt la, sa-l té di pa lintèmediè bouch Jérémi-an, Granmèt la fè Sirus roua Pèrs yo lévé, li pasé lòd pou déklaré nan tout péyi roua li-a, minm nan lèt, li di : « Min paròl Sirus, roua Pèrs yo : “Tout péyi roua sou tè-a, Granmèt Bondié sièl la ban mouin yo, sé li minm minm ki pasé-m lòd pou-m bati kay pou li nan Jérusalèm, ki nan Juda-a. Kilès nan nou ki nan tout pèp li-a ? Sé pou Granmèt Bondié-l la avèk li, sé pou-l monté” ».

Paròl Granmèt la.

PSÒM RÉPONS

Ps 136, 1-2. 3. 4-5. 6 (R : 6 a)

R: Sé pou lang mouin kolé nan palèt mouin,
si-m pa sonjé-ou !

¹ Sou bò gran riviè Babilòn,
sé la nou té chita épi nou t-ap kriyé,

- 2 pandan nou t-ap sonjé Siyon.
Nan pié banbou nan mitan-l yo
nou té pandié mandoli-n nou yo. **R:**
- 3 Paské sé la yo té mandé nou,
sa yo ki té fè nou prizonié yo,
paròl kantik,
épi sa yo k-ap pèsékité nou yo, kè kontan :
« Chanté pou nou nan kantik Siyon yo ». **R:**
- 4 Kijan pou nou t-a chanté kantik Granmèt la
nan tè étranjé ?
- 5 Si-m bliyé ou, Jérusalèm,
sé pou min douat mouin bliyé-m. **R:**
- 6 Sé pou lang mouin kolé nan palèt mouin,
si-m pa sonjé-ou,
si-m pa mété Jérusalèm
nan tè kè kontan-m. **R:**

DÉZIÈM LÉKTU

Nou té mouri aköz péché yo, nou sové aköz gras la.

Léktu lèt apot sin Pòl pou Éfézyin yo

2, 4-10

Frè-m yo :

Bondié ki rich nan mizérikòd, poutèt gran charité-l la li rinmin nou-an, malgré nou té mouri aköz péché yo, li fè nou viv nan Jézu-Kri, sé aköz gras Jézu-Kri nou sové, li lévé nou, li fè nou chita avèk li nan sièl yo nan Jézu-Kri ; pou-l té montré nan sièk ki t-ap vini yo richès gras li nan jan-l bon pou nou nan Jézu-Kri.

Sé aköz gras la nou sové poutèt lafoua-a, épi bagay sa-a pa soti nan nou minm, sé yon kado Bondié, sé pa nan aksion yo li soti, pou pèsòn pa tiré fièté. Nou sé bagay li fè, nou kréyé nan Jézu-Kri pou bon aksion yo, sa Bondié té préparé yo, pou nou maché nan yo-a.

Paròl Granmèt la.

VÈSÈ ANVAN ÉVANJIL LA

Jan 3, 16

Bondié tèlman rinmin tè-a, li bay Pitit li-a, sèl Pitit li-a ;
tout moun ki kouè nan li, li gin lavi ki pap janm fini-an.

ÉVANJIL

Bondié voyé Pitit li pou-l sovè tè-a gras a li.

✠ Léktu sint Évanjil la dapré Jan

3, 14-21

Lè sa-a : Jézu di Nikodèm :

Minm jan Moyiz té lévé sèpan-an nan dézè-a, sé konsa pou yo lévé Pitit moun nan anlè, pou tout moun ki kouè nan li pa péri, min pou yo gin lavi ki pap janm fini-an.

Bondié tèlman rinmin tè-a, li bay Pitit li-a, sèl Pitit li-a, pou tout moun ki kouè nan li pa péri, min pou-l gin lavi ki pap janm fini-an. Sèk Bondié pa-t voyé Pitit li-a sou tè-a pou-l jijé tè-a, min pou tè-a té kapab sovè pa lintèmédiè-l. Moun ki kouè nan li, yo pap jijé-l ; moun ki pa kouè-a minm, li déjà jijé, paské li pa kouè o non sèl Pitit Bondié-a.

Min jijman-an, limiè-a vi-n sou tè-a, min lézòm té pi rinmin fènoua yo pasé limiè-a ; sèké travay yo té mové ; réyèlman tout moun k-ap aji mal, li rayi limiè-a, li pa vi-n nan limiè-a pou yo pa dénousé travay li yo. Min moun ki fè vérité, li vi-n nan limiè, pou yo kapab ouè travay li klè, sé nan Bondié yo fèt.

Paròl Granmèt la.

Oubyin, si yo vlé, tout léktu yo tankou pi ro-a, ané A.

Dimanch, ané C

PRÉMIÉ LÉKTU

*Pèp Bondié-a antré nan tè yo té promèt li-a,
l-ap fété Pak la.*

Léktu liv Jozué

5, 9 a. 10-12

Jou sa yo :

Granmèt la di Jozué : « Jodi-a mouin ouété ront Éjip la sot sou nou ».

Pitit Israèl yo rét Gilgal, yo fè Pak la katòzièm jou moua-a, nan asouè, nan plinn Jériko yo, yo manjé nan foui tè-a nan landmin : pin san lévin ak blé ané sa-a.

Lama-n nan sispann tonbé, lè yo fi-n manjé nan foui tè-a, pitit Israèl yo pa-t sèvi ak manjé sa-a ankò, min yo manjé nan foui tè Kanaan-an té donnin ané sa-a.

Paròl Granmèt la.

PSÒM RÉPONS

Ps 33, 2-3. 4-5. 6-7 (R: 9 a)

- R: Gouté, n-a ouè kijan Granmèt la bon.
- 2 M-ap fè konpliman pou Granmèt la tout tan,
tout tan louanj li nan bouch mouin.
- 3 Nan Granmèt la nanm mouin ap jouinn gloua-l,
sé pou pòv yo tandé, pou yo kontan. R:
- 4 Fè louanj Granmèt la avèk mouin,
sé pou nou lévé non-l anlè ansanm.
- 5 Mouin chèché Granmèt la, li réponn mouin,
anba tou sa-k fè-m pè, li délivré-m. R:
- 6 Gadé nan diréksion-l, n-ap kléré,
fas nou pap ront.
- 7 Pòv sa-a rélé, Granmèt la tandé-l
anba tout tray li sovè-l. R:

DÉZIÈM LÉKTU

Bondié rékonsilié nou pa lintèmédiè Jézu-Kri.

Léktu dézièm lèt apot sin Pòl pou Korintyin yo

5, 17-21

Si gin yon nouvo kréatu nan Jézu-Kri, ansyin-an pasé : min tout bagay vi-n sot nan Bondié, li minm ki rékonsilié nou pa lintèmédiè Jézu-Kri, li ba nou sèvis rékonsiliation-an. Sèké sé Bondié ki té nan Jézu-Kri, l-ap rékonsilié tè-a avèk li, li pa konsidéré fot moun yo té fè, li mété paròl rékonsiliation-an nan bouch nou. Pou Jézu-Kri nou sèvi komisionè, sé tankou si sé Bondié k-ap bay ankourajman pa lintèmédiè nou.

N-ap insisté koté nou pou Jézu-Kri, kité yo rékonsilié nou avèk Bondié. Li minm ki pa-t konnin péché-a, li fè-l vi-n tounin péché pou nou, pou nou té kapab vi-n tounin jistis Bondié nan li.

Paròl Granmèt la.

VÈSÈ ANVAN ÉVANJIL LA

Lk 15, 18

M-ap lévé, m-apral kay papa-m, m-ap di-l :
« Papa, mouin péché nan sièl la ak dévan-ou ».

ÉVANJIL

Frè-ou la ki la-a, li té mouri, li réviv.

✠ Léktu sint Évanjil la dapré Luk

15, 1-3. 11-32

Lè sa-a :

Piblikin yo ak péchè yo t-ap proché kot Jézu, pou yo kouté-l. Farizyin yo ak skrib yo t-ap bougonnin, yo t-ap di. « Sa-a résévoua péchè yo, li manjé avèk yo ». Li di parabòl sa-a pou yo, li di :

« Té gin yon mésié ki té gin dé pitit, pi jèn nan yo-a di papa-a : “Papa, ban-m pòsion éritaj ki déstiné pou mouin-an”. Li séparé éritaj la ba yo. Pa gin anpil jou ki pasé, pi jèn ti gason-an ranmasé tout afè-l, li pati, l-al fè rout li nan yon péyi byin louin ; lè-l rivé la, li gaspiyé éritaj li-a antan l-ap viv nan libètinaj.

Lè-l fi-n dépansé tout bagay, vi-n gin yon gro grangou nan réjion sa-a, li minm li kòmansé nan bézouin. Li pati, l-al nan sèvis yon mésié nan péyi sa-a, mésié-a voyé-l nan jadin-l, pou-l gadé kochon. Li té anvi plin vant li ak grinn boua yo, sa kochon yo t-ap manjé yo ; min pèsòn pa-t ba li.

Li antré nan fon kè-l, li di : “Konbyin jounalié nan kay papa-m gin kont pin yo, kanta mouin minm minm m-ap mouri grangou isit la ! M-ap lévé, m-apral kay papa-m, m-ap di-l : Papa, mouin fè péché dévan sièl la ak dévan-ou : mouin déjà pa mérité pou yo rélé-m pitit ou ; trété-m tankou youn nan jounalié-ou yo”. Li lévé, li vi-n jouinn papa-l.

Pandan-l té louin toujou, papa-l ouè-l, kè-l boulvèsé ak mizérikòd, li kouri, li lagé kò-l nan kou-l li anbrasé-l. Pitit la di-l : “Papa, mouin fè péché dévan sièl la ak dévan-ou : mouin déjà pa mérité pou yo rélé-m pitit ou.”

Papa-a minm di sèvitè yo : “Fè vit poté pi bèl rad la, abiyé-l ; mété yon bag nan min-l, ak soulié nan pié-l. Minnin toro-a yo t-ap angrésé-a, touyé-l, n-ap manjé, n-ap fété ; paské pitit mouin sa-a ki té mouri-a, li réviv, li té péri, nou jouinn li. Épi yo kòmansé fété.

Min pi gran pitit li-a té nan jadin ; lè-l rivé li proche bò kay la, li tandé chanté-dansé, li rélé youn nan sèvitè yo, li pozé-l kèsion ki kalité bagay sa yo. Sa-a minm di-l : “Sé frè-ou la ki vini, papa-ou fè touyé toro-a yo t-ap angrésé-a, paské li jouinn pitit la an santé”. Lòt la minm faché, li réfizé antré ; papa-l blijé soti, li kòmansé priyé-l, Li minm minm li réponn, li di papa-l : “Min konbyin ané m-ap sèvi-ou, mouin pa janm dézobéyi yon kòmandman-ou époutan ou pa janm ban-m yon ti kabrit, pou-m fété avèk zanmi-m yo ; min pitit ou sa-a, ki fi-n dévoré éritaj li-a avèk fi mové vi, kon-l rivé, ou touyé toro yo t-ap angrésé-a, akoz li”.

Li minm li di-l : “Pitit mouin, ou toujou avèk mouin, tou sa-m ginyin sé pou ou. Sèlman sé pou nou té fété, sé pou nou té fè kè nou kontan, paské frè-ou sa-a té mouri, li réviv, li té péri, nou jouinn li” ».

Paròl Granmèt la.

Oubyin, si yo vlé, tout léktu yo tankou pi ro-a, ané A.

MÈS YO KAPAB CHOUAZI

Yo kapab sèvi avèk li ninpòt jou nan sémèn nan, sitou ané B ak C, lè yo pa-t li Évanjil moun nan ki fèt tou avèg la, nan katriyèm dimanch karèm nan.

PRÉMIÉ LÉKTU

*M-ap lévé, minm si-m chita nan fènoua yo ;
Granmèt la sé limiè-m.*

Léktu liv profèt Miché

7, 7-9

Mouin minm m-ap gadé nan diréksion Granmèt la ; m-ap tann Bondié sovè-m nan ; Bondié-m nan ap kouté-m.

Ou pa bézouin kontan, ènmi-m nan, osijè-m, poutèt mouin tonbé-a ; m-ap lévé, minm si-m chita nan fènoua : Granmèt la sé limiè-m.

M-ap poté kòlè Granmèt la, poutèt mouin fè péché kont li-a, joutan li jijé kòz mouin-an, li fè jijman-m. L-ap fè-m soti nan limiè-a, m-ap ouè jistis li-a.

Paròl Granmèt la.

PSÒM RÉPONS

Ps 26, 1. 7-8 a. 8 b-9 abc. 13-14 (R : 1 a)

R: Granmèt la sé limiè-m sé li k-ap sové-m.

- ¹ Granmèt la sé limiè-m ak sové mouin, kilès pou-m pè ?
Granmèt la sé protéksion lavi-m, dévan kilès pou-m tranblé ? R:
- ⁷ Granmèt, kouté voua-m k-ap rélé,
pitié pou mouin, kouté-m.
- ⁸ Sé osijè-ou kè-m di : « Chèché fas li ». R:
Sé fas ou, Granmèt, m-ap chèché.
- ⁹ Pa viré fas ou louin-m,
pa viré do bay sèvitè-ou la nan kòlè.
Sé sékou-m ou yé, pa lagé-m. R:
- ¹³ Mouin kouè m-ap ouè byin Granmèt la nan péyi vivan yo
- ¹⁴ Tann Granmèt la, aji avèk kouraj,
asiré kè-ou, sé pou-ou tann Granmèt la. R:

VÈSÈ ANVAN ÉVANJIL LA

Jan 8, 12

Mouin sé limiè tè-a, sé sa Granmèt la di :
moun k-ap suiv mouin, l-ap gin limiè lavi-a.

ÉVANJIL

L-alé, li lavé kò-l, li vini, li ouè.

✠ Léktu sint Évanjil la dapré Jan

9, 1-41

Lè sa-a ;

Pandan Jézu ap pasé, li ouè yon moun ki avèg dépi-l té fèt. Disip li yo pozé-l késion : « Rabi, kilès ki fè péché, sa-a oubyin paran-l yo, pou-l fèt tou avèg la ? »

Jézu réponn : « Ni li minm li pa fè péché, ni paran-l yo ; min sé pou travay Bondié kapab parèt klè nan li. Mouin gin pou-m réalizé travay sa-a ki voyé-m nan, toutotan li jou ; lannuit la ap rivé, koté pèsòn pa kapab travay, toutotan mouin sou tè-a, mouin sé limiè tè-a ».

Kon-l fi-n di sa, li kraché atè-a, li fè labou ak saliv la, li pasé labou-a sou jé-l, li di-l : « Alé, lavé kò-ou, nan basin Siloé-a », sa vlé di « Sa-a yo voyé-a ». Konsa, l-alé, li lavé kò-l, li tounin antan-l ouè.

Sé pousa vouazin yo ak moun ki té konn ouè-l anvan, paské sé charité li té konn mandé, yo t-ap di. « Èské sa-a sé pa li minm ki té konn chita ap mandé-a ? » Yon pati t-ap di. « Sé li minm minm ». Lòt yo minm : « Pa ditou, min sé youn ki sanblé ak li ». Li minm minm li t-ap di : « Sé mouin minm minm ».

Yo t-ap di-l : « Kijan jé-ou fè louvri ? »

Li réponn : « Moun sa-a yo rélé Jézu-a, li fè labou, li pasé sou jé-m, li di-m : “Al nan basin Siloé-a, épi lavé kò-ou”. M-alé, mouin lavé kò-m, mouin ouè ». Yo di-l : « Koté-l ? » Li di : « Mouin pa konnin ».

Yo minnin-l kot Farizyin yo, sa-a ki té avèg anvan-an. Min sé té jou saba, lè Jézu té fè labou épi li té louvri jé-l la. Konsa Farizyin yo mandé-l ankò kijan li té fè ouè-a. Li minm minm li di yo : « Sé labou li mété sou jé-m, mouin lavé kò-m mouin ouè ». Gin kèk nan Farizyin yo ki t-ap di. « Moun sa-a pa vi-n sot nan Bondié, paské li pa obsèvé saba-a », Dòt minm t-ap di : « Kòman yon moun ki péchè kapab fè sign sa yo ? » Té gin divizion nan pami yo. Yo di avèg la ankò : « Ou minm sa-ou di osijè sa-a ki louvri jé-ou la ? » Li minm li di : « Sé yon profèt ».

Juif yo pa-t kouè mésié-a té avèg épi li té vi-n ouè, joutan yo rélé paran mésié-a ki té vi-n ouè-a. Yo pozé yo késion, yo di : « Sa-a sé pitit nou-an, sa nou di ki fèt tou avèg la ? Kijan-l fè ouè koulié-a ? » Paran-l yo réponn, yo di : « Nou konnin sa-a sé pitit nou-an, épi li té fèt avèg. Kijan li fè ouè koulié-a, nou pa konnin, oubyin kilès ki louvri jé-l, nou pa konnin ; mandé-l : li gin laj, l-a palé pou kont li ». Paran-l yo té di sa, paské yo té pè Juif yo ; sèké Juif yo té déjà fè konplo pou si yon moun rékonèt li sé Kris la, y-ap mété-l déyò sinagòg la. Sé pousa paran-l yo di : « Li gin laj, pozé-l késion ».

Konsa yo rélé moun nan ki té avèg la, yo di-l : « Fè konpliman pou Bondié. Nou minm nou konnin mésié sa-a sé yon péchè ». Li minm li di yo : « Si sé yon péchè, mouin pa konnin ; yon sèl bagay mouin konnin : sèké mouin té avèg, koulié-a mouin ouè ». Yo di-l : « Ki sa-l fè-ou ? » Li réponn yo : « Mouin té déjà di nou, épi nou pa-t kouté : kisa nou vlé tandé ankò ? Èské nou minm tou nou vlé vi-n disip li ? »

Yo madichonnin-l, yo di : « Ou minm ou mèt disip li nou minm minm sé disip Moyiz nou yé. Nou minm nou konnin Bondié té palé ak Moyiz, sa-a minm, nou pa konn koté-l soti ».

Mésié-a réponn, li di yo : « Sé sa-a ki dròl la, nou pa konn koté-l soti, épi li louvri jé-m. Nou konnin Bondié pa kouté péchè yo ; min, si yon moun krinn Bondié, épi li fè volonté-l, Bondié kouté-l. Dépi tout tan yo pa janm tandé yon moun louvri jé yon moun ki fèt tou avèg. Si mésié sa-a pa-t sot nan Bondié, li pa t-a kapab fè anyin ».

Yo réponn, yo di-l : « Sé nan péché ou fèt toutantié, épi ou-ap anségné nou ? » Yo jété-l déyò.

Jézu tandé yo té jété-l déyò, lè-l jouinn li, li di-l : « Èské ou kouè nan Pitit Bondié-a ? » Li réponn, li di : « Kilès li yé, Granmèt, pou-m kouè nan li ? » Jézu di-l : « Ou ouè-l, sé li minm k-ap palé avèk ou-a ». Li minm li di : « Mouin kouè, Granmèt ». Li bésé, li adoré-l.

Jézu di : « Sé pou yon jijman mouin vini sou tè sa-a, pou moun ki pa ouè yo vi-n ouè, épi pou sa-k ouè yo vi-n avèg ». Kèk nan Farizyin yo tandé, sa-k té bò koté-l yo, yo di-l : « Èské nou minm tou nou avèg ? » Jézu di yo : « Si nou té avèg, nou pa t-a gin péché : min koulié-a nou di : “Nou ouè”. Péché nou-an rété ».

Paròl Granmèt la.

Lindi

PRÉMIÉ LÉKTU

Yo pap tandé voua kriyé ak voua rèl ankò.

Léktu liv profèt Izayi

65, 17-21

Min paròl Granmèt la :

« Min m-ap krèyé sièl nouvo ak tè nouvo ; yo pap sonjé prémié yo ankò, sa pap monté sou kè-a.

Min n-ap kontan, n-ap fété pou tout tan nan bagay sa yo mouin kréyé-a. Sèké mouin kréyé Jérusalèm “Fèt” ak pèp li-a “Kè kontan”. M-ap fété nan Jérusalèm, m-ap kontan nan pèp mouin-an. yo pap tandé voua kriyé ankò ladan-I, ni voua rèl.

Pap gin timoun k-ap mouri tou piti ladan-l ankò, ni granmoun ki pap fi-n rivé nan tout laj yo, paské timoun nan sé santan pou-l ginyin anvan-l mouri, moun ki pa rivé santan, sé moun madichonnin. Y-ap bati kay, y-ap abité, y-ap planté jadin rézin, y-ap manjé foui yo ».

Paròl Granmèt la.

PSÒM RÉPONS

Ps 29, 2 é 4. 5-6. 11-12 a é 13 b (R: 2 a)

- R:** M-ap fè louanj ou, Granmèt, paské ou délivré-m.
- 2** M-ap fè louanj ou, Granmèt, paské ou délivré-m,
ou pa kité ènmi-m yo pran plézi sou do-m.
- 4** Granmèt, ou rétiré nanm mouin sot anba pouvoua lanfè,
ou fè-m viv, pou-m pa désann nan pièj bafon-an. **R:**
- 5** Chanté pou Granmèt la,
sin-yo fè louanj pou souvni-l ki sin.
- 6** Sèké sé pou yon ti moman li té faché,
min sé pou tout lavi li rinmin.
Nan asouè yo rété ap kriyé, nan matin sé kè kontan. **R:**
- 11** Kouté, Granmèt, pran pitié pou mouin,
Granmèt, poté-m sékou.
- 12** Ou fè rèl dèy mouin-an vi-n tounin dans pou mouin.
- 13** Granmèt Bondié-m, pou tout tan m-ap fè louanj ou. **R:**

VÈSÈ ANVAN ÉVANJIL LA

Cf. Am 5, 14

Chèché byin-an, pa chèché mal la, pou nou viv ;
épi Granmèt la ap avèk nou.

ÉVANJIL

Alé, pitit ou-a ap viv.

✠ Léktu sint Évanjil la dapré Jan

4, 43-54

Lè sa-a :

Jézu soti Samari, l-al nan Galilé. Sé Jézu li minm minm ki té asiré pa gin profèt yo résévoua byin lakay li. Lè-l rivé nan Galilé, moun Galilé yo

résévoua-l byin, poutèt tou sa yo té ouè-l fè Jérusalèm nan jou fèt la ; sèké yo minm tou yo t-al nan fèt la.

Konsa li tounin Kana Galilé, koté li té fè dlo-a vi-n tounin divin-an. Té gin yon ofisié roua-a, pitit li té malad Kafarnaòm. Lè-l tandé Jézu té vi-n sot Judé pou-l antré Galilé, l-al koté-l, li priyé-l pou-l désann vi-n géri pitit li-a : sèké li té prèské mouri.

Jézu minm di-l : « Si nou pa ouè sign ak prodij, nou pap kouè ».

Li di Jézu : « Granmèt, désann anvan pitit mouin-an mouri ».

Jézu di-l : « Alé, pitit ou-a ap viv ». Mésié-a kouè paròl Jézu té di-l la, l-alé.

Pandan l-ap désann, sèvitè-l yo vi-n rankontré-l yo ba-l nouvèl, yo di pitit li-a ap viv. Li mandé yo ki lè li té gin soulajman. Yo di-l : « Sé yè, a u-nè-d-laprè-midi, lafièv la kité-l ». Papa-a rékonèt sé lè sa-a minm Jézu té di-l « Pitit ou-a ap viv » ; li kouè ni li minm ni tout kay li-a.

Sa-a sé dézièm sign nan Jézu té fè, lè-l té rivé sot nan Judé vi-n nan Galilé-a.

Paròl Granmèt la.

Madi

PRÉMIÉ LÉKTU

*Mouin ouè yon dlo k-ap soti nan tanp la,
tout moun dlo sa-a rivé sou yo, yo sovè
(Misèl Romin, pou Aspèsion dlo-a, nan tan paskal).*

Léktu liv profèt Ézékièl

47, 1-9. 12

Jou sa yo :

Anj la fè-m viré jous nan pòt kay Granmèt la, min dlo t-ap soti anba papòt la nan diréksion olévan tanp la, sèké fas kay la t-ap gadé nan diréksion olévan, dlo yo minm t-ap désann bò koté douat nan mitan lotèl la. Li fè-m soti nan chémin ki t-ap gadé nan diréksion olévan-an ; té gin dlo ki t-ap koulé anpil sot nan koté douat la.

Lè mesié-a soti nan diréksion olévan-an, li té gin yon mèt nan min-l, li konté sink-san mèt, li fè-m travèsé nan dlo-a, jous nan talon. Apré sa, li konté sink san mèt, li fè-m travèsé nan dlo-a jous nan jénou ; li konté sink-san épi li fè-m travèsé nan dlo-a jous nan rin. Li konté sink san, sé té yon ravi-n mouin pa-t kapab travèsé, paské dlo ravi-n fon-an t-ap bouyi, yo pa-t kapab travèsé-l. Li di-m : « Sètènman ou ouè, pitit moun ». Li kondui-m, li fè-m travèsé jous sou bò ravi-n nan.

Lè-m viré, mouin ouè anpil pié boua sou bò ravi-n nan, sou chak koté. Li di-m : « Dlo sa yo, k-ap soti pou y-al nan réjion olévan-an, y-ap désann nan plinn dézè-a, y-ap antré nan lanmè-a ; y-ap soti, dlo yo ap sèvi rémèd : tout bèt vivan k-ap mouvmanaté, y-ap viv, tout koté ravi-n nan ap rivé, ap gin anpil pouason, lè dlo sa yo rivé koté sa-a, tout bagay koté ravi-n nan rivé-a, y-ap géri, y-ap viv.

Anlè ravi-n nan, sou bò-l chak bò, ap gin pié boua k-ap lévé, y-ap donnin foui ; fèy yo pap tonbé, yo pap manké foui ; chak moua l-ap donnin premié foui, paské dlo ravi-n nan sé nan tanp la y-ap soti, foui-l yo ap sèvi manjé, fèy li yo ap sèvi rémèd ».

Paròl Granmèt la.

PSÒM RÉPONS

Ps 45, 2-3. 5-6. 8-9 (R : 8)

- R Granmèt lamé yo avèk nou,
kachèt pou nou Bondié Jakòb la.
- 2 Bondié sé yon kachèt pou nou ak fòs,
sékou nou jouinn tout tan nan tray.
- 3 Sé poua nou pa pè, pandan tè-a ap mouvmanaté,
pandan mòn yo ap transpòté nan kè lanmè-a. R
- 5 Bò riviè-a mété kontantman nan vil Bondié-a,
tant Sa-a ki anro nèt la, ki sin yo.
- 6 Bondié nan mitan-l, li pap souké ;
Bondié poté-l sékou dépi granmatin. R
- 8 Granmèt lamé yo avèk nou,
kachèt pou nou Bondié Jakòb la.
- 9 Vini, gadé aksion Granmèt la,
mèwèy li mété sou tè-a. R

VÈSÈ ANVAN ÉVANJIL LA

Ps 50, 12 a. 14 a

Kréyé yon kè pròp nan mouin, Bondié ;
épi rinnèt mouin kè kontan sové-ou la.

ÉVANJIL

*Minm lè-a mésié sa-a vi-n géri.***Léktu sint Évanjil la dapré Jan****5, 1-16**

Sé té yon jou fèt Juif yo, Jézu monté Jérusalèm.

Jérusalèm gin yon basin pou mouton yo, yo rélé-l nan langaj ébré Bétsayid, li gin sink galri. Nan yo té gin yon pakèt foul moun ki té kouché, ak maladi, avèg, sa k-ap bouaté, sa-k gin min yo séché.

Té gin yon mésié ki té la, li té gin trantuitan nan infimité-l la. Lè Jézu ouè-l kouché, li té konnin li té gin anpil tan déjà, li di-l : « Èské-ou vlé géri ? »

Malad la réponn li : « Granmèt, mouin pa gin pèsòn, pou voyé-m nan basin-an, lè dlo-a ap fè mouvman ; lè-m rivé, yon lòt gin tan désann anvan-m ».

Jézu di-l : « Lévé, pran kabann ou, épi maché ». Minm lè-a mésié sa-a vi-n géri, li pran kabann li-a, li t-ap maché.

Sé té yon jou saba. Juif yo di moun nan ki té géri-a : « Sé saba ; ou pa gin doua pran kabann ou ».

Li réponn yo : « Sa-a ki géri-m nan, sé li minm ki di-m : “Pran kabann ou, épi maché” ».

Yo pozé-l késion : « Kilès moun sa-a ki di-ou “Pran kabann ou, épi maché”-a ? » Sa-a minm ki té géri-a, li pa-t konnin ki moun sa ; Jézu té ouété kò-l sot nan foul la ki té la-a.

Apré sa, Jézu jouinn li nan tanp la, li di-l : « Min-ou géri, pa fè péché ankò, pou pi grav domaj pa rivé-ou ». Mésié-a alé, li bay Juif yo nouvèl, li di sé Jézu ki té fè-l géri. Sé pou sa Juif yo t-ap pèsékité Jézu, paské li té fè bagay sa yo jou saba.

Paròl Granmèt la.

Mèkrédi

PRÉMIÉ LÉKTU

*Mouin instalé-ou kòm aliens pèp la,
pou-ou mét péyi-a kanpé.*

Léktu liv profèt Izayi

49, 8-15

Min sa Granmèt la di :

« Nan tan favè-a mouin kouté-ou, nan jou pou sovè-a mouin poté-ou sékou ; mouin protéjé-ou, mouin instalé-ou kòm aliens pèp la, pou-ou mét péyi-a kanpé, pou-ou posédé éritaj ki gayé yo ; pou-ou di sa yo ki nan prizon yo : “Sòti”, épi sa ki nan fènoua yo : “Parèt”.

Sou rout yo, y-ap jouinn manjé, nan tout plinn y-ap jouinn jadin zèb yo. Yo pap grangou, yo pap souaf, chalè solèy la pap frapé yo, paské sa-a k-ap kondui yo-a, li pran pitié, l-ap pasé souaf yo nan sous dlo yo. M-ap fè tout mòn mouin yo vi-n tounin rout, santié-m yo ap drésé.

Min sa yo ap vi-n sot louin, min dèt k-ap vi-n sot nan nò ak réjion lanmè-a, dèt minm ankò sot nan péyi nan-sid ». Fè louanj, sièl yo ! fété, tè-a ! fè louanj éklaté, mòn yo ! paské Granmèt la konsolé pèp li-a, l-ap pran pitié pou pòv li yo.

Épi Siyon t-ap di : “Granmèt la lagé-m, Granmèt la bliyé-m”. Èské yon madanm kapab bliyé ti pitit li, pou-l pa pran pitié pou pitit zantray li ? Minm si youn t-ap bliyé, mouin minm mouin pap bliyé-ou ! »

Paròl Granmèt la.

PSÒM RÉPONS

Ps 144, 8-9. 13 cd-14. 17-18 (R : 8 a)

R: Granmèt la gin pitié, li gin mizérikòd.

8 Granmèt la gin pitié, li gin mizérikòd
li gin pasians, li gin anpil mizérikòd.

9 Granmèt la bon pou tout moun,
li gin mizérikòd pou tou sa-l fè. R:

13 Granmèt la fidèl nan tout paròl li yo,
li sin nan tout aksion-l yo.

14 Granmèt la soulajé tout moun ki tonbé,
li drésé tout moun ki fébli. R:

- ¹⁷ Granmèt la kòrèk nan tout chémin-l yo,
li sin nan tout travay li yo.
- ¹⁸ Granmèt la tou pré moun k-ap rélé-l yo,
tout moun yo k-ap rélé-l nan vérité-a. **R:**

VÈSÈ ANVAN ÉVANJIL LA

Jan 11, 25 a. 26

Mouin sé rézireksion-an ak lavi-a, sé sa Granmèt la di ;
moun ki kouè nan mouin, li pap janm mouri.

ÉVANJIL

*Minm jan Papa-a lévé mò yo, li bay lavi-a,
konsa tou, moun Pitit la vlé, li ba yo lavi.*

✠ Léktu sint Évanjil la dapré Jan

5, 17-30

Lè sa-a :

Jézu réponn Juif yo : « Jouskoulié-a, Papa-m ap travay, mouin minm
tou m-ap travay ».

Sé pou sa minm Juif yo t-ap chèché touyé-l pi plis la, paské non
sèlman li té anilé saba-a, min li té déklaré Bondié sé Papa-l antan-l fè
pròp tèt li vi-n égal ak Bondié.

Konsa, Jézu réponn, li di yo :

« Amèn, amèn mouin di nou, Pitit la pa kapab fè anyin ak pròp tèt li,
si-l pa ouè Papa-a fè ; tou sa-l fè réyèlman, Pitit la fè yo tou. Sèké Papa-a
rinmin Pitit la, li montré-l tou sa li minm li fè ; l-ap montré-l pi gran
aksion pasé sa yo ankò, pou nou kapab sézi.

Sèké minm jan Papa-a lévé mò yo, épi li bay lavi-a, konsa tou Pitit la
sé moun li vlé li bay lavi. Papa-a pa jijé pèsòn, min li rinmèt Pitit la tout
jijman-an, pou tout moun onoré Pitit la minm jan yo onoré Papa-a. Moun
ki pa onoré Pitit la, li pa onoré Papa-a ki voyé-l la. Amèn, amèn mouin di
nou moun ki kouté paròl mouin, ki kouè sa-a ki voyé-m nan, li gin lavi
tout tan-an, li pa antré nan jijman, min li travèsé sot nan lanmò al nan
lavi.

Amèn, amèn mouin di nou, lè-a rivé, épi sé koulié-a, lè mò yo ap
tandé voua Pitit Bondié-a. Moun ki tandé yo, y-ap viv. Minm jan Papa-a
gin lavi nan li minm minm nan, konsa li bay Pitit la pouvoua pou-l gin

lavi nan li minm, li ba-l pouvoua tou pou-l fè jijman, paské sé Pitit moun li yé.

Pa sézi pou sa, sèké là-a rivé, koté tout sa ki nan kavò yo, y-ap tandé voua Pitit Bondié-a ; y-ap soti, sa-k té fè byin yo, sé pou réziréksion lavi-a, sa-k té fè mal yo minm sé pou réziréksion jijman-an.

Mouin pa kapab fè anyin ak pròp tèt pa-m. Jan-m tandé-a, sé konsa mouin jijé, épi jijman-m nan kòrèk, paské mouin pa chèché volonté-m, min volonté sa-a ki voyé-m nan ».

Paròl Granmèt la.

Jédi

PRÉMIÉ LÉKTU

Padonnin fot pèp ou-a.

Léktu liv Égzòd

32, 7-14

Jou sa yo :

Granmèt la palé ak Moyiz, li di : « Alé, désann ; pèp ou-a fè péché, li minm ou té fè soti nan péyi Éjip la. Yo gin tan kité chémin-an ou té montré yo-a, yo fè yon ti toro avèk lò yo fonn nan difé, épi yo adoré-l ; yo ofri sakrifis ba li, yo di : “Min dié-ou yo, Israèl, ki té fè-ou soti nan péyi Éjip la” ».

Granmèt la di Moyiz ankò : « Mouin ouè kijan pèp sa-a gin kou-l rèd ; kité-m pou kòlè-m boulé kont yo, pou-m éfasé yo, min m-ap fè-ou vi-n tounin yon gran nasion ».

Moyiz minm pran priyé Granmèt Bondié-l la, li di : « Pouki sa, Granmèt, pou kòlè-ou flanbé kont pèp ou-a, li minm ou té fè soti nan péyi Éjip la ak gran fòs, ak min ki gin pouvoua ? Pa kité Éjipsyin yo di : “Sé nan pièj li pran yo pou-l té fè yo soti, pou-l té kapab touyé yo nan mòn yo, pou-l té éfasé yo sot sou tè-a” : kalmé kòlè-ou, padonnin fot pèp ou-a.

Sonjé Abraam, Izaak ak Israèl, sèvitè-ou yo, yo minm ou té fè sèman ba yo sou pròp tèt ou, ou té di : “M-ap fè désandans nou fi-n anpil tankou zétoual sièl la, épi tout tè sa-a mouin té palé-a, m-ap bay désandans nou li, n-ap posédé-l tout tan” ».

Granmèt la vi-n kalmé, li pa fè malè-a li té di li t-ap fè kont pèp li-a.
Paròl Granmèt la.

PSÒM RÉPONS

Ps 105, 19-20. 21-22. 23 (R: 4 a)

- R: Sonjé nou, Granmèt, nan favè ou fè pèp ou-a.
- 19 Yo fè yon ti toro nan Orèb,
yo adoré yon pòtré ;
- 20 yo chanjé gloua yo
pou pòtré yon toro k-ap manjé zèb. R:
- 21 Yo bliyé Bondié ki té sovè yo-a.
li minm ki té fè bagay éstraòdinè nan Éjip la,
- 22 mèvèy nan péyi Kam nan,
prodij nan lanmè Rouj la. R:
- 23 Li di l-ap gayé yo,
si sé pa-t Moyiz sa-a li té chouazi-a, ki té proché.
Li kanpé nan trou miray la, dévan fas li,
pou-l viré kòlè-l pou-l pa fè yo péri. R:

VÈSÈ ANVAN ÉVANJIL LA

Jan 3, 16

Bondié tèlman rinmin tè-a, li bay Pitit li-a, sèl Pitit li-a ;
tout moun ki kouè nan li, l-ap gin lavi tout tan-an.

ÉVANJIL

*Sa-a k-ap akizé nou-an, sé Moyiz,
li minm nou éspéré nan li-a.*

✠ Léktu sint Évanjil la dapré Jan

5, 31-47

Lè sa-a : Jézu di Juif yo :

« Si mouin minm mouin sèvi pròp tèt mouin témouin, témouagnaj mouin-an pa vré. Gin yon lòt ki sèvi-m témouin, mouin konnin témouagnaj li rann mouin-an, li vré.

Nou minm nou té voyé kot Jan, li té sèvi-m témouin. Mouin minm sé pa nan min moun mouin résévoua témouagnaj mouin, min bagay sa yo mouin di yo pou nou kapab sovè. Li minm sé té yon lanp k-ap chofé, k-

ap kléré ; nou minm minm nou té vlé joui limiè-l la pou yon tan. Kanta mouin minm mouin gin yon témouagnaj ki pi gran pasé pa Jan-an.

Travay Papa-m ban mouin pou-m réalizé-a, sé travay sa yo minm mouin fè-a k-ap sèvi-m témouin, pou yo fè ouè sé Papa-a ki voyé-m. Papa-a ki voyé-m nan, sé li minm k-ap sèvi-m témouin. Nou pa janm tandé voua li, nou pa janm ouè fas li ; nou pa gin paròl li ki rét nan nou, paské, nou pa kouè nan sa-a li voyé-a.

N-ap fouyé sa-k ékri yo, paské nou konprann sé ladan yo n-ap jouinn lavi tout tan-an, sé yo minm minm k-ap sèvi-m témouin. Min nou pa vlé vi-n jouinn mouin, pou nou gin lavi.

Mouin pa résévoua gloua nan min lézòm. Min mouin rékonèt nou, nou pa gin rinmin Bondié-a nan nou. Mouin vini o non Papa-m, nou pa résévoua-m ; si yon lòt rivé o non-l, nou rcsévoua-l. Kijan nou t-a kapab kouè, nou minm k-ap résévoua gloua youn nan min lòt, épi gloua-a ki sot nan Bondié sièl la, nou pa chèché-l ?

Pa konprann sé mouin minm k-ap akizé nou dévan Papa-a : sa-a k-ap akizé nou-an, sé Moyiz, li minm nou espéré nan li-a. Si nou té kouè nan Moyiz, nou t-a kouè nan mouin pétèt ; paské sé sou mouin li té ékri. Min si nou pa kouè nan sa-l ékri yo, kòman nou t-a kapab kouè nan paròl mouin yo ? »

Paròl Granmèt la.

Vandrédi

PRÉMIÉ LÉKTU

Sé mò laront n-ap kondané-l.

Léktu liv Sajès la

2, l a. 12-22

Méchan yo di, antan y-ap kalkilé sa-k pa kòrèk nan kè yo :

« An nou fè konplo kont sa-a ki kòrèk la, paské li pa sèvi nou anyin, l-ap kontrarié aktivité nou, l-ap reproché nou péché nou fè kont laloua-a, l-ap déklaré péché nou fè kont édikasion nou. Li prétann li gin sians Bondié, li nonmin pròp tèt li pitit Bondié.

Li jinnin pansé nou : sé yon chaj li yé pou nou, minm pou nou gadé-l ; paské lavi-l pa minm avèk lòt yo, chémin-l yo pa chanjé. Li konsidéré

nou tankou bagay ki pa gin valè, li évité chémin nou yo tankou bagay ki pa pròp ; li déklaré moun kòrèk yo ap kanpé nan dènié tan-an, li fè louanj di li gin Bondié kòm Papa.

Ébyin an nou ouè si paròl li yo vré, an nou éséyé pou nou ouè sa k-ap rivé-l, n-a konnin kijan l-ap yé nan dènié tan-an. Si sé pitit Bondié vré li yé, sé pou Bondié résévoua-l, l-a délivré-l sot nan min moun k-ap ataké-l yo.

Ak afron, ak mové trétman n-ap pozé-l késion, pou nou konnin réspè-l, pou nou éséyé pasians li. Ak lanmò gro laront n-a kondané-l ; sèkè dapré paròl li yo gin pèsonaj pou véyé sou li ».

Sé sa y-ap kalkilé, yo tronpé ; méchansté yo avéglé yo. Yo pa konnin bagay sakré Bondié yo, yo pa ésperé rékonpans jistis la, yo pa jijé konsidérasion nanm sin yo.

Paròl Granmèt la.

PSÒM RÉPONS

Ps 33, 17-18. 19-20. 21 é 23 (R: 19 a)

R: Granmèt la tou pré moun ki gin kè yo séré.

17 Fas Granmèt la sou moun k-ap fè sa-k mal yo,
pou-l pèdi souvni yo sot sou tè-a.

18 Yo rélé, Granmèt la réponn,
anba tout tray yo li délivré yo. R:

19 Granmèt la tou pré moun ki gin kè séré yo,
l-ap sovè sa-k gin éspri yo krazé yo.

20 Anpil tray pou moun ki kòrèk yo,
anba yo tout Granmèt la délivré yo. R:

21 Li présèvé tout zo yo,
youn nan yo pap krazé.

23 Granmèt la ap rachté nanm sèvitè-l yo,
tout moun ki ésperé nan li yo li pap pini yo. R:

VÈSÈ ANVAN ÉVANJIL LA

Mt 4, 4 b

Sé pa ak pin sèlman moun viv,
min ak tout paròl ki soti nan bouch Bondié.

ÉVANJIL

Yo té vlé arété-l, min lè-l pa-t ko rivé.

✠ Léktu sint Évanjil la dapré Jan

7, 1-2. 10. 25-30

Lè sa-a :

Jézu t-ap vouayajé nan Galilé ; li pa-t vlé al nan Judé, paské Juif yo t-ap chèché touyé-l.

Jou fèt Juif yo, fèt Tant yo, té toupré. Lè frè Jézu yo fi-n monté, lè-a li minm tou li monté nan fèt la, li pa kite yo ouè-l, min sé tankou an kachèt.

Nan pami moun Jérusalèm yo, yo t-ap di : « Èské sé pa sa-a yo t-ap chèché touyé-a ? Épi gadé l-ap palé an piblik, san pèsòn pa di-l anyin. Èské chèf yo t-a rékonèt vré sé Kris la li yé ? Min sa-a nou konnin koté-l soti ; Kris la minm lè l-ap rivé, pèsòn pap konnin koté-l soti ».

Jézu t-ap rélé byin fò nan Tanp la ? li t-ap bay ansègnman, li t-ap di : « Nou konnin-m épi nou konnin koté-m soti : min sé pa ak pròp pouvoua pa-m mouin vini, sa-a ki voyé-m nan, li vré, nou pa konnin-l. Mouin konnin-l, paské sé nan li mouin soti, li minm minm ki voyé-m ».

Yo té vlé arété-l, min pèsòn pa-t lonjé min sou li, paské lè-l pa-t ko rivé.

Paròl Granmèt la.

Samdi

PRÉMIÉ LÉKTU

Mouin tankou yon mouton tou dou, y-ap minnin labatoua.

Léktu liv profèt Jérémi

11, 18-20

Ou minm Granmèt, ou fè-m ouè, mouin konnin ; ou montré-m plan yo.

Mouin minm mouin té tankou yon mouton tou dou, y-ap minnin labatoua, mouin pa-t konnin, sé sou mouin yo t-ap kalkilé plan, yo t-ap di : « An nou mété boua nan pin-l, an nou ouété-l sot sou tè vivan yo, yo pap sonjé non-l ankò ».

Kanta ou minm, Granmèt lamé yo, ou minm ki jijé kòrèk, ki sondé rin ak kè, sé pou-m ouè vanjans ou sou yo ; sèké mouin dévoualé-ou kòz mouin.

Paròl Granmèt la.

PSÒM RÉPONS

Ps 7, 2-3. 9 bc-10. 11-12 (R: 2 a)

- R: Granmèt Bondié-m, nan ou mouin espéré.
- ² Granmèt Bondi-m, nan ou mouin espéré ;
sové-m sot nan min tout moun k-ap pèsékité-m yo, délivré-m,
- ³ pou-l pa pran lavi-m tankou lion,
k-ap déchiré, san pa gin pèsòn pou sové. R:
- ⁹ Jijé-m, Granmèt, dapré jistis mouin,
dapré inosans mouin ki nan mouin.
- ¹⁰ sé pou méchansté péchè yo boulé ;
asiré sa-a ki kòrèk la :
ou minm k-ap sondé kè ak rin, Bondié ki kòrèk. R:
- ¹¹ Sékou-m kot Bondié,
li minm ki sové moun ki douat nan kè yo.
- ¹² Bondié jij kòrèk la,
Fò-a, y-ap fè faché chak jou. R:

ALÉLOUYA

Cf. Lk 8, 15

R: Alélouya. Ala kontantman pou moun ki kinbé paròl Bondié-a
nan yon kè ki bon, ki kòrèk nèt,
épi ki donnin foui nan pasians. R: Alélouya.

ÉVANJIL

Èské Kris la t-a vi-n sot nan Galilé ?

✠ Léktu sint Évanjil la dapré Jan

7, 40-53

Lè sa-a :

Nan foul la, lè yo tandé paròl Jézu yo, yo t-ap di : « Sa-a sé profèt tout bon vré-a ». Dòt t-ap di : « Sa-a sé Kris la ». Kèk minm t-ap di : « Èské Kris la t-a vi-n sot Galilé ? » Èské sa ki ékri-a pa di : « Sé nan ras David

ak nan bouk Bétléèm, koté David té yé-a, pou Kris la vi-n soti” ? » Konsa té gin dézakò nan foul la poutèt li. Gin nan yo ki té vlé arété-l ; min pèsòn pa-t lonjé min sou li.

Sèvitè yo rivé kot prèt an chèf yo ak Farizyin yo. Sa yo di yo : « Pouki sa nou pa-t minnin-l ? »

Sèvitè yo réponn : « Pèsòn pa janm palé tankou mésié sa-a ».

Farizyin yo réponn yo : « Èské nou minm tou, nou kité yo tronpé nou ? Èské nan prèt an chèf yo gin yon moun ki kouè nan li, oubyin nan pami Farizyin yo ? Min foul sa-a, ki pa konn laloua-a, yo madichonnin ».

Nikodèm di yo, li minm ki té vi-n koté-l nannuit la, li minm ki té youn nan yo : « Èské laloua nou-an jijé yon moun san-l pa tandé-l anvan pou-l konnin sa-l fè ? »

Yo réponn, yo di-l : « Èské ou minm sé moun Galilé ou yé ? Fouyé sa-k ékri yo, gadé ou-ap ouè nan Galilé profèt la pa sot la ».

Konsa chak moun pati al lakay li.

Paròl Granmèt la.

SINKIÈM SÉMÈN KARÈM

Dimanch, ané A

PRÉMIÉ LÉKTU

M-ap mété Éspri-m nan nou, n-ap viv.

Léktu liv profèt Ézékièl

37, 12-14

Min paròl Granmèt Bondié :

« Min m-ap louvri tonbo nou yo, m-ap fè nou soti nan tonbo nou yo, pèp mouin, m-ap fè nou antré nan tè Israèl la ; n-ap konnin sé mouin minm Granmèt la, lè m-ap louvri tonbo nou yo, épi m-ap fè nou soti nan kavou nou yo, pèp mouin, lè m-ap mété Éspri-m nan nou, pou nou viv la, lè m-ap fè nou répozé sou tè nou-an, n-ap konnin sé mouin minm Granmèt la, mouin palé, épi mouin aji », sé sa Granmèt Bondié di.

Paròl Granmèt la.

PSÒM RÉPONS

Ps 129, 1-2. 3-4 ab. 5-6. 7-8 (R: 7)

R: Kot Granmèt la sé mizérikòd,
épi sé rédanmsion an kantité koté-l.

1 Nan bafon yo m-ap rélé koté-ou, Granmèt ;

2 Granmèt, kouté voua-m.
Sé pou zòrèy ou panché
nan voua priyè-m nan. **R:**

3 Si-ou kinbé fot yo, Granmèt,
Granmèt, ki moun k-ap kanpé ?

4 Paské koté-ou sé padon,
épi nou krinn-ou. **R:**

5 M-ap tann ou, Granmèt ;
nanm mouin ap tann nan paròl li,

6 nanm mouin éspéré nan Granmèt la.
Plis pasé yon santinèl kap éspéré dévan-jou,

7 sé pou Israèl éspéré nan Granmèt la. **R:**

Paské kot Granmèt la sé mizérikòd,
sé rédanmsion an kantité koté-l.

- 8 Sé li minm k-ap rachté Israèl
sot nan tout fot li yo. R

DÉZIÈM LÉKTU

*Éspri sa-a ki résisité Jézu sot nan pami mò yo,
li abité nan nou.*

Léktu lèt apot sin Pòl pou Romin yo

8, 8-11

Frè-m yo :

Moun yo ki réglé dapré chè-a, yo pa kapab fè Bondié plézi. Nou minm nou pa réglé nan chè-a, min nan Éspri-a, si réyèlman Éspri Bondié-a abité nan nou.

Si yon moun pa gin Éspri Jézu-Kri-a, moun sa-a pa pou li. Si Jézu-Kri nan nou, kò-a mouri poutèt péché-a, Éspri-a viv poutèt sa-k fè-l vi-n sin-an. Si Éspri sa-a ki résisité Jézu sot nan pami mò yo abité nan nou, sa-a ki résisité Jézu-Kri sot nan pami mò yo ap fè kò lanmò nou yo viv tout poutèt Éspri-a ki abité nan nou-an.

Paròl Granmèt la.

VÈSÈ ANVAN ÉVANJIL LA

Jan 11, 25 a. 26

Mouin sé réziréksion-an ak lavi-a, sé sa Granmèt la di ;
moun ki kouè nan mouin li pap janm mouri.

ÉVANJIL

Mouin sé réziréksion-an ak lavi-a.

✚ Léktu sint Évanjil la dapré Jan

11, 1-45

Lè sa-a :

Lazar té malad, moun Bétani-a, vil Mari ak Mart sè-l la. (Mari minm sé sa-a ki té mété losion sou Granmèt la, épi ki té siyé pié-l ak chévé-l la, sé frè-l ki té malad la). Sè-l yo voyé koté-l, yo di : « Granmèt, min sa-a ou rinmin-an malad ». Lè Jézu minm tandé sa, li di yo : « Maladi sa-a pa pou lanmò, min pou gloua Bondié, pou Pitit Bondié-a jouinn gloua gras a li ».

Jézu minm té rinmin Mart ak sè-l la Mari, ak Lazar.

Konsa lè-l tandé li té malad, lè sa-a li rété koté-l té yé-a pandan dé jou. Apré sa, li di disip li yo : « An-alé nan Judé ankò ».

Disip li yo di-l : « Rabi, koulié-a Juif yo t-ap chèché kalonnin-ou, épi ou-apralé laba-a ankò ? »

Jézu réponn : « Èské pa gin douzèd-tan nan jounin-an ? Si yon moun ap maché nan jounin, li pap kasé pié, paské li ouè limiè tè sa-a ; min si l-ap maché nan fè-noua, l-ap kasé pié, paské limiè-a pa nan li ».

Li di sa, apré sa, li di yo : « Lazar, zanmi nou-an, ap dòmi ; min m-apralé pou-m révéyé-I sot nan dòmi-an ».

Disip yo di : « Granmèt, si l-ap dòmi, l-ap sovè ». Jézu minm palé yo osijè lanmò-l ; yo minm minm yo té konprann sé osijè dòmi somèy la li t-ap palé.

Lè sa-a atò Jézu di yo karéman : « Lazar mouri, mouin kontan poutèt nou, pou nou kapab kouè paské mouin pa-t la. Min an-alé koté-l ».

Toma, sa yo rélé Didim nan, li di lòt disip yo : « An-alé nou minm tou, pou nou mouri ansanm avèk li ».

Konsa Jézu rivé, li jouinn li dépi kat jou nan kavo. Bétani té pré Jérusalem, apéprè toua kilomèt. Anpil nan Juif yo té vi-n koté Mart ak Mari, pou yo konsolé-l pou frè-l la.

Mart minm, lè-l tandé Jézu vini, li kouri al rankontré-l ; kanta Mari li minm, li té rété chita lakay la. Mart minm di Jézu : « Granmèt, si-ou té isit la, frè-m nan pa t-ap mouri ; min koulié-a mouin konnin tou sa-ou mandé Bondié, Bondié ap ba ou li ».

Jézu di-l : « Frè-ou la ap résisité ».

Mart di-l : « Mouin konnin l-ap résisité nan réziréksion nan dènié jou-a ».

Jézu di-l : « Mouin sé réziréksion-an ak lavi-a ; moun ki kouè nan mouin, minm si-l mouri, l-ap viv, épi tout moun k-ap viv épi ki kouè nan mouin, li pap janm mouri. Èské ou kouè sa ? »

Li di-l : « Oui, Granmèt, mouin kouè ou sé Kris Pitit Bondié vivan-an, ki té vi-n sou tè sa-a ».

Kon-l fi-n di sa, li pati l-al rélé Mari sè-l la an kachèt, li di : « Mèt la la épi l-ap rélé-ou ». Li minm kon-l tandé sa, li lévé byin vit, li vi-n koté-l ; Jézu pa-t ko rivé nan bouk la ; min li té koté Mart té rankontré-l la toujou. Juif yo minm, ki té avèk li nan kay la, épi ki t-ap konsolé-l yo, lè

yo ouè Mari, ki lévé byin vit, li soti, yo suiv li, yo di : « L-al nan kavo-a, pou-l kriyé laba-a ».

Mari minm, lè-l rivé koté Jézu té yé-a, kon-l ouè-l, li tonbé nan pié-l, li di-l : « Granmèt si-ou té isit la, frè-m nan pa t-ap mouri ».

Jézu minm, lè-l ouè l-ap kriyé, ni Juif yo tou ki té vi-n avèk li-a ki t-ap kriyé, li santi éspri-l trésayi li troublé anndan li minm, li di : « Koté nou té dépozé-l ? »

Yo di-l : « Granmèt vini, ou-a ouè ». Jézu kriyé. Juif yo di : « Gadé kijan li té rinmin-l ! » Kèk nan yo minm té di : « Èské li pa-t kapab fè pou sa-a pa mouri, li minm ki té louvri jé moun ki té fèt tou avèg la ».

Jézu minm trésayi ankò anndan li minm, li rivé nan kavo-a. Sé té yon trou ròch, yon ròch té pozé sou li. Jézu di : « Ouété ròch la ».

Mart, sè mò-a, di-l : « Granmèt, li déja gin mové sant, sa fè katriyèm jou li la ».

Jézu di-l : « Èské-m pa di-ou, si-ou kouè, ou-ap ouè gloua Bondié-a ? »

Yo ouété ròch la. Jézu minm lévé jé-l anlè, li di : « Papa, mouin fè konpliman pou ou, poutèt ou kouté-m. Mouin té konnin ou toujou kouté-m ; min sé poutèt pèp la ki antouré-m nan mouin palé, pou yo kouè sé ou minm ki voyé-m ». Kon-l fi-n di sa, li rélé byin fò : « Lazar, vini déyò ». Minm lè-a li sòti, pié-l ak min-l byin maré ak bann toual, figi-l té maré ak yon mouchoua. Jézu di yo : « Lagé-l, kité-l alé ».

Anpil nan Juif yo ki té vi-n koté Mari ak Mart la, lè yo ouè sa Jézu fè, yo vi-n kouè nan li.

Paròl Granmèt la.

oubyin pi kout

✠ Léktu sint Évanjil la dapré Jan

11, 3-7. 20-27. 33 b-45

Lè sa-a :

Sè Lazar yo voyé koté Jézu, yo di : « Granmèt, min sa-a ou rinmin-an malad ». Lè Jézu minm tandé sa, li di yo : « Maladi sa-a pa pou lanmò, min pou gloua Bondié, pou Pitit Bondié-a jouinn gloua gras a li ».

Jézu minm té rinmin Mart ak sè-l la Mari, ak Lazar.

Konsa lè-l tandé li té malad, lè sa-a li rété koté-l té yé-a pandan dé jou. Apré sa, li di disip li yo : « An-alé Judé ankò ».

Jézu rivé, li jouinn li dépi kat jou nan kavo.

Mart minm, lè-l tandé Jézu vini, li kouri al rankontré-l ; kanta Mari li minm, li té rété chita lakay la. Mart minm di Jézu : « Granmèt, si-ou té isit la, frè-m nan pa t-ap mouri ; min koulié-a mouin konnin tou sa-ou mandé Bondié, Bondié ap ba-ou li ».

Jézu di-l : « Frè-ou la ap résisité ».

Mart di-l : « Mouin konnin l-ap résisité nan réziréksion nan dènié jou-a ».

Jézu di : « Mouin sé réziréksion-an ak lavi-a : moun ki kouè nan mouin, minm si-l mouri, l-ap viv, épi tout moun k-ap viv épi ki kouè nan mouin, li pap janm mouri, Èské-ou kouè sa ? »

Jézu minm santi éspri-l trésayi, li troublé anndan li minm li di : « Koté nou té dépozé-l ? »

Yo di-l : « Granmèt, vini, ou-a ouè ». Jézu kriyé. Juif yo di : « Gadé kijan li té rinmin-l ! » Kèk nan yo minm té di : « Èské li pa-t kapab fè pou sa-a pa mouri, li minm ki té louvri jé moun ki té fèt tou avèg la ? »

Jézu minm trésayi ankò anndan li minm, li rivé nan kavo-a. Sé té yon trou ròch, yon ròch té pozé sou li

Jézu di : « Ouété ròch la ».

Mart, sè mò-a, di-l : « Granmèt, li déjà gin mové sant, sa fè katriyèm jou li la ».

Jézu di-l : « Èské-m pa di ou, si-ou kouè ou-ap ouè gloua Bondié-a ? »

Yo ouété ròch la. Jézu minm lévé jé-l anlè, li di : « Papa, mouin fè konpliman pou ou, poutèt ou kouté-m. Mouin té konnin ou toujou kouté-m ; min sé poutèt pèp la ki antouré-m nan, mouin palé, pou yo kouè sé ou minm ki voyé-m ». Kon-l fi-n di sa li rélé byin fò : « Lazar, vini déyò ». Minm lè-a mò-a sòti, pié-l ak min-l byin maré ak bann toul, figi-l té maré ak yon mouchoua. Jézu di yo : « Lagé-l, kité-l alé ».

Anpil nan Juif yo ki té vi-n kot Mari ak Mart la, lè yo ouè sa Jézu fè, yo vi-n kouè nan li.

Paròl Granmèt la.

Dimanch, ané B

PRÉMIÉ LÉKTU

*M-ap pasé yon nouvo aliens,
mouin pap sonjé péché-a ankò.*

Léktu liv profèt Jérémi

31, 31-34

« Min jou k-ap rivé, sé sa Granmèt la di, m-ap pasé yon aliens nouvo avèk kay Israèl la, avèk kay Juda-a ; sé pa tankou aliens la mouin té pasé avèk papa yo-a, jou mouin té pran min yo-a, pou-m kondui yo sot nan péyi Éjip la, aliens sa-a, sé yo minm ki té kasé-l, mouin minm mouin té fè yo santi pouvoua-m, sé sa Granmèt la di.

Min sé sa-a k-ap aliens la m-ap pasé avèk kay Israèl la apré jou sa yo, sé sa Granmèt la di : m-ap mété laloua-m nan nan zantray yo, m-ap ékri-l nan kè yo, m-ap Bondié yo, yo minm ; y-ap pèp mouin.

Pèsòn pap anségné prochin-l ak frè-l ankò, antan l-ap di : “Sé pou-ou konnin Granmèt la”. Sèké tout moun ap konnin-m dépi pi piti nan yo jous nan pi gran-an, sé sa Granmèt la di ; paské m-ap padonnin fèt yo, mouin pap sonjé péché yo ankò ».

Paròl Granmèt la.

PSÒM RÉPONS

Ps 50, 3-4. 12-13. 14-15 (R: 12 a)

- R: Kréyé yon kè nèt nan mouin, Bondié.
- 3 Pitié pou mouin, Bondié, dapré mizérikòd ou ;
épi dapré kantité bon kè-ou,
éfasé fot mouin-an.
- 4 Lavé-m nèt sot nan fot mouin-an,
pròpté-m sot nan péché-m nan. R:
- 12 Kréyé yon kè pròp nan mouin, Bondié,
réfè yon éspri fèm nan zantray mouin yo.
- 13 Pa jété-m louin fas ou,
éspri sin-ou nan, pa ouété-l sot nan mouin. R:
- 14 Rinnèt mouin kè kontan sové-ou la,
asiré-m ak éspri ki pi vif la.

¹⁵ M-ap aprann péchè yo chémin-ou yo,
méchan yo ap tounin vi-n jouinn ou. **R**

DÉZIÈM LÉKTU

*Li aprann obéyisans,
li vi-n tounin koz sové ki pap janm fini-an.*

Léktu lèt pou Ébré yo

5, 7-9

Frè-m yo :

Kris la, nan jou li té pasé nan chè-a, li té ofri priyè ak plint avèk gran rèl ak dlo nan jé kot sa-a ki té kapab sové-l sot nan lanmò-a, priyè-l la jouinn rézilta poutèt li rabèsè tèt li. Malgré sé Pitit Bondié li té yé-a, li té aprann obéyisans nan sa-l souffri yo, lè-l rivé nan bout chémin pou-l té rivé-a, li vi-n tounin koz sové tout tan pou tout moun k-ap obéyi-l.

Paròl Granmèt la.

VÈSÈ ANVAN ÉVANJIL LA

Jan 12, 26

Si yon moun ap sèvi-m sé pou-l suiv mouin, sé sa Granmèt la di ;
épi koté-m yé-a, sé la sèvitè-m nan ap yé tou.

ÉVANJIL

*Si grinn blé-a ki tonbé nan tè-a mouri,
l-ap donnin anpil foui,*

✠ Léktu sint Évanjil la dapré Jan

12, 20-33

Lè sa-a :

Té gin kèk moun nasion yo sa-k té monté pou yo adoré nan jou fèt la. Yo rivé kot Filip, ki té moun Bétsayid Galilé, yo priyé-l, yo di : « Mèt, nou vlé ouè Jézu ». Filip vini, li di André sa, André minm ak Filip di Jézu sa. Jézu minm réponn yo, li di :

« Lè-a rivé pou yo ouè sa Pitit moun nan yé. Amèn, amèn, mouin di nou, si grinn blé-a ki tonbé nan tè-a pa mouri, l-ap rét pou kont li ; min si-l mouri, l-ap donnin aupil foui. Moun ki rinmin nanm li, l-ap pèdi-l, min moun ki rayi nanm li sou tè sa-a, l-ap kinbé-l pou lavi ki pap janm fini-an. Si yon moun ap sèvi-m, sé pou-l suiv mouin ; koté-m yé-a, sé la

tou sèvitè-m nan ap yé. Si yon moun ap sèvi-m, Papa-na ap fè-l jouinn konsidèrasion.

Koulié-a nanm mouin troublé : ki sa pou-m di ? Papa, sovè-m sot nan lè sa-a. Min sé poua mouin vi-n nan lè sa-a. Papa, fè ouè gloua non-ou ».

Yon voua rivé sot nan sièl la. « Mouin fè ouè gloua li, m-ap fè ouè gloua-l ankò ». Foul la minm, ki té kanpé, ki t-ap kouté, li t-ap di sé yon kout loraj ki rivé, dèt minm t-ap di : « Sé yon anj ki palé avèk li ». Jézu réponn, li di : « Sé pa poutèt mouin voua sa-a rivé, min poutèt nou. Koulié-a sé jijman tè-a, koulié-a chèf tè sa-a, yo jété-l déyò. Mouin minm minm, lè y-ap lévé-m sot sou tè-a, m-ap rédi tout bagay vi-n jouinn mouin ».

Paròl Granmèt la.

Oubyin, si yo vlé, tout léktu yo tankou pi ro-a, ané A.

Dimanch, ané C

PRÉMIÉ LÉKTU

*Min mouin fè tout bagay nouvo,
m-ap bay pèp mouin-an bouè.*

Léktu liv profèt Izayi

43, 16-21

Min paròl Granmèt la, li minm ki mété chémin nan lanmè-a, ak santié nan ravi-n dlo yo, li minm ki fè kabouèt ak choual soti, ni lamé, ni vanyan sòlda ; yo dòmi yo tout ansanm yo pap lévé, yo boulé tankou toual, yo étinn :

« Pa sonjé prémié bagay yo, pa égzaminé bagay lontan yo. Min mouin fè bagay nouvo, koulié-a y-ap parèt, nou rékonèt yo sètin ; m-ap mété chémin nan dézè-a, avèk riviè nan koté yo pa konn pasé-a.

Bèt ki nan rak boua yo ap fè louanj mouin, — dragon avèk otrich, — paské mouin mété dlo nan dézè-a, riviè nan koté yo pa konn pasé-a, poum bay pèp mouin-an bouè, li minm mouin chouazi-a. Pèp sa-a mouin fòmé-a, l-ap rakonté louanj mouin ».

Paròl Granmèt la.

PSÒM RÉPONS

Ps 125, 1-2 ab. 2 c d-3. 4-5. 6 (R: 3)

R: Granmèt la fè mèvèy pou nou ;
nou vi-n gin kè kontan.

¹ Lè Granmèt la t-ap fè prizonié Siyon yo tounin,
nou té tankou moun ki nan rèv.

² Lè sa-a bouch nou vi-n plin ak kontantman,
lang nou ak chanté fèt. R:

Lè sa-a yo t-ap di nan pami nasion yo :
« Granmèt la fè mèvèy avèk yo ».

³ Granmèt la fè mèvèy avèk nou :
nou vi-n gin kè kontan. R:

⁴ Granmèt, fè prizonié nou yo tounin,
tankou ravi-n nan Sid yo.

⁵ Moun k-ap simin ak dlo nan jé,
Y-ap rékòlté ak chanté fèt. R:

⁶ Yo t-apralé antan y-ap kriyé,
yo t-ap poté sémans pou yo simin-an ;
y-ap tounin ak chanté fèt,
antan y-ap poté zépi yo. R:

DÉZIÈM LÉKTU

*Pou Kris la mouin konsidéré tout bagay tankou désavantaj,
mouin vi-n sanblé ak lanmò.*

Léktu lèt apot sin Pòl pou Filipyin yo

3, 8-14

Frè-m yo :

Mouin konsidéré tout bagay kòm désavantaj poutèt sians Jézu-Kri Granmèt mouin-an ki dépasé tout bagay la : poutèt li mouin konsidéré tout bagay tankou désavantaj, mouin konsidéré yo tankou fatra, pou-m kapab gingnin Kris la, pou yo jouinn mouin nan li san-m pa gin jistis pa-m ki sot nan laloua-a, min jistis sa-a ki sot nan lafoua Jézu-Kri-a, jistis sa-a ki sot nan Bondié-a, jistis nan lafoua-a ; pou-m konnin Jézu-Kri ni fòs rézireksion-l nan, pou-m asosié avèk soufrans li, pou-m sanblé ak lanmò-l, pou-m kapab rivé résisité sot nan pami mò yo.

Sa pa vlé di mouin déjà rivé, mouin déjà fi-n bon nèt ; min m-ap kontinié pou-m éséyé pran bagay sa yo, minm jan Kris la fi-n pran-m nan. Frè-m yo, mouin pa konsidéré mouin déjà pran. Sé yon sèl bagay :

mouin bliyé sa-k dèyè, sé sa-k dévan m-ap rapousuiv, pou-m rivé nan dènié pouin-an, pou-m jouinn rékonpans la koté Bondié rélé-m anlè-a nan Jézu-Kri.

Paròl Granmèt la.

VÈSÈ ANVAN ÉVANJIL LA

Joël 2, 12-13

Koulié-a, sé sa Granmèt la di, tounin koté-m ak tout kè nou, paské mouin bon, mouin gin mizérikòd.

ÉVANJIL

*Moun ki san péché nan pami nou,
sé pou-l ba-l premié kout ròch la.*

✠ Léktu sint Évanjil la dapré Jan

8, 1-11

Lè sa-a :

Jézu rivé sou mòn Olivié yo. Granmatin, li tounin nan tanp la, tout pèp la vi-n koté-l, li chita, l-ap bay ansègnman.

Skrib yo ak Farizyin yo minnin yon madanm yo té jouinn ki t-ap fè adiltè, yo mété-l kanpé nan mitan, yo di-l : « Mèt, madanm sa-a yo jouinn li ap fè adiltè. Nan laloua-a, Moyiz pasé nou lòd pou yo touyé kalité moun sa yo avèk kout ròch ; ou minm minm sa-ou di ? » Yo té di sa pou yo tanté-l, pou yo té kapab akizé-l.

Jézu minm panché atè-a, li kòmansé ékri ak douèt li atè-a. Kòm yo té kontinié ap pozé-l késion, li drésé, li di yo : « Moun ki san péché nan pami nou, sé li minm ki pou voyé ròch sou li an premié ». Li panché ankò, li t-ap ékri atè-a. Lè yo tandé sa, yo pati youn apré lòt, kòmansé sou sa-k pi granmoun yo ; Jézu rét pou kont li ak madanm nan ki kanpé nan mitan.

Jézu drésé kò-l, li di-l : « Madanm, koté moun yo ki t-ap akizé-ou la ? Pèsòn pa kondané-ou ? »

Li di : « Pèsòn, Granmèt ».

Jézu di : « Mouin minm tou mouin pa kondané-ou : alé, pa fè péché ankò ».

Paròl Granmèt la.

Oubyin, si yo vlé, tout léktu yo tankou pi ro-a, ané A.

MÈS YO KAPAB CHOUAZI

Yo kapab sèvi avèk li ninpòt ki jou nan sémèn nan, sitou ané B ak C, lè yo pa-t li Évanjil Lazar la nan sinkièm dimanch Karèm nan.

PRÉMIÉ LÉKTU

Li panché sou li, kò ti pitit la vi-n réchofé.

Léktu dézièm liv Roua yo

4, 18 b-21. 32-37

Yon jou, ti pitit Sunamit la té soti al kot papa-l, pou-l al jouinn moun yo k-ap rékòlté yo, li di papa-l ; « Tèt mouin fè-m mal, tèt mouin fè-m mal ». Li minm li di sèvitè-a : « Pran-l minnin-l kot manman-l ». Lè-l pran-l, li minnin-l bay manman-l, manman-an mété-l sou jénou-l jous a midi, épi li mouri. Manman-an minm monté, li dépozé-l sou kabann moun Bondié-a, li fèmin pòt la.

Élizé minm antré nan kay la, li ouè ti pitit la mouri, kouché sou kabann li ; li antré, li fèmin pòt la sou li ak sou pitit la, li priyé Granmèt la. Li monté, li kouché sou ti pitit la ; li mété bouch li sou bouch li, jé-l sou jé-l, min-l sou min-l, li pliyé kò-l anlè-l : kò ti pitit la vi-n réchofé. Li rékòmansé maché nan kay la yon foua nan yon sans, yon lòt foua nan yon lòt sans. Li monté, li kouché sou li ; pitit la èstènié sèt foua, li louvri jé-l.

Li rélé Jiézi, li di-l : « Rélé Sunamit la ». Lè sèvitè-a rélé-l, li antré kot Élizé, Élizé di-l : « Pran pitit ou-a ». Li antré, li lagé kò-l nan pié-l, li adoré atè-a ; li pran pitit li-a, li pati.

Paròl Granmèt la.

PSÒM RÉPONS

Ps 16, 1. 6-7. 8 b é 15 (R : 15 b)

R: M-ap satisfè, lè m-ap révéyé ak fas ou dévan-m, Granmèt.

¹ Kouté jistis mouin,
Granmèt, panché sou priyé-m.
Paré zòrèy ou nan priyé-m,
sé pa ak bouch manti. R:

⁶ Mouin minm sé koté-ou mouin rélé paské ou kouté-m, Bondié ;
panché zòrèy ou sou mouin, kouté paròl mouin yo.

⁷ Fè mèvèy mizérikòd ou yo parèt,

ou minm ki sovè moun ki espéré nan ou yo anba sa k-ap ataké yo,
nan min douat ou. **R:**

8 Anba lonbraj zèl ou, protéjé-m.

15 Kanta mouin minm nan jistis m-ap ouè fas ou,
m-ap satisfè, lè m-ap révéyé, ak fas ou dévan-m. **R:**

VÈSÈ ANVAN ÉVANJIL LA

Jan 11, 25 a. 26

Mouin sé rézireksion-an ak lavi-a, sé sa Granmèt la di ;
moun ki kouè nan mouin, li pap janm mouri.

ÉVANJIL

Mouin sé rézireksion-an ak lavi-a.

✚ Léktu sint Évanjil la dapré Jan

11, 1-45

Lè sa-a :

Lazar té malad, moun Bétani-a, vil Mari ak Mart sè-l la. (Mari minm sé sa-a ki té mété losion sou Granmèt la, épi ki té siyé pié-l ak chévé-l la, sé frè-l ki té malad la). Sè-l yo voyé koté-l, yo di : « Granmèt, min sa-a ou rinmin-an malad ». Lè Jézu minm tandé sa, li di yo : « Maladi sa-a pa pou lanmò, min pou gloua Bondié, pou Pitit Bondié-a jouinn gloua gras a li. »

Jézu minm té rinmin Mart ak sè-l la Mari, ak Lazar.

Konsa lè-l tandé li té malad, lè sa-a li rété koté-l té yé-a pandan dé jou. Apré sa, li di disip li yo : « An-alé nan Judé ankò ».

Disip li yo di-l : « Rabi, koulié-a Juif yo t-ap chèché kalonnin-ou, épi ou-apralé laba-a ankò ? »

Jézu réponn : « Èské pa gin douzèd-tan nan jounin-an ? Si yon moun ap maché nan jounin, li pap kasé pié, paské li ouè limiè tè sa-a ; min si l-ap maché nan fè-noua, l-ap kasé pié, paské limiè-a pa nan li ».

Li di sa, apré sa, li di yo : « Lazar, zanmi nou-an, ap dòmi ; min m-apralé pou-m révéyé-l sot nan dòmi-an ».

Disip yo di : « Granmèt, si l-ap dòmi, l-ap sovè ». Jézu minm palé yo osijè lanmò-l ; yo minm minm yo té konprann sé osijè dòmi somèy la li t-ap palé.

Lè sa-a atò Jézu di yo karéman : « Lazar mouri, mouin kontan poutèt nou, pou nou kapab kouè paské mouin pa-t la. Min an-alé koté-l ».

Toma, sa yo rélé Didim nan, li di lòt disip yo : « An-alé nou minm tou, pou nou mouri ansanm avèk li ».

Konsa Jézu rivé, li jouinn li dépi kat jou nan kavo. Bétani té pré Jérusalèm, apèprè toua kilomèt. Anpil nan Juif yo té vi-n koté ak Mari, pou yo konsolé-l pou frè-l la.

Mart minm, lè-l tandé Jézu vini, li kouri al rankontré-l ; kanta Mari li minm, li té rét chita lakay la. Mart minm di Jézu : « Granmèt, si-ou té isit la, frè-m nan pa t-ap mouri ; min koulié-a mouin konnin tou sa-ou mande Bondié, Bondié ap ba ou li ».

Jézu di-l : « Frè-ou la ap résisité ».

Mart di-l : « Mouin konnin l-ap résisité nan rézireksion nan dènié jou-a ».

Jézu di-l : « Mouin sé rézireksion-an ak lavi-a ; moun ki kouè nan mouin, minm si-l mouri, l-ap viv, épi tout moun k-ap viv épi ki kouè nan mouin, li pap janm mouri. Èské ou kouè sa ? »

Li di-l : « Oui, Granmèt, mouin kouè ou sé Kris Pitit Bondié vivan-an, ki té vi-n sou tè sa-a ».

Kon-l fi-n di sa, li pati l-al rélé Mari sè-l la an kachèt, li di : « Mèt la la épi l-ap rélé-ou ». Li minm kon-l tandé sa, li lévé byin vit, li vi-n koté-l ; Jézu pa-t ko rivé nan bouk la ; min li té koté ak Mart té rankontré-l la toujou. Juif yo minm, ki té avèk li nan kay la, épi ki t-ap konsolé-l yo, lè yo ouè Mari, ki lévé byin vit, li soti, yo suiv li, yo di : « L-al nan kavo-a, pou-l kriyé laba-a ».

Mari minm, lè-l rivé koté Jézu té yé-a, kon-l ouè-l, li tonbé nan pié-l, li di-l : « Granmèt si-ou té isit la, frè-m nan pa t-ap mouri ».

Jézu minm, lè-l ouè l-ap kriyé, ni Juif yo tou ki té vi-n avèk li-a ki t-ap kriyé, li santi éspri-l trésayi li troulé anndan li minm, li di : « Koté nou té dépozé-l ? »

Yo di-l : « Granmèt, vini, ou-a ouè ». Jézu kriyé. Juif yo di : « Gadé kijan li té rinmin-l ! » Kèk nan yo minm té di : « Èské li pa-t kapab fè pou sa-a pa mouri, li minm ki té louvri jé moun ki té fèt tou avèk la ».

Jézu minm trésayi ankò anndan li minm, li rivé nan kavo-a. Sé té yon trou ròch, yon ròch té pozé sou li. Jézu di : « Ouété ròch la ».

Mart, sè mò-a, di-l : « Granmèt, li déja gin mové sant, sa fè katriyèm jou li la ».

Jézu di-l : « Èské-m pa di-ou, si-ou kouè, ou-ap ouè gloua Bondié-a ? »

Yo ouété ròch la. Jézu minm lévé jé-l anlè, li di : « Papa, mouin fè konpliman pou ou, poutèt ou kouté-m. Mouin té konnin ou toujou kouté-m ; min sé poutèt pèp la ki antouré-m nan, mouin palé, pou yo kouè sé ou minm ki voyé-m ». Kon-l fi-n di sa, li rélé byin fò : « Lazar, vini déyò ». Minm lè-a li sòti, pié-l ak min-l byin maré ak bann toual, figi-l té maré ak yon mouchoua. Jézu di yo : « Lagé-l, kité-l alé ».

Anpil nan Juif yo ki té vi-n kot Mari ak Mart la, lè yo ouè sa Jézu fè, yo vi-n kouè nan li.

Paròl Granmèt la.

Lindi

PRÉMIÉ LÉKTU

*Min m-ap mouri
san-m pa fè anyin nan bagay sa yo.*

Léktu liv profèt Danièl

13, 1-9. 15-17. 19-30. 33-62

Jou sa yo :

Té gin yon mésié ki té abité Babilòn, yo té rélé non-l Joakim ; li té marié ak yon fi yo té rélé Suza-n, pitit fi Èlsias, li té bèl anpil, li té krinn Bondié : sèkè paran-l yo té kòrèk, yo té fè édikasion pitit fi yo-a dapré laloua Moyiz la. Joakim nan té rich anpil, li té gin yon jadin tou kolé kay li ; Juif yo té konn vi-n lakay li anpil, paské li té yon moun respéktab nan pami tout moun.

Ané sa-a, nan pèp la yo té instalé dé ansyin kòm jij, sé osijè yo Granmèt la té palé : « Péché-a soti nan Babilòn, nan ansyin yo ki jij yo, yo minm ki gin ròl pou dirijé pèp la ». Yo té konn frékanté kay Joakim nan ; tout moun ki té gin koz pou réglé, yo té konn vi-n koté yo. Lè pèp la té konn pati vè midi, Suza-n té konn antré, li té konn prominnin nan jadin mari-l la. Chak jou ansyin yo té konn ouè-l ap antré, ap prominnin, anvì yo t-ap boulé pou li, yo pèvèti sans yo, yo bésé jé yo, pou yo pa ouè sièl la, pou yo pa sonjé jijman ki kòrèk yo.

Rivé, kòm yo té véyé yon jou ki ranjé yo, madanm nan antré jan-l té konn abitué fè ni yè ni avantiè avèk dé jèn fi sèlman. Li té vlé binyin nan

jadin-an, paské té fè cho. Pa-t gin pèsòn la sof dé granmoun yo ki té kaché, ki t-ap égzaminé-l. Li di jèn fi yo : « Poté savon ak losion pou mouin, épi fèmin pòt jadin-an, pou-m kapab binyin ».

Kon ti fi yo soti, dé granmoun yo lévé, yo kouri koté-l, yo di : « Min pòt jadin-an fèmin, pèsòn pa ouè nou, nou anvi-ou ; sé pou-ou konsanti ba nou, pou-ou gin rélation avèk nou. Si-ou pa vlé, n-ap sèvi témouin kont ou, n-ap di té gin yon jénòm avèk ou, épi sé poua ou té ranvouayé ti fi yo sot koté-ou la ».

Suza-n plinn, li di : « Tray ap séré-m tout koté ; sèké si-m fè bagay sa-a, sé lanmò pou mouin ; min si-m pa fè-l, mouin pap chapé sot nan min nou ; époutan li pi bon pou mouin pou-m tonbé nan min nou san-m pa fè sa, pasé pou-m fè péché dévan fas Granmèt la ». Suza-n pousé yon gran rèl, min granmoun yo pousé yon gran rèl tou kont li, youn nan yo kouri nan pòt jadin-an, li louvri-l.

Lè sèvitè kay la tandé rèl nan jadin-an, yo kouri nan ti pòt dèyè-a, pou yo ouè sa-k ginyin. Lè granmoun yo fi-n palé, sèvitè yo vi-n ront anpil, paské yo pa-t janm tandé kalité paròl konsa sou do Suza-n.

Landmin rivé. Lè pèp la vi-n kay Joakim, mari-l la, dé ansyin yo vini tou, yo té plin mové pansé kont Suza-n, pou yo touyé-l. Yo té di dévan pèp la : « Voyé chèché Suza-n, pitit fi Èlsias la, madanm Joakim nan ». Minm lè-a, yo voyé chèché-l. Li rivé avèk paran-l yo avèk pitit li yo avèk tout fanmi-l yo. Moun lakay li yo t-ap kriyé, ni tout moun ki té konnin-l.

Dé ansyin yo lévé nan mitan pèp la, yo pozé min yo sou tèt li. Li minm, li kriyé, li lévé jé-l gadé sièl la : sèké kè-l té gin konfians nan Granmèt la. Ansyin yo di : « Pandan nou t-ap pronmnin nan jadin-an pou kont nou, sa-a antré avèk dé jèn fi, li fèmin pòt jadin-an, li ranvouayé ti fi yo sot koté-l ; gin yon jénòm ki té kaché, li rivé, li fè mové aksion avèk li. Sèlman nou minm, kòm nou té nan kouin jadin-an, nou ouè péché-a, nou kouri sou yo, nou ouè yo toulèdé ap fè mové aksion. Li minm minm nou pa rési kinbé-l, paské li gin plis fòs pasé nou, li louvri pòt yo, li sové. Fi sa-a minm, nou kinbé-l, nou pozé-l kèsion, nou mandé-l kilès jénòm sa-a, li réfizé déklaré nou. Sé bagay sa-a nou témouin ».

Foul la kouè yo, paské sé granmoun ak jij pèp la yo té yé, yo kondané madanm nan pou-l mourir.

Suza-n rélé byin fò, li di : « Bondié ki égzisté tout tan, ou minm ki konnin sa-k kaché, ou minm ki konnin tout bagay anvan yo rivé, ou konnin

sé fo-témouagnaj yo dépozé kont mouin. Min m-ap mouri, san-m pa fè anyin nan bagay sa yo mésié sa yo invanté avèk méchansté kont mouin-an ».

Granmèt la kouté voua-l. Pandan y-ap kondui-l nan lanmò, Granmèt la drésé éspri sin yon jèn ti gason, yo té rélé-l Danièl ; li rélé byin fò : « Mouin inosan nan san madanm sa-a ». Tout pèp la viré koté-l, yo di-l : « Ki kalité paròl sa-a ou di-a ? » Li minm minm, li kanpé nan mitan yo, li di : « Sé konsa nou aji san réfléchi, pitit Israël yo ? nou pa minm jijé, nou pa minm konnin sa-k vré, nou kondané yon pitit fi Israël. Tounin nan jijman-an, paské sé fo-témouagnaj yo dépozé kont li ».

Konsa pèp la tounin byin vit, granmoun yo di-l : « Vini, chita nan mitan nou, montré nou vérité-a, paské Bondié ba-ou konsidération viyéyès ». Danièl di yo : « Séparé yo louin youn sot kot lòt, m-ap jijé yo ».

Lè yo fi-n séparé yo youn sot kot lòt, li rélé youn nan yo, li di-l : « Ou minm ki viéyi nan mal, koulié-a péché-ou yo fè mas, péché sa yo ou t-ap fè dépi lontan-an, lè-ou té konn ap jijé jijman ki pa kòrèk yo, lè-ou té konn ap krazé inosan yo, ou té konn ap lagé koupab yo, malgré Granmèt la di : “Pa touyé inosan-an ak sa-a ki kòrèk la”. Ébyin koulié-a, si-ou té ouè-l, di anba ki pié boua ou té ouè yo ap palé ansanm ». Li di : « Anba yon pié boua-d-chèn ». Danièl di : « Sé sou pròp tèt ou ou fè manti-a tou douat : sèké min anj Bondié-a, li résévoua rézilta jijman-an nan min-l, l-ap koupé-ou nan mitan ».

Li voyé-l alé, li pasé lòd pou lòt la vini, li di-l : « Ras Kanaan, ou pa ras Juda, aparans la pran-ou nan pièj, mové anvi-a pèvèti kè-ou. Sé konsa nou té konn aji avèk pitit fi Israël yo, épi yo té konn pè nou, yo té konn palé avèk nou ; min yon pitit Juda pa sipòté péché nou-an. Koulié-a, ébyin, di-m anba ki pié boua ou té siprann yo ap palé ansanm ». Li di « Anba yon pié kaliptis ». Danièl di-l : « Manti sa-a ou fè-a, sé sou tèt ou tou douat l-ap tonbé : sèké anj Granmèt la déjà rét la, li gin épé-a nan min-l, l-ap koupé-ou nan mitan, l-ap touyé nou ».

Konsa tout foul la rélé byin fò, yo fè konpliman pou Bondié, ki sovè moun ki mété éspérans sou li, yo fonsé sou dé ansyin yo (sèké Danièl té konvink yo ak pròp bouch yo sou fo-témouagnaj yo té fè-a), yo fè yo sibi mal la yo té vlé fè prochin yo sibi-a, konsa yo aji dapré laloua Moyiz la, yo touyé yo, yo sovè yon san inosan jou sa-a.

Paròl Granmèt la.

oubyin pi kout

Léktu liv profèt Danièl

13, 41 c-62

Jou sa yo :

Foul la kondané Suza-n pou-l mouri.

Suza-n rélé byin fò, li di : « Bondié ki égzisté tout tan, ou minm ki konnin sa-k kaché, ou minm ki konnin tout bagay anvan yo rivé, ou konnin sé fo-témouagnaj yo dépozé kont mouin. Min m-ap mouri, san-m pa fè anyin nan bagay sa yo mesié sa yo invanté avèk méchansté kont mouin-an ».

Granmèt la kouté voua-l. Pandan y-ap kondui-l nan lanmò, Granmèt la drésé éspri sin yon jèn ti gason, yo té rélé-l Danièl ; li rélé byin fò : « Mouin inosan nan san madanm sa-a ». Tout pèp la viré koté-l, yo di-l : « Ki kalité paròl sa-a ou di-a ? » Li minm minm, li kanpé nan mitan yo, li di : « Sé konsa nou aji san réfléchi, pitit Israèl yo ? nou pa minm jijé, nou pa minm konnin sa-k vré, nou kondané yon pitit fi Israèl. Tounin nan jijman-an, paské sé fo-témouagnaj yo dépozé kont li ».

Konsa pèp la tounin byin vit, granmoun yo di-l : « Vini, chita nan mitan nou, montré nou vérité-a, paské Bondié ba-ou konsidérasion viyéyès ». Danièl di yo : « Séparé yo louin youn sot kot lòt, m-ap jijé yo ».

Lè yo fi-n séparé yo youn sot kot lòt, li rélé youn nan yo, li di-l : « Ou minm ki viéyi nan mal, koulié-a péché-ou yo fè mas, péché sa yo ou t-ap fè dépi lontan-an, lè-ou té konn ap jijé jijman ki pa kòrèk yo, lè-ou té konn ap krazé inosan yo, ou té konn ap lagé koupab yo, malgré Granmèt la di : “Pa touyé inosan-an ak sa-a ki kòrèk la”. Ébyin koulié-a, si-ou té ouè-l, di anba ki pié boua ou té ouè yo ap palé ansanm ». Li di : « Anba yon pié boua-d-chèn ». Danièl di : « Sé sou pròp tèt ou ou fè manti-a tou douat : sèké min anj Bondié-a, li résévoua rézilta jijman-an nan min-l, l-ap koupé-ou nan mitan ».

Li voyé-l alé, li pasé lòd pou lòt la vini, li di-l : « Ras Kanaan, ou pa ras Juda, aparans la pran-ou nan pièj, mové anvai-pèvèti kè-ou. Sé konsa nou té konn aji avèk pitit fi Israèl yo, épi yo té konn pè nou, yo té konn palé avèk nou ; min yon pitit Juda pa sipòté péché nou-an. Koulié-a, ébyin, di-m anba ki pié boua ou té siprann yo ap palé ansanm ». Li di « Anba yon pié kaliptis ». Danièl di-l : « Manti sa-a ou fè-a, sé sou tèt ou

tou douat l-ap tonbé : sèké anj Granmèt la déjà rét la, li gin épé-a nan min-l, l-ap koupé-ou nan mitan, l-ap touyé nou ».

Konsa tout foul la rélé byin fò, yo fè konpliman pou Bondié, ki sovè moun ki mété éspérans sou li, yo fonsé sou dé anyin yo (sèké Danièl té konvink yo ak pròp bouch yo sou fo-témouagnaj yo té fè-a), yo fè yo sibi mal la yo té vlé fè prochin yo sibi-a, konsa yo aji dapré laloua Moyiz la, yo touyé yo, yo sovè yon san inosan jou sa-a.

Paròl Granmèt la.

PSÒM RÉPONS

Ps 22, 1-3 a. 3 b-4. 5. 6 (R: 4 a)

R: Si m-ap maché nan bafon lonbraj lanmò,
mouin pap pè malè, paské ou avèk mouin.

1 Granmèt la ap kondui-m, anyin pap manké-m :

2 nan zèb vèt li instalé-m,
sou bò dlo trankil li minnin-m,

3 li réfè nanm mouin. R:

Li kondui-m nan santié jistis poutèt non-l.

4 Sèké minm si m-ap maché nan bafon lonbraj lanmò,
mouin pap pè malè, paské ou avèk mouin.

Baton-ou ak bagèt ou
sé yo k-ap konsolé-m. R:

5 Ou paré yon tab dévan fas mouin

kont sila yo k-ap fè-m pasé tray ;
ou souin tèt mouin ak losion,

kalis mouin ap débòdé. R:

6 Réyèlman sé bon kè ak kè sansib k-ap rapousuiv mouin
tout tan lavi-m,

m-ap abité nan lakay Granmèt la
pou tout longè tan yo. R:

VÈSÈ ANVAN ÉVANJIL LA

Éz 33, 11

Mouin pa vlé lanmò méchan-an, sé sa Granmèt la di,
min sé pou-l chanjé konduit, pou-l viv.

ÉVANJIL

*Moun ki san péché nan pami nou-an,
sé li minm an premié ki pou voyé ròch la sou li.*

✚ Léktu sint Évanjil la dapré Jan

8, 1-11

Lè sa-a :

Jézu rivé sou mòn Olivie yo. Granmatin, li tounin nan kay sakré-a, tout pèp la vi-n koté-l, li chita, l-ap bay ansègnman.

Skrib yo ak farizyin yo minnin yon madanm yo té jouinn ki t-ap fè adiltè, yo mété-l kanpé nan mitan, yo di-l : « Mèt, madanm sa-a yo jouinn li ap fè adiltè. Nan laloua-a, Moyiz pasé nou lòd pou nou touyé kalité moun sa yo avèk kout ròch ; ou minm minm sa-ou di ? » Yo té di sa pou yo ésyé-l, pou yo té kapab akizé-l.

Jézu minm panché atè-a, li kòmansé ékri ak douèt li atè-a. Kòm yo té kontinié ap pozé-l késion, li drésé, li di yo : « Moun ki san péché nan pami nou, sé li minm ki pou voyé ròch sou li an premié ». Li panché ankò, li t-ap ékri atè-a. Lè yo tandé sa, youn pati apré lòt, kòmansé sou sa-k pi granmoun yo, Jézu rét pou kont li ak madanm nan ki kanpé nan mitan.

Jézu drésé kò-l, li di-l : « Madanm, koté moun yo ki t-ap akizé-ou yo ? Pèsòn pa kondané-ou ? »

Li di : « Pèsòn, Granmèt ».

Jézu di : « Mouin minm tou mouin pa kondané-ou : alé, pa fè péché ankò ».

Paròl Granmèt la.

Oubyin ané C, lè yo té li Évanjil sa-a dimanch yè-a.

✚ Léktu sint Évanjil la dapré Jan

8, 12-20

Lè sa-a :

Jézu palé avèk farizyin yo, li di : « Mouin sé limiè tè-a ; moun k-ap suiv mouin, li pap maché nan fènoua, min l-ap gin limiè lavi-a ».

Farizyin yo di-l : « Ou-ap sèvi pròp tèt ou témouin ; témouagnaj ou-a pa vré ».

Jézu pran laparòl, li di yo : « Minm si m-ap sèvi pròp tèt mouin témouin, témouagnaj mouin-an vré, paské mouin konnin koté-m soti épi koté m-apralé ; nou minm minm nou pa konnin ni koté-m soti ni koté m-apralé. Nou minm n-ap jijé dapré chè-a, mouin minm minm mouin pa jijé pèsòn. Épi si-m jijé, jijman-m nan vré, paské mouin pa pou kont mouin, min sé mouin minm avèk sila-a ki voyé-m nan, Papa-a. Nan laloua nou-an, yo ékri sé sou témouagnaj dé moun pou yo asiré lavérité-a. Mouin sèvi pròp tèt mouin témouin, épi Papa-a tou sèvi-m témouin, li minm ki voyé-m nan ».

Yo t-ap di-l : « Kot Papa-ou la ? »

Jézu réponn : « Nou pa konnin ni mouin minm ni Papa-m ; si nou té konnin-m, nou t-a kapab konnin Papa-m tou ».

Jézu déklaré paròl sa yo nan sal kèt la, antan-l t-ap bay ansègnman nan kay sakré-a ; pèsòn pa mét min sou li, paské lè-l pa-t ko rivé.

Paròl Granmèt la.

Madi

PRÉMIÉ LÉKTU

Moun ki té piké, kon-l gadé sèpan an kuiv la, li viv.

Léktu liv Nonb

21, 4-9

Jou sa yo :

Ébré yo pati sot sou mòn Or la, nan chémin ki kondui nan lanmè rouj la, pou yo fè tout tou péyi Édòm nan. Pèp la kòmansé fatigé ak vouayaj li ak tray. Li palé kont Bondié Moyiz, li di : « Pouki nou té fè nou soti Éjip, pou nou mouri nan savann nan ? Pa gin pin, pa gin dlo, nanm nou kòmansé dégouté avèk manjé fad sa-a ».

Sé pousa Granmèt la voyé sèpan k-ap flanbé nan pèp la ; lè yo kòmansé fè moun yo malad, fè moun yo mouri, anpil moun vi-n kot Moyiz, yo di : « Nou fè péché, paské nou palé kont Granmèt la ak kont ou minm : lapriyè pou-l ouété sèpan sa yo sot koté nou ». Moyiz lapriyè pou pèp la.

Granmèt la palé ak li : « Fè yon sèpan ak kuiv, mété-l kòm yon sign : moun sèpan yo mòdé, lè-l gadé-l, l-ap viv ». Moyiz fè yon sèpan avèk kuiv, li mété-l kòm sign, kon moun sèpan té mòdé yo gadé-l, yo vi-n géri.

Paròl Granmèt la.

PSÒM RÉPONS

Ps 101, 2-3. 16-18. 19-21 (R: 2)

- R: Granmèt, kouté priyè-m,
épi fè rèl mouin-an rivé koté-ou.
- 2 Granmèt, kouté priyè-m,
fè rèl mouin-an rivé koté-ou.
- 3 Pa kaché fas ou louin-m ;
nan ninpòt jou m-ap pasé tray la,
panché zòrèy ou koté-m.
Nan ninpòt jou mouin rélé-ou,
fè vit réponn mouin. R:
- 16 Nasion yo ap respékté non-ou, Granmèt,
tout roua yo sou tè-a ap respékté gloua-ou la ;
- 17 paské Granmèt la ap bati Siyon,
épi l-ap parèt nan gloua li.
- 18 L-ap voyé jé sou lapriyè pòv la,
épi li pap méprizé lapriyè yo-a. R:
- 19 Sé pou yo ékri bagay sa yo pou lòt jénérasion-an,
pèp k-ap kréyé-a, l-ap fè louanj Granmèt la.
- 20 Sèké li panché sot nan kay sakré-l la anro-a,
Granmèt la gadé sou tè-a antan-l nan sièl la ;
- 21 pou-l kouté rèl prizonié yo,
pou-l délivré pitit lanmò yo. R:

VÈSÈ ANVAN ÉVANJIL LA

Sémans la sé paròl Bondié-a, sa-a k-ap simin-an minm, sé Kris la ;
tout moun ki jouinn li, l-ap diré pou tout tan.

ÉVANJIL

*Lè n-a lèvé Pitit moun nan anlè,
lè sa-a n-a rékonèt sé mouin minm.*

✠ Léktu sint Évanjil la dapré Jan

8, 21-30

Lè sa-a Jézu di farizyin yo :

« M-apralé, épi n-ap chèché-m, min n-ap mouri nan péché nou. Koté m-apralé-a, nou minm nou pa kapab vini ».

Juif yo t-ap di : « Èské l-apral touyé tèt li, ki fè l-ap di : “Koté m-apralé-a, nou minm nou pa kapab vini-an” ? »

Li t-ap di yo : « Nou minm sé anba nou soti, mouin minm sé anro mouin soti ; nou minm sé sou tè sa-a nou soti, mouin minm mouin pa soti sou tè sa-a. Mouin di nou n-ap mouri nan péché nou yo ; si nou pa kouè sé mouin minm, n-ap mouri nan péché nou ».

Yo t-ap di-l : « Ou minm ki sa ou yé ? »

Jézu di yo : « Kòmansman-an, k-ap palé avèk nou-an. Mouin gin anpil bagay pou-m di sou nou, pou-m jijé. Min sila-a ki voyé-m nan, li vré ; mouin minm sé sa-m tandé nan min-l, sé sa mouin di sou tè-a ». Yo pa-t konprann li t-ap di Bondié sé Papa-l.

Jézu di yo : « Lè n-a lèvé Pitit moun nan anlè, lè sa-a n-a rékonèt sé mouin minm, mouin pa fè anyin ak pròp fòs mouin ; min sé jan Papa-m aprann mouin-an, sé konsa mouin palé. Sila-a ki voyé-m nan, li avèk mouin, li pa kité-m sèl, paské mouin minm sé sa-k fè-l plézi sé sa mouin fè tout tan ».

Lè-l di sa, anpil moun vi-n kouè nan li.

Paròl Granmèt la.

Mèkrédi

PRÉMIÉ LÉKTU

Li voyé anj li-a, li délivré sèvitè-l yo.

Léktu liv profèt Danièl

3, 14-20. 91-92. 95

Jou sa yo :

Roua Nabukodono zò di : « Èské sé vré, Sidrak, Mizak avèk Abdénago, nou pa sèvi dié-m yo, nou pa adoré pòtré mouin fè avèk lò-a ? Koulié-a, si nou paré, ninpòt kilè n-ap tandé sonnin tronpèt, flit, gita, mandoli-n, bandjo, akòdéyon avèk tout kalité mizik, sé pou nou ajénou, pou nou adoré pòtré-a mouin té fè-a. Si nou pa adoré-l, minm lè-a m-ap lagé nou nan boukan difé-a k-ap chofé byin fò-a, épi kilès Bondié k-ap délivré nou sot nan min-m ? »

Sidrak, Mizak avèk Abdénago réponn, yo di roua Nabukodono zò : « Nou pa bézouin réponn ou sou késion sa-a ; min Bondié nou-an, li minm n-ap sèvi-a, li kapab délivré nou sot nan boukan difé cho-a ak nan min-ou, mon roua, l-ap délivré nou. Si-l pa vlé, ou mèt konn sa, mon roua, nou pap sèvi dié-ou yo, épi pòtré ou fè ak lò-a, nou pap adoré-l ».

Lè sa-a, Nabukodono zò vi-n plin ak raj, aparans figu-l vi-n chanjé aléga Sidrak, Mizak avèk Abdénago ; li pasé lòd pou yo chofé boukan-an sèt foua plis pasé jan yo konn abitué chofé-l ; li pasé lòd pou mésié ki gin fòs nan lamé-l la, yo maré pié Sidrak, mizak avèk Abdénago, pou yo jété yo nan boukan difé k-ap boulé-a.

Apré sa, roua Nabukodono zò vi-n sézi, li lévé byin vit, li di minis li yo : « Èské nou pa-t lagé toua mésié yo nan mitan difé-a avèk pié yo maré ? » Yo réponn roua-a, yo di : « Sé vré, mon roua ». Li pran laparòl, li di : « Min mouin ouè kat misié ki lib, k-ap pronmmin nan mitan difé-a, yo pa gin okinn déga nan yo, aparans katriyèm nan sanblé ak yon pitit Bondié ».

Nabukodono zò lévé li di : « Konpliman pou Bondié yo-a, Bondié Sidrak, Mizak avèk Abdénago, li minm ki voyé Anj li-a, li délivré sèvitè-l yo, ki té kouè nan li, yo dézobéyi paròl roua-a, yo rimmèt kò yo, pou yo pa sèvi, pou yo pa adoré dòt dié, sof Bondié yo-a ».

Paròl Granmèt la.

PSÒM RÉPONS

Dan 3, 52. 53. 54. 55. 56 (R: 52 b)

52 Konpliman pou ou, Granmèt, Bondié papa nou yo,
konpliman pou non bèlté-ou la ki sin-an.

R: Li mérité louanj, li anlè nèt pou tout tan.

53 Konpliman pou ou nan kay sakré gloua-ou la ki sin-an.

R: Ou mérité louanj anlè nèt ak gloua anlè nèt pou tout tan.

54 Konpliman pou ou sou fotèy péyi roua-ou la.

R: Ou mérité louanj, anlè nèt, ou anlè nèt pou tout tan.

55 Konpliman pou ou, ou minm ki sondé bafon yo,
ou minm ki chita anlè chérubin yo.

R: Ou mérité louanj, sou anlè nèt pou tout tan.

56 Konpliman pou ou nan platfòm sièl la,

R: Ou mérité louanj, ak gloua pou tout tan.

VÈSÈ ANVAN ÉVANJIL LA

Cf. Lk 8, 15

Ala kontantman pou moun ki kinbé paròl la nan yon kè ki bon,
ki gin dévouman, ki donnin foui nan pasians.

ÉVANJIL

Si Pitit la délivré nou, n-ap lib tout bon vré.

✠ Léktu sint Évanjil la dapré Jan

8, 31-42

Lè sa-a :

Jézu t-ap di Juif yo ki té kouè nan li yo : « Si nou rété nan paròl mouin-an, n-ap disip mouin tout bon vré, n-ap konnin vérité-a, vérité-a ap délivré nou ».

Yo réponn li : « Sé ras Abraam nou yé, nou pa janm ésklav pèsòn ; kòman-ou fè di : “N-a vi-n lib” ? »

Jézu réponn yo : « Amèn, amèn mouin di nou, tout moun ki fè péché, li ésklav péché-a. Min, ésklav la pa rét nan kay la tout tan ; sé pitit la ki rété tout tan. Konsa si nou minm, Pitit la délivré nou, n-ap lib tout bon vré. Mouin konnin sé pitit Abraam nou yé ; min n-ap chèché touyé-m, paské paròl mouin pa pran nan nou. Mouin minm sé sa-m ouè kay Papa-

m, sé sa mouin palé, min nou minm sé sa nou ouè kay papa nou, sé li minm n-ap fè ».

Yo pran laparòl : yo di-l : « Papa nou sé Abraam ».

Jézu di yo : « Si nou té pitit Abraam, nou t-a fè travay Abraam. Koulié-a minm, n-ap chèché touyé-m, mouin minm yon moun k-ap palé nou lavérité mouin fi-n tandé kot Bondié-a ; bagay sa-a, Abraam pa-t fè-l. Nou minm n-ap fè travay papa nou ».

Yo di-l : « Nou minm sé pa nan mové rélasyon nou fèt : sé yon sèl papa nou ginyin, sé Bondié ». Jézu di yo : « Si Bondié té papa nou, nou t-a rinmin-m sètènman ; mouin minm sé nan Bondié mouin soti pou-m vini. Mouin pa vini ak pròp fòs mouin, min sé li minm, ki voyé-m ».

Paròl Granmèt la.

Jédi

PRÉMIÉ LÉKTU

Ou-ap papa anpil nasion.

Léktu liv Jénèz la

17, 3-9

Jou sa yo : Abram tonbé fas atè.

Bondié di-l : « Sé mouin minm, min kontra-m avèk ou, ou-ap papa anpil nasion. Yo pap rélé non-ou “Abram” ankò, min y-ap rélé-ou “Abraam”, paské m-ap fè-ou vi-n tounin papa anpil nasion. M-ap fè-ou vi-n anpil anpil, m-ap fè-ou vi-n tounin nasion, gin roua k-ap soti nan ou.

M-ap pasé aliens mouin ant mouin minm ak ou minm, avèk ras ou apré-ou, pou jénérasion yo, aliens pou tout tan, pou-m Bondié-ou ak Bondié ras ou apré-ou. M-ap ba-ou ni ou minm ni ras ou-a péyi koté-ou yé kòm étranjé-a, tout péyi Kanaan-an, kòm posésion pou tout tan, m-ap Bondié yo ».

Bondié di Abraam ankò : « Ou minm sé pou-ou kinbé kontra-m nan, épi ras ou apré-ou, pou jénérasion-l yo ».

Paròl Granmèt la.

PSÒM RÉPONS

Ps 104, 4-5. 6-7. 8-9 (R: 8 a)

- R: Granmèt la sonjé téstaman-l pou tout tan.
- 4 Chèché Granmèt la ak pouvoua-l,
chèché fas li tout tan.
- 5 sonjé mèvèy li fè yo,
prodij li ak jijman bouch li. R:
- 6 Ras Abraam, sèvitè-l,
pitit Jakòb, sila-a li chouazi-a.
- 7 Sé li minm Granmèt Bondié nou ;
sou tout tè-a jijman-l yo. R:
- 8 Li sonjé téstaman-l nan pou tout tan,
paròl li té kòmandé bay mil jénérasyon yo,
- 9 sa-l té pasé avèk Abraam nan,
sèman li té fè bay Izaak la. R:

VÈSÈ ANVAN ÉVANJIL LA

Cf. Ps 94, 8 ab

Jodi-a, pa fèmin kè nou,
min sé pou nou kouté paròl Granmèt la.

ÉVANJIL

*Abraam papa nou té fè kè-l kontan,
pou-l té ouè jou-m nan.*

✠ Léktu sint Évanjil la dapré Jan

8, 51-59

Lè sa-a :

Jézu di Juif yo : « Amèn, amèn mouin di nou, si yon moun kinbé paròl mouin-an, li pap janm ouè lanmò ».

Juif yo di : « Koulié-a nou konnin ou gin yon démon. Abraam mouri, ni profèt yo ; épi ou di : “Si yon moun kinbé paròl mouin-an, li pap gouté lanmò minm”. Èské ou pi gran pasé papa nou Abraam, ki mouri-a ? É profèt yo mouri tou. Ki sa-ou konprann ou yé ? »

Jézu réponn : « Si mouin fè louanj pou pròp tèt mouin, louanj mouin-an pa anyin ; sé Papa-m k-ap fè louanj mouin, li minm nou di sé Bondié nou-an, nou pa konnin-l. Mouin minm mouin konnin-l ; é si-m di mouin

pa konnin-l, m-ap tankou nou, yon mantè. Min mouin konnin-l, mouin kinbé paròl li. Abraam papa nou té fè kè-l kontan pou-l té ouè jou-m : li ouè-l, li kontan ».

Juif yo di-l : « Ou pa ko gin sinkant-an, épi ou ouè Abraam ? »

Jézu di yo : « Amèn, amèn mouin di nou : anvan Abraam té kòmansé égzisté, mouin la ».

Yo ranmasé ròch, pou yo voyé sou li ; Jézu minm kaché kò-l, li soti nan kay sakré-a.

Paròl Granmèt la.

Vandrédi

PRÉMIÉ LÉKTU

Granmèt la avèk mouin, tankou yon sòlda ki gin fòs.

Léktu liv profèt Jérémi

20, 10-13

Mouin tandé afron anpil moun ap fè-m, ak boui toutalantou : « An nou pèsékité-l, an nou pèsékité-l ». Tout moun ki t-ap viv an pè avèk mouin, ki té konn rét tou kolé-m : “Si-l té kapab pran nan pièj, pou nou ranpòtè viktoua kont li, pou nou tiré vanjans sou li” ».

Min Granmèt la avèk mouin, tankou yon sòlda ki gin fòs ; sé pousa moun k-ap pèsékité-m yo sé yo minm k-ap tonbé, sé yo minm k-ap fébli, y-ap ront anpil, paské yo pa-t konprann laront tout tan-an, ki pap janm éfasé-a. Kanta ou minm, Granmèt lamé yo, ou minm ki éséyé sa-k kòrèk la, ki ouè rin ak kè, sé pou-m ouè vanjans ou-ap tiré sou yo, tanpri ; paské sé ou minm mouin dévoualé koz mouin.

Chanté pou Granmèt la, fè louanj Granmèt la, paské li délivré nanm pòv la sot nan min méchan.

Paròl Granmèt la.

PSÒM RÉPONS

Ps 17, 2-3 a. 3 bc-4. 5-6. 7 (R: cf. 7)

R: Nan tray mouin-an, mouin rélé Granmèt la,
épi li kouté-m.

- 2 Mouin rinmin-ou, Granmèt, fòs mouin.
 3 Granmèt, kay défans mouin kachèt mouin,
 ak libèratè-m nan ; R
- Bondié mouin, sékou-m mouin éspéré nan li.
 protéktè-m, kòn k-ap sové-m, li minm k-ap soutni-m.
- 4 M-ap rélé Granmèt la ki mérité louanj la,
 l-ap sové-m sot nan min lénmi-m yo. R
- 5 Lanm dlo lanmò yo vlopé-m,
 épi ravi-n Béliat yo troublé-m ;
- 6 kòd lanfè yo antouré-m,
 filè lanmò yo sènin-m. R
- 7 Nan tray mouin-an, mouin rélé Granmèt la,
 mouin rélé kot Bondié-m nan ;
 li kouté voua-m, antan-l nan tanp li-a,
 rèl mouin rivé dévan fas li, nan zòrèy li. R

VÈSÈ ANVAN ÉVANJIL LA

Cf. Jan 6, 63 c. 68 c

Paròl ou yo, Granmèt, sé léspri ak lavi ;
 ou gin paròl lavi tout tan-an.

ÉVANJIL

Yo t-ap chéché sézi-l, li chapé sot nan min yo.

✠ Léktu sint Évanjil la dapré Jan

10, 31-42

Lè sa-a :

Juif yo pran ròch, pou yo kalonnin Jézu. Jézu pran laparòl, li di yo :
 « Mouin montré nou anpil bon aksion ki sot nan Papa-m ; pou kilès nan
 aksion sa yo n-ap kalonnin-m nan ? »

Juif yo réponn li : « Sé pa pou yon bon aksion n-ap kalonnin-ou, min
 sé poutèt ou blasfémé, sé moun ou yé, épi ou pran pòz Bondié-ou ».

Jézu réponn yo : « Èské nan laloua nou-an yo pa ékri : “Mouin di : Sé
 dié nou yé” ? Si yo di yo sé dié, yo minm paròl Bondié-a fèt pou yo-a
 (épi yo pa kapab défèt sa-k ékri-a), sa-a minm Papa-a fè sin-an, li voyé
 sou tè-a, nou di : “Ou blasfémé, paské-ou di : mouin sé Pitit Bondié”. Si-
 m pa fè aksion Papa-m yo, nou pa bézouin kouè-m. Min si-m fè yo,

minm si nou pa vlé kouè-m, sé pou nou kouè aksion yo, pou nou konnin, pou nou kouè Papa-a nan mouin, mouin nan Papa-a ».

Konsa yo t-ap chèché sézi-l, min li chapé sot nan min yo. Li pati lòt bò Joudin-an ankò, koté Jan té konn batizé anvan-an, li rét la.

Anpil moun vi-n koté-l, yo t-ap di : « Jan pa-t fè okinn sign ; min tou sa Jan té di sou li yo sé té vré ». Anpil moun kouè nan li.

Paròl Granmèt la.

Samdi

PRÉMIÉ LÉKTU

M-ap fè yo vi-n tounin yon sèl nasion.

Léktu liv profèt Ézékièl

37, 21-28

Min paròl Granmèt Bondié :

« Min m-ap pran pitit Israèl yo sot nan mitan nasion yo, koté yo té pati-a, m-ap rasanblé yo sot tout koté, m-ap minnin yo nan tè yo-a, m-ap fè yo vi-n tounin yon sèl nasion nan péyi-a, sou mòn Israèl yo ; sé yon sèl roua k-ap kòmandé yo tout, yo pap dé nasion ankò, yo pap séparé nan dé péyi-roua ankò.

Yo pap sal ankò nan zidòl yo, nan bagay lèd yo, ak nan tout péché yo ; m-ap sové yo sot nan tout koté yo té konn fè péché, m-ap pròpté yo, y-ap pèp mouin, m-ap Bondié yo.

Sèvitè-m David ap roua sou yo, sé yon sèl gadyin yo tout ap ginyin. Y-ap maché nan jijman-m yo, y-ap kinbé kòmandman-m yo, y-ap obsèvé yo. Y-ap abité sou tè-a mouin té bay sèvitè-m Jakòb la, koté zansèt nou yo té abité yo ; y-ap abité ladan-l, ni yo minm, ni pitit yo, ni pitit pitit yo pou tout tan, épi David sèvitè-m nan ap roua yo pou tout tan.

M-ap pasé alians lapè avèk yo, sé yon alians tout tan l-ap yé pou yo, map asiré yo, m-ap fè yo vi-n anpil ; m-ap mété Tanp mouin-an nan mitan yo pou tout tan, tant mouin-an ap nan mitan yo, m-ap Bondié yo, yo minm y-ap pèp mouin ; nasion yo ap konnin mouin sé Granmèt la k-ap fè Israèl vi-n sin, paské Tanp mouin-an ap nan mitan yo pou tout tan ».

Paròl Granmèt la.

PSÒM RÉPONS

Jér 31, 10. 11-12 ab. 13 (R: 10 d)

R: Granmèt la ap véyé nou tankou yon gadyin fè pou bann mouton-l.

¹⁰ Kouté paròl Granmèt la, nasion yo,
anonsé sa nan zilé yo ki louin yo,
di : « Sa-a ki té gayé Israèl la, l-ap rasanblé-l,
l-ap véyé sou li tankou yon gadyin fè pou bann mouton-l ». R:

¹¹ Granmèt la délivré Jakòb,
li délivré-l sot nan min sa-k pi fò.

¹² Y-ap rivé, y-ap fè louanj sou mòn Siyon,
y-ap vi-n ansanm nan byin Granmèt yo. R:

¹³ Lè sa-a vièj la ap kontan nan dans la,
ni jèn jan ni granmoun ansanm ;
m-ap fè dèy yo-a vi-n tounin kè kontan,
m-ap konsolé yo, m-ap fè kè yo kontan nan plas soufrans yo-a. R:

VÈSÈ ANVAN ÉVANJIL LA

Éz 18, 31

Voyé tout péché nou yo louin nou, sé sa Granmèt la di,
épi fè kè nou vi-n tou nèf ak léspri nou tou nèf.

ÉVANJIL

*Sé pou pitit Bondié yo, ki té gayé yo,
té kapab rasanblé vi-n tounin yon sèl.*

✠ Léktu sint Évanjil la dapré Jan

11, 45-56

Lè sa-a :

Anpil nan Juif yo, ki té vi-n kot Mari ak Mart, ki té ouè sa Jézu té fè,
yo té vi-n kouè nan li. Min kèk nan yo al jouinn farizyin yo, yo di yo sa
Jézu té fè.

Konsa, chèf prèt yo ak farizyin yo rasanblé yon réyinion, yo di : « Ki
sa n-ap fè, paské mésié sa-a ap fè anpil sign ? Si nou kité-l konsa, tout
moun ap kouè nan li, Romìn yo ap rivé, y-ap pran plas nou-an ak nasion
nou-an ». Youn nan yo yo té rélé Kayif, ki té chèf prèt ané sa-a, li di yo :
Nou minm minm nou pa konprann anyin ; nou pa réfléchi li pi bon pou
nou, si yon sèl moun nan mouri pou pèp la, pou tout nasion-an pa péri ».

Bagay sa-a, sé pa nan li minm sa soti ki fè-l di-l ; min kòm li té chèf prèt ané sa-a, li té profétizé Jézu té gin pou-I té mouri pou nasion-an, épi sé pa nou nasion-an sèlman min pou pitit Bondié yo, ki té gayé yo, pou yo té kapab rasanblé fè yon sèl. Konsa dépi jou sa-a, yo t-ap réfléchi pou yo touyé-l.

Jézu minm pa-t maché an piblik lakay Juif yo ankò, min l-al nan réjion bò dézè-a, nan yon vil yo rélé Éfrèm, li té rété la ansanm avèk disip li yo.

Pak Juif yo té tou pré, anpil moun té monté Jérusalèm sot nan réjion yo, pou Pak la, pou yo té kapab sanktifié. Yo t-ap chèché Jézu, youn t-ap palé ak lòt, pandan yo té kanpé nan Tanp la : « Sa-ou pansé èské li pa vini nan fèt la ? » Chèf prèt yo ak farizyin yo té pasé lòd pou si yon moun té konnin koté-l yé, pou-l té déklaré sa, pou yo té kapab arété-l.

Paròl Granmèt la.

SÉMÈN SINT

Dimanch ramo - Soufrans Granmèt la

Pou prosésion ramo yo

ÉVANJIL

Konpliman pou sa-a k-ap vini o non Granmèt la.

Ané A

✠ Léktu sint Évanjil la dapré Matié

21, 1-11

Kòm yo t-ap proché Jérusalèm épi yo té rivé Bétfajé sou mòn Olivie yo, lè sa-a Jézu voyé dé disip, li di yo: « Alé nan bouk la, ki an fas nou-an, tou-suit n-ap jouinn yon bourik ki maré, ak ti pitit la bò koté-l: Lagé-l, épi minnin-l ban mouin, épi si yon moun di nou kichòy, di: « Granmèt la ki bézouin yo », épi minm lè-a l-ap kité yo. Bagay sa-a rivé pou sa yo té di pa lintèmediè profèt la akonpli:

Di fi Siyon-an: « Min Roua-ou la ap vi-n koté-ou, tou dou, épi chita sou yon bourik, ak sou yon ti pitit bèt chaj ».

Antan disip yo alé vré, yo fè jan Jézu té pasé yo lòd la, yo minnin bourik-la ak ti pitit la, épi yo pozé rad yo sou yo, épi yo fè-l chita sou li. Anpil foul té ranjé rad yo atè sou rout la; dèt minm t-ap kasé branch nan pié boua yo, épi yo t-ap ranjé atè-a; foul yo minm, ki t-ap maché dévan yo épi ki t-ap suiv yo, yo t-ap rélé byin fò, antan y-ap di: « Ozana pou pitit David la; konpliman pou sa-a k-ap vini o non Granmèt la; Ozana nan rotè ki anlè nèt yo ».

Lè l-ap antré Jérusalèm tout vil la nèt boulvèsé, l-ap di: « Kilès sa-a »? Pèp yo minm t-ap di: « Sa-a sé Jézu profèt ki soti Nazarèt Galilé-a ».

Paròl Granmèt la.

Ané B

✠ Léktu sint Évanjil la dapré Mark

11, 1-10

Pandan yo t-ap proché Jérusalèm ak Bétfajé, sou mòn Olivie yo, Jézu voyé dé nan disip yo, épi li di yo: « Alé nan bouk la, ki an fas nou-an; épi

la minm kon nou antré n-ap jouinn yon ti bourik ki maré, pèsòn pa ko chita sou li; lagé-l, épi minnin-l. Épi si yon moun di nou ‘Ki sa n-ap fè-a?’ n-a di: ‘sé Granmèt la ki bézouin-l; l-ap voyé-l tounin tou-suit’ ».

Y-alé, yo jouinn ti bourik la maré dévan pòt la, déyò-a nan lari-a. Yo lagé-l. Kèk moun ki té kanpé la, yo di yo: « Ki sa n-ap fè la-a pou n-ap lagé ti bourik la »? Yo réponn yo jan Jézu té pasé lòd la; yo kité yo trankil.

Yo minnin ti bourik la bay Jézu, yo mété rad yo sou li, Jézu chita sou li. Anpil moun ranjé rad yo sou rout la; dòt minm kasé branch nan piéboua yo, yo ranjé yo sou rout la. Moun ki t-ap maché dévan yo ak sa ki t-ap suiv yo, yo t-ap rélé byin fò: « Ozana. Konpliman pou sa-a k-ap vini o non Granmèt la; konpliman pou péyi-roua papa nou David k-ap vini-an. Ozana nan rotè sièl la ».

Paròl Granmèt la.

oubyin si yo vlé :

✠ Léktu sint Évanjil la dapré Jan

12, 12-16

Lè sa-a:

Anpil foul yo ki té vini pou jou fèt la, lè yo tandé Jézu rivé Jérusalèm, yo té pran ramo palmié, épi yo té fè prosésion vi-n dévan-l. Yo t-ap rélé byin fò : « Ozana, konpliman pou sa-a k-ap vini o non Granmèt la, épi roua Israèl la ».

Jézu minm jouinn yon ti bourik, li chita sou li, dapré sa-k ékri-a: « Pa pè, ti fi Siyon-an, min roua-ou la k-ap vini, antan-l chita sou yon pitit bourik ».

Bagay sa yo, disip yo pa-t konprann yo nan kòmansman; min lè Jézu glorifié-a, lè sa-a atò, yo vi-n sonjé bagay sa yo té ékri sou li, épi sé sa minm yo té fè-l.

Paròl Granmèt la.

Ané C**✠ Léktu sint Évanjil la dapré Luk****19, 28-40**

Lè sa-a:

Jézu t-ap maché dévan, antan li t-ap monté Jérusalèm.

Rivé, pandan li t-ap proche Bétfajé ak Bétani, sou mòn yo rélé pié Oliv yo, li té voyé dé disip li yo, antan li di: « Alé nan bouk ki an fas la; lè n-a antré ladan-l, n-ap jouinn yon ti pitit yon bourik ki maré, pèsòn pa ko janm monté sou li: lagé-l, épi minnin-l. Si yon moun pozé nou késion: ‘Pouki sa n-ap lagé-l’? n-a di-l konsa: ‘Sé Granmèt la ki bézouin sèvis li’ ». Sa yo li té voyé-a, konsa y-alé, yo jouinn jan-l té di yo-a. Pandan y-ap lagé ti bourik la, mèt li di yo: « Pouki sa n-ap lagé ti bourik la »? Yo minm yo di: « Sèké Granmèt la bézouin-l ». Yo minnin-l bay Jézu. Antan yo mété rad yo sou ti bourik la, yo mét Jézu chita sou li. Pandan l-apralé minm, moun yo t-ap mété rad yo atè-a sou rout la. Pandan l-ap proche nan vèsan mòn pié Oliv yo, tout foul disip li yo té kòmansé fè kè yo kontan, antan y-ap fè louanj Bondié avèk voua yo byin fò, osijè tout mèvèy yo té ouè yo, antan yo t-ap di:

« Konpliman pou sa-a k-ap vini kòm roua o non Granmèt la! lapè nan sièl la, gloua nan rotè sièl la »!

Kèk nan farizyin yo nan foul la t-ap di-l: « Mèt, korijé disip-ou yo ». Antan-l réponn li di: « Mouin di nou: si sa yo pé, ròch yo ap rélé »!

Paròl Granmèt la.

Pou Mès la

Mès dimanch sa-a, li bati ak toua léktu, yo rékòmandé yo anpil, sof si rézon pastoral konséyé fè yon lòt jan.

Antan yo konsidéré tou inpòtans istoua Soufrans Granmèt la, dapré kalité chak group fidèl prèt la gin dévoua fè-l, yo pèmèt proklamé soua yon sèl soua dé nan léktu yo ki vini anvan Évanjil la, oubyin li sèl istoua Soufrans la, si sa nésésè, minm nan fòm ki pi kout la. Min sa vo sèlman pou Mès ki sélébré avèk pèp.

PRÉMIÉ LÉKTU

Mouin pa kaché fas mouin bay moun yo k-ap maltrété-m yo, min mouin konnin mouin pap ront (Touazièm chan Sèvitè Granmèt la).

Léktu liv profèt Izayi

50, 4-7

Granmèt la ban-m yon lang ki gin konésans, pou-m kapab soutni ak paròl moun ki bouké-a. Dépi granmatin, li révéyé, granmatin li révéyé zòrèy mouin, pou-m kouté tankou sé yon mèt k-ap palé. Granmèt Bondié louvri zòrèy mouin.

Mouin minm mouin pa fè rébèl ; mouin pa rékilé dèyè. Mouin rinmèt kò-m bay moun yo k-ap frapé-m nan, mouin rinmèt figi-m bay moun yo k-ap mété voual sou mouin-an ; mouin pa kaché fas mouin bay moun yo k-ap maltrété-m nan, k-ap kraché sou mouin-an.

Granmèt Bondié-a ap poté-m sékou, sé poua mouin pa ront. Sé poua mouin fè fas mouin tankou ròch ki pi di-a, mouin konnin mouin pap ront.

Paròl Granmèt la.

PSÒM RÉPONS

Ps 21 8-9. 17-18 a. 19-20. 23-24 (R: 2 a)

- R: Bondié, Bondié mouin, pou ki sa ou lagé-m ?
- 8 Tout moun ki ouè-m yo pasé-m nan jouèt ;
yo tiré lang, yo souké tèt :
- 9 « Li té espéré nan Granmèt la, sé pou-l délivré-l ;
sé pou-l sovè-l, paské li rinmin-l ». R:
- 17 Sèké anpil chyin sènin-m,
yon bann moun méchan fè lavironn mouin.

- Yo pèsé min-m ak pié-m,
 18 yo konté tout zo mouin yo. **R**
- 19 Yo séparé rad mouin yo antré yo,
 yo tiré manto-m nan osò.
- 20 Ou minm, Granmèt, pa rét louin,
 fòs mouin, fè vit vi-n édé mouin. **R**
- 23 M-ap rakonté non-ou bay frè mouin yo,
 nan mitan asanblé-a m-ap fè louanj ou.
- 24 Nou minm ki krinn Granmèt la, sé pou nou fè louanj li,
 tout ras Jakòb, déklaré gloua li,
 sé pou tout ras Israèl krinn li. **R**

DÉZIÈM LÉKTU

*Li imilié tèt li :
 sé poua Bondié lévé-l anlè.*

Léktu lèt apot sin Pòl pou Filipyin yo

2, 6-11

Kris Jézu, malgré sé sa Bondié yé-a li yé, li pa konsidéré rét égal ak Bondié-a tankou yon bagay pou-l kinbé pou li sèl, min li fè pròp tèt li vi-n pa anyin, antan li pran natu ésklav, li vi-n sanblé ak lézòm, yo rékonèt li tankou moun. Li imilié tèt li, antan li obéyi jous nan lanmò, épi lanmò lakoua.

Sé poua Bondié lévé-l anlè, li ba-l non ki anlè tout non, pou o non Jézu sa-a, tout jénou bésé nan sièl, sou tè, ak anba tè, épi tout lang déklaré Jézu-Kri sé Granmèt, nan gloua Bondié Papa-a.

Paròl Granmèt la.

VÈSÈ ANVAN ÉVANJIL LA

Fil 2, 8-9

Kris la obéyi pou nou
 jous nan lanmò, épi lanmò lakoua.
 Sé poua Bondié lévé-l anlè,
 li ba-l non, ki anlè tout non-an.

ÉVANJIL

Ané A

Soufrans Granmèt nou Jézu-Kri dapré Matié

26, 14-27, 66

Ki sa nou vlé ban mouin, m-ap rimmèt li ba nou ?

Lè sa-a : Youn nan douz yo, sa yo té rélé Juda Iskariòt la, l-al kot chèf prèt yo, li di yo : « Ki sa nou vlé ban mouin, m-ap rimmèt li ba nou ? » Yo minm yo ranjé avèk li pou trant piès lajan. Dépi lè sa-a li t-ap chèché yon okazion pou-l rimmèt li.

Koté ou vlé nou paré Pak la pou ou ?

Prémié jou Azim yo, disip yo proché kot Jézu, yo di : « Koté ou vlé nou paré pou ou pou nou manjé Pak la ? »

Jézu minm di : « Alé nan vil la kot intèl, di-l : “Mèt la di : Lè-m nan tou pré : sé lakay ou m-ap fè Pak la avèk disip mouin yo” ». Disip yo fè jan Jézu té pasé yo lòd la, yo paré Pak la.

Youn nan nou ap bay mouin.

Lè asouè rivé, li té atablé avèk douz disip li yo. Pandan yo t-ap manjé, li di : « Amèn mouin di nou gin youn nan nou k-ap bay mouin ».

Yo vi-n chagrin anpil, yo chak yo kòmansé ap di : « Èské sé mouin, Granmèt ? »

Li minm li réponn, li di : « Sa-a ki plonjé min-l ansanm ak mouin nan plat la, sé li minm k-ap bay mouin. Pitit moun nan apralé, jan yo ékri sou li-a ; min ala malè pou moun sa-a ki sèvi lantrémiz pou yo bay Pitit moun nan ! li t-a pi bon pou li, si-l pa-t janm fèt ».

Juda minm réponn, li minm ki té bay li-a, li di : « Èské sé mouin, Rabi ? »

Li di : « Ou di-l ».

Sa-a sé Kò mouin, sa-a sé San mouin.

Pandan y-ap manjé, Jézu pran pin, li béni, li kasé, li bay disip li yo, li di : « Pran, manjé : sa-a sé Kò mouin ». Li pran kalis la, li rann gras, li ba yo, li di : « Bouè ladan-l, nou tout ; sa-a sé San-m pou nouvo kontra-a, ki vidé pou anpil moun pou padon péché yo. Mouin di nou : Mouin pap bouè nan foui pié rézin sa-a ankò, jous nan jou sa-a, lè m-a bouè-l avèk nou tou nouvo nan péyi-roua Papa-m nan ».

Lè yo fi-n di kantik la, yo soti al nan mòn pié Oliv yo.

M-ap frapé gadyin-an, bann mouton yo ap gayé.

Lè sa-a atò Jézu di yo : « Nou tout n-ap skandalizé poutèt mouin nan nuit sa-a ; paské yo té ékri : “M-ap frapé gadyin-an, bann mouton yo ap gayé”. Min apré-m fi-n résisité, m-ap pran dévan nou nan Galilé ».

Piè pran laparòl, li di : « Minm si tout moun skandalizé poutèt ou, mouin minm minm mouin pap janm skandalizé ».

Min Jézu di-l : « Amèn mouin di-ou nan nuit sa-a minm, anvan kòk la chanté, ou-ap réfizé rékonèt mouin toua foua ».

Min Piè di-l : « Minm si mouin gin pou-m mouri avèk ou, mouin pap réfizé rékonèt ou ». Tout disip yo di minm jan tou.

Li kòmansé pran chagrin ak lapinn.

Lè sa-a Jézu rivé avèk yo nan abitasion yo rélé Jétsémani, li di disip li yo : « Rété isit la, pandan m-apral laba-a pou-m lapriyé ». Li pran Piè ak dé pitit Zébédé yo, li kòmansé vi-n gin chagrin ak lapinn. Lè sa-a li di yo : « Nanm mouin gin chagrin pou-m mouri : rété isit la, véyé avèk mouin ».

Li avansé yon ti kras, li tonbé sou fas li, li pran lapriyé, li di : « Papa mouin, si sa posib, fè kalis sa-a pasé louin-m ; sèlman sé pa jan-m vlé-a, sé jan ou minm ou vlé ».

Li rivé kot disip li yo, li jouinn yo ap dòmi, li di Piè : « Konsa nou pa-t kapab véyé inèd-tan avèk mouin ; véyé, lapriyé, pou nou pa antré nan tantasion. Léspri-a vif, min chè-a fèb ».

Yon lòt foua ankò, l-alé, li lapriyé, li di : « Papa mouin, si kalis sa-a pa kapab pasé, san mouin pa bouè-l, sé pou volonté-ou fèt ». Li vini ankò, li jouinn yo ap dòmi (sèké jé yo té lou) li kité yo, l-alé ankò, li lapriyé pou touazièm foua-a, antan l-ap di minm paròl la. Lè sa-a atò, li rivé kot disip li yo, li di yo : « Nou mèt dòmi atò, nou mét répozé : min lè-a ap proché, pou yo bay mouin-an, y-ap rinnèt Pitit moun nan nan min péchè yo. Lévé, an n-alé, min l-ap proché sa k-ap rinnèt mouin-an ».

Yo mét min sou Jézu, yo sézi-l.

Pandan l-ap palé toujou, min Juda, youn nan douz yo, ki rivé, avèk li té gin yon pakèt foul avèk épé avèk baton, sé chèf prêt yo ak ansyin pèp yo ki té voyé yo. Sa-a minm ki t-ap bay li-a, li té ba yo yon sign, li té di :

« Sa-a m-ap bo-a, sé li minm, kinbé-l ». Minm lè-a, li proché kot Jézu, li di : « Salu, Rabi ». Li bo-l.

Jézu di-l : « Zanmi, sa-ou vi-n fè ? » Lè sa-a atò, yo proché, yo mét min sou Jézu, yo kinbé-l.

Min youn nan sa yo ki té avèk Jézu yo, li lonjé min-l, li soti épé-l, li frapé sèvitè chèf prêt la, li koupé zòrèy li. Lè sa-a Jézu di-l : « Rinnèt épé-ou nan plas li ; sèké tout moun k-ap pran épé, y-ap péri ak épé. Oubyin èské-ou kouè, mouin pa kapab lapriyè Papa-m, pou-l voyé plis pasé douz batayon anj pou mouin ? Min kijan pou sa-k ékri yo réalizé, paské sé konsa-l doué fèt ? »

Lè sa-a Jézu di foul yo : « Tankou pou yon asasin, nou soti avèk épé avèk baton, pou nou arété-m : chak jou mouin té chita lakay nou, m-ap bay ansègnman nan tanp la, min nou pa-t kinbé-m ». Min tou sa rivé, pou sa profèt yo ékri-a té kapab réalizé. Lè sa-a tout disip yo kité-l, yo sové kò yo.

N-ap ouè Pitit Moun nan chita adouat pouvoua Bondié-a.

Yo minm yo kinbé Jézu, yo kondui-l kot Kayif, chèf prêt yo, koté profesè yo ak ansyin yo té rasanblé. Piè minm t-ap suiv li dé louin jous nan lakou chèf prêt yo, li antré anndan, li chita avèk sèvitè yo, pou-l ouè kijan sa ap fini.

Chèf prêt yo ak tout tribinal la t-ap chèché fo-témouin kont Jézu, pou yo fè-l mouri, min yo pa jouinn, malgré anpil fo-témouin té proché. Alafin gin dé fo-témouin ki rivé, yo di : « Sa-a té di : “Mouin kapab krazé Tanp Bondié-a, apré toua jou m-ap rébati-l” ».

Chèf prêt yo lèvé, li di-l : « Ou pa réponn anyin nan bagay sa yo ap témouagné kont ou-a ? » Jézu minm té pé bouch li. Chèf prêt yo di-l : « Mouin pasé-ou lòd o non Bondié vivan-an, pou-ou di nou si-ou sé Kris, Pitit Bondié ».

Jézu di-l : « Ou di-l ; réyèlman, mouin di nou, nan yon ti moman n-ap ouè Pitit moun nan ki chita adouat pouvoua Bondié-a, k-ap vini nan niaj sièl yo ».

Lè sa-a atò chèf prêt yo chiré rad li yo, li di : « Li blasfémé : ki témouagnaj nou bézouin ankò ? Min koulié-a nou tandé blasfèm nan : ki sa nou di nan sa ? » Yo minm yo réponn, yo di : « Li mérité lanmò ».

Lè sa-a yo kraché nan figi-l, yo frapé-l ak kout-pouin, ginyin minm ki ba-l souflèt nan figi-l, y-ap di : « Profétizé pou nou, Kris, kilès ki frapé-ou la ? »

Anvan kòk la chanté, ou-ap nié-m toua foua.

Piè minm té chita déyò nan lakou-a, yon sèvant proché koté-l, li di : « Ou minm tou, ou té avèk Jézu moun Galilé-a ».

Li minm minm, li nié dévan tout moun, li di : « Mouin pa konnin ki sa ou-ap di-a ».

Pandan l-ap soti nan bariè-a, yon lòt sèvant ouè-l, li di moun yo ki té la-a : « Sa-a tou té avèk Jézu moun Nazarèt la ».

Li nié ankò avèk sèman : « Mouin pa rékonèt mésié-a ».

Apré yon ti moman, moun yo ki té kanpé la-a, yo proché, yo di Piè : « Sé vré, ou minm tou ou té avèk yo ; sèké ata fason ou-ap palé-a fè ouè ou té avèk yo vré ».

Lè sa-a atò, li kòmansé pran Bondié pou témouin, li fè sèman li pa-t konnin mésié-a, minm lè-a yon kòk chanté. Piè sonjé paròl Jézu té di-a : « Anvan kòk la chanté, ou-ap nié-m toua foua ». Li soti déyò, li kriyé avèk gro lapinn.

Yo rimmèt Jézu bay Pons Pilat, préfè-a.

Lè matin rivé, tout chèf prêt yo ak ansyin pèp yo fè konplo kont Jézu, pou yo rimmèt li bay lanmò. Yo kondui-l tou maré, yo rimmèt li bay Pons Pilat, préfè-a.

Nou pa gin doua lagé-l nan trézò sakré yo, paské sé pri san li yé.

Lè sa-a atò, Juda, sa-a ki té trayi-l la, li ouè yo té kondané-l, li vi-n gin rémò, li poté trant piès lajan yo rimmèt chèf prêt yo ak ansyin yo, li di : « Mouin fè péché, antan-m rimmèt yon san ki kòrèk ».

Min yo minm yo di : « Ki sa sa fè nou ? ou minm ki pou ouè ». Li voyé lajan yo jété nan Tanp la, li pati, l-al pann tèt li ak yon kòd.

Chèf prêt yo minm, yo pran lajan yo, yo di : « Nou pa gin doua mété-l nan trézò sakré yo, paské sé pri san li yé ». Yo fè réyinion, ak lajan-an yo achte yon jadin moun ki konn fè krich pou yo antéré étranjé yo. Sé poussa yo rélé jadin sa-a : « Akèldama », sa vlé di « Jadin san », jous jodi-a.

Lè sa-a atò, sa profèt Jérèmi té di-a akonpli : « Yo pran trant piès lajan, yo konté pri-a, pri sa-a pitit Israèl yo bay pou mouin-an ; yo bay yo pou jadin fig la, jan Granmèt la té pasé-m lòd la ».

Ou sé roua Juif yo ?

Jézu minm té kanpé dévan préfè-a, préfè-a pozé-l késion, li di : « Ou sé roua Juif yo ? »

Jézu di-l : « Ou di-l ». Pandan chèf prêt yo ak ansyin yo t-ap akizé-l, li pa réponn anyin.

Lè sa-a atò Pilat di-l : « Ou pa tandé tout kalité témouagnaj y-ap déklaré kont ou ? » Li pa réponn li okinn paròl, atèl pouin préfè-a té sézi anpil.

Min alokasion gran jou fèt la, préfè-a té konn lagé yon prizonié bay pèp la, sa yo té konn vlé-a. Lè sa-a té gin yon prizonié ki té fè gran koz, yo té rélé-l Barabas. Lè yo rasanblé, Pilat di : « Kilès nou vlé pou-m lagé ba nou, Barabas oubyin Jézu, sa-a yo rélé Kris la ? » Li té byin konnin sé poutèt jalouzi yo té bay li.

Pandan li té chita dévan tribinal la, madanm li voyé koté-l, li di : « Pinga gin anyin ant ou minm ak mésié sa-a ki kòrèk la ; sèké mouin soufri anpil jodi-a nan vizion poutèt li ».

Chèf prêt yo minm avèk ansyin yo t-ap pousé pèp la pou yo mandé Barabas, min pou yo touyé Jézu. Préfè-a minm pran laparòl, li di yo : « Kilès nou vlé pou yo lagé nan yo dé-a ? »

Yo minm yo di : « Barabas ».

Pilat di yo : « Ébyin kisa pou-m fè ak Jézu, sa yo rélé Kris la ? »

Yo tout yo di : « Sé pou yo klouré-l sou koua ».

Préfè-a di yo : « Ki sa-l fè ki mal ? »

Yo minm yo t-ap rélé pi rèd, yo t-ap di : « Sé pou yo klouré-l sou koua ».

Lè Pilat ouè li pa t-ap gin okinn siksè, min sé dézòd ki t-ap fèt pi plis, li pran dlo, li lavé min-l dévan pèp la, li di : « Mouin inosan nan san mésié sa-a ki kòrèk la ; nou minm ki pou ouè ».

Tout pèp la réponn, li di : « Sé pou san-l sou nou ak sou pitit nou yo ». Lè sa-a atò, li lagé Barabas ba yo, Jézu minm li rinmèt li ba yo lè yo fi-n bat li, pou yo klouré-l sou koua.

Salu, roua Juif yo.

Lè sa-a atò, sòlda préfè yo pran Jézu nan palè-a, yo rasanblé tout gad yo koté-l. Yo ouété rad li, yo abiyé-l ak yon manto rouj, yo trésé yon kouròn ak pikan, yo pozé sou tèt li, yo mét yon rozo nan min douat li ; yo fè jénifléksion dévan-l, y-ap pasé-l nan jouèt, y-ap di : « Salu, roua Juif yo ». Yo kraché sou li, yo pran rozo-a, y-ap frapé tèt li. Lè yo fi-n pasé-l nan jouèt kont kò yo, yo ouété manto-a sot sou li, yo abiyé-l ak rad li, yo kondui-l, pou yo klouré-l sou koua.

Yo klouré dé asasin avèk li sou koua.

Antan y-ap soti, yo rankontré yon mésié, moun Sirèn, yo rélé Simon ; yo fòsé-l pou-l poté koua-l la.

Yo rivé koté yo rélé Gòlgota-a, sa vlé di plas Kalvè-a. Yo ba-l divin pou-l bouè ki mélé avèk fièl, min kon-l gouté-l, li pa vlé bouè. Lè yo fi-n klouré-l sou koua-a, yo séparé rad li yo antan yo tiré osò. Yo chita, y-ap véyé-l.

Sou tèt li yo mété koz li-a, ki ékri : « Sa-a sé Jézu roua Juif yo ». Lè sa-a yo té klouré dé asasin avèk li, youn adouat, lòt la agoch.

Si sé pitit Bondié ou yé, désann sot sou koua-a.

Moun ki t-ap pasé yo minm, yo t-ap jouré-l, antan y-ap souké tèt yo, y-ap di : « An nou ouè, ou minm k-ap krazé Tanp Bondié-a pou-ou rébati-l nan toua jou-a ! sovè pròp tèt ou : si sé Pitit Bondié ou yé, désann sot sou koua-a ».

Minm jan tou chèf prèt yo t-ap pasé-l nan jouèt, ansanm ak profèsè yo ak ansyin yo, yo t-ap di : « Li sovè dèt, li pa kapab sovè pròp tèt li : si sé roua Israèl li yé, sé pou-l désann koulié-a sot sou koua-a, n-a kouè nan li. Li té mét konfians nan Bondié : sé pou-l délivré-l koulié-a, si-l vlé ; sèké li té di : “Sé Pitit Bondié mouin yé” ». Minm asasin yo ki té klouré sou koua avèk li yo, yo t-ap fè-l répròch.

Éli, Éli, lamma sabaktani ?

Min a midi, vi-n gin fènoua sou tout fas tè-a jouska touazè. Vè touazè, Jézu rélé byin fò, li di : « Éli, Éli lama sabaktani ? » sa vlé di : « Bondié mouin, Bondié mouin, pouki sa ou lagé mouin ? »

Kèk minm ki té kanpé la, ki t-ap kouté, yo t-ap di : « Sé Éli l-ap rélé ». Minm lè-a, youn nan yo kouri, li pran yon éponj, li plin-l ak vinèg, li

mété-l nan yon rozo, l-ap éséyé ba-l bouè. Lòt yo minm t-ap di : « Kité, an nou ouè si Éli ap vi-n délivré-l ».

Jézu minm pousé yon gran rèl ankò, li lagé souf li.

Isit la, yo fè jénifléksion, yo rété yon ti moman an silans.

Min voual Tanp la chiré an dé moso dépi anro jous anba, tè-a tranblé, ròch yo fann, kavo yo louvri, anpil kò sin yo ki t-ap dòmi, yo lévé. Yo soti nan kavo yo apré rézireksion-l nan, yo vi-n nan vil ki sin-an, yo parèt dévan anpil moun. Santirion-an minm ak sa yo ki té avèk li yo ap véyé Jézu-a, lè yo ouè tranbléman-tè-a ak bagay sa yo ki rivé yo, yo sézi anpil, yo di : « Vrèman, sé Pitit Bondié sa-a té yé ».

Té gin anpil médam ki té la, yo té kanpé byin louin, yo minm ki té konn suiv Jézu dépi sot nan Galilé-a, pou yo té okipé-l la, nan pami yo té gin Mari Madlèn, Mari manman Jak, ak manman Jozèf, ak manman pitit Zébédé yo.

Jozèf dépozé kò Jézu nan kavo pa-l ki tou nèf.

Kòm asouè té fi-n rivé, yon mésié rich, moun Arimati, yo rélé Jozèf, vi-n rivé, li minm tou li té disip Jézu. Li proche kot Pilat, li mandé kò Jézu. Lè sa-a Pilat pasé lòd pou yo rinmèt kò-a. Jozèf pran kò-a, li vlopé-l nan yon dra pròp. Li dépozé-l nan pròp kavo pa-l, ki té fouyé nan ròch la, li roulé yon gro ròch nan bouch kavo-a, épi li pati. Mari Madlèn minm té la, avèk lòt Mari-a yo té chita an fas kavo-a.

Nou gin gad ; alé, véyé-l jan nou konnin.

Nan landmin, apré Pak la, chèf prèt yo rasanblé ak farizyin yo kot Pilat, yo di : « Mèt, nou sonjé sa-a k-ap chèché tronpé moun nan, lè-l té vivan li té di konsa : “Apré toua jou, m-ap résisité”. Pasé lòd pou yo véyé kavo-a jous touazièm jou-a, pou disip li yo pa rivé pou yo pa vòlè-l, pou yo pa di pèp la : “Li résisité sot nan pami mò yo” : dènié fot sa-a t-a pi mal pasé premié-a ».

Pilat minm di yo : « Nou gin gad : alé, véyé jan nou konnin ». Yo minm y-alé, yo véyé kavo-a, antan yo pozé sélé sou ròch la avèk gad yo.

oubyin pi kout

Soufrans Granmèt nou Jézu-Kri dapré Matié

27, 11-54

Ou sé roua Juif yo !

Lè sa-a :

Jézu té kanpé dévan Pons Pilat, préfè-a pozé-l késion, li di : « Ou sé roua Juif yo ? »

Jézu di-l : « Ou di-l ». Épi, pandan chèf prêt yo ak ansyin yo t-ap akizé-l, li pa-t réponn anyin. Lè sa-a atò, Pilat di-l : « Ou pa tandé tout kalité témouagnaj y-ap déklaré kont ou ? » Li pa réponn li okinn paròl, atèl pouin préfè-a té sézi anpil.

Min alokasion gran jou fèt la, préfè-a té konn lagé yon prizonié bay pèp la, sa yo té konn vlé-a. Lè sa-a té gin yon prizonié ki té fè gran koz, yo té rélé-l Barabas. Lè yo rasanblé, Pilat di : « Kilès nou vlé pou-m lagé ba nou, Barabas oubyin Jézu, sa-a yo rélé Kris la ? » Li té byin konnin sé poutèt jalouzi yo té bay li.

Pandan li té chita dévan tribinal la, madanm li voyé koté-l, li di : « Pi-nga gin anyin ant ou minm ak mésié sa-a ki kòrèk la ; sèké mouin soufri anpil jodi-a nan vizion poutèt li ».

Chèf prêt yo minm avèk ansyin yo t-ap pousé pèp la pou yo mandé Barabas, min pou touyé Jézu. Préfè-a minm pran laparòl, li di yo : « Kilès nou vlé pou yo lagé nan yo dé-a ? »

Yo minm yo di : « Barabas ».

Pilat di yo : « Ébyin kisa pou-m fè ak Jézu, sa yo rélé Kris la ? »

Yo tout yo di : « Sé pou yo klouré-l sou koua ».

Préfè-a di yo : « Ki sa-l fè ki mal ? »

Yo minm yo t-ap rélé pi rèd, yo t-ap di : « Sé pou yo klouré-l sou koua ».

Lè Pilat ouè li pa t-ap gin okinn siksè, min sé dézòd ki t-ap fèt pi plis, li pran dlo, li lavé min-l dévan pèp la, li di : « Mouin inosan nan san mésié sa-a ki kòrèk la ; nou minm ki pou ouè ».

Tout pèp la réponn, li di : « Sé pou san-l sou nou ak sou pitit nou yo ». Lè sa-a atò, li lagé Barabas ba yo, Jézu minm li rinmèt li ba yo lè yo fi-n bat li, pou yo klouré-l sou koua.

Lè sa-a atò, sòlda préfè yo pran Jézu nan palè-a, yo rasanblé tout gad yo koté-l. Yo ouété rad li, yo abiyé-l ak yon manto rouj, yo trésé yon kouròn ak pikan, yo pozé sou tèt li, yo mét yon rozo nan min douat li ; yo fè jénifléksion dévan-l, y-ap pasé-l nan jouèt, y-ap di : « Salu, roua Juif yo ». Yo kraché sou li, yo pran rozo-a, y-ap frapé tèt li. Lè yo fi-n pasé-l nan jouèt kont kò yo, yo ouété manto-a sot sou li, yo abiyé-l ak rad li, yo kondui-l, pou yo klouré-l sou koua.

Yo klouré dé asasin avèk li sou koua.

Antan y-ap soti, yo rankontré yon mésié, moun Sirèn, yo rélé Simon ; yo fòsé-l pou-l poté koua-l la.

Yo rivé koté yo rélé Gòlgota-a, sa vlé di plas Kalvè-a. Yo ba-l divin pou-l bouè ki mélé avèk fièl, min kon-l gouté-l, li pa vlé bouè. Lè yo fi-n klouré-l sou koua-a, yo séparé rad li yo antan yo tiré osò. Yo chita, y-ap véyé-l.

Sou tèt li yo mété koz li-a, ki ékri : « Sa-a sé Jézu roua Juif yo ». Lè sa-a yo té klouré dé asasin avèk li, youn adouat, lòt la agoch.

Si sé pitit Bondié ou yé, désann sot sou koua-a.

Moun ki t-ap pasé yo minm, yo t-ap jouré-l, antan y-ap souké tèt yo, y-ap di : « An nou ouè, ou minm k-ap krazé Tanp Bondié-a pou-ou rébati-l nan toua jou-a ! sové pròp tèt ou : si sé Pitit Bondié ou yé, désann sot sou koua-a ».

Minm jan tou chèf prèt yo t-ap pasé-l nan jouèt, ansanm ak profèsè yo ak ansyin yo, yo t-ap di : « Li sové dèt, li pa kapab sové pròp tèt li : si sé roua Israèl li yé, sé pou-l désann koulié-a sot sou koua-a, n-a kouè nan li. Li té mét konfians nan Bondié : sé pou-l délivré-l koulié-a, si-l vlé ; sèké li té di : “Sé Pitit Bondié mouin yé” ». Minm asasin yo ki té klouré sou koua avèk li yo, yo t-ap fè-l répròch.

Éli, Éli, lamma sabaktani ?

Min a midi, vi-n gin fènoua sou tout fas tè-a jouska touazè. Vè touazè, Jézu rélé byin fò, li di : « Éli, Éli lama sabaktani ? » sa vlé di : « Bondié mouin, Bondié mouin, pouki sa ou lagé mouin ? »

Kèk minm ki té kanpé la, ki t-ap kouté, yo t-ap di : « Sé Éli l-ap rélé ». Minm lè-a, youn nan yo kouri, li pran yon éponj, li plin-l ak vinèg, li mété-l nan yon rozo, l-ap éséyé ba-l bouè. Lòt yo minm t-ap di : « Kité, an nou ouè si Éli ap vi-n délivré-l ».

Jézu minm pousé yon gran rèl ankò, li lagé souf li.

Isit la, yo fè jénifléksion, yo rété yon ti moman an silans.

Min voual Tanp la chiré an dé moso dépi anro jous anba, tè-a tranblé, ròch yo fann, kavo yo louvri, anpil kò sin yo ki t-ap dòmi, yo lévé. Yo soti nan kavo yo apré rézireksion-l nan, yo vi-n nan vil ki sin-an, yo parèt dévan anpil moun. Santirion-an minm ak sa yo ki té avèk li yo ap véyé Jézu-a, lè yo ouè tranbléman-tè-a ak bagay sa yo ki rivé yo, yo sézi anpil, yo di : « Vrèman, sé Pitit Bondié sa-a té yé ».

Ané B

Soufrans Granmèt nou Jézu-Kri dapré Mark

14, 1-15, 47

Yo t-ap chèché kijan pou yo kinbé Jézu an trèt pou yo touyé-l.

Sé té Pak la avèk Azim yo apré dé jou ; chèf prèt yo ak profesè yo t-ap chèché kijan pou yo sézi Jézu an trèt pou yo touyé-l. Min yo t-ap di : « Pa nan jou fèt la, pou pa gin dézòd nan pèp la ».

Li anbomé kò-m davans pou lantèman-an.

Pandan-l té Bétani, kay Simon, lépré-a, li té atab, yon madanm rivé avèk yon boutèy losion kalité sipériè ki vann byin chè, li kasé boutèy la, li vidé sou tèt li. Kèk moun té révòlté, yo t-ap palé antré yo, yo t-ap di : « Pouki gaspiyaj sa-a fèt pou losion-an ? Yo t-a kapab vann losion sa-a plis pasé touasan piès lajan pou yo bay pòv yo ». Yo t-ap palé-l mal.

Jézu minm di : « Kité-l frankil. Pouki sa n-ap trakasé-l la ? Sé yon bon aksion li fè pou mouin. N-ap toujou gin pòv avèk nou, épi, lè n-a vlé, n-a kapab fè yo dibyin ; min mouin minm sé pa tout tan n-ap ginyin-m. Sé sa-l kapab li fè : li anbomé kò-m davans pou lantèman-an. An vérité mouin di nou, tout koté y-ap préché bòn nouvèl sa-a sou tout tè-a, y-ap rakonté tou sa-l fè-a pou fè sonjé-l ».

Yo promèt Juda Iskariòt pou yo ba-l lajan.

Juda Iskariòt, youn nan douz yo, al jouinn chèf prèt yo, pou-l rinmèt li ba yo. Lè yo tandé sa, yo kontan épi yo promèt li y-ap ba-l lajan. Li t-ap chèché kijan li t-ap bay li nan yon bon okazion.

*Koté sal a manjé-m nan, koté pou-m manjé Pak la
avèk disip mouin yo ?*

Prémié jou Azim yo, lè yo t-ap sakrifié Pak la, disip yo di-l : « Koté ou vlé pou-n al paré pou ou pou-ou manjé Pak la ? »

Li voyé dé nan disip li yo, li di yo : « Alé nan vil la, yon mésié ap rankontré nou, l-ap poté yon krich dlo, suiv li, épi koté-l antré-a, di mèt kay la ; Mèt la di : “Koté sal a manjé-m nan, koté pou-m manjé Pak la ansanm ak disip mouin yo ?” L-a montré nou yon gran sal nan chanmòt la ki tou paré ; sé la n-a paré pou nou ».

Disip yo alé, yo rivé nan vil la, yo jouinn jan-l té di-a, yo paré Pak la.

Youn nan nou ap trayi-m, sa k-ap manjé avèk mouin-an.

Lè asouè rivé, li rivé ansanm avèk douz yo. Pandan yo kouché, y-ap manjé, Jézu di : « Amèn, mouin di nou, youn nan nou ap trayi-m, youn k-ap manjé ansanm avèk mouin ».

Yo kòmansé vi-n tris, yo chak pran di-l : « Èské sé mouin ? »

Li di yo : « Youn nan douz yo, k-ap tranpé pin ansanm avèk mouin nan plat la. Pitit moun nan ap pati, jan sa ékri sou li-a min ala malè pou moun sa-a ki rinmèt Pitit moun nan ! Li t-a pi bon pou li, si moun sa-a pa-t janm fèt ».

Sa-a sé Kò mouin, sa-a sé San mouin, san nouvo aliens la.

Pandan y-ap manjé, Jézu pran pin, li béni-l, li kasé-l, li ba yo, li di : « Pran, sa-a sé kò mouin ». Li pran kalis la, li di mési, li ba yo, yo tout yo bouè nan li. Li di yo : « Sa-a sé San mouin, san nouvo aliens la, ki vidé pou tout pakèt moun yo. Amèn, mouin di nou, mouin pap bouè nan foui pié rézin sa-a ankò jous nan jou sa-a koté m-ap bouè-l tou nouvo nan péyi-roua Bondié-a ».

Anvan kòk la chanté dé foua, ou-ap gin tan nié-m toua foua.

Lè yo fi-n chanté kantik pou di Bondié mési-a, yo soti, y-al sou mòn pié Oliv yo.

Jézu di : « Nou tout n-ap skandalizé poutèt mouin nan nuit sa-a minm, paské min sa ki ékri : “M-ap frapé gadyin-an, mouton yo ap gayé”. Min, lè m-ap fi-n résisité, m-ap pran dévan nou nan Galilé ».

Piè minm di-l : « Minm si tout moun skandalizé poutèt ou, sé pa mouin minm ».

Jézu di-l : « Amèn, mouin di-ou, jodi-a minm, nan nuit sa-a minm, anvan kòk la chanté dé foua, ou-ap gin tan nié-m toua foua.

Li minm minm li t-ap déklaré pi rèd : « Minm si-m doué mouri ansanm avèk ou, mouin pap nié-ou ». Yo tout t-ap di minm jan.

Li kòmansé sézi, kè-l séré.

Yo rivé nan yon jadin yo rélé Jétsémani, Li di disip li yo : « Rété isit la pandan m-ap lapriyé ». Li pran Piè ak Jak ansanm avèk Jan avèk li, li kòmansé sézi, kè-l séré. Li di yo . « Nanm mouin tris jous pou-m mouri : rété isit la, véyé ».

Li avansé yon ti kras, li lagé kò-l atè-a, l-ap mandé si sa kapab fèt, pou lè sa-a pasé louin-l, li di : « Abba, Papa, tout bagay posib pou ou, fè kalis sa-a pasé louin-m ; sèlman sé pa jan-m vlé, sé jan ou vlé ».

Li rivé, li jouinn yo ap dòmi. Li di Piè : « Simon, ou-ap dòmi ? ou pa kapab véyé un-èd-tan ? Véyé, lapriyé, pou nou pa antré nan tantasion. Léspri-a rapid, sé vré, min chè-a fèb ».

L-alé ankò, li lapriyé, li di minm paròl la. Li tounin ankò, li jouinn yo ap dòmi ; jé yo té lou, yo pa-t konnin ki sa pou yo té réponn li.

Li vini yon touazièm foua, li di yo : « Nou mèt dòmi atò épi répozé. Sa kont : lè-a rivé : min yo rinmèt Pitit moun nan nan min péchè yo ; lévé, an n-alé, min sa k-ap rinmèt mouin-an toupré ».

Kinbé-l, minnin-l anba kòd.

Pandan y-ap palé toujou, Juda Iskariòt la rivé, youn nan douz yo, té gin anpil foul avèk li avèk épé ak baton, sé prêt yo ak skrib yo ak ansyin yo ki té voyé yo. Sa-a ki té trayi-l la té ba yo sign sa-a, li té di : « Sa-a m-ap bo-a, sé li minm, kinbé-l, minnin-l antan nou sivéyé-l byin ».

Lè yo rivé, minm lè-a li proche koté-l, li di : « Salu, Rabi » ; li bo-l. Yo mét min sou li, yo kinbé-l. Youn nan sa-k té koté-l yo ralé épé-l, li frapé sèvitè gran prêt la, li koupé ti bout zòrèy li.

Jézu pran laparòl, li di yo : « Sé tankou pou yon vòlè, nou soti ak épé ak baton pou nou kinbé-m. Chak jou mouin té lakay nou nan Tanp la, mouin t-ap bay ansègnman épi nou pa-t kinbé-m ; min sé pou sa-k ékri yo té kapab akonpli ». Lè sa-a disip li yo kité-l, yo tout sové kò yo.

Té gin yon ti gason ki t-ap suiv li, li té abiyé ak yon dra sou kò-l tou nu ; yo kinbé-l. Li minm, li kité dra-a, li sové kò-l tou nu.

Èské ou sé Kris la, Pitit Bondié ki béni-an ?

Yo kondui Jézu bay chèf prèt la, yo rasanblé tout prèt yo ak skrib yo ak ansyin yo. Piè minm t-ap suiv dé louin, jous anndan-an, nan lakou gran prèt la, li chita avèk sèvitè yo bò difé-a l-ap chofé kò-l.

Gran prèt yo minm ansanm ak tout manb yo ki té rasanblé yo, yo t-ap chèché yon témouagnaj kont Jézu, pou yo kondané-l amò, min yo pa-t jouinn. Anpil fo-témouin t-ap fè dépozision kont li, min témouagnaj yo pa-t akòdé. Gin kèk fo-témouin ki lévé, yo dépozé kont li, yo di : « Nou té tandé-l di : “M-ap détoui Tanp sa-a ki fèt ak min moun nan, épi nan toua jou m-ap bati yon lòt ki pa fèt ak min moun” ». Min témouagnaj yo-a pa-t konkòdé.

Gran prèt la lévé nan mitan, li pozé Jézu késion, li di : « Ou pa réponn anyin nan akizasion yo dépozé kont ou yo ? » Li minm li pé bouch li, li pa réponn anyin. Gran prèt la pozé-l késion ankò, li di-l : « Èské-ou sé Kris la, Pitit Bondié ki béni-an ? »

Jézu minm di-l : « Sé mouin minm ; épi n-ap ouè Pitit moun nan ki chita adouat pouvoua Bondié-a k-ap vini ansanm ak niaj yo nan sièl la ».

Gran prèt la chiré rad li, li di : « Sa nou bézouin témouin ankò ? Nou tandé blasfèm nan ; sa nou di nan sa ? » Yo tout yo kondané-l, yo di li mérité lanmò.

Kèk nan yo kòmansé kraché sou li, yo voualé fas li, yo ba-l souflèt, yo di-l : « Profétizé ». Épi sèvitè yo t-ap frapé-l avèk kou.

Mouin pa rékonèt moun sa-a ou-ap palé-a.

Pandan Piè té anba-a nan lakou-a, gin yon moun nan sèvitè gran prèt yo ki rivé, li ouè Piè k-ap chofé kò-l, li gadé-l dépi anro jous anba, li di : « Ou minm tou, ou té avèk Jézu moun Nazarèt la ».

Piè minm nié, li di : « Mouin pa konnin ni mouin pa konprann sa-ou vlé di-a ». L-alé déyò dévan lakou-a, épi kòk la chanté.

Apré sa, sèvant la ouè-l ankò, li kòmansé di moun yo ki té kanpé toutotou yo, li té nan pami yo. Li minm minm li nié ankò.

Apré yon ti moman ankò moun yo ki té kanpé bò kot Piè-a, yo di-l : « Sé vré, ou sé youn nan yo, laprèv, ou sé Galiléyin tou ».

Li minm li kòmansé rélé madichon sou li, li fè sèman : « Mouin pa rékonèt moun sa-a n-ap palé-a ». Minm lè-a kòk la chanté ankò. Piè

minm sonjé paròl Jézu té di-l la : « Anvan kòk la chanté dé foua, ou-ap nié-m toua foua ». Li pran kriyé.

Èské nou vlé mouin lagé roua Juif yo ?

Granmatin, gran prèt yo avèk anyin yo ak skrib yo ak tout sanédrin-an yo rasanblé, yo maré Jézu, yo kondui-l, yo rimmèt li bay Pilat. Pilat pozé Jézu késion : « Èské-ou sé roua Juif yo ? »

Li minm li pran laparòl, li di-l : « Ou di-l ». Gran prèt yo akizé-l sou anpil pouin.

Pilat minm rékòmansé pozé-l késion, li di : « Ou pa réponn anyin ? Gadé sou konbyin pouin y-ap akizé-ou ». Jézu minm pa réponn anyin minm ankò atèl pouin Pilat té sézi.

Pou jou fèt la, li té konn abitué lagé youn nan prizonié yo ba yo, sa yo té konn mandé-a. Té gin youn yo té rélé Barabas, yo té arété-l ansanm avèk moun ki révòlté yo, pandan révòlt la li té fè yon krim. Lè foul la monté, li kòmansé mandé, jan-l té konn fè pou yo-a. Pilat minm réponn yo, li di : « Èské nou vlé pou-m lagé roua Juif yo ba nou ? » Li té konnin réyèlman sé poutèt jalouzi gran prèt yo té bay li. Gran prèt yo minm éksité foul la, pou-l fè lagé Barabas pito ba yo.

Pilat pran laparòl ankò, li di yo : « Ki sa nou vlé pou-m fè avèk roua Juif yo ? »

Yo minm yo rélé byin fò : « Klouré-l sou koua ».

Pilat minm di yo : « Ki sa-l fè ki mal ? »

Yo minm yo rélé pi fò toujou : « Klouré-l sou koua ».

Pilat désidé bay pèp la satisfaksion, li lagé Barabas ba yo, li rimmèt Jézu pou yo bat li épi pou yo klouré-l sou koua.

Yo pozé kouròn très pikan sou li.

Sòlda yo minm kondui-l nan lakou préfè-a, yo asanblé tout foul sòlda yo. Yo abiyé-l ak yon rad rouj, yo pozé yon kouròn très pikan sou li. Yo kòmansé salié-l : « Salu, roua Juif yo ». Yo frapé tèt li ak yon rozo, yo kraché sou li, yo ajénou dévan-l pou adoré-l.

Lè yo fi-n pasé-l nan jouèt, yo dézabiyé-l ak rad rouj la, yo abiyé-l ak pròp rad pa-l ; yo kondui-l pou yo klouré-l sou koua.

Yo kondui-l yon koté yo rélé Golgota.

Yo pozé min sou yon moun ki t-ap pasé, pou-l poté koua-l la, yo té rélé-l Simon, moun Sirèn, li té vi-n sot nan jadin, sé papa Aléksann ak Rufus. Yo kondui Jézu jous nan plas Golgota-a, sa vlé di plas anlè tèt la.

Yo mété-l ansanm ak péchè yo.

Yo ba-l bouè lamir mélé ak divin, li pa pran-l. Moun ki té klouré-l sou koua-a, yo séparé rad li yo, yo joué zo sou yo, pou yo ouè sa chak moun ap jouinn. Sé té touazièm è-a, yo klouré-l sou koua. Rézon kondanasion-l nan té ékri : « Roua Juif yo ». Yo té klouré dé asasin ansanm avèk li sou koua, youn adouat épi yon lòt agoch li. Épi sa-k ékri-a té akonpli, sa-k di-a : « Yo mété pòsion pa-l ansanm ak moun péché yo ».

Li sovè dèt, li pa kapab sovè pròp tèt li.

Moun ki t-ap pasé yo, yo t-ap blasfémé-l, yo t-ap di : « Ébyin, ou minm k-ap krazé Tanp la pou-ou rébati-l nan toua jou-a, sé pou-ou sovè pròp tèt ou, désann sot sou koua-a ».

Konsa tou gran prèt yo t-ap pasé-l nan jouèt antré yo, ansanm ak skrib yo, yo t-ap di : « Li sovè dèt, li pa kapab sovè pròp tèt pa-l. Kris, roua Israël la, sé pou-l désann koulié-a sot sou koua-a, pou nou ouè, pou nou kouè ». Moun yo ki té klouré sou koua-a ansanm avèk li-a yo minm tou yo t-ap jouré-l.

Jézu pousé yon gran rèl, li rann souf li.

Lè sizièm è-a rivé, fènoua rivé sou tout tè-a jous névièm è-a. Nan névièm è-a, Jézu pousé yon gran rèl, li di : « Éloyi, Éloyi, lama sabaktani ? » sa vlé di : « Bondié mouin, Bondié mouin, pouki sa ou lagé-m nan ? »

Kèk nan sa-k té kanpé la-a, yo tandé, yo di : « Gadé, l-ap rélé Éli ». Youn nan yo kouri, li plin yon éponj ak vinèg, li mété-l nan pouint yon rozo, li ba-l bouè, li di : « Kité, n-ap ouè si Éli ap vi-n pou-l désann li ».

Jézu minm, lagé yon gran rèl, li rann souf li.

Isit la, yo fè jénifléksion, yo rété yon ti moman an silans.

Voual Tanp la chiré an dé, dépi anro jous anba. Lè santirion-an ouè sa, li minm ki té kanpé an fas la, kijan-l rélé byin fò, épi li rann souf li-a, li di : « Vrèman mesié sa-a sé Pitit Bondié li té yé ». Té gin médam ki t-ap gadé dé louin, nan pami yo té gin Mari Madlèn, ak Mari manman ti Jak ak Jozèf, ak Salomé, lè yo té nan Galilé, yo té konn ap suiv li, yo té konn

okipé-l, té gin anpil dèt médam tou ki té monté ansanm avèk li Jérusalèm.

Jozèf roulé ròch la sou bouch kavo-a.

Kòm asouè té déjà rivé, sé té pou préparasion-an, lavèy saba-a, Jozèf moun Arimati-a rivé, sé té yon moun ki gin konsidérasion, li té fè pati konsèy la ; li minm tou li t-ap tann péyi-roua Bondié-a, li antré kot Pilat avèk asirans, li mandé kò Jézu. Pilat minm sézi pou Jézu t-a mouri déjà, li fè rélé santirion-an, li mandé-l si Jézu té mouri déjà. Lè santirion-an fè-l konnin sa, li rinmèt Jozèf kò-a. Jozèf minm achté yon dra, li désann li, li vlopé-l nan dra-a, li pozé-l nan kavo-a, ki té fouyé nan ròch la, li roulé yon ròch sou bouch kavo-a. Mari Madlèn minm ak Mari manman Jozèf t-ap gadé koté yo té dépozé-l.

oubyin pi kout

Soufrans Granmèt nou Jézu-Kri dapré Mark

15, 1-39

Èské nou vlé mouin lagé roua Juif yo ba nou ?

Granmatin, byin vit, gran prèt yo avèk ansyin yo ak skrib yo ak tout sanédrin-an yo rasanblé, yo maré Jézu, yo kondui-l, yo rinmèt li bay Pilat. Pilat pozé Jézu késion : « Èské-ou sé roua Juif yo ? »

Li minm li pran laparòl, li di-l : « Ou di-l ». Gran prèt yo akizé-l, sou anpil pouin.

Pilat minm rékòmansé pozé-l késion, li di : « Ou pa réponn anyin ? Gadé sou konbyin pouin y-ap akizé-ou ». Jézu minm pa réponn anyin minm ankò, atèl pouin Pilat té sézi.

Pou jou fèt la, li té konn abitué lagé youn nan prizonié yo ba yo, sa yo té konn mandé-a. Té gin youn yo té rélé Barabas, yo té arété-l ansanm avèk moun ki révòlté yo, pandan révòlt la li té fè yon krim. Lè foul la monté, li kòmansé mandé, jan-l té konn fè pou yo-a. Pilat minm réponn yo li di : « Èské nou vlé pou-m lagé roua Juif yo ba nou ? » Li té konnin réyèlman sé poutèt jalouzi gran prèt yo té bay li. Gran prèt yo minm éksité foul la, pou-l fè lagé Barabas pito ba yo.

Pilat pran laparòl ankò, li di yo : « Ki sa nou vlé pou-m fè avèk roua Juif yo ? »

Yo minm yo rélé byin fò : « Klouré-l sou koua ».

Pilat minm di yo : « Ki sa-l fè ki mal ? »

Yo minm yo rélé pi fò toujou : « Klouré-l sou koua ».

Pilat desidé bay pèp la satisfaksion, li lagé Barabas ba yo, li rinmèt Jézu pou yo bat li épi pou yo klouré-l sou koua.

Yo pozé kouròn très pikan sou li.

Sòlda yo minm kondui-l nan lakou préfè-a, yo rasanblé tout foul sòlda yo. Yo abiyé-l ak yon rad rouj, yo pozé yon kouròn très pikan sou li. Yo kòmansé salié-l : « Salu, roua Juif yo ». Yo frapé tèt li ak yon rozo, yo kraché sou li, yo ajénou dévan-l pou adoré-l.

Lè yo fi-n pasé-l nan jouèt, yo dézabiyé-l ak rad rouj la, yo abiyé-l ak pròp rad pa-l ; yo kondui-l pou yo klouré-l sou koua.

Yo kondui-l yon koté yo rélé Golgota.

Yo pozé min sou yon moun ki t-ap pasé, pou-l poté koua-l la, yo té rélé-l Simon, moun Sirèn, li té vi-n sot nan jadin, sé papa Aléksan ak Rufus. Yo kondui Jézu jous nan plas Gòlgota-a, sa vlé di plas anlè tèt la.

Yo mété-l ansanm ak péchè yo.

Yo ba-l bouè lamir mélé ak divin, li pa pran-l. Moun yo ki té klouré-l sou koua-a yo séparé rad li yo, yo joué zo sou yo, pou yo ouè sa chak moun ap jouinn. Sé té touazièm è-a, yo klouré-l sou koua. Rézon kondanasion-l nan té ékri : « Roua Juif yo ». Yo té klouré dé asasin ansanm avèk li sou koua, youn adouat épi yon lòt agoch li. Konsa sa-k ékri-a akonpli, sa-k di-a : « Yo mété pòsion pa-l ansanm ak péchè yo ».

Li sové dèt, li pa kapab sové pròp tèt li.

Moun ki t-a pasé yo, yo t-ap blasfémé-l, yo t-ap souké tèt yo, yo t-ap di : « Ébyin, ou minm k-ap krazé Tanp Bondié-a pou-ou rébati-l nan toua jou-a, sé pou-ou sové pròp tèt ou, désann sot sou koua-a ».

Konsa tou gran prèt yo t-ap pasé-l nan jouèt antré yo, ansanm ak skrib yo, yo t-ap di : « Li sové dèt, li pa kapab sové pròp tèt pa-l. Kris, roua Israèl la sé pou-l désann koulié-a sot sou koua-a, pou nou ouè, pou nou kouè ». Moun yo ki té klouré sou koua-a ansanm avèk li-a, yo minm tou yo t-ap jouré-l.

Jézu pousé yon gran rèl, li rann souf li.

Lè sizièm è-a, fènoua rivé sou tout tè-a jous névièm è-a. Nan névièm è-a, Jézu pousé yon gran rèl, li di : « Éloyi, Éloyi, lama sabaktani ? » sa vlé di : « Bondié mouin, Bondié mouin, pouki sa ou lagé-m nan ? »

Kèk nan sa-k té kanpé la-a, yo tandé, yo di : « Gadé, l-ap rélé Éli ». Youn nan yo kouri, li plin yon éponj ak vinèg, li mété-l nan pouint yon rozo, li ba-l bouè, li di : « Kité, n-ap ouè si Éli ap vi-n pou-l désann li ».

Jézu minm lagé yon gran rèl, li rann souf li.

Isit la, yo fè jénifléksion, yo rété yon ti moman an silans.

Voual Tanp la chiré an dé, dépi anro jous anba. Lè santirion-an ouè sa, li minm ki té kanpé an fas la, kijan-l rélé byin fò, épi li rann souf li-a, li di : « Vrèman mésié sa-a sé Pitit Bondié li té yé ».

Ané C

Soufrans Granmèt nou Jézu-Kri daprè Luk

22, 14-23, 56

*Sé pa ti kras anvî mouin té anvî manjé Pak sa-a avèk nou,
anvan-m soufri-a.*

Lè lè-a rivé, Jézu atablé, avèk douz apot yo avèk li. Li di yo : « Sé pa ti kras anvî mouin té anvî manjé Pak sa-a avèk nou, anvan-m soufri-a. Sèké mouin di nou, mouin pap manjé-l ankò, joutan li réalizé nan péyiroua Bondié-a ».

Li pran kalis la, li di Bondié mési, li di : « Pran, séparé antré nou. Mouin di nou sa : mouin pap bouè nan foui pié rézin-an, joutan péyiroua Bondié-a rivé ».

Fè sa pou nou fè sonjé-m.

Li pran pin-an, li di Bondié mési, li kasé-l, li ba yo, li di : « Sa-a sé Kò-m, yo bay pou nou-an : fè sa pou nou fè sonjé-m ». Minm jan-an tou pou kalis la, lè-l fi-n manjé, li di : « Sa-a sé Kalis nouvo téstaman-an nan san-m nan, ki vidé pou nou-an.

Madichon pou moun sa-a ki sèvi lantrémiz pou yo bay pitit moun nan.

Sèlman min min sa-a k-ap bay mouin-an, li avèk mouin sou tab la. Pitit moun nan apralé, dapré sa-k réglé-a, sé vré ; sèlman madichon pou moun sa-a ki sèvi lantrémiz pou bay li-a ! » Yo kòmansé ap chèché nan pami yo, kilès nan yo ki t-apral fè bagay sa-a.

Moun minm mouin nan mitan nou tankou sa-a k-ap sèvi-a.

Min vi-n gin diskision nan pami yo, kilès nan yo ki té konsidéré kòm pi gran.

Li di yo : « Roua nasion yo kòmandé yo, moun ki gin pouvoua sou yo, yo rélé yo byinfètè. Kanta pou nou minm, sa pap konsa ; min sa-a ki pi gran nan nou-an, sé pou-l tankou pi piti-a, épi sa-a ki gin pi gro plas la, sé pou-l tankou sa-a k-ap sèvi-a. Ébyin kilès ki pi gran-an, èské sé sa-k sou tab la oubyin sa k-ap sèvi-a ? èské sé pa sa-k sou tab la ? Époutan, mouin minm minm mouin nan mitan nou tankou sa-a k-ap sèvi-a.

Nou minm minm, sé nou minm ki té rété avèk mouin nan tray ki t-ap séyé-m yo, kanta mouin minm mouin préparé péyi-roua-a pou nou, jan Papa-m té préparé pou mouin-an, pou nou manjé, pou nou bouè sou tab mouin nan péyi-roua-m nan, pou nou chita sou fotèy yo, ap jijé douz fanmi Israël yo ».

Ou minm minm, lè-ou tounin, asiré frè-ou yo.

Granmèt la di : « Simon, Simon, min Satan réklamé nou pou-l pasé nou nan pasoua tankou blé ; min mouin lapriyé pou ou, pou lafoua-ou pa tonbé, ou minm minm, lè-ou tounin, asiré frè-ou yo ». Li minm minm, li di-l : « Granmèt, mouin paré pou-m alé avèk ou ni nan prizon, ni nan lanmò ». Min li di : « Mouin di-ou Piè, jodi-a kòk la pap chanté, anvan-ou nié toua foua ou konnin-m ».

Sa-k ékri-a, sé pou-l réalizé nan mouin.

Li di yo : « Lè-m té voyé nou san sak, san bous, san soulié-a, èské nou té manké kichòy ? »

Yo di : « Anyin ».

Li di yo : « Ébyin koulié-a, moun ki gin bous, sé pou-l pran-l, minm jan tou pou sak la ; épi moun ki pa ginyin, sé pou-l vann chémiz li, pou-l achte yon épé. Sèké mouin di nou sa-k ékri-a gin pou-l akonpli nan mouin déjà : “Yo konté-l nan pami méchan yo”. Réyéلمان, sa-k konsèné-m yo, yo rivé nan finisman yo ».

Yo di : « Granmèt, min dé épé isit la ».

Li di yo : « Sa kont ».

Li antré nan agoni, li t-ap lapriyè pi plis.

Li sòti, l-alé, jan-l té konn abitué fè-a, sou mòn pié Oliv yo. Disip li yo t-ap suiv li. Lè-l rivé nan koté-a, li di yo : « Lapriyè pou nou pa antré nan tantasion ».

Li pati sot koté yo-a, distans yo t-a kapab voyé yon kout ròch, li pozé jénou-l atè, li t-ap lapriyè, li t-ap di : « Papa, si-ou vlé, ouété kalis sa-a sot koté-m ; sèlman sé pa volonté-m, sé pa-ou la ki pou fèt ». Yon anj parèt dévan-l sot nan sièl la, l-ap konsolé-l. Li antré nan agoni, li t-ap lapriyè pi plis. Suè-l té tankou gout san k-ap kouté sou tè-a.

Lè-l lévé sot nan lapriyè-a, li rivé kot disip li yo, li jouinn yo ap dòmi avèk tristès, li di yo : « Pouki sa n-ap dòmi-an ? Lévé, lapriyè, pou nou pa antré nan tantasion ».

Juda, ak yon bo, ou bay Pitit moun nan ?

Pandan l-ap palé toujou, foul la rivé ; sa yo té rélé Juda-a, youn nan douz yo, li t-ap maché dévan yo, li proché kot Jézu pou-l bo-l. Jézu minm di-l : « Juda, sé ak yon bo, ou bay Pitit moun nan ? »

Sa yo ki té entouré-l yo, lè yo ouè sa k-apral rivé, yo di-l : « Granmèt, si nou té frapé ak épé ? » Youn nan yo frapé sèvitè gran prèt la, li koupé zòrèy douat li. Jézu pran laparòl, li di : « Kité sa la ». Li touché zòrèy li, li géri-l.

Jézu di moun yo ki té vi-n sou li yo, gran prèt yo, majistra Tanp la, ak ansyin yo : « Sé tankou pou yon vòlè, nou soti ak épé, ak baton. Lè-m té nan Tanp la chak jou avèk nou-an, nou pa-t lonjé min nou sou mouin.

Min sa-a sé lè pa nou, ak pouvoua fènoua yo ».

Piè sòti déyò, li kriyé san.

Yo arété-l, yo kondui-l nan kay gran prèt la ; Piè minm t-ap suiv byin louin. Té gin yon difé ki té limin nan mitan lakou-a, moun yo té chita alantou-l. Piè té nan mitan yo. Yon sèvant ouè-l chita nan limiè-a, li égzaminé-l, li di : « Sa-a té avèk li ».

Li minm, li nié-l, li di : « Madanm, mouin pa konnin-l ».

Apré yon ti moman, yon lòt ouè-l, li di : « Ou minm tou, ou té avèk yo ».

Piè minm di : « Monchè, sé pa mouin ».

Apéprè inè-d-tan konsa fi-n pasé, yon lòt moun sètifié, li di : « Sètènman sa-a tou té avèk li ; paské sé Galiléyin li yé ».

Piè di : « Monchè, mouin pa konnin sa-ou ap di la-a ». Minm lè-a, pandan l-ap palé toujou, yon kòk chanté.

Granmèt la viré, li gadé Piè. Piè minm vi-n sonjé paròl Granmèt la, jan-l té di-a ; « Anvan kòk la chanté, ou-ap nié-m toua foua ». Piè soti déyò, li kriyé avèk yon gou anmè.

Profétizé : ki moun ki frapé-ou la ?

Mésié yo ki t-ap sivéyé-l la, yo t-ap pasé-l nan jouèt, yo t-ap frapé-l. Yo mété yon voual sou li, yo t-ap frapé fas li, yo t-ap pozé-l késion, yo t-ap di : « Profétizé, ki moun ki frapé-ou la ? » Yo t-ap di anpil lòt bagay kont li, antan yo t-ap blasfémé-l.

Yo kondui-l nan tribinal yo-a.

Lè jou rivé, ansyin yo nan pèp la, gran prèt yo ak skrib yo kondui-l nan tribinal yo-a, yo di : « Si-ou sé Kris la, di nou ».

Li di yo : « Si-m di nou, nou pap kouè-m ; si-m pozé nou késion, nou pap réponn mouin, ni nou pap lagé-m. Min dépi koulié-a Pitit moun nan ap chita adouat pouvoua Bondié-a ».

Yo tout, yo di-l : « Konsa ou sé Pitit Bondié ? »

Li di : « Nou di-l, sé sa mouin yé ».

Yo di : « Sa nou bézouin témouagnaj ankò ? Nou minm minm nou tandé sa-k soti nan bouch li ».

Tout foul yo-a lévé, yo kondui-l bay Pilat.

Mouin pa jouinn okinn kòz nan mésié sa-a.

Yo kòmansé akizé-l, yo di : « Nou jouinn mésié sa-a k-ap soulvé nasion nou-an, li réfizé pou yo péyé taks bay Sézar, li di li sé Kris, li sé roua ».

Pilat minm pozé-l késion, li di : « Ou sé roua Juif yo ? »

Li réponn, li di : « Sé sa-ou di-a ».

Pilat minm di gran prèt yo ak foul yo : « Mouin pa jouinn okinn koz nan mésié sa-a ».

Min yo minm minm, yo t-ap apuiyé pi plis, yo t-ap di : « L-ap troublé pèp la, antan l-ap bay ansègnman nan tout Judé-a, kòmansé dépi Galilé jous isit la ».

Lè Pilat tandé mo Galilé-a, li mandé si mésié-a té Galiléyin. Lè-l aprann sé anba pouvoua Éròd li té yé, li rimmèt li bay Éròd, ki té Jérusalèm tou jou sa yo.

Éròd méprizé-l, ansanm ak tout sòlda-l yo.

Éròd minm, lè-l ouè Jézu, li kontan anpil ; sèké sa té fè lontan li té anvè ouè-l, paské li té tandé anpil bagay li té fè, li té espéré li t-ap fè-l ouè kèk sign. Li pozé-l kèsion ak anpil paròl ; min li minm, li pa réponn anyin. Chèf prèt yo minm té kanpé, ni skrib yo tou, yo t-ap akizé-l san rété, Éròd minm méprizé-l, ansanm ak sòlsa-l yo tou, li pasé-l nan jouèt, antan-l abiyé-l ak yon rad blan, li rimmèt li bay Pilat. Éròd ak Pilat vi-n zanmi dépi jou sa-a : sèké anvan sa, sé ènmi yo té yé youn parapò a lòt.

Pilat rimmèt Jézu pou yo fè sa yo vlé.

Pilat minm rasanblé gran prèt yo ak majistra yo ak foul la, li di yo : « Nou minnin mésié sa-a ban mouin kòm si l-ap soulvé pèp la, époutan min mouin pozé-l kèsion dévan nou, mouin pa jouinn okinn koz nan mésié sa-a, nan bagay nou akizé-l yo. Min ni Éròd tou ; sèké mouin té voyé nou ba li, min nan pouin anyin ki mérité lanmò nan li. M-ap korijé-l, épi m-ap lagé-l ».

Li té blijé lagé yon moun ba yo pou jou fèt la. Tout foul la ansanm lévé voua-l byin fò, li di : « Fè sa-a disparèt, lagé Barabas ban nou », sa yo té mét nan prizon-an, poutèt yon révòlt ki té fèt nan vil la avèk yon krim.

Pilat rékòmansé palé avèk yo ankò, paské li té vlé lagé Jézu. Yo minm minm yo rélé pi fò, y-ap di : « Klouré-l sou koua ».

Li minm minm, pou touazièm foua-a li di yo : « Ki sa-l fè ki mal ? Mouin pa jouinn okinn koz lanmò nan li, m-ap korijé-l, épi m-ap lagé-l ». Min yo minm yo insisté antan yo lévé voua yo pi ro, yo mandé pou yo klouré-l sou koua, yo t-ap lévé voua yo tout tan pi fò.

Pilat minm bay santans pou sa yo mandé-a réalisé. Moun nan yo té mét nan prizon pou krim ak révòlt la, li lagé-l ba yo, li minm yo té réklamé-a ; kanta Jézu minm, li rimmèt li bay volonté yo.

Fi Jérusalèm yo, pa kriyé sou mouin.

Pandan y-ap kondui-l, yo mét min sou Simon, yon moun Sirèn ki té vi-n sot nan jadin, yo blijé-l poté koua-a dèyè Jézu.

Yon gran foul pèp la t-ap suiv li, ni médam ki t-ap kriyé, ki t-ap plinn sou li, Jézu viré nan diréksion yo, li di : « Fi Jérusalèm yo, pa kriyé sou mouin, min sé sou nou minm minm pou nou kriyé ak sou pitit nou yo ; paské min jou ap rivé, koté y-ap di : “Ala kontantman pou fi ki pa kapab fè pitit yo, ak vant ki pa-t anfanté yo, ak tété ki pa-t bay lèt yo”. Lè sa-a y-ap kòmansé di mòn yo : “Tonbé sou nou”, épi ti rotè yo “Kouvri nou”. Paské, si yo aji konsa ak boua vèt la, ki sa y-ap fè boua sèk la ? »

Yo t-ap kondui dèt, dé kriminèl, avèk li, pou yo touyé yo.

Papa, padonnin yo ; sèké yo pa konnin sa y-ap fè.

Lè yo fi-n rivé koté yo rélé Kalvè-a, sé la yo klouré-l sou koua-a avèk vòlè yo, youn adouat, lòt la agoch. Jézu minm t-ap di : « Papa, padonnin yo ; sèké yo pa konnin ki sa y-ap fè ». Yo séparé rad li yo, antan yo joué zo sou yo.

Sa-a sé roua Juif yo.

Pèp la té kanpé l-ap gadé, gran prèt yo t-ap pasé-l nan jouèt antré yo, yo t-ap di : « Li sovè dèt, sé pou-l sovè pròp tèt li, si-l sé Kris la, sa Bondié chouazi-a ». Sòlda yo tou t-ap pasé-l nan jouèt, yo proché, yo ofri-l vinèg, y-ap di : « Si-ou sé roua Juif yo, sovè pròp tèt ou ».

Té gin yon pankat ki ékri anlè-l, nan lèt grèk, latin ak ébré : « Sa-a sé roua Juif yo ».

Jodi-a minm ou-ap avèk mouin nan paradi-a.

Youn nan sa yo ki té pandié yo, nan vòlè yo, li t-ap blasfémé-l, li t-ap di : « Si-ou sé Kris la, sovè pròp tèt ou, ni nou minm tou ».

Lòt la minm pran laparòl, li fè-l répròch, li di-l : « Ou minm tou, ou pa krinn Bondié, ou ki nan minm kondanasion-an ? Pou nou, sé jistis, paské nou résévoua sa nou mérité pou aksion nou yo ; sa-a minm, li pa-t fè anyin ki mal ». Li t-ap di Jézu : « Granmèt, sonjé-m, lè ou-ap vini nan péyi-roua-ou la ».

Jézu di-l : « Amèn mouin di-ou, jodi-a minm ou-ap avèk mouin nan Paradi-a ».

Papa, nan min-ou, mouin rinmèt Éspri-m.

Li té prèské midi, fènoua té rivé sou tout tè-a, jous touazè. Solèy la vi-n tou noua, voual Tanp la chiré nan mitan. Jézu pousé yon rèl avèk voua-l byin fò, li di : « Papa, nan min-ou mouin rinmèt Éspri-m ». Pandan l-ap di sa, souf li pati,

Isit la, yo fè jéniflèksion, yo fè yon ti pòz.

Lè santirion-an ouè sa-k rivé, li rann Bondié gloua, li di : « Vrèman, mésié sa-a té kòrèk ». Tout foul yo ki té vini ansanm pou yo gadé bagay sa-a, épi ki té ouè sa-k pasé, yo t-ap tounin antan y-ap frapé léstomak yo. Min tout zanmi-l yo té kanpé louin, ni médam yo ki té suiv li dépi sot nan Galilé-a, épi ki t-ap gadé bagay sa yo.

Jozèf dépozé kò Jézu nan yon kavò yo fouyé nan ròch.

Gin yon mésié yo rélé Jozèf, li té fè pati konsèy la, sé té yon moun ki bon, ki kòrèk (li pa-t konsanti nan désizyon yo avèk aksion yo), sé té moun Arimati, yon vil Judé, li minm tou li t-ap tann péyi roua Bondié-a. Li proche kot Pilat, li mandé kò Jézu ; li vlopé-l nan yon dra, lè yo vi-n désann li sou koua-a, li dépozé-l nan yon kavò ki fouyé nan ròch, koté yo pa-t ko mété pèsòn. Sé té jou préparasion Pak la, saba-a té kòmansé ap kléré.

Médam yo rivé apré, yo minm ki té vi-n sot dépi Galilé-a, yo ouè kavò-a épi kijan kò-l té pozé, yo tounin, yo paré losion ak pomad ; pandan saba-a minm, yo rét tranquil, dapré kòmandman-an.

oubyin pi kout

Soufrans Granmèt nou Jézu-Kri dapré Luk

23, 1-49

Lè sa-a :

Ansyin pèp yo ak gran prèt yo ak skrib yo lévé, yon kondui Jézu bay Pilat.

Mouin pa jouinn okinn kòz nan mésié sa-a.

Yo kòmansé akizé-l, yo di : « Nou jouinn mésié sa-a k-ap soulvé nasion nou-an, li réfizé pou yo péyé taks bay Sézar, li di li sé Kris, li sé roua ».

Pilat minm pozé-l késion, li di : « Ou sé roua Juif yo ? »

Li réponn, li di : « Sé sa-ou di-a ».

Pilat minm di gran prèt yo ak foul yo : « Mouin pa jouinn okinn koz nan mesié sa-a ».

Min yo minm minm, yo t-ap apuiyé pi plis, yo t-ap di : « L-ap troublé pèp la, antan l-ap bay ansègnman nan tout Judé-a, kòmansé dépi Galilé jous isit la ».

Lè Pilat tandé mo Galilé-a, li mandé si mesié-a té moun Galilé. Lè-l aprann sé anba pouvoua Èròd li té yé, li rinmèt li bay Èròd, ki té Jérusalèm tou jou sa yo.

Èròd méprizé-l, ansanm ak tout sòlda-l yo.

Èròd minm, lè-l ouè Jézu, li kontan anpil ; sèké sa té fè lontan li té anvi ouè-l paské li té tandé anpil bagay li té fè, li té espéré li t-ap fè-l ouè kèk sign. Li pozé-l késion ak anpil paròl ; min li minm minm, li pa réponn anyin. Gran prèt yo minm té kanpé, ni skrib yo tou, yo t-ap akizé-l san rété. Èròd minm méprizé-l, ansanm ak sòlsa-l yo tou, li pasé-l nan jouèt, antan-l abiyé-l ak yon rad blan, li rinmèt li bay Pilat. Èròd ak Pilat vi-n zanmi dépi jou sa-a ; sèké anvan sa, sé ènmi yo té yé youn parapò a lòt.

Pilat bay Jézu pou yo fè sa yo vlé.

Pilat minm rasanblé gran prèt yo ak majistra yo ak foul la, li di yo : « Nou minnin mesié sa-a ban mouin kòm si l-ap soulvé pèp la, époutan min mouin pozé-l késion dévan nou, mouin pa jouinn okinn koz nan mesié sa-a, nan bagay nou akizé-l yo. Min ni Èròd tou ; sèké mouin té voyé nou ba li, min nan pouin anyin ki mérité lanmò nan li. M-ap korijé-l, épi m-ap lagé-l ».

Li té blijé lagé yon moun ba yo pou jou fèt la. Tout foul la ansanm lévé voua-l byin fò, li di : « Fè sa-a disparèt, lagé Barabas ba nou », sa yo té mét nan prizon-an, poutèt yon révòlt ki té fèt nan vil la avèk yon krim.

Pilat rékòmansé palé avèk yo ankò, paské li té vlé lagé Jézu. Yo minm minm yo rélé pi fò, y-ap di : « Klouré-l sou koua, klouré-l sou koua ».

Li minm minm, pou touazièm foua-a li di yo : « Ki sa-l fè ki mal ? Mouin pa jouinn okinn koz lanmò nan li, m-ap korijé-l, épi m-ap lagé-l ». Min yo minm yo insisté antan yo lévé voua yo pi ro, yo mandé pou yo klouré-l sou koua, yo t-ap lévé voua yo tout tan pi fò.

Pilat minm bay santans pou sa yo mandé-a réalizé. Moun nan, yo té mét nan prizon pou krim ak révòlt la, li lagé-l ba yo, li minm yo té réklamé-a ; kanta Jézu minm li rinmèt li bay volonté yo.

Fi Jérusalèm yo, pa kriyé sou mouin.

Pandan y-ap kondui-l, yo mét min sou Simon, yon moun Sirèn ki té vi-n sot nan jadin, yo blijé-l poté koua-a dèyè Jézu.

Yon gran foul pèp la t-ap suiv li, ni médam ki t-ap kriyé, ki t-ap plinn sou li. Jézu viré nan diréksion yo, li di : « Fi Jérusalèm yo, pa kriyé sou mouin, min sé sou nou minm pou nou kriyé ak sou pitit nou yo ; paské min jou ap rivé, koté y-ap di : “Ala kontantman pou fi ki pa kab fè pitit yo, ak vant ki pa-t anfanté yo, ak tété ki pa-t bay lèt yo”. Lè sa-a y-ap kòmansé di mòn yo : “Tonbé sou nou”, épi ti rotè yo “Kouvri nou”, paské, si yo aji konsa ak boua vèt la, ki sa y-ap fè boua sèk la ? »

Yo t-ap kondui dèt, dé kriminèl, avèk li, pou yo touyé yo.

Papa, padonnin yo ; sèké yo pa konnin sa y-ap fè.

Lè yo fi-n rivé koté yo rélé Kalvè-a, sé la yo klouré-l sou koua-a avèk vòlè yo, youn adouat, lòt la agoch. Jézu minm t-ap di : “Papa, padonnin yo ; sèké yo pa konnin ki sa y-ap fè”. Yo séparé rad li yo, antan yo joué zo sou yo.

Sa-a sé roua Juif yo.

Pèp la té kanpé l-ap gadé, gran prèt yo t-ap pasé-l nan jouèt antré yo, yo t-ap di : « Li sovè dèt, sé pou-l sovè pròp tèt li, si-l sé Kris la, sa Bondié chouazi-a ».

Sòlda yo tou t-ap pasé-l nan jouèt, yo proché, yo ofri-l vinèg, y-ap di : « Si-ou sé roua Juif yo, sovè pròp tèt ou ».

Té gin yon pankat ki ékri anlè-l, nan lèt grèk, latin ak ébré : « Sa-a sé roua Juif yo ».

Jodi-a minm ou-ap avèk mouin nan paradi-a.

Youn nan sa yo ki té pandié yo, nan vòlè yo, li t-ap blasfémé-l, li t-ap di : « Si-ou sé Kris la, sovè pròp tèt ou, ni nou minm tou ».

Lòt la minm pran laparòl, li fè-l répròch, li di-l : « Ou minm tou, ou pa krinn Bondié, ou ki nan minm kondanasion-an ? Pou nou, sé jistis, paské nou résévoua sa nou mérité pou aksion nou yo ; sa-a minm, li pa-t fè anyin ki mal ». Li t-ap di Jézu : « Granmèt, sonjé-m, lè ou-ap vini nan péyi-roua-ou la ».

Jézu di-l : « Amèn mouin di ou, jodi-a minm ou-ap avèk mouin nan Paradi-a ».

Papa, nan min-ou, mouin rinnèt Éspri-m.

Li té prèské midi, fènoua té rivé sou tout tè-a, jous touazè. Solèy la vin tou noua, voual Tanp la chiré nan mitan. Jézu pousé yon rèl avèk voual byin fò, li di : « Papa, nan min-ou mouin rinnèt Éspri-m ». Pandan l-ap di sa, souf li pati.

Isit la, yo fè jéniflèksion, yo fè yon ti pòz.

Lè santirion-an ouè sa-k rivé, li bay Bondié gloua, li di : « Vrèman, mésié sa-a té kòrèk ». Tout foul yo ki té vini ansanm pou yo gadé bagay sa-a, épi ki té ouè sa-k pasé, yo t-ap tounin antan y-ap frapé léstomak yo. Min tout zanmi-l yo té kanpé louin, ni médam yo ki té suiv li dépi sot nan Galilé-a, épi ki t-ap gadé bagay sa yo.

Lindi sin

PRÉMIÉ LÉKTU

Li pap rélé, yo pap tandé voua-l déyò.

Léktu liv profèt Izayi

42, 1-7

« Min sèvitè-m nan, m-ap soutni-l, li minm mouin chouazi-a nanm mouin jouinn plézi nan li : mouin mété Éspri-m sou li, l-ap poté jijman-an nan nasion yo. Li pap rélé, li pap konsidéré figi moun, yo pap tandé voua-l déyò. Rozo ki féfé-a, li pap krazé-l, mèch k-ap fè lafimin-an, li pap étinn li, sé nan vérité-a l-ap fè jijman-an soti. Li pap tris, li pap sakajé anyin, joutan li pozé jijman-an sou tè-a ; zilé yo ap tann laloua-l la ».

Min paròl Granmèt Bondié-a, li minm ki kréyé sièl yo, li minm ki déplouayé yo, li minm ki asiré tè-a, ni sa k-ap jèmin nan li, li minm ki bay pèp la laparòl, pèp sa-a ki sou tè-a, li minm ki mété éspri pou sa yo k-ap maché sou tè-a :

« Mouin minm Granmèt la, mouin rélé-ou nan jistis, mouin pran min-ou, mouin protéjé-ou, mouin mété-ou kòm alians pèp la, kòm limiè

nasion yo, pou-ou louvri jé avèg yo, pou-ou fè prizonié yo sot nan prizon, pou-ou fè sa-k chita nan fènoua yo soti nan kacho-a ».

Paròl Granmèt la.

PSÒM RÉPONS

Ps 26, 1. 2. 3. 13-15 (R: 1 a)

R: Granmèt la sé limiè-m ak délivrans mouin.

¹ Granmèt la sé klèté-m ak sa k-ap sové-m nan, kilès ki pou fè-m pè ?
Granmèt la sé protèktè-m, dévan kilès pou-m tranblé ? R:

² Lè moun k-ap chèché fè-m ditò yo proche sou mouin,
pou yo manjé chè-m ;
sa yo k-ap fè-m pasé tray la ak ènmi-m yo,
sé yo minm ki fébli, épi ki tonbé. R:

³ Si lamé kanpé an fas mouin,
kè-m pa gin doua pè ;
si batay lévé kont mouin,
sé nan sa mouin minm m-ap éspéré. R:

¹³ Mouin kouè m-ap jouinn byin Granmèt la nan péyi vivan yo.

¹⁴ Tann Granmèt la, aji avèk kouraj,
asiré kè-ou, sé pou-ou tann Granmèt la. R:

VÈSÈ ANVAN ÉVANJIL LA

Salu, Roua nou-an : sé ou minm sèl ki pran pitié pou fot nou yo.

ÉVANJIL

Kité-l, sé pou jou antèman-m li té konsèvé sa.

✠ Léktu sint Évanjil la dapré Jan

12, 1-11

Si jou anvan Pak la, Jézu rivé Bétani, koté Lazar té mouri-a, li minm Jézu té lévé-a. Yo té fè yon résépsion ; Mart t-ap sèvi, Lazar té nan pami moun yo ki té sou tab avèk li-a. Mari minm pran yon liv losion bon kalité ki kouté byin chè, li bingnin pié Jézu, li souyé pié-l avèk chévé-l ; kay la vi-n plin ak odè losion-an.

Youn nan disip li yo, Juda Iskariòt, sa-a ki t-ap bay li-a, li di : « Pouki sa yo pa vann losion sa-a touasan piès lajan pou yo bay pòv ? » Li té di

sa, sé pa paské li té gin konsidérasion pou pòv yo, min sé paské sé vòlè li té yé, épi sé li minm ki té gin bous la, sa yo té mété ladan-l, li té pran-l.

Konsa Jézu di : « Kité-l sé pou jou antèman-m li té konsèvé-l. Pòv yo réyéلمان, sé tout tan n-ap ginyin yo avèk nou, kanta mouin minm, nou pap ginyin-m tout tan ».

Anpil foul nan Juif yo vi-n konnin li la, yo pa vini pou Jézu sèلمان, min pou yo té kapab ouè Lazar tou, sa-a li té lévé sot nan pami mò yo. Gran prèt yo minm t-ap fè kalkil pou yo touyé Lazar tou, paské anpil moun té kité Juif yo poutèt li, yo té kouè nan Jézu.

Paròl Granmèt la.

Madi sin

PRÉMIÉ LÉKTU

*Mouin mété-ou kòm limiè nasion yo,
pou délivrans mouin rivé jous nan bout tè-a (Dézièm chan Sèvitè Granmèt la).*

Léktu liv profèt Izayi

49, 1-6

Kouté, zilé yo, fè atansion, pèp ki louin yo : Granmèt la rélé-m dépi nan vant, dépi nan zantray manman-m li sonjé non-m ; li mété bouch mouin tankou yon épé pointu, li protéjé-m nan lonbraj min-l, li mété-m tankou yon flèch ki byin chouazi, li kaché-m nan sak li.

Li di-m : « Sé sèvitè-m ou yé, Israèl, paské sé nan ou m-ap jouinn gloua mouin ». Épi mouin minm mouin té di : « Sé pou granmési mouin té travay, sé san rézon ak pou anyin mouin té dépansé fòs mouin ; époutan jijman-m avèk Granmèt la, rézilta travay mouin avèk Bondié-m nan ».

Koulié-a, min sa Granmèt la di, li minm ki fòmé-m dépi nan vant pou-m kapab vi-n tounin sèvitè-l, pou-m fè Jakòb tounin vi-n jouinn li, pou-m rasanblé Israèl ba li, mouin jouinn gloua dévan jé Granmèt la, Bondié-m nan vi-n tounin fòs mouin. Li di : « Sa pa kont pou-ou sèvitè-m pou-ou kapab lévé ras Jakòb yo, pou-ou fè débri pèp Israèl yo tounin : min mouin mété-ou kòm limiè nasion yo, pou sovè m-ap sovè-a rivé jous nan bout tè-a ».

Paròl Granmèt la.

PSÒM RÉPONS

Ps 70, 1-2. 3-4 a. 5-6 ab. 15 é 17 (R: : cf. 15)

- R: Bouch mouin ap anonsé sové ou sové nou-an, Granmèt,
- ¹ Sé nan ou, Granmèt, mouin espéré,
pa kité-m ront pou tout tan.
- ² Nan jistis ou-a délivré-m, sové-m ;
panché zòrèy ou sou mouin, sové-m. R:
- ³ Sé pou-ou sèvi-m yon ròch sitadèl,
ak yon kay défans, pou-ou sové-m,
paské fòs mouin ak kachèt mouin sé ou minm.
- ⁴ Bondié mouin, ouété-m nan min péchè-a. R:
- ⁵ Paské sé ou minm ki espérans mouin, Granmèt ;
Granmèt, espérans mouin dépi-m tou jèn.
- ⁶ Sé sou ou mouin apuiyé dépi-m nan vant,
dépi nan vant manman-m sé ou minm ki soutni-m. R:
- ¹⁵ Bouch mouin ap anonsé jistis ou,
tout jounin sové ou sové nou-an,
pou-m t-a konté-l, mouin pa kapab.
- ¹⁷ Bondié, ou ban-m ansègnman dépi-m tou jèn ;
jous koulié-a m-ap anonsé mèvèy ou yo. R:

VÈSÈ ANVAN ÉVANJIL LA

Salu, Roua nou-an, ou minm ki obéyi Papa-a ;
yo kondui-ou pou yo klouré-ou sou koua-a,
tankou yon mouton tou dou y-ap minnin labatoua.

ÉVANJIL

*Youn nan nou ap bay mouin...
Kòk la pap chanté, ou-ap gin tan nié-m toua foua.*

✠ Léktu sint Évanjil la dapré Jan

13, 21-33. 36-38

Lè sa-a :

Jézu té sou tab avèk disip li yo, éspri-l vi-n troublé, li témouagné, li di : « Amèn, amèn mouin di nou sa, youn nan nou ap trayi-m ». Disip yo youn t-ap gadé lòt, yo pa-t fi-n konprann sa-l té vlé di-a.

Youn nan disip Jézu yo ki té sou tab yo té kouché sou léstonmak li, sa-a Jézu té rinmin-an. Simon Piè fè-l sign, li di-l : « Ki moun l-ap palé-a ? » Kòm sa-a té kouché sou pouatri-n Jézu, li di-l : « Granmèt, kilès ? »

Jézu réponn : « Sé sa-a m-ap lonjé pin-an mouin fi-n tranpé-a ba li ». Kon-l tranpé pin-an, li bay Juda, pitit Simon Iskariòt la. Apré bouché-a, Satan antré nan li.

Jézu di-l : « Sa ou-ap fè-a, fè-l vit ». Bagay sa-a, pèsòn nan sa-k té sou tab yo pa konnin pouki sa li té di-l. Ginyin ki té konprann, kòm Juda té gin bous la, Jézu té di-l : « Achte sa nou bézouin pou jou fèt la », oubyin pou-l té bay pòv yo kichòy. Kon-l fi-n pran bouché-a, li soti minm lè-a. Sé té nannuit.

Kon-l fi-n sòti, Jézu di : « Koulié-a Pitit moun nan jouinn gloua li, Bondié jouinn gloua li nan li tou. Si Bondié jouinn gloua li nan li, Bondié ap fè-l jouinn gloua nan li minm tou, l-ap fè-l jouinn gloua-a tousuit.

Ti pitit mouin yo, mouin avèk nou toujou pou yon ti moman ankò. N-ap chèché-m, min jan-m té di Juif yo, “koté m-apralé-a nou pa kapab vini”, mouin di nou sa davans ».

Simon Piè di-l : « Granmèt, koté ou-apralé ? »

Jézu réponn : « Koté m-apralé-a, ou pa kapab suiv mouin koulié-a, ou-a suiv mouin apré ».

Piè di-l : « Pouki sa mouin pa kapab suiv ou koulié-a ? M-ap bay lavi-m pou ou ».

Jézu réponn li : « Ou-ap bay lavi-ou pou mouin ? Amèn, amèn mouin di-ou, kòk la pap chanté, ou-ap déjà nié-m toua foua ».

Paròl Granmèt la.

Mèkrédi sin

PRÉMIÉ LÉKTU

*Mouin pa viré fas mouin louin moun k-ap maltrété-m yo
(Touazièm chan Sèvitè Granmèt la).*

Léktu liv profèt Izayi

50, 4-9 a

Granmèt la ban-m yon lang ki gin konésans, pou-m kapab soutni ak paròl moun ki bouké-a. Dépi granmatin li révéyé, granmatin li révéyé

zòrèy mouin, pou-m kouté tankou sé yon mèt k-ap palé. Granmèt la louvri zòrèy mouin.

Mouin minm mouin pa kontrarié, mouin pa rékilé dèyè. Mouin rinmèt kòm bay moun yo k-ap frapé-m nan ; mouin rinmèt figi-m bay moun yo k-ap mété voual sou mouin-an ; mouin pa kaché fas mouin bay moun yo k-ap maltrété-m nan, k-ap kraché sou mouin-an. Granmèt Bondié ap poté-m sékou, sé poua mouin pa ront, sé poua mouin fè fas mouin vi-n tankou ròch ki pi di-a, mouin konnin mouin pap ront.

Li tou pré, sa-a k-ap rann mouin jistis la, kilès k-ap plédé kont mouin ? An nou kanpé ansanm ; kilès ki ènmi-m ? sé pou-l proche koté-m.

Min Granmèt Bondié k-ap poté-m sékou ; kilès k-ap kondané-m ?
Paròl Granmèt la.

PSÒM RÉPONS

Ps 68, 8-10. 21 bcd-22. 31 é 33-34 (R: 14 c é b)

R: Nan pakèt mizérikòd ou, Granmèt,
kouté-m, nan tan gras la.

8 Sèké sé poutèt ou mouin sipòté afron, laront kouvri fas mouin ;

9 mouin vi-n tounin étranjé pou frè-m yo,
ak moun déyò pou pitit manman-m yo.

10 Sèké jalouzi kay ou-a dévoré-m,
afron moun k-ap manké-ou déga yo, yo tonbé sou mouin. R:

21 Afron-an krazé kè-m, mouin fébli.
Mouin t-ap tann moun ki pou pran lapinn avèk mouin, pa ginyin,
moun ki pou konsolé-m, mouin pa jouinn.

22 Yo mété fièl nan manjé-m,
nan souaf mouin yo ban-m bouè vinèg. R:

31 M-ap fè louanj non Bondié-a avèk kantik,
m-ap fè konpliman pou li nan louanj.

33 Sé pou pòv yo ouè, pou yo kontan ;
chèché Bondié, sé pou kè nou viv.

34 Paské Granmèt la kouté pòv yo,
li pa méprizé prizonié-l yo. R:

VÈSÈ ANVAN ÉVANJIL LA

Salu, Roua nou-an, ou minm ki obéyi Papa-a,
yo kondui-ou pou yo klouré-ou sou koua-a,
tankou yon mouton y-ap minnin labatoua.

ÉVANJIL

*Pitit moun nan apralé jan sa ékri-a ;
min ala malè pou sa-a ki sèvi lantrémiz pou bay li-a.*

✠ Léktu sint Évanjil la dapré Matié

26, 14-25

Lè sa-a :

Youn nan douz yo alé, sa yo rélé Juda Iskariòt la, li rivé kot gran prèt yo, li di yo : « Sa nou vlé ban mouin, m-ap rinmèt li ba nou ? » Yo dakò avèk li pou trant piès lajan. Dépi lè sa-a li t-ap chèché yon okazion pou-l bay li.

Prémié jou Azim, disip yo proché kot Jézu, yo di : « Koté-ou vlé pou nou paré pou ou, pou nou manjé Pak la ? »

Jézu minm di : « Al nan vil la, kay intèl, di-l konsa : “Mèt la di : Tanm nan tou pré ; sé kay ou m-ap fè Pak la, avèk disip mouin yo” ». Disip yo fè jan Jézu té pasé yo lòd la, yo paré Pak la.

Lè asouè rivé, l-al sou tab avèk douz disip li yo. Pandan y-ap manjé, li di : « Amèn mouin di nou, youn nan nou ap trayi-m ».

Yo té vi-n gin lapinn anpil, yo chak kòmansé di : « Èské sé mouin, Granmèt ? »

Li minm li pran laparòl, li di : « Sa-a ki plonjé min avèk mouin nan plat la, sé li minm k-ap trayi-m. Pitit moun nan apralé, jan sa ékri sou li-a ; min ala malè pou moun sa-a ki sèvi lantrémiz pou yo rinmèt Pitit moun nan ! li t-a pi bon pou li, si moun sa-a pa-t janm fèt ».

Juda pran laparòl tou, li minm ki t-ap trayi-l la, li di : « Èské sé mouin, Rabi ? »

Li di-l : « Ou di-l ».

Paròl Granmèt la.

Jédi sin

MÈS SIN-KRÈM

PRÉMIÉ LÉKTU

*Granmèt la sakré-m, li voyé-m anonsé pòv yo bon nouvèl la,
ba yo losion kè kontan-an.*

Léktu liv profèt Izayi

61, 1-3 a. 6 a. 8 b-9

Éspri Granmèt la sou mouin, sé poussa Granmèt la sakré-m, li voyé-m poté nouvèl bay pòv yo, pou-m pansé kè ki krazé yo, pou-m préché padon bay prizonié yo, délivrans bay sa-k fèmin yo, pou-m préché yon ané koté Granmèt la fè gras, yon jou vanjans pou Bondié nou-an, pou-m konsolé tout moun ki nan lapinn, pou-m mété yon kouròn nan plas sann pou moun Siyon yo ki nan lapinn yo, losion kè kontan nan plas dèy, manto louanj nan plas éspri tristès.

Nou minm y-ap rélé nou « prèt Granmèt la », y-ap di nou « sèvitè Bondié nou-an ».

M-ap ba yo rézilta travay yo nan vérité, m-ap pasé yon aliens tout tan avèk yo. Y-ap rékonèt ras yo nan nasion yo, ak sa-k sot nan yo nan mitan pèp yo. Tout moun k-ap ouè yo ap rékonèt yo, paské yo sé sémans Granmèt la béni.

Paròl Granmèt la.

PSÒM RÉPONS

Ps 88, 21-22. 25 é 27 (R: : cf. 2 a)

R: Mizérikòd ou, Granmèt, sé tout tan m-ap chanté-l.

21 Mouin jouinn David sèvitè-m nan ;
ak luil mouin ki sin-an mouin sakré-l.

22 Min-m ap rét fèm avèk li,
bra-m ap ba li fòs. R:

25 Vérité-m ak mizérikòd mouin ap avèk li,
o non-m l-ap lévé kòn li.

27 Li minm l-ap rélé-m : « Sé Papa-m ou yé,
Bondié-m ak kachèt k-ap sovè-m nan ». R:

DÉZIÈM LÉKTU

Li fè nou vi-n tounin péyi-roua ak prèt pou Bondié Papa-a.

Léktu liv Apokalips apot sin Jan**1, 5-8**

Gras pou nou ak lapè sot nan Jézu-Kri, ki témouin fidèl la, premié pitit nan pami mò yo, ak chèf roua yo ki sou tè-a, li minm ki rinmin nou, ki lavé nou sot nan péché nou yo nan san-l, ki fè nou vi-n tounin péyi-roua ak prèt pou Bondié Papa-l ; konpliman pou li ak otorité pou tout tan gin tan. Amèn.

Min l-ap vini avèk niaj yo, tout jé ap ouè-l, minm sa-k té transpèsé-l yo ; tout ras sou tè-a ap plinn sou li. Oui. Amèn.

Sé mouin minm alfa ak oméga, kòmansman ak finisman, sé sa Granmèt la di, li minm ki la, ki té la, k-ap vini, li minm ki gin tout pouvoua-a.

Paròl Granmèt la.

VÈSÈ ANVAN ÉVANJIL LA**Iz 61, 1 (yo sité-l nan Luk 4, 18)**

Éspri Granmèt la sou mouin :

li voyé-m poté bòn nouvèl la bay pòv yo.

ÉVANJIL

Éspri Granmèt la sou mouin ; sé poussa li sakré-m.

✠ Léktu sint Évanjil la dapré Luk**4, 16-21**

Lè sa-a :

Jézu rivé Nazarèt, koté yo té fè édikasion-l nan, li antré nan sinagòg la dapré abitud li, jou saba-a, li lévé pou-l li. Yo rinmèt li liv profèt Izayi-a. Li louvri liv la, li jouinn koté ki ékri-a :

« Éspri Granmèt la sou mouin ; sé poussa li sakré-m, li voyé-m poté bòn nouvèl la bay pòv yo, géri kè ki krazé yo, préché padon pou prizonié yo, ak limiè pou avèg yo, ranvouayé sa k-ap pasé mati yo nan libèté, préché yon ané Granmèt la fè gras, yon jou rékonpans ».

Li pliyé liv la, li rinmèt sèvan-an li, li chita. Jé tout moun nan sinagòg la té fiksé sou li. Li kòmansé di yo : « Jodi-a sa-k ékri la-a akonpli nan zòrèy nou ».

Paròl Granmèt la.

TRIDUUM PASKAL

Mès soupé Granmèt la asouè

PRÉMIÉ LÉKTU

Kòmandman pou soupé pak la.

Léktu liv Égzòd

12, 1-8. 11-14

Jou sa yo :

Granmèt la di Moyiz avèk Aaron nan péyi Éjip : « Moua sa-a sé kòmansman nan moua yo li yé pou nou, l-ap prémié nan moua ané-a. Palé ak tout foul pitit Israèl yo, di yo :

« Sou dizièm jou moua sa-a sé pou chak moun pran yon mouton pou fanmi yo ak kay yo. Si kantité moun yo pa kont pou yo kapab manjé mouton-an, l-a invité vouazin-l, ki tou kolé lakay li, dapré kantité moun ki pou réyisi manjé mouton-an. Mouton-an doué san tach, yon mal, ki gin yon ané ; pou sérémoni sa-a, n-a pran kabrit tou. N-a konsèvé-l jous sou katòzièm jou moua sa-a ; tout foul pitit Israèl yo ap sakrifé-l nan asouè. Y-a pran nan san-l, y-a mété sou montan pòt la ak sou travès anlè kay yo, koté y-ap manjé-l la. Y-a manjé chè yo nan nuit sa-a, griyé nan difé, ni pin san lévin avèk létu maron.

Min kijan pou nou manjé-l : maré rin nou, mét sapat nan pié nou, kinbé baton nan min nou, n-a manjé-l an vitès, sèké sé Pak (sa vlé di pasaj Granmèt la.) M-ap travèsé nan péyi Éjip la nannuit sa-a, m-ap frapé tout prémié pitit nan péyi Éjip la dépi moun jous sou bèt y-ap gadiyin, m-ap fè jijman sou tout dié Éjip yo : sé mouin minm Granmèt la. San-an ap sèvi nou sign nan kay koté n-ap yé yo ; lè-m ouè san-an, m-ap travèsé pou-m évité nou ; pap gin chatiman k-ap gayé nou, lè m-ap frapé péyi Éjip la.

N-ap gin jou sa-a kòm souvni n-ap fété-l tankou yon gran fèt pou Granmèt la nan jénérasyon nou ak yon sèvis pou tout tan.

Paròl Granmèt la.

PSÒM RÉPONS Ps 115, 12-13. 15-16 bc. 17-18 (R: : cf. 1 Kor 10, 16)

R: Kalis bénédiksion-an sé kominion San Jézu-Kri.

- 12 Ki sa pou-m rinnèt Granmèt la
pou tou sa-l fè pou mouin ?
- 13 M-ap pran kalis k-ap sovè-a,
m-ap rélé non Granmèt la. R:
- 15 Li gin valè dévan jé Granmèt la
lanmò sin-l yo.
- 16 Mouin sé sèvitè-ou ak pitit sèvant ou.
Ou kasé chinn mouin yo. R:
- 17 M-ap sakrifé sakrifis louanj ba ou,
m-ap rélé non Granmèt la.
- 18 M-ap rinnèt Granmèt la sa-m té promèt yo,
dévan tout pèp la. R:

DÉZIÈM LÉKTU

*Chak foua n-ap manjé, n-ap bouè,
sé lanmò Granmèt la n-ap anonsé.*

Léktu prémié lèt apot sin Pòl pou Korintyin yo

11, 23-26

Frè-m yo :

Mouin résévoua nan min Granmèt la sa-m té transmèt nou-an, sèké Granmèt Jézu, nan nuit yo té rinnèt li-a, li pran pin, li di Bondié mèsi, li kasé-l li di : « Pran, manjé : sa-a sé Kò mouin, yo bay pou nou-an ; fè sa pou nou fè sonjé mouin ». Minm jan-an tou pou kalis la, apré-l fi-n manjé, li di : « Kalis sa-a sé nouvo téstaman-an nan San mouin ; fè sa, chak foua n-ap bouè-l, pou nou fè sonjé mouin ».

Réyèlman chak foua n-ap manjé pin sa-a, n-ap bouè kalis sa-a, sé lanmò Granmèt la n-ap anonsé, joustan li vini.

Paròl Granmèt la.

VÈSÈ ANVAN ÉVANJIL LA

Jan 13, 34

Sé yon kòmandman nouvo mouin ba nou, sé sa Granmèt la di,
pou nou youn rinmin lòt, minm jan mouin té rinmin nou.

ÉVANJIL

Li rinmin yo jous nan bout.

✠ Léktu sint Évanjil la dapré Jan

13, 1-15

Anvan jou fèt Pak la, Jézu té konnin lè-l rivé pou-l travèsé sot sou tè sa-a al kay Papa-a ; kòm li té rinmin disip li yo ki té sou tè-a, sé jouskalafin li rinmin yo.

Soupé-a fi-n fèt, kòm djab la té nan kè Juda pitit Simon Iskariòt pou-l bay li, Jézu minm konnin Papa-a té rinnèt li tout bagay nan min, épi sé nan Bondié li té soti, é sé kot Bondié li t-apralé, li lévé sot nan soupé-a, li dépozé manto-l, li pran yon sèvièt, li pasé nan rin-l. Apré sa, li vidé dlo nan yon basi-n, li kòmansé lavé pié disip yo, li suiyé yo ak sèvièt la ki té pasé nan rin-l nan.

Li rivé kot Simon Piè, Piè di-l : « Granmèt, ou minm ou-ap lavé pié-m ? »

Jézu réponn li : « Si-m pa lavé-ou, ou pap gin mòso pa-ou avèk mouin ».

Simon Piè di-l : « Granmèt, sé pa pié-m yo sèlman, min ni min ni tèt ».

Jézu di-l : « Moun ki fi-n bingnin pa bézouin lavé sof pié-l sèlman, paské li pròp nèt. Nou minm nou pròp, min sé pa nou tout ». Sèké li té konnin kilès ki t-ap bay li-a ; sé pou sa li té di : « Sé pa nou tout ki pròp ».

Apré li fi-n lavé pié yo, li pran rad li, l-al sou tab ankò, li di yo : « Nou konnin ki sa-m fè nou-an ? Nou rélé-m “Mèt” épi “Granmèt” ; nou di byin, paské sé sa-m yé. Min si-m lavé pié nou, mouin minm ki Granmèt ak Mèt, nou minm tou nou doué youn lavé pié lòt. Mouin ba nou égzanp, pou jan-m fè avèk nou-an konsa pou nou fè tou ».

Paròl Granmèt la.

Vandrédi sin

SÉRÉMONI SOUFRANS GRANMÈT LA

PRÉMIÉ LÉKTU

Li blésé poutèt péché nou yo (Katriyèm chan Sèvitè Granmèt la).

Léktu liv profèt Izayi

52, 13-53, 12

Min sèvitè-m nan ap gin konprann, y-ap lévé-l anlè, y-ap lévé-l byin ro, l-ap anlè nèt. Minm jan anpil moun té sézi osijè-ou, konsa figi-l ap san gloua nan pami lèzòm, ni fòm li nan pami pitit moun yo. L-ap fè anpil nasion kriyé, sou li roua yo ap fèmin bouch yo, paské sé bagay yo pa-t rakonté y-ap ouè osijè-l, sé sa yo pa-t tandé y-ap gadé. Kilès ki kouè sa nou tandé-a ? Bra Granmèt la bay ki moun li dévoualé ?

L-ap lévé tankou yon ti kréyòl, tankou rasi-n ki sot nan tè sèk. Li pa gin aparans ni bèlté, nou té ouè-l, li pa-t gin fòm figi, nou té anvi-l ; li té méprizé, sé dènié nan moun yo, moun soufrans, ki konn maladi, fas li té kòm kaché, li té méprizé, sé poua nou pa-t minm gin konsidération pou li.

Réyèlman sé maladi nou li minm li t-ap poté, sé soufrans nou li minm li t-ap poté, nou minm nou té konprann li té tankou yon lépré, yon moun Bondié frapé, Bondié imilié. Li minm minm li blésé pou péché nou, li frapé poutèt krim nou yo, koréksion lapè nou-an sou li, sé gras a koté-l blésé yo nou géri.

Nou tout nou té pèdi chémin tankou mouton, chak moun té dévié nan chémin pa-l. Granmèt la mété fot nou tout nan li. Li ofri tèt li, paské li vlé, li pa louvri bouch, tankou mouton dévan moun k-ap koupé linn li, li rét an silans, li pa louvri bouch li.

Yo fè-l pasé tray, yo kondané-l, yo touyé-l. Ki moun k-ap rakonté ras li ? paské yo ouété-l sot sou tè vivan yo ; poutèt krim pèp mouin-an niouin té frapé-l. Y-ap ba-l méchan pou lantèman-l, ak rich pou lanmò-l, malgré li pa-t fè péché, pa-t gin manti nan bouch li.

Granmèt la té vlé krazé-l nan maladi. Si-l bay lavi-l pou péché-a, l-ap ouè yon désandans k-ap viv lontan, volonté Granmèt la ap dirijé nan min-l. Poutèt nanm li té souffri, l-ap ouè, l-ap konblé. Nan sians li, sèvitè-m nan ki kòrèk la ap rann anpil moun kòrèk, l-ap poté péché yo li minm minm.

Sé poussa m-ap ba-l anpil moun pou pòsion pa-l, l-ap séparé byin anpil moun ki gin pouvoua, poutèt li té bay lavi-l nan lanmò, yo té konsidéré-l nan ran kriminèl, époutan li t-ap poté péché anpil moun yo, li t-ap lapriyè pou sa-k fè péché yo.

Paròl Granmèt la.

PSÒM RÉPONS Ps 30, 2 é 6. 12-13. 15-16. 17 é 25 (R: Lk 23, 46)

- R: Papa, nan min-ou mouin rinmèt léspri-m.
- ² Nan ou, Granmèt, mouin espéré, pa kité-m ront pou tout tan ; nan jistis ou délivré-m.
- ⁶ Nan min-ou mouin rinmèt léspri-m ; ou délivré-m, Granmèt, Bondié vérité-a. R:
- ¹² Dévan tout ènmi-m yo mouin vi-n tounin dézonè, ni pou vouazin-m yo minm, sézisman pou zanmi-m yo : sa-k té konn ouè-m déyò, yo sové pou mouin.
- ¹³ Yo bliyé-m nan kè, tankou yon moun mouri ; mouin tankou yon véso ki pèdi. R:
- ¹⁵ Min mouin minm sé nan ou mouin espéré, Granmèt ; mouin di : « Sé Bondié-m ou yé,
- ¹⁶ nan min-ou destiné-m yé ». Délivré-m sot nan min ènmi-m yo ak sa k-ap pèsékité-m yo. R:
- ¹⁷ Kléré fas ou sou sèvitè-ou, sové-m nan mizèrikòd ou.
- ²⁵ Aji avèk kouraj, rafèmi kè nou, nou tout ki espéré nan Granmèt la. R:

DÉZIÈM LÉKTU

Li aprann obéyisans, li vi-n tounin kòz délivrans pou tout moun ki obéyi-l.

Léktu lèt Ébré yo

4, 14-16 ; 5, 7-9

Frè-m yo :

Kòm nou gin yon gran prèt an chèf, ki antré nan sièl yo, Jézu Pitit Bondié, sé pou nou kinbé profésion lafoua-a. Sèké nou pa gin yon prèt an chèf ki pa kapab soufri féblès nou avèk nou, yo éséyé-l nan tout bagay minm jan avèk nou, sof péché-a. Konsa sé pou nou proche avèk konfians

kot fotèy gras la, pou nou jouinn kè sansib, pou nou jouinn gras nan sékou, nan bézouin.

Nan jou Kris la t-ap viv nan chè-a, li ofri lapriyè avèk plint, avèk gro rèl, ak dlo nan jé-l, kot sila-a ki kapab sové-l sot nan lanmò, li kouté-l poutèt respè-l. Min, malgré sé Pitit Bondié li té yé-a, li aprann obéyisans, nan sa-l soufri yo, lè-l rivé nan dènié pouin pou-l té rivé-a, li vi-n tounin kòz délivrans tout tan-an pou tout moun ki obéyi-l.

Paròl Granmèt la.

VÈSÈ ANVAN ÉVANJIL LA

Fil 2, 8-9

Jézu-Kri vi-n obéyisan pou nou
jous nan lanmò, ata lanmò lakoua.
Sé pousa Bondié lévé-l anlè :
épi li ba-l yon non, ki anlè tout non.

ÉVANJIL

Yo arété Jézu, yo maré-l.

Soufrans Granmèt nou Jézu-Kri dapré Jan

18, 1-19, 42

Lè sa-a :

Jézu soti avèk disip li yo lòt bò ravi-n Sédron-an, koté té gin yon jadin, li antré ladan-l, ni disip li yo tou Juda té konn koté-a, li minm ki t-ap bay li-a ; paské Jézu té konn vi-n la souvan avèk disip li yo.

Konsa, Juda pran troup la ak sèvitè gran prèt yo ak farizyin yo, li rivé la avèk fannal ak flanbo ak zam. Jézu minm, kòm li té konnin tou sa-k t-apralé rivé-l li proché, li di yo : « Ki moun n-ap chèché ? »

Yo réponn li : « Jézu moun Nazarèt la ».

Jézu di yo : « Sé mouin minm ». Juda té kanpé la tou ansanm avèk yo li minm ki t-ap rinmèt li-a. Lè Jézu di yo « Sé mouin minm » nan, yo rékilé dèyè, yo tonbé atè.

Li pozé yo késion ankò : « Ki moun n-ap chèché ? »

Yo minm yo di : « Jézu moun Nazarèt la ».

Jézu réponn : « Mouin té di nou sé mouin minm ; konsa si sé mouin minm n-ap chèché, kité sa yo pati ». Sé pou paròl la té kapab réalizé, sa-l té di-a : « Sa-ou té ban mouin yo, mouin pa pèdi youn nan yo ».

Simon Piè minm té gin yon épé, li ralé-l, li frapé sèvitè gran prèt la, li koupé zòrèy douat li. Yo té rélé non sèvitè-a Malkus.

Jézu minm di Piè : « Mété épé-ou la nan fourò-a : Kalis la Papa-a ban mouin-an, èské mouin pap bouè-l ? »

Yo kondui Jézu kot A-n dabò.

Troup la ak kòmandan-an ak sèvitè Juif yo arété Jézu, yo maré-l, yo kondui-l kot A-n anvan ; sé té bo-pè Kayif, ki té gran prèt ané sa-a. Sé Kayif sa-a minm ki té bay Juif yo konsèy, ki té di « pito sé yon sèl moun ki mouri pou pèp la ».

Simon Piè t-ap suiv Jézu ak lòt disip la. Disip sa-a, gran prèt la té konnin-l, li antré avèk Jézu nan lakou gran prèt la. Piè minm té kanpé nan bariè-a sou pa déyò. Lòt disip la soti, li minm gran prèt la té konnin-an, li palé ak fi ki t-ap véyé bariè-a, li fè Piè antré. Sèvant la ki t-ap véyé bariè-a. di Piè : « Èské ou minm tou ou pa-t nan pami disip mésié sa-a ? »

Li minm li di : « Mouin pa ladan-l ». Sèvitè yo ak gad yo té kanpé bò brèz difé-a, paské té fè frèt, yo t-ap chofé kò yo. Piè té kanpé avèk yo tou, li t-ap chofé kò-l.

Prèt an chèf la pozé Jézu kèsion sou disip li yo ak sou ansègnman-l. Jézu réponn li : « Mouin minm sé aklè mouin té palé pou tout moun ; mouin minm sé tout tan mouin té bay ansègnman nan sinagòg la ak nan Tanp la, koté tout Juif yo vi-n rasanblé-a, an kachèt mouin pa di anyin. Pouki sa ou-ap pozé-m kèsion-an ? Intèrojé yo, yo minm ki té kouté sa-m té di yo ; min yo minm yo konnin sa-m té di mouin minm ».

Kon-l di sa, youn nan sèvitè yo ki té kanpé la-a bay Jézu yon souflèt, li di : « Sé konsa ou réponn gran prèt la ? »

Jézu réponn li : « Si-m mal palé, bay prèv ki sa-k mal la ; min si-m byin palé, pouki sa ou frapé-m nan ? »

A-n voyé-l tou maré bay Kayif gran prèt.

*Èské ou minm tou ou pa-t nan pami disip li yo ?
Mouin pa ladan-l.*

Simon Piè té kanpé, li t-ap chofé kò-l, yo di-l : « Èské ou minm tou ou pa-t nan pami disip li yo ? » Li minm li nié li di : « Mouin pa ladan-l ».

Youn nan sèvitè prèt an chèf yo, fanmi sa Piè té koupé sòrèy li-a, li di-l : « Èské mouin minm minm mouin pa-t ouè-ou nan jadin-an avèk li ? » Piè minm nié ankò, épi minm lè-a kòk la chanté.

Péyi-roua-m nan pa sot sou tè sa-a.

Yo kondui Jézu sot kay Kayif al nan palè-a. Sé té granmatin. Yo minm yo pa antré nan palè-a, pou yo pa sal, pou yo kapab manjé Pak la. Pilat soti déyò koté yo, li di : « Ki akizasion nou poté kont mésié sa-a ? » Yo pran laparòl yo di-l : « Si sé pa yon malfètè sa-a té yé, nou pa t-a bay ou li ».

Pilat di yo : « Pran-l nou minm, jijé-l dapré laloua nou-an ».

Juif yo di-l : « Nou pa gin doua touyé pèsòn ». Sé pou paròl Jézu-a té kapab réalizé, sa-l té di pou-l montré ki kalité lanmò li té gin pou-l té mouri-a.

Konsa Pilat antré ankò nan palè-a, li rélé Jézu, li di-l : « Èské ou sé roua Juif yo ? »

Jézu réponn : « Èské sé ak pròp fòs ou ou di sa, oubyin sé dòt moun ki té di-ou sa sou mouin ? »

Pilat réponn : « Èské-m sé Juif mouin minm ? nasion-ou nan ak gran prèt yo rinmèt ou ban mouin : ki sa-ou fè ? »

Jézu réponn : « Péyi-roua-m nan pa sot sou tè sa-a. Si péyi-roua-m nan té sot sou tè sa-a, sètènman sèvitè-m yo t-a batay pou yo pa bay mouin nan min Juif yo ; koulié-a péyi-roua-m nan pa isit la ? »

Pilat di-l : « Èské sé roua ou yé ? »

Jézu réponn : « Ou di-l : sé roua mouin yé. Mouin minm sé pou sa mouin fèt, sé pou sa mouin vini sou tè-a, pou-m sèvi lavérité-a témouin : tout moun ki disip lavérité-a, yo kouté voua-m ».

Pilat di-l : « Sa-k lavérité-a ? »

Kon-l fi-n di sa, li soti ankò kot Juif yo, li di yo : « Mouin minm mouin pa jouinn okinn kòz nan li. Sé yon abitid pou nou, pou-m lagé yon moun ba nou pou Pak la ; èské nou vlé pou-m lagé roua Juif yo ba nou ? »

Yo lévé voua yo ankò yo tout, yo di : « Pa sila-a, min Barabas ». Barabas la sé té yon asasin.

Salu, roua Juif yo.

Lè sa-a atò, Pilat pran Jézu, li fè bat li. Sòlda yo trésé yon kouròn ak pikan, yo mété sou tèt li, yo vlopé-l ak yon manto rouj. Yo vi-n dévan-l, yo t-ap di : « Salu, roua Juif yo » ; épi yo t-ap ba-l souflèt.

Pilat soti ankò, li di : « Mouin minnin-l déyò ban nou, pou nou konnin mouin pa jouinn okinn kòz nan li ». Jézu soti, antan-l poté kouròn pikan-an ak rad rouj la.

Li di yo : « Min moun nan ».

Lè gran prèt yo ak sèvitè yo ouè-l, yo rélé byin fò, yo di : « Klouré-l sou koua, klouré-l sou koua ».

Pilat di yo. « Pran-l nou minm klouré-l sou koua ; mouin minm mouin pa jouinn kòz nan li ».

Juif yo réponn li : « Nou minm nou gin yon laloua, dapré laloua-a, sé pou-l mouri, paské li fè tèt li pasé pou Pitit Bondié ».

Lè Pilat tandé paròl sa-a, li vi-n pi pè ankò. Li antré nan palè-a ankò, li di Jézu : « Koté-ou soti ? » Jézu minm pa réponn li anyin. Pilat di-l : « Ou pa palé avèk mouin ? Ou pa konnin mouin gin pouvoua klouré-ou sou koua, épi mouin gin pouvoua lagé-ou ? »

Jézu réponn : « Ou pa t-a gin okinn pouvoua kont mouin, si yo pa-t ba-ou sa sot anro. Sé pousa sa-k rimmèt mouin nan min-ou nan, li fè yon pi gran péché ».

Ouété-l, ouété-l klouré-l sou koua.

Dépi lè sa-a, Pilat t-ap chèché lagé-l. Juif yo minm t-ap rélé byin fò, yo t-ap di : « Si-ou lagé moun sa-a, ou pa zanmi Sézar, paské tout moun ki déklaré-l roua, li kont Sézar ». Pilat minm, lè-l tandé sa yo, li kondui Jézu déyò li fè-l chita sou fotèy tribinal la, koté yo rélé Litostrotòs la, nan langaj ébré sé Gabata. Sé té préparasion Pak la, li té midi.

Li di Juif yo : « Min roua nou-an ».

Yo minm yo pousé rèl byin fò : « Ouété-l, ouété-l, klouré-l sou koua ».

Pilat di yo : « Roua nou-an pou-m t-a klouré sou koua ? »

Prèt an chèf yo réponn : « Nou pa gin dòt roua pasé Sézar ». Lè sa-a atò, li rimmèt li nan min yo pou yo klouré-l sou koua.

Yo klouré-l sou koua, épi dé lòt avèk li.

Yo pran Jézu, yo soti avèk li. Li poté koua-a li minm minm, l-alé koté yo rélé kalvè-a, nan langaj ébré sé Gòlgota, sé la yo klouré-l sou koua ; avèk li té gin dé lòt, youn yon bò, lòt la lòt bò-a, Jézu minm nan mitan. Pilat té ékri rézon kondanasion-an, li té pozé-l sou koua-a. Min sa-k té ékri : « Jézu Nazarèt, roua Juif yo ». Fraz sa-a, anpil Juif té li-l, paské koté yo té klouré Jézu sou koua-a té tou pré lavil la, épi yo té ékri-l nan langaj ébré, grèk ak latin.

Gran prèt Juif yo t-ap di Pilat : « Pa ékri roua Juif yo, min sa-a di : “Mouin sé roua juif yo” ». Pilat réponn : « Sa-m fi-n ékri, li ékri ».

Yo séparé rad li.

Sòlda yo minm lè yo fi-n klouré-l sou koua-a, yo pran rad li yo, yo fè kat pòsion, yon pòsion pou chak sòlda, épi rad long nan. Rad long sa-a té fèt san koutu, li té filé alamin nèt, dépi anro jous anba. Youn di lòt : « Nou pap chiré-l, min n-ap tiré-l osò pou nou ouè ki moun k-ap jouinn li ». Sé pou paròl labib la té kapab réalizé, sa-k di : « Yo séparé rad mouin yo antré yo, yo tiré manto-m nan osò ». Sòlda yo, sé sa yo fè.

Min pitit ou. - Min manman-ou.

Tou kolé koua Jézu-a, manman-l té kanpé, ni sè manman-l nan, Mari Kléofas, ak Mari Madlèn. Lè Jézu ouè manman-l ak disip li té rinmin-an ki kanpé, li di manman-l : « Madanm, min pitit ou » ; après sa, li di disip la : « Min manman-ou ». Dépi lè sa-a, disip la résévoua-l lakay li.

Tout bagay fi-n réalizé.

Apré sa, Jézu konnin tout bagay fi-n réalizé, pou sa-l ékri-a té kapab réalizé, li di : « Mouin souaf ». Té gin yon véso plin vinèg ki té dépozé la ; yo minm yo pran yon éponj plin vinèg, yo mété nan pouint yon branch izòp, yo proché-l bò bouch li. Lè Jézu pran vinèg la, li di : « Tout bagay fini ». Li bésé tèt li, li rimmèt léspri-a.

Isit la, yo fé jénifléksion, yo pozé yon ti moman.

Juif yo minm, kòm sé té préparasion Pak la, pou kò yo pa rété sou koua-a jou saba-a, (sèké sé té gran jou saba jou sa-a), yo mandé Pilat pou yo krazé janm yo, pou yo ouété yo. Sòlda yo vini, yo krazé janm premié-a ak lòt la ki té klouré-a avèk li-a. Min lè yo rivé sou Jézu, kòm yo ouè li té déja mouri, yo pa krazé janm li, min youn nan sòlda yo louvri kòt li ak pik li-a, minm lè-a dlo ak san soti. Moun ki ouè-a, li sèvi témouin,

témouagnaj li-a vré. Li minm li konnin li di vérité, pou nou minm tou nou kapab kouè. Bagay sa yo fèt pou sa ki ékri-a té kapab réalisé : « Nou pap krazé zo nan li ». Épi tou yon lòt pasaj sa ki ékri-a di : « Y-ap gadé sa-a yo transpèsé-a ».

Yo maré kò Jézu ak bann toual avèk losion.

Apré bagay sa yo, Jozèf moun Arimati-a, mandé Pilat pou-l ouété kò Jézu, sé disip Jézu li té yé, min an kachèt paské li té pè Juif yo. Pilat ba-l pèmision. Li rivé, li pran kò Jézu.

Nikodèm rivé tou, li minm ki té vi-n kot Jézu nannuit premié foua-a, li poté yon mélanj lamir ak aloès, apéprè san liv. Yo pran kò Jézu, yo maré-l ak bann toual avèk losion yo, jan Juif yo abitué antéré mò yo. Té gin yon jadin koté yo té klouré Jézu sou koua-a ; nan jadin sa-a té gin yon kavo tou nèf, koté yo pa-t ko mét pèsòn, sé la yo mété Jézu akòz préparasion Pak Juif yo, paské kavo-a té tou pré. Sé la yo té mété Jézu.

TAN PAK

Dimanch Pak nan Réziréksion Granmèt la

VÉYÉ PAK LA NAN NUIT KI SIN-AN

Nan Véyé paskal la, yo propozé nèf léktu, sa vlé di sèt soti nan Ansyin Téstaman épi dé nan Nouvo-a. Si sikonstans pastoral yo mandé sa poutèt yon rézon patikilié, yo kapab diminié nonb léktu yo indiké pou fè yo. Min sé pou yo li omouin toua léktu yo pran nan Ansyin Téstaman-an, épi, nan sitiasion ki pi grav yo, omouin dé léktu, anvan Épit la ak Évanjil la. Yo pa doué janm soté léktu Égzòd la osijè travèsé Lanmè Rouj la (touazièm léktu-a).

PRÉMIÉ LÉKTU

Bondié ouè tou sa-l té fè, yo té bon anpil.

Léktu liv Jénèz la

1, 1-2, 2

Nan kòmansman, Bondié té kréyé sièl la ak tè-a. Tè-a minm té san konsistans, li té vid, fènoua yo té sou fas bafon-an, léspri Bondié t-ap plané anlè dlo yo. Bondié di : « Sé pou limiè fèt ». Épi limiè-a fèt. Bondié ouè limiè-a bon, li séparé limiè-a ak fènoua yo. Li rélé limiè-a « jou », épi fènoua yo « nuit ». Vi-n gin yon asouè ak yon matin, prémié jou.

Bondié di ankò : « Sé pou vi-n gin yon supò nan mitan dlo yo, pou-l séparé dlo yo ak dlo yo ». Bondié fè supò-a, li séparé dlo yo, ki té anba supò-a, avèk sa-k té anlè supò-a. Sa fèt konsa. Bondié rélé supò-a « sièl ». Vi-n gin yon asouè ak yon matin, dézièm jou.

Bondié di : « Sé pou dlo yo ki anba sièl la rasanblé yon sèl koté, pou pati sèk la parèt ». Sa fèt konsa. Bondié rélé pati sèk la « tè », dlo yo ki rasanblé yo, li rélé yo « lanmè ». Bondié ouè sa bon. Bondié di :

« Sé pou tè-a jèmin zèb vèt ki fè sémans, ak pié boua ki kapab bay foui, ki donnin foui dapré ras yo, ki gin sémans nan yo sou tè-a ». Sa fèt konsa. Tè-a bay zèb vèt, ki fè sémans dapré ras yo, ak pié boua ki donnin foui, ki gin sémans yo yo chak dapré espès yo. Bondié ouè sa té bon. Vi-n gin yon asouè ak yon matin, touazièm jou.

Bondié di : « Sé pou gin limiè nan supò sièl la, pou yo séparé lajounin ak lannuit ; sé pou yo sèvi kòm sign, tan, jou ak ané, pou yo kléré nan

supò sièl la, pou yo kléré tè-a ». Sa fèt konsa. Bondié fè dé gran limiè : pi gran limiè-a, pou kòmandé jou-a, pi piti limiè-a, pou kòmandé nannuit la, épi li fè zétoual yo tou. Li mété yo nan supò sièl la, pou yo kléré sou tè-a, pou yo kòmandé sou lajounin ak lannuit, épi pou yo séparé limiè-a ak fènoua yo. Bondié ouè sa té bon. Vi-n gin yon asouè ak yon matin, katriyèm jou.

Bondié di : « Sé pou dlo yo bay bèt k-ap glisé, ki gin lavi, avèk zouazo sou tè-a anba supò sièl la ». Bondié kréyé gran pouason yo ak tout kalité bèt vivan, ak sa ki gin mouvman, sa dlo yo bay dapré espès yo, épi tout kalité zouazo dapré ras yo. Bondié ouè sa té bon, li béni yo, li di : « Dévlopé, vi-n anpil, plin dlo lanmè-a, sé pou zouazo yo vi-n anpil sou tè-a ». Vi-n gin yon asouè ak yon matin, sinkièm jou.

Bondié di ankò : « Sé pou tè-a bay bèt vivan nan ras yo, bèt chaj ak sa k-ap glisé atè, ak tout bèt tè-a, dapré espès yo ». Sa fèt konsa. Bondié fè bèt tè-a dapré espès yo, ni bèt chaj yo, ni tout sa k-ap glisé atè-a dapré ras yo. Bondié ouè sa té bon.

Li di : « An nou fè moun nan sou pòtré nou ak résanblans nou ; sé pou-l kòmandé sou pouason lanmè yo ak zouazo sièl yo ak tout bèt tè-a ak tout sa k-ap glisé atè, ki gin mouvman sou tè-a ». Bondié kréyé moun nan sou pòtré-l ; sou pòtré Bondié li kréyé-l : gason ak fi li kréyé yo. Bondié béni yo, li di : « Dévlopé, vi-n anpil, plin tè-a, mété-l anba lòd nou ; sé pou nou kòmandé sou pouason lanmè-a ak zouazo sièl la ak tout bèt vivan, ki gin mouvman sou tè-a ».

Bondié di : « Min mouin ban nou tout zèb ki poté sémans sou tè-a ak tout kalité pié boua ki gin sémans ras yo nan yo, pou yo sèvi nou kòm manjé, ni pou tout bèt vivan sou tè-a, ni pou tou sa ki an mouvman sou tè-a, ki gin lavi nan yo, pou yo kapab jouinn dékoua manjé ». Sa fèt konsa. Bondié ouè tou sa-l té fè yo, yo té bon anpil. Vi-n gin yon asouè ak yon matin, sizièm jou.

Konsa sièl la ak tè-a réalizé, ak tout dékoration yo. Sètièm jou-a Bondié konplété travay li-a li té fè-a, li répozé sètièm jou-a pou tout travay li té fè yo.

Paròl Granmèt la.

oubyin pi kout

Léktu liv Jénèz la

1, 1. 26-31 a

Nan kòmansman, Bondié kréyé sièl la ak tè-a. Li di : « An nou fè moun nan sou pòtré nou ak résanblans nou ; sé pou-l kòmandé sou pouason lanmè yo ak zouazo sièl yo, ak tout bèt tè-a ak tout sa k-ap glisé atè, ki gin mouvman sou tè-a ».

Bondié kréyé moun nan sou pòtré-l ; sou pòtré Bondié li kréyé-l : gason ak fi li kréyé yo. Bondié béni yo, li di : « Dévlopé, vi-n anpil, plin tè-a, mété-l anba lòd nou ; sé pou nou kòmandé sou pouason lanmè-a ak zouazo sièl la ak tout bèt vivan, ki gin mouvman sou tè-a ».

Bondié di : « Min mouin ban nou tout zèb ki poté sémans sou tè-a ak tout kalité pié boua ki gin sémans ras yo nan yo, pou yo sèvi nou kòm manjé, ni pou tout bèt vivan sou tè-a, ni pou tou sa ki an mouvman sou tè-a, ki gin lavi nan yo, pou yo kapab jouinn dékoua manjé ». Sa fèt konsa. Bondié ouè tou sa-l té fè yo, yo té bon anpil.

Paròl Granmèt la.

PSÒM RÉPONS Ps 103, 1-2 a. 5-6. 10 é 12. 13-14. 24 é 35 c (R: : cf. 30)

R: Voyé Éspri-ou, Granmèt, réfè fas tè-a.

- 1 Fè konpliman pou Granmèt la, nanm mouin :
Granmèt Bondié-m, ou gran anpil.
Ou abiyé ak louanj, ak bèlté,
- 2 ou vlopé ak limiè tankou yon rad. R:
- 5 Ou minm ki fiksé tè-a sou baz li,
li pap panché pou tout tan k-ap gin tan.
- 6 Bafon-an kouvri-l tankou yon rad,
anlè mòn yo dlo yo té rét kanpé. R:
- 10 Ou minm ki voyé sous yo nan ravi-n yo ;
nan mitan mòn yo y-ap travèsé.
- 12 Anlè yo zouazo sièl yo ap abité,
nan mitan branch yo y-ap fè tandé voua yo. R:
- 13 Ou rouzé mòn yo antan-ou nan chanmòt ou yo,
ak foui travay ou ou konblé tè-a.

- 14 Ou bay zèb pou bèt yo,
ak ti plant pou sa-k nan sèvis moun nan. **R:**
- 24 Ala anpil travay ou yo anpil, Granmèt :
yo tout sé ak sajès ou fè yo,
tè-a plin ak kréatu-ou.
- 35 Fè konpliman pou Granmèt la, nanm mouin. **R:**

oubyin : Ps 32, 4-5. 6-7. 12-13. 20 é 22 (**R:** : 5 b)

- R:** Mizérikòd Granmèt la plin tè-a.
- 4 Sèké paròl Granmèt la douat,
tout aksion-l yo nan fidélimité.
- 5 Li rinmin jistis ak jijman,
mizérikòd Granmèt la plin tè-a. **R:**
- 6 Ak paròl Granmèt la sièl yo fèt,
ak léspri bouch li tout pouvoua yo.
- 7 Li ranmasé dlo lanmè yo tankou nan yon véso ki fèt ak po bèt,
li pozé bafon yo nan kachèt richès yo. **R:**
- 12 Ala kontantman pou nasion-an ki gin Granmèt la pou Bondié-l,
pèp la li chouazi kòm éritaj li-a.
- 13 Antan-l nan sièl la Granmèt la voyé jé-l,
li ouè tout pitit moun yo. **R:**
- 20 Nanm nou ap konté sou Granmèt la,
paské sé sékou nou ak protéksion nou li yé.
- 22 Sé pou mizérikòd ou vi-n sou nou, Granmèt,
tankou nou té éspéré nan ou. **R:**

DÉZIÈM LÉKTU

Sakrifis zansèt nou Abraam.

Léktu liv Jénèz la

22, 1-18

Jou sa yo :

Bondié éseyé Abraam, li di-l : « Abraam, Abraam ». Li réponn : « Min mouin ». Li di-l : « Pran pitit ou-a, sèl pitit ou-a, sila-a ou rinmin-an, Izaak, épi al nan tè vizion-an, lè ou-a rivé la, ou-a ofri-l kòm sakrifis antié sou youn nan mòn yo, sa m-a montré-ou la ». Konsa Abraam lévé

nannuit, li sélé bourik li, li minnin dé jèn jan avèk li, épi Izaak pitit li-a ; kon-l fi-n fann boua yo pou sakrifis antié-a, li pati nan diréksion koté-a Bondié té mandé-l la. Sou touazièm jou-a, li lévé jé-l, li ouè koté-a byin louin, li di ti moun li yo : « Rét tann isit la avèk bourik la : mouin minm minm ak pitit sa-a, n-ap avansé jous lòt bò-a, lè nou fi-n adoré, n-ap tounin koté nou ». Li pran boua pou sakrifis antié-a, li mété yo sou do Izaak pitit li-a ; kanta li minm, li t-ap poté difé-a ak kouto-a nan min-l. Pandan yo tou lé dé t-ap maché ansanm, Izaak di papa-l : « Papa-m ». Li réponn : « Sa-ou vlé, pitit ? »

Li di : « Min difé-a ak boua yo ; koté bèt la y-ap touyé pou sakrifis antié-a ? » Abraam di-l : « Sé Bondié k-ap okipé késion bèt y-ap touyé pou sakrifis antié-a, pitit mouin ». Épi yo kontinué maché ansanm. Yo rivé koté Bondié té montré-l la, li bati lotèl la koté sa-a, li ranjé boua yo sou li. Li maré Izaak, pitit li-a, li mété-l sou lotèl la, anlè ranjé boua yo, li lonjé min-l, li rédi kouto-a pou-l touyé pitit li-a. Anj Granmèt la rélé byin fò antan-l nan sièl la, li di : « Abraam, Abraam ». Li réponn : « Min mouin ».

Li di-l : « Pa lonjé min-ou sou pitit la, pa fè-l anyin : koulié-a mouin konnin ou krinn Bondié, ou pa ménajé sèl pitit ou-a poutèt mouin ». Abraam lévé jé-l, li ouè yon bouk dèyè do-l, ki té pri nan liann yo ak kòn li, li pran-l, li ofri-l kòm sakrifis antié nan plas pitit li-a. Li rélé non koté sa-a « Granmèt la ouè ». Sé poua jous jodi-a yo di : « Sou mòn nan Granmèt la ap ouè ». Anj Granmèt la rélé Abraam yon dézièm foua antan-l nan sièl la, li di : « Mouin fè sèman sou pròp tèt mouin, sé sa Granmèt la di ; poutèt ou fè bagay sa-a, ou pa ménajé pitit ou-a, sèl pitit ou-a poutèt mouin, m-ap béni-ou, m-ap fè ras ou vi-n anpil tankou zétoual sièl la ak tankou sab ki sou bò lanmè-a ; ras ou-ap posédé pòt ènmi-l yo ; nan ras ou tout nasion tè-a ap jouinn bédiksyon, paské ou té obéyi voua-m ».

Paròl Granmèt la.

oubyin pi kout

Léktu liv Jénèz la

22, 1-2. 9 a. 10-13. 15-18

Jou sa yo :

Bondié tanté Abraam, li di-l : « Abraam, Abraam ».

Li réponn : « Min mouin ».

Li di-l : « Pran pitit ou-a, sèl pitit ou-a, sa-a ou rinmin-an, Izaak, épi al nan tè vizion-an ; lè ou-a rivé la, ou-a ofri-l kòm sakrifis antié sou youn nan mòn yo, sa m-a montré-ou la ».

Yo rivé koté Bondié té montré-l la, li bati lotèl la koté sa-a, li ranjé boua yo sou li. Li maré Izaak, pitit li-a, li mété-l sou lotèl la, anlè ranjé boua yo, li lonjé min-l, li rédi kouto-a pou-l touyé pitit li-a.

Anj Granmèt la rélé byin fò antan-l nan sièl la, li di : « Abraam, Abraam ».

Li réponn : « Min mouin ».

Li di-l : « Pa lonjé min-ou sou pitit la, pa fè-l anyin : koulié-a mouin konnin ou krinn Bondié, ou pa ménajé sèl pitit ou-a poutèt mouin ». Abraam lévé jé-l, li ouè yon bélié dèyè do-l, ki té pri nan liann yo ak kòn li, li pran-l, li ofri-l kòm sakrifis antié nan plas pitit li-a.

Anj Granmèt la rélé Abraam yon dézièm foua antan-l nan sièl la, li di : « Mouin fè sèman sou pròp tèt mouin, sé sa Granmèt la di ; poutèt ou fè bagay sa-a, ou pa ménajé pitit ou-a sèl pitit ou-a poutèt mouin, m-ap béni-ou, m-ap fè ras ou vi-n anpil tankou zétoual sièl la ak tankou sab ki sou bò lanmè-a ; ras ou ap posédé pòt ènmi-l yo, nan ras ou tout nasion tè-a ap jouinn bédiksion, paské ou té obéyi voua-m ».

Paròl Granmèt la.

PSÒM RÉPONS

Ps 15, 5 é 8. 9-10. 11 (R : 1)

- R: Prézèvé-m, Bondié, paské mouin espéré nan ou.
- 5 Granmèt, pòsion éritaj mouin ak kalis mouin :
sé ou minm ki kinbé déstiné mouin.
- 8 Mouin té mété Granmèt la dévan fas mouin tout tan,
paské li adouat mouin, mouin pap tranblé. R:
- 9 Sé poussa kè-m kontan,
tout anndan fon kè-m ap dansé ;
minm chè-m pozé nan espérans,
- 10 Paské ou pap lagé nanm mouin nan rézidans mò yo,
ou pap kité sin-ou nan ouè dékonpozision. R:

- ¹¹ Ou-ap fè-m konnin rout lavi yo,
kè kontan k-ap débòdé avèk fas ou,
plézi adouat ou jous pou tout tan. **R**

TOUZIÈM LÉKTU

Pitit Israèl yo antré nan mitan lanmè sèk la.

Léktu liv Égzòd

14, 15-15, 1

Jou sa yo :

Granmèt la di Moyiz : « Pouki sa ou-ap rélé koté-m nan ? Palé ak pitit Israèl yo pou yo pati. Ou minm lévé bagèt ou-a, lonjé min-ou sou lanmè-a, séparé-l, pou pitit Israèl yo maché nan mitan lanmè-a koté ki sèk. Mouin minm m-ap fè kè Éjipsyin yo vi-n du pou yo rapousuiv nou ; m-ap jouinn gloua mouin nan Faraon ak nan tout lamé-l la ak nan chario li yo ak nan kavalié-l yo. Éjipsyin yo ap konnin sé mouin minm Granmèt la, lè-m m-ap tiré gloua mouin nan Faraon ak nan chario li yo ak nan kavalié-l yo ». Anj Bondié-a ki t-ap maché dévan lamé Israèl la viré, l-al dèyè yo ; ansanm avèk li tou, kolòn nuaj la ki té dévan-an, li pati dèyè, li kanpé ant lamé Éjipsyin yo ak lamé Israèl yo ; nuaj la té noua, li kléré nuit la, atèl pouin pandan tout tan nan nuit la youn pa réyisi jouinn lòt.

Lè Moyiz lonjé min sou lanmè-a, Granmèt la fè lanmè-a tounin dèyè, avèk yon gro van k-ap soufflé, ki cho tout nannuit la, lanmè-a vi-n sèk ; dlo yo séparé. Pitit Israèl yo antré nan mitan lanmè sèk la ; dlo-a té tankou miray adouat yo avèk agoch yo. Éjipsyin yo ki t-ap rapousuiv yo-a, yo antré dèyè yo ni tout kavalié Faraon yo, ni chario li, ni choual li yo nan mitan lanmè-a.

Dévan-jou té kòmansé ap proché, Granmèt la gadé nan diréksion lamé Éjipsyin yo nan kolòn difé-a ak niaj la, li touyé lamé yo ; li viré rou machi-n yo, yo tonbé nan bafon-an. Éjipsyin yo di : « An nou sovè kò nou dévan Israèl ; paské Granmèt la ap batay pou yo kont nou ». Granmèt la di Moyiz : « Lonjé min-ou sou lanmè-a, pou dlo yo tounin sou Éjipsyin yo, sou chario yo ak kavalié yo ». Lè Moyiz lonjé min kont lanmè-a, li tounin nan premié koté li té yé-a, granmatin ; pandan Éjipsyin yo ap sovè kò yo, dlo yo vi-n rankontré yo, Granmèt la roulé yo nan mitan lanm yo. Dlo yo tounin, yo kouvri chario yo ak tout choual lamé Faraon yo, ki té antré nan lanmè-a pou yo té rapousuiv yo-a ; pa gin youn minm ki chapé nan yo.

Kanta pitit Israèl yo minm, yo travèsé nan mitan lanmè sèk la, dlo yo té tankou yon miray pou yo adouat ak agoch. Jou sa-a Granmèt la délivré Israèl sot nan min Éjipsyin yo. Yo ouè Éjipsyin yo ki mouri sou bò lanmè-a avèk gran fòs min Granmèt la té déplouayé kont yo ; pèp la vi-n krinn Granmèt la, yo vi-n kouè nan Granmèt la ak nan Moyiz sèvitè-l la. Lè sa-a, Moyiz ak pitit Israèl yo pran chanté kantik sa-a pou Granmèt la, yo di :

PSÒM RÉPONS

Égz 15, 1-2. 3-4. 5-6. 17-18 (R: 1 a)

- R: An nou chanté pou Granmèt la, paské li fè anpil mèvèy.
- ¹ An nou chanté pou Granmèt la : paské li fè anpil mèvèy :
choual ak kavalié, li jété yo nan lanmè.
- ² Fòs mouin ak louanj mouin sé Granmèt la,
li vi-n tounin sa-a ki sové-m nan ;
li minm sé Bondié-m, m-ap fè louanj li ;
Bondié papa-m, m-ap fè ouè jan-l gran. R
- ³ Granmèt la tankou yon sòlda ;
sila-a ki gin tout pouvoua-a, sé non-l sa.
- ⁴ Chario Faraon ak lamé-l, li jété yo nan lanmè ;
pi gran chèf li yo, yo nouayé nan lanmè Rouj la. R
- ⁵ Bafon-an kouvri yo ;
yo désann nan bafon-an tankou ròch.
- ⁶ Min douat ou, Granmèt, fè mèvèy ak fòs ;
min douat ou, Granmèt, frapé ènmi-an. R
- ¹⁷ Ou-ap fè yo antré, ou-ap planté yo sou mòn éritaj ou-a,
kay ou-a ki solid la, sa-ou fè-a, Granmèt,
pati ki pi sin nan Tanp ou-a, Granmèt, sa min-ou té instalé fèm nan.
- ¹⁸ Granmèt la roua pou tout tan san rété. R

KATRIYÈM LÉKTU

*Nan mizérikòd tout tan, Granmèt ki délivré-ou la
pran pitié pou ou”.*

Léktu liv profèt Izayi

54, 5-14

L-ap kòmandé sou ou, sa-a ki fè-ou la ; Granmèt lamé yo, sé non-l sa,
ak rédanmèt-ou la, Sin Israèl la, sé Bondié tout tè-a y-ap rélé-l.

Sèké tankou yon madanm ki abandoné, ki gin tristès nan léspri-l, Granmèt la rélé-ou, ak yon madanm yo réjité dépi-l tou jèn, sé sa Bondié-ou la di. Pou yon ti moman, mouin té lagé-ou, min nan anpil pitié, m-ap rasanblé-ou. Nan yon moman kòlè, mouin té kaché fas mouin louin-ou, min nan kè sansib tout tan, mouin gin pitié pou ou, sé sa Granmèt ou-a ki délivré-ou la di.

Tankou nan jou Noé yo, sé konsa sila-a yé pou mouin, lè-m té fè sèman mouin pa t-ap voyé dlo Noé yo sou tè-a ankò ; sé konsa mouin fè sèman pou-m pa fè kòlè kont ou, pou-m pa fè-ou répròch. Mòn yo ap baskilé, ti rotè yo ap tranblé ; min mizérikòd mouin-an pap pati louin-ou, aliens lapè-m nan pap chanjé, sé sa Granmèt ou-a di, li minm ki gin pitié pou ou.

Ou minm ki pòv, ki souké ak tanpèt, san okinn konsolasion, min m-ap pozé bijou-ou yo annòd, m-ap instalé-ou sou bijou safir ; m-ap pozé bijou jasp kòm miray défans ou, pòt ou yo sé bijou ki byin tayé, tout limit ou yo sé bijou yo anvi anpil, tout pitit ou yo sé Granmèt la k-ap ba yo ansègnman, ap gin anpil lapè pou pitit ou yo, ou-ap instalé nan jistis. Ralé kò-ou louin akizasion ki pa vré, paské ou pap pè ni sézisman, paské li pap proche koté-ou.

Paròl Granmèt la.

PSÒM RÉPONS

Ps 29, 2 é 4. 5-6. 11 é 12 a é 13 b (R: 2 a)

- R: M-ap fè louanj ou, Granmèt, paské ou délivré-m.
- 2 M-ap fè louanj ou, Granmèt, paské ou délivré-m,
ou pa bay ènmi-m yo kè kontan sou do-m.
- 4 Granmèt, ou ouété lavi-m sot anba tè-a,
ou fè-m viv, pou-m pa désann nan fòs la. R:
- 5 Chanté pou Granmèt la, sin-l yo,
fè louanj pou souvni-l ki sin.
- 6 Sèké pou yon moman kòlè-l rivé,
min sé pou lavi rinmin-l nan diré.
Nan asouè gin dlo nan jé,
nan matin sé kè kontan. R:
- 11 Kouté, Granmèt, pran pitié pou mouin,
Granmèt, poté-m sékou.

- ¹² Ou chanjé plint mouin-an nan chanté dans.
¹³ Granmèt Bondié-m, pou tout tan m-ap fè louanj ou. **R.**

SINKIÈM LÉKTU

*Vi-n jouinn mouin, nanm nou ap viv,
 m-ap pasé yon aliens tout tan avèk nou.*

Léktu liv profèt Izayi

55, 1-11

Min paròl Granmèt la :

« Nou tout ki souaf, vi-n nan dlo yo : nou minm ki pa gin lajan, proche, achte, manjé ; vini, achte divin ak lèt san lajan, san troké anyin. Pouki n-ap dépansé lajan nou nan sa-k pa pin, travay nou nan sa-k pap konblé nou.

Kouté, panché zòrèy nou sou mouin, manjé sa-k bon, nanm nou ap jouinn plézi nan sa-k gin konsistans. Panché zòrèy nou, vi-n jouinn mouin ; kouté, nanm nou ap viv, m-ap pasé yon aliens tout tan avèk nou, mizèrikòd ki fidèl pou David la. Min mouin mété-l kòm témouin pou pèp yo, kòm chèf ak gid pou nasion yo. Min ou-ap rélé yon nasion ou pa-t konnin, nasion ki pa-t konnin-ou ap kouri vi-n jouinn ou poutèt Granmèt Bondié-ou la ak Sin Israèl la, paské mouin fè-ou jouinn gloua.

Chèché Granmèt la pandan yo kapab jouinn li ; rélé-l pandan li tou pré. Sé pou méchan-an kité rout li, pou péchè-a kité kalkil li yo ; sé pou-l tounin kot Granmèt la, l-ap pran pitié pou li ; sé pou-l tounin kot Bondié nou-an, paské li paré byin paré pou-l padonnin. Sèké pansé-m yo pa pansé pa nou, rout mouin sé pa rout pa nou, sé sa Granmèt la di. Sèké minm jan sièl la ro anlè tè-a, sé konsa rout mouin yo ro anlè rout pa nou yo, pansé-m yo anlè pansé pa nou yo.

Minm jan lapli ak lanèj désann sot nan sièl la, épi li pa tounin la ankò, min li rouzé tè-a, li inbibé-l, li fè-l jèmin, li bay moun k-ap simin-an sémans, li bay pin pou moun manjé ; sé konsa paròl mouin-an ki sot nan bouch mouin : li pa tounin vi-n jouinn mouin vid, min li fè tou sa-m vlé, li réyisi nan sa-m voyé-l fè-a ».

Paròl Granmèt la.

PSÒM RÉPONS

Iz 12, 2-3. 4 bcd. 5-6 (R : 3)

- R: N-ap tiré dlo ak kè kontan sot nan sous délivrans la.
- 2 Min Bondié sovè-m nan, mouin gin konfians, mouin pap pè,
paské fòs mouin ak louanj mouin, sé Granmèt la,
sé li minm ki vi-n sovè-m.
- 3 N-ap tiré dlo ak kè kontan sot nan sous Délivrans la. R:
- 4 Fè louanj Granmèt la, épi rélé non li,
fè konnin mèvèy li yo nan pèp yo,
fè sonjé kijan non-l anlè nèt. R:
- 5 Chanté pou Granmèt la, paské li fè mèvèy,
anonsé sa sou tout tè-a.
- 6 Dansé, fè louanj, pèp Siyon
paské li gran nan mitan-ou, Sin Israèl la. R:

SIZIÈM LÉKTU

*Maché sou rout la
al nan klèté Granmèt la.*

Léktu liv Profèt Baruk

3, 9-15. 32-4, 4

Kouté, Israèl, kouté kòmandman lavi yo ; paré zorèy ou, pou tou aprann sajès. Pouki sa, Israèl, sé nan péyi lénmi-ou yo ou yé-a, ou-ap viéyi nan tè étranjé-a, ou-ap sal avèk mò yo, o konsidéré-ou tankou moun yo k-ap désann anba tè yo ? Ou té lagé sous sajès la ! Sèké, si-ou té maché nan rout Bondié-a, sètènman ou t-a abité nan lapè tout tan-an. Aprann koté sajès la yé, koté bon kalité-a yé, koté intélijans la yé, pou-ou kapab konnin an minm tan koté longè lavi-a yé avèk byin yo, koté limiè jé yo yé avèk lapè. Kilès k-ap jouinn koté-l yé, kilès ki antré nan kachèt richès li yo ?

Sèlman sa-k konn tout bagay la, li konnin-l, sajès li-a jouinn li, li minm ki paré tè-a dépi tout tan-an, ki té plin-l avèk bèt gadinaj avèk lòt bèt kat pat yo ; li minm ki voyé limiè-a, épi limiè-a alé, ki rélé-l, li obéyi-l avèk sézisman. Zétoual yo bay limiè nan nuit vèy yo, yo kontan ; li rélé yo, yo di : « Min nou » ; yo kléré ak kè kontan pou sa-a ki té fè yo-a.

Sa-a sé Bondié nou-an, pa gin dèt yo konsidéré an fas li ; li minm li jouinn tout chémin lédikasion-an, li rinmèt li bay Jakòb sèvitè-l la, ak Israèl sa-a li rinmin-an. Apré sa, li parèt sou tè-a, li palé ak lézòm. Sa-a,

sé liv kòmandman Bondié yo, sé laloua-a ki égzisté tout tan-an ; tout moun ki lagé-l, sé nan lanmò y-apralé.

Tounin, Jakòb, kinbé-l, maché sou rout la, al nan klèté-l dévan limiè-l la ; pa bay yon lòt gloua-ou la, pa bay yon lòt nasion ran-ou nan. Ala kontantman pou nou, Israèl, paské sa-k fè Bondié plézi yo, li montré nou yo.

Paròl Granmèt la.

PSÒM RÉPONS

Ps 18, 8. 9. 10. 11 (R: Jan 6, 68 c)

R: Granmèt, ou gin paròl lavi tout tan yo

8 Laloua Granmèt la san tach, li réfè nanm, témouagnaj Granmèt la fidèl, li bay ti moun yo sajàs. R:

9 Jistis Granmèt la douat, yo fè kè kontan, kòmandman Granmèt la klè, li kléré jé yo. R:

10 Krint Granmèt la nèt, li diré pou tout tan gin tan, jijman Granmèt la vré, yo kòrèk yo tout ansanm. R:

11 Yo pi chè pasé lò, ak bijou ki gin anpil pri, yo pi dous pasé mièl, ak réyon mièl k-ap koulé. R:

SÉTIÈM LÉKTU

M-ap vidé yon dlo pròp sou nou, m-ap ba nou yon kè nouvo.

Léktu liv profèt Ézékièl

36, 16-17 a. 18-28

Paròl Granmèt la rivé sou mouin, li di-m : « Pitit moun, kay Israèl la té abité nan péyi-l, yo té sal li nan chémin yo avèk mové panchan yo. Mouin vidé kòlè-m sou yo pou san-an, sa yo té vidé sou tè-a, ak pou zidòl yo ki fè yo té sal li-a. Mouin gayé yo nan nasion yo, yo simin nan péyi yo, sé dapré chémin yo ak mové aksion yo mouin jijé yo, yo antré nan nasion yo koté yo té alé-a, yo sal non-m ki sin-an, atèl pouin yo di sou yo : “Sé pèp Granmèt la sa, yo soti nan péyi-l la”. Mouin ménajé non-m ki sin-an, sa kay Israèl la té sal la nan nasion yo koté yo té antré-a.

Sé pousa, ou-a di kay Israèl la : Min paròl Granmèt Bondié-a : “Sé pa poutèt nou m-ap aji, kay Israèl, min sé poutèt non-m ki sin-an, sa nou té sal nan nasion yo koté nou té antré-a. M-ap fè ouè kijan non-m sin, non-m sa-a ki gran-an, li minm nou té sal nan mitan yo-a, pou nasion yo

konnin sé mouin minm Granmèt la, sé sa Granmèt lamé yo di, lè m-ap fè ouè kijan mouin sin nan nou dévan yo-a. Sèké m-ap pran nou nan nasion yo, m-ap rasanblé nou sot nan tout péyi, m-ap minnin nou nan péyi nou-an ; m-ap vidé yon dlo pròp sou nou, n-ap pròpté sòt nan tou sa-k té sal nou, m-ap pròpté nou sot nan tout zidòl nou yo.

M-ap ba nou yon kè nouvo, m-ap mété yon éspri nouvo nan mitan nou, m-ap ouété kè ròch la sot nan chè nou, m-ap mété yon kè chè nan nou, m-ap mété éspri-m nan mitan nou, m-ap fè nou maché nan lòd mouin yo, m-ap fè nou kinbé jijman-m yo, pou nou fè yo. N-ap abité nan péyi-a mouin té bay papa nou yo, n-ap pèp mouin, m-ap Bondié nou” ».

Paròl Granmèt la.

PSÒM RÉPONS

Ps 41, 3. 5 bcd ; Ps 42, 3. 4 (R : Ps 41, 2)

- R Tankou yon mouton al nan sous dlo,
konsa nanm mouin anvi al koté-ou, Bondié.
- 3 Nanm mouin souaf kot Bondié, Bondié vivan-an,
kilè m-apralé, pou-m parèt dévan fas Bondié ? R
- 5 Sèké mouin té konn travèsé al kot tant éstraòdinè-a,
jous nan kay Bondié-a,
nan chanté fèt avèk louanj,
fèt foul la k-ap fè louanj la. R
- 3 Voyé limiè-ou ak vérité-ou la ;
sé yo minm k-ap kondui-m, k-ap minnin-m
sou mòn ou ki sin-an, ak nan tant ou-a. R
- 4 M-ap antré kot lotèl Bondié-a,
kot Bondié kè kontan fèt mouin-an.
M-ap fè louanj ou sou gita, Bondié, Bondié-m nan. R

Oubyin, lè gin batèm :

Izayi 12 tankou pi ro-a (aprè sinkièm léktu-a)

Oubyin ankò :

Ps 50, 12-13. 14-15. 18-19 (R : 12 a)

R Kréyé yon kè pròp nan mouin, Bondié.

- 12 Kréyé yon kè pròp nan mouin, Bondié,
réfè yon léspri fèm nan zantray mouin yo.
- 13 Pa jété-m louin fas ou,
éspri sin-ou nan, pa ouété-l sot nan mouin. *R:*
- 14 Rinmèt mouin kè kontan sové ou sové-m nan,
asiré-m ak éspri ki pi vif la.
- 15 M-ap aprann péchè yo chémin-ou yo,
méchan yo ap tounin vi-n jouinn ou. *R:*
- 18 Sèké ou pap pran plézi nan sakrifis,
sakrifis antié, si-m ofri-l, li pap fè-ou plézi.
- 19 Sakrifis pou Bondié, sé yon éspri ki krazé,
yon kè ki krazé, ki rabésé, Bondié pap méprizé-l. *R:*

ÉPIT

Kris la lèvé sot nan pami mò yo, li pap mouri ankò.

Léktu lèt apot sin Pòl pou Romin yo

6, 3-11

Frè-m yo :

Nou tout ki batizé nan Kris Jézu, sé nan lanmò-l nou batizé. Nou antéré réyèlman ansanm avèk li nan lanmò-a gras a batèm nan, pou minm jan Jézu-Kri lèvé sot nan pami mò yo gras a gloua Papa-a, konsa tou nou minm n-ap maché nan nouvo lavi-a. Sèké si nou planté ansanm avèk li pou nou sanblé avèk li nan lanmò-l la, konsa tou n-ap ansanm avèk li nan réziriksiyon-l nan. Nou konnin moun ansyin nou-an klouré sou koua-a ansanm avèk li, pou kò péché-a kapab détoui, pou nou pa sèvi péché-a ankò. Sa-a ki mouri-a, li kòrèk parapò a péché-a. Konsa si nou mouri ansanm avèk Jézu-Kri tou, nou konnin Jézu-Kri ki résisité sot nan pami mò yo, li pap mouri ankò, lanmò-a pap gin pouvoua sou li ankò. Sa-k mouri aléga péché-a, li mouri yon foua pou tout ; sa k-ap viv la minm, sé pou Bondié l-ap viv. Sé konsa nou minm sé pou nou konsidéré nou mouri aléga péché-a, n-ap viv pou Bondié nan Jézu-Kri Granmèt nou-an.

Paròl Granmèt la.

Apré Épit la, tout moun kanpé, pè-a antoné solanèlman toua foua, antan l-ap lévé voua-l chak foua pi ro Alélouya, bagay tout moun répété. Si nésésè Psalmis la antoné Alélouya-a.

Apré sa, Psalmis la oubyin chant la chanté Psòm 117 la antan pèp la réponn Alélouya.

PSÒM RÉPONS

Ps 117, 1-2. 16 ab-17. 22-23

℞ Alélouya, alélouya, alélouya.

- ¹ Fè louanj Granmèt la, poutèt li bon,
poutèt mizérikòd li pou tout tan.
- ² Sé pou Israèl di sa koulié-a, poutèt li bon,
poutèt mizérikòd li pou tout tan. ℞
- ¹⁶ Min douat Granmèt la fè mèvèy,
min douat Granmèt la lévé byin ro.
- ¹⁷ Mouin pap mouri, min m-ap viv,
m-ap rakonté travay Granmèt la. ℞
- ²² Ròch la bòs mason yo té jété-a,
sé li minm ki vi-n tounin tèt kouin-an ;
- ²³ sé nan Granmèt la sa soti pou-l fèt,
sé youn bagay éstraòdinè nan jé nou. ℞

ÉVANJIL

Ané A

Li résisité, li pran dévan nou nan Galilé.

✠ Léktu sint Évanjil la dapré Matié

28, 1-10

Apré saba-a, nan klété premié jou sémèn nan, Mari Madlèn ak lòt Mari-a vi-n gadé kavo-a. Vi-n gin yon gran tranbléman-tè. Anj Granmèt la désann sot nan sièl la, li rivé, li roulé ròch la, li chita sou li. Aparans li té tankou zèklè, rad li té tankou lanèj. Gad yo tèlman sézi dévan-l, yo tranblé, yo vi-n tankou moun mouri.

Anj la minm pran laparòl, li di médam yo : « Pa pè, nou minm ; mouin konnin sé Jézu ki té klouré sou koua-a n-ap chèché. Li pa isit la ; li lévé jan-l té di-a. Vini, n-a ouè plas koté yo té dépozé Granmèt la ; épi pati byin vit al di disip li yo, li lévé, min li pran dévan nou nan Galilé ; sé la n-a ouè-l. Min mouin avèti nou ».

Yo minm yo pati byin vit sot nan kavò-a, ak sézisman ak gran kè kontan, y-al pot nouvèl bay disip li yo.

Min Jézu vi-n rankontré yo, li di : « Salu ». Yo minm yo proché, yo kinbé pié-l, yo adoré-l. Lè sa-a atò, Jézu di yo : « Pa pè ; alé, anonsé frè-m yo, pou y-al nan Galilé, sé la y-a ouè-m ».

Paròl Granmèt la.

Ané B

Jézu moun Nazarèt la ki té klouré sou koua-a, li lévé.

✠ Léktu sint Évanjil la dapré Mark 16, 1-7

Lè saba-a fi-n pasé, Mari Madlèn ak Mari manman Jak ak Salomé yo achte pafin, yo vini pou yo anbomin Jézu. Granmatin premié jou sémèn nan, yo rivé nan kavò-a, solèy déjà kòmansé ap lévé.

Youn t-ap di lòt : « Kilès k-ap roulé ròch la pou nou sot nan bouch kavò-a ? » Yo gadé, yo ouè ròch la té gin tan roulé ; li té gran anpil.

Yo antré nan kavò-a, yo ouè yon jènòm ki chita adouat, li abiyé ak rad blan, yo pè.

Li di yo : « Pa pè. Jézu n-ap chèché-a, moun Nazarèt la yo té klouré sou koua-a : li lévé vivan, li pa isit la. Min plas koté yo té dépozé-l la. Min alé, di disip li yo ak Piè, li pran dévan nou nan Galilé ; sé la n-a ouè-l, jan-l té di nou-an ».

Paròl Granmèt la.

Ané C

Pouki sa n-ap chèché vivan-an avèk mò yo ?

✠ Léktu sint Évanjil la dapré Luk 24, 1-12

Premié jou sémèn nan, granmatin, médam yo rivé nan kavò-a, yo poté pomad yo té paré yo ; yo jouinn ròch la ki roulé sot nan kavò-a. Yo antré, yo pa jouinn kò Granmèt la.

Rivé, pandan yo rét sézi nan éspri yo pou bagay sa-a, gin dé mésié ki kanpé bò koté yo ak rad kléré. Kòm médam yo té pè, yo té bésé fas yo atè, mésié yo di yo : « Pouki sa n-ap chèché vivan-an avèk mò yo ? Li pa isit la, li lévé. Sonjé ki kalité paròl li té di nou, lè-l té nan Galilé toujou-a, lè-l té di : “Pitit moun nan, yo gin pou yo rinmèt li nan min péchè yo, y-ap klouré-l sou koua, sou touazièm jou-a l-ap lévé” ». Yo vi-n sonjé paròl li yo.

Yo soti kité kavo-a, yo anonsé tout bagay sa yo bay onz yo ak tout lòt yo. Sé té Mari Madlèn, ak Ja-n, ak Mari, manman Jak, ak lòt médam yo ki té avèk yo, yo di Apot yo bagay sa yo. Min paròl sa yo, pou yo minm té tankou kozé ki pa gin sans, yo pa kouè yo.

Piè minm lévé, li kouri al nan kavo-a, li panché, li ouè moso toual yo pou kont yo ki pozé atè-a, li tounin antan-l sézi anndan kè-l pou sa-k rivé-a.

Paròl Granmèt la.

Mès lajounin-an

PRÉMIÉ LÉKTU

*Nou té manjé, nou té bouè avèk li,
aprè li té résisitè sot nan pami mò yo.*

Léktu Travay Apot yo

10, 34 a. 37-43

Jou sa yo :

Piè louvri bouch li, li di : « Nou konnin sa-k rivé nan tout Judé, kòmansé dépi Galilé apré batèm nan Jan té préché-a : Jézu moun Nazarèt la, kijan Bondié té sakré-l ak Éspri Sin-an ak fòs : li minm ki travèsé antan l-ap fè byin, l-ap géri tout moun djab la t-ap maltrété, paské Bondié té avèk li. Nou minm nou témouin tou sa-l té fè nan réjion Juif yo ak Jérusalèm ; li minm yo té touyé antan yo pandié-l sou boua-a. Bondié fè-l lévé touazièm jou-a ; li fè-l parèt, non pa dévan tout pèp la, min dévan témouin yo Bondié té chouazi davans yo : nou minm, ki té manjé, ki té bouè avèk li, apré-l té fi-n résisitè sot nan pami mò yo. Li pasé nou lòd pou nou préché pèp la, pou nou sèvi témouin Bondié mété-l kòm jij moun ki vivan yo ak moun ki mouri yo. Tout profèt yo sèvi-l témouin, tout moun ki kouè nan li ap résévoua padon péché yo o non-l ».

Paròl Granmèt la.

PSÒM RÉPONS

Ps 117, 1-2. 16 ab-17. 22-23 (R : 24)

R: Jou sa-a Granmèt la fè-a ;
sé pou nou fété, sé pou nou kontan nan li.

oubyin : Alélouya, alélouya, alélouya.

- ¹ Fè louanj Granmèt la, poutèt li bon,
poutèt mizérikòd li pou tout tan.
- ² Sé pou Israël di sa koulié-a poutèt li bon,
poutèt mizérikòd li pou tout tan. R:
- ¹⁶ Min douat Granmèt la fè mèvèy,
min douat Granmèt la lévé byin ro.
- ¹⁷ Mouin pap mouri, min m-ap viv,
m-ap rakonté travay Granmèt la. R:
- ²² Ròch la bòs mason yo té jété-a,
sé li minm ki vi-n tounin tèt kouin-an ;
- ²³ sé nan Granmèt la sa soti pou-l fèt,
sé yon bagay éstraòdinè nan jé nou. R:

DÉZIÈM LÉKTU

Sé bagay anro yo pou nou chèché, koté Jézu-Kri yé-a.

Léktu lèt apot sin Pòl pou Kolosyin yo

3, 1-4

Frè-m yo :

Si nou résisité ansanm avèk Jézu-Kri, sé bagay ki anro yo pou nou chèché, koté Jézu-Kri chita adouat Bondié-a : sé bagay ki anro yo pou nou gouté, sé pa bagay ki sou tè-a ; Sèké nou mouri, lavi nou kaché avèk Jézu-Kri nan Bondié. Lè Jézu-Kri ap parèt, li minm ki lavi nou, lè sa-a nou minm tou n-ap parèt ansanm avèk li nan gloua-a.

Paròl Granmèt la.

Oubyin si yo pito :

*Ouété vié lévin-an,
pou nou kapab vi-n tounin yon pat nouvo.*

Léktu prémié lèt apot sin Pòl pou Korintyin yo

5, 6 b-8

Frè-m yo :

Èské nou pa konnin yon ti kras lévin gaté tout pat la ? Ouété vié lévin-an, pou nou vi-n tounin yon pat nouvo, minm jan nou sé pin san lévin-an ; sèké Pak nou-an sakrifié, sé Kris la. Konsa sé pou nou fété, min sé pa avèk vié lévin-an, ni lévin méchansté ak péché, min ak pin san lévin sinsérité-a ak vérité-a.

Paròl Grammèt la.

KANTIK (SÉKANS : *Victimae paschali*)

Yo doué di-l jodi-a ; nan jou yo pandan sémèn nan, y-a di-l si yo vlé.

Sé pou Krétyin yo imolé
louanj pou viktim paskal la.

Agno-a rachté mouton yo :
Kris inosan rékonsilié péchè yo ak Papa-a.

Lanmò-a ak lavi-a mélé nan yon batay séré a dé :
chèf lavi-a ki mouri-a ap kòmandé vivan kòm roua.

Di nou, Mari,
ki sa-ou té ouè sou rout la ?

Kavo Kris la ki vivan-an,
ak gloua sa-a ki résisité-a, sé sa mouin té ouè,

Anj yo ki sèvi témouin yo,
mouchoua-a ak rad yo.

Kris la résisité, li minm éspérans mouin-an :
li pran dévan moun li yo nan Galilé.

Nou konnin Kris la résisité vré sot nan pami mò yo :
ou minm, Roua ki ranpòté viktoua-a, pran pitié pou nou.

ALÉLOUYA

1 Kor 5, 7 b-8 a

℞ Alélouya. Pak nou-an sakrifié, sé Kris la ;
sé pousa sé pou nou fété nan Granmèt la. ℞ Alélouya.

ÉVANJIL

Li té gin pou-l té résisité sot nan pami mò yo.

✠ Léktu sint Évanjil la dapré Jan

20, 1-9

Prémié jou sémèn nan, Mari Madlèn rivé granmatin, nan kavo-a, pandan té fènoua toujou ; li ouè ròch la lévé sot nan kavo-a. Li kouri vi-n kot Simon Piè ak lòt disip la, sa Jézu té rinmin-an, li di yo : « Yo lévé Granmèt la sot nan kavo-a, nou pa konnin koté yo dépozé-l ». Piè soti, ni lòt disip sa-a, yo rivé kot kavo-a. Yo t-ap kouri yo tou lé dé ansanm, lòt disip sa-a té kouri pi vit pasé Piè, li rivé an prémié nan kavo-a. Lè-l panché, li ouè bann toual yo ki pozé atè-a ; min li pa antré. Simon ki t-ap suiv li vi-n rivé tou, li antré nan kavo-a, li ouè bann toual yo ki pozé atè-a, ak mouchoua-a ki té sou tèt li-a, min ki pa-t pozé avèk bann toual yo, min li té vlopé apa nan minm koté-a. Lè sa-a atò lòt disip sa-a antré, li minm ki té vi-n an prémié nan kavo-a, li ouè, li kouè. Sèké yo pa-t ko konnin sa-k ékri yo, li té gin pou-l té résisité sot nan pami mò yo.

Paròl Granmèt la.

Nan plas Évanjil sa-a yo kapab li Évanjil tankou pi ro-a nan Nuit ki sin-an, p. 427.

Koté ki gin Mès asouè, yo kapab li tou nan Mès asouè-a Évanjil Luk 24, 13-35, tankou pi louin, mèkrédi nan sémèn Pak la, p. 438.

Lindi anndan oktav Pak la

PRÉMIÉ LÉKTU

*Jézu sa-a, Bondié fè-l résisité,
nou tout nou sèvi-l témouin.*

Léktu Travay Apot yo

2, 14. 22-33

Jou Pannkot la, Piè kanpé avèk onz yo, li lévé voua-l, li déklaré :

« Mésié Juif yo ak nou tout ki abité Jérusalèm, aprann sa, paré zòrèy nou nan paròl mouin yo. Mésié Israèl yo, kouté paròl sa yo : Jézu moun Nazarèt la, mésié sa-a Bondié té sèvi-l témouin nan mitan nou-an, avèk mèvèy, prodij ak sign Bondié té fè pa lantrémiz li nan mitan nou, jan nou konnin-an, sé li minm nou té touyé-a, lè nou fi-n rinnèt li nan min méchan yo pou yo fè-l pasé tray, dapré plan Bondié té fiksé ak prévouayans li. Bondié lévé-l, li détoui soufrans anba tè yo, paské sa pa-t posib pou-l té rét kinbé anba-l. Sèké David di osijè-l : “Mouin té ouè Granmèt la dévan fas mouin davans tout tan, paské li adouat mouin, mouin pap tranblé. Sé poua kè-m kontan, lang mouin ap fété, ata chè-m rét pozé nan éspérans ; paské ou pap lagé nanm mouin anba tè-a, ou pap kité Sin-ou nan ouè dékonpozision. Ou fè-m konnin rout lavi-a, ou-ap plin-m ak kè kontan dévan fas ou”. Mésié frè-m yo, kité-m palé nou karéman sou papa nou David, li mouri, yo antéré-l, kavo-l lakay nou jous jodi-a. Kòm li té profèt, li té konnin Bondié té fè-l sèman osijè foui rin li, pou-l té fè-l chita sou tro-n li, li té prévoua li t-ap palé sou rézirképsion Jézu-Kri-a, sèké li pa abandoné anba tè-a, chè-l pa ouè dékonpozision. Jézu sa-a, Bondié résisité-l, nou tout nou sèvi-l témouin. Antan-l lévé anlè réyéلمان gras a min douat Bondié, épi li résevoua promès Éspri Sin-an nan min Papa-a, li vidé-l, sa nou tandé-a épi nou ouè-a ».

Paròl Granmèt la.

PSÒM RÉPONS

Ps 15, 1-2 a é 5. 7-8. 9-10. 11 (R : 1)

R: Prézèvé-m, Bondié, paské mouin éspéré nan ou.

oubyin : Alélouya.

¹ Prézèvé-m Bondié, paské mouin éspéré nan ou.

² Mouin di Granmèt la : « Sé Granmèt mouin mouin ou yé,

⁵ Granmèt, pòsion éritaj mouin ak kalis mouin :
sé ou minm ki kinbé déstiné mouin. R

- 7 M-ap fè konpliman pou Granmèt la ki ban-m intéljans ;
minm nannuit rin-m ban-m léson.
- 8 Mouin té mété Granmèt la dévan fas mouin tout tan,
paské li adouat mouin, mouin pap tranblé. **R:**
- 9 Sé poua kè-m kontan, tout anndan fon kè-m ap dansé ;
minm chè-m pozé nan éspérans.
- 10 Paské ou pap lagé nanm mouin nan abitasion mò yo,
ou pap kité sin-ou nan ouè dékonpozision. **R:**
- 11 Ou-ap fè-m konnin rout lavi yo,
kè kontan k-ap débòdé avèk fas ou,
plézi adouat ou jous pou tout tan. **R:**

Kantik (Sékans) si yo vlé, tankou pi ro-a, p. 431.

ALÉLOUYA

Ps 117, 24

R: Alélouya. Jou sa-a Granmèt la fè-a ;
sé pou nou fété, sé pou nou kontan nan li. **R:** Alélouya.

ÉVANJIL

Anonsé frè-m yo pou y-al nan Galilé, sé la y-a ouè-m.

✠ Léktu sint Évanjil la dapré Matié

28, 8-15

Lè sa-a : médam yo pati byin vit sot nan kavo-a ak sézisman ak gran kè kontan, y-al pot nouvèl bay disip li yo. Jézu vi-n rankontré yo, li di : « Salu ». Yo minm yo proché, yo kinbé pié-l, yo adoré-l. Lè sa-a atò, Jézu di yo : « Pa pè ; alé, anonsé frè-m yo, pou y-al nan Galilé, sé la y-a ouè-m ». Pandan y-alé, gin kèk nan gad yo ki rivé nan vil la ; yo anonsé gran prèt yo tou sa-k té pasé. Yo rasanblé, yo fè réyinion avèk ansyin yo, yo bay sòlda yo anpil lajan, yo di : « Di sé disip li yo ki vi-n nannuit, yo vòlè-l, pandan nou t-ap dòmi. Si préfè-a aprann sa, n-a konvink li, n-a fè nou gin asirans ». Yo minm, lè yo vi-n résévoua lajan-an, yo fè jan yo té aprann yo-a. Paròl sa-a gayé kay Juif yo jous jounin jodi-a.

Paròl Granmèt la.

Madi anndan sémèn Pak la

PRÉMIÉ LÉKTU

Fè pénitans, sé pou chak moun nan nou batizé o non Jézu.

Léktu Travay Apot yo

2, 36-41

Jou Pannkot la, Piè t-ap di Juif yo :

« Sètènman sé pou tout kay Israèl la konn sa, Bondié fè-l Granmèt ak Kris, Jézu sa-a nou té klouré sou koua-a ». Lè yo tandé paròl sa yo, yo chagrin nan kè yo, yo di Piè ak lòt Apot yo : « Ki sa pou nou fè, mesié frè nou yo ? »

Piè minm di yo : « Sé pou nou fè pénitans, sé pou chak moun nan nou batizé o non Jézu, pou padon péché nou yo, n-a résévoua kado Éspri Sin-an. Sèké sé pou nou promès la yé, ansanm ak pitit nou yo, ak tout moun ki louin yo, tou sa Granmèt Bondié nou-an rélé yo ». Ak anpil dèt paròl ankò li t-ap sèvi témouin, li t-ap ankourajé yo, li t-ap di : « Sové lavi nou sot nan jénérasyon sa-a ki mové-a ». Moun yo ki té résévoua paròl li-a, yo batizé, jou sa-a té gin apèpre toua mil moun ki vi-n tounin disip.

Paròl Granmèt la.

PSÒM RÉPONS

Ps 32, 4-5. 18-19. 20 ; 22 (R : 5b)

R Mizérikòd Granmèt la plin tè-a.

oubyin : Alélouya.

4 Sèké paròl Granmèt la douat
tout aksion-l yo nan fidélimité,

5 Li rinmin jistis ak jijman,
mizérikòd Granmèt la plin tè-a. R

18 Min jé Granmèt la sou moun ki respékté-l yo,
sou moun ki espéré sou kè sansib li,

19 pou-l délivré nanm yo sot nan lanmò,
pou-l ba yo manjé nan grangou. R

20 Nanm nou ap konté sou Granmèt la,
paské sé sékou nou ak protéksion nou li yé.

22 Sé pou mizérikòd ou vi-n sou nou, Granmèt,
tankou nou té espéré nan ou. R

Kantik (Sékans), si yo vlé, tankou pi ro-a, p. 431.

ALÉLOUYA

Ps 117, 24

℞ Alélouya. Jou sa-a Granmèt la fè-a ;
sé pou nou fété, sé pou nou kontan nan li. ℞ Alélouya.

ÉVANJIL

Mouin ouè Granmèt la, sé bagay sa yo li di-m.

✠ Léktu sint Évanjil la dapré Jan

20, 11-18

Lè sa-a :

Mari té kanpé bò kavo-a, sou pa déyò, li t-ap kriyé. Pandan l-ap kriyé, li panché, li gadé anndan kavo-a. Li ouè dé Anj an blan ki chita, youn bò tèt la ak lòt la bò pié yo, koté yo té pozé kò Jézu-a. Yo di-l : « Madanm, pouki sa ou-ap kriyé ? » Li di yo : « Sé paské yo pran Granmèt mouin-an, mouin pa konnin koté yo mété-l ». Pandan l-ap di sa, li viré gadé dèyè, li ouè Jézu kanpé ; min li pa-t konnin sé té Jézu. Jézu di-l : « Madanm, poukisa ou-ap kriyé ? Kilès ou-ap chèché ? » Li minm antan-l konprann sé jéran jadin-an, li di li : « Mèt, si sé ou-k té ouété-l, di-m koté-ou té dépozé-l ; épi mouin minm m-a pran-l ». Jézu di-l : « Mari ! » Li viré, li di-l : « Raboni (sa vlé di Mèt) ! » Jézu di-l : « Pa touché-m ; mouin pa ko monté kot Papa-m. Min al kot frè-m yo, di yo : “M-ap monté kot Papa-m ak Papa nou-an, Bondié-m nan ak Bondié nou-an” ». Mari Madlèn rivé, li anonsé disip yo : « Mouin ouè Granmèt la, sé bagay sa yo li di-m ».

Paròl Granmèt la.

Mèkrédi anndan sémèn Pak la

PRÉMIÉ LÉKTU

Sa-m ginyin-an, mouin ba ou-l : o non Jézu, lévé, maché.

Léktu Travay Apot yo

3, 1-10

Jou sa yo :

Piè ak Jan t-ap monté nan Tanp la pou lè lapriyé névièm è-a. Té gin yon mésié ki té infim dépi nan vant manman-l, yo t-ap poté-l. Chak jou

yo té konn dépozé-l bò pòt Tanp la, sa yo rélé Bèl la, pou-l mandé moun yo k-ap antré nan Tanp la lacharité. Li minm, kon-l ouè Piè ak Jan k-apral antré nan kay sakré-a, li mandé yo pou yo fè-l jouinn lacharité. Piè minm antan-l l-ap gadé-l byin ansanm ak Jan, li di : « Gadé nou ». Li minm li pozé jé-l sou yo, li té éspéré li t-ap jouinn kichòy nan min yo. Piè minm di : « Lajan ak lò, mouin pa gin sa ; sa-m ginyin-an mouin ba ou-l : o non Jézu-Kri moun Nazarèt la, lévé, maché ». Li pran min douat li, li lévé-l, minm lè-a jouintu ak plant pié-l vi-n solid. Li vòltijé kanpé, li t-ap maché, li antré avèk yo nan Tanp la, l-ap maché, l-ap vòltijé, l-ap fè louanj Bondié. Tout pèp la ouè l-ap maché, l-ap fè louanj Bondié. Yo té rékonèt li, sé li minm ki té konn chita bò Bèl Pòt Tanp la, pou lacharité-a, yo té plin ak sézisman, yo té dékontrolé pou sa-k té rivé-l la.

Paròl Granmèt la.

PSÒM RÉPONS

Ps 104, 1-2. 3-4. 6-7. 8-9 (R: : 3 b)

R: Sé pou kè moun yo k-ap chèché Granmèt la kontan.

oubyin : Alélouya.

- 1 Fè louanj Granmèt la, rélé non-l,
anonsé travay li nan pami nasion yo.
- 2 Chanté pou li, joué mizik pou li,
kalkilé sou tout mèvèy li yo. **R:**
- 3 Fè louanj nou nan non-l ki sin-an,
sé pou kè moun yo k-ap chèché Granmèt la kontan.
- 4 Chèché Granmèt la ak pouvoua-l,
chèché fas li tout tan. **R:**
- 6 Ras Abraam, sèvitè-l,
pitit Jakòb, sila-a chouazi-a.
- 7 Sé li minm Granmèt Bondié nou ;
sou tout tè-a jijman-l yo. **R:**
- 8 Li sonjé aliens li-a tout tan,
paròl li té kòmandé bay mil jénérasyon yo,
- 9 sa-l té pasé avèk Abraam nan,
sèman li té fè bay Izaak la. **R:**

Kantik (Sékans), si yo vlé, tankou pi ro-a, p. 431.

ALÉLOUYA

Ps 117, 24

R: Alélouya. Jou sa-a Granmèt la fè-a ;
sé pou nou fété, sé pou nou kontan nan li. R: Alélouya.

ÉVANJIL

Yo rékonèt li nan kasé pin-an.

✠ Lékto sint Évanjil la dapré Luk

24, 13-35

Té gin dé nan disip Jézu yo ki t-apral nan bouk, premié jou sémèn sa-a, bouk la té yon distans onz kilomèt parapò a Jérusalèm, yo té rélé-l Émayus. Yo minm yo t-ap palé antré yo sou tou sa-k té pasé. Rivé, pandan y-ap kozé, y-ap chèché antré yo, Jézu minm proché, l-ap maché avèk yo. Jé yo té gin yon bagay ki kinbé yo, pou yo pa rékonèt li. Li di yo : « Ki paròl sa yo, n-ap palé antré nou pandan n-ap maché-a, épi ki fè nou tris la ? » Youn yo rélé Kléofas, di-l : « Sé ou minm sèl ki étranjé nan Jérusalèm, ou pa konnin sa-k rivé nan jou sa yo ? » Li di yo : « Ki bagay ? » Yo di : « Osijè Jézu moun Nazarèt la, ki té yon profèt, ki gin pouvoua nan aksion ak paròl dévan Bondié ak tout pèp la. Kijan prèt an chèf yo ak chèf nou yo rinmèt li nan kondanasion lanmò, épi yo klouré-l sou koua. Nou minm nou té éspéré, sé li minm ki t-ap délivré Israèl ; koulié-a minm sou tout bagay sa yo jodi-a sé touazièm jou dépi yo rivé. Min kèk médam nan pami nou té fè nou sézi, yo t-al nan kavo-a dévan-jou, yo pa jouinn kò-l, yo vi-n di yo ouè vizion Anj yo, ki di yo li vivan. Kèkzin nan nou al nan kavo-a, yo jouinn bagay yo jan médam yo di-a ; min li minm yo pa jouinn li ».

Li di yo : « Nou sòt, nou pran tan nan kè nou pou nou kouè tou sa profèt yo té palé yo ! Èské Kris la pa-t gin pou-l souffri, épi sé konsa pou-l antré nan gloua-l la ? » Li kòmansé dépi sou Moyiz ak tout profèt yo, li éspliké yo nan tout sa-k ékri-a sa-k té konsèné-l. Yo proché bò bouk la koté yo t-apralé-a, li minm li fè kòmisi l-apral pi louin, yo fòsé-l, yo di : « Rét avèk nou, paské asouè rivé, jou-a déjà bésé ». Li antré avèk yo. Pandan li atablé avèk yo, li pran pin, li béni, li kasé, li ba yo. Jé yo louvri, yo rékonèt li. Li minm minm li disparèt sot dévan jé yo.

Youn di lòt : « Èské kè nou pa-t cho anndan nou, pandan li t-ap palé sou chémin-an, li t-ap éspliké nou sa-k ékri yo ? » Yo lévé minm là-a, yo tounin Jérusalèm. Yo jouinn onz yo rasanblé, ni sa yo ki té avèk yo-a, yo

di Granmèt la lévé vré, li parèt dévan Simon. Yo rakonté sa-k té passé sou chemin-an, kijan yo té rékonèt li nan kasé pin-an.

Paròl Granmèt la.

Jédi anndan sémèn Pak la

PRÉMIÉ LÉKTU

Nou touyé lotè lavi-a, Bondié résisité-l sot nan pami mò yo.

Léktu Travay Apot yo

3, 11-26

Jou sa yo :

Kòm infim nan ki té géri-a té kinbé Piè ak Jan, tout pèp la kouri koté yo, bò pòtay yo rélé pòtay Salomon-an, yo té sézi. Lè Piè ouè sa, li réponn pèp la : « Mésié Israèl yo, pouki sa nou sézi pou bagay sa-a ? oubyin pouki sa n-ap gadé nou-an, kòm si sé ak fòs nou oubyin sé ak pouvoua nou nou fè mésié sa-a maché-a ? Bondié Abraam ak Bondié Izaak ak Bondié Jakòb la, Bondié papa nou yo fè ouè gloua Pitit li-a Jézu, li minm nou té bay la, nou té nié dévan fas Pilat la, lè Pilat té jijé pou-l té lagé-l la. Nou minm sé Sin-an ak sa-a ki kòrèk la nou té nié, nou té mandé pou yo ba nou yon moun ki touyé moun ; Lotè lavi-a minm, nou touyé-l, min Bondié résisité-l sot nan pami mò yo, nou sèvi-l témouin. Nan lafoua o non-l, sa-a nou ouè-a, nou konnin-an, non-l fè-l kanpé fèm ; sé lafoua ki réalizé pa lantrémiz li-a, ki bay santé sa-a ki intak la dévan fas nou tout la. Koulié-a frè-m yo mouin konnin sé paské nou pa-t konnin ki fè nou fè sa, minm jan ak chèf nou yo. Min Bondié, sa-l té anonsé davans nan bouch profèt yo, pou Kris li-a souffri-a, sé konsa li réalizé-l. Konsa sé pou nou fè pénitans, sé pou nou chanjé konduit, pou péché nou yo éfasé ; pou lè tan fréchè yo rivé vi-n sot nan fas Granmèt la, li voyé sa-a yo té préché nou-an, Jézu-Kri, li minm sièl la gin pou-l kinbé jous nan tan y-ap rémété tout bagay nan plas yo-a, sa Bondié té palé nan bouch sin-l yo lontan-an, profèt yo. Sèké Moyiz té di : “Granmèt Bondié nou-an ap fè yon profèt lévé pou nou nan mitan frè nou yo, tankou mouin minm ; sé pou nou kouté-l, dapré tou sa l-ap di nou. Tout moun ki pa kouté profèt sa-a, y-ap ouété-l sot nan pèp la”. Tout profèt yo dépi Samuèl ak sa-k vi-n apré-l yo, ki té palé yo, yo té anonsé jou sa yo.

Nou minm nou sé pitit profèt yo ak aliens la, sa Bondié té pasé ak papa nou yo, lè-l té di Abraam nan : “Nan ras ou tout fanmi tè-a ap jouinn bénédiksion”. Sé nou minm an premié Bondié voyé Pitit li-a ba nou, sa-l résisité-a, ki béni nou-an, pou nou chak viré do sot nan péché-l yo” ».

Paròl Granmèt la.

PSÒM RÉPONS

Ps 8, 2 a é 5. 6-7. 8-9 (R: 2 ab)

R: Granmèt, Granmèt nou,
ala gran non-ou gran sou tout tè-a !

oubyin : Alélouya.

- 2 Granmèt, Granmèt nou,
5 sa moun nan yé, pou-ou sonjé-l ?
oubyin pitit moun nan, pou-ou vizité-l ? R:
6 Ou fè-l vi-n pi ba yon ti kras anba Anj yo,
ak gloua ak konsidérasion ou kouronnin-l ;
7 ou instalé-l anlè travay min-ou yo.
Tout bagay, ou mété yo anba pié-l : R:
8 Ni mouton ni bèf, yo tout,
minm bèt nan rak boua yo,
9 zouazo sièl yo ak pouason lanmè yo,
tou sa k-ap maché nan santié lanmè yo. R:

Kantik (Sékans), si yo vlé, tankou pi ro-a, p. 431.

ALÉLOUYA

Ps 117, 24

R: Alélouya. Jou sa-a Granmèt la fè-a ;
sé pou nou fété, sé pou nou kontan nan li. R: Alélouya.

ÉVANJIL

*Sé konsa Kris la té gin pou-l té souffri,
pou-l résisité sot nan pami mò yo sou touazièm jou-a.*

✠ Léktu sint Évanjil la dapré Luk

24, 35-48

Lè sa-a :

Disip yo t-ap rakonté bagay ki té pasé sou chémin-an, kijan yo té rékonèt Jézu nan kasé pin-an.

Pandan y-ap palé bagay sa yo, Jézu kanpé nan mitan yo, li di yo : « Lapè pou nou : sé mouin minm, pa pè ». Yo troublé, yo sézi, yo té konprann sé yon éspri yo té ouè-a.

Li di yo :

« Pouki sa nou troublé-a, ak pansé sa yo k-ap monté nan kè nou-an ? Gadé min-m yo ak pié-m yo, sé mouin minm minm ; touché pou nou ouè : yon éspri pa gin chè ak zo, jan nou ouè mouin ginyin-an ». Pandan l-ap di sa, li montré yo min yo ak pié yo. Yo pa-t ko kouè, yo té sézi ak kontantman, li di : « Èské nou gin kichòy pou manjé isit la ? » Yo ofri-l yon moso pouason griyé ak yon gato mièl. Li manjé dévan yo li pran rèz yo, li ba yo.

Li di yo :

« Sé paròl sa yo mouin té palé nou-an lè-m té avèk nou toujou-an, li té nésésé pou tou sa-k ékri sou mouin nan laloua Moyiz la ni profèt yo ni Psòm yo, pou yo té réaliséé ».

Lè sa-a li louvri lintélijans yo, pou yo konprann sa-k ékri yo.

Li di yo :

« Sé konsa sa té ékri, sé konsa Kris la té gin pou-l souffri, pou résisité sot nan pami mò yo sou touazièm jou-a, pou yo préché pénitans o non-l ak padon péché yo nan tout nasion, kòmansé sou Jérusalèm. Nou minm nou témouin bagay sa yo ».

Paròl Granmèt la.

Vandrédi anndan sémèn Pak la

PRÉMIÉ LÉKTU

Pa gin sové yo kapab sové nan pèsòn lòt moun.

Léktu Travay Apot yo

4, 1-12

Jou sa yo :

Piè ak Jan t-ap palé ak pèp la toujou, apré gérizon infim nan, prèt yo vi-n rivé ak majistra Tanp la ak sadiséyin yo, yo té kontrarié poutèt yo t-ap bay pèp la ansègnman-an, yo t-ap anonsé réziréksion sot nan pami mò yo nan Jézu-Kri. Yo mét min sou yo, yo mété yo nan prizon nan landmin ; paské asouè té déjà rivé. Anpil nan moun yo ki té tandé paròl la, yo té vi-n kouè ; total mésié yo sé té kinz mil. Rivé nan landmin, chèf yo rasanblé ak ansyin yo ak skrib yo nan Jérusalèm, A-n, gran prèt la ak Kayif ak Jan ak Aléksand ak tout moun nan ras prèt yo, yo fé yo kanpé nan mitan, y-ap pozé yo késion : « Nan ki pouvoua oubyin o non kilès nou fè bagay sa-a ? » Lè sa-a Piè plin ak Éspri Sin-an, di yo : « Chèf pèp la ak ansyin yo, kouté. Si jodi-a y-ap jijé nou pou yon byinfè ki réalizé pou mésié infim nan, si nou bézouin konnin nan kilès li sové, ébyin aprann sa nou tout ak tout pèp Israèl la, sé o non Granmèt nou Jézu-Kri moun Nazarèt la, sa-a nou té klouré sou koua-a, li minm Bondié té résisité sot nan pami mò yo, sé nan li sa-a géri, kanpé dévan nou. Sa-a sé ròch la, nou minm bòs mason yo nou té réjité-a, ki vi-n tounin tèt kouin-an ; pa gin sové yo kapab sové nan okinn lòt moun ; ni pa gin okinn non anba sièl la yo bay lézòm, ki pèmèt nou sové ».

Paròl Granmèt la.

PSÒM RÉPONS

Ps 117, 1-2 é 4. 22-24. 25-27 a (R : 22)

R: Ròch la bòs mason yo réjité-a,
sé li minm ki vi-n tounin tèt kouin-an.

oubyin : Alélouya.

- ¹ Fè louanj Granmèt la, poutèt li bon,
poutèt mizérikòd li pou tout tan.
- ² Sé pou Israèl di sa koulié-a, poutèt li bon,
poutèt mizérikòd li pou tout tan.

- 4 Sé pou sa yo ki krinn Granmèt la di,
poutèt mizèrikòd li pou tout tan. **R.**
- 22 Ròch la bòs mason yo té réjité-a,
sé li minm ki vi-n tounin tèt kouin-an,
- 23 sé nan Granmèt la sa soti pou-l fèt,
sé yon bagay éstraòdinè nan jé nou.
- 24 Sa-a sé jou Granmèt la fè-a :
sé pou nou fété, sé pou nou kontan nan li. **R.**
- 25 Granmèt, sové-m,
Granmèt, bay kè kontan.
- 26 Konpliman pou sa-a k-ap vini o non Granmèt la.
Konpliman pou nou sot nan kay Granmèt la.
- 27 Bondié Granmèt la kléré nou. **R.**

Kantik (Sékans), si yo vlé, tankou pi ro-a, p. 431.

ALÉLOUYA

Ps 117, 24

R. Alélouya. Jou sa-a Granmèt la fè-a ;
sé pou nou fété, sé pou nou kontan nan li. **R.** Alélouya.

ÉVANJIL

Jézu rivé, li pran pin-an, li ba yo ak pouason-an.

✠ Léktu sint Évanjil la dapré Jan

21, 1-14

Lè sa-a :

Jézu parèt ankò dévan disip yo bò lanmè Tibériad la. Min kijan li té parèt la. Yo té ansanm, Simon Piè ak Toma, sa yo rélé Didim nan, ak Natanaèl, moun Kana Galilé-a, ak pitit Zébédé yo ak dé lòt nan disip li yo.

Simon Piè di yo : « M-apral lapèch ». Yo di-l : « N-apralé avèk ou tou ». Yo soti, yo monté nan batiman-an, min nannuit sa-a yo pa pran anyin. Lè granmatin rivé, Jézu té kanpé sou bò lanmè-a ; min disip yo pa-t rékonèt sé té Jézu. Jézu di yo : « Ti moun yo, èské nou gin pouason ? » Yo réponn li : « Non ». Li di yo : « Voyé filè-a adouat batiman-an, n-a jouinn ». Yo voyé-l, yo pa-t kapab rédi-l, tèlman té gin anpil pouason. disip Jézu té rinmin-an di Piè : « Sé Granmèt la ». Lè Simon Piè tandé sé Granmèt la, li pasé rad li nan rin-l, (li té nu-kò), li lagé kò-l nan lanmè.

Lòt disip yo rivé nan batiman-an (yo pa-t louin tè-a, sé té apéprè san mè) y-ap rémòké filè pouason yo. Lè yo désann atè-a, yo ouè chabon difé ki pozé, épi pouason ak pin sou li. Jézu di yo : « Poté nan pouason yo nou sot pran koulié-a ». Simon Piè monté, li rédi filè-a atè, plin ak gro pouason, sansinkant-toua. Épi malgré té gin tout kantité sa-a, filè-a pa chiré. Jézu di yo : « Vi-n manjé ». Pèsòn nan sa-k t-ap manjé yo pa-t gin kouraj mandé-l : « Ki moun ou yé ? » yo té konnin sé Granmèt la. Jézu rivé, li pran pin-an, li ba yo, ni pouason-an tou. Sa té fè touazièm fousa Jézu té parèt dévan disip li yo, lè-l té fi-n résisité sot nan pami mò yo.

Paròl Granmèt la.

Samdi anndan sémèn Pak la

PRÉMIÉ LÉKTU

Nou pa kapab pa di sa nou ouè ak sa nou tandé.

Léktu Travay Apot yo

4, 13-21

Jou sa yo :

Lè chèf prèt yo ak ansyin yo ak skrib yo ouè asirans Piè ak Jan, yo té konnin sé moun ki pa-t al lékòl, ki pa gin sians, yo sézi ; yo té konnin sé ak Jézu yo té konn yé. Yo ouè mésié-a kanpé avèk yo, sa-a ki té géri-a, yo pa-t kapab démanti. Yo pasé lòd pou yo fè yo kité tribinal la ; yo fè réyinion antré yo, yo di : « Ki sa pou nou fè mésié sa yo ? Tout moun Jérusalèm konnin mèvèy la yo fè-a : sa klè, nou pa kapab nié-l. Min, pou sa pa al pi louin nan pèp la, n-ap ménasé yo pou yo pa palé o non mésié sa-a ankò ak pèsòn ». Yo rélé yo, yo déklaré yo pou yo pa janm palé, ni bay ansègnman o non Jézu. Piè minm ak Jan réponn, yo di yo : « Si sa kòrèk dévan fas Bondié pou nou kouté nou pasé Bondié, jijé sa. Nou pa kapab pa di sa nou ouè ak sa nou tandé ». Yo minm minm yo ménasé yo, yo ranvouyé yo, yo pa jouinn kijan pou yo pini yo, akoz pèp la ; paské tout moun t-ap fè louanj pou sa-k té fèt nan mésié-a.

Paròl Granmèt la.

PSÒM RÉPONS

Ps 117, 1. 14-15. 16 ab-18. 19-21 (R: 21 a)

R: M-ap fè louanj ou, Granmèt, paské ou kouté mouin.

oubyin : Alélouya.

- 1 Fè louanj Granmèt la, poutèt li bon,
poutèt mizèrikòd li pou tout tan.
- 14 Fòs mouin ak louanj mouin sé Granmèt la,
sé li minm ki sovè-m.
- 15 Voua kè kontan ak sovè nou sovè-a nan tant sa yo ki kòrèk yo. **R:**
- 16 Min douat Granmèt la fè mèvèy,
min douat Granmèt la lévé byin ro ;
- 18 Granmèt la korijé-m byin korijé,
min li pa lagé-m nan lanmò. **R:**
- 19 Louvri pòt jistis yo pou mouin,
m-ap antré nan yo pou-m fè louanj Granmèt la.
- 20 Sa-a sé pòt Granmèt la, moun ki kòrèk yo ap antré ladan-l.
- 21 M-ap fè louanj ou, paské ou kouté-m, ou sèvi-m délivrans. **R:**

Kantik (Sékans), si yo vlé, tankou pi ro-a, p. 431.

ALÉLOUYA

Ps 117, 24

R: Alélouya. Jou sa-a Granmèt la fè-a ;
sé pou nou fété, sé pou nou kontan nan li. **R:** Alélouya.

ÉVANJIL

Alé, sou tout tè-a préché Bòn Nouvèl la.

✠ Léktu sint Évanjil la dapré Mark 16, 9-15

Jézu résisité granmatin, premié jou sémèn nan, li parèt dabò dévan Mari-Madlèn, sa-l té chasé sèt démon sot nan li-a. L-al anonsé sa yo ki té avèk li-a, ki t-ap plinn, ki t-ap kriyé. Lè yo tandé li té vivan épi Mari-Madlèn té ouè-l, yo pa-t kouè. Apré sa, li parèt dévan dé nan sa yo ki t-ap vouayajé, yo t-apral andéyò, li té gin yon lòt aparans. Yo minm y-al anonsé lòt yo ; min lòt yo pa-t kouè. Alafin li parèt dévan onz yo ki té atab ; li réproché yo mank lafoua yo ak kè yo ki du, paské yo pa-t kouè sa yo ki té ouè-l résisité-a. Li di yo : « Alé sou tout tè-a, préché bòn nouvèl la bay tout kréatu ».

Paròl Granmèt la.

DÉZIÈM SÉMÈN PAK

Dézièm Dimanch tan Pak

Divi-n Mizèrikòd

Dézièm Dimanch Pak, ané A

PRÉMIÉ LÉKTU

Tout moun ki té kouè yo té ansanm, yo té gin tout bagay an komin.

Léktu Travay Apot yo

2, 42-47

Frè yo té pèsévéré nan ansègnman Apot yo, ak kominion pin-an yo séparé-a, ak priyè yo.

Krint té rivé nan tout kè. Té gin anpil prodij ak sign ki t-ap fèt pa lantrémiz Apot yo nan Jérusalèm, té gin gro krintif nan tout moun. Tout moun ki té kouè yo té ansanm, yo té gin tout bagay an komin : yo té vann propriété yo ak byin yo, yo té séparé yo pou tout moun, dapré sa chak moun té bézouin.

Chak jou yo té pèsévéré ansanm nan Tanp la, yo té séparé pin-an lakay yo, yo té konn pran manjé-a avèk kontantman ak yon kè sinp, antan y-ap fè louanj Bondié, yo té gin favè tout foul la. Chak jou Granmèt la té ajouté nan yo lòt moun, ki té sovè yo.

Paròl Granmèt la.

PSÒM RÉPONS

Ps 117, 2-4. 13-15. 22-24 (R: 1)

R: Fè louanj Granmèt la poutèt li bon,
poutèt mizèrikòd li pou tout tan.

oubyin : Alélouya.

2 Sé pou Israèl di sa koulié-a, poutèt li bon,
poutèt mizèrikòd li pou tout tan

3 Sé pou kay Aaron-an di sa koulié-a,
poutèt mizèrikòd li pou tout tan

4 Sé pou sa yo ki krinn Granmèt la di,
poutèt mizèrikòd li pou tout tan. R:

- 13 Yo pousé-m byin pousé, pou-m tonbé,
min Granmèt la poté-m sékou.
- 14 Fòs mouin ak louanj mouin sé Granmèt la,
sé li minm ki sovè-m.
- 15 Voua kè kontan ak sovè nou sovè-a nan tant sa yo ki kòrèk yo. **R:**
- 22 Ròch la bòs mason yo té réjité-a,
sé li minm ki vi-n tounin tèt kouin-an,
- 23 sé nan Granmèt la sa soti pou-l fèt,
sé yon bagay éstraòdinè nan jé nou.
- 24 Sa-a sé jou Granmèt la fè-a :
sé pou nou fété, sé pou nou kontan nan li. **R:**

DÉZIÈM LÉKTU

*Li réfè nou nan éspérans vivan-an
gras a rézireksion Jézu-Kri sot nan pami mò yo.*

Léktu prémié lèt apot sin Piè

1, 3-9

Konpliman pou Bondié, ak Papa Granmèt nou Jézu-Kri, li minm ki té réfè nou nan éspérans vivan-an gras a rézireksion Jézu-Kri sot nan pami mò yo, dapré gran mizérikòd li-a, pou yon éritaj ki pap détoui, ki pap sal, ki pap vi-n vié, k-ap diré nan sièl la pou nou, nou minm yo présèvé pou sovè nou sovè-a gras a lafoua-a, nan pouvoua Bondié-a, sovè nou sovè sa-a yo paré pou révéle-l nan dènié tan-an.

Nan li nou gin kè kontan, minm si koulié-a, nou gin pou nou gin chagrin nan divès bagay k-ap tanté nou ; pou éprèv lafoua nou-an ki gin plis pri pasé lò-a, sa yo éséyé nan difé-a, li rivé nan louanj ak gloua ak konsidérasion nan révélasion Jézu-Kri-a, li minm nou rinmin san nou pa ouè-l la ; li minm nou kouè nan li, minm si koulié-a nou pa ouè-l la ; antan nou kouè-a n-ap kontan nan yon kontantman san parèy, ki nan gloua, n-ap jouinn rékonpans lafoua nou nan délivrans nanm yo.

Paròl Granmèt la.

ALÉLOUYA

Jan 20, 29

R: Alélouya. Poutèt ou ouè-m, Toma, ou kouè, sé sa Granmèt la di ;
ala kontantman pou moun ki pa ouè épi ki kouè. **R:** Alélouya.

ÉVANJIL

Apré ui jou, Jézu rivé.

✠ Léktu sint Évanjil la dapré Jan

20, 19-31

Lè asouè rivé, jou sa-a, prémié jou sémèn nan, tout pòt yo té fèmin, koté disip yo té rasanblé poutèt yo té pè Juif yo, Jézu rivé, li kanpé nan mitan, li di yo : « Lapè pou nou ». Pandan l-ap di sa, li montré yo min yo ak bò kot la. Disip yo kontan, lè yo ouè Granmèt la.

Li di yo ankò : « Lapè pou nou. Minm jan Papa-a voyé-m nan, mouin minm tou mouin voyé nou ». Lè-l fi-n di sa, li souflé, li di yo : « Résévoua Éspri Sin-an. Moun nou rinmèt péché yo, péché yo ap rinmèt, moun nou kinbé péché yo y-ap rét kinbé ».

Toma minm, youn nan douz yo, sa yo rélé Didim nan li pa-t avèk yo lè Jézu té vini-an. Lòt disip yo di-l : « Nou té ouè Granmèt la ».

Li minm li di yo : « Si-m pa ouè mak klou yo nan min-l, si-m pa mét douèt mouin nan plas klou yo, si-m pa mét min-m nan kòt li, mouin pap kouè ».

Apré ui jou, disip li yo té anndan-an ankò, Toma té avèk yo. Jézu rivé, pòt yo té fèmin, li kanpé nan mitan, li di : « Lapè pou nou ». Apré sa, li di Toma : « Mét douèt ou isit, gadé min-m, lonjé min-ou, mété-l nan bò kòt mouin, sispann rét san lafoua, sé pou-ou gin lafoua ».

Toma réponn, li di-l : « Granmèt mouin ak Bondié-m ! »

Jézu di-l : « Paské ou ouè-m, Toma, ou kouè ; ala kontantman pou moun ki pa ouè épi ki kouè ».

Jézu fè anpil lòt sign ankò dévan disip li yo, yo pa ékri nan liv sa-a. Sa yo, yo ékri yo, pou nou kouè Jézu sé Kris Pitit Bondié, épi pou antan nou kouè-a, nou gin lavi o non-l.

Paròl Granmèt la.

Dézièm Dimanch Pak, ané B

PRÉMIÉ LÉKTU

Yon sèl kè ak yon sèl nanm.

Léktu Travay Apot yo

4, 32-35

Foul moun ki té kouè yo té gin yon sèl kè ak yon sèl nanm ; pèsòn nan yo pa-t konsidéré sa-l té ginyin kòm pròp byin pa-l, min tout bagay té ansanm pou yo. Avèk gran fòs, Apot yo t-ap sèvi réziréksion Jézu-Kri Granmèt nou-an témouin, té gin gran gras nan yo tout.

Nan pami yo pa-t gin pèsòn ki té nan bézouin ; tout moun ki té gin jadin oubyin kay, yo vann yo, yo poté pri lavant la, yo dépozé-l nan pié Apot yo ; yo séparé-l bay yo chak, dapré sa chak moun té bézouin.

Paròl Granmèt la.

PSÒM RÉPONS

Ps 117, 2-4. 16 ab-18. 22-24 (R: 1)

R: Fè louanj Granmèt la poutèt li bon,
poutèt mizérikòd li pou tout tan.

oubyin Alélouya.

2 Sé pou Israèl di sa koulié-a, poutèt li bon,
poutèt mizérikòd li pou tout tan

3 Sé pou kay Aaron-an di sa koulié-a,
poutèt mizérikòd li pou tout tan.

4 Sé pou sa yo ki krinn Granmèt la di,
poutèt mizérikòd li pou tout tan. R:

16 Min douat Granmèt la fè mèvèy,
min douat Granmèt la lévé byin ro.

17 Mouin pap mouri, min m-ap viv,
épi m-ap rakonté travay Granmèt la

18 Granmèt la korijé-m byin korijé,
min li pa lagé-m nan lanmò. R:

22 Ròch la bòs mason yo té réjité-a,
sé li minm ki vi-n tounin tèt kouin-an,

25 sé nan Granmèt la sa soti pou-l fèt,
sé yon bagay éstraòdinè nan jé nou.

24 Sa-a sé jou Granmèt la fè-a :

sé pou nou fété, sé pou nou kontan nan li. R:

DÉZIÈM LÉKTU

Tou sa-k fèt sot nan Bondié, li ranpòté viktoua sou tè-a.

Léktu prémié lèt apot sin Jan**5, 1-6**

Nou minm mouin rinmin anpil la :

Tout moun ki kouè Jézu sé Kris la, sé nan Bondié li fèt ; tout moun, ki rinmin sa-a ki bay nésans la, li rinmin sa-a ki fèt nan li-a tou. Sé nan sa nou rékonèt nou rinmin sa yo ki fèt nan Bondié yo, sé lè nou rinmin Bondié épi nou fè kòmandman-l yo ; kòmandman-l yo pa lou.

Sèké tout sa ki fèt nan Bondié li ranpòté viktoua sou tè-a, épi min viktoua-a, ki ranpòté viktoua sou tè-a, sé lafoua nou. Kilès sa-a ki ranpòté viktoua sou tè-a, si sé pa sa-a ki kouè Jézu sé Pitit Bondié-a ?

Sa-a sé li minm ki vini nan dlo-a ak san-an, sé Jézu-Kri ; pa nan dlo-a sèlman, min nan dlo-a ak san-an. Épi sé Éspri-a ki sèvi témouin Jézu-Kri sé vérité-a.

Paròl Granmèt la.

ALÉLOUYA

Jan 20, 29

✠ Alélouya. Poutèt ou ouè-m, Toma, ou kouè, sé sa Granmèt la di ;
ala kontantman pou moun ki pa ouè épi ki kouè. ✠ Alélouya.

ÉVANJIL

Apré ui jou, Jézu rivé.

✠ Léktu sint Évanjil la dapré Jan**20, 19-31**

Lè asouè rivé, jou sa-a, prémié jou sémèn nan, tout pòt yo té fèmin, koté disip yo té rasanblé poutèt yo té pè Juif yo, Jézu rivé, li kanpé nan mitan, li di yo : « Lapè pou nou ». Pandan l-ap di sa, li montré yo min yo ak bò kòt la. Disip yo kontan lè yo ouè Granmèt la.

Li di yo ankò : « Lapè pou nou. Minm jan Papa-a voyé-m nan, mouin minm tou mouin voyé nou ». Lè-l fi-n di sa, li souflé, li di yo : « Résévoua Éspri Sin-an. Moun nou rinmèt péché yo, péché yo ap rinmèt, moun nou kinbé péché yo, y-ap rét kinbé ».

Toma minm, youn nan douz yo, sa yo rélé Didim nan, li pa-t avèk yo lè Jézu té vini-an. Lòt disip yo di-l : « Nou té ouè Granmèt la ».

Li minm li di yo : « Si-m pa ouè mak klou yo nan min-l, si-m pa mét douèt mouin nan plas klou yo, si-m pa mét min-m nan kòt li, mouin pap kouè ».

Apré ui jou, disip li yo té anndan-an ankò, Toma té avèk yo. Jézu rivé, pòt yo té fèmin, li kanpé nan mitan, li di : « Lapè pou nou ». Apré sa, li di Toma : « Mét douèt ou isit, gadé min-m, lonjé min-ou mété-l nan bò kòt mouin, sispann rét san lafoua, sé pou-ou gin lafoua ».

Toma réponn, li di-l : « Granmèt mouin ak Bondié-m ! »

Jézu di-l : « Paské ou ouè-m, Toma, ou kouè ; ala kontantman pou moun ki pa ouè min ki kouè ».

Jézu fè anpil lòt sign ankò dévan disip li yo, yo pa ékri nan liv sa-a. Sa yo, yo ékri yo, pou nou kouè Jézu sé Kris Pitit Bondié, épi pou antan nou kouè-a, nou gin lavi o non-l.

Paròl Granmèt la.

Dézièm Dimanch Pak, ané C

PRÉMIÉ LÉKTU

Foul moun yo ki kouè yo t-ap dévlopé nan Granmèt la.

Léktu Travay Apot yo

5, 12-16

Pa pouvoua min Apot yo té gin anpil sign ak prodij ki t-ap fèt nan pèp la ; yo tout té rété ansanm nan pòtay Salomon-an. Pèsòn dèt moun pa-t pran chans vi-n jouinn yo, min pèp la t-ap fè louanj yo.

Foul gason ak fi ki té kouè nan Granmèt la t-ap vi-n pi plis tout tan ; atèl pouin yo t-ap poté malad yo sou plas yo, yo té pozé yo sou kabann yo ak sou nat yo, pou lè Piè rivé, o mouin lonbraj li té kouvri kèk nan yo, pou yo délivré anba maladi yo. Ata foul ki té soti nan vil tou pré Jérusalèm yo, yo té vini, yo té poté moun ki malad ak moun éspri papròp t-ap maltrété ; yo tout té géri.

Paròl Granmèt la.

PSÒM RÉPONS

Ps 117, 2-4. 22-24. 25-27 a (R: 1)

R: Fè louanj Granmèt la poutèt li bon,
poutèt mizérikòd li pou tout tan.

oubyin Alélouya.

- 2 Sé pou Israèl di sa koulié-a, poutèt li bon,
poutèt mizérikòd li pou tout tan.
- 3 Sé pou kay Aaron-an di,
poutèt mizérikòd li pou tout tan.
- 4 Sé pou sa yo ki krinn Granmèt la di :
poutèt mizérikòd li pou tout tan. R:
- 22 Ròch la bòs mason yo té réjité-a,
sé li minm ki vi-n tounin tèt kouin-an,
sé nan Granmèt la sa soti pou-l fèt,
sé yon bagay éstraòdinè nan jé nou.
- 24 Sa-a sé jou Granmèt la fè-a :
sé pou nou fété, sé pou nou kontan nan li. R:
- 25 Granmèt, sové-m, Granmèt, bay kè kontan.
- 26 Konpliman pou sa-a k-ap vini o non Granmèt la.
Konpliman pou nou sot nan kay Granmèt la.
- 27 Bondié Granmèt la kléré nou. R:

DÉZIÈM LÉKTU

*Mouin té mouri,
min mouin vivan pou tout tan gin tan.*

Léktu liv Apokalips apot sin Jan

1, 9-11 a. 12-13. 17-19

Mouin minm, Jan, frè nou, ki patisipé nan tray ak péyi-roua-a ak pasians nan Jézu-Kri, mouin té nan zilé-a yo rélé Patmòs la, poutèt paròl Bondié-a ak témouagnaj Jézu-a. Mouin té nan éspri-a nan jou Granmèt la, mouin tandé yon gran voua dèyè-m tankou yon foul ki t-ap di : « Sa-ou ouè-a, ékri-l nan liv, voyé-l bay sèt égliz yo ki nan Azi-a ».

Mouin viré pou-m ouè voua-a ki t-ap palé avèk mouin-an ; lè-m viré, mouin ouè sèt chandélié an lò, épi nan mitan sèt chandélié an lò yo sé tankou yon Pitit moun, ki abiyé ak pouvoua, li té gin yon sinti anlò ki té maré rin-l jous nan léstomak li.

Lè-m ouè-l, mouin tonbé nan pié-l, kòm si-m té mouri, li pozé min douat li sou mouin, li di : « Pa pè ; sé mouin minm prémié-a ak dènié-a ; mouin vivan, mouin té mouri, min m-ap viv pou tout tan gin tan, mouin gin klé lanmò-a ak anba tè-a. Ékri sa-ou ouè yo ak sa-k la-a ak sa-k gin pou yo rivé apré bagay sa yo ».

Paròl Granmèt la.

ALÉLOUYA

Jan 20, 29

℞ Alélouya. Poutèt ou ouè-m, Toma, ou kouè, sé sa Granmèt la di ; ala kontantman pou moun ki pa ouè épi ki kouè. ℞ Alélouya.

ÉVANJIL

Apré ui jou, Jézu rivé.

✠ Léktu sint Évanjil la dapré Jan

20, 19-31

Lè asouè rivé, jou sa-a, prémié jou sémèn nan, tout pòt yo té fèmin, koté disip yo té rasanblé poutèt yo té pè Juif yo, Jézu rivé, li kanpé nan mitan, li di yo : « Lapè pou nou ». Pandan l-ap di sa, li montré yo min yo ak bò kòt la. Disip yo kontan, lè yo ouè Granmèt la.

Li di yo ankò : « Lapè pou nou. Minm jan Papa-a voyé-m nan, mouin minm tou mouin voyé nou ». Lè-l fi-n di sa, li souflé, li di yo : « Résévoua Éspri Sin-an. Moun nou rinmèt péché yo, péché yo ap rinmèt, moun nou kinbé péché yo, y-ap rét kinbé ».

Toma minm, youn nan douz yo, sa yo rélé Didim nan, li pa-t avèk yo lè Jézu té vini-an. Lòt disip yo di-l : « Nou té ouè Granmèt la ».

Li minm li di yo : « Si-m pa ouè mak klou yo nan min-l, si-m pa mét douèt mouin nan plas klou yo, si-m pa mét min-m nan kòt li, mouin pap kouè ».

Apré ui jou, disip li yo té anndan-an ankò, Toma té avèk yo. Jézu rivé, pòt yo té fèmin, li kanpé nan mitan, li di : « Lapè pou nou ». Apré sa, li di Toma : « Mét douèt ou isit, gadé min-m, lonjé min-ou, mété-l nan bò kòt mouin, sispann rét san lafoua, sé pou-ou gin lafoua ».

Toma réponn, li di-l : « Granmèt mouin ak Bondié-m ! »

Jézu di-l : « Paské ou ouè-m, Toma, ou kouè ; ala kontantman pou moun ki pa ouè épi ki kouè ».

Jézu fè anpil lòt sign ankò dévan disip li yo, yo pa ékri nan liv sa-a. Sa yo, yo ékri yo, pou nou kouè Jézu sé Kris Pitit Bondié, épi pou antan nou kouè-a, nou gin lavi o non-l.

Paròl Granmèt la.

Lindi

PRÉMIÉ LÉKTU

Pandan yo t-ap lapriyè, yo tout vi-n plin ak Éspri Sin-an épi yo kòmansé palé paròl Bondié avèk asirans.

Léktu Travay Apot yo

4, 23-31

Jou sa yo :

Lè yo fi-n lagé Piè ak Jan, yo vi-n jouinn disip yo ; yo anonsé yo tou sa gran prèt yo ak ansyin yo té di yo. Lè yo tandé sa, yo tout lévé voua yo kot Bondié, yo di : « Granmèt, sé ou minm ki té fè sièl la ak tè-a, lanmè-a ak tou sa-k nan yo ; ou minm ki té di David, sèvitè-ou la, nan bouch papa nou yo pa lantrémiz Éspri Sin-an : “Pouki sa nasion yo ap boulvèsé, pèp yo ap fè konplo pou granmési ? Roua yo sou tè-a yo kanpé, chèf yo rasanblé fè yon sèl, kont Granmèt la ak kont Kris li-a”. Réyèlman nan vil sa-a Èròd ak Pons Pilat ak nasion yo ak pèp Israèl la, yo rasanblé kont Pitit ou Jézu ki sin-an, li minm ou té sakré-a, pou yo fè sa min-ou ak plan-ou té réglé davans pou fèt la. Koulié-a Granmèt, voyé jé sou ménas yo, bay sèvitè-ou yo favè pou yo palé paròl ou-a avèk tout asirans, antan-ou lonjé min-ou fè gérizon ak sign ak prodij o non Pitit ou Jézu ki sin-an ». Pandan yo t-ap lapriyè, koté yo té rasanblé-a pran tranblé, yo tout vi-n plin ak Éspri Sin-an, yo t-ap palé paròl Bondié-a avèk asirans.

Paròl Granmèt la.

PSÒM RÉPONS

Ps 2, 1-3. 4-6. 7-9 (R : cf. 12 d)

R: Ala kontantman pou tout moun ki mét konfians nan ou, Granmèt.

oubyin : Alélouya.

¹ Pouki sa nasion yo ap boulvèsé,
pèp yo ap fè plan pou bagay ki pa gin konsistans ?

- 2 Roua yo sou tè-a kanpé,
chèf yo rasanblé fè yon sèl kont Granmèt la ak kont Kris li-a :
- 3 « An nou kasé chinn yo,
an nou jété jouk yo-a sot sou nou ! » R:
- 4 Sa-a ki abité nan sièl la ap ri yo,
Granmèt la- ap pasé yo nan jouèt.
- 5 Lè sa-a atò li palé ak yo nan kòlè-l,
nan mové san-l, li boulvèsé yo :
- 6 « Sé mouin minm ki instalé roua-m nan sou Siyon,
mòn mouin ki sin-an ! » R:
- 7 M-ap anonsé désizion-l nan :
Granmèt la di-m : « Sé pitit mouin ou yé,
sé mouin minm jodi-a ki anfanté-ou.
- 8 Mandé-m, m-ap ba-ou nasion yo kòm éritaj ou,
propriété-ou sé limit tè-a.
- 9 Ou-ap kòmandé yo ak yon bagèt an fè,
tankou véso ki fèt ak tè, ou-ap krazé yo ». R:

ALÉLOUYA

Kol 3, 1

R: Alélouya. Si nou résisité ansanm avèk Kris la,
sé bagay ki anro yo pou nou chèché,
koté Kris la chita adouat Bondié-a. R: Alélouya.

ÉVANJIL

*Si yon moun pa réfèt nan dlo-a ak Éspri-a,
li pa kapab ouè péyi-roua Bondié-a.*

✠ Léktu sint Évanjil la dapré Jan

3, 1-8

Té gin yon mésié nan pami farizyin yo, yo té rélé Nikodèm, yon chèf Juif yo. Li vi-n kot Jézu nannuit, li di-l : « Rabi, nou konnin ou vi-n sot kot Bondié kòm mèt ; pèsòn réyèlman pa kapab fè sign sa yo ou-ap fè-a, si Bondié pa avèk li ». Jézu réponn, li di-l : « Amèn, amèn mouin di-ou, si yon moun pa réfèt ankò, li pa kapab ouè péyi-roua Bondié-a ». Nikodèm di-l : « Kijan yon moun kapab fè fèt, lè-l fi-n vié ? Èské li kapab antré ankò nan vant manman-l pou réfèt ». Jézu réponn : « Amèn, amèn mouin di-ou, si yon moun pa réfèt sot nan dlo ak Éspri Sin-an, li pa

kapab antré nan péyi-roua Bondié-a. Sa-k fèt sot nan chè-a, sé chè li yé, sa-k fèt sot nan Éspri-a, sé éspri li yé. Pa sézi poutèt mouin di-ou : “Nou gin pou nou fèt ankò”. Éspri-a soufflé koté-l vié, ou tandé voua-l, min ou pa konnin koté-l soti oubyin koté l-apralé ; sé konsa tout moun ki fèt sot nan Éspri-a ».

Paròl Granmèt la.

Madi

PRÉMIÉ LÉKTU

Yon sèl kè ak yon sèl nanm.

Léktu Travay Apot yo

4, 32-37

Foul fidèl yo té gin yon sèl kè ak yon sèl nanm ; pèsòn nan yo pa-t konsidéré sa-l té ginyin kòm pròp byin pa-l, min tout bagay té ansanm pou yo. Avèk gran fòs, Apot yo t-ap sèvi réziréksion Jézu-Kri Granmèt nou-an témouin ; té gin gran gras nan yo tout. Nan pami yo pa-t gin pèsòn ki té nan bézouin ; tout moun ki té gin jadin oubyin kay, yo vann yo, yo poté pri lavant la, yo dépozé-l nan pié Apot yo ; yo séparé-l bay yo chak, dapré sa chak moun té bézouin. Jozèf Apot yo té bay ti non Barnabé (sa vlé di Pitit konsolasion), yon Lévit, nan ras Chip, li té gin yon jadin, li vann li, li poté pri-a, li mété-l nan pié Apot yo.

Paròl Granmèt la.

PSÒM RÉPONS

Ps 92, 1 ab. 1 c-2. 5 (R : 1 a)

R: Granmèt la roua, li vlopé ak gloua.

oubyin : Alélouya.

- 1 Granmèt la roua, li vlopé ak gloua,
Granmèt la vlopé, li maré rin-l ak fòs. R:
- 2 Réyèlman li rann fas tè-a solid, pou-l pa souké.
Tro-n ou solid dépi lontan, dépi tout tan ou égzisté. R:
- 5 Témouagnaj ou yo mérité konfians nèt ;
kay ou-a kléré ak sintété, Granmèt, pou longè tan yo. R:

ALÉLOUYA

Jan 3, 15

R: Alélouya. Pitit moun nan gin pou yo lévé-l anlè,
pou tout moun ki kouè nan li gin lavi tout tan-an. R: Alélouya.

ÉVANJIL

*Pèsòn pa monté nan sièl la,
sof sa-a ki désann sot nan sièl la, Pitit moun nan.*

✠ Léktu sint Évanjil la dapré Jan

3, 7 b-15

Lè sa-a : Jézu di Nikodèm :

« Nou gin pou nou fèt ankò. Éspri-a souflé koté-l vlé, ou tandé voua-l, min ou pa konnin koté-l soti ni koté l-apralé : sé konsa pou tout moun ki fèt sot nan Éspri-a ».

Nikodèm réponn li di-l : « Kijan pou bagay sa yo fèt ? » Jézu réponn, li di-l : « Ou sé mèt nan Israèl, épi ou pa konnin bagay sa yo ? Amèn, amèn mouin di-ou, sé sa nou konnin n-ap palé, épi sé sa nou ouè nou témouagné ; min témouagnaj nou-an nou pa résévoua-l. Si-m di nou bagay tè-a, nou pa kouè, kijan, si m-ap di nou bagay sièl yo, n-a kouè ? Pèsòn pa monté nan sièl la sof sa-a ki désann sot nan sièl la, Pitit moun nan ki nan sièl la. Épi, minm jan Moyiz té lévé sèpan-an nan dézè-a, sé konsa pou yo lévé Pitit moun nan anlè, pou tout moun ki kouè nan li pa péri, min pou yo gin lavi tout tan-an ».

Paròl Granmèt la.

Mèkrédi

PRÉMIÉ LÉKTU

*Min mésié yo nou té mété nan prizon-an, yo nan Tanp la,
y-ap bay pèp la ansègnman.*

Léktu Travay Apot yo

5, 17-26

Jou sa yo :

Gran-prèt la lévé, ansanm ak tout moun ki té avèk li yo, (sé group Sadiséyin yo), yo té plin ak raj ; yo mét min sou Apot yo, yo mété yo nan prizon piblik la. Anj Granmèt la louvri pòt prizon-an nannuit, li fè yo

soti, li di : « Alé, kanpé, palé nan Tanp la ak pèp la tout paròl lavi sa-a ». Lè yo tandé sa, yo antré byin bonè nan tanp la, yo t-ap bay ansègnman. Gran-prèt la rivé, ni sa yo ki té avèk li yo, yo fè yon réyinion, ni tout ansyin pitit Israèl yo ; yo voyé nan prizon-an pou yo kondui yo vini. Lè sèvitè yo rivé, yo louvri pòt la, yo pa jouinn yo, yo tounin, yo poté nouvèl, yo di : « Nou jouinn pòt prizon-an byin fèmin avèk tout kalité prékosion, gad yo té kanpé dévan pòt yo ; min lè nou louvri, nou pa jouinn pèsòn anndan-l ». Lè yo tandé paròl sa yo, majistra Tanp la, ak gran prèt yo, yo t-ap mandé antré yo ki sa sa vlé di. Gin yon moun ki rivé li anonsé yo : « Min mésié yo nou té mété nan prizon-an, yo kanpé nan Tanp la, y-ap bay pèp la ansègnman ». Lè sa-a atò majistra-a avèk sèvitè yo pati, yo minnin yo san maltrété yo ; sèké yo té pè pèp la, pou yo pa-t kalonnin yo ak kout ròch.

Paròl Granmèt la.

PSÒM RÉPONS

Ps 33, 2-3. 4-5. 6-7. 8-9 (R: 7 a)

R: Yon pòv rélé, Granmèt la kouté-l.

oubyin : Alélouya.

- 2 M-ap fè konpliman pou Granmèt la tout tan,
tout tan louanj li nan bouch mouin.
- 3 Nan Granmèt la nanm mouin ap jouinn gloua-l,
sé pou pòv yo tandé, pou yo kontan. **R:**
- 4 Fè louanj Granmèt la avèk mouin,
sé pou nou lévé non-l anlè ansanm,
- 5 mouin chèché Granmèt la, li réponn mouin,
anba tou sa-k fè-m pè, li délivré-m. **R:**
- 6 Gadé nan diréksion-l, n-ap kléré,
fas nou pap ront.
- 7 Pòv sa-a rélé, Granmèt la kouté-l,
anba tout tray li, li sovè-l. **R:**
- 8 Anj Granmèt la ap véyé alantou moun ki krinn li yo,
l-ap délivré yo.
- 9 Gouté, n-a ouè jan Granmèt la bon ;
ala kontantman pou moun ki éspéré nan li. **R:**

ALÉLOUYA

Jan 3, 16

℞ Alélouya. Bondié si tèlman rinmin tè-a, li bay Pitit li-a, sèl Pitit li-a ;
tout moun ki kouè nan li gin lavi tout tan-an. ℞ Alélouya.

ÉVANJIL

Bondié voyé Pitit la, pou tè-a sovè pa lantrémiz li.

✚ Léktu sint Évanjil la dapré Jan

3, 16-21

Lè sa-a, Jézu di Nikodèm :

« Bondié tèlman rinmin tè-a, li bay Pitit li-a, sèl Pitit li-a, pou tout moun ki kouè nan li pa péri, min pou-l gin lavi tout tan-an. Sèké Bondié pa-t voyé Pitit li-a sou tè-a pou-l jijé tè-a, min pou tè-a té kapab sovè pa lantrémiz li. Moun ki kouè nan li, yo pap jijé-l ; moun ki pa kouè-a minm, li déjà jijé, paské li pa kouè o non sèl Pitit Bondié-a. Min jijman-an, limiè-a vi-n sou tè-a, min lézòm té pi rinmin fènoua yo pasé limiè-a ; sèké travay yo té mové. Réyéلمان tout moun k-ap aji mal, li rayi limiè-a, li pa vi-n nan limiè-a, pou yo pa réproché travay li yo. Min moun ki fè vérité-a, li vi-n nan limiè, pou yo kapab ouè travay li klè, sé nan Bondié yo fèt ».

Paròl Granmèt la.

Jédi

PRÉMIÉ LÉKTU

Nou minm nou sèvi paròl sa yo témouin, ak Éspri Sin-an.

Léktu Travay Apot yo

5, 27-33

Jou sa yo :

Lè sèvitè yo kondui Apot yo, yo fè yo kanpé nan tribinal la ; gran prèt la pozé késion, li di : « Nou té pasé nou lòd sévè pou nou pa-t bay ansègnman o non sa-a ; épi gadé nou plin Jérusalèm ak ansègnman nou-an, nou vlé fè san mésié sa-a tonbé sou nou ». Piè minm réponn ak Apot yo, yo di : « Nou doué obéyi Bondié plis pasé lézòm. Bondié papa nou yo té résisité Jézu, li minm nou té touyé-a antan nou té pandié-l sou boua-a. Bondié lévé-l adouat li kòm chèf ak sovè pou-l bay Israël pénitans ak délivrans péché yo. Kanta nou minm, nou sèvi paròl sa yo témouin, ak

Éspri Sin-an Bondié bay tout moun ki obéyi-l yo ». Lè yo tandé bagay sa yo, yo té fè gro kòlè, yo t-ap égzaminé kijan pou yo touyé yo.

Paròl Granmèt la.

PSÒM RÉPONS

Ps 33, 2 é 9. 17-18. 19-20 (R : 7 a)

R: Yon pòv rélé, Granmèt la kouté-l.

oubyin : Alélouya.

² M-ap fè konpliman pou Granmèt la tout tan,
tout tan louanj li nan bouch mouin.

⁹ Gouté, n-a ouè jan Granmèt la bon ;
ala kontantman pou moun ki éspéré nan li. **R:**

¹⁷ Fas Granmèt la sou moun k-ap fè mal yo,
pou-l fè souvni yo disparèt sot sou tè-a.

¹⁸ Yo rélé, Granmèt la tandé,
épi nan tout tray yo li délivré yo. **R:**

¹⁹ Granmèt la tou pré moun ki gin kè yo krazé yo,
l-ap sovè sa-k gin éspri yo boulvèsé yo.

²⁰ Moun ki kòrèk yo jouinn anpil tray,
min Granmèt la ap libéré yo sot nan yo tout. **R:**

ALÉLOUYA

Jan 20, 29

R: Alélouya. Paské ou ouè-m, Toma, ou kouè ;
ala kontantman pou moun ki pa ouè, min ki kouè. **R:** Alélouya.

ÉVANJIL

Papa-a rinmin Pitit la, li rinmèt tout bagay nan min-l.

✠ Léktu sint Évanjil la dapré Jan

3, 31-36

Lè sa-a, Jézu di Nikodèm :

« Sa-a ki vi-n sot anro-a, li anlè tout moun. Moun ki sot sou tè-a, sé nan sa-k sou tè-a li yé, sé sa-k sou tè-a li palé. Sa-a ki vi-n sot nan sièl la, li anlè tout moun. Sa-l ouè, li tandé, li sèvi-l témouin, min témouagnaj li-a, pèsòn pa résévoua-l. Moun ki résévoua témouagnaj li-a, li signin Bondié vré, Sa-a Bondié voyé-a, sé paròl Bondié yo li palé ; Bondié pa bay Éspri-a avèk mézi. Papa-a rinmin Pitit la, li rinmèt tout bagay nan

min-l. Moun ki kouè nan Pitit la li gin lavi tout tan-an ; min moun ki pa kouè nan Pitit la, li pap ouè lavi-a, okontrè sé kòlè Bondié-a ki rété sou li ».

Paròl Granmèt la.

Vandrédi

PRÉMIÉ LÉKTU

Yo té pati ak kè kontan, paské yo té konsidéré yo té mérité soufri mové trétman pou non Jézu.

Léktu Travay Apot yo

5, 34-42

Jou sa yo :

Yon mésié lévé nan tribinal la, yon Farizyin, yo té rélé-l Gamalièl, sé té yon savan laloua-a ki té gin konsidérasion tout pèp la, li pasé lòd pou yo fè Apot yo soti déyò yon ti moman ; li di yo : « Mésié Israélit yo, fè atansion sa n-apral fè sou mésié sa yo. Sèké anvan jou sa yo, Téodas té kanpé, li té di li sé yon moun inpòtan, gin anpil moun ki rasanblé vi-n jouinn li, anviron katsan ; yo touyé-l ; tout moun ki té kouè nan li yo, yo gayé yo, yo vi-n tounin anyin. Apré li minm, Juda moun Galilé-a vi-n kanpé nan jou résansman yo, li soulvé pèp la dèyè-l ; li péri ; tout moun ki té dakò avèk li yo, yo gayé yo. Konsa, koulié-a mouin di nou : kité mésié sa yo trankil, lagé yo ; paské, si sé nan lézòm plan sa-a oubyin travay sa-a soti, l-ap fonn ; min si sé nan Bondié li soti, nou pap kapab fonn li, pi-nga nou rivé ap batay kont Bondié ». Yo vi-n dakò avèk li. Yo konvoké Apot yo ; avèk kou, yo avèti yo pou yo pa janm palé o non Jézu, épi yo lagé yo. Yo minm minm yo pati tou kontan sot dévan tribinal la, paské yo té konsidéré yo té mérité soufri mové trétman pou non Jézu. Tout jounin yo pa-t sispann rété nan Tanp la ak nan lakay yo ap bay ansègnman, ap anonsé bòn nouvèl Jézu sé Kris.

Paròl Granmèt la.

PSÒM RÉPONS

Ps 26, 1. 4. 13-14 (R : cf. 4 ab)

R: Yon sèl bagay mouin mandé Granmèt la :
pou-m abité nan kay Granmèt la.

oubyin : Alélouya.

- ¹ Granmèt la sé limiè-m ak délivrans mouin, kilès ki pou fè-m pè ?
Granmèt la sé protéksion lavi-m, dévan kilès pou-m tranblé ? **R:**
- ⁴ Yon sèl bagay mouin mandé Granmèt la, sé sa m-ap chèché :
pou-m abité nan kay Granmèt la
tout tan lavi-m,
pou-m ouè dousè Granmèt la,
pou-m vizité tanp li-a. **R:**
- ¹³ Mouin kouè m-ap ouè byin Granmèt la nan tè vivan yo.
- ¹⁴ Tann Granmèt la, pran kouraj,
asiré kè-ou, apuiyé sou Granmèt la. **R:**

ALÉLOUYA

Mt 4, 4 b

R: Alélouya. Sé pa ak pin sèlman moun viv,
min ak tout paròl ki sot nan bouch Bondié. **R:** Alélouya.

ÉVANJIL

Li séparé bay moun ki ki té lonjé kò yo-a, otan yo té vlé.

✠ Léktu sint Évanjil la dapré Jan

6, 1-15

Lè sa-a :

Jézu al lòt bò lanmè Galilé-a, sé lanmè Tibériad la. Yon gran foul t-ap suiv li, paské yo té ouè sign li t-ap fè sou moun ki té malad yo. Konsa Jézu monté sou mòn nan, li chita la avèk disip li yo.

Pak la té tou pré, jou fèt Juif yo. Lè Jézu lévé jé-l, li ouè té gin yon gran foul ki t-ap vi-n jouinn li, li di Filip : « Ki koté n-ap achté pin, pou moun sa yo manjé ? » Li té di sa pou-l sondé-l ; li minm, li té konnin ki sa-l t-apral fè. Filip réponn li : « Désan dénié pin pap kont yo, pou chak moun jouinn yon ti moso ». Youn nan disip li yo, André, frè Simon Piè-a, di-l : « Gin yon ti gason isit la, ki gin sink pin lòj ak dé pouason ; sèlman, ki sa bagay sa yo yé pou tout pakèt moun sa yo ? » Jézu di : « Fè moun yo lonjé kò yo ». Té gin anpil zèb koté sa-a. Mésié yo lonjé kò yo, yo té sink mil. Jézu pran pin yo, kon-l fi-n rann gras, li séparé bay moun ki té lonjé kò yo-a, li fè minm jan pou pouason yo, otan yo té vlé. Lè yo fi-n manjé vant plin, li di disip li yo : « Ranmasé moso ki rét an plis yo, pou yo pa pèdi ». Yo ranmasé yo, yo plin douz panié ak mòso ki té sot nan sink pin lòj yo, ki té rét an plis lè moun yo té fi-n manjé-a. Moun yo

minm, lè yo ouè sign Jézu té fè, yo t-ap di : « Sa-a sé profèt la tout bon vré, ki té gin pou-l vi-n sou tè-a ». Jézu minm, kòm li té konnin yo t-ap vi-n pou yo pran-l, pou yo fè-l roua, li sovè kò-l ankò nan mòn nan li minm pou kont li.

Paròl Granmèt la.

Samdi

PRÉMIÉ LÉKTU

Yo chouazi sèt mesié ki plin ak Éspri Sin-an.

Léktu Travay Apot yo

6, 1-7

Jou sa yo, foul disip yo t-ap grosi, Grèk yo bougonnin kont Ébré yo, paské nan sèvis chak jou-a yo té méprizé vèv pa yo. Douz yo konvoké foul disip yo, yo di : « Sé pa nòm al pou nou kite paròl Bondié-a, épi pou n-ap sèvi sou tab yo. Frè-m yo, chèché sèt mesié nan pami nou ki gin bon témouagnaj sou yo, ki plin ak Éspri Sin-an ak sajès, n-a instalé yo pou travay sa-a. Kanta nou minm, n-ap rété nan priyé ak sèvis paròl la ». Paròl la fè tout foul la plézi, yo chouazi Étièn, yon mesié ki plin lafoua ak Éspri Sin, Filip, Prokò, Nikanò, Timon, Paménas, ak Nikola, yon moun Antiòch ki té fèk vi-n tounin disip. Yo prezanté yo dévan Apot yo, yo priyé, yo pozé min sou yo. Paròl Granmèt la t-ap dévlopé, foul disip yo t-ap vi-n anpil minm nan Jérusalèm. Yon foul prèt t-ap obéyi lafoua-a.

Paròl Granmèt la.

PSÒM RÉPONS

Ps 32, 1-2. 4-5. 18-19 (R : 22)

R: Sé pou mizérikòd ou sou nou, Granmèt,
minm jan nou éspéré nan ou-a.

oubyin : Alélouya.

- 1 Fété nan Granmèt la, nou minm ki kòrèk yo ;
louanj la alé ak moun ki douat yo.
- 2 Fè louanj pou Granmèt la sou gita,
sou instriman dis kòd la, chanté pou li. R:

- 4 Sèké paròl Granmèt la douat,
épi tout aksion-l yo nan fidélimité,
5 Li rinmin jistis ak jijman, mizérikòd Granmèt la plin tè-a. **R:**
- 18 Min jé Granmèt la sou moun ki krinn li yo,
sou moun ki éspéré sou mizérikòd li,
19 pou-l délivré nanm yo sot nan lanmò,
épi pou-l ba yo manjé nan grangou. **R:**

ALÉLOUYA

R: Alélouya. Kris la résisité, li minm ki té kréyé tout bagay,
li pran pitié pou ras lézòm. **R:** Alélouya.

ÉVANJIL

Yo ouè Jézu k-ap maché sou lanmè-a.

✠ Léktu sint Évanjil la dapré Jan **6, 16-21**

Lè asouè rivé, disip Jézu yo désann sou lanmè-a. Yo monté nan batiman-an, yo rivé lòt bò lanmè Kafarnaòm nan. Té fènoua déjà, Jézu pa-t ko rivé koté yo. Min lanmè-a t-ap monté, paské yon gro vant t-ap souflé. Yo té déjà ramé environ kat ak sink kilomèt, lè yo ouè Jézu k-ap maché sou lanmè-a, li rivé tou pré batiman-an, yo pè. Li minm li di yo : « Sé mouin minm, pa pè ». Yo té vlé pran-l nan batiman-an ; minm lè-a batiman-an rivé atè, koté yo t-apralé-a.

Paròl Granmèt la.

TOUAZIÈM SÉMÈN PAK

Touazièm Dimanch Pak, ané A

PRÉMIÉ LÉKTU

Li pa-t posib pou abitasion mò yo té kinbé-l.

Léktu Travay Apot yo

2, 14. 22-33

Jou Pannkot la, Piè kanpè avèk onz yo, li lévé voua-l, li déklaré :

« Mésié Juif yo ak nou tout ki abité Jérusalèm, aprann sa, paré zòrèy nou nan paròl mouin yo.

Mésié Israèl yo, kouté paròl sa yo : Jézu moun Nazarèt la, mésié sa-a Bondié té sèvi-l témouin nan mitan nou-an, avèk mèvèy, prodij ak sign Bondié té fè pa lantrémiz li nan mitan nou, jan nou konnin-an, sé li minm nou té touyé-a, lè nou fi-n rinnèt li nan min méchan yo pou yo fè-l pasé tray, dapré plan Bondié té fiksé ak prévouayans li. Bondié résisité-l, li détoui soufrans abitasion mò yo, paské sa pa-t posib pou-l té rét kinbé anba-l.

Sèké David di osijè-l : “Mouin té ouè Granmèt la dévan fas mouin davans tout tan, paské li adouat mouin, mouin pap tranblé. Sé poua kè-m kontan, lang mouin ap fété, ata chè-m rét pozé nan éspérans ; paské ou pap lagé nanm mouin abitasion mò yo, ou pap kité Sin-ou nan ouè dékonpozision. Ou fè-m konnin rout lavi-a, ou-ap plin-m ak kè kontan dévan fas ou”.

Mésié frè-m yo, kité-m palé nou karéman sou papa nou David, li mouri, yo antéré-l, kavo-l lakay nou jous jodi-a. Kòm li té profèt, li té konnin Bondié té fè-l sèman osijè foui rin li, pou-l té fè-l chita sou tro-n li, li té prévoua li t-ap palé sou rézireksion Jézu-Kri-a, sèké li pa abandoné anba tè-a, chè-l pa ouè dékonpozision. Jézu sa-a, Bondié résisité-l, nou tout nou sèvi-l témouin. Antan-l lévé anlè réyèlman gras a min douat Bondié, épi li résévoua promès Éspri Sin-an nan min Papa-a, li vidé-l, sa nou tandé-a épi nou ouè-a ».

Paròl Granmèt la.

PSÒM RÉPONS

Ps 15, 1-2 a é 5. 7-8. 9-10. 11 (R : 11 a)

R : Granmèt, ou-a fè-m konnin rout lavi yo.

oubyin : Alélouya.

- 1 Prèzèvé-m, Bondié, paské mouin espéré nan ou.
 2 Mouin di Granmèt la : « Sé Granmèt mouin ou yé,
 5 Granmèt, pòsion éritaj mouin ak kalis mouin :
 sé ou minm ki kinbé déstiné mouin. **R**
- 7 M-ap fè konpliman pou Granmèt la ki ban-m intéljans ;
 minm nan nuit rin-m ban-m léson.
 8 Mouin té mété Granmèt la dévan fas mouin tout tan,
 paské li adouat mouin, mouin pap tranblé. **R**
- 9 Sé poua kè-m kontan, tout anndan fon kè-m ap dansé ;
 minm chè-m pozé nan espérans.
 10 Paské ou pap lagé nanm mouin nan abitasion mò yo,
 ou pap kite sin-ou nan ouè dékonpozision. **R**
- 11 Ou-ap fè-m konnin rout lavi yo,
 kè kontan k-ap débòdé avèk fas ou
 plézi adouat ou jous pou tout tan. **R**

DÉZIÈM LÉKTU

*Nou rachté ak yon san ki gin anpil valè, san Jézu-Kri-a
 ki tankou san Mouton ki san tach.*

Léktu prémié lèt apot sin Piè

1, 17-21

Nou minm mouin rinmin anpil la :

Si nou rélé sa-a Papa, li minm ki jijé dapré aksion chak moun nan san-
 l pa gadé sou figi moun, sé pou nou viv nan krint Bondié pandan tan nou
 abité sou tè-a, antan nou konnin sé pa avèk bagay k-ap gaté, lò oubyin
 lajan, nou rachté sot nan conduit papa nou yo té transmèt nou-an, ki pa
 vo anyin-an, min sé ak san ki gin anpil valè-a, tankou san Mouton ki san
 tach la Kris la, san sa-a ki pa sal la, li minm Bondié té prévoua dépi
 anvan tè-a fèt, min li montré-l nan dènié tan yo poutèt nou, nou minm ki
 fidèl nan Bondié, Bondié minm ki résisité-l sot nan pami mò yo, ki ba-l
 gloua, pou lafoua nou ak espérans nou kapab nan Bondié.

Paròl Granmèt la.

ALÉLOUYA

Cf. Lk 24, 32

R Alélouya. Granmèt Jézu, louvri sa-k ékri yo pou nou ;
 fè kè nou cho pandan ou-ap palé avèk nou. **R** Alélouya.

ÉVANJIL

Yo rékonèt li nan kasé pin-an.✠ **Léktu sint Évanjil la dapré Luk****24, 13-35**

Té gin dé nan disip Jézu yo ki t-apral nan yon bouk, prémié jou sémèn sa-a, bouk la té yon distans onz kilomèt parapò a Jérusalèm, yo té rélé-l Émayus. Yo minm yo t-ap palé antré yo sou tou sa-k té passé. Rivé, pandan y-ap kozé, y-ap chèché antré yo, Jézu minm proche, l-ap maché avèk yo. Jé yo té gin yon bagay ki kinbé yo, pou yo pa rékonèt li. Li di yo : « Ki paròl sa yo, n-ap palé antré nou pandan n-ap maché-a, épi ki fè nou gin lapinn nan ? »

Youn yo rélé Kléofas, di-l : « Sé ou minm sèl ki étranjé nan Jérusalèm, ou pa konnin sa-k rivé nan jou sa yo ? »

Li di yo : « Ki bagay ? » Yo di : « Osijè Jézu moun Nazarèt la, ki té yon profèt, ki gin pouvoua nan aksion ak paròl dévan Bondié ak tout pèp la. Kijan gran prèt yo ak chèf nou yo rinmèt li nan kondanasion lanmò, épi yo klouré-l sou koua. Nou minm nou té espéré, sé li minm ki t-ap rachté Israèl ; koulié-a minm sou tout bagay sa yo jodi-a sé touazièm jou dépi yo rivé. Min kèk médam nan pami nou té fè nou sézi, yo t-al nan kavo-a dévan-jou, yo pa jouinn kò-l, yo vi-n di yo ouè vizion Anj yo, ki di yo li vivan. Kèk nan nou al nan kavo-a, yo jouinn bagay yo jan médam yo di-a ; min li minm yo pa jouinn li ».

Li di yo : « Nou sòt, nou pran tan nan kè nou kouè tou sa profèt yo té palé yo ! Èské Kris la pa-t gin pou-l souffri, épi sé konsa pou-l antré nan gloua-l la ? » Li kòmansé dépi sou Moyiz ak tout profèt yo, li éspliké yo nan tout sa-k ékri yo sa-k té konsèné-l.

Yo proche bò bouk la koté yo t-apralé-a, li minm li fè kòm si l-apral pi louin, yo fòsé-l, yo di : « Rét avèk nou, paské asouè rivé, jou-a déjà bésé ». Li antré avèk yo. Pandan li lonjé kò-l avèk yo, li pran pin, li béni, li kasé, li ba yo. Jé yo louvri, yo rékonèt li. Li minm minm li disparèt sot dévan jé yo. Youn di lòt : « Èské kè nou pa-t cho anndan nou, pandan li t-ap palé sou chémin-an, li t-ap éspliké nou sa-k ékri yo ? »

Yo lévé minm lè-a, yo tounin Jérusalèm. Yo jouinn onz yo rasanblé, ni sa yo ki té avèk yo-a, yo di Granmèt la lévé vré, li parèt dévan Simon. Yo rakonté sa-k té passé sou chémin-an, kijan yo té rékonèt li nan kasé pin-an.

Paròl Granmèt la.

Touazièm Dimanch Pak, ané B

PRÉMIÉ LÉKTU

Nou té touyé lotè lavi-a, li minm Bondié résisité sot nan pami mò yo.

Léktu Travay Apot yo

3, 13-15. 17-19

Jou sa yo : Piè di pèp la :

« Bondié Abraam ak Bondié Izaak ak Bondié Jakòb la, Bondié zansèt nou yo fè ouè gloua Pitit li-a Jézu, li minm nou té rinmèt la, nou té nié dévan fas Pilat la, lè Pilat té jijé pou-l té lagé-l la. Nou minm sé Sin-an ak Sa-a ki kòrèk la nou té nié, nou té mandé pou yo ba nou yon moun ki touyé moun ; Lotè lavi-a minm, nou té touyé-l li minm Bondié té résisité sot nan pami mò yo, nou sèvi-l témouin.

Koulié-a, frè-m yo, mouin konnin sé paské nou pa-t konnin ki fè nou fè sa, minm jan ak chèf nou yo. Min Bondié, sa-l té anonsé davans nan bouch profèt yo, pou Kris li-a soufri-a, sé konsa li réalizé-l. Konsa sé pou nou régrèt, sé pou nou konvèti, pou péché nou yo éfasé ».

Paròl Granmèt la.

PSÒM RÉPONS

Ps 4, 2. 7. 9 (R : 7 a)

R: Lévé limiè figi-ou sou nou tankou yon sign, Granmèt.

oubyin : Alélouya.

- 2 Kouté-m pandan m-ap lapriyè, Bondié jistis mouin, nan tray mouin ou dégajé-m ; pran pitié pou mouin, kouté lapriyè-m. R:
- 7 Anpil moun ap di : Kilès k-ap montré nou byin yo ? Lévé limiè fas ou sou nou tankou yon sign, Granmèt. R:
- 9 Nan lapè byin vit m-ap dòmi, m-ap pozé, paské ou minm, Granmèt, ou instalé-m nan éspérans yon fason éspésial. R:

DÉZIÈM LÉKTU

Li sé padon pou péché nou yo, min pou péché tout tè-a tou.

Léktu prémié lèt apot sin Jan

2, 1-5 a

Ti pitit mouin yo, mouin ékri nou bagay sa yo, pou nou pa fè péché ; min si yon moun fè péché, nou gin yon avoka kot Papa-a, sé Jézu-Kri ki kòrèk la ; li minm li sé padon pou péché nou yo, pa pou péché nou yo sèlman, min tou pou péché tout tè-a.

Min kijan nou konnin nou rékonèt li, sé si nou obsèvé kòmandman-l yo. Moun ki di li konnin-l épi li pa kinbé kòmandman-l yo, li sé mantè, vérité-a pa nan li. Min moun ki kinbé paròl li, rinmin Bondié-a kòrèk nèt nan li, sé konsa nou konnin nou nan li. Moun ki di li rété nan li, sé jan-l maché-a pou li minm tou li maché.

Paròl Granmèt la.

ALÉLOUYA

Cf. Lk 24, 32

✠ Alélouya. Granmèt Jézu, louvri sa-k ékri yo pou nou ;
fè kè nou cho pandan ou-ap palé avèk nou. ✠ Alélouya.

ÉVANJIL

*Sé konsa Kris la té gin pou-l té souffri,
pou-l résisité sot nan pami mò yo sou touazièm jou-a.*

✠ Léktu sint Évanjil la dapré Luk

24, 35-48

Lè sa-a :

Disip yo t-ap rakonté bagay ki té passé sou chémin-an, kijan yo té rékonèt Jézu nan kasé pin-an.

Pandan y-ap palé bagay sa yo, Jézu kanpé nan mitan yo, li di yo : « Lapè pou nou : sé mouin minm, pa pè ». Yo troublé, yo sézi, yo té konprann sé yon éspri yo té ouè-a. Li di yo : « Pouki sa nou troublé-a, ak pansé sa yo k-ap monté nan kè nou-an ? Gadé min-m yo ak pié-m yo, sé mouin minm minm ; touché pou nou ouè ; yon éspri pa gin chè ak zo, jan nou ouè mouin ginyin-an ». Pandan l-ap di sa, li montré yo min yo ak pié yo.

Yo pa-t ko kouè, yo té sézi ak kontantman, li di : « Èské nou gin kichòy pou manjé isit la ? » Yo ofri-l yon moso pouason griyé ak yon gato mièl. Li manjé dévan yo, li pran rèss yo, li ba yo.

Li di yo : « Sé paròl sa yo mouin té palé nou-an, lè-m té avèk nou toujou-a, li té nésèsè pou tou sa-k ékri sou mouin nan laloua Moyiz la ni profèt yo ni Psòm yo, pou yo té réalizé ». Lè sa-a li louvri intélijans yo, pou yo konprann sa-k ékri yo.

Li di yo : « Sé konsa sa té ékri, sé konsa Kris la té gin pou-l souffri, pou-l résisité sot nan pami mò yo sou touazièm jou-a, pou yo préché pénitans nan non-l ak padon péché yo nan tout nasion, kòmansé sou Jérusalèm. Nou minm nou témouin bagay sa yo ».

Paròl Granmèt la.

Touazièm Dimanch Pak, ané C

PRÉMIÉ LÉKTU

Nou minm nou sèvi paròl sa yo témouin, ak Éspri Sin-an.

Léktu Travay Apot yo

5, 27 b-32. 40 b-41

Jou sa yo :

Gran prêt la pozé Apot yo késion, li di : « Nou té pasé nou lòd sévè pou nou pa-t bay ansègnman sou non sa-a ; épi gadé nou plin Jérusalèm ak ansègnman nou-an nou vlé fè san mésié sa-a tonbé sou nou ».

Piè minm réponn ak Apot yo, yo di : « Nou doué obéyi Bondié plis pasé lézòm. Bondié papa nou yo té résisité Jézu, li minm nou té touyé-a antan nou té pandié-l sou koua-a. Bondié lévé-l adouat li kòm chèf ak sovè, pou-l bay Israèl régrè ak padon péché yo. Kanta nou minm, nou sèvi paròl sa yo témouin, ak Éspri Sin-an Bondié bay tout moun ki obéyi-l yo ».

Yo avèti Apot yo pou yo pa janm palé o non Jézu, épi yo lagé yo. Yo minm minm yo pati tou kontan sot dévan tribinal la paské yo té konsidéré yo té mérité souffri mové trétman pou non Jézu.

Paròl Granmèt la.

PSÒM RÉPONS

Ps 29, 2 é 4. 5-6. 11 é 12 a é 13 b (R: 2 a)

R: M-ap fè louanj ou, Granmèt, paské ou délivré-m.

oubyin : Alélouya.

2 M-ap fè louanj ou, Granmèt, paské ou délivré-m,
ou pa bay ènmi-m yo kè kontan sou do-m.

4 Granmèt, ou ouété lavi-m sot anba tè-a,
ou fè-m viv, pou-m pa désann nan fòs la. R:

5 Chanté pou Granmèt la, sin-l yo,
épi fè louanj pou souvni-l ki sin.

6 Sèké pou yon moman kòlè-l rivé,
min sé pou lavi rinmin-l nan diré.
Nan asouè gin dlo nan jé,
nan matin sé kè kontan. R:

11 Kouté, Granmèt, pran pitié pou mouin,
Granmèt, poté-m sékou.

12 Ou chanjé plint mouin-an an chanté dans.

13 Granmèt Boridié-m, pou tout tan m-ap fè louanj ou. R:

DÉZIÈM LÉKTU

*Li mérité sa, Mouton-an yo té touyé-a,
pou-l réservoua pouvoua ak ran Bondié-a.*

Léktu liv Apokalips apot sin Jan

5, 11-14

Mouin minm Jan, mouin ouè, mouin tandé voua anpil anj alantou fotèy la ak vivan yo ak ansyin yo ; kantité yo sé té mil milion ki t-ap palé ak voua byin fò : « Li mérité sa, Mouton-an yo té touyé-a, pou-l réservoua pouvoua ak ran Bondié, ak sajès, ak fòs, ak konsidérasion ak gloua, ak bénédiksion ».

Tout kréatu ki nan sièl la ak sou tè-a ak anba tè-a, ni sa-k nan lanmè-a, ni sa-k anndan-l, yo tout mouin tandé y-ap di : « Pou sa-a ki chita sou tron nan ak pou Mouton-an bénédiksion, konsidérasion, gloua ak pouvoua pou tout tan gin tan ». Kat vivan yo t-ap di : « Amèn ». Vinnkat ansyin yo tonbé sou fas yo, yo adoré sa-a k-ap viv pou tout tan gin tan-an.

Paròl Granmèt la.

ALÉLOUYA

℞ Alélouya. Kris la résisité, li minm ki kréyé tout bagay,
épi li pran pitié pou ras lézòm. ℞ Alélouya.

ÉVANJIL

Jézu rivé, li pran pin-an, li ba yo ak pouason-an.

✠ Léktu sint Évanjil la dapré Jan

21, 1-19

Lè sa-a :

Jézu parèt ankò dévan disip yo bò lanmè Tibériad la. Min kijan li té parèt la.

Sé té Simon Piè ak Toma, sa yo rélé Didim nan, ak Natanaèl, moun Kana Galilé-a, ak pitit Zébédé yo ak dé lòt nan disip li yo, yo té ansanm. Simon Piè di yo : « M-apral lapèch ». Yo di-l : « N-apralé avèk ou tou ». Yo soti, yo monté nan batiman-an, min nan nuit sa-a yo pa pran anyin.

Lè granmatin rivé, Jézu té kanpé sou bò lanmè-a min disip yo pa-t rékonèt sé té Jézu.

Jézu di yo : « Timoun yo, èské nou gin pouason ? »

Yo réponn li : « Non ».

Li di yo : « Voyé filè-a adouat batiman-an, n-a jouinn ». Yo voyé-l, yo pa-t kapab rédi-l, tèlman té gin anpil pouason. disip Jézu té rinmin-an di Piè : « Sé Granmèt la ». Lè Simon Piè tandé sé Granmèt la, li pasé rad li nan rin-l, (li té nu-kò), li lagé kò-l nan lanmè. Lòt disip yo rivé nan batiman-an (yo pa-t louin tè-a, sé té apéprè san mè) y-ap rémòké filè pouason yo.

Lè yo désann atè-a, yo ouè chabon difé ki pozé, épi pouason ak pin sou li, Jézu di yo : « Poté nan pouason yo nou sot pran koulié-a ». Simon Piè monté, li rédi filè-a atè, plin ak gro pouason, sansinkant-toua. Épi malgré té gin tout kantité sa-a, filè-a pa chiré. Jézu di yo : « Vi-n manjé ». Pèsòn nan sa-k t-ap manjé yo pa-t gin kouraj mandé-l : « Kilès ou yé ? » Yo té konnin sé Granmèt la. Jézu rivé, li pran pin-an, li ba yo, ni pouason-an tou.

Sa té fè touazièm fousa Jézu té parèt dévan disip li yo, lè-l té fi-n résisité sot nan pami mò yo.

Lè yo fi-n manjé, Jézu di Simon Piè : « Simon pitit Jan, èské-ou rinmin-m plis pasé sa yo ? » Li di-l : « Oui, Granmèt, ou konnin mouin sansib pou ou ». Li di-l : « Okipé ti mouton-m yo ».

Li di-l ankò : « Simon pitit Jan, èské-ou rinmin-m ? »

Li di-l : « Oui Granmèt, ou konnin mouin sansib pou ou ».

Li di-l : « Okipé ti mouton-m yo ».

Li di-l pou touazièm foua-a : « Simon pitit Jan, èské-ou sansib pou mouin ? »

Piè pran lapinn, paské li té di-l touazièm foua-a « Èské-ou sansib pou mouin ? » li di-l : « Granmèt, ou konnin tout bagay ; ou konnin mouin sansib pou ou ». Li di-l : « Okipé bann mouton-m yo.

Amèn, amèn mouin di-ou, lè-ou té pi jèn, ou té konn maré rin-ou, épi ou-alé koté-ou té vlé ; min lè ou-ap vi-n vié, ou-ap lonjé min-ou, yon lòt ap maré rin-ou, l-ap kondui-ou koté ou pa vlé ». Li té di sa pou-l montré ki kalité mòd jan lanmò li t-ap sibi pou-l fè ouè gloua Bondié. Lè-l fi-n di sa, li di-l : « Suiv mouin ».

Paròl Granmèt la.

oubyin pi kout

✠ Léktu sint Évanjil la dapré Jan

21, 1-14

Lè sa-a :

Jézu parèt ankò dévan disip yo bò lanmè Tibériad la. Min kijan li té parèt la.

Sé té Simon Piè ak Toma, sa yo rélé Didim nan, ak Natanaël, moun Kana Galilé-a, ak pitit Zébédé yo ak dé lòt nan disip li yo, yo té ansanm. Simon Piè di yo : « M-apral lapèch ». Yo di-l : « N-apralé avèk ou tou ». Yo soti, yo monté nan batiman-an, min nan nuit sa-a yo pa pran anyin.

Lè granmatin rivé, Jézu té kanpé sou bò lanmè-a ; min disip yo pa-t rékonèt sé té Jézu.

Jézu di yo : « Timoun yo, èské nou gin pouason ? »

Yo réponn li : « Non ».

Li di yo : « Voyé filè-a adouat batiman-an, n-a jouinn ». Yo voyé-l, yo pa-t kapab rédi-l, tèlman té gin anpil pouason. Disip Jézu té rinmin-an di Piè : « Sé Granmèt la ». Lè Simon Piè tandé sé Granmèt la, li pasé rad li nan rin-l, (li té ni-kò), li lagé kò-l nan lanmè. Lòt disip yo rivé nan batiman-an (yo pa-t louin tè-a, sé té apéprè san mèt) y-ap rémòké filè pouason yo.

Lè yo désann atè-a, yo ouè chabon difé ki pozé, épi ak pin sou li. Jézu di yo : « Vi-n manjé ». Pèsòn nan sa-k t-ap manjé yo pa-t gin kouraj mandé-l : « Kilès ou yé ? » yo té konnin sé Granmèt la. Jézu rivé, li pran pin-an, li ba yo, ni pouason-an tou.

Sa té fè touazièm foua Jézu té parèt dévan disip li yo, lè-l, té fi-n lévé sot nan pami mò yo.

Paròl Granmèt la.

Lindi

PRÉMIÉ LÉKTU

Yo pa-t kapab rézisté sajès la ak Éspri-a ki t-ap palé-a.

Léktu Travay Apot yo

6, 8-15

Jou sa yo, Étièn té plin gras ak fòs, li t-ap fè anpil prodij ak sign nan pèp la. Gin kèk ki lévé, yo té fè pati nan sinagòg sa yo rélé Ésklav libéré yo, Sirénéyin yo ak Aléksandrin yo, ak sa ki té nan Silisi ak Lazi yo, yo t-ap diskité avèk Étièn. Yo pa-t kapab rézisté sajès la ak Éspri-a ki t-ap palé-a. Lè sa-a yo voyé kèk moun an kachèt pou di yo té tandé l-ap di paròl blasfèm kont Moyiz ak kont Bondié. Konsa yo soulvé pèp la ak anyin yo ak skrib yo, yo fonsé ansanm, yo sézi-l, yo kondui-l nan tribinal la. Yo mété fo-témouin ki di : « Mésié sa-a pa sispann palé paròl kont koté sa-a ki sin-an ak kont laloua-a. Réyéلمان nou tandé l-ap di : “Jézu moun Nazarèt sa-a ap détoui koté sa-a, l-ap chanjé abitud Moyiz té transmèt nou yo” ». Yo tout t-ap gadé-l fiks, yo tout ki té chita nan tribinal la, yo té ouè fas li tankou fas yon Anj.

Paròl Granmèt la.

PSÒM RÉPONS

Ps 118, 23-24. 26-27. 29-30 (R: 1)

R: Ala kontantman pou moun k-ap maché nan laloua Granmèt la.

oubyin : Alélouya.

- 23 Minm si chèf yo chita, y-ap palé kont mouin,
sèvitè-ou la ap réfléchi sou désizion-ou yo.
- 24 Sèké témouagnaj ou yo sé plézi-m,
désizion-ou yo sé konsèy mouin. R:
- 26 Mouin rakonté chémin-m yo, ou kouté-m ;
apranm mouin désizion-ou yo.
- 27 Fè-m konprann chémin kòmandman-ou yo,
m-a réfléchi sou mèvèy ou yo. R:
- 29 Viré chémin manti-a louin-m,
ban-m laloua-ou la avèk bon kè-ou.
- 30 Mouin chouazi chémin vérité-a,
mouin mété jijman-ou yo dévan-m. R:

ALÉLOUYA

Mt 4, 4 b

R: Alélouya. Sé pa ak pin sèlman moun viv,
min ak tout paròl ki soti nan bouch Bondié. R: Alélouya

ÉVANJIL

*Pa travay pou manjé k-ap péri-a,
min pou sa-a k-ap diré pou lavi tout tan-an.*

✠ Léktu sint Évanjil la dapré Jan

6, 22-29

Apré Jézu té fi-n bay sink mil moun yo manjé kont kò yo, disip li yo té ouè-l ap maché sou lanmè-a.

Nan landmin foul la, ki té kanpé lòt bò lanmè-a, li ouè lòt batiman-an pa-t la, sé yon sèl ki té la, épi Jézu pa-t monté sou batiman-an avèk disip li yo, min disip li yo té pati pou kont yo, Gin lòt batiman ki té vi-n rivé sot Tibériad, bò koté yo té manjé pin-an, lè yo té fi-n rann Granmèt la gras. Lè foul la ouè Jézu pa-t la ni disip li yo, yo monté nan kannòt yo, yo rivé Kafarnaòm, y-ap chèché Jézu. Lè yo jouinn li lòt bò lanmè-a, yo di-l : « Rabi, ki lè ou rivé isit la ? » Jézu réponn yo, li di : « Amèn, amèn mouin di nou, si n-ap chèché-m, sé pa paské nou té ouè sign yo, min

paské nou té manjé nan pin yo épi vant nou té plin. Sé pa pou nou travay pou manjé k-ap disparèt la, min sé pou nou travay pou manjé k-ap diré pou lavi tout tan-an, sa Pitit moun nan ap ba nou-an ; li minm Bondié Papa-a maké ak so-l la ». Yo di-l : « Ki sa pou nou fè pou nou travay travay Bondié yo ? » Jézu réponn, li di yo : « Min travay Bondié-a, sé pou nou kouè nan sa-a li voyé-a ».

Paròl Granmèt la.

Madi

PRÉMIÉ LÉKTU

Granmèt Jézu, résévoua éspri-m.

Léktu Travay Apot yo

7, 51 – 8, 1a

Jou sa yo : Étièn t-ap di foul la ak ansyin yo ak skrib yo :

« Tèt du, jé ak zòrèy bouché, tout tan n-ap rézisté Éspri Sin-an ; minm jan ak papa nou yo, sé konsa nou yé tou. Kilès nan profèt yo papa nou yo pa-t pèsékité ? Yo té touyé sa yo ki té anonsé davans sa-a ki kòrèk la t-ap vini-an, li minm nou té rinmèt koulié-a, nou té tuyé-a. Nou minm ki té résévoua laloua-a nan min Anj yo épi nou pa-t kinbé-l la ». Lè yo tandé bagay sa yo, yo t-ap fè kè yo vi-n du kont li, yo t-ap séré dan kont li. Li minm li té plin ak Éspri Sin-an, li fiksé sièl la, li ouè gloua Bondié-a ak Jézu ki kanpé adouat Bondié, li di : « Mouin ouè sièl yo louvri, ak Pitit moun nan ki kanpé adouat Bondié ». Yo lévé voua yo byin fò, yo fèmin zòrèy yo, yo fonsé ansanm sou li. Yo jété-l déyò vil la, yo kòmansé kalonnin-l ak kout ròch. Témouin yo té dépozé rad yo nan pié yon jénòm yo té rélé Sòl. Pandan yo t-ap kalonnin-l ak kout ròch, Étièn t-ap lapriyé, li t-ap di : « Granmèt, résévoua éspri-m ». Li pozé jénou-l atè, li rélé byin fò, li di : « Granmèt, pa mété péché sa-a sou kont yo ». Pandan l-ap di sa, li dòmi nan Granmèt la. Sòl minm té dakò avèk sa yo ki té touyé-l la.

Jou sa yo vi-n gin yon gran pèsékision kont Égliz la ki té Jérusalèm nan.

Paròl Granmèt la.

PSÒM RÉPONS Ps 30, 3 cd-4. 6 ab é 7 b é 8 a. 17 é 21 ab (R: 6 a)

R: Sé nan min-ou, Granmèt, mouin rinmèt éspri-m.

oubyin : Alélouya.

³ Sé pou-ou sèvi-m yon ròch kachèt ak yon kay défans,
pou-ou kap sovè-m.

⁴ Paské fòs mouin ak kachèt mouin sé ou minm,
poutèt non-ou ou-a kondui-m, ou-a souin-m. R:

⁶ Sé nan min-ou mouin rinmèt éspri-m ;
ou té rachté-m, Granmèt, Bondié vérité-a.

⁷ Mouin minm sé nan Granmèt la mouin mét éspérans mouin.

⁸ M-ap dansé, épi m-ap kontan nan mizérikòd ou-a. R:

¹⁷ Kléré fas ou sou sèvitè-ou la.
Sovè-m nan mizérikòd ou-a.

²¹ Ou-a kaché yo nan kachèt fas ou-a
dévan tranzaksion lézòm. R:

ALÉLOUYA

Jan 6, 35 ab

R: Alélouya. Mouin sé pin lavi-a, sé sa Granmèt la di ;
moun ki vi-n jouinn mouin, li pap grangou. R: Alélouya.

ÉVANJIL

Sé pa Moyiz, min sé Papa-m ki bay pin ki sot nan sièl la.

✠ **Léktu sint Évanjil la daprè Jan**

6, 30-35

Lè sa-a : fowl la di Jézu :

« Ki sign ou fè, pou nou ouè, pou nou kouè nan ou ? Ki sa-ou fè ? Papa nou yo té manjé ma-n nan dézè-a, jan sa ékri-a : “Li ba yo pin sot nan sièl la pou yo manjé” ». Jézu di yo : « Amèn, amèn mouin di nou, sé pa Moyiz ki té ba nou pin sot nan sièl la, min sé Papa-m ki ba nou pin ki sot nan sièl la, véritab pin-an. Pin Bondié-a sé sa-a ki désann sot nan sièl la épi ki bay tè-a lavi-a ». Yo di-l : « Granmèt, toujou ba nou pin sa-a ». Jézu di yo : « Mouin minm mouin sé pin lavi-a ; moun ki vi-n jouinn mouin pap grangou, moun ki kouè nan mouin pap janm souaf ».

Paròl Granmèt la.

Mèkrédi

PRÉMIÉ LÉKTU

Yo t-ap travèsé antan y-ap anonsé paròl Bondié-a.

Léktu Travay Apot yo

8, 1 b-8

Jou sa yo vi-n gin yon gran pèsékision kont Égliz la ki té Jérusalèm nan ; tout moun té gayé nan réjion Judé ak Samari-a sof Apot yo.

Gin moun ki krinn Bondié ki okipé Étièn, yo fè gran dèy sou li.

Sòl minm t-ap ravajé Égliz la ; li t-ap antré nan kay yo, li t-ap mété ni gason ni fi déyò, li t-ap minnin yo nan prizon.

Konsa sa yo ki té gayé yo, yo t-ap travèsé ap poté bòn nouvèl paròl Bondié-a.

Filip désann nan yon vil Samari, li t-ap bay moun yo ansègnman sou Jézu-Kri. Foul moun yo té fiksé lidé yo sou sa Filip t-ap di, yo tout t-ap kouté, yo té ouè sign yo li té fè yo. Sèké anpil nan sa yo ki té gin éspri papròp yo, yo té sòti, antan y-ap rélé byin fò ; anpil moun ki pa-t kapab fè mouvman, ki té infim, yo té vi-n géri. Té vi-n gin gran kè kontan nan vil sa-a.

Paròl Granmèt la.

PSÒM RÉPONS

Ps 65, 1-3 a. 4-5. 6-7 a (R : 1)

R Bat bravo pou Bondié, tout tè-a.

oubyin : Alélouya.

¹ Bat bravo pou Bondié, tout tè-a,

² chanté gloua non-l, fè louanj li.

³ Di Bondié : « Ala réspè travay ou yo mérité. R »

⁴ Tout tè-a ap adoré-ou, l-ap chanté pou ou, l-ap chanté pou non-ou ».

⁵ Vini, n-a ouè travay Bondié yo,

li mérité réspè nan aksion li fè pou pitit moun yo. R »

⁶ Li fè lanmè-a vi-n tounin tè sèk,

épi y-ap pasé riviè-a apié ;

n-ap kontan nan li koté sa-a.

⁷ Li minm k-ap kòmandé nan pouvoua-l pou tout tan. R »

ALÉLOUYA

Cf. Jan 6, 40

℞ Alélouya. Tout moun ki kouè nan Pitit la, li gin lavi tout tan-an ;
mouin minm m-ap fè-l résisité nan dènié jou-a, sé sa Granmèt la di. ℞
Alélouya.

ÉVANJIL

*Sa-a, sé volonté Papa-a,
pou tout moun ki ouè Pitit la, li gin lavi tout tan-an.*

✠ Léktu sint Évanjil la dapré Jan

6, 35-40

Lè sa-a : Jézu di foul yo :

« Mouin minm mouin sé pin lavi-a ; moun ki vi-n jouinn mouin pap grangou, moun ki kouè nan mouin pap janm souaf. Min mouin té di nou, nou ouè-m, épi nou pa kouè. Tou sa Papa-a ban mouin, l-ap vi-n jouinn mouin ; moun ki vi-n jouinn mouin, mouin pap jété-l déyò ; paské mouin pa désann sot nan sièl la pou-m fè volonté pa-m, min volonté sa-a ki voyé-m nan.

Min volonté sa-a ki voyé-m nan, Papa-a, sèké tou sa-l ban mouin, pou-m pa pèdi anyin nan yo, min pou-m fè-l résisité nan dènié jou-a. Sa-a sé volonté Papa-m nan ki voyé-m nan, pou tout moun ki ouè Pitit la, épi ki kouè nan li, jouinn lavi tout tan-an ; mouin minm m-ap fè-l résisité nan dènié jou-a ».

Paròl Granmèt la.

Jédi

PRÉMIÉ LÉKTU

Si-ou kouè ak tout kè-ou, ou kapab batizé.

Léktu Travay Apot yo

8, 26-40

Jou sa yo :

Anj Granmèt la palé ak Filip, li di : « Lévé, al nan sid, sou rout ki désann sot Jérusalèm al Gaza-a : li pa gin pèsòn ». Li lévé, l-alé. Té gin yon mésié Étiopi, yon intandan Kandas, rèn Étiopi-a, li té gin gro

pouvoua, sé li minm ki té rèsponsab tout richès li yo, li té vi-n adoré Jéruزالèm. Pandan l-ap tounin, li té chita nan chario li, l-ap li profèt Izayi.

Éspri-a di Filip : « Proché, rivé kot chario sa-a ». Filip proche, li tandé l-ap li profèt Izayi-a ; li di : « Èské ou kouè ou konprann sa ou-ap li-a ? »

Li di : « Épi, kijan mouin t-a kapab, si pèsòn pa montré-m ? » Li mandé Filip pou-l monté, pou-l chita avèk li.

Pasaj sa-k ékri-a li t-ap li-a, min li : « Tankou yon mouton yo kondui labatoua, tankou yon mouton dévan moun k-ap koupé linn li, san voua, sé konsa li pa louvri bouch li. Yo rabésé-l, yo ouété jijman-l. Ras li, ki moun k-ap rakonté-l ? paské yo ouété lavi-l sot sou tè-a ».

Intandan-an pran laparòl, li di Filip : « Tanpri, osijè ki moun profèt la ap di sa-a ? èské sé osijè pròp tèt pa-l oubyin osijè yon lòt ? » Filip ouvri bouch li, li kòmansé dépi nan pasaj sa-k ékri la-a, li ba-l bòn nouvèl Jézu-a.

Pandan yo t-ap vouayajé sou rout la, yo rivé nan yon dlo, intandan-an di : « Min dlo ; ki sa-k anpéché-m batizé ? »

Filip minm di : « Si-ou kouè ak tout kè-ou, ou kapab ».

Li réponn, li di : « Mouin kouè Jézu-Kri sé Pitit Bondié ». Li pasé lòd pou yo fè rété chario-a. Yo tou lé dé désann nan dlo-a, ni Filip, ni intandan-an, li batizé-l.

Pandan y-ap monté sot nan dlo-a, Éspri Granmèt la sézi Filip, minis la pa ouè-l ankò ; li kontinué rout li ak kè kontan. Filip minm rivé Azòt, li travèsé, l-ap bay bòn nouvèl la nan tout vil yo, joutan li rivé Sézaré.

Paròl Granmèt la.

PSÒM RÉPONS

Ps 65, 8-9. 16-17. 20 (R : 1)

R Bat bravo pou Bondié, tout tè-a.

oubyin : Alélouya.

8 Fè konpliman pou Bondié nou, nasion yo,

fè tandé voua louanj li ;

9 li minm ki mété nanm nou nan lavi,

ki pa kité pié nou frapé. R

- ¹⁶ Vini, kouté, nou tout ki krinn Bondié,
m-ap rakonté tou sa-l fè pou nanm mouin.
- ¹⁷ Sé koté-l mouin rélé ak bouch mouin,
mouin fè louanj li ak lang mouin. **R:**
- ²⁰ Konpliman pou Bondié, ki pa méprizé priyè-m,
li pa ouété kè sansib li sot sou mouin. **R:**

ALÉLOUYA

Jan 6, 51

R: Alélouya. Mouin sé pin vivan-an, ki désann sot nan sièl la,
sé sa Granmèt la di ;
si yon moun manjé nan pin sa-a, l-ap viv pou tout tan. **R:** Alélouya.

ÉVANJIL

Mouin sé pin vivan-an, ki désann sot nan sièl la.

✠ Léktu sint Évanjil la dapré Jan

6, 44-51

Lè sa-a : Jézu di foul yo :

« Pèsòn pa kapab vi-n jouinn mouin, si Papa-a ki voyé-m nan pa ralé-l ;
épi mouin minm m-ap résisité-l nan dènié jou-a. Min sa ki ékri nan profèt
yo : “Yo tout ap jouinn ansègnman nan min Bondié”.

Tout moun ki kouté Papa-a épi ki kité-l ba-l ansègnman, l-ap vi-n
jouinn mouin.

Sé pa paské gin moun ki ouè Papa-a, sof sa-a ki sot nan Bondié-a, sé li
minm ki ouè Papa-a. Amèn, amèn mouin di nou, moun ki kouè nan
mouin, li gin lavi tout tan-an.

Mouin sé pin lavi-a. Papa nou yo té manjé ma-n nan dézè-a, yo
mouri ; sa-a sé pin ki désann sot nan sièl la, pou si yon moun manjé
ladan-l, li pa mouri.

Mouin sé pin vivan-an ki désann sot nan sièl la. Si yon moun manjé
nan pin sa-a, l-ap viv tout tan, épi pin-an m-ap bay la, sé chè-m pou lavi
tè-a ».

Paròl Granmèt la.

Vandrédi

PRÉMIÉ LÉKTU

*Ou sé yon véso mouin chouazi
pou-l poté non-m dévan nasion yo.*

Léktu Travay Apot yo

9, 1-20

Jou sa yo :

Sòl t-ap réspiré ménas ak kou toujou kont disip Granmèt yo, li prezanté dévan chèf prêt yo, li mandé-l lèt pou Damas nan sinagòg yo, pou, si-l jouinn kèk moun k-ap suiv rout sa-a, gason kon fi, li kondui yo prizonié Jérusalèm.

Pandan li t-ap vouayajé, li té prèské rivé Damas. Yon moman, yon limiè sot nan sièl la li antouré-l ; li tonbé atè-a, li tandé yon voua k-ap di-l : « ”Sòl, Sòl, pouki sa ou-ap pèsékité-m nan ? »

Li di : « Kilès ou yé, Granmèt ? »

Li minm li di : « Mouin sé Jézu, sa-a ou-ap pèsékité-a ; sa rèd pou ou, pou-ou ap voyé pié kont fouinn nan ».

Li tranblé, li sézi, li di : « Granmèt, ki sa ou vlé pou-m fè ? »

Granmèt la di-l : « Lévé, antré nan vil la, la-a y-a di-ou ki sa ou gin pou-ou fè ».

Mésié yo ki t-ap vouayajé ansanm avèk li yo, yo té kanpé, yo té sézi lè yo tandé voua-a, min yo pa ouè pèsòn. Sòl minm lévé sot atè-a ; li louvri jé-l, min li pa ouè anyin. Yo kondui-l nan min, yo fè-l antré Damas. Li rét la toua jou san-I pa ouè, san-l pa manjé, san-l pa bouè.

Té gin yon disip nan Damas yo té rélé Ananias ; Granmèt la di-l nan vizion : « Ananias ! »

Li di : « Min mouin, Granmèt ».

Granmèt la di-l : « Lévé, al nan ri yo rélé Douat la, chèché nan kay Jud la yon moun Tars yo rélé Sòl. Min l-ap lapriyé ». (Li ouè yon moun yo rélé Ananias k-ap antré épi k-ap pozé min sou li, pou-l kapab ouè ankò).

Ananias réponn : « Granmèt, mouin té tandé anpil moun rakonté sa mésié sa-a fè, konbyin mal li fè sin-ou yo nan Jérusalèm ; épi isit la li gin pouvoua nan min chèf prêt yo pou-l maré tout moun k-ap rélé non-ou ».

Granmèt la di-l : « Alé, paské sé yon véso mouin chouazi, pou-l poté non-m dévan nasion yo, ak roua yo, ak pitit Israèl yo. Mouin minm m-ap montré-l tou sa-l gin pou-l sibi pou non-m ».

Ananias alé, li antré nan kay la, li pozé min sou li, li di : « Sòl frè-m, Granmèt Jézu voyé-m, li minm ki té parèt dévan-ou sou rout la koté ou t-ap vini-an, pou-ou kapab ouè, pou-ou plin ak Éspri Sin-an ». Minm lè-a sé tankou kal ki sot tonbé nan jé-l, li vi-n ouè ankò, li lévé, li résévoua batèm. Lè-l pran manjé, li vi-n gin fòs.

Li rété kèk jou avèk disip yo ki té Damas yo. Minm lè-a nan sinagòg yo li t-ap préché Jézu sé Pitit Bondié.

Paròl Granmèt la.

PSÒM RÉPONS

Ps 116, 1. 2 (R : Mk 16, 15)

R : Alé sou tout tè-a, préché bòn nouvèl la.

oubyin : Alélouya.

¹ Fè louanj Granmèt la, tout nasion yo,
fè louanj li ansanm, tout pèp yo. R :

² Paské mizérikòd li asiré sou nou,
vérité Granmèt la diré pou tout tan. R :

ALÉLOUYA

Jan 6, 56

R : Alélouya. Moun ki manjé chè-m, ki bouè san-m,
li rété nan mouin, mouin nan li, sé sa Granmèt la di. R : Alélouya.

ÉVANJIL

*Chè-m sé yon manjé tout bon vré,
san-m sé yon bouason tout bon vré.*

✠ Léktu sint Évanjil la dapré Jan

6, 52-59

Lè sa-a :

Juif yo t-ap diskité antré yo, yo t-ap di : « Kijan sa-a kapab ba nou chè-l pou nou manjé ? »

Jézu di yo :

« Amèn, amèn mouin di nou, si nou pa manjé chè Pitit moun nan, si nou pa bouè san-l, nou pap gin lavi nan nou. Moun ki manjé chè-m, ki

bouè san-m, li gin lavi ki pap janm fini-an : mouin minm m-ap résisité-l nan dènié jou-a.

Kò-m sé yon manjé tout bon vré, san-m sé yon bouason tout bon vré. Moun ki manjé chè-m, ki bouè san-m, li rét nan mouin, mouin minm nan li.

Minnm jan Papa-a ki vivan-an voyé-m nan, épi mouin viv akoz Papa-a ; konsa tou moun ki manjé-m, l-ap viv akoz mouin tou. Sa-a sé pin-an ki désann sot nan sièl la. Sé pa tankou zansèt nou yo ki té manjé ma-n nan, épi ki té mouri yo. Moun ki manjé pin sa-a l-ap viv pou tout tan ».

Li di sa nan sinagòg la antan l-ap bay ansègnman nan Kafarnaòm.

Paròl Granmèt la.

Samdi

PRÉMIÉ LÉKTU

*Égliz la t-ap bati,
li t-ap plin ak konsolasion Éspri Sin-an.*

Léktu Travay Apot yo

9, 31-42

Jou sa yo :

Égliz la té gin lapè nan tout Judé-a, Galilé-a ak Samari-a ; li t-ap dévlopé antan l-ap maché nan krint Granmèt la, li té plin ak konsolasion Éspri Sin-an.

Pandan Piè t-ap pasé tout koté, li rivé kot sin yo té abité Lida-a. Li jouinn yon mésié la, yo té rélé Éné, ki té kouché sou kabann dépi uitan, li té infim. Piè di-l : « Éné, Granmèt Jézu-Kri géri-ou ; lévé, ranjé kabann ou ». Minm lè-a, li lévé. Tout moun ki té abité Lida ak Saron yo ouè-l ; yo konvèti vi-n jouinn Granmèt la.

Nan Jopé, té gin yon fi ki disip, yo té rélé Tabita, sa vlé di Dòrkas. Li té plin ak bon travay ak charité li té konn fè. Jou sa yo, li vi-n malad, li mouri. Lè yo fi-n lavé-l, yo instalé-l nan chanmòt la. Kòm Lida té tou pré Jopé, épi disip yo té tandé Piè té la, yo voyé dé mésié koté-l, pou mandé-l : « Pa mizé, rivé koté nou ».

Piè lévé, li vi-n avèk yo. Lè-l rivé, yo minnin-l nan chanmòt la, tout vèv yo antouré-l, yo t-ap kriyé, yo t-ap montré-l chémiz ak manto Dorkas té konn fè pou yo. Piè fè tout moun soti déyò, li ajénou, li lapriyé, li viré kot kò-a, li di : « Tabita, lévé ». Li louvri jé-l, li ouè Piè, li chita. Piè ba-l min-l, li lévé-l. Li rélé sin yo ak vèv yo, li rinmèt li nan min yo byin vivan.

Bagay sa-a tout Jopé vi-n konnin-l, anpil moun vi-n kouè nan Granmèt la.

Paròl Granmèt la.

PSÒM RÉPONS

Ps 115, 12-13. 14-15. 16-17 (R: 12)

R: Sa pou-m rinmèt Granmèt la
pou tou sa-l fè pou mouin ?

oubyin : Alélouya.

¹² Kisa pou-m rinmèt Granmèt la
pou tou sa-l fè pou mouin ?

¹³ M-ap pran kalis ki sovè nou-an,
m-ap rélé non Granmèt la. R:

¹⁴ M-ap rinmèt Granmèt la sa-m té promèt yo,
dévan tout pèp li-a.

¹⁵ Li gin valè dévan jé Granmèt la
lanmò sin-l yo. R:

¹⁶ Granmèt, mouin sé sèvitè-ou,
mouin sé sèvitè-ou ak pitit sèvant ou.
Ou kasé chinn mouin yo.

¹⁷ M-ap sakrifé sakrifis louanj ba ou,
m-ap rélé non Granmèt la. R:

ALÉLOUYA

Cf. Jan 6, 63 c. 68 c

R: Alélouya. Paròl ou yo, Granmèt, sé Éspri ak vi ;
ou gin paròl lavi tout tan-an. R: Alélouya.

ÉVANJIL

Kot kilès pou-n alé ? ou gin paròl lavi tout tan-an.

✠ Léktu sint Évanjil la dapré Jan

6, 60-69

Lè sa-a :

Anpil nan disip Jézu yo té di : « Paròl sa-a rèd, ki moun ki kapab tandé-l ? »

Jézu minm konnin disip li yo t-ap bougonnin sou sa antré yo, li di yo : « Sa dékontolé nou ? Si nou té ouè Pitit moun nan k-ap monté koté-l té yé anvan-an ? Sé Éspri-a ki bay lavi, chè-a pa kapab sèvi anyin. Paròl yo mouin palé nou-an, sé Éspri ak lavi yo yé. Min gin nan nou ki pa kouè ».

Jézu té konnin réyèlman dépi nan kòmansman kilès ki pa-t kouè, épi kilès ki t-ap bay li-a. Li t-ap di : « Sé pousa mouin té di nou, pèsòn pa kapab vi-n jouinn mouin, si sé pa yon gras Papa-m fè-l ».

Dépi lè sa-a anpil nan disip li yo pati kité-l, yo pa maché avèk li ankò. Jézu di douz yo : « Èské nou minm tou nou vlé pati ? »

Simon Piè minm réponn li : « Granmèt, kot kilès pou-n alé ? Ou gin paròl lavi tout tan-an. Nou minm nou kouè, nou konnin ou sé Kris la, Pitit Bondié-a ».

Paròl Granmèt la.

KATRIYÈM SÉMÈN TAN PAK

Katriyèm Dimanch Pak, ané A

PRÉMIÉ LÉKTU

*Bondié fè-l Granmèt ak Kris.***Léktu Travay Apot yo****2, 14 a. 36-41**

Jou Pannkot la, Piè kanpé avèk onz yo, li lévé voua-l, li déklaré :

« Sètènman sé pou tout kay Israèl la konn sa, Bondié fè-l Granmèt ak Kris, Jézu sa-a nou té klouré sou koua-a ».

Lè yo tandé paròl sa yo, yo pran lapinn nan kè yo, yo di Piè ak lòt Apot yo : « Ki sa pou nou fè, mésié frè nou yo ? » Piè minm di yo : « Sé pou nou konvèti, sé pou chak moun nan nou batizé o non Jézu, pou padon péché nou yo, n-a résévoua kado Éspri Sin-an. Sèké, sé pou nou promès la yé, ansanm ak pitit nou yo, ak tout moun ki louin yo, tou sa Granmèt Bondié nou-an rélé yo ».

Ak anpil dèt paròl ankò li t-ap sèvi témouin, li t-ap ankourajé yo, li t-ap di : « Sové lavi nou sot nan jénérasyon sa-a ki mové-a ». Moun yo ki té résévoua paròl li-a, yo batizé. Jou sa-a té gin apéprè toua mil moun ki vin tounin disip.

Paròl Granmèt la.

PSÒM RÉPONS

Ps 22, 1-3 a. 3 b-4. 5. 6 (R : 1)

R: Granmèt la ap souin-m, mouin pap manké anyin.

oubyin : Alélouya.

¹ Granmèt la ap souin-m, mouin pap manké anyin ;

² nan zèb vèt li instalé-m,

sou bò dlo trankil li minnin-m,

³ li réfè nanm mouin. R:

Li kondui-m nan santié jistis poutèt non-l.

⁴ Sèké minm si m-ap maché nan bafon lonbraj lanmò, mouin pap pè malè, paské ou avèk mouin.

Baton-ou ak bagèt ou sé yo k-ap konsolé-m. R:

- 5 Ou paré yon tab dévan fas mouin
kont sa yo k-ap fè-m pasé tray la ;
ou souin tèt mouin ak losion,
kalis mouin ap débòdé. **R**
- 6 Réyèlman sé bon kè ak mizèrikòd k-ap rapousuiv mouin
tout tan lavi-m,
m-ap abité nan kay Granmèt la
pou tout longè tan yo. **R**

DÉZIÈM LÉKTU

Nou viré vi-n jouinn gadyin nanm nou yo.

Léktu prémié lèt apot sin Piè

2, 20 b-25

Nou minm mouin rinmin anpil la :

Si nou fè sa-k byin, épi n-ap sipòté avèk pasians, sé yon gras sa yé kot Bondié. Sèké sé nan sa yo té rélé nou, paské Kris la tou té soufri pou nou, antan li kité yon modèl pou nou, pou nou suiv tras li yo.

Li minm ki pa-t fè péché, yo pa-t jouinn riz nan bouch li ; li minm, malgré yo té ba-l madichon, li pa-t bay madichon ; malgré li té soufri, li pa-t fè ménas, okontrè li té rinmèt tèt li bay moun ki t-ap jijé-l avèk injistis ; li minm ki poté péché nou yo nan kò-l sou boua-a, pou nou kapab mouri parapò a péché yo pou nou viv parapò a jistis la : li minm ki géri nou avèk blès li yo.

Sèké nou té pèdi rout tankou mouton, min nou tounin vi-n jouinn gadyin ak résponsab nanm nou yo koulié-a.

Paròl Granmèt la.

ALÉLOUYA

Jan 10, 14

R Alélouya. Mouin sé bon gadyin-an, sé sa Granmèt la di ;
épi mouin konnin mouton-m yo, mouton-m yo konnin-m tou. **R**
Alélouya.

ÉVANJIL

Mouin sé pòt mouton yo.

✠ Léktu sint Évanjil la dapré Jan

10, 1-10

Lè sa-a Jézu di :

« Amèn, amèn, mouin di nou, moun ki pa pasé nan pòt la pou-l antré nan pak mouton yo minm ki monté yon lòt koté, moun sa-a sé yon vòlè ak yon asasin. Min moun ki antré nan pòt la, sé gadyin mouton yo. Moun sa-a gad bariè-a louvri pou li, mouton yo kouté voua-l, mouton pa-l yo, li rélé yo sou non yo chak, épi li fè yo soti. Lè-l fi-n mét pròp mouton pa-l yo déyò, li soti dévan yo, mouton yo suiv li, paské yo konnin voua-l ; min yo pa suiv yon étranjé ; okontrè yo sovè pou li, paské yo pa rékonèt voua étranjé yo ».

Jézu di yo provèb sa-a ; min yo minm yo pa-t konnin ki sa li t-ap palé yo-a.

Konsa Jézu di yo ankò : « Amèn, amèn, mouin di nou, mouin sé pòt mouton yo. Tout kalité moun ki té vini yo, sé vòlè ak asasin, mouton yo pa-t kouté voua yo. Mouin sé pòt la. Si yon moun antré pa lantrémiz mouin, l-ap sovè, l-ap antré, l-ap soti, l-ap jouinn manjé. Vòlè-a pa vi-n fè lòt bagay pasé vòlè, touyé, détoui. Mouin minm mouin vini pou yo jouinn lavi, pou yo jouinn li an kantité ».

Paròl Granmèt la.

Katriyèm Dimanch Pak, ané B

PRÉMIÉ LÉKTU

Pa gin posibilité sovè nan okinn lòt.

Léktu Travay Apot yo

4, 8-12

Jou sa yo :

Piè plin ak Éspri Sin-an, li di : « Chèf pèp la ak ansyin yo, kouté. Si jodi-a y-ap jijé nou pou yon byinfè ki réalizé pou mésié infim nan, si nou bézouin konnin nan kilès li sovè, ébyin aprann sa nou tout ak tout pèp Israèl la, sé o non Granmèt nou Jézu-Kri moun Nazarèt la, sa-a nou té klouré sou koua-a, li minm Bondié résisité sot nan pami mò yo, sé nan li sa-a kanpé dévan nou li géri.

Li minm minm sé ròch la, nou minm bòs mason yo nou té réjité-a, ki vi-n tounin tèt kouin-an ; pa gin posibilite sovè nan okinn lòt ; ni pa gin okinn non anba sièl la yo bay lézòm, ki pèmèt nou sovè ».

Paròl Granmèt la.

PSÒM RÉPONS

Ps 117, 1 é 8-9. 21-23. 26 é 28 cd é 29 (R : 22)

R: Ròch la bòs mason yo réjité-a,
sé li minm ki vi-n tounin tèt kouin-an.

oubyin : Alélouya.

- 1** Fè louanj pou Granmèt la, paské li bon,
paské mizérikòd li pou tout tan.
- 8** Li bon pou nou kaché nan Granmèt la,
pasé pou nou mét konfians nan moun.
- 9** Li bon pou nou kaché nan Granmèt la
pasé pou nou mét konfians nan chèf. **R:**
- 21** M-ap fè louanj ou, paské ou kouté-m,
ou tounin sa-k sovè-m nan.
- 22** Ròch la bòs mason yo té réjité-a,
sé li minm ki vi-n tounin tèt kouin-an ;
- 23** sé nan Granmèt la sa sòti pou-l fèt,
sé yon bagay éstraòdinè nan jé nou. **R:**
- 26** Konpliman pou sa-a k-ap vini o non Granmèt la.
N-ap fè konpliman pou nou sot nan kay Granmèt la.
- 28** Sé Bondié-m ou yé, m-ap fè louanj ou,
Bondié-m, m-ap lévé-ou anlè,
- 29** Fè louanj Granmèt la, poutèt li bon,
poutèt mizérikòd li-a pou tout tan. **R:**

DÉZIÈM LÉKTU

N-ap ouè Bondié jan-l yé.

Léktu prémié lèt apot sin Jan

3, 1-2

Nou minm mouin rinmin anpil la :

Gadé ki kalité rinmin Papa-a ba nou, joutan yo rélé nou pitit Bondié épi sé sa minm nou yé. Sé pou sa tè-a pa konnin nou, paské nou konnin-l. Nou minm mouin rinmin anpil la, koulié-a nou sé pitit Bondié, sa n-ap

yé-a pa ko parèt. Nou konnin lè l-ap parèt, n-ap sanblé avèk li, paské n-ap ouè-l jan-l yé-a.

Paròl Granmèt la.

ALÉLOUYA

Jan 10, 14

℞ Alélouya. Mouin sé bon gadyin-an, sé sa Granmèt la di ;
épi mouin konnin mouton-m yo, mouton-m yo konnin-m tou. ℞
Alélouya.

ÉVANJIL

Bon gadyin-an bay lavi-l pou mouton-l yo.

✚ Léktu sint Évanjil la dapré Jan

10, 11-18

Lè sa-a : Jézu di :

« Mouin sé bon gadyin-an. Bon gadyin-an bay lavi-l pou mouton-l yo. Min anplouayé-a ak sa-a ki pa gadyin-an, sa mouton yo pa pou li-a, lè-l ouè lou-a ap vini, li kité mouton yo, li sové kò-l, lou-a minm dévoré mouton yo, li gayé yo. Min anplouayé-a minm sové konsa-a, sé paské sé anplouayé li yé épi li pa okipé mouton yo.

Mouin minm mouin sé bon gadyin-an, mouin konnin sa-k pou mouin yo, sa-k pou mouin yo konnin-m tou. Jan Papa-m konnin-m nan mouin minm tou mouin konnin Papa-m, épi mouin bay lavi-m pou mouton-m yo. Mouin gin dèt mouton, ki pa nan pak sa-a, yo minm tou mouin gin pou-m minnin yo, y-ap kouté voua-m, ap vi-n gin yon sèl pak ak yon sèl gadyin ».

Sé poua Papa-a rinmin-m nan, paské mouin dépozé nanm mouin pou-m réprann li ankò. Pèsonn pa pran-l sot nan min-m, min sé mouin minm ki dépozé-l ak pròp fòs mouin, épi mouin gin pouvoua dépozé-l épi mouin gin pouvoua pran-l ankò. Sé kòmandman sa-a mouin té résévoua nan min Papa-m ».

Paròl Granmèt la.

Katriyèm Dimanch Pak, ané C

PRÉMIÉ LÉKTU

Min nou viré nan diréksion nasion yo.

Léktu Travay Apot yo

13, 14. 43-52

Jou sa yo :

Pandan Pòl ak Barnabé t-ap vouayajé, yo rivé Antiòch Pisidi ; yo antré nan sinagòg la, jou saba-a, yo chita :

Anpil Juif avèk étranjé ki adoré Granmèt la, yo suiv yo, yo minm yo palé pou ankourajé yo, pou yo rété nan gras Bondié-a.

Nan saba ki suiv la, prèské tout vil la té rasanblé pou kouté paròl Bondié-a. Lè Juif yo ouè foul yo, yo plin ak raj, yo ataké sa Pòl t-ap di yo antan yo di paròl blasfèm.

Pòl ak Barnabé minm kinbé fèm, yo di : « Sé nou minm nou té gin pou nou palé paròl Bondié-a an premié ; min kòm nou répousé-l, nou montré nou pa mérité lavi ki pap janm fini-an, min n-ap viré nan diréksion nasion yo. Sé konsa Granmèt la té pasé nou lòd : “Mouin mété-ou kòm limiè nasion yo, pou-ou fè moun yo sovè jous nan bout tè-a” ».

Lè nasion yo tandé sa, yo kontan, yo fè louanj pou paròl Granmèt la, tout sa yo Bondié té rézèvé pou lavi ki pap janm fini-an, yo kouè. Paròl Granmèt la t-ap simin nan tout réjion-an.

Juif yo minm rasanblé médam rélijyé yo ak médam lasosiyété-a, ak chèf lavil yo, yo monté pèsékision kont Pòl ak Barnabé, yo chasé yo sot nan limit péyi yo. Min yo minm, yo souké poussiè pié yo, yo rivé Ikoniòm. Disip yo té plin ak kè kontan ak Éspri Sin.

Paròl Granmèt la.

PSÒM RÉPONS

Ps 99, 2. 3. 5 (R : 3 c)

R: Nou sé pèp li ak mouton pak li.

oubyin : Alélouya.

- ² Fè louanj pou Granmèt la, tout tè-a, sèvi Granmèt la nan kè kontan ; antré dévan fas li avèk gran fèt. R:

- 3 Konnin Granmèt la sé li minm ki Bondié ;
sé li minm ki fè nou, sé pou li nou yé,
pèp li ak mouton pak li-a. **R**
- 5 Sèké Granmèt la bon ;
pou tout tan mizèrikòd li,
pou jénèrasion ak jénèrasion vérité-l la. **R**

DÉZIÈM LÉKTU

Mouton-an ap kondui yo, l-ap minnin yo nan sous dlo lavi yo.

Léktu liv Apokalips apot sin Jan

7, 9. 14 b-17

Mouin minm Jan, mouin ouè yon gran foul, pèsòn pa-t kapab konté-l, li té soti nan tout nasion, ras pèp ak lang, yo té kanpé dévan tro-n nan ak dévan Mouton-an, yo té abiyé ak rad blan, branch palm nan min yo.

Youn nan ansyin yo di-m : « Sa yo sé sa ki vi-n sot nan gran tray la, yo lavé rad yo, yo blanchi yo nan san Mouton-an. Sé poua yo dévan tro-n Bondié-a, y-ap sèvi-l lajounin kon nannuit nan Tanp li-a, sa-a ki chita sou tro-n nan ap abité anlè yo. Yo pap grangou ni souaf ankò, solèy pap tonbé sou yo, ni okinn chalè, paské Mouton-an, ki nan mitan tro-n nan, l-ap kondui yo, l-ap minnin yo nan sous dlo lavi-a, Bondié ap souyé tout dlo nan jé yo ».

Paròl Granmèt la.

ALÉLOUYA

Jan 10, 14

R Alélouya. Mouin sé bon gadyin-an, sé sa Granmèt la di ;
épi mouin konnin mouton-m yo, mouton-m yo konnin-m. **R** Alélouya.

ÉVANJIL

Mouin minm mouin bay mouton-m yo lavi ki pap janm fini-an.

✠ Léktu sint Évanjil la dapré Jan

10, 27-30

Lè sa-a : Jézu di :

« Mouton-m yo tandé voua-m, mouin konnin yo, yo suiv mouin, mouin ba yo lavi ki pap janm fini-an, yo pap janm péri, pèsòn pap ouété yo sot nan min-m. Papa-m dapré sa-l ban mouin, li pi gran pasé tout

moun, pèsòn pa kapab ouété anyin sot nan min Papa-m. Mouin minm ak Papa-a nou fè yon sèl ».

Paròl Granmèt la.

Lindi

PRÉMIÉ LÉKTU

Konsa nasion yo tou Bondié ba yo gras pou yo konvèti vi-n nan lavi-a.

Léktu Travay Apot yo

11, 1-18

Jou sa yo :

Apot yo ak frè yo ki té nan Judé-a, yo tandé kijan nasion yo té résevoua paròl Bondié-a tou. Konsa lè Piè monté Jérusalèm, moun ki té sot nan sikonsizyon yo, yo fè diskision kont li, y-ap di : « Pouki sa ou antré kay moun ki pa fè sikonsizyon, ou manjé avèk yo ? » Piè minm kòmansé, li éspozé yo jan bagay la té pasé, antan-l di :

« Mouin té nan vil Jopé-a, mouin t-ap lapriyé, mouin ouè vizion antan-m sòti an-éspri, sé yon véso ki t-ap désann, tankou yon gran nap, yo té soutni kat kouin yo nan sièl la ; li rivé jous koté-m. Pandan m-ap égzaminé bagay sa-a anndan kè-m, mouin ouè bèt kat pat tè yo, ak zannimo, ak bèt k-ap glisé atè yo, ak zouazo sièl yo.

Mouin tandé yon voua k-ap di-m : “Lévé, Piè : touyé épi manjé”. Mouin di : “Pa ditou, Granmèt, paské bagay ki sal, ki pa pròp, pa janm antré nan bouch mouin”. Voua-a réponn yon dézièm foua sot nan sièl la : “Sa Bondié pròpté, ou minm pa di li sal”. Bagay sa-a fèt toua foua, épi tout bagay ramasé ankò nan sièl la :

Minm lè-a gin toua mésié ki parèt nan kay la, koté mouin té yé-a, yo té voyé yo dépi sot Sézaré vi-n koté-m. Éspri-a minm di-m pou-m alé avèk yo san ézité. Sis frè sa yo tou vi-n avèk mouin, nou antré nan kay mésié-a. Li rakonté nou kijan li té ouè yon Anj nan kay li-a ki kanpé, ki di-l : “Voyé al Jopé, fè chèche Simon, sa yo rélé Piè-a ; 1-a déklaré-ou paròl k-ap fè-ou sovè ou minm ak tout kay ou”.

Min kon-m kòmansé palé, Éspri Sin-an tonbé sou yo, tankou li té fè nan nou nan kòmansman. Mouin vi-n sonjé paròl Granmèt la, jan-l té di : “Jan té batizé nan dlo, nou minm minm sé nan léspri Sin-an n-ap résevoua batèm”. Si Bondié ba yo minm favè li té ba nou-an, nou minm

ki té kouè nan Granmèt Jézu-Kri-a, mouin minm minm ki sa-m té ye pou-m té kapab jinnin Bondié-a ? »

Lè yo tandé sa, yo pé bouch yo ; yo fè louanj Bondié, y-ap di : « Konsa ni pou nasion yo tou Bondié fè yo favè pou yo chanjé chémin vi- n nan lavi-a ».

Paròl Granmèt la.

PSÒM RÉPONS

Ps 41, 2-3 ; Ps 42, 3. 4 (R : cf. Ps 41, 3 a)

R : Nanm mouin souaf koté-ou, Bondié ki vivan-an.

oubyin : Alélouya.

² Tankou yon mouton ki anvè al nan sous dlo yo, konsa nanm mouin anvè al koté-ou, Bondié.

³ Nanm mouin souaf kot Bondié, Bondié vivan-an, kilè m-apralé, pou-m parèt dévan fas Bondié ? R :

³ Voyé limiè-ou la ak vérité-ou la ; sé yo minm k-ap kondui-m, k-ap minnin-m, sou mòn ou ki sin-an, ak nan tant ou-a. R :

⁴ Épi m-ap antré kot otèl Bondié-a, kot Bondié kontantman fèt mouin-an. M-ap fè louanj pou ou nan gita, Bondié, Bondié mouin. R :

ALÉLOUYA

Jan 10, 14

R : Alélouya. Mouin sé bon gadyin-an, sé sa Granmèt la di ; épi mouin konnin mouton-m yo, épi mouton-m yo konnin-m tou. R : Alélouya.

ÉVANJIL

Mouin sé pèt mouton yo.

✠ Léktu sint Évanjil la dapré Jan

10, 1-10

Lè sa-a : Jézu di :

« Amèn, amèn, mouin di nou, moun ki pa pasé nan pèt la pou-l antré nan pak mouton yo, min ki monté yon lòt koté, moun sa-a sé yon vòlè ak yon asasin. Min moun ki antré nan pèt la, sé gadyin mouton yo. Moun sa-

a gad bariè-a louvri pou li, mouton yo kouté voua-l. Mouton pa-l yo, li rélé yo sou non yo chak, épi li fè yo soti. Lè-l fi-n mét pròp mouton pa-l yo déyò, li soti dévan yo, mouton yo suiv li, paské yo konnin voua-l ; min yo pa suiv yon étranjé ; okontrè yo sové pou li, paské yo pa rékonèt voua étranjé yo.

Jézu di yo provèb sa-a ; min yo minm yo pa-t konnin ki sa li t-ap palé yo-a.

Konsa Jézu di yo ankò : « Amèn, amèn, mouin di nou, mouin sé pòt mouton yo. Tout kalité moun ki té vini yo, sé vòlè ak asasin, mouton yo pa-t kouté voua yo. Mouin sé pòt la. Si yon moun antré pa lantrémiz mouin, l-ap sové, l-ap antré, l-ap soti, l-ap jouinn manjé. Vòlè-a pa vi-n fè lòt bagay pasé vòlè, touyé, détoui. Mouin minm mouin vini pou yo jouinn lavi, pou yo jouinn li an kantité ».

Paròl Granmèt la.

Oubyin nan ané A lè yo té li Évanjil sa-a nan Dimanch ki sot pasé-a :

Bon gadyin-an bay lavi-l pou mouton-l yo.

✠ Léktu sint Évanjil la dapré Jan

10, 11-18

Lè sa-a Jézu di :

« Mouin sé bon gadyin-an. Bon gadyin-an bay lavi-l pou mouton-l yo. Min anplouayé-a ak sa-a ki pa gadyin-an, sa mouton yo pa pou li-a, lè-l ouè lou-a ap vini, li kité mouton yo, li sové kò-l, lou-a minm dévoré mouton yo, li gayé yo. Min anplouayé-a minm sové konsa-a, sé paské sé anplouayé li yé épi li pa okipé mouton yo.

Mouin minm mouin sé bon Gadyin-an, mouin konnin sa-k pou mouin yo, sa-k pou mouin yo konnin-m tou. Jan Papa-a konnin-m épi mouin konnin Papa-a, épi mouin bay lavi-m pou mouton-m yo. Min gin dòt mouton, ki pa nan patiraj sa-a, yo minm tou mouin gin pou-m minnin yo, y-ap kouté voua-m, ap vi-n gin yon sèl patiraj ak yon sèl gadyin.

Sé pousa Papa-a rinmin-m nan, paské mouin dépozé nanm mouin, pou-m pran-l yon lòt foua ankò. Pèsòn pa pran-l sot nan min-m, min mouin dépozé-l ak pròp fòs mouin épi mouin gin pouvoua pran-l yon lòt foua ankò : sé kòmandman sa-a mouin té résévoua nan min Papa-m ».

Paròl Granmèt la.

Madi

PRÉMIÉ LÉKTU

*Yo t-ap palé ak Grèk yo tou,
yo t-ap anonsé yo Granmèt Jézu.*

Léktu Travay Apot yo

11, 19-26

Jou sa yo :

Sa yo ki té gayé akoz tray la, ki té rivé sou Étièn nan, yo travèsé jous Fénési, Chip ak Antiòch, san yo pa déklaré paròl la bay pèsòn, sof Juif yo sèlman. Kèk nan yo té moun Chip ak Sirèn, konsa lè yo rivé Antiòch, yo té palé ak Grèk yo tou, yo té anonsé yo Granmèt Jézu. Min Granmèt la té avèk yo, anpil kantité moun ki kouè vi-n tounin kot Granmèt la.

Paròl la rivé nan zòrèy Égliz la ki Jérusalèm nan, osijè bagay sa yo, yo voyé Barnabé jous Antiòch. Lè-l rivé, li ouè gras Bondié-a, li kontan ; li ankourajé tout moun pou yo rété nan bon dispozision kè yo nan Granmèt la ; paské sé té yon mésié ki bon, ki té plin ak Éspri Sin ak lafoua. Anpil foul vi-n jouinn Granmèt la.

Barnabé pati al Tars, pou-l chèché Sòl ; lè-l jouinn li, li minnin-l Antiòch. Yo rété pandan tout ané-a la nan Égliz la, yo t-ap bay anpil foul ansègnman, atèl pouin pou prémié foua yo rélé disip Antiòch yo « krétyin ».

Paròl Granmèt la.

PSÒM RÉPONS

Ps 86, 1-3. 4-5. 6-7 (R : Ps 116, 1 a)

R: Fè louanj Granmèt la, tout nasion yo.

oubyin : Alélouya.

- 1 Fondasion-l yo sou mòn yo ki sin yo ;
- 2 Granmèt la rinmin pòt Siyon yo pasé tout tant Jakòb yo.
- 3 Y-ap di bèl bagay sou ou, vil Bondié-a. R:
- 4 M-ap sonjé Raab ak Babilòn pami sa yo ki konnin-m yo ; min Filisti ak Tir avèk Étiopi, sa yo fèt isit la.
- 5 Osijè Siyon, y-ap di : « Sa-a ak sa-a fèt ladan-l, Sa-a ki anro nèt la rann li fèm ». R:

- 6 Granmèt la ékri nan liv pèp yo :
« Sa yo fèt isit la ».
- 7 Y-ap chanté tankou moun k-ap kondui group dans :
« Tout sous mouin yo nan ou ». **R:**

ALÉLOUYA

Jan 10, 27

R: Alélouya. Mouton-m yo tandé voua-m, sé sa Granmèt la di,
épi mouin minm mouin konnin yo, yo suiv mouin. **R:** Alélouya.

ÉVANJIL

Mouin minm ak Papa-a nou fè yon sèl.

✠ Léktu sint Évanjil la dapré Jan **10, 22-30**

Sé té fèt konsékrasyon Tanp la Jérusalèm, sé té tan frèt. Jézu t-ap maché nan Tanp la, nan pòtay Salomon-an. Juif yo antouré-l, yo t-ap di-l : « Jouskilè ou-ap kinbé souf nou kout ? Si-ou sé Kris la, di nou sa klè ».

Jézu réponn yo : « Mouin palé ak nou, nou pa kouè. Travay yo mouin fè o non Papa-m nan, sé yo minm ki sèvi-m témouin. Min nou pa kouè, paské nou pa fè pati bann mouton-m yo.

Mouton-m yo tandé voua-m, mouin konnin yo, yo suiv mouin, mouin ba yo lavi tout tan-an, yo pap péri tout tan, pèsòn pap ouété yo sot nan min-m.

Papa-m dapré sa-l ban mouin, li pi gran pasé tout moun, pèsòn pa kapab ouété anyin sot nan min Papa-m. Mouin minm ak Papa-a nou fè yon sèl ».

Paròl Granmèt la.

Mèkredi

PRÉMIÉ LÉKTU

Mété Sòl ak Barnabé apa pou mouin.

Léktu Travay Apot yo **12, 24-13, 5 a**

Jou sa yo :

Paròl Granmèt la t-ap dévlopé, li t-ap vi-n anpil. Barnabé minm ak Sòl tounin sot Jérusalèm, lè yo fini mision yo, yo pran Jan, sa yo té rélé Mark la.

Nan Égliz la ki Antiòch la, té gin profèt ak savan sakré, nan pami yo sé té Barnabé ak Simon, sa yo rélé Noua-a, Lisius moun Sirèn nan, ak Manaèn, ki té grandi tou piti ansanm avèk Èròd, chèf yon ka nan péyi-a, épi Sòl. Pandan y-ap fè sèvis yo pou Granmèt la, épi y-ap fè jèn, Éspri Sin-an di yo : « Mété Sòl ak Barnabé apa pou mouin, pou travay la mouin chouazi pou yo-a ». Yo fè jèn, yo priyé, yo pozé min sou yo, yo kité yo alé.

Yo minm, lè Éspri Sin-an fi-n voyé yo, yo pati al Sélési, yo sot la yo fè voual pou Chip. Lè yo rivé Salami-n, yo t-ap préché paròl Bondié-a nan sinagòg Juif yo. Yo té gin Jan nan sèvis la.

Paròl Granmèt la.

PSÒM RÉPONS

Ps 66, 2-3. 5. 6 é 8 (R : 4)

R: Sé pou pèp yo fè louanj ou, Bondié,
sé pou tout pèp yo fè louanj ou.

oubyin : Alélouya.

- 2 Sé pou Bondié pran pitié pou nou, sé pou-l béni nou
sé pou-l fè figi-l kléré sou nou.
- 3 Pou yo rékonèt chémin-ou yo sou tè-a,
sové ou sóvé nou-an nan tout nasion yo. R:
- 5 Sé pou nasion yo kontan, épi sé pou yo fè fèt,
paské ou jijé pèp yo yon fason kòrèk,
ou dirijé nasion yo sou tè-a. R:
- 6 Sé pou pèp yo fè louanj ou, Bondié,
sé pou tout pèp yo fè louanj ou.
- 8 Sé pou Bondié nou-an béni nou,
sé pou tout limit tè-a krinn li. R:

ALÉLOUYA

Jan 8, 12

R: Alélouya. Mouin sé limiè tè-a, sé sa Granmèt la di ;
moun ki suiv mouin, l-ap gin limiè lavi-a. R: Alélouya.

ÉVANJIL

Mouin minm limiè-a mouin vi-n sou tè-a.

✠ Léktu sint Évanjil la dapré Jan

12, 44-50

Lè sa-a : Jézu rélé byin fò, li di :

« Moun ki kouè nan mouin, sé pa nan mouin minm li kouè, min nan sa-a ki voyé-m nan. Moun ki ouè-m, li ouè sa-a ki voyé-m nan.

Mouin limiè-a mouin vi-n sou tè-a, pou tout moun ki kouè nan mouin, yo pa rété nan fènoua. Si yon moun tandé paròl mouin yo, li pa kinbé yo, sé pa mouin minm k-ap jijé-l ; mouin pa vini pou-m jijé tè-a, min pou-m sovè tè-a.

Moun ki méprizé-m, ki pa résévoua paròl mouin yo, li gin sa-a k-ap jijé-l. Paròl la mouin palé-a, sé li minm k-ap jijé-l nan dènié jou-a. Paské mouin minm sé pa nan mouin minm mouin pran pou-m palé ; min sa-a ki voyé-m nan, Papa-a, sé li minm ki ban-m kòmandman ki sa pou-m di, épi ki sa pou-m palé. Mouin konnin kòmandman-l nan sé lavi tout tan-an. Sa-m palé yo, sé jan Papa-a di-m nan, sé konsa mouin palé ».

Paròl Granmèt la.

Jédi katriyèm sémèn Pak

PRÉMIÉ LÉKTU

Nan ras David Bondié fè Jézu soti kòm Sové.

Léktu Travay Apot yo

13, 13-25

Pòl ak moun ki té avèk li yo fè voual sot Pafòs, yo rivé Pèrjé nan Panfili. Jan minm kité yo, li tounin Jérusalèm.

Yo minm minm yo travèsé Pèjé, yo rivé Antiòch Pisidi ; yo antré nan sinagòg la jou saba-a yo chita. Apré léktu laloua ak profèt yo, chèf sinagòd yo voyé koté yo, yo di : « Mésié frè yo, si nou gin yon paròl ankourajman pou pèp la, di-l ».

Pòl minm lévé, li lonjé min-l pou-l mandé silans, li di :

« Mésié Israélit yo, épi nou minm ki krinn Bondié, kouté. Bondié pèp Israèl la té chouazi papa nou yo, li lévé pèp la, lè yo té étranjé nan Éjip, li lévé bra-l byin ro pou-l fè yo soti nan péyi-a, pandan karant-an li sipòté konduit yo nan dézè-a. Li détoui sèt nasion nan péyi Kanaan-an, li séparé

tè yo ba yo kòm éritaj, anviron apré katsansinkant-an ; apré sa li bay jij jouska profèt Samuèl.

Apré sa yo mandé yon roua ; Bondié ba yo Sayul, pitit Sis, yon mésié nan ras Binjamin, pandan karant-an. Apré sa, li ouété-l, li fè David kanpé pou yo kòm roua, li rann li témouagnaj, li di : “Mouin jouinn David, pitit Jésé-a, yon mésié dapré kè-m, k-ap fè tout volonté-m yo”.

Sé nan ras li, dapré promès la, Bondié fè Jézu soti kòm Sovè pou Israèl, anvan-l té rivé-a, Jan té préché yon batèm pénitans pou tout pèp Israèl la. Lè Jan t-ap rivé nan bout chémin-l li t-ap di : “Sa-a nou pansé mouin yé-a, sé pa sa mouin yé ; min l-ap vini apré-m, sa-a mouin pa mérité pou-m défèt lasèt sapat li-a” ».

Paròl Granmèt la.

PSÒM RÉPONS

Ps 88, 2-3. 21-22. 25 é 27 (R : cf. 2 a)

R Mizérikòd ou, Granmèt, sé tout tan m-ap chanté-l.

oubyin : Alélouya.

- 2 Mizérikòd Granmèt la, sé tout tan m-ap chanté-l,
pou jénérasyon ak jénérasyon
m-ap anonsé vérité-ou nan bouch mouin.
- 3 Sèké mouin té di : « Pou tout tan mizérikòd la bati »,
nan sièl la ou asiré vérité-ou la. R
- 21 Mouin jouinn David sèvitè-m nan ;
ak luil mouin ki sin-an mouin sakré-l.
- 22 Min-m ap rét fèm avèk li,
épi bra-m ap ba li fòs. R
- 25 Vérité-m ak mizérikòd mouin ap avèk li,
o non-m l-ap lévé kòn li.
- 27 Li minm l-ap rélé-m : « Sé Papa-m ou yé,
Bondié-m ak kachèt k-ap sové-m nan. R

ALÉLOUYA

Cf. Ap 1, 5 ab

R Alélouya. Jézu-Kri, ou sé témouin fidèl, premié Pitit nan pami mò yo ;
ou té rinmin nou, ou té lavé péché nou yo nan san-ou. R Alélouya.

ÉVANJIL

*Moun ki résévoua sa-a mouin voyé-a,
sé mouin minm li résévoua.*

✠ Léktu sint Évanjil la dapré Jan

13, 16-20

Apré Jézu fi-n lavé pié disip li yo, li di yo :

« Amèn, amèn, mouin di nou, sèvitè-a pa pi gran pasé mèt li, apot la tou pa pi gran pasé sa-a ki voyé-l la. Si nou konn sa, ala kontantman pou nou si nou fè bagay sa yo.

Sé pa osijè nou tout m-ap palé ; mouin konnin sa yo mouin chouazi-a ; min sé pou sa-k ékri-a kapab réalizé : “Sa-a k-ap manjé pin-an avèk mouin-an, l-ap lévé talon-l kont mouin”. Mouin di nou sa davans anvan sa rivé, pou, lè sa rivé, nou kouè mouin minm minm sé mouin.

Amèn, amèn, mouin di nou, moun ki résévoua sa-a mouin voyé-a, sé mouin minm li résévoua ; moun ki résévoua-m, li résévoua sa-a ki voyé-m nan ».

Paròl Granmèt la.

Vandrédi

PRÉMIÉ LÉKTU

Bondié réalizé promès la, antan-l fè Jézu résisité.

Léktu Travay Apot yo

13, 26-33

Jou sa yo : Lè Pòl rivé Antiòch Pisidi, li di nan sinagòg la :

« Mésié frè-m yo, pitit ras Abraam, épi nou minm ki krinn Bondié, sé pou nou yo voyé paròl k-ap sové nou sa-a.

Sa yo ki té abité Jérusalèm yo, ni chèf li yo, yo pa rékonèt li, ni paròl profèt yo yo konn li chak saba-a, yo réalizé paròl sa yo antan yo jijé-l. Yo pa jouinn okinn koz lanmò nan li, yo mandé Pilat pou yo touyé-l. Lè yo fi-n réalizé tou sa-k té ékri sou li, yo désann li sot sou boua-a, yo dépozé-l nan yon kavo.

Min Bondié résisité-l sot nan pami mò yo sou touazièm jou-a ; li parèt pandan anpil jou dévan sa yo ki té monté avèk li sot Galilé-a rivé Jérusalèm nan, yo minm ki sèvi-l témouin jous koulié-a dévan foul la.

Nou minm nou anonsé nou réalizasion promès la yo té fè bay papa nou yo ; Bondié réalizé-l pou pitit nou yo antan-l fè Jézu résisité, jan sa ékri nan Psòm dézièm nan : “Ou sé Pitit mouin ; jodi-a mouin anfanté-ou” ».

Paròl Granmèt la.

PSÒM RÉPONS

Ps 2, 6-7. 8-9. 10-11 (R: 7)

R: Sé Pitit mouin ou yé : jodi-a mouin anfanté-ou.

oubyin : Alélouya.

- 6 « Mouin instalé roua-m nan
sou Siyon, mòn mouin-an ki sin-an ! »
- 7 M-ap anonsé désizion-l nan.
Granmèt la di-m : « Sé Pitit mouin ou yé,
sé mouin minm jodi-a ki anfanté-ou. R:
- 8 « Mandé-m, m-ap ba-ou nasion yo kòm éritaj ou,
posésion-ou, sé limit tè-a.
- 9 Ou-ap kòmandé yo ak yon bagèt an fè,
tankou véso ki fèt ak tè, ou-ap krazé yo ». R:
- 10 Koulié-a, roua yo, konprann,
pran léson, nou minm k-ap jijé tè-a.
- 11 Sèvi Granmèt la ak krint,
fété dévan-l avèk sézisman. R:

ALÉLOUYA

Jan 14, 6

R: Alélouya. Mouin sé chémin-an, vérité-a ak lavi-a, sé sa Granmèt la di ;
pèsòn pa vi-n kot Papa-a, si-l pa pasé nan mouin. R: Alélouya.

ÉVANJIL

Mouin sé chémin-an, vérité-a, ak lavi-a.

✠ Léktu sint Évanjil la dapré Jan

14, 1-6

Lè sa-a : Jézu di disip li yo :

« Pa kité kè nou troublé. Sé pou nou kouè nan Bondié, épi kouè nan mouin minm tou. Nan kay Papa-m nan gin anpil koté pou rété. Otréman mouin t-a di nou, paské m-apralé paré yon plas pou nou. Lè m-a fi-n al préparé plas la pou nou-an, m-a tounin vi-n pran nou avèk mouin, konsa,

koté m-ap yé-a, sé la n-a yé tou. Épi koté m-apralé-a, n-a konnin-l, n-a konnin chémin-an ».

Toma di-l : « Granmèt, nou pa konnin koté ou-apralé ; kòman nou kapab fè konnin chémin-an ? »

Jézu di-l : « Mouin sé chémin-an, vérité-a, ak lavi-a. Pèsòn pa vi-n kot Papa-a, sof si-l pasé pa lantrémiz mouin ».

Paròl Granmèt la.

Samdi

PRÉMIÉ LÉKTU

Min nou viré nan diréksion nasion yo.

Léktu Travay Apot yo

13, 44-52

Nan saba ki suiv la, prèské tout vil la té rasanblé pou kouté paròl Bondié-a. Lè Juif yo ouè foul yo, yo plin ak raj, yo ataké sa Pòl t-ap di yo antan y-ap blasfémé. Pòl ak Barnabé minm kinbé fèm, yo di :

« Sé nou minm nou té gin pou nou palé paròl Bondié-a an prémié ; min kòm nou répousé-l, nou montré nou pa mérité lavi ki pap janm fini-an, min n-ap viré nan diréksion nasion yo. Sé konsa Granmèt la té pasé nou lòd : “Mouin mété-ou kòm limiè nasion yo, pou-ou sèvi nan sa k-ap sové yo-a jous nan bout tè-a” ».

Lè nasion yo tandé sa, yo kontan, yo fè louanj pou paròl Granmèt la, tout sa yo Bondié té rézèvé pou lavi ki pap janm fini-an, yo kouè. Paròl Granmèt la minm t-ap simin nan tout réjion-an.

Juif yo minm rasanblé médam rélijyé yo ak médam lasosiyété-a, ak chèf vil yo, yo monté pèsékision kont Pòl ak Barnabé, yo chasé yo sot nan limit péyi yo. Min yo minm, yo souké pousiè pié yo, yo rivé Ikoniòm. Disip yo té plin ak kè kontan ak Éspri Sin.

Paròl Granmèt la.

PSÒM RÉPONS

Ps 97, 1. 2-3 ab. 3 cd-4 (R : 3 cd)

R: Tout limit tè-a ap ouè sové Bondié sové nou-an.

oubyin : Alélouya.

- 1 Chanté yon kantik nouvo pou Granmèt la,
poutèt mèvèy li fè.
Min douat li sovè pou li,
bra li ki sin-an. **R:**
- 2 Granmèt la fè konnin délivrans li-a,
dévan fas nasion yo li dévoualé jistis li-a.
- 3 Li sonjé kè sansib li
ak vérité-l pou kay Israèl la. **R:**
Tout limit tè-a ap ouè
sovè Bondié sovè nou-an.
- 4 Bat bravo pou Bondié, tout tè-a,
éklaté, fété, chanté. **R:**
- 5 Chanté pou Granmèt la sou gita,
sou gita ak son mizik ;
- 6 sou tronpèt ki dous ak son kòn,
fè konpliman dévan fas Granmèt la ki roua-a. **R:**

ALÉLOUYA

Jan 8, 31 b-32

R: Alélouya. Si nou rété nan paròl mouin-an, n-ap disip mouin tout bon vré,
épi n-ap konnin vérité-a, sé sa Granmèt la di. **R:** Alélouya.

ÉVANJIL

Moun ki ouè-m, li ouè Papa-a tou.

✠ Léktu sint Évanjil la dapré Jan

14, 7-14

Lè sa-a : Jézu di disip li yo :

« Si nou té konnin-m, nou t-a konnin Papa-m tou ; koulié-a nou déjà konnin-l, nou ouè-l ».

Filip di-l : « Granmèt, montré nou Papa-a, sa kont nou ».

Jézu di-l : « Dépi tout tan sa-a mouin avèk nou, épi nou pa konnin-m ? Filip moun ki ouè-m, li ouè Papa-a tou. Kòman ou fè di : “Montré nou Papa-a ?” Nou pa kouè mouin nan Papa-a, épi Papa-a nan mouin ? Paròl yo, sa mouin déklaré nou yo, sé pa ak pròp fòs mouin mouin déklaré yo. Papa-a ki rété nan mouin-an, sé li minm ki fè aksion yo. Nou pa kouè

mouin nan Papa-a épi Papa-a nan mouin ? O mouin poutèt aksion yo, sé pou nou kouè.

Amèn, amèn, mouin di nou, moun ki kouè nan mouin, aksion mouin fè yo, li minm tou l-ap fè yo, épi l-ap fè bagay ki pi gran ankò pasé sa yo. Paské mouin minm m-apralé kay Papa-a. Ninpòt ki sa nou mandé Papa-a o non-m, m-ap fè-l pou Papa-a jouinn gloua li nan Pitit la. Si nou mandé-m kichòy o non-m, m-ap fè-l ».

Paròl Granmèt la.

SINKIÈM SÉMÈN PAK

Sinkième Dimanch Pak, ané A

PRÉMIÉ LÉKTU

Yo chouazi sèt mesié ki plin ak Éspri Sin-an.

Léktu Travay Apot yo

6, 1-7

Jou sa yo, foul disip yo t-ap grosi, Grèk yo plinyin kont Ébré yo, paské nan sèvis chak jou-a yo té méprizé vèv pa yo.

Douz yo konvoké foul disip yo, yo di : « Sé pa nòmàl pou nou kite paròl Bondié-a épi pou n-ap sèvi sou tab yo. Frè-m yo, chèché sèt mesié nan pami nou ki gin bon témouagnaj sou yo, ki plin ak Éspri Sin-an ak sajès, n-a instalé yo pou travay sa-a. Kanta nou minm, n-ap rété nan priyè ak sèvis paròl la ».

Paròl la fè tout foul la plézi, yo chouazi Étièn, yon mesié ki plin lafoua ak Éspri Sin, Filip, Prokòr, Nikamòr, Timon, Parménas, ak Nikola, yon moun Antiòch ki té fèk vi-n tounin disip. Yo prezanté yo dévan Apot yo, yo lapriyè, yo pozé min sou yo.

Épi Paròl Granmèt la t-ap dévlopé, foul disip yo t-ap vi-n anpil minm nan Jérusalèm, anpil foul prêt t-ap obéyi lafoua-a.

Paròl Granmèt la.

PSÒM RÉPONS

Ps 32, 1-2. 4-5. 18-19 (R: :22)

R: Sé pou mizérikòd ou sou nou, Granmèt,
minm jan nou té mét éspérans sou ou-a.

oubyin : Alélouya.

- 1 Fété nan Granmèt la, nou minm ki kòrèk yo ;
louanj la alé ak moun ki douat yo.
- 2 Fè louanj pou Granmèt la sou gita,
sou instriman dis kòd la, chanté pou li. R:
- 4 Sèké paròl Granmèt la douat,
tout aksion-l yo nan fidélimité.
- 5 Li rinmin jistis ak jijman,
mizérikòd Granmèt la plin tè-a. R:

- ¹⁸ Min jé Granmèt la sou moun ki krinn yo,
sou moun ki mét éspérans sou mizérikòd li,
¹⁹ pou-l délivré nanm yo sot nan lanmò,
pou-l ba yo manjé nan grangou. **R**

DÉZIÈM LÉKTU

Nou minm nou sé yon ras ki chouazi, yon péyi-roua prêt.

Léktu prémié lèt apot sin Piè

2, 4-9

Nou minm mouin rinmin anpil la :

Sé pou nou proché kot Granmèt la, li minm ròch vivan-an, sa lézòm yo réjté-a, min sa Bondié minm chouazi-a, sa-l bay konsidérasion-an, nou minm tou tankou ròch ki vivan, sé pou nou kité yo bati nou pou nou vi-n tounin yon kay Éspri, yon réyinion prêt ki sin, pou nou ofri sakrifis Éspri, sa Bondié résévoua gras a Jézu-Kri. Sé pou sa ki ékri-a gin : « Min mouin pozé yon ròch ki anlè nèt nan Siyon, yon ròch kouin, yon ròch ki chouazi, ki gin anpil valè ; moun ki kouè nan li pap ront ».

Konsa pou nou minm ki kouè yo, sé konsidérasion ; min sé pa pou moun ki pa kouè yo, « ròch la, sa bès mason yo té jété yon koté-a, li vi-n tounin tèt kouin-an », épi « ròch k-ap fè moun bité ak blok ròch k-ap jinnin moun », pou sa yo k-ap bité sou paròl la épi ki pa kouè nan sa-a koté yo pozé-a.

Nou minm nou sé yon ras chouazi, yon péyi roua prêt, yon nasion ki sin, yon pèp Bondié posédé, pou nou anonsé puisans sa-a ki rélé nou vi-n nan bèl limiè-l la.

Paròl Granmèt la.

ALÉLOUYA

Jan 14, 6

R Alélouya. Mouin sé chémin-an, vérité-a ak lavi-a, sé sa Granmèt la di ;
pèsòn pa vi-n kot Papa-a, sof si-l pasé pa lantrémiz mouin. **R**
Alélouya.

ÉVANJIL

Mouin sé chémin-an, vérité-a, ak lavi-a.

✠ Léktu sint Évanjil la dapré Jan

14, 1-12

Lè sa-a : Jézu di disip li yo :

« Pa kité kè nou troublé. Nou kouè nan Bondié, sé pou nou kouè nan mouin minm tou. Nan kay Papa-m nan gin anpil koté pou rété. Otréman mouin t-a di nou, paské m-apralé paré yon plas pou nou. Lè m-a fi-n al préparé plas la pou nou-an, m-a tounin vi-n pran nou avèk mouin, konsa, koté m-ap yé-a, sé la n-a yé tou. Épi koté m-apralé-a, n-a konnin-l, n-a konnin chémin-an ».

Toma di-l : « Granmèt, nou pa konnin koté ou-apralé ; kòman nou kapab fè konnin chémin-an ? »

Jézu di-l : « Mouin sé chémin-an, vérité-a, ak lavi-a. Pèsòn pa vi-n koté Papa-a sof si-l pasé pa lantrémiz mouin. Si nou té konnin-m, nou t-a konnin Papa-m tou ; koulié-a nou konnin-l, épi nou ouè-l ».

Filip di-l : « Granmèt, montré nou Papa-a, épi sa ap kont nou ».

Jézu di-l : « Dépi tout tan sa-a mouin avèk nou, épi nou pa konnin-m ? Filip, moun ki ouè-m, li ouè Papa-a tou. Kijan ou fè di : “Montré nou Papa-a ?” Ou pa kouè mouin nan Papa-a, épi Papa-a nan mouin ? Paròl yo mouin palé nou-an, sé pa nan mouin minm mouin palé yo. Papa-a ki rété nan mouin-an, sé li minm ki fè travay yo. Nou pa kouè mouin nan Papa-a, épi Papa nan mouin ? O mouin poutèt travay yo sé pou nou kouè.

Amèn, amèn, mouin di nou, travay mouin fè yo, l-ap fè yo tou, l-ap fè pi gran pasé yo minm, paské m-apral kay Papa-a ».

Paròl Granmèt la.

Sinkièm Dimanch Pak, ané B

PRÉMIÉ LÉKTU

Li rakonté yo kijan li té ouè Granmèt la sou rout la.

Léktu Travay Apot yo

9, 26-31

Jou sa yo :

Lè Sòl rivé Jérusalèm, li t-ap éséyé al jouinn disip yo, min tout moun té pè-l, yo pa-t kouè li té vi-n tounin yon disip.

Barnabé minm pran-l, li minnin-l bay Apot yo, li rakonté yo kijan-l té ouè Granmèt la, épi li di yo Granmèt la palé avèk li, li aprann yo kijan li té aji avèk asirans nan Damas o non Jézu. Sòl vi-n rét avèk yo, li antré-sòti Jérusalèm ansanm avèk yo, l-ap aji avèk asirans o non Granmèt la. Li t-ap palé tou avèk pèp déyò yo, l-ap fè diskision avèk Grèk yo ; sa yo minm t-ap chèché touyé-l. Lè frè yo vi-n konn sa, yo minnin-l Sézaré, yo voyé-l Tars.

Égliz la té gin lapè nan tout Judé-a ak Galilé-a ak Samari-a ; li t-ap dévlopé antan l-ap maché nan krint Granmèt la, épi li té plin ak konsolation Éspri Sin-an.

Paròl Granmèt la.

PSÒM RÉPONS

Ps 21, 26 b-27. 28 é 30. 31-32 (R : 26 a)

R: Louanj mouin koté-ou, Granmèt, nan foul fidèl yo.

oubyin : Alélouya.

26 M-ap réglé sa-m té promèt yo dévan moun ki krinn li yo.

27 Sé pou pòv yo manjé, sé pou yo gin vant plin,
y-ap fè louanj Granmèt la, sa yo k-ap chèché-l yo.
« Sé pou kè yo viv pou tout tan gin tan ». **R:**

28 Y-ap sonjé, y-ap tounin kot Granmèt la
tout limit tè-a,
y-ap adoré dévan-l
tout fanmi nasion yo.

30 Sé li minm sèl y-ap adoré, tou sa k-ap dòmi nan tè-a,
dévan fas li yo tout ap tonbé atè
sa k-ap désann nan pousiè yo. **R:**

Nanm mouin ap viv pou li,
31 ras mouin ap sèvi-l.

Y-ap palé sou Granmèt la bay jénérasyon k-ap vini-an,

32 y-ap anonsé jistis li-a bay pèp la k-ap fèt la :
« Sé bagay yo Granmèt la té fè ». **R:**

DÉZIÈM LÉKTU

Min kòmandman-l : sé pou nou kouè, pou nou rinmin.

Léktu prémié lèt apot sin Jan**3, 18-24**

Ti pitit mouin yo, sé pa nan paròl ak lang pou nou rinmin, min sé nan aksion ak vérité. Konsa nou konnin sé nan vérité-a nou yé, épi dévan-l n-a asiré kè nou, si kè nou fè nou répròch, Bondié pi gran pasé kè nou, li konn tout bagay.

Nou minm mouin rinmin anpil la, si kè nou pa fè nou répròch, nou gin asirans kot Bondié ; ninpòt sa nou mandé, n-ap résévoua-l nan min-l, paské nou kinbé kòmandman-l yo, épi nou fè sa-k fè-l plézi dévan-l.

Min kòmandman-l, sé pou nou kouè o non Pitit li-a Kris la, épi pou nou youn rinmin lòt, jan-l té pasé nou lòd la. Moun ki kinbé kòmandman-l yo, li rét nan li épi li minm tou li rét nan moun sa-a ; sé konsa nou konnin li rété nan nou, sé gras a Éspri-a li ba nou-an.

Paròl Granmèt la.

ALÉLOUYA**Jan 15, 4 a. 5 b**

℞ Alélouya. Rét nan mouin, épi mouin minm nan nou, sé sa Granmèt la di ;

moun ki rété nan mouin, li donnin anpil foui. ℞ Alélouya.

ÉVANJIL

*Moun ki rét nan mouin, épi mouin minm nan li,
moun sa-a donnin anpil foui.*

✝ Léktu sint Évanjil la dapré Jan**15, 1-8**

Lè sa-a : Jézu di disip li yo :

« Mouin sé vré pié rézin-an, Papa-m sé kiltivatè-a. Tout branch nan mouin ki pa donnin foui, l-ap ouété-l ; tout branch ki donnin foui, l-ap nétouayé-l pou-l donnin plis foui. Nou minm nou déjà pròp gras a paròl la mouin té palé nou-an. Sé pou nou rét nan mouin, épi mouin minm nan nou. Minm jan branch la pa kapab donnin foui pou kont li-a, si-l pa rét nan pié rézin-an, konsa tou nou minm non plis, si nou pa rété nan mouin.

Mouin sé pié rézin-an, nou sé branch yo ; moun ki rét nan mouin, épi mouin minm nan li, moun sa-a donnin anpil, paské san mouin minm nou pa kapab fè anyin. Si yon moun pa rét nan mouin, y-ap jété-l déyò tankou

branch la, l-ap séché, y-ap ranmasé-l, y-ap jété-l nan difé, l-ap brilé. Si nou rété nan mouin, épi paròl mouin yo rété nan nou, tou sa nou vlé, nou mèt mandé-l, l-ap rivé pou nou. Sé nan sa Papa-m jouinn gloua li, pou nou donnin anpil foui pou nou vi-n disip mouin ».

Paròl Granmèt la.

Sinkièm Dimanch Pak, ané C

PRÉMIÉ LÉKTU

Yo rakonté Égliz la tou sa Bondié té fè avèk yo.

Léktu Travay Apot yo

14, 21 b-27

Jou sa yo :

Pòl ak Barnabé tounin Lis ak Ikoniòm avèk Antiòch, yo asiré kè disip yo, yo ankourajé yo pou yo rété nan lafoua-a, yo di yo kijan nou gin pou nou pasé anpil tray pou nou antré nan péyi roua Bondié-a. Yo instalé anyin pou yo nan chak Égliz, yo lapriyè, yo fè jèn, yo rimmèt yo nan min Granmèt la yo té kouè nan li-a.

Yo travèsé Pisidi, yo rivé Panfili, yo anonsé paròl Granmèt la Pèrjé, yo désann Atali. Yo sot la, yo fè voual pou Antiòch, koté yo té rimmèt yo nan gras Bondié-a pou travay la yo té réalizé-a.

Lè yo rivé, yo rasanblé Égliz la, yo rapòté tou sa Bondié té fè avèk yo, épi kijan li té louvri pòt lafoua-a bay nasion yo.

Paròl Granmèt la.

PSÒM RÉPONS

Ps 144, 8-9. 10-11. 12-13 ab (R: cf. 1)

R: M-ap fè louanj pou non-ou tout tan, Bondié mouin ki roua.

oubyin : Alélouya.

⁸ Granmèt la gin pitié, li gin mizérikòd,
li gin pasians, li gin anpil mizérikòd.

⁹ Granmèt la bon pou tout moun,
kè sansib li pou tou sa-l fè. R:

¹⁰ Y-ap fè louanj ou, Granmèt, tou sa-ou fè yo ;
sin-ou yo ap fè konpliman pou ou.

- ¹¹ Y-ap déklaré gloua péyi roua-ou la,
y-ap anonsé pouvoua-ou. **R**
- ¹² Pou yo fè pitit moun yo konnin puisans ou yo,
ak gloua grandè péyi roua-ou la.
- ¹³ Péyi-roua-ou la, sé péyi-roua tout tan,
kòmandman-ou nan pou jénérasyon ak jénérasyon. **R**

DÉZIÈM LÉKTU

Granmèt la ap suiyé tout dlo nan jé yo.

Léktu liv Apokalips apot sin Jan

21, 1-5 a

Mouin minm, Jan, mouin ouè yon sièl nouvo ak yon tè nouvo. Premié sièl la ak premié tè-a pati, lanmè-a minm pa gin sa ankò.

Mouin minm Jan, mouin ouè vil ki sin-an, Jérusalèm nouvo-a, k-ap désann sot nan sièl la kot Bondié-a, ki abiyé tankou yon fi k-ap marié ki anbéli pou mari-l. Mouin tandé yon gran voua ki sot nan tro-n nan, k-ap di : « Min tant Bondié-a avèk lézòm yo, l-ap abité avèk yo ; y-ap pèp li, li minm Bondié avèk yo l-ap Bondié yo. Bondié ap siyé tout dlo sot nan jé yo, pap gin lanmò, ni dèy, ni rèl, ni doulè ankò ; paské premié bagay yo pati ».

Sa-a ki té chita sou tro-n nan, li di : « Min mouin fè tout bagay nouvo ». Li di-m : « Ékri, paròl sa yo byin fidèl, yo vré ».

Paròl Granmèt la.

ALÉLOUYA

Jan 13, 34

R Alélouya. Sé yon kòmandman nouvo mouin ba nou, sé sa Granmèt la di ;
pou nou youn rinmin lòt, jan-m rinmin nou-an. **R** Alélouya.

ÉVANJIL

*Mouin ba nou yon kòmandman nouvo,
pou nou youn rinmin lòt.*

✠ Léktu sint Évanjil la dapré Jan

13, 31-33 a. 34-35

Lè Juda fi-n soti nan chanmòt la, Jézu di :

« Koulié-a Pitit moun nan jouinn gloua-a, Bondié jouinn gloua nan li tou. Si Bondié jouinn gloua nan li, Bondié ap fè-l jouinn gloua nan li minm, l-ap fè-l jouinn gloua-a tout suit.

Ti pitit mouin yo, sé pou yon ti moman ankò mouin avèk nou. Mouin ba nou yon kòmandman nouvo, pou nou youn rinmin lòt minm jan mouin rinmin nou-an, sé konsa pou nou youn rinmin lòt. Sé konsa tout moun ap rékonèt nou sé disip mouin, si nou youn gin bon kè pou lòt.

Paròl Granmèt la.

Lindi

PRÉMIÉ LÉKTU

*Nou anonsé nou kite bagay sa yo ki pa vo anyin-an,
pou nou viré kot Bondié vivan-an.*

Léktu Travay Apot yo

14, 5-18

Jou sa yo :

Kòm foul payin Ikoniòm yo ak Juif yo té rasanblé ansanm ak chèf yo, pou yo maltré Pòl ak Barnabé, pou yo touyé yo ak kout ròch, lè yo vi-n konn sa, yo sovè kò yo nan vil Likaòni yo : Lis ak Dèrbé ak tout réjion alantou yo ; yo t-ap anonsé Bòn Nouvèl la.

Lis, té gin yon mésié ki té chita la, li té infim nan pié, dépi-l nan vant manman-l li té infim, li pa-t janm maché. Li tandé Pòl k-ap palé. Pòl gadé-l byin, li ouè li té gin lafoua pou-l sovè, li di byin fò : « Lévé sou pié-ou byin douat ». Li vòltijé, li pran maché.

Lè foul yo ouè sa Pòl té fè, yo té lévé voua yo, yo di nan langaj likaonyin : « Sé dié yo, ki pran fòm moun, ki désann koté nou ». Yo rélé Barnabé Zès, yo rélé Pòl Mèkur, paské sé li minm ki té chèf paròl la. Prèt Zès la, ki té dévan lavil la, li minnin toro ak kouròn dévan pòt yo, ansanm ak pèp yo, li té vlé ofri sakrifis.

Lè apot yo Barnabé ak Pòl tandé sa, yo chiré rad yo, yo vòltijé nan foul yo, yo rélé byin fò, yo di : « Mésié, ki sa n-ap fè la-a ? Nou minm tou, sé moun k-ap mouri nou yé, minm jan avèk nou, sé moun k-ap anonsé nou pou nou kite bagay sa yo ki pa anyin-an, pou nou viré nan diréksion Bondié vivan-an, ki fè sièl la ak tè-a ak lanmè-a ak tou sa-k nan

yo ; li minm ki té kité tout nasion yo maché nan chémin yo nan jénérasyon ki pasé yo. Min li pa-t kité pròp tèt li san témouagnaj, antan li fè dibyin sot nan sièl la, li bay lapli ak sézon ki donnin foui, li plin kè nou ak manjé, ak kontantman ». Malgré bagay sa yo di-a, sé apèn si yo rivé kalmé foul yo, pou yo pa ofri sakrifis pou yo.

Paròl Granmèt la.

PSÒM RÉPONS

Ps 113 B, 1-2. 3-4. 15-16 (R : 1)

R: Sé pa nou minm, Granmèt, min sé non-ou pou-ou bay gloua-a.

oubyin : Alélouya.

- 1 Sé pa nou minm, Granmèt, sé pa nou minm,
min sé non-ou pou-ou bay gloua-a,
anlè mizérikòd ou ak vérité-ou la,
- 2 Pouki sa pou nasion yo t-a di :
« Koté Bondié yo-a ? » R:
- 3 Bondié nou-an nan sièl la,
tou sa-l vlé, li fè-l.
- 4 Zidòl nasion yo sé lajan ak lò,
travay min moun yo. R:
- 15 Sé pou Granmèt la béni nou,
li minm ki fè sièl la ak tè-a.
- 16 Sièl yo, sé sièl Granmèt la,
tè-a minm, li bay pitit moun yo li. R:

ALÉLOUYA

Jan 14, 26

R: Alélouya. Éspri Sin-an ap aprann nou tout bagay ;
l-ap souflé nou tou sa mouin té di nou yo. R: Alélouya.

ÉVANJIL

*Avoka-a Papa-a ap voyé-a,
l-ap aprann nou tout bagay.*

✠ Léktu sint Évanjil la dapré Jan

14, 21-26

Lè sa-a : Jézu di disip li yo :

« Moun ki gin kòmandman-m yo épi ki kinbé yo, sé li minm ki rinmin-m. Moun ki rinmin-m nan minm, Papa-m ap rinmin-l tou ; mouin minm tou m-ap rinmin-l, m-ap fè-l ouè-m ».

Jud di-l, sé pa Iskariòt la : « Granmèt, pou ki rézon sé nou minm ou-ap fè ouè-ou, sé pa tè-a ? »

Jézu pran laparòl, li di-l : « Si yon moun rinmin-m, l-ap kinbé paròl mouin, Papa-m ap rinmin-l, n-ap vi-n jouinn li, n-ap abité lakay li. Moun ki pa rinmin-m, li pa kinbé paròl mouin yo. Paròl la nou tandé-a, sé pa nan mouin li soti, min sé nan sa-a ki voyé-m nan, Papa-a.

Mouin di nou bagay sa yo, pandan-m rét avèk nou toujou. Avoka-a minm, Éspri Sin-an, sa Papa-a ap voyé o non-m nan, sé li minm k-ap aprann nou tout bagay, l-ap souflé nou tou sa-m té di nou yo ».

Paròl Granmèt la.

Madi

PRÉMIÉ LÉKTU

Yo rapòté Égliz la tou sa Bondié té fè avèk yo.

Léktu Travay Apot yo

14, 19-28

Jou sa yo :

Gin kèk Juif ki vi-n sot Antiòch ak Ikoniòm ; yo pran tèt foul yo, yo kalonnin Pòl ak kout ròch, yo trinnin-l déyò vil la, yo té konprann li té mouri. Disip yo minm antouré-l, li lévé, li antré nan vil la, nan landmin, li pati Dèrbé ansanm ak Barnabé.

Lè yo fi-n anonsé Bòn Nouvèl la nan vil sa-a, épi yo fi-n bay anpil moun ansègnman, yo tounin Lis, Ikoniòm, Antiòch, y-ap ankourajé kè disip yo, y-ap ba yo konsèy pou yo rété nan lafoua-a, yo di yo kijan nou gin pou nou pasé anpil tray pou nou antré nan péyi roua Bondié-a. Yo instalé Ansyin pou yo nan chak Égliz, yo priyé, yo fè jèn, yo rinmèt yo nan min Granmèt la yo té kouè nan li-a.

Yo travèsé Pisidi, yo rivé Panfili, Yo anonsé paròl Granmèt la Pèrjé, yo désann Atali. Yo sot la, yo fè voual pou Antiòch, koté yo té rinmèt yo nan gras Bondié-a pou travay la yo té réalizé-a.

Lè yo rivé, yo rasanblé Égliz la, yo rapòté tou sa Bondié té fè avèk yo, épi kijan li té louvri pòt lafoua-a bay nasion yo. Yo té rété yon ti moman avèk disip yo.

Paròl Granmèt la.

PSÒM RÉPONS

Ps 144, 10-11. 12-13 ab. 21 (R: cf. 12 a)

R: Zanmi-ou yo, Granmèt, ap fè konnin gloua péyi roua-ou la.

oubyin : Alélouya.

¹⁰ Y-ap fè louanj ou, Granmèt, tou sa-ou fè yo ;
sin-ou yo ap fè konpliman pou ou.

¹¹ Y-ap déklaré gloua péyi roua-ou la,
y-ap anonsé pouvoua-ou. R:

¹² Pou yo fè pitit moun yo konnin puisans ou yo,
ak gloua grandè péyi roua-ou la.

¹³ Péyi roua-ou la, sé péyi roua tout tan,
kòmandman-ou nan pou jénérasyon ak jénérasyon. R:

²¹ Sé pou bouch mouin fè louanj Granmèt la,
sé pou tout chè-m fè konpliman pou non-l ki sin
pou tout tan ak tout tan gin tan. R:

ALÉLOUYA

Cf. Lk 24, 46. 26

R: Alélouya. Kris la té gin pou-l soufri,
épi pou-l résisité sot nan pami mò yo pou-l antré nan gloua li konsa.

R: Alélouya.

ÉVANJIL

Sé lapè-m nan mouin ba nou.

✠ Léktu sint Évanjil la dapré Jan

14, 27-31 a

Lè sa-a : Jézu di disip li yo :

« Sé lapè mouin kité pou nou, sé lapè-m nan mouin ba nou ; sé pa tankou tè-a bay li-a mouin ba nou li. Pa kité kè nou troublé, pa kité-l soté. Nou té tandé mouin té di nou : “M-apralé épi m-ap vi-n jouinn nou”. Si nou té rinmin-m, nou t-a kontan sètènman poutèt m-apral kay Papa-a, paské Papa-a pi gran pasé-m.

Koulié-a minm mouin di nou sa anvan sa rivé, pou lè-l rivé nou kapab kouè. Mouin pap di nou anpil bagay ankò. Sèké chèf tè sa-a rivé, li pa gin okinn pouvoua sou mouin. Min sé pou tè-a konnin mouin rinmin Papa-a, épi sé dapré kòmandman Papa-a ban mouin-an, sé konsa mouin aji ».

Paròl Granmèt la.

Mèkrédi

PRÉMIÉ LÉKTU

*Yo désidé pou yo monté kot Apot yo
ak ansyin yo Jérusalèm osijè késion sa-a.*

Léktu Travay Apot yo

15, 1-6

Jou sa yo :

Gin kèk moun ki désann sot nan Judé, yo t-ap anségné frè yo : « Si nou pa résévoua sikonsizion dapré abitud Moyiz la, nou pa kapab sové ». Vi-n gin diskision ki pa piti ant Pòl ak Barnabé kont yo, yo désidé pou Pòl ak Barnabé monté avèk kèk nan lòt yo kot Apot yo ak Ansyin yo Jérusalèm poutèt késion sa-a.

Yo minm, Égliz la kondui yo, yo travèsé Fénisi, ak Samari, y-ap rakonté kijan nasion yo chanjé rout vi-n nan lafoua ; yo fè tout frè yo vi-n gin gran kè kontan. Lè yo rivé Jérusalèm, Égliz la ak Apot yo ak ansyin yo résévoua yo, yo anonsé tou sa Bondié té fè avèk yo.

Min gin kèk nan ti group Farizyin yo ki té gin lafoua yo ki lévé, yo di sé pou nasion yo résévoua sikonsizion, épi sé pou yo pasé yo lòd pou yo obsèvé laloua Moyiz la. Apot yo ak ansyin yo rasanblé pou yo égzaminé késion sa-a.

Paròl Granmèt la.

PSÒM RÉPONS

Ps 121, 1-2. 3-4 a. 4 b-5 (R : 1)

R: Nan kay Granmèt la n-apralé ak kè kontan.

oubyin : Alélouya.

- ¹ Mouin kontan poutèt yo di-m :
« Nan kay Granmèt la n-apralé »

- 2 Pié nou déjà kanpé
nan pòt ou yo, Jérusalèm. **R**
- 3 Jérusalèm ki bati tankou yon vil
koté tout bagay fè blòk nan yon sèl.
- 4 Sé la réyéman fanmiy yo ap monté,
fanmiy Granmèt la. **R**
- Témouagnaj Israèl, pou fè louanj pou non Granmèt la.
- 5 Paské sé la tro-n yo ap pozé pou jijman-an,
tro-n kay David la. **R**

ALÉLOUYA

Jan 15, 4 a. 5 b

R Alélouya. Rété nan mouin, épi mouin minm nan nou, sé sa Granmèt la di ;
moun ki rété nan mouin, li poté anpil foui. **R** Alélouya.

ÉVANJIL

*Moun ki rété nan mouin, épi mouin minm nan li,
moun sa-a poté anpil foui.*

✠ Léktu sint Évanjil la dapré Jan

15, 1-8

Lè sa-a : Jézu di disip li yo :

« Mouin sé véritab pié rézin-an, Papa-m sé kiltivatè-a. Tout branch nan mouin ki pa donnin foui, l-ap ouété-l ; tout branch ki donnin foui, l-ap nétouayé-l pou-l donnin plis foui. Nou minm nou déjà pròp gras a paròl la mouin té palé nou-an. Rété nan mouin, épi mouin minm nan nou. Minm jan branch la pa kapab donnin foui pou kont li-a, si-l pa rét nan pié rézin-an, konsa tou nou minm non plis, si nou pa rété nan mouin. Mouin sé pié rézin-an, nou sé branch yo ; moun ki rét nan mouin, épi mouin minm nan li, moun sa-a donnin anpil foui, paské san mouin minm nou pa kapab fè anyin. Si yon moun pa rét nan mouin, y-ap jété-l déyò, tankou branch la, l-ap séché, y-ap ranmasé-l y-ap jété-l nan difé, l-ap boulé. Si nou rét nan mouin, épi paròl mouin yo rété nan nou, tou sa nou vlé, nou mèt mandé-l, l-ap rivé pou nou. Sé nan sa Papa-m jouinn gloua-l, pou nou donnin anpil foui, pou nou vi-n disip mouin ».

Paròl Granmèt la.

Jédi

PRÉMIÉ LÉKTU

*Mouin konsidéré pou yo pa trakasé sa yo nan nasion yo
ki viré vi-n jouinn Bondié yo.*

Léktu Travay Apot yo

15, 7-21

Jou sa yo :

Kòm té gin gran diskision, Piè lévé, li di Apot yo ak ansyin yo :

« Mésié frè-m yo, nou konnin kijan dépi nan jou lontan yo Bondié té chouazi pou nasion yo tandé paròl Bòn Nouvèl la, pou yo kouè-l, pa lantrémiz bouch mouin, nan mitan nou. Bondié, ki konnin kè yo, li sèvi témouin, antan-l ba yo Éspri Sin-an minm jan ak nou minm, li pa fè okinn distinksiyon ant nou minm ak yo minm, antan li pròpté kè yo nan lafoua.

Koulié-a minm pouki sa n-ap tanté Bondié-a, antan n-ap pozé yon jouk sou zépòl disip yo, bagay ni papa nou yo ni nou minm nou pa-t kapab poté-a ? Min sé pa pouvoua gras Granmèt Jézu-Kri nou kouè nou sovè minm jan ak yo minm ».

Tout foul la pé bouch li ; yo t-ap kouté Barnabé ak Pòl k-ap rakonté tout sign ak prodij Bondié té fè nan nasion yo pa lantrémiz yo. Lè yo fi-n pé bouch yo, Jak pran laparòl, li di : « Frè-m yo, kouté-m. Simon sot rakonté kijan dépi nan kòmansman Bondié té vizité nou pou-l pran yon pèp nan pami nasion yo pou non-l. Paròl profèt yo dakò avèk sa, dapré sa-k ékri-a :

“Apré bagay sa yo, m-ap tounin, m-ap bati tant David la ankò, sa-k té tonbé-a ; m-ap bati débri-l yo ankò, m-ap mété-l kanpé, pou rès moun yo chèché Granmèt la, ni tout nasion yo koté yo rélé non-m sou yo-a, sé sa Granmèt la di, li minm ki fè bagay sa yo. Yo konnin dépi tout tan sé travay Granmèt la”.

Sé pousa mouin konsidéré yo pa gin doua trakasé sa yo nan pami nasion yo ki viré vi-n jouinn Bondié yo, min y-a ékri yo pou yo évité sal kò yo ak zidòl yo, pou yo évité mové plézi, viann toufé ak san. Sèk dépi nan tan lontan Moyiz gin moun nan chak vil k-ap préché-l nan sinagòg yo, koté yo li-l chak saba.

Paròl Granmèt la.

PSÒM RÉPONS

Ps 95, 1-2 a. 2 b-3. 10 (R: : cf. 3)

R: Anonsé mèvèy Granmèt la nan tout pèp yo.

oubyin : Alélouya.

¹ Chanté pou Granmèt la yon kantik nouvo,
chanté pou Granmèt la, tout tè-a.

² Chanté pou Granmèt la, fè konpliman pou non-l. R:

Anonsé jou an jou sovè-l la.

³ Anonsé gloua li pami nasion yo,
nan tout pèp yo mèvèy li yo. R:

¹⁰ Di nan nasion yo : « Granmèt la roua ».
L-ap drésé fas tè-a pou-l pa souké ;
l-ap jijé pèp yo nan jistis. R:

ALÉLOUYA

Jan 10, 27

R: Alélouya. Mouton-m yo tandé voua-m, sé sa Granmèt la di ;
épi mouin minm mouin konnin yo, yo suiv mouin. R: Alélouya.

ÉVANJIL

Rét nan rinmin-m nan, pou kè nou kapab kontan nèt.

✠ Léktu sint Évanjil la dapré Jan

15, 9-11

Lè sa-a : Jézu di disip li yo :

« Minm jan Papa-a rinmin-m nan, mouin minm tou mouin rinmin-l.
Rét nan rinmin-m nan. Si nou kinbé kòmandman-m yo, n-ap rété nan
rinmin-m nan ; minm jan mouin minm mouin kinbé kòmandman Papa-m
yo, épi mouin rété nan rinmin-l nan. Mouin di nou sa, pou kè kontan-m
nan kapab nan nou, épi pou kè nou kapab kontan nèt ».

Paròl Granmèt la.

Vandrédi

PRÉMIÉ LÉKTU

Éspri Sin-an avèk nou désidé pou yo pa pozé okinn lòt chaj sou nou pasé bagay sa yo ki nésésè yo.

Léktu Travay Apot yo

15, 22-31

Jou sa yo : Apot yo ak ansyin yo désidé ansanm ak tout Égliz la pou yo chouazi kèk mésié nan pami yo, pou yo voyé yo Antiòch avèk Pòl ak Barnabé, sé Jud, sa yo bay ti non Barsabas la, épi Silas, moun ki gin gran konsidération nan pami frè yo ; yo ékri pa lantrémiz yo :

« Apot yo ak ansyin yo, frè yo, pou sa yo ki Antiòch, Siri ak Silisi yo, frè yo ki nan pami nasion yo, salu. Kòm nou tandé gin kèk ki soti nan pami nou bò isit la, k-al troulé nou lòt bò-a, yo boulvèsé nanm nou avèk paròl yo, min sé pa nou minm ki té bay lòd ; nou désidé, nou tout ansanm tankou yon sèl moun pou nou chouazi kèk mésié, pou nou voyé yo koté nou ansanm avèk Barnabé ak Pòl nou rinmin anpil yo, sé moun ki bay lavi yo pou non Granmèt nou Jézu-Kri. Konsa nou voyé Jud ak Silas, yo minm y-a rapòté nou minm bagay sa yo nan paròl yo.

Éspri Sin-an désidé avèk nou, pou yo pa pozé okinn dòt chaj sou nou pasé bagay sa yo ki nésésè yo : pou nou évité bagay yo sakrifé bay zidòl, ni san, ni viann toufé, ni mové plézi, n-a aji byin antan nou présèvé tèt nou sot nan bagay sa yo. Kouraj ».

Yo minm minm, yo pati, yo désann Antiòch ; yo rasanblé foul la, yo rinmèt lèt la. Lè yo li-l, yo kontan avèk konsolasion.

Paròl Granmèt la.

PSÒM RÉPONS

Ps 56, 8-9. 10-12 (R: 10 a)

R: M-ap fè louanj ou nan pèp yo, Granmèt.

oubyin : Alélouya.

- 8 Kè-m paré, Bondié,
kè-m paré ;
- 9 m-ap chanté, épi m-ap joué mizik.
Révéyé, gloua mouin,
révéyé, mandoli-n ak bandjo,
m-ap révéyé dévan jou-a. R:

- ¹⁰ M-ap fè louanj ou nan pèp yo, Granmèt,
m-ap joué mizik pou ou nan nasion yo,
¹¹ paské ou gran, mizérikòd ou rivé jous nan sièl yo,
fidélimité-ou rivé jous nan niaj yo.
¹² Lévé anlè sièl yo, Bondié, anlè tout tè-a gloua-ou. **R:**

ALÉLOUYA

Jan 15, 15 b

R: Alélouya. Mouin rélé nou zanmi, sé sa Granmèt la di,
paské tou sa-m tandé nan min Papa-m, mouin fè nou konnin-l. **R:**
Alélouya.

ÉVANJIL

Sa-m kòmandé nou, sé pou nou youn rinmin lòt.

✠ Léktu sint Évanjil la dapré Jan

15, 12-17

Lè sa-a : Jézu di disip li yo :

« Min kòmandman-m, sé pou nou youn rinmin lòt, minm jan mouin rinmin nou-an. Pèsòn pa rinmin pi plis pasé moun ki bay lavi-l pou zanmi-l nan.

Nou minm nou sé zanmi-m, si nou fè sa mouin kòmandé nou yo. Mouin pap rélé nou sèvitè ankò, paské sèvitè-a pa konnin sa mèl li ap fè ; min mouin rélé nou zanmi, paské tou sa-m tandé kot Papa-m, mouin fè nou konnin yo.

Sé pa nou minm ki chouazi-m ; min sé mouin minm ki chouazi nou, mouin mété nou, pou nou alé, pou nou poté foui, pou foui nou-an duré ; konsa, pou ninpòt ki sa nou mandé Papa-a o non-m, li ba nou-l. Min sa-m kòmandé nou, sé pou nou youn rimnin lòt ».

Paròl Granmèt la.

Samdi

PRÉMIÉ LÉKTU

Travèsé Masédoua-n, poté nou sékou.

Léktu Travay Apot yo

16, 1-10

Jou sa yo : Pòl rivé Dèrbé ak Lis.

Té gin yon disip la-a yo té rélé Timoté, pitit yon Juif ki té gin lafoua, papa-l té nan ras nasion. Frè yo ki té Lis avèk Ikoniòm yo, yo té bay bon témouagnaj sou li. Pòl té vlé pati avèk li, li pran-l, li fè-l résévoua sikonsizion akoz Juif yo ki té nan koté sa yo ; min tout moun té konnin papa-l té nan ras nasion.

Pandan y-ap travèsé vil yo, yo t-ap transmèt yo désizion yo pou yo kinbé, sa Apot yo ak ansyin Jérusalèm yo té déklaré yo. Égliz yo t-ap vi-n solid nan lafoua-a, chak jou yo t-ap gin plis moun.

Yo travèsé Friji ak réjion Galat la, Éspri Sin-an té anpéché yo palé paròl Bondié-a nan Azi. Lè yo rivé nan Mizi, yo t-ap éséyé alé nan Bitini ; min Éspri Jézu pa-t pèmèt yo, yo travèsé Mizi, yo désann Troas.

Nan nuit Pòl gin yon vizion : sé yon mésié Masédoua-n ki té kanpé, ki t-ap priyé-l, ki t-ap di : « Travèsé nan Masédoua-n, vi-n poté nou sékou ». Kon-l ouè vizion-an, minm lè-a nou chèché pati nan Masédoua-n, nou té gin asirans sé Bondié ki té rélé nou pou nou anonsé yo Bòn Nouvèl la.

Paròl Granmèt la.

PSÒM RÉPONS

Ps 99, 2. 3. 5. (R: 2 a)

R: Fè louanj pou Granmèt la, tout tè-a.

oubyin : Alélouya.

- 2 Fè louanj pou Granmèt la, tout tè-a, sèvi Granmèt la nan kè kontan ; antré dévan fas li avèk gran fèt. R:
- 3 Konnin Granmèt la sé li minm ki Bondié ; sé li minm ki fè nou, sé pou li nou yé, pèp li ak mouton pak li. R:

⁵ Sèké Granmèt la bon ;
 pou tout tan mizèrikòd li,
 pou jénèrasion ak jénèrasion vérité-l la. **R:**

ALÉLOUYA

Kol 3, 1

R: Alélouya. Si nou résisité ak Kris la, sé sa-k anlè yo pou nou chèché,
 koté Kris la chita adouat Bondié-a. **R:** Alélouya.

ÉVANJIL

*Nou pa fè pati tè-a,
 min mouin chouazi nou sot sou tè-a.*

✠ Léktu sint Évanjil la dapré Jan

15, 18-21

Lè sa-a : Jézu di disip li yo :

« Si tè-a rayi nou, konnin li té rayi-m anvan nou. Si nou té fè pati tè-a,
 tè-a t-a rinmin sa-k pou li ; min paské nou pa fè pati tè-a, okontrè mouin
 chouazi nou sot sou tè-a, sé pou sa tè-a rayi nou-an.

Sonjé paròl mouin-an, sa-m té di nou-an : “Sèvitè-a pa pi gran pasé
 mèl li. Si yo té pèsékité-m, nou minm tou y-ap pèsékité nou ; si yo té
 kinbé paròl mouin yo, y-ap kinbé pa nou yo tou”. Min tout bagay sa yo,
 y-ap fè nou yo poutèt non mouin, paské yo pa konnin sa-a ki voyé-m
 nan ».

Paròl Granmèt la.

SIZIÈM SÉMÈN PAK

Sizièm Dimanch Pak, ané A

PRÉMIÉ LÉKTU

*Yo t-ap pozé min sou yo,
moun yo té résévoua Éspri Sin-an.*

Léktu Travay Apot yo

8, 5-8. 14-17

Jou sa yo :

Filip désann nan yon vil Samari, li t-ap bay moun ansègnman sou Jézu-Kri. Foul moun yo té fiksé lidé yo sou sa Filip t-ap di, yo tout t-ap kouté, yo té ouè sign yo li té fè yo. Sèké anpil nan sa yo ki té gin éspri papròp yo, yo té sòti, antan y-ap rélé byin fò ; anpil moun ki pa-t kapab fè mouvman, ki té infim, yo té vi-n géri. Té vi-n gin gran kè kontan nan vil sa-a.

Lè Apot yo ki té Jérusalèm yo tandé, kijan Samari té résévoua paròl Bondié-a, yo voyé Piè ak Jan lakay yo. Lè yo rivé, yo priyé pou yo, pou yo résévoua Éspri Sin-an ; sèké li pa-t ko vini sou pèsòn nan yo, min sé o non Granmèt Jézu sèl yo té batizé. Lè sa-a atò yo pozé min sou yo, yo résévoua Éspri Sin-an.

Paròl Granmèt la.

PSÒM RÉPONS

Ps 65, 1-3 a. 4-5. 6-7 a. 16 é 20 (R : 1)

R: Bat bravo pou Bondié, tout tè-a.

oubyin : Alélouya.

- 1 Bat bravo pou Bondié, tout tè-a,
- 2 chanté kantik gloua non-l,
fè gloua louanj li.
- 3 Di Bondié : « Ala krint travay ou yo mérité. R:
- 4 Tout tè-a ap adoré-ou, l-ap chanté pou ou,
l-ap chanté pou non-ou ».
- 5 Vini, n-a ouè travay Bondié yo,
li térib nan aksion li fè pou pitit moun yo. R:

- 6 Li fè lanmè-a vi-n tounin tè sèk,
y-ap pasé riviè-a apié ;
n-ap kontan nan li koté sa-a.
- 7 Li minm k-ap kòmandé nan pouvoua-l pou tout tan. **R:**
- 16 Vini, kouté, m-ap rakonté, nou tout ki krinn Bondié,
tou sa-l fè pou nanm mouin.
- 20 Konpliman pou Bondié, ki pa réjité priyè-m
ni mizérikòd li sot sou mouin. **R:**

DÉZIÈM LÉKTU

Li mouri parapò a chè-a, li vivan parapò a Éspri-a.

Léktu prémié lèt apot sin Piè

3, 15-18

Nou minm mouin rinmin anpil la :

Fè ouè kijan Granmèt Kris la sin nan kè nou, antan nou toujou paré pou nou rann kont dévan tout moun k-ap mandé nou ésplikasion sou éspérans sa-a anndan nou-an, min avèk dousè épi krint, antan nou gin bòn konsians, pou sou pouin sa-a minm koté y-ap répròché nou-an, sé sou li minm yo ront, yo minm k-ap rapòté manti sou bon konduit nou ginyin nan Kris la. Réyèlman li pi bon pou nou soufri antan n-ap fè sa-k byin, si sé volonté Bondié, pasé antan n-ap fè sa-k mal.

Sèké Kris la mouri yon foua pou tout pou péché nou yo, sa-a ki kòrèk la pou sa yo ki pa kòrèk yo, pou-l ofri nou bay Bondié, li mouri nan chè-a, li vivan nan éspri-a.

Paròl Granmèt la.

ALÉLOUYA

Jan 14, 23

- R:** Alélouya. Si yon moun rinmin-m, l-ap kinbé paròl mouin,
sé sa Granmèt la di ;
Papa-m ap rinmin-l, n-ap vi-n lakay li. **R:** Alélouya.

ÉVANJIL

M-ap priyé Papa-a, l-ap ba nou yon lòt Avoka.

✠ Léktu sint Évanjil la dapré Jan

14, 15-21

Lè sa-a : Jézu di disip li yo :

« Si nou rinmin-m kinbé kòmandman-m yo. M-ap priyé Papa-a, l-ap ba nou yon lòt Avoka, pou-l rété avèk nou pou tout tan : Éspri vérité-a, sa tè-a pa kapab résévoua-a, paské li pa ouè-l, ni li pa konnin-l ; min nou minm n-ap konnin-l, paské l-ap rété lakay nou, l-ap nan nou.

Mouin pap kité nou òfélin ; m-ap vi-n jouinn nou. Yon ti moman ankò, tè-a pap ouè-m ; min nou minm n-ap ouè-m, paské mouin vivan épi n-ap viv. Jou sa-a n-ap konnin mouin nan Papa-m, épi nou nan mouin, épi mouin nan nou. Moun ki gin kòmandman-m yo, épi ki kinbé yo, moun sa-a sé li minm ki rinmin-m. Moun ki rinmin-m nan minm, Papa-m ap rinmin-l tou ; m-ap rinmin-l, m-ap parèt dévan-l ».

Paròl Granmèt la.

Sizièm Dimanch Pak, ané B

PRÉMIÉ LÉKTU

Minm nan nasion yo gras Éspri Sin-an vidé.

Léktu Travay Apot yo

10, 25-26. 34-35. 44-48

Rivé, lè Piè ap antré, Kòrnèy vi-n rankontré-l, li lagé kò-l nan pié-l pou-l adoré-l. Piè minm lévé-l, li di-l : « Lévé : mouin minm tou sé yon moun mouin yé ».

Piè pran laparòl, li di : « Amèn mouin rékonèt Bondié pa gadé sou figi moun, min nan tout nasion, moun ki krinn li épi ki fè sa ki kòrèk, sé li minm li résévoua ».

Pandan Piè ap palé toujou, Éspri Sin-an tonbé sou tout moun ki t-ap kouté paròl la. Fidèl yo ki té nan sikonsizyon-an, ki té vini ansanm ak Piè-a, yo sézi poutèt gras Éspri Sin-an té vidé minm nan nasion yo. Réyéلمان yo té tandé y-ap palé an lang, y-ap fè konpliman pou Bondié.

Lè sa-a atò, Piè pran laparòl, li di : « Èské yon moun kapab anpéché nou pran dlo pou batizé sa yo ki résévoua Éspri Sin-an minm jan ak nou-

an ? » Épi li pasé lòd pou batizé yo o non Granmèt Jézu-Kri. Yo priyé-l pou-l rété avèk yo kèk jou.

Paròl Granmèt la.

PSÒM RÉPONS

Ps 97, 1. 2-3 ab. 3 cd-4 (R : cf. 2 b)

R: Dévan fas nasion yo Granmèt la dévoualé sové li sové nou-an.

oubyin : Alélouya.

¹ Chanté yon kantik nouvo pou Granmèt la,
poutèt mèvèy li fè.

Min douat li li té sové pou li,

épi bra li ki sin-an. R:

² Granmèt la fè konnin sové li sové nou-an,

dévan fas nasion yo li dévoualé jistis li-a

³ li sonjé mizérikòd li,

ak vérité-l pou kay Israèl la. R:

Tout limit tè-a ap ouè

sové Bondié sové nou-an.

⁴ Bat bravo pou Bondié, tout tè-a,

éklaté, dansé, chanté. R:

DÉZIÈM LÉKTU

Bondié sé rinmin.

Léktu prémié lèt apot sin Jan

4, 7-10

Nou minm mouin rinmin anpil la, sé pou nou youn rinmin lòt, paské rinmin-an sé nan Bondié li soti ; épi tout moun ki rinmin, sé nan Bondié li jouinn nésans épi li konnin Bondié. Moun ki pa rinmin, li pa konnin Bondié, paské Bondié sé rinmin minm.

Min nan kisa charité Bondié-a parèt nan nou : sèk Bondié voyé sèl Pitit li-a sou tè-a, pou nou viv gras a li. Min kijan rinmin-an yé, sé pa nou minm ki té rinmin Bondié, sé li minm ki té rinmin nou an prémié, épi li voyé Pitit li-a kòm padon pou péché nou yo.

Paròl Granmèt la.

ALÉLOUYA

Jan 14, 23

℞ Alélouya. Si yon moun rinmin-m, l-ap kinbé paròl mouin, sé sa Granmèt la di ;
épi Papa-m ap rinmin-l, n-ap vi-n lakay li. ℞ Alélouya.

ÉVANJIL

*Pa gin yon fason pou yon moun rinmin pi plis
pasé pou-l bay lavi-l pou zanmi-l yo.*

✠ Léktu sint Évanjil la dapré Jan

15, 9-17

Lè sa-a : Jézu di disip li yo :

« Minm jan Papa-a rinmin-m nan, sé konsa tou mouin rinmin nou. Sé pou nou rété nan rinmin-m nan. Si nou kinbé kòmandman-m yo, n-ap rété nan rinmin-m nan minm jan mouin minm mouin kinbé kòmandman Papa-m yo, épi mouin rété nan rinmin-l nan.

Mouin di nou bagay sa yo, pou kè kontan-m nan kapab nan nou, pou kè kontan nou-an réyalizé nèt.

Min kòmandman-m nan, sé pou nou youn rinmin lòt, minm jan mouin rinmin nou-an. Pi gran fason pou yon moun rinmin, sé bay lavi-l pou zanmi-l yo.

Nou minm nou sé zanmi-m, si nou fè sa mouin kòmandé nou. Mouin pap rélé nou sèvitè ankò, paské sèvitè-a pa konnin ki sa mèt li ap fè ; min sé zanmi mouin rélé nou, paské tou sa-m tandé kot Papa-m, mouin fè nou konnin-l.

Sé pa nou minm ki chouazi-m ; min sé mouin minm ki chouazi nou, mouin mété nou, pou nou alé, pou nou donnin foui, pou foui nou-an diré ; konsa, tou sa n-a mandé Papa-a o non-m, l-ap ba nou li.

Sa mouin kòmandé nou, sé pou nou youn rinmin lòt ».

Paròl Granmèt la.

Sizièm Dimanch Pak, ané C

PRÉMIÉ LÉKTU

Éspri Sin-an avèk nou désidé pou yo pa pozé okinn lòt chaj sou nou pasé bagay sa yo ki nésésè yo.

Léktu Travay Apot yo

15, 1-2. 22-29

Jou sa yo :

Gin kèk moun ki désann sot nan Judé, yo t-ap anségné frè yo : « Si nou pa résévoua sikonsizyon dapré abitud Moyiz la, nou pa kapab sové ». Vi-n gin diskision ki pa piti ant Pòl ak Barnabé kont yo, yo désidé pou Pòl ak Barnabé monté avèk kèk nan lòt yo kot Apot yo ak ansyin yo Jérusalèm sou késion sa-a.

Lè sa-a atò Apot yo ak ansyin yo désidé ansanm ak tout Égliz la pou yo chouazi kèk mésié nan pami yo, pou yo voyé yo Antiòch avèk Pòl ak Barnabé, sé Jud, sa yo bay ti non Barsabas la, épi Silas, moun ki gin gran konsidérasion nan pami frè yo ; yo ékri pa lantrémiz yo :

« Apot yo ak ansyin yo, frè yo, pou sa yo ki Antiòch, Siri ak Silisi yo, frè yo ki nan pami nasion yo, salu. Kòm nou tandé gin kèk ki soti nan pami nou bò isit la, k-al troublé nou lòt bò-a, yo boulvèsé nanm nou avèk paròl yo, min sé pa nou minm ki té bay lòd sa-a ; nou désidé, nou tout ansanm tankou yon sèl moun pou nou chouazi kèk mésié, pou nou voyé yo koté nou ansanm avèk Barnabé ak Pòl nou rinmin anpil yo, sé moun ki bay lavi yo pou non Granmèt nou Jézu-Kri. Konsa nou voyé Jud ak Silas, yo minm y-a rapòté nou minm bagay sa yo nan paròl yo.

Éspri Sin-an désidé avèk nou, pou yo pa pozé okinn lòt chaj sou nou pasé bagay sa yo ki nésésè yo : pou nou évité bagay yo sakrifé bay zidòl, ni san, ni viann toufé, ni mové plézi, n-a aji byin antan nou présèvé tèt nou sot nan bagay sa yo. Kouraj ».

Paròl Granmèt la.

PSÒM RÉPONS

Ps 66, 2-3. 5. 6 é 8 (R : 4)

R Sé pou pèp yo fè louanj ou, Bondié,
sé pou tout pèp yo fè louanj ou

oubyin : Alélouya.

- ² Sé pou Bondié pran pitié pou nou, sé pou-l béni nou ;
sé pou-l fè figi-l kléré sou nou.
- ³ Pou yo rékonèt chémin-ou yo sou tè-a,
sové ou sové nou-an nan tout nasion yo. **R:**
- ⁵ Sé pou nasion yo kontan, sé pou yo dansé,
paské ou jijé pèp yo yon fason kòrèk,
ou dirijé nasion yo sou tè-a. **R:**
- ⁶ Sé pou pèp yo fè louanj ou, Bondié,
sé pou tout pèp yo fè louanj ou.
- ⁸ Sé pou Bondié nou-an béni nou,
sé pou tout limit tè-a krinn ou. **R:**

DÉZIÈM LÉKTU

Li montré-m vil ki sin-an k-ap désann sot nan sièl la.

Léktu liv Apokalips apot sin Jan

21, 10-14. 22-23

Anj la soulvé-m nan éspri sou yon mòn ki gran, ki ro, li montré-m vil ki sin-an, Jérusalèm, k-ap désann sot nan sièl la, kot Bondié, li gin gloua Bondié-a, limiè-l té tankou bijou kalité sipériè, tankou bijou yo rélé jasp la, tankou kristal. Li té gin yon miray ki gran, ki ro, ki gin douz pòt, nan pòt yo té gin douz anj, ak non ki ékri, non douz ras pitit Israèl yo. Nan diréksion olévan : toua pòt, nan diréksion nò : toua pòt, nan diréksion sid : toua pòt, nan diréksion okouchan : toua pòt. Miray vil la té gin douz kolòn ; sou yo té gin douz non douz Apot Mouton yo.

Mouin pa ouè tanp ladan-l : sé Granmèt Bondié ki gin tout pouvoua-a ki tanp li ak Mouton-an. Vil la pa bézouin solèy ni lali-n, pou yo kléré-l ; paské klètè-a kléré-l, épi lanp li sé Mouton-an.

Paròl Granmèt la.

ALÉLOUYA

Jan 14, 23

R: Alélouya. Si yon moun rinmin-m, l-ap kinbé paròl mouin,
sé sa Granmèt la di ;
épi Papa-m ap rinmin-l, n-ap vi-n lakay li. **R:** Alélouya.

ÉVANJIL

Éspri Sin-an ap souflé nou tou sa m-ap di nou.

✠ **Léktu sint Évanjil la dapré Jan**

14, 23-29

Lè sa-a : Jézu di disip li yo :

« Si yon moun rinmin-m, l-ap kinbé paròl mouin, Papa-m ap rinmin-l, n-ap vi-n jouinn li, n-ap abité lakay li. Moun ki pa rinmin-m, li pa kinbé paròl mouin yo. Paròl la nou tandé-a, sé pa nan mouin li soti, min sé nan sa-a ki voyé-m nan, Papa-a.

Mouin di nou bagay sa yo, pandan-m ré t avèk nou toujou. Avoka-a minm, Éspri Sin-an, sa Papa-a ap voyé o non-m nan, sé li minm k-ap aprann nou tout bagay, l-ap souflé nou tou sa-m té di nou yo.

Sé lapè mouin kité pou nou, sé lapè-m nan mouin ba nou ; sé pa tankou tè-a bay li-a mouin ba nou li. Pa kité kè nou troublé, pa kité-l soté. Nou té tandé mouin té di nou : “M-apralé épi m-ap vi-n jouinn nou”. Si nou té rinmin-m, nou t-a kontan sètènman poutèt m-apral kay Papa-a, paské Papa-a pi gran pasé-m. Koulié-a minm mouin di nou sa anvan sa rivé, pou lè-l rivé nou kapab kouè ».

Paròl Granmèt la.

Koté yo fété Asansion Granmèt la nan dimanch k-ap vini-an, yo kapab li dézièm léktu ak Évanjil ki dézignin pou sètièm dimanch la nan sizièm dimanch Pak la, tankou pi louin, p. 553.

Lindi

PRÉMIÉ LÉKTU

*Granmèt la louvri kè-l pou-l mét atansion
nan sa Pòl t-ap di yo.*

Léktu Travay Apot yo

16, 11-15

Nou navigé sot Troas, nou rivé tou douat Samotras, épi nan landmin nou rivé Néapolis ; nou sot la, nou rivé Filip, vil ki pi inpòtan nan réjion Masédoua-n nan, koté anpil étranjé abité.

Nou té rété pasé kèk jou nan vil sa-a. Jou saba-a, nou soti déyò pòt la, bò riviè-a, koté yo konn priyé-a, nou chita, nou t-ap palé avèk médam yo, ki té rasanblé yo.

Yon madanm yo rélé Lidi, yon machann vlou nan vil Tiatir, ki té adoré Bondié, li t-ap kouté ; Granmèt la louvri kè-l pou-l fè atansyon nan sa Pòl t-ap di yo. Lè-l fi-n batizé, ni kay li tou, li insisté, li di : « Si nou konsidéré-m kòm fidèl Granmèt la, antré lakay mouin, rété la ». Li fòsé nou.

Paròl Granmèt la.

PSÒM RÉPONS

Ps 149, 1-2. 3-4. 5-6 a é 9 b (R: 4 a)

R: Granmèt la jouinn plézi nan pèp li-a.

oubyin : Alélouya.

- 1 Chanté pou Granmèt la yon kantik nouvo ;
louanj li nan asanblé sin yo.
- 2 Sé pou Israèl kontan nan sa-a ki fè-l la,
sé pou pitit Siyon yo dansé pou roua yo. R:
- 3 Sé pou yo fè louanj pou non-l avèk dans,
sou tanbou ak mandoli-n sé pou yo chanté pou li.
- 4 Paské Granmèt la jouinn plézi nan pèp li-a,
l-ap fè pòv yo jouinn konsidérasyon nan sové li sové nou-an. R:
- 5 Sé pou sin yo fété nan gloua-a,
sé pou yo kontan sou kabann yo.
- 6 Louanj Bondié yo nan bouch yo :
- 9 gloua sa-a pou tout sin-l yo. R:

ALÉLOUYA

Jan 15, 26 b. 27 a

R: Alélouya. Éspri vérité-a ap sèvi-m témouin, sé sa Granmèt la di ;
nou minm tou n-ap sèvi-m témouin. R: Alélouya.

ÉVANJIL

Éspri vérité-a ap sèvi-m témouin.

✠ Léktu sint Évanjil la dapré Jan

15, 26-16, 4 a

Lè sa-a : Jézu di disip li yo :

« Lè Avoka-a ap rivé, li minm m-ap voyé ba nou sot kot Papa-a, Éspri vérité-a ki soti nan Papa-a, sé li minm k-ap sèvi-m témouin. Nou minm tou n-ap sèvi-m témouin, paské sé dépi nan kòmansman nou avèk mouin.

Mouin di nou bagay sa yo, pou nou pa dékontrolé. Y-ap mété nou déyò nan sinagòg yo. Min lè-a ap rivé, tout moun k-ap touyé nou, y-ap konprann sé yon sèvis yo rann Bondié. Y-ap fè nou sa, paské yo pa konnin ni Papa-a ni mouin minm. Min mouin di nou bagay sa yo, pou lè lè pa yo-a rivé, nou sonjé mouin té di nou sa ».

Paròl Granmèt la.

Madi

PRÉMIÉ LÉKTU

*Kouè nan Granmèt Jézu, ou-ap sové,
ni nou minm ni kay ou-a.*

Léktu Travay Apot yo

16, 22-34

Jou sa yo :

Foul Filipyin yo rasanblé kont Pòl ak Silas ; majistra yo chiré rad yo, yo pasé lòd pou yo bat yo ak fouèt. Lè yo fi-n ba yo anpil kou, yo voyé yo nan prizon, yo pasé yo lòd pou yo véyé yo byin. Moun nan ki résévoua lòd sa-a, li mété yo nan prizon ki anndan-an, li maré pié yo séré avèk boua.

Nan mitan nannuit, Pòl ak Silas t-ap priyé pou fè louanj Bondié ; santinèl yo té tandé yo. Yon ti moman, gin yon gran tranbléman-tè ki rivé, atèl pouin fondasion prizon-an souké. Minm lè-a, tout pòt yo louvri, chinn tout moun lagé. Gadyin prizon-an révéyé, li ouè pòt prizon yo louvri, li ralé épé-a, li té vlé touyé tèt li, li té konprann prizonié yo té chapé. Pòl minm rélé byin fò, li di : « Pa fè tèt ou anyin ki mal : sèké nou tout nou isit la ».

Li mandé limiè, li antré, li sézi, li lagé kò-l nan pié Pòl ak Silas. Li fè yo soti déyò, li di : « Mèt, ki sa pou-m fè, pou-m sové ? » Yo di : « Kouè nan Granmèt Jézu, ou-ap sové, ni ou minm ni kay ou-a ».

Yo anonsé-l paròl Granmèt la avèk tout moun ki té nan kay li-a. Li pran yo minm lè sa-a nan nuit la, li lavé koté yo té blésé yo ; li batizé, ni li minm ni tout kay li-a minm lè-a. Li kondui yo nan lakay li, li ba yo manjé, li kontan ansanm avèk tout kay li-a, antan-l kouè nan Bondié.

Paròl Granmèt la.

PSÒM RÉPONS

Ps 137, 1-2 a. 2 bc-3. 7 c-8 (R: 7 c)

R: Min douat-ou ap sové-m, Granmèt

oubyin : Alélouya.

¹ M-ap fè louanj ou, Granmèt, ak tout kè-m,
paské ou tandé paròl bouch mouin yo.
Dévan fas anj yo m-ap chanté pou ou.

² m-ap adoré nan tanp ou-a sin-an. R:

M-ap fè louanj pou non-ou,
poutèt mizérikòd ou ak vérité-ou.

³ Ninpòt ki jou mouin rélé-ou, ou réponn mouin ;
ou-ap dévlopé bon kalité nan nanm mouin. R:

⁷ Min douat ou ap sové-m.

⁸ Granmèt la ap réalizé travay la pou mouin ;
Granmèt, mizérikòd ou pou tout tan :
travay min-ou yo, pa rinnèt li. R:

ALÉLOUYA

Cf. Jan 16, 7. 13

R: Alélouya. M-ap voyé Éspri vérité-a pou nou, sé sa Granmèt la di ;
sé li minm k-ap aprann nou tout vérité-a. R: Alélouya.

ÉVANJIL

Si-m pa alé, Avoka-a pap vi-n jouinn nou.

✠ Léktu sint Évanjil la dapré Jan

16, 5 b-11

Lè sa-a : Jézu di disip li yo :

« Koulié-a m-apral jouinn sa-a ki té voyé-m nan, épi pèsòn nan nou pa pozé-m késion : “Koté ou-apralé ?” Min, poutèt bagay sa yo mouin di nou-an, chagrin plin kè nou. Époutan sé vérité mouin di nou : li pi bon pou nou pou-m alé ; sèké si-m pa alé, Avoka-a pap vi-n jouinn nou ; si-m alé, m-ap voyé-l vi-n jouinn nou.

Lè l-ap rivé, l-ap akizé tè-a sou péché, ak jistis ak jijman : sou péché-a, paské yo pa-t kouè nan mouin ; sou jistis la, paské m-apral kay Papa-a, épi nou pap ouè-m ankò ; sou jijman-an, paské chèf tè sa-a déjà jijé ».

Paròl Granmèt la.

Mèkrédi sizièm sémèn Pak

PRÉMIÉ LÉKTU

*Sa nou pa konnin n-ap adoré-a,
sé li minm minm mouin anonsé nou-an.*

Léktu Travay Apot yo

17, 15. 22-18, 1

Jou sa yo :

Moun yo ki té kondui Pòl yo, yo minnin-l jous Atèn ; yo résévoua lòd nan min-l pou Silas ak Timoté, pou yo vi-n jouinn li byin vit, épi yo minm yo pati.

Pòl minm kanpé nan mitan plas la, li di :

« Mésié Atényin yo, nan tout bagay mouin ouè sé nou minm ki gin plis sans rélijion. Sèké antan m-ap maché, mouin ouè zidòl nou yo, mouin jouinn ata yon tanp koté yo té ékri : “Pou Dié nou pa konnin-an”. Ébyin sa n-ap sèvi san nou pa konnin-an, sé li minm mouin anonsé nou.

Bondié, ki fè tè-a, ak tou sa-k ladan-l, li minm, kòm sé Granmèt sièl la ak tè-a, li pa abité nan tanp ki fèt ak min moun, ni li pa bézouin pou min

lézòm sèvi-l kichòy, paské sé li minm ki bay tout moun lavi, réspirasion ak tout bagay.

Apati yon sèl moun li fè tout ras lézòm nan abité sou tout fas tè-a, li fiksé tan égzak ak limit abitasion yo, pou yo chèché Bondié, pou yo éséyé antré an kontak avèk li oubyin pou yo jouinn li, paské li pa louin chak moun nan nou. Réyéلمان sé nan li nou viv, nou gin mouvman, nou egzisté ; jan kèk nan poèt nou yo té di-a : “Sé ras li tou nou yé”.

Konsa si nou sé ras Bondié, nou pa doué konsidéré sa Bondié yé-a sanblé ak lò oubyin lajan oubyin piè, fòm pòtré nou kalkilé pou yo bèl ak pansé lézòm.

Bondié pa okipé tan ignorans sa-a, li anonsé lézòm koulié-a, pou yo tout tou patou chanjé konduit ; paské li fiksé yon jou, koté l-ap jijé fas tè-a avèk jistis, nan yon mésié koté li fiksé sa, antan li ofri tout moun lafoua, antan li fè-l résisité sot nan pami mò yo ».

Lè yo tandé réziréksion sot nan pami mò yo, gin nan yo ki pasé sa nan jouèt, kèk minm di : “N-a tandé yon lòt foua”. Sé konsa Pòl soti nan mitan yo.

Gin kèk mésié ki dakò yo kouè nan li ; nan pami yo té gin Déni Aréopajit la, ak yon madanm yo rélé Damaris, ak kèk lòt moun avèk yo. Apré sa, li kité Atèn, li rivé Korint.

Paròl Granmèt la.

PSÒM RÉPONS

Ps 148, 1-2. 11-12 ab. 12 c-14 a. 14 bcd

℞ Sièl la ak tè-a plin ak gloua-ou.

oubyin : Alélouya.

¹ Fè louanj Granmèt la dépi sot nan sièl yo,
fè louanj li nan anro sièl yo.

² Fè louanj li, tout anj li yo,
fè louanj li, tout pouvoua-l yo. ℞

¹¹ Roua yo sou tè-a ak tout pèp yo,
chèf yo ak tout jij tè yo,

¹² jèn jan ak vièj yo,
granmoun yo ak timoun yo. ℞

13 Sé pou yo fè louanj pou non Granmèt la,
paské sé non-l sèl ki anlè nèt.

Louanj li anlè sièl la ak tè-a. *R*

14 Li lévé kòn pèp li.

Louanj pou tout sin-l yo,
pou pitit Israèl yo, pèp ki tou pré-l la. *R*

ALÉLOUYA

Jan 14, 16

R Alélouya. M-ap priyé Papa-a, l-ap ba nou yon lòt Avoka,
pou-l rété avèk nou pou tout tan. *R* Alélouya.

ÉVANJIL

Éspri vérité-a ap aprann nou tout vérité-a.

✠ Léktu sint Évanjil la dapré Jan

16, 12-15

Lè sa-a : Jézu di disip li yo :

« Mouin gin anpil bagay ankò pou-m di nou ; min nou pa kapab pòté yo koulié-a. Min lè Éspri vérité sa-a ap vini, l-ap aprann nou tout vérité-a. Sèké sé pa ak pròp fòs li l-ap palé ; min tou sa-l tandé l-ap déklaré-l, épi sa k-ap vini yo, l-ap anonsé nou yo. Li minm l-ap mété-m nan limiè, paské sé nan min-m l-ap résevoua, épi l-ap anonsé nou.

Tou sa Papa-a ginyin, sé pou mouin ; sé pousa mouin di : “Sé nan min-m l-ap résevoua, épi l-ap anonsé nou” ».

Paròl Granmèt la.

Jédi

ASANSION GRANMÈT LA

PRÉMIÉ LÉKTU

Pandan y-ap gadé-l, li lèvé.

Léktu Travay Apot yo

1, 1-11

Mouin té fè yon premié liv, Téofil, sou tou sa Jézu té kòmansé fè ak sa-l té aprann, jous nan jou, lè-l té passé Apot yo lòd la pa pouvoua Éspri Sin-an, yo minm li té chouazi-a, li monté ; yo minm li té parèt dévan yo byin vivan-an apré soufrans li-a avèk anpil prèv, pandan karant jou li parèt dévan yo, l-ap palé yo sou péyi roua Bondié-a.

Pandan l-ap manjé, li passé yo lòd pou yo pa kité Jérusalèm, min pou yo tann réalisation promès Papa-a, li di : « Sa nou té tandé nan bouch mouin-an ; sèké Jan té batizé nan dlo, min nou minm sé nan Éspri Sin-an n-ap résévoua batèm, nan kèk jou ».

Konsa, sa yo té rasanblé yo, yo t-ap pozé-l késion, yo t-ap di : « Granmèt, èské sé nan tan sa-a ou-ap réfè péyi roua Israël la ? » Li di yo : « Sé pa nou minm k-ap konnin tan ak moman Papa-a désidé nan pouvoua-l ; min n-ap résévoua fòs Éspri Sin-an k-ap vini sou nou, n-ap sèvi-m témouin Jérusalèm, nan tout Judé-a ak Samari-a, épi jous nan bout tè-a ».

Kon-l fi-n di sa, pandan y-ap gadé-l, li monté ; yon nuaj kaché-l dévan jé yo. Kòm yo t-ap gadé l-apralé nan sièl la, gin dé mésié ki vi-n kanpé bò koté yo, abiyé tout-an-blanc, yo di : « Mésié Galiléyin yo, pou ki sa nou kanpé ap gadé nan sièl la ? Jézu sa-a yo pran nan min nou-an nan sièl la, sé konsa l-ap vini minm jan nou ouè-l alé nan sièl la ».

Paròl Granmèt la.

PSÒM RÉPONS

Ps 46, 2-3. 6-7. 8-9 (R : 6)

R: Bondié monté nan gran fèt, Granmèt la monté nan son tronpèt.

oubyin : Alélouya

- 2 Tout nasion yo, sé pou nou bat bravo,
fè louanj pou Bondié avèk rèl kè kontan.
- 3 Paské Granmèt la ki anro nèt la, li térib,
roua ki gran anlè tout tè-a. *R.*
- 6 Bondié monté nan gran fèt,
Granmèt la monté nan son tronpèt.
- 7 Fè louanj pou Bondié, fè louanj ;
fè louanj pou roua nou-an, fè louanj. *R.*
- 8 Paské Bondié sé roua tout tè-a,
fè louanj avèk sajès.
- 9 Bondié roua sou nasion yo,
Bondié chita sou tro-n li ki sin-an. *R.*

DÉZIÈM LÉKTU

Li instalé-l adouat li nan sièl yo.

Léktu lèt apot sin Pòl pou Éfézyin yo

1, 17-23

Frè-m yo :

Bondié Granmèt nou Jézu-Kri, Papa gloua-a, sé pou-l ba nou Éspri sajès ak révélation nan konésans li ; sé pou-l kléré jé kè nou, pou nou konnin ki éspérans rélé li rélé nou-an ginyin, ki richès gloua éritaj li-a pou sin yo, ki grandè éstraòdinè pouvoua li-a nan nou minm ki kouè yo, dapré aktivité fòs pouvoua-l, sa-l déplouayé nan Kris la, antan-l résisité-l sot nan pami mò yo, li instalé-l adouat li nan sièl yo, anlè tout chèf, pouvoua, otorité ak kòmandman, ak tout nan yo kapab nonmin non sèlman nan sièl sa-a, min nan sa k-ap vini-an tou.

Li mété tout bagay anba pié-l, li mété-l kòm tèt anlè tout Égliz la, ki kò-l la, sa-l plin-an, li minm ki réalisé tout bagay nan tout moun.

Paròl Granmèt la

ALÉLOUYA

Mt 28, 19 a. 20 b

R. Alélouya. Alé, anségné tout nasion, sé sa Granmèt la di ;
mouin avèk nou tou lé jou jous nan finisman sièk tan-an. *R.* Alélouya.

ÉVANJIL

Ané A

Yo rinnèt mouin tout pouvoua nan sièl la ak sou tè-a.

✠ **Finisman sint Évanjil la dapré Matié** 28, 16-20

Lè sa-a :

Onz disip yo pati nan Galilé-a nan mòn nan, koté Jézu té dézignin yo-a. Lè yo ouè-l, yo adoré-l ; kèk douté poutan. Jézu minm proché, li palé avèk yo, li di :

« Yo rinnèt mouin tout pouvoua nan sièl la ak sou tè-a ; konsa alé, instoui tout nasion yo, batizé yo o non Papa-a, ak Pitit la, ak Éspri Sin-an, aprann yo kinbé tou sa mouin té kòmandé nou yo. Min mouin avèk nou tou léjou jous nan finisman sièk tan-an ».

Paròl Granmèt la.

Ané B

Li monté nan sièl épi li chita adouat Bondié.

✠ **Finisman sint Évanjil la dapré Mark** 16, 15-20

Lè sa-a : Jézu parèt kot Onz yo, li di yo :

« Alé sou tout tè-a, préché bòn nouvèl la bay tout kréati. Moun ki kouè épi ki batizé, l-ap sové ; min moun ki pa kouè, l-ap kondané. Min sign k-ap suiv sa yo ki kouè yo : o non-m y-ap chasé démon yo, y-ap palé nouvo lang, y-ap kinbé sèrpan, épi, si yo bouè yon pouazon, li pap fè yo anyin ki mal, y-ap pozé min sou malad yo, malad yo ap réfè ».

Granmèt Jézu, lè-l fi-n palé avèk yo, yo pran-l nan sièl la, li chita adouat Bondié. Yo minm minm yo pati y-al préché tou patou, Granmèt la t-ap édé yo, li t-ap asiré paròl la avèk sign yo ki t-ap suiv yo.

Paròl Granmèt la.

Ané C

Pandan l-ap béni yo, li monté nan sièl la.

✠ **Finisman sint Évanjil la dapré Luk** 24, 46-53

Lè sa-a : Jézu di disip li yo :

« Sé konsa sa té ékri, sé konsa Kris la té gin pou-l té soufri, pou-l té résisité sot nan pami mò yo sou touazièm jou-a, pou yo préché o non-l konvèsion ak padon péché yo nan tout nasyon, kòmansé dépi Jérusalèm. Nou témouin bagay sa yo.

Mouin minm m-ap voyé promès Papa-m nan nan nou ; nou minm minm sé pou nou rété nan vil la, joutan nou vlopé ak pouvoua ki sot anro-a ».

Li minnin yo déyò, Bétani, li lévé min-l, li béni yo. Rivé, pandan li t-ap béni yo, li kite yo, li monté nan sièl la. Yo minm yo adoré, yo tounin Jérusalèm avèk gran kontantman, tout tan yo té nan tanp la, yo t-ap fè louanj, yo t-ap fè konpliman pou Bondié. Amèn.

Paròl Granmèt la.

Si yo vlé, pou ané B épi C :

DÉZIÈM LÉKTU

Ané B

Nan mézi dènié dévlopman Kris la.

Léktu lèt apot sin Pòl pou Éfézyin yo

4, 1-13

Frè-m yo :

Mouin priyé nou, mouin minm prizonié nan Granmèt la, pou nou maché korèk dapré diréksion voua ki rélé nou-an, antan nou rété nan pòv ti kondision moun nou-an, antan nou tou dou, antan nou pran pasians pou nou youn sipòté lòt nan charité-a ; fè éfò pou nou konsèvé éspri ki fè nou fè yon sèl la nan chinn lapè-a.

Yon sèl kò ak yon sèl éspri, minm jan yo rélé nou nan yon sèl éspérans ki nan bout chémin koté yo rélé nou-an ; yon sèl Granmèt, yon sèl lafoua, yon sèl batèm ; yon sèl Bondié ak Papa tout moun, ki anlè tout moun, ki nan tout bagay épi ki nan nou tout.

Chak moun nan nou jouinn kado gras la dapré sa Kris la méziré pou li-a. Sé poua yo di : « Antan-l monté nan rotè-a, li kondui prizonié, li bay moun yo kado yo ».

Késion li monté sa-a, sa sa vlé di, si sé pa paské li té kòmansé désann nan réjion ki anba tè-a ? Sa-a ki désann nan, sé li minm tou ki té monté anlè tout sièl yo, pou-l plin tout bagay.

Sé li minm ki bay kèk moun gras pou yo apot, kèk lòt minm sé profèt, dèt ankò sé sa-k évanjélis, dèt yo minm sé gadyin ak savan sakré : konsa sin yo kapab vi-n kòrèk nèt nan travay sèvis la, antan kò Kris la ap bati, joutan nou tout nou rivé fè yon sèl nan lafoua-a ak nan konésans Pitit Bondié-a, pou nou tout ansanm nou vi-n sèl moun sa-a ki kòrèk nèt la, nan mézi dènié dévlopman Kris la.

Paròl Granmèt la.

oubyin pi kout

Léktu lèt apot sin Pòl pou Éfézyin yo

4, 1-7. 11-13

Frè-m yo :

Mouin priyé nou, mouin minm prizonié nan Granmèt la, pou nou maché korèk dapré diréksion voua ki rélé nou-an, antan nou rété nan pòv ti kondision moun nou-an, antan nou tou dou, antan nou pran pasians pou nou youn sipòtè lòt nan charité-a ; fè éfò pou nou konsèvé éspri ki fè nou fè yon sèl la nan chinn lapè-a.

Yon sèl kò ak yon sèl éspri, minm jan yo rélé nou nan yon sèl éspérans ki nan bout chémin koté yo rélé nou-an ; yon sèl Granmèt, yon sèl lafoua, yon sèl batèm ; yon sèl Bondié ak Papa tout moun, ki anlè tout moun, ki nan tout bagay épi ki nan nou tout.

Chak moun nan nou jouinn kado gras la dapré sa Kris la méziré pou li-a. Sé li minm ki bay kèk moun gras pou yo apot, kèk lòt minm sé profèt, dèt ankò sé sa-k évanjélis, dèt yo minm sé gadyin ak savan sakré : konsa sin yo kapab vi-n kòrèk nèt nan travay sèvis la, antan kò Kris la ap bati, joutan nou tout nou rivé fè yon sèl nan lafoua-a ak nan konésans Pitit Bondié-a, pou nou tout ansanm nou vi-n sèl moun sa-a ki kòrèk nèt la, nan mézi dènié dévlopman Kris la.

Paròl Granmèt la.

Ané C*Kris la, sé nan sièl la minm li antré.***Léktu lèt pou Ébré yo****9, 24-28 ; 10, 19-23**

Jézu pa-t antré nan yon tanp ki fèt ak min moun, nan pòtré bagay ki vré yo, min sé nan sièl la minm li antré pou-l parèt koulié-a dévan fas Bondié pou nou ; sé pa pou-l kapab ofri tèt li anpil foua, tankou prèt an chèf la ki blijé antré chak ané nan tanp la ak san ki pa pou li ; otréman li t-a blijé soufri anpil foua dépi kòmansman tè-a. Min koulié-a, sé yon sèl foua pou tout jous finisman sièk tan yo, li parèt pou-l détoui péché-a.

Minm jan déstiné moun yo sé pou yo mouri yon sèl foua, épi apré sa, pou yo parèt pou jijman-an, konsa tou Kris la ofri tèt li yon sèl foua pou-l éfasé péché tout foul moun yo, apré sa, l-ap parèt yon dézièm foua, san késion péché-a, pou moun yo k-ap tann li pou-l sové yo-a.

Frè-m yo, antan nou gin asirans pou nou antré nan tanp la avèk san Kris la, sé yon chemin nouvo ki vivan li louvri pou nou lè-l travèsé voua-l la, sa vlé di chè-l la, kòm prèt an chèf sou kay Bondié-a ; sé pou nou proche avèk yon kè sinsè nan tout lafoua-a, antan kè nou fi-n pròpté sot nan mové konsians la, antan kò nou fi-n lavé ak dlo ki pròp.

Sé pou nou kinbé déklarasion lafoua nou-an san fébli ; li fidèl réyèlman sa-a ki té promèt la.

Paròl Granmèt la.

Jédi

Nan réjion koté yo transpòté fèt Asansion Granmèt la nan sètièm dimanch Pak, jodi-a y-a sèvi ak léktu sa yo :

*Li té rété lakay yo, li t-ap travay,
li t-ap diskité nan sinagòg la.*

Léktu Travay Apot yo

18, 1-8

Nan jou sa yo :

Pòl kite Atèn, li rivé Korint ; li jouinn yon Juif yo rélé Akila, sé moun Pon, li té fèk sot an-Itali, avèk Prisil madanm li (paské Klod té pasé lòd pou tout Juif yo kite Ròm), l-al jouinn yo. Kòm sé minm métié yo té ginyin, li rété lakay yo, l-ap travay ; sé tant yo té konn fè. Li t-ap diskité nan sinagòg la chak saba, antan-l mété non Granmèt Jézu nan mitan, li t-ap éséyé konvink Juif yo ak Grèk yo.

Lè Silas ak Timoté rivé sot Masédoua-n, Pòl mété tout fòs li nan paròl la, l-ap sèvi témouin dévan Juif yo, Jézu sé Kris la. Yo minm yo kontrédi-l, yo jouré-l, li souké rad li, li di yo : « San nou sou tèt nou ; mouin minm mouin pròp, apati koulié-a sé kot nasion yo m-apralé ».

Li sot la, li antré nan kay yon moun yo rélé Titus Justus, yon moun ki adoré Bondié, kay li té tou kolé ak sinagòg la. Krispus minm, chèf sinagòg la vi-n kouè nan Granmèt la avèk tout kay li, anpil Korintyin lè yo tandé-l, yo kouè, yo résévoua batèm.

Paròl Granmèt la.

PSÒM RÉPONS

Ps 97, 1. 2-3 ab. 3 cd-4 (R : cf. 2 b)

R : Dévan fas nasion yo Granmèt la révéle sové li sové nou-an.

oubyin : Alélouya.

- ¹ Chanté yon kantik nouvo pou Granmèt la, poutèt mèvèy li fè.
Min douat li sové pou li,
bra li ki sin-an. R
- ² Granmèt la fè konnin sové li sové nou-an,
dévan fas nasion yo li révéle jistis li-a.

- 3 Li sonjé mizérikòd li,
ak vérité-l pou kay Israèl la. **R:**
Tout limit tè-a ap ouè sové Bondié sové nou-an.
- 4 Bat bravo pou Bondié, tout tè-a,
éklaté, dansé, chanté. **R:**

ALÉLOUYA

Cf. Jan 14, 18

R: Alélouya. Mouin pap kité nou òfèlin, sé sa Granmèt la di ;
m-apralé épi m-ap vi-n jouinn nou, épi kè nou ap kontan. **R:**
Alélouya.

Nan plas vèsè anvan Évanjil la sa yo prezanté pou chaj jou yo yo kapab sèvi avèk yon lòt nan sa y-a jouinn pi louin yo, p. 584.

ÉVANJIL

*Nou gin chagrin,
min chagrin nou-an ap vi-n tounin kè kontan.*

✠ Léktu sint Évanjil la dapré Jan

16, 16-20

Lè sa-a :

Jézu té di disip li yo : « Yon ti moman ankò, épi nou pap ouè-m : épi yon lòt ti moman ankò, épi n-ap ouè-m, paské m-apral kay Papa-a ».

Gin nan disip li yo ki t-ap di antan youn ap palé ak lòt : « Ki bagay sa-a l-ap di nou-an : “Yon ti moman ankò, épi nou pap ouè-m ; épi yon lòt ti moman ankò, épi n-ap ouè-m”, épi “M-apral kay Papa-a” ? » Konsa yo t-ap di : « Ki bagay sa-a l-ap di-a : “Yon ti moman ankò-a” ? Nou pa konn ki sa l-ap di-a ».

Jézu té konnin yo té vlé pozé-l kèsion, li di yo : « Sé sou bagay sa-a n-ap chèché antré nou, poutèt mouin di : “Yon ti moman ankò, épi nou pap ouè-m ; épi yon lòt ti moman ankò, épi n-ap ouè-m”. Amèn, amèn, mouin di nou, n-ap plinn, n-ap kriyé, nou minm ; min tè-a ap kontan. Nou minm n-ap nan chagrin, min chagrin nou-an ap vi-n tounin kè kontan ».

Paròl Granmèt la.

Vandrédi

PRÉMIÉ LÉKTU

Mouin gin yon gran pèp nan vil sa-a.

Léktu Travay Apot yo

18, 9-18

Pandan Pòl té Korint, Granmèt la di-l yon nuit nan vizion : « Pa pè, sé pou-ou palé, pa pé bouch ou. Paské mouin avèk ou, pèsòn pap pozé min sou ou pou yo fè-ou kichòy, sèké mouin gin yon pèp ki anpil pou mouin nan vil sa-a ». Li rété la yon ané ak si moua, l-ap anségné paròl Bondié-a lakay yo.

Pandan Galion té préfè Akayi, Juif yo mét ansanm yo fè konplo kont Pòl, yo kondui-l nan tribinal, yo di : « Sa-a alé kont laloua-a, l-ap pran tèt moun yo pou yo adoré Bondié ».

Pòl minm té kòmansé ap louvri bouch li, Galion di Juif yo : « Si sé té yon krim oubyin yon mové aksion, mésié Juif yo, mouin t-a pran ka nou byin. Min si sé késion sou mo ak non ak laloua nou-an, sé nou minm ki pou ouè sa ; mouin pa vlé jij bagay sa yo ». Li ranvouayé yo sot nan tribinal la.

Tout moun sézi Sostèn, chèf sinagòg la, yo kòmansé frapé-l dévan tribinal la, Galion minm pa okipé yo.

Kanta Pòl, li té rété ankò kèk jou, apré sa li kité frè yo, li navigé pou Siri (Prisil avèk Akila té avèk li). Li té fè koupé chévé-l Sankré ; paské li té fè yon vé.

Paròl Granmèt la.

PSÒM RÉPONS

Ps 46, 2-3. 4-5. 6-7 (R: 8 a)

R: Bondié roua tout tè-a.

oubyin : Alélouya.

- 2 Tout nasion yo, sé pou nou bat bravo, fè louanj pou Bondié avèk kè kontan.
- 3 Paské Granmèt la ki anro nèt la, li térib, roua ki gran anlè tout tè-a. R:

- 4 Li mété pèp yo anba lòd nou,
ak nasion yo anba pié nou.
- 5 Li chouazi éritaj nou pou nou,
gloua Jakòb la, sa-a li rinmin-an. **R:**
- 6 Bondié monté nan gran fèt,
Granmèt la monté nan son kléron,
- 7 Fè louanj pou Bondié, fè louanj ;
fè louanj pou roua nou-an, fè louanj. **R:**

ALÉLOUYA

Cf. Lk 24, 46. 26

R: Alélouya. Kris la té gin pou-l soufri, pou-l résisité sot nan pami mò yo ;
épi pou-l antré konsa nan gloua-l la. **R:** Alélouya.

ÉVANJIL

Kè kontan nou-an, pèsòn pap ouété-l sot nan nou.

✠ Léktu sint Évanjil la dapré Jan

16, 20-23 a

Lè sa-a : Jézu di disip li yo :

« Amèn, amèn, mouin di nou, n-ap kriyé, n-ap plinn, tè-a minm ap nan kè kontan. N-ap gin lapinn, min lapinn nou-an ap vi-n tounin kè kontan.

Yon madanm k-ap anfanté, li nan lapinn, paské lè-l rivé ; min lè-l fi-n fè pitit la, li pa sonjé soufrans la ankò akòz kè kontan-an, paské yon moun fèt sou tè-a.

Konsa nou minm tou koulié-a nou gin lapinn ; min m-ap ouè nou ankò, kè nou ap kontan, kè kontan nou-an, pèsòn pap pran-l sot nan nou. Jou sa-a nou pap mandé-m anyin ».

Paròl Granmèt la.

Samdi

PRÉMIÉ LÉKTU

Apolon té fè ouè dapré sa-k ékri yo kijan Jézu sé Kris.

Léktu Travay Apot yo

18, 23-28

Apré kèk tan li pasé Antiòch, Pòl pati, li travèsé réjion Galasi-a ak Friji-a youn apré lòt, l-ap bay tout disip yo asirans.

Té gin yon Juif yo té rélé Apolon, yon moun Aléksandri, ki té konn palé byin, li rivé Éfèz, li té fò nan sa-k ékri yo. Li té gin konésans chémin Granmèt la ; li té gin chalè éspri nan paròl li, li t-ap bay ansègnman sou Jézu yon fason égzak, min sé batèm Jan-an sèlman li té konnin. Li kòmansé mét aktivité avèk asirans nan sinagòg la. Lè Prisil avèk Akila tandé-l, yo pran-l, yo montré-l chémin Granmèt la yon fason pi égzak ankò.

Kòm li té vlé alé Akayi, frè yo,. mété ankourajman, yo ékri disip yo pou yo résévoua-l. Lè-l rivé, li bay fidèl yo gran konkou. Sèké li t-ap kontrédi Juif yo an piblik, antan-l montré dapré sa-k ékri yo Jézu sé Kris.

Paròl Granmèt la.

PSÒM RÉPONS

Ps 46, 2-3. 8-9. 10 (R : 8 a)

R Bondié roua tout tè-a.

oubyin : Alélouya.

2 Tout nasion yo, sé pou nou bat bravo,
fè louanj pou Bondié avèk rèl kè kontan.

3 Paské Granmèt la ki anro nèt la, li téréb,
roua ki gran anlè tout tè-a. R

8 Paské Bondié sé Roua tout tè-a,
fè louanj avèk sajès.

9 Bondié roua sou nasion yo,
Bondié chita sou tro-n li ki sin-an. R

10 Chèf pèp yo rasanblé,
ansanm ak pèp Bondié Abraam nan,
paské zam défans yo sou tè-a, sé pou Bondié :
li lévé byin ro. R

ALÉLOUYA

Jan 16, 28

℞ Alélouya. Mouin soti nan Papa-a, épi mouin vini sou tè-a ;
m-ap kité tè-a ankò, épi m-apralé kay Papa-a. ℞ Alélouya.

ÉVANJIL

*Papa-a rinmin nou, paské nou rinmin-m,
épi nou kouè nan mouin.*

✠ Léktu sint Évanjil la dapré Jan

16, 23 b-28

Lè sa-a : Jézu di disip li yo :

« Amèn, amèn mouin di nou, si nou mandé Papa-a kichòy o non-m, l-ap ba nou-l. Jous koulié-a nou pa mandé anyin o non-m. Mandé, n-ap jouinn, pou kè nou kapab kontan nèt.

Bagay sa yo sé an parabòl mouin té palé nou yo. Lè-a rivé, sé pa an parabòl ankò m-ap palé avèk nou, min sé aklè m-ap anonsé nou sa-k konsèné Papa-a. Jou sa-a n-ap mandé o non-m ; mouin pa di nou m-ap priyé Papa-a pou nou. Papa-a li minm li rinmin nou, paské nou rinmin-m, épi nou kouè sé nan Bondié mouin soti.

Mouin soti nan Papa-a, épi mouin vini sou tè-a ; m-ap kité tè-a ankò épi m-apralé kay Papa-a ».

Paròl Granmèt la.

SÉTIÈM SÉMÈN PAK

Sétièm Dimanch Pak, ané A

PRÉMIÉ LÉKTU

Yo t-ap pèsévéré tout moun ansanm nan priyè.

Léktu Travay Apot yo

1, 12-14

Apré yo fi-n pran Jézu nan sièl la, Apot yo tounin Jérusalèm sot sou mòn yo rélé Olivie-a, ki tou pré Jérusalèm nan, yon chémin saba.

Lè yo antré nan chanmòt la, yo monté, koté yo té rété-a : Piè ak Jan, Jak ak André, Filip ak Toma, Bartélémi ak Matié, Jak pitit Alfé-a ak Simon Zélòt la, ak Jud pitit Jak la. Yo tout sa yo t-ap pèsévéré ansanm nan priyè avèk médam yo avèk Mari manman Jézu ak frè-l yo.

Paròl Granmèt la.

PSÒM RÉPONS

Ps 26, 1. 4. 7-8 a (R: : 13)

R: Mouin kouè m-ap ouè byin Granmèt la nan tè vivan yo.

oubyin : Alélouya.

- 1 Granmèt la sé klète-m, épi li sové-m, kilès pou-m pè ?
Granmèt la sé protéksion lavi-m, dévan kilès pou-m tranblé ? R:
- 4 Yon sèl bagay mouin mandé Granmèt la, sé sa m-ap chèché :
abité kay Granmèt la
tout tan lavi-m,
pou-m ouè dousè Granmèt la,
pou-m vizité tanp li-a. R:
- 7 Granmèt, kouté voua-m k-ap rélé,
pitié pou mouin, kouté-m.
- 8 Sé sou ou kè-m té di : « Chèché fas li ». R:

DÉZIÈM LÉKTU

*Si yo jouré nou pou non Kris la,
ala kontantman pou nou.*

Léktu prémié lèt apot sin Piè

4, 13-16

Nou minm mouin rinmin anpil la :

Antan nou patisipé nan soufrans Kris la, sé pou nou kontan, pou nou kapab fété ak kè kontan tou lè gloua li ap dévoualé-a. Si yo jouré nou pou non Kris la ala kontantman pou nou ; paské konsidérasion, gloua ak pouvoua Bondié, ak Éspri-l la pozé sou nou. Sèlman pèsòn nan nou pa doué souffri pou késion touyé moun oubyin vòlè oubyin jouré oubyin mét lidé sou byin prochin yo. Min si sé kòm krétyin, li pa doué ront, okontrè sé pou-l fè louanj Bondié o non sa-a.

Paròl Granmèt la.

ALÉLOUYA

Cf. Jan 14, 18

✠ Alélouya. Mouin pap kite nou òfélin, sé sa Granmèt la di :
m-apralé épi m-ap vi-n jouinn nou, kè nou ap kontan. ✠ Alélouya.

ÉVANJIL

Papa, bay Pitit ou-a gloua-a.

✠ Léktu sint Évanjil la dapré Jan

17, 1-11 a

Lè sa-a :

Jézu lévé jé-l nan sièl la, li di :

« Papa, lè-a rivé, bay Pitit ou-a gloua-a, pou Pitit ou-a fè ouè gloua-ou ; minm jan ou té ba-l pouvoua sou tout chè-a, pou tou sa-ou té ba-l, li ba yo lavi ki pap janm fini-an. Min lavi ki pap janm fini-an, sé pou yo rékonèt ou minm sèl Bondié ki vré-a, épi sa-a ou voyé-a, Jézu-Kri.

Mouin té fè ouè gloua-ou sou tè-a ; mouin fini sa-ou té ban-m fè-a. Koulié-a ban-m gloua-a, Papa, koté-ou, gloua sa-a mouin té ginyin-an, anvan tè-a té fèt la, koté-ou la.

Mouin té fè moun yo ouè non-ou, yo minm ou té ban mouin sot sou tè-a. Sé pou ou yo té yé, ou té ban mouin yo ; yo té kinbé paròl ou-a. Koulié-a yo konnin tou sa ou té ban mouin yo, sé nan ou yo soti, paské

ou ba yo paròl yo ou té ban mouin-an ; yo minm yo résévoua yo, yo konnin réyèlman sé nan ou mouin soti, yo kouè sé ou minm ki té voyé-m.

Mouin priyé pou yo : sé pa pou tè-a mouin priyé, min pou sa yo ou té ban mouin yo ; paské sé pou ou yo yé. Tou sa-m ginyin sé pou ou yo yé, épi sa-ou ginyin sé pou mouin yo yé, épi mouin jouinn gloua-m nan yo. Mouin déjà pa sou tè-a, yo minm yo sou tè-a, mouin minm m-ap vi-n jouinn ou ».

Paròl Granmèt la.

Sétièm Dimanch Pak, ané B

PRÉMIÉ LÉKTU

Sé pou youn nan sa yo vi-n tounin ansanm avèk nou témouin réziréksion-l nan.

Léktu Travay Apot yo

1, 15-17. 20 a. 20 c-26

Jou sa yo : Piè lévé nan mitan frè yo, li di (foul moun yo té apéprè san vin) :

« Mésié frè yo, sé pou sa-k ékri-a té réalisé, sa Éspri Sin-an té di nan bouch David sou Juda ki té kondui moun yo ki té vi-n arété Jézu-a, li té youn nan nou, li té gin plas li nan ministè sa-a. Min sa ki ékri nan liv Psòm yo : “Sé pou yon lòt résévoua responsabilité-l la”. Konsa nan moun sa yo ki rasanblé ansanm avèk nou-an tout tan-an, pandan tout tan Granmèt Jézu té konn antré-soti nan pami nou-an, kòmansé dépi sou batèm Jan-an jous jou li monté kité nou-an, sé pou youn nan yo vi-n tounin ansanm avèk nou témouin réziréksion-l nan ».

Yo prezanté dé, Jozèf yo rélé Barsabas, ki gin ti non Korèk, avèk Matias. Épi antan yo priyé, yo di : « Ou minm Granmèt, ki konnin kè tout moun, montré sa-a ou chouazi nan dé sa yo pou-l pran plas ministè sa-a ak apostola-a, sa Juda pati kité-l la pou-l al fè rout li-a ». Yo tiré osò sou yo, sò-a tonbé sou Matias, yo mété-l nan group Onz Apot yo.

Paròl Granmèt la.

PSÒM RÉPONS

Ps 102, 1-2. 11-12. 19-20 ab (R: 19 a)

R: Granmèt la paré tro-n li nan sièl la.

oubyin : Alélouya.

- ¹ Fè konpliman pou Granmèt la nanm mouin ;
 tou sa-k anndan-m, fè konpliman pou non-l ki sin.
- ² Fè konpliman pou Granmèt la, nanm mouin,
 pa bliyé tou sa-l fè yo. R:
- ¹¹ Sèké otan sièl la ro anlè tè-a,
 mizérikòd li débòdé sou sa yo ki krinn li yo ;
- ¹² otan olévan louin ak okouchan,
 li ranvouayé péché nou yo louin nou. R:
- ¹⁹ Granmèt la paré tro-n li nan sièl la,
 péyi roua-l la ap kòmandé sou tout bagay.
- ²⁰ Fè konpliman pou Granmèt la, tout anj li yo,
 ki gin pouvoua ak fòs, pou réalizé paròl li-a. R:

DÉZIÈM LÉKTU

*Moun ki rété nan rinmin-an,
 li rété nan Bondié, épi Bondié rété nan li.*

Léktu prémié lèt apot sin Jan

4, 11-16

Nou minm mouin rinmin anpil la, si Bondié rinmin nou, konsa, nou minm tou, sé pou nou youn rinmin lòt. Bondié, pèsòn pa janm ouè-l. Si nou youn rinmin lòt, Bondié rété nan nou, rinmin-l nan fi-n réalizé nèt nan nou. Min kijan nou rékonèt nou rété nan li, épi li minm nan nou, sé paské li ba nou nan Éspri-l la.

Nou minm, nou té ouè, nou sèvi témouin, Papa-a voyé Pitit li-a pou sovè tè-a. Tout moun ki déklaré Jézu sé Pitit Bondié, Bondié rété nan li, li minm tou nan Bondié. Nou minm nou konnin, épi nou kouè nan rinmin Bondié gin pou nou-an. Bondié sé rinmin, moun ki rété nan rinmin-an, li rété nan Bondié, épi Bondié nan li.

Paròl Granmèt la.

ALÉLOUYA

Cf. Jan 14, 18

℞ Alélouya. Mouin pap kité nou òfélin, sé sa Granmèt la di :
m-apralé épi m-ap vi-n jouinn nou, kè nou ap kontan. ℞ Alélouya.

ÉVANJIL

Sé pou yo fè youn tankou nou minm.

✚ Léktu sint Évanjil la dapré Jan

17, 11 b-19

Lè sa-a : Jézu lévé jé-l nan sièl la, li priyé, li di :

« Papa ki sin, sa yo ou ban mouin-an, kinbé yo o non-ou, pou yo fè yon sèl tankou nou minm. Lè-m té avèk yo-a, mouin té kinbé yo o non-ou. Sa yo ou té ban mouin-an, mouin té véyé sou yo, pèsòn nan yo pa péri, sof pitit pèdision-an, pou sa-k ékri-a réalizé.

Koulié-a m-ap vi-n jouinn ou, mouin di bagay sa yo sou tè-a, pou yo gin kè kontan-m nan ki réalizé nan yo minm. Mouin té ba yo paròl ou-a, tè-a rayi yo, paské yo pa fè pati tè-a, minm jan mouin minm mouin pa fè pati tè-a. Mouin pa mandé pou-ou ouété yo sot sou tè-a, min pou-ou prézèvé yo sot anba sa ki mal la. Yo pa fè pati tè-a, minm jan mouin minm mouin pa fè pati tè-a.

Konsakré yo nan vérité-a : paròl ou-a sé vérité. Minm jan ou té voyé-m sou tè-a, mouin minm tou mouin voyé yo sou tè-a. Mouin konsakré tèt mouin pou yo, pou yo kapab konsakré yo minm tou nan vérité-a ».

Paròl Granmèt la.

Sétièm Dimanch Pak, anné C

PRÉMIÉ LÉKTU

Mouin ouè Pitit moun nan ki kanpé adouat Bondié.

Léktu Travay Apot yo

7, 55-60

Jou sa yo :

Kòm Étièn té plin ak Éspri Sin-an, antan li fikse sièl la, li té ouè gloua Bondié-a ak Jézu ki kanpé adouat Bondié, li di : « Mouin ouè sièl yo louvri, ak Pitit moun nan ki kanpé adouat Bondié ». Yo lévé voua yo

byin fò, yo fèmin zòrèy yo, yo fonsé ansanm sou li. Yo jété-l déyò vil la, yo kòmansé kalonnin-l ak kout ròch. Témouin yo té dépozé rad yo nan pié yon jénòm yo té rélé Sòl.

Pandan yo t-ap kalonnin-l ak kout ròch, Étièn t-ap priyé, li t-ap di : « Granmèt, résévoua éspri-m ». Li pozé jénou-l atè, li rélé byin fò, li di : « Granmèt, pa mété péché sa-a sou kont yo ». Pandan l-ap di sa, li dòmi nan Granmèt la. Sòl minm té dakò avèk sa yo ki té touyé-l la.

Paròl Granmèt la.

PSÒM RÉPONS

Ps 96, 1 é 2 b. 6 é 7 c. 9 (R : 1 a é 9 a)

R: Granmèt la roua, li anro nèt anlè tout tè-a.

oubyin : Alélouya.

- 1 Granmèt la roua sé pou tè-a fété,
sé pou pakèt zilé yo kontan ;
- 2 jistis ak jijman sé fondasion tro-n li. R:
- 6 Sièl yo té anonsé jistis li,
épi tout pèp yo té ouè gloua li,
- 7 Sé pou nou adoré-l, nou minm tout dié yo. R:
- 9 Paské ou minm Granmèt, ou anro nèt anlè tout tè-a,
ou lévé byin ro anlè tout dié yo. R:

DÉZIÈM LÉKTU

Vini, Granmèt Jézu !

Léktu liv Apokalips apot sin Jan

22, 12-14. 16-17. 20

Mouin minm, Jan, mouin tandé yon voua k-ap di-m :

« Min m-ap vini byin vit, rékonpans mouin avèk mouin, m-ap vi-n rinnèt chak moun dapré aksion-l yo. Mouin sé alfa avèk oméga, premié ak dènié, kòmansman ak finisman. Ala kontantman pou moun ki lavé rad yo nan san Mouton-an, pou yo jouinn pouvoua yo nan pié boua lavi-a, pou yo antré nan pòt yo nan vil la.

Mouin minm, Jézu, mouin voyé anj mouin-an pou-l sèvi témouin dévan nou pou bagay sa yo nan Égliz yo. Mouin sé rasi-n ak ras David, zétoual ki kléré byin bèl la, ki lévé granmatin-an ».

Éspri-a avèk Madanm k-ap marié-a di : « Vini ». Sa-a ki tandé-a, sé pou-l di : « Vini ». Moun ki souaf, sé pou-l vini. Moun ki vlé, l-ap résé-voua dlo lavi-a gratis.

Sa-a ki sèvi bagay sa yo témouin-an, li di : « Oui, m-ap vini byin vit ».

Amèn. Vini, Granmèt Jézu !

Paròl Granmèt la.

ALÉLOUYA

Cf. Jan 14, 18

✠ Alélouya. Mouin pap kité nou òfélin, sé sa Granmèt la di :
m-apralé épi m-ap vi-n jouinn nou, kè nou ap kontan. ✠ Alélouya.

ÉVANJIL

Sé pou yo fè yon sèl nèt !

✠ Léktu sint Évanjil la dapré Jan

17, 20-26

Lè sa-a : Jézu lévé jé-l nan sièl la, li priyé, li di :

« Papa ki sin, sé pa pou yo minm sèlman mouin priyé, min pou sa yo tou k-ap kouè nan mouin gras a paròl yo-a, pou tout moun fè yon sèl, tankou ou minm, Papa, ou nan mouin, épi mouin nan ou, pou yo minm tou yo fè yon sèl nan nou, pou tè-a kouè sé ou minm ki voyé-m.

Mouin minm, gloua-a ou té ban mouin-an, mouin ba yo-l, pou yo fè yon sèl tankou nou minm nou fè yon sèl la. Mouin minm nan yo, épi ou minm nan mouin, pou yo fè yon sèl nèt, pou tè-a rékonèt sé ou minm ki voyé-m, épi mouin rinmin yo, tankou ou rinmin-m.

Papa, sa yo ou té ban mouin-an, mouin vlé pou koté-m yé-a sé la yo yé tou avè-m, pou yo ouè gloua-m nan, sa ou té ban mouin-an ; paské ou rinmin-m dépi anvan tè-a fèt.

Papa ki kòrèk, tè-a pa-t rékonèt ou ; mouin minm mouin konnin-ou, épi sa yo rékonèt sé ou minm ki voyé-m. Mouin fè yo konnin non-ou, m-ap fè yo konnin-l ankò, pou rinmin ou rinmin-m nan, li kapab nan yo, ni mouin minm nan yo ».

Paròl Granmèt la.

Lindi

PRÉMIÉ LÉKTU

Èské nou té résévoua Éspri Sin-an lè nou té kouè-a ?

Léktu Travay Apot yo

19, 1-8

Pandan Apolon té Korint, Pòl travèsé réjion anro yo, li rivé Éfèz, li jouinn kèk disip. Li di yo : « Èské nou té résévoua Éspri Sin-an lè nou té kouè-a ? » Yo di-l : « Nou pa minm tandé palé sou Éspri Sin-an ». Li di : « Nan ki sa nou té batizé ? » Yo di : « Nan batèm Jan-an ». Pòl di : « Jan té batizé pèp la nan batèm pénitans, antan li té di pou yo kouè nan sa-a ki gin pou-l vini apré-l la, sa-a minm sa vlé di nan Jézu ».

Lè yo tandé sa, yo batizé o non Granmèt Jézu. Lè Pòl pozé min sou yo, Éspri Sin-an vi-n sou yo ; yo t-ap palé nan lang, yo t-ap profétizé. Tout mésié yo té apèrè douz.

Li antré nan sinagòg la, li palé avèk asirans pandan toua moua, l-ap diskité, l-ap bay prèv sou péyi roua Bondié-a.

Paròl Granmèt la.

PSÒM RÉPONS

Ps 67, 2-3. 4-5 ac. 6-7 ab (R: 33 a)

R: Péyi roua yo ki sou tè yo, chanté pou Bondié.

oubyin : Alélouya.

- 2 Bondié lévé, sé pou ènmi-l yo gayé ;
sé pou sa yo ki rayi-l yo sové kò yo dévan fas li.
- 3 Tankou lafimin gayé, ou gayé yo ;
tankou lasi fonn dévan fas difé,
konsa péchè yo péri dévan fas Bondié. R:
- 4 Sé pou moun kòrèk yo fè kè yo kontan,
épi sé pou yo fété dévan fas Bondié,
sé pou yo joui nan kè kontan.
- 5 Chanté pou Bondié, di kantik pou non-l ;
Granmèt la sé non-l sa. R:
- 5 Papa òfélin yo ak jij vèv yo,
Bondié nan kay li ki sin-an.

⁷ Bondié ki fè pòv yo abité nan yon kay,
ki kondui prizonié yo nan richès. **R:**

ALÉLOUYA

Kol 3, 1

R: Alélouya. Si nou résisité avèk Kris la, sé bagay ki anro yo
pou nou chèché,
koté Kris la chita adouat Bondié-a. **R:** Alélouya.

ÉVANJIL

Pran konfians, mouin ranpòté viktoua sou tè-a.

✠ Léktu sint Évanjil la dapré Jan

16, 29-33

Lè sa-a :

Disip yo di Jézu : « Koulié-a minm ou-ap palé klè, ou pa di anyin an parabol. Koulié-a nou konnin ou konnin tout bagay, pèsòn pa bézouin pozé-ou késion : konsa nou kouè sé nan Bondié ou soti ».

Jézu réponn yo : « Koulié-a nou kouè ? Min lè-a ap rivé, li déjà rivé, chak moun ap gayé koté pa-l, n-ap kité-m pou kont mouin ; min mouin pa pou kont mouin, paské Papa-a avèk mouin.

Mouin di nou bagay sa yo pou nou gin lapè nan mouin. Sou tè-a n-ap gin tray, min, konfians, mouin ranpòté viktoua sou tè-a ».

Paròl Granmèt la.

Madi

PRÉMIÉ LÉKTU

*Mouin fini kous mouin,
ak sèvis paròl la mouin té résévoua nan min Granmèt Jézu-a.*

Léktu Travay Apot yo

20, 17-27

Jou sa yo :

Antan Pòl Milè, li voyé Éfèz pou yo rélé chèf Égliz yo. Lè yo rivé koté-l, yo té rasanblé, li di yo :

« Nou konnin, dépi premié jou mouin antré nan Azi-a, kijan mouin té aji avèk nou pandan tout tan, antan m-ap sèvi Granmèt la avèk éspri-m byin ba, avèk dlo nan jé, avèk tray yo ki té rivé-m nan konplo Juif yo ; kijan mouin pa-t néglijé anyin ki té kapab sèvi nou, pandan m-ap anonsé nou mèsaj la, m-ap anségné nou an piblik ak nan kay yo, antan m-ap bay Juif yo ak nasion yo témouagnaj pou yo chanjé vi-n jouinn Bondié, pou yo mét lafoua nan Granmèt nou Jézu-Kri.

Koulié-a minm min mouin maré nan Éspri-a m-apral Jérusalèm, sanm pa konn anyin nan sa-k gin pou yo rivé-m yo ; sof Éspri Sin-an avèti-m nan tout vil, li di : “Sé chinn ak tray k-ap tann mouin Jérusalèm”. Min mouin pa pè bagay sa yo, mouin pa konsidéré lavi-m gin plis inpòtans pasé-m, yon foua mouin fini kous mouin-an, ak sèvis paròl la, sa-m té résevoua nan min Granmèt Jézu-a, pou-m sèvi bòn nouvèl gras Bondié-a témouin.

Koulié-a min mouin konnin nou pap ouè fas mouin ankò, nou tout, koté mouin té pasé antan m-ap préché péyi roua Bondié-a. Sé poua mouin avèti nou jodi-a minm mouin inosan pou san tout moun. Mouin pa-t konn ralé kò-m chak foua mouin té doué anonsé nou tout avètisman Bondié ».

Paròl Granmèt la.

PSÒM RÉPONS

Ps 67, 10-11. 20-21 (R: 33 a)

R: Péyi roua yo ki sou tè yo, chanté Bondié.

oubyin : Alélouya.

¹⁰ Sé yon lapli gras ou té vidé, Bondié ;
éritaj ou-a ki fèb la, ou té réfè-l.

¹¹ Vivan-ou yo té abité ladan-l,
ou té paré-l pou pòv la nan bon kè-ou, Bondié. R:

²⁰ Konpliman pou Granmèt la chak jou ;
Bondié sovè nou-an ap poté nou.

²¹ Bondié nou, sé Bondié k-ap sovè nou ;
nan minm Granmèt la, pòt lanmò-a yé. R:

ALÉLOUYA

Jan 14, 16

℞ Alélouya. M-ap priyé Papa-a, l-ap ba nou yon lòt Avoka, pou-l rété avèk nou pou tout tan. ℞ Alélouya.

ÉVANJIL

Papa, bay Pitit ou-a gloua-a.

✚ Léktu sint Évanjil la dapré Jan

17, 1-11 a

Lè sa-a :

Antan Jézu lévé jé-l nan sièl la, li té di :

« Papa, lè-a rivé, bay Pitit ou-a gloua-a, pou Pitit ou-a fè ouè gloua-ou ; minm jan ou té ba-l pouvoua sou tout chè-a, pou tou sa-ou té ba-l, li ba yo lavi tout tan-an.

Mouin té fè ouè gloua-ou sou tè-a ; mouin fini sa-ou té ban-m fè-a. Koulié-a ban-m gloua-a, Papa, koté-ou, gloua sa-a mouin té ginyin-an, anvan tè-a té fèt la, koté-ou la.

Mouin té fè moun yo ouè non-ou, yo minm ou té ban mouin sot sou tè-a. Sé pou ou yo té yé, ou té ban mouin yo ; yo té kinbé paròl ou-a. Koulié-a yo konnin tou sa ou té ban mouin yo, sé nan ou yo soti, paské ou ba yo paròl yo ou té ban mouin-an ; yo minm yo résévoua yo, yo konnin réyèlman sé nan ou mouin soti, yo kouè sé ou minm ki té voyé-m.

Mouin priyé pou yo : sé pa pou tè-a mouin priyé, min pou sa yo té ban mouin yo ; paské sé pou ou yo yé. Tou sa-m ginyin sé pou ou yo yé, épi sa-ou ginyin sé pou mouin yo yé, épi mouin jouinn gloua-m nan yo. Mouin déjà pa sou tè-a, yo minm yo sou tè-a, mouin minm m-ap vi-n jouinn ou ».

Paròl Granmèt la.

Mèkrédi

PRÉMIÉ LÉKTU

*Mouin rékonmandé nou bay Bondié, ki gin pouvoua pou-l bati nou,
pou-l ba nou éritaj la.*

Léktu Travay Apot yo

20, 28-38

Jou sa yo : Pòl t-ap di chèf Égliz Éfèz yo :

« Fè atansyon nou, ni tout bann mouton-an, sa Éspri Sin-an instalé nou kòm évèk sou li-a pou nou kondui Égliz Bondié-a, Égliz sa-a li té achte ak san-l nan. Mouin minm mouin konnin lè-m fi-n pati gin lou méchan k-ap antré nan pami nou, yo pap ménajé bann mouton-an. Nan nou minm minm gin mésié k-ap lévé, k-ap palé paròl pèvèti, pou yo trinnin disip dèyè yo.

Sé poua, nou doué véyé, sonjé kijan pandan touazan lannuit kon lajounin mouin pa-t sispann avèti chak moun nan nou avèk dlo nan jé. Koulié-a minm mouin rékòmandé nou bay Bondié ak paròl gras li-a, ki gin pouvoua pou-l bati nou, pou-l ba nou éritaj nan pami tout sin yo.

Lajan ak lò oubyin rad pèsòn mouin pa-t anvi sa, jan nou minm nou konnin-an ; paské sa-m té bézouin, ak sa yo ki té avèk mouin-an, sé minm sa yo ki té travay pou sa. Mouin té montré nou tout bagay, sé antan n-ap travay konsa pou nou soutni sa-k fèb yo, pou nou sonjé paròl Granmèt Jézu-a ki té di : “Sé plis kontantman pou moun ki bay pasé sa-k résevoua” ».

Kon-l fi-n di sa, li mét jénou atè, li priyé avèk yo tout. Tout moun t-ap kriyé anpil, yo té lagé kò yo nan kou Pòl, yo t-ap anbrasé-l, yo té gin anpil chagrin pou paròl li té di-a : yo pa t-ap ouè figu-l ankò. Yo kondui-l jous nan batiman-an.

Paròl Granmèt la.

PSÒM RÉPONS

Ps 67, 29-30. 33-34 a. 35 b-36 c (R : 33 a)

R: Péyi roua yo sou tè-a, chanté pou Bondié.

oubyin : Alélouya.

²⁹ Kòmandé, Bondié, ak fòs ou ;
asiré sa, Bondié, sa-ou té réalizé nan nou-an.

- 30 Dépi nan tanp ou-a nan Jérusalèm
sé pou roua yo poté kado pou ou. **R:**
- 33 Péyi roua yo ki sou tè-a, chanté pou Bondié,
chanté kantik pou Granmèt la
chanté kantik pou Bondié,
- 34 li minm ki monté anlè sièl la nan diréksion olévan ;
min li lévé voua-l, voua pouvoua-l. **R:**
- 35 Bay Bondié pouvoua-a.
Sou Israèl grandè-l pouvoua-l nan nuaj yo.
- 36 Konpliman pou Bondié. **R:**

ALÉLOUYA

Cf. Jan 17, 17 b. a

R: Alélouya. Paròl ou-a, Granmèt, sé vérité ;
fè nou vi-n sin nan vérité-a. **R:** Alélouya.

ÉVANJIL*Sé pou yo fè yon sèl tankou nou minm !***✠ Léktu sint Évanjil la dapré Jan****17, 11 b-19**

Lè sa-a : Jézu lévé jé-l nan sièl la, li priyé, li di :

« Papa ki sin, konsèvé yo non-ou, sa yo ou té ban mouin-an, pou yo kapab fè yon sèl tankou nou minm. Lè-m té avèk yo-a, mouin té konsèvé yo o non-ou. Sa yo ou té ban mouin-an, mouin té véyé sou yo, pèsòn nan yo pa péri, sof piti pèdisyon-an, pou sa-k ékri-a té kapab réalizé.

Koulié-a minm m-ap vi-n jouinn ou, m-ap di bagay sa yo sou tè-a, pou yo kapab gin kè kontan-m nan ki réalizé nan yo minm. Mouin té ba yo paròl ou-a, tè-a rayi yo, paské yo pa fè pati tè-a, tankou mouin minm mouin pa fè pati tè-a. Mouin pa priyé pou-ou ouété yo sot sou tè-a, min pou-ou prézèvé yo sot nan sa-k mal la. Yo pa fè pati tè-a, tankou mouin minm mouin pa fè pati tè-a.

Fè yo vi-n sin nan vérité-a : paròl ou-a sé vérité. Tankou ou té voyé-m sou tè-a, mouin minm tou mouin voyé yo sou tè-a. Mouin konsakré tèt mouin pou yo, pou yo minm tou yo kapab vi-n sin nan vérité-a ».

Paròl Granmèt la.

Jédi

PRÉMIÉ LÉKTU

Ou gin pou-ou sèvi témouin a Ròm tou.

Léktu Travay Apot yo

22, 30 ; 23, 6-11

Jou sa yo :

Tribun-an té vlé konnin pi byin pouki sa Juif yo té akizé Pòl la, li lagé-l, li pasé lòd pou fè prèt yo rasanblé ak tout tribinal la ; li kondui Pòl, li mété-l kanpé nan mitan yo.

Pòl minm ki té konnin gin yon pati sé té pa sadiséyin yo, lòt la sé té pa farizyin yo, li rélé byin fò nan tribinal la : « Frè-m yo mouin sé farizyin, pitit farizyin ; sé pou éspérans ak rézireksion mò yo y-ap jijé-m nan ».

Kon-l di sa, vi-n gin divizion nan pami farizyin yo ak sadiséyin yo ; foul la défèt. Sadiséyin yo di pa gin rézireksion, ni anj, ni éspri ; farizyin yo minm kouè nan tou lédé. Vi-n gin yon gran rèl, gin kèk farizyin ki lévé, yo diskité, yo di : « Nou pa jouinn anyin ki mal nan mésié sa-a ; si sé yon éspri ki té palé avèk li-a, oubyin yon anj ? »

Kòm diskision-an t-ap vi-n pi gran, tribun-an té pè pou yo pa-t chiré Pòl, li pasé sòlda yo lòd pou yo désann, pou yo pran-l sot nan mitan yo, pou yo kondui-l nan prizon-an.

Nan nuit ki suiv la, Granmèt la kanpé koté-l, li di : « Pran kouraj ; minm jan ou sèvi-m témouin Jérusalèm nan, sé konsa tou ou-ap sèvi-m témouin a Ròm ».

Paròl Granmèt la.

PSÒM RÉPONS

Ps 15, 1-2 a é 5. 7-8. 9-10. 11 (R : 1)

R: Prézèvé-m, Bondié, paské mouin té éspéré nan ou.

oubyin : Alélouya.

¹ Prézèvé-m, Bondié, paské mouin éspéré nan ou.

² Mouin di Granmèt la : « Sé Granmèt mouin ou yé,

⁵ Granmèt, pòsion éritaj mouin ak kalis mouin :

sé ou minm ki kinbé déstiné mouin ». R.

- 7 M-ap fè konpliman pou Granmèt la ki ban-m intéljans ;
minm nannuit rin-m ban-m léson.
- 8 Mouin té mété Granmèt la dévan fas mouin tout tan,
paské li adouat minm, mouin pap tranblé. **R:**
- 9 Sé poua kè-m kontan, tout anndan fon kè-m ap dansé ;
minm chè-m pozé nan éspérans.
- 10 Paské ou pap lagé nanm mouin nan anba tè-a,
ou pap kité sin-ou nan ouè dékonpozision. **R:**
- 11 Ou-ap fè-m konnin rout lavi yo,
kè kontan k-ap débòdé avèk fas ou,
plézi adouat ou jous pou tout tan. **R:**

ALÉLOUYA

Jan 17, 21

R: Alélouya. Sé pou yo tout fè yon sèl,
tankou ou minm, Papa, avèk mouin nan ou,
pou tè-a kouè sé ou minm ki voyé-m, sé sa Granmèt la di. **R:**
Alélouya.

ÉVANJIL*Sé pou yo fè yon sèl nèt !***✠ Léktu sint Évanjil la dapré Jan**

17, 20-26

Lè sa-a : Jézu lévé jé-l nan sièl la, li priyé, li di :

« Papa ki sin, sé pa pou yo minm sèlman mouin priyé, min pou sa yo tou k-ap kouè nan mouin gras a paròl yo-a, pou tout moun fè yon sèl, tankou ou minm, Papa, ou nan mouin, épi mouin nan ou, pou yo minm tou yo fè yon sèl nan nou, pou tè-a kouè sé ou minm ki voyé-m.

Mouin minm gloua-ou la ou té ban mouin-an, mouin ba yo-l, pou yo fè yon sèl tankou nou minm nou fè yon sèl la. Mouin minm nan yo, épi ou minm nan mouin, pou yo fè yon sèl nèt, pou tè-a rékonèt sé ou minm ki voyé-m, épi mouin rinmin yo, tankou ou rinmin-m.

Papa, sa yo ou té ban mouin-an, mouin vlé pou koté-m yé-a sé la yo yé tou avè-m, pou yo ouè gloua-m nan, sa ou té ban mouin-an ; paské ou rinmin-m dépi anvan tè-a fèt.

Papa ki kòrèk, tè-a pa-t rékonèt ou ; mouin minm mouin konnin-ou, épi sa yo rékonèt sé ou minm ki voyé-m. Mouin fè yo konnin non-ou, m-

ap fè yo konnin-l ankò, pou rinmin ou rinmin-m nan, li kapab nan yo, ni mouin minm nan yo ».

Paròl Granmèt la.

Vandrédi

PRÉMIÉ LÉKTU

Jézu mouri, Pòl déklaré li vivan.

Léktu Travay Apot yo

25, 13 b-21

Jou sa yo :

Roua Agripa ak Bérénis té désann Sézaré pou salué Féstus. Kòm yo t-ap pasé pliziè jou la, Féstus palé ak roua-a osijè Pòl, li di :

« Gin yon mésié Féliks kité isit la kòm prizonié ; lè-m té Jérusalèm, chèf prèt yo ak ansyin Juif yo vi-n jouinn moun, yo mandé kondanasion kont li. Mouin réponn yo, sé pa abitud Romin yo pou yo kondané yon moun, anvan moun sa-a yo akizé-a, li gin moun ki akizé-l yo ki konparèt, pou-l gin okazion défann tèt li pou-l démontré akizasion-an pa vré.

Lè yo rasanblé isit la san réta, mouin pran plas nan landmin nan tribinal la, mouin pasé lòd pou yo minnin mésié-a. Sa yo ki té akizé-l la, yo kinbé pozision yo, min yo pa prezanté okinn kòz sou bagay mouin t-a konsidéré ki mal ; sé kèk késion sipèstision yo yo té ginyin kont li avèk sou yon sètin Jézu ki mouri, épi Pòl déklaré vivan.

Kòm mouin ézité nan késion sa-a, mouin té mandé-l si-l t-a vlé al Jérusalèm pou yo jijé-l laba-a sou bagay sa yo. Min Pòl mandé pou yo kinbé-l pou konésans Ogus, mouin pasé lòd pou yo kinbé-l, joutan mouin voyé-l bay Sézar ».

Paròl Granmèt la.

PSÒM RÉPONS

Ps 102, 1-2. 11-12. 19-20 ab (R : 19 a)

R: Granmèt la té paré tro-n li nan sièl la.

oubyin : Alélouya.

¹ Fè konpliman pou Granmèt la, nanm mouin ; tou sa-k anndan-m, fè konpliman pou non-l ki sin.

- ² Fè konpliman pou Granmèt la, nanm mouin,
pa bliyé tou sa-l fè yo. **R:**
- ¹¹ Sèké, otan sièl la ro anlè tè-a,
mizèrikòd li débòdé sou sa yo ki krinn li yo ;
- ¹² otan olévan louin ak okouchan,
li ranvouayé péché nou yo louin nou. **R:**
- ¹⁹ Granmèt la té paré tro-n li nan sièl la,
ringn li ap kòmandé sou tout bagay
- ²⁰ Fè konpliman pou Granmèt la, tout anj li yo,
ki gin pouvoua ak fòs pou réalizé paròl li-a. **R:**

ALÉLOUYA

Jan 14, 26

R: Alélouya. Éspri Sin-an ap aprann nou tout bagay ;
l-ap soufflé nou tou sa-m té di nou. **R:** Alélouya.

ÉVANJIL

Okipé ti mouton-m yo, okipé mouton-m yo.

✠ Léktu sint Évanjil la dapré Jan

21, 15-19

Lè Jézu té parèt dévan disip li yo, li té manjé avèk yo-a, li di Simon Piè : « Simon pitit Jan, èské-ou gin charité pou mouin plis pasé sa yo ? »

Li di-l : « Oui, Granmèt, ou konnin mouin rinmin-ou ».

Li di-l : « Okipé ti mouton-m yo ».

Li di-l ankò : « Simon pitit Jan, èské-ou gin charité pou mouin ? »

Li di-l : « Oui, Granmèt, ou konnin mouin rinmin-ou ».

Li di-l : « Okipé ti mouton-m yo ».

Li di-l pou touazièm foua-a : « Simon pitit Jan, èské-ou rinmin-m ? »

Piè pran lapinn, paské li té di-l touazièm foua-a « Èské-ou rinmin-m ? » Li di-l : « Granmèt, ou konnin tout bagay ; ou konnin mouin rinmin-ou ». Li di-l : « Okipé mouton-m yo. Amèn, amèn mouin di-ou, lè-ou té pi jèn, ou té konn maré senti-ou, épi ou-alé koté-ou vlé ; min lè ou-ap vi-n vié, ou-ap lonjé min-ou, yon lòt ap maré senti-ou, l-ap kondui-ou koté ou pa vlé ». Li té di sa pou-l montré ki kalité lanmò li t-ap sèvi pou-l fè ouè gloua Bondié. Lè-l fi-n di sa, li di-l : « Suiv mouin ».

Paròl Granmèt la.

Samdi

POU MÈS MATIN

PRÉMIÉ LÉKTU

Li rété a Ròm, l-ap préché péyi roua Bondié-a.

Léktu Travay Apot yo

28, 16-20. 30-31

Lè nou rivé a Ròm, yo pèmèt Pòl rété pou kont li avèk sòlda-a ki t-ap sivyé-l la.

Apré touazièm jou-a, li rélé chèf Juif yo. Lè yo rasanblé, li di yo : « Frè-m yo, mouin pa-t fè anyin kont pèp la oubyin abitud papa yo, Juif yo maré-m, yo rinmèt mouin nan min Romin yo. Lè Romin yo pozé-m késion, yo té vlé lagé-m, paské yo pa-t jouinn okinn kòz lanmò nan mouin.

Min Juif yo anpéché yo, mouin blijé rélé Sézar, sé pa paské mouin gin kichòy pou-m akizé nasion-m nan. Sé poua mouin mandé ouè nou pou-m palé ak nou ; sé poutèt éspérans Israèl la mouin maré ak chinn sa yo ».

Li rété dézan antié nan kay li-a ; li té konn résévoua tout moun ki té konn vi-n koté-l ; li t-ap préché péyi roua Bondié-a, li t-ap aprann yo sa-k konsèné Granmèt Jézu-Kri avèk asirans, san anpéchman.

Paròl Granmèt la.

PSÒM RÉPONS

Ps 10, 4. 5 é 7 (R : cf. 7 b)

R: Moun ki kòrèk yo ap ouè fas ou, Granmèt.

oubyin : Alélouya.

4 Granmèt la nan tanp li-a ki sin-an,

Granmèt la gin tro-n li nan sièl la.

Jé-l ap gadé sou pòv la,

pòpiè-l ap pozé pitit moun yo késion. R:

5 Granmèt la ap pozé moun ki kòrèk la ak méchan-an késion

moun ki rinmin péché-a, li rayi nanm li.

7 Sèké Granmèt la kòrèk, li rinmin jistis,

moun ki douat yo ap ouè fas li. R:

ALÉLOUYA

Cf. Jan 16, 7. 13

✠ Alélouya. M-ap voyé Éspri vérité-a ba nou, sé sa Granmèt la di ;
li minm l-ap aprann nou tout vérité-a. ✠ Alélouya.

ÉVANJIL

Sé disip sa-a ki ékri bagay sa yo, témouagnaj li-a vré.

✠ Léktu sint Évanjil la dapré Jan

21, 20-25

Lè sa-a :

Piè viré, li ouè disip sa-a Jézu té rinmin-an ki t-ap suiv ; li minm ki té pozé sou léstonmak li nan soupé-a, épi ki té di : « Granmèt, kilès k-ap rinmèt ou-a ? »

Konsa kon Piè ouè-l, li di Jézu : « Granmèt, sa-a minm sa k-ap rivé-l ? »

Jézu di-l : « Si-m vlé li rété joustan mouin vini, sa sa fè-ou ? Ou minm suiv mouin ».

Boui sa-a kouri nan pami frè yo : disip sa-a pap mouri. Époutan Jézu pa-t di : « Li pap mouri », min : « Si-m vlé li rété joustan mouin vini, sa sa fè-ou ? »

Sé disip sa-a ki sèvi témouin sou bagay sa yo, épi ki ékri yo ; nou konnin témouagnaj li-a vré.

Gin anpil lòt bagay Jézu té fè ; si yo t-a ékri yo chak, mouin pa kouè tè-a t-a kapab pran liv yo t-a ékri yo.

Paròl Granmèt la.

DIMANCH PANTKOT

VIJIL

Léktu sa yo, yo sèvi avèk yo nan Mès yo sélébré nan asouè samdi soua anvan soua apré prémié Vèp Dimanch Pantkot.

PRÉMIÉ LÉKTU

Yo rélé-l Babèl, paské sé la lang tout tè-a té gayé.

Léktu liv Jénèz la

11, 1-9

Tè-a té gin yon sèl lang ak minm paròl. Lè moun yo pati sot nan diréksion olévan, yo jouinn yon plinn nan tè Sinéar la, yo abité ladan-l.

Youn té di prochin-l : « An nou ouè, n-ap fè brik, n-ap kuit yo nan difé ». Brik yo sèvi yo kòm ròch, asfalt la sèvi yo kòm siman. Yo té di : « An nou ouè, n-ap fè yon vil ak yon sitadèl pou nou, tèt li gin pou-l touché sièl la, n-ap fè sonjé non nou, anvan nou séparé sou tout tè yo ».

Granmèt la té désann, pou-l ouè vil la ak sitadèl la pitit Adan yo té bati-a ; épi li té di : « Min yo fè yon sèl pèp ak yon sèl lang pou tout moun : yo kòmansé fè sa, yo pap kité pansé yo, joustan yo réalizé yo nan aksion. Konsa, an nou ouè, n-ap désann, n-ap gayé lang yo la minm, pou youn pa tandé voua prochin-l ».

Sé konsa Granmèt la té séparé yo sot nan koté sa-a al nan tout tè yo ; épi yo té sispann bati vil la. Sé poua yo rélé non-l Babèl, paské sé la lang tout tè-a té mélé ; épi sé apati la Granmèt la té gayé yo sou fas tout réjion yo.

Paròl Granmèt la.

oubyin si yo pito :

Granmèt la désann dévan tout pèp la sou mòn Sinayi-a.

Léktu liv Égzòd

19, 3-8 a. 16-20 b

Jou sa yo :

Moyiz monté kot Bondié, Granmèt la rélé-l antan-l sou mòn nan, li di : « Min sa-ou di kay Jakòb la, ou-a anonsé pitit Israèl yo.

“Nou minm minm nou té ouè sa-m té fè Éjipsyin yo, kijan mouin té poté nou sou zèl èg, mouin té pran nou. Konsa si nou kouté voua-m, nou

kinbé aliens mouin-an, n-ap apa pou mouin nan pami tout pèp yo ; paské tout tè-a sé pou mouin. N-ap yon péyi roua prêt pou mouin ak yon nasion ki sin”. Sé paròl sa yo ou-a di pitit Israèl yo ».

Moyiz rivé, li rasanblé chèf pèp la, li prezanté tout paròl Granmèt la té kòmandé yo. Tout pèp la réponn ansanm : « Tou sa Granmèt la di yo, n-ap fè yo ».

Lè touazièm jou-a rivé, granmatin t-ap kléré ; yo kòmansé tandé boui loraj, yo ouè zèklè k-ap flanbé, ak nuaj ki épè ki vlopé mòn nan, son tronpèt la t-ap kòné pi fò tout tan ; pèp la ki té nan koté yo té pozé tant yo-a, li vi-n pè. Lè Moyiz fè yo soti al rankontré Bondié sot nan koté tant yo té yé-a, yo kanpé nan pié mòn nan.

Tout mòn Sinayi-a t-ap fè lafimin, paské Granmèt la té désann sou li nan difé-a, épi lafimin-an t-ap monté sot sou li tankou sot nan yon founèz ; tout mòn nan té térib. Son tronpèt la t-ap gonflé pi plis ofi-amézu, épi li rét diré anpil. Moyiz t-ap palé, Bondié t-ap réponn li. Granmèt la désann sou mòn Sinayi-a sou tèt mòn nan minm, li rélé Moyiz nan pouint tèt li.

Paròl Granmèt la.

oubyin si yo pito :

Zo ki déséché, m-ap fè éspri-a antré nan nou, n-ap viv.

Léktu liv profèt Ézékièl

37, 1-14

Jou sa yo :

Min Granmèt la rivé sou mouin, li fè-m soti nan Éspri Granmèt la, li voyé-m nan mitan yon plinn ki té plin ak zosman ; li fè-m fè tout tou-a : té gin anpil minm sou fas plinn nan, épi yo té fi-n séché nèt. Li di-m : « Pitit moun, èské ou kouè zosman sa yo ap viv ? » Mouin di : « Granmèt Bondié, sé ou minm ki konnin ».

Épi li té di-m : « Profétizé sou zosman sa yo, di yo : “Zosman ki séché, kouté paròl Granmèt la”. Min sa Granmèt Bondié di zosman sa yo : “Min m-ap voyé Éspri-a anndan nou, n-ap viv : m-ap mété nè sou nou, m-ap fè chè pousé sou nou, m-ap déplouayé po sou nou, m-ap ba nou éspri, n-ap viv, n-ap konnin mouin sé Granmèt la” ».

Épi mouin té profétizé jan-l té pasé-m lòd la. Vi-n gin yon boui, pandan m-ap profétizé-a, vi-n gin yon tranbléman, zosman proche kot

zosman, yo chak nan jouintu pa-l. Mouin gadé, mouin ouè nè ak chè ki monté sou yo, épi po ki lonjé sou yo. Min yo pa-t gin éspri.

Épi li té di-m : « Profétizé bay éspri-a, profétizé, pitit moun, di éspri-a : “Min paròl Granmèt Bondié-a : éspri sot nan kat van yo, vini, souflé sou mò sa yo, pou yo viv” ».

Épi mouin té fè profétizé jan-l té pasé-m lòd la, éspri-a antré nan yo, yo viv, yo kanpé sou pié yo, yon lamé ki té gran anpil minm.

Li té di-m : « Pitit moun, zosman sa yo, sé tout kay Israèl la. Y-ap di : “Zosman nou fi-n séché, éspérans nou fi-n péri, nou fi-n mourir”. Sé poussa profétizé, di yo : “Min paròl Granmèt Bondié :

Min m-ap louvri tonbo nou yo, m-ap fè nou soti nan tonbo nou yo, pèp mouin, m-ap fè nou antré nan tè Israèl la ; n-ap konnin sé mouin minm Granmèt la, lè m-ap louvri tonbo nou yo, épi m-ap fè nou soti nan kavou nou yo, pèp mouin, lè m-ap mété éspri-m nan nou, pou nou viv la, lè m-ap fè nou répozé sou tè nou-an, n-ap konnin sé mouin minm Granmèt la mouin palé, épi mouin aji”, sé sa Granmèt Bondié di ».

Paròl Granmèt la.

oubyin si yo pito :

Sou sèvitè-m yo ak sèvant mouin yo m-ap vidé Éspri-m.

Léktu liv profèt Joèl

3, 1-5

Min paròl Granmèt la :

« M-ap vidé éspri-m sou tout chè, pitit gason nou yo ak pitit fi nou yo ap profétizé, granmoun nou yo ap gin mésaj nan rèv, jèn jan nou yo ap ouè vizion ; minm sou sèvitè-m yo ak sèvant mouin yo jou sa yo m-ap vidé éspri-m.

M-ap mété prodij nan sièl la ak sou tè-a, san, difé, vapè lafimin. Solèy la ap vi-n tounin fènoua, lalou-n nan ap vi-n tounin san, anvan Jou Granmèt la rivé, jou sa-a ki gran, ki térib la.

Rivé : tout moun k-ap rélé non Granmèt la l-ap sové, paské sou mòn Siyon-an ak nan Jérusalèm ap gin koté pou sové, jan Granmèt la té di-a, ni nan rèv yo Granmèt la ap rélé-a ».

Paròl Granmèt la.

PSÒM RÉPONS Ps 103, 1-2 a. 24 é 35 c. 27-28. 29 bc-30 (R: : cf. 30)

R: Voyé Éspri-ou, Granmèt,
épi réfè fas tè-a.

oubyin : Alélouya.

- ¹ Fè konpliman pou Granmèt la, nanm mouin :
Granmèt Bondié-m, ou gran anpil.
Ou abiyé ak louanj, ak bèlté,
² ou vlopé ak limiè tankou yon rad. R:
²⁴ Ala anpil travay ou yo anpil, Granmèt
yo tout sé ak sajès ou fè yo,
tè-a plin ak créatu-ou.
²⁷ Yo tout ap tann ou, pou-ou ba yo manjé nan tan yo.
²⁸ Antan-ou ba yo, yo rasanblé,
antan-ou louvri min-ou, ou plin ak byin. R:
²⁹ Lè-ou raplé éspri yo, y-ap mouri,
sé nan poussiè yo y-ap tounin.
³⁰ Ou-ap voyé éspri-ou, y-ap kréyé,
ou-ap réfè fas tè-a. R:

DÉZIÈM LÉKTU

*Éspri-a ap priyé pou nou antan l-ap plinn
yon fason yo pa kapab rakonté.*

Léktu lèt apot sin Pòl pou Romin yo

8, 22-27

Frè-m yo :

Nou konnin tout créatu ap plinn, y-ap soufri doulè ak akouchman jous koulié-a. Sé pa yo minm sèlman min nou minm tou ki gin premié foui Éspri-a, n-ap plinn anndan nou antan n-ap tann adoption pitit Bondié yo, rédanmsion kò nou-an. Sèké sé nan éspérans nou sové. Éspérans la yo ouè-a, li pa éspérans, paské sa yon moun ouè, kijan pou-l fè éspéré-l ? Min si nou éspéré sa nou pa ouè-a, n-ap tann li avèk pasians.

Konsa tou Éspri-a ap édé féblès nou : paské nou pa konnin kijan pou nou priyé ; min sé Éspri-a li minm k-ap priyé pou nou antan l-ap plinn yon fason nou pa kapab rakonté. Sa-a minm ki sondé kè yo, li konnin sa Éspri-a anvi-a, sé dapré Bondié li mandé-l pou sin yo.

Paròl Granmèt la.

ALÉLOUYA

✠ Alélouya. Vini, Éspri Sin,
 plin kè fidèl ou yo ;
 limin difé rinmin-ou nan nan yo. ✠ Alélouya.

ÉVANJIL

Riviè dlo lavi ap koulé.

✠ Léktu sint Évanjil la dapré Jan 7, 37-39

Nan dènié gran jou fèt la, Jézu kanpé, li rélé byin fò, li di :
 « Si yon moun souaf, sé pou-l vi-n jouinn mouin pou-l bouè. Moun ki
 kouè nan mouin, dapré sa sa-k ékri-a di-a, sé riviè dlo lavi k-ap koulé sot
 nan vant li ».

Li t-ap di sa sou Éspri-a moun ki kouè nan li yo té gin pou yo
 résévoua-a ; yo pa-t ko bay Éspri-a, paské Jézu pa-t ko nan gloua-a.

Paròl Granmèt la.

MÈS LAJOUNIN-AN

PRÉMIÉ LÉKTU

Tout moun vi-n plin ak Éspri Sin-an épi yo kòmansé palé.

Léktu Travay Apot yo 2, 1-11

Lè jou Pantkot yo rivé bout, tout moun té ansanm nan minm koté-a ;
 san-zatann, vi-n gin yon boui ki sot nan sièl la tankou boui van ki rivé
 byin fò, li plin tout kay la, koté yo té chita-a. Anpil ti mòso lang tankou
 difé vi-n parèt sou yo, li chita sou yo chak. Tout moun vi-n plin ak Éspri
 Sin-an, épi yo kòmansé palé divès lang, dapré sa Éspri Sin-an té pèmèt
 yo palé.

Jérusalèm minm té gin Juif yo ki abité péyi-a, ni moun rélijyé ki sot
 nan tout nasion ki anba sièl la. Lè voua-a rivé, fowl la rasanblé, éspri yo
 troublé, paské chak moun t-ap tandé nan pròp lang li sa yo ki t-ap palé
 yo. Tout moun té sézi, yo t-ap gadé, yo t-ap di :

« Èské tout mésié sa yo k-ap palé yo, sé pa moun Galilé yo yé ?
 Kòman fè n-ap tandé yo nou chak nan lang pa nou, koté nou fèt la ? Part,

Mèd, Élamit ak moun ki abité Mézopotami, Judé, Kapadòs, Pon ak Azi, Friji ak Panfili, Éjip ak pati Libi-a ki bò Sirèn nan, étranjé ki sot a Ròm, Juif tou ak nasion ki antré nan rélijion-an, Krèt ak Arab, nou tandé y-ap palé mèvèy Bondié yo nan lang nou ».

Paròl Granmèt la.

PSÒM RÉPONS Ps 103, 1 ab é 24 ac. 29 bc-30. 31 é 34 (R: : cf. 30)

R: Voyé Éspri-ou la, Granmèt,
épi rénouvlé fas tè-a.

oubyin : Alélouya.

- ¹ Fè konpliman pou Granmèt la, nanm mouin :
Granmèt Bondié-m, ou gran anpil.
- ²⁴ Ala anpil travay ou yo anpil, Granmèt :
tè-a plin ak créatu-ou. R:
- ²⁹ Lè-ou raplé éspri yo, y-ap mouri,
sé nan pousiè yo y-ap tounin.
- ³⁰ Ou-ap voyé Éspri-ou, y-ap kréyé,
ou-ap réfè fas tè-a. R:
- ³¹ Sé pou gloua Granmèt la pou tout tan ;
sé pou Granmèt la kontan nan travay li yo.
- ³⁴ Sé pou paròl mouin fè-l plézi,
mouin minm minm m-ap kontan nan Granmèt la. R:

DÉZIÈM LÉKTU

Sé nan yon sèl Éspri nou tout nou batizé nan yon sèl kò.

Léktu prémié lèt apot sin Pòl pou Korintyin yo 12, 3 b-7. 12-13

Frè-m yo :

Pèsòn pa kapab di : « Granmèt Jézu », si sé pa nan Éspri Sin-an.

Gin divès kalité gras, min sé yon sèl Éspri-a. Gin divès kalité sèvis, min sé yon sèl Granmèt la. Gin divès kalité aktivité, min sé yon sèl Bondié-a ki fè tout bagay nan tout moun. Sèlman yo bay chak moun maniféstasion Éspri-a pou bézouin-an.

Sèké minm jan kò-a fè yon sèl, min li gin anpil manb, tout manm kò-a, malgré yo anpil la, sé yon sèl kò yo fè kan minm : sé konsa tou pou Jézu-Kri. Réyèlman sé nan yon sèl Éspri nou tout nou batizé pou nou fè yon sèl kò, soua Juif, soua nasion, soua ésklav, soua moun lib ; épi nou tout sé nan yon sèl Éspri-a nou pasé souaf nou.

Paròl Grammèt la.

KANTIK (SÉKANS : *Veni Sancte Spiritus*)

Vini, Éspri Sin,
 voyé yon réyon limiè-ou sot nan sièl la.

Vini, Papa pòv yo,
 vini, ou minm ki bay kado yo, vini, limiè kè yo.

Ou minm ki konsolé nou si byin,
 ki abité nanm nou avèk dousè-ou, fréchè ki dous.

Nan travay ou sé répo,
 nan chalè ou sé fréchè, nan lapinn ou sé konsolasion.

Limiè ki sin anpil, plin fon kè fidèl ou yo.

San pouvoua-ou, pa gin anyin nan moun nan, anyin ki pa pèvèti.

Lavé sa-k sal, rouzé sa-k sèk, géri sa-k blésé.

Asoupli sa-k rèd, chofé sa-k glasé, drésé sa-k krochu.

Bay fidèl ou yo ki mét konfians yo nan ou sèt kado sakré yo.

Bay mérit bon kalité yo,
 bay koté pou soti pou sové, bay kè kontan tout tan.

ALÉLOUYA

℞ Alélouya. Vini, Éspri Sin,
 plin kè fidèl ou yo ;
 épi limin difé rinmin-ou nan nan yo. ℞ Alélouya.

ÉVANJIL

*Minm jan Papa-a voyé-m nan, mouin voyé nou :
résévoua Éspri Sin-an.*

✚ Léktu sint Évanjil la dapré Jan

20, 19-23

Lè asouè rivé, jou sa-a, premié jou sémèn nan, tout pòt yo té fèmin, koté disip yo té rasanblé poutèt yo té pè Juif yo, Jézu rivé, li kanpé nan mitan, li di yo : « Lapè pou nou ». Pandan l-ap di sa, li montré yo min yo ak bò kòt la. Disip yo kontan, lè yo ouè Granmèt la.

Li di yo yon lòt foua ankò : « Lapè pou nou. Minm jan Papa-a voyé-m nan, mouin minm tou mouin voyé nou ». Lè-l fi-n di sa, li souflé, li di yo : « Résévoua Éspri Sin-an. Moun nou rinmèt péché yo, péché yo ap rinmèt, moun nou kinbé péché yo, y-ap rét kinbé ».

Paròl Granmèt la.

Si yo vlé, pou ané B :

DÉZIÈM LÉKTU

Foui Éspri-a.

Léktu lèt apot sin Pòl pou Galat yo

5, 16-25

Frè-m yo :

Maché nan Éspri-a, konsa nou pap réalizé sa chè-a anvi-a. Sèké chè-a gin anvi ki drésé kont éspri-a, éspri-a tou kont chè-a ; youn ap batay kont lòt, si byin sé pa sa nou vlé nou fè.

Si sé Éspri-a k-ap kondui nou, nou pa anba laloua-a.

Aktivité chè-a, yo manifésté, sé fònikasion, bagay ki pa pròp, mové konduit, banbòch, sèvis zidòl, maji, rayisans, diskision, jalouzi, kòlè, batay, kont, divizion, anvi, krim, bouéson, résépsion-lisans, ak bagay konsa. Mouin di nou sa davans, jan-m té déjà di nou li : moun k-ap aji konsa yo, yo pap jouinn péyi-roua Bondié-a.

Min foui Éspri-a minm sé charité, kè kontan, lapè, pasians, bon jan, bon kè, padon, dousè, lafoua, sinplisité, kontrolé mové tandans, réglé plézi kò-a. Kont kalité bagay sa yo pa gin laloua. Moun ki disip Kris la, yo klouré chè yo sou koua-a avèk vis yo épi vié anvi yo. Si sé Éspri-a k-ap fè nou viv, sé dapré Éspri-a tou pou maché.

Paròl Granmèt la.

ÉVANJIL

Éspri vérité-a ap vini, l-ap aprann nou tout vérité-a.

✠ **Léktu sint Évanjil la dapré Jan**

15, 26-27 ; 16, 12-15

Lè sa-a : Jézu di disip li yo :

« Lè Avoka-a ap rivé, li minm m-ap voyé ba nou sot kot Papa-a, Éspri vérité-a ki soti nan Papa-a, sé li minm k-ap sèvi-m témouin. Nou minm tou n-ap sèvi-m témouin, paské sé dépi nan kòmansman nou avèk mouin.

« Mouin gin anpil bagay ankò pou-m di nou ; min nou pa kapab poté yo kouliè-a ; min lè Éspri vérité sa-a ap vini, l-ap aprann nou tout vérité-a ; sèké sé pa ak pròp fòs li l-ap palé, min tou sa-l tandé, l-ap déklaré-l, épi sa k-ap vini yo, l-ap anonsé nou yo. Li minm l-ap fè gloua-m parèt, paské sé nan min-m l-ap résévoua sa l-ap anonsé nou. Tou sa Papa-a ginyin sé pou mouin ; sé pousa mouin di : “Sé nan min-m l-ap résévoua sa l-ap anonsé nou” ».

Paròl Granmèt la.

Si yo vlé, pou ané C :

DÉZIÈM LÉKTU

Tout moun ki kité Éspri Bondié-a kondui yo, sé yo minm ki pitit Bondié.

Léktu lèt apot sin Pòl pou Romin yo

8, 8-17

Frè-m yo :

Moun yo ki nan chè-a, yo pa kapab fè Bondié plézi. Kanta pou nou minm, nou pa réglé nan chè-a, min nan éspri-a, si réyèlman Éspri Bondié-a abité nan nou.

Si yon moun pa gin Éspri Kris la, moun sa-a pa pou li. Si Kris la nan nou okontrè, kò-a mouri poutèt péché-a, éspri-a viv poutèt sa-k fè-l vi-n sin-an. Si Éspri sa-a ki résisité Jézu sot nan pami mò yo abité nan nou, sa-a ki résisité Jézu-Kri sot nan pami mò yo ap fè kò lanmò nou yo viv tou poutèt Éspri li-a ki abité nan nou-an.

Frè-m yo, nou pa doué chè-a anyin, pou nou viv dapré chè-a. Sèké si nou viv dapré chè-a, n-ap mouri ; min si pa lintèmédiè Éspri-a nou fè chè-a mouri, n-ap viv.

Tout moun ki kité Éspri Bondié-a kondui yo, sé yo minm ki pitit Bondié. Nou pa résevoua Éspri ésklavaj la ankò nan kè soté, min nou résevoua Éspri pitit adoptif yo, nan li n-ap rélé : « Aba, Papa ».

Sé Éspri sa-a minm k-ap sèvi éspri pa nou-an témouin nou sé pitit Bondié. Si nou sé pitit, nou sé éritié tou : kòm nou éritié Bondié, nou éritié ansanm ak Kris la tou ; si réyèlman n-ap soufri ansanm avèk li, sé pou nou jouinn gloua ansanm avèk li tou.

Paròl Granmèt la.

ÉVANJIL

Éspri vérité-a ap vini, l-ap aprann nou tout vérité-a.

✠ **Léktu sint Évanjil la dapré Jan**

14, 15-16. 23 b-26

Lè sa-a : Jézu di disip li yo :

« Si nou rinmin-m kinbé kòmandman-m yo. M-ap priyé Papa-a, l-ap ba nou yon lòt Avoka, pou-l rété avèk nou pou tout tan. Papa-m ap rinmin-l, n-ap vi-n jouinn li, n-ap abité lakay li. Moun ki pa rinmin-m, li pa kinbé paròl mouin yo. Paròl la nou tandé-a, sé pa nan mouin li soti, min sé nan sa-a ki voyé-m nan, Papa-a.

Mouin di nou bagay sa yo, pandan-m rété avèk nou toujou. Avoka-a minm, Éspri Sin-an, sa Papa-a ap voyé o non-m nan, sé li minm k-ap aprann nou tout bagay, l-ap souflé nou tou sa-m té di nou yo ».

Paròl Granmèt la.

Koté lindi oubyin minm madi apré Pantkot sé jou koté fidèl yo doué oubyin gin abité frékanté Mès, yo kapab réprann léktu Dimanch Pantkot yo jan yo yé anro-a, oubyin yo kapab pran léktu pou bay Konfirmasyon yo, p. 1957.

ALÉLOUYA

pou jou lasémèn tan pak anvan Asansion-an

Yo kapab sèvi avèk tèks sa yo nan plas tèks yo prèzanté aprè chak léktu yo.

1. Mt 4, 4 b

℞ Alélouya. Sé pa ak pin sèlman moun viv,
min ak tout paròl ki soti nan bouch Bondié. ℞ Alélouya.

2. Cf. Lk 24, 46. 26

℞ Alélouya. Kris la té gin pou-l souffri pou-l résisité sot nan pami mò
yo ;
épi pou-l antré konsa nan gloua-l la. ℞ Alélouya.

3. Jan 3, 15

℞ Alélouya. Pitit moun nan gin pou yo lévé-l anlè,
pou tout moun ki kouè nan li gin lavi tout tan-an. ℞ Alélouya.

4. Jan 3, 16

℞ Alélouya. Bondié tèlman rinmin tè-a, li bay Sèl Pitit li-a ;
tout moun ki kouè nan li gin lavi tout tan-an. ℞ Alélouya.

5. Jan 6, 35 ab

℞ Alélouya. Mouin sé pin lavi-a, sé sa Granmèt la di ;
moun ki vi-n jouinn mouin, li pap grangou. ℞ Alélouya.

6. Cf. Jan 6, 40

℞ Alélouya. Tout moun ki kouè nan Pitit la, li gin lavi tout tan-an ;
mouin minm m-ap fè-l résisité nan dènié jou-a, sé sa Granmèt la di. ℞
Alélouya.

7. Jan 6, 51

℞ Alélouya. Mouin sé pin vivan-an, ki désann sot nan sièl la,
sé sa Granmèt la di ;
si yon moun manjé nan pin sa-a, l-ap viv pou tout tan. ℞ Alélouya.

8. Jan 6, 56

℞ Alélouya. Moun ki manjé chè-m, ki bouè san-m,
li rét nan mouin, mouin nan li, sé sa Granmèt la di. ℞ Alélouya.

9. Cf. Jan 6, 63 c. 68 c
 R: Alélouya. Paròl ou yo, Granmèt, sé Éspri ak vi ;
 ou gin paròl lavi tout tan-an. R: Alélouya.
10. Jan 8, 12
 R: Alélouya. Mouin sé limiè tè-a, sé sa Granmèt la di ;
 moun k-ap suiv mouin ap gin limiè lavi-a. R: Alélouya.
11. Jan 8, 31 b-32
 R: Alélouya. Si nou rété nan paròl mouin-an, n-ap disip mouin tou bon,
 n-ap konnin vérité-a, sé sa Granmèt la di. R: Alélouya.
12. Jan 10, 14
 R: Alélouya. Mouin sé bon gadyin-an, sé sa Granmèt la di ;
 épi mouin konnin mouton-m yo, mouton-m yo konnin-m tou. R:
 Alélouya.
13. Jan 10, 27
 R: Alélouya. Mouton-m yo tandé voua-m, sé sa Granmèt la di ;
 épi mouin minm mouin konnin yo, yo suiv mouin. R: Alélouya.
14. Jan 14, 6
 R: Alélouya. Mouin sé chémin-an, vérité-a ak lavi-a, sé sa Granmèt la di ;
 pèsòn pa vi-n kot Papa-a, si-l pa pasé nan mouin. R: Alélouya.
15. Jan 15, 4 a. 5 b
 R: Alélouya. Réité nan mouin, épi mouin minm nan nou, sé sa Granmèt la di ;
 moun ki réité nan mouin, li poté anpil foui. R: Alélouya.
16. Jan 15, 15 b
 R: Alélouya. Mouin rélé nou zanmi, sé sa Granmèt la di,
 paské tout sa mouin tandé nan min Papa-m, mouin fè nou konnin-l. R:
 Alélouya.
17. Jan 20, 29
 R: Alélouya. Poutèt ou ouè-m, Toma, ou kouè ;
 ala kontantman pou moun ki pa ouè yo, min ki kouè. R: Alélouya.
18. Rom 6, 9
 R: Alélouya. Kris la résisité sot nan pami mò yo, li pap mouri ankò ;
 lanmò-a pap gin pouvoua sou li ankò. R: Alélouya.

19.

Kol 3, 1

℞ Alélouya. Si nou résisité avèk Kris la, sé sa-k anlè yo pou nou chèché, koté Jézu-Kri chita adouat Bondié-a. ℞ Alélouya.

20.

Cf. Ap 1, 5 ab

℞ Alélouya. Jézu-Kri, ou sé témouin fidèl, premié pitit nan pami mò yo ; ou rinmin nou, ou lavé péché nou yo nan san-ou. ℞ Alélouya.

21.

℞ Alélouya. Nou konnin Kris la résisité vré sot nan pami mò yo : ou minm, Roua ki ranpòté viktoua-a, pran pitié pou nou. ℞ Alélouya.

22.

℞ Alélouya. Granmèt la résisité sot nan kavo-a, li minm ki té pandié pou nou sou boua-a. ℞ Alélouya.

23.

℞ Alélouya. Kris la résisité, li kléré nou, nou minm li rachté nan san-l nan. ℞ Alélouya.

24.

℞ Alélouya. Kris la résisité, li minm ki kréyé tout bagay, épi li pran pitié pou ras lézòm. ℞ Alélouya.

ALÉLOUYA
pou jou lasémèn tan Pak apré Asansion-an

Yo kapab sèvi avèk tèks sa yo nan plas tèks yo prezanté apré chak léktu yo.

1. Mt 28, 19 a. 20 b
R: Alélouya. Alé, anségné tout nasion, sé sa Granmèt la di ;
mouin avèk nou touléjou jous sièk la fini. R: Alélouya.
2. Jan 14, 16
R: Alélouya. M-ap priyé Papa-a, l-ap ba nou yon lòt Avoka,
pou-l rété avèk nou pou tout tan. R: Alélouya.
3. Cf. Jan 14, 18
R: Alélouya. Mouin pap kité nou òfèlin, sé sa Granmèt la di ;
m-apralé épi m-ap vi-n jouinn nou, épi kè nou ap kontan. R:
Alélouya.
4. Jan 14, 26
R: Alélouya. Éspri-Sin-an ap aprann nou tout bagay ;
l-ap souflé nou tou sa mouin té di nou. R: Alélouya.
5. Jan 15, 26 b. 27 a
R: Alélouya. Éspri vérité-a ap sèvi-m témouin, sé sa Granmèt la di ;
nou minm tou n-ap sèvi-m témouin. R: Alélouya.
6. Jan 16, 7. 13
R: Alélouya. M-ap voyé Éspri vérité-a ba nou, sé sa Granmèt la di ;
li minm l-ap aprann nou tout vérité-a. R: Alélouya.
7. Jan 16, 28
R: Alélouya. Mouin soti nan Papa-a, mouin vini sou tè-a ;
m-ap kité tè-a ankò, m-apralé kay Papa-a. R: Alélouya.
8. Cf. Jan 17, 17 b. a
R: Alélouya. Paròl ou, Granmèt, sé vérité ;
fè nou vi-n sin nan vérité-a. R: Alélouya.
9. Jan 17, 21
R: Alélouya. Sé pou yo tout fè yon sèl,
tankou ou minm, Papa, avèk mouin nan ou,

pou tè-a kouè sé ou minm ki voyé-m, sé sa Granmèt la di. **R:**
Alélouya.

10.

Kol 3, 1

R: Alélouya. Si nou résisité avèk Kris la,
sé sa-k anlè yo pou nou chèché,
koté Kris la chita adouat Bondié-a. **R:** Alélouya.

GRAN FÈT GRANMÈT LA
NAN TAN « ÒDINÈ »-A

Dimanch apré Pantkot

TRINITÉ KI SIN ANPIL LA

Solanité

Ané A

PRÉMIÉ LÉKTU

Granmèt, Granmèt Bondié, ki gin mizérikòd, ki bon.

Léktu liv Égzòd

34, 4 b-6. 8-9

Jou sa yo :

Nan nuit Moyiz léyé, li monté sou mòn Sinayi-a, jan Granmèt la té pasé-l lòd la, li té pòté galèt roch yo avèk li.

Lè Granmèt la désann nan niaj la, Moyiz kanpé avèk li, li rélé non Granmèt la. Pandan l-ap pasé dévan-l, li di : « Granmèt Bondié, ki dominé tou sa ki égzisté-a, ki gin mizérikòd épi ki bon, ki gin pasians, ki gin anpil pitié, ki fidèl ».

Moyiz fè vit, li plouayé kò-l plat atè-a, li adoré, li di : « Si mouin jouinn gras dévan fas ou, Granmèt, mouin priyé pou-ou maché avèk nou (sèké pèp la gin kou rèd), ouété fot nou yo, pran nou pou ou nèt ».

Paròl Granmèt la.

PSÒM RÉPONS

Dan 3, 52. 53. 54. 55. 56 (R: 52 b)

⁵² Konpliman pou ou, Granmèt, Bondié papa nou yo,
épi konpliman pou non gloua-ou la ki sin-an.

R: Li mérité louanj, li anlè nèt pou tout tan.

⁵³ Konpliman pou ou nan tanp gloua-ou la ki sin-an.

R: Ou mérité louanj anlè nèt ak gloua anlè nèt pou tout tan.

⁵⁴ Konpliman pou ou sou tro-n péyi roua-ou la.

R: Ou mérité louanj anlè nèt, ou anlè nèt pou tout tan.

⁵⁵ Konpliman pou ou, ou minm ki Bondié bafon yo,
épi ou minm ki chita anlè chéribin yo.

℞ Ou mérité louanj, ou anlè nèt pou tout tan.

⁵⁶ Konpliman pou ou nan platfòm sièl la,

℞ Ou mérité louanj ak gloua pou tout tan.

DÉZIÈM LÉKTU

Gras Jézu-Kri ak rinmin Bondié-a ak kominion Éspri Sin-an.

Léktu dézièm lèt apot sin Pòl pou Korintyin yo

13, 11-13

Frè-m yo :

Sé pou nou fè kè nou kontan, sé pou nou kòrèk nèt, sé pou nou jouinn ankourajman, sé pou nou gin minm santiman, sé pou nou gin lapè, konsa Bondié lapè-a ak rinmin-an ap avèk nou.

Sé pou nou youn salié lòt nan yon bo ki sin.

Tout sin yo salié nou.

Gras Granmèt nou Jézu-Kri ak rinmin Bondié-a ak kominion Éspri Sin-an, sé pou-l avèk nou tout. Amèn.

Paròl Granmèt la.

ALÉLOUYA

Cf. Ap 1, 8

℞ Alélouya. Gloua pou Papa-a, ak pou Pitit la, ak pou Éspri Sin-an,
Pou Bondié ki la-a, épi ki té la-a, épi k-ap vini-an ℞ Alélouya.

ÉVANJIL

Bondié voyé Pitit li-a, pou tè-a sovè gras a li minm.

✠ Léktu sint Évanjil la dapré Jan

3, 16-18

Lè sa-a : Jézu di Nikodèm :

« Bondié si tèlman rinmin tè-a, li bay Pitit li-a, sèl Pitit li-a, pou chak moun ki kouè nan li pa péri, min pou-l gin lavi ki pap janm fini-an. Sèk Bondié pa-t voyé Pitit li-a sou tè-a pou-l jijé tè-a, min pou tè-a té kapab sovè pa pouvoua li. Moun ki kouè nan li, yo pap jijé-l ; moun ki pa kouè-a minm, li déja jijé, paské li pa kouè o non sèl Pitit Bondié-a ».

Paròl Granmèt la.

Ané B

PRÉMIÉ LÉKTU

*Sé Granmèt la li minm ki Bondié nan sièl la anlè-a
ak sou tè-a anba-a, pa gin lòt.*

Léktu liv Détéronòm

4, 32-34. 39-40

Moyiz palé avèk pèp la, li di :

« Mandé sa-k té pasé nan tan lontan, nan jou ki té la anvan nou yo, dépi jou Bondié té fè moun sou tè-a, dépi yon bout sièl la jous nan lòt bout la, mandé si yon gro bagay konsa rivé déjà, mandé si yo janm tandé yon gro kozé konsa ? Èské gin yon pèp ki tandé voua Bondié k-ap palé nan mitan difé-a, tankou ou té tandé-a, ou minm, épi ou rété vivan-an ? Oubyin èské gin yon Bondié ki vini pou-l pran yon nasion pou li, nan mitan lòt nasion, antan-l éséyé-l, li fè mèvèy, li fè prodij, li batay avèk fòs ponyèt li, avèk fòs bra-l, antan li fè bagay ki térib, tankou tou sa Bondié Granmèt ou-a té fè pou ou nan Éjip la dévan jé-ou la ?

Sé pou-ou konnin jodi-a, sé pou-ou kalkilé nan kè-ou : Granmèt sa-a sé Bondié nan sièl la anro-a, ak sou tè-a anba-a, nan pouin lòt. Sé pou-ou kinbé désizion yo ak jijman yo, sa mouin kòmandé-ou jodi-a, pou-ou kapab alèz ni ou minm ni pitit ou apré-ou, pou-ou viv lontan sou tè-a, sa Bondié Granmèt ou-a ba-ou pou tout tan-an ».

Paròl Granmèt la.

PSÒM RÉPONS

Ps 32, 4-5. 6 é 9. 18-19. 20 é 22 (R: 12 b)

R: Ala kontantman pou pèp sa-a Granmèt la chouazi kòm éritaj li-a.

- 4 Sèké paròl Granmèt la douat ;
tou sa li fè yo, sé nan vérité.
- 5 Li rinmin jistis ak jijman,
mizérikòd Granmèt la plin tè-a. R:
- 6 Sou paròl Granmèt la sièl la fèt,
ak souf bouch li tout lamé sièl yo fèt.
- 9 Sèké li minm li palé, sa fèt ;
li minm li kòmandé, sa kanpé. R:

- 18 Min jé Granmèt la fiksé sou moun ki krinn li yo,
 pou moun ki mét éspérans sou mizérikòd li,
 19 pou-l délivré yo sot nan lanmò,
 pou-l fè yo viv lè gin grangou. **R:**
- 20 Nanm nou ap éspéré sou Granmèt la,
 sékou nou ak défans nou sé li minm.
 22 Sé pou mizérikòd ou-a, Granmèt, sou nou,
 paské sé sou ou nou mét éspérans nou. **R:**

DÉZIÈM LÉKTU

*Nou résévoua éspri ki fè nou vi-n tounin pitit adoptif yo,
 sé nan li nou rélé : Aba, Papa.*

Léktu lèt apot sin Pòl pou Romin yo

8, 14-17

Frè-m yo :

Moun ki kité Éspri Bondié-a kondui yo, sé pitit Bondié yo yé. Nou pa-t résévoua éspri ésklavaj la yon lòt foua ankò pou nou nan kè soté, min nou té résévoua éspri ki fè nou vi-n tounin pitit la. Sé nan li nou rélé : « Aba, Papa ». Éspri-a li minm, li sèvi témouin, ansanm ak éspri pa nou : nou sé ti pitit Bondié. Si nou sé ti pitit, nou sé éritié tou. Si nou sé éritié Bondié, nou éritié ansanm ak Kris la, paské n-ap soufri ansanm avèk li pou nou jouinn gloua pouvoua-a ansanm avèk li.

Paròl Granmèt la.

ALÉLOUYA

Cf. Ap 1, 8

R: Alélouya Gloua pou Papa-a ak pou Pitit la, ak pou Éspri Sin-an.
 Pou Bondié ki la, épi ki té la, épi k-ap vini-an. **R:** Alélouya.

ÉVANJIL

Batizé yo o non Papa-a ak Pitit la ak Éspri Sin-an.

✠ Léktu sint Évanjil la dapré Matié

28, 16-20

Lè sa-a :

Onz disip yo pati, y-al nan Galilé, sou mòn nan koté Jézu té ba yo lòd pou yo alé-a. Lè yo ouè Jézu, yo mét ajénou, min yo pa-t fi-n kouè nè.

Jézu minm antan-l proche, li palé avèk yo, li di : « Yo rinnèt mouin tout pouvoua nan sièl ak sou tè-a. Alé, fè tout nasion yo vi-n tounin disp. Batizé yo o non Papa-a ak Pitit la ak Éspri Sin-an. Aprann yo obsèvé tou sa mouin té kòmandé nou.

Min mouin avèk nou touléjou, jous longè tan-an fi-n rivé bout li ».

Paròl Granmèt la.

Ané C

PRÉMIÉ LÉKTU

Anvan tè-a té fèt, Sajès la té déjà gin nésans nan vant.

Léktu liv Provèb yo

8, 22-31

Min paròl Sajès Bondié-a :

« Granmèt la ginyin-m pou li nan kòmansman chémin-l yo, anvan ninpòt bagay té fèt dépi nan kòmansman.

Dépi tout tan mouin konsakré, dépi lontan, anvan tè-a té fèt.

Pa-t ko gin bafon anba yo, mouin minm mouin té déjà nan vant ; sous dlo yo pa-t ko éklaté, mòn yo pa-t ko gin konsistans ak gro mas yo-a, anvan ti mòn yo mouin té anfanté ; Granmèt la pa-t ko minm fè tè-a, ni riviè yo, ni kat kouin fas tè-a.

Lè-l t-ap préparé sièl yo, mouin té la ; lè-l t-ap entouré bafon anba yo pou fiksé limit yo ; lè-l t-ap drésé sièl yo solid anlè-a, lè-l t-ap réglé sous dlo yo ; lè-l t-ap trasé ronn limit pou lanmè-a, lè-l t-ap pozé fondasion tè-a byin solid, mouin té avèk li, mouin t-ap pozé tout bagay ansanm avèk li, mouin té jouinn kontantman-m chak jou, antan m-ap joué dévan-l tout tan, antan m-ap joué sou fas tè yo, plézi-m sé té rété avèk pitit moun yo ».

Paròl Granmèt la.

PSÒM RÉPONS

Ps 8, 4-5. 6-7. 8-9 (R : 2 a)

R: Granmèt, Granmèt nou, ala gran non-ou gran sou tout tè-a !

- 4 Lè-m ouè sièl ou yo, travay douèt ou yo,
lali-n ak zétoual yo fiksé,
5 sa moun nan yé, pou-ou sonjé-l ?
oubyin pitit moun nan, pou ou vizité-l ? **R:**
- 6 Ou fè-l vi-n pi ba yon ti kras anba anj yo,
ak gloua ak konsidérasion ou kouronnin-l ;
7 ou instalé-l anlè travay min-ou yo. tout bagay,
ou mété yo anba pié-l. **R:**
- 8 Ni mouton, ni bèf, yo tout,
minm bèt nan rak boua yo,
9 zouazo sièl yo ak pouason lanmè yo,
tou sa k-ap maché nan santié lanmè yo. **R:**

DÉZIÈM LÉKTU

*Gras a rinmin-an ki vidé nan nou pa lantrémiz Éspri Sin-an,
nou rivé kot Bondié pa pouvoua Kris la.*

Léktu lèt apot sin Pòl pou Romin yo

5, 1-5

Frè-m yo :

Kòm nou vi-n kòrèk gras a lafoua-a, sé pou nou gin lapè k-ap fè nou proche kot Bondié pa lantrémiz Granmèt nou Jézu-Kri ; sé pa lantrémiz li tou, gras a lafoua-a, nou kapab proche nan gras sa-a, koté nou kanpé fèm nan épi ki pèmèt nou lévé tèt nou ak kè kontan, antan n-ap éspéré gloua pitit Bondié yo. Sé pa sa sèlman, min nou lévé tèt nou tou nan tray yo, antan nou konnin tray la donnin pasians, pasians la minm donnin andirans, andirans la minm donnin éspérans ; éspérans la minm pa fè nou ront, paské rinmin Bondié-a vidé nan kè nou pa pouvoua Éspri Sin-an yo ba nou-an.

Paròl Granmèt la.

ALÉLOUYA

Cf. Ap 1, 8

R: Alélouya. Gloua pou Papa-a, ak pou Pitit la, ak pou Éspri Sin-an,
Pou Bondié ki la-a, épi ki té la-a, épi k-ap vini-an. **R:** Alélouya.

ÉVANJIL

*Tou sa Papa-a ginyin, sé pou mouin yo yé ;
Éspri-a ap pran nan sa-m ginyin-an, l-ap anonsé nou.*

✠ Léktu sint Évanjil la dapré Jan

16, 12-15

Lè sa-a : Jézu té di disip li yo :

« Mouin gin anpil bagay ankò pou-m di nou ; min nou pa kapab poté yo kouliè-a ; min lè Éspri vérité sa-a ap vini, l-ap aprann nou tout vérité-a ; sèké sé pa ak pròp fòs li l-ap palé, min tou sa-l tandé, l-ap déklaré-l, épi sa k-ap vini yo, l-ap anonsé nou yo. Li minm l-ap fè gloua-m parèt, paské sé nan min-m l-ap résévoua sa l-ap anonsé nou. Tou sa Papa-a ginyin sé pou mouin ; sé poua mouin di : “Sé nan min-m l-ap résévoua sa l-ap anonsé nou” ».

Paròl Granmèt la.

Jédi apré Trè Sint Trinité-a

KÒ AK SAN JÉZU-KRI KI SIN ANPIL LA

Solanité

Ané A

PRÉMIÉ LÉKTU

Li ba-ou manjé bagay ou pa-t konnin, ni papa-ou yo.

Léktu liv Détéronòm

8, 2-3. 14 b-16 a

Moyiz té palé ak pèp la, antan li di :

« Ou-a sonjé tout chémin, koté Granmèt Bondié-ou la té kondui-ou pandan karant ané nan dézè-a, pou-l té krazé ògèy-ou, pou-l té tanté-ou, pou yo té kapab konnin ki sa-k t-ap brasé nan nanm ou : si-ou t-ap kinbé kòmandman-l yo oubyin si ou t-ap lagé yo.

Li té fè-ou pasé mizè ak grangou, li ba-ou lama-n kòm manjé, bagay ou pa-t konnin, ni papa-ou yo, pou-l té kapab montré-ou sé pa ak pin sèlman yon moun viv, min ak tout paròl ki soti nan bouch Bondié.

Ou-a sonjé Granmèt Bondié-ou la, li minm ki té fè-ou soti nan péyi Éjip la, sot nan kay ésklavaj la, li minm ki té kondui-ou nan gran dézè-a nan ki téréb la, koté ki té gin sèpan ki mòdé boulé kon difé-a, ak skòpion, koté ki sèk la, ki pa gin yon ti tak dlo-a ; li minm ki fè riviè soti nan ròch ki pi di-a, li minm ki ba-ou manjé lama-n nan dézè-a, bagay papa-ou yo pa-t konnin-an ».

Paròl Granmèt la.

PSÒM RÉPONS

Ps 147, 12-13. 14-15. 19-20 (R : 12 a)

R Fè louanj Granmèt la, Jérusalèm.

oubyin : Alélouya.

¹² Fè louanj Granmèt la, Jérusalèm ;
fè louanj Bondié-ou, Siyon.

- 13 Paské li ranfòsé krochèt pòtay ou yo,
li béni pitit ou yo nan ou. **R:**
- 14 Li minm ki pozé limit ou yo nan lapè,
li ba-ou kont blé ki gra.
- 15 Li minm ki voyé paròl li sou tè-a,
avèk vitès paròl li-a kouri. **R:**
- 19 Li minm ki anonsé paròl li bay Jakòb,
jistis li ak jijman-l bay Israèl.
- 20 Li pa fè konsa pou okinn nasion,
jijman-l yo, li pa fè yo konnin yo. **R:**

DÉZIÈM LÉKTU

*Yon sèl pin, yon sèl kò ;
sé sa nou minm ki anpil la nou fè.*

Léktu prémié lèt apot sin Pòl pou Korintyin yo

10, 16-17

Frè-m yo :

Kalis bénédiksion-an n-ap béni-an, èské sé pa san Jézu-Kri-a n-ap kòminié ladan-l nan ? Épi, pin-an n-ap kasé-a, èské sé pa kò Granmèt la n-ap patisipé ladan-l nan ? Kòm sé yon sèl pin, nou minm ki anpil la, nou fè yon sèl kò, nou tout ki patisipé nan yon sèl pin-an.

Paròl Granmèt la.

KANTIK (SÉKANS : *Lauda, Sion*)

Kantik sa-a, yo di-l si yo vlé, oubyin tout-antié oubyin sou fòm ki pi kout la, dépi nan mo sa yo : * Min pin.

Fè louanj Sovè-a, Siyon,
fè louanj chèf la ak gadyin-an
nan chanté ak kantik.

Toutotan ou kapab, sé pou-ou fè éfò :
paské li pi gran pasé tout kalité louanj,
épi ou pap kapab fè kont louanj pou li.

Min lidé spésial louanj la
yo prezanté jodi-a :
sé pin vivan-an ki bay lavi-a.

Sé li minm yo té bay douz frè yo,
sou tab soupé sakré-a ;
pa gin dout sou sa.

Sé pou louanj la plin,
sé pou-l éklaté, sé pou-l bèl,
sé pou kè kontan-an fléri.

Sèké sé yon gran jou fèt,
koté y-ap fè sonjé
lè premié résépsion sa-a té fèt la.

Nan résépsion nouvo Roua sa-a,
nouvo Pak nouvo laloua-a
fèmin ansyin aliens la.

Sa-k ansyin-an bay sa-k nouvo-a plas la,
vérité-a chasé lonbraj la,
limiè-a éfasé lannuit la.

Sa Kris la té fè nan soupé-a,
li pasé lòd ésprè
pou fè sa pou té sonjé-l.

Antan nou résévoua ansègnman nan kòmandman-l yo ki sin yo,
nou konsakré pin-an ak divin-an
pou yo vi-n tounin yon sakrifis k-ap sovè nou.

Sé yon vérité krétyin yo doué kouè,
pin-an vi-n tounin chè,
divin-an vi-n tounin san.

Sa-ou pa konprann, sa-ou pa ouè,
sé pou ou kouè-l ak tout kè ou, lafoua nou sètifié-l fèm,
andéyò sa nou abitué konprann.

Anba divès aparans sé sign yo sèlman ki rété ;
sa-k té la pa la ankò,
sa-k la vré li éstraòdinè li kaché.

Chè-a sé manjé, san-an sé bouason :
 sèlman sé Kris la toutantié ki rété,
 anba chak aparans yo.

Moun ki résévoua-l la pa kasé-l,
 li pa krazé-l, li pa séparé-l :
 sé tout-antié li résévoua-l.

Youn résévoua-l, mil résévoua-l :
 sa yo jouinn li minm jan ak sa-a ;
 li pa disparèt lè yo résévoua-l.

Bon yo résévoua, méchan yo résévoua :
 sèlman déstiné yo pa minm,
 sé lavi oubyin lanmò.

Lanmò pou méchan yo, lavi pou bon yo :
 gadé kijan konsékans la pa minm,
 pou moun ki résévoua-l minm jan.

Lè yo kasé aparans yo,
 pa tranblé, min sonjé,
 li anba moso-a,
 minm jan li kaché anba tout kantité-a,

Sa ki la vré pa séparé :
 sé sign nan sèlman ki kasé :
 sa-a li réprésanté-a pa chanjé
 ni nan kondision-l ni nan grandè-l.

* Min pin anj yo,
 li vi-n tounin pin vouayajè yo :
 sé pin pitit yo tout bon vré,
 yo pa gin doua jété-l bay chyin.

Yo té montré-l davans nan pòtré yo,
 lè yo t-ap sakrifé Izaak la :
 mouton pak la té fè sonjé-l :
 yo té bay papa yo li nan lama-n nan.

Bon Gadyin, pin tout bon vré-a,
 Jézu, pran pitié pou nou :
 ou minm, kondui nou, protéjé nou :

ou minm, fè nou jouinn bédiksyon
sou tè vivan yo.

Ou minm, ki konnin tout bagay, épi ki kapab réalizé yo :
ou minm k-ap souin nou, nou minm k-ap mouri-a :
fè nou manjé sou tab lòt bò-a,
fè nou éritié ansanm ak sin yo,
fè nou viv ansanm avèk yo nan péyi sièl la.

ALÉLOUYA

Jan 6, 51

℞ Alélouya. Mouin sé pin vivan-an, ki désann sot nan sièl la,
sé sa Granmèt la di ;
si yon moun manjé nan pin sa-a, l-ap viv pou tout tan. ℞ Alélouya.

ÉVANJIL

*Chè-m sé manjé tout bon vré-a,
san-m sé bouason tout bon vré-a.*

✚ Léktu sint Évanjil la dapré Jan

6, 51-58

Lè sa-a : Jézu té di fowl Juif yo :

« Mouin sé pin vivan-an, ki désann sot nan sièl la. Si yon moun manjé
nan pin sa-a, l-ap viv pou tout tan. Pin-an m-ap bay la, sé chè-m pou lavi
tè-a ».

Juif yo minm t-ap diskité antré yo, yo t-ap di : « Kijan sa-a kapab ba
nou chè-l pou nou manjé ? » Jézu minm di yo : « Amèn, amèn mouin di
nou : si nou pa manjé chè Pitit moun nan, si nou pa bouè san-l, nou pap
gin lavi nan nou. Moun ki manjé chè-m, ki bouè san-m, li gin lavi ki pap
janm fini-an ; mouin minm m-ap résisité-l nan dènié jou-a. Chè-m sé
manjé tout bon vré-a, san-m sé bouason tout bon vré-a. Moun ki manjé
chè-m, ki bouè san-m, li rét nan mouin, mouin minm nan li. Minm jan
Papa-a ki vivan-an voyé-m nan, épi mouin viv akòz Papa-a ; konsa tou
moun ki manjé-m, l-ap viv akòz mouin tou. Sa-a sé pin-an ki désann sot
nan sièl la. Sé pa tankou papa nou yo ki té manjé lama-n nan, épi ki té
mouri yo. Moun ki manjé pin sa-a l-ap viv pou tout tan ».

Paròl Granmèt la.

Ané B

PRÉMIÉ LÉKTU

Sa-a sé san aliens la, sa Granmèt la pasé avèk nou-an.

Léktu liv Égzòd

24, 3-8

Jou sa yo,

Moyiz rivé, li rakonté pèp la tout paròl Granmèt la ansanm ak tout désizion-l yo. Tout pèp la réponn ak yon sèl voua, yo di : « Tout paròl Granmèt la di yo, n-ap obsèvé yo ».

Moyiz ékri tout paròl Granmèt la ; li lévé granmatin, li bati yon lotèl anba mòn nan, ansanm ak douz gro ròch li mété kanpé pou douz fanmiy Israèl yo. Li voyé kèk ti gason nan pitit Israèl yo ; yo ofri sakrifis antié, ak sakrifis jèn ti toro kòm sakrifis lapè pou Granmèt la.

Moyiz pran mouatié nan san-an, li mété nan yon basi-n ; lòt mouatié-a, li vidé-l sou lotèl la. Li pran liv aliens la, li li-l nan zòrèy pèp la ; yo di : « Tou sa Granmèt la di, n-ap fè-l, n-ap obéyi-l ».

Li pran san-an, li vidé-l sou pèp la, li di : « Sa-a, sé san aliens la, sa Granmèt la pasé avèk nou-an dapré tout paròl sa yo ».

Paròl Granmèt la.

PSÒM RÉPONS

Ps 115, 12-13. 15 é 16 bc. 17-18

℞ M-ap pran kalis ki sovè nou-an, épi m-ap rélé non Granmèt la.

oubyin : Alélouya.

¹² Sa pou-m fè pou-m rinmèt Granmèt la
pou tout sa-l fè pou mouin.

¹³ M-ap lévé kalis ki sovè nou-an,
m-ap rélé non Granmèt la. ℞

¹⁵ Li gin valè dévan jé Granmèt la,
lanmò zanmi-l yo.

¹⁶ Mouin sé sèvitè-ou, pitit sèvant ou,
ou té kasé chinn mouin-an. ℞

¹⁷ M-ap ofri-ou sakrifis pou-m di-ou mèsì,
m-ap rélé non Granmèt la.

¹⁸ Sa-m té promèt Granmèt la, m-ap réglé-l
dévan tout pèp li-a. ℞

DÉZIÈM LÉKTU

*San Kris la nétouayé konsians nou.***Léktu lèt pou Ébré yo****9, 11-15**

Frè-m yo :

Kris la rivé kòm prèt an chèf pou byin ki gin pou vini yo. Li travèsé yon tant ki pi gran, ki pi sipériè, ki pa fèt ak min moun, sa vlé di ki pa sot nan minm konpozision avèk sa Bondié kréyé yo. Li pa pran san bouk ak san ti toro, min sé ak pròp san pa-l li sèvi, yon sèl foua pou tout li antré nan koté ki sin-an, li rachté nou pou tout tan.

Si réyèlman san bouk ak san toro ak san gazèl yo konn vidé sou moun ki gin tach yo, sa pròpté kò yo pou sèvis Bondié-a, san Kris la ap fè pi byin toujou, li minm ki fi-n ofri tèt li san tach bay Bondié pa pouvoua Éspri ki la pou tout tan-an. L-ap nétouayé konsians nou sot nan aktivité lanmò yo, pou nou kapab sèvi Bondié vivan-an ?

É sé pou sa li sèvi intèmediè pou yon nouvo aliens. Konsa, lanmò-l sèvi pou rachté nou sot nan péché ki té fèt parapò a premié aliens la. Moun yo Bondié rélé-a, y-ap réservoua éritaj pou tout tan-an, sa Bondié té promèt la.

Paròl Granmèt la.

Kantik la (Sékans : Lauda, Sion) yo di-l si yo vlé, p. 594, oubyin tout-antié oubyin sou fòm ki pi kout la, dépi nan mo sa yo : * Min pin.

ALÉLOUYA**Jan 6, 51**

R: Alélouya. Mouin sé pin vivan-an ki désann sot nan sièl la,
sé sa Granmèt la di.

Si yon moun manjé nan pin sa-a, l-ap viv pou tout tan. **R:** Alélouya.

ÉVANJIL*Sa-a sé kò-m, sa-a sé san-m.***✠ Léktu sint Évanjil la dapré Mark****14, 12-16. 22-26**

Premié jou azim yo, lè yo t-ap fè sakrifis pak la, disip Jézu yo di-l :
« Ki koté ou vlé n-al paré pou ou manjé pak la ? »

Li voyé dé nan disip li yo, li di yo : « Alé nan vil la, gin yon mésié k-ap poté yon krich dlo, l-ap rankontré nou, suiv li. Koté l-a antré-a, n-a di mèt kay la : “Mèt la di ki koté piès mouin-an yé, koté pou-m manjé pak la avèk disip mouin yo ? “ L-a montré nou yon gran piès anro-a, ki paré, byin kouvri ak tapi ; sé la n-a paré pou nou ». Disip yo soti, yo rivé nan vil la, yo jouinn jan-l té di yo-a, yo paré pak la.

Épi pandan y-ap manjé, Jézu pran pin-an, épi antan li béni-l, li kasé-l, épi li ba yo-l, épi li di : « Pran, sa-a sé kò mouin ». Épi antan li pran kalis la, antan li rann gras, li ba yo li, épi yo bouè ladan-l yo tout. Épi li di yo : « Sa-a sé san mouin, nouvo aliens la, ki vidé pou pakèt moun yo. Amèn mouin di nou, mouin pa gin doua janm bouè ankò nan foui pié rézin sa-a jous jou sa-a lè m-a bouè-l tou nouvo nan péyi Bondié-a ».

Épi lè yo fi-n chanté Psòm yo, yo soti, y-al sou mòn pié oliv yo.

Paròl Granmèt la.

Ané C

PRÉMIÉ LÉKTU

Li ofri pin ak divin.

Léktu liv Jénèz la

14, 18-20

Jou sa yo :

Mèlkisédek, roua Salèm, poté pin ak divin (li té prèt Bondié ki anro nèt la), li béni Abram, li di : « Konpliman pou Abram onon Bondié ki anro nèt la, li minm ki kréyé sièl la ak tè-a, konpliman pou Bondié ki anro nèt la, gras a protéksion-l, ènmi yo nan min-ou ». Abram ba li dizièm pòsion nan tout bagay.

Paròl Granmèt la.

PSÒM RÉPONS

Ps 109, 1. 2. 3. 4 (R : 4 bc)

R : Ou sé prèt pou tout tan
dapré ran Mèlkisédek.

¹ Granmèt la di Granmèt mouin : « Chita adouat mouin,
joustan mouin pozé ènmi-ou yo kòm éskalié pié-ou ». R

- 2 Baton pouvoua-ou, Granmèt la voyé-l sot nan Sion :
kòmandé nan mitan ènmi-ou yo. **R:**
- 3 Pouvoua-a avèk ou jou fòs ou-a,
nan ékla limiè ki sin yo,
nan vant granmatin tankou larouzé mouin anfanté-ou. **R:**
- 4 Granmèt la fè sèman, li pap régrèt li :
« Ou sé prèt pou tout tan
dapré ran Mèlkisédek ». **R:**

DÉZIÈM LÉKTU

*Chak fousa n-ap manjé, n-ap bouè,
n-ap anonsé lanmò Granmèt la.*

Léktu premié lèt apot sin Pòl pou Korintyin yo

11, 23-26

Frè-m yo :

Mouin té résévoua nan min Granmèt la sa-m té transmèt nou-an, sèké Granmèt Jézu, nannuit yo té rimmèt li-a, li pran pin, épi antan li rann gras, li kasé-l, li di : « Pran, manjé : sa-a sé kò mouin, sa yo rimmèt pou nou-an ; fè sa pou fè sonjé mouin ». Minm jan, apré li fi-n manjé, li pran kalis la tou, li di : « Kalis sa-a sé nouvo alians la nan san mouin ; fè sa, chak fousa n-ap bouè, pou nou fè sonjé-m ».

Réyèlman, chak fousa n-ap manjé pin sa-a, n-ap bouè kalis sa-a, sé lanmò Granmèt la n-ap anonsé, joustan li vini.

Paròl Granmèt la.

Kantik la (Sékans : Lauda, Sion) yo di-l si yo vlé, p. 594, oubyin tout-antié oubyin sou fòm ki pi kout la, dépi nan mo sa yo : * Min pin.

ALÉLOUYA

Jan 6, 51

R: Alélouya. Mouin sé pin vivan-an, ki désann sot nan sièl la,
sé sa Granmèt la di ;
si yon moun manjé nan pin sa-a, l-ap viv pou tout tan. **R:** Alélouya.

ÉVANJIL

Yo tout manjé vant plin.

✠ Léktu sint Évanjil la dapré Luk

9, 11 b-17

Lè sa-a :

Jézu t-ap palé ak foul yo sou péyi roua Bondié-a ; moun ki té bézouin souin, li géri yo. Jou-a té kòmansé bésé, douz yo proche koté-l, yo di-l : « Voyé foul yo alé, pou y-al nan vil yo ak bouk yo, ki alantou yo, pou yo jouinn koté pou yo dòmi, épi pou yo jouinn manjé ; paské koté sa-a sé nan yon dézè nou yé ». Li minm li di yo : « Nou minm, ba yo manjé ». Yo di-l : « Nou pa gin plis passé sink pin ak dé pouason ; sof si n-al achté manjé pou tout foul sa-a ».

Yo té prèské sink mil gason. Li di disip yo : « Fè yo lonjé kò yo sinkant pa sinkant nan dispozision pou yo manjé ». Yo fè sa, yo fè tout moun lonjé kò yo.

Li pran sink pin yo ak dé pouason yo, li lévé jé nan sièl la, li béni yo, li kasé yo, li séparé bay disip li yo, pou yo mét dévan foul yo. Tout moun manjé vant plin. Yo ranmasé sa-k té an tròp pou yo, douz panié moso pin.

Paròl Granmèt la.

Vandrédi apré dézièm dimanch apré Pantkot

SAKRÉ-KÈ

Solanité

Ané A

PRÉMIÉ LÉKTU

Granmèt la rinmin nou, li chouazi nou.

Léktu liv Détéronòm

7, 6-11

Jou sa yo :

Moyiz té palé ak pèp la antan li di : « Sé yon pèp ki sin ou yé pou Granmèt Bondié-ou la. Granmèt Bondié-ou la chouazi-ou, pou-ou kapab vi-n tounin yon pèp apa pou li nan pami tout pèp yo ki sou tè-a.

Si Granmèt la kolé kò-l sou nou, si li chouazi nou, sé pa paské nou té gin plis moun pasé tout lòt pèp yo, okontrè sé nou minm ki pi piti nan pami tout pèp yo ; min sé paské Granmèt la rinmin nou, épi pou-l kinbé sèman-an, sa-l té sèmanté bay papa nou yo, sé poutèt sa li fè nou soti ak fòs ponyèt li, épi li rachté nou sot nan kay ésklavaj la, sot nan min Faraon, roua Éjip la.

Ou-a konnin sé li minm Granmèt Bondié-ou la ki Bondié ki fò, ki fidèl, ki kinbé aliens la ak mizérikòd la pou moun ki rinmin-l, ki kinbé lòd li yo pou mil jénérasyon ; min moun ki rayi-l yo, li rinnèt yo sa minm lè-a, ki fè li gayé yo, li pa tann pi lontan, sé la minm li rinnèt yo sa yo mérité-a.

Konsa sé pou-ou kinbé lòd yo ak désizion yo ak jijman yo, sa mouin kòmandé-ou jodi-a pou-ou fè-a ».

Paròl Granmèt l.a.

PSÒM RÉPONS

Ps 102, 1-2. 3-4. 6-7. 8 é 10 (R : 17)

R Mizérikòd Granmèt la pou tout tan sou moun ki krinn li yo.

¹ Fè konpliman pou Granmèt la, nanm mouin ;
tou sa-k anndan-m, fè konpliman pou non-l ki sin.

- 2 Fè konpliman pou Granmèt la, nanm mouin,
pa bliyé tou sa-l fè yo. **R:**
- 3 Li minm ki padonnin tout fot ou yo,
ki géri tout maladi-ou yo ;
- 4 li minm ki rachté lavi-ou sot nan fòs la,
ki kouronnin-ou ak mizérikòd, ak pitié. **R:**
- 6 Granmèt la fè jistis
ak jijman pou tout moun k-ap souffri afron.
- 7 Li fè Moyiz konnin chémin-l yo,
li fè pitit Israèl yo konnin mèvèy li yo. **R:**
- 8 Granmèt la pran pitié, li gin mizérikòd,
li pran pasians, li gin anpil mizérikòd.
- 10 Sé pa dapré péché nou yo li aji avèk nou,
ni dapré fot nou yo li rinmèt nou. **R:**

DÉZIÈM LÉKTU

Bondié rinmin nou.

Léktu prémié lèt apot sin Jan

4, 7-16

Nou minm mouin rinmin anpil la :

Sé pou nou youn rinmin lòt, paské charité-a sé nan Bondié li soti ; épi tout moun ki rinmin sé nan Bondié li fèt, li konnin Bondié. Moun ki pa rinmin, li pa konnin Bondié, paské Bondié sé charité.

Sé konsa charité Bondié-a parèt nan nou : Bondié voyé sèl Pitit li-a sou tè-a, pou nou viv gras a li.

Min nan ki sa charité-a yé : sé pa kòm si sé nou ki té rinmin Bondié, min sé li minm ki té rinmin nou an prémié, li voyé Pitit li-a kòm sakrifis pou padonnin péché nou yo.

Nou minm mouin rinmin anpil la, si Bondié rinmin nou konsa, sé pou nou youn rinmin lòt tou. Bondié, pèsòn pa janm ouè-l. Si nou youn rinmin lòt, Bondié rété nan nou, charité-l anfòm nèt nan nou. Min nan kisa nou konnin nou rété nan li épi li minm nan nou : sèké li té ba nou nan Éspri-l la. Nou minm nou ouè, nou sèvi témouin Papa-a voyé Pitit li-a kòm sovè tè-a.

Tout moun ki rékonèt Jézu sé Pitit Bondié, Bondié rété nan li, épi li minm nan Bondié. Nou minm nou konnin, nou kouè nan charité Bondié ginyin pou nou-an. Bondié sé charité, moun ki rété nan charité-a, li rété nan Bondié, épi Bondié rété nan li.

Paròl Granmèt la.

ALÉLOUYA

Mt 11, 29 ab

℞ Alélouya. Pran jouk mouin sou nou,
 pran léson nan min-m, paské mouin tou dou, tou pòv nan kè-m. ℞
 Alélouya.

ÉVANJIL

Mouin tou dou, mouin gin kè-m tou pòv.

✠ Léktu sint Évanjil la dapré Matié

11, 25-30

Lè sa-a, antan Jézu pran laparòl, li té di :

« Mouin fè konpliman pou ou, Papa, Granmèt sièl la ak tè-a, paské ou kaché bagay sa yo pou saj yo ak intélijan yo, ou dévoualé yo bay ti moun piti yo. Oui, Papa, paské sé konsa sa fè-ou plézi. Papa-m rinmèt mouin tout bagay ; pèsòn pa konnin Pitit la sof Papa-a, ni pèsòn pa konnin Papa-a, sof Pitit la ak moun Pitit la vlé révéle sa.

Vi-n jouinn mouin, nou tout k-ap travay di, k-ap rédi anba gro chaj, m-ap réfè fòs nou. Pran jouk mouin sou nou, pran léson nan min-m, paské mouin tou dou, mouin pòv nan kè-m ; n-ap jouinn répo pou nanm nou ; jouk mouin fasil pou poté, chaj mouin léjè ».

Paròl Granmèt la.

Ané B

PRÉMIÉ LÉKTU

Kè-m ap boulvèsé anndan mouin.

Léktu liv profèt Ozé-a

11, 1. 3-4. 8 c-9

Min sa Granmèt la di :

« Lè Israèl té piti, mouin té rinmin-l, épi mouin rélé pitit mouin-an sot an Éjip. Mouin té tankou yon nouris pou Éfrayim, mouin té poté yo sou bra-m, épi yo pa-t konnin sé souin mouin t-ap souin yo. Sé ak kòd Adan mouin t-ap rédi yo, ak kòd rinmin-an ; mouin té ouété jouk la sot sou kou yo, mouin té panché sou li pou-m fè-l manjé.

Kè-m boulvèsé anndan-m, zantray mouin frissonnin. Mouin pap fè kòlè-m éklaté ankò, mouin pap rékòmansé gayé Éfrayim ankò, paské sé Bondié mouin yé, sé pa moun ; nan mitan-ou mouin sé Sin-an, mouin pap anvayi vil la ».

Paròl Granmèt la.

PSÒM RÉPONS

Iz 12, 2-3. 4 bcd. 5-6 (R : 3)

- R: N-ap tiré dlo ak kè kontan sot nan sous Sovè-a.
- 2 Min Bondié k-ap sovè-m nan,
mouin gin konfians, mouin pa pè,
paské fòs mouin ak louanj mouin sé Granmèt la, sé li minm ki sovè-m.
- 3 N-ap tiré dlo ak kè kontan sot nan sous Sovè-a. R:
- 4 Fè louanj Granmèt la, rélé non-l,
fè pèp yo konnin mèvèy li yo,
fè sonjé kijan non-l gran. R:
- 5 Chanté pou Granmèt la, paské li fè mèvèy,
anonsé sa sou tout tè-a.
- 6 Fè fèt, fè louanj, ou minm ki abité Siyon,
paské li gran nan mitan-ou, Sin Israèl la. R:

DÉZIÈM LÉKTU

*Konnin rinmin Kris la ki dépasé sians la.***Léktu lèt apot sin Pòl pou Éfézyin yo****3, 8-12. 14-19**

Frè-m yo :

Mouin minm ki pi piti nan tout sin yo, sé mouin minm yo bay gras sa-a pou-m poté Bòn Nouvèl la nan nasion yo, pou-m anonsé yo richès Kris la yo pa kapab sondé yo, pou-m kléré yo tout, pou-m montré yo kijan mistè sa-a dévoualé koulié-a, mistè sa-a ki té kaché dépi sièk tan nan Bondié ki kréyé tout bagay la ; pou chèf yo ak pouvoua yo nan sièl la rékonèt sajès Bondié-a ki san limit la, gras a Égliz la ; dapré plan li té fè nan Kris Jézu Granmèt nou-an dépi tout tan. Nan li nou gin konfians pou nou proché avèk asirans, gras a lafoua nou gin nan li.

Sé pou sa mouin mét jénou atè dévan Papa Granmèt nou Jézu-Kri, sé nan li tout papa nan sièl ak sou tè kapab poté non papa-a ; sé pou-l ba nou favè dapré richès gloua li, pou gras a Éspri-l, nou asiré fòs moun nan k-ap dévlopé anndan nou-an ; sé pou Kris la abité nan kè nou gras a lafoua-a ; sé pou nou pousé rasi-n nan charité-a, pou nou pozé fondasion nou nan li, pou nou kapab konprann ansanm avèk tout sin yo ki lajè, ki longè, ki rotè, ki profondè ; pou nou konnin rinmin Kris la ki dépasé tout sians, pou nou kapab plin ak tou sa Bondié plin-an.

Paròl Granmèt la.

ALÉLOUYA**Mt 11, 29 ab**

R: Alélouya. Pran jouk mouin sou nou,
épi pran léson nan min-m, paské mouin tou dou, tou pòv nan kè-m. **R:**
Alélouya.

oubyin :**1 Jan 4, 10 b**

R: Alélouya. Bondié té rinmin nou an prémié,
épi li té voyé Pitit li-a kòm instriman padon pou péché nou yo. **R:**
Alélouya.

ÉVANJIL

Bò kòt li louvri, san ak dlo koulé.

✠ Léktu sint Évanjil la dapré Jan

19, 31-37

Lè sa-a :

Kòm sé té préparasion Pak la, pou kò yo pa-t rété sou koua-a jou saba-a (sèké jou sa-a sé té gran jou saba-a), Juif yo mandé Pilat pou yo krazé janm yo, pou yo ouété yo.

Sòlda yo rivé, yo krazé janm premié-a ak lòt la ki té klouré sou koua-a avèk Jézu-a. Min lè yo rivé sou Jézu, yo ouè li té déjà mouri, yo pa krazé janm li, min youn nan sòlda yo louvri bò kòt li avèk pik li, minm lè-a san ak dlo koulé.

Moun ki ouè-a, li sèvi témouin, témouagnaj li-a vré. Li minm li konnin li di vérité, pou nou minm tou nou kapab kouè. Bagay sa yo fèt pou sa ki ékri-a té kapab réalisé : « Nou pap krazé zo nan li ». Épi tou yon lòt pasaj sa ki ékri-a di :

« Y-ap gadé sa-a yo transpèsé-a ».

Paròl Granmèt la.

Ané C

PRÉMIÉ LÉKTU

*Mouin minm minm m-ap okipé mouton-m yo,
m-ap fè yo kouché.*

Léktu liv profèt Ézékièl

34, 11-16

Min paròl Granmèt Bondié :

« Min m-ap chèché mouton-m yo, m-ap vizité yo : minm jan yon gadyin vizité bann mouton-l, jou li nan mitan bann mouton-l yo ki gayé yo, konsa m-ap vizité mouton-m yo, m-ap délivré yo sot nan tout koté yo té gayé jou nuaj ak brouya, m-ap minnin yo sot nan pami pèp yo, m-ap ranmasé yo sot nan péyi yo, m-ap fè yo antré nan péyi yo-a, m-ap okipé yo sou mòn Israèl yo, bò riviè yo ak nan tout koté moun abité nan péyi-a ; nan bon pak zèb m-ap fè yo manjé, sou mòn Israèl yo ki pi ro yo y-ap jouinn manjé yo.

Mouin minm minm m-ap okipé mouton-m yo, m-ap fè yo kouché, sé sa Granmèt Bondié di. Sa-k té pèdi-a, m-ap chèché-l ; sa yo té réjité-a, m-ap fè-l tounin ; sa-k té blésé-a, m-ap pansé-l ; sa-k té malad la, m-ap ba-l santé ; sa-k gra-a, ki fò-a, m-ap konsèvé-l ; m-ap okipé yo nan jistis ».

Paròl Granmèt la.

PSÒM RÉPONS

Ps 22, 1-3 a. 3 b-4. 5. 6 (R : 1)

R: Granmèt la ap souin-m, mouin pap manké anyin.

1 Granmèt la ap souin-m, anyin pap manké-m ;

2 nan zèb vèt li instalé-m,

sou bò dlo trankil li minnin-m,

3 li réfè nanm mouin. **R**:

Li kondui-m nan santié jistis poutèt non-l.

4 Sèké minm si m-ap maché nan bafon lonbraj lanmò,
mouin pap pè malè, paské ou avèk mouin.

Baton-ou ak bagèt ou, sé yo k-ap konsolé-m. **R**:

5 Ou paré yon tab dévan fas mouin
kont sa yo k-ap fè-m pasé tray la ;
ou souin tèt mouin ak losion,
kalis mouin ap débòdé. **R**:

6 Réyéلمان sé bon kè ak mizérikòd k-ap rapousuiv mouin
tout tan lavi-m,
m-ap abité nan kay Granmèt la
pou tout longè tan yo. **R**:

DÉZIÈM LÉKTU

Bondié montré kijan li rinmin nou.

Léktu lèt apot sin Pòl pou Romin yo

5, 5 b-11

Frè-m yo :

Rinmin Bondié-a gayé nan kè nou gras a Éspri Sin-an li ba nou-an. Pouki sa Kris la, malgré nou té fèb toujou-a, li mouri pou péchè yo, lè tan-an rivé-a ? Apèn yon moun kapab aksépté mouri pou yon lòt ki kòrèk ; pou yon moun débyin, pétèt yon moun kapab aksépté mouri.

Min Bondié montré jan-l rinmin nou, paské, malgré sé péchè nou té yé, Kris la mouri pou nou nan tan fiksé-a. Konsa koulié-a minm, étan nou vi-n kòrèk pi plis ankò gras a san-l, n-ap sové gras a li sot nan kòlè-a.

Si malgré nou té ènmi, nou vi-n rékonsilié ak Bondié nan lanmò Pitit li-a, koulié-a minm étan nou fi-n rékonsilié avèk li-a, sé piplis toujou n-ap sové nan lavi-l. Sé pa sèlman sa, min n-ap jouinn gloua nan Bondié pa lintèmediè Granmèt nou Jézu-Kri ki rékonsilié nou-an.

Paròl Granmèt la.

ALÉLOUYA

Jan 10, 14

℟: Alélouya. Mouin sé bon gadyin-an, sé sa Granmèt la di, épi mouin konnin mouton-m yo, yo konnin-m tou. ℟: Alélouya.

oubyin

Mt 11, 29 ab

℟: Alélouya. Pran jouk mouin sou nou, épi pran léson nan min-m, paské mouin tou dou épi tou pòv nan kè-m.
℟: Alélouya.

ÉVANJIL

*Fè kè nou kontan avèk mouin,
paské mouin jouinn mouton-m nan ki té pèdi-a.*

✚ Léktu sint Évanjil la dapré Luk

15, 3-7

Lè sa-a :

Jézu té di Farizyin yo parabòl sa-a, antan li di :

« Kilès nan pami nou, si-l gin san mouton, épi li pèdi youn nan yo, pou-l pa kité katrévindis-nèf yo nan dézè-a, pou-l al chèché sa-k té pèdi-a, joutan li jouinn li ? Lè-l jouinn li, li mété-l sou zépòl li ak kè kontan, li rivé lakay li, li rasanblé zanmi-l ak vouazin-l yo, li dí yo : “Fè kè nou kontan avèk mouin, paské mouin jouinn mouton-m nan ki té pèdi-a”.

Mouin di nou sé konsa tou ap gin kè kontan nan sièl la pou yon péchè ki fè pénitans, plis pasé pou katrévindis-nèf moun kòrèk ki pa bézouin fè pénitans ».

Paròl Granmèt la.

TAN ÒDINÈ

PRÉMIÉ SÉMÈN

Lindi

Ané 1

PRÉMIÉ LÉKTU

Bondié palé avèk nou nan Pitit la.

Kòmansman lèt pou Ébré yo

1, 1-6

Anpil foua ak anpil maniè lontan Bondié té palé ak papa yo nan profèt yo, nan dènié jou sa yo li palé avèk nou nan Pitit la, li minm li instalé kòm éritié tout bagay la, sé pa lintèmediè-l li té fè tan yo.

Li minm ki klèté gloua li ak pòtré sa-l yé-a, li poté tout bagay ak paròl pouvoua-l la, lè-l fi-n pròpté péché yo, li chita adouat gloua-a nan anro nèt la ; li gin pi gran plas passé Anj yo, non li éritié-a pi gran anpil passé pa yo-a.

Kilès nan Anj yo Bondié té di : « Sé Pitit mouin ou yé, mouin minm jodi-a mouin anfanté-ou » ? Épi tou : « M-ap yon papa pou li, li minm l-ap yon pitit pou mouin » ? Épi, lè l-ap fè Prémié Pitit la antré sou fas tè-a, li di : « Sé pou tout Anj Bondié yo adoré-l ».

Paròl Granmèt la.

PSÒM RÉPONS

Ps 96, 1 é 2 b. 6 é 7 c. 9 (R: cf. 7 c)

R: Adoré Bondié, tout Anj li yo.

¹ Granmèt la roua, tè-a dansé, pakèt zilé yo kontan.

² Jistis ak jijman, sé platfòm tro-n li. **R:**

⁶ Sièl yo anonsé jistis li, tout pèp yo ouè gloua-l.

⁷ Adoré-l, tout dié yo. **R:**

⁹ Paské ou minm, Granmèt, ou anro nèt anlè tout tè-a, ou lévé byin ro, anlè tout dié yo. **R:**

Ané 2

PRÉMIÉ LÉKTU

*Lòt madanm mari A-n nan té konn ap fè-l lapinn,
paské Granmèt la té fèmin zantray li.*

Kòmansman prémié liv Samuèl

1, 1-8

Té gin yon mésié ki té sot Ramatayim Sofim, nan mòn Éfrayim, non-l sé té Èlkana, pitit Yéroam, pitit Éliou, pitit Toou, pitit Souf, moun Éfrata. Li té gin dé madanm, non youn sé té A-n, non dézièm nan sé té Fénéna. Fénéna té gin pitit, min A-n minm pa-t gin pitit.

Mésié sa-a monté sot nan vil li-a, nan jou ki fiksé yo, pou-l adoré Granmèt lamé yo Silo, épi pou-l ofri sakrifis ba li. Té gin dé pitit Éli yo la, Ofni avèk Finéès, prèt Granmèt la.

Konsa lè jou-a rivé, Èlkana ofri sakrifis, li bay Fénéna madanm li-an avèk tout pitit gason-l ak pitit fi-l yo anpil pòsion ; min A-n minm, sé yon sèl pòsion li ba li, li té gin lapinn, paské li té rinmin A-n ; sèlman Granmèt la té fèmin zantray li. Lòt madanm mari-l la té konn ap fè-l afron, li té konn ap éksité-l anpil, pou-l té fè-l répròch poutèt Granmèt la té fèmin zantray li-a.

Sé konsa li té konn fè chak ané, lè tan-an rivé pou yo monté nan tanp Granmèt la ; sé konsa li té konn ap chèché-l kont. Li minm minm li té konn kriyé, li pa-t konn manjé. Èlkana mari-l la, di-l : « A-n, pouki sa ou ap kriyé ? épi pouki sa ou pa manjé ? épi pouki rézon kè-ou gin lapinn nan ? Èské mouin pa pi bon pou ou pasé dis pitit » ?

Paròl Granmèt la.

PSÒM RÉPONS

Ps 115, 12-13. 14 é 17. 18-19 (R : 17 a)

R: Pou ou, Granmèt, m-ap ofri sakrifis louanj.

oubyin : Alélouya.

¹² Ki sa pou-m rinmèt Granmèt la
pou tou sa-l fè pou mouin ?

¹³ M-ap pran kalis k-ap sové nou-an,
m-ap rélé non Granmèt la. R:

- 14 M-ap rinmèt Granmèt la sa-m té promèt yo,
dévan tout pèp li-a.
- 17 M-ap ofri sakrifis louanj ba ou,
m-ap rélé non Granmèt la. **R:**
- 18 M-ap rinmèt Granmèt la sa-m té promèt yo,
dévan tout pèp la.
- 19 nan lakou kay Granmèt la,
nan mitan-ou, Jérusalèm. **R:**

ALÉLOUYA

Mk 1, 15

R: Alélouya. Péyi-roua Bondié-a tou pré, sé sa Granmèt la di :
fè pénitans, kouè nan bòn nouvèl la. **R:** Alélouya.

Nan plas vèsè anvan Évanjil la, sa yo prezanté pou chak jou yo, yo kapab sèvi avèk yon lòt nan sa yo jouinn pi louin yo, p. 1543.

ÉVANJIL

Fè pénitans kouè nan bòn nouvèl la.

✠ Léktu sint Évanjil la dapré Mark

1, 14-20

Apré yo fi-n arété Jan, Jézu rivé nan Galilé, l-ap préché bòn nouvèl péyi-roua Bondié-a, l-ap di : « Tan-an rivé, péyi-roua Bondié-a proché : fè pénitans, kouè nan bòn nouvèl la ».

Antan l-ap pasé bò lanmè Galilé-a, li ouè Simon avèk André frè-l la k-ap voyé filè nan lanmè-a sé péchè pouason yo té yé. Jézu di yo : « Vini apré-m, m-ap fè nou al lapèch lézòm ». Minm lè-a, yo kité filè yo, yo suiv li.

Li kontinié sot la, l-al yon ti kras pi louin, li ouè Jak pitit Zébédé-a avèk Jan, frè-l la, yo t-ap rapiésé filè yo nan batiman-an ; minm lè-a, li rélé yo. Yo kité papa yo Zébédé nan batiman-an avèk anplouayé yo, yo suiv li.

Paròl Granmèt la.

Ané koté fèt Batèm Granmèt la sélébré lindi premié sémèn òdinè, léktu yo doué chouazi pou jou sa-a, yo kapab ajouté yo sou sa ki indiké pou madi-a, pou konsèvé kòmansman chak liv.

Madi

Ané 1

PRÉMIÉ LÉKTU

*Li té gin pou-l té fè sa-k sové nou-an rivé nan dènié dégré-a,
antan-l fè-l pasé nan soufrans.*

Léktu lèt pou Ébré yo

2, 5-12

Sé pa Anj yo Bondié fè kòmandé fas tè-a k-ap vini-an, sa n-ap palé osijè-l la. Nan yon koté gin yon moun ki sèvi témouin, ki di :

« Ki sa moun nan yé, pou-ou ou-ap sonjé-l la ? oubyin pitit moun nan, pou-ou ap vizité-l la ? Ou fè-l vi-n yon ti kras pi ba pasé Anj yo, ou kouronnin-l ak gloua ak konsidérasion, ou instalé-l sou travay min-ou yo : ou mété tout bagay anba pié-l ».

Kòm li mété tout bagay anba lòd li, li pa kité anyin ki pa anba lòd li ; koulié-a minm nou pa ko ouè tout bagay anba lòd li. Min sa-a ki vi-n yon ti kras pi ba pasé Anj yo, nou ouè-l, sé Jézu, li kouronnin ak gloua ak konsidérasion poutèt soufrans lanmò-a ; akoz gras Bondié-a li té gouté lanmò pou tout moun.

Sa-a tout bagay fèt poutèt li-a épi pa lintèmédiè-l la, li minm ki t-ap minnin tout pakèt pitit yo nan gloua-a, li té gin pou-l té kondui sa-a ki t-ap sové yo-a nan dènié pouin li, pa lintèmédiè soufrans la. Sèké sa-a k-ap fè yo vi-n sin-an épi sa yo ki vi-n sin-an sé nan yon sèl yo tout yo soti. Sé poutèt sa li pa ront rélé yo frè, antan-l di : « M-ap anonsé non-ou bay frèm yo : nan mitan asanblé-a m-ap fè louanj ou ».

Paròl Granmèt la.

PSÒM RÉPONS

Ps 8, 2 a é 5. 6-7. 8-9 (R: cf. 7)

- R: Ou instalé Pitit ou-a anlè travay min-ou yo.
- 2 Granmèt, Granmèt nou,
ala gran non-ou gran sou tout tè-a !
- 5 Sa moun nan yé, pou-ou sonjé-l ?
oubyin pitit moun nan, pou-ou vizité-l ? R:

- 6 Ou fè-l vi-n pi ba yon ti kras anba Anj yo,
ak gloua ak konsidèrasion ou kouronnin-l ;
7 ou instalé-l anlè travay min-ou yo. **R**
- Tout bagay, ou mété yo anba pié-l :
8 ni mouton ni bèf yo tout, minm bèt nan rak boua yo,
9 zouazo sièl yo ak pouason lanmè yo,
tou sa k-ap maché nan santié lanmè yo. **R**

PRÉMIÉ LÉKTU

Ané 2

*Granmèt la sonjé A-n,
li anfanté Samuèl.*

Léktu prémié liv Samuèl

1, 9-20

Jou sa yo :

A-n lèvé, apré-l fi-n manjé, li fi-n bouè nan Silo, prèt Éli té chita sou ti chèz la dévan pòtay tanp Granmèt la. Kòm A-n té gin lapinn nan nanm li, li priyé kot Granmèt la, antan l-ap kriyé anpil, li fè vé, li di :

« Granmèt lamé yo, si-ou té kapab voyé jé-ou ouè lapinn sèvant ou-a, pou-ou sonjé-m, pou-ou pa bliyé sèvant ou-a, pou-ou bay sèvant ou-a yon ti gason, mouin t-a rinmèt li bay Granmèt la pou tout jou lavi-l, razoua pa t-ap monté sou tèt li ».

Rivé, pandan l-ap priyé anpil dévan Granmèt la, Éli t-ap obsèvé bouch li. A-n t-ap palé nan kè-l, min sé po bouch li sèlman ki t-ap bat, yo pa-t tandé voua-l minm prèské. Konsa Éli té konprann li té sou, li di-l : « Jouskilè ou-ap rét sou ? Divin sa-a ki fè-ou sou-a, fè-l pasé pandan yon ti moman ».

A-n réponn : « Pa ditou, mèt mouin ; sèké sé yon madanm ki gin kè séré mouin yé : divin ni tout bagay ki kapab fè moun vi-n sou, mouin pa bouè sa, min sé nanm mouin m-ap vidé dévan Granmèt la. Pa konsidéré sèvant ou-a tankou youn nan pitit fi Béliyal yo, sé paské doulè-m nan anpil, épi ni lapinn mouin-an tou ki fè m-ap palé jouskoulié-a ».

Lè sa-a Éli di-l : « Alé ak lapè, sé pou Bondié Israèl la ba-ou demann ou mandé-l la ».

Li di : « Si sèvant ou-a té kapab jouinn gras nan jé-ou ». Madanm nan al fè rout li, li manjé, figi-l pa chanjé ankò.

Yo lévé granmatin, yo adoré dévan Granmèt la, yo tounin yo rivé lakay yo Ramata. Èlkana vi-n gin rélation avèk A-n madanm li, Granmèt la sonjé-l. Rivé apré kantité jou yo, A-n vi-n ansint, li anfanté yon ti gason, li rélé non-l Samuèl, poutèt sé Granmèt la li té mandé-l.

Paròl Granmèt la.

PSÒM RÉPONS

1 Sam 2, 1. 4-5. 6-7. 8 abcd (R: cf. 1 a)

R: Kè-m ap fété nan Granmèt la, sovè-m nan.

¹ Kè-m ap fété nan Granmèt la :

kòn mouin lévé nan Bondié-m nan :

bouch mouin louvri byin laj sou ènmi-m yo,

paské mouin kontan nan sové ou sové-m nan. R:

⁴ Zam vanyan yo té konn tiré flèch la, li kasé,
sé fèb yo ki maré rin yo ak fòs.

⁵ Sa-k té plin anvan yo y-ap loué tèt yo pou pin,
sa-k té grangou yo vi-n gin vant plin ;
joutan sa-k pa-t kapab fè pitit la vi-n anfanté anpil pitit,
épi sa-k té gin anpil pitit la, li vi-n fébli. R:

⁶ Granmèt la fè moun mouri, li fè moun viv,
li kondui anba tè yo, li fè rémonté ;

⁷ Granmèt la fè moun vi-n pòv, li fè moun vi-n rich,
li rabésé, li lévé anlè. R:

⁸ li lévé maléré-a sot nan poussiè-a,
li lévé pòv la sot nan fatra-a,
pou-l fè-l chita avèk chèf yo,
pou-l ba-l tro-n gloua-a. R:

ALÉLOUYA

Cf. 1 Tés 2, 13

R: Alélouya. Résévoua paròl Bondié-a, pa tankou paròl moun,
min tankou sa-l yé tout bon vré-a, paròl Bondié-a. R: Alélouya.

ÉVANJIL

Li t-ap ba yo ansègnman tankou moun ki gin otorité.

✚ **Léktu sint Évanjil la dapré Mark** 1, 21 b-28

Nan vil Kafarnaòm nan, jou saba Jézu antré nan sinagòg la, li t-ap ba yo ansègnman. Yo té sézi osijè ansègnman-l nan ; sèké li t-ap ba yo ansègnman tankou moun ki gin pouvoua, sé pa tankou profèsè yo.

Nan sinagòg yo-a, té gin yon mésié ki té gin éspri papròp, li rélé byin fò, li di : « Ki sa-k gin ant nou minm ak ou minm, Jézu moun Nazarèt la ? Èské ou vini pou-ou pèdi nou ? Mouin konnin kilès ou yé : Sin Bondié-a ».

Jézu ménasé-l, li di : « Pé bouch ou, soti nan mésié-a ». Éspri papròp la souké-l, li rélé byin fò, li pati sot nan li.

Tout moun té sézi, atèl pouin yo t-ap chèché ansanm antré yo, yo t-ap di : « Ki kalité bagay sa-a ? Ki kalité ansègnman nouvo sa-a ? Sèké ak pouvoua li kòmandé minm sou éspri papròp yo, yo obéyi-l ». Répitasyon-l gayé minm lè-a nan tout réjion Galilé-a.

Paròl Granmèt la.

Mèkrédi

Ané 1

PRÉMIÉ LÉKTU

*Li té gin pou-l sanblé ak frè yo nan tout bagay,
pou-l té kapab pran pitié pou yo.*

Léktu lèt pou Ébré yo 2, 14-18

Paské pitit yo té kominiké nan chè-a ak san-an, Jézu li minm tou té vlé patisipé nan yo, pou, gras a lanmò-a, li té kapab détrui sa-a ki té gin pouvoua lanmò-a, sa vlé di djab la ; pou-l té kapab libéré sa yo ki t-ap pasé tray pandan tout lavi-a poutèt ésklavaj kè soté lanmò-a.

Sé pa Anj yo li vi-n poté sékou, min sé ras Abraam nan li vi-n poté sékou. Sé poua li té gin pou-l sanblé ak frè yo nan tout bagay, pou-l té kapab pran pitié pou yo, pou-l té kapab vi-n tounin yon prèt an chèf ki fidèl kot Bondié, pou-l té kapab padonnin fot pèp la.

Kòm li minm li souffri, li kité yo tanté-l, li gin pouvoua pou-l soutni sa yo y-ap tanté-a.

Paròl Granmèt la.

PSÒM RÉPONS

Ps 104, 1-2. 3-4. 6-7. 8-9 (R: 8 a)

R: Granmèt la sonjé aliens la pou tout tan.

oubyin : Alélouya.

- 1 Fè louanj Granmèt la, rélé non-l,
anonsé travay li nan pami nasion yo.
- 2 Chanté pou li, joué mizik pou li,
kalkilé sou tout mèwèy li yo. R:
- 3 Fè louanj non-l ki sin-an,
sé pou kè moun yo k-ap chèché Granmèt la kontan.
- 4 Chèché Granmèt la ak pouvoua-l,
chèché fas li tout tan. R:
- 6 Ras Abraam, sèvitè-l,
pitit Jakòb, sa-a li chouazi-a.
- 7 Sé li minm Granmèt Bondié nou ;
sou tout tè-a jijman-l yo. R:
- 8 Li sonjé aliens li-a tout tan,
paròl li té kòmandé bay mil jénérasyon yo,
- 9 sa-l té pasé avèk Abraam nan,
sèman li té fè bay Izaak la. R:

Ané 2

PRÉMIÉ LÉKTU

Palé, Granmèt, paské sèvitè-ou pa kouté.

Léktu prémié liv Samuèl

3, 1-10. 19-20

Jou sa yo :

Ti Samuèl t-ap sèvi Granmèt la dévan Éli ; paròl Granmèt la té ra nan jou sa yo ; pa-t gin vizion ki té parèt. Rivé yon jou Éli té kouché nan plas li, jé-l té voualé, li pa-t kapab ouè. Anvan lanp Bondié-a té étinn, Samuèl t-ap dòmi nan tanp Granmèt la, koté ach Bondié-a té yé-a.

Granmèt la rélé : « Samuèl » ; li réponn, li di : « Min mouin ». Li kouri kot Éli, li di : « Min mouin, paské ou rélé-m ». Li réponn : « Mouin pa rélé-ou, pitit mouin ; tounin al dòmi ». Granmèt la rékòmansé rélé Samuèl ankò. Samuèl lévé, l-al kot Éli, épi li di : « Min mouin, paské ou rélé-m ».

Li réponn : « Mouin pa rélé-ou, pitit mouin ; tounin, épi dòmi ». Samuèl pa-t ko konnin Granmèt la, paròl Granmèt la pa-t dévoualé ba li.

Granmèt la rékòmansé ankò, li rélé Samuèl pou touazièm foua-a ; li lévé, l-al kot Éli, li di : « Min mouin, paské ou rélé-m ». Éli konprann atò sé Granmèt la ki té rélé pitit la, épi li di Samuèl : « Alé épi dòmi ; épi si yo rélé-ou ankò, ou-a di : “Palé, Granmèt, paské sèvitè-ou ap kouté” ».

Samuèl grandi, Granmèt la té avèk li. Okinn nan paròl li yo pa-t tonbé atè. Dépi Dan jous Bèrsabé, tout Israël rékonèt Samuèl kòm profèt fidèl Granmèt la.

Paròl Granmèt la.

PSÒM RÉPONS

Ps 39, 2 é 5. 7-8 a. 8 b-9. 10 (R: 8 a é 9 a)

- R: Min m-ap vini, Granmèt, pou-m fè volonté-ou.
- 2 Sé pa ti kras tann mouin t-ap tann, Granmèt la,
li panché sou mouin.
- 5 Ala kontantman pou moun ki mété éspérans li nan Granmèt la,
ki pa gadé moun k-ap lévé tèt yo, k-ap panché nan manti. R:
- 7 Sakrifis ak kado, ou pa-t vlé sa,
ou louvri zòrèy mouin.
Sakrifis antié ak sakrifis pou péché, ou pa-t mandé sa,
- 8 lè sa-a mouin di : « Min m-ap vini. R:
- Nan roulo liv la yo ékri osijè-m
9 pou-m fè volonté-ou.
Bondié mouin, mouin dakò,
laloua-ou la nan zantray mouin ». R:
- 10 Mouin anonsé jistis ou-a nan gran asanblé-a ;
min mouin pa fèmin bouch mouin, Granmèt, ou konnin. R:

ALÉLOUYA

Jan 10, 27

- R: Alélouya. Mouton-m yo tandé voua-m, sé sa Granmèt la di ;
épi mouin minm mouin konnin yo, yo suiv mouin. R: Alélouya.

ÉVANJIL

Li géri anpil moun ki t-ap souffri ak divès maladi.

✠ Léktu sint Évanjil la dapré Mark

1, 29-39

Lè sa-a :

Pandan Jézu ap soti nan sinagòg la, li rivé nan kay Simon ak André avèk Jak ak Jan. Bèl-mè Simon-an té kouché avèk lafièw, minm lè-a yo palé-l osijè-l. Li proché, li soulvé-l, li kinbé min-l ; minm lè-a lafièw la pati, épi li t-ap sèvi yo.

Lè asouè rivé, pandan solèy la t-ap kouché, yo minnin tout moun ki malad ba li, ni moun ki gin démon ; tout vil la té rasanblé dévan pòt la. Li géri anpil moun ki t-ap souffri avèk divès maladi, li chasé anpil démon ; li pa-t kite yo palé, paské yo té konnin-l.

Granmatin, li lévé, li soti, l-al nan yon koté ki dézè, épi li t-ap priyé la. Simon minm rapousuiv li, ni moun ki té avèk li yo ; lè yo jouinn li, yo di-l : « Sé tout moun k-ap chèché-ou ».

Li di yo : « An-al nan bouk yo ki tou pré yo ak nan vil yo, pou nou préché la ; sé pou sa minm mouin vini. Li t-ap préché nan sinagòg yo, ak nan tout Galilé-a, li t-ap chasé démon yo.

Paròl Granmèt la.

Jédi

Ané 1

PRÉMIÉ LÉKTU

Sé pou nou ankourajé nou toutotan yo kapab di « Jodi-a ».

Léktu lèt pou Ébré yo

3, 7-14

Frè-m yo :

Jan Éspri Sin-an di-a : « Jodi-a, si nou tandé voua-l, pa fèmin kè nou, tankou nan révòlt la, dapré jou yo té tanté-m nan dézè, koté papa nou yo té tanté-m nan, yo té tanté-m épi yo té ouè travay mouin pandan karantan ; poutèt sa jénérasion sa-a éksité-m, mouin di : “Tout tan yo gin kè yo k-ap pran chémin krochi, konsa yo pa rékonèt chémin-m yo” ; jan mouin fè sèman nan kòlè-m nan : “Yo pa gin doua antré nan répo-m nan” ».

Gadé, frè-m yo, pou pa gin yon kè ki mové nan pami nou, ki pa gin lafoua, ki viré do bay Bondié vivan-an ; min sé pou nou ankourajé tèt nou, chak jou, toutotan yo kapab di « Jodi-a », pou pèsòn nan nou pa fèmin kè-l avèk manti péché-a.

Sèké nou vi-n patisipé nan Jézu-Kri, si sèlman nou kinbé premié ansègnman-l nan fèm jouskalafin.

Paròl Granmèt la.

PSÒM RÉPONS

Ps 94, 6-7. 8-9. 10-11 (R : 8)

R Si jodi-a nou té kapab kouté voua Granmèt la : « Pa fèmin kè nou ».

⁶ Vini, an nou adoré-l, an nou bésé atè,
an nou ajénou dévan Granmèt la ki fè nou-an,

⁷ paské sé li minm ki Bondié nou,
nou sé pèp pak li ak mouton min-l. R

⁸ Si jodi-a nou té kapab tandé voua-l :
« Pa fèmin kè nou,

⁹ tankou nan Mériba, dapré jou Masa nan dézè-a,
koté papa nou yo té tanté-m nan ;
yo té chèché-m kont, malgré yo té ouè travay mouin yo ». R

Ané 2

PRÉMIÉ LÉKTU

Israèl tonbé, yo pran arch Bondié-a.

Léktu premié liv Samuèl

4, 1-11

Rivé jou sa yo, Filistin yo rasanblé pou batay ; Israèl soti dévan Filistin yo nan batay la, yo kanpé bò Ròch sékou-a. Filistin yo rivé nan Afèk, yo lévé épé kont Israèl. Nan kòmansman batay la, Israèl viré do bay Filistin yo ; nan batay sa-a gin apéprè kat mil gason ki tonbé nan rak boua yo tout koté.

Pèp la tounin nan koté joupa yo té yé-a, chèf Israèl yo di : « Pouki sa Granmèt la frapé nou jodi-a dévan Filistin yo ? An nou fè chèché arch aliens Granmèt la sot Silo, 1-a vi-n nan mitan nou, pou-l sovè nou sot nan min ènmi nou yo ».

Pèp la voyé nan Silo, yo pran arch aliens Granmèt lamé yo ki chita sou Chéribin yo. Dé pitit Éli yo té avèk arch aliens Bondié-a, Ofni ak Finéyès. Lè arch aliens Granmèt la rivé nan koté tant yo yé-a, tout Israèl rélé byin fò, tè-a sonnin.

Filistin yo tandé voua rèl la, yo di : « Ki kalité voua gran rèl sa-a nan kan Ébré yo » ? Yo rékonèt sé arch Granmèt la ki té vini nan kan-an. Filistin yo vi-n pè, yo di : « Bondié vi-n nan kan-an » ; yo plinn, yo di : « Ala malè pou nou ! Pa-t gin tout kontantman sa-a ni yé ni avantiè. Ala malè pou nou ! Kilès k-ap sovè nou sot nan min dié sa yo ki gran anpil la ? Sé dié sa yo, ki té frapé Éjip la ak tout kalité chatiman nan dézè-a. Sé pou nou ankourajé, sé pou nou gason, Filistin yo, pa sèvi Ébré yo, tankou yo minm yo té sèvi nou-an : pran kouraj, batay ».

Filistin yo batay, Israèl tonbé, chak moun sovè nan tant li, vi-n gin yon gran kou, trant mil sòlda tonbé nan Israèl. Yo pran arch Bondié-a, dé pitit Éli yo mouri tou, Ofni ak Finéyès.

Paròl Granmèt la.

PSÒM RÉPONS

Ps 43, 10-11. 14-15. 24-25 (R: 26 d)

- R: Délivré nou, Granmèt, poutèt mizérikòd ou-a.
- ¹⁰ Koulié-a minm ou réjité nou, ou fè nou ront, ou pa soti avèk lamé nou yo, Bondié.
- ¹¹ Ou fè nou viré do dévan ènmi nou yo, moun ki rayi nou yo, yo piyé nou. R:
- ¹⁴ Ou fè nou vi-n tounin ront pou vouazin nou yo, rizib ak jouèt pou sa yo ki alantou nou yo.
- ¹⁵ Ou fè nou vi-n tounin provèb nan nasion yo, pèp yo ap souké tèt sou nou. R:
- ²⁴ Lévé, pouki sa ou-ap dòmi-a, Granmèt ? lévé, pa répousé nou pou tout tan.
- ²⁵ Pouki sa ou-ap viré fas ou-a, ou bliyé malè nou ak tray nou ? R:

ALÉLOUYA

Cf. Mt 4, 23

℞ Alélouya. Jézu t-ap préché bòn nouvèl péyi-roua-a,
li t-ap géri tout maladi nan pèp la. ℞ Alélouya.

ÉVANJIL

Lèp la pati sot sou li, li vi-n géri.

✠ Léktu sint Évanjil la dapré Mark

1, 40-45

Lè sa-a :

Yon lépré vi-n kot Jézu, li priyé-l, li mét ajénou, li di-l : « Si-ou vlé, ou kapab pròpté-m ». Jézu minm pran pitié pou li, li lonjé min-l, li touché-l, li di-l : « Mouin vlé, sé pou-ou pròpté ». Kon-l di sa, minm lè-a lèp la pati kite-l, li pròpté.

Li ménasé-l minm lè-a li ranvouayé-l sèk ; li di-l : « Gadé, pa di pèsòn sa ; min alé, fè chèf prèt yo ouè-ou, ofri pou gérizon-ou nan, sa Moyiz té kòmandé-a, kòm témouagnaj pou yo ».

Min li minm minm li pati li kòmansé déklaré bagay la, li gayé nouvèl la, atèl pouin li pa-t kapab parèt aklè pou-l antré nan yon vil. Min sé déyò nan koté dézè yo li té rété, yo té sot tout koté pou yo vi-n jouinn li.

Paròl Granmèt la.

Vandrédi

PRÉMIÉ LÉKTU

Ané 1

An nou fè vit pou nou antré nan répo sa-a.

Léktu lèt pou Ébré yo

4, 1-5. 11

Frè-m yo :

Malgré promès pou antré nan répo-l la rété fèm, sé pou nou pè pou kèk moun nan nou pa konprann li manké. Yo té anonsé nou sa, minm jan avèk yo minm, min paròl yo té tandé-a pa-t sèvi yo anyin, sé pa avèk lafoua yo té résévoua sa yo té tandé yo.

Konsa sé pou nou antré nan répo-a, nou minm ki kouè yo, jan-l di-a : « Jan-m té fè sèman nan kòlè-m nan, yo pa gin doua antré nan répo-m nan » : dépi nan kòmansman tè-a travay li yo té fi-n kòrèk ; sèké li di yon koté osijè sètièm jou-a : « Konsa Bondié répozé sètièm jou-a pou tout travay li yo ». Épi yon lòt koté ankò : « Yo pa gin doua antré nan répo-m nan ».

Konsa sé pou nou fè vit pou nou antré nan répo sa-a, pou pèsòn pa tonbé ankò sou modèl mank lafoua-a.

Paròl Granmèt la.

PSÒM RÉPONS

Ps 77, 3 4 bc. 6 c-7. 8 (R : cf. 7 c)

- R : Pa bliyé travay Bondié yo !
- 3 Tou sa nou tandé, nou konnin yo,
épi papa nou yo té rakonté nou,
- 4 antan y-ap rakonté-l bay yon lòt jénèrasion,
louanj Granmèt la ak puisans li yo. R :
- 6 Sé pou yo lévé, pou yo rakonté pitit yo,
7 pou yo mété éspérans yo nan Bondié,
pou yo pa bliyé travay Bondié yo,
pou yo kinbé kòmandman-l yo. R :
- 8 Pou yo pa vi-n tankou papa yo,
jénèrasion rébèl, k-ap révòlté ;
jénèrasion ki pa gin kè-l solid,
ki pa gin éspri-l fidèl pou Bondié. R :

Ané 2

PRÉMIÉ LÉKTU

N-ap rélé dévan fas roua nou-an, Granmèt la pap kouté nou.

Léktu prémié liv Samuèl

8, 4-7. 10-22 a

Jou sa yo :

Tout chèf Israèl yo rasanblé, yo vi-n kot Samuèl nan Ramata, yo di-l : « Min ou fi-n vié, épi pitit ou yo pa maché nan chémin-ou yo : instalé yon roua pou nou, pou-l jijé nou, minm jan tout nasion yo ginyin-an ». Samuèl priyé kot Granmèt la. Granmèt la minm di Samuèl : « Kouté

voua pèp la nan tou sa yo di-ou ; sèké sé pa ou minm yo réjité, min sé mouin minm, pou-m pa kòmandé sou yo kòm roua ».

Konsa Samuèl di pèp la tout paròl Granmèt la, pèp sa-a ki té mandé-l yon roua-a, li di : « Min doua roua-a, k-ap kòmandé sou nou-an. L-ap pran pitit gason nou yo, l-ap mété yo sou chario li yo, l-ap fè yo vi-n tounin kavalié-l, l-ap fè yo kouri dévan kabouèt li yo ; l-ap fè yo sèvi kòm chèf lamé-l ak chèf éskouad li kòm kiltivatè jadin-l yo ak moun k-ap kéyi frui pou li, moun k-ap fè zam ak charèt li. Pitit fi nou yo tou, l-ap fè yo sèvi kòm moun k-ap préparé losion pou li, k-ap fè manjé pou li, k-ap fè pin. Ni jadin nou yo tou ak pié rézin nou yo ak pié oliv nou yo ki pi bon yo, l-ap pran yo, l-ap bay sèvitè-l yo. Ata foui nou yo, ak rékòt rézin nou yo, l-ap fè nou ba-l dizièm pòsion nan yo, pou-l bay minis li yo ak sèvitè-l yo. Minm sèvitè nou yo ak sèvant nou yo, ak jèn jan nou yo ki pi bon yo, ak bourik nou yo, l-ap pran yo, l-ap mété yo nan travay li. Ni mouton nou yo tou, l-ap fè nou bay dizièm pòsion sou yo, n-ap vi-n tounin ésklav li. N-ap rélé jou sa-a dévan fas roua nou-an, sa nou té chouazi pou nou-an ; min Granmèt la pap kouté nou jou sa-a, paské nou té mandé yon roua pou nou ».

Pèp la pa-t vlé kouté voua Samuèl, min yo di : « Pa ditou : nou bézouin yon roua sou nou, nou minm tou sé pou vi-n tounin tankou tout nasion yo, roua nou-an ap jijé nou, l-ap soti dévan nou, l-ap batay nan lagè nou pou nou ». Samuèl kouté tout paròl pèp la, li répété yo nan zòrèy Granmèt la. Granmèt la minm di Samuèl : « Kouté voua yo, instalé yon roua sou yo ».

Paròl Granmèt la.

PSÒM RÉPONS

Ps 88, 16-17. 18-19 (R : cf. 2 a)

R Mizérikòd ou, Granmèt, sé tout tan m-ap chanté-l.

¹⁶ Ala kontantman pou pèp la ki konn fè konpliman ;

Granmèt, nan limiè fas ou y-ap maché,

¹⁷ o non-ou y-ap fété tout jounin,

nan jistis ou-a y-ap lévé tèt yo. R

¹⁸ Sèké sé ou minm ki gloua pouvoua yo,

sé nan bon plézi-ou kòn nou lévé,

¹⁹ Paské zam défans nou sé pou Granmèt la,

pou sin Israèl la, roua nou-an. R

ALÉLOUYA

Lk 7, 16

℞ Alélouya. Yon gran profèt lévé nan mitan nou,
Bondié vizité pèp li-a. ℞ Alélouya.

ÉVANJIL

Pitit moun nan gin pouvoua sou tè-a pou-l éfasé péché yo.

✠ Léktu sint Évanjil la dapré Mark

2, 1-12

Apré kèk jou, Jézu tounin ankò Kafarnaòm. Lè yo tandé li té nan kay la, anpil moun rasanblé, atèl pouin kay la pa-t kapab kinbé moun minm nan pòt la, li t-ap anonsé yo paròl la.

Yo vi-n koté-l, antan y-ap poté yon moun ki pa-t kapab maché, sé kat moun ki t-ap poté-l. Kòm yo pa-t kapab prezanté-l ba li akòz foul la, yo défèt plafon-an koté-l té yé-a, yo louvri-l, yo glisé kabann nan koté moun nan ki pa-t kapab maché-a té kouché-a. Lè Jézu ouè lafoua yo, li di moun nan ki pa-t kapab maché-a : « Pitit mouin, péché-ou yo éfasé ».

Té gin kèk skrib la, yo té chita, yo t-ap kalkilé nan kè yo : « Ki sa sa-a ap di konsa-a ? l-ap blasfémé. Kilès ki kapab padonnin péché, si sé pa Bondié sèl » ?

Minm lè-a Jézu konnin nan éspri-l, sé konsa yo t-ap kalkilé anndan kè yo, li di yo : « Ki sa n-ap kalkilé nan kè nou-an ? Ki sa ki pi fasil pou di moun nan ki pa kapab maché-a : “Péché-ou yo éfasé” oubyin : “Lévé, pran kabann ou, maché” ? Ébyin pou nou kapab konnin, Pitit moun nan gin pouvoua sou tè-a pou-l padonnin péché yo », li di moun nan ki pa-t kapab maché-a : « Mouin di-ou : “Lévé, pran kabann ou, al lakay ou” ».

Minm lè-a li lévé, li pran kabann nan, li pati dévan tout moun, atèl pouin tout moun té sézi, yo t-ap fè konpliman pou Bondié, yo t-ap di : « Nou pa-t janm ouè bagay konsa ».

Paròl Granmèt la.

Samdi

Ané 1

PRÉMIÉ LÉKTU

An nou proché avèk konfians kot tro-n gras la.

Léktu lèt pou Ébré yo

4, 12-16

Frè-m yo :

Paròl Bondié-a vivan, li fè sa pou-l fè, li pi filé pasé tout épé ki koupé dé bò, li touché jous nan séparasion nanm ak éspri, jous nan jouinti ak jous nan mouèl, li jijé pansé ak intansion kè-a. Okinn créatu pa rét kaché dévan-l, tout bagay aklè, louvri nan jé-l, nou gin pou nou rann li kont.

Kòm nou gin yon gran prêt an chèf, ki antré nan sièl yo, Jézu Pitit Bondié, sé pou nou kinbé déklarasion lafoua-a. Sèké nou pa gin yon prêt an chèf ki pa kapab souffri féblès nou avèk nou, yo tanté-l nan tout bagay minm jan avèk nou, sof péché-a.

Konsa sé pou nou proché avèk konfians kot tro-n gloua-a, pou nou jouinn mizérikòd, pou nou jouinn gras nan sékou nou bézouin.

Paròl Granmèt la.

PSÒM RÉPONS

Ps 18, 8. 9. 10. 15 (R: Jan 6, 63 c)

R: Paròl ou yo, Granmèt, sé éspri ak lavi.

- 8 Laloua Granmèt la san tach, li réfè nanm,
témouagnaj Granmèt la fidèl, li bay timoun yo sajès. R:
- 9 Jistis Granmèt la douat, yo fè kè kontan,
kòmandman Granmèt la klèl, li kléré jé yo. R:
- 10 Krint Granmèt la nèl, li diré pou tout tan gin tan,
jijman Granmèt la vré, yo kòrèk yo tout ansanm. R:
- 15 Sé pou paròl bouch mouin yo fè-ou plézi,
ni réfléksion kè-m yo dévan fas ou,
Granmèt, Ròch mouin, Rédanmtè mouin. R:

Ané 2

PRÉMIÉ LÉKTU

*Min mésié-a Granmèt la té di-a,
Sayul ap kòmandé sou pèp li-a.*

Léktu prémié liv Samuèl

9, 1-4. 17-19 ; 10, 1 a

Té gin yon mésié ki té nan ras Benjamin, yo té rélé-l Sis, pitit Abièl, pitit Séròr, pitit Béchorat, pitit Afia, pitit Jémini, ki té gin anpil fòs. Li té gin yon pitit yo té rélé Sayul, li té byin bati, li té bon, pa-t gin pèsòn nan pitit Israël yo ki té pi bon pasé-l ; dépi nan zépòl épi pi ro, li té dépasé anlè tout pèp la.

Sis, papa Sayul, té gin bourik ki té pèdi ; Sis di Sayul, pitit li-a : « Pran youn nan sèvitè yo avèk ou, lévé, al chèché bourik yo ». Yo travèsé mòn Éfrayim nan ak péyi Salisa-a, yo pa jouinn yo, yo travèsé jous nan péyi Salim, yo pa-t la, minm nan péyi Jémini-an, yo pa jouinn yo non plis.

Lè Samuèl ouè Sayul, Granmèt la di-l : « Min moun nan mouin té di-ou la : “Sé sa-a k-ap kòmandé sou pèp mouin-an” ».

Sayul proché kot Samuèl nan mitan pòt la, li di : « Tanpri, indiké-m koté kay Moun ki konn gin vizion-an » ? Samuèl réponn Sayul, li di : « Sé mouin minm Moun nan ki konn gin vizion-an. Monté dévan-m sou rotè-a, pou nou manjé avèk mouin jodi-a ; m-a ranvouayé-ou démin matin, tou sa-k nan kè-ou, m-a montré-ou yo ».

Samuèl pran poban luil la, li vidé sou tèt li, li bo-l ; li di : « Min Granmèt la sakre-ou sou éritaj li-a kòm chèf, ou-ap délivré pèp li-a sot nan min ènmi-yo, ki alantou-l yo ».

Paròl Granmèt la.

PSÒM RÉPONS

Ps 20, 2-3. 4-5. 6-7 (R: 2 a)

- R: Granmèt, roua-a ap kontan nan pouvoua-ou.
- 2 Granmèt, roua-a ap kontan nan pouvoua-ou, osijè sékou-ou la l-ap fété anpil.
- 3 Ou ba li sa kè-l té anvi-a, ou pa réfizé sa bouch li té mandé-a. R:
- 4 Ou pran dévan-l nan bénédiksion dousè-a ; ou mété sou tèt li yon kouròn lò ki gin anpil valè.

- ⁵ Li mandé-ou lavi, ou ba li-l,
longè jou yo pou sièk tan ak tan ki pap fini. **R:**
- ⁶ Gloua li gran nan sékou-ou la,
ou mété grandè ak bèlté sou li ;
- ⁷ ou fè-l sèvi bédiksion pou tan ki pap fini,
ou fè-l kontan anpil dévan fas ou. **R:**

ALÉLOUYA

Lk 4, 18

R: Alélouya. Granmèt la voyé-m poté bon nouvèl la bay pòv yo,
anonsé libérasion bay prizonié yo. **R:** Alélouya.

ÉVANJIL

Mouin pa vi-n rélé moun ki kòrèk yo, min péchè yo.

✠ Léktu sint Évanjil la dapré Mark

2, 13-17

Lè sa-a :

Jézu soti ankò bò lanmè-a, tout foul la té vi-n jouinn li, li t-ap ba yo ansègnman. Pandan l-ap pasé, li ouè Lévi pitit Alfé-a, ki chita nan biro ladoua-n nan, li di-l : « Suiv mouin ». Li lévé, li suiv li.

Rivé, pandan l-ap manjé nan kay li, anpil piblikin ak péchè té atablé tou avèk Jézu ak disip li yo ; sèké yo té anpil ki t-ap suiv li. Skrib yo ak Farizyin yo, lè yo ouè li t-ap manjé avèk piblikin yo ak péchè yo, yo t-ap di disip li yo : « Pou ki sa sé avèk piblikin yo ak péchè yo mèt nou-an ap manjé, ap bouè-a » ?

Lè Jézu tandé sa, li di yo : « Moun ki an santé pa bézouin doktè, min sé moun ki malad ; mouin pa vi-n rélé moun ki kòrèk yo, min péchè yo ».

Paròl Granmèt la.

DÉZIÈM SÉMÈN ÒDINÈ

Dimanch, ané A

PRÉMIÉ LÉKTU

*Mouin mété-ou kòm limiè nasion yo,
pou-ou vi-n tounin sa k-ap sové pou mouin-an.*

Léktu liv profèt Izayi

49, 3. 5-6

Granmèt la di-m : « Sé sèvitè-m ou yé, Israël, paské sé nan ou m-ap jouinn gloua mouin ».

Koulié-a, min sa Granmèt la di, li minm ki fòmé-m dépi nan vant pou-m kapab vi-n tounin sèvitè-l, pou-m fè Jakòb tounin vi-n jouinn li, pou-m rasanblé Israël ba li, mouin jouinn gloua-m dévan jé Granmèt la. Bondié-m nan vi-n tounin fòs mouin.

Li di : « Sa pa kont pou-ou sèvitè-m pou-ou kapab lévé ras Jakòb yo, pou-ou fè débri pèp Israël yo tounin : min mouin mété-ou kòm limiè nasion yo, pou sové mouin sové-a rivé jous nan bout tè-a ».

Paròl Granmèt la.

PSÒM RÉPONS

Ps 39, 2 é 4 ab. 7-8 a. 8 b-9. 10 (R: 8 a é 9 a)

R: Min m-ap vini, Granmèt, pou-m fè volonté-ou.

2 Sé pa ti kras tann mouin t-ap tann Granmèt la,
li panché sou mouin.

4 Li mété yon kantik nouvo nan bouch mouin,
yon kantik pou Bondié nou-an. R:

7 Sakrifis ak kado, ou pa-t vlé sa,
ou louvri zòrèy mouin.
Sakrifis antié ak sakrifis pou péché, ou pa-t mandé sa,

8 lè sa-a mouin di : « Min m-ap vini. R:

9 Nan roulo liv la yo ékri osijè-m
pou-m fè volonté-ou.

Bondié mouin, mouin dakò,
laloua-ou la nan zantray mouin ». R:

10 Mouin anonsé jistis ou-a nan gran asanblé-a ;
min mouin pa fèmin bouch mouin, Granmèt, ou konnin. R:

DÉZIÈM LÉKTU

*Gras pou nou ak lapè sot nan Bondié Papa-nou
ak Granmèt Jézu.*

Kòmansman premié lèt apot sin Pòl pou Korintyin yo 1, 1-3

Pòl, li minm Jézu-Kri rélé pou-l apot, dapré volonté Bondié, avèk Sostèn, frè-m, pou Égliz Bondié-a ki Korint la, nou minm ki vi-n sin nan Jézu-Kri, nou minm li rélé pou nou vi-n sin, avèk tou sa k-ap rélé non Granmèt nou Jézu-Kri tout koté yo yé avèk koté nou yé-a :

Gras pou nou ak lapè sot nan Bondié Papa nou ak Granmèt Jézu-Kri.
Paròl Granmèt la.

ALÉLOUYA

Jan 1, 14 a. 12 a

✠ Alélouya. Paròl la vi-n tounin chè, li abité nan mitan nou.
Tout moun ki résévoua-l, li ba yo pouvoua
pou yo vi-n tounin pitit Bondié. ✠ Alélouya.

Nan plas vèsè anvan Évanjil la, yo prezanté pou chak dimanch « nan kouran ané-a », yo kapab sèvi avèk sa yo va jouinn pi louin yo, p. 1543.

ÉVANJIL

Min Mouton Bondié-a ki ouété péché tè-a.

✠ Léktu sint Évanjil la dapré Jan 1, 29-34

Lè sa-a :

Jan ouè Jézu k-ap vi-n koté-l li di : « Min Mouton Bondié-a, min sa-a ki ouété péché tè-a. Sa-a sé osijè-l mouin té di : “Apré-m, gin yon moun k-ap vini, li plasé dévan-m, paské li té égzisté anvan-m”. Mouin minm, mouin pa-t konnin-l ; min sé pou-l té kapab parèt klè nan Israèl, sé poua mouin vini mouin minm m-ap batizé nan dlo-a ».

Jan sèvi-l témouin, li di : « Mouin ouè Éspri-a k-ap désann tankou yon kolonb sot nan sièl la, li rété sou li. Mouin minm mouin pa-t konnin-l ; min sa-a ki voyé-m batizé nan dlo-a, li minm minm li di-m : “Sou moun nan ou-a ouè Éspri-a désann li rété sou li-a, sé li minm k-ap batizé nan

Éspri Sin-an”. Mouin minm mouin ouè, mouin sèvi témouin, sa-a sé Pitit Bondié-a ».

Paròl Granmèt la.

Dimanch, ané B

PRÉMIÉ LÉKTU

Palé, Granmèt, paské sèvitè-ou ap kouté.

Léktu prémié liv Samuèl

3, 3 b-10. 19

Nan jou sa yo :

Samuèl t-ap dòmi nan tanp Granmèt la, koté arch Bondié-a té yé-a. Granmèt la rélé : « Samuèl » ; li réponn, li di : « Min mouin ». Li kouri kot Éli, li di : « Min mouin, paské ou rélé-m ». Éli di : « Mouin pa rélé-ou ; tounin al dòmi ». L-alé, li dòmi.

Granmèt la rékòmansé rélé Samuèl ankò. Samuèl lévé, l-al kot Éli, li di : « Min mouin, paské ou rélé-m ». Li réponn : « Mouin pa rélé-ou, pitit mouin, tounin al dòmi ». Samuèl pa-t konnin Granmèt la, paròl Granmèt la pa-t dévoualé ba li.

Granmèt la rékòmansé ankò, li rélé Samuèl pou touazièm foua-a ; li lévé, l-al koté Éli, li di « Min mouin, paské ou rélé-m ». Éli konprann atò sé Granmèt la ki té rélé ti gason-an, li di Samuèl : « Al dòmi ; si-l rélé-ou ankò, ou-a di : “Palé, Granmèt, paské sèvitè-ou ap kouté” ». Konsa Samuèl al dòmi nan plas li.

Granmèt la vini, li kanpé, li rélé jan-l té rélé dézièm foua-a : « Samuèl, Samuèl ». Samuèl di : « Palé, Granmèt, paské sèvitè-ou ap kouté ».

Samuèl grandi, Granmèt la té avèk li ; okinn nan paròl li yo pa-t tonbé atè.

Paròl Granmèt la.

PSÒM RÉPONS

Ps 39, 2 é 4 ab. 7-8 a. 8 b-9. 10 (R : 8 a é 9 a)

R Min m-ap vini, Granmèt, pou-m fè volonté-ou.

² Sé pa ti kras tann mouin t-ap tann Granmèt la,
li panché sou mouin.

- 4 Li mété yon kantik nouvo nan bouch mouin,
yon kantik pou Bondié nou-an. **R:**
- 7 Sakrifis ak kado, ou pa-t vlé sa,
ou louvri zòrèy mouin.
Sakrifis antié ak sakrifis pou péché, ou pa-t mandé sa,
- 8 lè sa-a mouin di : « Min m-ap vini. **R:**
- Nan roulo liv la yo ékri osijè-m
- 9 pou-m fè volonté-ou.
Bondié mouin, mouin dakò,
laloua-ou la nan zantray mouin ». **R:**
- 10 Mouin anonsé jistis ou-a nan gran asanblé-a ;
min mouin pa fèmin bouch mouin, Granmèt, ou konnin. **R:**

DÉZIÈM LÉKTU

*Kò nou sé manb Jézu-Kri.***Léktu prémié lèt apot sin Pòl pou Korintyin yo** 6,13 c-15 a. 17-20

Frè-m yo :

Kò-a pa fèt pou mové plézi, min pou Granmèt la, épi Granmèt la pou kò-a. Bondié lévé Granmèt la, l-ap lévé nou pa pouvoua-l.

Èské nou pa konnin kò nou sé manb Jézu-Kri ? Moun ki kolé kò-l sou Granmèt la, sé yon sèl éspri li yé.

Évité mové plézi. Tout péché yon moun fè, li andéyò kò-a ; min moun ki fè mové plézi-a, sé nan kò-l li fè péché.

Oubyin èské nou pa konnin manb nou yo sé tanp Éspri Sin-an, li minm ki nan nou-an, li minm nou résévoua nan min Bondié-a, épi nou pa mèt tèt nou ? Yo achté nou ak gran pri. Fè louanj Bondié, poté-l nan kò nou.

Paròl Granmèt la.

ALÉLOUYA

Jan 1, 41. 17 b

R: Alélouya. Nou jouinn Mési-a, sé Kris la.Gras la ak vérité-a sé pa lintèmediè-l li rivé. **R:** Alélouya.

ÉVANJIL

Yo ouè koté-l té rété, yo rété lakay li.

✠ Léktu sint Évanjil la dapré Jan

1, 35-42

Lè sa-a :

Jan té kanpé épi dé nan disip li yo avèk li. Li gadé Jézu k-ap maché, li di : « Min Mouton Bondié-a ». Dé disip yo tandé l-ap palé, yo suiv Jézu. Jézu minm viré, li ouè y-ap suiv li, li di yo : « Ki sa n-ap chèché » ?

Yo minm yo di-l : « Rabi (sa vlé di Mèt), koté ou abité » ?

Li di yo : « Vini, n-a ouè ». Yo vini, yo ouè koté-l té rété, yo rété lakay li jou sa-a ; lè sa-a, sé té apéprè dizièm è-a.

Té gin André, frè Simon Piè-a, youn nan dé yo, ki té tandé Jan-an, épi ki té suiv li-a. Sa-a rankontré toudabò frè-l la Simon, li di-l : « Nou jouinn Mési-a (sa vlé di Kris la) ». Li minnin-l bay Jézu.

Jézu minm gadé-l, li di : « Ou sé Simon, pitit Jona : y-ap rélé-ou Séfas (sa vlé di Piè) ».

Paròl Granmèt la.

Dimanch, ané C

PRÉMIÉ LÉKTU

Mésié k-ap marié-a ap kontan osijè madanm li k-ap marié-a.

Léktu liv profèt Izayi

62, 1-5

Poutèt Siyon mouin pap pè bouch mouin, épi poutèt Jérusalèm mouin pap rét trankil joutan moun kòrèk li-a soti tankou klèté, épi sovè-l la kléré tankou lanp.

Nasion yo ap ouè moun kòrèk ou-a, épi tout roua yo ap ouè gloua-ou la, y-ap rélé-l yon non nouvo, sé bouch Granmèt la k-ap nonmin-l. Ou-ap vi-n tounin yon kouròn gloua nan min Granmèt la, yon kouròn roua nan min Bondié-ou la.

Yo pap rélé-ou « Abandoné » ankò, yo pap rélé tè-ou la « Dézolé » ankò ; min y-ap rélé-ou « Volonté-m nan li », épi tè-ou la « Sa-a yo abité-a », paské Granmèt la jouinn plézi-l nan ou, épi y-ap abité nan péyi-ou la.

Jèn jan-an ap abité avèk vièj la, pitit ou yo ap abité nan ou, mésié k-ap marié-a ap kontan poutèt madanm li k-ap marié-a, Bondié-ou la ap kontan poutèt ou.

Paròl Granmèt la.

PSÒM RÉPONS

Ps 95, 1-2 a. 2 b-3. 7-8. 9-10 a é c (R: 3)

R: Anonsé mèvèy Granmèt la nan tout pèp yo.

¹ Chanté pou Granmèt la yon kantik nouvo,
chanté pou Granmèt la, tout tè-a.

² Chanté pou Granmèt la, fè konpliman pou non li. R:

Anonsé jou an jou sovè li sovè nou-an.

³ Anonsé gloua li pou nasion yo,
nan tout pèp yo mèvèy li yo. R:

⁷ Poté bay Granmèt la, fanmi pèp yo,
poté bay Granmèt la gloua ak pouvoua,

⁸ poté bay Granmèt la gloua non-l. R:

⁹ Adoré Granmèt la nan bèlté ki sin-an.
Sé pou nou tranblé dévan fas li, tout tè-a,

¹⁰ Di nan nasion yo : « Granmèt la roua »,
L-ap jijé pèp yo nan jistis. R:

DÉZIÈM LÉKTU

*Yon sèl ak minm Éspri-a k-ap séparé
bay chak moun jan-l vlé-a.*

Léktu prémié lèt apot sin Pòl pou Korintyin yo

12, 4-11

Frè-m yo :

Gin divès kalité gras, min sé yon sèl Éspri-a. Gin divès kalité sèvis, min sé yon sèl Granmèt la. Gin divès kalité aktivité, min sé yon sèl Bondié-a ki fè tout bagay nan tout moun.

Sèlman yo bay chak moun manifèstasion Éspri-a pou bezouin-an : ginyin yon pòsion, pa lintèmédiè Éspri-a yo ba yo paròl sajès, yon lòt pòsion minm sé paròl sians dapré minm Éspri-a, dèt sé lafoua nan minm Éspri-a, dèt sé gras gérizon nan yon sèl Éspri-a, dèt sé aktivité pouvoua,

dòt sé sèvis profèt, dòt sé rékonèt kalité éspri yo, dòt sé divès kalité lang, dòt sé bay sans paròl yo.

Tout bagay sa yo, sé yon sèl ak minm Éspri-a ki fè yo, antan li séparé bay chak moun jan-l vlé.

Paròl Granmèt la.

ALÉLOUYA

Cf. 2 Tés 2, 14

✠ Alélouya. Bondié rélé nou pa lintèmediè bòn nouvèl la, pou nou jouinn gloua Granmèt nou Jézu-Kri. ✠ Alélouya.

ÉVANJIL

Sa-a, Jézu fè-l kòm kòmansman mirak yo nan Kana Galilé-a.

✠ Léktu sint Évanjil la dapré Jan

2, 1-11

Lè sa-a :

Té gin nòs nan Kana Galilé-a, manman Jézu té la. Yo té invité Jézu tou nan nòs la, ansanm ak disip li yo.

Divin vi-n manké, manman Jézu di-l : « Yo pa gin divin ». Jézu di-l : « Sa sa yé pou mouin minm ak ou minm, madanm ? Lè-m pa ko rivé ». Manman-l di sèvitè yo : « Ninpòt sa-l di nou, sé pou nou fè-l ».

Té gin sis ja yo té fouyé nan ròch, pou Juif yo pròpté kò yo, yo chak té kapab kinbé dé oubyin toua mézi. Jézu di yo : « Plin ja yo dlo ». Yo plin yo jous nan bouch. Jézu di yo : « Tiré koulié-a, poté bay òganizatè résépsion-an ». Yo poté.

Lè òganizatè résépsion-an gouté dlo-a ki té vi-n tounin divin-an, li pa-t konnin koté-l soti, (sèvitè yo minm té konnin, yo minm ki té tiré dlo-a), li rélé mésié k-ap marié-a, li di-l : « Tout moun kòmansé mété bon divin, épi lè moun yo sou, yo mété pi mové kalité-a ; ou minm minm ou konsèvé bon divin-an jous koulié-a ».

Sa-a, Jézu té fè-l kòm kòmansman sign yo nan Kana Galilé-a, li montré gloua li, disip li yo kouè nan li.

Paròl Granmèt la.

Lindi

Ané 1

PRÉMIÉ LÉKTU

*Malgré sé Pitit Bondié li té yé-a,
li aprann obéyisans nan sa-l soufri.*

Léktu lèt pou Ébré yo

5, 1-10

Tout prèt an chèf, sé nan pami lézòm yo pran-l, pou instalé-l pou lézòm nan késion ki gin rapò ak Bondié, pou-l ofri kado ak sakrifis pou péché yo ; li kapab gin pitié pou sa yo ki pa gin konprann, ki pèdi rout, paské li minm tou li vlopé ak féblès ; sé pou sa, li gin pou-l ofri sakrifis pou péché pa-l minm jan ak pou pèp la. Pèsòn pa pran mak konsidérasion sa-a ak pròp fòs li, min sé moun Bondié rélé tankou Aaron.

Sé konsa Kris la pa-t bay pròp tèt li gloua antan-l té vi-n prèt an chèf ; min sé sa-a ki té di-l konsa-a : « Ou sé Pitit mouin, mouin minm jodi-a, mouin ba ou nésans » la ; minm jan yon lòt koté, li di : « Ou sé prèt pou tout tan dapré ran Mèlkisékèk ».

Nan jou li té pasé nan chè-a, li té ofri priyè ak plint avèk gran rèl ak dlo nan jé kot sila-a ki té kapab sové-l sot nan lanmò-a, priyè-l la jouinn rézilta poutèt respè-l. Malgré sé Pitit Bondié li té yé-a, li té aprann obéyisans nan sa-l soufri yo, lè-l rivé nan bout chémin pou-l té rivé-a, li vi-n tounin koz délivrans tout tan-an pou tout moun k-ap obéyi-l, Bondié rélé-l prèt an chèf nan ran Mèlkisékèk.

Paròl Granmèt la.

PSÒM RÉPONS

Ps 109, 1. 2. 3. 4 (R: 4 bc)

R: Ou sé prèt pou tout tan
dapré ran Mèlkisékèk.

- 1 Granmèt la di Granmèt mouin : « Chita adouat mouin,
joustan mouin plasé ènmi-ou yo kòm éskalié pié-ou ». R:
- 2 Baton pouvoua-ou, Granmèt la voyé-l sot nan Siyon :
kòmandé nan mitan ènmi-ou yo. R:
- 3 Pouvoua-ou avèk ou jou fòs ou-a,
nan gloua ki sin yo,
nan vant granmatin tankou larouzé mouin anfanté-ou. R:

- 4 Granmèt la fè sèman, li pap régrèt li :
« Ou sé prèt pou tout tan
dapré ran Mèlkisédek ». R:

Ané 2

PRÉMIÉ LÉKTU

*Obéyisans la pi bon pasé sakrifis.
Granmèt la réjé-ou pou-ou pa roua ankò.*

Léktu prémié liv Samuèl

15, 16-23

Jou sa yo :

Samuèl di Sayul : « Kité-m montré-ou sa Granmèt la di-m osijè-ou nan nuit la ». Li di-l : « Palé ». Samuèl di : « Èské, lè-ou té piti dévan jé-ou la, ou pa-t vi-n tounin chèf nan ras Israël yo ? Granmèt la té sakré-ou kòm roua sou Israël, Granmèt la té voyé-ou sou rout la, li té di : “Alé, touyé péchè Amalèk yo, ou-ap batay kont yo jous ou fi-n touyé yo nè”. Pouki sa ou pa-t kouté voua Granmèt la, min ou té lagé kò-ou nan piyay, ou fè sa-k mal dévan jé Granmèt la » ?

Sayul di Samuèl : « Mouin té kouté voua Granmèt la byin pròp, mouin té maché sou rout la, koté Granmèt la té voyé-m nan ; mouin kondui Agag roua Amalèk la, mouin touyé Amalèk. Min pèp la pran mouton ak bèf nan piyay la, prémié produi nan sa yo touyé yo, pou yo sakrifié bay Granmèt Bondié yo nan Gilgal ».

Samuèl di : « Èské Granmèt la vlé sakrifis antié ak sakrifis bèt, èské sé pa pito pou yo obéyi voua Granmèt la ? Obéyisans la pi bon pasé sakrifis, kouté voua-l pi bon pasé ofri grès bélié yo. Sé tankou péché zidòl, sé sa réfizé kouté Granmèt la, tankou yon krim zidòl, sé sa réfizé obéyi. Poutèt ou réjé paròl Granmèt la, Granmèt la réjé-ou pou-ou pa roua ankò ».

Paròl Granmèt la.

PSÒM RÉPONS

Ps 49, 8-9. 16 bc-17. 21 é 23 (R : 23 b)

- R: Moun ki san tach nan chémin-an, m-ap montré-l sové Bondié sové nou-an.
- 8 Sé pa nan sakrifis ou yo m-ap réglé kont avèk ou ;
sakrifis antié-ou yo dévan-m tout tan.

- 9 Mouin pap pran toro sot lakay ou,
ni bouk kabrit sot nan pak ou. **R:**
- 16 « Pouki sa ou-ap détayé kòmandman-m yo,
ou-ap mété téstaman-m nan nan bouch ou ?
- 17 Époutan ou rayi disipli-n,
ou voyé paròl mouin yo jété dèyè do-ou. **R:**
- 21 Sé sa ou fè, épi mouin té pé bouch mouin.
Ou té konprann mouin té tankou-ou ;
m-ap dénonse-ou, épi m-ap drésé yo an fas ou.
- 23 Moun ki ofri sakrifis louanj, l-ap fè-m jouinn gloua,
moun ki san tach nan chémin-an,
m-ap montré-l sové Bondié sové nou-an ». **R:**

ALÉLOUYA

Ébr 4, 12

R: Alélouya. Paròl Bondié-a vivan, li réalizé sa-l vlé-a,
épi li sondé pansé ak intansion ki nan kè. **R:** Alélouya.

ÉVANJIL

Mésié k-ap marié-a avèk yo.

✠ Léktu sint Évanjil la dapré Mark

2, 18-22

Lè sa-a :

Disip Jan yo ak Farizyin yo t-ap fè jèn, yo rivé, yo di Jézu : « Pouki sa disip Jan yo ak Farizyin yo ap fè jèn, min disip pa-ou minm yo pa fè jèn » ?

Jézu di yo : « Èské moun yo invité nan nòs yo kapab fè jèn, pandan mesié k-ap marié-a avèk yo ? Toutotan yo gin mesié k-ap marié-a avèk yo, yo pa kapab fè jèn. Min gin jou k-ap vini, lè y-ap pran mesié k-ap marié-a sot nan min yo, lè sa-a y-ap fè jèn nan jou sa yo.

Pèsòn pa koud yon moso toual nèf sou yon vié rad ; otréman moso nèf la ap rédi sou vié-a, rad la ap chiré pi plis. Pèsòn pa mété yon divin nouvo nan vié véso ki fèt ak po bèt ; otréman divin-an ap fè véso yo éklaté, divin-an ap vidé, véso yo ap pèdi ; min divin nouvo, sé nan véso nouvo yo pou yo mété yo ».

Paròl Granmèt la.

Madi

Ané 1

PRÉMIÉ LÉKTU

*Nou gin espérans yo ofri nou-an
tankou yon lank ki asiré, ki fèm.*

Léktu lèt Ébré yo

6, 10-20

Frè-m yo :

Bondié pa injis, pou-l bliyé aksion nou ak rinmin nou-an, sa nou montré o non-l nan, nou minm ki té sèvi yo, épi ki kontinié ap sèvi yo ankò. Nou anvè pou chak moun nan nou montré minm aktivité-a pou-l réalizé espérans la jous nan bout ; pou nou pa vi-n parésé, min pou nou pran modèl sou sa yo ki éritié promès yo gras a lafoua ak pasians yo.

Réyèlman, lè Bondié t-ap fè promès bay Abraam nan, li pa-t gin pèsòn ki pi gran pasé-l pou-l té fè sèman o non-l, li fè sèman sou pròp tèt li, antan-l di : « Amèn m-ap béni-ou byin béni, m-ap fè-ou vi-n anpil anpil ». Konsa li pèsévéré, li réyisi jouinn sa Bondié té promèt la. Moun yo minm, sé sou yon pèsónaj ki pi gran pasé yo yo fè sèman, tout diskision yo fini lè gin garanti sèman-an.

Bondié té vlé montré éritié promès yo kijan désizyon-l pi fèm toujou, li pozé sèman-an nan mitan, pou nou jouinn anpil ankourajman gras a dé bagay sa yo ki fèm nan (nan yo Bondié pa kapab fè manti), nou minm ki jouinn kachèt, pou nou kinbé espérans la fèm, sa-l ofri nou-an ; espérans sa-a, nou ginyin-l tankou yon lank ki fèm pou nanm nou, ki asiré, ki fèm, ki antré jous anndan voual la, koté Jézu pran dévan pou nou, li antré, li minm ki vi-n tounin prêt an chèf pou tout tan dapré ran Mèlkisédèk la.

Paròl Granmèt la.

PSÒM RÉPONS

Ps 110, 1-2. 4-5. 9 é 10 c (R : 5 b)

R: Granmèt la ap sonjé kontra-l la pou tout tan.

oubyin : Alélouya.

¹ M-ap fè louanj Granmèt la ak tout kè-m,
nan réyinion moun kòrèk yo ak asanblé-a.

- 2 Travay Granmèt yo gran,
yo mérité tout moun ki anvi yo chèché yo. R:
- 4 Li fè sonjé mèvèy li,
Granmèt la gin mizérikòd, li pran pitié.
- 5 Li bay moun ki krinn li yo manjé ;
l-ap sonjé alians li-a pou tout tan. R:
- 9 Li voyé rédanmsion pou pèp li-a,
li kòmandé alians li-a pou tout tan.
Non-l sin, li térib ;
- 10 louanj li diré pou tout tan gin tan. R:

Ané 2

PRÉMIÉ LÉKTU

*Samuèl sakré David nan mitan frè-l yo,
Èspri Granmèt la dirijé vi-n nan li.*

Léktu prémié liv Samuèl

16, 1-13

Jou sa yo :

Granmèt la di Samuèl : « Jouskilè ou-ap kriyé pou Sayul, paské mouin minm mouin fi-n réjté-l pou-l pa roua sou Israël ? Plin kòn ou-a ak luil, épi vini, pou-m voyé-ou kot Jésé, moun Bétléèm nan : sèké mouin déjà chouazi davans nan pitit li yo yon roua pou mouin ». Samuèl di : « Kijan pou-m fè alé ? Sayul ap aprann sa, l-ap touyé-m ». Granmèt la di : « Pran yon mouton nan pak la avèk ou, ou-a di : “Mouin vi-n pou-m sakrifié pou Granmèt la”. Ou-a rélé Jésé vi-n nan sakrifis la, mouin minm m-a montré-ou sa pou-ou fè, ou-a sakré sa-a m-a montré-ou la ».

Samuèl fè jan Granmèt la té di-l la, li vi-n Bétléèm. Ansyin yo nan vil la yo sézi lè yo vi-n rankontré-l, yo di : « Èské sé lapè ou vi-n poté » ? Li di : « Sé lapè : mouin vini pou-m sakrifié pou Granmèt la. Konsakré nou, vini avèk mouin pou-m ofri sakrifis la ». Li konsakré Jésé ak pitit li yo, li rélé yo vi-n nan sakrifis la.

Lè yo antré, li ouè Éliab, li di : « Èské Kris Granmèt la pa dévan-l » ? Granmèt la di Samuèl : « Pa gadé fas li, ni rotè tay li, paské mouin réjté-l. Sé pa dapré konsidérasion moun mouin jijé : moun nan ouè sa-k parèt, Granmèt la minm konsidéré kè-a ». Jésé rélé Abinadad, li minnin-l dévan Samuèl, Samuèl di : « Ni sa-a tou Granmèt la pa chouazi-l ». Jésé minnin

Sama, li di osijè-l : « Ni sa-a non plis tou Granmèt la pa chouazi-l ». Konsa Jésé minnin sèt pitit li yo dévan Samuèl, Samuèl di Jésé : « Granmèt la pa chouazi okinn nan sa yo ».

Samuèl di Jésé : « Èské sé tout pitit ou yo sa » ? Li réponn : « Gin yon ti pitit ki rété ankò, l-ap gadé mouton yo ». Samuèl di Jésé : « Voyé chèché-l ; sèké nou pap atablé anvan li vi-n isit la ».

Konsa li voyé chèché-l, li minnin-l. Li té rouj, li té gin bèl aparans ak bèl figi. Granmèt la di : « Lévé, sakré-l : sé li minm minm ». Konsa Samuèl pran kòn luil la, li sakré-l nan mitan frè-l yo ; Éspri Granmèt la rivé tou douat nan David dépi jou sa-a pou jous apré. Samuèl lévé, l-al fè rout li Ramata.

Paròl Granmèt la.

PSÒM RÉPONS

Ps 88, 20. 21-22. 27-28 (R : 21 a)

R Mouin jouinn David, sèvitè-m nan.

²⁰ Lè sa-a ou palé nan vizion avèk sin-ou yo,
ou té di : « Mouin mété sékou-a nan yon moun ki fò,
mouin lévé yon moun mouin chouazi nan pèp la. R

²¹ Mouin jouinn David, sèvitè-m nan ;
ak luil mouin ki sin-an mouin sakré-l.

²² Min-m ap rét fèm ak li,
bra-m ap ba li fòs. R

²⁷ Li minm l-ap rélé-m : “Sé Papa-m ou yé,
Bondié-m ak kachèt pou sové mouin”.

²⁸ Mouin minm m-ap mété-l kòm premié pitit,
pi ro passé roua yo sou tè-a ». R

ALÉLOUYA

Cf. Éf 1, 17-18

R Alélouya. Papa Granmèt nou Jézu-Kri, sé pou-l kléré jé kè nou,
pou nou kapab konnin ki kalité éspérans nou jouinn
nan rélé li rélé nou-an. R Alélouya.

ÉVANJIL

*Saba-a sé pou moun nan li fèt,
sé pa moun nan ki fèt pou saba-a.*

✚ Léktu sint Évanjil la dapré Mark

2, 23-28

Rivé pandan Granmèt la t-ap pasé nan jadin blé yon jou saba, disp li yo té kòmansé ap maché dévan, ap kasé zépi yo. Farizyin yo minm yo t-ap di-l : « Gadé, pouki sa jou saba-a y-ap fè sa yo pa gin doua fè-a » ?

Li di yo : « Èské nou pa-t li sa David té fè lè-l té nan bézouin, lè-l grangou, li minm ak moun yo ki té avèk li yo ? Kijan li té antré nan kay Bondié-a sou tan Abiatar chèf prèt yo, li té manjé pin ki té éspozé yo, sa pèsòn pa-t gin doua manjé sof prèt yo, épi li té bay moun yo ki té avèk li yo » ?

Li t-ap di yo : « Saba-a sé pou moun nan li fèt, sé pa moun nan ki fèt pou saba-a ; sé pousa Pitit moun nan sé mèt ata saba-a ».

Paròl Granmèt la.

Mèkrédi

Ané 1

PRÉMIÉ LÉKTU

*Ou sé prèt pou tout tan
dapré ran Mèlkisédek.*

Léktu lèt Ébré yo

7, 1-3. 15-17

Frè-m yo :

Mèlkisédek, roua Salèm, prèt Bondié ki anro nèt la, li minm ki té vi-n rankontré Abraam ki té vi-n sot touyé roua yo, li té béni-l, épi Abraam té pran dizièm pati tout bagay, li té mété apa pou li : toudabò non-l vlé di « Roua jistis », épi tou li sé roua Salèm, sa vlé di « Roua lapè », san papa, san manman, san ras, lavi-l pa gin kòmansman ni finisman nan jou-l yo, li sanblé ak Pitit Bondié-a, li rét prèt pou tout tan.

Bagay sa-a vi-n pi klè ankò, si, dapré résanblans Mèlkisédek la gin yon lòt prèt ki lévé, ki pa vi-n tounin prèt dapré yon loua kòmandman lachè, min dapré pouvoua lavi ki pa kapab détoui-a. Réyéman yo sèvi-l témouin : « Ou sé prèt pou tout tan dapré ran Mèlkisédek ».

Paròl Granmèt la.

PSÒM RÉPONS

Ps 109, 1. 2. 3. 4 (R: 4 bc)

R: Ou sé prèt pou tout tan
daprè ran Mèlkisédèk.

- 1 Granmèt la di Granmèt mouin : « Chita adouat mouin,
joustan mouin plasé ènmi-ou yo kòm èskalié pié-ou ». R:
- 2 Baton pouvoua-ou la, Granmèt la voyé-l sot nan Siyon :
kòmandé nan mitan ènmi-ou yo. R:
- 3 Pouvoua-ou avèk ou jou fòs ou-a,
nan gloua ki sin yo,
nan vant granmatin tankou larouzé mouin anfanté-ou. R:
- 4 Granmèt la fè sèman, li pap régrèt li :
« Ou sé prèt pou tout tan
daprè ran Mèlkisédèk ». R:

Ané 2

PRÉMIÉ LÉKTU

David ranpòté viktoua sou Filistin-an, avèk fistibal ak ròch.

Léktu prémié liv Samuèl

17, 32. 33. 37. 40-51

Jou sa yo :

Lè yo fi-n minnin David bay Sayul, li palé ak li : « Kè pèsòn pa bézouin troulé poutèt li ; mouin minm sèvitè-ou la m-apralé, m-ap batay kont Filistin-an ». Sayul di David : « Ou pa kapab rézisté kont Filistin sa-a, ou pa kapab batay kont li, paské sé yon timoun ou yé ; li minm minm sé yon moun ki abitué fè lagè dépi-l tou jèn ».

David di : « Granmèt la, ki té raché-m sot nan min lion-an ak nan min ous la, sé li minm k-ap délivré-m sot nan min Filistin sa-a ». Sayul di David : « Alé, sé pou Granmèt la avèk ou ».

Li pran baton-l nan, sa-l té toujou gin nan min-l nan ; li chouazi sink pi bèl ròch sot nan ravi-n nan, li mété yo nan sak li konn ginyin kòm gadyin-an, sa-l té gin avèk li-a, li pran fistibal la nan min-l li maché kont Filistin-an.

Filistin-an t-ap proché pi pré kont David, moun k-ap poté zam li yo dévan-l, lè Filistin-an gadé, li ouè David, li méprizé-l : sèké li té tou jèn,

li té rouj, figi-l té tou fré. Filistin-an di David : « Èské mouin minm sé yon chyin mouin yé, pou ou-ap vi-n kont mouin avèk yon baton-an » ? Filistin-an madichonnin David o non dié-l yo ; li di David : « Vi-n jouinn mouin, m-ap rimmèt chè-ou bay zouazo sièl yo ak bèt tè-a ».

David minm di Filistin-an : « Ou-ap vi-n kont mouin avèk épé, avèk fouinn, ak zam défans ; mouin minm minm m-ap vi-n kont ou o non Granmèt lamé yo, Bondié lamé Israèl la, lamé sa-a ou manké déga jodi-a. Granmèt la ap rimmèt ou nan min-m, m-ap frapé-ou, m-ap koupé tèt ou sot sou ou ; m-ap rimmèt kadav lamé Filistin yo jodi-a minm bay zouazo sièl yo ak bèt tè-a, pou tout tè-a konnin gin yon Bondié nan Israèl, épi pou tout foul sa-a aprann, sé pa ak épé ni ak zam défans Granmèt la sovè : sèké sé lagè pa-l, l-ap rimmèt nou nan min nou ».

Lè Filistin-an lévé, l-ap vini, l-ap proche kont David, David fè vit, li kouri al batay kont Filistin-an. Li plonjé min-l nan sak li-a, li pran yon ròch, li tiré fistibal la, li frapé Filistin-an nan fron ; ròch la fonsé nan fontèn li, li tonbé sou fas li atè-a.

David ranpòté viktoua kont Filistin-an ak fistibal la ak ròch la ; li frapé Filistin-an li touyé-l ; kòm li pa-t gin épé nan min-l, David kouri, li kanpé sou Filistin-an ; li pran épé-l, li ouété-l sot nan fourou-l, li touyé-l, li koupé tèt li.

Paròl Granmèt la.

PSÒM RÉPONS

Ps 143, 1. 2. 9-10 (R: 1 a)

R: Konpliman pou Granmèt la, défans mouin-an !

- 1 Konpliman pou Granmèt la, défans mouin-an,
li minm ki aprann min-m pou yo batay,
ak douèt mouin pou yo fè lagè. R:
- 2 Mizérikòd mouin ak fòs mouin,
kachèt mouin ak libératè mouin ;
protéksion-m, nan li mouin espéré,
li minm ki pliyé pèp mouin-an anba-m. R:
- 9 Bondié, sé yon kantik nouvo m-ap chanté pou ou,
nan instriman dis kòd la m-ap joué pou ou,
- 10 ou minm ki bay roua yo viktoua,
ki délivré David sèvitè-ou anba épé méchan-an. R:

ALÉLOUYA

Cf. Mt 4, 23

℞ Alélouya. Jézu t-ap préché bòn nouvèl péyi-roua Bondié-a, épi li t-ap géri tout maladi nan pèp la. ℞ Alélouya.

ÉVANJIL

Èské jou saba yo nou gin doua sovè yon lavi oubyin pèdi-l ?

✠ Léktu sint Évanjil la dapré Mark

3, 1-6

Lè sa-a :

Jézu antré ankò nan sinagòg la, té gin yon mésié la-a ki té gin min-l séché. Yo t-ap obsèvé-l pou yo ouè si li t-ap fè gérizon-an jou saba-a, pou yo akizé-l.

Li di moun nan ki té gin min séché-a : « Lévé nan mitan-an ». Li di yo : « Èské jou saba, yo gin doua fè byin oubyin mal ? sovè yon lavi oubyin pèdi-l » ? Yo minm minm yo té pé bouch yo. Li gadé yo toutalantou avèk kòlè, li té gin lapinn poutèt yo té fèmin kè yo-a, li di mésié-a : « Lonjé min-ou ». Li lonjé-l, min-l vi-n inganm.

Farizyin yo minm soti minm lè-a, yo fè konplo avèk disip Èròd yo, kont li, pou yo ouè kijan yo t-ap fè-l mourir.

Paròl Granmèt la.

Jédi

PRÉMIÉ LÉKTU

Li ofri sakrifis yon foua pou tout antan-l ofri pròp tèt li.

Léktu lèt Ébré yo

7, 25-8, 6

Frè-m yo :

Jézu-Kri kapab sovè moun yo ki proché kot Bondié pa lintèmédiè-l yo, antan-l vivan tout tan pou-l priyé pou nou.

Sé mòd jan prèt an chèf sa-a minm nou té bézouin, ki sin, ki inosan, ki pa gin tach, ki séparé sot nan ran péchè yo, ki anro nèt nan sièl la ki pa bézouin kòmansé ofri sakrifis pou pròp péché pa-l chak jou tankou prèt

yo, apré sa pou pèp la ; li fè sa déjà yon sèl fouda antan-l ofri pròp tèt li. Réyéلمان sé moun yo ki gin féblès yo laloua-a instalé kòm prèt ; min paròl sèman-an ki vi-n apré laloua-a, sé Pitit la ki kòrèk nèt pou tout tan-an.

Sa-k pi inpòtan-an osijè bagay n-ap palé-a, sèké : Nou gin yon kalité prèt an chèf, ki chita adouat tro-n grandè-a nan sièl la, sèvitè bagay ki sin yo ak vré tant la, sa Bondié drésé-a, sé pa moun ki drésé-l.

Réyéلمان tout prèt an chèf, yo instalé-l pou-l ofri kado ak sakrifis ; sé pousa li minm tou li nésésè pou-l gin kichòy pou-l ofri. Konsa si-l té sou tè-a, li pat-ap minm prèt, paské ginyin k-ap ofri kado dapré laloua-a, y-ap sèvi modèl ak lonbraj bagay sièl yo, jan Bondié té réponn Moyiz la, lè li t-ap bati joupa-a : Li té di : « Gadé, fè tout bagay dapré modèl la y-ap montré-ou sou mòn nan ».

Koulié-a minm sèvis la pi bon, paské aliens la pi bon, aliens sa-a li sèvi intèmèdiè-a, li garanti ak pi bon promès.

Paròl Granmèt la.

PSÒM RÉPONS

Ps 39, 7-8 a. 8 b-9. 10. 17 (R : cf. 8 a é 9 a)

R: Min m-ap vini, Granmèt, pou-m fè volonté-ou.

¹ Sakrifis ak kado, ou pa-t vlé sa,
ou louvri zòrèy mouin.

Sakrifis antié ak sakrifis pou péché, ou pa-t mandé sa,
⁸ lè sa-a mouin di : « Min m-ap vini. R:

Nan roulo liv la yo ékri osijè-m
⁹ pou-m fè volonté-ou.

Bondié mouin, mouin dakò,
laloua-ou la nan zantray mouin ». R:

¹⁰ Mouin anonsé jistis ou-a nan gran asanblé-a ;
min mouin pa fèmin bouch mouin, Granmèt, ou konnin. R:

¹⁷ Sé pou yo fété, sé pou yo kontan nan ou, tout moun k-ap chèché-ou yo,
sé pou yo di tout tan « Granmèt la gran »
sa yo ki rinmin sové ou sové nou-an. R:

Ané 2

PRÉMIÉ LÉKTU

Papa-m Sayul ap chèché touyé-ou.

Léktu prémié liv Samuèl

18, 6-9 ; 19, 1-7

Jou sa yo :

Lè David tounin, apré-l fi-n touyé Filistin-an, médam yo sot nan tout vil Israèl yo, y-ap chanté, y-ap kondui dans, pou yo vi-n rankontré roua Sayul, ak tanbou k-ap mét kè kontan, épi ak bandjo. Médam yo t-ap chanté dévan, yo t-ap joué, yo t-ap di : « Sayul touyé mil, David minm di-mil ». Sayul faché anpil, paròl sa-a pa fè-l plézi dévan jé-l ; li di : « Yo bay David di-mil yo, épi mouin minm yo ban-m mil, sa-k manké-l si sé pa péyi-roua-a sèlman » ? Sayul pa-t gadé David ak bon jé dépi jou sa-a ankò.

Sayul palé ak Jonatan, pitit li-a, ak tout sèvitè-l yo, pou yo touyé David. Min Jonatan, pitit Sayul la, té rinmin David anpil ; Jonatan avèti David, li di : « Sayul, papa-m, ap chèché touyé-ou ; sé poua, fè atansyon, tanpri, démin, rét kaché, fèmin kò-ou yon koté. Mouin minm m-ap soti, m-ap kanpé bò kot papa-m nan jadin-an ninpòt koté ou yé ; m-ap palé osijè-ou ak papa-m, épi sa m-a ouè, m-a anonsé-ou li ».

Jonatan palé osijè David an byin ak Sayul, papa-l, li di-l : « Mon-roua, pa fè péché, kont sèvitè-ou David, paské li pa fè péché kont ou, aksion-l yo bon pou ou anpil. Li riské lavi-l nan min-l, li touyé Filistin-an, Granmèt la fè gran sovè pou tout Israèl : ou ouè sa, kè-ou kontan. Pouki sa ou-ap fè péché kont san inosan-an antan ou-ap touyé David, ki san fot la » ? Lè Sayul tandé sa, li vi-n kalmé akòz paròl Jonatan-an, li fè sèman : « Sou lavi Granmèt la, yo pap touyé-l ».

Konsa Jonatan rélé David, li montré-l tout paròl sa yo ; Jonatan minnin David kot Sayul, li vi-n dévan-l tankou li té yé yè avèk avantiè.

Paròl Granmèt la.

PSÒM RÉPONS

Ps 55, 2-3. 9-10 ab. 10 c-11. 12-13 (R : 5 bc)

R : Nan Bondié mouin espéré, mouin pap pè.

² Pitié pou mouin, Bondié, paské moun nan ap foulé-m anba pié, tout jounin sa k-ap fè-m lagè-a ap krazé-m.

- 3 Ènmi-m yo ap foulé-m anba pié tout jounin,
paské yo anpil sa k-ap batay kont mouin yo, ou minm ki anlè nèt la. **R:**
- 9 Ou konté démach mouin yo
mété dlo ki sot nan jé-m yo nan véso-ou la ;
èské ou pa konté yo ?
- 10 Lè sa-a ènmi-m yo ap viré dèyè,
nan ninpòt ki jou m-ap rélé : **R:**
Min mouin konnin sé Bondié-m ou yé.
- 11 Nan Bondié, li minm m-ap fè louanj paròl li-a,
nan Granmèt la, li minm m-ap fè louanj paròl li-a. **R:**
- 12 Nan Bondié mouin éspéré,
mouin pap pè ; ki sa pou moun fè-m ?
- 13 Yo sou mouin, Bondié, promès mouin fè-ou yo ;
m-ap fè louanj ou. **R:**

ALÉLOUYA

Cf. 2 Tim 1, 10

R: Alélouya. Sovè nou Jézu-Kri détoui lanmò,
li kléré lavi-a gras a bòn nouvèl la. **R:** Alélouya.

ÉVANJIL

*Éspri papròp yo t-ap rélé : « Ou sé Pitit Bondié-a »,
Jézu t-ap ménasé yo pou yo pa fè rékonèt li.*

✠ Léktu sint Évanjil la dapré Mark

3, 7-12

Lè sa-a :

Jézu avèk disip li yo té rale kò-l bò lamè-a ; anpil foul té sot Galilé ak Judé, yo té suiv li, ni sot Jérusalèm, sot Idumé ak Transjòrdani ; moun yo ki té alantou Tir ak Sidon, gran foul, lè yo tandé sa-l té fè, yo vi-n koté-l. Li di disip li yo pou yo paré yon ti batiman pou li poutèt foul la, pou yo pa krazé-l.

Li té géri anpil moun, atèl pouin yo t-ap kouri vi-n sou li, pou yo touché-l, ninpòt ki maladi yo té ginyin. Lè éspri papròp yo ouè-l, yo lagé kò yo atè dévan-l, yo t-ap rélé byin fò, yo t-ap di : « Ou sé Pitit Bondié-a ». Li t-ap ménasé yo ak yon mi-n sévè pou yo pa fè rékonèt li.

Paròl Granmèt la.

Vandrédi

Ané 1

PRÉMIÉ LÉKTU

Li sèvi intèmediè yon aliens ki pi bon.

Léktu lèt Ébré yo

8, 6-13

Frè-m yo :

Koulié-a Prèt an chèf nou-an gin yon sèvis ki pi bon, paské aliens la pi bon, aliens sa-a li sèvi intèmediè-a, li garanti ak pi bon promès. Réyèlman, si prémié-a té san fot, yo pa ta bezouin mété yon lòt nan plas li. Sèké sé antan l-ap fè yo répròch li di :

« Min jou k-ap vini, sé sa Granmèt la di, m-ap réalizé yon aliens tou nèf sou kay Israël la ak sou kay Juda-a, sé pa tankou aliens la mouin té réalizé ak papa yo-a jou mouin té pran min yo pou-m ouété yo sot nan péyi Éjip la ; yo minm yo pa-t rété nan aliens mouin-an, mouin minm tou mouin lagé yo, sé sa Granmèt la di.

Min aliens la m-ap passé ak kay Israël la apré jou sa yo, sé sa Granmèt la di, m-ap mété loua-m yo nan éspri yo, m-ap ékri yo nan kè yo, m-ap Bondié yo, yo minm y-ap pèp mouin ; pèsòn pap anségné prochin-l ni pèsòn pap anségné frè-l antan l-ap di : “Konnin Granmèt la”, paské tout moun ap konnin-m, dépi pi piti, jous pi gran nan yo ; paské m-ap padonnin fòt yo, mouin pap sonjé péché yo ankò ».

Lè-l di nouvo-a, prémié-a fi-n vié. Sa-k ansyin-an, ki viéyi-a, li prèské disparèt.

Paròl Granmèt la.

PSÒM RÉPONS

Ps 84, 8 é 10. 11-12. 13-14 (R : 11 a)

R Mizérikòd ak vérité rankontré.

8 Fè nou ouè mizérikòd ou, Granmèt,
épi sové ou-ap sové nou-an, ba nou li.

10 Réyèlman li tou pré moun ki krinn li yo, sové li sové yo-a,
pou gloua-a abité sou tè nou-an. R

- ¹¹ Mizérikòd ak vérité rankontré,
jistis ak lapè anbrasé.
- ¹² Vérité-a lévé sot sou tè-a,
jistis la panché sot nan sièl la. **R:**
- ¹³ Oui, Granmèt la ap bay bon kè,
tè nou-an ap bay foui-l.
- ¹⁴ Jistis ap maché dévan-l,
l-ap pozé pié-l sou rout la. **R:**

Ané 2

PRÉMIÉ LÉKTU

*Mouin pap lonjé min sou li,
paské sé kris Granmèt la li yé.*

Léktu prémié liv Samuèl

24, 3-21

Jou sa yo :

Sayul pran toua mil sòlda vanyan nan Israèl, li pati al chèché David avèk moun li yo, jous sou mòn ròch yo ki byin apik yo, sé zouazo sèlman ki konn pasé la. Li rivé nan pak mouton yo, ki té konn sèvi kachèt pou moun k-ap vouayajé.

Té gin yon trou ròch la, Sayul antré ladan-l ; min David ak moun li yo té anndan fon trou ròch la, yo té kaché. Sèvitè David yo di-l : « Min jou-a Granmèt la té palé-ou la : “M-ap rinmèt ènmi-ou nan nan min-ou, pou-ou fè-l sa-k fè-ou plézi nan jé-ou” ». David lévé, li koupé ké manto Sayul an silans. Apré sa, kè David soté, poutèt li té koupé manto Sayul la ; li di mésié-l yo : « Sé pou Granmèt la padonnin-m, pou-m pa fè bagay sa-a kont mèt mouin-an Kris Granmèt la, pou-m mété min-m sou li, paské sé Kris Granmèt la ». David palé rèd ak mésié-l yo, li pa pèmèt yo lévé kont Sayul.

Apré sa, Sayul soti nan trou ròch la, li kontinié chémin li té kòmansé-a. David minm lévé apré-l, li soti nan trou ròch la, li rélé byin fò dèyè do Sayul, li di : « Mèt mouin, roua mouin ». Sayul gadé dèyè-l, David bésé jous atè, li salié.

Li di Sayul : « Pouki sa ou-ap kouté paròl moun yo k-ap di : “David ap chèché fè-ou sa-k mal la” ? Gadé jodi-a jé-ou ouè kijan Granmèt la té rinmèt ou nan min-m nan trou ròch la ; mouin té kalkilé pou-m té touyé-

ou, min jé-m pran ménajé-ou. Mouin di : “Mouin pap lonjé min-m sou mèt mouin-an, paské sé kris Granmèt la”. Pa pito, papa-m, ou gadé, pou-ou rékonèt ké manto-ou la nan min-m paské lè-m té koupé bout manto-ou la, mouin pa-t vlé lonjé min-m sou ou. Konsidéré, gadé kijan pa gin mal pou touyé-m. Sé pou Granmèt la sèvi jij ant ou minm ak mouin minm, sé pou Granmèt la vanjé-m sot nan min-ou ; sèké min-m pa gin doua lonjé kont ou. (Jan provèb lontan-an di-a : “Nan péché-a, sé péché ki soti” ; min-m pa gin doua lonjé kont ou). Kilès ou-ap rapousuiv la, roua Israël ? Kilès ou-ap rapousuiv la ? Yon chyin mouri ou-ap rapousuiv ak yon sèl ti pis. Sé pou Granmèt la sèvi jij, sé pou-l jijé ant mouin minm ak ou minm ; sé pou-l konsidéré, pou-l jijé kòz mouin, pou-l délivré-m sot nan min-ou ».

Lè David fi-n palé paròl sa yo konsa bay Sayul, Sayul di : « Èské voua sa-a sé voua-ou, pitit mouin David » ? Sayul lévé voua-l, li kriyé. Li di David : « Ou pi kòrèk pasé-m ; ou minm ou ban-m byin, mouin minm minm mouin rinnèt ou mal. Jodi-a ou montré kijan ou fè-m dibyin, kijan Granmèt la té rinnèt mouin nan min-ou, épi ou pa touyé-m. Kilès moun, lè-l jouinn ènmi-l, li kite-l al fè rout li intak ? Min sé pou Granmèt la rinnèt ou jès sa-a pou sa-ou fè pou mouin jodi-a. Koulié-a mouin konnin sètèn ou-ap roua, ou-ap gin péyi-roua Israël la nan min-ou ».

Paròl Granmèt la.

PSÒM RÉPONS

Ps 56, 2. 3-4. 6 é 11 (R : 2 a)

- R: Pitié pou mouin, Bondié, pitié pou mouin.
- 2 Pitié pou mouin, Bondié, pitié pou mouin ;
paské sé nan ou nanm mouin kaché,
anba lonbraj zèl ou mouin chèché kachèt,
joustan malè-a pasé. R:
- 3 Mouin rélé kot Bondié ki anro nèt la,
Bondié ki fè-m dibyin-an.
- 4 Sé pou-l voyé sot nan sièl la, pou-l sové-m ;
sé pou-l fè sa k-ap krazé-m yo ront.
Sé pou Bondié voyé mizérikòd li ak vérité-l. R:
- 6 Monté anlè sièl yo, Bondié,
anlè tout tè-a, gloua-ou la.

¹¹ Nan Bondié li minm m-ap fè louanj paròl li-a,
nan Granmèt la li minm m-ap fè louanj paròl li-a. **R**

ALÉLOUYA

2 Kor 5, 19

R Alélouya. Sé Bondié ki té rét ap rékonsilié tè-a avèk li nan Jézu-Kri,
épi li mété paròl rékonsiliation-an nan nou. **R** Alélouya.

ÉVANJIL

Li rélé sa yo li vlé-a, pou yo avèk li.

✠ Léktu sint Évanjil la dapré Mark

3, 13-19

Lè sa-a :

Jézu monté sou mòn nan, li rélé sa yo li té vlé-a vi-n jouinn li ; yo vi-n koté-l. Li fè pou yo té douz avèk li, épi pou-l voyé yo préché. Li ba yo pouvoua pou yo géri malad yo, épi pou yo chasé démon yo.

Li bay Simon non Piè ; épi Jak pitit Zébédé-a ak Jan frè Jak la, li ba yo non Boanèrgès, sa vlé di Pitit loraj ; épi André, Filip, Batélémi, Matié, Toma, Jak pitit Alfé-a, Tadé, Simon moun Kana-a, ak Juda Iskariòt la, sa-a ki té trayi-l la.

Paròl Granmèt la.

Samdi

Ané 1

PRÉMIÉ LÉKTU

*Ak pròp san-l
li antré yon foua pou tout nan pati ki sin nan tanp la.*

Léktu lèt Ébré yo

9, 2-3. 11-14

Frè-m yo :

Té gin prémié tant la, koté té gin sipò-chandèl yo, tab la ak pin yo fri-a, yo té rélé-l « Sin ». Dèyè voual la minm sé té dézièm tant la, sa yo rélé « Sin sin yo ».

Kris la minm vi-n rivé kòm prèt an chèf byin k-ap vini yo, li travèsé tant ki pa fèt ak min moun nan, ki pi gran-an épi ki pi kòrèk la, sa ki pa

soti nan kréasion sa-a, sé pa ak san bouk oubyin bèf, min sé ak pròp san-l li antré yon foua pou tout nan Sin-an, lè-l fi-n fè nou jouinn rédanmsion tout tan-an. Réyèlman si san bouk ak toro yo, ak san gazèl yo, sa yo konn vidé sou moun ki gin péché yo, té konn fè yo vi-n sin pou pròpté chè yo, konbyin foua pi plis san Kris la, ki ofri tèt li san tach bay Bondié gras a Éspri Sin-an, l-ap pròpté konsians nou sot nan aksion lanmò yo pou nou sèvi Bondié vivan-an ?

Paròl Granmèt la.

PSÒM RÉPONS

Ps 46, 2-3, 6-7. 8-9 (R : 6)

- R: Bondié monté nan gran fèt, Granmèt la monté nan son kléron.
- 2 Tout nasion yo, sé pou nou bat bravo,
fè louanj pou Bondié avèk rèl kè kontan.
- 3 Paské Granmèt la ki anro nèt la, li térib,
roua ki gran anlè tout tè-a. R:
- 6 Bondié monté nan gran fèt,
Granmèt la monté nan son kléron.
- 7 Fè louanj pou Bondié, fè louanj ;
fè louanj pou roua nou-an, fè louanj. R:
- 8 Paské Bondié sé roua tout tè-a,
fè louanj avèk sajès.
- 9 Bondié roua sou nasion yo,
Bondié chita sou tro-n li ki sin-an. R:

Ané 2

PRÉMIÉ LÉKTU

Kijan vanyan sòlda yo fè tonbé nan lagè-a ?

Kòmansman dézièm liv Samuèl

1, 1-4. 11-12. 19. 23-27

Jou sa yo :

David tounin lè-l fi-n touyé Amalèk la, li rété Siklèg dé jou. Sou touazièm jou-a, gin yon mésié ki parèt, ki vi-n sot nan lamé Sayul la, manto-l chiré, pousiè kouvri tèt li ; kon-l rivé dévan David, li tonbé sou fas li atè-a, li salié. David di-l : « Koté-ou soti » ? Li di-l : « Nan lamé

Israël yo mouin soti, mouin sové ». David di-l : « Ki bagay ki rivé ? Rakonté-m ». Li di : « Pèp la sové sot nan batay la, anpil moun tonbé nan pèp la, yo mouri ; minm Sayul ak Jonatan, pitit li-a, yo mouri ».

David pran rad li, li chiré yo, tout moun yo ki té avèk li-a fè minm jan ; yo plinn yo kriyé, yo fè jèn jous asouè sou Sayul ak sou Jonatan pitit li-a, ak sou pèp Granmèt la, ak sou kay Israël la, poutèt yo té tonbé anba kout épé-a.

Épi David di : « Vanyan sòlda Israël yo sou mòn ou yo yo touyé yo. Kijan vanyan sòlda yo fè tonbé ?

Sayul ak Jonatan, ki té mérité yo rinmin yo, ki té bèl nan lavi yo, jous nan lanmò-a yo pa séparé ; yo té rapid tankou malfini, yo té gin fòs tankou lion.

Fi Israël yo, kriyé sou Sayul, li minm ki té konn abiyé nou ak vlou ak dousè, li minm ki té konn ofri dékoration lò pou sérémoni nou yo.

Kijan vanyan sòlda yo fè tonbé nan lagè-a ?

Jonatan mouri sou rotè-ou yo. Mouin gin lapinn pou ou, frè-m Jonatan, ou minm ki té pi bèl, ki té mérité yo rinmin-ou pi plis pasé rinmin médam yo. Tankou yon manman rinmin yon sèl pitit li-a, sé konsa mouin té rinmin-ou.

Kijan moun ki gin fòs yo fè tonbé, yo mouri, moun ki gin abitud fè lagè yo ? »

Paròl Granmèt la.

PSÒM RÉPONS

Ps 79, 2-3. 5-7 (R : 4 b)

- R: Kléré fas ou, Granmèt, n-a sové.
- 2 Ou minm k-ap kondui Israël, fè atansion,
ou minm k-ap kondui Jozèf tankou mouton-an,
ou minm ki chita anlè Chéribin yo, kléré.
- 3 dévan Éfrayim, Benjamin ak Manasé,
drésé pouvoua-ou, épi vini,
pou-ou sové nou. R:
- 5 Granmèt Bondié lamé yo,
jouskilè ou-ap fè kòlè sou priyé pèp ou-a ?
- 6 Ou fè nou manjé pin dlo ki sot nan jé nou,

- ou ba nou bouè nan dlo ki sot nan jé nou kont kò nou.
 7 Ou fè nou vi-n tounin kontradiksion pou vouazin nou yo,
 ènmi nou yo ap pasé nou nan jouèt. **R:**

ALÉLOUYA

Cf. Tr 16, 14 b

R: Alélouya. Granmèt, louvri kè nou,
 pou nou fè atansion nan paròl Pitit ou-a. **R:** Alélouya.

ÉVANJIL

Moun lakay li yo t-ap di : « Li pèdi bon sans li ».

✠ Léktu sint Évanjil la daprè Mark

3, 20-21

Lè sa-a :

Jézu rivé avèk disip li yo nan yon kay, foul la rivé ankò, atèl pouin yo pa-t kapab minm manjé yon moso pin. Lè moun kay li yo tandé sa, yo pati pou yo pran-l ; yo t-ap di : « Li pèdi bon sans li ».

Paròl Granmèt la.

TOUAZIÈM SÈMÈN

Dimanch, ané A

PRÉMIÉ LÉKTU

Nan Galilé nasion yo, pèp la ouè yon gran limiè.

Léktu liv profèt Izayi

8, 23 b-9, 3

Nan prémié tan-an péyi Zabulon-an ak péyi Néftali-a té vi-n tounin yon dézè ; alafin rout lanmè lòt bò Joudin-an, Galilé nasion yo, li jouinn gloua.

Pèp ki tap maché nan fènoua yo, li ouè yon gran limiè ; moun yo ki abité nan réjion lonbraj lanmò-a, yon limiè lévé pou yo. Ou té fè nasion-an vi-n anpil, min ou pa-t fè kè kontan-an vi-n anpil. Y-ap kontan dévan-ou, tankou moun ki kontan nan rékòlt, tankou moun ki ranpòté viktoua k-ap dansé, lè yo fi-n pran byin ènmi-an, lè y-ap séparé richès yo. Sèké jouk li ki t-ap pézé sou li-a, baton-an ki té sou zépòl li-a, bagèt moun ki t-ap fè-l pasé tray yo, ou krazé sa, tankou Madian-an.

Paròl Granmèt la.

PSÒM RÉPONS

Ps 26, 1. 4. 13-14 (R : 1 a)

R: Granmèt la sé limiè-m ak sové mouin.

¹ Granmèt la sé limiè-m ak sové mouin, kilès pou-m pè ?

Granmèt la sé protéksion lavi-m, dévan kilès pou-m tranblé. R:

⁴ Yon sèl bagay mouin mandé Granmèt la, sé sa m-ap chèché :

abité nan kay Granmèt la

tout tan lavi-m,

pou-m ouè dousè Granmèt la,

pou-m vizité tanp li-a. R:

¹³ Mouin kouè m-ap ouè byin Granmèt la nan tè vivan yo.

¹⁴ Tann Granmèt la, pran kouraj,

asiré kè-ou, apuiyé sou Granmèt la. R:

DÉZIÈM LÉKTU

*Sé pou nou gin minm santiman,
pou pa gin divizion nan nou.*

Léktu prémié lèt apot sin Pòl pou Korintyin yo 1, 10-13. 17

Mouin mandé nou avèk insistans, frè-m yo, o non Granmèt nou Jézu-Kri, pou nou tout nou gin minm santiman, pou pa gin divizion nan nou ; sé pou nou kòrèk nèt nan minm santiman ak nan minm prinsip.

Sèké yo ban-m nouvèl sou nou, frè-m yo, sé moun Kloé yo ki di-m sa, gin divizion nan pami nou. Mouin di sa, paské chak moun nan nou ap di : « Mouin minm mouin sé moun Pòl », « Mouin minm mouin sé moun Apolon », « Mouin minm minm mouin sé moun Séfas », « Kanta mouin minm mouin sé moun Jézu-Kri ».

Èské Kris la divizé ? Èské sé Pòl yo té klouré sou koua-a pou nou ? Oubyin èské sé o non Poè yo té batizé nou ?

Kris la pa voyé-m batizé, min préché bòn nouvèl la san sé pa nan sajès paròl la, pou koua Kris la pa vi-n vid.

Paròl Granmèt la.

ALÉLOUYA

Cf. Mt 4, 23

✠ Alélouya. Jézu t-ap préché Bòn Nouvèl péyi-roua-a,
épi li t-ap géri tout maladi nan pèp la. ✠ Alélouya.

ÉVANJIL

*Li rivé Kafarnaòm,
pou sa Izayi té di-a kapab réalizé.*

✠ **Léktu sint Évanjil la dapré Matié** 4, 12-23

Lè Jézu tandé yo té arété Jan, li pati kité Galilé-a ; li kité vil Nazarèt la, li vi-n abité Kafarnaòm bò lanmè-a, nan limit Zaboulon ak Néftali, pou paròl profèt Izayi-a té kapab réalizé :

« Tè Zaboulon, ak Néftali, rout lanmè-a lòt bò Joudin-an, Galilé nasion yo. Pèp ki té chita nan fènoua yo, li ouè yon gran limiè, sou moun ki té abité nan réjion lonbraj lanmè-a, yon limiè lévé pou yo ».

Apati lè sa-a, Jézu kòmansé préché, l-ap di : « Fè pénitans ; paské péyi-roua sièl yo toupré ».

Antan Jézu ap maché bò lanmè Galilé-a, li ouè dé frè, Simon, sa yo rélé Piè-a, épi André, frè-l la, yo t-ap voyé filè nan lanmè-a, sé péchè pouason yo té yé. Li di yo : « Vini apré-m, m-ap fè nou konn fè lapèch moun ». Yo minm, minm lè-a, yo kité filè yo, yo suiv li.

Li avansé pi louin, li ouè dé lòt frè, Jak pitit Zébédé-a avèk Jan, frè-l la, yo té nan kannòt la avèk Zébédé, papa yo, yo t-ap rapiésé filè yo, li rélé yo. Yo minm, minm lè-a, yo kité filè yo ak papa-a, yo suiv li.

Jézu t-ap fè tout tou Galilé-a, li t-ap anségné nan sinagòg yo, li t-ap préché bòn nouvèl péyi-roua a, li t-ap géri tout kalité maladi ak tout kalité féblès nan pèp la.

Paròl Granmèt la.

oubyin pi kout

✠ Léktu sint Évanjil la dapré Matié

4, 12-17

Lè Jézu tandé yo té arété Jan, li pati kité Galilé ; li kité vil Nazarèt la, li vi-n abité Kafarnaòm bò lanmè-a, nan limit Zaboulon ak Néftali, pou paròl profèt Izayi-a té kapab réalisé :

« Tè Zaboulon, ak tè Néftali, rout lanmè-a lòt bò Joudin-an, Galilé nasion yo. Pèp ki té chita nan fènoua yo, li ouè yon gran limiè, sou moun ki té abité nan réjion lonbraj lanmè-a, yon limiè lévé pou yo ».

Apati lè sa-a, Jézu kòmansé préché, l-ap di : « Fè pénitans ; paské péyi-roua sièl yo tou pré ».

Paròl Granmèt la.

Dimanch, ané B

PRÉMIÉ LÉKTU

Moun Niniv yo chanjé conduit sot nan mové chémin yo.

Léktu liv profèt Jonas

3, 1-5. 10

Rivé paròl Granmèt la di Jonas : « Lévé, al Niniv, gran vil la, préché prèch la ladan-l, sa-m té palé-ou la ». Jonas lévé, l-al Niniv dapré paròl Granmèt la.

Niniv té yon gran vil ki té mandé toua jou pou travèsé-l. Jonas kòman-sé antré nan vil la, li kaché pandan yon jounin ; li rélé byin fò, li di : « Apré karant jou, Niniv ap détoui ».

Moun Niniv yo kouè nan Bondié, yo préché yon jèn, yo abiyé ak sak sot dépi pi gran-an jous pi piti-a.

Bondié ouè aksion yo, kijan yo chanjé sot nan mové chémin yo, Bondié pran pitié osijè malè li té di li t-ap fè-a, li pa fè-l.

Paròl Granmèt la.

PSÒM RÉPONS

Ps 24, 4 bc-5 ab. 6-7 bc. 8-9 (R: 4 a)

- R: Chémin-ou yo, Granmèt, aprann mouin yo.
- 4 Chémin-ou yo, Granmèt, montré-m yo, santié-ou yo, aprann mouin yo.
- 5 Dirijé-m nan santié-ou la, ban-m léson, paské ou sé Bondié sovè mouin. R:
- 6 Sonjé bon kè-ou, Granmèt, ak mizérikòd ou yo, paské sé dépi tout tan yo égzisté,
- 7 dapré mizérikòd ou yo, sonjé-m, poutèt bon kè-ou, Granmèt. R:
- 8 Granmèt la bon, li douat, sé pousa l-ap aprann péchè yo chémin-an ;
- 9 l-ap kondui moun ki dosil yo nan jijman-an, l-ap aprann moun ki dou yo chémin-l yo. R:

DÉZIÈM LÉKTU

Figi tè sa-a ap pasé.

Léktu prémié lèt apot sin Pòl pou Korintyin yo

7, 29-31

Mouin di nou sa, frè-m yo : Tan-an kout.

Moun ki marié, sé pou yo viv kòm si yo pa marié ; moun k-ap kriyé, kòm si yo pap kriyé, moun ki gin kè kontan, kòm si yo pa gin kè kontan ; moun k-ap achté, kòm si yo pa posédé ; moun k-ap sèvi avèk tè sa-a ; kòm si yo pap sèvi avèk li.

Sèké l-ap pasé, figi tè sa-a.

Paròl Granmèt la.

ALÉLOUYA

Mk 1, 15

R: Alélouya. Péyi-roua Bondié-a tou pré ;
fè pénitans, kouè nan bòn nouvèl la. R: Alélouya.

ÉVANJIL

Fè pénitans, sé pou nou kouè nan bòn nouvèl la.

✠ Léktu sint Évanjil la dapré Mark

1, 14-20

Apré yo fi-n arété Jan, Jézu rivé nan Galilé, l-ap préché bòn nouvèl péyi-roua Bondié-a, l-ap di : « Tan-an rivé, péyi-roua Bondié-a proché : fè pénitans, kouè nan bòn nouvèl la ».

Antan l-ap pasé bò lanmè Galilé-a, li ouè Simon avèk André frè-l la k-ap voyé filè nan lanmè-a ; sé péchè pouason yo té yé. Jézu di yo : « Vini apré-m, m-ap fè nou al lapèch moun ». Minm lè-a, yo kité filè yo, yo suiv li.

Li kontinié sot la l-al yon ti kras pi louin, li ouè Jak pitit Zébédé-a avèk Jan, frè-l la, yo t-ap rapiésé filè yo nan batiman-an ; minm lè-a, li rélé yo. Yo kité papa yo Zébédé nan batiman-an avèk anlouayé yo, yo suiv li.

Paròl Granmèt la.

Dimanch, ané C

PRÉMIÉ LÉKTU

*Yo li nan liv Laloua-a, yo konprann,
lè yo li-a.*

Léktu liv Néémi

8, 2-4 a ; 5-6. 8-10

Jou sa yo :

Prèt Ésdras poté Liv laloua-a dévan fowl gason yo ak fi yo, ak tout moun ki té kapab konprann, nan premié jou moua séptanm nan. Li li ladan-l, avèk yon voua byin klè, sou laplas la, ki té dévan pòt dlo yo, dépi nan matin jouska midi, dévan gason yo ak fi yo ak saj yo ; zòrèy tout pèp la té drésé nan diréksion liv la.

Ésdras, skrib la, té kanpé sou yon éstrad an boua, yo té fè-l pou-l té kapab palé. Ésdras louvri liv la dévan tout pèp la (li té dépasé rotè tout pèp la nè), kon-l louvri-l, tout pèp la kanpé. Ésdras fè konpliman pou

Granmèt Bondié ki gran-an, tout pèp la réponn : « Amèn, Amèn », antan y-ap lévé min yo. Yo plouayé kò yo, yo adoré Bondié, plat atè.

Yo li nan liv Laloua Bondié-a yon fason pozé, yon fason klè pou moun kapab konprann ; yo konprann pandan y-ap li-a. Néémi (sa vlé di Atérsata) ak Ésdras, prèt la ak skrib la, ak mésié nan ras Lévi yo, yo t-ap éspliké tout pèp la : « Sé yon jou ki sin pou Granmèt Bondié nou-an, pa rété tris, pa kriyé ». Sèké tout pèp la t-ap kriyé, lè-l tandé paròl Laloua-a. Li di yo : « Alé, manjé bon viann, bouè bon divin, voyé pòsion bay moun ki pa-t paré manjé, paské jou Granmèt sa-a sin. Pa rét tris : kè kontan Granmèt la sé fòs nou ».

Paròl Granmèt la.

PSÒM RÉPONS

Ps 18, 8. 9. 10. 15 (R: Jan 6, 63 c)

- R: Paròl ou yo, Granmèt, sé Éspri ak lavi.
- 8 Laloua Granmèt la san tach, li réfè nanm, témouagnaj Granmèt la fidèl, li bay ti moun yo sajàs. R:
- 9 Jistis Granmèt la douat yo fè kè kontan, kòmandman Granmèt la klè, li kléré jé yo. R:
- 10 Krint Granmèt la nèt, li diré pou tout tan gin tan, jijman Granmèt la vré, yo kòrèk yo tout ansanm. R:
- 15 Sé pou paròl bouch mouin yo fè-ou plézi, ni réfléksion kè-m yo dévan fas ou, Granmèt, sékou-m ak rédanmtè mouin. R:

DÉZIÈM LÉKTU

Nou sé kò Jézu-Kri, nou youn sé manb lòt.

Léktu prémié lèt apot sin Pòl pou Korintyin yo

12, 12-30

Frè-m yo :

Minm jan kò-a li yon sèl, min li gin anpil manb, tout manb kò-a, malgré yo anpil la, sé yon sèl kò yo fè : sé konsa tou pou Jézu-Kri. Réyéلمان sé nan yon sèl Éspri-a nou tout nou batizé nan yon sèl kò, soua Juif, soua payin, soua ésklav, soua moun lib ; épi nou tout sé nan yon sèl Éspri, nou pasé souaf nou. Sèké kò-a sé pa yon sèl manb, min sé anpil. Si pié-a t-a di : « Mouin pa min-an, mouin pa fè pati nan kò-a » ; éské poutèt sa li pa

t-a fè pati nan kò-a ? Épi si zòrèy la t-a di : « Mouin pa jé-a, mouin pa fè pati kò-a » ; èské poutèt sa li pa t-a fè pati nan kò-a ? Si tout kò-a sé té jé, koté yo t-a tandé ? si tout bagay sé té koté pou yo tandé, ki koté pou yo t-a santi ?

Min koulié-a Bondié pozé manb yo, yo chak nan kò-a, jan-l vlé. Si tout bagay sé té yon sèl manb, koté kò-a t-a yé ? Min koulié-a gin anpil manb, min sé yon sèl kò ki ginyin. Konsa jé-a pa kapab di min-an : « Mouin pa bézouin-ou » ; oubyin tèt la non plis tou pa kapab di pié yo : « Nou pa nésésè pou mouin ».

Dayè plis yo konsidéré manb kò-a kòm pi fèb, sé plis yo nésésè ; manb yo nan kò-a nou pansé ki pi fè nou ront yo, sé yo minm minm nou vlopé ak plis konsidèrasion ; sa ki pa kapab parèt sou moun yo nan nou-an, sé yo minm ki jouinn plis réspè. Manb nou yo ki gin bon plas yo, yo pa bézouin yo trété yo avèk okinn réspè ; min Bondié ranjé kò-a yon fason pou manb ki pa gin réspè, yo ba-l plis réspè ; pou pa gin divizion nan kò-a, min pou manb yo youn okipé lòt. Épi, si yon manb ap souffri, tout manb yo ap souffri ansanm avèk li ; si yon manb jouinn konpliman, tout manb yo kontan ansanm avèk li.

Nou minm nou sé kò Jézu-Kri, épi nou youn sé manb lòt. Bondié mété kèk nan Égliz la dabò kòm apot, dézièmman kòm profèt, touazièmman kòm savan sakré, apré sa sé mirak yo, épi sé gras yo pou géri, pou konsolé, pou dirijé, sé kapasité pou palé tout kalité lang, pou bay sans paròl yo. Èské tout moun sé apot ? Èské tout moun sé profèt ? Èské tout moun sé savan sakré ? Èské tout moun kapab fè mirak ? Èské tout moun gin gras yo pou géri ? Èské tout moun kapab palé lang ? Èské tout moun kapab bay sans paròl yo ?

Paròl Granmèt la.

oubyin pi kout

Léktu premié lèt apot sin Pòl pou Korintyin yo

12, 12-14. 27

Frè-m yo :

Minm jan kò-a li yon sèl, min li gin anpil manb, tout manb kò-a, malgré yo anpil la, sé yon kò yo fè : sé konsa tou pou Jézu-Kri. Réyèlman sé nan yon sèl Éspri-a nou tout nou batizé nan yon sèl kò, soua Juif, soua payin, soua ésklav, soua moun lib ; épi nou tout sé nan yon sèl Éspri nou pasé souaf nou. Sèké kò-a sé pa yon sèl manb, min sé anpil.

Nou minm nou sé kò Jézu-Kri, épi nou youn sé manb lòt.

Paròl Granmèt la.

ALÉLOUYA

Lk 4, 18

℞ Alélouya. Granmèt la voyé-m anonsé bon nouvèl la bay pòv yo, préché libérasion bay prizonié yo. ℞ Alélouya.

ÉVANJIL

Jodi-a Paròl sa-a ki ékri-a réalizé.

✚ **Léktu sint Évanjil la dapré Luk**

1, 1-4 ; 4, 14-21

Kòm anpil moun té éséyé konpozé liv pou rakonté bagay yo ki rivé nan pami nou yo, dapré sa sa yo ki té ouè dépi nan kòmansman-an épi ki té sèvitè paròl la yo té transmèt nou ; mouin minm tou, lè-m fi-n égzaminé tout bagay afon dépi nan kòmansman, mouin désidé pou-m ékri pou ou nan lòd, monchè Téofil, pou-ou kapab konnin vérité paròl sa yo ou té aprann nan.

Lè sa-a :

Jézu tounin nan fòs Éspri-a nan Galilé-a ; répitasion-l gayé nan tout réjion-an. Li t-ap anségné nan sinagòg yo, tout moun t-ap fè louanj li.

Li rivé Nazarèt, koté yo té fè édikasion-l nan ; li antré dapré abitud li nan sinagòg la jou saba-a, li lévé pou-l fè léktu-a. Yo rinmèt li liv profèt Izayi-a. Lè-l déroulé liv la, li jouinn koté ki ékri-a :

« Éspri Granmèt la sou mouin ; sé poussa li sakré-m, li voyé-m anonsé pòv yo bon nouvèl la, géri sa-k gin kè krazé yo, préché délivrans bay

prizonié yo, préché limiè bay avèg yo, ranvouayé sa y-ap maltréte yo an libète, préché yon ané ki fè Granmèt la plézi, yon jou l-ap bay rékonpans ».

Li roulé liv la, li rinmèt sèvitè-a li, li chita. Nan sinagòg la, tout jé té fikse sou li. Li kòmansé di yo : « Jodi-a Paròl sa-a ki ékri-a réalizé nan zòrèy nou ».

Paròl Granmèt la.

Lindi

Ané 1

PRÉMIÉ LÉKTU

*Li ofri tèt li yon foua pou tout pou-l détrui péché yo,
dézièm foua-a l-ap parèt pou moun k-ap tann li yo.*

Léktu lèt Ébré yo

9, 15. 24-28

Frè-m yo :

Kris la sèvi intèmediè nouvo aliens la, pou, gras a lanmò-l, ki rivé pou rédanmsion péché ki té fèt sou ansyin aliens la, moun yo rélé nan éritaj tout tan-an yo résévoua promès la.

Sé pa nan yon tanp ki fèt ak min moun Jézu antré, pòtré vré bagay ki sin yo, min sé nan sièl la minm, pou-l parèt koulié-a dévan fas Bondié pou nou. Épi sé pa souvan l-ap ofri tèt li, tankou prèt an chèf la k-ap antré nan tanp la chak ané ak san ki pa pou li-a ; otréman sé anpil foua li t-a blijé soufri dépi kòmansman tè-a ; min koulié-a, sé yon foua pou tout jous finisman sièk tan yo, li parèt pou-l détoui péché-a gras a sakrifis li-a.

Kòm sé yon loua pou moun yo, pou yo mouri yon foua pou tout, épi apré sa sé jijman-an ; konsa tou Kris la ofri tèt li yon foua pou tout pou-l détoui péché yo, dézièm foua-a l-ap parèt san péché pou moun yo k-ap tann li yo pou sovè l-ap sovè yo-a.

Paròl Granmèt la.

PSÒM RÉPONS

Ps 97, 1. 2-3 ab. 3 cd-4. 5-6 (R : l a)

R: Chanté yon kantik nouvo pou Granmèt la,
poutèt mèvèy li fè.

- 1 Chanté yon kantik nouvo pou Granmèt la,
poutèt mèvèy li fè.
Min douat li sovè pou li,
bra li ki sin-an. **R:**
- 2 Granmèt la fè konnin sovè li sovè-a,
dévan fas nasion yo li dévoualé jistis li-a.
- 3 Li sonjé mizèrikòd li,
ak vérité-l pou kay Israèl la. **R:**
Tout limit tè-a ap ouè
sovè Bondié sovè nou-an.
- 4 Bat bravo pou Bondié, tout tè-a,
éklaté, dansé, chanté. **R:**
- 5 Chanté pou Granmèt la sou gita,
sou gita ak son mizik ;
- 6 sou tronpèt ki dous ak kòn,
fè konpliman dévan fas Granmèt la ki roua-a. **R:**

Ané 2

PRÉMIÉ LÉKTU

Sé ou minm k-ap okipé pèp mouin Israèl.

Léktu dézièm liv Samuèl

5, 1-7. 10

Jou sa yo :

Tout ras Israèl yo rivé kot David Ébron, yo di : « Min nou sé zo-ou ak chè-ou. Dépi ni yé ni avantiè, lè Sayul té roua sou nou-an, sé ou minm ki t-ap kondui Israèl antré-sòti ; Granmèt la di-ou : “Sé ou minm k-ap kondui pèp mouin Israèl, sé ou minm k-ap chèf sou Israèl” ».

Ansyin Israèl yo vi-n kot roua-a tou Ébron, David pasé yon aliens avèk yo Ébron dévan Granmèt la, yo sakré David kòm roua sou Israèl.

David té gin trantan lè-l té kòmandé kòm roua épi pandan karantan li kòmandé kòm roua. Nan Ébron li kòmandé kòm roua sou Juda pandan sètan ak si moua ; nan Jérusalèm minm li kòmandé kòm roua pandan trantouazan sou tout Israèl ak Juda.

Roua-a ak tout mésié yo ki té avèk li yo, y-al Jérusalèm kot Jébuzéyin-an ki té abité péyi-a ; yo di David : « Ou pap antré isit la, sof

si-ou ouété avèg yo ak moun k-ap bouaté yo, sa vlé di : “David pap antré isit la” ». Min David pran sitadèl Siyon-an : sa-a sé vil David la.

Li t-ap réyisi avèk siksè tout tan pi plis, Granmèt Bondié lamé yo té avèk li.

Paròl Granmèt la.

PSÒM RÉPONS

Ps 88, 20. 21-22. 25-26 (R: 25 a)

R: Vérité-m ak mizérikòd mouin ap avèk li.

20 Lè sa-a ou palé nan vizion avèk sin-ou yo, ou té di :

« Mouin mété sékou-a nan yon moun ki fò,
mouin lévé yon moun mouin chouazi nan pèp la. R:

21 Mouin jouinn David, sèvitè-m nan ;
ak luil mouin ki sin-an mouin sakré-l.

22 Min-m ap rét fèm ak li,
bra-m ap ba li fòs. R:

25 Vérité-m ak mizérikòd mouin ap avèk li,
o non-m l-ap lévé kòn li.

26 M-ap instalé min-l sou lanmè-a,
min douat li sou riviè yo ». R:

ALÉLOUYA

Cf. 2 Tim 1, 10

R: Alélouya. Sovè nou Jézu-Kri détoui lanmè-a,
épi li kléré lavi-a gras a bòn nouvèl la. R: Alélouya.

ÉVANJIL

Satan jouinn finisman-l.

✠ Léktu sint Évanjil la dapré Mark

3, 22-30

Lè sa-a :

Skrib yo, ki té désann sot Jérusalèm yo, yo t-ap di : « Sé Bèlzeboub li ginyin, sé gras a chèf démon yo l-ap chasé démon yo ».

Li rélé yo, li di yo an parabòl : « Kijan Satan kapab chasé Satan ? Si yon péyi-roua divizé anndan-l, péyi-roua sa-a pa kapab kanpé. Si yon kay gin divizion anndan-l, kay sa-a pa kapab kanpé. Konsa si Satan lévé kont

pròp tèt li, li divizé, li pa kapab kanpé, li jouinn finisman-l. Pèsòn pa kapab antré nan yon kay avèk zam, pou-l piyé, si-l pa kòmansé maré moun ki gin fòs la, apré sa, l-a piyé kay li-a.

Amèn mouin di nou, tout péché pitit moun yo fè, y-ap padonnin yo, ni blasfèm ki sèvi pou yo blasfémé yo ; min moun ki blasfémé kont Éspri Sin-an, li pap janm gin padon, min l-ap koupab yon péché pou tout tan ». Sèké yo t-ap di : « Sé yon éspri papròp li ginyin ».

Paròl Granmèt la.

Madi

Ané 1

PRÉMIÉ LÉKTU

Min m-ap vini, Bondié, pou-m fè volonté-ou.

Léktu lèt Ébré yo

10, 1-10

Frè-m yo :

Laloua-a, sé lonbraj byin yo k-ap vini-an li ginyin, sé pa vré pòtré bagay yo, chak ané sé minm sakrifis yo yo t-ap ofri san rété, li pa kapab fè moun k-ap proche-l konsa yo vi-n kòrèk nèt ; otréman yo t-a sispann ofri, si moun k-ap ofri sakrifis yo pa-t gin okinn konsians péché ankò antan yo pròpté yon foua pou tout ; min nan sakrifis sa yo sé souvni péché yo yo fè chak ané. Sèké san toro ak bouk pa kapab ouété péché yo.

Sé pousa lè l-ap antré sou tè-a, li di : « Sakrifis ak kado, ou pa-t vlé sa, sé yon kò ou té paré pou mouin ; sakrifis yo boulé pou péché, sa pa-t fè-ou plézi, lè sa-a atò mouin di : Min m-ap vini : nan tèt liv la yo ékri osijèm, Bondié, pou-m fè volonté-ou ».

Li di pi ro : « Sakrifis ak kado ak sakrifis yo boulé pou péché, ou pa-t vlé sa », ni sa yo konn ofri dapré laloua-a, sa pa-t fè-ou plézi, épi apré sa li di : « Min m-ap vini pou-m fè volonté-ou ». Li ouété premié-a, pou-l instalé sa-k vi-n apré-a. Sé nan volonté sa-a nou vi-n sin gras a kado kò Jézu-Kri ki ofri tèt li yon foua pou tout.

Paròl Granmèt la.

PSÒM RÉPONS

Ps 39, 2 é 4 ab. 7-8 a. 10. 11 (R: cf. 8 a é 9 a)

- R: Min m-ap vini, Granmèt, pou-m fè volonté-ou.
- 2 Sé pa ti kras tann mouin t-ap tann Granmèt la,
li panché sou mouin.
- 4 Li mété yon kantik nouvo nan bouch mouin,
yon kantik pou Bondié nou-an. R:
- 7 Sakrifis ak kado, ou pa-t vlé sa,
ou louvri zòrèy mouin.
Sakrifis antié ak sakrifis pou péché, ou pa-t mandé sa,
- 8 lè sa-a mouin di : « Min m-ap vini. R:
- 10 Mouin anonsé jistis ou-a nan gran asanblé-a ;
min mouin pa fèmin bouch mouin, Granmèt, ou konnin. R:
- 11 Jistis ou-a mouin pa kaché-l nan kè-m,
vérité-ou la ak sékou-ou la, mouin di-l.
Mouin pa kaché mizérikòd ou-a
ak vérité-ou bay gran rasanbléman-an. R:

Ané 2

PRÉMIÉ LÉKTU

*David ak tout Israèl t-ap kondui arch
aliens Granmèt la avèk fèt.*

Léktu dézièm liv Samuèl

6, 12 b-15. 17-19

Jou sa yo :

David pati, li kondui arch Bondié-a sot kay Obédédòm nan vil David la avèk kè kontan. Avèk David té gin sèt group k-ap dansé avèk sakrifis toro. Moun yo k-ap poté arch Granmèt la, lè yo té fi-n fè sis pa, yo ofri bèf ak kabrit. David minm t-ap vòltijé ak tout fòs li dévan Granmèt la ; David té vlopé tay li avèk yon étòf ki fèt ak toul koton. Ni David ni tout kay Israèl la t-ap kondui arch aliens Granmèt la nan fèt avèk son tronpèt.

Yo fè arch Granmèt la antré, yo mété-l nan plas li nan mitan tant la, David té drésé pou li-a ; David ofri sakrifis antié ak sakrifis lapè, li béni pèp la o non Granmèt lamé yo. Li fè séparasion bay tout foul Israèl la, ni gason ni fi, chak moun jouinn yon kouròn pin, yon moso viann bèf griyé,

ak yon moso viann bèf ki fri nan luil. Apré sa tout pèp la tounin chak moun nan kay li.

Paròl Granmèt la.

PSÒM RÉPONS

Ps 23, 7. 8. 9. 10 (R: cf. 8 a)

R: Kilès roua gloua sa-a ?
sé Granmèt la li minm.

7 Pòt yo, lévé tèt nou,
lévé nou, pòt tout tan yo,
pou roua gloua-a antré. R:

8 Kilès roua gloua sa-a ?
Sé Granmèt la ki gin fòs ak pouvoua,
sé Granmèt la ki gin pouvoua nan batay la. R:

9 Pòt yo, lévé tèt nou,
lévé nou, pòt tout tan yo,
pou roua gloua-a kapab antré. R:

10 Kilès roua gloua sa-a ?
sé Granmèt lamé yo, sé li minm Roua gloua-a. R:

ALÉLOUYA

Cf. Mt 11, 25

R: Alélouya. Konpliman pou ou, Papa, Granmèt sièl la ak tè-a,
paské ou dévoualé mistè péyi-roua-a nan bay sa-k tou piti yo. R:
Alélouya.

ÉVANJIL

*Moun ki fè volonté Bondié, sé li minm ki frè-m
ak sè-m ak manman-m.*

✠ Léktu sint Évanjil la dapré Mark

3, 31-35

Lè sa-a :

Manman Jézu ak frè-l yo rivé ; yo kanpé déyò-a, yo voyé koté-l pou yo rélé-l. Té gin yon foul ki té chita alantou-l, yo di-l : « Min manman-ou ak frè-ou yo déyò-a y-ap chèché-ou ».

Li réponn yo, li di : « Kilès ki manman-m ak frè-m ? » Li viré gadé alantou-l, sa yo ki té chita toutotou-l yo, li di : « Min manman-m ak frè-m yo. Moun ki fè volonté Bondié, sé li minm ki frè-m ak sè-m ak manman-m ».

Paròl Granmèt la.

Mèkrédi

Ané 1

PRÉMIÉ LÉKTU

Sa yo li fè vi-n sin yo, li fè yo vi-n kòrèk nèt pou tout tan.

Léktu lèt Ébré yo

10, 11-18

Tout prèt blijé kanpé chak jou pou sèvi, pou ofri minm sakrifis yo souvan, ki pa kapab ouété péché yo ; sa-a minm li ofri yon sèl sakrifis pou péché yo, li chita pou tout tan adouat Bondié, l-ap tann apré sa « joutan yo plasé ènmi-l yo kòm machéskalié pou pié-l ». Avèk yon sèl sakrifis, li fè moun yo ki vi-n sin yo vi-n kòrèk nèt pou tout tan.

Éspri Sin-an li minm minm ba nou témouagnaj ; apré li fi-n di : « Min aliens la m-ap passé avèk yo apré jou sa yo, sé sa Granmèt la di ; m-ap mété laloua-m yo nan kè yo, m-ap ékri yo nan éspri yo ; mouin pap sonjé péché yo ak fot yo ankò ».

Koté yo jouinn padon-an, yo pa bézouin sakrifis pou péché-a.

Paròl Granmèt la.

PSÒM RÉPONS

Ps 109, 1. 2. 3. 4 (R: 4 bc)

R: Ou sé prèt pou tout tan
dapré ran Mèlkisédek.

¹ Granmèt la di Granmèt mouin : « Chita adouat mouin,
joutan mouin plasé ènmi-ou yo kòm machéskalié pié-ou ». R:

² Baton pouvoua-ou, Granmèt la voyé-l sot nan Siyon :
Kòmandé nan mitan ènmi-ou yo. R:

- 3 Pouvoua-ou avèk ou jou fòs ou-a,
nan gloua ki sin yo,
nan vant granmatin tankou larouzé mouin anfanté-ou. **R:**
- 4 Granmèt la fè sèman, li pap régrèt li :
« Ou sé prèt pou tout tan
dapré ran Mèlkisédek ». **R:**

Ané 2

PRÉMIÉ LÉKTU

*M-ap lévé désandans ou apré-ou,
m-ap asiré péyi-roua li.*

Léktu dézièm liv Samuèl

7, 4-17

Jou sa yo :

Min paròl Granmèt la bay Natan, li di : « Al di David sèvitè-m nan : Min paròl Granmèt la ? “Èské sé ou minm k-ap bati yon kay ban mouin, pou-m abité ? Mouin pa-t abité nan kay, dépi jou mouin té fè pitit Israël yo soti nan péyi Éjip la jous jodi-a ; min mouin té prominnin nan tant ak nan tonnèl. Nan tout koté mouin té passé avèk tout pitit Israël yo, èské mouin té janm palé avèk youn nan ras Israël yo, sa-m té passé lòd pou okipé pèp mouin Israël, pou mouin té di : Pouki sa nou pa bati yon kay boua-pin pou mouin ?”

Koulié-a min sa ou-a di sèvitè-m David. Min paròl Granmèt lamé yo : “Sé mouin minm ki té pran-ou sot nan savann zèb la, lè-ou t-ap suiv bann mouton yo, pou-ou té kapab vi-n chèf sou pèp mouin Israël, mouin té avèk ou nan tout okazion tout koté ou té passé, mouin té touyé tout ènmi-ou yo sot dévan fas ou ; mouin té fè-ou vi-n gin yon non ki gran tankou non gran pèsonaj yo ki sou tè-a. M-ap mété yon koté pou pèp Israël, m-ap planté-l, l-ap abité la, li pap nan kè soté ankò ; pitit méchansté yo pap vi-n pou yo trakasé-l tankou anvan, dépi jou mouin té instalé jij yo sou pèp mouin Israël la.

M-ap ba-ou répo anba min lòt ènmi-ou yo, Granmèt la avèti-ou davans l-ap fè yon kay pou ou. Lè jou-ou yo ap rivé nan bout yo, lè ou-a dòmi avèk papa-ou yo, m-ap lévé désandans ou apré-ou, k-ap soti nan vant ou, m-ap asiré péyi-roua li.

Sé li minm k-ap bati yon kay pou non-m, m-ap asiré tro-n péyi-roua li pou tout tan. M-ap yon papa pou li, li minm l-ap yon pitit pou mouin. Si-l fè bagay ki pa kòrèk, m-ap korijé-l avèk bagèt moun yo, ak chatiman pitit moun yo. Min kanta pou mizérikòd mouin-an, mouin pap rétiré-l sot nan li, jan-m té ouété-l sot nan Sayul la, li minm mouin réjité sot dévan fas mouin-an. Kay ou-a ap fidèl, ni péyi-roua-ou la jous pou tout tan dévan fas ou, tro-n ou-a ap solid pou tout tan” ».

Dapré tout paròl sa yo épi dapré tout vizion sa-a, sé konsa minm Natan palé ak David.

Paròl Granmèt la.

PSÒM RÉPONS

Ps 88, 4-5. 27-28. 29-30 (R: 29 a)

R: Pou tout tan m-ap kinbé mizérikòd mouin pou li.

4 « Mouin pasé aliens avèk sa-a mouin chouazi-a,
mouin fè sèman bay David, sèvitè-m nan :

5 Pou tout tan m-ap asiré désandans ou,
m-ap drésé tro-n ou pou jénérasyon ak jénérasyon ». R:

27 Li minm l-ap rélé-m : Sé Papa-m ou yé,
Bondié-m ak kachèt k-ap sové mouin.

28 Mouin minm m-ap mété-l kòm premié pitit,
pi ro pasé roua yo sou tè-a. R:

29 Pou tout tan m-ap kinbé mizérikòd mouin pou li,
aliens mouin-an ap fidèl pou li.

30 M-ap mété désandans li pou tout tan gin tan,
ak tro-n li tankou jou sièl yo ». R:

ALÉLOUYA

R: Alélouya. Sémans la, sé paròl Bondié-a,
sa-a k-ap simin-an minm sé Kris la ;
tout moun ki jouinn li, l-ap diré pou tout tan. R: Alélouya.

ÉVANJIL

Moun k-ap simin-an, li soti pou-l simin.

✠ Léktu sint Évanjil la dapré Mark

4, 1-20

Lè sa-a :

Jézu kòmansé bay ansègnman ankò bò lanmè-a ; anpil foul rasanblé koté-l, atèl pouin li blijé monté nan batiman-an, pou-l chita sou lanmè, tout foul la té sou bò lanmè-a, atè-a. Li t-ap ba yo ansègnman an parabòl sou anpil bagay, li t-ap di yo nan ansègnman-l nan :

« Kouté : min moun ki konn simin-an soti pou-l simin. Pandan l-ap simin, gin yon pòsion ki tonbé bò rout la, zouazo sièl yo rivé, yo manjé-l. Yon lòt pòsion tonbé sou koté ki gin ròch, koté pa-t gin anpil tè ; minm lè-a li lévé, paské pa-t gin profondè tè. Lè solèy lévé, li boulé, épi, kòm li pa-t gin rasi-n, li séché. Yon lòt pòsion tonbé nan pikan yo, pikan yo monté, yo toufé-l, li pa bay foui. Yon lòt pòsion tonbé nan bon tè-a, li bay foui k-ap monté, k-ap dévlopé ; li donnin yon pati trant, yon lòt souasant épi yon lòt san ». Li t-ap di : « Moun ki gin zòrèy pou kouté, sé pou-l kouté ».

Lè-l té pou kont li, douz yo ki té avèk li yo, yo pozé-l kèsion sou parabòl la. Li di yo : « Nou minm yo ba nou pouvoua pou nou konnin mistè péyi-roua Bondié-a ; yo minm minm, sa-k déyò yo, sé an parabòl tout bagay fèt pou yo, pou “yo gadé byin gadé, san yo pa ouè, yo tandé byin tandé, san yo pa konprann, otréman yo t-a chanjé konduit, yo t-a padonnin péché yo” ».

Li di yo : « Nou pa konprann parabòl sa-a ? Ébyin kijan n-ap fè konprann tout parabòl yo ?

Moun nan k-ap simin-an, sé paròl la l-ap simin. Sa yo ki sou bò rout la, koté paròl la simin-an ; lè yo tandé, minm lè-a Satan rivé, li ouété paròl la, ki té simin nan kè yo-a. Minm jan-an tou sa-k simin sou koté ki gin ròch yo, kon yo tandé paròl la, minm lè-a yo résévoua-l ak kè kontan, min yo pa gin rasi-n, sé pou yon tan yo yé, apré sa, lè tray vi-n lévé, ak pèsékision poutèt paròl la, minm lè-a yo bité. Lòt ki simin nan pikan yo ; sé sa yo ki tandé paròl la, min préokipasion sièk sa-a avèk atirans richès avèk lòt mové lanvi yo antré, yo toufé paròl la, li rété san foui. Sa yo minm ki simin sou bon tè-a, sé moun ki tandé paròl la, yo résévoua-l, yo donnin yon pòsion trant, yon lòt souasant, yon lòt san ».

Paròl Granmèt la.

Jédi

Ané 1

PRÉMIÉ LÉKTU

Avèk tout lafoua-a sé pou nou kinbé déklarasion espérans la, sé pou nou youn fè atansion lòt la, pou nou ankourajé nan charité-a.

Léktu lèt Ébré yo

10, 19-25

Frè-m yo, antan nou gin asirans pou nou antré nan tanp la avèk san Kris la, sé yon chemin nouvo ki vivan li louvri pou nou lè-l travèsé voua-l la, sa vlé di chè-l la, kòm prèt an chèf sou kay Bondié-a ; sé pou nou proche avèk yon kè sinsè nan tout lafoua-a, antan kè nou fi-n pròpté sot nan mové konsians la, antan kò nou fi-n lavé ak dlo ki pròp.

Sé pou nou kinbé déklarasion lafoua nou-an san fébli (sa-a ki té promèt la, li fidèl) ; sé pou nou youn fè atansion lòt la pou nou youn ankourajé lòt nan charité-a ak bon aksion yo, san nou pa lagé group réinjon nou-an, jan kèk gin abitud fè-a, min sé pou nou youn konsolé lòt, sitou antan nou ouè kijan jou-a ap proche.

Paròl Granmèt la.

PSÒM RÉPONS

Ps 23, 1-2. 3-4 ab. 5-6 (R: cf. 6)

R: Sa-a, sé ras moun k-ap chèché fas ou yo, Granmèt.

- 1 Pou Granmèt la tè-a ak sa-k plin-l,
fas tè-a ak sa-k abité ladan-l.
- 2 Sèké sé li minm ki pozé-l sou lanmè yo,
ki rann li solid sou gran riviè yo. R:
- 3 Kilès k-ap monté sou mòn Granmèt la,
oubyin kilès k-ap kanpé sou plas li ki sin-an ?
- 4 moun ki gin min-l inosan ak kè-l nè, kè-l nè,
ki pa nonmin non-l pou granmési. R:
- 5 Moun sa-a ap résévoua bénédiksjon nan min Granmèt la
ak sa-k fè moun vi-n kòrèk la nan min Bondié Sovè-l la.
- 6 Sa-a sé ras moun k-ap chèché-l yo,
k-ap chèché fas Bondié Jakòb la. R:

Ané 2**PRÉMIÉ LÉKTU**

*Ki sa mouin yé, Granmèt Bondié,
épi ki sa kay mouin yé ?*

Léktu dézièm liv Samuèl**7, 18-19. 24-29**

Apré Natan fi-n palé ak David la, roua-a antré, li chita dévan Granmèt la, li di : « Ki sa-m yé, Granmèt Bondié, épi ki sa kay mouin yé, pou-ou minnin-m jous isit la ? Min sa-a tou parèt yon ti kras bagay dévan fas ou, Granmèt Bondié, ki fè ou palé minm osijè kay sèvitè-ou la pou tan k-ap vini byin louin-an (sa-a sé laloua Adan), Granmèt Bondié.

Sèké ou asiré pèp ou Israèl kòm pèp tout tan ; épi ou minm, Granmèt Bondié, ou vi-n tounin Bondié-l. Koulié-a, Granmèt Bondié, paròl la ou palé pou sèvitè-ou la ak pou kay li-a, fè-I kanpé pou tout tan, aji jan-ou déklaré-a ; pou non-ou vi-n gran jous pou tout tan, pou yo di : “Granmèt lamé yo Bondié sou Israèl”. Kay sèvitè-ou David ap asiré dévan Granmèt la.

Sèké ou minm, Granmèt lamé yo, Bondié Israèl, ou dévoualé zòrèy sèvitè-ou, antan-ou di : “M-ap bati yon kay pou ou” ; sé pou sa sèvitè-ou la jouinn kè-l pou-l priyé-ou nan priyé sa-a. Koulié-a, Granmèt Bondié, sé ou minm ki Bondié, paròl ou yo vré ; ou déklaré bon paròl sa yo bay sèvitè-ou la.

Tanpri aksépté béni kay sèvitè-ou la, pou-l kapab rét tout tan dévan-ou, paské sé ou minm, Granmèt Bondié, ki palé, sé pou kay sèvitè-ou la béni ak bénédikcion-ou nan pou tout tan ».

Paròl Granmèt la.

PSÒM RÉPONS**Ps 131, 1-2. 3-4. 11. 12. 13-14 (R : Lk 1, 32 b)**

R Granmèt Bondié ap ba li tro-n David papa li.

1 Sonjé David, Granmèt
ak tout bon kè-l.

2 Sèké li té fè sèman bay Granmèt la,
yon vé li té fè bay Sa-a ki gin pouvoua nan Jakòb la : **R**

3 « Mouin pap antré nan tant lakay mouin-an,
mouin pap monté sou kabann koté-m kouché-a ;

- 4 mouin pap bay jé-m somèy ni pòpiè-m yon ti répo.
 5 joustan mouin jouinn yon plas pou Granmèt la,
 yon tant pou Sa-a ki gin pouvoua nan Jakòb la ». R:
- 11 Granmèt la fè sèman bay David,
 sé vérité, li pap démanti-l :
 « Sé nan foui vant ou
 m-ap mété sou tro-n ou-an ». R:
- 12 Si pitit li yo kinbé téstaman-m nan,
 ak témouagnaj mouin yo m-ap anségné yo-a,
 pitit yo pou tout tan
 ap chita sou tro-n ou-an ». R:
- 13 Sèké Granmèt la chouazi Siyon,
 li té anvil kòm kay pou li
- 14 « Sa-a sé répo-m pou tout tan gin tan ;
 sé isit la m-ap abité, paské mouin anvil ». R:

ALÉLOUYA

Ps 118, 105

R: Alélouya. Paròl ou-a sé yon lanp pou pié-m,
 épi yon limiè pou santié-m yo. R: Alélouya.

ÉVANJIL

*Yo vini ak yon lanp, pou yo mété-l sou yon étajè.
 Ak mézi n-ap méziré-a, sé avèk li y-ap méziré pou nou tou.*

✠ Léktu sint Évanjil la daprè Mark

4, 21-25

Lè sa-a : Jézu t-ap di foul la :

« Èské yo vini ak yon lanp, pou yo mété-l anba yon bokit oubyin anba kabann ? èské sé pa pou yo mété-l sou yon étajè ? Pa gin anyin ki kaché ki pap parèt ; ni pa gin yon bagay ki kaché, min sé pou-l vi-n aklè. Si yon moun gin zòrèy pou-l tandé, sé pou-l tandé ».

Li t-ap di yo : « Gadé byin sa n-ap kouté. Ak mézi nou méziré-a, y-ap méziré pou nou tou, épi y-ap mété an plis pou nou. Sèké moun ki ginyin, y-ap ba li ; min moun ki pa ginyin, minm sa-l ginyin-an, y-ap ouété-l sot nan min-l ».

Paròl Granmèt la.

Vandrédi

Ané 1

PRÉMIÉ LÉKTU

*Sé yon gran batay nou sipòté.
Pa pèdi konfians nou-an.*

Léktu lèt Ébré yo

10, 32-39

Frè-m yo :

Sonjé jou lontan yo, lè nou té fèk fi-n résevoua limiè-a, nou té sipòté soufrans gran batay ; yon lè yo fè nou sèvi jouèt ak ront ak tray, yon lè minm nou santi nou asosié avèk sa yo k-ap sibi trétman sa yo. Réyèlman nou té soufri ansanm avèk sa yo ki té prizonié yo, nou kite yo pran byin nou yo ak kè kontan, nou konnin nou gin richès ki pi bon, k-ap diré.

Konsa pa pèdi konfians nou-an, ki gin gran rékonpans la. Pasians la nésésè pou nou, pou nou résevoua promès la antan nou fè volonté Bondié. Yon ti moman ankò sa-a k-ap vini-an ap rivé, li pap mizé. Moun ki kòrèk mouin-an, li viv ak lafoua ; si-l ralé kò-l, li pap fè-m plézi.

Nou minm minm nou pa moun k-ap ralé kò nou pou nou pèdi, min sé moun lafoua pou nou gin lavi-a.

Paròl Granmèt la.

PSÒM RÉPONS

Ps 36, 3-4. 5-6. 23-24. 39-40 (R : 39 a)

R: Sové moun ki kòrèk yo ap sovè-a sé nan Granmèt la li soti.

³ Éspéré nan Granmèt la, fè sa-k bon,
ou-ap abité tè-a, ou-ap manjé ak konfians.

⁴ Joui nan Granmèt la,
l-ap ba ou sa kè-ou mandé yo. R:

⁵ Rinmèt Granmèt la chémin-ou yo, éspéré nan li,
sé li minm k-ap aji ;

⁶ L-ap fè jistis ou lévé tankou limiè,
ak jijman-ou tankou midi. R:

²³ Sé Granmèt la ki asiré démach yon moun,
l-ap vòltijé sou chémin-l.

²⁴ Lè-l tonbé, li pap krazé,
paské Granmèt la soutni min-l. R:

- 39 Sové moun ki kòrèk yo ap sové-a sé nan Granmèt la li soti,
li sèvi yo protéksion nan tan tray la.
- 40 Granmèt la ap édé yo, l-ap délivré yo,
l-ap délivré yo sot nan min péchè yo, l-ap sové yo,
paské yo éspéré nan li. **R**

Ané 2

PRÉMIÉ LÉKTU

*Ou méprizé-m ou pran madanm Uri-a
pou-l vi-n tounin madanm ou (cf. 2 Sam 12, 10).*

Léktu dézièm liv Samuèl

11, 1-4 a. 5-10 a. 13-17

Rivé, nan kòmansman ané-a, nan tan roua yo konn al fè lagè, David voyé Joab ak sèvitè-l yo ansanm avèk li, ak tout Israël ; yo détoui pitit Amon yo, yo bloké Raba. David minm té rété Jérusalèm.

Pandan bagay sa yo ap pasé, rivé David lèvé sot sou kabann li apré midi, l-ap pronminnin sou téras kay roua-a ; li ouè yon madanm k-ap fè toualèt li an fas sou téras lakay li ; madanm nan té bèl anpil. Roua-a voyé mandé kilès madanm sa-a ; yo anonsé-l sé Bétsabé, pitit Éliam, madanm Uri, moun Èt. David voyé mésajé, li pran-l ; épi li tounin lakay li, li vi-n ansint, li voyé nouvèl bay David, li di : « Mouin ansint ».

David voyé kot Joab, li di : « Voyé Uri pou mouin, pitit Èt la ». Joab voyé Uri bay David. Uri vi-n kot David. David mandé si sa té maché byin pou Joab ak pèp la, épi kijan lagè-a t-ap dirijé. David di Uri : « Al lakay ou, lavé pié-ou ». Uri soti lakay roua-a, manjé roua-a ap suiv li. Min Uri dòmi dévan pòt kay roua-a ansanm avèk lòt sèvitè roua yo, li pa désann lakay pa-l. Yo bay David nouvèl, yo di : « Uri pa al lakay li ». David rélé-l pou-l fè-l manjé dévan-l, pou-l fè-l bouè, li fè-l vi-n sou. Li soti asouè, li dòmi sou kabann li avèk sèvitè mèt li yo ; li pa désann lakay li.

Rivé nan matin, David ékri yon lèt bay Joab, li voyé-l pa lintèmédiè Uri, min sa-l té ékri nan lèt la : « Mété Uri drèt koté ki gin lagè-a, koté batay la pi rèd la, épi kité-l pou yo frapé-l, pou-l mouri ».

Konsa, lè Joab ataké vil la, li mété Uri koté li té konnin té gin moun ki pi térib yo. Mésié yo fè yon soti sot nan vil la, yo batay kont Joab ; gin nan sèvitè David yo nan pèp la ki tonbé, minm Uri moun Èt la mouri tou.

Paròl Granmèt la.

PSÒM RÉPONS

Ps 50, 3-4. 5-6 a. 6 bc-7. 10-11 (R: cf. 3 a)

- R: Pitié, Granmèt, paské nou fè péché.
- 3 Pitié pou mouin, Bondié, dapré mizérikòd ou ;
dapré kantité bon kè-ou, éfasé fot mouin-an.
- 4 Lavé-m nèt sot nan fot mouin-an,
pròpté-m sot nan péché-m nan. R:
- 5 Sèké fot mouin-an sé mouin minm ki konnin-l,
péché-m nan dévan-m tout tan.
- 6 Kont ou, kont ou sèl mouin fè péché,
épi sa-k mal dévan-ou nan, mouin fè-l. R:
- Sé pou yo jouinn ou kòrèk nan désizion-ou, douat nan jijman-ou.
- 7 Gadé, nan fot mouin pran nésans,
nan péché manman-m té ansint mouin. R:
- 10 Fè-m tandé kè kontan ak fèt,
zo-m a dansé, yo minm ou té rabésé-a.
- 11 Viré fas ou louin péché-m yo,
tout fot mouin yo, éfasé yo. R:

ALÉLOUYA

Cf. Mt 11, 25

R: Alélouya. Konpliman pou ou, Papa, Granmèt sièl ak tè-a,
paské ou dévoualé mistè péyi-roua-a bay sa-k tou piti yo. R:
Alélouya.

ÉVANJIL

*Li fi-n lagé sémans la, li dòmi, épi sémans la dévlopé,
san-l pa konnin.*

✠ Léktu sint Évanjil la dapré Mark

4, 26-34

Lè sa-a : Jézu t-ap di foul yo :

« Sé konsa péyi-roua sièl yo yé, tankou yon moun k-ap voyé sémans la nan tè-a, apré sa, li dòmi, li lévé, lannuit ak lajounin, épi sémans la jèmin, li dévlopé, san li minm li pa konnin. Apré sa tè-a donnin foui : toudabò sé fèy, apré sa sé zépi, anfin sé plin blé nan zépi-a. Lè-l donnin foui, minm lè-a li voyé sèpèt, paské sé rékolt la ».

Li t-ap di : « Ak ki sa nou t-a konparé péyi-roua Bondié-a ? oubyin ak ki parabòl nou t-a konparé-l ? Sé tankou yon grinn sénévé, lè yo simin-l nan tè-a, li pi piti pasé tout sémans ki nan tè-a ; lè yo fi-n simin-l, li monté, li vi-n pi gran pasé tout légim yo, li fè gran branch, atèl pouin zouazo sièl yo kapab abité anba lonbraj li ».

Sé ak anpil parabòl konsa li t-ap anonsé yo paròl la, nan mézi yo té kapab kouté ; min li pa-t palé ak yo san parabòl. Min pou disip li yo minm li té konn éspliké tout bagay apa pou yo.

Paròl Granmèt la.

Samdi

Ané 1

PRÉMIÉ LÉKTU

*Li t-ap tann vil la, ki gin Bondié kòm injéniè-l
ak mason-l.*

Léktu lèt pou Ébré yo

11, 1-2. 8-19

Frè-m yo :

Lafoua-a sé garanti bagay n-ap éspéré yo, sé prèv bagay ki pa parèt yo. Sé nan li ansyin yo té jouinn témouagnaj.

Gras a lafoua Abraam obéyi sa-a ki té rélé-l la pou-l pati nan yon koté li té gin pou-l résévoua kòm éritaj, li pati san-l pa konnin ki koté 1-apralé. Gras a lafoua, li abité nan tè promès la tankou yon étranjé, li abité nan tant avèk Izaak ak Jakòb ki té érité minm promès la. Sèké li t-ap tann vil la ki gin fondasion yo, sa Bondié sé injéniè ak mason-l nan.

Gras a lafoua, Sara li minm tou résévoua pouvoua pou-l gin pitit nan vant, malgré laj granmoun li, paské li té kouè sa-a ki té promèt li té fidèl ; sé pousa nan yon sèl moun (ki déjà tou mouri) sé tankou zétoual sièl la an kantité ki fèt, avèk tankou sab ki sou bò lanmè, sa yo pa kapab konté.

Sé nan lafoua yo tout yo mouri, san yo pa résévoua rélizasion promès la, min sé byin louin yo ouè-l, yo salié-l, yo té déklaré sé pèlrin ak étranjé yo té yé sou tè-a. Yo minm ki di sa-a, yo vlé di sé yon patri y-ap chèché. Si yo té rét ap sonjé patri sa-a koté yo soti-a, yo t-a gin tan tounin déjà.

Min okontrè sé yon pi bon patri y-ap chèché, sé patri sièl la. Sé poussa Bondié pa ront rélé pròp tèt li Bondié yo ; réyèlman li paré yon vil pou yo.

Gras a lafoua, Abraam ofri Izaak, lè yo té tanté-l la ; li ofri sèl Pitit li-a, li minm ki té résévoua promès yo, li minm yo té di-l : « Sé pa lintèmédiè Izaak y-ap rélé-ou yon ras » ; li té konsidéré Bondié gin pouvoua pou-l lévé moun sot nan pami mò yo, sé poussa li résévoua pitit la, sé tankou yon parabòl.

Paròl Granmèt la.

PSÒM RÉPONS

Lk 1, 69-70. 71-72. 73-75 (R: : cf. 68)

R: Konpliman pou Granmèt Bondié Israël,
paské li vizité pèp li-a.

⁶⁹ Li drésé kòn sovè li sovè-a pou nou
nan kay David sèvitè-l la ;

⁷⁰ jan-l té palé nan bouch sin yo,
ki té la dépi lontan yo, profèt li yo. R:

⁷¹ Sovè li sovè nou sot nan min ènmi nou yo,
ak nan min tout moun ki rayi nou yo :

⁷² pou-l fè mizérikòd avèk papa nou yo,
pou-l fè sonjé aliens li-a ki sin-an. R:

⁷³ Sèman-an li té sèmanté bay Abraam papa nou-an,
pou-l té fè nou favè ;

⁷⁴ pou nou pa pè, pou antan nou délivré nou sot nan min ènmi nou yo,
nou sèvi-l

⁷⁵ antan nou sin, nou kòrèk dévan-l
pandan tout jou nou yo. R:

Ané 2

PRÉMIÉ LÉKTU

Mouin fè péché kont Granmèt la.

Léktu dézièm liv Samuèl

12, 1-7 a. 10-17

Jou sa yo :

Granmèt la voyé Natan kot David. Li rivé koté-l, li di-l : « Dé mésié té nan yon vil, youn té rich, lòt la té pòv. Rich la té gin mouton ak bèf an

kantité ; pòv la minm pa-t gin anyin sof yon sèl ti mouton, li té achte, li té nourri-l, li té fè-l grandi lakay li ansanm ak pitit li yo, li fè-l manjé nan pin-l, li fè-l bouè nan godé-l, li fè-l dòmi sou léstomak li : sé té tankou pitit fi-l. Gin yon étranjé ki vi-n rivé kay moun rich la, li minm li évité pran nan mouton-l yo ak nan bèf li yo, pou-l ofri atab dévan étranjé sa-a ki té vi-n koté-l la, li pran mouton mésié ki pòv la, li paré manjé pou moun nan ki té vi-n lakay li-a ».

David faché, li fè kòlè kont mésié sa-a anpil, li di Natan. « Sou lavi Granmèt la, mésié sa-a ki fè bagay sa-a, l-ap mouri ; l-ap rinmèt kat foua plis, poutèt bagay sa-a li fè-a, san-l pa gin pitié-a ».

Natan di David : « Sé ou minm minm mésié sa-a. Sé poua épé-a pap rékilé sot nan kay ou ditou, poutèt ou méprizé-m, ou pran madanm Uri moun Èt la, pou-l vi-n tounin madanm ou. Sé poua min paròl Granmèt la. “Min m-ap lévé malè sou ou sot anndan kay ou-a, m-ap pran madanm ou yo dévan jé-ou, m-ap bay prochin-ou, l-ap dòmi avèk madanm ou yo dévan jé solèy sa-a. Ou minm ou té aji an kachèt ; mouin minm m-ap fè bagay sa-a dévan tout Israèl ak dévan solèy la” ».

David di Natan : « Mouin fè péché kont Granmèt la ». Natan di David : « Granmèt la tou padonnin péché-ou la, ou pap mouri. Sèlman, poutèt ou fè ènmi Granmèt yo blasfémé-l akòz bagay sa-a, pitit la ki fèt pou ou-a l-ap mouri sètènman ». Natan tounin lakay li.

Granmèt la frapé ti pitit la, David fè jèn, li antré pou kont li, li kouché atè-a. Ansyin yo nan lakay li-a rivé, yo fòsé-l pou-l lévé sot atè-a ; li réfizé minm manjé yon ti manjé ansanm avèk yo.

Paròl Granmèt la.

PSÒM RÉPONS

Ps 50, 12-13. 14-15. 16-17 (R: 12 a)

- R: Kréyé yon kè pròp nan mouin, Bondié.
- ¹² Kréyé yon kè pròp nan mouin, Bondié,
réfè yon éspri fèm nan zantray mouin yo.
- ¹³ Pa jété-m louin fas ou,
Éspri Sin-ou nan, pa ouété-l nan mouin. R:
- ¹⁴ Rinmèt mouin kè kontan sovè ou sovè-m nan,
asiré-m ak éspri ki pi vif la.

- ¹⁵ M-ap aprann péchè yo chémin-ou yo,
méchan yo ap tounin vi-n jouinn ou. **R:**
- ¹⁶ Libéré-m sot nan san yo, Bondié, Bondié sovè mouin,
lang mouin ap chanté jistis ou.
- ¹⁷ Granmèt, louvri po bouch mouin,
bouch mouin ap anonsé louanj ou. **R:**

ALÉLOUYA

Jan 3, 16

R: Alélouya. Bondié tèlman rinmin tè-a, li bay Pitit li-a Sèl Pitit li-a ;
tout moun ki kouè nan li ap gin lavi tout tan-an. **R:** Alélouya.

ÉVANJIL*Kilès sa-a, paské van ak lanmè obéyi-l ?***✠ Léktu sint Évanjil la dapré Mark**

4, 35-41

Jou sa-a, kòm asouè té fi-n rivé, Jézu di disip li yo : « An nou travèsé anfas la ». Yo ranvouayé foul la, yo pran-l jan-l té yé nan batiman-an, té gin dèt batiman yo avèk li.

Vi-n gin yon gran tanpèt van ; lanm lanmè-a t-ap vòltijé nan batiman-an, atèl pouin batiman-an té plin. Li minm minm li té nan plas gouvènay la, sou kousin-an, li t-ap dòmi ; yo révéyé-l, yo di-l : « Mèt, sa pa fè-ou anyin n-ap péri » ? Li révéyé, li ménasé van-an, li di lanmè-a : « Silans, pé bouch ou ». Van-an sispann, vi-n gin yon gran kalmi.

Li di yo : « Pouki sa nou manké lodas konsa-a ? nou pa gin lafoua ? » Yo sézi yon gran sézisman, youn t-ap di lòt : « Kilès ou kouè li yé, sa-a, paské ni van ni lanmè obéyi-l ? »

Paròl Granmèt la.

KATRIYÈM SÈMÈN ÒDINÈ

Dimanch, ané A

PRÉMIÉ LÉKTU

*Sé yon pèp ki pòv, ki maléré
m-ap kité nan mitan-ou.*

Léktu liv profèt Sofoni

2, 3 ; 3, 12-13

Chèché Granmèt la, nou tout pòv yo sou tè-a, k-ap réalizé jijman-lan ; chèché sa-k kòrèk la, chèché sa-k tou dou-a, pou nou kapab rét kaché jou kòlè Granmèt la.

Sé yon pèp ki pòv ki maléré m-ap kité nan mitan-ou, y-ap espéré o non Granmèt la. Rès Israèl yo pap fè sa-k pa kòrèk, yo pap di manti, yo pap jouinn lang manti nan bouch yo, paské y-ap jouinn manjé, y-ap instalé, pap gin pèsòn k-ap fè yo soté.

Paròl Granmèt la.

PSÒM RÉPONS

Ps 145, 7. 8-9 a. 9 bc. 10 (R : Mt 5, 3)

R : Ala kontantman pou moun ki pòv nan éspri-a,
paské sé pou yo péyi-roua sièl yo yé.

oubyin : Alélouya.

7 Li minm ki kinbé vérité-a pou tout tan,
ki fè jijman pou moun y-ap maltrété yo,
li bay sa-k grangou yo manjé,
Granmèt la défèt chinn yo. **R :**

8 Granmèt la kléré avèg yo,
Granmèt la lévé sa-k tonbé yo,
Granmèt la rinmin moun ki kòrèk yo,

9 Granmèt la protéjé étranjé yo. **R :**

Òfélin-an ak vèv la, li soutni yo,
min rout péchè yo, li gayé-l.

10 Granmèt la ap roua pou tout tan,
Bondié-ou la, Siyon
pou jénérasyon ak jénérasyon. **R :**

DÉZIÈM LÉKTU

Sé sa-k fèb sou tè-a Bondié chouazi.

Léktu prémié lèt apot sin Pòl pou Korintyin yo **1, 26-31**

Gadé nan ki sa yo rélé nou, frè-m yo ; sèké pa gin anpil saj dapré chè-a, ni anpil moun ki gin pouvoua, ni anpil moun ki sot nan gran ras.

Min sé sa-k fou sou tè-a Bondié chouazi, pou-l fè saj yo ront ; sé sa-k sou tè-a Bondié chouazi, pou-l fè sa-k fò yo ront ; sé sa-k san konsi-dérasion ak sa yo méprizé sou tè-a Bondié chouazi, ak sa-k pa anyin, pou-l détoui sa-k kichòy yo, pou okinn moun pa fè grandizè dévan fas li.

Sé li minm ki fè nou kichòy nan Kris Jézu, li minm ki vi-n tounin sajès pou nou sot nan Bondié ak jistis ak sa k-ap fè nou vi-n sin-an, ak rédanmsion ; konsa, dapré sa-k ékri-a : « moun k-ap lévé tèt li, sé nan Granmèt la pou-l lévé tèt li ».

Paròl Granmèt la.

ALÉLOUYA

Mt 5, 12 a

℞ Alélouya. Fè kè nou kontan, dansé,
paské rékonpans nou anpil nan sièl yo. ℞ Alélouya.

ÉVANJIL

Ala kontantman pou pòv yo nan éspri-a.

✠ Léktu sint Évanjil la dapré Matié **5, 1-12 a**

Lè sa-a :

Jézu ouè foul yo, li monté sou mòn nan ; kon-l chita, disip li yo proche koté-l. Li louvri bouch li, li kòmansé ba yo ansègnman, li di :

« Ala kontantman pou moun ki pòv yo nan éspri-a, paské sé pou yo péyi roua sièl yo yé.

Ala kontantman pou moun ki dou yo, paské sé yo minm k-ap posédé tè-a.

Ala kontantman pou moun k-ap kriyé yo, paské y-ap konsolé.

Ala kontantman pou moun ki grangou, ki souaf jistis la, paské y-ap jouinn kont yo.

Ala kontantman pou moun ki gin mizérikòd yo, paské y-ap jouinn mizérikòd.

Ala kontantman pou moun ki gin kè yo nèt yo, paské y-ap ouè Bondié.

Ala kontantman pou moun k-ap travay pou lapè-a, paské y-ap rélé yo pitit Bondié.

Ala kontantman pou moun k-ap souffri pèsékision poutèt jistis la, paské sé pou yo péyi roua sièl yo yé.

Ala kontantman pou nou, lè y-ap madichonnin nou, lè y-ap pèsékité nou, lè y-ap di tout kalité sa-k mal kont nou, antan y-ap fè manti, akòz mouin, fè kè nou kontan, dansé, paské rékonpans nou anpil nan sièl yo ».

Paròl Granmèt la.

Dimanch, ané B

PRÉMIÉ LÉKTU

M-ap fè yon profèt lévé, m-ap mété paròl mouin yo nan bouch li.

Léktu liv Détéronòm

18, 15-20

Moyiz palé ak pèp la, li di :

« Granmèt Bondié-ou la ap fè yon profèt lévé pou ou sot nan ras ou ak nan frè-ou yo tankou mouin minm : sé pou-ou kouté-l, jan-ou té mandé Granmèt Bondié-ou la nan Orèb la, lè pèp la té rasanblé-a, lè-ou té di : “Mouin pap tandé voua Granmèt Bondié-m nan plis pasé sa ankò, mouin pap gadé gran difé sa-a pi plis pasé sa, pou-m pa mourì” ».

Épi Granmèt la té di-m : « Yo di tout bagay byin. M-ap fè yon profèt lévé pou yo sot nan mitan frè yo, ki sanblé avèk ou, épi m-ap mét paròl mouin yo nan bouch li, l-ap palé avèk yo tout sa m-ap kòmandé-l yo.

Sèlman moun k-ap réfizé kouté paròl li yo, sa-l palé onon-m yo, mouin minm minm m-ap kanpé pou-l pini-l ; kanta profèt la minm ki kité arogans gaté-l pou-l vlé palé onon-m sa mouin pa-t kòmandé-l pou-l di, oubyin onon dié étranjé yo, sé pou yo touyé-l ».

Paròl Granmèt la.

PSÒM RÉPONS

Ps 94, 1-2. 6-7. 8-9 (R : 8)

R Si jodi-a nou té kapab kouté voua Granmèt la :
« Pa fèmin kè nou ».

¹ Vini, an nou fété pou Granmèt la ;
an nou fè fèt pou Bondié Sovè nou.

² An nou proche dévan fas li avèk louanj,
avèk kantik, an nou fè fèt pou li. R

⁶ Vini, an nou adoré-l, an nou bésé atè,
an nou ajénou dévan Granmèt la ki fè nou-an,

⁷ paské sé li minm ki Bondié nou,
nou sé pèp pak li ak mouton min-l. R

⁸ Si jodi-a nou té kapab tandé voua-l :
« Pa fèmin kè nou,

⁹ tankou nan Mériba, dapré jou Masa nan dézè-a,
koté papa nou yo té tanté-m nan ;
yo té chèché-m kont, malgré yo té ouè travay mouin yo ». R

DÉZIÈM LÉKTU

*Vièj la ap kalkilé bagay ki pou Granmèt la,
pou-l kapab vi-n sin.*

Léktu prémié lèt apot sin Pòl pou Korintyin yo

7, 32-35

Frè-m yo :

Mouin vlé pou nou pa gin okinn tèt chajé.

Moun ki pa gin madanm nan, sé afè Granmèt la l-ap okipé, kijan pou-l fè Bondié plézi. Min moun ki marié-a, li okipé afè tè-a, kijan pou-l fè madanm li plézi, épi li gin moso yon bò moso yon lòt bò. Madanm nan ki pa marié-a avèk vièj la ap kalkilé afè Granmèt la, pou-l kapab vi-n sin nan kò-l ak nan éspri-l ; sa-k marié-a minm, l-ap kalkilé afè tè-a, kijan pou-l fè mari-a plézi.

Min bagay sa-a sé pou avantaj nou mouin di-l, sé pa pou-m pran nou nan pièj, sé pou bagay ki onèt, ki ofri avantaj, san nou pa jouinn anpéchman pou nou priyé Granmèt la.

Paròl Granmèt la.

ALÉLOUYA

Mt 4, 16

℟: Alélouya. Pèp la ki té chita nan fènoua yo, li ouè yon gran limiè,
sou moun yo ki chita nan réjion lonbraj lanmò-a
yon limiè lévé pou yo. ℟: Alélouya.

ÉVANJIL

Li t-ap ba yo ansègnman tankou moun ki gin otorité.

✠ Léktu sint Évanjil la dapré Mark

1, 21 b-28

Nan vil Kafarnaòm nan, jou saba, Jézu antré nan sinagòg la, li t-ap ba yo ansègnman. Yo té sézi osijè ansègnman-l nan ; sèké li t-ap ba yo ansègnman tankou moun ki gin pouvoua, sé pa tankou skrib yo.

Nan sinagòg yo-a, té gin yon mésié ki té gin yon éspri papròp, li rélé byin fò, li di : « Ki sa-k gin ant nou minm ak ou minm, Jézu moun Nazarèt la ? Èské ou vini pou-ou pèdi nou ? Mouin konnin kilès ou yé : Sin Bondié-a ».

Jézu ménasé-l, li di : « Pé bouch ou soti nan mésié-a ». Éspri papròp la souké-l, li rélé byin fò, li pati sot nan li.

Tout moun té sézi, atèl pouin yo t-ap chèché ansanm antré yo, yo t-ap di : « Ki kalité bagay sa-a ? Ki kalité ansègnman nouvo sa-a ? Sèké ak pouvoua li kòmandé minm sou éspri papròp yo, yo obéyi-l ». Répitasion-l gayé minm là-a nan tout réjion Galilé-a.

Paròl Granmèt la.

Dimanch, ané C

PRÉMIÉ LÉKTU

Mouin mété-ou kòm profèt pou nasion yo.

Léktu liv profèt Jérémi

1, 4-5. 17-19

Nan jou Joziás yo : Paròl Granmèt la rivé koté-m : « Anvan-m té fòmé-ou nan vant, mouin té konnin-ou ; anvan-ou té soti nan vant, mouin té konsakré-ou, mouin té mété-ou kòm profèt pou nasion yo.

Ou minm, maré rin-ou, lévé ; tou sa-m kòmandé-ou, sé pou-ou di yo li. Pa tranblé dévan fas yo, ou pa doué pè dévan fas yo.

Mouin mété-ou jodi-a tankou yon vil ki byin protéjé, ak yon kolòn fè, épi yon miray kuiv, sou tout tè-a : ni pou roua Juda yo, ni pou chèf li yo ak prèt li yo ak pèp péyi-a.

Y-ap batay kont ou, yo pap ranpòté viktoua, paské mouin avèk ou, sé sa Granmèt la di, pou-m délivré-ou ».

Paròl Granmèt la.

PSÒM RÉPONS Ps 70, 1-2. 3-4 a. 5-6 ab. 15 ab é 17 (R : cf. 15 ab)

R Bouch mouin ap anonsé sové ou sové-m nan, Granmèt.

- 1 Sé nan ou, Granmèt, mouin espéré,
pa kité-m ront pou tout tan.
- 2 Nan jistis ou-a libéré-m, épi délivré-m ;
panché zòrèy ou sou mouin, sové-m. R
- 3 Sé pou-ou sèvi-m yon sitadèl k-ap protéjé-m,
yon kay byin protéjé, pou-ou sové-m,
paské fòs mouin ak kachèt mouin, sé ou minm.
- 4 Bondié mouin, ouété-m sot nan min péchè-a. R
- 5 Sèké sé sou ou mouin konté, Granmèt ;
Granmèt, ou sé espérans mouin dépi-m tou jèn,
- 6 Sé sou ou mouin apiyé dépi-m nan vant,
dépi nan vant manman-m sé ou minm ki poté-m. R
- 15 Bouch mouin ap anonsé jistis ou-a,
tout lajounin sové ou sové-m nan.
- 17 Bondié, ou ban-m léson dépi-m tou jèn ;
jous koulié-a m-ap anonsé mèvèy ou yo. R

DÉZIÈM LÉKTU

*Lafoua, espérans ak charité rété ;
pi gran-an sé charité-a.*

Léktu premié lèt apot sin Pòl pou Korintyin yo 12, 31-13, 13

Frè-m yo :

Sé pou nou chèché kado ki pi bon yo. M-ap montré nou chemin ki pi bon-an.

Si-m palé lang lézòm ak anj yo, min mouin pa gin charité, mouin tankou yon bout kuiv k-ap sonnin oubyin yon sinbal k-ap fè boui. Minm si-m t-a gin konésans profèt, si-m t-a konnin tout mistè ak tout sians, minm si-m t-a gin tout lafoua, jous pou-m fè mòn yo déplasé, épi mouin pa gin charité, mouin pa anyin. Minm si-m t-a séparé tout richès mouin bay pòv pou yo manjé, minm si-m t-a rimmèt kò-m pou yo boulé-m, épi mouin pa gin charité, sa pap sèvi-m anyin.

Charité-a gin pasians, li gin bon jan, charité-a pa fè jalouzi, li pa fè grandizè, li pa gonflé, li pa fè anbision, li pa chèché intèrè-l, li pa fè kòlè, li pa pansé sa-k mal, li pa kontan poutèt injjistis, li kontan okontrè pou vérité-a : li souffri nan tout sikonstans, li kouè nan tout sikonstans, li espéré nan tout sikonstans, li sipòté nan tout sikonstans.

Charité-a pap janm pasé : ni konésans profèt yo ap disparèt, ni lang yo ap sispann, ni sians yo ap détoui. Sé moso konésans nou ginyin, sé yon pòsion konésans profèt nou ginyin. Lè sa-k kòrèk nèt la ap rivé, sa-k manké-a ap disparèt. Lè-m té piti, mouin té palé tankou ti moun piti ; mouin té konsidéré tankou ti moun piti, mouin té pansé tankou ti moun piti ; min lè-m vi-n granmoun, mouin fè konsidèrasion ti moun yo disparèt. Koulié-a nou ouè nan glas, nan parabòl, min lè sa-a sé fas a fas ; koulié-a mouin konnin dapré yon ti moso, min lè sa-a m-ap konnin minm jan yo konnin-m.

Konsa koulié-a lafoua-a, espérans la ak charité-a, toua sa yo rété ; min pi gran nan yo, sé charité-a.

Paròl Granmèt la.

oubyin pi kout

Léktu prémié lèt apot sin Pòl pou Korintyin yo

13, 4-13

Frè-m yo :

Charité-a gin pasians, li gin bon jan. Charité-a pa fè jalouzi, li pa fè grandizè, li pa gonflé, li pa fè anbision, li pa chèché intèrè-l, li pa fè kòlè, li pa pansé sa-k mal, li pa kontan poutèt injjistis, li kontan okontrè pou vérité-a : li souffri nan tout sikonstans, li kouè nan tout sikonstans, li espéré nan tout sikonstans, li sipòté nan tout sikonstans.

Charité-a pap janm pasé : ni konésans profèt yo ap disparèt, ni lang yo ap sispann, ni sians yo ap détoui. Sé moso konésans nou ginyin, sé yon pòsion konésans profèt nou ginyin. Lè sa-k kòrèk nèt la ap rivé, sa-k manké-a ap disparèt. Lè-m té piti, mouin té pansé tankou ti moun piti ; min lè-m vi-n granmoun, mouin fè konsidération ti moun yo disparèt. Koulié-a nou ouè nan glas, nan parabòl, min lè sa-a sé fas a fas ; koulié-a mouin konnin dapré yon ti moso, min lè sa-a m-ap konnin minm jan yo konnin-m.

Konsa koulié-a lafoua-a, éspérans la ak charité-a, toua sa yo rété ; min pi gran nan yo sé charité-a.

Paròl Granmèt la.

ALÉLOUYA

Lk 4, 18

℞ Alélouya. Granmèt la voyé-m poté Bon Nouvèl la bay pòv yo, anonsé libérasion pou prizonié yo. ℞ Alélouya.

ÉVANJIL

*Tankou Éli ak Élizé, sé pa pou Juif yo sèlman
yo voyé Jézu.*

✠ Léktu sint Évanjil la dapré Luk

4, 21-30

Lè sa-a :

Jézu kòmansé di nan sinagòg la : « Jodi-a pasaj sa-a nan sa ki ékri-a réalizé nan zòrèy nou ». Tout moun t-ap rann li témouagnaj ; yo té sézi pou paròl gras ki t-ap soti nan bouch li, yo t-ap di : « Èské sa-a sé pa pitit Jozèf la ? »

Li di yo : « Sètènman n-ap apliké-m sa-a : “Dòktè, géri pròp tèt ou” ; tou sa nou tandé ki fèt nan Kafarnaòm yo, fè yo isit la tou nan péyi-ou la ». Li di :

« Amèn mouin di nou, okinn profèt pa jouinn moun lakay ki résévoua-l byin. Sé vérité mouin di nou, té gin gro grangou sou tout tè-a ; min sé pa kot youn nan yo yo té voyé Éli, sof kot vèv la nan Sarépta Sidon-an. Té gin anpil lépré nan Israèl sou tan profèt Élizé ; youn nan yo pa-t géri, sof Naaman Siryin-an ».

Tout moun nan sinagòg la té plin ak kòlè, lè yo tandé sa. Yo lévé, yo chasé-l sot nan vil la ; yo kondui-l sou tèt mòn nan, kot vil yo-a té bati-a, pou yo jété-l anba. Li minm minm, li pasé nan mitan yo, l-al fè rout li.

Paròl Granmèt la.

Lindi

Ané 1

PRÉMIÉ LÉKTU

*Gras a lafoua yo ranpòté viktoua sou péyi-roua yo,
Bondié prévoua kichòy pi bon pou nou.*

Léktu lèt Ébré yo

11, 32-40

Frè-m yo :

Kisa pou-m t-a di ankò ? Sèké mouin pa gin tan pou-m t-a rakonté istoua Jédéyon, Barak, Samson, Jéfté, David, Samuèl ak profèt yo.

Yo minm ki ranpòté viktoua sou péyi-roua yo gras a lafoua yo-a, yo réalizé jistis la, yo résévoua promès yo, yo fèmin bouch lion yo, yo étinn chalè difé, yo chapé anba fè épé-a, yo géri sot nan maladi, yo vanyan nan lagè, yo fè lamé moun déyò yo viré do yo.

Médam yo résévoua mò yo ki résisité. Dòt minm malgré yo fè yo pasé mati, yo pa aksépté yo lagé yo, pou yo té kapab jouinn rézirèksion-an ki pi bon-an.

Dòt minm ankò kité yo éséyé yo antan yo pasé yo nan jouèt, antan yo ba yo kout fouèt, minm ak chinn ak prizon ; yo kalonnin yo ak kout ròch, yo siyé yo an dé, yo tanté yo, yo fè yo mouri ak kout épé, yo maché san dirèksion, yo abiyé ak po mouton ak po kabrit, yo grangou, yo gin kè soté, yo pasé tray, tè-a pa-t mérité résévoua yo ; yo maché nan dézè yo san chémin, nan mòn yo, nan trou ròch yo ak nan trou tè-a.

Tout moun sa yo té éséyé pou témouagnaj lafoua-a, yo pa-t résévoua promès la, Bondié té prévoua kichòy ki pi bon pou nou, pou yo pa-t fi-n kòrèk nèt san nou.

Paròl Granmèt la.

PSÒM RÉPONS

Ps 30, 20. 21. 22. 23. 24 (R : 25)

- R: Sé pou kè nou pran kouraj, nou tout ki espéré nan Granmèt la.
- 20 Ala anpil yo anpil kantité dousè-ou, Granmèt,
sa-ou kaché pou moun ki krinn ou yo.
Ou réalisé yo pou sa yo ki espéré nan ou yo,
dévan fas pitit moun yo. R:
- 21 Ou kaché yo nan kachèt fas ou-a,
dévan tranzaksion moun yo ;
ou protéjé yo nan tant la,
louin lang yo k-ap démanti yo. R:
- 22 Konpliman pou Granmèt la,
paské li montré mèvèy mizérikòd li
pou mouin nan yon vil ki byin protéjé. R:
- 23 Kanta mouin minm mouin té di nan trò présé-m nan :
« Ou ouété-m sot dévan jé-ou ».
Vréman ou kouté voua priyè-m,
pandan mouin rélé koté-ou. R:
- 24 Rinmin Granmèt la, tou sin-l yo ;
Granmèt la protéjé fidèl yo,
l-ap pini moun k-ap lévé tèt yo byin pini. R:

Ané 2

PRÉMIÉ LÉKTU

*An nou sovè kò nou dévan fas Absalon.
Kité Séméyi pou-l bay madichon, dapré lòd Granmèt la.*

Léktu dézièm liv Samuèl

15, 13-14. 30 ; 16, 5-13 a

Jou sa yo :

Yon mèsajé vi-n kot David, li di : « Tout Israèl ap suiv Absalon ak tout kè yo ». David di sèvitè-l yo ki té avèk li Jérusalèm : « Lévé, an nou sovè kò nou ; nou pap chapé dévan Absalon. Fè vit, soti, pou-l pa gin tan vi-n mét min sou nou, pou-l pa fè dézas tonbé sou nou, pou-l pa frapé vil la ak épé ».

David minm t-ap monté sou pount tèt mòn Olivié yo, li t-ap rédi, li t-ap kriyé, li té pié atè, li t-ap maché, san anyin sou tèt li ; ni tout pèp la, ki té avèk li-a, li t-ap monté san anyin sou tèt li, li t-ap kriyé.

Roua David rivé jous Baourim, gin yon mésié ki soti la, nan ras kay Sayul, yo té rélé-l Séméyi, pitit Géra ; li t-ap maché, toutotan l-ap maché, l-ap bay madichon, li t-ap voyé ròch kont David ak kont tout sèvitè roua yo. Tout pèp la minm ak tout sòlda yo adouat épi agòch roua-a t-ap maché.

Min kijan Séméyi t-ap palé pandan li t-ap bay roua-a madichon-an : « Soti, soti, kriminèl, pitit Béliel ; Granmèt la rimmèt ou tout san kay Sayul la, sèké ou té pran péyi-roua-a nan plas li. Granmèt la rimmèt péyi-roua-a nan min Absalon pitit ou-a ; koulié-a, malè-ou yo ap krazé-ou, paské sé kriminèl ou yé ».

Abisayi pitit Sarvi, di roua-a : « Pouki chyin mouri sa-a ap madichon-nin mèt mouin ki roua-a ? M-apralé, m-ap koupé tèt li ».

Roua-a di : « Ki sa-k ginyin ant mouin minm ak nou minm, pitit Sarvi ? Kité-l pou-l bay madichon ; Granmèt la kòmandé-l pou-l madichonnin David ; kilès ki gin lodas di pouki l-ap aji konsa-a ? » Roua-a di Abisayi ak tout sèvitè-l yo : « Min pròp pitit mouin, ki soti nan zantray mouin, l-ap chèché touyé-m ; nou pa bézouin mandé koulié-a atò pou pitit Jémini-a. Kité-l pou-l bay madichon dapré lòd Granmèt la. Si pétèt Granmèt la té kapab konsidéré tray mouin, pou Granmèt la rimmèt mouin byin nan plas madichon sa-a jodi-a ».

Konsa David té kontinié ap maché, ni moun ki té avèk li yo sou rout la.

Paròl Granmèt la.

PSÒM RÉPONS

Ps 3, 2-3. 4-5. 6-7 (R: : 7 b)

- R: Lévé, Granmèt, sové-m.
- ² Granmèt, sé pa ti kras anpil yo anpil, sa yo k-ap fè-m pasé tray la ?
yo anpil ki lévé kont mouin,
- ³ yo anpil k-ap di nanm mouin :
« Pa gin sové pou li nan Bondié ». R:
- ⁴ Ou minm, Granmèt, ou sèvi-m protéksion,
gloua mouin, ou minm k-ap lévé tèt mouin.
- ⁵ Voua-m rélé kot Granmèt la,
li kouté-m antan-l sou mòn li ki sin-an. R:

- 6 Mouin minm mouin dòmi, mouin nan profon somèy,
mouin lévé, paské Granmèt la résévoua-m.
- 7 Mouin pa pè mil pèp k-ap entouré-m.
Lévé, Granmèt, sové-m, Bondié mouin. **R:**

ALÉLOUYA**Lk 7, 16**

R: Alélouya. Yon gran profèt lévé nan mitan nou,
épi Bondié vizité pèp li-a. **R:** Alélouya.

ÉVANJIL*Pati, éspri papròp, sot nan mésié-a.***✠ Léktu sint Évanjil la dapré Mark****5, 1-20**

Lè sa-a :

Jézu rivé avèk disip li yo lòt bò lanmè-a nan réjion Gérazényin yo. Kon-l sot nan batiman-an, minm lè-a gin yon mésié ki kouri sot nan kavò yo, li té gin yon éspri papròp, sé nan kavò yo li té rété, minm ak chinn pèsòn pa-t kapab réyisi maré-l ; paské anpil foua, yo té maré-l ak ronn fè ak chinn, li té kasé chinn yo, li té krazé ronn fè yo, pèsòn pa-t kapab donté-l. Tout tan lajounin ak nannuit, li té rété nan kavò yo ak nan mòn yo li t-ap rélé byin fò, li t-ap blésé kò-l ak ròch.

Lè-l ouè Jézu dépi byin louin, li kouri, li adoré-l. Li rélé byin fò, li di : « Ki sa-k ginyin ant mouin minm ak ou minm, Jézu, Pitit Bondié ki anro nèt la ? Mouin sipliyé-ou pa pouvoua Bondié, pa fè-m pasé mati ». Sèk li t-ap di-l : « Pati, éspri papròp, sot nan mésié-a ». Li t-ap pozé-l késion : « Ki non-ou ? » Li di-l : « Sé léjion yo rélé-m, paské sé anpil nou yé ». Li t-ap priyé-l anpil pou-l pa chasé-l sot nan réjion-an.

Nan koté sa-a, sou mòn nan, té gin yon bann kochon, yo té anpil, yo t-ap manjé. Éspri yo sipliyé-l, yo di : « Voyé nou nan kochon yo, pou nou antré nan yo » ; Minm lè-a Jézu ba yo pèmision. Éspri papròp yo soti, yo antré nan kochon yo, ak yon gran fòs bann nan plonjé nan lanmè-a, yo té anviron dé mil konsa, yo toufé nan lanmè-a.

Moun yo ki t-ap gadiyin yo, yo kouri, y-al pot nouvèl nan vil la ak nan jadin yo. Moun yo soti, pou yo ouè ki sa-k té rivé. Yo vi-n kot Jézu, yo ouè mésié-a démon-an té konn ap maltrété-a, li té chita, abiyé, ak éspri-l kòrèk, yo sézi. Moun yo ki té ouè-a, yo rakonté yo sa-k té rivé mésié-a ki

té gin démon-an, épi késion kochon yo. Yo kòmansé mandé-l pou-l pati sot nan téritoua yo.

Pandan l-ap monté nan batiman-an, mesié-a démon-an té konn ap maltrété-a priyé-l, pou-l akonpagné-l. Li pa aksépté-l, min li di-l : « Al lakay ou kot moun ou yo, anonsé yo tou sa Granmèt la fè pou ou, kijan-l gin pitié pou ou ». Li pati, li kòmansé préché nan Dékapòl la tou sa Jézu té fè ; tout moun té sézi.

Paròl Granmèt la.

Madi

Ané 1

PRÉMIÉ LÉKTU

*Avèk pasians, sé pou nou kouri nan batay la
ki paré pou nou-an.*

Léktu lèt pou Ébré yo

12, 1-4

Frè-m yo :

Nou minm ki gin yon si gran kantité niaj témouin, sé pou nou lagé tout chaj ak péché k-ap anbarasé nou, pou nou kouri avèk pasians nan batay la ki paré pou nou-an, antan n-ap gadé lotè lafoua nou-an, Jézu-Kri ki fè lafoua-a vi-n kòrèk nèt la, li minm, yo té prezanté kè kontan dévan-l, min li té sipòté lakoua-a, li té méprizé ront la, li chita adouat Bondié.

Sonjé sa-a ki té sipòté kontrariété péchè yo té drésé kont li-a, pou nou pa kité féblès pran nanm nou. Nou pa ko rézisté ankò jous nan san, antan n-ap batay kont péché-a.

Paròl Granmèt la.

PSÒM RÉPONS

Ps 21, 26 b-27. 28 é 30. 31-32 (R : cf. 27 b)

R: Y-ap fè louanj ou, Granmèt, sa yo k-ap chèché-ou la.

²⁶ M-ap réglé sa-m té promèt yo dévan moun ki krinn li.

²⁷ Sé pou pòv yo manjé, sé pou yo gin vant plin,
y-ap fè louanj Granmèt la, sa yo k-ap chèché-l yo.

« Sé pou kè yo viv pou tout tan gin tan ». R:

- 28 Y-ap sonjé, y-ap tounin kot Granmèt la
tout limit tè-a,
y-ap adoré dévan-l
tout fanmiy nasion yo.
- 30 Sé li minm sèl y-ap adoré, tou sa k-ap dòmi nan tè-a ;
dévan fas li yo tout y-ap lagé kò yo atè,
yo minm k-ap désann nan pousiè-a. **R**
- 31 Nanm mouin ap viv pou li,
ras mouin ap sèvi-l.
Y-ap palé osijè Granmèt la bay jénérasyon k-ap vini-an,
- 32 y-ap anonsé jistis li-a
bay pèp la k-ap fèt la : « Sé bagay sa yo Granmèt la té fè ». **R**

Ané 2

PRÉMIÉ LÉKTU

*Pitit mouin, Absalon,
kilès ki t-a pèmèt mouin mouri nan plas ou ?*

Léktu dézièm liv Samuèl

18, 9-10. 14 b. 24-25 a. 30-19, 3

Jou sa yo :

Rivé Absalon rankontré ak sèvitè David yo, li té chita sou yon milèt ; kòm milèt la té vi-n antré anba yon pié boua-d-chèn ki té gin anpil fèy, ki té gran, tèt li kolé nan pié boua-d-chèn nan, li rét pandié ant sièl ak tè-a, milèt la minm koté-l té chita-a, kontinié chémin-l. Gin yon moun ki ouè sa, li poté nouvèl bay Joab, li di : « Mouin ouè Absalon ki pandié nan yon pié boua-d-chèn ». Joab pran toua fouinn nan min-l, li fonsé yo nan kè Absalon.

David minm té chita ant dé pòt yo. Santinèl la minm ki té anlè tèt pòt la sou miray la, li lévé jé-l, li ouè yon moun k-ap kouri pou kont li, li rélé, li anonsé roua-a sa. Roua-a di : « Travèsé, kanpé isit la ». Lè-l fi-n travèsé, li kanpé, Chouzi parèt, li rivé, li di : « Sé yon bon nouvèl mouin poté, mèt mouin roua ; jodi-a Granmèt la tiré vanjans pou ou nan min tout moun ki té lévé kont ou yo ».

Roua-a di Chouzi : « Èské ti Absalon sové ? » Chouzi réponn, li di : « Sé pou ènmi mèt mouin roua-a vi-n tankou ti gason-a, ni tout moun ki lévé ap fè konplo kont li pou malè-a ». Roua-a vi-n pran lapinn, li monté

nan chanmòt la, li kriyé. Li t-ap di konsa, antan l-ap répété : « Pitit mouin Absalon ! Absalon pitit mouin ! kilès k-ap fè-m favè pou-m mouri nan plas ou ? Absalon pitit mouin ! pitit mouin Absalon ! »

Yo anonsé Joab kijan roua-a t-ap kriyé, li t-ap plinn sou pitit li-a, viktoua-a vi-n tounin dèy jou sa-a pou tout pèp la ; pèp la té tandé di jou sa-a : « Roua-a ap plinn sou pitit li-a ». Pèp la glisé kò-l jou sa-a tou dousman pou-l antré nan vil la, jan yon pèp konn glisé kò-l lè-l viré do, l-ap sové dévan yon batay.

Paròl Granmèt la.

PSÒM RÉPONS

Ps 85, 1-2. 3-4. 5-6 (R: 1 a)

- R: Panché zòrèy ou, Granmèt, kouté-m.
- 1 Panché zòrèy ou, Granmèt, kouté-m,
paské mouin maléré, mouin pòv.
 - 2 Prézèvé nanm mouin, paské mouin sin ;
sové-m, Bondié mouin, mouin espéré nan ou. R: .
 - 3 Pitié pou mouin, Granmèt, paské m-ap rélé koté-ou tout lajounin.
 - 4 Fè nanm sèvitè-ou la jouinn kontantman,
paské sé koté-ou, Granmèt mouin lévé nanm mouin. R:
 - 5 Paksé Granmèt, ou bon, ou dou,
ou gin mizérikòd anpil pou tout moun k-ap rélé-ou.
 - 6 Kouté priyè-m, Granmèt ak zòrèy ou,
kouté voua priyè-m. R:

ALÉLOUYA

Mt 8, 17

R: Alélouya. Li minm minm li té pran féblès nou yo,
li té poté maladi nou yo. R: Alélouya.

ÉVANJIL

Ti fi, mouin di-ou, lévé.

Léktu sint Évanjil la dapré Mark

5, 21-43

Lè sa-a :

Kòm Jézu té travèsé ankò nan batiman-an lòt bò lanmè-a, gin yon gran foul ki vini jouinn li ; li té bò lanmè-a. Gin youn nan chèf sinagòg yo ki

rivé, yo té relé-l Jayir ; lè-l ouè-l, li tonbé nan pié-l ; li t-ap priyé-l anpil, li t-ap di : « Pitit fi-m nan prèské mouri ; vini, pozé min sou li, pou-l kapab sovè, pou-l viv ». L-alé avèk li, yon gran foul moun t-ap suiv li, yo t-ap krazé-l.

Gin yon madanm, ki t-ap pèdi san dépi douzan, li té déjà konsilté anpil doktè ki té prèskri-l anpil rémèd, li té fi-n dépanse tout richès li, min li pa-t jouinn okinn rézilta, okontrè sé pi mal li t-ap vi-n pi mal ; lè-l tandé palé osijè Jézu, li vi-n nan foul la, dèyè, li touché rad li. Li t-ap di : « Si o mouin mouin touché rad li, m-ap sovè ». Minm lè-a sous san-l nan tari, li santi nan kò-l li té géri sot nan maladi-a.

Minm lè-a Jézu rékonèt anndan-l gin yon fòs ki té soti nan li, li viré kot foul la, li t-ap di : « Kilès ki touché rad mouin-an ? » Disip li yo t-ap di : « Ou ouè foul la k-ap krazé-ou, épi ou-ap di : “Kilès ki touché-m ?” » Min li viré pou-l ouè madanm nan ki té fè bagay sa-a. Madanm nan minm té pè, li t-ap tranblé, li té konnin sa-k té pasé nan li, li vini, li lagé kò-l dévan-l, li di-l tout vérité-a. Li minm minm li di-l : « Mafi, lafoua-ou sovè-ou ; alé ak lapè, sé pou-ou géri sot nan maladi-ou la ».

Pandan li t-ap palé toujou, moun yo vi-n kot chèf sinagòg la, yo di : « Ti fi-ou la mouri ; pouki sa ou-ap trakasé Mèt la ? » Jézu minm, lè-l tandé paròl yo té di-a, li di chèf sinagòg la : « Pa pè ; sé pou-ou kouè sèlman ». Li pa pèmèt pèsòn suiv li, sof Piè, Jak avèk Jan, frè Jak la.

Yo rivé nan kay chèf sinagòg la li ouè boui, moun k-ap kriyé, k-ap relé anpil. Li antré, li di yo : « Pouki sa nou troublé, n-ap kriyé ? ti fi-a pa mouri, sé dòmi l-ap dòmi ». Yo t-ap pasé-l nan jouèt.

Li minm minm, li mété tout moun déyò, li pran papa ak manman ti fi-a épi moun yo ki té avèk li-a ; li antré koté ti fi-a té kouché-a. Li kinbé min ti fi-a, li di-l : « Talita, koumi » ; sa vlé di : « Ti fi, mouin di-ou, lévé ». Minm lè-a ti fi-a lévé, li t-ap maché (li té gin douzan) ; yo té sézi yon gran sézisman. Li pasé yo lòd sévè pou pèsòn pa konn sa ; li di pou yo ba-l manjé.

Paròl Granmèt la.

Mèkrédi

Ané 1

PRÉMIÉ LÉKTU

Moun Bondié rinmin, li korijé-l.

Léktu lèt Ébré yo

12, 4-7. 11-15

Frè-m yo :

Nou pa ko rézisté ankò jous nan san, antan n-ap batay kont péché-a, épi nou bliyé konsolation-an mouin té palé avèk nou-an tankou pitit la, lè-m té di :

« Pitit mouin, pa néglijé koréksion Granmèt la, pa dékourajé paské l-ap réprann ou. Sèké moun Granmèt la rinmin, li korijé-l, li drésé tout pitit li aksépté ».

Pèsévéré nan disipli-n nan. Bondié ofri tèt li ba nou tankou bay pitit li. Kilès pitit, yon papa pa korijé-l ?

Tout koréksion y-ap sibi koulié-a, sé pa ak kè kontan yo konsidéré-l min sé ak chagrin ; sèlman apré sa, li rinmèt bon frui jistis ki bay lapè pou moun yo ki jouinn rédrésman gras a li yo. Sé pousa drésé min ki fébli yo ak jénou k-ap pliyé yo, égalizé rout yo pou pié nou, pou moun k-ap bouaté-a pa dévié, okontrè pou-l géri.

Sé pou nou suiv lapè avèk tout moun, sé pou nou suiv sa k-ap fè nou vi-n sin-an tou, san sa pèsòn pap ouè Bondié. Fè atansyon pou pèsòn pa viré do bay gras Bondié-a, pou pa gin rasi-n anmè k-ap jèmin pou-l jinnin nou, pou-l anpouazonnin tout foul la.

Paròl Granmèt la.

PSÒM RÉPONS

Ps 102, 1-2. 13-14. 17-18 a (R : cf. 17)

R Mizérikòd Granmèt la dépi tout tan sou moun ki krinn li yo.

- 1 Fè konpliman pou Granmèt la, nanm mouin ;
tou sa-k anndan-m, fè konpliman pou non-l ki sin.
- 2 Fè konpliman pou Granmèt la, nanm mouin,
pa bliyé tou sa-l fè yo. R
- 13 Tankou papa pran pitié pou pitit li yo,
Granmèt la pran pitié pou moun ki krinn li yo,

- ¹⁴ Sèké li minm li konnin ak ki sa nou fèt,
li sonjé kijan sé pou siè nou yé. **R**
- ¹⁷ Mizérikòd Granmèt la minm sé dépi tout tan,
épi jous pou tout tan sou moun ki krinn li yo,
jistis li nan pitit moun yo ;
- ¹⁸ nan sa yo ki kinbé aliens li-a. **R**

Ané 2

PRÉMIÉ LÉKTU

*Sé mouin minm ki fè péché antan-m konté pèp la ;
sa yo ki mouton-an, ki sa yo fè ?*

Léktu dézièm liv Samuèl

24, 2. 9-17

Jou sa yo :

David di Joab chèf lamé-la : « Travèsé tout ras Israèl yo dépi Dan jous Bèrsabé, konté pèp la, pou-m konn konbyin yo yé ». Joab di kantité pèp la li té konté-a bay roua-a ; nan Israèl yo jouinn ui-san-mil gason kòm sòlda, ki konn tiré épé, nan Juda sé sink san mil sòlda.

Kè David soté, lè-l fi-n konté pèp la ; David di Granmèt la : « Mouin fè gro péché nan bagay sa-a ; min tanpri, Granmèt, padonnin fot sèvitè-ou la, paské mouin ajì avèk anpil foli ». David lévé byin bonè, paròl Granmèt la rivé kot profèt Gad, ki ouè David, li di : « Al palé ak David : Min sé sa Granmèt la di ; “Ou gin doua chouazi toua bagay ; chouazi youn, sa ou-a vlé-a, nan yo, pou-m fè-ou li” ».

Lè Gad rivé kot David, li anonsé-l, li di : « Oubyin sèt ané ap rivé sou ou ak grangou nan péyi-ou la, oubyin pandan toua moua ou-ap sovè kò-ou dévan ènmi-ou yo, y-ap rapousuiv ou, oubyin sé toua jou k-ap gin épidémi nan péyi-ou la. Koulié-a réfléchi, épi gadé ki sa pou-m réponn sa-a ki voyé-m nan, ki paròl ». David di Gad : « Mouin boulvèsé anpil ; min li pi bon pou-m tonbé nan min Granmèt la (sèké li gin anpil mizérikòd), pasé nan min moun yo ».

Granmèt la voyé épidémi nan Israèl dépi matin jous nan tan fiksé-a ; Moun yo mouri nan pèp la dépi Dan jous Bèrsabé sèt mil gason.

Lè Anj Granmèt la t-ap lonjé min-l sou Jérusalèm pou-l détoui-l, Granmèt la pran pitié sou tray la, li di Anj la ki t-ap frapé pèp la : « Sa

kont ; koulié-a frinnin min-ou ». Anj Granmèt la té tou pré glasi Aréouna Jébuzéyin-an.

David di Granmèt la, lè-l ouè Anj la k-ap touyé pèp la : « Sé mouin minm ki fè péché, sé mouin minm ki aji yon fason ki pa kòrèk ; sa yo, ki mouton yo, ki sa yo fè ? Tanpri, viré min-ou kont mouin ak kont kay papa-m ».

PSÒM RÉPONS

Ps 31, 1-2. 5. 6. 7 (R: cf. 5 c)

- R: Granmèt, padonnin fòt péché-m nan.
- 1 Ala kontantman pou moun Granmèt la pa konsidéré kòm koupab, yo kouvri péché-l.
- 2 Ala kontantman pou moun Granmèt la pa konsidéré kòm koupab, ki pa gin riz nan éspri-l. R:
- 5 Mouin fè-ou konnin péché-m nan, mouin pa kaché fot mouin-an. Mouin di : « M-ap déklaré fot mouin-an dévan Granmèt la ». Ou minm ou padonnin fot péché-m nan. R:
- 6 Sé poussa tout sin ap priyé-ou nan tan ki byin plasé-a. Nan délij gran dlo yo yo pap proché koté-l. R:
- 7 Ou sé kachèt mouin, ou-ap protéjé-m sot nan tray la ; ou-ap vlopé-m ak fèt sovè ou sovè-m nan. R:

ALÉLOUYA

Jan 10, 27

R: Alélouya. Mouton-m yo kouté voua-m, sé sa Granmèt la di ; épi mouin minm mouin konnin yo, yo suiv mouin. R: Alélouya.

ÉVANJIL

Pa gin profèt ki san konsidérasion, sof nan péyi-l.

✠ Léktu sint Évanjil la dapré Mark

6, 1-6

Lè sa-a :

Jézu t-al nan péyi-l ; disip li yo t-ap suiv li. Lè saba-a rivé, li kòmansé bay ansènman nan sinagòg la.

Anpil moun ki t-ap kouté-l té sézi nan ansègnman-l nan, yo t-ap di : « Koté tout bagay sa yo soti pou sa-a ? Épi ki kalité sa-jès sa-a yo ba li-a, ak kalité pouvoua sa yo k-ap réalizé nan min-l konsa-a ? Èské sé pa ménuizié-a sa, pitit Mari-a, frè Jak la, ak Jozèf la, ak Juda-a, ak Simon-an ? Èské ni sè-l yo tou pa avèk nou ? » Yo té skandalizé nan li.

Jézu minm t-ap di yo : « Pa gin profèt ki san konsidérasion, sof nan péyi-l ak nan kay li ak nan fanmi li ».

Li pa-t kapab fè okinn mirak koté sa-a, sof kèk infim li géri, antan-l pozé min sou yo. Li té sézi poutèt yo pa-t gin lafoua. L-al nan bouk yo alantou yo antan l-ap bay ansègnman.

Paròl Granmèt la.

Jédi

Ané 1

PRÉMIÉ LÉKTU

Nou té proché kot mòn Siyon ak vil Bondié ki vivan-an.

Léktu lèt pou Ébré yo

12, 18-19. 21-24

Frè-m yo :

Nou pa-t proché kot yon mòn yo kapab touché ak min, ak yon difé k-ap flanbé, ak fè-noua, ak brouya, ak tanpèt, ak son tronpèt, ak boui paròl, moun yo ki té tandé yo, yo té mandé padon, pou yo pa-t palé ak yo konsa. Sa yo té ouè-a té tèlman térib. Moyiz di : « Mouin sézi, m-ap tranblé ».

Min nou té proché kot mòn Siyon-an ak vil Bondié ki vivan-an, Jérusalèm sièl la, pakèt foul anj yo k-ap fété yo, avèk asanblé premié pitit yo, ki gin non yo ékri nan sièl la, nou té proché kot Bondié k-ap jijé tout moun nan, avèk éspri moun ki kòrèk yo, ki fi-n bon nèt yo, épi kot Jézu ki sèvi intèmedié nouvo téstaman-an, kot san yo té vidé sou nou-an k-ap palé pi byin pasé san Abèl la.

Paròl Granmèt la.

PSÒM RÉPONS

Ps 47, 2-3 a. 3 b-4. 9. 10-11 (R : cf. 10)

R : Nou résévoua mizérikòd ou-a, Bondié,
nan mitan tanp la.

- 2 Granmèt la gran, li mérité anpil louanj,
nan vil Bondié nou-an.
- 3 Mòn li-a sin, ti mòn li-a bèl,
kontantman tout tè-a. **R:**
Mòn Siyon-an nan bout réjion Nò-a,
vil gran roua-a.
- 4 Bondié nan lakay li yo, yo konnin-l byin,
li vi-n tounin kachèt. **R:**
- 9 Jan nou té tandé-a, sé konsa nou ouè
nan vil Granmèt lamé yo,
nan vil Bondié nou-an ;
Bondié instalé-l fèm pou tout tan. **R:**
- 10 N-ap kalkilé mizérikòd ou-a,
Bondié nan mitan tanp ou-a.
- 11 Dapré non-ou, Bondié
konsa louanj ou jous nan bout tè-a ;
jistis ou plin min douat ou. **R:**

Ané 2

PRÉMIÉ LÉKTU

*Mouin minm m-ap antré nan chémin tout tè-a ;
pran kouraj, Salomon, sé pou-ou gason.*

Léktu prémié liv Roua yo

2, 1-4. 10-12

Jou pou David té mouri-a t-ap proche, li pasé lòd bay Salomon, pitit li-a, li di : « Mouin minm m-ap antré nan chémin tout tè-a ; pran kouraj, sé pou-ou gason, obsèvé lòd Granmèt Bondié-ou yo, pou-ou maché nan rout li yo, pou-ou kinbé désizion-l yo ak kòmandman-l yo, ak jijman-l yo, ak témouagnaj li yo, jan sa ékri nan laloua Moyiz la ; pou-ou konprann tou sa pou-ou fè épi kijan pou-ou konpòté-ou ; pou Granmèt la asiré paròl li yo, sa-l té palé osijè-m nan, lè-l té di : “Si pitit ou yo kinbé rout mouin yo, si yo maché dévan-m nan vérité ak tout kè yo ak tout nanm yo, ou pap manké gason sou fotèy Israèl la” ».

Konsa David kouché avèk papa li yo, yo antéré-l nan vil David la. Jou yo David té kòmandé kòm roua sou Israèl la, sé karantan : nan Ébron li té

kòmandé sètan, nan Jérusalèm trantouazan. Salomon minm chita sou tro-n David papa-l la, péyi-roua li vi-n asiré anpil.

Paròl Granmèt la.

PSÒM RÉPONS 1 Kron 29, 10. 11 ab. 11 d-12 a. 12 bcd (R: 12 b)

R: Ou minm, Granmèt, ou-ap kòmandé sou tout bagay.

¹⁰ Konpliman pou ou, Granmèt Bondié Israèl, papa nou, sot nan sièk tan al nan sièk tan. R:

¹¹ Sé pou ou Granmèt, grandè ak pouvoua, ak gloua, ak viktoua, ak louanj sé pou ou ; tout bagay ki nan sièl la ak sou tè-a, sé pou ou yo yé. R:

Pou ou, Granmèt, péyi-roua-a, ou anlè tout chèf.

¹² Richès sé pou ou, gloua sé pou ou. R:

Ou-ap kòmandé sou tout bagay, nan min-ou sé otorité ak pouvoua, nan min-ou sé grandè ak kòmandman tout bagay. R:

ALÉLOUYA

Mk 1, 15

R: Alélouya. Péyi-roua Bondié-a tou pré ; sé pou nou kouè nan bòn nouvèl la. R: Alélouya.

ÉVANJIL

Li kòmansé voyé yo.

✠ **Léktu sint Évanjil la dapré Mark**

6, 7-13

Lè sa-a :

Jézu rélé douz yo, li kòmansé voyé yo dé pa dé ; li ba yo pouvoua sou éspri papròp yo.

Li pasé yo lòd pou yo pa pran anyin pou rout la, sof yon baton sèlman : ni sak, ni pin, ni lajan ; min pou yo gin sandal nan pié yo ; pou yo pa gin dé chémiz.

Li t-ap di yo : « Ninpòt ki kay koté nou antré, rét la joutan nou pati. Tout moun ki pa résévoua nou, ki pa kouté nou, antan n-ap soti, souké pousiè pié nou kòm témouagnaj pou yo ».

Yo pati, y-al préché pou moun yo fè pénitans, yo chasé anpil démon, yo pasé luil sou anpil malad, yo géri.

Paròl Granmèt la.

Vandrédi

Ané 1

PRÉMIÉ LÉKTU

*Jézu-Kri yè ak jodi-a,
li minm nan tou pou tout tan.*

Léktu lèt pou Ébré

13, 1-8

Frè-m yo :

Sé pou charité frè yo rété nan nou ; pa bliyé résévoua étranjé lakay nou : sé konsa kèk té résévoua Anj yo lakay yo san yo pa konnin. Sonjé moun ki nan prizon yo kòm si nou prizonié ansanm avèk yo, sonjé moun k-ap sibi tray yo paské nou minm tou sé nan yon kò nou yé.

Sé pou respékté mariaj la nou tout, sé pou kabann nan rétinak ; sèkè Bondié ap jijé moun k-ap fè mové plézi yo ak sa k-ap fè adiltè yo.

Sé pou konduit nou pa nan késion rinmin lajan, kontanté nou ak sa nou ginyin koulié-a ; sé li minm minm ki di : « Mouin pap lagé-ou, mouin pap abandoné-ou ». A tèl pouin nou kapab di avèk konfians : « Granmèt la poté-m sékou, mouin pap pè sa pou moun fè-m ».

Sonjé résponsab nou yo, ki té palé nou paròl Bondié-a ; konsidéré dènié moman lavi yo, pran modèl sou lafoua yo.

Jézu-Kri yè ak jodi-a ; li minm nan tou pou tout tan.

Paròl Granmèt la.

PSÒM RÉPONS

Ps 26, 1. 3. 5. 8 b-9 abc (R : 1 a)

R: Granmèt la sé limiè-m ak sové mouin.

¹ Granmèt la sé limiè-m ak sové mouin, ki moun pou-m pè ?

Granmèt la sé protékcion lavi-m, dévan ki moun pou-m tranblé ? R:

- 3 Si yon lamé kanpé kont mouin,
kè-m pap pè ;
si lagè lévé kont mouin,
sé nan sa mouin minm m-ap éspéré. **R:**
- 5 Sèké l-ap kaché-m nan tant li,
jou malè yo.
L-ap kaché-m nan kachèt tant li,
nan ròch la l-ap lévé-m. **R:**
- 8 Sé fas ou, Granmèt, m-ap chèché.
9 Pa viré fas ou louin-m,
pa viré do bay sèvitè-ou la nan kòlè.
Sé sékou-m ou yé, pa lagé-m. **R:**

Ané 2

PRÉMIÉ LÉKTU

*Ak tout kè-l David té fè louanj Granmèt la,
li té rinmin Bondié.*

Léktu liv Sirasid

47, 2-13

Tankou grès ki séparé sot nan viann, konsa David parapò a pitit Israèl yo.

Avèk lion yo li joué tankou ak mouton, avèk ous yo li fè minm jan, tankou ak ti pitit mouton. Lè-l té jèn timoun èské li pa-t touyé atlèt la, li té ouété ront la sot nan nasion-an ? Li pran yon ròch fistibal ak min-l, li krazé grandizè Goliat la ; sèké li té rélé Granmèt la ki gin tout pouvoua, li rinmèt pouvoua nan min-l pou-l pran yon moun ki fò nan lagè, pou-l lévé kòn nasion-l nan. Konsa li ba-l gloua nan di-mil, li fè louanj li nan bédiksyon Granmèt yo, antan-l ofri-l kouròn gloua-a.

Li krazé ènmi yo tout koté, li chasé Filistin yo ki té ènmi yo, jous jodi-a, li krazé kòn yo jous pou tout tan.

Nan tout aksion li fè louanj pou Sin-an ak Sa-a ki anro nèt la nan paròl gloua ; ak tout kè-l li fè louanj Granmèt la, li rinmin Bondié, ki fè-l la, ki ba-l pouvoua kont ènmi yo.

Li fè chant kanpé dévan lotèl la, ak voua yo li fè chanté yo vi-n pi dou ; li fè sérémoni yo vi-n bèl, li klasé tan yo pou tout lavi, pou yo fè louanj non Granmèt la ki sin-an, pou yo plin tanp Bondié-a dépi granmatin.

Granmèt la padonnin péché-l yo, li lévé kòn li anlè pou tout tan, li pasé aliens péyi-roua ak li, li ba-l tro-n gloua-a nan Israël.

Paròl Granmèt la.

PSÒM RÉPONS

Ps 17, 31. 47 é 50. 51 (R : cf. 47 b)

R: Konpliman pou Bondié ki sové-m nan !

31 Bondié, rout li san tach,
paròl Granmèt la sondé nan difé ;
li protéjé tout moun ki espéré nan li yo. R:

47 Viv Granmèt la, konpliman pou Sa-a k-ap poté-m sékou-a,
sé pou yo lévé Bondié Sovè mouin-an anlè.

50 Sé poua m-ap fè louanj pou ou nan nasion ou, Granmèt,
o non-ou m-ap chanté kantik. R:

51 Li fè roua-l la ranpòté gran viktoua
li fè mizérikòd pou Kris li-a,
David ak ras li pou tout tan. R:

ALÉLOUYA

Cf. Lk 8, 15

R: Alélouya. Ala kontantman pou moun ki kinbé paròl Bondié-a
nan yon kè ki bon, ki kòrèk nèt,
épi ki donnin foui nan pasians. R: Alélouya.

ÉVANJIL

*Jan, sa mouin té fè koupé tèt li-a,
sé li minm ki lévé sot nan pami mò yo.*

✠ Léktu sint Évanjil la dapré Mark

6, 14-29

Lè sa-a :

Roua Éròd té tandé palé (sèké non Jézu té vi-n gin répitasyon), li t-ap di : « Sé Jan-Batis ki résisité sot nan pami mò yo, sé poua mèvèy sa yo ap fèt nan li-a ». Dòt minm t-ap di : « Sé Éli ki la » ; dòt minm t-ap di : « Sé profèt la, tankou youn nan profèt yo. Lè Éròd tandé sa, li di : « Sé Jan mouin té kè koupé tèt li-a ki résisité sot nan pami mò yo ».

Sèké Èròd té voyé arété Jan, li té mété-l nan prizon akòz Érodiad, madanm Filip, frè-l la paské li té marié avèk li. Jan t-ap di Èròd : « Ou pa gin doua gin madanm frè-ou la ». Érodiad minm t-ap fè konplo kont li, li té vlé touyé-l, li pa-t kapab. Èròd té pè Jan, li té konnin sé té yon moun ki kòrèk, ki sin, li té protéjé-l, li té konn kouté-l, pou-l fè anpil bagay, sé avèk plézi li té konn kouté-l.

Lè jou-a rivé ki bay bon okazion-an, Èròd té fè yon résepsion pou fèt li avèk chèf yo ak majistra yo avèk moun gran ras nan Galilé-a. Pitit fi Érodiad la vi-n antré, li dansé, sa fè Èròd plézi ansanm ak lòt invité yo, roua-a di ti fi-a. « Mandé-m sa-ou vlé, m-ap ba ou-l ». Li fè-l sèman : « Ninpòt ki sa ou mandé, m-ap ba ou-l, té mèt sé mouatié péyi-roua mouin-an ». Li minm, li soti li di manman-l : « Ki sa pou-m mandé ? » Li di : « Tèt Jan-Batis ».

Li antré byin vit ankò kot roua-a, li mandé-l, li di : « Mouin vlé pou koulié-a minm ou ban-m tèt Jan-Batis sou yon plat ». Roua-a pran chagrin : poutèt sèman-an épi poutèt invité yo, li pa-t vlé kontrarié-l, li voyé yon gad, li pasé lòd pou yo poté tèt li sou yon plat. Yo koupé tèt li nan prizon-an, yo poté-l sou yon plat, yo bay ti fi-a li, ti fi a minm bay manman-l li.

Lè disip yo tandé sa, yo vini, yo poté kò-l, yo mété-l nan kavo.

Paròl Granmèt la.

Samdi

Ané 1

PRÉMIÉ LÉKTU

*Bondié lapè-a, ki délivré gran gadyin-an sot nan lanmò-a,
l-ap aprann nou fè tou sa ki bon.*

Léktu lèt Ébré yo

13, 15-17. 20-21

Frè-m yo :

Pa lintèmédiè Jézu sé pou nou ofri sakrifis louanj tout tan pou Bondié sa vlé di foui bouch nou k-ap fè louanj pou non-l. Pa bliyé fè dibyin, viv ak lapè antré nou ; sé kalité sakrifis sa yo ki fè Bondié plézi.

Obéyi réponsab nou yo, rét anba lòd yo, sé yo minm k-ap véyé antan yo gin pou yo rann kont pou nanm nou, pou yo kapab fè sa avèk kè kontan san yo pa plinn ; sa pa t-a nan avantaj nou.

Bondié lapè-a, li minm ki té kondui gran gadyin mouton yo sot nan lanmò-a avèk san aliens tout tan-an, Granmèt nou Jézu-Kri, sé pou-l mété tou sa-k bon nan nou, pou nou fè volonté-l, pou nou fè sa-k fè-l plézi pa pouvoua Jézu-Kri, konpliman pou li pou tout tan gin tan. Amèn.

Paròl Granmèt la.

PSÒM RÉPONS

Ps 22, 1-3 a. 3 b-4. 5. 6 (R : 1)

R: Granmèt la souin-m, mouin pap manké anyin.

1 Granmèt la ap kondui-m, anyin pap manké-m ;

2 nan zèb vèt li instalé-m,

sou bò dlo trankil li minnin-m,

3 li réfè nanm mouin. R:

Li kondui-m nan santié jistis poutèt non-l.

4 Sèké minm si m-ap maché nan bafon lonbraj lanmò,

mouin pap pè malè, paské ou avèk mouin

Baton-ou ak bagèt ou

sé yo k-ap konsolé-m. R:

5 Ou paré yon tab dévan fas mouin

kont sa yo k-ap fè-m passé tray yo ;

ou souin tèt mouin ak losion,

kalis mouin ap débòdé. R:

6 Réyèlman sé bon kè ak gras k-ap rapousuiv mouin

tout tan lavi-m,

m-ap abité nan kay Granmèt la

pou tout longè tan yo. R:

Ané 2**PRÉMIÉ LÉKTU**

*Ou-ap bay sèvitè-ou la yon kè ki dosil,
pou-l jijé pèp ou-a.*

Léktu prémié liv Roua yo**3, 4-13**

Jou sa yo :

Salomon al Gabaon pou-l sakrifié la ; koté sa-a sé té yon rotè ki té gin inpòtans anpil. Sé mil sakrifis nan sakrifis antié Salomon ofri sou lotèl sa-a nan Gabaon. Granmèt la parèt dévan Salomon nan rèv nan nuit, li di : « Mandé sa-ou vlé pou-m ba ou ».

Salomon di : « Ou té fè mizérikòd anpil avèk sèvitè-ou David, papa-m, jan-l té maché dévan fas ou nan vérité ak jistis ak yon kè ki douat avèk ou ; ou kinbé gran mizérikòd ou-a pou li, ou ba-l yon pitit ki chita sou tro-n li-an, jan sa fèt jodi-a. Koulié-a, Granmèt Bondié, ou fè sèvitè-ou la kòmandé nan plas David papa-m. Mouin minm mouin sé yon ti moun piti, mouin pa konnin ni soti ni antré-m. Sèvitè-ou la nan mitan pèp la ou chouazi-a, yon pèp yo pa kapab konté, yo pa kapab ni konté-l, ni kalkilé-I tèlman li anpil. Ou-a bay sèvitè-ou la yon kè ki dosil, pou-l kapab jijé pèp ou-a, pou-l konprann diférans ant byin ak mal. Sèké kilès ki kapab jijé pèp sa-a, pèp ou sa-a ki anpil la ? »

Paròl la fè Granmèt la plézi, sa Salomon té mandé nan kalité jan sa-a. Granmèt la di Salomon : « Poutèt ou mandé bagay sa-a, ou pa-t mandé lavi long ni richès ni lavi ènmi-ou yo, min ou té mandé sajès pou-ou kapab konprann jijman : min mouin fè pou ou dapré paròl ou yo, mouin ba-ou yon kè ki gin sajès ki intélijan, atèl pouin pèsòn anvan-ou pa-t sanblé-ou, ni apré-ou pap ginyin k-ap lévé. Min ni bagay sa yo ou pa-t mandé-a, mouin ba ou yo tou, sa vlé di richès ak gloua, pou pa gin pèsòn ki té tankou ou nan roua yo nan tout jou ki fi-n pasé yo ».

Paròl Granmèt la.

PSÒM RÉPONS**Ps 118, 9. 10. 11. 12. 13. 14 (R: 12 b)**

R: Aprann mouin désizion-ou yo, Granmèt.

- ⁹ Kòman pou yon jénòm kapab nèt nan chémin-l ?
Antan-l kinbé paròl ou yo. **R:**

- ¹⁰ Ak tout kè-m mouin té chèché-ou,
pa kitè-m pèdi rout louin kòmandman-ou yo. **R:**
- ¹¹ Nan kè-m mouin kaché promès ou yo,
pou-m pa fè péché kont ou. **R:**
- ¹² Konpliman pou ou, Granmèt
apranm mouin désizyon-ou yo. **R:**
- ¹³ Nan bouch mouin
mouin déyayé tout jijman bouch ou yo. **R:**
- ¹⁴ Nan rout témouagnaj ou yo mouin jouinn plézi-m
tankou nan tout kalité richès. **R:**

ALÉLOUYA

Jan 10, 27

R: Alélouya. Mouton-m yo tandé voua-m, sé sa Granmèt la di ;
épi mouin minm mouin konnin yo, yo suiv mouin. **R:** Alélouya.

ÉVANJIL

Yo té tankou mouton ki pa gin gadyin.

✠ Léktu sint Évanjil la dapré Mark

6, 30-34

L.è sa-a :

Apot yo rasanblé kot Jézu, yo rakonté-l tou sa yo té fè, ak sa yo té anségné. Li di yo : « Vini apa, yon koté ki pa gin pèsòn, pran yon ti répo ». Sèké moun yo ki t-ap vini, ki t-apralé, yo té anpil, pa-t gin éspas pou yo té manjé.

Yo monté nan batiman-an, y-al nan yon koté ki dézè, ki apa. Lè yo ouè y-apralé, anpil moun konprann ; yo soti a pié nan tout vil yo yo vi-n rankontré yo la, yo rivé anvan yo.

Lè Jézu soti, li ouè anpil foul, li pran pitié pou yo, paské yo té tankou mouton ki pa gin gadyin, li kòmansé ba yo ansègnman anpil.

Paròl Granmèt la.

SINKIÈM SÉMÈN ÒDINÈ

Dimanch, ané A

PRÉMIÉ LÉKTU

Limiè-ou la ap éklaté tankou granmatin.

Léktu liv profèt Izayi

58, 7-10

Min paròl Granmèt la :

« Séparé pin-ou avèk moun ki grangou-a, fè pòv la ak moun ki pa gin kay la antré nan kay ou ; lè-ou ouè yon moun ki ni-kò, kouvri-l, pa méprizé pròp chè-ou.

Lè sa-a, limiè-ou ap éklaté tankou granmatin, santé-ou ap lévé byin vit, jistis ou ap maché dévan fas ou, gloua Granmèt la ap vlopé-ou. Lè sa-a ou-ap rélé, Granmèt la ap kouté, ou-ap rélé, l-ap di : “Min mouin”.

Si-ou ouété chinn nan sot nan mitan-ou, épi ou sispann lonjé douèt ou, ni palé bagay ki pa sèvi ; lè ou-a vidé nanm ou bay moun ki grangou-a, lè ou-a plin nanm moun ki nan lapinn nan, limiè-ou ap lévé nan fènoua yo, fènoua-ou yo ap vi-n tankou midi ».

Paròl Granmèt la.

PSÒM RÉPONS

Ps 111, 4-5. 6-7. 8 a é 9 (R: 4 a)

R: Limiè-a lévé nan fènoua pou moun ki douat yo.

oubyin : Alélouya.

- 4** Limiè-a lévé nan fènoua, pou moun kòrèk yo, li sansib, li pran pitié, li kòrèk.
- 5** Ala kontantman pou moun sa-a ki pran pitié, ki prété, ki réglé afè-l yo kòrèk. **R:**
- 6** Paské sé pou tout tan li pap souké. Moun ki kòrèk la, y-ap sonjé-l tout tan,
- 7** li pap pè, lè-l tandé mové nouvèl. Kè-l paré, li éspéré nan Granmèt la.
- 8** Kè-l asiré, li pap pè,
- 9** Li séparé, li bay pòv yo ; jistis li rété pou tout tan gin tan, kòn li ap lévé nan gloua-a. **R:**

DÉZIÈM LÉKTU

Mouin té anonsé nou témouagnaj Jézu-Kri yo klouré sou koua.

Léktu premié lèt apot sin Pòl pou Korintyin yo **2, 1-5**

Mouin minm, lè-m rivé lakay nou, frè-m yo, mouin pa vini ak prestij paròl oubyin sajès, pou-m anonsé nou témouagnaj Jézu-Kri-a. Réyèlman mouin pa-t konsidéré mouin té konn kichòy nan pami nou, sof Jézu-Kri épi Jézu-Kri ki klouré sou koua-a.

Épi mouin minm sé ak féblès ak kè soté ak anpil sézisman mouin té lakay nou ; paròl mouin ak prèch mouin, sé pa-t paròl k-ap chèché konvink ak sajès moun, min sé éspri-a ak pouvoua-a mouin té montré, pou lafoua nou pa-t chita sou sajès moun, min sou pouvoua Bondié.

Paròl Grammèt la.

ALÉLOUYA

Jan 8, 12

℞ Alélouya. Mouin sé limiè tè-a, sé sa Grammèt la di ;
moun ki suiv mouin, l-ap gin limiè lavi-a. ℞ Alélouya.

ÉVANJIL

Nou sé limiè tè-a.

✠ Léktu sint Évanjil la dapré Matié **5, 13-16**

Lè sa-a Jézu di disip li yo :

« Nou sé sèl tè-a. Si sèl la vi-n fad, ak ki sa y-ap salé-l ? Li pa vo anyin ankò, sof pou yo jété-l déyò, pou moun pilé-l.

Nou sé limiè tè-a. Yon vil ki pozé sou yon mòn pa kapab kaché. Yo pa limin yon lanp, pou yo mété-l anba mamit, min sou yon étajè, pou-l kléré tout moun ki nan kay la.

Sé konsa pou limiè nou kléré dévan moun yo pou yo ouè bon aksion nou yo, pou yo fè louanj pou Papa nou ki nan sièl la ».

Paròl Grammèt la.

Dimanch, ané B

PRÉMIÉ LÉKTU

Mouin plin ak doulè jous nan fènoua yo.

Léktu liv Jòb

7, 1-4. 6-7

Jòb palé, li di :

« Lavi yon moun sou tè-a sé sèvis lamé, jou-l yo sé tankou jou moun k-ap travay pou touché chak jou. Tankou yon sèvitè anvi lonbraj, tankou yon anplouayé ap tann travay li fini, konsa tou mouin minm mouin té gin moua yo vid, mouin té konté nuit yo ki rèd.

Si m-ap dòmi, mouin di : “Kilè pou-m lèvé ?” Apré sa m-ap tann asouè, mouin plin doulè jous nan fènoua yo.

Jou-m yo travèsé pi vit pasé toual k-ap kouri nan min moun k-ap fè-l la, yo fini san okinn espérans. Sonjé sé van lavi-m yé, jé-m pap tounin pou-l ouè byin yo ankò ».

Paròl Granmèt la.

PSÒM RÉPONS

Ps 146, 1-2. 3-4. 5-6 (R: cf. 3 a)

R: Fè louanj Granmèt la, li minm ki géri kè ki krazé yo.

oubyin : Alélouya.

- 1 Fè louanj Granmèt la, paské sa bon pou yo chanté pou Bondié nou, paské sa bon pou fè louanj.
- 2 Granmèt la bati Jérusalèm, li rasanblé moun Israèl yo ki té gayé yo. R:
- 3 Li minm ki géri kè ki krazé, ki pansé koté yo blésé yo ;
- 4 ki konté kantité zétoual yo, ki rélé yo tout sou non yo. R:
- 5 Granmèt nou-an gran, pouvoua-l gran, yo pa kapab sondé sajès li.
- 6 Granmèt la soutni moun ki dosil yo, min li rabésé péchè yo jous atè. R:

DÉZIÈM LÉKTU

Malè pou mouin, si-m pa préché lévanjil la.

Léktu premié lèt apot sin Pòl pou Korintyin yo 9, 16-19. 22-23

Frè-m yo :

Si m-ap préché Bòn Nouvèl la, sé pa yon tit louanj li yé pou mouin, sé yon nésésité ki tonbé sou mouin. Malè pou mouin, si-m pa préché !

Si-m fè sa ak pròp volonté-m, mouin résévoua rékonpans ; min si sé yon obligasion, sé sèvis Bondié konfié-m nan mouin fè. Ki rékonpans mouin ? Sèké antan m-ap préché bòn nouvèl la, mouin bay bòn nouvèl la san-m pa chèché intèrè, pou-m pa fè égzijan sou pouvoua mouin ginyin nan Bòn Nouvèl la.

Sèké, malgré mouin lib parapò a tout moun, mouin vi-n tounin sèvitè tout moun, pou-m kapab pran tèt anpil moun. Mouin vi-n fèb avèk sa yo ki fèb yo, pou-m kapab pran tèt sa-k fèb yo, mouin adapté-m ak tout moun, pou-m kapab sovè tout moun. Mouin fè tout bagay poutèt Bòn Nouvèl la, pou-m kapab jouinn pòsion pa-m nan li.

Paròl Grammèt la.

ALÉLOUYA

Mt 8, 17

℞ Alélouya. Li minm minm li té pran féblès nou yo,
li té poté maladi nou yo. ℞ Alélouya.

ÉVANJIL

Li géri anpil moun ki té trakasé avèk anpil kalité maladi.

✠ **Léktu sint Évanjil la dapré Mark** 1, 29-39

Lè sa-a :

Jézu soti nan sinagòg la, li rivé nan kay Simon ak André ak Jak ak Jan. Bèl-mè Simon-an té kouché avèk lafièv, minm lè-a yo palé-l osijè-l. Li proché, li soulvé-l, li kinbé min-l ; minm lè-a lafièv la pati, épi li t-ap sèvi yo.

Lè asouè rivé, pandan solèy la t-ap kouché, yo minnin tout moun ki malad ba li, ni moun ki gin démon ; tout vil la té rasanblé dévan pòt la. Li

géri anpil moun ki t-ap souffri avèk divès maladi, li chasé anpil démon ; li pa-t kite yo palé, paské yo té konnin-l.

Granmatin li lévé, li soti, l-al nan yon koté ki dézè, épi li t-ap priyé la. Simon minm rapousuiv li, ni moun ki té avèk li yo ; lè yo jouinn li, yo di-l : « Sé tout moun k-ap chèché-ou ».

Li di yo : « An-al nan bouk yo ki tou pré yo ak nan vil yo, pou nou préché la ; sé pou sa minm mouin vini ». Li t-ap préché nan sinagòg yo, ak nan tout Galilé-a, li t-ap chasé démon yo.

Paròl Granmèt la.

Dimanch, ané C

PRÉMIÉ LÉKTU

Min mouin, voyé-m.

Léktu liv profèt Izayi

6, 1-2 a. 3-8

Ané roua Ozias mouri, mouin ouè Granmèt la ki chita sou yon tro-n byin ro ; sa-k anba-l yo té plin tanp la. Sérafin yo té kanpé anlè-l : yo chak té gin sis zèl ; dé pou yo kouvri fas yo, dé pou yo kouvri pié yo, dé pou yo volé.

Youn t-ap rélé bay lòt, yo t-ap di : « Li sm, li sin, li sin, Granmèt Bondié lamé yo ; tout tè-a plin ak gloua li ». Gon pòt yo souké ak voua sa-a ki t-ap rélé-a, kay la vi-n plin ak lafimin.

Mouin di : « Malè pou mouin, paské mouin pé bouch mouin, paské mouin sé yon moun ki gin po bouch mouin sal, mouin abité nan mitan yon pèp ki gin po bouch li sal, époutan mouin ouè Roua-a, Granmèt lamé yo, ak pròp jé-m ».

Youn nan Sérafin yo volé koté-m, li té gin yon brèz difé nan min-l, li té pran-l sou lotèl la ak pinsèt ; li touché bouch mouin, li di : « Gadé, sa-a touché po bouch ou, fot ou-a éfasé, péché-ou la pròpté ».

Mouin tandé voua Granmèt la k-ap di : « Kilès m-ap voyé ? Ki moun k-apralé pou nou ? » Mouin di : « Min mouin, voyé-m ».

Paròl Granmèt la.

PSÒM RÉPONS

Ps 137, 1-2 a. 2 bc-3. 4-5. 7 c-8 (R : 1 c)

- R: Dévan fas anj yo, m-ap chanté pou ou, Granmèt.
- 1 M-ap fè louanj ou, Granmèt, ak tout kè-m,
paské ou tandé paròl bouch mouin.
- 2 Dévan fas anj yo m-ap chanté pou ou,
m-ap adoré-ou nan tanp ou-a ki sin-an. R:
- M-ap fè louanj pou non-ou,
pou mizérikòd ou ak vérité-ou,
paské ak promès ou-a ou fè mèvèy ki dépasé tout non.
- 3 Ninpòt ki jou mouin rélé-ou, ou kouté-m ;
ou mété anpil fòs nan nanm mouin. R:
- 4 Tout roua yo sou tè-a ap fè louanj ou, Granmèt,
paské yo tandé promès bouch ou.
- 5 Y-ap chanté rout Granmèt la,
paské gloua Granmèt la gran. R:
- 7 Sé pou min douat ou sové-m.
- 8 Sé pou Granmèt la réalizé travay la pou mouin ;
Granmèt, mizérikòd ou pou tout tan ;
pa lagé travay min-ou yo. R:

DÉZIÈM LÉKTU

*Sé konsa nou préché, sé sa nou té kouè.***Léktu prémié lèt apot sin Pòl pou Korintyin yo****15, 1-11**

Frè-m yo, mouin fè nou konnin Bòn Nouvèl la mouin té préché nou-an, li minm nou té résévoua-a, nan li nou rété fèm nan, gras a li n-ap sové-a, nan mézi nou rété fèm nan sa-m té préché nou-an, otréman, sé pou granmési nou t-a kouè.

Sa-m transmèt nou-an, sé sa-m té résévoua toudabò : Kris la mouri pou péché nou yo, dapré labib la, yo antéré-l, li lévé sou touazièm jou-a, dapré labib la, Séfas ouè-l, apré sé onz yo. Apré sa ankò gin plis pasé sansinkant frè ansanm ki ouè-l, nan yo ginyin anpil k-ap viv jous koulié-a toujou, ginyin ki mouri. Apré sa sé Jak ki ouè-l apré sa sé tout apot yo ; alafin apré tout moun, sé mouin minm ki ouè-l, mouin minm ki tankou yon timoun ki fèt anvan tèm.

Sé mouin minm réyèlman ki pi piti nan apot yo, mouin pa mérité yo rélé-m apot, paské mouin té pèsékité Égliz Bondié-a. Sé poutèt gras Bondié-a mouin sa-m yé-a, gras li-a pa vid nan mouin, okontrè mouin travay plis pasé yo tout, sé pa mouin minm, min sé gras Bondié-a avèk mouin.

Soua mouin minm, soua yo minm sé konsa nou préché, épi sé konsa nou té kouè.

Paròl Granmèt la.

oubyin pi kout

Léktu prémié lèt apot sin Pòl pou Korintyin yo

15, 3-8. 11

Frè-m yo :

Sa-m transmèt nou-an, sé sa-m té résévoua dabò : Kris la mouri pou péché nou yo, dapré labib la, yo antéré-l, li lévé sou touazièm jou-a, dapré labib la, Séfas ouè-l, apré sé onz yo. Apré sa ankò gin plis pasé sansinkant frè ansanm ki ouè-l, nan yo ginyin anpil k-ap viv jous koulié-a toujou, ginyin ki mouri.

Apré sa sé Jak ki ouè-l, apré sa sé tout apot yo ; alafin apré tout moun, sé mouin minm ki ouè-l, mouin minm ki tankou yon timoun ki fèt anvan tèm.

Soua mouin minm, soua yo minm sé konsa nou préché, épi sé konsa nou té kouè.

Paròl Granmèt la.

ALÉLOUYA

Mt 4, 19

R: Alélouya. Vini apré-m, sé sa Granmèt la di,
épi m-ap fè nou konn fè lapèch moun. **R:** Alélouya.

ÉVANJIL

Yo kité tout bagay, yo suiv li.

✠ Léktu sint Évanjil la dapré Luk

5, 1-11

Lè sa-a :

Kòm foul yo té gonflé sou Jézu pou yo kouté paròl Bondié-a, li té kanpé bò létan Jénézarèt la. Li ouè dé batiman ki akosté bò létan-an ; péchè yo té désann, yo t-ap lavé filè yo. Li monté nan yon batiman, sa-k té pou Simon-an, li mandé-l pou-l rékilé yon ti kras sot sou tè-a. Li chita, l-ap bay ansègnman nan batiman-an, pou foul yo.

Lè-l fi-n palé, li di Simon : « Pousé nan fon, lagé filè nou yo pou lapèch la ». Simon pran laparòl, li di-l : « Mèt, tout nannuit, nou fatigé kò nou, san nou pa pran anyin ; sèlman sou paròl ou, n-ap lagé filè-a ». Yo fè sa, yo ranmasé yon pakèt kantité pouason ; filè yo-a t-ap chiré. Yo fè sign bay asosié yo, ki té nan lòt batiman-an, pou yo vi-n édé yo. Yo vini, yo plin tou lè dé batiman yo, atèl pouin yo t-ap koulé.

Lè Simon Piè ouè sa, li lagé kò-l nan pié Jézu, li di : « Ralé kò-ou sot koté-m, paské sé yon péchè mouin yé, Granmèt ». Sézisman té anvayi-l, ni tout moun ki té avèk li, nan lapèch pouason yo yo té pran-an ; sé minm jan tou pou Jak avèk Jan, pitit Zébédé yo, ki té asosié Simon. Jézu di Simon : « Pa pè ; apati koulié-a, sé moun ou-ap pran lapèch ».

Yo rédi batiman yo atè, yo kité tout bagay, yo suiv li.

Paròl Granmèt la.

Lindi

Ané 1

PRÉMIÉ LÉKTU

Bondié palé, sa fèt konsa.

Kòmansman liv Jénèz la

1, 1-19

Nan kòmansman, Bondié té kréyé sièl la ak tè-a. Tè-a minm té san konsistans, li té vid, fènoua yo té sou fas bafon-an, Éspri Bondié t-ap plané anlè dlo yo.

Bondié di : « Sé pou limiè fèt ». Épi limiè-a fèt. Bondié ouè limiè-a bon, li séparé limiè-a ak fènoua yo. Li rélé limiè-a « jou », épi fènoua yo « nuit ». Vi-n gin yon asouè ak yon matin, premié jou.

Bondié di ankò : « Sé pou vi-n gin yon sipò nan mitan dlo yo, pou-l séparé dlo yo ak dlo yo ». Bondié fè sipò-a, li séparé dlo yo, ki té anba sipò-a, avèk sa-k té anlè sipò-a. Sa fèt konsa. Bondié rélé sipò-a « sièl ». Vi-n gin yon asouè ak yon matin, dézièm jou.

Bondié di : « Sé pou dlo yo ki anba sièl la rasanblé yon sèl koté, pou pati sèk la parèt ». Sa fèt konsa. Bondié rélé pati sèk la « tè », dlo yo ki rasanblé yo, li rélé yo « lanmè ». Bondié ouè sa bon.

Bondié di : « Sé pou tè-a jèmin zèb vèt ki fè sémans, ak pié boua ki kapab bay foui, ki donnin foui dapré ras yo, ki gin sémans nan yo sou tè-a ». Sa fèt konsa. Tè-a bay zèb vèt, ki fè sémans dapré ras yo, ak pié boua ki donnin foui, ki gin sémans yo yo chak dapré espès yo. Bondié ouè sa té bon. Vi-n gin yon asouè ak yon matin, touazièm jou.

Bondié di : « Sé pou gin limiè nan sipò sièl la, pou yo séparé lajounin ak lannuit ; sé pou yo kléré nan sipò sièl la, pou yo kléré tè-a ». Sa fèt konsa. Bondié fè dé gran limiè : pi gran limiè-a, pou kòmandé jou-a, pi piti limiè-a, pou kòmandé nannuit la, épi li fè zétoual yo tou. Li mété yo nan sipò sièl la, pou yo kléré sou tè-a, pou yo kòmandé sou lajounin ak lannuit, épi pou yo séparé limiè-a ak fènoua yo. Bondié ouè sa té bon. Vi-n gin yon asouè ak yon matin, katriyèm jou.

Paròl Granmèt la.

PSÒM RÉPONS

Ps 103, 1-2 a. 5-6. 10 é 12. 24 é 35 c (R : 31 b)

R: Sé pou Granmèt la kontan nan travay li yo.

¹ Fè konpliman pou Granmèt la, nanm mouin :

Granmèt Bondié-m, ou gran anpil.

Ou abiyé ak louanj, ak gloua,

² ou vlopé ak limiè tankou yon rad. R:

⁵ Ou minm ki fikse tè-a sou baz li,

li pap panché pou tout tan k-ap gin tan.

⁶ Bafon-an kouvri-l tankou yon rad,

anlè mòn yo dlo yo té rét kanpé. R:

¹⁰ Ou minm ki voyé sous yo nan ravi-n yo ;

nan mitan mòn yo y-ap travèsé.

¹² Anlè yo zouazo sièl yo ap abité,

nan mitan branch yo y-ap fè tandé voua yo. R:

- ²⁴ Ala anpil travay ou yo anpil, Granmèt :
 yo tout sé ak sajès ou fè yo,
 tè-a plin ak kréati-ou.
- ³⁵ Fè konpliman pou Granmèt la, nanm mouin. **R**

Ané 2

PRÉMIÉ LÉKTU

*Yo poté arch aliens la nan Sin Sin yo,
 niaj la plin kay Granmèt la.*

Léktu prémié liv Roua yo

8, 1-7. 9-13

Jou sa yo :

Tout chèf Israèl yo rasanblé avèk chèf ras yo ak chèf fanmiy pitit Israèl yo, yo vi-n kot roua Salomon Jérusalèm, pou yo poté arch aliens Granmèt la sot nan vil David la, sa vlé di Siyon. Tout Israèl rasanblé kot roua Salomon nan moua Étamin pi gran jou fèt la (sé sètièm moua-a). Tout ansyin yo nan Israèl, yo rivé, prèt yo pran arch la, yo poté arch Granmèt la ak tant aliens la ak tout véso tanp la, ki té nan tant la, prèt yo ak lévit yo t-ap poté yo.

Roua Salomon ak tout foul Israèl la, ki té vi-n koté-l la, yo t-ap monté avèk li dévan arch la ; yo t-ap sakrifé mouton ak bèf san yo pa kapab kalkilé pri yo ni kantité yo. Prèt yo fè arch aliens Granmèt la antré nan koté pou-l té yé-a, nan plas priyé tanp la, nan Sin Sin yo, anba zèl Chéribin yo ; konsa Chéribin yo té louvri zèl yo anlè koté arch la té yé-a, yo t-ap protéjé arch la avèk baro-l yo ki té anlè-l yo. Nan arch la minm pa-t gin anyin sof dé galèt ròch, sa Moyiz té dépozé ladan-l nan Orèb la, lè Granmèt la té ékri aliens la avèk pitit Israèl yo lè yo t-ap soti nan péyi Éjip la.

Rivé, lè prèt yo antré nan tanp la, niaj la plin kay Granmèt la, prèt yo pa-t kapab kanpé pou yo fè sèvis la akoz niaj la ; sèké gloua Granmèt la té plin kay Granmèt la.

Lè sa-a Salomon di : « Granmèt la di pou-l abité nan niaj la. Mouin bati yon kay pou-ou abité, sé tro-n ou ki solid pou tout tan ».

Paròl Granmèt la.

PSÒM RÉPONS

Ps 131, 6-7. 8-10 (**R** : 8 a)

R Lévé, Granmèt, al nan répo ou.

- 6 Min nou tandé li nan Éfrata,
nou jouinn li nan boua Yaar yo.
- 7 An nou antré nan tant li-a.
An nou adoré nan machéskalié pié-l. **R:**
- 8 Lévé, Granmèt, nan répo-ou,
ou minm ak ach fòs ou-a.
- 9 Prèt ou yo abiyé ak jistis,
sin-ou yo kontan.
- 10 Poutèt David, sèvitè-ou la,
pa viré fas Kris ou-a. **R:**

ALÉLOUYA

Cf. Mt 4, 23

R: Alélouya. Jézu t-ap préché Bòn Nouvèl péyi-roua-a,
épi li t-ap géri tout maladi nan pèp la. **R:** Alélouya.

ÉVANJIL*Tout moun ki té touché-l, yo té sové.***✠ Léktu sint Évanjil la dapré Mark****6, 53-56**

Lè sa-a :

Lè Jézu avèk disip li yo fi-n travèsé lòt bò lanmè-a, yo rivé nan péyi Jénézarèt la, yo akosté.

Pandan y-ap soti nan batiman-an, minm lè-a yo rékonèt yo ; moun yo kouri nan tout réjion sa-a, yo kòmansé poté moun ki té malad yo sou kabann, koté yo té tandé li té yé. Koté-l té antré, nan bouk yo, nan abitasion yo oubyin nan vil yo, yo té konn plasé malad yo sou plas yo, yo té konn ap priyé-l, pou-l kité yo touché ti fil rad li. Tout moun ki té Itonn touché-l, yo té konn sové.

Paròl Granmèt la.

Madi

Ané 1

PRÉMIÉ LÉKTU

*An nou fè moun nan nan pòtré nou,
pou-l sanblé ak nou.*

Léktu liv Jénèz la

1, 20-2, 4 a

Bondié di ankò : « Sé pou dlo yo bay bèt k-ap glisé, ki gin lavi, avèk zouazo sou tè-a anba sipò sièl la ». Bondié kréyé gran pouason yo ak tout kalité bèt vivan, ak sa ki gin mouvman, sa dlo yo bay dapré espès yo, épi tout kalité zouazo dapré ras yo. Bondié ouè sa té bon, li béni yo, li di : « Dévlopé, vi-n anpil, plin dlo lanmè-a, sé pou zouazo yo vi-n anpil sou tè-a ». Vi-n gin yon asouè ak yon matin, sinkièm jou.

Bondié di ankò : « Sé pou tè-a bay bèt vivan nan ras yo, bèt chaj ak sa k-ap glisé atè, ak tout bèt tè-a, dapré espès yo ». Sa fèt konsa. Bondié fè bèt tè-a dapré espès yo, ni bèt chaj yo, ni tout sa k-ap glisé atè-a dapré ras yo. Bondié ouè sa té bon.

Li di : « An nou fè moun nan sou pòtré nou ak résanblans nou ; sé pou-l kòmandé sou pouason lanmè yo ak zouazo sièl yo ak tout bèt tè-a ak tout sa k-ap glisé atè, ki gin mouvman sou tè-a ». Bondié kréyé moun nan sou pòtré-l ; sou pòtré Bondié li kréyé-l, gason ak fi li kréyé yo.

Bondié béni yo, li di : « Dévlopé, vi-n anpil, plin tè-a, mété-l anba lòd nou ; sé pou nou kòmandé sou pouason lanmè-a ak zouazo sièl la ak tout bèt vivan, ki gin mouvman sou tè-a ».

Bondié di : « Min mouin ba nou tout zèb ki poté sémans sou tè-a ak tout kalité pié boua ki gin sémans ras yo nan yo, pou yo sèvi nou kòm manjé, ni pou tout bèt vivan sou tè-a, ni pou tou sa ki an mouvman sou tè-a, ki gin lavi nan yo, pou yo kapab jouinn manjé ». Sa fèt konsa. Bondié ouè tou sa-l té fè yo, yo té bon anpil. Vi-n gin yon asouè ak yon matin, sizièm jou.

Konsa sièl la ak tè-a réyalizé, ak tout dékoration yo. Sètièm jou-a Bondié konplété travay li-a li té fè-a, li répozé sètièm jou-a pou tout travay li té fè yo.

Sé konsa sièl la ak tè-a té fèt lè yo té kréyé yo-a.

Paròl Granmèt la.

PSÒM RÉPONS

Ps 8, 4-5. 6-7. 8-9 (R: 2 a)

- R: Granmèt, Granmèt nou
ala gran non-ou gran sou tout tè-a !
- 4 Lè-m ouè sièl ou yo, travay douèt ou yo,
lali-n ak zétoual yo ou fiksé ;
- 5 sa moun nan yé, pou-ou sonjé-l ?
oubyin pitit moun nan, pou-ou vizité-l ? R:
- 6 Ou fè-l vi-n pi ba yon ti kras anba anj yo,
ak gloua ak konsidérasion ou kouronnin-l ;
- 7 ou instalé-l anlè travay min-ou yo.
Tout bagay, ou mété yo anba pié-l. R:
- 8 Ni mouton, ni bèf yo tout,
minm bèt nan rak boua yo,
- 9 zouazo sièl yo ak pouason lanmè yo,
tou sa k-ap déplasé nan santié lanmè yo. R:

Ané 2

PRÉMIÉ LÉKTU

*Ou té di : Non-m ap isit la,
pou-ou kouté priyè pèp ou Israèl.*

Léktu prémié liv Roua yo

8, 22-23. 27-30

Jou sa yo :

Salomon kanpé dévan lotèl Granmèt la an fas pèp Israèl la, li lonjé min-l nan sièl la, li di :

« Granmèt Bondié Israèl, pa gin dié ki sanblé avèk ou nan sièl la anlè-a ni sou tè-a anba-a, ki kinbé aliens ak mizérikòd pou sèvitè-ou yo, k-ap maché dévan-ou ak tout kè yo.

Konsa èské ou kouè réyèlman Bondié t-a abité sou tè-a ? Si sièl la ak sièl sièl yo pa kapab kinbé-ou, kòman kay sa-a mouin bati-a t-a kapab kinbé-ou ! Min voyé jé sou priyè sèvitè-ou la ak sou sa l-ap mandé-ou yo, Granmèt Bondié mouin. Kouté kantik ak priyè sèvitè-ou la ap priyé dévan-ou jodi-a. Sé pou jé-ou louvri sou kay sa-a nannuit ak lajounin, sou kay sa-a ou té di osijè-l la : “Non-m ap isit la” ; pou-ou kouté priyè sèvitè-ou la ap fè nan koté sa-a ba ou-a.

Pou-ou kouté priyè sèvitè-ou la ak pèp ou-a Israèl, tou sa y-ap mandé nan koté sa-a. Kouté nan koté ou abité-a, nan sièl la, épi, antan-ou kouté, padonnin ».

Paròl Granmèt la.

PSÒM RÉPONS

Ps 83, 3. 4. 5 é 10. 11 (R: 2)

- R: Ala rinmin nou rinmin tant-ou yo, Granmèt lamé yo !
- 3 Nanm mouin anvi, l-ap dépéri pou kay Granmèt la.
Kè-m ak chè-m ap dansé pou Bondié vivan-an. R:
- 4 Minm ti zouazo jouinn yon kay pou li,
toutrèl la jouinn yon nich, koté li dépozé ti pitit li yo :
lotèl ou yo, Granmèt lamé yo, roua-m ak Bondié-m. R:
- 5 Ala kontantman pou moun ki abité nan kay ou-a,
pou tout tan y-ap fè louanj ou.
- 10 Protéktè nou, gadé, Bondié,
voyé jé sou fas Kris ou-a. R:
- 11 Sèké yon jou nan kay ou yo pi bon pasé mil,
mouin chouazi rét sou papòt nan kay Bondié-m nan,
pasé pou-m abité nan tant péchè yo. R:

ALÉLOUYA

Ps 118, 36 a. 29 b

- R: Alélouya. Panché kè-m, Bondié, nan témouagnaj ou-a ;
épi laloua-ou la, ban mouin-l ak bon kè. R: Alélouya.

ÉVANJIL

*Nou lagé kòmandman Bondié yo,
nou kinbé abitid moun yo.*

✠ Léktu sint Évanjil la dapré Mark

7, 1 -13

Lè sa-a :

Farizyin yo rasanblé vi-n kot Jézu avèk kèk nan skrib yo ki té vi-n sot Jérusalèm. Kòm yo té ouè kèk nan disip li yo ki t-ap manjé avèk min yo sal, sa vlé di san lavé, yo fè yo répròch. Sèké Farizyin yo ak tout Juif yo, si yo pa lavé min yo souvan, yo pap manjé, pou yo kinbé abitid ansyin

yo. Lè yo sot déyò, si yo pa lavé kò yo, yo pap manjé ; pou yo kinbé anpil lòt bagay yo té transmèt yo : lavé godé, krich, véso an kuiv ak kabann.

Konsa Farizyin yo ak skrib yo mandé : « Pouki sa disip ou yo pa maché dapré abitud ansyin yo, min y-ap manjé manjé yo ak min yo sal ? »

Min li minm li réponn, li di yo : « Izayi té palé byin sou nou kòm profèt, bann ipokrit, jan sa ékri-a. “Pèp sa-a sé ak po bouch l-ap fè louanj mouin, min kè yo louin-m. Sé pou granmési y-ap ofri-m sèvis antan y-ap bay ansègnman ak kòmandman moun”. Nou kité kòmandman Bondié-a, nou kinbé abitud moun yo : N-ap lavé krich, godé ak dòt bagay konsa n-ap fè an kantité.

Li t-ap di yo : « Nou anilé kòmandman Bondié-a byin pròp, pou nou kinbé abitud pa nou. Moyiz té di : “Rèspékté papa-ou ak manman-ou” ; épi : “Moun ki madichonnin papa oubyin manman-l, sé pou-l mouri byin mouri”. Nou minm minm nou di : “Si yon moun di papa-l oubyin manman-l : Kòrban (sa vlé di kado), tou sa-m ginyin pou-m té ba ou-a” ; nou pa kité-l fè anyin ankò pou papa-l oubyin manman-l, nou chiré paròl Bondié-a pou abitud pa nou, sa nou minm nou transmèt ; épi sé konsa nou fè anpil bagay ».

Paròl Granmèt la.

Mèkrédi

Ané 1

PRÉMIÉ LÉKTU

*Granmèt Bondié pran moun nan,
li mété-l nan paradi plézi-a.*

Léktu liv Jénèz la

2, 4 b-9. 15-17

Jou Granmèt Bondié té fè sièl la ak tè-a, pa-t gin okinn ti pié boua ki té lévé sou tè-a, ni okinn zèb jadin pa-t ko jèmin ; sèké Granmèt Bondié pa-t fè lapli tonbé sou tè-a, pa-t ko gin moun pou té travay tè-a ; min yon ti sous t-ap monté sot nan tè-a pou-l rouzé tout fas tè-a.

Konsa Granmèt Bondié fòmé moun nan ak labou tè-a, li souflé yon souf lavi nan fas li, moun nan vi-n tounin yon nanm ki vivan.

Granmèt Bondié planté yon paradi plézi dépi nan kòmansman, li mété moun nan li té fòmé-a ladan-l. Ak tè rouzé-a, Granmèt Bondié fè tout kalité pié boua pousé, ki bèl pou gadé, ki dous pou manjé ; minm pié boua lavi-a té nan mitan paradi-a ak pié boua sians byin ak mal la.

Granmèt Bondié pran moun nan, li mété-l nan paradi plézi-a, pou-l travay li, pou-l gadé-l, li pasé-l lòd, li di : « Nan tout pié boua paradi-a ou mèt manjé ; min nan pié boua sians byin ak mal la, pa manjé ; paské jou ou-ap manjé ladan-l, ou-ap mouri byin mouri ».

Paròl Granmèt la.

PSÒM RÉPONS

Ps 103, 1-2 a. 27-28. 29 bc-30 (R: 1 a)

R: Fè konpliman pou Granmèt la, nanm mouin.

¹ Fè konpliman pou Granmèt la, nanm mouin :

Granmèt Bondié-m, ou gran anpil.

Ou abiyé ak louanj, ak gloua,

² ou vlopé ak limiè tankou yon rad. R:

²⁷ Yo tout ap tann ou,

pou ou ba yo manjé nan tan yo.

²⁸ Antan-ou ba yo, yo rasanblé,
antan-ou ouvri min-ou, ou plin yo ak byin. R:

²⁹ Lè-ou raplé éspri yo, y-ap mouri,

sé nan pousiè yo y-ap tounin.

³⁰ Ou-ap voyé éspri-ou, y-ap kréyé,

ou-ap réfè fas tè-a. R:

Ané 2

PRÉMIÉ LÉKTU

Larinn Saba-a ouè tout sajès Salomon.

Léktu prémié liv Roua yo

10, 1-10

Jou sa yo :

Larinn Saba-a, tandé palé répitasyon Salomon o non Granmèt la, li vi-
n chèché prèv nan li avèk dévinèt. Li antré Jérusalèm avèk anpil
konpagni avèk richès, avèk chamo k-ap poté losion ak lò yo pa kapab
konté minm ak bijou ki gin anpil valè, li rivé kot roua Salomon ; li di-l

tou sa-l té gin nan kè-l. Salomon aprann li tout bagay li té mandé yo ; pa gin yon paròl ki té kaché pou roua-a, pou-l pa-t réponn li.

Lè larinn Saba-a ouè tout sajès Salomon ak kay li té bati-a, ak manjé sou tab li, ak kay sèvitè yo, ak dispozision moun yo k-ap sèvi yo ak rad yo, ak moun k-ap vidé divin yo, ak sakrifis antié li t-ap ofri nan kay Granmèt la, li pa-t gin souf ankò ; li di roua-a :

« Sé vré, sa-m té tandé nan péyi-m nan osijè paròl ou yo ak sajès ou-a. Mouin pa-t kouè moun yo ki t-ap rakonté-m sa-a, joustan mouin vini mouin minm mouin ouè ak jé-m, mouin konstaté yo pa-t minm rakonté-m mouatié. Sajès ou ak travay ou pi gran pasé répitasion mouin té tandé-a.

Ala kontantman pou moun ou yo, ala kontantman pou sèvitè-ou yo, ki kanpé dévan-ou tout tan, k-ap kouté sajès ou-an. Sé pou Granmèt Bondié-ou la béni, li minm ou té fè plézi, ki mété-ou anro tro-n Israèl la, poutèt Granmèt la rinmin Israèl pou tout tan, épi li instalé-ou kòm roua, pou-ou fè jijman ak jistis ».

Li bay roua-a san vin piès lò, avèk anpil losion épi piè ki gin anpil valè. Yo pa-t janm poté kalité losion konsa ankò tankou sa rèn Saba-a té bay roua Salomon-an.

Paròl Granmèt la.

PSÒM RÉPONS

Ps 36, 5-6. 30-31. 39-40 (R : 30 a)

R: Bouch moun ki kòrèk la ap kalkilé sajès.

⁵ Rinmèt Granmèt la chémin-ou yo, éspéré nan li,

sé li minm k-ap aji ;

⁶ l-ap fè jistis ou lévé tankou limiè,

ak jijman-ou tankou midi. R:

³⁰ Bouch moun ki kòrèk la ap kalkilé sajès,

lang li ap palé jijman ;

³¹ laloua Bondié-l la nan kè-l,

pié-l pap tranblé. R:

³⁹ Sové moun ki kòrèk yo sové-a, li sot nan Granmèt la,

li sèvi yo protéksion nan tan tray la.

⁴⁰ Granmèt la ap édé yo épi l-ap libéré yo,

l-ap délivré yo sot nan min péchè yo, l-ap sové yo,
paské yo éspéré nan li. **R:**

ALÉLOUYA

Cf. Jan 17, 17 b. a

R: Alélouya. Paròl ou, Granmèt, sé vérité ;
fè nou vi-n sin nan vérité-a. **R:** Alélouya.

ÉVANJIL

Sé sa-k soti nan moun nan, sé sa ki sal moun nan.

✠ Léktu sint Évanjil la dapré Mark

7, 14-23

Lè sa-a :

Jézu rélé foul la ankò, li t-ap di yo : « Kouté-m, nou tout, épi chèche konprann. Nan pouin anyin ki andéyò moun nan ki antré nan li, ki kapab sal li ; min sé sa-k soti nan moun nan, sé bagay sa yo ki sal moun nan. Si yon moun gin zòrèy pou-l tandé, sé pou-l tandé ».

Lè-l antré nan kay la, louin foul la, disip li yo pozé-l kèsion sou parabòl li-a. Li di yo : « Konsa ni nou minm tou nou pa gin konprann ? Nou pa konprann, kijan tou sa-k déyò ki antré nan moun nan pa kapab sal li, paské li pa antré nan kè-l, min sé nan vant li l-alé, épi li soti al nan koté ki séparé, pou-l pròpté tout manjé » ?

Li t-ap di : « Sé sa-k soti nan moun nan, sé sa-k sal moun nan. Sèké sé anndan-an, nan kè moun nan mové pansé ap soti, adiltè, mové plézi, touyé moun, vòlè, rinmin lajan, méchansté, riz, mové konduit, mové jé, blasfèm, pran pòz, manké réfléksion. Tout bagay sa yo ki mové yo, sé anndan yo soti, yo sal moun nan ».

Paròl Granmèt la.

Jédi

Ané 1

PRÉMIÉ LÉKTU

*Li minnin-l bay Adan.
Yo té dé nan yon sèl chè.*

Léktu liv Jénèz la

2, 18-25

Granmèt Bondié di : « Li pa bon pou moun nan sèl ; an nou fè yon èd pou li ki sanblé ak li ».

Konsa, Granmèt Bondié pran labou, li fòmé tout bèt tè-a ak tout zouazo sièl la, li minnin yo bay Adan, pou-l ouè kijan li t-ap rélé yo ; tou sa Adan rélé nan bèt vivan yo, sé non-l sa. Adan bay tout bèt vivan yo non yo, ni tout zouazo sièl la, ni tout bèt tè-a. Sèlman Adan pa-t jouinn yon èd ki sanblé ak li.

Sé poua Granmèt Bondié voyé yon gro dòmi lou nan Adan ; pandan l-ap dòmi, li pran youn nan kòt li yo, épi li plin chè nan plas la ; ak kòt la li té pran nan Adan-an, Granmèt Bondié fòmé yon madanm, li minnin-l bay Adan. Adan di :

« Sa-a koulié-a, sé zo ki sot nan zo-m yo, sé chè ki sot nan chè-m ; y-ap rélé sa-a “Madanm”, paské sé nan mésié-a yo té pran-l.

Sé poua mésié-a ap kité papa-l ak manman-l épi l-ap kolé kò-l kot madanm li, épi yo tou lè dé ap yon sèl chè.

Yo tou lè dé té ni-kò, ni Adan ni madanm li, min yo pa-t ront.

Paròl Granmèt la.

PSÒM RÉPONS

Ps 127, 1-2. 3. 4-5 (R: cf. 1 a)

R: Ala kontantman pou tout moun ki krinn Granmèt la.

¹ Ala kontantman pou tout moun ki krinn Granmèt la,
k-ap maché nan chémin-l yo.

² Sé travay min-ou ou-ap manjé,
ala kontantman pou ou, sa ap bon pou ou. R:

³ Madanm ou ap tankou yon pié rézin ki byin donnin
sou bò kay ou ;
piti ou yo ap tankou ti pié oliv ki fèk pousé
alantou tab ou-a. R:

- 4 Sé konsa moun nan béni,
moun sa-a ki krinn Granmèt la.
- 5 Sé pou Granmèt la béni-ou antan-l nan Siyon,
sé pou-ou ouè byin Jérusalèm
tou léjou lavi-ou. **R**

Ané 2

PRÉMIÉ LÉKTU

*Paské ou pa-t kinbé aliens la, m-ap chiré péyi-roua-ou la,
min m-ap bay pitit ou-a yon ras, poutèt David.*

Léktu prémié liv Roua yo

11, 4-13

Salomon té déjà fi-n vié, kè-l té gaté akoz médam yo ki té fè-l suiv dié étranjé yo : kè-l pa-t kòrèk nèt ankò avèk Granmèt Bondié-l la tankou kè David, papa-l. Min Salomon t-ap sèvi Achtarté, déès Sidonyin yo, ni Molòk, zidòl Amonit yo. Salomon fè sa-k pa fè Granmèt la plézi, li pa fè dévoua-l pou-l t-a suiv Granmèt la tankou David, papa-l la. Lè sa-a Salomon bati tanp Kamòs la, pou zidòl Moab la, sou mòn nan ki an fas Jérusalèm nan, avèk Molòk, zidòl pitit Amon yo. Sé konsa li fè pou tout médam étranjé li yo, ki t-ap boulé lansan, ki t-ap ofri sakrifis pou dié yo.

Konsa Granmèt la faché kont Salomon, poutèt éspri-l té viré louin Granmèt Bondié Israèl la, ki té parèt ba li dé foua-a, ki té pasé-l lòd éspré sou késion sa-a pou-l pa-t suiv dié étranjé yo, li pa-t kinbé sa Granmèt la té kòmandé-l la. Konsa Granmèt la di Salomon :

« Poutèt ou té gin bagay sa-a koté-ou, ou pa-t kinbé aliens mouin-an nan ak lòd mouin yo mouin té pasé-ou la, m-ap fè péyi-roua-ou la éklaté, m-ap chiré-l, m-ap rinnèt li nan min sèvitè-ou la. Sèlman sé pa nan jou-ou yo m-ap fè sa, akoz David papa-ou : sé nan min pitit ou-a m-ap chiré-l. Min sé pa tout péyi-roua-a m-ap ouété, sé yon sèl ras m-ap bay pitit ou-a, poutèt David sèvitè-m nan avèk Jérusalèm mouin té chouazi-a ».

Paròl Granmèt la.

PSÒM RÉPONS

Ps 105, 3-4. 35-36. 37 é 40 (**R** : 4 a)

R Sonjé nou, Granmèt, nan bon kè ou ginyin pou pèp ou-a.

- 3 Ala kontantman pou moun ki obsèvé jijman-l,
ki fè jistis nan tout okazion.
- 4 Sonjé nou, Granmèt, nan bon kè ou ginyin pou pèp ou-a,
vizité nou nan sèkou-ou la. **R:**
- 35 Yo mélanjé avèk nasion yo,
yo aprann aksion yo.
- 36 Yo sèvi zidòl yo,
yo vi-n tounin bariè pou yo. **R:**
- 37 Yo sakrifié pitit gason yo
ak pitit fi yo bay démon yo.
- 40 Kòlè Granmèt la boulé kont pèp li-a,
li vi-n rayi éritaj li-a. **R:**

ALÉLOUYA**Jk 1, 21 bc**

R: Alélouya. Nan dousè, résévoua paròl la ki planté nan nou-an,
ki kapab sovè nanm nou yo. **R:** Alélouya.

ÉVANJIL

Ti chyin yo manjé anba tab la nan mièt ti moun yo.

✠ Léktu sint Évanjil la dapré Mark**7, 24-30**

Lè sa-a :

Jézu lévé, l-al nan téritoua Tir ak Sidon ; li antré nan yon kay, li pa-t vlé pèsòn konnin, min li pa-t kapab rét kaché.

Gin yon madanm, minm lè li tandé palé osijè-l, li minm ki té gin yon pitit fi ki gin yon éspri papròp, li antré, li lagé kò-l nan pié-l. Madanm nan sé té yon payin, nan ras Sirofénisyin. Li t-ap priyé-l pou-l chasé démon-an sot nan pitit fi-l la.

Li di-l : « Kité ti pitit yo fi-n plin vant yo anvan ; sa pa bon pou pran pin ti moun yo, pou voyé-l bay chyin yo ».

Min li minm li réponn, li di-l : « Oui, Granmèt ; sèlman ti chyin yo konn manjé anba tab la nan mièt ti moun yo ».

Li di-l : « Poutèt paròl sa-a, ou mèt alé : démon-an soti nan pitit fi-ou la ». Lè-l al lakay, li jouinn ti fi-a kouché sou kabann nan, démon-an té pati.

Paròl Granmèt la.

Vandrédi

Ané 1

PRÉMIÉ LÉKTU

N-ap tankou dié yo ki konn ni byin ni mal.

Léktu liv Jénèz la

3, 1-8

Sèpan-an sé té pi rizèz nan tout bèt yo sou tè-a, sa Granmèt Bondié té fè yo. Li di madanm nan : « Pouki sa Bondié pasé nou lòd, pou nou pa manjé nan okinn pié boua paradi-a ? »

Madanm nan réponn : « Nan foui pié boua yo, ki nan paradi-a, nou gin doua manjé ; min nan foui pié boua, ki nan mitan paradi-a, Bondié pasé nou lòd pou nou pa manjé ladan-l, pou nou pa minm touché-l, otréman n-ap mouri ». Sèpan-an minm di madanm nan : « Sa pa vré ditou, nou pap mouri okinn. Sé paské Bondié konnin jou n-ap manjé ladan-l nan, jé nou ap louvri, n-ap vi-n tankou dié yo ki konnin ni byin ni mal ».

Madanm nan ouè kijan pié boua-a té bon pou manjé, li té bèl pou jé, aspè-l té bay plézi, li pran nan foui-a, li manjé, li bay mari-l la tou, ki manjé. Jé yo tou lé dé vi-n louvri. Lè yo rékonèt yo té ni-kò, yo koud fèy fig frans, yo fè rad pou pasé nan tay yo.

Kon yo tandé voua Granmèt Bondié k-ap maché nan paradi-a nan van-an apré midi-a, Adan kaché kò-l ak madanm li sot dévan fas Granmèt Bondié-a nan mitan pié boua paradi-a.

Paròl Granmèt la.

PSÒM RÉPONS

Ps 31, 1-2. 5. 6. 7 (R : 1 a)

R: Ala kontantman pou moun yo padonnin fot li.

¹ Ala kontantman pou moun yo padonnin fot li, yo kouvri péché-l.

- 2 Ala kontantman pou moun Granmèt la pa konsidéré kòm koupab, ki pa gin riz nan léspri-l. **R**
- 5 Péché-m nan, mouin fè-ou konnin-l, épi fot mouin-an, mouin pa kaché-l. Mouin di : « M-ap konfésé dévan-m fot mouin-an bay Granmèt la », épi ou minm ou padonnin fot péché-m nan. **R**
- 6 Sé poussa tout sin ap priyé koté-ou nan tan gras la. Nan délij gran dlo yo yo pap proche koté-l. **R**
- 7 Ou sé kachèt mouin, ou-ap protéjé-m sot nan tray la ; ou-ap vlopé-m ak fèt sové ou sové-m nan. **R**

Ané 2

PRÉMIÉ LÉKTU

Israël séparé sot nan kay David la.

Léktu prémié liv Roua yo

11, 29-32 ; 12, 19

Rivé nan tan sa-a, pandan Jéroboam t-ap soti Jérusalèm, profèt Ayias moun Silo-a, rankontré-l sou rout la, profèt la té abiyé ak yon manto nèf ; sé yo dé-a sèlman ki té an déyò-a.

Ayias pran manto nèf li-a, sa-l té abiyé avèk li-a, li chiré-l an douz moso, li di Jéroboam : « Pran dis moso pou ou ; sèké min sa Granmèt Bondié-a di Israël : “Min m-ap chiré péyi-roua-a sot nan min Salomon ; m-ap ba-ou dis ras. Sé yon sèl nan ras yo k-ap rété pou li, akoz sèvitè-m David avèk Jérusalèm, vil la mouin té chouazi nan pami tout ras Israël yo” ».

Israël séparé sot nan kay David la jous jodi-a.

Paròl Granmèt la.

PSÒM RÉPONS

Ps 80, 10-11 ab. 12-13. 14-15 (**R** : cf. 11 a é 9 a)

R Sé mouin minm ki Granmèt Bondié-ou la : kouté voua-m.

- 10 Pap gin dié étranjé nan ou,
ou pap adoré dié étranjé.
- 11 Sé mouin minm ki Granmèt Bondié-ou,
ki té fè-ou soti nan péyi Éjip la. **R:**
- 12 Pèp mouin-an pa kouté voua-m,
Israèl pa fè atansyon ban mouin.
- 13 Mouin lagé yo dapré kè yo ki rèd la,
y-ap maché nan lidé yo. **R:**
- 14 Si pèp mouin-an té kouté-m,
si Israèl té maché nan rout mouin yo,
- 15 yon ti moman mouin t-a krazé ènmi-l yo,
mouin t-a lonjé min-m sou sa yo k-ap fè-l pasé tray yo. **R:**

ALÉLOUYA

Cf. Tr 16, 14 b

R: Alélouya Louvri kè nou, Granmèt,
pou nou fè atansyon nan paròl Pitit ou-a. **R:** Alélouya.

ÉVANJIL

Li fè moun soud yo tandé, li fè baba yo palé.

✠ Léktu sint Évanjil la dapré Mark

7, 31-37

Lè sa-a :

Jézu soti nan téritoua Tir la, li travèsé Sidon, li rivé jous nan lanmè Galilé-a, nan mitan téritoua Dékapòl la.

Yo minnin yon moun soud ba li, moun nan té baba tou, yo t-ap priyé-l pou-l pozé min sou li. Li pran-l apa sot nan foul la, li mét douèt li nan zòrèy li, li kraché, li touché lang li ; li lévé jé nan sièl la, li pousé yon ti souf, li di-l : « Éféta », sa vlé di « Louvri ». Minm lè-a zòrèy li louvri, kòd lang li lagé, li t-ap palé kòrèk.

Li pasé yo lòd pou yo pa di pèsòn sa. Min plis li t-ap pasé lòd, sé plis yo t-ap préché sa.

Moun yo té sézi anpil, yo t-ap di : « li fè tout bagay byin : li fè moun soud yo tandé, li fè baba yo palé ».

Paròl Granmèt la.

Samdi

Ané 1

PRÉMIÉ LÉKTU

*Granmèt la voyé-l alé sot nan paradi plézi-a,
pou-l travay tè-a.*

Léktu liv Jénèz la

3, 9-24

Granmèt la rélé Adan, li di-l : « Koté nou ? »

Li di : « Mouin té tandé voua-ou nan jadin-an, mouin té pè, paské mouin té ni-kò, mouin té kaché kò-m ».

Li di-l : « Kilès ki té montré-ou ou té ni-kò, si sé pa paské ou té manjé nan pié boua-a, sa-m té pasé-ou lòd pou-ou pa-t manjé ladan-l nan ? »

Adan di : « Sé madanm nan ou té ban mouin kòm asosié-a, ki ban mouin nan pié boua-a, mouin manjé ».

Granmèt Bondié di madanm nan : « Pouki sa ou fè sa-a ? »

Li réponn : « Sé sèpan-an ki tronpé-m, mouin manjé ».

Granmèt Bondié di sèpan-an : « Poutèt ou fè sa, madichon pou ou nan pami tout vivan ak bèt sou tè-a : sou léstomak ou ou-ap maché, sé tè ou-ap manjé tou lé jou lavi-ou. M-ap mét rayisans ant ou minm ak madanm nan, ant ras ou ak ras pa-l ; li minm madanm nan l-ap krazé tèt ou, ou minm ou-ap mété pièj pou li nan talon-l ».

Madanm nan tou, li di-l : « M-ap fè-ou soufri anpil lè ou-ap ansint ; sé nan doulè ou-ap anfanté pitit yo, ou-ap anba pouvoua mari-a, li minm l-ap kòmandé sou ou ».

Kanta pou Adan minm li di : « Poutèt ou kouté voua madanm ou, ou manjé nan pié boua-a, sa-m té pasé-ou lòd pou-ou pa manjé ladan-l nan, tè-a madichonnin nan travay ou ; sé nan rédi ou-ap manjé ladan-l tout jou lavi-ou. Sé pikan ak chadron l-ap jèmin pou ou, ou-ap manjé zèb tè-a. Sé nan suè figi-ou ou-ap manjé pin, joutan ou tounin nan tè-a, koté yo té pran-ou nan ; paské sé pousiè ou yé, é sé nan pousiè ou-ap tounin ».

Adan rélé non madanm li « Èv », paské sé manman tout vivan yo li té yé.

Granmèt Bondié fè rad ak po bèt pou Adan ak madanm li, li abiyé yo, li di : « Min Adan vi-n tounin tankou youn nan nou, antan-l konnin byin

ak mal ; koulié-a pinga-l lonjé min-l pou-l pran nan pié boua lavi-a, pou-l manjé, pou-l viv tout tan ».

Granmèt Bondié voyé-l alé sot nan paradi plézi-a, pou-l travay tè-a, koté yo té pran-l nan. Li chasé Adan, li plasé Chéribin dévan paradi plézi-a ak yon épé k-ap flanbé, k-ap viré nan tout sans, pou-l véyé sou rout pié boua lavi-a.

Paròl Granmèt la.

PSÒM RÉPONS

Ps 89, 2. 3-4. 5-6. 12-13 (R : 1)

- R: Granmèt, ou sèvi nou kachèt,
sot nan jénérasyon al nan jénérasyon.
- 2 Anvan mòn yo fèt oubyin tè-a ak fas tè-a gin nésans,
dépi tout tan épi jous pou tout tan ou sé Bondié. R:
- 3 Ou fè moun nan tounin nan pousiè ;
ou di : « Tounin, pitit moun yo ».
- 4 Sèké mil ané dévan jé-ou
sé tankou jounin yè-a ki pasé,
ak yon vèy nan nuit. R:
- 5 Ou fè dòmi tonbé sou yo,
6 nan matin, y-ap tankou zèb k-ap pousé :
nan matin li fléri, li grandí,
nan asouè, li finnin, li séché. R:
- 12 Aprann nou konté jou nou yo,
pou nou mété kè nou nan chémin sajès la.
- 13 Tounin, Granmèt, jouskilè ?
Pran pitié pou sèvitè-ou yo. R:

Ané 2

PRÉMIÉ LÉKTU

Jéroboam fè dé toro an lò.

Léktu prémié liv Roua yo

12, 26-32 ; 13, 33-34

Jou sa yo :

Jéroboam di nan kè-l : « Koulié-a péyi-roua-a ap tounin nan kay David la, si pèp sa-a ap monté pou-l ofri sakrifis nan kay Granmèt la nan

Jérusalèm ; kè pèp sa-a ap tounin kot mèt li Roboam, roua Juda-a ; y-ap touyé-m, y-ap tounin al jouinn li ». Li réfléchi, li kalkilé avèk minis li yo, li fè dé toro an lò, li di yo : « Pa monté Jérusalèm ankò ; min dié-ou yo, Israèl, ki té fè-ou soti nan péyi Éjip la ». Li instalé youn Bètèl épi lòt la Dan. Bagay sa-a vi-n tounin péché ; pèp la té pran abitud al adoré toro-a jous Dan.

Li fè yon tanp sou yon rotè, li instalé prèt sot nan tout limit pèp la, yo pa-t sot nan pitit Lévi yo. Li mété yon jou gran fèt nan uitièm moua-a, kinzièm jou moua-a, sou modèl gran fèt yo té konn fété nan Juda-a. Li monté sou lotèl, li fè minm jan nan Bètèl, pou-l sakrifé bay toro yo li té fè-a ; li instalé prèt nan Bètèl pou rotè yo li té fè-a.

Jéroboam pa tounin sot nan mové chémin-l nan, min o kontrè li kontinié ap instalé prèt pou rotè yo sot nan ninpòt koté nan pèp la. Ninpòt moun ki té vlé, li té plin min-l, li té fè-l vi-n prèt pou rotè yo. Sé poutèt sa kay Jéroboam nan fè péché, li tonbé, li éfasé sot sou fas tè-a.

Paròl Granmèt la.

PSÒM RÉPONS

Ps 105, 6-7 a. 19-20. 21-22 (R: 4 a)

R: Sonjé nou, Granmèt nan bon kè ou ginyin pou pèp ou-a.

6 Nou fè péché avèk papa nou yo,
nou aji fason ki pa kòrèk, nou fè fot.

7 Papa nou yo nan Éjip la, yo pa-t konprann mèvèy ou yo. R:

19 Yo fè yon ti toro nan Orèb,
yo adoré yon pòtré ;

20 yo chanjé gloua yo
pou pòtré yon toro k-a manjé zèb. R:

21 Yo bliyé Bondié ki té sovè yo-a,
li minm ki té fè bagay éstraòdinè nan Éjip la,

22 mèvèy nan péyi Kam nan,
prodij nan lanmè Rouj la. R:

ALÉLOUYA

Mt 4, 4 b

R: Alélouya. Sé pa ak pin sèlman yon moun viv,
min ak tout paròl ki sot nan bouch Bondié. R: Alélouya.

ÉVANJIL

Yo manjé, yo gin vant plin.✠ **Léktu sint Évanjil la dapré Mark****8, 1-10**

Jou sa yo ankò, kòm foul la té anpil, épi yo pa-t gin anyin pou yo té manjé, Jézu rélé disip li yo, li di yo : « Mouin gin pitié sou foul la, paské min déjà toua jou yo kanpé avèk mouin, épi yo pa gin anyin pou yo manjé ; si-m ranvouayé yo san manjé lakay yo, y-ap tonbé féblès sou rout la : kèk nan yo minm vi-n sot byin louin ».

Disip li yo réponn li : « Koté yon moun kapab bay moun sa yo manjé pou satisfè apéti yo isit la nan dézè-a ? »

Li pozé yo késion : « Konbyin pin nou ginyin ? »

Yo di : « Sèt ».

Li pasé foul la lòd pou-l kouché atè-a li pran sèt pin yo, li di Bondié mèsì, li bay disip li yo pou yo ofri yo, yo ofri foul la. Yo té gin kèk ti pouason, li béni yo, li pasé lòd pou yo ofri yo.

Moun yo manjé, apéti yo satisfè ; yo ranmasé sak té rété nan moso yo, sèt panié. Époutan moun ki té manjé yo, yo té anviron kat mil, épi li ranvouayé yo.

Minm lè-a li monté nan batiman-an avèk disip li yo, li rivé nan réjion Dalmanouta.

Paròl Granmèt la.

SIZIÈM SÉMÈN ÒDINÈ

Dimanch, ané A

PRÉMIÉ LÉKTU

Li pa kòmandé pèsòn pou-l aji mal.

Léktu liv Sirasid

15, 16-21

Si-ou vlé kinbé kòmandman yo, y-ap prezèvé-ou, pou-ou rét fidèl ap fè-l plézi tout tan.

Li mété dlo ak difé dévan-ou ; koté-ou vlé, plonjé min-ou.

Dévan moun nan sé lavi ak lanmò, byin ak mal : sa-k fè-l plézi, li ba li-l.

Sèké sajès Bondié-a anpil, li minm ki fò nan pouvoua, li ouè tout bagay san rété.

Jé Granmèt la sou moun ki krinn li yo, li konnin tout travay moun nan.

Li pa kòmandé pèsòn pou-l aji mal, li pa bay pèsòn avantaj pou fè péché.

Paròl Granmèt la.

PSÒM RÉPONS

Ps 118, 1-2. 4-5. 17-18. 33-34 (R: 1 b)

R: Ala kontantman pou moun k-ap maché nan laloua Granmèt la.

¹ Ala kontantman pou moun ki intak sou rout la,
k-ap maché nan laloua Granmèt la.

² Ala kontantman pou moun ki kinbé témouagnaj li yo,
k-ap chèché-l ak tout kè yo. R:

⁴ Ou minm ou pasé lòd
pou yo obsèvé kòmandman-ou yo byin.

⁵ Mouin souété pou rout mouin yo dirijé
pou yo kinbé désizion-an yo. R:

¹⁷ Fè sèvitè-ou dibyin, m-a viv,
m-a kinbé paròl ou-a.

¹⁸ Dévoualé jé-m,
m-a konsidéré mèvèy nan laloua-ou la. R:

- 33 Pozé laloua-a pou mouin, Granmèt, chémin désizion-ou yo,
m-a obsèvé yo tout tan.
- 34 Ban-m intélijans, m-a obsèvé laloua-ou la,
m-a kinbé-l ak tout kè-m. **R**

DÉZIÈM LÉKTU

*Bondié fiksé sajès la davans anvan sièk tan yo,
pou gloua nou.*

Léktu prémié lèt apot sin Pòl pou Korintyin yo

2, 6-10

Frè-m yo :

Sé sajès n-ap palé nan pami moun ki kòrèk yo, min yon sajès ki pa sot nan sièk sa-a ni nan chèf sièk sa-a, yo minm k-ap disparèt la.

Min n-ap palé sajès Bondié nan mistè, sa-k kaché-a, sa Bondié mété apa davans dépi anvan sièk tan yo pou gloua nou-an li minm okinn nan chèf sièk sa-a pa-t konnin ; paské si yo té konnin-l, yo pa t-a janm klouré Granmèt gloua-a sou koua-a. Min, jan sa ékri-a, sa « jé pa-t ouè, ni zòrèy pa-t tandé, sa ki pa-t monté nan kè moun, sa Bondié té paré pou sa yo ki rinmin-l nan ».

Sèlman Bondié dévoualé nou li pa lintèmédiè Éspri-l la. Sèké Éspri-a sondé tout bagay, jous profondè Bondié.

Paròl Granmèt la.

ALÉLOUYA

Cf. Mt 11, 25

R Alélouya. Konpliman pou ou, Papa, Granmèt sièl la ak tè-a,
paské ou dévoualé mistè péyi-roua-a nan bay ti moun piti yo. **R**
Alélouya.

ÉVANJIL

*Sé konsa yo té di ansyin yo ;
mouin minm minm mouin di nou.*

✠ Léktu sint Évanjil la dapré Matié

5, 17-37

Lè sa-a : Jézu di disip li yo :

« Pa konprann mouin vini pou-m défèt laloua-a oubyin Profèt yo : mouin pa vi-n défèt, min réalizé nèt. Amèn mouin di nou, joustan sièl la

ak tè-a pasé, yon ti “i” oubyin yon ti trè pap pasé sot nan laloua-a, joutan tout bagay fèt.

Konsa moun k-ap défèt youn nan pi piti kòmandman sa yo épi k-ap aprann moun yo fè konsa, y-ap rélé-l pi piti nan péyi-roua sièl yo ; min moun k-ap fè, épi k-ap aprann, moun sa-a, y-ap rélé-l gran nan péyi-roua sièl yo.

Mouin di nou, si jistis nou pa dépasé pa skrib yo ak Farizyin yo, nou pap antré nan péyi-roua sièl yo.

Nou té tandé yo té di ansyin yo : “Pa touyé” ; moun ki touyé, li mérité jijman. Mouin minm mouin di nou : Tout moun ki fè kòlè kont frè-l, li mérité jijman. Moun ki di frè-l : “Tèt vid”, li mérité tribinal. Moun ki di : “Moun fou”, li mérité boukan difé-a. Konsa, si ou-ap ofri kado-ou dévan lotèl la, épi lè-ou rivé la, ou sonjé frè-ou gin kichòy kont ou, kité kado-ou la la minm dévan lotèl la, al rékonsilié avèk frè-ou la anvan ; apré sa ou-a vini, ou-a ofri kado-ou la.

Mété-ou dakò avèk ènmi-ou nan byin vit, pandan-ou sou rout avèk li ; pou ènmi-ou nan pa rimmèt ou nan min jij la, pou jij la pa rimmèt ou bay gad la, pou yo pa voyé-ou nan prizon. Amèn mouin di-ou, ou pap soti la, joutan ou rimmèt dènié santim nan. Nou té tandé yo té di ansyin yo : “Pa fè mové plézi”. Mouin minm mouin di nou : Tout moun ki gadé yon madanm pou-l anvi-l, li déjà fè mové plézi avèk li nan kè li. Si jé douat ou vlé fè-ou tonbé nan péché, raché-l, jété-l louin-ou ; li pi bon pou ou pou youn nan manb ou yo pèdi, pasé pou yo jété tout kò-ou nan difé. Si min douat ou fè-ou tonbé nan péché, koupé-l, jété-l louin-ou ; li pi bon pou ou pou yon sèl nan manm ou yo pèdi, pasé pou tout kò-ou alé nan difé.

Yo té di tou : “Si yon moun ranvouayé madanm li, sé pou-l ba-l biyé divòs”. Mouin minm mouin di nou : Yon moun ki ranvouayé madanm li, sof si li minm ak madanm nan t-ap viv nan plézi lachè san yo pa marié, li fè-l vi-n tounin adiltè, moun ki marié avèk yon divòsè, li fè adiltè.

Nou té tandé ankò yo té di ansyin yo : “Pa fè sèman, rimmèt Granmèt la sa-ou promèt nan sèman-ou yo”. Mouin minm mouin di nou pou nou pa fè sèman ditou : ni sou sièl la, paské sé tro-n Bondié li yé ; ni sou tè-a, paské sé machéskalié pié-l ; ni sou Jérusalèm, paské sé vil gran roua-a ; ni pa fè sèman sou tè ou paské ou pa kapab fè yon sèl chévé vi-n blan oubyin noua.

Sé pou paròl ou “oui, oui ; non, non” ; sa-k an plis nan bagay sa yo, sé nan pabon-an li soti ».

Paròl Granmèt la.

oubyin pi kout

✠ **Léktu sint Évanjil la dapré Matié** 5, 20-22 a. 27-28. 33-34 a. 37

Lè sa-a Jézu di disp li yo :

« Mouin di nou, si jistis nou pa dépasé pa profèsè yo ak Farizyin yo, nou pap antré nan péyi-roua sièl yo.

Nou té tandé yo té di ansyin yo : “Pa touyé” ; moun ki touyé, li mérité jijman. Mouin minm mouin di nou : Tout moun ki fè kòlè kont frè-l, li mérité jijman.

Nou té tandé yo té di ansyin yo : “Pa fè mové plézi”. Mouin minm mouin di nou : Tout moun ki gadé yon madanm pou-l anvi-l, li déja fè mové plézi avèk li nan kè li.

Nou té tandé ankò yo té di ansyin yo : “Pa fè sèman, rinmèt Granmèt la sa-ou promèt nan sèman-ou yo”. Mouin minm mouin di nou pou nou pa fè sèman ditou.

Sé pou paròl nou “oui, oui ; non, non” ; sa-k an plis nan bagay sa yo, sé nan pabon-an li soti ».

Paròl Granmèt la.

Dimanch, ané B

PRÉMIÉ LÉKTU

Lépré-a ap abité pou kont li andéyò vil la.

Léktu liv Lévitik

13, 1-2. 44-46

Granmèt la palé ak Moyiz ak Aaron, li di :

« Moun ki gin divès koulè ki lèvé nan po-l ak chè-l, soua bouton oubyin tankou yon bagay ki kléré, sa vlé di mak lalèp, sé pou yo minnin-l bay Aaron prèt la, oubyin bay youn nan pitit li yo.

Ninpòt ki moun ki taché ak lèp, sé pou yo mété-l apa dapré jijman prèt la, sé pou-l gin rad déchiré, tèt li san anyin sou li, bouch li kouvri, sé pou-l rélé byin fò pou-l di li sal, li pa pròp. Tout tan, li gin lèp la, li pa pròp, sé pou kont li pou-l rété andéyò bouk la ».

Paròl Granmèt la.

PSÒM RÉPONS

Ps 31, 1-2. 5. 11 (R: cf. 7)

R: Ou sé kachèt mouin, ou vlopé-m ak fèt sové-a.

¹ Ala kontantman pou moun yo padonnin fot li,
yo kouvri péché-l.

² Ala kontantman pou moun Granmèt la pa konsidéré kòm koupab,
ki pa gin riz nan éspri-l. **R:**

⁵ Péché-m nan, mouin fè-ou konnin-l,
épi fot mouin-an, mouin pa kaché-ou li,
épi mouin di : « M-ap konfésé dévan-m
fot mouin-an bay Granmèt la »,
épi ou minm ou padonnin fot péché-m nan. **R:**

¹¹ Fè kè nou kontan nan Granmèt la, fété, nou minm ki kòrèk yo.
Lévé tèt nou, nou tout ki gin kè nou douat yo. **R:**

DÉZIÈM LÉKTU

*Pran modèl sou mouin,
minm jan mouin pran modèl sou Jézu-Kri.*

Léktu prémié lèt apot sin Pòl pou Korintyin yo

10, 31-11, 1

Frè-m yo :

Soua n-ap manjé, soua n-ap bouè, soua n-ap fè ninpòt lòt bagay, fè tout bagay pou gloua Bondié. Pa sèvi bariè pou ni Juif yo, ni Grèk yo, ni Égliz Bondié-a ; minm jan mouin minm mouin té fè tout moun plézi nan tout bagay, san m-pa chèché sa-k itil mouin, min sa-k itil pakèt moun yo, pou yo kapab sové.

Pran modèl sou mouin, tankou mouin minm mouin pran modèl sou Jézu-Kri.

Paròl Granmèt la.

ALÉLOUYA

Lk 7, 16

R: Alélouya. Yon gran profèt lévé nan mitan nou,
épi Bondié vizité pèp li-a. R: Alélouya.

ÉVANJIL

Maladi lèp la kité-l, li géri.

✠ Léktu sint Évanjil la dapré Mark

1, 40-45

Lè sa-a :

Yon lépré vi-n kot Jézu, li priyé-l, li mèt ajénou, li di-l : « Si-ou vlé, ou kapab pròpté-m ». Jézu minm pran pitié pou li, li lonjé min-l, li touché-l, li di-l : « Mouin vlé, sé pou-ou géri ». Kon-l di sa, minm lè-a lèp la pati kité-l, li pròpté.

Li ménasé-l, minm lè-a li ranvouayé-l sèk, li di-l : « Gadé, pa di pèsòn sa ; min alé, fè chèf prêt yo ouè-ou, ofri pou gèrizon-ou nan sa Moyiz té kòmandé-a kòm témougnaj pou yo ».

Min li minm minm li pati, li kòmansé déklaré bagay la, li gayé nouvèl la, atèl pouin li pa-t kapab parèt aklè pou-l antré nan yon vil, min sé déyò nan koté dézè yo li té rété, yo té sot tout koté pou yo vi-n jouinn li.

Paròl Granmèt la.

Dimanch, ané C

PRÉMIÉ LÉKTU

*Ala malè pou moun ki mét konfians nan moun ;
ala kontantman pou moun ki mét konfians nan Granmèt la.*

Léktu liv profèt Jérémi

17, 5-8

Min paròl Granmèt la :

« Ala malè pou moun ki mét konfians nan moun, ki fè yon chè sèvi kòm bra-l, épi ki fè kè-l rékilé louin Granmèt la. L-ap tankou yon bayarònn nan dézè, li pap ouè klè byin-an ap rivé ; min l-ap abité nan koté ki sèk nan dézè, nan yon tè salé, koté moun pa abité.

Ala kontantman pou moun ki mét konfians nan Granmèt la, ki mét éspérans li nan Granmèt la, l-ap tankou yon pié boua yo transplanté sou bò dlo yo, ki plonjé rasi-n li yo nan fréchè, li pap pè lè chalè-a ap rivé : fèy li ap rét vèt, nan tan séchrès la li pap nan tèt chajé, li pap janm manké donnin foui ».

Paròl Granmèt la.

PSÒM RÉPONS

Ps 1, 1-2. 3. 4 é 6 (R : Ps 39, 5 a)

R Ala kontantman pou moun ki mét Granmèt la kòm éspérans li.

- 1 Ala kontantman pou moun ki pa alé nan réyinion
moun ki pa krinn Bondié yo,
ki pa kanpé nan chémin péchè yo,
ki pa chita nan group moun k-ap pasé laloua-a nan jouèt yo ;
- 2 min sé nan laloua Granmèt la volonté-l yé,
sé nan laloua-l la l-ap médité lajounin kon lannuit. R
- 3 L-ap tankou yon pié boua ki planté sou bò kouran dlo,
k-ap donnin foui-l nan tan li ;
li pap pèdi fèy li,
tou sa l-ap fè ap réyisi. R
- 4 Sé pa konsa pou moun ki pa krinn Bondié yo, sé pa konsa,
min y-ap tankou pousiè van ap voyé jété.
- 6 Sèké Granmèt la konnin chémin moun kòrèk yo,
min rout moun ki pa kòrèk yo ap péri. R

DÉZIÈM LÉKTU

Si Kris la pa résisité, lafoua nou pa vo anyin.

Léktu prémié lèt apot sin Pòl pou Korintyin yo

15, 12. 16-20

Frè-m yo :

Si y-ap préché Kris la résisité sot nan pami mò yo, kòman fè gin moun ki di nan pami nou, pa gin késion rézireksion mò yo ?

Vrèman, si pa gin rézireksion mò yo, Kris la pa résisité non plis tou. Si Kris la pa résisité, lafoua nou pa vo anyin ; nou nan péché nou toujou. Konsa moun k-ap dòmi nan Kris la yo, yo péri. Si sé pou lavi sa-a sèlman n-ap éspéré nan Kris la, nou pi mizérab pasé tout moun.

Koulié-a Kris la résisité sot nan pami mò yo, premié foui nan pami sa-
k t-ap dòmi yo.

Paròl Granmèt la.

ALÉLOUYA

Lk 6, 23 ab

℞ Alélouya. Fè kè nou kontan, dansé :
min rékonpans nou réyèlman anpil nan sièl la. ℞ Alélouya.

ÉVANJIL

*Ala kontantman pou pòv yo.
Ala malè pou nou, rich yo !*

✠ **Léktu sint Évanjil la dapré Luk** 6, 17. 20-26

Lè sa-a :

Jézu désann avèk douz yo, li rété yon koté ki gin anpil pié boua,
ansanm ak foul disip li yo, ak anpil pakèt foul moun ki sot nan tout Judé,
Jérusalèm, nan réjion bò lanmè-a, Tir ak Sidon.

Li lévé jé sou disip li yo, li t-ap di : « Ala kontantman pou pòv yo,
paské péyi-roua Bondié-a, li pou nou.

Ala kontantman pou nou minm ki grangou koulié-a, paské n-ap
konblé.

Ala kontantman pou nou minm k-ap kriyé, paské n-ap ri.

Ala kontantman pou nou, lè moun yo ap rayi nou, lè y-ap éskominié
nou, lè y-ap jouré nou, lè y-ap réjité non nou tankou bagay ki mové, akoz
Pitit moun nan. Fè kè nou kontan jou sa-a, dansé : sèké min rékonpans
nou anpil nan sièl la ; sé konsa papa yo té aji ak profèt yo.

Sèlman ala malè pou nou, nou minm ki rich yo, paské nou gin
konsolasion nou !

Ala malè pou nou, nou minm ki konblé, paské n-ap grangou !

Ala malè pou nou, nou minm k-ap ri koulié-a, paské n-ap gin lapinn,
n-ap kriyé !

Ala malè pou nou, lè moun yo ap fè konpliman pou nou ! Sé konsa
papa yo té aji avèk fo-profèt yo ».

Paròl Granmèt la.

Lindi

Ané 1

PRÉMIÉ LÉKTU

Kayin lévé kont frè-l Abèl, li touyé-l.

Léktu liv Jénèz la

4, 1-15. 25

Adan vi-n gin rélation avèk madanm li Èv, ki vi-n ansint, épi ki fè Kayin, li di : « Mouin posédé yon moun gras a Bondié ». Apré sa li fè frè-l la Abèl. Abèl minm té gadyin mouton, Kayin té kiltivatè.

Apré anpil jou, rivé Kayin t-al ofri nan foui tè-a kòm kado pou Granmèt la. Abèl tou té ofri nan premié pitit mouton-l yo, ak nan grès yo. Granmèt la voyé jé sou Abèl ak sou kado-l yo ; min kanta Kayin minm ak kado-l yo, li pa gadé yo. Kayin faché anpil, figi-l vi-n finnin.

Granmèt la di-l : « Pouki sa ou faché-a ? épi pouki sa figi-ou finnin-an ? Èské si-ou aji byin, ou pap jouinn rékonpans ; otréman si-ou aji mal, minm lè-a péché-a kanpé nan papòt la ? Min sé anba-ou anvi-l ap yé, sé ou minm k-ap krazé-l ».

Kayin di Abèl frè-l la : « An nou soti déyò ». Lè yo rivé nan jadin, Kayin lévé kont frè-l Abèl, li touyé-l.

Granmèt la di Kayin : « Kot Abèl frè-ou la ? »

Li réponn : « Mouin pa konnin ; èské sé gadyin frè-m nan mouin yé ? »

Li di-l : « Ki sa-ou fè ? Voua san frè-ou la ap rélé koté-m sot nan tè-a. Koulié-a madichon pou ou sou tè-a, ki louvri bouch li, ki résévoua san frè-ou la sot nan min-ou. Lè ou-ap travay li, tè-a pap ba-ou foui-l yo ; sé moun ki san kay ak san péyi ou-ap yé sou tè-a ».

Kayin di Granmèt la : « Krim mouin-an trò gran pou-m jouinn padon. Min-ou réjté-m jodi-a sot sou fas tè-a, mouin kaché louin fas ou, m-ap san kay ak san péyi sou tè-a ; konsa tout moun ki jouinn mouin, l-ap touyé-m ».

Granmèt la di-l : « Pa ditou, sa pap fèt konsa ; min tout moun k-ap touyé Kayin, y-ap pini-l sèt foua plis ». Granmèt la mété yon sign sou Kayin, pou tout moun ki jouinn li pa touyé-l.

Adan vi-n gin rélasion ankò avèk madanm li, li fè yon ti gason, li rélé non-l Sèt, li di : « Bondié ban-m yon lòt désandans nan plas Abèl, sa Kayin té touyé-a ».

Paròl Granmèt la.

PSÒM RÉPONS

Ps 49, 1 é 8. 16 bc-17. 20-21 (R : 14 a)

R Ofri sakrifis louanj bay Bondié.

- ¹ Bondié dié yo Granmèt la palé,
li rélé tè-a dépi kot solèy lévé jous koté-l kouché.
- ⁸ Sé pa nan sakrifis ou yo m-ap réglé kont avèk ou ;
sakrifis antié-ou yo dévan-m tout tan. **R**
- ¹⁶ Pouki sa ou-ap détayé kòmandman-m yo,
ou-ap mété téstaman-m nan nan bouch ou ?
- ¹⁷ Époutan ou rayi disipli-n,
ou voyé paròl mouin yo jété dèyè do-ou. **R**
- ²⁰ Lè-ou chita, sé kont frè-ou ou-ap palé,
sé kont pitit manman-ou ou-ap di bagay pou-ou avili-l.
- ²¹ Sé bagay sa yo ou té fè, épi mouin té pé bouch.
Ou té konprann mouin té sanblé avèk ou :
m-ap fè-ou ésplikasion, m-ap drésé yo kont fas ou. **R**

Ané 2

PRÉMIÉ LÉKTU

*Antan yo tanté lafoua nou, sa fè nou gin pasians,
pou nou kapab vi-n kòrèk nèt, pou nou san répròch.*

Kòmansman lèt apot sin Jak

1, 1-11

Jak, sèvitè Bondié ak Granmèt nou Jézu-Kri, pou douz fanmi yo, ki nan égzil la, salu.

Sé pou nou konsidéré sa kòm tout kalité kè kontan, frè-m yo, lè nou tonbé nan divès sikonstans k-ap tanté nou, paské nou konnin lè yo tanté lafoua nou, sa ba nou pasians. Pasians la minm gin yon travay ki kòrèk nèt, pou nou kapab kòrèk nèt, pou nou san répròch, san nou pa manké anyin.

Si youn nan nou manké sajès, sé pou-l mandé Bondié, ki bay tout moun dépasé mézi, san-l pa fè répròch, l-ap ba li. Sèlman sé pou-l mandé avèk lafoua, san-l pa fè ézitation ; paské moun k-ap ézité-a li sanblé ak lanm lanmè, ki kité van-an ap souké-l, ap fè-l fè lavironn. Moun sa-a pa bézouin konprann l-ap résévoua kichòy nan min Granmèt la. Moun ki dé kè-a li pa fidèl nan okinn chémin-l.

Frè-a ki nan kondision pòv la sé pou-l lévé tèt li nan rotè-l la ; min rich la li minm sé antan-l rabésé tèt li pou-l jouinn gloua, paské l-ap pasé tankou flè zèb. Solèy la lévé avèk chalè, li séché zèb la, flè-l la tonbé, bèl aparans li-a finnin : konsa tou rich la ap finnin nan chémin-l yo.

Paròl Granmèt la.

PSÒM RÉPONS

Ps 118, 67. 68. 71. 72. 75. 76 (R: 77 a)

R: Sé pou mizérikòd ou yo rivé pou mouin, Granmèt, pou-m viv.

⁶⁷ Anvan mouin té rabésé-a, mouin té pèdi chémin ;
koulié-a minm mouin kinbé promès ou-a. R:

⁶⁸ Ou bon, ou fè dibyin,
aprann mouin désizion-ou yo. R:

⁷¹ Sa bon pou mouin paské mouin té rabésé,
pou-m aprann désizion-ou yo. R:

⁷² Laloua bouch ou-a bon pou mouin,
pasé milion lò ak lajan. R:

⁷⁵ Mouin konnin, Granmèt, jijman-ou yo kòrèk,
sé nan vérité-a ou rabésé-m. R:

⁷⁶ Sé pou mizérikòd ou-a rivé pou-l konsolé-m,
dapré promès ou bay sèvitè-ou la. R:

ALÉLOUYA

Jan 14, 6

R: Alélouya. Mouin minm mouin sé chémin-an, vérité-a ak lavi-a,
sé sa Granmèt la di ;
pèsòn pa vi-n kot Papa-a, sof pa lintèmediè-m. R: Alélouya.

ÉVANJIL

Pouki sa ras sa-a ap mandé sign nan ?

✠ **Léktu sint Évanjil la dapré Mark**

8, 11-13

Lè sa-a :

Farizyin yo soti, yo kòmansé ap diskité avèk Jézu, y-ap chèché pou-l bay yon sign ki sot nan sièl la, pou yo tanté-l. Li plinn nan éspri-l, li di : « Pouki sa ras sa-a ap chèché sign nan ? Amèn mouin di nou, yo pap bay ras sa-a sign ».

Li voyé yo al fè rout yo, li monté ankò nan batiman-an, l-al fè rout li lòt bò lanmè.

Paròl Granmèt la.

Madi**Ané 1****PRÉMIÉ LÉKTU**

M-ap éfasé moun nan mouin té kréyé-a sot sou fas tè-a.

Léktu liv Jénèz la

6, 5-8 ; 7, 1-5. 10

Lè Bondié ouè kijan méchansté moun yo té anpil sou tè-a, kijan tout pansé kè yo té dirijé nan mal tout tan, li régrèt li té fè moun nan sou tè-a. Li santi kè-l fè-l mal ak doulè sou pa anndan, li di : « M-ap éfasé moun nan mouin té kréyé-a sot sou fas tè-a, dépi moun jous sou bèt, dépi sa k-ap glisé atè jous sou zouazo sièl yo ; sèké mouin régrèt mouin té fè yo ».

Min Noé té jouinn gras dévan Granmèt la.

Granmèt la di-l : « Antré nan arch la, ni ou minm ni tout kay ou-a ; paské sé ou minm mouin ouè ki kòrèk dévan-m nan ras sa-a. Nan tout bèt ki pròp yo, pran sèt ak sèt, mal ak fémèl ; nan bèt yo ki pa pròp yo minm sé dé ak dé, mal ak fémèl. Nan zouazo sièl yo tou sé sèt ak sèt, mal ak fémèl, pou ras la kapab sovè sou fas tout tè-a. Sèké nan kèk tan ankò, aprè sèt jou, m-ap fè lapli tonbé sou tè-a pandan karant jou ak karant nuit, m-ap éfasé tout vivan mouin té fè, sot sou fas tè-a ».

Noé fè tou sa Granmèt la té mandé-l. Lè sèt jou yo fi-n pasé, dlo délij yo kouvri anlè tè-a.

Paròl Granmèt la.

PSÒM RÉPONS

Ps 28, 1 a é 2. 3 ac-4. 3 b é 9 b-10 (R: 11 b)

R: Granmèt la ap béni pèp li-a nan lapè.

¹ Poté bay Granmèt la, pitit Bondié yo,

² poté bay Granmèt la gloua non-l,
adoré Granmèt la nan gloua ki sin-an. R:

³ Voua Granmèt la sou dlo yo,
Granmèt la sou dlo yo ki anpil yo.

⁴ Voua Granmèt la nan pouvoua,
voua Granmèt la nan grandè. R:

³ Bondié grandè-a fè tandé voua-l ;
⁹ nan tanp li-a tout moun rélé viv.

¹⁰ Granmèt la abité anlè délij la,
Granmèt la ap chita kòm roua pou tout tan. R:

Ané 2

PRÉMIÉ LÉKTU

Bondié li minm pa tanté pèsòn.

Léktu lèt apot sin Jak

1, 12-18

Ala kontantman pou moun ki soufri y-ap tanté-l, paské, lè yo fi-n tanté-l, l-ap résévoua kouròn lavi-a, sa Bondié promèt moun ki rinmin-l yo.

Pèsòn, lè y-ap tanté-l, pa doué di sé Bondié k-ap tanté-l : Bondié pa gin lidé fè sa-k mal, li minm li pa tanté pèsòn. Chak moun minm, sé pròp mové anvi-l k-ap tanté-l, antan yo rédi-l, yo tronpé-l.

Apré sa, mové anvi-a, lè-l jèmin, li anfanté péché-a ; péché-a minm, lè-l rivé nan bout kous li, li donnin lanmò.

Konsa pa pèdi chémin, frè-m yo mouin rinmin anpil la. Tout kado ki bon nèt, tout kado ki kòrèk nèt, sé anro-a li soti, li désan sot nan min Papa limiè yo, koté pa gin chanjman ak lonbraj bagay k-ap pasé. Sé ak tout libèté-l li anfanté nou gras a paròl vérité-a, pou nou kapab vi-n tounin kòmansman kréatu-l.

Paròl Granmèt la.

PSÒM RÉPONS

Ps 93, 12-13 a. 14-15. 18-19 (R: 12 a)

- R: Ala kontantman pou moun sa-a ou korijé-a, Granmèt.
- 12 Ala kontantman pou moun sa-a ou korijé-a, Granmèt,
ou aprann li laloua-ou la,
- 13 pou-ou fè-l rét nan lapè nan mové jou yo. R:
- 14 Sèké Granmèt la pap répousé pèp li-a,
li pap lagé éritaj li-a.
- 15 Sèké sé dapré jistis la jijman-an ap tounin,
y-ap suiv li, tout moun ki gin kè yo douat yo. R:
- 18 Si-m t-a di : « Pié-m ap tranblé »,
mizérikòd ou-a, Granmèt, t-ap soutni-m.
- 19 Nan pakèt tèt chajé-m yo ki nan kè-m nan,
konsolasion-ou yo fè nanm mouin kontan. R:

ALÉLOUYA

Jan 14, 23

- R: Alélouya. Si yon moun rinmin-m, l-ap kinbé paròl mouin,
sé sa Granmèt la di,
épi Papa-m ap rinmin-l, n-ap vi-n lakay li. R: Alélouya.

ÉVANJIL

Fè atansyon lévin Farizyin yo ak pa Éròd la.

✠ Léktu sint Évanjil la dapré Mark

8, 14-21

Lè sa-a :

Disip yo té bliyé pran pin, yo pa-t gin pin avèk yo nan batiman-an, sof yon sèl. Jézu pasé yo lòd, li di : « Fè atansyon lévin Farizyin yo, ak lévin Éròd la ».

Yo t-ap kalkilé youn ak lòt, yo t-ap di : « Sé paské nou pa gin pin yo ».

Li minm li konn sa, Jézu di yo : « Pouki sa n-ap kalkilé di sé paské nou pa gin pin-an ? Èské nou pa konnin, èské nou pa konprann ? Èské kè nou bouché toujou ? Èské nou gin jé épi nou pa ouè ? Èské nou gin zòrèy épi nou pa tandé ? Èské nou pa sonjé ? Lè mouin té kasé sink pin yo pou sink mil la, konbyin panié plin moso nou té ranmasé ? »

Yo di-l : « Douz ».

« Lè sé té sèt pin yo pou kat mil la, konbyin panié moso nou té ranmasé ? »

Yo di-l : « Sèt ».

Li t-ap di yo : « Kòman fè nou pa ko konprann toujou ? »

Paròl Granmèt la.

Mèkrédi

Ané 1

PRÉMIÉ LÉKTU

Li gadé, li ouè fas tè-a té séché.

Léktu liv Jénèz la

8, 6-13. 20-22

Lè karant jou fi-n pasé, Noé louvri fénèt arch la, sa-l té fè-a, li lagé gragra-a ; ki soti, min ki pa tounin, joutan dlo yo té fi-n séché sou tè-a.

Li voyé toutrèl la apré-l pou-l ouè si dlo yo té déjà sispann sou fas tè-a. Kòm li pa jouinn koté pou-l pozé pié-l, li tounin koté-l nan arch la, sèké dlo yo té sou tout tè-a. Li lonjé min-l, li fè-l antré nan arch la. Li tann ankò sèt lòt jou, li lagé kolonb la sot nan arch la. Kolonb la vi-n tounin nan asouè, li poté yon ramo pié oliv ak fèy li tou vèt nan bèk li. Konsa Noé aprann dlo yo té sispann sou tè-a. Li tann kan minm sèt lòt jou, li voyé kolonb la, ki pa tounin ankò koté-l.

Konsa nan ané sisan-in, prémié moua-a, prémié jou moua-a, dlo yo té bésé sot sou tè-a, Noé louvri kouvèti arch la, li gadé, li ouè fas tè-a té séché.

Noé bati yon lotèl pou Granmèt la ; li pran nan tout bèt ak zouazo ki pròp yo, li ofri yon sakrifis sou lotèl la. Granmèt la pran sant lodè-a ki bon, li di : « Mouin pap janm madichonnin tè-a poutèt lézòm ankò, paské intélizans ak pansé kè moun nan panché nan mal dépi-l tou piti ; Mouin pap frapé tout vivan yo ankò, jan-m té fè-a. Pandan tout jou tè-a, sémans ak rékòlt, frédi ak chalè, tan cho ak tan frèt, nannuit ak lajounin pap sispann ».

Paròl Granmèt la.

PSÒM RÉPONS

Ps 115, 12-13. 14-15. 18-19 (R: 17 a)

R: M-ap ofri sakrifis louanj ba ou, Granmèt.

oubyin : Alélouya.

- ¹² Ki sa pou-m rinmèt Granmèt la
pou tou sa-l fè pou mouin ?
- ¹³ M-ap pran kalis délivrans la,
m-ap rélé non Granmèt la. R:
- ¹⁴ Sa-m té promèt Granmèt la,
m-ap rinmèt yo dévan tout pèp li-a.
- ¹⁵ Li gin valè dévan jé Granmèt la,
lanmò sin-l yo. R:
- ¹⁸ M-ap rinmèt Granmèt la sa-m té promèt yo,
dévan tout pèp li-a ;
- ¹⁹ nan kay Granmèt la,
nan mitan-ou, Jérusalèm. R:

Ané 2

PRÉMIÉ LÉKTU

*Sé pou nou fè sa paròl la mandé-a,
sé pa pou nou kontanté nou kouté-l sèlman.*

Léktu lèt apot sin Jak

1, 19-27

Nou konnin, frè-m yo mouin rinmin anpil la. Sé pou tout moun rapid pou kouté, min pou-l pran tan anvan-l palé, pou-l pran tan anvan-l fè kòlè ; sèké kòlè moun nan pa réglé jistis Bondié. Sé pou, sé pou nou réjité tout kalité sa-k pa pròp ak méchansté k-ap débòdé, pou nou résévoua avèk dousè paròl la ki planté anndan nou-an, ki kapab sovè nanm nou yo.

Sé pou nou fè sa paròl la mandé-a, sé pa pou nou kouté-l sèlman, antan n-ap tronpé tèt nou, paské, si yon moun ap kouté paròl la épi li pa fè sa-l mandé-a, moun sa-a sanblé ak yon moun ki fi-n gadé figi-l ginyin dépi nésans li-a nan yon glas ; li égzaminé-l épi li pati, minm lè-a li bliyé kijan-l té yé. Min moun ki égzaminé nan laloua libèté-a ki kòrèk la, épi ki rété ladan-l, ki pa kouté pou-l bliyé, min ki fè aksion-an, moun sa-a ala kontantman pou li nan aksion-l.

Si yon moun konprann li zanmi Bondié, san-l pa mét frin nan lang li, min antan l-ap troupé kè-l, moun sa-a rélijion-l nan pa sèvi anyin. Rélijion ki nèt san tach kot Bondié ak Papa-a, min li : vizité òfélin yo ak vèv yo nan tray yo, kinbé tèt ou nan tach parapò a sièk sa-a.

Paròl Granmèt la.

PSÒM RÉPONS

Ps 14, 2-3 ab. 3 cd-4 ab. 5 (R: 1 b)

- R: Ki moun k-ap répozé sou mòn ou-an ki sin-an, Granmèt ?
- 2 Moun k-ap maché san fot, k-ap fè jistis ;
k-ap palé vérité nan kè-l,
- 3 ki pa fè rizèz ak lang li. R:
- Li pa fè prochin-l mal,
li pa fè prochin-l afron.
- 4 Li konsidéré méchan-an kòm anyin dévan jé-l,
min li fè louanj pou sa yo ki respékté Granmèt la. R:
- 5 Moun ki pa préte lajan ak intéré,
ki pa aksépte kado sou do inosan.
Moun ki aji konsa, li pap souké minm. R:

ALÉLOUYA

Cf. Éf 1, 17-18

- R: Alélouya. Papa Granmèt nou Jézu-Kri, sé pou-l kléré jé kè nou,
pou nou konnin ki kalité éspérans rélé li rélé nou-an bay. R: Alélouya.

ÉVANJIL

Avèg la géri atèl pouin li té ouè bagay byin klè.

✠ Léktu sint Évanjil la dapré Mark

8, 22-26

Lè sa-a :

Jézu rivé Bétsayid avèk disip li yo : yo minnin yon avèg ba li, yo t-ap lapriyé-l pou-l touché-l. Li pran min avèg la, li fè-l soti andéyò bouk la ; li kraché nan jé-l, li pozé min-l sou li, li mandé-l si-l té ouè kichòy. Li kòmansé ouè, li di : « Mouin ouè moun yo tankou sé pié boua k-ap maché ».

Apré sa li pozé min-l sou jé-l ankò ; li kòmansé ouè, li vi-n géri, atèl pouin li té ouè tout bagay byin klè.

Li voyé-l lakay li, li di-l : « Alé lakay ou, épi si ou antré nan bouk la, pi-nga ou di pèsòn sa ».

Paròl Granmèt la.

Jédi

Ané 1

PRÉMIÉ LÉKTU

*M-ap mété ark mouin-an nan niaj yo,
l-ap sèvi sign aliens la ant mouin minm ak tè-a.*

Léktu liv Jénèz la

9, 1-13

Bondié béni Noé ak pitit li yo, li di yo :

« Dévlo pé, vi-n anpil, plin tè-a. Sé pou sézisman nou ak krint nou sou tout bèt yo ki sou tè-a ak sou tout zouazo sièl la, ak sou tout sa ki nan mouvman sou tè-a ; tout pouason lanmè-a, mouin rinmèt yo nan min nou. Tou sa-k gin mouvman, ki gin lavi, l-ap sèvi nou kòm manjé : mouin rinmèt nou tout bagay sa yo minm jan ak pié légim yo.

Sèlman pa manjé chè-a avèk san-an. San lavi nou, m-ap mandé tout bèt yo kont pou li ; m-ap mandé moun nan kont pou lavi moun parèy li-a ki frè-l. Tout moun ki vidé san moun, y-ap fè san-l koulé ; paské sé pòtré Bondié moun nan té fèt.

Kanta nou minm sé pou nou dévlo pé, sé pou nou vi-n anpil, sé pou nou gayé sou tè-a, sé pou nou plin-l ».

Min sa Bondié di Noé ankò ak pitit li yo avèk li : « Min m-ap pasé aliens mouin avèk nou, épi avèk ras nou apré nou, ni ak tout vivan ki avèk nou, ni ak zouazo ni ak bèt chaj ni ak bèt gadinaj sou tè-a, yo tout, sa-k soti nan ach la, ni ak tout bèt sou tè-a. M-ap pasé kontra-m avèk nou, dlo délij la pa gin doua janm touyé tout chè ankò, ni pap gin délij k-ap détoui tè-a ».

Bondié di : « Min sign aliens la, sa mouin bay ant mouin minm ak nou minm nan pou tout vivan ki avèk nou nan jénérasyon tout tan yo : m-ap mété ark mouin-an nan niaj yo, l-ap sèvi aliens la ant mouin minm ak tè-a ».

Paròl Granmèt la.

PSÒM RÉPONS

Ps 101, 16-18. 19-21. 29 é 22-23 (R: 20 b)

R: Granmèt la gadé sou tè-a, antan-l nan sièl la.

- 16 Nasion yo ap krinn non-ou Granmèt,
tout roua yo sou tè-a ap krinn gloua-ou la ;
- 17 paské Granmèt la ap bati Siyon,
l-ap parèt nan gloua li.
- 18 L-ap voyé jé sou lapriyè pòv la,
li pap méprizé lapriyè yo-a. R:
- 19 Sé pou yo ékri bagay sa yo pou lòt jénérasyon-an,
pèp k-ap kréyé-a, l-ap fè louanj Granmèt la.
- 20 Sèké li panché sot nan tanp li-a anro-a,
Granmèt la gadé sou tè-a, antan-l nan sièl la ;
- 21 pou-l kouté rèl prizonié yo,
pou-l délivré pitit lanmò yo. R:
- 29 Pitit sèvitè-ou yo ap abité,
ras yo ap asiré dévan fas ou,
- 22 pou yo anonsé non Granmèt la nan Siyon,
avèk louanj li nan Jérusalèm
- 23 lè pèp yo ap rasanblé pou yo fè yon sèl,
avèk péyi-roua yo, pou yo sèvi Granmèt la. R:

Ané 2

PRÉMIÉ LÉKTU

Èské Bondié pa chouazi pòv yo pou éritié péyi roua-a ?

Léktu lèt apot sin Jak

2, 1-9

Frè-m yo, pa mélé lafoua Granmèt nou-an Jézu-Kri ki nan gloua-a avèk konsidération moun.

Sèké, si nan asanblé nou-an gin yon moun ki antré avèk bag lò, rad pròp, épi tou gin yon pòv ki antré avèk rad sal, nou viré jé kot sa-a abiyé ak bèl rad la, épi nou di-l : « Ou minm, chita byin isit la » ; kanta pou pòv la minm, nou di-l : « Ou minm, chita laba-a oubyin chita sou machéskalié pié-m yo » ; èské nou pa jijé nan kè nou, épi nou vi-n tounin jij ki gin pansé méchan ?

Kouté, frè-m yo mouin rinmin anpil la : Èské Bondié pa chouazi pòv yo sou tè sa-a pou yo rich nan lafoua-a épi pou yo éritié péyi roua-a, sa Bondié promèt moun ki rinmin-l yo ? Min nou minm nou déréspékté pòv la. Èské sé pa rich yo k-ap krazé nou ak pouvoua yo, épi k-ap trinnin nou nan tribinal ? Èské sé pa yo minm k-ap déréspékté bèl non-an, sa yo té rélé sou nou-an ?

Sèlman si nou réalizé laloua ki roua-a dapré sa-k ékri-a : « Sé pou-ou rinmin prochèn-ou tankou pròp tèt ou », nou fè byin ; min si n-ap konsidéré figi moun yo, nou fè péché, laloua-a plédé kont nou kòm koupab.

Paròl Granmèt la.

PSÒM RÉPONS

Ps 33, 2-3. 4-5. 6-7 (R: 7 a)

- R: Yon pòv rélé, Granmèt la kouté-l.
- 2 M-ap fè konpliman pou Granmèt la tout tan,
tout tan louanj li nan bouch mouin.
- 3 Nan Granmèt la nanm mouin ap jouinn konsidérasion-l,
sé pou pòv yo tandé, pou yo kontan. R:
- 4 Fè louanj Granmèt la avèk mouin,
sé pou nou lévé non-l anlè ansanm,
- 5 Mouin chèché Granmèt la, li réponn mouin,
anba tou sa-k fè-m pè, li délivré-m. R:
- 6 Gadé nan diréksion-l, n-ap kléré,
fas nou pap ront.
- 7 Pòv sa-a rélé, Granmèt la kouté-l,
anba tout tray li li sové-l. R:

ALÉLOUYA

Cf. Jan 6, 63 c. 68 c

R: Alélouya. Paròl ou yo, Granmèt, sé éspri ak lavi ;
ou gin paròl lavi tout tan-an. R: Alélouya.

ÉVANJIL

Ou sé Kris la. Pitit moun nan gin pou-l soufri anpil.

✠ Léktu sint Évanjil la dapré Mark

8, 27-33

Lè sa-a :

Jézu soti avèk disip li yo nan diréksion Sézaré Filip yo : sou rout la, li pozé disip li késion, li di yo : « Ki sa moun yo di mouin yé ? »

Yo réponn li, yo di : « Jan Batis, ginyin sé Éli, gin dèt minm sé kòm si youn nan profèt yo ».

Lè sa-a di yo : « É nou minm, ki moun nou di mouin yé ? »

Piè pran laparòl, li di-l : « Ou sé Kris la ». Li ménasé yo, pou yo pa palé pèsòn sou li.

Li kòmansé aprann yo, Pitit moun nan gin pou-l soufri anpil, pou ansyin yo ak chèf prèt yo ak skrib yo réjité-l, pou yo touyé-l, épi apré toua jou pou-l lévé vivan. Sé aklè li t-ap déklaré paròl la.

Piè minm pran-l, li kòmansé fè-l répròch. Li minm li viré épi li ouè disip li yo, li ménasé Piè, li di : « Al fè rout ou dèyè-m, Satan ; paské ou pa gouté bagay ki sot nan Bondié, sé bagay lézòm ou gouté ».

Paròl Granmèt la.

Vandrédi

Ané 1

PRÉMIÉ LÉKTU

An nou désann, an nou gayé lang yo.

Léktu liv Jénèz la

11, 1-9

Tout tè-a té gin yon sèl ak minm paròl. Lè moun yo pati sot olévan, yo jouinn yon plinn nan tè Sinéar la, yo abité ladan-l. Youn di lòt : « An nou ouè, n-ap fè brik, n-ap kuit yo nan difé ». Brik yo sèvi yo kòm ròch, asfalt la sèvi yo kòm siman.

Yo di : « An nou ouè, n-ap fè yon vil ak yon sitadèl pou nou, tèt li gin pou-l touché sièl la, n-ap fè sonjé non nou, anvan nou séparé sou tout té yo ».

Granmèt la désann, pou-l ouè vil la ak sitadèl la pitit Adan yo té bati-a ; li di : « Min yo fè yon sèl pèp ak yon sèl lang pou tout moun : yo kòmansé fè sa-a, yo pap kite pansé yo, joutan yo réalisé yo nan aksion. Konsa, an nou ouè, n-ap désann, n-ap gayé lang yo la minm, pou youn pa tandé voua prochin-l ».

Sé konsa Granmèt la séparé yo sot nan koté sa-a al nan tout tè yo ; yo sispann bati vil la. Sé poua yo rélé non-l Babèl, paské sé la lang tout tè-a té mélé ; épi sé apati la Granmèt la té gayé yo sou fas tout réjion yo.

Paròl Granmèt la.

PSÒM RÉPONS

Ps 32, 10-11. 12-13. 14-15 (R: 12 b)

R: Ala kontantman pou pèp la Granmèt la chouazi kòm éritaj li-a.

¹⁰ Granmèt la gayé plan nasion yo,
li défèt kalkil pèp yo.

¹¹ Min plan Granmèt la rété pou tout tan,
kalkil kè-l pou jénérasyon ak jénérasyon. R:

¹² Ala kontantman pou nasion-an, ki gin Granmèt la pou Bondié-l,
pèp la li chouazi kòm éritaj li-a.

¹³ Antan-l nan sièl la Granmèt la voyé jé-l,
li ouè tout pitit moun yo. R:

¹⁴ Antan-l nan koté li abité-a li voyé-jé-l
sou tout moun ki abité tè-a,

¹⁵ li minm ki fòmé kè yo chak
ki égzaminé tout travay yo. R:

Ané 2

PRÉMIÉ LÉKTU

*Minm jan kò-a mouri san éspri-a,
sé konsa tou lafoua-a san aktivité yo.*

Léktu lèt apot sin Jak

2, 14-24. 26

Sa sa sèvi, frè-m yo, si yon moun di li gin lafoua, épi travay yo li pa ginyin yo ? Èské lafoua-a kapab sovè-l.

Si yon frè ak yon sé ni-kò, yo pa gin manjé chak jou, épi youn nan nou di yo : « Alé byin trankil, chofé kò nou, manjé vant plin » ; épi nou pa ba

yo sa-k nésésè pou kò-a, sa sa ap sèvi ? Sé konsa pou lafoua-a, si-l pa gin travay yo, li mouri anndan pròp tèt li.

Min yon moun ap di : « Ou gin lafoua, mouin minm mouin gin travay yo ». Montré-m lafoua-ou la san travay yo, mouin minm m-ap montré-ou lafoua-m nan apati travay yo. Ou minm ou kouè gin yon sèl Bondié : ou fè byin ; démon yo tou yo kouè, épi y-ap tranblé. Ou vlé konnin, moun ki vid, kijan lafoua-a san travay yo li mouri ? Abraam, papa nou-an, èské sé pa apati travay yo li té vi-n kòrèk, antan-l ofri Izaak pitit li-a sou lotèl la ? Èské ou pa ouè kijan lafoua-a jouinn konkou travay li yo, épi sé apati travay yo lafoua-a fi-n rivé nan dènié dégré-l ? Labib la ajouté, li di : « Abraam kouè nan Bondié, yo konsidéré sa pou li kòm jistis », yo rélé-l zanmi Bondié.

Èské nou pa ouè kijan sé apati travay yo moun nan vi-n kòrèk, épi sé pa apati lafoua sèlman. Minm jan kò-a san léspri-a li mouri, sé konsa tou lafoua-a san travay yo li mouri.

Paròl Granmèt la.

PSÒM RÉPONS

Ps 111, 1-2. 3-4. 5-6 (R: cf. 1 b)

R: Ala kontantman pou moun ki mèt plézi-l nèt nan lòd Granmèt la
oubyin Alélouya.

- 1 Ala kontantman pou moun ki krinn Granmèt la,
ki mèt plézi-l nèt nan lòd li yo.
- 2 Désandans li ap gin pouvoua sou tè-a,
ras moun kòrèk yo ap béni. R:
- 3 Gloua ak richès nan kay li,
jistis li ap rété pou tout tan gin tan,
- 4 Limiè-a ap lévé nan fènoua, pou moun kòrèk yo,
li sansib, li pran pitié, li kòrèk. R:
- 5 Ala kontantman pou moun sa-a ki pran pitié, ki prété,
ki réglé afè-l yo kòrèk,
- 6 paské sé pou tout tan li pap souké. R:

ALÉLOUYA

Jan 15, 15 b

R: Alélouya. Mouin rélé nou zanmi, sé sa Granmèt la di,
paské tout sa mouin tandé nan min Papa-m, mouin fè nou konnin-l. R:
Alélouya.

ÉVANJIL

*Moun ki pèdi lavi-l poutèt mouin minm
ak Bòn Nouvèl la, l-ap sovè-l.*

✠ Léktu sint Évanjil la dapré Mark

8, 34-9, 1

Lè sa-a :

Jézu rélé foul la ansanm ak disip li yo, li di yo : « Si yon moun vlé suiv mouin, sé pou-l rénonse pròp tèt li, pou-l pran koua-l, épi pou-l suiv mouin. Moun k-ap vlé sovè lavi-l, l-ap pèdi-l ; min moun k-ap pèdi lavi-l poutèt mouin minm ak Bòn Nouvèl la, l-ap sovè-l.

Ki sa sa ap sèvi yon moun si-l posédé tout tè-a, épi li détoui lavi-l ? Oubyin ki sa yon moun ap bay pou péyé pou nanm li ?

Moun k-ap ront mouin ak paròl mouin nan jénérasyon sa-a ki adiltè, k-ap fè péché-a, Pitit moun nan ap ront li, lè l-ap vini nan gloua Papa-l avèk anj li yo ki sin yo ».

Li t-ap di yo : « Amèn mouin di nou, gin anpil moun nan sa-k kanpé isit la, ki pap gouté lanmò joutan yo ouè péyi-roua Bondié-a k-ap vini nan pouvoua ».

Paròl Granmèt la.

Samdi

Ané 1

PRÉMIÉ LÉKTU

Gras a lafoua nou konnin sé Bondié ki té réglé sièk yo.

Léktu lèt Ébré yo

11, 1-7

Frè-m yo :

Lafoua-a sé garanti sa n-ap éspéré yo, prèv sa-k pa parèt yo. Sé poua anyin yo té jouinn témouagnaj.

Gras a lafoua nou konnin sé paròl Bondié-a ki té réglé sièk yo, konsa sé nan sa nou pa kapab ouè sa nou ouè yo fèt.

Gras a lafoua Abèl ofri Bondié yon sakrifis ki pi bon, akòz sa, yo rann li témouagnaj di li kòrèk, sé Bondié ki t-ap sèvi témouin pou kado-l yo ; gras a lafoua, malgré li mouri l-ap palé toujou.

Gras a lafoua yo transpòté Ènòk pou-l pa ouè lanmò ; yo pa-t jouinn li, paské Bondié té transpòté-l. Anvan yo transpòté-l la, li té jouinn témouagnaj li té fè Bondié plézi. Sèké san lafoua-a yo pa kapab fè Bondié plézi ; moun k-ap proche kot Bondié doué kouè li égzisté, li rékonpansé moun k-ap chèché-l.

Gras a lafoua, lè Noé jouinn avètisman sou sa-l pa-t ko ouè, li vi-n pè, li paré ach la pou sovè kay li-a ; konsa li kondané tè-a, yo fè-l éritié jistis la ki réalizé nan lafoua-a.

Paròl Granmèt la.

PSÒM RÉPONS

Ps 144, 2-3. 4-5. 10-11 (R: cf. 1 b)

- R: M-ap fè konpliman pou non-ou, Granmèt, pou tout tan.
- 2 Chak jou m-ap fè konpliman pou ou,
m-ap fè konpliman pou non-ou,
pou tout tan ak tout tan gin tan.
- 3 Granmèt la gran, li mérité anpil louanj,
yo pa kapab sondé grandè-l. R:
- 4 Yon jénérasyon ap fè louanj pou travay li, bay yon lòt jénérasyon,
y-ap rakonté fòs pouvoua-ou.
- 5 Grandè gloua rotè-ou, y-ap déklaré-l,
mèwèy ou yo, y-ap détayé yo. R:
- 10 Sé pou yo fè louanj ou, Granmèt tou sa-ou fè yo ;
sé pou sin-ou yo fè konpliman pou ou.
- 11 Sé pou yo déklaré gloua péyi-roua-ou la,
sé pou yo anonsé pouvoua-ou. R:

Ané 2

PRÉMIÉ LÉKTU

Lang nan, pèsòn pa kapab donté-l.

Léktu lèt apot sin Jak

3, 1-10

Sé pa pou nou anpil kòm mèt, frè-m yo, nou konnin n-ap gin yon jijman ki pi gran. Sèké sé nan anpil okazion n-ap tonbé.

Si yon moun pa fè fo-pa nan paròl, moun sa-a kòrèk nèt : li kapab kondui tout kò-a avèk yon brid. Si nou mèt brid nan bouch choul yo, pou yo obéyi nou, nou kondui tout kò yo, jan nou vlé. Gadé batiman yo, malgré yo gran, gro van ap ménasé yo, sé yon ti gouvènay ki kondui yo, koté volonté moun k-ap dirijé-a, vlé.

Konsa tou pou lang nan, sé yon ti manb tou piti sé vré, min li lèvé anpil gro bagay. Gadé kantité difé k-ap boulé yon gran rak boua ! Lang nan sé yon difé, li gin tout kalité méchansté. Nan manb nou yo sé lang ki sal tout kò-a, ki mèt difé nan rou nésans nou, antan boukan-an chofé-l.

Tout kréatu bèt yo ak zouazo yo ak koulèv yo, yo kité moun nan donté yo, ni koulié-a ni anvan ; min lang nan minm, pèsòn nan moun yo pa kapab donté-l, sé yon mal ki san répo, ki plin pouazon lanmò. Nan li nou fè konpliman pou Bondié ak Papa-a, épi nan li tou nou madichonnin moun yo, ki fèt sou résanblans Bondié. Nan minm bouch la bénédiksion ak madichon soti. Sa pa doué fèt konsa, frè-m yo.

Paròl Granmèt la.

PSÒM RÉPONS

Ps 11, 2-3. 4-5. 7-8 (R: 8 a)

- R: Ou minm, Granmèt, ou-ap protéjé nou.
- 2 Sové-m, Granmèt, paské pa gin sin ankò,
paské fidèl yo pati sot nan pitit moun yo.
- 3 Sé bagay ki pa vo anyin chak moun ap palé ak prochin-l ;
sé ak bouch riz, ak dé kè y-ap palé. R:
- 4 Granmèt la ap gayé tout bouch riz ak lang grandizè.
- 5 K-ap di : « Ak lang nou nou jouinn konsidérasion,
po bouch nou yo, sé pou nou yo yé ;
ki moun ki mèt nou ? » R:
- 7 Promès Granmèt la sé promès ki intak,
lajan ki sondé nan difé, séparé sot nan tè, nétouayé sèt foua.
- 8 Ou minm, Granmèt, ou-ap prezèvé nou, ou-ap protéjé nou,
nan min jénérasyon sa-a pou tout tan. R:

ALÉLOUYA

Cf. Mk 9, 6

R: Alélouya. Sièl yo louvri, voua Papa-a déklaré byin fò :
 « Sa-a sé Pitit mouin-an mouin rinmin anpil la ; kouté-l ».
 R: Alélouya.

ÉVANJIL

Li chanjé fas dévan yo.

✠ Léktu sint Évanjil la dapré Mark

9, 2-13

Lè sa-a :

Jézu pran Piè, Jak ak Jan, li minnin yo sou yon mòn ki ro, pou kont yo sèl ; li chanjé aparans dévan yo. Rad li vi-n kléré tou blan tankou lanèj, pa gin okinn savon ki kapab fè rad vi-n blanch konsa sou tè-a. Éli ak Moyiz parèt dévan yo, yo t-ap palé ak Jézu.

Piè pran laparòl, li di Jézu : « Rabi, li bon pou nou rét isit la ; an nou fè toua joupa, youn pou ou, youn pou Moyiz ak youn pou Éli ». Li pa-t konnin sa pou-l té di sèké yo té sézi anpil.

Vi-n gin yon niaj ki kouvri yo, yon voua rivé sot nan niaj la, li di : « Sa-a, sé Pitit mouin-an sa-m rinmin anpil la, kouté-l ». Minm lè-a, yo gadé toutotou, yo pa ouè pèsòn ankò, sof Jézu pou kont li.

Pandan y-ap désann sot sou mòn nan, li pasé yo lòd, pou yo pa di pèsòn bagay sa yo té ouè yo, sof lè Pitit moun nan ap lévé sot nan pami mò yo. Yo té kinbé paròl sa-a koté yo, yo t-ap chèché sa sa vlé di : « Lè l-ap lévé sot nan pami mò yo ».

Yo pozé-l késion, yo di : « Pouki sa Farizyin yo ak skrib yo di Éli gin pou-l vini anvan-an ? »

Li réponn, li di yo : « Éli, lè l-ap vini anvan, l-ap rinmèt tout bagay nan plas yo ; min kijan sa-k ékri-a di osijè Pitit moun nan, pou-l soufri anpil, pou yo méprizé-l. Sèlman mouin di nou Éli vini, yo fè-l sa yo vlé, jan sa té ékri osijè-l la ».

Paròl Granmèt la.

SÉTIÈM SÉMÈN ÒDINÈ

Dimanch, ané A

PRÉMIÉ LÉKTU

Sé pou-ou rinmin prochin-ou tankou ou minm.

Léktu liv Lévitik

19, 1-2. 17-18

Granmèt la palé ak Moyiz, li di :

« Palé ak tout foul pitit Israèl yo, ou-a di yo : “Sé pou nou sin, paské moun minm moun sin, Granmèt Bondié nou-an.

Pa rayi frè-ou nan kè-ou, min sé pou-ou réprann li an piblik, pou-ou pa gin péché sou li. Pa chèché vanjans, pa sonjé mové paròl moun minm péyi ak ou yo. Sé pou-ou rinmin prochin-ou tankou ou minm. Sé moun minm Granmèt la” ».

Paròl Granmèt la.

PSÒM RÉPONS

Ps 102, 1-2. 3-4. 8 é 10. 12-13 (R: 8 a)

R: Granmèt la pran pitié, li sansib.

- 1 Fè konpliman pou Granmèt la, nanm moun ;
tou sa-k anndan-m, fè konpliman pou non-l ki sin.
- 2 Fè konpliman pou Granmèt la, nanm moun,
pa bliyé tou sa-l fè yo. R:
- 3 Li minm ki padonnin tout fot ou yo,
li géri tout maladi-ou yo :
- 4 li minm ki délivré lavi-ou sot nan fòs la,
ki kouronnin-ou ak mizérikòd, ak pitié. R:
- 8 Granmèt la pran pitié, li gin mizérikòd,
li pran pasians, li gin anpil mizérikòd.
- 10 Sé pa dapré péché nou yo li trété nou,
ni dapré fot nou yo li rinnèt nou. R:
- 12 Otan olévan louin okouchan,
li ranvouayé péché nou yo louin nou.
- 13 Tankou papa sansib pou pitit li yo,
Granmèt la sansib pou moun ki krinn li yo. R:

DÉZIÈM LÉKTU

*Tout bagay sé pou nou, nou minm sé pou Kris la nou yé,
Kris la minm li pou Bondié.*

Léktu prémié lot apot sin Pòl pou Korintyin yo**3, 16-23**

Frè-m yo :

Èské nou pa konnin sé tanp Bondié nou yé, épi Éspri Bondié-a abité nan nou ? Si yon moun ataké tanp Bondié-a, Bondié ap krazé-l. Tanp Bondié-a sin, sé nou minm.

Pèsòn pa bézouin tronpé tèt li. Si gin yon moun nan pami nou ki konprann li gin sajès ; nan sans sièk sa-a, sé pou-l vi-n fou pou-l kapab gin sajès ; sèké sajès tè sa-a sé foli kot Bondié.

Sèké min sa-k ékri : « M-ap pran saj yo nan pièj yo » ; épi tou : « Granmèt la konnin pansé saj yo, yo pa vo anyin ». Konsa pèsòn pa bézouin tiré louanj nan lézòm. Tout bagay pou nou ; soua Pol, soua Apolon, soua Séfas, soua tè-a, soua lavi-a, soua lanmò-a, soua sa-k la koulié-a, soua sa k-ap vini-an ; tout bagay réyèlman vré sé pou nou, nou minm nou pou Kris la, Kris la minm li pou Bondié.

Paròl Granmèt la.

ALÉLOUYA

Jan 2, 5

✠ Alélouya. Moun ki kinbé paròl Jézu-Kri-a, vrèman sé nan li charité Bondié-a réyalizé nèt. ✠ Alélouya.

ÉVANJIL

Rinmin ènmi nou yo.

✠ Léktu sint Évanjil la dapré Matié

5, 38-48

Lè sa-a : Jézu di disip li yo :

« Nou té tandé yo té di : “Jé pou jé, dan pou dan”. Mouin minm mouin di nou pa rézisté méchan-an ; min si yon moun frapé-ou sou machoua douat ou, prézanté-l bò gòch la tou ; moun ki vlé fè prosè nan jijman avèk ou pou-l pran chémiz ou, kité manto-a pou li tou ; ninpòt ki moun ki fòsé-ou fè mil pa, alé, fè dé mil pa avèk li. Moun ki mandé-ou, ba li ; moun ki vlé préte nan min-ou, pa viré do ba li.

Nou té tandé yo té di : “Sé pou-ou rinmin prochin-ou, pou-ou rayi lénmi-ou”. Mouin minm mouin di nou : Rinmin lénmi nou, fè dibyin pou moun ki rayi nou yo, lapriyè pou moun k-ap pèsékité nou yo, k-ap fè manti sou nou ; pou nou kapab vi-n tounin pitit Papa nou ki nan sièl la, li minm ki fè solèy li lévé sou bon yo ak mové yo, ki fè lapli tonbé sou moun kòrèk yo ak sou méchan yo.

Si nou rinmin sa-k rinmin nou yo, ki rékonpans nou ginyin ? Èské piblikin yo pa fè sa ? Si nou salié frè nou yo sèlman, ki sa nou fè an plis ? Èské payin yo pa fè sa ? Konsa sé pou nou kòrèk nèt, tankou Papa nou ki nan sièl la li kòrèk nèt ».

Paròl Granmèt la.

Dimanch, ané B

PRÉMIÉ LÉKTU

Mouin éfasé péché-ou yo poutèt mouin.

Léktu liv profèt Izayi

43, 18-19. 21-22. 24 b-25

Min paròl Granmèt la :

« Pa sonjé prémié bagay yo, pa égzaminé bagay lontan yo. Min mouin fè bagay nouvo, koulié-a y-ap parèt, nou rékonèt yo sètènman ; m-ap mété chémin nan savann nan, avèk lariviè nan koté yo pa konn pasé-a.

Pèp sa-a mouin fòmé-a, l-ap rakonté louanj mouin.

Ou pa-t lapriyè-m, Jakòb ; ou pa-t fatigé kò-ou pou mouin, Israèl.

Ou fè-m ésklav poutèt péché-ou yo, ou ban-m kont soufrans ak fot ou yo. Sé mouin minm, sé mouin minm minm ki blijé éfasé péché-ou yo poutèt mouin ; mouin pap sonjé péché-ou yo ».

Paròl Granmèt la.

PSÒM RÉPONS

Ps 40, 2-3. 4-5. 13-14 (R: : 5 b)

R: Géri nanm mouin, Granmèt, paské mouin fè péché kont ou.

² Ala kontantman pou moun ki fè atansion pòv la,

jou malè-a Granmèt la ap délivré-l

³ Granmèt la ap kinbé-l, l-ap ba-l lavi,

l-ap fè-l jouinn lapè sou tè-a ;

li pap lagé-l nan bouch ènmi-l yo. R:

- 4 Granmèt la ap poté-l sékou sou kabann doulè-l la ;
tout kabann li-a, l-ap viré-l nan maladi-l la.
- 5 Mouin minm mouin té di : « Granmèt, pitié pou mouin ;
géri nanm mouin, paské mouin fè péché kont ou ». **R**
- 13 Kanta mouin minm poutèt inosans mouin, ou résévoua-m,
ou fè-m kanpé dévan fas ou pou tout tan.
- 14 Konpliman pou Granmèt Bondié Israël
dépi tout tan é pou tout tan. Amèn, amèn. **R**

DÉZIÈM LÉKTU

Jézu pa-t « oui » ak « non », min sé « oui » ki té nan li.

Léktu dézièm lèt apot sin Pòl pou Korintyin yo

1, 18-22

Frè-m yo :

Bondié fidèl, sèké paròl nou-an, ki té lakay nou-an, li pa-t « oui » ak « non » nan li. Vrèman Pitit Bondié-a Jézu-Kri, sa nou té anonsé nou-an nou minm Silvin ak Timoté, li pa-t « oui » ak « non », min sé « oui » ki té nan li. Tout promès Bondié yo, sé « oui » yo yé nan li ; sé poua sé pa lintèmédiè-l sé Amèn pou Bondié pou gloua nou.

Sa-a ki asiré nou nan Jézu-Kri-a, épi ki sakré nou-an, Bondié, sé li minm ki té maké nou, ki té ba nou avaloua Éspri-a nan kè nou.

Paròl Granmèt la.

ALÉLOUYA

Lk 4, 18

R: Alélouya. Granmèt la voyé-m anonsé bon nouvèl la bay pòv yo,
préché libérasion-an bay prizonié yo. **R**: Alélouya.

ÉVANJIL

*Pitit moun nan gin pouvoua sou tè-a
pou-l éfasé péché yo.*

✠ Léktu sint Évanjil la dapré Mark

2, 1-12

Apré kèk jou, Jézu tounin ankò Kafarnaòm. Lè yo té tandé li té nan kay la, anpil moun rasanblé, atèl pouin kay la pa-t kapab kinbé moun minm nan pòt la, li t-ap anonsé yo paròl la.

Yo vi-n koté-l, antan y-ap poté yon moun ki pa-t kapab maché, sé kat moun ki t-ap poté-l. Kòm yo pa-t kapab prezanté-l ba li akoz foul la, yo défèt plafon-an koté-l té yé-a, yo louvri-l, yo glisé kabann nan koté moun nan ki pa-t kapab maché-a té kouché-a. Lè Jézu ouè lafoua yo, li di moun nan ki pa-t kapab maché-a : « Pitit mouin, péché-ou yo éfasé ».

Té gin kèk skrib la, yo té chita, yo t-ap kalkilé nan kè yo : « Ki sa sa-a ap di konsa-a ? l-ap blasfémé. Kilès ki kapab padonnin péché, si sé pa Bondié sèl ? »

Minm lè-a Jézu konnin nan éspri-l, sé konsa yo t-ap kalkilé anndan kè yo, li di yo : « Ki sa n-ap kalkilé nan kè nou-an ? Ki sa ki pi fasil pou di moun nan ki pa kapab maché-a : “Péché-ou yo éfasé” oubyin : “Lévé, pran kabann ou, maché ?” Ébyin pou nou kapab konnin, Pitit moun nan gin pouvoua sou tè-a pou-l padonnin péché yo, (li di moun nan ki pa-t kapab maché-a) : “Mouin di-ou : Lévé, pran kabann ou, al lakay ou” ».

Minm lè-a li lévé, li pran kabann nan, li pati dévan tout moun, atèl pouin tout moun té sézi, yo t-ap fè konpliman pou Bondié, yo t-ap di : « Nou pa-t janm ouè bagay konsa ».

Paròl Granmèt la.

Dimanch, ané C

PRÉMIÉ LÉKTU

*Granmèt la té rinmèt ou nan min-m,
min mouin pa-t vlé lonjé min-m.*

Léktu prémié liv Samuèl

26, 2. 7-9. 12-13. 22-23

Jou sa yo :

Sayul lévé, li désann nan dézè Zif la, té gin toua mil moun avèk li nan pi bon sòlda Israèl yo, pou yo chèché David nan dézè Sif la.

David avèk Abisayi rivé nannuit kot pèp la, yo jouinn Sayul kouché, ap dòmi nan tant la, lans la planté nan tè-a bò tèt li, Abnèr minm ak pèp la t-ap dòmi alantou-l. Abisayi di David : « Bondié fèmin ènmi-ou nan jodi-a nan min-ou ; koulié-a kité-m pèsé-l ak yon sèl kout lans atè-a,

mouin pap bézouin ba-l yon dézièm ». David di Abisayi : « Pa touyé-l ; ki moun ki t-a lonjé min-l sou kris Granmèt la pou-l t-a inosan ? »

David pran lans la ak boutèy dlo-a ki té bò tèt Sayul, épi yo pati ; pa-t gin pèsòn ki té ouè ni ki té tandé, ni ki té révéyé, min yo tout t-ap dòmi, paské somèy Granmèt la té tonbé sou yo.

Lè David travèsé an fas, li kanpé sou tèt mòn nan, byin louin, té gin yon gran éspas antré yo, David di : « Min lans roua-a : sé pou youn nan sèvitè roua-a travèsé vi-n pran-l. Granmèt la ap rinmèt chak moun dapré jistis li ak lafoua-l ; jodi-a minm Granmèt la té rinmèt ou nan min-m, min mouin pa-t vlé lonjé min-m sou kris Granmèt la ».

Paròl Granmèt la.

PSÒM RÉPONS

Ps 102, 1-2. 3-4. 8 é 10. 12-13 (R: 8 a)

R: Granmèt la pran pitié, li sansib.

- 1** Fè konpliman pou Granmèt la, nanm mouin ;
tou sa-k anndan-m, fè konpliman pou non-l ki sin.
- 2** Fè konpliman pou Granmèt la, nanm mouin,
pa bliyé tou sa-l fè yo. **R:**
- 3** Li minm ki padonnin tout fot ou yo,
ki géri tout maladi-ou yo,
- 4** li minm ki rachté lavi-ou sot nan fòs la,
ki kouronnin-ou ak mizérikòd, ak pitié. **R:**
- 8** Granmèt la pran pitié, li gin mizérikòd,
li pran pasians, li gin anpil mizérikòd.
- 10** Sé pa dapré péché nou yo li trété nou,
ni dapré fot nou yo li rinmèt nou. **R:**
- 12** Otan olévan louin okouchan,
li ranvouayé péché nou yo louin nou.
- 13** Tankou papa sansib pou pitit li yo,
Granmèt la sansib pou moun ki krinn li yo. **R:**

DÉZIÈM LÉKTU

*Minm jan nou té poté pòtré bagay ki sot nan tè-a,
sé pou nou poté pòtré bagay ki sot nan sièl la.*

Léktu prémié lèt apot sin Pòl pou Korintyin yo**15, 45-49**

Frè-m yo :

Prémié moun nan Adan té vi-n tounin yon souf vivan, dènié Adan-an ap vi-n tounin yon éspri k-ap bay lavi.

Sèlman sé pa sa-k éspri-a ki parèt anvan, sé sa-k gin souf la, apré sa sé sa-k éspri-a ki vini. Minm jan sa-a ki té sot nan tè-a yé-a, konsa tou sa yo ki sot nan tè-a y-ap yé ; minm jan sa-a ki sot nan sièl la yé-a, konsa tou sa yo ki sot nan sièl la y-ap yé.

Konsa, minm jan nou té poté pòtré bagay ki sot nan tè-a, sé konsa tou pou nou poté pòtré bagay ki sot nan sièl la.

Paròl Granmèt la.

ALÉLOUYA

Jan 13, 34

✠ Alélouya. Sé yon kòmandman nouvo mouin ba nou, sé sa Granmèt la di, pou nou youn rinmin lòt, jan-m té rinmin nou-an. ✠ Alélouya.

ÉVANJIL

*Sé pou nou gin mizérikòd,
tankou Papa nou gin mizérikòd”*

✠ **Léktu sint Évanjil la dapré Luk****6, 27-38**

Lè sa-a : Jézu di disip li yo :

« Mouin di nou, nou minm k-ap kouté-a : sé pou nou rinmin ènmi nou yo, sé pou nou fè dibyin pou moun ki rayi nou yo, fè konpliman pou moun k-ap madichonnin nou yo, lapriyé pou sa yo k-ap di manti sou nou yo. Si yon moun frapé-ou sou bò machoua, lonjé lòt la ba li, moun ki pran manto-ou nan min-ou, pa réfizé-l chémiz la non plis tou. Tout : moun ki mandé-ou, ba li, moun ki pran sa-k pou ou, pa mandé-l li. Tou sa nou vlé pou lézòm fè pou nou, sé pou nou fè-l pou yo tou.

Si nou rinmin sa yo ki rinmin nou, ki gras k-ap pou nou ? Sèké minm péchè yo youn rinmin lòt. Si sé moun ki fè nou dibyin n-ap fè dibyin, ki

gras k-ap pou nou ? Sé konsa tou minm péchè yo yo fè sa. Si nou prété moun nou espéré résévoua nan min yo, ki gras k-ap pou nou ? Sèké ni péchè yo yo prété péchè yo, pou yo résévoua minm jan.

Vréman, sé pou nou rinmin ènmi nou yo, sé pou yo nou fè dibyin, sé pou prété, san nou pa espéré anyin ; konsa rékonpans nou ap anpil, n-ap vi-n tounin pitit Sa-a ki anro nèt la, paské li bon ni pou moun ki pa gin rékonésans, ni pou moun ki mové yo. Sé pou nou gin mizérikòd, tankou Papa nou gin mizérikòd la.

Pa jijé, yo pap jijé nou ; pa kondané, yo pap kondané nou ; padonnin, y-ap padonnin nou ; bay, y-ap ba nou ; sé yon mézi ki bon, ki foulé, ki byin souké, k-ap débòdé, y-ap vidé nan léstomak nou. Ak minm mézi n-ap méziré-a, sé avèk li y-ap rimmèt nou ».

Paròl Grammèt la.

Lindi

Ané 1

PRÉMIÉ LÉKTU

Prémié nan tou sa-k kréyé yo, sé sajès la.

Kòmansman liv Sirasid

1, 1-10

Tout sajès sé nan Grammèt Bondié li soti, sé avèk li li té toujou yé, li anvan sièk tan yo.

Sab lanmè, ak gout lapli, ak jou sièk yo, kilès ki té konté yo ? Rotè sièl la ak lajè tè-a ak profondè bafon-an, kilès ki té méziré yo ? Sajès Bondié-a ki égzisté anvan tout bagay la, kilès ki sondé-l ?

Prémié nan tou sa-k kréyé yo, sé sajès la, avèk intéijans finès la dépi anvan sièk tan yo. Sous sajès la, sé paròl Bondié-a nan anro nèt la, pòt li-a sé kòmmandman tout tan yo.

Rasi-n sajès la, bay ki moun yo té dévoualé-l ? finès li yo, kilès ki té konnin yo ? Disipli-n sajès la, bay ki moun yo té dévoualé-l, yo té montré-l ? tout pakèt pòt li yo, kilès ki té konprann li ?

Sé yon sèl ki anro nèt la, sa-a ki kréyé tout bagay la, ki gin tout pouvoua-a, roua-a ki gin pouvoua-a, sa-a ki mérité yo krinn li anpil la, ki chita sou tro-n li-an, k-ap kòmmandé-a, Bondié.

Sé li minm ki té kréyé-l nan Éspri sin-an, li ouè-l, li konté-l, li méziré-l. Li vidé-l sou tout travay li yo, ak sou tout chè dapré kado-l, li rinmèt li bay moun ki rinmin-l yo.

Paròl Granmèt la.

PSÒM RÉPONS

Ps 92, 1 ab. 1 c-2. 5 (R: 1 a)

R: Granmèt la roua, li vlopé ak gloua.

¹ Granmèt la roua, li vlopé ak gloua ;
Granmèt la vlopé, li maré rin-l ak fòs. R:

Vrèman li rann fas tè-a solid, pou-l pa souké.

² Tro-n ou solid dépi lontan, dépi tout tan ou égzisté. R:

⁵ Témouagnaj ou yo mérité konfians nèt :
kay ou-a kléré ak sa ki sin-an, Granmèt,
pou longè tan yo. R:

Ané 2

PRÉMIÉ LÉKTU

Si gin jalouzi nan kè nou, pa vanté tèt nou.

Léktu lèt apot sin Jak

3, 13-18

Nou minm mouin rinmin anpil la :

Kilès ki gin sajès épi ki gin disipli-n nan pami nou ? Sé pou-l montré travay li nan dousè sajès la apati yon bon konduit. Min si nou gin yon anvè ki anmè, avèk si gin jalouzi nan kè nou, pa vanté tèt nou, pou nou vi-n tounin moun k-ap bay manti kont lavérité-a.

Sèké sé pa sajès sa-a ki désann sot anro-a, min sé sou tè-a li soti, nan bèt, nan djab. Sèké koté ki gin jalouzi ak batay, sé dézòd ak tout kalité mové aksion. Min sajès la ki sot anro-a, toudabò li gin yon konduit respéktab, épi li chèché lapè, li tou dou, li gin bon jan, li mété kè-l nan sa-k bon, li plin mizérikind ak bon foui, li pa gin préjijé, li pa fè ipokrit. Foui jistis la sé nan lapè li simin, pou moun yo k-ap fè lapè-a.

Paròl Granmèt la.

PSÒM RÉPONS

Ps 18, 8. 9. 10. 15 (R: 9 a)

- R: Jistis Granmèt la douat, yo fè kè kontan.
- 8 Laloua Granmèt la san tach, li réfè nanm,
témouagnaj Granmèt la fidèl, li bay ti moun yo sajès. R:
- 9 Jistis Granmèt la douat, yo fè kè kontan,
kòmandman Granmèt la klèl, li kléré jé yo. R:
- 10 Krint Granmèt la nèl, li diré pou tout tan gin tan,
jijman Granmèt la vré, yo kòrèk yo tout ansanm. R:
- 15 Sé pou paròl bouch moun yo fè-ou plézi,
ni réfléksion kè-m dévan fas ou.
Granmèt, sékou-m ak Rédanmtè mouin. R:

ALÉLOUYA

Cf. 2 Tim 1, 10

- R: Alélouya. Sovè nou Jézu-Kri détoui lanmò-a,
li kléré lavi-a gras a bòn nouvèl la. R: Alélouya.

ÉVANJIL

Mouin kouè, Granmèt, édé mank lafoua-m nan.

✠ Léktu sint Évanjil la dapré Mark

9, 14-29

Lè sa-a :

Jézu désann sot sou mòn nan, li rivé kot disip li yo, li ouè yon gran foui alantou yo, avèk skrib yo k-ap diskité avèk yo. Minm lè-a tout pèp la ouè Jézu, yo sézi, yo soté, yo kouri vi-n salié-l. Li pozé yo késion : « Kisa n-ap diskité konsa-a antré nou-an ? »

Yon moun nan fowl la réponn, li di : « Mèt, mouin minnin pitit mouin-an koté-ou, li gin yon éspri baba, lè-l pran-l ninpòt ki koté, li maltrété-l ; pitit la bavé, li manjé dan, li séché. Mouin té di disip ou yo pou yo chasé-l, min yo pa-t kapab ».

Li réponn yo, li di : « Jénérasion san lafoua, jouskilè m-ap avèk nou ? jouskilè m-ap sipoté nou ? Minnin-l ban mouin ». Yo minnin-l. Lè-l ouè-l, minm lè-a éspri-a souké-l, li maltrété-l atè-a, li kimin tankou kim savon.

Li pozé papa-l késion : « Dépi pandan konbyin tan bagay sa-a rivé-l ? »

Li di : « Dépi-l tou piti ; anpil foua sé nan difé ak nan dlo li voyé-l, pou-l touyé-l. Min, si-ou kapab, édé nou tanpri souplé ».

Jézu minm di-l : « Si-ou kapab kouè, tout bagay posib pou moun ki kouè ».

Minm lè-a papa ti pitit la rélé byin fò, avèk dlo nan jé-l li t-ap di : « Mouin kouè, Granmèt ; édé mank lafoua-m nan ».

Lè Jézu ouè foul la k-ap rasanblé, li ménasé éspri papròp la, li di-l : « éspri ki soud, ki baba, mouin pasé-ou lòd : “Soti nan li, épi pa janm antré nan li ankò” ». Li rélé byin fò, li souké-l anpil, li pati sot nan li ; li té tankou si-l té mouri, atèl pouin moun yo t-ap di li mouri. Jézu minm kinbé min-l, li lévé-l, li drésé.

Lè-l antré nan kay la, disip li yo pozé-l késion an sékrè : « Pouki sa nou pa-t kapab chasé-l ? » Li di yo : « Kalité sa-a pa kapab soti ak anyin, sof ak lapriyé avèk jén ».

Paròl Granmèt la.

Madi

Ané 1

PRÉMIÉ LÉKTU

Préparé nanm ou pou tantasion-an.

Léktu liv Sirasid

2, 1-13

Pitit, antan ou-ap proché nan sèvis Bondié, kanpé nan jistis ak krint, préparé nanm ou pou tantasion-an.

Rabésé kè-ou, épi kinbé fèm, panché zòrèy ou, résévoua paròl intéllyans la, pa présé nan tan kontrariété-a. Kinbé fèm ak fòs Bondié ; kolé kò-ou sou Bondié, épi kinbé fèm, pou lavi-ou dévloppé ankò.

Tou sa-k rivé-ou, aksépté-l, nan doulè-a kinbé fèm, nan rabésman-ou nan sé pou-ou gin pasians ; paské sé nan difé yo éséyé lò ak lajan, moun yo minm yo bay prèv yo nan founèz rabésman-an.

Kouè nan Bondié, l-ap ranmasé-ou, dirijé chémin-ou, éspéré nan li ; kinbé krint li, rété tout tan nan li.

Nou minm ki krinn Granmèt la, tann mizérikòd li, pa panché sot nan li pou nou pa tonbé. Nou minm ki krinn Granmèt la, kouè nan li, rékonpans nou pap vidé.

Nou minm ki krinn Granmèt la, éspéré nan li, nan kontrariété-a mizérikòd la ap rivé pou nou. Nou minm ki krinn Granmèt la, rinmin-l, kè nou ap kléré.

Pitit yo, gadé nasion moun yo ; aprann sa : pèsòn ki éspéré nan Granmèt la pa janm ront. Kilès ki rété nan kòmandman-l yo épi li lagé ? Oubyin kilès ki té rélé-l, épi li méprizé-l ?

Sèké Bondié bon, li gin mizérikòd, l-ap padonnin péché yo jou tray la ; li protéjé tout moun k-ap chèché-l yo nan vérité-a.

Paròl Granmèt la.

PSÒM RÉPONS

Ps 36, 3-4. 18-19. 27-28. 39-40 (R: : cf. 5)

R: Rinmèt Granmèt la chémin-ou, sé li minm k-ap aji.

3 Éspéré nan Granmèt la, fè sa-k bon,
ou-ap abité tè-a, ou-ap manjé ak konfians.

4 Joui nan Granmèt la,
l-ap ba ou sa kè-ou mandé yo. R:

18 Granmèt la konnin jou moun ki san tach yo,
éritaj yo ap la pou tout tan.

19 Yo pap ront nan tan malè-a,
nan jou grangou y-ap jouinn kont manjé yo. R:

27 Viré do bay sa-k mal, fè sa-k byin,
ou-ap abité pou tout tan gin tan.

28 Paské Granmèt la rinmin jijman,
li pap lagé sin-l yo.
Moun ki pa kòrèk yo ap péri pou tout tan,
ras méchan yo ap détrui. R:

39 Sové moun ki kòrèk yo, sé nan Granmèt la li soti,
li sèvi yo protéksion nan tan tray la.

40 Granmèt la ap édé yo, l-ap délivré yo,
l-ap délivré yo sot nan min moun péché yo, l-ap sové yo,
paské yo éspéré nan li. R:

Ané 2

PRÉMIÉ LÉKTU

Nou mandé, nou pa jouinn, paské nou mandé mal.

Léktu lèt apot sin Jak

4, 1-10

Nou minm mouin rinmin anpil la :

Kot lagè ak batay soti nan nou-an ? Èské sé pa akoz lanvi nou, k-ap batay nan manb nou yo ? Nou anvè, épi nou pa ginyin : n-ap touyé. N-ap fè jalouzi épi nou pa jouinn, n-ap batay épi n-ap fè lagè épi nou pa ginyin, paské nou pa mandé. Nou mandé, min nou pa jouinn, paské nou mandé mal, pou nou dépanse pou lanvi nou.

Nou minm ki nan adiltè-a, èské nou pa konnin si nou fè zanmi ak tè sa-a, nou vi-n ènmi Bondié ? Moun ki vlé zanmi tè sa-a, li fè tèt li vi-n ènmi Bondié. Èské nou kouè sé pou bon tan sa-k ékri-a di : « Éspri ki abité nan nou-an, l-ap chèché jouinn sa-l anvè-a ? » Min li bay yon pi gran gras ; sé pou sa li di : « Bondié mét antrav kont sa ki kouè yo plis pasé lòt yo ; sa-k konsidéré yo pa anyin yo, sé yo minm li bay gras ».

Mété nou anba lòd Bondié, fè fòs kont djab la, l-ap kouri sot koté nou. Proché kot Bondié, l-ap proche koté nou. Nétouayé min nou, nou minm ki nan péché ; pròpté kè nou, nou minm ki gin kè doub. Konsidéré mizè nou, pran dèy, kriyé. Fè plézi nou-an tounin rèl dèy, fè kè kontan nou-an tounin lapinn. Bésé tèt nou dévan Granmèt la, l-ap lévé nou anlè.

Paròl Granmèt la.

PSÒM RÉPONS

Ps 54, 7-8. 9-10 a. 10 b-11 a. 23 (R : 23 a)

R : Lagé tèt chajé-ou sou Granmèt la, sé li minm k-ap okipé-ou.

7 Mouin té di : « Kilès k-ap ban-m zèl tankou toutrèl, m-a volé, m-a répozé ?

8 Min, m-ap sovè kò-m byin louin, m-ap rété nan dézè-a ». R :

9 M-ap tann sa-a k-ap sovè-m nan, anba souf loraj la ak tanpèt la.

10 Granmèt, gayé, séparé lang yo. R :

Sèké mouin ouè méchansté ak jalouzi nan lavil la.

11 Lajounin ak nannuit y-ap fè ron li sou miray li yo. R :

²³ Jété tèt chajé-ou sou Granmèt la,
sé li minm k-ap okipé-ou ;
li pap kite moun kòrèk la nan boulvès tout tan. **R**

ALÉLOUYA

Gal 6, 14

R Alélouya. Mouin pa gin doua lévé tèt mouin sof nan koua Granmèt la,
ki fè tè-a klouré sou koua-a pou mouin, épi mouin minm pou tè-a. **R**
Alélouya.

ÉVANJIL

*Y-ap rinnèt Pitit moun nan. Si yon moun vlé
vi-n prémié, sé pou-l vi-n tounin dènié nan yo tout.*

✠ Léktu sint Évanjil la dapré Mark

9, 30-37

Lè sa-a :

Jézu pati kite mòn nan, ansanm ak disip li yo, yo t-ap travèsé Galilé-a, li pa-t vlé pèsòn konnin. Li t-ap anségné disip li yo, li t-ap di yo : « Y-ap rinnèt Pitit moun nan nan min lézòm, y-ap touyé-l, l-ap mouri, sou touazièm jou-a l-ap lévé ». Min yo minm yo pa-t konprann paròl la, épi yo té pè pozé-l késion.

Yo rivé Kafarnaòm. Pandan yo té nan lakay la, li t-ap pozé yo késion : « Ki sa nou t-ap diskité sou rout la ? » Min yo minm yo té pé bouch yo ; paské sou rout la yo t-ap diskité kilès nan yo ki pi gran.

Li chita, li rélé douz yo, li di yo : « Si yon moun vlé vi-n prémié, sé pou-l vi-n dènié nan pami tout moun, sé pou-l vi-n sèvitè tout moun ».

Li pran yon ti gason, li mété-l kanpé nan mitan yo. Li anbrasé-l, li di yo : « Ninpòt ki moun ki résévoua kalité ti moun sa yo o non mouin, sé mouin minm li résévoua ; épi tout moun ki résévoua-m, sé pa mouin minm li résévoua, min sé sa-a ki voyé-m nan ».

Paròl Granmèt la.

Mèkrédi

Ané 1

PRÉMIÉ LÉKTU

Moun yo ki rinmin sajès la, Bondié rinmin yo.

Léktu liv Sirasid

4, 12-22

Sajès la souflé lavi-a nan pitit li yo, li résévoua sa-a yo k-ap chèché-la, li maché dévan yo nan rout jistis la. Moun ki rinmin-l, li rinmin lavi, moun k-ap véyé koté-l, yo réalisé sa-k fè-l plézi.

Moun ki kinbé-l, y-ap éritié lavi-a, koté-l antré, Bondié bay bénédiksion. Moun k-ap sèvi-l, y-ap sèvi Sa-a ki sin-an, moun ki rinmin-l, Bondié rinmin yo. Moun ki kouté-l, l-ap jijé nasion yo, moun k-ap fiksé jé-l sou li, l-ap rété avèk asirans.

Si-l fè-l konfians, l-ap éritié-l, pitit yo ap asiré ; paské nan tray k-ap éséyé-l la l-ap maché avèk li, l-ap chouazi-l toudabò. Sé krint ak sézisman ak difikilté pou éséyé-l l-ap fè tonbé sou li, l-ap fè-l pasé mizè nan tray ansègnman-l nan, joustan li éséyé-l nan pansé-l yo, li fè nanm li konfians.

L-ap asiré-l, l-ap kondui chémin dirèk koté-l, l-ap fè kè-l kontan, l-ap dévoualé-l bagay li yo ki kaché yo, l-ap ba-l richès sians avèk intélijans jistis. Min si li pran chémin krochi, l-ap kité-l, l-ap lagé-l nan min ènmi-l.

Paròl Granmèt la.

PSÒM RÉPONS

Ps 118. 165. 168. 171. 172. 174. 175 (R: 165 a)

R: Anpil lapè pou sa yo ki rinmin laloua-ou la, Granmèt,

¹⁶⁵ Anpil lapè pou sa yo ki rinmin laloua-ou la,
pou yo li pa sèvi bariè. R:

¹⁶⁸ Mouin kinbé kòmandman-ou yo ak témouagnaj ou yo,
paské tout rout mouin yo dévan fas ou. R:

¹⁷¹ Bouch mouin déklaré kantik
lè ou-ap aprann mouin désizion-ou yo. R:

¹⁷² Lang mouin chanté promès ou,
paské tout lòd ou yo sé jistis. R:

174 Mouin anvi délivrans ou-a, Granmèt,
laloua-ou la sé plézi-m. **R**

175 Sé pou nanm mouin viv, l-ap fè louanj ou,
jijman-ou yo ap poté-m sékou. **R**

Ané 2

PRÉMIÉ LÉKTU

*Ki sa lavi nou yé ? Pito nou di :
Si Granmèt la vlé.*

Léktu lèt apot sin Jak

4, 13-17

Nou minm mouin rinmin anpil la :

Min koulié-a nou minm k-ap di : « Jodi-a oubyin démin n-apralé nan tèt vil, n-ap pasé ané-a laba-a, n-ap fè komès, n-ap fè bénéfis » : nou minm ki pa konnin sa démin-an ap yé-a. Ki sa lavi nou yé ? Yon vapè ki parèt yon ti moman, épi apré sa ki disparèt.

Sé pou sa pito nou di : « Si Granmèt la vlé, épi si nou vivan, n-ap fè tèt bagay oubyin tèt lòt ». Koulié-a minm n-ap dansé nan kondision sipériorité nou-an. Tout kalité kè kontan sa-a li mové. Moun ki konnin pou-l fè byin, épi ki pa fè-l, li fè péché.

Paròl Granmèt la.

PSÒM RÉPONS

Ps 48, 2-3. 6-7. 8-10. 11 (**R** : Mt 5, 3)

- R** Ala kontantman pou moun ki pòv yo nan éspri-a,
paské sé pou yo péyi-roua sièl yo yé.
- 2 Kouté sa, tout nasion yo,
louvri zòrèy nou, nou tout ki abité sou tè-a.
- 3 Ni moun ki ba ni moun ki nan gran kondision,
ni rich ni pòv ansanm. **R**
- 6 Pouki sa pou-m pè nan jou malè yo,
lè méchansté profitè yo ap fè lavironn mouin-an ?
- 7 Yo minm ki mét konfians nan pouvoua yo,
k-ap lévé tèt yo nan kantité richès yo. **R**
- 8 Vréman moun nan pa kapab rachté pròp tèt li ;
li pap bay Bondié satisfaksion li mandé-a.

- ⁹ Li trò gran, pri rédanmsion nanm li-a :
alafin l-ap disparèt,
¹⁰ pou-l t-a viv pou tout tan, pou-l pa t-a ouè finisman. **R**
¹¹ L-ap ouè saj yo k-ap mouri ;
ni moun san konprann ni moun sot ap péri ansanm,
y-ap kité richès yo bay lòt. **R**

ALÉLOUYA

Jan 14, 6

R Alélouya. Mouin sé chémin-an, vérité-a ak lavi-a, sé sa Granmèt la di,
pèsòn pap vi-n kot Papa-a, si-l pa pasé nan mouin. **R** Alélouya.

ÉVANJIL

Moun ki pa kont nou, sé pou nou li yé.

✠ Léktu sint Évanjil la dapré Mark

9, 38-40

Lè sa-a :

Jan réponn Jézu, li di : « Mèt, nou té ouè yon mésié ki t-ap chasé démon yo o non-ou, sé pa yon moun ki suiv nou, ébyin nou anpéché-l sa ».

Jézu minm di-l : « Pa anpéché-l sa ; sèké pa gin pèsòn ki kapab fè mèvèy o non-m, épi ki kapab palé mal osijè-m tou suit apré sa. Moun ki pa kont nou, sé pou nou li yé ».

Paròl Granmèt la.

Jédi

Ané 1

PRÉMIÉ LÉKTU

Ou pap mizé pou-ou tounin vi-n jouinn Granmèt la.

Léktu liv Sirasid

5, 1-10

Pa mét lidé-ou sou richès malonèt, pa di : « Lavi-a kont pou mouin » : sa pap sèvi anyin nan tan vanjans la ak kontradiksyon-an.

Pandan-ou gin fòs la, pa suiv mové anvi kè-ou, pa di : « Kijan mouin kapab ? » oubyin « Kilès k-ap mété-m anba poutèt aksyon-m yo ? » Sèké Bondié ap tiré vanjans byin pròp.

Pa di : « Mouin fè péché, épi ki mal mouin jouinn ? » Sèké Sa-a ki anro nèt la, li gin pasians pou-l péyé. Pa rét nan kè soté osijè padon péché-a, pa mété péché sou péché.

Pa di : « Pitié Granmèt la gran, l-ap padonnin pakèt péché-m yo ». Sèké mizérikòd la ak kòlè-a, yo proché byin vit sot nan li, kòlè-l la ap gadé péché yo.

Pa mizé pou-ou viré vi-n jouinn Granmèt la, pa ranvouayé sa jou apré jou : sèké kòlè-l ap rivé byin vit, nan tan vanjans la l-ap fè-ou péri.

Pa fè kè-ou soté pou richès ki pa kòrèk yo ; sèké yo pap sèvi-ou nan jou kontrariété-a ak vanjans la.

Paròl Granmèt la.

PSÒM RÉPONS

Ps 1, 1-2. 3. 4 é 6 (R : Ps 39, 5 a)

R : Ala kontantman pou moun ki mét Granmèt la kòm éspérans li.

- 1 Ala kontantman pou moun ki pa alé
nan réyinion moun ki pa krinn Bondié yo,
ki pa kanpé nan chémin péchè yo,
ki pa chita nan group moun k-ap passé laloua-a nan jouèt yo,
- 2 min sé nan laloua Granmèt la volonté-l yé,
sé nan laloua-l la l-ap kalkilé lajounin ak lannuit. R :
- 3 L-ap tankou yon pié boua ki planté
sou bò kouran dlo,
k-ap donnin foui-l nan tan li,
li pap pèdi fèy li, tou sa l-ap fè ap réyisi. R :
- 4 Sé pa konsa pou moun ki pa krinn Bondié yo, sé pa konsa,
min y-ap tankou pousiè van ap voyé jété.
- 6 Sèké Granmèt la konnin chémin moun kòrèk yo,
min rout moun ki pa kòrèk yo ap péri. R :

Ané 2

PRÉMIÉ LÉKTU

*Pri travay ouvriyé yo nou pran-an, l-ap rélé,
rèl la antré nan zòrèy Granmèt la.*

Léktu lèt apot sin Jak

5, 1-6

An nou ouè koulié-a, rich yo, kriyé, rélé nan mizè nou yo k-apral rivé sou nou yo. Richès nou yo ap pouri ; rad nou yo, sé lagal k-ap manjé yo. Lò nou ak lajan nou ap rouyé, larouy yo-a ap sèvi témouin kont nou, l-ap manjé chè nou tankou difé. Sé kòlè nou ranmansé nan magazin pou pròp tèt nou pou dènié jou yo.

Min pri travay ouvriyé yo, ki té fè rékòlt jadin nou yo, sa nou té vòlè-a, min l-ap rélé, épi rèl yo antré nan zòrèy Granmèt lamé yo. Nou fè résepsion sou tè-a, nou bay kò nou manjé nan banbòch pou jou y-ap touyé nou-an. Nou arété sa-a ki kòrèk la, nou touyé-l, li pa rézisté nou.

Paròl Granmèt la.

PSÒM RÉPONS

Ps 48, 14-15 ab. 15 cd-16. 17-18. 19-20 (R: : Mt 5, 3)

R: Ala kontantman pou moun ki pòv nan éspri-a,
paské sé pou yo péyi-roua sièl yo yé.

¹⁴ Sa-a sé chémin moun yo ki mét konfians nan pròp tèt yo-a,
ak finisman sa yo ki mét plézi yo nan bouch yo-a.

¹⁵ Tankou mouton ki instalé nan bafon-an,
lanmò-a ap gadiyin yo. R:

Y-ap désann tèt bésé nan kavo-a,
pòtré yo ap disparèt :

¹⁶ Min Bondié ap délivré nanm mouin,
anba min bafon-an l-ap soulvé-m. R:

¹⁷ Pa pè, lè yon moun ap vi-n rich,
lè richès kay li ap vi-n anpil.

¹⁸ Paské lè l-ap mouri, li pap pran anyin,
richès li pap désann avèk li. R:

¹⁹ Pandan l-ap fè konpliman pou nanm li nan lavi-l :
« Y-ap fè louanj ou, paské ou té réglé afè-ou byin » ;

²⁰ sèlman l-ap antré al jouinn fanmi zansèt li yo,
ki pap janm ouè limiè-a. **R**

ALÉLOUYA

Cf. 1 Tés 2, 13

R Alélouya. Résévoua paròl Bondié-a, pa tankou paròl moun,
min tankou sa-l yé tout bon vré-a, paròl Bondié-a. **R** Alélouya.

ÉVANJIL

*Li pi bon pou ou pou-ou antré nan lavi-a infim,
pasé pou-ou gin dé min-ou, épi pou-ou al nan boukan difé-a.*

✠ Léktu sint Évanjil la dapré Mark

9, 41-50

Lè sa-a Jézu di disip li yo :

« Ninpòt moun k-ap ba nou yon godé dlo pou nou bouè o non-m,
paské nou sé disip Kris la, mouin di nou, li pap pèdi rékonpans li.

Min ninpòt ki moun ki fè youn nan ti piti sa yo ki kouè nan mouin-an
pèdi bon chémin-an, li t-a pi bon pou moun sa-a, si yo t-a maré yon gro
ròch moulin bourik yo nan kou-l, épi yo t-a jété-l nan lanmè.

Si min-ou anpéché-ou suiv bon chémin-an, koupé-l ; li pi bon pou ou
pou-ou antré infim nan lavi-a, pasé pou-ou gin dé min-ou épi pou-ou al
nan lanfè avèk yo, nan difé ki pap étinn nan, koté vè yo pap mouri-a, épi
difé yo pap étinn nan. Sé pié-ou anpéché-ou suiv bon chémin-an, koupé-
l ; li pi bon pou ou si-ou antré nan lavi tout tan-an antan ou-ap bouaté,
pasé pou-ou gin dé pié épi pou yo jété-ou nan lanfè difé ki pap étinn nan,
koté vè yo pap mouri-a, épi difé yo pap étinn nan. Si jé-ou anpéché-ou
maché nan bon chémin, raché-l ; li pi bon pou ou pou-ou antré ak yon sèl
jé nan péyi-toua Bondié-a, pasé pou-ou gin dé jé épi pou yo jété-ou nan
lanfè difé-a, koté vè yo pap mouri-a, épi difé yo pap étinn nan.

Sèké tout bagay ap salé avèk difé, tout sakrifis ap salé byin salé.

Sèl la sé yon bon bagay ; min si sèl la vi-n fad, ak ki sa n-ap ba-l gou ?

Sé pou nou gin sèl nan nou, épi sé pou nou gin lapè antré nou ».

Paròl Granmèt la.

Vandrédi

Ané 1

PRÉMIÉ LÉKTU

Yon zanmi fidèl pa kanmarad anyin.

Léktu liv Sirasid

6, 5-17

Paròl ki dous fè vi-n gin anpil zanmi, li adousi ènmi yo ; lang ki konn di mèsì ralé anpil bon moun. Sé pou-ou gin anpil moun k-ap viv nan lapè avèk ou, min sé yon sèl pou-ou kité ba-ou konsèy nan pami mil.

Si ou gin yon zanmi, éseyé-l anvan-ou aksépté-l nèt, pa kouè nan li fasil ; sèké sé nan jou tray la, li zanmi-ou vré.

Gin zanmi ki vi-n tounin ènmi, gin zanmi k-ap dévoualé rayisans avèk batay avèk kont. Gin zanmi ki asosié tab la, min li pa diré nan jou ou nan bézouin-an.

Zanmi-an, si-l rété solid, sé pou-l tankou yon égal pou ou, li mèt aji avèk moun lakay ou nan konfians. Si-l rabésé tèt li dévan-ou, li kaché dévan fas ou, ou-ap gin yon bon rélasion zanmi sou tout pouin.

Pran distans-ou ak ènmi-ou yo, pran prékosion ak zanmi-ou yo.

Yon zanmi fidèl sé yon protéksion ki fò ; moun ki jouinn li, li jouinn yon trézò. Yon zanmi fidèl, anyin pa kapab konparé avèk li, kantité lò ak lajan pa mérité konté dévan valè lafoua-l.

Yon zanmi fidèl, sé rémèd lavi ak lavi ki pap mouri-a, moun yo ki krinn Granmèt la yo jouinn li. Moun ki krinn Bondié, y-ap jouinn bon rélasion zanmi tou, paské zanmi-l nan ap dapré li minm.

Paròl Granmèt la.

PSÒM RÉPONS

Ps 118, 12. 16. 18. 27. 34. 35 (R: 35 a)

R: Kondui-m, Granmèt, nan santié lòd ou yo.

¹² Konpliman pou ou, Granmèt,
apranm mouin désizion-ou yo. R:

¹⁶ Nan désizion-ou yo mouin jouinn plézi-m,
mouin pa bliyé paròl ou. R:

¹⁸ Dévoualé jé-m,
m-ap konsidéré mèvèy nan laloua-ou la. R:

- 27 Chémin kòmandman-ou yo, fè-m konprann yo,
m-ap kalkilé nan mèvèy ou yo. **R:**
- 34 Ban-m intélijans, m-a obsèvé laloua-ou la,
m-a kinbé-l ak tout kè-m. **R:**
- 35 Kondui-m nan santié kòdmanman-ou yo,
paské mouin rinmin-l. **R:**

Ané 2

PRÉMIÉ LÉKTU

Min jij la kanpé dévan pòt la.

Léktu lèt apot sin Jak

5, 9-12

Pa plinyin youn kont lòt, frè-m yo, pou yo pa jijé nou. Min jij la kanpé dévan pòt la.

Pran modèl, frè-m yo, nan malè-a, sou andirans ak pasians profèt yo, ki té palé o non Granmèt la. Min nou déklaré moun ki gin landirans yo yo gin chans. Nou té tandé palé sou soufrans Jòb, nou té ouè rékonpans Granmèt la té ba li-a ; paské Granmèt la sansib, li pran pitié.

Anvan tout bagay, frè-m yo, pa fè sèman, ni sou sièl la, ni sou tè-a, ni pa fè okinn lòt kalité sèman. Sé pou paròl nou : Oui, oui, Non, non : pou nou pa tonbé anba jijman-an.

Paròl Granmèt la.

PSÒM RÉPONS

Ps 102, 1-2. 3-4. 8-9. 11-12 (**R:** : 8 a)

- R:** Granmèt la pran pitié, li sansib.
- 1 Fè konpliman pou Granmèt la, nanm mouin ;
tou sa-k anndan-m, fè konpliman pou non-l ki sin.
- 2 Fè konpliman pou Granmèt la, nanm mouin,
pa bliyé tou sa-l fè yo. **R:**
- 3 Li minm ki padonnin tout fot ou yo,
ki géri tout maladi-ou yo ;
- 4 Li minm ki rachté lavi-ou sot nan fòs la,
ki kouronnin-ou ak mizérikòd, ak pitié. **R:**

- 8 Granmèt la pran pitié, li gin mizérikòd,
li pran pasians, li gin anpil mizérikòd.
- 9 Sé pa pou tout tan l-ap fè diskision,
sé pa pou tout tan li faché. **R:**
- 11 Sèké otan sièl la ro anlè tè-a,
mizérikòd li débòdé sou sa yo ki krinn li yo ;
- 12 otan olévan louin okouchan,
li ranvouayé péché nou yo louin nou. **R:**

ALÉLOUYA

Cf. Jan 17, 17 b. a

R: Alélouya. Paròl ou, Granmèt, sé vérité ;
fè nou vi-n sin nan vérité-a. **R:** Alélouya.

ÉVANJIL

Sa Bondié maré ansanm moun pa kapab séparé-l.

✠ Léktu sint Évanjil la dapré Mark

10, 1-12

Lè sa-a :

Jézu lévé, li rivé nan limit Judé lòt bò Joudin-an. Foul yo rasanblé vi-n jouinn li ankò ; jan-l té gin abitud la, li t-ap ba yo ansègnman ankò.

Farizyin yo proche, yo pozé-l késion : « Si yon mari gin doua ranvouayé madanm nan », yo t-ap tanté-l.

Min li minm li réponn, li di yo : « Ki lòd Moyiz té pasé nou ? »

Yo di : « Moyiz té pèmèt pou ékri yon biyé divòs, épi pou ranvouayé-l ».

Jézu réponn, li di : « Sé poutèt kè nou té di, sé pou sa li té ékri lòd sa-a pou nou-an. Min nan kòmansman-an, “sé gason ak fi Bondié té fè yo. Sé poutèt sa mésié-a ap kité papa-l ak manman-l épi l-ap kòlè kò-l kot madanm li, épi yo tou lè dé ap nan yon sèl chè”. Sé pou sa yo pa dé ankò, min sé yon sèl chè yo yé. Konsa sa Bondié maré, moun pa gin doua séparé-l ».

Lè-l tounin lakay la, disip li yo pozé-l késion sou minm bagay sa-a. Li di yo : « Ninpòt ki moun ki ranvouayé madanm li épi ki pran yon lòt, li fè yon adiltè sou li. Épi si yon madanm ranvouayé mari-l épi li marié ak yon lòt, li fè adiltè ».

Paròl Granmèt la.

Samdi

Ané 1

PRÉMIÉ LÉKTU

Sé dapré pòtré Bondié, Bondié fè moun nan.

Léktu liv Sirasid

17, 1-15

Bondié té kréyé moun nan avèk tè-a, épi sé dapré pòtré-l li té fè-l ; apré sa li fè-l tounin nan tè-a. Dapré li minm, li abiyé moun nan avèk pouvoua.

Li ba-l kantité jou ak tan, li ba-l pouvoua sou bagay yo ki sou tè-a. Li fè tout chè respékté-l, li fè-l kòmandé sou bèt yo ak zouazo yo.

Li kréyé yon moun tankou-l pou édé-l apati li minm ; li ba yo konsians, lang, jé, zòrèy, ak kè pou yo réfléchi, li plin yo ak disipli-n intélijans.

Li kréyé sians léspri pou yo, li plin kè yo ak intélijans, li montré yo mal ak byin.

Li mété jé-l sou kè yo, pou-l montré yo grandè travay li yo, pou yo fè louanj non-l ki sin-an, pou yo lévé tèt yo nan mèvèy li yo, pou yo rakonté grandè travay li yo.

Li ba yo disipli-n tou, li fè yo éritié laloua lavi-a ; li pasé yon kontra tout tan avèk yo, li montré yo jistis li ak jijman-l yo.

Jé yo ouè grandè konsidération-l, zòrèy yo tandé konsidération voua-l. Li di yo : « Véyé pou nou pa fè okinn péché ». Li pasé chak moun lòd osijè prochin-l.

Rout yo dévan-l tout tan, yo pa kaché dévan jé-l.

Paròl Granmèt la.

PSÒM RÉPONS

Ps 102, 13-14. 15-16. 17-18 a (R: cf. 7)

R: Mizérikòd Granmèt la dépi tout tan sou moun ki krinn li yo.

¹³ Tankou papa sansib pou pitit li yo,
Granmèt la sansib pou moun ki krinn li yo.

¹⁴ Sèké li minm li konnin ak ki sa nou fèt,
li sonjé kijan sé pou siè nou yé. R:

- 15 Moun nan sé tankou zèb jou-l yo yé,
tankou flè jadin konsa li fléri.
- 16 Van-an souflé sou li, li pa rézisté,
yo pa rékonèt plas li ankò. **R:**
- 17 Mizérikòd Granmèt la minm sé dépi tout tan,
épi jous pou tout tan pou moun ki krinn li yo,
jistis li nan pitit moun yo ;
- 18 nan sa yo ki kinbé alians li-a. **R:**

Ané 2

PRÉMIÉ LÉKTU

*Priyè moun kòrèk la fè avèk pèsévérans la,
li gin anpil valè.*

Léktu lèt apot sin Jak

5, 13-20

Nou minm mouin rinmin anpil la :

Èské youn nan nou gin chagrin ? Sé pou-l priyé. Èské li gin kè kontan ? Sé pou-l chanté som. Èské youn nan nou malad ? Sé pou-l rélé prèt yo nan Égliz la, pou yo priyé sou li, pou yo pasé luil sou li o non Granmèt la ; priyé lafoua-a ap sovè malad la, Granmèt la ap soulajé-l, épi, si-l gin péché, l-ap padonnin-l.

Sé pou nou youn konfésé péché nou yo bay lòt, sé pou nou youn lapriyé pou lòt, pou nou sovè ; priyé moun ki kòrèk la fè avèk pèsévérans la, li gin anpil valè. Éli sé té yon moun tankou nou minm, ki fèb, li priyé anpil, pou lapli pa tonbé sou tè-a ; épi lapli pa tonbé pandan touazan ak si moua. Li priyé ankò, sièl la bay lapli, tè-a bay foui-l.

Frè-m yo, si youn nan nou dévié sot nan vérité-a, épi yon moun fè-l tounin, nou doué konnin moun ki fè yon péchè tounin sot nan mové chémin-l nan, l-ap sovè nanm li sot nan lanmò, l-ap kouvri kantité péché-l yo.

Paròl Granmèt la.

PSÒM RÉPONS

Ps 140, 1-2. 3 é 8 (**R:** : 2 a)

R: Dirijé priyé-m nan, Granmèt, tankou lansan nan fas ou.

- ¹ Granmèt, mouin rélé koté-ou, fè vit vi-n koté-m ;
kouté voua-m, lè-m rélé koté-ou la.
- ² Sé pou priyè-m nan dirijé tankou lansan dévan fas ou,
min-m k-ap lévé tankou sakrifis asouè-a. **R:**
- ³ Mété yon bariè nan bouch mouin, Granmèt,
ak santinèl nan pòtay po bouch mouin yo.
- ⁸ Paské sé koté-ou, Granmèt, Granmèt, jé-m fiksé :
koté-ou mouin kaché, pa vidé nanm mouin. **R:**

ALÉLOUYA**Cf. Mt 11, 25**

R: Alélouya. Konpliman pou ou, Papa, Granmèt sièl la ak tè-a,
paské ou révéle mistè péyi-roua-a bay sa-k tou piti yo. **R:** Alélouya.

ÉVANJIL

*Tout moun ki pa résévoua péyi-roua Bondié-a tankou yon ti moun piti,
li pap antré ladan-l.*

✠ Léktu sint Évanjil la dapré Mark**10, 13-16**

Lè sa-a :

Yo té prezanté timoun piti bay Jézu pou-l té touché yo ; disip yo minm
t-ap kouri dèyè moun yo ki t-ap vi-n prezanté yo-a.

Lè Jézu ouè sa, li faché, li di yo : « Kité timoun yo vi-n jouinn mouin,
pa anpéché yo ; sé pou sa-k sanblé ak yo péyi-roua Bondié-a yé. Amèn
mouin di nou, tout moun ki pa résévoua péyi-roua Bondié-a tankou yon
timoun piti, li pap antré ladan-l ».

Li anbrasé yo, li pozé min sou yo, li béni yo.

Paròl Granmèt la.

UITIÈM SÉMÈN ÒDINÈ

Dimanch, ané A

PRÉMIÉ LÉKTU

Mouin pap bliyé-ou.

Léktu liv profèt Izayi

49, 14-15

Siyon t-ap di : « Granmèt la lagé-m, Granmèt la bliyé-m ». Èské yon madanm kapab bliyé ti pitit li, pou-l pa sansib pou pitit zantray li ? Minm si youn t-ap bliyé, mouin minm mouin pap bliyé-ou.

Paròl Granmèt la.

PSÒM RÉPONS

Ps 61, 2-3. 6-7. 8-9 ab (R: 2 a)

- R: Sé nan Bondié sèlman pou-ou répozé, nanm mouin.
- 2 Sé nan Bondié sèlman pou-ou répozé, nanm mouin ;
sèké sé nan li délivrans mouin soti.
- 3 Vrèman sé li minm ki kachèt mouin ak délivrans mouin,
protéksion-m, mouin pap souké ankò. R:
- 6 Nan Bondié sèlman pou-ou répozé, nanm mouin ;
paské sé nan li pasians mouin soti.
- 7 Vrèman sé li minm ki Bondié-m ak délivrans mouin,
sékou-m, mouin pap souké. R:
- 8 Nan Bondié délivrans mouin ak gloua mouin ;
Bondié fòs mouin, kachèt mouin sé nan Bondié li yé.
- 9 Séparé nan li, tout fanmi pèp la,
vidé kè nou dévan li. R:

DÉZIÈM LÉKTU

Granmèt la ap fè ouè pansé ki nan kè yo.

Léktu prémié lèt apot sin Pòl pou Korintyin yo

4, 1-5

Frè-m yo :

Sé pou yo konsidéré nou tankou sèvitè Jézu-Kri ak moun ki résponsab distribié mistè Bondié yo. Ki sa yo mandé moun ki résponsab distribié yo, sé pou yo fidèl.

Kanta mouin minm, sa pa fè-m anyin si nou jijé-m, oubyin si yon tribinal moun jijé-m ; minm mouin minm mouin pa jijé pròp tèt mouin ; konsians mouin pa réproché-m anyin, sèlman sé pa poussa mouin konsidéré-m kòrèk ; sa-a k-ap jijé-m nan, sé Granmèt la.

Sé poussa pa jijé anvan tan-an, joustan Granmèt la rivé, li minm k-ap kléré sa-k kaché nan fènoua yo, k-ap montré pansé ki nan kè yo ; lè sa-a chak moun ap jouinn louanj nan min Bondié.

Paròl Granmèt la.

ALÉLOUYA

Ébr 4, 12

✠ Alélouya. Paròl Bondié-a vivan, li réalizé sa-l vlé, épi li sondé pansé avèk intansion kè-a. ✠ Alélouya.

ÉVANJIL

Pa pran tèt chajé pou démin.

✠ Léktu sint Évanjil la dapré Matié

6, 24-34

Lè sa-a : Jézu di disip li yo :

« Pèsòn pa kapab sèvi dé mèt : oubyin l-ap rayi youn, l-ap rinmin lòt la, oubyin l-ap kòlè kò-l sou youn, l-ap méprizé lòt la. Nou pa kapab sèvi Bondié avèk lajan.

Sé poussa mouin di nou : Pa pran tèt chajé pou lavi nou, pou nou mandé ki sa n-ap manjé, ni pou kò nou osijè kisa n-ap abiyé : èské lavi-a pa plis pasé manjé-a, épi kò-a plis pasé rad la ? Gadé zouazo sièl yo, yo pa simin, yo pa rékòlté, yo pa ranmasé nan dépo ; époutan Papa nou ki nan sièl la nourri yo. Èské nou pa plis pasé yo ?

Kilès nan nou, afòs l-ap kalkilé, ki kapab mété yon mézi an plis sou rotè-l ?

Pou rad la, pouki sa nou pran tèt chajé ? Konsidéré lis yo nan jadin yo, kijan yo grandi ; yo pa travay, yo pa fè toual. Min mouin di nou, ata Salomon, nan tout gloua li, pa-t abiyé tankou youn nan yo. Konsa si zèb jadin-an ki la jodi-a, épi démin y-ap jété-l nan difé, Bondié abiyé-l konsa, èské li pap fè plis pou nou, nou minm ki gin ti lafoua ?

Konsa, pa pran tèt chajé, ap di : “Ki sa n-ap manjé ?” oubyin “Ki sa n-ap bouè »” oubyin “Ak ki sa n-ap abiyé »” Tout bagay sa yo, payin yo ap

chèché yo ; Papa nou ki nan sièl la konnin nou bezouin tout bagay sa yo. Konsa kòmansé chèché péyi-roua Bondié-a ak jistis li, épi tout bagay sa yo ap vi-n an plis pou nou.

Pa pran tèt chajé pou démin ; jou démin-an ap pran tèt chajé pou kont li : chak jou gin kont mizè-l ».

Paròl Granmèt la.

Dimanch, ané B

PRÉMIÉ LÉKTU

M-ap marié-ou avèk mouin pou tout tan.

Léktu liv profèt Ozé

2, 16 b. 17 b. 21-22

Min paròl Granmèt la :

« Sé mouin minm k-ap kondui-l nan dézè-a, k-ap palé nan kè-l ; l-ap réponn la tankou jou lè-l té jèn nan, tankou jou lè-l té monté sot nan péyi Éjip la.

M-ap marié-ou avèk mouin pou tout tan ; m-ap marié-ou avèk mouin nan jistis avèk jijman, nan mizérikòd ak nan bon kè ; m-ap marié-ou avèk mouin nan lafoua, ou-ap konnin mouin sé Granmèt la ».

Paròl Granmèt la.

PSÒM RÉPONS

Ps 102, 1-2. 3-4. 8 é 10. 12-13 (R : 8 a)

R : Granmèt la pran pitié, li sansib.

- 1 Fè konpliman pou Granmèt la, nanm mouin ;
tou sa-k anndan-m, fè konpliman pou non-l ki sin.
- 2 Fè konpliman pou Granmèt la, nanm mouin,
pa bliyé tou sa-l fè yo. R :
- 3 Li minm ki padonnin tout fot ou yo,
ki géri tout maladi-ou yo ;
- 4 li minm ki rachté lavi-ou sot nan fòs la,
ki kouronnin-ou ak mizérikòd, ak pitié. R :
- 8 Granmèt la pran pitié, li gin mizérikòd,
li pran pasians, li gin anpil mizérikòd.

- ¹⁰ Sé pa dapré péché nou yo li trété nou,
ni dapré fot nou yo li rinmèt nou. **R**
- ¹² Otan olévan louin okouchan,
li ranvouayé péché nou yo louin nou.
- ¹³ Tankou papa sansib pou pitit li yo,
Granmèt la sansib pou moun ki krinn li yo. **R**

DÉZIÈM LÉKTU

Nou sé yon lèt Kris la nou minm nou ékri.

Léktu dézièm lèt apot sin Pòl pou Korintyin yo

3, 1 b-6

Frè-m yo :

Èské nou bezouin, tankou kèk, lèt rékòmandasion pou nou oubyin nan min nou ? Lèt nou sé nou minm minm sa yé, li ékri nan kè nou, tout moun konnin-l, yo li-l ; sa klè nou sé yon lèt Kris la, nou minm nou ékri-l sé pa avèk lank li ékri, min avèk Éspri Bondié vivan-an ; sé pa sou galèt ròch, min sou galèt kè chè yo.

Nou gin yon gran asirans dévan Bondié gras a Kris la. Sé pa paské nou gin kapasité pou nou pansé kichòy ki sot nan nou kòm si sé nou minm ki fè-l, min kapasité nou-an sé nan Bondié li soti ; sé li minm ki fè nou kapab vi-n sèvitè nouvo Téstaman-an, sé pa nan lèt la, min nan Éspri-a ; lèt la touyé, min Éspri-a bay lavi.

Paròl Granmèt la.

ALÉLOUYA

Jk 1,18

R Alélouya. Ak tout libètè-l Papa-a anfanté nou nan paròl vérité-a,
pou nou kapab vi-n tounin kòmansman sa-l kréyé yo. **R** Alélouya.

ÉVANJIL

Mésié marié-a avèk yo.

✠ Léktu sint Évanjil la dapré Mark

2, 18-22

Lè sa-a :

Disip Jan yo ak Farizyin yo t-ap fè jèn, yo rivé, yo di-l : « Pouki sa disip Jan yo ak Farizyin yo ap fè jèn, min disip pa-ou yo minm yo pa fè jén ? »

Jézu di yo : « Èské moun yo invité nan nòs yo kapab fè jèn, pandan mesié marié-a avèk yo ? Toutotan yo gin mesié marié-a avèk yo, yo pa kapab fè jèn. Min gin jou k-ap vini, lè y-ap pran mesié marié-a sot nan min yo, lè sa-a y-ap fè jèn nan jou sa yo.

Pèsòn pa koud yon moso toual nèf sou yon vié rad ; otréman moso nèf la ap rédi sou vié-a, rad la ap chiré pi plis. Pèsòn pa mété yon divin nouvo nan vié véso ki fèt ak po bèt ; otréman divin-an ap fè véso yo éklaté, divin-an ap vidé, véso yo ap pèdi ; min divin nouvo sé nan véso nouvo yo pou yo mété yo ».

Paròl Grammèt la.

Dimanch, ané C

PRÉMIÉ LÉKTU

Pa fè louanj yon moun anvan-l palé.

Léktu liv Sirasid

27, 5-8

Minm jan lè yo souké layo-a, gin ti pousiè ki rété, konsa tou nan réfléksion yon moun yo ouè sa-l manké.

Véso moun k-ap fè krich la, sé difé ki éséyé-l, moun yo ki kòrèk yo minm sé tray la ki éséyé yo. Minm jan lè-ou souin pié boua-a, li montré foui-l, konsa paròl la soti nan réfléksion kè moun nan. Pa fè louanj yon moun anvan-l palé ; sé sa minm ki tésté moun yo.

Paròl Grammèt la.

PSÒM RÉPONS

Ps 91, 2-3. 13-14. 15-16 (R : cf. 2 a)

R : Sa bon pou fè louanj ou, Grammèt.

- 2 Sa bon pou fè louanj Granmèt la,
 pou chanté pou non-ou, Ou minm ki anro nèt la,
 3 pou anonsé mizèrikòd ou dépi granmatin,
 ak vérité-ou la tout nannuit. **R:**
- 13 Moun ki kòrèk la, sé tankou pié palm l-ap dévlopé,
 tankou pié sèd Liban l-ap grandi.
 14 Yo planté nan kay Granmèt la,
 nan lakou Bondié nou-an y-ap dévlopé. **R:**
- 15 Y-ap donnin foui toujou nan viyéyès,
 y-ap donnin an kantité, y-ap byin vèt,
 16 pou yo anonsé kijan Granmèt la douat,
 kachèt mouin-an, pa gin défo nan li. **R:**

DÉZIÈM LÉKTU

Li ba nou viktoua pa lintèmediè Jézu-Kri.

Léktu prémié lèt apot sin Pòl pou Korintyin yo

15, 54-58

Frè-m yo :

Lè kò sa-a k-ap mouri-a ap abiyé ak sa ki pa kapab mouri-a, lè sa-a paròl ki ékri-a ap réalizé : « Lanmò-a anglouti nan viktoua-a ». Koté viktoua-ou, lanmò ? Koté pikèt anpouazonnin-ou nan, lanmò ? Granmési Bondié, ki ba nou viktoua pa pouvoua Granmèt nou Jézu-Kri.

Sé pousa, frè-m yo mouin rinmin-an, sé pou nou rété fèm san tranblé ; antan nou travay anpil nan travay Granmèt la tout tan, nou konnin travay nou pa rét vid nan Granmèt la.

Paròl Granmèt la.

ALÉLOUYA

Fil 2, 15 d-16 a

R: Alélouya. Sé pou nou kléré tankou flanbo sou tè-a,
 antan nou kinbé paròl lavi-a. **R:** Alélouya.

ÉVANJIL

Sé nan sa kè-a ap débòdé-a bouch la palé.

✠ Léktu sint Évanjil la dapré Luk

6, 39-45

Lè sa-a :

Jézu t-ap di yon parabòl pou disip yo : « Èské yon avèg kapab kondui yon avèg ? Èské yo tou lè dé pap tonbé nan trou ?

Disip la pa anlè mèt la ; l-ap kòrèk nèt, si-l tankou mèt li.

Pouki sa ou-ap gadé ti pay la nan jé frè-ou la, min gro bout boua-a ki nan jé-ou la minm, ou pa konsidéré-l ? Oubyin kijan ou kapab di frè-ou la : « Frè-m, kité-m ouété ti pay la sot nan jé-ou », épi gro bout boua-a ki nan jé-ou la minm ou pa ouè-l ? Ipokrit, ouété gro bout boua-a sot nan jé-ou anvan, apré sa ou-a ouè klè pou-ou ouété ti pay la sot nan jé frè-ou la.

Pa gin yon bon pié boua ki fè mové foui ; ni yon mové pié boua ki fè bon foui. Chak kalité pié boua, yo rékonèt li nan foui-l. Yo pa kéyi pikan sou pié figié, yo pa rékòlté rézin sou pié rajé. Yon bon moun, sé nan trézò kè-l li pran sa-k bon, yon mové moun, sé nan mové trézò-a li pran sa-k mal la ; sé nan sa-k plin kè-a bouch la palé ».

Paròl Granmèt la.

Lindi

Ané 1

PRÉMIÉ LÉKTU

Tounin kot Granmèt la, rékonèt jijman Bondié yo.

Léktu liv Sirasid

17, 20-28

Bondié bay moun ki fè pénitans yo chémin jistis la, li asiré moun ki pa réyisi kanpé fèm yo, li paré éritaj vérité-a pou yo.

Tounin vi-n jouinn Granmèt la, kité péché-ou yo ; lapriyé dévan fas Granmèt la, diminié okazion pou-ou tonbé yo. Tounin vi-n jouinn Granmèt la, viré do bay injistis ou-a, rayi bagay ki lèd.

Rékonèt jistis ak jijman Bondié yo, kanpé nan pozision démann ak lapriyé Bondié ki anro nèt la. Alé nan réjion sièk ki sin-an, avèk moun ki vivan yo épi k-ap fè louanj pou Bondié-a.

Pa rété nan mové chémin moun ki pa kòrèk ; anvan lanmò-a, sé pou-ou fè louanj ; moun ki mouri-a, ki tankou anyin, li pa kapab fè louanj. Sé pou-ou fè louanj antan-ou vivan ; sé antan-ou vivan, épi ou an santé pou-ou fè louanj ; ou-a fè louanj Bondié, ou-a lévé tèt ou nan mizérikòd li yo.

Sé pa ti kras gran mizérikòd Granmèt la gran, ansanm ak padon-l, pou moun ki tounin vi-n jouinn li !

Paròl Granmèt la.

PSÒM RÉPONS

Ps 31, 1-2. 5. 6. 7 (R: 11 a)

R: Fè kè nou kontan nan Granmèt la, fété, nou minm ki kòrèk yo.

- 1 Ala kontantman pou moun yo padonnin fot li,
yo kouvri péché-l.
- 2 Ala kontantman pou moun Granmèt la pa konsidéré kòm koupab,
ki pa gin riz nan éspri-l. R:
- 5 Péché-m nan, mouin fè-ou konnin-l
épi fot mouin-an, mouin pa kaché-l.
Mouin di : « M-ap konfésé dévan-m fot mouin-an bay Granmèt la »,
épi ou minm ou padonnin fot péché-m nan. R:
- 6 Sé pousa tout sin ap priyé koté-ou nan tan gras la.
Nan délij gran dlo yo,
yo pap proche koté-l. R:
- 7 Ou sé kachèt mouin, ou-ap protéjé-m sot nan tray la ;
ou-ap vlopé-m ak fèt sovè ou sovè nou-an. R:

Ané 2

PRÉMIÉ LÉKTU

*Kris la, malgré nou pa ouè-l, nou rinmin-l, min antan nou kouè minm,
n-ap kontan ak yon kontantman yo pa kapab palé.*

Léktu prémié lèt apot sin Piè

1, 3-9

Konpliman pou Bondié, ak Papa Granmèt nou Jézu-Kri, li minm ki réfè nou nan éspérans vivan-an gras a rézirkéksion Jézu-Kri sot nan pami mò yo, dapré gran mizérikòd li-a, pou yon éritaj ki pap détoui, ki pap sal, ki pap vi-n vié, k-ap diré nan sièl la pou nou, nou minm yo présèvé pou

sové-a gras a lafoua-a, nan pouvoua Bondié-a, sové sa-a yo paré pou dévoualé-l nan dènié tan-an.

Nan li nou gin kè kontan, minm si koulié-a, nou gin pou nou gin chagrin nan divès bagay k-ap éséyé nou ; lafoua nou y-ap éséyé-a, li gin plis pri pasé lò, sa yo éséyé nan difé-a, konsa n-ap jouinn louanj ak gloua ak konsidérasion nan révélasion Jézu-Kri-a, li minm nou rinmin san nou pa ouè-l la ; li minm nou kouè nan li, minm si koulié-a nou pa ouè-l la ; antan nou kouè-a, n-ap kontan nan yon kontantman san parèy, ki nan gloua, n-ap jouinn rékonpans lafoua nou nan sové nanm yo.

Paròl Granmèt la.

PSÒM RÉPONS

Ps 110, 1-2. 5-6. 9 é 10 c (R: 5 b)

R: Granmèt la ap sonjé aliens li-a pou tout tan.

oubyin : Alélouya.

- 1 M-ap fè louanj Granmèt la ak tout kè-m,
nan réyinion moun kòrèk yo ak asanblé-a.
- 2 Travay Granmèt yo gran,
yo mérité tout moun ki anvi yo chèché yo. R:
- 5 Li bay moun ki krinn li yo manjé ;
l-ap sonjé aliens li-a pou tout tan.
- 6 Li anonsé pèp li-a fòs travay li yo,
pou-l ba yo éritaj nasion yo. R:
- 9 Li voyé rédanmsion pou pèp li-a,
li kòmandé aliens li-a pou tout tan.
- 10 Louanj li diré pou tout tan gin tan. R:

ALÉLOUYA

2 Kor 8, 9

R: Alélouya. Jézu-Kri vi-n pòv, malgré li té rich,
pou nou kapab vi-n rich nan sa-k fè-l vi-n pòv la. R: Alélouya.

ÉVANJIL

Tou sa-ou ginyin, vann li, épi suiv mouin.

✠ Léktu sint Évanjil la dapré Mark

10, 17-27

Lè sa-a :

Pandan Jézu t-ap soti sou rout la, gin yon moun ki kouri dévan-l, li mét jénou atè dévan-l, li t-ap priyé-l : « Bon mèt, ki sa pou-m fè pou-m éritié lavi tout tan-an ? »

Jézu minm di-l : « Pouki sa ou rélé-m bon ? Pèsòn pa bon, sof yon sèl Bondié-a. Ou konnin kòmandman yo : “Pa fè adiltè, pa touyé, pa vòlè, pa sèvi fo-témouin, pa fè moun ditò, respékté papa-ou ak manman-ou” ».

Min li minm li réponn, li di : « Mèt, tout bagay sa yo, mouin té obsèvé yo dépi-m tou jèn ».

Jézu minm gadé-l, li rinmin-l, li di-l : « Yon sèl bagay manké-ou ; alé, tou sa-ou ginyin, vann li, bay pòv yo, épi ou-a gin yon richès nan sièl la ; apré sa, vini, suiv mouin ». Li minm li vi-n tou tris nan paròl sa-a ; li pati ak mi-n li dékonpozé, sèké li té gin anpil byin.

Jézu minm gadé toutalantou, li di disip li yo : « Sé pa ti kras difisil sa difisil pou moun ki gin lajan yo antré nan péyi-roua Bondié-a ». disip yo minm sézi nan paròl li yo. Jézu minm rékòmansé pran laparòl, li di yo : « Pitit mouin yo, ala difisil sa difisil pou moun ki mét konfians yo nan richès yo antré nan péyi-roua Bondié-a. Li pi fasil pou yon chamo pasé nan yon jé zégui pasé pou moun rich antré nan péyi-roua Bondié-a ».

Yo minm yo té pi sézi toujou, youn t-ap di lòt : « Épi kilès ki kapab sové ? »

Jézu minm gadé yo, li di : « Sou bò moun yo, sa inposib, min pa sou bò Bondié, paské tout bagay posib pou Bondié ».

Paròl Granmèt la.

Madi

Ané 1

PRÉMIÉ LÉKTU

Sakrifis k-ap sové-a, sé fè atansion kòmandman yo.

Léktu liv Sirasid

35, 1-15

Moun ki kinbé laloua-a, li ofri anpil sakrifis : sakrifis k-ap sové-a, sé fè atansion kòmandman yo, viré do bay tout péché ; ofri sakrifis pou

mandé padon pou sa-k pa kòrèk yo, lapriyè pou péchè yo viré do bay sa-k pa kòrèk.

Li di mèsì, sa-a ki ofri sakrifis flè fari-n nan ; moun ki fè lacharité li ofri sakrifis. Sa fè Granmèt la plézi lè nou viré do bay péché ak lè nou priyé pou péchè yo viré do bay sa-k pa kòrèk.

Pa parèt dévan fas Granmèt la ak min vid : tout bagay sa yo sé pou kòmandman Bondié-a yo yé. Kado moun ki kòrèk la li angrésé lotèl la, sé yon losion ki dous dévan fas Sa-a ki anro nèt la. Sakrifis moun ki kòrèk la, yo aksépté-l, Granmèt la pa bliyé sonjé-l.

Ak bon kè sé pou-ou bay Bondié gloua, pa diminié sou premié foui min-ou yo.

Nan tou sa-ou bay, fè figi-ou kontan, sé ak kè kontan pou-ou ofri dizièm pòsion-ou yo ou mété apa-a.

Bay Sila-a ki anro nèt la dapré sa-l ba ou ak bon jé, fè dapré sa min-ou jouinn ; paské Granmèt la konn rinmèt, l-ap rinmèt ou sèt foua plis.

Pa ofri kado ki gaté : sèkè li pap aksépté yo. Pa mét lidé-ou sou sakrifis ki pa kòrèk : paské Granmèt la sé yon jij, li pap konsidéré figi moun.

Paròl Granmèt la.

PSÒM RÉPONS

Ps 49, 5-6. 7-8. 14 é 23 (R : 23b)

- R: Moun ki san tach nan chémin-an,
m-ap montré-l sovè Bondié sovè nou-an.
- 5 « Rasanblé sin-m yo pou mouin,
yo minm ki té pasé kontra-m nan nan sakrifis la ».
- 6 Sièl yo ap anonsé jistis li, paské Bondié sé yon jij. R:
- 7 « Kouté, pèp mouin, m-ap palé ;
Israèl, m-ap déklaré témouagnaj kont ou :
Sé Bondié, Bondié-ou mouin yé.
- 8 Sé pa poutèt sakrifis ou yo m-ap réprann ou ;
sakrifis antié-ou yo dévan fas mouin tout tan. R:
- 14 Sakrifié sakrifis louanj pou Bondié,
rinmèt Sa-a ki anro nèt la sa-ou té promèt yo.
- 23 Moun ki ofri sakrifis louanj, l-ap fè-m jouinn gloua,
moun ki san tach nan chémin-an,
m-ap montré-l sovè Bondié sovè nou-an. R:

Ané 2

PRÉMIÉ LÉKTU

Yo té profétizé osijè bagay k-ap vini yo pou nou, sé poutèt sa, sé pou nou véyé sou tandans nou, sé pou nou espéré yon fason kòrèk nèt.

Léktu prémié lèt apot sin Piè

1, 10-16

Nou minm mouin rinmin anpil la :

Osijè sovè nanm yo sovè-a, profèt yo té fouyé, yo té chèché fon, yo minm ki té fè déklarasion davans sou gras ki t-ap vini pou nou-an, yo t-ap fouyé fon pou yo konnin ki tan ak ki kalité fason Éspri Kris la ki nan yo-a t-ap palé, lè-l t-ap anonsé davans soufrans ak gloua ki t-ap rivé nan Kris la ; yo té anonsé yo sé pa-t pou yo minm min sé pou nou minm yo t-ap sèvi bagay sa yo yo anonsé nou koulié-a, pa lintèmédiè sa yo k-ap préché nou bòn nouvèl la, pa pouvoua Éspri Sin-an yo voyé sot nan sièl la, li minm anj yo panché dévan-l nan.

Sé poutèt sa, sé pou nou maré rin éspri nou, sé pou nou véyé sou mové tandans nou, sé pou nou espéré yon fason ki kòrèk nèt nan gras sa-a yo ofri nou-an osijè révélation Jézu-Kri-a ; tankou pitit ki obéyisan, ki pa pran modèl sou sa nou té konn anvi lontan-an lè nou pa-t gin konésans la, min dapré sa-a ki rélé nou-an, Sa-a ki Sin-an, sé pou nou minm tou nou vi-n sin nan tout konduit nou, paské min sa-k ékri : « Sé pou nou sin, paské mouin minm mouin sin ».

Paròl Granmèt la.

PSÒM RÉPONS

Ps 97, 1. 2-3 ab. 3 c-4 (R: 2 a)

R: Granmèt la fè konnin sovè li sovè nou-an.

- 1 Chanté yon kantik nouvo pou Granmèt la, poutèt mèvèy li fè.
Min douat li sovè pou li,
épi nan bra li ki sin-an. R
- 2 Granmèt la fè konnin délivrans li-a
dévan fas nasion yo li dévoualé jistis li-a.
- 3 Li sonjé mizérikòd li,
ak vérité-l pou kay Israèl la. R

Tout limit tè-a ap ouè
sové Bondié sové nou-an.

⁴ Bat bravo pou Bondié, tout tè-a,
éklaté, dansé, chanté. **R:**

ALÉLOUYA

Cf. Mt 11, 25

R: Alélouya. Konpliman pou ou, Papa, Granmèt sièl la ak tè-a,
paské ou dévoualé mistè péyi-roua-a bay ti moun piti yo. **R:** Alélouya.

ÉVANJIL

*N-ap résévoua san fouda plis nan tan sa-a avèk pèsékision,
épi lavi ki pap janm fini-an nan sièk k-ap vini-an.*

✠ Léktu sint Évanjil la dapré Mark

10, 28-31

Lè sa-a :

Piè kòmansé di Jézu : « Min nou kité tout bagay épi nou suiv ou ».

Jézu pran laparòl, li di : « An vérité mouin di nou, pap gin pèsòn k-ap kité kay, oubyin frè, oubyin sè, oubyin papa, oubyin manman, oubyin pitit, oubyin jadin, poutèt mouin ak poutèt bòn nouvèl la, ki pap jouinn san fouda plis dépi koulié-a nan tan sa-a nan kay, frè, sè, manman, pitit, jadin, avèk pèsékision, épi nan tan k-ap vini-an lavi ki pap janm fini-an.

Min anpil premié ap vi-n dènié, épi dènié yo ap vi-n premié ».

Paròl Granmèt la.

Mèkrédi

Ané 1

PRÉMIÉ LÉKTU

Sé pou nasion yo rékonèt pa gin dòt Dié pasé ou minm.

Léktu liv Sirasid

36, 1-2 a. 5-6. 13-19

Pran pitié pou nou, Bondié tout bagay, voyé jé gadé nou, montré nou limiè bon kè-ou.

Voyé krint ou sou nasion yo, pou yo rékonèt ou, tankou nou minm nou rékonèt pa gin dòt Dié sof ou minm, Granmèt.

Réfè dòt sign, réfè dòt mèvèy. Rasanblé tout fanmi Jakòb yo, pou yo rékonèt pa gin Bondié sof ou minm, pou yo rakonté mèvèy ou yo ; ba yo éritaj la tankou nan kòmansman.

Pran pitié pou pèp ou-a, sa yo té priyé non-ou sou li-a, ak Israèl, li minm ou té fè vi-n tankou prémié pitit ou-a. Pran pitié pou vil ou-a ki sin-an, Jérusalèm, vil répo-ou la. Plin Siyon avèk paròl ou yo pa kapab rakonté yo, plin pèp ou-a avèk gloua-ou.

Rann témouagnaj pou sa-a yo ou té kréyé dépi nan kòmansman-an, réalizé prèch yo, sa prémié profèt yo té palé o non-ou nan. Rékonpansé sa-a yo k-ap tann ou-an, pou profèt ou yo kapab mérité konfians.

Kouté priyé sèvitè-ou yo, dapré bénédiksion Aaron sou pèp ou-a, kondui nou sou chémin jistis la ; sé pou tout moun ki abité sou tè-a konnin sé ou minm Bondié k-ap égzaminé tout sièk tan yo.

Paròl Granmèt la.

PSÒM RÉPONS

Ps 78, 8. 9. 11. 13 (R: Sir 36, 1 b)

- R: Montré nou limiè bon kè-ou, Granmèt.
- 8 Pa sonjé fot zansèt nou yo,
fè vit pran dévan nou ak jès mizérikòd ou yo,
paské nou vi-n pòv anpil. R:
- 9 Poté nou sékou, Bondié ki sové nou,
poutèt gloua non-ou, délivré nou ;
padonnin péché nou yo, poutèt non-ou. R:
- 11 Sé pou-l antré dévan fas ou, rèl prizonié yo ;
dapré grandè bra-ou
kité rès pitit lanmò yo. R:
- 13 Nou minm minm, pèp ou-a ak mouton pak ou-a,
n-ap fè louanj ou tout tan ;
pou jénérasyon ak jénérasyon
n-ap anonsé louanj ou. R:

Ané 2

PRÉMIÉ LÉKTU

*Yo délivré nou ak yon san ki gin anpil valè,
san Jézu-Kri-a ki tankou san Mouton ki san tach.*

Léktu prémié lèt apot sin Piè

1, 18-25

Nou minm mouin rinmin anpil la :

Nou konnin sé pa avèk bagay k-ap gaté, lò oubyin lajan, nou rachte sot nan konduit papa nou yo té transmèt nou an, ki pa vo anyin-an, min sé ak san ki gin anpil valè-a, tankou san Mouton ki san tach la, Kris la, san sa-a ki pa sal la, li minm Bondié té prévoua dépi anvan tè-a fèt, min li montré-l nan dènié tan yo poutèt nou, nou minm ki fidèl nan Bondié, Bondié minm ki lévé-l sot nan pami mò yo, ki ba-l gloua, pou lafoua nou ak éspérans nou kapab nan Bondié.

Fè nanm nou vi-n pròp nèt antan nou obéyi charité-a, nou rinmin tankou frè, nou youn rinmin lòt avèk kè sinp, avèk plis atansyon ; nou minm ki pa réfèt ak yon sémans k-ap gaté, min ak yon sémans ki pap gaté, gras a paròl Bondié ki vivan-an, k-ap diré tout tan-an. Sèké tout chè sé tankou zèb, tout gloua-l tankou flè jadin ; zèb la séché, flè-l tonbé ; min paròl Granmèt la diré pou tout tan. Sa-a sé paròl la yo té anonsé nou-an.

Paròl Granmèt la.

PSÒM RÉPONS

Ps 147, 12-13. 14-15. 19-20 (R: 12 a)

R: Fè louanj Granmèt la, Jérusalèm.

oubyin : Alélouya.

¹² Fè louanj Granmèt la, Jérusalèm ;
fè louanj Bondié-ou, Siyon.

¹³ Paské li ranfòsé krochèt pòtay ou yo,
li béni pitit ou yo nan ou. R:

¹⁴ Li minm ki pozé limit ou yo nan lapè,
li ba-ou kont blé ki gra.

¹⁵ Li minm ki voyé paròl li sou tè-a,
avèk vitès paròl li-a kouri. R:

- ¹⁹ Li minm ki anonsé paròl li bay Jakòb,
jistis li ak jijman-l bay Israèl.
²⁰ Li pa fè konsa pou okinn nasion,
jijman-l yo, li pa fè konnin yo. **R**

ALÉLOUYA

Mk 10, 45

R Alélouya. Pitit moun nan vini pou-l sèvi,
épi pou-l bay lavi-l kòm rédanmsion pou pakèt moun yo. **R** Alélouya.

ÉVANJIL

*Min n-ap monté Jérusalèm,
y-ap rimmèt Pitit moun nan.*

✠ Léktu sint Évanjil la dapré Mark

10, 32-45

Lè sa-a :

Disip yo té sou rout, yo t-ap monté Jérusalèm ; Jézu t-ap maché dévan yo, yo té sézi, moun ki t-ap suiv yo yo té pè. Li pran douz yo ankò, li kòmansé di yo sa-k té gin pou rivé-l :

« Min n-ap monté Jérusalèm, y-ap rimmèt Pitit moun nan nan min chèf prèt yo ak skrib yo ak ansyin yo, y-ap kondané-l amò, y-ap rimmèt li nan min nasion yo ; y-ap pasé-l nan jouèt, y-ap kraché sou li, y-ap bat li, y-ap touyé-l, min sou touazièm jou-a, l-ap résisité ».

Jak ak Jan, pitit Zébédé yo, proche koté-l, yo di : « Mèt, nou vlé pou ninpòt ki sa nou mandé-ou, ou fè-l pou nou ».

Li minm li di yo : « Ki sa nou vlé pou-m fè pou nou ? »

Yo di : « Fè nou favè pou nou chita youn adouat ou épi lòt la agoch ou nan gloua-ou la ».

Jézu minm di yo : « Nou pa konnin sa n-ap mandé. Èské nou kapab bouè kalis la m-ap bouè-a ? Oubyin, batèm nan m-ap batizé-a, èské nou kapab résévoua-l ? »

Yo minm yo di-l : « Nou kapab ».

Jézu minm di yo : « Kalis la m-ap bouè-a, n-ap bouè-l ; épi batèm nan m-ap batizé-a, n-ap résévoua-l. Min kanta pou chita adouat mouin oubyin agoch mouin-an, sé pa ròl mouin pou-m fè sa pou nou, min pou moun sa té paré pou yo-a ».

Lè dis yo tandé sa, yo kòmansé faché kont Jak ak Jan. Jézu minm rélé yo, li di yo : « Nou konnin sa yo yo konsidéré kòm chèf pou kòmandé nasyon yo, yo fè otorité yo pézé sou yo, épi chèf yo fè yo santi pouvoua yo. Sa pa doué fèt konsa nan pami nou ; min ninpòt ki moun ki vlé vi-n gran, sé pou-l vi-n sèvitè nou, épi ninpòt ki moun ki vlé vi-n premié, sé pou-l ésklav tout moun. Sèké Pitit moun nan pa vini pou yo sèvi-l, min pou-l sèvi, épi pou-l bay lavi-l kòm rédanmsion pou tout pakèt moun yo ».

Paròl Granmèt la.

Jédi

Ané 1

PRÉMIÉ LÉKTU

Gloua Granmèt la plin travay li.

Léktu liv Sirasid

42, 15-26

M-ap fè sonjé travay Granmèt yo, sa-m ouè yo m-ap anonsé yo : sé ak paròl Granmèt yo travay li yo fèt. Solèy la k-ap kléré-a, li gadé tout bagay, gloua Granmèt la plin travay li-a.

Èské Granmèt la pa-t fè sin yo rakonté tout mèvèy li yo, sa Granmèt ki gin tout pouvoua-a té instalé pou yo fiksé nan glou-l la ? Li sondé ni bafon-an ni kè moun yo, li égzaminé finès yo.

Sèké Granmèt la konnin tout sians, li konsidéré sign tan-an, li anonsé bagay ki té passé avèk sa k-ap vini, li dévoualé tras bagay ki kaché yo. Nan pouin okinn réfléksion ki chapé-l, nan pouin okinn paròl ki kaché pou li.

Li ranjé mèvèy sajès li, ki la dépi anvan tout tan épi jous pou tout tan, yo pa kapab mété anyin sou li, yo pa kapab ouété anyin, li pa bézouin konsèy pèsòn.

Sé pa ti kras anvi tout travay li yo bay anvi ; minm yon ti étinsèl mandé konsidérasion ! Tout bagay sa yo viv, yo rété pou tout tan, nan tout sikonstans tout bagay obéyi-l.

Tout bagay doub, youn an fas lòt ; li pa fè anyin ki manké. Youn asiré byin lòt ; kilès ki kapab bouké gadé gloua-l ?

Paròl Granmèt la.

PSÒM RÉPONS

Ps 32, 2-3. 4-5. 6-7. 8-9 (R: 6 a)

- R: Ak paròl Granmèt la sièl yo fèt.
- 2 Fè louanj pou Granmèt la sou gita,
sou instriman dis kòd la, chanté pou li.
- 3 Chanté yon kantik nouvo pou li,
joué mizik byin pou li avèk gran bravo. R:
- 4 Sèké paròl Granmèt la douat,
tout aksion-l yo nan fidélimité.
- 5 Li rinmin jistis ak jijman,
mizérikòd Granmèt la plin tè-a. R:
- 6 Ak paròl Granmèt la sièl yo fèt,
ak souf bouch li tout lamé yo.
- 7 Li ranmasé dlo lanmè-a tankou nan yon kalbas,
bafon lanmè yo, li séré yo nan ja. R:
- 8 Sé pou tout tè-a réspékté Granmèt la,
dévan fas li sé pou tout moun sou tè-a tranblé.
- 9 Paské li minm li palé, épi bagay yo fèt,
li kòmandé, yo kréyé. R:

Ané 2

PRÉMIÉ LÉKTU

*Nou minm minm nou sé péyi-roua prèt, ras sin,
pou nou anonsé pouvoua Sa-a ki rélé nou-an.*

Léktu prémié lèt apot sin Piè

2, 2-5. 9-12

Nou minm mouin rinmin anpil la :

Tankou ti bébé ki fèk fèt, sé pou nou anvi lèt ki pa gin dlo-a, ak tout léspri nou, pou nou dévlopé nan sovè-a, si réyèlman vré nou gouté « kijan Granmèt la bon ».

Sé pou nou proche koté-l, li minm ròch vivan-an, sa moun yo réjité-a, min sa Bondié minm chouazi-a, sa-l bay konsidèrasion-an, nou minm tou tankou ròch ki vivan, sé pou nou kite yo bati nou, pou nou vi-n tounin yon kay Éspri-a, yon réyinion prèt ki sin, pou nou ofri sakrifis Éspri-a, sa Bondié résévoua gras a Jézu-Kri.

Nou minm nou sé yon ras chouazi, yon péyi-roua prèt, yon nasion ki sin, yon pèp Bondié pran pou li, pou nou anonsé mèwèy Sa-a ki rélé nou vi-n nan bèl limiè-l la ; lontan nou pa-t yon pèp, min koulié-a nou sé pèp Bondié-a ; nou pa-t résévoua mizérikòd, min nou résévoua mizérikòd koulié-a.

Nou minm mouin rinmin anpil la, mouin lapriyè nou tankou étranjé ak pèlérin, pou nou rété louin ak anvi chè-a, k-ap batay kont nanm nan ; sé pou nou gin bon konduit nan pami nasion yo, konsa sou pouin-an minm y-ap palé nou mal la, tankou moun k-ap fè sa-k mal, y-ap blijé konsidéré bon aksion nou, pou yo fè louanj Bondié jou vizit la.

Paròl Granmèt la.

PSÒM RÉPONS

Ps 99, 2. 3. 4. 5 (R: 2 c)

- R: Antré dévan fas Granmèt la avèk gran fèt.
- 2 Fè louanj pou Granmèt la tout tè-a,
sèvi Granmèt la nan kè kontan ;
antré dévan fas li avèk gran fèt. R:
- 3 Konnin Granmèt la sé li minm ki Bondié ;
sé li minm ki fè nou, sé pou li nou yé,
pèp li ak mouton pak li. R:
- 4 Antré nan pòtay li yo avèk louanj,
nan lakou-l yo avèk kantik,
fè louanj li, fè konpliman pou non-l. R:
- 5 Sèké Granmèt la bon ;
pou tout tan kè-l sansib,
pou jénérasyon ak jénérasyon vérité-l la. R:

ALÉLOUYA

Jan 8, 12

- R: Alélouya. Mouin sé limiè tè-a, sé sa Granmèt la di ;
moun k-ap suiv mouin, l-ap gin limiè lavi-a. R: Alélouya.

ÉVANJIL

Mèt, fè-m ouè.

✠ Léktu sint Évanjil la dapré Mark

10, 46-52

Lè sa-a :

Pandan Jézu ap soti Jériko, ansanm ak disip li yo ak yon pakèt foul moun, pitit Timé-a, Bartimé, yon avèg, té chita bò chemin-an, li t-ap mandé charité. Lè-l tandé sé Jézu moun Nazarèt la, li kòmansé rélé byin fò, li di : « Jézu, pitit David, pran pitié pou mouin ». Min foul moun yo t-ap fè-l obsèvasion pou-l pè bouch li ; min li minm sé lè sa-a li t-ap rélé pi rèd : « Pitit David, pran pitié pou mouin ».

Jézu kanpé, li pasé lòd pou yo rélé-l. Yo rélé avèg la, yo di-l : « Pran kouraj ; lévé, l-ap rélé-ou ». Li minm, li voyé manto-l jété, li vòltijé vi-n jouinn li. Jézu pran laparòl, li di-l : « Ki sa-ou vlé pou-m fè ? » Avèg la di-l : « Mèt, fè-m ouè ». Jézu minm di-l : « Alé, lafoua-ou sovè-ou ». Minm lè-a, li ouè, li suiv li sou rout la.

Paròl Granmèt la.

Vandrédi

Ané 1

PRÉMIÉ LÉKTU

*Papa nou yo sé moun ki gin mizèrikòd,
non yo vivan nan jénèrasion ak jénèrasion.*

Léktu liv Sirasid

44, 1. 9-13

An nou fè louanj pou moun vanyan ki nan gloua yo, ak papa nou yo nan ras yo.

Gin moun yo pa sonjé yo : yo mouri, kòm si yo pa-t égzisté ; yo fèt kòm si yo pa-t fèt, ni pitit yo tou avèk yo. Min moun sa yo minm sé moun ki gin mizèrikòd, bon santiman yo pa fè défo ; avèk ras yo, byin yo ap diré.

Éritaj ki sin sé pitit pitit yo, ras yo kanpé nan alians yo, pitit yo diré pou tout tan poutèt yo ; ras yo avèk gloua yo pap tonbé.

Paròl Granmèt la.

PSÒM RÉPONS

Ps 149, 1-2. 3-4. 5-6 a é 9 b (R: 4 a)

R: Granmèt la jouinn plézi nan pèp li-a.

oubyin : Alélouya.

- 1 Chanté pou Granmèt la yon kantik nouvo ;
louanj li nan asanblé sin yo.
- 2 Sé pou Israël kontan nan Sa-a ki fè-l la,
sé pou pitit Siyon yo dansé pou roua yo. R:
- 3 Sé pou yo fè louanj pou non-l avèk dans,
sou tanbou ak gita sé pou yo chanté pou li.
- 4 Paské Granmèt la jouinn plézi nan pèp li-a,
l-ap fè pòv yo jouinn konsidérasion nan sové li sové-a. R:
- 5 Sé pou sin yo fété nan gloua-a
sé pou yo kontan sou kabann yo,
- 6 louanj Bondié yo nan bouch yo ;
- 9 gloua sa-a pou tout sin-l yo. R:

Ané 2

PRÉMIÉ LÉKTU

*Sé pou nou mété bon kè
pou séparé gras Bondié-a ki gin anpil fòm nan.*

Léktu prémié lèt apot sin Piè

4, 7-13

Nou minm mouin rinmin anpil la :

Finisman tout bagay tou pré. Konsa sé pou nou gin ladrès, sé pou nou véyé nan lapriyé. Anvan tout bagay, sé pou nou toujou gin charité antré nou, paské charité-a kouvri pakèt péché yo. Sé pou nou youn résévoua lòt lakay nou san plinyin.

Chak moun, dapré gras li résévoua-a, sé pou-l mété-l nan sèvis lòt yo, tankou bon gadyin ki responsab séparé gras Bondié-a ki gin anpil fòm nan. Si yon moun ap palé, sé tankou si sé paròl Bondié ; si youn ap sèvi, sé tankou avèk fòs Bondié bay la ; pou nan tout bagay Bondié jouinn konsidérasion pa pouvoua Jézu-Kri, konpliman pou li ak otorité pou tout tan gin tan. Amèn.

Nou minm mouin rinmin anpil la, pa pèdi chémin nan difé ki éklaté pou éséyé nou-an, kòm si sé yon bagay nouvo ki touché nou ; min antan

nou patisipé nan soufrans Jézu-Kri, sé pou nou kontan, pou nou kapab fété ak kè kontan tou lè gloua-l la ap dévoualé-a.

Paròl Granmèt la.

PSÒM RÉPONS

Ps 95, 10. 11-12. 13 (R: 13 ab)

R: Granmèt la vini pou-l jijé tè-a.

¹⁰ Di nan nasion yo : « Granmèt la roua ».

L-ap drésé fas tè-a pou-l pa souké ;

l-ap jijé pèp yo nan jistis. **R:**

¹¹ Sé pou sièl yo kontan, pou tè-a dansé,

pou lanmè-a sonnin ansanm ak tou sa-k plin-l,

¹² jadin yo ap kontan ansanm ak tou sa ki nan yo.

Lè sa-a tout boua nan rak yo ap dansé. **R:**

¹³ Dévan fas Granmèt la, paské l-ap vini,

paské l-ap vini pou-l jijé tè-a.

L-ap jijé fas tè-a nan jistis,

épi pèp yo nan vérité-l. **R:**

ALÉLOUYA

Cf. Jan 15, 16

R: Alélouya. Mouin chouazi nou sot sou tè-a, pou nou alé,

pou nou donnin foui,

épi pou foui nou-an diré, sé sa Granmèt la di. **R:** Alélouya.

ÉVANJIL

Kay mouin-an sé kay lapriyé y-ap rélé-l pou tout nasion.

Sé pou nou gin lafoua nan Bondié.

✠ Léktu sint Évanjil la dapré Mark

11, 11-26

Pandan foul la t-ap bat bravo pou Jézu, li antré Jérusalèm nan tanp la ; li égzaminé tout bagay, kòm li té déjà asouè, li pati al Bétani avèk douz yo.

Nan landmin, pandan l-ap kité Bétani, li vi-n grangou. Li ouè yon pié figié ki té gin fèy, pandan-l byin louin, li rivé, pou-l ouè si paraza li t-a jouinn kichòy ladan-l. Min lè-l rivé koté-l, li pa jouinn anyin sof fèy ;

sèké sé pa-t épòk fig yo. Li pran laparòl, li di-l : « Pèsòn pa gin doua janm manjé foui nan ou ankò ». Disip li yo t-ap kouté.

Yo rivé Jérusalèm. Li antré nan tanp la, li kòmansé chasé moun yo ki t-ap vann, ki t-ap achté nan tanp la, li chaviré tab moun ki t-ap chanjé lajan yo bouch an ba, ni chèz moun ki t-ap vann kolonb yo. Li pa-t kite pèsòn transpòté véso nan tanp la. Li t-ap bay ansègnman, li t-ap di yo : « Èské sa pa ékri : kay mouin-an sé kay lapriyè y-ap rélé-l pou tout nasion yo ? Min nou minm nou fè-l vi-n tounin trou ròch asasin ».

Lè chèf prèt yo ak profesè yo tandé sa, yo t-ap chéché kijan pou yo touyé-l ; min yo té pè-l, paské tout foui la té gin konsidérasion pou ansègnman-l.

Lè asouè vi-n rivé, li soti nan vil la. Lè matin rivé, yo ouè pié figié-a ki vi-n séché jous nan rasi-n. Piè sonjé, li di-l : « Mèt, min pié figié-a, sa-ou té madichonnin-an, li séché ».

Jézu réponn, li di-l : « Sé pou nou gin lafoua nan Bondié. Amèn mouin di nou, ninpòt ki moun ki t-a di mòn sa-a : “Lévé, al jété tèt ou nan lanmè”, épi li pa ézité nan kè-l, min li kouè tou sa-l di-a ap rivé, sa ap fèt pou li. Sé poua mouin di nou : Tou sa nou mandé nan lapriyè, sé pou nou kouè n-ap résévoua-l, épi y-ap rivé pou nou.

Lè nou kanpé pou nou lapriyè, sé pou nou padonnin si nou gin kichòy kont yon moun, pou Papa nou, ki nan sièl la, kapab padonnin nou péché nou yo. Min si nou minm nou pa padonnin, Papa nou ki nan sièl la pap padonnin nou péché nou yo tou ».

Paròl Granmèt la.

Samdi

Ané 1

PRÉMIÉ LÉKTU

Sa-a ki ban-m sajès la, m-ap fè konpliman pou li.

Léktu liv Sirasid

51, 17-27

M-ap fè louanj ou, m-ap fè konpliman pou ou, m-ap fè konpliman pou non Granmèt la.

Pandan mouin té jèn toujou, anvan-m té pèdi chémin, mouin té mandé sajès la anpil foua nan priyè-m ; dévan tanp la mouin té fè démann pou li,

jous nan dènié jou yo m-ap chèché-l ; li fléri tankou yon rézin ki vini anvan lè, kè-m kontan nan li.

Pié-m maché nan chémin ki douat ; dépi mouin tou jèn mouin t-ap chèché-l. Mouin panché zòrèy mouin yon ti kras, mouin résévoua-l. Mouin jouinn anpil sajès anndan mouin, mouin fè anpil progrè nan li.

Sa-a ki ban-m sajès la, m-ap fè konpliman pou li. Mouin pran désizyon pou-m fè sa-l mandé, mouin mété tout chalè-m pou sa-k byin-an, mouin pap ront.

Nanm mouin batay nan li, mouin pran asirans antan mouin réalizé sa-l mandé. Mouin lévé min-m anlè, mouin gin lapinn poutèt mouin pa fi-n konprann li byin.

Mouin dirijé nanm mouin koté-l, mouin jouinn li nan konésans la.

Paròl Granmèt la.

PSÒM RÉPONS

Ps 18, 8. 9. 10. 11 (R: 9 a)

R: Jistis Granmèt la douat, yo fè kè kontan.

8 Laloua Granmèt la san tach, li réfè nanm, témouagnaj Granmèt la fidèl, li bay timoun yo sajès. R:

9 Jistis Granmèt la douat, yo fè kè kontan, kòmandman Granmèt la klèl, li kléré jé yo. R:

10 Krint Granmèt la san mélanj, li diré pou tout tan gin tan, jijman Granmèt la sé vérité, yo kòrèk yo tout ansanm. R:

11 Yo pi chè pasé lò, ak bijou ki gin anpil pri, yo pi dous pasé siro mièl, ak réyon mièl k-ap koulé. R:

Ané 2

PRÉMIÉ LÉKTU

*Bondié gin pouvoua pou-l konsèvé nou san péché,
pou-l fè nou kanpé dévan fas gloua-l la san tach.*

Léktu lèt apot sin Jud

17. 20 b-25

Nou minm mouin rinmin anpil la, sonjé paròl yo apot Granmèt Jézu-Kri yo té préché yo.

Sé pou nou bati tèt nou sou lafoua nou ki sin anpil la, antan n-ap priyé Éspri Sin-an, sé pou nou kinbé pròp tèt nou nan rinmin Bondié-a, antan n-ap tann mizérikòd Granmèt nou Jézu-Kri pou lavi ki pap janni fini-an. Sa yo k-ap balansé yo, réprann yo ; lòt yo minm, sové yo, antan nou raché yo sot nan difé-a ; kanta pou lòt yo minm sé pou nou pran pitié pou yo avèk krint, antan nou rayi minm rad la ki taché-a, sa-k sot nan chè-a.

Sa-a ki gin pouvoua pou-l konsèvé nou san péché-a, pou-l fè nou kanpé dévan fas gloua-l la san tach avèk kè kontan pou jou Granmèt nou Jézu-Kri ap vini-an, li minm sèl ki Bondié Sovè nou-an, pa pouvoua Jézu-Kri Granmèt nou, konpliman pou li ak grandè, otorité ak pouvoua, dépi anvan tout tan, koulié-a ak pou tout tan gin tan. Amèn.

Paròl Granmèt la.

PSÒM RÉPONS

Ps 62, 2. 3-4. 5-6 (R: cf. 2 b)

- R: Nanm mouin souaf ou, Granmèt, Bondié mouin.
- 2 Bondié, sé Bondié-m ou yé, sé koté-ou m-ap véyé dépi granmatin.
Nanm mouin souaf ou,
chè mouin anvi-ou,
nan dézè-a ki sèk la, ki san dlo-a. R
- 3 Sé konsa mouin parèt dévan-ou nan tanp la
pou-m ouè fòs ou ak gloua-ou.
- 4 Sèké mizérikòd ou pi bon pasé lavi yo,
bouch mouin ap fè louanj ou. R
- 5 Konsa m-ap fè konpliman pou ou nan lavi-m,
o non-ou m-ap lévé min-m.
- 6 Tankou ak viann, ak bon manjé gra, nanm mouin plin,
ak paròl fèt, bouch mouin ap fè louanj ou. R

ALÉLOUYA

Cf. Kol 3, 16 a. 17 c

- R: Alélouya. Sé pou paròl Kris la abité nan nou an plin ;
fè konpliman pou Sa-a ki Bondié ak Papa-a pa lintèmediè Jézu-Kri.
- R: Alélouya.

ÉVANJIL

Ak ki pouvoua ou-ap fè bagay sa yo ?

✠ Léktu sint Évanjil la dapré Mark

11, 27-33

Lè sa-a :

Jézu rivé ankò Jérusalèm avèk disip yo. Pandan li t-ap maché nan tanp la, chèf prèt yo proché koté-l avèk skrib yo, ak ansyin yo, yo di-l : « Ak ki pouvoua ou-ap fè bagay sa yo ? épi kilès ki ba-ou pouvoua sa-a, pou-ou ap fè bagay sa yo ? »

Jézu minm réponn, li di yo : « M-ap pozé nou yon késion mouin minm tou, yon sèl paròl ; réponn mouin, épi m-ap di nou ak ki pouvoua m-ap fè bagay sa yo. Batèm Jan-an èské sé nan sièl la li té soti, oubyin nan lézòm ? Réponn mouin ».

Min yo minm yo t-ap kalkilé anndan kè yo, yo t-ap di : « Si nou di : “Nan sièl la”, l-ap di : “Pouki sa nou pa-t kouè nan li ?” Si nou di : “Nan lézòm”, nou pè pèp la : sèké tout moun konsidéré Jan tankou profèt la vrèman ». Yo réponn, yo di Jézu : « Nou pa konnin ».

Jézu réponn, li di yo : « Ébyin mouin minm tou mouin pap di nou ak ki pouvoua m-ap fè bagay sa yo ».

Paròl Granmèt la.

NÉVIÈM SÉMÈN ÒDINÈ

Dimanch, ané A

PRÉMIÉ LÉKTU

*Min mouin prezanté dévan nou bénédiksion-an
ak malédiksion-an.*

Léktu liv Détéronòm

11, 18. 26-28. 32

Moyiz té palé ak pèp la antan li di :

« Mété paròl mouin sa yo nan kè nou ak nan nanm nou, pandié yo tankou yon sign nan min nou, kolé yo ant dé jé nou.

Min mouin prezanté dévan nou jodi-a bénédiksion-an ak malédiksion-an : bénédiksion, si nou obéyi kòmandman Granmèt Bondié nou-an, sa-m kòmandé nou jodi-a ; malédiksion, si nou pa obéyi kòmandman Granmèt Bondié nou-an, min nou viré do sot nan chémin mouin montré nou koulié-a, nou maché dèyè dié étranjé yo nou pa-t konnin-an.

Fè atansion donk pou nou akonpli tout kòmandman yo avèk jijman yo mouinl mété dévan nou jodi-a ».

Paròl Granmèt la.

PSÒM RÉPONS

Ps 30, 2-3 a. 3 bc-4. 17 é 25 (R: : 3 b)

- R: Sé pou-ou sèvi-m yon ròch kachèt, Granmèt.
- ² Sé nan ou, Granmèt, mouin espéré, pou-m pa ront pou tout tan ;
nan jistis ou, délivré-m.
- ³ Panché zòrèy ou sou mouin,
fè vit, pou-ou sové-m. R:
- Sé pou-ou sèvi-m yon ròch kachèt.
- ⁴ Paské fòs mouin ak kachèt mouin sé ou minm,
poutèt non-ou, ou-a kondui-m, ou-a souin-m. R:
- ¹⁷ Kléré fas ou sou sèvitè-ou la.
Sové-m nan mizèrikòd ou-a.
- ²⁵ Sé pou kè nou pran kouraj,
nou tout ki espéré nan Granmèt la. R:

DÉZIÈM LÉKTU

Moun nan vi-n kòrèk gras a lafoua-a, san aktivité laloua-a.

Léktu lèt apot sin Pòl pou Romin yo

3, 21-25 a. 28

Frè-m yo :

Koulié-a san laloua jistis Bondié-a parèt, laloua-a ak profèt yo sèvi-l témouin. Jistis Bondié-a gras a lafoua Jézu-Kri-a pou tout moun ak sou tout moun ki kouè nan li. Sèké pa gin distinksiyon ; tout moun fè péché, yo bézouin gloua Bondié ; yo vi-n kòrèk gratis, pa pouvoua gras li, pa pouvoua rédanmsion-an ki nan Kris Jézu-a, li minm Bondié té éspozé davans kòm propisiasion gras a lafoua nan san-l.

Nou konsidé ré sé lafoua-a ki fè moun vi-n kòrèk, san aktivité laloua-a.

Paròl Granmèt la.

ALÉLOUYA

Jan 15, 5

✠ Alélouya. Mouin sé pié rézin-an, nou minm nou sé branch yo,
sé sa Granmèt la di ;
moun ki rété nan mouin, épi mouin minm nan li,
moun sa-a donnin anpil foui. ✠ Alélouya.

ÉVANJIL

Kay ki bati sou ròch avèk kay ki bati sou sab.

✠ Léktu sint Évanjil la dapré Matié

7, 21-27

Lè sa-a : Jézu di disip li yo :

« Sé pa tout moun k-ap di-m : “Granmèt, Granmèt” k-ap antré nan péyi-roua sièl yo ; min sé moun ki fè volonté Papa-m ki nan sièl la, sé li minm k-ap antré nan péyi-roua sièl yo. Anpil moun ap di-m jou sa-a : “Granmèt, Granmèt, èské sé pa o non-ou nou té profétizé, èské sé pa o non-ou nou té chasé démon yo, èské sé pa o non-ou nou té fè anpil mèvèy ?” Lè sa-a, m-ap déklaré yo : “Mouin pa janm konnin nou : ralé kò nou sot sou mouin, nou minm k-ap fè péché”.

Sèké tout moun ki tandé paròl mouin sa yo, épi ki réalisé yo, li sanblé avèk yon moun ki gin sajès, ki bati kay li sou ròch ; lapli tonbé, lariviè désann, van souflé, yo fonsé sou kay sa-a, li pa tonbé. Sèké fondasion-l té sou ròch.

Épi tout moun ki tandé paròl mouin sa yo, min ki pa réalizé yo, li sanblé ak yon moun sòt, ki bati kay li sou sab ; lapli tonbé, lariviè désann, van souflé, yo fonsé sou kay sa-a, li tonbé, démolision-l nan gran ».

Paròl Granmèt la.

Dimanch, ané B

PRÉMIÉ LÉKTU

Sonjé ou minm tou ou té ésklav nan Éjip la.

Léktu liv Détéronòm

5, 12-15

Min paròl Granmèt la :

« Obsèvé jou saba-a pou-ou fè ouè li sin, jan Granmèt Bondié-ou la té pasé-ou lòd la. Pandan sis jou ou-a travay, ou-a fè tout travay ou yo. Sètièm jou-a sé saba, sa vlé di répo Granmèt Bondié-ou la.

Ou pap fè okinn travay jou sa-a, ni ou minm, ni pitit gason-ou, ni pitit fi-ou, sèvitè-ou ak sèvant ou, bèf ou, bourik ou, tout bèt chaj ou, ni étranjé ki nan vil ou-a ; pou sèvitè-ou la ak sèvant ou-a kapab répozé minm jan avèk ou minm.

Sonjé ou minm tou ou té ésklav nan Éjip, Granmèt Bondié-ou la té ouété-ou sot la ak min ki gin fòs, ak bra-l ki drésé. Konsa li pasé-ou lòd pou-ou obsèvé jou saba-a ».

Paròl Granmèt la.

PSÒM RÉPONS

Ps 80, 3-4, 5-6 ab. 6 c-8 a. 10-11 b (R : 2 a)

- R: Fété nan Bondié, li minm ki poté nou sékou.
- 3 Pran kantik, frapé tanbou,
bon gita-a avèk bandjo-a.
- 4 Sonnin troupèt la nan fèt nouvèl li-n nan,
nan jou plinn li-n nan, nan gran fèt nou-an. R:
- 5 Paské sé yon kòdmanman pou Israël sa yé,
sé yon jijman pou Bondié Jakòb la.

- 6 Li mété-l kòm témouagnaj nan Jozèf,
lè-l t-ap soti nan péyi Éjip la. **R:**
- Mouin tandé yon paròl mouin pa-t konnin,
- 7 Mouin ouété chaj yo sot sou do-l,
min-l sispann poté kòbèy la.
- 8 Nan tray la ou rélé-m, mouin libéré-ou. **R:**
- 10 Pap gin dié étranjé nan ou,
ou pap adoré dié étranjé.
- 11 Sé mouin minm ki Granmèt Bondié-ou,
ki té fè-ou soti nan péyi Éjip la. **R:**

DÉZIÈM LÉKTU

Lavi Jézu ap dévoualé nan kò nou.

Léktu dézièm lèt apot sin Pòl pou Korintyin yo

4, 6-11

Frè-m yo :

Bondié ki té di pou limiè-a kléré sot nan fènoua yo, sé li minm ki kléré nan kè nou, pou-l fè sians klèté Bondié-a kléré nan fas Kris Jézu.

Nou gin trézò-a nan véso pòslèn, pou gloua-a soti nan pouvoua Bondié, min pa nan nou. Nan tout okazion sé tray n-ap pasé, min nou pa krazé ; nou san diréksion, min nou pa dézespéré, n-ap sibi pèsékision min nou pa lagé ; yo jété nou atè, min nou pa péri ; tout tan nou poté lanmò Jézu nan kò nou, pou lavi Jézu-a parèt nan kò pa nou.

Tout tan vrèman, nou minm ki vivan yo, yo mété nou nan lanmò poutèt Jézu, pou lavi Jézu-a parèt nan chè nou k-ap mourir-a.

Paròl Granmèt la.

ALÉLOUYA

Cf. Jan 17, 17 b. a

R: Alélouya. Paròl ou, Granmèt, sé vérité-a ;
fè nou vi-n sin nan vérité-a. **R:** Alélouya.

ÉVANJIL

Pitit moun nan mèt ata saba-a.

✠ Léktu sint Évanjil la dapré Mark

2, 23-3, 6

Rivé pandan Granmèt la t-ap pasé nan jadin blé yon jou saba, disip li yo té kòmansé ap maché dévan, ap kasé zépi yo. Farizyin yo minm yo t-ap di-l : « Gadé, pouki sa jou saba-a y-ap fè sa yo pa gin doua fè-a ».

Li di yo : « Èské nou pa-t li sa David té fè là-l té nan bézouin, là-l té grangou, li minm ak moun yo ki té avèk li yo ? kijan li té antré nan kay Bondié-a sou tan Abiatar chèf prèt yo, li té manjé pin ki té éspozé yo, sa pèsòn pa-t gin doua manjé sof prèt yo, épi li té bay moun yo ki té avèk li yo ? »

Li t-ap di yo : « Saba-a sé pou moun li fèt, sé pa moun nan ki fèt pou saba-a ; sé poua Pitit moun nan mèt ata saba-a ».

Li antré ankò nan sinagòg la, té gin yon mésié la-a ki té gin min-l mouri. Yo t-ap gadé-l pou yo ouè si li t-ap fè gérizon-an jou sa-a, pou yo akizé-l.

Li di moun nan ki té ki té gin min-l mouri-a : « Lévé nan mitan-an ». Li di yo : « Èské jou saba, yo gin doua fè byin oubyin mal ? sové yon lavi oubyin pèdi-l ? » Yo minm minm yo té pé bouch yo. Li gadé yo toutalantou avèk kòlè, li té gin lapinn poutèt yo té fèmin kè yo-a, li di mésié-a : « Lonjé min-ou ». Li lonjé-l, min-l vi-n rétrouvé santé.

Farizyin yo minm antan yo soti minm là-a, yo t-ap fè konplo avèk patizan Éròd yo kont li, pou yo ouè kijan yo t-ap fè-l mouri.

Paròl Granmèt la.

oubyin pi kout

✠ Léktu sint Évanjil la dapré Mark

2, 23-28

Rivé pandan Granmèt la t-ap pasé nan jadin blé yon jou saba, disip li yo té kòmansé ap maché dévan, ap kasé zépi yo. Farizyin yo minm yo t-ap di-l : « Gadé, pouki sa jou saba-a y-ap fè sa yo pa gin doua fè-a ? »

Li di yo : « Èské nou pa-t li sa David té fè là-l té nan bézouin, là-l té grangou, li minm ak moun yo ki té avèk li yo ? kijan li té antré nan kay Bondié-a sou tan Abiatar chèf prèt yo, li té manjé pin ki té éspozé yo, sa

pèsòn pa-t gin doua manjé sof prèt yo, épi li té bay moun yo ki té avèk li yo ? »

Li t-ap di yo : « Saba sé pou moun li fèt, sé pa moun nan ki fèt pou saba-a ; sé poua Pitit moun nan mèt ata saba-a ».

Paròl Granmèt la.

Dimanch, ané C

PRÉMIÉ LÉKTU

Lè étranjé-a ap vini, ou-a kouté-l.

Léktu prémié liv Roua yo

8, 41-43

Jou sa yo : Salomon priyé nan tanp la, li di :

« Yon étranjé, ki pa fè pati pèp ou-a Israèl, lè-l vi-n sot nan yon péyi byin louin poutèt non-ou (sèké tout koté yo tandé non-ou ki gran-an, ak min-ou ki gin fòs la ak bra-ou ki drésé-a) ; konsa lè-l rivé, li priyé nan koté sa-a, ou minm ou-a kouté-l nan sièl la, nan platfòm kay ou-a, ou-a fè tou sa étranjé-a mandé-ou la ; pou tout pèp sou tè yo aprann krinn non-ou, tankou pèp ou-a Israèl, pou yo fè éspérians kijan yo priyé non-ou sou kay sa-a mouin bati-a ».

Paròl Granmèt la.

PSÒM RÉPONS

Ps 116, 1. 2 (R : Mk 16, 15)

R : Antan nou alé sou tout tè-a, préché Bòn Nouvèl la.

oubyin : Alélouya.

¹ Fè louanj Granmèt la, tout nasion yo, fè louanj li ansanm, tout pèp yo. R :

² Paské li asiré mizérikòd li sou nou, vérité Granmèt la diré pou tout tan. R :

DÉZIÈM LÉKTU

*Si-m t-ap chèché fè lézòm plézi toujou,
mouin pa t-a sèvitè Kris la.*

Kòmansman lèt apot sin Pòl pou Galat yo

1, 1-2. 6-10

Pòl, apot pa ak pouvoua lézòm ni pa lintèmédiè moun, min pa pouvoua Jézu-Kri ak Bondié Papa-a ki résisité-l sot nan pami mò yo, ni sa yo ki avèk mouin-an, tout frè yo, pou Égliz Galasi yo.

Mouin sézi ouè kijan nou déjà gin tan kité sa-a ki té rélé nou nan gras Kris la, pou nou suiv yon lòt Bòn Nouvèl ; sé pa yon lòt n-ap suiv, min sé kèk moun k-ap troublé nou, ki vlé chanjé Bòn Nouvèl Kris la.

Sèlman minm si nou minm oubyin yon anj ki soti nan sièl la té anonsé nou yon bòn nouvèl ki pa bòn nouvèl sa mouin té anonsé nou-an, madichon pou li. Jan nou té déjà di-a, mouin répété-l koulié-a. Si yon moun anonsé nou yon bòn nouvèl ki pa sa nou té résévoua-a, madichon pou li.

Èské sé dapré lézòm m-ap chèché fè nou kouè oubyin dapré Bondié ? Oubyin èské m-ap chèché fè lézòm plézi ? Si-m t-ap chèché fè lézòm plézi toujou, mouin pa t-ap sèvitè Kris la.

Paròl Granmèt la.

ALÉLOUYA

Jan 3, 16

℞ Alélouya. Bondié tèlman rinmin tè-a, li bay Pitit li-a, sèl Pitit li-a ;
tout moun ki kouè nan li ap gin lavi ki pap janm fini-an. ℞ Alélouya.

ÉVANJIL

Minm nan Israèl mouin pa jouinn kalité lafoua sa-a.

✠ Léktu sint Évanjil la dapré Luk

7, 1-10

Lè sa-a :

Lè Jézu fi-n palé tout paròl li yo nan zòrèy pèp la, li antré Kafarnaòm. Yon kapitèn té gin yon sèvitè ki té malad, ki té prèt mouri, li té rinmin sèvitè-a anpil. Lè-l tandé palé osijè Jézu, li voyé ansyin yo nan Juif yo koté-l, pou priyé-l, pou-l vi-n sovè sèvitè-l la.

Yo minm, lè yo rivé kot Jézu, yo priyé-l avèk insistans, yo di-l : « Li mérité pou-ou rann li sèvis sa-a ; li rinmin nasion nou-an ; sé li minm ki bati sinagòg la pou nou ».

Jézu minm t-a pralé avèk yo. Pandan li pa-t louin kay la, kapitèn nan voyé zanmi-l koté-l, li di : « Granmèt, pa fatigé-ou, sèké mouin pa mérité pou-ou antré anba fétay kay mouin. Sé poutèt sa mouin pa-t konsidéré mouin mérité pou-ou vini koté-m ; min di yon paròl ; épi sèvitè-m nan ap géri ; sèké mouin minm mouin sé yon moun ki anba pouvoua lòt moun, mouin gin sòlda anba lòd mouin, mouin di sa-a : “Alé”, épi li alé ; épi lòt la “Vini”, épi li vini ; épi sèvitè-m nan : “Fè sa”, épi li fè-l ».

Lè Jézu tandé sa, li sézi, li viré kot foul yo ki t-ap suiv li-a, li di : « Amèn mouin di nou, minm nan Israèl mouin pa jouinn kalité lafoua sa-a ». Sa yo li té voyé-a, yo tounin lakay la, yo jouinn sèvitè-a ki té malad la, li géri.

Paròl Granmèt la.

Lindi

Ané 1

PRÉMIÉ LÉKTU

Tobit t-ap maché nan chémin vérité-a.

Kòmansman liv Tobit

1, 3 ; 2, 1 a-8

Mouin minm Tobit sé nan chémin vérité-a mouin t-ap maché ak nan jistis yo tout jou lavi mouin, épi mouin té fè anpil charité pou frè-m yo ak nasion-m nan ki té alé avèk mouin nan égzil nan réjion Asiryin yo nan Niniv.

Nan Pantkot la, jou fè nou-an, ki sin nan sémèn yo, vi-n gin yon gran diné pou mouin, mouin lonjé kò-m, pou-m manjé. Yo paré tab la pou mouin, mouin ouè anpil manjé. Mouin di Tobit, pitit mouin-an : « Alé, ninpòt ki pòv ou jouinn nan pami frè nou yo, ki prizonié nan Niniv la, ki gin Granmèt la nan éspri-l nan tout kè-l, minnin-l, l-a manjé ansanm avèk mouin, min m-ap tann ou, pitit, joustan-ou vini ». Tobit alé chèché yon pòv nan pami frè nou yo, antan-l tounin li di-m : « Papa ! ». Mouin minm minm mouin di-l : « Min mouin, pitit mouin ». Antan-l réponn, li di : « Min youn nan nasion nou-an yo touyé, yo jété-l sou plas la. Koulié-a li

la, li trangle ak yon kòd. Antan mouin soti, mouin kité manjé-a, anvan-m gouté ladan-l, mouin poté-l sot sou plas la nan yon kay joutan solèy kouché, épi mouin antéré-l. Lè-m tounin, mouin lavé kò-m, mouin manjé pin-m ak dèy, mouin sonjé paròl profèt Amòs la, sa-l té palé Bètèl la, antan-l di :

« Tout jou fèt nou yo ap vi-n tounin dèy,
tout kantik nou yo ap vi-n tounin plint ! »

Mouin kriyé. Apré solèy la fi-n kouché, m-alé, antan mouin fouyé trou mouin antéré-l. Vouazin-m yo t-ap pasé-m nan jouèt antan y-ap di : « Li pa pè jouskoulié-a mésié sa-a ; yo té déjà ap chèché-l pou bagay sa-a, pou yo touyé-l, li té sovè kò-l, min li rékòmansé ap antéré mò yo ».

Paròl Granmèt la.

PSÒM RÉPONS

Ps 111, 1-2. 3-4. 5-6 (R : 1 a)

R : Ala kontantman pou moun ki krinn Granmèt la.

oubyin : Alélouya.

- 1 Ala kontantman pou moun ki krinn Granmèt la,
ki mét plézi-l nèt nan lòd li yo.
- 2 Désandans li ap gin pouvoua sou tè-a,
ras moun kòrèk yo ap béni. R :
- 3 Gloua ak richès nan kay li,
jistis li ap rété pou tout tan gin tan,
- 4 Limiè-a ap lévé nan fènoua, pou moun kòrèk yo,
li gin mizérikòd épi li pran pitié, épi li kòrèk. R :
- 5 Ala kontantman pou moun sa-a ki pran pitié, ki préte,
ki réglé afè-l yo kòrèk,
- 6 paské sé pou tout tan li pap souké.
Moun ki kòrèk la, y-ap sonjé-l tout tan. R :

Ané 2**PRÉMIÉ LÉKTU**

*Li ba nou richès li té promèt nou yo,
pou nou vi-n patisipé nan natu li ginyin kòm Bondié-a.*

Kòmansman dézièm lèt apot sin Piè**1, 2-7**

Nou minm nou rinmin anpil la :

Sé pou gras la ak lapè-a réalisé nèt pou nou nan konésans Bondié ak Kris Jézu Granmèt nou-an.

Kijan tout bagay ki konsèné puisans Bondié-l la, sa yo ba nou pou lavi-a ak bon kè-a, pa lintèmediè konésans li-a, li minm ki té rélé nou ak pròp glou-a ak puisans la, li minm pa lintèmediè-l yo té ba nou promès yo ki pi gran yo épi ki gin anpil valè yo, pou pa lintèmediè bagay sa yo nou vi-n tounin moun ki posédé natu Bondié-a, antan n-ap évité mové anvi ki sou tè-a k-ap gaté nou-an.

Kanta nou minm antan nou mété tout souin sou pa anba, sèvi fòs la nan lafoua nou, nan fòs la minm sians la, nan sians la minm tanpérans la, nan tanpérans la minm pasians la, nan pasians la minm bon kè-a, nan bon kè-a minm amou fratènèl la, nan amou fratènèl la minm charité-a.

Paròl Granmèt la.

PSÒM RÉPONS**Ps 90, 1-2. 14-15 ab. 15 c-16 (R: cf. 2 b)**

R: Bondié mouin, mouin mét éspérans mouin sou ou.

¹ Moun ki abité anba protéksion Sa-a ki anro nèt la,
sé anba lonbraj Sa-a ki gin tout pouvoua-a li rété.

² L-ap di Granmèt la : « Kachèt mouin
ak fòs mouin, Bondié-m, mouin mét éspérans mouin sou ou ». **R:**

¹⁴ Paské li kolé kò-l sou mouin, m-ap libéré-l ;
m-ap soutni-l paské li konnin non-m ;

¹⁵ L-ap rélé koté-m, mouin minm m-ap réponn li ;
m-ap avèk li nan tray la. **R:**

M-ap délivré-l, m-ap fè-l jouinn konsidérasion.

¹⁶ M-ap plin-l ak kantité jou,
m-ap fè-l ouè sovè mouin sovè-l la. **R:**

ALÉLOUYA

Cf. Ap 1, 5 ab

✠ Alélouya. Jézu-Kri, ou sé témouin fidèl, premié pitit nan pami mò yo :
ou rinmin nou, ou lavé péché nou yo nan san-ou. ✠ Alélouya.

ÉVANJIL

*Yo sézi pitit li rinmin anpil la, yo touyé-l,
yo jété-l déyò jadin rézin-an.*

✠ Léktu sint Évanjil la dapré Mark

12, 1-12

Lè sa-a : Jézu kòmansé palé an parabòl avèk chèf prèt yo, ak skrib yo, ak ansyin yo :

« Yon moun té planté yon jadin rézin, li antouré-l ak miray, li fouyé yon koté, li bati yon kay ro ; li loué jadin rézin-an bay kiltivatè, épi li pati byin louin.

Lè sézon-an rivé, li voyé sèvitè-l kot kiltivatè yo, pou yo ba-l nan foui jadin rézin-an. Yo minm minm yo sézi-l, yo bat li, yo voyé-l tounin min vid. Apré sa, li voyé yon lòt sèvitè koté yo, li minm minm yo blésé-l nan tèt, you jouré-l byin jouré. Li voyé yon lòt ankò ; sa-a minm yo touyé-l ; li voyé anpil lòt ankò é ginyin yo bat, gin dèt, yo touyé yo.

Li té gin yon pitit li té rinmin anpil, yon sèl la, alafin li voyé-l koté yo, li di : “Y-a respékté pitit mouin-an”. Min kiltivatè yo minm youn di lòt : “Min éritié-a : vini, an nou touyé-l, éritaj la ap pou nou”. Yo sézi-l, yo touyé-l, yo jété-l déyò jadin rézin-an.

Konsa ki sa mèt jadin-an ap fè ? L-ap vini, l-ap touyé kiltivatè sa yo, l-ap bay dèt moun jadin rézin-an.

Èské nou pa-t li nan sa-k ékri-a :

“Ròch la moun ki t-ap bati yo jété yon koté-a, sé li minm ki vi-n tounin tèt kouin-an ; sé nan Grammèt la sa soti, sé bagay ki bèl anpil nan jé nou” ? »

Yo t-ap chèché sézi-l, min yo té pè foul la. Sèké yo té rékonèt sé pou yo li t-ap di parabòl sa-a. Yo kité-l, yo pati.

Paròl Grammèt la.

Madi

Ané 1

PRÉMIÉ LÉKTU

Mouin pa-t vo anyin pou jé-m yo.

Léktu liv Tobit

2, 9-14

Mouin minm Tobit, nan Pantkot, nan nuit, apré mouin fi-n antéré mò-a, mouin antré nan lakou-m, mouin dòmi bò miray lakou-a, figi-m té dékouvri akòz chalè-a. Mouin pa-t konnin té gin mouano nan miray la anlè mouin, malpròpté yo tou cho tonbé nan jé-m, yo provoké tach blanch. M-alé kot doktè, pou-m fè souagné-m, épi, plis y-ap ban-m médikaman, sé plis jé-m ap avéglé ak tach blanch yo, joutan mouin avéglé nèt. Mouin pa-t vo anyin avèk jé-m pandan katran, tout frè-m yo té pran lapinn pou mouin. Achikar minm té okipé-m pandan dézan, anvan li alé nan Élimayis.

Nan tan sa-a, Ana, madanm mouin, t-ap sèvi pou salè nan travay médam yo antan l-ap fè linn. Li té konn rimmèt bay mèt yo, épi yo té konn ba-l salè-a. Sètièm jou moua Distròs la, li fi-n filé toual la épi li rimmèt li bay mèt yo, yo ba-l tout salè-a épi yo ba-l pou filatu-a yon bouk kabrit. Lè kabrit la ap antré koté-m li kòmansé pousé rèl. Mouin rélé-l, mouin di :

« Koté kabrit sa soti ? Gin lè sé vòlè yo vòlè-l, rimmèt li bay mèt li yo ; nou pa gin doua manjé anyin yo vòlè ».

Li minm minm li di-m : « Sé ban mouin yo ban mouin-l anplis salè-a ». Min mouin minm mouin pa-t kouè-l, okontrè mouin t-ap di, pou-l rimmèt li bay mèt yo. Mouin té rouj ak ront dévan-l poutèt bagay sa-a. Antan-l réponn li di-m : « Koté charité-ou yo ? Koté jistis ou yo ? Min, tout bagay yo konnin yo osijè-ou ».

Paròl Granmèt la.

PSÒM RÉPONS

Ps 111, 1-2. 7 bc-8. 9 (R : cf. 7 c)

R: Kè moun ki kòrèk la paré, li espéré nan Granmèt la.

oubyin : Alélouya.

- 1 Ala kontantman pou moun ki krinn Granmèt la,
ki mét plézi-l nèt nan lòd li yo.
- 2 Désandans li ap gin pouvoua sou tè-a,
ras moun kòrèk yo ap béni. **R:**
- 7 Li pap pè, lè-l tandé mové nouvèl.
Kè-l paré, li espéré nan Granmèt la.
- 8 Kè-l asiré, li pap pè,
joustan li méprizé ènmi-l yo. **R:**
- 9 Li séparé, li bay pòv yo ;
jistis li rété pou tout tan gin tan,
kòn li ap lévé nan gloua-a. **R:**

Ané 2

PRÉMIÉ LÉKTU

N-ap tann sièl nouvo yo ak kè nouvo-a.

Léktu dézièm lèt apot sin Piè

3, 12-15 a. 17-18

Nou minm mouin rinmin anpil la :

N-ap tann jou Granmèt la k-ap vini-an, n-ap présé pou-l rivé, jou sa-a sièl yo ap boulé, y-ap fonn, matiè difé-a ap fonn ak chalè. N-ap tann nouvo sièl yo ak nouvo tè-a dapré promès li-a, koté jistis abité-a.

Sé poua, nou minm mouin rinmin anpil la, pandan n-ap tann yo-a, fè dékoua pou Granmèt la jouinn nou san tach, san répròch, nan lapè. Pasiens Granmèt nou-an, konsidéré-l kòm sovè l-ap sovè nou.

Konsa, frè-m yo, nou konnin sa davans, fè atansyon, pa kité moun san konprann fè nou pèdi rout, antan nou kité pròp asirans nou-an. Sé pou nou dévlopé nan gras ak konésans Granmèt nou ak Sovè nou Jézu-Kri. Konpliman pou li, koulié-a ak pou tout tan nèt. Amèn.

Paròl Granmèt la.

PSÒM RÉPONS

Ps 89, 2. 3-4. 10. 14 é 16 (**R:** : 1)

- R:** Granmèt, ou vi-n tounin kachèt pou nou,
sot nan jénérasyon, al nan jénérasyon.
- 2 Anvan mòn yo fèt oubyin tè-a ak fas tè-a pran nésans,
dépi tout tan ak pou tout tan ou sé Bondié. **R:**

- ³ Ou fè moun nan tounin nan pou siè-a ;
ou di : « Tounin, pitit moun yo ».
- ⁴ Sèké mil-an dévan jé-ou tankou jounin yè-a ki pasé,
ak yon vèy nan nuit. **R**
- ¹⁰ Jou ané nou yo sé souasanndizan,
oubyin nan santé sé katrévinzan,
min pi fò pòsion nan yo sé tray ak soufrans,
paské yo pasé byin vit, épi nou volé. **R**
- ¹⁴ Plin nou granmatin ak mizérikòd ou,
n-ap fété, n-ap kontan tout jou nou yo.
- ¹⁶ Sé pou aksion-ou parèt sou sèvitè-ou yo,
épi gloua-ou sou pitit yo. **R**

ALÉLOUYA

Cf. Éf 1, 17-18

R Alélouya. Sé pou Papa Granmèt nou Jézu-Kri kléré jé kè nou,
pou nou konnin ki kalité éspérans li mété nan rélé li rélé nou-an. **R**
Alélouya.

ÉVANJIL

*Rinmèt Sézar sa-k pou Sézar,
épi Bondié sa-k pou Bondié.*

✠ Léktu sint Évanjil la dapré Mark

12, 13-17

Lè sa-a :

Yo voyé kèk moun nan disip Farizyin yo ak Érodyin yo kot Jézu, pou yo pran-l nan pièj paròl li. Yo minm yo rivé, yo di-l : « Mèt, nou konnin ou karé, ou pa pè pèzòn ; sèké ou pa konsidéré figi moun, min sé nan vérité ou anségné chémin Bondié-a, Èské nou gin doua péyé taks bay Sézar, oubyin nou pap bay ? »

Li minm minm ki té konnin riz yo, li di yo : « Pouki sa n-ap tanté-m nan ? Poté yon piès lajan ban mouin, pou-m ouè ». Yo poté ba li. Li di yo : « Pòtré ak tit ki moun ki la-a ? »

Yo di-l : « Sézar ».

Antan Jézu pran laparòl minm, li di yo : « Ébyin, rinmèt Sézar sa-k pou Sézar, épi rinmèt Bondié sa-k pou Bondié ». Yo té sézi osijè-l.

Paròl Granmèt la.

Mèkrédi

Ané 1

PRÉMIÉ LÉKTU

Priyè yo toulèdé jouinn répons dévan klèté Bondié.

Léktu liv Tobi

3, 1-11 a. 16-17 a

Jou sa yo :

Antan-m chagrin nan nanm mouin épi m-ap pousé soupi, mouin kriyé, mouin kòmansé priyé avèk jémisman : « Ou kòrèk, Granmèt, tout travay ou yo, yo kòrèk, tout chémin-ou yo sé mizérikòd ak vérité, ou jijé sièk tan yo. Koulié-a, Granmèt, sonjé-m, voyé jé sou mouin ; pa tiré vanjans sou mouin pou péché-m yo ak pou néglijans mouin yo ak pa paran-m yo, sa yo té fè péché avèk yo dévan-ou la, paské nou pa-t obéyi kòmandman-ou yo, ou té rinnèt nou nan piyaj, égzil, lanmò, parabòl, fab, répròch nan tout nasion yo, koté ou té gayé nou-an. Koulié-a pakèt jijman-ou yo vré, sa ou égzijé-m yo poutèt péché-m yo ak pa paran mouin yo, paské nou pa-t aji dapré kòmandman-ou yo épi nou pa-t maché avèk sinsérité dévan-ou. Koulié-a ou mèt fè sa-ou vlé avèk mouin, pasé lòd pou yo résévoua éspri-m, pou-m pati sot dévan fas tè-a, pou-m vi-n tounin tè, paské li pi bon pou mouin pou-m mouri pasé pou-m viv, sèké mouin tandé répròch ki pa gin fondman, gin anpil chagrin nan mouin. Pasé lòd, Granmèt, pou-m kite nésésité sa-a, voyé-m nan koté ki la pou tout tan-an, pa viré fas ou sot sou mouin, Granmèt, paské li pi bon pou mouin pou-m mouri pasé pou-m ap viv kalité nésésité sa-a nan lavi mouin, konsa mouin papa tandé répròch ankò ».

Minm jou sa-a rivé Sara pitit fi Ragouèl la, ki té Ékbata-n Mèd la, li minm tou li té tandé répròch yon sèvant papa-l t-ap fè-l, paské yo té rinnèt li bay sèt mari, épi Asmodé yon démon ki méchan anpil té konn touyé yo, anvan yo viv avèk li jan yo konn fè avèk médam yo. Sèvant la di-l : « Sé ou minm ki touyé mari-ou yo ! Min, sa fè déjà sèt mari yo rinnèt ou ba yo, épi pou pa donnin frui pou okinn nan yo. Pouki pou ou-ap maltré nou poutèt mari-ou yo, paské yo mouri-a ? Alé avèk yo. Nou pa gin doua janm ouè pitit gason oubyin pitit fi soti nan ou pou tout tan ».

Jou sa-a ti fi-a chagrin nan nanm li, li kriyé, antan-l monté nan étaj anlè kay papa-l la li té vlé pann tèt li. Min li réfléchi ankò, li di : « Pou yo pa réproché papa-m épi yo di : “Yon sèl pitit fi-a ou té ginyin ou té rinmin anpil la, épi li minm li pann tèt li ak kòd poutèt malè yo ; mouin t-

a fè viyéyès papa-m al anba tè avèk chagrin. Li pi bon pou mouin pou-m pa pann tèt mouin ak kòd, min pou-m priyé Granmèt la, pou-m mouri épi pou-m pa tandé répròch ankò nan lavi mouin ». Nan minm tan sa-a, li lonjé min-l nan fénèt la, li priyé.

Nan minm tan sa-a priyé toulédé jouinn répons nan fas klèté Bondié, li voyé Anj Rafayèl pou géri toulédé : Tobit pou délivré pou délivré anba tach blanch jé-l yo, pou-l ouè limiè Bondié-a, épi Sara pitit Ragouèl la pou rinmèt li bay Tobi pitit Tobit la kòm madanm, épi garoté Asmodé, démon ki méchan anpil la, paské sé Tobi ki jouinn favè posédé-l olié tout sa ki té vlé résévoua-l yo.

Paròl Granmèt la.

PSÒM RÉPONS

Ps 24, 2-4 a. 4 b-5 ab. 6-7 bc. 8-9 (R : 1 b)

R Sé koté-ou, Granmèt, mouin lévé nanm mouin.

2 Bondié mouin, nan ou mouin mét konfians mouin : mouin pap ront.

Pa kité ènmi-m yo fè fèt sou mouin,

3 réyèlman tout moun ki konté sou ou, yo pap jouinn désépsion.

Sa k-ap pran désépsion yo sé sa k-ap aji san fidélimité yo

poutèt bagay san konsistans. **R**

4 Chémin-ou yo, Granmèt, montré-m yo,

tras rout ou yo, aprann mouin yo.

5 Dirijé-m nan tras rout ou-a, ban-m léson,

paské ou sé Bondié ki sové mouin. **R**

6 Sonjé pitié-ou yo, Granmèt,

ak mizérikòd ou yo, paské sé dépi tout tan yo égzisté.

7 dapré mizérikòd ou-a, sonjé-m,

poutèt bon kè-ou, Granmèt. **R**

8 Granmèt la dou, li douat,

sé pousa l-ap aprann péchè yo chémin-an ;

9 l-ap kondui moun ki dosil yo nan jijman-an,

l-ap aprann moun ki dou yo chémin-l yo. **R**

Ané 2

PRÉMIÉ LÉKTU

*Sé pou-ou résisité gras Bondié ki nan ou-a
dépi-m té pozé min sou tèt ou-a.*

Kòmansman dézièm lèt apot sin Pòl pou Timoté 1, 1-3. 6-12

Pòl, apot Jézu-Kri, gras a volonté Bondié, dapré promès lavi-a ki nan Kris Jézu-a. Pou Timoté pitit mouin rinmin anpil la : gras, mizérikòd, lapè sot nan Bondié Papa-a ak nan Kris Jézu Granmèt nou-an.

Mouin rann Bondié gras, li minm mouin sèvi dépi premié paran mouin yo nan yon konsians ki pròp, sé san rété mouin sonjé-ou nan priyè-m lannuit ak lajounin.

Sé pousa mouin avèti-ou pou-ou résisité gras Bondié-a ki nan ou-a dépi-m té mét min sou tèt ou-a. Bondié pa-t ba nou yon éspri kè soté, min sé yon éspri fòs ak rinmin ak disipli-n. Konsa pa ront témouagnaj Granmèt nou-an ni chinn mouin-an ; min sé pou-ou bay konkou-ou nan Bòn Nouvèl la dapré puisans Bondié-a, li minm ki té délivré nou épi ki té rélé nou pou nou vi-n sin, san sé pa dapré aktivité pa nou, min dapré désizyon pa-l ak gras la li té ba nou nan Kris Jézu dépi anvan sièk tan yo.

Koulié-a minm gras la vi-n manifesté gras a klètè Sovè nou Jézu-Kri, li minm ki té détoui lanmò-a, ki té kléré lavi-a avèk posibilite pou nou pa détoui-a. Gras a Bòn nouvèl la, koté yo mété-m kòm prédikatè, ak apot ak mèt nasion yo.

Sé pousa minm m-ap soufri-a, min mouin pa ront. Sèké mouin konnin nan kilès mouin té kouè, épi mouin sètin li gin pouvoua pou-l séré dépo-m nan nan jou sa-a.

Paròl Granmèt la.

PSÒM RÉPONS

Ps 122, 1-2 a. 2 bcd (R : 1 a)

R: Sé koté-ou, Granmèt, mouin lévé jé-m.

¹ Koté-ou mouin lévé jé-m,
ou minm ki abité nan sièl yo.

² Min sé tankou jé sèvitè yo
kot min mèt yo. R:

Tankou jé sèvant la kot min mètrès li,
sé konsa jé nou kot Granmèt Bondié nou-an,
joutan li pran pitié pou nou. **R**

ALÉLOUYA

Jan 11, 25 a. 26

R Alélouya. Mouin sé rézireksion-an ak lavi-a, sé sa Granmèt la di ;
moun ki kouè nan mouin, li pap mouri pou tout tan. **R** Alélouya.

ÉVANJIL

Li pa Bondié moun mouri yo, min Bondié vivan yo.

✠ Léktu sint Évanjil la dapré Mark

12, 18-27

Lè sa-a :

Sadiséyin yo vi-n kot Jézu, yo minm ki di pa gin késion rézireksion-an. Yo pozé-l késion, yo di : « Mèt, Moyiz té pasé nou lòd, pou “si yon mésié gin yon frè-l ki mouri, épi ki kité madanm, san-l pa kité pitit, sé pou frè-l la pran madanm li-an, pou-l lévé yon désandans pou frè-l la”.

Konsa té gin sèt frè, prémié-a pran yon madanm, épi li mouri, san-l pa kité désandans. Épi dézièm nan pran-l, li mouri tou, épi ni li minm tou li pa kité désandans ; ni touazièm nan tou, minm jan. Konsa yo tou lé sèt yo pran-l, min yo pa kité désandans. Alafin apré yo tout, madanm nan tou vi-n mouri. Ébyin, nan kozé rézireksion-an, lè y-ap résisité-a, pou kilès nan sila yo madanm nan ap yé ? Kòm yo tou lé sèt té ginyin-l pou madanm ».

Antan Jézu pran laparòl, li di yo : « Èské nou pa tronpé, antan nou pa konnin sa ki ékri yo, ni puisans Bondié ? Sèké lè y-ap résisité sot nan pami mò yo, moun yo pap marié, ni gason, ni fi, min y-ap tankou Anj yo nan sièl la. Kanta pou késion mò yo minm k-ap résisité-a, èské nou pa-t li nan liv Moyiz la, sou flanm difé rajé-a, kijan Bondié té palé avèk li, lè-l té di : “Mouin sé Bondié Abraam, Bondié Izaak, ak Bondié Jakòb” ? Li pa Bondié moun mouri, min Bondié vivan yo. Konsa, nou tronpé anpil ».

Paròl Granmèt la.

Jédi

Ané 1

PRÉMIÉ LÉKTU

*Pasé lòd, pou-ou pran pitié pou mouin ak pou li,
épi pou nou viéyi ansanm an santé.*

Léktu liv Tobi

6, 10-11 ; 7, 1. 9-17 ; 8, 4-9a

Jou sa yo :

Apré li fi-n antré nan Médi épi li té déjà ap proché sou Ékbata-n, Rafaèl di ti gason-an : « Tobi, frè-m ! ». Li di-l : « Min mouin ». Li di-l : « Nan lakay Ragouèl nuit sa-a nou doué rété. Sé yon lmoun ki pròch ou, li gin yon fi yo rélé Sara ». Lè-l rivé Ékbata-n, li di-l : « Azarias, frè-m, kondui-m kot Ragouèl, frè nou-an, chémin dirèk ». Li kondui-l kay Ragouèl. Yo jouinn li chita dévan pòtay lakou li, yo salué-l an premié. Li minm li di yo : « Byinvenu frè-m yo, antré sin-é-sof ». Li fè yo antré nan kay li-a.

Ragouèl anbrasé-l antan l-ap kriyé, li di : « Sé pou bédiksion-an avèk ou, pitit yon bon papa, pi bon papa ki ginyin. Ala malchans malè yo. Li vi-n avèg, mésié sa-a ki kòrèk la, ki fè charité-a ! ». Li lagé kò-l nan kou Tobi, pitit frè-l la antan l-ap kriyé.

Édna, madanm li, kriyé tou sou li. Sara pitit fi yo-a kriyé li minm tou. Li touyé yon bouk nan bèt yo t-ap gadé yo, li résévoua yo ak bon kè. Apré yo fi-n lavé kò yo épi yo fi-n nétouayé yo, yo lonjé kò yo pou yo manjé. Tobi di Rafayèl : « Frè Azarias, di Ragouèl pou-l ban-m Sara sè-m nan ». Ragouèl tandé paròl sa-a, li di pitit la : « Manjé, bouè, fè kè-ou kontan nan nuit sa-a. Pa gin pèsòn réyèlman, ki kapab résévoua Sara pitit fi-m nan sof ou minm, frè-m. Minm jan tou mouin pa gin doua bay okinn gason-l sof ou minm, paské sé ou minm ki pi pròch paran-m. Sé vérité mouin di-ou la-a pitit. Mouin té rinmèt li bay sèt frè nou yo, yo tout mouri nan nuit la, lè yo t-apral antré koté-l. Koulié-a minm, manjé, bouè, Granmèt la ap fè nan nou ». Tobi minm di : « Isit la mouin pap manjé, ni mouin pap bouè, joutan sa-k konsèné-m yo, ou asiré yo ». Ragouèl di-l : « M-ap fè yo rinmèt li ba ou dapré jijman liv Moyiz la, épi sé nan sièl la yo jijé sé pou yo ba ou li. Kondui sè-ou la. Apati koulié-a ou sé frè-l, épi li minm li sé sè-ou. Yo ba ou li apati jodi-a pou tout tan. Sé pou Granmèt sièl la byin réglé pou nou, pitit, nan nuit sa-a, sé pou-l fè mizérikòd ak lapè ».

Ragouèl fè pitit fi-l la Sara vini, li rivé koté-l. Antan-l pran min-l, li rimmèt li ba li, li di : « Kondui dapré laloua-a ak jijman-an, ki ékri nan liv Moyiz la pou yo ba ou-l kòm madanm. Pran-l, kondui-l al kay papa-ou an santé. Sé pou Bondié sièl la fè nou favè yon bon vouayaj ak lapè ».

Li rélé manman-l, li pasé lòd pou yo poté yon papié, pou-l kouché kontra mariaj la, kijan li rimmèt li kòm madanm ba li dapré jijman laloua Moyiz la. Manman-l poté papié-a, li minm li ékri, li signin.

Dépi lè sa-a yo kòmansé manjé ak bouè.

Ragouèl rélé Édna madanm li, li di-l : « Sè mouin, préparé yon lòt chanm, fè-l antré ladan-l ».

L-al kouché, jan li di-l la, li fè-l antré la, li kriyé poutèt li, li suyé dlo jé-l, li di-l : « Pran kouraj, pitit fi-m, Granmèt sièl la ap ba-ou kè kontan nan plas lapinn ou-an. Pran kouraj ! » Épi li soti.

Yo soti, yo fèmin pòt chanm nan.

Tobi lévé sot sou kabann nan, li di-l : « Lévé, sè-m nan ! An nou priyé, an nou mandé Granmèt nou-an pou-l fè mizérikòd ak santé sou nou ».

Li lévé. Yo kòmansé priyé épi mandé Granmèt la pou-l ba yo santé. Yo kòmansé di : « Konpliman pou ou, Granmèt, Bondié papa nou yo, konpliman pou non-ou nan tout sièk sièk yo ! Sé pou sièl yo ak tout kréatu-ou fè konpliman pou ou nan tout sièk tan yo !

Sé ou minm ki té fè Adan épi ou té ba li yon èd asiré, Èv, épi apati yo dé-a ras lèzòm vi-n fèt. Ou té di li pa bon pou moun-nan pou kont li : “An nou fè yon èd pou li ki sanblé avèk li”.

Koulié-a minm, sé pa pou plézi mouin résévoua sè-m sa-a min sé nan vérité. Pasé lòd, pou-ou pran pitié pou mouin ak pou li, épi pou nou viéyi ansanm an santé ».

Yo di : « Amèn, amèn ! ». Épi yo dòmi nan nuit la.

Paròl Granmèt la.

PSÒM RÉPONS

Ps 127, 1-2. 3. 4-5 (R : cf. 1 a)

R : Ala kontantman pou tout moun ki krinn Granmèt la.

¹ Ala kontantman pou tout moun ki krinn Granmèt la, k-ap maché nan rout li yo.

- 2 Sé foui travay min-ou ou-ap manjé,
ala kontantman pou ou, ou-ap jouinn avantaj. **R:**
- 3 Madanm ou ap tankou yon jadin rézin ki byin donnin
sou bò lakay ou ;
pitit ou yo ap tankou jinn plant pié oliv
alantou tab ou-a. **R:**
- 4 Min sé konsa moun nan ap béni,
sa-k krinn Granmèt la.
- 5 Sé pou Granmèt la béni-ou sot Siyon,
sé pou-ou ouè byin Jérusalèm
tou léjou lavi-ou. **R:**

Ané 2

PRÉMIÉ LÉKTU

Paròl Bondié-a pa maré.

Si nou mouri ansanm avèk li, n-ap viv ansanm avèk li.

Léktu dézièm lèt apot sin Pòl pou Timoté

2, 8-15

Ou minm mouin rinmin anpil la :

Sonjé Granmèt Jézu-Kri té résisité sot nan pami mò yo, li minm ki sòti nan ras David la dapré Bòn Nouvèl mouin-an ; sé pou li m-ap soufri jous nan chinn yo tankou yon malfètè-a ; min paròl Bondié-a pa maré. Sé pou sa mouin sipòté tout bagay pou moun yo Bondié chouazi-a, pou yo minm tou yo kapab jouinn sovè nou sovè-a, ki nan Kris Jézu-a, avèk gloua sièl la.

Paròl la sètin : réyèlman, si nou mouri avèk li, n-ap viv ansanm avèk li ; si nou sipòté tray, n-ap kòmandé kòm roua avèk li ; si nou nié-l, l-ap nié nou tou ; si nou pa kouè, li minm li rét fidèl : li pa kapab nié pròp tèt li.

Fè sonjé bagay sa yo, antan ou-ap sèvi témouin dévan Granmèt la. Pa fè diskision mo ; sa pa sèvi anyin réyèlman vré, sof pou dékontrolé moun k-ap kouté yo. Mét anpil atansyon pou-ou prezanté tèt ou dévan Bondié yon fason pou-l résevoua-ou, tankou yon travayè ki pap jouinn désépsion, k-ap okipé paròl vérité-a yon fason douat.

Paròl Granmèt la.

PSÒM RÉPONS

Ps 24, 4 bc-5 ab. 8-9. 10 é 14 (R : 4 a)

R: Chémin-ou yo, Granmèt, montré-m yo.

- 4 Montré-m chémin-ou yo, Granmèt,
apran mouin tras rout-ou yo.
- 5 Kondui-m nan vérité-ou la, ban-m léson,
paské sé ou minm ki Bondié ki sovè-m nan. R:
- 8 Granmèt la bon, li douat,
sé poua li aprann péchè yo chémin-an ;
- 9 l-ap kondui pòv yo nan jijman-an,
l-ap aprann sa-k dosil yo chémin-l yo. R:
- 10 Tout chémin Granmèt la sé mizérikòd ak vérité
pou moun ki obsèvé aliens li-a ak témouagnaj li yo.
- 14 Granmèt la aji an zanmi avèk moun ki krinn li yo,
pou-l montré yo aliens li-a. R:

ALÉLOUYA

Cf. 2 Tim 1, 10

R: Alélouya. Sovè nou Jézu-Kri détoui lanmò,
li kléré lavi-a gras a bòn nouvèl la. R: Alélouya.

ÉVANJIL

Pa gin lòt kòmandman ki pi gran pasé sa yo.

✠ Léktu sint Évanjil la dapré Mark

12, 28 b-34

Lè sa-a :

Youn nan skrib yo té proché kot Jézu, épi li té pozé-l késion kilès ki prémié nan tout kòmandman yo.

Jézu minm té réponn li : « Prémié nan tout kòmandman yo, sé : “Kouté, Israèl : Granmèt la Bondié-ou la sé yon sèl Bondié-a. Épi sé pou-ou rinmin Granmèt la Bondié-ou la ak tout kè-ou, ak tout nanm ou, ak tout éspri-ou épi ak tout fòs ou”. Sa-a sé prémié kòmandman-an. Dézièm nan sanblé ak li : “Sé pou-ou rinmin prochîn-ou tankou ou minm”. Pa gin lòt kòmandman ki pi gran pasé sa yo ».

Skrib la di-l : « Sé byin, Mét, ou gin rézon di sé yon sèl Bondié-a, épi pa gin lòt andéyò-l, épi sé pou yon moun rinmin-l ak tout kè-l, ak tout

intélijans li, ak tout nanm li, épi ak tout fòs li, épi rinmin prochin-an tankou pròp tèt li, sa pi gran pasé tout kalité sakrifis antié ak kado yo ».

Jézu minm ouè li té réponn ak sajès, li di-l : « Ou pa louin ringn Bondié-a ». Épi pèsòn pa-t pran chans pozé-l késion ankò.

Paròl Granmèt la.

Vandrédi

Ané 1

PRÉMIÉ LÉKTU

*Sé ou minm ki korijé-m, sé ou minm ki sové-m,
épi min mouin ouè pitit mouin-an.*

Léktu liv Tobi

11, 5-17

Jou sa yo :

A-n té chita l-ap égzaminé chémin pitit li-a. Li rékonèt l-ap vini, li di papa-l : « Min pitit ou-a ap vini ak mésié-a ki té pati avèk li-a ». Rafaèl di Tobi, anvan-l rivé kot papa-a : « Mouin konnin jé-l yo ap louvri. Vidé fièl pouason-an nan jé-l yo ; rémèd la ap rédi, l-ap dékolé tach blanch yo sot nan jé-l yo. Papa-ou ap gadé, l-ap ouè limiè-a ».

A-n kouri koté-l, li lagé kò-l nan kou pitit li-a, li di-l : « Pitit mouin, mouin ouè-ou ; koulié-a mouin mèt mouri ! » Épi li pran kriyé. Tobit lévé, li t-ap frapé pié-l, li soti al nan pòtay lakou-a. Tobi vi-n rankontré-l avèk fièl pouason-an nan min-l ; li souflé nan jé-l, li kinbé-l, li di : « Pran kouraj, papa ! » Li vidé rémèd la sou li, li apliké-l. Ak dé min-l li dékolé tach blanch yo sot nan kouin jé-l yo. Antan-l ouè pitit li-a, li lagé kò-l nan kou-l, li kriyé, li di-l : « Mouin ouè-ou, pitit mouin, limiè jé-m yo ! » Li di : « Konpliman pou Bondié, konpliman pou non-l ki gran, konpliman pou tout sin zanj li yo pou tout sièk tan, paské li té frapé-m épi min mouin ouè Tobi, pitit mouin-an ».

Tobit avèk madanm li antré nan kay la antan y-ap fè kè yo kontan, y-ap fè konpliman pou Bondié ak tout bouch yo pou tout bagay, ki té rivé-l yo. Tobi rakonté papa-l kijan rout li-a té byin réyisi gras a Granmèt Bondié épi kijan li té poté lajan-an épi kijan li té résévoua Sara pitit fi Ragouèl la kòm madanm épi kijan l-ap vini li minm tou, li tou pré pòt

Niniv. Tobi ak A-n kontan, yo soti al rankontré bèl-fi yo nan pòt Niniv. Lè moun yo ki té nan Niniv la ouè Tobit k-ap vini, k-ap maché ak tout fòs li san pèsòn pa kondui min-l, yo sézi. Tobi minm t-ap fè louanj, li t-ap fè konpliman ak gran voua pou Bondié dévan yo, poutèt Bondié té pran pitié pou li, li té louvri jé-l. Tobit proché kot Sara, madanm pitit li-a, li béni-l, li di-l : « Antré an santé, pitit fi-m ! Konpliman pou Bondié-ou la ki kondui-ou koté nou, pitit fi mouin.

Konpliman pou papa-ou, konpliman pou Tobi, pitit mouin-an épi konpliman pou ou, pitit fi mouin.

Antré nan kay ou an santé nan bénédiksion ak kè kontan ; antré, pitit fi mouin ! »

Jou sa-a té vi-n gin kè kontan nan tout Juif yo ki té nan Niniv.

Paròl Granmèt la.

PSÒM RÉPONS

Ps 145, 2 abc. 7. 8-9 a. 9 bc-10 (R: 1 b)

R: Fè louanj Granmèt la, nanm mouin.

oubyin : Alélouya.

¹ Fè louanj Granmèt la, nanm mouin ;

² M-ap fè louanj Granmèt la nan lavi-m,
m-ap chanté kantik pou Bondié-m nan, tout tan m-ap viv. R:

⁶ Li minm ki kinbé vérité-a pou tout tan,

⁷ ki fè jijman pou moun y-ap maltrété yo,
ki bay moun ki grangou yo manjé.
Granmèt la défèt chinn yo. R:

⁸ Granmèt la kléré avèg yo,

Granmèt la lévé sa-k tonbé yo,

Granmèt la rinmin moun ki kòrèk yo,

⁹ Granmèt la protéjé étranjé yo. R:

Òfélin-an ak vèv la, li soutni yo,
min rout péchè yo, li gayé yo.

¹⁰ Granmèt la ap roua pou tout tan,
Bondié-ou la, Siyon,
pou jénérasyon ak jénérasyon. R:

Ané 2

PRÉMIÉ LÉKTU

*Moun ki vlé viv sin nan Kris la,
y-ap souffri pèsékision.*

Léktu dézièm lèt apot sin Pòl pou Timoté

3, 10-17

Ou minm mouin rinmin anpil la :

Ou té suiv ansègnman-m nan, konpòtman-m, désizion-m, lafoua-m, fòs mouin pou-m kinbé, rinmin-m, pasians mouin, pèsékision-m, souffrans mouin, ki té rivé-m Antiòch, Ikoniòm, ak Lis, tout kalité pèsékision mouin té sibi épi anba yo tout Granmèt la té délivré-m. Tout moun ki vlé viv sin nan Kris la, y-ap souffri pèsékision. Mové moun yo minm ak sa k-ap chèché tronpé lèzòt yo, y-ap fè progrè nan sa-k pi mal, antan y-ap tronpé tèt yo, épi y-ap tronpé lòt yo.

Kanta ou minm sé pou-ou rété nan sa-ou té aprann yo ak sa-ou té kouè yo, paské ou konnin nan min ki moun ou té aprann yo, épi paské sé dépi-ou piti ou konn sa-k ékri yo ki sakré-a, ki kapab instoui-ou pou sovè mouin yo, gras a lafoua ki nan Kris Jézu-a. Tou sa-k ékri-a, sé Bondié ki soufflé-l, li sèvi pou bay ansègnman, pou montré vérité-a, pou korijé, pou fè moun antré pi fon nan jistis la, pou moun Bondié-a kapab vi-n bon nèt, pou-l jouinn instrikcion pou tout kalité bon travay.

Paròl Granmèt la.

PSÒM RÉPONS

Ps 118, 157. 160. 161. 165. 166. 168 (R: 165 a)

R: Anpil lapè pou sa yo ki rinmin laloua-ou la, Granmèt.

¹⁵⁷ Yo anpil, sa yo k-ap pèsékité-m yo, k-ap fè-m pasé tray yo ;
mouin pa dévié sot nan témouagnaj ou yo. R:

¹⁶⁰ Kòmansman paròl ou yo sé vérité,
sé pou tout tan tout jijman jistis ou yo. R:

¹⁶¹ Chèf yo pèsékité-m san rézon,
min sé nan paròl ou yo kè-m tranblé. R:

¹⁶⁵ Anpil lapè pou sa yo ki rinmin laloua-ou la,
pou yo, li pa sèvi bariè. R:

¹⁶⁶ Mouin t-ap tann sovè ou sovè-m nan, Granmèt,
mouin réalizé lòd ou yo. R:

¹⁶⁸ Mouin kinbé kòmandman-ou yo ak témouagnaj ou yo,
paské tout rout mouin yo dévan fas ou. **R**

ALÉLOUYA

Jan 14, 23

R Alélouya. Si yon moun rinmin-m, l-ap kinbé paròl mouin-an,
sé sa Granmèt la di ;
épi Papa-m ap rinmin-l, n-ap vi-n lakay li. **R** Alélouya.

ÉVANJIL

Kijan yo fè di Kris la sé pitit David ?

✠ Léktu sint Évanjil la dapré Mark

12, 35-37

Lè sa-a :

Antan Jézu pran laparòl, li t-ap di, antan l-ap bay ansègnman nan tanp la : « Kijan skrib yo fè di Kris la sé pitit David ? David minm di nan Éspri Sin-an :

“Granmèt la di Granmèt mouin : Chita adouat mouin, joutan mouin mété ènmi-ou yo kòm machéskalié pié-ou”.

Konsa David li minm rélé-l Granmèt ; ébyin kòman fè li sé pitit li-a ? » Anpil moun t-ap kouté-l avèk satisfaksion.

Paròl Granmèt la.

Samdi

Ané 1

PRÉMIÉ LÉKTU

*M-ap tounin al jouinn sila-a ki voyé-m nan ;
nou minm fè konpliman pou Bondié.*

Léktu liv Tobi

12, 1. 5-15. 20

Jou sa yo :

Tobit rélé Tobi, pitit li-a, li di-l : « Mésié sa-a ki té akonpagné-ou la, sé pou nou rinmèt li sa-l mérité, sé pou nou ba-l salè-l ».

Li rélé-l, li di : « Résévoua mouatié nan tout bagay sa yo ou poté avèk ou-a, kòm salè-ou, épi alé an santé ».

Lè sa-a Rafayèl rélé yo toulédé apa, li di yo : « Fè konpliman pou Bondié sièl la, épi dévan tout vivan yo sé pou nou fè louanj pou li, paské li fè mizérikòd li-a pou nou. Réyéلمان sékrè roua-a li bon pou yo kaché-l, min aktivité Bondié yo, yo mérité pou yo révéle yo, pou yo fè louanj yo.

Sé yon bon bagay priyé épi jèn, épi charité avèk jistis. Pito yon ti kras avèk jistis pasé anpil avèk injistis. Li pi bon pou fè charité pasé pou séré trézò lò. Charité-a libéré sot nan lanmò épi li nètouayé tout péché. Moun ki fè charité yo, yo rasazié ak lavi ; moun ki fè péché ak injistis yo, yo vin ènmi nanm yo. Sé tout vérité-a m-ap montré nou, mouin pap kaché nou okinn paròl. Mouin déjà montré nou, mouin di : Sékrè roua-a, li bon pou yo kaché-l, min travay Bondié yo, sé yon onè pou révéle yo. Koulié-a minm, lè ou minm ak Sara nou t-ap priyé-a, sé mouin minm ki t-ap prézanté souvni priyé nou nan fas klèté Granmèt la ; épi lè-ou t-ap antéré mò yo, minm jan. Épi paské ou pa-t ézité lévé, kité manjé-ou la, alé, épi antéré mò yo, lè sa-a yo voyé-m koté-ou pou-m fè-ou bay prèv ou ».

Épitou Bondié té voyé-m géri ou minm avèk Sara, bèl-fi-ou la. Mouin sé Rafayèl, youn nan sèt sin zanj yo, ki kanpé, ki antré dévan klèté Granmèt la ».

Paròl Granmèt la.

PSÒM RÉPONS

Tob 13, 2. 6. 7. 8 (R: 2 a)

R: Konpliman pou Bondié, ki vivan pou tout tan.

² Konpliman pou Bondié ki vivan pou tout tan, épi pou péyi roua-l la.
Sèké sé ou minm ki frapé, ki pran pitié,
ki kondui anba tè, ki fè rémonté anlè,
ki ouété sot nan gran pèdision-l nan,
pèsònn pa chapé nan min-l. R:

⁶ Lè n-a tounin koté-l
ak tout kè ou épi ak tout nanm nou,
pou nou fè vérité dévan-l,
lè sa-a l-ap rétounin koté nou,
li pap kaché fas li louin nou ankò.

Koulié-a gadé, sa-l fè nou,
 fè louanj li ak tout bouch nou.
 Fè konpliman pou Granmèt jisitis la,
 lévé roua sièk tan yo anlè.
 Mouin minm nan péyi koté-m égzilé-a, m-ap fè louanj li,
 paské li montré bèlté-l nan yon nasion péchè.
 Konsa sé pou nou konvèti, péchè yo,
 fè jistis dévan Bondié.
 Sa-k konnin si-l rinmin nou épi l-ap fè mizérikòd pou nou ?
 antan nou kouè l-ap fè mizérikòd li pou nou. **R**

7 Mouin minm ak nanm mouin m-ap di kontantman roua sièl la.
 Nanm mouin ap kontan tout jou lavi-l. **R**

8 Fè konpliman pou Granmèt la, nou tout li chouazi yo ;
 nou tout, fè louanj grandè-l.
 Òganizé jou fèt, fè louanj pou li. **R**

Ané 2

PRÉMIÉ LÉKTU

*Fè travay mèsajé Bòn Nouvèl la. Kanta mouin minm m-déja fi-n vidé,
 Granmèt la ap rinmèt mouin kouròn jistis la.*

Léktu dézièm lèt apot sin Pòl pou Timoté

4, 1-8

Ou minm mouin rinmin anpil la :

Mouin témouagné dévan Bondié ak Jézu-Kri, ki gin pou-l jijé ni vivan yo ni mò yo, lè l-ap vini-an ak lè l-ap kòmandé-a : préché paròl la, insisté ni nan bon moman, ni nan mové moman ; bay prèv, fè obsèvasion, fè répròch ak tout kalité pasians ak ansègnman. Sèké gin yon tan k-ap rivé koté moun yo pap sipòté ansègnman kòrèk ankò, min dapré lanvi yo y-ap ranmasé yon pakèt mèt ; antan zòrèy yo ap graté yo ; y-ap viré do bay vérité-a pou yo pa tandé-l, min y-ap viré fas yo bay istoua ki pa vré yo. Kanta ou minm sé pou-ou véyé, nan tout sikonstans sé pou-ou travay, fè travay mèsajé Bòn Nouvèl la, réalizé sèvis ou. Sé pou-ou véyé sou konduit ou.

Kanta mouin minm minm mouin déja fi-n vidé, lè pou-m défèt la rivé. Mouin batay bon batay la, mouin fini kous mouin, mouin kinbé lafoua-a.

Sa-k rété-m, sé résévoua kouròn jistis la, sa Granmèt la ap ban mouin jou sa-a, li minm jij ki kòrèk la ; pa sèlman pou mouin, min pou sa yo ki rinmin jou l-ap vini-an.

Paròl Granmèt la.

PSÒM RÉPONS

Ps 70, 8-9. 14-15 ab. 16-17. 22 (R: cf. 15 a)

R: Bouch mouin ap anonsé sovè ou sovè nou-an, Granmèt.

8 Sé pou bouch mouin plin ak louanj ou,
tout jounin ak grandè-ou.

9 Pa jété-m nan tan viyéès mouin-an ;
lè fòs mouin fi-n fébli-a, pa lagé-m. R:

14 Kanta mouin minm tout tan m-ap éspéré,
épi m-ap ajouté sou tout louanj ou-a.

15 Bouch mouin ap anonsé jistis ou,
tout jounin sovè ou sovè nou-an. R:

16 M-ap rivé kot puisans Granmèt la :
Granmèt, m-ap fè sonjé jistis ou-a ki pa gin parèy la.

17 Bondié, ou té ban-m ansègnman dépi jènès mouin-an :
épi jous koulié-a m-ap anonsé mèvèy ou yo. R:

22 Oui mouin minm tou m-ap fè louanj ou,
nan instriman pou joué mizik psòm yo vérité-ou la, Bondié mouin ;
m-ap chanté pou ou nan gita-a, Sin Israèl la. R:

ALÉLOUYA

Mt 5, 3

R: Alélouya. Ala kontantman pou sa-k pòv yo nan éspri-a,
paské sé pou yo péyi-roua sièl yo yé. R: Alélouya.

ÉVANJIL

Pòv vèv sa-a té mété plis pasé tout moun.

✠ Léktu sint Évanjil la dapré Mark

12, 38-44

Lè sa-a :

Jézu t-ap di fòul yo : nan ansègnman-l nan : « Fè atansyon skrib yo ki rinmin pronminnin nan gran manto, épi ki rinmin pou moun yo salié yo

sou plas la, ki rinmin chita nan premié plas yo nan sinagòg yo, yo rinmin plas donè nan résepsion yo ; y-ap dévoré byin vèv yo sou prêtèks priyè long yo fè sanblan ap fè ; moun sa yo ap résévoua pinision ki pi rèd ».

Épi antan Jézu chita an fas sal kèt la, li t-ap gadé kijan foul la t-ap lagé lajan nan kèt la ; anpil rich t-ap lagé anpil. Yon pòv vèv minm vi-n rivé, li té mété dé ti piès, ki vo vinsink kòb.

Épi antan-l rélé disip li yo, li té di yo : « Amèn mouin di nou, pòv vèv sa-a té mété plis passé tout moun ki té mét nan kèt la ; sèké tout moun, sé nan sa yo ginyin an tròp yo té mété ; li minm minm sé nan ti sa-k pa minm kont pou li-a, li pran, tou sa-l té ginyin, li té mété, tou sa-l té bézouin pou-l viv la ».

Paròl Granmèt la.

DIZIÈM SÈMÈN ÒDINÈ

Dimanch, ané A

PRÉMIÉ LÉKTU

Sé mizérikòd mouin vlé plis pasé sakrifis.

Léktu liv profèt Ozé

6, 3-6

N-ap chèché konnin, n-ap suiv, pou nou konnin Granmèt la. Li gin pou-l parèt tankou dévan-jou, l-ap vini sou nou tankou lapli sèzon-an ak tankou sérin tè-a.

Sa pou-m fè-ou, Éfrayim ? sa pou-m fè-ou, Juda ? Mizérikòd nou tankou niaj granmatin, ak tankou larouzé k-ap pasé nan matin. Sé pousa mouin té dégrosi yo ak profèt yo, mouin té touyé yo ak paròl bouch mouin ; jistis ou ap soti tankou limiè. Paské sé mizérikòd mouin vlé, sé pa sakrifis : sé konésans Bondié, plis pasé sakrifis antié.

Paròl Granmèt la.

PSÒM RÉPONS

Ps 49, 1 é 8. 12-13. 14-15 (R: 23 b)

R: Moun ki san tach nan chémin-an, m-ap montré-l sové Bondié sové nou-an.

- ¹ Bondié dié yo, Granmèt la palé,
li rélé tè-a dépi kot solèy lévé jous okouchan :
- ⁸ « Sé pa poutèt sakrifis ou yo m-ap réprann ou ;
sakrifis antié-ou yo dévan fas mouin tout tan. R:
- ¹² Si-m grangou, mouin pap di-ou ;
sèké fas tè-a sé pou mouin ak sa-k plin-l.
- ¹³ Èské m-ap manjé chè toro yo,
oubyin san kabrit yo, èské m-ap bouè-l ? R:
- ¹⁴ Ofri sakrifis louanj pou Bondié,
rinmèt sa-a ki anro nèt la sa-ou té promèt yo ;
- ¹⁵ rélé-m nan jou tray la :
m-ap délivré-ou, ou-a onoré-m ». R:

DÉZIÈM LÉKTU

Li asiré nan lafoua-a antan-l bay Bondié gloua.

Léktu lèt apot sin Pòl pou Romin yo

4, 18-25

Frè-m yo :

Abraam, malgré éspérans la kontrarié, li kouè nan éspérans la, pou-l té kapab vi-n papa tout pakèt nasion yo, dapré sa yo té di-l la : « Sé konsa désandans ou ap yé ».

Li pa fébli nan lafoua-a, ni li pa konsidéré kò-l ki té tou mouri-a, malgré li té déjà prèské gin santan, épi kò Sara té tou mouri tou. Nan promès Bondié-a, li pa fè dout, min li té pran fòs nan lafoua-a, antan-l bay Bondié gloua ; li té konnin byin pròp tou sa Bondié promèt, li kapab fè-l. Sé pou sa yo konté sa pou li kòm jistis.

Sa pa ékri sèlman pou li minm, kèsion yo konté sa pou li kòm jistis la, min sé pou nou minm tou, nou minm yo konté nan pami sa yo ki kouè nan sa-a ki résisité Jézu-Kri Granmèt nou-an sot nan pami mò yo, li minm yo té rinmèt pou fot nou yo, épi ki résisité pou nou vi-n kòrèk la.

Paròl Granmèt la.

ALÉLOUYA

Lk 4, 18

✠ Alélouya. Granmèt la voyé-m poté Bòn Nouvèl la bay pòv yo, anonsé libérasion bay prizonié yo. ✠ Alélouya.

ÉVANJIL

Mouin pa vi-n rélé sa-k kòrèk yo, min péchè yo.

✠ **Léktu sint Évanjil la dapré Matié**

9, 9-13

Lè sa-a :

Pandan Jézu t-ap pasé, li té ouè yon mésié ki chita nan biro ladoua-n nan, yo té rélé-l Matié ; épi li di-l : « Suiv mouin ». Antan-l lévé, li suiv li.

Rivé, pandan li sou tab nan lakay la, anpil piblikin ak péchè vini, y-al sou tab avèk Jézu épi avèk disip li yo. Lè farizyin yo ouè sa, yo t-ap di disip li yo : « Pouki sa mèt nou ap manjé avèk piblikin yo, avèk péchè yo ? »

Jézu minm ki té tandé, li di : « Sé pa moun vanyan ki bézouin doktè, min sé malad. Al aprann sa sa vlé di : “Sé mizérikòd mouin vlé, sé pa sakrifis”. Sèké mouin pa vi-n rélé moun kòrèk yo, min péchè yo ».

Paròl Granmèt la.

Dimanch, ané B

PRÉMIÉ LÉKTU

M-ap mété rayisans ant ras ou ak ras madanm nan.

Léktu liv Jénèz la

3, 9-15

Apré Adan fi-n manjé nan pié boua-a, Granmèt Bondié rélé-l, li di-l : « Koté-ou ? »

Li di : « Mouin té tandé voua-ou nan jadin-an, mouin té pè, paské mouin té ni-kò, mouin té kaché kò-m ».

Li di-l : « Kilès ki té montré-ou ou té ni-kò, si sé pa paské ou té manjé nan pié boua-a, sa-m té pasé-ou lòd pou-ou pa-t manjé ladan-l nan ».

Adan di : « Madanm nan ou té ban mouin kòm asosié-a, sé li ki ban-m nan pié boua-a épi mouin manjé ».

Granmèt Bondié di madanm nan : « Pouki sa ou fè sa-a ? »

Li réponn : « Sèpan-an té tronpé-m, épi mouin té manjé ».

Granmèt Bondié di sèpan-an : « Poutèt ou fè sa, madichon pou ou nan pami tout vivan ak bèt sou tè-a : sou léstonmak ou ou-ap maché, sé tè ou-ap manjé touléjou lavi-ou. M-ap mété rayisans ant ou minm ak madanm nan, ant ras ou ak ras pa-l ; li minm madanm nan l-ap krazé tèt ou, ou minm ou-ap mété pièj pou li nan talon-l ».

Paròl Granmèt la.

PSÒM RÉPONS

Ps 129, 1-2. 3-4 ab. 4 c-6. 7-8 (R : 7)

R: Kot Granmèt la sé mizérikòd,
épi sé rédanmsion an kantité koté-l.

- 1 Nan bafon yo m-ap rélé koté-ou, Granmèt ;
 2 Granmèt, kouté voua-m.
 Sé pou zòrèy ou panché
 nan voua priyè-m nan. **R:**
- 3 Si-ou kinbé fot yo, Granmèt,
 Granmèt, ki moun k-ap kanpé ?
 4 Paské koté-ou sé padon,
 nou krinn ou. **R:**
- 5 Nanm mouin ap tann nan paròl li.
 6 Nanm mouin éspéré nan Granmèt la.
 Plis pasé yon santinèl k-ap éspéré dévan-jou,
 7 sé pou Israèl éspéré nan Granmèt la. **R:**
 Paské kot Granmèt la sé mizérikòd,
 sé rédanmsion an kantité koté-l.
 8 Sé li minm k-ap rachté Israèl
 sot nan tout fot li yo. **R:**

DÉZIÈM LÈKTU

Nou kouè, sé poutèt sa nou palé.

Lèktu dézièm lèt apot sin Pòl pou Korintyin yo

4, 13-5, 1

Frè-m yo :

Antan nou gin minm éspri lafoua-a, jan sa ékri-a : « Mouin kouè, sé pousa mouin palé » ; nou minm tou nou kouè, poutèt sa n-ap palé, nou konnin sa-a ki té résisité Jézu-a, l-ap résisité nou avèk Jézu, l-ap mété-n avèk nou. Tou sa poutèt nou, pou gras la vi-n an kantité pou anpil moun, pou-l fè yo rann gras an kantité pou gloua Bondié-a.

Sé pousa nou pa fébli ; min, malgré moun nou-an ki sou pa déyò-a ap dékonpozé, malgré sa, sa-a ki sou pa anndan-an ap réfèt tou nèf chak jou pi plis. Réyèlman, tray n-ap pasé koulié-a, pou yon moman-an épi ki tou léjè-a, l-ap réyalizé yon chaj gloua nan nou pou tout tan, ki dépasé tout roté ; nou pap konsidéré bagay yo kapab ouè, min bagay yo pa kapab ouè : sèké bagay yo kapab ouè yo, sé pou yon tan yo la ; min sa yo pa kapab ouè yo minm, yo diré pou tout tan.

Nou konnin réyèlman si kay nou sa-a ki sou tè-a, koté nou abité-a, li vi-n détoui, nou gin nan sièl la yon kay ki pa fèt ak min moun, sa Bondié bati pou nou-an, k-ap diré pou tout tan.

Paròl Granmèt la.

ALÉLOUYA

Jan 12, 31 b-32

✠ Alélouya. Koulié-a, yo jété chèf tè sa-a déyò,
sé sa Granmèt la di ;
épi mouin minm minm, lè y-ap lévé-m anlè sot sou tè-a,
m-ap rédi tout bagay vi-n jouinn mouin. ✠ Alélouya.

ÉVANJIL

Satan fini.

✠ Léktu sint Évanjil la dapré Mark

3, 20-35

Lè sa-a :

Jézu té rivé avèk disip li yo nan yon kay, épi foul la té rivé ankò, atèl pouin yo pa-t kapab minm manjé yon moso pin. Lè moun lakay li yo tandé sa, yo pati pou yo pran-l ; yo t-ap di : « Li dékontrolé ».

Épi skrib yo ki té désann sot Jérusalèm yo, yo t-ap di : « Sé Bèlzeboul li ginyin », épi « sé gras a chèf démon yo l-ap chasé démon yo ».

Épi antan li rélé yo, li t-ap di yo an parabòl : « Kijan Satan kapab chasé Satan ? Si yon péyi-roua divizé anndan-l, péyi-roua sa-a pa kapab kanpé. Si yon kay gin divizion anndan-l, kay sa-a pa kapab kanpé. Konsa si Satan lévé kont pròp tèt li, li divizé, li pa kapab kanpé, li jouinn finisman-l. Pèsòn pa kapab antré nan yon kay avèk zam, pou-l piyé, si-l pa kòmansé maré moun ki gin fòs la, apré sa l-ap piyé kay li-a.

Amèn mouin di nou, tout péché pitit moun yo fè, y-ap padonnin yo, ni blasfèm yo blasfémé Bondié, moun ki blasfémé Éspri Sin-an minm, li pap gin padon pou tout tan, min l-ap koupab yon péché pou tout tan ». Sèké yo t-ap di : « Sé yon éspri papròp li ginyin ».

Épi manman-l ak frè-l yo té rivé ; épi antan yo kanpé déyò-a, yo té voyé koté-l, pou yo rélé-l. Té gin yon foul ki té chita alantou-l, yo di-l : « Min manman-ou ak frè-ou yo déyò-a, y-ap chèché-ou ».

Épi antan li réponn yo, li té di : « Kilès ki manman-m ak frè-m ? » Épi antan-l viré gadé alantou-l sa yo ki té chita toutotou-l yo, li té di : « Min manman-m ak frè-m yo. Moun k-ap fè volonté Bondié réyéman, sé li minm ki frè-m ak sè-m ak manman-m ».

Paròl Granmèt la.

Dimanch, ané C

PRÉMIÉ LÉKTU

Min pitit ou-a vivan.

Léktu prémié liv Roua yo

17, 17-24

Jou sa yo :

Pitit yon madanm mèn-dfanmi té malad ; maladi-a té grav atèl pouin li pa-t rét souf nan li. Madanm nan di Éli : « Sa-k ginyin ant mouin ak ou minm, moun Bondié ? Ou antré lakay mouin pou-ou fè-m sonjé fot mouin yo, pou ou touyé pitit mouin-an ? »

Éli di-l : « Ban-m pitit ou-a ». Li pran-l sot nan léstomak li, li poté-l nan chanmòt la, koté-l té fè ladésant la. Li mété-l sou kabann li-a, li rélé kot Granmèt la, li di : « Granmèt Bondié mouin, èské minm vèv sa-a, ki résevoua-m lakay li-a, k-ap souin-m nan, ou-ap fè-l lapinn pou-ou touyé pitit li-a ? » Li lonjé kò-l, li rété sou pitit la pandan toua foua, li rélé kot Granmèt la, li di : « Granmèt Bondié, tanpri, fè nanm pitit sa-a tounin nan zantray li ».

Granmèt la kouté voua Éli, nanm pitit la tounin nan li, li réviv. Éli pran pitit la, li poté-l sot nan chanmòt la, li mété-l nan réd-chosé-a ; li rinnèt manman-l li, li di-l : « Min pitit ou-a vivan ».

Madanm nan di Éli : « Koulié-a nan bagay sa-a mouin rékonèt ou sé moun Bondié, paròl Granmèt la ki nan bouch ou-a sé vérité ».

Paròl Granmèt la.

PSÒM RÉPONS

Ps 29, 2 é 4. 5-6. 11 é 12 a é 13 b (R: 2 a)

R: M-ap fè louanj ou, Granmèt, paské ou délivré-m

- 2 M-ap fè louanj ou, Granmèt, paské ou délivré-m,
ou pa bay ènmi-m yo kè kontan sou do-m.
- 4 Granmèt, ou ouété lavi-m sot anba tè-a,
ou fè-m viv, pou-m pa désann nan fos la. **R:**
- 5 Chanté pou Granmèt la, sin-l yo,
fè louanj pou souvni-l ki sin.
- 6 Sèké pou yon moman kòlè-l rivé,
min sé pou lavi rinmin-l nan diré.
Nan asouè gin dlo nan jé,
nan matin sé kè kontan. **R:**
- 11 Kouté, Granmèt, pran pitié pou mouin,
Granmèt, poté-m sékou.
- 12 Ou chanjé plint mouin-an nan chanté dans pou mouin.
- 13 Granmèt Bondié-m, pou tout tan m-ap fè louanj ou. **R:**

DÉZIÈM LÉKTU

*Li té révéle Pitit li-a nan mouin,
pou-m anonsé-l bay nasion yo.*

Léktu lèt apot sin Pòl pou Galat yo

1, 11-19

Mouin fè nou konnin, frè-m yo, Bòn Nouvèl la mouin té anonsé nou-an, sé pa nan moun li soti. Ni non plis tou sé pa nan min moun mouin té résévoua-l, ni mouin té aprann li, min sé nan révélation Jézu-Kri.

Nou té tandé konduit mouin té ginyin lontan nan rélijion juif la, kijan mouin t-ap pèsékité Égliz Bondié-a dépasé mézi, kijan mouin té fè-l lagè. Mouin té fè progrè nan rélijion juif la plis anpil pasé moun ras mouin yo ki gin minm laj avèk mouin yo, mouin té gin jalouzi anpil pou abitud papa mouin yo té kité pou nou-an.

Min Sa-a ki té mété-m apa dépi nan vant manman-m nan, ki té rélé-m pa pouvoua gras li-a, lè-l té desidé révéle Pitit li-a nan mouin, pou-m anonsé-l bay nasion yo, minm lè-a mouin pa-t konsilté ni chè ni san ; mouin pa-t vi-n Jérusalèm kot apot yo ki té la anvan-m yo ; min mouin t-al an Arabi, apré sa mouin té tounin Damas. Apré touazan mouin té vi-n Jérusalèm pou-m ouè Piè, mouin té rété kinz jou koté-l. Mouin pa-t ouè okinn lòt apot, sof Jak, frè Granmèt la.

Paròl Granmèt la.

ALÉLOUYA

Lk 7, 16

℞ Alélouya. Yon gran profèt té lévé nan pami nou,
épi Bondié té vizité pèp li-a. ℞ Alélouya.

ÉVANJIL

Jénòm, mouin di-ou, lévé.

✠ Léktu sint Évanjil la dapré Luk

7, 11-17

Lè sa-a :

Jézu t-apral nan yon vil yo rélé Nayi-m ; disip li yo ak yon gran foul t-apral avèk li tou. Pandan y-ap proché bò pòt lavil la, té gin yon mò yo t-ap poté, sèl pitit gason manman-l ; madanm sa-a té vèv, té gin anpil foul lavil la avèk li.

Lè Granmèt la ouè sa, li pran pitié pou li, li di-l : « Pa kriyé ». Li proché, li touché sèkèy la. Moun yo ki t-ap poté yo, yo kanpé. Li di : « Jénòm, mouin di-ou, lévé ». Mò-a chita, li kòmansé palé ; Jézu rinnèt li bay manman-l.

Sézisman pran tout moun, yo fè louanj Bondié, y-ap di : « Yon gran profèt lévé nan pami nou, Bondié vizité pèp li-a ». Paròl sa-a gayé nan tout lajudé sou li, ak nan tout réjion alantou-a.

Paròl Granmèt la.

Lindi

Ané 1

PRÉMIÉ LÉKTU

*Bondié konsolé nou,
pou nou kapab konsolé sa yo ki nan tray yo.*

Kòmansman dézièm lèt apot sin Pòl pou Korintyin yo

1, 1-7

Pòl, apot Jézu-Kri, gras a volonté Bondié, avèk Timoté, frè-a, pou Égliz Bondié-a ki Korint la, avèk tout sin yo, ki nan tout Akayi-a : Gras pou nou ak lapè sot nan Bondié Papa nou ak Granmèt Jézu-Kri.

Konpliman pou Bondié ak Papa Granmèt nou Jézu-Kri, Papa mizérikòd yo ak Bondié tout konsolation-an, li minm ki konsolé nou nan tout tray

nou, pou nou minm tou nou kapab konsolé sa yo k-ap passé tout kalité tray yo, gras a ankourajman Bondié ba nou.

Sèké, minm jan soufrans Kris yo anpil nan nou-an, konsa tou konsolation nou-an ap anpil pa pouvoua Kris la. Soua n-ap passé tray pou ankourajman nou ak sovè nou gin pou nou sovè-a, soua nou jouinn ankourajman pou ankourajman pa nou ak sovè nou gin pou-n sovè-a, ki réalisé pasians pou nou sipòté minm soufrans n-ap sipòté yo : pou éspérans nou-an kapab solid pou nou, antan nou konnin minm jan nou patisipé nan soufrans nou yo, konsa tou n-ap patisipé nan konsolation-an.

Paròl Granmèt la.

PSÒM RÉPONS

Ps 33, 2-3. 4-5. 6-7. 8-9 (R: 9 a)

- R: Gouté, n-a ouè kijan Granmèt la dou.
- 2 M-ap fè konpliman pou Granmèt la tout tan,
tout tan louanj li nan bouch mouin.
- 3 Nan Granmèt la nanm mouin ap jouinn gloua,
sé pou pòv yo tandé, pou yo kontan. R:
- 4 Fè louanj Granmèt la avèk mouin,
sé pou nou lévé non-l anlè ansanm,
- 5 mouin chèché Granmèt la, li réponn mouin,
anba tou sa-k fè-m pè yo, li délivré-m. R:
- 6 Gadé nan diréksion-l, n-ap kléré,
fas nou pap ront.
- 7 Pòv sa-a rélé, Granmèt la kouté-l,
anba tout tray li yo li sovè-l. R:
- 8 Anj Granmèt la ap véyé alantou moun ki krinn li yo,
épi l-ap délivré yo.
- 9 Gouté, n-a ouè jan Granmèt la dou ;
ala kontantman pou moun ki éspéré nan li yo. R:

Ané 2**PRÉMIÉ LÉKTU***Éli kanpé dévan fas Granmèt Bondié Israèl la.***Léktu prémié liv Roua yo****17, 1-6**

Jou sa yo :

Éli, moun Tisbé-a nan réjion Galaad la, di Akab konsa : « Sou lavi Granmèt Bondié Israèl la, mouin kanpé dévan-l nan, ané sa-a pap gin ni larouzé ni lapli, sof si-m palé ».

Paròl Granmèt la rivé koté-l, li di : « Pati sot isit la, al nan diréksion o lévan, kaché bò ravi-n Karit la, sa-k bò riviè Joudin-an ; ou-a bouè nan ravi-n nan, mouin pasé kòrbo yo lòd pou yo ba-ou manjé la ». Konsa, l-alé, li aji dapré paròl Granmèt la. Lè-l pati, li chita bò ravi-n Karit la, ki anfas Joudin-an. Kòrbo yo té konn poté pin ak viann chak matin, minm jan tou pin ak viann chak soua : li té konn bouè nan ravi-n nan.

Paròl Granmèt la.

PSÒM RÉPONS**Ps 120, 1-2. 3-4. 5-6. 7-8 (R: cf. 2)**

R: Sékou nou o non Granmèt la,
ki té fè sièl la ak tè-a.

1 M-ap lévé jé-m nan mòn yo :
koté sékou-m ap soti ?

2 Sékou-m ap vi-n sot nan Granmèt la,
ki té fè sièl la ak tè-a. **R:**

3 Li pap kité pié-ou bité,
li pap dòmi, li minm k-ap véyé sou ou-a.

4 Gadé li pap dòmi, li pap fèmin jé-l,
li minm k-ap véyé sou Israèl la. **R:**

5 Granmèt la ap véyé sou ou,
Granmèt la sé lonbraj ou,
li sou bò min douat ou.

6 Lajounin solèy pap frapé-ou,
ni lali-n pandan lannuit. **R:**

7 Granmèt la ap véyé sou ou kont tout malè ;
Granmèt la ap véyé sou nanm ou.

⁸ Granmèt la ap véyé sou antré-ou ak sòti-ou,
dépi koulié-a jous pou tout tan. **R:**

ALÉLOUYA

Mt 5, 12 a

R: Alélouya. Fè kè nou kontan, épi fété,
paské rékonpans nou anpil nan sièl la. **R:** Alélouya.

ÉVANJIL

Ala kontantman pou pòv yo nan éspri-a.

✠ Léktu sint Évanjil la dapré Matié

5, 1-12

Lè sa-a :

Antan Jézu ouè foul yo, li té monté sou mòn nan ; kon-l chita, disip li yo té proché koté-l. Épi antan-l louvri bouch li, li t-ap anségné yo antan l-ap di :

« Ala kontantman pou moun ki pòv yo nan éspri-a, paské sé pou yo péyi-roua sièl yo yé.

Ala kontantman pou moun ki dou yo, paské sé yo minm k-ap posédé tè-a.

Ala kontantman pou moun k-ap kriyé yo, paské y-ap konsolé.

Ala kontantman pou moun ki grangou, ki souaf jistis la, paské y-ap jouinn kont yo.

Ala kontantman pou moun ki gin mizérikòd yo, paské y-ap jouinn mizérikòd.

Ala kontantman pou moun ki gin kè yo nèt yo, paské y-ap ouè Bondié.

Ala kontantman pou moun k-ap travay pou lapè-a, paské y-ap rélé yo pitit Bondié.

Ala kontantman pou moun k-ap souffri pèsékision poutèt jistis la, paské sé pou yo péyi-roua sièl la yo yé.

Ala kontantman pou nou, lè y-ap madichonnin nou, lè y-ap pèsékité nou, lè y-ap di tout kalité mal kont nou, antan y-ap fè manti, akòz mouin ; fè kè nou kontan, fété, paské rékonpans nou anpil nan sièl la. Amèn, sé konsa réyéلمان yo té pèsékité profèt yo ki té la anvan nou yo ».

Paròl Granmèt la.

Madi

Ané 1

PRÉMIÉ LÉKTU

Jézu pa-t oui ak non, min sé oui ki té nan li.

Léktu dézièm lèt apot sin Pòl pou Korintyin yo

1, 18-22

Frè-m yo :

Bondié fidèl, paské paròl nou-an, ki té lakay nou-an, li pa-t « *oui* » ak « *non* » nan li. Réyèlman Pitit Bondié-a, Jézu-Kri, sa nou té préché nou-an, mouin minm, Silvin ak Timoté, li pa-t « *oui* » ak « *non* », min sé « *oui* » ki té nan li. Tout promès Bondié yo réyèlman, sé « *oui* » yo yé nan li ; sé pou sa pa pouvoua li « Amèn » pou Bondié pou gloua nou.

Sa-a ki asiré nou avèk nou minm nan Kris la, li minm ki té sakré nou-an, Bondié, li minm tou ki té maké nou-an, épi ki té mété garanti Éspri-a nan kè nou yo.

Paròl Granmèt la.

PSÒM RÉPONS

Ps 118, 129, 130, 131, 132, 133, 135 (R: : 135 a)

R: Fè fas ou kléré, Granmèt, sou sèvitè-ou la.

¹²⁹ Témouagnaj ou yo éstraòdinè,
sé pou sa nanm mouin kinbé yo. R:

¹³⁰ Déklarasion paròl ou yo kléré,
li bay ti moun yo intélijans. R:

¹³¹ Mouin louvri bouch mouin, épi mouin aspiré Éspri-a,
paské mouin té anvè kòmandman-ou yo. R:

¹³² Viré koté-m, pran pitié pou mouin,
dapré jijman-ou avèk sa yo ki rinmin non-ou nan. R:

¹³³ Dirijé démach mouin dapré promès ou-a,
pou okinn péché pa kòmandé sou mouin. R:

¹³⁵ Fè fas ou kléré sou sèvitè-ou la,
épi aprann mouin désizion-ou yo. R:

Ané 2

PRÉMIÉ LÉKTU

*Ja fari-n nan pa manké dapré paròl Granmèt la,
sa Éli té di-a.*

Léktu prémié liv Roua yo

17, 7-16

Jou sa yo :

Ravi-n nan koté Éli té kaché-a vi-n séché ; sèké pa-t gin lapli sou tè-a. Paròl Granmèt la rivé koté-l, li di : « Lévé, al nan Sarépta Sidonyin yo, ou-a rété la ; mouin pasé yon vèw lòd pou-l nourou ». Li lévé, l-alé nan Sarépta.

Lè l-al antré nan pòt lavil la, yon vèw parèt dévan-l, l-ap ranmasé boua ; li rélé-l, li di-l : « Ban-m ti gout dlo nan yon véso pou-m bouè ». Pandan l-apral chèché-l, li rélé dèyè-l, li di : « Tanpri, poté yon ti bouché pin nan min-ou pou mouin ».

Li réponn : « Sou lavi Granmèt Bondié-ou la, mouin pa gin pin, sof yon ti ponyin fari-n nan yon ja ak yon ti kras luil nan yon poban. Koulié-a minm m-ap ranmasé dé bout boua pou-m antré, m-ap paré-l pou mouin ak pou pitit mouin-an, pou nou manjé, pou nou mouri ».

Éli di-l : « Pa pè, min alé, fè jan-ou di-a ; sèlman ak fari-n sa-a minm, kòmansé fè yon ti pin ki kuit anba sann pou mouin, épi poté-l ban mouin ; kanta pou ou minm ak pou pitit ou-a, ou-a fè apré. Min paròl Granmèt Bondié Israèl la vré : “Ja fari-n pap manké, poban luil pap bésé jous jou Granmèt la ap bay lapli sou fas tè-a” ».

L-alé, li fè dapré paròl Éli-a ; Éli manjé, madanm nan tou, ni kay li ; dépi lè sa-a, ja fari-n nan pa manké, poban luil la pa bésé, dapré paròl Granmèt la, sa-l té di pa lantrémiz li-a.

Paròl Granmèt la.

PSÒM RÉPONS

Ps 4, 2-3. 4-5. 7-8 (R : 7)

R: Lévé limiè figi-ou la sou nou tankou yon sign, Granmèt.

- ² Kouté-m pandan m-ap priyé, Bondié jistis mouin ;
nan tray mouin ou dégajé-m ;
pran pitié pou mouin, kouté priyé-m.

- 3 Pitit moun yo, jouskilè n-ap lou nan kè nou ?
Pouki sa nou rinmin sa-k pa vo anyin, n-ap chèché paròl manti ? **R:**
- 4 Sé pou nou konnin Granmèt la fè mèvèy pou sin-l nan ;
Granmèt la ap kouté, lè m-ap rélé koté-l.
- 5 Fè kòlè, min pa fè péché ;
palé nan kè nou, sou kabann nou, rété trankil. **R:**
- 7 Lévé limiè fas ou sou nou tankou yon sign, Granmèt.
- 8 Ou mété plis kè kontan nan kè-m
pasé lè blé ak divin yo vi-n anpil. **R:**

ALÉLOUYA**Mt 5, 16**

R: Alélouya. Sé pou limiè nou kléré dévan moun yo, yon fason
pou yo ouè bon aksion nou yo,
épi pou yo fè louanj pou Papa nou. **R:** Alélouya.

ÉVANJIL*Nou sé limiè tè-a.***✠ Léktu sint Évanjil la daprè Matié****5, 13-16**

Lè sa-a : Jézu té di disip li yo :

« Nou sé sèl tè-a. Si sèl la vi-n fad, ak ki sa y-ap salé-l ? Li pa vo anyin ankò, sof pou yo jété-l déyò, pou moun pilé-l.

Nou sé limiè tè-a. Yon vil ki pozé sou yon mòn pa kapab kaché. Yo pa limin yon lanp, pou yo mété-l anba mamit ; min sou yon étajè, pou-l kléré tout moun ki nan kay la.

Sé konsa pou limiè nou kléré dévan moun yo, pou yo ouè bon aksion nou yo, pou yo fè louanj pou Papa nou ki nan sièl la ».

Paròl Granmèt la.

Mèkrédi

Ané 1

PRÉMIÉ LÉKTU

*Li fè nou vi-n tounin sèvitè nouvo Alians la,
sé pa nan lèt la, min nan Éspri-a.*

Léktu dézièm lèt apot sin Pòl pou Korintyin yo

3, 4-11

Frè-m yo :

Nou gin yon gran asirans dévan Bondié gras a Kris la. Sé pa paské nou gin kapasité pou nou pansé kichòy ki sot nan nou kòm si sé nou minm ki fè-l, min kapasité nou-an sé nan Bondié li soti ; sé li minm ki fè nou kapab vi-n sèvitè nouvo Alians la, sé pa nan lèt la, min nan Léspri-a ; lèt la touyé, min Éspri-a bay lavi.

Si sèvis lanmò-a, ki ékri ak lèt sou ròch yo, té nan gloua, ki fè pitit Israèl yo pa-t kapab fikse jé yo sou fas Moyiz la, poutèt gloua figi-l, ki t-ap pasé-a ; kijan sèvis Éspri-a pap nan pi gran gloua toujou ? Sèkè si sèvis kondanasion-an jouinn gloua, sèvis jistis la ap gin plis gloua toujou. Sa-k té kléré sou pouin sa-a pa nan gloua ankò poutèt gloua ki dépasé tout bagay la. Si sa-k t-ap pasé-a té nan gloua, sa k-ap diré-a ap nan plis gloua toujou.

Paròl Granmèt la.

PSÒM RÉPONS

Ps 98, 5. 6. 7. 8. 9 (R: : cf. 9 c)

- R: Ou sin, Granmèt Bondié nou.
- ⁵ Fè louanj Granmèt Bondié nou-an,
adoré-l dévan machéskalié pié-l,
paské li sin. R:
- ⁶ Moyiz avèk Aaron, nan pami prèt li yo,
ak Samuèl, nan pami sa yo ki rélé non-l yo.
Yo rélé Granmèt la, li minm li réponn yo. R:
- ⁷ Nan kolòn nuaj la li t-ap palé avèk yo.
Yo té kinbé témouagnaj li yo,
ak kòmandman li té ba yo-a. R:

- 8 Granmèt Bondié nou, ou té konn kouté yo ;
Bondié, ou té konn padonnin yo,
antan-ou té korijé fot yo. **R**
- 9 Fè louanj Granmèt Bondié nou-an,
adoré-l sou mòn li ki sin-an,
paské li sin, Granmèt Bondié nou-an. **R**

Ané 2

PRÉMIÉ LÉKTU

*Sé pou pèp sa-a aprann ou sé Granmèt la,
ou chanjé kè yo.*

Léktu prémié liv Roua yo

18, 20-39

Jou sa yo :

Roua Akab té voyé kot tout pitit Israèl yo, li té rasanblé profèt Baal yo sou mòn Kamèl la.

Éli minm antan-l proche kot tout pèp la, li té di : « Jouskilè n-ap bouaté sou dé koté ? Si sé Granmèt la ki Bondié, suiv li ; si sé Baal, suiv li ». Pèp la pa-t réponn li yon mo. Éli kontinué, li di pèp la : « Mouin rété sèl kòm profèt Granmèt la ; min profèt Baal yo minm yo kat-san-sinkant. Sé pou yo ba nou dé bèf ; sé pou yo chouazi youn, pou yo koupé-l an ti moso, pou yo mété-l sou boua yo ; min sé pa pou yo mété difé. Mouin minm m-ap okipé lòt bèf la, m-ap pozé-l sou boua yo ; mouin pap mété difé. Rélé non dié nou yo, épi mouin minm m-ap rélé non Granmèt mouin-an ; Bondié k-ap réponn nan difé-a, sé li minm k-ap Bondié ». Tout pèp la réponn, li di : « Sé yon bon désizyon ».

Éli minm té di profèt Baal yo : « Chouazi yon bèf, kòmansé okipé-l anvan, paské nou pi plis, rélé non dié nou yo, min pa mété difé ». Yo minm, yo pran bèf la li té ba yo-a, yo okipé-l, yo rélé non Baal dépi matin jous midi, yo di : « Baal, réponn nou ». Min pa-t gin voua ki réponn. Yo t-ap dansé dévan lotèl la yo té fè-a.

Lè midi rivé, Éli t-ap pasé yo nan jouèt, li t-ap di : « Rélé pi fò : sé yon dié li yé, pètèt l-ap palé, oubyin li nan boutik, oubyin li nan vouayaj, oubyin sètènman l-ap dòmi, sé pou-l révéyé ». Yo t-ap rélé byin fò, yo t-ap blésé kò yo avèk kouto avèk pik, joustan san sòti.

Lè midi fi-n pasé, yo t-ap profétizé, lè-a rivé pou yo ofri sakrifis jan yo konn fè-a, min yo pa tandé ni voua ni pèsonn ki réponn, ki fè atansyon

moun k-ap priyé yo. Éli di tout pèp la : « Vini koté-m ». Pèp la proche koté-l, li drésé lotèl Granmèt la ki té détoui-a ; li pran douz ròch, dapré kantité fanmi pitit Jakòb yo, Jakòb sa-a paròl Granmèt la té rivé jouinn pou di-l : « Y-ap rélé non-ou Israèl » la. Avèk ròch yo, li bati yon lotèl o non Granmèt la, li fè yon kannal alantou lotèl la ki kapab kinbé dé bokit dlo ; li ranjé boua yo, li di : « Plin kat krich dlo, vidé sou sakrifis antié-a ak sou boua yo ».

Yon lòt foua ankò li di : « Fè sa yon dézièm foua ». Lè yo fi-n fè-l dézièm foua-a, li di : « Fè sa yon touazièm foua ankò ». Yo fè-l touazièm foua-a, dlo-yo kouri alantou lotèl la, trou rigòl la vi-n plin.

Lè tan rivé pou yo ofri sakrifis antié-a, profèt Éli proche, li di : « Granmèt, Bondié Abraam, Izaak ak Israèl, montré jodi-a sé ou minm ki Bondié Israèl, épi mouin sé sèvitè-ou, sé dapré lòd ou mouin fè tout bagay sa yo. Réponn mouin, Granmèt, réponn mouin, pou pèp sa-a aprann sé ou minm Granmèt Bondié, sé ou minm ki chanjé kè yo ankò ». Difé Granmèt la tonbé, li dévoré sakrifis antié-a, ni boua yo, ni ròch yo, ni pousiè-a tou, ni dlo-a ki té nan kannal la tou, li sousè-l. Lè tout pèp la ouè sa, li tonbé sou fas li, li di : « Sé Granmèt la ki Bondié. Sé Granmèt la ki Bondié ».

Paròl Granmèt la.

PSÒM RÉPONS

Ps 15, 1-2 a. 4. 5 é 8. 11 (R : 1)

R: Kinbé-m, Bondié, paské mouin espéré nan ou.

Kinbé-m, Bondié, paské mouin espéré nan ou.

2 Mouin di Granmèt la : « Sé Granmèt mouin ou yé ». R:

4 Yo fè soufrans yo vi-n anpil,
sa yo k-ap kouri dèyè dié étranjé yo.
Mouin pap vidé likè sakrifis yo sot nan san yo. R:

5 Granmèt, pòsion éritaj mouin ak kalis mouin :
sé ou minm ki kinbé déstiné mouin.

8 Mouin té mété Granmèt la dévan fas mouin tout tan,
paské li adouat mouin, mouin pap tranblé. R:

11 Ou-ap fè-m konnin rout lavi yo,
piyay kè kontan dévan fas ou,
plézi adouat ou pou tout tan san rété. R:

ALÉLOUYA

Ps 24, 4 b. 5 a

℞ Alélouya. Tras rout ou yo, Bondié mouin, aprann mouin yo,
dirijé-m nan vérité-ou la. ℞ Alélouya.

ÉVANJIL

Mouin pa vi-n pou-m détoui, min pou-m réalisé.

✠ Léktu sint Évanjil la dapré Matié

5, 17-19

Lè sa-a : Jézu di disip li yo :

« Pa konprann mouin vini pou-m défèt laloua-a oubyin profèt yo :
mouin pa vini pou-m défèt, min pou-m réalisé nèt.

Amèn mouin di nou, joutan sièl la ak tè-a pasé, yon ti i oubyin yon ti
trè pap pasé sot nan Laloua-a, joutan tout bagay rivé.

Konsa moun k-ap défèt youn nan pi piti kòmandman sa yo épi k-ap
aprann moun yo fè minm jan, y-ap rélé-l pi piti nan péyi-roua sièl yo ;
min moun k-ap réalisé-l, épi k-ap aprann lòt yo fè minm jan, y-ap rélé-l
gran nan péyi-roua sièl yo ».

Paròl Granmèt la.

Jédi

Ané 1

PRÉMIÉ LÉKTU

*Bondié kléré nan kè nou
pou-l mété limiè sians klèté Bondié-a.*

Léktu dézièm lèt apot sin Pòl pou Korintyin yo

3, 15-4, 1. 3-6

Frè-m yo :

Jous jodi-a, lè y-ap li Moyiz, gin yon voual ki pozé sou kè pitit Israël
yo. Min lè yo chanjé vi-n jouinn Granmèt la, voual la lévé. Sèké Granmèt
la sé Éspri ; koté Éspri Granmèt la yé, sé libèté. Kanta nou minm, nou
tout sé ak fas nou dévoualé n-ap fè ouè gloua Granmèt la, n-ap chanjé
fòm nan pòtré sa-a sot nan klèté al nan klèté, tankou kichòy ki soti nan
Éspri Granmèt la.

Sé poua antan nou gin sèvis la, sa yo ban nou dapré mizéridòd la, nou
pa fébli. Si malgré sa Bòn Nouvèl nou-an kouvri, sé pou sa yo k-ap péri-a

li kouvri ; dié sièk sa-a bouché éspri yo pou yo pa kouè, pou ékléraj Bòn Nouvèl gloua Jézu-Kri-a ki pòtré Bondié-a pa kléré nan yo.

Réyèlman sé pa nou minm n-ap préché, min Jézu-Kri Granmèt nou-an ; nou minm minm sé sèvitè nou nou yé poutèt Jézu. Sèké Bondié, ki té di pou limiè-a kléré sot nan fènoua yo, sé li minm ki kléré nan kè nou, pou-l fè ouè limiè sians klèté Bondié-a nan fas Kris Jézu.

Paròl Granmèt la.

PSÒM RÉPONS

Ps 84, 9 ab-10. 11-12. 13-14 (R : cf. 10 b)

R: Gloua Granmèt la ap abité sou tè nou-an.

⁹ M-ap kouté sa Granmèt Bondié ap di,
sé lapè l-ap palé pou pèp li-a ak sin-l yo.

¹⁰ Vrèman, sovè li soté nou-an, li tou pré moun ki krinn li yo,
pou gloua-a abité sou tè nou-an. R:

¹¹ Mizérikòd ak vérité rankontré,
jistis ak lapè anbrasé.

¹² Vérité-a lévé sot sou tè-a,
jistis la panché sot nan sièl la. R:

¹³ Oui, Granmèt la ap bay bon kè,
tè nou-an ap bay foui-l.

¹⁴ Jistis ap maché dévan-l,
l-ap pozé pié-l sou rout la. R:

Ané 2

PRÉMIÉ LÉKTU

Éli priyé, sièl la bay lapli.

Léktu prémié liv Roua yo

18, 41-46

Jou sa yo :

Éli di Akab : « Monté, manjé, bouè, paské mouin tandé boui gro lapli ». Akab monté pou-l manjé, pou-l bouè. Éli minm monté sou tè Karmèl la, li pozé fas li bouch anba, nan mitan jénou-l.

Li di ti gason-l nan : « Monté, gadé nan diréksion lanmè-a ». Li monté, li gadé byin, li di : « Pa gin anyin ». Li di-l ankò : « Tounin sèt foua ».

Sou sètièm foua-a, vi-n gin yon ti nuaj tou piti, tankou tras yon moun, k-ap monté sot nan lanmè-a. Li di : « Monté, di Akab : “Sélé chario ou, désann, pou lapli-a pa baré-ou” ».

Pandan l-ap viré adouat-agòch, sièl la vi-n tou noua, vi-n gin nuaj ak van, yon gran lapli rivé. Akab monté, li pati Izréyèl ; min Granmèt la rivé sou Éli, li maré rin-l, li kouri dévan Akab, joustann li rivé Izréyèl.

Paròl Granmèt la.

PSÒM RÉPONS

Ps 64, 10 abcd. 10 e-11. 12-13 (R: 2 a)

R: Yo doué fè louanj ou, Bondié, nan Siyon.

10 Ou vizité tè-a, ou rouzé-l ;
ou fè-l vi-n rich anpil.
Larivière Bondié-a plin ak dlo ;
ou paré blé yo. **R:**

Sé konsa ou paré-l.

11 Ou fè dlo koulé nan kannal li yo, ou égalizé bit tè-l yo ;
ou fè-l vi-n mòl ak gro lapli, ou béni jèm li yo. **R:**

12 Ou kouronnin ané-a ak bon kè-ou,
tras pié-ou ap dégouté ak grès.

13 Pak zèb savann yo ap dégouté,
ti mòn yo vlopé ak kontantman. **R:**

ALÉLOUYA

Jan 13, 34

R: Alélouya. Sé yon kòmandman nouvo mouin ba nou, sé sa Granmèt la di,
pou nou youn rinmin lòt, minm jan mouin rinmin nou-an. **R:**
Alélouya.

ÉVANJIL

Tout moun ki fè kòlè kont yon frè, li mérité jijman.

✚ Léktu sint Évanjil la dapré Matié

5, 20-26

Lè sa-a : Jézu di disip li yo :

« Si jistis nou pa dépasé pa skrib yo ak farizyin yo, nou pap antré nan péyi roua sièl yo.

Nou té tandé ansyin yo té di : “Pa touyé” ; moun ki touyé, li mérité jijman. Mouin minm mouin di nou : Tout moun ki fè kòlè kont frè-l, li mérité jijman. Moun ki di frè-l : “Tèt vid”, li mérité tribinal. Moun ki di : “Moun fou”, li mérité boukan difé-a.

Konsa, si ou-ap ofri kado-ou dévan lotèl la, épi lè-ou rivé la, ou sonjé frè-ou gin kichòy kont ou, kité kado-ou la la minm dévan lotèl la, al rékonsilié avèk frè-ou la anvan ; apré sa ou-a vini, ou-a ofri kado-ou la.

Mété-ou dakò avèk ènmi-ou nan byin vit, pandan-ou sou rout avèk li ; pou ènmi-ou nan pa rinmèt ou nan min jij la, pou jij la pa rinmèt ou bay gad la, pou yo pa voyé-ou nan prizon. Amèn mouin di-ou, ou pap soti la, joutan ou rinmèt dènié santim nan ».

Paròl Granmèt la.

Vandrédi

Ané 1

PRÉMIÉ LÉKTU

Sa-a ki té résisité Granmèt Jézu-a, l-ap résisité nou tou avèk Jézu, épi l-ap instalé nou avèk nou.

Léktu dézièm lèt apot sin Pòl pou Korintyin yo

4, 7-15

Frè-m yo :

Nou gin trézò-a nan véso pòslèn, pou gloua-a soti nan puisans Bondié, min pa nan nou. Nan tout okazion sé tray n-ap pasé, min nou pa krazé ; nou san pozision, min nou pa dézéspéré ; n-ap sibi pèsékision, min nou pa abandoné ; yo jété nou atè, min nou pa péri ; tout tan nou poté lanmò Jézu nan kò nou, pou lavi Jézu-a tou parèt nan kò nou. Tout tan réyèlman, nou minm ki vivan yo, yo mété nou nan lanmò poutèt Jézu, pou lavi Jézu-a tou parèt nan chè nou k-ap mouri-a Konsa lanmò-a ap travay nan nou, lavi-a minm nan nou minm bò lot bò-a.

Min nou gin éspri lafoua-a, minm jan sa ékri-a : « Mouin kouè, sé pousa mouin palé » ; nou kouè, nou minm tou, poutèt sa n-ap palé, nou konnin sa-a ki résisité Granmèt Jézu-a, l-ap résisité nou tou avèk Jézu, épi l-ap instalé nou avèk nou minm ki bò lot bò-a. Tou sa poutèt nou minm, pou gras la vi-n an kantité pou anpil moun, pou-l fè yo fè anpil konpliman pou gloua Bondié.

Paròl Granmèt la.

PSÒM RÉPONS

Ps 115, 10-11. 15-16. 17-18 (R : 17 a)

R: M-ap ofri sakrifis louanj ba ou, Granmèt.
oubyin : Alélouya.

¹⁰ Mouin gin konfians, minm lè-m di :
« Mouin rabésé anpil ».

¹¹ Mouin té di nan trò présé-m nan :
« Tout moun sé mantè ». R:

¹⁵ Li gin valè dévan jé Granmèt la
lanmò sin-l yo.

¹⁶ Granmèt, mouin sé sèvitè-ou,
mouin sé sèvitè-ou ak pitit sèvant ou-a.
Ou kasé chinn mouin yo. R:

¹⁷ M-ap sakrifié sakrifis louanj ba ou,
m-ap rélé non Granmèt la.

¹⁸ M-ap rinnèt Granmèt la sa-m té promèt yo,
dévan tout pèp la. R:

Ané 2

PRÉMIÉ LÉKTU

Kanpé sou mòn nan dévan Granmèt la.

Léktu prémié liv Roua yo

19, 9a. 11-16

Jou sa yo :

Lè Éli rivé sou mòn Bondié-a, Orèb, li rété nan trou ròch la. Paròl Granmèt la rivé koté-l, li di-l : « Soti, kanpé sou mòn nan dévan Granmèt la ». Granmèt la vi-n ap passé.

Yon van pasé, li gran, li fò, l-ap soulvé mòn yo, l-ap krazé ròch yo dévan Granmèt la ; Granmèt la pa-t nan van-an. Apré van-an, yon tranbléman-tè ; Granmèt la pa-t nan tranbléman-tè-a. Apré tranbléman-tè-a, yon difé ; Granmèt la pa-t nan difé-a. Apré difé-a, yon ti briz tou fèb vi-n ap souflé.

Lè Éli tandé-l, li kouvri fas li ak manto-l, li soti, li kanpé nan papòt trou ròch la ; yon voua rivé koté-l, li di : « Sa ou-ap fè isit la, Éli ? » Li réponn : « Mouin jalou ak jalouzi pou Granmèt Bondié lamé yo ; paské pitit Israël yo lagé kontra-ou la, yo démoli lotèl ou yo, yo touyé profèt ou yo ak épe ; sé mouin sèl ki rété, épi y-ap chèché ouété lavi-m ».

Granmèt la di-l : « Alé, tounin sou rout ou, nan dézè Damas la ; lè ou-a rivé laba-a, ou-a sakré Azayèl, kòm roua sou Siri, ak Jéyu, pitit Namsi-a, ou-a sakré-l kòm roua sou Israël ; Élizé minm, pitit Safat la, ki moun Abèlméoula-a, ou-a sakré-l kòm profèt nan plas ou ».

Paròl Granmèt la.

PSÒM RÉPONS

Ps 26, 7-8 a. 8 ab-9 abc. 13-14 (R: : 8 b)

- R: Sé fas ou, Granmèt, m-ap chèché.
- 7 Granmèt, kouté voua-m k-ap rélé,
pitié pou mouin, kouté-m.
- 8 Sé sou ou kè-m di : « Chèché fas li ». R:
- Sé fas ou, Granmèt, m-ap chèché.
- 9 Pa viré fas ou louin-m,
pa viré do bay sèvitè-ou la nan kòlè-ou.
Sé sékou-m ou yé, pa lagé-m. R:
- 13 Mouin kouè m-ap ouè byin Granmèt la sou tè vivan yo.
- 14 Tann Granmèt la, aji avèk kouraj,
asiré kè-ou, sé pou-ou tann Granmèt la. R:

ALÉLOUYA

Fil 2, 15 d. 16 a

- R: Alélouya. Sé pou nou kléré tankou lanp sou tè-a,
antan nou kinbé paròl lavi-a. R: Alélouya.

ÉVANJIL

*Tout moun ki gadé yon madanm pou-l anvi-l,
li déjà fè adiltè avèk li.*

✠ Léktu sint Évanjil la dapré Matié

5, 27-32

Lè sa-a : Jézu di disip li yo :

« Nou té tandé ansyin yo té di : “Pa fè adiltè”. Mouin minm mouin di nou : Tout moun ki gadé yon madanm pou-l anvi-l, li déjà fè adiltè avèk li nan kè li.

Si jé-douat ou vlé fè-ou tonbé nan péché, raché-l, jété-l louin-ou ; li pi bon pou ou pou youn nan manb ou yo pèdi, pasé pou yo jété tout kò-ou nan difé. Si min douat ou fè-ou tonbé nan péché, koupé-l, jété-l louin-ou ; li pi bon pou ou pou yon sèl nan manb ou yo pèdi, pasé pou tout kò-ou alé nan difé.

Yo té di tou : “Si yon moun ranvouayé madanm li, sé pou-l ba-l yon biyé divòs”. Mouin minm mouin di nou : Tout moun ki ranvouayé madanm li, sof pou dé moun ki t-ap viv nan mové plézi, li fè-l vi-n tounin adiltè ; moun ki marié avèk yon divòsé, li fè adiltè ».

Paròl Granmèt la.

Samdi

Ané 1

PRÉMIÉ LÉKTU

*Sa-a ki pa-t konn péché-a,
li fè-l vi-n tounin péché pou nou.*

Léktu dézièm lèt apot sin Pòl pou Korintyin yo

5, 14-21

Frè-m yo :

Charité Kris la ap présé nou, antan n-ap konsidéré bagay sa-a, sèké si yon sèl mouri pou tout moun, sèké tout moun mouri ; épi Kris la mouri pou tout moun, pou moun k-ap viv yo, sé pa pou yo minm ankò y-ap viv, min pou sa-a ki mouri pou yo-a épi ki tounin vi-n vivan pou yo-a. Sé pousa nou minm apati koulié-a nou pa konnin pèsonn ankò dapré chè-a ; si nou té konnin Kris la dapré chè-a, koulié-a nou pa konnin-l konsa

ankò. Si gin yon nouvo kréatu nan Kris la, ansyin yo disparèt : min tout bagay vi-n fèt tou nèf.

Tout bagay vi-n sot nan Bondié, li minm ki rékonsilié nou pa lintèmediè Kris la, li ba nou sèvis rékonsiliation-an. Sèké sé Bondié ki té nan Kris la, l-ap rékonsilié tè-a avèk li, li pa gadé fot moun yo té fè, li mété paròl rékonsiliation-an nan bouch nou. Poutèt Kris la nou sèvi komisionè, sé tankou sé Bondié k-ap bay ankourajman pa lintèmediè nou-minm. N-ap pèsisté koté nou nan non Kris la : kité yo rékonsilié nou avèk Bondié. Li-minm ki pa-t konnin péché-a, li fè-l vi-n tounin péché pou nou, pou nou té kapab vi-n tounin jistis Bondié nan li.

Paròl Granmèt la.

PSÒM RÉPONS

Ps 102, 1-2. 3-4. 8-9. 11-12 (R: 8 a)

R: Granmèt la pran pitié, li gin mizérikòd.

- 1 Fè konpliman pou Granmèt la, nanm mouin ;
tou sa-k anndan-m, fè konpliman pou non-l ki sin.
- 2 Fè konpliman pou Granmèt la, nanm mouin,
pa bliyé tou sa-l fè yo. **R:**
- 3 Li minm ki padonnin tout fot ou yo,
ki géri tout maladi-ou yo ;
- 4 li minm ki rachté lavi-ou sot nan fòs la,
ki kouronnin-ou ak mizérikòd, ak pitié. **R:**
- 8 Granmèt la pran pitié, li gin mizérikòd,
li pran pasians, li gin anpil mizérikòd.
- 9 Sé pa pou tout tan l-ap fè diskision,
sé pa pou tout tan li faché. **R:**
- 11 Sèké otan sièl la ro anlè tè-a,
mizérikòd li-a débòdé sou sa-k krinn li yo ;
- 12 otan olévan louin ak okouchan,
li ranvouayé péché nou yo louin nou. **R:**

Ané 2

PRÉMIÉ LÉKTU

Élizé lèvé, li pati, li suiv Éli.

Léktu prémié liv Roua yo

19, 19-21

Jou sa yo :

Éli pati sot nan mòn nan, li jouinn Élizé, pitit Safat la, ki t-ap travay tè-a avèk douz makòn bèf ; li minm minm li té nan douzièm makòn bèf la ak moun yo ki t-ap travay tè-a. Éli rivé koté-l, li voyé manto-l la sou li. Minm lè-a, Élizé kite bèf yo, li kouri dèyè Éli, li di : « Kité-m al anbrasé papa-m ak manman-m, tanpri, apré sa m-a suiv ou ». Éli di-l : « Alé, tounin, sa-m fè-ou la, sé kozé pa-m ».

Min Élizé tounin sot koté-l, li pran dé bèf yo, li touyé yo, ak boua zouti ki t-ap viré tè-a, li kuit viann yo ; li bay pèp la, yo manjé. Li lèvé, li pati, li suiv Éli, li sèvi-l.

Paròl Granmèt la.

PSÒM RÉPONS

Ps 15, 1-2 a. é 5. 7-8. 9-10 (R: cf. 5 a)

- R: Sé ou minm, Granmèt, ki pòsion éritaj mouin-an.
- 1 Kinbé-m, Bondié, paské mouin espéré nan ou.
 - 2 Mouin di Granmèt la : « Sé Granmèt mouin ou yé ».
 - 5 Granmèt, pòsion éritaj mouin-an ak kalis mouin-an : sé ou minm ki kinbé déstiné mouin. R:
 - 7 M-ap fè konpliman pou Granmèt la ki ban-m intélijans ; minm nannuit rin-m ban-m léson.
 - 8 Mouin té mété Granmèt la dévan fas mouin tout tan, paské li adouat mouin, mouin pap tranblé. R:
 - 9 Sé poussa kè-m kontan, tout anndan fon kè-m ap dansé ; minm chè-m pozé nan espérans.
 - 10 Paské ou pap lagé nanm mouin anndan vant tè-a, ou pap kite sin-ou nan ouè dékonpozision. R:

ALÉLOUYA

Ps 118, 36 a. 29 b

℞ Alélouya. Panché kè-m, Bondié, nan témouagnaj ou yo ;
épi laloua-ou la, fè-m kado-l. ℞ Alélouya.

ÉVANJIL

Mouin di nou pou nou pa fè sèman ditou.

✝ Léktu sint Évanjil la dapré Matié

5, 33-37

Lè sa-a : Jézu té di disip li yo :

« Nou té tandé ankò ansyin yo té di : “Pa fè sèman, rinmèt Granmèt la sa-ou promèt nan sèman-ou yo”. Mouin minm mouin di nou pou nou pa fè sèman ditou : ni sou sièl la, paské sé tro-n Bondié li yé ; ni sou tè-a, paské sé machéskalié pié-l ; ni sou Jérusalèm, paské sé vil gran roua-a ; ni pa fè sèman sou tèt ou, paské ou pa kapab fè yon sèl chévé vi-n blan oubyin noua.

Sé pou paròl ou “oui, oui ; non, non” ; sa-k an plis nan bagay sa yo, sé nan mové-a li soti ».

Paròl Granmèt la.

ONZIÈM SÈMÈN ÒDINÈ

Dimanch, ané A

PRÉMIÉ LÉKTU

*N-ap vi-n tounin yon péyi-roua prèt pou mouin
ak yon nasion sin.*

Léktu liv Égzòd

19, 2-6 a

Jou sa yo :

Antan pitit Israèl yo rivé jous nan dézè Sinayi-a, yo té pozé tant yo nan koté sa-a, Israèl té fiksé tant li an fas réjion mòn nan.

Moyiz minm té monté kot Bondié ; Granmèt la té rélé-l antan-l sou mòn nan, li di : « Min sa ou-a di kay Jakòb la, ou-a anonsé pitit Israèl yo : “Nou minm minm nou té ouè sa-m té fè Éjipsyin yo, kijan mouin té poté nou sou zèl èg, mouin té pran nou pou mouin.

Konsa si nou kouté voua-m, épi nou kinbé kontra-m nan, n-ap apa pou mouin nan pami tout pèp yo, paské tout tè-a sé pou mouin, n-ap yon péyi-roua prèt pou mouin ak yon nasion sin” ».

Paròl Granmèt la.

PSÒM RÉPONS

Ps 99, 2. 3. 5 (R: 3 c)

- R:** Nou sé pèp li ak mouton pak li.
- 2** Fè louanj pou Granmèt la, tout tè-a,
sèvi Granmèt la nan kè kontan ;
antré dévan fas li avèk gran fèt. **R:**
- 3** Konnin Granmèt la sé li minm ki Bondié ;
sé li minm ki fè nou, sé pou li nou yé,
pèp li ak mouton pak li. **R:**
- 5** Sèké Granmèt la dous ;
pou tout tan mizérikòd li,
pou jénèrasion ak jénèrasion vérité-l la. **R:**

DÉZIÈM LÉKTU

*Si nou rékonsilié gras a lanmò Pitit la,
n-ap sové pi plis ankò nan lavi-l.*

Léktu lèt apot sin Pòl pou Romin yo**5, 6-11**

Frè-m yo :

Malgré nou té fèb toujou-a, Kris la té mouri pou péchè yo, lè tan-an rivé. Apèn yon moun kapab aksépté mouri pou yon lòt ki kòrèk ; pou yon moun débyin, pétèt yon moun kapab aksépté mouri. Min Bondié montré jan-l rinmin nou, paské, malgré sé péchè nou té yé, Kris la té mouri pou nou nan tan fiksé-a.

Konsa koulié-a minm, nou kòrèk pi-plis ankò nan san-l, n-ap sové gras a li sot nan kòlè-a. Si malgré nou té ènmi, nou vi-n rékonsilié ak Bondié nan lanmò Pitit li-a, koulié-a minm nou fi-n rékonsilié avèk li-a, n-ap sové nan lavi-l. Sé pa sèlman sa, min n-ap jouinn gloua nan Bondié pa lintèmédiè Granmèt nou Jézu-Kri ki rékonsilié nou-an.

Paròl Granmèt la.

ALÉLOUYA

Mk 1, 15

℞ Alélouya. Péyi-roua Bondié-a tou pré :

fè pénitans, épi kouè nan Bòn Nouvèl la. ℞ Alélouya.

ÉVANJIL

Li rélé douz disip li yo, li voyé yo.

✠ Léktu sint Évanjil la dapré Matié**9, 36-10, 8**

Lè sa-a :

Antan Jézu ouè fowl yo, li pran lapinn pou yo, paské yo té bouké, yo té kouché tankou mouton ki pa gin gadyin. Lè sa-a li di disip li yo : « Rékòlt la anpil, min travayè yo sé yon ti kras yo yé ; priyé Granmèt rékòlt la, pou-l voyé travayè nan rékòlt li-a ».

Li rélé douz disip li yo, li ba yo pouvoua sou éspri papròp yo, pou yo chasé yo, pou yo géri tout maladi ak tout féblès.

Non douz apot yo sé té : Prémie-a Simon, sa yo rélé Piè-a, épi André, frè-l la, Jak, pitit Zébédé-a, ak Jan, frè-l la, Filip ak Bartélémi, Toma ak

Matié, piblikin-an, Jak pitit Alfé-a, ak Tadé, Simon Kananéyin-an ak Juda Iskariòt, sa-a ki té rimmèt li-a.

Douz sa yo, Jézu voyé yo, antan-l ba yo konsign, li di : « Pa alé nan rout payin yo, pa antré nan vil Samaritin yo ; min pito nou alé kot mouton yo k-ap péri nan kay Israèl la. Antan nou alé-a minm, sé pou nou préché antan n-ap di péyi-roua sièl yo tou pré. Géri malad yo, lévé mò yo, pròpté lépré yo, chasé démon yo. Nou té résévoua gratis, sé pou nou bay gratis ».

Paròl Granmèt la.

Dimanch, ané B

PRÉMIÉ LÉKTU

Mouin té lévé pié boua ki ba-a.

Léktu liv profèt Ézékièl

17, 22-24

Min paròl Granmèt Bondié :

« Mouin minm minm nan tèt pié sèd ki ro anpil la, m-ap pran youn nan branch li yo nan pouint tèt la, youn ki fré, m-ap kéyi-l, m-ap planté-l sou yon mòn ki ro, ki dépasé lòt yo.

Sou mòn Israèl la ki ro anpil la m-ap planté-l, l-ap pousé boujon, l-ap donnin foui, l-ap vi-n tounin yon gran pié sèd, tout zouazo ap abité anba-l, tout kalité bèt volaj ap fè nich yo anba lonbraj branch li.

Konsa tout pié boua nan réjion-an ap konnin sé mouin minm Granmèt la ki rabésé pié boua ki ro-a, épi ki lévé pié boua ki ba-a, ki séché pié boua vèt la, ki fè pié boua sèk la pousé fèy. Sé mouin minm Granmèt la, mouin palé, mouin aji.

Paròl Granmèt la.

PSÒM RÉPONS

Ps 91, 2-3. 13-14. 15-16 (R: : cf. 2 a)

R: Sa bon pou fè louanj ou, Granmèt.

² Sa bon pou fè louanj Granmèt la, pou chanté pou non-ou, ou minm ki anro nèt la,

- ³ pou anonsé mizérikòd ou-a dépi granmatin,
ak vérité-ou la tout nannuit. **R:**
- ¹³ Moun ki kòrèk la, sé tankou palmis l-ap dévlopé,
tankou pié sèd Liban l-ap grandi.
- ¹⁴ Yo planté nan kay Granmèt la,
nan lakou Bondié nou-an y-ap dévlopé. **R:**
- ¹⁵ Y-ap donnin foui toujou nan viyéès la,
y-ap donnin an kantité, y-ap byin vèt,
- ¹⁶ pou yo anonsé kijan Granmèt la douat,
kachèt mouin-an, pa gin défo nan li. **R:**

DÉZIÈM LÉKTU

*N-ap chèché fè Bondié plézi,
soua nou prézan soua nou absan.*

Léktu dézièm lèt apot sin Pòl pou Korintyin yo

5, 6-10

Frè-m yo :

Nou gin konfians tout tan, nou konnin réyéلمان, pandan nou nan kò-a, n-ap fè pélérijaj louin Granmèt la (sèké sé nan lafoua n-ap maché, sé pa nan vizion), min nou gin konfians épi nou t-a pito fè pélérijaj la louin kò-a, pou nou prézan kot Granmèt la.

Sé poua nou éséyé fè-l plézi, soua nou absan, soua nou prézan. Sèké nou tout, nou gin pou nou parèt dévan tribinal Kris la, pou chak moun résevoua sélon sa-l té fè, soua byin soua mal, pandan li té nan kò-a.

Paròl Granmèt la.

ALÉLOUYA

R: Alélouya. Sémans la sé paròl Bondié-a,
sa-a k-ap simin-an minm sé Kris la ;
tout moun ki jouinn li, l-ap diré pou tout tan. **R:** Alélouya.

ÉVANJIL

*Sé li minm ki pi piti nan tout sémans yo,
min li vi-n pi gran pasé tout pié boua yo.*

✚ Léktu sint Évanjil la dapré Mark

4, 26-34

Lè sa-a : Jézu t-ap di fowl yo :

« Sé konsa péyi-roua sièl la yé, tankou yon moun k-ap voyé sémans la nan tè-a, apré sa, li dòmi, li lévé nannuit ak lajounin épi sémans la jèmin, li dévlopé san li minm li pa konnin. Apré sa, tè-a donnin foui ; toudabò sé fèy, apré sa sé zépi, anfin sé plin blé nan zépi-a. Lè-l donnin foui, minm lè-a li voyé sèpèt, paské sé rékòlt la ».

Li t-ap di : « Ak ki sa nou t-a konparé péyi-roua Bondié-a ? oubyin ak ki parabòl nou t-a di sa-l sanblé ? Sé tankou yon grinn sènvé, lè yo simin-l nan tè-a, li pi piti pasé tout sémans ki nan tè-a ; lè yo fi-n simin-l, li monté, li vi-n pi gran pasé tout légim yo, li si tèlman fè gran branch, zouazo sièl yo kapab abité anba lonbraj li ».

Sé ak anpil parabòl konsa li t-ap anonsé yo paròl la, nan mézu yo té kapab kouté ; min li pa-t palé ak yo san parabòl. Min pou disip li yo minm, li té konn éspliké tout bagay apa pou yo.

Paròl Granmèt la.

Dimanch, ané C

PRÉMIÉ LÉKTU

Granmèt la ouété péché-ou la, ou pap mouri.

Léktu dézièm liv Samuèl

12, 7-10. 13

Jou sa yo :

Natan té di David : « Sé ou minm minm moun sa-a. Min paròl Granmèt Bondié Israèl : “Mouin té sakré-ou roua sou Israèl, mouin té délivré-ou sot nan min Sayul, mouin té rinmèt kay mèt ou-a nan min-ou avèk madanm mèt ou-a nan léstomak ou, mouin té ba-ou kay Israèl la ak Juda-a ; é si sa pa kont, m-ap mété ankò anpil pasé sa pou ou.

Pouki sa ou méprizé paròl Granmèt la, pou-ou fè mal dévan jé-m nan ? Ou touyé Uri, moun Èt la avèk épé, ou pran madanm li kòm madanm ou ; ou touyé Uri avèk épé pitit Amon yo. Sé poussa épé pap rékilé sot nan kay ou ditou, paské ou méprizé-m, ou pran madanm Uri, moun Èt la, pou-l vi-n tounin madanm ou” ».

David di Natan : « Mouin fè péché kont Granmèt la ». Natan di David : « Granmèt la ouété péché-ou la : ou pap mouri ».

Paròl Granmèt la.

PSÒM RÉPONS

Ps 31, 1-2. 5. 7. 11 (R: cf. 5 c)

R: Granmèt, padonnin fot péché-m nan.

Ala kontantman pou moun yo padonnin fot li,
yo kouvri péché-l la.

² Ala kontantman pou moun Granmèt la pa konsidéré kòm koupab la,
ki pa gin riz nan léspri-l la. R

⁵ Mouin fè-ou konnin péché-m nan,
mouin pa kaché fot mouin-an.

Mouin di : « M-ap déklaré fot mouin-an dévan Granmèt la ».

Ou minm ou padonnin fot péché-m nan. R

⁷ Ou sé kachèt mouin, ou-ap protéjé-m sot nan tray la ;
ou-ap vlopé-m ak fèt sovè ou sovè-m nan. R

¹¹ Fè kè nou kontan nan Granmèt la, fété, nou minm ki kòrèk yo.
Lévè tèt nou, nou tout ki gin kè nou douat yo. R

DÉZIÈM LÉKTU

*Sé pa mouin minm k-ap viv ankò,
sé Kris la k-ap viv nan mouin.*

Léktu lèt apot sin Pòl pou Galat yo

2, 16. 19-21

Frè-m yo :

Antan nou konnin moun pa vi-n kòrèk poutèt aksion laloua-a, min gras a lafoua nan Jézu-Kri, nou minm tou nou kouè nan Kris Jézu, pou nou kapab vi-n kòrèk gras a lafoua Kris la, min sé pa aköz aksion laloua-a : paské nan aksion laloua-a okinn chè pa vi-n kòrèk.

Mouin minm réyèlman, pa lintèmédiè laloua-a mouin mouri parapò a laloua-a, pou-m viv parapò a Bondié ; mouin klouré sou koua-a avèk Kris la. M-ap viv, min sé pa mouin minm ankò k-ap viv la, sé Kris la k-ap viv nan mouin. Si m-ap viv koulié-a nan chè-a, sé nan lafoua Pitit Bondié-a m-ap viv, li minm ki té rinmin-m, épi ki té rinmèt pròp tèt li pou mouin. Mouin pa réjéte gras Bondié-a : si jistis la rivé pa lintèmédiè laloua-a, sèké sé pou granmési Kris la té mouri.

Paròl Granmèt la.

ALÉLOUYA

1 Jn 4, 10 b

℞ Alélouya. Bondié té rinmin nou an premié,
épi li té voyé Pitit li-a kòm instriman padon pou péché nou yo. ℞
Alélouya.

ÉVANJIL

*Pakèt péché-l yo padonnin,
paské li té rinmin anpil.*

✠ Léktu sint Évanjil la dapré Luk

7, 36-8, 3

Lè sa-a :

Youn nan farizyin yo té mandé Jézu pou-l vi-n manjé avèk li. Épi antan Jézu antré kay farizyin-an, li té lonjé kò-l. épi min yon madanm ki té péchrès nan vil la, lè-l té konnin Jézu té lonjé kò-l nan kay farizyin-an, li té poté yon boutèy losion ; épi antan-l kanpé dèyè bò pié-l, li té kòmansé ap rouzé pié-l ak dlo k-ap sot nan jé-l, épi ak chévé tèt li li t-ap suiyé yo, épi li t-ap bo pié-l, épi avèk losion-an li t-ap froté yo.

Antan farizyin-an minm ki té invité Jézu-a ouè sa, li t-ap di nan kè-l : « Sa-a, si sé té profèt li té yé, li t-a konnin sètènman kilès madanm sa-a, épi ki kalité moun li yé, sa-a k-ap touché-l la, paské sé yon péchrès ».

Antan Jézu pran laparòl, li té di-l : « Simon, mouin gin kichòy pou-m di-ou ».

Li minm minm li di : « Mèt, ou mèt palé ».

« Dé moun té doué yon moun ki konn prété lajan ; youn té doué sinksan goud, lòt la sinkant. Kòm yo pa-t kapab rinmèt li, li fè yo toulédé kado lajan-an. Kilès donk ki rinmin-l pi plis ? »

Antan-l réponn, Simon di : « Mouin konsidéré sé sa li té fè kado plis la ».

Li minm li di-l : « Ou jijé douat ».

Épi antan-l viré kot madanm nan, li t-ap di Simon : « Ou ouè madanm sa-a ? Mouin té antré lakay ou, ou pa-t ban-m dlo pou pié-m ; li minm minm sé ak dlo nan jé-l li té rouzé pié-m, épi ak chévé-l li té suyé-yo. Ou pa-t bo-m ; li minm minm, dépi-l antré, li pa-t sispann bo pié-m. Ou pa-t froté tèt mouin ak luil ; li minm minm ak losion li té froté pié-m. Sé poussa mouin di-ou : Yo rinlmèt li pakèt péché yo, sé poussa li té rinmin anpil la. Moun yo padonnin ti kras, li rinmin ti kras ».

Li di-l : « Yo rinmèt ou péché-ou yo ». Moun yo ki té lonjé kò yo ansanm ak li yo, yo té kòmansé ap di anndan kè yo : « Kilès sa-a, k-ap padonnin ata péché yo ? »

Jézu minm di madanm nan : « Lafoua-ou sové-ou ; alé an pè ».

Rivé apré sa, li t-ap travèsè vil yo ak bouk yo antan l-ap préché, l-ap anonsé Bòn Nouvèl péyi-roua Bondié-a ; douz yo té avèk li, té ginyin kèk médam tou li té géri sot anba pouvoua mové éspri ak maladi : Mari, sa yo rélé Madlèn nan, sa-l té ouété sèt démon sot nan li-a, Ja-n, madanm Chouza-a, minis Éròd la, Suza-n, avèk anpil lòt niédam ki t-ap sèvi-l ak byin yo.

Paròl Granmèt la.

oubyin pi kout

✠ Léktu sint Évanjil la dapré Luk

7, 36-50

Lè sa-a :

Youn nan farizyin yo té mandé Jézu pou-l vi-n manjé avèk li. Épi antan Jézu antré nan kay farizyin-an, li té lonjé kò-l. Yon madanm ki té péchrès nan vil la, lè-l té konnin Jézu té lonjé kò-l nan kay farizyin-an, li té poté yon boutèy losion ; épi antan-l kanpé dèyè bò pié-l, li té kòmansé ap rouzé pié-l ak dlo k-ap sot nan jé-l, épi ak chévé tèt li, li t-ap suyé yo, épi li t-ap bo pié-l, épi ak losion-an li t-ap froté yo.

Antan farizyin-an minm ki té invité Jézu-a ouè sa, li t-ap di nan kè-l : « Sa-a, si sé té profèt li té yé, li t-a konnin sètènman kilès madanm sa-a, épi ki kalité moun li yé, sa-a k-ap touché-l la, paské sé yon péchrès ».

Antan Jézu pran laparòl, li té di-l : « Simon, mouin gin kichòy pou-m di-ou ».

Li minm minm li di : « Mèt, ou mèt palé ».

« Dé moun té doué yon moun ki konn préte lajan ; youn té doué sinksan goud, lèt la sinkant. Kòm yo pa-t kapab rinmèt li, li fè yo toulédé kado lajan-an. Kilès donk k-ap rinmin-l pi plis ? »

Antan-l réponn, Simon di : « Mouin konsidéré sé sa li té fè kado plis la ».

Li minm minm li di-l : « Ou jijé douat ».

Épi antan-l viré kot madanm nan, li t-ap di Simon : « Ou ouè madanm sa-a ? Mouin té antré lakay ou, ou pa-t ban-m dlo pou pié-m ; li minm minm sé ak dlo nan jé-l li té rouzé pié-m, épi ak chévé-l li té suyé-yo. Ou pa-t bo-m ; li minm minm, dépi-l antré, li pa-t sispenn bo pié-m. Ou pa-t froté tèt mouin ak lui ; li minm minm ak losion li té froté pié-m. Sé poussa mouin di-ou : Yo rinmèt li pakèt péché yo, sé poussa li rinmin anpil la. Moun yo padonnin ti kras, li rinmin ti kras ».

Li di-l : « Yo rinmèt ou péché yo ». Moun yo ki té lonjé kò yo ansanm ak li yo, yo té kòmansé ap di anndan kè yo : « Kilès sa-a, k-ap padonnin ata péché yo ? »

Jézu minm di madanm nan : « Lafoua-ou sovè-ou ; alé an pè ».

Paròl Granmèt la.

Lindi

PRÉMIÉ LÉKTU

Nou prezanté nou kòm sèvitè Bondié.

Léktu dézièm lèt apot sin Pòl pou Korintyin yo

6, 1-10

Frè-m yo :

Antan n-ap bay konkou, nou insisté koté nou pou nou pa résévoua gras Bondié-a pou granmési. Li té di réyelman : « Nan tan fiksé-a mouin té kouté-ou, jou pou sovè moun yo mouin té poté-ou sékou ». Min li, koulié-a, tan fiksé-a, min li, koulié-a, jou pou sovè moun yo.

Nou pa bay pèsònn okazion tonbé, pou yo pa kritiké ministè nou-an ; min nan tout bagay, nou montré nou sé sèvitè Bondié, avèk anpil pasians, nan tribilasyon, nan bézouin, nan kè séré, nan kou, nan prizon, nan konplo, nan travay, nan vèy, nan jèn, nan métrizé kò nou, nan sians, nan andirans,

nan dousè, nan Éspri Sin-an, nan rinmin ki pa gin fint, nan paròl vérité-a, nan puisans Bondié.

Avèk zam jistis la adouat épi agòch, nan gloua ak laront, nan mové répitasion ak bon répitasion ; kòm moun k-ap chèché tronpé, époutan nou di vérité ; tankou moun ki ignoran, époutan nou gin konésans ; tankou moun k-ap mourir, époutan min nou vivan ; tankou moun yo pini, époutan nou pa livré nan lanmò ; tankou moun ki tris, min nou toujou kontan ; tankou pòv, époutan n-ap anrichi anpil moun ; tankou moun ki pa gin anyin, époutan nou posédé tout bagay.

Paròl Grammèt la.

PSÒM RÉPONS

Ps 97, 1. 2-3 ab. 3 cd-4 (R : 2 a)

R: Grammèt la fè konnin sovè li sovè nou-an.

- 1 Chanté yon kantik nouvo pou Grammèt la,
poutèt mèvèy li té fè.
Min douat li té sovè pou li,
bra li ki sin-an. R:
- 2 Grammèt la té fè konnin sovè li sovè nou-an,
dévan fas nasion yo li révéle jistis li-a.
- 3 Li té sonjé mizérikòd li-a
ak vérité-l la pou kay Israèl la. R:
Tout limit tè-a ap ouè
sovè Bondié nou-an sovè nou-an.
- 4 Bat bravo pou Bondié, tout tè-a,
éklaté, fété, chanté. R:

Ané 2

PRÉMIÉ LÉKTU

Yo kalonnin Nabòt ak kout ròch épi li mourir.

Léktu prémié liv Roua yo

21, 1-16

Nan tan sa-a, Nabòt moun Izrèyèl la, té gin yon jadin rézin, ki té Izrèyèl, bò palè Akab la, roua Samari-a. Akab té palé avèk Nabòt, antan li di : « Ban-m jadin rézin-ou nan pou-m fè yon jadin légim, paské li tou pré, tou kolé kay mouin-an épi m-ap ba-ou yon jadin rézin ki pi bon nan plas li, oubyin, si-ou kouè sa ap ba-ou. plis avantaj, m-ap ba-ou pri lajan-

an li mérité-a ». Nabòt té réponn-li : « Sé pou Granmèt la padonnin-m mouin pap bay éritaj papa-m yo ».

Akab rivé nan lakay li-a, byin faché, kontraryé poutèt paròl la, sa Nabòt, moun Izrèyèl la, té di-l la : « Mouin pap ba-ou éritaj papa-m yo ». Li jété kò-l sou kabann li, li viré fas li nan miray la, li pa manjé pin.

Jézabèl, madanm li, antré koté-l, li di-l : « Pouki sa nanm ou tris la ? épi pouki sa ou pa manjé pin-an ? » Li réponn li : « Mouin té palé avèk Nabòt, moun Izrèyèl la, mouin té di-l : Ban-m jadin rézin-ou nan, aksépté valè-l ; oubyin, si-ou pito, m-ap ba-ou yon jadin rézin ki pi bon nan plas li ; li di : “Mouin pap ba-ou jadin rézin-m nan” ». Jézabèl, madanm li, di-l : « Ou sé yon gran otorité, ou kòmandé byin sou Israèl kòm roua. Lévé, manjé pin, bay kò-ou kouraj ; sé mouin minm k-ap ba-ou jadin rézin Nabòt moun Izrèyèl la ».

Li ékri lèt o non Akab, li signin yo ak so ki sou bag li-a ; li voyé yo bay moun gran ras yo ak otorité yo ki té nan vil la, ki té abité avèk Nabòt yo. Min fraz ki té nan lèt la : « Préché yon jèn, fè Nabòt chita nan premié ran pèp la ; ranjé ak dé vagabon, voyé yo kont li, pou yo fè fo-témouagnaj : “Li madichonnin Bondié ak roua-a” ; fè-l soti, kalonnin-l, pou-l mouri konsa ».

Moun gran ras yo avèk otorité yo ki nan lavil li-a, ki té abité avèk li nan vil la, yo fè jan Jézabèl té pasé lòd la, ak jan-l té ékri nan lèt yo li té voyé ba yo-a. Yo préché yon jèn, yo fè Nabòt chita nan premié ran pèp la ; yo minn dé pitit djab, yo fè yo chita an fas li. Yo minm, kòm pitit djab, yo déklaré témouagnaj kont li dévan foul la. « Nabòt madichonnin Bondié ak roua-a ». Sé poua yo kondui-l déyò vil la, yo touyé-l ak kout ròch. Yo voyé kot Jézabèl, yo di : « Yo kalonnin Nabòt ak kout ròch, li mouri ».

Lè Jézabèl tandé Nabòt mouri anba kout ròch, li palé avèk Akab : « Lévé, al pran posésion jadin rézin Nabòt, moun Izrèyèl la, li minm ki pa-t vlé sédé ba ou-a, pou-l vann ou li antan-ou t-ap ba-l lajan ; sèké Nabòt pa vivan, li mouri ». Lè Akab tandé sa, kijan Nabòt té mouri, li lévé, li désann nan jadin Nabòt la, moun Izrèyèl la, pou-l pran posésion-l.

Paròl Granmèt la.

PSÒM RÉPONS

Ps 5, 2-3. 5-6. 7 (R: : 2 b)

- R: Konprann plint mouin-an, Granmèt.
- 2 Kouté paròl mouin yo ak zorèy ou, Granmèt ;
konprann plint mouin-an.
- 3 Panché sou voua rèl mouin,
roua mouin, Bondié mouin. R:
- 5 Sèké ou pa yon Bondié ki rinmin fot ;
méchan-an pa abité koté-ou,
- 6 moun ki pa kòrèk yo pa rété dévan jé-ou. R:
- 7 Ou rayi tout moun k-ap fè injistis,
ou-ap pèdi tout moun k-ap bay manti ;
Granmèt la pa vlé ouè moun san ak riz. R:

ALÉLOUYA

Ps 118, 105

- R: Alélouya. Paròl ou-a sé yon lanp pou pié-m,
épi yon limiè pou tras rout mouin. R: Alélouya.

ÉVANJIL

Mouin di nou pa rézisté méchan-an.

✠ Léktu sint Évanjil la dapré Matié

5, 38-42

Lè sa-a Jézu di disip li yo :

« Nou té tandé yo té di : “Jé pou jé, dan pou dan”. Mouin minm mouin di nou pa rézisté méchan-an ; min si yon moun frapé-ou sou machoua douat ou, prezanté-l bò gòch la tou ; moun ki vlé fè prosè nan jijman avèk ou pou-l pran chémiz ou, kité manto-a pou li tou ; ninpòt moun ki fòsé-ou fè mil pa, alé, fè dé mil pa avèk li. Moun ki mandé-ou ba li, moun ki vlé préte nan min-ou pa viré do ba li ».

Paròl Granmèt la.

Madi

Ané 1

PRÉMIÉ LÉKTU

Jézu-Kri vi-n pòv poutèt nou.

Léktu dézièm lèt apot sin Pòl pou Korintyin yo 8, 1-9

Frè-m yo, nou fè nou konnin gras Bondié-a, sa-l té bay nan Égliz Masédoua-n nan, nan anpil tribilasyon yo t-ap pasé, kè kontan yo té plin, malgré yo té pòv anpil, yo plin ak richès simplisité yo ; paské dapré pouvoua yo, mouin rann yo témouagnaj, épi plis pasé pouvoua yo, yo ofri tèt yo avèk anpil insistans pou yo mandé nou gras pou yo patisipé nan sèvis la k-ap fèt pou sin yo.

Yo dépasé éspérans nou, yo kòmansé rinmèt tèt yo bay Granmèt la, apré sa yo rinmèt tèt yo ba nou pou volonté Bondié-a ; si tèlman nou blijé mandé Tit pou li réalizé gras sa-a nan nou minm tou, jan-l té kòmansé-a.

Min, jan nou plin nan tout bagay ak lafoua ak paròl ak konésans ak tout kalité dévouman, sitou ak rinmin nou ginyin ki soti nan nou minm nan, sé pou nou fè anpil nan gras sa-a. Sé pa tankou yon kòmandman m-ap pasé, min sé pou-m éseyé bon karaktè rinmin nou-an avèk dévouman lézòt yo. Nou konnin gras Granmèt nou Jézu-Kri, poutèt nou li vi-n pòv, pou nou té kapab vi-n rich, malgré li té rich, pou nou té kapab vi-n rich antan-l vi-n pòv.

Paròl Granmèt la.

PSÒM RÉPONS

Ps 145, 2. 5-6. 7. 8-9 a (R: 2 a)

R: Fè louanj Granmèt la, nanm mouin.

oubyin : Alélouya.

- 2 M-ap fè louanj Granmèt la nan lavi mouin m-ap chanté kantik pou Bondié-m nan, tout tan m-ap viv. R:
- 5 Ala kontantman pou sa-a Bondié Jakòb la poté-l sékou-a, li minm ki gin éspérans li nan Granmèt Bondié-l la.
- 6 Li minm ki fè sièl la ak tè-a, lanmè-a ak tou sa-k nan li. Li minm ki kinbé vérité-a pou tout tan. R:

- 7 Li fè jijman pou moun y-ap maltréte yo,
li bay sa-k grangou yo manjé.
Granmèt la défèt chinn yo. **R**
- 8 Granmèt la kléré avèg yo,
Granmèt la lévé sa-k tonbé yo,
Granmèt la rinmin moun ki kòrèk yo,
- 9 Granmèt la protèjé étranjé yo. **R**

Ané 2

PRÉMIÉ LÉKTU

Ou fè Israèl fè péché.

Léktu prémié liv Roua yo

21, 17-29

Lè Nabòt fi-n mouri, paròl Granmèt la té rivé kot Éli, moun Tisbé-a, antan li di : « Lévé, désann al rankontré Akab, roua Israèl la, ki nan Samari-a ; min li désann nan jadin rézin Nabòt la pou-l pran-l. Ou-a palé avèk li, ou-a di-l : “Min paròl Granmèt la : Ou fi-n touyé, épi an plis, ou pran posésion”. Apré sa ou-a ajouté : “Min paròl Granmèt la : Nan plas sa-a minm, koté chyin yo té niché san Nabòt la, konsa y-ap niché san-ou tou” ». Akab di Éli : « Èské ou jouinn mouin kòm yon ènmi pou ou ? »

Li di : « Mouin jouinn ou, ou vann tèt ou pou-ou fè sa-k mal dévan fas Granmèt la. Min m-ap fè malè rivé sou ou, m-ap siprimé ras ou ; m-ap touyé tout gason nan ras Akab, ni èsklav, ni moun lib. M-ap fè kay ou-a vi-n tankou kay Jéroboam, pitit Nabat la, ak tankou kay Baasa, pitit Ayia-a, paské ou té aji pou-ou éksité kòlè-m, pou-ou fè Israèl fè péché.

Ni pou Jézabèl tou, Granmèt la palé, antan-l di : “Chyin yo ap manjé Jézabèl nan jadin Izréyèl la. Si Akab mouri nan vil la, chyin yo ap manjé-l ; si-l mouri andéyò, zouazo sièl yo ap manjé-l” ».

Pa-t gin dèt tankou Akab, ki té vann tèt li pou-l fè mal dévan fas Granmèt la ; Jézabèl madanm li té pousé-l pou-l kondui tèt li mal, joutan li suiv zidòl, sa Amoréyin yo té fè yo, yo minm Granmèt la té détoui dévan fas pitit Israèl yo.

Lè Akab tandé paròl sa yo, li chiré rad li, li kouvri kò-l avèk yon sak ; li fè jèn, li dòmi nan sak, li maché tèt bésé. Paròl Granmèt la rivé kot Éli, moun Tisbé-a, antan-l di : « Èské ou pa ouè kijan Akab rabésé tèt li

dévan-m ? Poutèt li rabésé tèt li akòz mouin-an, mouin pap fè malè rivé nan tan lavi-l, min sé pandan lavi pitit li m-ap fè malè rivé nan lakay li ».

Paròl Granmèt la.

PSÒM RÉPONS

Ps 50, 3-4. 5-6 a. 11 é 16 (R: cf. 3 a)

- R: Pitié, Granmèt, paské nou té fè péché.
- ³ Pitié pou mouin, Bondié, dapré mizérikòd ou ;
dapré kantité pitié-ou, éfasé fot mouin-an.
- ⁴ Lavé-m nèt sot nan fot mouin-nan,
pròpté-m sot nan péché-m nan. R:
- ⁵ Sèké fot mouin-an sé mouin minm ki konnin-l,
péché-m nan dévan-m tout tan.
- ⁶ Kont ou, kont ou sèl mouin fè péché,
sa-k mal dévan-ou la mouin fè-l. R:
- ¹¹ Viré fas ou louin péché-m yo,
tout fot mouin yo, éfasé yo.
- ¹⁶ Délivré-m sot nan san yo, Bondié, Bondié sovè mouin,
lang mouin ap chanté jistis ou-a. R:

ALÉLOUYA

Jan 13, 34

- R: Alélouya. Sé yon kòmandman nouvo mouin ba nou,
sé sa Granmèt la di,
pou nou youn rinmin lòt, jan-m rinmin nou-an. R: Alélouya.

ÉVANJIL

Rinmin ènmi nou yo.

✠ Léktu sint Évanjil la dapré Matié

5, 43-48

Lè sa-a : Jézu di disip li yo :

« Nou té tandé yo té di : “Sé pou-ou rinmin prochin-ou, pou-ou rayi ènmi-ou”. Mouin minm mouin di nou : Rinmin ènmi nou, fè dibyin pou moun ki rayi nou yo, priyé pou moun k-ap pèsékité nou yo, k-ap fè manti sou nou ; pou nou kapab vi-n tounin pitit Papa nou ki nan sièl la, li minm

ki fè solèy li lévé sou bon yo ak mové yo, ki fè lapli tonbé sou moun kòrèk yo ak sou méchan yo.

Si nou rinmin sa yo ki rinmin nou, ki rékonpans nou ginyin ? èské piblikin yo pa fè sa ? Si nou salué frè nou yo sèlman, ki sa nou fè an plis ? èské payin yo pa fè sa ? Konsa sé pou nou kòrèk nèt, tankou Papa nou ki nan sièl la li kòrèk nèt la ».

Paròl Granmèt la.

Mèkrédi

Ané 1

PRÉMIÉ LÉKTU

Bondié rinmin moun ki bay ak kè kontan.

Léktu dézièm lèt apot sin Pòl pou Korintyin

9, 6-11

Frè-m yo :

Moun ki simin ti kras, li rékòlté ti kras tou ; min moun ki simin nan bénédiksion, li rékòlté nan bénédiksion. Chak moun, dapré sa-l té desidé nan kè-l, san sé pa nan chagrin ni nan fòsé, sèké Bondié rinmin moun ki bay ak kè kontan.

Bondié gin pouvoua pou-l fè nou vi-n gin anpil gras, pou nou gin tou sa nou bézouin tout tan, pou nou plin ap ranvèsé nan tout kalité bon aksion, dapré sa-k ékri-a : « Li séparé, li bay pòv yo, jistis li diré pou tout tan gin tan ».

Sa-a k-ap bay sémans pou moun k-ap simin-an, k-ap bay pin pou moun k-ap manjé-a, sé li minm k-ap fè sémans nou-an vi-n anpil, k-ap fè plant jistis nou yo grandi, pou nou kapab vi-n rich nan tout bagay, pou nou kapab plin nan tout sinplisité, sa n-ap fè vi-n tounin rémèsiman pou Bondié-a.

Paròl Granmèt la.

PSÒM RÉPONS

Ps 111, 1-2. 3-4. 9 (R: 1 a)

R: Ala kontantman pou moun ki krinn Granmèt la.

oubyin : Alélouya.

- ¹ Ala kontantman pou moun ki krinn Granmèt la,
ki mét anvi-l anpil nan kòmandman-l yo.
- ² Ras li ap gin pouvoua sou tè-a,
jénérasion moun ki douat yo ap béni. **R**
- ³ Gloua ak richès nan kay li,
jistis li diré pou tout tan k-ap gin tan.
- ⁴ Limiè-a lévé nan fènoua pou moun ki douat yo,
li gin mizérikòd, li pran pitié, li kòrèk. **R**
- ⁹ Li séparé, li bay pòv yo ;
jistis li diré pou tout tan gin tan,
kòn li ap lévé nan gloua. **R**

Ané 2

PRÉMIÉ LÉKTU

Min yon chario difé, Éli monté nan sièl la.

Léktu dézièm liv Roua yo

2, 1. 6-14

Lè Granmèt la té vlé lévé Éli nan toubiyon-an nan sièl la, Éli avèk Élizé t-ap maché sot Gilgal. Lè yo rivé Jériko, Éli di Élizé : « Rété isit la, paské Granmèt la voyé-m jous nan Joudin-an ». Li di : « Sou lavi Granmèt la, sou lavi pa-ou tou, mouin pap kité-ou ». Konsa yo tou lé dé yo t-ap maché. Sinkant mesié nan pitit profèt yo t-ap suiv yo, yo rété kanpé byin louin ; yo tou lé dé-a kanpé bò Joudin-an.

Éli pran manto-l la, li roulé-l, li frapé dlo yo, dlo yo séparé nan dé pati ; yo travèsé yo tou lé dé pié sèk. Pandan l-ap travèsé, Éli di Élizé : « Mandé sa-ou vlé pou-m fè pou ou, anvan yo pran-m sot koté-ou ». Élizé di : « Tanpri, fè-m gin dé pòsion éspri-ou ». Li réponn : « Sé yon bagay ki difisil ou mandé-a ; sèlman si-ou ouè-m, lè yo pran-m sot koté-ou la, ou-ap jouinn sa-ou mandé-a ; otréman, si-ou pa ouè, ou pap jouinn ».

Pandan y-ap maché, yo kòmansé ap palé, min yon chario difé ak choul difé séparé yo tou lé dé-a ; Éli monté nan toubiyon-an nan sièl la. Élizé ouè-l, li rélé : « Papa mouin ! Papa mouin ! Chario Israèl la ak choul li yo ! » Li pa ouè-l ankò. Li pran rad li yo, li chiré yo nan dé moso. Li lévé manto Éli-a ki té tonbé pou li.

Li tounin, li kanpé sou bò riviè Joudin-an. Avèk manto Éli-a ki té tonbé pou li-a, li frapé dlo yo, yo séparé ; li di : « Koté Bondié Éli-a koulié-a minm ? » Li frapé dlo yo, yo séparé dé bò, Élizé travèsé.

Paròl Granmèt la.

PSÒM RÉPONS

Ps 30, 20. 21. 24 (R : 25)

R: Sé pou kè nou pran kouraj,
nou tout ki espéré nan Granmèt la.

²⁰ Ala anpil yo anpil kantité dousè-ou, Granmèt,
sa-ou kaché pou moun ki respékté-ou yo.
Ou réalisé yo pou sa yo ki respékté-ou yo,
dévan fas pitit moun yo. R:

²¹ Ou kaché yo nan kachèt fas ou-a
dévan tranzaksion lézòm ;
ou protéjé yo nan joupa-a
louin lang yo k-ap démanti yo. R:

²⁴ Rinmin Granmèt la, tout sin-l yo :
Granmèt la protéjé fidèl yo,
l-ap pini moun k-ap fè lògèy yo anpil. R:

ALÉLOUYA

Jan 14, 23

R: Alélouya. Si yon moun rinmin-m, l-ap kinbé paròl mouin,
sé sa Granmèt la di ;
épi Papa-m ap rinmin-l, épi n-ap vi-n lakay li. R: Aléouya.

ÉVANJIL

Papa-ou ki ouè nan koté ki kaché l-ap rinmèt ou sa.

✠ Léktu sint Évanjil la dapré Matié

6, 1-6. 16-18

Lè sa-a : Jézu té di disip li yo :

« Fè atansyon pou nou pa réalisé jistis nou dévan moun yo pou yo ouè nou, otréman nou pap gin rékonpans kot Papa nou ki nan sièl la.

Lè ou-ap fè lacharité, pa sonnin kléron dévan-ou, tankou ipokrit yo fè nan sinagòg yo ak nan lari yo, pou moun kapab fè louanj yo. Amèn mouin di nou, yo résévoua rékonpans yo. Ou minm minm, lè ou-ap fè

lacharité, pa kité min gòch ou konnin sa douat ou ap fè, pou lacharité-ou la fèt an kachèt ; Papa-ou, ki ouè nan kachèt, l-ap rimmèt ou sa.

Lè ou-ap priyé, pa fè tankou ipokrit yo, ki rinmin kanpé pou priyé nan sinagòg ak nan kouin kalfou yo, pou moun kapab ouè yo. Amèn mouin di nou, yo résevoua rékonpans yo. Ou minm minm, lè ou-ap priyé, antré nan chanm ou, fèmin pòt la, priyé Papa-ou an kachèt ; Papa-ou ki ouè nan kachèt la, l-ap rimmèt ou sa.

Lè n-ap jéné, pa fè tankou ipokrit yo, pou nou tris ; réyèlman yo pran mi-n dékonpozé, pou moun kapab ouè y-ap jéné. Amèn mouin di nou, yo résevoua rékonpans yo. Ou minm minm, lè ou-ap jéné, mét losion sou tèt ou, lavé figi-ou, pou moun yo pa ouè ou-ap jéné, min Papa-ou ki nan kachèt ; épi Papa-ou ki ouè nan kachèt la, l-ap rimmèt ou sa ».

Paròl Granmèt la.

Jédi

Ané 1

PRÉMIÉ LÉKTU

Mouin té anonsé nou Bòn Nouvèl Bondié-a gratis.

Léktu dézièm lèt apot sin Pòl pou Korintyin yo

11, 1-11

Frè-m yo :

Mouin t-a rinmin nou sipòté ti pòz moun fou mouin pran-an ! Min mouin ! Sipòté-m ! Mouin jalou nou avèk jalouzi Bondié ; sèké mouin té fiancé nou avèk yon sèl mésié, tankou yon vièj ki rézèvé kò-l, pou-m prézanté nou bay Kris la. Sèlman mouin pè pou, minm jan sèpan-an té tronpé Èv avèk riz li-a, santiman nou pa vi-n gaté, vi-n kité sinplisité ki nan Kris la.

Sèké, si ninpòt moun ki parèt ap préché yon lòt Kris ki pa minm ak sa nou té préché-a ; oubyin si nou aksépté yon lòt éspri ki pa minm ak sa nou té résevoua-a, oubyin yon lòt Bòn Nouvèl ki pa minm ak sa nou té résevoua-a, nou valé sa ak tout kè nou. Pou mouin minm, mouin kouè mouin pa fè anyin ki pi piti pasé gran apot sa yo. Réyèlman, si-m pa gin ladrès nan paròl, sé pa nan konésans : nan tout okazion mouin té fè nou ouè sa.

Oubyin èské mouin té fè péché, antan mouin rabésé pròp tèt mouin, pou-m lévé nou, paské mouin té anonsé nou Bòn Nouvèl Bondié-a gratis ! Mouin pran lajan lòt Égliz yo, antan mouin résevwa-l pou sèvis pa nou. Lè-m té lakay nou, lè mouin té nan nésésité, mouin pa-t fè okinn chaj pézé sou nou ; sèké sa-m té manké, sé frè yo ki té vi-n sot Masédoua-n nan ki té fè-m jouinn li ; nan tout okazion mouin té pran prékosion pou-m pa-t tounin yon chaj pou nou, é m-ap toujou pran prékosion sa-a.

Sé vérité Kris la ki nan mouin ; konviksion sa-a ki fè-m santi valè-m, yo pap ouété-l nan mouin nan réjion Akayi-a. Pouki sa ? Èské sé paské mouin pa rinmin nou ? Bondié konnin.

Paròl Granmèt la.

PSÒM RÉPONS

Ps 110, 1-2. 3-4. 7-8 (R: 7 a)

R: Travay min-ou, Granmèt, sé vérité ak jijman.

oubyin : Alélouya.

- 1 M-ap fè louanj Granmèt la ak tout kè-m,
nan réyinion moun kòrèk yo ak asanblé-a.
- 2 Travay Granmèt yo gran,
yo mérité pou tout moun ki anvè yo chèché yo. R:
- 3 Bèlté ak grandè sé travay li,
jistis li diré pou tout tan gin tan.
- 4 Li té fè sonjé mèvèy li yo,
Granmèt la mizèrikòd, li pran pitié. R:
- 7 Travay min-l sé vérité ak jijman.
Tout kòmandman-l yo fidèl,
- 8 yo asiré pou tout tan gin tan,
yo fèt nan vérité ak jistis. R:

Ané 2

PRÉMIÉ LÉKTU

Éli kaché nan toubiyon-an, éspri-l akonpli nan Élizé.

Léktu liv Sirasid

48, 1-15

Profèt Éli té lévé tankou difé, paròl li té boulé tankou flanbo.

Li minm ki té fè grangou rivé sou yo, yo fè-l faché, jalouzi-l fè yo vi-n tounin yon ti kras ; yo pa-t kapab sipòté kòmandman Granmèt la. Ak paròl Granmèt la, li fèmin sièl la, li fè difé désann toua foua sot nan sièl la.

Sé konsa Éli jouinn grandè nan mèvèy li yo. Ki moun ki kapab jouinn gloua minm jan avèk ou ?

Ou minm ki té résisité moun mouri yo sot anba tè-a, sot nan éritaj lanmò-a gras a paròl Granmèt Bondié-a ; ou minm ki té jété roua yo pou yo pèdi, ou minm ki té krazé pouvoua yo san traka, ki té jété moun ki nan grandè yo sot sou kabann yo.

Ou minm ki tandé jijman sou Sinayi, ak jijman défans nan Orèb ; ou minm ki sakré roua yo pou chanjman konduit, ou minm ki fè profèt yo pran plas apré-ou.

Ou minm yo pran nan toubiyon difé-a, nan chario choual difé yo ; ou minm yo ékri sou ou pou jijman tan yo, pou-ou kalmé kòlè Granmèt la, pou-ou fè kè papa-a tounin vi-n jouinn pitit la, pou-ou fè fanmi Jakòb yo kanpé.

Ala kontantman pou moun yo ki té ouè-ou yo, ki té anbéli avèk rélation zanmi-ou ! Sèké nou minm sé pou lavi sa-a sèlman n-ap viv ; apré lanmò-a minm, non nou pap konsa.

Éli té kaché nan toubiyon-an, épi éspri-l té akonpli nan Élizé. Nan jou-l yo, li pa-t pè chèf, pèsòn pa-t ranpòté viktoua sou li avèk pouvoua yo.

Okinn paròl pa-t krazé-l, épi kò-l profétizé nan pami mò yo. Nan lavi-l li té fè prodij, nan lanmò-a li té réalisé mèvèy.

Paròl Granmèt la.

PSÒM RÉPONS

Ps 96, 1-2. 3-4. 5-6. 7 (R: 12 a)

R: Sé pou nou kontan, nou minm ki kòrèk yo, nan Granmèt la.

¹ Granmèt la roua, tè-a ap fété,
pakèt zilé yo kontan.

² Nuaj yo ak brouya entouré-l,
jistis ak jijman sé platfòm tro-n li. R:

³ Difé ap maché dévan-l,
l-ap boulé ènmi-l yo toutalantòu.

- 4 Zéklè-l yo ap kléré fas tè-a :
tè-a ouè, li sézi. **R:**
- 5 Mòn yo fonn tankou lasi dévan fas Granmèt la,
dévan fas Granmèt tout tè-a.
- 6 Sièl yo anonsé jistis li, tout pèp yo ouè gloua li. **R:**
- 7 Y-ap ront, tout moun k-ap adoré zidòl yo,
sa yo k-ap mété fièté yo nan zidòl yo.
Adoré-l, tout dié yo. **R:**

ALÉLOUYA

Rom 8, 15 bc

R: Alélouya. Nou té réservoua éspri pitit adoptif yo ;
nan li nou rélé : Aba, Papa. **R:** Alélouya.

ÉVANJIL

Sé konsa pou nou lapriyé.

✠ Léktu sint Évanjil la dapré Matié

6, 7-15

Lè sa-a : Jézu di disip li yo :

« Lè n-ap priyé, pa palé anpil tankou payin yo ; yo konprann vré sé nan palé anpil yo-a y-ap kouté yo. Pa fè tankou yo ; sèké Papa nou konnin sa nou bézouin, anvan nou mandé-l li. Min kijan pou nou priyé :

Papa nou ki nan sièl la, sé pou yo réspékté non-ou, sé pou yo rékonèt sé ou ki roua, sé pou volonté-ou fèt sou tè-a tankou nan sièl la. Pin nou bézouin chak jou-a, ba nou li jodi-a, padonnin nou sa nou fè-ou, tankou nou padonnin moun ki fè nou kichòy, pa kité nou pran nan pièj, min délivré nou anba sa ki mal. Amèn.

Konsa si nou padonnin moun yo péché yo, Papa nou ki nan sièl la ap padonnin nou fot nou tou ; min si nou pa padonnin moun yo, Papa nou ki nan sièl la pap padonnin nou péché nou ».

Paròl Granmèt la.

Vandrédi

Ané 1

PRÉMIÉ LÉKTU

*San konté bagay sou pa anndan,
traka-m, tèt chajé pou tout Égliz yo.*

Léktu dézièm lèt apot sin Pòl pou Korintyin yo **11, 18. 21 b-30**

Frè-m yo :

Kòm anpil moun ap fè louanj pròp tèt yo dapré chè-a, mouin minm tou m-ap fè pròp louanj mouin. Si yon moun gin lodas nan sa (m-ap palé tankou moun fou), mouin minm tou mouin gin lodas.

Yo sé ébré, mouin minm tou ; yo sé pitit Israèl, mouin minm tou ; yo sé ras Abraam, mouin minm tou ; yo sé minis Kris la (m-ap palé tankou moun ki pa gin yon ti kras sajès), mouin sa plis toujou : nan anpil fatig pi plis, nan prizon pi plis toujou, nan kou pi plis ankò, nan lanmò anpil fous. Mouin té résévoua karant kout fouèt mouins youn nan min Juif yo ; toua fous yo bat mouin, yon fous yo kalonnin-m, mouin fè nofraj toua fous, mouin rét yon nuit ak yon jou nan fon lanmè. Anpil fous mouin nan vouayaj, nan danjé lariviè, nan danjé asasin, nan tout kalité danjé, danjé sou bò nasion yo, danjé nan lavil, danjé nan dézè, danjé nan lanmè, danjé nan frè ki pa frè tout bon vré ; nan fatig ak tray, nan anpil vèy, nan grangou ak souaf, nan anpil jèn, nan frédi ak manké rad.

An plis bagay sa yo, ki sou pa déyò yo, gin sa k-ap trakasé kè-m chak jou, tèt chajé-m pou tout Égliz yo. Kilès ki malad pou-m pa malad ? kilès ki tonbé, pou-m pa santi difé nan kò-m ? Si gin pou fè louanj tèt mouin, sé pou féblès mouin m-ap fè louanj.

Paròl Granmèt la.

PSÒM RÉPONS

Ps 33, 2-3. 4-5. 6-7 (R : cf. 18 b)

R: Anba tout tribilasyon yo
Bondié délivré sa-k kòrèk yo.

² M-ap fè konpliman pou Granmèt la tout tan,
tout tan louanj li nan bouch mouin.

³ Nan Granmèt la nanm mouin ap jouinn konsidération-l,
sé pou pòv yo tandé, pou yo kontan. R:

- 4 Fè louanj Granmèt la avèk mouin,
an nou fè konpliman pou non-l ansanm.
- 5 Mouin té chèché Granmèt la, épi li té réponn mouin,
anba tout sa-k fè-m pè, li té délivré-m. **R**
- 6 Gadé nan diréksion-l, n-ap kléré,
fas nou pap ront.
- 7 Pòv sa-a té rélé, Granmèt la té réponn li,
anba tout tray li, li té sovè-l. **R**

Ané 2

PRÉMIÉ LÉKTU

Yo sakré Joas, yo di : Viv roua-a !

Léktu dézièm liv Roua yo

11, 1-4. 9-18. 20

Jou sa yo :

Atali, manman Okozias, antan-l ouè pitit li-a mouri, li té lèvé, épi li té touyé tout désandans roua yo. Jozaba minm, pitit fi roua Joram nan, sè Okozias la, té vòlè Joas, pitit Okozias la, sot nan mitan pitit roua yo yo t-ap touyé yo, li té pran-l ansanm ak nouris li-a, li té ouété-l sot nan chanm nan ; li té kaché-l sot dévan jé Atali, pou yo pa touyé-l. Pitit la té rété avèk li pandan sizan, an kachèt nan kay Granmèt la ; pandan tan sa-a Atali t-ap régné sou péyi-a.

Sou sètièm ané-a, Jéoyada té voyé pran santurion ak sòlda, li té fè yo antré nan tanp Granmèt la, épi li té pasé aliens avèk yo ; li fè yo fè sèman nan kay Granmèt la, li montré yo pitit roua-a.

Santurion yo té aji dapré tou sa prèt Jéoyada té kòmandé yo ; chak santurion antan-l pran moun li yo ki té konn antré jou saba-a, ansanm avèk sa-k té konn soti jou saba-a, yo té vi-n kot prèt Jéoyada ; ki té ba yo pik ak zam roua David yo, ki té nan kay Granmèt la. Chak moun té kanpé, yo té gin zam nan min yo, sot nan bò douat tanp la, rivé jous nan bò goch lotèl la ak palè-a alantou roua-a. Yo té prézanté pitit roua-a, li té pozé kouròn nan sou tèt li ak témouagnaj la ; yo té fè-l roua, yo té sakré-l, antan y-ap bat bravo, yo té di : « Viv roua-a ! »

Atali minm té tandé voua pèp la k-ap kouri-a, épi antan-l antré nan diréksion foul yo nan tanp Granmèt la, li té ouè roua-a kanpé sou éstrad la dapré abitud la, ak chant yo ak tronpèt yo bò koté-l, tout pèp tè-a k-ap

fété k-ap sonnin tronpèt ; li té chiré rad li épi li té rélé : « Konplo ! Konplo ! » Jéoyada minm té pasé santurion yo lòd, yo minm ki t-ap kòmandé lamé-a, épi li té di yo : « Fè-l soti déyò pòtay tanp la, ninpòt moun ki suiv li, sé pou yo touyé-l ak épé ». Prèt la té di : « Yo pa doué touyé-l nan tanp Granmèt la ». Yo té pozé min sou li, épi yo té pousé-l nan chémin koté choual yo konn antré-a, jous bò palè-a, épi yo té touyé-l la.

Jéoyada té pasé yon aliens ant Granmèt la avèk roua-a épi pèp la, pou-l vi-n pèp Granmèt la ; épi ant roua-a ak pèp la. Tout pèp tè-a té antré nan tanp Baal la ; yo té démoli lotèl li yo, yo té krazé pòtré yo nèt ; yo té touyé Matan tou, prèt Baal la, dévan lotèl la. Prèt la té mété gad nan tanp Granmèt la.

Tout pèp tè-a té kontan, min vil la té rété trankil ; Atali minm, yo té touyé-l ak épé nan kay roua-a.

Paròl Granmèt la.

PSÒM RÉPONS

Ps 131, 11. 12. 13-14. 17-18 (R : 13)

R: Granmèt la té chouazi Siyon pou kay li.

- ¹¹ Granmèt la té fè sèman bay David,
sé vérité, li pap démanti-l :
« Sé nan foui vant ou
m-ap mété sou tro-n ou-an ». R:
- ¹² Si pitit li yo kinbé téstaman-m nan,
ak témouagnaj mouin yo m-ap anségné yo-a,
pitit yo pou tout tan
ap chita sou tro-n ou-an ». R:
- ¹³ Sèké Granmèt la té chouazi Siyon,
li té anvi-l pou kay pou li :
- ¹⁴ « Sa-a sé répo-m pou tout tan gin tan ;
sé isit la m-ap abité, paské mouin anvi-l ». R:
- ¹⁷ Sé la m-ap fè kòn David la jèmin,
m-ap paré yon lanp pou Kris mouin-an.
- ¹⁸ M-ap fè ènmi-l yo ront,
min sou li sé kouròn li-a k-ap fléri ». R:

ALÉLOUYA

Mt 5, 3

R: Alélouya. Ala kontantman pou pòv an-éspri yo,
paské sé pou yo péyi-roua sièl yo yé. R: Alélouya.

ÉVANJIL

Koté trézò-ou la yé-a, sé la kè-ou yé.

✚ Léktu sint Évanjil la dapré Matié

6, 19-23

Lè sa-a : Jézu di disip li yo :

« Pa ranmasé trézò nou sou tè-a, koté larouy ak mit ap dévoré, koté vòlè ap kasé kay pou yo vòlè. Ranmasé trézò nou nan sièl la, koté larouy ni mit pa dévoré, koté vòlè pa kasé kay pou yo vòlè. Sèké koté trézò-ou la yé-a, sé la kè-ou ap yé tou.

Lanp kò-ou sé jé-ou : si jé-ou an santé, tout kò-ou ap kléré. Min si jé-ou malad, tout kò-ou ap nan fènoua. Konsa si limiè ki nan ou-a, sé fènoua li yé, fènoua yo yo minm, ala anpil y-ap anpil ! »

Paròl Granmèt la.

Samdi

Ané 1

PRÉMIÉ LÉKTU

Ak tout kè-m m-ap jouinn fièté-m nan féblès mouin yo.

Léktu dézièm lèt apot sin Pòl pou Korintyin yo

12, 1-10

Frè-m yo :

Si gin okazion tiré louanj (pa gin nésésité), m-ap rivé nan vizion ak révélation Granmèt la. Mouin konnin yon moun nan Kri la dépi plis pasé katòzan (soua nan kò-a, mouin pa konnin ; soua andéyò kò-a, mouin pa konnin, Bondié konnin), moun sa-a yo sézi-l jous nan touazièm sièl la. Mouin konnin moun sa-a (soua nan kò-a, soua andéyò kò-a mouin pa konnin, Bondié konnin), yo sézi-l jous nan paradi, li tandé paròl kaché, bagay yo pa pèmèt moun palé.

Pou moun sa-a m-ap fè louanj tèt mouin ; pou mouin minm, mouin pap fè louanj pròp tèt mouin ditou, sof nan féblès mouin yo. Sèké, minm

si-m t-a vlé fè louanj mouin, mouin pa ta fou : sé vérité mouin t-a di ; mouin pé bouch mouin kan minm, pou moun pa konprann mouin plis passé sa-l ouè nan mouin-an, oubyin sa-l tandé nan mouin-an.

Épi tou, pou grandè révélation yo pa viré tèt mouin, yo ban-m yon pikan nan chè-m, yon anj Satan k-ap souflété-m. Sou késion sa-a toua fous mouin té mandé Granmèt la pou-l ouété-l louin-m, épi li té di-m : « Gras mouin kont ou, sèké sé nan féblès la fòs la bay randman ».

Konsa sé ak tout kè-m m-ap fè louanj tèt mouin nan féblès mouin yo, pou fòs Kris la abité nan mouin. Sé poussa mouin jouinn plézi-m nan féblès mouin yo, nan mank déga, nan tray, nan pèsékision, nan kè séré pou Kris la : lè-m fèb, sé lè sa-a mouin fò.

Paròl Granmèt la.

PSÒM RÉPONS

Ps 33, 8-9. 10-11. 12-13 (R : 9 a)

R: Gouté, n-a ouè kijan Granmèt la dous.

8 Anj Granmèt la monté lagad alantou moun ki krinn li yo, épi l-ap délivré yo.

9 Gouté, n-a ouè kijan Granmèt la dous ; ala kontantman pou moun ki mét éspérans sou li. R:

10 Sé pou nou krinn Granmèt la, sin-l yo, paské pa gin bézouin pou moun ki krinn li yo.

11 Rich yo vi-n pòv, yo grangou, min sa k-ap chèché Granmèt la, yo pa manké okinn byin. R:

12 Vini, pitit mouin yo, kouté-m : m-ap aprann nou krint Granmèt la.

13 Kilès moun sa-a ki vlé lavi-a, ki rinmin jou pou-l ouè byin-an ? R:

Ané 2**PRÉMIÉ LÉKTU***Zakari nou touyé-a ant kay sakré-a ak lotèl la.***Léktu dézièm liv Kronik yo****24, 17-25**

Lè Jéoyada fi-n mouri, chèf Juda yo antré, yo salué roua-a byin ba, li kité yo pran tèt li ak priyè yo, li vi-n dakò avèk yo. Yo kité tanp Granmèt Bondié papa yo, yo sèvi potò ak zidòl yo ; kòlè-a rivé kont Juda ak Jérusalèm poutèt péché sa-a. Yo voyé profèt ba yo pou yo tounin kot Granmèt la ; yo révòlté kont yo, yo réfizé kouté.

Éspri Bondié-a vlopé Zakari, pitit Jéoyada, prèt la ; li kanpé dévan pèp la, li di-l : « Min paròl Granmèt Bondié-a : Pouki sa nou dézobéyi lòd Granmèt la, sa pa nan avantaj nou, nou lagé Granmèt la, pou-l lagé nou tou ».

Yo rasanblé kont li, yo kalonnin-l sou lòd roua-a nan lakou kay Granmèt la. Roua Joas pa sonjé mizérikòd Jéoyada té gin pou li-a, Jéoyada, papa Zakari, min li fè touyé pitit li-a. Li minm, lè l-ap mouri, li di : « Sé pou Granmèt la ouè, pou-l mandé kont ».

Ané-a pasé, lamé Siri-a monté kont li ; li rivé Juda ak Jérusalèm, li touyé tout chèf pèp la, yo voyé tout richès yo bay roua-a Damas.

Malgré Siryin yo pa-t anpil, Granmèt la rinmèt yon gran kantité moun nan min yo, poutèt yo té kité Granmèt Bondié papa yo-a ; Joas tou, yo avili-l anba pinision. Yo pati, yo kité-l malad grav.

Sèvitè-l yo lévé kont li pou vanjé san pitit prèt Jéoyada-a, yo touyé-l nan kabann li, li mouri. Yo antéré-l nan vil David la, min sé pa nan kavo roua yo.

Paròl Granmèt la.

PSÒM RÉPONS**Ps 88, 4-5. 29-30. 31-32. 33-34 (R : 29 a)**

R Pou tout tan, m-ap kinbé mizérikòd mouin-an pou li.

⁴ « Mouin té pasé aliens avèk sa-a mouin chouazi-a, mouin té fè sèman bay David sèvitè-m nan :

⁵ Pou tout tan m-ap asiré désandans ou, m-ap drésé tro-n ou-a pou jénérasyon ak jénérasyon ». **R**

- 29 Pou tout tan m-ap kinbé mizérikòd mouin pou li,
alians mouin-an ap fidèl pou li.
- 30 M-ap mété désandans li pou tout tan gin tan,
ak tro-n li-a tankou jou sièl yo. **R:**
- 31 Min si pitit li yo lagé laloua-m nan,
si yo pa maché nan jijman-m yo ;
- 32 si yo profané désizion-m yo,
si yo pa obsèvé kòmandman-m yo. **R:**
- 33 M-ap vizité fot yo avèk fouèt,
ni péché yo avèk répròch.
- 34 Min mizérikòd mouin-an, mouin pap ouété-l sot sou li,
mouin pap bay manti nan vérité-m nan. **R:**

ALÉLOUYA

2 Kor 8, 9

R: Alélouya. Jézu-Kri vi-n tounin pòv, malgré li té rich,
pou-l té kapab fè nou vi-n rich avèk povreté-l la **R:** Alélouya.

ÉVANJIL*Pa pran tèt chajé pou démin.***✠ Léktu sint Évanjil la dapré Matié**

6, 24-34

Lè sa-a : Jézu di disip li yo :

« Pèsòn pa kapab sèvi dé mèt : oubyin l-ap rayi youn, l-ap rinmin lòt la, oubyin l-ap kolé kò-l sou youn, l-ap méprizé lòt la. Nou pa kapab sèvi Bondié avèk lajan.

Sé pousa mouin di nou : Pa pran tèt chajé pou lavi nou, pou nou mandé ki sa n-ap manjé, ni pou kò nou ak kisa n-ap abiyé-l : èské lavi-a pa plis pasé manjé-a, épi kò-a plis pasé rad la ? Gadé zouazo sièl yo, yo pa simin, yo pa rékòlté, yo pa ranmasé nan dépo ; époutan Papa nou ki nan sièl la nourri yo. Èské nou pa plis pasé yo ?

Kilès nan nou, afòs l-ap kalkilé, ki kapab mété yon mézi an plis sou rotè-l ?

Pou rad la, pouki sa nou pran tèt chajé ? Konsidé ré lis yo nan jadin yo, kijan yo grandi ; yo pa travay, yo pa fè toual. Min mouin di nou ata Salomon nan tout gloua-l li pa-t abiyé tankou youn nan yo. Konsa si zèb

jamin-an ki la jodi-a, épi démin y-ap jété-l nan difé, Bondié abiyé-l konsa, èské li pap fè plis pou nou, nou minm ki gin ti lafoua ?

Konsa, pa pran tèt chajé, ap di : « Ki sa n-ap manjé ? » oubyin « Ki sa n-ap bouè ? », oubyin « Ak ki sa n-ap abiyé ? » Tout bagay sa yo, payin yo ap chèché yo ; Papa nou ki nan sièl la konnin nou bezouin tout bagay sa yo. Konsa kòmansé chèché péyi-roua Bondié-a ak jistis li, épi tout bagay sa yo ap vi-n an plis pou nou.

Pa pran tèt chajé pou démin ; jou démin-an ap pran tèt chajé pou kont pa-l : mizè chak jou kont pou jou-a ».

Paròl Granmèt la.

DOUZIÈM SÉMÈN ÒDINÈ

Dimanch, ané A

PRÉMIÉ LÉKTU

Li té libéré nanm pòv la sot nan min méchan yo.

Léktu liv profèt Jérémi

20, 10-13

Jérémi di :

« Mouin té tandé mank déga anpil moun ap fè-m ak boui toutalantou : “An nou pèsékité-l, an nou pèsékité-l” ; tout moun ki t-ap viv anpè avèk mouin, ki té konn véyé sou mouin, yo t-ap di : “Si-l té kapab pran nan pièj, pou nou ranpòté viktoua kont li, pou nou tiré vanjans sou li !”

Min Granmèt la avèk mouin, tankou yon gèrié ki gin fòs ; sé pou sa moun k-ap pèsékité-m yo sé yo minm k-ap tonbé, sé yo minm k-ap fébli, y-ap ront anpil, paské yo pa-t konprann ront ki pap janm fini-an, ki pap janm éfasé-a.

Kanta ou minm, Granmèt lamé yo, ou minm ki éséyé sa-a ki kòrèk la, ki ouè rin ak kè, sé pou-m ouè vanjans ou-ap tiré sou yo, tanpri ; paské sé ou minm mouin révéle kòz mouin.

Chanté pou Granmèt la, fè louanj Granmèt la, paské li té libéré nanm pòv la sot nan min méchan yo ».

Paròl Granmèt la.

PSÒM RÉPONS

Ps 68, 8-10. 14 é 17. 33-35 (R: 14 c)

R: Nan pakèt mizérikòd ou-a,
réponn mouin, Granmèt.

8 Sèké sé poutèt ou mouin sipòté mank déga
laront kouvri fas mouin ;

9 mouin vi-n tounin étranjé pou frè-m yo,
ak moun déyò pou pitit manman-m yo.

10 Sèké jalouzi lakay ou-a dévoré-m,
jouman moun k-ap manké-ou déga yo, yo tonbé sou mouin. R:

14 Mouin minm priyé-m ap monté koté-ou, Granmèt ;
nan tan favè-a, Bondié.

Nan pakèt mizérikòd ou-a, kouté-m,

- nan vérité sové ou sové-m nan.
- 17 Réponn mouin, Granmèt, paské mizérikòd ou-a li bon ;
daprè kantité pitié-ou
voyé jé sou mouin. **R**
- 33 Pòv yo ap ouè, y-ap kontan ;
chèché Bondié, sé pou kè nou viv.
- 34 Paské Granmèt la kouté pòv yo, li pa méprizé prizonié-l yo.
- 35 Sièl la ak tè-a ap fè louanj li,
lanmè-a ak tout bèt ki ladan-l. **R**

DÉZIÈM LÉKTU

Sé pa tankou fot la, kado-a rivé.

Léktu lèt apot sin Pòl pou Romin yo

5, 12-15

Frè-m yo :

Minm jan, akoz yon sèl moun, péché-a té antré sou tè sa-a, épi avèk péché-a lanmò-a, sé konsa lanmò-a pasé nan tout moun, paské tout moun fè péché.

Sèké jouska laloua-a, péché-a té sou tè-a, min yo pa-t mété péché-a sou kont mouin, paské pa-t gin laloua. Min lanmò-a té kòmandé kòm roua dépi Adan jouska Moyiz, minm nan sa yo ki pa-t fè péché tankou dézobéyisans Adan-an. Adan sèvi modèl pou sa-a k-ap vi-n apré-a.

Sèlman kado-a pa suiv minm filiè avèk fot la ; réyèlman si poutèt fot yon sèl moun tout foul moun yo mouri, pi plis toujou, gras Bondié-a ak kado ki soti nan gras yon sèl moun nan, Jézu-Kri, ap vidé pi laj ankò nan pakèt foul moun yo.

Paròl Granmèt la.

ALÉLOUYA

Jan 15, 26 b. 27 a

R Alélouya. Éspri vérité-a ap sèvi-m témouin, sé sa Granmèt la di ;
épi nou minm tou n-ap sèvi-m témouin. **R** Alélouya.

ÉVANJIL

Pa pè sa yo k-ap touyé kò-a.✠ **Léktu sint Évanjil la dapré Matié****10, 26-33**

Lè sa-a : Jèzu di Apòt li yo :

« Pa pè moun yo. Nan pouin anyin ki kaché yo pap konnin. Sa-m di nou nan fènoua, di-l nan limiè ; sa nou tandé nan zòrèy, préché-l sou tèt kay.

Épi pa pè sa yo k-ap touyé kò-a, min ki pa kapab touyé nanm nan ; pito nou pè sa-a ki kapab pèdi ni nanm nan ni kò-a nan difé-a. Èské yo pa vann dé zouazo pou yon goud ; youn nan yo pa tonbé atè san Papa nou pa vlé. Chévé nan tèt nou, yo tout yo konté yo. Konsa, pa pè : nou vo plis pasé anpil zouazo.

Tout moun k-ap rékonèt mouin dévan lézòm, mouin minm tou m-ap rékonèt li dévan Papa-m ki nan sièl la. Min moun k-ap nié-m dévan lézòm, m-ap nié-l tou dévan Papa-m ki nan sièl la ».

Paròl Granmèt la.

Dimanch, ané B

PRÉMIÉ LÉKTU

*Isit la ou-ap krazé lanm ou yo k-ap gonflé-a.***Léktu liv Jòb****38, 1. 8-11**

Granmèt la réponn Jòb antan-l nan loraj la, li di :

« Kilès ki té fèmin pòt lanmè-a, lè-l t-ap vòltijé, tankou sé nan vant l-ap sòti-a, lè-m té abiyé-l ak niaj, lè-m té vlopé-l ak niaj noua yo pou yo sèvi-l toual kouchèt la ? Mouin té fiksé-l limit mouin yo, mouin té pozé travès ak pòt, épi mouin té di : “Sé jous isit la ou-a rivé, ou pap avansé pi louin, sé isit la ou-ap krazé lanm ou yo k-ap gonflé yo” ».

Paròl Granmèt la.

PSÒM RÉPONS

Ps 106, 23-24. 25-26. 28-29. 30-31 (R: 1 b)

R: Fè louanj Granmèt la,
poutèt mizérikòd li-a pou tout tan.

oubyin : Alélouya.

- 23 Sa yo ki désann sou lanmè-a nan batiman yo
k-ap fè komès sou gran dlo yo.
- 24 Yo minm yo té ouè travay Granmèt la,
ak mèvèy li yo nan bafon-an. R:
- 25 Li té palé, épi li té lévé yon van tanpèt,
lanm li yo té gonflé
- 26 Yo té monté jous nan sièl la,
épi yo désann jous nan bafon yo ;
nanm yo t-ap fonn nan malè yo. R:
- 28 Yo té rélé kot Granmèt la pandan yo t-ap passé tray la,
épi nan mizè yo li té fè yo sòti.
- 29 Li té fè tanpèt la vi-n tounin yon ti van léjè,
épi lanm li yo té fè silans. R:
- 30 Épi yo té kontan, poutèt yo té vi-n fè kalmi,
épi li té kondui yo nan pò-a koté yo té vlé alé-a.
- 31 Sé pou yo fè louanj pou Granmèt la poutèt mizérikòd li-a,
avèk mèvèy li yo pou pitit moun yo. R:

DÉZIÈM LÉKTU

Min, tout bagay vi-n fèt tou nèf.

Léktu dézièm lèt apot sin Pòl pou Korintyin yo

5, 14-17

Frè-m yo :

Rinmin Kris la ap présé nou ; nou konsidéré si yon sèl mouri pou tout moun, sèké tout moun mouri ; Kris la té mouri pou tout moun, pou moun k-ap viv yo, sé pa pou yo minm ankò y-ap viv, min pou sa-a ki mouri pou yo-a épi ki tounin vi-n vivan pou yo-a.

Sé pou sa nou minm apati koulié-a nou pa konnin pèsònn ankò dapré chè-a ; si nou té konnin Kris la dapré chè-a, koulié-a nou pa konnin-l konsa ankò. Si sa-k nan Kris la, sé kréyé yo kréyé li yon lòt foua, sa-k té la anvan yo, yo disparèt : épi, min, tout bagay vi-n fèt tou nèf.

Paròl Granmèt la.

ALÉLOUYA

Lk 7, 16

℞ Alélouya. Yon gran profèt té lévé nan mitan nou,
épi Bondié té vizité pèp li-a. ℞ Alélouya.

ÉVANJIL

Kilès sa-a, paské van ak lanmè obéyi-l ?

✠ Léktu sint Évanjil la dapré Mark

4, 35-41

Jou sa-a, kòm asouè té fi-n rivé, Jézu té di disip li yo : « An nou travèsé an fas la ». Épi antan yo ranvouyé foul la, yo té pran Jézu jan-l té yé-a nan batiman-an, té gin dèt batiman yo avèk li.

Vi-n gin yon gran tanpèt van ; lanm lanmè-a t-ap vòltijé nan batiman-an, atèl pouin batiman-an té plin. Li minm minm li té nan plas gouvènay la, sou kousin-an, antan l-ap dòm ; yo té révéyé-l, épi yo té di-l : « Mèt, sa pa fè-ou anyin n-ap péri ? » Épi antan-l révéyé, li té ménasé van-an, épi li té di lanmè-a : « Silans, pé bouch ou ». Épi van-an té sispann, té vi-n gin yon gran kalmi.

Li té di yo : « Pouki sa nou timid konsa-a ? nou pa ko gin lafoua ? » Yo té pè ak yon gran krint, youn t-ap di lòt : « Kilès ou kouè li yé, sa-a, paské ni van ni lanmè obéyi-l ? »

Paròl Granmèt la.

Dimanch, ané C

PRÉMIÉ LÉKTU

Y-ap gadé sa-a yo té transpèsé-a (Jan 19, 37).

Léktu liv profèt Zakari

12, 10-11 ; 13, 1

Min paròl Granmèt la :

« M-ap vidé yon éspri gras ak priyé sou kay David la ak sou moun ki abité Jérusalèm yo : y-ap gadé-m, mouin minm yo té transpèsé-a, y-ap kriyé sou li ak yon rèl tankou pou yon sèl pitit gason, y-ap plinn sou li, tankou yo konn plinn pou lanmò premié pitit gason.

Jou sa-a, rèl la ap gran nan Jérusalèm, tankou rèl Adadrémon nan plinn Mégido-a.

Jou sa-a ap gin yon fontèn ki louvri pou kay David la ak moun ki abité Jérusalèm yo pou péché yo ak sa ki pa pròp yo ».

Paròl Granmèt la.

PSÒM RÉPONS

Ps 62, 2 abcd. 2 e-4. 5-6. 8-9 (R : 2 b)

R: Nanm mouin souaf ou, Granmèt, Bondié mouin.

2 Bondié, sé Bondié-m ou yé.
sé koté-ou m-ap véyé dépi granmatin.
Nanm mouin souaf ou,
chè mouin anvii-ou. R:

3 Nan tè dézè-a, ki sèk la, ki san dlo-a,
sé konsa mouin té parèt dévan-ou nan tanp la,
pou-m ouè puisans ou ak gloua-ou.

4 Sèké mizérikòd ou pi bon pasé lavi yo,
bouch mouin ap fè louanj ou. R:

5 Konsa m-ap fè konpliman pou ou nan lavi-m,
o non-ou m-ap lévé minm.

6 Tankou ak viann ak bon manjé gra nanm mouin plin,
ak paròl fèt bouch mouin ap fè louanj ou. R:

8 Paské ou poté-m sékou,
anba voual zèl ou m-ap fété.

9 Nanm mouin kolé apré-ou,
min douat ou soutni-m. R:

DÉZIÈM LÉKTU

Nou tout ki batizé, nou té abiyé ak Kris la.

Léktu lèt apot sin Pòl pou Galat yo

3, 26-29

Frè-m yo :

Nou tout nou sé pitit Bondié gras a lafoua-a, ki nan Kris la. Réyèlman nou tout ki batizé nan Kris la, nou té abiyé ak Kris la. Pa gin kèsion Juif ni Grèk, nan pouin ni ésklav ni moun lib, pa gin gason ni fi : sèké nou tout sé yon sèl nou fè nan Kris Jézu.

Si nou pou Kris la, konsa nou sé ras Abraam, éritié dapré promès la.
Paròl Granmèt la.

ALÉLOUYA

Jan 10, 27

℞ Alélouya. Mouton-m yo kouté voua-m, sé sa Granmèt la di ;
épi mouin minm mouin konnin yo, yo suiv mouin. ℞ Alélouya.

ÉVANJIL

Ou sé Kris Bondié-a...

Pitit moun nan gin pou-l souffri anpil.

✠ **Léktu sint Évanjil la dapré Luk**

9, 18-24

Rivé pandan Jézu t-ap priyé pou kont li, disip yo té avèk li. Li té pozé yo késion, antan-l di : « Kilès foul yo di mouin yé ? »

Yo té réponn, épi yo té di : « Jan Batis ; dèt minm Éli ; dèt ankò sé youn nan profèt lontan yo ki résisité ».

Jézu té di yo : « Nou minm minm kilès nou di mouin yé ? »

Simon Piè antan-l pran laparòl, té di : « Kris Bondié-a ».

Li minm minm antan-l ménasé yo li té pasé yo lòd sévè pou yo pa di pèsòn sa, antan-l di Pitit moun nan gin pou-l souffri anpil, pou ansyin yo réjité-l, ni chèf prèt yo, ni skrib yo, l-ap mouri, min sou touazièm jou-a, l-ap résisité.

Li t-ap di tout moun : « Si yon moun vlé vi-n apré mouin, sé pou-l rénonné pròp tèt li, pou-l pran koua-l, chak jou, pou-l suiv mouin. Réyéyman, moun ki vlé sové lavi-l, l-ap pèdi-l : moun ki pèdi lavi-l poutèt mouin, l-ap sové-l ».

Paròl Granmèt la.

Lindi

Ané 1

PRÉMIÉ LÉKTU

Abram té pati, jan Granmèt la té pasé-l lòd la.

Léktu liv Jénèz la

12, 1-9

Jou sa yo :

Granmèt la té di Abram : « Pati sot nan péyi-ou, ak nan fanmi ou, ak nan kay papa-ou, vini nan péyi-a m-a montré-ou la. M-ap fè-ou vi-n tounin yon gran nasion, m-ap béni-ou, m-ap fè non-ou vi-n gran, ou-ap béni. M-ap béni moun ki béni-ou yo, m-ap madichonnin moun ki madichonnin-ou yo, tout fanmi sou tè-a ap béni nan ou ».

Abram té pati, jan Granmèt la té pasé-l lòd la, Lòt té pati avèk li tou. Abram té gin souasant-kinz-an, lè-l té kite Aran. Li té pran Saray, madanm li, avèk Lòt, pitit frè-l la, ak tou sa-l té posédé, ak tout mouton li té gin nan Aran ; yo té pati, pou yo alé nan péyi Kanaan-an.

Lè yo té rivé la, Abram té travèsé péyi-a jous nan koté yo rélé Sikèm nan, jous nan tè fon ki gin rénomé-a. Kananéyin-an té nan péyi-a lè sa-a.

Granmèt la té parèt dévan Abram, épi li té di-l : « Sé ras ou m-ap bay péyi sa-a ». Li bati yon lotèl pou Granmèt la nan koté sa-a, Granmèt la ki té parèt dévan-l nan.

Antan-l travèsé sot la al nan mòn nan, ki té anfas Bètèl la, li té drésé tant li la, li té gin Bètèl nan diréksion olévan, avèk Ayi nan diréksion okouchan ; li té bati yon lotèl pou Granmèt la, la-a tou ; épi li té rélé non-l. Abram té maché, antan li t-apralé épi li t-ap avansé pi plis nan diréksion nan-sid.

Paròl Granmèt la.

PSÒM RÉPONS

Ps 32, 12-13. 18-19. 20 é 22 (R: 12 b)

R: Ala kontantman pou pèp la Granmèt la té chouazi kòm éritaj li-a.

¹² Ala kontantman pou nasion ki gin Granmèt la pou Bondié-l la, pèp la li té chouazi kòm éritaj li-a.

¹³ Nan sièl la Granmèt la té gadé, li té ouè tout pitit moun yo. R:

- 18 Min jé Granmèt la sou moun ki krinn yo,
sou moun ki éspéré sou mizérikòd li-a,
19 pou-l délivré nanm yo sot nan lanmò,
épi pou-l ba yo manjé nan grangou. **R**
- 20 Nanm nou ap konté sou Granmèt la,
paské sé sékou nou ak protéksion nou li yé.
22 Sé pou mizérikòd ou-a vi-n sou nou, Granmèt,
tankou nou té éspéré nan ou-a. **R**

Ané 2

PRÉMIÉ LÉKTU

*Granmèt la té ouété Israèl sot dévan fas li,
sé ras Juda-a sèlman ki té rété.*

Léktu dézièm liv Roua yo

17, 5-8. 13-15 a. 18

Jou sa yo :

Salmanaza, roua Asiryin yo té travèsé tout péyi-a, épi antan-l monté Samari, li té baré-l pandan touazan. Sou névièm ané Ozé-a, roua Asiryin yo té pran Samari ; épi li té dépòté Israèl kay Asiryin yo, épi li té instalé yo Ala, avèk Abòr, bò lariviè Gozan-an, nan vil Mèd yo.

Rivé, kòm pitit Israèl yo té fè péché kont Granmèt Bondié yo-a, ki té fè yo soti nan péyi Éjip la, sot nan min Faraon, roua Éjip la, yo té adoré dié étranjé yo. Épi yo té maché dapré sérémoni nasion yo, sa Granmèt la té détoui dévan fas pitit Israèl yo ak roua Israèl yo, yo té aji minm jan.

Granmèt la té avèti Israèl avèk Juda, pa lintèmediè tout profèt yo ak vouayan yo, antan-l té di : « Tounin sot nan chémin nou yo ki mové yo, obsèvé kòmandman-m yo ak désizion-m yo, dapré tout laloua-a mouin té kòmandé papa nou yo, avèk jan mouin té voyé di nou pa lintèmediè sèvitè-m yo, profèt yo ». Yo minm yo pa-t kouté, min yo té fè kou yo vi-n rèd minm jan avèk papa yo, ki pa-t vlé obéyi Granmèt Bondié yo-a. Yo té réjté laloua-l yo avèk kontra-l la, sa-l té pasé avèk papa yo-a, ni témouagnaj li yo, sa-l té sèvi pou-l ba yo avètisman-an.

Granmèt la té faché anpil kont Israèl, li té ouété-l sot dévan fas li : pa-t rété anyin sof fanmi Juda-a sèlman.

Paròl Granmèt la.

PSÒM RÉPONS

Ps 59, 3. 4-5. 12-13 (R: 7 b)

R: Sové nou avèk min douat ou, Granmèt, kouté nou.

³ Bondié, ou té réjé nou, ou té détoui nou ;
ou faché ; tounin vi-n jouinn nou. R:

⁴ Ou té souké tè-a, ou té sakajé-l,
géri blès li yo, paské li krazé.

⁵ Ou té fè pèp ou-a ouè bagay ki rèd,
ou fè nou bouè divin vètij. R:

²¹ Èské ou minm, Bondié, sé pa ou ki té réjé nou,
épi ou pa-t soti avèk puisans nou yo, Bondié ?
Ba nou sékou nan tribilasyon-an,
paské sovè moun kapab sovè nou, sa pa vo anyin.

¹³ Nan Bondié n-ap fè prodij,
épi li minm l-ap krazé sa k-ap fè nou pasé tray yo. R:

ALÉLOUYA

Ébr 4, 12

R: Alélouya. Paròl Bondié-a vivan, li réalizé sa-l vlé-a,
épi li fouyé réfléksion avèk pansé ki nan kè. R: Alélouya.

ÉVANJIL

Kòmansé ouété bout boua-a sot nan jé-ou la.

✠ Léktu sint Évanjil la daprè Matié

7, 1-5

Lè sa-a : Jézu té di disip li yo :

« Pa jijé, pou yo pa jijé nou ; sèké avèk jijman n-ap jijé-a, sé avèk li y-ap jijé nou ; mézu n-ap méziré-a, sé avèk li y-ap rinnèt nou.

Konsa, pouki sa ou-ap gadé ti pay la ki nan jé frè-ou la, épi gro bout boua-a ki nan jé-ou la, ou pa ouè-l ? Oubyin kòmman fè ou di frè-ou la : “Kité-m ouété ti pay la sot nan jé-ou”, épi min yon gro bout boua nan jé pa-ou ? Ipokrit, kòmansé ouété gro bout boua-a sot nan jé-ou, épi lè sa-a ou-a ouè klè pou-ou ouété ti pay la sot nan jé frè-ou la ».

Paròl Granmèt la.

Madi

Ané 1

PRÉMIÉ LÉKTU

*Pa doué gin kont ant mouin minm avèk ou minm :
sé frè nou yé.*

Léktu liv Jénèz la

13, 2. 5-18

Abram té rich anpil nan ginyin lò ak lajan. Min Lòt tou, ki té avèk Abram, li té gin bann mouton avèk bèf avèk tant. Yo pa-t kapab okipé tè-a, pou yo té abité ansanm : richès yo té anpil, yo pa-t kapab abité ansanm. Sé poussa té vi-n gin kont ant gadyin bann mouton Abram yo ak pa Lòt yo. Nan épòk sa-a, Kananéyin-an avèk Périzit la té abité nan péyi sa-a.

Konsa Abram té di Lòt : « Tanpri, pa doué gin kont ant mouin minm avèk ou minm, ni ant gadyin-m yo avèk gadyin-ou yo : sé frè nou yé. Min tout péyi-a dévan-ou. Tanpri, pati sot koté-m : si-ou alé agòch, m-apral adouat ; si-ou chouazi adouat, mouin minm m-ap pati agòch ».

Antan Lòt lévé jé-l, li té ouè tout réjion Joudin-an toutalantou, ki té rouzé nèt, sé té anvan Granmèt la té détoui Sodòm avèk Gomò-a, sé té tankou paradi Granmèt la, tankou Éjip lè yon moun rivé Ségòr. Lòt té chouazi réjion alantou Joudin-an, épi li té rékilé sot nan diréksion olévan ; dé frè yo youn té séparé ak lòt. Abram té abité nan péyi Kanaan-an ; Lòt minm té rété nan vil ki byin protéjé yo, ki té alantou Joudin-an, li té abité Sodòm. Min moun Sodòm yo té mové anpil, yo té péchè anpil dévan Granmèt la.

Granmèt la té di Abram, lè li té fi-n séparé sot kot Lòt la : « Lévé jé-ou, gadé koté-ou yé koulié-a, nan nò ak nan sid, olévan ak okouchan. Tout tè-a ou-ap gadé-a, m-ap ba ou-l pou ou ak pou désandans ou pou tout tan. M-ap fè désandans ou vi-n tankou poussiè tè-a : si yon moun kapab konté poussiè tè-a, l-ap kapab konté ras ou tou. Lévé, travèsé péyi-a nan longè-l ak nan lajè-l ; paské sé ou minm m-ap bay li ».

Antan Abram lévé tant li, li té pati épi li té abité nan tè fon Manbré-a, sé Ébron ; li bati yon lotèl koté sa-a pou Granmèt la.

Paròl Granmèt la.

PSÒM RÉPONS

Ps 14, 2-3 ab. 3 cd-4 ab. 5 (R : 1 b)

- R: Granmèt, kilès k-ap abité nan tant ou-a ?
- 2 Moun k-ap maché san fot, épi k-ap fè jistis ;
- 3 k-ap palé vérité nan kè-l,
ki pa-t fè riz ak lang li. R:
- Li pa-t fè prochin-l mal,
ni li pa-t fè prochin-l afron.
- 4 Li konsidéré méchan-a kòm anyin dévan jé-l,
min li fè louanj pou sa yo ki krinn Granmèt la. R:
- 5 Moun ki pa-t prété lajan ak intèrè,
ki pa-t aksépté kado sou do inosan.
Moun ki fè bagay sa yo, li pap souké pou tout tan. R:

Ané 2

PRÉMIÉ LÉKTU

*M-ap protéjé vil sa-a, m-ap sové-l
poutèt mouin minm ak David.*

Léktu dézièm liv Roua yo

19, 9 b-11. 14-21. 31-35 a. 36

Jou sa yo :

Sénakérib, roua Asiryin yo, té voyé mésajé bay Ézékias, antan-l di : « Min sa n-a di Ézékias, roua Juda-a : Pa kité Bondié-ou la tronpé-ou, li minm ou mét konfians nan li-a, ni pa di : “Li pap lagé Jérusalèm nan min roua Asiryin yo”. Ou minm minm, ou té tandé sa roua Asiryin yo té fè tout péyi yo, kijan yo té détoui yo. Ébyin èské sé ou minm sèl ki t-a kapab sové ? »

Sé poussa, lè Ézékias résévoua lèt la nan min mésajé yo, épi li té li-l, li té monté nan tanp Granmèt la, épi li té louvri-l dévan Granmèt la. Épi li té priyé dévan-l, antan-l di : « Granmèt, Bondié Israèl, ou minm ki instalé anlè Chéribin yo, sé ou minm sèl ki Bondié tout roua sou tè-a, ou té fè sièl la ak tè-a. Panché zòrèy ou, kouté ; louvri jé-ou, Granmèt, gadé, kouté tout paròl Sénakérib yo, li minm ki té voyé jouré Bondié vivan nou-an. Réyèlman, Granmèt, roua Asiryin yo té gayé nasion yo ak péyi tout moun yo ; épi yo té jété dié yo nan difé ; sèké sé pa-t dié yo té yé, min sé travay min lézòm ki fèt ak boua avèk ròch ; épi yo té détoui yo.

Koulié-a, Granmèt Bondié nou, sovè nou sot nan min-l, pou tout péyi roua yo sou tè-a konnin sé ou minm sèl ki Granmèt Bondié ».

Izayi minm, pitit Amòs la, té voyé kot Ézékiás, antan-l di : « Min paròl Granmèt Bondié Israèl la : “Sa-ou mandé-m sou Sénakérib, roua Asiryin yo, mouin tandé-l”. Min paròl Granmèt la di sou li : “Li méprizé-ou, l-ap pasé-ou nan jouèt, vièj la, pitit fi Siyon-an ; l-ap souké tèt dèyè do-ou, pitit fi Jérusalèm nan. Nan Jérusalèm gin rès k-ap soti, y-ap sovè sot mòn Siyon-an. Jalouzi Granmèt lamé yo ap fè sa”.

Sé poussa, min sa Granmèt la di sou roua Asiryin yo : “Li pap antré nan vil sa-a, li pap voyé yon flèch ladan-l, pa gin yon zam défans k-ap antré ladan-l, pa gin travay lamé k-ap ansèklé-l. Nan rout li té vini-an, sé ladan-l l-ap rétownin, li pap antré nan vil la, sé sa Granmèt la di. M-ap protéjé vil sa-a, m-ap sovè-l poutèt mouin ak poutèt David, sèvitè-m nan” ».

Rivé, nan nuit sa-a minm, Anj Granmèt la té vini, épi li té frapé sankatrévinsink mil moun nan kan Asiryin yo. Lè dévan-jou té lévé, Sénakérib, roua Asiryin yo, té ouè tout kò mò yo épi antan li rékilé, li pati, li tounin, li rété nan Niniv.

Paròl Granmèt la.

PSÒM RÉPONS

Ps 47, 2-3 a. 3 b-4. 10-11 (R : cf. 9 d)

- R Bondié té instalé vil li-a pou tout tan.
- 2 Granmèt la gran, li mérité anpil louanj, nan vil Bondié nou-an.
- 3 Mòn li-a sin, ti mòn li-a bèl, kontantman tout tè-a. R
- Mòn Siyon-an, nan bout réjion nò-a, vil gran roua-a.
- 4 Bondié nan kay li yo, yo konnin-l byin, li vi-n tounin kachèt. R
- 10 N-ap kalkilé mizérikdòd ou-a, Bondié, nan mitan tanp ou-a.
- 11 Daprè non-ou, Bondié, konsa louanj ou jous nan bout tè-a ; jistis ou plin min douat ou. R

ALÉLOUYA

Jan 8, 12

℞ Alélouya. Mouin sé limiè tè-a, sé sa Granmèt la di ;
moun ki suiv mouin, l-ap gin limiè lavi-a. ℞ Alélouya.

ÉVANJIL

*Tou sa nou vlé pou moun yo fè nou,
sé pou nou fè yo tou.*

✠ Léktu sint Évanjil la dapré Matié

7, 6. 12-14

Lè sa-a : Jézu té di disip li yo :

« Pa bay chyin yo bagay ki sin yo, pa voyé piè nou yo dévan kochon yo, pou yo pa foulé yo anba piè yo, pou yo pa viré fonsé sou nou.

Tou sa nou vlé pou moun yo fè pou nou, sé pou nou fè-l pou yo tou ; sa-a sé laloua-a ak profèt yo.

Antré nan pòt ki séré-a, paské pòt la laj, rout la gran, sa-k kondui nan lanmò-a, épi sé anpil moun ki antré ladan-l. Sé pa ti kras séré pòt la séré, sé pa ti kras jinnin rout la jinnin, sa-k kondui nan lavi-a, min sé yon ti kras moun ki jouinn li ! »

Paròl Granmèt la.

Mèkrédi

Ané 1

PRÉMIÉ LÉKTU

*Abram té kouè nan Bondié, épi sa té konté pou li kòm jistis (Romin 4,3 b) ;
épi Granmèt la té pasé aliens avèk li.*

Léktu liv Jènèz la

15, 1-12. 17-18

Nan jou sa yo :

Paròl Granmèt la té rivé kot Abram nan yon vizion, antan-l di : « Pa pè, Abram : Mouin sé protéksion-ou, rékonpans ou ap gran anpil ».

Abram minm té di : « Granmèt Bondié, ki sa ou-ap ban mouin ? M-apralé san pitit, (sa k-ap rété) sé pitit jéran lakay mouin-an, Éliézèr moun Damas la ». Abram té ajouté : « Kanta mouin minm ou pa ban-m désandans ; min sé yon ésklav k-ap éritié-m ».

Minm lè-a paròl Granmèt la té rivé koté-l, antan-l di : « Sé pa sa-a k-ap éritié-ou la, min sé sa-a k-ap soti nan vant ou-a, sé li minm ou-ap ginyin kòm éritié ». Épi li té kondui-l déyò, épi li té di-l : « Gadé sièl la, konté zétoual yo, si-ou kapab ». Épi li té di-l : « Sé konsa désandans ou ap yé ». Abram té kouè nan Bondié, sa té konté pou li kòm jistis.

Li té di-l : « Sé mouin minm Granmèt la, ki té fè-ou soti Our Kaldéyin yo, pou-m ba ou tè sa-a, pou-ou posédé-l ».

Li minm minm li té di : « Granmèt Bondié, kòman m-ap fè konnin m-ap posédé-l ? »

Épi antan Granmèt la réponn, li té di : « Pran yon ti bèf touazan, yon kabrit touazan, yon bélié touazan, yon toutrèl ak yon pijon tou ». Antan-l pran tout bagay sa yo, li té séparé yo nan mitan, épi li té ranjé chak pòsion youn an fas lòt ; min zouazo yo, li pa-t séparé yo. Votou yo té désann sou kò yo, min Abram té chasé yo.

Lè solèy t-apral kouché, yon dòmi ki lou té tonbé sou Abram, yon gran sézisman ak fènoua té vlopé-l.

Lè solèy la té fi-n kouché, vi-n gin yon gro niaj noua, épi yon founèz k-ap fè lafimin té vi-n parèt, ak flanbo difé k-ap travèsè nan mitan bèt yo ki té séparé yo. Nan jou sa-a, Granmèt la té pasé yon aliens avèk Abram, antan-l di : « Sé ras ou m-ap bay tè sa-a, sot dépi riviè Éjip la rivé jous nan gran riviè Éfrat la ».

Paròl Granmèt la.

PSÒM RÉPONS

Ps 104, 1-2. 3-4. 6-7. 8-9 (R : 8 a)

R: Granmèt la té sonjé téstaman li pou tout tan.

oubyin : Alélouya.

- 1 Fè louanj Granmèt la, rélé non-l,
anonsé travay li nan pami nasion yo.
- 2 Chanté pou li, joué mizik pou li,
kalkilé sou tout mèvèy li yo. R:
- 3 Fè louanj nou nan non-l ki sin-an,
sé pou kè moun yo k-ap chèché Granmèt la kontan.
- 4 Chèché Granmèt la ak puisans li,
chèché fas li tout tan. R:

- 6 Ras Abram, sèvitè-l,
pitit Jakòb, sa-a li chouazi-a.
- 7 Sé li minm Granmèt Bondié nou-an ;
sou tout tè-a jijman-l yo. **R**
- 8 Li té sonjé téstaman-l nan pou tout tan,
paròl li té kòmandé bay mil jénérasyon yo,
- 9 sa-l té pasé avèk Abraam nan,
sèman li té fè bay Izaak la. **R**

Ané 2

PRÉMIÉ LÉKTU

Roua-a té li paròl liv aliens la pou pèp la, sa yo té jouinn nan kay Granmèt la épi li té pasé yon aliens dévan Granmèt la.

Léktu dézièm liv Roua yo

22, 8-13 ; 23, 1-3

Jou sa yo :

Prèt an chèf Èlsias té di skrib Safan : « Mouin jouinn Liv Laloua-a nan kay Granmèt la ». Épi Èlsias té rinnèt roulo-a bay Safan, ki té li-l. Skrib Safan minm té rivé kot roua Jozias épi li té fè-l rapò sou sa li té kòmandé-a épi li té di : « Sèvitè-ou yo té fonn lajan yo té jouinn nan kay Granmèt la, épi yo té bay yo pou chèf travay tanp Granmèt yo séparé yo bay travayè yo ». Safan, skrib la, té fè déklarasion bay roua-a tou, antan-l di : « Prèt Èlsias rinnèt mouin yon liv ». Lè Safan té li liv la dévan roua-a, épi roua-a té tandé paròl liv Laloua Granmèt la, li té chiré rad li yo.

Li té pasé prèt Èlsias lòd, ni Ayika, pitit Safan-an, ni Akobòr, pitit Miché-a, ni skrib Safan, ni Asayia, sèvitè roua-a, antan-l di : « Al konsilté Granmèt la pou mouin ak pou pèp la, ak pou tout Juda, sou paròl sa-a, nou jouinn nan. Sèké sé yon gran kòlè Granmèt la ki limin kont nou, paské papa nou yo pa-t kouté paròl liv sa-a, pou yo té fè tou sa ki ékri pou nou-an ».

Épi yo té anonsé roua-a sa-l té di. Li minm, li té voyé rasanblé tout ansyin Juda avèk Jérusalèm vi-n koté-l. Roua-a té monté nan tanp Granmèt la, ni tout moun Juda, ni tout moun ki té abité Jérusalèm avèk li, ni prèt, ni profèt, ni tout pèp la, dépi piti jous gran. Li té li tout paròl liv aliens la pou tout moun ki t-ap kouté yo, liv sa-a yo té jouinn nan kay Granmèt la. Roua-a té kanpé sou éstrad la, épi li té pasé aliens dévan

Granmèt la, pou yo maché dèyè Granmèt la, pou yo obsèvé kòmandman-l yo, ak témouagnaj li yo avèk désizion-l yo, ak tout kè, ak tout nanm, épi pou yo réalizé paròl aliens sa-a, ki té ékri nan liv sa-a. Pèp la té dakò avèk kontra-a.

Paròl Granmèt la.

PSÒM RÉPONS

Ps 118, 33. 34. 35. 36. 37. 40 (R: 33 a)

- R: Pozé chémin désizion-ou yo pou mouin, Granmèt.
- 33 Pozé laloua-a pou mouin, Granmèt, chémin désizion-ou yo, m-a obsèvé yo tout tan. R:
- 34 Ban-m intélijans, m-ap obsèvé laloua-ou la, m-a kinbé-l ak tout kè-m. R:
- 35 Kondui-m nan tras rout kòmandman-ou yo, paské mouin rinmin-l. R:
- 36 Panché kè-m nan témouagnaj ou yo, pa nan rinmin lajan. R:
- 37 Viré jé-m pou yo pa ouè sa-k pa vo anyin, nan chémin-ou yo ban-m lavi. R:
- 40 Mouin anvi kòmandman-ou yo ; nan jistis ou-a, fè-m viv. R:

ALÉLOUYA

Jan 15, 4 a. 5 b

- R: Alélouya. Rété nan mouin, épi mouin minm nan nou, sé sa Granmèt la di :
moun ki rété nan mouin, li donnin anpil foui. R: Alélouya.

ÉVANJIL

Sé nan foui yo n-ap rékonèt yo.

✠ Léktu sint Évanjil la dapré Matié

7, 15-20

Lè sa-a : Jézu di disip li yo :

« Fè atansyon fo-profèt yo, k-ap vi-n koté nou ak rad mouton yo, min sou pa anndan, sé lou voras ; sé nan foui yo n-ap rékonèt yo. Èské yo konn kéyi rézin sou pikan, oubyin fig frans sou chadron ? Konsa tout pié

boua ki bon li donnin foui ki bon, min mové pié boua sé mové foui li donnin. Yon bon pié boua pa kapab donnin mové foui, ni yon mové pié boua pa kapab donnin bon foui.

Tout pié boua, ki pa donnin bon foui, y-ap koupé-l, y-ap jété-l nan difé. Konsa sé nan foui yo n-ap rékonèt yo ».

Paròl Granmèt la.

Jédi

Ané 1

PRÉMIÉ LÉKTU

Agar té anfanté yon ti gason, pou Abraam, ki té rélé non-l Ismaèl.

Léktu liv Jénèz la

16, 1-12. 15-16

Jou sa yo :

Saray, madanm Abram nan, pa-t fè pitit ; min li té gin yon ésklav Éjipsyèn, yo té rélé Agar, li té di mari-l : « Min Granmèt la fèmin-m, pou-m pa fè pitit ; al jouinn ésklav mouin-an, pétèt omouin m-ap gin pitit gras a li ». Kòm Abram té aksépté sa-l mandé-a, li té pran Agar, Éjipsyèn nan, ésklav li-a, sèvant li-a, apré dizan dépi yo té kòmansé abité nan péyi Kanaan-an, épi li té bay mari-l li kòm madanm. Li té antré koté-l. Min li minm, antan-l té ansint, li té méprizé métrès li-a.

Saray té di Abram : « Ou aji avèk méchansté kont mouin ; mouin té rinmèt ésklav mouin-an sou léstomak ou, li minm antan-l ouè li ansint, li méprizé-m. Granmèt la ap jijé ant mouin minm ak ou minm ». Abram réponn li : « Min ésklav ou-a nan min-ou ; fè jan-ou vlé avèk li ».

Konsa antan Saray maltrété-l ; li té sové.

Kòm Anj Granmèt la té rankontré-l bò sous dlo nan savann nan, ki sou rout Sour la nan dézè-a, li té di-l : « Agar, ésklav Saray, koté-ou soti épi koté ou-apralé ? » Li té réponn : « Mouin sové sot dévan fas Saray, métrès mouin-an ».

Anj Granmèt la té di-l : « Tounin kot métrès ou-a, épi rabésé tèt ou anba min-l ». Épi ankò : « M-ap fè ras ou vi-n anpil anpil, yo pap kapab konté-l tèlman l-ap anpil ». Épi li kontinié : « Min, ou ansint, ou-ap anfanté yon ti gason, épi ou-ap rélé non-l Ismaèl, paské Granmèt la té

kouté tray ou. Li minm l-ap yon gason ki gin fòs : min-l kont tout moun, épi min tout moun kont li ; épi an fas réjion tout frè-l yo l-ap abité ».

Agar té anfanté yon ti gason pou Abram, ki té rélé non-l Ismaèl. Sé katrévan-sizan Abram té ginyin lè Agar té anfanté Ismaèl pou li-a.

Paròl Granmèt la.

oubyin pi kout

Léktu liv Jénèz la

16, 6 b-12. 15-16

Jou sa yo :

Antan Saray maltrété Agar ; li sové. Kòm Anj Granmèt la té rankontré-l bò sous dlo nan savann nan, ki té sou rout Sour la nan dézè-a, li té di-l : « Agar, ésklav Saray, koté-ou soti épi koté ou-apralé ? » Li té réponn : « Mouin sové sot dévan fas Saray, métrès mouin-an ».

Anj Granmèt la té di-l : « Tounin kot métrès ou-a, épi rabésé tèt ou anba min-l ». Épi ankò : « M-ap fè ras ou vi-n anpil anpil, yo pap kapab konté-l tèlman l-ap anpil ».

Épi li kontinié : « Min, ou ansint, ou-ap anfanté yon ti gason, épi ou-ap rélé non-l Ismaèl, paské Granmèt la té kouté tray ou. Li minm l-ap yon gason ki gin fòs : min-l kont tout moun, épi min tout moun kont li ; an fas réjion tout frè-l yo l-ap abité ».

Agar té anfanté yon ti gason pou Abram, ki té rélé non-l Ismaèl. Sé katrévan-sizan Abram té ginyin lè Agar té anfanté Ismaèl pou li-a.

Paròl Granmèt la.

PSÒM RÉPONS

Ps 105, 1-2. 3-4 a. 4 b-5 (R : 1 a)

R: Fè louanj Granmèt la, poutèt li bon.

oubyin : Alélouya.

¹ Fè louanj Granmèt la, poutèt li bon, poutèt pou tout tan mizérikòd li-a.

- 2 Kilès k-ap rakonté puisans Granmèt la,
k-ap fè tandé tout louanj li yo ? **R:**
- 3 Ala kontantman pou moun yo ki obsèvé jijman-l nan,
ki fè jistis nan tout tan.
- 4 Sonjé nou, Granmèt, nan bon kè ou ginyin pou pèp ou-a. **R:**
Vizité nou nan sovè ou sovè nou-an,
- 5 pou nou kapab ouè byin moun yo ou chouazi yo,
pou nou kontan nan kontantman nasion-ou nan,
pou nou jouinn louanj nou avèk éritaj ou-a. **R:**

Ané 2

PRÉMIÉ LÉKTU

*Roua Babilòn nan té kondui Joaki-n avèk tout moun ki gin fòs yo
kòm prizonié Babilòn.*

Léktu dézièm liv Roua yo

24, 8-17

Joaki-n té gin dizuit-an lè-l té kòmansé régné, li té régné Jérusalèm pandan toua moua. Non manman-l, sé té Noésta, pitit fi Èlnatan moun Jérusalèm. Li té fè mal dévan Granmèt la, dapré tou sa papa-l té konn fè.

Nan tan sa-a, sèvitè Nabukodono zò yo, roua Babilòn nan, té monté Jérusalèm, épi yo té ansèklé vil la avèk ranblè. Nabukodono zò, roua Babilòn nan, té rivé kot vil la avèk sèvitè-l yo, pou-l batay kont li. Joaki-n, roua Juda-a, té soti al jouinn roua Babilòn nan, li minm ak manman-l, ak sèvitè-l yo, ak chèf li yo, ak intandan li yo ; épi roua Babilòn nan té pran-l nan uitièm ané ringn li-a.

Li té pran tout trézò kay Granmèt la, ak trézò kay roua-a sot la, li té krazé tout véso lò Salomon roua Israèl la té fè nan tanp Granmèt la, dapré paròl Granmèt la. Li té égzilé tout Jérusalèm, ak tout chèf yo, ak tout sòlda lamé yo, di-mil, kòm prizonié ; ni tout moun ki gin métié ak fòjron, li pa kité anyin, sof péyizan, sof moun k-ap travay tè. Li té dépôté Joaki-n tou Babilòn ; ni manman roua-a, ni madanm roua yo, ni intandan li yo, ni jij péyi-a, li kondui yo kòm prizonié sot Jérusalèm al Babilòn. Tout moun ki gin fòs, sèt mil, ni moun ki gin métié, ni fòjron yo, mil, tout moun ki gin kouraj, ak sòlda yo, roua Babilòn nan té kondui yo Babilòn kòm prizonié.

Épi li té instalé Matanias, tonton-l, nan plas li ; épi li té ba-l non Sédésias.

Paròl Granmèt la.

PSÒM RÉPONS

Ps 78, 1-2. 3-5. 8. 9 (R: 9 b)

R: Poutèt gloua non-ou, Granmèt, délivré nou.

- 1 Bondié, nasion yo té rivé nan éritaj ou-a,
yo té sal tanp ou-a ki sin-an,
yo té fè Jérusalèm vi-n tounin débri.
- 2 Yo té rinmèt kadav sèvitè-ou yo kòm manjé bay zouazo sièl yo,
chè sin-ou yo bay bèt yo sou tè-a. **R:**
- 3 Yo té vidé san yo tankou dlo
toutotou Jérusalèm, épi pa-t gin pèsònn ki pou antéré.
- 4 Nou té vi-n tounin fatra pou vouazin nou yo,
mank déga ak jouèt pou sa yo ki antouré nou yo.
- 5 Jouskilè, Granmèt ? Ou-ap faché jouskalafin ?
Ou-ap limin jalouzi-ou tankou difé ? **R:**
- 8 Pa sonjé fot papa nou yo,
sé pou mizérikòd ou yo pran dévan nou byin vit,
paské nou vi-n pòv anpil. **R:**
- 9 Poté nou sékou, Bondié sovè nou,
poutèt gloua non-ou, épi délivré nou ;
padonnin péché nou yo poutèt non-ou. **R:**

ALÉLOUYA

Jan 14, 23

R: Alélouya. Si yon moun rinmin-m, l-ap kinbé paròl mouin-an,
sé sa Granmèt la di ;
épi Papa-m ap rinmin-l, n-ap vi-n lakay li. **R:** Alélouya.

ÉVANJIL

Kay ki bati sou ròch avèk kay ki bati sou sab.

✠ Léktu sint Évanjil la dapré Matié

7, 21-29

Lè sa-a : Jézu té di disip li yo :

« Sé pa tout moun k-ap di-m : “Granmèt, Granmèt”, k-ap antré nan péyi-roua sièl yo, min sé moun ki fè volonté Papa-m ki nan sièl la, sé li minm k-ap antré nan péyi-roua sièl la. Anpil moun ap di-m jou sa-a : “Granmèt, Granmèt, èské sé pa onon-ou nou té profétizé, èské sé pa o non-ou nou té fè anpil mèvèy ?” Lè sa-a, m-ap déklaré yo : “Mouin pa janm konnin nou : ralé kò nou sot sou mouin, nou minm k-ap fè péché”.

Tout moun donk ki tandé paròl mouin sa yo, épi ki réalizé yo, li sanblé avèk yon moun saj ki té bati kay li sou ròch ; lapli té tonbé, riviè té désann, van té souflé, yo té fonsé sou kay sa-a, li pa-t tonbé : fondasion-l réyéلمان té sou ròch.

Épi tout moun ki tandé paròl mouin sa yo, min ki pa réalizé yo, li sanblé ak yon moun sot, ki té bati kay li sou sab ; lapli té tonbé, riviè té désann, van té souflé, yo té fonsé sou kay sa-a, li té tonbé, dézas li-a té gran ».

Rivé, lè Jézu té fi-n di tout paròl sa yo, foul yo té sézi poutèt ansègnman-l nan : sèké li t-ap anségné yo tankou moun ki gin puisans, min pa tankou skrib yo ak farizyin yo.

Paròl Granmèt la.

Vandrédi

Ané 1

PRÉMIÉ LÉKTU

*Tout gason ap fè sikonsizion kòm sign aliens la.
Sara ap anfanté yon ti gason ba ou.*

Léktu liv Jénèz la

17, 1. 9-10. 15-22

Apré Abram té kòmansé gin katrévin-dis-nèv-an, Granmèt la té parèt dévan-l, épi li té di-l : « Sé mouin minm Bondié ki gin tout pouvoua-a. Maché dévan-m, épi sé pou-ou kòrèk nèt ».

Bondié té di Abraam ankò : « Ou minm, sé pou-ou kinbé kontra-m nan, ni désandans ou apré-ou nan jénérasion yo. Min kontra-m nan, sa n-ap obsèvé ant mouin minm ak nou minm nan, ak désandans ou apré-ou la : tout gason nan pami nou doué fè sikonsizion ».

Bondié té di Abraam tou : « Saray, madanm ou-an, ou pap rélé-l Saray, min Sara. M-ap béni-l, m-ap ba-ou yon pitit sot nan li, m-ap béni pitit sa-a. L-ap vi-n tounin anpil nasion, épi roua pèp yo ap lévé sot nan li ».

Abraam té tonbé sou fas li, épi li té ri, antan-l di nan kè-l : « Èské-ou kouè yon moun ki gin santan kapab fè pitit ? épi Sara ki gin katrévin-dizan-an, l-ap fè pitit ? » Épi li té di Bondié : « Sé pou Ismaèl viv dévan-ou ! »

Bondié té di Abraam : « Sara, madanm ou, ap anfanté yon ti gason pou ou, épi ou-ap rélé non-l Izaak ; m-ap pasé kontra-m avèk li nan aliens tout tan, ni avèk ras li apré-l. Sou Ismaèl tou mouin tandé-ou : min m-ap béni-l, m-ap fè-l vi-n anpil, m-ap fè-l vi-n anpil anpil ; l-ap fè douz chèf, m-ap fè-l vi-n tounin yon gran nasion. Kontra-m nan minm, m-ap pasé-l pou Izaak, li minm Sara ap anfanté ba ou-a, minm épòk sa-a nan lòt ané-a ».

Lè-l té fi-n palé avèk li-a minm, Bondié té monté sot kot Abraam nan.
Paròl Granmèt la.

PSÒM RÉPONS

Ps 127, 1-2. 3. 4-5 (R : 4)

R: Min kijan moun nan béni, sa-k krinn Granmèt la.

¹ Ala kontantman pou tout moun ki krinn Granmèt la,
k-ap maché nan rout li yo.

² Sé foui travay min-ou ou-ap manjé,
ala kontantman pou ou, ou-ap jouinn avantaj. R:

³ Madanm ou ap tankou yon jadin rézin ki byin donnin
sou bò kay ou-a ;
pitit ou yo ap tankou jèn plant pié oliv
alantou tab ou-a. R:

⁴ Min sé konsa moun nan béni,
sa-k krinn Granmèt la.

⁵ Sé pou Granmèt la béni-ou sot Siyon,
sé pou-ou ouè byin Jérusalèm touléjou lavi-ou. R:

Ané 2**PRÉMIÉ LÉKTU***Yo té dépòté Juda sot nan péyi-l la (25, 21).***Léktu dézièm liv Roua yo****25, 1-12**

Rivé sou névièm ané ringn Sédésias, sou dizièm moua-a, dizièm jou moua-a, Nabukodonzò, roua Babilòn nan, té rivé, li minm ak tout lamé-l, Jérusalèm ; épi yo ansèklé-l, épi yo té fouyé gran falèz toutalantou-l. Yo té fèmin vil la, yo té antouré-l jous nan onzièm ané roua Sédésias la, névièm jou moua-a ; grangou té déklaré nan vil la, pa-t gin pin minm pou moun k-ap travay tè-a.

Yo té fè yon trou nan miray la, tout sòlda yo té sové nannuit nan diréksion pòtay ki ant dé miray yo bò jadin roua-a. Kaldéyin yo minm té kontinué ap ansèklé vil la. Sédésias té sové nan rout la, ki kondui nan réjion savann nan.

Lamé roua Kaldéyin yo té rapousuiv roua-a, yo té arété-l nan plinn Jériko-a ; tout sòlda yo ki té avèk li yo, yo té gayé, yo té kité-l. Lè yo arété roua-a, yo té kondui-l bay roua Babilòn nan, Réblat, li té fè-l pasé nan tribinal. Pitit Sédésias yo, li té touyé yo dévan-l, épi li té pèsé jé-l ; li té maré-l nan chinn, li té kondui-l Babilòn.

Sou sinkièm moua-a, sétièm jou moua-a (sé diznévièm ané roua Babilòn nan), Nabouzardan, chèf lamé-a, sèvitè roua Babilòn nan, té rivé Jérusalèm ; li té mét difé nan kay Granmèt la, ak nan kay roua-a, ni kay yo Jérusalèm, tout kay li té boulé yo ak difé. Miray Jérusalèm yo toutalantou, tout lamé Kaldéyin yo té détoui yo, lamé-a ki té avèk chèf sòlda yo-a. Rès pèp la, ki té rété nan vil la, avèk moun yo ki té sové kò yo-a, ki té al jouinn roua Babilòn nan, ak rès pèp la, Nabouzardan, chèf lamé-a, té dépòté yo ; nan pòv yo sou tè-a, li té kité moun k-ap travay jadin rézin yo avèk sa k-ap travay tè yo.

Paròl Granmèt la.

PSÒM RÉPONS**Ps 136, 1-2. 3. 4-5. 6 (R : 6 a)**

R Sé pou lang mouin t-a kolé nan palèt mouin
si m-pa t-a sonjé-ou.

¹ Sou bò riviè Babilòn yo,
nou té chita la épi nou t-ap kriyé,

- lè nou t-ap sonjé Siyon.
- 2 Nan pié sòl yo nan mitan-l
nou té pandié gita nou yo. **R:**
- 3 Paské sé la yo té mandé nou,
sa yo ki té kondui nou kòm prizonié yo,
paròl kantik,
sa yo ki t-ap maltrété nou yo, kè kontan :
« Chanté pou nou nan kantik Siyon yo ». **R:**
- 4 Kijan pou nou t-a chanté kantik Granmèt la
sou yon tè étranjé ?
- 5 Si-m t-a bliyé-ou, Jérusalèm,
sé pou min douat mouin t-a bliyé-m. **R:**
- 6 Sé pou lang mouin t-a kolé nan palèt mouin,
si-m pa t-a sonjé-ou,
si-m pa t-a mété Jérusalèm an premié
nan tèt kè kontan-m. **R:**

ALÉLOUYA**Mt 8, 17**

R: Alélouya. Li minm minm li té pran féblès nou yo,
li té poté maladi nou yo. **R:** Alélouya.

ÉVANJIL*Si-ou vlé, ou kapab géri-m.***✠ Léktu sint Évanjil la dapré Matié****8, 1-4**

Lè sa-a :

Pandan Jézu t-ap désann sot sou mòn nan, anpil foul t-ap suiv li. Min yon moun maladi lalèp antan-l rivé, té adoré-l, antan l-ap di : « Granmèt, si-ou vlé, ou kapab géri-m ». Épi Jézu antan-l lonjé min-l, li té touché-l, antan-l di : « Mouin vlé, sé pou-ou géri ». Minm lè-a lalèp li-a té géri.

Jézu minm té di-l : « Gadé, pa di pèsònn sa ; min alé, montré-ou dévan prèt la, ofri kado-a Moyiz té kòmandé-a kòm témouagnaj pou yo ».

Paròl Granmèt la.

Samdi

Ané 1

PRÉMIÉ LÉKTU

*Èské gin bagay ki difisil pou Bondié ?
M-ap tounin koté-ou, Sara ap gin yon ti gason.*

Léktu liv Jénèz la

18, 1-15

Jou sa yo :

Granmèt la té parèt dévan Abraam nan tè fon Manbré-a, Abraam té chita nan papòt tant li-a vè midi. Pandan li lévé jé-l, toua mésié té parèt dévan-l, antan yo kanpé bò koté-l ; kon-l ouè yo, li té kouri al rankontré yo sot nan papòt tant li-a, li té adoré jous atè.

Épi li té di : « Granmèt, si-m jouinn gras nan jé-ou, pa pasé louin sèvitè-ou la ; min m-ap poté yon ti dlo, n-a lavé pié nou, n-a répozé anba pié boua-a. M-ap mété yon ti bouché pin, n-a soutni kè nou ; apré sa n-a kontinué rout nou ; sé poua réyèlman nou fè ti détou-a kot sèvitè nou-an ». Yo di : « Fè jan-ou di-a ».

Abraam té fè vit, l-al nan tant la kot Sara, li té di-l : « Fè vit, brasé toua mézi fari-n, fè pin ki kuit anba sann ». Li minm minm li té kouri nan pak la, épi li té pran yon ti bèf tou jèn, ki bon, li té bay ti gason-an ; ti gason-an té fè vit, li té kuit li. Li té pran bè tou, ak lèt, épi ti bèf la yo té kuit la, li té mété dévan yo ; li minm minm li té kanpé bò koté yo anba pié boua-a.

Pandan yo t-ap manjé, yo té di-l : « Kot Sara, madanm ou-a ? »

Li minm li té réponn : « Min li nan tant la ».

Li té di-l : « Antan-m tounin koté-ou nan tan sa-a, nan déroulman lavi-a, Sara, madanm ou, ap gin yon pitit gason ».

Antan-l tandé sa, Sara té ri dèyè pòt tant la. Toulédé té vié granmoun, avèk anpil laj, épi Sara pa-t gin sa-k nésèsè pou yon fi anfanté. Li té ri an kachèt, antan l-ap di : « Lè-m fi-n vié-a, épi mèt mouin fi-n vié, pou-m t-a bay aksion plézi ? »

Min Granmèt la té di Abraam : « Poukisa Sara ri-a, antan l-ap di : “Èské réyèlman vré mouin kapab fè yon pitit, antan-m vié-a ?” Èské gin kichòy ki difisil pou Bondié ? Jan-m di-a, m-ap tounin koté-ou nan minm épòk sa-a, madanm ou Sara ap gin yon pitit ».

Sara té démanti, antan-l di : « Mouin pa-t ri », antan-l troublé ak krint. Granmèt la minm té di : « Sé pa vré, sé konsa, ou té ri byin pròp ».

Paròl Granmèt la.

PSÒM RÉPONS

Lk 1, 46-47. 48-49. 50 é 53. 54-55 (R: 54 b)

R: Granmèt la té sonjé mizérikòd li-a.

46 Nanm mouin ap fè konpliman pou Granmèt la,

47 léspri-m ap fété nan Bondié sovè-m. R:

48 Paské li té konsidéré rabésman sèvant li-a ;

Réyèlman dépi koulié-a tout jénérasyon ap di
ala kontantman pou mouin.

49 Paské li té fè gran mèvèy pou mouin, sa-a ki gin pouvoua-a,
non-l sin. R:

50 Mizérikòd li sot nan jénérasyon al nan jénérasyon
pou moun ki krinn li yo.

53 Li té plin moun ki grangou yo ak byin, li té voyé rich yo alé grangou. R:

54 Li té poté Israèl, sèvitè-l, sékou, li té sonjé mizérikòd li,

55 jan-l té palé ak papa nou yo,
Abraam ak désandans li pou tout tan. R:

Ané 2

PRÉMIÉ LÉKTU

Yo té rélé kot Granmèt la sou miray pitit fi Siyon-an.

Léktu liv Lamantasion yo

2, 2. 10-14. 18-19

Granmèt la té chaviré, ni li pa-t ménajé okinn bèlté Jakòb yo ; nan kòlè-l li té détoui kay défans vièj Juda-a, épi li té jété yo atè ; li té avili ringn li ak chèf li yo.

Yo té chita atè-a, yo té pé bouch yo, granmoun pitit fi Siyon yo, yo té vidé sann sou tèt yo, yo té abiyé avèk rad sak : yo té drivé tèt yo atè-a, vièj Jérusalèm yo.

Jé-m té fébli ak dlo kriyé, zantray mouin té boulvèsé ; foua-m té vidé atè-a sou malè pitit fi pèp mouin-an, pandan ti bébé ak sa-k nan tété t-ap mouri sou laplas vil la.

Yo t-ap di manman yo : « Koté blé-a ak divin-an ? » pandan yo t-ap mouri tankou moun yo ki blésé sou plas vil la, pandan yo t-ap rann nanm yo sou kè manman yo.

Ak kilès m-ap konparé-ou, oubyin ak kilès m-ap fè-ou sanblé, pitit fi Jérusalèm ? Ak kilès m-ap égalizé-ou, épi m-ap konsolé-ou, vièj pitit fi Siyon ? Malè-ou la gran réyéلمان tankou lanmè ; kilès k-ap géri-ou ?

Profèt ou yo té ouè manti pou ou ak bagay ki pa gin sans ; ni yo pa-t dékouvri-ou fot ou-a, pou yo té provoké-ou fè pénitans ; yo té ouè okontrè déklarasion k-ap tronpé-ou, épi k-ap viré tèt ou.

Kè yo té rélé kot Granmèt la sou miray pitit fi Siyon-an ; kité dlo ki sot nan jé-ou koulé tankou riviè lajounin kon lannuit ; pa pran répo, pa kité pòpié jé-ou pé bouch yo.

Lévé, fè louanj nan nuit nan kòmansman vèy yo ; vidé kè-ou tankou dlo dévan fas Granmèt la ; lévé min-ou koté-l pou nanm ti pitit ou yo, yo minm ki mouri ak grangou nan mitan tout kalfou yo.

Paròl Granmèt la.

PSÒM RÉPONS

Ps 73, 1-2. 3-5 a. 5 b-7. 20-21 (R : 19 b)

R : Lavi pòv ou yo, pa bliyé-l jouskalafin.

- 1 Poukisa, Bondié, ou té réjité jouskalafin,
ou té faché ak gro kòlè sou mouton pak ou yo ?
- 2 Sonjé asanblé-ou la,
sa-ou té posédé dépi nan kòmansman-an.
Ou té rachté ti plant éritaj ou-a,
mòn Siyon koté ou abité-a. R
- 3 Lévé pié-ou vi-n nan débri tout tan yo :
ènmi-an té démoli tout bagay nan tanp la.
- 4 Yo té pousé gro rèl, sa yo ki té rayi-ou yo,
nan mitan asanblé-ou la.
Yo té plasé sign pa yo kòm sign. R
- 5 Yo té parèt tankou moun k-ap voyé kout rach sou tèt mòn,
nan rak boua.
- 6 Yo té fann pòt li yo yon ti moman ;
ak rach, ak mas, yo té jété-l.

- 7 Yo té boulé tanp ou-a ak difé,
yo té sal tant non-ou nan atè. **R:**
- 20 Voyé jé sou téstaman-an,
paské kachèt péyi-a plin ak tant violans.
- 21 Pa kité sa-k rabésé-a tounin ak laront ;
pòv la ak maléré-a ap fè louanj pou non-ou. **R:**

ALÉLOUYA**Mt 8, 17**

R: Alélouya. Li minm minm li té pran féblès nou yo,
li té poté maladi nou yo. **R:** Alélouya.

ÉVANJIL

*Anpil moun ap vi-n sot olévan avèk okouchan,
épi y-ap lonjé kò yo pou yo manjé avèk Abraam, Izaak épi Jakòb.*

✠ Léktu sint Évanjil la dapré Matié**8, 5-17**

Lè sa-a :

Pandan Jézu t-ap antré Kafarnaòm, yon santurion té proché koté-l, antan l-ap priyé-l, épi li t-ap di : « Granmèt, ti gason-m nan kouché nan lakay la, li pa kapab fè mouvman, l-ap soufri anpil ». Jézu té di-l : « M-apralé, épi m-ap géri-l ».

Antan santurion-an réponn, li té di : « Granmèt, mouin pa mérité pou-ou antré anba fétay kay mouin, min sèlman di yon paròl, épi ti gason-m nan ap géri. Sèké mouin minm yon moun ki anba pouvoua, antan-m gin sòlda anba lòd mouin, mouin di sa-a : “Alé”, épi l-alé ; épi yon lòt : “Vini”, épi li vini ; épi sèvitè-m nan : “Fè sa”, épi li fè-l ».

Antan Jézu tandé sa, li té étoné, épi li té di moun yo ki t-ap suiv li yo : « Amèn mouin di nou, mouin pa-t jouinn yon lafoua gran konsa nan Israèl. Mouin di nou anpil moun ap vi-n sot olévan ak okouchan épi y-ap lonjé kò yo pou yo manjé avèk Abraam ak Izaak épi Jakòb nan péyi-roua sièl yo ; pitit péyi-roua-a minm, y-ap jété yo nan fènoua déyò yo : koté sa-a ap gin dlo nan jé ak manjé dan ». Épi Jézu té di santurion-an : « Alé, jan-ou kouè-a, sé pou sa fèt konsa ». Pitit la té géri minm lè sa-a.

Lè Jézu antré nan kay Piè-a, li té ouè bèlmè-l kouché épi anba lafièv. Li té touché min-l, épi lafièv la té kité-l ; li té lévé, épi li t-ap sèvi yo.

Antan asouè rivé, yo té prezanté anpil moun ki té gin démon ba li, li té chasé éspri yo avèk yon mo, épi tout moun ki té malad, li té géri yo ; pou sa profèt Izayi té di-a té akonpli, antan-l té di : « Li minm minm li té pran féblès nou yo, li té poté maladi nou yo ».

Paròl Granmèt la.

TRÈZIÈM SÉMÈN ÒDINÈ

Dimanch, ané A

PRÉMIÉ LÉKTU

Sé yon moun Bondié, yon sin, mésié sa-a yé ; sé pou-l rété isit la.

Léktu dézièm liv Roua yo

4, 8-11. 14-16 a

Rivé yon jou konsa, Élizé t-ap pasé Sunam. Koté sa-a, té gin yon madanm ki té rich, li fè-l rété pou-l manjé pin. Chak fousa li té konn ap pasé la, li té konn fè yon ti détou koté-l pou-l manjé pin. Li té di mari-l : « Mouin sètin sé yon moun Bondié, yon sin, mésié sa-a yé, li minm k-ap pasé souvan bò koté nou-an. An nou fè yon ti chanm pou li, n-ap mét yon kabann pou li ladan-l, ak yon tab, ak yon chèz, ak yon lanp ; pou, lè-l vin lakay nou, li kapab rété isit la ».

Rivé konsa yon sètin jou, antan-l vini, li té fè yon ti détou nan chanb nan, épi li té répozé la. Épi li té di : « Ki sa-l vlé donk pou-m fè pou li ? » Giézi té di : « Pa chèché, li pa gin pitit, épi mari-l fi-n vié ». Li té pasé lòd pou yo rélé-l ; lè yo té rélé-l, épi li té kanpé dévan pòt la, li té di-l : « Nan tan sa-a, nan minm lè sa-a, si lavi-a ap sèvi konpagnon, ou-ap gin yon pitit nan vant ».

Paròl Granmèt la.

PSÒM RÉPONS

Ps 88, 2-3. 16-17. 18-19 (R: 2 a)

- R:** Mizérikòd Granmèt la pou tout tan m-ap chanté yo.
- 2** Mizérikòd Granmèt la, pou tout tan m-ap chanté yo,
nan jénérasyon ak jénérasyon
m-ap anonsé vérité-ou la nan bouch mouin.
- 3** Sèké mouin té di : « Pou tout tan mizérikòd la ap bati »,
nan sièl yo ou-ap asiré vérité-ou la. **R:**
- 16** Ala kontantman chans pou pèp la ki konn fété-a ;
Granmèt, nan limiè fas ou y-ap maché,
- 17** o non-ou y-ap fété tout lajounin,
épi nan jistis ou-a y-ap lévé tèt yo. **R:**
- 18** Sèké bèlté puisans yo, sé ou minm,
épi nan bon plézi-ou kòn nou lévé,

¹⁹ Paské sé pou Granmèt la, boukliyé nou-an yé
épi pou sin Israèl la, roua nou-an. **R:**

DÉZIÈM LÉKTU

*Nou antéré ansanm avèk li nan batèm nan,
pou nou maché nan nouvo lavi-a.*

Léktu lèt apot sin Pòl pou Romin yo

6, 3-4. 8-11

Frè-m yo :

Nou tout ki batizé nan Kris la, sé nan lanmò-l nou batizé. Nou antéré réyèlman ansanm avèk li nan lanmò-a gras a batèm nan, pou minm jan Kris la té résisité sot nan pami mò yo gras a gloua Papa-a, konsa tou nou minm n-ap maché nan nouvo lavi-a.

Si nou mouri ansanm avèk Kris la, nou kouè n-ap viv ansanm avèk Kris la tou ; antan nou konnin Kris la ki résisité sot nan pami mò yo pap mouri ankò, lanmò-a pap gin pouvoua sou li ankò. Sa-k mouri parapò a péché-a, réyèlman, li mouri yon foua pou tout ; sa k-ap viv la minm, sé pou Bondié l-ap viv. Sé konsa nou minm sé pou nou konsidéré nou mouri parapò a péché-a, antan n-ap viv pou Bondié nan Kris Jézu Granmèt nou-an.

Paròl Granmèt la.

ALÉLOUYA

1 P 2, 9

R: Alélouya. Nou sé yon ras chouazi, yon péyi-roua prêt, yon nasion sin ;
sé pou nou anonsé pouvoua sa-a ki té rélé nou sot nan fènoua yo
nan limiè-l la ki éstraòdinè-a. Alélouya.

ÉVANJIL

*Moun ki pa pran koua-a, li pa mérité pou-l disip mouin.
Moun ki résévoua nou, sé mouin minm li résévoua.*

✠ Léktu sint Évanjil la dapré Matié

10, 37-42

Lè sa-a : Jézu té di Apot li yo :

« Moun ki rinmin papa-l oubyin manman-l plis pasé-m, li pa mérité pou-l disip mouin ; moun ki rinmin pitit gason-l oubyin pitit fi-l plis

pasé-m, li pa mérité pou-l disip mouin. Moun ki pa pran koua-l, ki pa suiv mouin, li pa mérité pou-l disip mouin. Moun ki jouinn lavi-l, l-ap pèdi-l ; moun ki pèdi lavi-l poutèt mouin, l-ap jouinn li.

Moun ki résévoua nou, sé mouin minm li résévoua ; moun ki résévoua-m, li résévoua sa-a ki voyé-m nan.

Moun ki résévoua yon profèt kòm profèt, l-ap résévoua rékonpans profèt ; moun ki résévoua yon moun kòrèk kòm moun kòrèk, l-ap résévoua rékonpans moun kòrèk ;

Ninpòt moun ki bay youn nan pi piti sa yo yon vè dlo fré sèlman kòm disip, amèn mouin di nou, li pap pèdi rékonpans li ».

Paròl Granmèt la.

Dimanch, ané B

PRÉMIÉ LÉKTU

Sé poutèt lanvi djab la lanmò-a té antré sou fas tè-a.

Léktu liv Sajès la

1, 13-15 ; 2, 23-24.

Bondié pa-t fè lanmò, ni li pa kontan poutèt vivan yo k-ap pèdi-a ; sèké li té kréyé tout bagay, pou yo égzisté, li té fè nasion yo an santé sou fas tè-yo ; pa gin pouazon lanmò nan yo, ni ringn lanfè sou tè-a ; sèké jistis la diré tout tan, li pap kapab mouri.

Sèké Bondié té kréyé moun-nan pou-l pa-t mouri, épi sé sou pòtré résanblans li li té fè-l. Sé lanvi djab la ki lakòz lanmò-a té vi-n antré sou fas tè-a ; sa yo ki disip li yo, y-ap pran modèl sou li.

Paròl Granmèt la.

PSÒM RÉPONS

Ps 29, 2 é 4. 5-6. 11 é 12 a é 13 b (R: 2 a)

- R: M-ap fè louanj ou, Granmèt, paské ou té délivré-m.
- ² M-ap fè louanj ou, Granmèt, paské ou té délivré-m, ni ou pa-t bay ènmi-m yo kè kontan sou mouin.
- ⁴ Granmèt, ou té ouété lavi-m sot anba tè-a, ou té fè-m viv, pou-m pa désann nan fòs la. R:

- 5 Chanté pou Granmèt la, sin-l yo,
fè louanj pou souvni-l ki sin.
- 6 Sèké pou yon moman kòlè-l rivé,
min sé pou lavi rinmin-l nan diré.
Nan asouè gin dlo nan jé,
nan matin sé kè kontan. **R:**
- 11 Kouté, Granmèt, pran pitié pou mouin
Granmèt, poté-m sékou.
- 12 Ou té chanjé plint mouin-an nan chanté dans.
- 13 Granmèt Bondié-m, pou tout tan m-ap fè louanj ou. **R:**

DÉZIÈM LÉKTU

*Sa nou gin ki tròp la,
sé pou-l konblé sa frè nou yo ki pòv yo pa ginyin-an.*

Léktu dézièm lèt apot sin Pòl pou Korintyin yo **8, 7. 9. 13-15**

Frè-m yo :

Minm jan nou plin nan tout bagay ak lafoua ak paròl ak konésans ak tout kalité dévouman, sitou ak charité nou ginyin ki soti nan nou minm bò isit la, sé pou nou fè anpil tou pou poté lòt yo konkou nan mizè yo.

Nou konnin réyèlman gras Granmèt nou Jézu-Kri, poutèt nou li té vi-n pòv, malgré li té rich, pou nou té kapab vi-n rich ak povreté-l la.

Yo pa mandé pou antan n-ap soulajé lòt yo, nou minm nou nan tribilasyon, min sé égalité. Koulié-a sa nou ginyin ki tròp la, sé pou-l konblé sa yo manké-a, pou sa yo minm y-ap gin ki tròp la tou, li rivé konblé sa nou minm nou manké-a, pou kapab gin égalité, jan sa ékri-a : « Moun ki té gin anpil la, li pa-t gin tròp, moun ki té gin ti kras la, li pa-t manké ».

Paròl Granmèt la.

ALÉLOUYA

Cf. 2 Tim 1, 10

R: Alélouya. Sovè nou Jézu-Kri té détoui lanmò-a,
épi li kléré lavi-a gras a Bòn Nouvèl la. **R:** Alélouya.

ÉVANJIL

Ti fi, mouin di-ou, l'évé.

✠ Léktu sint Évanjil la dapré Mark

5, 21-43

Lè sa-a :

Kòm Jézu té travèsé ankò nan batiman-an lòt bò lanmè-a, gin yon gran foul moun ki té vi-n jouinn li ; li té bò lanmè-a. Gin youn nan chèf sinagòg la ki té rivé, non-l sé Jayir ; antan-l ouè-l, li té tonbé nan pié-l ; li t-ap priyé-l anpil, antan l-ap di : « Pitit fi-m nan prèské mouri ; vini pozé min sou li, pou-l sové, épi pou-l viv ». Li té alé avèk li, yon gran foul moun t-ap suiv li, yo t-ap krazé-l.

Gin yon madanm, ki t-ap pèdi san dépi douzan, li té déjà konsilté anpil doktè ki té préskri-l anpil rémèd, li té fi-n dépanse tout richès li, min li pa-t jouinn okinn rézilta, okontrè sé pi mal li t-ap vi-n pi mal ; kòm li té tandé palé sou Jézu, li té vi-n nan foul la, pa dèyè, li té touché rad li. Li t-ap di réyèlman : « Si omouin mouin touché rad li, m-ap sové ». Minm lè-a sous san-l nan té tari, li santi nan kò-l li té géri sot nan maladi-a.

Minm lè-a Jézu, antan-l rékonèt anndan-l gin yon fòs ki té soti nan li, antan-l viré kot foul la, li t-ap di : « Kilès ki té touché rad mouin yo ? ».

Min disip li yo t-ap di : « Ou ouè foul la k-ap krazé-ou, épi ou-ap di : “Kilès ki té touché-m !” Min li t-ap viré pou-l ouè madanm nan ki té fè bagay sa-a. Madanm nan minm té pè, li t-ap tranblé, li té konnin sa-k té pasé nan li, li té vini, épi li té lagé kò-l dévan-l, épi li té di-l tout vérité-a.

Li minm minm li té di-l : « Mafi, lafoua-ou sové-ou ; alé anpè, sé pou-ou géri sot nan maladi-ou la ».

Pandan li t-ap palé toujou, moun yo té vi-n kot chèf sinagòg la antan y-ap di : « Ti fi-ou la mouri ; pouki sa ou-ap trakasé Mèt la ankò ? »

Jézu minm, antan-l tandé paròl yo t-ap di-a, li té di chèf sinagòg la : « Pa pè ; sé pou-ou kouè sèlman ». Li pa-t pèmèt pèsòn suiv li, sof Piè, Jak avèk Jan, frè Jak la.

Yo té rivé nan kay chèf sinagòg la, épi li té ouè boui, moun k-ap kriyé, k-ap rélé anpil. Épi antan-l antré, li té di yo : « Pouki sa nou troublé, n-ap kriyé-a ? ti fi-a pa mouri, sé dòmi l-ap dòmi ». Yo t-ap pasé-l nan jouèt.

Li minm minm, antan-l mété tout moun déyò, li té pran papa ak manman ti fi-a épi moun yo ki té avèk li yo ; li té antré koté ti fi-a té kouché-a. Antan-l kinbé min ti fi-a, li té di-l : « Talita, koumi » ; sa vlé

di : « Ti fi, mouin di-ou, lévé ». Minm lè-a ti fi-a lévé, li t-ap maché (li té gin douzan) ; yo té sézi yon gran sézisman. Li pasé yo lòd sévè pou pèsònn pa konn sa ; li di pou yo ba-l manjé.

Paròl Granmèt la.

oubyin pi kout

✠ Léktu sint Évanjil la dapré Mark

5, 21-24. 35 b-43

Lè sa-a :

Kòm Jézu té travèsé ankò nan batiman-an lòt bò lanmè-a, gin yon gran foul moun ki té vi-n jouinn li ; li té bò lanmè-a. Gin youn nan chèf sinagòg la ki té rivé, non-l sé té Jayir ; antan-l ouè-l, li té tonbé nan pié-l ; li t-ap priyé-l anpil, antan l-ap di : « Pitit fi-m nan prèské mouri ; vini pozé min sou li, pou-l sovè, épi pou-l viv ». Li té alé avèk li, yon gran foul moun t-ap suiv li, yo t-ap krazé-l.

Épi moun yo té vi-n kot chèf sinagòg la antan y-ap di : « Ti fi-ou la mouri ; pouki sa ou-ap trakasé Mèt la ankò ? »

Jézu minm, antan-l tandé paròl yo t-ap di-a, li té di chèf sinagòg la : « Pa pè ; sé pou-ou kouè sèlman ». Li pa-t pèmèt pèsòn suiv li, sof Piè, Jak avèk Jan, frè Jak la.

Yo té rivé nan kay chèf sinagòg la, épi li té ouè boui, moun k-ap kriyé, k-ap rélé anpil. Épi antan-l antré, li té di yo : « Pouki sa nou troublé, n-ap kriyé-a ? ti fi-a pa mouri, sé dòmi l-ap dòmi ». Yo t-ap pasé-l nan jouèt.

Li minm minm, antan-l mété tout moun déyò, li té pran papa ak manman ti fi-a épi moun yo ki té avèk li yo ; li té antré koté ti fi-a té kouché-a. Antan-l kinbé min ti fi-a, li di-l : « Talita, koumi » ; sa vlé di : « Ti fi, mouin di-ou, lévé ». Minm lè-a ti fi-a lévé, li t-ap maché (li té gin douzan) ; yo té sézi yon gran sézisman. Li pasé yo lòd sévè pou pèsònn pa konn sa ; li di pou yo ba-l manjé.

Paròl Granmèt la.

Dimanch, ané C

PRÉMIÉ LÉKTU

Antan Élizé lévé, li té pati, épi li té suiv Éli.

Léktu prémié liv Roua yo

19, 16 b. 19-21

Jou sa yo :

Granmèt la té di Éli : « Élizé pitit Safat la, moun Abèl-Méola-a, ou-a sakré-l kòm profèt nan plas ou ».

Antan Éli donk té pati sot la, li té jouinn Élizé, pitit Safat la, ki t-ap travay tè-a avèk douz makòn bèf ; épi li minm minm li té nan douzièm makòn bèf la ak moun yo ki t-ap travay tè-a. Lè Éli té rivé koté-l, li té voyé manto-l la sou li. Minm lè-a, antan-l kité bèf yo, li té kouri dèyè Éli, épi li té di : « Kité-m al anbrasé papa-m ak manman-m, tanpri, épi konsa m-a suiv ou ». Li té di-l : « Alé, épi rétownin, sé afè pa-m réyéلمان mouin té fè-ou la ».

Antan-l tounin sot koté-l minm, li té pran makòn bèf la, épi li té touyé-l, ak boua zouti ki t-ap viré tè-a, li té kuit viann yo ; épi li té bay pèp la, yo té manjé. Antan-l lévé, li té pati, épi li té suiv Éli, li t-ap sèvi-l.

Paròl Granmèt la.

PSÒM RÉPONS

Ps 15, 1-2 a é 5. 7-8. 9-10. 11 (R : cf. 5 a)

R : Sé ou minm, Granmèt, ki pòsion éritaj mouin.

¹ Prézèvé-m, Bondié, paské mouin espéré nan ou.

² Mouin té di Granmèt la : « Sé Granmèt mouin ou yé,

⁵ Granmèt, pòsion éritaj mouin ak kalis mouin sé ou minm ki kinbé déstiné mouin. R

⁷ M-ap fè konpliman pou Granmèt la ki ban-m intéljans ; minm nannuit rin-m ban-m léson.

⁸ Mouin té mété Granmèt la dévan fas mouin tout tan, paské li adouat mouin, mouin pap souké. R

⁹ Sé pousa kè-m kontan, tout anndan fon kè-m ap fété ; minm chè-m pozé nan espérans.

¹⁰ Paské ou pap lagé nanm mouin nan lanfè-a,
ni ou pap kité sin-ou nan ouè dékonpozision. **R:**

¹¹ ou-ap fè-m konnin rout lavi yo,
kè kontan k-ap plin nèt dévan fas ou,
plézi adouat ou jous pou tout tan. **R:**

DÉZIÈM LÉKTU

Sé pou libète-a yo rélé nou.

Léktu lèt apot sin Pòl pou Galat yo

5, 1. 13-18

Frè-m yo :

Sé pou libète-a, Kris la té libéré nou. Sé pou nou kanpé fèm, pa kité yo mété nou anba jouk ésklavaj la ankò.

Nou minm réyèlman sé pou libète-a yo té rélé nou, frè-m yo, sèlman pa fè libète-a sèvi okazion pou chè-a ; min gras a rinmin ki nan Éspri-a, sé pou nou youn sèvi lòt. Tout laloua-a sé nan yon sèl paròl li réalisé : « Sé pou-ou rinmin prochin-ou tankou ou minm ». Si nou youn ap mòdé lòt, ap manjé lòt, fè atansion pou nou youn pa fi-n touyé lòt.

Mouin di donk : Maché nan Éspri-a, épi nou pap réalisé anvi chè-a. Chè-a réyèlman anvi kont éspri-a, éspri-a minm kont chè-a ; youn ap batay kont lòt, si byin sé pa sa nou vlé nou fè. Si nou kité Éspri-a kondui nou, nou pa anba laloua-a.

Paròl Granmèt la.

ALÉLOUYA

1 Sam 3, 9 ; Jan 6, 68 c

R: Alélouya. Palé, Granmèt, paské sèvitè-ou la ap kouté ;
ou gin paròl lavi tout tan-an. **R:** Alélouya.

ÉVANJIL

Li té maré mi-n li, pou-l monté Jérusalèm.

M-ap suiv ou koté ou-apralé.

✠ Léktu sint Évanjil la dapré Luk

9, 51-62

Lè jou yo té rivé pou yo pran Jézu, li minm li té maré mi-n li pou-l té alé Jérusalèm. Li té voyé mésajé dévan-l ; antan yo alé, yo té antré nan

yon vil Samaritin yo pou yo paré pou li. Min yo pa-t résévoua yo, paské fas li té bay nan diréksion Jérusalèm.

Lè disip li yo Jak ak Jan té ouè sa, yo té di : « Granmèt, èské ou vlé nou di pou difé désann sot nan sièl la pou-l boulé yo ? »

Antan-l viré, li té reproché yo antan-l di : « Nou pa konnin pou ki éspri nou yé. Pitit moun nan pa vini pou-l pèdi nanm yo, min pou-l sové ». Épi yo té alé nan yon lòt vil.

Rivé pandan y-ap maché sou rout la, yon moun té di-l : « M-ap suiv ou koté ou-apralé ».

Jézu té di-l : « Réna yo gin trou yo, épi zouazo sièl yo gin nich yo ; Pitit moun nan minm pa gin koté pou-l pozé tèt li ».

Li té di yon lòt minm : « Suiv mouin ».

Li minm minm li té di : « Granmèt, pèmèt mouin dabò pou-m al antéré papa-m ».

Jézu té di-l : « Kité mò yo antéré mò pa yo ; ou minm minm alé épi anonsé péyi-roua Bondié-a ».

Yon lòt té di : « M-ap suiv ou, Granmèt ; min pèmèt mouin al di moun lakay mouin orévoa anvan ».

Jézu té di-l : « Pèsòn ki mét min-l nan charu-a épi k-ap gadé dèyè pa gin kapasité pou péyi-roua Bondié-a ».

Paròl Granmèt la.

Lindi

Ané 1

PRÉMIÉ LÉKTU

Èské ou-ap pèdi moun kòrèk la avèk méchan-an ?

Léktu liv Jénèz la

18, 16-33

Lè mesié yo té lèvé sot nan tè fon Manbré-a, yo té dirijé jé yo kont Sodòm ; épi Abraam t-ap maché ansanm avèk yo, antan l-ap akonpagné yo.

Granmèt la té di : « Èské mouin kapab kaché Abraam bagay yo m-apral fè-a, paské li gin pou-l vi-n tounin yon nasion ki gran épi ki gin

anpil fòs, épi tout nasion sou tè-a ap béni nan li ? Mouin konnin li gin pou-l avèti piti li yo ak kay li apré-l, pou yo kinbé chémin Granmèt la, pou yo fè jijman ak jistis, pou Granmèt la kapab réalisé, poutèt Abraam, tou sa-l té di Abraam yo ».

Konsa Granmèt la té di : « Rèl moun Sodòm yo ak moun Gomò yo vi-n anpil, péché yo lou anpil. M-ap désann, épi m-ap gadé si rèl la ki rivé koté-m nan, sé yo minm ki fè-l monté avèk aksion yo, oui ou non, fò-m konnin ».

Yo té viré sot la épi yo t-al Sodòm. Abraam minm té kanpé toujou dévan Granmèt la. Antan-l proche, li té di : « Èské ou-ap pèdi moun kòrèk la avèk méchan-an ? Si t-a gin sinkant moun kòrèk nan vil la, y-ap péri ansanm ? Épi ou pap ménajé koté sa-a poutèt sinkant moun kòrèk yo, si t-a ginyin yo ladan-l ? Sé pou sa disparèt sot nan nou, pou-ou fè bagay sa-a, pou-ou touyé moun kòrèk la avèk méchan-an, pou-ou trété moun kòrèk la tankou méchan-an. Sa pa sanblé-ou : ou minm k-ap jijé tout tè-a, ou pa doué fè jijman sa-a ditou ».

Granmèt la té di-l : « Si-m jouinn sinkant moun kòrèk nan mitan vil Sodòm nan, m-ap padonnin tout koté-a poutèt yo ».

Antan Abraam pran laparòl, li té di : « Puiské mouin té kòmansé yon foua, m-ap palé ak Granmèt mouin-an, malgré mouin sé poussiè ak sann. Ki sa ou-ap fè, si manké sink moun pou fè sinkant moun kòrèk yo ? Èské ou-ap détoui tout vil la poutèt sé karant-sink sèlman ki kòrèk ? »

Li té di : « Mouin pap détoui-l, si-m jouinn karant-sink ladan-l ».

Abraam té palé ankò avèk li : « Min si sé karant ou jouinn ladan-l, ki sa ou-ap fè ? »

Li té di : « Mouin pap frapé poutèt karant yo ».

Li té di : « Tanpri, pa faché, Granmèt, si-m palé. Ki sa ou-ap fè, si sé trant ou jouinn ladan-l ? »

Li té réponn : « Mouin pap fè, si-m jouinn trant ladan-l ».

Li té di : « Puiské yon foua, mouin té kòmansé, m-ap palé ak Granmèt mouin. Ki sa ou-ap fè, si-ou jouinn vin ? »

Li té di : « Mouin pap touyé poutèt vin yo ».

Li té di : « Tanpri, pa faché, Granmèt, si-m palé ankò yon foua. Ki bagay, si yo jouinn dis ladan-l ? »

Li té di : « Mouin pap détoui-l poutèt dis ».

Granmèt la té pati, apré li té fi-n palé avèk Abraam ; épi li minm li té tounin lakay li.

Paròl Granmèt la.

PSÒM RÉPONS

Ps 102, 1-2. 3-4. 8-9. 10-11 (R: 8 a)

R: Granmèt la sé pitié ak mizérikòd.

¹ Fè konpliman pou Granmèt la, nanm mouin ;
 tou sa-k anndan-m, fè konpliman pou non-l ki sin.

² Fè konpliman pou Granmèt la, nanm mouin,
 pa bliyé tou sa-l fè yo. R:

³ Li minm ki padonnin tout fòt ou yo,
 ki géri tout maladi-ou yo ;

⁴ ki té rachté lavi-ou sot nan fòs la,
 ki kouronnin-ou nan mizérikòd ak pitié. R:

⁸ Granmèt la sé pitié ak mizérikòd,
 li gin pasians ak anpil mizérikòd.

⁹ Sé pa pou tout tan l-ap fè diskision,
 sé pa pou tout tan li faché. R:

¹⁰ Sé pa dapré péché nou yo li trété nou,
 ni dapré fòt nou yo li rinmèt nou.

¹¹ Sèké otan sièl la ro anlè tè-a,
 mizérikòd li plin pou ranvèsé sou sa yo ki krinn li yo. R:

Ané 2

PRÉMIÉ LÉKTU

Yo krazé tèt pòv la sou pousiè tè-a.

Léktu liv profèt Amòs

2, 6-10. 13-16

Min paròl Granmèt la :

« Poutèt toua krim Israèl ak poutèt kat, mouin pap padonnin-l : Poutèt li té vann moun kòrèk la pou lajan, ak pòv la pou yon pè sandal ; yo minm k-ap krazé tèt pòv yo nan pousiè tè-a, épi k-ap dévié chémin pòv yo ; pitit la ak papa-l té alé kot jèn fi-a, pou yo violé non-m ki sin-an ;

sou rad yo té pran kòm garanti, yo té kouché bò tout lotèl, yo t-ap bouè divin moun yo fi-n kondané yo, nan kay Bondié yo-a.

Mouin minm minm mouin té détoui Amoréyin-an sot dévan fas yo, li minm rotè-l té tankou rotè pié sèd yo, épi li té gin fòs tankou boua-d-chèn ; mouin té krazé foui-l anro avèk rasi-n li anba. Sé mouin minm minm ki té fè nou monté sot nan péyi Éjip la, épi mouin té kondui nou nan dézè-a karantan, pou nou té posédé péyi Amoréyin-an.

Min m-apral fè gro boui anba nou, tankou yon kabouèt ki plin pay ap fè gro boui ; l-ap péri, sovè moun ki rapid la ap chèché sovè-a, épi sa-k fò-a pap jouinn fòs li, sa-k vanyan-an pap sovè nanm li, épi sa-k konn tiré flèch la pap kanpé, sa-k léjè-a pap sovè ak pié-l, kavalié-a pap sovè nanm li, sa-k pi vanyan nan kè-l nan mitan sa-k gin fòs yo sé nu-kò l-ap sovè jou sa-a », sé sa Granmèt la di.

Paròl Granmèt la.

PSÒM RÉPONS

Ps 49, 16 bc-17. 18-19. 20-21. 22-23 (R: 22 a)

R: Konprann bagay sa yo, nou minm ki bliyé Bondié-a.

- 16 Poukisa ou-ap résité kòmandman-m yo,
ou-ap mété téstaman-m nan nan bouch ou ?
- 17 Ou minm poutan ou té rayi disipli-n,
épi ou té réjité paròl mouin yo dèyè do-ou. R:
- 18 Si-ou té ouè yon vòlè, ou t-ap kouri ansanm avèk li ;
épi sé avèk adiltè-a pòsion-ou yé.
- 19 Bouch ou, ou té lagé-l bay méchansté,
lang ou t-ap plédé kozé riz. R:
- 20 Antan-ou chita kont frè-ou ou t-ap palé,
épi kont piti manman-ou ou t-ap di bagay pou avili-l.
- 21 Sé bagay sa yo ou té fè, épi mouin té pé bouch mouin.
Ou té konprann mouin té sanblé avèk ou :
m-ap fè-ou ésplikasion, épi m-ap drésé bagay sa yo kont fas ou. R:
- 22 Konprann bagay sa yo, nou minm ki bliyé Bondié-a ;
pou-m pa sézi, épi pa gin pèsòn ki délivré.
- 23 Moun ki ofri sakrifis louanj, l-ap onoré-m,
moun ki san tach nan chémin-an,
m-ap montré-l sovè Bondié sovè-a. R:

ALÉLOUYA

Cf. Ps 94, 8 ab

℞ Alélouya. Jodi-a pa fèmin kè nou,
min kouté voua Granmèt la. ℞ Alélouya.

ÉVANJIL

Suiv mouin.

✚ Léktu sint Évanjil la dapré Matié

8, 18-22

Lè sa-a :

Antan Jézu ouè anpil foul alantou-l, li té pasé lòd pou travèsé lòt bò lanmè-a. Épi antan yon skrib proché, li té di-l : « Mèt, m-ap suiv ou ninpòt koté ou-apralé ».

Jézu minm té di-l : « Réna yo gin trou yo, épi zouazo sièl yo nich yo ; Pitit moun nan minm pa gin koté pou-l pozé tèt ».

Yon lòt nan disip li yo té di-l : « Granmèt, pèmèt mouin toudabò alé épi antéré papa-m ».

Jézu minm té di-l : « Suiv mouin, épi kité mò yo antéré mò pa yo ».

Paròl Granmèt la.

Madi

Ané 1

PRÉMIÉ LÉKTU

*Granmèt la té fè lapli souf ak difé
tonbé sou Sodòm ak Gomò.*

Léktu liv Jénèz la

19, 15-29

Jou sa yo :

Anj yo té fòsé Lòt, antan yo di : « Lévé, pran madanm ou ak dé pitit fi ou ginyin yo, pou-ou pa péri, ou minm tou minm jan, nan krim Sodòm nan ». Kòm li t-ap éséyé kaché, yo té sézi min-l ak min madanm li ak min dé pitit fi-l yo, paské Granmèt la té ménajé-l.

Épi yo té kondui-l épi yo té mété-l déyò vil la ; épi la, yo té palé avèk li antna yo di : « Sové nanm ou ; pa gadé dèyè do-ou, ni pa kanpé nan okinn réjion alantou yo ; min nan mòn nan pou-ou sové kò-ou, pou-ou pa péri ou minm tou ansanm ».

Lòt minm té di yo : « Tanpri, Granmèt mouin, kòm sèvitè-ou té jouinn gras dévan-ou, épi ou té fè mizérikòd ou-a gran anpil pou mouin, pou-ou té sovè nanm mouin ; min, mouin pa kapab sovè nan mòn nan, pou mal la pa sézi-m, pou-m mouri. Gin vil sa-a tou pré, koté mouin kapab sovè, li tou piti, m-ap sovè ladan-l ; èské li pa tou piti ? é konsa m-a viv ! »

Li té di-l : « Min, minm sou pouin sa-a, mouin aksépté priyè-ou yo, pou-m pa détoui vil la, sa-ou té palé pou li-a. Fè vit, épi sovè laba-a, paské mouin pap kapab fè anyin joutan ou antré ladan-l ». Sé pou sa yo rélé non vil sa-a Ségòr. Solèy la t-ap lévé sou péyi-a épi Lòt minm t-ap antré Ségòr.

Konsa Granmèt la té fè lapli tonbé sou Sodòm ak Gomòr souf ak difé ki sot nan Granmèt la, sot nan sièl la, épi li té détoui vil sa yo, ak tout réjion alantou-a, tout moun ki té abité vil yo ak tout plant tè-a. Madanm Lòt minm antan-l gadé dèyè-l, li té vi-n tounin yon statu sèl.

Abraam minm antan-l lévé granmatin, koté-l té yé anvan-an avèk Granmèt la, li té gadé Sodòm ak Gomòr, ak tout tè réjion sa-a ; li té ouè flanm k-ap monté sot nan tè-a tankou lafimin founèz. Lè Bondié t-ap détoui vil réjion sa-a, antan-l sonjé Abraam, li té délivré Lòt sot nan krazé li t-ap krazé vil yo koté li té abité-a.

Paròl Granmèt la.

PSÒM RÉPONS

Ps 25, 2-3. 9-10. 11-12 (R : 3 a)

- R Mizérikòd ou-a, Granmèt, li dévan jé-m.
- 2 Éséyé-m, Granmèt, sondé-m ;
boulé rin-m ak kè-m.
- 3 Paské mizérikòd ou-a li dévan jé-m,
mouin maché nan vérité-ou la. R
- 9 Pa ranmasé mouin ansanm avèk méchan yo,
lavi-m avèk moun san yo.
- 10 Nan min yo sé péché,
min douat yo plin kado. R
- 11 Mouin minm minm sé nan inosans mouin m-ap maché,
rachte-m, pran pitié pou mouin.
- 12 Pié-m kanpé nan chémin douat,
nan asanblé yo m-ap fè louanj pou Granmèt la. R

Ané 2**PRÉMIÉ LÉKTU**

*Granmèt Bondié té palé ;
kilès ki pap profétizé ?*

Léktu liv profèt Amòs**3, 1-8 ; 4, 11-12**

Kouté paròl Granmèt la té palé sou nou, pitit Israèl yo, sou sout fanmi mouin té fè soti nan péyi Éjip la, antan mouin di : « Sé nou minm sèlman mouin té rékonèt nan tout fanmi tè-a : sé poussa m-ap vizité tout fot nou yo kont nou ».

Èské dé moun konn maché ansanm, si yo pa mété yo dakò ? Èské lion konn rélé nan rak boua, si-l pa jouinn jibié ? Èské pitit lion konn pousé rèl nan kachèt li, si-l pa pran kichòy ? Èské zouazo konn tonbé nan pièj atè-a san pa gin manjé ? Èské pèlin konn lévé sot atè-a anvan-l pran kichòy ? Si troupèt sonnin nan vil la, èské pèp la pa sézi ? Èské gin malè nan yon vil, san Granmèt la pa aji ? Paské Granmèt Bondié pa fè anyin, san-l pa dévoualé sékrè-l bay sèvitè-l yo profèt yo. Lion-an rélé : kilès ki pap pè ? Granmèt Bondié palé : kilès ki pap profétizé ?

« Mouin té sakajé nou, tankou Bondié té sakajé Sodòm ak Gomòr, nou té vi-n tounin tankou yon boua difé yo ouété sot nan boukan ; épi nou pat tounin vi-n jouinn mouin, sé sa Granmèt la di. Sé poussa, sé bagay sa yo m-ap fè-ou, Israèl. Lè m-a fi-n fè-ou bagay sa yo, préparé-ou pou-ou rankontré Bondié-ou la, Israèl ».

Paròl Granmèt la.

PSÒM RÉPONS**Ps 5, 5-6. 7. 8 (R: 9 a)**

R: Granmèt, kondui-m nan jistis ou-a.

5 Sèké ou pa yon Bondié ki rinmin fot,
méchan-an pa abité koté-ou,

6 moun ki pa kòrèk yo pa rété dévan jé-ou. **R:**

7 Ou rayi tout moun ki fè injistis,
ou-ap pèdi tout moun k-ap palé manti ;
Granmèt la pa vlé ouè moun san ak riz. **R:**

- 8 Mouin minm nan pakèt mizérikòd ou-a,
m-ap antré nan kay ou-a ;
m-ap adoré-ou nan tanp ou-a ki sin-an nan krint ou. **R:**

ALÉLOUYA**Ps 129, 5**

R: Alélouya. Mouin espéré nan Granmèt la,
mouin espéré nan paròl li-a. **R:** Alélouya.

ÉVANJIL

*Antan-l lévé, li té kòmandé van ak lanmè,
épi té vi-n gin yon gran kalmi.*

✠ Léktu sint Évanjil la dapré Matié**8, 23-27**

Lè sa-a :

Antan Jézu monté nan yon batiman, disip li yo té suiv li.

Épi min yon gran tanpèt té rivé nan lanmè-a, si tèlman, batiman-an té kouvri ak lanm yo ; li minm minm li t-ap dòmi. Disip li yo minm té proché koté-l ; épi yo té révéyé-l, antan y-ap di : « Granmèt, sové nou, n-ap péri ».

Jézu minm di yo : « Pouki sa nou pè-a, ti lafoua ? » Lè sa-a atò, antan-l lévé, li té kòmandé van-an ak lanmè-a, épi té vi-n gin yon gran kalmi.

Mésié yo minm té sézi, antan y-ap di : « Kilès sa-a, paské van ak lanmè obéyi-l ? »

Paròl Granmèt la.

Mèkrédi**Ané 1****PRÉMIÉ LÉKTU**

Pitit sèvant la pap éritié avèk Izaak pitit mouin-an.

Léktu liv Jénèz la**21, 5. 8-20**

Lè Abraam té vi-n gin santan, nan laj papa sa-a, Izaak té fèt. Pitit la donk té grandi, épi yo té sévré-l ; Abraam té fè gran résépsion, jou yo té sévré-l la.

Lè Sara té ouè pitit Agar éjipsièn nan t-ap joué avèk Izaak pitit li-a, li té di Abraam : « Chasé sèvant sa-a avèk pitit li-a : sèké pitit sèvant la pap éritié avèk pitit mouin Izaak ». Abraam té aksépté sa avèk kè séré pou pitit li-a.

Bondié té di-l : « Sa pa doué parèt rèd pou ou, osijè pitit ou-a épi osijè sèvant ou-a ; tou sa Sara ap di-ou, kouté voua-l, paské sé nan Izaak yon désandans ap poté non pou ou. Min pitit sèvant la tou, m-ap fè-l vi-n tounin yon gran nasion, paské sé désandans ou li yé ».

Abraam té lévé konsa granmatin, épi antan-l pran pin avèk yon krich dlo, li té mété sou zépòl Agar ; épi li té rinmèt li ti pitit la, é li té voyé-l alé. Lè-l té pati, li té maché san diréksion nan dézè Bèrsabé-a. Lè dlo-a té fini nan krich la, li té jété pitit la anba youn nan pié boua yo ki té la-a épi li té alé ; li té chita pi louin sot koté sa-a, distans yo t-a kapab tiré yon kout flèch. Li té di : « Mouin pap ouè pitit la k-ap mouri ». Épi antan-l chita an fas, li té lévé voua-l, épi li té kriyé.

Bondié minm té tandé voua ti pitit la ; Anj Bondié-a té rélé Agar sot nan sièl la, antan-l di : « Ki sa-ou ginyin, Agar ? Pa pè ; Bondié té tandé voua ti pitit la nan koté-l yé-a. Lévé, pran ti pitit la, épi kinbé min-l, paské sé yon gran nasion m-ap fè-l tounin ».

Épi Bondié té louvri jé-l ; antan-l ouè yon pui dlo, li té alé, épi li té plin krich la, li té bay ti pitit la bouè. Li té rété avèk li ; pitit la té grandí, li té rété nan savann, li té vi-n tounin yon jèn jan ki konn tiré flèch.

Paròl Granmèt la.

PSÒM RÉPONS

Ps 33, 7-8. 10-11. 12-13 (R : 7 a)

- R : Yon pòv té rélé, épi Granmèt la té kouté-l.
- 7 Pòv sa-a té rélé, épi Granmèt la kouté-l, épi anba tout tribilasion-l yo li té sové-l.
- 8 Anj Granmèt la ap drésé kan alantou moun ki krinn yo, épi délivré yo. R :
- 10 Krinn Granmèt la, sin-l yo, paské pa gin bézouin pou moun ki krinn li yo.
- 11 Rich yo té vi-n pòv, épi yo té grangou, min sa k-ap chèché Granmèt la, yo pa manké okinn byin. R :

- ¹² Vini, pitit yo, kouté-m :
m-ap aprann nou krint Granmèt la.
- ¹³ Kilès moun sa-a ki vlé lavi-a,
ki rinmin jou pou-l ouè byin-an ? **R**

Ané 2

PRÉMIÉ LÉKTU

*Ouété boui kantik nou yo sot koté-m,
sé pou jistis la tankou gran ravi-n.*

Léktu liv profèt Amòs

5, 14-15. 21-24

Chèché byin, épi pa chèché mal, pou nou viv, épi Granmèt Bondié lamé yo ap avèk nou, jan nou té di-a. Rayi mal, épi rinmin byin, mété jistis nan tribinal la ; pétèt Granmèt Bondié lamé yo a gin pitié pou rès Jozèf yo.

« Mouin té rayi épi mouin té réjité fèt nou yo, sé sa Granmèt la di, mouin pa kapab santi lodè réyinion nou yo. Sé poua si nou ofri-m sakrifis antié ak kado nou yo, mouin pap résévoua yo, ni ofrann nou yo ki byin gra-a, mouin pap gadé yo. Ouété boui kantik ou yo sot koté-m, épi kantik gita-ou yo mouin papa kouté yo. Épi jijman-an ap révélé tankou dlo, épi jistis la tankou ravi-n ki fò ».

Paròl Granmèt la.

PSÒM RÉPONS

Ps 49, 7. 8-9. 10-11. 12-13. 16 bc-17 (**R**: 23 b)

- R** Moun ki san tach sou rout la, m-ap montré-l sové Bondié sové nou-an.
- ⁷ Kouté, pèp mouin, m-ap palé ;
Israèl, m-ap déklaré témouagnaj kont ou :
sé Bondié, Bondié-ou mouin yé. **R**
- ⁸ Sé pa poutèt sakrifis ou yo m-ap réproché-ou ;
sakrifis antié-ou yo réyèlman dévan fas mouin tout tan.
- ⁹ Mouin pap aksépté ti bèf ki sot lakay ou,
ni kabrit ki sot nan pak ou yo. **R**
- ¹⁰ Paské tout bèt boua yo sé pou mouin,
mil bèt nan mòn yo.

- 11 Mouin konnin tout zouazo sièl la,
épi sa ki an mouvman nan jadin sé pou mouin li yé. **R:**
- 12 Si-m grangou, mouin pap di-ou ;
fas tè-a réyèlman sé pou mouin ak sa-k plin-l.
- 13 Èské m-ap manjé chè toro yo,
oubyin san kabrit yo, èské m-ap bouè-l ? **R:**
- 16 Pouki sa ou-ap résité kòmandman-m yo,
épi ou-ap mété téstaman-m nan nan bouch ou ?
- 17 Ou minm poutan ou té rayi disipli-n,
épi ou té réjté paròl mouin yo dèyè do-ou ? **R:**

ALÉLOUYA**Jak 1, 18**

R: Alélouya. Papa-a té anfanté nou ak bòn volonté-l gras a paròl vérité-a,
pou nou vi-n tounin yon kòmansman créatu-l. **R:** Alélouya.

ÉVANJIL

Ou vini isit la anvan tan-an pou-ou maltrété démon yo ?

✠ Léktu sint Évanjil la dapré Matié**8, 28-34**

Lè sa-a :

Lè Jézu té rivé lòt bò lanmè nan réjion Jérazényin yo, gin dé moun ki gin démon ki té vi-n rankontré-l, antan yo soti nan kavo yo, yo té méchan anpil, a tèl pouin, pèsòn pa-t kapab pasé nan rout sa-a. Min yo té pran rélé, antan y-ap di : « Sa-k ginyin ant nou minm ak ou minm, Jézu Pitit Bondié ? Ou vini isit la anvan tan-an pou-ou maltrété nou ? »

Pa louin yo, té gin yon bann pakèt kochon ki t-ap manjé. Démon yo minm t-ap priyé-l, antan y-ap di : « Si-ou chasé nou sot isit la, voyé nou nan bann kochon yo ». Épi li té di yo : « Alé ». Yo minm minm antan yo pati, yo té alé nan kochon yo ; épi min ak yon sèl mouvman, tout bann nan té pati tèt bésé nan lanmè-a, épi yo té mouri nan dlo yo.

Gadyin yo minm té sové, épi antan yo vi-n nan vil la, yo té rakonté tout bagay, ansanm ak sa-k té rivé moun yo ki té gin démon yo. Épi min tout vil la té soti vi-n rankontré Jézu ; lè yo ouè-l, yo t-ap priyé pou-l pati sot nan téritoua yo-a.

Paròl Granmèt la.

Jédi

Ané 1

PRÉMIÉ LÉKTU

Sakrifis Patriarch nou-an Abraam.

Léktu liv Jénèz la

22, 1-19

Jou sa yo :

Bondié té fè Abraam bay prèv li, épi li té di-l : « Abraam, Abraam ». Li minm minm li té réponn : « Min mouin ». Li té di-l : « Pran pitit ou-a, sèl pitit ou-a, sa-a ou rinmin-an, Izaak, épi al nan péyi vizion-an ; épi laba-a, ou-a ofri-l kòm sakrifis antié sou youn nan mòn yo, sa m-a montré-ou la ».

Konsa antan Abraam lévé nannuit, li té sélé bourik li, antan-l minnin dé jèn jan avèk li, épi Izaak pitit li-a. Lè-l fi-n fann boua pou sakrifis antié-a, li té pati nan diréksion koté-a Bondié té pasé-l lòd la. Touazièm jou-a minm, antan-l lévé jé-l, li té ouè koté-a byin louin, épi li té di ti moun li yo : « Rét tann isit la avèk bourik la : mouin minm ak pitit sa-a, antan nou avansé jous lòt bò-a, apré nou fi-n adoré, n-ap tounin koté nou ».

Li té pran boua pou sakrifis antié-a tou épi li té mété yo sou Izaak pitit li-a ; kanta li minm, li t-ap poté difé-a ak épé-a nan min-l. Pandan yo tou lé dé t-ap maché ansanm, Izaak té di papa-l : « Papa-m ». Li minm minm té réponn : « Sa-ou vlé, pitit ? » Li té di : « Min difé-a ak boua yo ; koté viktim sakrifis antié-a ? » Abraam minm té di-l : « Bondié ap prévoua pou li viktim sakrifis antié-a, pitit mouin ».

Konsa yo té kontinué ap maché ansanm épi yo té rivé koté Bondié té montré-l la ; li té bati yon lotèl koté sa-a, épi li té ranjé boua yo sou li. Lè-l té fi-n maré Izaak, pitit li-a, li té mété-l sou lotèl la anlè ranjé boua yo ; épi li té lonjé min-l, li té rédi épé-a pou-l imolé pitit li-a. Min Anj Granmèt la té rélé byin fò sot nan sièl la, antan-l di : « Abraam, Abraam ». Li té réponn : « Min mouin ». Li té di-l : « Pa lonjé min-ou sou pitit la, ni pa fè-l anyin. Koulié-a mouin konnin ou krinn Bondié ; épi ou pa-t ménajé sèl pitit ou-a ». Abraam té lévé jé-l, li té ouè yon bouk dèyè do-l, ki té gin kòn li pri nan liann yo. Antan-l pran-l, li té ofri-l kòm sakrifis antié nan plas pitit li-a. Li té rélé non koté sa-a « Granmèt la ouè ». Sé pousa jous jodi-a yo di : « Sou mòn nan Granmèt la ap ouè ».

Anj Granmèt la minm té rélé Abraam yon dézièm foua, sot nan sièl la, antan-l di : « Mouin fè sèman sou pròp tèt mouin, sé sa Granmèt la di ; paské ou té fè bagay sa-a, épi ou pa-t ménajé pitit ou-a, sèl pitit ou-a, poutèt mouin, m-ap béni-ou, épi m-ap fè désandans ou vi-n anpil tankou zétoual sièl la ak tankou sab ki sou bò lanmè-a. Désandans ou ap posédé pòt ènmi-l yo, épi tout nasyon tè-a ap béni nan désandans ou-a paské ou té obéyi voua-m ».

Abraam té tounin kot ti moun li yo, épi yo té pati Bèrsabé ansanm, yo té abité la.

Paròl Granmèt la.

PSÒM RÉPONS

Ps 114, 1-2. 3-4. 5-6. 8-9 (R: 9)

R: M-ap maché dévan Granmèt la nan réjion vivan yo.

oubyin : Alélouya.

- 1 Mouin té rinmin, paské Granmèt la té kouté voua priyè-m.
- 2 Paské li té panché zòrèy li sou mouin, nan jou-m yo mouin t-ap rélé-a. R:
- 3 Pièj lanmò yo té antouré-m, kè séré lanfè-a té rivé sou mouin. Tribilasion ak doulè, sé sa mouin té jouinn,
- 4 épi sé non Granmèt la mouin té rélé : « Granmèt, o, délivré nanm mouin ». R:
- 5 Granmèt la gin mizérikòd, li kòrèk, épi Bondié nou-an pran pitié.
- 6 Antan Granmèt la protéjé ti piti yo ; mouin rabésé, l-ap sové-m. R:
- 8 Paské li té délivré nanm mouin sot nan lanmò, jé-m sot nan dlo, pié-m sot nan fo-pa.
- 9 M-ap maché dévan Granmèt la nan réjion vivan yo. R:

Ané 2

PRÉMIÉ LÉKTU

Alé, profétizé bay pèp mouin-an.

Léktu liv profèt Amòs

7, 10-17

Jou sa yo :

Amazias, prèt Bètèl la, té voyé kot Jéroboam, roua Israèl la, antan-l di : « Amòs révòlté kont ou nan mitan kay Israèl la ; péyi-a pa kapab sipòté tout paròl li yo. Min sa Amòs di réyèlman : “Nan épé Jéroboam ap mouri, épi Israèl kòm prizonié y-ap dépòté-l sot nan péyi-l la” ».

Épi Amazias té di Amòs : « Ou minm ki gin vizion-an, al fè rout ou ; sovè kò-ou nan péyi Juda-a, ou-a manjé pin-ou laba-a, épi ou-a profétizé laba-a. Épi nan Bètèl, ou pa bézouin kontinué ap profétizé ankò, paské sé tanp roua-a li yé ak kay péyi-roua-a ».

Amòs té réponn, épi li té di Amazias : « Mouin pa profèt, épi mouin pa pitit profèt ; min sé bèf mouin konn gadé, avèk pié figié mouin konn tayé. Épi Granmèt la té pran-m, pandan mouin t-ap suiv troupo-a, épi Granmèt la té di-m : “Alé, profétizé bay pèp mouin Israèl”.

Ébyin koulié-a kouté paròl Granmèt la : Ou di : “Pa profétizé sou Israèl, épi pa palé kont kay zidòl la”. Poutèt sa, min sa Granmèt la di : “Madanm ou ap ofri tèt li nan vil la ; pitit gason ou yo ak pitit fi ou yo ap tonbé nan épé ; épi tè-ou la, y-ap méziré-l ak chinn apantè ; épi ou minm minm sé nan péyi ki sal ou-ap mouri, Israèl minm kòm prizonié y-ap dépòté-l sot nan péyi-l la” ».

Paròl Granmèt la.

PSÒM RÉPONS

Ps 18, 8. 9. 10. 11 (R: 10 b)

- R: Jijman Granmèt la vré, yo kòrèk yo tout ansanm.
- 8 Laloua Granmèt la san tach, li réfè nanm moun, témouagnaj Granmèt la fidèl, li bay ti moun yo sajàs. R:
- 9 Jistis Granmèt la douat, yo fè kè kontan, kòmandman Granmèt la klèl, li kléré jé yo. R:
- 10 Krint Granmèt la nèt, li diré pou tout tan gin tan, jijman Granmèt la vré, yo kòrèk yo tout ansanm. R:

¹¹ Yo pi chè pasé lò, ak piè ki gin anpil pri,
yo pi dous pasé siromièl ak réyon siromièl k-ap koulé. **R**

ALÉLOUYA

2 Kor 5, 19

R Alélouya. Bondié t-ap rékonsilié tè-a avèk li nan Kris la,
épi li té mété paròl rékonsiliation-an nan nou. **R** Alélouya.

ÉVANJIL

Yo fè louanj Bondié, ki té bay lézòm yon si gran pouvoua.

✠ Léktu sint Évanjil la dapré Matié

9, 1-8

Lè sa-a :

Antan Jézu monté nan yon batiman, li té travèsé lanmè, épi li té rivé nan vil li-a. Épi min yo t-ap prezanté-l yon paralizé kouché sou kabann. Antan Jézu ouè lafoua yo, li té di paralizé-a : « Pran konfians, pitit, péché-ou yo éfasé ».

Min kèk nan skrib yo t-ap di nan kè yo : « Sa-a ap blasfémé ».

Kòm Jézu té ouè pansé yo, li té di : « Pouki sa n-ap kalkilé sa-k mal nan kè nou yo ? Sa-k pi fasil pou di : “Péché-ou yo padonnin”, oubyin di : “Lévé, épi maché” ? Ébyin pou nou kapab konnin Pitit moun nan gin pouvoua sou tè-a pou-l padonnin péché yo », lè sa-a li té di paralizé-a : « Lévé, pran kabann ou, épi al lakay ou ».

Épi li té lévé, épi li té pati al lakay li.

Antan foul yo ouè sa, yo té sézi, épi yo té fè louanj Bondié, ki té bay lézòm yon si gran pouvoua.

Paròl Granmèt la.

Vandrédi

Ané 1

PRÉMIÉ LÉKTU

*Izaak té tèlman rinmin Rébéka,
doulè lanmò manman-l nan té vi-n kalmé.*

Léktu liv Jénèz la

23, 1-4. 19 ; 24, 1-8. 62-67

Sara té viv sanvinn-sètan ; épi li té mouri nan vil Arbé, sé Ébron, nan péyi Kanaan. Abraam té vini pou-l plinn épi pou-l kriyé-l.

Lè-l té lévé sot nan sèvis lantèman-an, li palé ak pitit Èt yo, antan-l di : « Sé étranjé mouin yé ak pèlérin lakay nou ; ban-m yon doua pou-m gin tonbo avèk nou, pou-m antéré mò-m nan ». Konsa Abraam té antéré Sara, madanm li-a nan kavo jadin doub la ki té anfas Manbré-a (sé Ébron, nan péyi Kanaan).

Abraam minm té vié avèk anpil laj, épi Granmèt la té béni-l nan tout bagay.

Li té di sèvitè lakay li-a ki pi granmoun nan, sa-l té mété rèsponsab tou sa-l té ginyin yo : « Mété min-ou anba kuis mouin, pou-m fè-ou fè sèman pa pouvoua Granmèt Bondié sièl la ak tè-a, pou-ou pa pran madanm pou pitit mouin-an nan pitit fi Kananéyin yo, koté mouin abité-a ; min sé pou-ou pati al nan péyi-m ak fanmi-m, sé la ou-a pran yon madanm pou pitit mouin Izaak ».

Sèvitè-a té réponn : « Si madanm nan pa vlé vini avèk mouin-an nan péyi sa-a, èské mouin doué ramné pitit ou-a al nan koté ou té pati sot la-a ? »

Abraam té di : « Fè atansion pou-ou pa janm ramné pitit mouin-an laba-a. Granmèt Bondié sièl la, ki té pran-m sot lakay papa-m ak nan péyi nésans mouin-an, ki té palé avèk mouin-an, ki té fè-m sèman-an, antan-l di : “Sé ras ou m-ap bay tè sa-a”, sé li minm k-ap voyé Anj li-a dévan-ou, épi ou-a pran yon madanm pou pitit mouin sot laba-a. Si madanm nan minm pa vlé suiv ou, ou pap angajé anba sèman-an ; sèlman pitit mouin-an, pa ramné-l laba-a ».

Pandan tan sa-a Izaak t-ap pronmnin nan rout ki kondui nan pui-a, sa yo rélé pui « Sa-a ki vivan-an, ki ouè-a », sèké li té abité nan tè nan-sid la. Li té soti pou-l médité nan jadin-an, lajounin-an té déjà bésé. Pandan li té lévé jé-l, li té ouè chamo k-ap vi-n sot byin louin. Rébéka tou, antan-l

ouè Izaak, li té désann sot sou chamo-a, épi li té di ti gason-an : « Kilès mésié sa-a k-ap vi-n rankontré nou nan jadin-an ? » Li té di-l : « Sé mèt mouin-an ». Li minm minm antan-l pran manto-a byin vit li té kouvri kò-l.

Sèvitè-a minm té rakonté Izaak tou sa-k té pasé. Li té fè Rébéka antré nan tant Sara manman-l, épi li té pran-l kòm madanm. Li té si tèlman rinmin-l, doulè lanmò manman-l nan té vi-n kalmé.

Paròl Granmèt la.

PSÒM RÉPONS

Ps 105, 1-2. 3-4 a. 4 b-5 (R : 1 a)

R: Fè louanj Granmèt la, paské li bon.

oubyin : Alélouya.

- 1 Fè louanj Granmèt la, paské li bon,
poutèt pou sièk tan mizérikòd li.
- 2 Kilès k-ap rakonté puisans Granmèt la,
k-ap fè tandé tout louanj li yo ? R:
- 3 Ala kontantman pou moun ki kinbé jijman-an,
épi ki fè jistis nan tout okazion.
- 4 Sonjé nou, Granmèt, nan bon kè ou ginyin pou pèp ou-a. R:
Vizité nou nan sovè ou sovè nou-an,
- 5 pou nou kapab ouè byin sa-a yo ou chouazi yo,
pou nou kontan nan kontantman nasion-ou nan,
pou nou jouinn louanj nou avèk éritaj ou-a. R:

Ané 2

PRÉMIÉ LÉKTU

M-ap voyé grangou sé pa grangou pin, min sé pou kouté paròl Granmèt la.

Léktu liv profèt Amòs

8, 4-6. 9-12

Kouté sa, nou minm k-ap krazé pòv la, k-ap fè maléré yo tonbé nan péyi-a, n-ap di : « Kilè pou moua-a pasé, pou nou vann machandiz yo ? kilè pou saba-a pasé, pou nou kòmansé vann blé-a, pou nou fè mézi-a vi-n pi piti, pou nou monté pri-a, pou nou dérèglé balans yo ; konsa n-a achte pòv yo ak lajan, ak maléré yo pou yon pè sandal ; ata pay blé-a n-ap vann ».

« Jou sa-a, sé sa Granmèt Bondié-a di, solèy la ap kouché gro midi, m-ap kouvri tè-a ak fènoua gro jounin. M-ap fè fèt nou yo vi-n tounin dèy, tout kantik nou yo ap vi-n tounin plint ; m-ap mété sak sou tout do nou, m-ap koupé chévé sou tout tèt. M-ap fè jou sa-a vi-n tankou dèy yon sèl pitit, finisman-l ap tankou jou anmè.

Min jou k-ap rivé, sé sa Granmèt la di, m-ap voyé grangou sou tè-a : sé pa grangou pin, ni souaf dlo, min pou kouté paròl Granmèt la. Y-ap déplasé sot nan lanmè jous nan lanmè, sot nan nò jous olévan ; y-ap maché nan tout sans pou yo chèché paròl Granmèt la, yo pap jouinn li ».

Paròl Granmèt la.

PSÒM RÉPONS

Ps 118, 2. 10. 20. 30. 40. 131 (R: Mt 4, 4)

- R: Sé pa ak pin sèlman moun viv,
min ak tout paròl ki soti nan bouch Bondié.
- 2 Ala kontantman pou moun ki kinbé témouagnaj li yo,
k-ap chèché-l ak tout kè yo. R:
- 10 Ak tout kè-m mouin té chèché-ou,
pa fè-m pèdi rout sot nan kòmandman-ou yo. R:
- 20 Nanm mouin ap dépéri tèlman mouin anvijman-ou yo
pandan tout tan. R:
- 30 Sé chémin vérité-a mouin té chouazi,
sé jijman-ou yo mouin té mété dévan-m. R:
- 40 Min mouin té anvijman-ou yo ;
nan jistis ou, fè-m vivan. R:
- 131 Mouin té louvri bouch mouin, mouin atiré Éspri-a,
paské mouin té anvijman-ou yo. R:

ALÉLOUYA

Mt 11, 28

R: Alélouya. Vini jouinn mouin, nou tout k-ap rédi, k-ap poté gro chaj,
épi m-ap réfè nou, sé sa Granmèt la di. R: Alélouya.

ÉVANJIL

Sé pa moun ki vanyan ki bézouin doktè ; sé mizérikòd mouin vlé, sé pa sakrifis.

✠ Léktu sint Évanjil la dapré Matié

9, 9-13

Lè sa-a :

Pandan Jézu t-ap pasé, li té ouè yon mésié ki chita nan biro ladoua-nan, yo té rélé-l Matié ; épi li té di-l : « Suiv mouin ». Épi antan-l lévé, li té suiv li.

Rivé, antan li lonjé kò-l pou-l manjé nan kay la, min anpil piblikin ak péchè antan yo vini, yo t-ap lonjé kò yo pou manjé avèk Jézu épi disip li yo. Antan farizyin yo ouè, yo t-ap di disip li yo : « Pouki sa mèt nou ap manjé avèk piblikin yo épi péchè yo ? »

Jézu minm ki tandé, li té di : « Sé pa moun vanyan ki bézouin doktè, min sé malad yo. Al aprann sa sa vlé di : “Sé mizérikòd mouin vlé, sé pa sakrifis”. Sèké mouin pa vi-n rélé moun kòrèk yo, min péchè yo ».

Paròl Granmèt la.

Samdi

Ané 1

PRÉMIÉ LÉKTU

*Jakòb té pran pié sou frè-l la,
épi li té pran bénédiksion-l nan daso (27, 36).*

Léktu liv Jénèz la

27, 1-5. 15-29

Izaak té vié, épi jé-l té voualé, li pa-t kapab ouè. Li té rélé Ézayu, pi gran pitit li-a, épi li té di-l : « Pitit mouin ». Li té réponn : « Min mouin ». Papa-a té di-l : « Ou ouè mouin fi-n vié, épi mouin pa konnin jou lanmòm. Pran zam ou, sak pou mét flèch yo avèk boua pou-ou tiré flèch la, épi pati déyò. Lè ou-a pran yon jibié, fè yon plat pou mouin, jan-ou konnin mouin rinmin-an, poté-l pou-m manjé, épi nanm mouin a béni-ou, anvann mouri ».

Rébéka té tandé. Li minm minm li té pati l-al nan boua pou-l akonpli kòmandman papa-a. Rébéka minm ak pi bon rad Ézayu yo, sa-l té gin bò koté pa-l la, li té abiyé Jakòb ; épi ak po kabrit yo li té vlopé min yo épi li

protéjé kou-a koté po-a té lis la. Li té ba-l plat la, épi pin yo li té kuit yo, li té rinmèt li yo.

Antan-l poté yo, li té di : « Papa mouin ». Li minm minm li té réponn : « Mouin tandé. Kilès ou yé, pitit mouin ? » Jakòb té di : « Mouin sé premié pitit ou-a Ézayu. Mouin té fè jan-ou té kòmandé-m nan ; lévé, chita, épi manjé nan jibié-m nan, pou nanm ou béni-m ». Yon lòt foua ankò Izaak té di pitit li-a : « Kòman ou té kapab jouinn vit konsa-a, pitit mouin ? » Li té réponn : « Volonté Bondié té fè mouin rankontré tou suit sa-m té vlé-a ».

Izaak té di : « Proché isit la, pou-m touché-ou, pitit mouin ; pou-m konstaté si ou sé pitit mouin Ézayu, oubyin si sé pa sa ». Li té proche kot papa-a, épi antan Izaak touché-l byin touché, li té di : « Voua-a an tou ka, sé voua Jakòb li yé ; sèlman min yo, sé min Ézayu yo yé ». Li pa-t rékonèt li, paské min yo té gin plim tankou min pi gran frè-a. Konsa, antan li béni-l, li té di : « Ou sé pitit mouin Ézayu ? » Li réponn : « Sé mouin minm ».

Li minm li té di : « Poté manjé nan jibié-ou la pou mouin, pitit mouin, pou nanm mouin béni-ou ». Lè-l fi-n manjé sa-l té poté yo, li té ofri-l divin tou ; antan-l fi-n bouè, li té di-l : « Proché koté-m, anbrasé-m, pitit mouin ». Li té proche, li té anbrasé-l. Minm lè-a, kon-l santi lodè rad li yo, antan-l béni-l, li té di :

« Min lodè pitit mouin-an tankou lodè yon jadin ki plin, sa Granmèt la béni-an.

Sé pou Bondié ba ou nan larouzé sièl la ak nan grès tè-a, anpil blé ak divin.

Sé pou pèp yo sèvi-ou, sé pou ras yo bésé dévan-ou ; sé pou-ou mèt frè-ou yo, sé pou pitit manman-ou yo plouayé kò yo dévan-ou.

Moun ki madichonnin-ou, sé li minm ki pou jouinn madichon, épi moun ki béni-ou, sé pou-l plin ak bénédiksyon ».

Paròl Granmèt la.

PSÒM RÉPONS

Ps 134, 1-2. 3-4. 5-6 (R : 3 a)

R : Fè louanj Granmèt la, poutèt li bon.

oubyin : Alélouya.

- 1 Fè louanj pou non Granmèt la,
fè louanj, sèvitè Granmèt la,
2 nou minm ki kanpé nan kay Granmèt la,
nan lakou kay Bondié nou-an. **R:**
- 3 Fè louanj Granmèt la, paské Granmèt la bon ;
chanté kantik pou non-l, poutèt li bon.
4 Paské Granmèt la té chouazi Jakòb,
Israèl kòm pòsion spésial li. **R:**
- 5 Sèké mouin konnin Granmèt la gran
Bondié nou-an anlè tout dié yo.
6 Tou sa Granmèt la vlé,
li fè-l nan sièl la ak sou tè-a,
nan lanmè-a ak nan tout bafon yo. **R:**

Ané 2

PRÉMIÉ LÉKTU

*M-ap fè prizonié pèp mouin yo tounin,
m-ap instalé yo nan péyi yo-a.*

Léktu liv profèt Amòs

9, 11-15

Min paròl Granmèt la : « Jou sa-a m-ap drésé tant David la ki té tonbé-a, m-ap rébati miray li yo ki té louvri yo, m-ap réfè sa-k té démoli yo, m-ap rébati-l tankou nan jou lontan yo, pou yo posédé rès Idiméyin yo ak tout nasion yo, pou yo rélé non-m sou yo, sé sa Granmèt la di, li minm ki fè bagay sa yo.

Min jou k-ap rivé, sé sa Granmèt la di, moun k-ap simin-an l-ap rékòlté ansanm ak sa k-ap rékòlté-a, moun k-ap foulé rézin-an, l-ap tou kolé ak sa k-ap voyé sémans la, mòn yo ap dégouté ak dousè, tout ti mòn yo ap gin jadin. Sa yo nan pèp mouin Israèl ki prizonié yo, m-ap fè yo tounin ; y-ap bati vil yo ki té abandoné yo, y-ap abité nan yo, y-ap planté rézin, y-ap bouè divin yo, y-ap fè jadin légim, y-ap manjé foui yo. M-ap instalé yo sou tè yo-a, mouin pap chasé yo ankò sot sou tè yo-a, sa-m té ba yo-a, sé sa Granmèt Bondié-ou la di ».

Paròl Granmèt la.

PSÒM RÉPONS

Ps 84, 9. 11-12. 13-14 (R : 9)

- R: Sé lapè Granmèt la ap palé ak pèp li-a.
- 9 M-ap kouté sa Granmèt Bondié ap di,
sé lapè l-ap palé pou pèp li-a ak sin-l yo
avèk pou sa yo ki chanjé nan kè yo-a. R:
- 11 Mizérikòd ak vérité rankontré,
jistis ak lapè anbrasé.
- 12 Vérité-a lévé sot sou tè-a,
jistis la panché sot nan sièl la. R:
- 13 Oui, Granmèt la ap bay bon kè,
tè nou-an ap bay frui-l.
- 14 Jistis ap maché dévan-l,
l-ap pozé pié-l sou rout la. R:

ALÉLOUYA

Jan 10, 27

R: Alélouya. Mouton-m yo ap kouté voua-m, sé sa Granmèt la di ;
épi mouin minm mouin konnin yo, y-ap suiv mouin. R: Alélouya.

ÉVANJIL

*Èské pitit mésié k-ap marié-a kapab an dèy,
pandan mésié k-ap marié-a avèk yo ?*

✠ Léktu sint Évanjil la dapré Matié

9, 14-17

Lè sa-a :

Disip Jan yo té proché kot Jézu, antan y-ap di : « Pouki sa nou minm ak farizyin yo n-ap fè jèn byin souvan, min disip ou yo minm yo pa fè jèn ? » Jézu minm té di yo : « Èské moun yo invité nan nòs la kapab nan lapinn toutotan mésié marié-a avèk yo ? Ap gin jou k-ap vini, lè y-a ouété mésié marié-a sot nan min yo, lè sa-a y-a fè jèn.

Pèsòn pa mété yon moso toual nèf pou-l koud avèk yon vié rad ; li tiré sou fil rad la, l-ap chiré pi plis. Yo pa mété divin nouvo nan vié véso ki fèt ak po bèt ; otréman véso yo ap éklaté, divin-an ap vidé, véso yo ap pèdi ; min divin nouvo sé nan véso nèf yo mété li, pou yo toulédé konsèvé ».

Paròl Granmèt la.

KATÒZIÈM SÉMÈN ÒDINÈ

Dimanch, ané A

PRÉMIÉ LÉKTU

Min Roua-ou la ap vi-n koté-ou tou pòv.

Léktu liv profèt Zakari

9, 9-10

Min paròl Granmèt la :

« Dansé kont kò-ou, pitit fi Siyon, éklaté ak fèt, pitit fi Jérusalèm : min Roua-ou la ap vi-n jouinn ou, li kòrèk, li minm k-ap sové-ou ; li pòv, li monté sou yon bourik, ak sou yon ti pitit bourik. M-ap gayé chario lagè yo sot nan Éfrayim, ak choual yo sot nan Jérusalèm, zam k-ap tiré flèch pou lagè-a ap gayé. L-ap palé lapè pou nasion yo, pouvoua-l ap sot nan lanmè rivé jous nan lanmè épi sot nan gran riviè yo rivé jous nan bout tè-a ».

Paròl Granmèt la.

PSÒM RÉPONS

Ps 144, 1-2. 8-9. 10-11. 13 cd-14 (R : 1)

R M-ap fè louanj pou non-ou tout tan, Bondié moutn ki roua.

oubyin : Alélouya.

- 1** M-ap fè louanj ou, Bondié-m, roua mouin,
m-ap fè konpliman pou non-ou
pou tout tan ak tout tan gin tan.
- 2** Chak jou m-ap fè konpliman pou ou
épi m-ap fè louanj non-ou
pou tout tan ak tout tan gin tan. **R**
- 8** Granmèt la gin pitié, li gin mizérikòd,
li gin pasians, li gin anpil mizérikòd.
- 9** Granmèt la dou pou tout moun,
pitié-l pou tou sa-l fè. **R**
- 10** Y-ap fè louanj ou, Granmèt, tou sa-ou fè yo ;
épi sin-ou yo ap fè konpliman pou ou.
- 11** Y-ap déklaré gloua péyi roua-ou la,
y-ap anonsé puisans ou. **R**

- ¹³ Granmèt la fidèl nan tout paròl li yo,
li sin nan tout aksion-l yo.
- ¹⁴ Granmèt la soulajé tout moun ki tonbé,
li drésé tout moun ki fébli. **R:**

DÉZIÈM LÉKTU

Si gras a Éspri-a nou touyé aksion chè-a, n-ap viv.

Léktu lèt apot sin Pòl pou Romin yo

8, 9. 11-13

Frè-m yo :

Nou pa nan chè-a, min nan Éspri-a, si Éspri Bondié-a abité nan nou réyéلمان. Si yon moun pa gin Éspri Kris la, moun sa-a pa pou li. Si Éspri li minm ki té résisité Jézu sot nan pami mò yo abité nan nou, li minm ki té résisité Jézu-Kri sot nan pami mò yo ap fè kò lanmò nou yo viv tou poutèt Éspri-a ki abité nan nou-an.

Konsa, frè-m yo, nou pa doué chè-a anyin, pou nou ta blijé viv dapré chè-a. Sèké si nou viv dapré chè-a, n-ap mouri ; min si gras a Éspri-a nou fè aksion chè-a mouri, n-ap viv.

Paròl Granmèt la.

ALÉLOUYA

Cf. Mt 11, 25

R: Alélouya. Konpliman pou ou, Papa, Granmèt sièl la ak tè-a,
paské ou té révéle mistè péyi roua-a bay ti moun piti yo. **R:** Alélouya.

ÉVANJIL

Mouin tou dou, mouin gin kè-m tou pòv.

✠ Léktu sint Évanjil la dapré Matié

11, 25-30

Lè sa-a antan Jézu pran laparòl, li té di :

« Mouin fè konpliman pou ou, Papa, Granmèt sièl la ak tè-a, paské ou té kaché bagay sa yo pou saj yo ak sa-k gin ladrès yo, épi ou té révéle yo bay ti moun piti yo. Oui, Papa, paské sé konsa sa fè-ou plézi. Papa-m té rinmèt mouin tout bagay, pèsòn pa konnin Pitit la, sof Papa-a ; ni pèsòn pa konnin Papa-a, sof Pitit la ak moun Pitit la vlé révéle sa.

Vi-n jouinn mouin, nou tout k-ap fatigé, k-ap rédi anba gro chaj, m-ap réfè fòs nou. Pran jouk mouin sou nou, pran léson nan min-m, paské mouin tou dou, mouin pòv nan kè-m ; n-ap jouinn répo pou nanm nou ; jouk mouin fasil pou poté, chaj mouin léjé ».

Paròl Granmèt la.

Dimanch, ané B

PRÉMIÉ LÉKTU

*Sé yon kay rébèl,
fè yo konnin gin yon profèt nan mitan yo.*

Léktu liv profèt Ézékièl

2, 2-5

Jou sa yo :

Éspri-a té antré anndan-m, épi li té mété-m kanpé sou pié-m, mouin té tandé l-ap palé avèk mouin, épi l-ap di :

« Pitit moun, mouin voyé-ou kot pitit Israèl yo, kot nasion ki révòlté, ki viré do ban mouin ; ni yo minm ni papa yo té dézobéyi aliens mouin-an jous jodi-a. Sé pitit ki gin figi yo maré, ki gin kè yo rébèl, sé koté yo mouin voyé-ou la ; ou-a di yo : “Min paròl Granmèt Bondié-a”. Yo mèt kouté, yo mèt réfizé, paské sé yon kay k-ap fè-m fè kòlè, épi y-a konnin gin yon profèt nan mitan yo ».

Paròl Granmèt la.

PSÒM RÉPONS

Ps 122, 1-2 a. 2 bcd. 3-4 (R : 2 cd)

R: Jé nou kot Granmèt la, joustan li pran pitié pou nou.

¹ Koté-ou mouin té lévé jé-m,
ou minm ki abité nan sièl yo.

² Min sé tankou jé sèvitè yo kot min mèt yo. R:

Tankou jé sèvant la kot min mètrès li,
sé konsa jé nou kot Granmèt Bondié nou-an,
joustan li pran pitié pou nou. R:

- ³ Pitié pou non, Granmèt, pitié pou nou,
paské nou plin ak mépri ;
- ⁴ paské nanm nou plin anpil
ak rizib moun ki rich yo, ak mépri moun yo k-ap lévé tèt yo-a. **R:**

DÉZIÈM LÉKTU

*M-ap fè louanj nan féblès mouin yo,
pou puisans Kris la abité nan mouin.*

Léktu dézièm lèt apot sin Pòl pou Korintyin yo 12, 7-10

Frè-m yo :

Pou grandè révélation yo pa viré tèt mouin yo té ban-m yon pikan nan chè-m, yon anj Satan k-ap souflété-m. Sou késion sa-a toua fouda mouin té priyé Granmèt la pou-l té ouété-l sot nan mouin épi li té di-m : « Gras mouin kont ou, sèké fòs la sé nan féblès la li réalizé ».

Konsa sé ak tout kè-m m-ap fè louanj tèt mouin nan féblès mouin yo, pou puisans Kris la abité nan mouin. Sé pousa mouin jouinn plézi-m nan féblès mouin yo, nan mank déga, nan tray, nan pèsékision, nan kè séré pou Kris la : lè-m fèb, sé lè sa-a mouin fò.

Paròl Granmèt la.

ALÉLOUYA

Cf. Lk 4, 18

R: Alélouya. Éspri Granmèt la sou mouin ;
li té voyé-m poté bòn nouvèl la bay pòv yo. **R:** Alélouya.

ÉVANJIL

Pa gin profèt ki san konsidération sòf nan péyi-l.

✠ Léktu sint Évanjil la dapré Mark 6, 1-6

Lè sa-a :

Jézu t-al nan péyi-l ; disip li yo t-ap suiv li. Lè saba-a rivé, li té kòmansé bay ansègnman nan sinagòg la.

Anpil moun ki t-ap kouté-l té sézi nan ansègnman-l nan, antan y-ap di : « Koté tout bagay sa yo soti ? Épi kilès sajès sa-a yo ba li-a, épi ki kalité mirak sa yo k-ap réalizé nan min-l konsa ? Èské sé pa ménizyé-a sa,

pitit Mari, frè Jak la, ak Jozèf la, ak Jud la, ak Simon-an ? Èské ni sè-l yo tou pa la avèk nou ? » Sé yon antrav li té yé pou yo.

Jézu minm t-ap di yo : « Pa gin profèt ki san konsidérasion, sòf nan péyi-l ak nan lakay li ak nan fanmi li ». Li pa-t kapab fè okinn mirak koté sa-a, sòf kèk infim li géri, antan-l pozé min sou yo. Li té sézi poutèt yo pa-t gin lafoua. Épi li t-al nan bouk yo alantou yo antan l-ap bay ansègnman.

Paròl Granmèt la.

Dimanch, ané C

PRÉMIÉ LÉKTU

Min m-ap vidé tankou riviè lapè sou li.

Léktu liv profèt Izayi

66, 10-14 c

Fè kè nou kontan avèk Jérusalèm, fété nan li, nou tout ki rinmin-l ; fè kè nou kontan anpil, nou tout ki té pran lapinn sou li.

Sé pou nou bouè lèt kont kò nou nan sin-l k-ap bannou konsolasion, sé pou nou sousé lèt ak kè kontan nan tout kalité gloua li.

Sèké min sa Granmèt la di : « M-ap fè tankou yon riviè lapè vidé sou li, tankou yon ravi-n k-ap débòdé, m-ap vidé gloua nasion yo sou li, sa-a n-ap sousé-a.

Y-ap poté nou sou koté, y-ap karésé nou sou jénou. Tankou yon ti moun manman-l ap karésé, konsa m-ap karésé nou mouin minm minm, y-ap konsolé nou nan Jérusalèm.

N-ap gadé, kè nou ap kontan, zo nou ap jèmin tankou zèb, Granmèt la ap fè sèvitè-l yo rékonèt min-l ».

Paròl Granmèt la.

PSÒM RÉPONS

Ps 65, 1-3 a. 4-5. 6-7 a. 16 é 20 (R : 1)

R Bat bravo pou Bondié, tout tè-a.

¹ Bat bravo pou Bondié, tout tè-a,

² chanté kantik pou gloua non li.

- Fè gloua louanj li.
- ³ Di Bondié : « Ala mèvèy travay ou yo ginyin. **R** »
- ⁴ Tout tè-a ap adoré-ou, l-ap chanté pou ou,
l-ap chanté kantik pou non-ou ».
- ⁵ Vini, épi n-a ouè travay Bondié yo,
li fè mèvèy nan aksion li fè sou pitit moun yo. **R**
- Li té fè lanmè-a vi-n tounin tè sèk,
épi y-ap pasé gran riviè-a apié ;
n-ap kontan nan li koté sa-a,
- ⁷ li minm k-ap kòmandé nan puisans li pou tout tan. **R**
- ¹⁶ Vini, kouté, épi m-ap rakonté, nou tout ki krinn Bondié-a,
tou sa-l té fè pou nanm mouin.
- ²⁰ Konpliman pou Bondié, ki pa-t réponsé priyè-m nan,
ni mizérikòd li-a sot sou mouin. **R**

DÉZIÈM LÉKTU

Mak Granmèt Jézu, mouin poté yo nan kò-m.

Léktu lèt apot sin Pòl pou Galat yo

6, 14-18

Frè-m yo :

Mouin pa gin doua jouinn gloua mouin okinn koté, sof nan koua Granmèt nou Jézu-Kri-a, li minm pa lintèmédiè-l la, tè-a té klouré sou koua pou mouin-an, épi mouin minm tou pou tè-a. Nan Kris la réyèlman ni sikonsizyon pa vo anyin, ni po ti-kò, min sé nouvo créatu-a.

Épi tout moun ki suiv règ sa-a, lapè sou yo ak mizérikòd, ni sou Israèl Bondié-a.

Apré sa, pèsònn pa doué ap trakasé-m ; mouin minm réyèlman, sé mak Granmèt Jézu yo mouin poté nan kò-m.

Gras Granmèt nou Jézu-Kri avèk éspri nou, frè yo. Amèn.

Paròl Granmèt la.

ALÉLOUYA

Kol 3, 15 a. 16 a

R Alélouya. Sé pou lapè Jézu-Kri-a fété anndan kè nou yo ;
sé pou paròl Jézu-Kri-a abité nan nou an kantité. **R** Alélouya.

ÉVANJIL

Lapè nou-an ap pozé sou li.

✠ Léktu sint Évanjil la dapré Luk

10, 1-12. 17-20

Lè sa-a :

Granmèt la té chouazi souasanndouz lòt ; épi li té voyé yo dé pa dé dévan-l nan tout vil ak bouk koté li té gin pou-l alé.

Li t-ap di yo :

« Rékòlt la anpil, min ouvriyé yo sé yon ti kras yo yé. Priyé Granmèt rékòlt la, pou-l voyé ouvriyé nan rékòlt li-a. Alé ; min mouin voyé nou tankou mouton nan pami lou. Pa poté sak, ni bous, ni sandal, pa salué pèsònn nan chémin.

Nan ninpòt kay nou antré, kòmansé di : “Lapè pou kay sa-a” ; si gin yon pitit lapè la, lapè nou-an ap pozé sou li ; otréman, l-ap tounin vi-n jouinn nou. Rété nan minm kay sa-a, manjé, bouè sa yo ginyin ; paské ouvriyé-a mérité salè-l. Pa travèsé sot nan kay al nan kay. Nan ninpòt ki vil nou antré, épi yo résévoua nou, manjé sa yo poté ba nou, géri malad yo ki nan vil la, di yo : “Péyi-roua Bondié-a tou pré nou”.

Min nan ninpòt ki vil tou nou antré, épi yo pa résévoua nou, soti sou plas li yo, épi di : “Ata pousiè, ki té kolé sou nou nan vil nou-an, nou kité-l pou nou ; sèlman aprann sa, péyi-roua Bondié-a tou pré”. Mouin di nou Sodòm ap jouinn plis padon jou sa-a pasé vil sa-a ».

Souasanndouz yo minm té tounin avèk kè kontan, antan y-ap di : « Granmèt, ata démon yo obéyi nou o non-ou ».

Min li té di yo : « Mouin té ouè Satan tankou zèklè k-ap tonbé sot nan sièl la. Min mouin té ba nou pouvoua pou nou maché sou sèpan ak skòpion ak sou tout pouvoua ènmi-an, anyin pap nui nou.

Sèlman sé pa sa ki doué lakòz kè kontan nou-an, poutèt éspri yo obéyi nou-an : sé pou nou kontan pito poutèt non nou ékri nan sièl yo ».

Paròl Granmèt la.

oubyin pi kout

✠ Léktu sint Évanjil la dapré Luk

10, 1-9

Lè sa-a :

Granmèt la té chouazi souasanndouz lòt ; épi li té voyé yo dé pa dé dévan-l nan tout vil ak bouk koté li té gin pou-l alé.

Li t-ap di yo :

« Rékòlt la anpil, min ouvriyé yo sé yon ti kras yo yé. Priyé Granmèt rékòlt la, pou-l voyé ouvriyé nan rékòlt li-a. Alé ; min mouin voyé nou tankou mouton nan pami lou. Pa poté sak, ni bous, ni sanal, pa salué pèsònn nan chémin.

Nan ninpòt kay nou antré, kòmansé di : “Lapè pou kay sa-a” ; si gin yon pitit lapè la, lapè nou-an ap pozé sou li ; otréman, l-ap tounin vi-n jouinn nou. Rété nan minm kay sa-a, manjé, bouè sa yo ginyin ; paské ouvriyé-a mérité salè-l. Pa travèsé sot nan kay al nan kay. Nan ninpòt ki vil nou antré, épi yo résévoua nou, manjé sa yo poté ba nou, géri malad yo ki nan vil la, di yo : “Péyi-roua Bondié-a tou pré nou” ».

Paròl Granmèt la.

Lindi

Ané 1

PRÉMIÉ LÉKTU

*Li ouè yon néchèl ki kanpé, épi anj Bondié yo k-ap monté-désann,
épi Bondié k-ap palé.*

Léktu liv Jénèz la

28, 10-22 a

Jou sa yo :

Antan Jakòb soti Bèrsabé, li té pati al Aran. Lè-l té rivé yon koté konsa, épi li té vlé pozé la, lè solèy la fi-n kouché, li té pran nan ròch yo ki té atè-a, antan li mété anba tèt li, li té dòmi nan koté sa-a minm.

Li té ouè nan somèy la yon néchèl ki kanpé atè-a, ak tèt li ki touché sièl la, Anj Bondié yo tou k-ap monté-désann atravè li, épi Granmèt la ki apiyé sou néchèl la, k-ap di-l :

« Sé mouin minm Granmèt Bondié Abraam, papa-ou la, ak Bondié Izaak. Tè-a koté ou-ap dòmi-an, sé ou minm m-ap bay li, ansanm ak désandans ou-a. Désandans ou-a ap tankou pousiè tè-a, épi ou-ap dévloé jous nan diréksion okouchan ak nan diréksion olévan ak nan nò ak nan sid, tout fanmi sou tè-a ap béni nan ou ak nan désandans ou. M-ap sèvi-ou protéksion tout koté ou-ap pasé, m-ap fè-ou tounin nan tè sa-a ; ni mouin pap lagé, toutotan mouin pa fi-n réalizé tou sa-m té di-a ».

Lè Jakòb té révéyé sot nan somèy la, li di : « Vrèman, Granmèt la nan koté sa-a, épi mouin pa-t konn sa ». Antan-l pè, li té di : « Ala koté ki térib, sé koté sa-a ! Isit la pa dèt bagay pasé kay Bondié ak pòt sièl la ». Antan-l lévé granmatin, li té pran ròch la li té pozé anba tèt li-a, épi li drésé-l kòm yon sign, antan-l vidé luil sou li. Li té rélé non vil la Bètèl ; anvan, yo té rélé-l Louza.

Li té fè yon vé tou, antan-l di : « Si Bondié avèk mouin, épi li protéjé-m sou rout la koté m-apralé-a, épi li ban-m pin pou-m manjé ak rad pou-m abiyé, épi mouin tounin rich kay papa-m, Granmèt la ap Bondié-m, épi ròch sa-a mouin drésé kòm sign nan, y-ap rélé-l kay Bondié ; nan tou sa ou-ap ban mouin, m-ap ofri-ou dizièm pòsion ».

Paròl Granmèt la.

PSÒM RÉPONS

Ps 90, 1-2. 3-4. 14-15 ab (R : cf. 2 b)

R: Bondié mouin, m-ap éspéré nan ou.

- 1 Moun ki abité nan protéksion Sa-a ki anro nèt la,
l-ap rété anba lonbraj Sa-a ki gin tout pouvoua-a.
- 2 L-ap di Granmèt la : « Kachèt mouin ak fòs mouin.
Bondié mouin, m-ap éspéré nan ou ». R:
- 3 Sèké li minm l-ap délivré-ou sot nan pièj chasè yo
ak nan paròl méchan.
- 4 Ak zèl li yo l-ap kouvri-ou,
anba plim zèl li ou-ap kaché. R:
- 14 Paské li kolé kò-l sou mouin, m-ap délivré-l ;
m-ap résévoua-l, paské li konnin non-m.
- 15 L-ap rélé-m, épi m-ap kouté-l ;
m-ap avèk li nan tribilasyon li. R:

Ané 2

PRÉMIÉ LÉKTU

M-ap marié-ou avèk mouin pou tout tan.

Léktu liv profèt Ozé

2, 16. 17 b-18. 21-22

Min paròl Granmèt la :

« Min mouin minm minm m-ap ba-l bouè lèt, épi m-ap kondui-l nan dézè-a, épi m-ap palé nan kè-l ; l-ap réponn la tankou jou lè-l té jèn nan, tankou jou lè-l té monté sot nan péyi Éjip la.

Jou sa-a, sé sa Granmèt la di, l-ap rélé-m : “Mari mouin”, li pap rélé-m “Baal mouin” ankò.

Épi m-ap marié-ou avèk mouin pou tout tan ; m-ap marié-ou avèk mouin nan jistis avèk jijman, nan mizérikòd avèk nan pitié, m-ap marié-ou avèk mouin nan lafoua, épi ou-ap konnin mouin sé Granmèt la ».

Paròl Granmèt la.

PSÒM RÉPONS

Ps 144, 2-3. 4-5. 6-7. 8-9 (R: 8 a)

- R: Granmèt la gin pitié, li gin mizérikòd.
- 2 Chak jou m-ap fè konpliman pou ou,
m-ap fè louanj non-ou
pou tout tan ak tout tan gin tan.
- 3 Granmèt la gran, épi li mérité anpil louanj,
épi grandè-l, yo pa kapab sondé-l. R:
- 4 Yon jénérasyon ap fè louanj pou travay ou yo bay yon lòt jénérasyon,
épi y-ap rakonté pouvoua-ou.
- 5 Grandè gloua rotè-ou, y-ap déklaré-l,
épi mèvèy ou yo, y-ap détayé yo. R:
- 6 Fòs ou ki térib yo, y-ap di yo,
grandè-ou la y-ap rakonté-l.
- 7 Y-ap pibliyé souvni richès dousè-ou la,
y-ap fété nan jistis ou-a. R:
- 8 Granmèt la gin pitié, épi li gin mizérikòd,
li gin pasians, ak anpil mizérikòd.
- 9 Granmèt la dou pou tout moun,
épi pitié-l sou tout aksion li yo. R:

ALÉLOUYA

Cf. 2 Tim 1, 10

✠ Alélouya. Sovè nou Jézu-Kri té détoui lanmò,
épi li té kléré lavi-a gras a Bòn Nouvèl la. ✠ Alélouya.

ÉVANJIL

Pitit fi-m nan fè-k sot mouri, min vini, l-a viv.

✠ Léktu sint Évanjil la dapré Matié

9, 18-26

Lè sa-a :

Pandan Jézu t-ap palé, gin yon chèf ki proché ; épi li t-ap adoré-l, antan l-ap di : « Granmèt, pitit fi-m nan fè-k sot mouri, min vini, antan-ou pozé min sou li, épi l-ap viv ». Antan Jézu lévé, li t-ap suiv li, avèk disip li yo.

Épi min yon madanm ki t-ap pèdi san dépi douzan, li té proché dèyè, épi li té touché fil rad li. Li t-ap di réyèlman nan kè-l : « Si-m touché rad li sèlman, m-ap sové ».

Jézu minm antan-l viré épi li ouè-l, li té di : « Konfians pitit fi, lafoua-ou sové-ou ». Épi madanm nan té sové minm lè-a.

Lè Jézu té antré nan kay chèf la, épi li té ouè mizisyin yo ak foul la k-ap fè boui, li t-ap di : « Ralé kò nou, ti fi-a pa mouri, sé dòmni l-ap dòmni ». Min yo t-ap passé-l nan jouèt. Lè-l té fi-n chasé foul la, li té antré, épi li té kinbé min-l, ti fi-a té lévé. Nouvèl sa-a té gayé nan tout péyi sa-a.

Paròl Granmèt la.

Madi

Ané 1

PRÉMIÉ LÉKTU

Y-ap rélé non-ou Israël, paské ou té fò kont Bondié.

Léktu liv Jénèz la

32, 22-32

Jou sa yo :

Lè Jakòb té lévé granmatin, li té pran dé madanm li yo ak tout sèvant li yo ansanm avèk onz pitit li yo, épi li té travèsé pas Jabòk la. Lè-l té fi-n fè tou sa-l té ginyin travèsé, li té rété pou kont li.

Min yon mésié t-ap batay avèk li jous nan matin. Kòm mésié-a té ouè li pa-t kapab ranpòté viktoua sou li, li té touché nè kuis li, minm lè-a, li té pèdi fòs li. Mésié-a té di Jakòb : « Kité-m al fè rout mouin, dévan-jou déjà ap parèt ». Li té réponn : « Mouin pap lagé-ou, toutotan ou pa béni-m ». Li té di : « Ki non-ou ? » Li té réponn : « Jakòb ». Li té di : « Non, yo pap rélé non-ou Jakòb ankò, min Israël : paské si-ou fò kont Bondié, sé pa ti kras viktoua ou-ap ranpòté sou lézòm ». Jakòb té mandé-l : « Di-m, kijan yo rélé non-ou ? » Li té réponn : « Pouki sa ou mandé-m non-m nan ? » Li té béni-l la minm.

Jakòb té rélé koté sa-a Fénouèl, antan-l di : « Mouin ouè Bondié fas a fas, épi nanm mouin sové ». Minm lè-a solèy la té kòmansé ap lévé sou li, lè-l té fi-n travèsé Fénouèl ; li minm minm li t-ap bouaté nan pié. Sé pousa pitit Israël yo, jous jodi-a, pa manjé nè ki té pèdi fòs li nan kuis Jakòb la, poutèt li té touché nè kuis li-a, épi li té vi-n angoudi.

Paròl Granmèt la.

PSÒM RÉPONS

Ps 16, 1. 2-3. 6-7. 8 b é 15 (R: 15 a)

R: Mouin minm nan jistis m-ap ouè fas ou, Granmèt.

- 1 Kouté jistis mouin, Granmèt,
panché sou priyè-m nan.
Paré zòrèy ou nan priyè-m nan,
sé pa ak bouch manti. R:
- 2 Sé pou jijman-m nan soti nan fas ou ;
sé pou jé-ou ouè sa ki douat yo.

- ³ Sondé kè-m, vizité-m nan nuit ;
éséyé-m avèk difé, ou pap jouinn méchansté nan mouin. **R**
- ⁶ Mouin minm sé koté-ou mouin rélé, paské ou kouté-m, Bondié ;
panché zòrèy ou sou mouin, kouté paròl mouin yo.
- ⁷ Fè mèvèy mizérikòd ou yo parèt,
ou minm ki sovè moun ki éspéré nan ou yo anba sa k-ap ataké yo,
nan min douat ou. **R**
- ⁸ Kinbé-m tankou grinn jé,
anba lonbraj zèl ou protéjé-m.
- ¹⁵ Kanta mouin minm nan jistis m-ap ouè fas ou,
m-ap satisfè, lè m-ap révéyé, gras a fas ou. **R**

Ané 2

PRÉMIÉ LÉKTU

Y-ap simin van, y-ap rékòlté tanpèt.

Léktu liv profèt Ozé

8, 4-7. 11-13

Min paròl Granmèt la :

Roua yo té régné nan Israèl, min sé pa nan mouin sa té sòti ; chèf yo té instalé, min mouin pa-t konnin ; ak lajan yo ak lò yo, yo té fè zidòl pou tèt yo, pou yo mouri. Yo réjité toro-ou la, Samari ; kòlè-m flanbé kont yo. Jouskilè yo pap kapab pròpté anba li ? Paské sé nan Israèl sa sòti : sé yon òfèv ki fè-l, li pa Bondié ; sèké toro Samari-a ap vi-n tounin toual zariyin ; Y-ap simin van, y-ap rékòlté tanpèt ; li pap gin blé, grinn nan pap fè fari-n ; minm si-l fè-l, sé yon lòt k-ap manjé-l.

Éfrayim mété anpil lotèl pou-l fè péché, é lotèl yo tounin pou li yon blok péché. M-ap ékri pakèt lòd mouin yo pou li, min yo konsidéré yo tankou bagay étranjé. Y-ap ofri sakrifis, y-ap sakrifé chè, y-ap manjé, min Granmèt la pap résévoua yo ; koulié-a l-ap sonjé fot yo, l-ap vizité péché yo : yo minm y-ap tounin Éjip.

Paròl Granmèt la.

PSÒM RÉPONS

Ps 113 B, 3-4. 5-6. 7 ab-8. 9-10 (R : 9 a)

R Kay Israèl la té éspéré nan Granmèt la.

oubyin : Alélouya.

- 3 Bondié nou-an minm nan sièl la,
 tou sa-l té vlé, li té fè-l.
- 4 Zidòl nasyon yo sé lajan ak lò,
 travay min lézòm. **R**
- 5 Yo gin bouch, min yo pap palé,
 yo gin jé, min yo pap ouè.
- 6 Yo gin zòrèy, min yo pap tandé,
 yo gin nin, min yo pap santi. **R**
- 7 Yo gin min, min yo pap touché,
 yo gin pié, min yo pap maché ;
- 8 sé pou yo vi-n tounin tankou yo, moun sa yo ki fè yo-a,
 ak tout moun ki mét konfians li nan yo. **R**
- 9 Kay Israèl la té éspéré nan Granmèt la,
 li sé sékou yo ak boukliyé yo.
- 10 Kay Aaron-an té éspéré nan Granmèt la,
 li sé sékou yo ak boukliyé yo. **R**

ALÉLOUYA

Jan 10, 14

R Alélouya. Mouin sé bon gadyin-an, sé sa Granmèt la di ;
 épi mouin konnin mouton-m yo, mouton-m yo konnin-m tou. **R**
 Alélouya.

ÉVANJIL

Rékòlt la anpil, sé vré, min travayè yo sé yon ti kras yo yé.

✚ Léktu sint Évanjil la dapré Matié

9, 32-38

Lè sa-a :

Yo té minnin yon moun bèbè bay Jézu, antan moun nan té gin yon démon. Kon-l fi-n chasé démon-an, bèbè-a té palé, épi foul yo té sézi, antan y-ap di : « Bagay konsa pa janm parèt nan Israèl ».

Farizyin yo minm t-ap di : « Sé pa pouvoua chèf démon yo li té chasé démon yo ».

Jézu minm t-ap maché nan tout vil yo ak bouk yo, antan l-ap bay ansègnman nan sinagòg yo, épi l-ap préché Bòn Nouvèl péyi roua-a, épi antan l-ap géri tout maladi ak tout féblès. Antan-l ouè foul yo, li té pran

lapinn pou yo, paské yo té bouké, yo té kouché tankou mouton ki pa gin gadyin.

Lè sa-a li té di disip li yo : « Rékòlt la anpil, min travayè yo sé yon ti kras yo yé ; priyé Granmèt rékòlt la, pou-l voyé travayè nan rékòlt li-a ».

Paròl Granmèt la.

Mèkrédi

Ané 1

PRÉMIÉ LÉKTU

*Nou mérité sa n-ap soufri-a,
paské nou té fè péché kont frè nou-an.*

Léktu liv Jénèz la

41, 55-57 ; 42, 5-7 a. 17-24 a

Jou sa yo :

Antan té gin grangou nan péyi Éjip la, pèp la té rélé kot Faraon, antan-l mandé manjé. Li té réponn yo : « Al jouinn Jozèf, épi ninpòt sa l-a di nou, n-a fè-l ». Chak jou, grangou-a t-ap vi-n pi rèd nan péyi-a ; Jozèf minm té ouvri tout dépo yo, épi li vann Éjipsyin yo ; sèké grangou-a t-ap krazé yo. Tout provins yo t-ap vi-n nan Éjip pou yo achté manjé, épi pou yo kalmé malè grangou-a.

Pitit Jakòb yo té antré nan péyi Éjip la avèk lòt moun yo ki té vouayajé pou yo achté-a.

Sèké té gin grangou nan péyi Kanaan-an. Jozèf minm té chèf nan péyi Éjip la, épi sé sou lòd li yo té konn vann blé bay pèp yo. Lè frè-l yo té salié-l, épi li té rékonèt yo, li té palé rèd avèk yo tankou ak étranjé, antan l-ap mandé yo : « Koté nou soti ? » Yo réponn : « Nan péyi Kanaan, pou nou achté manjé nou bézouin ». Li té mété yo nan prizon pandan toua jou.

Sou touazièm jou-a, antan yo soti nan prizon-an, li té di : « Fè sa-m di-a, épi n-a viv, mouin krinn Bondié réyéلمان. Si sé lapè nou poté, y-ap maré youn nan frè nou yo nan prizon ; min nou minm, alé, poté blé-a nou achté-a, nan kay nou yo épi frè nou-an ki pi piti-a, minnin-l ban mouin, pou-m kapab ouè si paròl nou yo sé vérité ; konsa nou pap mouri ».

Yo té fè jan-l té di-a ; épi youn té di lòt : « Nou mérité sibi bagay sa yo, paské nou té fè péché kont frè nou-an, antan nou té ouè tray nanm li,

pandan li t-ap priyé nou, épi nou pa-t kouté ; sé pou sa tribilasyon sa-a rivé sou nou-an ». Youn nan yo, Roubin, té di : « Èské-m pa-t di nou : “Pa fè péché kont pitit la” ? épi nou pa-t kouté-m. Min y-ap mandé régléman pou san-l ».

Yo pa-t konnin Jozèf té konprann, paské sé pa lintèmediè yon intèrprèt li t-ap palé ak yo. Li té ralé kò-l yon ti kras, épi li té kriyé ; épi li tounin vi-n koté yo.

Paròl Granmèt la.

PSÒM RÉPONS

Ps 32, 2-3. 10-11. 18-19 (R : 22)

- R : Sé pou mizérikòd ou sou nou, Granmèt,
minm jan nou té espéré nan ou-a.
- 2 Fè louanj pou Granmèt la, sou gita,
sou instriman dis kòd la, chanté pou li.
- 3 Chanté yon kantik nouvo pou li,
joué mizik byin pou li avèk gran bravo. R
- 10 Granmèt la gayé plan nasion yo,
li bloké kalkil pèp yo.
- 11 Min plan Granmèt la rété pou tout tan,
réfléksion kè-l pou jénèrasion ak jénèrasion. R
- 18 Min jé Granmèt la sou moun ki krinn li yo,
sou moun ki espéré sou mizérikòd li,
- 19 pou-l délivré nanm yo sot nan lanmò,
épi pou-l nourri yo nan grangou. R

Ané 2

PRÉMIÉ LÉKTU

Li tan pou nou chèché Granmèt la.

Léktu liv profèt Ozé

10, 1-3. 7-8. 12

Sé yon bèl jadin rézin Israèl té yé, ki donnin foui ; plis l-ap donnin foui, sé plis l-ap bati lotèl ; plis tè-a rich, sé plis l-ap drésé zidòl. Kè yo dé bò, koulié-a y-ap péri ; li minm l-ap krazé zidòl yo, l-ap avili lotèl yo. Sèké koulié-a y-ap di : « Nou pa gin roua ; nou pa krinn Granmèt la, réyèlman, épi roua-a, sa-l fè pou nou ? »

Samari té fè roua-l la pasé tankou kim sou fas dlo, grandè zidòl la gayé péché Israèl la ; rajé ak chadron ap monté sou lotèl li yo, épi y-ap di mòn yo « Kouvri nou », épi ti rotè yo « Tonbé sou nou ».

Simin nan jistis pou nou, épi n-a rékòlté nan mizérikòd, saklé tè nou-an ki fi-n répozé-a. Li tan pou nou chèché Granmèt la, pandan l-ap vini, sa-a k-ap aprann nou jistis la.

Paròl Granmèt la.

PSÒM RÉPONS

Ps 104, 2-3. 4-5. 6-7 (R: 4 b)

R: Chèché fas Granmèt la tout tan.

oubyin : Alélouya.

- 2 Chanté pou li, épi joué mizik pou li,
médité sou tout mèvèy li yo.
- 3 Fè louanj nou nan non-l ki sin-an,
sé pou-l kontan, kè moun yo k-ap chèché Granmèt la. R:
- 4 Chèché Granmèt la ak puisans li,
chèché fas li tout tan.
- 5 Sonjé mèvèy li té fè yo,
prodij li yo ak jijman bouch li-a. R:
- 6 Désandans Abraam, sèvitè-l la,
pitit Jakòb, sa li chouazi-a.
- 7 Sé li minm Granmèt Bondié nou-an ;
sou tout tè-a jijman-l yo. R:

ALÉLOUYA

Mk 1, 15

R: Alélouya. Péyi roua Bondié-a tou pré ;
fè pénitans, épi kouè nan Bòn Nouvèl la. R: Alélouya.

ÉVANJIL

Alé kot mouton yo k-ap péri nan kay Israël la.

✚ Léktu sint Évanjil la dapré Matié

10, 1-7

Lè sa-a :

Antan Jézu rélé douz disip li yo, li té ba yo pouvoua sou éspri pa-pròp yo, pou yo chasé yo, pou yo géri tout maladi ak tout infimité.

Non douz apot yo sé té : Prémie-a Simon, sa yo rélé Piè-a, épi André, frè-l la, Jak pitit Zébédé-a, ak Jan, frè-l la, Filip ak Bartélémi, Toma ak Matié, piblikin-an, Jak pitit Alfé-a, ak Tadé, Simon Kananéyin-an ak Juda Iskariòt, sa-a ki té trayi-l la.

Douz sa yo minm, Jézu té voyé yo, antan-l ba yo konsign, an dizan : « Pa alé nan rout payin yo, pa antré nan vil Samaritin yo ; min pito nou alé kot mouton yo k-ap péri nan kay Israël la. Antan nou alé, préché, antan nou di : “Péyi roua sièl yo toupré ” ».

Paròl Granmèt la.

Jédi

Ané 1

PRÉMIE LÉKTU

Sé pou nou té kapab sové Bondié té voyé-m Éjip la.

Léktu liv Jénèz la

44, 18-21. 23 b-29 ; 45, 1-5

Jou sa yo :

Antan Juda proche pi pré, li té di Jozèf avèk asirans : « Tanpri, Granmèt mouin, kité sèvitè-ou di yon paròl nan zòrèy ou, pa faché kont sèvitè-ou ; sèké ou minm, apré Faraon, sé Granmèt mouin. Ou té pozé sèvitè-ou yo késion anvan : “Èské nou gin yon frè ?” Nou té réponn ou, mèt mouin : “Nou gin yon papa ki vié, ak yon frè ki tou piti, ki fèt pandan papa nou vié granmoun nan ; frè ki minm manman avèk li-a mouri ; sé li minm sèl manman-l ginyin, papa-l minm rinmin-l anpil”.

Ou té di sèvitè-ou yo : “Minnin-l ban mouin, m-ap pozé jé-m sou li. Si ti frè nou-an pa vini avèk nou, nou pap ouè fas mouin ankò”.

Min lè nou té monté kot sèvitè-ou papa nou, nou té rakonté-l tou sa mèt nou té di. Papa nou té di : “Tounin, achté yon ti blé pou nou”. Nou té di-l : “Nou pa kapab alé ; si ti frè nou-an désann avèk nou, n-ap pati ansanm. Otréman, si-l pa la, nou pap gin odas ouè fas mésié-a”. Li té réponn atò : “Nou konnin sé dé pitit madanm mouin té fè ban mouin. Youn pati, nou té di : “Sé yon bèt nan boua ki dévoré-l”, jouskoulié-a li pa parèt. Si nou pran pitit sa-a tou, épi kichòy rivé-l sou rout, n-ap fè chévé blan-m yo désann avèk chagrin anba tè-a” ».

Jozèf pa-t kapab kinbé ankò dévan tout moun ki té kanpé bò koté-l yo, sé pou sa li té pasé lòd pou tout moun soti déyò ; lè pa-t gin okinn étranjé ankò ki té la, youn rékonèt lòt. Jozèf té lévé voua-l avèk dlo nan jé-l, Éjipsyin yo té tandé-l, ni tout kay Faraon-an.

Li té di frè-l yo : « Sé mouin minm Jozèf. Èské papa-m ap viv toujou ? » Frè-l yo pa-t kapab réponn anyin, sézisman té troublé yo. Li minm li palé ak yo avèk dousè, li té di : « Proché koté-m ». Lè yo té proche tou pré, Jozèf té di : « Sé mouin minm, frè nou-an, sa nou té vann Éjip la. Pa pè, sa pa doué parèt rèd pou nou, poutèt nou té vann mouin nan péyi sa-yo ; sèké sé pou nou té kapab sové Bondié té voyé-m dévan nou nan Éjip la ».

Paròl Grammèt la.

PSÒM RÉPONS

Ps 104, 16-17. 18-19. 20-21 (R: 5 a)

R: Sonjé mèvèy Grammèt la té fè yo.

oubyin : Alélouya.

- 16 Li té rélé grangou sou tè-a,
épi li té kasé tout baton pin.
- 17 Li té voyé yon moun dévan yo,
sé Jozèf yo té vann kòm ésklav la. R:
- 18 Yo té fiksé pié-l nan chinn,
yo té pasé kou-l nan fè,
- 19 joustan paròl li-a rivé,
promès Grammèt la té nétouayé-l. R:
- 20 Roua-a té voyé lagé-l,
chèf pèp yo, épi li té ranvouayé-l ;

- ²¹ li té instalé-l kòm mèt kay li,
kòm chèf sou tou sa-l posédé. **R**

Ané 2

PRÉMIÉ LÉKTU

Kè-m chaviré anndan-m.

Léktu liv profèt Ozé

11, 1-4. 8 c-9

Min paròl Granmèt la :

« Israèl té piti, mouin té rinmin-l, mouin té rélé pitit mouin-an sot Éjip. Plis mouin t-ap rélé yo, plis yo t-ap ralé kò yo sot dévan fas mouin ; yo t-ap ofri sakrifis bay Baal yo, yo t-ap sakrifé bay zidòl yo.

Mouin minm mouin t-ap kondui démach Éfrayim, mouin t-ap poté yo sou bra-m, min yo pa-t konnin mouin t-ap souin yo. Avèk kòd byinvéyans mouin t-ap minnin yo, avèk kòd rinmin-an ; pou yo mouin té tankou yon moun k-ap lévé ti pitit la jous bò figi-l, mouin t-ap panché sou li pou-m fè-l manjé.

Kè-m ap boulvèsé anndan-m, konsa mouin troublé tèlman mouin régrèt. Mouin pap kité kòlè-m éklaté, mouin pap chanjé pou-m gayé Éfrayim, paské sé Bondié mouin yé, sé pa moun ; nan mitan-ou Sin-an, épi mouin pap antré nan vil la ».

Paròl Granmèt la.

PSÒM RÉPONS

Ps 79, 2 ac é 3 b. 15-16 (**R** : 4 b)

- R** Kléré fas ou, Granmèt, épi n-a sové.
- ² Ou minm k-ap kondui Israèl, fè atansion,
Ou minm ki chita anlè Chéribin yo, kléré.
- ³ Drésé pouvoua-ou, épi vini,
pou-ou sové nou. **R**
- ¹⁵ Bondié puisans yo, viré ;
gadé antan-ou nan sièl la, pou-ou ouè, vizité pié rézin sa-a.
- ¹⁶ Protéjé-l, li minm min douat ou té planté-a,
épi sou pitit moun nan, li minm ou té asiré pou ou-a. **R**

ALÉLOUYA

Mk 1, 15

℞ Alélouya. Péyi roua Bondié-a tou pré,
fè pénitans, épi kouè nan Bòn Nouvèl la. ℞ Alélouya.

ÉVANJIL

Nou té résévoua gratis, sé pou nou bay gratis.

✚ Léktu sint Évanjil la dapré Matié

10, 7-15

Lè sa-a : Jézu té di Apot li yo :

« Antan nou alé, préché, antan nou di : “Péyi roua sièl yo tou pré”. Géri infim yo, résisité mò yo, pròpté lépré yo, chasé démon yo. Nou té résévoua gratis, sé pou nou bay gratis. Pa posédé lò, ni lajan. ni monnin nan sintu nou, ni sak pou rout la, ni dé chémiz, ni sandal, ni baton : travayè-a mérité manjé li.

Nan ninpòt ki vil oubyin bouk nou antré, mandé si gin yon moun ki onèt ladan-l, épi rété la joutan nou pati. Antan nou antré nan kay la, salié-l, antan nou di : “Lapè pou kay sa-a”. Si kay sa-a mérité, lapè nou-an ap rivé sou li ; min si-l pa mérité, lapè nou-an ap tounin koté nou.

Tout moun ki pa résévoua nou, ki pa kouté paròl nou yo, soti déyò kay yo-a oubyin vil yo-a, souké pou siè sot nan pié nou. Amèn mouin di nou, y-ap gin plis tolérans pou péyi Sodòm ak Gomò nan jou jijman-an pasé pou vil sa-a ».

Paròl Granmèt la.

Vandrédi

Ané 1

PRÉMIÉ LÉKTU

*Mouin mèt mouri ak kè kontan,
paské mouin ouè fas ou.*

Léktu liv Jénèz la

46, 1-7. 28-30

Jou sa yo :

Antan Israèl pati avèk tou sa-l té ginyin, li té rivé bò Pui Sèman-an, épi antan li ofri sakrifis bay Bondié papa-l Izaak nan koté sa-a, li té

tandé-l nan vizion nan nuit k-ap di-l : « Jakòb, Jakòb ». Li té réponn li : « Min mouin ». Bondié té di-l : « Mouin sé Bondié ki fò-a, Bondié papa-ou la. Pa pè ; désann nan Éjip, paské m-ap fè-ou vi-n tounin yon gran nasyon laba-a. M-ap désann avèk ou laba-a, m-ap minnin-ou tounin ; Jozèf ap pozé min-l sou jé-ou ».

Jakòb minm té lévé sot bò Pui Sèman-an ; épi pitit li yo té pran-l avèk ti pitit yo, avèk madanm yo sou chario Faraon té voyé pou poté granmoun nan ak tou sa-l té posédé nan péyi Kanaan-an ; li té rivé nan Éjip avèk tout ras li, pitit li yo ak pitit pitit li yo, pitit fi-l yo ak tout pitit yo avèk yo.

Li té voyé Juda dévan-l kot Jozèf, pou-l anonsé-l l-ap vi-n rankontré-l Gésèn. Lè-l té rivé, Jozèf fè sélé chario li-a, li monté al rankontré papa-l koté sa-a ; antan-l ouè-l, li té lagé kò-l nan kou-l, épi li té anbrasé-l lontan, li té kriyé. Papa-a té di Jozèf : « Koulié-a mouin mèt mouri ak kè kontan, paské mouin ouè fas ou, mouin kité-ou an santé ».

Paròl Granmèt la.

PSÒM RÉPONS

Ps 36, 3-4. 18-19. 27-28. 39-40 (R : 39 a)

- R: Sové moun ki kòrèk yo sové-a, sé nan Granmèt la sa sòti.
- 3 Éspéré nan Granmèt la, fè sa-k bon,
ou-ap abité tè-a, ou-ap manjé ak konfians.
- 4 Joui nan Granmèt la,
l-ap ba ou sa kè-ou mandé yo. R:
- 18 Granmèt la konnin jou moun ki san tach yo,
éritaj yo ap la pou tout tan.
- 19 Yo pap ront nan tan malè-a,
nan jou grangou y-ap jouinn kont manjé yo. R:
- 27 Viré do bay sa-k mal, fè sa-k byin,
ou-ap abité pou tout tan gin tan.
- 28 Paské Granmèt la rinmin jijman,
li pa lagé sin-l yo.
Moun ki pa kòrèk yo ap péri pou tout tan,
ras méchan yo ap détoui. R:
- 39 Sové moun ki kòrèk yo sové-a, sé nan Granmèt la sa soti,
li sèvi yo protéksion nan tan tribilasyon-an.

⁴⁰ Granmèt la ap édé yo, l-ap libéré yo,
l-ap délivré yo sot nan min péchè yo, épi l-ap sové yo,
paské yo té espéré nan li. **R**:

Ané 2

PRÉMIÉ LÉKTU

Nou pap rélé travay min nou yo dié ankò.

Léktu liv profèt Ozé

14, 2-10

Min paròl Granmèt la :

« Tounin, Israèl, kot Granmèt Bondié-ou la, paské ou té gaté nan péché-ou la. Pran bon paròl avèk ou, tounin vi-n jouinn Granmèt la, épi di-l : “Ouété tout fot la, résévoua byin-an, n-ap rimmèt sakrifis bon paròl bouch nou. Asour pap sové nou, nou pap monté sou choual, nou pap rélé travay min nou yo dié ankò, paské moun ki nan ou-a, ou pran pitié pou òfélin-l nan”.

M-ap géri doulè yo, m-ap rinmin yo ak tout kè-m, paské mouin viré kòlè-m louin yo ; mouin tankou larouzé, Israèl ap jèmin tankou lis, rasi-n li ap éklaté tankou rasi-n Liban. Ramo-l yo ap dévlopé, gloua li ap tankou pa pié oliv la, odè-l ap tankou pa Liban-an.

Y-ap tounin vi-n chita anba lonbraj li, y-ap viv avèk blé, y-ap jèmin tankou pié rézin ; souvni-l ap tankou divin Liban. Éfrayim, sa-k ginyin ankò ant mouin minm ak zidòl yo ? Mouin minm m-ap kouté, m-ap kondui-l tankou yon sapin ki byin vèt ; sé nan mouin minm ou-ap jouinn foui-ou.

Ki moun ki gin sajès, pou-l konprann bagay sa yo ? Sé pou-l konprann, sé pou-l konnin bagay sa yo. Paské rout Granmèt yo douat, moun ki kòrèk yo ap maché nan yo ; min rébèl yo ap péri nan yo ».

Paròl Granmèt la.

PSÒM RÉPONS

Ps 50, 3-4. 8-9. 12-13. 14 é 17 (**R** : 17 b)

R: Bouch mouin ap anonsé louanj ou, Granmèt.

³ Pitié pou mouin, Bondié, dapré mizérikòd ou-a ;
dapré kantité pitié-ou, éfasé fòt mouin-an.

- 4 Lavé-m nèt sot nan fot mouin-an,
pròpté-m sot nan péché-m nan. **R:**
- 8 Gadé sé vérité ou rinmin nan kè,
nan sékrè ou fè-m ouè sajàs.
- 9 Lavé-m avèk izòp, m-ap vi-n pròp ;
lavé-m, m-a vi-n blan passé lanèj. **R:**
- 12 Kréyé yon kè pròp nan mouin, Bondié,
réfè yon éspri fèm nan zantray mouin yo.
- 13 Pa jété-m louin fas ou,
éspri sin-ou nan, pa ouété-l sot nan mouin. **R:**
- 14 Rinnèt mouin kè kontan poutèt ou sové-m nan,
asiré-m ak éspri ki pi vif la.
- 17 Granmèt, louvri po bouch mouin,
bouch mouin ap anonsé louanj ou. **R:**

ALÉLOUYA

Jan 16, 13 a ; 14, 26 d

R: Alélouya. Lè Éspri vérité-a ap rivé, l-ap aprann nou tout vérité-a ;
épi l-ap raplé nou tou sa-m té di nou yo. **R:** Alélouya.

ÉVANJIL

Sé pa nou minm k-ap palé, min sé Éspri Papa nou-an.

✠ Léktu sint Évanjil la dapré Matié

10, 16-23

Lè sa-a : Jézu té di Apot li yo :

« Min mouin voyé nou tankou mouton nan mitan lou. Sé pou nou gin
ladrès tankou sèpan yo, épi sé pou nou sinp tankou pijon yo.

Sèlman pran prékosion ak moun yo ; sèké y-ap rinnèt nou nan tribinal
yo, épi y-ap bat nou nan sinagòg yo ; y-ap kondui nou réyèlman dévan
préfè yo ak roua yo poutèt mouin, pou nou sèvi-m témouin dévan yo ak
dévan nasion yo. Min lè y-ap rinnèt nou-an, pa réfléchi sou fason oubyin
sou sa n-ap di : sé nan lè sa-a minm réyèlman y-ap ba nou sa pou nou di-
a ; sèké sé pa nou minm k-ap palé, sé Éspri Papa nou-an k-ap palé nan
nou.

Frè ap rinnèt frè nan lanmò, épi papa ap rinnèt pitit ; pitit ap lévé
kont papa ak manman, épi y-ap fè touyé yo. Tout moun ap rayi nou

poutèt non mouin ; min moun k-ap pèsévéré jouskalafin, sé li minm k-ap sové.

Lè y-ap pèsékité nou minm nan yon vil, sové kò nou nan yon lòt. Amèn, mouin di nou, nou pap fini ak vil Israèl yo, anvan Pitit moun nan ap rivé ».

Paròl Granmèt la.

Samdi

Ané 1

PRÉMIÉ LÉKTU

*Bondié ap vizité nou,
l-ap fè nou monté sot nan péyi sa.*

Léktu liv Jénèz la

49, 29-32 ; 50, 15-26 a

Jou sa yo :

Jakòb té pasé pitit li yo lòd, antan-l di : « Mouin minm m-ap tounin kot pèp mouin-an ; sé pou nou antéré-m avèk papa mouin yo nan trou ròch doub la, ki nan jadin Éfron, Itit la, an fas Manbré-a, nan péyi Kanaan-an, sa Abraam té achté avèk jadin-an nan min Éfron, Itit la, kòm posésion pou simitiè-a. Sé la yo té antéré-l, ni Sara, madanm li, sé la Izaak té antéré avèk Rébéka, madanm li, sé la tou Léa kouché, lè yo té fi-n anbomé-l la ».

Lè-l fi-n pasé lòd yo, pou-l instoui pitit li yo, li té ranmasé pié-l sou kabann nan, épi li té mouri ; yo té dépozé-l kot pèp li-a.

Lè-l fi-n mouri, antan frè Jozèf yo pè, youn t-ap di lòt : « Si-l sonjé mové trétman li té sibi-a, épi li rinmèt nou tout mal nou té fè-l la », yo té mandé-l antan yo di : « Papa nou té pasé nou lòd anvan-l té mouri, pou nou té di-ou paròl li yo : “Mouin priyé-ou pou-ou bliyé krim frè-ou yo ni péché yo, ni méchansté yo, sa yo té fè kont ou-a”. Nou minm tou nou priyé-ou pou-ou padonnin sèvitè Bondié papa-ou yo pou fòt sa-a ». Antan-l tandé sa, Jozèf té kriyé.

Frè-l yo té vi-n koté-l, épi antan yo bésé jous atè dévan-l, yo té di : « Nou sé ésklav ou ». Li té réponn yo : « Pa pè. Èské nou kapab rézisté volonté Bondié ? Nou té kalkilé mal kont mouin. Min Bondié té fè sa vi-n tounin byin, pou-l lévé-m anlè (jan nou ouè koulié-a), pou-l sové anpil pèp. Pa pè : m-ap okipé nou ni pitit nou yo ». Li té konsolé yo, épi li té palé ak yo avèk jantiyès, avèk dousè.

Li té abité Éjip avèk tout kay papa-l ; li té viv sandizan, li té ouè pitit Éfrayim jous nan touazièm jénérasion. Ni pitit Makir tou, pitit Manasé yo té fèt sou jénou Jozèf.

Apré sa, Jozèf té di frè-l yo : « Apré lanmò-m, Bondié ap vizité-nou, l-ap fè nou monté sot nan péyi sa-a al nan péyi li té fè sèman bay Abraam, Izaak ak Jakòb la ». Lè-l fi-n ba yo konsign, épi li fi-n di : « Bondié ap vizité nou : sé pou nou poté zo-m avèk nou sot isit la », Jozèf té mouri.

Paròl Granmèt la.

PSÒM RÉPONS

Ps 104, 1-2. 3-4. 6-7 (R: cf. Ps 68, 33)

R: Sa-k gin imilité yo, chèché Bondié, épi kè nou ap viv.

1 Fè louanj Granmèt la épi rélé non-l,
anonsé travay li yo nan pami nasion yo.

2 Chanté pou li épi joué mizik pou li,
médité sou tout mèvèy li yo. R:

3 Fè louanj nou nan non-l ki sin-an,
sé pou kè yo kontan, moun yo k-ap chèché Granmèt la.

4 Chèché Granmèt la ak puisans li,
chèché fas li tout tan. R:

6 Ras Abraam, sèvitè-l yo,
pitit Jakòb yo, sa-l chouazi yo.

7 Sé li minm Granmèt Bondié nou-an ;
sou tout tè-a jijman-l yo. R:

Ané 2

PRÉMIÉ LÉKTU

*Sé yon moun ki gin bouch sal mouin yé,
épi mouin té ouè roua-a Granmèt lamé yo ak jé-m.*

Léktu liv profèt Izayi

6, 1-8

Ané roua Ozaias té mouri-a, mouin té ouè Granmèt la ki chita sou yon tro-n byin ro épi ki anlè nèt ; sa-k té anba-l yo té plin tanp la. Sérafin yo té kanpé anlè-l ; yo chak té gin sis zèl : dé pou yo kouvri fas yo, dé pou yo kouvri pié yo, dé pou yo volé.

Youn t-ap rélé bay lòt, yo t-ap di : « Li sin, li sin, li sin, Granmèt Bondié lamé yo ; tout tè-a plin ak gloua li ». Voua sa-a ki t-ap rélé-a fè gon pòt yo souké, kay la vi-n plin ak lafimin.

Mouin di : « Ala malè pou mouin, paské mouin pé bouch, paské mouin sé yon moun ki gin bouch sal, mouin abité nan mitan yon pèp ki gin bouch sal, épi mouin ouè roua-a Granmèt lamé yo ».

Youn nan Sérafin yo volé koté-m. Li té gin yon chabon difé nan min-l, li té pran-l sou lotèl la ak yon pinsèt ; li touché bouch mouin, li di : « Gadé, sa-a touché bouch ou, fot ou-a pati, péché-ou la pròpté ».

Mouin tandé Granmèt la k-ap di : « Kilès m-ap voyé ? Kilès k-apralé pou nou ? » Mouin di : « Min mouin, voyé-m ».

Paròl Granmèt la.

PSÒM RÉPONS

Ps 92, 1 ab. 1 c-2. 5 (R : 1 a)

R: Granmèt la roua, li vlopé ak bèlté.

¹ Granmèt la roua, li vlopé ak bèlté ;
Granmèt la vlopé, li maré rin-l ak fòs. R:

Réyèlman vré li rann fas tè-a solid, pou-l pa souké.
² Fotèy ou solid dépi lontan, dépi tout tan ou égzisté. R:

⁵ Témouagnaj ou yo mérité konfians nèt ;
kay ou-a kléré ak sa ki sin-an, Granmèt,
pou longè tan yo. R:

ALÉLOUYA

1 P 4, 14

R: Alélouya. Si yo manké nou respè pou non Jézu-Kri, sé chans pou nou,
paské Léspri Bondié-a pozé sou nou. R: Alélouya.

ÉVANJIL

Pa pè moun k-ap touyé kò yo.

✠ Léktu sint Évanjil la dapré Matié

10, 24-33

Lè sa-a : Jézu di Apot li yo :

« Disip-la pa anlè mèt la, ni sèvitè-a pa anlè mèt li. Sa kont pou disip-la vi-n tankou mèt li, pou sèvitè-a vi-n tankou mèt li. Si yo rélé pèd-famiy nan Bèlzéboub, y-ap di pi mal pou sèvitè-l yo.

Pa pè yo. Nan pouin anyin ki kaché yo pap konnin. Sa-m di nou nan fènoua-a, di-l nan limiè ; sa nou tandé nan zòrèy, préché-l sou tèt kay.

Pa pè sila yo k-ap touyé kò-a, min ki pa kapab touyé nanm nan ; pito nou pè sila-a ki kapab pèdi ni nanm nan ni kò-a nan difé-a. Èské yo pa vann dé zouazo pou yon goud ; youn nan yo pa tonbé atè san Papa nou pa vlé. Chévé nan tèt nou, yo tout yo konté yo. Konsa, pa pè : nou vo plis passé anpil zouazo.

Ninpòt moun k-ap rékonèt mouin dévan lézòm, mouin minm tou m-ap rékonèt li dévan Papa-m ki nan sièl la. Min moun k-ap nié-m dévan lézòm, m-ap nié-l tou dévan Papa-m ki nan sièl la ».

Paròl Granmèt la.

KINZIÈM SÉMÈN ÒDINÈ

Dimanch, ané A

PRÉMIÉ LÉKTU

Lapli-a fè tè-a jèmin.

Léktu liv profèt Izayi

55, 10-11

Min paròl Granmèt la :

« Minm jan lapli ak lanèj désann sot nan sièl, épi li pa tounin la, san-l pa rouzé tè-a, san-l pa plin-l, pou-l fè-l jèmin, pou-l bay sémans pou moun k-ap simin-an ak pin pou moun ki bézouin manjé-a, sé konsa tou paròl ki soti nan bouch mouin-an, li pa tounin vi-n jouinn mouin vid, min l-ap fè tou sa-m vlé, l-ap réyisi mision-l nan, sa-m voyé-l fè-a ».

Paròl Granmèt la.

PSÒM RÉPONS

Ps 64, 10 abcd. 10 e-11. 12-13. 14 (R : Lk 8, 8)

R Sémans la tonbé nan bon tè-a, li donnin foui.

10 Ou vizité tè-a, ou rouzé-l ;
ou fè-l vi-n rich anpil.
Lariviè Bondié-a plin ak dlo ;
ou paré blé yo. **R**

Sé konsa ou paré-l.

11 Ou fè dlo koulé nan kannal li yo, ou égalizé bit tè-l yo ;
ou fè-l vi-n mòl ak gro lapli, ou béni jèm li yo. **R**

12 Ou kouronnin ané-a ak bon kè-ou,
tras pié-ou ap dégouté ak grès.

13 Pak zèb savann ap dégouté,
ti mòn yo vlopé ak kontantman. **R**

14 Pak zèb yo abiyé ak mouton,
plinn yo ap poté anpil kantité blé
y-ap rélé, réyèlman y-ap chanté kantik. **R**

DÉZIÈM LÉKTU

*Kréasion-an ap tann révélation pitit Bondié yo.***Léktu lèt apot sin Pòl pou Romin yo****8, 18-23**

Frè-m yo :

Mouin konsidéré soufrans tan sa-a pa anyin dévan gloua k-ap vini-an k-ap dévoualé nan nou-an. Réyèlman kréasion-an ap tann révélation pitit Bondié yo. Kréasion-an té blijé obéyi sa-k pa anyin-an, san-l pa vlé, min poutèt sa-a ki té rabésé-l konsa-a. Min li gin éspérans. Sèké kréasion-an li minm tou ap libéré sot anba ésklavaj dékonpozision-an pou-l antré nan libète bèlté pitit Bondié yo.

Nou konnin réyèlman tout créatu ap jémi épi ap anfanté jous koulié-a. Sé pa sèlman yo minm, min nou minm tou ki gin premié kado Éspri-a, n-ap plinn anndan kè nou, antan n-ap tann dènié gloua pitit adoptif Bondié yo ak rédanmsion kò-nou.

Paròl Grammèt la.

ALÉLOUYA

℞ Alélouya. Sémans la sé paròl Bondié-a,
sa-a k-ap simin-an minm, sé Kris la ;
tout moun ki jouinn li, l-ap diré pou tout tan. ℞ Alélouya.

ÉVANJIL

Moun k-ap simin-an, li soti pou-l simin.✠ **Léktu sint Évanjil la dapré Matié****13, 1-23**

Jou sa-a, Jézu soti nan kay la, li chita bò lanmè-a. Foul yo rasanblé koté-l, atèl pouin li blijé monté nan yon batiman pou-l chita ; tout foul la té kanpé sou bò lanmè-a. Li t-ap palé avèk yo anpil nan parabòl, li t-ap di :

« Sa-a k-ap simin-an soti pou-l simin. Pandan l-ap simin-an, gin kèk grinn ki tonbé sou bò rout la, zouazo sièl yo rivé, yo manjé yo. Dòt minm tonbé nan térin ròch, koté pa-t gin anpil tè ; minm lè-a, yo pousé, paské yo pa-t gin tè ki fon ; lè solèy la lévé, yo jouinn chalè ki boulé yo, épi kòm yo pa-t gin rasi-n, yo séché. Dòt minm tonbé nan pikan, yo grandi

avèk pikan yo, ki toufé yo. Dòt ankò tonbé nan bon tè ; yo bay foui, yon pòsion san fousa plis, yon lòt souasant fousa plis, yon lòt trant fousa plis.

Moun ki gin zòrèy pou-l kouté, sé pou-l kouté ».

Disip yo proché, yo di-l : « Pouki sa sé an parabòl ou-ap palé avèk yo-a ? »

Li réponn, li di yo : « Paské nou minm yo fè nou favè pou nou konnin mistè péyi-roua sièl yo, min sa yo minm yo pa fè yo favè sa-a. Moun ki ginyin, y-ap ba li, l-ap gin plis ; min moun ki pa ginyin, minm sa-l ginyin-an, y-ap ouété-l nan min-l. Sé pou sa sé an parabòl m-ap palé avèk yo, paské yo gadé san yo pa ouè, yo kouté san yo pa tandé, ni yo pa konprann. Profési Izayi-a réalizé, sa-k di :

“Nou mèt kouté byin kouté, nou pap konprann ; nou mèt gadé byin gadé, nou pap ouè. Kè pèp sa-a lou : zòrèy yo tandé di, jé yo fèmin ; konsa yo pa ouè ak jé yo, yo pa tandé ak zòrèy yo, yo pa konprann ak kè yo, yo pa chanjé konduit, é mouin t-ap géri yo”.

Kanta nou minm minm, ala kontantman pou jé nou, paské yo ouè : épi zòrèy nou, paské yo tandé. Amèn mouin di nou, anpil profèt ak moun ki kòrèk té anvi ouè sa nou ouè yo, min yo pa-t ouè yo, yo té anvi tandé sa n-ap tandé yo, min yo pa-t tandé yo.

Konsa nou minm kouté parabòl moun k-ap simin-an. Tout moun ki kouté paròl péyi-roua-a, épi ki pa mété-l nan kè-l pou-l konprann li, mové-a rivé, li pran sa yo té simin nan kè-l la ; sa-a sé sa-k simin sou bò chémin-an.

Sa-k simin sou térin ròch la minm, sé sa-k tandé paròl la, minm lè-a li résévoua-l avèk kè kontan ; sèlman li pa gin rasi-n, sé pou yon tan li la : lè vi-n gin tray ak pèsékision poutèt paròl la, minm lè-a li bité.

Sa-k simin nan pikan yo minm, sé sa-k tandé paròl la, sèlman tèt chajé sièk tan sa-a avèk atirans richès yo toufé paròl la, li rété san foui.

Sa-k simin nan bon tè-a minm, sé sa-k tandé paròl la, ki mété-l nan kè-l pou-l chèché konprann li : li donnin foui, li fè yon pòsion san fousa plis, yon lòt souasant, yon lòt minm trant ».

Paròl Granmèt la.

oubyin pi kout

✠ **Léktu sint Évanjil la dapré Matié**

13, 1-9

Jou sa-a, Jézu soti nan kay la, li chita bò lanmè-a. Foul yo rasanblé koté-l, atèl pouin li blijé monté nan yon batiman pou-l chita ; tout foul la té kanpé sou bò lanmè-a. Li t-ap palé avèk yo anpil nan parabol, li t-ap di :

« Sa-a k-ap simin-an soti pou-l simin. Pandan l-ap simin-an, gin kèk grinn ki tonbé sou bò rout la, zouazo sièl yo rivé, yo manjé yo. Dòt minm tonbé nan térin ròch, koté pa-t gin anpil tè ; minm lè-a, yo pousé, paské yo pa-t gin tè ki fon ; lè solèy la lévé, yo jouinn chalè ki boulé yo, épi kòm yo pa-t gin rasi-n, yo séché. Dòt minm tonbé nan pikan, yo grandi avèk pikan yo, ki toufé yo. Dòt ankò tonbé nan bon tè ; yo bay foui, yon pòsion san foua plis, yon lòt souasant foua plis, yon lòt trant foua plis.

Moun ki gin zòrèy pou-l kouté, sé pou-l kouté ».

Paròl Granmèt la.

Dimanch ané B

PRÉMIÉ LÉKTU

Alé, profétizé pou pèp mouin-an.

Léktu liv profèt Amòs

7, 12-15

Jou sa yo : Amazias, prèt Bètèl la, di Amòs :

« Ou minm ki gin vizion-an, al fè rout ou ; sové kò-ou nan péyi Juda, ou-a manjé pin-ou laba-a, ou-a profétizé laba-a. Min nan Bètèl, ou pa bézouin kontinié ap profétizé ankò, paské sé tanp roua-a ak kay péyi-roua-a ».

Amòs réponn, li di Amazias : « Mouin pa profèt, mouin pa pitit profèt ; min sé bèf mouin konn gadé, avèk pié figié mouin konn tayé. Granmèt la pran-m, pandan mouin t-ap suiv bann bèt yo, Granmèt la di-m : “Alé, profétizé pou pèp mouin Israël” ».

Paròl Granmèt la.

PSÒM RÉPONS

Ps 84, 9 ab-10. 11-12. 13-14 (R: 8)

- R: Fè nou ouè mizèrikòd ou-a, Granmèt,
sovè ou sovè nou-an, ba nou li.
- 9 M-ap kouté sa Granmèt Bondié ap di,
sé lapè l-ap palé pou pèp li-a ak sin-l yo.
- 10 Réyéلمان li tou pré moun ki krinn li yo, sovè li sovè nou-an,
pou gloua-a abité sou tè nou-an. R:
- 11 Mizèrikòd ak vérité rankontré,
jistis ak lapè anbrasé.
- 12 Vérité-a lévé sot sou tè-a,
jistis la panché sot nan sièl la. R:
- 13 Oui, Granmèt là ap bay bon kè,
tè nou-an ap bay foui-l.
- 14 Jistis ap maché dévan-l,
l-ap pozé pié-l sou rout la. R:

DÉZIÈM LÉKTU

Li chouazi nou nan li anvan tè-a té fèt.

Léktu lèt apot sin Pòl pou Éfézyin yo

1, 3-14

Konpliman pou Bondié Papa Granmèt nou Jézu-Kri, li minm ki béni nou ak tout kalité bénédiksion Éspri-a nan sièl yo nan Kris la. Jan li té chouazi nou nan li anvan tè-a té fèt la, pou nou sin, san répròch dévan-l nan rinmin-an. Li té déstiné nou davans pou nou vi-n tounin pitit adoptif pou li pa lintèmediè Jézu-Kri, dapré désizion volonté-l, pou louanj gloua gras li. Sé nan gras sa-a li ba nou avantaj nan Pitit li-a li rinmin-an.

Nan li nou gin rédanmsion gras a san-l, padon péché yo dapré richès gras li-a, ki débòdé sou nou nan tout kalité sajès ak ladrès. Pou-l té kapab fè nou konnin sakréman volonté-l, dapré bon plézi-l, sa-l té ranjé davans nan li pou fè tan yo rivé nan dènié bout kous yo, fè tout bagay kanpé nan Kris la, sa-k nan sièl la ak sa-k sou tè-a, nan li.

Sé nan li minm tou yo chouazi nou, yo rélé nou, nou minm tou, pitit Israèl yo, yo déstiné nou davans dapré plan sa-a ki fè tout bagay gras a désizion volonté-l la, pou nou vi-n sèvi louanj gloua li, nou minm ki té éspéré davans nan Kris la. Nan li minm nou minm tou, lè nou té tandé paròl vérité-a, Bòn Nouvèl sovè nou sovè-a, nou té kouè, nou té maké ak

mak Éspri Sin promès la, li minm ki garanti éritaj nou-an, pou rédanmsion n-ap jouinn nan, pou louanj gloua li.

Paròl Granmèt la.

oubyin pi kout

Léktu lèt apot sin Pòl pou Éfézyin yo

1, 3-10

Konpliman pou Bondié Granmèt nou Jézu-Kri, li minm ki béni nou ak tout kalité bénédiksion Éspri-a nan sièl yo nan Kris la. Jan li té chouazi nou nan li anvan tè-a té fèt la, pou nou sin, san répròch dévan-l nan rinmin-an. Li té destiné nou davans pou nou vi-n tounin pitit adoptif pou li pa lintèmediè Jézu-Kri, dapré désizion volonté-l, pou louanj gloua gras li-a. Sé nan gras sa-a li ba nou avantaj nan Pitit li-a li rinmin-an.

Nan li nou gin rédanmsion gras a san-l, padon péché dapré richès gras li-a ki débòdé sou nou nan tout kalité sajès ak ladrès. Pou-l té kapab fè nou konnin sakréman volonté-l, dapré bon plézi-l, sa-l té ranjé davans nan li pou fè tan yo rivé nan dènié bout kous yo, fè tout bagay kanpé nan Kris la, sa-k nan sièl la ak sa-k sou tè-a, nan li.

Paròl Granmèt la.

ALÉLOUYA

Cf. Éf 1, 17-18

℟: Alélouya. Sé pou Papa Granmèt nou Jézu-Kri kléré jé kè nou,
pou nou kapab konnin ki kalité éspérans rélé li rélé nou-an bay. ℟:
Alélouya.

ÉVANJIL

Li kòmansé voyé yo.✠ **Léktu sint Évanjil la dapré Mark****6, 7-13**

Lè sa-a :

Jézu té rélé douz yo, épi li té kòmansé voyé yo dé pa dé ; épi li t-ap ba yo pouvoua sou éspri papròp yo.

Li té pasé yo lòd pou yo pa pran anyin pou rout la, sof yon baton sèlman : ni sak, ni pin, ni lajan ; min pou yo gin sandal nan pié yo ; pou yo pa gin dé chémiz.

Li t-ap di yo : « Ninpòt kay koté nou antré, rét la joutan nou pati. Tout moun ki pa résévoua nou, ki pa kouté nou, antan n-ap sòti, souké pou sié pié nou kòm témouagnaj pou yo ».

Antan yo pati, yo t-ap préché pou moun yo fè pénitans, yo t-ap chasé anpil démon, yo t-ap pasé luil sou anpil malad, épi yo té géri.

Paròl Granmèt la.

Dimanch, ané C

PRÉMIÉ LÉKTU

*Paròl la tou kolé ak ou pou-ou fè sa-l mandé-a.***Léktu liv Détéronòm****30, 10-14**

Moyiz té palé ak pèp la, antan li di :

« Sé pou-ou kouté voua Granmèt Bondié-ou la, pou-ou obsèvé lòd li yo ak désizion-l yo, ki ékri nan laloua sa-a, pou-ou tounin kot Granmèt Bondié-ou la ak tout kè-ou, ak tout nanm ou.

Kòmmandman sa-a mouin kòmmandé-ou jodi-a, li pa ni tro ro ni tro louin pou ou, li pa chita nan sièl la, pou-ou t-a di : “Kilès nan nou ki t-a kapab monté nan sièl la, pou-l poté-l ba nou, pou nou kouté-l, pou nou réalizé-l ?” Li pa jous lòt bò lanmè, pou-ou blijé di : “Kilès nan nou ki t-a kapab travèsé lanmè-a pou-l poté-l ba nou, pou nou kapab kouté-l, pou nou fè sa-l kòmmandé-a ?” Min sé bò koté-ou paròl la yé, tou pré-ou, nan bouch ou ak nan kè-ou, pou-ou fè sa-l di-a ».

Paròl Granmèt la.

PSÒM RÉPONS Ps 68, 14 é 17. 30-31. 33-34. 36 ab é 37 (R: : cf. 33)

R: Pòv yo, chèché Bondié, kè nou ap viv.

- 14 Mouin minm priyè-m ap monté koté-ou, Granmèt ;
nan tan byinvéyans la, Bondié :
Nan pakèt mizérikòd ou-a kouté-m,
nan vérité sové ou sové nou-an.
- 17 Kouté-m, Granmèt, paské mizérikòd ou-a gin bon jan ;
dapré pakèt bon kè-ou,
voyé jé sou mouin. R:
- 30 Mouin minm mouin pòv, m-ap plinn ;
sové ou sové nou-an, Bondié, li té résévoua-m.
- 31 M-ap fè louanj non Bondié avèk kantik,
épi m-ap fè konpliman pou li nan louanj. R:
- 33 Sé pou pòv yo ouè, pou yo kontan ;
chèché Bondié, sé pou kè nou viv.
- 34 Paské Granmèt la kouté pòv yo,
li pa méprizé prizonié-l yo. R:
- 36 Paské Bondié ap sové Siyon,
l-ap bati vil Juda yo.
- 37 Ras sèvitè-l yo ap éritié-l,
épi moun ki rinmin non-l yo, y-ap abité ladan-l. R:

oubyin :

PSÒM RÉPONS Ps 18, 8. 9. 10. 11 (R: : 9 a)

R: Jistis Granmèt la douat, li fè kè yo kontan.

- 8 Laloua Granmèt la san tach, li réfè nanm,
témouagnaj Granmèt la fidèl, li bay ti moun yo sajàs. R:
- 9 Jistis Granmèt la douat, li fè kè yo kontan,
kòmandman Granmèt la klè, li kléré jé yo. R:
- 10 Krint Granmèt la nèt, li diré pou tout tan gin tan,
jijman Granmèt la yo vré, yo kòrèk yo tout ansanm. R:
- 11 Yo pi chè pasé lò, ak bijou ki gin anpil pri,
yo pi dous pasé mièl, ak réyon mièl k-ap koulé. R:

DÉZIÈM LÉKTU

Tout bagay sé pa lantrémiz li, sé nan li yo kréyé.

Léktu lèt apot sin Pòl pou Kolosyin yo**1, 15-20**

Jézu-Kri sé pòtré Bondié yo pa kapab ouè-a, premié pitit nan tout créatu ; paské sé nan li tout bagay fèt nan sièl yo ak sou tè-a, ni sa yo kapab ouè, ni sa yo pa kapab ouè, ni tro-n, ni pouvoua, ni chèf, ni otorité : yo tout sé pa lantrémiz li épi sé nan li yo kréyé, li minm li anvan yo tout, tout bagay kanpé fèm nan li.

Épi li minm li sé tèt kò Égliz la ; li minm ki kòmansman, premié pitit nan pami mò yo, pou-l kapab kinbé premié plas nan tout bagay : sèké sé nan li Bondié té desidé pou fè tout bagay nèt abité, pou-l rékonsilé tout moun nan li pa lantrémiz liminm, antan-l bay lapè pa pouvoua san lakoua-l la, ni pou sa-k sou tè-a, ni pou sa-k nan sièl la.

Paròl Granmèt la.

ALÉLOUYA

Jan 6, 63 c. 68 c

℞ Alélouya. Paròl ou yo, Granmèt, sé éspri ak lavi ;
ou gin paròl lavi tout tan-an. ℞ Alélouya.

ÉVANJIL

Ki moun ki prochin-m ?

✚ Léktu sint Évanjil la dapré Luk**10, 25-37**

Lè sa-a :

Yon spésialis laloua-a té lèvé antan l-ap tanté Jézu épi l-ap di : « Mèt, ki sa pou-m fè pou-m gin lavi tout tan-an ? »

Jézu minm té di-l : « Nan laloua-a ki sa-k ékri ? kijan-ou li ? »

Li minm antan-l réponn li té di : « Sé pou-ou rinmin Granmèt Bondié-ou ak tout kè-ou, ak tout nanm ou, ak tout fòs ou, ak tout éspri-òu, épi prochin-ou tankou ou minm ».

Jézu té di-l : « Ou réponn byin : fè sa, épi ou-a viv ».

Li minm minm, antan-l vlé bay tèt li rézon, li té di Jézu : « Kilès ki prochin-m ? »

Antan Jézu minm pran laparòl, li té di :

« Yon mésié t-ap désann sot Jérusalèm al Jériko, épi li té tonbé nan min asasin ki té pran sa-l ginyin, épi lè yo fi-n bat li, yo té pati kité-l mouatié vivan. Rivé yon prèt té vi-n ap désann sou minm rout sa-a, antan li ouè-l, li té pasé. Minm jan-an tou yon lévité, lè l-ap pasé bò koté-a, li té ouè-l, épi li té travèsé.

Yon Samaritin minm ki t-ap vouayajé, té rivé bò koté-l, épi antan-l ouè-l, li té trésayi ak mizérikòd. Épi antan-l proché, li té maré koté li blésé yo, antan-l vidé luil ak divin ; épi antan-l mété-l sou milèt li, li té kondui-l nan yon lotèl, épi li té ba-l souin. Nan landmin, li té lonjé dé piès lajan bay mèt lotèl la, épi li té di : “Ba-l souin, épi ninpòt ki sa ou-a dépansé an plis, sé mouin minm k-ap rinmèt ou, lè-m tounin”.

Kilès nan toua sa yo ou pansé ki té prochin moun sa-a ki té tonbé nan min asasin yo ? »

Li minm li té di : « Sa-a ki té fè mizérikòd pou li-a ».

Jézu minm té di-l : « Alé, épi ou minm tou fè minm jan ».

Paròl Granmèt la.

Lindi

Ané 1

PRÉMIÉ LÉKTU

An nou fè Israèl pasé mati, pou-l pa riské vi-n tròp.

Léktu liv Égzòd

1, 8-14. 22

Jou sa yo :

Yon nouvo roua lévé Éjip, li pa-t rékonèt Jozèf ; li di pèp li-a : « Gadé, pèp pitit Israèl yo vi-n anpil, li vi-n pi fò pasé nou : an nou ouè, an nou aji ak pridans, pou-l pa vi-n pi plis, pou si gin lagè kont nou, li pa gonflé kan ènmi nou yo, pou-l pa batay kont nou, pou-l pa sòti nan péyi-a ».

Li mété chèf travay sou yo, pou yo fè yo pasé mati anba gro travay ; yo bati vil abitasion Faraon yo, Pitom ak Ranmsès. Plis yo t-ap fè yo pasé mati, sé plis yo t-ap vi-n anpil, yo t-ap dévloppé. Éjipsyin yo té rayi pitit Israèl yo, yo t-ap fè yo pasé mati, yo t-ap pasé yo nan jouèt ; yo t-ap fè lavi yo vi-n anmè ak travay ki rèd pou préparé tè pou fè brik, ak tout kalité travay yo fè pézé sou yo nan travay tè-a.

Faraon pasé tout pèp li-a lòd, li di : « Tout gason ki fèt, jété-l nan riviè-a ; si sé fi, kité-l ».

Paròl Granmèt la.

PSÒM RÉPONS

Ps 123, 1-3. 4-6. 7-8 (R: 8 a)

R: Sékou nou o non Granmèt la.

- 1 Si Granmèt la pa-t nan nou,
sé pou Israël di sa koulié-a,
- 2 Si Granmèt la pa-t nan nou,
lè moun yo lévé kont nou-an,
- 3 pètèt sé tou vivan yo t-ap valé nou,
lè raj yo t-ap boulé kont nou-an. R:
- 4 Pètèt dlo-a t-ap nouayé nou,
riviè-a t-ap pasé anlè tèt nou,
- 5 pètèt yo t-ap pasé anlè tèt nou,
dlo yo k-ap bouyi yo.
- 6 Konpliman pou Granmèt la,
ki pa rinmèt nou kòm manjé anba dan yo. R:
- 7 Nanm nou tankou zouazo ki chapé
sot nan pièj chasè yo :
pièj la krazé,
nou minm minm nou chapé.
- 8 Sékou nou o non Granmèt la,
ki fè sièl la ak tè-a. R:

Ané 2

PRÉMIÉ LÉKTU

Lavé nou, ouété mové pansé nou yo sot dévan jé-m.

Léktu liv profèt Izayi

1, 10-17

Kouté paròl Granmèt la, nou minm, chèf Sodòm yo ; résévoua laloua Bondié nou-an nan zòrèy nou, nou minm pèp Gomòr la :

« Sa sa fè pou mouin, pakèt sakrifis nou yo ? sé Granmèt la ki di sa. Mouin bouké : sakrifis bélié, grès bèf, san toro ak mouton ak bouk,

mouin pa vlé sa. Lè nou vi-n dévan fas mouin, kilès ki mandé bagay sa yo nan min nou, pou n-ap maché nan lakou-m yo ?

Pa ofri sakrifis ki pa vo anyin ankò : ansan-an, mouin rayi-l ; nouvèl li-n ak saba ak lòt fèt yo, mouin pa sipòté yo ; asanblé nou yo pa bon minm ; nouvèl li-n nou yo ak gran fèt nou yo, nanm mouin rayi yo, yo annuyé-m, mouin bouké sipòté yo. Lè nou lonjé min nou, mouin viré jé-m louin nou ; lè nou fè plis priyè, mouin pa kouté ; sèké min nou plin san.

Lavé nou, pròpté nou, ouété mové pansé nou yo sot dévan jé-m ; sispann aji mal, aprann fè byin : chèché sa ki douat, poté sékou bay sa yo fè pasé mati-a, pran ka òfélin-an, défann vèv la ».

Paròl Granmèt la.

PSÒM RÉPONS

Ps 49, 8-9. 16 bc-17. 21 é 23 (R : 23 b)

R: Moun ki san tach sou rout la, m-ap montré-l sové Bondié sové nou-an.

8 Sé pa poutèt sakrifis ou yo m-ap réprann ou ; sakrifis antié-ou yo dévan fas mouin tout tan,

9 Mouin pap aksépté bèf ki sot lakay ou, ni kabrit ki sot nan pak ou yo. R:

16 « Pouki sa ou-ap résité kòmandman-m yo, ou-ap mété téstaman-m nan nan bouch ou ?

17 Ou minm poutan ou rayi disipli-n, ou réjité paròl mouin yo dèyè do-ou R:

21 Sé bagay sa yo ou té fè, épi mouin té pé bouch. Ou té konprann mouin té sanblé avèk ou : m-ap fè-ou ésplikasion, m-ap drésé yo kont fas ou.

23 Moun ki ofri sakrifis louanj, l-ap fè louanj mouin, moun ki san tach nan chémin-an, m-ap montré-l sové Bondié sové nou-an ». R:

ALÉLOUYA

Mt 5, 10

R: Alélouya. Ala kontantman pou moun k-ap sibi pèsékision pou jistis la, paské sé pou yo péyi-roua sièl yo yé. R: Alélouya.

ÉVANJIL

Mouin pa vi-n poté lapè, min épé.

✠ Léktu sint Évanjil la dapré Matié

10, 34-11, 1

Lè sa-a, Jézu di Apot li yo :

« Pa konprann sé lapè mouin vi-n mété sou tè-a ; mouin pa vi-n mété lapè, min épé. Sèké mouin vini pou-m séparé mésié-a kont papa-l, pitit fi-a kont manman-l, bèl-fi-a kont bèl-mè-l ; moun nan ap gin moun lakay li kòm ènmi-l.

Moun ki rinmin papa-l oubyin manman-l plis pasé-m, li pa mérité pou-l disip mouin, moun ki rinmin pitit gason-l oubyin pitit fi-l plis pasé-m, li pa mérité pou-l disip mouin. Moun ki pa pran koua-l, ki pa suiv mouin, li pa mérité pou-l disip mouin. Moun ki jouinn lavi-l, l-ap pèdi-l ; moun ki pèdi lavi-l poutèt mouin, l-ap jouinn li.

Moun ki résévoua nou, li résévoua-m ; moun ki résévoua-m, li résévoua sa-a ki voyé-m nan.

Moun ki résévoua yon profèt kòm profèt, l-ap résévoua rékonpans profèt ; moun ki résévoua yon moun kòrèk kòm moun kòrèk, l-ap résévoua rékonpans moun kòrèk.

Ninpòt ki moun ki bay youn nan pi piti sa yo yon vè dlo fré sèlman kòm disip, amèn mouin di nou, li pap pèdi rékonpans li ».

Rivé, lè Jézu fi-n pasé tout lòd sa yo bay douz disip li yo, li pati sot la, pou l-al bay ansègnman, pou l-al préché nan lòt vil yo.

Paròl Granmèt la.

Madi

Ané 1

PRÉMIÉ LÉKTU

*Li rélé non-l Moyiz, paské li ouété-l sot nan dlo ;
lè-l fi-n grandi, li pati, l-al jouinn frè-l yo.*

Léktu liv Égzòd

2, 1-15 a

Jou sa yo :

Yon mésié nan kay Lévi-a pati, li pran yon madanm nan ras li, madanm nan vi-n ansint, li fè yon ti gason. Lè-l ouè jan-l bèl, li kaché-l

pandan toua moua. Kòm li pa-t kapab kaché-l pi plis, li pran yon panié rozo, li simanté-l avèk asfalt ak gonm bouapin, li mété ti pitit la ladan-l, li dépozé-l bò riviè-a nan rozo yo ; sè ti pitit la rét kanpé louin, l-ap gadé sa k-ap rivé.

Pitit fi Faraon-an désann pou-l binyin nan riviè-a, sèvant li yo t-ap pronmmin bò riviè-a. Lè-l ouè panié-a nan touf rozo yo, li voyé youn nan sèvant li yo, li louvri-l, li ouè sé yon ti bébé k-ap kriyé, li pran pitié pou li, li di : « Sa-a sé youn nan ti pitit Ébré yo ». Sè ti pitit la di : « Èské ou vlé pou-m alé chèché yon fi Ébré pou ou, pou-l bay ti pitit la tété ? » Li réponn : « Alé ». Ti fi-a alé, li rélé manman-l. Ti fi Faraon-an di-l : « Pran ti pitit sa-a, ba-l tété pou mouin ; m-a péyé-ou ». Madanm nan pran-l, li bay pitit la tété ; lè ti pitit la grandi, li rinmèt li bay ti fi Faraon-an. Ti fi Faraon-an adopté-l kòm pitit li, li rélé non-l Moyiz, li di : « Mouin pran-l sot nan dlo ».

Jou sa yo, lè Moyiz grandi, li pati, l-al jouinn frè-l yo ; li ouè mizè yo, li ouè yon Éjipsyin k-ap frapé youn nan frè-l Ébré yo. Li gadé adouat-agòch, li pa ouè pèsòn, li touyé Éjipsyin-an, li kaché-l nan sab la.

Li soti nan landmin, li ouè dé Ébré k-ap batay ; li di sa-k té an tò-a : « Pouki sa-a ou-ap frapé frè-ou la ? » Li réponn : « Kilès ki mété-ou kòm chèf ak jij sou nou ? Èské ou vlé touyé-m tankou ou té touyé Éjipsyin-an yè-a ? » Moyiz vi-n pè, li di : « Kijan bagay sa-a fè déyò ? »

Faraon tandé nouvèl sa-a, li t-ap chèché touyé Moyiz. Moyiz sovè kò-l dévan fas li, li abité nan péyi Madian.

Paròl Granmèt la.

PSÒM RÉPONS

Ps 68, 3. 14. 30-31. 33-34 (R: cf. 33)

- R: Nou minm ki gin imilité yo, chèché Bondié, kè nou ap viv.
- 3 M-ap fonsé nan labou ki fon-an, pa gin solidité ;
mouin rivé nan fon dlo yo, lanm nan ap nouayé-m. R:
- 14 Mouin minm priyé-m ap monté koté-ou, Granmèt ;
nan tan byinvéyans la, Bondié ;
Nan pakèt mizérikòd ou-a, kouté-m,
nan vérité sovè ou sovè nou-an. R:
- 30 Mouin minm mouin pòv, m-ap plinn ;
sovè ou sovè-m nan, Bondié, li résévoua-m.

- 31 M-ap fè louanj non Bondié avèk kantik,
m-ap fè konpliman pou li nan louanj. **R**
- 33 Sé pou pòv yo ouè, pou yo kontan ;
chèché Bondié, sé pou kè nou viv.
- 34 Paské Granmèt la kouté pòv yo,
li pa méprizé prizonié-l yo. **R**

Ané 2

PRÉMIÉ LÉKTU

Si nou pa kouè, nou pap kinbé.

Léktu liv profèt Izayi

7, 1-9

Rivé, nan tan Akaz, pitit Joatam, pitit Ozias, roua Juda : Rasi-n, roua Siri, ak Fasé, pitit Roméli, roua Israèl, monté Jérusalèm pou yo batay kont li, min yo pa-t réyisi pran-l. Yo poté nouvèl bay kay David la, yo di : « Siri instalé nan Éfrayim ». Kè-l soté ansanm ak kè pèp li-a tankou pié boua yo souké nan rak la dévan fas van-an.

Granmèt la di Izayi : « Pati, al rankontré Akaz, ou minm avèk rès Jasoub, pitit ou-a, nan bout kannal basin anro-a sou rout jadin Lésiv la, ou-a di-l :

“Atansion, pou-ou rét trankil ; pa pè, pa kitè kè-ou tranblé dévan dé bout boua difé sa yo k-ap fè lafimin-an, nan kòlè Rasi-n, roua Siri-a, ak pitit Roméli-a, k-ap di : N-ap monté kont Juda, n-ap ataké-l, n-ap fè-l vi-n nan kan pa nou ; n-ap mété pitit Tabéèl la kòm roua nan mitan-l.

Min paròl Granmèt la : Bagay sa-a pap kanpé, li pap réalizé ; min tèt Siri sé Damas, tèt Damas sé Rasi-n ; nan souasansinkan ankò, Éfrayim ap sispann vi-n tounin yon pèp ; tèt Éfrayim sé Samari, tèt Samari sé pitit Roméli-a. Si nou pa kouè, nou pap kanpé” ».

Paròl Granmèt la.

PSÒM RÉPONS

Ps 47, 2-3 a. 3 b-4. 5-6. 7-8 (**R** : 9 d)

- R** Bondié instalé vil li-a pou tout tan.
- 2 Granmèt la gran, li mérité anpil louanj,
nan vil Bondié nou-an.

- 3 Mòn li-a sin, ti mòn li-a bèl,
kontantman tout tè-a. **R:**
Mòn Siyon-an, nan bout réjion nò-a,
vil gran roua-a.
- 4 Bondié nan kay li yo, yo konnin-l byin,
li vi-n tounin kachèt. **R:**
- 5 Sèké min roua yo rasanblé,
yo fè konplo ansanm.
- 6 Kon yo ouè, yo sézi,
yo troublé, yo sovè. **R:**
- 7 La-a, sézisman pran yo,
doulè tankou doulè fi k-ap akouché.
- 8 Nan van olévan
ou krazé batiman Tarsis yo. **R:**

ALÉLOUYA

Cf. Ps 94, 8 ab

R: Alélouya. Jodi-a, pa fèmin kè nou,
min kouté voua Granmèt la. **R:** Alélouya.

ÉVANJIL

*Y-ap gin plis pitié pou Tir ak Sidon ak péyi Sodòm nan
pasé pou nou, nan jou jijman-an.*

✠ Léktu sint Évanjil la dapré Matié

11, 20-24

Lè sa-a :

Jézu té kòmansé fè vil yo répròch, koté li té fè anpil mirak yo, paské yo pa-t fè pénitans ;

« Ala malè pou ou, Korozayi-n, ala malè pou ou, Bétsayid, paské si sé nan Tir ak Sidon yo té fè mirak yo ki fèt lakay nou yo, gin lontan yo t-a pran sak avèk sann pou yo fè pénitans ! Amèn mouin di nou, y-ap gin plis pitié pou Tir ak Sidon pasé pou nou nan jou jijman-an.

Épi ou minm, Kafarnaòm, èské y-ap lévé-ou jous nan sièl ? sé jous nan lanfè y-ap désann ou ; paské si sé nan Sodom yo té fè mirak sa yo ki fèt lakay ou-a, pétèt yo t-ap diré jous jodi-a. Amèn mouin di nou, y-ap gin plis pitié pou péyi Sodòm nan pasé pou ou, nan jou jijman-an ».

Paròl Granmèt la.

Mèkrédi

Ané 1

PRÉMIÉ LÉKTU

Granmèt la parèt nan flannm difé, nan mitan rajé-a.

Léktu liv Égzòd

3, 1-6. 9-12

Jou sa yo :

Moyiz t-ap okipé mouton Jétro, bò-pè-l, prèt Madian ; antan l-ap kondui bann mouton yo nan fon dézè-a, li rivé sou mòn Bondié-a, Orèb. Granmèt la parèt dévan-l nan yon flannm difé, anndan yon touf rajé ; li ouè touf rajé-a ap flannbé san-l pa fè sann.

Moyiz di : « M-ap proche pou-m ouè kalité gran vizion sa-a ; pouki touf rajé-a pa fè sann nan ». Granmèt la obsèvé kijan li t-ap proche pou-l gadé, li rélé-l antan-l nan touf rajé-a, li di : « Moyiz, Moyiz ! » Li réponn : « Min mouin ». Li di : « Pa proche isit la ; ouété sapat ou nan pié-ou : sèké koté-ou kanpé-a, sé yon tè ki sin ».

Li di : « Sé mouin minm Bondié papa-ou la, Bondié Abraam, Bondié Izaak ak Bondié Jakòb ». Moyiz kaché fas li ; li pa-t ozé fiksé jé-l pou-l kontré ak Bondié. « Rèl pitit Israèl yo rivé koté-m, mouin ouè tray yo, sa Éjipsyin yo ap fè yo soufri-a. Min, vini, m-ap voyé-ou kot Faraon, pou-ou fè pèp mouin, pitit Israèl yo, soti Éjip la ».

Moyiz di Bondié : « Kilès mouin yé pou-m al kot Faraon-an, pou-m fè pitit Israèl yo sot Éjip la ? » Li di-l : « M-ap avèk ou, ou-ap gin sa-a kòm sign, sé mouin minm ki voyé-ou : lè ou-a fè pèp mouin-an soti Éjip la, ou-a ofri sakrifis pou Bondié sou mòn sa-a ».

Paròl Granmèt la.

PSÒM RÉPONS

Ps 102, 1-2. 3-4. 6-7 (R: 8 a)

R: Granmèt la pran pitié, li gin mizérikòd.

- 1 Fè konpliman pou Granmèt la, nanm mouin ;
tou sa-k anndan-m, fè konpliman pou non-l ki sin.
- 2 Fè konpliman pou Granmèt la, nanm mouin,
pa bliyé tou sa-l fè yo. R:
- 3 Li minm ki padonnin tout fot ou yo,
ki géri tout maladi-ou yo ;

- 4 li minm ki rachté lavi-ou sot nan fòs la,
ki kouronnin-ou ak mizérikòd, ak pitié. **R:**
- 6 Granmèt la fè jistis ak jijman
pou tout moun k-ap sibi afron.
- 7 Li fè Moyiz konnin chémin-l yo,
li fè pitit Israèl yo konnin mèvèy li yo. **R:**

Ané 2

PRÉMIÉ LÉKTU

Èské rach la ap lévé tèt li kont sa-a k-ap koupé avèk li-a ?

Léktu liv profèt Izayi

10, 5-7. 13-16

Min paròl Granmèt la :

« Ala malè pou Asiri-a ! sé fouèt ak baton kòlè-m, sé nan min yo kòlè-m yé. Mouin voyé-l kot yon nasion k-ap fè manti, mouin voyé-l kont yon pèp k-ap fè-m fè kòlè, pou-l pran richès, pou-l séparé piyay, pou-l foulé-l anba pié tankou labou nan lari. Min li minm sé pa konsa li konprann kozé sa-a, sé pa konsa kè-l kalkilé sa ; min sé krazé kè-l té mandé krazé, sé touyé li té mandé pou-l touyé anpil nasion ».

Li di : « Sé ak fòs min-m mouin té fè sa, sé ak sajès mouin mouin té réyisi. Mouin rétiré frontiè pèp yo, mouin piyé chèf yo. Tankou moun ki gin pouvoua, mouin pran sa-k té abité nan rotè yo. Min-m jouinn richès pèp yo tankou yon nich ; tankou yo ranmasé zé ki abandoné, konsa mouin ranmasé tout tè-a, pa gin pèsònn ki souké plim zèl, ki louvri bouch, ki rélé ».

Èské rach la lévé tèt li kont sa-a k-ap koupé avèk li-a ? Oubyin èské si-a lévé tèt li kont sa-a k-ap siyé avèk li-a ? Kòm si fouèt la t-ap drésé kont sa-a k-ap lévé-l la, kòm si baton-an t-ap drésé, li minm ki yon bout boua-a.

Sé poua chèf la, Granmèt lamé yo, ap voyé grangou sou sa yo ki gra yo, anba richès yo-a l-ap limin yon brazié tankou yon boukan difé.

Paròl Granmèt la.

PSÒM RÉPONS

Ps 93, 5-6. 7-8. 9-10. 14-15 (**R:** : 14 a)

R: Granmèt la pap répousé pèp li-a.

- 5 Pèp ou-a Granmèt, yo rabésé-l,
éritaj ou-a, yo fè-l pasé tray.
- 6 Vèv la ak étranjé-a, yo touyé yo,
òfélin yo, yo touyé yo. **R:**
- 7 Yo di : « Granmèt la pap ouè,
Bondié Jakòb la pa konprann ».
- 8 Chèché konprann, nou minm ki san konprann nan pèp la,
nou minm ki sòt yo, kilè n-a gin sajès ? **R:**
- 9 Sa-a ki planté zòrèy la, li pa t-a tandé ;
oubyin sa-a ki fiksé jé-a, li pa t-a gadé ?
- 10 Li minm ki korijé nasion yo, li pa t-a fè répròch,
li minm ki aprann moun sians la ? **R:**
- 14 Sèké Granmèt la pap répousé pèp li-a,
li pap lagé éritaj li-a.
- 15 Sèké sé dapré jistis la jijman-an ap tounin,
y-ap suiv li, tout moun ki gin kè yo douat yo. **R:**

ALÉLOUYA

Cf. Mt 11, 25

R: Alélouya. Konpliman pou ou, Papa, Granmèt sièl la ak tè-a,
paské ou révélé mistè péyi roua-a bay sa yo ki tou piti yo. **R:**
Alélouya.

ÉVANJIL

*Ou kaché bagay sa yo pou moun sajès yo,
ou dévoualé yo bay ti moun piti yo.*

✠ Léktu sint Évanjil la dapré Matié

11, 25-27

Lè sa-a : Jézu pran laparòl, li di :

« Mouin fè konpliman pou ou, Papa, Granmèt sièl la ak tè-a, paské ou kaché bagay sa yo pou moun sajès yo ak moun intélijan yo, ou révélé yo bay ti moun piti yo. Oui, Papa, paské sé konsa sa fè-ou plézi.

Papa-m rinmèt mouin tout bagay, pèsònn pa konnin Pitit la, sof Papa-a ; ni pèsònn pa konnin Papa-a, sof Pitit la ak moun Pitit la vlé révélé sa ».

Paròl Granmèt la.

Jédi

Ané 1

PRÉMIÉ LÉKTU

Mouin sé sa-m yé-a. Sa ki égzisté-a voyé-m koté nou.

Léktu liv Égzòd

3, 13-20

Jou sa yo :

Moyiz tandé voua Granmèt la nan mitan touf ti pié boua yo, li di-l : « M-apral kot pitit Israël yo, m-ap di yo : “Bondié papa nou yo voyé-m koté nou”. Si yo di-m : “Ki non-l ?” Ki sa pou-m di yo ? » Bondié di Moyiz : « Mouin sé sa-m yé-a ». Li di : « Sé konsa ou-a di pitit Israël yo : “Sa ki égzisté-a voyé-m koté nou” ».

Bondié di Moyiz toujou : « Min sa ou-a di pitit Israël yo : “Granmèt Bondié papa nou yo, Bondié Abraam, Bondié Izaak ak Bondié Jakòb voyé-m koté nou ; sé non sa-a m-ap gin pou tout tan, sé souvni-m sa pou jénérasyon ak jénérasyon”.

Alé, rasanblé ansyin Israël yo, ou-a di yo : “Granmèt Bondié papa nou yo parèt dévan-m, Bondié Abraam, Bondié Izaak ak Bondié Jakòb la, li di : Mouin vizité nou, mouin ouè tou sa ki rivé nou nan Éjip ; mouin di m-ap fè nou soti nan tray Éjip la pou-m minnin nou nan péyi Kananéyin-an avèk Itit la avèk Amorit la avèk Férézyin-an, avèk Ivit la avèk Jébouzéyin-an, nan péyi koté lèt ak mièl ap koulé-a”. Y-ap kouté voua-ou ; ou minm ak ansyin Israël yo, n-a antré kot roua Éjip la, n-a di-l : “Granmèt Bondié Ébré yo té rélé nou ; n-apralé nan dézè-a, yon rout k-ap diré toua jou, pou nou fè sakrifis pou Granmèt Bondié nou-an”.

Mouin konnin roua Éjip la pap kité nou pati, si-l pa santi fòs min-m. M-ap lonjé min-m, m-ap frapé Éjip la ak tout mèvèy mouin yo, sa m-ap fè nan mitan yo-a ; apré sa, l-ap kité nou pati ».

Paròl Granmèt la.

PSÒM RÉPONS

Ps 104, 1 é 5. 8-9. 24-25. 26-27 (R : 8 a)

R: Granmèt la sonjé aliens li-a pou tout tan.

oubyin : Alélouya.

¹ Fè louanj Granmèt la, rélé non-l, anonsé travay li nan pami nasion yo.

- 5 Sonjé mèvèy li fè yo,
prodij li ak jijman bouch li. R:
- 8 Li sonjé aliens li-a tout tan,
paròl li té kòmandé bay mil jénérasyon yo,
9 sa-l té pasé avèk Abraam nan,
sèman li té fè bay Izaak la. R:
- 24 Li fè pèp li-a dévlopé anpil,
li asiré-l ak fòs anro ènmi-l yo.
25 Li viré kè yo, pou yo rayi pèp li-a,
pou yo fè riz avèk sèvitè-l yo. R:
- 26 Li voyé Moyiz sèvitè-l la,
Aaron sa-a li té chouazi-a.
27 Li mété paròl sign li yo nan yo
ak prodij li yo nan péyi Kam nan. R:

Ané 2

PRÉMIÉ LÉKTU

Lévé, fè louanj, nou minm ki té chita nan poussiè-a.

Léktu liv profèt Izayi

26, 7-9. 12. 16-19

Tras rout moun ki kòrèk la, li douat ; ou minm ki douat, ou égalizé chémin moun ki kòrèk la pou-l maché. Nan rout jijman-ou yo, Granmèt, n-ap tann ou ; non-ou ak souvni-ou sé sa nanm nou anvi.

Nanm mouin anvi-ou nan nuit, nan éspri-m, anndan fon kè-m granmatin m-ap véyé-ou. Lè-ou fè jijman-ou yo sou tè-a, moun yo ki abité fas tè-a aprann jistis.

Granmèt, ou-ap ba nou lapè ; tout aksion nou yo, sé ou minm ki fè yo pou nou.

Granmèt, nan kè séré, y-ap chèché-ou ; nan tray, y-ap plinyin ak paròl ou. Tankou fi-a ki ansint, lè tan pou-l fè pitit la ap proche, li gin doulè, l-ap rélé nan souffrans li yo, konsa nou té yé dévan fas ou, Granmèt. Nou té ansint, sé kòm si nou t-ap fè pitit, min sé van nou té anfanté. Nou pa-t poté sovè pou sovè-a sou tè-a, sé poua moun ki abité tè-a yo pa-t rivé fèt.

Mò-ou yo ap viv, moun mouin yo ki mouri yo, y-ap tounin vi-n vivan. Lévé, fè louanj, nou minm ki abité nan pousiè-a, paské sé larouzé limiè larouzé-ou la yé ; péyi jéan yo, ou-ap détoui-l.

Paròl Granmèt la.

PSÒM RÉPONS

Ps 101, 13-14 ab é 15. 16-18. 19-21 (R: 20 b)

R: Granmèt la ap gadé sou tè-a antan-l nan sièl la.

- ¹³ Ou minm, Granmèt, sé tout tan ou diré,
souvni-ou pou jénérasyon ak jénérasyon.
- ¹⁴ Ou-ap lévé pou-ou pran pitié pou Siyon,
paské li tan pou-ou pran pitié pou li.
- ¹⁵ Sèké sèvitè-ou yo rinmin ròch li yo,
yo pran lapinn pou pousiè-l la. R:
- ¹⁶ Nasion yo ap krinn non-ou, Granmèt,
tout roua yo sou tè-a ap krinn gloua-ou la ;
- ¹⁷ paské Granmèt la ap bati Siyon,
l-ap parèt nan gloua li-a.
- ¹⁸ L-ap voyé jé sou priyè pòv la,
li pap méprizé priyè yo-a. R:
- ¹⁹ Sé pou yo ékri bagay sa yo pou lòt jénérasyon-an,
pèp k-ap kréyé-a, l-ap fè louanj Granmèt la.
- ²⁰ Sèké li panché sot nan tanp li-a ki anro-a,
Granmèt la gadé sou tè-a antan-l nan sièl la ;
- ²¹ pou-l kouté rèl prizonié yo, pou-l sovè pitit lanmò yo. R:

ALÉLOUYA

Mt 11, 28

R: Alélouya. Vi-n jouinn mouin, nou tout k-ap pran fatig,
k-ap rédi anba gro chaj,
m-ap réfè fòs nou, sé sa Granmèt la di. R: Alélouya.

ÉVANJIL

Mouin tou dou, kè-m tou pòv.

✠ Léktu sint Évanjil la dapré Matié

11, 28-30

Lè sa-a : Jézu pran laparòl, li di :

« Vi-n jouinn mouin, nou tout k-ap pran fatig, k-ap rédi anba gro chaj, m-ap réfè fòs nou. Pran jouk mouin sou nou, pran léson nan min-m, paské mouin tou dou, mouin pòv nan kè-m ; n-ap jouinn répo pou nanm nou ; jouk mouin fasil pou poté, chaj mouin léjè ».

Paròl Granmèt la.

Vandrédi

Ané 1

PRÉMIÉ LÉKTU

*N-a sakrifé mouton-an nan asouè ;
m-ap ouè san-an, m-ap ménajé nou lè m-ap pasé-a.*

Léktu liv Égzòd

11, 10-12, 14

Jou sa yo :

Moyiz avèk Aaron fè anpil démonstrasion dévan Faraon. Granmèt la fèmin kè Faraon, li pa kité pitit Israël yo pati sot nan péyi-l la.

Granmèt la di Moyiz avèk Aaron tou nan péyi Éjip la : « Moua sa-a sé kòmansman nan moua yo li yé pou nou, l-ap prémié nan moua ané-a. Palé ak tout foul pitit Israël yo, di yo :

“Sou dizièm jou moua sa-a sé pou chak moun pran yon mouton pou fanmiy yo ak kay yo. Si kantité moun yo pa kont pou yo kapab manjé mouton-an, l-a invité vouazin-l, ki tou kolé kay li, dapré kantité moun ki pou réyisi manjé mouton-an.

Mouton-an doué san tach, yon mal, ki gin yon ané ; pou sérémoni sa-a n-a pran kabrit tou. N-a konsèvé-l jous sou katòzièm jou moua sa-a ; tout foul pitit Israël yo ap sakrifé-l nan asouè. Y-a pran nan san-l, y-a mété sou montan pòt la ak sou travès anlè kay yo, koté y-ap manjé-l la.

Y-a manjé chè yo nan nuit sa-a, griyé nan difé, ak pin san lévin avèk létu maron. Pa manjé anyin ladan-l san kuit oubyin ki bouyi nan dlo, min griyé nan difé sèlman ; ni tèt li ansanm ak pié-l yo ak zantray li yo, n-a manjé yo. Anyin pa doué rété ladan-l pou jous nan matin ; si gin kichòy ki rété, sé pou nou boulé-l nan difé. Min kijan pou nou manjé-l : maré rin nou, mét sapat nan pié nou, kinbé baton nan min nou, n-a manjé-l an vitès, sèké sé Pak (sa vlé di pasaj) Granmèt la.

M-ap travèsé nan péyi Éjip la nannuit sa-a, m-ap frapé tout premié pitit nan péyi Éjip la dépi moun jous sou bèt y-ap okipé ; m-ap fè jijan sou tout dié Éjip yo : Sé moun minm Granmèt la. San-an ap sèvi nou kòm sign nan kay koté n-ap yé yo ; lè-m ouè san-an, m-ap travèsé pou-m évité nou ; pap gin chatiman k-ap gayé nou, lè m-ap frapé Éjip la.

N-ap gin jou sa-a kòm souvni ; n-ap fété-l ak yon sèvis pou tou tan, tankou yon gran fèt pou Granmèt la nan jénérasyon nou yo” ».

Paròl Granmèt la.

PSÒM RÉPONS

Ps 115, 12-13. 15-16 bc. 17-18 (R : 13)

R: M-ap pran kalis ki sovè nou-an, m-ap rélé non Granmèt la.

oubyin : Alélouya.

¹² Ki sa pou-m rinmèt Granmèt la
pou tou sa-l fè pou moun ?

¹³ M-ap pran kalis ki sovè nou-an,
m-ap rélé non Granmèt la. R:

¹⁵ Li gin valè dévan jé Granmèt la,
lanmò sin-l yo.

¹⁶ Mouin sé sèvitè-ou ak pitit sèvant ou.
Ou kasé chinn mouin yo. R:

¹⁷ M-ap sakrifé sakrifis louanj ba ou,
m-ap rélé non Granmèt la.

¹⁸ M-ap rinmèt Granmèt la sa-m té promèt yo,
dévan tout pèp la. R:

Ané 2

PRÉMIÉ LÉKTU

Mouin tandé priyè-ou la, mouin ouè dlo k-ap sot nan jé-ou.

Léktu liv profèt Izayi

38, 1-6. 21-22. 7-8

Jou sa yo, Ézékiyas malad jous li t-apral mouri ; profèt Izayi, pitit Amòs, antré koté-l, li di-l : « Min paròl Granmèt la : “Mét lòd lakay ou, paské ou-ap mouri, ou pap viv” ». Ézékiyas viré fas li bò miray la, li lapriyè Granmèt la, li di : « Tanpri, Granmèt : sonjé, tanpri, kijan mouin

té maché dévan-ou nan vérité ak yon kè ki kòrèk nèt, kijan mouin té fè byin dévan jé-ou ». Ézékias kriyé anpil.

Paròl Granmèt la rivé kot Izayi, li di : « Al di Ézékias : “Min paròl Granmèt Bondié David, papa-ou la : Mouin tandé priyè-ou la, mouin ouè dlo k-ap sot nan jé-ou ; gadé, m-ap ajouté kinz ané nan lavi-ou, m-ap délivré-ou sot anba min roua Asiryin yo, épi vil sa-a, m-ap protéjé-l” ».

Izayi pasé lòd pou yo poté yon ponyin fig, pou yo fè yon kataplas sou blès la, pou-l géri. Ézékias di : « Ki sign k-ap fè-m konnin m-ap monté nan kay Granmèt la ? » « Min sign ki soti nan Granmèt la, k-ap fè-ou konnin Granmèt la ap réalizé paròl sa-a li té di-a : “Min m-ap fè lonbraj lign yo tounin, koté-l té désann nan kadran solè Akaz la, l-ap tounin dis lign an-ariè” ». Solèy la tounin dis lign nan mak yo koté li té désann nan.

Paròl Granmèt la.

PSÒM RÉPONS

Iz 38, 10. 11. 12 abcd. 16 (R : cf. 17 b)

- R : Ou minm, Granmèt, ou délivré nanm mouin, pou-l pa péri.
- ¹⁰ Mouin té di : « Nan mitan lavi-m m-apral nan pòt anba tè-a ; mouin mandé rès ané-m yo ». R :
- ¹¹ Mouin té di : « Mouin pap ouè Granmèt Bondié sou tè vivan yo ; mouin pap ouè moun ankò ni sa-a ki abité nan lapè-a. R :
- ¹² Lavi-m koupé, li roulé sot nan mouin tankou tant gadyin mouton yo ; yo koupé lavi-m tankou moun k-ap fè toual : pandan mouin t-ap filé-l toujou, li koupé-m. R :
- ¹⁶ Granmèt, si sé konsa pou-l jouinn lavi, si sé nan fason sa-yo pou lavi éspri-m réfèt ou-a korijé-m, ou-a fè-m viv ». R :

ALÉLOUYA

Jan 10, 27

R : Alélouya. Mouton-m yo ap kouté voua-m, sé sa Granmèt la di ; épi mouin minm mouin konnin yo, yo suiv mouin. R : Alélouya.

ÉVANJIL

Pitit moun nan sé Granmèt ata saba-a.

✠ **Léktu sint Évanjil la dapré Matié** **12, 1-8**

Lè sa-a : Jézu t-ap maché nan jadin blé yo yon jou saba ; disip li yo té grangou, yo kòmansé pran zépi yo, y-ap manjé.

Farizyin yo ouè sa, yo di-l : « Gadé disip ou yo ap fè sa yo pa gin doua fè jou saba ».

Li minm li di yo :

« Èské nou pa-t li sa David té fè, lè-l té grangou, li-minm ni moun yo ki té avèk li-a, kijan li té antré nan kay Bondié-a, li té manjé pin yo té éspozé yo, sa li pa-t gin doua manjé, ni moun yo ki té avèk li-a, sof prèt yo sèlman-an ?

Oubyin èské nou pa-t li nan laloua-a kijan jou saba-a prèt yo nan tanp la yo pa suiv saba-a san yo pa fè péché ? Ébyin mouin di nou isit la gin pi gran pasé tanp la.

Si nou té konnin sa sa vlé di : “Sé mizérikòd mouin vlé, sé pa sakrifis”, nou pa t-a janm kondané inosan yo. Pitit moun nan sé Granmèt ata saba-a ».

Paròl Granmèt la.

Samdi

Ané 1

PRÉMIÉ LÉKTU

Nannuit sa-a, lè Granmèt la té fè Israèl soti nan péyi Éjip la.

Léktu liv Égzòd **12, 37-42**

Jou sa yo :

Pitit Israèl yo pati sot Ramsès, pou diréksion Soukòt, yo té sisan-mil apéprè, gason k-ap maché a pié, san konté ti moun yo. Té gin yon pakèt foul moun tout kalité ki té monté avèk yo, ni mouton ni bèf ni tout kalité bèt, anpil anpil. Yo kuit fari-n nan yo té poté sot Éjip la ki pa-t ko lèvé-a, yo fè pin sanlévin ki kuit anba sann ; pin yo pa-t kapab lèvé, yo té blijé

pati kite péyi-a afòs Éjipsyin yo té fòsé yo, yo pa-t kite yo fè okinn réta, yo pa-t gin tan fè provizion minm.

Tan pitit Israèl yo té abité nan Éjip la, sé té kat-san-trantan. Lè tan sa-a fini, jou-a minm, tout lamé Granmèt la soti nan péyi Éjip la. Nuit sa-a sé yon nuit Granmèt la konsidéré, lè-l té fè yo soti nan péyi Éjip la ; tout pitit Israèl yo doué obsèvé-l pou jénèrasion yo.

Paròl Granmèt la.

PSÒM RÉPONS

Ps 135, 1 é 23-24. 10-12. 13-15

℞ (réfrin psòm nan)

oubyin : Alélouya.

- ¹ Fè louanj Granmèt la, poutèt li bon,
℞ Poutèt mizérikòd li pou tout tan.
- ²³ Li minm ki sonjé nou nan rabésman nou-an,
℞ Poutèt mizérikòd li pou tout tan.
- ²⁴ Li rachté nou sot nan min ènmi nou yo,
℞ Poutèt mizérikòd li pou tout tan.
- ¹⁰ Li minm ki frapé Éjip la nan premié pitit li yo,
℞ Poutèt mizérikòd li pou tout tan.
- ¹¹ Li minm ki fè Israèl soti nan mitan yo,
℞ Poutèt mizérikòd li pou tout tan.
- ¹² Ak min fò, ak bra lévé,
℞ Poutèt mizérikòd li pou tout tan.
- ¹³ Li minm ki séparé lanmè Rouj la an dé moso,
℞ Poutèt mizérikòd li pou tout tan.
- ¹⁴ Li fè Israèl travèsé nan mitan-l,
℞ Poutèt mizérikòd li pou tout tan.
- ¹⁵ Li chaviré Faraon ak lamé-l la nan lanmè Rouj la,
℞ Poutèt mizérikòd li pou tout tan.

Ané 2

PRÉMIÉ LÉKTU

Yo mét lidé yo sou jadin yo, yo sézi kay yo.

Léktu liv profèt Miché

2, 1-5

Ala malè pou nou minm k-ap fè kalkil ki pa vo anyin, k-ap réalizé sa-k mal sou kabann nou. Nan limiè granmatin yo fè-l, paské min yo kont Bondié. Yo mét lidé yo sou jadin yo, yo pran yo ak fòs, yo sézi kay yo ; yo fè fo-témouagnaj kont moun nan ak kay li, kont moun nan ak éritaj li.

Sé pousa, min paròl Granmèt la : « Min m-ap kalkilé malè sou fanmiy sa-a, koté nou pap kapab ouété kou nou ; nou pap maché ap lévé tèt nou, paské tan-an ap mové anpil. Jou sa-a y-ap konpozé provèb sou nou, y-ap chanté yon kantik avèk dousè, moun yo ap di : “Yo fini nèt ak pèp nou-an ; pòsion pèp mouin-an pasé nan min lòt yo ; kijan-l fè kité-m, lè sa-a k-ap séparé réjion nou yo tounin-an ?”

Sé pousa pap gin moun k-ap lonjé chinn apantè éritaj pou ou nan pèp Granmèt la ».

Paròl Granmèt la.

PSÒM RÉPONS

Ps 9, 22-23. 24-25. 28-29. 35 (R : 12 b)

R: Pa bliyé pòv yo, Granmèt.

- ²² Pouki sa, Granmèt, ou kanpé byin louin,
ou kaché lè pou-ou t-a parèt la, nan tray la ?
- ²³ Pandan méchan-an ap lévé tèt li, l-ap pèsékité pòv la :
yo pri nan pièj yo kalkilé-a. R:
- ²⁴ Sèké péchè-a ap lévé tèt li nan anvi nanm li anvi-a :
sa-k rinmin lajan-an ap fè konpliman pou tèt li.
- ²⁵ Péchè-a méprizé Granmèt la nan arogans li-a :
« Li pap mandé kont, pa gin Bondié ». R:
- ²⁸ Bouch li plin ak madichon ak riz, ak manti :
anba lang li sé tranzaksion ak méchansté.
- ²⁹ Li posté nan kachèt pièj bò kay yo,
an kachèt, li touyé inosan-an. R:
- ³⁵ Ou ouè : ou égzaminé tray ak doulè,
pou-ou pran yo nan min-ou.

Pòv la lagé sou kont ou,
sé ou minm ki sékou òfélin-an. **R:**

ALÉLOUYA

2 Kor 5, 19

R: Alélouya. Sé Bondié ki t-ap rékonsilié tè-a nan Kris la avèk li,
li mété paròl rékonsiliation-an nan nou. **R:** Alélouya.

ÉVANJIL

*Li pasé yo lòd pou yo pa fè konnin-l,
pou sa-k té ékri-a kapab réalizé.*

✠ Léktu sint Évanjil la dapré Matié

12, 14-21

Lè sa-a :

Farizyin yo soti, yo fè konplo kont Jézu, pou yo ouè kijan y-ap pèdi-l.

Jézu minm konnin sa, li ralé kò-l sot la ; anpil foul suiv li, li géri yo tout. Li pasé yo lòd pou yo pa fè konnin-l, pou sa profèt Izayi té di-a té kapab réalizé :

« Min pitit mouin-an, li minm mouin chouazi-a, li minm mouin rinmin-an, nan li mouin jouinn plézi nanm mouin. M-ap mété éspri-m sou li, l-ap anonsé jijman-an bay nasion yo. Li pap fè diskision, li pap rélé fò, pèsòn pap tandé voua-l sou plas la. Rozo ki féfé-a, li pap krazé-l, mèch k-ap fè lafimin-an, li pap étinn li, joutan jijman-an soti pou viktoua-a. Nasion yo ap éspéré nan non-l ».

Paròl Granmèt la.

SÈZIÈM SÉMÈN ÒDINÈ

Dimanch, ané A

PRÉMIÉ LÉKTU

Ou bay plas pénitans nan péché yo.

Léktu liv Sajès la

12, 13. 16-19

Pa gin yon lòt Dié tankou-ou, ki okipé tout bagay pou-ou montré ou pa fè jijman yon fason ki pa kòrèk.

Fòs ou sé kòmansman jistis ou, poutèt ou sé Granmèt tout bagay la, ou ménajé tout bagay. Ou montré fòs ou, ou minm ki pa kouè ou-ap pèdi fòs, épi sa yo ki réfizé rékonèt ou, ou rabésé lodas yo. Ou minm minm, ki mèt fòs la, ou-ap jijé trankil, ou ranjé nou avèk gran souin : sèké kon-ou vlé, ou kapab mété-l anba lòd ou.

Gras a kalité aksion sa yo, ou té aprann pèp ou-a li doué kòrèk, li doué bon ; ou té bay pitit ou yo bon éspérans, paské, antan ou-ap jijé, ou bay plas pénitans nan péché yo.

Paròl Granmèt la.

PSÒM RÉPONS

Ps 85, 5-6. 9-10. 15-16 a (R: 5 a)

- R: Ou minm, Granmèt, ou bon épi ou tou dou.
- ⁵ Paské ou minm, Granmèt, ou bon épi ou tou dou,
avèk anpil mizérikòd pou tout moun k-ap rélé-ou yo.
- ⁶ Paré zòrèy ou, Granmèt, nan priyè-m nan,
épi kouté voua rèl mouin-an. R:
- ⁹ Tout nasion yo ou fè-a y-ap vini,
épi y-ap adoré dévan-ou, Granmèt ;
épi y-ap fè louanj non-ou,
- ¹⁰ paské ou gran épi ou fè mèvèy :
ou minm sèl ki Bondié. R:
- ¹⁵ Ou minm, Granmèt Bondié ki gin pitié épi ki gin mizérikòd,
ki gin pasians épi anpil mizérikòd ak vérité.
- ¹⁶ Voyé jé sou mouin épi pran pitié pou mouin. R:

DÉZIÈM LÉKTU

*Éspri-a ap priyé pou nou antan l-ap plinn
ak mo yo pa kapab déklaré.*

Léktu lèt apot sin Pòl pou Romin yo

8, 26-27

Frè-m yo :

Éspri-a édé féblès nou : sèké nou pa konnin kijan pou nou priyé ; min sé Éspri-a li minm k-ap priyé pou nou ak mo yo pa kapab palé. Sa-a k-ap sondé kè yo, li konnin sa Éspri-a anvi-a, paské sé dapré Bondié li priyé pou sin yo.

Paròl Granmèt la.

ALÉLOUYA

Cf. Mt 11, 25

✠ Alélouya. Konpliman pou ou, Papa, Granmèt sièl la ak tè-a,
poutèt ou té révéle mistè péyi-roua-a bay sa-k tou piti yo. ✠
Alélouya.

ÉVANJIL

Kité tou lé dé grandi jous nan rékòlt la.

✠ Léktu sint Évanjil la dapré Matié

13, 24-43

Lè sa-a :

Jézu té propozé yon lòt parabòl bay foul yo, antan-l di :

« Péyi-roua sièl yo sanblé ak yon moun k-ap simin bon sémans nan jadin-l. Pandan moun yo minm ap dòmi, ènmi-l té rivé épi li té simin avoua-n fòl nan mitan blé-a, épi li té pati.

Kon plant la té grandi, épi li té bay foui, sé lè sa-a avoua-n fòl yo té parèt. Sèvitè pèd-fanmiy nan minm antan yo proché, yo té di-l. “Mèt, èské sé pa bon sémans ou té simin nan jadin-ou nan ? Kòman fè li gin avoua-n fòl ?” Li té di yo : “Sé ènmi-an ki té fè sa”. Sèvitè yo minm té di-l : “Èské-ou vlé n-al raché-l ?” Li té di : “Non, pou si nou raché avoua-n fòl yo, nou pa raché blé-a tou avèk yo. Kité yo tou lé dé pousé jous nan rékòlt la, épi nan tan rékòlt la m-a di moun yo k-ap rékòlté yo : Ranmasé avoua-n fòl yo anvan, maré yo nan pakèt, pou yo boulé yo ; kanta blé-a minm, ranmasé-l nan dépo-m” ».

Li té propozé yo yon lòt parabòl, antan-l di : « Péyi-roua sièl yo sanblé ak yon grinn sénévé, antan yon moun pran-l li simin-l nan jadin-l. Sé pi piti nan tout sémans yo ; min lè-l grandi, li vi-n pi gran pasé tout plant jadin, li vi-n tounin yon pié boua, atèl pouin zouazo sièl la yo rivé, épi yo abité nan branch li yo ».

Li té palé yo yon lòt parabòl : « Péyi-roua sièl yo sanblé ak yon lévin, yon madanm pran-l, li kaché-l nan toua mézi fari-n, joutan tout pat la lévé ».

Tout bagay sa yo Jézu té palé yo an parabòl ak foul yo, li pa-t palé avèk yo san parabòl, pou sa profèt la té di-a té kapab rivé vré : « M-ap louvri bouch mouin nan parabòl, m-ap déklaré bagay ki té kaché dépi kòmansman tè-a ».

Lè sa-a atò, antan-l ranvouayé foul yo, li té rivé nan kay la ; épi disip li yo té proche koté-l, antan yo di : « Éspliké nou parabòl avoua-n fòl yo nan jadin-an ». Li réponn, li di yo :

« Moun k-ap simin bon sémans la, sé Pitit moun nan. Jadin-an minm sé tè-a ; bon sémans la minm sé pitit péyi-roua-a ; avoua-n fòl la, sé pitit djab yo ; ènmi-an minm ki sinmin yo-a, sé djab la ; rékòlt la, sé finisman sièk tan yo ; moun k-ap rékòlté yo minm sé Anj yo.

Minm jan yo ranmasé avoua-n fòl yo épi yo boulé yo nan difé-a, sé konsa sa ap fèt nan finisman sièk tan yo : Pitit moun nan ap voyé Anj li yo, y-ap ranmasé tout moun k-ap fè lòt yo tonbé yo, y-ap ouété yo sot nan péyi-roua-a, sé la k-ap gin dlo nan jé ak manjé dan. Lè sa-a atò moun ki kòrèk yo ap kléré tankou solèy nan péyi-roua Papa yo-a.

Moun ki gin zòrèy pou-l tandé, sé pou-l tandé ».

Paròl Grammèt la.

oubyin pi kout

✠ Léktu sint Évanjil la dapré Matié

13, 24-30

Lè sa-a :

Jézu té propozé yon lòt parabòl bay foul yo, antan-l di :

« Péyi-roua sièl yo sanblé ak yon moun k-ap simin bon sémans nan jadin-l. Pandan moun minm yo ap dòmi, ènmi-l té rivé, épi li té simin avoua-n fòl nan jadin blé-a, li té pati.

Kon plant la té grandi, épi li té bay foui, sé lè sa-a avoua-n fòl yo té parèt. Sèvitè pè-d-fanmiy nan minm antan yo proche, yo té di-l : “Mèt, èské sé pa bon sémans ou té simin nan jadin-ou nan ? Kòman fè li gin avoua-n fòl ?” Li té di yo : “Sé ènmi-an ki té fè sa”. Sèvitè yo minm té di-l : “Èské-ou vlé n-al raché-l ?” Li té di : “Non, pou si nou raché avoua-n fòl yo, nou pa raché blé-a tou avèk yo. Kité yo tou lé dé pousé jous nan rékòlt la, épi nan tan rékòlt la m-a di moun yo k-ap rékòlté yo : Ranmasé avoua-n fòl yo anvan, maré yo nan pakèt, pou yo boulé yo ; kanta blé-a minm, ranmasé-l nan dépo-m ».

Paròl Granmèt la.

Dimanch, ané B

PRÉMIÉ LÉKTU

*M-ap rasanblé rès bann mouton-m yo,
m-ap mét yon gadyin sou yo.*

Léktu liv profèt Jérémi

23, 1-6

« Malè pou gadyin yo k-ap gayé bann mouton pak mouin-an, k-ap dévoré yo », sé sa Granmèt la di.

Sé pousa min paròl Granmèt Bondié Israèl la pou gadyin yo k-ap okipé pèp mouin-an : « Nou minm nou gayé bann mouton-m yo, nou chasé yo, nou pa vizité yo ; min mouin minm m-ap vizité méchansté mové kalkil nou yo », sé sa Granmèt la di.

« Mouin minm minm m-ap rasanblé rès bann mouton-m yo sot nan tout tè-a, koté mouin té égzilé yo-a ; m-ap fè yo tounin nan pak zèb yo, y-ap dévlo pé, y-ap vi-n anpil. M-ap fè yon gadyin lévé sou yo, k-ap okipé yo ; yo pap pè ankò, yo pap tranblé, youn minm pap manké nan bann nan », sé sa Granmèt la di.

« Min jou k-ap vini, sé sa Granmèt la di, m-ap fè yon désandans kòrèk lévé pou David ; roua-a ap régné, l-ap gin sajès, l-ap fè jijman ak jistis sou tè-a. Nan jou sa yo, Juda ap sové, Israèl an abité avèk konfians : min ki non y-ap rélé-l : “Granmèt nou-an ki kòrèk la” ».

Paròl Granmèt la.

PSÒM RÉPONS

Ps 22, 1-3 a. 3 b-4. 5. 6 (R: 1)

- R: Granmèt la ap souin-m, mouin pap manké anyin.
- 1 Granmèt la ap souin-m, mouin pap manké anyin :
- 2 nan zèb vèt li instalé-m,
sou dlo kalm li kondui-m,
- 3 li réfè nanm mouin. R:
- 4 Li minnin-m sou tras rout jistis poutèt non-l.
Sèké si m-ap maché nan tè fon lonbraj lanmò,
mouin pap pè malè, paské ou avèk mouin.
Baton-ou ak bagèt ou sé yo k-ap konsolé-m. R:
- 5 Ou paré tab dévan-m,
an fas sa yo k-ap pèsékité-m yo ;
ou anбомé tèt mouin ak losion,
kalis mouin ap ranvèsé. R:
- 6 Réyéلمان sé byinvéyans ak mizérikòd k-ap rapousuiv mouin
touléjou lavi-m,
m-ap abité nan kay Granmèt la
pou longè jou yo. R:

DÉZIÈM LÉKTU

*Li sé lapè nou,
li minm ki fè tou lé dé vi-n tounin yon sèl.*

Léktu lèt apot sin Pòl pou Éfézyin yo

2, 13-18

Frè-m yo :

Koulié-a minm, nan Kris Jézu, nou minm ki té louin lontan-an, nou vi-n tou pré nan san Kris la.

Sé li minm ki lapè nou, li minm ki fè toulédé vi-n tounin yon sèl la, li krazé miray lantouraj la ki té séparé nou-an, rayisans la, nan chè li, li siprimé obligasion laloua kòmandman yo, pou-l té kapab rasanblé toulédé nan li minm nan yon moun nouvo, antan-l fè lapè, li té vlé rékonsilié tou lé dé nan yon sèl kò avèk Bondié pa lantrémiz koua-a, antan-l touyé rayisans la nan li minm.

Li vini, li anonsé bon nouvèl lapè-a ba nou, nou minm ki té louin yo, épi lapè tou pou sa yo ki té tou pré yo ; paské pa lantrémiz liminm, nou kapab proche nou tou lé dé nan yon sèl Épri-a kot Papa-a.

Paròl Granmèt la.

ALÉLOUYA

Jan 10, 27

℞ Alélouya. Mouton-m yo kouté voua-m, sé sa Granmèt la di ;
épi mouin minm mouin konnin yo, yo suiv mouin. ℞ Alélouya.

ÉVANJIL

Yo té tankou mouton ki pa gin gadyin.

✝ **Léktu sint Évanjil la dapré Mark**

6, 30-34

Lè sa-a :

Antan Apot yo rasanblé kot Jézu, yo té rakonté-l tou sa yo té fè, ak sa yo té anségné. Li té di yo : « Vini apa, yon koté ki pa gin pèsòn épi pran yon ti répo ». Sèké té si tèlman gin moun ki t-ap alé vini, yo pa-t gin tan pou yo manjé.

Antan yo monté nan batiman-an, yo t-al nan yon koté ki dézè, ki apa. Lè yo té ouè y-apralé, anpil moun té konprann : épi antan yo soti a pié nan tout vil yo, yo té vi-n rankontré yo la, épi yo té rivé anvan yo.

Antan Jézu soti, li té ouè anpil foul épi li té pran pitié pou yo, paské yo té tankou mouton ki pa gin gadyin, li té kòmansé ba yo ansègnman anpil.

Paròl Granmèt la.

Dimanch, ané C

PRÉMIÉ LÉKTU

Granmèt, pa pasé louin sèvitè-ou la.

Léktu liv Jénèz la

18, 1-10 a

Jou sa yo :

Granmèt la té parèt dévan Abraam nan plinn Manbré-a, Abraam té chita nan papòt tant li nan gran chalè jou-a. Lè-l lévé jé-l, li té ouè toua

mésié ki parèt dévan-l, ki kanpé toupré-l ; kon-l ouè yo, li té kouri al rankontré yo sot nan papòt tant li-a épi li té adoré jous atè.

Li di : « Granmèt, si-m jouinn favè nan jé-ou, pa pasé louin sèvitè-ou la ; min m-ap poté yon ti dlo, n-a lavé pié nou, n-a répozé anba pié boua-a. M-ap mété yon ti bouché pin, n-a soutni kè nou ; apré sa n-a kontinié rout nou ; sé poua réyélnian vré nou fè yon ti détou lakay sèvitè nou-an ». Yo di : « Fè jan-ou di-a ».

Abraam té fè vit antré nan tant la kot Sara épi li té di-l : « Fè vit, brasé toua mézi fari-n, épi fè pin ki kuit anba sann ». Li té kouri tou kot pak la, épi li té pran yon ti bèf tou jèn, ki bon, li té bay ti gason-an ; ti gason-an té fè vit épi li té kuit li. Abraam té pran bè tou, ak lèt, ni ti bèf la yo té kuit la, li té mété dévan yo ; li minm minm li té kanpé bò koté yo anba pié boua-a.

Pandan y-ap manjé, yo té di-l : « Kot Sara, madanm ou-an ? » Li té réponn : « Min li nan tant la ». Li té di : « Antan m-ap tounin koté-ou nan tan sa-a, nan déroulman lavi-a, Sara, madanm ou, ap gin yon ti pitit gason ».

Paròl Granmèt la.

PSÒM RÉPONS

Ps 14, 2-3 ab. 3 cd-4 ab. 5 (R : 1 a)

- R: Granmèt, kilès k-ap abité nan tant ou-a ?
- 2 Moun k-ap maché san fot, k-ap fè jistis ;
- 3 k-ap palé vérité nan kè-l,
ki pa fè rizèz ak lang li. R:
- Li pa fè prochin-l mal,
li pa dézonoré prochin-l.
- 4 Li konsidéré méchan-an kòm anyin dévan jé-l,
min li fè gloua pou sa yo ki krinn Granmèt la. R:
- 5 Moun ki pa prété lajan ak intéré,
ki pa aksépté kado sou do inosan.
Moun ki aji konsa, li pap souké pou tout tan. R:

DÉZIÈM LÉKTU

*Mistè-a ki té kaché dépi sièk tan yo koulié-a minm
yo dévoualé-l bay sin yo.*

Léktu lèt apot sin Pòl pou Kolosyin yo

1, 24-28

Frè-m yo :

Koulié-a mouin kontan nan soufrans m-ap sibi pou nou yo, m-ap konplété sa-k manké nan soufrans Kris la nan chè-m pou kò-l, ki Égliz la ; sé sèvitè Égliz sa-a mouin yé dapré ròl Bondié ban mouin pou nou-an, pou-m réalizé paròl Bondié-a.

Mistè-a ki té kaché dépi sièk tan yo ak jénérasyon yo, koulié-a minm yo dévoualé-l bay sin yo. Bondié té vlé fè sin yo konnin richès gloua sakréman sa-a nan nasion yo ; sakréman sa-a sé Kris la, éspérans gloua-a nan nou. Sé li minm n-ap anonsé nou, antan n-ap avèti tout moun, n-ap bay tout moun ansègnman ak tout kalité sajès, pou nou prezanté tout moun kòrèk nan Kris Jézu.

Paròl Granmèt la.

ALÉLOUYA

Cf. Lk 8, 15

✠ Alélouya. Ala kontantman pou moun ki kinbé paròl Bondié-a
nan yon kè ki bon, ki dévoué,
épi ki donnin foui nan pasians. ✠ Alélouya.

ÉVANJIL

*Mart résévoua-l lakay li.
Mari chouazi pi bon pòsion-an.*

✠ Léktu sint Évanjil la dapré Luk

10, 38-42

Lè sa-a :

Jézu té antré nan yon bouk ; épi yon madanm yo rélé Mart té résévoua-l lakay li. Li té gin yon sè yo rélé Mari, ki antan-l chita nan pié Granmèt la minm, t-ap kouté paròl li. Mart minm t-ap trakasé kò-l avèk anpil sèvis ; li té kanpé épi li té di : « Granmèt, èské sa pa fè-ou anyin, pou sè-m nan kité-m ap sèvi pou kont mouin ? di-l pou-l édém ».

Antan Granmèt la réponn, li té di-l : « Mart, Mart, ou pran tèt chajé épi ou troublé pou anpil bagay. Min sé yon sèl ki nésésè : Mari té chouazi pi bon pòsion-an, yo pap ouété-l sot nan min-l ».

Paròl Granmèt la.

Lindi

Ané 1

PRÉMIÉ LÉKTU

*Y-ap konnin sé mouin minm Granmèt la,
lè m-ap tiré gloua nan Faraon.*

Léktu liv Égzòd

14, 5-18

Jou sa yo :

Yo té poté nouvèl bay roua Éjipsyin yo pèp la té sové ; épi kè Faraon té chanjé ni kè sèvitè-l yo osijè pèp la, épi yo té di : « Ki sa nou té vlé fè, pou nou té kité Israèl pati, pou-l pa sèvi nou-an ? » Konsa li té sélé chario, épi li té pran tout pèp li-a avèk li. Li té pran sisan chario ki pi bon, ak tout chario ki té nan Éjip la, avèk chèf tout lamé-a.

Granmèt la té fèmin kè Faraon roua Éjip la, épi li té rapousuiv pitit Israèl yo ; pitit Israèl yo minm t-ap kontinué maché avèk min yo byin ro. Lè Éjipsyin yo rapousuiv tras pié sa yo ki té dévan yo, yo té dékouvri yo nan kan yo bò lanmè-a ; tout kavalié Faraon yo ak tout chario li yo, ak tout lamé-a té Fiayirèt, an fas Béèlséfon.

Antan Faraon t-ap proché, pitit Israèl yo lévé jé yo, yo té ouè Éjipsyin yo dèyè yo épi yo té pè anpil ; yo té pousé rèl kot Granmèt la, épi yo té di Moyiz : « Pètèt pa-t gin kavo nan Éjip ; sé poua ou pran nou, pou nou mouri nan dézè-a. Ki sa ou té vlé fè la-a, pou-ou té fè nou soti Éjip la ? Èské sé pa paròl sa-a nou té palé avèk ou nan Éjip la, lè nou t-ap di : “Ralé kò-ou sot sou nou, pou nou sèvi Éjipsyin yo ?” Nou té pito sèvi yo anpil fous, pasé pou nou mouri nan dézè-a ».

Moyiz té di pèp la : « Pa pè ; kanpé, n-ap ouè gran bagay Granmèt la ap fè jodi-a ; Éjipsyin yo nou ouè-a, nou pap ouè yo minm ankò. Granmèt la ap batay pou nou, nou minm n-ap rét trankil ».

Granmèt la té di Moyiz : « Pouki sa ou-ap rélé koté-m nan ? Palé ak pitit Israèl yo pou yo pati. Ou minm lévé bagèt ou-a, lonjé min-ou sou lanmè-a, fann li dé bò, pou pitit Israèl yo maché nan mitan lanmè-a koté ki sèk. Mouin minm m-ap fè kè Éjipsyin yo vi-n du pou yo rapousuiv nou ; m-ap tiré gloua nan Faraon ak nan tout lamé-l la ak nan chario li yo ak nan kavalié-l yo. Éjipsyin yo ap konnin sé mouin minm Granmèt la, lè m-ap tiré gloua nan Faraon ak nan chario li yo ak nan kavalié-l yo ».

Paròl Granmèt la.

PSÒM RÉPONS

Égz 15, 1-2. 3-4. 5-6 (R : 1 b)

R : An nou chanté pou Granmèt la : paské li tiré gloua anpil !

- 1 An nou chanté pou Granmèt la : paské li tiré gloua anpil :
choual ak kavalié, li jété yo nan lanmè.
- 2 Fòs mouin ak louanj mouin, sé Granmèt la,
li vi-n tounin pou mouin sa-a ki sové-m nan.
Li minm sé Bondié-m, m-ap fè louanj li ;
Bondié papa-m nan, m-ap fè ouè jan-l gran. R :
- 3 Granmèt la tankou yon sòlda.
Sa-a ki gin tout pouvoua-a, sé non-l sa.
- 4 Chario Faraon ak lamé-l, li jété yo nan lanmè ;
pi gran chèf li yo, yo nouayé nan lanmè Rouj la. R :
- 5 Bafon-an kouvri yo ;
yo désann nan bafon-an tankou ròch.
- 6 Min douat ou, Granmèt, fè mèvèy ak fòs ;
min douat ou, Granmèt, frapé ènmi-an. R :

Ané 2

PRÉMIÉ LÉKTU

M-ap di-ou, monchè, sa Granmèt la mandé-ou.

Léktu liv profèt Miché

6, 1-4. 6-8

Kouté sa Granmèt la di :

« Lévé, fè prosè dévan mòn yo, sé pou ti rotè yo tandé voua-ou. Sé pou mòn yo ak fondasion solid tè-a tandé jijman Granmèt la ; paské jijman Granmèt la ap kòmansé kont pèp li-a avèk Israèl.

Pèp mouin, ki sa-m té fè-ou ? oubyin ki tray mouin té fè-ou pasé ? Réponn mouin. Èské sé paské mouin té fè-ou soti nan péyi Éjip la, mouin té libéré-ou sot nan kay ésklavaj la, mouin té voyé Moyiz avèk Aaron avèk Miriam dévan fas ou-a ? »

Kisa ki kòrèk pou-m ofri Granmèt la ? M-ap plouayé jénou dévan Bondié ki anro nèt la ? èské sé pou-m ofri-l sakrifis antié avèk toro ki gin yon ané ? Èské Granmèt la kapab pran plézi nan mil bélié oubyin nan anpil milié bouk byin gra ? Èské m-ap bay prémié pitit mouin-an pou krim mouin-an, foui vant mouin-an pou péché nanm mouin-an ?

M-ap di-ou, mòn chè, ki sa ki bon, ki sa Granmèt la mandé-ou : Sètènman sé fè sa ki douat, rinmin mizérikòd, maché avèk atansyon ansanm ak Bondié-ou la.

Paròl Granmèt la.

PSÒM RÉPONS

Ps 49, 5-6. 8-9. 16 bc-17. 21 é 23 (R: 23 b)

- R: Moun ki san tach nan chémin-an,
m-ap montré-l sové Bondié sové nou-an.
- 5 « Rasanblé sin-m yo pou mouin,
yo minm ki té dispozé téstaman-m nan nan sakrifis la ».
- 6 Sièl yo ap anonsé jistis li, paské Bondié sé yon jij. R:
- 8 Sé pa nan sakrifis ou yo m-ap réglé kont avèk ou ;
sakrifis antié-ou yo dévan-m tout tan.
- 9 Mouin pap pran toro sot lakay ou,
ni bouk kabrit sot nan pak ou. R:
- 16 Pouki sa ou-ap détayé kòmandman-m yo,
ou-ap mété téstaman-m nan nan bouch ou ?
- 17 Époutan ou rayi disipli-n,
ou voyé paròl mouin yo jété dèyè do-ou. R:
- 21 Sé sa-ou fè, épi mouin té pé bouch mouin.
Ou té konprann mouin té tankou-ou.
- 23 Moun ki ofri sakrifis louanj, l-ap fè-m jouinn konsidérasion,
moun ki san tach nan chémin-an,
m-ap montré-l sové Bondié sové nou-an. R:

ALÉLOUYA

Cf. Ps 94, 8 ab

℞ Alélouya. Jodi-a, pa fèmin kè nou,
min kouté voua Granmèt la. ℞ Alélouya.

ÉVANJIL

Rèn nan sid la ap lévé nan jijman avèk jénérasyon sa-a.

✚ Léktu sint Évanjil la dapré Matié

12, 38-42

Lè sa-a :

Gin kèk nan skrib yo ak nan farizyin yo ki palé ak Jézu, yo di : « Mèt, nou vlé ouè yon sign ou fè ». Li réponn, li di yo :

« Yon jénérasyon mové, ki adiltè, ap mandé sign ; yo pap ba-l sign, sof sign profèt Jonas la. Réyèlman, minm jan Jonas té nan vant balèn nan pandan toua jou ak toua nuit la, sé konsa Pitit moun nan ap nan kè tè-a pandan toua jou ak toua nuit.

Moun Niniv yo ap lévé nan jijman-an avèk jénérasyon sa-a l-ap kondané-l ; paské yo té fè pénitans nan prèch Jonas la : min gin plis pasé Jonas isit la. Rèn nan sid la ap lévé nan jijman-an avèk jénérasyon sa-a, l-ap kondané-l ; paské li té vi-n sot nan bout tè-a pou-l kouté sajàs Salomon : min gin plis pasé Salomon isit la ».

Paròl Granmèt la.

Madi

Ané 1

PRÉMIÉ LÉKTU

Pitit Israèl yo antré nan mitan lanmè-a, san yo pa mouyé.

Léktu liv Égzòd

14, 21-15, 1

Jou sa yo :

Lè Moyiz lonjé min sou lanmè-a, Granmèt la fè lanmè-a tounin dèyè, avèk yon gro van cho, k-ap souflé tout nannuit la ; lanmè-a vi-n sèk : dlo yo séparé. Pitit Israèl yo antré nan mitan lanmè sèk la ; dlo-a té tankou miray adouat yo avèk agòch yo. Éjipsyin yo ki t-ap rapousuiv yo-a, yo antré dèyè yo nan mitan lanmè-a, ni tout kavalié Faraon yo, ni chario li yo, ni choul li yo.

Dévan-jou té kòmansé ap proché, Granmèt la gadé nan diréksion lamé Éjipsyin yo nan kolòn difé-a ak nuaj la, li touyé lamé yo ; li viré rou chario yo, yo tonbé nan bafon-an. Éjipsyin yo di : « An nou sové kò nou dévan Israël ; paské Granmèt la ap batay pou yo kont nou ».

Granmèt la di Moyiz : « Lonjé min-ou sou lanmè-a, pou dlo yo tounin sou Éjipsyin yo, sou kabouèt yo ak sou kavalié yo ». Lè Moyiz lonjé min kont lanmè-a, lanmè-a tounin nan premié koté li té yé-a, granmatin ; pandan Éjipsyin yo ap sové kò yo, dlo yo vi-n rankontré yo, Granmèt la roulé yo nan mitan lanm yo. Dlo yo tounin, yo kouvri chario yo ak tout choul lamé Faraon yo, ki té antré nan lanmè-a pou yo té rapousuiv yo-a ; pa gin youn minm ki chapé nan yo.

Kanta pitit Israël yo minm, yo travèsé nan mitan lanmè sèk la, dlo yo té tankou yon miray pou yo adouat ak agòch.

Jou sa-a Granmèt la libéré Israël sot nan min Éjipsyin yo. Yo ouè Éjipsyin yo ki mouri sou bò lanmè-a avèk gran fòs min Granmèt la té déplouayé kont yo ; pèp la vi-n krinn Granmèt la, yo vi-n kouè nan Granmèt la ak nan Moyiz sèvitè-l.

Lè sa-a, Moyiz ak pitit Israël yo pran chanté kantik sa-a pou Granmèt la, yo di :

PSÒM RÉPONS

Égz 15, 8-9. 10 é 12. 17 (R : 1 a)

- R An nou chanté pou Granmèt la, paské li tiré gloua anpil !
- 8 Nan van kòlè-ou dlo yo rasanblé.
Sa-k konn koulé-a, li kanpé, dlo bafon yo rasanblé nan mitan lanmè-a.
- 9 Ènmi-an té di : « M-ap rapousuiv, m-ap sézi ;
m-ap séparé piyay, min mouin ap plin,
m-ap ouété épé-m, m-ap touyé yo ». R
- 10 Souf ou souflé, lanmè-a kouvri yo ;
yo plonjé tankou plon nan dlo yo ki gin fòs yo.
- 12 Ou lonjé min-ou, tè-a dévoré yo. R
- 17 Ou-ap fè yo antré, ou-ap instalé yo sou mòn éritaj ou-a,
kay ou-a ki solid la, sa-ou fè-a, Granmèt,
tanp ou-a, Granmèt, sa min-ou té instalé fèm nan. R

Ané 2**PRÉMIÉ LÉKTU***Sé pou-l jété tout péché nou yo nan fon lanmè-a.***Léktu liv profèt Miché****7, 14-15. 18-20**

Pèp ou-a, bann mouton éritaj ou-a, sa yo ki abité pou kont yo nan boua-a, nan mitan Karmèl la, sé pou ou gadiyin yo ak bagèt ou-a ; sé pou Bazan ak Galaad jouinn manjé tankou jou lontan yo. Tankou jou ou té sòti nan péyi Éjip la, fè-l ouè mèvèy.

Bondié, kilès ki tankou-ou, ki ouété péché-a, ou minm ki padonnin fot rès éritaj ou-a ? Li pap fè kòlè ankò, paské sé mizérikòd li vlé. Sé pou-l tounin, pou-l pran pitié pou nou, sé pou-l ouété péché nou yo, pou-l jété tout péché nou yo nan fon lanmè. Ou-ap bay Jakòb vérité-a, ou-ap bay Abraam mizérikòd la, sa-ou té fè sèman bay papa nou yo, dépi nan jou lontan yo.

Paròl Granmèt la.

PSÒM RÉPONS**Ps 84, 2-3. 5-6. 7-8 (R: 8 a)**

- R:** Fè nou ouè mizérikòd ou, Granmèt.
- 2** Ou jouinn plézi-ou, nan tè-ou la, Granmèt,
ou fè prizonié Jakòb yo tounin.
- 3** Ou padonnin péché pèp ou-a,
ou kouvri tout péché yo.
- 4** Ou réfoulé tout kòlè-ou,
ou tounin sot nan kòlè-ou ki té rèd la. **R:**
- 5** Fè nou tounin, Bondié, sovè nou,
viré kòlè-ou sot sou nou.
- 6** Èské sé pou tout tan ou-ap faché kont nou,
oubyin ou-ap lonjé kòlè-ou pou jénérasyon ak jénérasyon ? **R:**
- 7** Èské ou pap tounin vi-n ba nou lavi,
pou pèp ou-a kontan nan ou ?
- 8** Fè nou ouè mizérikòd ou, Granmèt,
sovè ou sovè nou-an, ba nou li. **R:**

ALÉLOUYA

Jan 14, 23

℞ Alélouya. Si yon moun rinmin-m, l-ap kinbé paròl mouin, sé sa Granmèt la di ;
Papa-m ap rinmin-l, n-ap vi-n lakay li. ℞ Alélouya.

ÉVANJIL

*Li lonjé min-l sou disip yo, li di :
Min manman-m ak frè-m yo.*

✠ Léktu sint Évanjil la dapré Matié

12, 46-50

Lè sa-a :

Jézu t-ap palé avèk foul yo, manman-l ak frè-l yo té kanpé déyò, yo t-ap chèché palé avèk li. Yon moun di-l : « Min manman-ou ak frè-ou yo kanpé déyò-a, y-ap chèché-ou ».

Li minm minm li réponn, li di-l : « Kilès ki manman-m, kilès ki frè-m ? »

Li lonjé min sou disip li yo, li di : « Min manman-m ak frè-m. Ninpòt ki moun ki fè volonté Papa-m ki nan sièl la, sé li minm ki frè-m ak sè-m ak manman-m ».

Paròl Granmèt la.

Mèkrédi

Ané 1

PRÉMIÉ LÉKTU

M-ap fè lapli pin tonbé pou nou sot nan sièl la.

Léktu liv Égzòd

16, 1-5. 9-15

Pitit Israèl yo pati sot Élim, tout foul pitit Israèl la rivé nan dézè Si-n nan, ki ant Élim ak Sinayi, sou kinzièm jou dézièm moua-a, apré yo té pati kité péyi Éjip la.

Tout foul pitit Israèl yo pran plinyin kont Moyiz ak Aaron nan dézè-a ; pitit Israèl yo di yo : « Pito nou té mouri nan min Granmèt la nan péyi Éjip la, lè nou té chita dévan mamit viann yo, lè nou t-ap manjé pin kont kò nou-an : Pouki sa nou té fè nou sòti pou nou minnin nou nan dézè sa-a, pou nou touyé tout foul la avèk grangou-a ? »

Granmèt la di Moyiz : « Min m-ap fè lapli pin tonbé sot nan sièl la pou nou : pèp la ap sòti, l-ap ranmasé sa yo bézouin pou chak jou, pou-m fè-l bay prèv li, pou-m ouè si l-ap maché nan laloua-m nan oubyin non. Min sizièm jou-a, sé pou yo obsèvé sa yo poté-a ; l-ap dé foua plis pasé sa yo abityé ranmasé chak jou ».

Moyiz di Aaron tou : « Di tout pèp pitit Israèl yo : “Proché dévan Granmèt la ; sèké li tandé jan n-ap plinyin” ». Lè Aaron palé avèk tout pèp pitit Israèl yo, yo gadé nan diréksion dézè-a ; min gloua Granmèt la té parèt nan nuaj la.

Granmèt la palé ak Moyiz, li di : « Mouin tandé pitit Israèl yo k-ap plinyin ; palé ak yo, di yo : “Asouè-a, n-ap manjé viann, nan matin n-ap jouinn pin kont kò nou, n-ap konnin sé mouin minm Granmèt la Bondié nou-an” ».

Nan asouè vré, gin ti pintad ki volé, ki kouvri kan yo-a ; nan matin tou té gin yon kouch larouzé ki kouvri tout-alantou kan yo-a. Lè-l évaporé sot sou fas tè-a, gin yon ti po tou mins ki parèt, yon bagay ki tou fin tankou lanèj sou tè-a. Lè pitit Israèl yo ouè sa, youn di lòt : « Manou ? », sa vlé di : « Sa sa-a yé ? »

Yo pa-t konnin sa-l té yé. Moyiz di yo : « Sa-a sé pin, Granmèt la ba nou pou nou manjé ».

Paròl Granmèt la.

PSÒM RÉPONS

Ps 77, 18-19. 23-24. 25-26. 27-28 (R: : 24 b)

R: Granmèt la ba yo pin sièl la.

¹⁸ Yo tanté Bondié nan kè yo,
antan y-ap mandé manjé pou lavi yo ;

¹⁹ yo palé kont Bondié,
yo di : « Èské Bondié kapab
paré yon tab nan dézè-a » ? R:

²³ Réyèlman li pasé nuaj yo lòd,
li louvri pòt sièl yo ;

²⁴ li fè lapli lama-n tonbé pou yo pou yo manjé,
li ba yo pin sièl la. R:

²⁵ Moun nan manjé pin anj Bondié yo,
li voyé manjé pou yo an kantité.

- 26 Li lévé van nan sid nan sièl la,
li minnin van sot nan lafrik ak tout fòs li. **R:**
- 27 Sé tankou poussiè viann ki tonbé sou yo kon lapli,
tankou sab lanmè, zouazo zèl yo.
- 28 yo tonbé nan mitan kan yo,
alantou tant yo-a. **R:**

Ané 2

PRÉMIÉ LÉKTU

Kòm profèt nan nasion yo mouin mété-ou.

Kòmansman liv profèt Jérèmi

1, 1. 4-10

Paròl Jérèmi pitit Èlsias, youn nan prèt yo ki té nan Anatòt nan péyi Binjamin-an.

Paròl Granmèt la rivé koté-m, li di : « Anvan-m té fòmé-ou nan vant, mouin té konnin-ou ; anvan-ou té soti nan vant, mouin té fè-ou sin, mouin té rinmèt ou kòm profèt pou nasion yo ».

Mouin di : « A, a, a, Granmèt Bondié ! gadé mouin pa konn palé, sé yon ti moun mouin yé ».

Granmèt la di-m : « Pa di “mouin sé ti moun” ; min kot tou sa-m voyé-ou, sé pou-ou alé, sé pou-ou palé tou sa m-ap kòmandé-ou. Pa pè dévan fas yo, paské mouin avèk ou, pou-m délivré-ou », sé sa Granmèt la di.

Granmèt la voyé min-l, li touché bouch mouin, Granmèt la di-m : « Mouin mété paròl mouin yo nan bouch ou ; mouin mété-ou jodi-a sou nasion yo ak sou péyi roua yo, pou-ou raché, pou-ou détoui, pou-ou chasé, pou-ou gayé, pou-ou bati, pou-ou planté ».

Paròl Granmèt la.

PSÒM RÉPONS

Ps 70, 1-2. 3-4 a. 5-6 ab. 15 ab é 17 (**R:** : cf. 15)

R: Bouch mouin ap anonsé sové ou sové nou-an, Granmèt.

- 1 Sé nan ou, Granmèt, mouin espéré,
pa kité-m ront pou tout tan.
- 2 Nan jistis ou-a libéré-m, sové-m ;
panché zòrèy ou sou mouin, sové-m. **R:**

- 3 Sé pou-ou sèvi-m yon ròch sitadèl,
ak yon fò, pou-ou sovè-m,
paské fòs mouin ak kachèt mouin sé ou minm.
- 4 Bondié mouin, ouété-m nan min péchè-a. **R:**
- 5 Paské sé ou minm m-ap tann, Granmèt ;
Granmèt, éspérans mouin dépi-m tou jèn.
- 6 Sé sou ou mouin apuiyé dépi-m nan vant,
dépi nan vant manman-m sé ou minm ki soutni-m. **R:**
- 15 Bouch mouin ap anonsé jistis ou,
tout jounin sovè ou sovè nou-an,
- 17 Bondié, ou ban-m ansègnman dépi-m tou jèn ;
jous koulié-a m-ap anonsé mèvèy ou yo. **R:**

ALÉLOUYA

- R:** Alélouya. Sémans la, sé paròl Bondié-a ;
sa k-ap simin-an minm sé Kris la ;
tout moun ki jouinn li, l-ap diré pou tout tan. **R:** Alélouya.

ÉVANJIL

Yo t-ap bay foui san fous plis.

✠ Léktu sint Évanjil la dapré Matié 13, 1-9

Jou sa-a, Jézu soti nan lakay la, li chita bò lanmè-a. Foul yo rasanblé koté-l, si tèlman li blijé monté nan yon batiman pou-l chita ; tout foul la té kanpé sou bò lanmè-a. Li t-ap palé avèk yo anpil nan parabol, li t-ap di :

« Sa-a k-ap simin-an soti pou-l simin. Pandan l-ap simin-an, gin kèk grinn ki tonbé sou bò rout la, zouazo sièl yo rivé, yo manjé yo. Dòt minm tonbé nan térin ròch, koté pa-t gin anpil tè ; minm lè-a, yo pousé, paské yo pa-t gin tè ki fon ; lè solèy la lévé, chalè-l boulé yo, épi kòm yo pa-t gin rasi-n, yo séché. Dòt minm tonbé nan pikan, yo grandi avèk pikan yo, ki toufé yo. Dòt ankò tonbé nan bon tè ; yo bay foui, yon pòsion san fous plis, yon lòt souasant fous plis, yon lòt trant fous plis.

Moun ki gin zòrèy, pou-l kouté, sé pou-l kouté ».

Paròl Granmèt la.

Jédi

Ané 1

PRÉMIÉ LÉKTU

*Granmèt la désann dévan tout pèp la
sou mòn Sinayi-a.*

Léktu liv Égzòd

19, 1-2. 9-11. 16-20 b

Sou touazièm moua lè Israèl té fi-n soti nan péyi Éjip la, jou sa-a yo rivé nan dézè Sinayi-a. Sèké yo té pati sot Rafidim, yo té rivé jous nan dézè Sinayi-a, yo té pozé tant yo nan koté sa-a, Israèl té fiksé tant li anfas réjion mòn nan.

Granmèt la di Moyiz : « Koulié-a m-ap vini koté-ou nan voual nuaj la, pou pèp la tandé m-ap palé avèk ou, pou-l kouè nan ou tout tan ».

Moyiz anonsé paròl pèp la bay Granmèt la, ki di-l : « Al kot pèp la, sanktifié yo jodi-a ak démin ; sé pou yo lavé rad yo, pou yo paré nan touazièm jou-a ; sèké nan touazièm jou-a Granmèt la ap désann dévan tout pèp la sou mòn Sinayi-a ».

Lè touazièm jou-a rivé, granmatin t-ap kléré ; yo kòmansé tandé boui loraj, yo ouè zèklè k-ap flanbé, ak nuaj épè ki vlopé mòn nan, son tronpèt la t-ap kònin pi fò tout tan ; pèp la ki té nan kan yo, li vi-n pè. Lè Moyiz fè yo soti al rankontré Bondié sot nan kan yo, yo kanpé nan pié mòn nan.

Tout mòn Sinayi-a t-ap fè lafimin, paské Granmèt la té désann sou li nan difé-a, épi lafimin-an t-ap monté sot sou li tankou sot nan founèz ; tout mòn nan té térib. Son tronpèt la t-ap gonflé pi plis ofi-amézi, épi li rét diré anpil. Moyiz t-ap palé. Bondié t-ap réponn li.

Granmèt la désann sou mòn Sinayi-a sou tèt mòn nan minm, li rélé Moyiz nan pouint tèt mòn nan.

Paròl Granmèt la.

PSÒM RÉPONS

Dan 3, 52. 53. 54. 55. 56 (R: 52 b)

R: Ou mérité louanj, ou mérité gloua, ou dépasé tout rotè pou tout tan.

⁵² Konpliman pou ou, Granmèt, Bondié papa nou yo,

R: Ou mérité louanj, ou mérité gloua, ou dépasé tout rotè pou tout tan.

Konpliman pou non gloua-ou la ki sin-an,

Ⓡ Ou mérité louanj, ou mérité gloua, ou dépasé tout rotè pout tout tan.

53 Konpliman pou ou nan tanp gloua-ou la ki sin-an,

Ⓡ Ou mérité louanj dépasé, ou anlè tout gloua pou tout tan.

54 Konpliman pou ou nan tro-n péyi roua-ou la,

Ⓡ Ou mérité louanj dépasé, ou anlè tout gloua pou tout tan.

55 Konpliman pou ou, ki égzaminé bafon yo, ki chita anlè Chéribin yo,

Ⓡ Ou mérité louanj, ou anlè tout gloua pou tout tan.

56 Konpliman pou ou nan platfòm sièl la,

Ⓡ Ou mérité louanj, ou mérité gloua pou tout tan.

Ané 2

PRÉMIÉ LÉKTU

*Yo abandoné-m, mouin minm sous dlo lavi-a,
yo foyé pui ki pèdi dlo.*

Léktu liv profèt Jérémi

2, 1-3. 7-8. 12-13

Paròl Granmèt la rivé koté-m, li di :

« Alé, rélé byin fò nan zòrèy Jérusalèm, ou-a di : “Min paròl Granmèt la : Mouin sonjé-ou, mouin gin pitié pou lè-ou té jèn nan, pou rinmin ou té ginyin lè-ou té fèk marié-a, lè-ou t-ap suiv mouin nan dézè-a, nan tè ki pa gin sémans la. Israèl té sin pou Granmèt la, prémié nan foui-l yo ; tout moun ki té dévoré-l, yo té péyé sa ; malè té rivé yo” », sé sa Granmèt la di.

« Mouin té fè nou antré nan tè Karmèl la, pou nou té manjé foui-l avèk richès li : lè nou antré, nou vi-n sal tè-m nan, nou fè éritaj mouin-an vi-n tounin yon rayisans. Prèt yo pa-t di : “Koté Granmèt la ?” moun yo ki gadyin laloua-a pa-t rékonèt mouin, gadyin yo fè péché kont mouin, profèt yo préché pou Baal, yo suiv zidòl yo ».

« Sé pou nou sézi, poutèt sa, sièl yo, ni pòt li yo, sé pou nou chagrin anpil », sé sa Granmèt la di : « Sèké gin dé bagay ki mal, pèp mouin-an fè : yo abandoné-m, mouin minm sous dlo lavi-a, yo foyé pui pou yo, pui ki pèdi dlo, ki pa kapab kinbé dlo ».

Paròl Granmèt la.

PSÒM RÉPONS

Ps 35, 6-7 ab. 8-9. 10-11 (R: 10 a)

- R: Koté-ou, Granmèt, sé sous lavi-a.
- 6 Granmèt, mizérikòd ou nan sièl la,
vérité-ou jous nan nuaj yo ;
- 7 jistis ou tankou mòn Bondié yo,
jijman-ou yo sé anpil bafon. R
- 8 Ala valè mizérikòd ou-a ginyin, Bondié !
Pitit moun yo ap espéré anba protéksion zèl ou yo ;
- 9 Y-ap plin ak richès kay ou,
nan riviè plézi-ou, ou-ap fè yo bouè. R
- 10 Paské koté-ou sé sous lavi,
nan limiè-ou nou ouè limiè.
- 11 Lonjé mizérikòd ou pou moun ki konnin-ou yo,
ak jistis ou-a pou sa yo ki gin kè yo douat yo. R

ALÉLOUYA

Cf. Mt 11, 25

R: Alélouya. Konpliman pou ou, Papa, Granmèt sièl la ak tè-a,
paské ou révéle mistè péyi roua-a bay ti moun yo. R: Alélouya.

ÉVANJIL

*Yo ba nou favè pou nou konnin mistè péyi roua sièl yo,
min sa yo minm yo pa ba yo favè sa-a.*

✠ Léktu sint Évanjil la dapré Matié

13, 10-17

Lè sa-a : disip yo proché, yo di Jézu :

« Pouki sa sé an parabòl ou-ap palé avèk yo-a ? »

Li réponn, li di yo : « Paské nou minm yo ba nou favè pou nou konnin mistè péyi roua sièl yo, min sa yo minm yo pa ba yo favè sa-a. Moun ki ginyin, y-ap ba li, l-ap gin plis ; min moun ki pa ginyin, minm sa-l ginyin-an, y-ap ouété-l nan min-l. Sé pousa sé an parabòl m-ap palé avèk yo, paské yo gadé san yo pa ouè, yo kouté san yo pa tandé, ni yo pa konprann. Profési Izayi-a réalizé nan yo, antan-l di :

“Nou mèt kouté byin kouté, nou pap konprann ; nou mèt gadé byin gadé, nou pap ouè. Kè pèp sa-a lou : zòrèy yo tandé di, jé yo fèmin ; pou

yo pa ouè ak jé yo, pou yo pa tandé ak zòrèy yo, pou yo pa konprann ak kè yo, pou yo pa chanjé konduit, épi pou m-pa géri yo”.

Kanta nou minm minm, ala favè pou jé nou, paské yo ouè ; épi zòrèy nou, paské yo tandé. Amèn mouin di nou, anpil profèt ak moun kòrèk té anvì ouè sa nou ouè yo, min yo pa-t ouè yo ; yo té anvì tandé sa n-ap tandé yo, min yo pa-t tandé yo ».

Paròl Granmèt la.

Vandrédi

Ané 1

PRÉMIÉ LÉKTU

Yo bay laloua-a pa lantrémiz Moyiz (Jan 1, 17).

Léktu liv Égzòd

20, 1-17

Jou sa yo : Granmèt la palé tout paròl sa yo :

« Mouin sé Granmèt Bondié-ou la, ki té fè-ou soti nan péyi Éjip la, nan kay ésklavaj la.

Ou pap gin dié étranjé dévan-m.

Ou pap fè pòtré zidòl, ni okinn pòtré bagay ki nan sièl la anro-a oubyin ki sou tè-a anba-a, ni bagay ki nan dlo yo anba tè-a. Ou pap adoré yo, ou pap fè sèvis pou yo. Sé mouin minm Granmèt Bondié-ou la, ki fò, ki jalou, ki vi-n égzaminin fot papa yo nan pitit yo nan touazièm ak katriyèm jénérasion nan moun yo ki rayi-m yo, épi ki fè mizérikòd pou mil jénérasion pou moun ki rinmin-m yo, ki kinbé lòd mouin yo.

Ou pap sèvi ak non Granmèt Bondié-ou la pou granmési ; sèké Granmèt la pa kité moun sa-a san pinision, sa-k sèvi ak non Granmèt Bondié-l la pou granmési-a.

Sonjé pou-ou fè ouè jan jou saba-a sin. Pandan sis jou ou-ap travay, ou-ap fè tout travay ou ; sétièm jou-a minm sé saba Granmèt Bondié-ou la ; ou pap fè okinn travay nan li, ni ou minm ni pitit gason-ou, ni pitit fi-ou, ni sèvitè-ou, ni sèvant ou, ni bèt chaj ou, ni étranjé ki anndan vil ou yo. Pandan sis jou Granmèt la té fè sièl la ak tè-a ak lanmè-a ak tou sa-k nan yo, épi li répozé nan sétièm jou-a : sé poua Granmèt la béni jou sa-a, li fè-l sin.

Onoré papa-ou ak manman-ou, pou-ou viv lontan sou tè-a, sa Granmèt Bondié-ou la ap ba ou-a.

Ou pap touyé.

Ou pap fè adiltè.

Ou pap vòlè.

Ou pap palé kont prochin-ou pou fè fo-témouagnaj.

Ou pap anvè kay prochin-ou ; ou pap mét lidé-ou sou madanm li, ni sèvitè-l, ni sèvant li, ni bèf li, ni bourik li, ni okinn bagay ki pou li ».

Paròl Granmèt la.

PSÒM RÉPONS

Ps 18, 8. 9. 10. 11 (R: Jan 6, 68 c)

R: Granmèt, ou gin paròl lavi tout tan-an.

8 Laloua Granmèt la san tach, li réfè nanm, témouagnaj Granmèt la fidèl, li bay ti moun yo sajàs. R:

9 Jistis Granmèt la douat, yo fè kè kontan, kòmandman Granmèt la klè, li kléré jé yo. R:

10 Krint Granmèt la nè, li diré pou tout tan gin tan, jijman Granmèt la vré, yo kòrèk yo tout ansanm. R:

11 Yo pi chè pasé lò, ak bijou ki gin anpil pri, yo pi dous pasé siro mièl ak réyon mièl k-ap koulé. R:

Ané 2

PRÉMIÉ LÉKTU

*M-ap ba nou gadyin dapré kè-m ;
y-ap rasanblé tout nasion yo Jérusalèm.*

Léktu liv profèt Jérémi

3, 14-17

« Tounin, pitit rébèl yo, sé sa Granmèt la di, paské sé mouin minm ki mèt nou ; m-ap pran nou, youn nan chak vil, dé nan chak fanmi, m-ap fè nou antré nan Siyon ; m-ap ba nou gadyin dapré kè-m, y-ap souin nou avèk sians avèk ansègnman.

Lè n-ap vi-n dévlopé, lè n-ap grandi sou tè-a jou sa yo, sé sa Granmèt la di, yo pap di ankò : “Koté Arch aliens Granmèt la” ? sa pap monté sou kè nou, yo pap sonjé-l, yo pap vizité-l, sa pap fèt ankò.

Lè sa-a y-ap rélé Jérusalèm “Tro-n Granmèt la”, tout nasion ap rasanblé vi-n jouinn li o non Granmèt la nan Jérusalèm ; yo pap maché ap suiv méchansté kè yo ki mové anpil la ».

Paròl Granmèt la.

PSÒM RÉPONS

Jér 31, 10. 11-12 ab. 13 (R : 10 d)

R: Granmèt la ap protéjé nou, tankou yon gadyin fè pou bann mouton-l.

¹⁰ Kouté paròl Granmèt la, nasion yo,
anonsé-l nan zilé yo, ki louin yo,
di : « Sa-a ki té gadé Israèl la, l-ap rasanblé-l,
l-ap protéjé-l, tankou yon gadyin fè pou bann mouton-l. R:

¹¹ Granmèt la ap rachté Jakòb réyèlman,
l-ap libéré-l sot nan min sa-k pi fò-a.

¹² Y-ap vini, y-ap fè louanj nan mòn Siyon-an,
y-ap rivé nan byin Granmèt la. R:

¹³ Lè sa-a vièj la ap kontan nan dans,
jèn jan yo ak vié granmoun yo tou ;
m-ap konsolé yo, m-ap fè yo kontan pou yo bliyé doulè yo ». R:

ALÉLOUYA

Cf. Lk 8, 15

R: Alélouya. Ala kontantman pou moun ki kinbé paròl Bondié-a
nan yon kè ki bon, ki kòrèk anpil,
épi ki donnin foui nan pasians li. R: Alélouya.

ÉVANJIL

Moun ki kouté paròl la, ki konprann li, li donnin foui.

✠ Léktu sint Évanjil la dapré Matié

13, 18-23

Lè sa-a : Jézu di disip li yo :

« Nou minm, kouté parabòl moun k-ap simin-an. Tout moun ki kouté paròl péyi roua-a, épi ki pa mété-l nan kè-l pou-l konprann li, mové-a rivé, li pran sa yo té simin nan kè-l la. Sa-a sé sa-k simin sou bò chémin-an.

Sa-k simin sou térin ròch la minm, sé sa-k tandé paròl la, minm lè-a li réservoua-l avèk kè kontan ; sèlman li pa gin rasi-n nan li, min li la pou yon tan : lè vi-n gin tribilasyon ak pèsékision poutèt paròl la, minm lè-a li bité.

Sa-a minm ki simin nan pikan yo, sé sa-k tandé paròl la, sèlman tèt chajé sièk tan sa-a avèk atirans richès yo toufé paròl la, li rété san foui.

Sa-a ki simin nan bon tè-a, sé sa-k tandé paròl la, ki mété-l nan kè-l pou-l chèché konprann li : li donnin foui, li fè yon pòsion san fous plis, yon lòt sousant, yon lòt minm trant ».

Paròl Granmèt la.

Samdi

Ané 1

PRÉMIÉ LÉKTU

*Sa-a sé san aliens la,
sa Granmèt la pasé avèk nou-an.*

Léktu liv Égzòd

24, 3-8

Jou sa yo :

Moyiz rivé, li rakonté tout paròl Granmèt la ak jijman-l yo bay pèp la ; tout pèp la réponn avèk yon sèl voua : « Tout paròl Granmèt la di yo, n-ap fè yo ».

Moyiz ékri tout paròl Granmèt la ; granmatin li lévé, li bati yon lotèl nan pié mòn nan, ak douz tit pou douz fanmi Israèl yo. Li voyé jèn jan nan pitit Israèl yo, yo ofri sakrifis antié ; yo sakrifié sakrifis lapè pou Granmèt la, sé té jèn ti toro. Moyiz pran mouatié pòsion nan san-an, li mété nan basi-n ; pòsion ki rété-a, li vidé-l sou lotèl la.

Li pran roulo aliens la, li li-l, pèp la kouté, pèp la di : « Tou sa Granmèt la di, n-ap fè-l, n-ap obéyi-l ». San-an li té pran-an, li vidé-l sou pèp la, li di : « Sa-a sé san aliens la, sa Granmèt la pasé avèk nou-an nan tout paròl sa yo ».

Paròl Granmèt la.

PSÒM RÉPONS

Ps 49, 1-2. 5-6. 14-15 (R : 14 a)

R : Ofri sakrifis louanj bay Bondié.

- 1 Bondié dié yo Granmèt la palé,
li rélé tè-a dépi olévan jous okouchan.
- 2 Dépi Siyon Granmèt la kléré avèk bèl dékoration. **R:**
- 5 « Rasanblé sin-m yo ban mouin,
yo minm ki té pasé aliens mouin-an nan sakrifis la ».
- 6 Sièl yo ap anonsé jistis li, paské Bondié sé yon jij. **R:**
- 14 « Sakrifé sakrifis louanj pou Bondié,
rinmèt Sa-a ki anro nèt la sa-ou té promèt yo ;
- 15 rélé-m nan jou tribilasyon-an :
m-ap délivré-ou, ou-a fè-m jouinn konsidérasion ». **R:**

Ané 2

PRÉMIÉ LÉKTU

*Èské sé pa trou ròch asasin kay la vi-n tounin,
koté yo rélé non-m nan ?*

Léktu liv profèt Jérémi

7, 1-11

Paròl ki rivé kot Jérémi sot nan Granmèt la, ki di : « Kanpé nan pòt kay Granmèt la, préché paròl sa-a nan pòt la, ou-a di : “Kouté paròl Granmèt la, tout moun Juda, k-ap antré nan pòt sa yo pou nou adoré Granmèt la” ».

Min paròl Granmèt lamé yo, Bondié Israèl la : « Fè rout nou yo ak kalkil nou yo vi-n bon, m-a abité avèk nou nan koté sa-a. Pa mét konfians nan paròl manti, antan n-ap di : “Tanp Granmèt la, tanp Granmèt la, tanp Granmèt la ki la !”

Sèké si nou dirijé rout nou yo ak kalkil nou yo byin, si nou fè jijman ant moun nan avèk prochin-l, si nou pa fè kalomni sou étranjé-a ak vèl la, si nou pa vidé san inosan nan koté sa-a, si nou pa maché dèyè dié étranjé yo, pou malè pa rivé nou, m-ap abité avèk nou nan koté sa-a, nan tè-a mouin té bay papa nou yo dépi tout tan é pou tout tan-an.

Min nou mét konfians nou nan paròl manti, ki pap sèvi anyin pou nou. Vòlè, touyé, fè adiltè, fè sèman pou bay manti, ofri sakrifis bay Baal yo, alé dèyè dié étranjé yo nou pa-t konnin yo ; épi nou vini, nou kanpé dévan-m nan kay sa-a, koté n-ap rélé non-m nan, n-ap di : “Nou libéré, paské nou fi-n fè tout bagay sa yo ki lèd yo”.

Èské sé trou ròch asasin kay sa-a vi-n tounin, koté yo rélé non-m nan jé nou yo ? Mouin minm, sé mouin minm, mouin ouè », sé sa Granmèt la di.

Paròl Granmèt la.

PSÒM RÉPONS

Ps 83, 3. 4. 5-6 a é 8 a. 11 (R : 2)

- R: Ala rinmin nou rinmin tant ou yo, Granmèt lamé yo !
- 3 Nanm mouin anvi, l-ap dépéri pou kay ou Granmèt la.
Kè-m ak chè-m ap fété pou Bondié vivan-an. R:
- 4 Minm ti zouazo jouinn yon kay pou li,
toutrèl la jouinn yon nich, koté li dépozé ti pitit li yo :
lotèl ou yo, Granmèt lamé yo, roua-m ak Bondié-m. R:
- 5 Ala kontantman pou moun ki abité nan kay ou-a,
pou tout tan y-ap fè louanj ou.
- 6 Ala kontantman pou moun ki jouinn sékou-l nan ou.
- 8 Y-ap maché sot nan puisans al nan puisans. R:
- 11 Sèké yon jou nan kay ou yo pi bon passé mil,
mouin chouazi rété sou papòt nan kay Bondié-m nan,
pasé pou-m abité nan tant péchè yo. R:

ALÉLOUYA

Jak 1, 21 bc

- R: Alélouya. Avèk dousè sé pou nou résévoua paròl la
ki simin anndan nou-an,
li minm ki kapab sovè nanm nou yo. R: Alélouya.

ÉVANJIL

Kité toulédé grandi jous nan rékòlt la.

✠ Léktu sint Évanjil la dapré Matié

13, 24-30

Lè sa-a :

Jézu prézanté yon lòt parabòl bay foul yo, li di :

« Péyi roua sièl la sanblé ak yon mésié k-ap simin bon sémans nan jadin-l. Pandan moun yo ap dòmi, ènmi-l rivé, li simin fòl-avoua-n nan mitan blé-a, épi li pati.

Kon plant la grandi, li bay foui, sé lè sa-a zèb la parèt. Sèvitè pèd-fanmiy an proche, yo di-l : “Mét, èské sé pa bon sémans ou té simin nan jadin-ou nan ? Kòman fè li gin zèb ?” Li di yo : “Sé ènmi-an ki fè sa”. Sèvitè yo di-l : “Èské ou vlé n-al raché-l ?”

Li di : “Non, pou si nou raché fòl-avoua-n nan, nou pa raché blé-a tou avèk yo. Kité yo toulédé pousé jous nan rékòlt la, nan tan rékòlt la, m-a di moun k-ap rékòlté yo : Ranmasé fòl-avoua-n nan anvan, maré-l nan pakèt, pou yo boulé-l ; kanta pou blé-a minm, ranmasé-l nan magazin-m” ».

Paròl Granmèt la.

DISÉTIÈM SÈMÈN ÒDINÈ

Dimanch, ané A

PRÉMIÉ LÉKTU

Ou té mandé sajès pou ou.

Léktu prémié liv Roua yo

3, 5. 7-12

Jou sa yo :

Granmèt la té parèt dévan Salomon nan rèv nan nuit, antan li di : « Mandé sa-ou vlé pou-m ba ou ». Salomon té di : « Ou té fè mizérikòd anpil avèk sèvitè-ou David, papa-m, jan-l té maché dévan fas ou nan vérité ak jistis ak yon kè ki douat avèk ou ; ou té kinbé gran mizérikòd ou-a pou li, épi ou té ba-l yon pitit ki chita sou tro-n li-an, jan sa fèt jodi-a.

Koulié-a Granmèt Bondié, ou té fè sèvitè-ou la kòmandé nan plas David papa-m. Mouin minm mouin sé yon ti moun piti, mouin pa minm konn soti-m ak antré-m ; épi sèvitè-ou la nan mitan pèp la ou té chouazi-a, pèp ki san limit la, sa yo pa kapab ni konté, ni kalkilé tèlman li anpil la. Ou-a bay sèvitè-ou la yon kè ki dosil, pou-l kapab jijé pèp ou-a, pou-l fè diférans ant byin ak mal. Sèké kilès ki kapab jijé pèp sa-a, pèp ou sa-a ki anpil la ? »

Sa té fè Granmèt la plézi, paròl Salomon dévan-l nan, sa li mandé-a. Granmèt la té di Salomon : « Poutèt ou té mandé bagay sa-a, épi ou pa-t mandé lavi long ni richès ni lanmò ènmi-ou yo, min ou té mandé sajès pou-ou kapab konprann jijman : min mouin fè pou ou dapré paròl ou yo, mouin ba-ou yon kè plin sajès ak intéljans, a tèl pouin pèsònn anvan-ou pa-t sanblé-ou, ni apré-ou pap ginyin k-ap lévé ».

Paròl Granmèt la.

PSÒM RÉPONS

Ps 118, 57 é 72. 76-77. 127-128. 129-130 (R: : 97 a)

R: Sé pa ti kras rinmin mouin rinmin laloua-ou la, Granmèt :

⁵⁷ Pòsion pa-m, Granmèt :

mouin té di sé kinbé paròl ou yo.

⁷² Li bon pou mouin, laloua bouch ou-a,

plis pasé milion lò ak lajan. **R:**

- ⁷⁶ Sé pou mizèrikòd ou-a rivé pou-l konsolé-m,
dapré promès ou bay sèvitè-ou la.
- ⁷⁷ Sé pou pitié-ou yo vi-n sou mouin pou-m viv,
paské laloua-ou la sé plézi-m li yé. **R:**
- ¹²⁷ Sé poussa mouin té rinmin kòmandman-ou yo
plis pasé lò avèk piè-bijou.
- ¹²⁸ Sé poussa m-ap pran diréksion tout kòmandman-ou yo,
tout chémin manti mouin té rayi-l. **R:**
- ¹²⁹ Témouagnaj ou yo éstraòdinè,
sé poussa nanm mouin té kinbé yo.
- ¹³⁰ Déklarasion paròl ou yo kléré,
épi li bay ti moun yo intélijans. **R:**

DÉZIÈM LÉKTU

Li té déstiné nou apa davans pou nou pran fòm pòtré Pitit li-a.

Léktu lèt apot sin Pòl pou Romin yo

8, 28-30

Frè-m yo :

Nou konnin pou moun yo Bondié rinmin yo, tout bagay sèvi pou byin yo, yo minm li té rélé pou yo vi-n sin, dapré plan li. Réyèlman, sa-a yo li té chouazi davans yo, li té paré plas yo davans tou, pou yo vi-n moulé nan pòtré Pitit li-a, pou li minm li vi-n tounin premié pitit nan pami tout foul frè yo.

Sa yo li té déstiné davans yo, li té rélé yo tou ; épi sa yo li té rélé-a, li té jistifié yo tou ; sa yo minm li té jistifié-a, li té ba yo gloua-a tou.

Paròl Grammèt la.

ALÉLOUYA

Cf. Mt 11, 25

R: Alélouya. Konpliman pou ou, Papa, Grammèt sièl la ak tè-a,
paské ou té révéle mistè péyi-roua-a bay ti moun yo. **R:** Alélouya.

ÉVANJIL

Li vann tou sa-l ginyin, li achté jadin sa-a.

✠ Léktu sint Évanjil la dapré Matié

13, 44-52

Lè sa-a : Jézu té di foul yo :

« Péyi-roua sièl yo sanblé ak yon trézò ki kaché nan yon jadin ; moun ki jouinn li-an, li kaché-l, li tèlman kontan, l-alé, li vann tou sa-l ginyin, li achté jadin sa-a.

Konsa tou péyi-roua sièl yo sanblé ak yon kòmèsan k-ap chèché bon pèrl ; lè-l jouinn yon pèrl ki gin anpil valè, li vann tou sa-l ginyin, li achté-l.

Péyi-roua sièl yo sanblé ankò ak yon sinn yo voyé nan lanmè, ki ranmasé tout kalité pouason. Lè-l plin, yo ralé-l, yo chita bò lanmè-a, yo mété sa-k bon yo apa nan véso ; kanta sa-k mové yo minm, yo jété yo déyò. Sé konsa sa ap fèt nan finisman sièk tan yo : Anj yo ap soti, y-ap séparé mové yo sot nan mitan sa ki kòrèk yo, y-ap jété yo nan boukan difé-a : la-a ap gin kriyé ak manjé dan.

Nou konprann tout bagay sa yo ? »

Yo di-l : « Oui ».

Li di yo : « Konsa tout skrib ki résévoua ansègnman nan péyi-roua sièl yo, li sanblé ak yon pèd-fanmi, ki pran nan trézò-l ni sa-k nouvo, ni sa-k ansyin ».

Paròl Granmèt la.

oubyin pi kout

✠ Léktu sint Évanjil la dapré Matié

13, 44-46

Lè sa-a : Jézu té di foul yo :

« Péyi-roua sièl yo sanblé ak yon trézò ki kaché nan yon jadin ; moun ki jouinn li-an, li kaché-l, li tèlman kontan, l-alé, li vann tou sa-l ginyin, li achté jadin sa-a.

Konsa tou péyi-roua sièl yo sanblé ak yon kòmèsan k-ap chèché bon pèrl ; lè-l jouinn yon pèrl ki gin anpil valè, li vann tou sa-l ginyin, li achté-l ».

Paròl Granmèt la.

Dimanch, ané B

PRÉMIÉ LÉKTU

Y-ap manjé, ap gin rès.

Léktu dézièm liv Roua yo

4, 42-44

Jou sa yo :

Gin yon mésié ki vi-n sot Baal-Salisa, li poté kado bay moun Bondié-a, Élizé, pin ki fèt ak premié blé yo, vin pin lòj, ak blé nouvo nan sak li. Li minm li di : « Bay pèp la, pou-l manjé ». Sèvitè-l la réponn li : « Konbyin sa-a yé, pou-m sèvi bay san moun ? »

Li di yon lòt foua ankò : « Bay pèp la, pou-l manjé ; sèké min sa Granmèt la di : “Y-ap manjé, ap gin rès” ». Konsa li sèvi yo ; yo manjé, épi gin rès dapré paròl Granmèt la.

Paròl Granmèt la.

PSÒM RÉPONS

Ps 144, 10-11. 15-16. 17-18 (R: cf. 16)

- R: Ou louvri min-ou, Granmèt, ou ba nou manjé vant plin.
- ¹⁰ Tou sa ou fè yo, Granmèt, y-ap fè louanj ou ;
sin-ou yo ap fè konpliman pou ou.
- ¹¹ Y-ap déklaré gloua péyi roua-ou la,
y-ap anonsé puisans ou. R:
- ¹⁵ Jé yo tout ap éspéré sou ou,
ou minm ou ba yo manjé lè tan-an rivé.
- ¹⁶ Ou louvri min-ou,
ou plin tout vivan ak byin. R:
- ¹⁷ Granmèt la kòrèk nan tout chémin-l yo,
li sin nan tout travay li yo.
- ¹⁸ Granmèt la tou pré moun k-ap rélé-l yo,
tout moun yo k-ap rélé-l nan vérité-a. R:

DÉZIÈM LÉKTU

*Yon sèl kò, yon sèl Granmèt,
yon sèl lafoua, yon sèl batèm.*

Léktu lèt apot sin Pòl pou Éfézyin yo

4, 1-6

Frè-m yo :

Mouin priyé nou, mouin minm prizonié nan Granmèt la, pou nou maché dapré diréksion yo rélé nou-an ; antan nou tou piti, tou dou, nan kè nou, sé pou nou pran pasians pou nou youn sipòté lòt nan rinmin-an ; fè éfò pou nou konsèvé éspri ki fè nou fè yon sèl la nan chinn lapè-a :

Tankou yo réfè nou nan yon sèl éspérans, sé yon sèl kò ak yon sèl Éspri ki ginyin ; yon sèl Granmèt, yon sèl lafoua, yon sèl batèm ; yon sèl Bondié ak Papa tout moun, ki anlè tout moun, ki nan tout bagay épi ki nan nou tout.

Paròl Granmèt la.

ALÉLOUYA

Lk 7, 16

✠ Alélouya. Yon gran profèt té lévé nan mitan nou,
épi Bondié té vizité pèp li-a. ✠ Alélouya.

ÉVANJIL

*Li séparé bay moun ki té sou tab yo,
toutotan yo té vlé.*

✠ Léktu sint Évanjil la dapré Jan

6, 1-15

Lè sa-a :

Jézu t-al lòt bò lanmè Galilé-a, sé lanmè Tibériad la. Yon gran foul t-ap suiv li, paské yo té ouè sign li t-ap fè sou moun ki té malad yo. Konsa Jézu té monté sou mòn nan ; épi li té chita la avèk disip li yo. Pak la, jou fèt Juif yo, té tou pré.

Kòm Jézu té lévé jé-l, épi li té ouè té gin yon gran foul ki t-ap vi-n jouinn li, li té di Filip : « Ki koté n-ap achte pin, pou moun sa yo manjé ? » Bagay sa-a minm, li té di li pou-l fè-l bay prèv lafoua-l ; li minm minm, li té konnin ki sa-l t-apral fè.

Filip té réponn li : « Désan goud pin pap kont yo, pou chak moun jouinn yon ti moso ».

Youn nan disip li yo, André, frè Simon Piè-a, di-l : « Gin yon ti gason isit la, ki gin sink pin lòj ak dé pouason ; sèlman, ki sa bagay sa yo ye pou tout pakèt moun sa yo ? »

Jézu minm té di : « Fè moun yo lonjé kò yo ». Té gin anpil zèb koté sa-a. Mésié yo té lonjé kò yo, yo té sink mil.

Jézu minm té pran pin yo, épi kòm li té rann gras, li té séparé bay moun ki té lonjé kò yo-a, minm jan pou pouason yo, otan yo té vlé. Lè yo té fi-n ranpli minm, li té di disip li yo : « Ranmasé moso ki rét an plis yo, pou yo pa pèdi ». Yo té ranmasé yo épi yo té plin douz panié ak moso sink pin lòj yo, ki té rét an plis lè moun yo té fi-n manjé-a.

Moun yo minm, lè yo té ouè sign Jézu té fè, yo t-ap di : « Sa-a sé profèt la tout bon vré, sa-k té gin pou-l vi-n sou tè-a ».

Jézu minm, kòm li té konnin yo t-ap vi-n pou yo pran-l, épi pou yo fè-l roua, li té sové kò-l ankò nan mòn nan, li minm pou kont li.

Paròl Granmèt la.

Dimanch, ané C

PRÉMIÉ LÉKTU

Pa faché, Granmèt, si-m palé.

Léktu liv Jénèz la

18, 20-32

Jou sa yo :

Granmèt la té di : « Rèl moun Sodòm yo ak Gomò yo vi-n anpil, péché yo-a lou anpil. M-ap désann pou-m ouè si rèl la ki rivé koté-m nan, sé yo minm ki réalizé-l avèk aksion yo, oui ou non, fò-m konnin ».

Dé Anj yo té viré sot la, épi yo t-al Sodòm. Abraam minm té kanpé toujou dévan Granmèt la. Épi antan-l proche, li té di : « Èské ou-ap détoui moun kòrèk la avèk méchan-an ? Si t-a gin sinkant moun kòrèk nan vil la, èské tout moun t-ap péri ? Èské ou pap ménajé koté sa-a poutèt sinkant moun kòrèk yo, si t-a ginyin yo ladan-l ? Ouété sa nan lidé-ou,

pou-ou fè bagay sa-a, pou-ou touyé moun kòrèk la avèk méchan-an, pou-ou trété moun kòrèk la tankou méchan-an. Sa pa sanblé-ou : ou minm k-ap jijé tout tè-a, ou pa doué fè jijman sa-a ditou ».

Granmèt la té di-l : « Si-m jouinn sinkant moun kòrèk nan mitan vil Sodòm nan, m-ap kité tout koté-a poutèt yo ».

Antan Abraam pran laparòl ankò, li té di : « Kòm mouin kòmansé yon foua, m-ap palé ak Granmèt mouin, malgré mouin sé pou siè ak sann. Ki sa ou-ap fè, si manké sink moun pou fè sinkant moun kòrèk yo ? Èské ou-ap détoui tout vil la poutèt karant-sink ? »

Li té di : « Mouin pap détoui-l, si-m jouinn karant-sink ladan-l ».

Li té palé ankò avèk li : « Min si sé karant ou jouinn ladan-l, ki sa ou-ap fè ? » Li té di : « Mouin pap frapé-l poutèt karant yo ».

Li té di : « Tanpri, pa faché, Granmèt, si-m palé. Ki sa ou-ap fè, si sé trant ou jouinn ladan-l ? »

Li té réponn : « Mouin pap fè sa-m té desidé-a, si-m jouinn trant ladan-l ».

Li té di : « Kòm yon foua, mouin té kòmansé, m-ap palé ak Granmèt mouin. Ki sa ou-ap fè, si-ou jouinn vin ? »

Li té di : « Mouin pap anéanti poutèt vin yo ».

Li té di : « Tanpri, pa faché, Granmèt, si-m palé ankò yon foua. Ki sa ou-ap fè, si-ou jouinn dis ladan-l ? » Li té di : « Mouin pap détoui poutèt dis yo ».

Paròl Granmèt la.

PSÒM RÉPONS

Ps 137, 1-2 a. 2bc-3. 6-7 ab. 7 c-8 (R : 3 a)

R: Nan ninpòt ki jou mouin rélé-ou, ou réponn mouin, Granmèt.

¹ M-ap fè louanj ou, Granmèt, ak tout kè-m, paské ou tandé paròl bouch mouin.

Dévan Anj yo m-ap chanté pou ou,
² m-ap adoré-ou nan tanp ou-a ki sin-an. R:

M-ap fè louanj pou non-ou poutèt mizérikòd ou ak vérité-ou.

³ Nan ninpòt ki jou mouin rélé-ou, ou réponn mouin ; ou mété anpil fòs nan nanm mouin. R:

- 6 Sèké Granmèt la ro, anlè-a, li voyé jé sou pòv la,
li rékonèt grandizè-a byin louin.
- 7 Si m-ap maché nan mitan tribilasyon, ou-ap fè-m jouinn lavi ;
ou-ap lonjé min-ou kont ènmi-m yo. **R:**
- Min douat ou ap sovè-m.
- 8 Granmèt la ap fini travay la pou mouin ;
Granmèt, mizèrikòd ou pou tout tan :
travay min-ou yo, pa lagé yo. **R:**

DÉZIÈM LÉKTU

*Li fè nou viv avèk li,
antan li padonnin nou tout fot yo.*

Léktu lèt apot sin Pòl pou Kolosyin yo

2, 12-14

Frè-m yo :

Nou antéré avèk Kris la nan batèm nan, sé nan li tou nou résisité, gras a lafoua nan travay Bondié-a, li minm ki té résisité-l sot nan pami mò yo.

Nou minm, kòm nou té mouri nan péché yo épi nan ti po kò chè nou-an, li té fè nou viv avèk li antan li padonnin nou tout fot yo ; antan li détoui désizyon ki té signin kont nou-an, sou papié-a, sa-k t-ap plédé kont nou-an : épi li té pran-l, antan li klouré-l nan mitan sou koua-a.

Paròl Granmèt la.

ALÉLOUYA

Rom 8, 15 bc

R: Alélouya. Nou té résevoua Éspri pitit adoptif la ;
nan li nou rélé : Aba, Papa. **R:** Alélouya.

ÉVANJIL

Mandé, y-ap ban nou.

✠ Léktu sint Évanjil la dapré Luk

11, 1-13

Rivé, pandan Jézu té yon koté, li t-ap priyé ; kon-l té sispann, youn nan disip li yo té di-l : « Granmèt, aprann nou priyé, tankou Jan té aprann disip li yo ».

Li té di yo : « Lè n-ap priyé, sé pou nou di :

“Papa, sé pou yo réspékté non ou,
 sé pou yo rékonèt sé ou ki roua.
 Pin nou bézouin chak jou-a, ba nou li jodi-a ;
 padonnin péché nou yo,
 tankou nou minm tou nou padonnin tout moun ki fè nou kichòy,
 pa kité nou pran nan pièj” ».

Épi li té di yo : « Kilès nan nou, si-l gin yon zanmi ki vi-n koté-l nan mitan nannuit, épi ki di-l : “Zanmi, prété-m toua pin, paské yon zanmi-m vi-n sot nan vouayaj, li rivé lakay mouin, mouin pa gin anyin pou-m ba-l manjé”, si mésié sa-a réponn li anndan kay la, li di : “Pa trakasé-m ; pot déjà fèmin, ti moun mouin yo avèk mouin nan kabann nan : mouin pa kapab lévé pou-m ba ou-l”. Si lòt la pèsisté ap frapé, mouin di nou : “Minm si-l pap lévé ba li-l poutèt sé zanmi-l la, min poutè odas li-a l-ap lévi épi l-ap ba li tou sa-l bézouin”.

Mouin minm mouin di nou : “Mandé, y-ap ba nou ; chèché, n-ap jouinn ; frapé, y-ap louvri ba nou. Kilès nan nou, si pitit li mandé-l yon pin, pou-l ba-l yon ròch ? oubyin si-l mandé yon pouason : èské nan plas pouason-an l-ap ba-l yon koulèv ? oubyin si-l mandé yon zé, èské l-ap lonjé yon skòpion ba li ? Konsa, si nou minm, malgré nou mové, nou konn bay pitit nou bon bagay, nou pa bézouin mandé pou Papa nou ki nan sièl la, l-ap bay moun ki mandé-l yo bon éspri-a !” »

Paròl Granmèt la.

Lindi

Ané 1

PRÉMIÉ LÉKTU

Pèp sa-a fè anpil péché, yo fè dié avèk lò.

Léktu liv Égzòd

32, 15-24. 30-34

Jou sa yo :

Moyiz té tounin sot sou mòn nan, antan li poté dé galèt témouagnaj yo nan min-l, ki ékri toulédé koté, sé Bondié minm ki té fè yo ; sé ékriti Bondié tou ki té gravé sou galèt yo. Antan Jozué minm tandé boui pèp la k-ap rélé byin fò-a, li té di Moyiz : « Sé boui batay nou tandé nan kan yo ». Li té réponn : « Sé pa boui moun k-ap éksité nan batay sa, ni sé pa

boui moun k-ap pousé lòt yo pou yo sovè kò yo non plis tou, min sé boui voua kantik mouin tandé-a ».

Pandan li t-ap proche nan kan-an, li té ouè ti toro-a avèk dans yo ; épi antan-l faché, li té jété galèt yo ki té nan min-l nan, épi li té krazé yo nan pié mòn nan. Antan-l sézi ti toro-a yo té fè-a, li té boulé-l, épi li té krazé-l jous li tounin pousiè ; li té vidé-l nan dlo-a, épi li bay pitit Israël yo nan li kòm bouason.

Li té di Aaron : « Ki sa pèp sa-a té fè-ou, pou-ou mété grosè péché sa-a sou li ? » Aaron té réponn li : « Pi-nga mèt mouin kontrarié ; ou konnin pèp sa-a, kijan li gin panchan pou-l fè sa-k mal. Yo té di-m : “Fè dié pou nou, pou yo maché dévan nou ; sèké Moyiz sa-a, ki té fè nou soti nan péyi Éjip la, nou pa konnin sa-k rivé-l”. Mouin té di yo, “Kilès nan nou ki gin lò ?” Yo té pran épi yo té ban mouin ; épi mouin té mété-l nan difé, épi sé toro sa-a ki té soti ».

Nan landmin minm, Moyiz té palé ak pèp la : « Nou té fè gro péché ; m-ap monté kot Bondié, pou-m ouè si m-a rivé priyé-l pou péché nou-an ». Antan-l tounin kot Granmèt la, li té di : « Tanpri, pèp sa-a té fè gro péché, yo té fè dié an lò pou yo : oubyin padonnin yo mal sa-a, oubyin, si-ou pa fè sa, éfasé-m sot nan liv ou té ékri-a ».

Granmèt la té réponn : « Moun ki fè péché kont mouin-an, sé li minm m-ap éfasé sot nan liv mouin-an. Ou minm alé, kondui pèp sa-a koté mouin té di-ou la : Anj mouin-an ap maché dévan-ou ; mouin minm minm, nan jou vanjans la, m-ap vizité péché yo-a tou ».

Paròl Granmèt la.

PSÒM RÉPONS

Ps 105, 19-20. 21-22. 23 (R : l a)

R: Fè louanj Granmèt la poutèt li bon.

oubyin : Alélouya.

¹⁹ Yo té fè yon ti toro nan Orèb,
yo té adoré yon pòtré ;

²⁰ yo té chanjé gloua yo-a
pou pòtré yon toro k-ap manjé zèb. R:

²¹ Yo té bliyé Bondié ki té sovè yo-a,
li minm ki té fè bagay éstraòdinè nan Éjip la,

- 22 mèvèy nan péyi Kam nan,
prodij nan lanmè Rouj la. **R:**
- 23 Li di l-ap gayé yo,
si sé pa-t Moyiz sa-a li té chouazi-a, ki té proché.
Li kanpé nan trou ròch la, dévan fas li,
pou-l viré kòlè-l, pou-l pa fè yo péri. **R:**

Ané 2

PRÉMIÉ LÉKTU

*Pèp la ap tankou sintiron sa-a,
ki pa kapab sèvi anyin.*

Léktu liv profèt Jérémi

13, 1-11

Min paròl Granmèt la di-m : « Alé, achte yon sintiron an koton, mété-l nan rin-ou, pa mété-l nan dlo ». Mouin achte sintiron-an dapré paròl Granmèt la, mouin mété-l nan rin-m.

Paròl Granmèt la rivé koté-m yon dézièm foua, li di : « Pran sintiron-an ou té achte-a, ki nan rin-ou nan, lévé, al nan riviè Éfrat la, kaché-l nan yon trou ròch ». M-alé, mouin kaché-l nan riviè Éfrat la, jan Granmèt la té kòmandé-m nan.

Rivé, apré anpil jou, Granmèt la di-m : « Lévé, al nan Éfrat la, pran sintiron-an sot la, sa-m té kòmandé-ou pou-ou té kaché-l la-a ». M-alé nan Éfrat la, mouin fouyé, mouin pran sintiron-an mouin té kaché-a ; sintiron-an té fi-n pouri, atèl pouin li pa-t kapab sèvi anyin.

Paròl Granmèt la rivé koté-m, li di : « Min paròl Granmèt la : “Konsa m-ap fè ògèy Juda ak tout ògèy Jérusalèm nan vi-n pouri ; pèp sa-a mové anpil, yo pa vlé kouté paròl mouin yo, y-ap maché nan méchansté kè yo, y-ap maché dèyè dié étranjé yo, pou yo sèvi yo, pou yo adoré yo : y-ap tankou sintiron sa-a, ki pa kapab sèvi anyin-an. Minm jan sintiron-an kolé nan rin yon moun nan, konsa mouin té fè tout kay Israèl la ak tout kay Juda-a kolé sou mouin, sé sa Granmèt la di, pou yo pou mouin, kòm pèp, kòm louanj, kòm gloua, min yo pa-t kouté” ».

Paròl Granmèt la.

PSÒM RÉPONS

Dét 32, 18-19. 20-21 (R: cf. 18 a)

R: Bondié ki té ba-ou lavi-a, ou lagé-l.

¹⁸ Bondié ki té ba-ou lavi-a, ou lagé-l,
ou bliyé Granmèt la ki té kréyé-ou la.

¹⁹ Granmèt la ouè, li éksité nan kòlè,
paské pitit gason-l yo ak pitit fi-l yo provoké-l. R:

²⁰ Li di : « M-ap kaché fas mouin louin yo,
m-ap kalkilé finisman yo ;
jénérasion rébèl, pitit infidèl.

²¹ Yo provoké-m avèk bagay ki pa Bondié,
yo fè-m fè kòlè avèk bagay ki pa gin valè ;
mouin minm tou m-ap provoké yo avèk sa ki pa pèp mouin,
avèk nasion ki sòt m-ap éksité yo ». R:

ALÉLOUYA

Jak 1, 18

R: Alélouya. Papa-a ba nou nésans ak tout kè-l, ak paròl vérité-a,
pou nou kapab vi-n tounin kòmansman kréasion-l. R: Alélouya.

ÉVANJIL

*Grinn sénvé-a vi-n tounin yon pié boua, atèl pouin zouazo sièl yo
abité nan branch li yo.*

✠ Léktu sint Évanjil la dapré Matié

13, 31-35

Lè sa-a :

Jézu prézanté yon lòt parabol bay foul yo, li di : « Péyi roua sièl yo sanblé ak yon grinn sénvé, yon moun pran-l, li simin-l nan jadin-l. Sé pi piti nan tout sémans yo ; min lè-l grandi, li vi-n pi gran passé tout pié boua jadin, li vi-n tounin yon pié boua, atèl pouin zouazo sièl la yo rivé, yo abité nan branch li yo ».

Li di yo yon lòt parabol : « Péyi roua sièl yo sanblé ak yon lévin, yon madanm pran-l, li kaché-l nan toua mézi fari-n, joutan tout pat la lévé ».

Tout bagay sa yo Jézu palé yo an parabol ak foul yo, li pa palé avèk yo san parabol ; pou sa profèt la té di-a té kapab rivé vré : « M-ap louveri bouch mouin nan parabol, m-ap déklaré bagay ki té kaché dépi kòmansman tè-a ».

Paròl Granmèt la.

Madi

Ané 1

PRÉMIÉ LÉKTU

Granmèt la t-ap palé ak Moyiz fas a fas.

Léktu liv Égzòd

33, 7-11 ; 34, 5 b-9. 28

Jou sa yo :

Moyiz pran tant la, li drésé-l andéyò kan-an, byin louin ; li rélé non-l « tant aliens la ». Tout pèp la, ki té gin kichòy pou réglé, yo té konn soti al nan tant aliens la andéyò kan-an.

Lè Moyiz té konn soti pou-l al nan tant la, tout pèp la té konn lévé, chak moun té konn kanpé nan papòt tant li, yo té konn fikse jé dèyè Moyiz, joutan li antré nan tant la. Lè-l antré nan tant aliens la, kolòn nuaj la té konn désann, li té konn kanpé nan papòt la ; Granmèt la té konn palé avèk Moyiz, pandan tout moun ap gadé kijan kolòn nuaj la té konn kanpé nan papòt tant la. Tout moun té konn rét kanpé, yo té konn adoré dévan tant yo. Granmèt la minm té konn ap palé avèk Moyiz fas a fas, tankou yon moun konn palé avèk zanmi-l. Lè li minm li té konn tounin nan kan-an, Jozué sèvitè-l la, pitit Noun nan, yon ti gason, pa-t konn soti nan tant la.

Moyiz rélé non Granmèt la. Lè-l pasé dévan-l, li di : « Mèt Granmèt Bondié, ki gin mizérikòd, ki bon, ki gin pasians, ki gin anpil pitié, ki fidèl, ki kinbé mizérikòd li pou mil ak mil jénérasyon, ki ouété méchansté ak fot ak péché, pèsonn pa inosan dévan-ou, ou minm ki rinmèt méchansté papa yo sou pitit ak pitit pitit yo nan touazièm ak katriyèm jénérasyon ». Moyiz fè vit, li ajénou, li mét kò-l plat atè, li adoré, li di : « Si-m jouinn gras dévan fas ou, Granmèt, tanpri maché avèk nou (sèké pèp la gin kou rèd), ouété fot nou yo ak péché nou yo, pran posésion sou nou ».

Li rété la avèk Granmèt la pandan karant jou ak karant nuit ; li pa manjé pin, li pa bouè dlo, li ékri dis paròl aliens yo sou galèt.

Paròl Granmèt la.

PSÒM RÉPONS

Ps 102, 6-7. 8-9. 10-11. 12-13 (R: 8 a)

R: Granmèt la gin pitié, li gin mizérikòd.

- 6 Granmèt la fè jistis
ak jijman pou tout moun k-ap sibi mové trétman.
- 7 Li fè Moyiz konnin chémin-l yo,
li fè pitit Israèl yo konnin mèvèy li yo. **R:**
- 8 Granmèt la gin pitié, li gin mizérikòd,
li pran pasians, li gin anpil mizérikòd.
- 9 Sé pa pou tout tan l-ap fè diskision,
sé pa pou tout tan li faché. **R:**
- 10 Sé pa dapré péché nou yo li aji avèk nou,
sé pa dapré fot nou yo li rinmèt nou.
- 11 Sèké, otan sièl la ro anlè tè-a,
mizérikòd li aji sou moun ki krinn li yo. **R:**
- 12 Otan olévan louin ak okouchan,
li voyé péché nou yo louin nou.
- 13 Tankou papa gin pitié pou pitit li yo,
Granmèt la gin pitié pou moun ki krinn li yo. **R:**

Ané 2

PRÉMIÉ LÉKTU

Sonjé, Granmèt, pa kasé aliens ou-a avèk nou.

Léktu liv profèt Jérémi

14, 17-22

Jé-m ap koulé dlo tout lannuit ak tout lajounin, yo pa doué sispann, paské doulè vièj la pitit pèp mouin-an gran anpil, malè-a rèd anpil. Si-m soté nan jadin yo, min sé moun yo touyé ak épé ; si-m antré nan vil la, min sé moun k-ap mouri grangou : profèt la ak prèt la apralé nan yon péyi yo pa-t konnin.

Èské ou té réjé Juda louin-ou ? oubyin èské nanm ou dégouté ak Siyon ? Pouki sa ou frapé nou-an, pou pa gin okinn gérizon ? Nou t-ap tann lapè-a, min pa gin anyin ki bon ; nou t-ap tann tan gérizon-an, min sé tray.

Granmèt, nou rékonèt méchansté nou, fot papa nou yo, paské nou fè péché kont ou. Pa fè nou pran ront poutèt non-ou, pa fè tro-n glou-ou la sibi afron ; sonjé, pa kasé aliens ou-a la avèk nou.

Èské gin nan zidòl nasion yo k-ap fè lapli tonbé, oubyin èské sièl la kapab bay lapli ? Èské sé pa ou minm Granmèt Bondié nou-an, ou minm n-ap tann nan ? Sé ou minm ki fè tout bagay sa yo.

Paròl Granmèt la.

PSÒM RÉPONS

Ps 78, 8. 9. 11. 13 (R: 9 bc)

- R: Poutèt gloua non-ou, Granmèt, délivré nou.
- 8 Pa sonjé fot papa nou yo,
fè vit pran dévan nou ak mizérikòd ou yo,
paské nou vi-n pòv anpil. R:
- 9 Poté nou sékou, Bondié sovè nou,
poutèt gloua non-ou, délivré nou ;
padonnin péché nou yo poutèt non-ou. R:
- 11 Sé pou-l antré dévan fas ou, rèl prizonié yo ;
dapré grandè bra-ou
kité rès pitit lanmò yo.
- 13 Nou minm minm, pèp ou-a ak mouton pak ou-a,
n-ap fè louanj ou tout tan ;
pou jénèrasion ak jénèrasion,
n-ap anonsé louanj ou. R:

ALÉLOUYA

R: Alélouya. Sémans la sé paròl Bondié-a,
sa-a k-ap simin-an minm sé Kris la ;
tout moun ki jouinn li, l-ap diré pou tout tan. R: Alélouya.

ÉVANJIL

*Minm jan yo ranmasé fòl-avoua-n yo, yo boulé yo nan difé-a,
sé konsa sa ap fèt nan finisman sièk tan yo.*

✠ Léktu sint Évanjil la dapré Matié

13, 36-43

Lè sa-a :

Lè Jézu fi-n ranvouyé foul yo, li rivé nan kay la ; disip li yo proché koté-l, yo di : « Èspliké nou parabòl fòl-avoua-n yo nan jadin-an ». Li réponn, li di yo :

« Moun k-ap simin bon sémans la, sé Pitit moun nan. Jadin-an, sé tè-a ; bon sémans la minm, sé pitit péyi roua-a ; fòl-avoua-n nan, sé pitit djab yo ; ènmi-an minm ki simin yo-a, sé djab la ; rékòlt la, sé finisman sièk tan yo ; moun k-ap rékòlté yo minm, sé Anj yo.

Minm jan yo ranmasé fòl-avoua-n, yo boulé-l nan difé-a, sé konsa sa ap fèt nan finisman sièk tan yo : Pitit moun nan ap voyé Anj li yo, y-ap ranmasé tout moun k-ap scandalizé lòt yo, y-ap ouété yo sot nan péyi roua-a, ni sa yo k-ap fè péché, y-ap voyé yo nan boukan difé-a : sé la k-ap gin dlo nan jé ak manjé dan. Lè sa-a atò moun ki kòrèk yo ap kléré tankou solèy nan péyi roua Papa yo-a.

Moun ki gin zòrèy pou-l tandé, sé pou-l tandé ».

Paròl Granmèt la.

Mèkrédi

Ané 1

PRÉMIÉ LÉKTU

Lè yo ouè fas Moyiz, yo pè proche tou pré.

Léktu liv Égzòd

34, 29-35

Lè Moyiz té désann sot sou mòn Sinayi-a, li té gin dé galèt témouagnaj la, li pa-t konnin fas li té kléré ak réyon limiè akoz familiarité paròl ak Granmèt la. Lè Aaron ak pitit Israèl yo ouè kijan fas Moyiz kléré, yo pè proche tou pré. Li rélé yo, Aaron tounin ansanm ak prins asanblé yo. Lè-l fi-n palé avèk yo, pitit Israèl yo vi-n jouinn li tou, épi li té kòmandé yo tou sa-l té tandé nan bouch Granmèt la sou mòn Sinayi-a.

Lè-l fi-n di tout paròl yo, li pozé yon voual sou fas li. Lè-l konn antré pou palé ak Granmèt la, li konn ouété-l, joutan li soti ; lè-l sòti, li konn palé ak pitit Israèl yo tou sa-l té aprann. Yo té konn ouè fas Moyiz kléré lè l-ap soti, min li minm li té konn kouvri fas li ankò, lè l-ap palé avèk yo.

Paròl Granmèt la.

PSÒM RÉPONS

Ps 98, 5. 6. 7. 9 (R: cf. 9 c)

R: Ou sin, Granmèt Bondié nou.

- 5 Fè louanj Granmèt Bondié nou-an,
adoré-l dévan machéskalié pié-l,
paské li sin. **R:**
- 6 Moyiz avèk Aaron, nan pami prèt li yo,
ak Samuèl, nan pami sila yo ki rélé non-l yo.
Yo rélé Granmèt la, li minm li réponn yo. **R:**
- 7 Nan kolòn nuaj la li t-ap palé avèk yo.
Yo té kinbé témouagnaj li yo
ak kòmandman li té ba yo-a. **R:**
- 9 Fè louanj Granmèt Bondié nou-an,
adoré-l sou mòn li ki sin-an,
paské li sin, Granmèt Bondié nou-an. **R:**

Ané 2

PRÉMIÉ LÉKTU

*Pouki sa soufrans mouin-an ap diré tout tan-an ?
Si-ou tounin, ou-a kanpé dévan fas mouin.*

Léktu liv profèt Jérémi

15, 10. 16-21

Ala malé pou mouin ! Manman-m, pouki ou anfanté-m kòm yon moun batay, yon moun k-ap chèché kont sou tout tè-a ? Mouin pa mandé prété, pèsòn pa mandé-m prété ; tout moun ap madichonnin-m.

Mouin jouinn paròl ou yo, mouin manjé yo, paròl ou yo vi-n tounin kè kontan pou mouin ak kontantman nan kè-m, paské yo rélé non-ou sou mouin, Granmèt Bondié lamé yo.

Mouin pa chita nan asanblé moun k-ap joué yo, mouin jouinn gloua mouin dévan min-ou ; mouin konn chita pou kont mouin, paské ou plin-m ak ménas. Pouki soufrans mouin-an vi-n ap diré tout tan-an, koté-m blésé-a pa gin rémèd, li pa kapab géri ? Li vi-n tounin pou mouin tankou mansonj dlo yo ki pa fidèl yo.

Poutèt sa, min paròl Granmèt la : « Si-ou tounin, m-ap fè-ou tounin, ou-ap kanpé dévan fas mouin ; si-ou séparé sa-k gin valè ak sa-k pa vo anyin, ou-ap tankou bouch mouin : yo minm y-ap viré vi-n jouinn ou, ou minm ou pap tounin koté yo. M-ap fè-ou vi-n tankou yon miray fè dévan pèp sa-a, yon miray ki fò ; y-ap batay kont ou, yo pap ranpòté viktoua, paské m-ap avèk ou pou-m sovè-ou, pou-m délivré-ou, sé sa Granmèt la

di. M-ap libéré-ou sot nan min sa-k pi méchan yo, m-ap rachté-ou sot nan min sa-k gin fòs yo ».

Paròl Granmèt la.

PSÒM RÉPONS

Ps 58, 2-3. 4-5 a. 10-11. 17. 18 (R: 17 d)

- R: Bondié sé kachèt mouin nan jou tribilasyon-m nan.
- ² Délivré-m sot nan min ènmi-m yo, Bondié mouin,
anba min sa yo ki lévé kont mouin yo, protéjé-m.
- ³ Délivré-m sot nan min sa yo k-ap fè méchansté yo,
anba min moun k-ap fè san koulé yo, sové-m. R:
- ⁴ Sèké min yo fè konplo kont lavi-m,
yo fonsé sou mouin avèk fòs.
- ⁵ Pa gin fot, ni péché nan mouin, Granmèt. R:
- ¹⁰ Fòs mouin, sé ou minm m-ap tann ;
paské, Bondié, sé protéksion-m ou yé.
- ¹¹ Bondié mouin, sé pou mizérikòd li pran dévan-m.
Bondié ap fè pou-m méprizé ènmi-m yo. R:
- ¹⁷ Mouin minm m-ap cbanté fòs ou,
m-ap fété granmatin mizérikòd ou-a,
paské ou vi-n tounin protéksion-m
ak kachèt mouin nan jou tribilasyon-m nan. R:
- ¹⁸ Fòs mouin, m-ap chanté pou ou,
paské, Bondié, sé protéksion-m ou yé :
Bondié mouin, mizérikòd mouin. R:

ALÉLOUYA

Jan 15, 15 b

- R: Alélouya. Mouin rélé nou zanmi, sé sa Granmèt la di,
paské tou sa-m té tandé kot Papa-m, mouin fè nou konnin-l. R:
Alélouya.

ÉVANJIL

Li vann tou sa-l ginyin, li achté jadin sa-a.

✠ Léktu sint Évanjil la dapré Matié

13, 44-45

Lè sa-a : Jézu di foul yo :

« Péyi roua sièl yo sanblé ak yon trézò ki kaché nan yon jadin ; moun ki jouinn li-a, li kaché-l, li tèlman kontan, l-alé, li vann tou sa-l ginyin, li achté jadin-an.

Konsa tou péyi roua sièl la sanblé ak yon komèsan k-ap chèché bon jan pèrl ; lè-l jouinn yon pèrl ki gin anpil valè, li vann tou sa-l ginyin, li achté-l ».

Paròl Granmèt la.

Jédi

Ané 1

PRÉMIÉ LÉKTU

*Nuaj la kouvri tant témouagnaj la,
gloua Granmèt la plin-l.*

Léktu liv Égzòd

40, 16-21. 34-38

Jou sa yo :

Moyiz fè tou sa Granmèt la té kòmandé. Konsa sou prémié moua dézièm ané-a, prémié jou moua-a, li drésé tant la. Moyiz drésé-l, li instalé tab yo, baz yo ak travès yo, li drésé kolòn yo, li déplouayé plafon-an anlè tant la, li kouvri-l sou pa anlè, jan Granmèt la té kòmandé-l la.

Li mété témouagnaj la nan arch la, li mété travès yo anba arch la, épi orakl la anlè. Lè-l fi-n mété arch la nan tant la, li pandié yon voual dévan-l, pou-l réalizé kòmandman Granmèt la.

Nuaj la kouvri tant témouagnaj la, gloua Granmèt la kouvri-l. Moyiz pa-t kapab antré anba tant aliens la, nuaj la té kouvri tout bagay, gloua Granmèt la t-ap kléré, paské nuaj la té kouvri tout bagay. Lè nuaj la té kité tant la, pitit Israèl yo té kontinué chémin yo ; si nuaj la té rét pandié anlè, yo té rété nan minm koté-a. Nuaj Granmèt la té pozé sou tant la pandan lajounin, nannuit minm sé té yon difé, tout pèp Israèl la té konn ouè-l chak foua yo té rété.

Paròl Granmèt la.

PSÒM RÉPONS

Ps 83, 3. 4. 5-6 a é 8 a. 11 (R : 2)

- R: Ala rinmin nou rinmin tant ou yo, Granmèt lamé yo !
- ³ Nanm mouin anvi, l-ap dépéri pou kay Granmèt la.
Kè-m ak chè-m ap dansé pou Bondié vivan-an. R:
- ⁴ Minm ti zouazo jouinn yon kay pou li,
toutrèl la jouinn yon nich, koté li dépozé ti pitit li yo :
lotèl ou yo, Granmèt lamé yo, roua-m ak Bondié-m. R:
- ⁵ Ala kontantman pou moun ki abité nan kay ou-a,
pou tout tan y-ap fè louanj ou.
- ⁶ Ala kontantman pou moun ki jouinn sékou-l nan ou.
- ⁸ Y-ap maché sot nan puisans al nan puisans. R:
- ¹¹ Sèké yon jou nan kay ou yo pi bon pasé mil,
mouin chouazi rét sou papòt nan kay Bondié-m nan,
pasé pou-m abité nan tant péchè yo. R:

Ané 2

PRÉMIÉ LÉKTU

*Tankou labou nan min moun k-ap fè krich,
konsa nou yé nan min-m.*

Léktu liv profèt Jérémi

18, 1-6

Paròl ki rivé kot Jérémi sot nan Granmèt la, li di : « Lévé, désann nan kay moun k-ap fè krich la, lè ou-a rivé la-a, kouté paròl mouin yo ».

Mouin désann nan kay moun k-ap fè krich la, li t-ap fè travay li-a sou yon rou. Lè véso li t-ap fè avèk labou nan min-l yo gayé, li tounin fè yon lòt véso, jan sa fè-l plézi nan jé-l, konsa li fè.

Paròl Granmèt la rivé koté-m, li di : « Èské minm jan ak moun k-ap fè ak krich sa-a, mouin pa kapab fè pou nou, kay Israèl ? sé sa Granmèt la di. Tankou labou nan min moun k-ap fè krich la, konsa nou yé nan min-m, kay Israèl ».

Paròl Granmèt la.

PSÒM RÉPONS

Ps 145, 2 abc. 2 d-4. 5-6 (R: 5 a)

R: Ala kontantman pou moun Bondié Jakòb poté sékou.

oubyin : Alélouya.

- 1 Fè louanj Granmèt la, nanm mouin ;
- 2 fè louanj Granmèt la nan lavi-m,
m-ap chanté kantik pou Bondié-m nan, tout tan m-ap viv. R:
- 3 Pa mét konfians nou nan chèf,
nan pitit moun yo, koté ki pa gin sové yo kapab sové.
- 4 Souf li pati, li tounin nan tè-l la ;
jou sa-a pansé-l yo péri. R:
- 5 Ala kontantman pou sa-a Bondié Jakòb la poté-l sékou-a,
sa-a ki gin éspérans li nan Granmèt Bondié-l la.
- 6 Li minm ki fè sièl la ak tè-a,
lanmè-a ak tou sa-k nan li.

ALÉLOUYA

Cf. Tr 16, 14 b

R: Alélouya. Granmèt, louvri kè nou,
pou nou fè atansion nan paròl Pitit ou-a. R: Alélouya.

ÉVANJIL

*Yo mété sa-k bon yo apa nan véso ;
kanta mové yo minm, yo jété yo déyò.*

✠ Léktu sint Évanjil la dapré Matié

13, 47-53

Lè sa-a : Jézu di foul yo :

« Péyi roua sièl yo sanblé ankò ak yon sinn yo voyé nan lanmè, ki ranmasé tout kalité pouason. Lè-l plin, yo ralé-l, yo chita bò lanmè-a, yo mété sa-k bon yo apa nan véso ; kanta sa-k mové yo minm, yo jété yo déyò. Sé konsa sa ap fèt nan finisman sièk tan yo : Anj yo ap soti, y-ap séparé mové yo sot nan mitan moun ki kòrèk yo, y-ap jété yo nan boukan difé-a : l-a ap gin kriyé ak manjé dan.

Nou konprann tout bagay sa yo ? »

Yo di-l : « Oui ».

Li di yo : « Konsa tout skrib ki résévoua ansègnman nan péyi roua sièl yo, li sanblé ak yon pèd-fanmiy, ki pran nan trézò-l sa-k nouvo ak sa-k ansyin ».

Rivé, lè Jézu fi-n di parabòl sa yo, li pati sot la.

Paròl Granmèt la.

Vandrédi

Ané 1

PRÉMIÉ LÉKTU

Fèt Granmèt la, n-ap rélé yo asanblé sint.

Léktu liv Lévitik

23, 1. 4-11. 15-16. 27. 34 b-37

Granmèt la palé ak Moyiz, li di :

« Min fèt Granmèt yo ki sin yo, yo minm nou doué fété nan tan yo-a : Prémié moua-a, katòzièm jou moua-a, nan asouè, sé Pak Granmèt la li yé. Kinzièm jou moua sa-a, sé gran fèt Pin san lévin Granmèt la li yé.

Pandan sèt jou, n-a manjé pin san lévin. Prémié jou-a sé yon jou ki sakré anpil, ki sin, l-ap yé pou nou : nou pa doué fè okinn travay ésklav nan jou sa-a ; min sé pou nou ofri sakrifis nan difé bay Granmèt la pandan sèt jou. Sètièm jou-a minm sé yon jou ki pi sakré, ki pi sin, nou pa doué fè okinn travay ésklav jou sa-a ».

Granmèt la palé ak Moyiz, li di : « Palé ak pitit Israèl yo, ou-a di yo : “Lè n-a antré nan tè-a m-ap ba nou-an, lè n-a rékòlté foui, n-a poté bras zépi yo, prémié rékòlt nou yo, bay prèt la ; li minm l-ap lévé paké-a dévan Granmèt la, pou-l résévoua nou avèk bon kè, nan landmin jou saba-a, épi l-a fè-l vi-n sin.

N-a konté apati landmin jou saba-a, jou nou té ofri bras prémié rékòlt yo, n-a kalkilé sèt sémèn plin, jous nan landmin finisman sètièm sémèn nan, sa vlé di sinkant jou ; konsa n-a ofri yon sakrifis nouvo bay Granmèt la.

Sou dizièm jou sètièm moua sa-a, ap gin jou Padon yo ki sakré anpil la, y-ap rélé-l sin ; n-a fè pénitans jou sa-a, n-a ofri sakrifis antié bay Granmèt la.

Apati kinzièm jou sètièm moua sa-a, ap gin fèt Tant yo pandan sèt jou pou Granmèt la. Prèmié jou-a y-ap rélé-l sakré anpil, sin anpil : nou pa doué fè okinn travay ésklav jou sa-a. Pandan sèt jou n-a ofri sakrifis antié bay Granmèt la ; uitièm jou-a sé yon jou ki sakré anpil, ki sin anpil, n-a ofri sakrifis antié bay Granmèt la ; sé réyinion avèk rasanbléman : nou pa doué fè okinn travay ésklav jou sa-a.

Sa yo sé fèt Granmèt la, n-ap rélé yo asanblé sint ; n-a ofri kado bay Granmèt la jou sa yo, sakrifis antié ak sakrifis likè dapré sérémoni chak jou” ».

Paròl Granmèt la.

PSÒM RÉPONS

Ps 80, 3-4. 5-6 ab. 10-11 ab (R: 2 a)

R: Fété nan Bondié, li minm ki poté nou sékou.

- 3 Pran kantik, frapé tanbou,
bon gita-a avèk bandjo-a.
- 4 Sonnin tronpèt la nan fèt nouvèl li-n nan,
nan jou plinn li-n nan, nan gran fèt nou-an. R:
- 5 Paské sé yon kòmandman pou Israèl sa yé,
sé yon jijman pou Bondié Jakòb la.
- 6 Li mété-l kòm témouagnaj nan Jozèf,
lè-l t-ap soti nan péyi Éjip la. R:
- 10 Pap gin dié étranjé nan ou,
ou pap adoré dié étranjé.
- 11 Sé mouin minm ki Granmèt Bondié-ou,
ki té fè-ou soti nan péyi Éjip la. R:

Ané 2

PRÉMIÉ LÉKTU

Tout pèp la rasanblé kont Jérèmi nan kay Granmèt la.

Léktu liv profèt Jérèmi

26, 1-9

Nan kòmansman ringn Joakim, pitit Jozias, roua Juda, paròl sa-a rive sot nan Granmèt la, li di :

« Min paròl Granmèt la : “Kanpé nan lakou kay Granmèt la, palé ak tout vil Juda yo, ak tout moun ki vi-n pou yo adoré nan kay Granmèt la,

di yo tout paròl yo mouin té kòmandé-ou pou-ou palé ak yo-a, pa ouété okinn paròl ; pétèt chak moun ap kouté, y-ap viré sot nan mové chémin yo, m-a régrèt malè mouin kalkilé pou-m fè yo sibi-a poutèt méchansté ki nan lidé yo-a.

Ou-a di yo : Min paròl Granmèt la : Si nou pa kouté-m, pou nou maché nan laloua-m nan mouin té ban nou-an, pou nou kouté paròl sèvitè-m yo profèt yo mouin té voyé koté nou-an, yo minm mouin fè lèvé nannuit pou-m dirijé yo-a épi nou pa kouté-a, m-ap fè kay sa-a vi-n tounin tankou Silo, m-ap madichonnin vil sa-a nan pami tout nasion tè-a” ».

Prèt yo ak profèt yo ak tout pèp la tandé paròl sa yo Jérèmi t-ap di nan tanp Granmèt la. Lè Jérèmi fi-n di tou sa Granmèt la té kòmandé-l pou-l di tout pèp la, prèt yo ak profèt yo ak tout pèp la arété-l, yo di : « Ou-ap mouri sètènman. Pouki sa ou profétizé o non Granmèt la, ou di : “Kay sa-a ap vi-n tounin tankou Silo, vil sa-a ap abandoné, pou-l pa gin pèsonn pou abité-l ?” » Tout pèp la rasanblé kont Jérèmi nan kay Granmèt la.

Paròl Granmèt la.

PSÒM RÉPONS

Ps 68, 5. 8-10. 14 (R: 14 c)

- R: Nan pakèt mizérikòd ou, kouté-m, Granmèt.
- 5 Yo vi-n pi plis pasé chévé tèt mouin,
sa yo ki rayi-m pou granmési yo.
Yo fò, sa yo k-ap pèsékité-m yo,
ènmi-m yo k-ap bay manti yo,
sa-m pa-t pran, koulié-a mouin blijé rinmèt la. R:
- 8 Sèké sé poutèt ou mouin sipòté afron,
laront kouvri fas mouin.
- 9 mouin vi-n tounin étranjé pou frè-m yo,
ak moun déyò pou pitit manman-m yo.
- 10 Sèké jalouzi kay ou-a dévoré-m,
afron moun k-ap manké-ou déga yo, yo tonbé sou mouin. R:
- 14 Mouin minm priyè-m ap monté koté-ou, Granmèt ;
nan tan byinvéyans la, Bondié.
Nan pakèt mizérikòd ou-a, kouté-m,
nan vérité sovè ou sovè nou-an. R:

ALÉLOUYA

1 P 1, 25

℞ Alélouya. Paròl Granmèt la diré pou tout tan ;
sa-a sé paròl la mouin té anonsé nou-an. ℞ Alélouya.

ÉVANJIL

*Èské sa-a sé pa pitit ménuizié-a ?
Koté-l jouinn tout bagay sa yo ?*

✠ Léktu sint Évanjil la dapré Matié

13, 54-58

Lè sa-a :

Jézu rivé nan péyi-l, li t-ap bay ansègnman nan sinagòg yo, atèl pouin moun yo té sézi, yo t-ap di :

« Koté-l jouinn sajès sa-a ak puisans sa yo ? Èské sa-a sé pa pitit ménuizié-a ? Èské manman-l sé pa sa yo rélé Mari-a, épi frè-l yo Jak, ak Jozèf, ak Simon, ak Jud ? Épi sè-l yo, èské yo tout pa lakay nou ? Koté-l jouinn tout bagay sa yo ? » Yo té skandalizé akòz li.

Jézu minm di yo : « Pa gin profèt ki san konsidérasion sof nan péyi-l ak nan kay li ». Li pa fè anpil mirak nan koté sa-a poutèt lafoua yo pa-t ginyin.

Paròl Granmèt la.

Samdi

Ané 1

PRÉMIÉ LÉKTU

Nan ané jibilé-a, tout moun doué réprann posésion yo.

Léktu liv Lévitik

25, 1. 8-17

Granmèt la palé ak Moyiz nan mòn Sinayi-a, li di :

« Ou-ap konté sèt sémèn ané, sa vlé di sèt foua sèt, ki fè ansanm karant-nèf ané ; ou-a sonnin tronpèt sou sètièm moua-a, dizièm jou moua-a, tan Padon-an, sou tout tè nou-an. Ou-a fè ouè kijan sinkantièm ané-a sin, ou-a déklaré rémision pou tout moun ki abité tè-ou la ; sé jibilé-a sa. Chak moun ap tounin nan posésion-l, chak moun ap tounin nan prémié fanmiy li, paské sé jibilé-a, sinkantièm ané-a. Pa simin, pa

rékòlté foui ki donnin pou kont yo nan jadin, pa ranmasé premié foui rézin yo, poutèt jibilé-a sin ; min ou-a manjé ofiamézi sa-k ginyin nan jadin.

Nan ané jibilé-a, tout moun ap tounin nan posésion yo. Lè ou-ap vann yon bagay bay moun ki nan péyi avèk ou, oubyin lè ou-ap achté nan min-l, pa fè frè-ou la lapinn ; min sé dapré kantité ané jibilé-a ou-a achté nan min-l, épi sé dapré valè foui yo l-a vann ou. Plis gin ané ki rété anvan lòt jibilé-a, plis pri-a ap vi-n pi gran ; mouins ou-a konté tan, sé mouins y-a achté chè : sé tan foui yo l-ap vann ou.

Pa fè moun minm fanmiy avèk ou yo lapinn, min sé pou chak moun krinn Bondié-l, paské mouin sé Granmèt Bondié nou ».

Paròl Granmèt la.

PSÒM RÉPONS

Ps 66, 2-3. 5. 7-8 (R : 4)

- R: Sé pou pèp yo fè louanj ou, Bondié,
sé pou tout pèp yo fè louanj ou
- 2 Sé pou Bondié pran pitié pou nou, sé pou-l béni nou ;
sé pou-l fè figu-l kléré sou nou.
- 3 Pou yo rékonèt chémin-ou yo sou tè-a,
sové ou sové nou-an nan tout nasion yo. R:
- 5 Sé pou nasion yo kontan, sé pou yo dansé,
paské ou jijé pèp yo yon fason kòrèk,
ou dirijé nasion yo sou tè-a. R:
- 7 Tè-a bay foui-l ;
Bondié béni nou, Bondié nou-an ;
- 8 Sé pou Bondié nou-an béni nou,
sé pou tout limit tè-a krinn li. R:

Ané 2

PRÉMIÉ LÉKTU

*Granmèt la voyé-m koté nou tout bon vré,
pou-m palé paròl sa yo.*

Léktu liv profèt Jérémi

26, 11-16. 24

Jou sa yo :

Prèt yo ak profèt yo ak chèf yo palé ak tout pèp la, yo di : « Mésié sa-a mérité lanmò, paské li profétizé kont vil sa-a, jan nou tandé ak pròp zòrèy nou yo ».

Jérémi di tout chèf yo ak tout pèp la : « Granmèt la voyé-m pou-m profétizé bay kay sa-a ak vil sa-a sou tout paròl yo nou tandé yo. Koulié-a fè chémin nou yo ak pansé nou yo vi-n bon, kouté voua Granmèt Bondié nou-an ; Granmèt la ap régrèt malè-a li té palé kont nou-an. Mouin minm minm min-m nan min nou, fè-m sa nou trouvé ki bon, ki douat nan jé nou. Sèlman aprann sa, konnin sa, si nou touyé-m, sé yon san inosan n-ap vidé kont pròp tèt nou, kont vil sa-a ak kont moun ki abité-l yo ; sé tout bon vré Granmèt la té voyé-m koté nou, pou-m palé tout paròl sa yo nan zòrèy nou ».

Chèf yo ak tout pèp la di prèt yo ak profèt yo : « Mésié sa-a pa mérité lanmò, paské sé o non Granmèt Bondié nou-an li palé nou ».

Konsa Ayikam, pitit Safan protéjé Jérémi, pou yo pa rimmèt li nan min pèp la, pou yo pa touyé-l.

Paròl Granmèt la.

PSÒM RÉPONS

Ps 68, 15-16. 30-31. 33-34 (R: : cf. 14)

R: Nan tan gras la, ou réponn mouin, Granmèt.

¹⁵ Délivré-m sot nan labou-a, pou-m pa fonsé,
délivré-m anba min sa yo ki rayi-m yo,
sot nan fon dlo yo.

¹⁶ Pa kité lanm dlo yo nouayé-m,
pa kité bafon-an valé-m ;
pa kité fos la séré bouch li sou mouin. R:

³⁰ Mouin minm mouin pòv, m-ap plinn ;
sové ou sové-m nan, Bondié, li résévoua-m.

- 31 M-ap fè louanj non Bondié avèk kantik,
m-ap fè konpliman pou li nan louanj. **R**
- 33 Sé pou pòv yo ouè, pou yo kontan,
chèché Bondié, sé pou kè nou viv.
- 34 Paské Granmèt la kouté pòv yo,
li pa méprizé prizonié-l yo. **R**

ALÉLOUYA**Mt 5, 10**

R Alélouya. Ala kontantman pou sa yo k-ap sibi pèsékision
poutèt jistis la,
paské péyi roua sièl yo sé pou yo li yé. **R** Alélouya.

ÉVANJIL

*Èròd voyé koupé tèt Jan,
disip li yo vini, yo poté nouvèl bay Jézu.*

✠ Léktu sint Évanjil la dapré Matié**14, 1-12**

Lè sa-a, Èròd chèf ka péyi-a, tandé répitasyon Jézu, li di sèvitè-l yo :
« Sa-a, sé Jan-Batis ; li résisité vivan sot nan pami mò yo, sé pou sa l-ap
fè puisans sa yo ».

Sèké Èròd té arété Jan, li té mété-l nan chinn, li té mété-l nan prizon
poutèt Érodiad, madanm frè-l la. Jan té di-l : « Ou pa gin doua pran-l pou
ou ». Li té vlé touyé-l, li té pè pèp la, paské yo té konsidéré-l kòm profèt.

Jou nésans Èròd la, pitit fi Érodiad la té dansé nan mitan yo, sa té fè
Èròd plézi. Li té fè sèman poutèt sa, li té promèt li li t-ap ba-l ninpòt ki
sa-l t-a mandé-l. Li minm minm, li pran konsèy nan min manman-l. Li
di : « Ban-m tèt Jan-Batis koulié-a minm nan yon plat ». Roua-a kontra-
rié ; min poutèt sèman-an ak poutèt sa yo ki té sou tab avèk li yo, li pasé
lòd pou yo bay li ; li voyé koupé tèt Jan nan prizon-an. Yo poté tèt li sou
yon plat, yo bay ti fi-a, li minm li poté-l bay manman-l.

Disip li yo proché, yo pran kò-l, yo antéré-l ; yo vi-n anonsé Jézu sa.

Paròl Granmèt la.

DIZUITIÈM SÈMÈN ÒDINÈ

Dimanch, ané A

PRÉMIÉ LÉKTU

Proché, épi manjé.

Léktu liv profèt Izayi

55, 1-3

Min paròl Granmèt la :

« Nou tout ki souaf, vi-n nan dlo yo ; nou minm ki pa gin lajan, proche, achte, manjé ; vini achte divin ak lèt san lajan, san troké anyin.

Pouki n-ap dépansé lajan nou nan sa-k pa pin, fòs travay nou nan sa-k pa konblé nou ? Kouté, panché zòrèy nou sou mouin, manjé sa-k bon, nanm nou ap jouinn plézi nan sa-k gin konsistans.

Panché zòrèy nou, vi-n jouinn mouin ; kouté, nanm nou ap viv, m-ap pasé yon kontra ki pap janm fini avèk nou, mizérikòd yo ki fidèl pou David la ».

Paròl Granmèt la.

PSÒM RÉPONS

Ps 144, 8-9. 15-16. 17-18 (R: : cf. 16)

R: Ou louvri min-ou, Granmèt, épi ou konblé nou.

8 Granmèt la gin pitié, li gin mizérikòd,
li gin pasians, li gin anpil mizérikòd.

9 Granmèt la bon pou tout moun,
épi pitié-l yo pou tou sa-l fè yo. **R:**

15 Jé yo tout ap espéré sou ou,
ou minm ou ba yo manjé lè tan-an rivé.

16 Ou louvri min-ou,
ou plin tout vivan ak byin. **R:**

17 Granmèt la kòrèk nan tout chémin-l yo,
li sin nan tout travay li yo.

18 Granmèt la tou pré moun k-ap rélé-l yo,
tout moun yo k-ap rélé-l nan vérité-a. **R:**

DÉZIÈM LÉKTU

*Okinn kréatu pa kapab séparé nou sot nan rinmin Bondié-a
ki nan Kris la.*

Léktu lèt apot sin Pòl pou Romin yo**8, 35. 37-39**

Frè-m yo :

Kilès k-ap séparé nou sot nan rinmin Kris la ? Èské sé tray ? oubyin kè séré ? oubyin grangou ? oubyin manké rad ? oubyin danjé ? oubyin pèsékision ? oubyin épé ?

Min nan tout bagay sa yo nou ranpòté viktoua poutèt sa-a ki rinmin nou-an. Mouin sètin réyèlman ni lanmò, ni lavi, ni anj yo, ni premié ran, ni puisans, ni sa k-ap rivé koulié-a, ni sa k-ap vini apré, ni fòs, ni rotè, ni profondè, ni lòt kréatu pap kapab séparé nou sot nan rinmin Bondié-a, ki nan Kris Jézu Granmèt nou-an.

Paròl Granmèt la.

ALÉLOUYA**Mt 4, 4 b**

℞ Alélouya. Sé pa ak pin sèlman moun viv,
min ak tout paròl ki soti nan bouch Bondié. ℞ Alélouya.

ÉVANJIL*Tout moun manjé vant plin.***✠ Léktu sint Évanjil la dapré Matié****14, 13-21**

Lè sa-a :

Kòm Jézu té tandé lanmò Jan-Batis, li té pati sot la nan batiman, l-al yon koté dézè pou kont li ; lè foul yo té tandé sa, yo té suiv li a pié sot nan vil yo. Antan l-ap soti, li té ouè yon pakèt foul ; li té pran pitié pou yo, li té géri malad yo.

Lè asouè minm rivé, disip li yo té proche koté-l, antan y-ap di : « Koté-a sé yon dézè ; épi lè-a déjà ta ; ranvouayé foul yo, pou antan y-al nan bouk yo, yo achté manjé pou yo ».

Jézu minm té di yo : « Yo pa bézouin alé ; ba yo manjé nou minm ».

Yo té réponn li : « Nou pa gin anyin isit la sof sink pin ak dé pouason ».

Li té di yo : « Poté yo ban mouin isit la ».

Épi kòm li té passé fowl la lòd pou-l lonjé kò yo sou zèb la, antan li pran sink pin yo ak dé pouason yo, antan li lévé jé-l nan sièl la, li té béni pin yo, li té kasé yo, li té bay disip yo, disip yo minm té bay fowl yo. Tout moun té manjé, yo té konblé. Yo té ranmasé rès yo, douz panié plin moso. Kantité moun yo minm ki té manjé yo, sé té sink mil gason, san konté fi ak ti moun.

Paròl Granmèt la.

Dimanch, ané B

PRÉMIÉ LÉKTU

M-ap fè lapli pin tonbé sot nan sièl la pou nou.

Léktu liv Égzòd

16, 2-4. 12-15

Jou sa yo :

Tout fowl pitit Israèl yo té pran plinyin kont Moyiz ak Aaron nan dézè-a ; pitit Israèl yo té di yo : « Pito nou té mouri nan min Granmèt la nan tè Éjip la, lè nou té chita dévan mamit viann yo, lè nou t-ap manjé pin kont kò nou-an ! Pouki sa nou té fè nou soti pou nou minnin nou nan dézè sa-a, pou nou touyé tout fowl la avèk grangou-a ? »

Granmèt la minm té di Moyiz : « Min m-ap fè lapli pin tonbé pou nou sot nan sièl la : pèp la ap soti, l-ap ranmasé sa yo bézouin pou chak jou. Konsa m-a éséyé-l, pou-m ouè si l-ap maché nan laloua-m nan ou non.

Mouin té tandé plint pitit Israèl yo ; palé ak yo, di yo : “Asouè-a n-ap manjé viann, nan matin n-ap jouinn pin kont kò nou, n-ap konnin sé mouin minm Granmèt la Bondié nou-an” ».

Nan asouè vré, gin ti pintad ki volé, ki kouvri kan-an ; nan matin tou té gin yon kouch larouzé ki kouvri tout alantou kan yo. Lè-l té évaporé sot sou fas tè-a, té gin yon ti po tou mins ki parèt, yon bagay ki tou fin tankou lanèj sou tè-a. Lè pitit Israèl yo ouè sa, youn di lòt : « Ma-n ou ? », sa vlé di : « Sa sa-a yé ? »

Yo pa-t konnin sa-l té yé. Moyiz té di yo : « Sa-a sé pin, Granmèt la ba nou pou nou manjé ».

Paròl Granmèt la.

PSÒM RÉPONS

Ps 77, 3 é 4 bc. 23-24. 25 é 54 (R: : 24 b)

- R: Granmèt la té ba yo pin sièl la.
- 3 Sé pa ti kras bagay nou té tandé, nou konnin,
épi papa nou yo té rakonté nou,
- 4 antan y-ap rakonté-l bay yon lòt jénérasyon,
louanj Granmèt la ak puisans li yo. R:
- 23 Réyèlman li té pasé nuaj yo lòd anro-a,
li té louvri pòt sièl yo ;
- 24 li té fè lapli lama-n tonbé pou yo pou yo manjé,
li té ba yo pin sièl la. R:
- 25 Moun nan té manjé pin Anj Bondié yo,
li té voyé manjé pou yo an kantité.
- 54 Li té kondui yo jous nan limit koté li fè yo vi-n sin-an,
sou mòn nan min douat li té pran-an. R:

DÉZIÈM LÉKTU

*Abiyé nou ak moun nouvo-a,
ki té kréyé sèlon Bondié-a.*

Léktu lèt apot sin Pòl pou Éfèzyin yo

4, 17. 20-24

Frè-m yo :

Mouin di nou, mouin sètifié nou sa nan Granmèt la, pou nou pa maché ankò tankou moun yo ap maché nan jijman yo ki vid la.

Nou minm sé pa konsa nou té aprann Kris la, si omouin nou té tandé-l épi nou té résévoua ansègnman nan li, dapré vérité ki nan Jézu-a. Sé pou nou kité moun ansyin-an ki t-ap aji dapré konduit lontan-an, moun ansyin sa-a gaté antan l-ap suiv anvì k-ap tronpé moun. Min sé pou nou vi-n tou nèf nan jan éspri nou jijé tout bagay, sé pou nou abiyé nou ak moun nouvo-a, ki kréyé sèlon Bondié nan jistis la ak vérité-a ki sin-an.

Paròl Granmèt la.

ALÉLOUYA

Mt 4, 4 b

- R: Alélouya. Sé pa ak pin sèlman yon moun viv,
min ak tout paròl ki sot nan bouch Bondié. R: Alélouya.

ÉVANJIL

*Moun ki vi-n jouinn mouin pap grangou,
moun ki kouè nan mouin pap souaf.*

Léktu sint Évanjil la dapré Jan**6, 24-35**

Lè sa-a :

Lè foul la té ouè Jézu pa-t la ni disip li yo, yo té monté nan kannòt yo, épi yo té rivé Kafarnaòm antan y-ap chèché Jézu. Lè yo té jouinn li lòt bò lanmè-a, yo té di-l : « Rabi, ki lè ou té rivé isit la ? »

Jézu té réponn yo épi li té di : « Amèn, amèn mouin di nou, n-ap chèché-m, sé pa paské nou té ouè sign, min paské nou té manjé nan pin yo, épi nou té rasazié. Travay non pa pou manjé k-ap péri-a, min pou sa k-ap duré nan lavi tout tan-an, sa Pitit moun nan ap ba nou-an ; li minm réyèlman Bondié Papa-a té maké ak so-l la ».

Yo té di-l donk : « Ki sa pou nou fè pou nou travay travay Bondié yo ? »

Jézu té réponn, épi li té di yo : « Min travay Bondié-a, sé pou nou kouè nan sa-a li minm li té voyé-a ».

Yo té di-l donk : « Ki sign ou fè konsa, pou nou ouè épi pou nou kouè nan ou ? ki sa-ou fè ? Papa nou yo té manjé lama-n nan dézè-a, jan sa ékri-a : “Li té ba yo pin sot nan sièl la pou yo manjé” ».

Jézu té di yo donk : « Amèn, amèn mouin di nou, sé pa Moyiz ki té ba nou pin sot nan sièl la, min sé Papa-m ki ba nou pin ki sot nan sièl la, vrè pin-an. Pin Bondié-a sé sa-a ki désann sot nan sièl la épi ki bay tè-a lavi-a ».

Yo té di-l konsa : « Granmèt, toujou ba nou pin sa-a ».

Jézu minm té di yo : « Mouin minm, mouin sé pin lavi-a ; moun ki vi-n jouinn mouin pap grangou, épi moun ki kouè nan mouin pap janm souaf ».

Paròl Granmèt la.

Dimanch, ané C

PRÉMIÉ LÉKTU

Sa sa ap sèvi moun nan nan tout travay li-a ?

Léktu liv Koélet

1, 2 ; 2, 21-23

Sé vid k-ap produi vid, sé sa Éklézias té di ; sé vid k-ap produi vid, tout bagay sé vid.

Sèké lè yon moun travay avèk sajès, avèk konésans, avèk ladrès, li kité éritaj li pou yon moun ki pa fè anyin : sa-a tou sé vid, sé yon gran malè. Kisa yon moun jouinn ak tout travay li ak tray éspri-l, ki fè l-ap rédi anba solèy la ? Tout jou-l yo plin ak soufrans ak fatig, minm nannuit li pa gin répo pou éspri-l ; sa-a tou èské sa-a sé pa yon vid ?

Paròl Granmèt la.

PSÒM RÉPONS

Ps 89, 3-4. 5-6. 12-13. 14 é 17 (R : 1)

- R: Granmèt, ou sèvi nou kachèt,
sot nan jénérasyon al nan jénérasyon.
- 3 Ou fè moun nan tounin nan pousiè ;
ou di : « Tounin, pitit moun yo ».
- 4 Sèké mil ané dévan jé-ou sé tankou jounin yè-a ki pasé,
ak yon vèy nan nuit. R:
- 5 Ou fè dòmi tonbé sou yo,
6 nan matin, y-ap tankou zèb k-ap pousé :
nan matin li fléri, li grandi,
nan asouè, li finnin, li séché. R:
- 12 Aprann nou konté jou nou yo,
pou nou mété kè nou nan chémin sajès la.
- 13 Tounin, Granmèt, jouskilè ?
Pran pitié pou sèvitè-ou yo. R:
- 14 Plin nou dépi granmatin ak mizérikòd ou-a,
n-a fété, n-a gin kè kontan tout jou nou yo.
- 17 Sé pou ékla Granmèt Bondié nou-an sou nou,
asiré travay min nou-an sou nou,
travay min nou, asiré-l. R:

DÉZIÈM LÉKTU

Sé sa-k anro yo pou nou chèché, koté Kris la yé-a.

Léktu lèt apot sin Pòl pou Kolosyin yo**3, 1-5. 9-11**

Frè-m yo :

Si nou résisité avèk Kris la, sé sa-k anro-a pou nou chèché, koté Kris la chita adouat Bondié ; sé sa-k anro yo pou nou gouté, sé pa bagay ki sou tè-a. Nou mouri réyèlman épi lavi nou kaché avèk Kris la nan Bondié. Lè Kris la ap parèt, li minm ki lavi nou-an, lè sa-a tou n-ap parèt ansanm avèk li nan gloua-a.

Konsa sé pou nou donté manb nou yo ki sou tè-a : fònikasion, bagay ki pa pròp, mové tandans, mové anvi, rinmin lajan, ki sèvis zidòl.

Pa fè manti youn bay lòt. Nou ouété moun ansyin-an ak tout aksion-l yo ki té abiyé nou-an, nou abiyé ak moun nouvo-a, ki réfèt tou nèf nan konésans la, dapré pòtré sa-a ki té kréyé-l la ; koté sa-a pa gin payin ak Juif, sikonsizyon ak po ti kò, moun òdinè ak moun distingé, ésklav ak moun lib, min sé Kris la ki tout bagay nan tout moun.

Paròl Granmèt la.

ALÉLOUYA

Mt 5, 3

℟ Alélouya. Ala kontantman pou moun ki pòv nan éspri-a, paské péyi roua sièl yo sé pou yo li yé. ℟ Alélouya.

ÉVANJIL

Sa-ou té paré-a, pou kilès l-ap yé ?

✠ **Léktu sint Évanjil la dapré Luk****12, 13-21**

Lè sa-a :

Yon moun nan foul la té di Jézu : « Mèt, di frè-m nan pou-l séparé éritaj la avèk mouin ».

Min li té di-l : « Mon chè, kilès ki té mété-m jij oubyin notè sou nou ? »

Li té di yo : « Fè atansion, évité tout anvi lajan ; paské sé pa nan richès yon moun lavi-l yé, sé pa nan sa-l posédé yo ».

Li té di yon parabòl pou yo, antan-l di :

« Yon moun rich té gin yon jadin ki rapòté-l anpil foui, épi li t-ap kalkilé nan kè-l antan-l di : “Ki sa pou-m fè, paské mouin pa gin koté pou-m ranmasé foui-m yo ?” Épi li té di : “Min sa m-ap fè : m-ap détoui dépo-m yo, m-ap fè dèt ki pi gran, sé la m-ap ranmasé tout sa ki fèt pou mouin yo ak byin-m yo. M-ap di nanm mouin : Nanm mouin, ou gin anpil byin an dépo pou anpil ané ; répozé, manjé, bouè, fété”.

Min Bondié té di-l : “Moun san konprann, nannuit sa-a minm y-ap mandé-ou nanm ou ; sa-ou té paré yo minm, pou kilès y-ap yé ?”

Sé konsa sa yé pou moun k-ap ranmasé richès pou pròp tèt pa-l, épi ki pa rich nan Bondié ».

Paròl Granmèt la.

Lindi

Ané 1

PRÉMIÉ LÉKTU

Mouin pa kapab poté pèp sa-a pou kont mouin.

Léktu liv Nonb

11, 4 b-15

Jou sa yo :

Pitit Israèl yo té di : « Kilès k-ap ba nou viann pou nou manjé ? Nou sonjé pouason nou té konn ap manjé nan Éjip la gratis ; nan éspri nou nou sonjé konkonb yo ak mélon yo, pouaro yo ak zonyon yo ak lay yo. Nanm nou vi-n sèk, nou pa ouè anyin nan jé nou pasé lama-n ».

Lama-n nan minm té tankou yon ti grinn lanni, koulè pòm palmié. Pèp la té konn gayé, épi antan yo ranmasé-l, yo té konn krazé-l nan moulin, oubyin yo té konn pilé-l nan pilon, antan yo konn kuit li nan mamit, épi antan yo fè boulèt avèk li, li té gin gou pin ki kuit nan luil. Lè larouzé té konn désann lannuit sou kan-an, lama-n nan tou té konn désann.

Konsa Moyiz té tandé pèp la k-ap kriyé, nan chak fanmiy, chak moun nan papòt tant li. Kòlè Granmèt la té chofé anpil. Moyiz tou té konsidéré bagay la kòm insipòtab, épi li té di Granmèt la :

« Pouki sa ou té fè sèvitè-ou la pasé mati-a ? Pouki sa mouin pa jouinn gras dévan-ou ? Épi pouki sa ou mété chaj tout pèp sa-a sou mouin-an ? Èské sé mouin minm ki té ansint tout foul sa-a, oubyin ki té ba-l nésans, pou-ou fè di-m : “Poté yo nan vant ou, tankou yon nouris konn poté yon ti pitit, épi poté yo nan péyi-a, sa-m té fè papa yo sèman pou li-a ?” Koté m-ap jouinn viann pou-m bay tout foul sa-a ? Y-ap kriyé kont mouin, y-ap di : “Ban nou viann pou nou manjé”. Mouin pa kapab poté tout pèp sa-a pou kont mouin, paské li lou anpil. Otréman si sé yon lòt fason ou kalkilé sa, mouin priyé-ou pou-ou touyé-m, fè-m jouinn gras nan jé-ou, pou-m pa sibi tout kalité gran malè sa yo ».

Paròl Granmèt la.

PSÒM RÉPONS

Ps 80, 12-13. 14-15. 16-17 (R: 2 a)

R: Fété pou Bondié, li minm ki poté nou sékou.

- 12** Pèp mouin-an pa kouté voua-m,
Israèl pa fè atansion sou mouin.
- 13** Mouin lagé yo dapré kè yo ki rèd la,
y-ap maché nan lidé yo. **R:**
- 14** Si pèp mouin-an té kouté-m,
si Israèl té maché nan rout mouin yo,
- 15** yon ti moman mouin t-a krazé ènmi-l yo,
mouin t-a lonjé min-m sou sa yo k-ap fè-l pasé tribilasyon yo. **R:**
- 16** Ènmi Granmèt yo t-a flaté-l,
sò yo t-a réglé pou tout tan ;
- 17** mouin t-a fè yo manjé nan blé ki gra,
mouin t-a pasé souaf yo nan mièl ki sot nan ròch. **R:**

Ané 2**PRÉMIÉ LÉKTU**

*Ananias, Granmèt la pa voyé-ou,
ou fè pèp la mét konfians li nan manti.*

Léktu liv profèt Jérémi**28, 1-17**

Rivé nan ané sa-a, nan kòmansman ringn Sédésias, roua Juda, nan katriyèm ané, nan sinkièm moua, Ananias, pitit Azou, profèt Gabaon-an, di-m, nan kay Granmèt la dévan prèt yo ak tout pèp la :

« Min paròl Granmèt lamé yo, Bondié Israèl la. “Mouin krazé jouk roua Babilòn nan. Nan dézan ankò, m-ap ramné tout véso kay Granmèt la isit la, sa Naboukodonozò, roua Babilòn nan, té pran sot isit la, li té poté Babilòn nan. Ni Jékonias, pitit Joakim, roua Juda-a, ni tout égzilé Juda yo ki pati Babilòn yo, m-ap fè yo tounin isit la, sé sa Granmèt la di ; sèké m-ap krazé jouk roua Babilòn nan” ».

Profèt Jérémi di profèt Ananias, dévan jé prèt yo ak dévan jé tout pèp la ki té nan kay Granmèt la ; profèt Jérémi di : « Amèn ! Sé konsa pou Granmèt la fè ! Granmèt la ap réalizé paròl yo ou profétizé-a, pou-l ramné véso yo nan kay Granmèt la, ni tout égzilé yo sot Babilòn vi-n isit la. Ébyin kouté paròl sa-a m-ap palé nan zòrèy ou ak nan zòrèy tout pèp la : “Profèt yo ki té égzisté anvan-m yo ak anvan-ou dépi nan kòmansman, yo té profétizé sou anpil péyi épi sou gran péyi roua, yo té palé sou késion batay, malè, grangou. Min profèt ki déklaré lapè-a, sé lè paròl li-a réalizé, yo konnin sé profèt li yé, sé Granmèt la ki voyé-l tout bon vrè” ».

Profèt Ananias pran chinn nan sot nan kou profèt Jérémi, li krazé-l ; Ananias di dévan tout pèp la : « Min paròl Granmèt la : “Sé konsa m-ap krazé jouk Naboukodonozò, roua Babilòn nan, apré dézan, sot nan kou tout nasion yo” ».

Profèt Jérémi pati nan chémin-l. Paròl Granmèt la rivé kot Jérémi, lè profèt Ananias fi-n krazé chinn nan sot nan kou profèt Jérémi-a, li di : « Al di Ananias : Min paròl Granmèt la : “Sé chinn ki fèt ak boua ou krazé, ou-ap fè chinn ki fèt ak fè pou yo”. Paské min paròl Granmèt lamé yo, Bondié Israèl : “Mouin mété yon jouk an fè sou kou tout nasion sa yo, pou yo sèvi Naboukodonozò roua Babilòn nan, épi y-ap sévi-l ; minm bèt yo sou tè-a, mouin rinmèt ba li” ».

Profèt Jérémi di profèt Ananias : « Kouté, Ananias, Granmèt la pa voyé-ou, ou fè pèp sa-a mét konfians li nan manti. Sé pou sa min paròl

Granmèt la : “Min m-ap ouété-ou sot sou fas tè-a : ané sa-a minm ou-ap mouri, paské sé kont Granmèt la ou palé” ». Profèt Ananias mouri ané sa-a minm, sou sètièm moua-a.

Paròl Granmèt la.

PSÒM RÉPONS

Ps 118, 29. 43. 79. 80. 95. 102 (R: 68 b)

- R: Aprann mouin désizion-ou yo, Granmèt.
- 29 Viré chémin manti-a louin-m,
fè-m favè laloua-ou la avèk bon kè-ou. R:
- 43 Pa ouété paròl vérité-a minm sot nan bouch mouin,
paské mouin espéré anpil nan jijman-ou yo. R:
- 79 Moun ki krinn ou yo ap viré koté-m,
ni sa-k aprann témouagnaj ou yo. R:
- 80 Fè kè-m vi-n san tach nan désizion-ou yo,
pou-m pa ront. R:
- 95 Péchè yo ap tann mouin, pou yo pèdi-m ;
mouin mété kè-m nan témouagnaj ou yo. R:
- 102 Mouin pa dévié sot nan jijman-ou yo,
paské ou mété laloua-a dévan-m. R:

ALÉLOUYA

Mt 4, 4 b

R: Alélouya. Sé pa ak pin sèlman moun viv,
min ak tout paròl ki soti nan bouch Bondié. R: Alélouya.

ÉVANJIL

*Li lévé jé-l nan sièl la, li béni pin yo, li bay disip yo,
disip yo minm bay foul yo.*

✠ Léktu sint Évanjil la dapré Matié

14, 13-21

Lè sa-a :

Lè Jézu tandé lanmò Jan-Batis, li pati sot la nan batiman, l-al yon koté dezè ki pou kont li ; lè foul yo tandé sa, yo suiv li apié sot nan vil yo. Lè-l soti, li ouè yon pakèt foul ; li pran pitié pou yo, li géri malad yo.

Lè asouè rivé, disip li yo proché koté-l, yo di : « Koté-a sé yon dézè, lè-a déjà ta ; ranvouayé foul yo, pou y-al nan bouk yo, pou yo achte manjé ».

Jézu minm di yo : « Yo pa bézouin alé ; ba yo manjé nou minm ».

Yo réponn li : « Nou pa gin anyin isit la sof sink pin ak dé pouason ».

Li di yo : « Poté yo ban mouin isit la ».

Li pasé foul la lòd pou-l kouché sou zèb la, li pran sink pin yo ak dé pouason yo, li lévé jé-l nan sièl la, li béni pin yo, li kasé yo, li bay disip yo, disip yo minm bay foul yo. Tout moun manjé, vant plin. Yo ranmasé rès yo, douz panié plin moso. Kantité moun yo minm ki té manjé yo, sé té sink mil gason, san konté fi ak ti moun.

Paròl Granmèt la.

Lè nan ané A, yo té déjà li Évanjil sa-a nan dimanch yè-a, y-a li jodi-a Matié 14, 22-36, tankou pi ba-a, jou madi-a, p. 1095.

Madi

Ané 1

PRÉMIÉ LÉKTU

*Moyiz pa tankou ninpòt ki lòt profèt ;
pouki sa nou pa-t pè palé-l mal ?*

Léktu liv Nonb

12, 1-13

Jou sa yo :

Mari avèk Aaron palé kont Moyiz poutèt madanm Étiopi-a li té ginyin-an, Yo di : « Èské sé pa lantrémiz Moyiz sèl, Granmèt la palé ? Èské li pa palé pa lantrémiz nou tou ? »

Lè Granmèt la tandé sa, (sèké Moyiz sé té yon moun ki té dou anpil, pi plis pasé tout moun ki abité sou tè-a), minm lè-a li palé avèk li, ni avèk Aaron épi avèk Mari : « Soti nou toua-a sèlman, al nan tanta aliens la ».

Lè yo pati, Granmèt la désann nan kòlòn nuaj la, li kanpé nan papòt tant la, li rélé Aaron avèk Mari. Lè yo antré, li di yo : « Kouté paròl mouin yo. Si gin yon profèt Granmèt la nan pami nou, sé nan vizion m-

ap parèt dévan-l, sé nan rèv m-ap palé avèk li. Min sé pa konsa pou Moyiz, sèvitè-m nan, li minm ki fidèl anpil nan tout kay mouin-an, sé bouch a bouch mouin palé avèk li, sé aklè, sé pa nan parabòl, épi li ouè figu Granmèt la. Poukisa nou pa pè palé mal sou Moyiz, sèvitè-m nan ? » Li faché kont yo, li pati, nuaj la ki té sou tant la pati tou ; Mari parèt, blan tankou lanèj, li kouvri ak lalèp.

Lè Aaron gadé-l, li ouè kijan-l vlopé ak lalèp ; li di Moyiz : « Tanpri, Mèt mouin, pa mété péché sa-a sou do nou, sa nou fè avèk foli-a, pou pitit sa-a pa tankou yon moun mouri, ak tankou yon ti pitit yo jété, ki tonbé sot nan vant manman-l : Gadé kijan mouatié chè-l dévoré ak lalèp ». Moyiz rélé kot Granmèt la, li di : « Bondié, tanpri, géri-l ».

Paròl Granmèt la.

PSÒM RÉPONS

Ps 50, 3-4. 5-6 a. 6 bc-7. 12-13 (R: cf. 3 a)

R: Pitié Granmèt, paské nou fè péché.

3 Pitié pou mouin, Bondié dapré mizérikòd ou ;
dapré kantité bon kè-ou, éfasé fòt mouin-an.

4 Lavé-m nèt sot nan fot mouin-an,
propté-m sot nan péché-m nan. R:

5 Sèké fot mouin-an sé mouin minm ki konnin-l,
péché-m nan dévan-m tout tan.

6 Kont ou, kont ou sèl mouin fè péché,
épi sa-k mal dévan-ou nan, mouin fè-l. R:

Sé pou yo jouinn ou kòrèk nan désizion-ou, douat nan jijman-ou.

7 Gadé, nan fot mouin pran nésans,
nan péché manman-m té ansint mouin. R:

12 Kréyé yon kè pròp nan mouin, Bondié,
réfè yon éspri fèm nan zantray mouin yo.

13 Pa jété-m louin fas ou,
éspri sin-ou nan, pa ouété-l nan mouin. R:

Ané 2**PRÉMIÉ LÉKTU**

*Sé poutèt anpil péché ou yo mouin aji konsa avèk ou.
M-ap fè tant Jakòb yo tounin.*

Léktu liv profèt Jérémi**30, 1-2. 12-15. 18-22.**

Min paròl Granmèt la ki rivé sou Jérémi, li di : « Min paròl Granmèt Bondié Israèl la, li di : “Tout paròl sa yo mouin palé avèk ou-a, ékri yo nan yon liv”.

Min sa Granmèt la di : “Koté-ou blésé-a, li pa kapab géri, koté-ou malad la, li grav anpil ; pèsonn pa plédé kòz ou pou-l pansé-ou, sa pa sèvi anyin pou yo ba ou souin. Tout zanmi-ou yo bliyé-ou, yo pap chèche-ou ; chatiman ènmi-an frapé-ou ak yon pinision ki rèd : poutèt pakèt fot ou, péché-ou yo rèd. Sa-ou bezouin rélé sou soufrans ou-a ? Soufrans ou-a pa gin gérimon. Sé poutèt pakèt fot ou yo ak poutèt mové péché ou yo, mouin aji konsa avèk ou”.

Min paròl Granmèt la : “Min m-ap fè tant Jakòb yo tounin byin tounin, m-ap pran pitié pou kay li yo, m-ap bati vil sou tè li, m-ap drésé tant la nan plas li. Y-ap fè louanj ak voua mizisyin k-ap sot ladan-l. M-ap fè yo vi-n anpil, yo pap diminué ; m-ap fè yo jouinn gloua, yo pap rabésé. Pitit li yo ap vi-n tankou nan kòmansman, fanmiy li-a ap diré dévan-m, m-ap vizité tout moun k-ap fè-l pasé mizè. Chèf li ap soti nan li, épi pitit roua ap fèt nan mitan-l ; m-ap fè édikasion-l, l-ap proche koté-m. Kilès ki lévé kè-l pou-l proche koté-m ?” Sé sa Granmèt la di.

“N-ap pèp mouin, mouin minm m-ap Bondié nou.” »

Paròl Granmèt la.

PSÒM RÉPONS**Ps 101, 16-18. 19-21. 29 é 22-23 (R : 17)**

- R** Granmèt la bati Siyon, li parèt nan gloua li.
- ¹⁶ Nasion yo ap krinn non-ou, Granmèt,
tout roua yo sou tè-a ap krinn gloua-ou la ;
- ¹⁷ paské Granmèt la ap bati Siyon,
l-ap parèt nan gloua li-a.
- ¹⁸ L-ap voyé jé sou priyé pòv la,
li pap méprizé priyé yo-a. **R**

- 19 Sé pou yo ékri bagay sa yo pou lòt jénérasyon-an
pèp k-ap kréyé-a, l-ap fè louanj Granmèt-la.
- 20 Sèké li panché sot nan tant li-a ki anro-a,
Granmèt la gadé sou tè-a, antan-l nan sièl la ;
- 21 pou-l kouté rèl prizonié yo,
pou-l délivré pitit lanmò yo. **R:**
- 29 Pitit sèvitè-ou yo ap abité,
ras yo ap asiré dévan fas ou,
- 22 pou yo anonsé non Granmèt la nan Siyon,
avèk louanj li nan Jérusalèm ;
- 23 lè pèp yo ap rasanblé pou yo fè yon sèl,
avèk péyi roua yo, pou yo sèvi Granmèt la. **R:**

ALÉLOUYA

Jan 1, 49 b

R: Alélouya. Rabi, ou sé Pitit Bondié,
ou sé Roua Israël. **R:** Alélouya.

ÉVANJIL

Pasé-m lòd pou-m vi-n jouinn ou sou dlo yo.

✠ Léktu sint Évanjil la dapré Matié

14, 22-36

Lè foul la fi-n manjé kont li, minm lè-a Jézu fòsé disip yo pou yo monté nan batiman-an pou yo pran dévan-l lòt bò lanmè, joutan li fi-n ranvouayé foul yo. Lè-l fi-n ranvouayé foul la, li monté sou mòn nan pou-l priyé pou kont li. Lè asouè rivé, li té pou kont li la-a. Batiman-an minm té nan mitan lanmè, lanm yo t-ap souké-l : sèké van yo t-ap vi-n nan sans kontrè.

Vè touazè nannuit Jézu vi-n koté yo, antan l-ap maché sou lanmè-a. disip yo ouè l-ap maché sou lanmè-a, yo troublé ; yo di : « Sé yon mové zè », yo pran rélé poutèt yo pè.

Tou suit Jézu palé avèk yo, li di : « Sé pou nou gin konfians, sé mouin minm, pa pè ». Piè minm réponn, li di : « Granmèt, si sé ou minm, pasé-m lòd pou-m vi-n jouinn-ou sou dlo yo ». Jézu di-l : « Vini ».

Piè désann sot nan batiman-an, li maché sou dlo-a, pou-l al jouinn Jézu. Min lè-l ouè kijan van-an fò, li pè ; li kòmansé fonsé, li rélé, li di : « Granmèt, sovè-m ».

Minm lè-a Jézu lonjé min-l, li kinbé-l, li di-l : « Lafoua-ou piti, pouki sa ou fè dout ? »

Lè yo monté nan batiman-an, van-an sispann. Moun yo ki té nan batiman-an, yo proche, yo adoré-l, yo di : « Amèn, ou sé Pitit Bondié ».

Yo travèsé lòt bò lanmè-a, yo rivé nan péyi Jénézar. Moun péyi-a rékonèt li ; yo voyé avèti tout réjion-an, yo minnin tout malad yo ba li ; yo priyé-l pou-l kité yo touché omouin fil rad li. Tout moun ki té touché-l, yo té sové.

Paròl Granmèt la.

Oubyin, si yo vlé, éspésialman lè ané A-a yo té li Évanjil sa-a lavèy.

Tout plantasion Papa-m pa planté l-ap dérasinin.

✠ **Léktu sint Évanjil la dapré Matié**

15, 1-2. 10-14

Lè sa-a :

Gin skrib ak farizyin ki sot Jérusalèm, yo proche kot Jézu, yo di : « Pouki sa disip ou yo pasé akoté tradision ansyin yo ? Yo pa lavé min yo, lè y-ap manjé pin yo ».

Li rélé foul yo koté-l, li di yo :

« Kouté, chèché konprann. Sé pa sa-k antré nan bouch ki sal yon moun, min sé sa-k sot nan bouch la, sé sa ki sal moun nan ».

Lè sa-a, disip li yo proche koté-l, yo di-l : « Èské ou konnin, lè farizyin yo tandé paròl sa-a, yo skandalizé ? » Li minm, li réponn, li di : « Tout plantasion Papa-m ki nan sièl la pa planté, l-ap dérasinin. Kité yo : sé avèg yo yé, y-ap kondui avèg ; si yon avèg ap kondui yon lòt avèg, yo toulédé ap tonbé nan trou ».

Paròl Granmèt la.

Mèkrédi

Ané 1

PRÉMIÉ LÉKTU

Yo pa gin doua janm jouinn péyi yo anvi-a (Ps 105, 24).

Léktu liv Nonb

13, 1-2. 25-14, 1. 26-29. 34-35

Jou sa-a yo :

Granmèt la palé ak Moyiz nan dézè Faran-an, li di : « Voyé gason, pou yo égzaminé péyi Kanaan-an, sa m-ap bay pitit Israèl yo ; ou-a pran youn nan chak ras, ou-a pran nan chèf yo ».

Moun yo ki té alé égzaminé péyi-a, yo tounin apré karant jou, lè yo fin fè tout tou zonn nan, yo rivé kot Moyiz avèk Aaron. Avèk tout asanblé pitit Israèl yo, nan palé avèk yo épi avèk tout foul la, yo montré foui tè-a, yo bay nouvèl, yo di : « Nou t-alé nan péyi-a, koté ou té voyé nou-an, koté lèt ak mièl koulé tout bon vré ; nou kapab rékonèt sa nan foui sa yo. Min li gin moun ki abité-l yo ki fò anpil, li gin gran vil, ak miray. Nou ouè désandans Énak ladan-l ; Amalèk abité nan mitan-l ; Itit la ak Jébizéyin-an ak Amoréyin-an nan mòn yo ; Kananéyin-an minm rété bò lanmè avèk bò la riviè Joudin-an ».

Kalèb kalmé pèp la ki t-ap plinyin, ki t-ap lévé kont Moyiz, li di : « An nou monté, pou nou posédé tè-a, paské nou kapab pran-l ». Min lòt ki té avèk li-yo, yo t-ap di : « Nou pap janm réyisi monté kot pèp sa-a, paské li pi fò pasé nou ».

Yo palé péyi-a mal dévan pitit Israèl yo, péyi sa-a yo t-al égzaminé-a, yo di : « Péyi-a nou sot égzaminé-a, li dévoré moun ki abité ladan-l yo ; pèp la nou ouè-a, yo ro anpil. Laba-a, nou té ouè mons ki sot nan pitit Énak yo, nan ras jéan yo ; dévan yo, nou té tankou krikèt ». Tout pèp la rélé, yo kriyé nan nuit sa-a.

Granmèt la palé ak Moyiz ak Aaron, li di : « Jouskilè foul moun pa bon sa yo ap plinyin kont mouin ? Mouin tandé répròch pitit Israèl yo. Di yo : “Sou lavi-m, sé sa Granmèt la di, jan nou palé-a, dapré sa-m tandé-a, sé konsa m-ap aji avèk nou. Nan dézè sa-a kadav nou ap tonbé. Nou tout, ki gin vintan ak plis laj, nou minm ki plinyin kont mouin-an. Dapré kantité karant jou yo, sa nou té pran pou nou égzaminé péyi-a, n-ap konté yon ané pou chak jou. Pandan karantan, n-ap péyé konsékans péché nou yo, n-ap konnin vanjans mouin-an. Mouin minm Granmèt la mouin palé,

sé konsa m-ap aji avèk fowl sa-a ki mové vré, ki lévé kont mouin-an : nan dézè sa-a l-ap tonbé, l-ap mouri” ».

Paròl Granmèt la.

PSÒM RÉPONS

Ps 105, 6-7 a. 13-14. 21-22. 23 (R : 4 a)

R Sonjé nou, Granmèt, nan bon kè ou ginyin pou pèp ou-a.

oubyin : Alélouya.

- ⁶ Nou fè péché avèk papa nou yo,
nou aji yon jan ki pa korèk, nou fè fot.
- ⁷ Papa nou yo nan Éjip la, yo pa-t konprann mèvèy ou yo. **R**
- ¹³ Yo fè vit, yo bliyé aksion-l yo,
yo pa konté sou désizion-l nan,
- ¹⁴ Yo mété lidé yo sou anvi yo té ginyin nan dézè-a,
yo tanté Bondié nan tè sèk la. **R**
- ²¹ Yo bliyé Bondié ki té sovè yo-a,
li minm ki té fè bagay éstraòdinè nan Éjip la,
- ²² mèvèy nan péyi Kam nan,
prodij nan lanmè Rouj la. **R**
- ²³ Li di l-ap gayé yo,
si sé pa-t Moyiz, sa-a li té chouazi-a, ki té proché.
Li kanpé nan trou ròch la dévan fas li,
pou-l viré kòlè-l, pou-l pa fè yo péri. **R**

Ané 2

PRÉMIÉ LÉKTU

Mouin rinmin-ou ak yon rinmin k-ap diré tout tan.

Léktu liv profèt Jérémi

31, 1-7

« Lè sa-a, sé sa Granmèt la di, m-ap Bondié tout fanmi Israèl yo, yo minm y-ap pèp mouin ».

Min paròl Granmèt la : « Pèp la ki chapé anba épé-a, li jouinn gras nan dézè-a ; Israèl ap maché al nan répo-l. Dépi byin louin Granmèt la parèt dévan-m, li di pou pèp la : Mouin rinmin-ou ak yon rinmin k-ap diré tout tan ; sé pou sa m-ap rédi-ou avèk mizérikòd. M-ap bati-ou ankò, ou-ap rébati, vièj Israèl : ou-ap vi-n bèl ak tanbou-ou yo, ou-ap soti nan group

k-ap dansé yo. Ou-ap planté jadin rézin ankò sou mòn Samari yo ; moun ki konn planté yo ap planté ; joutan épòk la rivé, yo pap kéyi rézin. Gin jou k-ap rivé koté santinèl yo ap rélé sou mòn Éfrayim nan : “Lévé, an nou monté Siyon, kot Granmèt Bondié nou-an” ».

Paské min paròl Granmèt-la : « Fété ak kè kontan, Jakòb, rélé kont tèt nasion yo ; sonnin tronpèt, chanté, di : “Sové pèp ou-a, Granmèt, rès Israèl la” ».

Paròl Granmèt la.

PSÒM RÉPONS

Jér 31, 10. 11-12 ab. 13 (R : cf. 10 d)

R: Sé pou Granmèt la véyé sou nou
tankou yon gadyin sou bann mouton-l.

¹⁰ Kouté paròl Granmèt la, nasion yo.
Anonsé-l nan zilé yo ki louin yo,
di : « Sa-a ki té gayé Israèl la, l-ap rasanblé-l,
l-ap protéjé-l, tankou yon gadyin fè pou bann mouton-l ». R:

¹¹ Sèké Granmèt la rachté Jakòb,
li sové-l sot nan min sa-k pi fò-a.

¹² Y-ap vini, y-ap fè louanj sou mòn Siyon,
y-ap rasanblé vi-n nan richès Granmèt yo. R:

¹³ Lè sa-a vièj la ap fété nan dans,
ni jèn jan yo, ni granmoun yo tou ;
m-ap fè dèy yo-a vi-n tounin kè kontan,
m-ap konsolé yo, m-ap fè kè yo kontan, nan plas soufrans yo-a. R:

ALÉLOUYA

Lk 7, 16

R: Alélouya. Yon gran profèt lévé nan mitan nou,
Bondié vizité pèp li-a. R: Alélouya.

ÉVANJIL

Lafoua-ou gran, madanm !

✠ Léktu sint Évanjil la dapré Matié

15, 21-28

Lè sa-a :

Jézu pati, l-alé nan réjion Tir ak Sidon. Yon madanm Kanaan soti nan réjion sa yo, li rélé byin fò, li di-l :

« Pitié pou mouin, Granmèt, pitit David, pitit fi-m nan gin yon démon k-ap maltréte-l anpil ». Li pa réponn li yon mo.

Disip li yo proché koté-l, yo priyé-l, yo di : « Ranvouayé-l paské l-ap rélé apré nou ».

Li minm, li réponn, li di : « Yo voyé-m sèlman kot mouton k-ap péri yo, nan kay Israël la ».

Li minm li rivé, li adoré-l, li di : « Granmèt, édé-m ».

Li réponn, li di : « Sa pa bon pou pran pin ti moun yo, pou jété-l bay chyin ».

Li minm li di : « Oui, Granmèt ; min ti chyin yo manjé nan ti kal pin ki tonbé sot sou tab mèt yo ».

Lè sa-a atò Jézu réponn, li di : « Madanm, lafoua-ou gran, sé pou sa rivé pou ou jan-ou vlé-a ». Pitit fi-l la géri minm lè sa-a.

Paròl Granmèt la.

Jédi

Ané 1

PRÉMIÉ LÉKTU

Anpil dlo sòti.

Léktu liv Nonb

20, 1-13

Jou sa yo :

Pitit Israël yo rivé, ni tout foul la, nan dézè Si-n nan, nan prémié moua-a ; pèp la rété Kadès. Mari mouri la, yo antéré-l la minm.

Kòm pèp la pa-t gin dlo, yo rasanblé kont Moyiz avèk Aaron, yo révolté, yo di : « Pito nou té mouri nan pami frè nou yo dévan Granmèt la ! Pouki sa nou fè pèp Granmèt la soti nan dézè-a, pou nou mouri ansanm avèk bèt nou yo ? Pouki sa nou fè nou monté sot Éjip, nou minnin nou nan mové koté sa-a, koté yo pa kapab simin, koté pié figié dous pa kapab pousé ; ni jadin rézin, ni grénadi-n, ata dlo pa ginyin pou nou bouè ? »

Moyiz avèk Aaron ranvouayé foul la, yo antré nan tant aliens la, yo lagé kò yo fas atè, yo rélé kot Granmèt la, yo di : « Granmèt Bondié,

kouté rèl pèp sa-a, louvri pou yo trézò-ou la, sous dlo lavi-a, pou yo pasé souaf yo, pou yo sispann plinyin ».

Gloua Granmèt la parèt sou yo ; Granmèt la palé avèk Moyiz, li di : « Pran bagèt la, rasanblé pèp la, ou minm avèk Aaron, frè-ou la ; palé avèk ròch la dévan yo, l-ap bay dlo. Lè ou-a fè dlo soti nan ròch la, tout pèp la ap bouè, ni bèt li yo ».

Konsa Moyiz pran bagèt la, ki té dévan Granmèt la, jan-l té kòmandé-l la, li rasanblé foul la dévan ròch la, li di yo : « Kouté, rébèl, nou minm ki pa gin lafoua : èské nou kapab fè dlo soti nan ròch sa-a pou nou ? » Lè Moyiz lévé min-l, li frapé dé foua avèk bagèt la, anpil dlo sòti, atèl pouin pèp la bouè, ansanm ak bèt yo.

Granmèt la di Moyiz avèk Aaron : « Poutèt nou pa-t kouè nan mouin, pou nou té fè ouè jan-m sin dévan pitit Israël yo, nou pap fè pèp sa yo antré nan péyi m-ap ba yo-a ». Sa-a sé « Dlo kontradiksyon-an », koté pitit Israël yo té fè prosè kont Granmèt la, koté li té fè ouè jan-l sin nan yo-a.

Paròl Granmèt la.

PSÒM RÉPONS

Ps 94, 1-2. 6-7. 8-9 (R : 8 ab)

R Pito, jodi-a, nou kouté voua Granmèt la :
« Pa fèmin kè nou ».

- 1 Vini, an nou fété pou Granmèt la ;
an nou bat bravo pou Bondié ki sovè nou.
- 2 An nou proché dévan fas li avèk louanj
épi ak mizik an nou bat bravo pou li. R
- 6 Vini, an nou adoré, an nou plouayé kò nou,
an nou mét ajénou dévan Granmèt la ki fè nou,
paské li minm sé Bondié nou,
épi nou minm nou sé pèp nan pak li, mouton min-l ap kondui. R
- 8 Pito jodi-a sé voua-l nou kouté :
« Pa fèmin kè nou,
- 9 tankou nan Mériba, tankou jou Masa nan dézè-a,
lè papa nou yo té chèché pran-m nan pièj la :
yo té tanté-m, malgré yo té ouè travay mouin yo ». R

Ané 2**PRÉMIÉ LÉKTU**

*M-ap pasé yon nouvo aliens,
mouin pap sonjé péché-a ankò.*

Léktu liv profèt Jérémi**31, 31-34**

« Min jou k-ap rivé, sé sa Granmèt la di, m-ap pasé yon aliens nouvo avèk kay Israèl la, avèk kay Juda-a ; sé pa tankou aliens la mouin té pasé avèk papa yo-a, jou mouin té pran min yo-a, pou-m kondui yo sot nan péyi Éjip la, aliens sa-a, sé yo minm ki té kasé-l, mouin minm mouin té fè yo santi pouvoua-m, sé sa Granmèt la di.

M-ap mété laloua-m nan zantray yo, m-ap ékri-l nan kè yo, m-ap Bondié yo, y-ap pèp mouin, pèsonn pap anségné prochin-l ak frè-l ankò, antan l-ap di : “Sé pou-ou konnin Granmèt la” ; sèké tout moun ap konnin-m, dépi pi piti nan yo jous nan pi gran-an, sé sa Granmèt la di ; paské m-ap padonnin fèt yo, mouin pap sonjé péché yo ankò ».

Paròl Granmèt la.

PSÒM RÉPONS**Ps 50, 12-13. 14-15. 18-19 (R: 12 a)**

- R: Kréyé yon kè nèt nan mouin, Bondié.
- ¹² Kréyé yon kè pròp nan mouin, Bondié,
réfè yon éspri fèm nan zantray mouin yo.
- ¹³ Pa jété-m louin fas-ou,
éspri sin-ou nan, pa ouété-l sot nan mouin. R:
- ¹⁴ Rinmèt mouin kè kontan sové ou sové nou-an,
asiré-m ak éspri ki pi vif la.
- ¹⁵ M-ap aprann péchè yo chémin-ou yo,
méchan yo ap tounin vi-n jouinn ou. R:
- ¹⁸ Sèké ou pap pran plézi nan sakrifis,
sakrifis antié, si-m ofri-l, li pap fè-ou plézi.
- ¹⁹ Sakrifis pou Bondié, sé yon éspri krazé,
yon kè ki krazé, ki rabésé, Bondié pa méprizé-l. R:

ALÉLOUYA**Mt 16, 18**

R: Alélouya. Ou sé Piè ; sou ròch sa-a m-ap bati Égliz mouin-an,
pòt lanfè yo pap ranpòté viktoua sou li. R: Alélouya.

ÉVANJIL

Ou sé Piè, m-ap ba-ou klé ringn sièl yo.

✠ Léktu sint Évanjil la dapré Matié

16, 13-23

Lè sa-a :

Jézu rivé nan réjion Sézaré Filip la, li pozé disip li yo késion, li di : « Kisa moun yo di sou Pitit moun nan ? »

Yo di : « Yon pòsion sé Jan-Batis, yon lòt sé Éli, yon lòt minm sé Jérési oubyin youn nan profèt yo ».

Jézu di yo : « Kanta nou minm, kisa nou di mouin yé ? »

Simon Piè pran laparòl, li di : « Ou sé Kris la, Pitit Bondié ki vivan-an ».

Jézu minm pran laparòl, li di-l : « Ala kontantman pou ou, Simon, pitit Jan, paské sé pa chè-a ak san-an ki révéle-ou sa, min sé Papa-m ki nan sièl la. Mouin minm mouin di-ou : ou sé Piè, épi sou ròch sa-a m-ap bati Égliz mouin-an, pòt lanfè yo pap ranpòté viktoua kont li. M-ap ba-ou klé péyi roua sièl yo ; tou sa ou-ap maré sou tè-a, l-ap maré nan sièl yo, tou sa ou-ap lagé sou tè-a, l-ap lagé nan sièl yo tou ».

Lè sa atò, li pasé disip li yo lòd, pou yo pa di pèsonn li sé Jézu-Kri.

Apati lè sa-a, Jézu kòmansé montré disip li yo li té gin pou-l al Jérusalèm, pou-l soufri anpil nan min ansyin yo ak skrib yo, ak chèf prèt yo, pou yo touyé-l épi pou-l résisité sou touazièm jou-a.

Piè minm pran-l, li kòmansé fè-l répròch, li di : « Ouété sa nan lidé-ou, Granmèt, sa pap rivé-ou ».

Li minm li viré, li di Piè : « Al dèyè-m, satan, ou sé yon skandal pou mouin : paské ou pa gouté sa-k sot nan Bondié min sa-k sot nan moun ».

Paròl Granmèt la.

Vandrédi

Ané 1

PRÉMIÉ LÉKTU

Li rinmin papa ou yo, li chouazi ras yo apré yo.

Léktu liv Détéronòm

4, 32-40

Moyiz palé ak pèp la, li di :

« Mandé jou lontan yo, ki té anvan-ou yo, dépi jou Bondié té kréyé moun nan sou tè-a, sot nan yon bout sièl la rivé jous nan lòt bout la, mandé yo si yon bagay konsa té janm fèt, oubyin si yo janm konnin yon bagay konsa, pou yon pèp tandé voua Bondié k-ap palé nan mitan difé, jan-ou tandé-a, épi ou rét vivan ; mandé yo si Bondié té fè yon ras soti nan pami nasion yo pou-l pran-l pou li, antan-l fè-l bay prèv li, antan-l fè mèvèy, prodij, batay, ak ponyèt li, ak min-l ki gin fòs, ak bra-l ki lonjé, ak vizion ki térib, dapré tou sa Granmèt Bondié nou fè pou nou nan Éjip la, sa-ou ouè ak jé ou ; mandé, pou-ou kapab konnin Granmèt la sé li minm ki Bondié, pa gin lòt si sé pa li.

Antan-l nan sièl la, li fè-ou tandé voua-l, pou-l ba-ou léson ; sou tè-a, li fè-ou ouè gran difé-l la ; ou tandé paròl li nan mitan difé-a paské li té rinmin papa-ou yo, li té chouazi ras yo apré yo. Li fè-ou soti nan Éjip, antan-l maché dévan-ou ak gran fòs li, pou-l détoui gran nasion yo ki pi fò pasé-ou yo, lè ou-ap antré-a ; pou-l fè-ou antré ; pou-l ba-ou péyi yo kom éritaj, jan-ou ouè jodi-a.

Sé pou-n aprann sa jodi-a, sé pou-ou réfléchi sou sa nan kè-ou, Sé Granmèt la li minm ki Bondié nan sièl la anlè-a ak sou tè-a anba-a, pa gin lòt. Kinbé lòd yo ak kòmandman yo, sa-m pasé-ou jodi-a, pou sa kapab bon pou ou ak pou pitit ou apré-ou, pou-ou rété anpil tan sou tè-a, sa Granmèt Bondié-ou la ap ba-ou-a ».

Paròl Granmèt la.

PSÒM RÉPONS

Ps 76, 12-13, 14-15. 16 é 21 (R: 12 a)

R: M-ap sonjé travay Granmèt yo.

¹² M-ap sonjé travay Granmèt yo.

m-ap sonjé mèvèy ou fè dépi nan kòmansman yo.

- 13 M-ap kalkilé sou tout travay ou yo,
m-ap réfléchi sou aksion éstraòdinè ou yo. **R:**
- 14 Bondié, chémin-ou nan sin :
kilès dié ki gran tankou Bondié nou-an ?
- 15 Ou sé Bondié ki fè mèvèy,
ou fè konnin pouvoua-ou nan pèp yo. **R:**
- 16 Ou rachté pèp ou-a ak fòs bra-ou,
pitit Jakòb ak Jozèf yo.
- 21 Ou kondui pèp ou-a tankou mouton,
nan min Moyiz avèk Aaron. **R:**

Ané 2

PRÉMIÉ LÉKTU

Ala malè pou vil san yo !

Léktu liv profèt Naoum

2, 1. 3 ; 3, 1-3. 6-7

Min, sou mòn yo, pié sa-a k-ap bay bòn nouvèl la, k-ap anonsé lapè-a. Juda, fété fèt ou yo, réalizé promès ou yo ; paské Béliyal pap rékòmansé pasé nan ou ankò ; li fi-n détoui nèt.

Sèké Granmèt la fè grandè Jakòb la tankou grandè Israèl la rétounin, paské asasin yo té piyé yo, yo té krazé jadin rézin yo.

Ala malè, vil san, li plin manti, li plin vòlè : ou pa sispann vòlè. Boui fouèt, boui rou k-ap fè vitès, ak choual k-ap galopé, ak chario k-ap roulé vit, ak kavalié k-ap monté alaso ; zèklè épé, pik k-ap fè étinsèl, anpil moun ki blésé, anpil moun ki mouri ; gin kadav toupatou, moun bité sou kò mò yo.

M-ap jété zidòl ou yo sou ou, m-ap avili-ou, m-ap fè ou sèvi égzanp. Tout moun k-ap ouè-ou, l-ap ralé kò-l sot sou-ou, l-ap di : « Niniv détoui ». Kilès k-ap souké tèt sou ou ? Koté pou-m chèché moun pou konsolé-ou ?

Paròl Granmèt la.

PSÒM RÉPONS

Dét 32, 35 cd-36 ab. 39 abcd. 41 (R: 39 c)

R: Sé mouin minm k-ap touyé, sé mouin minm k-ap fè viv.

- 35 Li tou pré, jou pèdision-an,
tan yo ap proche pou tann yo.
- 36 Granmèt la ap jijé pèp li-a,
l-ap pran pitié pou sèvitè-l yo. **R:**
- 39 Gadé kijan mouin pou kont mouin,
pa gin lòt dié si sé pa mouin :
Sé mouin minm k-ap touyé, sé mouin minm k-ap fè viv,
m-ap frapé, m-ap géri. **R:**
- 41 Lè m-ap filé épé-m tankou zèklè-a,
lè min-m sézi jijman-an,
m-ap tiré vanjans sou ènmi-m yo,
m-ap réglé sa yo ki rayi-m nan. **R:**

ALÉLOUYA**Mt 5, 10**

R: Alélouya. Ala kontantman pou sa yo k-ap sibi pèsékision pou jistis la,
paské péyi roua sièl yo sé pou yo li yé. **R:** Alélouya.

ÉVANJIL*Kisa yon moun kapab bay pou péyé lavi-l ?***✠ Léktu sint Évanjil la dapré Matié****16, 24-28**

Lè sa-a : Jézu di disip li yo :

« Si yon moun vlé vi-n apré-m, sé pou-l rénonse pròp tèt li, pou-l pran koua-l, pou-l suiv mouin. Moun ki vlé sové lavi-l, l-ap pèdi-l ; moun k-ap pèdi lavi-l poutèt mouin, l-ap jouinn li. Sa sa ap sèvi yon moun si-l posédé tout tè-a, min li péyé sa ak lavi-l ? Oubyin ki sa yon moun kapab bay pou-l péyé lavi-l ?

Pitit moun nan gin pou-l vini nan gloua Papa-l avèk Anj li yo, lè sa-a l-ap rimmèt chak moun dapré travay li. Amèn mouin di nou, gin moun ki kanpé isit la, ki pap gouté lanmò, jous yo ouè Pitit moun nan k-ap vini nan péyi roua li-a ».

Paròl Granmèt la.

Samdi

Ané 1

PRÉMIÉ LÉKTU

Sé pou-ou rinmin Granmèt ou-a ak tout kè-ou.

Léktu liv Détéronòm

6, 4-13

Moyiz palé ak pèp la, li di :

« Kouté, Israël : Granmèt Bondié nou-an sé yon sèl Granmèt la. Sé pou-ou rinmin Granmèt Bondié-ou la ak tout kè-ou, ak tout nanm ou, ak tout fòs ou.

Paròl sa yo m-ap di-ou jodi-a, sé pou yo rét nan kè-ou, sé pou-ou rakonté yo bay pitit ou yo, sé pou-ou kalkilé sou yo, antan-ou chita lakay ou, antan ou-ap maché sou rout la, antan-ou kouché, antan-ou lévé ; sé pou-ou maré yo tankou yon sign nan min-ou, sé pou-ou mété yo sou fron-ou, pou yo souké dévan jé-ou, sé pou-ou ékri yo sou papòt ou ak nan fénèt lakay-ou.

Lè Granmèt Bondié-ou la ap fè ou antré nan tè-a, sa-l té fè sèman bay papa-ou yo, Abraam, Izaak ak Jakòb, lè l-ap ba-ou bèl gran vil ou pa-t bati ; kay ki plin tout kalité richès, sa-ou pa-t bati ; pui ou pa-t fouyé, jadin rézin ak pié oliv ou pa-t planté ; lè ou-a manjé, épi vant ou ap plin ; fè atansion anpil pou-ou pa bliyé Granmèt la, ki té fè ou soti nan péyi Éjip la, nan kay ésklavaj la.

Sé pou-ou krinn Granmèt Bondié-ou la, sé li minm sèl pou-ou sèvi, sé sou non-l pou-ou fè sèman ».

Paròl Granmèt la.

PSÒM RÉPONS

Ps 17, 2-3 a. 3 bc-4. 47 é 51 ab (R : 2)

R: Mouin rinmin-ou, Granmèt, ou minm ki fòs mouin.

² Mouin rinmin-ou Granmèt, ou minm ki fòs mouin.

³ Granmèt, fondasion-m ak kachèt mouin,
ou minm libératè mouin. R:

Bondié mouin, sékou-m, sé nan li m-ap éspéré,
protéksion-m, kòn k-ap sové mouin, li minm k-ap soutni-m.

⁴ M-ap fè louanj Granmèt la,
m-ap sové anba min ènmi-m yo. R:

- ⁴⁷ Viv Granmèt la, konpliman pou sa-a k-ap poté-m sékou-a,
louanj pou Bondié sovè mouin-an,
⁵¹ li fè roua-l la ranpòtè gran viktoua,
li fè mizèrikòd pou Kris li-a. **R:**

Ané 2

PRÉMIÉ LÉKTU

Moun ki kòrèk la sé nan lafoua-l l-ap viv.

Léktu liv profèt Abakuk

1, 12-2, 4

Apa sé ou minm ki la dépi nan kòmansman, Granmèt Bondié-m, Sin mouin-an, épi nou pap mouri ? Granmèt, ou mété pèp Kaldéyin yo pou jijman-an, ou instalé-l pou-l fò, pou-ou kap détoui. Jé-ou pròp, pou-ou pa ouè mal la ; ou pa kapab gadé fòt la. Pouki sa ou-ap gadé sa yo k-ap fè sa-k mal la, épi ou pé bouch ou, lè méchan-an ap dévoré sa-a ki pi kòrèk pasé-l la ?

Ou fè moun yo tankou pouason lanmè, ak tankou bèt k-ap glisé atè, ki pa gin mèt. Pèp Kaldéyin-an soulvé yo tout nan zin-l, li trinnin yo nan sinn li, li ranmasé yo nan filè-l ; li kontan, li dansé pou sa. Sé pou sa, li ofri sakrifis bay sinn li-a, li ofri sakrifis bay filè-l la, paské sé yo minm ki fè-l jouinn pòsion gra-l la, ak bon manjé-l. Sé pou sa li vidé sinn li, épi tout tan li pa sispann touyé nasion yo.

M-ap rété anlè pòs santinèl mouin, m-ap rété kanpé anlè sitadèl la ; m-ap gadé pou-m ouè sa l-ap di-m épi ki sa m-ap réponn pou-m pran défans mouin.

Granmèt la réponn mouin, li di : « Ékri vizion-an, gravé-l klè sou galèt ròch, pou moun k-ap li-l la kapab li-l fasil ; paské vizion-an tou pré, l-ap parèt alafin, li pap bay manti ; si-l fè réta, tann li, paské l-ap rivé sètènman, li pap mizé. Min li, sa-a ki pa kouè-a, nanm li pap douat nan li ; min moun ki kòrèk la, l-ap viv nan lafoua ».

Paròl Granmèt la.

PSÒM RÉPONS

Ps 9, 8-9. 10-11. 12-13 (**R:** : 11 b)

R: Ou pa lagé moun k-ap chèché-ou yo, Granmèt.

- 8 Granmèt la minm ap instalé pou tout tan,
li paré tro-n li pou jijman-an,
9 sé li minm k-ap jijé fas tè-a nan jistis ;
l-ap jijé pèp yo ak balans ki byin réglé. **R:**
- 10 Granmèt la ap sèvi kachèt pou moun y-ap maltrété-a,
kachèt nan tan yo bézouin-l nan, nan tribilasion-an.
11 Y-ap espéré sou ou, sa yo ki konnin non-ou yo,
paské ou pap lagé sa yo k-ap chèche-ou la, Granmèt. **R:**
- 12 Chanté pou Granmèt la, ki abité nan Siyon-an,
anonsé aktivité li yo nan pami nasion yo.
13 Sèké li minm k-ap mandé kont pou san-an, li sonjé yo,
li pa bliyé rèl pòv yo. **R:**

ALÉLOUYA

Cf. 2 Tim 1, 10

R: Alélouya. Sovè nou Jézu-Kri té détoui lanmò-a,
épi li té kléré lavi-a pa lintèmédiè Bòn Nouvèl la. **R:** Alélouya.

ÉVANJIL

Si nou gin lafoua, anyin pap inposib pou nou.

✠ Léktu sint Évanjil la dapré Matié

17, 14-20

Lè sa-a :

Yon mésié té proché kot Jézu, li lagé kò-l atè dévan-l antan-l di :
« Granmèt, pran pitié pou pitit mouin-an, paské li gin épilépsi, épi li
soufri anpil ; sèké anpil foua li té tonbé nan difé, épi souvan tou nan dlo.
Mouin té prezanté-l bay disip ou yo, épi yo pa-t kapab géri-l ».

Antan Jézu réponn, li té di : « Jénérasion ki san lafoua épi ki mové,
jouskilè m-ap rét avèk nou ? jouskilè m-ap sipòté nou ? Minnin-l isit la
ban mouin ». Jézu té ménasé-l, épi démon-an té soti nan li ; pitit la té géri
lè sa-a minm.

Lè sa-a atò disip yo té proché kot Jézu an sékrè, épi yo té di : « Pouki
sa nou minm nou pa-t kapab chasé-l ? »

Jézu té di yo : « Poutèt nou pa gin lafoua. Amèn mouin di nou, si nou
gin lafoua tankou yon grinn sènvé, n-ap di mòn sa-a : “Travèsé sot isit la
al laba-a”, épi l-ap travèsé ; anyin pap inposib pou nou ».

Paròl Granmèt la.

DIZNÉVIÈM SÉMÈN ÒDINÈ

Dimanch, ané A

PRÉMIÉ LÉKTU

Kanpé sou mòn nan dévan Granmèt la.

Léktu prémié liv Roua yo

19, 9 a. 11-13 a

Jou sa yo :

Lè Éli té rivé sou mòn Bondié-a, Orèb, li té rété nan gròt la. Paròl Granmèt la rivé koté-l, li di-l : « Sòti, épi kanpé nan mòn nan dévan Granmèt la ».

Min Granmèt la té vi-n ap pasé. Yon van ki gran épi ki fò, k-ap soulvé mòn yo, k-ap krazé ròch yo dévan Granmèt la ; Granmèt la pa-t nan van-an. Épi apré van-an, yon tranbléman-tè ; Granmèt la pa-t nan tranbléman-tè-a. Apré tranbléman-tè-a, yon difé ; Granmèt la pa-t nan difé-a. Apré difé-a, yon ti souf tou dou, byin léjé k-ap siflé. Lè Éli té tandé-l, li té kouvri fas li ak manto-l, épi antan-l soti, li té kanpé nan papòt gròt la.

Paròl Granmèt la.

PSÒM RÉPONS

Ps 84, 9 ab-10. 11-12. 13-14 (R : 8)

- R : Fè nou ouè, Granmèt, mizérikòd ou-a ;
épi sové ou sové nou-an, ba nou li.
- ⁹ M-ap kouté sa Granmèt Bondié ap di,
sé lapè l-ap palé pou pèp li-a ak sin-l yo.
- ¹⁰ Vrèman li tou pré moun ki krinn li yo, sové li sové nou-an,
pou gloua-a abité sou tè nou-an. R :
- ¹¹ Mizérikòd ak vérité rankontré,
jistis ak lapè anbrasé.
- ¹² Vérité-a lévé sot sou tè-a,
jistis la panché sot nan sièl la. R :
- ¹³ Réyèlman, Granmèt la ap bay byinvéyans,
épi tè nou-an ap bay foui-l.
- ¹⁴ Jistis ap maché dévan-l,
épi l-ap pozé plant pié-l sou rout la. R :

DÉZIÈM LÉKTU

Mouin té souété pou-m té madichonnin pou frè-m yo.

Léktu lèt apot sin Pòl pou Romin yo

9, 1-5

Frè-m yo :

Sé vérité mouin di nan Kris la, mouin pa fè manti, konsians mouin rann mouin témouagnaj nan Éspri Sin-an ; sèké chagrin-m gran, doulè ap pèsisté nan kò-m.

Mouin té souété pou-m madichonnin sot nan Kris la poutèt frè-m yo, yo minm ki nan ras mouin dapré chè-a ; yo minm ki Israélit, yo minm ki pitit adoptif, ki gin gloua-a, téstaman-an, laloua-a, désizion yo, ak promès yo : yo minm ki gin papa yo, épi sé nan yo minm Kris la soti dapré chè-a, li minm ki anlè tout bagay, li minm ki Bondié ki béni pou tout tan. Amèn.

Paròl Granmèt la.

ALÉLOUYA

Ps 129, 5

✠ Alélouya. Mouin espéré nan Granmèt la,
mouin espéré nan paròl li. ✠ Alélouya.

ÉVANJIL

Pasé-m lòd pou-m vi-n jouinn ou sou dlo yo.

✠ **Léktu sint Évanjil la dapré Matié**

14, 22-33

Lè foul la fi-n manjé kont li, minm lè-a Jézu fòsé disip yo pou yo monté nan batiman-an, pou yo pran dévan-l lòt bò lanmè, joutan li fi-n ranvouayé foul yo. Lè-l fi-n ranvouayé foul la, li monté sou mòn nan pou-l priyé pou kont li. Lè asouè rivé, li té pou kont li la-a.

Batiman-an minm té nan mitan lanmè, lanm yo t-ap souké-l ; sèké van yo t-ap vi-n nan sans kontrè. Vè touazè dimatin, li rivé koté yo, antan l-ap maché sou lanmè-a. Lè yo ouè-l ap maché sou lanmè-a, yo troublé, yo di : « Sé yon mové zè », yo tèlman pè, yo rélé.

Minm lè-a Jézu palé avèk yo, li di : « Gin konfians : sé mouin minm, pa pè ».

Piè minm pran laparòl, li di : « Granmèt, si sé ou, pasé-m lòd pou-m vi-n jouinn ou sou dlo yo ».

Li di-l : « Vini ».

Piè désann sot nan batiman-an, li maché sou dlo-a, pou-l al jouinn Jézu. Min lè-l ouè kijan van-an fò, li pè ; li kòmansé fonsé, li rélé, li di : « Granmèt, sové-m ».

Minm lè-a Jézu lonjé min-l, li kinbé-l, li di-l : « Lafoua-ou piti, pouki sa ou fè dout ? » Lè yo monté nan batiman-an, van-an sispann.

Moun yo ki té nan batiman-an, yo proché, yo adoré-l, yo di : « Réyèlman, ou sé Pitit Bondié ».

Paròl Granmèt la.

Dimanch, ané B

PRÉMIÉ LÉKTU

*Li maché ak fòs manjé sa-a
jous nan mòn Bondié-a.*

Léktu prémié liv Roua yo

19, 4-8

Jou sa yo :

Éli maché nan dézè-a pandan yon jou. Li rivé anba yon ti pié jénèv, li chita, li mandé lanmò, li di : « Sa kont mouin, Granmèt ! Ou mèt pran lavi-m ; sèké mouin pa miyò pasé papa mouin yo ». Li lagé kò-l atè, li dòmni anba pié jénèv la.

Gin yon Anj Granmèt la ki touché-l, li di-l : « Lévé, manjé ». Li gadé, li ouè yon pin ki té kuit nan sann ki pozé bò tèt li ak yon véso dlo ; li manjé, li bouè, épi li dòmni ankò.

Anj Granmèt la rétownin koté-l yon dézièm foua, li touché-l, li di-l : « Lévé, manjé, gin yon gran rout ki rété-ou ankò ». Li lévé, li manjé, li bouè, li maché ak fòs manjé sa-a pandan karant jou ak karant nuit, jours nan mòn Bondié-a, Orèb.

Paròl Granmèt la.

PSÒM RÉPONS

Ps 33. 2-3. 4-5. 6-7. 8-9 (R: 9 a)

- R: Gouté, n-a ouè kijan Granmèt la bon.
- 2 M-ap fè louanj Granmèt la nan tout okazion,
tout tan louanj li nan bouch-mouin.
- 3 Nan Granmèt la nanm mouin ap jouinn gloua li,
sé pou pòv yo kouté, pou yo kontan. R:
- 4 Fè louanj Granmèt la avèk mouin,
sé pou nou lévé non-l ansanm.
- 5 Mouin chèché Granmèt la, li kouté-m,
anba tout sa-k fè-m pè, li délivré-m. R:
- 6 Gadé-l, pou nou kléré,
figu nou pap sòti ront.
- 7 Pòv sa-a rélé, Granmèt la kouté-l,
anba tout tribilasyon li li sové-l. R:
- 8 Anj Granmèt la ap monté lagad alantou moun ki krinn li yo,
l-ap délivré yo,
- 9 Gouté, n-a ouè jan Granmèt la bon ;
ala kontantman pou moun ki espéré nan li. R:

DÉZIÈM LÉKTU

*Maché nan rinmin-an, tankou Kris la.***Léktu lèt apot sin Pòl pou Éfézyin yo**

4, 30-5, 2

Frè-m yo :

Pa kontrarié Éspri Sin Bondié-a, sé nan li yo té maké nou pou jou rédanmsion-an.

Tout mové jan, kòlè, kontrariété, rèl, madichon, ouété sa sot koté nou ak tout méchansté. Okontrè sé pou nou bon youn pou lòt, pou nou gin mizérikòd, pou youn padonnin lòt, tankou Bondié té padonnin nou nan Kris la.

Konsa sé pou nou pran modèl sou Bondié, tankou pitit li rinmin anpil ; Maché nan rinmin-an, tankou Kris la té rinmin nou, li té rinnèt tèt li pou nou kòm sakrifis ki santi bon lodè pou Bondié.

Paròl Granmèt la.

ALÉLOUYA

Jan 6, 51

℞ Alélouya. Mouin sé pin vivan-an, ki désan sot nan sièl la,
sé sa Granmèt la di ;
si yon moun manjé nan pin sa-a, l-ap viv pou tout tan. ℞ Alélouya.

ÉVANJIL

Mouin sé pin vivan-an, ki désann sot nan sièl la.

✠ Léktu sint Évanjil la dapré Jan

6, 41-51

Lè sa-a :

Juif yo t-ap plinyin osijè Jézu, paské li té di : « Mouin sé pin vivan-an, ki désann sot nan sièl la ». Yo t-ap di : « Èské sa-a sé pa Jézu, pitit Jozèf la, sa nou rékonèt papa-l ak manman-l nan ? Kijan sa-a kapab di : “Sé nan sièl mouin désann sòti-a ?” »

Jézu réponn, li di yo : « Pa plinyin antré nou. Pèsòn pa kapab vi-n jouinn mouin, si Papa-a, ki voyé-m nan, pa rédi-l ; épi mouin minm m-ap résisité-l nan dènié jou-a. Min sa ki ékri nan profèt yo : “Yo tout ap jouinn anségnman nan min Bondié”. Tout moun ki kouté sa Papa-a ap di, épi ki kité-l anségné li, l-ap vi-n jouinn mouin. Pèsòn pa janm ouè Papa-a, sof sa-a ki sot nan Bondié-a, sé li minm ki ouè Papa-a. Amèn, amèn mouin di nou, moun ki kouè nan mouin, li gin lavi tout tan-an.

Mouin sé pin lavi-a. Papa nou yo té manjé lama-n nan dézè-a, épi yo mouri. Sa-a sé pin ki désann sot nan sièl la, pou, si yon moun manjé ladan-l, li pa mouri.

Mouin sé pin vivan-an ki désann sot nan sièl la. Si yon moun manjé nan pin sa-a, l-ap viv tout tan, épi pin-an m-ap bay la, sé chè-m pou lavi tè-a ».

Paròl Granmèt la.

Dimanch, ané C

PRÉMIÉ LÉKTU

*Minm jan ou pini ènmi yo,
konsa ou fè nou jouinn grandè.*

Léktu liv Sajès la

18, 6-9

Nuit libérasion-an, papa nou yo té konnin-l déjà davans, pou yo té kapab konnin réyèlman nan ki sèman yo té kouè, pou yo té kapab pran kouraj. Pèp ou-a tann li, sovè moun ki kòrèk yo sovè-a, déstriksion méchan yo. Sèké minm jan ou té pini ènmi yo, konsa ou fè nou jouinn grandè.

Ti moun ki kòrèk yo, pitit bon moun yo, sé an kachèt yo t-ap ofri sakrifis, yo réglé laloua jistis la ansanm ; moun ki kòrèk yo t-ap résévoua minm jan ni byin ni mal, yo té déjà ap chanté kantik papa yo.

Paròl Granmèt la.

PSÒM RÉPONS

Ps 32, 1 é 12. 18-19. 20 é 22 (R: 12 b)

R: Ala kontantman pou pèp la Granmèt la chouazi
kòm éritaj li-a.

- ¹ Fété nan Granmèt la, nou minm ki kòrèk yo ;
louanj la alé ak moun ki douat yo.
- ¹² Ala kontantman pou nasion-an, ki gin Granmèt la pou Bondié-l la,
pèp la li chouazi kòm éritaj li-a. R
- ¹⁸ Min jé Granmèt la sou moun ki krinn li yo,
sou moun ki éspéré sou mizérikòd li,
- ¹⁹ pou-l délivré nanm yo sot nan lanmò,
pou-l ba yo manjé nan grangou. R
- ²⁰ Nanm nou ap konté sou Granmèt la,
paské sé sékou nou ak protéksion nou li yé.
- ²² Sé pou mizérikòd ou vi-n sou nou, Granmèt,
tankou nou té éspéré nan ou. R

DÉZIÈM LÉKTU

Li t-ap tann vil la, ki gin Bondié kòm injéniè-l ak mason-l.

Léktu lèt pou Ébré yo

11, 1-2. 8-19

Frè-m yo :

Lafoua-a sé garanti bagay n-ap éspéré yo, sé prèw bagay ki pa parèt yo. Sé nan li ansyin yo té jouinn témouagnaj.

Gras a lafoua, Abraam obéyi sa-a ki té rélé-l la pou-l pati nan yon koté li té gin pou-l résévoua kòm éritaj, li pati san-l pa konnin ki koté l-apralé. Gras a lafoua, li abité nan tè promès la tankou yon étranjé, li abité nan tant avèk Izaak ak Jakòb ki té éritié minm promès la. Sèkè li t-ap tann vil la ki gin fondasion yo, Bondié sé injéniè ak mason-l nan.

Gras a lafoua, Sara li minm tou résévoua pouvoua pou-l gin pitit nan vant, malgré laj granmoun li, paské li té kouè sa-a ki té promèt la li té fidèl ; sé poua nan yon sèl moun ki déja tou mouri sé tankou zétoual sièl la an kantité ki fèt, épi tankou sab ki sou bò lanmè, sa yo pa kapab konté.

Sé nan lafoua yo tout yo mouri, san yo pa résévoua rérealizasion promès la, min sé byin louin yo ouè-l, yo salié-l, yo té déklaré sé pèlrin ak étranjé yo té yé sou tè-a. Yo minm ki di sa-a, yo vlé di sé yon patri y-ap chèché. Si yo té rét ap sonjé patri sa-a koté yo soti-a, yo t-a gin tan tounin déja. Min o kontrè sé yon pi bon patri y-ap chèché, sé patri sièl la. Sé poua Bondié pa ront rélé pròp tèt li Bondié yo ; réyéman li paré yon vil pou yo.

Gras a lafoua, Abraam ofri Izaak, lè Bondié fè-l bay prèw li-a ; li ofri sèl pitit li-a, li minm ki té résévoua promès yo, li minm yo té di-l : « Sé pa lantrémiz Izaak y-ap rélé-ou yon ras » ; li té konsidéré Bondié gin pouvoua ata pou-l résisité moun sot nan pami mò yo, sé poua li tounin jouinn pitit la, é sa sé té yon parabòl.

Paròl Granmèt la.

oubyin pi kout

Léktu lèt pou Ébré yo

11, 1-2. 8-12

Frè-m yo :

Lafoua-a sé garanti bagay n-ap éspéré yo, sé prèw bagay ki pa parèt yo. Sé nan li ansyin yo té jouinn témouagnaj.

Gras a lafoua, Abraam obéyi sa-a ki té rélé-l la pou-l pati nan yon koté li té gin pou-l résévoua kòm éritaj, li pati san-l pa konnin ki koté l-apralé. Gras a lafoua, li abité nan tè promès la tankou yon étranjé, li abité nan tant avèk Izaak ak Jakòb ki té éritié minm promès la. Sèké li t-ap tann vil la ki gin fondasyon yo, Bondié sé injéniè ak mason-l nan.

Gras a lafoua, Sara li minm tou résévoua pouvoua pou-l gin pitit nan vant, malgré laj granmoun li, paské li té kouè sa-a ki té promèt li té fidèl ; sé pousa nan yon sèl moun ki déjà tou mouri sé tankou zétoual sièl la an kantité ki fèt, épi tankou sab ki sou bò lanmè, sa yo pa kapab konté.

Paròl Granmèt la.

ALÉLOUYA

Mt 24, 42 a. 44

℞ Alélouya. Véyé, rét paré,

paské nou pa konnin ki lè Pitit moun nan ap vini. ℞ Alélouya.

ÉVANJIL

Nou minm tou sé pou nou paré.

✠ **Léktu sint Évanjil la dapré Luk**

12, 32-48

Lè sa-a : Jézu di disip li yo :

« Pa pè, ti bann mouton, paské Papa-a kontan ba nou péyi roua-a.

Vann sa nou posédé, fè charité. Fè bous ki pap chiré, richès ki pap manké nan sièl la, koté vòlè pa proché, koté vè pa gaté. Sèké koté richès nou-an yé-a, sé la kè nou ap yé tou.

Sé pou rin nou maré, pou lanp nou limin nan min nou ; nou minm sé pou nou tankou moun k-ap tann mèt yo, lè-l vi-n sot nan nòs ; pou, kon-l rivé, li frapé, minm lè-a yo louvri ba li. Ala kontantman pou sèvitè sa yo, si lè mèt la rivé, li jouinn yo ap véyé ; amèn mouin di nou, l-ap maré rin-l, l-ap fè yo al sou tab l-ap pasé pou-l sèvi yo. Si-l rivé nan dézièm vèy la, épi si sé nan touazièm vèy la li rivé, épi li jouinn yo konsa, ala kontantman pou sèvitè sa yo.

Aprann sa, si pèd-famiy nan té konnin ki lè vòlè-a t-ap rivé, li t-ap véyé sètènman, li pa t-ap kité yo kasé kay li. Nou minm tou sé pou nou paré, paské sé lè nou pa pansé-a, Pitit moun nan ap vini ».

Piè minm di-l : « Granmèt, èské sé pou nou ou-ap di parabòl sa-a, oubyin si sé pou tout moun ? »

Granmèt la di : « Kilès jéran ki fidèl, ki gin ladrès, mèl li mété rèsponsab moun lakay li, pou-l ba yo pòsion manjé yo, lè tan-an rivé ? Ala kontantman pou sèvitè sa-a, si lè mèl la rivé, li jouinn li nan travay li. Réyèlman mouin di nou l-ap mété-l rèsponsab tou sa-l posédé. Min si sèvitè sa-a di nan kè-l : “Mèt mouin mizé pou-l rivé”, épi li kòmansé ap frapé sèvitè yo ak sèvant yo, ap manjé, ap bouè, ap vi-n sou, mèl sèvitè sa-a ap rivé jou li pa éspéré, ak lè li pa konnin, l-ap ouété-l, l-ap mét pòsion-l ansanm ak moun ki pa fidèl yo.

Sèvitè sa-a ki konnin volonté mèl li-a épi ki pa okipé sa, ki pa aji dapré volonté-l, l-ap rèsévoua anpil kou. Min sa-k pa-t konnin, épi ki fè aksion ki mérité kou, l-ap rèsévoua yon ti kras. Tout moun yo bay anpil, y-ap mandé yo anpil ; moun yo konfié anpil, y-ap mandé-l plis ».

Paròl Granmèt la.

oubyin pi kout

✠ Léktu sint Évanjil la dapré Luk

12, 35-40

Lè sa-a : Jézu di disip li yo :

« Sé pou rin nou maré, pou lanp nou limin nan min nou ; nou minm sé pou nou tankou moun k-ap tann mèl yo, lè-l vi-n sot nan nòs ; pou, kon-l rivé, li frapé, minm lè-a yo louvri ba li. Ala kontantman pou sèvitè sa yo, si lè mèl la rivé, li jouinn yo ap véyé ; amèn mouin di nou, l-ap maré rin-l, l-ap fè yo al sou tab l-ap pasé pou-l sèvi yo. Si-l rivé nan dézièm vèy la, épi si sé nan touazièm vèy la li rivé, épi li jouinn yo konsa, ala kontantman pou sèvitè sa yo.

Aprann sa, si pèd-famiy nan té konnin ki lè vòlè-a t-ap rivé, li t-ap véyé sètènman, li pa t-ap kité yo kasé kay li. Nou minm tou sé pou nou paré, paské sé lè nou pa pansé-a, Pitit moun nan ap vini ».

Paròl Granmèt la.

Lindi

Ané 1

PRÉMIÉ LÉKTU

*Koupé anvlop kè nou. Rinmin étranjé yo,
paské nou té étranjé tou.*

Léktu liv Détéronòm

10, 12-22

Moyiz palé ak pèp la, li di :

« Koulié-a, Israèl, ki sa Granmèt Bondié-ou la mandé-ou, si sé pa pou-ou krinn Granmèt Bondié-ou la, pou-ou maché nan chémin-l yo, pou rinmin-l ; pou-ou sèvi Granmèt Bondié-ou la ak tout kè-ou, ak tout nanm ou ; pou-ou kinbé kòmandman Granmèt yo ak désizion-l yo, sa mouin kòmandé-ou jodi-a, pou sa kapab bon pou ou ?

Min sièl la ak sièl ki anlè sièl la, sé pou Granmèt Bondié-ou la yo yé, ni tè-a ak tou sa-k nan li ; époutan sé ak papa-ou yo Granmèt la té fè zanmi, li rinmin yo, li chouazi désandans yo apré yo, sa vlé di nou minm minm, sot nan pami tout nasion, jan yo kapab konstaté sa jodi-a.

Konsa, sé pou nou koupé chè ki vlèpé kè nou-an, pa fè kou nou vi-n rèd ankò ; paské Granmèt Bondié nou-an, sé li minm ki Bondié dié yo, ak Granmèt mèt yo, Bondié ki gran, ki gin pouvoua, ki térib, ki pa konsidéré figi moun ni kado, ki fè jijman pou òfélin ak vèv, ki rinmin étranjé, ki ba-l manjé ak rad. Nou minm tou, sé pou nou rinmin étranjé yo, paské nou minm tou nou té étranjé nan péyi Éjip la.

Sé pou-ou krinn Granmèt Bondié-ou la, sé li minm sèl pou-ou sèvi, sé sou li pou-ou kolé kò-ou, sé o non-l pou-ou fè sèman. Sé li minm ki louanj ou ak Bondié-ou, li minm ki té fè mèvèy sa yo ak prodij sa yo pou ou, sé jé-ou ki ouè yo : sé ak souasann-dis moun papa-ou yo té désann nan Éjip ; koulié-a gadé, Granmèt Bondié-ou la fè-ou vi-n anpil, tankou zétoual sièl yo ».

Paròl Granmèt la.

PSÒM RÉPONS

Ps 147, 12-13. 14-15. 19-20 (R : 12 a)

R : Fè louanj Granmèt la, Jérusalèm.

oubyin : Alélouya.

¹² Fè louanj Granmèt la, Jérusalèm ;
fè louanj Bondié-ou, Siyon.

- 13 Paské li ranfòsé krochèt pòtay ou yo,
li béni pitit ou yo nan ou. **R:**
- 14 Li minm ki pozé limit ou yo nan lapè
li ba-ou kont blé ki gra.
- 15 Li minm ki voyé paròl li sou tè-a,
avèk vitès paròl li-a kouri. **R:**
- 19 Li minm ki anonsé paròl li bay Jakòb,
jistis li ak jijman-l bay Israèl.
- 20 Li pa fè konsa pou okinn nasion,
jijman-l yo, li pa fè yo konnin yo. **R:**

Ané 2

PRÉMIÉ LÉKTU

.Vizion sa-a, sé vizion pòtré gloua Granmèt la.

Léktu liv profèt Ézékièl

1, 2-5. 24-28 c

Sou sinkièm jou moua-a (sa vlé di sinkièm ané égzil roua Joaki-n) paròl Granmèt la rivé kòt prèt Ézékièl, pitit Bouzi, nan péyi Kaldéyin yo, bò gran riviè Kobar la. Sé la minm Granmèt la té sou mouin.

Mouin ouè : sé yon van tanpèt ki t-ap vi-n sot nan Nò, avèk gro nuaj, avèk difé k-ap fè lavironn, avèk klèté alantou-l ; nan mitan-l sé té tankou aparans zèklè, k-ap soti nan mitan difé-a ; nan mitan-l tou, sé té tankou potrè kat vivan, aparans yo sé té tankou pòtrè moun.

Mouin tandé boui zèl yo, tankou boui gran dlo yo, tankou boui Bondié ki anro nèt la : lè y-ap déplasé, sé té tankou boui foul, tankou boui lamé yo ; lè yo rét an plas, zèl yo sispann bat. Lè boui-a rivé anlè plafon-an ki té anlè tèt yo-a, yo rét an plas, zèl yo rét an répo.

Anlè plafon-an, ki té dirèk sou tèt yo-a, sé té tankou aparans piè yo rélé safir la, tankou pòtrè yon tro-n ; anlè aparans tro-n nan, sé tankou aparans yon moun ki chita sou li. Mouin ouè tankou aparans zèklè, tankou pòtrè difé, anndan-l, toutalantou, apati tay li an montan, épi apati tay li an désandan ; mouin ouè tankou aparans difé ki kléré toutalantou, tankou pòtrè ak-an-sièl ki nan nuaj, jou lapli ; sé té aparans gloua-a toutalantou.

Vizion sa-a, sé vizion pòtré gloua Granmèt la. Mouin ouè, épi mouin tonbé sou fas mouin.

Paròl Granmèt la.

PSÒM RÉPONS

Ps 148, 1-2. 11-12 ab. 12 c-14 a. 14 bcd

℞ Sièl la ak tè-a plin ak gloua-ou.

oubyin : Alélouya.

¹ Fè louanj Granmèt la dépi sot nan sièl yo,
fè louanj li nan anro sièl yo.

² Fè louanj li, tout Anj li yo,
fè louanj li, tout puisans li yo. ℞

¹¹ Roua yo sou tè-a ak tout pèp yo,
chèf yo ak tout jij tè yo,

¹² jè-n jan ak vièj yo,
granmoun yo ak ti moun yo. ℞

Sé pou yo fè louanj pou non Granmèt la.

¹³ paské sé non-l sèl ki anlè nèl.
Louanj li anlè sièl la ak tè-a. ℞

¹⁴ Li lévé kòn pèp li,
louanj pou nou, tout sin-l yo,
pou pitit Israël yo, pèp ki tou pré-l la. ℞

ALÉLOUYA

Cf. 2 Tés 2, 14

℞ Alélouya. Bondié rélé nou pa pouvoua Bòn Nouvèl la,
pou nou jouinn gloua Granmèt nou Jézu-Kri. ℞ Alélouya.

ÉVANJIL

*Y-ap touyé-l, épi l-ap résisité.
Pitit yo égzanté péyé taks.*

✠ Léktu sint Évanjil la dapré Matié

17, 22-27

Lè sa-a :

Pandan disip yo t-ap palé ak Jézu nan Galilé, li di yo : « Y-ap rinnèt Pitit moun nan nan min lézòm, y-ap touyé-l, min sou touazièm jou-a, l-ap résisité ». Yo té pran chagrin anpil.

Lè yo rivé Kafarnaòm, moun yo ki t-ap ranmasé dé goud yo, yo proche kot Piè, yo di-l : « Èské Mèt nou-an pap péyé dé goud yo ? » Li di : « Oui ».

Lè-l antré nan kay la, Jézu pran dévan-l, li di : « Sa ou di nan sa, Simon ? Roua yo sou tè-a, nan min ki moun yo résévoua taks oubyin inpo ? èské sé nan min pitit yo oubyin nan min étranjé yo ? » Li di : « Nan min étranjé yo ».

Jézu di-l : « Ébyin, pitit yo égzanté. Sèlman, pou nou pa skandalizé yo, al nan lanmè-a, voyé zin-an ; prémié pouason k-ap monté-a, pran-l louvri bouch li ; ou-ap jouinn yon statèr ; pran-l, ba yo pou mouin avèk pou ou ».

Paròl Granmèt la.

Madi

Ané 1

PRÉMIÉ LÉKTU

*Pran kouraj, Jozué, kinbé fèm ;
sé ou minm k-ap fè pèp la antré nan tè-a.*

Léktu liv Détéronòm

31, 1-8

Moyiz pati, li déklaré tout paròl sa yo bay tout pitit Israèl yo, li di yo :

« Mouin gin sanvintan jodi-a, mouin pa kapab antré-sòti ankò, sitou dépi Granmèt la di-m : “Ou pap travèsé Joudin sa-a”. Sé Granmèt Bondié-ou la k-ap travèsé dévan-ou ; sé li minm k-ap éfasé tout nasion sa yo dévan fas ou, ou-ap posédé yo ; Jozué minm ap travèsé dévan-ou, jan Granmèt la té di-a. Granmèt la ap aji avèk yo jan-l té fè pou Séon avèk Og, roua Amoréyin yo, avèk péyi roua yo-a, l-ap éfasé yo. Lè l-al rinnèt yo nan min nou, sé konsa pou nou aji avèk yo, jan-m té passé nou lòd la. Aji avèk kouraj, kinbé fèm ; pa pè, pa tranblé dévan fas yo, paské sé Granmèt Bondié-ou la k-ap kondui-ou, li pap lagé-ou, li pap abandoné-ou ».

Moyiz rélé Jozué, li di-l dévan tout Israèl : « Pran kouraj, kinbé fèm ; sé ou minm k-ap fè pèp sa-a antré nan péyi-a, sa Granmèt la té fè sèman li t-ap bay papa yo-a ; ou minm, ou-ap séparé-l dapré pòsion yo. Granmèt la k-ap kondui nou-an, l-ap avèk ou ; li pap lagé-ou, li pap abandoné-ou ; pa pè, pa sézi ».

Paròl Granmèt la.

PSÒM RÉPONS

Dét 32, 3-4 a. 7. 8. 9 é 12 (R: 9 a)

- R: Pòsion Granmèt la, sé pèp li-a.
- 3 M-ap rélé non Granmèt la ;
fè louanj pou Bondié nou-an.
- 4 Aksion Bondié yo kòrèk nèt. R:
- 7 Sonjé jou lontan yo,
réfléchi sou chak jénérasyon yo ;
pozé papa-ou késion, l-ap ba-ou nouvèl,
granmoun ou yo, y-a di-ou. R:
- 8 Lè Sa-a ki anro nèt la t-ap séparé nasion yo,
lè-l t-ap séparé pitit Adan yo,
li té instalé frontiè pèp yo
dapré kantité pitit Israèl yo. R:
- 9 Min pòsion Granmèt la, sé pèp li-a,
Jakòb sé kòd éritaj li.
- 12 Sé Granmèt la sèl ki té chèf li,
pa-t gin dié étranjé avèk li. R:

Ané 2

PRÉMIÉ LÉKTU

*Li fè-m manjé roulo liv sa-a,
li vi-n dous tankou siro mièl nan bouch mouin.*

Léktu liv profèt Ézékièl

2, 8-3, 4

Min paròl Granmèt la :

« Ou minm pitit moun, kouté tou sa m-ap di-ou, pa éksité-m, tankou kay sa-a k-ap éksité-m nan ; louvri bouch ou, manjé tou sa m-a ba-ou ». Mouin ouè, sé yon min ki lonjé sou mouin, nan min-an té gin yon liv ki roulé ; li lonjé-l dévan-m, liv la té ékri anndan ak déyò, anndan-l té ékri plint, kantik ak malè.

Li di-m : « Pitit moun, tou sa ou-ap jouinn, manjé-l ; manjé liv sa-a, al palé ak pitit Israèl yo ». Mouin louvri bouch mouin, li fè-m manjé roulo sa-a, li di-m : « Pitit moun, sé pou vant ou manjé, sé pou zantray ou plin

ak roulo sa-a mouin ba ou-a ». Mouin manjé-l, li vi-n dous tankou siro mièl nan bouch mouin.

Li di-m : « Pitit moun, al kot kay Israèl la, palé yo paròl mouin yo ».

Paròl Granmèt la.

PSÒM RÉPONS

Ps 118, 14. 24. 72. 103. 111. 131 (R: 103 a)

R: Ala dous paròl ou yo dous nan palèt mouin, Granmèt !

¹⁴ Nan rout témouagnaj ou yo mouin jouinn plézi-m,
tankou nan tout kalité richès. R:

²⁴ Sèké témouagnaj ou yo sé plézi-m,
désizion-ou yo sé konsèy mouin. R:

⁷² Laloua-ou la pi bon pou mouin
pasé kantité lò ak lajan. R:

¹⁰³ Ala dous paròl ou yo dous nan palèt mouin,
plis pasé siro mièl nan bouch mouin. R:

¹¹¹ Éritaj mouin sé témouagnaj ou yo pou tout tan,
paské sé kontantman kè-m yo yé. R:

¹³¹ Mouin louvri bouch mouin, mouin aspiré éspri-a,
paské mouin té anvri kòmandman-ou yo. R:

ALÉLOUYA

Mt 11, 29 ab

R: Alélouya. Pran jouk mouin-an sou nou, sé sa Granmèt la di,
pran léson nan min-m, paské mouin dou, mouin tou piti nan kè-m. R:
Alélouya.

ÉVANJIL

Atansion pou nou pa méprizé youn nan ti piti sa yo.

✠ Léktu sint Évanjil la dapré Matié

18, 1-5. 10. 12-14

Lè sa-a, disip yo proché kot Jézu, yo di : « Kilès ou koué ki pran nan péyi roua sièl yo ? » Jézu rélé yon ti moun piti, li mété-l kanpé nan mitan yo, li di :

« Amèn vérité, mouin di nou : si nou pa chanjé pou nou vi-n tounin tankou ti moun piti yo, nou pap antré nan péyi roua sièl yo. Tout moun k-ap fè tèt li piti tankou ti moun piti sa-a, sé li minm ki pi gran nan péyi

roua sièl yo. Moun ki résévoua yon ti piti konsa o non mouin, sé mouin minm li résévoua.

Atansion pou nou pa méprizé youn nan ti piti sa yo ; sèké mouin di nou : Anj pa yo-a nan sièl la toujou ap gadé fas Papa-m ki nan sièl la.

Sa nou di nan sa ? Si yon moun gin san mouton, épi youn nan yo pèdi rout, èské li pap kité katrévindiznèf lòt yo nan mòn, pou-l al chèché sa-k pèdi rout la ? Si-l rivé jouinn li, amèn mouin di nou, l-ap pi kontan poutèt li pasé pou katrévindiznèf yo ki pa-t pèdi rout yo. Sé konsa, sé pa volonté Papa nou ki nan sièl la, pou youn nan ti piti sa yo péri.

Paròl Granmèt la.

Mèkrédi

Ané 1

PRÉMIÉ LÉKTU

*Moyiz mouri la, sou lòd Granmèt la,
pa gin dòt profèt ki lèvé ankò tankou li minm.*

Léktu liv Détéronòm

34, 1-12

Jou sa yo :

Moyiz monté sot nan plinn Moab yo, l-al sou mòn Nébo-a, nan pouint tèt Fasga, an fas Jériko. Granmèt la montré-l tout péyi Galaad la jous Dan ak tout Néftali, ni péyi Éfrayim nan ak Manasé-a ak tout péyi Juda-a jous nan dènié lanmè-a, ak pati nan sid la ak grandè plinn Jériko-a, vil pié dat yo, jous rivé Ségòr. Granmèt la di-l : « Sé tè-a mouin té fè sèman bay Abraam, Izaak ak Jakòb, lè-m té di : “Sé ras ou m-ap bay li-a”. Gadé-l ak jé-ou, min ou pap antré ladan-l ».

Moyiz, sèvitè Granmèt la, mouri koté sa-a minm, nan tè Moab la, sou lòd Granmèt la ; li antéré-l nan tè fon Moab la, an fas Fogòr, pèsonn pa konnin kavo-l jous jodi-a. Moyiz té gin san-vin-tan lè-l mouri. Jé-l pa-t voualé, dan-l pa-t souké. Pitit Israèl yo kriyé pou li nan plinn Moab yo, pandan trant jou ; jou dèy rèl Moyiz yo fini.

Jozué minm, pitit Noun, té plin ak éspri sajès, paské Moyiz té pozé min sou li ; pitit Israèl yo obéyi-l, yo aji dapré sa Granmèt la té kòmandé Moyiz la.

Pa gin profèt ankò ki lévé nan Israèl tankou Moyiz, pou Bondié konnin-l fas a fas, pa gin lòt ki janm fè sign ak mèvèy sa yo Bondié té voyé-l al fè nan péyi Éjip dévan Faraon ak tout sèvitè-l yo ak tout péyi-l la ; pa gin lòt ki janm gin tout fòs min sa-a épi ki janm fè gran mèvèy sa yo Moyiz té fè dévan tout Israèl.

Paròl Grammèt la.

PSÒM RÉPONS

Ps 65, 1-3 a. 5 é 8. 16-17 (R: cf. 20 a é 9 a)

R: Konpliman pou Bondié, li minm ki sovè lavi-m.

- 1 Bat bravo pou Bondié, tout tè-a,
- 2 chanté gloua non-l, fè louanj li.
- 3 Di Bondié : « Ala térib travay ou yo térib ». R:
- 5 Vini, n-a ouè travay Bondié yo,
li térib nan aksion li fè pou pitit moun yo.
- 8 Fè konpliman pou Bondié nou, nasion yo,
fè tandé voua louanj li. R:
- 16 Vini, kouté, m-ap rakonté, nou tout ki krinn Bondié,
tou sa-l fè pou nanm mouin.
- 17 Sé koté-l mouin rélé ak bouch mouin,
mouin fè louanj li ak lang mouin. R:

Ané 2

PRÉMIÉ LÉKTU

Sign 'taou' la sou fron moun yo k-ap plinn sou bagay ki lèd nan Jérusalèm.

Léktu liv profèt Ézékièl

9, 1-7 ; 10, 18-22

Grammèt la rélé nan zòrèy mouin avèk yon gro voua, li di : « Yo proche, jou pou vizité vil la, sé pou chak moun kinbé zam pou détoui-a nan min-l ». Gin sèt mésié ki rivé sot nan diréksion pòt anro-a, ki bay sou Nò-a, yo chak té gin zam pou détoui-a nan min-l ; youn nan yo té nan mitan, li té abiyé ak soua, li té gin yon poban lank nan rin-l ; yo antré, yo kanpé bò pòt an fè-a.

Gloua Grammèt Israèl la monté sot sou Chérubin-an, gloua sa-a ki té sou li nan pa-pòt la ; li rélé mésié-a ki té abiyé avèk soua-a, ki té gin popan lank la nan rin-l nan. Grammèt la di-l : « Travèsé nan mitan vil la,

nan mitan Jérusalèm, maké sign ‘taou’ la sou fron moun yo k-ap plinn, k-ap kriyé sou tout bagay lèd ki fèt nan mitan Jérusalèm ». Mouin tandé-l di lòt yo : « Suiv li, frapé ; pa kité jé-ou ménajé, pa pran pitié : vié granmoun, jèn jan ak vièj, ti moun avèk madanm, touyé jous nou fi-n détoui yo nèt ; sèlman tout moun n-a ouè taou la sou li, pa touyé-l. Kòmansé nan tanp mouin-an ».

Konsa, yo kòmansé dépi sou granmoun yo ki té dévan fas kay la. Li di yo : « Sal kay la, plin tanp la avèk mò ; antré ». Yo antré, yo frapé moun yo ki té nan vil la.

Gloua Granmèt la soti nan papòt la, li kanpé sou Chérubin yo. Chérubin yo lévé, zèl yo lévé sot sou tè-a, dévan-m, pandan y-ap sòti, rou yo suiv tou ; li kanpé nan papòt kay Granmèt la ki bay nan dirèksion olévan, gloua Bondié Israèl la té sou yo. Sé té vivan-an, sa-m té ouè anba Bondié Israèl la, bò riviè Kobar la, mouin vi-n konprann sé Chérubin yo yo té yé. Yo chak té gin kat fas, yo chak té gin kat zèl, té gin yon aparans min moun anba zèl yo, aparans fas yo sé fas sa yo mouin té ouè bò riviè Kobar la, yo chak déplasé tou douat dévan fas yo.

Paròl Granmèt la.

PSÒM RÉPONS

Ps 112, 1-2. 3-4. 5-6 (R: 4 b)

R: Anlè sièl yo gloua Granmèt la.

oubyin : Alélouya.

- 1 Fè louanj, ti moun Granmèt la,
fè louanj pou non Granmèt la.
- 2 Sé pou non Granmèt la béni,
dépi koulié-a ak pou tout tan. R:
- 3 Dépi olévan jous okouchan,
non Granmèt la mérité louanj.
- 4 Granmèt la anlè nèt anro tout nasion yo,
anlè sièl yo gloua li. R:
- 5 Kilès ki tankou Granmèt Bondié nou-an
ki abité nan rotè yo,
- 6 ki voyé jé sou pòv yo
nan sièl la ak sou tè-a. R:

ALÉLOUYA

2 Kor 5, 19

℞ Alélouya. Sé Bondié ki t-ap rékonsilié tè-a avèk li nan Kris la, épi li mété paròl rékonsiliation-an nan nou. ℞ Alélouya.

ÉVANJIL

Si-l kouté-ou, ou-ap pran tèt frè-ou la.

✚ Léktu sint Évanjil la dapré Matié

18, 15-20

Lè sa-a : Jézu di disip li yo :

« Si frè-ou fè péché kont ou, alé pran-l apa, korijé-l. Si-l kouté-ou, ou-ap konvèti frè-ou la ; min si-l pa kouté-ou, pran youn oubyin dé avèk ou ankò, pou tout paròl kapab fiské nan bouch dé oubyin toua témouin. Si-l pa kouté yo, di Égliz la sa ; si-l pa kouté Égliz la, sé pou-l tankou payin ak piblikin pou ou.

Amèn mouin di nou, tou sa n-ap maré sou tè-a, l-ap maré nan sièl la tou ; tou sa n-ap lagé sou tè-a, l-ap lagé nan sièl la tou.

Mouin di nou ankò, si dé nan nou mété yo dakò sou tè-a, pou yo mandé ninpòt ki bagay, y-ap jouinn li nan min Papa-m ki nan sièl yo. Sèké koté gin dé oubyin toua moun ki rasanblé o non-m, mouin la nan mitan yo ».

Paròl Granmèt la.

Jédi

Ané 1

PRÉMIÉ LÉKTU

Arch aliens Granmèt la ap pasé dévan nou, pou-l travèsé Joudin-an.

Léktu liv Jozué

3, 7-10a. 11. 13-17

Jou sa yo :

Granmèt la di Jozué : « Jodi-a m-ap kòmansé lévé-ou dévan tout Israèl pou yo konnin, minm jan mouin té avèk Moyiz la, sé konsa m-ap avèk ou tou.

Ou minm pasé prèt yo lòd, yo minm k-ap poté arch aliens la, di yo : “Lè n-a antré nan dlo Joudin-an, rété ladan-l” ».

Jozué di pitit Israèl yo : « Proché isit la, kouté paròl Granmèt Bondié nou-an ». Épi tou, li di : « Min kijan n-ap konnin Granmèt Bondié ki vivan-an nan mitan nou, l-ap gayé Kananéyin yo dévan fas nou. Min arch aliens Granmèt tout tè-a ap pasé dévan nou nan Joudin-an. Prèt yo k-ap poté arch Granmèt Bondié tout tè-a, lè y-ap pozé plant pié yo nan dlo Joudin-an, dlo yo ki anba yo, y-ap kontinué koulé, sa k-ap vini anro yo minm, y-ap kanpé nan yon sèl blòk ».

Konsa pèp la soti nan tant li yo, pou-l travèsé Joudin-an ; prèt yo ki t-ap poté arch aliens la, yo t-ap pasé dévan-l. Lè yo antré nan Joudin-an, lè pié yo touché dlo-a (pandan sèzon rékòlt la, riviè Joudin-an plin jous arèbò li yo), dlo yo ki t-ap désann nan, yo kanpé yon sèl koté, tankou yon gro mòn yo parèt byin louin dépi vil yo rélé Adom nan, jous koté yo rélé Sartan-an ; dlo yo minm ki té anba-a, yo désann nan lanmè dézè-a (sa yo rélé lanmè Mòt la koulié-a), joutan yo fi-n koulé nèt. Pèp la minm t-ap travèsé an fas Jériko, prèt yo ki t-ap poté arch aliens Granmèt la, yo té kanpé sou tè sèk la, nan mitan Joudin-an, san yo pa déplase, épi tout pèp la t-ap pasé nan fon riviè-a ki sèk la.

Paròl Granèt la.

PSÒM RÉPONS

Ps 113 A, 1-2. 3-4. 5-6

℞ Alélouya.

- 1 Lè Israèl t-ap kité Éjip la,
kay Jakòb la t-ap sot nan pèp étranjé-a,
- 2 Juda vi-n tounin tanp li,
Israèl vi-n tounin propriété-l. ℞
- 3 Lanmè-a ouè sa, li sovè,
Joudin-an tounin dèyè,
- 4 mòn yo vòltijé tankou kabrit,
ti rotè yo tankou pitit mouton. ℞
- 5 Sa-ou ginyin, lanmè, pou-ou ap sovè-a ?
Épi ou minm, Joudin, pou-ou ap tounin dèyè-a ?
- 6 Mòn yo, pouki sa n-ap vòltijé tankou ti kabrit la,
ti rotè yo, tankou pitit mouton-an ? ℞

Ané 2**PRÉMIÉ LÉKTU**

*Ou-ap travèsé dévan yo, gro lajounin,
tankou moun k-ap pati an-égzil.*

Léktu liv profèt Ézékièl**12, 1-12**

Paròl Granmèt la rivé koté-m, li di :

« Pitit moun, sé nan mitan yon kay rébèl ou abité, moun ki gin jé pou yo ouè, min ki pa ouè, ki gin zòrèy pou yo tandé, min ki pa tandé, paské sé kay rébèl li yé.

Ou minm, pitit moun, fè pakèt ou tankou si ou-ap pati an-égzil, épi pati gro lajounin dévan yo ; ou-a pati sot koté-ou yé-a, al yon lòt koté dévan yo, pétèt y-a ouè sé kay rébèl yo yé ; ou-a poté pakèt ou tankou pakèt moun ki égzilé, gro lajounin, dévan yo ; ou minm ou-a soti nan asouè dévan yo, tankou moun k-ap kité péyi-a konn soti.

Dévan jé yo, fouyé miray la, soti ladan-l ; dévan jé yo, ou-a poté sak ou sou zépòl ou, nan fè-noua ou-a poté-l, ou-a voualé fas ou pou-ou pa ouè péyi-a, paské mouin fè-ou sèvi yon sign pou kay Israèl la ».

Konsa mouin fè jan Granmèt la té pasé-m lòd la. mouin poté pakèt mouin tankou pakèt moun k-ap pati an-égzil gro lajounin, épi nan asouè mouin fouyé yon trou ak min-m nan miray la, mouin sòti nan fènoua, mouin poté sak mouin sou zépòl mouin dévan yo.

Paròl Granmèt la rivé koté-m granmatin, li di-m : « Pitit moun, pouki sa kay Israèl la, kay rébèl la, pa di-ou : “Ki sa ou-ap fè-a ?” Di yo : “Min paròl Granmèt Bondié-a : sé sou chèf yo ki Jérusalèm nan chaj sa-a pozé, ak sou tout kay Israèl la ki nan mitan yo-a”. Di konsa : “Mouin sé sign nou” : jan-m fè-a, sé konsa y-ap fè yo ; y-ap pati an-égzil, kòm ésklav, chèf la ki nan mitan yo-a, l-ap poté sak li sou zépòl li, l-ap soti nan fènoua, y-ap fouyé trou nan miray la pou yo fè-l sòti ; fas li ap kouvri, pou-l pa ouè péyi-a ak jé-l ».

Paròl Granmèt la.

PSÒM RÉPONS**Ps 77, 56-57. 58-59. 61-62 (R : cf. 7 c)**

R : Pa bliyé aksion Bondié yo !

- 56 Yo tanté Bondié ki anro nèt la, yo éksité-l,
yo pa kinbé témouagnaj li yo.
- 57 Yo viré do ba li, yo fè rébèl, tankou papa yo,
yo viré an-ariè tankou yon mové zam pou tiré flèch. **R**
- 58 Yo éksité-l sou ti roté yo ;
yo fè-l fè jalouzi avèk zidòl yo.
- 59 Bondié tandé, li faché,
li méprizé Israèl byin méprizé. **R**
- 61 Li rinmèt puisans li kòm prizonié,
épi sa-l ginyin ki bèl la nan min ènmi-an.
- 62 Li fèmin pèp li-a nan épé,
li fè kòlè kont éritaj li-a. **R**

ALÉLOUYA

Ps 118, 135

R Alélouya. Fè fas ou kléré sou sèvitè-ou, Granmèt,
épi aprann mouin désizion-ou yo. **R** Alélouya.

ÉVANJIL

*Mouin pa di-ou pou-ou rinmèt jouska sèt foua,
min jouska souasanndis foua sèt foua.*

✠ Léktu sint Évanjil la dapré Matié

18, 21-19, 1

Lè sa-a :

Piè proché kot Jézu, li di : « Granmèt, konbyin foua, si frè-m fè péché kont mouin, pou-m padonnin-l ? èské sé sèt foua ? »

Jézu di-l : « Mouin pa di-ou jouska sèt foua, min jouska souasanndis foua sèt foua.

Sé poua péyi roua sièl yo sanblé ak yon roua, ki té vlé fè règléman avèk sèvitè-l yo. Lè-l kòmansé fè règléman, yo minnin youn ba li ki té doué di-mil talan. Kòm li pa-t gin posibilite pou-l rinmèt, mèt li pasé lòd pou yo vann li, ansanm ak madanm li, ak pitit li yo, ak tou sa-l té ginyin, pou-l kapab rinmèt. Min sèvitè-a minm lagé kò-l atè, li priyé-l, li di : “Pran pasians avèk mouin, m-ap rinmèt ou tout bagay”. Mèt sèvitè sa-a pran pitié pou li, li lagé-l, li padonnin-l dèt li-a.

Min kon sèvitè sa-a soti, li rankontré youn nan sèvitè parèy li yo, ki té doué-l san talan ; li sézi-l, pou-l toufé-l, li di : “Rinnèt sa-ou doué”. Sèvitè sa-a lagé kò-l atè, li priyé-l, li di : “Pran pasians avèk mouin, m-ap rinnèt ou tout bagay”. Li minm minm, li réfizé, li pati, li voyé-l nan prizon, joustan li rinnèt dèt la.

Lè lòt sèvitè yo ouè sa-l té fè, yo pran chagrin anpil, yo rivé, yo rakonté mèt li tou sa-k té pasé. Mèt li rélé-l, li di-l : “Mové sèvitè, mouin té rinnèt ou tout dèt la, paské ou té priyé-m ; èské ou minm tou ou pa-t doué pran pitié pou sèvitè parèy ou-a, minm jan mouin té pran pitié pou ou-a ?” Mèt li faché, li rinnèt li bay gad yo, joustan li rinnèt tou sa-l té doué.

Sé konsa tou Papa-m ki nan sièl la ap fè avèk nou, si nou chak nou pa padonnin frè nou ak tout kè nou ».

Lè Jézu fi-n fè prèch sa yo, li pati sot Galilé, li rivé nan limit Juda, lòt bò Joudin-an.

Paròl Granmèt la.

Vandrédi

Ané 1

PRÉMIÉ LÉKTU

*Mouin pran papa nou sot Mézopotami ;
mouin fè nou soti Éjip ; mouin fè nou antré nan péyi-a.*

Léktu liv Jozué

24, 1-13

Jou sa yo :

Jozué rasanblé tout fanmi Israèl yo nan Sikèm, li rélé chèf yo ak réponsab yo, ak jij yo, ak majistra yo, yo kanpé dévan fas Granmèt la ; li di pèp la :

« Min paròl Granmèt Bondié Israèl la : “Sé lòt bò gran riviè-a papa nou yo té abité lontan, Taré, papa Abraam avèk Nakòr, yo té konn sèvi dié étranjé yo. Mouin pran papa nou Abraam sot nan limit Mézopotami, mouin minnin-l nan péyi Kanaan, mouin fè ras li vi-n anpil. Mouin ba-l Izaak, mouin bay Izaak Jakòb avèk Ézayu. Mouin bay Ézayu mòn Séyir la kòm propriyété pa-l. Jakòb minm ak pitit li yo désann nan Éjip.

Mouin voyé Moyiz avèk Aaron, mouin frapé Éjip la avèk anpil sign ak prodij ; mouin fè nou soti Éjip avèk papa nou yo, nou rivé bò lanmè-a. Éjipsyin yon rapousuiv papa nou yo avèk chario, avèk kavalié, jous bò lanmè Rouj la. Pitit Israël yo rélé kot Granmèt la ; li mété fè-noua ant nou minm ak Éjipsyin yo, li vidé lanmè-a sou yo, li kouvri yo. Jé nou ouè tou sa-m té fè nan Éjip, nou abité nan dézè-a pandan anpil tan.

Mouin fè nou antré nan péyi Amoréyin-an, ki té abité lòt bò Joudin-an. Lè yo batay kont nou, mouin rinmèt yo nan min nou, nou pran péyi yo-a, nou touyé yo. Balaak, pitit Séfòr, roua Moab la, lévé, li batay kont Israël. Li voyé rélé Balaam, pitit Bédòr, pou-l madichonnin nou ; mouin réfizé kouté-l, okontrè mouin béni nou pa lantrémiz li, mouin libéré nou sot nan min-l.

Nou travèsé Joudin-an, nou rivé Jériko. Moun vil sa-a batay kont nou, Amoréyin-an, Périzit la, Kananéyin-an, Itit la, Gèrgazit la, Ivit la, avèk Jébuzéyin-an ; mouin rinmèt yo nan min nou. Mouin voyé gro gèp dévan nou, mouin chasé yo sot nan péyi yo, dé roua Amoréyin yo, sé pa avèk épe-ou ni avèk zam pou-ou tiré flèch ou. Mouin rinmèt nou péyi-a, koté nou pa-t travay la, avèk vil yo nou pa-t bati-a, pou nou abité nan yo : pié rézin ak pié oliv nou pa-t planté yo” ».

Paròl Granmèt la.

PSÒM RÉPONS

Ps 135, 1-3. 16-18. 21-22 é 24

R: Poutèt mizérikòd li pou tout tan.

oubyin : Alélouya.

¹ Fè louanj Granmèt la poutèt li bon.

R: Poutèt mizérikòd li pou tout tan.

² Fè louanj pou Bondié dié yo,

R: Poutèt mizérikòd li pou tout tan.

³ Fè louanj pou Granmèt mèt yo,

R: Poutèt mizérikòd li pou tout tan.

¹⁶ Li minm ki kondui pèp li-a nan dézè-a,

R: Poutèt mizérikòd li pou tout tan.

¹⁷ Li minm ki frapé gran roua yo,

R: Poutèt mizérikòd li pou tout tan.

- 18 Li touyé roua ki gin pouvoua yo,
 R: Poutèt mizérikòd li pou tout tan.
- 21 Li rinmèt tè yo kòm éritaj,
 R: Poutèt mizérikòd li pou tout tan.
- 22 Kòm éritaj bay Israèl, sèvitè-l la,
 R: Poutèt mizérikòd li pou tout tan.
- 24 Li rachté nou sot nan min ènmi nou yo,
 R: Poutèt mizérikòd li pou tout tan.

Ané 2

PRÉMIÉ LÉKTU

*Ou té kòrèk nèt, gras a bèlté-m, mouin té mété sou ou ;
 min ou fè fònikasion.*

Léktu liv profèt Ézékièl

16, 1-15. 60. 63

Paròl Granmèt la rivé koté-m, li di :

« Pitit moun, fè Jérusalèm konnin mové aksion-l yo, di : Min paròl Granmèt Bondié pou Jérusalèm : “Rasi-n ou ak ras ou, sé nan tè Kanaan-an li soti, papa-ou sé té Amoréyin-an, manman-ou sé té Itit. Lè-ou fèt, jou nésans ou-a, yo pa-t koupé kòd lonbrit ou, yo pa-t lavé-ou nan dlo pou sovè-ou, yo pa-t froté-ou ak sèl, yo pa-t vlopé-ou ak kouchèt. Jé pa-t panché sou ou avèk pitié, pou-l fè anyin nan bagay sa yo pou ou, min yo té jété-ou atè-a, antan yo méprizé-ou, jou ou té fèt la.

Mouin pasé koté-ou, mouin ouè-ou ap débat nan san-ou, mouin di-ou, pandan-ou nan san-ou nan : “Sé pou-ou viv”. Mouin di-ou : “Sé pou-ou viv nan san-ou nan”. Mouin fè-ou dévlopé tankou zèb jadin, ou dévlopé vré, ou vi-n gran ; ou antré, ou rivé jous nan laj pou-ou vi-n yon madanm : sin-ou vi-n gro, chévé-ou pousé ; min ou té nu-kò, ou té ront anpil.

Mouin pasé koté-ou, mouin ouè-ou ; sé té tan-ou, tan pou-ou rinmin. Mouin lonjé manto-m sou ou, mouin kouvri laront ou-a ; mouin fè-ou sèman, mouin pasé aliens avèk ou, sé sa Granmèt Bondié di, ou vi-n pa-m. Mouin lavé-ou ak dlo, mouin pròpté san-ou nan sot nan ou, mouin sakré-ou ak luil ; mouin abiyé-ou ak rad anpil koulè, mouin mété sandal bèl kui nan pié-ou, mouin pasé yon sintu soua nan tay ou, mouin abiyé-ou byin bèl.

Mouin mété bèl piè sou ou, mouin mété braslé nan bra-ou, ak kolié nan kou-ou ; mouin mété zanno nan zòrèy ou, ak kouròn bèlté sou tèt ou. Ou dékoré ak lò ak lajan, ou abiyé ak koton, ak soua, ak brodri. Sé fari-n fin ak siro mièl ou té manjé, ou vi-n bèl anpil, ou vi-n larèn. Répitation-ou soti nan pami nasion yo poutèt jan-ou bèl ; paské ou té bèl anpil akòz bèlté-m nan mouin té mété sou ou-a, sé sa Granmèt la di.

Min ou vi-n mété konfians nan bèlté-ou la, ou fè fònikasyon ak répitation-ou, ou éspozé mové plézi-ou la bay tout moun k-ap pasé.

M-ap sonjé aliens mouin-an mouin té pasé avèk ou-a nan tan ou té jèn nan, m-ap pasé yon aliens tout tan avèk ou ; pou-ou sonjé, pou-ou ront, pou-ou pa louvri bouch ou ankò poutèt laront ou, lè m-ap padonnin tou sa-ou té fè yo” », sé sa Granmèt la di.

Paròl Granmèt la.

oubyin, si yo vlé

M-ap sonjé aliens mouin-an avèk ou, ou-ap ront.

Léktu liv profèt Ézékièl

16, 59-63

Min paròl Granmèt Bondié :

« M-ap aji avèk ou, jan-ou té méprizé sèman-an, pou-ou té kasé aliens la. M-ap sonjé aliens mouin-an mouin té pasé avèk ou-a, nan tan ou té jèn nan, m-ap pasé yon aliens tout tan avèk ou. Ou-ap sonjé chémin-ou yo, ou-ap ront, lè ou-ap résévoua sè-ou yo ki pi gran pasé-ou yo avèk sa-k pi piti pasé-ou yo ; m-ap rimmèt yo ba ou kòm pitit fi ; min sé pa apati aliens ou-a.

M-ap pasé aliens mouin-an avèk ou, ou-ap konnin mouin sé Granmèt la pou-ou sonjé, pou-ou ront, pou-ou pa louvri bouch ou ankò poutèt laront ou, lè m-ap padonnin tou sa-ou té fè yo », sé sa Granmèt la di.

Paròl Granmèt la.

PSÒM RÉPONS

Iz 12, 2-3. 4 bcd. 5-6 (R : l c)

R Kòlè-ou viré, ou konsolé-m.

- 2 Min Bondié sovè-m nan,
mouin gin konfians, mouin pap pè,
paské fòs mouin ak louanj mouin sé Granmèt la,
li vi-n tounin sovè-m.
- 3 N-ap tiré dlo ak kè kontan nan sous Sovè-a. **R:**
- 4 Fè louanj pou Granmèt la, rélé non-l,
fè konnin prodij li yo nan nasion yo ;
sonjé kijan non-l anlè nè. **R:**
- 5 Chanté pou Granmèt la paské li fè mèvèy,
anonsé sa sou tout tè-a.
- 6 Fété, fè louanj, pèp Siyon,
paské li gran nan mitan-ou, Sin Israël la. **R:**

ALÉLOUYA

Cf. 1 Tés 2, 13

R: Alélouya. Résévoua paròl Bondié-a, pa tankou paròl lézòm,
min tankou sa-l yé tout bon vré-a, paròl Bondié-a. **R:** Alélouya.

ÉVANJIL

*Sé poutèt kè di nou-an Moyiz té pèmèt nou ranvouayé madanm nou yo ;
nan kòmansman sa pa-t konsa.*

✠ Léktu sint Évanjil la dapré Matié

19, 3-12

Lè sa-a :

Farizyin yo té proché kot Jézu, antan y-ap tanté-l, yo di : « Èské yon mésié gin doua ranvouayé madanm li, pou ninpòt ki rézon ? »

Li réponn, li di yo : « Èské nou pa-t li kijan sa-a ki té fè moun nan nan kòmansman-an, sé gason ak fi li té fè yo, épi li té di : “Sé poutèt sa mésié-a ap kité papa-l ak manman-l, l-ap kolé kò-l kot madanm li, yo tou lé dé ap yon sèl chè” ? Sé pou sa yo pa dé ankò, min sé yon sèl chè yo yé. Konsa sa Bondié maré, pi-nga moun séparé-l ».

Yo di-l : « Ébyin pouki sa Moyiz té pasé lòd pou bay biyé divòs, pou ranvouayé-l ? »

Li di yo : « Sé poutèt kè di nou-an ki fè Moyiz té pèmèt nou ranvouayé madanm nou yo ; min nan kòmansman sa pa-t konsa. Ébyin mouin di nou, ninpòt ki moun ki ranvouayé madanm li, sof si sé nan fònikasion

toulédé t-ap viv ansanm, épi ki marié ak yon lòt, li fè adiltè, épi moun ki marié ak yon madanm yo ranvouayé, li fè adiltè ».

Disip li yo di-l : « Si sé konsa kondision mésié-a ak madanm nan yé, pito nou pa marié ».

Li di yo : « Sé pa tout moun ki konprann paròl sa-a, min sé moun yo fè favè sa-a. Gin gason ki pa nan kondision pou yo fè pitit, dépi nan vant manman yo sé konsa yo fèt ; gin gason ki pa nan kondision pou yo fè pitit, sé lòt moun ki fè yo sa ; gin gason ki pa nan kondision pou yo fè pitit, sé yo minm ki mété pròp tèt yo nan kondision sa-a poutèt péyi roua sièl yo.

Moun ki kapab konprann, sé pou-l konprann ».

Paròl Granmèt la.

Samdi

Ané 1

PRÉMIÉ LÉKTU

Chouazi jodi-a kilès nou pito sèvi.

Léktu liv Jozué

24, 14-29

Jou sa yo : Jozué palé avèk pèp la, li di :

« Koulié-a sé pou nou krinn Granmèt la, sé pou nou sèvi-l ak tout kè nou, ak tout sinsérité nou ; ouété dié yo, sa papa nou yo té konn sèvi nan Mézopotami ak nan Éjip la, sé Granmèt la pou nou sèvi. Otréman si sa parèt mové pou nou, pou nou sèvi Granmèt la, nou gin doua chouazi : chouazi jodi-a sa nou pito, kilès nou pito sèvi, si sé dié yo papa nou yo té konn sèvi nan Mézopotami-a, oubyin si sé dié Amoréyin yo, koté nou abité-a ; kanta mouin minm ak kay mouin, n-ap sèvi Granmèt la ».

Pèp la réponn, li di : « Nou pa gin doua lagé Granmèt la pou nou sèvi dié étranjé yo. Sé Granmèt Bondié nou-an li minm ki té fè nou soti Éjip avèk papa nou yo, sot nan kay ésklavaj la ; li fè mèvèy éstraòdinè dévan jé nou, li protéjé nou sou tout rout, koté nou pasé, ak nan tout pèp koté nou travèsé. Li chasé tout nasion yo, Amoréyin-an ki té abité péyi koté nou antré-a. Konsa sé Granmèt la n-ap sèvi, paské sé li minm ki Bondié nou ».

Jozué di pèp la : « Nou pa kapab sèvi Granmèt la. Sèké sé yon Bondié ki sin, ki fò, ki jalou, li pap padonnin fot nou ak péché nou. Si nou lagé Granmèt la pou nou sèvi dié étranjé yo, l-ap viré, l-ap pini nou, l-ap détoui nou, apré-l fi-n fè nou dibyin-an ».

Pèp la di Jozué : « Ou pa doué palé konsa, sé Granmèt la n-ap sèvi ». Jozué di pèp la : « Nou témouin, sé nou minm ki chouazi Granmèt la pou nou sèvi-l ». Yo réponn : « Nou témouin ». Li di : « Koulié-a, ouété dié étranjé yo sot nan mitan nou, viré kè nou kot Granmèt Bondié Israël la ». Pèp la di Jozué : « Sé Granmèt Bondié nou n-ap sèvi, n-ap obéyi lòd li yo ».

Jou sa-a, Jozué pasé yon aliens, li prezanté pèp la kòmandman ak désizyon yo nan Sikèm. Li ékri tout paròl sa yo tou nan roulo liv Granmèt la ; li pran yon gro ròch, li mété-l anba pié boua-d-chèn nan ki té nan sanktuè Granmèt la ; li di tout pèp la : « Min ròch sa-a ap sèvi témouin kont nou, li tandé tout paròl Granmèt la, sa-l di nou yo, pou nou pa gin lidé di sé pa vré, pou nou bay Granmèt Bondié nou-an manti ». Li ranvouayé pèp la, chak moun nan éritaj li.

Apré sa, Jozué, pitit Noun, sèvitè Granmèt la, mouri, li té gin sandizan.

Paròl Granmèt la.

PSÒM RÉPONS

Ps 15, 1-2 a é 5. 7-8. 11 (R: : cf. 5 a)

- R: Sé ou minm, Granmèt, ki pòsion éritaj mouin.
- ¹ Prézèvé-m, Granmèt, paské mouin éspéré nan ou.
- ² Mouin di Granmèt la : « Sé Granmèt mouin ou yé,
- ⁵ Granmèt, pòsion éritaj mouin avèk kalis mouin :
Sé ou minm ki kinbé déstiné mouin ». R:
- ⁷ M-ap fè konpliman pou Granmèt la ki ban-m intélijans ;
minm nan nuit rin-m ban-m léson.
- ⁸ Mouin té mété Granmèt la dévan fas mouin tout tan,
paské li adouat mouin, mouin pap tranblé. R:
- ¹¹ Ou-ap fè-m konnin rout lavi yo,
kè kontan k-ap débòdé avèk fas ou,
plézi adouat ou jous pou tout tan. R:

Ané 2

PRÉMIÉ LÉKTU

M-ap jijé chak moun dapré rout li yo.

Léktu liv profèt Ézékièl

18, 1-10. 13b. 30-32

Paròl Granmèt la rivé koté-m, li di : « Pouki sa n-ap palé parabòl nan pami nou, avèk provèb sa-a nan péyi Israèl la, n-ap di : “Papa yo manjé rézin vèt, épi dan pitit yo sézi ?”

Mouin vivan, sé sa Granmèt Bondié-a di, parabòl sa-a pap sèvi provèb ankò nan Israèl. Min tout vivan sé pou mouin, ni lavi papa-a, ni lavi pitit la, sé pou mouin : moun ki fè péché-a, sé li minm k-ap mouri.

Si yon moun kòrèk épi li fè jijman ak jistis, li pa manjé sou mòn yo, li pa lévé jé-l sou zidòl kay Israèl la, li pa dézonoré madanm prochin-l, li pa proche kot yon madanm ki gin périòd li, li pa fè moun lapinn, li rinmèt moun ki doué-l la sa-l té pran kòm garanti-a, li pa sézi anyin avèk fòs, li bay moun ki grangou manjé, li abiyé moun ki nu-kò ak rad li, li pa prété avèk intèrè, li pa résevoua an plis, li viré min-l pou-l pa fè sa-k mal, li fè jijman ki vré ant dé moun, li maché nan kòmandman-m yo, li obsèvé jijman-m yo, pou-l fè vérité : moun sa-a kòrèk, l-ap viv sètènman, sé sa Granmèt Bondié-a di.

Si-l fè yon pitit ki asasin, k-ap fè san koulé, ki fè youn nan mové aksion sa yo, èské pitit sa-a ap viv ? Li pap viv : poutèt tout mové bagay sa yo li fè-a, l-ap mouri sètènman, san-l ap sou li.

Konsa nou chak, m-ap jijé nou dapré rout nou, kay Israèl, sé sa Granmèt Bondié-a di. Chanjé konduit, fè pénitans sot nan tout fot nou yo, konsa péché-a pap détoui nou. Jété tout mové aksion nou yo louin nou, sa nou té fè ki pa bon yo, fè yon kè nouvo ak yon éspri nouvo nan nou. Épi pouki sa pou nou t-a mouri-a, kay Israèl ? Paské mouin pa vlé lanmò moun k-ap mouri-a, sé sa Granmèt Bondié-a di ; tounin, n-a viv ».

Paròl Granmèt la.

PSÒM RÉPONS

Ps 50, 12-13. 14-15. 18-19 (R : 12 a)

R: Kréyé yon kè pròp nan mouin, Bondié.

¹² Kréyé yon kè pròp nan mouin, Bondié,
réfè yon éspri fèm nan zantray mouin yo.

- 13 Pa jété-m louin fas ou,
éspri sin-ou nan, pa ouété-l sot nan mouin. **R:**
- 14 Rinnèt mouin kè kontan sové ou sové-m nan,
asiré-m ak éspri ki pi vif la.
- 15 M-ap aprann péchè yo chémin-ou yo,
méchan yo ap tounin vi-n jouinn ou. **R:**
- 18 Sèké ou pap pran plézi nan sakrifis,
sakrifis antié, si-m ofri-l, li pap fè-ou plézi.
- 19 Sakrifis pou Bondié, sé yon léspri ki krazé,
yon kè ki krazé, ki rabésé, Bondié pap méprizé-l. **R:**

ALÉLOUYA

Cf. Mt 11, 25

R: Alélouya. Konpliman pou ou, Papa, Granmèt sièl la ak tè-a,
paské ou révéle mistè péyi roua-a bay ti moun piti yo. **R:** Alélouya.

ÉVANJIL

Pa anpéché ti moun piti yo vi-n jouinn mouin : sé pou yo péyi roua sièl yo yé.

✠ Léktu sint Évanjil la dapré Matié**19, 13-15**

Lè sa-a :

Yo vi-n prezanté ti moun bay Jézu, pou-l pozé min sou yo, pou-l priyé pou yo ; min disip li yo fè yo obsèvasion. Jézu minm di yo : « Kité ti moun yo, pa anpéché yo vi-n jouinn mouin ; sé pou moun ki sanblé yo péyi roua sièl yo yé ». Li pozé min sou yo, li pati sot la.

Paròl Granmèt la.

VINTIÈM SÉMÈN ÒDINÈ

Dimanch, ané A

PRÉMIÉ LÉKTU

Pitit étranjé yo, m-ap minnin yo sou mòn mouin-an ki sin-an.

Léktu liv profèt Izayi

56, 1. 6-7

Min paròl Granmèt la : « Kinbé jijman, fè jistis, paské sovè m-ap sovè nou-an li san lè pou-l rivé, jistis mouin-an san lè pou-l dévoualé.

Pitit étranjé yo, ki kolé kò yo sou Granmèt la, pou yo adoré-l, pou yo rinmin non-l, pou yo vi-n tounin sèvitè-l, antan yo kinbé saba-a pou yo pa sal li, antan yo kinbé aliens mouin-an, m-ap minnin yo sou mòn mouin-an ki sin-an, m-ap fè kè yo kontan nan kay priyè-m nan ; sakrifis antié yo ak bèt yo sakrifé yo ap fè-m plézi sou lotèl mouin-an, paské kay mouin-an sé kay priyè y-ap rélé-l pou tout pèp yo ».

Paròl Granmèt la.

PSÒM RÉPONS

Ps 66, 2-3. 5. 6 é 8 (R : 4)

- R** Sé pou pèp yo fè louanj ou, Bondié,
sé pou tout pèp yo fè louanj ou.
- 2** Sé pou Bondié pran pitié pou nou, sé pou-l béni nou ;
sé pou-l fè figi-l kléré sou nou.
- 3** Pou yo rékonèt chémin-ou yo sou tè-a,
sovè ou sovè nou-an nan tout nasion yo. **R**
- 5** Sé pou nasion yo kontan, sé pou yo dansé,
paské ou jijé pèp yo yon fason kòrèk,
ou dirijé nasion yo sou tè-a. **R**
- 6** Sé pou pèp yo fè louanj ou, Bondié,
sé pou tout pèp yo fè louanj ou.
- 8** Sé pou Bondié nou-an béni nou,
sé pou tout limit tè-a krinn li. **R**

DÉZIÈM LÉKTU

Kado yo Bondié fè Israèl la, li pap tounin sou sa.

Léktu lèt apot sin Pòl pou Romin yo

11, 13-15. 29-32

Frè-m yo :

Mouin di nou nou minm nasion yo : « Toutotan sé mouin minm ki apot nasion yo, m-ap jouinn fiètè nan sèvis mouin-an si mouin rivé éksité ras mouin-an pou yo fè jalouzi, épi si-m t-a kapab sové kèk nan yo. Sèké si pati yo pati-a, sa sèvi pou rékonsiliation tè-a : lè y-ap tounin-an minm, ki sa l-ap yé, si sé pa lavi k-ap soti nan pami mò yo ?

Sèké lè Bondié bay kado ak lè li fi-n rélé moun yo, li pa chanjé lidé-l. Minm jan lontan nou pa-t kouè nan Bondié, koulié-a minm nou jouinn mizérikòd poutèt yo minm yo pa kouè-a ; konsa tou yo minm koulié-a yo pa kouè nan mizérikòd nou jouinn nan, min sa sé pou yo minm tou yo rivé jouinn mizérikòd. Sèké Bondié fèmin tout bagay nan dézobéyisans, pou-l pran pitié pou tout moun ».

Paròl Granmèt la.

ALÉLOUYA

Cf. Mt 4, 23

✠ Alélouya. Jézu t-ap préché Bòn Nouvèl péyi roua-a,
li t-ap géri tout maladi nan pèp la. ✠ Alélouya.

ÉVANJIL

Madanm, lafoua-ou gran !

✠ Léktu sint Évanjil la dapré Matié

15, 21-28

Lè sa-a :

Jézu pati, l-alé nan zòn Tir ak Sidon-an. Yon madanm Kanaan soti nan limit zòn sa yo, li rélé byin fò, li di-l : « Pitié pou mouin, Granmèt, pitit David ; pitit fi-m nan gin yon démon k-ap maltrété-l anpil ». Li minm li pa réponn li yon mo.

Disip li yo proché koté-l, yo priyé-l, yo di : « Ranvouayé-l paské l-ap rélé apré nou ».

Li minm, li réponn, li di : « Yo voyé-m sèlman bò kot mouton yo k-ap péri nan kay Israèl la ».

Madanm nan minm rivé, li adoré-l, li di : « Granmèt, poté-m sékou ».

Li réponn, li di : « Sa pa bon pou pran pin ti moun yo, pou jété-l bay chyin ».

Madanm nan minm di : « Oui, Granmèt ; min ti chyin yo manjé nan ti kal pin ki tonbé sot sou tab mèt yo ».

Lè sa-a atò Jézu réponn, li di : « Madanm, lafoua-ou gran, sé pou sa rivé pou ou jan-ou vlé-a ». Pitit fi-l la géri minm lè sa-a.

Paròl Granmèt la.

Dimanch, ané B

PRÉMIÉ LÉKTU

Manjé pin-m, bouè divin-an mouin mélanjé pou nou-an.

Léktu liv Provèb yo

9, 1-6

Sajès la bati kay li, li drésé sèt kolòn li yo, li touyé bèt li yo pou sakrifis la, li mélanjé divin-an, li drésé tab li-a ; li voyé sèvant li yo pou yo rélé nan pòtay la ak sou rotè vil la : « Si yon moun tou piti, sé pou-l vi-n jouinn mouin ».

Pou moun ki pa gin sajès yo, li di : « Vini, manjé pin-m nan, bouè divin-m nan mouin mélanjé pou nou-an ; kité konduit ti moun nan, vi-n aprann lavi, maché nan chemin intélijans la ».

Paròl Granmèt la

PSÒM RÉPONS

Ps 33, 2-3. 10-11. 12-13. 14-15 (R: 9 a)

- R: Gouté, n-a ouè kijan Granmèt la bon.
- ² M-ap fè konpliman pou Granmèt la nan tout okazion, tout tan louanj li nan bouch mouin.
- ³ Nan Granmèt la nanm mouin ap jouinn gloua li, sé pou pòv yo tandé, pou yo kontan. R:
- ¹⁰ Sé pou nou krinn Granmèt la, nou minm sin-l yo, paské pa gin grangou pou moun ki krinn li yo.

- ¹¹ Rich yo vi-n pòv, yo grangou,
min sa k-ap chèché Granmèt la, yo pa manké okinn byin. **R**
- ¹⁴ Pa kitè lang ou fè sa-k mal,
pa kitè po bouch ou palé manti.
- ¹⁵ Viré do bay mal, fè byin,
chèché lapè, rapousuiv li. **R**

DÉZIÈM LÉKTU

Chèché konprann volonté Bondié-a.

Léktu lèt apot sin Pòl pou Éfézyin yo

5, 15-20

Gadé, frè-m yo, kijan nou doué fè atansyon nan fason n-ap kondui tèt nou : nou pa doué aji tankou moun ki pa gin sajès, min sé tankou moun saj pou nou aji ; sé pou nou sèvi byin ak tan-an, paské jou yo pa bon. Sé pousa pa aji san réfléchi, min chèché konprann sa Bondié vlé.

Pa kitè divin fè nou sou, nan divin-an gin tandans pou plézi malonèt, min sé pou nou plin ak Éspri Sin-an, sé pou nou chanté Psòm, kantik ak chanté spirituèl nan pami nou, sé pou nou chanté, pou nou fè louanj Granmèt la nan kè nou, antan n-ap di Bondié ak Papa-a mèsì tout tan pou tout moun o non Granmèt nou-an Jézu-Kri.

Paròl Granmèt la.

ALÉLOUYA

Jan 6, 56

R: Alélouya. Moun ki manjé kò-m, ki bouè san-m,
li rété nan mouin, épi mouin minm nan li, sé sa Granmèt la di. **R**
Alélouya.

ÉVANJIL

*Chè-m sé manjé tout bon vré-a,
san-m sé bouason tout bon vré-a.*

✠ Léktu sint Évanjil la dapré Jan

6, 51-58

Lè sa-a : Jézu di foul yo :

« Mouin sé pin vivan-an, ki désann sot nan sièl la. Si yon moun manjé nan pin sa-a, l-ap viv tout tan ; épi pin-an m-ap bay la, sé chè-m pou lavi tè-a ».

Juif yo t-ap plinyin, youn t-ap di lòt : « Kijan pou sa-a kapab ba nou chè-l pou nou manjé ? »

Jézu di yo :

« Amèn, amèn mouin di nou, si nou pa manjé chè Pitit moun nan, si nou pa bouè san-l, nou pap gin lavi nan nou. Moun ki manjé chè-m, ki bouè san-m, li gin lavi ki pap janm fini-an, épi mouin minm m-ap résisité-l nan dènié jou-a.

Chè-m sé manjé tout bon vré-a, san-m sé bouason tout bon vré-a. Moun ki manjé chè-m, ki bouè san-m, li rét nan mouin, mouin rét nan li. Minm jan Papa-a ki voyé-m nan li vivan, épi mouin viv gras a Papa-a, konsa tou, moun ki manjé-m nan, l-ap viv gras a mouin.

Sa-a sé pin-an ki désann sot nan sièl la. Li pa tankou lama-n nan papa nou yo té manjé-a, épi yo té mouri. Moun ki manjé pin sa-a, l-ap viv tout tan ».

Paròl Granmèt la.

Dimanch, ané C

PRÉMIÉ LÉKTU

Ou fè-m vi-n tounin yon moun diskision sou tout tè-a (Jérémi 15, 10).

Léktu liv profèt Jérémi

38, 4-6. 8-10

Jou sa yo :

Chèf yo di roua-a : « Nou mandé pou yo touyé moun sa-a ; ak fason l-ap fè, l-ap fébli min moun k-ap batay yo, yo minm ki rété nan vil sa-a, ni min tout pèp la tou, antan l-ap palé yo paròl sa yo ; réyèlman mésié sa-a sé pa lapè pèp sa-a l-ap chèché, min sé malè-l ».

Roua Sédésias di : « Min li nan min nou ; sèké roua-a pa kapab réfizé nou anyin ». Yo pran Jérémi, yo jété-l nan pui Mèlkias, pitit Amélèk la ki té nan lakou prizon-an, yo désann Jérémi ak kòd nan pui-a, koté pa-t gin dlo, min sé labou ; Jérémi fonsé nan labou-a.

Abdémèlèk soti lakay roua-a, li palé ak roua-a, li di : « Mèt mouin, roua mouin, mésié sa yo aji mal nan tou sa yo fè kont profèt Jérémi-an :

yo mété-l nan pui-a, pou-l mouri ak grangou paské pa gin pin ankò nan vil la ».

Roua-a pasé lòd bay Abdémélèk Étiopyin-an, li di : « Pran trant gason isit la avèk ou, lévé profèt Jérémi sot nan pui-a, anvan-l mouri ».

Paròl Granmèt la.

PSÒM RÉPONS

Ps 39, 2. 3. 4. 18 (R : 14 b)

- R: Granmèt, fè vit pou-ou poté-m sékou !
- ² Sé pa ti kras tann mouin t-ap tann Granmèt la,
li panché sou mouin. R:
- ³ Li kouté rèl mouin,
li ouété-m sot nan fos mizè-a ak nan labou ki sal la ;
li mété pié-m kanpé sou ròch,
li fè plant pié-m asiré. R:
- ⁴ Li mété yon kantik nouvo nan bouch mouin,
kantik pou Bondié nou-an.
Anpil moun ap ouè, y-ap sézi,
y-ap espéré nan Granmèt la. R:
- ¹⁸ Mouin minm mouin pòv, mouin maléré ;
Granmèt la ap okipé-m.
Sékou-m ak libératè-m sé ou minm ;
Bondié mouin, pa mizé. R:

DÉZIÈM LÉKTU

*Avèk pasians,
sé pou nou kouri nan batay la ki paré pou nou-an.*

Léktu lèt pou Ébré yo,

12, 1-4

Frè-m yo :

Nou minm ki vlopé ak yon pakèt foul moun k-ap sèvi Jézu témouin, sé pou nou lagé tout chaj ak péché k-ap antravé nou, pou nou kouri avèk pasians nan batay la ki paré pou nou-an, antan n-ap gadé Jézu ki sous lafoua nou-an é ki fè-l vi-n kòrèk nè. Yo té prezanté kè kontan dévan-l, min li té sipòté lakoua-a, li té méprizé ront sa-a, li chita adouat Bondié.

Sonjé sa-a ki té sipòté kontrariété péchè yo té drésé kont li-a, pou nou pa kité féblès pran nanm nou. Nou poko rézisté jous nan san, antan n-ap batay kont péché-a.

Paròl Granmèt la.

ALÉLOUYA

Jan 10, 27

℞ Alélouya. Mouton-m yo kouté voua-m, sé sa Granmèt la di ;
épi mouin minm mouin konnin yo, yo suiv mouin. ℞ Alélouya.

ÉVANJIL

Mouin pa vi-n bay lapè, min séparation.

✝ Léktu sint Évanjil la dapré Luk

12, 49-53

Lè sa-a : Jézu di disip li yo :

« Sé difé mouin vi-m mété sou tè-a, épi ki sa-m vlé si sé pa pou-l limin ? Mouin gin yon batèm pou-m résévoua, épi sé pa ti kras kè séré mouin ginyin joutan li réalizé.

Nou kouè sé lapè mouin vi-n bay sou tè-a ? Non, mouin di nou, min sé séparation. Réyèlman dépi koulié-a ap gin sink moun nan yon kay y-ap séparé, toua kont dé, ak dé kont toua, konsa y-ap séparé : papa kont pitit ak pitit kont papa-l, manman kont pitit fi ak pitit fi kont manman, bèl-mè kont bèl-fiy li, ak bèl-fi kont bèl-mè-l ».

Paròl Granmèt la.

Lindi

Ané 1

PRÉMIÉ LÉKTU

Granmèt la mété jij, min yo réfizé kouté yo.

Léktu liv Jij yo

2, 11-19

Jou sa yo :

Pitit Israèl yo fè sa-k mal dévan Granmèt la, yo sèvi Baal yo, yo abandoné Granmèt Bondié papa yo, ki té fè yo soti Éjip la, yo suiv dié

étranjé yo ak dié pèp yo, ki abité alantou yo-a, yo adoré yo, yo éksité kòlè Granmèt la, yo lagé-l, yo sèvi Baal avèk Astaròt.

Granmèt la faché kont Israèl, li lagé-l nan min moun k-ap piyé yo, yo fè yo prizonié, yo vann yo bay ènmi yo ki té abité alantou yo, yo pa-t kapab rézisté kont ènmi yo, min tout koté yo té vlé alé, min Granmèt la té sou yo, jan-l té di-a, jan-l té fè sèman-an ; yo vi-n gin anpil malè.

Granmèt la mété jij, ki libéré yo sot nan min moun k-ap fè ravaj yo, min yo pa-t vlé kouté yo tou, yo fè adiltè avèk dié étranjé yo, yo adoré yo. Yo présé kité rout la, koté papa yo té antré-a, yo tandé kòmandman Granmèt la, min yo fè sa-k kontrè.

Lè Granmèt la fè jij yo lévé, nan jou yo, li té konn fè mizérikòd li panché sou yo, li té konn kouté plint sa k-ap pasé mizè yo, li té konn libéré yo sot nan min moun k-ap fè ravaj pou yo touyé-a. Min lè jij la fi-n mouri, yo té konn rékòmansé, yo té konn fè pi mal pasé sa papa yo té konn fè yo, yo té konn suiv dié étranjé yo, yo té konn sèvi yo, yo té konn adoré yo. Yo pa-t konn kité konduit yo avèk mové chémin yo, koté yo té konn maché-a.

Paròl Granmèt la.

PSÒM RÉPONS

Ps 105, 34-35. 36-37. 39-40. 43 ab é 44 (R : 4 a)

R: Sonjé nou, Granmèt, nan bon kè ou ginyin pou pèp ou-a.

- 34 Yo pa gayé nasion yo
sa Granmèt la té di yo-a.
- 35 Yo mélanjé avèk nasion yo,
yo aprann aksion yo. R:
- 36 Yo sèvi zidòl yo,
ki vi-n tounin antrav pou yo.
- 37 Yo sakrifié pitit gason yo
ak pitit fi yo bay démon yo. R:
- 39 Yo sal nan aksion yo,
yo fè fònikasion nan mové aksion yo.
- 40 Kolè Granmèt la boulé kont pèp li-a,
li vi-n rayi éritaj li-a. R:
- 43 Anpil foua, li libéré yo ;
min yo minm yo éksité-l nan désizion-l.

⁴⁴ Li ouè tribilasyon yo,
lè-l tandé rèl yo. **R**

Ané 2

PRÉMIÉ LÉKTU

Ézékièl ap sèvi sign pou nou : dapré sa-l fè, sé sa n-ap fè.

Léktu liv profèt Ézékièl

24, 15-24

Paròl Granmèt la rivé koté-m, li di : « Pitit moun, min mouin ouété nan min-ou sa jé-ou anvi-a, sa ap rivé toudinkou ; ou pap kriyé, ou pap plinn, ou pap kité dlo koulé sot nan jé-ou. Sé pou-ou plinn an silans, ou pap fè dèy pou moun mouri, sé pou bèl bando ou maré tèt ou, pou sandal ou nan pié-ou ; pa voualé bouch ou avèk mouchoua, pa manjé manjé dèy ».

Mouin palé ak pèp la nan matin, madanm mouin mouri nan asouè ; nan landmin matin, mouin fè jan-l té kòmandé-m nan.

Pèp la di-m : « Èské ou pap di nou sa sa vlé di, sa-ou fè la-a ? »

Mouin di yo : « Paròl Granmèt la rivé koté-m, li di : “Palé ak kay Israèl la : Min paròl Granmèt Bondié-a : Min m-ap sal Tanp mouin-an, fièté péyi nou-an, ak sa jé nou anvi-a, sa nanm nou ap tranblé pou li-a ; pitit gason nou yo ak pitit fi nou yo nou kité yo, y-ap tonbé anba kout épé. N-ap fè tankou mouin fè-a : nou pap voualé bouch nou ak mouchoua, nou pap manjé manjé dèy, n-ap kité bèl bando maré tèt nou, ak sandal nan pié nou ; nou pap kriyé, nou pap plinn, min n-ap dépéri nan fot nou yo, chak moun ap plinn bay frè-l. Ézékièl ap sèvi sign pou nou : dapré tou sa-l fè yo, n-ap fè tou, lè bagay sa-a ap rivé ; n-ap konnin sé Granmèt Bondié-a mouin yé” ».

Paròl Granmèt la.

PSÒM RÉPONS

Dét 32, 18-19. 20. 21 (**R** : cf. 18 a)

R Bondié ki té ba-ou lavi-a, ou lagé-l.

¹⁸ Bondié ki té ba-ou lavi-a, ou lagé-l,
ou bliyé Granmèt la ki té kréyé-ou la.

¹⁹ Granmèt la ouè, li éksité nan kòlè,
paské pitit gason-l yo ak pitit fi-l yo provoké-l. **R**

- ²⁰ Li di : « M-ap kaché fas mouin louin yo, m-ap kalkilé finisman yo ; jénérasyon rébèl, pitit ki pa fidèl. **R** »
- ²¹ Yo provoké-m avèk bagay ki pa Bondié, yo fè-m fè kòlè avèk bagay ki pa gin valè ; mouin minm tou m-ap provoké yo avèk bagay ki pap pèp, avèk nasion ki sòt, m-ap éksité yo ». **R** »

ALÉLOUYA**Mt 5, 3**

R Alélouya. Ala kontantman pou moun ki pòv nan éspri-a. paské péyi-roua sièl yo sé pou yo li yé. **R** Alélouya.

ÉVANJIL

Si-ou vlé vi-n kòrèk nèt, vann sa-ou ginyin, ou-ap gin yon trézò nan sièl la.

✠ Léktu sint Évanjil la dapré Matié**19, 16-22**

Lè sa-a :

Gin yon mésié ki proché, li di Jézu : « Bon Mèt, ki sa pou-m fè ki bon pou-m gin lavi tout tan-an ? »

Li di-l : « Pouki sa ou-ap pozé-m késion sou sa-k bon-an ? Sé yon sèl ki bon, sé Bondié. Min si-ou vlé antré nan lavi-a, obsèvé kòmandman yo ».

Li di-l : « Kilès ? »

Jézu minm di-l : « Pa touyé moun, pa fè adilté, pa vòlè, pa fè fo-témouagnaj, onoré papa-ou ak manman-ou, rinmin prochin-ou tankou ou minm ».

Jénòm nan di-l : « Mouin té kinbé tout bagay sa yo dépi-m tou jèn ; ki sa-m manké ankò ? »

Jézu di-l : « Si-ou vlé vi-n kòrèk nèt, alé, vann sa-ou ginyin, bay pòv yo, ou-ap gin yon trézò nan sièl la ; épi vini, suiv mouin ».

Lè jénòm nan tandé paròl sa-a, li pati tou tris. Sèké li té gin anpil byin.

Paròl Granmèt la.

Madi

Ané 1

PRÉMIÉ LÉKTU

Jédéyon, ou-ap libéré Israèl : konnin mouin voyé-ou.

Léktu liv Jij yo

6, 11-24 a

Jou sa yo :

Anj Granmèt la rivé ; li chita anba pié boua-d-chèn nan, sa-k nan Éfra-a, ki pou Joas, papa fanmi Ézri-a. Pandan Jédéyon t-ap kalé blé, li t-ap nétouayé-l nan présoua-a, pou-l sovè kò-l louin Madian, Anj Granmèt la parèt dévan-l, li di : « Granmèt la avèk ou, ou minm ki pi vanyan nan tout moun yo ».

Jédéyon di-l : « Tanpri, mèt mouin, si Granmèt la avèk nou, pouki sa tout bagay sa yo rivé nou ? Koté mèvèy li yo, sa papa nou yo té rakonté nou-an, yo té di : “Granmèt la fè nou soti Éjip ?” Koulié-a minm Granmèt la lagé nou, li rinmèt nou nan min Madian ».

Granmèt la gadé-l, li di : « Alé ak fòs sa-a ou ginyin-an, ou-ap libéré Israèl sot nan min Madian : konnin sé mouin minm ki voyé-ou ».

Li réponn, li di : « Tanpri, mèt mouin, ak ki sa m-ap libéré Israèl la ? Min fanmiy mouin sé li minm ki pi piti nan Manasé, épi mouin minm minm mouin pi piti nan kay papa-m ».

Granmèt la di-l : « M-ap avèk ou, ou-ap frapé Madian tankou yon sèl moun ».

Li minm, li di : « Si-m jouinn gras dévan-ou, ban-m yon sign sé ou minm k-ap palé avèk mouin ; pa pati sot isit la, toutotan mouin pa tounin koté-ou, antan-m poté sakrifis la pou-m ofri-ou ». Li réponn : « M-ap tann ou vini ».

Konsa Jédéyon antré, li kuit yon kabrit, li fè pin san lévin avèk yon mézi fari-n ; li mété viann yo nan yon mamit, li mété sòs viann nan nan yon boutèy, li poté tou sa anba pié boua-d-chèn nan, li ofri-l. Anj Granmèt la di-l : « Pran viann yo ak pin san lévin yo, mété yo sou ròch sa-a, vidé sòs la sou li ». Lè-l fi-n fè sa, Anj Granmèt la lonjé pouint baton-an li té gin nan min-l nan, li touché viann yo ak pin san lévin yo ; difé monté sot nan ròch la, li dévoré viann yo avèk pin san lévin yo ; Anj Granmèt la minm disparèt sot dévan jé-l.

Lè Jédéyon ouè sé té Anj Granmèt la, li di : « Ala malè pou mouin, Granmèt Bondié ; paské mouin ouè Anj Granmèt la fas a fas ». Granmèt la di-l : « Lapè avèk ou, pa pè, ou pap mouri ». Jédéyon drésé yon lotèl pou Granmèt la nan koté sa-a, li rélé-l : « Lapè Granmèt la ».

Paròl Granmèt la.

PSÒM RÉPONS

Ps 84, 9. 11-12. 13-14 (R : 9 b)

R: Sé lapè Granmèt la ap palé ak pèp li-a.

9 M-ap kouté sa Granmèt Bondié ap di,
sé lapè l-ap palé pou pèp li-a ak sin-l yo,
avèk pou sa yo ki chanjé nan kè yo. R:

11 Mizérikòd ak vérité rankontré,
jistis ak lapè anbrasé.

12 Vérité-a lévé sot sou tè-a,
jistis la panché sot nan sièl la. R:

13 Oui, Granmèt la ap bay bon kè,
tè nou-an ap bay foui-l.

14 Jistis ap maché dévan-l,
l-ap pozé pié-l sou rout la. R:

Ané 2

PRÉMIÉ LÉKTU

*Sé moun ou yé, sé pa Bondié,
ou mété kè-ou tankou kè Bondié.*

Léktu liv profèt Ézékièl

28, 1-10

Jou sa yo :

Paròl Granmèt la rivé koté-m, li di : « Pitit moun, di chèf Tir la : “Min paròl Granmèt Bondié-a : Poutèt ou lévé kè-ou, ou di : sé Bondié mouin yé, sé sou fotèy Bondié mouin instalé nan kè lanmè-a, malgré sé moun ou yé, sé pa Bondié-a, ou mété kè-ou tankou kè Bondié ; min ou gin plis sajès pasé Danièl, pa gin okinn sékrè ki kaché pou ou ; ak sajès ou, ak intélizans ou, ou bati sitadèl, ou posédé lajan ak lò nan trézò-ou yo ; nan tout pakèt sajès ou ak nan komès ou, ou vi-n dévlopé fòs ou, ou lévé kè-ou nan fòs ou” ».

Sé poussa min paròl Granmèt Bondié-a : « Poutèt ou lévé kè-ou tankou kè Bondié-a, sé poussa min m-ap fè étranjé yo rivé sou ou, sa-k pi fò nan nasion yo, y-ap drésé épé yo sou bèlté sajès ou-a, y-ap sal gloua-ou la, y-ap touyé-ou, y-ap maltrété-ou, ou-ap mouri nan mitan moun yo touyé yo nan kè lanmè-a. Èské ou-ap palé pou-ou di : “Sé Bondié mouin yé” dévan moun yo k-ap touyé-ou yo ? Ou-ap mouri lanmò moun ki pa sikonsi yo, nan min étranjé yo, paské sé mouin ki palé », sé sa Granmèt Bondié-a di.

Paròl Granmèt la.

PSÒM RÉPONS **Dét 32, 26-27 ab. 27 cd-28 a. 30. 35 cd-36 ab (R : 39 c)**

R Sé mouin minm k-ap touyé, sé mouin minm k-ap fè viv.

26 Mouin di : « Koté yo yé ?

M-ap fè souvni yo sispann nan pami lézòm » ;

27 min poutèt kòlè ènmi yo mouin rénonse,
pou ènmi yo pa lévé tèt yo. **R**

Yo t-a di : « Sé min nou ki anlè nèt,
sé pa Granmèt la ki fè tout bagay sa yo ».

28 Sé nasion ki san bon sans yo yé, yo pa gin intélíjans. **R**

30 Kijan yon sèl kapab rapousuiv mil,
pou dé moun fè di-mil moun kouri ?
Èské sé pa paské Bondié yo-a té vann yo,
Granmèt la fèmin yo ? » **R**

35 Jou pou yo détoui-a, li tou pré,
tan yo pré rivé.

36 Granmèt la ap jijé pèp li-a,
l-ap pran pitié pou sèvitè-l yo. **R**

ALÉLOUYA

2 Kor 8, 9

R Alélouya. Jézu-Kri vi-n pòv, malgré li té rich,
pou-l fè nou vi-n rich avèk sa-k fè-l vi-n pòv la. **R** Alélouya.

ÉVANJIL

*Li pi fasil pou yon chamo pasé nan jé zéguiy,
pasé pou yon moun rich antré nan péyi-roua sièl yo.*

✚ Léktu sint Évanjil la dapré Matié

19, 23-30

Lè sa-a :

Jézu di disip li yo : « Amèn, mouin di nou, l-ap difisil pou yon moun rich antré nan péyi-roua sièl yo. Mouin di nou sa ankò : li pi fasil pou yon chamo pasé nan jé zéguiy pasé pou moun rich antré nan péyi-roua sièl yo ».

Lè disip yo tandé sa, yo sézi anpil, yo di : « Ébyin kilès ki kapab sové ? »

Jézu gadé, li di yo : « Pou lézòm sa pa posib ; pou Bondié minm, tout bagay posib ».

Lè sa-a atò Piè pran laparòl, li di-l : « Min nou minm nou kité tout bagay, nou suiv ou ; ki sa n-ap ginyin ? »

Jézu minm di yo : « Amèn mouin di nou, nou minm ki suiv mouin-an, lè tout bagay ap réfèt, lè Pitit moun nan ap chita sou tro-n grandè-l, n-ap chita nou minm tou sou douz tro-n, pou nou jijé douz fanmiy Israèl yo. Tout moun k-ap kité kay oubyin frè, oubyin sè, oubyin papa, oubyin manman, oubyin madanm, oubyin pitit, oubyin jadin, poutèt non mouin, l-ap résévoua san foua plis, l-ap ginyin lavi tout tan-an ».

Paròl Granmèt la.

Mèkrédi

Ané 1

PRÉMIÉ LÉKTU

*Ou té di : Sé pou yon roua kòmandé sou nou,
malgré sé Granmèt la ki t-ap kòmandé sou nou (1 Samuèl 12, 12).*

Léktu liv Jij yo

9, 6-15

Jou sa yo :

Tout mésié Sikèm yo rasanblé, ak tout fanmiy vil Mélo-a ; yo pati, yo instalé Abimélèk kòm roua, bò pié boua-d-chèn nan ki Sikèm nan.

Lè yo anonsé Joatan sa, l-al kanpé sou tèt mòn Garizim nan, li lévé voua-l, li rélé byin fò, li di : « Kouté-m, mésié Sikèm yo. Konsa Bondié

kapab kouté nou tou. Pié boua yo té pati pou yo sakré yon roua sou yo. Yo di pié oliv la : “Kòmandé sou nou”. Li réponn : “Èské-m kapab kité luil mouin ki sèvi ni dié yo ni moun yo, pou-m vi-n balansé anlè tèt pié boua yo ?” Pié boua yo di pié figié dous la : “Vini, aksépté péyi-roua-a sou nou”, Li réponn yo : “Èské mouin kapab kité dousè ak foui-m yo ki gou anpil yo, pou-m al balansé anlè tèt pié boua yo ?” Pié boua yo di pié rézin-an : “Vini, kòmandé sou nou”. Li réponn yo : “Èské-m kapab kité divin-m nan, ki fè kè Bondié kontan, ni kè moun yo, pou-m al balansé nan pami lòt pié boua yo ?” Tout pié boua yo di pié pikan-an : “Vi-n kòmandé sou nou”. Li réponn yo : “Si sé tout bon vré nou instalé-m kòm roua nou, vi-n pozé anba lonbraj mouin ; min si nou pa vlé, sé pou difé soti nan pié pikan-an, pou-l dévoré pié sèd Liban yo” ».

Paròl Granmèt la.

PSÒM RÉPONS

Ps 20, 2-3. 4-5. 6-7 (R: 2 a)

- R: Granmèt, roua-a ap kontan nan pouvoua-ou.
- 2 Granmèt, roua-a ap kontan nan pouvoua-ou,
sou sové ou sové nou-an l-ap fété anpil.
- 3 Ou ba li sa kè-l té anvî-a,
ou pa réfizé sa bouch li té mandé-a. R:
- 4 Ou pran dévan-l nan bénédiksion dousè-a ;
ou mété sou tèt li yon kouròn lò ki gin anpil valè.
- 5 Li mandé-ou lavi, ou ba li-l,
longè jou yo pou sièk tan ak tan ki pap fini. R:
- 6 Gloua li-a gran nan sové ou sové nou-an,
ou mété grandè ak bèlté sou li,
- 7 ou fè-l sèvi bénédiksion pou tan ki pap fini,
ou fè-l kontan anpil dévan fas ou. R:

Ané 2**PRÉMIÉ LÉKTU**

*M-ap libéré bann mouton-m yo sot nan bouch yo,
li pap sèvi yo kòm manjé ankò.*

Léktu liv profèt Ézékièl**34, 1-11**

Paròl Granmèt la rivé koté-m, li di : « Ptit moun, profétizé osijè gadyin Israèl yo, profétizé, di gadyin yo : Min paròl Granmèt Bondié-a : “Ala malè pou gadyin Israèl yo, k-ap okipé pròp tèt yo ! Èské sé pa bann mouton yo pou gadyin yo okipé ? Lèt la, nou bouè-l ; linn nan, nou kouvri avèk li ; sa-k té gra-a, nou touyé-l : min bann mouton-m yo, nou pa okipé yo ; sa-k té fèb la, nou pa ba-l fòs ; sa-k té malad la, nou pa géri-l ; sa-k té blésé-a, nou pa pansé-l ; sa yo réjté-a, nou pa ramné-l ; sa-k té pèdi-a, nou pa chèché-l, min sé avèk britalité nou t-ap kòmandé yo, épi avèk fòs. Mouton-m yo gayé, paské pa-t gin gadyin ; tout bèt nan boua yo dévoré yo, yo gayé. Mouton-m yo pèdi rout sou tout mòn yo ak sou tout ti rotè, ak sou tout fas tè-a mouton-m yo gayé ; pèsòn pa chèché yo, mouin di-l : pa gin pèsòn ki chèché yo !”

Poutèt sa, gadyin yo, kouté paròl Granmèt la : “Mouin fè sèman sou lavi mouin, sé sa Granmèt la di, yo piyé bann mouton-m yo, tout bèt boua yo dévoré mouton-m yo, paské pa-t gin gadyin ; gadyin yo pa-t chèché bann mouton-m yo, min sé pròp tèt pa yo yo t-ap okipé, yo pa-t okipé bann mouton-m yo” :

Sé poua, gadyin yo, kouté paròl Granmèt la : Min sa Granmèt Bondié di : “Min m-ap vini réglé gadyin yo ; m-ap pran bann mouton-m yo sot nan min yo, m-ap fè yo sispann okipé bann mouton-m yo, konsa gadyin yo pap okipé pròp tèt yo ankò ; m-ap libéré bann mouton-m yo sot nan bouch yo, yo pap sèvi ak yo kòm manjé ankò”.

Sé poua min paròl Granmèt Bondié-a : “Sé mouin minm k-ap chèché mouton-m yo, k-ap vizité yo” ».

Paròl Granmèt la.

PSÒM RÉPONS**Ps 22, 1-3 a. 3 b-4. 5. 6 (R : 1)**

R Granmèt la souin-m, mouin pap manké anyin.

¹ Granmèt la ap kondui-m, anyin pap manké-m ;

² Nan zèb vèt li instalé-m,

- 3 sou bò dlo trankil li minnin-m,
li réfè nanm mouin. **R**
- 4 Li kondui-m nan tras rout jistis poutèt non-l.
Sèké minm si m-ap maché nan bafon lonbraj lanmò,
mouin pap pè malè, paské ou avèk mouin.
Baton-ou ak bagèt ou
sé yo k-ap konsolé-m. **R**
- 5 Ou paré yon tab dévan fas mouin
kont sa yo k-ap fè-m pasé tray la ;
ou souin tèt mouin ak losion,
kalis mouin ap débòdé. **R**
- 6 Réyèlman sé bon kè ak mizérikòd k-ap rapousuiv mouin
tout tan lavi-m,
m-ap abité nan kay Granmèt la
pou tout longè tan yo. **R**

ALÉLOUYA

Ébr 4, 12

R Alélouya. Paròl Bondié-a vivan, li fè sa-l di-a,
épi li égzaminé sa kè-a pansé ak sa-l vlé fè-a. **R** Alélouya.

ÉVANJIL

Èské jé-ou mové, paské mouin bon ?

✠ Léktu sint Évanjil la dapré Matié

20, 1-16 a

Lè sa-a : Jézu di parabòl sa-a pou disip li yo :

« Péyi roua sièl yo sanblé ak yon pèd-fanmiy, ki soti granmatin pou-l angajé travayè nan jadin rézin-l. Li pasé kontra avèk travayè yo pou yon dénié pa jou, li voyé yo nan jadin rézin-l nan.

Li soti vè nèvé dimatin, li ouè dèt ki kanpé nan lari-a san yo pap fè anyin, li di yo : “Nou minm tou, al nan jadin rézin-m nan ; sa-k kòrèk, m-a ba nou-l”. Y-alé vré. Li soti ankò vè midi, vè touazè, li fè minm jan.

Vè sinkè apré midi, li soti tou, li jouinn dèt ki kanpé, li di yo : “Pouki sa nou kanpé tout jounin san nou pa fè anyin ?” Yo di-l : “Paské pèsòn pa anplouayé nou”. Li di yo : “Alé nou minm tou nan jadin rézin-m nan”.

Lè asouè rivé, mèt jadin rézin-an di administratè-l la : “Rélé travayè yo, ba yo pri travay yo, kòmansé ak dènié yo pou nou rivé nan premié yo”. Lè sa-k té rivé vè sinkè apré midi yo proché, yo chak, yo jouinn yon dènié.

Lè premié yo minm proché, yo té konprann yo t-ap jouinn plis ; min yo chak yo jouinn yon goud sèlman.

Lè yo pran-l, yo plinyin kont pèd-fanmiy la, yo di : “Dènié sa yo fè inèdtan sèlman, épi ou trété yo minm jan ak nou, nou minm ki poté poua lajounin-an ak chalè-a”. Li minm li réponn youn nan yo, li di : “Zanmi, mouin pa fè-ou abi ; èské sé pa-t pou yon dènié ou té antann ou avèk mouin ? Pran afè-ou, al fè rout ou ; mouin vlé bay sa-a ki vi-n an dènié-a minm jan avèk ou. Oubyin, èské mouin pa gin doua fè sa-m vlé ? Èské jé-ou mové, paské mouin minm mouin bon ?”

Sé konsa dènié yo ap premié, épi premié yo ap dènié ».

Paròl Granmèt la.

Jédi

Ané 1

PRÉMIÉ LÉKTU

*Prémié moun k-ap soti nan kay la,
sé li minn m-ap ofri Granmèt la kòm sakrifis antié.*

Léktu liv Jij yo

11, 29-39 a

Jou sa yo :

Éspri Granmèt la rivé sou Jéfté ; Jéfté fè tout tou Galaad ak Manasé, ak Masfa Galaad, li sot la, li travèsé kay pitit Amon yo, li fè yon vé bay Granmèt la, li di : « Si-ou rinnèt pitit Amon yo nan min-m, premié moun k-ap soti nan pòt kay mouin-an, pou-l vi-n rankontré-m, lè-m ap tounin ak lapè sot kay pitit Amon yo, sé li minm m-ap ofri kom sakrifis bay Granmèt la ».

Jéfté travèsé kot pitit Amon yo, pou-l batay kont yo, Granmèt la rinnèt yo nan min-l, li frapé yo dépi sot Aroèr rivé jous Minit, sa fè vin vil, épi jous Abèl, ki plin jadin rézin, sé té yon gran kou ; pitit Amon yo rabésé dévan pitit Israèl yo.

Lè Jéfté tounin Masfa, lakay li, sèl pitit fi-l la vi-n rankontré-l avèk tanbou ak dans ; li pa-t gin dòt pitit. Lè-l ouè-l, li chiré rad li, li di : « Ala malè pou mouin, pitit mouin, ou pran-m nan pièj, ou minm tou ou pri nan pièj : sèké mouin fi-n louvri bouch mouin kot Granmèt la, mouin pa kapab fè otréman ».

Li réponn li : « Papa-m, si-ou louvri bouch ou kot Granmèt la, fè-m jan-ou fi-n promèt la, paské ou fi-n tiré vanjans ak viktoua sou ènmi-ou yo ».

Li di papa-a : « Yon sèl bagay mouin mandé pou-ou pèmèt mouin : kité-m al sou mòn yo pandan dé moua, pou-m kriyé sou pitit yo mouin pap ginyin-an, ansanm ak zanmi-m yo ».

Li réponn li : « Alé ». Li kité-l alé pou dé moua. Lè-l pati ak zanmi-l yo ak kanmarad li yo, li kriyé sou pitit li pa ginyin yo, nan mòn yo. Lè dé moua yo fini, li tounin kot papa-l, papa-a réyalizé vé-a sou li.

Paròl Granmèt la.

PSÒM RÉPONS

Ps 39, 5. 7-8 a. 8 b-9. 10 (R: cf. 8 a é 9 a)

R: Min m-ap vini, Granmèt, pou-m fè volonté-ou.

5 Ala kontantman pou moun ki mété éspérans li nan Granmèt la, ki pa gadé moun k-ap fè logèy, k-ap panché nan manti. R:

7 Sakrifis ak kado, ou pa-t vlé sa, ou louvri zòrèy mouin.

8 Sakrifis antié ak sakrifis pou péché, ou pa-t mandé sa, lè sa-a mouin di : « Min, m-ap vini ». R:

9 « Nan roulo liv la yo ékri sou mouin pou-m fè volonté-ou.

Bondié mouin, mouin dakò, laloua-ou la nan zantray mouin ». R:

10 Mouin anonsé jistis ou-a nan gran asanblé-a ; min mouin pa fèmin bouch mouin, Granmèt, ou konnin. R:

Ané 2**PRÉMIÉ LÉKTU**

M-ap ba nou yon kè nouvo, m-ap mété yon éspri nouvo nan mitan nou.

Léktu liv profèt Ézékièl**36, 23-28**

Min paròl Granmèt la :

« M-ap fè ouè kijan non mouin-an gran, li minm ki sal nan pami nasion yo, li minm nou sal nan mitan yo-a, pou nasion yo konnin sé mouin minm Granmèt la, sé sa Granmèt lamé yo di, lè m-ap fè ouè kijan mouin sin nan mitan nou, dévan yo.

M-ap pran nou sot nan nasion yo, m-ap rasanblé nou sot nan tout péyi yo, m-ap minnin nou nan péyi nou-an, m-ap vidé yon dlo pròp sou nou, n-ap pròpté sot nan tou sa-k sal nou, anba tout zidòl nou yo m-ap pròpté nou, m-ap ba nou yon kè nouvo, m-ap mété yon éspri nouvo nan mitan nou, m-ap ouété kè ròch la sot nan chè nou, m-ap mété éspri-m nan mitan nou, m-ap fè nou maché nan lòd mouin yo, pou nou kinbé jijman-m yo, pou nou réalisé yo.

N-ap abité nan tè-a, sa-m té bay papa nou yo, n-ap pèp mouin, m-ap Bondié nou ».

Paròl Granmèt la.

PSÒM RÉPONS**Ps 50, 12-13. 14-15. 18-19 (R: Éz 36, 25)**

- R:** M-ap vidé yon dlo pròp sou nou,
n-ap pròpté sot nan tou sa-k sal nou.
- 12** Kréyé yon kè pròp nan mouin, Bondié,
réfè yon éspri fèm nan zantray mouin yo.
- 13** Pa jété-m louin fas ou,
éspri sin-ou nan, pa ouété-l sot nan mouin. **R:**
- 14** Rinmèt mouin kè kontan sovè ou sovè nou-an,
asiré-m ak éspri ki pi vif la.
- 15** M-ap aprann péchè yo chémin-ou yo,
méchan yo ap tounin vi-n jouinn ou. **R:**
- 18** Sèké ou pap pran plézi nan sakrifis,
sakrifis antié, si-m ofri-l, li pap fè-ou plézi.

¹⁹ Sakrifis pou Bondié, sé yon éspri ki krazé,
yon kè ki krazé, ki rabésé, Bondié pap méprizé-l. **R:**

ALÉLOUYA

Cf. Ps 94, 8 ab

R: Alélouya. Jodi-a, pa fèmin kè nou,
min kouté voua Granmèt la. **R:** Alélouya.

ÉVANJIL

Tou sa nou jouinn, invité yo vi-n nan nòs.

✠ Léktu sint Évanjil la dapré Matié

22, 1-14

Lè sa-a :

Jézu pran laparòl, li palé an parabol ankò pou chèf prèt yo ak ansyin pèp yo, li di : « Péyi roua sièl yo sé tankou yon roua, ki fè nòs pou pitit li : Li voyé sèvitè-l yo rélé invité yo pou nòs la, min yo réfizé vini.

Li voyé dòt sèvitè ankò, li di : “Di invité yo : Min résépsion-m nan paré, mouin touyé toro-m yo, ni poul yo yo t-ap angrésé yo, tout bagay paré : vi-n nan nòs”. Yo minm, yo fè négljans ; yo pati, youn nan jadin-l, yon lòt nan komès li ; lòt yo minm kinbé sèvitè yo, yo touyé yo anba kou.

Lè roua-a tandé sa, li faché ; li voyé lamé-l yo, li touyé kriminèl sa yo, li boulé vil yo.

Apré sa, li di sèvitè-l yo : “Nòs la déjà paré, min invité yo pa-t mérité-l. Alé nan kalfou yo, tout moun nou jouinn, invité yo vi-n nan nòs”. Sèvitè-l yo soti sou rout yo, yo rasanblé tout moun yo jouinn, mové kon bon ; nòs la plin ak moun ki sou tab.

Roua-a antré, pou-l ouè moun ki sou tab yo ; li ouè yon moun ki pa-t abiyé ak rad nòs, li di -l : “Zanmi, kijan-ou fè antré isit la, san-ou pa gin rad nòs ?” Li pé bouch li. Roua-a di sèvitè yo : “Maré min-l ak pié-l, jété-l nan fè-noua déyò yo ; koté sa-a sé rèl ak manjé dan k-ap ginyin”.

Sèké gin anpil invité, min sé yon ti kras yo chouazi ».

Paròl Granmèt la.

Vandrédi

Ané 1

PRÉMIÉ LÉKTU

*Noémi rivé avèk Rut, fi Moab la,
li tounin Bétlèèm.*

Kòmansman liv Rut

1, 1. 3-6. 14 b-16. 22

Nan tan yon jij, lè jij yo t-ap kòmandé-a, té gin grangou nan péyi-a. Gin yon mésié Bétlèèm Juda ki pati pou-l al abité nan péyi Moabit yo avèk madanm li, avèk dé pitit gason-l yo.

Élimélèk, mari Noémi, mouri ; madanm nan rété avèk pitit gason-l yo, yo marié avèk fi Moabit yo, youn yo rélé Orfa, lòt la minm Rut. Yo rété la pandan dizan, dé gason yo mouri : madanm nan rété san dé pitit gason-l yo ni mari-a.

Li lévé pou-l tounin sot nan péyi Moabit la avèk dé bèl-fi-l yo ; paské li té tandé kijan Granmèt la té voyé jé sou pèp li-a, li té ba-yo manjé.

Yo lévé voua yo, yo pran kriyé ankò. Orfa anbrasé bèl-mè-l, li tounin lakay li ; Rut kolé kò-l sou bèlmè-l.

Noémi di-l : « Min fanmi ou-an tounin al jouinn pèp li ak dié-l yo : alé avèk li ».

Li réponn : « Pa kontrarié-m pou-m kité-ou, pou-m pati ; sèké ninpòt ki koté ou-apralé, m-apralé tou, koté ou-ap mouri-a, m-ap mouri tou ; pèp ou-a sé pèp mouin, épi Bondié-ou la sé Bondié mouin ».

Noémi rivé avèk Rut, fi Moabit la, bèl-fi-l la, sot nan péyi koté-l t-al abité-a, li tounin Bétlèèm, nan kòmansman rékòlt blé yo.

Paròl Granmèt la.

PSÒM RÉPONS

Ps 145, 5-6. 7. 8-9 a. 9 bc-10 (R: 2 a)

R: Fè louanj Granmèt la, nanm mouin.

oubyin : Alélouya.

⁵ Ala kontantman pou sa-a Bondié Jakòb la poté-l sékou-a,
sa-a ki gin éspérans li nan Granmèt Bondié-l la,

⁶ li minm ki fè sièl la ak tè-a,
lanmè-a ak tou sa-k nan li. R:

- 7 Li minm ki kinbé vérité-a pou tout tan,
li fè jijman pou moun y-ap maltrété yo,
li bay sa-k grangou yo manjé.
Granmèt la défèt chinn yo. **R:**
- 8 Granmèt la kléré avèg yo,
Granmèt la lévé sa-k tonbé yo,
Granmèt la rinmin moun ki kòrèk yo,
- 9 Granmèt la protéjé étranjé yo. **R:**
Òfélin-an ak vèv la, li soutni yo,
min rout péchè yo, li gayé-l.
- 10 Granmèt la ap roua pou tout tan,
Bondié-ou la, Siyon,
pou jénérasyon ak jénérasyon. **R:**

Ané 2

PRÉMIÉ LÉKTU

*Zo ki fi-n séché yo, kouté paròl Granmèt la.
M-ap fè nou soti nan kavo nou yo, kay Israël la.*

Léktu liv profèt Ézékièl

37, 1-14

Jou sa yo :

Min Granmèt la rivé sou mouin, li fè-m soti nan éspri Granmèt la, li voyé-m nan mitan yon plinn ki té plin ak zosman ; li fè-m fè tout tou-a ; té gin anpil minm sou fas plinn nan, épi yo té fi-n séché nèt.

Li di-m : « Pitit moun, èské ou kouè zosman sa yo ap viv ? » Mouin di : « Granmèt Bondié, sé ou minm ki konnin ».

Li di-m : « Profétizé sou zosman sa yo, di yo : “Zosman ki séché, kouté paròl Granmèt la. Min sa Granmèt Bondié di zosman sa yo : Min m-ap voyé éspri-a anndan nou, n-ap viv m-ap mété nè sou nou, m-ap fè chè pousé sou nou, m-ap déplouayé po sou nou, m-ap ba nou éspri, n-ap viv, n-ap konnin mouin sé Granmèt la” ».

Mouin profétizé jan-l té pasé-m lòd la. Vi-n gin yon boui, pandan m-ap profétizé-a, vi-n gin yon tranbléman, zosman proche kot zosman yo chak nan jouintu pa-l. Mouin gadé, mouin ouè nè ak chè ki monté sou yo, épi po ki lonjé sou yo. Min yo pa-t gin éspri.

Li di-m : « Profétizé bay éspri-a, profétizé, pitit moun, di éspri-a : “Min paròl Granmèt Bondié-a : Éspri, sot nan kat van yo, vini, souflé sou mò sa yo, pou yo viv” ».

Mouin profétizé jan-l té pasé-m lòd la, éspri-a antré nan yo, yo viv, yo kanpé sou pié yo, yon lamé ki té gran anpil minm. Li di-m : « Pitit moun, zosman sa yo, sé tout kay Israèl la. Y-ap di : “Zosman nou fi-n séché, éspérans nou fi-n péri, nou fi-n mourir”.

Sé poua profétizé, di yo : “Min paròl Granmèt Bondié : Min m-ap louvri tonbo nou yo, m-ap fè nou soti nan tonbo nou yo, pèp mouin, m-ap fè nou antré nan tè Israèl la ; n-ap konnin sé mouin minm Granmèt la, lè m-ap louvri tonbo nou yo, épi m-ap fè nou soti nan kavo nou yo, pèp mouin, lè m-ap mété éspri-m nan nou, pou nou viv la, lè m-ap fè nou répozé sou tè nou-an, n-ap konnin sé mouin minm Granmèt la : mouin palé, épi mouin aji”, sé sa Granmèt Bondié-a di ».

Paròl Granmèt la.

PSÒM RÉPONS

Ps 106, 2-3. 4-5. 6-7. 8-9 (R : 1)

R: Fè louanj Granmèt la,
poutèt mizérikòd li pou tout tan.

oubyin : Alélouya.

- 2 Sé pou yo di, sa yo Granmèt la rachté-a,
yo minm li rachté sot nan min ènmi-an,
- 3 li rasanblé yo sot nan péyi yo,
sot olévan ak okouchan,
sot nan Nò ak nan lanmè. R:
- 4 Yo t-ap alé-vini nan dézè-a, nan tè sèk la,
yo pa-t jouinn rout vil ki abité.
- 5 Yo té grangou, yo té souaf,
lavi yo t-ap dépéri nan yo. R:
- 6 Yo rélé kot Granmèt la, lè yo t-ap pasé mizè,
li délivré yo sot nan tribilasyon yo.
- 7 Li kondui yo sou yon rout ki douat,
pou yo alé nan vil ki abité. R:
- 8 Sé pou yo fè louanj Granmèt la poutèt mizérikòd li,
ak mèvèy li pou pitit moun yo ;

⁹ paské li kalmé nanm ki té souaf la,
nanm ki té grangou-a, li plin-l ak byin. **R:**

ALÉLOUYA

Ps 24, 4 b. 5 a

R: Alélouya. Tras rout ou yo, Granmèt, aprann mouin yo,
dirijé-m nan vérité-ou la. **R:** Alélouya.

ÉVANJIL

*Sé pou-ou rinmin Granmèt Bondié-ou la,
ak prochin-ou tankou ou minm.*

✠ Léktu sint Évanjil la dapré Matié

22, 34-40

Lè sa-a :

Farizyin yo tandé kijan Jézu té fèmin bouch sadiséyin yo, yo rasanblé ansanm. Youn nan yo ki té savan nan laloua-a pozé-l késion, pou-l tanté-l : « Mèt, kilès ki gran kòmandman-an nan laloua-a ? »

Jézu di-l : « “Sé pou-ou rinmin Granmèt Bondié-ou la ak tout kè-ou, ak tout nanm ou, ak tout éspri-ou”. Sa-a sé pi gran, sé premié kòmandman-an. Dézièm nan minm sanblé avèk li : “Sé pou-ou rinmin prochin-an tankou pròp tèt ou”. Sé nan dé kòmandman sa yo tout laloua-a pandié ansanm ak profèt yo ».

Paròl Granmèt la.

Samdi

Ané 1

PRÉMIÉ LÉKTU

*Granmèt la pa aksépté pou manké yon moun pou kontinué fanmiy ou-a.
Sa-a sé papa Jésé, papa David.*

Léktu liv Rut

2, 1-3. 8-11 ; 4, 13-17

Élimélèk, mari Noémi té gin yon moun nan fanmiy li, yon mésié ki gin pouvoua, ki gin anpil richès, yo té rélé-l Bòoz.

Rut fi Moabit la, di bèl-mè-l konsa : « Si-ou pasé-m lòd, m-apral nan jadin, m-ap ranmasé zépi yo k-ap tonbé sot nan min moun k-ap fè rékòlt

yo, tout koté m-a jouinn gras bon kè pèd-fanmiy nan pou mouin ». Li réponn li : « Alé, ti fi-m ». Konsa l-alé, li ranmasé zépi yo dèyè moun ki t-ap rékòlté yo.

Bòoz di Rut : « Kouté, mafi : pa al nan lòt jadin pou-ou ranmasé, pa pati kité koté sa-a, min rét ansanm avèk sèvant mouin yo, koté y-ap rékòlté, suiv yo ; sèké mouin pasé sèvitè-m yo lòd pou pèsòn pa fè-ou malonnèt ; min minm si-ou souaf, al nan krich yo, bouè dlo, koté sèvitè yo ap bouè-a ».

Li tonbé sou fas li, li adoré atè-a, li di-l : « Koté sa soti pou mouin, pou-m jouinn gras dévan jé-ou, pou-ou aksépté rékonèt mouin, mouin minm ki yon madanm étranjé ? »

Li réponn li : « Yo rakonté-m tou sa-ou fè pou bèl-mè-ou apré lanmò mari-ou la, kijan ou kité fanmi-ou yo ak péyi-ou koté ou té fèt la, épi ou vini nan yon pèp ou pa-t konnin anvan ».

Konsa, Bòoz pran Rut, li résévoua-l kòm madanm li, l-al jouinn li, Granmèt la fè-l favè pou-l vi-n ansint, pou-l fè yon ti gason.

Médanm yo di Noémi : « Konpliman pou Granmèt la ki pa pèmèt pou-ou manké yon moun pou kontinué fanmi ou-an, pou rélé non-l nan Israèl, pou-ou kapab gin yon moun ki konsolé nanm ou, ni okipé viyéyès ou ; sé nan bèlfi-ou la li fèt, li minm ki rinmin-ou nan, ki pi bon pou ou pasé si-ou té gin sèt pitit gason ». Noémi pran ti pitit la, li pozé-l sou léstomak li, li sèvi-l kòm nouris ak bòn.

Médam yo ki nan vouazinaj la, yo fè-l konpliman, yo di : « Noémi gin yon pitit gason ki fèt pou li », yo rélé non-l Obèd. Sé li minm ki papa Jésé, papa David.

Paròl Granmèt la.

PSÒM RÉPONS

Ps 127, 1-2. 3. 4-5 (R : 4)

R: Min kijan moun ki krinn Granmèt la béni.

- 1 Ala kontantman pou tout moun ki krinn Granmèt la, k-ap maché nan rout li yo.
- 2 Sé foui travay min-ou ou-ap manjé, ala kontantman pou ou, ou-ap jouinn avantaj. R:
- 3 Madanm ou ap tankou yon jadin rézin ki byin donnin sou bò lakay ou ;

pitit ou yo ap tankou jèn plant pié oliv
alantou tab ou-a. **R:**

- ⁴ Min sé konsa moun nan ap béni,
sa-k krinn Granmèt la.
⁵ Sé pou Granmèt la béni-ou sot Siyon,
sé pou-ou ouè byin Jérusalèm
touléjou lavi-ou. **R:**

Ané 2

PRÉMIÉ LÉKTU

Grandè Granmèt la antré nan tanp la.

Léktu liv profèt Ézékièl

43, 1-7 a

Jou sa yo :

Anj la kondui-m nan pòt la ki gadé nan diréksion olévan-an, min gloua Bondié Israèl la t-ap antré nan diréksion olévan-an, voua-l sé té tankou voua gran dlo yo, tè-a té kléré ak grandè-l. Mouin ouè vizion-an, dapré aparans mouin té ouè, lè-l té vini pou-l té détoui vil la, aparans la té tankou sa mouin té ouè bò riviè Kobar la ; mouin tonbé sou fas mouin.

Grandè Granmèt la antré nan tanp la nan diréksion pòt la ki bay sou olévan-an ; éspri-a lévé-m, li fè-m antré nan lakou anndan-an, min kay la té plin ak gloua Granmèt la.

Mouin tandé y-ap palé avèk mouin anndan kay la, mésié-a ki té kanpé bò koté-m nan di-m : « Pitit moun, koté sa-a sé koté tro-n mouin-an ak koté plant pié-m, sé koté mouin abité nan mitan pitit Israèl yo pou tout tan ».

Paròl Granmèt la.

PSÒM RÉPONS

Ps 84, 9 ab-10. 11-12. 13-14 (**R:** : cf. 10 b)

- R:** Gloua Granmèt la ap abité nan péyi nou-an.
⁹ M-ap kouté sa Granmèt Bondié ap di,
sé lapè l-ap palé pou pèp li-a ak sin-l yo.
¹⁰ Réyéلمان li tou pré moun ki krinn li yo, sovè li sovè nou-an,
pou gloua-a abité sou tè nou-an. **R:**

- ¹¹ Mizérikòd ak vérité rankontré,
jistis ak lapè anbrasé.
- ¹² Vérité-a lévé sot sou tè-a,
jistis la panché sot nan sièl la. **R.**
- ¹³ Oui, Granmèt la ap bay bon kè,
tè nou-an ap bay foui-l.
- ¹⁴ Jistis ap maché dévan-l,
l-ap pozé pié-l sou rout la. **R.**

ALÉLOUYA**Mt 23, 9 b. 10 b**

R. Alélouya. Sé yon sèl la ki Papa nou, ki nan sièl la ;
sé yon sèl Mèt nou ginyin, Kris la. **R.** Alélouya.

ÉVANJIL*Yo di, min yo pa fè.***✠ Léktu sint Évanjil la dapré Matié****23, 1-12**

Lè sa-a :

Jézu palé ak fowl yo épi avèk disip li yo, li di :

« Sou fotèy Moyiz la skrib yo ak farizyin yo chita ; tou sa yo di nou, obsèvé-l, fè-l, sèlman pa suiv sa yo fè : sèké yo di min yo pa fè. Yo maré chaj ki lou, bagay moun pa kapab pòté, yo mété yo sou zépòl moun yo ; min yo pa vlé souké yo ak yon ti douèt. Tout aksion yo, yo fè yo pou moun yo kapab ouè yo : yo laji filaktè yo, yo lonjé fil manch yo. Yo rinmin prémié plas nan soupé yo, ak prémié chèz nan sinagòg yo, ak bèl salitasion sou laplas, épi pou moun yo rélé yo “Rabi”.

Kanta nou minm pa kité yo rélé nou “Rabi” ; sèké sé yon sèl la ki mèt nou, nou tout sé frè nou yé. Épi pa rélé moun “papa” nou sou tè-a ; paské sé yon sèl la ki Papa nou, ki nan sièl la. Pa kité yo rélé nou “mèt” ; paské sé yon sèl ki mèt nou, Kris la.

Moun ki pi gran nan pami nou-an, sé pou-l vi-n tounin sèvitè nou. Moun ki lévé tèt li, y-ap rabésé-l, min moun ki rabésé tèt li, y-ap lévé-l ».

Paròl Granmèt la.

VINTEINIÈM SÈMÈN ÒDINÈ

Dimanch, ané A

PRÉMIÉ LÉKTU

M-ap mété clé kay David la sou zépòl li.

Léktu liv profèt Izayi

22, 19-23

Min sa Grammèt la di Sobna, réskonsab tanp la :

« M-ap chasé-ou sot nan pòs ou-a, m-ap rétiré-ou sot nan sèvis ou-a. Jou sa-a, m-ap rélé sèvitè-m nan Éliasim, pitit Élsias, m-ap abiyé-l ak rad ou-a, m-ap maré sinti-l ak sintiron-ou nan, m-ap rimmèt pouvoua-ou la nan min-l ; l-ap tankou yon papa pou moun yo ki abité Jérusalèm nan ak kay Juda-a.

M-ap rimmèt clé kay David la sou zépòl li ; l-ap louvri, pèsòn pap kapab fèmin ; l-ap fèmin, pèsòn pap kapab louvri. M-ap fiksé-l tankou yon potò nan yon koté ki solid, l-ap tankou yon tro-n gloua nan kay papa-l la ».

Paròl Grammèt la.

PSÒM RÉPONS

Ps 137, 1-2 a. 2 bc-3. 6 é 8 bc (R : 8 bc)

R Grammèt, mizérikòd ou pou tout tan :
travay min-ou yo, pa lagé-l.

¹ M-ap fè louanj ou, Grammèt, ak tout kè-m,
paské ou tandé paròl bouch mouin.

² Dévan anj yo m-ap chanté pou ou,
m-ap adoré-ou nan tanp ou-a ki sin-an. **R**

M-ap fè louanj pou non-ou
poutèt mizérikòd ou ak vérité-ou.

³ Nan ninpòt ki jou mouin rélé-ou, ou réponn mouin ;
ou mété anpil fòs nan nanm mouin. **R**

⁶ Sèké Grammèt la ro anlè-a, li voyé jé sou pòv la,
li rékonèt grandizè-a byin louin.

⁸ Grammèt, mizérikòd ou pou tout tan :
travay min-ou yo, pa lagé-l. **R**

DÉZIÈM LÉKTU

Sé apati li, épi pa lintèmediè-l épi nan li tout bagay égzisté.

Léktu lèt apot sin Pòl pou Romin yo**11, 33-36**

Ala rotè richès sajès ak sians Bondié ! Yo pa kapab konprann jijman-l yo, yo pa kapab sondé chémin-l yo ! Ki moun ki té konnin éspri Granmèt la ? Oubyin ki moun ki té ba-l konsèy ? Oubyin ki moun ki té ba li anvan, pou-l blijé rinnèt li ? Sèké sé apati li épi pa lintèmediè-l épi nan li tout bagay égzisté. Konpliman pou li pou tout tan ! Amèn.

Paròl Granmèt la.

ALÉLOUYA

Mt 16, 18

✠ Alélouya. Ou sé Piè, épi sé sou piè sa-a m-ap bati Égliz mouin-an, pòt lanfè yo pap ranpòté viktoua kont li. ✠ Alélouya.

ÉVANJIL

Ou sé Piè, m-ap ba-ou klé péyi roua sièl yo.

✠ Léktu sint Évanjil la dapré Matié**16, 13-20**

Lè sa-a :

Jézu rivé nan réjion Sézaré Filip la, li pozé disip li yo késion, li di : « Ki sa moun yo di osijé Pitit moun nan ? »

Yo minm yo di : « Yon pòsion di sé Jan-Batis, yon lòt sé Éli, yon lòt minm sé Jérèmi oubyin youn nan profèt yo ».

Jézu di yo : « É nou minm, ki sa nou di mouin yé ? »

Simon Piè pran laparòl, li di : « Ou sé Kris la, Pitit Bondié ki vivan-an ».

Jézu minm pran laparòl, li di : « Ala kontantman pou ou, Simon, pitit Jan, paské sé pa chè-a ak san-an ki révéle-ou sa, min sé Papa-m, ki nan sièl yo. Mouin minm mouin di-ou ou sé Piè, sé sou piè sa-a minm m-ap bati Égliz mouin-an, pòt lanfè yo pap ranpòté viktoua kont li. M-ap ba-ou klé péyi roua sièl yo ; tou sa ou-ap maré sou tè-a, l-ap maré nan sièl la ; tou sa ou-ap lagé sou tè-a, l-ap lagé nan sièl la tou ».

Lè sa-a atò, li pasé disip li yo lòd, pou yo pa di pèsonn li sé Kris la.

Paròl Granmèt la.

Dimanch, ané B

PRÉMIÉ LÉKTU

N-ap sèvi Granmèt la, paské sé li minm ki Bondié nou.

Léktu liv Jozué

24, 1-2 a. 15-17. 18 b

Jou sa yo :

Jozué rasanblé tout ras Israël yo Sikèm, li rélé anyin yo ak chèf yo ak jij yo ak majistra yo, yo kanpé dévan fas Granmèt la, li palé ak pèp la, li di : « Si nou konsidéré sa mal pou nou sèvi Granmèt la, nou mèt chouazi : jodi-a minm chouazi sa nou pito, sa nou pi pito sèvi, oubyin sé zidòl yo papa nou yo té konn sèvi nan Mézopotami-a, oubyin zidòl Amoréyin yo, nan péyi yo koté nou abité-a ; kanta mouin minm ak kay mouin, n-ap sèvi Granmèt la ».

Pèp la réponn, li di : « Sé pou lidé sa-a rét louin nou, pou nou t-a abandoné Granmèt la pou nou t-a sèvi dié étranjé. Granmèt la Bondié nou-an sé li minm ki minnin nou, ni papa nou yo, sot nan péyi Éjip la, sot nan kay ésklavaj la, li fè nou ouè mèvèy éstraòdinè, li protéjé nou sou tout rout koté nou pasé, ak nan pèp koté nou travèsé. Konsa sé Granmèt la n-ap sèvi, paské sé li minm ki Bondié nou ».

Paròl Granmèt la.

PSÒM RÉPONS

Ps 33, 2-3. 16-17. 18-19. 20. 21. 22-23 (R: : 9 a)

R: Gouté, n-a ouè kijan Granmèt la bon.

² M-ap fè konpliman pou Granmèt la nan tout okazion, tout tan louanj li nan bouch mouin.

³ Nan Granmèt la nanm mouin ap jouinn gloua-l sé pou pòv yo tandé, pou yo kontan. R:

¹⁶ Jé Granmèt la sou moun ki kòrèk yo, zòrèy li sou rèl yo.

¹⁷ Fas Granmèt la sou moun k-ap fè mal yo, pou-l fè souvni yo disparèt sot sou tè-a. R:

¹⁸ Yo rélé, Granmèt la tandé, nan tout tribilasion yo li délivré yo.

- 19 Granmèt la tou pré moun ki gin kè yo krazé yo,
l-ap sovè sa-k gin éspri yo boulvèsé yo. **R:**
- 20 Moun ki kòrèk yo jouinn anpil tribilasyon,
min Granmèt la ap délivré yo sot nan tout.
- 21 L-ap protéjé tout zo yo, youn nan yo pap krazé. **R:**
- 22 Méchansté-a ap touyé méchan-an,
moun ki rayi sa-k kòrèk la, y-ap jouinn pinision.
- 23 Granmèt la ap rachté nanm sèvitè-l yo,
tout moun ki éspéré nan li yo, yo pap jouinn pinision. **R:**

DÉZIÈM LÉKTU

Sakréman sa-a gran, nan Kris la ak nan Égliz la.

Léktu lèt apot sin Pòl pou Éfézyin yo

5, 21-32

Frè-m yo :

Sé pou nou youn obéyi lòt nan krint Kris la. Sé pou médam yo obéyi mari yo tankou y-ap obéyi Granmèt la ; paské mari-a sé tèt madanm nan, tankou Kris la sé tèt Égliz la, li minm ki sovè kò-l la. Min minm jan Égliz la obéyi Kris la, sé konsa tou pou médam yo obéyi mari yo nan tout bagay.

Mari yo, sé pou nou rinmin madanm nou, tankou Kris la té rinmin Égliz la, épi li té rinmèt tèt li pou li, pou-l té kapab fè-l vi-n sin, antan-l propté-l ak bingn dlo-a nan paròl lavi-a, pou-l té kapab prezanté Égliz la nan gloua-a dévan li, san-l pa gin tach ni pli, ni anyin nan sans sa-a ; min pou-l sin, san défo. Konsa mésié yo doué rinmin madanm yo tou, tankou kò yo. Moun ki rinmin madanm li, sé pròp tèt li li rinmin. Pèsòn pa janm gin rayisans pou pròp chè-l, min li nourri-l, li souin-l, minm jan Kris la fè pou Égliz la, paské nou sé manb kò-l, nou fè pati chè-l ak zo-l.

Poutèt sa, moun nan ap kité papa-l ak manman-l, l-ap kolé kò-l kot madanm li, yo dé-a ap yon sèl chè. Sakréman sa-a gran, m-ap palé pou Kris la ak Égliz la.

Paròl Granmèt la.

ALÉLOUYA

Cf. Jan 6, 63 c. 68 c

R: Alélouya. Paròl ou yo, Granmèt, sé éspri ak lavi ;
ou gin paròl lavi tout tan-an. **R:** Alélouya.

ÉVANJIL

*Kot kilès pou-n alé ?
Ou gin paròl lavi tout tan-an.*

✠ Léktu sint Évanjil la dapré Jan

6, 60-69

Lè sa-a :

Anpil nan disip Jézu yo té di : « Paròl sa-a rèd, ki moun ki kapab tandé-l ? »

Jézu konnin disip li yo t-ap plinyin sou sa antré yo, li di yo : « Sa dékontrolé nou ? Si nou té ouè Pitit moun nan k-ap monté koté-l té yé anvan-an ? Sé « Éspri-a ki bay lavi, chè-a pa kapab sèvi anyin. Paròl yo mouin palé nou-an, sé éspri ak lavi yo yé. Min ginyin nan nou ki pa kouè ». Jézu té konnin dépi nan kòmansman kilès ki pa-t kouè, épi kilès ki t-ap rinmèt li-a.

Li di : « Sé poua mouin té di nou, pèsònn pa kapab vi-n jouinn mouin, si sé pa Papa-m ki ba-l posibilite sa-a ».

Dépi lè sa-a anpil nan disip li yo pati kité-l, yo pa maché avèk li ankò.

Jézu di douz yo : « Èské nou minm tou nou vlé pati ? »

Simon Piè réponn : « Granmèt, kot kilès pou-n alé ? Ou gin paròl lavi tout tan-an. Nou minm nou kouè, nou konnin ou sé Kris la Pitit Bondié-a ».

Paròl Granmèt la.

Dimanch, ané C

PRÉMIÉ LÉKTU

Y-ap minnin tout frè nou yo sot nan tout nasion yo.

Léktu liv profèt Izayi

66, 18-21

Min paròl Granmèt la :

« Mouin minm mouin vini pou-m rasanblé travay yo ak pansé yo avèk tout nasion yo ak lang yo, y-ap vini pou yo ouè gloua-m. M-ap mété yon sign nan mitan yo, m-ap voyé nan sa-k sovè yo pou y-al jouinn nasion

lanmè yo, Afrik, Lidi, moun ki konn tiré flèch yo, Itali, Grès, zilé ki louin yo, sa yo ki pa-t tandé palé sou mouin, ki pa-t ouè gloua-m nan.

Y-ap anonsé gloua-m nan nasion yo, y-ap minnin tout frè nou yo sot nan tout nasion yo kòm kado pou Granmèt la, sou choual, nan chario, sou kabann, sou milèt, sou chamo, pou yo vi-n sou mòn mouin-an ki sin-an Jérusalèm, sé sa Granmèt la di, tankou lè pitit Israèl yo ap poté kado nan véso ki nèt nan kay Granmèt la. M-ap pran prêt ak lévité nan pami yo », sé sa Granmèt la di.

Paròl Granmèt la.

PSÒM RÉPONS

Ps 116, 1. 2 (R : Mk 16, 15)

R: Alé sou tout tè-a, préché Bòn Nouvèl la.

oubyin : Alélouya.

¹ Fè louanj Granmèt la, tout nasion yo, fè louanj li ansanm, tout pèp yo. R:

² Paské mizérikòd li asiré sou nou, vérité Granmèt la diré pou tout tan. R:

DÉZIÈM LÉKTU

Moun Granmèt la rinmin, li korijé-l.

Léktu lèt pou Ébré yo

12, 5-7. 11-13

Frè-m yo :

Nou bliyé konsolasion-an mouin té palé avèk nou-an tankou papa-a palé pitit li, lè-m té di : « Pitit mouin, pa néglijé koréksion Granmèt la, pa dékourajé paské l-ap réprann ou. Sèké moun Granmèt la rinmin, li korijé-l, li drésé tout pitit li aksépté ».

Kinbé fèm nan disipli-n nan. Bondié ofri tèt li ba nou tankou bay pitit li. Kilès pitit, yon papa pa korijé-l ?

Tout koréksion y-ap sibi koulié-a, sé pa ak kè kontan yo konsidéré-l, min sé ak chagrin ; sèlman apré sa, li bay foui lapè ak jistis. Sé poua drésé min ki fébli yo ak jénou k-ap pliyé yo, égalizé rout yo pou pié nou, pou moun k-ap bouaté-a pa dévié, okontrè pou-l géri.

Paròl Granmèt la.

ALÉLOUYA

Jan 14, 6

R: Alélouya. Mouin sé chémin-an, vérité-a ak lavi-a, sé sa Granmèt la di ; pèsònn pa vi-n kot Papa-a, sof pa lantrémiz mouin. **R:** Alélouya.

ÉVANJIL

*Y-ap vi-n sot olévan ak okouchan,
épi y-ap lonjé kò yo pou yo manjé nan péyi roua Bondié-a.*

✠ Léktu sint Évanjil la dapré Luk

13, 22-30

Lè sa-a :

Jézu t-ap maché nan vil yo ak bouk yo, li t-ap bay ansègnman, pandan l-ap maché al Jérusalèm.

Yon moun di-l : « Granmèt, èské sé ti kras moun sa yo k-ap sové ? »

Li minm li di yo : « Chèché antré nan pòt ki séré-a ; paské gin anpil, mouin di nou, k-ap chèché antré, min ki pap kapab. Réyéلمان lè pèd-famiy nan ap fi-n antré, l-ap fèmin pòt la, n-ap kòmansé rét déyò-a, n-ap frapé pòt la, n-ap di : “Granmèt, louvri pou nou” ; l-ap réponn, l-ap di nou : “Mouin pa konnin koté nou soti”. Lè sa-a n-ap kòmansé di : “Nou té manjé dévan-ou, nou té bouè dévan-ou, ou té bay ansègnman sou plas nou yo”.

L-ap di nou : “Mouin pa konnin koté nou soti : ralé kò nou sot sou mouin, nou tout k-ap fè péché”. Sé la k-ap gin rèl ak manjé dan, lè n-ap ouè Abraam, Izaak ak Jakòb ak tout profèt yo nan péyi roua Bondié-a, min nou minm y-ap réjté nou déyò. Moun ap vi-n sot olévan ak okouchan, sot nan nò ak nan sid, épi y-ap lonjé kò yo pou yo manjé nan péyi roua Bondié-a.

Dènié yo ap premié, épi premié yo ap dènié ».

Paròl Granmèt la.

Lindi

Ané 1

PRÉMIÉ LÉKTU

*Nou chanjé chemin sot nan zidòl yo vi-n jouinn Bondié,
n-ap espéré Pitit li-a li résisité-a.*

Kòmansman prémié lèt apot sin Pòl pou Tésalonisyin yo 1, 1-5. 8 b-10

Pòl ak Silvin ak Timoté, pou Égliz Tésalonisyin yo nan Bondié Papa-a ak Granmèt Jézu-Kri. Gras pou nou ak lapè.

N-ap di Bondié mèsi tout tan pou nou tout, antan n-ap sonjé nou nan priyè nou san rété ; n-ap sonjé travay lafoua nou, lapinn nou, charité nou, épi andirans espérans nou nan Granmèt nou Jézu-Kri dévan Bondié Papa nou.

Nou konnin, frè nou yo Bondié rinmin-an, kijan li chouazi nou : Bòn Nouvèl nou-an pa-t rivé koté nou nan paròl sèlman, min nan puisans ak nan Éspri Sin, ak nan anpil réalizasyon ki kòrèk nèt, jan nou konnin kijan nou té konpòté nou koté nou poutèt nou.

Lafoua nou-an, ki véritab lafoua nan Bondié-a, li avansé dévan tout koté, atèl pouin nou pa bézouin di anyin ankò ; sé yo minm minm k-ap anonsé osijè nou kijan nou té rivé lakay nou épi kijan nou minm minm nou té chanjé chemin sot nan zidòl yo vi-n jouinn Bondié, pou nou sèvi Bondié ki vivan-an, ki vré-a, pou nou tann Pitit li-a k-ap sot nan sièl la, li minm li té résisité sot nan pami mò yo : Jézu, ki délivré nou anba kòlè k-ap vini-an.

Paròl Granmèt la.

PSÒM RÉPONS

Ps 149, 1-2. 3-4. 5-6 a é 9 b (R: 4 a)

R: Granmèt la jouinn plézi nan pèp li-a.

oubyin : Alélouya.

¹ Chanté pou Granmèt la yon kantik nouvo ;
louanj li nan asanblé sin yo.

² Sé pou Israèl kontan nan sa-a ki fè-l la,
sé pou pitit Siyon yo dansé pou roua yo-a R:

³ Sé pou yo fè louanj pou non-l avèk dans,
sou tanbou ak gita sé pou yo chanté pou li.

- ⁴ Paské Granmèt la jouinn plézi nan pèp li-a,
l-ap fè pòv yo jouinn konsidérasion nan sové li sové yo-a. **R:**
- ⁵ Sé pou sin yo fété nan gloua-a,
sé pou yo kontan sou kabann yo.
- ⁶ Louanj Bondié yo-a nan bouch yo :
- ⁹ gloua sa-a pou tout sin-l yo. **R:**

Ané 2

PRÉMIÉ LÉKTU

*Non Granmèt la jouinn klèté nan nou
épi nou minm tou nan li.*

Kòmansman dézièm lèt apot sin Pòl pou Tésalonisyin yo 1, 1-5. 11 b-12

Pòl ak Silvin ak Timoté, pou Égliz Tésalonisyin yo nan Bondié Papa nou ak Granmèt Jézu-Kri. Gras pou nou ak lapè sot nan Bondié Papa nou ak Granmèt Jézu-Kri.

Nou doué di Bondié mési tout tan pou nou minm, frè yo, jan sa mérité, paské lafoua nou fè progrè dépasé mézi, charité nou ginyin youn pou lòt ap dépasé limit ki fè nou minm minm nou kontan nou nan pami Égliz Bondié yo pou jan nou gin pasians ak lafoua nan tout pèsékision ak tribilasion nou sipoté ; sa sèvi yon égzanp pou montré jijman Bondié yo kòrèk : nou mérité antré nan péyi roua Bondié-a poutèt sa nou té souffri pou li.

Sé pou Bondié nou-an fè nou mérité viv jan li rélé nou pou nou viv la, sé pou nan puisans li li réalizé tout volonté byin-an avèk aktivité lafoua-a. Konsa non Granmèt nou Jézu-Kri a jouinn klèté nan nou, épi nou minm tou nan li, dapré gras Bondié nou-an ak Granmèt Jézu-Kri.

Paròl Granmèt la.

PSÒM RÉPONS

Ps 95, 1-2 a. 2 b-3. 4-5 (**R: 3**)

- R:** Anonsé mèvèy Granmèt la nan tout pèp yo.
- ¹ Chanté pou Granmèt la yon kantik nouvo,
chanté pou Granmèt la, tout tè-a.
- ² Chanté pou Granmèt la, fè konpliman pou li. **R:**
Anonsé jou an jou sové li sové nou-an.
- ³ Anonsé gloua li-a pou nasion yo,
nan tout pèp yo mèvèy li yo. **R:**

- 4 Sèké Granmèt la gran, li mérité anpil louanj,
li térib pasé tout dié yo.
- 5 Sèké tout dié nasion yo sé pa anyin,
min sé Granmèt la ki fè sièl yo. **R:**

ALÉLOUYA

Jan 10, 27

R: Alélouya. Mouton-m yo tandé voua-m, sé sa Granmèt la di ;
épi mouin minm mouin konnin yo, yo suiv mouin. **R:** Alélouya.

ÉVANJIL

Ala malè pou nou, chèf avèg.

✚ Léktu sint Évanjil la dapré Matié

23, 13-22

Lè sa-a : Jézu palé, li di :

« Ala malè pou nou, skrib ak farizyin ipokrit, paské nou fèmin péyi roua sièl yo dévan moun yo ! Nou minm nou pa antré, épi moun k-ap antré yo, nou pa kité yo antré.

Ala malè pou nou, skrib ak farizyin ipokrit, paské n-ap manjé kay vèv yo, pandan n-ap fè priyè ki long ; sé poua n-ap jouinn kondanasion ki pi rèd !

Ala malè pou nou, profèsè ak farizyin ipokrit, paské n-ap fè tout tou lanmè-a ak savann nan pou nou fè yon disip ; min lè nou fi-n pran-l, nou fè-l vi-n tounin pitit lanfè-a dé foua plis pasé nou !

Ala malè pou nou, chèf avèg, k-ap di : “Moun ki fè sèman sou tanp la, sa pa anyin ; min moun ki fè sèman sou lò tanp la, li gin dèt”. Inbésil, avèg ! Ki sa ki pi gran : lò-a oubyin tanp la ki fè lò-a vi-n sin-an ? “Épi moun ki fè sèman sou lotèl la, sa pa anyin ; min moun ki fè sèman sou kado-a ki sou li-a, li gin dèt”. Avèg ! Ki sa-k pi gran : kado-a oubyin lotèl la ki fè kado-a vi-n sin-an ?

Moun ki fè sèman sou lotèl la, li fè sèman sou li, ak sou tou sa-k sou li. Moun ki fè sèman sou tanp la, li fè sèman sou li ak sou Sa-a ki abité nan li-a. Moun ki fè sèman sou sièl la, li fè sèman sou tro-n Bondié-a, ak sou Sa-a ki chita sou li-a ».

Paròl Granmèt la.

Madi

Ané 1

PRÉMIÉ LÉKTU

*Nou té vlé rinmèt nou pa sèlman Bòn Nouvèl Bondié-a,
min minm lavi nou tou.*

Léktu prémié lèt apot sin Pòl pou Tésalonisyin yo

2, 1-8

Nou konnin nou minm minm, frè-m yo, kijan nou té rivé lakay nou, sé pa-t pou granmési ; min anvan sa, nou té soufri, yo té maltrété nou nan vil Filip, jan nou konnin-an ; nou té gin konfians nan Bondié nou-an, pou nou anonsé nou Bòn Nouvèl Bondié-a avèk anpil souin.

Prèch nou-an pa-t soti nan èrè, ni nan inpurté, ni nan riz ; min, tankou moun Bondié fi-n vérifié pou-l konfié nou Bòn Nouvèl la, sé konsa nou palé ; sé pa tankou moun k-ap chèché fè lézòm plézi, min sé Bondié nou t-ap chèché fè plézi, li minm ki vérifié kè nou. Nou pa janm préché pou flaté moun, jan nou konnin-an, ni pou chèché fè lajan, Bondié témouin, ni pou chèché konsidérasion nan min lézòm, ni nan nou minm ni nan min lòt moun yo. Malgré nou té kapab fè nou santi chaj kòm apot Kris la, okontrè nou té fè kò nou tou piti nan mitan nou, tankou yon nouris k-ap souin pitit li yo.

Konsa nou té si tèlman rinmin nou anpil, sé pa Bòn Nouvèl Bondié-a sèlman nou té vlé bannou min ata lavi nou, paské nou té gin anpil valè pou nou.

Paròl Granmèt la.

PSÒM RÉPONS

Ps 138, 1-3. 4-6 (R: I)

R: Granmèt, ou sondé-m, ou konnin-m.

1 Granmèt, ou sondé-m, ou konnin-m,

2 ou konnin chita-m ak lévé-m.

3 Ou konprann pansé-m dépi byin louin,

4 tras rout mouin ak kouché-m, ou égzaminé yo.

Tout rout mouin yo, ou ouè yo byin klè. R:

4 Sèké paròl la pa ko sou lang mouin,

épi, Granmèt, ou déjà konnin tout bagay.

5 Dèyè ak dévan, ou séré-m,

ou pozé min-ou sou mouin.

- ⁶ Li éstraòdinè anpil, konésans ou sou mouin-an ;
li ro anpil, mouin pa kapab jouinn li. **R:**

Ané 2

PRÉMIÉ LÉKTU

Kinbé ansègnman nou aprann yo.

Léktu dézièm lèt apot sin Pòl pou Tésalonisyin yo **2, 1-3 a. 14-17**

Nou priyé nou, frè yo, pa pouvoua Granmèt nou Jézu-Kri k-ap vini-an, avèk nou minm tou k-ap rasanblé nan li-a : pa présé kité anyin troublel éspri nou, pa pè anyin, ni éspri, ni paròl, ni lèt yo prétann nou voyé bannou, ki t-a fè nou konprann jou Granmèt la rivé. Pa kité pèsòn tronpé nou okinn fason.

Bondié rélé nou pa pouvoua Bòn Nouvèl nou-an pou nou jouinn gloua Granmèt nou Jézu-Kri. Konsa, frè yo, kanpé, kinbé ansègnman yo té transmèt nou yo, sa nou té aprann yo, soua nan prèch nou, soua nan lèt nou. Li minm minm Granmèt nou Jézu-Kri ak Bondié Papa nou, ki rinmin nou épi ki ba nou konsolasion tout tan-an ak bon éspérans nan gras la, sé pou-l ankourajé kè nou, épi sé pou-l asiré-l nan tout aksion ak nan tout bon paròl.

Paròl Granmèt la.

PSÒM RÉPONS

Ps 95, 10. 11-12 a. 12 b-13 (R: 13 b)

R: Granmèt la vini pou-l jijé tè-a.

- ¹⁰ Di nan nasion yo : « Granmèt la roua ».
L-ap drésé fas tè-a pou-l pa souké ;
l-ap jijé pèp yo nan jistis. **R:**

- ¹¹ Sé pou sièl yo kontan, pou tè-a fété,
pou lanmè-a sonnin ansanm ak tou sa-k plin-l ;

- ¹² jadin yo ap kontan ansanm ak tou sa ki nan yo. **R:**

- Lè sa-a tout boua nan rak yo ap dansé
¹³ dévan fas Granmèt la, paské l-ap vini,
paské l-ap vini pou-l jijé tè-a.

L-ap jijé fas tè-a nan jistis
épi pèp yo nan vérité-l. **R**

ALÉLOUYA

Ébr 4, 12

R Alélouya. Paròl Bondié-a vivan, li réalizé sa-l vlé,
épi li égzaminé sa kè-a pansé ak sa li vlé fè-a. **R** Alélouya.

ÉVANJIL

*Sé pou nou té fè bagay sa yo,
san nou pa néglijé lòt yo.*

✠ Léktu sint Évanjil la dapré Matié

23, 23-26

Lè sa-a : Jézu palé, li di :

« Ala malè pou nou, skrib ak farizyin ipokrit, nou minm k-ap bay dizièm pòsion sou mant la avèk lanis la avèk légim yo, min nou kité sa-k pi konsékan nan laloua-a : jijman, mizérikòd, lafoua ! Sé pou nou té fè bagay sa yo, san nou pa néglijé lòt yo. Chèf avèg, n-ap pasé mouch la nan pasoua, min nou valé chamo-a !

Ala malè pou nou, skrib ak farizyin ipokrit, paské n-ap pròpté sa-k déyò kalis la avèk plat la, min anndan-an minm nou plin vòl ak inpurté ! Farizyin avèg, kòmansé pròpté sa-k anndan kalis la avèk plat la, pou sa-k déyò-a kapab vi-n pròp ».

Paròl Granmèt la.

Mèkrédi

Ané 1

PRÉMIÉ LÉKTU

*Lannuit ak lajounin n-ap travay pou nou préché
Bòn Nouvèl la ba nou.*

Léktu prémié lèt apot sin Pòl pou Tésalonisyin yo

2, 9-13

Nou sonjé, frè-m yo, kijan nou travay, nou fatigé kò nou : lannuit ak lajounin, nou t-ap travay, pou nou pa pézé sou nou, pandan nou t-ap préché nou Bòn Nouvèl Bondié-a. Nou témouin ansanm ak Bondié, kijan konduit nou té sin, kòrèk, san répròch koté nou, nou minm ki kouè-a ;

nou konnin kijan nou té yé ak chak moun nan nou, tankou yon papa ak pitit li yo, antan n-ap priyé nou, n-ap konsolé nou, pou nou maché kòrèk pou Bondié ki rélé nou nan péyi-roua li-a ak nan gloua li-a.

Sé poua nou minm nou di Bondié mési san rété, paské, lè nou résévoua paròl Bondié-a nou té tandé nan bouch nou-an, nou pa résévoua-l tankou yon paròl moun, min tankou sa li yé-a vré, tankou paròl Bondié-a, li minm ki aji nan nou minm ki kouè yo.

Paròl Granmèt la.

PSÒM RÉPONS

Ps 138, 7-8. 9-10. 11-12 ab (R: 1)

R: Granmèt, ou sondé-m, ou konnin-m.

- 7 Ki koté pou-m alé louin éspri-ou,
ki koté pou-m sové kò-m louin fas ou ?
- 8 Si-m monté nan sièl, ou la ;
si-m désann anba tè, ou prézan. R
- 9 Si-m pran zèl dévan-jou
m-al abité nan fon lanmè,
- 10 minm la min-ou ap kondui-m,
min douat ou ap kinbé-m. R
- 11 Si-m di : « Pétèt fènoua yo ap fèmin-m,
lannuit la ap sèl klèté alantou-m ».
- 12 Minm fènoua yo pa fènoua dévan-ou,
lannuit la ap kléré tankou lajounin. R

Ané 2

PRÉMIÉ LÉKTU

Si yon moun pa vlé travay, li pa doué manjé.

Léktu dézièm lèt apot sin Pòl pou Tésalonisyin yo 3, 6-10. 16-18

Nou avèti nou, frè yo, o non Granmèt nou Jézu-Kri, pou nou pran distans nou ak tout frè k-ap maché san lòd, ki pa suiv ansègnmnn nou té transmèt yo-a.

Nou konnin kijan pou nou pran modèl sou nou, paské nou pa-t rété nan mitan nou san nou pa fè anyin, nou pa-t manjé pin lòt moun pou granmési ; min sé nan travay avèk fatig nannuit ak lajounin nou t-ap

rédi, pou nou pa pézé sou kont pèsònn nan nou. Sé pa paské nou pa t-a gin doua, min sé pou nou té kapab mété nou kòm modèl pou nou imité. Réyèlman, lè nou té lakay nou-an, nou té konn déklaré nou sa : si yon moun pa vlé travay, li pa doué manjé non plis tou.

Sé pou Granmèt lapè-a ba nou lapè tout tan tout koté. Sé pou Granmèt la avèk nou tout.

Salutasion sa-a sé min pa-m, Pòl, ki ékri-l : sé sign mouin mété nan tout lèt yo : sé konsa mouin ékri.

Gras Granmèt nou Jézu-Kri avèk nou tout. Amèn.

Paròl Granmèt la.

PSÒM RÉPONS

Ps 127, 1-2. 4-5 (R : 1 a)

R: Ala kontantman pou tout moun ki krinn Granmèt la.

¹ Ala kontantman pou tout moun ki krinn Granmèt la,
k-ap maché nan rout li yo.

² Sé foui travay min-ou ou-ap manjé,
ala kontantman pou ou, ou-ap jouinn avantaj. R:

⁴ Min sé konsa moun nan ap béni,
sa-k krinn Granmèt la.

⁵ Sé pou Granmèt la béni-ou sot Siyon,
sé pou-ou ouè byin Jérusalèm
touléjou lavi-ou. R:

ALÉLOUYA

1 Jn 2, 5

R: Alélouya. Moun ki kinbé paròl Kris la,
charité Bondié-a kòrèk nèt nan li tout bon vré. R: Alélouya.

ÉVANJIL

Nou sé pitit moun sa yo ki té touyé profèt yo.

✠ Léktu sint Évanjil la dapré Matié

23, 27-32

Lè sa-a : Jézu palé, li di :

« Ala malè pou nou, skrib ak farizyin ipokrit, paské nou sanblé avèk kavo blanchi, déyò yo parèt byin bèl pou lézòm, anndan-an minm plin ak

zo mò avèk tout kalité bagay pouri ! Sé konsa nou minm tou, déyò nou parèt kòrèk vré pou lézòm min anndan-an minm nou plin ipokrizi ak méchansté.

Ala malè pou nou, skrib ak farizyin ipokrit, nou minm k-ap bati kavo profèt yo, k-ap dékoré tonbo moun kòrèk yo, épi n-ap di : “Si nou té nan épòk papa nou yo, nou pa t-ap konplis yo nan san profèt yo !” Sé pou sa sé nou minm minm ki sèvi pròp tèt nou témouin, nou sé pitit moun sa yo ki té touyé profèt yo. Ébyin nou minm, nou mèt fi-n fè sa papa nou yo té kòmansé fè-a ».

Paròl Granmèt la.

Jédi

Ané 1

PRÉMIÉ LÉKTU

*Sé pou Granmèt la fè nou dépasé limit charité
nou ginyin youn pou lòt la.*

Léktu prémié lèt apot sin Pòl pou Tésalonisyin yo 3, 7-13

Nan mitan tout kè séré ak tribilasion nou, nou jouinn konsolasion nan nou, frè yo, poutèt lafoua nou-an ; koulié-a nou kapab viv, paské nou minm nou kinbé fèm nan Granmèt la. Ki mèsì nou kapab rinnièt Bondié pou nou pou tout kè kontan sa-a n-ap joui-a poutèt nou dévan Bondié nou-an, antan n-ap priyé lannuit ak lajounin an kantité, pou nou kapab ouè fas nou, pou nou konplété sa-k manké nan lafoua nou ?

Bondié Papa nou, ak Granmèt nou Jézu-Kri, sé pou-l dirijé chémin nou jous lakay nou. Nou minm minm sé pou Granmèt la fè nou dévlopé, sé pou-l fè nou dépasé limit charité nou ginyin youn pou lòt la ak pou tout moun, minm jan nou ginyin-l pou nou-an ; konsa sé pou-l kinbé kè nou fèm san répròch nan sa ki fè nou vi-n sin-an dévan Bondié Papa nou, pou jou Granmèt nou Jézu-Kri ap vini ansanm ak tout sin-l yo. Amèn.

Paròl Granmèt la.

PSÒM RÉPONS

Ps 89, 3-4. 12-13. 14 é 17 (R : 14)

R: Plin nou, Granmèt, ak mizérikòd ou-a, pou nou fété.

- 3 Ou fè moun nan tounin nan pousiè ;
ou di : « Tounin, pitit moun yo ».
- 4 Sèké mil ané dévan jé-ou sé tankou jounin yè-a ki pasé,
ak yon vèy nan nuit. **R:**
- 12 Aprann nou konté jou nou yo,
pou nou mété kè nou nan chémin sajès la.
- 13 Tounin, Granmèt, jouskilè ?
Pran pitié pou sèvitè-ou yo. **R:**
- 14 Plin nou dépi granmatin ak mizérikòd ou-a,
n-a fété, n-a gin kè kontan tout jou nou yo.
- 17 Sé pou klété Granmèt Bondié nou-an sou nou,
garanti travay min nou-an sou nou,
travay min nou, garanti-l. **R:**

Ané 2

PRÉMIÉ LÉKTU

Nan tout bagay, nou vi-n rich nan li.

Kòmansman prémié lèt apot sin Pòl pou Korintyin yo 1, 1-9

Pòl, li minm Jézu-Kri rélé pou-l apot, dapré volonté Bondié, avèk Sostèn, frè-a, pou égliz Bondié-a ki Korint, nou minm ki vi-n sin nan Kris Jézu, nou minm li rélé pou nou vi-n sin, avèk tou sa k-ap rélé non Granmèt nou Jézu-Kri tout koté yo yé avèk koté nou yé-a : gras pou nou ak lapè sot nan Bondié Papa nou ak Granmèt Jézu-Kri.

Mouin di Bondié-m nan mèsì tout tan pou nou nan gras Bondié-a, sa-l ba nou nan Kris Jézu-a. Amèn, nou vi-n rich nan tout bagay nan li, nan tout paròl ak nan tout sians. Sèké jan témouagnaj Kris la vi-n solid nan nou-an ; atèl pouin nou pa manké anyin nan okinn gras pou nou tann révélation Granmèt nou Jézu-Kri, li minm k-ap asiré nou jouskalafin san répròch, nan jou Granmèt nou Jézu-Kri ap vini-an. Bondié fidèl, li minm ki rélé nou pou nou asosié avèk Pitit li Jézu-Kri Granmèt nou-an.

Paròl Granmèt la.

PSÒM RÉPONS

Ps 144, 2-3. 4-5. 6-7 (R: cf. 1 b)

R: M-ap fè konpliman pou non-ou pou tout tan, Bondié roua mouin.

- 2 Chak jou m-ap fè konpliman pou ou,
m-ap fè konpliman pou non-ou,
pou tout tan ak tout tan gin tan.
- 3 Granmèt la gran, li mérité anpil louanj,
yo pa kapab sondé grandè-l. **R:**
- 4 Yon jénérasyon ap fè louanj pou travay li, bay yon lòt jénérasyon,
y-ap rakonté puisans ou.
- 5 Rotè gloua grandè-ou, y-ap déklaré-l,
épi mèvèy ou yo, y-ap détayé yo. **R:**
- 6 Fòs ou ki térib yo, yo di yo,
grandè-ou la, y-ap rakonté-l.
- 7 Y-ap pibliyé souvni richès dousè-ou la,
y-ap fété nan jistis ou-a. **R:**

ALÉLOUYA

Mt 24, 42 a. 44

R: Alélouya. Véyé, rété paré
paské nou pa konnin kilè Pitit moun nan ap vini. **R:** Alélouya.

ÉVANJIL*Rét paré.***✠ Léktu sint Évanjil la dapré Matié**

24, 42-51

Lè sa-a : Jézu di disip li yo :

« Véyé, paské nou pa konnin kilè Granmèt nou-an gin pou-l vini. Aprann sa, si pèd-fanmiy la té konnin kilè vòlè-a t-ap vini, li t-ap véyé sètènman, li pa t-ap kité yo kasé kay li-a. Konsa nou minm tou sé pou nou paré, paské nou pa konnin kilè Pitit moun nan gin pou-l vini.

Kilès sèvitè ki fidèl, ki gin ladrès, dapré nou, pou mèt li instalé-l sou fanmi li, pou-l bay moun yo manjé nan tan yo ? Ala kontantman pou sèvitè sa-a, si lè mèt li rivé, li jouinn li ap fè sa. Amèn mouin di nou, sé sou tout byin-l yo l-ap instalé-l.

Min si mové sèvitè sa-a di nan kè-l : “Mèt mouin pran tan pou-l vini”, épi li kòmansé ap frapé lòt sèvitè-l yo, l-ap manjé, l-ap bouè avèk moun sou yo : mèt sèvitè sa-a ap rivé jou li pa éspéré, ak lè li pa konnin ; l-ap

jété-l déyò, l-ap mété pòsion-l avèk ipokrit yo : koté sa-a sé rèl ak manjé dan k-ap ginyin ».

Paròl Granmèt la.

Vandrédi

Ané 1

PRÉMIÉ LÉKTU

Min volonté Bondié, sé pou nou vi-n sin.

Léktu prémié lèt apot sin Pòl pou Tésalonisyin yo 4, 1-8

Frè-m yo, nou priyé nou, n-ap plédé mandé nou nan Granmèt Jézu, pou, dapré sa nou résévoua nan min nou sou jan nou doué maché, jan nou doué fè Bondié plézi-a, sé konsa minm pou nou maché, pou nou kapab fè plis progrè toujou. Nou konnin ki kòmandman nou té ba nou o non Granmèt Jézu.

Min volonté Bondié, sé pou nou vi-n sin ; pou nou pa lagé kò nou nan mové plézi, pou chak moun aprann ginyin pa-l yon jan ki fè-l vi-n sin, ki onorab, san nou pa kite mové lanvi atiré nou, tankou nasion yo ki pa rékonèt Bondié-a ; pèsònn pa doué fè frè-l abi, ni tranzaksion, paské Granmèt la tiré vanjans sou tout bagay sa yo, jan-m té avèti nou davans la, jan-m té sètifié nou-an. Sèké Bondié pa rélé nou pou bagay ki pa pròp, min pou nou vi-n sin. Konsa, moun ki méprizé bagay sa yo, sé pa yon moun li méprizé, min sé Bondié, li minm ki bay Éspri Sin-l nan nan nou.

Paròl Granmèt la.

PSÒM RÉPONS

Ps 96, 1 é 2 b. 5-6. 10. 11-12 (R: 12 a)

R: Fè kè nou kontan nan Granmèt la, nou minm ki kòrèk yo.

- 1 Granmèt la roua, tè-a fété,
pakèt zilé yo kontan.
- 2 Jistis ak jijman sé platfòm tro-n li. R:
- 5 Mòn yo fonn tankou lasi dévan fas Granmèt la,
dévan fas Granmèt tout tè-a.
- 6 Sièl yo anonsé jistis li,
tout pèp yo ouè gloua li. R:

- ¹⁰ Nou minm ki rinmin Granmèt la, sé pou nou rayi sa-k mal ;
li minm ki protéjé nanm sin-l yo,
anba min péchè yo l-ap libéré yo. **R**
- ¹¹ Limiè-a l'évé pou moun ki kòrèk la,
ak kè kontan pou kè ki douat yo.
- ¹² Fété nan Granmèt la, nou minm ki kòrèk yo,
fè konpliman pou souvni-l ki sin. **R**

Ané 2

PRÉMIÉ LÉKTU

*N-ap préché Kris la yo klouré sou koua, sé yon antrav pou lézòm,
min pou moun sa yo Bondié rélé yo, sé sajès Bondié.*

Léktu prémié lèt apot sin Pòl pou Korintyin yo

1, 17-25

Frè-m yo :

Kris la pa voyé-m batizé, min li voyé-m préché Bòn Nouvèl la, san-m pa sèvi avèk sajès paròl la, pou koua Kris la pa vidé. Sèké paròl koua-a, sé yon foli pou sa k-ap péri yo ; min pou sa k-ap sovè yo, sa vlé di pou nou minm, sé puisans Bondié.

Min sa ki ékri réyèlman : « M-ap détoui sajès saj yo, épi ladrès sa-k gin ladrès yo m-ap réjté-l ». Koté saj la ? koté skrib la ? koté moun k-ap chèché nan sièk sa-a ? Èské Bondié pa fè sajès tè sa-a vi-n fou ? Réyèlman, paské nan sajès Bondié-a, moun yo pa-t konnin Bondié gras a sajès pa yo-a, poutèt sa Bondié chouazi pou-l fè moun ki kouè yo vi-n sovè gras a foli n-ap préché-a. Sèké Juif yo ap mandé sign, Grèk yo ap chèché sajès ; nou minm minm n-ap préché Kris la yo klouré sou koua-a. Pou Juif yo sé yon antrav, pou nasion yo sé yon paròl moun fou, min pou moun sa yo yo rélé yo, ni Juif ni Grèk, sé Kris, puisans Bondié ak sajès Bondié-a ; paské sa-k fou pou Bondié, li pi saj pasé lézòm, sa-k fèb la pou Bondié, li pi fò pasé lézòm.

Paròl Granmèt la.

PSÒM RÉPONS

Ps 32, 1-2. 4-5. 10 ab é 11 (R : 5 b)

R Mizérikòd Granmèt la plin tè-a.

- 1 Fété nan Granmèt la, nou minm ki kòrèk yo ;
louanj la alé ak moun ki douat yo.
- 2 Fè louanj pou Granmèt la sou gita,
sou instriman dis kòd la, chanté pou li. **R:**
- 4 Sèké paròl Granmèt la douat,
tout aksion-l yo nan fidéлитé.
- 5 Li rinmin jistis ak jijman,
mizérikòd Granmèt la plin tè-a. **R:**
- 10 Granmèt la gayé plan nasion yo,
li bloké kalkil pèp yo.
- 11 Min plan Granmèt la rété pou tout tan,
kalkil kè-l pou jénérasyon ak jénérasyon. **R:**

ALÉLOUYA

Lk 21, 36

R: Alélouya. Véyé, priyé nan tout tan,
pou nou kapab mérité kanpé dévan Pitit moun nan. **R:** Alélouya

ÉVANJIL

Min mésié k-ap marié-a ap vini : soti al rankontré-l.

✠ Léktu sint Évanjil la dapré Matié

25, 1-13

Lè sa-a : Jézu di disip li yo parabòl sa-a :

« Péyi roua sièl yo sanblé ak dis vièj ki pran lanp yo, yo soti al rankontré mésié k-ap marié-a ak madanm k-ap marié-a. Sink nan yo té sòt, épi sink té gin ladrès. Sink sa ki sòt yo, lè yo fi-n pran lanp yo-a, yo pa pran luil avèk yo ; sa-k gin léspri yo minm, yo pran luil nan véso yo avèk lanp yo. Antan y-ap tann mésié k-ap marié-a ki té an réta, yo tout yo dòmi, fon somèy.

Nan mitan nannuit, yo tandé yon rèl : “Min mésié k-ap marié-a, soti al rankontré-l”. Lè sa-a atò tout vièj sa yo lévé, yo paré lanp yo. Sa-k té sòt yo di sa-k té gin sajès yo : “Ban nou nan luil nou-an, paské lanp nou yo étinn”. Sa-k gin léspri yo di yo : “Riské pap gin kont pou ni nou minm ni nou minm, pito nou alé nan boutik yo, n-a achté”.

Pandan yo t-al achté, mésié k-ap marié-a rivé ; sa-k té paré yo antré avèk li nan nòs yo, yo fèmin pòt la.

Alafin lòt vièj yo vi-n rivé, yo di : “Granmèt, Granmèt, louvri pou nou”. Li minm minm li réponn, li di : “Amèn mouin di nou, mouin pa konnin nou”.

Konsa, sé pou nou véyé, paské nou pa konnin ni jou-a ni lè-a ».

Paròl Granmèt la.

Samdi

Ané 1

PRÉMIÉ LÉKTU

Nou té aprann nan min Bondié pou nou youn rinmin lòt.

Léktu prémié lèt apot sin Pòl pou Tésalonisyin yo

4, 9-11

Frè-m yo :

Sou charité nou doué ginyin pou frè-a, sa pa nésésè pou nou ékri nou sou sa ; sèké nou minm minm nou té aprann nan min Bondié pou nou youn rinmin lòt. Réyéلمان, nou fè sa pou tout frè yo nan tout Masédoua-n. Sèلمان nou priyé nou, frè-m yo, pou nou fè plis progrè, pou nou fè éfò pou nou viv ak lapè, pou nou okipé afè pa nou, pou nou travay avèk min nou, jan nou té passé nou lòd la.

Paròl Granmèt la.

PSÒM RÉPONS

Ps 97, 1. 7-8. 9 (R: cf. 9)

R: Granmèt la vini pou-l jijé pèp yo nan sa ki douat.

¹ Chanté yon kantik nouvo pou Granmèt la,
paské li fè mèvèy.

Min douat li sovè pou li,
bra-l ki sin-an. R:

⁷ Sé pou lanmè-a sonnin ak sa-k plin-l nan,
fas tè-a ak sa ki abité nan li yo.

⁸ Sé pou riviè yo bat bravo,
sé pou tout mòn yo fété. R:

⁹ Dévan fas Granmèt la, paské l-ap vi-n jijé tè-a.
L-ap jijé fas tè yo nan jistis
ak pèp yo nan sa ki douat. R:

Ané 2

PRÉMIÉ LÉKTU

Sé sa-k fèb sou tè-a Bondié chouazi.

Léktu prémié lèt apot sin Pòl pou Korintyin yo

1, 26-31

Gadé nan ki sa yo rélé nou, frè-m yo ; sèké pa gin anpil saj dapré chè-a, ni anpil moun ki gin puisans, ni anpil moun ki sot nan gran ras. Min sé sa-k fou sou tè-a Bondié chouazi, pou-l fè saj yo ront ; sé sa-k fèb sou tè-a Bondié chouazi, pou-l fè sa-k fò yo ront ; sé sa-k san konsidérasion ak sa yo méprizé sou tè-a Bondié chouazi, ak sa-k pa anyin, pou-l détoui sa-k kichòy yo, pou okinn chè pa fè grandizè dévan fas li.

Sé gras a li nou nan Kris Jézu-a, li minm ki vi-n tounin sajès pou nou sot nan Bondié, ak jistis, ak sa k-ap fè nou vi-n sin-an, ak délivrans ; konsa, dapré sa-k ékri-a : « moun k-ap lévé tèt li, sé nan Granmèt la pou-l lévé tèt li ».

Paròl Granmèt la.

PSÒM RÉPONS

Ps 32, 12-13. 18-19. 20-21 (R : cf. 12 b)

R : Ala kontantman pou pèp la Granmèt la chouazi kòm éritaj li-a.

- ¹² Ala kontantman pou nasion-an, ki gin Granmèt la pou Bondié-l, pèp la li chouazi kòm éritaj li-a.
- ¹³ Nan sièl la Granmèt la gadé,
li ouè tout pitit moun yo. R :
- ¹⁸ Min jé Granmèt la sou moun ki krinn li yo,
sou moun ki éspéré sou mizérikòd li,
- ¹⁹ pou-l délivré nanm yo sot nan lanmò,
pou-l ba yo manjé nan grangou. R :
- ²⁰ Nanm nou ap konté sou Granmèt la,
paské sé sékou nou ak protéksion nou li yé ;
- ²¹ paské sé nan li kè nou kontan,
sé nan non-l ki sin-an nou éspéré. R :

ALÉLOUYA

Jan 13, 34

R : Alélouya. Sé yon kòmandman nouvo mouin ba nou, sé sa Granmèt la di, pou nou youn rinmin lòt, jan-m té rinmin nou-an. R : Alélouya.

ÉVANJIL

*Poutèt ou té fidèl sou yon ti bagay,
antré nan kè kontan mèt ou-a.*

✚ Léktu sint Évanjil la dapré Matié

25, 14-30

Lè sa-a : Jézu di disip li yo parabòl sa-a :

« Yon mésié t-ap pati al nan vouayaj, li rélé sèvitè-l yo, li rinmèt yo byin-l yo : youn li ba-l sink talan, yon lòt minm dé, épi yon lòt yon sèl ; chak moun dapré kapasité pa-l ; apré sa li pati la minm. Sa-k té résévoua sink talan-an, l-alé, li travay avèk yo, li rapòté sink lòt. Minm jan-an tou sa-k té résévoua dé talan-an, li rapòté dé lòt. Min sa-k té résévoua yon sèl la, l-al foyé tè-a, li kaché lajan mèt li-a.

Apré anpil tan, mèt sèvitè sa yo vini, li fè règléman ak yo.

Sa-k té résévoua sink piès talan-an, li proché, li prezanté sink lòt talan, li di : “Mèt, sé sink talan ou té ban mouin : min sink lòt mouin rapòté”. Mèt li di-l : “Sé byin, bon sèvitè ki fidèl : poutèt ou té fidèl sou yon ti kras, m-ap instalé-ou sou anpil : antré nan kè kontan mèt ou”.

Sa-k té résévoua dé talan-an proché tou, li di : “Mèt, sé dé talan ou té rinmèt mouin, min dé lòt mouin rapòté”. Mèt li di-l : “Sé byin, bon sèvitè ki fidèl : poutèt ou té fidèl sou yon ti kras, m-ap instalé-ou sou anpil : antré nan kè kontan mèt ou”.

Sa-k té résévoua yon sèl talan-an, li proché atò, li di : “Mèt, mouin konnin ou sé yon moun ki rèd : ou rékòlté koté ou pa-t simin, ou ranmasé koté-ou pa-t planté. Mouin té pè, m-alé, mouin kaché talan-ou nan nan tè-a ; min li, pran afè-ou”.

Mèt li réponn, li di-l : “Mové sèvitè, ou parésé ! Ou té konnin mouin rékòlté koté mouin pa simin, mouin ranmasé koté mouin pa planté : ou té doué rinmèt lajan-m nan labank, lè-m vini mouin t-a résévoua sa-m dépozé-a avèk bénéfis. Pran talan-an nan min-l, bay moun ki gin dis talan-an ; konsa tout moun ki ginyin, y-ap ba li, l-ap gin plis ; moun ki pa ginyin-an minm, sa-l konprann li ginyin-an minm, y-ap ouété-l sot nan min-l. Épi sèvitè sa-a ki pa vo anyin-an, jété-l nan fènoua déyò yo : koté sa-a ap gin rèl ak manjé dan” ».

Paròl Granmèt la.

VINNDÉZIÈM SÉMÈN ÒDINÈ

Dimanch, ané A

PRÉMIÉ LÉKTU

Paròl Granmèt la vi-n tounin okazion laront pou mouin.

Léktu liv profèt Jérémi

20, 7-9

Ou pran-m nan pièj, Granmèt, épi mouin kité-ou pran-m nan pièj ; ou té gin plis fòs pasé-m, ou ranpòté viktoua sou mouin, tout lajounin yo pasé-m nan jouèt, tout moun pran plézi sou do-m. Paské dépi lontan déjà m-ap déklaré péché-a byin fò, m-ap anonsé ravaj : konsa paròl Granmèt la vi-n tounin yon okazion laront pou mouin, yon okazion pou yo pasé-m nan jouèt tout lajounin.

Mouin té di : « Mouin pap sonjé-l ankò, épi mouin pap palé sou non-l ankò, min sé tankou yon difé ki t-ap manjé kè-m, ki té fèmin nan zo-m : mouin fébli, mouin pa-t kapab sipòté-l ».

Paròl Granmèt la.

PSÒM RÉPONS

Ps 62, 2. 3-4. 5-6. 8-9 (R : 2 b)

- R** Nanm mouin souaf ou, Granmèt, Bondié mouin.
- 2** Bondié, sé Bondié-m ou yé, dépi granmatin m-ap véyé koté-ou.
Nanm mouin souaf ou,
chè mouin anvi-ou. **R**
- 3** Nan tè ki pa gin anyin-an, ki sèk la, ki san dlo-a, s
sé konsa mouin parèt dévan-ou nan tanp la,
pou-m ouè puisans ou avèk gloua-ou.
- 4** Paské mizérikòd ou pi bon pasé lavi yo,
bouch mouin ap fè louanj ou. **R**
- 5** Sé konsa m-ap fè konpliman pou ou nan lavi-m,
o non-ou m-ap lévé min-m.
- 6** Tankou ak grès, ak moual, nanm mouin ap plin,
ak kè kontan sou po bouch mouin m-ap fè louanj. **R**
- 8** Sèké ou té poté-m sékou,
anba voual zèl ou yo m-ap dansé.

- 9 Nanm mouin kolé apré-ou,
min douat ou soutni-m. **R**

DÉZIÈM LÉKTU

Prézanté kò nou yo tankou sakrifis ki vivan.

Léktu lèt apot sin Pòl pou Romin yo

12, 1-2

Mouin priyé nou, frè yo, pa lantrémiz mizérikòd Bondié-a, pou nou ofri kò nou tankou sakrifis ki vivan, ki sin, ki fè Bondié plézi, sé konsa pou nou sèvi-l dapré léspri-a. Pa pran modèl sou sièk sa-a, min sé pou nou chanjé, pou nou vi-n tou nèf nan fason n-ap pansé, pou nou chèché konnin sa Bondié vlé ki bon, ki fè-l plézi, ki kòrèk nèt.

Paròl Granmèt la.

ALÉLOUYA

Cf. Éf 1, 17-18

R Alélouya. Sé pou Papa Granmèt nou Jézu-Kri kléré jé kè nou,
pou nou konnin sa n-ap éspéré nan rélé li rélé nou-an. **R** Alélouya.

ÉVANJIL

Si yon moun vlé maché dèyè-m, sé pou-l bliyé pròp tèt li.

✠ Léktu sint Évanjil la dapré Matié

16, 21-27

Lè sa-a :

Jézu kòmansé montré disip li yo li té gin pou-l al Jérusalèm, pou-l soufri anpil nan min ansyin yo ak skrib yo ak chèf prèt yo, pou yo touyé-l, min apré toua jou pou-l résisité.

Piè minm pran-l, li kòmansé fè-l répròch, l-ap di-l : « Sé pou lidé sa-a sot nan ou, Granmèt : bagay sa-a pap rivé-ou ».

Li minm, li viré, li di Piè : « Pasé dèyè-m, satan : ou jinnin-m ; paské ou pa gouté bagay ki sot nan Bondié, min bagay ki sot nan lézòm ».

Lè sa-a Jézu di disip li yo : « Si yon moun vlé maché dèyè-m, sé pou-l bliyé pròp tèt li, pou-l pran koua-l, pou-l suiv mouin. Moun k-ap vlé sovè lavi-l, l-ap pèdi-l ; min moun k-ap pèdi lavi-l poutèt mouin, l-ap jouinn li. Sa sa ap sèvi yon moun, si-l posédé tout tè-a, épi li blijé péyé sa avèk nanm li ? Oubyin ki sa yon moun kapab bay kòm pri pou nanm li ?

Réyèlman Pitit moun nan gin pou-l vini nan gloua Papa-l ansanm ak anj li yo, épi lè sa-a l-ap rimmèt chak moun dapré aksion-l yo ».

Paròl Granmèt la.

Dimanch, ané B

PRÉMIÉ LÉKTU

*Pa ajouté nan paròl mouin palé nou yo...
Kinbé kòmandman Granmèt la.*

Léktu liv Détéronòm nan

4, 1-2. 6-8

Moyiz palé ak pèp la, li di :

Koulié-a, Israèl, kouté kòmandman yo ak désizion yo, sa-m aprann ou-an, pou-ou viv antan-ou obsèvé yo, pou-ou posédé tè-a antan-ou antré ladan-l, tè sa-a Granmèt la Bondié papa nou yo ap ba nou-an. Nou pap ajouté nan paròl la, sa-m palé nou-an, ni nou pap ouété ladan-l : kinbé kòmandman Granmèt la Bondié nou-an, kòmandman sa yo mouin pasé nou lòd la. N-ap obèvé yo, n-ap aji dapré yo.

Sé sajès nou ak intéljans nou dévan pèp yo, konsa lè yo tandé tout kòmandman sa yo, y-ap di : « Min yon pèp ki gin sajès, ki intéljan, sé yon gran nasion ». Pa gin yon lòt nasion ki si tèlman gran, ki gin dié yo ki tou pré-l, tankou Bondié nou-an prézan bò koté nou tout k-ap priyé-l. Èské gin yon lòt nasion ki si tèlman gran, ki gin sérèmoni yo ak désizion kòrèk yo ak tout laloua-a, mouin prézanté jodi-a dévan jé nou yo ?

Paròl Granmèt la.

PSÒM RÉPONS

Ps 14, 2-3 a. 3 cd-4 ab. 5 (R : 1 a)

- R: Granmèt, ki moun k-ap abité nan tant ou-a ?
- ² Moun k-ap antré san tach, k-ap fè sa-k kòrèk ;
- ³ k-ap palé vérité nan kè-l,
ki pap fè manti ak lang li. R:
- Li pap fè prochin-l sa-k mal,
li pap fè prochin-l sibi laront.

- 4 Li konsidéré méchan-an pou anyin dévan jé-l,
min li fè louanj moun yo ki krinn Granmèt la. **R:**
- 5 Moun ki pap bay lajan-l pou gro intèrè,
ki pap aksépté kado sou do inosan.
Moun k-ap aji konsa, li pap janm souké. **R:**

DÉZIÈM LÉKTU

Sé pou nou fè sa paròl la mandé.

Léktu lèt apot sin Jak

1, 17-18. 21 b-22. 27

Frè-m yo mouin si tèlman rinmin an :

Tou sa yo résévoua gratis ki pi bon, ak tout kado ki kòrèk nèt, sé anro-a li soti, li désann sot nan Papa limiè yo ; koté-l pa gin chanjman, pa gin lonbraj bagay k-ap pasé. Réyèlman sé ak volonté-l li anfanté nou ak paròl vérité-a, pou nou vi-n tounin kòmansman tou sa-l kréyé yo.

Fè kè nou tou piti pou nou résévoua paròl la ki simin anndan nou-an, li minm ki gin pouvoua sovè nanm nou yo. Sé pou nou fè sa paròl la mandé-a, pou nou pa rét ap kouté-l sèlman, antan n-ap tronpé tèt nou.

Rélijion ki nèt, ki san tach kot Bondié ak Papa-a, min li : vizité ofélin yo ak vèv yo nan tribilasyon yo, kinbé tèt ou san tach parapò a sièk sa-a.

Paròl Granmèt la.

ALÉLOUYA

Jk 1,18

R: Alélouya. Ak volonté-l Papa-a anfanté nou ak paròl vérité-a,
pou nou vi-n tounin kòmansman sa li kréyé. **R:** Alélouya.

ÉVANJIL

*Nou kite kòmmandman Bondié-a,
nou kinbé abitud lézòm.*

✠ Léktu sint Évanjil la dapré Mark

7, 1-8. 14-15. 21-23

Lè sa-a :

Farizyin yo ak kèk skrib ki té sot Jérusalèm rivé, yo gonflé sou Jézu. Lè yo ouè détoua nan disip li yo ap manjé pin yo konsa, sa vlé di san yo pa lavé min yo, yo fè yo répròch. Sèké farizyin yo ak tout Juif yo, si yo pa lavé min yo avèk souin, yo pa manjé, pou yo kinbé abitud ansyin yo.

Lè yo sot nan maché, si yo pa plonjé nan dlo, yo pap manjé. Gin anpil lòt bagay ankò yo obsèvé, sa yo té transmèt yo : lavé godé, kruch, plat ak kabann.

Farizyin yo ak skrib yo t-ap pozé-l késion : « Poukisa disip ou yo pa maché dapré abitud ansyin yo, min y-ap manjé pin-an ak min yo jan yo yé-a ? »

Li minm li réponn, li di yo : « Izayi té byin profétizé sou nou, ipokrit, dapré sa-k ékri-a : “Pèp sa-a ap fè louanj mouin ak po bouch li, min kè yo louin-m. Sé pou granmési y-ap sèvi-m, y-ap anségné anségnman ak kòmandman lézòm”. Nou kité kòmandman Bondié-a, nou kinbé abitud lézòm ».

Li rélé foul la ankò, li t-ap di yo : « Kouté-m, nou tout, épi konprann. Pa gin anyin andéyò yon moun ki antré nan li, ki kapab sal li ; min sé sa-k soti nan yon moun, sé yo minm ki fè-l vi-n pa pròp. Amèn, sé anndan kè moun yo mové kalkil yo soti ansanm ak adultè, mové plézi, krim, vòlè, rinmin lajan, méchansté, riz, mové konduit, mové jé, blasfèm, pran pòz ou sipériè, fè sa-k tròp pou ou. Tout bagay sa yo ki mal la, sé anndan-an yo soti, yo fè yon moun vi-n pa pròp ».

Paròl Granmèt la.

Dimanch, ané C

PRÉMIÉ LÉKTU

Imilié tèt ou, konsa ou-ap jouinn gras dévan Bondié.

Léktu liv Sirasid

3, 19-21. 30-31

Pitit mouin, réalizé afè-ou antan-ou fè kò-ou tou piti, konsa y-a rinmin-ou plis passé moun ki chèché gloua lézòm. Plis ou gran, imilié tèt ou nan tout bagay, konsa ou-a jouinn gras dévan Bondié, paské sé puisans sèl Bondié-a ki gran, sé moun ki imilié tèt yo ki ba-l konsidérasion.

Pa gin rémèd pou foul moun k-ap pran pòz yo sipériè-a, pié boua péché-a pousé rasi-n nan yo, yo pa konprann sa. Kè moun ki gin sajès la, li réfléchi nan sajès la ; yon bon zòrèy ap anvè kouté sajès la anpil.

Paròl Granmèt la.

PSÒM RÉPONS

Ps 67, 4-5 ac. 6-7 ab. 10-11 (R : cf. 11 b)

- R: Nan kè-ou ou paré yon kay pou pòv la, Bondié.
- 4 Sé pou moun ki kòrèk yo fè kè yo kontan, pou yo dansé dévan Bondié, sé pou yo joui nan kè kontan.
- 5 Chanté pou Bondié, di psòm pou non-l ;
Granmèt la sé non-l. R:
- 6 Papa òfélin yo, ak jij vèv yo,
Bondié nan kay li ki sin-an.
- 7 Bondié ki fè sa-k dézolé yo abité nan kay,
ki kondui prizonié yo nan richès. R:
- 10 Sé yon lapli favè ou vidé, Bondié ;
éritaj ou-a ki fèb la, ou té réfè-l.
- 11 Vivan ou yo té abité ladan-l,
ou té paré-l pou pòv la nan bon kè-ou, Bondié. R:

DÉZIÈM LÉKTU

*Nou té proché kot mòn Siyon-an
ak vil Bondié ki vivan-an.*

Léktu lèt pou Ébré yo

12, 18-19. 22-24 a

Frè-m yo :

Nou pa-t proché kot yon mòn yo kapab touché, ak difé k-ap flanbé, ak fè-noua, ak ténèb, ak tanpèt, ak son kléron, ak boui paròl ; moun yo ki té tandé yo-a, yo té mandé padon, pou bagay sa-a sispann pou yo.

Min nou té proché kot mòn Siyon-an ak vil Bondié ki vivan-an, Jérusalèm nan sièl la, ak pakèt milié anj yo k-ap fété yo, ak foul premié pitit yo ki gin non yo ékri nan sièl yo, ak Bondié ki jij tout moun yo, ak nanm moun ki kòrèk yo ki fi-n bon nèt yo, ak médiatè nouvo téstaman-an, Jézu.

Paròl Granmèt la.

ALÉLOUYA

Mt 11, 29 ab

R: Alélouya. Pran jouk mouin sou nou, sé sa Granmèt la di,
pran léson nan min-m, paské mouin tou dou, kè-m tou pòv. R:
Alélouya.

ÉVANJIL

*Moun ki lévé tèt li, y-ap imilié-l,
min moun ki imilié tèt li, y-ap lévé-l anlè.*

✠ Léktu sint Évanjil la dapré Luk

14, 1. 7-14

Lè sa-a :

Rivé, Jézu té antré kay youn nan chèf farizyin yo yon jou saba pou-l manjé pin, épi yo minm yo t-ap veyé-l.

Min li di yon parabol pou moun yo té invité yo, paské li té ouè kijan yo t-ap chèché premié plas yo, li di yo : « Lè yo invité-ou nan yon nòs, pa instalé-ou nan premié plas la, paské pétèt mèt kay la invité yon moun ki gin plis konsidérasion pasé-ou, épi lè sa-a ki invité ni ou minm ni li minm nan vini, li di-ou : “Ba-l plas la” ; lè sa-a ou-ap blijé pran dènié plas la ak laront.

Min, lè yo invité-ou, alé, instalé-ou nan dènié plas la ; konsa, lè moun ki té invité-ou la ap rivé, l-ap di-ou : “Zanmi, monté pi ro”. Lè sa-a atò sa ap yon louanj pou ou dévan tout invité yo. Paské tout moun k-ap lévé tèt li, y-ap rabésé-l ; sé moun k-ap rabésé tèt li y-ap lévé anlè ».

Li t-ap di moun ki té invité-l la tou : « Lè-ou fè yon diné oubyin yon soupé, pa invité zanmi-ou yo. frè-ou yo, ni fanmi-ou yo, ni vouazin yo ki rich yo, pou yo pa invité-ou yo minm tou apré sa, pou-ou gin rékonpans ou. Min, lè ou-ap fè yon résépsion, invité pòv yo, infim yo, sa k-ap bouaté yo, avèg yo.

S-a ap yon kontantman pou ou, paské yo minm yo pa gin dékoua rinmèt ou, ou-a gin rékonpans pou sa nan rézireksion moun kòrèk yo ».

Paròl Granmèt la.

Lindi

Ané 1

PRÉMIÉ LÉKTU

*Moun k-ap dòmi nan Jézu yo,
Bondié ap minnin yo vi-n jouinn li.*

Léktu prémié lèt apot sin Pòl pou Tésalonisyin yo 4, 13-18

Frè-m yo, sou késion moun k-ap dòmi yo, nou pa vlé pou nou pa konnin, dékoua pou nou pa pran lapinn tankou lòt moun yo ki pa gin espérans yo. Si réyèlman nou kouè Jézu mouri épi li résisité, konsa tou moun yo k-ap dòmi nan Jézu yo, Bondié ap minnin yo avèk li.

Min sa nou di nou nan paròl Granmèt la, nou minm k-ap viv la, k-ap la toujou lè Granmèt la ap vini-an, nou pap pran dévan sa yo k-ap dòmi-an. Paské Granmèt la li minm, sou lòd ak nan voua Chèf Anj yo ak nan son tronpèt Bondié-a, l-ap désann sot nan sièl la, épi moun yo ki mouri nan Kris la, y-ap résisité an prémié. Apré sa, sé nou minm k-ap viv yo, ki rété yo, y-ap pran nou nan nuaj yo al rankontré Kris la nan lè-a, konsa n-ap toujou avèk Granmèt la. Sé pou nou youn ankourajé lòt ak paròl sa yo.

Paròl Granmèt la.

PSÒM RÉPONS

Ps 95, 1 é 3. 4-5. 11-12. 13 (R : 13 b)

R: Granmèt la vini pou-l jijé tè-a.

- 1 Chanté yon kantik nouvo pou Granmèt la,
chanté pou Granmèt la, tout tè-a.
- 3 Anonsé gloua li nan pami nasion yo,
mèwèy li yo nan tout pèp yo. R:
- 4 Paské Granmèt la gran, li mérité anpil louanj,
li térib anlè tout dié yo.
- 5 Paské tout dié nasion yo yo pa égzisté.
Min sé Granmèt la ki fè sièl yo. R:
- 11 Sé pou sièl yo kontan, sé pou tè-a dansé,
sé pou lanmè-a sònin ak tou sa-l gin ladan-l ;
- 12 sé pou jadin yo kontan ak tou sa-k nan yo. R:
- 13 Lè sa-a tout pié boua nan rak yo ap dansé
dévan fas Granmèt la, paské l-ap vini,

paské l-ap vini pou-l jijé tè-a.
L-ap jijé fas tè-a nan jistis
ak pèp yo nan vérité-l. **R:**

Ané 2

PRÉMIÉ LÉKTU

Mouin té anonsé nou témouagnaj Kris la yo klouré sou koua.

Léktu prémié lèt apot Pol pou Korintyin yo 2, 1-5

Mouin minm, lè-m rivé lakay nou, frè-m yo, mouin pa vini ak gro diskou oubyin ak sajès moun pou-m anonsé nou témouagnaj Kris la. Réyèlman mouin pa-t konsidéré mouin té konn kichòy nan pami nou, sof Jézu-Kri épi Jézu-Kri ki klouré sou koua-a. Épi mouin minm sé ak féblès ak kè soté ak anpil sézisman mouin té lakay nou ; paròl mouin ak prèch mouin, sé pa-t paròl k-ap chèché pran tèt nou ak sajès moun, min sé éspri-a ak puisans la mouin té montré, pou lafoua nou pa-t chita sou sajès lézòm, min sou puisans Bondié.

Paròl Granmèt la.

PSÒM RÉPONS

Ps 118, 97. 98. 99. 100. 101. 102 (**R:** 97 a)

- R:** Sé pa ti kras rinmin mouin rinmin laloua-ou la Granmèt !
- ⁹⁷ Sé pa ti kras rinmin mouin rinmin laloua-ou la, Granmèt !
tout lajounin m-ap kalkilé sou li. **R:**
- ⁹⁸ Kòmandman-ou nan fè-m gin plis sajès passé ènmi-m yo,
paské li pou mouin pou tout tan. **R:**
- ⁹⁹ Mouin vi-n pi intélijan passé tout moun k-ap ban-m ansègnman yo,
paské sé témouagnaj ou yo m-ap kalkilé. **R:**
- ¹⁰⁰ Mouin konprann pi byin passé granmoun yo,
paské mouin kinbé kòmandman-ou yo. **R:**
- ¹⁰¹ Mouin anpéché pié-m al nan okinn mové chémin,
pou-m kinbé paròl ou yo. **R:**
- ¹⁰² Mouin pa viré do bay désizyon-ou yo,
paské sé ou minm ki mété laloua-a pou mouin. **R:**

ALÉLOUYA

Cf. Lk 4, 18

℞ Alélouya. Éspri Granmèt la sou mouin :
li voyé-m anonsé bòn nouvèl la bay pòv yo. ℞ Alélouya.

ÉVANJIL

*Li voyé-m anonsé Bòn Nouvèl la bay pòv yo...
Yo pa résévoua okinn profèt byin nan péyi-l.*

✠ Léktu sint Évanjil la dapré Luk

4, 16-30

Lè sa-a :

Jézu rivé Nazarèt, koté yo fè édikasion-l nan, li antré nan sinagòg la, jan-l konn fè-a, yon jou saba, li lévé pou-l li. Yo rimmèt li liv profèt Izayi-a.

Kon-l louvri liv la, li jouinn plas la, koté ki té ékri : « Éspri Granmèt la sou mouin ; sé poua li sakré-m, li voyé-m anonsé pòv yo Bòn Nouvèl la, géri sa-k gin kè yo krazé yo, déklaré libérasion bay prizonié yo, limiè bay avèg yo, ranvouayé sa y-ap krazé yo an libèté, anonsé yon ané Granmèt la fè gras, yon jou li bay rékonpans ». Kon-l roulé liv la, li rimmèt li nan min sèvitè-a, épi li chita. Jé tout moun nan sinagòg la té fiksé sou li.

Li minm li kòmansé di yo : « Sé jodi-a bagay sa-a ki ékri-a akonpli nan zòrèy nou yo ».

Tout moun t-ap fè témouagnaj sou li, yo té sézi pou paròl yo ki t-ap sòti nan bouch li-a, yo t-ap di : « Èské sa-a sé pa pitit Jozèf la ? »

Li di yo : « Sètènman n-ap di-m parabòl sa-a : “Doktè, géri pròp tèt ou” : tou sa nou tandé ki fèt nan Kafarnaòm nan, fè-l isit la tou nan péyi-ou la ».

Li di : « Amèn mouin di nou : yo pa byin résévoua okinn profèt nan péyi-l. Sé vérité mouin di nou la-a : té gin anpil vèv sou tan Éli nan Israèl, lè sièl la té fèmin pandan touazan ak si moua, lè té gin gro grangou sou tout tè-a ; min yo pa-t voyé Éli bay okinn nan yo, sof nan Sarépta Sidon-an kot madanm ki té vèv la. Épi tou té gin anpil moun ki té gin maladi lalèp nan Israèl sou tan profèt Élizé, min pèsòn nan yo pa-t géri, sof Naaman, Siryin-an ».

Tout moun nan sinagòg la té plin ak kòlè, lè yo tandé bagay sa yo. Yo lévé, yo jété-l déyò vil la, yo kondui-l jous sou yon pouint tòt mòn, koté vil yo-a té bati-a, pou yo jété-l anba.

Li minm minm, li pasé nan mitan yo, li pati.

Paròl Granmèt la.

Madi

Ané 1

PRÉMIÉ LÉKTU

Li mouri pou nou, pou nou kapab viv ansanm ak li.

Léktu prémié lèt apot sin Pòl pou Tésalonisyin yo **5, 1-6. 9-11**

Sou késion tan yo ak moman yo, frè-m yo, nou pa bezouin pou nou ékri nou ; sèké nou minm nou konnin byin pròp jou Granmèt la, sé tankou yon vòlè nan nuit, sé konsa l-ap vini.

Réyèlman, lè moun yo ap di : « Lapè ak trankilité », sé lè sa-a, sanzatan, katastròf la ap tonbé sou yo, tankou doulè madanm ki ansint, épi yo pap chapé. Kanta nou minm, frè-m yo, nou pa nan fè-noua, pou jou sa-a sézi nou tankou yon vòlè ; sèké nou tout nou sé pitit limiè ak pitit lajounin : nou pa moun nan nuit ni moun fè-noua. Konsa, nou pa doué rété ap dòmi tankou lòt yo, min sé pou nou véyé, pou nou pa kité afè manjé ak bouason dékontrolé nou.

Sèké Bondié pa mété nou pou kòlè-a, min pou nou jouinn sovè li sovè nou-an, pa pouvoua Granmèt nou Jézu-Kri : li minm ki té mouri pou nou, pou, soua n-ap véyé, soua nou mouri déjà, nou viv ansanm avèk li. Poutèt sa, sé pou nou youn konsolé lòt, pou nou youn ankourajé lòt, jan nou déjà fè-a.

Paròl Granmèt la.

PSÒM RÉPONS

Ps 26, 1. 4. 13-14 (R : 13)

R Mouin kouè m-ap ouè byin Granmèt la nan tè vivan yo.

¹ Granmèt la sé limiè-m ak Sovè mouin, ki moun pou-m pè ?

Granmèt la sé protéksion lavi-m, dévan kilès pou-m tranblé ? **R**

- 4 Yon sèl bagay mouin mandé Granmèt la, sé sa m-ap chèché :
 abité lakay Granmèt la
 tout tan lavi-m,
 pou-m ouè dousè Granmèt la,
 pou-m vizité tanp li-a. **R**
- 13 Mouin kouè m-ap ouè byin Granmèt la nan tè vivan yo.
- 14 Tann Granmèt la, pran kouraj,
 asiré kè-ou, apuiyé-l sou Granmèt la. **R**

Ané 2

PRÉMIÉ LÉKTU

*Moun k-ap aji avèk fòs natirèl sèlman,
 li pa ouè bagay ki soti nan Éspri Bondié-a ;
 min moun éspri-a jijé tout bagay.*

Léktu prémié lèt apot sin Pòl pou Korintyin yo

2, 10 b-16

Frè-m yo :

Éspri-a sondé tout bagay, ata gran sékrè Bondié yo. Kilès réyèlman nan pami lézòm ki konnin afè moun nan, si sé pa éspri moun nan, ki nan li-a ? Konsa tou bagay Bondié yo, pèsonn pa konnin yo, sof Éspri Bondié-a. Kanta nou minm nou pa résévoua éspri tè sa-a, min sé Éspri ki soti nan Bondié-a, pou nou konnin kado yo Bondié ba nou-an : sé yo minm n-ap palé-a, sé pa ak paròl sajès moun nou anségné, min sé nan anségnman Éspri-a ; afè éspri-a, sé nan sans éspri-a minm n-ap chèché konprann yo.

Moun nan k-ap aji avèk sèl fòs chè-a bay la, li pa ouè bagay ki soti nan Éspri-a ; sé afè moun fou yo yé pou li, li pa kapab konprann, paské sé Éspri-a ki pèmèt moun jijé. Moun Éspri-a minm, li jijé tout bagay ; min li minm, pèsonn pa kapab jijé-l. Kilès réyèlman ki konnin sa-k nan lidé Granmèt la, pou-l ba-l konsèy ? Kanta nou minm nou gin sa-k nan lidé Kris la.

Paròl Granmèt la.

PSÒM RÉPONS

Ps 144, 8-9. 10-11. 12-13 ab. 13 cd-14 (**R** : 17 a)

R Granmèt la kòrèk nan tout chémin-l yo.

- 8 Granmèt la gin pitié, li gin mizérikòd,
li gin pasians, li gin anpil mizérikòd.
- 9 Granmèt la bon pou tout moun,
pitié-l pou tou sa-l fè. **R:**
- 10 Y-ap fè louanj ou, Granmèt, tou sa-ou fè yo ;
sin-ou yo ap fè konpliman pou ou.
- 11 Y-ap déklaré gloua péyi roua-ou la,
y-ap anonsé puisans ou. **R:**
- 12 Pou yo fè pitit moun yo konnin mèvèy ou yo,
ak gloua grandè péyi roua-ou la.
- 13 Péyi roua-ou la, sé pou tout sièk yo,
épi kòmandman-ou nan
pou tout jénèrasion ak jénèrasion. **R:**
Granmèt la fidèl nan tout paròl li yo,
li sin nan tout aksion li yo.
- 14 Granmèt la soutni tout moun k-ap tonbé yo,
li drésé tou sa-k krazé yo. **R:**

ALÉLOUYA

Lk 7, 16

R: Alélouya. Yon gran profèt lévé nan mitan nou,
épi Bondié vizité pèp li-a. **R:** Alélouya.

ÉVANJIL

Mouin konnin kilès ou yé, sé Sin Bondié-a.

✠ Léktu sint Évanjil la dapré Luk

4, 31-37

Lè sa-a :

Jézu désann Kafarnaòm, yon vil Galilé ; antan-l la, li t-ap bay moun yo ansègnman, jou saba-a. Yo té sézi poutèt ansègnman-l nan, paské li t-ap préché avèk otorité.

Nan sinagòg la té gin yon mesié ki té gin yon démon ki pa pròp, li rélé byin fò, li di : « Kité nou, sa-k gin ant nou minm ak ou minm, Jézu, moun Nazarèt la. Èské ou vini pou-ou pèdi nou ? Mouin konnin kilès ou yé, sé Sin Bondié-a ».

Jézu ménasé-l, li di : « Pé bouch ou, sòti nan li ». Démon-an jété-l nan mitan moun yo, li pati sot nan li, san-l pa fè-l okinn mal.

Tout moun tranblé, youn ap palé ak lòt, y-ap di : « Ki paròl sa-a, paské sé nan puisans ak fòs li kòmandé éspri ki pa pròp yo, épi yo sòti ? »

Répitasyon-l gayé nan tout koté nan péyi-a.

Paròl Granmèt la.

Mèkrédi

Ané 1

PRÉMIÉ LÉKTU

Paròl vérité-a rivé koté nou tankou sou tout tè-a.

Kòmansman lèt apot sin Pòl pou Kolosyin yo

1, 1-8

Pòl, apot Jézu-Kri, gras a volonté Bondié, ak Timoté, frè-a, pou moun yo ki Kolòs yo, pou sin yo ak frè yo ki fidèl nan Kris Jézu yo. Gras pou nou ak lapè sot nan Bondié Papa nou ak Granmèt la Jézu-Kri.

Mouin di Bondié, Papa Granmèt nou Jézu-Kri mèsì, tout tan m-ap priyé pou nou, lè-m tandé lafoua nou nan Kris Jézu ak rinmin nou ginyin pou tout sin yo gras a éspérans la k-ap tann nou nan sièl la ; nou té tandé palé sou éspérans sa-a nan paròl vérité Bòn Nouvèl la, ki té rivé jous koté nou. Minm jan li sou tout tè-a, li donnin, li dévloché, konsa tou li donnin é li dévloché nan nou dépi jou nou té tandé gras Bondié-a nan vérité-a. Nou té konnin éspérans sa-a, jan Épafras té aprann nou li, li minm mouin rinmin anpil la, k-ap sèvi ansanm ak mouin, li minm ki fidèl sèvitè Kris Jézu pou nou é ki montré-m rinmin nou ginyin nan Éspri-a.

Paròl Granmèt la.

PSÒM RÉPONS

Ps 51, 10. 11 (R : cf. 10 b)

R: Mouin éspéré nan mizérikòd ou-a, Granmèt, pou tout tan.

¹⁰ Kanta mouin minm mouin tankou yon pié oliv tou vèt
nan kay Bondié-a.

Mouin éspéré nan mizérikòd Bondié

pou tout tan ak tout tan k-ap gin tan. R:

- ¹¹ M-ap fè louanj pou ou pou tout tan, poutèt sa-ou fè ;
épi m-ap tann non-ou,
paské ou bon, dévan tout sin-ou yo. **R**

Ané 2

PRÉMIÉ LÉKTU

*N-ap édé Bondié ; nou minm nou sé jadin Bondié,
kay Bondié ap bati.*

Léktu prémié lèt apot sin Pòl pou Korintyin yo

3, 1-9

Frè-m yo, mouin pa-t kapab palé nou tankou moun éspri, min sé tankou ak moun chè-a mouin té palé ak nou ; tankou ti bébé nan Kris la, sé lèt mouin té ba nou bouè, sé pa manjé, nou pa-t ko kapab sipòté manjé réyèlman ; ata koulié-a nou pa ko kapab, paské sé moun chè-a toujou nou yé. Sèké si gin jalouzi ak diskision nan pami nou, èské sé pa moun chè-a nou yé, épi èské sé pa dapré moun pa tè-a n-ap maché ?

Sèké lè youn ap di : « Mouin minm sé moun Pòl mouin yé », yon lòt minm : « Mouin sé moun Apolon », èské sé pa dapré konduit lézòm n-ap aji ? Ki sa Apolon yé konsa-a ? Ki sa Pòl minm yé ? Sé sèvitè sa-a nou kouè nan li-a, yo chak yo aji dapré sa Granmèt la ba yo. Mouin minm mouin té planté, Apolon té rouzé, min sé Bondié ki té fè plant la pousé. Konsa ni sa-k planté-a pa kichòy, ni sa-k rouzé-a, min sé sa-k fè pousé-a, sé Bondié. Sa-a ki planté-a ak sa-a ki rouzé-a sé yon sèl yo yé : chak moun ap résévoua pròp rékonpans li dapré travay li. Sé asosié Bondié nou yé ; nou minm minm nou sé jadin Bondié, nou sé kay Bondié ap bati.

Paròl Granmèt la.

PSÒM RÉPONS

Ps 32, 12-13. 14-15. 20-21 (**R** : 12 b)

- R** Ala kontantman pou pèp Bondié chouazi kòm éritaj li-a.
- ¹² Ala kontantman pou nasion-an, ki gin Granmèt la pou Bondié-l,
pèp la li chouazi kòm éritaj li-a.
- ¹³ antan-l nan sièl la Granmèt voyé jé-l,
li ouè tout pitit moun yo. **R**
- ¹⁴ Antan-l nan koté li abité-a li voyé jé-l
sou tout moun ki abité tè-a,

- 15 li minm ki fòmé kè yo chak,
ki égzaminé tout travay yo. **R:**
- 20 Nanm nou ap konté sou Granmèt la,
paské sé sékou nou ap protéksion nou li yé ;
- 21 paské sé nan li kè nou ap fété,
sé nan non-l ki sin-an n-ap éspéré. **R:**

ALÉLOUYA**Lk 4, 18**

R: Alélouya. Granmèt la voyé-m poté Bòn Nouvèl la bay pòv yo,
déklaré libérasion-an bay prizonié yo. **R:** Alélouya.

ÉVANJIL

*Nan lòt vil yo tou mouin gin pou-m poté Bòn Nouvèl la,
paské sé poua yo voyé-m.*

✠ Léktu sint Évanjil la dapré Luk**4, 38-44**

Lè sa-a :

Jézu lévé sot nan sinagòg la, li antré nan kay Simon ; bèl-mè Simon-an té rét kouché ak yon gro lafièv, yo priyé-l pou li. Li kanpé, li panché sou li, li kòmandé lafièv la, lafièv la kité-l ; minm lè-a li lévé, li t-ap sèvi yo.

Kòm solèy la t-ap kouché, tout moun ki té gin moun malad anba tout kalité maladi, yo minnin yo ba li. Li minm li pozé min sou yo chak, li géri yo.

Démon yo t-ap soti nan anpil moun, antan y-ap rélé byin fò, y-ap di : « Ou sé Pitit Bondié-a » ; li t-ap ménasé yo, li pa-t abitué kité yo palé, paské yo té konnin li sé Kris la.

Lè-l fè jou, li soti, l-al nan yon koté ki pa gin pèsonn ; foul yo t-ap chèché-l, yo rivé jous koté-l, yo té kinbé-l, pou-l pa-t pati kité yo.

Li minm li di yo : « Sèké lòt vil yo tou, mouin gin pou-m anonsé péyi roua Bondié-a ba yo paské sé poua minm yo voyé-m ».

Épi li t-ap préché nan sinagòg Galilé yo.

Paròl Granmèt la.

Jédi

Ané 1

PRÉMIÉ LÉKTU

*Li délivré nou sot anba pouvoua fè-noua yo,
li fè nou travèsé nan péyi roua Pitit li rinmin-an.*

Léktu lèt apot sin Pòl pou Kolosyin yo

1, 9-14

Frè-m yo :

Dépi jou mouin té tandé palé sou nou-an, mouin pa sispann priyé pou nou, m-ap mandé Bondié favè pou nou, pou nou plin ak konésans volonté-l, nan tout kalité sajàs ak intélizans éspri-a, pou nou maché yon fason kòrèk antan nou fè Bondié plézi nan tout bagay, antan n-ap donnin foui nan tout kalité bon aksion, antan n-ap dévlopé nan sians Bondié-a, n-ap asiré nan tout kalité fòs dapré puisans klèté-l la, nan tout kalité pasians ak pèsévérans avèk kè kontan ; n-ap di Bondié Papa-a mési, li minm ki fè nou mérité jouinn pòsion nan éritaj sin yo nan limiè-a, li minm ki délivré nou sot anba pouvoua fè-noua yo, ki fè nou travèsé nan péyi roua Pitit li rinmin-an. Nan Pitit sa-a nou jouinn rédanmsion pa pouvoua san-li, padon pou péché yo.

Paròl Granmèt la.

PSÒM RÉPONS

Ps 97, 2-3 ab. 3 cd-4. 5-6 (R: 2 a)

- R: Granmèt la fè konnin sovè li sovè nou-an.
- 2 Granmèt la fè konnin sovè li sovè nou-an,
nan fas nasion yo li révéle jistis li-a.
- 3 Li fè sonjé mizérikòd li-a
ak vérité-l pou kay Israèl la. R:
- Tout limit tè-a ap ouè
sovè Bondié sovè nou-an.
- 4 Sonnin tronpèt pou Bondié, tout tè-a,
éklaté, fété, chanté. R:
- 5 Chanté pou Granmèt la sou gita,
sou gita ak chanté Psòm ;
- 6 sonnin tronpèt ak kòn,
sonnin kléron dévan Granmèt la ki roua. R:

Ané 2**PRÉMIÉ LÉKTU**

*Tout bagay sé pou nou, nou minm minm nou pou Kris la,
Kris la minm li pou Bondié.*

Léktu prémié lèt apot sin Pòl pou Korintyin yo**3, 18-23**

Frè-m yo :

Pèsonn pa bezouin troupé tèt li. Si gin yon moun nan pami nou ki konprann li gin sajès la nan sièk sa-a, sé pou-l vi-n fou pou-l kapab gin sajès vré ; sèké sajès tè sa-a sé bagay moun fou li yé dévan Bondié.

Paské min sa-k ékri : « M-ap pran moun sajès yo nan pièj yo-a » épi tou : « Granmèt la konnin pansé moun sajès yo, yo pa vo anyin ». Konsa pèsonn pa bezouin tiré louanj nan lézòm. Tout bagay pou nou ; soua Pòl, soua Apolon, soua Séfas, soua tè-a, soua lavi-a, soua lanmò-a, soua sa-k la koulié-a, soua sa k-ap vini-an ; tout bagay réyéلمان sé pou nou, nou minm nou pou Kris la, Kris la minm pou Bondié.

Paròl Granmèt la.

PSÒM RÉPONS**Ps 23, 1-2. 3-4 ab. 5-6 (R : 1 a)**

- R** Pou Granmèt la tè-a ak tou sa-k plin-l.
- 1** Pou Granmèt la tè-a ak tou sa-k plin-l,
fas tè-a ak sa ki abité sou li yo.
 - 2** Paské sé li minm ki pozé fondasion-l sou lanmè yo,
ki rann li solid sou gran riviè yo. **R**
 - 3** Kilès k-ap monté sou mòn Granmèt la,
oubyin kilès k-ap instalé nan koté-l yé-a ki sin-an ?
 - 4** Moun ki inosan nan min-l épi ki gin kè-l nèt,
ki pa pran non-l pou granmési. **R**
 - 5** Sé moun sa-a k-ap résévoua bénédiksion nan min Granmèt la,
ak rékonpans nan min Bondié ki sové-l la.
 - 6** Sa-a sé ras moun k-ap chèché-l yo,
k-ap chèché fas Bondié Jakòb la. **R**

ALÉLOUYA

Mt 4, 19

℞ Alélouya. Vini apré-m, sé sa Granmèt la di,
épi m-ap fè nou al lapèch lézòm. ℞ Alélouya.

ÉVANJIL

Yo kité tout bagay, yo suiv li.

✠ Léktu sint Évanjil la dapré Luk

5, 1-11

Lè sa-a :

Kòm foul yo té gonflé sou Jézu pou yo tandé paròl Bondié-a, li té kanpé sou bò létan Jénézarèt la. Li ouè dé kannòt ki mouyé bò létan-an ; moun k-ap péché pouason yo té désann, yo t-ap lavé filè yo. Li monté nan youn nan kannòt yo, sa-k té pou Simon-an, li mandé-l pou-l rékilé yon ti kras sot bò tè-a. Li chita, l-ap bay foul yo ansègnman antan-l nan ti kannòt la.

Kon-l fi-n palé, li di Simon : « Minnin nou nan fon, épi lagé filè yo pou lapèch la ».

Simon réponn, li di-l : « Mèt, tout nan nuit nou travay san nou pa pran anyin ; sèlman sou paròl ou m-ap lagé filè-a ».

Lè yo fè sa, yo ranmasé yon pakèt foul pouason ; filè yo-a t-ap chiré. Yo fè asosié yo sign, sa-k té nan lòt kannòt la, pou yo vi-n édé yo. Yo rivé, yo plin toulédé kannòt yo, jous yo té prèt pou koulé.

Lè Simon Piè ouè sa, li lagé kò-l nan jénou Jézu, li di : « Ralé kò-ou louin-m, paské sé yon moun péchè mouin yé, Granmèt ».

Sèké sézisman té anvayi-l, ansanm ak tout moun ki té avèk li yo nan lapèch pouason yo yo té pran-an ; konsa tou pou ni Jak ni Jan, pitit Zébédé yo, ki té asosié Simon.

Jézu di Simon : « Pa pè, apati koulié-a, sé lapèch moun ou-ap fè ».

Yo kondui kannòt yo jous atè, yo kité tout bagay, yo suiv li.

Paròl Granmèt la.

Vandrédi

Ané 1

PRÉMIÉ LÉKTU

Tout bagay, sé pa pouvoua-l, sé nan li yo kréyé.

Léktu lèt apot sin Pòl pou Kolosyin yo

1, 15-20

Kris Jézu sé pòtré Bondié yo pa kapab ouè-a, sé prémié pitit nan tou kréatuy yo, paské sé nan li tout bagay kréyé nan sièl la ak sou tè-a, sa yo kapab ouè ak sa yo pa kapab ouè, soua tro-n, soua pouvoua, soua gouvènman, soua otorité : tout bagay sé pa pouvoua-l, sé nan li yo kréyé, li minm li anvan tout bagay, tout bagay kanpé nan égzistans nan li.

Li minm sé tèt kò Égliz la, li sé sous, prémié pitit nan pami mò yo, pou-l kapab kinbé prémié ran-an nan tout bagay ; sèké sé nan li Bondié pran plézi fè tout bagay nèt abité, sé nan li, pa pouvoua li, li vlé rékonsilié tout bagay, ni sa-k sou tè-a, ni sa-k nan sièl la, antan-l fè lapè pa pouvoua san-l ki koulé sou koua-a.

Paròl Granmèt la.

PSÒM RÉPONS

Ps 99, 2. 3. 4. 5 (R: 2 c)

- R: Antré dévan fas Granmèt la avèk gran fèt.
- 2 Fè louanj pou Granmèt la, tout tè-a,
sèvi Granmèt la nan kè kontan ;
antré dévan fas li avèk gran fèt. R:
- 3 Konnin Granmèt la sé li minm ki Bondié ;
sé li minm ki fè nou, sé pou li nou yé,
pèp li ak mouton pak li. R:
- 4 Antré nan pòtay li yo avèk louanj,
nan lakou-l yo avèk kantik,
fè louanj li, fè konpliman pou non-l. R:
- 5 Sèké Granmèt la bon ;
pou tout tan mizérikòd li,
pou jénérasyon ak jénérasyon vérité-l la. R:

Ané 2

PRÉMIÉ LÉKTU

Granmèt la ap fè ouè pansé ki nan kè yo.

Léktu prémié lèt apot sin Pòl pou Korintyin yo

4, 1-5

Frè-m yo :

Sé pou yo konsidéré nou tankou sèvitè Kris la, tankou administratè mistè Bondié yo. Ki sa yo mandé administratè yo, sé pou yo fidèl. Kanta mouin minm, sa pa fè-m anyin si nou jijé-m, oubyin si yon tribinal moun jijé-m ; minm mouin-minm, mouin pa jijé pròp tèt mouin ; konsians mouin pa réproché-m anyin, sèlman sé pa pou sa mouin konsidéré-m kòrèk ; sa-a k-ap jijé-m nan, sé Granmèt la. Sé pou sa pa jijé anvan tan-an, joutan Granmèt la rivé, li minm k-ap kléré sa-k kaché nan fènoua yo, k-ap montré pansé ki nan kè yo ; lè sa-a chak moun ap jouinn louanj nan min Bondié.

Paròl Granmèt la.

PSÒM RÉPONS

Ps 36, 3-4. 5-6. 27-28. 39-40 (R: 39 a)

- R: Sové moun ki kòrèk yo sové-a, sé nan Granmèt la li soti.
- 3 Éspéré nan Granmèt la, épi fè sa-k bon,
ou-a abité tè-a épi ou-a manjé trankil,
- 4 Mét kè kontan-ou nan Granmèt la,
l-ap ba-ou sa kè-ou mandé yo. R:
- 5 Rinmèt Granmèt la chémin-ou nan, épi espéré sou li,
sé li minm k-ap aji ;
- 6 l-ap fè jistis ou-a soti tankou limiè,
épi jijman-ou nan tankou klèté midi. R:
- 27 Viré do bay mal, fè sa-k byin,
ou-a abité nan tan ki pap fini-an.
- 28 Paské Granmèt la rinmin jijman,
li pap lagé sin-l yo. R:
- 39 Sové moun ki kòrèk yo sové minm, sé nan Granmèt la sa soti,
l-ap protéjé yo nan tan tray la.
- 40 Granmèt la ap édé yo, l-ap libéré yo,
l-ap ouété yo anba min péchè yo, l-ap sové yo,
paské yo espéré sou li. R:

ALÉLOUYA

Jan 8, 12

℞ Alélouya. Mouin sé limiè tè-a, sé sa Granmèt la di ;
moun k-ap suiv mouin, ap gin limiè lavi-a. ℞ Alélouya.

ÉVANJIL

Lè y-a pran mésié k-ap marié-a sot nan min yo, lè sa-a y-a fè jèn.

✝ Léktu sint Évanjil la dapré Luk

5, 33-39

Lè sa-a : farizyin yo ak skrib yo di Jézu :

« Pouki sa disip Jan yo ap fè jèn souvan, ap priyé souvan, ni farizyin yo tou ; kanta disip ou yo minm y-ap manjé, y-ap bouè ? »

Li di yo : « Èské nou kapab fè zanmi mésié k-ap marié-a fè jèn, pandan mésié k-ap marié-a ansanm avèk yo. Min gin jou k-ap vini, lè y-a pran mésié k-ap marié-a sot nan min yo, lè sa-a y-ap fè jèn sa yo ».

Li t-ap di yon parabòl pou yo : « Pèsòn pa pran yon moso toual ki sot nan yon rad nèf pou-l mété-l nan yon vié rad ; otréman rad nèf la ap chiré tou, épi moso ki sot nan rad nèf la, li pa alé ak vié rad la.

Épi pèsonn pa mét divin nouvo nan véso ansyin ki fèt ak po bèt ; otréman divin nouvo-a ap fè véso yo éklaté, l-ap vidé, épi véso yo ap pèdi ; min divin nouvo fèt pou mété nan véso nèf, pou toulédé konsèvé. Pèsonn, lè-l fi-n bouè sa-k vié-a, pa vlé nouvo-a tout-suit, paské l-ap di : “Vié-a pi bon” ».

Paròl Granmèt la.

Samdi

Ané 1

PRÉMIÉ LÉKTU

*Bondié rékonsilié nou avèk li,
li prezanté nou sin, san tach.*

Léktu lèt apot sin Pòl pou Kolosyin yo

1, 21-23

Frè-m yo :

Lontan nou minm tou nou té étranjé, nou té ènmi, akoz santiman nou té ginyin pou nou té fè sa ki mal ; koulié-a minm Bondié rékonsilié nou

nan kò chè Kri la gras a lanmò-l, pou-l prezanté nou sin, san tach, san yo pa gin anyin pou réproché nou dévan-l, si réyèlman nou kinbé fèm nan lafoua-a, nou pran rasi-n byin solid san anyin pa dékontrôle nou sot nan éspérans Bòn Nouvèl la nou té tandé-a, Bòn Nouvèl sa-a y-ap préché bay tou sa Bondié kréyé yo ki anba sièl la, Bòn Nouvèl sa-a mouin minm Pòl m-ap sèvi-a.

Paròl Granmèt la.

PSÒM RÉPONS

Ps 53, 3-4. 6 é 8 (R : 6 a)

R Min Bondié ap édé mouin.

3 Bondié, o non-ou sové-m,
nan pouvoua-ou, jijé-m.

4 Bondié, kouté priyé-m,
panché zòrèy ou pou-ou kouté paròl bouch mouin. **R**

6 Min Bondié ap édé-m,
Granmèt la ap résévoua lavi-m,

8 M-ap ofri-ou sakrifis ak tout kè-m,
m-ap fè louanj non-ou, Granmèt, paské ou bon. **R**

Ané 2

PRÉMIÉ LÉKTU

Nou grangou, nou souaf, nou nu-kò.

Léktu prémié lèt apot sin Pòl pou Korintyin yo

4, 6 b-15

Frè-m yo :

Sé pou nou pran léson nan mouin minm ak Apolon, pou nou pa dépasé sa ki ékri-a, pou pèsonn pa gonflé kont youn poutèt li pito lòt la. Kilès ki distingé-ou ? Sa-ou ginyin ou pa-t résévoua ? Min si-ou résévoua-l, pouki sa ou-ap vanté tèt ou kòm si ou pa-t résévoua-l ? Nou déjà gin tou sa nou bézouin, nou déjà rich, n-ap kòmandé kòm roua san nou minm ; pito nou kòmandé vré kòm roua, sa va fè nou minm tou n-a kapab kòmandé kòm roua ansanm avèk nou.

Mouin kouè réyèlman Bondié ékspozé nou, nou minm apot dènié tan yo, tankou moun ki kondané amò, paské nou vi-n tounin yon téat pou tè-a, ni pou anj Bondié yo, ni pou moun yo. Nou fou poutèt Kris la, nou

minm minm nou gin ladrès nan Kris la ; nou fèb, nou minm nou fò ; nou minm nou gin konsidérasion, min nou minm yo méprizé nou. Jouskoulié-a nan lè sa-a nou grangou, nou souaf, nou nu-kò, y-ap ba nou souflèt, nou san pozision, n-ap rédi, n-ap travay ak min nou ; y-ap madichonnin nou, n-ap fè konpliman ; n-ap sibi pèsékision, nou aksépté sa ; y-ap fè manti sou nou, n-ap konsolé ; nou vi-n tounin fatra tè sa-a, bagay tout moun réjité jouskoulié-a.

Sé pa pou-m fè nou ront mouin ékri nou bagay sa yo, min sé tankou avètisman m-ap bay pitit mouin yo mouin rinmin anpil yo. Sèké si nou gin di-mil moun k-ap fè édikasion nou nan Kris la, nou pa gin anpil papa ; sé mouin minm ki ba nou nésans nan Kris la gras a Bòn Nouvèl la.

Paròl Granmèt la.

PSÒM RÉPONS

Ps 144, 17-18. 19-20. 21 (R: 18 a)

- R: Granmèt la tou pré moun k-ap rélé-l yo.
- 17 Granmèt la kòrèk nan tout chémin-l yo,
li sin nan tout travay li yo.
- 18 Granmèt la tou pré moun k-ap rélé-l yo,
tout moun k-ap rélé-l nan vérité-a. R:
- 19 L-ap fè volonté moun ki krinn li yo,
l-ap kouté priyè yo, l-ap sovè yo.
- 20 Granmèt la présèvé tout moun ki rinmin-l yo,
min l-ap gayé tout moun péché yo. R:
- 21 Sé pou bouch mouin fè louanj Granmèt la,
sé pou tout chè-m fè konpliman pou non-l ki sin
pou tout tan ak tout tan gin tan. R:

ALÉLOUYA

Jan 14, 6

- R: Alélouya. Mouin sé chémin-an, vérité-a ak lavi-a,
sé sa Granmèt la di ;
pèsonn pa vi-n kot Papa-a, sof pa lantrémiz mouin. R: Alélouya.

ÉVANJIL

Pouki n-ap fè sa yo pa pèmèt jou saba-a.

✠ Léktu sint Évanjil la dapré Luk**6, 1-5**

Rivé yon jou saba, Jézu t-ap travèsé jadin blé, disip li yo t-ap raché zépi yo, yo t-ap manjé yo lè yo fi-n froté yo nan min yo.

Détoua nan farizyin yo t-ap di yo : « Pouki sa n-ap fè sa yo pa pèmèt nan saba-a ? »

Jézu réponn yo, li di : « Èské nou pa li sa David té fè, lè-l té grangou ni li minm ni moun ki té avèk li yo ; kijan li antré nan kay Bondié-a, épi li pran pin yo ki té éspozé yo, li manjé yo, li bay moun yo ki té avèk li yo : bagay yo pa pèmèt manjé, sof pou prèt yo sèlman ? »

Épi li t-ap di yo : « Sèké Pitit moun nan mèt ata saba-a ».

Paròl Granmèt la.

VINNTOUAZIÈM SÈMÈN ÒDINÈ

Dimanch, ané A

PRÉMIÉ LÉKTU

*Si-ou pa palé ak méchan-an,
m-ap chèche san-l nan min-ou.*

Léktu liv profèt Ézékièl

33, 7-9

Min paròl Granmèt la :

« Kanta ou minm, pitit moun, mouin mété-ou kòm santinèl pou kay Israèl la ; lè-ou tandé yon paròl sot nan bouch mouin, sé pou-ou anonsé yo sa pou mouin. Si-m di moun méchan-an : “Méchan, ou-ap mouri”, épi ou pa palé pou méchan-an prezèvé tèt li sot nan chémin-l nan, li minm méchan-an ap mouri nan péché-l la, min sé nan min-ou m-ap chèche san-l ; min si-ou anonsé méchan-an pou-l viré do bay chémin-l yo, épi li pa viré do bay chémin-l yo, l-ap mouri nan méchansté-l la, min ou minm ou-ap délivré nanm ou ».

Paròl Granmèt la.

PSÒM RÉPONS

Ps 94, 1-2. 6-7. 8-9 (R : 8)

R : Pito jodi-a nou kouté voua Granmèt la :

« Pa fèmin kè nou ».

- 1** Vini, an nou fété pou Granmèt la ;
an nou bat bravo pou Bondié ki sovè nou.
- 2** An nou proché dévan fas li avèk louanj,
épi ak mizik an nou bat bravo pou li. **R :**
- 6** Vini, an nou adoré, an nou plouayé kò nou,
an nou mét ajénou dévan Granmèt la ki fè nou,
- 7** paské li minm sé Bondié nou,
épi nou minm nou sé pèp pak li, mouton ki nan min-l. **R :**
- 8** Pito jodi-a sé voua-l nou kouté :
« Pa fèmin kè nou,
- 9** tankou nan Mériba, dapré jou Masa nan dézè-a,
koté papa nou yo té tanté-m nan,
yo té éséyé-m, malgré yo té ouè travay mouin yo ». **R :**

DÉZIÈM LÉKTU

*Sa-k réalizé laloua-a nèt, sé rinmin-an.***Léktu lèt apot sin Pòl pou Romin yo****13, 8-10**

Frè-m yo :

Nou pa doué pèsonn anyin, sof pou youn rinmin lòt ; moun ki rinmin prochin-l, li réalizé laloua-a ; sèké « pa fè adiltè, pa touyé, pa vòlè, pa fè fo-témouagnaj, pa anvi », épi si gin kèk lòt kòmandman, sé nan paròl sa-a li jouinn rasi-n li : « Sé pou-ou rinmin prochin-ou tankou ou minm ». Rinmin prochin-an pa fè sa-k mal. Sa-k réalizé laloua-a nèt la, sé rinmin-an.

Paròl Granmèt la.

ALÉLOUYA

2 Kor 5, 19

✠ Alélouya. Bondié t-ap rékonsilié tè-a avèk li nan Kris la, épi li mété paròl rékonsiliation-an nan nou. ✠ Alélouya.

ÉVANJIL

*Si-l kouté-ou, ou-ap pran tèt frè-ou la.***✠ Léktu sint Évanjil la dapré Matié****18, 15-20**

Lè sa-a : Jézu di disip li yo :

« Si frè-ou fè péché kont ou, alé, réprann li ant ou minm ak li minm sèl. Si-l kouté-ou, ou-ap pran tèt frè-ou la ; min si-l pa kouté-ou, pran youn oubyin dé lòt moun avèk ou ankò, pou tout paròl la kapab réglé nan bouch dé oubyin toua témouin. Si-l pa kouté yo, di Égliz la sa : min si-l pa kouté Égliz la, sé pou-l tankou payin ak piblikin pou ou.

Amèn mouin di nou, tou sa nou maré sou tè-a, y-ap maré nan sièl la ; épi tou sa nou lagé sou tè-a, y-ap lagé nan sièl la.

Mouin di nou tou, si dé nan nou mét tèt yo ansanm sou tè-a, ninpòt ki sa yo mandé sou ninpòt bagay, l-ap réalizé pou yo sot nan Papa-m, ki nan si sièl yo. Paské koté dé oubyin toua moun rasanblé o non-m, mouin la nan mitan yo ».

Paròl Granmèt la.

Dimanch, ané B

PRÉMIÉ LÉKTU

Zorèy moun soud yo louvri, lang moun baba yo louvri.

Léktu liv profèt Izayi

35, 4-7 a

Di moun ki fèb yo : « Kouraj, pa pè ; min Bondié nou-an ap poté vanjans, l-ap rimmèt yo sa yo té fè nou : Bondié li minm ap vini, l-ap sovè nou ».

Lè sa-a jé avèg yo ap louvri, zòrèy moun soud yo ap louvri ; lè sa-a moun ki t-ap bouaté-a ap vòltijé tankou kabrit, lang moun ki baba yo ap lagé ; paské dlo éklaté nan dézè-a, gran ravi-n dlo nan tè sèk la.

Sa-k té sèk la ap vi-n tounin létan, sa-k té souaf la ap vi-n tounin sous dlo.

Paròl Granmèt la.

PSÒM RÉPONS

Ps 145, 7. 8-9 a. 9 bc-10 (R: 1)

R: Fè louanj Granmèt, nanm mouin.

oubyin : Alélouya.

7 Li minm ki kinbé vérité-a pou tout tan,
ki fè jijman pou moun y-ap maltrété yo,
ki bay moun ki grangou yo manjé,
Granmèt la lagé prizonié yo. R:

8 Granmèt la kléré avèg yo,
Granmèt la drésé sa-k krazé yo,
Granmèt la rinmin sa-k kòrèk yo,

9 Granmèt la protéjé étranjé yo. R:

Òfélin-an ak vèv la, li soutni yo,
min chémin péchè yo, li gayé yo.

10 Granmèt la ap régné pou tout tan,
Bondié-ou la, Siyon,
pou jénérasyon ak jénérasyon. R:

DÉZIÈM LÉKTU

Èské Bondié pa chouazi pòv yo pou éritié péyi roua-a ?

Léktu lèt apot sin Jak

2, 1-5

Frè-m yo, pa mélé lafoua Granmèt nou Jézu-Kri ki nan gloua-a avèk konsidérasion moun. Paské, si nan asanblé nou-an gin yon moun ki antré avèk bag lò, rad pròp, épi tou gin yon pòv ki antré avèk rad sal, nou viré jé kot sa-k abiyé ak bèl rad la, épi nou di-l : « Ou minm, chita byin isit la » ; kanta pou pòv la minm, nou di-l : « Ou minm, chita laba-a oubyin chita sou machéskalié pié-m yo » ; èské nou pa jijé nan kè nou, épi nou vi-n tounin jij ki gin pansé méchan ?

Kouté, frè-m yo mouin si tèlman rinmin yo : Èské Bondié pa chouazi pòv yo sou tè sa-a pou yo rich nan lafoua-a épi pou yo éritié péyi roua-a, sa Bondié promèt moun ki rinmin-l yo ?

Paròl Granmèt la.

ALÉLOUYA

Cf. Mt 4, 23

✠ Alélouya. Jézu t-ap préché Bòn Nouvèl péyi roua-a, li t-ap géri tout kalité maladi nan pèp la. ✠ Alélouya.

ÉVANJIL

Li fè moun soud yo tandé, li fè baba yo palé.

✠ **Léktu sint Évanjil la dapré Mark**

7, 31-37

Lè sa-a :

Jézu soti nan zòn Tir, li travèsé Sidon, li rivé jous nan lanmè Galilé-a, nan mitan zòn Dékapòl la.

Yo minnin yon moun soud ba li, moun nan té baba tou, yo t-ap priyé-l pou-l pozé min sou li. Li pran-l apa sot nan foul la, li mété douèt li nan zorèy li, li kraché, li touché lang li ; li lévé jé nan sièl la, li pousé yon ti souf, li di-l : « Éféta », sa vlé di « Louvri ». Minm lè-a zorèy li louvri, kòd lang li lagé, li t-ap palé kòrèk.

Li pasé yo lòd pou yo pa di pèsonn sa. Min plis li t-ap pasé lòd, sé plis yo t-ap préché sa.

Moun yo té sézi anpil, yo t-ap di : « Li fè tout bagay byin : li fè moun soud yo tandé, li fè baba yo palé ».

Paròl Granmèt la.

Dimanch, ané C

PRÉMIÉ LÉKTU

Sa-k kapab konprann ki sa Bondié vlé ?

Léktu liv Sajès la

9, 13-19

Kilès nan pami lézòm ki kapab konnin plan Bondié ? oubyin ki kapab pansé ki sa Bondié vlé ? Réfléksion lézòm k-ap mouri yo, sé bagay ki fèb, prévouayans nou pa sètin : sèké yon kò k-ap dékonpozé, li fè nanm nan vi-n pi lou, épi kay tè sa-a nou abité-a, li pézé sou éspri-a k-ap kalkilé sou anpil bagay.

Li difisil pou nou konsidéré bagay ki sou tè-a, épi bagay ki dévan fas nou, nou jouinn yo avèk difikilté ; kanta pou sa-k nan sièl la minm, kilès moun ki kapab fouyé yo ? Ki moun ki kapab konnin sa-k nan lidé-ou, si sé pa ou minm ki bay sajès la, si-ou pa voyé Éspri Sin-ou nan sot anro nèt la, sé konsa chémin moun yo ki sou tè-a yo drésé, épi lézòm ap aprann sa-k fè-ou plézi ?

Réyéلمان sé pa lantrémiz sajès la yo vi-n géri, yo tout ki té fè-ou plézi, Granmèt, dépi nan kòmansman-an.

Paròl Granmèt la.

PSÒM RÉPONS

Ps 89, 3-4. 5-6. 12-13. 14 é 17 (R : 1)

- R: Granmèt, ou vi-n tounin kachèt pou nou,
sot nan jénérasyon al nan jénérasyon.
- 3 Ou fè moun nan tounin nan pousiè ;
ou di : « Tounin, pitit moun yo ».
- 4 Sèké mil ané dévan jé-ou
sé tankou jou yè-a ki pasé,
ak tan yon santinèl fè pòs nan nuit. R:

- 5 Ou jété yo nan somèy.
 6 y-ap tankou zèb k-ap lévé nan matin :
 nan matin li fè flè, li dévlopé,
 nan asouè li finnin, li séché. **R:**
- 12 Aprann nou konté jou nou yo,
 pou nou kondui kè nou nan sajàs.
 13 Tounin, Granmèt, jouskilè ?
 Padonnin sèvitè-ou yo. **R:**
- 14 Plin nou ak mizèrikòd ou-a dépi nan matin,
 n-a fété, n-a joui pandan tout tan n-ap viv.
 17 Sé pou gloua Granmèt la Bondié nou-an sou nou,
 garanti travay min nou sou nou,
 travay min nou yo, garanti-l. **R:**

DÉZIÈM LÉKTU

*Résévoua-l, pa tankou yon sèvitè,
 min tankou yon frè ou rinmin anpil.*

Léktu lèt apot sin Pòl pou Filémon

9b-10. 12-17

Ou minm mouin si tèlman rinmin-an :

Sé Pòl ki vié granmoun nan, koulié-a minm ki prizonié Jézu-Kri-a, m-ap priyé-ou pou pitit mouin-an, sa-m anfanté nan chinn yo, Onézim, li minm mouin ranvouayé ba ou. Mouin t-a byin rinmin kinbé-l ansanm avèk mouin, pou-l t-a sèvi-m nan plas ou nan chinn Bòn Nouvèl la ; min mouin pa-t vlé fè anyin san désizyon-ou, pou byin-ou nan pa t-a tankou yon bagay ki fòsé, min pou sé nan volonté-ou li sòti. Pètèt réyèlman li té pati louin-ou pou yon tan, pou-ou té kapab résévoua-l pou tout tan ; sèlman sé pa tankou yon ésklav ankò, min plis pasé yon ésklav, tankou yon frè ou rinmin anpil, sé sa-l yé anpil pou mouin, sé sa l-ap yé pi plis toujou pou ou, ni nan chè-a, ni nan Granmèt la. Si-ou konsidéré-m kòm zanmi-ou, résévoua-l jan ou t-a résévoua mouin.

Paròl Granmèt la.

ALÉLOUYA

Ps 118, 135

R: Alélouya. Kléré fas ou sèvitè-ou la,
 aprann mouin désizyon-ou yo. **R:** Alélouya.

ÉVANJIL

*Moun ki pa rénonse tou sa-l posédé,
li pa kapab vi-n disip mouin.*

✠ Léktu sint Évanjil la dapré Luk

14, 25-33

Lè sa-a :

Anpil foul t-ap maché avèk Jézu, li viré, li di yo : « Si yon moun vi-n jouinn mouin, épi li pa rayi papa-l ak manman-l ak madanm li, ak pitit gason-l yo ak pitit fi-l yo ak sè-l yo, ata jous lavi-l, li pa kapab vi-n disip mouin.

Moun ki pa poté koua-l, pou-l vi-n apré-m, li pa kapab vi-n disip mouin.

Kilès réyèlman nan pami nou, si-l vlé bati yon kay chanmòt ki ro anpil, pou-l pa kòmansé chita pou-l kalkilé sa-k nésésè, pou-l ouè si-l gin dékoua fini travay la ? Otréman, apré-l fi-n pozé fondasion-an épi li pa kapab fini, tout moun ki ouè sa y-ap kòmansé pasé-l nan jouèt, y-ap di : “Ki kalité moun sa-a : li kòmansé konstoui épi li pa kapab fini ?”

Oubyin kilès roua-a ki vlé al nan lagè kont yon lòt roua, pou-l pa kòmansé chita, réfléchi, pou-l ouè si avèk di-mil moun li kapab al rankontré lòt la k-ap vi-n sou li ak vin mil sòlda ? Otréman, pandan lòt la louin toujou, li voyé yon group mèsajé pou-l mandé-l kondision lapè-a.

Konsa tou, tout moun nan nou, ki pa rénonse tou sa-l ginyin, li pa kapab vi-n disip mouin ».

Paròl Granmèt la.

Lindi

Ané 1

PRÉMIÉ LÉKTU

*Mouin vi-n tounin sèvitè Égliz la pou-m réalizé mistè
ki kaché dépi sièk tan yo.*

Léktu lèt apot sin Pòl pou Kolosyin yo

1, 24-2, 3

Frè-m yo :

Koulié-a mouin kontan nan soufrans m-ap soufri pou nou yo, m-ap konplété sa-k manké nan soufrans Kris la nan chè mouin, pou kò-l ki

Égliz la ; sé sèvitè Égliz sa-a mouin vi-n tounin, dapré sèvis Bondié ban mouin pou-m fè nan nou-an, pou-m réalizé paròl Bondié-a.

Mistè-a, ki té kaché dépi sièk tan yo ak jénèrasion yo, koulié-a li révéle nan sin-l yo. Bondié té vlé montré sin yo richès gloua sakréman sa-a nan nasion yo : Kris la, éspérans gloua-a nan nou ; nou anonsé li antan n-ap réprann tout moun, antan n-ap bay tout moun ansègnman nan tout kalité sajès, pou nou prezanté tout moun kòrèk nèt nan Kris Jézu ; sé pou li m-ap travay, m-ap batay dapré aktivité-l k-ap aji nan mouin nan puisans la.

Réyèlman, mouin vlé nou konnin ki kalité tèt chajé mouin gin pou nou ak pou sa yo ki Laodisé-a, ni tout moun ki pa-t ouè fas mouin nan chè-a, pou kè yo jouinn konsolasion, antan yo jouinn ansègnman nan charité ak nan tout kalité richès ki plin intéljans la ; konsa n-a konnin mistè Bondié Papa-a ak Kris Jézu, koté tout trézò sajès ak sians la kaché.

Paròl Granmèt la.

PSÒM RÉPONS

Ps 61, 6-7. 9 (R : 8 a)

R: Nan Bondié sové mouin sové-a ak gloua mouin.

- 6 Nan Bondié sèlman pou-ou pozé, nanm mouin ;
paské sé nan li pasians mouin soti.
- 7 Réyèlman sé li minm ki Bondié-m ak Sovè mouin,
sékou-m, mouin pap souké. R:
- 9 Éspéré nan li, tout fanmi pèp la,
vidé kè nou dévan li ;
Bondié sé kachèt pou nou. R:

Ané 2

PRÉMIÉ LÉKTU

*Ouété vié lévin-an ;
paské yo sakrifé Pak nou-an, Kris la.*

Léktu prémié lèt apot sin Pòl pou Korintyin yo

5, 1-8

Frè-m yo :

Tout koté yo tandé palé sou kèsion fònikasion nan pami nou, yon kalité fònikasion yo pa jouinn ata nan pami nasion yo ; atèl pouin yon

moun an afè ak madanm papa-l. Épi n-ap gonflé kè nou ! Pouki nou pa pran dèy pito, pou nou ouété moun sa-a ki fè bagay sa-a sot nan mitan nou. Mouin minm ki pa la ak kò-m, min ki prézan ak éspri-m, mouin déjà fi-n jijé moun sa-a ki aji konsa-a, kòm si mouin té prézan. O non Granmèt nou Jézu-Kri, rasanblé ansanm avèk éspri-m avèk pouvoua Granmèt nou Jézu, pou nou rinnèt kalité moun sa-a nan min Satan pou chè-a détoui, pou éspri-a kapab sovè nan jou Granmèt nou Jézu-Kri.

Grandizè nou-an pa bon. Èské nou pa konnin yon ti kras lévin gaté tout pat la ? Ouété vié lévin-an, pou gin yon nouvo pat, paské nou sé pin san lévin ; réyèlman yo sakrifé Pak nou-an Kris la. Konsa sé pou nou fété, min sé pa avèk vié lévin, ni avèk lévin méchansté ak movèz foua, min nan pin san lévin sinsérité ak vérité.

Paròl Granmèt la.a

PSÒM RÉPONS

Ps 5, 5-6. 7. 12 (R: 9 a)

- R: Granmèt, kondui-m nan jistis ou-a.
- ⁵ Sèké ou pa yon Bondié ki rinmin fot ;
méchan-an pa abité koté-ou,
- ⁶ moun ki pa kòrèk yo pa rété dévan jé-ou. R:
- ⁷ Ou rayi tout moun ki fè injistis,
ou-ap pèdi tout moun k-ap fè manti ;
Granmèt la pa vlé ouè moun san ak riz. R:
- ¹² Tout moun ki éspéré nan ou,
sé pou yo kontan, sé pou yo fété pou tout tan.
Ou-ap kouvri yo ak lonbraj ou, y-ap jouinn gloua yo nan ou
moun sa yo ki rinmin non-ou nan. R:

ALÉLOUYA

Jan 10, 27

- R: Alélouya. Mouton-m yo kouté voua-m, sé sa Granmèt la di ;
épi mouin minm mouin konnin yo, yo suiv mouin. R: Alélouya.

ÉVANJIL

Yo t-ap obsèvé si-l t-ap géri moun jou saba-a.

✠ **Léktu sint Évanjil la dapré Luk** **6, 6-11**

Rivé yon jou saba, li té antré nan yon sinagòg, li t-ap bay ansègnman. Té gin yon moun la, min douat li té sèk.

Skrib yo ak farizyin yo t-ap obsèvé si-l t-ap géri moun jou saba-a, pou yo té jouinn okazion akizé-l.

Li minm minm li té konnin pansé yo, li di moun nan ki té gin min-l sèk la : « Lévé, kanpé nan mitan ». Li lévé, li kanpé.

Jézu di yo : « M-ap pozé nou késion : èské jou saba yo gin doua fè dibyin, oubyin dimal ; sové yon lavi, oubyin pèdi-l ? »

Li gadé tout moun alantou, li di moun nan : « Lonjé min-ou ». Li lonjé-l, min-l vi-n réfè. Yo minm yo té plin raj, yo fè konplo antré yo pou yo ouè sa pou yo fè ak Jézu.

Paròl Granmèt la.

Madi**Ané 1**

PRÉMIÉ LÉKTU

*Granmèt la fè nou jouinn lavi ansanm avèk li,
antan li padonnin tout fot nou yo.*

Léktu lèt apot sin Pòl pou Kolosyin yo **2, 6-15**

Frè-m yo :

Minm jan nou té résévoua Jézu-Kri Granmèt la, sé konsa pou nou maché nan li, antan nou pran rasi-n nan li, nou bati nan li, nou asiré nan li gras a lafoua-a, jan nou té aprann nan, antan nou plin rékonésans pou li.

Atansion pou pèsonn pa tronpé nou avèk filozofi ak manti ki vid, dapré ansègnman lézòm transmèt yo, dapré gran prinsip ki antré nan konpozision tou sa nou ouè-a, épi sé pa dapré Kris la ; paské sé nan li minm, ak tout kò-l, tou sa Bondié yé-a abité, épi nou plin ak sa-k nan li-a, li minm ki chèf tout otorité ak pouvoua ; sé nan nou sikonsi ak yon sikonsizyon ki pa fèt ak min moun k-ap ouété kò chè-a, min nan sikonsizyon Kris la : nou

antéré avèk li nan batèm nan, nan li nou té résisité, antan nou mét lafoua nan aksion Bondié, li minm ki té résisité-l sot nan pami mò yo.

Nou minm, ki té mouri akoz fot yo, épi poutèt késion po ti kò nou-an, li fè nou viv avèk li, li padonnin tout fot nou yo, li détoui biyè dèt la ki té ékri kont nou-an ; sa-k té kont nou-an, li pran-l nan li minm, li klouré-l sou koua-a ; li dégradé otorité ak pouvoua yo, li trinnin yo aklè, li ranpòté viktoua sou yo dévan tout moun nan li minm.

Paròl Granmèt la.

PSÒM RÉPONS

Ps 144, 1-2. 8-9. 10-11 (R : 9 a)

R: Granmèt la bon pou tout moun.

- 1 M-ap fè louanj ou, Bondié-m, roua mouin,
m-ap fè konpliman pou non-ou
pou tout tan ak tout tan gin tan.
- 2 Chak jou m-ap fè louanj pou non-ou
pou tout tan ak tout tan gin tan. R:
- 8 Granmèt la gin pitié, li gin mizérikòd,
li gin pasians, li gin anpil mizérikòd.
- 9 Granmèt la bon pou tout moun,
pitié-l pou tou sa-l fè. R:
- 10 Y-ap fè louanj ou, Granmèt, tou sa-ou fè yo ;
sin-ou yo ap fè konpliman pou ou.
- 11 Y-ap déklaré gloua péyi roua-ou la,
y-ap anonsé puisans ou. R:

Ané 2

PRÉMIÉ LÉKTU

*Yon frè ap fè prosè kont yon lòt frè,
épi bagay sa-a sé kot moun ki pa gin lafoua yo !*

Léktu prémié lèt apot sin Pòl pou Korintyin yo

6, 1-11

Frè-m yo :

Gin moun nan nou ki gin lodas, lè-l gin kont pou-l réglé ak yon lòt, pou-l al fè jijman kot péchè yo, épi li pa al kot sin yo ? Oubyin nou pa konnin sé sin yo k-ap jijé késion tè-a ? Si sé nou minm k-ap jijé tè-a, èské

nou pa mérité jijé bagay ki gin mouins inpòtans ? Èské nou pa konnin n-ap jijé anj yo ? nou pa bézouin mandé pou bagay sièk tan sa-a ! Lè nou gin bagay sièk tan sa-a pou nou jijé, sé moun ki pa anyin nan Égliz la, sé yo minm nou pran pou fè jijman-an.

Mouin di sa pou-m fè nou ront : « Konsa pa gin pèsònn nan pami nou ki gin sajès, ki kapab fè jijman ant frè-l ? » Min yon frè fè prosè kont yon lòt frè, épi bagay sa-a koté moun ki pa gin lafoua ? Nou déjà an fot nèt poutèt nou gin prosè nan pami nou. Pouki sa nou pa aksépté afron pito ? Pouki sa nou pa sibi yo pran sa-k pou nou pito ? Min sé nou minm k-ap fè afron, k-ap pran afè moun, épi bagay sa-a aléga frè yo.

Oubyin èské nou pa konnin moun ki pa kòrèk yo pap posédé péyi roua Bondié-a ? Pa tronpé tèt nou : ni moun k-ap fè fònikasyon, ni moun k-ap sèvi zidòl, ni moun k-ap fè adiltè, ni moun ki gin mové konduit, ni moun k-ap fè mové plézi avèk gason parèy yo, ni moun k-ap vòlè, ni moun ki rinmin lajan, ni moun k-ap bouè bouason, ni moun k-ap bay madichon, ni moun k-ap pran byin lòt moun yo, yo pap posédé péyi roua Bondié-a. Sé sa nou té yé lontan ; min nou lavé, nou vi-n sin, min nou vi-n kòrèk o non Granmèt nou Jézu-Kri ak nan Éspri Bondié nou-an.

Paròl Granmèt la.

PSÒM RÉPONS

Ps 149, 1-2. 3-4. 5-6 a é 9 b (R : 4 a)

R: Granmèt la jouinn plézi nan pèp li-a.

oubyin : Alélouya.

- 1 Chanté pou Granmèt la yon kantik nouvo ;
louanj li nan asanblé sin yo.
- 2 Sé pou Israël kontan nan sa-a ki fè-l la,
sé pou pitit Siyon yo dansé pou roua yo. R:
- 3 Sé pou yo fè louanj pou non-l avèk dans,
sou tanbou ak gita sé pou yo chanté pou li.
- 4 Paské Granmèt la jouinn plézi nan pèp li-a,
l-ap fè pòv yo jouinn konsidérasion nan sové li sové nou-an. R:
Sé pou sin yo fété nan gloua-a,
sé pou yo kontan sou kabann yo.
Louanj Bondié yo nan bouch yo :
gloua sa-a pou tout sin-l yo. R:

ALÉLOUYA

Cf. Jan 15, 16

℞ Alélouya. Mouin chouazi nou sot sou tè-a, pou nou alé,
pou nou donnin foui, pou foui nou-an diré, sé sa Granmèt la di. ℞
Alélouya.

ÉVANJIL

*Pandan tout lannuit la li t-ap priyé.
Li chouazi douz yo, li rélé yo apot.*

✚ Léktu sint Évanjil la dapré Luk

6, 12-19

Rivé jou sa yo, Jézu monté sou mòn nan pou-l priyé, li pasé tout lannuit la ap priyé Bondié.

Lè jou rivé, li rélé disip li yo, li chouazi douz nan pami yo, li rélé non-
yo Apot : Simon, sa-l bay ti non Piè-a, avèk André, frè-l la, Jak avèk Jan,
Filip avèk Bartélémi, Matié ak Toma, Jak pitit Alfé-a, ak Simon, sa yo
rélé Zélòt la, épi Jud, pitit Jak la, avèk Juda Iskariòt la, sa-k té trèt la.

Li désann avèk yo, li kanpé nan plinn nan, ansanm ak foul disip li yo
ak anpil foul pèp ki soti nan tout Judé-a ak Jérusalèm ak réjion lanmè-a,
ak Tir ak Sidon, yo té vini pou yo kouté-l, pou yo fè-l géri yo sot nan
maladi yo. Moun ki té gin éspri papròp k-ap maltrété yo, yo té géri.

Tout foul la té vlé touché-l, paské té gin yon fòs ki té soti nan li épi ki
té géri yo tout.

Paròl Granmèt la.

Mèkrédi**Ané 1****PRÉMIÉ LÉKTU**

*Nou mouri ansanm avèk Kris la ;
fè manb nou yo mouri.*

Léktu lèt apot sin Pòl pou Kolosyin yo

3, 1-11

Frè-m yo :

Si nou résisité ansanm avèk Kris la, sé pou nou chèché bagay ki anro
yo, koté Kris la chita adouat Bondié-a : sé bagay ki anro yo pou nou

gouté, sé pa sa-k sou tè-a. Nou mouri réyèlman, lavi nou kaché avèk Kris la nan Bondié. Lè Kris la, lavi nou-an, ap parèt, lè sa-a, nou minm tou n-ap parèt avèk li nan gloua-a.

Konsa, mété lanmò nan manb nou yo ki sou tè-a : fònikasyon, bagay ki pa pròp, mové tandans, mové lidé, avèk rinmin lajan, ki sèvis zidòl. Bagay sa yo k-ap provoké kòlè Bondié sou moun ki pa gin lafoua yo, nou minm tou nou té konn maché nan yo lontan, lè nou t-ap viv nan yo ; koulié-a minm sé pou nou kite tout bagay, kòlè, mové san, méchansté, madichon, gro mo, ouété tou sa sot nan bouch nou. Sé pa pou youn bay lòt manti, ouété moun ansyin-an avèk aksion-l yo sot sou nou, abiyé nou ak moun nouvo-a, k-ap réfèt tou nèf nan konésans la dapré pòtré sa-a ki kréyé-l la ; koté pa gin payin ak Juif, sikonsizyon ak po ti kò, moun sovaj ak moun lélit, ésklav ak moun lib, min Kris la ki tout bagay nan tout moun.

Paròl Granmèt la.

PSÒM RÉPONS

Ps 144, 2-3. 10-11. 12-13 ab (R: 9 a)

R: Granmèt la bon pou tout moun.

2 Chak jou m-ap fè konpliman pou ou,
m-ap fè konpliman pou non-ou,
pou tout tan ak tout tan gin tan.

3 Granmèt la gran, li mérité anpil louanj,
yo pa kapab sondé grandè-l. R:

10 Y-ap fè louanj ou, Granmèt, tou sa-ou fè yo ;
sin-ou yo ap fè konpliman pou ou.

11 Y-ap déklaré gloua péyi roua-ou la,
y-ap anonsé pouvoua-ou. R:

12 Pou yo fè pitit moun yo konnin mèvèy ou yo,
ak gloua grandè péyi roua-ou la.

13 Péyi roua-ou la, sé péyi roua tout tan,
kòmandman-ou nan pou jénérasyon ak jénérasyon. R:

Ané 2**PRÉMIÉ LÉKTU**

*Èské ou marié ? pa chèché séparé.
Èské-ou pa marié ? pa chèché marié.*

Léktu prémié lèt apot sin Pòl pou Korintyin yo**7, 25-31**

Frè-m yo :

Osijè vièj yo, mouin pa gin kòmandman Granmèt la ; min sé yon konsèy m-ap bay tankou yon moun Granmèt la fè mizèrikòd, pou yo kapab fè-m konfians. Mouin konsidéré sé yon bon bagay poutèt nésésité ki la koulié-a, oui, sé yon bon bagay pou moun nan rét jan li yé-a. Èské ou marié ak yon madanm ? pa chèché séparé. Èské ou pa marié ak yon madanm ? pa chèché marié. Si-ou marié, ou pa fè péché ; si yon vièj marié, li pa fè péché. Sèlman n-ap gin tray nan chè sa-a ; mouin minm mouin vlé évité nou sa.

Konsa, mouin di nou, frè-m yo : « Tan-an kout ; moun ki marié, sé pou yo viv kòm si yo pa marié ; moun k-ap kriyé, kòm si yo pap kriyé ; moun ki gin kè kontan, kòm si yo pa gin kè kontan ; moun k-ap achté, kòm si yo pa posédé ; moun k-ap sèvi avèk tè sa-a, kòm si yo pap sèvi avèk li ; sèké, figu tè sa-a, l-ap pasé ».

Paròl Granmèt la.

PSÒM RÉPONS**Ps 44, 11-12. 14-15. 16-17 (R: 11 a)**

- R:** Kouté, mafi, gadé, panché zòrèy ou.
- 11** Kouté, mafi, gadé, panché zòrèy ou,
bliyé pèp ou-a ak kay papa-ou ;
- 12** roua-a anvi bèlté-ou.
Paské sé Granmèt ou li yé, sé pou-ou adoré-l. **R:**
- 14** Pitit fi roua-a bèl anpil sou pa anndan,
li abiyé ak rad ki fèt ak fil lò.
- 15** Nan rad ki fèt ak anpil kalité bèl toual, yo minnin-l kot roua-a ;
vièj yo apré-l, zanmi-l yo, y-ap minnin yo ba ou. **R:**
- 16** Yo minnin yo nan kè kontan ak fèt,
yo kondui yo nan kay roua-a.
- 17** Nan plas papa-ou yo ou-ap gin pitit ;
ou-ap instalé yo kòm chèf sou tout tè-a. **R:**

ALÉLOUYA

Lk 6, 23 ab

R: Alélouya. Sé pou nou kontan, sé pou nou fété, sé sa Granmèt la di ;
Sèké min rékonpans nou anpil nan sièl la. R: Alélouya.

ÉVANJIL

*Ala kontantman pou pòv yo.
Ala malè pou nou minm rich yo !*

✠ Léktu sint Évanjil la daprè Luk

6, 20-26

Lè sa-a :

Antan Jézu lévé jé-l nan diréksion disip li yo, li t-ap di :

« Ala kontantmant pou nou minm ki pòv, paské péyi roua Bondié-a pou nou.

Ala kontantmant pou nou minm ki grangou koulié-a, paské n-ap jouinn kont manjé.

Ala kontantmant pou nou minm k-ap kriyé koulié-a, paské n-ap ri.

Ala kontantman pou nou minm lè moun yo ap rayi nou, lè y-ap réjé nou, lè y-ap fè nou afron, lè y-ap jété non nou tankou bagay ki mal, poutèt Pitit moun nan : fè kè nou kontan jou sa-a, fété ; paské min rékonpans nou anpil nan sièl la ; sé konsa réyèlman papa yo té aji ak profèt yo.

Min ala malè pou nou, rich yo, paské nou gin konsolasion nou !

Ala malè pou nou, nou minm ki gin vant plin, paské n-ap grangou !

Ala malè pou nou, nou minm k-ap ri koulié-a, paské n-ap plinn, épi n-ap kriyé !

Ala malè lè moun yo ap fè konpliman pou nou ! Sé konsa réyèlman papa yo té trété fo-profèt yo ».

Paròl Granmèt la.

Jédi

Ané 1

PRÉMIÉ LÉKTU

*Sé pou nou gin charité,
paské sé kòd réalizasyon ki fi-n kòrèk nèt la.*

Léktu lèt apot sin Pòl pou Kolosyin yo

3, 12-17

Frè-m yo :

Abiyé nou, tankou moun Bondié chouazi, ki sin, tankou moun li rinmin, abiyé nou ak zantray mizérikòd, ak bon kè, rabésé tèt nou, fè kò nou tou dou, pran pasians, sipòté nou youn lòt, sé pou youn padonnin lòt, si youn gin kichòy kont lòt : jan Granmèt la padonnin nou, konsa nou minm tou.

Anlè tout bagay sa yo, sé pou nou gin charité, li minm ki kòd ki maré sa ki fi-n kòrèk nèt la ; sé pou lapè Kris la fété nan kè nou, sé nan li yo rélé nou pou nou fè yon sèl kò ; sé pou nou rét ap di Bondié mèsì. Sé pou paròl Kris la abité nan nou jous li plin nou, antan youn ap bay lòt ansègnman, antan youn ap réprann lòt nan tout kalité sajès, avèk Psòm, kantik avèk chanté spirituèl, antan n-ap chanté nan gras nan kè nou pou Bondié. Tou sa n-ap fè soua nan paròl, soua nan aksion, sé pou nou fè tout bagay o non Granmèt Jézu-Kri, antan n-ap di Bondié Papa-a mèsì pa lintémédiè-l.

Paròl Granmèt la.

PSÒM RÉPONS

Ps 150, 1-2. 3-4. 5-6 (R : 6)

R Tou sa k-ap réspiré, sé pou-l fè louanj Granmèt la.

oubyin : Alélouya.

- 1 Fè louanj Granmèt la nan tanp li-a,
fè louanj li nan sièl pouvoua-l la.
- 2 Fè louanj li nan gran mèvèy li yo,
fè louanj li dapré kantité grandè-l. R
- 3 Fè louanj li nan son tronpèt,
fè louanj li sou bandjo ak gita,
- 4 fè louanj li sou tanbou ak dans,
fè louanj li nan instriman a kòd avèk nan flut. R

- ⁵ Fè louanj li ak sinbal k-ap sonnin byin,
fè louanj li ak sinbal fèt :
- ⁶ tou sa k-ap réspiré, sé pou-l fè louanj Granmèt la. **R**

Ané 2

PRÉMIÉ LÉKTU

*Antan nou frapé konsians frè nou yo ki fèb la,
sé kont Kris la nou fè péché.*

Léktu prémié lèt apot sin Pòl pou Korintyin yo **8, 1 b-7. 11-13**

Frè-m yo :

Sians la gonflé, min sé charité-a ki bati. Si yon moun konprann li konnin kichòy, li pa ko konnin kijan li doué konnin. Si yon moun rinmin Bondié, Bondié konnin-l. Sou manjé yo y-ap sakrifé bay zidòl yo, nou konnin zidòl la pa anyin sou tè-a, pa gin anyin ki Bondié sof yon sèl la. Réyèlman, minm si ginyin yo rélé dié soua nan sièl la soua sou tè-a, sèk gin anpil dié ak anpil mèt ; kanta pou nou sé yon sèl Bondié Papa-a, li minm tout bagay soti nan li-a épi nou minm nan diréksion li-a, sé yon sèl Granmèt Jézu-Kri, li minm pa lintèmediè-l tout bagay la épi nou minm pa lintèmediè-l la. Min sé pa tout moun ki gin sians ; gin moun jous koulié-a toujou ki abityé nan zidòl, kifè lè yo manjé viann ki sakrifé bay zidòl, yo kouè sé manjé zidòl y-ap manjé vré ; kòm konsians yo fèb, li vi-n sal.

Poutèt sians ou-a, sa-k fèb la, frè-ou la, ap péri, li minm Kris la té mouri pou li-a ? Konsa antan n-ap fè péché kont frè nou yo, antan n-ap frapé konsians yo ki fèb la, sé kont Kris la n-ap fè péché. Sé poua, si yon manjé fè frè-m nan bité, mouin pap janm manjé viann, pou-m pa fè frè-m nan bité.

Paròl Granmèt la.

PSÒM RÉPONS

Ps 138, 1-3. 13-14 ab. 23-24 (R : 24 b)

R Kondui-m, Granmèt, sou rout tout tan-an.

¹ Granmèt ou sondé-m, ou konnin-m,

² ou konnin chita-m ak lévé-m.

Ou konprann pansé-m dépi byin louin,

- ³ tras rout mouin ak kouché-m, ou égzaminé yo.
Tout rout mouin yo, ou ouè yo byin klè. **R**
- ¹³ Paské sé ou minm ki té fòmé rin-m,
ou té trésé-m nan vant manman-m.
- ¹⁴ M-ap fè louanj ou, paské ou fòmé-m yon fason éstraòdinè,
aksion-ou yo éstraòdinè,
nanm mouin konnin yon ti kras. **R**
- ²³ Sondé-m, Bondié, konnin kè-m ;
éséyé-m, konnin tras rout mouin yo :
- ²⁴ gadé, si gin rout ki pa vo anyin nan mouin ;
kondui-m nan chémin tout tan-an. **R**

ALÉLOUYA**1 Jn 4, 12**

R Alélouya. Si nou youn rinmin lòt, Bondié rété nan nou,
charité-l la kòrèk nèt nan nou. **R** Alélouya.

ÉVANJIL

Sé pou nou gin mizérikòd, tankou Papa nou gin mizérikòd.

✠ Léktu sint Évanjil la dapré Luk**6, 27-38**

Lè sa-a : Jézu té di disip li yo :

« Mouin di nou, nou minm k-ap kouté-a : Sé pou nou rinmin ènmi nou yo, sé pou nou fè sa-k byin pou moun ki rayi nou yo ; béni moun k-ap madichonnin nou yo, priyé pou sa yo k-ap di manti sou nou yo.

Si yon moun ba-ou yon souflèt sou yon bò figi-ou, lonjé lòt la ba li, moun ki pran manto-ou nan min-ou, pa anpéché-l pran chémiz ou-a tou.

Tout moun ki mandé-ou, ba li ; moun ki pran sa-k pou ou, pa mandé-l li. Tou sa nou vlé pou moun yo fè pou nou, sé pou nou fè-l minm jan pou yo tou. Si nou rinmin sa yo ki rinmin nou, ki gras k-ap pou nou ? Sèké ata péchè yo, yo rinmin sa yo ki rinmin yo. Si sé moun ki fè nou dibyin n-ap fè dibyin, ki gras k-ap pou nou ? Ata péchè yo, sé konsa yo fè tou. Si nou prété moun nou éspéré résévoua nan min yo, ki gras k-ap pou nou ? Sèké péchè yo tou, yo prété péchè yo, pou yo résévoua minm jan.

Réyèlman, sé pou nou rinmin ènmi nou yo, sé pou nou fè dibyin, sé pou nou prété, san nou pa éspéré anyin ; konsa rékonpans nou ap anpil,

n-ap vi-n tounin pitit Sa-a ki anro nèt la, paské li bon ni pou moun ki ingra, ni pou moun ki méchan yo.

Sé pou nou gin mizérikòd, tankou Papa nou gin mizérikòd la.

Pa jijé, yo pap jijé nou ; pa kondané, yo pap kondané nou ; padonnin, y-ap padonnin nou ; bay y-ap ba nou : sé yon mézu ki bon, ki foulé, ki byin souké, k-ap débòdé, y-ap vidé nan léstonmak nou. Ak minm mézu n-ap méziré-a, sé avèk li y-ap rinmèt nou ».

Paròl Granmèt la.

Vandrédi

Ané 1

PRÉMIÉ LÉKTU

*Lontan, mouin té blasfématè,
min Bondié fè-m mizérikòd.*

Kòmansman prémié lèt apot sin Pòl pou Timoté 1, 1-2. 12-14

Pòl, apot Jézu-Kri dapré kòmandman Bondié sovè nou ak Kris Jézu éspérans nou, pou Timoté pitit nou rinmin nan lafoua-a. Gras, mizérikòd ak lapè sot nan Bondié Papa-a ak Kris Jézu Granmèt nou-an.

Mouin gin rékonésans pou sa-a ki ban-m fòs la, Kris Jézu Granmèt nou-an, paské li konsidéré mouin mérité konfians, li mété-m nan sèvis la, mouin minm ki té blasfématè lontan, ki té pèsékite, ki t-ap jouré ; min mouin résévoua mizérikòd Bondié-a, paské mouin pa-t konnin sa-m t-ap fè, lè-m pa-t gin lafoua-a. Min gras Granmèt nou-an té dépasé mézi, avèk lafoua-a ak rinmin-an ki nan Kris Jézu-a.

Paròl Granmèt la.

PSÒM RÉPONS

Ps 15, 1-2 a é 5. 7-8. 11 (R: : cf. 5 a)

R: Sé ou minm, Granmèt, ki pòsion éritaj mouin.

¹ Prézèvé-m, Granmèt, paské mouin éspéré nan ou.

² Mouin di Granmèt la : « Sé Granmèt mouin ou yé,

⁵ Granmèt, pòsion éritaj mouin avèk kalis mouin :

sé ou minm ki kinbé déstiné mouin ». R:

- 7 M-ap fè konpliman pou Granmèt la ki ban-m intéljans ;
minm nan nuit rin-m ban-m léson.
- 8 Mouin té mété Granmèt la dévan fas mouin tout tan,
paské li adouat mouin, mouin pap tranblé. **R**
- 11 Ou-ap fè-m konnin rout lavi yo,
kè kontan k-ap débòdé avèk fas ou,
plézi adouat ou jous pou tout tan. **R**

Ané 2

PRÉMIÉ LÉKTU

*Mouin adapté-m ak tout moun,
pou-m kapab sové tout moun.*

Léktu prémié lèt apot sin Pòl pou Korintyin yo 9, 16-19. 22 b-27

Frè-m yo :

Si m-ap préché Bòn Nouvèl la, sé pa yon tit louanj li yé pou mouin, sé yon nésésité ki tonbé sou mouin ; ala malè pou mouin, si-m pa préché Bòn Nouvèl la ! Si-m fè sa ak pròp volonté-m, mouin résévoua rékonpans ; min si sé yon obligasion, sé sèvis Bondié konfié-m nan mouin fè. Ki rékonpans mouin ? Min li : pou antan m-ap préché Bòn Nouvèl la, mouin bay Bòn Nouvèl la san-m pa chèché intèrè, pou-m pa fè abi ak pouvoua mouin ginyin nan Bòn Nouvèl la. Sèké, malgré mouin lib parapò a tout moun, mouin vi-n tounin sèvitè tout moun, pou-m kapab pran tèt anpil moun.

Mouin vi-n fèb avèk sa yo ki fèb yo, pou-m kapab pran tèt sa-k fèb yo ; mouin adapté-m ak tout moun, pou-m kapab sové tout moun. Mouin fè tout bagay poutèt Bòn Nouvèl la, pou-m kapab jouinn pòsion pa-m nan li. Èské nou pa konnin, sa yo k-ap kouri sou térin kous la, yo tout ap kouri sé vré, min sé yon sèl ki résévoua rékonpans ? Konsa sé pou nou kouri pou nou kapab résévoua-l. Tout moun k-ap fè antrénman, yo jinnin kò yo nan tout bagay. Époutan sé pou yo résévoua yon kouròn k-ap finnin, min nou minm sé pou yon kouròn ki pap finnin. Mouin minm sé konsa m-ap kouri, sé pa san diréksion ; sé konsa m-ap batay, sé pa lè-a m-ap frapé ; min m-ap drésé kò-m, m-ap maté-l, pou, après mouin fi-n préché lèt yo, mouin minm mouin pa trouvé yo kondané-m.

Paròl Granmèt la.

PSÒM RÉPONS

Ps 83, 3. 4. 5-6. 12 (R : 2)

- R: Ala rinmin nou rinmin tant ou yo, Granmèt lamé yo !
- 3 Nanm mouin anvi, l-ap dépéri pou kay Granmèt la.
Kè-m ak chè-m ap dansé pou Bondié vivan-an. R:
- 4 Minm ti zouazo jouinn yon kay pou li,
toutrèl la jouinn yon nich, koté li déposé ti pitit li yo,
lotèl ou yo, Granmèt lamé yo, roua-m ak Bondié-m. R:
- 5 Ala kontantman pou moun ki abité nan kay ou-a,
pou tout tan y-ap fè louanj ou.
- 6 Ala kontantman pou moun ki jouinn sékou-l nan ou,
li réglé monté yo nan kè-l. R:
- 12 Sèké Granmèt Bondié-a sé solèy ak boukliyé,
Granmèt la ap bay gras ak gloua ;
li pap anpéché sa yo jouinn byin
yo minm k-ap maché nan inosans la. R:

ALÉLOUYA

Cf. Jan 17, 17 b. a

- R: Alélouya. Paròl ou, Granmèt, sé vérité ;
fè nou vi-n sin nan vérité-ou la. R: Alélouya.

ÉVANJIL

Èské yon avèg kapab kondui yon avèg ?

✠ Léktu sint Évanjil la dapré Luk

6, 39-42

Lè sa-a :

Jézu t-ap di yon parabol pou disip yo : « Èské yon avèg kapab kondui yon avèg ? Èské yo tou dé pap tonbé nan trou ? Disip-la pa anlè mèt la ; l-ap kòrèk nè, si-l tankou mèt li. Pouki sa ou-ap gadé ti pay la nan jé frè-ou la, min gro bout boua-a ki nan jé-ou la minm, ou pa konsidéré-l ?

Oubyin kijan ou kapab di frè-ou la : “Frè, kite-m ouété ti pay la sot nan jé-ou”, épi gro bout boua-a ki nan jé-ou la minm ou pa ouè-l ?

Ipokrit, ouété gro bout boua-a sot nan jé-ou anvan, apré sa, ou-a ouè klè pou-ou ouété ti pay la sot nan jé frè-ou la ».

Paròl Granmèt la.

Samdi

Ané 1

PRÉMIÉ LÉKTU

Li vini sou tè sa-a pou-l sovè péchè yo.

Léktu prémié lèt apot sin Pòl pou Timoté

1, 15-17

Ou minm mouin rinmin anpil la :

Paròl sa-a mérité konfians, li mérité yo résévoua-l : Kris Jézu té vi-n sou tè sa-a pou-l sovè péchè yo, mouin minm mouin sé prémié nan yo. Min si mouin jouinn mizérikòd, sé paské sé nan mouin minm an prémié Kris Jézu té montré tout pasians li, pou-m sèvi modèl pou sa yo ki té gin pou yo kouè nan li yo pou lavi tout tan-an.

Roua sièk tan yo, ki pap mouri-a, li minm yo pa kapab ouè-a, sèl Bondié-a, louanj ak konpliman pou li pou tout tan gin tan. Amèn.

Paròl Granmèt la.

PSÒM RÉPONS

Ps 112, 1-2. 3-4. 5 a é 6-7 (R: : cf. 2)

R: Sé pou non Granmèt la béni pou tout tan.

oubyin : Alélouya.

- 1 Fè louanj, ti moun Granmèt la,
fè louanj pou non Granmèt la.
- 2 Sé pou non Granmèt la béni
dépi koulié-a ak pou tout tan. R:
- 3 Dépi olévan jous okouchan
non Granmèt la mérité louanj.
- 4 Granmèt la anlè nèl anro tout nasion yo,
anlè sièl yo gloua-l yé. R:
- 5 Kilès ki tankou Granmèt Bondié nou-an,
- 6 ki voyé jé sou pòv yo nan sièl la ak sou tè-a ?
- 7 Li lévé pòv la sot atè-a,
li drésé maléré-a sot nan fatra-a. R:

Ané 2

PRÉMIÉ LÉKTU

*Malgré nou anpil, nou sé yon sèl kò,
nou tout ki patisipé nan yon sèl pin-an.*

Léktu prémié lèt apot sin Pòl pou Korintyin yo 10, 14-22

Nou minm mouin rinmin anpil la, sé pou nou viré do louin sèvis zidòl yo. M-ap palé ak nou tankou ak moun ki gin sajès ; nou minm minm nou mèt jijé sa-m di-a. Kalis bénédiksion-an nou béni-an, èské sé pa kominion nan san Jézu li yé ? Épi, pin-an n-ap kasé-a, èské sé pa patisipasion kò Granmèt la li yé ? Kòm sé yon sèl pin, nou minm ki anpil la, nou fè yon sèl kò, nou tout ki patisipé nan yon sèl pin-an. Gadé Israèl k-ap viv dapré chè-a : èské yo minm ki manjé sakrifis yo, yo pa fè youn ak lotèl la ?

Ki sa ? Èské mouin di sa yo sakrifié bay zidòl yo sé kichòy, oubyin zidòl la sé kichòy ? Non, min sa moun yo sakrifié yo, sé bay démon yo yo sakrifié yo, sé pa bay Bondié. Ébyin mouin pa vlé pou nou vi-n asosyé ak démon yo. Nou pa kapab patisipé nan tab Granmèt la ak nan tab démon yo. Oubyin èské nou vlé fè Granmèt la jalou ? Èské nou pi fò pasé-l ?

Paròl Granmèt la.

PSÒM RÉPONS

Ps 115, 12-13. 17-18 (R: 17 a)

R: M-ap ofri sakrifis louanj ba ou, Granmèt.

¹² Ki sa pou-m rinmèt Granmèt la
pou tou sa-l fè pou mouin ?

¹³ M-ap pran kalis ki sové nou-an,
m-ap rélé non Granmèt la. R:

¹⁷ M-ap sakrifié sakrifis louanj ba ou,
m-ap rélé non Granmèt la.

¹⁸ M-ap rinmèt Granmèt la sa-m té promèt yo,
dévan tout pèp la. R:

ALÉLOUYA

Jan 14, 23

℞ Alélouya. Si yon moun rinmin-m, l-ap kinbé paròl mouin,
 Papa-m ap rinmin-l ;
 n-ap vi-n lakay li, n-ap abité lakay li. ℞ Alélouya.

ÉVANJIL

Pouki sa n-ap rélé-m 'Granmèt', 'Granmèt', épi nou pa fè sa-m di ?

✠ **Léktu sint Évanjil la dapré Luk**

6, 43-49

Lè sa-a : Jézu t-ap di disip li yo :

« Yon bon pié boua pa bay mové foui ; ni yon mové pié boua pa bay bon foui. Chak kalité pié boua, yo rékonèt li nan foui-l. Réyèlman, nan pié pikan yo pa kéyi fig, ni nan pié rajé yo pa rékòlté rézin. Yon bon moun, sé nan trézò kè-l li pran sa-k bon ; yon mové moun, sé nan mové trézò-a li pran sa-k mal la ; paské sa-k débòdé sot nan kè-a, sé sa bouch la palé.

Pouki sa n-ap rélé-m : “Granmèt, Granmèt”, épi nou pa fè sa-m di ? Tout moun ki vi-n jouinn mouin épi ki kouté paròl mouin yo, ki fè yo, m-ap montré nou ak kisa li sanblé.

Li sanblé ak yon moun ki bati yon kay, li fouyé fon, li pozé fondasyon sou ròch ; lè gin inondasyon, riviè-a fonsé sou kay sa-a, min li pa réyisi souké-l ; paské li té bati sou ròch.

Min moun k-ap kouté épi ki pa fè, li sanblé ak yon moun ki bati kay li sou tè ki pa gin fondasyon, riviè-a fonsé sou li, minm lè-a li tonbé, kay sa-a krazé nèt ».

Paròl Granmèt la.

VINNKATRIYÈM SÈMÈN ÒDINÈ

Dimanch, ané A

PRÉMIÉ LÉKTU

*Padonnin prochin-ou k-ap fê-ou ditò,
lè sa-a péché-ou ap éfasé lè ou-ap priyé.*

Léktu liv Sirasid

27, 33-28, 9

Kòlè ak raj, toulédé sé bagay ki lèd ; péchè-a ginyin yo nan li.

Moun ki vlé tiré vanjans la, l-ap jouinn vanjans nan min Granmèt la, k-ap kinbé péché-l yo byin kinbé.

Padonnin prochin-ou k-ap fê-ou ditò, lè sa-a péché-ou yo ap padonnin lè ou-ap priyé.

Yon moun kinbé kòlè-a kont you lòt, épi l-ap mandé Bondié gérizon ; li pa gin pitié pou moun parèy li, épi l-ap priyé pou péché-l yo. Li minm, ki chè, li kinbé kòlè-a, épi l-ap mandé Bondié pou padonnin péché-l : kilès k-ap priyé pou fot li yo ? Sonjé dènié tan yo épi sispann fè rayisans ; sèké gin ménas maladi ak lanmò nan kòmandman-l yo.

Sonjé krint Bondié épi ou pap fè kòlè kont prochin-an. Sonjé alians Sa-a ki anro nèt la épi pa okipé sa prochin-ou nan fè san-l pa konnin-an.

Paròl Granmèt la.

PSÒM RÉPONS

Ps 102, 1-2. 3-4. 9-10. 11-12 (R : 8)

R Granmèt la pran pitié, li gin mizérikòd,
li pran pasians, ak anpil mizérikòd.

- 1** Fè konpliman pou Granmèt la, nanm mouin ;
tou sa-k anndan-m, fè konpliman pou non-l ki sin.
- 2** Fè konpliman pou Granmèt la, nanm mouin,
pa bliyé tou sa-l fè yo. **R**
- 3** Li minm ki padonnin tout fot ou yo,
ki géri tout maladi-ou yo ;
- 4** li minm ki rachté lavi-ou sot nan fòs la,
ki kouronnin-ou nan mizérikòd, ak pitié. **R**

- 9 Sé pa pou tout tan l-ap fè diskision,
sé pa pou tout tan li faché.
- 10 Sé pa dapré péché nou yo li trété nou,
ni dapré fot nou yo li rinmèt nou. R:
- 11 Sèké otan sièl la ro anlè tè-a,
mizérikòd li débòdé sou sa yo ki krinn li yo ;
- 12 otan olévan louin ak okouchan,
li ranvouayé péché nou yo louin nou. R:

DÉZIÈM LÉKTU

Soua n-ap viv, soua nou mouri, sé pou Granmèt la nou yé.

Léktu lèt apot sin Pòl pou Romin yo

14, 7-9

Frè-m yo :

Pèsònn nan nou pa viv pou pròp tèt li, épi pèsòn pa mouri pou pròp tèt li. Sèké si n-ap viv, sé pou Granmèt la n-ap viv ; si nou mouri, sé pou Granmèt la nou mouri. Konsa, soua n-ap viv, soua nou mouri, sé pou Granmèt la nou yé. Sé pou sa réyèlman Kris la mouri, épi li résisité, pou-l kòmandé ni mò yo ni vivan yo.

Paròl Granmèt la.

ALÉLOUYA

Jan 13, 34

R: Alélouya. Sé yon kòmandman nouvo mouin ba nou,
sé sa Granmèt la di ;
pou nou youn rinmin lòt, minm jan mouin rinmin nou-an. R:
Alélouya.

ÉVANJIL

*Mouin pa di-ou pou-ou rinmèt jouska sèt fousa,
min jouska souasanndis fousa sèt fousa.*

✠ Léktu sint Évanjil la dapré Matié

18, 21-35

Lè sa-a :

Piè proché kot Jézu, li di : « Granmèt, si frè-m fè péché kont mouin, konbyin fousa pou-m padonnin ? èské sé sèt fousa ? » Jézu di-l : « Mouin pa di-ou jouska sèt fousa, min jouska souasanndis fousa sèt fousa.

Sé poussa péyi roua sièl yo sanblé ak yon roua ki té vlé réglé avèk sèvitè-l yo. Lè-l kòmansé réglé, yo minnin youn ba li ki té doué di-mil goud. Kòm li pa-t gin dékoua pou-l rinmèt, mèt li pasé lòd pou yo vann li, ansanm ak madanm li, ak pitit li yo, ak tou sa-l té ginyin, pou-l kapab rinmèt. Min sèvitè-a minm lagé kò-l atè, li priyé-l, li di : “Pran pasians avèk mouin, m-ap rinmèt ou tout bagay”. Mèt sèvitè sa-a pran pitié pou li, li lagé-l, li padonnin-l dèt li-a.

Min kon sèvitè sa-a soti, li rankontré youn nan sa-k konn sèvi ansanm avèk li yo, ki té doué-l san goud ; li sézi-l, pou-l toufé-l, li di : “Rinmèt sa-ou doué”. Sèvitè sa-a lagé kò-l atè, li priyé-l, li di : “Pran pasians avèk mouin, m-ap rinmèt ou tout bagay”. Li minm minm, li réfizé, li pati, li voyé-l nan prizon joutan li rinmèt dèt la.

Lè lòt sèvitè yo ouè sa-l té fè, yo pran chagrin anpil, yo rivé, yo rakonté mèt li tou sa-k té pasé. Mèt li rélé-l, li di-l : “Mové sèvitè, mouin té rinmèt ou tout dèt la, paské ou té priyé-m ; èské ou minm tou ou pa-t doué pran pitié pou sa-a k-ap sèvi ansanm avèk ou-a, minm jan mouin té pran pitié pou ou-a ?” Mèt li faché, li rinmèt li bay gad yo, joutan li rinmèt tou sa-l té doué.

Sé konsa tou Papa-m ki nan sièl la ap fè avèk nou, si nou chak nou pa padonnin frè nou ak tout kè nou ».

Paròl Granmèt la.

Dimanch, ané B

PRÉMIÉ LÉKTU

Mouin rinmèt kò-m bay moun k-ap frapé-m yo.

Léktu liv profèt Izayi

50, 5-9 a

Granmèt Bondié louvri zòrèy mouin ; mouin minm mouin pa rézisté, mouin pa rékilé dèyè. Mouin rinmèt kò-m bay moun k-ap frapé-m yo, ak machoua-m bay moun k-ap voualé fas mouin yo ; mouin pa viré fas mouin bay moun k-ap souflété-m yo, k-ap kraché sou mouin yo.

Granmèt Bondié ap poté-m sékou, sé poussa mouin pa ront, sé poussa mouin mété fas mouin tankou ròch ki pi du-a, mouin konnin mouin pap

ront. Li tou pré, sa-a k-ap rann mouin jistis la ; kilès ki kapab akizé-m ?
An nou konparèt ansanm, kilès ki kont mouin ? Sé pou-l proche koté-m.
Min Granmèt Bondié-a k-ap poté-m sékou, kilès ki kapab kondané-m ?

Paròl Granmèt la.

PSÒM RÉPONS

Ps 114, 1-2. 3-4. 5-6. 8-9 (R : 9)

R: M-ap maché dévan fas Granmèt la sou tè vivan yo.

oubyin : Alélouya.

- 1 Mouin rinmin, paské Granmèt la kouté
voua priyè mouin,
- 2 paské li panché zòrèy li sou mouin
jou mouin rélé-l la. R:
- 3 Filè lanmò ansèklé-m,
kè séré anba tè-a rivé sou mouin.
Sé tribilasion ak doulè mouin jouinn,
- 4 mouin rélé non Granmèt la :
« Tanpri, Granmèt, délivré nanm mouin ». R:
- 5 Granmèt la gin mizérikòd, li kòrèk,
Bondié nou-an pran pitié.
- 6 Granmèt la voyé jé sou piti yo,
mouin té rabésé, li sovè-m. R:
- 8 Sèké li délivré nanm mouin sot nan lanmò,
jé-m sot nan dlo,
pié-m sot nan pièj.
- 9 M-ap maché dévan Granmèt la sou tè vivan yo. R:

DÉZIÈM LÉKTU

Lafoua-a, si-l pa gin travay yo, li mouri.

Léktu lèt apot sin Jak

2, 14-18

Sa sa sèvi, frè-m yo, si yon moun di li gin lafoua, épi travay lafoua-a mandé yo, li pa ginyin yo ? Èské lafoua-a kapab sovè-l. Si yon frè ak yon sè nu-kò, yo pa gin manjé chak jou, épi youn nan nou di yo : « Alé byin trankil, chofé kò nou, manjé vant plin » ; épi nou pa ba yo sa-k nésèsè pou kò-a, sa sa ap sèvi ?

Sé konsa pou lafoua-a, si-l pa gin travay yo, li mouri sou pa anndan. Min yon moun ap di : « Ou gin lafoua, mouin minm mouin gin travay yo ; montré-m lafoua-ou la san travay yo, mouin minm m-ap montré-ou lafoua mouin nan travay yo ».

Paròl Granmèt la.

ALÉLOUYA

Gal 6, 14

℞ Alélouya. Mouin pa gin doua tiré louanj mouin nan anyin, sof nan koua Granmèt la ; gras a li, tè-a klouré sou koua pou mouin, mouin minm tou pou tè-a.

℞ Alélouya.

ÉVANJIL

*Ou sé Kris la...**Pitit moun nan gin pou-l souffri anpil.*

✠ Léktu sint Évanjil la dapré Mark

8, 27-35

Lè sa-a :

Jézu sòti avèk disip li yo nan diréksion bouk Sézaré Filip yo : sou rout la, li pozé disip li yo késion, li di yo : « Ki sa moun yo di mouin yé ? »

Yo réponn li, yo di : « Jan Batis, ginyin sé Éli, gin dèt minm sé kòmsi youn nan profèt yo ».

Lè sa-a li di yo : « É nou minm, kilès nou di mouin yé ? »

Piè pran laparòl, li di-l : « Ou sé Kris la ». Li ménasé yo, pou yo pa palé pèsòn sou li.

Li kòmansé aprann yo, Pitit moun nan gin pou-l souffri anpil, pou anyin yo ak chèf prèt yo ak skrib yo réjité-l, pou yo touyé-l, épi aprè toua jou pou-l résisité. Sé aklè li t-ap déklaré paròl la.

Piè minm pran-l, li kòmansé fè-l répròch. Li minm li viré épi li ouè disip li yo, li ménasé Piè, li di : « Pasé dèyè-m, satan ; paské ou pa gouté bagay ki sot nan Bondié, sé bagay lézòm ou gouté ».

Épi, li rélé foul la ansanm ak disip li yo, li di yo : « Si yon moun vlé suiv mouin, sé pou-l rénonsé pròp tèt li, pou-l pran koua-l, épi pou-l suiv mouin. Moun k-ap vlé sové lavi-l, l-ap pèdi-l ; min moun k-ap pèdi lavi-l poutèt mouin minm ak Bòn Nouvèl la, l-ap sové-l ».

Paròl Granmèt la.

Dimanch, ané C

PRÉMIÉ LÉKTU

Granmèt la kalmé, li pa fè malè-a li té di li t-ap fè-a.

Léktu liv Égzòd

32, 7-11. 13-14

Jou sa yo :

Granmèt la palé ak Moyiz, li di : « Alé, désann ; pèp la ou té kondui sot nan péyi Éjip la, li fè péché. Rout la ou té montré yo-a, yo kité-l vit, yo fè yon ti bèf ak lò yo fonn nan difé, épi yo adoré-l ; yo ofri sakrifis ba li, yo di : “Sa yo sé dié-ou yo, Israèl, ki té fè-ou monté sot nan péyi Éjip la” ».

Granmèt la palé ak Moyiz ankò : « Mouin ouè pèp sa-a gin kou-l rèd ; kité-m, pou kòlè-m boulé kont yo, pou-m détoui yo, min ou minm m-ap fè-ou vi-n tounin yon gran nasion ».

Moyiz minm t-ap priyé Granmèt Bondié-l la, li t-ap di : « Poukisa, Granmèt, pou kòlè-ou boulé kont pèp ou-a, li minm ou té kondui sot nan péyi Éjip la ak gran fòs ak min ki gin fòs ? Sonjé Abraam, Izaak ak Israèl, sèvitè-ou yo, ou té fè yo sèman sou pròp tèt ou, ou té di : “M-ap fè ras nou vi-n anpil tankou zétoual sièl la, épi tout tè sa-a mouin té palé-a, m-ap bay ras nou-an li, n-ap posédé-l tout tan” ».

Granmèt la kalmé, li pa fè malè-a li té di li t-ap fè kont pèp li-a.

Paròl Granmèt la.

PSÒM RÉPONS

Ps 50, 3-4. 12-13. 17 é 19 (R: Lk 15, 18)

- R: M-ap lévé, m-apral lakay papa-m.
- ³ Pitié pou mouin, Bondié, dapré mizérikòd ou ;
dapré kantité bon kè-ou,
éfasé fot mouin-an.
- ⁴ Lavé-m nèt sot nan fot mouin-an,
pròpté-m sot nan péché-m nan. R:
- ¹² Kréyé yon kè pròp nan mouin, Bondié,
réfè yon éspri fèm nan zantray mouin yo.
- ¹³ Pa jété-m louin fas ou,
épi Éspri Sin-ou nan, pa ouété-l sot nan mouin. R:

- ¹⁷ Granmèt, louvri po bouch mouin,
bouch mouin ap anonsé louanj ou.
- ¹⁹ Sakrifis pou Bondié, sé yon éspri ki krazé,
yon kè ki krazé, ki rabésé, Bondié pap méprizé-l. **R:**

DÉZIÈM LÉKTU

Kris la vini pou-l sové moun ki nan péché yo.

Léktu prémié lèt apot sin Pòl pou Timoté

1, 12-17

Ou minm mouin rinmin anpil la :

Sa-a ki ban-m asirans la, Kris Jézu Granmèt nou-an, mouin di-l mèsi paské li fè-m konfians antan li mété-m nan ministè-a : mouin minm ki té blasfématè lontan, ki té pèsékité, ki t-ap fè afron ; min mouin jouinn mizérikòd Bondié-a, paské mouin pa-t konnin sa-m t-ap fè, lè-m pa-t gin lafoua-a. Min gras Granmèt nou-an dépasé mézi, avèk lafoua ak rinmin ki nan Kris Jézu-a.

Paròl sa-a mérité konfians, li mérité yo résévoua-l : sèké Kris Jézu vini sou tè sa-a pou-l sové péchè yo, sé mouin minm ki prémié nan yo. Min mouin jouinn mizérikòd, pou Kris Jézu té kapab montré tout pasians li nan mouin minm toudabò, pou-m sèvi modèl pou sa yo ki té gin pou yo kouè nan li pou lavi tout tan-an.

Roua sièk tan yo, ki pap mouri-a, li minm yo pa kapab ouè-a, sèl Bondié-a, konsidérasion ak gloua pou li pou tout tan gin tan. Amèn.

Paròl Granmèt la.

ALÉLOUYA

2 Kor 5, 19

R: Alélouya. Sé Bondié ki t-ap rékonsilié tè-a nan Kris la,
épi ki té mété paròl rékonsiliasion nan nou minm. **R:** Alélouya.

ÉVANJIL

*Ap gin kè kontan nan sièl la
pou yon sèl péchè ki fè pénitans.*

✚ Léktu sint Évanjil la dapré Luk

15, 1-32

Lè sa-a :

Piblikin yo ak péché yo t-ap proché kot Jézu, pou yo kouté-l. Farizyin yo ak skrib yo t-ap plinyin, yo t-ap di : « Sa-a résévoua péchè yo, li manjé avèk yo ».

Li bay parabòl sa-a pou yo, li di : « Kilès nan nou, si-l gin san mouton épi, si-l pèdi youn nan yo, pou-l pa kité katrévindsnèf yo nan dézè-a pou-l al chèché sa-k pèdi-a joutan li jouinn li ? Épi, lè-l jouinn li, li mété-l sou zépòl li ak kè kontan, li rivé lakay li, li rasanblé zanmi ak vouazin yo, li di yo : “Fè kè nou kontan avèk mouin, paské mouin jouinn mouton-m nan ki té pèdi-a”.

Mouin di nou ap gin plis kè kontan nan sièl la pou yon péchè ki fè pénitans, pasé pou katrévindsnèf moun kòrèk ki pa bézouin pénitans.

Oubyin kilès madanm, si-l gin dis drakm, épi li pèdi youn ladan, pou-l pa limin lanp, mété kay la bouch anba, chèché avèk souin, joutan li jouinn li ? Épi, lè-l jouinn li, li rasanblé zanmi ak vouazi-n, li di : “Fè kè nou kontan avèk mouin, paské mouin jouinn drakm nan mouin té pèdi-a”.

Sé konsa, mouin di nou, ap gin kè kontan dévan anj Bondié yo pou yon sèl péchè ki fè pénitans ».

Li di ankò : « Té gin yon mésié ki té gin dé pitit, pi jèn nan yo-a di papa-a : “Papa, ban-m pòsion éritaj ki déstiné pou mouin-an”. Li séparé éritaj la ba yo. Pa gin anpil jou ki pasé, pi jèn ti gason-an ranmasé tout afè-l, li pati, l-al fè rout li nan yon péyi byin louin ; lè-l rivé la, li gaspiyé éritaj li-a antan l-ap viv nan libètinaj. Lè-l fi-n dépansé tout bagay, vi-n gin yon gro grangou nan réjion sa-a, li minm li kòmansé nan bézouin. Li pati, l-al nan sèvis yon mésié nan péyi sa-a, mésié-a voyé-l nan jadin-l, pou-l gadé kochon. Li té anvi plin vant li ak grinn boua yo, sa kochon yo t-ap manjé yo ; min pèsòn pa-t ba li.

Li antré nan fon kè-l, li di : “Konbyin jounalié nan kay papa-m gin kont pin yo, kanta mouin minm minm m-ap mouri grangou isit la ! M-ap lévé, m-apral lakay papa-m, m-ap di-l : Papa, mouin fè péché kont sièl la ak dévan-ou : mouin déjà pa mérité pou yo rélé-m pitit ou ; trété-m

tankou youn nan jounalié-ou yo”. Li lèvé, li vi-n jouinn papa-l. Pandan li té louin toujou, papa-l ouè-l, kè-l boulvèsé ak sansibilité, li kouri, li lagé kò-l nan kou-l, li anbrasé-l.

Pitit la di-l : “Papa, mouin fè péché nan sièl la ak dévan-ou : mouin déja pa mérité pou yo rélé-m pitit ou”.

Papa-a minm di sèvitè yo : “Fè vit, poté pi bèl rad la, abiyé-l ; mété yon bag nan min-l, ak soulié nan pié-l. Minnin toro-a yo t-ap angrésé-a, touyé-l, n-ap manjé, n-ap fété ; paské pitit mouin sa-a ki té mouri-a, li réviv, li té péri, nou jouinn li”. Épi yo kòmansé fété.

Min pi gran pitit gason li-a té nan jadin ; lè-l rivé, li proche bò kay la, li tandé chanté-dansé, li rélé youn nan sèvitè yo, li pozé-l késion ki kalité bagay sa yo.

Sa-a minm di-l : “Sé frè-ou la ki vini, papa-ou té touyé toro-a yo t-ap angrésé-a, paské li jouinn pitit la an santé”. Lèt la minm faché, li réfizé antré ; papa-l blijé soti, li kòmansé priyé-l.

Li minm minm li réponn, li di papa-l : “Min konbyin ané m-ap sèvi-ou, mouin pa janm dézobéyi yon kòmandman-ou, époutan ou pa janm ban-m yon ti kabrit pou-m fété avèk zanmi-m yo ; min pitit ou sa-a ki fi-n dévoré éritaj li-a avèk fi lari yo, kon-l rivé, ou touyé toro yo t-ap angrésé-a, poutèt li”.

Li minm li di-l : “Pitit mouin, ou toujou avèk mouin, tou sa-m ginyin sé pou ou. Sèlman sé pou nou té fété, sé pou nou té fè kè nou kontan, paské frè-ou sa-a té mouri, li réviv, li té péri, nou jouinn li” ».

Paròl Granmèt la.

oubyin pi kout

✠ Léktu sint Évanjil la dapré Luk

15, 1-10

Lè sa-a :

Piblikin yo ak péché yo t-ap proche kot Jézu, pou yo kouté-l. Farizyin yo ak skrib yo t-ap plinyin, yo t-ap di : « Sa-a résévoua péchè yo, li manjé avèk yo ».

Li bay parabòl sa-a pou yo, li di : « Kilès nan nou, si-l gin san mouton épi, si-l pèdi youn nan yo, pou-l pa kité katrévindsnèf yo nan dézè-a pou-l al chèché sa-k pèdi-a joutan li jouinn li ? Épi, lè-l jouinn li, li

mété-l sou zépòl li ak kè kontan, li rivé lakay li, li rasanblé zanmi ak vouazin yo, li di yo : “Fè kè nou kontan avèk mouin, paské mouin jouinn mouton-m nan ki té pèdi-a”.

Mouin di nou ap gin plis kè kontan nan sièl la pou yon péchè ki fè pénitans, pasé pou katrévindsnèf moun kòrèk ki pa bézouin pénitans.

Oubyin kilès madanm, si-l gin dis drakm, épi li pèdi youn ladan, pou-l pa limin lanp, mété kay la bouch anba, chèché avèk souin, joutan li jouinn li ? Épi, lè-l jouinn li, li rasanblé zanmi ak vouazi-n, li di : “Fè kè nou kontan avèk mouin, paské mouin jouinn drakm nan mouin té pèdi-a”.

Sé konsa, mouin di nou, ap gin kè kontan dévan anj Bondié yo pou yon sèl péchè ki fè pénitans ».

Paròl Granmèt la.

Lindi

Ané 1

PRÉMIÉ LÉKTU

*Sé pou yo priyé pou tout moun kot Bondié,
li minm ki vlé pou tout moun sové.*

Léktu prémié lèt apot sin Pòl pou Timoté

2, 1-8

Ou minm mouin rinmin anpil la :

Mouin mandé anvan tout bagay pou yo fè louanj, démann, intèsésion, askion-gras, pou tout moun : pou roua yo ak tout moun ki nan yon plas ki ro, pou nou kapab viv an pè, byin trankil, nan tout dévoua rélijion-an, antan nou sérié. Amèn, sé sa ki bon, sé sa ki fè Bondié Sovè nou-an plézi, li minm ki vlé pou tout moun sové, pou yo rivé jouinn konésans vérité-a.

Sèké sé yon sèl Bondié ki ginyin, sé yon sèl intèmédiè tou ki ginyin ant Bondié ak lézòm, sé moun sa-a, ki Kris la, Jézu, li minm ki rinmèt pròp tèt li kòm rédanmsion pou tout moun, kòm témouagnaj nan tan ki byin chouazi yo ; sé pou témouagnaj sa-a minm yo mété-m kòm prédi-katè ak apot (sé vérité mouin di, mouin pa bay manti), kòm anségnan nasyon yo nan lafoua ak vérité-a.

Konsa mouin vlé pou moun yo priyé tout koté, antan yo lévé min pròp, san kòlè ni diskision.

Paròl Granmèt la.

PSÒM RÉPONS

Ps 27, 2. 7. 8-9 (R : 6)

- R Konpliman pou Granmèt la, paské li kouté voua lapriyè-m.
- ² Kouté voua priyè-m, pandan m-ap rélé koté-ou, pandan m-ap lonjé min-m kot tanp ou-a ki sin-an. R
- ⁷ Granmèt sékou-m ak protéksion-m, nan li kè-m éspéré, mouin jouinn sékou, kè-m ap fété, m-ap fè louanj li ak kantik mouin. R
- ⁸ Granmèt la sé fòs pèp li-a, sé kachèt pou Kris li-a sové.
- ⁹ Sové pèp ou-a, béni éritaj ou-a, souin yo, poté yo sékou tout tan. R

Ané 2

PRÉMIÉ LÉKTU

*Si gin divizion nan pami nou,
nou pa kapab manjé soupé Granmèt la.*

Léktu prémié lèt apot sin Pòl pou Korintyin yo

11, 17-26. 33

Frè-m yo :

Sé pa louanj m-ap fè nou nan rémak sa-a, paské nou pa réyini pou nou vi-n pi bon, min pou nou vi-n pi mal. Toudabò, lè nou rasanblé nan égliz la, mouin tandé gin divizion nan pami nou, mouin kouè gin vérité nan sa ; sé vré, fò gin séparation, pou moun ki bay prèv yo kapab parèt nan pami nou. Lè nou rasanblé ansanm, sé pa soupé Granmèt la nou vi-n manjé ; sèké chak moun kòmansé pran soupé pa-l pou-l manjé. Yon lòt minm grangou, pandan yon lòt sou. Èské nou pa gin kay pou nou manjé épi pou nou bouè ? Oubyin èské sé Égliz Bondié-a n-ap méprizé, épi èské sé sa yo ki pa gin anyin-an n-ap fè ront ? Ki sa pou-m di nou ? Pou-m fè louanj nou ? Nan bagay sa-a mouin pap fè louanj nou.

Mouin minm mouin résévoua nan min Granmèt la sa-m té transmèt nou-an, sèké Granmèt Jézu nan nuit yo té rinmèt li-a, li pran pin-an, li di mési, li kasé-l, li di : « Pran, manjé, sa-a sé kò-m, y-ap bay pou nou-an : fè sa pou nou sonjé mouin ». Minm jan tou pou kalis la ; apré li fi-n manjé, li di : « Kalis sa-a sé nouvo téstaman-an nan san-m : fè sa, chak foua n-ap bouè, pou nou sonjé mouin ». Chak foua réyèlman n-ap manjé pin sa-a, n-ap bouè kalis sa-a, sé lanmò Granmèt la n-ap anonsé, joutan li vini. Konsa frè-m yo, lè nou rasanblé pou nou manjé, sé pou nou youn tann lòt.

Paròl Granmèt la.

PSÒM RÉPONS

Ps 39, 7-8 a. 8 b-9. 10. 17 (R: 1 Kor 11, 26 b)

- R:** N-ap anonsé lanmò Granmèt la, joutan li vini.
- 7** Sakrifis ak kado, ou pa-t vlé sa,
ou louvri zòrèy mouin.
Sakrifis antié ak sakrifis pou péché, ou pa-t mandé sa,
- 8** lè sa-a mouin di : « Min m-ap vini. **R:**
Nan roulo liv la yo ékri sou mouin.
- 9** pou-m fè volonté-ou.
Bondié mouin, mouin dakò,
laloua-ou la nan zantray mouin ». **R:**
- 10** Mouin anonsé jistis ou-a nan gran Asanblé-a ;
min mouin pa fèmin bouch mouin, Granmèt, ou konnin. **R:**
- 17** Sé pou yo fété, sé pou yo kontan nan ou, tout moun k-ap chèché-ou yo,
sé pou yo di tout tan : « Granmèt la gran »
sa yo ki rinmin sovè ou sovè nou-an. **R:**

ALÉLOUYA

Jan 3, 16

R: Alélouya. Bondié si tèlman rinmin tè-a, li bay Pitit li-a, sèl pitit li-a ;
pou tout moun ki kouè nan li, yo gin lavi tout tan-an. **R:** Alélouya.

ÉVANJIL

Minm nan Israèl mouin pa jouinn kalité lafoua sa-a.

✠ Léktu sint Évanjil la dapré Luk

7, 1-10

Lè sa-a :

Lè Jézu fi-n palé tout paròl li yo nan zòrèy pèp la, li antré Kafarnaòm. Yon santurion té gin yon sèvitè ki té malad, ki té prèt pou mouri, li té rinmin sèvitè-a anpil. Lè-l tandé palé sou Jézu, li voyé ansyin yo nan Juif yo koté-l, pou priyé-l, pou-l vi-n sovè sèvitè-l la.

Yo minm, lè yo rivé kot Jézu, yo priyé-l avèk insistans, yo di-l : « Li mérité pou-ou rann li sèvis sa-a ; li rinmin nasion nou-an, sé li minm ki bati sinagòg la pou nou ». Jézu minm t-apralé avèk yo.

Pandan li pa-t louin kay la, santurion-an voyé zanmi-l yo koté-l, li di : « Grammèt, pa fatigé-ou ; sèké mouin pa mérité pou-ou antré anba fétyay kay mouin. Sé poutèt sa mouin pa-t konsidéré mouin mérité pou-ou vini koté-m ; min di yon paròl, épi sèvitè-m nan ap géri ; sèké mouin minm mouin sé yon moun ki anba pouvoua lòt moun, mouin gin sòlda anba lòd mouin, mouin di sa-a : “Alé”, épi li alé ; épi lòt la “Vini”, épi li vini ; épi sèvitè-m nan : “Fè sa”, épi li fè-l ».

Lè Jézu tandé sa, li sézi, li viré kot foul yo ki t-ap suiv li-a, li di : « Amèn mouin di nou, minm nan Israèl mouin pa jouinn kalité lafoua sa-a ».

Sa yo li té voyé-a, yo tounin lakay la, yo jouinn sèvitè-a ki té malad la, li géri.

Paròl Grammèt la.

Madi

Ané 1

PRÉMIÉ LÉKTU

Yon réponsab kominoté doué san répròch ; diak yo tou doué kinbé mistè lafoua-a nan yon konsians ki nèt.

Léktu prémié lèt apot sin Pòl pou Timoté

3, 1-13

Ou minm mouin rinmin anpil la :

Min yon paròl ki mérité konfians : si yon moun anvi réponsab kominoté, sé yon bon bagay li anvi-a. Réponsab kominoté-a doué san

répròch, mari yon sèl madanm, sé pou-l métrizé kò-l, pou-l gin sajès, pou-l konn réfléchi, pou-l gin bon konduit, pou-l konn résévoua moun, pou-l konn bay ansègnman, pou-l pa lagé kò-l nan bouason, pou-l pa rinmin batay, min pou-l tou dou, pou-l pa nan diskision, pou-l pa rinmin lajan, min pou-l dirijé kay li byin, pou-l fè pitit li yo obéyi antan yo kinbé kò yo douat. Si yon moun pa konn dirijé kay li, kijan pou-l fè okipé égliz Bondi-a ? Sé pa yon moun ki fèk konvèti, pou-l pa gonflé nan lògèy, pou-l pa tonbé nan kondanasion djab la. Sé pou moun déyò yo bay bon témouagnaj sou li, pou-l pa tonbé nan afron ak nan pièj djab la.

Diak yo tou sé pou yo kinbé kò yo byin, pou yo pa gin dé paròl, pou yo pa lagé kò yo nan anpil divin, pou yo pa chèché avantaj malonèt, pou yo kinbé mistè lafoua-a nan yon konsians ki nèt. Sé pou yo éséyé yo anvan, épi y-a sèvi konsa, si pa gin okinn kritik kont yo. Médam yo tou, yo doué kinbé kò yo byin, san yo pa palé moun mal, sé pou yo métrizé kò yo, pou yo fidèl nan tout bagay. Diak yo doué gin yon sèl madanm, yo doué kondui pitit yo ak moun lakay yo byin. Moun ki fè sèvis yo byin, yo résévoua yon bon grad, yo gin anpil asirans nan lafoua nan Kris Jézu-a.

Paròl Granmèt la.

PSÒM RÉPONS

Ps 100, 1-2 ab. 2 cd-3 ab. 5. 6 (R: 2 b)

R: M-ap maché nan inosans kè-m.

1 M-ap chanté mizérikòd ak jijman-an ;
pou ou, Granmèt, m-ap chanté.

2 M-ap chèché konprann nan chémin ki san tach la ;
kilè ou-ap vini koté-m ? R:

M-ap maché nan inosans kè-m,
nan mitan kay mouin-an.

3 Mouin pap mété bagay ki pa kòrèk dévan jé-m,
mouin rayi moun k-ap fè péché yo. R:

5 Moun k-ap fè tripotaj an sékrè kont prochin-l nan,
moun sa-a m-ap touyé-l ;
moun k-ap lévé jé-l, k-ap gonflé kè-l,
moun sa-a, mouin pa-p sipòté-l. R:

6 Jé-m sou fidèl yo ki sou tè-a, pou yo chita avèk mouin ;
moun k-ap maché nan chémin ki san tach, sé li minm k-ap sèvi-m. R:

Ané 2

PRÉMIÉ LÉKTU

Nou sé kò Kris la, nou youn sé manb lòt.

Léktu prémié lèt apot sin Pòl pou Korintyin yo 12, 12-14. 27-31 a

Frè-m yo :

Minm jan kò-a sé yon sèl la li yé, épi li gin anpil manb ; tout manb kò-a, malgré yo anpil, sé yon sèl kò-a ; konsa tou pou Kris la. Réyèlman sé nan yon sèl Éspri nou tout nou batizé nan yon sèl kò, soua Juif, soua payin, soua ésklav, soua moun lib, épi nou tout sé nan yon sèl Éspri-a nou pasé souaf nou. Réyèlman kò-a tou pa yon sèl manb, min li anpil.

Nou minm nou sé kò Kris la, nou youn sé manb lòt. Bondié mété kèk nan Égliz la, toudabò apot yo, apré sa sé profèt yo, épi sé mèt yo ; apré sa sé pouvoua pou fè mirak, épi gras pou géri, sa-k gin dévoua pou okipé frè yo, pou dirijé yo, sa-k palé divès kalité lang, sa-k bay sans paròl yo. Èské tout moun sé profèt ? èské tout moun sé mèt ? èské tout moun gin pouvoua ? èské tout moun gin favè pou géri ? èské tout moun palé tout lang ? èské tout moun bay sans paròl ? Sé pou nou chèché kado ki pi bon yo.

Paròl Granmèt la.

PSÒM RÉPONS

Ps 99, 2. 3. 4. 5 (R: 3 c)

- R: Nou sé pèp li ak mouton pak li.
- 2 Fè louanj Granmèt la, tout tè-a,
sèvi Granmèt la nan kè kontan ;
antré dévan fas li ak fèt. R:
- 3 Sé pou nou konnin Granmèt la li minm sé Bondié ;
sé li minm ki fè nou, sé pou li nou yé,
pèp li ak mouton pak li. R:
- 4 Antré nan pòt li yo avèk louanj,
nan lakou-l yo avèk kantik,
fè louanj li, fè konpliman pou non-l. R:
- 5 Paské Granmèt la bon ;
mizérikòd li pou tout tan,
pou jénérasyon ak jénérasyon vérité-l la. R:

ALÉLOUYA

Lk 7, 16

R: Alélouya. Yon gran profèt lévé nan pami nou,
Bondié vizité pèp li-a. R: Alélouya.

ÉVANJIL

Jénòm, mouin di-ou, lévé.

✚ Léktu sint Évanjil la dapré Luk

7, 11-17

Lè sa-a :

Jézu t-apral nan yon vil yo rélé Nayim ; disip li yo ak yon gran foul t-apral avèk li tou. Pandan y-ap proche bò pòt vil la, té gin yon mò yo t-ap poté, sèl pitit gason manman-l ; madanm sa-a té vèv, té gin anpil foul vil la avèk li.

Lè Granmèt la ouè sa, li pran pitié pou li, li di-l : « Pa kriyé ». Li proche, li touché sèkèy la. Moun yo ki t-ap poté yo, yo kanpé. Li di : « Jénòm, mouin di-ou, lévé ». Mò-a chita, li kòmansé palé ; Jézu rinnèt li bay manman-l.

Sézisman pran tout moun, yo fè louanj Bondié, y-ap di : « Yon gran profèt lévé nan pami nou, Bondié vizité pèp li-a ». Paròl sa-a gayé nan tout Judé sou li, ak nan tout réjion alantou-a.

Paròl Granmèt la.

Mèkrédi

Ané 1

PRÉMIÉ LÉKTU

Mistè santiman rélijyé-a gran.

Léktu prémié lèt apot sin Pòl pou Timoté

3, 14-16

Ou minm mouin rinmin anpil la :

Mouin ékri-ou bagay sa yo antan mouin éspéré vi-n koté-ou byin vit ; si-m fè réta, sé pou-ou konnin kijan pou-ou kondui tèt ou nan kay Bondié-a, ki Égliz Bondié vivan-an, kolòn ak fondman vérité-a.

Mistè santiman rélijyé-a, li gran vré ; li manifesté nan chè-a, yo rann li jistis nan Éspri-a, li parèt dévan Anj yo, yo préché-l bay nasion yo, yo kouè-l sou tè-a, li monté nan gloua-a.

Paròl Granmèt la.

PSÒM RÉPONS

Ps 110, 1-2. 3-4. 5-6 (R: 2 a)

R: Yo gran, travay Granmèt yo.

oubyin : Alélouya.

- 1 M-ap fè louanj Granmèt la ak tout kè-m,
nan réyinion moun kòrèk yo ak asanblé-a.
- 2 Travay Granmèt yo gran,
yo mérité tout moun ki anvi yo chèché yo. R:
- 3 Travay li sé bèlté ak grandè,
jistis li diré pou tout tan gin tan.
- 4 Li fè sonjé mèvèy li yo,
Granmèt la gin mizérikòd, li pran pitié. R:
- 5 Li bay moun ki réspékté-l yo manjé ;
y-ap sonjé aliens li-a pou tout tan.
- 6 Li anonsé pouvoua travay li yo bay pèp li-a,
pou-l ba li éritaj nasion yo. R:

Ané 2

PRÉMIÉ LÉKTU

*Lafoua, éspérans, ak charité rété ;
pi gran-an minm sé charité-a.*

Léktu prémié lèt apot sin Pòl pou Korintyin

12, 31 -13, 13

Frè-m yo :

Sé pou nou chèché kado ki pi bon yo. M-ap montré nou yon rout ki pi bon. Si mouin t-a palé langaj lézòm ak langaj Anj yo, épi mouin pa gin charité, mouin t-a vi-n tankou yon fè k-ap sonnin oubyin yon sinbal k-ap fè boui. Si-m t-a gin pouvoua profèt, si-m t-a konnin tout mistè ak tout sians, épi si-m t-a gin tout lafoua, joustan pou-m t-a déplasé mòn yo, épi mouin pa gin charité, mouin pa anyin. Si-m t-a séparé tout byin mouin yo

pou bay pòv yo manjé, si-m t-a rinmèt kò-m pou yo boulé-m, épi mouin pa gin charité, sa pap sèvi-m anyin.

Charité-a gin pasians, li gin bon jan ; charité-a pa fè jalouzi, li pa aji pou-l vanté tèt li, li pa gonflé kò-l, li pa fè anbision, li pa chèché bagay ki pou li yo, li pa fè kòlè, li pa kalkilé sou sa-k mal, li pa kontan poutèt méchansté, okontrè li kontan pou vérité-a : li sipòté nan tout okazion, li kouè nan tout okazion, li éspéré nan tout okazion, li andiré nan tout okazion.

Charité-a pap janm pasé, profési yo ap pasé, lang yo ap pé, sians yo ap disparèt. Sé an mòso sèlman nou konnin, sé an mòso sèlman nou profétizé ; lè sa-k kòrèk nèt la ap rivé, sa-k yon mòso-a ap pasé. Lè-m té ti moun, mouin té palé tankou ti moun, mouin té réfléchi tankou ti moun, mouin té pansé tankou ti moun ; min lè-m vi-n tounin yon moun ki gin laj, mouin fè bagay ti moun yo disparèt. Koulié-a sé nan glas nou ouè tankou nan pòtré, lè sa-a minm sé fas a fas ; koulié-a sé an mòso nou konnin, lè sa-a minm n-ap konnin jan yo konnin nou-an.

Koulié-a minm lafoua, éspérans ak charité, toua sa yo diré ; min pi gran nan yo-a sé charité-a.

Paròl Granmèt la.

PSÒM RÉPONS

Ps 32, 2-3. 4-5. 12 é 22 (R: 12 b)

- R: Ala kontantman pou pèp sa-a Granmèt la chouazi pou éritaj li-a.
- ² Fè louanj pou Granmèt la sou gita,
sou instriman dis kòd la, chanté pou li.
- ³ Chanté yon kantik nouvo pou li,
joué mizik byin pou li avèk gran aklamasyon. R:
- ⁴ Sèké paròl Granmèt la douat,
tout aksion-l yo nan fidélimité.
- ⁵ Li rinmin jistis ak jijman,
mizérikòd Granmèt la plin tè-a. R:
- ¹² Ala kontantman pou nasion ki gin Granmèt la pou Bondié-l,
pèp sa-a li chouazi kòm éritaj li-a.
- ²² Sé pou mizérikòd ou vi-n sou nou, Granmèt,
tankou nou té éspéré nan ou-a. R:

ALÉLOUYA

Cf. Jan 6, 63 c. 68 c

R: Alélouya. Paròl ou yo, Granmèt, sé Éspri ak lavi yo yé ;
ou gin paròl lavi tout tan-an. R: Alélouya.

ÉVANJIL

*Nou chanté, nou minm nou pa dansé ;
nou chanté chanté dèy, nou minm nou pa kriyé.*

✠ Léktu sint Évanjil la dapré Luk

7, 31-35

Lè sa-a :

Granmèt la di : « Ak ki sa mouin t-a konparé lézòm jénérasyon sa-a ? ak ki sa yo sanblé ? Yo tankou ti moun ki chita sou laplas, youn ap palé ak lòt, y-ap di : “Nou chanté pou nou ak flit, nou minm nou pa dansé ; nou chanté dèy, nou minm nou pa kriyé”.

Réyèlman Jan Batis rivé, li pa manjé pin, li pa bouè divin, épi nou di : “Sé yon démon li ginyin”.

Pitit moun nan rivé, l-ap manjé, l-ap bouè, épi nou di : “Min yon moun k-ap manjé anpil, k-ap bouè divin, ki zanmi piblikin yo ak péchè yo”. Min sajès la jounn jistis nan min tout pitit li yo ».

Paròl Granmèt la.

Jédi

Ané 1

PRÉMIÉ LÉKTU

*Fè atansyon pròp tèt ou ak ansègnman-an :
konsa ou-a sovè pròp tèt ou ni sa yo k-ap kouté-ou la*

Léktu prémié lèt apot sin Pòl pou Timoté

4, 12-16

Ou minm mouin rinmin anpil la :

Pèsòn pa doué méprizé-ou poutèt ou jèn jan ; min sé pou-ou sèvi modèl pou fidèl yo, nan paròl, nan konduit, nan charité, nan lafoua, nan fason ou kinbé kò-ou san tach. An-atandan mouin rivé, mété tout éfò-ou nan léktu, nan prèch ak nan ansègnman. Pa néglijé gras la ki nan ou-a, sa yo té ba ou-a pa lintèmédiè profési yo avèk inpozision min ansyin yo.

Kalkilé sou sa, mét atansion-ou nan bagay sa yo, pou tout moun ouè klè kijan ou fè progrè. Fè atansion pròp tèt ou ak ansègnman-an, insisté nan yo ; antan-ou fè sa, ou-ap sovè pròp tèt ou, ni sa yo k-ap kouté-ou la.

Paròl Granmèt la.

PSÒM RÉPONS

Ps 110, 7-8. 9. 10 (R : 2 a)

R: Travay Granmèt yo gran.

oubyin : Alélouya.

- 7 Travay min-l, sé vérité ak jijman.
Tout kòmandman-l yo fidèl,
- 8 yo asiré pou tout tan gin tan,
yo fèt nan vérité ak jistis. R:
- 9 Li voyé rédanmsion pou pèp li-a,
li kòmandé aliens li-a pou tout tan.
Non-l sin, li térib. R:
- 10 Kòmansman sajès la sé krint Granmèt la,
sé bon intéljans pou tout moun ki fè-l ;
louanj li diré pou tout tan gin tan. R:

Ané 2

PRÉMIÉ LÉKTU

Sé konsa nou préché, épi sé konsa nou minm nou kouè.

Léktu prémié lèt apot sin Pòl pou Korintyin yo

15, 1-11

Frè-m yo, mouin vlé fè nou konnin Bòn Nouvèl la, li minm mouin té préché nou-an, li minm nou té résévoua-a, ladan-l nou té rété-a, li minm k-ap sèvi nou pou nou sovè si nou kinbé-l jan-m té préché ba nou-an, otréman sé pou granmési nou kouè. Sèké mouin té transmèt nou toudabò sa mouin minm mouin té résévoua-a : Sèké Kris la mouri pou péché nou yo, dapré sa ki ékri yo, épi yo antéré-l, épi li lévé sou touazièm jou-a, dapré sa ki ékri yo ; épi Séfas ouè-l, apré sa sé onz yo, apré sa gin plis pasé sinksan frè ki ouè-l alafoua, nan pami yo gin anpil ki la jouskoulié-a toujou, min ginyin ki dòmi ; apré sa Jak ouè-l, apré sa sé tout Apot yo ; alafin apré tout moun, mouin ouè-l tou, mouin minm ki tankou yon avòrton.

Réyèlman vré mouin minm ki pi piti nan pami apot yo, mouin pa mérité yo rélé-m apot, paské mouin té pèsékité Égliz Bondié-a. Sé gras Bondié-a ki fè-m sa-m yé-a, épi gras li nan mouin pa rét vid, okontrè mouin travay pi plis pasé yo tout : sèlman sé pa mouin minm, sé gras Bondié-a avèk mouin. Antouka soua mouin minm, soua yo minm, sé konsa nou préché, sé konsa tou nou minm nou kouè.

Paròl Granmèt la.

PSÒM RÉPONS

Ps 117, 1-2. 16 ab-17. 28 (R : 1)

R: Fè louanj Granmèt la, poutèt li bon.

oubyin : Alélouya.

- ¹ Fè louanj Granmèt la, poutèt li bon,
poutèt mizérikòd li pou tout tan.
- ² Sé pou Israël di sa koulié-a, poutèt li bon,
poutèt mizérikòd li pou tout tan. R:
- ¹⁶ Min douat Granmèt la fè mèvèy,
min douat Granmèt la lévé byin ro.
- ¹⁷ Mouin pap mouri, min m-ap viv,
épi m-ap rakonté travay Granmèt la. R:
- ²⁸ Sé Bondié-m ou yé, m-ap fè louanj ou,
Bondié mouin, m-ap fè bèl louanj pou ou. R:

ALÉLOUYA

Mt 11, 28

R: Alélouya. Vini jouinn mouin, nou tout k-ap rédi, k-ap poté gro chaj,
m-ap réfè fòs nou, sé sa Granmèt la di. R: Alélouya.

ÉVANJIL

Yo padonnin-l anpil péché, sé pou sa li rinmin anpil.

✠ Léktu sint Évanjil la dapré Luk

7, 36-50

Lè sa-a :

Youn nan farizyin yo mandé Jézu pou-l vi-n manjé avèk li. Jézu antré kay farizyin-an, li lonjé kò-l. Min yon madanm ki té nan vil la, yon péchrès, lè-l konnin Jézu té lonjé kò-l nan kay farizyin-an, li poté yon

boutèy losion ; épi li kanpé dèyè bò pié-l, li kòmansé rouzé pié-l ak dlo k-ap sot nan jé-l, li t-ap suyé yo ak chévé tèt li, li t-ap bo pié-l, li t-ap pasé losion sou yo.

Lè farizyin-an ki té invité Jézu-a ouè sa, li di nan kè-l : « Sa-a, si sé té profèt li té yé, li t-a konnin sètènman kilès épi ki kalité moun madanm sa-a yé, li minm k-ap touché-l la : ssèké sé yon péchrès ».

Jézu pran laparòl, li di-l : « Simon, mouin gin kichòy pou-m di-ou ».

Li di-l : « Mèt, palé ».

« Dé moun té doué yon moun ki konn préte lajan ; youn té doué sinksan goud, lòt la sinkant. Kòm yo pa-t kapab rinmèt li, li fè yo toulédé kado lajan-an. Kilès k-ap rinmin-l pi plis ? »

Simon réponn, li di : « Mouin konsidéré sé sa li fè kado plis la ».

Li di-l : « Ou fè bon rézònman ». Épi li viré kot madanm nan, li di Simon : « Ou ouè madanm sa-a ? Mouin antré lakay ou, ou pa ban-m dlo pou pié-m ; li minm minm sé ak dlo nan jé-l li rouzé pié-m, ak chévé-l li suyé yo. Ou pa bo-m ; li minm minm, dépi-l antré, li pa sispann bo pié-m. Ou pa pasé luil sou tèt mouin ; li minm minm li vidé losion sou pié-m. Sé pousa mouin di-ou : Pakèt péché-l yo padonnin, sé pousa li rinmin anpil. Moun yo padonnin ti kras, li rinmin ti kras ».

Li di-l : « Péché-ou yo padonnin ».

Moun ki té sou tab ansanm ak li yo minm, yo kòmansé ap di anndan kè yo : « Kilès sa-a, k-ap padonnin ata péché yo ? »

Li minm li di madanm nan : « Lafoua-ou sové-ou ; alé anpè ».

Paròl Granmèt la.

Vandrédi

Ané 1

PRÉMIÉ LÉKTU

Kanta ou minm, moun Bondié, suiv jistis la.

Léktu prémié lèt apot sin Pòl pou Timoté

6, 2 c-12

Ou minm mouin rinmin anpil la :

Sé bagay sa yo pou-ou anségné, pou-ou préché. Si yon moun anségné yon lòt fason, si-l pa aksépté paròl Granmèt nou Jézu-Kri ki solid yo, ni ansègnman ki réglé sou santiman rélijyé-a, sé moun k-ap lévé tèt li, ki pa konn anyin, li gin maladi viré alantou késion ak batay mo ; nan bagay sa yo sé lanvi ki lévé, ak diskision, blasfèm, mové dout, affrontman moun ki gin léspri yo gaté, ki pa gin vérité-a, ki konsidéré santiman rélijyé-a tankou bagay k-ap rapòté lajan.

Gin gran avantaj nan santiman rélijyé-a si nou kontanté nou ak sa nou ginyin. Nou pa-t poté anyin réyèlman sou tè sa-a : konsa tou, pa gin dout sou sa, nou pa kapab poté anyin alé. Antan nou gin manjé ak dékoua pou nou abiyé, nou mèt satisfè avèk bagay sa yo. Sèké moun ki vlé vi-n rich yo, yo tonbé nan tantasion ak nan pièj djab la, ak yon pakèt anvi ki pa sèvi anyin, ki nuizib, k-ap nouayé moun yo nan lanmò épi nan pèdisyon. Rasi-n tout mal yo réyèlman sé anvi lajan, moun ki té mét lidé yo sou sa, yo té dévié sot nan lafoua-a, yo té ralé anpil soufrans sou pròp tèt yo.

Kanta ou minm, moun Bondié, ralé kò-ou sot sou bagay sa yo ; suiv jistis la okontrè, santiman rélijyé-a, lafoua-a, charité-a, pasians la, dousè-a. Batay bon batay lafoua-a, chèché kinbé lavi tout tan-an, koté yo rélé-ou la, sa-ou té fè bèl déklarasion lafoua pou li-a dévan pakèt témouin yo.

Paròl Granmèt la.

PSÒM RÉPONS

Ps 48, 6-7. 8-10. 17-18. 19-20 (R: Mt 5, 3)

- R: Ala kontantman pou sa yo ki pòv nan éspri-a,
paské sé pou yo péyi roua sièl yo yé.
- 6 Pouki pou-m pè jou malè yo,
lè méchansté profitè yo ap antouré-m nan ?
- 7 Yo minm ki mét konfians nan fòs yo,
yo minm k-ap bay tèt yo gloua poutèt pakèt richès yo ?
- 8 Sèké yon moun pa rachté pròp tèt li ;
li pap bay Bondié sa k-ap fè-l jouinn padon-an.
- 9 Pri rédanmsion nanm li trò chè :
nan dènié bout, l-ap manké,
- 10 pou-l t-a viv jouskalafin, pou-l pa t-a ouè lanmò. R:
- 17 Pa pè, lè yon moun vi-n rich,
lè gloua lakay li ap vi-n anpil.

- ¹⁸ Sèké, lè l-ap mouri, li pap poté tout bagay sa yo,
gloua li pap désann avèk li. **R:**
- ¹⁹ Malgré li t-ap fè konpliman pou nanm li nan lavi-l :
« Y-ap fè louanj ou, paské ou aji byin ak tèt ou » ;
- ²⁰ malgré sa l-ap antré al jouinn désandans papa li yo,
ki pap ouè limiè pou tout tan. **R:**

Ané 2

PRÉMIÉ LÉKTU

Si Kris la pa résisité, lafoua nou pa vo anyin.

Léktu prémié lèt apot sin Pòl pou Korintyin yo

15, 12-20

Frè-m yo :

Si y-ap préché Kris la résisité sot nan pami mò yo, kòman fè gin kèk nan pami nou ki di : pa gin réziréksion mò ? Si pa gin réziréksion mò, Kris la pa résisité non plis tou. Min si Kris la pa résisité, prèch nou-an vid, lafoua nou-an vid tou. Nou vi-n tounin moun k-ap sèvi fo-témouin pou Bondié, paské nou sèvi témouin kont Bondié, nou di li lévé Kris la, li minm li pa lévé-a, si mò yo pa résisité. Réyèlman, si mò yo pa résisité, Kris la pa résisité non plis tou. Si Kris la pa résisité, lafoua nou pa vo anyin ; jous koulié-a toujou nou nan péché nou yo ; konsa sa k-ap dòmi nan Kris la, yo péri tou. Si sé pou lavi sa-a sèlman n-ap espéré nan Kris la, nou pi mizérab pasé tout moun.

Koulié-a minm Kris la résisité sot nan pami mò yo, prémié foui nan pami sa-k t-ap dòmi yo.

Paròl Granmèt la.

PSÒM RÉPONS

Ps 16, 1. 6-7. 8 b é 15 (**R:** : 15 b)

- R:** Lè m-ap révéyé, m-ap satisfè ak fas ou, Granmèt.
- ¹ Kouté jistis mouin, Granmèt,
panché sou priyè-m nan.
Paré zòrèy ou nan priyè-m nan,
sé pa nan bouch manti. **R:**
- ⁶ Mouin minm sé koté-ou mouin rélé, paské ou kouté-m, Bondié ;
panché zòrèy ou sou mouin, kouté paròl mouin yo.

- 7 Fè mèvèy mizérikòd ou yo parèt,
ou minm ki sovè moun ki espéré nan ou yo anba sa k-ap ataké yo,
nan min douat ou. **R:**
- 8 Konsèvé-m tankou grinn jé,
anba lonbraj zèl ou, protéjé-m.
- 15 Kanta mouin minm nan jistis m-ap ouè fas ou,
lè m-ap révéyé, m-ap satisfè ak fas ou.

ALÉLOUYA

Cf. Mt 11, 25

R: Alélouya. Konpliman pou ou, Papa, Granmèt sièl la ak tè-a,
paské ou révéle mistè péyi roua-a bay sa-k tou piti yo. **R:** Alélouya.

ÉVANJIL

Médam yo té avèk Jézu, yo t-ap sèvi-l ak byin yo.

✠ Léktu sint Évanjil la dapré Luk

8, 1-3

Lè sa-a :

Jézu t-ap travèsé vil ak bouk yo, antan l-ap préché, antan l-ap anonsé
bòn nouvèl péyi roua Bondié-a ; douz yo té avèk li, ni kèk médam li té
géri sot anba pouvoua mové léspri ak maladi : Mari, sa yo rélé Madlèn
nan, sa-l té ouété sèt démon sot nan li-a, Ja-n, madanm Chouza-a, minis
Éròd la, Suza-n, avèk anpil lòt médam ki t-ap sèvi-l ak byin yo.

Paròl Granmèt la.

Samdi

Ané 1

PRÉMIÉ LÉKTU

Kinbé kòmandman-an san fot joustan Granmèt la rivé.

Léktu prémié lèt apot sin Pòl pou Timoté

6, 13-16

Ou minm mouin rinmin anpil la :

Mouin pasé-ou lòd, dévan Bondié ki bay tout bagay lavi-a, ak dévan
Kris Jézu ki té bay témouagnaj bon déklarasion sou Pons Pilat, pou-ou

kinbé kòmandman-an san fot, san répròch, joustan Granmèt nou Jézu-Kri rivé ; Sa-a ki sin-an ap fè-l parèt nan tan-l yo, li minm sèl ki gin pouvoua-a, Roua roua yo ak Granmèt mèt yo, li minm sèl ki pa kapab mouri-a, ki abité limiè pèsòn pa kapab proché-a, li minm pèsòn nan moun yo pa janm ouè-a, ni yo pa kapab ouè-l, konsidérasion ak otorité tout tan pou li. Amèn.

Paròl Granmèt la.

PSÒM RÉPONS

Ps 99, 2. 3. 4. 5 (R: 2 c)

- R: Antré dévan fas Granmèt la avèk gran fèt.
- 2 Fè louanj pou Granmèt la, tout tè-a,
sèvi Granmèt la nan kè kontan ;
antré dévan fas li avèk gran fèt. R:
- 3 Konnin Granmèt la sé li minm ki Bondié ;
sé li minm ki fè nou, sé pou li nou yé,
pèp li ak mouton pak li. R:
- 4 Antré nan pòtay li yo avèk louanj,
nan lakou-l yo avèk kantik,
fè louanj li, fè konpliman pou non-l. R:
- 5 Sèké Granmèt la bon ;
pou tout tan mizèrikòd li,
pou jénérasyon ak jénérasyon vérité-l la. R:

Ané 2

PRÉMIÉ LÉKTU

*Yo simin nan sa k-ap gaté,
sé nan sa ki pa kapab gaté li lèvé.*

Léktu prémié lèt apot sin Pòl pou Korintyin yo

15, 35-37. 42-49

Frè-m yo :

Yon moun kapab di : « Kijan mò yo ap lèvé ? ak ki kalité kò y-ap vini ? » Ou pa konprann, ou minm ki simin-an, sé pa kò k-ap vi-n apré-a ou simin, min sé yon grinn ki san po, parégzanp grinn blé oubyin lòt bagay konsa.

Sé konsa tou pou rézireksion mò yo. Yo simin nan sa k-ap gaté, li lévé nan sa ki pap gaté ; yo simin nan laront, li lévé nan gloua ; yo simin nan féblès, li lévé nan fòs ; yo simin yon kò ki gin souf, sé yon kò éspri ki lévé. Si gin yon kò ki gin souf, gin yon kò éspri tou ; dapré sa-k ékri-a : « Prémie moun nan Adan vi-n tounin yon souf vivan », dènié Adan-an ap vi-n tounin yon éspri k-ap bay lavi.

Sèlman sé pa sa-k éspri-a ki parèt anvan, sé sa-k gin souf la, apré sa, sé sa-k éspri-a ki vini. Jan sa-a ki té sot nan tè-a yé, konsa tou sa yo ki sot nan tè-a ap yé ; jan sa-a ki sot nan sièl la yé, konsa tou sa yo ki sot nan sièl la ap yé.

Konsa, minm jan nou té poté pòtré sa ki sot nan tè-a, sé konsa tou pou nou poté pòtré sa ki sot nan sièl la.

Paròl Granmèt la.

PSÒM RÉPONS

Ps 55, 10. 11-12. 13-14 (R : cf. 14 c)

R: M-ap maché dévan fas Bondié nan limiè vivan yo.

- ¹⁰ Lè sa-a ènmi-m yo ap viré dèyè,
nan ninpòt ki jou m-ap rélé :
min mouin konnin sé Bondié-m ou yé. R:
- ¹¹ Nan Bondié, li minm m-ap fè louanj paròl li-a,
nan Granmèt la, li minm m-ap fè louanj paròl li-a.
- ¹² nan Bondié mouin éspéré,
mouin pap pè : ki sa pou moun fè-m ? R:
- ¹³ Bondié, m-ap kinbé promès mouin té fè-ou yo ;
m-ap fè louanj ou ;
- ¹⁴ paské ou délivré nanm mouin sot nan lanmò,
ak pié-m sot nan pièj,
pou-m maché dévan Bondié nan limiè vivan yo. R:

ALÉLOUYA

Cf. Lk 8, 15

R: Alélouya. Ala kontantman pou moun ki kinbé paròl Bondié-a
nan yon kè ki bon, ki kòrèk nèt,
épi ki donnin foui nan pasians. R: Alélouya.

ÉVANJIL

*Sa-k nan bon tè-a, sé sila yo ki kinbé paròl la,
ki donnin foui nan pasians.*

✠ Léktu sint Évanjil la dapré Luk

8, 4-15

Lè sa-a :

Kòm anpil foui té rasanblé, yo té vi-n sot nan vil yo pou yo proché kot Jézu, li di sou fòm parabòl : « Sa-a ki konn simin-an soti pou simin sémans li. Pandan l-ap simin, yon pòsion tonbé bò chémin-an, yo foulé-l anba pié, zouazo sièl yo manjé-l. Yon lòt pòsion tonbé sou ròch, kon-l pousé, li séché, paské pa-t gin fréchè. Yon lòt pòsion tonbé nan pami pikan, pikan yo pousé ansanm avèk li, yo toufé-l. Yon lòt pòsion tonbé nan bon tè, li lévé, li bay foui san foua plis ».

Pandan l-ap di sa, li rélé byin fò : « Moun ki gin zòrèy pou kouté, sé pou-l kouté ».

Disip li yo pozé-l késion, sou sans parabòl sa-a.

Li di yo : « Nou minm yo ba nou pouvoua pou nou konnin mistè péyi roua Bondié-a, lòt yo minm sé an parabòl, pou yo gadé san yo pa ouè, pou yo tandé san yo pa konprann.

Min parabòl la : Sémans la sé paròl Bondié-a. Sa-k sou bò rout la, sé sa yo ki fi-n tandé, apré sa, djab la rivé, li ouété paròl la sot nan kè yo, pou yo pa kouè, pou yo pa sové. Sa-k sou ròch la, sé sa yo ki fi-n tandé, yo résévoua paròl la avèk kè kontan, min yo pa gin rasi-n, sé pou yon tan yo kouè, épi nan tan difikilté-a, yo sédé. Sa-k tonbé nan pikan yo, sé sa yo ki fi-n tandé, min antan y-ap travèsé tèt chajé ak richès ak plézi lavi-a, yo toufé, yo pa donnin foui.

Min sa-k nan bon tè-a, sé sa yo ki tandé paròl la nan yon kè ki bon, ki kòrèk nè, yo donnin foui nan pasians ».

Paròl Granmèt la.

VINNSINKIÈM SÈMÈN ÒDINÈ

Dimanch, ané A

PRÉMIÉ LÉKTU

Pansé-m yo pa pansé pa nou.

Léktu liv profèt Izayi

55, 6-9

Chèché Granmèt la pandan yo kapab jouinn li ; rélé-l pandan li tou pré. Sé pou méchan-an kité rout li, pou péchè-a kité kalkil li yo ; sé pou-l tounin kot Granmèt la, l-ap pran pitié pou li ; sé pou-l tounin kot Bondié nou-an, paské li paré byin paré pou-l padonnin.

Sèké pansé-m yo sé pa pansé pa nou, rout mouin yo sé pa rout pa nou, sé sa Granmèt la di. Sèké minm jan sièl la ro anlè tè-a, sé konsa rout mouin yo ro anlè rout pa nou yo, pansé-m yo ro anlè pansé nou yo.

Paròl Granmèt la.

PSÒM RÉPONS

Ps 144, 2-3. 8-9. 17-18 (R : 18 a)

- R**: Granmèt la tou pré moun k-ap rélé-l yo.
- 2** Chak jou m-ap fè konpliman pou ou,
m-ap fè konpliman pou non-ou,
pou tout tan ak tout tan gin tan.
- 3** Granmèt la gran, li mérité anpil louanj,
yo pa kapab sondé grandè-l. **R**
- 8** Granmèt la gin pitié, li gin mizérikòd,
li gin pasians, li gin anpil mizérikòd,
- 9** Granmèt la bon pou tout moun,
pitié-l yo sou tou sa-l fè. **R**
- 17** Granmèt la kòrèk nan tout rout li yo,
li sin nan tout aksion-l yo.
- 18** Granmèt la tou pré tout moun k-ap rélé-l yo,
tout moun k-ap rélé-l nan vérité-a. **R**

DÉZIÈM LÉKTU

*Pou mouin, viv sé Kris la.***Léktu lèt apot sin Pòl pou Filipyin yo****1, 20 c-24. 27 a**

Frè-m yo :

Kris la ap jouinn gloua nan kò-m, soua nan lavi-m soua nan lanmò-m. Sèké pou mouin minm viv sé Kris la, épi mouri sé yon avantaj. Sèlman si antan m-ap viv nan chè-a, sa pèmèt mouin fè yon travay, ki sa pou-m chouazi, mouin pa konnin.

Mouin jinnin ant dé bagay : mouin anvè mouri pou-m kapab al rété avèk Kris la, sa ta pi bon anpil ; min rété m-rété nan chè-a, li nésésè pou nou.

Sèlman kondui tèt nou yon fason ki kòrèk parapò a Bòn Nouvèl Kris la.

Paròl Granmèt la.

ALÉLOUYA

Cf. Tr 16, 14 b

✠ Alélouya. Louvri kè nou, Granmèt,
pou nou mét atansyon nou sou paròl Pitit ou yo. ✠ Alélouya.

ÉVANJIL

Èské jé-ou mové, paské mouin minm mouin bon ?✠ **Léktu sint Évanjil la dapré Matié****20, 1-16 a**

Lè sa-a : Jézu di disip li yo parabòl sa-a :

« Péyi roua sièl yo sanblé ak yon pè-d-famiy, ki soti granmatin pou-l angajé travayè nan jadin rézin-l. Li pasé kontra avèk travayè yo pou yon dénié pa jou, li voyé yo nan jadin rézin-l nan. Li soti vè névè dimatin, li ouè dèt ki kanpé nan lari-a san yo pap fè anyin, li di yo : “Nou minm tou, al nan jadin rézin-m nan ; sa-k kòrèk, m-a ba nou”, Y-alé vré. Li soti ankò vè midi, vè touazè, li fè minm jan.

Vè sinkè apré midi, li soti tou, li jouinn dèt ki kanpé, li di yo : “Pouki sa nou kanpé tout jounin san nou pa fè anyin ?” Yo di-l : “Paské pèsòn pa anplouayé nou”. Li di yo : “Alé nou minm tou nan jadin rézin-m nan”.

Lè asouè rivé, mèt jadin rézin-an di kontrolè-l la : “Rélé travayè yo, ba yo pri travay yo, kòmansé ak dènié yo pou nou rivé nan premié yo”. Lè sa-k té rivé vè sinkè apré midi yo proché, yo chak, yo jouinn yon dènié. Lè premié yo minm proché, yo té konprann yo t-ap jouinn plis ; min yo chak yo jouinn yon dènié sèlman.

Lè yo pran-l, yo plinyin kont pèd-famiy la, yo di : “Dènié sa yo fè i-nèd-tan sèlman, épi ou trété yo minm jan ak nou, nou minm ki poté poua lajounin-an ak chalè-a”. Li minm li réponn youn nan yo, li di : “Zanmi, mouin pa fè-ou abi ; èské sé pa-t pou yon dènié ou té antann ou avèk mouin ? Pran afè-ou, al fè rout ou ; mouin vlé bay sa-a ki vi-n an dènié-a minm jan avèk ou. Oubyin, èské mouin pa gin doua fè sa-m vlé ? Èské jé-ou mové, paské mouin minm mouin bon ?”

Sé konsa dènié yo ap premié, épi premié yo ap dènié ».

Paròl Granmèt la.

Dimanch, ané B

PRÉMIÉ LÉKTU

N-ap fè-l mouri lanmò ki pi ba-a.

Léktu liv Sajès la

2, 12. 17-20

Méchan yo t-ap di :

« An nou fè konplo kont sa-a ki kòrèk la, paské li pa sèvi nou anyin, l-ap kontrarié aktivité nou, l-ap réproché nou péché nou fè kont laloua-a, l-ap déklaré péché nou fè kont édikasion nou.

An nou ouè si paròl li yo vré, an nou éséyé pou nou ouè sa k-ap rivé-l, n-a konnin ki koté l-ap abouti.

Si réyèlman li sé pitit Bondié, sé pou Bondié soutni-l, sé pou-l libéré-l sot nan min sa k-ap ataké-l yo. N-ap fè-l afron, n-ap fè-l sibi mové trétman pandan n-ap pozé-l késion, pou nou konnin si-l kapab rét kalm, pou nou éséyé pasians li. Sé nan lanmò ki pi ba-a n-ap kondané-l ; sèké dapré paròl li yo, y-ap véyé sou li ».

Paròl Granmèt la.

PSÒM RÉPONS

Ps 53, 3-4. 5. 6 é 8 (R: : 6 b)

- R: Sé Granmèt la k-ap soutni nanm mouin.
- 3 Bondié, o non-ou sové-m,
nan pouvoua-ou, jijé-m.
- 4 Bondié, kouté priyè-m,
panché zòrèy ou pou-ou kouté paròl bouch mouin. R:
- 5 Sèké arogan yo lévé kont mouin,
sa-k gin pouvoua yo ap chèché touyé-m,
yo pa kité plas pou Bondié dévan fas yo. R:
- 6 Min Bondié ap édé-m,
Granmèt la ap soutni nanm mouin.
- 8 M-ap ofri-ou sakrifis ak tout kè-m,
m-ap fè louanj non-ou, Granmèt, paské ou bon. R:

DÉZIÈM LÉKTU

*Foui jistis la sé nan lapè li simin,
pou moun k-ap fè lapè yo.*

Léktu lèt apot sin Jak

3, 16-4, 3

Nou minm mouin si tèlman rinmin-an :

Koté-k gin jalouzi ak batay, sé dézòd ak tout kalité mové aksion. Min sajès la ki sot anro-a, toudabò li gin yon konduit respéktab, épi li chèché lapè, li tou dou, li gin bon jan, li dakò ak sa-k bon, li plin mizérikòd ak bon foui, li pa gin préjijé, li pa fè ipokrit. Foui jistis la sé nan lapè li simin, pou moun yo k-ap fè lapè-a.

Koté lagè ak batay soti nan nou-an ? Èské sé pa akòz lanvi nou, k-ap batay nan manb nou yo ? Nou anvè épi nou pa ginyin, n-ap touyé, n-ap fè jalouzi épi nou pa jouinn, n-ap batay, n-ap fè lagè épi nou pa ginyin, paské nou pa mandé. Nou mandé, min nou pa jouinn, paské nou mandé mal, pou nou dépané pou lanvi nou.

Paròl Granmèt la.

ALÉLOUYA

Cf. 2 Tés 2, 14

R: Alélouya. Bondié rélé nou pa lintèmediè Bòn Nouvèl la,
pou nou posédé gloua Granmèt nou Jézu-Kri. R: Alélouya.

ÉVANJIL

*Y-ap rinnèt Pitit moun nan... Moun ki vlé vi-n prémié,
sé pou-l vi-n sèvitè tout moun.*

✚ Léktu sint Évanjil la dapré Mark

9, 30-37

Lè sa-a :

Jézu pati kité mòn nan, ansanm ak disip li yo, yo t-ap travèsé Galilé, li pa-t vlé pèsòn konnin. Li t-ap anségné disip li yo, li t-ap di yo : « Y-ap rinnèt Pitit moun nan nan min lézòm, y-ap touyé-l, l-ap mouri, sou touazièm jou-a l-ap résisité ». Min yo minm yo pa-t konprann paròl la, épi yo té pè pozé-l késion.

Yo rivé Kafarnaòm. Pandan yo té anndan kay la, li t-ap pozé yo késion. « Ki sa nou t-ap diskité sou rout la ? » Min yo minm yo té pé bouch yo ; paské sou rout la yo t-ap diskité kilès nan yo ki pi gran.

Li chita, li rélé douz yo, li di yo : « Si yon moun vlé vi-n prémié, sé pou-l vi-n dènié nan pami tout moun, sé pou-l vi-n sèvitè tout moun ».

Épi, li pran yon ti gason, li mété-l kanpé nan mitan yo. Li anbrasé-l, li di yo : « Ninpòt ki moun ki résévoua kalité ti moun sa yo o non-m, sé mouin minm li résévoua ; épi tout moun ki résévoua-m, sé pa mouin minm li résévoua, min sé sa-a ki voyé-m nan ».

Paròl Granmèt la.

Dimanch, ané C

PRÉMIÉ LÉKTU

Kont sa yo k-ap « achte pòv yo ak lajan-an ».

Léktu liv profèt Amòs

8, 4-7

Kouté sa, nou minm k-ap krazé pòv la, k-ap fè maléré yo tonbé nan péyi-a, n-ap di : « Kilè pou moua-a pasé, pou nou vann machandiz yo ? kilè pou saba-a pasé, pou nou louvri dépo blé-yo, pou nou fè mézi-a vi-n pi piti, pou nou monté pri-a, pou nou dérèglé balans yo ; konsa n-a achte pòv yo ak lajan ak maléré yo pou yon pè sandal, jous pay blé-a n-ap vann ».

Granmèt la fè sèman sou logèy Jakòb : « Mouin pa gin doua janm bliyé tout aksion yo ».

Paròl Granmèt la.

PSÒM RÉPONS

Ps 112, 1-2. 4-6. 7-8 (R: cf. 1 a é 7 b)

R: Fè louanj Granmèt la, li minm ki lévé pòv la.

oubyin : Alélouya.

- 1 Fè louanj, ti moun Granmèt la,
fè louanj pou non Granmèt la.
- 2 Sé pou non Granmèt la béni
dépi koulié-a épi jous pou tout tan. R:
- 4 Granmèt la ro anlè tout nasion,
anlè sièl yo gloua li-a.
- 5 Kilès ki tankou Granmèt Bondié nou-an,
li minm ki abité nan rotè yo,
- 6 ki voyé jé sou pòv yo
nan sièl la ak sou tè-a ? R:
- 7 Li lévé pòv la sot atè-a,
li lévé maléré-a sot nan fatra-a,
- 8 pou-l fè-l chita avèk chèf yo,
avèk chèf pèp li yo. R:

DÉZIÈM LÉKTU

*Sé pou yo priyé pou tout moun kot Bondié,
li minm ki vlé pou tout moun sové.*

Léktu prémié lèt apot sin Pòl pou Timoté

2, 1-8

Ou minm mouin rinmin anpil la :

Mouin mandé toudabò pou yo pèsisté kot Bondié, pou yo priyé, pou yo fè démann, pou yo di mèsì, pou tout moun : pou roua roua yo ak tout moun ki nan yon plas ki ro, dékoua pou nou kapab viv an pè, byin trankil, nan tout dévoua rélijion-an, antan nou sérié. Amèn sé sa ki bon, sé sa ki fè Bondié Sovè nou-an plézi, li minm li vlé pou tout moun sové, pou yo rivé nan konésans vérité-a.

Sèké sé yon sèl Bondié ki ginyin, sé yon sèl intèmediè tou ki ginyin ant Bondié ak lézòm, sé moun sa-a, Kris la, li minm ki rinmèt pròp tèt li kòm rédanmsion pou tout moun, kòm témouagnaj nan tan ki byin chouazi yo ; sé pou témouagnaj sa-a minm yo mété-m kòm prédikatè ak apot (sé vérité mouin di, mouin pa bay manti), kòm mèt nasion yo nan lafoua ak vérité.

Konsa mouin vlé pou moun yo priyé tout koté, antan yo lévé min ki pròp, san kòlè ni diskision.

Paròl Grammèt la.

ALÉLOUYA

2 Kor 8, 9

℞ Alélouya. Jézu-Kri vi-n tounin pòv, li minm ki té rich,
pou nou té kapab vi-n rich gras a kondision pòv li-a. ℞ Alélouya.

ÉVANJIL

Nou pa kapab sèvi Bondié avèk lajan.

✚ Léktu sint Évanjil la dapré Luk

16, 1-13

Lè sa-a : Jézu t-ap di disip li yo :

« Té gin yon mésié ki té rich, li té gin yon administratè, yo dénonse administratè-a koté-l, yo di li t-ap gaspiyé byin-l yo. Li rélé administratè-a, li di-l : “Ki sa-m tandé sou ou-a ? Rann kont sou sèvis ou, paské ou pap kapab résponsab byin yo ankò”.

Administratè-a di nan kè-l : “Kisa pou-m fè, paské mèt mouin ouété plas la nan min-m ? Travay tè-a, mouin pa kapab ; mandé charité, m-ap ront. Mouin konnin ki sa m-ap fè, pou lè yo révoké-m nan travay la, mouin jouinn moun ki résévoua-m lakay yo”.

Li rélé chak moun ki doué mèt li, apa, li di premié-a : “Konbyin ou doué mèt mouin ?” Li di : “San barik lui!” Li di-l : “Pran resu-ou la, chita vit : ékri sinkant”. Apré sa, li di yon lòt : “Ou minm konbyin-ou doué ?” Li di : “San sak fari-n”. Li di-l : “Pran kontra-ou la, ékri katrévin”. Mèt la fè louanj administratè malonèt la, paské li té aji avèk adrès ; sèké pitit sièk sa-a yo gin plis adrès avèk ras yo pasé pitit limiè yo.

Mouin minm mouin di nou : “Fè zanmi avèk lajan malonèt la ; pou lè nou pa ginyin, yo kapab résévoua nou nan tant tout tan yo.

Moun ki fidèl nan ti kras, li fidèl tou nan anpil, moun ki malonèt nan ti kras, li malonèt tou nan anpil. Konsa, si nou pa-t fidèl nan lajan malonèt la, kilès k-ap konfié nou sa-k vré-a ? Si nou pa-t fidèl nan bagay moun, kilès k-ap ba nou pròp afè pa nou ?

Okinn sèvitè pa kapab sèvi dé mèt : oubyin l-ap rayi youn, l-ap rinmin lòt la ; oubyin l-ap kolé kò-l sou youn, l-ap méprizé lòt la.

Nou pa kapab sèvi Bondié ak lajan” ».

Paròl Granmèt la.

oubyin pi kout

✠ Léktu sint Évanjil la dapré Luk

16, 10-13

Lè sa-a : Jézu t-ap di disip li yo :

« Moun ki fidèl nan ti kras, li fidèl tou nan anpil, moun ki malonèt nan ti kras, li malonèt tou nan anpil. Konsa, si nou pa-t fidèl nan lajan malonèt la, kilès k-ap konfié nou sa-k vré-a ? Si nou pa-t fidèl nan bagay moun, kilès k-ap ba nou pròp afè pa nou ?

Okinn sèvitè pa kapab sèvi dé mèt : oubyin l-ap rayi youn, l-ap rinmin lòt la ; oubyin l-ap kolé kò-l sou youn, l-ap méprizé lòt la.

Nou pa kapab sèvi Bondié ak lajan ».

Paròl Granmèt la.

Lindi

Ané 1

PRÉMIÉ LÉKTU

*Moun ki fè pati pèp Granmèt la,
sé pou-l monté Jérusalèm, pou-l bati kay Granmèt la.*

Kòmansman liv Ésdras

1, 1-6

Nan prémié ané Sirus, roua Pèrs yo, pou réalizé paròl Granmèt la ki té soti nan bouch Jérémi-a, Granmèt la drésé éspri Sirus, roua Pèrs yo, li fè déklarasion nan tout péyi roua li-a, li minm voyé lèt, li di :

« Min paròl Sirus, roua Pèrs yo : “Tout péyi roua sou tè-a, Granmèt Bondié sièl la ban mouin yo, sé li minm ki pasé-m lòd pou-m bati kay pou li nan Jérusalèm, ki nan péyi Juda-a. Kilès nan nou ki fè pati tout pèp li-a ? Sé pou Bondié-l la avèk li : sé pou-l monté Jérusalèm, ki nan péyi Juda-a, pou-l bati kay Granmèt Bondié Israèl la : sé li minm Bondié ki nan Jérusalèm. Tout lòt moun yo, nan ninpòt ki koté yo abité, sé pou yo ba-l konkou, chak moun koté-l yé-a, avèk lajan ak lò, ak provizion, ak bèt, sé pou yo ajouté kado pou yo ofri nan tanp Bondié-a, sa ki Jérusalèm nan” ».

Chèf fanmi Juda ak Benjamin yo lévé, ni prèt yo ak lévité yo, ak tout moun Bondié touché éspri yo, pou yo monté al bati tanp Granmèt la, sa ki té Jérusalèm nan. Tout moun ki té alantou yo, yo édé yo, ak véso lajan ak lò, ak provizion ak bèt, ak vèsèl, san konté kado yo t-ap ofri.

Paròl Granmèt la.

PSÒM RÉPONS

Ps 125, 1-2 ab. 2 cd-3. 4-5. 6 (R: 3 a)

R: Granmèt la fè mèvèy avèk nou.

¹ Lè Granmèt la té fè prizonié Siyon yo tounin-an,
nou té tankou nan rèv.

² Lè sa-a bouch nou té plin ak kontantman,
épi lang nou ak chanté fèt. R:

Lè sa-a yo t-ap di nan pami nasion yo :
« Granmèt la fè mèvèy avèk yo ».

³ Granmèt la fè mèvèy avèk nou ;
nou vi-n gin kè kontan. R:

- 4 Granmèt, fè prizonié nou yo tounin
tankou ravi-n nan sid yo.
- 5 Moun ki simin ak dlo nan jé,
yo ranmasé ak chanté fèt. **R:**
- 6 Yo t-apralé, yo t-ap kriyé,
antan y-ap poté sémans pou simin-an ;
y-ap vini sou rout la ak chanté fèt,
pandan y-ap poté zépi yo. **R:**

Ané 2

PRÉMIÉ LÉKTU

Granmèt la rayi tout moun k-ap chèché tronpé.

Léktu liv Provèb yo

3, 27-34

Pitit mouin : Pa réfizé fè byin pou moun ki mérité-l ; si-ou kapab, sé pou-ou fè byin-an ; pa di zanmi-ou nan : « Alé, ou-a tounin, démin m-a ba-ou », époutan ou kapab bay la minm.

Pa chèché fè mal pou prochin-ou nan, pandan li minm li gin konfians nan ou ; pa chèché moun kont pou granmési, lè li minm li pa fè-ou anyin ki mal ; pa pran modèl sou moun ki méchan-an, pa suiv chémin-l yo.

Sèké Granmèt la rayi tout moun k-ap chèché tronpé, sé avèk moun ki sinp yo li fè zanmi. Madichon Granmèt la nan kay méchan-an, min kay moun ki kòrèk yo jouinn bénédiksion. Moun k-ap chèché tronpé yo, li pasé yo nan jouèt ; sé moun ki dou yo li bay gras la. Saj yo ap posédé gloua-a, grandizè moun sòt yo ap jouinn laront.

Paròl Granmèt la.

PSÒM RÉPONS

Ps 14, 2-3 ab. 3 cd-4 ab. 5 (**R:** 1 b)

- R:** Moun ki kòrèk la ap pozé sou mòn ou-a ki sin-an, Granmèt.
- 2 Moun k-ap maché san fot, k-ap fè sa-k kòrèk ;
k-ap palé vérité nan kè-l,
- 3 ki pa fè rizèz ak lang li. **R:**
- Li pa fè prochin-l mal,
li pa fè prochin-l afron.

- 4 Li konsidéré méchan-an kòm anyin dévan jé-l,
min li fè louanj pou sa yo ki krinn Granmèt la. **R:**
Moun ki pa prété lajan ak intéré,
ki pa aksépté kado sou do inosan.
Moun ki aji konsa, li pap souké ditou. **R:**

ALÉLOUYA**Mt 5, 16**

- R:** Alélouya. Sé pou limiè nou kléré dévan moun yo, yon fason
pou yo ouè bon aksion nou yo
pou yo fè louanj pou Papa nou. **R:** Alélouya.

ÉVANJIL

*Yo pozé lanp sou étajè,
pou moun k-ap antré yo ouè limiè-a.*

✠ Léktu sint Évanjil la dapré Luk**8, 16-18**

Lè sa-a : Jézu di foul yo :

« Pèsònn pa limin yon lanp pou-l kaché-l anba yon véso, oubyin pou-l pozé-l anba kabann, min sé sou yon pòt-limiè li pozé-l, pou moun k-ap antré yo ouè limiè-a. Sèké pa gin anyin ki kaché, ki pap parèt klè ; pa gin anyin .yo séré, pou yo pa konnin-l, pou-l pa vi-n klè.

Gadé byin kijan n-ap kouté ; paské moun ki ginyin, y-ap ba li ; tout moun ki pa ginyin, minm sa-l konprann li ginyin-an y-ap ouété-l nan min-l ».

Paròl Granmèt la.

Madi**Ané 1****PRÉMIÉ LÉKTU**

Yo fini kay Bondié-a, yo fè Pak la.

Léktu liv Ésdras**6, 7-8. 12 b. 14-20**

Jou sa yo : roua Darius ékri chèf réjion ki lòt bò lariviè-a, li di :

« Kité chèf Juif yo ak ansyin yo bati tanp Bondié-a, pou yo kapab bati kay Bondié sa-a nan plas li. Mouin pasé lòd tou pou nou kité chèf Juif yo bati kay Bondié-a ; nan richès roua-a, sa vlé di nan inpo réjion lòt bò

riviè-a bay yo, y-a pran pou yo bay mésié sa yo, pou travay la pa jouinn bariè. Mouin minm Darius, mouin déklaré désizion-an, mouin vlé pou yo réalizé-l kòrèk ».

Ansyin Juif yo t-ap bati kay la, yo t-ap fè progrè, dapré déklarasion profèt Ajé avèk Zakari pitit Ado té fè davans ; yo bati, yo monté kay la, dapré lòd Bondié Israèl la avèk lòd Sirus ak Darius avèk Artaksèrsès, roua Pès yo, yo fini kay Bondié sa-a jous touazièm jou moua Ada-a, nan sizièm ané ringn roua Darius.

Pitit Israèl yo, prèt yo ak lévité yo ak tout rès pitit yo ki té tounin sot nan égzil yo, yo fété konsékrasion kay Bondié-a avèk kè kontan ; alokasion konsékrasion kay Bondié-a, yo ofri san toro, dé san kabrit, kat san mouton, douz bouk pou péché tout Israèl, dapré kantité fanmi Israèl la. Yo instalé prèt yo dapré klas yo ak lévité yo dapré group yo, pou aktivité Bondié yo nan Jérusalèm, dapré sa-k ékri nan liv Moyiz la.

Pitit Israèl yo ki té vi-n sot an-égzil yo, yo fè Pak la sou katòzièm jou prémié moua-a. Prèt yo ak lévité yo, yo pròpté tankou yon sèl moun : yo tout yo pròpté pou yo sakrifé Pak la pou tout pitit yo ki té vi-n sot an-égzil yo, ni pou frè yo, ni pou yo minm.

Paròl Granmèt la.

PSÒM RÉPONS

Ps 121, 1-2. 3-4 a. 4 b-5 (R: cf. 1)

R: Nan kay Granmèt la n-apralé ak kè kontan.

1 Mouin kontan poutèt yo di-m :

« Nan kay Granmèt la n-apralé ».

2 Pié nou déjà kanpé

nan pòt ou yo, Jérusalèm. R:

3 Jérusalèm ki bati tankou yon vil

koté tout bagay fè blòk nan yon sèl.

4 Sé la réyèlman fanmiy yo ap monté,

fanmiy Granmèt la. R:

Témouagnaj Israèl, pou fè louanj pou non Granmèt la.

5 Paské sé la tro-n yo ap pozé pou jijman-an,

tro-n kay David la. R:

Ané 2

PRÉMIÉ LÉKTU

Divès avètisman.

Léktu liv Provèb

21, 1-6. 10-13

Tankou dlo yo k-ap koulé, konsa kè roua-a nan min Granmèt la : koté-l vlé, li dirijé-l. Tout chémin yon moun parèt kòrèk dévan-l, sèlman sé Granmèt la ki méziré valè kè yo.

Fè sa mizérikòd ak jijman mandé, sa fè Granmèt la plis plézi pasé sakrifis bèt. Lè kè gonflé, jé méprizé ; lanp méchan yo sé péché. Pansé moun vanyan toujou réyisi ; min tout moun ki parésé toujou nan bézouin.

Moun ki ranmasé richès ak lang manti, li pa profité, li fou, l-ap pran chémin pièj lanmò.

Nanm méchan-an anvi mal, li pa pran pitié pou prochin-l. Moun sinp la vi-n gin plis sajès lè yo pini méchan-an ; si-l pran modèl sou saj la, l-ap jouinn sians.

Moun kòrèk la kalkilé sou kay méchan-an, pou-l ouété méchan yo sot nan mal la. Moun ki bouché zòrèy li nan rèl pòv la, lè-l rélé, yo pap kouté-l.

Paròl Granmèt la.

PSÒM RÉPONS

Ps 118, 1. 27. 30. 34. 35. 44 (R: 35 a)

R: Kondui-m, Granmèt, nan tras rout kòmandman-ou yo.

¹ Ala kontantman pou moun ki intak nan chémin-an, k-ap maché nan laloua Granmèt la. R:

²⁷ Fè-m konprann chémin kòmandman-ou yo, m-a fè éspérians nan mèvèy ou yo. R:

³⁰ Sé chémin vérité-a mouin chouazi, sé jijman-ou yo mouin mété dévan-m. R:

³⁴ Ban-m intélijans, m-a obsèvé laloua-ou la, m-a kinbé-l nan tout kè-m. R:

³⁵ Kondui-m nan tras rout kòmandman-ou yo, paské mouin rinmin-l. R:

44 M-a kinbé laloua-ou la tout tan,
pou tout tan ak tout tan ki gin tan. **R:**

ALÉLOUYA

Lk 11, 28

R: Alélouya. Ala kontantman pito pou moun ki kouté paròl Bondié-a
épi ki kinbé-l. **R:** Alélouya.

ÉVANJIL

*Manman-m ak frè-m,
sé sa yo k-ap kouté paròl Bondié-a, épi k-ap fè-l.*

✠ Léktu sint Évanjil la dapré Luk

8, 19-21

Lè sa-a :

Manman Jézu ak frè-l yo vi-n koté-l, min yo pa-t kapab proche koté-l akoz foul la.

Yo anonsé-l : « Manman-ou ak frè-ou yo kanpé déyò-a, yo vlé ouè-ou ».

Li réponn, li di yo : « Manman-m ak frè-m yo, sé sa yo k-ap kouté paròl Bondié-a, épi k-ap fè-l ».

Paròl Granmèt la.

Mèkrédi

Ané 1

PRÉMIÉ LÉKTU

Nan ésklavaj nou-an, Bondié pa-t lagé nou.

Léktu liv Ésdras

9, 5-9

Mouin minm, Ésdras, nan sakrifis asouè-a, mouin lévé sot nan soufrans mouin-an, mouin chiré manto-m ak chémiz mouin, mouin mét jénou-m atè, mouin lévé min-m kot Granmèt Bondié mouin, mouin di :

« Bondié-m, mouin ront, mouin jinnin pou-m lévé fas mouin koté-ou, paské péché nou yo vi-n anpil sou tèt nou, fot nou yo dévlopé jous nan sièl la, dépi sou jou papa nou yo. Min nou minm tou nou fè péché ki lou

jous nan jou jodi-a ; pou péché nou yo yo lagé nou, ni nou minm ni roua nou yo ni prèt nou yo, nan min roua yo sou tè-a, nan épé, nan égzil, nan piyay, ak nan laront figi, tankou jodi-a minm.

Koulié-a, tankou yon ti kras pou yon ti moman, priyè nou rivé kot Granmèt Bondié nou-an, pou yo lagé rès nou yo, pou yo ba nou yon ti pikèt tant nan koté-l ki sin-an, pou Bondié nou-an kléré jé nou, pou-l ba nou yon ti lavi nan ésklavaj nou-an.

Sèké nou sé ésklav, min nan ésklavaj nou-an Bondié nou-an pa-t lagé nou ; okontrè li fè nou jouinn mizérikòd dévan roua Pèrs yo, pou-l ba nou lavi, pou-l fè kay Bondié nou-an vi-n bèl, pou-l drésé miray li yo ki té krazé yo, pou-l ba nou yon lantouraj nan Juda ak Jérusalèm ».

Paròl Granmèt la.

PSÒM RÉPONS

Tob 13, 2. 3-4 a. 4 bcd. 5. 8 (R: 2 a)

R: Konpliman pou Bondié, ki vivan pou tout tan.

2 Konpliman pou Bondié ki vivan pou tout tan, ak pou péyi roua li-a.

Sèké sé li minm ki pini, ki sové,
ki kondui anba tè, ki ramné,
li rétiré sot nan gran déstriksion-l nan,
pèsònn pa chapé nan min-ou. R:

3 Fè louanj li, pitit Israèl yo, dévan nasion yo,
paské li minm li té gayé nou nan yo,

4 épi la-a li montré grandè-l. R:

Fè ouè grandè-l dévan tout vivan yo,
paské sé Granmèt nou, épi li minm li sé papa nou,
li minm li sé Bondié nou pou tout sièk tan yo. R:

5 L-ap korijé nou pou péché nou yo,
min l-ap gin pitié pou nou tout,
l-ap rasanblé nou sot nan tout nasion yo,
koté li té gayé nou-an. R:

8 Fè konpliman pou Granmèt la, nou tout li chouazi yo ;
nou tout fè louanj grandè li.

òganizé jou kontantman, fè gloua pou li. R:

Ané 2**PRÉMIÉ LÉKTU**

*Ni mizè, ni richès, pa ban-m sa ;
min sa-m bézouin pou-m viv sèlman.*

Léktu liv Provèb**30, 5-9**

Tout paròl Bondié sé zam défans ki tranpé nan difé pou moun ki espéré nan li yo ; pa ajouté anyin nan paròl li yo, l-a fè-ou répròch, y-ap jouinn ou mantè.

Dé bagay mouin mandé-ou, pa réfizé-m yo anvan m-mouri : sa-k pa sèvi pou anyin ki bon-an ak paròl manti-a, fè yo rét louin-m, épi mizè ak richès, pa ban-m sa : ban-m sa-m bézouin sèlman pou-m viv, paské mouin pè, si-m rivé plin ak byin, pou-m t-a vi-n pri nan pièj, pou-m pa t-a rékonèt ou, pou-m t-a di : « Kilès ki Granmèt la ? » oubyin, si mizè-a pousé-m, mouin t-a vòlè, pou-m t-a dérèspékté non Bondié-m nan.

Paròl Granmèt la.

PSÒM RÉPONS**Ps 118, 29. 72. 89. 101. 104. 163 (R : 105 a)**

R Yon lanp pou pié-m paròl ou-a, Granmèt.

29 Viré chémin manti-a louin-m,
ban-m laloua-ou la avèk bon kè-ou. **R**

72 Laloua bouch ou-a bon pou mouin,
pasé mil piès lò ak lajan. **R**

89 Pou tout tan, Granmèt,
paròl ou-a fiksé nan sièl la. **R**

101 Mouin anpéché pié-m al nan okinn mové chémin,
pou-m kinbé paròl ou yo. **R**

163 Mouin rayi manti, mouin pa vlé ouè-l ;
sé laloua-ou la mouin rinmin. **R**

ALÉLOUYA**Mk 1, 15**

R Alélouya. Péyi-roua Bondié-a ap proché,
fè pénitans, kouè nan Bòn Nouvèl la. **R** Alélouya.

ÉVANJIL

*Li voyé yo préché péyi-roua Bondié-a,
pou yo géri malad yo.*

✚ Léktu sint Évanjil la dapré Luk

9, 1-6

Lè sa-a :

Jézu rélé douz Apot yo, li ba yo fòs ak pouvoua sou tout démon yo, épi pou yo géri maladi yo. Li voyé yo préché péyi-roua Bondié-a, épi géri malad yo.

Li di yo : « Pa pran anyin sou rout la, ni baton, ni sak, ni pin, ni lajan, pa gin dé chémiz. Nan ninpòt ki kay nou antré, rété la, épi sé la pou nou déplasé al yon lòt koté. Moun ki pa résévoua nou, soti nan vil la, minm pousiè pié nou, souké-l kòm témouagnaj kont yo ». Yo pati, yo fè tout tou-a, nan bouk yo, y-ap préché Bòn Nouvèl la, y-ap fè gérizon tout koté.

Paròl Granmèt la.

Jédi

Ané 1

PRÉMIÉ LÉKTU

Bati kay la, m-ap jouinn plézi-m nan li.

Kòmansman liv profèt Ajé

1, 1-8

Nan dézièm ané roua Darius la, sou sizièm moua-a, nan prémié jou moua-a, paròl Granmèt la rivé nan min profèt Ajé sou Zorobabèl, pitit Salatièl, chèf Juda, épi sou Jézu, pitit losédèk, prèt an chèf la, li di : « Min paròl Granmèt lamé yo, ki di : Pèp sa-a di : “Li pa ko rivé, tan pou bati kay Granmèt la” ».

Paròl Granmèt la rivé nan min profèt Ajé, li di : « Èské tan-an rivé pou nou pou nou abité nan kay ki byin plafonnin, épi kay sa-a minm pèsòn pa okipé-l ? Koulié-a min paròl Granmèt lamé yo : “Kalkilé nan kè nou sou rout nou yo. Nou simin anpil, min nou rékòlté yon ti kras ; nou manjé, min nou pa gin vant plin ; nou bouè, min nou pa passé souaf nou ; nou abiyé nou, min nou pa cho ; moun ki ranmasé pri travay li, li mété yo nan yon bous ki gin trou”.

Min paròl Granmèt lamé yo : “Kalkilé nan kè nou sou rout nou yo, monté sou mòn nan, poté boua, bati kay la, l-ap fè-m plézi, m-ap jouinn gloua-m nan li”, sé sa Granmèt la di ».

Paròl Granmèt la.

PSÒM RÉPONS

Ps 149, 1-2. 3-4. 5-6 a é 9 b (R: 4 a)

R: Granmèt la jouinn plézi nan pèp li-a.

oubyin : Alélouya.

- 1 Chanté pou Granmèt la yon kantik nouvo ;
louanj li nan asanblé sin yo.
- 2 Sé pou Israël kontan nan sa-a ki fè-l la,
sé pou pitit Siyon yo dansé pou roua yo. R:
- 3 Sé pou yo fè louanj pou non-l avèk dans,
sou tanbou ak gita sé pou yo chanté pou li.
- 4 Paské Granmèt la jouinn plézi nan pèp li-a,
l-ap fè pòv yo jouinn konsidérasion nan sové li sové yo-a. R:
- 5 Sé pou sin yo fété nan gloua-a, sé pou yo kontan sou kabann yo.
- 6 Louanj Bondié yo nan bouch yo :
- 9 gloua sa-a pou tout sin-l yo. R:

Ané 2

PRÉMIÉ LÉKTU

Pa gin anyin ki nouvo anba solèy la.

Léktu liv Koélet

1, 2-11

Vid ki plin ak vid, sé sa Éklézias di ; vid ki plin ak vid, tout bagay sé vid. Sa yon moun jouinn an plis nan tout travay l-ap fè anba solèy la ? Yon jénérasion pasé, yon jénérasion rivé ; tè-a minm rét kanpé pou tout tan. Solèy la lèvé, li kouché, li tounin nan plas li ; li réparèt la, li viré nan sid, li panché nan nò. Van-an fè ronnn tout bagay toutalantou, li tounin fè ronnn li yo ankò.

Tout riviè antré nan lanmè, min lanmè-a pa plin ; koté yo té sòti-a, sé la riviè yo tounin, pou yo koulé ankò.

Tout bagay difisil : yon moun pa kapab éspliké yo ak paròl. Jé pa bouké ouè, zòrèy pa tandé kont.

Ki sa-k té égzisté ? Sé sa k-ap vini-an. Ki sa-k té fèt ? Sé sa k-ap vi-n fèt la.

Pa gin anyin ki nouvo anba solèy la, yon moun pa bézouin di : « Min bagay sa-a ki fèk rivé » ; li té déjà la anvan, nan sièk tan yo ki té anvan nou yo. Pa gin souvni bagay lontan yo ; ni bagay k-ap vini apré yo, pap gin souvni yo tou, pou moun yo k-ap vini apré.

Paròl Granmèt la.

PSÒM RÉPONS

Ps 89, 3-4. 5-6. 12-13. 14 é 17 (R. : 1)

R. Granmèt, ou sèvi nou kachèt,
sot nan jénérasyon al nan jénérasyon.

3 Ou fè moun nan tounin nan pousiè ;
ou di : « Tounin, pitit moun yo ».

4 Sèké mil ané dévan jé-ou sé tankou jounin yè-a ki pasé,
ak yon vèy nan nuit. R.

5 Ou fè dòmi tonbé sou yo,

6 Nan matin, y-ap tankou zèb k-ap pousé : n
an matin li fléri, li grandí,
nan asouè, li finnin, li séché. R.

12 Aprann nou konté jou nou yo,
pou nou mété kè nou nan chémin sajès la.

13 Tounin, Granmèt, jouskilè ?
Pran pitié pou sèvitè-ou yo. R.

14 Plin nou dépi granmatin ak mizérikòd ou-a,
n-a fété, n-a gin kè kontan tout jou nou yo.

17 Sé pou ékla Granmèt Bondié nou-an sou nou,
asiré travay min nou-an sou nou,
travay min nou, asiré-l. R.

ALÉLOUYA

Jan 14, 6

℞ Alélouya. Mouin sé chémin-an, vérité-a ak lavi-a,
sé sa Granmèt la di ;
pèsònn pa vi-n kot Papa-a, sof pa lintèmédiè mouin. ℞ Alélouya.

ÉVANJIL

*Jan, mouin té fè koupé tèt li ;
kilès sa-a mouin tandé tout bagay sa yo sou li-a ?*

✠ Léktu sint Évanjil la dapré Luk

9, 7-9

Lè sa-a :

Éròd, ki té chèf ka péyi-a, tandé tou sa Jézu té fè ; li t-ap ézité, paské gin kèk moun ki t-ap di sé Jan ki résisité sot nan pami mò yo, dèt minm t-ap di sé Éli ki parèt, dèt ankò t-ap di sé yon profèt nan sa lontan yo ki lévé.

Éròd minm di : « Jan, mouin té fè koupé tèt li ! Kilès sa-a mouin tandé tout bagay sa yo sou li-a ? » Épi li t-ap chèché pou-l ouè-l.

Paròl Granmèt la.

Vandrédi

Ané 1

PRÉMIÉ LÉKTU

Yon ti moman ankò, m-ap plin kay sa-a ak gloua.

Léktu liv profèt Ajé

1, 15 b-2, 9

Nan dézièm ané roua Darius, sou sétièm moua-a, vintéinièm jou moua-a, paròl Granmèt la rivé nan min profèt Ajé, li di : « Palé ak Zorobabèl, pitit Salatièl, chèf Juda, ni ak Jézu, pitit losédèk, prèt an chèf la, ni ak tout rès pèp la, ou-a di : “Kilès ki rété nan pami nou, ki té ouè kay sa-a nan gloua lontan-l nan ? épi sa nou ouè koulié-a ? Èské sa-k la-a koulié-a sé pa tankou si sé pa-t anyin, dévan jé nou ? Koulié-a pran kouraj, Zorobabèl, sé sa Granmèt la di, pran kouraj, Jézu, pitit losédèk, prèt an chèf, pran kouraj, tout pèp tè-a, sé sa Granmèt lamé yo di ; réalizé (paské mouin avèk nou, sé sa Granmèt lamé yo di), réalizé paròl la mouin té angajé avèk nou-an, lè nou t-ap kité péyi Éjip la ; Éspri-m ap nan mitan nou : pa pè”.

Paské min paròl Granmèt lamé yo : “Yon ti moman ankò, m-ap souké sièl la ak tè-a ak lanmè-a ak dézè-a, m-ap souké tout nasion yo ; Sa-a tout nasion yo ap tann nan, l-ap rivé, m-ap plin kay sa-a ak gloua, sé sa Granmèt lamé yo di. Lajan-an sé pou mouin, lò-a sé pou mouin, sé sa Granmèt lamé yo di. Gloua dènié kay sa-a ap pi gran passé premié-a, sé sa Granmèt lamé yo di, nan koté sa-a, m-ap bay lapè, sé sa Granmèt lamé yo di ” ».

Paròl Granmèt la.

PSÒM RÉPONS

Ps 42, 1. 2. 3. 4 (R: cf. 5 bc)

R: Éspéré nan Bondié ; m-ap fè louanj li,
sovè fas mouin ak Bondié mouin.

- 1 Jijé-m, Bondié, égzaminé kòz mouin
sot nan min nasion ki pa sin ;
anba min moun méchan-an ak rizèz la, sovè-m. R:
- 2 Paské ou sé Bondié kachèt mouin ;
pouki sa ou té répousé-m nan,
pouki sa m-ap maché tou tris, pandan ènmi-m ap fè-m passé tray ? R:
- 3 Voyé limiè-ou ak vérité-ou ;
sé yo minm k-ap kondui-m, k-ap minnin-m
sou mòn ou-a ki sin-an, ak nan tant ou-a. R:
- 4 M-ap antré kot lotèl Bondié-a,
kot Bondié kè kontan-m ak fèt mouin-an.
M-ap fè louanj ou sou gita, Bondié, Bondié-m. R:

Ané 2

PRÉMIÉ LÉKTU

Nan tan pa yo tout bagay passé anba sièl la.

Léktu liv Koèlèt

3, 1-11

Tout bagay gin tan, épi nan tan pa yo tout bagay passé anba sièl la. Yon tan pou fèt ak yon tan pou mouri, yon tan pou planté ak yon tan pou raché sa yo té planté-a, yon tan pou touyé ak yon tan pou géri, yon tan pou détoui ak yon tan pou bati, yon tan pou kriyé ak yon tan pou ri, yon tan pou plinyin ak yon tan pou dansé, yon tan pou voyé ròch ak yon tan

pou ranmasé, yon tan pou anbrasé ak yon tan pou sispann anbrasé, yon tan pou posédé ak yon tan pou pèdi, yon tan pou kinbé ak yon tan pou jété, yon tan pou chiré ak yon tan pou koud, yon tan pou pé bouch ak yon tan pou palé, yon tan rinmin ak yon tan rayi, yon tan lagè ak yon tan lapè.

Ki sa yon moun ginyin an plis nan rédi travay ? Mouin ouè tray Bondié bay pitit moun yo pou yo pasé.

Li fè tout bagay bon nan tan-l, li rimmèt tè-a bay diskision moun yo, ki fè moun nan pa jouinn aksion Bondié fè dépi nan kòmansman jous nan finisman.

Paròl Granmèt la.

PSÒM RÉPONS

Ps 143, 1 a é 2 abc. 3-4 (R: 1 a)

R: Konpliman pou Granmèt la, défans mouin-an.

1 Konpliman pou Granmèt la, défans mouin-an.

2 Mizérikòd mouin ak fòs mouin,
kachèt mouin ak libératè mouin ;
protéksion-m, nan li mouin éspéré. R:

3 Granmèt, ki sa moun nan yé, pou-ou rékonèt li,
oubyin pitit moun nan, pou-ou konsidéré-l ?

4 Moun nan sanblé ak vid,
jou-l yo tankou lonbraj k-ap pasé. R:

ALÉLOUYA

Mk 10, 45

R: Alélouya. Pitit moun nan vini pou-l sèvi,
pou-l rimmèt lavi-l kòm rédanmsion pou anpil moun. R: Alélouya.

ÉVANJIL

Ou sé Kris Bondié-a.

Pitit moun nan gin pou-l souffri anpil.

✠ Léktu sint Évanjil la dapré Luk

9, 18-22

Lè sa-a :

Jézu t-ap priyé pou kont li, disip yo té avèk li. Li pozé yo késion, li di :
« Kilès foul yo di mouin yé ? »

Yo réponn, yo di : « Jan Batis ; dèt minm Éli ; dèt ankò sé youn nan profèt lontan yo ki lévé ».

Min li di yo : « Nou minm minm kilès nou di mouin yé ? »

Simon Piè pran laparòl, li di : « Kris Bondié-a ».

Jézu minm ménasé yo, li pasé yo lòd sévè pou yo pa di pèsòn sa, li di : « Sèké Pitit moun nan gin pou-l soufri anpil, pou ansyin yo réjité-l, ni chèf prèt yo, ni skrib yo, l-ap mouri, min sou touazièm jou-a, l-ap résisité ».

Paròl Granmèt la.

Samdi

Ané 1

PRÉMIÉ LÉKTU

Min m-ap vini, m-ap abité nan mitan-ou.

Léktu liv profèt Zakari

2, 5-9. 14-15 a

Mouin lévé jé-m, mouin ouè ; min yon mésié, nan min-l sé yon kòd pou méziré, mouin di : « Ki koté ou-apralé ? » Li di-m : « M-apral méziré Jérusalèm épi m-a ouè ki lajè-l, ak ki longè-l ».

Min Anj-la ki t-ap palé avèk mouin-an vi-n ap soti, yon lòt Anj proche dévan fas li, li di-l : « Kouri, proche palé ak ti gason sa-a, ou-a di : “Y-ap abité Jérusalèm san li pa gin miray, poutèt kantité moun ak bèt ki nan mitan-l” ». « M-ap yon miray difé pou li toutalantou-l, sé sa Granmèt la di, m-ap yon gloua nan mitan-l ».

« Fè louanj, fè kè-ou kontan, pitit fi Siyon, paské min m-ap vini, m-ap abité nan mitan-ou, sé sa Granmèt la di. Anpil nasyon ap kolé kò yo sou Granmèt la jou sa-a, y-ap pèp mouin, m-ap abité nan mitan-ou ».

Paròl Granmèt la.

PSÒM RÉPONS

Jér 31, 10. 11-12 ab. 13 (R : 10 d)

R Sé pou Granmèt la véyé sou nou
tankou yon gadyin sou bann mouton-l.

¹⁰ Kouté paròl Granmèt la, nasyon yo,
anonsé-l nan zilé yo ki louin yo,

di : « Sa-a ki té gayé Israèl la, l-ap rasanblé-l,
l-ap protéjé-l, tankou yon gadyin fè pou bann mouton-l ». R:

- ¹¹ Sèké Granmèt la rachté Jakòb,
li libéré-l sot nan min sa-k pi fò-a.
- ¹² Y-ap vini, y-ap fè louanj sou mòn Siyon,
y-ap rasanblé vi-n nan byin Granmèt yo. R:
- ¹³ Lè sa-a vièj la ap fété nan dans,
ni jèn jan yo, ni granmoun yo tou ;
m-ap fè dèy yo-a vi-n tounin kè kontan,
m-ap konsolé yo, m-ap fè kè yo kontan, nan plas soufrans yo-a. R:

Ané 2

PRÉMIÉ LÉKTU

*Sonjé Sa-a ki té kréyé-ou la, nan jou ou jèn nan,
anvan pousiè-a tounin nan tè-a, épi éspri-a tounin kot Bondié.*

Léktu liv Koélet

11, 9-12, 8

Fè kè-ou kontan, ou minm ki jèn, pandan-ou tou jèn nan, sé pou kè-ou nan kontantman pandan jou ou tou jèn nan ; suiv chémin kè-ou, ak sa jé-ou yo anv-a, sèlman aprann sa, pou tout bagay sa yo Bondié ap fè-ou pasé nan tribinal. Ouété kòlè sot nan kè-ou, ouété méchansté sot nan chè-ou ; laj jèn jan-an ak plézi-a sé vid yo vid.

Sonjé Sa-a ki té kréyé-ou la pandan jou ou tou jèn nan, anvan tan tray la rivé, anvan ané yo proche, ané sa yo k-ap fè-ou di : « Mouin pa rinmin yo » ; anvan solèy la ni limiè-a ni lali-n nan ni zétoual yo vi-n tounin fènoua, anvan nuaj yo tounin apré lapli-a ; lè gadyin kay la ap tranblé, lè mésié ki gin fòs yo ap fébli, lè médam yo k-ap moulin-an ap sispann poutèt yo vi-n yon ti kras, lè fènoua ap vlopé moun k-ap gadé nan fénèt yo, lè pòt yo ap fèmin sou lari-a paské voua moun k-ap moulin-an fébli, lè moun yo ap lévé ansanm ak voua zouazo-a, lè tout pitit fi ki konn chanté rinmin yo vi-n soud.

Y-ap pè monté mòn yo, y-ap pran sézisman nan chémin-an.

Pié zanmann nan ap fè flè, krikèt la ap vi-n gra, foui ki konn éksité apéti-a ap gayé, lè moun nan apral fè rout li nan kay tout tan-l nan, lè moun k-ap kriyé yo ap fè lavironn nan lari-a.

Anvan kòd an ajan-an kasé, anvan riban lò-a tounin dèyè, anvan krich la kasé sou pui-a, anvan rou-a kasé sou basin-an, anvan pousiè-a tounin nan tè-l la koté-l té soti-a, anvan éspri-a tounin kot Bondié, ki té bay li-a.

Vid ki plin ak vid, sé sa Éklézias di, tout bagay sé vid.

Paròl Granmèt la.

PSÒM RÉPONS

Ps 89, 3-4. 5-6. 12-13. 14 é 17 (R: 1)

- R: Granmèt, ou sèvi nou kachèt,
sot nan jénérasyon al nan jénérasyon.
- ³ Ou fè moun nan tounin nan pousiè ;
ou di : « Tounin, pitit moun yo ».
- ⁴ Sèké mil ané dévan jé-ou sé tankou jounin yè-a ki pasé,
ak yon vèy nan nuit. R:
- ⁵ Ou fè dòmi tonbé sou yo,
⁶ nan matin, y-ap tankou zèb k-ap pousé :
nan matin li fléri, li grandi,
nan asouè, li finnin, li séché. R:
- ¹² Aprann nou konté jou nou yo,
pou nou mété kè nou nan chémin sajàs la.
- ¹³ Tounin, Granmèt, jouskilè ?
Pran pitié pou sèvitè-ou yo. R:
- ¹⁴ Plin nou dépi granmatin ak mizérikòd ou-a,
n-a fété, n-a gin kè kontan tout jou nou yo.
- ¹⁷ Sé pou ékla Granmèt Bondié nou-an sou nou,
asiré travay min nou-an sou nou,
travay min nou, asiré-l. R:

ALÉLOUYA

Cf. 2 Tim 1, 10

- R: Alélouya. Sovè nou Jézu-Kri détoui lanmò-a,
li kléré lavi-a gras a Bòn Nouvèl la. R: Alélouya.

ÉVANJIL

Pitit moun nan, yo gin pou yo rimmèt li.

Yo té pè pozé-l kèsion sou paròl sa-a.

✠ Léktu sint Évanjil la dapré Luk

9, 43 b-45

Lè sa-a :

Tout moun té sézi poutèt tout bagay Jézu t-ap fè, li di disip li yo :
« Mété paròl sa yo byin nan kè nou : “Pitit moun nan, yo gin pou yo rimmèt li nan min lézòm” ».

Min yo minm yo pa-t konprann paròl sa-a, li té rét voualé dévan yo,
pou yo pa konprann li, épi yo té pè pozé-l kèsion sou paròl sa-a.

Paròl Granmèt la.

VINNSIZIÈM SÉMÈN ÒDINÈ

Dimanch, ané A

PRÉMIÉ LÉKTU

*Lè moun ki pa kòrèk la viré do bay péché-l la,
l-ap fè nanm li jouinn lavi.*

Léktu liv profèt Ézékièl

18, 25-28

Min paròl Granmèt la :

« N-ap di : “Chémin Granmèt la pa douat”. Kouté, kay Israël : Èské sé chémin-m ki pa douat, oubyin sé chémin pa nou yo ki mové ? Sèké si moun ki kòrèk la viré do bay jistis li-a, li fè sa-k pa kòrèk, épi li mouri nan yo, sé nan sa li fè ki pa kòrèk yo l-ap mouri.

Min si moun ki pa kòrèk la viré do bay sa-l fè ki pa kòrèk la, épi li réalizé jijman ak jistis, li minm l-ap fè nanm li jouinn lavi ; paské lè-l konsidéré, épi li viré do bay tou sa-l té fè ki pa kòrèk yo, l-ap viv byin pròp, li pap mouri ».

Paròl Granmèt la.

PSÒM RÉPONS

Ps 24, 4 bc-5. 6-7. 8-9 (R : 6 a)

- R: Sonjé pitié-ou yo, Granmèt.
- 4 Chémin-ou yo, Granmèt, montré-m yo,
tras rout ou yo, aprann mouin yo.
- 5 Dirijé-m nan tras rout ou-a, ban-m léson,
paské ou sé Bondié sové mouin,
sé ou minm m-ap tann tout jounin. R:
- 6 Sonjé pitié-ou yo, Granmèt,
ak mizérikòd ou yo, paské sé dépi tout tan yo égzisté.
- 7 Péché-m té fè dépi-m tou jèn ak fot mouin yo, pa sonjé yo ;
dapré mizérikòd ou, sonjé-m,
poutèt bon kè-ou, Granmèt. R:
- 8 Granmèt la bon, li douat,
sé pousa l-ap aprann moun ki nan péché yo chémin-an ;

- 9 l-ap kondui moun ki dosil yo nan jijman-an,
l-ap aprann moun ki dou yo chémin-l yo. **R.**

DÉZIÈM LÉKTU

*Sé pou nou gin minm santiman anndan kè nou
avèk sa ki té nan Kris Jézu yo.*

Léktu lèt apot sin Pòl pou Filipyin yo

2, 1-11

Frè-m yo :

Si gin yon konsolasion nan Kris la, si gin yon ankourajman charité, si gin yon kominion éspri-a, si gin zantray pitié, fè kè-m kontan nèt, antan nou gin minm santiman, minm charité, nou fè yon sèl kè, nou gin minm fason pou nou anvizajé bagay yo. Viv san nou pa gin okinn jalouzi, san nou pa chèché okinn gloua ki vid, min antan nou rabésé tèt nou pou chak moun konsidéré lòt la kòm pi sipérioré pasé-l, san chak moun pa konsidéré avantaj pèsonèl li, min okontrè afè lòt yo.

Sé pou nou gin nan nou, minm santiman sa yo ki té nan Kris Jézu-a : Li minm, malgré li té nan kondision Bondié, égal li égal avèk Bondié-a, li pa-t konsidéré sa tankou yon bagay li kinbé pou pròp tèt pa-l, min li vidé pròp tèt li antan li pran kondision ésklav, li vi-n tankou tout moun, épi dapré konpòtman-l yo ouè li sé yon moun. Li rabésé pròp tèt li, antan li obéyi jous nan lanmò, lanmò lakoua-a minm. Sé poutèt sa Bondié lévé-l anlè, li ba-l yon non, ki anlè tout non. Konsa, o non Jézu, tout jénou fèt pou plouayé nan sièl la, sou tè-a ak anba tè-a, épi tout lang pou déklaré sé Granmèt Jézu-Kri yé nan gloua Bondié Papa-a.

Paròl Granmèt la.

oubyin pi kout

Léktu lèt apot sin Pòl pou Filipyin yo

2, 1-5

Frè-m yo :

Si gin yon konsolasion nan Kris la, si gin yon ankourajman lacharité, si gin yon kominion éspri-a, si gin zantray pitié, fè kè-m kontan nèt, antan nou gin minm santiman, minm charité, nou fè yon sèl kè, nou gin minm fason pou nou anvizajé bagay yo. Viv san nou pa gin okinn jalouzi,

san nou pa chèché okinn gloua ki vid, min antan nou rabésé tèt nou pou chak moun konsidéré lòt la kòm pi sipérior pasé-l, san chak moun pa konsidéré avantaj pèsònèl li, min okontrè afè lòt yo. Sé pou nou gin nan nou minm santiman sa yo ki té nan Kris Jézu-a.

Paròl Granmèt la.

ALÉLOUYA

Jan 10, 27

℞ Alélouya. Mouton-m yo kouté voua-m, sé sa Granmèt la di ;
épi mouin minm mouin konnin yo, yo suiv mouin. ℞ Alélouya.

ÉVANJIL

Li régrèt, li pati. Piblikin yo ak fi lari yo ap antré nan péyi roua Bondié-a anvan nou.

✠ **Léktu sint Évanjil la dapré Matié**

21, 28-32

Lè sa-a : Jézu di chèf prèt yo ak ansyin pèp la :

« Ki sa nou di nan sa ? Yon mésié té gin dé pitit ; li proché kot premié-a, li di : “Pitit mouin, al travay nan jadin rézin-m nan jodi-a”. Li minm li réponn, li di : “Mouin pa vlé”. Apré sa li régrèt, l-alé. Li proché kot lòt la, li di-l minm jan. Sa-a minm réponn, li di : “M-apralé, mèt”, min li pa alé. Kilès nan dé yo ki té fè volonté papa-a ? »

Yo di-l : « Premié-a ».

Jézu di yo : « Amèn mouin di nou, piblikin yo ak fi lari yo ap pran dévan nou nan péyi roua Bondié-a. Sèké Jan rivé koté nou nan chémin jistis la, épi nou pa-t kouè nan li ; piblikin yo minm ak fi lari yo yo té kouè nan li ; nou minm minm malgré nou ouè, nou pa minm gin yon santiman ki fè nou régrèt apré, pou nou t-a kouè nan li ».

Paròl Granmèt la.

Dimanch, ané B

PRÉMIÉ LÉKTU

*Poukisa ou jalou pou mouin-an ?
Sa-k t-a fè kado sa-a pou tout pèp la t-a profétizé !*

Léktu liv Nonb

11, 25-29

Jou sa yo :

Granmèt la désann nan nuaj la, li palé ak Moyiz, li pran nan éspri-a ki té nan li-a, li bay souasandis mésié yo. Lè éspri-a pozé nan yo, yo profétizé, épi yo pa sispann apré sa. Té gin dé mésié ki té rété nan kan yo, youn nan yo té rélé Èldad, épi lòt la Médad ; éspri-a pozé sou yo. Sèké yo minm tou, non yo té ékri sou réjis, min yo pa-t alé nan tant la.

Pandan y-ap profétizé nan kan yo, gin yon ti gason ki kouri, li avèti Moyiz, li di : « Èldad ak Médad ap profétizé nan kan yo ». Minm lè-a Jozué pitit Nu-n, sèvitè Moyiz la, li minm yo té chouazi nan pami anpil moun, li di : « Mèt mouin, Moyiz, anpéché yo ». Moyiz di : « Pouki sa ou jalou pou mouin-an ? Sa-k t-a fè kado sa-a pou tout pèp la t-a profétizé, épi pou Granmèt la t-a ba yo éspri-l la ! »

Paròl Granmèt la.

PSÒM RÉPONS

Ps 18, 8. 10. 12-13. 14 (R: 9 a)

- R: Désizion Granmèt yo kòrèk, yo fè kè kontan.
- 8 Laloua Granmèt la san tach, li réfè nanm,
témouagnaj Granmèt la fidèl, li bay ti moun sajès. R:
- 10 Krint Granmèt la nèt, li duré pou tout tan gin tan,
jijman Granmèt la vré, yo kòrèk yo tout ansanm. R:
- 12 Réyèlman sèvitè-ou la jouinn instruksion nan yo,
antan-l obsèvé yo, li jouinn anpil avantaj. R:
- 13 Ki moun ki kapab konprann fòt yo ?
Pròpté-m sot nan sa-k kaché yo. R:
- 14 Prézèvé sèvitè-ou la pou-l pa lévé tèt li, pou sa pa pran pié sou mouin,
lè sa-a m-a san tach, m-a pròpté sot nan gran péché-a. R:

DÉZIÈM LÉKTU

*Richès nou yo ap pouri.***Léktu lèt apot sin Jak****5, 1-6**

An nou ouè koulié-a, rich yo, kriyé, rélé nan mizè nou yo k-apral rivè sou nou yo. Richès nou yo ap pouri ; rad nou yo, sé lagal k-ap manjé yo. Lò nou ak lajan nou ap rouyé, larouy yo-a ap sèvi témouin kont nou, l-ap manjé chè nou tankou difé. Sé kòlè nou ranmasé nan magazin pou pròp tèt nou pou dènié jou yo.

Min pri travay ouvriyé yo, ki té fè rékòlt jadin nou yo, sa nou té vòlè-a, min l-ap rélé, épi rèl yo antré nan zòrèy Granmèt lamé yo. Nou fè résépsion sou tè-a, nou bay kè nou manjé nan konduit déréglé nan jou nou touyé-a. Nou arété sa-a ki kòrèk la, nou touyé-l, li pa rézisté nou.

Paròl Granmèt la.

ALÉLOUYA

Cf. Jan 17, 17 b. a

✠ Alélouya. Paròl ou, Granmèt, sé vérité ;
konsakré nou nan vérité-a. ✠ Alélouya.

ÉVANJIL

*Moun ki pa kont nou, sé pou nou li yé.
Si min-ou anpéché-ou suiv bon chémin, koupé-l.*

✠ Léktu sint Évanjil la dapré Mark

9, 38-43. 45. 47-48

Lè sa-a :

Jan di Jézu : « Mèt, nou té ouè yon mésié ki t-ap chasé démon yo o non-ou, sé pa yon moun ki suiv nou, ébyin nou anpéché-l ».

Jézu di-l : « Pa anpéché-l ; sèké pa gin pèsòn ki kapab fè puisans o non-m, épi ki kapab palé mal sou mouin tout suit apré sa. Moun ki pa kont nou, sé pou nou li yé.

Ninpòt moun réyéلمان k-ap ba nou yon vè dlo pou nou bouè o non-m, paské nou sé disip Kris la, mouin di nou, li pap pèdi rékonpans li.

Min ninpòt ki moun ki skandalizé youn nan ti piti sa yo, ki kouè nan mouin yo, li t-a pi bon pou li, si yo t-a maré yon gro ròch moulin bourik yo nan kou-l, épi pou yo t-a jété-l nan lanmè.

Épi, si min-ou skandalizé-ou, koupé-l ; li pi bon pou ou antré infim nan lavi-a, pasé pou-ou gin dé min-ou épi pou-ou al nan jé-èn nan avèk yo, nan difé ki pap étinn nan. Épi, si pié-ou skandalizé-ou, koupé-l ; li pi bon pou ou si-ou antré nan lavi tout tan-an antan ou-ap bouaté, pasé pou-ou gin dé pié épi pou yo jété-ou nan jé-èn difé ki pap étinn nan. Si jé-ou skandalizé-ou, raché-l ; li pi bon pou ou pou-ou antré ak yon sèl jé nan péyi roua Bondié-a, pasé pou-ou gin dé jé épi pou yo jété ou nan jé-èn difé-a, koté vè yo pa mouri-a, épi difé-a pa étinn nan ».

Paròl Granmèt la.

Dimanch, ané C

PRÉMIÉ LÉKTU

*Nou minm k-ap lagé kò nou nan pozision mòl,
koulié-a y-apral égzilé nou.*

Léktu liv profèt Amòs

6, 1 a. 4-7

Min paròl Granmèt la ki gin tout pouvoua-a :

« Ala malè pou nou, nou minm ki instalé nan richès yo nan Siyon, k-ap mét konfians nou nan mòn Samari-a ; nou minm k-ap dòmi sou kabann ki fèt ak défans éléfan, k-ap pran pozision mòl sou divan nou yo ; k-ap manjé mouton nan bann mouton yo, ak bèf nan pak la, k-ap chanté ak son gita : tankou David ; yo konprann yo kapab invanté instriman mizik, y-ap bouè divin nan kalis ki laj yo, y-ap froté kò yo ak pi bon kalité losion, yo pa pran pitié sou malè Jozèf la. Sé poua koulié-a y-ap pati nan tèt kolòn égzilé yo, bann moun k-ap pran plézi yo ap disparèt ».

Paròl Granmèt la.

PSÒM RÉPONS

Ps 145, 7. 8-9 a. 9 bc-10 (R : 1 b)

R: Fè louanj Granmèt la, nanm mouin.

oubyin : Alélouya.

⁷ Li minm ki kinbé vérité-a pou tout tan,
ki fè jijman pou moun y-ap maltrété yo,

ki bay sa-k grangou yo manjé.

Granmèt la défèt chinn yo. **R:**

- 8 Granmèt la kléré avèg yo,
Granmèt la lévé sa-k tonbé yo,
Granmèt la rinmin moun ki kòrèk yo,

- 9 Granmèt la protèjé étranjé yo. **R:**

Òfélin-an ak vèv la, li soutni yo,
min rout péchè-a, li gayé-l.

- 10 Granmèt la ap roua pou tout tan,
Bondié-ou la, Siyon,
pou jénérasyon ak jénérasyon. **R:**

DÉZIÈM LÉKTU

Kinbé kòmandman-an jous Granmèt la vini.

Léktu premié lèt apot sin Pòl pou Timoté

6, 11-16

Moun Bondié tanpri, chèché jistis, santiman rélijyé-a, lafoua, charité, pasians, dousè. Batay bon batay lafoua-a, kinbé lavi tout tan-an, koté yo rélé-ou la, sa-ou té fè bèl déklarasion lafoua pou li-a dévan anpil témouin-an.

Mouin pasé-ou lòd dévan Bondié k-ap fè tout bagay gin lavi-a, épi Kris Jézu ki té bay témouagnaj dévan Pons Pilat la nan bèl déklarasion-an, pou-ou kinbé kòmandman-an san tach, san répròch jous nan lè Granmèt nou Jézu-Kri ap vini-an, li minm sin-an ak sèl puisan-an ap montré nan tan-l yo, Roua roua yo, ak Granmèt mèt yo, ki sèl gin lavi tout tan-an, ki abité yon limiè koté yo pa kapab proché-a, li minm pèsònn nan moun yo pa-t ouè-a, ni yo pa kapab ouè-a, li minm konsidérasion ak otorité tout tan pou li-a. Amèn.

Paròl Granmèt la.

ALÉLOUYA

2 Kor 8, 9

R: Alélouya. Jézu-Kri vi-n pòv, li minm ki té rich,
pou nou té kapab vi-n rich gras a kondision pòv li-a. **R:** Alélouya.

ÉVANJIL

*Ou té résévoua byin, Lazar minm té résévoua malè ;
koulié-a li jouinn konsolasion isit la, ou minm minm, ou-ap soufri.*

✠ Léktu sint Évanjil la dapré Luk

16, 19-31

Lè sa-a : Jézu di farizyin yo :

« Té gin yon mésié ki té rich, li té konn abiyé avèk vlou, ak soua, li té konn ap fè résépsion chak jou ak gran fèt. Té gin yon pòv k-ap mandé charité, yo té rélé-l Lazar ; li té konn kouché nan papòt li, kò-l plin ak blès, li té konn anvi plin vant li ak ti kal manjé ki té konn tonbé sot sou tab rich la, min pèsòn pa-t konn ba li ; okontrè sé chyin yo ki té konn vi-n niché koté-l té malad yo. Rivé pòv la ki té konn mandé charité-a vi-n mouri, Anj yo poté-l nan vant Abraam ; rich la vi-n mouri tou, yo antéré-l nan lanfè.

Li lévé jé-l, pandan li té nan gro soufrans, li ouè Abraam byin louin, avèk Lazar nan vant li ; li rélé byin fò, li di : “Papa Abraam, pitié pou mouin, voyé Lazar pou-l tranpé ti pouint douèt li nan dlo, pou-l rafréchi lang mouin, paské m-ap soufri anpil nan flanm sa-a”.

Abraam di-l : “Pitit, sonjé, ou té résévoua byin yo nan lavi-ou, Lazar minm té résévoua malè yo ; koulié-a atò li jouinn konsolasion isit la, ou minm minm ou-ap soufri anpil. Avèk tou sa, ant ou minm épi nou minm, gin yon gran vid ki instalé, ki fè, moun ki vlé travèsé sot isit la al koté ou, yo pa kapab, ni yo pa kapab travèsé sot laba-a vi-n isit la”.

Li di : “Mouin priyé-ou, papa, voyé-l lakay papa-m (mouin gin sink frè), pou-l déklaré yo pou yo pa vi-n nan koté soufrans sa-a”.

Abraam di-l : “Yo gin Moyiz ak profèt yo : sé pou yo kouté yo”. Li di : “Non, papa Abraam ; min si youn nan mò yo t-al koté yo, yo t-a fè pénitans”.

Li di-l : “Si yo pa kouté Moyiz ak profèt yo, minm si youn nan mò yo résisité, yo pap kouè” ».

Paròl Granmèt la.

Lindi

Ané 1

PRÉMIÉ LÉKTU

*M-ap sové pèp mouin-an
sot nan péyi olévan avèk okouchan.*

Léktu liv profèt Zakari

8, 1-8

Jou sa yo :

Paròl Granmèt lamé yo rivé, li di : « Min paròl Granmèt lamé yo : “Mouin jalou pou Siyon ak yon gran jalouzi, mouin jalou pou li ak yon gran kòlè”.

Min paròl Granmèt lamé yo : “M-ap tounin nan Siyon, m-ap abité nan mitan Jérusalèm, y-ap rélé Jérusalèm vil vérité-a, ak mòn Granmèt lamé yo mòn ki sin-an”.

Min paròl Granmèt lamé yo : “Gran papa ak grann ap abité nan laplas Jérusalèm ankò, ak mésié ki gin baton nan min yo, poutèt anpil laj yo. Laplas vil la ap plin ak ti moun ak jèn fi k-ap joué nan laplas li yo”.

Min paròl Granmèt lamé yo : “Si bagay sa-a parèt difisil nan jé rès pèp sa-a nan jou sa yo, èské l-ap difisil nan jé pa-m ?” sé sa Granmèt lamé yo di.

Min paròl Granmèt lamé yo : “Min m-ap sové pèp mouin-an sot nan péyi olévan avèk sot nan péyi okouchan, m-ap minnin yo, y-ap abité nan mitan Jérusalèm, y-ap pèp mouin, m-ap Bondié yo nan vérité ak nan jistis” ».

Paròl Granmèt la.

PSÒM RÉPONS

Ps 101, 16-18. 19-21. 29 é 22-23 (R : 17)

R Granmèt la bati Siyon, li parèt nan gloua-l.

¹⁶ Nasion yo ap krinn non-ou, Granmèt,
tout roua yo sou tè-a ap krinn gloua-ou la ;

¹⁷ paské Granmèt la ap bati Siyon,
l-ap parèt nan gloua li-a.

¹⁸ L-ap voyé jé sou priyé pòv la,
li pap méprizé priyé yo-a. R

- 19 Sé pou yo ékri bagay sa yo pou lòt jénèrasion-an,
pèp y-ap kréyé-a, l-ap fè louanj Granmèt la.
- 20 Paské li panché sot nan tanp li-a anro-a,
Granmèt la gadé sou tè-a, antan-l nan sièl la ;
- 21 pou-l kouté rèl prizonié yo,
pou-l sové pitit lanmò yo. **R**
- 29 Pitit sèvitè-ou yo ap abité,
ras yo ap asiré dévan fas ou,
- 22 pou yo anonsé non Granmèt la nan Siyon,
avèk louanj li nan Jérusalèm ;
- 23 lè pèp yo ap rasanblé pou yo fè yon sèl,
avèk péyi-roua yo, pou yo sèvi Granmèt la. **R**

Ané 2

PRÉMIÉ LÉKTU

*Granmèt la bay, Granmèt la pran,
sé pou non Granmèt la béni !*

Léktu liv Jòb

1, 6-22

Yon jou, lè pitit Bondié yo té rivé pou yo kanpé dévan Granmèt la, Satan glisé kò-l nan pami yo tou.

Granmèt la di-l : « Koté-ou soti ? »

Li réponn, li di : « Mouin sot fè tout tou tè-a, mouin sot maché sou li ».

Granmèt la di-l : « Èské ou konsidéré sèvitè-m Jòb, pa gin parèy li sou tè-a, yon moun ki sinp, ki douat, ki krinn Bondié, li rét louin sa-k mal ? »

Satan réponn li, li di : « Èské sé pou granmési Jòb krinn Bondié-a ? Èské sé pa ou minm ki entouré-l ansanm ak kay li ak tout richès li toutalantou : ou béni travay min-l, byin-l yo dévlopé sou tè-a ? Sèlman lonjé min-ou yon ti kras, touché tou sa-l ginyin, pou-ou ouè si-l pap nié-ou an fas ».

Granmèt la di Satan : « Min tou sa-l ginyin, yo nan min-ou ; sèlman pa lonjé min-ou sou li ». Satan soti dévan fas Granmèt la.

Yon jou, kòm pitit gason ak pitit fi Jòb yo t-ap manjé, t-ap bouè divin nan kay frè yo-a ki pi gran-an, yo vi-n poté nouvèl bay Jòb, yo di : « Bèf yo trap viré tè-a, bourik yo t-ap manjé zèb bò koté yo, moun Saba yo

fonsé, yo pran tout bagay, yo touyé sèvitè yo ak épé, sé mouin sèl ki chapé pou-m pot nouvèl ba ou ».

Pandan li t-ap palé toujou, yon lòt vi-n rivé, li di : « Difé Bondié tonbé sot nan sièl la, li frapé mouton yo, li dévoré yo ak sèvitè yo, sé mouin minm sèl ki chapé pou-m poté nouvèl ba ou ».

Pandan li t-ap palé toujou, min yon lòt antré, li di : « Pitit gason-ou yo ak pitit fi-ou yo t-ap manjé, t-ap bouè divin nan kay frè yo ki pi gran-an, yon moman yon gro van fonsé sot nan réjion dézè-a, li frapé kat kouin kay la, kay la tonbé, li krazé pitit ou yo, yo mouri, sé mouin minm sèl ki chapé pou-m pot nouvèl ba ou ».

Lè sa-a Jòb lévé, li chiré rad li, li koupé chévé nan tèt li, li lagé kò-l atè, li adoré, li di : « Sé nu-kò mouin té soti nan vant manman-m, sé nu-kò m-ap tounin la. Granmèt la té bay, Granmèt la pran ; jan sa fè Granmèt la plézi, sé konsa sa fèt : sé pou non Granmèt la béni ! » Nan tout bagay sa yo Jòb pa fè péché ak bouch li. li pa di anyin ki déplasé kont Bondié.

Paròl Granmèt la.

PSÒM RÉPONS

Ps 16, 1. 2-3. 6-7 (R: 6 b)

R: Panché zòrèy ou sou mouin, kouté paròl mouin yo.

- 1 Kouté jistis mouin, Granmèt,
panché sou priyè-m.
Paré zòrèy ou nan priyè-m,
sé pa ak bouch manti m-ap fè-l. R:
- 2 Sé pou jijman-m nan soti nan fas ou ;
sé pou jé-ou ouè sa ki douat yo.
- 3 Sondé kè-m, vizité-l nan nuit ;
éséyé-m avèk difé, ou pap jouinn méchansté nan mouin. R:
- 6 Mouin minm sé koté-ou mouin rélé, paské ou kouté-m, Bondié ;
panché zòrèy ou sou mouin, kouté paròl mouin yo.
- 7 Fè mèvèy mizérikòd ou yo parèt,
ou minm ki sovè moun ki éspéré nan ou yo anba sa k-ap ataké yo,
nan min douat ou. R:

ALÉLOUYA

Mk 10, 45

℞ Alélouya. Pitit moun nan vini pou-l sèvi,
pou-l bay lavi-l kòm rédanmsion pou anpil moun. ℞ Alélouya.

ÉVANJIL

Sa-a ki pi piti nan pami nou tout la, sé li minm ki pi gran.

✚ Léktu sint Évanjil la dapré Luk

9, 46-50

Lè sa-a :

Disip yo t-ap fè diskision : kilès nan yo ki pi gran.

Jézu minm ouè kalkil kè yo, li pran yon ti moun, li fè-l kanpé bò koté-l, li di yo : « Tout moun ki résévoua ti pitit sa-a o non-m, sé mouin minm li résévoua ; épi tout moun ki résévoua-m, li résévoua sa-a ki voyé-m nan. Réyèlman, sa-a ki pi piti nan pami nou-tout la, sé li minm ki pi gran ».

Jan minm pran laparòl, li di : « Mèt, nou té ouè yon moun ki t-ap chasé démon yo o non-ou, nou té anpéché-l, paské li pa t-ap suiv avèk nou ».

Jézu minm di-l : « Pa anpéché-l ; paské moun ki pa kont nou, sé pou nou li yé ».

Paròl Granmèt la.

Madi

Ané 1

PRÉMIÉ LÉKTU

*Anpil pèp ap vini pou yo chèché Granmèt la
nan Jérusalèm.*

Léktu liv profèt Zakari

8, 20-23

Min paròl Granmèt lamé yo :

« Pèp yo ap vi-n soti byin louin, yo minm ki abité nan anpil vil yo, youn apral kot lòt, y-ap di : “An-al priyé fas Granmèt la, an-al chèché Granmèt lamé yo ; antouka, mouin minm m-apralé”. Anpil pèp ap vini, ak nasion ki gin pouvoua, pou yo chèché Granmèt lamé yo nan Jérusalèm, épi pou yo priyé fas Granmèt la ».

Min paròl Granmèt lamé yo :

« Jou sa yo, dis moun ap soti nan tout lang nasion yo, y-ap kinbé fil rad yon Juif, y-ap di : “N-apral avèk nou, n-ap kouté nou, paské Bondié avèk nou” ».

Paròl Granmèt la.

PSÒM RÉPONS

Ps 86, 1-3. 4-5. 6-7 (R: Zak 8, 23)

R: Bondié avèk nou.

- 1 Fondation-l yo sou mòn yo ki sin yo ;
- 2 Granmèt la rinmin pòt Siyon yo
pasé tout tant Jakòb yo.
- 3 Y-ap di bèl bagay sou ou, vil Bondié-a. R:
- 4 M-ap sonjé Raab ak Babilòn pami sa yo ki konnin-m yo ;
min Filisti ak Tir avèk Étiopi,
sa yo fèt isit la.
- 5 Sou Siyon, y-ap di : « Sa-a ak sa-a fèt ladan-l,
Sa-a ki anro nèt la rann li fèm ». R:
- 6 Granmèt la ékri nan liv pèp yo :
« Sa yo fèt isit la ».
- 7 Y-ap chanté tankou moun k-ap kondui group dans :
« Tout sous mouin yo nan ou ». R:

Ané 2

PRÉMIÉ LÉKTU

Pouki sa yo bay maléré-a limiè-a ?

Léktu liv Jòb

3, 1-3. 11-17. 20-23

Jòb louvri bouch li, li madichonnin jou-l, li di :

« Sé pou jou koté mouin fèt la péri, ni nuit la koté yo té di : “Li ansint yon moun”. Pouki sa mouin pa-t mouri nan vant ? Pouki sa mouin pa-t mouri minm lè mouin té soti nan vant la ? Pouki sa yo té résévoua-m sou jénou ? Pouki sa yo té ban-m bouè lèt nan tété ?

Koulié-a minm mouin t-a dòmi nan silans, mouin t-a répozé nan somèy mouin ansanm avèk roua yo ak chèf tè-a, yo minm ki té bati

moniman pou yo, oubyin ansanm avèk chèf yo ki posédé lò, ki plin kay yo avèk lajan ; oubyin tankou ti bébé ki avòté-a, ki kaché, ki pa réyisi viv la, oubyin sa manman-l ansint li min ki pa ouè limiè-a. Koté sa-a méchan yo sispann fè boui, sé la moun ki manké fòs yo répozé.

Pouki sa yo bay maléré-a limiè-a, yo bay moun ki nan lapinn yo lavi ? Yo minm k-ap tann lanmò-a, épi li pa vini, tankou moun k-ap fouyé trézò, yo fè kè yo kontan anpil lè yo jouinn kavo-a. Moun sa-a, chémin-l kaché, Bondié vlopé-l avèk fènoua ? »

Paròl Grammèt la.

PSÒM RÉPONS

Ps 87, 2-3. 4-5. 6. 7-8 (R: 3 a)

- R: Sé pou priyè-m nan antré dévan fas ou, Grammèt.
- 2 Grammèt, Bondié sovè mouin,
lajounin mouin rélé, ni nannuit dévan-ou.
- 3 Sé pou priyè-m nan antré dévan fas ou,
panché zòrèy ou nan diréksion priyè-m nan. R:
- 4 Paské nanm mouin plin malè,
lavi-m ap proche anba tè-a.
- 5 Mouin tankou moun k-ap désann nan fos,
mouin vi-n tankou yon moun ki san sékou. R:
- 6 Sé nan pami mò yo kabann mouin yé,
tankou moun ki mouri yo, k-ap dòmi nan kavo yo ;
yo minm yo pa sonjé yo ankò,
yo minm ou ouété sot nan min-ou. R:
- 7 Ou mété-m nan fos anba tè-a,
nan fènoua yo ak nan lonbraj lanmò-a.
- 8 Sou mouin kòlè-ou la pézé,
tout lanm ou yo vlopé-m. R:

ALÉLOUYA

Mk 10, 45

- R: Alélouya. Pitit moun nan vini pou-l sèvi,
pou-l bay lavi-l kòm rédanmsion pou anpil moun. R: Alélouya.

ÉVANJIL

Li maré mi-n li, pou-l monté Jérusalèm.

✠ **Léktu sint Évanjil la dapré Luk** **9, 51-56**

Lè jou yo rivé pou yo pran Jézu, li maré mi-n li pou-l monté Jérusalèm. Li voyé mèsajé dévan-l, y-alé yo antré nan yon vil Samaritin yo pou yo paré manjé pou li. Min yo pa résévoua yo, paské fas li té bay nan diréksion Jérusalèm.

Lè disip li yo, Jak avèk Jan, ouè sa, yo di : « Granmèt, èské ou vlé pou nou di difé désann sot nan sièl la pou-l boulé yo ? »

Li viré, li fè yo obsèvasion, li di : « Nou pa konnin ki éspri nou ginyin. Pitit moun nan pa vini pou-l touyé, min pou-l sové ».

Y-alé nan yon lòt vil.

Paròl Granmèt la.

Mèkrédi

Ané 1

PRÉMIÉ LÉKTU

*Si roua-a ouè sa bon, li mèt voyé-m nan vil papa-m nan,
pou-m bati-l.*

Léktu liv Néémi **2, 1-8**

Rivé nan moua Nisan, vintièm ané roua Artaksèrsès, divin-an té dévan-l, épi mouin minm Néémi, mouin lévé divin-an, mouin bay roua-a. Mouin té chagrin dévan fas li.

Roua-a di-m : « Pouki sa fas ou tris konsa-a, paské mouin pa ouè ou malad ? sé pa pou granmési ; min gin yon maladi, mouin konn kisa, nan kè-ou ».

Mouin té pè anpil, épi mouin di roua-a : « Mon roua, sé pou-ou viv tout tan ! Kòman pou fas mouin pa t-a nan lapinn, paské vil kay tonbo papa mouin-an vidé, pòt li yo boulé nan difé ? »

Roua-a di-m : « Pou ki bagay ou vlé mandé ? »

Mouin priyé Bondié sièl la, mouin di roua-a : « Si roua-a ouè sa bon, si sèvitè-ou fè-ou plézi dévan fas ou, voyé-m nan péyi Judé ak nan vil tonbo papa mouin-an, épi m-a bati-l ».

Roua-a ak rèn nan ki té chita koté-l la, yo di-m : « Jouskilè vouayaj ou-a ap diré, épi kilè ou-ap tounin ? » Sa fè roua-a plézi, li voyé-m. Mouin fiské tan-an pou li.

Mouin di roua-a : « Si roua-a ouè sa bon, sé pou-l ban-m lèt pou chèf réjion lòt bò riviè-a, pou yo kondui-m jous mouin rivé nan Judé ; ansanm avèk yon lèt pou Asaf, gadyin rak boua roua-a, pou-l ban-m boua pou-m kapab kouvri pòt sitadèl la, ak miray vil la, ak kay la koté m-apral antré-a ». Roua-a ban mouin yo, min Bondié té avèk mouin.

Paròl Granmèt la.

PSÒM RÉPONS

Ps 136, 1-2. 3. 4-5. 6 (R : 6 a)

R: Sé pou lang mouin kolé nan palèt mouin, si-m pa sonjé-ou.

- 1 Sou bò gran riviè Babilòn yo,
sé la nou té chita épi nou t-ap kriyé,
pandan nou t-ap sonjé Siyon.
- 2 Nan pié banbou nan mitan-l yo,
nou té pandié gita nou yo. R:
- 3 Paské sé la sa yo ki té fè nou prizonié yo
té mandé nou paròl kantik,
épi sa yo k-ap pèsékité nou yo,
kè kontan :
« Chanté pou nou nan kantik Siyon yo ». R:
- 4 Kijan pou nou t-a chanté kantik Granmèt la
nan tè étranjé ?
- 5 Si-m bliyé-ou, Jérusalèm,
sé pou min douat mouin bliyé-m. R:
- 6 Sé pou lang mouin kolé nan palèt mouin,
si-m pa sonjé-ou,
si-m pa mété Jérusalèm
nan sous kè kontan-m. R:

Ané 2

PRÉMIÉ LÉKTU

Moun pa gin rézon, si-l vlé plédé avèk Bondié.

Léktu liv Jòb

9, 1-12. 14-16

Jòb réponn zanmi-l yo, li di :

« Réyéلمان mouin konnin sé konsa : moun pa gin rézon, si-l vlé plédé avèk Bondié. Si-l vlé fè diskision avèk li, li pap kapab réponn li youn pou mil. Li saj nan kè, li fò nan puisans. Ki moun ki rézisté-l épi ki gin lapè ? Li minm ki déplasé mòn yo, é moun yo li sakajé yo nan kòlè-l la, yo pa konn sa ; li minm ki souké tè-a sot nan plas li-a, kòlòn li yo tranblé ; li minm ki pasé solèy la lòd, épi li pa lévé, li fèmin zétoual yo tankou ak yon so ; li minm ki déplouayé sièl yo pou kont li, ki maché sou lanm lanmè-a, li minm ki fè Arkturus, Orion, Yad yo avèk chanb nan sud yo, li minm ki fè mèvèy ki gran, yo pa kapab konprann, yo pa kapab konté.

Si-l vi-n koté-m, mouin pap ouè-l ; si-l pati, mouin pap konprann. Si yon moman li pozé késion, ki moun k-ap réponn li ? oubyin ki moun ki kapab di : “Pouki sa ou fè konsa-a ?” Ki sa-m yé konsa-a mouin minm, pou-m réponn li-a, pou-m palé paròl mouin yo avèk li ?

Minm si-m t-a gin kichòy ki ban-m rézon, mouin pap réponn, min m-ap priyé jij mouin-an. Épi, lè-m priyé-a, si-l tandé-m, mouin pa kouè l-ap kouté voua-m ».

Paròl Granmèt la.

PSÒM RÉPONS

Ps 87, 10 bc-11. 12-13. 14-15 (R : 3 a)

R : Sé pou priyé-m nan antré dévan fas ou, Granmèt.

¹⁰ Mouin rélé koté-ou, Granmèt, tout jounin,
mouin lonjé min-m koté-ou.

¹¹ Èské pou mò yo ou fè mèvèy,
oubyin lonbraj yo lévé épi yo fè louanj ou. R

¹² Èské yon moun nan kavo-a rakonté mizérikòd ou-a,
oubyin vérité-ou la nan koté yo pèdi-a ?

¹³ Èské yo konnin mèvèy ou yo nan fènoua yo,
ak jistis ou nan tè yo bliyé-a ? R

- ¹⁴ Mouin minm, sé koté-ou, Granmèt, mouin rélé,
granmatin priyè-m rivé koté-ou.
- ¹⁵ Pouki sa, Granmèt, ou répousé nanm mouin-an,
ou kaché fas ou louin-m ? **R:**

ALÉLOUYA**Fil 3, 8-9**

R: Alélouya. Mouin konsidéré tout bagay kòm fatra,
mouin gadé yo kòm débri,
pou-m jouinn avantaj mouin nan Kris la,
pou yo jouinn mouin nan li. **R:** Alélouya.

ÉVANJIL*M-ap suiv ou tout koté ou-apralé.***✠ Léktu sint Évanjil la dapré Luk****9, 57-62**

Lè sa-a :

Jézu t-ap maché ansanm avèk disip li yo sou rout la, gin yon moun ki di-l : « M-ap suiv ou tout koté ou-apralé ».

Jézu di-l : « Réna yo gin trou yo, zouazo sièl yo gin nich yo ; Pitit moun nan minm pa gin koté pou-l apiyé tèt li ».

Li di yon lòt : « Suiv mouin ». Sa-a minm di : « Granmèt, pèmèt mouin al antéré papa-m anvan ».

Jézu di-l : « Kité mò yo antéré mò pa yo ; kanta ou minm alé, épi anonsé péyi-roua Bondié-a ».

Yon lòt di : « M-ap suiv ou, Granmèt, min pèmèt mouin al avèti moun lakay mouin yo anvan ». Jézu di-l : « Pèsonn ki mét min nan charu-a épi k-ap gadé dèyè pa mérité péyi-roua Bondié-a ».

Paròl Granmèt la.

Jédi

Ané 1

PRÉMIÉ LÉKTU

Ésdras louvri liv laloua-a, li fè konpliman pou Granmèt la, tout pèp la réponn : Amèn, amèn.

Léktu liv Néémi

8, 1-4 a. 5-6. 7 b-12

Jou sa yo :

Tout pèp la rasanblé tankou yon sèl moun sou laplas la ki dévan pòtay dlo yo, skrib yo di Ésdras pou-l poté liv laloua Moyiz la, sa Granmèt la té kòmandé bay Israèl la. Prèt Ésdras poté Liv laloua-a vré dévan foul gason yo ak fi yo, ak tout moun ki té kapab konprann, nan premié jou moua séptanb nan. Li li ladan-l, avèk yon voua byin klè, sou laplas la ki té dévan pòt dlo yo, dépi nan matin jouska midi, dévan gason yo ak fi yo ak saj yo ; zòrèy tout pèp la té drésé nan direksion liv la.

Ésdras, skrib la, té kanpé sou yon éstrad an boua, yo té fè pou-l kapab palé. Ésdras louvri liv la dévan tout pèp la (li té dépasé rotè tout pèp la nèt) ; kon-l louvri-l, tout pèp la kanpé. Ésdras fè konpliman pou Granmèt Bondié ki gran-an, tout pèp la réponn : « Amèn, Amèn », antan y-ap lévé min yo. Yo plouayé kò yo, yo adoré Bondié, plat atè. Lévit yo fè pèp la fè silans pou-l kouté laloua-a. Pèp la minm té kanpé nan plas li. Yo li nan liv Laloua Bondié-a yon jan ki pozé, yon jan ki klè pou moun kapab konprann ; yo konprann pandan y-ap li-a.

Néémi (sa vlé di Atèrsata) avèk Ésdras, prèt la ak skrib la, ak mésié nan ras Lévi yo, yo t-ap éspliké tout pèp la : « Sé yon jou ki sin pou Granmèt Bondié nou-an : pa pran chagrin, pa kriyé ». Sèké tout pèp la t-ap kriyé, lè-l tandé paròl laloua-a.

Li di yo : « Alé, manjé bon viann, bouè bon divin, voyé pòsion bay moun ki pa-t paré manjé ; paské jou Granmèt sa-a sin. Pa rét tris : kè kontan Granmèt la sé fòs nou ».

Lévit yo minm t-ap fè tout pèp la fè silans, yo t-ap di : « Pé bouch nou, paské jou sa-a sin, pa pran lapinn ».

Konsa tout pèp la pati, pou-l manjé, pou-l bouè, pou-l mét pòsion apa, pou-l fè kè-l kontan, paské yo té konprann paròl yo té anségné yo-a.

Paròl Granmèt la.

PSÒM RÉPONS

Ps 18, 8. 9. 10. 11 (R : 9 a)

- R: Jistis Granmèt la douat, li fè kè yo kontan.
- 8 Laloua Granmèt la san tach, li réfè nanm,
témouagnaj Granmèt la fidèl, li bay ti moun yo sajès. R
- 9 Jistis Granmèt la douat, li fè kè yo kontan,
kòmandman Granmèt la klèl, li kléré jé yo. R
- 10 Krint Granmèt la nèt, li diré pou tout tan gin tan,
jijman Granmèt la yo vré, yo kòrèk yo tout ansanm. R
- 11 Yo pi chè pasé lò, ak bijou ki gin anpil pri,
yo pi dous pasé mièl, ak réyon mièl k-ap koulé. R

Ané 2**PRÉMIÉ LÉKTU***Mouin konnin Rédanmtè-m nan, li vivan.***Léktu liv Jòb**

19, 21-27

Jòb di :

« Pran pitié pou mouin, pran pitié pou mouin, omouin nou minm, zanmi-m yo, paské min Granmèt la touché-m. Pouki sa n-ap pèsékité-m nan tankou Bondié, épi n-ap plin vant nou ak chè-m yo ? Ki moun ki t-a fè-m favè pou yo ékri paròl mouin yo ? Ki moun ki t-a ban-m posibilite pou yo gravé nan liv avèk yon kréyon fè, avèk yon lam an plon oubyin sizo afoua, pou yo t-a maké nan ròch ki di-a ? Mouin konnin réyèlman Rédanmtè-m nan, li vivan, nan dènié jou-a m-ap lévé sot anba tè-a. M-ap vlopé ak po-m ankò, épi nan chè-m m-ap ouè Bondié-m nan. Sa-a m-ap ouè mouin minm nan, sé ak jé-m m-ap gadé-l, sé pa yon lòt : éspérans sa-a pozé nan zantray mouin ».

Paròl Granmèt la.

PSÒM RÉPONS

Ps 26, 7-8 a. 8 b-9 abc. 13-14 (R : 13)

- R: Mouin kouè m-ap ouè byin Granmèt la nan tè vivan yo.
- 7 Granmèt, kouté voua-m k-ap rélé,
pitié pou mouin, kouté-m.
- 8 Sé sou ou kè-m di : « Chèché fas li ». R

- Sé fas ou, Granmèt, m-ap chèché.
 9 Pa viré fas ou louin-m,
 nan kolè-ou, pa viré do bay sèvitè-ou la.
 Sé sékou-m ou yé, pa lagé-m. **R**
- 13 Mouin kouè m-ap ouè byin Granmèt la nan péyi vivan yo.
 14 Tann Granmèt la, aji avèk kouraj,
 asiré kè-ou, sé pou-ou tann Granmèt la. **R**

ALÉLOUYA

Mk 1, 15

R Alélouya. Péyi-roua Bondié-a proché,
 fè pénitans, kouè nan Bòn Nouvèl la. **R** Alélouya.

ÉVANJIL

Lapè nou-an ap pozé sou li.

✠ Léktu sint Évanjil la dapré Luk

10, 1-12

Lè sa-a :

Granmèt la chouazi souasandouz lòt ; li voyé yo dé pa dé dévan-l nan tout vil ak bouk koté li té gin pou-l alé.

Li t-ap di yo : « Rékòlt la anpil, min ouvriyé yo sé yon ti kras yo yé. Priyé Granmèt rékòlt la, pou-l voyé ouvriyé nan rékòlt li. Alé : min mouin voyé nou tankou mouton nan pami lou. Pa poté sak, ni bous, ni sapat, pa salué pèsònn nan chémin.

Nan ninpòt kay nou antré, kòmansé di : “Lapè pou kay sa-a” ; si gin yon pitit lapè la, lapè nou-an ap pozé sou li ; otréman, l-ap tounin vi-n jouinn nou. Rété nan minm kay sa-a, manjé, bouè sa yo ginyin ; paské ouvriyé-a mérité salè-l.

Pa travèsé sot nan kay al nan kay. Nan ninpòt ki vil nou antré, épi yo résévoua nou, manjé sa yo poté ba nou, géri malad yo ki nan vil la, di yo : “Péyi-roua Bondié-a tou pré nou”.

Min nan ninpòt ki vil tou nou antré, épi yo pa résévoua nou, soti sou laplas li yo, épi di : “Minm pousiè, ki té kolé sou nou nan vil nou-an, nou kité-l pou nou ; sèlman aprann sa, péyi-roua Bondié-a tou pré”. Mouin di nou Sodòm ap jouinn plis padon jou sa-a pasé vil sa-a ».

Paròl Granmèt la.

Vandrédi

Ané 1

PRÉMIÉ LÉKTU

Nou fè péché dévan Granmèt la épi nou pa kouè.

Léktu liv profèt Baruk

1, 15-22

Jistis la sé pou Granmèt Bondié nou-an, pou nou minm sé laront nan fas nou, jan sa yé jodi-a, pou tout Judé-a ak moun ki abité Jérusalèm, pou roua nou yo ak chèf nou yo, pou prèt nou yo ak profèt nou yo ak papa nou yo. Nou fè péché dévan Granmèt Bondié nou-an, nou pa-t kouè, nou té ouété lafoua nou nan li ; nou pa-t obéyi-l, nou pa-t kouté voua Granmèt Bondié nou-an, pou nou té maché nan kòmandman-l yo, sa-l té ba nou-an.

Dépi jou li té kondui papa nou yo sot nan péyi Éjip la, jous jodi-a, nou té fè rébèl ak Granmèt Bondié nou, nou viré do ba li, nou gayé, nou pa kouté voua-l ; anpil malè ak madichon kolé sou nou, sa Granmèt la té fikse bay Moyiz sèvitè-l la, ki té kondui papa nou yo sot nan péyi Éjip la pou-l ba nou péyi-a koté lèt ak mièl ap koulé-a, jan sa fèt jodi-a. Nou pa-t kouté voua Granmèt Bondié nou dapré tout paròl profèt yo li té voyé ba nou yo, épi nou pati, chak moun nan sans mové kè nou-an, pou nou aji pou dié étranjé yo, antan n-ap fè sa-k mal dévan jé Granmèt Bondié nou-an.

Paròl Granmèt la.

PSÒM RÉPONS

Ps 78, 1-2. 3-5. 8. 9. (R: 9 b)

R: Poutèt gloua non-ou, Granmèt, libéré nou.

- 1 Bondié, nasion yo rivé nan éritaj ou-a,
yo sal tanp ou-a ki sin-an,
yo fè Jérusalèm tounin débri.
- 2 Yo rinmèt kadav sèvitè-ou yo kòm manjé bay zouazo sièl yo,
chè sin-ou yo bay bèt tè yo. R:
- 3 Yo vidé san yo tankou dlo
alantou Jérusalèm, pa gin pèsòn pou antéré.
- 4 Nou sèvi laront pou vouazin nou yo,
yo pasé nou nan jouèt, yo pran plézi sou do nou,
sa yo ki entouré nou yo.

- 5 Jouskilè, Granmèt ? Èské ou-ap faché pou tout tan ?
Èské jalouzi-ou la ap flanbé tankou difé ? **R:**
- 8 Pa sonjé méchansté papa nou yo,
dépéché-ou, fè mizérikòd ou-a pran dévan nou,
paské nou vi-n pòv anpil. **R:**
- 9 Édé nou, Bondié sovè nou,
poutèt gloua non-ou, épi libéré nou ;
padonnin péché nou yo poutèt kòz non-ou. **R:**

Ané 2

PRÉMIÉ LÉKTU

Èské ou pasé matin-an lòd, èské ou antré nan fon lanmè-a ?

Léktu liv Jòb

38, 1. 12-21 ; 40, 3-5

Antan-l nan loraj la, Granmèt la minm réponn Jòb, li di :

« Èské dépi-ou fèt, ou té pasé matin-an lòd, ou té montré dévan jou-a koté pou-l fè ? Èské ou té kinbé bout tè-a ak min-ou pou-ou souké-l, pou-ou chasé méchan yo sot nan li ? Li vi-n tounin tankou labou pou mété mak so-a, li kanpé tankou yon rad : limiè méchan-an soti nan li, bra ki té ro-a vi-n krazé.

Èské ou antré nan fon lanmè-a, èské ou prominnin nan dènié bout bafon anba-a ? Èské pòt lanmò yo té louvri ba ou, èské ou té ouè pòtay fènoua yo ? Èské ou té égzaminé lajè tè-a ? Montré-m tout bagay, si-ou konnin.

Nan ki rout limiè-a abité, épi ki koté fènoua yo rété ; pou-ou kondui yo chak nan bout chémin yo, pou-ou konprann tras rout lakay li. Èské ou té konnin ki lè ou t-ap fèt, èské ou té konnin konbyin jou ou t-ap viv ? »

Jòb minm réponn Granmèt la, li di : « Mouin minm ki palé san konsidérasion, ki sa pou-m réponn ? Sé min-m mouin pozé sou bouch mouin. Yon sèl bagay mouin di : pito-m pa-t di anyin ! épi yon lòt : mouin pap ajouté anyin ankò ».

Paròl Granmèt la.

PSÒM RÉPONS

Ps 138, 1-3. 7-8. 9-10. 13-14 ab (**R:** 24 b)

R: Kondui-m, Granmèt sou rout tout tan-an.

- 1 Granmèt, ou sondé-m, ou kondui-m,
 2 ou konnin chita-m ak lévé-m.
 Ou konprann pansé-m dépi byin louin,
 3 tras rout mouin ak kouché-m, ou égzaminé yo.
 Tout rout mouin yo, ou ouè yo byin klè. **R:**
- 7 Ki koté pou-m alé louin éspri-ou,
 ki koté pou-m sové kò-m louin fas ou ?
 8 Si-m monté nan sièl, ou la ;
 si-m désann anba tè, ou prézan. **R:**
- 9 Si-m pran zèl dévan-jou
 m-al abité nan fon lanmè,
 10 minm la, min-ou ap kondui-m,
 min douat ou ap kinbé-m. **R:**
- 13 Paské sé ou minm ki té fòmé rin-m,
 ou té tréyé-m nan vant manman-m.
 14 M-ap fè louanj ou, paské ou fòmé-m yon fason éstraòdinè,
 aksion-ou yo éstraòdinè. **R:**

ALÉLOUYA

Cf. Ps 94, 8 ab

R: Alélouya. Jodi-a, pa fèmin kè nou,
 min kouté voua Granmèt la. **R:** Alélouya.

ÉVANJIL

*Moun ki méprizé-m,
 li méprizé sila-a ki voyé-m nan.*

✠ Léktu sint Évanjil la dapré Luk**10, 13-16**

Lè sa-a : Jézu di :

« Ala malè pou ou, Korozayi-n ! ala malè pou ou Bétsayid ! paské, si sé té nan Tir ak Sidon mèvèy sa yo té fèt, sa-k fèt lakay nou yo, gin lontan yo t-a chita nan sak ak sann pou yo fè pénitans. Amèn, y-ap padonnin Tir ak Sidon plis pasé nou nan jou jijman-an.

Épi ou minm, Kafarnaòm, jous nan sièl la ou lévé, jous anba tè ou-ap plonjé.

Moun ki kouté nou, sé mouin minm li kouté, épi moun ki méprizé nou, sé mouin minm li méprizé. Moun ki méprizé-m minm, li méprizé sa-a ki voyé-m nan ».

Paròl Granmèt la.

Samdi

Ané 1

PRÉMIÉ LÉKTU

*Sa-a ki té mété nou nan malè-a,
l-ap kondui nou nan kè kontan-an ankò.*

Léktu liv profèt Baruk

4, 5-12. 27-29

Pran kouraj, pèp Bondié, Israèl yo sonjé-a : si yo té vann nou nan nasion yo, sé pa pou nou té kapab détoui ; min sé paské nou té provoké Bondié nan kòlè jous li faché, li rinmèt nou bay ènmi yo ; nou té éksité-l nèt, li minm ki fè nou-an, Bondié tout tan-an, antan nou ofri sakrifis bay démon yo antan nou pa ofri bay Bondié ; nou bliyé Bondié, li minm ki ba nou manjé ; nou fè nouris nou, Jérusalèm, lapinn.

Li ouè kòlè-a k-ap vi-n sot nan Bondié pou-l rivé sou nou, li di : « Kouté, limit Siyon yo, Bondié fè yon gran dèy tonbé sou mouin ; sèké mouin ouè pèp mouin-an ki pati an-égzil, kòm prizonié, ni pitit gason-m yo ni pitit fi-m yo, sé Sa-a ki égzisté tout tan-an ki kondui yo ; sèké mouin té nouri yo avèk kè kontan, mouin bliyé kité yo pati avèk dlo nan jé-m.

Pèsònn pa bézouin fè fèt sou do-m paské mouin vèv, mouin pou kont mouin ; yo tout pati kité-m, poutèt péché pitit mouin yo, paské yo viré do bay laloua Bondié-a.

Pran kouraj, pitit yo, rélé kot Granmèt la ; souvni nou ap rété nan kè sa-a ki té kondui nou-an. Minm jan éspri nou té fè nou viré do bay Bondié-a, konsa dis fous plis sé pou nou tounin ankò pou nou chèché-l ; sèké sa-a ki té fè malè-a rivé sou nou-an, sé li minm tou ankò k-ap fè kè kontan tout tan-an rivé sou nou avèk sovè li sovè nou-an ».

Paròl Granmèt la.

PSÒM RÉPONS

Ps 68, 33-35. 36-37 (R: 34 a)

- R: Granmèt la kouté pòv yo.
- 33 Pòv yo ap ouè, y-ap kontan ;
chèché Bondié, sé pou kè nou viv.
- 34 Paské Granmèt la kouté pòv yo,
li pa méprizé prizonié-l yo.
- 35 Sièl la ak tè-a ap fè louanj li,
lanmè-a ak tout bèt ki ladan-l. R:
- 36 Paské Bondié ap sové Siyon,
l-ap bati vil Juda yo ;
y-ap abité la, y-ap posédé-l.
- 37 Ras sèvitè-l yo ap éritié-l,
moun ki rinmin non-l yo, y-ap abité nan li. R:

Ané 2

PRÉMIÉ LÉKTU

*Koulié-a jé-m ouè-ou.
Sé pousa mouin ouété sa-m té di-a.*

Léktu liv Jòb

42, 1-3. 5-6. 12-16

Jòb réponn Granmèt la, li di :

« Mouin konnin ou kapab pou tout bagay, pa gin okinn pansé ki kaché pou ou. Kilès sa-a ki kaché plan-ou nan, san konésans la ? Réyèlman sé san sajès mouin té palé, sé bagay ki dépasé konésans mouin nèt. Ak pròp zòrèy mouin mouin té tandé-ou ; koulié-a minm sé ak jé-m mouin ouè-ou. Sé pousa mouin minm minm mouin korijé pròp tèt mouin, mouin fè pénitans nan pay ak sann ».

Granmèt la minm béni Jòb ankò plis pasé anvan, li vi-n gin katòz mil mouton, si mil chamo, mil pè bèf, mil bourik. Li vi-n gin sèt pitit gason ak toua pitit fi, li rélé non youn Lajounin, non dézièm nan Kasia, ak non touazièm nan Kòn fè. Yo pa jouinn fi ki bèl tankou pitit fi Jòb yo sou tout tè-a ; papa yo ba yo éritaj nan pami frè yo.

Jòb viv apré sa pandan sankarantan, li ouè pitit gason-l yo ak pitit fi-l yo jous sou katriyèm jénérasyon ; li mouri vié granmoun, plin laj.

Paròl Granmèt la.

PSÒM RÉPONS

Ps 118, 66. 71. 75. 91. 125. 130 (R: 135 a)

- R: Kléré fas ou, Granmèt, sou sèvitè-ou la.
- 66 Bon kè, ladrès ak sians, aprann mouin sa,
paské mouin kouè nan lòd ou yo. R:
- 71 Sa bon pou mouin poutèt mouin té umilié,
pou-m aprann désizion-ou yo. R:
- 75 Mouin konnin, Granmèt, jijman-ou yo kòrèk,
sé nan vérité ou té umilié-m. R:
- 91 Dapré jijman-ou yo yo diré jodi-a,
paské tout bagay sèvi-ou. R:
- 125 Sé sèvitè-ou mouin yé ;
ban-m intéljans, pou-m konnin témouagnaj ou yo. R:
- 130 Déklarasion paròl ou yo kléré,
li bay ti moun yo intéljans. R:

ALÉLOUYA

Cf. Mt 11, 25

R: Alélouya. Konpliman pou ou, Papa, Granmèt sièl la ak tè-a,
paské ou révéle mistè péyi roua-ou la bay ti moun yo. R: Alélouya.

ÉVANJIL

Fè kè nou kontan paské non nou ékri nan sièl yo.

✠ Léktu sint Évanjil la dapré Luk

10, 17-24

Lè sa-a :

Souasanndouz yo tounin avèk kè kontan, y-ap di : « Granmèt, minm démon yo, yo obéyi nou o non-ou ».

Li di yo : « Mouin té ouè Satan tankou zéklè ki t-ap tonbé sot nan sièl la. Min mouin ba nou pouvoua pou nou maché sou sèpan ak skòpion ak sou tout puisans ènmi-an, épi anyin pap fè nou sa-k mal. Sèlman sé pa poua pou nou fè kè nou kontan, poutèt éspri yo obéyi nou-an ; sé pou nou fè kè nou kontan pito paské non nou ékri nan sièl la ».

Lè sa-a minm li trésayi nan Éspri Sin-an, li di : « Mouin fè konpliman pou ou, Papa, Granmèt sièl la ak tè-a, paské ou té kaché bagay sa yo pou savan yo ak intéljan yo, épi ou té révéle yo bay sa ki tou piti yo. Oui,

Papa, sé konsa sa té fè-ou plézi. Papa-m rinmèt mouin tout bagay. Pèsònn pa konnin sa Pitit la yé, sof Papa-a, épi sa Papa-a yé, sof Pitit la ak moun Pitit la vlé révéle sa ».

Li viré kot disip li yo, li di : « Ala kontantman pou jé yo ki ouè sa n-ap ouè yo ; paské mouin di nou anpil profèt ak roua té vlé ouè sa n-ap ouè yo, min yo pa-t ouè-l, épi tandé sa n-ap tandé yo, min yo pa-t tandé yo ».

Paròl Granmèt la.

VINNSÉTIÈM SÉMÈN ÒDINÈ

Dimanch, ané A

PRÉMIÉ LÉKTU

Pié rézin Granmèt lamé yo sé kay Israèl la.

Léktu liv profèt Izayi

5, 1-7

M-ap chanté pou zanmi-m nan kantik kouzin-m nan pou pié rézin-l nan :

Zanmi-m nan té gin yon pié rézin sou yon mòn ki gra. Li baré-l ak yon lantouraj, li rétiré ròch yo sot ladan-l, li planté-l ak plan ki byin chouazi, li bati yon kay ro nan mitan-l, li fouyé yon basin pou foulé rézin ladan-l, li t-ap tann pou-l fè bon grinn rézin, min sé grinn rabi li bay.

Koulié-a, konsa, moun yo ki abité Jérusalèm yo ak moun Juda yo, sèvi jij ant mouin minm ak pié rézin-m nan. Ki sa mouin té gin pou-m té fè ankò pou pié rézin-m nan épi mouin pa-t fè pou li ? Pouki sa mouin t-ap tann pou-l fè bon grinn rézin yo, épi li fè grinn rabi yo ?

Koulié-a m-ap montré nou ki sa m-ap fè pié rézin-m nan : m-ap ouété bariè-l la, pou yo piyé-l ; m-ap jété miray li-a, y-ap foulé-l anba pié, m-ap fè-l vi-n tounin yon dézè ; yo pap tayé-l, yo pap saklé-l, sé rajé ak pikan k-ap pousé, m-ap passé niaj yo lòd pou yo pa fè lapli tonbé sou li.

Ébyin pié rézin Granmèt lamé yo, sé kay Israèl la, épi moun Juda-a sé plan-l nan li rinmin anpil la : mouin t-ap tann pou-l té fè sa ki douat, min sé péché ; jistis, min sé rèl.

Paròl Granmèt la.

PSÒM RÉPONS

Ps 79, 9 é 12. 13-14. 15-16. 19-20 (R: Iz 5, 7 a)

R: Pié rézin Granmèt la, sé kay Israèl la.

9 Ou té transplanté pié rézin-an sot Éjip,
ou té chasé nasion yo, ou té planté-l ;

12 li té lonjé branch li yo jous nan diréksion lanmè-a,
ak boujon-l yo jous nan diréksion gran riviè-a. **R:**

13 Pouki sa ou krazé miray li-a,
épi tout moun k-ap passé sou chémin-an ap kéyi grinn li yo ?

- 14 Kochon maron ki nan rak boua-a fini avèk li,
tout bèt sovaj manjé-l. **R**
- 15 Bondié lamé yo, viré ;
gadé antan-ou nan sièl la, pou-ou ouè, vizité pié rézin sa-a.
- 16 Voyé jé sou li, li minm min douat-ou té planté-a,
ak sou pitit moun nan ou té asiré pou ou-a. **R**
- 19 Nou pap viré do ba ou, ou-a ba nou lavi,
n-ap rélé non-ou.
- 20 Granmèt Bondié lamé yo, fè nou tounin,
kléré fas ou, n-a sové. **R**

DÉZIÈM LÉKTU

Fè sa, Bondié lapè-a ap avèk nou.

Léktu lèt apot sin Pòl pou Filipyin yo

4, 6-9

Frè-m yo :

Pa chajé tèt nou ak anyin ; min nan tout kalité priyè ak démann, antan n-ap di Bondié mèsi, sé pou nou fè Bondié konnin sa nou bezouin, épi lapè Bondié-a, ki dépasé tou sa nou kapab santi, sé pou-l kinbé kè nou ak intélizans nou yo nan Kris Jézu.

Pou rèl la, frè-m yo, tou sa-k vré, tou sa-k pròp, tou sa-k kòrèk, tou sa-k sin, tou sa-k mérité rinmin, tou sa-k gin bon rénomé, si gin yon bon kalité, si gin yon bagay ki mérité louanj, sé bagay sa yo pou nou kalkilé. Sa nou té aprann nan min-m, sa nou té résévoua, sa nou té tandé, sa nou té ouè nan mouin, sé sa pou nou fè ; konsa Bondié lapè-a ap avèk nou.

Paròl Granmèt la.

ALÉLOUYA

Cf. Jan 15, 16

R Alélouya. Sé mouin minm ki chouazi nou sot sou tè-a, pou nou alé,
pou nou poté foui, épi pou frui nou-an diré, sé sa Granmèt la di. **R**
Alélouya.

ÉVANJIL

L-ap loué dèt kiltivatè pié rézin-l nan.

✠ Léktu sint Évanjil la dapré Matié

21, 33-43

Lè sa-a : Jézu di chèf prèt yo ak ansyin yo nan pèp la :

« Kouté yon lòt parabòl : Té gin yon pè-d-fanmi, li té planté yon jadin rézin, li mét lantouraj toutalantou-l, li foyé nan jadin-an yon basin pou foulé rézin-an, li bati yon kay ro, li loué jadin-an bay kiltivatè yo, li pati byin louin. Lè tan foui yo t-ap proché, li voyé sèvitè-l yo kot kiltivatè yo, pou yo résévoua foui-l. Kiltivatè yo pran sèvitè-l yo, yo maltrété youn, yo touyé yon lòt, yo kalonnin yon lòt ak kout ròch. Apré sa li voyé dèt sèvitè ankò, pi plis pasé premié yo, yo fè yo minm jan.

Alafin, li voyé pròp pitit li-a koté yo, li di : “Y-a krinn pitit mouin-an”.

Kiltivatè yo minm, lè yo ouè pitit la, yo di nan kè yo : “Min éritié-a, an nou ouè, n-ap touyé-l, n-a gin éritaj li-a”. Yo pran-l, yo jété-l déyò jadin rézin-an, yo touyé-l. Lè mèt jadin rézin-an ap rivé, ki sa l-ap fè kiltivatè sa yo ? »

Yo di-l : « L-ap fè yo péri mové lanmò, l-ap loué jadin rézin-l nan bay dèt kiltivatè, k-ap rinnèt li foui-a nan sézon yo ».

Jézu di yo : « Èské nou pa-t li nan sa-k ékri yo : “Ròch la bòs mason yo réfizé-a, sé li minm ki vi-n tounin tèt kouin-an : sé nan min Granmèt la bagay sa-a fèt, sé yon bagay éstraòdinè nan jé nou ?”

Sé poua mouin di nou, y-ap ouété péyi roua Bondié-a sot nan min nou, y-ap rinnèt li nan min yon nasion k-ap fè-l donnin foui-l ».

Paròl Granmèt la.

Dimanch, ané B

PRÉMIÉ LÉKTU

Y-ap dé nan yon sèl chè.

Léktu liv Jénèz la

2, 18-24

Granmèt Bondié di :

« Li pa bon pou moun nan sèl pou kont li ; an nou fè yon èd pou li ki sanblé ak li ».

Konsa, Granmèt Bondié pran labou, li fòmé tout bèt tè-a ak tout zouazo sièl la, li minnin yo bay Adan, pou-l ouè kijan li t-ap rélé yo ; tou sa Adan rélé nan bèt vivan yo, sé non-l sa. Adan bay tout bèt vivan yo non yo, ni tout zouazo sièl la, ni tout bèt tè-a. Sèlman Adan pa-t jouinn yon èd ki sanblé ak li.

Sé pou sa Granmèt Bondié voyé yon gro dòmi lou nan Adan ; pandan l-ap dòmi, li pran youn nan kot li yo, épi li mété chè nan plas la. Ak kot la li té pran nan Adan-an, Granmèt Bondié fòmé yon madanm, li minnin-l bay Adan.

Adan di : « Sa-a koulié-a sé zo ki soti nan zo-m yo, sé chè ki soti nan chè-m : y-ap rélé sa-a fam, paské sé nan gason-an yo té pran-l. Sé pou sa mésié-a ap kité papa-l ak manman-l épi l-ap kolé kò-I kot madanm li, épi yo toulédé ap yon sèl chè ».

Paròl Granmèt la.

PSÒM RÉPONS

Ps 127, 1-2. 3. 4-5. 6 (R: cf. 5)

R: Sé pou Granmèt la béni nou tou léjou lavi nou.

¹ Ala kontantman pou tout moun ki krinn Granmèt la, k-ap maché nan chémin-l yo.

² Sé travay min-ou ou-ap manjé, ala kontantman pou ou, sa ap bon pou ou. R:

³ Madanm ou ap tankou yon pié rézin ki byin donnin sou bò lakay ou ; pitit ou yo ap tankou ti pié oliv ki fèk pousé alantou tab ou-a. R:

- 4 Sé konsa moun nan béni,
moun sa-a ki krinn Granmèt la.
- 5 Sé pou Granmèt la béni-ou antan-l nan Siyon,
sé pou-ou ouè byin Jérusalèm
touléjou lavi-ou. **R:**
- 6 Sé pou-ou ouè pitit pitit ou yo,
lapè pou Israël ! **R:**

DÉZIÈM LÉKTU

*Sa-a ki fè moun vi-n sin-an ak sa yo ki vi-n sin yo,
sé nan yon sèl yo tout soti.*

Léktu lèt pou Ébré yo

2, 9-11

Frè-m yo :

Sa-a ki té vi-n trouvé-l ti kras pi ba pasé anj yo, Jézu, nou ouè-l kouronnin avèk gloua ak konsidèrasion poutèt soufrans lanmò-a ; pou pa pouvoua gras Bondié li té gouté lanmò pou tout moun.

Sa-a tout bagay poutèt li-a épi tout bagay pa lintèmédiè-l la, li minm ki té gin pou-l minnin pakèt pitit yo nan gloua-a, li té konvnab réyèlman pou sous ki sovè yo-a té fè-l rivé apouin nèt pa lantrémiz soufrans la. Sèké sa-a k-ap fè yo vi-n sin-an épi sa yo ki vi-n sin-an sé nan yon sèl yo tout yo soti. Sé poutèt sa li pa ront rélé yo frè.

Paròl Granmèt la.

ALÉLOUYA

1 Jn 4, 12

R: Alélouya. Si nou youn rinmin lòt, Bondié rété nan nou,
épi rinmin-l nan fi-n kòrèk nèt nan nou. **R:** Alélouya.

ÉVANJIL

Sa Bondié maré ansanm, moun pa kapab séparé-l.

✠ Léktu sint Évanjil la dapré Mark

10, 2-16

Lè sa-a :

Farizyin yo proche, yo pozé Jézu késion : « Si yon mari gin doua ranvouayé madanm nan », yo t-ap tanté-l.

Min li minm li réponn, li di yo : « Ki lòd Moyiz té pasé nou ? »

Yo di : « Moyiz té pèmèt pou ékri yon biyè divòs, épi pou ranvouayé-l ».

Jézu réponn yo, li di : « Sé poutèt kè nou té di, sé pou sa li té ékri lòd sa-a pou nou-an. Min nan kòmansman kréasion-an, “sé gason ak fi Bondié té fè yo. Sé poutèt sa mésié-a ap kité papa-l ak manman-l épi I-ap kolé kò-l kot madanm li, épi yo toulédé ap yon sèl chè”. Sé pou sa yo pa dé ankò, min sé yon sèl chè yo yé. Konsa sa Bondié maré, moun pa gin doua séparé-l ».

Lè-l tounin lakay la, disip li yo pozé-l késion sou minm bagay sa-a. Li di yo : « Ninpòt moun ki ranvouayé madanm li épi ki pran yon lòt, li fè yon adiltè sou li. Épi si yon madanm ranvouayé mari-l épi li marié ak yon lòt, li fè adiltè ».

Yo té prezanté ti moun piti ba li pou-l té touché yo ; disip yo minm t-ap kouri dèyè moun yo ki t-ap vi-n prezanté yo-a. Lè Jézu ouè yo, li pa kapab sipòté sa, li di yo : « Kité ti moun yo vi-n jouinn mouin, pa anpéché yo ; sé pou sa-k sanblé ak yo péyi roua Bondié-a yé. Amèn mouin di nou, tout moun ki pa résévoua péyi roua Bondié-a tankou yon ti moun piti, li pap antré ladan-l ».

Li anbrasé yo, li pozé min sou yo, li béni yo.

Paròl Granmèt la.

oubyin pi kout

✝ Léktu sint Évanjil la dapré Mark

10, 2-12

Lè sa-a :

Farizyìn yo proché yo pozé Jézu késion : « Si yon moun gin doua ranvouayé madanm li » ; yo t-ap tanté-l.

Min li minm li réponn, li di yo : « Ki lòd Moyiz té pasé nou ? »

Yo di : « Moyiz té pèmèt pou ékri yon biyé divòs épi pou ranvouayé-l ».

Jézu réponn yo, li di : « Sé poutèt kè nou té di, sé pou sa li té ékri lòd sa-a pou nou. Min nan kòmansman kréasion-an, “sé gason ak fi Bondié té fè yo. Sé poutèt sa mésié-a ap kité papa-l ak manman-l épi l-ap kolé kò-l kot madanm li, épi yo dé-a ap yon sèl chè”. Sé pou sa yo pa dé ankò, min yon sèl chè. Konsa sa Bondié maré, moun pa gin doua séparé-l ».

Lè-l tounin lakay la, disip li yo pozé-l kèsion sou minm bagay la. Li di yo : « Ninpòt moun ki ranvouayé madanm li épi ki marié avèk yon lòt fi, li fè adiltè sou li. Épi si madanm nan ranvouayé mari-l, épi li marié ak yon lòt, li fè adiltè ».

Paròl Granmèt la.

Dimanch, ané C

PRÉMIÉ LÉKTU

Moun ki kòrèk la ap viv nan lafoua-l.

Léktu liv profèt Abakuk

1, 2-3 ; 2, 2-4

Jouskilè, Granmèt, m-ap rélé, pou-ou pa kouté ? m-ap pousé rèl koté-ou, antan m-ap sibi mové trétman, épi ou pap sovè-m ? Pouki sa ou fè-m ouè méchansté ak tray ? Pouki sa ou rét ap gadé dévastasion ak injistis dévan-m ? Pouki sa diskision ak rayisans vi-n pi fò ?

Granmèt la réponn mouin, li di : “Ékri vizion-an, éspliké-l sou adouaz, pou moun k-ap li-l la kapab li byin ; sèké vizion-an louin toujou, min l-ap parèt alafin, li pap tronpé ; si-l fè réta, tann li, paské l-ap vini sètènman, li pap mizé. Min, moun ki pa kouè-a, nanm li pap douat nan li ; moun ki kòrèk la sé nan lafoua-l l-ap viv” ».

Paròl Granmèt la.

PSÒM RÉPONS

Ps 94, 1-2. 6-7. 8-9 (R : 8)

R Pito jodi-a nou tandé voua Granmèt la :
« Pa fèmin kè nou ».

- 1 Vini, an nou fété pou Granmèt la ;
an nou bat bravo pou Bondié sovè nou.
- 2 An nou proché dévan fas li avèk louanj,
avèk kantik an nou bat bravo pou li. R
- 6 Vini, an nou adoré-l, an nou bésé atè,
an nou pliyé jénou dévan Granmèt la ki fè nou,
- 7 paské li minm li sé Bondié nou,
nou minm nou sé pèp pak li, mouton min-l. R

- 8 Si jodi-a nou té kapab tandé voua-l :
« Pa fèmin kè nou,
9 tankou nan Mériba, dapré jou Masa nan dézè-a,
koté papa nou té tanté-m nan :
yo té tanté-m, malgré yo té ouè aksion-m yo ». R:

DÉZIÈM LÉKTU

Pa ront témouagnaj Granmèt nou-an.

Léktu dézièm lèt apot sin Pòl pou Timoté

1, 6-8. 13-14

Ou minm mouin rinmin anpil la :

Mouin avèti-ou pou gras Bondié-a ki nan ou-a dépi-m té mét min sou tèt ou-a, ou résisité-l. Bondié pa-t ba nou yon éspri kè soté, min yon éspri ki bay fòs, rinmin ak pouvoua pou métrizé kò nou. Konsa pa ront témouagnaj Granmèt nou-an ni pa ront mouin minm ki prizonié-l la ; min travay pou Bòn Nouvèl la dapré fòs Bondié-a.

Paròl korèk ou té tandé nan bouch mouin yo, suiv modèl yo ba ou-a, nan lafoua ak rinmin ki nan Kris Jézu-a. Kinbé bon dépo-a pa pouvoua Éspri Sin-an ki abité nan nou-an.

Paròl Granmèt la.

ALÉLOUYA

1 Piè 1, 25

R: Alélouya. Paròl Granmèt la diré tout tan ;
sa-a sé paròl mouin té anonsé nou-an. R: Alélouya.

ÉVANJIL

Si nou té gin lafoua.

✠ Léktu sint Évanjil la dapré Luk

17, 5-10

Lè sa-a :

Apot yo di Granmèt la : « Fè nou vi-n gin plis lafoua ».

Granmèt la minm di : « Si nou té gin lafoua tankou yon ti grinn sénvé, nou t-a di pié boua sa-a : “Dérasinin-ou, al planté-ou nan lanmè-a” ; épi li t-a obéyi nou.

Kilès nan nou, si-l gin yon sèvitè k-ap travay tè-a oubyin k-ap gadé mouton, lè sèvitè-a tounin sot nan jadin, èské l-ap di-l : “Fè vit, travèsé, lonjé kò-ou pou manjé ” ; èské li pap di-l : “Paré dékoua pou-m manjé, pasé tabliyé nan tay ou, sèvi-m, joutan mouin fi-n manjé, mouin fi-n bouè ; apré sa, ou minm ou-a manjé, ou-a bouè ?” Èské l-ap gin sèvitè sa-a rékonésans, poutèt li fè sa-l kòmandé-a ? Mouin pa kouè.

Sé konsa nou minm tou, lè n-a fi-n fè tou sa yo kòmandé nou, sé pou nou di : “Nou sé sèvitè ki san prétansion : sé sa nou té doué fè-a, sé li nou fè” ».

Paròl Grammèt la.

Lindi

Ané 1

PRÉMIÉ LÉKTU

Jonas lévé, pou-l sovè kò-l louin Grammèt la.

Kòmansman liv profèt Jonas

1, 1-2, 1.11

Paròl Grammèt la rivé kot Jonas, pitit Amati, li di : « Lévé, al Niniv, gran vil la, préché ladan-l, paské méchansté-l monté dévan-m ». Jonas lévé, pou-l sovè kò-l Tarsis louin fas Grammèt la, li désann Jopé, li jouinn yon batiman k-apral Tarsis ; li péyé plas li, li désann nan fon batiman-an, pou-l pati ansanm avèk moun yo alé Tarsis, louin fas Grammèt la. Grammèt la minm voyé yon gro van sou lanmè-a, vi-n gin yon gran tanpèt nan lanmè-a, batiman-an té ménasé koulé. Matlo yo vi-n pè, chak moun rélé dié-l ; yo jété machandiz yo ki té nan batiman-an nan lanmè, pou-l kapab pi léjè lè yo débarasé ak yo ; Jonas minm désann nan fon batiman-an, li t-ap dòmi, li té nan fon somèy.

Kaptinn nan proche koté-l, li di-l : « Pouki sa ou kité somèy angoudi ou la ? Lévé, rélé Bondié-ou la, pétèt Bondié-a ap sonjé nou, épi nou pap péri ».

Mésié-a di sa-k t-ap gouvènin batiman-an ansanm avèk li-a : « An nou ouè, n-ap tiré osò pou nou konnin pouki sa malè sa-a rivé nou-an ». Yo tiré osò, épi sò-a tonbé sou Jonas.

Yo di-l : « Di nou pouki sa malè sa-a rivé nou. Ki sa-ou fè, ki koté-ou soti, épi ki koté-ou apralé oubyin nan ki pèp ou soti ? »

Li di yo : « Sé Ébré mouin yé, épi sé Granmèt Bondié sièl la mouin krinn, li minm ki fè lanmè-a ak tè sèk la ».

Mésié yo vi-n pè ak yon gran sézisman, yo di-l : « Ki sa-ou fè ? » Sèké mésié yo té rékonèt sé dévan fas Granmèt la li t-ap sové kò-l, paské li té montré yo sa ; yo di-l : « Ki sa pou nou fè-ou, pou lanmè-a sispann lévé kont nou ? » paské lanmè-a t-ap lévé pi rèd tout tan.

Li di yo : « Pran-m, jété-m nan lanmè, épi lanmè-a ap sispann lévé kont nou ; sèké mouin konnin, sé poutèt mouin gran tanpèt sa-a vi-n sou nou-an ». Mésié yo t-ap ramé, pou yo tounin sou tè sèk la, min yo pa-t kapab, paské lanmè-a t-ap monté pi rèd sou yo tout tan.

Yo rélé kot Granmèt la, yo di : « Tanpri, Granmèt, pa kité nou péri poutèt lavi mésié sa-a, pa mété san inosan sou nou ; paské ou minm, Granmèt, sé jan-ou vlé, sé konsa ou fè ». Yo pran Jonas, yo jété-l nan lanmè, lanmè-a sispann mouvmané, mésié yo vi-n pè Granmèt la ak yon gran sézisman, yo ofri sakrifis bay Granmèt la épi yo fè vé.

Granmèt la paré yon gran pouason pou-l valé Jonas. Jonas rété nan vant pouason-an pandan toua jou ak toua nuit. Épi Granmèt la palé ak pouason-an, li vomi Jonas sou tè sèk la.

Paròl Granmèt la.

PSÒM RÉPONS

Jon 2, 3. 4. 5. 8 (R: 7 c)

- R: Ou-ap lévé lavi-m pou-l pa gaté, Granmèt.
- 3 Nan tribilasion mouin, mouin rélé koté Granmèt la, li kouté mouin ; nan vant bafon anba-a mouin rélé, ou tandé voua mouin. R:
- 4 Ou té jété-m nan profondè-a, nan kè lanmè-a, dlo-a té entouré mouin : tout lanm ou yo ak vag ou yo, sé sou mouin yo t-ap pasé. R:
- 5 Épi mouin minm mouin té di : « Mouin réjté sot dévan jé-ou, époutan m-ap tounin pou-m ouè tanp ou-a. R:
- 8 Pandan nanm mouin ap séré anndan mouin, mouin sonjé Granmèt la, pou lapriyé-m rivé koté-ou, nan tanp ou-a ki sin-an ». R:

Ané 2

PRÉMIÉ LÉKTU

*Sé pa nan min yon moun mouin té résévoua Bòn Nouvèl la,
ni mouin té aprann li, min sé gras a révélasion Kris la.*

Léktu lèt apot sin Pòl pou Galat yo

1, 6-12

Frè-m yo :

Mouin sézi ouè kijan nou gin tan déjà travèsé kité sa-a ki té rélé nou nan gras Kris la, pou nou suiv yon lòt Bòn Nouvèl ; min sé pa yon lòt vré, sèlman sé kèk moun k-ap troublé nou, ki vlé chanjé Bòn Nouvèl Kris la. Min, minm si nou minm oubyin yon Anj ki soti nan sièl la t-a anonsé nou yon Bòn Nouvèl ki pa sa mouin té anonsé nou-an, ala malè pou li. Jan nou té déjà di-a, mouin répété-l koulié-a : Si yon moun anonsé nou yon Bòn Nouvèl ki pa sa nou té résévoua-a, ala malè pou li. Èské sé favè moun m-ap chèché oubyin favè Bondié ? Oubyin èské m-ap chèché fè moun plézi. Si-m t-ap chèché fè moun plézi toujou, mouin pa t-a sèvitè Kris la.

Frè-m yo, Bòn Nouvèl mouin té préché-a, m-ap fè nou konnin sé pa dapré lézòm li yé. Ni mouin minm, sé pa nan min moun mouin té résévoua-l, ni mouin té aprann li, min sé pa lintèmediè révélasion Jézu-Kri.

Paròl Granmèt la.

PSÒM RÉPONS

Ps 110, 1-2. 7-8. 9 é 10 c (R: : 5 b)

R: L-ap sonjé aliens li-a pou tout tan.

oubyin : Alélouya.

¹ M-ap fè louanj Granmèt la ak tout kè-m,
nan konsèy moun kòrèk yo avèk asanblé-a.

² Travay Granmèt yo gran,
yo mérité tout moun ki anvi yo chèché yo. **R:**

⁷ Travay min-l, sé vérité ak jijman.
Tout kòmandman-l yo mérité konfians,

⁸ yo asiré pou tout tan gin tan,
yo fèt nan vérité ak jistis. **R:**

⁹ Li voyé rédanmsion pou pèp li-a,
li kòmandé aliens li-a pou tout tan.
Non-l sin, li térib ;

¹⁰ louanj li diré pou tout tan gin tan. *R:*

ALÉLOUYA

Jan 13, 34

R: Alélouya. Sé yon kòmandman nouvo mouin ba nou,
sé sa Granmèt la di,
pou nou youn rinmin lòt, minm jan-m rinmin nou-an. *R:* Alélouya.

ÉVANJIL

Kilès ki prochin-m ?

✠ Léktu sint Évanjil la dapré Luk

10, 25-37

Lè sa-a :

Gin yon spésialis laloua-a ki lévé pou-l tanté Jézu, li di : « Mèt, ki sa pou-m fè pou-m gin lavi tout tan-an ? »

Li minm li di-l : « Nan laloua-a ki sa-k ékri ? ki sa-ou li ? »

Li réponn, li di : « Sé pou-ou rinmin Granmèt Bondié-ou ak tout kè-ou, ak tout nanm ou, ak tout fòs ou, ak tout éspri-ou, épi prochin-ou tankou ou minm ».

Jézu di-l : « Ou réponn byin : fè sa, ou-a viv ».

Li minm minm li té vlé bay tèt li rézon, li di Jézu : « Épi kilès ki prochin-m ? »

Jézu réprann, li di : « Yon mésié t-ap désann sot Jérusalèm al Jériko, li tonbé nan min asasin, yo pran tou sa-l té ginyin, yo bat li, yo pati kité-l mouatié vivan. Gin yon prèt k-ap pasé, ki t-ap désann nan minm chémin-an, li ouè-l, li kontinué rout li. Minm jan-an tou yon lévité, lè-l rivé bò koté-l, li ouè-l, li kontinué chémin-l.

Min gin yon Samaritin ki t-ap vouyajé, li rivé bò koté-l, li ouè-l, kè-l fè-l mal. Li proché, li pansé koté-l té blésé yo, li vidé luil ak divin, li mété-l sou milèt li, li minn-l nan yon lotèl, li okipé-l. Nan landmin, li soti dé dénié, li rinmèt mèt lotèl la, li di : “Okipé-l ; tou sa ou-a dépansé an plis, lè m-a tounin, m-a rinmèt ou li”.

Dapré ou minm kilès nan toua sa yo ki sanblé li sé prochin sa-a ki té tonbé nan min asasin yo ? »

Li di : « Sa-a ki té fè mizérikòd pou li-a ».

Jézu di-l : « Alé, ou minm tou, fè minm jan ».

Paròl Granmèt la.

Madi

Ané 1

PRÉMIÉ LÉKTU

*Moun Niniv yo chanjé soti nan mové chémin yo,
Bondié pran pitié pou yo.*

Léktu liv profèt Jonas

3, 1-10

Paròl Granmèt la rivé sou Jonas yon dézièm foua, li di : « Lévé, al Niniv, gran vil la, préché sa m-a di-ou la ladan-l ». Jonas lévé, l-al Niniv dapré paròl Granmèt la. Niniv la sé té yon gran vil, ki té mandé toua jou pou travèsé-l, Jonas kòmansé antré nan vil la, li maché pandan yon jounin, l-ap rélé, l-ap di : « Rété karant jou ankò, épi Niniv ap détoui ». Moun Niniv yo kouè nan Bondié, yo déklaré yon jèn, yo abiyé ak rad sak dépi pi gran jous pi piti.

Paròl la rivé kot roua Niniv la, li lévé sot sou tro-n li, li jété rad li sot sou li, li abiyé ak rad sak, li chita sou sann. Li fè déklarasion, li di nan Niniv, dapré paròl roua-a ak chèf yo : « Ni moun, ni milèt, ni bèf, ni mouton, yo pap gouté anyin, yo pap manjé anyin, yo pap bouè dlo, sé pou moun yo kouvri ak sak, ni bèt yo, sé pou yo rélé kot Granmèt la ak fòs, sé pou chak moun chanjé, kité mové chémin-l ak péché-l l-ap fè ak min-l. Ki moun ki konnin si Bondié pap chanjé, pou-l padonnin, pou-l tounin sot nan difé kòlè-l la, pou nou pa péri ? »

Bondié ouè travay yo, paské yo té chanjé sot nan mové chémin yo-a, Bondié pran pitié, li kité malè-a li té di l-ap fè yo-a, li pa fè-l.

Paròl Granmèt la.

PSÒM RÉPONS

Ps 129, 1-2. 3-4 ab. 7-8 (R : 3)

R : Si-ou kinbé fot yo, Granmèt, ki moun k-ap kanpé ?

- 1 Nan bafon yo m-ap rélé koté-ou, Granmèt ;
 2 Granmèt, kouté voua-m.
 Sé pou zòrèy ou panché
 nan voua priyè-m nan. **R:**
- 3 Si-ou kinbé fot yo, Granmèt,
 Granmèt, ki moun k-ap kanpé ?
 4 Paské koté-ou sé padon,
 nou krinn ou. **R:**
- 7 Paské kot Granmèt la sé mizérikòd,
 sé rédanmsion an kantité koté-l.
 8 Sé li minm k-ap rachté Israël
 sot nan tout fot li yo. **R:**

Ané 2

PRÉMIÉ LÉKTU

*Li dévoualé Pitit li-a nan mouin,
 pou-m té kapab préché-l nan nasion yo.*

Léktu lèt apot sin Pòl pou Galat yo

1, 13-24

Frè-m yo :

Nou té tandé konduit mouin lontan, lè-m té nan rélijion Juif la, kijan-m té konn pèsékité Égliz Bondié-a dépasé mézi, kijan mouin té konn fè-l lagè. Mouin té fè plis progrè pasé anpil nan moun ki gin minm laj avèk mouin yo, nan ras mouin-an, mouin té jalou anpil pou sa papa mouin yo té transmèt nou yo.

Sèlman, sa-a ki té mété-m apa dépi nan vant manman-m nan, ki té rélé-m pa lintèmédiè gras li-a, pou-l révéle Pitit li-a nan mouin, lè-l desidé pou-m anonsé Bòn Nouvèl li-a bay nasion yo, minm lè-a, mouin pa konsilté ni chè ni san ; mouin pa al Jérusalèm kot Apot yo ki té la anvan-m nan, min m-alé an-Arabi, apré sa mouin tounin Damas. Apré touazan ankò, mouin vi-n Jérusalèm pou-m ouè Piè, mouin rété kinz jou koté-l. Mouin pa ouè okinn lòt Apot, sof Jak, frè Granmèt la. Dévan Bondié, sa-m ékri nou-an, sé pa manti m-ap fè.

Apré sa, mouin vi-n nan réjion Siri ak Silisi. Sèlman, Égliz Judé yo ki nan Kris la, yo pa-t rékonèt fas mouin ; sa sèlman yo té konn tandé, sèké sa-a ki té konn pèsékité nou lontan-an, koulié-a l-ap anonsé Bòn Nouvèl

lafoua-a li t-ap konbat lontan-an ; yo t-ap fè konpliman pou Bondié poutèt mouin minm.

Paròl Granmèt la.

PSÒM RÉPONS

Ps 138, 1-3. 13-14 ab. 14 c-15 (R: 24 b)

R: Kondui-m, Granmèt, sou rout tout tan-an.

¹ Granmèt, ou sondé-m, ou kondui-m,

² ou konnin chita-m ak lévé-m.

Ou konprann pansé-m dépi byin louin,

³ tras rout mouin ak kouché-m, ou égzaminé yo.

Tout rout mouin yo, ou ouè yo byin klè. R:

¹³ Paské sé ou minm ki té fòmé rin-m,

ou té tré-sé-m nan vant manman-m.

¹⁴ M-ap fè louanj ou, paské ou té fòmé-m yon fason éstraòdinè,

aksion-ou yo éstraòdinè. R:

Nanm mouin konnin yon ti kras.

¹⁵ Zo-m pa-t kaché louin-ou,

lè mouin té fèt nan sékrè,

lè mouin t-ap fòmé tankou yon toual nan fon tè-a. R:

ALÉLOUYA

Lk 11, 28

R: Alélouya. Ala kontantman pou moun ki kouté paròl Bondié-a épi ki kinbé-l. R: Alélouya.

ÉVANJIL

Mart réservoua-l lakay li.

Mari chouazi pi bon pòsion-an.

✠ Léktu sint Évanjil la dapré Luk

10, 38-42

Lè sa-a :

Jézu antré nan yon bouk ; yon madanm yo té rélé Mart réservoua-l lakay li. Li té gin yon sè yo rélé Mari, ki té chita pou kont li nan pié Granmèt la, l-ap kouté paròl li yo.

Mart minm t-ap fatigé kò-l anpil nan sèvis la ; li kanpé, li di : « Granmèt, sa pa fè-ou anyin, pou sè-m nan kité-m ap sèvi tou sèl ? Manyè di-l pou-l édé-m ».

Jézu pran laparòl, li di-l : « Mart, Mart, ou pran tèt chajé, ou pran traka pou anpil bagay. Époutan sé yon sèl ki nésésè : Mari chouazi pi bon pòsion-an, sa yo pap ouété nan min-l nan ».

Paròl Granmèt la.

Mèkrédi

Ané 1

PRÉMIÉ LÉKTU

*Ou-ap plinyin poutèt pié maskriti-a,
épi pou-m pa t-a pran pitié pou Niniv, gran vil la ?*

Léktu liv profèt Jonas

4, 1-11

Jonas vi-n gin yon gran lapinn, li faché, li priyé kot Granmèt la, li di : « Tanpri, Granmèt : èské sé pa sa mouin té di, lè-m té nan péyi-m nan toujou-a ? Sé pousa minm mouin té chèché sovè kò-m Tarsis la ; sèkè mouin konnin ou sé yon Bondié ki bon, ki gin mizérikòd, ki gin pasians, ki gin anpil pitié, ki padonnin anpil mal. Koulié-a, Granmèt, ou mèt pran lavi-m, paské lanmò pi bon pou mouin pasé lavi ».

Granmèt la di : « Èské ou gin rézon faché-a ? »

Jonas soti nan vil la, l-al chita nan diréksion olévan, parapò a vil la, li fè yon ti tant koté sa-a, li chita anba lonbraj li, pou-l ouè sa k-ap rivé vil la. Granmèt la paré yon pié maskriti, li monté anlè tèt Jonas, pou-l fè lonbraj anlè tèt li, pou-l protéjé-l ; sèkè li té gin lapinn. Jonas minm kontan poutèt pié maskriti-a, li kontan anpil. Bondié paré yon ti vè ki monté granmatin nan landmin, li piké pié maskriti-a ; pié maskriti-a mouri.

Lè solèy la lévé, Granmèt la pasé lòd pou yon van cho rivé, pou-l boulé, solèy la frapé anlè tèt Jonas, Jonas pran kout-solèy, li mandé lanmò, li di : « Pito-m mouri pasé-m viv ».

Granmèt la di Jonas : « Èské ou gin rézon faché poutèt maskriti-a ? »

Li di : « Mouin gin rézon faché minm jous pou-m mouri ».

Granmèt la di : « Ou pran lapinn poutèt pié maskriti-a, ou pa-t travay, ou pa-t fè-l grandi, nan yon sèl nuit li fèt, épi nan yon sèl nuit li mouri ; épi mouin minm mouin pa t-a pran pitié pou Niniv, gran vil la, koté gin plis passé san-vin-mil moun ki pa konnin sa-k min douat yo ak min goch yo, épi yon pakèt zannimo ? »

Paròl Granmèt la.

PSÒM RÉPONS

Ps 85, 3-4. 5-6. 9-10 (R: 15 b)

- R: Granmèt, ou gin pasians, ak anpil mizérikòd.
- ³ Pran pitié pou mouin, Granmèt,
paské mouin rélé koté-ou tout lajounin.
- ⁴ Fè nanm sèvitè-ou la kontan,
paské sé koté-ou, Granmèt, mouin lévé nanm mouin. R:
- ⁵ Paské ou minm, Granmèt, ou bon, ou tou dou,
ou gin anpil mizérikòd pou tout moun k-ap rélé-ou yo.
- ⁶ Paré zòrèy ou, Granmèt, nan priyè-m nan,
kouté voua priyè-m nan. R:
- ⁹ Tout nasion yo ou fè-a y-ap vini,
y-ap adoré dévan-ou, Granmèt ;
y-ap fè louanj pou non-ou,
- ¹⁰ paské ou gran, ou fè mèvèy :
ou minm sèl ki Bondié. R:

Ané 2

PRÉMIÉ LÉKTU

Yo rékonèt gras la yo té ban mouin-an.

Léktu lèt apot sin Pòl pou Galat yo

2, 1-2. 7-14

Frè-m yo :

Apré katòzan ankò, mouin monté Jérusalèm avèk Barnabé, mouin pran Tit tou. Mouin monté dapré révélation, mouin mété dévan yo Bòn Nouvèl la m-ap préché nan pami nasion yo, épi sa yo ki té parèt kichòy yo, yo pran-m apa, pou-m pa kouri oubyin pou-m pa t-ap kouri pou granmési.

Ébyin okontrè, yo ouè sé mouin minm yo konfié Bòn Nouvèl pou moun ki pa sikonsi yo, minm jan yo té konfié Piè Bòn Nouvèl pou sa-k sikonsi yo. (Sèké Sa-a ki té aji nan Piè pou apostola ak sa-k sikonsi yo, sé li minm tou ki té travay nan mouin nan pami nasion yo). Lè yo rékonèt gras yo té fè-m nan, Jak, Séfas ak Jan, tout moun té konsidéré kòm kolòn, yo ban-m nan min, ni mouin minm, ni Barnabé, kòm asosyé : nou minm nou pou nasion yo, yo minm minm, yo pou sa-k sikonsi yo ; sèlman, nou té gin pou nou sonjé pòv yo : sé sa minm mouin té okipé fè.

Sèlman lè Séfas rivé Antiòch, mouin rézisté li anfas, paské li té mérité répròch. Sèké anvan kèk nan group Jak yo té vini, li té konn manjé ak nasion yo ; min kon yo rivé, li t-ap ralé kò-l ; li t-ap mété kò-l apa, li té pè sa yo ki soti nan pami sikonsi yo. Lòt Juif yo suiv konpòtman-l k-ap fè sanblan-an, jous ata Barnabé blijé fè tankou yo nan fè sanblan-an.

Min, lè-m ouè li pa t-ap maché douat pou vérité Bòn Nouvèl la, mouin di Séfas dévan tout moun : « Si ou minm ki Juif, ou-ap viv tankou nasion yo, min pa tankou Juif, kòman ou kapab fòsé nasion yo pou yo viv tankou Juif ? »

Paròl Granmèt la.

PSÒM RÉPONS

Ps 116, 1. 2 (R: Mk 16,15)

R: Alé sou tout tè-a, préché Bòn Nouvèl la.

oubyin : Alélouya.

¹ Fè louanj Granmèt la, tout nasion yo,
fè louanj li ansanm, tout pèp yo. R:

² Paské mizérikòd li asiré sou nou,
vérité Granmèt la diré pou tout tan. R:

ALÉLOUYA

Rm 8, 15 bc

R: Alélouya. Nou té réservoua éspri pitit adoptif yo,
ki fè nou rélé : Aba, Papa. R: Alélouya.

ÉVANJIL

Granmèt, aprann nou priyé.

✠ Léktu sint Évanjil la dapré Luk

11, 1-4

Lè sa-a :

Jézu té yon koté, li t-ap priyé ; lè-l fini, youn nan disip li yo di-l :
« Granmèt, aprann nou priyé, tankou Jan té aprann disip li yo ».

Li di yo : « Lè n-ap priyé, sé pou nou di : “Papa, sé pou yo rékonèt non-ou sin, sé pou péyi roua-ou la rivé. Pin nou bézouin chak jou-a, ba nou li jodi-a épi padonnin péché nou yo, minm jan nou minm tou nou padonnin tout moun ki doué nou, pa kité nou tonbé nan pièj” ».

Paròl Granmèt la.

Jédi

Ané 1

PRÉMIÉ LÉKTU

Min jou-a ap rivé, l-ap flanbé tankou yon fou.

Léktu liv profèt Malachi

3, 13-20 a

« Nou palé paròl ki rèd kont mouin, sé sa Granmèt la di ; épi nou di :
“Ki sa nou di kont ou-a ?” Nou di : “Sé pou granmési yon moun ap sèvi Bondié ; épi ki avantaj ki ginyin pou obsèvé kòmandman-l yo, pou n-ap maché tou tris dévan granmèt lamé yo ? Koulié-a minm nou déklaré sé arogan yo ki gin kontantman ; paské moun yo k-ap fè péché yo sé yo minm ki kanpé, épi sa k-ap tanté Bondié yo, sé yo minm ki sovè” ».

Lè sa-a atò moun ki krinn Granmèt la, yo palé youn ak lòt, Granmèt la fè atansion, li kouté, yo ékri yon liv souvni dévan-l pou moun ki krinn Granmèt la épi k-ap kalkilé sou non-l. Granmèt lamé yo di : « Nan jou m-fè-a y-ap tankou yon byin apa pou mouin m-ap pran pitié pou yo, tankou yon papa pran pitié pou pitit li k-ap sèvi-l. Y-ap tounin, y-ap ouè diférens ant moun ki kòrèk la ak méchan-an épi ant moun k-ap sèvi Bondié-a ak sa-k pa sèvi-l.

Min jou-a k-ap rivé, l-ap flanbé tankou yon fou, tout arogan yo ak tout moun k-ap fè péché yo, y-ap tankou pay, jou k-ap vini-an ap flanbé yo, sé sa Granmèt lamé yo di, ki pap kité ni rasi-n ni jèm pou yo. Min nou

minm ki krinn non-m yo, sé solèy jistis la k-ap lèvé pou nou, avèk santé nan réyon-l yo ».

Paròl Granmèt la.

PSÒM RÉPONS

Ps 1, 1-2. 3. 4 é 6 (R : Ps 39, 5 a)

R: Ala kontantman pou moun ki mét konfians li nan Granmèt la.

- 1 Ala kontantman pou moun, ki pa alé nan konsèy méchan yo,
ki pa kanpé nan chémin péchè yo,
ki pa chita nan asanblé moun k-ap pasé nan jouèt yo ;
- 2 min sé nan laloua Granmèt la volonté-l yé. R:
- 3 L-ap tankou yon pié boua ki planté sou bò dlo k-ap kouri,
k-ap bay foui-l nan sèzon-l ;
fèy li pap tonbé,
tou sa l-ap fè ap réyisi. R:
- 4 Sé pa konsa pou méchan yo, sé pa konsa,
min y-ap tankou pousiè van ap vòltijé.
- 5 Sèké Granmèt la konnin rout moun kòrèk yo,
min chémin péchè yo ap péri. R:

Ané 2

PRÉMIÉ LÉKTU

*Èské sé gras a travay laloua-a nou té résévoua Éspri-a
oubyin si sé akoz prèch lafoua-a ?*

Léktu lèt apot sin Pòl pou Galat yo

3, 1-5

Galat yo, moun san konprann, kilès ki pran tèt nou pou nou pa obéyi vérité-a, apré nou fi-n trasé dévan jé nou pòtré Jézu-Kri ki klouré sou koua-a ? Yon sèl bagay mouin vlé aprann nan min nou : èské sé gras a aksion laloua-a nou té résévoua Éspri-a oubyin si sé gras a lafoua-a nou té tandé-a ? Èské nou sòt konsa pou lè nou fi-n kòmansé ak Éspri-a, sé ak chè-a nou fini koulié-a ? Èské sé pou granmési nou pasé tout tray sa yo ? si sèlman sé té pou granmési ! Sa-a ki té ba nou Éspri-a, ki té réalizé bon kalité yo nan nou-an, èské li té fè-l poutèt nou té fè aktivité laloua yo oubyin poutèt nou té kouté sa lafoua-a mandé-a ?

Paròl Granmèt la.

PSÒM RÉPONS

Lk 1, 69-70. 71-72. 73-75 (R: : cf. 68)

- R: Konpliman pou Granmèt Bondié Israèl, paské li vizité pèp li-a.
- ⁶⁹ Li drésé kòn k-ap sovè-a pou nou nan kay David sèvitè-l la ;
- ⁷⁰ jan-l té palé nan bouch sin yo,
ki té la dépi lontan yo, profèt li yo. R:
- ⁷¹ Sové li sovè nou-an sot nan min ènmi nou yo,
ak nan min tout moun ki rayi nou yo :
- ⁷² pou-l fè mizérikòd avèk papa nou yo,
pou-l fè sonjé alians li-a ki sin-an. R:
- ⁷³ Sèman-an li té sèmanté bay Abraam papa nou-an,
- ⁷⁴ pou-l té fè nou favè pou san krint,
antan nou libéré sot nan min ènmi nou yo, nou sèvi-l
- ⁷⁵ nan sinteté ak jistis dévan-l
pandan tout jou nou yo. R:

ALÉLOUYA

Cf. Tr 16, 14 b

- R: Alélouya. Granmèt, louvri kè nou,
pou nou fè atansyon nan paròl Pitit ou-a. R: Alélouya.

ÉVANJIL

Mandé, y-ap ba nou.

✠ Léktu sint Évanjil la dapré Luk

11, 5-13

Lè sa-a : Jézu di disip li yo :

« Kilès nan nou si-l gin yon zanmi k-al koté-l nan mitan nannuit, ki di-l : “Zanmi, prêté-m toua pin, paské mouin gin yon zanmi ki vi-n soti nan vouayaj, li rivé lakay mouin, mouin pa gin anyin pou-m mété dévan-l” ; si lot la réponn anndan-an : “Pa déranjé-m ; pèt la déjà fèmin, ti moun mouin yo avèk mouin nan kabann ; mouin pa kapab lévé pou-m ba ou ?”

Min, si mésié-a kontinué ap frapé, mouin di nou : Minm si li pap lévé pou-l ba li-l kòm zanmi, l-ap lévé kan minm, l-ap ba li tou sa-l bézouin, poutèt san-jèn li-a.

Mouin minm mouin di nou : Mandé, y-ap ba nou ; chèché, n-ap jouinn ; frapé, y-ap louvri ba nou. Sèké tout moun ki mandé li résévoua, moun ki chèché li jouinn, moun ki frapé, yo louvri ba li.

Kilès tou nan nou minm kòm papa, si pitit nou mandé nou pin : èské n-ap ba-l ròch ? oubyin pouason : èské n-ap ba-l koulèv nan plas pouason-an ? oubyin, si-l mandé nou zé, èské n-ap lonjé yon skòpion ba li ? Si nou minm, malgré nou mové-a, nou konn bay pitit nou bon bagay, Papa nou ki nan sièl la ap ba nou bon Éspri-a pi plis toujou pou moun ki mandé-l ».

Paròl Granmèt la.

Vandrédi

Ané 1

PRÉMIÉ LÉKTU

Jou Granmèt la, sé jou fènoua ak brouya.

Léktu liv profèt Joël

1, 13-15 ; 2, 1-2

Mété rad dèy, kriyé, prèt yo ; pousé rèl, sèvitè lotèl yo ; antré, kouché nan sak, sèvitè Bondié-m yo, paské sakrifis ak libasion disparèt sot nan kay Bondié nou-an.

Déklaré yon jèn ki sin, konvoké réyinion-an, rasanblé anyin yo, ak tout moun ki abité tè-a nan kay Bondié nou-an, pousé rèl kot Granmèt la : « A-a-a, jou malè-a », paské li tou pré, jou Granmèt la, l-ap rivé tankou yon ravaj ki soti nan sa-a ki gin tout pouvoua-a.

Sonnin tronpèt nan Siyon, pousé rèl sou mòn mouin-an ki sin-an, tout moun ki abité tè-a troublé, paské jou Granmèt la rivé, paské li tou pré. Jou fènoua ak brouya, jou nuaj ak vapè ; tankou dévan-jou k-ap gayé sou tèt mòn yo, konsa yon pèp ki anpil, ki fò : pa gin kon li dépi nan kòmansman, épi apré-l, pap ginyin, jous nan ané jénérasyon ak jénérasyon.

Paròl Granmèt la.

PSÒM RÉPONS

Ps 9, 2-3. 6 é 16. 8-9 (R : 9 a)

- R : Granmèt la ap jijé fas tè-a nan jistis.
- ² M-ap fè louanj ou, Granmèt, ak tout kè-m ;
m-ap rakonté tout mèvèy ou yo.
- ³ M-ap fè kè-m kontan, m-ap dansé nan ou,
m-ap chanté kantik pou non-ou, ou minm ki anro nèt la. R

- ⁶ Ou krazé nasion yo, ou pèdi méchan yo ;
ou éfasé non yo pou tout tan ak tout tan gin tan.
- ¹⁶ Nasion yo fonsé nan fos la yo té foyé-a ;
nan pièj sa-a yo té kaché-a,
sé la pié yo pri. **R.**
- ⁸ Granmèt la minm ap chita pou tout tan,
li paré tro-n li pou jijman-an,
- ⁹ sé li minm k-ap jijé fas tè-a nan jistis,
l-ap jijé pèp yo ak balans ki byin réglé. **R.**

Ané 2

PRÉMIÉ LÉKTU

*Sa yo ki sou kont lafoua-a, yo jouinn bénédiksion
avèk Abraam ki fidèl la.*

Léktu lèt apot sin Pòl pou Galat yo

3, 7-14

Frè-m yo :

Nou konnin sa yo ki viv sou kont lafoua-a, sé yo minm ki pitit Abraam. Sa-k ékri-a té prévoua sa, paské sé ak lafoua Bondié fè nasion yo vi-n kòrèk, li té anonsé Abraam sa davans, sé « nan ou tout nasion yo ap jouinn bénédiksion ». Konsa, sa yo ki viv sou kont lafoua-a, yo jouinn bénédiksion avèk Abraam ki fidèl la.

Tout moun k-ap viv sou kont laloua-a, yo anba malédiksion-an ; sèké min sa-k ékri : « Madichon pou tout moun ki pa rété nan tou sa-k ékri nan liv laloua-a pou yo fè yo ». Nan laloua-a pèsòn pa kapab anrèg dévan Bondié, sé bagay ki klè, paské « Moun ki kòrèk la, sé sou kont lafoua li viv ». Laloua-a pa soti nan lafoua-a ; min « moun k-ap fè tou sa laloua-a mandé-a l-ap jouinn lavi ladan-l ».

Kris la rachté nou sot nan madichon laloua-a, li vi-n tounin madichon pou nou, paské min sa ki ékri : « Madichon pou tout moun yo pandié sou boua-a ». Sa té fèt konsa pou nan nasion yo bénédiksion Abraam nan rivé nan Kris Jézu, pou nou résévoua promès Éspri-a gras a lafoua-a.

Paròl Granmèt la.

PSÒM RÉPONS

Ps 110, 1-2. 3-4. 5-6 (R: : 5 b)

R: L-ap sonjé aliens li-a pou tout tan.

oubyin : Alélouya.

- 1 M-ap fè louanj Granmèt la ak tout kè-m,
nan konsèy moun kòrèk yo avèk nan asanblé-a.
- 2 Travay Granmèt yo gran,
yo mérité tout moun ki anvi yo chèché yo. R:
- 3 Travay li sé gras ak grandè,
jistis li diré pou tout tan gin tan.
- 4 Li fè sonjé mèvèy li,
Granmèt la gin mizérikòd, li pran pitié. R:
- 5 Li bay moun ki krinn li yo manjé ;
l-ap sonjé aliens li-a pou tout tan.
- 6 Li anonsé fòs aksion li yo bay pèp li-a,
pou-l ba li éritaj nasion yo. R:

ALÉLOUYA

Jan 12, 31 b-32

R: Alélouya. Koulié-a chèf tè-a yo jété-l déyò, sé sa Granmèt la di ;
épi mouin minm, lè y-ap lévé-m sot sou tè-a,
m-ap rédi tout bagay vi-n jouinn mouin. R: Alélouya.

ÉVANJIL

*Si sé ak douèt Bondié mouin chasé démon yo,
péyi-roua Bondié-a rivé jous lakay nou.*

✠ Léktu sint Évanjil la dapré Luk

11, 15-26

Lè sa-a :

Kòm Jézu t-ap chasé démon yo, gin kèk moun nan foul la ki t-ap di :
« Sé ak pouvoua Bèlzéboub, chèf démon yo, li chasé démon ». Épi dèt
minm antan y-ap tanté-l, yo mandé-l pou-l fè mirak sot nan sièl.

Li minm minm, kòm li té ouè pansé yo, li di yo : « Tout péyi roua ki
divizé sou pa anndan, l-ap détoui, kay ap tonbé sou kay. Konsa si Satan
divizé sou pa anndan, kòman péyi-roua li-a kapab rét kanpé ? N-ap di sé
ak pouvoua Bèlzéboub m-ap chasé démon yo. Min si sé ak pouvoua
Bèlzéboub m-ap chasé démon yo, pitit nou yo minm, ak pouvoua kilès y-

ap chasé ? Sé poussa sé yo minm k-ap jij nou. Sèlman, si sé ak douèt Bondié m-ap chasé démon yo, péyi-roua Bondié-a tou rivé sou nou. Lè yon moun fò, ki gin zam, ap véyé lakou-l, sa-l posédé yo, yo asiré. Min si yon moun ki pi fò pasé-l rivé, li ranpòté viktoua sou li, l-ap pran tout zam li yo, koté li té mété konfians li-a, l-ap séparé sa-l pran yo.

Moun ki pa avèk mouin, li kont mouin ; épi moun ki pa ranmasé ansanm avèk mouin, l-ap gayé.

Lè éspri papròp la soti nan yon moun, l-al maché nan koté ki pa gin dlo, l-ap chèché répo, li pa jouinn, li di : “M-ap tounin nan lakay mouin-an koté mouin té soti-a”. Lè-l rivé, li jouinn kay la pròp, san fatra, byin dékoré. Lè sa-a l-al pran sèt lòt éspri ki pi méchan pasé-l, yo antré, yo abité la.

Dènié sitiason moun sa-a ap pi mal pasé premié-a ».

Paròl Granmèt la.

Samdi

Ané 1

PRÉMIÉ LÉKTU

Voyé sèpèt yo, paské rékòlt la rivé apouin.

Léktu liv profèt Joël

4, 12-21

Min paròl Granmèt la.

« Sé pou nasion yo révéyé ansanm, pou yo monté nan tè Jozafat la ; paské sé la m-ap chita pou-m jijé tout nasion yo ki alantou yo. Voyé sèpèt yo, paské rékòlt la rivé apouin ; vini, an nou désann, paské présoua-a plin, basin yo ap ranvèsé, paské méchansté yo tròp.

Pèp sou pèp nan tè jijman-an ! paské jou Granmèt la tou pré, nan tè jijman-an. Solèy la fè lali-n nan vi-n fènoua, zétoual yo pèdi klété yo, Granmèt la pousé rèl antan-l nan Siyon, li fè tandé voua-l antan-l Jérusalèm, sièl yo ak tè-a ap souké, Granmèt la sé éspoua pèp li-a ak fòs pitit Israèl yo. N-ap konnin sé mouin minm, Granmèt Bondié nou, ki abité nan Siyon, mòn mouin-an ki sin-an ; Jérusalèm ap sin, étranjé pap pasé ladan-l ankò.

Jou sa-a, mòn yo ap dégouté ak dousè, lèt ap koulé sot nan ti mòn yo, nan tout ravi-n Juda dlo ap kouri, yon sous ap sòti nan lakay Granmèt la, l-ap rouzé ravi-n pikan yo. Éjip ap vi-n tounin savann, Édòm ap tounin dézè pèdision, poutèt yo té fè méchansté pou pitit Juda yo, poutèt yo té vidé san inosan sou tè-l la. Y-ap abité Juda pou tout tan, ak Jérusalèm pou jénèrasion ak jénèrasion, m-ap pròpté san yo, sa mouin pa-t ko pròpté yo, épi Granmèt la ap abité nan Siyon ».

Paròl Granmèt la.

PSÒM RÉPONS

Ps 96, 1-2. 5-6. 11-12 (R: 12 a)

R: Fè kè nou kontan, nou minm ki kòrèk yo, nan Granmèt la.

- 1 Granmèt la roua, tè-a dansé,
pakèt zilé yo kontan.
- 2 Nuaj ak bouya alantou-l,
jistis ak jijman sé fondasion tro-n li. R:
- 5 Mòn yo tankou lasi ap fonn dévan fas Granmèt la,
dévan fas Granmèt tout tè-a.
- 6 Sièl yo ap anonsé jistis li,
tout pèp yo ap ouè gloua li-a. R:
- 11 Limiè lévé pou moun kòrèk la,
kè kontan pou moun ki gin kè yo douat la.
- 12 Fè kè nou kontan, nou minm ki kòrèk yo, nan Granmèt la,
fè konpliman pou fè sonjé jan-l sin. R:

Ané 2

PRÉMIÉ LÉKTU

Nou tout nou sé pitit Bondié gras a lafoua.

Léktu lèt apot sin Pòl pou Galat yo

3, 22-29

Frè-m yo :

Sa-k ékri-a fèmin tout bagay anba péché, pou yo té kapab bay promès la nan min moun ki kouè yo gras a lafoua Jézu-Kri-a.

Anvan lafoua-a té vini, yo té gadé nou anba laloua-a, nou té fèmin ap tann pou lafoua-a ki té pou révéle-a. Sé pousa laloua-a sé té mèl lékòl nou nan Kris la, pou nou té kapab vi-n kòrèk gras a lafoua-a. Min lè

lafoua-a rivé, nou pa anba min mèt lékòl la ankò ; sèké nou tout nou sé pitit Bondié gras a lafoua-a, ki nan Kris Jézu-a.

Réyèlman, nou tout ki batizé nan Kris la, nou abiyé ak Kris la. Pa gin Juif ni Grèk, pa gin ésklav ni moun lib, pa gin gason ni fi : sèké nou tout sé yon sèl nou fè nan Kris Jézu. Si nou pou Kris la, konsa nou sé ras Abraam, éritié dapré promès la.

Paròl Granmèt la.

PSÒM RÉPONS

Ps 104, 2-3. 4-5. 6-7 (R: 8 a)

R: Granmèt la sonjé aliens li-a pou tout tan.

oubyin : Alélouya.

- 2 Chanté pou li, joué mizik pou li,
kalkilé sou tout mèvèy li yo.
- 3 Fè louanj nou nan non-l ki sin-an,
sé pou kè moun yo k-ap chèché Granmèt la kontan. R
- 4 Chèché Granmèt la ak pouvoua-l,
chèché fas li tout tan.
- 5 Sonjé mèvèy li fè yo,
prodij li ak jijman bouch li. R
- 6 Ras Abraam, sèvitè-l,
pitit Jakòb, sa-a li chouazi-a,
- 7 Sé li minm Granmèt Bondié nou ;
sou tout tè-a jijman-l yo. R

ALÉLOUYA

Lk 11, 28

R: Alélouya. Ala kontantman pou sa yo ki kouté paròl Bondié-a épi ki kinbé-l. R: Alélouya.

ÉVANJIL

*Ala kontantman pou vant ki té poté-ou la !
Ala kontantman pito pou moun ki kouté paròl Bondié-a.*

✠ Léktu sint Évanjil la dapré Luk

11, 27-28

Lè sa-a :

Pandan Jézu t-ap palé ak foul yo, yon madanm lévé voua-l nan foul la, li di-l : « Ala kontantman pou vant la ki té pòté-ou la, ak tété ou té sousé yo ».

Li minm minm, li di : « Ala kontantman pito pou moun ki kouté paròl Bondié-a épi ki kinbé-l ».

Paròl Granmèt la.

VINTUITIÈM SÉMÈN ÒDINÈ

Dimanch, ané A

PRÉMIÉ LÉKTU

*Granmèt la ap fè yon résépsion,
l-ap suiyé dlo sot nan tout figi.*

Léktu liv profèt Izayi

25, 6-10 a

Granmèt lamé yo ap fè yon résépsion bon viann pou tout pèp yo sou mòn sa-a, résépsion bon divin, viann bon gou, divin ki byin pozé. Sou mòn sa-a, l-ap chaviré fas chinn nan ki té maré tout pèp yo, ak voual la ki té vlopé tout nasion yo.

L-ap chaviré lanmò-a pou tout tan, Granmèt Bondié ap ouété dlo sot nan tout figi, l-ap ouété laront pèp li-a sot sou tout tè-a, paské Granmèt la palé.

Jou sa-a y-ap di : « Min Bondié nou-an, nou t-ap tann li, l-ap sové nou ; sé li minm Granmèt la, nou t-ap espéré li ; n-ap fété, n-ap fè kè nou kontan nan sové li sové nou-an. Paské min Granmèt la ap pozé sou mòn sa-a ».

Paròl Granmèt la.

PSÒM RÉPONS

Ps 22, 1-3 a. 3 b-4. 5. 6 (R: 6 cd)

R: M-ap abité nan kay Granmèt la pou longè jou yo.

¹ Granmèt la ap souin-m, mouin pap manké anyin :

² nan zèb vèt li instalé-m,
nan dlo kalm li kondui-m,

³ li réfè nanm mouin. **R:**

Li minnin-m sou tras rout jistis poutèt non-l.

⁴ Sèké si m-ap maché nan tè fon lonbraj lanmò,
mouin pap pè malè, paské ou avèk mouin.

Baton-ou ak bagèt ou
sé yo k-ap konsolé-m. **R:**

⁵ Ou paré tab dévan-m
an fas sa yo k-ap fè-m pasé tribilasion yo ;

ou grésé tèt mouin ak luil,
kalis mouin ap ranvèsé. R:

- 6 Réyèlman sé bon kè ak mizèrikòd k-ap rapousuiv mouin
tou léjou lavi-m,
m-ap abité nan kay Granmèt la
pou longè jou yo. R:

DÉZIÈM LÉKTU

Mouin kapab tout bagay nan sa-a ki ban-m fòs la.

Léktu lèt apot sin Pòl pou Filipyin yo

4, 12-14. 19-20

Frè-m yo :

Mouin konn nan nésésité, mouin konn gin tròp : tout koté ak nan tout bagay mouin aprann gin kont manjé, mouin aprann grangou, mouin aprann gin kont sa-m bézouin, mouin aprann manké : mouin kapab tout bagay nan sa-a ki ban-m fòs la.

Bondié-m nan minm, sé pou-l konblé tout anvi nou dapré richès li nan gloua-a, nan Kris Jézu. Konpliman pou Bondié ak Papa nou pou tout tan gin tan. Amèn.

Paròl Granmèt la.

ALÉLOUYA

Cf. Éf 1, 17-18

R: Alélouya. Sé pou Papa Granmèt nou Jézu-Kri kléré jé kè nou,
pou nou konnin ki kalité éspérans ki ginyin nan rélé yo rélé nou-an.

R: Alélouya.

ÉVANJIL

Tou sa nou jouinn, invité yo vi-n nan nòs.

✠ Léktu sint Évanjil la dapré Matié

22, 1-14

Lè sa-a :

Jézu pran laparòl, li palé an parabòl ankò pou chèf prèt yo ak ansyin yo nan pèp la, li di :

« Péyi roua sièl yo sé tankou yon roua, ki fè nòs pou pitit li : Li voyé sèvitè-l yo rélé invité yo pou nòs la, min yo réfizé vini.

Li voyé dèt sèvitè ankò, li di : “Di invité yo : Min résépsion-m nan paré, mouin touyé toro-m yo, ni poul yo yo t-ap angrésé yo, tout bagay paré : vi-n nan nòs”. Yo minm, yo fè négljans ; yo pati, youn nan jadin-l, yon lòt nan komès li ; lòt yo minm kinbé sèvitè yo, yo touyé yo anba kou.

Lè roua-a tandé sa, li faché ; li voyé lamé-l yo, li touyé kriminèl sa yo, li boulé vil yo.

Apré sa, li di sèvitè-l yo : “Nòs la déjà paré, min invité yo pa-t mérité-l. Alé nan kalfou yo, tout moun nou jouinn, invité yo vi-n nan nòs”. Sèvitè-l yo soti sou rout yo, yo rasanblé tout moun yo jouinn, mové kon bon, nòs la plin ak moun ki lonjé kò yo.

Roua-a antré, pou-l ouè moun yo ki lonjé kò yo ; li ouè yon moun ki pa-t abiyé ak rad nòs, li di-l : “Zanmi, kijan-ou fè antré isit la, san-ou pa gin rad nòs ?” Li pé bouch li. Roua-a di sèvitè yo ; “Maré min-l ak pié-l, jété-l nan fènoua déyò yo ; koté sa-a sé rèl ak manjé dan k-ap ginyin”. Paské gin anpil invité, min sé yon ti kras yo chouazi ».

Paròl Grammèt la.

oubyin pi kout

✠ Léktu sint Évanjil la dapré Matié

22, 1-10

Lè sa-a :

Jézu pran laparòl, li palé an parabol ankò pou chèf prèt yo ak ansyin yo nan pèp la, li di :

« Péyi roua sièl yo sé tankou yon roua, ki fè nòs pou pitit li : Li voyé sèvitè-l yo rélé invité yo pou nòs la, min yo réfizé vini.

Li voyé dèt sèvitè ankò, li di : “Di invité yo : Résépsion-m nan paré, mouin touyé toro-m yo, ni poul yot-ap angrésé yo, tout bagay paré : vi-n nan nòs”. Yo minm, yo fè négljans ; yo pati, youn nan jadin-l, yon lòt nan komès li ; lòt yo minm kinbé sèvitè yo, yo touyé yo anba kou.

Lé roua-a tandé sa, li faché ; li voyé lamé-l yo, li touyé kriminèl sa yo, li boulé vil yo.

Apré sa, li di sèvitè-l yo : “Nòs la déjà paré, min invité yo pa-t mérité-l. Alé nan kalfou yo, tout moun nou jouinn, invité yo vi-n nan nòs”.

Sèvitè-l yo soti sou rout yo, yo rasanblé tout moun yo jouinn, mové kon bon : nòs la plin ak moun ki lonjé kò yo ».

Paròl Granmèt la.

Dimanch, ané B

PRÉMIÉ LÉKTU

Mouin konsidéré richès yo kòm anyin dévan sajès la.

Léktu liv Sajès la

7, 7-11

Mouin priyé, épi yo ban-m intélijans ; mouin rélé, épi éspri sajès la vi-n nan mouin ; mouin pito-l pasé péyi roua yo ak tro-n roua yo ; mouin konsidéré richès yo kòm anyin dévan-l. Mouin pa mété-l sou balans avèk piè ki gin anpil pri ; paské tout lò ki ginyin sé yon ti kras sab, konparé avèk li ; dévan-l, lajan sé tankou labou.

Mouin rinmin-l pasé santé ak bèl figi ; mouin pito-l pasé limiè, paské limiè-l pa kapab étinn.

Avèk li sé tout kalité byin ki vi-n jouinn mouin, sé yon richès yo pa kapab konté ki vini pa lantrémiz li.

Paròl Granmèt la.

PSÒM RÉPONS

Ps 89, 12-13. 14-15. 16-17 (R : 14)

- R: Plin nou ak mizérikòd ou, Granmèt, épi n-a fété.
- ¹² Aprann nou konté jou nou yo
pou nou kondui kè nou nan sajès la.
- ¹³ Tounin, Granmèt, jouskilè ?
Pran pitié pou sèvitè-ou yo. R:
- ¹⁴ Plin nou granmatin ak mizérikòd ou-a,
n-a fété, n-a gin kontantman tout lavi nou.
- ¹⁵ Fè kè nou kontan pou jou yo ou té rabésé nou-an,
pou ané yo nou té ouè malè yo. R:

- ¹⁶ Sé pou travay ou parèt pou sèvitè-ou yo,
ak grandè-ou pou pitit yo.
- ¹⁷ Sé pou klèté Granmèt Bondié nou-an sou nou,
asiré travay min nou yo sou nou,
travay min nou yo, asiré-l. **R:**

DÉZIÈM LÉKTU

Paròl Bondié-a jijé pansé ak intansion kè-a.

Léktu lèt pou Ébré yo

4, 12-13

Paròl Bondié-a vivan, li fè sa pou-l fè, li pi filé pasé tout sab ki koupé dé bò, li touché jous nan séparasion nanm ak éspri, jous nan jouinti ak jous nan mouèl, li jijé pansé ak intansion kè-a. Okinn kréatu pa rét kaché dévan-l ; tout bagay aklè, yo tou louvri dévan jé-l, nou gin pou nou rann li kont.

Paròl Granmèt la.

ALÉLOUYA

Mt 5, 3

R: Alélouya. Ala kontantman pou moun ki pòv nan léspri-a,
paské sé pou yo péyi roua sièl yo yé. **R:** Alélouya.

ÉVANJIL

Tou sa-ou ginyin, vann li, épi suiv mouin.

✠ Léktu sint Évanjil la dapré Mark

10, 17-30

Lè sa-a :

Pandan Jézu t-ap sòti sou rout la, gin yon moun ki kouri dévan-l, li mét jénou atè dévan-l, li t-ap priyé-l : « Bon mè, ki sa pou-m fè pou-m éritié lavi ki pap janm fini-an ? »

Jézu minm di-l : « Pouki sa ou rélé-m bon-an ? Pèsònn pa bon, sof yon sèl Bondié-a. Ou konnin kòmandman yo : “Pa fè adiltè, pa touyé, pa vòlè, pa di fo-témouagnaj, pa fè moun ditò, respékté papa-ou ak manman-ou” ».

Min li minm li réponn, li di : « Mèt, tout bagay sa yo, mouin té obsèvé yo dépi-m tou jèn ».

Jézu minm gadé-l, li rinmin-l, li di-l : « Yon sèl bagay manké-ou ; alé, tou sa-ou ginyin, vann li, bay pòv yo, épi ou-a gin yon richès nan sièl la ; apré sa, vini, suiv mouin ». Li minm li vi-n tou tris nan paròl sa-a, li pati ak mi-n li dékonpozé, paské li té gin anpil byin.

Jézu minm gadé toutalantou, li di disip li yo : « Sé pa ti kras difisil sa difisil pou moun ki gin lajan yo antré nan péyi roua Bondié-a ! » Disip yo minm sézi poutèt paròl li yo. Jézu rékòmansé palé, li di yo : « Pitit mouin yo, ala difisil sa difisil pou moun ki mét konfians yo nan richès yo antré nan péyi roua Bondié-a. Li pi fasil pou yon chamo pasé nan jé zégui, pasé pou moun rich antré nan péyi roua Bondié-a ».

Yo minm yo té pi sézi toujou, youn t-ap di lòt : « Épi kilès ki kapab sové ? »

Jézu gadé yo, li di : « Pou lézòm, sa inposib, min pa pou Bondié : sèké tout bagay posib pou Bondié ».

Piè kòmansé di-l : « Min nou kité tout bagay épi nou suiv ou » !

Jézu pran laparòl, li di : « Amèn mouin di nou, pa gin pèsòn k-ap kité kay, oubyin frè, oubyin sè, oubyin papa, oubyin manman, oubyin pitit, oubyin jadin, poutèt mouin minm ak poutèt Bòn Nouvèl la, san-l pa jouinn san foua plis dépi koulié-a nan tan sa-a nan kay, frè, sè, manman, pitit, jadin, avèk pèsékision, épi nan tan k-ap vini-an lavi ki pap janm fini-an ».

Paròl Granmèt la.

oubyin pi kout

✠ Léktu sint Évanjil la dapré Mark

10, 17-27

Lè sa-a :

Pandan Jézu t-ap soti sou rout la, gin yon moun ki kouri dévan-l, li mét jénou atè dévan-l, li t-ap priyé-l : « Bon mèt, ki sa pou-m fè pou-m éritié lavi ki pap janm fini-an ? »

Jézu minm di-l : « Pouki sa ou rélé-m bon-an ? Pèsòn pa bon, sof yon sèl Bondié-a. Ou konnin kòmandman yo : “Pa fè adiltè, pa touyé, pa vòlè, pa di fo-témouagnaj, pa fè moun ditò, respékté papa-ou ak manman-ou” ».

Min li minm li réponn, li di : « Mèt, tout bagay sa yo, mouin té obsèvé yo dépi-m tou jèn ». Jézu minm gadé-l, li rinmin-l, li di-l : « Yon sèl bagay manké-ou : alé, tou sa-ou ginyin, vann li, bay pòv yo, épi ou-a gin yon richès nan sièl la ; apré sa, vini, suiv mouin ». Li minm li vi-n tou tris nan paròl sa-a ; li pati ak mi-n li dékonpozé, sèké li té gin anpil byin.

Jézu minm gadé toutalantou, li di disip li yo : « Sé pa ti kras difisil sa difisil pou moun ki gin lajan yo antré nan péyi roua Bondié-a ». Disip yo minm sézi nan paròl li yo. Jézu rékòmansé palé, li di yo : « Pitit mouin yo, ala difisil sa difisil pou moun ki mét konfians yo nan richès yo antré nan péyi roua Bondié-a. Li pi fasil pou yon chamo passé nan jé zégui, passé pou moun rich antré nan péyi roua Bondié-a ».

Yo minm yo té pi sézi toujou, youn t-ap di lòt : « Épi kilès ki kapab sové ? »

Jézu minm gadé yo, li di : « Pou lézòm, sa inposib, min pa pou Bondié, paské tout bagay posib pou Bondié ».

Paròl Granmèt la.

Dimanch, ané C

PRÉMIÉ LÉKTU

*Naaman tounin kot moun Bondié-a,
li rékonèt Granmèt la.*

Léktu dézièm liv Roua yo

5, 14-17

Jou sa yo :

Naaman Siryin-an désann, li lavé kò-l sèt foua nan Joudin-an, dapré paròl Élizé, moun Bondié-a ; chè-l vi-n tankou chè yon ti bébé ki tou piti, li géri sot nan lalèp li-a.

Li tounin kot moun Bondié-a avèk tout moun ki té akonpagné-l yo, li rivé, li kanpé dévan-l, li di : « Mouin konnin réyèlman pa gin dèt Bondié sou tout tè-a, sof nan Israèl sèlman. Tanpri, résévoua konpliman nan min sèvitè-ou ».

Li réponn : « Sou lavi Granmèt la, li minm mouin kanpé dévan-l nan, mouin pap aksépté ». Malgré li insisté, li pa aksépté ditou.

Naaman di : « Sé jan-ou vlé ; min, tanpri, fè sèvitè-ou la favè, pou-m pran yon chajman tè sou do dé milèt, paské sèvitè-ou la pap ofri sakrifis antié ak bèt bay dòt dié, sof Granmèt la ».

Paròl Granmèt la.

PSÒM RÉPONS

Ps 97, 1. 2-3 ab. 3 cd-4 (R : cf. 2 b)

R: Dévan fas nasion yo Granmèt la révéle jan li sové nou.

- 1 Chanté yon kantik nouvo pou Granmèt la,
poutèt mèvèy li fè.
Min douat li sové pou li,
bra li ki sin-an. R:
- 2 Granmèt la fè konnin jan-l sové nou,
dévan fas nasion yo li révéle jistis li-a.
- 3 Li sonjé mizérikòd li
ak vérité-l pou kay Israèl la. R:
- 4 Tout limit tè-a ap ouè sové Bondié sové nou-an.
Bat bravo pou Bondié, tout tè-a,
éklaté, dansé, chanté. R:

DÉZIÈM LÉKTU

Si nou sipòté tray, n-ap régné ansanm ak Kris la.

Léktu dézièm lèt apot sin Pòl pou Timoté

2, 8-13

Ou minm mouin rinmin anpil la :

Sonjé Granmèt Jézu-Kri té résisité vivan sot nan pami mò yo, li minm ki soti nan ras David la dapré Bòn Nouvèl mouin-an ; sé pou li m-ap soufri jous nan chinn yo tankou you malfètè-a ; min paròl Bondié-a pa maré. Sé poua mouin sipòté tout bagay pou moun yo Bondié chouazi-a, pou yo minm tou yo kapab jouinn sové nou sové-a, sa ki nan Kris Jézu-a, avèk gloua sièl la.

Paròl la sètin ; sèké, si nou mouri avèk li, n-ap viv ansanm avèk li ; si nou sipòté tray, n-ap régné ansanm avèk li ; si nou nié-l, l-ap nié nou tou ; si nou pa kouè, li minm li rét fidèl : li pa kapab nié pròp tèt li.

Paròl Granmèt la.

ALÉLOUYA

1 Tés 5, 18

℞ Alélouya. Nan tout sikonstans sé pou nou di Bondié mèsì :
sa sé volonté Bondié nan Kris Jézu pou nou tout. ℞ Alélouya.

ÉVANJIL

*Pa ginyin ki tounin vi-n di Bondié mèsì,
sof étranjé sa-a.*

✠ Léktu sint Évanjil la dapré Luk

17, 11-19

Lè sa-a :

Rivé, pandan Jézu t-apral Jérusalèm, li t-ap travèsé nan mitan Samari ak Galilé.

Pandan l-ap antré nan yon bouk, gin dis moun lépré ki vi-n dévan-l, yo kanpé byin louin, yo lévé voua yo, yo di : « Jézu, mèt, pitié pou nou ».

Lè-l ouè yo, li di : « Alé, fè prèt yo ouè nou ». Rivé, pandan y-apralé, yo géri.

Youn nan yo, lè-l ouè li géri, li tounin antan l-ap rélé byin fò, l-ap fè konpliman pou Bondié ; li tonbé sou fas li dévan pié Jézu, l-ap di-l mèsì : sé té yon Samaritin.

Jézu pran laparòl, li di : « Èské dis yo pa-t géri ? É nèf yo koté yo ? Pa gin pèsònn ki tounin pou di Bondié mèsì, sof étranjé sa-a ».

Li di-l : « Lévé, alé, paské lafoua-ou sovè-ou ».

Paròl Granmèt la.

Lindi

PRÉMIÉ LÉKTU

*Kris la, sé pa lantrémiz li nou té résévoua gras la ak mision apot la,
pou nou fè nasion yo obéyi lafoua-a.*

Kòmansman lèt apot sin Pòl pou Romin yo

1, 1-7

Pòl, sèvitè Jézu-Kri, li minm yo rélé kòm apot, yo mété apa pou Bòn Nouvèl Bondié-a, sa-l té promèt davans pa lantrémiz profèt li yo nan sa-k ékri yo ki sin-an, osijè Pitit li-a ; Li minm ki vi-n fèt pou li nan ras David la dapré chè-a.

Li minm ki té nonmin davans kòm Pitit Bondié nan pouvoua-a dapré Éspri k-ap fè moun vi-n sin-an, gras a réziréksion sot nan pami mò yo, Jézu-Kri Granmèt nou-an. Sé pa pouvoua-l nou résévoua gras avèk mision apot pou fè tout nasion yo obéyi lafoua-a pou non li ; nou minm ki nan pami nasion sa yo, Jézu-Kri rélé nou tou.

Pou nou tout ki a Ròm, nou minm Bondié rinmin-an, nou minm li rélé pou nou vi-n sin-an, gras pou nou ak lapè sot nan Bondié Papa nou ak Granmèt nou Jézu-Kri.

Paròl Granmèt la.

PSÒM RÉPONS

Ps 97, 1. 2-3 ab. 3 cd-4 (R: : 2 a)

R: Granmèt la fè konnin sovè li sovè nou-an.

¹ Chanté yon kantik nouvo pou Granmèt la,
paské li fè mèvèy.

Min douat li sovè pou li,
bra li ki sin-an. R:

² Granmèt la fè konnin sovè li sovè nou-an,
nan fas nasion yo li révéle jistis li-a.

³ Li sonjé mizèrikòd li-a
ak vérité-l la pou kay Israèl la. R:

Tout limit tè-a ap ouè sovè Bondié sovè nou-an.

⁴ Sonnin tronpèt pou Bondié,
tout tè-a, éklaté, fété, chanté. R:

Ané 2

PRÉMIÉ LÉKTU

*Nou pa pitit madanm ki ésklav la,
min pitit madanm ki lib la.*

Léktu lèt apot sin Pòl pou Galat yo

4, 22-23. 26-27. 31-5, 1

Frè-m yo :

Yo ékri Abraam té gin dé pitit, youn ki soti nan madanm ki ésklav la, lòt la ki soti nan madanm ki lib la ; min sa ki soti nan madanm ki ésklav la, li fèt dapré chè-a ; sa ki soti nan madanm ki lib la, li fèt pou promès la.

Bagay sa yo rivé an parabòl. Sé dé aliens : youn sou mòn Sinayi-a ki anfanté pou ésklavaj, sé Agar ; lòt la minm, ki anlè-a, sé Jérusalèm ki lib, li sé manman nou. Réyèlman yo ékri : « Fè kè-ou kontan, ou minm ki pa ansint ; vòltijé, dansé, ou minm ki pa anfanté ; paské pitit madanm nan ki pou kont li-a, yo plis pasé pitit sa-a ki gin mari-a ».

Sé pousa, frè-m yo, nou pa pitit madanm ki ésklav la, min nou sé pitit madanm ki lib la, sé ak libèté sa-a Kris la libéré nou. Kanpé, pa kité yo fèmin nou ankò anba jouk ésklavaj la.

Paròl Granmèt la.

PSÒM RÉPONS

Ps 112, 1-2. 3-4. 5 a é 6-7 (R: cf. 2)

R: Sé pou non Granmèt la béni pou tout tan.

oubyin : Alélouya.

- 1 Fè louanj, timoun Granmèt la,
fè louanj pou non Granmèt la.
- 2 Sé pou non Granmèt la béni
dépi koulié-a ak pou tout tan. R:
- 3 Dépi olévan jous okouchan
non Granmèt la mérité louanj.
- 4 Granmèt la anlè nèt anro tout nasion yo,
anlè sièl yo gloua li yé. R:
- 5 Kilès ki tankou Granmèt Bondié nou-an
ki abité nan rotè yo,
- 6 ki voyé jé sou pòv yo
nan sièl la ak sou tè-a ?

⁷ Li lèvé pòv la sot atè-a,
li drésé maléré-a sot nan fatra-a. **R:**

ALÉLOUYA

Cf. Ps 94, 8 ab

R: Alélouya. Jodi-a, pa fèmin kè nou,
min kouté voua Granmèt la. **R:** Alélouya.

ÉVANJIL

*Yo pap bay jénérasyon sa-a dèt sign
pasé sign profèt Jonas la.*

✠ Léktu sint Évanjil la dapré Luk

11, 29-32

Lè sa-a :

Kòm foul yo t-ap gonflé sou Jézu, li kòmansé di : « Jénérasyon sa-a sé yon jénérasyon ki méchan ; l-ap chèché sign, ébyin yo pap ba-l sign, sof sign profèt Jonas la. Réyèlman minm jan Jonas té sèvi sign pou moun Niniv yo, konsa tou Pitit moun nan ap sèvi sign pou jénérasyon sa-a. Rèn nan-sid la ap lèvé jou jijman-an ansanm ak moun jénérasyon sa-a, l-ap kondané yo ; paské li té vini soti nan bout tè-a pou-l kouté sajès Salomon, épi gin plis pasé Salomon isit la. Moun Niniv yo ap lèvé jou jijman-an ansanm ak jénérasyon sa-a épi y-ap kondané-l paské yo té fè pénitans nan prèch Jonas la, épi gin plis pasé Jonas isit la ».

Paròl Granmèt la.

Madi

Ané 1

PRÉMIÉ LÉKTU

*Malgré moun yo té rékonèt Bondié,
yo pa-t fè louanj pou li kòm Bondié.*

Léktu lèt apot sin Pòl pou Romin yo

1, 16-25

Frè-m yo :

Mouin pa ront Bòn Nouvèl la : sé fòs Bondié li yé pou tout moun ki kouè yo sovè. Pou Juif la toudabò, épi apré, pou Grèk la. Jistis Bondié-a

révélé réyèlman nan li sot nan lafoua al nan lafoua, dapré sa ki ékri-a :
« Moun ki kòrèk la viv sou kont lafoua-a ».

Kòlè Bondié-a révélé réyèlman sot nan sièl la sou tout inpiété ak injistis moun yo k-ap kinbé vérité Bondié-a prizonié anba injistis la. Paské sa yo kapab konnin sou Bondié, li manifésté pou yo : Bondié manifésté yo sa vré. Sa-k té invizib osijè-l réyèlman dépi kréasion tè-a, yo vi-n ouè yo ak intélijans pa lintèmédiè sa-k réalizé yo, pouvoua-l ki diré tout tan-an ak sa-l yé kòm Bondié-a ; atèl pouin yo pa gin éskiz ; paské, malgré yo konnin Bondié, yo pa ba-l gloua kòm Bondié, yo pa di-l mèsi ; min yo vi-n san sans nan pansé yo, kè yo ki san sajès vi-n plin fènoua. Yo di yo gin sajès, min yo vi-n fou, yo chanjé gloua Bondié ki pa kapab gaté-a nan pòtré moun ki kapab gaté, ak pòtré zouazo, ak bèt kat pat ak sèpan.

Sé pousa Bondié rinmèt yo bay anvi kè yo, bay sa-k pa pròp, pou yo avili pròp kò yo, yo minm ki fè vérité Bondié-a vi-n tounin manti, yo minm ki pito adoré, ki pito sèvi kréatu pasé Sa-a ki kréyé yo-a ; konpliman pou li pou tout tan. Amèn.

Paròl Granmèt la.

PSÒM RÉPONS

Ps 18, 2-3. 4-5 (R: 2 a)

- R: Sièl yo ap rakonté gloua Bondié.
- 2 Sièl yo ap rakonté gloua Bondié,
travay min-l, platfòm sièl la ap anonsé yo.
- 3 Jou ap déklaré paròl bay jou,
nannuit ap montré konésans bay nannuit. R:
- 4 Pa gin paròl, pa gin mo,
yo pa tandé voua yo.
- 5 Sou tout tè-a yo tandé voua yo,
paròl yo jous nan limit fas tè-a. R:

Ané 2**PRÉMIÉ LÉKTU**

*Sikonsizion-an pa vo anyin, min sé lafoua-a
k-ap aji gras a lacharité-a.*

Léktu lèt apot Pòl pou Galat yo**5, 1-6**

Frè-m yo :

Kris la libéré nou pa pouvoua libète li. Kanpé, pa kité yo fèmin nou ankò anba jouk ésklavaj la. Sé mouin minm Pòl ki di nou sa : si nou aksépté sikonsizion, Kris la pap sèvi anyin pou nou. Mouin déklaré tout moun ki aksépté sikonsizion-an, l-ap blijé fè tou sa laloua-a mandé-a. Nou pèdi sa Kris la yé pou nou-an, nou minm k-ap chèché jistis nou nan laloua-a : nou raché tèt nou sot nan gras la.

Kanta nou minm, sé nan Éspri-a, gras a lafoua-a, n-ap tann éspérans jistis la. Réyèlman nan Kris Jézu ni sikonsizion pa sèvi anyin, ni po ti-kò, min sé lafoua-a k-ap aji gras a charité-a.

Paròl Granmèt la.

PSÒM RÉPONS**Ps 118, 41. 43. 44. 45. 47. 48 (R: 41 a)**

- R:** Sé pou mizérikòd ou-a rivé sou mouin, Granmèt.
- 41** Sé pou mizérikòd ou-a rivé sou mouin, Granmèt,
sové ou sové nou-an dapré promès ou-a. **R:**
- 43** Pa ouété paròl vérité-a sot nan bouch mouin ditou,
paské mouin éspéré nan jijman-ou yo anlè tout bagay. **R:**
- 44** M-ap kinbé laloua-ou la tout tan,
pou tout tan ak tout tan gin tan. **R:**
- 45** M-ap maché nan gran chémin,
paské mouin té chèché kòmandman-ou yo. **R:**
- 47** M-ap jouinn kontantman nan lòd ou yo,
yo minm mouin rinmin-an. **R:**
- 48** M-ap lévé min-m nan diréksion lòd ou yo, mouin rinmin-an,
m-ap réfléchi sou désizion-ou yo. **R:**

ALÉLOUYA

Ébr 4, 12

R: Alélouya. Paròl Bondié-a vivan, li réalizé sa-l vlé,
li sondé pansé ak intansion ki nan kè-a. R: Alélouya.

ÉVANJIL

Fè lacharité, épi tout bagay ap nèt pou nou.

✚ Léktu sint Évanjil la dapré Luk

11, 37-41

Lè sa-a :

Kòm Jézu t-ap palé, yon farizyin invité-l vi-n manjé lakay li. Li antré, li lonjé kò-l. Farizyin-an minm kòmansé fè réfléksion nan kè-l, li di pouki sa li pa lavé min-l anvan-l manjé.

Granmèt la di-l : « Koulié-a, nou minm farizyin yo, sé sa-k déyò kalis la ak plat la n-ap nétouayé, min sa-k pi fon anndan nou minm nan, li plin ak vié anvè ak méchansté. Nou sòt, éské sa-a ki té fè sa-k déyò-a sé pa li minm tou ki té fè sa-k anndan-an ? Vrèman fè charité ak sa nou gin ki tròp, épi tout bagay ap vi-n nèt pou nou ».

Paròl Granmèt la.

Mèkrédi

Ané 1

PRÉMIÉ LÉKTU

*L-ap rinmèt chak moun dapré aksion-l,
Juif la toudabò, épi Grèk la apré sa.*

Léktu lèt apot sin Pòl pou Romin yo

2, 1-11

Ou pa gin éskiz, monchè, ou minm k-ap jijé-a ; sèké nan sa ou-ap jijé lòt la, ou-ap kondané pròp tèt ou, paské ou fè minm bagay yo ou-ap jijé-a. Réyèlman nou konnin jijman Bondié-a, li fèt dapré vérité-a pou sa yo ki fè kalité bagay sa yo.

Ou minm, monchè, k-ap jijé sa yo k-ap aji konsa-a épi k-ap fè minm bagay yo, éské ou konprann ou-ap évité jijman Bondié-a ? Oubyin éské

sé richès bon kè-l, ak pasians li, ak padon-l ou-ap méprizé ? Èské ou pa konnin bon kè Bondié ap kondui-ou pou-ou fè pénitans ?

Dapré jan kè-ou fèmin, jan-l pa fè pénitans, ou-ap ranmasé kòlè pou ou, pou jou kòlè-a ak révélation jijman Bondié ki kòrèk la, li minm k-ap rinmèt chak moun dapré aksion-l yo : moun yo ki pran pasians ap fè sa-k byin pou yo chèché gloua, konsidérasion ak sa ki pap disparèt la, y-ap jouinn lavi k-ap diré tout tan-an ; lòt yo minm ki rébèl yo, ki pa dakò ak vérité-a, ki mét konfians yo nan sa-k pa kòrèk la, sé kòlè ak laront ki pou yo.

Tribilasion ak kè séré pou tout moun k-ap fè sa-k mal, Juif la toudabò épi Grèk la ; min gloua ak lapè pou tout moun k-ap fè sa-k bon, Juif la toudabò épi Grèk la ; paské pa gin konsidérasion figi dévan Bondié.

Paròl Granmèt la.

PSÒM RÉPONS

Ps 61, 2-3. 6-7. 9 (R: 13 b)

- R: Granmèt, ou rinmèt chak moun dapré aksion-l.
- 2 Sé nan Bondié sèlman pou-ou répozé, nanm mouin ;
paské sé nan li sovè m-ap sovè-a soti.
- 3 Vrèman sé li minm ki kachèt mouin ak sovè mouin,
protéksion-m, mouin pap souké ankò. R:
- 6 Sé nan Bondié sèlman pou-ou pozé, nanm mouin ;
paské sé nan li pasians mouin soti.,
- 7 Vrèman sé li minm ki Bondié-m ak sovè mouin,
sékou-m, mouin pap souké. R:
- 9 Éspéré nan li, tout fanmi pèp la,
vidé kè nou dévan li ;
Bondié sé kachèt pou nou. R:

Ané 2

PRÉMIÉ LÉKTU

*Moun ki disip Kris la, yo klouré chè yo
sou koua-a avèk vis yo.*

Léktu lèt apot sin Pòl pou Galat yo

5, 18-25

Frè-m yo :

Si sé Éspri-a k-ap kondui nou, nou pa anba laloua-a.

Aktivité chè-a, yo manifésté, sé fònikasyon, bagay ki pa pròp, mové konduit, banbòch, sèvis zidòl, maji, rayisans, diskision, jalouzi, kòlè, batay, kont, divizion, anvi, krim, bouéson, résepshon-lisans, ak bagay konsa. Mouin di nou sa davans, jan-m té déjà di nou li : moun k-ap aji konsa yo, yo pap jouinn péyi-roua Bondié-a.

Min foui Éspri-a minm sé charité, kè kontan, lapè, pasians, bon jan, bon kè, padon, dousè, lafoua, sinplisité, kontrolé mové tandans, réglé plézi kò-a. Kont kalité bagay sa yo pa gin laloua. Moun ki disip Kris la, yo klouré chè yo sou koua-a avèk vis yo épi vié anvi yo. Si sé Éspri-a k-ap fè nou viv, sé dapré Éspri-a tou pou nou maché.

Paròl Granmèt la.

PSÒM RÉPONS

Ps 1, 1-2. 3. 4 é 6 (R: : cf. Jan 8, 12)

R: Moun k-ap suiv ou, Granmèt, l-ap gin limiè lavi-a.

- 1 Ala kontantman pou moun, ki pa alé suiv konsèy méchan yo,
ki pa kanpé nan chémin péchè yo,
ki pa chita nan asanblé moun k-ap pasé nan jouèt yo ;
- 2 min sé nan laloua Granmèt la volonté-l yé. R:
- 3 L-ap tankou yon pié boua ki planté sou bò dlo k-ap kouri,
k-ap bay foui-l nan sézon-l ;
fèy li pap tonbé,
tou sa l-ap fè ap réyisi. R:
- 4 Sé pa konsa pou méchan yo, sé pa konsa,
min y-ap tankou pousiè van ap vòltijé.
- 5 Sèké Granmèt la konnin rout moun kòrèk yo,
min chémin péchè yo ap péri. R:

ALÉLOUYA

Jan 10, 27

℞ Alélouya. Mouton-m yo kouté voua-m, sé sa Granmèt la di ;
épi mouin minm mouin konnin yo, yo suiv mouin. ℞ Alélouya.

ÉVANJIL

*Ala malè pou nou, farizyin yo ! ni nou minm tou
profèsè laloua yo, madichon !*

✠ Léktu sint Évanjil la dapré Luk

11, 42-46

Lè sa-a : Granmèt la di :

« Ala malè pou nou, farizyin yo, paské nou bay ladim sou mant la ak chou-a, ak tout kalité légim, min nou pasé akoté jijman-an ak charité Bondié-a ! Sé pou nou té fè bagay sa yo, min nou pa-t doué néglijé lòt yo.

Ala malè pou nou, farizyin yo, paské nou rinmin prémié tro-n yo nan sinagòg yo avèk salutation sou laplas !

Ala malè pou nou, paské nou tankou tonb yo pa ouè, moun yo ap maché sou yo san yo pa konnin ! »

Youn nan skrib yo réponn, li di-l : « Mèt, lè-ou di sa-a, ou fè nou afron tou ». Li di-l : « Nou minm tou skrib yo, ala malè, paské nou mété chaj ki lou sou do moun yo, chaj yo pa kapab poté, épi nou minm minm ak yon ti douèt nou nou pap touché pakèt yo ! »

Paròl Granmèt la.

Jédi

Ané 1

PRÉMIÉ LÉKTU

*Moun nan vi-n kòrèk gras a lafoua-a,
san aktivité laloua-a.*

Léktu lèt apot sin Pòl pou Romin yo

3, 21-30 a

Frè-m yo :

Koulié-a san laloua-a jistis Bondié-a parèt, laloua-a ak profèt yo sèvi-l témouin. Jistis Bondié-a gras a lafoua Jézu-Kri-a pou tout moun ak sou

tout moun ki kouè nan li. Sèké pa gin distinksiyon : tout moun fè péché, yo pa gin gloua Bondié-a ; yo vi-n kòrèk gratis, pa pouvoua gras li-a, pa pouvoua rédanmsion-an ki nan Kris Jézu. Li minm Bondié té ékspozé davans kòm padon gras a lafoua nan san-l, pou montré jistis li antan li padonnin péché ki té fèt anvan yo, nan pasians Bondié, pou montré jistis li nan tan sa-a ; pou-l kapab kòrèk li minm, pou-l fè sa-a ki mété lafoua nan Jézu-Kri-a vi-n kòrèk.

Konsa koté rézon pou-ou ap fè gloua pròp tèt ou-a ? Li pa égzisté. Akòz ki laloua ? Laloua aksion yo ? Non, min akòz laloua lafoua-a. Nou konsidéré moun nan vi-n kòrèk gras a lafoua-a, san aktivité laloua-a. Oubyin èské sé Bondié Juif yo sèlman li yé ? èské sé pa Bondié nasion yo tou ? Paské sé yon sèl Bondié-a.

Paròl Granmèt la.

PSÒM RÉPONS

Ps 129, 1-2. 3-4 b. 4 c-6 (R : 7)

R: Kot Granmèt la sé mizérikòd,
avèk rédanmsion an kantité koté-l.

- 1 Nan bafon yo m-ap rélé koté-ou, Granmèt ;
Granmèt, kouté voua-m.
- 2 Sé pou zòrèy ou panché
nan voua priyè-m nan. R:
- 3 Si-ou kinbé fot yo, Granmèt,
Granmèt, ki moun k-ap kanpé ?
- 4 Paské koté-ou sé padon,
nou krinn ou. R:
- 5 M-ap tann ou, Granmèt ;
nanm mouin ap tann nan paròl li,
- 6 nanm mouin éspéré nan Granmèt la
Plis pasé yon santinèl k-ap éspéré dévan-jou. R:

Ané 2**PRÉMIÉ LÉKTU***Li chouazi nou nan Kris la anvan tè-a té fèt.***Kòmansman lèt apot sin Pòl pou Éfézyin yo** **1, 1-10**

Pòl, apot Jézu-Kri gras a volonté Bondié, pou tout sin yo, ki Éfèz, ak fidèl yo nan Kris Jézu. Gras pou nou ak lapè sot nan Bondié Papa nou ak Granmèt Jézu-Kri.

Konpliman pou Bondié Papa Granmèt nou Jézu-Kri, li minm ki béni nou ak tout kalité bénédiksion Éspri-a nan sièl yo nan Kris la ; jan li té chouazi nou nan li anvan tè-a té fèt la, pou nou sin, san répròch dévan-l nan charité-a ; li minm ki té destiné nou davans pou nou vi-n tounin pitit adoptif gras a Jézu-Kri pou li, dapré désizion volonté-l, pou louanj gloua gras li-a, koté li fè nou gras nan Pitit li-a li rinmin-an.

Nan li nou gin rédanmsion gras a san-l, padon péché yo dapré richès gras li-a, ki débòdé sou nou nan tout kalité sajès ak sians ; pou-l té kapab fè nou konnin mistè volonté-l, dapré bon plézi-l, sa-l té ranjé davans nan li pou fè tan yo rivé nan dènié bout kous yo pou-l pozé fondasion tout bagay nan Kris la, ni sa-k nan sièl yo ni sa-k sou tè-a, nan li minm.

Paròl Granmèt la.

PSÒM RÉPONS**Ps 97, 1. 2-3 ab. 3 cd-4. 5-6 (R: 2 a)**

R: Granmèt la fè konnin sovè li sovè nou-an.

1 Chanté yon kantik nouvo pou Granmèt la,
poutèt mèvèy li fè.

Mín douat li sovè pou li,
bra li ki sin-an. **R:**

2 Granmèt la fè konnin sovè li sovè nou-an,
dévan fas nasion yo li révéle jistis li-a.

3 Li sonjé mizérikòd li-a,
ak vérité-l la pou kay Israèl la. **R:**

Tout limit tè-a ap ouè
sovè Bondié sovè nou-an.

4 Bat bravo pou Bondié, tout tè-a,
éklaté, dansé, chanté. **R:**

- ⁵ Chanté pou Granmèt la sou gita,
sou gita ak son mizik ;
⁶ sou tronpèt ki dous ak kòn,
fè konpliman dévan fas Granmèt la ki roua-a. **R:**

ALÉLOUYA

Jan 14, 6

R: Alélouya. Mouin sé chémin-an, vérité-a ak lavi-a, sé sa Granmèt la di ;
pèsònn pa vi-n kot Papa-a, sof pa lantrémiz mouin. **R:** Alélouya.

ÉVANJIL

*Y-ap mandé kont pou san profèt yo
dépi sou san Abèl jous sou san Zakari.*

✠ Léktu sint Évanjil la dapré Luk

11, 47-54

Lè sa-a : Granmèt la di :

« Ala malè pou nou, nou minm k-ap bati kavo profèt yo ; min sé papa nou yo ki té touyé yo ! Konsa nou sèvi témouin nou dakò ak aksion papa nou yo ; paské yo minm yo fi-n touyé yo, nou minm minm nou bati kavo yo.

Sé pou sa sajès Bondié-a di : “M-ap voyé profèt ak apot koté yo, gin nan yo y-ap touyé, y-ap pèsékité, pou yo mandé kont pou san tout profèt yo ki té vidé-a, dépi tè-a té fèt la, san sa-a jénérasyon sa-a fè koulé-a, dépi sou san Abèl jous sou san Zakari ki mouri ant lotèl la ak pati ki pi rézèvé nan tanp la”. Oui, mouin di nou, y-ap mandé jénérasyon sa-a kont.

Ala malè pou nou skrib yo, paské nou ouété klé sians la : nou minm nou pa antré, min sa yo ki t-ap antré yo, nou anpéché yo ! »

Lè-l di yo bagay sa yo, farizyin yo ak skrib yo kòmansé kolé kò yo sou li séré, pou yo fè-l palé ak bouch li sou anpil bagay, antan y-ap pozé pièj pou li, yo t-ap chèché pran kichòy nan bouch li, pou yo akizé-l.

Paròl Granmèt la.

Vandrédi

Ané 1

PRÉMIÉ LÉKTU

Abraam kouè nan Bondié, sa sèvi-l kòm jistis.

Léktu lèt apot sin Pòl pou Romin yo

4, 1-8

Frè-m yo :

Kisa nou di Abraam té jouinn, li minm papa nou dapré chè-a ? Réyèlman, si Abraam té vi-n kòrèk poutèt aksion yo, li gin gloua, min sé pa kot Bondié. Ki sa sa ki ékri-a di ? « Abraam kouè nan Bondié, épi yo konsidéré sa pou li pou jistis la ».

Moun ki travay, yo pa konsidéré rékonpans li tankou yon gras, min tankou yon doua ; min moun ki pa travay, min ki kouè nan sa-a ki fè sa-k pa kòrèk la vi-n kòrèk la, yo konsidéré lafoua-l kòm jistis dapré désizyon gras Bondié-a. Jan David li minm di kijan moun sa-a gin kontantman, sa Bondié résévoua-a, li ba-l jistis la san travay yo.

« Ala kontantman pou sa yo yo padonnin fot yo, yo kouvri péché yo. Ala kontantman pou moun sa-a Granmèt la pa konsidéré péché-l la ».

Paròl Granmèt la.

PSÒM RÉPONS

Ps 31, 1-2. 5. 11 (R: cf. 7)

- R: Ou sé kachèt pou mouin,
ak kè kontan sové ou sové-m nan ou vlopé-m.
- ¹ Ala kontantman pou moun yo padonnin fot li,
yo kouvri péché-l.
- ² Ala kontantman pou moun Granmèt la pa konsidéré kòm koupab,
ki pa gin riz nan éspri-l. R:
- ⁵ Mouin fè-ou konnin péché-m nan,
mouin pa kaché fot mouin-an.
Mouin di : « M-ap déklaré fot mouin-an dévan Granmèt la ».
Ou minm ou padonnin fot péché-m nan. R:
- ¹¹ Fè kè nou kontan nan Granmèt la, fété, nou minm ki kòrèk yo.
Fè gloua pou tèt nou, nou tout ki gin kè nou douat yo. R:

Ané 2

PRÉMIÉ LÉKTU

*Anvan, nou té espéré nan Kris la,
épi nou minm Éspri sin-an maké nou.*

Léktu lèt apot sin Pòl pou Éfézyin yo

1, 11-14

Frè-m yo :

Nan Kris la yo chouazi nou, yo rélé nou, nou minm tou, pitit Israèl yo, yo déstiné nou davans dapré plan sa-a ki fè tout bagay dapré désizion volonté-l la, pou nou vi-n sèvi louanj gloua-l, nou minm ki té espéré davans nan Kris la. Nan li minm nou minm tou, lè nou té tandé paròl vérité-a, Bòn Nouvèl sové yo sové nou-an, lè nou té kouè nan li tou, Éspri-Sin yo té promèt la signin nou, li minm ki gaj éritaj nou-an, pou rédanmsion k-ap vini-an, pou louanj gloua li-a.

Paròl Granmèt la.

PSÒM RÉPONS

Ps 32, 1-2. 4-5. 12-13 (R: 12 b)

R: Ala kontantman pou pèp sa-a Bondié chouazi kòm éritaj li-a.

- ¹ Fété nan Granmèt la, nou minm ki kòrèk yo ;
louanj la alé ak moun ki douat yo.
- ² Fè louanj pou Granmèt la sou gita,
sou instriman dis kòd la, chanté pou li. R:
- ⁴ Sèké paròl Granmèt la douat,
tout aksion-l yo nan fidéлитé.
- ⁵ Li rinmin jistis ak jijman,
mizérikòd Granmèt la plin tè-a. R:
- ¹² Ala kontantman pou nasion-an, ki gin Granmèt la pou Bondié-l,
pèp la li chouazi kòm éritaj li-a.
- ¹³ Antan-l nan sièl la Granmèt la voyé jé-l,
li ouè tout pitit moun yo. R:

ALÉLOUYA

Ps 32, 22

R: Alélouya. Sé pou mizérikòd ou-a rivé sou nou, Granmèt,
paské nou espéré nan ou. R: Alélouya.

ÉVANJIL

Tout chévé tèt nou konté.

✠ Léktu sint Évanjil la dapré Luk

12, 1-7

Lè sa-a :

Anpil foul té antouré Jézu, si tèlman youn t-ap maché sou pié lòt ; Jézu kòmansé di disp li yo : « Fè atansyon lévin farizyin yo, sa vlé di jan yo ipokrit. Nan pouin anyin ki kaché ki pap révéilé, ni anyin ki an kachèt yo pap konnin. Sa nou di nan fènoua, y-ap di-l nan limiè, épi sa nou palé nan zòrèy anndan chanm, y-ap préché-l sou tèt kay.

Nou minm zanmi-m yo, mouin di nou : Pa pè moun yo k-ap touyé kò-a, épi apré sa yo pa kapab fè anyin pi plis. M-ap montré nou kilès pou nou krinn : sé pou nou krinn sa-a, lè-l fi-n touyé-a, ki gin pouvoua pou-l jété nan lanfè-a. Oui, mouin di nou, sé sa-a pou nou krinn.

Èské yo pa vann sink ti zouazo k-ap pasé yo pou dé piès lajan, époutan youn nan yo, Bondié pa bliyé-l ? Min tout chévé nan tèt nou yo konté.

Konsa, pa pè : nou vo plis pasé anpil zouazo ».

Paròl Granmèt la.

Samdi

Ané 1

PRÉMIÉ LÉKTU

*Kont éspérans la,
li kouè nan éspérans la.*

Léktu lèt apot Pòl pou Romin yo

4, 13. 16-18

Frè-m yo :

Sé pa laloua-a ki sèvi garanti promès pou Abraam oubyin pou désandans li yo, pou-l té éritié tè-a, min sé jistis lafoua-a. Konsa sé lafoua-a, dapré gras la, ki asiré promès la pou désandans la, pa pou sa yo ki réglé sou laloua-a sèlman, min pou sa yo ki pitit Abraam antan yo réglé sou lafoua-a. Abraam sa-a ki papa nou tout (jan sa ékri-a : « M-ap fè-ou vi-n papa tout pakèt nasion yo »), li papa nou dévan Bondié sa-a li

té mété lafoua nan li-a, Bondié sa-a ki fè mò yo viv la, épi ki rélé sa-k pa égzisté yo minm jan ak sa-k égzisté yo.

Li minm, kont éspérans la, li kouè nan éspérans la, pou-l té kapab vi-n papa tout pakèt nasion yo, dapré sa yo té di-l : « Sé konsa désandans ou ap yé ».

Paròl Granmèt la.

PSÒM RÉPONS

Ps 104, 6-7. 8-9. 42-43 (R: 8 a)

R: Granmèt la té sonjé aliens li-a pou tout tan gin tan.

oubyin : Alélouya.

- ⁶ Ras Abraam, sèvitè-l la,
pitit Jakòb yo, sa-a li chouazi-a.
- ⁷ Sé li minm ki Granmèt Bondié nou ;
jijman-l yo sou tout tè-a. R:
- ⁸ Li sonjé aliens li-a pou tout tan,
paròl li kòmandé pou mil jénérasyon yo,
- ⁹ sa-l té réglé avèk Abraam nan,
ak sèman li té fè bay Izaak la. R:
- ⁴² Paské li sonjé paròl li ki sin-an
pou Abraam sèvitè-la.
- ⁴³ Li kondui pèp li nan kè kontan,
sa yo li té chouazi-a li kondui yo nan fèt. R:

Ané 2

PRÉMIÉ LÉKTU

Li bay Kris la kòm tèl sou Égliz la, ki kò li-a.

Léktu lèt apot sin Pòl pou Éfézyin yo

1, 15-23

Frè-m yo :

Lè-m tandé palé sou lafoua nou, ki nan Granmèt Jézu-a, ak sou rinmin nou ginyin pou tout sin yo, mouin pa sispann ap di Bondié mèsi pou nou, antan m-ap fè sonjé nou nan priyè-m yo :

Sé pou Bondié Granmèt nou Jézu-Kri, Papa gloua-a, ba nou éspri sajès avèk révélation ki fè nou konnin-l vré ; sé pou-l kléré jé kè nou,

pou nou konnin ki éspérans ki ginyin nan rélé li rélé nou-an, ki richès gloua éritaj li-a ginyin nan sin yo, kijan pouvoua-l gran dépasé mézi nan nou minm ki kouè yo, dapré aktivité fòs pouvoua-l, li déplouayé nan Kris la, antan-l résisité-l sot nan pami mò yo, li fè-l chita adouat li nan sièl la, sou tout péyi-roua, pouvoua, otorité ak kòmandman ak tout non yo kapab nonmin, pa sèlman nan sièk sa-a, min nan sa k-ap vini-an tou.

Épi « li mété tout bagay anba pié-l », li bay li kòm tèt sou tout Égliz la, ki kò li ak sa-l plin-an ; sé li minm Kris la ki réalizé tout bagay nan tout moun.

Paròl Granmèt la.

PSÒM RÉPONS

Ps 8, 2-3 a. 4-5. 6-7 (R : 7)

- R: Ou mété Pitit ou-a kòm chèf sou travay min-ou yo.
- 2 Granmèt, Granmèt nou,
ala gran non-ou gran sou tout tè-a ;
paské grandè-ou ro anlè sièl yo.
- 3 Nan bouch ti moun piti ak sa ki nan tété yo, ou réalizé bèl louanj. R:
- 4 Lè-m ouè sièl ou yo, travay douèt ou yo,
lali-n ak zétoual yo ou fiksé :
- 5 sa moun nan yé, pou-ou sonjé-l ?
oubyin pitit moun nan, pou-ou vizité-l ? R:
- 6 Ou fè-l vi-n pi pa ba yon ti kras anba Anj yo,
ak gloua ak konsidérasion ou kouronnin-l ;
- 7 ou mété-l kòm chèf anlè travay min-ou yo. R:

ALÉLOUYA

Jan 15, 26 b. 27 a

- R: Alélouya. Éspri vérité-a ap sèvi-m témouin, sé sa Granmèt la di ;
nou minm tou n-ap sèvi-m témouin. R: Alélouya.

ÉVANJIL

*Éspri Sin-an ap aprann nou nan lè sa-a minm
sa n-ap gin pou nou di.*

✠ Léktu sint Évanjil la dapré Luk**12, 8-12**

Lè sa-a : Jézu di disip li yo :

« Tout moun ki rékonèt mouin dévan lézòm, Pitit moun nan ap rékonèt li tou dévan Anj Bondié yo, min sa ki nié-m dévan lézòm, m-ap nié-l dévan Anj Bondié yo.

Tout moun ki di yon paròl kont Pitit moun nan, y-ap padonnin-l ; min moun ki blasfémé non Éspri Sin-an, yo pap padonnin-l. Lè yo fè nou konparèt minm nan sinagòg yo ak dévan majistra yo ak otorité yo, pa pran tèt chajé pou ki mòd jan oubyin ki sa n-ap réponn oubyin ki sa n-ap di ; Éspri Sin-an ap aprann nou, nan lè sa-a minm, sa nou gin pou nou di ».

Paròl Granmèt la.

VINTNÉVIÈM SÉMÈN ÒDINÈ

Dimanch, ané A

PRÉMIÉ LÉKTU

*Mouin pran min douat Sirius,
pou-m fè nasion yo obéyi dévan fas li.*

Léktu liv profèt Izayi

45, 1. 4-6

Min paròl Granmèt la pou Sirius, sa-a mouin sakré-a, li minm mouin pran min douat li-a, pou-m fè nasion yo obéyi dévan fas li-a pou-m fè roua yo plouayé do yo, pou-m louvri pètay yo dévan-l, épi pou pèt yo pa fèmin :

Poutèt sèvitè-m Jakòb avèk Israèl mouin chouazi-a, mouin rélé-ou sou non-ou, mouin adopté-ou, san-ou pa-t konnin-m. Sé mouin minm Granmèt la, pa gin lòt ; andéyò-m, pa gin Bondié ; mouin maré sinti nan tay ou, min ou pa-t konnin-m ; sa yo ki dépi olévan jous okouchan-an, sé pou yo kapab konnin si sé pa mouin minm, nan pouin : sé mouin minm Granmèt la, pa gin lòt.

Paròl Granmèt la.

PSÒM RÉPONS

Ps 95, 1 é 3. 4-5. 7-8. 9-10 a é c (R: 7 b)

R: Poté gloua ak puisans bay Granmèt la

1 Chanté pou Granmèt la yon kantik nouvo,

chanté pou Granmèt la, tout tè-a.

3 Anonsé gloua-l la pou nasion yo,
nan tout pèp yo mèvèy li yo. **R:**

4 Sèké Granmèt la gran, li mérité anpil louanj,
li térib pasé tout dié yo.

5 Paské tout dié nasion yo sé pa anyin,
min sé Granmèt la ki fè sièl yo. **R:**

7 Poté bay Granmèt la, fanmi pèp yo,
poté bay Granmèt la gloua ak puisans.

8 poté bay Granmèt la gloua non-l nan.
Poté kado, antré nan lakou-l yo. **R:**

- ⁹ Adoré Granmèt la nan gloua li-a ki sin-an.
Tranblé dévan fas li, tout tè-a,
¹⁰ di nan nasion yo : « Granmèt la roua » ;
l-ap jijé pèp yo nan jistis. **R:**

DÉZIÈM LÉKTU

Sonjé lafoua nou, charité nou avèk éspérans nou.

Léktu prémié lèt apot sin Pòl pou Tésalonisyin yo **1, 1-5 b**

Pòl ak Silvin ak Timoté, pou Égliz Tésalonisyin yo nan Bondié Papa-a ak Granmèt Jézu-Kri. Gras pou nou ak lapè.

Nou di Bondié mèsì tout tan pou nou tout, antan n-ap sonjé nou nan priyè nou san rété ; n-ap sonjé travay lafoua nou, ni lapinn nou, ni charité nou, ni andirans éspérans Granmèt nou Jézu-Kri dévan Bondié Papa nou. Frè nou yo Bondié rinmin-an, nou konnin kijan li chouazi nou : Bòn Nouvèl nou-an pa-t rivé koté nou nan paròl sèlman, min nan puisans ak nan Éspri Sin-an, ak nan asirans ki plin nèt.

Paròl Granmèt la.

ALÉLOUYA

Fil 2, 15 d. 16 a

R: Alélouya. Sé pou nou kléré tankou flanbo sou tè-a,
antan nou gin paròl lavi-a. **R:** Alélouya.

ÉVANJIL

*Rinmèt Sézar sa-k pou Sézar,
épi Bondié sa-k pou Bondié.*

✠ Léktu sint Évanjil la dapré Matié **22, 15-21**

Lè sa-a :

Farizyin yo pati, yo fè konplo pou yo kinbé Jézu nan paròl.

Yo voyé disip pa yo koté-l avèk disip Éròd yo, yo di : « Mèt, nou konnin ou di vérité, ou anségné chémin Bondié-a nan vérité, ou pa okipé pèsòn ; réyèlman, ou pa kite figi moun dékontrolé-ou. Konsa di nou : “Ki sa-ou di nan sa ? Èské nou gin doua péyé taks bay Sézar, oui ou non ?” »

Jézu minm té konnin méchansté yo, li di : « Ipokrit pouki sa n-ap tanté-m nan ? Montré-m piès lajan taks la ». Yo poté yon goud ba li.

Jézu di yo : « Pòtré ki moun sa-a yé, épi ki non ki ékri sou li ? »

Yo di-l : « Sézar ».

Lè sa-a atò li di yo : « Rinmèt Sézar sa-k pou Sézar, épi Bondié sa-k pou Bondié ».

Paròl Granmèt la.

Dimanch, ané B

PRÉMIÉ LÉKTU

*Si-l bay lavi-l pou péché-a,
l-ap ouè yon désandans k-ap diré lontan.*

Léktu liv profèt Izayi

53, 10-11

Granmèt la té vlé krazé-l nan féblès. Si-l bay lavi-l pou péché-a l-ap ouè yon désandans k-ap diré lontan, épi volonté Granmèt la ap réalizé nan min-l. Poutèt soufrans nanm li, l-ap ouè, l-ap satisfè. Nan sians li-a sèvitè-m nan ki kòrèk la ap rann anpil moun kòrèk, épi sé li minm k-ap poté fot pa yo.

Paròl Granmèt la.

PSÒM RÉPONS

Ps 32, 4-5. 18-19. 20 é 22 (R : 22)

- R: Sé pou mizérikòd ou-a sou nou, Granmèt o,
paské nou espéré nan ou.
- 4 Sèké paròl Granmèt la douat.
Tout travay li yo mérité konfians.
- 5 Li rinmin jistis ak jijman.
Mizérikòd Granmèt la plin tè-a. R:
- 18 Min jé Granmèt la sou moun ki krinn li yo,
sou moun yo ki espéré sou mizérikòd li-a,
- 19 pou-l délivré nanm yo sot nan lanmò,
pou-l nourri yo nan grangou. R:

- ²⁰ Nanm nou ap tann Granmèt la,
paské li poté nou sèkou, li protéjé nou.
²² Sé pou mizérikind ou-a sou nou Granmèt,
minm jan nou éspéré nan ou. **R:**

DÉZIÈM LÉKTU

An nou proché ak konfians kot tro-n gras la.

Léktu lèt pou Ébré yo

4, 14-16

Frè-m yo :

Nou gin yon prèt an chèf ki antré nan sièl la, Jézu Pitit Bondié-a, sé pou nou rét fèm nan déklarasion lafoua nou-an. Sèké nou pa gin yon prèt ki pa kapab sansib pou nou nan féblès nou yo, yo té éseyé-l nan tout bagay minm jan ak nou, sof nan péché-a. Konsa, sé pou nou proché ak konfians kot tro-n gras la, pou nou jouinn mizérikind, pou nou jouinn gras nan sèkou l-ap ba nou lè nou bézouin-an.

Paròl Granmèt la.

ALÉLOUYA

Mk 10, 45

R: Alélouya. Pitit moun nan vini pou-l sèvi,
épi pou-l bay lavi-l pou rédanmsion pakèt foul moun yo. **R:** Alélouya.

ÉVANJIL

*Pitit moun nan vini pou bay lavi-l
kòm rédanmsion pou pakèt moun yo.*

Léktu sint Évanjil la dapré Mark

10, 35-45

Lè sa-a :

Jak ak Jan pitit Zébédé yo proché kot Jézu, yo di : « Mèt, nou vlé pou ninpòt ki sa nou mandé-ou, ou fè-l pou nou ».

Li minm li di yo : « Ki sa nou vlé pou-m fè pou nou ? »

Yo di : « Fè nou favè pou nou chita youn adouat ou épi lòt la agòch ou nan gloua-ou la ».

Jézu minm di yo : « Nou pa konnin sa n-ap mandé. Èské nou kapab bouè kalis la m-ap bouè-a ? oubyin, batèm nan m-ap batizé-a, èské nou kapab résevoua-l ? »

Yo minm yo di-l : « Nou kapab ».

Jézu minm di yo : « Kalis la m-ap bouè-a, n-ap bouè-l ; épi batèm nan m-ap batizé-a, n-ap résevoua-l. Min kanta pou chita adouat mouin oubyin agòch mouin-an, sé pa mouin minm ki bay sa, min sé pou moun yo sa paré-a ».

Lè dis yo tandé sa, yo kòmansé faché kont Jak ak Jan. Jézu minm rélé yo, li di yo :

« Nou konnin sa-a yo ki sanblé y-ap kòmandé nasion yo, yo fè otorité yo pézé sou yo, épi chèf yo fè yo santi jan yo gin pouvoua sou yo. Sa pa doué fèt konsa nan pami nou ; min ninpòt ki moun ki vlé vi-n gran, sé pou-l vi-n sèvitè nou, épi ninpòt ki moun ki vlé vi-n premié, sé pou-l ésklav tout moun. Paské Pitit moun nan pa vini pou yo sèvi-l, min pou-l sèvi, épi pou-l bay lavi-l kòm rédanmsion pou pakèt moun yo ».

Paròl Granmèt la.

oubyin pi kout

✠ Léktu sint Évanjil la dapré Mark

10, 42-45

Lè sa-a, Jézu di disip li yo :

« Nou konnin sa-a yo ki sanblé y-ap kòmandé nasion yo, yo fè otorité yo pézé sou yo, épi chèf yo fè yo santi jan yo gin pouvoua sou yo. Sa pa doué fèt konsa nan pami nou ; min ninpòt ki moun ki vlé vi-n gran, sé pou-l vi-n sèvitè nou ; épi ninpòt ki moun ki vlé vi-n premié, sé pou-l ésklav tout moun. Paské Pitit moun nan pa vini pou yo sèvi-l, min pou-l sèvi, épi pou-l bay lavi-l kòm rédanmsion pou pakèt moun yo ».

Paròl Granmèt la.

Dimanch, ané C

PRÉMIÉ LÉKTU

Lè Moyiz lévé min-l, Israèl ranpòté viktoua.

Léktu liv Égzòd

17, 8-13

Jou sa yo :

Amalèk rivé, li batay kont Israèl nan Réfidim.

Moyiz di Jozué : « Chouazi vanyan gason, soti, al batay kont Amalèk ; démin m-ap kanpé sou tèt ti mòn nan, m-ap kinbé baton Bondié-a nan min-m ». Jozué fè jan Moyiz té di-a, li batay kont Amalèk ; Moyiz minm avèk Aaron épi Our monté sou tèt ti mòn nan.

Lè Moyiz lévé min-l, Israèl ranpòté viktoua ; otréman lè ofi-amézi min-l ap fébli, Amalèk ap pran pié sou yo. Min Moyiz té vi-n lou ; yo pran ròch, yo mété anba-l, li chita sou li ; Aaron minm avèk Our soutni min-l chak koté. Konsa min-l pa fébli jous solèy kouché. Jozué blijé Amalèk sovè kò-l ak pèp li-a nan bout épé-a.

Paròl Granmèt la.

PSÒM RÉPONS

Ps 120, 1-2. 3-4. 5-6. 7-8 (R: cf. 2)

R: Sékou nou o non Granmèt la,
ki fè sièl la ak tè-a.

- 1 M-ap lévé jé-m nan mòn yo :
koté sékou-m ap vini ?
- 2 Sékou-m ap vi-n sot nan Granmèt la,
ki fè sièl la ak tè-a. R:
- 3 Li pap kité pié-ou bité,
li pap dòmi li minm k-ap véyé sou ou-a.
- 4 Gadé, li pap dòmi, li pap fèmin jé-l,
li minm k-ap véyé sou Israèl la. R:
- 5 Granmèt la ap véyé sou ou,
Granmèt la sé lonbraj ou,
li sou bò min douat ou.
- 6 Lajounin solèy pap frapé-ou,
ni lali-n pandan nannuit. R:

- 7 Granmèt la ap véyé sou ou kont tout malè ;
Granmèt la ap véyé sou nanm ou.
- 8 Granmèt la ap véyé sou antré-ou ak sòti-ou,
dépi koulié-a jous pou tout tan. **R:**

DÉZIÈM LÉKTU

*Moun Bondié-a doué kòrèk, pou-l paré
pou tout bon aksion.*

Léktu dézièm lèt apot sin Pòl pou Timoté

3, 14-4, 2

Ou minm mouin rinmin anpil la :

Rété nan sa ou té aprann, nan sa ou té kouè yo ; ou konnin nan min ki moun ou té aprann yo ; dépi ou tou piti ou konnin lèt sakré yo, yo kapab ba-ou ansègnman pou-ou sovè, gras a lafoua nan Kris Jézu-a. Tout sa ki ékri-a, sé Éspri Bondié-a ki fè yo ékri-l ; li sèvi pou bay ansègnman, pou bay prèv, pou korijé, pou bay instruksion nan jistis la, pou moun Bondié-a kapab vi-n kòrèk nèt, pou-l paré pou tout kalité bon aksion.

Mouin mandé-ou dévan Bondié ak Jézu-Kri, k-ap vi-n jijé vivan yo ak mò yo, poutèt li gin pou-l vini-an, poutèt l-ap régné-a : préché paròl la, pèsisté vlé pa vlé, bay prèv, plédé mandé, ménasé, avèk pasians nèt alé antan ou anvè anségné.

Paròl Granmèt la.

ALÉLOUYA

Ébr 4, 12

R: Alélouya. Paròl Bondié-a vivan, li réalizé sa-l vlé,
li fouyé pansé ak intansion kè yo. **R:** Alélouya.

ÉVANJIL

*Bondié ap tiré vanjans pou moun li chouazi yo
k-ap rélé koté-l yo.*

✠ Léktu sint Évanjil la dapré Luk

18, 1-8

Lè sa-a :

Jézu t-ap di disip li yo yon parabol pou-l montré pou yo priyé tout tan, san fébli, li di : « Té gin yon jij nan yon vil, li pa-t pè Bondié, li pa-t réspékté moun.

Té gin yon vèw nan vil sa-a ki té konn vi-n koté-l, ap di : “Rann mouin jistis kont ènmi-m nan”. Li pa-t konn vlé pandan lontan.

Apré sa, li di nan kè-l : “Minm si mouin pa pè Bondié, minm si mouin pa respékté moun, sèlman paské vèw sa-a ap trakasé-m nan, m-ap rann li jistis, pou-l pa vi-n annuiyé-m ankò” ».

Granmèt la di : « Nou tandé sa mové jij la di. Èské Bondié pap fè jistis pou moun li chouazi yo k-ap rélé koté-l lajounin kon lannuit, èské l-ap fè yo tann ?

Mouin di nou l-ap rann yo jistis byin vit. Sèlman lè Pitit moun nan ap vini, èské nou kouè l-ap jouinn lafoua sou tè-a ? »

Paròl Granmèt la.

Lindi

Ané 1

PRÉMIÉ LÉKTU

Sa ékri pou nou minm tou, Granmèt la ap rann nou jistis paské nou kouè nan li.

Léktu lèt apot sin Pòl pou Romin yo

4, 20-25

Frè-m yo :

Nan promès Bondié-a, Abraam pa-t fè dout, min li té pran fòs nan lafoua-a, antan li bay Bondié gloua ; li té konnin byin pròp : tou sa Bondié promèt, li kapab fè-l. Sé poua yo konté sa pou li kòm jistis.

Késion yo konté sa pou li kòm jistis la, pa ékri sèlman pou li minm, min sé pou nou minm tou, nou minm yo konté nan pami sa yo ki kouè nan sa-a ki résisité Jézu-Kri Granmèt nou-an sot nan pami mò yo, li minm yo té rinmèt pou fot nou yo, épi ki résisité pou nou vi-n kòrèk la.

Paròl Granmèt la.

PSÒM RÉPONS

Lk 1, 69-70. 71-72. 73-75 (R : cf. 68)

R Konpliman pou Granmèt Bondié Israël paské li vizité pèp li-a.

⁶⁹ Li drésé kòn ki sové nou-an nan kay David sèvitè-l la,

⁷⁰ jan-l té palé nan bouch sin yo, profèt li yo, ki té la dépi sièk yo. R

- 71 Sové li sové nou sot nan min ènmi nou yo,
ak nan min tout moun ki rayi nou yo :
- 72 pou-l fè mizèrikòd pou papa nou yo,
pou-l fè sonjé aliens li-a ki sin-an. **R:**
- 73 Sèman-an li té sèmanté bay Abraam papa nou-an,
74 pou-l té fè nou favè pou nou san krint,
antan nou libéré sot nan min ènmi nou yo, nou sèvi-l
- 75 nan sinteté ak jistis dévan-l,
pandan tout jou nou yo. **R:**

Ané 2

PRÉMIÉ LÉKTU

*Li ba nou lavi nan Jézu-Kri,
li fè nou chita avèk li nan sièl yo.*

Léktu lèt apot sin Pòl pou Éfézyin yo

2, 1-10

Frè-m yo :

Nou té mouri poutèt fot ak péché nou yo. Sé nan yo nou té konn maché lontan dapré mòd lavi sa-a, dapré chèf pouvoua lè sa-a, ki éspri k-ap travay koulié-a nan pitit rébèl yo ; sé nan yo nou minm tou, nou tout lontan, nou té konn kondui tèt nou-an, nan lanvi chè nou-an, antan n-ap fè sa chè-a avèk vié lidé yo mandé-a, épi nou té vi-n tounin pitit kòlè tankou lòt yo dapré kondision lavi nou.

Malgré sa, Bondié minm, ki rich nan mizèrikòd, poutèt gran charité-l la li rinmin nou-an, malgré nou té mouri akòz péché yo, li fè nou viv nan Kris la ; li minm pa pouvoua gras li nou sové-a, épi nou résisité avèk li-a épi li fè nou chita avèk Kris Jézu nan sièl yo ; li té vlé konsa montré nan sièk ki t-ap vini yo richès gras li nan jan-l bon pou nou nan Kris Jézu.

Sé pa lintèmediè gras la nou sové poutèt lafoua-a, épi bagay sa-a pa soté nan nou minm : sé yon kado Bondié ; sé pa nan aksion yo li sòti, pou pèsòn pa fè logèy.

Nou sé bagay li fè, li kréyé nou nan Kris Jézu pou bon aksion yo, sa Bondié té préparé yo, pou nou maché nan yo-a.

Paròl Granmèt la.

PSÒM RÉPONS

Ps 99, 2. 3. 4. 5 (R: : 3 b)

- R: Sé Granmèt la minm ki fè nou, sé pou li nou yé.
- 2 Fè louanj pou Granmèt la, tout tè-a,
sèvi Granmèt la nan kè kontan ;
antré dévan fas li avèk gran fèt. R:
- 3 Konnin Granmèt la sé li minm ki Bondié ;
sé li minm ki fè nou, sé pou li nou yé,
pèp li ak mouton pak li. R:
- 4 Antré nan pòtay li yo avèk louanj,
nan lakou-l yo avèk kantik,
fè louanj li, fè konpliman pou non-l. R:
- 5 Paské Granmèt la bon ;
pou tout tan mizérikòd li
pou jénérasyon ak jénérasyon vérité-l la. R:

ALÉLOUYA

Mt 5, 3

R: Alélouya. Ala kontantman pou pòv nan éspri-a,
paské péyi roua sièl yo sé pou yo li yé. R: Alélouya.

ÉVANJIL

Sa-ou paré yo, pou kilès y-ap yé ?

✠ Léktu sint Évanjil la dapré Luk

12, 13-21

Lè sa-a :

Yon moun nan foul la di Jézu : « Mèt, di frè-m nan pou-l séparé éritaj la avèk mouin ».

Jézu minm di-l : « Monchè, kilès ki instalé-m kòm jij oubyin notè sou nou ? » Li di yo : « Gadé, fè atansyon pou nou évité tout lanbision richès ; paské, yon moun té mèt gin pakèt richès, sé pa byin-l yo ki kab garanti lavi li ».

Li di yon parabòl pou yo : « Té gin yon moun rich, jadin-l té rapòté anpil richès, épi li t-ap kalkilé anndan kè-l, li t-ap di : “Ki sa m-ap fè, paské mouin pa gin koté pou-m ranmasé rékòlt mouin yo ?” Li di : “Min

sa m-ap fè : m-ap krazé magazin-m yo, m-ap fè lòt ki pi gran, sé la m-ap ranmasé tout rékòlt mouin yo ak byin mouin yo.

Épi m-ap di nanm mouin : Nanm mouin, ou gin anpil byin ki an rézèv pou anpil ané ; répozé-ou, manjé, bouè, fè fèt”.

Min Bondié di-l : “Ou sòt, nannuit sa-a minm y-ap mandé-ou nanm ou ; sa-ou té paré yo, pou kilès y-ap yé ?”

Sé konsa li yé, moun k-ap ranmasé richès pou pròp tèt pa-l, moun ki pa rich nan Bondié ».

Paròl Granmèt la.

Madi

Ané 1

PRÉMIÉ LÉKTU

*Si akòz fot yon sèl lanmò-a té kòmandé,
y-ap kòmandé pi plis toujou nan lavi-a.*

Léktu lèt apot sin Pòl pou Romin yo **5, 12. 15 b. 17-19. 20 b-21**

Frè-m yo :

Minm jan akòz yon sèl moun, péché té antré sou tè sa-a, épi avèk péché-a lanmò-a, sé konsa lanmò-a pasé nan tout moun, paské tout moun fè péché.

Si akòz fot yon sèl moun tout foul moun yo mouri, gras Bondié-a ak kado nan gras yon sèl moun nan, Jézu-Kri, li vidé laj pi plis ankò nan pakèt foul moun yo.

Réyèlman si akòz fot yon sèl moun lanmò-a té kòmandé pa lintèmédiè yon sèl la, moun yo ki résévoua chaj gras ak kado ak jistis pa lintèmédiè yon sèl moun nan, Jézu-Kri, y-ap kòmandé pi plis toujou nan lavi-a.

Konsa, minm jan sé fot yon sèl la ki té minnin tout moun nan kondanasion, minm jan tou sé sa-k kòrèk la yon sèl moun fè-a ki mété jistis la nan tout moun pou yo viv kòrèk. Minm jan akòz dézobéyisans yon sèl moun nan, tout foul moun yo té vi-n chita nan péché, konsa tou akòz obéyisans yon sèl la, foul moun yo ap vi-n kanpé nan jistis.

Koté fot la té anpil la, gras la plin ap ranvèsé ; konsa minm jan péché-a té kòmandé pou lanmò-a, konsa tou gras la ap kòmandé pa lintèmédiè jistis la pou lavi tout tan-an pa pouvoua Jézu-Kri Granmèt nou-an.

Paròl Granmèt la.

PSÒM RÉPONS

Ps 39, 7-8 a. 8 b-9. 10. 17 (R: cf. 8 a é 9 a)

- R: Min m-ap vini, Granmèt, pou-m fè volonté-ou.
- 7 Sakrifis ak kado ou pa-t vlé sa,
min ou louvri zòrèy mouin.
Sakrifis antié ak sakrifis pou péché, ou pa-t mandé sa,
- 8 lè sa-a mouin di : « Min m-ap vini. » R:
- « Nan roulo liv la yo ékri sou mouin
9 pou-m fè volonté-ou.
Bondié mouin, mouin dakò,
laloua-ou la nan zantray mouin ». R:
- 10 Mouin anonsé jistis ou-a nan gran asanblé-a ;
min mouin pa fèmin bouch mouin, Granmèt, ou konnin. R:
- 17 Sé pou yo fété, sé pou yo kontan nan ou,
tout moun k-ap chèché-ou yo,
Sé pou yo di tout tan : « Granmèt la gran »
sa yo ki rinmin sovè ou sovè nou-an. R:

Ané 2

PRÉMIÉ LÉKTU

*Li sé lapè nou, li minm ki fè toulédé
vi-n tounin yon sèl.*

Léktu lèt apot sin Pòl pou Éfézyin yo

2, 12-22

Frè-m yo :

Nan tan sa-a, nou té san Kris, nou té andéyò kominoté Israèl la, nou té étranjé parapò a tètaman yo, nou pa-t gin éspérans promès la, nou té san Bondié sou tè sa-a. Koulié-a minm, nan Kris Jézu, nou minm ki té louin lontan-an, nou vi-n tou pré nan san Kris la.

Sé li minm ki lapè nou, li minm ki fè toulédé vi-n tounin yon sèl la. Nan chè li, li krazé miray lantouraj la ki té séparé nou-an, rayisans la ; li

anulé obligasion laloua kòmandman yo, pou-l té kapab rasanblé toulédé nan li minm nan yon moun nouvo, antan-l fè lapè. Li té vlé rékonsilié toulédé nan yon sèl kò avèk Bondié gras a koua-a, antan-l touyé rayisans la nan li minm.

Li vini, li anonsé bòn nouvèl lapè-a ba nou, nou minm ki té louin yo, épi lapè tou pou sa yo ki té tou pré yo ; paské pa lintèmediè li, nou kapab proche nou toulédé nan yon sèl Éspri-a kot Papa-a.

Konsa nou pa ni étranjé ni moun vini ankò, min nou sé sitouayin vil sin yo, nou sé moun kay Bondié, nou bati sou fondasion Apot yo ak profèt yo, ròch kouin ki anlè nèt la, sé Kris Jézu ; sé nan li tout kay la ki bati-a ap monté vi-n tounin yon tanp ki sin nan Granmèt la ; nan li nou minm tou yo bati nou pou nou vi-n tounin kay Bondié nan Éspri-a.

Paròl Granmèt la.

PSÒM RÉPONS

Ps 84, 9 ab-10. 11-12. 13-14 (cf. 9)

℟: Sé lapè, Granmèt la ap palé ak pèp li-a.

⁹ M-ap kouté sa Granmèt Bondié ap di,
sé lapè l-ap palé pou pèp li-a ak sin-l yo.

¹⁰ Réyèlman li tou pré moun ki krinn li yo, sovè li sovè nou-an,
pou gloua-a abité sou tè nou-an. ℟

¹¹ Mizèrikòd ak vérité rankontré,
jistis ak lapè anbrasé.

¹² Vérité-a lévé sot sou tè-a,
jistis la panché sot nan sièl la. ℟

¹³ Oui, Granmèt la ap bay bon kè-a,
tè nou-an ap bay foui-l.

¹⁴ Jistis ap maché dévan-l,
l-ap pozé pié-l sou rout la. ℟

ALÉLOUYA

Lk 21, 36

℟: Alélouya. Véyé, tout tan sé pou nou rét ap priyé,
pou nou mérité kanpé dévan Pitit moun nan. ℟ Alélouya.

ÉVANJIL

*Ala kontantman pou sèvitè sa yo, si lè mèt la rivé,
li jouinn yo ap véyé.*

✚ Léktu sint Évanjil la dapré Luk

12, 35-38

Lè sa-a : Jézu di disip li yo :

« Sé pou rin nou maré, pou lanp nou limin nan min nou ; nou minm sé pou nou tankou moun k-ap tann mèt yo, lè-l vi-n sot nan nòs ; pou, kon-l rivé, li frapé, la minm yo louvri ba li.

Ala kontantman pou sèvitè sa yo, si lè mèt la rivé, li jouinn yo ap véyé ; amèn, mouin di nou, l-ap maré rin-l, l-ap fè yo chita sou tab, l-ap pasé pou-l sèvi yo. Si-l rivé nan dézièm vèy la, épi si sé nan touazièm vèy la li rivé, épi li jouinn yo konsa, ala kontantman pou sèvitè sa yo ».

Paròl Granmèt la.

Mèkrédi

Ané 1

PRÉMIÉ LÉKTU

*Ofri pròp tèt nou bay Bondié tankou moun ki vivan
sot nan pami mò yo.*

Léktu lèt apot sin Pòl pou Romin yo

6, 12-18

Frè-m yo :

Pa kité péché-a kòmandé nan kò nou k-ap mouri-a, pou nou obéyi mové anvi-l yo. Ni non plis tou, pa mété manb nou tankou zam méchansté nan sèvis péché-a ; min sé pou nou ofri pròp tèt nou bay Bondié tankou moun ki vivan sot nan pami mò yo ; ofri manb nou tankou zam jistis bay Bondié. Sèké péché-a pap kòmandé nan nou ; paské nou pa anba laloua-a, min anba gras la.

Ébyin ki sa ? Èské sé pou nou fè péché, paské nou pa anba laloua-a, min anba gras la ? Pa ditou. Èské nou pa konnin, moun nou ofri pròp tèt nou ba li-a kòm ésklav pou nou obéyi-l la, nou vi-n tounin ésklav sa-a nou obéyi-a. Si sé péché-a, sé pou lanmò-a ; si sé obéyisans la, sé pou jistis la ?

Min n-ap rann Bondié gras : nou té ésklav péché-a, min nou vi-n obéyi ak tout kè nou nan modèl ansègnman-an yo té transmèt nou-an. Nou libéré sot nan péché-a, nou vi-n tounin ésklav jistis la.

Paròl Granmèt la.

PSÒM RÉPONS

Ps 123, 1-3. 4-6. 7-8 (R : 8 a)

R: Sékou nou o non Granmèt la.

- 1 Si Granmèt la pa-t nan nou,
sé pou Israël di sa koulié-a,
- 2 Si Granmèt la pa-t nan nou,
lè moun yo lévé kont nou-an,
- 3 pétèt sé tou vivan yo t-ap valé nou,
lè raj yo t-ap boulé kont nou-an. R:
- 4 Pétèt dlo-a t-ap nouayé nou,
riviè-a t-ap pasé anlè tèt nou,
- 5 pétèt yo t-ap pasé anlè tèt nou,
dlo yo k-ap bouyi yo.
- 6 Konpliman pou Granmèt la,
ki pa rinmèt nou kòm manjé anba dan yo. R:
- 7 Nanm nou tankou zouazo ki chapé
sot nan pièj chasè yo :
pièj la krazé,
nou minm minm nou chapé.
- 8 Sékou nou o non Granmèt la,
ki fè sièl la ak tè-a. R:

Ané 2

PRÉMIÉ LÉKTU

*Mistè Kris la révéle koulié-a,
nasion yo vi-n éritié promès la tou.*

Léktu lèt apot sin Pòl pou Éfézyin yo

3, 2-12

Frè-m yo :

Si nou té tandé ki réskonsabilité gras Bondié-a, yo té ban-m pou nou-an ! sèké dapré révélation, yo fè-m konnin mistè-a, jan-m té ékri anro-a tou kout la ; antan n-ap li-l, nou kapab konprann konésans afon mouin

ginyin nan mistè Kris la, sa pitit moun yo pa-t konnin-l nan lòt jénèrasion yo jan li révéle koulié-a bay sin apot ak profèt li yo nan Éspri-a : nasion yo gin minm éritaj la, yo manb minm kò-a, yo patisipé nan minm promès li-a nan Kris Jézu, gras a Bòn Nouvèl la, sa yo fè-m vi-n minis li-a, dapré kado gras Bondié-a, sa-l ban mouin dapré aksion puisans li-a.

Mouin minm ki pi piti nan tout sin yo, sé mouin minm yo fè gras sa-a pou-m anonsé nasion yo richès Kris la yo pa kapab sondé yo, pou-m fè tout moun ouè byin klè déroulman mistè-a ki kaché dépi sièk tan nan Bondié, li minm ki kréyé tout bagay la ; pou chèf yo ak puisans yo nan sièl yo rékonèt sajès Bondié-a nan divès fòm li pa lintèmediè Égliz la. Dapré désizion ki té réglé dépi sièk tan davans, sa li fè nan Kris Jézu Granmèt nou-an, li minm nou gin asirans nan li-a épi ki pèmèt nou avansé avèk konfians pa lintèmediè lafoua-l la.

Paròl Granmèt la.

PSÒM RÉPONS

Iz 12, 2-3. 4 bcd. 5-6 (R: cf. 3)

- R: N-ap tiré dlo ak kè kontan nan sous Sovè-a.
- 2 Min Bondié sovè-m nan,
mouin gin konfians, mouin pap pè,
paské fòs mouin ak louanj mouin sé Granmèt la,
sé li minm ki sovè-m.
- 3 N-ap tiré dlo ak kè kontan nan sous sovè-a. R:
- 4 Fè louanj pou Granmèt la, rélé non-l,
fè konnin mèvèy li yo nan nasion yo ;
sonjé kijan non-l anlè nèl. R:
- 5 Chanté pou Granmèt la paské li fè mèvèy,
anonsé sa sou tout tè-a.
- 6 Dansé, fè louanj, pèp Siyon,
paské li gran nan mitan-ou, Sin Israèl la. R:

ALÉLOUYA

Mt 24, 42 a. 44

- R: Alélouya. Véyé, sé pou nou rété paré,
paské sé lè nou pa konnin-an Pitit moun nan ap vini. R: Alélouya.

ÉVANJIL

Tout moun yo bay anpil, y-ap mandé-l anpil.

✠ Léktu sint Évanjil la dapré Luk

12, 39-48

Lè sa-a :

Jézu di disip li yo : « Aprann sa, si mèt kay la té konnin kilè vòlè-a t-ap vini, li t-ap véyé sètènman, épi li pa t-ap kité yo kasé kay li-a. Ébyin nou minm tou sé pou nou paré, paské sé lè nou pa pansé-a, Pitit moun nan ap vini ».

Piè minm di-l : « Granmèt, èské sé pou nou minm ou-ap di parabòl sa-a, oubyin si sé pou tout moun ? »

Granmèt la di : « Kilès jéran fidèl ki gin ladrès, pou mèt li instalé-l kòm réponsab moun lakay la, pou-l ba yo pòsion manjé-a nan tan yo bézouin-an ? Ala kontantman pou sèvitè sa-a, si lè mèt la rivé, li jouinn li ap fè sa. Amèn, mouin di nou, sé sou tou sa-l posédé l-ap instalé-l. Min si sèvitè sa-a rét ap di nan kè-l : “Mèt mouin pran tan pou-l rivé”, épi li kòmansé frapé sèvitè yo, gason kon fi, l-ap manjé, l-ap bouè, l-ap soulé tèt li, mèt sèvitè sa-a ap rivé jou li pa éspéré-a, ak lè li pa konnin-an, l-ap mété-l déyò, l-ap konsidéré-l nan minm ran ak moun ki pa fidèl yo.

Sèvitè sa-a ki konnin volonté mèt li-a, épi ki pa-t paré, ki pa-t fè volonté-l, l-ap pini-l rèd ; min sa-a ki pa-t konnin épi ki fè bagay ki mérité kou, l-ap pini-l yon ti kras. Tout moun yo bay anpil, y-ap réklamé anpil nan min-l ; moun yo rinmèt anpil, y-ap mandé-l plis ».

Paròl Granmèt la.

Jédi

Ané 1

PRÉMIÉ LÉKTU

*Koulié-a nou libéré anba péché-a,
nou vi-n tounin sèvitè Bondié.*

Léktu lèt apot sin Pòl pou Romin yo

6, 19-23

Frè-m yo :

M-ap palé langaj lézòm poutèt féblès chè nou. Minm jan nou té ofri manb nou yo nan sèvis sa ki pa pròp, ki pa kòrèk la, pou mal la, konsa tou koulié-a, ofri manb nou yo nan sèvis jistis la pou nou vi-n sin.

Lè nou té nan sèvis péché-a, nou té lib parapò a jistis la. Épi ki rézilta nou té jouinn lè sa-a, nan bagay yo k-ap fè nou ront la ? Sèké finisman bagay sa yo, sé lanmò-a.

Koulié-a minm nou libéré parapò a péché-a, nou vi-n tounin sèvitè Bondié, nou gin foui nou nan sa-k fè nou vi-n sin-an, finisman-an sé lavi tout tan-an. Épi travay péché-a sé lanmò ; gras Bondié-a minm, sé lavi tout tan-an nan Kris Jézu Granmèt nou-an.

Paròl Granmèt la.

PSÒM RÉPONS

Ps 1, 1-2. 3. 4 é 6 (R : Ps 39, 5 a)

R : Ala kontantman pou moun ki mét konfians li nan Granmèt la.

- 1 Ala kontantman pou moun, ki pa al suiv konsèy méchan yo,
ki pa kanpé nan chémin péchè yo,
ki pa chita nan asanblé moun k-ap pasé nan jouèt yo,
- 2 min sé nan laloua Granmèt la volonté-l yé,
épi nan laloua-l la l-ap médité lajounin ak nannuit. R
- 3 L-ap tankou yon pié boua ki planté sou bò dlo k-ap kouri,
k-ap bay foui-l nan sézon-l ;
fèy li pap tonbé,
tou sa l-ap fè ap réyisi. R
- 4 Sé pa konsa pou méchan yo, sé pa konsa,
min y-ap tankou pousiè van ap vòltijé.
- 6 Sèké Granmèt la konnin rout moun kòrèk yo,
min chémin péchè yo ap péri. R

Ané 2

PRÉMIÉ LÉKTU

*Antan nou anrasinin nan rinmin-an, épi nou pran fondasion nan li,
pou nou plin ak tou sa Bondié plin-an.*

Léktu lèt apot sin Pòl pou Éfézyin yo

3, 14-21

Frè-m yo :

Mouin ajé nou dévan Papa Granmèt nou Jézu-Kri, sé nan li tou sa-k fè yon papa nan sièl la ak sou tè-a pran non li ; sé pou-l fè nou favè, dapré richès gloua li, pou moun nou yé sou pa anndan-an vi-n pi solid nan nou

ak bon fòs, gras a Éspri-l la ; sé pou Kris la abité nan kè nou gras a lafoua-a ; sé pou nou pran rasi-n nan rinmin-an pou nou planté nan li, pou nou kapab konprann avèk tout sin yo ki lajè, ak longè, ak rotè, ak profondè ; pou nou konnin charité Kris la ki dépasé tout sians, pou n-ap vi-n plin ak tou sa Bondié plin-an.

Sa-a ki gin pouvoua fè tout bagay dépasé mézi plis pasé sa nou mandé oubyin nou konprann, dapré fòs ki déplouayé nan nou-an, konpliman pou li nan Égliz la ak nan Kris Jézu, nan tout jénérasyon, pou tout tan k-ap gin tan. Amèn.

Paròl Granmèt la.

PSÒM RÉPONS

Ps 32, 1-2. 4-5. 11-12. 18-19 (R: : 5 b)

R: Mizérikòd Granmèt la plin tè-a.

- ¹ Fété nan Granmèt la, nou minm ki kòrèk yo ;
louanj la alé ak moun ki douat yo.
- ² Fè louanj pou Granmèt la sou gita,
sou instriman dis kòd la, chanté pou li. R:
- ⁴ Sèké paròl Granmèt la douat,
tout aksion-l yo nan fidélimité.
- ⁵ Li rinmin jistis ak jijman,
mizérikòd Granmèt la plin tè-a. R:
- ¹¹ Plan Granmèt la rété pou tout tan,
kalkil kè-l pou jénérasyon ak jénérasyon.
- ¹² Ala kontantman pou nasion-an, ki gin Granmèt la pou Bondié-l,
pèp la li chouazi kòm éritaj li-a. R:
- ¹⁸ Min jé Granmèt la sou moun ki krinn li yo,
sou moun ki éspéré sou mizérikòd li,
- ¹⁹ pou-l délivré nanm yo sot nan lanmò,
pou-l ba yo manjé nan grangou. R:

ALÉLOUYA

Fil 3, 8-9

R: Alélouya. Mouin fè tout bagay pasé kòm dézavantaj,
mouin konsidéré yo kòm fatra,
pou-m kapab posédé Kris la, pou yo jouinn mouin nan li. R:
Alélouya.

ÉVANJIL

Mouin pa vi-n bay lapè min séparasion.

✠ Léktu sint Évanjil la dapré Luk

12, 49-53

Lè sa-a : Jézu di disip li yo :

« Mouin vi-n voyé difé sou tè-a, épi ki sa-m vlé si sé pa pou-l boulé. Mouin gin yon batèm pou-m résevoua, épi sé pa ti kras anvi mouin anvi pou-l réalizé.

Èské nou konprann sé lapè mouin vi-n bay sou tè-a ? Non, mouin di nou, min sé divizion. Sèké sink moun nan yon sèl kay, y-ap divizé : toua kont dé, épi dé kont toua : papa kont pitit, épi pitit kont papa-l ; manman kont pitit fi-a, pitit fi-a kont manman-l ; bèlmè kont bèlfi, épi bèlfi kont bèlmè.

Paròl Granmèt la.

Vandrédi

Ané 1

PRÉMIÉ LÉKTU

Kilès ki pou libéré-m anba kò lanmò sa-a ?

Léktu lèt apot sin Pòl pou Romìn yo

7, 18-25 a

Frè-m yo :

Mouin konnin byin-an pa abité nan mouin, sa vlé di nan chè-m ; sèké vlé-a tou pré-m, akonpli byin-an minm, mouin pa jouinn li. Réyèlman sé pa byin mouin vlé-a mouin fè, okontrè sé mal mouin pa vlé-a sé li minm mouin fè. Si sé sa-m pa vlé-a, sé li minm mouin fè, sé pa mouin minm k-ap fè-l, min sé péché-a ki abité nan mouin-an.

Konsa mouin jouinn laloua sa-a nan mouin minm : lè-m vlé fè sa-k byin-an, sé mal la ki tou pré-m ; mouin jouinn plézi-m nan laloua Bondié-a, dapré moun nou yé sou pa anndan-an, min mouin ouè yon lòt laloua nan manb mouin yo, ki pa dakò ak laloua éspri-m nan, épi ki fè-m prizonié nan laloua péché-a ki nan manb mouin yo.

Ala yon moun ki pa nan kontantman, mouin minm sa-a ! Kilès ki pou libéré-m anba kò lanmò sa-a ? Konpliman pou Bondié pa pouvoua Jézu-Kri Granmèt nou-an.

Paròl Granmèt la.

PSÒM RÉPONS

Ps 118, 66. 68. 76. 77. 93. 94 (R: : 68 b)

R: Aprann mouin volonté-ou yo, Granmèt.

⁶⁶ Aprann mouin sa-k bon, ni intélijans, ni sians,
paské sé nan kòmandman-ou yo mouin mété konfians mouin. R:

⁶⁸ Ou bon, ou fè dibyin,
aprann mouin désizion ou yo. R:

⁷⁶ Fè mizérikòd pou-ou konsolé-m,
dapré promès ou fè bay sèvitè-ou la. R:

⁷⁷ Sé pou pitié-ou yo vi-n sou mouin pou-m viv,
paské laloua-ou la sé plézi-m li yé. R:

⁹³ Pou tout tan mouin pap bliyé kòmandman-ou yo,
paské sé nan yo ou fè-m viv. R:

⁹⁴ Sé pou ou mouin yé : sové-m,
paské sé kòmandman-ou yo mouin rét ap chèché. R:

Ané 2

PRÉMIÉ LÉKTU

*Yon sèl kò, yon sèl Granmèt, yon sèl lafoua,
yon sèl batèm.*

Léktu lèt apot sin Pòl pou Éfézyin yo

4, 1-6

Frè-m yo :

Mouin priyé nou, mouin minm prizonié nan Granmèt la, pou nou maché dapré diréksion koté yo rélé nou-an, antan nou tou piti nan kè-n, nou tou dou ; sé pou nou pran pasians pou nou youn sipòté lòt nan charité-a ; fè éfò pou nou konsèvé éspri ki fè nou fè yon sèl la nan chinn lapè-a : yon sèl kò ak yon sèl éspri, minm jan sé nan yon sèl éspérans yo rélé nou koté yo rélé nou-an ; yon sèl Granmèt, yon sèl lafoua, yon sèl batèm ; yon sèl Bondié ak Papa tout moun, ki anlè tout moun, ki nan tout bagay épi ki nan nou tout.

Paròl Granmèt la.

PSÒM RÉPONS

Ps 23, 1-2. 3-4 ab. 5-6 (R: : cf. 6)

℞ Sa-a, sé ras moun k-ap chèché fas ou yo, Granmèt.

- 1 Pou Granmèt la tè-a ak sa-k plin-l,
fas tè-a ak sa-k abité ladan-l.
- 2 Paské sé li minm ki pozé-l sou lanmè yo,
ki rann li solid sou gran riviè yo. ℞
- 3 Kilès k-ap monté sou mòn Granmèt la,
oubyin kilès k-ap kanpé sou plas li ki sin-an ?
- 4 Moun ki gin min-l inosan ak kè-l nèl,
ki pa nonmin non-l pou granmési. ℞
- 5 Moun sa-a ap résévoua Bénédikcion nan min Granmèt la
ak jistikasyon nan min Bondié sovè-l la.
- 6 Sa-a sé ras moun k-ap chèché-l yo,
k-ap chèché fas Bondié Jakòb la. ℞

ALÉLOUYA

Cf. Mt 11, 25

℞ Alélouya. Konpliman pou ou, Papa, Granmèt sièl la ak tè-a,
paské ou révéle mistè péyi roua-a bay ti moun yo. ℞ Alélouya.

ÉVANJIL

*Nou konn obsèvé sans fas sièl la ak tè-a ; min tan sa-a,
kòman nou fè pa obsèvé-l ?*

✠ Léktu sint Évanjil la dapré Luk

12, 54-59

Lè sa-a : Jézu té di fowl yo :

« Lè nou ouè yon niaj k-ap monté sot nan diréksion okouchan, minm lè-a, nou di : “Lapli ap vini”, épi sé sa-k fèt. Épi, lè sé van nan sid k-ap souflé, nou di : “L-apral fè cho”, épi sa rivé. Ipokrit, nou konn jijé fas sièl la ak tè-a ; min kòman fè nou pa kapab jijé tan sa-a ? Pouki sa nou minm ak pròp tèt pa nou nou pa jijé sa-k kòrèk la tou ?

Lè ou-apral dévan chèf la ansanm avèk ènmi-ou, pandan-ou sou rout la travay pou-ou libéré sot anba min-l, pou li pa rinmèt ou nan min jij la, jij la minm pa lagé-ou nan min gad la, pou gad la minm pa mété-ou nan prizon.

Mouin di-ou : “Ou pap soti la, joustàn ou pa fi-n rinmèt dènié santim nan” ».

Paròl Granmèt la.

Samdi

Ané 1

PRÉMIÉ LÉKTU

*Éspri sa-a ki résisité Jézu sot nan pami mò yo,
li abité nan nou.*

Léktu lèt apot sin Pòl pou Romin yo

8, 1-11

Frè-m yo :

Pa gin okinn kondanasion koulié-a pou sa yo ki nan Kris Jézu-a, yo minm ki pap maché dapré chè-a. Laloua éspri lavi-a nan Kris Jézu-a réyèlman libéré-m sot anba pouvoua laloua péché-a ak lanmò-a. Sèké sa-k pa-t posib pou laloua-a, akòz féblès chè-m, Bondié fè-l lè-l voyé Pitit li-a nan yon chè ki tankou chè péché pa nou-an ; li kondané péché-a nan chè-a, pou égzijans laloua-a réalizé nan nou, nou minm, ki pap maché dapré chè-a min dapré éspri-a.

Moun yo ki réglé dapré chè-a, sé bagay chè-a yo gouté, min moun yo ki réglé dapré éspri-a, sé bagay léspri yo yo konprann. Sèké sajès chè-a sé lanmò, sajès éspri-a minm sé lavi ak lapè. Sèké sajès chè-a li ènmi Bondié, li pa obéyi laloua Bondié-a, ni li pa kapab obéyi-l. Moun yo ki nan chè-a, yo pa kapab fè Bondié plézi.

Kanta pou nou minm, nou pa réglé nan chè-a, min nan éspri-a, si réyèlman Éspri Bondié-a abité nan nou. Si yon moun pa gin Éspri Kris la, moun sa-a pa pou li. Si Kris la nan nou okontrè, kò-a mouri poutèt péché-a, éspri-a viv poutèt sa-k fè-l vi-n sin-an. Si Éspri sa-a ki résisité Jézu sot nan pami mò yo abité nan nou, sa-a ki résisité Jézu-Kri sot nan pami mò yo ap fè kò lanmò nou yo viv tou poutèt Éspri li-a ki abité nan nou-an.

Paròl Granmèt la.

PSÒM RÉPONS

Ps 29, 1-2. 3-4 ab. 5-6. (R : cf. 6)

R : Sa-a sé ras moun yo k-ap chèché fas ou-a, Granmèt.

- ¹ Sé pou Granmèt la tè-a ak sa-k plin-l,
fas tè yo ak sa-k abité ladan-l.

- 2 Paské sé li minm ki fiksé-l sou lanmè yo,
épi ki rann li solid sou riviè yo. **R**
- 3 Kilès k-ap monté sou mòn Granmèt la,
oubyin kilès k-ap kanpé nan koté-l yé-a ki sin-an ?
- 4 Sé moun ki inosan nan min yo épi ki nèt nan kè yo,
ki pa pran non-l pou granmési. **R**
- 5 Sa-a ap résévoua bénédiksyon kot Granmèt la,
jistifikasyon-an nan min Bondié sovè li-a.
- 6 Sa-a sé ras moun k-ap chèché-l yo,
k-ap chèché fas Bondié Jakòb la. **R**

Ané 2

PRÉMIÉ LÉKTU

*Kris la sé tèt la, koté tout kò-a pran sous
pou dévlopé-a.*

Léktu lèt apot sin Pòl pou Éfézyin yo

4, 7-16

Frè-m yo :

Chak moun nan nou jouinn kado gras la dapré mezi kado Kris la.

Sé poua yo di : « Antan-l monté nan rotè-a, li kondui prizonié, li bay moun yo kado yo ».

Késyon li monté sa-a, sa sa vlé di, si sé pa paské li té kòmansé désann nan réjyon ki anba tè-a ? Sa-a ki désann nan, sé li minm tou ki té monté anlè tout sièl yo, pou-l plin tout bagay.

Sé li minm ki bay kèk moun gras pou yo apot, kèk moun minm sé profèt, dèt ankò évanjélis, dèt minm sé pastè ak anségnan pou sin yo kapab vi-n kòrèk nèt nan travay ministè-a, nan konstriksyon kò Kris la, joutan nou tout nou rivé fè yon sèl nan lafoua-a ak konésans Pitit Bondié-a, pou nou rivé nan moun sa-a ki kòrèk nèt la, nan mézi laj plénitid Kris la. Konsa nou pap tankou ti moun piti ankò k-ap ézité, nou pap kite yo fè nou fè lavironn nan tout van mové anségnman moun, nan riz moun k-ap toudi nou nan mové chémin ; okontrè, antan n-ap fè vérité-a nan rinmin, n-a dévlopé nan li minm pa lintèmédiè tout bagay, li minm ki tèt la, Kris la ; sé nan li tout kò-a fè yon sèl, li maré ak tout kalité jouinti k-ap transmèt mouvman-an, dapré aktivité ki nan mézi chak manb, pou kò-a dévlopé antan l-ap bati nan charité-a.

Paròl Granmèt la.

PSÒM RÉPONS

Ps 121, 1-2. 3-4 a. 4 b-5 (R : 1)

R: Nan kay Granmèt la n-apralé ak kè kontan.

¹ Mouin kontan poutèt yo di-m :

« Nan kay Granmèt la n-apralé ».

² Pié nou déjà kanpé

nan pòt ou yo, Jérusalèm. R:

³ Jérusalèm ki bati tankou yon vil

koté tout bagay fè blòk nan yon sèl.

⁴ Sé la réyèlman fanmiy yo ap monté,

fanmiy Granmèt la. R:

Témouagnaj Israèl, pou fè louanj pou non Granmèt la.

⁵ Paské sé la tro-n yo ap pozé pou jijman-an,

tro-n kay David la. R:

ALÉLOUYA

Éz 33, 11

R: Alélouya. Mouin pa vlé lanmò méchan-an, sé sa Granmèt la di,
min pou-l konvèti épi pou-l viv. R: Alélouya.

ÉVANJIL

*Si nou pa fè pénitans,
nou tout ap péri minm jan.*

✠ Léktu sint Évanjil la dapré Luk

13, 1-9

Lè sa-a, gin kèk moun ki proché, yo poté nouvèl bay Jézu sot Galilé, osijè moun yo Pilat té mélé san yo avèk sakrifis yo t-ap ofri yo ; li pran laparòl, li di yo : « Èské nou kouè Galiléyin sa yo té péchè plis pasé tout Galiléyin yo, pou yo soufri kalité bagay sa yo ? Non, mouin di nou ; min si nou pa fè pénitans, nou tout ap péri minm jan ». Minm jan dizuit moun sa yo kay ro-a té tonbé sou yo nan Siloé-a, épi li té touyé yo-a, èské nou konprann yo minm yo té pi koupab pasé tout moun ki abité nan Jérusalèm ? Non, mouin di nou ; min si nou pa fè pénitans, nou tout minm jan n-ap péri.

Li té di yo parabòl sa-a tou : « Yon mésié té gin yon pié figié ki té planté nan jadin rézin-l ; li vi-n chèché foui ladan-l, li pa jouinn.

Li di jéran jadin pié rézin-an : “Sa fè touazan m-ap vi-n chèché foui nan pié figié sa-a, épi mouin pa jouinn ; koupé-l, pouki sa pou-l ap okipé plas nan tè-a ?”

Jéran-an réponn, li di-l : “Mèt, kité-l ané sa-a ankò, joustan mouin fouyé alantou-l, mouin mété angrè ; pétèt l-ap donnin foui, otréman, ou-a koupé-l apré” ».

Paròl Granmèt la.

TRANTIÈM SÈMÈN ÒDINÈ

Dimanch, ané A

PRÉMIÉ LÉKTU

*Si nou fè vèv la ak òfélin-an afron,
kòlè-m ap flanbé kont nou.*

Léktu liv Égzòd

22, 20-26

Min paròl Granmèt la :

« Nou pa doué fè étranjé-a lapinn, nou pa doué fè-l afron ; sèké nou minm tou sé étranjé nou té yé nan péyi Éjip la.

Pa trakasé vèv la ak òfélin-an. Si nou fè yo kichòy ki mal, y-ap rélé koté-m, m-ap tandé rèl yo-a, kòlè-m ap flanbé kont nou, m-ap frapé nou ak épé, madanm nou ap vi-n vèv, pitit nou yo ap vi-n òfélin.

Si-ou prété lajan bay pèp mouin-an ki pòv, ki abité avèk ou, pa kolé nan kò-l tankou moun k-ap fòsé yon lòt rinmèt ni pa krazé-l antan pou-ou fè-l péyé plis. Si-ou pran manto nan min prochain-ou kòm garanti, anvan solèy kouché sé pou-ou rinmèt li-l, paské sé sa sèlman li ginyin pou-l kouvri, sé rad kò-l, li pa gin anyin pasé sa pou-l dòmi ; si-l rélé koté-m, m-ap kouté-l, paské mouin gin mizérikòd ».

Paròl Granmèt la.

PSÒM RÉPONS

Ps 17, 2-3 a. 3 bc-4. 47 é 51 ab (R: 2)

R: Mouin rinmin-ou, Granmèt, fòs mouin.

2 Mouin rinmin-ou, Granmèt, fòs mouin,

3 Granmèt, fondasion-m ak kachèt mouin,
épi libératè mouin. R:

Bondié mouin, sékou-m, sé nan li m-ap éspéré,
protéksion-m, kòn k-ap sové-m, défans mouin.

4 M-ap rélé Granmèt la ki mérité louanj,
l-ap sové-m anba min ènmi-m yo. R:

47 Viv Granmèt la, konpliman pou Èd mouin-an,
louanj pou Bondié sovè mouin-an,

51 li fè roua-l la ranpòté gran viktoua,
li fè mizérikòd pou Kris li-a. R:

DÉZIÈM LÉKTU

*Nou chanjé chémin sot nan zidòl yo vi-n jouinn Bondié,
pou nou éspéré Pitit li-a.*

Léktu prémié lèt apot sin Pòl pou Tésalonisyin yo**1, 5 c-10**

Frè-m yo :

Nou konnin kijan nou minm nou té yé nan mitan nou poutèt nou. Nou minm minm, nou vi-n pran modèl sou nou minm bò isit la ak sou Granmèt la, antan nou résévoua paròl la nan anpil tribilasyon ak kè kontan Éspri Sin-an ; atèl pouin nou vi-n sèvi modèl pou tout moun yo ki gin lafoua yo nan Masédoua-n ak nan Akayi-a.

Réyèlman, paròl Granmèt la gayé sot lakay nou, pa sèlman nan Masédoua-n ak nan Akayi, min nan tout koté : lafoua nou gin nan Bondié-a, li maché, atèl pouin nou minm nou pa bézouin di anyin ankò : sé yo minm minm k-ap anonsé sou nou minm kijan nou té rivé lakay nou épi kijan nou minm minm nou té konvèti sot nan zidòl yo vi-n jouinn Bondié, pou nou sèvi Bondié ki vivan-an, ki vré-a, pou nou tann Pitit li-a k-ap soté nan sièl la, li minm li té résisité sot nan pami mò yo : Jézu, ki délivré nou sot anba kòlè k-ap vini-an.

Paròl Granmèt la.

ALÉLOUYA

Jan 14, 23

✠ Alélouya. Si yon moun rinmin-m, l-ap kinbé paròl mouin-an,
sé sa Granmèt la di ;
épi Papa-m ap rinmin-l, n-ap vi-n lakay li. ✠ Alélouya.

ÉVANJIL

*Sé pou-ou rinmin Granmèt Bondié-ou la,
ak prochin-ou tankou ou minm.*

✠ **Léktu sint Évanjil la dapré Matié****22, 34-40**

Farizyin yo tandé kijan Jézu té fèmin bouch sadiséyin yo, yo rasanblé ansanm. Youn nan yo ki té savan nan laloua-a pozé-l késion, pou-l tanté-l :
« Mèt, kilès ki gran kòmandman-an nan Laloua-a ? »

Jézu di-l : « “Sé pou-ou rinmin Granmèt Bondié-ou la ak tout kè-ou, ak tout nanm ou, ak tout éspri-ou”. Sa-a sé pi gran, sé prémié kòmandman-an.

Dézièm nan minm sanblé avèk li : “Sé pou-ou rinmin prochin-ou tankou pròp tèt ou”. Sé nan dé kòmandman sa yo tout Laloua-a ak Profèt yo pandié ».

Paròl Granmèt la.

Dimanch, ané B

PRÉMIÉ LÉKTU

*M-ap fè avèg la ak bouaté-a
tounin nan mizérikòd la.*

Léktu liv profèt Jérémi

31, 7-9

Min paròl Granmèt la : « Fété nan kè kontan, Jakòb, rélé kot chèf nasion yo ; sonnin tronpèt, chanté, di : “Granmèt, sové pèp ou-a, rès Israèl yo”.

Min m-ap kondui yo sot nan péyi nan-nò-a épi m-ap rasanblé yo sot nan bout tè-a. Nan pami yo ap gin avèg ak moun k-ap bouaté, madanm ki ansint épi sa ki fèk akouché, sé yon gran foul k-ap tounin isit la.

Ak dlo nan jé, yo té pati, nan mizérikòd m-ap fè yo tounin, m-ap kondui yo nan ravi-n dlo, nan rout ki douat, yo pap bité nan chémin-an, paské mouin sé yon papa pou Israèl, épi Éfrayim sé premié pitit mouin ».

Paròl Granmèt la.

PSÒM RÉPONS

Ps 125, 1-2 ab. 2 cd-3. 4-5. 6 (R : 3)

R: Granmèt la fè mèvèy pou nou ;
nou gin kè kontan.

¹ Lè Granmèt la t-ap fè égzilé Siyon yo tounin-an,
nou té tankou nan rèv.

² Lè sa-a bouch nou té plin kontantman,
lang nou té plin chanté fèt. R:

Lè sa-a yo t-ap di nan pami nasion yo :
« Granmèt la fè mèvèy pou yo ».

³ Granmèt la fè mèvèy pou nou ;
nou gin kè kontan. R:

- 4 Granmèt, fè égzilé nou yo tounin,
tankou ravi-n nan sid yo.
- 5 Moun k-ap simin ak dlo nan jé,
y-ap rékòlté ak kè kontan. **R:**
- 6 Yo t-apralé, yo t-ap kriyé,
yo t-ap poté sémans pou yo simin-an ;
y-ap tounin ak kè kontan,
y-ap poté zépi yo. **R:**

DÉZIÈM LÉKTU

Ou sé prèt pou tout tan, dapré ran Mèlkisédek.

Léktu lèt pou Ébré yo

5, 1-6

Tout prèt an chèf, sé nan pami moun yo, yo pran-l, pou instalé-l pou moun yo nan késion ki gin rapò ak Bondié, pou-l ofri kado ak sakrifis pou péché yo ; li kapab gin pitié pou sa yo ki pa gin konésans, ki pèdi rout, paské li minm tou li vlopé ak féblès ; sé poua, li gin pou-l ofri sakrifis pou péché pa-l minm jan ak pou pèp la. Pèsònn pa pran mak konsidérasion sa-a ak pròp fòs li, min sé moun Bondié rélé tankou Aaron.

Sé konsa tou Kris la pa-t bay pròp tèt li gloua antan-l té vi-n prèt an chèf ; min sé sa-a ki té di-l konsa-a : « Ou sé Pitit mouin, mouin minm jodi-a, mouin ba ou nésans » ; minm jan yon lòt koté, li di : « Ou sé prèt pou tout tan dapré ran Mèlkisédek ».

Paròl Granmèt la.

ALÉLOUYA

Cf. 2 Tim 1, 10

R: Alélouya. Sovè nou Jézu-Kri détoui lanmò-a,
li fè lavi-a kléré pa lantrémiz Bòn Nouvèl la. **R:** Alélouya.

ÉVANJIL

Mèt, fè-m ouè.

✠ Léktu sint Évanjil la dapré Mark

10, 46-52

Lè sa-a :

Pandan Jézu ap soti Jériko, ansanm ak disip li yo ak yon pakèt foul moun, pitit Timé-a, Bartimé, yon avèg, té chita bò chémin-an, li t-ap mandé charité. Lè-l tandé sé Jézu moun Nazarèt la, li kòmansé rélé byin

fò, li di : « Jézu, pitit David, pran pitié pou mouin ». Min foul moun yo t-ap fè-l obsèvasion pou-l pé bouch li ; min li minm sé lè sa-a li t-ap rélé pi rès : « Pitit David, pran pitié pou mouin ».

Jézu kanpé, li pasé lòd pou yo rélé-l. Yo rélé avèg la, yo di-l : « Pran kouraj ; lévé, l-ap rélé-ou », li minm, li voyé manto-l jété, li vòltijé vi-n jouinn li. Jézu pran laparòl, li di-l : « Ki sa-ou vlé pou-m fè ? »

Avèg la di-l : « Mèt, fè-m ouè ».

Jézu minm di-l : « Alé, lafoua-ou sovè-ou ». Minm lè-a, li ouè, li suiv li sou rout la.

Paròl Granmèt la.

Dimanch, ané C

PRÉMIÉ LÉKTU

Priyè moun ki imilié tèt li-a, ap pénétré niaj yo.

Léktu liv Sirasid la

35, 15 b-17. 20-22 a

Granmèt la sé jij ; koté-l, nan pouin gloua pèsòn : Granmèt la pa konsidéré figi moun kont pòv la, l-ap kouté priyè moun sa-a yo fè profitè sou li-a. Li pap méprizé priyè òfélin-an ak vèv la, ni vèv la k-ap déchajé kè-l gras a paròl jémisman-an.

Yon moun ki adoré Bondié, yo résévoua-l avèk plézi, priyè-l ap rivé jous nan niaj yo. Priyè moun ki rabésé tèt li-a ap pénétré niaj yo ; toutotan li poko rivé, moun nan pa konsolé, ni li pa sispann joustàn Sa-a ki anro nèt la voyé jé-l sou li.

Granmèt la pap viré do, min l-ap rann moun kòrèk yo jistis, l-ap fè jijman.

Paròl Granmèt la.

PSÒM RÉPONS

Ps 33, 2-3. 17-18. 19 é 23 (R: 7 a)

R: Yon pòv rélé, Granmèt la kouté-l.

² M-ap fè konpliman pou Granmèt la tout tan, tout tan louanj li nan bouch mouin.

- ³ Nan Granmèt la nanm mouin ap jouinn konsidèrasion-l, sé pou pòv yo tandé, pou yo kontan. **R:**
- ¹⁷ Fas Granmèt la sou moun k-ap fè mal yo, pou-l fè souvni yo disparèt sot sou tè-a.
- ¹⁸ Yo rélé, Granmèt la tandé, anba tout tribilasyon yo li délivré yo. **R:**
- ¹⁹ Granmèt la tou pré moun ki gin kè yo krazé yo, l-ap sovè sa-k gin éspri yo boulvèsé yo.
- ²³ Granmèt la ap rachté nanm sèvitè-l yo, li pap pini tout moun ki éspéré nan li yo. **R:**

DÉZIÈM LÉKTU

Sa-k rété-m sé kouròn jistis la y-ap ban mouin.

Léktu dézièm lèt apot sin Pòl pou Timoté

4, 6-8. 16-18

Ou minm mouin rinmin anpil la :

Mouin sé yon ofrann ki fi-n vidé, tan-an rivé pou-m kité vi sa-a. Mouin batay bon batay la, mouin fini kous mouin, mouin kinbé lafoua-a. Sa-k rété-m, sé résévoua kouròn jistis la, sa Granmèt la ap ba mouin jou sa-a, li minm jij ki kòrèk la ; pa sèlman pou mouin, min pou sa yo ki rinmin jou l-ap vini-an.

Fè vit vi-n jouinn mouin san mizé. Nan premié défans mouin-an pèsòn pa-t asisté-m, min tout moun té kité-m pou kont mouin. Sa pa doué antré sou kont yo ; Granmèt la minm té asisté-m, li té ankourajé-m, pou, pa lantrémiz mouin, prèch la réalizé épi tout nasion yo tandé ; épi mouin libéré sot anba bouch lion-an.

Granmèt la libéré-m anba tout mové aksion, l-ap sovè-n nan péyi roua li-a ki nan sièl la. Gloua pou li pou tout tan. Amèn.

Paròl Granmèt la.

ALÉLOUYA

2 Kor 5, 19

R: Alélouya. Sé Bondié ki t-ap rékonsilié tè-a nan Kris la avèk li, épi li mété paròl rékonsiliasion-an nan nou. **R:** Alélouya.

ÉVANJIL

*Piblikin-an désann lakay li an-règ
plis pasé farizyin-an.*

✚ Léktu sint Évanjil la dapré Luk

18, 9-14

Lè sa-a :

Jézu di parabòl sa-a pou kèk moun ki té mét konfians nan pròp tèt yo kòm si yo té kòrèk, épi ki t-ap méprizé lòt yo : « Dé mésié té monté nan Tanp la pou yo priyé ; youn té Farizyin, épi lòt la té piblikin.

Farizyin-an kanpé la, l-ap priyé nan kè-l : “Bondié, mouin rémésié-ou, paské mouin pa tankou lòt moun yo, yo vòlè, yo injis, yo adiltè, oubyin tankou piblikin sa-a. Mouin fè jèn dé foua nan sémèn nan, mouin bay dizièm pati nan tou sa-m ginyin”. Piblikin-an minm kanpé louin, li pa-t vlé lévé jé-l nan sièl la, min l-ap frapé pouatri-n li, li di : “Bondié, pitie pou mouin péchè”.

Mouin di nou : li minm li désann an-règ lakay li plis pasé lòt la ; paské tout moun k-ap lévé tèt li, y-ap rabésé-l, moun ki rabésé tèt li, y-ap lévé-l anlè ».

Paròl Granmèt la.

Lindi

Ané 1

PRÉMIÉ LÉKTU

*Nou té résévoua Éspri ki fè nou vi-n pitit adoptif yo,
nan li nou rélé : Aba, Papa.*

Léktu lèt apot sin Pòl pou Romin yo

8, 12-17

Frè-m yo, nou pa doué chè-a anyin, pou nou viv dapré chè-a. Sèké si nou viv dapré chè-a, n-ap mouri ; min si pa lintèmédiè Éspri-a nou fè chè-a mouri, n-ap viv.

Tout moun ki kité Éspri Bondié-a kondui yo, sé yo minm ki pitit Bondié. Nou pa résévoua Éspri ésklavaj la ankò nan kè soté, min nou résévoua Éspri pitit adoptif yo, nan li n-ap rélé : « Aba, Papa ».

Sé Éspri sa-a minm k-ap sèvi éspri pa nou-an témouin nou sé pitit Bondié. Si nou sé pitit, nou sé éritié tou : kòm nou éritié Bondié, nou éritié ansanm ak Kris la tou ; si réyèlman n-ap soufri ansanm avèk li, sé pou nou jouinn gloua ansanm avèk li tou.

Paròl Granmèt la.

PSÒM RÉPONS

Ps 67, 2 é 4. 6-7 ab. 20-21 (R: 21 a)

- R: Bondié nou, sé Bondié k-ap sové.
- 2 Bondié lévé, ènmi-l yo gayé,
sa-k rayi-l yo sové kò yo dévan fas li.
- 4 Sé pou sa-k kòrèk yo kontan, pou yo fété dévan Bondié.
Sé pou yo joui nan kè kontan. R:
- 6 Papa òfélin yo ak jij vèv yo,
Bondié nan kay li ki sin-an.
- 7 Bondié, ki fè maléré yo abité nan yon kay,
ki mét prizonié yo an libèté. R:
- 20 Konpliman pou Granmèt la chak jou ;
Bondié sovè nou-an ap poté nou.
- 21 Bondié nou-an, sé Bondié k-ap sové ;
rout k-ap kondui sot nan lanmò-a, sé pou Granmèt la,
oui sé pou Granmèt la li yé ! R:

Ané 2

PRÉMIÉ LÉKTU

Maché nan rinmin-an tankou Kris la li minm.

Léktu lèt apot sin Pòl pou Éfézyin yo

4, 32-5, 8

Frè-m yo :

Sé pou nou youn bon pou lòt, pou nou gin bon kè, pou nou youn padonnin lòt, tankou Bondié li minm té padonnin nou nan Kris la.

Konsa sé pou nou pran modèl sou Bondié, tankou pitit li rinmin anpil ; sé pou nou maché nan rinmin-an, tankou Kris la minm té rinmin nou épi li té rinmèt pròp tèt li bay Bondié pou nou kòm kado ak sakrifis bon lodè.

Fònikasion-an minm, ni tout kalité bagay ki pa pròp oubyin rinmin lajan, yo pa doué nonmin non yo minm nan mitan nou, jan sa doué fèt pou sin yo ; ni bagay ki fè moun ront, ni mové mo, ni mové plézantri, bagay ki pa gin plas yo la ; min sé pou nou di Bondié mési pito.

Aprann sa byin : tout moun k-ap fè fònikasion oubyin moun ki pa pròp oubyin moun ki rinmin lajan, épi sa sé yon sèvis zidòl, yo pa gin éritaj nan péyi-roua Kris la ak Bondié-a. Pa kité pèsònn tronpé nou ak paròl ki vid ; sé poutèt sa réyéلمان kòlè Bondié-a rivé sou pitit ki rébèl yo. Pa fè asosié avèk yo.

Lontan nou té pèdi rout nan fè-noua, koulié-a minm sé limiè-a nan Granmèt la : sé pou nou maché tankou pitit limiè.

Paròl Granmèt la.

PSÒM RÉPONS

Ps 1, 1-2. 3. 4 é 6 (R: cf. Éf. 5, 1)

R: Sé pou nou pran modèl sou Bondié, tankou pitit li rinmin anpil yo.

- 1 Ala kontantman pou moun ki pa alé nan konsèy méchan yo,
ki pa kanpé nan chémin péchè yo,
ki pa chita nan asanblé moun k-ap pasé nan jouèt yo,
- 2 min sé nan laloua Granmèt la volonté-l yé,
sé nan laloua-l la l-ap kalkilé lajounin kon lannuit. R:
- 3 L-ap tankou yon pié boua ki planté sou bò kouran dlo,
k-ap donnin foui-l nan tan li,
li pap pèdi fèy li,
tou sa l-ap fè ap réyisi. R:
- 4 Sé pa konsa pou méchan yo, sé pa konsa,
min y-ap tankou pousiè van ap voyé jété.
- 6 Sèké Granmèt la konnin chémin moun kòrèk yo,
min rout péchè yo ap péri. R:

ALÉLOUYA

Cf. Jan 17, 17 b. a

R: Alélouya. Paròl ou-a, Granmèt, sé vérité ;
fè nou vi-n sin nan vérité-a. R: Alélouya.

ÉVANJIL

*Pitit fi Abraam sa-a, èské sé pa pou yo té libéré-l
sot nan chinn nan jou saba-a ?*

✠ Léktu sint Évanjil la dapré Luk

13, 10-17

Lè sa-a :

Jézu t-ap bay ansègnman nan sinagòg yo-a jou saba. Té gin yon madanm, ki té gin yon éspri féblès dépi dizuitan, li té plouayé, li pa-t kapab gadé anlè ditou.

Lè Jézu ouè-l, li rélé-l vi-n jouinn li, li di-l : « Madanm, ou géri sot anba maladi-ou la ». Li pozé min sou li, minm lè-a madanm nan drésé, li pran fè louanj Bondié.

Chèf sinagòg la minm pran laparòl, li té kontrarié poutèt sé jou saba-a Jézu té fè gérizon-an, li di foul yo : « Gin sis jou, koté yo doué travay ; sé jou sa yo pou nou vi-n fè yo géri nou, sé pa jou saba ».

Jézu minm réponn li, li di : « Ipokrit, èské, jou saba-a, ninpòt ki moun nan nou pa lagé bèf li oubyin bourik li sot nan pak, pou-l minnin-l al bouè dlo ? Épi pitit fi Abraam sa-a, li minm Satan té maré dépi dizuitan, èské yo pa-t doué lagé-l sot nan chinn sa-a jou saba-a ? »

Pandan-l ap di bagay sa yo, tout ènmi-l yo té vi-n ront anpil, min tout pèp la t-ap fè kè-l kontan pou tout bagay sa yo ki t-ap fèt ak gloua sot nan li.

Paròl Granmèt la.

Madi

Ané 1

PRÉMIÉ LÉKTU

Atant kréatu-a ap tann révélation pitit Bondié yo.

Léktu lèt apot sin Pòl pou Romin yo

8, 18-25

Frè-m yo :

Mouin konsidéré soufrans tan sa-a pa anyin dévan gloua k-ap vini-an k-ap révéle nan nou-an. Réyéman atant kréatu-a ap tann révélation pitit Bondié yo. Kréyasyon-an té blijé rété anba sa-k pa anyin-an, san-l pa vlé,

min poutèt sa-a ki té soumèt li anba éspérans la. Sèké créatu-a li minm ap libéré sot anba ésklavaj dékonpozision-an nan libèté gloua pitit Bondié yo.

Nou konnin réyèlman tout créati ap plinn, épi ap anfanté jous koulié-a. Sé pa sèlman yo minm, min nou minm tou, ki gin premié kado Éspri-a, n-ap plinn anndan kè nou, antan n-ap tann sa pitit adoptif Bondié yo yé-a, rédanmsion kò nou-an.

Nou sové réyèlman an éspérans. Éspérans la minm, si yo ouè-l, sé pa éspérans li yé, paské sa yon moun ouè, èské l-ap éspéré-l ? Min si n-ap éspéré sa nou pa ouè, sé nan pasians n-ap tann li.

Paròl Grammèt la.

PSÒM RÉPONS

Ps 125, 1-2 ab. 2 cd-3. 4-5. 6 (R: 3 a)

R: Grammèt la fè mèvèy pou nou.

- 1 Lè Grammèt la t-ap fè égzilé Siyon yo tounin-an,
nou té tankou nan rèv.
- 2 Lè sa-a bouch nou té plin kontantman,
lang nou té plin chanté fèt. R:
- Lè sa-a yo t-ap di nan pami nasion yo :
« Grammèt la fè mèvèy pou yo ».
- 3 Grammèt la fè mèvèy pou nou :
nou gin kè kontan. R:
- 4 Grammèt, fè égzilé nou yo tounin
tankou ravi-n nan sid yo.
- 5 Moun k-ap simin nan dlo jé,
y-ap rékòlté ak kè kontan. R:
- 6 Yo t-apralé, yo t-ap kriyé,
yo t-ap poté sémans pou yo simin-an ;
y-ap tounin ak kè kontan,
y-ap poté zépi yo. R:

Ané 2

PRÉMIÉ LÉKTU

*Sakréman sa-a gran,
nan Kris la ak nan Égliz la.*

Léktu lèt apot sin Pòl pou Éfézyin yo

5, 21-33

Frè-m yo :

Sé pou nou youn obéyi lòt nan krint Kris la. Sé pou médam yo soumèt anba min mari yo tankou anba min Granmèt la ; paské mésié-a sé tèt madanm nan, tankou Kris la sé tèt Égliz la, li minm ki sovè kò-l la. Min minm jan Égliz la soumèt anba min Kris la, konsa tou médam yo anba min mari yo nan tout bagay.

Mésié yo, sé pou nou rinmin madanm nou tankou Kris la rinmin Égliz la épi li rinnèt tèt li pou li, pou-l té kapab fè-l vi-n sin antan-l pròpté-l nan bingn dlo-a nan paròl lavi-a, pou-l ofri Égliz la byin bèl ba li, san-l pa gin tach ni pli ni okinn défo, min pou-l sin, san tach.

Konsa tou mésié yo doué rinmin madam yo tankou kò yo. Moun ki rinmin madanm li, li rinmin pròp tèt li. Réyèlman, pèsònn pa janm rayi chè-l, min li ba-l manjé, li souin-l, tankou Kris la fè pou Égliz la : paské nou sé manb kò-l, nou fè pati chè-l ak zo-l. « Sé poua mésié-a ap kité papa-l ak manman-l épi l-ap kolé kò-l sou madanm li, yo dé-a y-ap vi-n yon sèl chè ».

Sakréman sa-a gran, mouin palé vré nan Kris la ak nan Égliz la. Réyèlman nou chak, sé pou chak moun rinmin madanm li tankou li rinmin pròp tèt li ; madanm nan minm, sé pou-l krinn mari-l.

Paròl Granmèt la.

PSÒM RÉPONS

Ps 127, 1-2. 3. 4-5 (R: : cf. 1 a)

R: Ala kontantman pou tout moun ki krinn Granmèt la.

- 1 Ala kontantman pou tout moun ki krinn Granmèt la,
k-ap maché nan rout li yo.
- 2 Sé foui travay min-ou ou-ap manjé,
ala kontantman pou ou, sa ap byin pou ou. R:
- 3 Madanm ou ap tankou yon jadin rézin
ki byin donnin sou bò lakay ou ;

pitit ou yo ap tankou jèn plant pié oliv
alantou tab ou-a. **R:**

4 Min sé konsa moun nan ap béni,
sa-k krinn Granmèt la.

5 Sé pou Granmèt la béni-ou sot Siyon,
sé pou-ou ouè byin Jérusalèm, touléjou lavi-ou. **R:**

ALÉLOUYA

Cf. Mt 11, 25

R: Alélouya. Konpliman pou ou, Papa, Granmèt sièl la ak tè-a,
paské ou révéle sékrè péyi roua-a bay timoun yo. **R:** Alélouya.

ÉVANJIL

Grinn nan dévlopé, li vi-n tounin yon gran pié boua.

✠ Léktu sint Évanjil la dapré Luk

13, 18-21

Lè sa-a Jézu t-ap di :

« Ak ki sa péyi roua Bondié-a sanblé, épi ak ki sa mouin t-a konparé-l ? Li sanblé ak yon grinn sénvé, yon moun pran-l li mété-l nan jadin-l, grinn nan dévlopé, li vi-n tounin yon gran pié boua, zouazo sièl yo vi-n pozé nan branch li yo ».

Li t-ap di ankò : « Ak ki sa mouin t-ap konparé péyi roua Bondié-a ? Li sanblé ak yon lévin, yon madanm pran-l, li brasé-l nan toua mézu farin, joustan tout pat la lévé ».

Paròl Granmèt la.

Mèkrédi

Ané 1

PRÉMIÉ LÉKTU

*Moun ki rinmin Bondié yo,
tout bagay rivé pou byin yo.*

Léktu lèt apot sin Pòl pou Romin yo

8, 26-30

Frè-m yo :

Éspri-a édé féblès nou : sèké nou pa konnin kijan pou nou priyé ; min sé Éspri-a li minm k-ap priyé pou nou ak mo moun pa kapab palé. Sa-a

k-ap sondé kè yo, li konnin sa Éspri-a anvè-a, sé dapré Bondié li fè démann pou sin yo.

Nou konnin pou moun Bondié rinmin yo, tout bagay sèvi pou byin yo, yo minm li rélé pou yo vi-n sin, dapré désizyon li pran davans. Réyèlman, sa yo li chouazi davans yo, li paré plas yo davans tou, pou yo vi-n moulé nan pòtré Pitit li-a, pou li minm li vi-n tounin premié pitit nan pami tout foul frè yo. Sa yo li fi-n paré plas yo-a, li rélé yo tou ; sa yo li rélé yo, li jistifié yo tou ; sa yo li jistifié yo, li ba yo gloua-a tou.

Paròl Granmèt la.

PSÒM RÉPONS

Ps 12, 4-5. 6 (R : 6 a)

- R Mouin minm sé nan mizérikòd ou-a, Granmèt, mouin espéré.
- 4 Gadé, kouté-m, Granmèt Bondié mouin.
Kléré jé-m, pou-m pa dòmi nan lanmò,
- 5 pou ènmi-m pa di : « Mouin ranpòtè viktoua sou li » ;
pou sa yo k-ap pèsékité-m yo pa fété, si-m souké. R
- 6 Kanta mouin minm sé nan mizérikòd ou-a mouin espéré.
Kè-m ap fété nan sovè ou sovè-m nan.
M-ap chanté pou Granmèt la, ki fè-m jouinn byin yo. R

Ané 2

PRÉMIÉ LÉKTU

*Sé pa tankou sèvitè lèzòm,
min kòm sèvitè Kris la.*

Léktu lèt apot sin Pòl pou Éfézyin yo

6, 1-9

Pitit yo, sé pou nou obéyi paran nou yo nan Granmèt la : paské sé sa ki kòrèk. « Onoré papa-ou ak manman-ou (sa-a sé premié kòmandman-an nan promès la), pou-ou kapab jouinn bédiksion, épi pou-ou viv lontan sou tè-a ». Épi nou minm, papa yo, pa provoké pitit nou yo nan kòlè, min sé pou nou fè édikasyon yo nan disipli-n ak koréksion Granmèt la.

Ésklav yo, sé pou nou obéyi mèl nou yo sou tè-a avèk krint ak tranbléman ak kè nou tou sinp, tankou pou Kris la : antan nou pa sèvi pou jé, pou fè kòm si pou fè lèzòm plézi, min tankou sèvitè Jézu-Kri k-ap fè volonté Bondié ak tout kè yo, antan nou sèvi avèk bòn volonté, tankou pou Granmèt la min pa pou moun, antan nou konnin chak moun ap

résévoua sa-l mérité nan min Granmèt la, dapré sa-l fè ki bon, soua èsklav soua moun lib.

Kanta nou minm, mèt yo, fè minm jan pou yo, sispann fè ménas, antan nou konnin Granmèt pa yo-a ak pa nou-an nan sièl la, épi pa gin konsidérasion pèsonaj dévan-l.

Paròl Granmèt la.

PSÒM RÉPONS

Ps 144, 10-11. 12-13 ab. 13 cd-14 (R: 13 c)

R: Granmèt la fidèl nan tout paròl li yo.

¹⁰ Sé pou yo fè louanj ou, Granmèt, tou sa-ou fè yo ;
sé pou sin-ou yo fè konpliman pou ou.

¹¹ Sé pou yo déklaré gloua péyi roua-ou la,
sé pou yo anonsé pouvoua-ou. R:

¹² Pou yo fè pitit moun yo konnin mèvèy ou yo,
ak gloua grandè péyi roua-ou la.

¹⁵ Péyi roua-ou la, sé péyi roua tout tan,
kòmandman-ou nan pou jénérasyon ak jénérasyon. R:

Granmèt la fidèl nan tout paròl li yo,
li sin nan tout aksion-l yo.

¹⁴ Granmèt la soutni tout moun ki lagé yo,
li drésé tout moun ki fébli. R:

ALÉLOUYA

Cf. 2 Tés 2, 14

R: Alélouya. Bondié rélé nou pa lintèmediè Bòn Nouvèl li-a,
pou nou jouinn gloua Granmèt nou Jézu-Kri. R: Alélouya.

ÉVANJIL

*Y-ap vini sot olévan ak okouchan, y-ap lonjé kò yo
nan péyi-roua Bondié-a.*

✠ Léktu sint Évanjil la dapré Luk

13, 22-30

Lè sa-a :

Jézu t-ap travèsé vil yo ak bouk yo, li t-ap bay ansègnman, pandan l-ap vouyajé pou Jérusalèm.

Gin yon moun ki di-l : « Granmèt, èské sé ti kras moun sa yo k-ap sovè-a ? »

Li minm minm li di yo : « Fè éfò pou nou antré nan pòt ki jinnin-an ; paské anpil moun, mouin di nou sa, ap chèché antré min yo pap réyisi.

Lè mèt kay la ap antré, l-ap fèmin pòt la, épi n-ap kòmansé kanpé déyò, n-ap frapé pòt la, n-ap di : “Granmèt, louvri pou nou” ; l-ap réponn nou : “Mouin pa konnin koté nou sòti”.

Lè sa-a atò, n-ap kòmansé di : “Nou té manjé dévan-ou, nou té boué dévan-ou, ou té bay ansègnman sou plas nou yo”. L-ap di nou : “Mouin pa konnin koté nou sòti : ralé kò nou sou mouin, nou tout k-ap fè mal la”.

Koté sa-a ap gin rèl ak manjé dan, lè n-ap ouè Abraam ak Izaak ak Jakòb ak tout profèt yo nan péyi-roua Bondié-a, épi nou minm minm y-ap chasé nou déyò. Moun yo ap vi-n sòti olévan ak okouchan, nan nò ak nan-sid, y-ap lonjé kò yo nan péyi-roua Bondié-a. Dènié yo ap prémié, épi prémié yo ap dènié ».

Paròl Granmèt la.

Jédi

Ané 1

PRÉMIÉ LÉKTU

*Okinn kréatu pa kapab séparé nou
sot nan charité Bondié-a ki nan Kris la.*

Léktu lèt apot sin Pòl pou Romin yo

8, 31 b-39

Frè-m yo :

Si Bondié pou nou, kilès k-ap kont nou ? Li minm ki pa minm ménajé pròp Pitit li-a, min ki rinmèt li pou nou tout, kijan pou-l pa ta ba nou tout bagay ansanm avèk li ? Kilès k-ap fè akizasion kont sa yo Bondié chouazi yo ? Sé Bondié minm ki jistifié nou. Kilès k-ap kondané ? Kris Jézu ki mouri, pi plis minm ki résisité, ki rét adouat Bondié, épi minm k-ap plédé pou nou-an tou.

Konsa kilès k-ap séparé nou sot nan charité Kris la ? Tribilasion ? oubyin kè séré ? oubyin grangou ? oubyin manké rad ? oubyin danjé ? oubyin pèsékision ? oubyin épé ? Jan sa ékri-a : « Sèké poutèt ou nou jouinn lanmò tout jounin, yo konsidéré nou tankou mouton labatoua ». Min nan tout bagay sa yo nou ranpòtè viktoua poutèt sa-a ki rinmin nou-an.

Mouin sètìn réyèlman ni lanmò, ni lavi, ni anj yo, ni péyi-roua, ni puisans, ni sa k-ap rivé koulié-a, ni sa k-ap vini apré, ni fòs, ni rotè, ni profondè, ni lòt kréatu pap kapab séparé nou sot nan charité Bondié-a, ki nan Kris Jézu Granmèt nou-an.

Paròl Granmèt la.

PSÒM RÉPONS

Ps 108, 21-22. 26-27. 30-31 (R: : 26 b)

R: Sové-m, Granmèt, dapré mizérikòd ou-a.

21 Ou minm, Granmèt, Granmèt, aji avèk mouin poutèt non-ou, paské mizérikòd ou-a dous ;

22 délivré-m, paské sé maléré ak pòv mouin yé, kè-m blésé anndan mouin. **R:**

26 Édé-m, Granmèt Bondié mouin, sové-m dapré mizérikòd ou-a.

27 Sé pou yo konnin sé min-ou sa-a ; ou minm, Granmèt, ou fè sa. **R:**

30 M-ap fè louanj Granmèt la anpil nan bouch mouin, nan mitan anpil pèp m-ap fè louanj li,

31 paské li kanpé adouat pòv la, pou-l sové nanm li sot nan min moun k-ap jijé-l yo. **R:**

Ané 2

PRÉMIÉ LÉKTU

Pran zam Bondié yo, pou nou kapab kanpé antan nou kòrèk nèt.

Léktu lèt apot sin Pòl pou Éfézyin yo

6, 10-20

Pou rèl la, frè-m yo, pran kouraj nan Granmèt la ak nan pouvoua fòs li-a. Abiyé nou ak zam Bondié yo, pou nou kapab kanpé kont pièj djab yo. Sèké sé pa kont chè ak san n-ap batay, min sé kont chèf yo ak pouvoua yo, kont sa yo k-ap dirijé tè fènoua sa yo, kont mové éspri yo ki anlè-a.

Sé poutèt sa, sé pou nou pran zam Bondié yo, pou nou kapab rézisté jou malè-a, épi pou nou kapab rét kanpé yon fason kòrèk nèt nan tout bagay. Konsa sé pou nou rét kanpé avèk rin nou maré nan vérité-a, antan

nou abiyé ak zam-protèj jistis la, antan sandal ki nan pié nou sé paré nou tou paré pou-n anonsé Bòn Nouvèl lapè-a ; nan tout okazion sé pou nou pran boukliyé lafoua-a, sé nan li nou kapab étinn tout flèch tou limin méchan-an ap voyé-a.

Pran kask k-ap sové nou-an, avèk épé éspri-a, ki paròl Bondié-a. Avèk tout kalité priyé ak démann, sé pou nou rét ap priyé tout tan nan Éspri-a ; sé pou nou rét ap véyé nan li antan nou pèsisté koté-l épi nou fè démann pou tout sin yo épi pou mouin minm tou, pou-l ban-m paròl pou-m louvri bouch mouin avèk asirans pou-m fè konnin mistè Bòn Nouvèl la ; sé pou li mouin sèvi pòt-paròl nan chinn yo ; pou konsa, nan li minm, mouin gin odas palé jan mouin doué-a.

Paròl Granmèt la.

PSÒM RÉPONS

Ps 143, 1. 2. 9-10 (R : 1 a)

R: Konpliman pou Granmèt la, défans mouin-an.

- 1 Konpliman pou Granmèt la, défans mouin-an,
li minm ki aprann min-m pou yo batay,
ak douèt mouin pou yo fè lagè. R:
- 2 Mizérikòd mouin ak fòs mouin,
kachèt mouin ak libératè mouin ;
protéksion-m, nan li mouin éspéré,
li minm ki pliyé pèp mouin-an anba-m. R:
- 9 Bondié, sé yon kantik nouvo m-ap chanté pou ou,
sou instriman dis kòd la m-ap joué pou ou,
- 10 ou minm ki sové roua yo,
ki rachté David sèvitè-ou anba mové épé-a. R:

ALÉLOUYA

Cf. Lk 19, 38 ; 2, 14

R: Alélouya. Konpliman pou sa-a k-ap vini kòm roua o non Granmèt la,
lapè nan sièl la ak gloua nan rotè sièl yo. R: Alélouya.

ÉVANJIL

Sé pa nòmàl pou yon profèt mourì andéyò Jérusalèm.

✠ **Léktu sint Évanjil la dapré Luk**

13, 31-35

Jou sa-a, kèk farizyin proché, yo di-l : « Pati, al fè rout ou sot isit la, paské Éròd vlé touyé-ou ».

Li di yo : « Al di réna sa-a : “Min m-ap chasé démon yo, m-ap fè gérizon jodi-a ak démin ; épi sou touazièm jou-a m-a fini”. Réyèlman ni jodi-a, ni démin, ni jou ki vi-n apré-a, mouin gin pou-m maché, paské sé pa nòmàl pou yon profèt péri andéyò Jérusalèm. Jérusalèm, Jérusalèm, ou minm k-ap touyé profèt yo, k-ap kalonnin ak kout ròch sa yo yo voyé koté-ou yo, konbyin foua mouin té vlé ranmasé pitit ou yo, tankou yon zouazo ranmasé nich li anba zèl li, min ou pa-t vlé !

Min y-ap kité kay nou-an vid bannou ! Mouin di nou antouka, nou pap ouè-m, jouk jou-a ap vini, lè n-a di : “Konpliman pou sa-a k-ap vini o non Granmèt la” ».

Paròl Granmèt la.

Vandrédi

Ané 1

PRÉMIÉ LÉKTU

Mouin té souété pou-m té madichonnin pou frè-m yo.

Léktu lèt apot sin Pòl pou Romin yo

9, 1-5

Frè-m yo :

Sé vérité mouin di nan Kris la, mouin pa fè manti (konsians mouin rann mouin témouagnaj nan Éspri Sin-an) : sèké kè séré-m nan gran, doulè-a ap pèsisté nan kè-m.

Mouin té souété pou-m madichonnin sot nan Kris la poutèt frè-m yo, yo minm ki nan ras mouin dapré chè-a ; yo minm ki Israëlité, yo minm ki pitit adoptif, ki gin gloua-a, téstaman-an, laloua-a, sérémoni yo, ak promès yo ; yo minm ki gin papa yo, épi sé nan yo minm Kris la soti dapré chè-a, li minm ki Bondié ki anlè tout bagay, ki béni pou tout tan. Amèn.

Paròl Granmèt la.

PSÒM RÉPONS

Ps 147, 12-13. 14-15. 19-20 (R: 12 a)

- R: Fè louanj Granmèt la, Jérusalèm.
- 12 Fè louanj Granmèt la, Jérusalèm ;
fè louanj Bondié-ou, Siyon.
- 13 Paské li ranfòsé krochèt pòtay ou yo,
li béni pitit ou yo nan ou. R:
- 14 Li minm ki pozé limit ou yo nan lapè,
li ba-ou kont blé ki gra.
- 15 Li minm ki voyé paròl li sou tè-a,
avèk vitès paròl li-a kouri. R:
- 19 Li minm ki anonsé paròl li bay Jakòb,
jistis li ak jijman-l bay Israèl.
- 20 Li pa fè konsa pou okinn nasion,
li pa fè yo konnin jijman-l yo. R:

Ané 2

PRÉMIÉ LÉKTU

*Sa-a ki kòmansé bon travay la nan nou-an, l-ap fè-l fi-n réalizé nèt
jous nan jou Kris la.*

Kòmansman lèt apot Pòl pou Filipyin yo

1, 1-11

Pòl ak Timoté, sèvitè Jézu-Kri, pou tout sin yo nan Kris Jézu sa ki Filip yo, ansanm avèk évèk yo ak diak yo. Gras pou nou ak lapè sot nan Bondié Papa nou ak Granmèt Jézu-Kri.

Mouin di Bondié-m nan mèsì antan m-ap fè sonjé nou tout tan, tout tan nan tout kalité priyé m-ap fè pou nou tout, avèk kè kontan m-ap priyé poutèt jan nou mét min nan Bòn nouvèl Kris la dépi premié jou-a jous koulié-a ; mouin gin konfians sa-a, sa-a ki té kòmansé bon travay la nan nou-an, l-ap fè-l fi-n réalizé nèt jous nan jou Kris Jézu.

Sa byin kòrèk pou-m gin santiman sa-a pou nou tout, paské mouin poté nou sou kè-m : sèké nou tout nou asosié nan kè kontan-m, ni lè-m nan chinn mouin yo, ni lè m-ap défann Bòn nouvèl la, ni lè m-ap fè-l pi solid. Bondié sèvi-m témouin, kijan mouin rinmin nou tout nan zantray Jézu-Kri.

Min ki priyè mouin fè : sé pou charité nou tout tan ap fè progrè anpil anpil pou-l donnin yon kalité konésans ak ladrès k-ap rann nou kapab santi sa ki pi inpòtan, pou nou kapab sinsè, san répròch nan jou Kris la, pou nou plin ak foui jistis la pa pouvoua Jézu-Kri pou gloua ak louanj Bondié.

Paròl Granmèt la.

PSÒM RÉPONS

Ps 110, 1-2. 3-4. 5-6 (R: 2 a)

R: Travay Granmèt yo gran.

oubyin : Alélouya.

- 1 M-ap fè louanj Granmèt la ak tout kè-m,
nan konsèy moun kòrèk yo ak asanblé-a.
- 2 Travay Granmèt yo gran,
yo mérité tout moun ki anvè yo chèché yo. R:
- 3 Travay li sé gloua ak grandè,
jistis li diré pou tout tan gin tan.
- 4 Li fè sonjé mèvèy li,
Granmèt la gin mizérikòd, li pran pitié. R:
- 5 Li bay moun ki krinn li yo manjé ;
li sonjé aliens li pou tout tan.
- 6 Li anonsé pèp li-a fòs travay li yo,
pou-l ba yo éritaj nasion yo. R:

ALÉLOUYA

Jan 10, 27

R: Alélouya. Mouton-m yo tandé voua-m, sé sa Granmèt la di ;
épi mouin minm mouin konnin yo, yo suiv mouin. R: Alélouya.

ÉVANJIL

*Kilès moun si mouton-l oubyin bèf li tonbé nan pui,
pou-l pa ouété-l jou saba-a ?*

✠ **Léktu sint Évanjil la dapré Luk**

14, 1-6

Lè sa-a :

Rivé, kon Jézu antré nan kay youn nan chèf farizyin yo pou-l manjé, yo t-ap suiv sa l-ap fè. Yon moun ki té gin min-l séché vi-n dévan-l.

Jézu pran laparòl li di skrib yo ak farizyin yo : « Èské yo gin doua géri moun jou saba ? » Yo minm yo pé bouch. Li minm minm li pran-l, li géri-l, li voyé-l alé.

Li adrésé yo laparòl, li di : « Kilès nan nou si-l gin yon bourik oubyin yon bèf ki tonbé nan yon pui, pou-l pa rétiré-l minm lè-a jou saba-a ? » Yo pa-t kapab réponn li anyin sou pouin sa-a.

Paròl Granmèt la.

Samdi

Ané 1

PRÉMIÉ LÉKTU

Si poutèt Juif yo pati-a, sé okazion pou rékonsiliation tè-a, lè y-a tounin-an minm, sa sa ap yé si sé pa lavi sot nan pami mò yo ?

Léktu lèt apot sin Pòl pou Romìn yo

11, 1-2 a. 11-12. 25-29

Frè-m yo :

Èské Bondié té réjité pèp li-a ? Pa ditou. Apa mouin minm mouin sé Israélit, sot nan ras Abraam, sot nan fanmi Benjamin. Bondié pa réjité pèp li-a, sa-l té chouazi davans la. Oubyin èské nou pa konnin nan Éli ki sa sa-k ékri-a di, kijan li rélé Bondié kont Israèl ?

Mouin di konsa : Èské fot yo-a fè yo tonbé nèt ? Pa ditou, min poutèt fot yo-a, vi-n gin okazion pou nasion yo sové, pou yo kapab fè jalouzi. Konsa si fot yo-a sèvi richès pou tè-a, si antan yo vi-n pi piti-a sa sèvi pou richès nasion yo, nou pa bezouin mandé pou lè y-a vi-n an fòs la !

Mouin pa vlé pou nou pa konn sa, frè-m yo, mistè sa-a, pou nou pa konté sou pròp jijman nou : sèké yon pati nan Israèl vi-n avèg, joutan tout nasion yo fi-n antré, konsa tout Israèl ap sové, jan sa ékri-a : « L-ap vi-n sot nan Siyon, sa-a k-ap ouété méchansté-a sot nan Jakòb, k-ap fè-l disparèt la » ; épi « Sa-a ap vi-n tounin aliens mouin-an avèk yo, lè m-ap ouété péché yo ».

Dapré bòn nouvèl la, sé ènmi yo vi-n tounin poutèt nou ; min dapré chouazi Bondié té chouazi yo-a, li rinmin yo anpil poutèt papa yo. Sèké kado Bondié yo avèk rélé li rélé moun yo, li pa tounin sou sa.

Paròl Granmèt la.

PSÒM RÉPONS

Ps 93, 12-13 a. 14-15. 17-18 (R: 14 a)

R: Granmèt la pa réjité pèp li-a.

¹² Ala kontantman pou moun sa-a, ou korijé-a, Granmèt,
ou aprann li laloua-ou la,

¹³ pou-ou fè-l rét an pè nan mové jou yo. R:

¹⁴ Sèké Granmèt la pap répousé pèp li-a,
li pap lagé éritaj li-a.

¹⁵ Sèké sé dapré jistis la jijman-an ap tounin,
y-ap suiv li, tout moun ki gin kè yo douat yo. R:

¹⁷ Si Granmèt la pa-t poté-m sékou,
yon ti kras ankò nanm mouin t-ap abité nan koté silans la.

¹⁸ Si-m t-a di : « Pié-m ap souké »,
mizérikòd ou-a, Granmèt, ta soutni-m. R:

Ané 2

PRÉMIÉ LÉKTU

*Pou mouin, viv sé Kris la,
épi mouri sé yon avantaj.*

Léktu lèt apot sin Pòl pou Filipyin yo

1, 18 b-26

Frè-m yo :

Yon foua sé Kris la yo anonsé, sé nan sa mouin kontan, épi m-ap kontan toujou. Mouin konnin réyèlman sa ap sèvi pou nou sovè gras a priyè nou ak sékou Éspri Jézu-Kri-a ; dapré sa m-ap tann nan ak éspérans mouin-an, mouin pap ront ditou, min ak tout konfians mouin, tankou tout tan, épi koulié-a spésialman, Kris la ap parèt klè nan kò-m, soua nan lavi, soua nan lanmò.

Pou mouin minm viv sé Kris la, épi mouri sé yon avantaj. Sèlman si antan m-ap viv nan chè-a, sa pèmèt mouin fè yon travay, ki sa pou-m chouazi, mouin pa konnin. Mouin jinnin ant dé bagay : mouin anvè pou-m mouri pou-m al rété avèk Kris la é sa ta pi bon anpil, min rété m-rété nan chè-a, li nésésè pou nou.

Mouin gin konfians sa-a m-ap rété, m-ap rété byin rété pou nou tout, pou avantaj nou ak kè kontan lafoua-a, pou kontantman nou-an débòdé nan Kris Jézu osijè mouin, poutèt mouin rétounin ankò koté nou.

Paròl Granmèt la.

PSÒM RÉPONS

Ps 41, 2. 3. 5 bcd (R: 3 a)

- R: Nanm mouin souaf kot Bondié vivan-an.
- ² Tankou yon sèrf ki anvi al nan sous dlo yo,
konsa nanm mouin anvi al koté-ou, Bondié. R:
- ³ Nanm mouin souaf kot Bondié, Bondié vivan-an,
kilè m-apralé, pou-m parèt dévan fas Bondié ? R:
- ⁵ Sèké mouin té konn travèsé nan koté bèl tant la yé-a,
jous kot kay Bondié-a,
nan pami voua fèt ak louanj,
foul la k-ap fété gran fèt. R:

ALÉLOUYA

Mt 11, 29 ab

R: Alélouya. Pran jouk mouin sou nou, sé sa Granmèt la di,
pran léson nan min-m, paské mouin tou dou, kè-m tou pòv. R:
Alélouya.

ÉVANJIL

*Moun ki lévé tèt li, y-ap rabésé-l ; moun ki rabésé tèt li,
y-ap lévé-l anlè.*

✠ Léktu sint Évanjil la dapré Luk

14, 1. 7-11

Lè sa-a :

Rivé, kòm Jézu té antré nan kay yon chèf farizyin yo, yon jou saba,
pou-l manjé, yo minm yo t-ap suiv sa l-ap fè. Li t-ap di yon parabòl pou
invité yo, lè-l ouè kijan yo t-ap chouazi prémié plas yo, li di yo :

« Lè yo invité-ou nan nòs, pa al instalé-ou nan prémié plas, pou si yo
t-a invité yon moun ki gin pi gro grad pasé-ou, moun ki invité ni ou
minm ni li minm nan ap rivé, l-ap di-ou : “Ba-l plas la”, lè sa-a ou t-a
kòmansé ront pou-ou al pran dènié plas la. Min lè yo invité-ou, alé,
instalé-ou nan dènié plas la, pou, lè moun ki té invité-ou la rivé, li di-ou :
“Zanmi, monté pi ro”. Lè sa-a sa ap yon konsidèrasion pou ou dévan tout
invité yo.

Paské tout moun k-ap lévé tèt li, y-ap rabésé-l ; moun ki rabésé tèt li,
y-ap lévé-l ».

Paròl Granmèt la.

TRANTÉINIÈM SÈMÈN ÒDINÈ

Dimanch, ané A

PRÉMIÉ LÉKTU

*Nou viré do sot nan chémin-an
épi nou skandalizé anpil moun.*

Léktu liv profèt Malachi

1, 14 b-2, 2 b. 8-10

« Sé yon gran Roua mouin yé, sé sa Granmèt lamé yo di, non mouin térib nan pami nasion yo. Koulié-a sé pou nou kòmandman sa-a yé, nou minm prèt yo. Si nou pa vlé tandé, si nou réfizé mété nan kè nou, pou nou bay non-m gloua, sé sa Granmèt lamé yo di, m-ap voyé grangou nan kay nou.

Nou minm nou ralé kò nou sot nan chémin-an épi nou skandalizé anpil moun nan laloua-a, nou anilé aliens Lévi-a, sé sa Granmèt lamé yo di. Sé pousa mouin minm minm mouin fè yo méprizé nou, yo rabésé nou nan pami tout pèp yo, minm jan nou pa-t kinbé chémin-m yo, épi nou ranjé laloua-a dapré figi moun.

Èské sé pa yon sèl papa pou nou tout ? Èské sé pa yon sèl Bondié ki kréyé nou ? Pouki sa chak moun nan nou ap méprizé frè-l, antan l-ap dézonoré aliens papa nou yo ? »

Paròl Granmèt la.

PSÒM RÉPONS

Ps 130, 1. 2. 3

R: Kinbé nanm mouin nan lapè koté-ou, Ganmèt.

1 Granmèt, kè-m pa gonflé,
jé-m pa lévé ;
mouin pa maché nan grandè,
ni nan mèvèy ki anlè-m. **R:**

2 Mouin pozé nanm mouin
byin trankil, an répo ;
tankou yon ti bébé sou vant manman-l,
tankou yon ti bébé, sé konsa nanm mouin yé nan mouin. **R:**

3 Sé pou Israèl éspéré nan Granmèt la,
dépi koulié-a jous pou tout tan. **R:**

DÉZIÈM LÉKTU

*Nou té vlé rinmèt non sèlman Bòn Nouvèl Bondié-a,
min minm lavi nou tou.*

Léktu premié lèt apot sin Pòl pou Tésalonisyin yo 2, 7 b-9. 13

Frè-m yo :

Nou té fè kò nou tou piti nan mitan nou, tankou yon nouris k-ap souin pitit li yo. Konsa nou té tèlman rinmin nou anpil, nou té vlé rinmèt nou non sèlman Bòn Nouvèl Bondié-a, min ata lavi nou, paské nou té gin anpil valè pou nou. Nou sonjé, frè yo, kijan nou travay, nou fatigé kò nou ; lannuit ak lajounin, nou t-ap travay, pou nou pa pézé sou nou, pandan nou t-ap préché nou Bòn Nouvèl Bondié-a.

Sé pousa nou minm nou di Bondié mèsì san rété, paské, lè nou résevoua paròl Bondié-a nou té tandé nan bouch nou-an, nou pa résevoua-l tankou yon paròl moun ; min tankou sa-l yé tout bon vré-a, paròl Bondié-a, li minm ki aji nan nou minm ki kouè yo.

Paròl Granmèt la.

ALÉLOUYA

Mt 23, 9 b. 10 b

R: Alélouya. Sé yon sèl Papa nou ginyin, ki nan sièl la,
sé yon sèl Mèt nou ginyin, Kris la. **R:** Alélouya.

ÉVANJIL

Yo di, min yo pa fè.

✠ Léktu sint Évanjil la dapré Matié 23, 1-12

Lè sa-a : Jézu palé ak fowl yo épi avèk disip li yo, li di :

« Sou tro-n Moyiz la skrib yo ak farizyin yo instalé ; tou sa yo di nou, obsèvé-l, fè-l, sèlman pa suiv sa yo fè : paské yo di min yo pa fè. Yo maré chaj ki lou, bagay moun pa kapab pòté, yo mété yo sou zépòl moun yo ; min yo pa vlé souké yo ak yon ti douèt. Tout aksion yo, yo fè yo pou moun kapab ouè yo : yo laji filaktè yo, yo lonjé fil manch yo. Yo rinmin premié plas nan soupé yo, ak premié chèz nan sinagòg yo, ak bèl salitasion sou laplas, épi pou moun rélé yo “Rabi”.

Kanta nou-minm pa kité yo rélé nou “Rabi” : paské sé yon sèl la ki mèt nou, nou tout sé frè nou yé. Épi pa rélé moun “papa” sou tè-a ; paské sé yon sèl la ki Papa nou, ki nan sièl la. Pa kité yo rélé nou “mèt” ; paské sé yon sèl ki mèt nou, Kris la.

Moun ki pi gran nan pami nou-an, sé pou-l vi-n tounin sèvitè nou. Moun ki lévé tèt li, y-ap rabésé-l, min moun ki rabésé tèt li, y-ap lévé-l ».

Paròl Granmèt la.

Dimanch, ané B

PRÉMIÉ LÉKTU

Kouté, Israèl : Sé pou-ou rinmin Granmèt la ak tout kè-ou.

Léktu liv Détéronòm

6, 2-6

Jou sa yo :

Moyiz palé ak pèp la, li di : « Sé pou-ou krinn Granmèt la Bondié-ou la, pou-ou kinbé tout kòmandman-l yo ak lòd li yo mouin pasé-ou yo, ou minm ak pitit ou yo, ak désandans ou yo, pou tout tan ou-ap viv, pou-ou kapab viv lontan.

Kouté, Israèl, obsèvé, pou-ou kapab fè sa Granmèt la kòmandé ou yo, sa ap bon pou ou, ou-ap vi-n anpil, jan Granmèt Bondié papa ou yo promèt ou-a, nan péyi koté sé lèt ak mièl k-ap koulé-a.

Kouté, Israèl : Granmèt la Bondié nou-an sé yon sèl Granmèt la. Sé pou-ou rinmin Granmèt la Bondié-ou la ak tout kè-ou ak tout nanm ou, ak tout fòs ou. Sé pou paròl sa yo mouin kòmandé-ou jodi-a, rét nan kè-ou ».

Paròl Granmèt la.

PSÒM RÉPONS

Ps 17, 2-3 a. 3 bc-4. 47 é 51 a (R : 2)

R: Mouin rinmin-ou, Granmèt, ou minm ki fòs mouin.

² Mouin rinmin-ou, Granmèt, ou minm ki fòs mouin,

³ Granmèt, fondasion-m ak kachèt mouin,
ou minm k-ap sovè-m. R:

- Bondié mouin, sékou-m, sé nan li m-ap éspéré,
 protéktè mouin, épi kòn k-ap sové mouin, épi k-ap soutni-m.
 4 M-ap fè louanj Granmèt la,
 l-ap sové-m anba min ènmi-m yo. **R:**
 47 Viv Granmèt la, konpliman pou sa-a k-ap poté-m sékou-a,
 louanj pou Bondié sovè mouin-an,
 51 li fè roua-l la ranpòté gran viktoua,
 li fè mizérikòd pou Kris li-a. **R:**

DÉZIÈM LÉKTU

Paské li diré tout tan, li gin yon ròl prèt ki la tout tan.

Léktu lèt pou Ébré yo

7, 23-28

Frè-m yo :

Gin anpil prèt nan ansyin Téstaman-an, paské lanmò-a té anpéché yo diré ; sa-a minm, paské li diré pou tout tan, li gin yon ròl prèt ki la tout tan ; sé pousa sé tout tan li kapab sové moun yo ki proché kot Bondié pa lintèmediè-l, antan-l vivan tout tan pou-l priyé pou nou.

Sé mòd jan prèt an chèf sa-a minm nou té bézouin, ki sin, ki inosan, ki pa gin tach, ki séparé sot nan péchè yo, ki anro nèt nan sièl la, ki pa bézouin kòmansé ofri sakrifis pou pròp péché pa-l chak jou tankou prèt yo, apré sa pou pèp la ; li fè sa déjà yon sèl foua antan-l ofri pròp tèt li.

Réyèlman sé moun yo ki gin féblès yo laloua-a instalé kòm prèt ; min paròl sèman-an, ki vi-n apré laloua-a, sé Pitit la li instalé, li minm ki kòrèk nèt pou tout tan-an.

Paròl Granmèt la.

ALÉLOUYA

Jan 14, 23

- R:** Alélouya. Si yon moun rinmin-m, l-ap kinbé paròl mouin,
 sé sa Granmèt la di ;
 Papa-m ap rinmin-l, n-ap vi-n lakay li. **R:** Alélouya.

ÉVANJIL

Sé pou-ou rinmin Granmèt la Bondié-ou la.

Sé pou-ou rinmin prochin-ou.

✚ Léktu sint Évanjil la dapré Mark

12, 28 b-34

Lè sa-a :

Youn nan skrib yo proché kot Jézu, li pozé-l késion kilès ki prémié nan tout kòmandman yo.

Jézu réponn li : « Prémié nan tout kòmandman yo, sé : “Kouté, Israèl : Granmèt la Bondié-ou la sé yon sèl Bondié-a. Épi sé pou-ou rinmin Granmèt la Bondié-ou la ak tout kè-ou, ak tout nanm ou, ak tout éspri-ou épi ak tout fòs ou”. Sa-a sé prémié kòmandman-an. Dézièm nan sanblé ak li : “Sé pou-ou rinmin prochin-ou tankou ou minm”. Pa gin lòt kòmandman ki pi gran passé sa yo ».

Skrib la di-l : « Sé byin, Mèt, ou gin rézon di sé yon sèl Bondié-a, épi pa gin lòt andéyò-l, épi sé pou yon moun rinmin-l ak tout kè-l, ak tout intéljans li, ak tout nanm li, épi ak tout fòs li ; épi rinmin prochin-ou tankou pròp tèt ou, sa pi gran passé tout kalité sakrifis antié ak kado yo ».

Jézu minm ouè li té réponn ak sajès, li di-l : « Ou pa louin péyi roua Bondié-a ». Épi pèsonn pa-t janm ozé pozé-l késion ankò.

Paròl Granmèt la.

Dimanch, ané C

PRÉMIÉ LÉKTU

Ou pran pitié pou tout moun, paské ou rinmin tout bagay ki égzisté.

Léktu liv Sajès la

11, 22-12, 2

Granmèt, tankou yon ti grinn sab sou balans, konsa tout tè-a yé dévan-ou, tankou gout larouzé granmatin, k-ap désann sou tè-a. Min ou pran pitié pou tout moun, paské ou kapab fè tout bagay, ou padonnnin péché moun yo lè yo régrèt. Ou rinmin tout bagay ki égzisté, ou pa rayi anyin nan sa-ou fè yo, ou pa kapab rayi anyin nan sa-ou mét kanpé, nan sa-ou fè.

Kijan yon bagay kapab diré si sé pa ou minm ki vlé ? oubyin kijan li t-a kapab konsèvé égzistans li, si-ou pa-t rélé-l ? Ou pran pitié pou tout bagay, paské sé pou ou yo yé, Granmèt, ou minm ki rinmin nanm yo.

Ala bon, ala dou, Granmèt, Éspri-ou yé nan tout bagay ! Sé poussa moun ki dévié yo, ou korijé yo tou dousman ; moun ki fè péché yo, ou fè yo obsèvasion, ou palé avèk yo, pou yo kité méchansté-a, pou yo kouè nan ou, Granmèt.

Paròl Granmèt la.

PSÒM RÉPONS

Ps 144, 1-2. 8-9. 10-11. 13 cd-14 (R: cf. 1)

R: M-ap fè louanj pou non-ou tout tan, Bondié mouin ki roua.

- 1 M-ap fè louanj ou, Bondié mouin ki roua,
m-ap fè konpliman pou non-ou
pou tout tan ak tout tan gin tan.
- 2 Chak jou m-ap fè konpliman pou ou,
m-ap fè louanj pou non-ou
pou tout tan ak tout tan gin tan. R:
- 8 Granmèt la gin pitié, li gin mizérikòd,
li gin pasians, li gin anpil mizérikòd.
- 9 Granmèt la bon pou tout moun,
pitié-l yo sou tou sa-l fè yo. R:
- 10 Y-ap fè louanj ou, Granmèt, tou sa-ou fè yo ;
sin-ou yo ap fè konpliman pou ou.
- 11 Y-ap déklaré gloua péyi roua-ou la,
y-ap anonsé puisans ou. R:
- 13 Granmèt la fidèl nan tout paròl li yo,
épi li sin nan tout aksion li yo.
- 14 Granmèt la soulajé tout moun ki tonbé,
li drésé tout moun ki fébli. R:

DÉZIÈM LÉKTU

*Sé pou non Kris la jouinn gloua li nan nou,
épi nou minm nan li.*

Léktu dézièm lèt apot sin Pòl pou Tésalonisyin yo 1, 11-2, 2

Frè-m yo :

M-ap priyé pou nou tout tan, pou Bondié nou-an jouinn nou mérité rélé li rélé nou-an, pou-l réalizé ak puisans li tout byin nou vlé fè-a ansanm ak travay lafoua-a, dékoua pou non Granmèt nou Jézu-Kri jouinn grandè nan nou, épi nou minm nan li, dapré gras Bondié nou-an ak Granmèt Jézu-Kri.

Frè yo, osijè vini Granmèt nou Jézu-Kri gin pou-l vini-an épi rasanblé nou gin pou nou rasanblé nan li-a, mouin mandé nou pou nou pa présé pèdi bon sans nou, pou nou pa troublé poutèt yon éspri, yon paròl oubysin yon lèt ki t-a souadizan vi-n sot nan nou, pou di jou Granmèt la rivé.

Paròl Granmèt la.

ALÉLOUYA

Jan 3, 16

✠ Alélouya. Bondié tèlman rinmin tè-a, li bay Sèl Pitit li-a ;
pou tout moun ki kouè nan li gin lavi tout tan-an. ✠ Alélouya.

ÉVANJIL

*Pitit moun nan vini pou-l chèché,
pou-l sovè sa-k té pèdi-a.*

✠ **Léktu sint Évanjil la dapré Luk** 19, 1-10

Lè sa-a :

Jézu antré Jériko, l-ap travèsé vil la. Yon mésié yo rélé Zaché, ki té chèf koléktè yo, li té rich, li t-ap chèché ouè Jézu, kilès li yé, li pa-t kapab akòz foul la, paské li té tou kout. Li kouri dévan, li monté sou yon pié figié, pou-l ouè-l, paské li té gin pou-l pasé la.

Lè Jézu rivé koté sa-a, li lévé jé-l, li ouè-l, li di-l : « Zaché, fè vit, désann, paské jodi-a sé lakay ou mouin gin pou-m rété ». Li fè vit, li désann, li résévoua-l avèk kè kontan. Lè tout moun ouè sa, yo t-ap kritiké, yo t-ap di sé kay yon péchè l-al manjé.

Zaché minm kanpé, li di Granmèt la : « Min mouatié byin-m yo, Granmèt, mouin bay pòv yo ; si-m té vòlè yon moun, mouin rinnèt li kat fous plis ».

Jézu minm di-l : « Jodi-a kay sa-a sové, paské li minm tou sé yon pitit Abraam. Sèké Pitit moun nan vini pou-l chèché, pou-l sové sa-k té pèdi ».

Paròl Granmèt la.

Lindi

Ané 1

PRÉMIÉ LÉKTU

*Bondié fèmin tout bagay nan dézobéyisans,
pou-l kapab padonnin tout moun.*

Léktu lèt apot sin Pòl pou Romin yo

11, 29-36

Frè-m yo :

Kado Bondié yo avèk rélé li rélé moun yo, li pa tounin sou sa. Minm jan lontan nou pa-t kouè nan Bondié, min koulié-a minm nou jouinn mizérikòd poutèt yo minm yo pa kouè-a ; konsa tou yo minm koulié-a yo pa kouè poutèt nou jouinn mizérikòd la, min sé pou yo ka jouinn mizérikòd yo minm tou. Paské Bondié fèmin tout bagay nan dézobéyisans, pou-l pran pitié pou tout moun.

Ala gran li gran richès sajès ak sians Bondié-a ! Yo pa kapab konprann jijman-l yo, yo pa kapab sondé chémin-l yo ! Ki moun ki té konnin pansé Granmèt la ? Oubyin ki moun ki té ba-l konsèy ? Oubyin ki moun ki té ba li anvan, pou-l blijé rinnèt li ? Sèké sé apati li minm, sé pa lintèmediè li minm, sé nan li minm tout bagay égzisté. Konpliman pou li pou tout tan ! Amèn.

Paròl Granmèt la.

PSÒM RÉPONS

Ps 68, 30-31. 33-34. 36-37 (R: 14 c)

R: Nan pakèt mizérikòd ou-a, ou kouté-m, Granmèt.

³⁰ Mouin minm mouin pòv, m-ap soufri ;
Bondié, sé pou sékou-ou la résévoua-m.

- 31 M-ap fè louanj pou non Bondié avèk kantik,
m-ap fè konpliman pou li avèk louanj. **R**
- 33 Pòv yo ap ouè sa, y-ap fété ;
chèché Bondié, sé pou kè nou viv.
- 34 Paské Granmèt la kouté pòv yo,
li pa méprizé prizonié-l yo. **R**
- 36 Paské Bondié ap sové Siyon,
l-ap bati vil Juda yo ;
y-ap abité ladan-l, y-ap posédé-l.
- 37 Ras sèvitè-l yo ap éritié-l,
moun yo ki rinmin non-l yo, y-ap abité nan li. **R**

Ané 2

PRÉMIÉ LÉKTU

Fè kè-m kontan nèt, antan nou gin minm santiman.

Léktu lèt apot sin Pòl pou Filipyin yo

2, 1-4

Frè-m yo :

Si gin yon konsolasion nan Kris la, si gin yon ankourajman charité-a donnin, si gin yon kominion éspri-a bay, si mizérikòd la bay zantray, fè kè-m kontan nèt, antan nou gin minm charité, yon sèl kè, minm fason pou nou anvizajé bagay yo, pou nou gin minm santiman. Sé pa pou nou gin okinn jalouzi, sé pa pou nou chèché okinn gloua ki vid, min sé pou pou nou rabésé tèt nou antan chak moun konsidéré lòt la kòm sipériè pasé-l, san chak moun pa konsidéré avantaj pèsònèl li, min okontrè afè lòt yo.

Paròl Granmèt la.

PSÒM RÉPONS

Ps 130, 1. 2. 3

- R** Kinbé nanm mouin nan lapè koté-ou, Granmèt.
- 1 Granmèt, kè-m pa gonflé,
jé-m pa lévé ;
mouin pa maché nan grandè,
ni nan mèvèy ki anlè-m. **R**

- 2 Mouin pozé nanm mouin
byin trankil, an répo ;
tankou yon ti bébé sou kè manman-l,
tankou yon ti bébé, sé konsa nanm mouin yé nan mouin. **R:**
- 3 Sé pou Israèl espéré nan Granmèt la,
dépi koulié-a jous pou tout tan. **R:**

ALÉLOUYA**Jan 8, 31 b-32**

R: Alélouya. Si nou rété nan paròl mouin-an, n-ap véritab disip mouin,
n-ap konnin vérité-a, sé sa Granmèt la di. **R:** Alélouya.

ÉVANJIL

Pa rélé zanmi nou, min pòv yo ak malad yo.

✠ Léktu sint Évanjil la dapré Luk**14, 12-14**

Lè sa-a :

Jézu t-ap di yon chèf farizyin yo ki té invité-l :

« Lè ou-ap fè yon diné oubyin yon soupé, pa invité zanmi-ou yo ni frè-ou yo ni fanmi ou yo, ni vouazin-ou yo ki rich yo, pou yo minm yo pa riské invité-ou tou, pou yo rinmèt ou politès la. Min, lè-ou ap fè yon résépsion, invité pòv yo, malad yo, bouaté yo, avèg yo. Ala kontantman pou ou, paské yo pa gin pou rinmèt ou ; ou-a jouinn rékonpans ou nan rézireksion moun kòrèk yo ».

Paròl Granmèt la.

Madi**PRÉMIÉ LÉKTU**

Nou youn sé manb lòt.

Léktu lèt apot sin Pòl pou Romin yo**12, 5-16 a**

Frè-m yo :

Malgré nou anpil la, sé yon sèl kò nou yé nan Kris la, nou chak nou youn sé manb lòt. Nou gin kado dapré gras yo ba nou-an, kado sa yo divès : soua profési sèlon mézu lafoua-a ; soua ministè-a antan sèvis la ap fèt vré ; soua moun k-ap anségné-a anndan doktri-n nan ; moun k-ap

ankourajé lòt la antan l-ap ankourajé yo-a ; sa k-ap bay la antan li gin yon kè sinp ; sa k-ap dirijé-a, antan-l ap mété aktivité ; sa k-ap souin maléré-a, antan li gin bon jan.

Rinmin-an pa gin ipokrizi, sé pou nou rayi sa-k mal, sé pou nou kolé kò nou sou byin-an, sé pou nou youn rinmin lòt avèk charité yon frè gin pou frè-l, sé pou nou youn gin konsidérasion pou lòt, pa fè parès nan aktivité nou, sé pou nou cho nan Éspri-a, sé pou nou sèvi Granmèt la, sé pou nou gin kè kontan nan éspérans la, sé pou nou sipòté tray avèk pasians, sé pou nou rét fidèl nan priyè, sé pou nou séparé bay fidèl ki nan bézouin yo, sé pou nou rinmin bay ospitalité.

Béni moun k-ap pèsékité nou, pa madichonnin. Fè kè nou kontan avèk sa yo ki gin kè kontan yo, kriyé avèk sa yo k-ap kriyé yo ; sé pou nou dakò antré nou, pa chèché foli grandè, min sé pou nou rinmin sa ki san prétansion.

Paròl Granmèt la.

PSÒM RÉPONS

Ps 130, 1. 2. 3

Ⲅ Konsèvé nanm mouin nan lapè koté-ou, Granmèt.

¹ Granmèt, kè-m pa gonflé,
jé-m pa gin anbision ;
mouin pa maché nan grandè,
ni nan mèvèy ki dépasé-m. Ⲅ

² Sé byin pozé, byin trankil
mouin kité nanm mouin,
tankou ti bébé sou kè manman-l,
tankou ti bébé, konsa nanm mouin yé nan mouin. Ⲅ

³ Sé pou Israèl éspéré nan Granmèt la,
dépi koulié-a jous pou tout tan. Ⲅ

Ané 2

PRÉMIÉ LÉKTU

Li imilié pròp tèt li, sé pou sa Bondié lévé-l anlè.

Léktu lèt apot sin Pòl pou Filipyin yo

2, 5-11

Frè-m yo :

Sé pou nou gin nan nou minm santiman sa yo ki té nan Kris Jézu-a :

Li minm, malgré li té nan kondision Bondié, égal li égal avèk Bondié-a, li pa-t konsidéré sa tankou yon bagay li kinbé pou pròp tèt pa-l, min li vidé pròp tèt li antan li pran kondision ésklav, li vi-n tankou tout moun, épi dapré konpòtman-l yo ouè li sé yon moun.

Li rabésé pròp tèt li, antan li obéyi jous nan lanmò, lanmò lakoua-a minm. Sé pou sa Bondié lévé-l anlè, li ba-l yon non, ki anlè tout non. Konsa, o non Jézu sa-a, tout jénou fèt pou plouayé nan sièl la, sou tè-a ak anba tè yo, épi tout lang pou déklaré sé Granmèt Jézu-Kri yé pou gloua Bondié Papa-a.

Paròl Granmèt la.

PSÒM RÉPONS

Ps 21, 26 b-27. 28-30 a. 31-32 (R: 26 a)

- R: Koté-ou, Granmèt, louanj mouin nan gran asanblé-a.
- 26 M-ap réglé sa-m té promèt yo dévan moun ki krinn li yo.
- 27 Sé pou pòv yo manjé, sé pou yo gin vant plin,
y-ap fè louanj Granmèt la, sa yo k-ap chèché-l yo.
« Sé pou kè yo viv pou tout tan gin tan ». R:
- 28 Y-ap sonjé, y-ap tounin kot Granmèt la, tout limit tè-a,
y-ap adoré dévan-l, tout fanmi nasion yo.
- 29 Paské péyi roua-a sé pou Granmèt la,
l-ap kòmandé nasion yo.
- 30 Sé li minm sèl y-ap adoré, tou sa k-ap dòmi nan tè-a. R:
- 31 Ras mouin ap sèvi-l.
Y-ap palé sou Granmèt la bay jénérasion k-ap vini-an,
- 32 y-ap anonsé jistis li-a
bay pèp k-ap fèt la ; « Sé bagay sa yo Granmèt la té fè ». R:

ALÉLOUYA

Mt 11, 28

℞ Alélouya. Vini jouinn mouin, nou tout k-ap rédi, k-ap poté chaj,
m-ap réfè fòs nou, sé sa Granmèt la di. ℞ Alélouya.

ÉVANJIL

*Soti nan chemin yo, ak nan kalfou rout yo, épi fòsé yo antré,
pou kay mouin-an kapab plin.*

✠ Léktu sint Évanjil la dapré Luk

14, 15-24

Lè sa-a :

Youn nan invité yo di Jézu : « Ala kontantman pou moun k-ap manjé nan péyi-roua Bondié-a ! » Min li minm li di-l : « Yon mésié té fè yon gran soupé, li invité anpil moun. Lè pou soupé-a fèt, li voyé sèvitè-l la, pou-l di invité yo pou yo vini, paské tout bagay déjà fi-n paré. Yo tout kòmansé fè éskiz. Prémie-a di-l : “Mouin achte yon propriété, mouin blijé soti pou-m al ouè-l : tanpri, éskizé-m”. Yon lòt di : “Mouin achte sink makòn bèf, mouin gin pou-m éseyé yo : tanpri, éskizé-m”. Lòt la di : “Mouin sot marié, sé pou sa mouin pa kapab vini”.

Sèvitè-a tounin, li anonsé mèt li-a bagay sa yo. Lè sa-a chèf kay la faché, li di sèvitè-l la : “Soti byin vit sou plas yo ak nan katié lavil la épi dépi sé pòv ak malad, avèg ak bouaté, fè yo antré isit la”. Sèvitè-a di : “Granmèt, mouin fè sa, jan-ou té kòmandé-a, min gin plas toujou”. Mèt la di sèvitè-a : “Soti nan gran chemin ak nan kalfou rout yo, épi fòsé moun antré, pou kay mouin-an kapab plin”.

Mouin di nou, pèsonn nan mésié sa yo mouin té invité-a, pap gouté nan soupé-m nan ».

Paròl Granmèt la.

Mèkrédi

Ané 1

PRÉMIÉ LÉKTU

Akonplisman laloua-a sé rinmin-an.

Léktu lèt apot sin Pòl pou Romin yo

13, 8-10

Frè-m yo :

Nou pa doué gin okinn dèt pou pèsonn, sof pou nou youn rinmin lòt ; sèké moun ki rinmin prochin-l, li réalizé laloua-a. Réyéلمان « pa fè adiltè, pa touyé, pa vòlè, pa fè fo-témouagnaj, pa fè anbision », épi ninpòt ki lòt kòmandman ankò, sé nan paròl sa-a li jouinn fondman-l : « Sé pou-ou rinmin prochin-ou tankou ou minm ».

Rinmin prochin-an pa fè sa-k mal. Akonplisman laloua-a konsa sé rinmin-an.

Paròl Granmèt la.

PSÒM RÉPONS

Ps 111, 1-2. 4-5. 9 (R: 5 a)

R: Moun ki gin bon jan, li pran pitié, li patajé.

oubyin : Alélouya.

- 1 Ala kontantman pou moun ki krinn Granmèt la,
ki kolé kò-l anpil nan kòmandman-l yo.
- 2 Ras li ap gin pouvoua sou tè-a,
jénérasion moun ki douat yo ap béni. R:
- 4 Li lévé nan fènoua yo, limiè pou moun kòrèk yo,
li gin mizérikòd, li pran pitié, li kòrèk.
- 5 Moun ki gin bon jan-an, li pran pitié, li patajé,
li ranjé afè-l yo an règ. R:
- 9 Li séparé, li bay pòv yo ;
jistis li diré pou tout tan gin tan,
kòn li lévé nan gloua-a. R:

Ané 2**PRÉMIÉ LÉKTU**

Sé pou nou travay pou nou sové. Sé Bondié réyèlman ki réalizé sa nou vlé-a ak sa nou fè-a".

Léktu lèt apot sin Pòl pou Filipyin yo**2, 12-18**

Nou minm mouin rinmin anpil la, jan nou toujou fè sa yo mandé-a, pa sèlman lè-m la avèk nou, min pi plis toujou koulié-a lè-m pa la-a, sé pou nou travay avèk krint ak tranbléman pou nou sové. Sèké ni travay pou nou vlé fè kichoy la ni travay pou nou fè-l vré-a, sé Bondié ki réalizé-l nan nou, poutèt byin li vlé-a.

Min fè tout bagay san plinyin, san ézité, pou nou kapab san répròch, byin sinp kòm pitit Bondié, san tach nan mitan yon nasion ki gaté, ki pèvèti, koté n-ap kléré tankou sous limiè sou tè-a, antan nou poté paròl lavi-a. Sa ap sèvi pou gloua-m nan jou Kris la, paské sé pa pou granmési mouin té kouri, ni sé pa pou granmési mouin té travay.

Min, minm si yo vidé san-m sou sakrifis ak sèvis lafoua nou, kè mouin kontan épi mouin kontan pou nou tout anpil. Nou minm tou sé pou nou kontan tou minm jan-an, sé pou nou kontan anpil avèk mouin.

Paròl Granmèt la.

PSÒM RÉPONS**Ps 26, 1. 4. 13-14 (R: 1 a)**

R: Granmèt la sé limiè-m ak sovè mouin.

1 Granmèt la sé limiè-m ak sovè-m, kilès pou-m pè ?

Granmèt la sé protéksion lavi-m, dévan kilès pou-m tranblé ? **R:**

4 Yon sèl bagay mouin mandé Granmèt la, sé sa m-ap chèché :
abité nan kay Granmèt la tout tan lavi-m
pou-m ouè dousè Granmèt la,
pou-m vizité Tanp li-a. **R:**

13 Mouin kouè m-ap ouè byin Granmèt la nan tè vivan yo.

14 Tann Granmèt la, pran kouraj,
asiré kè-ou, apuiyé sou Granmèt la. **R:**

ALÉLOUYA

1 Piè, 4, 14

R: Alélouya. Si nou sibi afron o non Kris la, ala kontantman pou nou,
paské Éspri Bondié-a pozé sou nou. R: Alélouya.

ÉVANJIL

*Moun ki pa rénonse tou sa-l posédé,
li pa kapab vi-n disip mouin.*

✠ Léktu sint Évanjil la dapré Luk

14, 25-33

Lè sa-a :

Anpil foul t-ap maché avèk Jézu, li viré, li di yo : « Si yon moun vi-n jouinn mouin, épi li pa rayi papa-l, manman-l, madanm li, pitit li, frè-l ak sè-l, épi ata jous nanm li, li pa kapab vi-n disip mouin ; épi moun ki pa poté koua li dèyè mouin, li pa kapab vi-n disip mouin.

Amèn, si youn nan nou vlé bati yon kay byin ro, èské li pa kòmansé chita pou-l kalkilé dépans ki pou fèt, si-l gin kont pou-l rivé bout ; pou, si-l fi-n pozé fondasion, épi li pa kapab fini, tout moun ki ouè sa, pa kòmansé pasé-l nan jouèt, ap di : “Moun sa-a kòmansé bati, épi li pa kapab rivé jous nan bout ?”

Oubyin kilès roua, si l-apral fè lagè kont yon lòt roua, li pa kòmansé chita pou-l kalkilé, si avèk di-mil sòlda, li kapab al rankontré sa-a k-ap vi-n koté-l avèk vin mil la ? Otréman, pandan lòt la louin toujou, li voyé yon délégasion pou mandé kondision lapè.

Sé konsa tou, tout moun nan nou ki pa rénonse tou sa-l posédé, li pa kapab vi-n disip mouin ».

Paròl Granmèt la.

Jédi

Ané 1

PRÉMIÉ LÉKTU

*Soua n-ap viv, soua nou mouri,
sé pou Granmèt la nou yé.*

Léktu lèt apot sin Pòl pou Romin yo

14, 7-12

Frè-m yo :

Pèsonn nan nou pa viv pou pròp tèt li, épi pèsonn pa mouri pou pròp tèt li. Paské si n-ap viv, sé pou Granmèt la n-ap viv, si nou mouri, sé pou Granmèt la nou mouri. Konsa, soua n-ap viv, soua nou mouri, sé pou Granmèt la nou yé.

Sé pou sa réyéلمان Kris la mouri épi li résisité, pou-l kòmandé ni moun ki mouri yo ni moun ki vivan yo. Ou minm minm nan, pouki sa ou-ap jijé frè-ou la oubyin ou minm pouki sa ou-ap méprizé frè-ou la ? Sèké nou tout n-ap konparèt dévan tribinal Kris la.

Sa ékri réyéلمان : « Mouin vivan, sé sa Granmèt la di, paské tout jénou ap plouayé dévan-m, tout lang ap fè louanj Bondié ». Konsa chak moun nan nou ap rann Bondié kont pou pròp tèt pa-l.

Paròl Granmèt la.

PSÒM RÉPONS

Ps 26, 1. 4. 13-14 (R : 13)

R: Mouin kouè m-ap ouè byin Granmèt la nan tè vivan yo.

¹ Granmèt la sé limiè-m épi sovè mouin, kilès pou-m pè ?
Granmèt la sé protéksion lavi-m, dévan kilès pou-m tranblé ? R:

⁴ Yon sèl bagay mouin mandé Granmèt la, sé sa m-ap chèché :
pou-m abité nan kay Granmèt la tout jou lavi-m,
pou-m ouè dousè Granmèt la,
pou-m vizité tanp li-a. R:

¹³ Mouin kouè m-ap ouè byin Granmèt la nan tè vivan yo.

¹⁴ Tann Granmèt la, pran kouraj,
asiré kè-ou, rét tann Granmèt la. R:

Ané 2

PRÉMIÉ LÉKTU

*Bagay ki té sèvi-m kòm avantaj, mouin konsidéré yo
kòm domaj poutèt Kris la.*

Léktu lèt apot sin Pòl pou Filipyin yo

3, 3-8 a

Frè-m yo :

Nou minm, nou sé moun sikonsizyon, k-ap sèvi Bondié nan Éspri-a, épi nou jouinn gloua nou nan Kris Jézu san nou pa mét konfians nou nan chè-a ; malgré mouin t-a gin doua mét konfians mouin nan tèt mouin tou. Si gin yon moun ki kapab mét konfians li nan chè-a, ébyin mouin minm mouin pi kapab toujou : yo té sikonsi-m sou uitièm jou. nan ras Israèl, nan fanmi Benjamin ; mouin Ébré, pitit Ébré, farizyin dapré laloua-a ; dapré jalouzi-a mouin t-ap pèsékité Égliz Bondié-a ; dapré jistis la, ki nan laloua-a, konduit mouin té san répròch.

Min bagay sa yo ki té sèvi-m kòm avantaj la, mouin konsidéré yo tankou yon domaj poutèt Kris la. Réyèlman mouin konsidéré tout bagay kòm domaj poutèt sians Jézu-Kri Granmèt mouin-an ki dépasé tout bagay la : poutèt li mouin fè tout bagay yo pasé kòm domaj, mouin konsidéré yo kòm fatra, pou-m kapab jouinn avantaj mouin nan Kris la.

Paròl Granmèt la.

PSÒM RÉPONS

Ps 104, 2-3. 4-5. 6-7 (R: 3 b)

R: Sé pou-l kontan, kè moun yo k-ap chèché Granmèt la.

oubyin : Alélouya.

- 2 Chanté pou li, joué mizik pou li,
kalkilé sou tout mèvèy li yo.
- 3 Fè louanj nou nan non-l ki sin-an,
sé pou-l kontan, kè moun yo k-ap chèché Granmèt la. **R:**
- 4 Chèché Granmèt la ak pouvoua-l,
chèché fas li tout tan.
- 5 Sonjé mèvèy li fè yo,
prodij li ak jijman bouch li. **R:**
- 6 Ras Abraam, sèvitè-l,
pitit Jakòb, sa-a li chouazi-a.

⁷ Sé li minm Granmèt Bondié nou ;
sou tout tè-a jijman-l yo. **R:**

ALÉLOUYA

Mt 11, 28

R: Alélouya. Vini jouinn mouin, nou tout k-ap rédi, k-ap poté chaj,
m-ap réfè fòs nou, sé sa Granmèt la di. **R:** Alélouya.

ÉVANJIL

Ap gin plis kontantman nan sièl la poutèt yon sèl péchè ki konvèti.

✠ Léktu sint Évanjil la dapré Luk

15, 1-10

Lè sa-a :

Pèséptè yo ak péchè yo t-ap proché kot Jézu, pou yo kouté-l.

Farizyin yo ak skrib yo t-ap plinyin, yo t-ap di : « Gadé, sa-a résvoua péchè yo, li manjé avèk yo ».

Li di parabòl sa-a pou yo : « Kilès nan nou, si-l gin san mouton, épi li pèdi youn nan yo, pou-l pa kité katrévindsnèf yo nan dézè-a, épi pou-l al chèché sa-k pèdi-a, joutan li jouinn li ?

Épi, lè-l jouinn li, li pozé-l sou zépòl li ak kè kontan, li rivé lakay li, li rélé zanmi yo ak vouazin yo, li di yo : “Fè kè nou kontan avèk mouin, paské mouin jouinn mouton-m nan ki té pèdi-a”.

Mouin di nou sé konsa ap gin plis kontantman nan sièl la pou yon sèl péchè ki konvèti pasé pou katrévindsnèf moun kòrèk, ki pa bézouin konvèsion.

Oubyin kilès madanm ki gin dis dragm, si-l pèdi youn, pou-l pa limin lanp, pou-l pa balé kay la, pou-l pa chèché byin, joutan li jouinn li ?

Épi, lè-l jouinn li, li rélé zanmi yo ak vouazin yo, li di : “Fè kè nou kontan avèk mouin, paské mouin jouinn dragm mouin-an mouin té pèdi-a”.

Sé konsa, mouin di nou, ap gin plis kontantman dévan Anj Bondié yo poutèt yon sèl péchè ki fè pénitans.

Paròl Granmèt la.

Vandrédi

Ané 1

PRÉMIÉ LÉKTU

*Mouin sé minis Kris Jézu nan nasion yo,
pou kado nasion yo kapab fè Bondié plézi.*

Léktu lèt apot sin Pòl pou Romin yo

15, 14-21

Mouin sètin, frè-m yo, nou plin avèk charité, nou plin ak tout kalité sians, pou nou youn kapab bay lòt avètisman. Min, sou kèk pouin, frè-m yo, mouin té ékri nou avèk odas, pou-m rafréchi mémoua nou, poutèt gras Bondié té ban mouin-an, pou-m vi-n tounin minis Kris Jézu nan nasion yo, antan-m sanktifé Bòn nouvèl Bondié-a, pou nasion yo kapab tounin ofrann ki fè Bondié plézi, antan Éspri Sin-an sanktifé-l.

Mouin jouinn gloua-m nan Kris Jézu pou Bondié. Mouin pa ozé réyèlman di kichòy nan bagay yo Kris la pa-t fè pa lintèmediè-m nan obéyisans nasion yo avèk paròl épi avèk aksion, nan pouvoua sign ak prodij, nan pouvoua Éspri Sin-an ; atèl pouin dépi sot Jérusalèm tout alantou jous Ilirik mouin plin Bòn Nouvèl Kris la.

Konsa tou mouin préché Bòn Nouvèl sa-a koté yo pa-t nonmin non Kris la, pou-m pa-t bati sou fondasion lòt moun, min dapré sa-k ékri-a : « Moun yo pa-t ko anonsé-l yo, y-ap ouè-l ; moun ki pa-t ko tandé yo, y-ap konprann ».

Paròl Granmèt la.

PSÒM RÉPONS

Ps 97, 1. 2-3 ab. 3 cd-4 (R : cf. 2 b)

R: Dévan jé nasion yo Granmèt la révéle li sovè nou.

¹ Chanté yon kantik nouvo pou Granmèt la,
paské li fè mèvèy.

Min douat li sovè pou li
ak bra li ki sin-an. R:

² Granmèt la fè konnin li sovè nou,
dévan jé nasion yo li révéle jistis li.

³ Li fè sonjé mizèrikòd li-a
ak vérité-l pou kay Israèl la. R:

Tout limit tè-a ap ouè
Bondié nou-an sové nou.

- 4 Bat bravo pou Bondié, tout tè-a,
éklaté, dansé, chanté. **R:**

Ané 2

PRÉMIÉ LÉKTU

*N-ap tann Sovè-a, li minm k-ap réfè kò mizè nou-an,
pou-l fè-l vi-n sanblé ak kò gloua-l la.*

Léktu lèt apot sin Pòl pou Filipyin yo

3, 17-4, 1

Sé pou nou pran modèl sou mouin, frè-m yo, konsidéré sa yo k-ap maché dapré modèl nou gin nan nou minm nan. Anpil moun réyèlman, mouin té konn di nou sa souvan, koulié-a minm mouin di-l ak dlo nan jé, yo ènmi koua Kris la, pou jan y-ap maché-a : finisman yo sé lanmò, dié yo sé vant la, gloua yo sé nan sa-k fè ront la li yé, sé bagay tè-a yo gouté.

Sosiyété pa nou sé nan sièl la li yé, koté n-ap tann Sovè-a Granmèt nou Jézu-Kri, li minm k-ap réfè kò mizè nou-an, pou-l fè-l sanblé ak kò gloua-l la, dapré aktivité li déplouayé, ki fè-l kapab mét tout bagay anba lòd li-a.

Konsa, frè-m yo mouin rinmin anpil la, nou minm mouin anvi ouè anpil la, kè kontan-m ak kouròn mouin, sé konsa pou nou kanpé nan Granmèt la, nou minm mouin rinmin anpil la.

Paròl Granmèt la.

PSÒM RÉPONS

Ps 121, 1-2. 3-4 a. 4 b-5 (**R** : 1)

R: Nan kay Granmèt la n-apralé ak kè kontan.

- 1 Mouin kontan poutèt yo di-m :
« Nan kay Granmèt la n-apralé ».
- 2 Pié nou déjà kanpé
nan pòt ou yo, Jérusalèm. **R:**
- 3 Jérusalèm ki bati tankou yon vil
koté tout bagay fè blòk nan yon sèl.
- 4 Sé la réyèlman fanmiy yo ap monté,
fanmiy Granmèt la. **R:**

- 5 Témouagnaj Israèl, pou fè louanj pou non Granmèt la.
Paské sé la tro-n yo ap pozé pou jijman-an,
tro-n kay David la. **R:**

ALÉLOUYA

1 Jn 2, 5

R: Alélouya. Moun ki kinbé paròl Kris la,
vrèman nan li charité Bondié-a réalizé nèt. **R:** Alélouya.

ÉVANJIL

*Pitit sièk sa-a gin plis sajès pasé pitit limiè yo
nan rélasyon yo ginyin antré yo.*

✠ Léktu sint Évanjil la dapré Luk

16, 1-8

Lè sa-a : Jézu t-ap di disip li yo :

« Té gin yon mésié ki té rich, li té gin yon kontab, yo dénonse kontab la koté-l, poutèt li t-ap gaspiyé byin-l yo.

Li rélé-l, li di-l : “Sa-m tandé sou ou-a ? Rann kont sou sa-m té konfié-ou yo ; paské ou pap kontab mouin ankò”.

Kontab la minm réfléchi, li di nan kè-l : “Ki sa pou-m fè, paské mèt mouin ouété plas kontab la nan min-m ? Travay tè-a, mouin pa kapab ; mandé charité, m-a ront. Mouin konnin sa m-ap fè, pou lè-m pa kontab ankò, yo résévoua-m nan kay yo”.

Konsa li rélé chak moun ki té doué mèt li, li di premié-a : “Konbyin ou doué mèt mouin-an ?” Li di : “San barik lui”. Li di-l : “Pran rési-ou la, épi chita vit : ékri sinkant”. Apré sa li di yon lòt : “Ou minm, konbyin ou doué ?” Li di : “San sak blé”. Li di-l : “Pran biyé-ou yo, épi ékri katrévin”.

Mèt la fè louanj kontab malonèt la, paské li té aji avèk ladrès ; sèké pitit sièk sa-a gin plis ladrès pasé pitit limiè yo nan rélasyon yo ginyin antré yo.

Paròl Granmèt la.

Samdi

Ané 1

PRÉMIÉ LÉKTU

Sé pou nou youn salué lòt ak yon bo ki sin.

Léktu lèt apot sin Pòl pou Romin yo

16, 3-9. 16. 22-27

Frè-m yo :

Salué Priska avèk Akila, èd mouin yo nan Kris Jézu ; yo minm ki té ékspozé tèt yo pou nanm mouin, sé pa mouin minm sèlman k-ap di yo mèsi, min sé tout Égliz nasion yo ; salué tout Égliz la ki rasanblé lakay yo.

Salué Épémèt, sa-a mouin rinmin-an, sé prémié jèm Azi-a donnin nan Kris la. Salué Mari, ki pasé kont traka pou nou. Salué Andronik ak Juni, moun minm péyi avèk mouin yo, ki té nan prizon ansanm avèk mouin, sé apot ki gin répitasyon, yo té kouè nan Kris la anvan-m. Salué Anpliat, li minm mouin ririmin anpil nan Granmèt la. Salué Urbin, li minm ki édé nou nan Kris Jézu, avèk Stakis, sa-a mouin rinmin anpil la.

Sé pou nou youn salué lòt avèk yon bo ki sin. Tout Égliz Kris yo salué nou.

Mouin minm, Tèrsius, ki ékri lèt la, mouin salué nou nan Granmèt la. Kayius ki louvri kay li-a pou mouin-an li salué nou, ansanm ak tout Égliz la. Érast salué nou, li minm ki résponsab trézò lavil la, ni Katis tou, frè nou-an. Gras Granmèt nou Jézu-Kri avèk nou tout. Amèn.

Bondié gin pouvoua pou-l konsolidé nou dapré Bòn Nouvèl mouin-an ak prèch Jézu-Kri-a, dapré révélation mistè ki té rét kaché nan silans pandan tout tan yo. Mistè sa-a, li louvri koulié-a gras a sa profèt yo té ékri yo, dapré lòd Bondié bay dépi tout tan. Mistè sa-a, tout nasion yo konnin-l, pou yo obéyi lafoua-a. Pou Bondié sèl ki saj, pa pouvoua Jézu-Kri, konsidérasion ak gloua pou li pou tout tan gin tan ! Amèn.

Paròl Granmèt la.

PSÒM RÉPONS

Ps 144, 2-3. 4-5. 10-11 (R : cf. 1 b)

- R: M-ap fè konpliman pou non-ou pou tout tan, Bondié-m, roua-m.
- ² Chak jou m-ap fè konpliman pou ou, m-ap fè louanj non-ou pou tout tan ak tout tan gin tan.
- ³ Granmèt la gran, li mérité anpil louanj, grandè-l, yo pa kapab sondé-l. R:

- 4 Yon jénérasion ap fè louanj pou aksion-ou yo bay yon lòt jénérasion, y-ap déklaré pouvoua-ou.
- 5 Y-ap rakonté grandè gloua ou kòm roua, y-ap détayé mèvèy ou yo. **R**
- 10 Y-ap fè louanj ou, Granmèt, tout aksion-ou yo ; sin-ou yo ap fè konpliman pou ou.
- 11 Y-ap déklaré gloua péyi roua-ou la, y-ap rakonté pouvoua-ou. **R**

Ané 2

PRÉMIÉ LÉKTU

Mouin kapab tout bagay nan sa-a ki ban-m fòs la.

Léktu lèt apot sin Pòl pou Filipyin yo

4, 10-19

Frè-m yo :

Mouin kontan anpil nan Granmèt la, paské anfin mouin réyisi ouè nou rékomansé gin intèrè pou mouin. Nou té ginyin-l déjà, min nou té gin okipasion. Sé pa poutèt mouin nan bézouin ki fè mouin di sa ; mouin aprann kontanté-m ak sa mouin ginyin.

Mouin konn nan nésésité, mouin konn gin tròp : tout koté ak nan tout bagay mouin aprann gin kont manjé épi mouin aprann grangou, mouin aprann gin kont sa-m bézouin épi mouin aprann manké : mouin kapab tout bagay nan sa-a ki ban-m fòs la. Malgré sa, nou té byin fèt asosié ak mouin nan tribilasyon mouin-an.

Épi tou nou minm, Filipyin yo, nou byin konnin, nan kòmansman Bòn Nouvèl la, lè-m té pati sot nan Masédoua-n nan, okinn Égliz pa-t kominiké avèk mouin nan késion bay ak résévoua, sòf nou minm sèl ; paské nan Tésalonik, an dé foua nou té voyé kichòy pou édé-m. Sé pa anvì mouin anvì kado, min sé anpil foui m-ap chèché pou nou. Mouin gin tout bagay, mouin gin dépasé mézu, mouin plin, dépi mouin té résévoua sa nou té voyé pa lintèmediè Épafrodit la : sé yon ofrann ki gin bon lodè, yon sakrifis kòrèk ki fè Bondié plézi.

Bondié-m nan minm, sé pou-l konblé tout anvì nou dapré richès li nan gloua-a, nan Kris Jézu.

Paròl Granmèt la.

PSÒM RÉPONS

Ps 111, 1-2. 5-6. 8 a é 9 (R : 1 a)

R: Ala kontantman pou moun ki krinn Granmèt la.

oubyin : Alélouya.

- ¹ Ala kontantman pou moun ki krinn Granmèt la,
ki mét anvil anpil nan kòmandman-l yo.
- ² Ras li ap gin pouvoua sou tè-a,
jénérasyon moun ki douat yo ap béni. R:
- ⁵ Sé kontantman pou moun ki pran pitié, ki préte,
ki réglé afè-l nan jijman,
- ⁶ paské li pap tranblé.
Moun kòrèk la, y-ap sonjé-l tout tan. R:
- ⁸ Kè-l asiré, li pap pè.
- ⁹ Li séparé, li bay pòv yo ;
jistis li diré pou tout tan gin tan,
kòn li ap lévé nan gloua. R:

ALÉLOUYA

2 Kor 8, 9

R: Alélouya. Jézu-Kri vi-n tounin pòv, li minm ki té rich la,
pou-l té kapab fè nou vi-n rich gras a kondision pòv li-a. R: Alélouya.

ÉVANJIL

*Si nou pa-t fidèl nan mové lajan-an,
ki moun k-ap kouè nou pou bagay ki vré-a ?*

✚ Léktu sint Évanjil la dapré Luk

16, 9-15

Lè sa-a : Jézu t-ap di disip li yo :

« Fè zanmi avèk lajan malonèt ; konsa, lè n-a nan bézouin, y-ap résévoua nou nan tant tout tan yo. Moun ki fidèl nan ti kras, li fidèl nan pi gran-an tou ; moun ki pa onèt nan ti kras la, li pa onèt non plis tou nan pi gran-an. Konsa, si nan mamon malonèt la nou pa-t fidèl, kilès k-ap rinmèt nou sa-k vré-a ? Épi, si nou pa-t fidèl nan afè lòt moun, kilès k-ap ba nou sa-k pou nou-an ?

Yon sèvitè pa kapab sèvi dé mèt : oubyin l-ap rayi youn pou-l rinmin lòt la, oubyin l-ap kolé kò-l sou youn, épi l-ap méprizé lòt la. Nou pa kapab sèvi Bondié ansanm avèk lajan ».

Farizyin yo té tandé tout bagay sa yo, yo minm ki té rinmin lajan ; yo t-ap pasé-l nan jouèt.

Li di yo : « Nou sé moun k-ap rann tèt nou jistis dévan moun. Bondié minm konnin kè nou ; sèké sa moun bay plis inpòtans, sé li minm Bondié pa vlé ouè ».

Paròl Granmèt la.

TRANNDÉZIÈM SÈMÈN ÒDINÈ

Dimanch, ané A

PRÉMIÉ LÉKTU

Sajès la kité moun k-ap chèché-l yo jouinn li.

Léktu liv Sajès la

6, 12-16

Sajès la kléré, li pa janm finnin ; pou moun ki rinmin-l, li fasil pou yo ouè-l, li kité moun k-ap chèché-l yo jouinn li ; li pran dévan moun ki anvi-l yo, antan-l fè yo ouè-l an premié.

Moun k-ap chèché-l dépi anvan jou lévé, li pap fatigé kò-l : réyèlman l-ap jouinn li chita nan papòt li yo. Moun k-ap réfléchi sou li, li gin pi bon kalité jijman, moun k-ap fè vèy poutèt li, l-ap an sékirité byin vit.

Sèké li minm, sajès la, l-ap pronmynnin pou-l chèché moun ki mérité résévoua-l yo, li fè yo ouè-l sou chémin yo ak tout bon kè-l.

Paròl Granmèt la.

PSÒM RÉPONS

Ps 62, 2. 3-4. 5-6. 7-8 (R: 2 b)

- R:** Nanm mouin souaf ou, Bondié mouin.
- 2** Bondié, sé Bondié-m ou yé ;
sé koté-ou m-ap véyé dépi granmatin.
Nanm mouin souaf ou,
chè mouin anvi-ou. **R:**
- 3** Nan dézè-a ki sèk la, ki san dlo-a,
sé konsa mouin parèt dévan-ou nan tanp la
pou-m ouè fòs ou ak gloua-ou.
- 4** Sèké mizèrikòd ou pi bon passé lavi yo,
bouch mouin ap fè louanj ou. **R:**
- 5** Konsa m-ap fè konpliman pou ou nan lavi-m,
o non-ou m-ap lévé min-m.
- 6** Tankou ak viann, ak bon manjé gra, nanm mouin plin,
ak paròl fèt, bouch mouin ap fè louanj ou. **R:**
- 7** Lè m-ap sonjé-ou sou kabann mouin,
granmatin m-ap médité sou ou,

8 paské ou poté-m sékou,
anba voual zèl ou m-ap fété. **R**

DÉZIÈM LÉKTU

*Moun yo k-ap dòmi pa pouvoua Jézu-a,
Bondié ap minnin yo avèk li.*

Léktu prémié lèt apot sin Pòl pou Tésalonisyin yo 4, 13-18

Frè-m yo, nou pa vlé pou nou pa konnin vérité sou moun k-ap dòmi yo, pou nou pa pran lapinn tankou lòt moun yo ki pa gin éspérans yo. Si réyèlman nou kouè Jézu mouri épi li résisité, konsa tou moun yo k-ap dòmi nan Jézu yo, Bondié ap minnin yo avèk li. Min sa nou di nou dapré paròl Granmèt la : nou minm k-ap viv la, k-ap rété toujou lè Granmèt la ap vini-an, nou pap pran dévan sa yo k-ap dòmi-an.

Paské Granmèt la li minm, sou lòd ak nan voua Chèf Anj yo ak nan son tronpèt Bondié-a, l-ap désann sot nan sièl la, épi moun yo ki nan Kris la, y-ap résisité an prémié. Apré sa, nou minm k-ap viv yo, k-ap la toujou, y-ap pran nou nan niaj yo pou n-al rankontré Kris la nan lè-a ; konsa n-ap toujou avèk Granmèt la. Sé pou nou youn ankourajé lòt ak paròl sa yo.

Paròl Granmèt la.

oubyin pi kout

Léktu prémié lèt apot sin Pòl pou Tésalonisyin yo 4, 13-14

Frè-m yo, nou pa vlé pou nou pa konnin vérité sou moun k-ap dòmi yo, pou nou pa pran lapinn tankou lòt moun yo ki pa gin éspérans yo. Si réyèlman nou kouè Jézu mouri épi li résisité, konsa tou moun yo k-ap dòmi nan Jézu yo, Bondié ap minnin yo avèk li.

Paròl Granmèt la.

ALÉLOUYA

Mt 24, 42 a. 44

R: Alélouya. Sé pou nou véyé, sé pou nou paré,
paské sé lè nou pa konnin-an Pitit moun nan ap vini. **R**: Alélouya.

ÉVANJIL

Min mésié k-ap marié-a ap vini : soti al rankontré-l.

✚ Léktu sint Évanjil la dapré Matié

25, 1-13

Lè sa-a : Jézu di disip li yo parabòl sa-a :

« Péyi roua sièl yo sanblé ak dis vièj, ki pran lanp yo, yo soti al rankontré mésié k-ap marié-a ak madanm k-ap marié-a. Sink nan yo té sot, épi sink té gin éspri. Sink sa ki sot yo, lè yo fi-n pran lanp yo-a, yo pa pran luil avèk yo ; sa-k gin éspri yo minm, yo pran luil nan véso yo avèk lanp yo. Kòm mésié k-ap marié-a té fè réta, yo tout yo dòmi, fon somèy.

Nan mitan nannuit, yo tandé yon rèl : “Min mésié k-ap marié-a, soti al rankontré-l”. Lè sa-a atò tout vièj sa yo lévé, yo paré lanp yo. Sa-k té sot yo di sa-k té gin sajès yo : “Ba nou nan luil nou-an, paské lanp nou yo étinn”. Sa-k gin éspri yo di yo : “Riské pap gin kont pou nou minm ak pou nou ; pito nou alé nan boutik yo, n-a achté”.

Pandan yo t-al achté, mésié k-ap marié-a rivé ; sa-k té paré yo antré avèk li nan nòs yo, yo fèmin pòt la. Alafin lòt vièj yo vi-n rivé, yo di : “Granmèt, Granmèt, louvri pou nou”. Li minm minm li réponn, li di : “Amèn mouin di nou, mouin pa konnin nou”.

Konsa, sé pou nou véyé, paské nou pa konnin ni jou-a ni lè-a ».

Paròl Granmèt la.

Dimanch, ané B

PRÉMIÉ LÉKTU

*Ak ti fari-n li-an, vèv la fè yon ti pin,
li poté bay Éli.*

Léktu prémié liv Roua yo

17, 10-16

Jou sa yo :

Profèt Éli lévé, l-al Sarépta. Lè-l rivé nan pòt vil la, yon madanm vèv parèt dévan-l, madanm nan t-ap ranmasé boua ; Éli rélé-l, li di-l : « Banm yon ti gout dlo nan yon véso pou-m bouè ». Pandan madanm nan t-

apralé pou-l poté-l, Éli rélé-l, li di : « Tanpri, poté yon ti mòso pin nan min-ou pou mouin ».

Madanm nan réponn : « Sou lavi Granmèt la, Bondié-ou la, mouin pa gin pin, sòf yon ti ponyin fari-n nan yon ja ak yon ti gout luil nan yon poban. Min m-ap ranmasé dé bout boua pou-m al fè pat pou mouin minm ak pitit mouin-an, pou nou manjé, apré sa, n-a mouri ».

Éli di li : « Ou pa bézouin pè, ou mèt alé, fè jan-ou di-a ; sèlman ak farin-n nan, kòmansé fè yon ti pin ou-a kuit anba sann pou mouin anvan, épi poté-l ban mouin ; apré sa, ou-a fè pou ou ak pou pitit ou-a.

Sèké min sa Granmèt Bondié Israèl la di : “Ja fari-n nan pap manké, poban luil la pap bésé, jous jou Granmèt la ap voyé lapli sou fas tè-a” ».

Madanm nan alé, li fè dapré paròl Éli-a. Éli manjé ni li minm, ni madanm nan, ni moun lakay li ; dépi lè sa-a ja fari-n nan pa manké, poban luil la pa bésé, dapré paròl Granmèt la té di pa lintèmédiè Éli-a.

Paròl Granmèt la.

PSÒM RÉPONS

Ps 145, 7. 8-9 a. 9 bc-10 (R : 1)

R: Fè louanj pou Granmèt la, nanm mouin.

oubyin : Alélouya.

7 Li minm ki kinbé vérité-a pou tout tan,
ki fè jijman pou moun y-ap maltrété yo,
ki bay moun ki grangou yo manjé,
Granmèt la lagé prizonié yo. R:

8 Granmèt la kléré avèg yo,
Granmèt la drésé sa-k krazé yo,
Granmèt la rinmin sa-k kòrèk yo,

9 Granmèt la protèjé étranjé yo. R:

Òfélin-an ak vèv la, li soutni yo,
min chémin péchè yo, li gayé yo.

10 Granmèt la ap régné pou tout tan,
Bondié-ou la, Siyon,
pou jénérasyon ak jénérasyon. R:

DÉZIÈM LÉKTU

*Kris la ofri tèt li yon foua pou tout,
pou-l éfasé péché pakèt foul moun yo.*

Léktu lèt pou Ébré yo

9, 24-28

Jézu pa-t antré nan yon tanp ki fèt ak min moun, nan pòtré bagay ki vré yo, min sé nan sièl la minm li antré pou-l parèt koulié-a dévan fas Bondié pou nou ; sé pa pou-l kapab ofri tèt li anpil foua, tankou prèt an chèf la ki blijé antré chak ané nan tanp la ak san ki pa pou li ; otréman li t-a blijé soufri anpil foua dépi kòmansman tè-a. Min koulié-a, sé yon sèl foua pou tout jous finisman sièk tan yo, li parèt pou-l détoui péché-a.

Minm jan déstiné moun yo sé pou yo mouri yon sèl foua, épi apré sa, pou yo parèt pou jijman-an, konsa tou Kris la ofri tèt li yon sèl foua pou-l éfasé péché tout foul moun yo, apré sa, l-ap parèt yon dézièm foua, san késion péché-a, pou moun yo k-ap tann li pou-l sové yo-a.

Paròl Granmèt la.

ALÉLOUYA

Mt 5, 3

Ⲅ Alélouya. Ala kontantman pou moun ki pòv yo nan éspri-a,
paské sé pou yo péyi roua sièl la yé. Ⲅ Alélouya.

ÉVANJIL

Pòv vèw sa-a mété plis pasé tout moun.

✝ Léktu sint Évanjil la dapré Mark

12, 38-44

Lè sa-a : Jézu t-ap di foul yo nan ansègnman-l nan :

« Fè atansyon skrib yo, ki rinmin prominnin nan gran manto, épi ki rinmin pou moun yo salué yo sou plas la, yo rinmin chita nan premié plas yo nan sinagòg yo, yo rinmin plas donè nan résépsion yo ; y-ap dévoré byin vèw yo, antan yo fè sanblan y-ap fè yon pakèt priyè : moun sa yo ap résévoua pinision ki pi rèd ».

Jézu chita an fas sal trézò-a ; l-ap gadé kijan foul la t-ap mété lajan nan trézò-a ; anpil moun rich t-ap mété anpil lajan. Yon pòv vèw vi-n rivé, li mété dé ti piès, ki vo vinnsink kòb.

Jézu rélé disip li yo, li di yo : « Amèn, mouin di nou, pòv vèw sa-a mété plis pasé tout moun ki mété lajan nan trézò-a ; sèké tout moun, sé

nan sa yo ginyin an tròp yo bay ; li minm minm sé nan ti sa-k pa minm kont pou li-a li pran, tou sa-l té ginyin, li bay li, tou sa-l té bézouin pou-l viv la ».

Paròl Granmèt la.

oubyin pi kout

✚ **Léktu sint Évanjil la dapré Mark**

12, 41-44

Lè sa-a :

Jézu chita an fas sal trézò-a ; l-ap gadé kijan foul la t-ap mété lajan nan kèt la ; anpil moun rich t-ap mété anpil lajan. Yon pòv vèv vi-n rivé, li mété dé ti piès, ki vo vinnsink kòb.

Jézu rélé disip li yo, li di yo : « Amèn, mouin di nou, pòv vèv sa-a mété plis pasé tout moun ki mété lajan nan trézò-a ; sèké tout moun, sé nan sa yo ginyin an tròp yo bay ; li minm minm sé nan ti sa-k pa minm kont pou li-a li pran, tou sa-l té ginyin, li bay li, tou sa-l té bézouin pou-l viv la ».

Paròl Granmèt la.

Dimanch, ané C

PRÉMIÉ LÉKTU

*Roua tout tè-a ap résisité nou
nan rézireksion tout tan-an.*

Léktu dézièm liv Makabé yo

7, 1-2. 9-14

Jou sa yo :

Roua-a té arété sèt frè, ansanm avèk manman yo, li t-ap fòsé yo manjé viann kochon, malgré défans laloua-a, antan li fè bat yo ak fouèt épi rigouaz.

Youn nan yo, pi gran-an, di konsa : « Ki sa ou-ap chèché, ki sa-ou vlé nan min nou ? Nou paré pou nou mouri, pasé pou nou dévié sot nan laloua Bondié papa nou yo ».

Dézièm nan minm, lè l-apral mouri, li di : « Ou minm, méchan, ou touyé nou pou lavi sa-a, min Roua tout tè-a ap résisité nou pou lavi tout tan-an, nou minm ki mouri pa laloua-l yo ».

Apré-l, yo maltrété yon touazièm ; li lonjé lang li minm lè yo mandé-l li-a, li lonjé min-l avèk kouraj, li di avèk asirans : « Sé sièl la ki ban-m bagay sa yo, min poutèt laloua Bondié-a, koulié-a mouin méprizé yo, paské mouin éspéré m-ap résévoua yo nan min-l » ; sé poua roua-a avèk moun yo ki té avèk li-a, yo sézi pou kouraj jénòm nan, ki pa-t konsidéré soufrans sa yo pou anyin.

Lè sa-a fi-n mouri konsa, yo maltrété katriyèm nan minm jan, ak gro soufrans ; li té déjà prèské mouri, li di : « Pito-m mouri nan min moun yo, antan nou éspéré Bondié ap résisité nou ; kanta pou ou minm minm pap gin rézireksion pou lavi-a ».

Paròl Granmèt la.

PSÒM RÉPONS

Ps 16, 1. 5-6. 8 b é 15 (R : 15 b)

R: M-ap satisfè ak fas ou, lè m-ap révéyé, Granmèt.

- 1 Kouté jistis mouin, Granmèt,
panché sou priyè-m nan.
Paré zòrèy ou nan priyè-m nan,
sé pa ak bouch manti. R:
- 5 Kinbé plant pié-m nan tras rout ou yo,
pou démach mouin pa tranblé.
- 6 Mouin minm sé koté-ou mouin rélé, paské ou kouté-m, Bondié ;
panché zòrèy ou sou mouin, kouté paròl mouin yo. R:
- 8 Protéjé-m tankou grinn jé,
anba lonbraj zèl ou, protéjé-m.
- 15 Kanta mouin minm nan jistis, m-ap ouè fas ou,
m-ap satisfè ak fas ou, lè m-ap révéyé. R:

DÉZIÈM LÉKTU

*Sé pou Granmèt la asiré nou
nan tout kalité travay ak bon paròl.*

Léktu dézièm lèt apot sin Pòl pou Tésalonisyin yo **2, 16-3, 5**

Frè-m yo :

Li minm minm Granmèt nou Jézu-Kri, ansanm ak Bondié ak Papa nou-an, li minm ki rinmin nou, ki konsolé nou pou tout tan-an, ki ba nou yon éspérans nan gloua-a, sé pou-l fè kè n-ou byin fèm nan tout kalité travay ak bon paròl.

Pou rès la, frè-m yo, priyé pou nou pou paròl Bondié-a kontinué kous li, pou-l jouinn gloua, tankou lakay nou, pou nou libéré sot anba min moun yo k-ap jinnin nou yo, ki méchan yo ; sèké sé pa tout moun ki gin lafoua. Min Bondié fidèl, li minm k-ap rann n-ou solid, k-ap protéjé n-ou kont mal la. Pou nou minm, mouin gin konfians nan Granmèt la : sa mouin kòmandé nou yo, nou fè yo, épi n-ap kontinié fè yo. Sé pou Granmèt la dirijé kè nou nan rinmin Bondié-a ak pasians Kris la.

Paròl Granmèt la.

ALÉLOUYA

Ap 1, 5 a. 6 b

✠ Alélouya. Jézu-Kri sé premié pitit nan pami mò yo ;
konpliman pou li ak otorité pou tout tan gin tan. ✠ Alélouya.

ÉVANJIL

Bondié pa Bondié moun mouri, min Bondié vivan yo.

✠ **Léktu sint Évanjil la dapré Luk** **20, 27-38**

Lè sa-a :

Kèk nan sadiséyin yo proché, yo minm ki di pa gin réziréksion, yo pozé Jézu késion, yo di : « Mèt, Moyiz té ékri pou nou : “Si yon mésié mouri épi li té gin yon madanm san-l pa gin pitit, sé pou frè-l la pran madanm nan, pou-l lévé yon désandans pou frè-l la”. Konsa té gin sèt frè, premié-a marié, li mouri san pitit, sa-k suiv li-a pran madanm nan, li minm tou li mouri san pitit, touazièm nan pran-l, épi tou lé sèt yo fè minm jan, yo pa kite désandans, yo mouri. Alafin apré yo tout, madanm nan vi-n mouri tou.

Nan rézireksion-an, pou kilès nan yo l-ap yé kòm madanm, kòm tou lé sèt té ginyin-l kòm madanm ? »

Jézu di yo : « Pitit sièk sa-a yo marié, gason kon fi ; min sa yo k-ap mérité pou yo nan lòt sièk la ak nan rézireksion sot nan pami mò yo, yo pap nan marié, ni gason ni fi, paské yo pa kapab mouri ankò ; yo tankou anj yo, sé pitit Bondié yo yé, paské yo sé pitit rézireksion-an.

Pou késion mò yo ap résisité-a réyèlman, Moyiz té montré sa bò touf rajé ki t-ap flanbé-a, lè-l té di : “Granmèt Bondié Abraam ak Bondié Izaak ak Bondié Jakòb !” Konsa Bondié pa Bondié moun mouri yo, min sé Bondié vivan yo : sèké tout moun ap viv gras a li ».

Paròl Granmèt la.

oubyin pi kout

✠ Léktu sint Évanjil la dapré Luk

20, 27. 34-38

Lè sa-a :

Jézu di sadiséyin yo ki di pa gin rézireksion :

« Pitit sièk sa-a yo marié, gason kon fi ; min sa yo k-ap mérité pou yo nan lòt sièk la ak nan rézireksion sot nan pami mò yo, yo pap nan marié, ni gason ni fi, paské yo pa kapab mouri ankò ; yo tankou anj yo, sé pitit Bondié yo yé, paské yo sé pitit rézireksion-an.

Pou késion mò yo ap résisité-a réyèlman, Moyiz té montré sa bò touf rajé ki t-ap flanbé-a, lè-l té di : “Granmèt Bondié Abraam ak Bondié Izaak ak Bondié Jakòb !” Konsa Bondié pa Bondié moun mouri yo, min sé Bondié vivan yo : sèké tout moun ap viv gras a li ».

Paròl Granmèt la.

Lindi

Ané 1

PRÉMIÉ LÉKTU

*Éspri sajès la gin bon jan ;
Éspri Granmèt la plin fas tè yo.*

Kòmansman liv Sajès la

1, 1-7

Sé pou nou rinmin jistis la, nou minm k-ap jijé tè-a, sé pou nou gin bon lidé sou Granmèt la, sé pou nou chèché-l avèk kè nou sinp ; paské sé moun ki pa tanté-l yo li kite jouinn li, li parèt dévan sa yo ki gin lafoua nan li yo.

Sèké lidé krochi fè nou viv louin Bondié ; lè yo éksité pouvoua-l, li pini moun ki san sajès yo. Réyèlman, sajès la pa antré nan nanm ki gin movèz volonté, li pa abité nan yon kò ki ésklav péché. Éspri Sin-an sé éspri disipli-n, li viré do bay ipokrizi, li ouété kò-l sot kot pansé ki san intéljans, li pa fè sa-l t-a vlé koté ki gin injistis.

Éspri sajès la gin bon jan ; li pa libéré moun k-ap fè madichon sot nan bouch li-a, paské Bondié sondé rin-l, li fouyé kè-l tout bon vré, li tandé sa lang li ap di. Éspri Granmèt la plin fas tè yo ; Sa-a ki kinbé tout bagay la, li konnin tou sa y-ap di.

Paròl Granmèt la.

PSÒM RÉPONS

Ps 138, 1-3. 4-6. 7-8. 9-10 (R: 24 b)

R: Kondui-m, Granmèt, sou rout tout tan yo.

¹ Granmèt, ou sondé-m, ou konnin-m,

² ou konnin chita-m ak lévé-m.

Ou sézi pansé-m byin louin,

³ koté-m maché ak koté-m kouché, ou fouyé yo. R:

Tout rout mouin yo, ou ouè yo klè,

⁴ paské paròl la pa ko sou lang mouin,

gagé, Granmèt, ou konnin tout bagay.

⁵ Dèyè kon dévan ou séré-m,

ou pozé min-ou sou mouin.

⁶ Sé mèyè éstraòdinè sians ou-a yé anlè-m ;

li ro, mouin pa kapab touché-l. R:

- 7 Ki koté pou-m alé louin éspri-ou,
ki koté pou-m sové kò-m louin fas ou ?
- 8 Si-m monté nan sièl la, ou la ;
si-m désann anba tè-a, ou prézan. **R:**
- 9 Si-m pran zèl dévan jou-a,
pou-m al abité nan fon lanmè,
- 10 minm la, min-ou ap kondui-m,
min douat ou kinbé-m. **R:**

Ané 2

PRÉMIÉ LÉKTU

Instalé ansyin yo, jan-m té kòmandé-ou la.

Kòmansman lèt apot sin Pòl pou Tit

1, 1-9

Pòl, sèvitè Bondié, apot Jézu-Kri dapré lafoua sa yo Bondié chouazi-a ak konésans vérité-a ki réglé sou bon rélation ak Bondié-a, pou éspérans lavi tout tan-an. Lavi sa-a, Bondié ki pa konn bay manti-a, té promèt li dépi anvan sièk tan yo ; min, nan tan-l yo, li montré paròl li-a nan prèch yo té konfié-m fè-a, dapré lòd Sovè nou Bondié. Mouin ékri-ou, Tit, pitit mouin rinmin-an dapré lafoua nou ginyin ansanm nan. Gras ak lapè sot nan Bondié Papa-a ak nan Kris Jézu Sovè nou-an.

Min poukisa mouin té kité-ou nan zilé Krèt : pou-ou drésé bagay k-ap dévié yo, pou-ou instalé ansyin yo nan vil yo, jan-m té fè pou ou-a. Yo chak doué yon moun san répròch, mari yon sèl madanm, li doué gin pitit ki gin lafoua, san moun pa akizé yo poutèt yo nan dézòd oubyin yo nan rébèl.

Résponsab Égliz la doué san répròch réyèlman, tankou moun Bondié mété pou transmèt gras li, san-l pa fè arogan, san-l pa rinmin fè kòlè, san-l pa rinmin bouason, san-l pa rinmin batay, san-l pa anvi avantaj malonnèt ; min sé pou-l rinmin résévoua moun lakay li, pou-l gin bon jan, pou-l konn kinbé tèt li anplas, pou-l kòrèk, pou-l sin, pou-l frinnin tandans plézi chè-a, pou-l kinbé méyaj vérité-a byin fèm dapré ansègnman-an, pou-l kapab ankourajé moun nan ansègnman ki douat, pou-l kapab démanti sa yo k-ap kontrarié paròl la.

Paròl Granmèt la.

PSÒM RÉPONS

Ps 23, 1-2. 3-4 ab. 5-6 (R: cf. 6)

R: Sa-a, sé ras moun k-ap chèché fas ou, Granmèt.

- 1 Pou Granmèt la tè-a ak sa-k plin-l,
fas tè-a ak sa-k abité ladan-l.
- 2 Sèké sé li minm ki pozé-l sou lanmè yo,
ki rann li solid sou gran riviè yo. R:
- 3 Kilès k-ap monté sou mòn Granmèt la,
oubyin kilès k-ap kanpé sou plas li ki sin-an ?
- 4 Moun ki gin min-l inosan ak kè-l nèt,
ki pa nonmin non-l pou granmèsi. R:
- 5 Moun sa-a ap résévoua Bénédiksion nan min Granmèt la
ak jistikasyon nan min Bondié sovè-l la.
- 6 Sa-a sé ras moun k-ap chèché-l yo,
k-ap chèché fas Bondié Jakòb la. R:

ALÉLOUYA

Fil 2, 15 d. 16 a

R: Alélouya. Sé pou nou kléré tankou lanp sou tè-a,
antan nou gin paròl lavi-a. R: Alélouya.

ÉVANJIL

*Si sèt foua nan minm jounin-an li tounin koté-ou, li di :
« Mouin régrèt », sé pou-ou padonnin-l.*

✠ Léktu sint Évanjil la dapré Luk

17, 1-6

Lè sa-a : Jézu di disip li yo :

« Sa pa posib pou pa gin skandal : sèlman ala malè pou moun sa-a ki sèvi pou yo rivé-a ! Li t-a pi bon pou li, si yo t-a pran yon ròch moulin, yo maré nan kou-l, épi yo jété-l nan lanmè, passé pou-l t-a skandalizé youn nan ti piti sa yo.

Pran prékosion. Si frè-ou fè péché kont ou, réprann li, épi si-l régrèt, sé pou-ou padonnin-l ; minm si sèt foua nan jounin-an li fè péché kont ou, épi sèt foua nan jounin-an li tounin koté-ou, antan-l di : “Mouin régrèt”, sé pou-ou padonnin-l ».

Apot yo di Granmèt la : « Fè nou gin plis lafoua ».

Granmèt la di : « Si nou t-a gin lafoua tankou yon grinn sènvé, nou t-a di gro pié boua sa-a : “Dérasinin-ou épi al planté nan lanmè-a” ; li t-a obéyi nou ».

Paròl Granmèt la.

Madi

Ané 1

PRÉMIÉ LÉKTU

*Dévan jé moun san konprann yo, yo sanblé mouri,
époutan yo minm yo nan lapè.*

Léktu liv Sajès la

2, 23-3, 9

Bondié kréyé moun nan pou-l pa mouri, épi sé sou pròp pòtré-l li fè-l. Min sé anvi djab la ki fè lanmò-a antré sou fas tè-a ; moun ki disip li yo, y-ap suiv égzanp li.

Min nanm moun ki kòrèk yo minm sé nan min Bondié yo yé, touman lanmò pap touché yo. Dévan jé moun san konprann yo, yo sanblé mouri ; lè yo pati kité tè sa-a minm, moun yo konsidéré sa tankou yon malè ; lè yo pati kité nou y-al fè rout yo-a, sa parèt kòm si yo té péri ; époutan yo minm yo nan lapè ; épi si dévan moun yo, yo sibi touman, yo gin kont espérans yo pap janm mouri.

Yo pasé mizè nan kèk bagay min y-ap jouinn bon sitiasion anpil, paské Bondié té fè yo bay prèv yo épi li té jouinn yo kòrèk pou li. Tankou lò nan founèz difé, Bondié sondé yo, épi tankou kado sakrifis antié, li aksépté yo ; lè tan-an ap rivé, y-ap kléré. Moun ki kòrèk yo ap kléré, épi tankou étinsèl y-ap kouri nan difé ; y-ap jijé nasion yo, y-ap kòmandé sou pèp yo, Granmèt yo-a ap kòmandé kòm roua pou tout tan.

Moun ki mét konfians nan li, y-ap konprann vérité-a. Moun ki fidèl yo ap rét avèk li nan rinmin-an, paské li bay gras ak lapè pou sa yo li chouazi-a.

Paròl Granmèt la.

PSÒM RÉPONS

Ps 33, 2-3. 16-17. 18-19 (R : 2 a)

R: M-ap fè konpliman pou Granmèt la nan tout tan.

- 2 M-ap fè konpliman pou Granmèt la nan tout tan,
tout tan louanj li nan bouch mouin.
- 3 Nan Granmèt la nanm mouin ap jouinn gloua-l,
sé pou pòv yo tandé, pou yo kontan. **R:**
- 16 Jé Granmèt la sou moun ki kòrèk yo,
zòrèy li sou rèl yo.
- 17 Fas Granmèt la sou moun k-ap fè mal yo,
pou-l fè souvni yo disparèt sot sou tè-a. **R:**
- 18 Yo rélé, Granmèt la tandé,
nan tout tribilasyon yo li libéré yo.
- 19 Granmèt la tou pré moun ki gin kè yo krazé,
l-ap sovè sa-k gin éspri yo sakajé yo. **R:**

Ané 2

PRÉMIÉ LÉKTU

*Sé pou nou viv nan bon santiman rélijyé, antan n-ap tann éspérans ki sin-an
avèk vini Bondié gin pou-l vini-an ni Sovè nou-an Jézu-Kri.*

Léktu lèt apot sin Pòl pou Tit

2, 1-8. 11-14

Ou minm mouin rinmin anpil la :

Palé kozé ki dakò ak ansègnman ki kòrèk la. Sé pou moun ki gin anpil laj yo kontrolé anvè manjé-bouè, sé pou yo kondui tèt yo byin, sé pou yo gin sajès, sé pou yo kòrèk nan lafoua-a, nan rinmin-an, nan pasians la. Médam yo ki gin anpil laj yo tou sé pou yo gin yon konpòtman ki sin, pou yo pa fè tripotaj sou moun, pou yo pa ésklav bouason, pou yo konn bay ansègnman byin ; sé pou yo fè édikasyon jèn fi yo nan késion sajès la, pou yo aprann rinmin mari yo, rinmin pitit yo ; pou yo gin sajès, pou yo véyé sou tandans chè-a, pou yo kontrolé anvè manjé ak bouè, pou yo konn kinbé kay la pròp, pou yo gin bon jan, pou yo obéyi mari yo, pou moun pa blasfémé paròl Bondié-a.

Jèn jan yo tou sé pou-ou fè yo obsèvasion pou yo konn kinbé tèt yo an plas. Nan tout bagay sé pou-ou ofri pròp tèt ou kòm modèl bon aksion yo, nan ansègnman, nan konduit ki douat, nan fason kòrèk ou-ap maché, nan paròl ki vré, ki san répròch, pou moun ki ènmi-an ront, san-l pa jouinn okinn mal pou-l di sou nou.

Sèké gras Bondié Sovè nou-an parèt dévan tout moun, li aprann nou pou nou rénonse péché-a, avèk anvè tè-a, pou nou viv yon fason réglé,

yon fason kòrèk, yon fason ki sin, nan tan sa-a minm, antan n-ap tann espérans ki sin-an avèk vini gloua Bondié ak Sovè nou Jézu-Kri ap vini-an, li minm ki té rimmèt tèt li pou nou, pou-l té kapab rachté nou sot nan tout kalité péché, pou-l té kapab pròpté yon pèp ki fè-l plézi, ki cho pou fè sa-k bon.

Paròl Granmèt la.

PSÒM RÉPONS

Ps 36, 3-4. 18 é 23. 27 é 29 (R: 39 a)

- R: Sové moun kòrèk yo sové-a, sé nan Granmèt la li soti.
- 3 Éspéré nan Granmèt la, fè sa ki bon,
ou-ap abité tè-a, ou-ap manjé ak konfians.
- 4 Joui nan Granmèt la,
l-ap ba ou sa kè-ou mandé yo. R:
- 18 Granmèt la konnin jou moun ki san tach yo,
éritaj yo ap la pou tout tan.
- 23 Sé Granmèt la ki asiré démach yon moun,
ki vlé chémin-l. R:
- 27 Viré do bay sa-k mal, fè sa-k byin,
ou-ap gin koté pou-ou abité pou tout tan gin tan.
- 29 Moun kòrèk yo ap érité tè-a,
y-ap abité sou li pou tout tan k-ap gin tan. R:

ALÉLOUYA

Jan 14, 23

R: Alélouya. Si yon moun rinmin-m, l-ap kinbé paròl mouin,
épi Papa-m ap rinmin-l ; n-ap vi-n koté li, n-ap abité lakay li. R:
Alélouya.

ÉVANJIL

Sé sèvitè inital nou yé : sé sa nou té doué fè nou fè.

✠ Léktu sint Évanjil la dapré Luk

17, 7-10

Lè sa-a : Granmèt la di :

« Kilès nan nou, si-l gin yon sèvitè k-ap travay tè oubyin k-ap okipé bèt, lè-l sot nan jadin, pou-l di-l : “Fè vit, travèsé, al lonjé kò-ou” ? Èské li pap di-l pito : “Paré manjé, mété tabliyé-ou, épi sèvi-m, pou-m manjé, pou-m bouè, épi apré sa, ou minm ou-a manjé épi ou-a bouè” ? Èské l-ap gin sèvitè sa-a rékonésans, poutèt li fè sa-l té pasé-l lòd la ? Mouin pa kouè.

Sé konsa pou nou minm tou, lè nou fi-n fè tou sa yo té pasé nou lòd pou nou fè-a, sé pou nou di : “Sé sèvitè san prétansion nou yé : sé sa nou té doué fè-a, sé li minm nou fè” ».

Paròl Granmèt la.

Mèkrédi

Ané 1

PRÉMIÉ LÉKTU

*Sé pou nou kouté, roua yo,
pou nou aprann sajès.*

Léktu liv Sajès la

6, 1-11

Kouté, roua yo, épi chèche konprann ; aprann, jij limit tè-a ; paré zòrèy nou, nou minm ki mèt anpil pèp yo, nou minm k-ap vanté tèt nou pou tout pakèt nasion nou yo. Sèk sé Granmèt la ki ba nou pouvoua-a, sé sa-a ki anro nèt la ki bay otorité, li minm k-ap pozé-n késion pou travay nou, k-ap fouyé pansé nou ; sèk lè nou té sèvitè péyi roua-l la, nou pa-t jijé kòrèk, nou pa-t kinbé laloua jistis la, nou pa-t maché dapré volonté Bondié.

L-ap parèt sou nou yon fason térib, sanzatan ; sèk jijman-an ap pi rèd pou sa yo ki chèf yo. Sa-k piti-a, yo fè-l gras mizérikòd la ; min sa-k gin pouvoua yo, y-ap sibi touman avèk fòs ; réyèlman Bondié pap gadé sou figi moun, li pap pè grandè pèsonn ; paské sé li minm ki fè ni piti-a ni gran-an, épi li okipé yo tout minm jan ; sa-k gin plis pouvoua yo, l-ap jijé yo pi sévè.

Konsa, nou minm, roua yo, sé pou nou paròl mouin sa yo yé, pou nou kapab aprann sajès la, épi pou nou pa tonbé. Moun ki obsèvé kòmandman kòrèk yo yon fason kòrèk, y-ap vi-n kòrèk ; épi moun ki aprann yo, y-ap jouinn sa pou yo réponn. Konsa, sé pou nou anvi paròl mouin yo, sé pou nou rinmin yo, épi n-a jouinn édikasion.

Paròl Granmèt la.

PSÒM RÉPONS

Ps 81, 3-4. 6-7 (R : 8 a)

R: Lévè, Bondié, jijé tè-a.

- 3 « Pran ka maléré-a ak òfélin-an,
maléré-a ak pòv la, rann yo jistis.
4 Délivré pòv la,
dégajé maléré-a sot nan min péchè-a ». R:
- 6 Mouin té di : « Nou sé dié,
épi nou tout nou sé pitit sa-a ki anro nèt la ».
7 Nou tout poutan n-ap mouri tankou moun,
n-ap tonbé tankou tout chèf yo. R:

Ané 2

PRÉMIÉ LÉKTU

*Nou té pèdi rout, min dapré mizérikòd li-a,
li sové nou.*

Léktu lèt apot sin Pòl pou Tit

3, 1-7

Ou minm mouin rinmin anpil la :

Avèti moun yo pou yo obéyi chèf yo ak otorité yo, pou yo obéyi sa yo di, pou yo paré pou tout aksion ki bon, pou yo pa jouré pèsonn, pou yo pa nan chèché kont, min pou yo sinp, pou yo montré tout moun tout kalité dousè. Sèké lontan nou minm tou nou té san éspri, nou té san lafoua, nou té nan méchansté ak anvì, nou té rayisab, nou youn té rayi lòt.

Sèlman lè bon kè ak bon jan Bondié Sovè nou-an parèt, sé pa sou aksion jistis nou fè li gadé pou-l sové nou, min sé mizérikòd li-a li konsidéré ki fè-l sové nou, nan bingn ki réfè nou-an, ki fè nou vi-n tou nèf gras a Éspri Sin-an, Éspri sa-a li vidé nan nou an kantité, pa pouvoua Jézu-Kri, Sovè nou-an ; pou nou vi-n kòrèk akòz gras li-a, pou nou vi-n éritié lavi tout tan-an n-ap éspéré-a.

Paròl Granmèt la.

PSÒM RÉPONS

Ps 22, 1-3 a. 3 b-4. 5. 6 (R : 1)

- R: Granmèt la souin-m, mouin pap manké anyin.
1 Granmèt la ap kondui-m, anyin pap manké-m ;
2 Nan zèb vèt li instalé-m,
sou bò dlo trankil li minnin-m,
3 li réfè nanm mouin. R:

- Li kondui-m nan santié jistis poutèt non-l.
- 4 Sèké minm si m-ap maché nan bafon lonbraj lanmò,
mouin pap pè malè, paské ou avèk mouin.
Baton-ou ak bagèt ou, sé yo k-ap konsolé-m. **R:**
- 5 Ou paré yon tab dévan fas mouin
kont sa yo k-ap fè-m pasé tribilasyon yo ;
ou souin tèt mouin ak losion,
kalis mouin ap débòdé. **R:**
- 6 Réyèlman sé bon kè ak mizèrikòd k-ap rapousuiv mouin
tout tan lavi-m,
m-ap abité nan kay Granmèt la
pou tout longè tan yo. **R:**

ALÉLOUYA

1 Tés 5, 18

R: Alélouya. Nan tout bagay, sé pou nou di Bondié mèsi ;
sa-a sé volonté Bondié nan Kris Jézu sou nou tout. **R:** Alélouya.

ÉVANJIL

*Pa gin pèsonn ki rétonnin pou di Bondié mèsi,
sof étranjé sa-a.*

✠ Léktu sint Évanjil la dapré Luk

17, 11-19

Lè sa-a :

Rivé, pandan Jézu t-apral Jérusalèm, li t-ap travèsé nan mitan Samari-
a ak Galilé-a.

Lè l-ap antré nan yon vil, dis lépre proché dévan-l, yo kanpé louin, yo
rélé byin fò, yo di : « Jézu, mèt, pitié pou nou ».

Lè-l ouè sa, li di : « Alé prézanté nou dévan prèt yo ». Pandan y-apralé
yo géri.

Youn nan yo, lè-l ouè li géri, li tounin, l-ap fè louanj Bondié byin fò, li
lagé kò-l atè sou fas li dévan pié Jézu, l-ap di-l mèsi ; sé té yon Samaritin.

Jézu pran laparòl, li di : « Èské tout dis moun yo pa-t géri ? Pa gin
pèsonn ki tounin vi-n fè louanj Bondié, sof étranjé sa-a ».

Li di-l : « Lévè, alé, paské lafoua-ou sovè-ou ».

Paròl Granmèt la.

Jédi

Ané 1

PRÉMIÉ LÉKTU

*Sajès la sé klèté limiè-a, sé glas gloua Bondié-a
ki pa gin okinn tach.*

Léktu liv Sajès la

7, 22-8, 1

Sajès la, gin éspri intélijans ladan-l, li sin, li pa gin parèy, li gin divès kalité, li gin adrès, li léjé, li an mouvman, li san tach, li bay asirans, li dou, li rinmin byin-an, li vif, anyin pa rété-l, li fè byin, li rinmin moun, li gin bon jan, li solid, li fidèl, li bay sékirité, li gin tout fòs, li ouè tout bagay, li kapab konprann tout éspri poutèt li antré byin nan éspri, li pròp, li gin adrès. Sajès la pi rapid pasé tou sa-k rapid, li rivé jouinn tout koté poutèt li san mélanj.

Sé réyon ki soti dirèk nan klèté Bondié ki gin tout pouvoua-a ; sé poua yo pa jouinn okinn tach nan li ; li sé klèté limiè tout tan-an, li sé glas san tach ki montré gloua Bondié-a, li sé pòtré bon kè-l.

Kòm li pa gin parèy, li kapab fè anpil bagay ; antan-l toujou rét nan li minm, li réfè tout bagay ; li kominiké tèt li bay nanm ki sin yo nan tout nasion yo, pou-l fè yo vi-n tounin zanmi Bondié épi profèt.

Bondié pa rinmin pèsonn ki pa abité ak sajès la. Sajès la pi kléré pasé solèy, li dépasé aranjan zétoual yo. Si yo konparé-l avèk limiè-a, li ranpòté prémié pri ; sèkè lannuit vi-n apré limiè, min méchansté-a pa ranpòté viktoua sou sajès la.

Réyelman li rivé sot nan yon bout tè-a al nan yon lòt bout avèk fòs, épi li ranjé tout bagay avèk dousè.

Paròl Granmèt la.

PSÒM RÉPONS

Ps 118, 89. 91. 130. 135. 175 (R : 89 a)

R: Sé pou tout tan, Granmèt, paròl ou-a égzisté.

⁸⁹ Pou tout tan, Granmèt,
paròl ou-a kanpé nan sièl la. R:

⁹⁰ Pou jénérasyon ak jénérasyon vérité-ou la ;
ou asiré tè-a, li diré. R:

- ⁹¹ Sé dapré désizion-ou yo yo kanpé jodi-a,
paské tout bagay sèvi-ou. **R:**
- ¹³⁰ Déklarasion paròl ou yo kléré,
li bay ti moun yo intélijans. **R:**
- ¹³⁵ Kléré fas ou sou sèvitè-ou la,
aprann mouin désizion-ou yo. **R:**
- ¹⁷⁵ Nanm mouin ap viv, l-ap fè louanj ou,
jijman-ou yo ap édé-m. **R:**

Ané 2

PRÉMIÉ LÉKTU

*Résévoua-l, pa tankou yon ésklav ankò,
min tankou yon frè ou rinmin anpil.*

Léktu lèt apot sin Pòl pou Filémon

7-20

Ou minm mouin rinmin anpil la :

Mouin gin yon gran kontantman ak konsolasion nan charité-ou la, paské gras a ou, frè-m, kè sin yo jouinn répo.

Sé pousa malgré mouin gin tout asirans nan Kris Jézu pou-m kòmandé-ou sou sa-k gin pou fèt, malgré sa sé plis poutèt charité-a m-ap fè yon démann, mouin minm Pòl, ki tou vié épi, koulié-a minm, ki prizonié Jézu-Kri-a tou.

M-ap fè-ou démann pou pitit mouin-an, li minm mouin té anfanté nan chinn yo, Onézim. Lontan li té initil pou ou, koulié-a minm li itil ni pou mouin ni pou ou. Mouin voyé-l tounin ba ou. Kanta ou minm sé pou-ou résévoua-l tankou zantray mouin ; mouin té vlé kinbé-l avèk mouin, pou-l té kapab sèvi-m nan plas ou nan chinn ki maré-m poutèt Bòn Nouvèl la ; sèlman mouin pa-t vlé fè anyin san konsantman-ou, pou-m pa-t fòsé-ou fè yon bon aksion, min pou sé ak tout volonté-ou li fèt.

Pètèt sé pou yon moman li té pati louin-ou, pou-ou kapab résévoua-l pou tout tan. Pa résévoua-l tankou yon ésklav ankò min, nan plas ésklav la, tankou yon frè ou rinmin anpil ; yon frè, sé sa li yé nèt pou mouin, sé sa li yé pi plis toujou pou ou, ni nan chè-a, ni nan Granmèt la. Konsa si-ou konsidéré-m kòm zanmi-ou, résévoua-l tankou mouin minm ; si-l té fè-ou kichòy ki mal oubyin si-l doué-ou, mét sa sou kont mouin.

Sé mouin minm Pòl ki ékri sa ak min-m : m-ap rinmèt ou sa ; mouin pa minm bézouin di kijan ou minm tou ou doué-m pròp tèt ou. Konsa, frè-m, mouin kontan avèk ou nan Granmèt la : konsolé kè-m nan Granmèt la.

Paròl Granmèt la.

PSÒM RÉPONS

Ps 145, 7. 8-9 a. 9 bc-10 (R : 5 a)

R Ala kontantman pou sa-a Bondié Jakòb la poté-l sékou-a.

oubyin : Alélouya.

7 Li minm ki kinbé vérité-a pou tout tan.
Li fè jijman pou moun y-ap maltréte yo,
li bay sa-k grangou yo manjé.
Granmèt la défèt chinn yo. **R**

8 Granmèt la kléré avèg yo,
Granmèt la lévé sa-k tonbé yo,
Granmèt la rinmin moun ki kòrèk yo,

9 Granmèt la protéjé étranjé yo. **R**

Ôfélin yo ak vèv la, li soutni yo,
min rout péchè yo, li gayé-l.

10 Granmèt la ap roua pou tout tan,
Bondié-ou la, Siyon,
pou jénérasyon ak jénérasyon. **R**

ALÉLOUYA

Jan 15, 5

R Alélouya. Mouin sé pié rézin-an, nou sé branch yo,
sé sa Granmèt la di ;

moun ki réte nan mouin, épi mouin nan li, l-ap poté anpil foui. **R**

Alélouya.

ÉVANJIL

Péyi roua Bondié-a, sé anndan nou li yé.

✠ Léktu sint Évanjil la dapré Luk

17, 20-25

Lè sa-a :

Farizyin yo mandé Jézu kilè péyi roua Bondié-a ap rivé, li réponn yo,
li di : « Péyi roua Bondié-a pa rivé yon fason pou yo obsèvé-l, yo pap di :

“Min-l isit la” oubyin “Min-l laba-a”. Sèké min péyi roua Bondié-a : sé anndan nou li yé” ».

Li di disip li yo : « Gin jou k-ap rivé lè n-ap anvè ouè yon sèl jou Pitit moun nan épi nou pap ouè-l. Y-ap di nou : “Min-l isit la” épi “Min-l laba-a”. Pa alé, pa suiv. Sèké, tankou zèklè kléré, ap gayé sot nan yon bout sièl la rivé nan lòt bout la, sé konsa Pitit moun nan ap yé nan jou pa-l la.

Sèlman, anvan sa, li gin pou-l soufri anpil, épi ras sa-a gin pou réjité-l ».
Paròl Granmèt la.

Vandrédi

Ané 1

PRÉMIÉ LÉKTU

Si yo kapab sondé bagay tan sa-a, kijan fè yo pa kapab jouinn Granmèt tan sa-a ?

Léktu liv Sajès la

13, 1-9

Tout moun ki pa gin sians Bondié-a nan yo, sé vid yo vid ; apati sa yo ouè ki bon, yo pa-t kapab konnin sa-a ki toujou la-a ; antan yo konsidéré travay li, yo pa rékonèt sa-a ki fè yo-a. Min sé soua difé, soua van, soua van léjé, soua mouvman zétoual yo, soua fòs dlo, soua solèy ak lali-n, sé sa yo konsidéré kòm dié k-ap dirijé fas tè yo.

Si yo pran plézi ap gadé gloua sa yo ouè-a, é poutèt sa yo konsidéré yo kòm dié, sé pou yo konnin kijan mèt bagay sa yo pi bèl toujou ; sèké sa-a ki fè gloua-a, sé li minm ki fè tout bagay sa yo. Oubyin, si yo sézi poutèt fòs avèk aktivité bagay sa yo, sé pou yo konnin, apati bagay sa yo, kijan sa-a ki fè bagay sa yo, li gin plis fòs pasé yo. Réyèlman apati grandè ak gloua kréyati-a, yo kapab ouè avèk konésans yo sa-a ki kréyé yo-a.

Sèlman moun sa yo, sé yon ti kras koréksion yo mérité, paské pétèt yo tronpé chémin antan y-ap chèché Bondié épi antan yo anvè jouinn li. Sèké, pandan yo vlopé nan travay li yo, y-ap chèché, épi yo gin konviksion yo rivé jouinn, paské sa yo ouè-a yo bon.

Sèlman nou répété-l, minm yo minm yo pa inosan. Paské si yo té kapab konnin tèlman bagay pou yo sondé sièk tan-an, kijan fè yo pa-t jouinn Granmèt tan sa-a pi fasil ?

Paròl Granmèt la.

PSÒM RÉPONS

Ps 18, 2-3. 4-5 (R: 2 a)

- R: Sièl yo ap rakonté gloua Bondié.
- ² Sièl yo ap rakonté gloua Bondié,
travay min-l, platfòm sièl la ap anonsé-l.
- ³ Jou ap déklaré paròl bay jou,
nannuit ap montré sians bay nuit. R:
- ⁴ Pa gin langaj ni paròl
pou yo pa konprann voua yo.
- ⁵ Sou tout tè-a boui voua yo soti,
jous nan limit tè-a paròl yo rivé. R:

Ané 2

PRÉMIÉ LÉKTU

*Moun ki pèsévéré nan ansègnman-an,
sé li minm ki gin ni Papa-a ni Pitit la.*

Léktu dézièm lèt apot sin Jan

4-9

Ou minm, Madanm nan Bondié chouazi-a, mouin kontan anpil, paské mouin jouinn nan pitit ou yo k-ap maché nan vérité-a dapré kòmandman nou té résévoua nan min Papa-a. Koulié-a, Madanm, sé pa tankou yon kòmandman nouvo m-ap ékri-ou, min sé sa nou té ginyin dépi nan kòmansman-an ; mouin mandé-ou pou nou youn rinmin lòt. Min charité-a ; sé pou nou maché dapré kòmandman-l yo.

Min kòmandman-an ; jan nou té tandé dépi nan kòmansman-an, sé konsa pou nou maché. Réyèlman, anpil moun k-ap chèché troupé soti vin sou tè-a, sé sa ki pa rékonèt Jézu-Kri vini nan chè-a ; sa-a sé sa-a k-ap chèché troupé moun, sé antikris la. Fè atansyon pròp tèt nou, pou nou pa pèdi sa nou té fè, min pou nou résévoua tout rékonpans la.

Ninpòt ki moun ki rékilé, ki pa pèsévéré nan doktri-n Kris la, li pa gin Bondié-a ; min moun ki pèsévéré nan doktri-n nan, li minm li gin ni Papa-a ni Pitit la.

Paròl Granmèt la.

PSÒM RÉPONS

Ps 118, 1. 2. 10. 17. 18 (R: : 1 b)

R: Ala kontantman pou moun k-ap maché nan laloua Granmèt la.

¹ Ala kontantman pou moun ki intak nan chémin-an,
k-ap maché nan laloua Granmèt la. R:

² Ala kontantman pou moun ki kinbé témouagnaj li yo,
k-ap chèché-l ak tout kè yo. R:

¹⁰ Ak tout kè-m mouin té chèché-ou,
pa fè-m pèdi rout sot nan kòmandman-ou yo. R:

¹¹ Nan kè-m mouin kaché promès ou yo,
pou-m pa fè péché kont ou. R:

¹⁷ Fè sèvitè-ou dibyin pou-m viv,
pou-m kinbé paròl ou yo. R:

¹⁸ Dévoualé jé-m,
m-a konsidéré mèvèy yo nan laloua-ou la. R:

ALÉLOUYA

Lk 21, 28

R: Alélouya. Gadé, lévé tèt nou,
paské rédanmsion nou-an ap proche. R: Alélouya.

ÉVANJIL

Nan jou Pitit moun nan ap révéle sa-l yé-a.

✠ Léktu sint Évanjil la dapré Luk

17, 26-37

Lè sa-a : Jézu di disip li yo :

« Jan sa té rivé nan jou Noé yo, sé konsa tou sa ap fèt nan jou Pitit moun nan ; yo t-ap manjé, yo t-ap bouè, yo t-ap marié, ni gason ni fi, jous jou Noé antré nan Arch la ; délij la rivé, li détoui yo tout.

Sé minm jan tou, jan sa té rivé nan tan Lòt la : yo t-ap manjé, yo t-ap bouè, yo t-ap achté, yo t-ap vann, yo t-ap planté, yo t-ap bati ; jou Lòt kité Sodòm nan, yon lapli difé ak souf sot nan sièl la, li détoui yo tout. Sé konsa sa ap fèt jou Pitit moun nan ap révéle sa-l yé-a.

Jou sa-a, moun k-ap sou tèt kay, si-l gin afè-l nan kay la, li pa bézouin tounin dèyè. Sonjé madanm Lòt la. Moun k-ap chèché sovè lavi-l, l-ap pèdi-l ; sé moun k-ap pèdi-l, k-ap jouinn li nèl alé.

Mouin di nou : nan nuit sa-a, ap gin dé moun nan yon sèl kabann : y-ap pran youn, y-ap kité lòt la ; ap gin dé moun k-ap moulin ansanm : y-ap pran youn, y-ap kité lòt la ; ap gin dé moun nan jadin : y-ap pran youn, y-ap kité lòt la ».

Yo pran laparòl, yo di-l : « Ki koté, Granmèt ? »

Li di yo : « Koté kò-a ap yé-a, sé la ègl yo ap rasanblé ».

Paròl Granmèt la.

Samdi

Ané 1

PRÉMIÉ LÉKTU

*Yon chémin san antrav parèt nan lanmè Rouj la ;
yo vòltijé tankou mouton.*

Léktu liv Sajès la

18, 14-16 ; 19, 6-9

Pandan yon silans lapè té vlopé tout bagay, étan lannuit la té rivé nan mitan kous chémin-l, paròl ou-a ki gin tout pouvoua-a sot nan sièl la, nan tro-n roua yo ; tankou yon vanyan sòlda li fonsé nan mitan tè ki gin pou disparèt la ; li poté yon épé pouintu : kòmandman-ou nan ki pap défèt la ; li kanpé, li plin tout bagay ak lanmò ; pandan-l kanpé sou tè-a, li té rivé jous nan sièl la.

Tout kréyatu té réfèt dapré katégori li té ginyin nan kòmansman-an, pou-l sèvi kòmandman-ou yo, pou pitit ou yo té kapab jouinn protéksion kont tou sa ki mal.

Réyèlman, niaj la té kouvri koté yo pozé tant yo-a. Épi koté ki té gin dlo avan-an, sé tè sèk ki vi-n parèt ; nan lanmè Rouj la sé yon chémin san antrav ki parèt, épi yon jadin plant nan fon lanmè-a ; tout nasion-an

travèsé ladan-l, sé min-ou ki té protéjé-l, yo té ouè mèvèy ou yo ak prodij yo.

Yo té tankou choual ki nan jadin zèb ; tankou mouton, yo t-ap vòltijé, antan y-ap chanté louanj ou, Granmèt, ou minm ki té libéré yo-a.

Paròl Granmèt la.

PSÒM RÉPONS

Ps 104, 2-3. 36-37. 42-43 (R: 5 a)

R: Sonjé mèvèy yo Granmèt la té fè-a.

oubyin : Alélouya.

- ² Chanté pou li, joué mizik pou li,
kalkilé sou tout mèvèy li yo.
- ³ Tiré louanj nou nan non-l ki sin-an,
sé pou kè k-ap chèché Granmèt la yo kontan. R:
- ³⁶ Li frapé tout premié pitit nan péyi yo-a,
premié pitit tout fòs yo.
- ³⁷ Li fè yo soti avèk lajan ak lò ;
pa gin malad nan ras pa yo. R:
- ⁴² Sèké li té sonjé paròl li ki sin-an,
sa-l té di Abraam sèvitè-l la.
- ⁴³ Li fè pèp li-a soti ak kè kontan,
sa yo li chouazi-a avèk fèt. R:

Ané 2

PRÉMIÉ LÉKTU

Nou doué résévoua frè yo, pou nou kapab asosié vérité-a.

Léktu touazièm lèt apot sin Jan

5-8

Ou minm mouin rinmin anpil la, ou viv dapré lafoua-ou vré nan tou sa ou fè pou frè yo, malgré yo sé étranjé k-ap pasé. Yo bay témouayaj sou charité-ou la dévan fas Égliz la. Ou-a fè sa ki bon antan ou-ap édé yo vouayajé yon jan ki korésponn ak sa Bondié vlé-a. Paské sé potèt non-l yo pati, san yo pa pran anyin nan min moun nasion yo. Konsa nou minm, nou doué résévoua kalité moun sa yo byin, pou nou vi-n antré konsa nan travay y-ap fè pou vérité-a.

Paròl Granmèt la.

PSÒM RÉPONS

Ps 111, 1-2. 3-4. 5-6 (R: 1 a)

R: Ala kontantman pou moun ki krinn Granmèt la.

oubyin : Alélouya.

- 1 Ala kontantman pou moun ki krinn Granmèt la,
ki mét plézi-l nèt nan lòd li yo.
- 2 Désandans li ap gin pouvoua sou tè-a,
ras moun kòrèk yo ap béni. R:
- 3 Gloua ak richès nan kay li,
jistis li ap rété pou tout tan gin tan.
- 4 Limiè-l ap lévé nan fènoua, pou moun kòrèk yo,
li gin mizérikòd, li pran pitié, li kòrèk. R:
- 5 Ala kontantman pou moun sa-a ki pran pitié, ki préte,
ki réglé afè-l yo kòrèk,
- 6 paské sé pou tout tan li pap souké.
Moun ki kòrèk la, y-ap sonjé-l tout tan. R:

ALÉLOUYA

Cf. 2 Tés 2, 14

R: Alélouya. Bondié rélé nou pa lintèmediè Bòn Nouvèl la,
pou nou jouinn gloua Granmèt nou Jézu-Kri. R: Alélouya.

ÉVANJIL

*Bondié ap tiré vanjans pou sila yo li chouazi-a,
k-ap rélé koté-l la.*

✠ Léktu sint Évanjil la dapré Luk

18, 1-8

Lè sa-a :

Jézu t-ap di disip li yo yon parabol, pou montré fò yo toujou ap priyé,
san yo pa janm sispann ; li di : « Té gin yon jij nan yon vil, li pa-t krinn
Bondié, li pa-t respékté moun.

Nan vil sa-a gin yon vèv ki té konn vi-n koté-l ap di : “Fè-m jistis anba
min sa k-ap pèsékité-m nan”. Pandan lontan, li pa-t vlé.

Apré sa, li di nan kè-l : “Minn si mouin pa krinn Bondié, mouin pa
respékté moun, sèlman, paské vèv sa-a ap fatigé-m, m-ap fè-l jistis pou-l
pa vi-n kasé tèt mouin ankò” ».

Granmèt la di : « Kouté sa mové jij sa-a di. Épi Bondié pa t-a fè jistis pou sa yo li chouazi-a, k-ap rélé koté-l lajounin kon lannuit ? èské l-ap fè yo pran pasians toujou ? Mouin di nou l-ap fè vit, l-ap rann yo jistis. Sèlman, lè Pitit moun nan va rivé, èské nou kouè l-ap jouinn lafoua sou tè-a ? »

Paròl Granmèt la.

TRANNTOUAZIÈM SÈMÈN ÒDINÈ

Dimanch, ané A

PRÉMIÉ LÉKTU

Li travay avèk ladrès min li.

Léktu liv Provèb yo

31, 10-13. 19-20. 30-31

Madanm ki gin kouraj la, kilès k-ap jouinn li ? Byin louin dépasé dènié bout péyi, li gin valè. Kè mari-l gin konfians nan li, li pa manké jouinn avantaj ; pandan tout tan lavi madanm nan, sé byin l-ap fè pou mari-l, sé pa mal ; li chèché linn ak koton, li travay yo avèk ladrès min-l.

Li lonjé min-l nan plòt fil la, douèt li pa pè manyin zégui ; li louvri min-l bay maléré-a, li lonjé plat min-l bay pòv la.

Bèl prezantasion tronpé, bèl figi vid : madanm ki krinn Granmèt la, sé li minm ki mérité louanj. Ba li nan foui min-l, sé pou travay li fè louanj li nan pòt vil yo.

Paròl Granmèt la.

PSÒM RÉPONS

Ps 127, 1-2. 3. 4-5 (R: : cf. 1 a)

R: Ala kontantman pou tout moun ki krinn Granmèt la.

1 Ala kontantman pou tout moun ki krinn Granmèt la,
k-ap maché nan rout li yo.

2 Sé foui travay min-ou ou-ap manjé,
ala kontantman pou ou, ou-ap jouinn avantaj. **R:**

3 Madanm ou ap tankou yon jadin rézin ki byin donnin
sou bò kay ou ;
pitit ou yo ap tankou jinn plant pié oliv
alantou tab ou-a. **R:**

4 Min sé konsa moun nan ap béni,
sa-k krinn Granmèt la.

5 Sé pou Granmèt la béni-ou sot nan Siyon,
sé pou-ou ouè byin Jérusalèm touléjou lavi-ou. **R:**

DÉZIÈM LÉKTU

Pa kité jou Grammèt la sézi nou tankou vòlè.

Léktu prémié lèt apot sin Pòl pou Tésalonisyin yo**5, 1-6**

Frè-m yo :

Kanta pou tan yo avèk lè yo, nou pa bézouin pou-n ékri nou sou sa ; nou minm nou konn sa byin : jou Grammèt la, sé tankou yon vòlè nan nuit, sé konsa l-ap vini.

Réyèlman, lè moun yo ap di : « Lapè ak trankilité », sé lè sa-a, sanzatan, pakèt fòs lanmò ap tonbé sou yo, tankou doulè sou yon madanm ki ansint, épi yo pap chapé. Kanta nou minm, frè yo, nou pa nan fènoua, pou jou sa-a sézi nou tankou yon vòlè ; sèké nou tout, nou sé pitit limiè ak pitit lajounin ; nou pa moun nan nuit ni moun fènoua.

Konsa, nou pa doué rét ap dòmi tankou lòt yo, min sé pou nou véyé, pou nou kontrolé tèt nou dévan manjé ak bouè.

Paròl Grammèt la.

ALÉLOUYA

Jan 15, 4 a. 5 b

✠ Alélouya. Rété nan mouin, épi mouin minm nan nou,
sé sa Grammèt la di ;
moun ki rété nan mouin, li poté anpil frui. ✠ Alélouya.

ÉVANJIL

*Poutèt ou té fidèl sou yon ti bagay,
antré nan kè kontan mèt ou-a.*

✠ **Léktu sint Évanjil la dapré Matié****25, 14-30**

Lè sa-a : Jézu di disip li yo parabòl sa-a :

« Yon mésié t-ap pati al nan vouayaj, li rélé sèvitè-l yo, li rimmèt yo byin-l yo ; youn li ba-l sink talan, yon lòt minm dé, épi yon lòt yon sèl ; chak moun dapré kapasité pa-l ; apré sa li pati la minm. Sa-k té résévoua sink talan-an, l-alé, li travay avèk yo, li rapòté sink lòt. Minm jan-an tou sa-k té résévoua dé talan-an, li rapòté dé lòt. Min sa-k té résévoua yon sèl la, l-al foyé nan tè-a, li kaché lajan mèt li-a.

Apré anpil tan, mèt sèvitè sa yo vini, li mandé règléman avèk yo.

Sa-k té résévoua sink talan-an, li proché li prézanté sink lòt talan, li di : “Mèt, sé sink talan ou té ban mouin, min sink lòt mouin rapòté”. Mèt li di-l : “Sé byin, bon sèvitè ki fidèl : poutèt ou té fidèl sou yon ti kras, m-ap instalé-ou sou anpil ; antré nan kè kontan mèt ou”.

Sa-k té résévoua dé talan-an proché tou, li di : “Mèt, sé dé talan ou té rinnèt mouin, min ; dé lòt mouin rapòté”. Mèt li di-l : “Sé byin, bon sèvitè ki fidèl : poutèt ou té fidèl sou yon ti kras, m-ap instalé-ou sou anpil ; antré nan kè kontan mèt ou”.

Sa-k té résévoua yon sèl talan-an, li proché atò, li di : “Mèt, mouin konnin ou sé yon moun ki rès ; ou rékòlté koté ou pa simin ; ou ranmasé koté ou pa planté. Mouin té pè, m-alé, mouin kaché talan-ou nan anba tè-a ; min li, pran afè-ou”.

Mèt li réponn, li di-l : “Mové sèvitè, ou parésé ! Ou té konnin mouin rékòlté koté mouin pa simin, mouin ranmasé koté mouin pa planté : ou té doué rinnèt lajan-m nan labank, lè-m vini mouin t-a résévoua sa-m dépozé-a avèk bénéfis. — Pran talan-an nan min-l, bay moun ki gin dis talan-an ; konsa tout moun ki ginyin, y-ap ba li, l-ap gin plis ; moun ki pa ginyin-an minm, sa-l konprann li ginyin-an minm, y-ap ouété-l sot nan min-l. Épi sèvitè sa-a ki pa vo anyin-an, jété-l nan fènoua déyò yo : koté sa-a ap gin rèl ak manjé dan” ».

Paròl Granmèt la.

oubyin pi kout

✠ Léktu sint Évanjil la dapré Matié

25, 14-15. 19-21

Lè sa-a : Jézu di disip li yo parabol sa-a :

« Yon mésié t-ap pati al nan vouayaj, li rélé sèvitè-l yo, li rinnèt yo byin-l yo : youn li ba-l sink talan, yon lòt minm dé, épi yon lòt yon sèl ; chak moun dapré kapasité pa-l ; apré sa li pati la minm.

Apré anpil tan, mèt sèvitè sa yo vini, li mandé règléman avèk yo.

Sa-k té résévoua sink talan-an, li proché, li prézanté sink lòt talan, li di : “Mèt, sé sink talan ou té ban mouin ; min sink lòt mouin rapòté”. Mèt li di-l : “Sé byin, bon sèvitè ki fidèl : poutèt ou té fidèl sou yon ti kras, m-ap instalé-ou sou anpil : antré nan kè kontan mèt ou” ».

Paròl Granmèt la.

Dimanch, ané B

PRÉMIÉ LÉKTU

Lè sa-a pèp ou-a ap sové.

Léktu liv profèt Danièl

12, 1-3

Lè sa-a, Michèl gran chèf la ap lèvé, li minm ki kanpé pou pitit pèp ou-a ; gin yon tan k-ap rivé ki pa-t gin parèy li dépi nasion yo té kòmansé égzisté jous nan tan sa-a. Épi nan tan sa-a, pèp ou-a, tout moun y-ap jouinn non yo ékri nan liv la, y-ap sové.

Anpil nan sa yo k-ap dòmi nan pousiè tè-a, y-ap révéyé ; yon pòsion pou lavi tout tan-an, lòt yo pou laront la, pou sé laront yo ouè tout tan.

Moun yo ki té savan yo, y-ap kléré tankou klété sièl la, épi moun yo ki té bay anpil lòt yo ansègnman sou jistis la, y-ap tankou zétoual yo pou tout tan gin tan.

Paròl Granmèt la.

PSÒM RÉPONS

Ps 15, 5 é 8. 9-10. 11 (R : 1)

- R: Prézèvé-m, Bondié, paské mouin espéré nan ou
- 5 Granmèt, pòsion éritaj mouin ak kalis mouin :
sé ou minm ki kinbé déstiné mouin.
- 8 Mouin té mété Granmèt la dévan fas mouin tout tan,
paské li adouat mouin, mouin pap tranblé. R
- 9 Sé pousa kè-m kontan,
tout anndan fon kè-m ap fété,
chè-m nan minm pozé nan espérans.
- 10 Paské ou pap lagé nanm mouin nan abitasion mò yo,
ou pap kité sin-ou nan ouè dékonpozision. R
- 11 Ou-ap fè-m konnin rout lavi yo,
kè kontan k-ap débòdé dévan fas ou,
plézi adouat ou jous pou tout tan. R

DÉZIÈM LÉKTU

Ak yon sèl sakrifis li fè yo vi-n nèt pou tout tan.

Léktu lèt pou Ébré yo

10, 11-14. 18

Tout prèt bliyé ap fè sèvis chak jou, ap ofri minm sakrifis yo anpil fous, sakrifis ki pa janm kapab ouété péché yo ; min kanta li minm minm, sé yon sèl sakrifis li ofri pou péché yo, apré sa li chita pou tout tan adouat Bondié, l-ap tann ankò « joustan yo pozé ènmi-l yo kòm machéskalié pou pié-l ».

Sèké sé avèk yon sèl sakrifis li fè moun yo vi-n sin nèt pou tout tan. Koté yo fi-n padonnin yo-a, pa gin sakrifis pou péché ankò.

Paròl Granmèt la.

ALÉLOUYA

Lk 21, 36

✠ Alélouya. Vyé, priyé tout tan,
pou nou mérité kanpé dévan Pitit moun nan. ✠ Alélouya.

ÉVANJIL

*L-ap ranmasé sa yo li chouazi-a
sot nan kat diréksion van-an.*

✠ Léktu sint Évanjil la dapré Mark

13, 24-32

Lè sa-a : Jézu di disip li yo :

« Jou sa yo, apré gran tray la solèy la ap vi-n fènoua, lali-n nan pap bay klèté-l, zétoual sièl yo ap tonbé, pouvoua yo ki nan sièl yo ap tranblé.

Lè sa-a y-ap ouè Pitit moun nan k-ap vini nan nuaj yo avèk anpil pouvoua ak gloua. Lè sa-a tou l-ap voyé Anj li yo, l-ap ranmasé sa yo li chouazi-a sot nan kat diréksion van-an, dépi nan bout tè-a jous nan bout sièl la.

Pran léson konparézon sou pié figié-a : lè-l pran boujonin, lè fèy li kòmansé pousé, nou konnin tan cho-a tou pré ; konsa tou pou nou minm, lè n-a ouè bagay sa yo rivé, n-a konnin li tou pré, nan papòt la.

Amèn, mouin di nou, jénérasyon sa-a pap pasé, jous lè tout bagay sa yo rivé. Sièl la ak tè-a ap pasé, min paròl mouin yo pap pasé. Kanta pou

jou-a minm oubyin lè-a, pèsònn pa konnin, ni Anj yo nan sièl la, ni Pitit la, sof Papa-a ».

Paròl Granmèt la.

Dimanch, ané C

PRÉMIÉ LÉKTU

Solèy jistis la ap lèvé pou nou.

Léktu liv profèt Malachi

3, 19-20 a

« Min jou-a k-ap rivé, l-ap flanbé tankou yon boukan difé ; tout moun k-ap lèvé tèt yo, tou sa k-ap fè péché yo, y-ap tankou pay, jou-a k-ap vini-an ap boulé yo, sé sa Granmèt lamé yo di, li pap kite ni rasi-n ni boujon pou yo.

Min nou minm ki krinn non mouin-an, solèy jistis la ap lèvé pou nou, l-ap gin fòs gérizon nan réyon-l yo ».

Paròl Granmèt la.

PSÒM RÉPONS

Ps 97, 5-6. 7-9 a. 9 bc (R: cf. 9)

R: Granmèt la ap vini pou-l jijé pèp yo nan sa ki douat.

⁵ Chanté pou Granmèt la sou gita,
sou gita ak son mizik ;

⁶ sou tronpèt ki dous ak son kòn,
fè konpliman dévan fas Granmèt la ki roua-a. R:

⁷ Sé pou lanmè-a sonnin ak sa-k plin-l nan,
fas tè-a, ak sa ki abité nan li yo.

⁸ Sé pou riviè yo bat bravo,
sé pou tout mòn yo fété

⁹ dévan fas Granmèt la, paské l-ap vi-n jijé tè-a. R:

L-ap jijé fas tè yo nan jistis
ak pèp yo nan égalité. R:

DÉZIÈM LÉKTU

*Si yon moun pa vlé travay,
li pa doué manjé non plis tou.*

Léktu dézièm lèt apot sin Pòl pou Tésalonisyin yo

3, 7-12

Frè-m yo :

Nou konnin kijan pou nou pran modèl sou nou, paské nou pa-t rété nan mitan nou san nou pa fè anyin, nou pa-t manjé pin lòt moun pou granmési ; min sé nan travay avèk fatig nannuit ak lajounin nou t-ap rédi, pou nou pa pézé sou kont pèsonn nan nou. Sé pa paské nou pa t-a gin doua, min sé pou nou té kapab mété nou kòm modèl pou nou imité.

Réyèlman, lè nou té lakay nou-an, nou té konn déklaré nou sa : si yon moun pa vlé travay, li pa doué manjé non plis tou. Nou tandé gin kèk moun nan pami nou k-ap maché san yo pa fè anyin, yo san souf, y-ap okipé sa-k pa gadé yo.

Moun sa yo, k-ap aji konsa-a, nou dénonse yo, nou mandé yo, tanpri, o non Granmèt Jézu-Kri, pou yo travay trankil, pou yo manjé pin pa yo.

Paròl Granmèt la.

ALÉLOUYA

Lk 21, 28

✠ Alélouya. Gadé, lévé tèt nou,
paské rédanmsion nou-an ap proche. ✠ Alélouya.

ÉVANJIL

Nan pasians nou n-ap jouinn lavi nou.

✠ **Léktu sint Évanjil la dapré Luk**

21, 5-19

Té gin kèk moun ki t-ap palé sou tanp la : kijan li dékoré avèk bèl ròch ak bèl kado. Jézu di : « Bagay sa yo nou ouè-a, gin jou k-ap rivé, pap rété ròch sou ròch nan yo ki pap détoui ».

Yo t-ap pozé-l késion, yo t-ap di : « Mèt, kilè bagay sa yo ap rivé, épi ki sign k-ap fè konnin lè y-ap komansé ? »

Li di : « Atansion pou yo pa tronpé nou ; sèkè anpil moun ap vini o non mouin, y-ap di : “Sé mouin minm, épi tan-an ap rivé” ; pa suiv yo.

Lè n-ap tandé palé sou lagè ak révòlt, pa pè : bagay sa yo gin pou yo rivé anvan, min sé pap finisman-an tout-suit ».

Lè sa-a li t-ap di yo : « Nasion ap lévé kont nasion, péyi roua kont péyi roua. Ap gin gran tranbléman-tè kèk koté, épidémi, grangou, bagay nan sièl la k-ap fè moun tranblé, épi gran sign.

Min anvan tout bagay sa yo, y-ap mét min sou nou, y-ap pèsékité nou, y-ap rinnèt nou nan sinagòg yo ak nan prizon yo, y-ap trinnin nou dévan roua yo ak préfè yo poutèt non mouin ; sa ap ba nou okazion pou nou témouagné.

Mété sa byin nan kè nou : nou pa bézouin préparé sa n-ap réponn. Sé mouin minm k-ap ba nou yon bouch ak sajàs ki fè okinn ènmi nou yo pap kapab rézisté nou, ni démanti nou.

Épi sa k-ap rinnèt nou yo, sé paran nou, frè nou, fanmi nou, zanmi nou ; y-ap touyé kèk nan nou, tout moun ap rayi nou poutèt non mouin, min yon chévé nan tèt nou pap péri : sé nan pasians nou n-ap jouinn lavi nou ».

Paròl Granmèt la.

Lindi

Ané 1

PRÉMIÉ LÉKTU

Vi-n gin yon gran kòlè sou pèp la.

Léktu prémié liv Makabé yo

1, 10-15. 41-43. 54-57. 62-64

Jou sa yo :

Gin yon rasi-n péché ki lévé, sé Antiokus ki gin gran répitasion-an, pitit roua Antiokus ki té prizonié a Ròm, épi ki té vi-n roua nan ané santrannsèt dépi kòmansman péyi roua Grèk yo.

Jou sa yo, gin kèk pitit méchansté ki lévé nan Israèl, yo pran tèt anpil moun, yo di : « An-alé pou nou pasé alians avèk nasion yo ki alantou nou yo, paské dépi lè nou ralé kò nou sot sou yo-a, nou jouinn anpil malè ». Paròl sa-a sanblé gin bon sans nan jé yo ; yo chouazi kèk moun nan pèp la, y-al jouinn roua-a épi li ba yo pouvoua pou yo adopté konpòtman nasion yo. Yo bati stad jimnastik nan Jérusalèm dapré abitud nasion yo ;

yo éfasé tras sikonsizion yo, yo viré do bay aliens ki sin-an, yo fè yon sèl ak nasion yo, yo vann tèt yo pou yo fè sa-k mal.

Roua Antiokus ékri tout péyi koté-l roua-a, pou tout moun fè yon sèl pèp, pou chak moun abandoné laloua pa-l. Tout nasion yo vi-n dakò pou yo viv dapré paròl roua Antiokus la, épi anpil moun nan Israèl vi-n dakò pou yo antré nan ésklavaj li-a, yo ofri sakrifis bay zidòl yo, yo avili saba-a.

Kinzièm jou moua Kaslé-a, sankaransinkiem ané-a, roua Antiokus drésé sou lotèl Bondié-a zidòl ravaj la ki mérité pou yo rayi-l la ; nan tout vil Juda yo toutalantou, yo drésé lotèl pou zidòl. Dévan pòt kay yo ak nan plas yo yo t-ap boulé lansan, yo t-ap ofri sakrifis, yo té chiré liv laloua Bondié yo épi yo té boulé yo nan difé ; ninpòt ki moun yo té jouinn ki té gin liv aliens Granmèt la nan kay li, épi ninpòt ki moun ki t-ap obsèvé laloua Granmèt la, yo té konn touyé-l dapré lòd roua-a.

Anpil moun nan pèp Israèl la té pran rézolisyon fèm pou yo pa manjé bagay ki pa pròp, yo té pito mouri pasé pou yo sal kò yo ak manjé ki pa pròp, yo pa-t vlé krazé laloua Bondié-a ki sin-an ; épi yo touyé yo. Gin yon gran gran kòlè ki vi-n fonn sou pèp la.

Paròl Granmèt la.

PSÒM RÉPONS

Ps 118, 53. 61. 134. 150. 155. 158 (R: : cf. 88)

R: Fè-m viv, Granmèt, pou-m kinbé kòmandman-ou yo.

⁵³ Laront sézi-m

poutèt péchè yo k-ap abandoné laloua-ou la. R:

⁶¹ Kòd péchè yo maré-m,

min mouin pa bliyé laloua-ou la. R:

¹³⁴ Délivré-m sot nan rapò-manti moun yo,

pou-m kinbé kòmandman-ou yo. R:

¹⁵⁰ Y-ap proché, sa yo k-ap pèsékité-m nan méchansté yo,

min yo rét louin laloua-ou la. R:

¹⁵⁵ Li louin péchè yo, sové ou sové nou-an,

paské yo pa chèché désizion-ou yo. R:

¹⁵⁸ Mouin ouè sa yo k-ap fè rébèl yo, sa dégouté-m,

paské yo pa kinbé promès ou yo. R:

Ané 2

PRÉMIÉ LÉKTU

Sonjé koté-ou soti pou-ou tonbé, épi fè pénitans.

Kòmansman liv Apokalips apot sin Jan 1, 1-4 ; 2, 1-5 a

Apokalips Jézu-Kri, sa Bondié ba li-a pou-l dévoualé klè bay sèvitè-l yo « sa-k gin pou rivé byin vit yo », épi antan-l voyé Anj li-a bay sèvitè-l Jan, ki rann témouagnaj bay paròl Bondié-a ak témouagnaj Jézu-Kri-a, tou sa-l ouè yo. Ala kontantman pou moun ki li épi ki tandé paròl profési sa-a, épi ki kinbé bagay ki ékri ladan yo : tan-an tou pré réyèlman.

Jan pou sèt Égliz yo ki nan Azi-a. Gras pou nou ak lapè, sot nan sa-a ki la-a, ki té la-a épi k-ap vini-an, épi sot nan sèt éspri yo, ki dévan tro-n li-a.

Mouin té tandé Granmèt la k-ap di-m : « Pou Anj Égliz Éfèz la, ékri : Min sa-l di, sa-a ki kinbé sèt zétoual yo nan min douat li-a, li minm k-ap maché nan mitan sèt chandélié an lò yo : “Mouin konnin aksion-ou yo, ni travay ou, ni pasians ou, épi ou pa kapab sipòté méchan yo : sa yo ki di sé apot yo yé-a épi sé pa sa yo yé, épi ou té dékouvri sé mantè yo yé ; ou gin pasians, ou sipòté poutèt non mouin, ou pa lagé.

Min mouin gin kichòy kont ou, sèké ou té abandoné charité ou té ginyin anvan-an. Sonjé koté ou soti ou tonbé-a, épi fè pénitans, fè aksion lontan yo” ».

Paròl Granmèt la.

PSÒM RÉPONS

Ps 1, 1-2. 3. 4 é 6 (R: Ap 2, 7 b)

R: Moun ki ranpòté viktoua-a m-ap ba-l manjé nan pié boua lavi-a.

- 1 Ala kontantman pou moun ki pa alé
nan konsèy méchan yo,
ki pa kanpé nan chémin péchè yo,
ki pa chita nan asanblé k-ap pasé nan jouèt yo ;
- 2 min sé nan laloua Granmèt la volonté-l yé,
sé nan laloua-l la l-ap kalkilé lajounin ak lannuit. R:
- 3 L-ap tankou yon pié boua ki planté sou bò kouran dlo,
k-ap donnin foui-l nan tan li,

li pap pèdi fèy li,
 tou sa l-ap fè ap réyisi. **R:**

- ⁴ Sé pa konsa pou méchan yo, sé pa konsa,
 min y-ap tankou pousiè van ap voyé jété.
⁶ Sèké Granmèt la konnin chémin moun kòrèk yo,
 min rout méchan yo ap péri. **R:**

ALÉLOUYA

Jan 8, 12

R: Alélouya. Mouin sé limiè tè-a, sé sa Granmèt la di ;
 moun k-ap suiv mouin ap gin limiè lavi-a. **R:** Alélouya.

ÉVANJIL

Ki sa-ou vlé pou-m fè ? — Granmèt, fè-m ouè.

✠ Léktu sint Évanjil la dapré Luk

18, 35-43

Lè sa-a :

Rivé, pandan Jézu ap proché Jériko, yon avèg té chita bò rout la, l-ap mandé charité. Lè-l tandé foul la k-ap pasé, li t-ap mandé sa sa yé. Yo di-l sé Jézu moun Nazarèt la k-ap pasé.

Li rélé byin fò, li di : « Jézu, pitit David, pitié pou mouin ». Moun yo ki t-ap maché dévan-an, yo t-ap fè-l obsèvasion pou-l pé bouch li ; min li minm minm sé plis li t-ap rélé pi fò : « Pitit David, pitié pou mouin ».

Jézu minm kanpé, li pasé lòd pou yo minnin-l koté-l.

Pandan l-ap proché, li mandé-l : « Ki sa-ou vlé pou-m fè ? »

Li minm li di : « Granmèt fè-m ouè ».

Jézu di-l : « Sé pou-ou ouè, lafoua-ou sové-ou ».

Minm lè-a, li ouè, épi li t-ap suiv li antan l-ap fè konpliman pou Bondié. Tout foul la, lè-l ouè sa, li fè louanj pou Bondié.

Paròl Granmèt la.

Madi

Ané 1

PRÉMIÉ LÉKTU

*Pètèt m-a kité égzanp, si paraza mouin jouinn
yon lanmò ki respéktab pou laloua yo.*

Léktu dézièm liv Makabé yo

6, 18-31

Jou sa yo :

Éléazar té youn nan pi gran skrib yo ; sé té yon moun ki té gin anpil laj, ki té gin bèl aparans. Yo louvri bouch li, yo fòsé-l manjé viann kochon. Min li minm, li pi pito yon lanmò ki plin gloua pasé yon lavi ki mérité yo rayi-l : li pran dévan pou-l al pasé mati ak tout fòs volonté-l. Li té ouè kijan li doué maché, li sipòté avèk pasians, li té pran désizion pou-l pa aksépté sa ki pa dakò ak laloua-a, si sé sa li t-a doué fè pou sové lavi-l.

Moun yo minm ki té kanpé-a, yo té trésayi ak yon mové santiman pitié poutèt yo té zanmi-l dépi lontan ; yo pran-l apa, yo t-ap sipliyé-l pou-l fè yo poté viann li gin doua manjé, pou-l té fè kòm si li t-ap manjé nan viann sakrifis yo jan roua-a té pasé lòd la. Pou jès sa-a li t-a fè-a t-a kapab délivré-l sot nan lanmò-a, épi poutèt zanmi yo té zanmi-l dépi lontan, sé pou sa yo té aji ak bon kè pou li. Min li minm li kòmansé réfléchi sou gran kondision laj li ak viyéès li, avèk sou chévé blanch ki té ba-l konsidérasion natirèl, épi sou bon konduit li té ginyin dépi-l té tou piti ; dapré règléman laloua ki sin-an, laloua Bondié fè-a, li réponn tout-suit, li di li vlé pou yo voyé-l byin vit anba tè-a.

Li déklaré : « Sa pa kadré avèk laj nou pou nou nan fè sanblan ; pou anpil nan jèn jan yo konprann Éléazar nan laj katrévindizan travèsé nan mòd lavi étranjé yo, épi yo minm poutèt sanblan mouin fè-a épi poutèt yon ti kras tan lavi k-ap péri-a, yo t-a tronpé, épi konsa mouin t-a résévoua tach sa-a avèk laront sa-a pou viyéès mouin. Réyéelman, minm si mouin chapé sot nan mové trétman lézòm nan tan koulié-a, min mouin pap chapé sot nan min Sa-a ki gin tout pouvoua-a, ni antan-m vivan ni antan-m mouri. Sé pou sa antan mouin kité lavi-a avèk kouraj, mouin montré mouin respékté viyéès la ; épi pètèt m-ap kité yon égzanp pou jèn jan yo, si mouin aksépté yon lanmò ki respéktab avèk tout kè-m, tout kouraj mouin pou laloua yo ki inpòtan anpil yo, ki sin anpil yo ».

Kon-l fi-n di sa, minm lè-a, yo kondui-l al pasé mati. Moun yo minm ki t-ap kondui-l yo, épi ki té byin dou yon ti moman anvan, yo vi-n chanjé, yo vi-n nan kòlè poutèt paròl yo li di-a, yo té konprann sé avèk arogans li té di yo.

Mín, pandan l-ap sibi kout fouèt, l-ap plinn, li di : « Granmèt, ou minm ki gin sians ki sin-an, ou byin konnin malgré mouin t-a kapab fè yo libéré-m sot nan lanmò, m-ap sipòté doulè ki rèd nan kò mouin ; épi nan nanm mouin tou m-ap sipòté yo ak tout kè-m poutèt krint mouin gin pou ou ».

Sé konsa li kité lavi-a, antan-l kité souvni lanmò kòm égzanp kouraj ak fòs pa sèlman pou jèn jan yo, min pou tout moun.

Paròl Granmèt la.

PSÒM RÉPONS

Ps 3, 2-3. 4-5. 6-7 (R: 6 b)

R: Granmèt la résévoua-m.

2 Granmèt, sé pa ti kras anpil yo anpil sa yo k-ap fè-m pasé tribilasion-an.

Yo anpil ki lévé kont mouin,

3 yo anpil k-ap di nanm mouin :

« Li pap sovè nan Bondié ». R:

4 Ou minm, Granmèt, ou sèvi-m protèksion,
gloua-m, ou-ap lévé tèt mouin.

5 Ak voua-m m-ap rélé kot Granmèt la,
li kouté-m antan-l sou mòn li ki sin-an. R:

6 Mouin minm mouin dòmi, mouin nan profon somèy,
mouin lévé, paské Granmèt la résévoua-m.

7 Mouin pa pè mil pèp k-ap antouré-m.
Lévé, Granmèt, sovè-m, Bondié mouin. R:

Ané 2**PRÉMIÉ LÉKTU**

*Si yon moun ouvri pòt la pou mouin, m-ap antré koté-l,
m-ap manjé avèk li.*

Léktu liv Apokalips apot sin Jan**3, 1-6. 14-22**

Mouin minm, Jan, mouin tandé Granmèt la k-ap di-m :

« Pou Anj Égliz Sard la, ékri : Min sa-l di, sa-a ki gin sèt éspri Bondié yo ak sèt zétoual yo : “Mouin konnin aksion-ou yo, ou poté non moun ki vivan min ou mouri. Sé pou-ou révéyé, épi, rès bagay yo ki prèt pou mouri yo, fè yo répran fòs ; sèké mouin pa jouinn aksion ou yo plin dévan Bondié-m nan. Sonjé kalité sa ou té résévoua-a ak sa ou té tandé-a ; épi kinbé yo, fè pénitans. Si-ou pa véyé, m-ap vini koté-ou tankou yon vòlè, ou pap konnin kilè m-ap vi-n koté-ou.

Min ou gin kèk non nan Sard, ki pa-t sal rad yo, k-ap maché avèk mouin ak rad tou blan, paské yo mérité sa.

Moun k-ap ranpòté viktoua-a, sé konsa l-ap abiyé ak rad blan, mouin pap éfasé non-l sot nan liv lavi-a, m-ap rékonèt non-l dévan Papa-m ak dévan Anj li yo”.

Moun ki gin zòrèy sé pou-l kouté sa Éspri-a di Égliz yo.

Pou Anj Égliz Laodisé-a, ékri : Min sa Amèn nan di, témouin fidèl la, vré-a, li minm ki kòmansman tou sa Bondié kréyé-a : “Mouin konnin aksion-ou yo, ou pa ni frèt ni cho : pito-ou té frèt oubyin cho ! Min, paské-ou tièd la épi ou pa ni frèt ni cho-a, m-ap kòmansé vomi-ou sot nan bouch mouin.

Paské-ou di : “Mouin rich, mouin anrichi, mouin pa bézouin anyin”, épi ou pa konnin ou mizérab, ou maléré, ou pòv, ou avèg, ou nu-kò. Mouin konséyé-ou pou-ou achté nan min-m ni lò ki pròpté nan difé-a pou-ou kapab vi-n rich, ni rad blan pou-ou abiyé, pou laront nu-kò-ou la pa parèt, ni pomad pou-ou froté jé-ou pou-ou kapab ouè.

Mouin minm, moun mouin rinmin yo, mouin réprann yo, mouin korijé yo. Konsa fè éfò, fè pénitans.

Min mouin kanpé nan pòt la, m-ap frapé : si yon moun tandé voua-m, li louvri pòt la ban mouin, m-ap antré koté-l, m-ap soupé avèk li, li minm avèk mouin. Moun ki ranpòté viktoua-a, m-ap ba-l posibilite pou-l chita

avèk mouin sou tro-n mouin-an, minm jan mouin minm mouin té ranpòté viktoua-a épi mouin chita avèk Papa-m sou tro-n li-a”.

Moun ki gin zòrèy, sé pou-l tandé sa Éspri-a di Égliz yo ».

Paròl Granmèt la.

PSÒM RÉPONS

Ps 14, 2-3 ab. 3 cd-4 ab. 5 (R: Ap 3, 21)

R: Moun ki ranpòté viktoua-a, m-ap fè-l chita avèk mouin sou tro-n mouin-an.

2 Moun k-ap maché san fot, k-ap fè jistis ;

3 k-ap palé vérité nan kè-l,
ki pa fè riz ak lang li. R:

Li pa fè prochin-l mal,
li pa fè prochin-l afron.

4 Li konsidéré méchan-an kòm anyin dévan jé-l,
min li fè louanj pou sa yo ki krinn Granmèt la. R:

5 Moun ki pa prété lajan ak intéré,
ki pa aksépté kado sou do inosan.
Moun ki aji konsa, li pap janm souké pou tout tan. R:

ALÉLOUYA

1 Jn 4, 10 b

R: Alélouya. Bondié té rinmin nou an premié,
li voyé Pitit li-a kòm padon pou péché nou yo. R: Alélouya.

ÉVANJIL

*Pitit moun nan vini pou-l chèché,
épi pou-l sové sa-k té péri-a.*

✠ Léktu sint Évanjil la dapré Luk

19, 1-10

Lè sa-a :

Jézu antré Jériko, l-ap travèsé vil la. Min yon mésié yo rélé Zaché, ki té chèf koléktè yo, ki té rich. Li t-ap chèché ouè Jézu, kilès li yé ; li pa-t kapab akòz foul la, paské li té tou kout. Li kouri dévan, li monté sou yon pié sikomò, pou-l ouè-l, paské li té gin pou-l pasé la.

Lè Jézu rivé koté sa-a, li lévé jé-l, li ouè-l, li di-l : « Zaché, fè vit, désann, paské jodi-a sé nan kay ou mouin gin pou-m rété ». Li fè vit, li désann, li résévoua-l avèk kontantman. Lè tout moun ouè sa, yo t-ap plinyin, yo t-ap di : sé kay yon péchè l-al manjé.

Zaché minm kanpé, li di Granmèt la : « Min mouatié byin-m yo, Granmèt, mouin bay pòv yo ; épi si-m té vòlè yon moun, mouin rinnèt li kat foua plis ».

Jézu minm di-l : « Jodi-a kay sa-a sové, paské li minm tou sé yon pitit Abraam. Sèké Pitit moun nan vini pou-l chèché épi pou-l sové sa-k té péri-a ».

Paròl Granmèt la.

Mèkrédi

Ané 1

PRÉMIÉ LÉKTU

*Sa-a ki kréyé tè-a, l-ap rinnèt nou
éspri-a ak lavi-a.*

Léktu dézièm liv Makabé yo

7, 1. 20-31

Jou sa yo :

Yo arété sèt frè, yo pran yo ansanm avèk manman yo, roua-a fòsé yo manjé viann kochon, antan yo bat yo avèk fouèt ak rigouaz.

Manman yo minm mérité konsidérasion dépasé tout jan, li mérité pou bon moun yo sonjé-l : li ouè sèt pitit li yo k-ap mouri nan yon sèl jou, épi li sipòté sa ak anpil kouraj poutèt éspérans li té gin nan Bondié. Li t-ap ankourajé yo chak nan lang papa yo avèk fòs, li té plin sajès, li mété nanm gason nan réfléksion li t-ap fè kòm fi, li di yo : « Mouin pa konnin kijan nou té parèt nan vant mouin, ni kijan mouin té ba nou éspri ak nanm ak lavi, ni sé pa mouin minm ki té konpozé manb nou chak ; min sé Sa-a ki kréyé tè-a, ki fòmé nésans moun, li minm ki jouinn sous tout bagay, sé li minm tou avèk mizérikòd li k-ap rinnèt nou éspri-a ak lavi-a, minm jan koulié-a nou méprizé pròp tèt nou poutèt laloua-l yo ».

Antiokus minm konprann sé li minm yo tout ansanm t-ap méprizé, li té sispèk paròl sa-a té gin bagay ladan-l k-ap jouré-l. Pandan sa-k té pi

piti-a té vivan toujou, non sèlman li t-ap ba-l konsèy ak paròl, min li té fè sèman l-ap fè-l vi-n rich pou-l alèz ; pou-l kité laloua papa-l yo, pou-l vi-n tounin zanmi-l, li t-ap ba-l sa li bézouin. Min, kòm jèn ti gason-an pa-t panché ditou sou bagay sa yo, roua-a rélé manman-an, li t-ap chèché pran tèt li pou-l sovè ti gason-an.

Apré roua-a fi-n di-l anpil paròl, li promèt l-ap bay pitit li-a konsèy ; konsa li panché sou li, li pasé gro chèf méchan-an nan jouèt, li di nan lang papa yo : « Pitit mouin, pran pitié pou mouin, sé mouin minm ki té poté-ou nan vant pandan nèf moua épi mouin té ba-ou tété, mouin té souin-ou pandan touazan, mouin fè-ou rivé nan laj sa-a. Mouin mandé-ou, pitit, tanpri, pou-ou gadé nan diréksion sièl la ak tè-a ak tout bagay ki nan yo, pou-ou konprann sé ak anyin Bondié té fè yo, ni ras moun. Konsa pa pè bouro sa-a, min sé pou-ou montré ou mérité minm ran ak frè-ou yo, aksépté lanmò, pou-m résévoua-ou avèk frè-ou yo nan tan mizérikòd la ».

Antan li t-ap palé toujou, ti gason-an di : « Ki sa n-ap tann ? Mouin pap obéyi lòd roua-a, min lòd laloua-a, sa yo té ba nou pa lintèmediè Moyiz la. Kanta ou minm, ki invanté tout méchansté sa-a kont Ébré yo, ou pap chapé nan min Bondié ».

Paròl Granmèt la.

PSÒM RÉPONS

Ps 16, 1. 5-6. 8 b é 15 (R : 15 b)

- R: Lè m-a lévé, m-ap satisfè dévan fas ou, Granmèt.
- ¹ Kouté jistis mouin, Granmèt,
panché sou priyè-m.
Paré zòrèy ou nan priyè-m
ki pa sot nan bouch manti. R:
- ⁵ Kinbé plant pié-m nan chémin-ou yo,
pou démach mouin pa tranblé.
- ⁶ Mouin minm sé koté-ou mouin rélé, paské ou kouté-m, Bondié ;
panché zòrèy ou sou mouin, kouté paròl mouin yo. R:
- ⁸ Protéjé-m tankou grinn jé,
anba lonbraj zèl ou, protéjé-m.
- ¹⁵ Kanta mouin minm, nan jistis ou m-ap ouè fas ou,
lè m-ap révéyé, m-ap satisfè dévan fas ou. R:

Ané 2

PRÉMIÉ LÉKTU

*Li sin, Granmèt Bondié ki gin tout pouvoua-a,
li minm ki té la, ki la épi k-ap vini-an.*

Léktu liv Apokalips apot sin Jan

4, 1-11

Mouin minm, Jan, mouin ouè : min yon pòt ki louvri nan sièl la, épi prémié voua-a mouin té tandé-a, li té tankou voua foul k-ap palé avèk mouin-an, k-ap di : « Monté isit la, m-ap montré-ou sa k-ap rivé apré bagay sa yo ». Minm lè-a mouin antré nan éspri-a : min yon tro-n yo instalé nan sièl la, sou tro-n nan gin yon pèsonaj ki chita.

Sa-k té chita-a, li té tankou aparans piè jasp ak sard, té gin akansièl alantou tro-n nan tankou aparans smaragd. Alantou tro-n nan té gin vinnkat ti tro-n, sou tro-n yo té gin vinnkat ansyin ki té. chita, yo té abiyé ak rad blan, sou tèt yo té gin kouròn lò ; nan tro-n nan té gin zéklè ki t-ap soti ak voua ak boui ; sèt lanp té limin dévan tro-n nan, sé sèt éspri Bondié yo.

Dévan tro-n nan, sé té tankou yon lanmè an vit tankou kristal ; nan mitan tro-n nan ak alantou tro-n nan té gin kat vivan plin jé dévan ak dèyè. Prémié vivan-an sanblé ak yon lion, dézièm vivan-an sanblé ak yon bèf, touazièm vivan-an té gin fas tankou fas moun, katriyèm vivan-an té sanblé ak yon ègl k-ap volé.

Kat vivan yo, yo chak té gin sis zèl, alantou ak anndan yo té plin ak jé, yo pa-t gin répo lajounin kon lannuit, yo t-ap di : « Li sin, li sin, li sin, Granmèt Bondié ki gin tout pouvoua-a, ki té la épi ki la épi k-ap vini-an ». Pandan vivan sa yo t-ap bay gloua ak konsidérasion ak konpliman pou sa-a ki chita sou tro-n nan, k-ap viv pou tout tan gin tan-an, vinnkat ansyin yo t-ap bésé dévan sa-a ki chita sou tro-n nan, yo t-ap adoré sa-a k-ap viv pou tout tan gin tan-an, yo t-ap voyé kouròn yo dévan tro-n nan, yo t-ap di : « Ou mérité sa, Granmèt Bondié nou, pou-ou résévoua gloua ak konsidérasion ak otorité ; paské ou té kréyé tout bagay, épi sé akòz volonté-ou yo té fèt, yo té kréyé ».

Paròl Granmèt la.

PSÒM RÉPONS

Ps 150, 1-2. 3-4. 5-6 (R : Ap 4, 8 b)

R : Ou sin, ou sin, ou sin, Granmèt Bondié ki gin tout pouvoua.

- 1 Fè louanj Granmèt la nan tanp li-a,
fè louanj li nan sièl pouvoua li.
- 2 Fè louanj li nan gran mèvèy li yo,
fè louanj li dapré kantité grandè-l. R:
- 3 Fè louanj li nan son tronpèt,
fè louanj li sou bandjo ak gita,
- 4 fè louanj li sou tanbou ak dans,
fè louanj li sou instriman a kòd avèk flit. R:
- 5 Fè louanj li ak sinbal k-ap sonnin byin,
fè louanj li ak sinbal fèt.
- 6 Tou sa k-ap réspiré, sé pou-l fè louanj Granmèt la. R:

ALÉLOUYA**Cf. Jan 15, 16**

R: Alélouya. Mouin chouazi nou sot sou tè-a, pou nou alé,
pou nou donnin foui, pou foui nou-an diré, sé sa Granmèt la di. R:
Alélouya.

ÉVANJIL*Poukisa ou pa-t mété lajan-m nan labank ?***✠ Léktu sint Évanjil la dapré Luk****19, 11-28**

Lè sa-a :

Jézu di yon parabòl, poutèt li té tou pré Jérusalèm, épi paské yo té konprann sé tout-suit péyi roua Bondié-a t-apral parèt.

Konsa li di : « Té gin yon mésié ki té nan gran ras, li té pati nan yon péyi ki louin pou-l résévoua péyi roua-a, épi pou-l tounin.

Li rélé dis sèvitè-l yo, li bay yo dis mi-n, li di yo : “Fè yo rapòté, joustan mouin vini”.

Sitouayin-l yo té rayi-l ; yo voyé yon délégasion apré-l, yo di : “Nou pa vlé pou sa-a vi-n roua sou nou”.

Lè-l tounin, apré li fi-n jouinn péyi roua-a, li pasé lòd pou yo rélé sèvitè yo, sa-l té bay lajan-an, pou-l konnin konbyin chak moun té rapòté.

Prémié-a rivé, li di : “Mèt, mi-n ou-an rapòté dis mi-n”. Li di-l : “Sé byin, bon sèvitè : paské ou té fidèl nan ti bagay, ou-ap jouinn pouvoua sou dis vil”.

Yon lòt rivé, li di : “Mèt, mi-n ou-an té fè sink mi-n”. Li di sa-a : “Ou minm tou ou-ap kòmandé sou sink vil”.

Yon lòt rivé, li di : “Mèt, min mi-n ou-an, mouin té dépozé-l nan yon mouchoua ; mouin té pè-ou, paské ou sé yon moun ki rèd : ou pran sa-ou pa mété, ou ranmasé sa-ou pa simin”.

Li di-l : “Sé ak bouch ou ou jijé pròp tèt ou, sèvitè ki pa vo anyin ; ou té konnin mouin sé yon moun ki rèd, mouin pran sa-m pa mété, épi mouin ranmasé sa-m pa simin, ébyin pouki sa ou pa-t mété lajan-m nan labank, pou lè-m rivé mouin t-a réprann li avèk intèrè ?”

Li di moun yo ki té kanpé la-a : “Ouété min-n nan sot nan min-l, épi bay moun ki gin dis mi-n nan”.

Yo di-l : “Mèt, li gin dis mi-n !”

“Mouin di nou, tout moun ki ginyin, y-ap ba li, l-ap gin an plis ; min sa-k pa ginyin-an, minm sa-l ginyin y-ap ouété-l sot nan min-l. Kanta pou ènmi-m sa yo, ki pa-t vlé pou-m kòmandé sou yo kòm roua-a, minnin yo isit la, touyé yo dévan-m” ».

Kon-l fi-n di sa, li pran dévan, l-ap monté Jérusalèm.

Paròl Granmèt la.

Jédi

Ané 1

PRÉMIÉ LÉKTU

N-ap obéyi laloua papa nou yo.

Léktu prémié liv Makabé yo

2, 15-29

Jou sa yo :

Moun yo roua Antiokus té voyé yo, yo rivé, pou yo fòsé sa yo ki kaché nan vil Modi-n nan, pou yo ofri sakrifis, pou yo boulé lansan, pou yo abandoné laloua Bondié-a ; anpil nan pèp Israèl la dakò, yo monté al jouinn yo, min Matatias ak pitit li yo kanpé fèm.

Sa yo Antiokus té voyé yo, yo pran laparòl, yo di Matatias : « Ou sé yon chèf, yon moun ki gin ran sipériè, ki gran nan vil sa-a, ou gin anpil pitit ak frè ; konsa, monté an premié épi fè sa roua-a kòmandé-a, jan tout nasion yo té fè yo ak moun Juda yo, ak sa-k rété nan Jérusalèm yo ; épi ni ou minm ni pitit ou yo n-ap nan pami zanmi roua-a, ou-ap plin ak lò ak lajan ak anpil kado ».

Matatias réponn, li di byin fò : « Minm si tout nasion yo t-a obéyi roua Antiokus, pou chak moun abandoné obligasion laloua papa yo, pou-l dakò ak lòd li yo, mouin minm ak pitit mouin yo ak frè-m yo, n-ap obéyi laloua papa nou yo. Bondié ap pran pitié pou nou, nou pa gin avantaj pou nou kité laloua ak désizion Bondié yo : nou pap kouté paròl roua Antiokus, ni nou pap ofri sakrifis, antan nou t-a pasé akoté kòmandman laloua nou-an, pou nou alé nan yon lòt chémin ».

Kon-l fi-n di paròl sa yo, gin yon Juif ki monté dévan jé tout moun pou-l ofri sakrifis zidòl sou lotèl la nan vil Modi-n nan, dapré lòd roua-a. Matatias ouè sa, li pran lapinn, rin-l tranblé, kòlè-l flanbé dapré jijman laloua-a, li fonsé, li touyé-l sou lotèl la. Ni mésié-a tou, sa roua Antiokus té voyé-a, ki t-ap fòsé-l pou-l ofri sakrifis la, li touyé-l minm lè-a, li détoui lotèl la, li pran défans laloua-a, tankou Finéyès té fè Zamri, pitit Salomi-an.

Matatias rélé byin fò, nan vil la, li di : « Tout moun ki cho pou laloua-a, ki kinbé aliens la, sé pou-l soti apré-m ». Li voyé kò-l ak pitit li yo nan mòn yo, yo kité tout bagay yo té ginyin nan vil la.

Lè sa-a atò anpil moun désann antan y-ap chèché jijman ak jistis nan dézè-a.

Paròl Granmèt la.

PSÒM RÉPONS

Ps 49, 1-2. 5-6. 14-15 (R : 23 b)

- R Moun ki san tach nan chémin-an,
m-ap montré-l sové Bondié sové nou-an.
- ¹ Bondié dié yo, Granmèt la palé,
li rélé tè-a dépi olévan jous okouchan.
- ² Dépi Siyon Granmèt la kléré avèk ékla ékstraòdinè. R
- ⁵ « Rasanblé sin-m yo ban mouin,
yo minm ki té pasé aliens mouin-an nan sakrifis la ».

- ⁶ Sièl yo ap anonsé jistis li,
paské Bondié sé yon jij. **R**
- ¹⁴ « Sakrifié sakrifis louanj pou Bondié,
rinmèt Sa-a ki anro nèt la sa-ou té promèt yo ;
- ¹⁵ rélé-m nan jou tribilasyon-an,
m-ap délivré-ou épi ou-ap onoré-m ». **R**

Ané 2

PRÉMIÉ LÉKTU

*Yo touyé Mouton-an, épi li rachté nou nan san-l
sot nan tout nasion.*

Léktu liv Apokalips apot sin Jan

5, 1-10

Mouin minm, Jan, mouin ouè adouat sa-a ki chita sou tro-n nan yon liv ki ékri anndan ak déyò, ki sélé sèt koté.

Mouin ouè yon anj ki gin fòs k-ap déklaré ak yon gran voua : « Kilès ki mérité louveri liv la, pou-l ouété sélé-l yo ? » Min pèsonn pa-t kapab louveri liv la pou yo li-l, ni nan sièl la, ni sou tè-a, ni anba tè-a. Mouin minm mouin t-ap kriyé anpil, paské yo pa-t jouinn pèsonn ki mérité louveri liv la ni li-l.

Youn nan ansyin yo di-m : « Pa kriyé : min lion-an ki sot nan ras Juda, rasi-n David la, li ranpòté viktoua, pou-l louveri liv la, pou-l ouété sèt sélé-l yo ».

Mouin ouè, épi nan mitan tro-n nan ak kat vivan yo ak nan mitan ansyin yo, min yon Mouton té kanpé tankou si yo té touyé-l, li té gin sèt kòn ak sèt jé, sé sèt éspri Bondié yo, yo voyé sou tout tè-a. Li rivé, li pran liv la nan min douat sa-a ki té chita sou tro-n nan. Kon-l louveri liv la, kat vivan yo ak vinnkat ansyin yo tonbé dévan Mouton-an, yo chak té gin gita ak véso an lò ki plin losion, sé priyé Sin yo. Yo t-ap chanté yon kantik nouvo, yo t-ap di : « Ou mérité sa vré, Granmèt, pou-ou résévoua liv la, pou-ou ouété sélé-l yo, paské yo té touyé-ou, épi ou rachté nou pou Bondié nan san-ou sot nan tout ras, lang, pèp ak nasion, épi ou fè nou vin tounin péyi roua ak prèt pou Bondié nou, n-ap kòmandé kòm roua sou tè-a ».

Paròl Granmèt la.

PSÒM RÉPONS

Ps 149, 1-2. 3-4. 5-6 a é 9 b (R: Ap 5, 10)

R: Ou fè nou vi-n tounin péyi roua ak prèt pou Bondié nou.

oubyin : Alélouya.

- 1 Chanté pou Granmèt la yon kantik nouvo ;
louanj li nan asanblé sin yo.
- 2 Sé pou Israèl kontan nan sa-a ki fè-l la,
sé pou pitit Siyon yo dansé pou roua yo. R:
- 3 Sé pou yo fè louanj pou non-l avèk dans,
sou tanbou ak gita sé pou yo chanté pou li.
- 4 Paské Granmèt la jouinn plézi nan pèp li-a,
li onoré sa-k dou yo nan sovè li sovè yo. R:
- 5 Sé pou sin yo fété nan gloua-a,
sé pou yo kontan sou kabann yo.
- 6 Louanj Bondié yo nan bouch yo :
- 9 gloua sa-a pou tout sin-l yo. R:

ALÉLOUYA

Cf. Ps 94, 8 ab

R: Alélouya. Jodi-a, pa fèmin kè nou,
min kouté voua Granmèt la. R: Alélouya.

ÉVANJIL

Si-ou té rékonèt sa k-ap ba-ou lapè-a.

✠ Léktu sint Évanjil la daprè Luk

19, 41-44

Pandan Jézu ap proché Jérusalèm, li ouè vil la, li kriyé sou li, li di :
« Si ou té konnin ou minm tou, épi jodi-a minm, sa k-ap ba-ou lapè ! Min
koulié-a li kaché pou jé-ou.

Sèké gin jou k-ap rivé sou-ou, ènmi-ou yo ap entouré-ou ak kannal yo
fouyé, y-ap sènin-ou, y-ap fèmin-ou tout koté, y-ap jété-ou atè ni ou
minm ni pitit ou yo ki anndan ou yo, yo pap kité ròch sou ròch nan ou ;
paské ou pa-t rékonèt moman ou té résévoua vizit la ».

Paròl Granmèt la.

Vandrédi

Ané 1

PRÉMIÉ LÉKTU

Yo fè konsékrasion lotèl la, yo ofri sakrifis avèk kè kontan.

Léktu prémié liv Makabé yo

4, 36-37. 52-59

Jou sa yo :

Juda ak frè-l yo di : « Min ènmi nou yo krazé ; an nou monté koulié-a pou nou pròpté Tanp la, pou nou réfè-l tou ». Tout lamé-a rasanblé, yo monté sou mòn Siyon-an.

Yo lévé byin bonè, granmatin, vinnsinkiem jou névièm moua-a (sé moua Kaslé-a) sankatrévin-uitièm ané-a ; yo ofri sakrifis dapré laloua-a sou lotèl nouvo, lotèl sakrifis antié yo, sa yo té fè-a. Dapré tan-an ak dapré jou-a, koté nasion yo té sal li-a, sé minm dat sa-a yo rénouvélé-l avèk kantik ak gita ak bandjo ak sinbal.

Tout pèp la tonbé sou fas li, yo adoré, yo fè konpliman nan sièl la pou sa-a ki té fè yo ranpòté viktoua-a, yo fè konsékrasion lotèl la pandan ui jou, yo ofri sakrifis antié avèk kè kontan, épi sakrifis k-ap sové yo épi k-ap fè louanj : yo dékoré fasad Tanp la avèk kouròn lò ak boukliyé, yo konsakré pòt yo ak sal yo, yo mété pòtay pou yo.

Vi-n gin yon gran kè kontan nan pèp la anpil ; laront nasion yo té poté-a, li éfasé. Juda désidé avèk frè-l yo ak tout asanblé Israèl la, pou yo fété jou konsékrasion lotèl la nan tan-l yo chak ané pandan ui jou, vinnsinkiem jou moua Kaslé-a, avèk kè kontan ak fèt.

Paròl Granmèt la.

PSÒM RÉPONS

1 Kr 29, 10. 11 abc. 11 d-12 a. 12 bcd (R: 13 b)

R: N-ap fè louanj pou non-ou ki gran-an, Granmèt.

¹⁰ Konpliman pou ou, Granmèt Bondié Israèl, papa nou,
sot nan sièk tan al nan sièk tan. R:

¹¹ Sé pou ou, Granmèt, grandè ak pouvoua,
ak gloua, ak viktoua, ak louanj sé pou ou ;
tout bagay ki nan sièl la ak sou tè-a, sé pou ou yo yé. R:

Sé pou ou, Granmèt, péyi roua-a yé ; ou anlè tout chèf.
 12 Richès sé pou ou, gloua sé pou ou. **R:**

Ou-ap kòmandé sou tout bagay, nan min-ou sé otorité ak pouvoua,
 nan min-ou sé grandè ak kòmandman tout bagay. **R:**

Ané 2

PRÉMIÉ LÉKTU

Résévoua liv la, dévoré-l.

Léktu liv Apokalips apot sin Jan

10, 8-11

Mouin minm, Jan, mouin tandé yon voua nan sièl la ankò k-ap palé avèk mouin, k-ap di : « Alé, pran liv la ki ouvri-a nan min anj la ki kanpé sou lanmè-a ak sou tè-a ».

L-alé kot anj la, li di-l pou-l ban-m liv la, li di-m : « Pran liv la, dévoré-l, l-ap fè vant ou vi-n anmè, min nan bouch ou l-ap dous tankou siro mièl ». Mouin pran liv la nan min anj la, mouin dévoré-l ; li té dous tankou siro mièl nan bouch mouin ; min, lè-m fi-n dévoré-l, li té anmè nan vant mouin.

Li di-m : « Ou gin pou-ou profétizé ankò bay anpil nasion ak pèp ak lang ak roua ».

Paròl Granmèt la.

PSÒM RÉPONS

Ps 118, 14. 24. 72. 103. 111. 131 (**R:** : 103 a)

- R:** Ala dous promès ou yo dous nan bouch mouin.
- 14 Nan rout témouagnaj ou yo mouin jouinn plézi-m tankou nan tout kalité richès. **R:**
- 24 Sèké témouagnaj ou yo sé plézi-m, désizion-ou yo sé konsèy mouin. **R:**
- 72 Laloua-ou la pi bon pou mouin pasé mil lò ak lajan. **R:**
- 103 Ala dous paròl ou yo dous nan palèt mouin, plis pasé siro mièl nan bouch mouin. **R:**
- 111 Éritaj mouin sé témouagnaj ou yo pou tout tan, paské sé kontantman kè-m yo yé. **R:**

¹³¹ Mouin louvri bouch mouin, mouin réspiré éspri-a,
paské mouin té anvî kòmandman-ou yo. **R:**

ALÉLOUYA

Jan 10, 27

R: Alélouya. Mouton-m yo tandé voua-m, sé sa Granmèt la di ;
épi mouin minm mouin konnin yo, yo suiv mouin. **R:** Alélouya.

ÉVANJIL

*Nou fè kay Bondié-a vi-n tounin
yon kachèt asasin.*

✠ **Léktu sint Évanjil la dapré Luk**

19, 45-48

Lè sa-a :

Jézu antré nan Tanp la, li kòmansé chasé moun k-ap vann ladan-l yo, épi k-ap achté yo, li di yo : « Min sa-k ékri : “sèké kay mouin-an sé kay priyè li yé” ; nou minm minm nou fè-l vi-n tounin yon “kachèt asasin” ».

Li t-ap bay ansègnman chak jou nan Tanp la. Chèf prèt yo minm ak skrib yo ak chèf pèp yo t-ap chèché touyé-l, min yo pa-t jouinn kijan pou yo té fè-l, sèké tout pèp la té pandié ap kouté-l.

Paròl Granmèt la.

Samdi

Ané 1

PRÉMIÉ LÉKTU

*Sé poutèt mové bagay mouin té fè nan Jérusalèm,
m-ap mouri avèk anpil chagrin-an.*

Léktu prémié liv Makabé yo

6, 1-13

Jou sa yo :

Roua Antiokus t-ap maché nan réjion anro-yo ; li té tandé palé sou vil Élimayid la nan Pèrs ki té gin rénomé anpil, ki té gin anpil lajan ak lò, anndan tanp li-a té gin anpil richès, té gin kask an lò ladan-l ak zam an kuiv pou protéjé kò ak lòt zam-défans, sa Aléksann Filip, roua Masédoua-n nan té kité yo, li minm ki té prémié roua nan péyi Lagrès la.

Li rivé, li t-ap chèché pran vil la pou-l piyé-l, min li pa-t kapab, paské moun yo ki té nan vil la yo té okouran bagay la, yo lévé batay ; li sové kò-l sot la, li pati avèk gran chagrin, li tounin Babilòn.

Antan-l té nan Pèrs, yon moun vi-n anonsé-l kijan lamé yo sové, sa-k té nan péyi Juda-a, épi spésialman kijan Lizias té pati avèk yon gran lamé, li té blijé sové kò-l sot dévan fas Juif yo ; Juif yo té vi-n fò avèk zam ak moun ak anpil bagay yo té piyé, sa yo té pran nan min lamé yo té fi-n krazé yo. Épi tou li anonsé-l kijan yo té jété zidòl la li té drésé sou lotèl la, sa-k té nan Jérusalèm nan, kijan yo té antouré tanp la tankou anvan avèk gran miray ki ro anpil. Yo té fè minm jan tou pou Bétsou, vil li-a.

Lè roua-a tandé paròl sa yo, li sézi, li tranblé anpil, li pran kabann, li tonbé malad ak chagrin, paské sa pa-t rivé jan-l té pansé-a.

Li rété la anpil jou, paské gro chagrin té tounin tonbé sou li. Li té konprann li t-apral mouri, li rélé tout zanmi-l yo, li di yo : « Dòm pati sot nan jé-m, traka krazé-m, li fini ak kè-m, mouin di nan kè-m : Gadé nan ki tribilasyon mouin rivé, ak nan ki riviè chagrin mouin yé koulié-a, mouin minm ki té byin, ki té alèz nan pouvoua-m ! Koulié-a minm mouin sonjé mové bagay mouin té fè nan Jérusalèm, koté mouin té pran tout véso lò ak lajan ki té nan vil la, mouin té voyé pran moun ki abité Juda yo san rézon. Konsa mouin rékonèt sé pousa malè sa-a tonbé sou mouin ; min m-ap péri ak gran chagrin nan yon tè étranjé ».

Paròl Granmèt la.

PSÒM RÉPONS

Ps 9, 2-3. 4 é 6. 16 b é 19 (R: cf. 16 a)

- R: M-ap fété poutèt ou sové-m nan, Granmèt.
- ² M-ap fè louanj ou, Granmèt ak tout kè-m ;
m-ap rakonté tout mèvèy ou yo.
- ³ M-ap kontan, m-ap fété nan ou,
m-ap chanté pou non-ou, ou minm ki anlè nèt la. R:
- ⁴ Lè ènmi-m yo ap viré dèyè,
yo fébli, yo péri dévan fas ou.
- ⁶ Ou ménasé nasion yo, ou pèdi méchan-an ;
ou éfasé non yo pou tout tan san rété. R:

- ¹⁶ Nasion yo fonsé nan fos la yo té foyé-a ;
nan pièj sa-a yo té kaché-a,
pié yo pran ladan-l.
¹⁹ Sèké sé pa pou tout tan ou-ap bliyé pòv la ;
éspérans pòv la pap péri pou tout tan. **R:**

Ané 2

PRÉMIÉ LÉKTU

*Dé profèt sa yo fè moun yo ki abité sou tè-a
sibi touman.*

Léktu liv Apokalips apot sin Jan

11, 4-12

Voua-a di-m, mouin minm, Jan : « Min dé témouin-m yo ; sé dé pié oliv ak dé chandélié ki kanpé dévan Granmèt tè-a. Si yon moun vlé nui yo, difé ap soti nan bouch yo, l-ap dévoré ènmi yo ; épi si yon moun vlé fè yo ditò, sé konsa li gin pou-l mourir. Yo gin pouvoua pou fèmin sièl la, pou lapli pa tonbé pandan tan profési yo ; yo gin pouvoua sou dlo yo pou fè yo vi-n tounin san, pou yo frapé tè-a ak tout kalité chatiman, chak foua yo vlé.

Lè y-ap fi-n fè témouagnaj yo-a, bèt la k-ap monté sot nan bafon anba-a, l-ap fè lagè kont yo, l-ap ranpôté viktoua sou yo, l-ap touyé yo. Kò yo ap rét sou plas gran vil la, sa-a yo rélé an parabòl Sodòm ak Éjip la, koté yo té klouré Granmèt yo-a sou koua-a. Ras, pèp, lang ak nasion ap ouè kò yo pandan toua jou édmi, yo pap kité yo dépozé kò yo nan kavo. Moun yo ki abité sou tè-a ap kontan sou yo, y-ap fété, youn ap voyé kado bay lòt ; paské dé profèt sa yo té fè moun ki abité sou tè-a sibi touman.

Apré toua jou édmi, éspri lavi-a sot nan Bondié, li antré nan yo. Yo kanpé sou pié yo ; gran sézisman tonbé sou moun ki ouè yo.

Yo tandé gran voua-a sot nan sièl la, k-ap di yo : « Monté isit la ». Yo monté nan sièl la nan niaj la ; ènmi yo ouè yo.

Paròl Granmèt la.

PSÒM RÉPONS

Ps 143, 1. 2. 9-10 (**R:** l a)

R: Konpliman pou Granmèt la, défans mouin-an.

- ¹ Konpliman pou Granmèt la, défans mouin-an,
li minm ki antréné min-m pou batay,
ak douèt mouin pou lagè. **R:**
- ² Mizérikòd mouin ak fòs mouin,
kachèt mouin ak libèratè mouin :
protéksion-m, nan li mouin éspéré,
li minm ki pliyé pèp mouin-an anba-m. **R:**
- ⁹ Bondié, sé yon kantik nouvo m-ap chanté pou ou,
nan instriman dis kòd la m-ap joué pou ou,
- ¹⁰ ou minm ki sovè roua yo,
ki rachté David sèvitè-ou la anba épé méchan-an. **R:**

ALÉLOUYA

Cf. 2 Tim 1, 10

R: Alélouya. Sovè nou Jézu-Kri détoui lanmò-a,
li kléré lavi-a pa lintèmédiè Bòn Nouvèl la. **R:** Alélouya

ÉVANJIL

*Bondié pa Bondié mò yo,
min vivan yo.*

✠ Léktu sint Évanjil la dapré Luk

20, 27-40

Lè sa-a :

Kèk nan sadiséyin yo proché, yo minm ki réfizé kouè réziréksion, yo pozé Jézu késion, yo di : « Mèt, Moyiz té ékri pou nou : “Si frè yon moun vi-n mouri, antan li té gin yon madanm li pa-t gin pitit, sé pou frè-l la marié ak madanm li, pou-l lévé yon désandans pou frè li-a”. Konsa té gin sèt frè, premié-a marié, li mouri san pitit ; sa-k suiv la pran-l, li minm tou li mouri san pitit ; touazièm nan pran-l, épi konsa tou pou tout sèt yo : yo pa kité désandans, épi yo mouri.

Apré yo tout, madanm nan mouri tou. Konsa, nan réziréksion-an, pou kilès nan yo madanm nan ap yé ? paské yo tou lé sèt té ginyin-l kòm madanm ».

Jézu di yo : « Pitit sièk sa-a, gason ak fi, y-ap marié ; min sa yo ki mérité lòt sièk la ak réziréksion sot nan pami mò yo, yo pa marié, ni gason

ni fi ; sèké yo pa kapab mouri ankò : yo tankou anj yo épi yo sé pitit Bondié, paské yo sé pitit rézireksion.

Kanta késion mò yo ki gin pou résisité-a, Moyiz té montré sa bò rajé ki t-ap boulé-a, jan-l di : “Granmèt Bondié Abraam ak Bondié Izaak ak Bondié Jakòb”. Bondié pa Bondié moun mouri yo, min Bondié moun vivan yo ; sèké tout moun viv pou li ».

Kèk nan skrib yo réponn, yo di-l : « Mèt, ou palé byin ». Yo pa-t ozé pozé-l okinn késion ankò.

Paròl Granmèt la.

Trankatriyèm dimanch òdinè

SOLANITÉ GRANMÈT NOU JÉZU-KRI, ROUA TOUT TÈ-A

Ané A

PRÉMIÉ LÉKTU

Nou minm, bann mouton-m yo ; sé mouin minm k-ap jijé ant mouton ak mouton.

Léktu liv profèt Ézékièl

34, 11-12. 15-17

Min paròl Granmèt Bondié :

« Min m-ap chèché mouton-m yo, m-ap vizité yo ; minm jan yon gadyin vizité bann mouton-l, jou li nan mitan bann mouton-l ki gayé yo, konsa m-ap vizité mouton-m yo, m-ap libéré yo sot nan tout koté yo té gayé jou niaj ak bouya.

Sé mouin minm k-ap souin mouton-m yo, m-ap fè yo kouché, sé sa Granmèt Bondié di. Sa-k té pèdi-a, m-ap chèché-l ; sa yo té réjité-a, m-ap fè-l tounin ; sa-k té blésé-a, m-ap pansé-l ; sa-k té malad la, m-ap ba-l santé ; sa-k gra-a, ki fò-a, m-ap konsèvé-l ; m-ap souin yo nan jistis.

Nou minm, bann mouton-m yo, min sa Bondié Granmèt la di nou : Sé mouin minm k-ap jijé ant mouton ak mouton, ant bélié ak bouk yo ».

Paròl Granmèt la.

PSÒM RÉPONS

Ps 22, 1-2 a. 2 b-3. 5. 6 (R : 1)

R: Granmèt la souin-m, mouin pap manké anyin.

1 Granmèt la ap kondui-m, anyin pap manké-m ;

2 nan zèb vèt li instalé-m. R:

3 Sou bò dlo trankil li minnin-m,
li réfè nanm mouin.

Li kondui-m nan chémin jistis poutèt non-l. R:

5 Ou paré yon tab dévan fas mouin
kont sa yo k-ap fè-m pasé tray yo ;
ou souin tèt mouin ak losion,
kalis mouin ap débòdé. R:

- ⁶ Réyéلمان sé bon kè ak mizérikòd k-ap rapousuiv mouin tout tan lavi-m, m-ap abité nan kay Granmèt la pou tout longè tan yo. **R**

DÉZIÈM LÉKTU

L-ap rinnèt péyi roua-a bay Bondié Papa-a, pou Bondié kapab tout bagay nan tout moun.

Léktu prémié lèt apot sin Pòl pou Korintyin yo **15, 20-26. 28**

Frè-m yo :

Jézu-Kri résisité sot nan pami mò yo, prémié foui nan pami sa-k t-ap dòmi yo ! Sèké sé pa lintémédiè yon moun, lanmò-a té rivé ; konsa tou, sé pa lintémédiè yon moun, réziréksion-an rivé. Épi minm jan tout moun té mouri nan Adan-an, sé konsa tou tout moun ap viv nan Kris la. Min chak moun nan ran pa-l : prémié foui-a, sé Kris la, apré sé sa yo ki nan Kris la, ki té kouè nan vini li t-ap vini-an. Apré sa sé finisman-an lè l-ap rinnèt péyi roua-a nan min Bondié Papa-a, lè l-ap fi-n détoui tout prémié ran ak otorité ak puisans.

Li gin pou-l régné vré joutan li mété tout ènmi yo anba pié-l. Dènié ènmi-an k-ap détoui-a minm sé lanmò-a. Min lè tout bagay ap obéyi anba-l, lè sa-a atò Pitit la li minm ap rinnèt tèt li bay sa-a ki té mété tout bagay yo anba min-l nan, pou Bondié kapab tout bagay nan tout moun.

Paròl Granmèt la.

ALÉLOUYA

Mk 11, 9. 10

R Alélouya. Konpliman pou sa-a k-ap vini o non Granmèt la ; konpliman pou péyi roua papa nou David la k-ap vini-an. **R** Alélouya.

ÉVANJIL

*L-ap chita sou tro-n gloua-l la, l-ap séparé yo
youn sot kot lòt.*

✠ Léktu sint Évanjil la dapré Matié

25, 31-46

Lè sa-a : Jézu di disip li yo :

« Lè Pitit moun nan ap vini nan gloua-l, épi tout anj yo avèk li-a, lè sa-a l-ap chita sou tro-n gloua-l la, tout nasion yo ap rasanblé dévan-l, l-ap séparé yo youn sot kot lòt, tankou gadyin-an chouazi mouton yo sot nan pami bouk yo, l-ap fè mouton yo kanpé adouat li, bouk yo minm agòch li.

Lè sa-a Roua-a ap di sa yo ki adouat li-a : “Vini, nou minm Papa-m béni-an, pran posésion péyi roua-a yo té paré pou nou dépi tè-a té fèt la. Sèké mouin té grangou, nou té ban-m manjé ; mouin té souaf, épi nou té ban-m bouè ; mouin té étranjé, nou té akéyi-m ; mouin té nu-kò, nou té kouvri-m ; mouin té malad, nou té vizité-m ; mouin té nan prizon, nou té vi-n jouinn mouin”.

Lè sa-a atò moun ki kòrèk yo ap réponn li, y-ap di : “Granmèt kilè sé ou minm minm nou té ouè ki grangou épi nou té ba-ou manjé-a ? souaf, épi nou té ba-ou bouè-a ? Kilè minm sé ou minm minm nou té ouè étranjé épi nou té ranmasé-ou la, oubyin nu-kò épi nou té abiyé-ou la ? oubyin kilè sé ou minm minm nou té ouè malad oubyin nan prizon épi nou té vi-n jouinn ou-an ?”

Roua-a minm ap réponn, l-ap di yo : “Amèn, mouin di nou, chak foua nou té fè sa pou youn nan pi piti nan frè-m sa yo, sé pou mouin minm nou té fè-l.

Lè sa-a atò l-ap di sa yo ki agòch li yo : “Ralé kò nou sot koté-m, nou minm ki madichonnin, al nan difé ki pap janm étinn nan, sa-k té paré pou djab la ak anj li yo. Sèké mouin té grangou, min nou pa-t ban-m manjé ; mouin té souaf, min nou pa-t ban-m bouè ; mouin té étranjé, min nou pa-t akéyi-m ; nu-kò, min nou pa-t abiyé-m ; malad ak nan prizon, min nou pa-t vizité-m”.

Lè sa-a atò y-ap répon li épi y-ap di : “Granmèt, kilè sé ou minm minm nou té ouè grangou, oubyin souaf, oubyin étranjé, oubyin nu-kò, oubyin malad, oubyin nan prizon, épi nou pa-t okipé-ou ?”

Lè sa-a atò l-ap réponn yo, l-ap di : “Amèn, mouin di nou, chak fousa nou pa-t fè sa pou youn nan piti sa yo, sé pou mouin minm tou nou pa-t fè-l”.

Konsa moun sa yo apralé nan chatiman ki pap janm sispann nan, min moun kòrèk yo minm nan lavi ki pap janm fini-an ».

Paròl Granmèt la.

Ané B

PRÉMIÉ LÉKTU

Pouvoua-l, sé pouvoua tout tan.

Léktu liv profèt Danièl

7, 13-14

Mouin t-ap gadé nan vizion nannuit, sé tankou yon pitit moun ki t-ap vini avèk nuaj sièl yo, li rivé jous kot Asnyin nan jou yo. Yo kondui-l dévan fas Ansyin nan jou yo, yo ba-l pouvoua ak konsidérasion ak péyi roua, épi tout pèp, ras ak lang ap sèvi-l. Pouvoua-l sé pouvoua tout tan, ki pap disparèt ; péyi roua-l, sé péyi roua ki pap détoui.

Paròl Granmèt la.

PSÒM RÉPONS

Ps 92, 1 ab. 1 c-2. 5 (R: 1 a)

- R: Granmèt la roua, li vlopé ak gloua.
- 1 Granmèt la roua, li vlopé ak gloua ;
Granmèt la vlopé, li maré rin-l ak fòs. R:
- Réyèlman li rann fas tè-a solid, pou-l pa souké.
- 2 Tro-n ou solid dépi lontan, dépi tout tan ou égzisté. R:
- 5 Témouagnaj ou yo mérité konfians nèt ;
kay ou-a kléré ak karaktè sakré-a, Granmèt,
pou longè tan yo. R:

DÉZIÈM LÉKTU

*Chèf tout roua yo sou tè-a fè nou vi-n tounin péyi roua
ak prèt pou Bondié.*

Léktu liv Apokalips apot sin Jan**1, 5-8**

Jézu-Kri sé témouin fidèl, sé premié pitit nan pami mò yo, sé chèf roua yo sou tè-a ; li rinmin nou, li lavé nou sot nan péché nou yo nan san-l, li fè nou vi-n tounin yon péyi roua ak prèt pou Bondié Papa-l ; pou li gloua ak otorité pou tout tan gin tan. Amèn.

Min l-ap vini ansanm ak nuaj yo, tout jé ap ouè-l, ni sa-k té batay kont li yo ; tout ras moun sou tè-a ap plinn sou li. Oui. Amèn.

Mouin sé Alfa ak Oméga, kòmansman ak finisman, sé sa Granmèt Bondié-a di, li minm ki égzisté, ki té égzisté épi k-ap vini, li minm ki gin tout pouvoua.

Paròl Granmèt la.

ALÉLOUYA**Mk 11, 9. 10**

✠ Alélouya. Konpliman pou sa-a k-ap vini o non Granmèt la ;
konpliman pou péyi roua-a k-ap vini-an, péyi roua David papa nou-an.
✠ Alélouya.

ÉVANJIL*Ou di-l, mouin sé roua.***✠ Léktu sint Évanjil la dapré Jan****18, 33 b-37**

Lè sa-a :

Pilat di Jézu : « Èské-ou sé roua Juif yo ? »

Jézu réponn : « Èské sé ou pou kont ou ki di sa, oubyin sé dèt moun ki di-ou sa sou mouin ? » Pilat réponn : « Èské mouin minm, mouin sé Juif ? Ras ou ak prèt an chèf yo rinnèt ou ban mouin : ki sa-ou fè ? » Jézu réponn : « Péyi roua-m nan pa sot sou tè sa-a. Si sé sou tè sa-a péyi roua-m nan té soti, sèvitè-m yo t-a déjà batay pou moun pa rinnèt mouin nan min Juif yo ; koulié-a minm péyi roua-m nan pa sot isit la ».

Konsa Pilat di-l : « Ébyin sé roua ou yé ? »

Jézu réponn : « Ou di-l, sé roua mouin yé. Sé pou sa mouin fèt, sé pou sa minm mouin vi-n sou tè-a, pou-m sèvi vérité-a témouin : tout moun ki fè pati vérité-a li kouté voua-m ».

Paròl Granmèt la.

Ané C

PRÉMIÉ LÉKTU

Yo sakré David kòm roua sou Israèl.

Léktu dézièm liv Samuèl

5, 1-3

Jou sa yo :

Tout ras Israèl yo rivé kot David nan vil Ébron, yo di : « Min nou sé zo-ou ak chè-ou. Dépi ni yè ni avantiè, lè Sayul té roua sou nou-an, sé ou minm ki t-ap kondui Israèl antré-sòti ; Granmèt la di-ou : “Sé ou minm k-ap kondui pèp mouin Israèl, sé ou minm k-ap chèf sou Israèl” ».

Ansyin Israèl yo vi-n kot roua-a tou Ébron, David passé yon aliens avèk yo Ébron dévan Granmèt la, yo sakré David kòm roua sou Israèl.

Paròl Granmèt la.

PSÒM RÉPONS

Ps 121, 1-2. 4-5 (R: cf. 1)

R: Ak kè kontan n-apralé nan kay Granmèt la.

¹ Mouin kontan poutèt yo di-m :

« Nan kay Granmèt la n-apralé ».

² Pié nou déjà kanpé

nan pòt ou yo, Jérusalèm. R:

⁴ Sèké sé la ras yo ap monté, ras Granmèt la,

témouagnaj Israèl, pou fè louanj non Granmèt la.

⁵ Sèké sé la tro-n yo instalé pou jijman-an,

tro-n kay David la. R:

DÉZIÈM LÉKTU

*Li fè nou travèsé nan péyi roua**Pitit li rinmin-an.***Léktu lèt apot sin Pòl pou Kolosyin yo****1, 12-20**

Frè-m yo :

Mouin di Bondié Papa-a mèsi, li minm ki fè nou mérité jouinn pòsion nan éritaj sin yo nan limiè-a, li minm ki délivré nou sot nan pouvoua fènoua yo, li fè nou travèsé nan péyi roua Pitit li-a li rinmin-an ; sé nan Pitit sa-a nou gin rédanmsion pa pouvoua san-l, padon pou péché yo.

Li sé pòtré Bondié yo pa kapab ouè-a, prémié pitit ki té la anvan tou sa Bondié té kréyé ; paské sé nan li tout bagay kréyé nan sièl la ak sou tè-a, sa yo kapab ouè ak sa yo pa kapab ouè, soua tròn, soua otorité, soua chèf, soua pouvoua : tout bagay sé pou li minm, sé nan li minm yo kréyé, li minm li anvan yo tout, épi tout bagay sé nan li minm yo kanpé nan égzistans la.

Li minm li sé tèt kò Égliz la, li sé prémié kòmansman-an, prémié pitit nan pami mò yo, pou-l kapab kinbé prémié plas nan tout bagay ; paské sé nan li Bondié té desidé pou tout bagay nèt abité, pou-l rékonsilié tout bagay nan li, antan-l fè lapè gras a san koua-l la, avèk ni sa-k sou tè-a, ni sa-k nan sièl la.

Paròl Granmèt la.

ALÉLOUYA

Mk 11, 9. 10

℞ Alélouya. Konpliman pou sa-a k-ap vini o non Granmèt la ;
konpliman pou péyi roua papa nou David k-ap vini-an. ℞ Alélouya.

ÉVANJIL

*Granmèt, sonjé-m, lè ou-ap vini**nan péyi roua-ou la.*✠ **Léktu sint Évanjil la dapré Luk****23, 35-43**

Lè sa-a :

Chèf yo ansanm ak pèp la t-ap pasé Jézu nan jouèt, yo t-ap di : « Li sovè dèt, sé pou-l sovè pròp tèt li, si-l sé Kris Bondié-a, sa-k chouazi-a ».

Sòlda yo tou t-ap pasé-l nan jouèt, yo proché, yo ofri-l vinèg, yo di : « Si-ou sé roua Juif yo, sovè pròp tèt ou ». Té gin yon pankat ki té ékri anlè-l ak mo grèk, latin ak ébré : « Sa-a sé roua Juif yo ».

Youn nan asasin yo ki té pandié bò koté-l la, li t-ap blasfémé-l, li t-ap di : « Si-ou sé Kris la, sovè pròp tèt ou épi nou minm tou ».

Lòt la minm réponn, li fè-l répròch, li di-l : « Ou minm tou, ou pa krinn Bondié, ou minm ki nan minm kondanasion-an ? »

Nou minm, sé kòrèk paské nou résévoua dapré sa nou té fè-a ; min li minm li pa fè anyin ki mal ».

Li t-ap di Jézu : « Granmèt, sonjé-m, lè ou-ap vini nan péyi roua-ou la ».

Jézu di-l : « Amèn, mouin di-ou, jodi-a minm ou-ap avèk mouin nan Paradi-a ».

Paròl Granmèt la.

Lindi

Ané 1

PRÉMIÉ LÉKTU

*Yo pa jouinn tankou Danièl, Ananias,
Mizaèl avèk Azarias.*

Kòmansman liv profèt Danièl

1, 1-6. 8-20

Sou touazièm ané Joakim, roua Juda-a, Nabukodonozòr, roua Babilòn nan, rivé Jérusalèm, li bloké-l. Granmèt la rinmèt Joakim, roua Juda-a, nan min-l, ak yon pòsion nan véso sakré kay Bondié-a. Nabukodonozòr poté yo nan péyi Sinéar, nan kay dié pa-l yo, li dépozé véso sakré yo nan chanm richès dié pa-l yo.

Roua-a di Asfénèz, sa-a ki té chèf sèvitè yo, pou-l vini avèk kèk ti moun ki soti nan pitit Israèl yo ak nan ras roua yo ak chèf yo. Yo pa-t doué gin okinn tach nan yo, sé pou yo té gin bèl figi, pou yo té gin konésans nan tout kalité sajès, solid nan sians, savan nan ansègnman, épi ki ta kapab rété nan palè roua-a. Asfénèz ta aprann yo lèt ak langaj Kaldéyin yo. Roua-a té pasé lòd pou chak jou yo té ba yo yon pòsion nan

manjé pa-l yo ak nan divin li té konn bouè li minm, pou yo souin yo pandan touazan, apré sa yo té gin pou yo té kanpé dévan fas roua-a.

Nan pami yo, té gin kèk nan pitit Juda yo : Danièl, Ananias, Mizaèl avèk Azarias. Danièl pran désizion nan kè-l pou-l pa sal tèt li avèk manjé ki sot sou tab roua-a, ni ak divin l-ap bouè ; li mandé chèf sèvitè yo pèmision pou-l pa sal tèt li.

Bondié bay Danièl gras ak mizèrikòd dévan fas chèf sèvitè yo. Chèf sèvitè yo di Danièl : « Mouin pè mèt mouin, roua-a, li minm ki fikse manjé nou ak bouason nou ; si-l ouè figi nou pi finnin pas lòt ti moun yo ki minm laj avèk nou yo, n-ap fè fot la tonbé sou tèt mouin dévan roua-a ».

Danièl di Malasa, li minm chèf sèvitè yo té mété kòm réponsab Danièl, Ananias, Mizaèl avèk Azarias : « Tanpri, ou mèt éséyé sèvitè-ou yo pandan dis jou, yo mèt ba nou légim pou nou manjé ak dlo pou nou bouè ; ou-a gadé figi nou ak figi ti moun yo k-ap manjé nan manjé roua-a, épi ou-a aji avèk sèvitè-ou yo dapré sa ou-a ouè ».

Lè-l tandé paròl sa-a, li éséyé yo pandan dis jou. Apré dis jou réyéلمان, figi yo vi-n parèt pi bèl, pi gro pasé tout lòt ti moun yo ki t-ap manjé nan manjé roua-a ; konsa Malasa ouété manjé ak bouason divin yo, li ba yo légim nan plas yo.

Timoun sa yo minm, Bondié ba yo sians ak disipli-n nan tout liv ak sajès ; kanta Danièl minm li té ba li intéljans tout vizion ak sonj. Lè jou yo rivé, dapré limit roua-a té fikse pou fè yo antré-a, chèf sèvitè yo minnin yo dévan Nabukodonozor.

Lè roua-a palé avèk yo, nan yo tout yo pa jouinn tankou Danièl, Ananias, Mizaèl avèk Azarias ; yo kanpé dévan fas roua-a. Tout paròl sajès ak intéljans roua-a mandé yo, li jouinn li nan yo dis foua plis pasé nan tout divinò ak majisyin yo, ki té nan tout péyi roua-l la.

Paròl Granmèt la.

PSÒM RÉPONS

Dan 3, 52. 53. 54. 55. 56 (R: 52 b)

R: Ou mérité louanj, ou dépasé tou sa-k gran pou tout tan.

⁵² Konpliman pou ou, Granmèt, Bondié papa nou yo,

R: Ou mérité louanj, ou mérité gloua, ou dépasé tou sa-k gran pou tout tan.

Konpliman pou non gloua-ou ki sin-an,

℞ Ou mérité louanj, ou dépasé tou sa-k gran pou tout tan.

⁵³ Konpliman pou ou nan tanp gloua-ou la ki sin-an,

℞ Ou mérité louanj dépasé, ou anlè tout gloua pou tout tan.

⁵⁴ Konpliman pou ou nan tro-n péyi roua-ou la,

℞ Ou mérité louanj dépasé, ou anlè tou sa-k gran pou tout tan.

⁵⁵ Konpliman pou ou, ki égzaminé bafon yo, ki chita anlè chéribin yo,

℞ Ou mérité louanj, ou anlè tou sa-k gran pou tout tan.

⁵⁶ Konpliman pou ou nan platfòm sièl la,

℞ Ou mérité louanj, ou mérité gloua pou tout tan.

Ané 2

PRÉMIÉ LÉKTU

Non Kris la ak non Papa-l ékri nan fron yo.

Léktu liv Apokalips apot sin Jan

14, 1-3. 4 b-5

Mouin minm, Jan, mouin ouè : sé yon Mouton ki té kanpé sou mòn Siyon, avèk li té gin sankarankat mil ki gin non-l ak non Papa-l ékri nan fron yo. Mouin tandé yon voua ki sot nan sièl la tankou voua gran dlo yo, ak tankou voua gran loraj ; voua-a mouin té tandé-a, sé tankou voua mizisyin k-ap joué mizik sou gita yo.

Yo t-ap chanté tankou kantik nouvo dévan tro-n nan, ak dévan kat vivan yo ak granmoun yo ; pèsòn pa-t kapab di kantik la, sof karankat mil yo, sa yo té rachté sot sou tè-a.

Yo minm yo suiv Mouton-an tout koté l-apralé. Yo minm yo rachté sot nan pami moun yo, kòm prémié foui pou Bondié ak Mouton-an, nan bouch yo pa gin manti ; sèké yo san tach dévan tro-n Bondié-a.

Paròl Granmèt la.

PSÒM RÉPONS

Ps 23, 1-2. 3-4 ab. 5-6 (℞ : cf. 6)

℞ Sa-a, sé ras moun k-ap chèché fas ou yo, Granmèt.

¹ Pou Granmèt la tè-a yé ak sa-k plin-l, fas tè-a ak sa-k abité ladan-l.

- 2 Sèké sé li minm ki pozé-l sou lanmè yo,
ki rann li solid sou gran riviè yo. **R:**
- 3 Kilès k-ap monté sou mòn Granmèt la,
oubyin kilès k-ap kanpé sou plas li ki sin-an ?
- 4 Moun ki gin min-l inosan ak kè-l nèt,
ki pa nonmin non-l pou granmési. **R:**
- 5 Moun sa-a ap résévoua bénédikcion nan min Granmèt la,
ak jistikasion nan min Bondié sovè li-a.
- 6 Sa-a sé ras moun k-ap chèché-l yo,
k-ap chèché fas Bondié Jakòb la. **R:**

ALÉLOUYA

Mt 24, 42 a. 44

R: Alélouya. Véyé, rét paré,
paské nou pa konnin lè Pitit moun nan ap vini-an. **R:** Alélouya.

ÉVANJIL

Li ouè yon pòv vèv k-ap mété dé ti piès monnin.

✠ **Léktu sint Évanjil la daprè Luk**

21, 1-4

Lè sa-a :

Jézu gadé, li ouè moun yo k-ap mété kado yo nan kèt la, yo té rich ;
min li ouè tou yon pòv vèv k-ap mété dé ti piès monnin.

Li di : « Mouin di nou sa : vréman vèv sa-a mété plis pasé yo tout ;
sèké yo tout sé nan sa yo gin an plis yo pran pou yo mété nan kado
Bondié yo, min sa-a minm sé nan mizè-l, tou sa-l té gin pou-l viv, li pran,
li bay ».

Paròl Granmèt la.

Madi

Ané 1

PRÉMIÉ LÉKTU

*Bondié ap fè yon péyi roua lévé, li pap janm gayé,
l-ap valé tout péyi roua yo.*

Léktu liv profèt Danièl

2, 31-45

Jou sa yo : Danièl di Nabukodonozòr :

« Ou minm, roua, ou té ouè, sé té yon gran pòtré moun ; gran pòtré moun nan bèl rotè té kanpé an fas ou, aparans li té fè moun pè. Tèt pòtré moun sa-a té fèt avèk lò pi bon kalité, pouatri-n nan minm ak bra yo té fèt ak lajan, vant la ak kuis yo té fèt ak kuiv, janm yo minm té fèt ak fè, yon pati pié yo sé té fè, lòt pati-a sé té labou yo kuit.

Konsa ou t-ap gadé, joutan yon ròch détaché sot sou mòn nan san min moun pa touché-l, li frapé pòtré moun nan nan pié-l yo ki té fèt ak fè ak labou kuit la, li krazé yo. Lè sa-a atò, ni fè-a krazé, ni labou kuit la, ni kuiv, ni lajan, ni lò, yo vi-n tounin tankou pay nan tan cho sou glasi, sa van-an ap broté-a, yo pa kité okinn mak ; kanta pou ròch la minm, ki té frapé pòtré moun nan, li vi-n tounin yon gran mòn, li plin tout tè-a.

Sa-a sé rèv la. N-ap bay sans li tou dévan-ou, roua. Ou minm ou sé roua lòt roua yo, Bondié sièl la té ba-ou péyi roua ak pouvoua ak kòmandman ak gloua, tout koté pitit moun yo abité, ni bèt boua yo, ni zouazo sièl yo, li rinmèt yo nan min-ou, li instalé tout bagay anba lòd ou ; konsa sé ou minm ki tèt ki fèt ak lò-a.

Apré-ou gin yon lòt péyi roua k-ap lévé, k-ap pi piti pasé-ou, sé lajan-an ; épi yon touazièm péyi roua sé kuiv la, l-ap kòmandé sou tout tè-a ; épi yon katriyèm péyi roua ap tankou fè. Tankou fè krazé tout bagay, konsa l-ap krazé, l-ap détoui tout sa yo.

Kòm ou ouè yon pati pié yo ak douèt yo fèt ak labou kuit épi lòt pati-a fèt ak fè, péyi roua-a ap séparé ; l-ap gin minm kalité ak fè, jan-ou ouè fè-a ki mélé ak labou kuit la. Pou douèt pié yo ki fèt yon pòsion ak fè, lòt la ak labou kuit la, sa vlé di péyi roua-a ap solid sou yon bò, l-ap krazé sou lòt bò-a. Jan-ou ouè fè-a mélanjé ak labou kuit la, y-ap mélanjé ak ras lézòm, min yo pap antann yo, minm jan fè pa kapab mélanjé ak labou yo kuit la.

Min nan jou péyi roua sa yo, Bondié sièl la ap fè yon péyi roua kanpé, ki pap janm gayé, péyi roua-l la pap pasé nan min lòt pèp, okontrè l-ap krazé, l-ap valé tout péyi roua sa yo, min li minm minm l-ap kanpé pou tout tan. Daprè jan ou ouè-a, ròch la ki détaché sot sou mòn nan san min pa touché-l la, épi li krazé ni labou kuit, ni fè, ni kuiv, ni lajan, ni lò-a, Bondié ki gran-an montré roua-a sa k-ap rivé apré ; rèv la vré, sans li égzak ».

Paròl Granmèt la.

PSÒM RÉPONS

Dan 3, 57. 58. 59. 60. 61 (R: 59 b)

- R: Fè louanj li, lévé-l anlè dépasé tou sa-k gran pou tout tan.
- 57 Fè konpliman pou Granmèt la, tout travay Granmèt la.
R: Fè louanj li, lévé-l anlè dépasé tou sa-k gran pou tout tan.
- 58 Fè konpliman pou Granmèt la, anj Granmèt la.
R: Fè louanj li, lévé-l anlè dépasé tou sa-k gran pou tout tan.
- 59 Fè konpliman pou Granmèt la, sièl yo.
R: Fè louanj li, lévé-l anlè dépasé tou sa-k gran pou tout tan.
- 60 Fè konpliman pou Granmèt la, tout dlo yo ki anlè sièl yo.
R: Fè louanj li, lévé-l anlè dépasé tou sa-k gran pou tout tan.
- 61 Fè konpliman pou Granmèt la, tout pouvoua Granmèt la.
R: Fè louanj li, lévé-l anlè dépasé tou sa-k gran pou tout tan.

Ané 2

PRÉMIÉ LÉKTU

*Lè-a rivé pou rékòlté,
paské danré tè-a rivé fi-n mi.*

Léktu liv Apokalips apot sin Jan

14, 14-19

Mouin minm, Jan, mouin ouè : sé yon niaj blan, épi tankou pòtré yon Pitit moun chita sou niaj la, li gin yon kouròn lò sou tèt li, épi nan min-l li gin yon sèpèt ki byin filé.

Gin yon lòt anj ki soti nan Tanp la, li rélé byin fò bay sa-a ki té chita sou niaj la : « Voyé sèpèt ou-a, fè rékòlt, paské li rivé lè pou rékòlté-a, paské danré tè-a rivé fi-n mi ». Sa-a ki té chita sou niaj la voyé sèpèt li-a

sou tè-a, li rékòlté tè-a. Yon lòt anj soti nan Tanp la, ki nan sièl la, li minm tou li té gin sèpèt byin filé.

Yon lòt anj soti nan lotèl la, li té gin pouvoua sou difé ; li rélé byin fò bay sa-a ki té gin sèpèt byin filé-a, li di : « Voyé sèpèt ou-a ki byin filé-a, koupé grap pié rézin ki sou tè-a, paské rézin-l yo rivé fi-n mi ». Anj la voyé sèpèt li-a ki byin filé-a sou tè-a, li koupé grap pié rézin yo ki sou tè-a, li vidé yo nan gran létan kòlè Bondié-a ; yo foulé létan-an andéyò vil la, san-an monté sot nan létan-an rivé jous nan brid choual yo, sou désan-katrévin-sèz kilomèt.

Paròl Granmèt la.

PSÒM RÉPONS

Ps 95, 10. 11-12. 13 (R: 13 b)

R: Granmèt la vini pou-l jijé tè-a.

¹⁰ Di nan nasion yo : « Granmèt la roua ».

L-ap drésé fas tè-a pou-l pa souké ;

l-ap jijé pèp yo nan jistis. R:

¹¹ Sé pou sièl yo kontan, pou tè-a dansé,
pou lanmè-a sonnin ansanm ak tou sa-k plin-l ;

¹² jadin yo ap kontan ansanm ak tou sa ki nan yo.

Lè sa-a, tout pié boua nan rak yo ap dansé R:

¹³ dévan fas Granmèt la, paské l-ap vini,
paské l-ap vini pou-l jijé tè-a.

L-ap jijé fas tè-a nan jistis

épi pèp yo nan vérité-l. R:

ALÉLOUYA

Ap 2, 10 c

R: Alélouya. Sé pou-ou rét fidèl jous nan lanmò, sé sa Granmèt la di,
m-ap ba-ou kouròn lavi-a. R: Alélouya.

ÉVANJIL

Pap rété ròch sou ròch.

✠ Léktu sint Évanjil la dapré Luk

21, 5-11

Lè sa-a :

Kèk nan disip yo t-ap palé sou Tanp la, kijan li gin bèl ròch, kijan li dékoré avèk kado. Jézu di : « Bagay sa yo nou ouè-a, gin jou k-ap rivé, pap rété ròch sou ròch nan yo ki pap détoui ».

Yo t-ap pozé-l késion, yo t-ap di : « Mèt, kilè bagay sa yo ap rivé, épi ki sign k-ap fè konnin lè y-ap kòmansé ? »

Li di : « Atansion pa kite yo tronpé nou ; sèké anpil moun ap vini o non-m, y-ap di : “Sé mouin minm, épi tan-an ap rivé” ; pa suiv yo. Lè n-ap tandé y-ap palé sou lagè ak révòlt, pa pè : bagay sa yo gin pou yo rivé anvan, min sé pap tout-suit finisman-an ».

Lè sa-a li t-ap di yo : « Nasion ap lévé kont nasion, péyi roua kont péyi roua. Ap gin gran tranbléman-tè kèk koté, épidémi, grangou, ap gin bagay ki sot nan sièl la k-ap fè moun tranblé, épi gran mèvèy ».

Paròl Granmèt la.

Mèkrédi

Ané 1

PRÉMIÉ LÉKTU

Gin douèt ki parèt tankou min moun k-ap ékri.

Léktu liv profèt Danièl

5, 1-6. 13-14. 16-17. 23-28

Jou sa yo :

Roua Baltazar fè yon gran résépsion pou chèf li yo, yo té mil, chak moun t-ap bouè divin dapré laj li. Lè-l kòmansé chofé, Baltazar passé lòd pou yo poté véso sakré ki fèt ak lò ak lajan, sa papa-l Nabukodonozor té poté sot nan Tanp ki té Jérusalèm nan, pou yo bouè nan yo, ni roua-a ni chèf li yo, ni madanm li yo ni métrès li yo.

Konsa yo poté véso lò yo ak lajan yo, sa yo té pran sot nan Tanp la ki té Jérusalèm nan, épi yo bouè nan yo, ni roua-a ni chèf li yo, ni madanm

li yo, ni mètrès li yo. Yo t-ap bouè divin, yo t-ap fè louanj dié yo ki fèt ak lò ak lajan, ak kuiv, ak fè, ak boua ak ròch.

Minm lè sa-a, vi-n gin douèt ki parèt, tankou min moun k-ap ékri anfas chandélié yo, nan fasad miray palè roua-a ; roua-a minm t-ap gadé mouvman min k-ap ékri-a. Lè sa-a fas roua-a chanjé, éspri-l troublé, jouinti rin-l fébli, jénou-l frapé youn kont lòt.

Yo minnin Danièl dévan roua-a, roua-a palé avèk li, li di : « Ou sé Danièl, youn nan pitit Juda yo yo minnin nan égzil yo, sa papa-m roua-a minnin sot Juda yo ? Mouin tandé palé sou ou, kijan ou gin éspri dié yo ; sians, intélijans ak sajès, yo jouinn sa anpil nan ou. Konsa mouin tandé palé sou ou, ou kapab bay sans bagay ki pa klè, ou kapab défèt sa-k maré ; konsa si-ou kapab li sa-k ékri-a épi ou ban-m sans li, y-ap abiyé-ou ak vlou rouj, ou-ap gin chinnn lò nan kou-ou, ou-ap touazièm chèf nan péyi roua-m nan ».

Danièl réponn, li di roua-a : « Kado-ou yo mèt rét pou ou, ofrann kay ou-a ou mèt bay lotèl la yo ; min sa-k ékri-a, m-ap li-l ba ou, roua, épi sans li, m-ap montré-ou li. Ou lévé kont Sa-a ki Chèf sièl la, yo poté véso sakré kay li yo dévan-ou, épi ou minm ak chèf ou yo ak madanm ou yo ak mètrès ou yo, nou bouè divin nan yo ; dié yo ki fèt ak lajan, ak lò, ak kuiv, ak fè, ak boua, ak ròch, ki pa ouè, ki pa tandé, ki pa santi, ou fè louanj yo ; min Bondié minm, ki gin souf ou nan min-l, ni tout rout ou yo, ou pa fè louanj li ; sé poua li voyé douèt min-an, ki ékri sa-k trasé-a.

Ékriti-a ki maké-a, min li : Mané, Tésèl, Farès, épi min sans paròl la : Mané, Bondié konté péyi roua-ou la, li fè-l rivé bout li ; Tésèl, yo pézè-ou nan balans, yo jouinn ou pa gin anpil poua ; Farès, yo séparé péyi roua-ou la, yo rinmèt li bay Mèd ak Pèrs yo ».

Paròl Granmèt la.

PSÒM RÉPONS

Dan 3, 62. 63. 64. 65. 66. 67 (R: 59 b)

R: Fè louanj li, lévé-l anlè dépasé tou sa-k gran pou tout tan.

⁶² Fè konpliman pou Granmèt la, solèy ak lalin-n nan.

R: Fè louanj li, lévé-l anlè dépasé tou sa-k gran pou tout tan.

⁶³ Fè konpliman pou Granmèt la, zétoual sièl la.

R: Fè louanj li, lévé-l anlè dépasé tou sa-k gran pou tout tan.

- 64 Fè konpliman pou Granmèt la, tout lapli ak larouzé.
 R: Fè louanj li, lévé-l anlè dépasé tou sa-k gran pou tout tan.
- 65 Fè konpliman pou Granmèt la, tout éspri Bondié yo.
 R: Fè louanj li, lévé-l anlè dépasé tou sa-k gran pou tout tan.
- 66 Fè konpliman pou Granmèt la, difé ak chalè.
 R: Fè louanj li, lévé-l anlè dépasé tou sa-k gran pou tout tan.
- 67 Fè konpliman pou Granmèt la, frédi ak chalè.
 R: Fè louanj li, lévé-l anlè dépasé tou sa-k gran pou tout tan.

Ané 2

PRÉMIÉ LÉKTU

*Yo t-ap chanté kantik Moyiz la
 ak kantik Mouton-an.*

Léktu liv Apokalips apot sin Jan

15, 1-4

Mouin minm, Jan, mouin ouè yon lòt sign nan sièl la, li gran, li éstraòdinè : sé sèt Anj ki gin sèt dènié chatiman yo, paské sé nan yo kòlè Bondié-a ap fi-n réalizé.

Mouin ouè tankou yon lanmè kristal ; li mélanjé ak difé. Épi sa yo ki té ranpòté viktoua sou bèt la ak sou pòtré-l la ak sou chif non-l nan, yo té kanpé sou lanmè kristal la, yo té gin gita Bondié yo, yo t-ap chanté kantik Moyiz, sèvitè Bondié-a, ak kantik Mouton-an ; yo t-ap di :

« Yo gran, yo éstraòdinè, travay ou yo, Granmèt Bondié ki gin tout pouvoua : yo kòrèk, yo vré, rout ou yo, Roua sièk tan yo. Kilès ki pap krinn-ou, Granmèt, ki pap fè louanj non-ou ? Paské ou minm sèl ou sin, sé poua tout nasion yo ap vini, épi y-ap adoré dévan fas ou, poutèt jijman-ou yo klè ».

Paròl Granmèt la.

PSÒM RÉPONS

Ps 97, 1. 2-3 ab. 7-8. 9 (R: Ap 15, 3 b)

R: Yo gran, yo éstraòdinè, travay ou yo,
 Granmèt, Bondié ki gin tout pouvoua.

- ¹ Chanté yon kantik nouvo pou Granmèt la,
 paské li fè mèvèy.

Min douat li réalizé viktoua ba li,
nan bra li ki sin-an. **R:**

2 Granmèt la fè konnin sovè li sovè nou-an,
nan fas nasion yo li dévoualé jistis li-a.

3 Li fè sonjé mizérikòd li-a
ak vérité-l la pou kay Israèl la. **R:**

7 Sé pou lanmè-a sonnin ak sa-k plin-l nan,
fas tè-a ak sa ki abité nan li yo.

8 Sé pou riviè yo bat bravo,
sé pou tout mòn yo dansé. **R:**

9 Dévan fas Granmèt la,
paské l-ap vi-n jijé tè-a.
L-ap jijé fas tè yo nan jistis
ak pèp yo nan douatu. **R:**

ALÉLOUYA

Ap 2, 10 c

R: Alélouya. Sé pou-ou rét fidèl jous nan lanmò, sé sa Granmèt la di,
épi m-ap ba-ou kouròn lavi-a. **R:** Alélouya.

ÉVANJIL

*Tout moun ap rayi nou poutèt non mouin,
min yon chévé nan tèt nou pap pèdi.*

✠ Léktu sint Évanjil la dapré Luk

21, 12-19

Lè sa-a : Jézu di disip li yo :

« Y-ap mét min sou nou, y-ap pèsékité nou, y-ap rinmèt nou nan sinagòg yo ak nan prizon yo, y-ap trinnin nou dévan roua yo ak préfè yo poutèt non mouin ; sa ap ba nou okazion pou nou témouagné. Mété sa byin nan kè nou, pa préparé sa n-ap réponn. Sé mouin minm k-ap ba nou yon bouch ak sajès ki fè tout ènmi nou yo pap kapab rézisté nou, ni démanti nou.

Épi sa k-ap trayi nou, sé paran nou, frè nou, fanmi nou, zanmi nou ; y-ap touyé kèk nan nou ; tout moun ap rayi nou poutèt non mouin, min yon chévé nan tèt nou pap péri : nan pasians nou n-ap jouinn lavi nou ».

Paròl Granmèt la.

Jédi

Ané 1

PRÉMIÉ LÉKTU

Bondié voyé anj li-a, li fèmin bouch lion yo.

Léktu liv profèt Danièl

6, 12-28

Jou sa yo :

Gin mésié ki vi-n fé éspion, yo fouyé byin fouyé, yo jouinn Danièl k-ap priyé, k-ap mandé Bondié-l favè.

Yo proché, yo palé ak roua-a sou lòd li-a : « Roua, èské ou pa-t pasé lòd ki di : pandan trant jou, tout moun ki t-ap priyé ninpòt ki dié ak moun, sof ou minm, roua, yo t-ap jété-l nan trou lion yo ? »

Roua-a réponn yo, li di : « Paròl la vré dapré désizion Mèd yo ak Pèrs yo, ki pa kapab pasé ».

Lè sa-a yo réponn, yo di dévan roua-a : « Danièl, nan pami pitit Juda yo yo té égzilé yo, li pa okipé laloua-ou la ni désizion ou kòmandé-a, min toua foua pa jou l-ap priyé nan dévosion-l ». Lè roua-a tandé paròl la, li pran lapinn anpil ; pou Danièl li pozé kè-l pou-l libéré-l, jous solèy kouché l-ap chèché pou-l libéré-l.

Mésié sa yo minm, yo konprann fint roua-a, yo di-l : « Sé pou-ou konn sa, roua, laloua Mèd yo ak Pèrs yo mandé pou tout désizion roua-a fi-n pasé, yo pa gin doua chanjé-l ». Lè sa-a roua-a pasé lòd pou yo minnin Danièl, pou yo jété-l nan trou lion yo.

Roua-a di Danièl : « Bondié-ou la, sa ou-ap sèvi tout tan-an, sé li minm k-ap libéré-ou ». Yo minnin yon ròch, yo mété-l sou bouch trou-a, roua-a pozé sélé sou li avèk so-l la ak so chèf li yo, pou yo pa fè anyin kont chatiman Danièl la.

Roua-a alé lakay li, li dòmi san soupé, yo pa poté manjé dévan-l, minm dòmi-an pati kité-l. Lè sa-a roua-a lévé byin bonè granmatin, li fè vit li kouri al bò trou lion yo ; lè-l proché bò trou-a, li rélé Danièl ak yon voua k-ap kriyé, li palé avèk li : « Danièl, sèvitè Bondié ki vivan-an, Bondié-ou la, sa ou-ap sèvi tout tan-an, ou kouè li rivé libéré-ou anba lion yo ? »

Danièl réponn roua-a, li di : « Roua, sé pou-ou viv tout tan ! Bondié-m nan té voyé anj li-a, li fèmin bouch lion yo ; yo pa fè-m anyin ki mal,

paské Bondié jouinn mouin inosan dévan-l ; ni dévan-ou tou, roua, mouin pa fè fot ». Lè sa-a roua-a kontan anpil poutèt li, li pasé lòd pou yo ouété Danièl sot nan trou-a ; yo pa jouinn okinn mak sou li, paské li té koué nan Bondié-l la. Roua-a minm pasé lòd, yo minnin mésié sa yo ki té akizé Danièl la, yo jété yo nan trou lion yo, ni yo minm, ni pitit yo, ni madanm yo ; yo pa gin tan rivé nan fon trou-a, lion yo gin tan atrap yo, yo krazé tout zo yo.

Lè sa-a roua Darius ékri tout pèp yo, nasion yo ak lang yo, ki abité sou tout tè-a : « Lapè pou nou anpil. Mouin déklaré désizion, pou nan tout péyi koté-m roua-a, yo krinn, yo pè Bondié Danièl la ; sèké sé li minm minm ki Bondié vivan-an, ki la pou tout tan, péyi roua-l pap gayé, pouvoua-l pou tout tan. Sé li minm ki libératè, ki sovè, ki fè sign ak mèvèy nan sièl la ak sou tè-a, ki libéré Danièl sot nan trou lion yo ».

PSÒM RÉPONS

Dan 3, 68. 69. 70. 71. 72. 73. 74 (R: 59 b)

- R: Fè louanj li, lévé-l anlè dépasé tou sa-k gran pou tout tan.
- ⁶⁸ Fè konpliman pou Granmèt la, larouzé ak niaj.
R: Fè louanj li, lévé-l anlè dépasé tou sa-k gran pou tout tan.
- ⁶⁹ Fè konpliman pou Granmèt la, brouya ak frédi.
R: Fè louanj li, lévé-l anlè dépasé tou sa-k gran pou tout tan.
- ⁷⁰ Fè konpliman pou Granmèt la, glas ak lanèj.
R: Fè louanj li, lévé-l anlè dépasé tou sa-k gran pou tout tan.
- ⁷¹ Fè konpliman pou Granmèt la, lannuit ak lajounin.
R: Fè louanj li, lévé-l anlè dépasé tou sa-k gran pou tout tan.
- ⁷² Fè konpliman pou Granmèt la, limiè ak fènoua.
R: Fè louanj li, lévé-l anlè dépasé tou sa-k gran pou tout tan.
- ⁷³ Fè konpliman pou Granmèt la, zéklè avèk niaj.
R: Fè louanj li, lévé-l anlè dépasé tou sa-k gran pou tout tan.
- ⁷⁴ Sé pou tè-a fè konpliman pou Granmèt la.
R: Fè louanj li, lévé-l anlè dépasé tou sa-k gran pou tout tan.

Ané 2**PRÉMIÉ LÉKTU***Li tonbé, gran Babilòn nan.***Léktu liv Apokalips apot sin Jan****18, 1-2. 21-23 ; 19, 1-3. 9 a**

Mouin minm, Jan, mouin ouè yon anj k-ap désann sot nan sièl la, li fin gran pouvoua ; tè-a kléré ak gloua-l la.

Li rélé byin fò, li di : « Li tonbé, li tonbé, gran Babilòn nan, li vi-n tounin kay démon yo, ak prizon tout éspri papròp yo, ak kalòj tout zouazo papròp ki lèd yo ».

Yon anj ki gin fòs, soulvé yon ròch tankou yon gran mèl, li lagé-l nan lanmè-a, li di : « Yon sèl kou konsa y-ap jété Babilòn, gran vil sa-a, yo pap jouinn li ankò. Boui gitaris yo ak mizisyin yo, avèk sa k-ap joué flit yo ak tronpèt yo, yo pap tandé yo ankò nan ou ; tout travayè ki gin tout kalité métié, yo pap jouinn sa nan ou ankò ; voua moulin-an yo pap tandé sa nan ou ankò ; limiè lanp pap limin nan ou ankò ; voua mésié k-ap marié-a ak madanm k-ap marié-a, yo pap tandé sa nan ou ankò ; paské machann ou yo sé yo minm ki té chèf tè-a, paské maji-ou yo té fè tout nasion yo pèdi chémin ».

Apré sa, mouin tandé tankou voua anpil foul nan sièl la ki t-ap di : « Alélouya. Sové nou sové-a, gloua, pouvoua, sé pou Bondié nou-an yo yé : paské yo vré, yo kòrèk, jijman-l yo, li minm ki fè jijman sou gran prostitué-a ki t-ap gaté tè-a nan prostitusion-l nan ; li tiré vanjans pou san sèvitè-l yo sot nan min-l ». Yo di ankò : « Alélouya ». Épi lafimin-l nan monté pou tout tan gin tan.

Li di-m : « Ékri : “Ala kontantman pou sa yo yo invité nan nòs Mouton-an” ».

Paròl Granmèt la.

PSÒM RÉPONS**Ps 99, 2. 3. 4. 5 (R : Ap 19, 9 a)**

R Ala kontantman pou moun yo invité nan soupé nòs Mouton-an.

- 2** Fè louanj pou Granmèt la, tout tè-a,
sèvi Granmèt la nan kè kontan ;
antré dévan fas li avèk gran fèt. **R**

- 3 Konnin Granmèt la sé li minm ki Bondié ;
sé li minm ki fè nou, sé pou li nou yé,
nou sé pèp li ak mouton patiraj li. **R:**
- 4 Antré nan pòtay li yo avèk louanj,
nan lakou-l yo avèk kantik,
fè louanj li, fè konpliman pou non-l. **R:**
- 5 Sèké Granmèt la bon ;
pou tout tan mizérikòd li,
pou jénérasyon ak jénérasyon vérité-l la. **R:**

ALÉLOUYA

Lk 21, 28

R: Alélouya. Gadé, lévé tèt nou,
paské rédanmsion nou-an ap proche. **R:** Alélouya.

ÉVANJIL

*Nasion yo ap foulé Jérusalèm anba pié,
jous lè tan nasion yo fi-n rivé nan bout yo.*

✠ Léktu sint Évanjil la dapré Luk

21, 20-28

Lè sa-a : Jézu di disip li yo :

« Lè n-ap ouè lamé-a ansèklé Jérusalèm, lè sa-a konnin tan pou-l détoui-a tou pré. Lè sa-a moun ki nan Judé-a, sé pou yo sové kò yo nan mòn yo, moun ki nan mitan-l, sé pou yo pati, moun ki andéyò, sé pa pou yo antré ladan-l. Paské sé jou chatiman-l, pou tou sa ki ékri yo réalizé.

Ala malè pou moun ki ansint yo ak sa ki nouris yo nan jou sa yo ! Sèké ap gin gran affliksion sou tè-a ak kòlè kont pèp sa-a. Y-ap tonbé nan bouch épé, y-ap kondui yo prizonié nan tout nasion yo, nasion yo ap foulé Jérusalèm anba pié, jous lè tan nasion yo fi-n rivé nan bout yo.

Ap gin sign nan solèy la, lali-n nan ak zétoual yo, sou tè-a ap gin affliksion nan nasion yo akòz dézòd boui lanmè-a ak lanm yo, moun yo ap séché tèlman y-ap pè, y-ap tann sa k-ap rivé sou tout fas tè-a ; sèké puisans sièl yo ap boulvèsé.

Lè sa-a y-ap ouè Pitit moun nan k-ap vini nan niaj la avèk gran pouvoua ak gran gloua. Min lè bagay sa yo kòmansé rivé, gadé, lévé tèt nou, paské rédanmsion nou tou pré ».

Paròl Granmèt la.

Vandrédi

Ané 1

PRÉMIÉ LÉKTU

Min tankou yon pitit moun ki t-ap vini avèk niaj sièl yo.

Léktu liv profèt Danièl

7, 2-14

Mouin minm Danièl, mouin té ouè nan vizion mouin té gin nan nuit la : sé kat van sièl la ki t-ap batay nan gran lanmè-a, ak kat gran bèt ki t-ap monté sot nan lanmè-a, youn pa sanblé ak lòt. Prèmié-a té tankou manman lion, li té gin zèl ègl ; mouin t-ap gadé joustan yo raché zèl li yo ; yo ouété-l sot sou tè-a, li kanpé sou pié tankou yon moun, yo ba-l yon kè moun.

Min yon lòt bèt ki sanblé ak yon ous, li kanpé yon koté, li té gin toua kòt nan bouch li ak nan dan-l, épi yo t-ap di-l konsa : « Lévé, manjé anpil viann ». Apré bagay sa yo, mouin gadé, min yon lòt tankou yon tig, li té gin zèl tankou kat zèl zouazo sou li, té gin kat tèt nan bèt la, yo ba-l pouvoua.

Apré bagay sa yo, mouin t-ap gadé nan vizion mouin té gin nan nuit la, min yon katriyèm bèt ki térib, ki éstraòdinè, ki fò anpil, li té gin anpil gro dan an fè, li t-ap manjé, li t-ap krazé, li t-ap foulé sa-k rété yo anba pié-l ; li pa-t sanblé ak lòt bèt yo, sa-m té ouè anvan-l yo, li té gin dis kòn. Mouin t-ap gadé kòn yo, épi min yon lòt kòn pi piti ki lévé sot nan mitan yo : toua nan prèmié kòn yo, yo raché sot nan fas li ; gin jé tankou jé moun ki té nan kòn sa-a, ak yon bouch ki t-ap palé gran bagay.

Mouin t-ap gadé joustan yo pozé tro-n yo ; Ansyin nan jou yo chita. Rad li blan tankou lanèj, chévé tèt li tankou linn byin blan, tro-n li sé flanm difé, rou li sé difé ki limin. Yon riviè difé byin rapid t-ap soti dévan fas li, mil milié t-ap sèvi-l, di mil san milié t-ap monté lagad bò koté-l. Tribinal la instalé, yo louvri liv yo. Mouin t-ap gadé poutèt boui gran paròl yo, sa kòn nan t-ap palé yo, mouin ouè yo té touyé bèt la, kò-l té péri, yo té lagé-l pou-l boulé nan difé ; lòt bèt yo tou, yo té ouété pouvoua yo, yo té fiksé tan lavi pou yo jous pou yon tan ak yon tan.

Mouin t-ap gadé konsa nan vizion nannuit : sé tankou yon pitit moun ki t-ap vini avèk niaj sièl yo, li rivé jous kot Ansyin nan jou yo. Yo ofri-l bay Ansyin nan jou yo, ki ba-l pouvoua ak konsidèrasion ak péyi roua ; épi tout pèp, ras ak lang ap sèvi-l. Pouvoua-l sé pouvoua k-ap diré tout tan, ki pap disparèt ; péyi roua-l sé péyi roua ki pap détoui.

Paròl Granmèt la.

PSÒM RÉPONS

Dan 3, 75. 76. 77. 78. 79. 80. 81 (R: 59 b)

- R: Fè louanj li, lévé-l anlè dépasé tou sa-k gran pou tout tan.
- 75 Fè konpliman pou Granmèt la, gro mòn yo ak ti mòn yo.
R: Fè louanj li, lévé-l anlè dépasé tou sa-k gran pou tout tan.
- 76 Fè konpliman pou Granmèt la, tout plant sou tè-a.
R: Fè louanj li, lévé-l anlè dépasé tou sa-k gran pou tout tan.
- 77 Fè konpliman pou Granmèt la, sous yo.
R: Fè louanj li, lévé-l anlè dépasé tou sa-k gran pou tout tan.
- 78 Fè konpliman pou Granmèt la, lanmè yo ak riviè yo.
R: Fè louanj li, lévé-l anlè dépasé tou sa-k gran pou tout tan.
- 79 Fè konpliman pou Granmèt la, balèn ak tou sa ki an mouvman nan dlo yo,
R: Fè louanj li, lévé-l anlè dépasé tou sa-k gran pou tout tan.
- 80 Fè konpliman pou Granmèt la, tout zouazo sièl yo.
R: Fè louanj li, lévé-l anlè dépasé tou sa-k gran pou tout tan.
- 81 Fè konpliman pou Granmèt la, tout bèt boua ak bèt volay.
R: Fè louanj li, lévé-l anlè dépasé tou sa-k gran pou tout tan.

Ané 2

PRÉMIÉ LÉKTU

*Yo jijé mò yo dapré aksion yo. Mouin ouè Jérusalèm nouvo-a,
k-ap désann sot nan sièl la.*

Léktu liv Apokalips apot sin Jan

20, 1-4. 11-21, 2

Mouin minm, Jan, mouin ouè yon anj k-ap désann sot nan sièl la, li gin klé bafon-an ak gran chinn nan min-l. Li pran dragon-an, sèpan lontan-an, sa vlé di Djab la ak Satan-an, li maré-l pou mil ané ; li voyé-l nan bafon-an, li fèmin-l, li pozé sélé sou li pou-l pa kontinié tronpé nasion yo, joustan mil anlè yo fi-n rivé bout yo ; apré sa, yo gin pou yo lagé-l yon ti moman.

Mouin ouè tro-n, épi sa-k vi-n chita sou yo-a, yo résévoua pouvoua fè jijman. Épi tou mouin ouè ni nanm moun yo yo té touyé poutèt témouagnaj Jézu-a ak poutèt paròl Bondié-a, ni sa yo ki pa-t adoré bèt la ak pòtré-l la, épi ki pa-t aksépté mak li nan fron yo oubyin nan min yo ; y-ap viv, y-ap kòmandé kòm roua avèk Kris la pou mil ané.

Mouin ouè yon tro-n ki gran, ki blan, ak yon pèsonaj ki chita sou li ; dévan fas li tè-a ak sièl la sovè kò yo, yo pa jouinn plas yo ankò. Mouin ouè mò yo, ni gran ni piti, ki kanpé dévan fas tro-n nan ; yo louvri liv yo, yon lòt liv louvri tou, sé liv lavi-a ; yo jijé mò yo dapré sa-k té ékri nan liv yo, dapré aksion yo. Lanmè-a rinmèt mò yo ki té nan li-a, lanmò-a ak koté mò yo té yé-a rinmèt mò yo ki té nan yo-a, yo jijé chak moun dapré aksion-l yo. Ni koté mò yo té yé-a, ni lanmò-a, yo lagé yo nan létan difé-a. Sa-a sé dézièm lanmò-a. Sa-a yo pa jouinn non-l ékri nan liv lavi-a, yo jété-l nan létan difé-a.

Mouin ouè yon sièl nouvo ak yon tè nouvo. Prémie sièl la ak premié tè-a pati, pa gin lanmè ankò.

Mouin minm Jan, mouin ouè vil ki sin-an, Jérusalèm nouvo-a, k-ap désann sot nan sièl la, sot kot Bondié, li abiyé fin tankou yon madanm k-ap marié ki mét bijou pou mari-l.

Paròl Granmèt la.

PSÒM RÉPONS

Ps 83, 3. 4. 5-6 a é 8 a (R: Ap 21, 3 b)

R: Min tant Bondié-a avèk moun yo.

- 3 Nanm mouin anvi, l-ap dépéri pou kay Granmèt la.
Kè-m ak chè-m ap dansé pou Bondié vivan-an. R
- 4 Minm zouazo k-ap passé-a jouinn yon kay pou li,
toutrèl la jouinn yon nich, koté li dépozé ti pitit li yo :
lotèl ou yo, Granmèt lamé yo, roua-m ak Bondié-m. R
- 5 Ala kontantman pou moun ki abité nan kay ou-a,
pou tout tan y-ap fè louanj ou.
- 6 Ala kontantman pou moun ki jouinn sékou-l nan ou ;
- 8 y-ap maché sot nan puisans al nan puisans. R

ALÉLOUYA

Lk 21, 28

R: Alélouya. Gadé, lévé tèt nou,
paské rédanmsion nou-an tou pré. R: Alélouya.

ÉVANJIL

Lè n-a ouè bagay sa yo rivé, konnin péyi roua Bondié-a tou pré.

✚ Léktu sint Évanjil la dapré Luk

21, 29-33

Lè sa-a : Jézu di yon parabòl pou disip li yo :

« Gadé pié figié-a ak tout pié boua yo : lè yo kòmansé donnin foui, nou konnin tan cho-a tou pré. Konsa tou nou minm, lè n-a ouè bagay sa yo rivé, konnin péyi roua Bondié-a tou pré. Amèn, mouin di nou jénérasyon sa-a pap pasé, joutan tout bagay rivé.

Sièl la ak tè-a ap pasé ; min paròl mouin yo pap pasé ».

Paròl Granmèt la.

Samdi

Ané 1

PRÉMIÉ LÉKTU

Péyi roua-a ak pouvoua-a, y-ap rimmèt li bay pèp moun sin yo ki pou Sa-a ki anro nèt la.

Léktu liv profèt Danièl

7, 15-27

Éspri-m troublé : mouin minm, Danièl, mouin krazé anba bagay sa yo, vizion yo ki nan tèt mouin-an yo dékontrolé-m. Mouin proche kot youn nan sa yo ki té kanpé yo, mouin mandé vérité nan min-l sou tout bagay sa yo.

Li di-m sans paròl yo, li aprann mouin : « Kat gran bèt sa yo, sé kat péyi roua k-ap lévé sou tè-a. Sin Bondié ki anro nèt la, y-ap pran pouvoua-a, y-ap jouinn pouvoua-a pou tout tan gin tan ».

Apré sa, mouin té vlé gin ésplikasyon sou katriyèm bèt la, ki pa-t sanblé minm ak tout lòt yo, ki té lèd anpil la : dan ak zong li té an fè, li t-ap manjé, li t-ap krazé, li t-ap foulé rès yo anba pié-l, épi sou dis kòn yo li té gin sou tèt li-a, ni sou lòt kòn nan ki té vi-n lévé-a, anvan toua kòn yo té tonbé-a, épi tou sou kòn sa-a, sa-k té gin jé yo ni bouch la tou ki t-ap palé gran bagay la épi ki té pi gro pasé lòt yo-a. Mouin t-ap gadé : kòn sa-a t-ap fè lagè kont sin yo, li t-ap ranpòté viktoua sou yo, joutan Ansyin nan jou yo rivé, épi li rimmèt jijman-an bay sin yo ki pou Sa-a ki anro nèt la ; tan-an rivé, sin yo jouinn péyi roua-a.

Li di konsa : « Katriyèm bèt la, sé yon katriyèm péyi roua k-ap rivé sou tè-a, l-ap pi gran pasé tout péyi roua yo, l-ap dévoré tout tè-a, l-ap krazé, l-ap foulé-l anba pié. Kanta pou dis kòn yo nan péyi roua sa-a, sé dis roua k-ap lévé. Youn ap lévé apré lòt yo, l-ap pi fò pasé premié yo, l-ap jété toua roua yo ; l-ap palé paròl kont Sa-a ki anro nèt la, l-ap krazé sin yo ki pou Sa-a ki anro nèt la, l-ap konprann li kapab chanjé tan yo avèk laloua yo ; y-ap rinmèt yo nan min-l jous pou yon tan ak kèk tan ak mouatié yon tan.

Min y-ap instalé jijman-an pou yo ouété pouvoua-a nan min-l ; l-ap krazé, l-ap gayé jous nan finisman. Péyi roua ak pouvoua ak grandè péyi roua ki anba tout sièl la, y-ap rinmèt li bay pèp sin-yo ki pou Sa-a ki anro nèt la : péyi roua li, sé péyi roua k-ap diré tout tan, tout roua yo ap sèvi-l, y-ap obéyi-l ».

Paròl Granmèt la.

PSÒM RÉPONS

Dan 3, 82. 83. 84. 85. 86. 87 (R: 59 b)

- R: Fè louanj li, lévé-l anlè dépasé tou sa-k gran pou tout tan.
- ⁸² Fè konpliman pou Granmèt la, pitit moun yo.
R: Fè louanj li, lévé-l anlè dépasé tou sa-k gran pou tout tan.
- ⁶³ Sé pou Israèl fè konpliman pou Granmèt la.
R: Fè louanj li, lévé-l anlè dépasé tou sa-k gran pou tout tan.
- ⁶⁴ Fè konpliman pou Granmèt la, prèt Granmèt yo.
R: Fè louanj li, lévé-l anlè dépasé tou sa-k gran pou tout tan.
- ⁸⁵ Fè konpliman pou Granmèt la, sèvitè Granmèt la.
R: Fè louanj li, lévé-l anlè dépasé tou sa-k gran pou tout tan.
- ⁸⁶ Fè konpliman pou Granmèt la, éspri ak nanm sin yo.
R: Fè louanj li, lévé-l anlè dépasé tou sa-k gran pou tout tan.
- ⁸⁷ Fè konpliman pou Granmèt la, sin yo ak sa ki pòv nan kè yo.
R: Fè louanj li, lévé-l anlè dépasé tou sa-k gran pou tout tan.

Ané 2

PRÉMIÉ LÉKTU

*Pap gin nannuit ankò,
paské Granmèt la ap kléré yo.*

Léktu liv Apokalips apot sin Jan

22, 1-7

Mouin minm Jan, Anj Granmèt la montré-m yon riviè dlo lavi, li kléré tankou kristal ; l-ap soti nan tro-n Bondié-a ak Mouton-an. Nan mitan plas vil la, chak bò riviè-a, gin pié boua lavi-a k-ap donnin foui douz foua, chak moua l-ap bay foui li, fèy pié boua-a sèvi rémèd pou nasion yo. Pap gin okinn madichon ankò ; min tro-n Bondié-a ak tro-n Mouton-an ap nan vil la, épi sèvitè-l yo ap sèvi-l. Y-ap ouè fas li, ak non-l nan fron yo. Pap gin nannuit ankò, yo pap bézouin limiè lanp, ni limiè solèy, paské Granmèt Bondié ap kléré yo, y-ap kòmandé kòm roua pou tout tan gin tan.

Li di-m : « Paròl sa yo fidèl anpil, yo vré, sé Granmèt Bondié éspri profèt yo, ki voyé Anj li-a pou-l montré sèvitè-l yo sa ki gin pou-l rivé tout-suit la. Min m-ap vini byin vit. Ala kontantman pou moun ki kinbé paròl profèsi ki nan liv sa-a ».

Paròl Granmèt la.a

PSÒM RÉPONS

Ps 94, 1-2. 3-5. 6-7 (R : 1 Kor 16, 22 b é Ap 22, 20 c)

R: Marana ta ! Vini, Granmèt Jézu !

- 1 Vini, an nou fété pou Granmèt la ;
an nou fè fèt pou Bondié sovè nou-an.
- 2 An nou proché dévan fas li avèk louanj,
avèk kantik, an nou fè fèt pou li. R:
- 3 Sèké sé Bondié ki gran Granmèt la yé,
yon roua ki gran anlè tout dié yo.
- 4 Paské nan min-l bafon tè-a yé,
rotè mòn yo sé pou li.
- 5 Sèké sé pou li lanmè-a yé, sé li minm ki fè-l,
tè sèk la, sé min-l ki fòmè-l. R:
- 6 Vini, an nou adoré-l, an nou bésé atè,
an nou ajénou dévan Granmèt la ki fè nou-an,

⁷ paské sé li minm ki Bondié nou,
nou sé pèp pak li ak mouton min-l. **R:**

ALÉLOUYA

Lk 21, 36

R: Alélouya. Véyé, tout tan sé pou nou ap priyé,
pou nou mérité kanpé dévan Pitit moun nan. **R:** Alélouya.

ÉVANJIL

Véyé, pou nou mérité chapé anba bagay sa yo k-ap vini yo.

✠ Léktu sint Évanjil la dapré Luk

21, 34-36

Lè sa-a : Jézu di disip li yo :

« Fè atansion, pou kè nou pa vi-n lou ni nan bouason k-ap monté nan tèt nou, k-ap fè nou vi-n sou, ni nan tèt chajé pou lavi sa-a, pou jou sa-a pa tonbé sou nou sanzatan ; tankou yon filè réyéman l-ap tonbé sou tout moun ki chita sou fas tout tè-a. Konsa, sé pou nou véyé, sé pou nou priyé tout tan, pou nou mérité chapé anba tout bagay sa yo k-ap vini yo, pou nou kanpé dévan Pitit moun nan ».

Paròl Granmèt la.

ALÉLOUYA

pou dimanch ak jou sémèn nan tan kouran ané-a (tan « òdinè »-a)

1. [Dimanch] 1 Sam 3, 9 ; Jan 6, 68 c
R: Alélouya. Palé, Granmèt, paské sèvitè-ou la ap kouté ;
ou gin paròl lavi ki pap janm fini-an. R: Alélouya.
2. Cf. Ps 18, 9
R: Alélouya. Paròl ou yo, Granmèt, yo fè kè kontan,
déklarasion-ou nan kléré jé nou, R: Alélouya.
3. Ps 24, 4 b. 5 a
R: Alélouya. Santié-ou yo, Bondié-m, aprann mouin yo,
kondui-m nan vérité-ou la. R: Alélouya.
4. Cf. Ps 26, 11
R: Alélouya. Mété laloua-a nan rout ou-a pou mouin, Granmèt,
kondui-m nan santié ki douat. R: Alélouya.
5. Cf. Ps 94, 8 ab
R: Alélouya. Jodi-a pa fèmin kè nou,
min kouté voua Granmèt la. R: Alélouya.
6. Ps 110, 7 b-8 a
R: Alélouya. Tout kòmandman-ou yo fidèl, Granmèt,
yo asiré pou tout tan gin tan. R: Alélouya.
7. Ps 118, 18
R: Alélouya. Dévoualé jé-m Granmèt,
m-a égzaminé mèvèy yo nan laloua-ou la. R: Alélouya,
8. Ps 118, 27
R: Alélouya. Aprann mouin chémin désizion-ou yo,
m-a fiksé léspri-m sou mèvèy ou yo. R: Alélouya.
9. Ps 118, 34
R: Alélouya. Ban-m intéljans m-a égzaminé laloua-ou la, Granmèt,
m-a kinbé-l ak tout kè-m. R: Alélouya.
10. Ps 118, 36 a. 29 b
R: Alélouya. Panché kè-m, Bondié, nan témouagnaj ou-a ;
ban-m laloua-ou la ak byinvéyans. R: Alélouya.

11. Ps 118, 88
 R: Alélouya. Dapré mizèrikòd ou-a fè-m viv,
 m-a kinbé témouagnaj bouch ou yo. R: Alélouya.
12. Ps 118, 105
 R: Alélouya. Paròl ou-a sé yon lanp pou pié-m,
 yon limiè pou santié-m. R: Alélouya.
13. Ps 118, 135
 R: Alélouya. Fè fas ou kléré sou sèvitè-ou, Granmèt,
 aprann mouin désizyon-ou yo. R: Alélouya.
14. Cf. Ps 129, 5
 R: Alélouya. Mouin espéré nan Granmèt la,
 mouin espéré nan paròl li-a. R: Alélouya.
15. Ps 144, 13 cd
 R: Alélouya. Granmèt la fidèl nan paròl li yo,
 li sin nan tout aksion li yo. R: Alélouya.
16. Ps 147, 12 a. 15 a
 R: Alélouya. Fè louanj Granmèt la, Jérusalèm,
 li minm ki voyé promès li-a sou tè-a. R: Alélouya.
17. Mt 4, 4 b
 R: Alélouya. Sé pa ak pin sèlman moun viv,
 min ak tout paròl ki soti nan bouch Bondié. R: Alélouya.
18. [Dimanch] Cf. Mt 11, 25
 R: Alélouya. Konpliman pou ou, Papa, Granmèt sièl la ak tè-a,
 paské ou révéle mistè péyi roua-a pou timoun piti yo. R: Alélouya.
- 19a. Cf. Lk 8, 15
 R: Alélouya. Ala kontantman pou moun ki kinbé paròl Bondié-a
 nan yon kè ki bon, ki dévoué, épi ki donnin foui avèk pasians. R:
 Alélouya.
- 19b. [Dimanch sitou] Cf. Lk 19, 38 ; 2, 14
 R: Alélouya. Konpliman pou sa-a k-ap vini kòm roua o non Granmèt la,
 lapè nan sièl la ak gloua nan rotè sièl yo. R: Alélouya

- 19c. [Dimanch sitou] Jan 1, 14 a. 12 a
 R: Alélouya. Paròl la vi-n tounin chè, li abité nan mitan nou.
 Tout moun ki résévoua-l, li ba yo pouvoua
 pou yo vi-n tounin pitit Bondié. R: Alélouya.
20. [Dimanch] Cf. Jan 6, 63 c. 68 c
 R: Alélouya. Paròl ou yo, Granmèt, sé éspri ak lavi ;
 ou gin paròl lavi tout tan-an. R: Alélouya.
21. [Dimanch] Jan 8, 12
 R: Alélouya. Mouin sé limiè tè-a, sé sa Granmèt la di ;
 moun ki suiv mouin, l-ap gin limiè lavi-a. R: Alélouya.
22. [Dimanch] Jan 10, 27
 R: Alélouya. Mouton-m yo kouté voua-m, sé sa Granmèt la di ;
 mouin konnin yo, yo suiv mouin. R: Alélouya.
23. [Dimanch] Jan 14, 6
 R: Alélouya. Mouin sé chémin-an, vérité-a ak lavi-a, sé sa Granmèt la di ;
 pèsòn pa vi-n kot Papa-a, sof pa lintèmediè-m. R: Alélouya.
24. [Dimanch] Jan 14, 23
 R: Alélouya. Si yon moun rinmin-m, l-ap kinbé paròl mouin,
 Papa-m ap rinmin-l, n-ap vi-n lakay li. R: Alélouya.
25. [Dimanch] Jan 15, 15 b
 R: Alélouya. Mouin rélé nou zanmi, sé sa Granmèt la di,
 paské tou sa mouin tandé nan min Papa-m, mouin fè nou konnin-l. R:
 Alélouya.
26. [Dimanch] Cf. Jan 17, 17 b. a
 R: Alélouya. Paròl ou, Granmèt, sé vérité ;
 fè nou vi-n sin nan vérité-a. R: Alélouya.
27. [Dimanch] Cf. Tr 16, 14 b
 R: Alélouya. Granmèt, louvri kè nou,
 pou nou fè atansyon nan paròl Pitit ou-a. R: Alélouya.
28. 2 Kor 5, 19
 R: Alélouya. Bondié t-ap rékonsilié tè-a avèk li nan Kris la,
 li mété paròl rékonsiliation-an nan nou. R: Alélouya.

29. [Dimanch]

Cf. Éf 1, 17-18

℞ Alélouya. Papa Granmèt nou Jézu-Kri, sé pou-l kléré jé kè nou,
pou nou konnin rélé li rélé nou-an, ki kalité éspérans sa bay. ℞
Alélouya.

30.

Fil 2, 15 d. 16 a

℞ Alélouya. Sé pou nou kléré tankou lanp sou tè-a,
antan nou kinbé paròl lavi-a. ℞ Alélouya.

31.

Cf. Kol 3, 16 a. 17 c

℞ Alélouya. Sé pou paròl Kris la abité nan nou avèk abondans ;
sé pou nou rann gras bay Bondié ak Papa-a pa lintèmediè Kris la. ℞
Alélouya.

32.

Cf. 1 Tés 2, 13

℞ Alélouya. Résévoua paròl Bondié-a, pa tankou paròl moun,
min tankou sa-l yé tout bon vré-a, paròl Bondié-a. ℞ Alélouya.

33.

Cf. 2 Tés 2, 14

℞ Alélouya. Bondié rélé nou pa pouvoua Bòn Nouvèl la,
pou nou jouinn gloua Granmèt nou Jézu-Kri. ℞ Alélouya.

34.

Cf. 2 Tim 1, 10

℞ Alélouya. Sovè nou Jézu-Kri détoui lanmò-a,
li kléré lavi-a gras a Bòn Nouvèl la. ℞ Alélouya.

35.

Ébr 4, 12

℞ Alélouya. Paròl Bondié-a vivan, li réalizé sa-l vlé-a,
li foyé réfléksion avèk pansé ki nan kè. ℞ Alélouya.

36.

Jak 1, 18

℞ Alélouya. Papa-a anfanté nou ak bòn volonté-l gras a paròl vérité-a,
pou nou kapab vi-n tounin kòmansman créatu-l. ℞ Alélouya.

37.

Jak 1, 21 bc

℞ Alélouya. Avèk dousè sé pou nou résévoua paròl la
ki simin anndan nou-an,
li minm ki kapab sové nanm nou yo. ℞ Alélouya.

38. 1 Piè 1, 25

℞ Alélouya. Paròl Granmèt la diré pou tout tan ;
sa-a sé paròl la yo té anonsé kòm Bòn Nouvèl nan nou-an. ℞
Alélouya.

39. 1 Jan 2, 5

℞ Alélouya. Moun ki kinbé paròl Kris la,
charité Bondié-a kòrèk nèt nan li tout bon vré. ℞ Alélouya.

POU DÈNIÉ SÉMÈN YO

1. [Dimanch] Mt 24, 42 a. 44

℞ Alélouya. Sé pou nou véyé, sé pou nou toujou paré,
paské nou pa konnin kilè Pitit moun nan ap vini. ℞ Alélouya.

2. Lk 21, 28

℞ Alélouya. Gadé byin épi lévé tèt nou,
paské rédanmsion nou-an ap proche. Alélouya.

3. [Dimanch] Lk 21, 36

℞ Alélouya. Sé pou nou véyé, antan n-ap priyé tout tan,
pou nou kapab kanpé dévan Pitit moun nan. Alélouya.

4. [Dimanch] Ap 2, 10 c

℞ Alélouya. Rét fidèl jouskalamò, sé sa Granmèt la di,
m-ap ba-ou kouròn lavi-a. Alélouya.

TÈKS KOMIN

pou chanté psòm réponsorial la

« Psòm nan, dòdinè, yo pran-l nan léksionè-a, kòm chak tèks gin rélasyon dirèktéman avèk chak léktu : konsa yo chouazi psòm yo parapò a léktu yo.

Sèlman, pou pèp la kapab chanté répons psòm nan pi fasil, gin kèk tèks répons ak psòm yo chouazi pou divès tan nan ané-a oubyin pou divès group Sin yo, yo kapab sèvi avèk yo, nan plas tèks ki réponn léktu-a, chak fousa yo chanté psòm nan » (*Institutio generalis Missalis Romani*, n. 36).

Répons yo

TAN LAVAN

Vini, Granmèt, pou-ou libéré nou,

TAN NÉSANS GRANMÈT LA

Jodi-a nou ouè gloua-ou, Granmèt.

TAN KARÈM

Sonjé, Granmèt, fidéлитé-ou la ak mizérikòd ou-a.

TAN PAK

Alélouya (dé fousa oubyin toua fousa).

NAN KOURAN ANÉ-A

a) avèk Psòm louanj :

An nou fè louanj Granmèt la, poutèt li bon.

oubyin

N-ap fè louanj ou, Granmèt,
paské travay ou yo sé mèvèy.

oubyin

Chanté yon kantik nouvo pou Granmèt la.

b) avèk Psòm démann :

Granmèt la tou pré moun yo k-ap rélé-l yo.

oubyin

Réponn nou, Granmèt, épi sovè nou.

oubyin

Granmèt la gin pitié ak mizérikòd.

Psòm yo

TAN LAVAN

Ps 24, 4 bc-5 ab. 8-9. 10 é 14 (R: 1 b)

R: Sé koté-ou, Granmèt, mouin lévé nanm mouin.

⁴ Chémin-ou yo, Granmèt, montré-m yo,
santié-ou yo, aprann mouin yo.

⁵ Dirijé-m nan santié-ou la, ban-m léson,
paské ou sé Bondié sovè mouin. R:

⁸ Granmèt la bon, li douat,
sé pou sa l-ap aprann péchè yo chémin-an ;

⁹ l-ap kondui moun ki dosil yo nan jijman-an,
l-ap aprann moun ki dou yo chémin-l yo. R:

¹⁰ Tout chémin Granmèt la sé mizérikòd ak vérité,
pou moun ki kinbé aliens li ak témouagnaj li yo.

¹⁴ Granmèt la aji an zanmi ak moun ki krinn li yo,
pou-l montré yo aliens li-a. R:

oubyin

Ps 84, 9 ab-10. 11-12. 13-14 (R: 8 a)

R: Montré nou, Granmèt, mizérikòd ou-a.

⁹ M-ap kouté sa Granmèt Bondié ap di,
sé lapè l-ap palé pou pèp li-a ak sin-l yo.

¹⁰ Réyèlman, li tou pré moun ki krinn li yo, sovè li sovè yo-a,
pou gloua-a abité sou tè nou-an. R:

- 11 Mizérikòd ak vérité rankontré,
jistis ak lapè anbrasé
- 12 Vérité-a lèvé sot sou tè-a,
jistis la panché sot nan sièl la. **R:**
- 13 Oui, Granmèt la ap bay bon kè,
tè nou-an ap bay foui-l.
- 14 Jistis ap maché dévan-l,
l-ap pozé pié-l sou rout la. **R:**

TAN NÉSANS GRANMÈT LA

Ps 97, 1. 2-3 ab. 3 cd-4. 5-6 (**R:** : 3 c)

- R:** Tout limit tè-a ap ouè sové Bondié sové nou-an.
- 1 Chanté yon kantik nouvo pou Granmèt la, poutèt mèvèy li fè,
Min douat li sové pou li, bra li ki sin-an. **R:**
- 2 Granmèt la fè konnin sové li sové nou-an,
dévan fas nasion yo li révéle jistis li-a.
- 3 Li sonjé mizérikòd li,
ak vérité-l pou kay Israèl la. **R:**
- Tout limit tè-a ap ouè sové Bondié sové nou-an.
- 4 Bat bravo pou Bondié, tout tè-a, éklaté, dansé, chanté. **R:**
- 5 Chanté pou Granmèt la sou gita,
sou gita ak sou mizik ;
- 6 sou troupèt ki dous ak kòn,
fè konpliman dévan fas Granmèt la ki roua-a. **R:**

NAN ÉPIFANI

Ps 71, 2. 7-8. 10-11. 12-13 (**R:** : 11)

- R:** Tout roua yo sou tè-a ap adoré-l,
tout nasion yo ap sèvi-l.
- 1 Bondié, bay roua-a jijman-an,
bay pitit roua-a jistis ou
- 2 l-ap jijé pèp ou-a nan jistis,
ak pòv ou yo nan jijman. **R:**

- 7 Nan tan-l yo jistis ap fléri ak lapè an kantité
joustan lali-n nan disparèt.
- 8 L-ap kòmandé sot nan lanmè al nan lanmè,
épi sot nan gran riviè-a jous nan bout fas tè yo. **R:**
- 10 Roua Tarsis yo ak zilé yo ap ofri richès,
roua Arab yo ak Saba ap poté kado.
- 11 Tout roua yo sou tè-a ap adoré-l,
tout nasion yo ap sèvi-l. **R:**
- 12 Sèké l-ap libéré maléré-a k-ap rélé-a,
ak pòv la ki pa gin moun pou poté-l sékou.
- 13 L-ap pran pitié pou pòv la ak maléré-a,
l-ap sové nanm pòv yo. **R:**

TAN KARÈM

Ps 50, 3-4. 5-6 a. 12-13. 14 é 17 (**R:** : cf. 3 a)

- R:** Pitié, Granmèt, paské nou té fè péché.
- 3 Pitié pou mouin, Bondié, dapré mizérikòd ou,
dapré kantité pitié-ou, éfasé fot mouin-an.
- 4 Lavé-m nèt sot nan fot mouin-an,
pròpté-m sot nan péché-m nan. **R:**
- 5 Sèké fot mouin-an, sé mouin minm ki konnin-l,
péché-m nan dévan-m tout tan.
- 6 Kont ou, kont ou sèl mouin fè péché,
sa-k mal dévan-ou nan, mouin fè-l. **R:**
- 12 Kréyé yon kè pròp nan mouin Bondié,
réfè yon éspri fèm nan zantray mouin.
- 13 Pa jété-m louin fas ou,
Éspri Sin-ou nan, pa ouété-l sot nan mouin. **R:**
- 14 Rinmèt mouin kè kontan sové ou sové nou-an,
asiré-m ak léspri ki pi vif la.
- 17 Granmèt, louvri po bouch mouin,
bouch mouin ap anonsé louanj ou. **R:**

oubyin

Ps 90, 1-2. 10-11. 12-13. 14-15 (R : cf. 15 b)

R: Rét avèk mouin, Granmèt, nan tribilasion-an.

1 Moun ki abité nan protéksion Sa-a ki anro nèt la,
l-ap rété anba lonbraj Sa-a ki gin tout pouvoua-a.

2 L-ap di Granmèt la : « Kachèt mouin,
ak fòs mouin, Bondié mouin, m-ap espéré nan ou ». R

10 Malè pap proche koté-ou,
chatiman pap proche nan tant ou.

11 Paské l-ap pasé anj li yo lòd osijè-ou,
pou yo véyé sou ou nan tout chémin-ou yo. R

12 Sé sou min yo y-ap poté-ou,
pou pié-ou pa riské frapé sou ròch.

13 Sou aspik ak bazilik ou-ap maché,
ou-ap foulé lion ak dragon anba pié-ou. R

14 Paské li kolé kò-l sou mouin, m-ap libéré-l ;
m-ap résévoua-l, paské li konnin non-m.

15 L-ap rélé-m, m-ap kouté-l ;
m-ap avèk li nan tribilasion-an, m-ap libéré-l,
m-ap fè-l jouinn gloua. R

oubyin

Ps 129. 1-2. 3-4 ab. 4 c-6. 7-8 (R : 7)

R: Kot Granmèt la sé mizérikòd la,
épi sé rédanmsion an kantité koté-l.

1 Nan bafon yo m-ap rélé koté-ou Granmèt ;

2 Granmèt, kouté voua-m.
Sé pou zòrèy ou panché nan voua priyé-m nan. R

3 Si-ou kinbé fot yo, Granmèt,
Granmèt, ki moun k-ap kanpé ?

4 Paské koté-ou sé padon,
nou krinn ou. R

5 M-ap tann ou Granmèt ;

nanm mouin ap tann nan paròl li,
6 nanm mouin espéré nan Granmèt la,
Plis pasé yon santinèl k-ap espéré dévan-jou,
sé pou Israèl espéré nan Granmèt la. R

- 8 Paské kot Granmèt la sé mizérikòd,
sé rédanmsion an kantité koté-l.
Sé li minm k-ap rachté Israèl
sot nan tout fot li yo. **R**

NAN SÈMÈN SINT

Ps 21. 8-9. 17-18 a. 19-20. 23-24 (**R** : 2 a)

- R** Bondié, Bondié mouin, pouki sa ou lagé mouin ?
- 8 Tout moun ki ouè-m yo pasé-m nan jouèt ;
yo tiré lang, yo souké tèt :
- 9 « Li éspéré nan Granmèt la, sé pou-l délivré-l ;
sé pou-l sové-l, paské li rinmin-l ». **R**
- 17 Sèké anpil chyin ansèklé-m,
yon bann moun méchan fè lavironn mouin,
- 18 Yo pèsé min-m ak pié-m,
yo konté tout zo mouin yo. **R**
- 19 Yo séparé rad mouin yo antré yo,
yo tiré manto-m nan osò.
- 20 Ou minm, Granmèt, pa rété louin,
fòs mouin, fè vit vi-n édé mouin. **R**
- 23 M-ap rakonté non-ou bay frè mouin yo,
nan mitan asanblé-a m-ap fè louanj ou.
- 24 Nou minm ki krinn Granmèt la,
sé pou nou fè louanj li,
tout ras Jakòb, déklaré gloua li,
sé pou tout ras Israèl krinn li.

NAN NUIT SIN-AN

Ps 135, 1-3. 4-6. 7-9. 24-26 (**R** : 1 b)

- 1 Fè louanj Granmèt la, poutèt li bon,
R Poutèt mizérikòd li pou tout tan.
- 2 Fè louanj Bondié dié yo. **R**
- 3 Fè louanj Granmèt mèt yo. **R**

- 4 Li minm ki fè gran mèvèy pou kont li. R:
 5 Li minm ki fè sièl yo nan intéljans. R:
 6 Li minm ki blayi tè-a sou dlo yo. R:
 7 Li minm ki fè gran sous limiè yo. R:
 8 Solèy la, pou-l kòmandé jou-a. R:
 9 Lali-n ak zétoual yo, pou yo kòmandé nuit la. R:
 24 Épi li té rachté nou sot nan min ènmi nou yo. R:
 25 Li minm ki bay tout chè manjé. R:
 26 Fè louanj Bondié sièl la. R:

oubyin

Ps 135, 1 é 3 é 16. 21-23. 24-26 (R: : 1 b)

- 1 Fè louanj Granmèt la, poutèt li bon.
 R: Poutèt mizérikòd li pou tout tan.
 3 Fè louanj Granmèt mèt yo. R:
 4 Li minm ki kondui pèp li-a nan dézè-a. R:
 21 Épi li rinmèt tè-a kòm éritaj yo. R:
 22 Éritaj pou Israèl, sèvitè-l la. R:
 23 Li minm ki sonjé nou nan imiliasion nou-an. R:
 24 Épi li té rachté nou sot nan min ènmi nou yo. R:
 25 Li minm ki bay tout chè manjé. R:
 26 Fè konpliman pou Bondié sièl la. R:

TAN PASKAL

Ps 117, 1-2. 16 ab-17. 22-23 (R: : 24)

- R: Jou sa-a Granmèt la té fè-a,
 sé pou nou kontan épi sé pou nou fété nan li.
 1 Fè louanj Granmèt la, poutèt li bon,
 poutèt mizérikòd li pou tout tan.
 2 Sé pou Israèl di sa koulié-a, poutèt li bon,
 poutèt mizérikòd li pou tout tan. R:
 16 Min douat Granmèt la fè mèvèy,
 min douat Granmèt la lévé byin ro ;
 17 Mouin pap mouri, min m-ap viv,
 m-ap rakonté travay Granmèt la. R:

- 22 Ròch la bòs mason yo té réjité-a,
sé li minm ki vi-n tounin tèt kouin-an ;
23 sé nan Granmèt la sa soti pou-l fèt,
sé yon bagay éstraòdinè nan jé nou. R:

oubyin

Ps 65, 1-3 a. 4-5. 6-7 a. 16 é 20 (R : 1)

- R: Fété pou Bondié, tout tè-a.
1 Fété pou Bondié, tout tè-a,
2 Chanté gloua non-l, fè louanj li.
3 Di Bondié : « Ala krint travay ou yo mérité. R:
4 Tout tè-a ap adoré-ou, l-ap chanté pou ou,
l-ap chanté pou non-ou ».
5 Vini, n-a ouè travay Bondié yo,
li mérité krint nan aksion li fè pou pitit moun yo. R:
6 Li fè lanmè-a vi-n tounin tè sèk,
y-ap pasé riviè-a apié ;
n-ap kontan nan li koté sa-a.
7 Li minm k-ap kòmandé nan pouvoua-l pou tout tan. R:
16 Vini, kouté, m-ap rakonté,
nou tout ki krinn Bondié,
tou sa-l fè pou nanm mouin.
20 Konpliman pou Bondié, ki pa méprizé priyè-m,
li pa ouété mizérikòd li sot sou mouin. R:

POU ASANSION

Ps 46. 2-3. 6-7. 8-9 (R : 6 a)

- R: Bondié monté nan chanté lajoua.
2 Tout nasion yo, sé pou nou bat bravo,
fè louanj pou Bondié avèk rèl kè kontan.
3 Paské Granmèt la ki anro nèt la, li térib,
roua ki gran anlè tout tè-a. R:
6 Bondié monté nan chanté lajoua,
Granmèt la monté nan son kléron.

- 7 Fè louanj pou Bondié, fè louanj ;
fè louanj pou roua nou-an, fè louanj. **R:**
- 8 Paské Bondié sé roua tout tè-a,
fè louanj avèk sajès.
- 9 Bondié roua sou nasion yo,
Bondié chita sou tro-n li ki sin-an. **R:**

NAN DIMANCH PANTKOT LA

Ps 103, 1 ab é 24 ac. 29 bc-30. 31 é 34 (**R:** : cf. 30)

- R:** Voyé Éspri-ou la, Granmèt,
épi rénouvlé fas tè-a.
- 1 Fè konpliman pou Granmèt la, nanm mouin
Granmèt Bondié-m, ou gran anpil.
- 24 Ala anpil travay ou yo anpil, Granmèt :
tè-a plin ak créatu-ou. **R:**
- 29 Lè-ou raplé éspri yo, y-ap mouri,
sé nan pousiè yo y-ap tounin.
- 30 Ou-ap voyé éspri-ou, y-ap kréyé,
ou-ap réfè fas tè-a. **R:**
- 31 Sé pou gloua Granmèt la pou tout tan ;
sé pou Granmèt la kontan nan travay li yo.
- 34 Sé pou paròl mouin fè-l plézi,
mouin minm m-ap kontan nan Granmèt la. **R:**

TAN ÒDINÈ

Ps 18, 8. 9. 10. 11 (**R:** : Jan 6, 68 c oubyin Jan 6, 63 c)

- R:** Granmèt, ou gin paròl lavi tout tan-an.
oubyin :
- R:** Paròl ou yo, Granmèt, sé éspri ak lavi yo yé.
- 8 Laloua Granmèt la san tach, li réfè nanm,
témouagnaj Granmèt la fidèl, li bay timoun yo sajès. **R:**
- 9 Jistis Granmèt la douat, yo fè kè kontan,
kòmandman Granmèt la klè, li kléré jé yo. **R:**

- 10 Krint Granmèt la nèt, li diré pou tout tan gin tan,
jijman Granmèt la vré, yo kòrèk yo tout ansanm. R:
- 11 Yo pi chè pasé lò, ak bijou ki gin anpil pri,
yo pi dous pasé siro mièl, ak réyon mièl k-ap koulé. R:

oubyin

Ps 26, 1. 4. 13-14 (R: 1 a)

- R: Granmèt la sé limiè-m ak délivrans mouin.
- 1 Granmèt la sé limiè-m ak délivrans mouin,
ki moun pou-m pè ?
Granmèt sé protéksion lavi-m,
dévan ki moun pou-m tranblé ? R:
- 4 Yon sèl bagay mouin mandé Granmèt la,
sé sa m-ap chèché :
abité kay Granmèt la tout tan lavi-m,
pou-m ouè dousè Granmèt la,
pou-m vizité tanp li-a. R:
- 13 Mouin kouè m-ap ouè byin Granmèt la
nan tè vivan yo.
- 14 Tann Granmèt la, pran kouraj.
asiré kè-ou,
apuiyé sou Granmèt la. R:

oubyin

Ps 33, 2-3. 4-5. 6-7. 8-9 (R: 2 a oubyin 9 a)

- R: M-ap fè konpliman pou Granmèt la tout tan.
- oubyin :
- R: Gouté, épi gadé kijan Granmèt la dou.
- 2 M-ap fè konpliman pou Granmèt la tout tan,
tout tan louanj li nan bouch mouin.
- 3 Nan Granmèt la nanm mouin ap jouinn konsidération-l,
sé pou pòv yo tandé pou yo kontan. R:
- 4 Fè louanj Granmèt la avèk mouin,
sé pou nou lévé non-l anlè ansanm.
- 5 Mouin chèché Granmèt la, li réponn mouin,
anba tou sa k-ap fè-m pè, li délivré-m. R:

- 6 Gadé nan diréksion-l, n-ap kléré ;
fas nou pap ront.
- 7 Pòv sa-a rélé, Granmèt la kouté-l,
anba tout tribilasyon li li sové-l. **R:**
- 8 Anj Granmèt la monté lagad
alantou moun ki krinn li yo,
épi li délivré yo.
- 9 Gouté, n-a ouè jan Granmèt la bon ;
Ala kontantman pou moun ki éspéré nan li. **R:**

oubyin

Ps 62, 2. 3-4. 5-6. 8-9 (**R:** 2 b)

- R:** Nanm mouin souaf ou, Granmèt Bondié mouin.
- 2 Bondié, sé Bondié-m ou yé,
sé koté-ou m-ap véyé dépi granmatin.
Nanm mouin souaf ou, chè mouin anvi-ou
Nan dézè ki sèk la, ki san dlo-a. **R:**
- 3 Sé konsa mouin parèt dévan-ou nan tanp la
pou-m ouè fòs ou ak gloua-ou.
- 4 Sèké mizèrikòd ou pi bon pasé lavi yo,
bouch mouin ap fè louanj ou. **R:**
- 5 Konsa m-ap fè konpliman pou ou nan lavi-m,
o non-ou m-ap lévé min-m.
- 6 tankou ak viann, ak bon manjé gra, nanm mouin plin,
ak paròl fèt, bouch mouin ap fè louanj ou. **R:**
- 8 Paské ou té sèvi-m sékou,
épi anba voual zèl ou yo m-ap fété.
- 9 Nanm mouin kolé apré-ou,
min douat ou soutni-m. **R:**

oubyin

Ps 94, 1-2. 6-7. 8-9 ab (**R:** 8 ab)

- R:** Si jodi-a nou té kapab tandé voua Granmèt la :
« Pa fèmin kè nou ».
- 1 Vini, an nou fété pou Granmèt la ;
an nou fè fèt pou Bondié sovè nou.

- 2 An nou proché dévan li avèk louanj,
avèk kantik, an nou fè fèt pou li. **R:**
- 6 Vini, an nou adoré-l an nou bésé atè,
an nou ajénou dévan Granmèt la ki fè nou-an,
7 paské sé li minm ki Bondié nou,
nou sé pèp pak li ak mouton min-l. **R:**
- 8 Si jodi-a nou té kapab tandé voua-l : « Pa fèmin kè nou,
9 tankou nan Mériba, dapré jou Masa nan dézè-a,
koté papa nou yo té tanté-m nan ». **R:**

oubyin

Ps 99, 2. 3. 5 (**R:** : 3 c)

- R:** Nou sé pèp li ak mouton pak li-a.
- 2 Fè louanj pou Granmèt la, tout tè-a,
sèvi Granmèt la nan kè kontan ;
antré dévan fas li avèk gran fèt. **R:**
- 3 Konnin Granmèt la sé li minm ki Bondié,
sé li minm ki fè nou, sé pou li nou yé
pèp li ak mouton pak li. **R:**
- 5 Sèké Granmèt la bon ;
pou tout tan mizérikòd li,
pou jénérasyon ak jénérasyon vérité-l la. **R:**

oubyin

Ps 102, 1-2. 3-4. 8 é 10. 12-13 (**R:** : 8 a)

- R:** Granmèt la pran pitié, li gin mizérikòd.
- 1 Fè konpliman pou Granmèt la, nanm mouin ;
tou sa-k anndan-m, fè konpliman pou non-l ki sin.
- 2 Fè konpliman pou Granmèt la, nanm mouin,
pa bliyé tou sa-l fè yo. **R:**
- 3 Li minm ki padonnin tout fot ou yo,
ki géri tout maladi-ou yo ;
- 4 li minm ki rachté lavi-ou sot nan fòs la,
ki kouronnin-ou ak mizérikòd, ak pitié. **R:**
- 8 Granmèt la pran pitié, li gin mizérikòd,
li pran pasians, li gin anpil mizérikòd.

- 10 Sé pa dapré péché nou yo li aji avèk nou,
ni dapré fot nou yo li rinmèt nou. **R:**
- 12 Otan olévan louin ak okouchan,
li voyé péché nou yo louin nou
- 13 Tankou papa pran pitié pou pitit li yo,
Granmèt la pran pitié pou moun ki krinn li yo. **R:**

oubyin

Ps 144, 1-2. 8-9. 10-11. 13 cd-14 (**R:** : cf. 1)

- R:** M-ap fè konpliman pou non-ou pou tout sièk tan, Bondié, roua mouin.
- 1 M-ap fè louanj ou, Bondié-m, roua mouin,
m-ap fè konpliman pou non-ou
pou tout tan ak tout tan gin tan.
- 2 Chak jou m-ap fè louanj pou non-ou
pou tout tan ak tout tan gin tan. **R:**
- 8 Granmèt la gin pitié, li gin mizérikòd,
li gin pasians, li gin anpil mizérikòd.
- 9 Granmèt la bon pou tout moun,
pitié-l yo pou tou sa-l fè. **R:**
- 10 Y-ap fè louanj ou, Granmèt, tou sa-ou fè yo ;
sin-ou yo ap fè konpliman pou ou.
- 11 Y-ap déklaré gloua péyi roua-ou la,
y-ap anonsé pouvoua-ou. **R:**
- 13 Granmèt la fidèl nan tout paròl li yo,
li sin nan tout aksion-l yo.
- 14 Granmèt la soulvé tout moun ki tonbé yo,
li drésé tout moun ki fébli yo. **R:**

NAN DÈNIÉ SÈMÈN NAN

Ps 121, 1-2. 3-4 a. 4 b-5. 6-7. 8-9 (**R:** : cf. 1)

- R:** Nan kay Granmèt la ak kè kontan n-a pralé.
- 1 Mouin kontan, lè yo té di-m :
« Nan kay Granmèt la n-a pralé. »
- 2 Pié nou déjà kanpé
nan pòt ou yo, Jérusalèm. **R:**

- 3 Jérusalèm ki bati tankou yon vil
koté tout bagay fè blòk nan yon sèl.
- 4 Sé la réyèlman fanmiy yo ap monté,
fanmiy Granmèt la. R:
- Témouagnaj Israël, pou fè louanj pou non Granmèt la.
- 5 Paské sé la tro-n yo ap pozé pou jijman-an,
tro-n kay David la. R:
- 6 Mandé sa k-ap sèvi pou lapè Jérusalèm,
sé pou yo gin asirans, sa yo ki rinmin-ou nan.
- 7 Sé pou gin lapè nan miray ou yo
avèk sékirité nan sitadèl ou yo. R:
- 8 Poutèt frè-m yo ak prochain-m yo
m-ap di : « Lapè nan ou ! »
- 9 Poutèt kay Granmèt Bondié nou-an
m-ap mandé byin pou ou. R:

PRÒP POU SIN YO

FÈT SIN YO

JANVIÉ

1é janvié

**Uitièm jou Nésans Granmèt la
SINT MARI MANMAN BONDIÉ**

Solanité

Gadé nan Pròp pou Tan-an, p. 180.

2 janvié

**Ss. Bazil legran ak Grégoua Nazianz,
évèk ak savan sakré Égliz la**

Mémoua

Komin pastè yo, p. 1802 oubyin savan sakré Égliz la, p. 1829.

PRÉMIÉ LÉKTU : Éfézyin 4, 1-7. 11-13, p. 1817.

PSÒM RÉPONS : Psòm 22, 1-3. 4. 5. 6 (R : 1), p. 1809.

ALÉLOUYA : Matié 23, 9b. 10b, p. 1820.

ÉVANJIL : Matié 23, 8-12, p. 1823.

3 janvié

Trè Sin Non Jézu

Cf. Mès votiv la, p. 2508.

7 janvié

S. Rémon Péniáfò, prèt

Komin pastè yo, p. 1802.

PRÉMIÉ LÉKTU : 2 Korintyin 5, 14-20. p. 1816.

PSÒM RÉPONS : Psòm 102, 1-2. 3-4. 8-9. 13-14. 17-18a (R: 1 a), p. 1866.

ALÉLOUYA : Luk 21, 36, p. 1880.

ÉVANJIL : Luk 12, 35-40, p. 1896.

13 janvié

S. Ilè, évèk é savan sakré Égliz la

Nan Komin pastè yo, p. 1802 oubyin savan sakré Égliz la, p. 1829.

PRÉMIÉ LÉKTU

Moun ki rékonèt Pitit la, li gin Papa-a tou.

Léktu prémié lèt apot sin Jan

2, 18-25

Ti pitit mouin yo, dènié lè-a rivé ; jan nou té tandé-a, Antikris la rivé, koulié-a, gin anpil ki vi-n tounin Antikris ; sé poua nou konnin dènié lè-a rivé. Sé nan nou yo sòti, min yo pa-t disip nou ; paské, si yo té disip nou, yo t-a rété avèk nou sètènman : min sé pou yo kapab parèt klè sé pa disip nou yo té yé.

Min nou minm nou gin konsékrasion-an ki sot nan Sin-an, épi nou konnin tout bagay. Mouin pa ékri nou paské nou pa konnin vérité-a, min antan nou konnin-l, épi paské okinn manti pa sot nan vérité-a.

Kilès sa-a ki mantè-a, si sé pa sa-a ki nié Jézu sé Kris la ? Sa-a sé Antikris la, li minm ki nié ni Papa-a ni Pitit la. Tout moun ki nié Pitit la, li pa gin Papa-a non plis ; moun ki rékonèt Pitit la, li gin Papa-a tou.

Nou minm, sa nou té tandé dépi nan kòmansman-an, sé pou-l rété nan nou. Si sa nou té tandé dépi nan kòmansman-an rété nan nou, n-ap rété nan Pitit la ak nan Papa-a. Min promès la li ofri nou-an, sé lavi tout tan-an.

Paròl Granmèt la.

PSÒM RÉPONS : Psòm 109, 1. 2. 3. 4 (R: 4 bc), p. 1812.

ALÉLOUYA : Matié 5, 16, p. 1837.

ÉVANJIL : Matié 5, 13-19, p. 1839.

17 janvié
S. Antoua-n, abé
 Mémoua

Komin sin yo (pou rélijyé yo), p. 1852.

PRÉMIÉ LÉKTU : Éfézyin 6, 10-13. 18, p. 1872.

PSÒM RÉPONS : Psòm 15, 1-2 a é 5. 7-8. 11 (R : cf. 5 a), p. 1864.

ALÉLOUYA : Jan 8, 31 b-32, p. 1880.

ÉVANJIL

Si-ou vlé vi-n kòrèk nèt, alé, vann sa-ou ginyin.

✠ Léktu sint Évanjil la dapré Matié **19, 16-21**

Lè sa-a :

Gin yon moun ki proché, li di Jézu : « Bon Mèt, ki sa pou-m fè ki bon pou-m gin lavi tout tan-an ? »

Li di-l : « Pouki sa ou-ap pozé-m késion sou sa-k bon-an ? Sé yon sèl ki bon, sé Bondié. Min si-ou vlé antré nan lavi-a, obsèvé kòmandman yo ».

Li di-l : « Kilès ? »

Jézu minm di-l : « Pa touyé moun, pa fè adiltè, pa vòlè, pa fè fo-témouagnaj, onoré papa-ou ak manman-ou, rinmin prochain-ou tankou ou minm ».

Jénòm nan di-l : « Mouin té kinbé tout bagay sa yo dépi-m tou jèn ; ki sa-m manké ankò ? »

Jézu di-l : « Si-ou vlé vi-n kòrèk nèt, alé, vann sa-ou ginyin, bay pòv yo, ou-ap gin yon trézò nan sièl la ; épi vini, suiv mouin ».

Paròl Granmèt la.

20 janvié
S. Fabyin, pap é mati

Nan Komin mati yo, p. 1783, oubyin pastè yo (pou yon pap), p. 1802.

PRÉMIÉ LÉKTU : 1 Piè 5, 1-4, p. 1820.

PSÒM RÉPONS : Psòm 39, 2 é 4ab. 7-8a. 8b-9. 10 (R : 8a é 9a), p. 1809.

ALÉLOUYA : Jan 10, 14, p. 1821.

ÉVANJIL : Jan 21, 15-17, p. 1828.

Minm jou 20 janvié-a

S. Sébastyin, mati

Nan Komin mati yo, p. 1783.

PRÉMIÉ LÉKTU : 1 Piè 3, 14-17, p. 1795.

PSÒM RÉPONS : Psòm 33, 2-3. 4-5. 6-7. 8-9 (R : 5b), p. 1790.

ALÉLOUYA : Jak 1, 12, p. 1797.

ÉVANJIL : Matié 10, 28-33, p. 1798.

21 janvié

S. Agnès, vièj é mati

Mémoua

Nan Komin mati yo, p. 1783 oubyin vièj yo, p. 1844.

PRÉMIÉ LÉKTU : 1 Korintyin 1, 26-31, p. 1868.

PSÒM RÉPONS : Psòm 22, 1-3. 4. 5. 6 (R : 1), p. 1864.

ALÉLOUYA : Jan 15, 9b. 5b, p. 1881.

ÉVANJIL : Matié 13, 44-46, p. 1883.

22 janvié

S. Vinsan, Diak é Mati

Nan Komin mati yo, p. 1783.

PRÉMIÉ LÉKTU : 2 Korintyin 4, 7-15, p. 1792.

PSÒM RÉPONS : Psòm 33, 2-3. 4-5. 6-7. 8-9 (R : 5b), p. 1790.

ALÉLOUYA : Matié 5, 10, p. 1797.

ÉVANJIL : Matié 10, 17-22, p. 1798.

24 janvié

S. Fransoua de Sal, évèk é savan sakré Égliz la
Mémoua

Nan Komin pastè yo, p. 1802 oubyin savan sakré Égliz la, p. 1829.

PRÉMIÉ LÉKTU : Éfézyin 3, 8-12, p. 1835.

PSÒM RÉPONS : Psòm 36, 3-4. 5-6. 30-31 (R : 30a), p. 1832.

ALÉLOUYA : Jan 13, 34, p. 1880.

ÉVANJIL : Jan 15, 9-17, p. 1898.

25 janvié
Nan konvèsion S. Pòl, apot
Fèt

PRÉMIÉ LÉKTU

*Lévé, résévoua batèm, lavé péché-ou yo,
 antan-ou priyé non Jézu.*

Léktu Travay Apot yo

22, 3-16

Jou sa yo : Pòl di pèp la :

« Mouin sé Juif, mouin fèt nan vil Tars, nan Silisi, min sé nan vil Jérusalèm nan mouin résévoua édikasyon nan pié Gamalièl, mouin résévoua ansègnman dapré vérité laloua papa yo, mouin té cho pou laloua-a, tankou nou tout jodi-a ; mouin té konn pèsékité chémin sa-a jous nan lanmò, mouin té konn maré gason ak fi, mouin kondui yo nan prizon, jan chèf prêt yo sèvi-m témouin, ni tout chèf yo, mouin té résévoua lèt nan min yo pou-m al Damas kot frè yo, pou-m kondui prizonié yo sot la vi-n Jérusalèm, pou yo kapab korijé yo.

Rivé, pandan m-ap proche Damas, nan mitan jounin-an, sanzatann, yon gran limiè vlopé-m sot nan sièl la, mouin tonbé atè, mouin tandé yon voua k-ap di-m : “Sòl, Sòl, pouki sa ou-ap pèsékité-m ?”

Mouin réponn : “Kilès, ou yé, Granmèt ?”

Li di-m : “Mouin sé Jézu moun Nazarèt la, sa-a ou-ap pèsékité-a”.

Moun yo ki té avèk mouin-an té ouè limiè-a, min yo pa-t tandé voua moun nan ki t-ap palé avèk mouin-an.

Mouin di : “Ki sa pou-m fè, Granmèt ?”

Granmèt la minm di-m : “Lévé, al Damas, lè ou-a rivé la, y-a di-ou tou sa-ou gin pou-ou fè”.

Kòm mouin pa-t ouè akòz klèté limiè sa-a, sé nan min moun yo ki t-ap vouayajé avèk mouin-an yo kondui-m, konsa mouin rivé Damas.

Té gin yon moun yo rélé Ananias, yon mésié ki t-ap kondui tèt li dapré laloua-a, tout Juif yo ki té abité minm koté avèk li-a, yo té rann li témouagnaj, li vi-n koté-m, li kanpé koté-m, li di-m : “Sòl, frè-m, sé pou-ou ouè”. Minm lè sa-a, mouin ouè-l.

Li minm li di : “Bondié papa nou yo té mété-ou davans dapré plan-l, pou-ou konnin volonté-l, pou-ou ouè Sa-a ki Kòrèk la, pou-ou tandé voua-l nan bouch li ; paské ou-ap sèvi-l témouin dévan tout moun osijè sa-ou ouè ak sa-ou tandé. Épi koulié-a, kisa ou-ap tann ? Lévé, réservoua batèm, lavé péché-ou vo. antan ou-ap priyé non-l” ».

Paròl Granmèt la.

Oubyin

Granmèt, ki sa-ou vlé pou-m fè ?

Léktu Travay Apot yo

9, 1-22

Jou sa yo :

Sòl t-ap réspiré ménas ak lanmò toujou kont disip Granmèt yo, li proche kot chèf prêt yo, li mandé-l lèt pou-l al Damas, nan sinagòg yo, pou si-l jouinn gason oubyin fi nan chémin sa-a, li kondui yo kòm prizonié Jérusalèm.

Pandan li t-ap vouayajé, li té prèské touché Damas ; sanzatanm yon limiè sot nan sièl la, li vlopé-l, li tonbé atè, li tandé yon voua k-ap di-l : « Sòl, Sòl, pouki sa ou-ap pèsékité-m ? »

Li di : « Kilès ou yé, Granmèt ? »

Li di : « Mouin sé Jézu, sa-a ou-ap pèsékité-a : sa rèd pou ou, pou-ou ap voyé pié kont fouinn nan ».

Li tranblé, li sézi, li di : « Granmèt, ki sa-ou vlé pou-m fè ? » Granmèt la di-l : « Lévé, antré nan lavil la, lè ou-a rivé la, y-a di-ou ki sa-ou gin pou-ou fè ».

Moun yo ki t-ap vouayajé ansanm avèk li-a, yo té kanpé tou sézi, lè yo tandé voua-a, min yo pa-t ouè pèsòn. Sòl lévé sot atè-a ; li louvri jé-l, li pa ouè anyin. Yo kondui-l nan min, yo fè-l antré Damas ; li rét la toua jou san-l pa ouè, san-l pa manjé, san-l pa bouè.

Damas, té gin yon disip yo rélé Ananias ; Granmèt la di-l nan vizion : « Ananias ! »

Li di-l : « Min mouin, Granmèt ».

Granmèt la di-l : « Lévé, al nan lari yo rélé lari Douat la, chèché nan kay Jud yon moun yo rélé Sòl, moun Tars ; l-ap priyé ». (Li ouè yon

mésié yo rélé Ananias ki antré k-ap pozé min sou li pou-l kapab ouè nan jé-l).

Ananias réponn : « Granmèt, mouin tandé anpil moun palé sou mésié sa-a, konbyin mové tretman li fè sin-ou yo sibi Jérusalèm ; isit la, li gin pouvoua nan min chèf prêt yo pou-l maré tout moun k-ap priyé non-ou ».

Granmèt la di-l : « Alé, sé yon instriman mouin chouazi, pou-l poté non-m dévan nasion yo ak roua yo ak pitit Israël yo ; sé mouin minm k-ap montré-l tou sa-l gin pou-l souffri pou non-m ».

Ananias alé, li antré nan kay la, li pozé min sou li, li di : « Sòl, frè-m, Granmèt Jézu voyé-m, li minm ki té parèt dévan-ou nan chemin koté ou t-ap vini-an, pou-ou kapab ouè, pou-ou kapab plin ak Éspri Sin-an ». Minm lè-a sé tankou kal ki tonbé sot nan jé-l, li vi-n ouè ankò, li lévé, li résévoua batèm. Kon-l manjé, fòs li réfè.

Li rét ansanm avèk disip yo ki té Damas la, pandan kèk jou. Tout-suit, li kòmansé préché nan sinagòg yo : Jézu, sé Pitit Bondié.

Tout moun ki té tandé sa, yo té sézi, yo t-ap di : « Èské sé pa sa-a ki t-ap pèsékité moun yo ki t-ap priyé non sa-a Jérusalèm nan, épi èské li pa vi-n isit la pou sa, pou-l kondui yo kòm prizonié bay chèf prêt yo ? » Sòl minm té pran plis kouraj toujou, li t-ap fè Juif yo ront, sa-k abité Damas yo, li t-ap déklaré fèm sa-a sé Kris la.

Paròl Granmèt la.

PSÒM RÉPONS

Ps 116, 1. 2 (R : Mk 16, 15)

R : Alé sou tout tè-a, préché Bòn Nouvèl la.

oubyin : Alélouya.

¹ Fè louanj Granmèt la, tout nasion yo, fè louanj li ansanm, tout pèp yo. R :

² paské li asiré sou nou mizérikòd li-a, vérité Granmèt la diré pou tout tan. R :

ALÉLOUYA

Cf. Jan 15, 16

℞ Alélouya. Mouin chouazi nou sot sou tè-a, pou nou alé,
 pou nou donnin foui, pou foui nou-an diré, sé sa Granmèt la di. ℞
 Alélouya.

ÉVANJIL

Alé sou tout tè-a, préché Bòn Nouvèl la.

✚ Léktu sint Évanjil la dapré Mark

16, 15-18

Lè sa-a : Jézu parèt kot onz yo, li di yo :

« Alé sou tout tè-a, préché Bòn Nouvèl la bay tout kréatu. Moun ki kouè épi ki batizé, l-ap sové ; min moun ki pa kouè, l-ap kondané.

Min ki sign k-ap suiv moun ki kouè yo : o non-m y-ap chasé démon yo, y-ap palé lang nouvo, y-ap kinbé sèpan, épi, si yo bouè yon pouazon, li pap fè yo anyin ; y-ap pozé min sou malad yo, y-ap géri ».

Paròl Granmèt la.

Pou Mès votiv S. Pòl apot, yo di léktu yo tankou pi ro-a.

26 janvié

Ss. Timoté ak Tit, évèk

Mémoua

Komin gadyin yo, p. 1802.

Prémié léktu mémoua sa-a, li spésial.

PRÉMIÉ LÉKTU

Mouin sonjé lafoua-l la ki nan ou-a, ki pa tronpé-a.

Léktu dézièm lèt apot sin Pòl pou Timoté

1, 1-8

Pòl, apot Jézu-Kri, gras a volonté Bondié, dapré promès lavi-a, ki nan Kris Jézu-a. Pou Timoté pitit mouin rinmin anpil la : gras, mizérikòd, lapè sot nan Bondié Papa-a ak nan Kris Jézu Granmèt nou-an.

Mouin fè konpliman pou Bondié, li minm mouin sèvi dépi papa mouin yo nan yon konsians ki pròp, sé san rété mouin sonjé-ou nan priyè-m lannuit ak lajounin, mouin anvi ouè-ou, mouin sonjé dlo nan jé-

ou yo, pou kè-m kontan nèt, mouin sonjé lafoua-l la, ki nan ou-a ki pa nan manti-a, ki té abité toudabò nan grann ou Loyis, épi nan manman-ou Énis, mouin sètìn li nan ou minm tou.

Sé poua mouin avèti-ou pou-ou lévé gras Bondié-a ki nan ou-a, lè-m té mét min sou tèt ou-a Bondié pa-t ba nou yon Éspri kè soté, min sé yon Éspri fòs, rinmin ak pou métrizé kò nou. Konsa pa ront témouagnaj Granmèt nou-an ni chinn mouin-an ; min travay nan Bòn Nouvèl la dapré fòs Bondié-a.

Paròl Granmèt la.

Oubyin

*Pou Tit pitit mouin rinmin anpil la,
dapré lafoua nou patajé ansanm nan.*

Léktu lèt apot sin Pòl pou Tit

1, 1-5

Mouin Pòl, sèvitè Bondié, mouin ékri ou, Tit ou minm ki pitit mouin tout bon sélon lafoua nou gin ansanm nan. Mouin sé apot Jézu-Kri pou-m kondui sa yo Bondié chouazi-a nan lafoua, nan konésans vérité-a pou-l pasé nan tout vi yo ; éspérans sou lavi san fin-an chita sou promès Bondié ki pap bay manti-a té fè dépi tout tan. Nan tan Bondié té vlé-a, li té fè-m konnin paròl li nan méyaj li té konfié-m nan pa lintèmediè Sovè nou-an. Gras ak lapè sot nan Bondié Papa-a ak nan Kris Jézu Sovè nou-an.

Min pou ki sa mouin té kité-ou nan Krèt, sé pou-ou drésé bagay k-ap dévié yo, pou-ou instalé ansyin yo nan vil yo, jan-m té instalé-ou la.

Paròl Granmèt la.

PSÒM RÉPONS : Ps 95, 1-2 a. 2 b-3. 7-8 a. 10 (R : 3), p. 1811.

ALÉLOUYA : Luk 4, 18, p. 1821.

ÉVANJIL : Luk 10, 1-9, p. 1825.

27 janvié
S. Anjèl de Mérisi, vièj

Nan Komin vièj yo, p. 1844 oubyin sint yo (pou édikaté yo), p. 1852.

PRÉMIÉ LÉKTU : 1 Piè 4, 7b-11, p. 1876.

PSÒM RÉPONS : Psòm 148, 1-2. 11-13a. 13c-14 (R: cf. 12a. 13a), p. 1846.

ALÉLOUYA : Cf. Matié 11, 25, p. 1879.

ÉVANJIL : Mark 9, 34-37, p. 1891.

28 janvié
S. Toma d-Akin, prèt é savan sakré Égliz la
Mémoua

Nan Komin savan sakré Égliz la, p. 1829 oubyin pastè yo, p. 1802.

PRÉMIÉ LÉKTU : Sajès 7, 7-10. 15-16, p. 1829.

PSÒM RÉPONS : Psòm 118, 9. 10. 11. 12. 13. 14 (R: 12b), p. 1833.

ALÉLOUYA : Matié 23, 9b. 10b, p. 1838.

ÉVANJIL : Matié 23, 8-12, p. 1841.

31 janvié
S. Jan Bosko, prèt
Mémoua

Nan Komin pastè yo, p. 1802 oubyin sin yo (pou édikaté yo), p. 1852.

PRÉMIÉ LÉKTU : Filipyin 4, 4-9, p. 1873.

PSÒM RÉPONS : Psòm 102, 1-2. 3-4. 8-9. 13-14. 17-18 a (R: 1 a), p. 1866.

ALÉLOUYA : Matié 23, 11. 12 b, p. 1879.

ÉVANJIL : Matié 18, 1-5, p. 1884.

FÉVRIYÉ

2 févriyé

PRÉZANTASION GRANMÈT LA

Fèt

PRÉMIÉ LÉKTU

L-ap rivé nan Tanp li-a, chèf sa-a n-ap chèché-a.

Léktu liv profèt Malachi

3, 1-4

Min paròl Granmèt Bondié-a :

« Min m-ap voyé Anj mouin-an, l-ap préparé chemin dévan fas mouin ; sanzatann, l-ap rivé nan Tanp li-a, chèf sa-a n-ap chèché-a, épi Anj aliens la, sa nou anvi ouè-a ».

« Min l-ap vini », sé sa Granmèt lamé yo di. « Épi ki moun ki kapab pansé jou l-ap vini-an ? épi ki moun ki kapab kanpé pou-l gadé-l ? Sèké li minm li tankou difé nan fòj, tankou plant k-ap sèvi pou lésiv, l-ap chita pou-l fonn, pou-l pròpté lajan, l-ap nétouayé pitit Lévi yo, l-ap vidé yo gout-a-gout, tankou lò ak tankou lajan, y-ap vi-n tounin moun k-ap ofri sakrifis ki kòrèk pou Granmèt la. Sakrifis Juda ak Jérusalèm ap fè Granmèt la plézi, tankou jou lontan yo, tankou ané ansyin yo ».

Paròl Granmèt la.

PSÒM RÉPONS

Ps 23, 7. 8. 9. 10 (R: 10 b)

- R: Granmèt lamé yo, sé li minm ki roua gloua-a.
- 7 Pòt yo, lévé tèt nou,
drésé nou, pòt ki la dépi sièk tan yo,
pou-l kapab antré, sa-a ki roua gloua-a. R:
- 8 Kilès sa-a ki roua gloua-a ?
Sé Granmèt la ki fò, ki gin pouvoua,
sé Granmèt la, ki gin pouvoua nan batay. R:
- 9 Pòt yo, lévé tèt nou,
drésé nou, pòt ki la dépi sièk tan yo,
pou-l kapab antré, sa-a ki roua gloua-a. R:

- ¹⁰ Kilès sa-a, ki roua gloua-a ?
Sé Grammèt lamé yo, sé li minm ki roua gloua-a. **R:**

DÉZIÈM LÉKTU

Li té gin pou-l sanblé ak frè yo nan tout bagay.

Léktu lèt pou Ébré yo

2, 14-18

Paské pitit yo té kominiké nan chè-a ak san-an, Jézu li minm tou té vlé patisipé nan yo, pou, gras a lanmò-a, li té kapab détrui sa-a ki té gin pouvoua lanmò-a, sa vlé di djab la ; pou-l té kapab libéré sa yo ki t-ap pasé tray pandan tout lavi-a poutèt ésklavaj kè soté lanmò-a. Sé pa Anj yo li vi-n poté sékou, min sé ras Abraam nan li vi-n poté sékou.

Sé poua li té gin pou-l sanblé ak frè yo nan tout bagay, pou-l té kapab pran pitié pou yo, pou-l té kapab vi-n tounin yon prèt an chèf ki fidèl kot Bondié, pou-l té kapab padonnin fot pèp la. Kòm li minm li souffri, li kite yo tanté-l, li gin pouvoua pou-l soutni sa yo y-ap tanté-a.

Paròl Grammèt la.

ALÉLOUYA

Lk 2, 32

R: Alélouya. Limiè pou kléré nasion yo, épi gloua pèp ou Israèl. **R:**
Alélouya.

ÉVANJIL

Jé-m ouè sovè ou sovè nou-an.

✠ Léktu sint Évanjil la dapré Luk

2, 22-40

Lè jou Mari yo fi-n rivé bout yo pou nètouayaj laloua Moyiz la té prévoua-a, paran Jézu yo poté-l Jérusalèm, pou yo prezanté-l bay Grammèt la, dapré sa-k té ékri nan laloua Grammèt la : « tout pitit gason ki soti an premié nan vant, y-ap rélé-l sin pou Grammèt la » ; épi pou yo ofri sakrifis, dapré sa-k palé nan laloua Grammèt la, « yon pè toutrèl oubyin dé jèn pijon ».

Té gin yon mésié Jérusalèm, yo té rélé Siméyon, mésié sa-a té kòrèk, li té gin krint, li t-ap tann konsolasion Israèl, épi Éspri Sin-an té nan li. Li

té résévoua avètisman nan min Léspri Sin-an, li pa t-ap ouè lanmò, anvan-l ouè Kris Granmèt la.

Li rivé nan Tanp la sou diréksion Éspri-a, pandan paran Jézu yo t-ap antré avèk li, pou yo aji dapré abitid laloua-a pou pitit la, li résévoua-l nan bra-l, li fè konpliman pou Bondié, li di : « Koulié-a ou mèt ranvouayé sèvitè-ou la, Granmèt, dapré paròl ou-a nan lapè ; paské jé-m ouè sovè ou sovè nou-an, sa-ou té paré dévan fas tout pèp yo, limiè pou kléré nasyon yo épi gloua pèp ou, Israël ».

Papa-l ak manman-l té sézi poutèt sa yo t-ap di sou li-a.

Siméyon béni yo, li di Mari, manman-l : « Min sa-a pozé, pou anpil moun nan Israël tonbé, pou yo lévé, l-ap yon sign k-ap jouinn kontradiksion (yon épé ap travèsé nanm ou), pou pansé ki nan kè anpil moun kapab révéle ».

Té gin A-n profètès la, pitit fi Fanouèl, nan ras Asèr : li té vié anpil, li té viv avèk mari-l pandan sètan, dépi-l té vièj. Li té rét vèv jous katrévinkatran ; li pa-t kité Tanp la, li t-ap sèvi lannuit kon lajounin nan jèn ak priyè. Nan minm lè sa-a, li vi-n rivé, l-ap fè konpliman pou Granmèt la, l-ap palé sou pitit la ak tout moun ki t-ap tann rédanmsion Israël.

Lè yo fi-n fè tou sa laloua Granmèt la té mandé-a, yo tounin Galilé-a, nan vil li-a Nazarèt.

Ti pitit la minm t-ap grandi, li t-ap pran fòs, li té plin sajès, gras Bondié té nan li.

Paròl Granmèt la.

oubyin pi kout

✠ Léktu sint Évanjil la dapré Luk

2, 22-32

Lè jou Mari yo fi-n rivé bout yo pou nétouayaj laloua Moyiz la té prévoua-a, paran Jézu yo poté-l Jérusalèm, pou yo prezanté-l bay Granmèt la, dapré sa-k té ékri nan laloua Granmèt la : « tout pitit gason ki soti an premié nan vant, y-ap rélé-l sin pou Granmèt la » ; épi pou yo ofri sakrifis, dapré sa-k palé nan laloua Granmèt la, « yon pè toutrèl oubyin dé jèn pijon ».

Té gin yon mésié Jérusalèm yo té rélé Siméyon, mésié sa-a té kòrèk, li té gin krint, li t-ap tann konsolasyon Israèl, épi Éspri Sin-an té nan li. Li té résévoua avètisman nan min Éspri Sin-an, li pa t-ap ouè lanmò, anvan-l ouè Kris Granmèt la.

Li rivé nan tanp la, sou diréksion Éspri-a, pandan paran Jézu yo t-ap antré avèk li, pou yo aji dapré abitud laloua-a pou pitit la, li résévoua-l nan bra-l, li fè konpliman pou Bondié, li di :

« Koulié-a ou mèt ranvouyé sèvitè-ou la, Granmèt, dapré paròl ou-a nan lapè ; paské jé-m ouè sovè ou sovè nou-an, sa-ou té paré dévan fas tout pèp yo, limiè pou kléré nasion yo épi gloua pèp ou Israèl ».

Paròl Granmèt la.

3 févriyé

S. Blèz, évèk é mati

Nan Komin mati yo, p. 1783 oubyin pastè yo, p. 1802.

PRÉMIÉ LÉKTU : Rom 5, 1-5, p. 1791.

PSÒM RÉPONS : Psòm 116, 1. 2 (R : Mark 16, 15), p. 1812.

ALÉLOUYA : Matié 28, 19a. 20b, p. 1820.

ÉVANJIL : Mark 16, 15-20, p. 1824.

Minnm jou 3 févrié-a

S. Ansgèr, évèk

Nan Komin pastè yo (pou misionè yo), p. 1802.

PRÉMIÉ LÉKTU : Izayi 52, 7-10, p. 1804.

PSÒM RÉPONS : Psòm 95, 1-2 a. 2 b-3. 7-8 a. 10 (R : 3), p. 1811.

ALÉLOUYA : Mark 1, 17, p. 1821.

ÉVANJIL : Mark 1, 14-20, p. 1824.

5 févriyé
S. Agat, vièj é mati
 Mémoua

Nan Komin mati yo, p. 1783 oubyin vièj yo, p. 1844.

PRÉMIÉ LÉKTU : 1 Korintyin 1, 26-31, p. 1868.

PSÒM RÉPONS : Psòm 30, 3 cd.4. 6 é 8 ab. 16 bc-17 (R : 6 a), p. 1789.

ALÉLOUYA : 1 Piè 4, 14, p. 1797.

ÉVANJIL : Luk 9, 23-26, p. 1799.

6 févriyé
Ss. Pòl Miki ak konpagnon-l yo, mati
 Mémoua
Mati nan Japon

Nan Komin mati yo, p. 1783.

PRÉMIÉ LÉKTU : Galat 2, 19-20, p. 1871.

PSÒM RÉPONS : Psòm 125, 1-2 ab. 2 cd-3. 4-5. 6 (R : 5), p. 1791.

ALÉLOUYA : Matié 28, 19 a. 20 b, p. 1820.

ÉVANJIL : Matié 28, 16-20, p. 1823.

8 févriyé
S. Jéròm Émilyin

Nan Komin sin yo (pou édikaté yo), p. 1852.

PRÉMIÉ LÉKTU : Tobi 12, 6-13, p. 1855.

PSÒM RÉPONS : Psòm 33, 2-3. 4-5. 6-7. 8-9. 10-11 (R : 2 a ; oubyin 9 a), p. 1865.

ALÉLOUYA : Matié 5, 3, p. 1878.

ÉVANJIL : Mark 10, 17-30, p. 1892.

Minm jou 8 févriyé-a
S. Jozéfi-n Bakita, vièj

Nan Komin vièj yo, p. 1844.

10 févriyé
S. Skolastik, vièj
 Mémoua

Nan Komin vièj yo, p. 1844 oubyin sin yo (pou rélijyé yo), p. 1852.

PRÉMIÉ LÉKTU : Kantik 8, 6-7, p. 1844.

PSÒM RÉPONS : Psòm 148, 1-2. 11-13 a. 13 c-14 (R: cf. 12 a. 13 a), p. 1846.

ALÉLOUYA : Jan 14, 23, p. 1848.

ÉVANJIL : Luk 10, 38-42, p. 1850.

11 févriyé
S. Vièj Mari de Lourd

Nan Komin Sint Vièj Mari, p. 1762.

PRÉMIÉ LÉKTU

M-ap fè tankou yon riviè lapè vidé sou li.

Léktu liv profèt Izayi

66, 10-14 c

Fè kè nou kontan avèk Jérusalèm, fété nan li, nou tout ki rinmin-l ; fè kè nou kontan anpil, nou tout ki té pran lapinn sou li. Pou nou bouè lèt kont kò nou nan sin-l k-ap konsolé nou, pou nou sousé lèt ak kè kontan nan tout gloua li.

Sèké min sa Granmèt la di : « M-ap fè tankou yon riviè lapè vidé sou li, tankou ravi-n k-ap débòdé, m-ap vidé gloua nasion yo sou li, gloua sa-a n-ap sousé-a. Y-ap poté nou sou koté, y-ap karésé nou sou jénou. Tankou yon ti moun manman-l ap karésé, konsa m-ap karésé nou mouin minm minm, y-ap konsolé nou nan Jérusalèm.

N-ap gadé, kè nou ap kontan, zo nou ap jèmin tankou zèb, Granmèt la ap fè sèvitè-l yo rékonèt min-l ».

Paròl Granmèt la.

PSÒM RÉPONS : Judt 13, 18 bcde. 19 (R: 15, 9 d), p. 1770.

ALÉLOUYA : Cf. Luk 1, 45, p. 1774.

ÉVANJIL : Jan 2, 1-11, p. 1781.

14 févriyé

**S. Siril, moua-n, ak Métòd, évèk
Mémoua**

Komin pastè yo (pou misionè yo), p. 1802 oubyin sin yo, p. 1852.

PRÉMIÉ LÉKTU : Travay Apot yo 13, 46-49, p. 1807.

PSÒM RÉPONS : Psòm 116, 1. 2 (R : Mark 16,15), p. 1812.

ALÉLOUYA : Luk 4, 18, p. 1821.

ÉVANJIL : Luk 10, 1-9, p. 1825.

17 févriyé

Sèt Sin Fondatè lòd Sèvit Vièj Mari yo

Nan Komin sin yo (pou rélijyé yo), p. 1852.

PRÉMIÉ LÉKTU : Romin 8, 26-30, p. 1868.

PSÒM RÉPONS : Psòm 33, 2-3. 4-5. 6-7. 8-9. 10-11 (R : 9a), p. 1865.

ALÉLOUYA : Matié 5, 3, p. 1878.

ÉVANJIL : Matié 19, 27-29, p. 1886.

21 févriyé

S. Piè Damyin, évèk é savan sakré Égliz la

Nan Komin savan sakré Égliz la, p. 1829 oubyin pastè yo, p. 1802 oubyin sin yo (pou rélijyé yo), p. 1852 .

PRÉMIÉ LÉKTU : 2 Tim 4, 1-5, p. 1837.

PSÒM RÉPONS : Psòm 15, 1-2 a é 5. 7-8. 11 (R : 5 a), p. 1864.

ALÉLOUYA : Jan 15, 9 b. 5 b, p. 1881.

ÉVANJIL : Jan 15, 1-8, p. 1898.

22 févriyé
Tro-n ansègnman sin Piè, apot
Fèt

PRÉMIÉ LÉKTU

*Mouin ansyin ansanm avèk nou,
 mouin témouin soufrans Kris yo.*

Léktu prémié lèt apot sin Piè

5, 1-4

Nou minm mouin rinmin anpil la :

Ansyin yo, ki nan pami nou yo, mouin priyé nou, mouin minm ki ansyin ansanm avèk nou, ki témouin soufrans Kris yo, k-ap kominiké gloua-l la ki gin pou-l révéle apré-a : okipé bann mouton Bondié yo ki nan mitan nou yo, prévoua sa-l bézouin san yo pa fòsé nou, min avèk tout kè nou dapré Bondié, san nou pa chèché avantaj malonnèt, min ak tout bòn volonté nou ; san nou pa kòmandé kòm mèt sou moun yo nou résponsab la, min antan nou vi-n tounin modèl pou bann mouton yo ak tout kè nou. Konsa, lè chèf gadyin yo ap parèt, n-a résévoua kouròn gloua ki pap finnin-an.

Paròl Granmèt la.

PSÒM RÉPONS

Ps 22, 1-3. 4. 5. 6 (R: 1)

- R:** Granmèt la souin-m, mouin pap manké anyin.
- ¹ Granmèt la ap kondui-m, anyin pap manké-m ;
- ² Nan zèb vèt li instalé-m,
 sou bò dlo trankil li minnin-m,
- ³ li réfè nanm mouin.
 Li kondui-m nan santié jistis poutèt non-l. **R:**
- ⁴ Sèké minm si m-ap maché nan bafon lonbraj lanmò,
 mouin pap pè malè, paské ou avèk mouin.
 Baton-ou ak bagèt ou
 sé yo k-ap konsolé-m. **R:**
- ⁵ Ou paré yon tab dévan fas mouin
 kont sa yo k-ap fè-m pasé tray la ;
 ou souin tèt mouin ak losion,
 kalis mouin ap débòdé. **R:**

- 6 Réyèlman sé bon kè ak mizèrikòd k-ap rapousuiv mouin tout tan lavi-m m-ap abité nan kay Granmèt la pou tout longè tan yo. **R**

ALÉLOUYA AK VÈSÈ ANVAN ÉVANJIL LA

Mt 16, 18

- R** Alélouya. Ou sé Piè, é sé sou ròch sa-a m-ap bati Égliz mouin-an, pòt lanfè yo pap ranpòté viktoua sou li. **R** Alélouya.

ÉVANJIL

Ou sé Piè, m-ap ba-ou klé péyi roua sièl la.

✠ Léktu sint Évanjil la dapré Matié

16, 13-19

Lè sa-a :

Jézu rivé nan réjion Sézaré Filip la, li pozé disip li yo késion, li di : « Ki sa moun yo di Pitit moun nan yé ? »

Yo minm yo di : « Ginyin sé Jan-Batis, dòt minm sé Éli, dòt ankò sé Jérémi oubyin youn nan profèt yo ».

Jézu di yo : « É nou minm ki sa nou di mouin yé ? »

Simon Piè pran laparòl, li di : « Ou sé Kris, Pitit Bondié vivan-an ».

Jézu pran laparòl, li di-l : « Ala kontantman pou ou, Simon, pitit Jan, paské sé pa ni chè ni san ki fè ou konn sa, min Papa-m ki nan sièl la. Mouin minm mouin di-ou ou sé Piè, sou ròch sa-a m-ap bati Égliz mouin-an, pòt lanfè yo pap ranpòté viktoua kont li ; m-ap ba-ou klé péyi roua sièl yo, tou sa ou-ap maré sou tè-a, l-ap maré nan sièl la, tou sa ou-ap lagé sou tè-a, l-ap lagé nan sièl la tou ».

Paròl Granmèt la.

Pou Mès votiv S. Piè apot, yo di léktu yo tankou pi ro-a.

23 févriyé

S. Polikarp, évèk é mati

Mémoua

Nan Komin mati yo, p. 1783 oubyin pastè yo, p. 1802.

PRÉMIÉ LÉKTU

Mouin konnin tray ou ak jan-ou pòv.

Léktu liv Apokalips apot sin Jan**2, 8-11**

Mouin minm Jan mouin tandé Granmèt la k-ap di-m :

« Pou Anj Égliz Smirn nan, ékri : “Min sa-l di, sa-a ki prémié ak dènié-a, li minm ki té mouri épi ki vivan-an”. Mouin konnin tray ou ak jan-ou pòv, min ou rich ; moun yo ki di yo sé Juif la épi sé pa vré-a, yo blasfémé-ou, sé nan sinagòg Satan yo yé. Pa pè anyin nan sa-ou gin pou-ou soufri yo. Min djab la apral voyé kèk nan nou nan prizon, pou yo tanté nou ; n-ap pasé tray pandan dis jou. Rét fidèl jouskalamò, m-ap ba-ou kouròn lavi-a.

Moun ki gin zòrèy, sé pou-l kouté sa Éspri-a di Égliz yo : Moun ki ranpòté viktoua-a, dézièm lanmò-a pap fè-l anyin” ».

Paròl Granmèt la.

PSÒM RÉPONS : Psòm 30, 3 cd-4. 6 é 8 ab. 16 bc-17 (**R** : 6 a), p. 1789.

ALÉLOUYA : N-ap fè louanj ou Bondié... lamé mati yo..., p. 1798, 6.

ÉVANJIL : Jan 15, 18-21, p. 1800.

MARS

4 mars

S. Kazimir

Nan Komin sin yo, p. 1852.

PRÉMIÉ LÉKTU : Filipyin 3, 8-14, p. 1873.

PSÒM RÉPONS : Psòm 14, 2-3 ab. 3 cd-4 ab. 5 (R̄ : 1 b), p. 1863.

ALÉLOUYA : Jan 13, 34, p. 1880.

ÉVANJIL : Jan 15, 9-17, p. 1898.

7 mars

Ss. Pèrpétu é Félicité, mati

Mémoua

Komin mati yo, p. 1783.

PRÉMIÉ LÉKTU : Romin 8, 31 b-39, p. 1792.

PSÒM RÉPONS : Psòm 123, 2-3. 4-5. 7b-8 (R̄ : 7a), p. 1790.

ALÉLOUYA : Matié 5, 10, p. 1797.

ÉVANJIL : Matié 10, 34-39, p. 1799.

8 mars

S. Jan de Die, rélijé

Nan Komin sin yo (pou rélijé yo ; pou sa-k té okipé aksion mizérikòd), p. 1852.

PRÉMIÉ LÉKTU : 1 Jan 3, 14-18, p. 1877.

PSÒM RÉPONS : Psòm 111, 1-2. 3-4. 5-7 a 7 b-8.9 (R̄ : 1 a), p. 1866.

ALÉLOUYA : Jan 13, 34, p. 1880.

ÉVANJIL : Matié 25, 31-40, p. 1890.

9 mars

S. Fransouaz romèn, rélijèz

Nan Komin sint yo, p. 1852.

PRÉMIÉ LÉKTU : Provèb 31, 10-13. 19-20. 30-31, p. 1857.

PSÒM RÉPONS : Psòm 33, 2-3. 4-5. 6-7. 8-9. 10-11 (**R**: 2 a), p. 1865.

ALÉLOUYA : Jan 13, 34, p. 1880.

ÉVANJIL : Matié 22, 34-40, p. 1886.

17 mars

S. Patris, évèk

Nan Komin pastè yo (pou misionè yo), p. 1802.

PRÉMIÉ LÉKTU : 1 Piè 4, 7 b-11, p. 1876.

PSÒM RÉPONS : Psòm 95, 1. 2 a. 2 b-3. 7-8 a. 10 (**R**: 3), p. 1811.

ALÉLOUYA : Mark 1, 17, p. 1821.

ÉVANJIL : Luk 5, 1-11, p. 1825.

18 mars

S. Siril Jérusalèm, évèk é savan sakré Égliz la

Nan Komin pastè yo, p. 1802 oubyin savan sakré Égliz la, p. 1829.

PRÉMIÉ LÉKTU : 1 Jan 5, 1-5, p. 1878.

PSÒM RÉPONS : Psòm 18, 8. 9. 10. 11 (**R**: 10 b), p. 1832.

ALÉLOUYA : Jan 15, 9 b. 5 b, p. 1881.

ÉVANJIL : Jan 15, 1-8, p. 1898.

19 mars

S. JOZÈF
ÉPOU LA TRÈ SINT VIÈJ MARI

Solanité

PRÉMIÉ LÉKTU

Granmèt Bondié ap ba li tro-n David papa-l la (Luk 1, 32)

Léktu dézièm liv Samuèl

7, 4-5 a. 12-14 a. 16

Jou sa yo :

Min paròl Granmèt la di Natan : « Al palé ak David sèvitè-m nan : Min paròl Granmèt la : “Lè jou-ou yo ap rivé bout yo, lè ou-ap dòmni avèk papa-ou yo, m-ap fè yon désandans lévé apré-ou, sé nan vant ou l-ap sòti, m-ap asiré péyi roua-l la. Sé li minm k-ap bati yon kay pou nonm, m-ap fè tro-n péyi roua li-a rét fèm pou tout tan. M-ap yon papa pou li, l-ap yon pitit pou mouin.

Kay ou-a ap fidèl, ni péyi roua-ou la pou tout tan dévan fas ou, tro-n ou-a ap toujou rét fèm ».

Paròl Granmèt la.

PSÒM RÉPONS

Ps 88, 2-3. 4-5. 27 é 29 (R : 37)

- R: Ras li ap diré pou tout tan.
- ² Mizérikòd Granmèt la sé tout tan n-ap chanté-l,
pou jénérasyon ak jénérasyon
m-ap anonsé vérité-ou nan bouch mouin.
- ³ Sèké mouin di : « Sé pou tout tan mizérikòd la bati »,
nan sièl la mouin asiré vérité-ou. R:
- ⁴ « Mouin pasé aliens mouin avèk sa-a mouin chouazi-a,
mouin fè sèman bay David sèvitè-m :
- ⁵ Pou tout tan mouin asiré désandans ou-a,
m-ap bati tro-n ou-an pou jénérasyon ak jénérasyon ». R:
- ²⁷ « Li minm l-ap rélé-m : “Sé papa-m ou yé,
Bondié-m ak kachèt k-ap sové mouin”.
- ²⁹ Pou tout tan m-ap kinbé mizérikòd mouin pou li,
aliens mouin-an ap fidèl pou li ». R:

DÉZIÈM LÉKTU

Malgré espérans la, li kouè nan espérans la.

Léktu lèt apot sin Pòl pou Romin yo

4, 13. 16-18. 22

Frè-m yo :

Promès ki té fèt bay Abraam oubyin désandans li-a, pou-l té éritié tè-a, sé pa dapré laloua-a li té fèt, min sé dapré jistis lafoua-a.

Konsa sé dapré lafoua-a, pou promès la kapab asiré pou tout désandans la dapré gras la, pa sèlman pou sa-a ki pitit Abraam dapré laloua-a, min pou sa-a tou ki pitit Abraam dapré lafoua-a, li minm ki papa nou tout (dapré sa-k ékri-a : « Mouin mété-ou kòm papa tout pakèt nasion yo ») dévan Bondié, Bondié sa-a li té mét lafoua-a nan li-a, Bondié sa-a ki fè mò yo viv la, li minm tou ki rélé sa-k pa-t égzisté yo tankou sa-k té égzisté yo. Sa-a ki kouè malgré espérans la nan espérans la, pou-l té kapab vi-n papa tout pakèt nasion yo, dapré sa-k ékri-a : « Sé konsa désandans ou ap yé ».

Sé pousa yo konté sa pou li kòm jistis.

Paròl Granmèt la.

ALÉLOUYA AK VÈSÈ ANVAN ÉVANJIL LA

Ps 83, 5

℞ Alélouya. Ala kontantman pou moun ki abité nan lakay ou, Granmèt, pou tout tan gin tan y-ap fè louanj ou ℞ Alélouya.

ÉVANJIL

Jozèf aji dapré lòd anj Granmèt la té pasé-l la.

✚ **Léktu sint Évanjil la dapré Matié**

1, 16. 18-21. 24 a

Jakòb anfanté Jozèf, Jozèf sa-a ki té marié avèk Mari. Sé Mari ki anfanté Jézu, li minm yo rélé Kris la.

Min kijan anfantman Kris la té yé : Mari, manman-l, té fiancé avèk Jozèf ; anvan yo abité ansanm, rivé li vi-n ansint gras a Éspri Sin-an ; Jozèf minm, mari-l, sé té yon moun kòrèk, li pa-t vlé dénonse-l, li té vlé ranvouayé-l an kachèt.

Pandan l-ap kalkilé sa, min Anj Granmèt la parèt nan rèv dévan-l, li di : « Jozèf, pitit David, pa pè résévoua Mari, madanm ou ; sèké sa-k fèt

nan li-a, sé nan Éspri Sin-an li soti. L-ap anfanté yon ti gason, ou-ap rélé non-l Jézu ; sé li minm k-ap sovè pèp li-a sot nan péché-l yo ».

Lè Jozèf lévé sot nan dòmi, li aji dapré lòd Anj Granmèt la té pasé-l la.

Paròl Granmèt la.

Oubyin

*Gadé, papa-ou avèk mouin minm,
nou t-ap chèché-ou ak kè-n séré.*

✚ Léktu sint Évanjil la dapré Luk 2, 41-51 a

Chak ané paran Jézu yo té konn al Jérusalèm pou fèt Pak la. Lè Jézu vi-n gin douzan, yo monté Jérusalèm, jan yo té konn abitué fè-a pou jou fèt la ; lè yo tounin, ti Jézu té rét Jérusalèm, san paran-l yo pa-t konnin. Yo té konprann li té nan pami vouayajè yo, yo maché pandan yon jounin ; yo chèché-l nan pami fanmi ak zanmi. Yo pa jouinn li, yo tounin Jérusalèm ap chèché-l.

Apré toua jou, yo jouinn li nan Tanp la, li té chita nan mitan savan yo, li t-ap kouté, li t-ap pozé yo késion. Tout moun ki t-ap kouté-l té sézi poutèt intéljans ak répons li. Lè yo ouè-l, yo sézi.

Manman-l di-l : « Pitit, ki sa-ou fè nou konsa-a ? Gadé, papa-ou avèk mouin minm, nou t-ap chèché-ou ak kè nou séré ».

Li di yo : « Pouki rézon nou t-ap chèché-m ? Èské nou pa-t konnin sé nan afè Papa-m mouin gin pou-m rété ? »

Yo minm yo pa-t konprann paròl li t-ap palé ak yo-a.

Li désann avèk yo, li vi-n Nazarèt ; li té rét obéyisan vizavi yo.

Paròl Granmèt la.

23 mars

S. Turib de Mogrovéjo, évèk

Nan Komin pastè yo, p. 1802.

PRÉMIÉ LÉKTU : 2 Timoté 1, 13-14 ; 2, 1-3, p. 1819.

PSÒM RÉPONS : Psòm 95, 1-2a. 2b-3. 7-8a. 10 (R : 3), p. 1811.

ALÉLOUYA : Jan 10, 14, p. 1821.

ÉVANJIL : Matié 9, 35-38, p. 1822.

25 mars

ANONSIASION GRANMÈT LA**Solanité****PRÉMIÉ LÉKTU***Min Vièj la ap vi-n ansint.***Léktu liv profèt Izayi****7, 10-14 ; 8, 10**

Jou sa yo :

Granmèt la palé avèk Akaz, li di : « Mandé Granmèt Bondié-ou la yon sign ba ou, nan fon anba-a oubyin anro nèt la ».

Akaz di : « Mouin pap mandé, mouin pap tanté Granmèt la ».

Izayi di : « Kouté, kay David : èské sa trò piti pou nou, pou n-ap fatigé lézòm, pou nou rivé fatigé Bondié-m nan ? Sé poutèt sa Granmèt la li minm ap ba nou yon sign. Min Vièj la ap ansint, l-ap anfanté yon ti gason, y-ap rélé non-l Émanuèl, paské Bondié avèk nou ».

Paròl Granmèt la.

PSÒM RÉPONS**Ps 39, 7-8 a. 8 b-9. 10.11 (R: 8 a é 9 a)**

R: Min m-ap vini, Granmèt, pou-m fè volonté-ou.

7 Sakrifis ak kado ou pa-t vlé sa,
min sé zòrèy ou foyé pou mouin.
Sakrifis antié ak sakrifis pou péché, ou pa-t mandé sa,

8 lè sa-a mouin di : « Min m-ap vini. **R:**

Nan roulo liv la yo ékri sou mouin
9 pou-m fè volonté-ou.

Bondié-m, mouin vlé,
laloua-ou la nan fon kè-m ». **R:**

10 Mouin anonsé jistis ou nan gran asanblé-a ;
min po bouch mouin, mouin pa anpéché yo, Granmèt, ou konnin. **R:**

11 Jistis ou-a, mouin pa kaché-l nan kè-m,
vérité-ou la ak sové ou sové nou-an, mouin déklaré yo.
Mouin pa kaché mizérikòd ou-a
ak vérité-ou la nan gran asanblé-a. **R:**

DÉZIÈM LÉKTU

*Nan tèt liv la, yo ékri sou mouin,
pou-m fè volonté-ou, Bondié.*

Léktu lèt Ébré yo**10, 4-10**

Li pa posib pou san toro ak bouk ouété péché. Sé pou sa lè Kris la ap antré sou tè-a, li di : « Sakrifis ak kado, ou pa-t vlé sa, sé yon kò ou fòmé pou mouin ; sakrifis pou péché pa-t fè-ou plézi ; lè sa-a atò mouin di : “Min m-ap vini ; nan tèt liv la yo ékri osijè-m, pou-m fè volonté-ou, Bondié” ».

Pi ro-a, li té di : « sakrifis ak kado ak sakrifis pou péché, ou pa-t vlé sa, ni sa pa-t fè-ou plézi, sa yo konn ofri dapré laloua-a, lè sa-a mouin di : “Min m-ap vini pou-m fè volonté-ou, Bondié” » ; li ouété premié-a, pou-l instalé sa-k vi-n apré-a.

Sé nan volonté sa-a nou vi-n sin, gras a sakrifis kò Jézu-Kri yon foua pou tout.

Paròl Granmèt la.

ALÉLOUYA AK VÈSÈ ANVAN ÉVANJIL LA**Jan 1, 14 ab**

✠ Alélouya. Paròl la vi-n tounin chè, li abité nan mitan nou,
nou ouè gloua-l. ✠ Alélouya.

ÉVANJIL

Min ou-ap ansint, ou-ap anfanté yon ti gason.

✠ Léktu sint Évanjil la dapré Luk**1, 26-38**

Lè sa-a :

Bondié voyé Anj Gabrièl nan yon vil Galilé yo rélé Nazarèt, kot yon vièj, ki té fiancé avèk yon mésié yo té rélé Jozèf, nan kay David, non vièj la sé té Mari.

Anj la antré koté-l, li di : « Sé pou kè-ou kontan, plin gras, Granmèt la avèk ou, ou béni pami tout fi ». Lè-l tandé sa, li troulé poutèt paròl li-a, li t-ap kalkilé ki kalité mòd salué sa-a.

Anj la di-l : « Pa pè, Mari ; ou jouinn gras kot Bondié ; min ou-ap ansint, ou-ap anfanté yon ti pitit gason, ou-ap rélé non-l Jézu. L-ap gran,

y-ap rélé-l Pitit Sa-a ki anro nèt la, Granmèt Bondié ap ba li tro-n David papa-l la, l-ap kòmandé kòm roua nan kay Jakòb la pou tout tan, ringn li pap janm fini ».

Mari di Anj la : « Kijan pou sa fèt, paské lèzòm mouin pa konnin ».

Anj la réponn, li di-l : « Éspri Sin-an ap vini nan ou, fòs Sa-a ki anro nèt la ap kouvri-ou ak lonbraj li. Sé poua sa-a k-ap fèt nan ou-a, l-ap sin, y-ap rélé-l Pitit Bondié. Min Élizabèt, kouzi-n ou-an, li minm tou li ansint yon ti gason nan viyéès li-a, moua sa-a sé sizièm nan pou sa-a yo té rélé pa kapab fè pitit la ; paské anyin pa inposib kot Bondié ».

Mari di : « Min sèvant Granmèt la ; sé pou sa fèt pou mouin dapré paròl ou-a ». Anj la pati kité-l.

Paròl Granmèt la.

AVRIL

2 avril

S. Fransoua de Pòl, èrmit

Nan Komin sin yo (pou rélijyé yo), p. 1852.

PRÉMIÉ LÉKTU : Filipyin 3, 8-14, p. 1873.

PSÒM RÉPONS : Psòm 15, 1-2 a é 5. 7-8. 11 (R: cf. 5 a), p. 1864.

ALÉLOUYA : Matié 5, 3, p. 1878.

ÉVANJIL : Luk 12, 32-34, p. 1896.

4 avril

S. Izidòr, évèk é savan sakré Égliz la

Nan Komin pastè yo, p. 1802 oubyin savan sakré Égliz la, p. 1829.

PRÉMIÉ LÉKTU : 2 Korintyin 4, 1-2. 5-7, p. 1816.

PSÒM RÉPONS : Psòm 36, 3-4. 5-6. 30-31 (R: 30 a), p. 1832.

ALÉLOUYA : Jan 15, 5, p. 1838.

ÉVANJIL : Luk 6, 43-45, p. 1843.

5 avril

S. Vinsan Férié, prèt

Nan Komin pastè yo (pou misionè yo), p. 1802.

PRÉMIÉ LÉKTU : 2 Timoté 4, 1-5, p. 1819.

PSÒM RÉPONS : Psòm 39, 2 é 4 ab. 7-8 a. 8 b-9. 10 (R: 8 a é 9 a), p. 1809.

ALÉLOUYA : Luk 21, 36, p. 1880.

ÉVANJIL : Luk 12, 35-40, p. 1896.

7 avril

S. Jan-Batis de la Sal, prèt
Mémoua

Nan Komin pastè yo, p. 1802 oubyin sin yo (pou édikatè yo), p. 1852.

PRÉMIÉ LÉKTU : 2 Timoté 1, 13-14 ; 2, 1-3, p. 1819.

PSÒM RÉPONS : Psòm 1, 1-2. 3. 4 é 6 (R : 3 a), p. 1863.

ALÉLOUYA : Matié 23, 11. 12 b, p. 1879.

ÉVANJIL : Matié 18, 1-5, p. 1884.

11 avril

S. Stanislas, évèk é mati

Nan Komin mati yo, p. 1783 oubyin pastè yo, p. 1802.

PRÉMIÉ LÉKTU : Apokalips 12, 10-12 a, p. 1788.

PSÒM RÉPONS : Psòm 33, 2-3. 4-5. 6-7. 8-9 (R : 5 b), p. 1790.

ALÉLOUYA : 2 Korintyin 1, 3 b-4 a, p. 1797.

ÉVANJIL : Jan 17, 11 b-19, p. 1801.

13 avril

S. Martin prémié, pap é mati

Nan Komin mati yo, p. 1783 oubyin pastè yo (pou yon Pap), p. 1802.

PRÉMIÉ LÉKTU : 2 Timoté 2, 8-13 ; 3, 10-12, p. 1794.

PSÒM RÉPONS : Psòm 125, 1-2 ab. 2 cd-3. 4-5. 6 (R : 5), p. 1791.

ALÉLOUYA : N-ap fè louanj ou, Bondié... lamé mati yo..., p. 1798, 6.

ÉVANJIL : Jan 15, 18-21, p. 1800.

21 avril

S. Ansèlm, évèk é savan sakré Égliz la

Nan Komin pastè yo, p. 1802 oubyin savan sakré Égliz la, p. 1829.

PRÉMIÉ LÉKTU : Éfézyin 3, 14-19, p. 1872.

PSÒM RÉPONS : Psòm 33, 2-3. 4-5. 6-7. 8-9. 10-11 (R : 2 a), p. 1865.

ALÉLOUYA : Jan 6, 64 b é 69 b, p. 1838.

ÉVANJIL : Matié 7, 21-29, p. 1840.

23 avril

S. Jòj, mati

Nan Komin mati yo, p. 1783.

PRÉMIÉ LÉKTU : Apokalips 21, 5-7, p. 1789.

PSÒM RÉPONS : Psòm 125, 1-2ab. 2cd-3. 4-5. 6 (R : 5), p. 1791.

ALÉLOUYA : 1 Piè 4, 14, p. 1797.

ÉVANJIL : Luk 9, 23-26, p. 1799.

Minm jou 23 avril la

S. Adalbèr, évèk é mati

Nan Komin mati yo, p. 1783 oubyin pastè yo, p. 1802.

24 avril

S. Fidèl de Sigmaringén, prèt é mati

Nan Komin mati yo, p. 1783 oubyin pastè yo, p. 1802.

PRÉMIÉ LÉKTU : Kolosyin, 1, 24-29, p. 1818.

PSÒM RÉPONS : Psòm 33, 2-3. 4-5. 6-7. 8-9 (R : 5 b), p. 1790.

ALÉLOUYA : Jan 13, 34, p. 1880.

ÉVANJIL : Jan 17, 20-26, p. 1899.

25 avril

S. MARK, ÉVANJÉLIS

Fèt

PRÉMIÉ LÉKTU*Mark, pitit mouin-an, salié nou.***Léktu prémié lèt apot sin Piè****5, 5 b-14**

Nou minm mouin rinmin anpil la :

Nou tout, sé pou nou konsidé ré nou pi ba pasé lòt yo paské “Bondié rézisté moun k-ap lévé tèt yo, sé sa-k rabésé tèt yo li bay gras la”. Konsa sé pou nou rabésé tèt nou anba min Bondié ki gin pouvoua, pou-l lévé nou nan tan vizit la, rinmèt li tout tèt chajé nou, paské sé li minm k-ap okipé nou.

Sé pou nou kontrolé tandans nou, pou nou véyé, paské djab la ki ènmi nou-an, li tankou yon lion k-ap rélé, l-ap fè lavironn, antan l-ap chèché moun pou-l dévoré ; sé pou nou rézisté-l avèk fòs nan lafoua, antan nou konnin sé minm soufrans la frè nou yo ki sou tout tè-a ap sibi. Bondié tout gras la, li minm ki rélé nou nan gloua tout tan-l nan nan Kris Jézu, sé li minm k-ap fè nou fi-n bon nè, apré nou fi-n soufri yon ti kras, l-ap asiré nou, l-ap rann nou solid. Konpliman ak otorité pou li pou tout tan gin tan. Amèn.

Pa lintèmediè Silvin mouin konsidé ré kòm yon frè ki fidèl, mouin ékri yon ti mo tou kout, mouin ankourajé nou, mouin asiré nou, sa-a sé vré gras Bondié-a, koté nou yé-a.

Égliz la ki rasanblé Babilòn nan salié nou, ni Mark, pitit mouin-an. Sé pou nou youn salié lòt nan yon bo ki sin.

Gras pou nou tout ki nan Kris Jézu. Amèn.

Paròl Granmèt la.

PSÒM RÉPONS**Ps 88, 2-3. 6-7. 16-17 (R: : cf. 2 a)**

R: Mizérikòd ou, Granmèt, sé tout tan m-ap chanté-l.

oubyin : Alélouya.

- 2 Mizérikòd Granmèt la sé tout tan m-ap chanté-l,
pou jénérasyon ak jénérasyon
m-ap anonsé vérité-ou nan bouch mouin.
- 3 Sèké mouin di : « Sé pou tout tan mizérikòd la bati »,
nan sièl la mouin asiré vérité-ou. **R:**
- 6 Sièl yo ap fè louanj pou mèvèy ou, Granmèt,
ni vérité-ou la nan Égliz sin yo.
- 7 Paské kilès nan nuaj yo ki égal ak Granmèt la,
k-ap sanblé ak Granmèt la nan pitit Bondié yo ? **R:**
- 16 Ala kontantman pou pèp la ki konn fè konpliman ;
Granmèt, nan limiè fas ou y-ap maché,
- 17 o non-ou y-ap fété tout lajounin,
nan jistis ou-a y-ap lévé tèt yo. **R:**

ALÉLOUYA

1 Kor 1, 23 b-24 b

R: Alélouya. N-ap préché Kris la yo klouré sou koua,
puisans Bondié ak sajès Bondié. **R:** Alélouya.

ÉVANJIL*Préché Bòn Nouvèl la bay tout créatu.***✠ Léktu sint Évanjil la daprè Mark**

16, 15-20

Lè sa-a : Jézu parèt dévan onz yo, li di yo :

« Alé sou tout tè-a, préché Bòn Nouvèl la bay tout créatu. Moun k-ap kouè épi k-ap batizé, l-ap sové ; min moun ki pa kouè, l-ap kondané.

Min sign pou moun k-ap kouè yo : o non-m y-ap chasé démon yo, y-ap palé lang nouvo, y-ap pran sèpan ; minm si yo bouè pouazon, sa pap fè yo anyin ; y-ap pozé min sou malad yo, malad yo ap géri ».

Granmèt Jézu, lè-l fi-n di yo sa, li monté nan sièl la, li chita adouat Bondié.

Yo minm minm yo pati, y-ap préché tout koté, pandan Granmèt la ap ba yo konkou, ap asiré paròl yo ak sign l-ap fè rivé.

Paròl Granmèt la.

28 avril

S. Piè Chanèl, prèt é mati

Nan Komin mati yo, p. 1783 oubyin pastè yo (pou misionè yo), p. 1802.

PRÉMIÉ LÉKTU : 1 Korintyin 1, 18-25, p. 1814.

PSÒM RÉPONS : Psòm 116, 1. 2 (R : Mark 16, 15), p. 1812.

ALÉLOUYA : Mark 1, 17, p. 1821.

ÉVANJIL : Mark 1, 14-20, p. 1824.

Minm jou 28 avril la

S. Loui Mari Grignon de Monfòr, prèt

Nan Komin pastè yo, p. 1802.

29 avril

**S. Katri-n de Sièn, vièj é savan sakré Égliz la
Mémoua**

Nan Komin vièj yo, p. 1844.

PRÉMIÉ LÉKTU

San Kris la pròpté nou sot nan tout péché.

Léktu prémié lèt apot sin Jan

1, 5-2, 2

Nou minm mouin rinmin anpil la :

Min mésaj la, sa nou té tandé sot nan li-a, épi nou anonsé nou-an : Bondié sé limiè, nan li pa gin okinn fè-noua. Si nou di nou zanmi-l, épi sé nan fènoua n-ap maché, nou fè manti, nou pa fè vérité-a ; min si sé nan limiè n-ap maché, minm jan li minm li nan limiè-a, nou gin bon rélasyon antré nou, épi san Jézu-Kri, Pitit li-a, li pròpté nou sot nan tout péché.

Si nou di nou pa gin péché, nou tronpé pròp tèt nou, vérité-a pa nan nou. Si nou konfésé péché nou yo, li fidèl, li kòrèk, pou-l padonnin nou péché nou yo, pou-l pròpté nou sot nan tout sa ki mové. Si nou di nou pa fè péché, nou fè-l tounin mantè épi paròl li-a pa nan nou.

Pitit mouin yo, mouin ékri nou bagay sa yo, pou nou pa fè péché ; min si yon moun fè péché, nou gin yon avoka kot Papa-a, Jézu-Kri ki kòrèk, sé li minm ki padon pou péché nou yo : pa pou pa nou yo sèlman, min pou pa tout moun yo tou.

Paròl Granmèt la.

PSÒM RÉPONS : Psòm 102, 1-2. 3-4. 8-9. 13-14. 17-18 a (**R** : 1 a), p. 1866.

ALÉLOUYA : Cf. Matié 11, 25, p. 1879.

ÉVANJIL : Matié 11, 25-30, p. 1883.

30 avril

S. Pi sink, pap

Nan Komin pastè yo (pou yon Pap), p. 1802.

PRÉMIÉ LÉKTU : 1 Korintyin 4, 1-5, p. 1814.

PSÒM RÉPONS : Psòm 109, 1. 2. 3. 4 (**R** : 4 bc), p. 1812.

ALÉLOUYA : Jan 10, 14, p. 1821.

ÉVANJIL : Jan 21, 15-17, p. 1828.

MÉ

1é mé
S. Jozèf, travayè

Évanjil mémoua sa-a spésial.

PRÉMIÉ LÉKTU

Plin tè-a, mété-l anba lòd nou.

Léktu liv Jénèz la

1, 26-2, 3

Bondié di :

« An nou fè moun nan sou pòtré nou ak résanblans nou ; sé pou-l kòmandé sou pouason lanmè yo ak zouazo sièl yo ak tout bèt tè-a ak tout sa k-ap glisé atè, ki gin mouvman sou tè-a ».

Bondié kréyé moun nan sou pòtré-l ; sou pòtré Bondié li kréyé-l ; gason ak fi li kréyé yo.

Bondié béni yo, li di : « Dévlo pé, vi-n anpil, plin tè-a, mété-l anba lòd nou ; sé pou nou kòmandé sou pouason lanmè-a ak zouazo sièl la, ak tout bèt vivan, ki gin mouvman sou tè-a ».

Bondié di : « Min mouin ba nou tout zèb ki poté sémans sou tè-a ak tout kalité pié boua ki gin sémans ras yo nan yo, pou yo sèvi nou kòm manjé, ni pou tout bèt vivan sou tè-a, ni pou tou sa ki an mouvman sou tè-a, ki gin lavi nan yo, pou yo kapab jouinn manjé ».

Sa fèt konsa. Bondié ouè tou sa-l té fè yo, yo té bon anpil. Vi-n gin yon asouè ak yon matin, szièm jou. Konsa sièl la ak tè-a réyalizé, ak tout dékorasion yo.

Sétièm jou-a Bondié konpléte travay li-a li té fè-a, li répozé sétièm jou-a pou travay li té fè yo.

Paròl Granmèt la.

Oubyin

*Ninpòt ki sa n-ap fè, fè-l avèk kè,
tankou pou Granmèt la, min pa pou moun.*

Léktu lèt apot sin Pòl pou Kolosyin yo

3, 14-15. 17. 23-24

Frè-m yo :

Anlè tout bagay sa yo sé pou nou gin rinmin-an, li-minm ki fè sa-k bon nèt fè youn, épi sé pou lapè Kris la fété nan kè nou, sé nan sa yo rélé nou nan yon sèl kò, sé pou n-ap di Bondié mèsì.

Ninpòt ki sa n-ap fè nan paròl oubyin nan aksion, sé pou nou fè tout bagay o non Granmèt Jézu-Kri, antan n-ap di Bondié Papa-a mèsì pa lintèmédiè-l.

Ninpòt ki sa n-ap fè, sé pou nou fè-l avèk kè, tankou pou Bondié, min pa pou moun, antan nou konnin sé nan min Granmèt la n-ap résévoua rékonpans éritaj la. Sèvi Granmèt Kris la.

Paròl Granmèt la.

PSÒM RÉPONS

Ps 89, 2. 3-4. 12-13. 14 é 16 (R: 17 c)

R: Asiré travay min nou, Granmèt.

oubyin : Alélouya.

- ² Anvan mòn yo fèt, oubyin tè-a ak fas tè-a pran nésans,
dépi tout tan ak pou tout tan ou sé Bondié. R:
- ³ Ou fè moun nan tounin nan pousiè ;
ou di : « Tounin, pitit moun yo »,
- ⁴ Sèké mil ané dévan jé-ou
sé tankou jou yè-a ki pasé,
ak tan yon santinèl fè pòs nan nuit. R:
- ¹² Aprann nou konté jou nou yo,
pou nou kondui kè nou nan sajès.
- ¹³ Tounin, Granmèt, jouskilè ?
Padonnin sèvitè-ou yo. R:
- ¹⁴ Plin nou ak mizèrikòd ou-a dépi nan matin,
n-a fété, n-a joui pandan tout tan n-ap viv.
- ¹⁶ Sé pou travay ou-a parèt sou sèvitè-ou yo,
ak gloua-ou sou pitit yo. R:

ALÉLOUYA

Ps 67, 20

℞ Alélouya. Konpliman pou Granmèt la chak jou ;
Bondié ki sovè nou-an ap poté nou. ℞ Alélouya.

ÉVANJIL

Èské sa-a sé pa pitit bòs chapant la ?

✠ **Léktu sint Évanjil la dapré Matié**

13, 54-58

Lè sa-a :

Jézu rivé nan péyi-l, li t-ap bay ansègnman nan sinagòg yo, atèl pouin yo té sézi, yo t-ap di : « Koté-l jouinn sa-jès sa-a ak pouvoua sa yo ? Èské sa-a sé pa pitit bòs chapant la ? Èské manman-l pa rélé Mari, épi frè-l yo Jak, Jozèf, Simon ak Jud ? Épi sè-l yo, èské yo tout pa lakay nou ? Koté tout bagay sa yo soti pou li ? » Yo té dékontrolé parapò a li.

Jézu minm di yo : « Pa gin profèt ki san konsidèrasion, sof nan péyi-l ak nan kay li ».

Li pa fè anpil mèvèy la, poutèt mank lafoua yo.

Paròl Granmèt la.

2 mé

S. Atanaz, évèk é savan sakré Égliz la

Mémoua

Nan Komin pastè yo, p. 1802 oubyin savan sakré Égliz la, p. 1829.

PRÉMIÉ LÉKTU : 1 Jan 5, 1-5, p. 1796.

PSÒM RÉPONS : Psòm 36, 3-4. 5-6. 30-31 (℞ : 30 a), p. 1832.

ALÉLOUYA : Matié 5, 10, p. 1797.

ÉVANJIL

Lè yo pèsékité nou nan yon vil, sovè kò nou nan yon lòt.

✠ **Léktu sint Évanjil la dapré Matié**

10, 22-25 a

Lè sa-a : Jézu di Apot li yo :

« Tout moun ap rayi nou poutèt non mouin ; min moun k-ap pèsévéré jouskalafin, sé li minm k-ap sovè. Lè yo pèsékité nou nan yon vil, sovè

kò nou nan yon lòt. Amèn, mouin di nou, nou p-ap fini vil Israël yo, anvan Pitit moun nan ap rivé.

Disip la pa anlè mèt la, ni sèvitè-a pa anlè mèt li. Sa kont pou disip la vi-n tankou mèt li, pou sèvitè-a vi-n tankou mèt li ».

Paròl Granmèt la.

3 mé

SS. FILIP AK JAK, APOT

Fèt

PRÉMIÉ LÉKTU

Granmèt la parèt dévan Jak, apré sa dévan tout Apot yo.

Léktu prémié lèt apot sin Pòl pou Korintyin yo

15, 1-8

Mouin fè nou sonjé frè-m yo, Bòn Nouvèl la mouin té préché nou-an, li minm nou té résévoua-a, nan li nou rété-a, pa lintèmediè-l nou sovè-a, si nou kinbé-l jan mouin té anonsé nou li, otréman, sé pou granmési nou t-a kouè.

Réyéلمان mouin té transmèt nou toudabò sa mouin minm mouin té résévoua : sèké Kris la mouri pou péché nou yo, dapré sa-k ékri yo, yo antéré-l, li résisité sou touazièm jou-a, dapré sa-k ékri yo, li parèt dévan Séfas, apré sa dévan onz yo ; apré sa li parèt dévan plis pasé sink-san frè ansanm, nan pami yo gin anpil ki la jous koulié-a, kèk minm mouri ; apré sa li parèt dévan Jak, apré sa dévan tout Apot yo ; apré tout moun, li parèt dévan-m tou, mouin minm ki tankou yon avòton.

Paròl Granmèt la.

PSÒM RÉPONS

Ps 18, 2-3. 4-5 (R : 5 a)

R Sou tout tè-a yo tandé voua yo

oubyin : Alélouya.

2 Sièl yo ap rakonté gloua Bondié,
travay min-l, platfòm sièl la ap anonsé-l.

3 Jou ap déklaré paròl bay jou,
nannuit ap montré sians bay nuit. R

- 4 Pa gin langaj ni paròl,
pou yo pa konprann voua yo.
- 5 Sou tout tè-a brui voua yo soti,
jous nan limit tè-a paròl yo rivé. **R:**

ALÉLOUYA

Jan 14, 6 b. 9 c

R: Alélouya. Mouin sé chémin-an, vérité-a ak lavi-a, sé sa Granmèt la di,
Filip, moun ki ouè-m li ouè Papa-a tou. **R:** Alélouya.

ÉVANJIL

Dépi tout tan sa-a mouin avèk nou, épi nou pa konnin-m ?

✠ **Léktu sint Évanjil la dapré Jan**

14, 6-14

Lè sa-a : Jézu di Toma :

« Mouin sé chémin-an, vérité-a ak lavi-a. Pèsòn pa vi-n kot Papa-a, sof si-l pasé pa lintèmediè-m. Si nou té konnin-m, nou t-a konnin Papa-m tou ; koulié-a nou konnin-l, épi nou ouè-l ».

Filip di-l : « Granmèt, montré nou Papa-a, épi sa ap kont nou ».

Jézu di-l : « Dépi tout tan sa-a mouin avèk nou, épi nou pa konnin-m ? Filip, moun ki ouè-m, li ouè Papa-a tou. Kijan ou fè di : “Montré nou Papa-a” ? Ou pa kouè mouin nan Papa-a, épi Papa-a nan mouin ? Paròl yo mouin palé nou-an, sé pa nan mouin minm mouin palé yo. Papa-a ki rété nan mouin-an, sé li minm ki fè travay yo. Nou pa kouè mouin nan Papa-a, épi Papa-a nan mouin ? Omouin poutèt travay yo sé pou nou kouè.

Amèn, amèn, mouin di nou, sa ki kouè nan mouin, travay mouin fè yo, l-ap fè yo tou, l-ap fè pi gran pasé yo minm, paské m-apral kay Papa-a ; ninpòt ki sa n-ap mandé Papa-a o non-m, m-ap fè-l, pou Papa-a kapab jouinn gloua nan Pitit la. Si nou mandé yon bagay o non-m, m-ap fè-l ».

Paròl Granmèt la.

Pou mès votiv S. Filip yo vlé di séparéman ak S. Jak, yo pran premié léktu-a nan mès 28 oktòb la Éfézyin 2, 19-22, p. 1702.

12 mé

Ss. Néré ak Achil, mati

Nan Komin Mati yo, p. 1783.

PRÉMIÉ LÉKTU : Apokalips 7, 9-17, p. 1788.

PSÒM RÉPONS : Psòm 123, 2-3. 4-5. 7 b-8 (R : 7 a), p. 1790.

ALÉLOUYA : Matié 5, 10, p. 1797.

ÉVANJIL : Matié 10, 17-22, p. 1798.

Minm jou 12 mé-a

S. Pankras, mati

Nan Komin Mati yo, p. 1783.

PRÉMIÉ LÉKTU : Apokalips 19, 1. 5-9 a, p. 1862.

PSÒM RÉPONS : Psòm 102, 1-2. 3-4. 8-9. 13-14. 17-18 a (R : 1 a), p. 1866.

ALÉLOUYA : Cf. Matié 11, 25, p. 1879.

ÉVANJIL : Matié 11, 25-30, p. 1883.

13 mé

S. Mari Vièj de Fatima

Nan Komin Sint Mari Vièj, p. 1762.

14 mé

S. MATIAS, APOT

Fèt

PRÉMIÉ LÉKTU*Sò-a tonbé sou Matias,
li antré nan group onz Apot yo.***Léktu Travay Apot yo****1, 15-17. 20-26**

Jou sa yo Piè lèvé nan mitan frè yo, li di (foul moun yo té apéprè san-vin) : « Mésié frè yo, sé pou sa-k ékri-a réalizé, sa Éspri Sin-an té di nan bouch David la sou Juda ki té kondui moun yo ki té vi-n arété Jézu-a, Juda sa-a ki té youn nan nou-an, ki té gin plas li nan ministè sa-a.

Min sa ki ékri nan liv Psòm yo : “Sé pou kay li vi-n tounin dézè, pou pa gin pèsòn ki abité ladan-l”. Épi : “Sé pou yon lòt résévoua chaj li ginyin kòm évèk la”.

Konsa nan mésié sa yo ki rasanblé avèk nou yo pandan tout tan Granmèt Jézu té konn antré-sòti nan pami nou-an, kòmansé dépi sou batèm Jan-an jous jou li monté kité nou-an, sé pou youn nan yo vi-n sèvi témouin réziréksion-l nan témouin ansanm avèk nou ».

Yo prézanté dé, Jozèf sa yo rélé Barsabas la, ki gin ti non Kòrèk la, avèk Matias.

Yo priyé, yo di : « Ou minm Granmèt, ki konnin kè tout moun, montré sa-a ou chouazi nan dé sa yo, pou-l pran plas ministè sa-a avèk apostola-a, sa Juda pati kité-l la pou-l al fè rout li-a ».

Yo tiré osò sou yo ; sò-a tonbé sou Matias, yo mété-l nan group Onz Apot yo.

Paròl Granmèt la.

PSÒM RÉPONS

Ps 112, 1-2. 3-4. 5-6. 7-8 (R : 8)

R : Granmèt la plasé-l ansanm avèk chèf pèp li-a.

oubyin : Alélouya.

- 1 Fè louanj, pitit Granmèt la,
fè louanj pou non Granmèt la.
- 2 Sé pou non Granmèt la jouinn konpliman
dépi koulié-a jous pou tout tan. R
- 3 Dépi olévan jous okouchan,
non Granmèt la mérité louanj.
- 4 Li ro anlè tout nasion yo, Granmèt la,
anlè sièl yo, gloua li yé. R
- 5 Kilès ki tankou Granmèt Bondié nou-an,
li minm ki abité nan rotè yo,
- 6 ki ouè sa-k ba yo
nan sièl la ak sou tè-a ? R
- 7 Li lévé maléré-a sot atè-a,
li drésé pòv la sot nan pousiè-a,
- 8 pou-l ba-l plas avèk chèf yo,
avèk chèf pèp li yo. R

ALÉLOUYA

Cf. Jan 15, 16

℞ Alélouya. Mouin chouazi nou sot sou tè-a, pou nou alé,
 pou nou donnin frui, pou frui nou-an diré, sé sa Granmèt la di. ℞
 Alélouya.

ÉVANJIL

*Sé pa nou minm ki chouazi-m,
 min sé mouin minm ki chouazi nou.*

✚ Léktu sint Évanjil la dapré Jan

15, 9-17

Lè sa-a : Jézu di disip li yo :

« Minm jan Papa-a rinmin-m nan, mouin minm tou mouin rinmin-l.
 Rét nan rinmin-m nan. Si nou kinbé kòmandman-m yo, n-ap rété nan
 rinmin-m nan ; minm jan mouin minm mouin kinbé kòmandman Papa-m
 yo, épi mouin rété nan rinmin-l nan. Mouin di nou sa, pou kè kontan-m
 nan kapab nan nou, épi pou kè nou kapab kontan nèt.

Min kòmandman-m, sé pou nou youn rinmin lòt, minm jan mouin
 rinmin nou-an. Pèsòn pa rinmin pi plis pasé moun ki bay lavi-l pou
 zanmi-l nan. Nou minm nou sé zanmi-m, si nou fè sa mouin kòmandé
 nou yo.

Mouin pap rélé nou sèvitè ankò, paské sèvitè-a pa konnin sa mèt li ap
 fè ; min mouin rélé nou zanmi, paské tou sa-m tandé kot Papa-m, mouin
 fè nou konnin yo. Sé pa nou minm ki chouazi-m ; min sé mouin minm ki
 chouazi nou, mouin mété nou, pou nou alé, pou nou poté foui, pou foui
 nou-an diré ; konsa, pou ninpòt ki sa nou mandé Papa-a o non-m, li ba
 nou-l.

Min sa-m kòmandé nou, sé pou youn rinmin lòt ».

Paròl Granmèt la.

18 mé

S. Jan 1é, pap é mati

Nan Komin mati yo, p.1783 oubyin pastè yo (pou yon Pap), p. 1802.

PRÉMIÉ LÉKTU : Apokalips 3, 14b. 20-22, p. 1862.

PSÒM RÉPONS : Psòm 22, 1-3. 4. 5. 6 (℞ : 1), p. 1809.

ALÉLOUYA : Jan 15, 15 b, p. 1821.

ÉVANJIL : Luk 22, 24-30, p. 1826.

20 mé

S. Bèrnardin de Syèn, prèt

Nan Komin pastè yo (pou misyonè yo), p. 1802.

PRÉMIÉ LÉKTU*Pa gin kèsion sovè nan pèsòn lòt moun.***Léktu Travay Apot yo****4, 8-12**

Jou sa yo : Piè plin ak Éspri Sin-an, li di :

« Chèf pèp la ak ansyin yo, kouté. Si jodi-a y-ap jijé nou pou yon byinfè ki réalizé pou mésié infim nan, si nou bézouin konnin nan kilès li sovè, ébyin aprann sa nou tout ak tout pèp Israèl la, sé o non Granmèt nou Jézu-Kri moun Nazarèt la, sa-a nou té klouré sou koua-a, li minm Bondié résisité sot nan pami mò yo, sé nan li sa-a kanpé dévan nou li géri.

Li minm minm sé ròch la, nou minm bès mason yo nou té réjté-a, ki vi-n tounin tèt kouin-an ; pa gin kèsion sovè nan okinn lòt moun ; ni pa gin okinn non anba sièl la yo bay lézòm, ki pèmèt nou sovè ».

Paròl Granmèt la.

PSÒM RÉPONS : Psòm 39, 7-8 a. 8 b-9. 10 (R : 8 a é 9 a), p. 1809.**ALÉLOUYA** : Jan 8, 12, p. 1880.**ÉVANJIL** : Luk 9, 57-62, p. 1895.

21 mé

S. Kristòf Magalan, prèt, ak konpagnon-l yo, mati*Mati nan Méksik*

Nan Komin mati yo, p. 1783.

22 mé

S. Rita de Kasia, rélijyé

Nan Komin sin yo (pou rélijyé yo), p. 1852.

25 mé

S. Bèd le vénérab, prèt é savan sakré Égliz la

Nan Komin pastè yo, p. 1802 oubyin savan sakré Égliz la, p. 1829.

PRÉMIÉ LÉKTU : 1 Korintyin 2, 10 b-16, p. 1835.

PSÒM RÉPONS : Psòm 118, 9. 10. 11. 12. 13. 14 (R̄ : 12 b), p. 1833.

ALÉLOUYA : Jan 6, 63 c. 68 c, p. 1838.

ÉVANJIL : Matié 7, 21-29, p. 1840.

Minm jou 25 mé-a

S. Grégoua VII, pap

Nan Komin pastè yo (pou yon pap), p. 1802.

PRÉMIÉ LÉKTU : Travay Apot yo 20, 17-18 a. 28-32. 36, p. 1807.

PSÒM RÉPONS : Psòm 109, 1. 2. 3. 4. (R̄ : 4 bc) , p. 1812.

ALÉLOUYA : Mark 1, 17, p. 1821.

ÉVANJIL : Matié 16, 13-19, p. 1822.

Minm jou 25 mé-a

S. Mari Madlèn de Pazi, vièj

Nan Komin vièj yo, p. 1844 oubyin sint yo (pou rélijyé yo), p. 1852.

PRÉMIÉ LÉKTU : 1 Korintyin 7, 25-35, p. 1847.

PSÒM RÉPONS : Psòm 148, 1-2. 11-13 a. 13 c-14 (R̄ : cf. 12 a. 13 a), p. 1846.

ALÉLOUYA : Jan 8, 31 b-32, p. 1880.

ÉVANJIL : Mark 3, 31-35, p. 1891.

26 mé

S. Filip Néri, prèt

Mémoua

Nan Komin pastè yo, p. 1802 oubyin sin yo (pou rélijyé yo), p. 1852.

PRÉMIÉ LÉKTU : Filipyin 4, 4-9, p. 1873.

PSÒM RÉPONS : Psòm 33, 2-3. 4-5. 6-7. 8-9. 10-11 (**R** : 9 a), **p.** 1865.

ALÉLOUYA : Jan 15, 9 b. 5 b, **p.** 1881.

ÉVANJIL : Jan 17, 20-26, **p.** 1899.

27 mé

S. Ogustin de Kantòberi, évèk

Nan Komin pastè yo (pou misyonè yo), p. 1802.

PRÉMIÉ LÉKTU : 1 Tésalonisyin 2, 2 b-8, **p.** 1818.

PSÒM RÉPONS : Psòm 95, 1-2 a. 2b -3. 7-8 a. 10 (**R** : 3), **p.** 1811.

ALÉLOUYA : Jan 10, 14, **p.** 1821.

ÉVANJIL : Matié 9, 35-38, **p.** 1822.

31 mé
VIZITACION SINT VIÈJ MARI
 Fèt

PRÉMIÉ LÉKTU

Roua Israèl la Granmèt la nan mitan-ou.

Léktu liv profèt Sofoni

3, 14-18

Fè louanj, pitit fi Siyon ; bat bravo, Israèl ; fè kè-ou kontan, fété ak tout kè-ou, pitit fi Jérusalèm : Granmèt la lévé kondanasion-ou nan, li répousé ènmi-ou yo ; roua Israèl la Granmèt la nan mitan-ou, ou pa bézouin pè malè ankò.

Jou sa-a y-ap di Jérusalèm : « Pa pè, Siyon ; pa kité min-ou fébli. Granmèt Bondié-ou la nan mitan-ou, li minm ki fò-a, l-ap sové-ou ; l-ap kontan nan ou avèk anpil kontantman, l-ap fè silans nan rinmin-l nan, l-ap fété pou ou avèk louanj ».

Moun ki té pèdi chémin, ki té pati louin laloua-a, m-ap rasanblé yo, paské sé nan ou yo té soti ; konsa ou pap gin laront ankò sou ou.

Paròl Granmèt la.

Oubyin

*Sé pou nou patisipé nan bézouin sin yo ;
 sé pou nou résévoua étranjé.*

Léktu lèt apot sin Pòl pou Romin yo

12, 9-16 b

Frè-m yo :

Rinmin-an pa nan fè sanblan, sé pou nou rayi sa-k mal, sé pou nou kolé kò nou sou sa-k bon, sé pou nou youn rinmin lòt tankou frè, sé pou nou youn bay lòt konsidérasion, sé pou nou gin dévouman san nou pa fè régadan, sé pou nou cho nan Èspri-a, antan n-ap rann sèvis pou Granmèt la, sé pou nou kontan nan espérans la, sé pou nou gin pasians nan tray la, sé pou nou pèsévéré nan priyè-a, sé pou nou patisipé nan bézouin sin yo, sé pou nou résévoua étranjé.

Sé pou nou béni moun k-ap pèsékité nou yo : sé pou nou béni yo, sé pa pou nou ba yo madichon.

Sé pou nou kontan avèk moun ki kontan yo, sé pou nou kriyé avèk moun k-ap kriyé yo, sé pou nou gin yon sèl kè antré nou, pa chèché bagay ki ro, min sé nan bagay ki ba pou nou mété kè nou ansanm.

Paròl Granmèt la.

PSÒM RÉPONS

Iz 12, 2-3. 4 bcd. 5-6 (R: 6 b)

- R: Li gran nan mitan-ou, Sin Israèl la.
- 2 Min Bondié ki sovè-m nan, mouin gin konfians, mouin pap pè, paské fòs mouin ak louanj mouin, sé Granmèt la, sé li minm ki vi-n sovè-m.
- 3 N-ap tiré dlo ak kè kontan sot nan sous sovè-a. R:
- 4 Fè louanj Granmèt la, rélé non li, fè konnin mèvèy li yo nan pèp yo, fè sonjé kijan non-l anlè nèl. R:
- 5 Chanté pou Granmèt la, paské li fè mèvèy, anonsé sa sou tout tè-a.
- 6 Fété, fè louanj, pèp Siyon, paské li gran nan mitan-ou, Sin Israèl la. R:

ALÉLOUYA

Cf. Lk 1, 45

R: Alélouya. Ala kontantman pou ou, Mari ki Vièj, paské ou té kouè yo t-ap réalizé vré, sa Granmèt la té di-ou la. R:
Alélouya.

ÉVANJIL

*Koté sa soti pou mouin,
pou manman Granmèt mouin vi-n koté-m ?*

✠ **Léktu sint Évanjil la dapré Luk** 1, 39-56

Jou sa yo, Mari lévé, li pati al nan mòn yo byin vit, nan yon vil Juda. Li antré nan kay Zakari, li salué Élizabèt.

Rivé, lè Élizabèt tandé Mari salué-l, ti pitit la soté nan vant li, Élizabèt vi-n plin ak Éspri Sin-an, li rélé byin fò, li di :

« Ou béni pasé tout fi ; li béni tou, foui vant ou-a. Koté sa soti pou mouin, pou manman Granmèt mouin-an vi-n vizité-m ? Gadé, lè voua-ou rivé nan zòrèy mouin lè-ou salué-m nan, ti pitit la soté nan vant mouin ak kè kontan. Ala kontantman pou ou, poutèt ou té kouè sa Granmèt la voyé di-ou yo, y-ap réalisé ».

Mari di :

« M-ap fè louanj Granmèt la, éspri-m ap fété nan Bondié sové mouin-an, paské li voyé jé sou pòv sèvant li-a. Gadé vré dépi koulié-a tout jénérasyon ap di ala kontantman pou mouin : paské li fè gran mèvèy pou mouin, sa-a ki gin pouvoua-a, non-l sin, mizérikòd li sot nan ras al nan ras pou moun ki krinn li yo.

Li mété fòs nan bra-l, li gayé sa-k t-ap fè grandizè nan kè yo-a ; li dépozé sa-k gin pouvoua yo sot sou tro-n yo, li lévé pòv yo ; sa-k grangou yo, li plin yo ak byin, rich yo li ranvouayé yo grangou.

Li soutni Israèl, sèvitè-l li sonjé mizérikòd li-a, jan-l té palé ak papa nou yo, Abraam ak ras li-a pou tout tan ».

Mari rété avèk li apéprè toua moua, apré sa, li tounin lakay li.

Paròl Granmèt la.

Samdi apré dézièm dimanch apré Pantkot la

Kè Imakilé sint Vièj Mari

Évanjil mémoua sa-a spésial.

Komin sint Vièj Mari, p. 1762.

PRÉMIÉ LÉKTU : Izayi 61, 9-11, p. 1767.

PSÒM RÉPONS : 1 Samuèl 2, 1. 4-5. 6-7. 8 abcd (R : 1 a), p. 1769.

ALÉLOUYA : Cf. Lk 2, 19, p. 1774.

ÉVANJIL

Li t-ap konsèvé tout paròl sa yo nan kè-l.

✠ **Léktu sint Évanjil la dapré Luk** **2, 41-51**

Chak ané paran Jézu yo té konn al Jérusalèm pou fèt Pak la. Lè Jézu vi-n gin douzan, yo monté Jérusalèm, jan yo té konn abitué fè-a pou jou fèt la ; lè yo tounin, ti Jézu té rét Jérusalèm, san paran-l yo pa-t konnin. Yo té konprann li té nan pami vouayajè yo, yo maché pandan yon jounin ; yo chèché-l nan pami fanmi ak zanmi.

Yo pa jouinn li, yo tounin Jérusalèm ap chèché-l.

Apré toua jou, yo jouinn li nan Tanp la, li té chita nan mitan savan yo, li t-ap kouté, li t-ap pozé yo késion. Tout moun ki t-ap kouté-l té sézi poutèt intélijans ak répons li. Lè yo ouè-l, yo sézi.

Manman-l di-l : « Pitit, ki sa-ou fè nou konsa-a ? Gadé, papa-ou avèk mouin minm, nou t-ap chèché-ou ak kè nou séré ».

Li di yo : « Pouki rézon nou t-ap chèché-m ? Èské nou pa-t konnin sé nan afè Papa-m mouin gin pou-m rété ? »

Yo minm yo pa-t konprann paròl li t-ap palé ak yo-a.

Li désann avèk yo, li vi-n Nazarèt ; li té rét obéyisan vizavi yo. Kanta manman-l, li t-ap konsèvé tout paròl sa yo nan kè-l.

Paròl Granmèt la.

JUIN

Prémié juin
S. Justin, mati
Mémoua

Nan Komin mati yo, p. 1783.

PRÉMIÉ LÉKTU : 1 Korintyin 1, 18-25, p. 1814.

PSÒM RÉPONS : Psòm 33, 2-3. 4-5. 6-7. 8-9 (R: 5 b), p. 1790.

ALÉLOUYA : Matié 5, 16, p. 1837.

ÉVANJIL : Matié 5, 13-19, p. 1839.

2 juin
Ss. Marslin ak Piè, mati

Nan Komin mati yo, p. 1783.

PRÉMIÉ LÉKTU : 2 Korintyin 6, 4-10, p. 1793.

PSÒM RÉPONS : Psòm 123, 2-3. 4-5. 7 b-8 (R: 7 a), p. 1790.

ALÉLOUYA : 2 Korintyin 1, 3 b-4 a, p. 1797.

ÉVANJIL : Jan 17, 11 b-19, p. 1801.

3 juin
S. Charl Louanga ak konpagnon-l yo, mati
Mémoua
Mati nan Ouganda

Nan Komin mati yo, p. 1783.

PRÉMIÉ LÉKTU : 2 Makabé 7, 1-2. 9-14, p. 1784.

PSÒM RÉPONS : Psòm 123, 2-3. 4-5. 7 b-8 (R: 7 a), p. 1790.

ALÉLOUYA : Matié 5, 3, p. 1878.

ÉVANJIL : Mt 5, 1-12 a, p. 1881.

5 juin

S. Bonifas, évèk é mati

Mémoua

Nan Komin mati yo, p. 1783 oubyin pastè yo (pou yon misyonè), p. 1802.

PRÉMIÉ LÉKTU : Travay Apot yo 26, 19-23, p. 1808.

PSÒM RÉPONS : Psòm 116, 1. 2 (R : Mark 16, 15), p. 1812.

ALÉLOUYA : Jan 10, 14, p. 1821.

ÉVANJIL : Jan 10, 11-16, p. 1827.

6 juin

S. Nòrbèr, évèk

Nan Komin pastè yo, p. 1802 oubyin sin yo (pou rélijyé yo), p. 1852.

PRÉMIÉ LÉKTU : Ézékièl 34, 11-16, p. 1806.

PSÒM RÉPONS : Psòm 22, 1-3. 4. 5. 6 (R : 1), p. 1809.

ALÉLOUYA : Matié 5, 3, p. 1878.

ÉVANJIL : Luk 14, 25-33, p. 1897.

9 juin

S. Éfrèm, diak é savan sakré Égliz la

Nan Komin savan sakré Égliz la, p. 1829.

PRÉMIÉ LÉKTU : Kolosyin 3, 12-17, p. 1874.

PSÒM RÉPONS : Psòm 36, 3-4. 5-6. 30-31 (R : 30 a), p. 1832.

ALÉLOUYA : Jan 15, 5, p. 1838.

ÉVANJIL : Luk 6, 43-45, p. 1843.

11 juin
S. Barnabé, apot
Mémoua

Prémié léktu mémoua sa-a spésial.

PRÉMIÉ LÉKTU

*Sé té yon moun ki bon,
 ki plin Éspri Sin ak lafoua.*

Léktu Travay Apot yo

11, 21 b-26 ; 13, 1-3

Jou sa yo :

Anpil kantité moun ki kouè té vi-n tounin kot Granmèt la. Paròl la rivé nan zòrèy Égliz la ki té Jérusalèm nan, sou bagay sa yo, yo voyé Barnabé jous Antiòch. Lè-l rivé, li ouè gras Bondié-a, li kontan ; li ankourajé tout moun pou yo rété nan bon dispozision kè yo nan Granmèt la ; paské sé té yon mésié ki bon, ki té plin ak Éspri Sin ak lafoua. Anpil foul vi-n jouinn Granmèt la.

Barnabé pati al Tars, pou-l chèché Sòl ; lè-l jouinn li, li minnin-l Antiòch. Yo rété pandan tout ané-a la nan Égliz la, yo t-ap bay anpil foul ansègnman, atèl pouin pou prémié foua yo rélé disip Antiòch yo « krétyin ».

Nan Égliz la ki Antiòch la, té gin profèt ak savan sakré, nan pami yo sé té Barnabé ak Simon, sa yo rélé Noua-a, Lisius, moun Sirèn nan, ak Manaèn, ki té grandi tou piti ansanm avèk Éròd, chèf ka péyi-a, épi Sòl.

Pandan y-ap fè sèvis yo pou Granmèt la, épi y-ap fè jèn, Éspri Sin-an di yo : « Mété Sòl ak Barnabé apa pou mouin, pou travay la mouin chouazi pou yo-a ». Yo fè jèn, yo priyé, yo pozé min sou yo, yo kité yo alé.

Paròl Granmèt la.

PSÒM RÉPONS

Ps 97, 1. 2-3 a. 3 c-4. 5-6 (R: 2 b)

R: Dévan fas nasion yo Granmèt la révéle jistis li-a.

- ¹ Chanté yon kantik nouvo pou Granmèt la,
 poutèt mèvèy li fè.
 Min douat li sovè pou li,
 bra li ki sin-an. **R:**

- 2 Granmèt la fè konnin sovè li sovè nou-an,
 dévan fas nasion yo li révéle jistis li-a.
- 3 Li sonjé mizèrikòd li,
 ak vérité-l pou kay Israèl la. **R**
- Tout limit tè-a ap ouè
 sovè Bondié nou-an sovè nou.
- 4 Bat bravo pou Bondié, tout tè-a,
 éklaté, fété, chanté. **R**
- 5 Chanté pou Granmèt la sou gita,
 sou gita ak son mizik ;
- 6 sou tronpèt ki dous ak son kòn,
 fè konpliman dévan fas Granmèt la ki roua-a. **R**

ALÉLOUYA

Mt 28, 19 a. 20 b

R Alélouya. Alé, anségné tout nasion yo, sé sa Granmèt la di ;
 mouin avèk nou touléjou jous nan finisman sièk tan yo. **R** Alélouya.

ÉVANJIL

Nou réservoua gratis, bay gratis.

✠ Léktu sint Évanjil la dapré Matié

10, 7-13

Lè sa-a : Jézu di Apot li yo :

« Alé, préché, di péyi roua sièl yo tou pré. Géri malad yo, résisté mò yo, pròpté lépre yo, chasé démon yo : nou réservoua gratis, bay gratis.

Pa poté lò ni lajan, ni ti monnin nan pòch nou, ni sak sou rout la, ni dé chémiz, ni soulié, ni baton ; travayè-a mérité manjé-l nan nimpòt vil oubyin bouk nou antré, mandé si gin yon moun réspéktab la, rété la joustan nou pati.

Lè nou antré nan yon kay, salué-l, di : “Lapè pou kay sa-a”, si kay sa-a mérité, lapè nou-an ap vi-n sou li ; otréman si-l pa mérité, lapè nou-an ap tounin koté nou ».

Paròl Granmèt la.

13 juin

S. Antoua-n de Padou, prèt é savan sakré Égliz la
Mémoua

Nan Komin pastè yo, p. 1802 oubyin savan sakré Égliz la, p. 1829 oubyin sin yo (pou rélijyé yo), p. 1852.

PRÉMIÉ LÉKTU : Izayi 61, 1-3 a, p. 1805.

PSÒM RÉPONS : Psòm 88, 2-3. 4-5. 21-22 é 27 (R : cf. 2 a), p. 1810.

ALÉLOUYA : Luk 4, 18, p. 1821.

ÉVANJIL : Luk 10, 1-9, p. 1825.

19 juin

S. Romual, abé

Nan Komin sin yo (pou rélijyé yo), p. 1852.

PRÉMIÉ LÉKTU : Filipyin 3, 8-14, p. 1873.

PSÒM RÉPONS : Psòm 130, 1. 2. 3, p. 1867.

ALÉLOUYA : Matié 5, 3, p. 1878.

ÉVANJIL : Luk 14, 25-33, p. 1897.

21 juin

S. Loui de Gonzag, rélijyé
Mémoua

Nan Komin sin yo (pou rélijyé yo), p. 1852.

PRÉMIÉ LÉKTU : 1 Jan 5, 1-5, p. 1878.

PSÒM RÉPONS : Psòm 15, 1-2 a é 5. 7-8. 11 (R : 5 a), p. 1864.

ALÉLOUYA : Jan 13, 34, p. 1880.

ÉVANJIL : Matié 22, 34-40, p. 1886.

22 juin
S. Polin de Nòl, évèk

Nan Komin pastè yo, p. 1802.

PRÉMIÉ LÉKTU

*Poutèt nou li vi-n tounin pòv, malgré li té rich,
 pou-l té kapab fè nou vi-n rich ak sa-k fè-l vi-n pòv la.*

Léktu dézièm lèt apot sin Pòl pou Korintyin yo **8, 9-15**

Frè-m yo :

Nou konnin gras Granmèt Jézu-Kri : poutèt nou li vi-n tounin pòv, malgré li té rich la, pou nou té kapab vi-n rich avèk sa-k fè-l vi-n pòv la. Mouin ba nou yon konsèy nan sa ; sa util nou, nou minm ki non sèlman té kòmansé fè kichòy (pou édé frè nou yo), min ki té désidé-l an prémié dépi ané pasé ; koulié-a minm réalisé sa, pou, minm jan nou té cho pou nou té vlé-l la, sé pou réalisé-l ak sa nou ginyin.

Si volonté-a cho, n-ap fè moun plézi dapré sa nou ginyin, mouin pa palé pou sa nou pa ginyin ; yo pa mandé pou nou nan tribilasyon poutèt nou soulajé lòt, min sé égalité.

Koulié-a sa nou ginyin ki tròp l-ap sèvi pou édé sa yo manké, pou sa yo minm y-ap ginyin ki tròp tou rivé konplété sa nou manké, pou kapab gin égalité, dapré sa-k ékri-a : « Moun ki té gin anpil, li pa-t gin tròp, moun ki té gin ti kras, li pa-t manké ».

Paròl Granmèt la.

PSÒM RÉPONS : Psòm 39, 2 é 4 ab. 7-8 a. 8 b-9.10 (R : 8 a é 9 a), p. 1809.

ALÉLOUYA : Matié 5, 3, p. 1878.

ÉVANJIL : Luk 12, 32-34, p. 1896.

Minm jou 22 juin-an
S. Jan Fichèr, évèk, ak Toma Mòr, mati

Nan Komin mati yo, p. 1783.

PRÉMIÉ LÉKTU : 1 Piè 4, 12-19, p. 1795.

PSÒM RÉPONS : Psòm 125, 1-2 ab. 2 cd-3. 4-5. 6 (R : 5), p. 1791.

ALÉLOUYA : Matié 5, 10, p. 1797.

ÉVANJIL : Matié 10, 34-39, p. 1799.

24 juin
NAN NÉSANS SIN JAN-BATIS
Solanité

Pou Mès nan Vijil la

PRÉMIÉ LÉKTU

Anvan-m té fòmé-ou nan vant, mouin té konnin-ou.

Léktu liv profèt Jérémi

1, 4-10

Nan jou Jozias yo :

Paròl Granmèt la rivé koté-m, li di : « Anvan-m té fòmé-ou nan vant, mouin té konnin-ou ; anvan-ou té soti nan vant, mouin té fè-ou sin, mouin té voyé-ou kòm profèt pou nasion yo ».

Mouin di : « A a a, Granmèt Bondié ! gadé, mouin pa konn palé, sé yon ti moun mouin yé ».

Granmèt la di-m : « Pa di “Mouin sé ti moun” ; min kot tou sa-m voyé-ou, sé pou-ou alé, tou sa m-ap kòmandé-ou, sé pou-ou palé-l. Pa pè dévan fas yo, paské mouin avèk ou, pou-m, délivré-ou », sé sa Granmèt la di.

Granmèt la voyé min-l, li touché bouch mouin ; Granmèt la di-m : « Min mouin mété paròl mouin yo nan bouch ou ; mouin mété-ou jodi-a sou nasion yo ak sou péyi roua yo, pou-ou raché, pou-ou détoui pou-ou chasé, pou-ou gayé, pou-ou bati, pou-ou planté ».

Paròl Granmèt la.

PSÒM RÉPONS

Ps 70, 1-2. 3-4 a. 5-6 a. 15 ab é 17 (R : 6 b)

R Dépi nan vant manman-m, sé ou minm ki soutni-m.

- ¹ Sé nan ou, Granmèt, mouin espéré,
 pa kité-m ront pou tout tan.

- 2 Nan jistis ou-a libéré-m épi délivré-m ;
panché zòrèy ou sou mouin, sové-m. **R:**
- 3 Sé pou-ou sèvi-m yon ròch sitadèl
ak yon kay défans, pou-ou sové-m,
paské fòs mouin ak kachèt mouin sé ou minm.
- 4 Bondié mouin, ouété-m, nan min péchè-a. **R:**
- 5 Paské sé ou minm ki éspérans mouin, Granmèt ;
Granmèt, éspérans mouin dépi-m tou jèn.
- 6 Sé sou ou mouin apiyé dépi-m nan vant,
dépi nan vant manman-m, sé ou minm ki soutni-m. **R:**
- 15 Bouch mouin ap anonsé jistis ou,
tout jounin sové ou sové-m nan.
- 17 Bondié, ou ban-m ansègnman dépi-m tou jèn ;
jous koulié-a m-ap anonsé mèvèy ou yo. **R:**

DÉZIÈM LÉKTU

*Osijè sové sa-a Bondié sové nou-an
profèt yo té égzaminé, yo té chèché fon.*

Léktu prémié lèt apot sin Piè

1, 8-12

Nou minm mouin rinmin anpil la :

Malgré nou pa ouè Jézu-Kri, nou rinmin-l ; li minm nou kouè nan li, minm si koulié-a nou pa ouè-l ; antan nou kouè-a, n-ap kontan nan yon kontantman san parèy k-ap vlopé nou nan gloua, antan n-ap jouinn rékonpans lafoua nou, sové nanm yo sové-a.

Osijè sové sa-a Bondié sové nou-an, profèt yo té égzaminé, yo té chèché fon, yo minm ki té profétizé sou gras ki t-ap vini pou nou-an ; lè Éspri Kris la ki nan yo-a t-ap anonsé davans soufrans ak gloua ki t-ap rivé nan Kris la, yo t-ap chèché fon pou yo konnin kilè ak nan ki sikonstans sa tapral rivé. Li té fè yo konnin sé pa-t pou yo minm, min sé pou nou minm, yo t-ap sèvi bagay sa yo. Sé bagay sa yo minm yo anonsé nou koulié-a pa lintèmediè sa yo k-ap préché nou Bòn Nouvèl la, pa pouvoua Éspri Sin-an yo voyé sot nan sièl la, li minm anj yo panché dévan-l nan.

Paròl Granmèt la.

ALÉLOUYA

Jan 1, 7 ; Lk 1, 17

✠ Alélouya. Sa-a vini pou-l sèvi limiè-a témouin,
pou-l paré yon pèp korèk nèt pou Bondié. ✠ Alélouya.

ÉVANJIL

L-ap fè yon ti gason pou ou, ou-ap rélé non-l Jan.

✠ Léktu sint Évanjil la dapré Luk

1, 5-17

Nan tan Èròd yo, roua Judé-a, té gin yon prèt yo rélé Zakari, nan ras Abia, madanm li té soti nan fi ras Aaron yo ; non-l sé té Élizabèt. Yo toulédé té kòrèk dévan Bondié, yo té obéyi tout kòmandman ak désizyon Granmèt la san répròch. Min yo pa-t gin pitit, paské Élizabèt pa-t kapab fè pitit, yo toulédé té rivé louin nan laj yo.

Rivé, pandan li t-ap fè sèvis prèt li nan ran klas li dévan Bondié, dapré abitid prèt yo, sò-a tonbé sou li pou-l prezanté lansan antan-l antré nan Tanp Granmèt la ; tout foul pèp la té déyò, yo t-ap priyé pandan lè lansan-an. Anj Granmèt la parèt dévan-l, li kanpé adouat lotèl lansan-an. Zakari troublé lè-l ouè sa, yon krint tonbé sou li.

Anj la di-l : « Pa pè, Zakari, yo tandé priyé-ou la ; madanm ou, Élizabèt ap fè yon ti gason pou ou, ou-ap rélé non-l Jan ; ou-ap kontan, ou-ap fété, anpil moun ap kontan poutèt nésans li. Sèké l-ap gran dévan Granmèt la, li pap bouè divin ak bouason k-ap éksité, l-ap plin Éspri Sin-an dépi nan vant manman-l ; l-ap fè anpil pitit Israèl yo tounin kot Granmèt Bondié yo-a. Li minm l-ap maché dévan Granmèt la nan éspri ak pouvoua Éli, “pou-l fè kè papa yo viré kot pitit yo”, pou-l fè moun rébèl yo vi-n gin sajès moun kòrèk yo, pou-l paré yon pèp ki kòrèk nèt pou Granmèt la. »

Paròl Granmèt la.

Pou Mès nan jou-a

PRÉMIÉ LÉKTU

Min mouin mété-ou kòm limiè nasion yo.

Léktu liv profèt Izayi

49, 1-6

Kouté, zilé yo, fè atansyon, pèp yo, antan nou louin-an : Granmèt la rélé-m dépi nan vant, dépi nan vant manman-m, li sonjé non-m ; li mété

bouch mouin tankou yon épé pointi, li protéjé-m anba lonbraj min-l, li mété-m tankou yon flèch ki byin chouazi, li kaché-m nan sak li, li di-m : « Sé sèvitè-m ou yé, Israèl, paské sé nan ou m-ap jouinn gloua-m ».

Mouin di : « Sé pou granmési mouin té travay, sé san rézon, sé pou vid mouin té gaspiyé fòs mouin ; époutan jijman-m té avèk Granmèt la, rékonpans mouin té avèk Bondié-m ».

Koulié-a, Granmèt la ki fòmé-m dépi nan vant pou-m sévitè-l la, li di pou-m fè Jakòb tounin vi-n jouinn li ; épi Israèl pap rasanblé. Mouin jouinn gloua nan jé Granmèt la, Granmèt la vi-n tounin fòs mouin.

Li di : « Sa pa kont pou-ou sèvitè-m pou-ou lévé ras Jakòb yo, pou-ou fè égzilé Israèl yo tounin ; mouin mété-ou kòm limiè nasion yo, pou sové m-a p moun yo, sa rivé jous nan bout tè-a ».

Paròl Granmèt la.

PSÒM RÉPONS

Ps 138, 1-3.-14.15 (R: 14 a)

R: M-ap fè louanj, paské ou fòmé-m yon fason éstraòdinè.

- 1 Granmèt, ou sondé-m, ou konnin-m,
- 2 ou konnin chita-m ak lévé-m.
Ou konprann pansé-m dépi byin louin,
- 3 santié-m ak kouché-m, ou égzaminé yo.
Tout rout mouin yo ou ouè yo byin klè. R:
- 13 Paské sé ou minm ki té fòmé rin-m,
ou té tréyé-m nan vant manman-m.
- 14 M-ap fè louanj ou, paské ou fòmé-m yon fason éstraòdinè ;
aksion-ou yo éstraòdinè,
nan fon kè-m mouin konn sa byin. R:
- 15 Zo-m pa-t kaché louin-ou,
lè mouin té fèt nan sékrè-a,
lè ladrès ou t-ap fè-m pran fòm anba tè-a. R:

DÉZIÈM LÉKTU

Jan t-ap préché dévan fas Kris la ki t-ap vini-an.

Léktu Travay Apot yo

13, 22-26

Jou sa yo : Pòl t-ap di :

« Bondié té lèvé roua David pou papa yo, li sèvi-l témouin, li di : “Mouin jouinn David, pitit Jésé-a, yon moun dapré kè-m, l-ap fè tout volonté-m yo”. Nan ras li, dapré promès la, Bondié fè Jézu parèt kòm sovè pou Israël. Dévan fas li ki t-ap vini-an, Jan t-ap préché yon batèm pénitans pou tout pèp Israël la.

Lè Jan t-ap fini kous li, li t-ap di : “Sa-a nou konprann mouin yé-a, sé pa sa mouin yé ; min l-ap vini apré-m, li minm mouin pa mérité défèt sandal pié-l la”.

Mésié frè yo, pitit ras Abraam yo, épi moun yo nan pami nou ki krinn Bondié-a, sé pou nou yo té voyé paròl sa-a k-ap sovè nou-an ».

Paròl Granmèt la.

ALÉLOUYA

Cf. Lk 1, 76

℞ Alélouya. Ou minm, ti pitit, y-ap rélé-ou profèt Sa-a ki anro nèt la, ou-ap maché dévan Granmèt la pou-ou paré rout li yo. ℞ Alélouya.

ÉVANJIL

Jan sé non-l sa.

✠ **Léktu sint Évanjil la dapré Luk**

1, 57-66. 80

Lè pou Élizabèt anfanté-a rivé, li fè yon ti gason. Vouazin yo ak fanmi yo tandé kijan Granmèt la té fè mèvèy mizérikòd li-a parèt pou li ; yo fè kè kontan avèk li. Rivé, sou uitièm jou-a, yo vini pou yo fè sikonsizyon ti pitit la, yo t-ap rélé-l non papa-l : Zakari.

Manman-l pran laparòl, li di : « Non, min y-ap rélé-l Jan ».

Yo di-l : « Min pa gin pèsòn nan fanmi ou yo rélé non sa-a ». Yo fè papa-l sign kijan-l té vlé pou-l rélé.

Li mandé yon adouaz, li ékri, li di : « Jan, sé non-l sa ». Tout moun sézi. Minm lè-a bouch li louvri, lang li lagé li pran palé, li fè konpliman pou Bondié. Sézisman tonbé sou tout vouazin-l yo ; nan tout mòn Judé yo paròl sa yo t-ap maché bouch an bouch. Tout moun ki tandé sa, yo

kinbé-l nan kè yo, yo t-ap di : « Kisa ti pitit sa-a ap yé ? » Réyèlman min Granmèt la té avèk li.

Pitit la minm t-ap dévlopé, li t-ap gin plis fòs nan Éspri-a ; li té nan dézè yo jous jou pou-l té parèt dévan Israël la.

Paròl Granmèt la.

27 juin

S. Siril Aléksandri, évèk é savan sakré Égliz la

Nan Komin pastè yo, p. 1802 oubyin savan sakré Égliz la, p. 1829.

PRÉMIÉ LÉKTU : 2 Timoté 4, 1-5, p. 1819.

PSÒM RÉPONS : Psòm 88, 2-3. 4-5. 21-22. 25 é 27 (R : cf. 2 a), p. 1810.

ALÉLOUYA : Matié 5, 16, p. 1837.

ÉVANJIL : Matié 5, 13-19, p. 1839.

28 juin

S. Iréné, évèk é mati

Mémoua

Nan Komin mati yo, p. 1783 oubyin savan sakré Égliz la, p. 1829.

PRÉMIÉ LÉKTU

*Sèvitè Bondié-a doué tou dou pou tout moun
pou-l korijé yo avèk bon jan.*

Léktu dézièm lèt apot sin Pòl pou Timoté

2, 22 b-26

Ou minm mouin rinmin anpil la :

Chèché jistis, lafoua, éspérans, charité, lapè avèk sa yo k-ap rélé Granmèt la ak yon kè ki pou li nè. Pa mélé nan diskision ki sòt, ki pa gin sans ; ou konnin yo minnin kont.

Sèvitè Granmèt la pa fèt pou nan kont, min sé pou-l tou dou pou tout moun, pou-l konn palé ak moun, pou-l gin pasians, pou sé ak bon jan li korijé moun ki pa dakò ak vérité yo, paské, ou pa janm konnin, Bondié kapab fè yo chanjé santiman pou yo vi-n konnin vérité-a, pou yo soti nan pièj djab la, koté yo té prizonié anba volonté-l la.

Paròl Granmèt la.

PSÒM RÉPONS : Psòm 36, 3-4. 5-6. 30-31 (R: 30 a), p. 1832.

ALÉLOUYA : Jan 15, 9 b-5 b, p. 1881.

ÉVANJIL : Jan 17, 20-26, p. 1899.

29 juin
SS. PIÈ AK PÒL, APOT
Solanité

Pou Mès nan Vijil la

PRÉMIÉ LÉKTU

*Sa-m ginyin-an, sé li minm mouin ba ou :
o non Jézu, lévé, maché.*

Léktu Travay Apot yo

3, 1-10

Jou sa yo :

Piè ak Jan t-ap monté nan Tanp la pou priyè touazè-a. Té gin yon mésié ki té infim dépi nan vant manman-l, yo t-ap poté-l. Chak jou yo té konn dépozé-l bò pòt Tanp la, sa yo rélé Bèl la, pou-l mandé moun k-ap antré nan Tanp yo charité. Kon-l ouè Piè ak Jan k-apral antré nan Tanp la, li mandé yo pou yo fè-l jouinn charité.

Piè minm gadé-l byin ansanm avèk Jan, li di : « Gadé nou ». Li minm li pozé jé-l sou yo, li té éspéré li t-ap jouinn kichòy nan min yo.

Piè minm di : « Lajan ak lò, mouin pa gin sa ; sa-m ginyin-an mouin ba ou-l : o non Jézu-Kri, moun Nazarèt la, lévé, maché ».

Li pran min douat li, li lévé-l, minm lè-a, jouintu ak plant pié-l vi-n solid. Li vòltijé kanpé, li t-ap maché, li antré avèk yo nan Tanp la, l-ap maché, l-ap vòltijé, l-ap fè louanj Bondié. Tout pèp la ouè l-ap maché, l-ap fè louanj Bondié. Yo té rékonèt li, sé li minm ki té konn chita bò Bèl Pòt Tanp la, pou charité-a ; yo té plin ak sézisman, yo té dékontrolé pou sa-k té rivé-l la.

Paròl Granmèt la.

PSÒM RÉPONS

Ps 18, 2-3. 4-5 (R : 5 a)

- R** Sou tout tè-a yo tandé voua yo.
- 2** Sièl yo ap rakonté gloua Bondié,
travay min-l, platfòm sièl la ap anonsé yo.
- 3** Jou ap déklaré paròl bay jou,
nannuit ap montré konésans bay lannuit. **R**

- ⁴ Pa gin paròl, pa gin mo,
yo pa tandé voua yo.
- ⁵ Sou tout tè-a yo tandé voua yo,
jous nan limit fas tè-a paròl yo. **R:**

DÉZIÈM LÉKTU

Bondié mété-m apa dépi nan vant manman-m.

Léktu lèt apot sin Pòl pou Galat yo

1, 11-20

Frè-m yo :

Mouin fè nou konnin Bòn Nouvèl la mouin té anonsé nou-an, sé pa dapré moun li fèt. Sèké mouin pa-t résévoua-l ni mouin pa-t aprann li nan min moun, min gras a révélation Jézu-Kri. Nou té tandé kijan mouin té kondui tèt mouin lontan lè m-té nan rélijion Juif yo, kijan mouin t-ap pèsékité Égliz Bondié-a dépasé mézi, kijan mouin té fè-l lagè. Mouin té fè progrè nan rélijion juif la plis anpil pasé moun ras mouin yo ki gin minm laj avèk mouin, mouin té jalou anpil pou abitud papa mouin yo té kité pou nou-an.

Min Sa-a ki té mété-m apa dépi nan vant manman-m nan, épi ki té rélé-m an konsidération gras li-a, lè-l désidé révéle Pitit li-a nan mouin, pou-m anonsé-l bay nasion yo, minm lè-a mouin pa konsilté ni chè ni san ; mouin pa vi-n Jérusalèm kot apot yo ki té la anvan-m yo ; min m-al Arabi, apré sa mouin tounin Damas.

Apré touazan, mouin vi-n Jérusalèm pou-m ouè Piè, mouin rété kinz jou koté-l. Mouin pa ouè okinn lòt apot, sof Jak, frè Granmèt la. Sa-m ékri nou-an, sé dévan Bondié, mouin pa fè manti.

Paròl Granmèt la.

ALÉLOUYA

Jan 21, 17 d

R: Alélouya. Granmèt, ou konnin tout bagay ;
ou konnin mouin rinmin-ou. **R:** Alélouya.

ÉVANJIL

Okipé mouton-m yo, opipé ti mouton-m yo.

✠ **Léktu sint Évanjil la dapré Jan** **21, 15-19**

Lè Jézu té parèt dévan disip li yo, li té manjé avèk yo-a, li di Simon Piè : « Simon, pitit Jan, èské-ou sansib pou mouin plis pasé sa yo ? »

Li di-l : « Oui, Granmèt, ou konnin mouin rinmin-ou ».

Li di-l : « Okipé ti mouton-m yo ».

Li di-l ankò : « Simon pitit Jan, èské-ou sansib pou mouin ? »

Li di-l : « Oui, Granmèt, ou konnin mouin rinmin-ou ».

Li di-l : « Okipé ti mouton-m yo ».

Li di-l pou touazièm foua-a : « Simon, pitit Jan, èské-ou rinmin-m ? »

Piè pran chagrin poutèt li té di-l touazièm foua-a « Èské-ou rinmin-m ? »

Li di-l : « Granmèt ou konnin tout bagay ou konnin mouin rinmin-ou ».

Li di-l : « Okipé bann mouton-m yo. Amèn, amèn, mouin di-ou, lè-ou té pi jèn ou té konn maré sintu-ou, épi ou-alé koté-ou té vlé ; min lè ou-ap vi-n vié, ou-ap lonjé min-ou, yon lòi ap maré sintu-ou, l-ap kondui-ou koté ou pa vlé ». Li té di sa pou-l montré ak ki kalité mòd lanmò li t-ap fè ouè gloua Bondié.

Lè-l fi-n di sa, li di-l : « Suiv mouin ».

Paròl Granmèt la.

Pou Mès pròp jou-a

PRÉMIÉ LÉKTU

*Koulié-a mouin konnin tout bon vré
Granmèt la délivré-m sot nan min Éròd.*

Léktu liv Travay Apot yo **12, 1-11**

Jou sa yo :

Roua Éròd lonjé min-l pou-l fè kèk moun nan Égliz la pasé mati. Li touyé Jak, frè Jan-an, avèk épé. Lè-l ouè sa fè Juif yo plézi, li pasé lòd arété Piè tou. Sé té jou azim yo. Lè-l fi-n fè arété-l, li fè mété-l nan prizon, li rinnèt li nan min kat éskouad sòlda ki gin kat sòlda nan chak

pou yo sivéyé-l, li té vlé fè-l konparèt dévan pèp la apré Pak la. Yo té kinbé Piè nan prizon-an ; min priyè t-ap monté san rété nan Égliz la kot Bondié pou li.

Lè Éròd t-apral fè-l konparèt la, nan nuit sa-a minm, Piè t-ap dòmi nan mitan dé sòlda, li té maré ak dé chinn, té gin sòlda dévan pòt la ki t-ap sivéyé prizon-an.

Anj Granmèt la vi-n kanpé, limiè kléré nan kay la, li frapé Piè sou koté, li révéyé-l, li di : « Lévé byin vit ». Chinn yo tonbé sot nan min-l.

Anj la di-l : « Mét sintiron-ou, mét sapat ou nan pié-ou ». Li fè sa.

Li di-l : « Abiyé-ou, suiv mouin ». Li sòti, li suiv li, san-l pa konnin sa anj la t-ap fè-a t-ap fèt vré ; li té konprann sé yon vizion li ouè. Yo travèsé premié santinèl la, épi dézièm nan, yo rivé nan pòt an fè-a ki kondui nan vil la ; li louvri dévan yo, yo soti, yo pasé nan yon koridò ; minm lè-a anj la kité-l.

Lè sa-a atò, Piè rétounin nan li minm épi li di : « Koulié-a mouin konnin tout bon vré Granmèt la voyé anj li-a, li délivré-m sot nan min Éròd ak nan tou sa pèp Juif yo t-ap tann nan ».

Paròl Granmèt la.

PSÒM RÉPONS

Ps 33, 2-3. 4-5. 6-7. 8-9 (R: 5 b)

- R: Anba tou sa-k fè-m pè yo Granmèt la délivré-m.
- 2 M-ap fè konpliman pou Granmèt la tout tan,
tout tan louanj li nan bouch mouin.
- 3 Nan Granmèt la nanm mouin ap jouinn gloua li,
sé pou pòv yo tandé, pou yo kontan. R:
- 4 Fè louanj Granmèt la avèk mouin,
sé pou nou lévé non-l anlè ansanm,
- 5 mouin chèché Granmèt la, li réponn mouin,
anba tou sa-k fè-m pè yo, li délivré-m. R:
- 6 Gadé nan diréksion-l, n-ap kléré,
fas nou pap ront.
- 7 Pòv sa-a rélé, Granmèt la kouté-l,
anba tout tribilasyon yo, li sovè-l. R:
- 8 Anj Granmèt la ap véyé alantou moun ki krinn li yo,
épi l-ap délivré yo.

- ⁹ Gouté, n-a ouè jan Granmèt la bon ;
ala kontantman pou moun ki espéré nan li. **R:**

DÉZIÈM LÉKTU

*Sa-k rété pou-m résévoua-a, sé kouròn jistis la
y-ap ban mouin-an.*

Léktu dézièm lèt apot sin Pòl pou Timoté

4, 6-8. 17-18

Ou minm mouin rinmin anpil :

Mouin déjà fi-n bay tèt mouin kòm sakrifis, lè-a rivé pou-m pati nèt. Mouin batay bon batay la, mouin fini kous mouin, mouin kinbé lafoua-a. Sa-k rété pou-m résévoua-a, sé kouròn jistis la, sa Granmèt la ap ba mouin jou sa-a, li minm ki jij kòrèk la ; pa sèlman pou mouin, min pou sa yo ki rinmin jou l-ap vini-an.

Fè vit vi-n jouinn mouin san pèdi tan.

Granmèt la minm té kanpé koté-m, li té ban-m asirans, pou prèch mouin té kapab transmèt Paròl la byin, pou tout nasion yo té kapab tandé-l. Mouin libéré sot nan bouch lion-an. Granmèt la libéré-m sot anba tout mové mannèv, l-ap sovè-m nan péyi roua li-a. Konpliman pou li pou tout tan gin tan. Amèn.

Paròl Granmèt la.

ALÉLOUYA

Mt 16, 18

R: Alélouya. Ou sé Piè, sou ròch sa-a m-ap bati Égliz mouin-an,
pòt lanfè yo pap gin viktoua kont li. **R:** Alélouya.

ÉVANJIL

Ou sé Piè, m-ap ba-ou klé péyi roua sièl yo.

✠ Léktu sint Évanjil dapré Matié

16, 13-19

Lè sa-a :

Jézu rivé nan réjion Sézaré Filip la, li pozé disip li yo késion, li di :
« Kisa moun yo di Pitit moun nan yé ? »

Yo minm yo di : « Ginyin sé Jan-Batis, dòt minm sé Éli, dòt ankò sé Jérémi oubyin youn nan profèt yo ».

Jézu di yo : « É nou minm ki sa nou di mouin yé ? »

Simon Piè pran laparòl, li di : « Ou sé Kris, Pitit Bondié vivan-an ».

Jézu pran laparòl, li di-l : « Ala kontantman pou ou, Simon, pitit Jan, paské sé pa ni chè ni san ki révéle-ou sa, min Papa-m ki nan sièl la. Mouin minm mouin di-ou ou sé Piè, sou ròch sa-a m-ap bati Égliz mouin-an, épi pòt lanfè yo pap ranpòté viktoua kont li ; m-ap ba-ou clé péyi roua sièl yo, tou sa ou-ap maré sou tè-a, l-ap maré nan sièl la, tou sa ou-ap lagé sou tè-a, l-ap lagé nan sièl la tou ».

Paròl Granmèt la.

Pou Mès votiv S. Piè, yo di léktu yo nan fèt Tro-n ansègnman (Katèd) minm apot la, tankou pi ro-a, p. 1583.

Pou Mès votiv S. Pòl, yo di léktu yo nan fèt Konvèsion minm apot la, tankou pi ro-a, p. 1570.

30 juin

Ss. Prémie Mati sint Égliz Ròm nan

Nan Komin mati yo, p. 1783.

PRÉMIÉ LÉKTU : Romin 8, 31 b-39, p. 1792.

PSÒM RÉPONS : Psòm 123, 2-3. 4-5. 7 b-8 (R : 7 a), p. 1790.

ALÉLOUYA : Matié 5, 10, p. 1797.

ÉVANJIL

Tout nasion ap rayi nou poutèt non mouin.

✠ Léktu sint Évanjil la dapré Matié

24, 4-13

Lè sa-a : Jézu di disip li yo :

« Atansion pou pèsòn pa tronpé nou : sèké gin anpil k-ap vini o non mouin, y-ap di : “Sé mouin minm ki Kris la”, épi y-ap tronpé anpil moun. N-ap tandé lagè ak nouvèl lagè yo. Atansion pou nou pa troublé ; sé pou bagay sa yo rivé, min sé pako finisman. Nasion ap lévé kont nasion, péyi roua kont péyi roua, ap gin épidémi ak grangou ak tranbléman tè kèk koté. Tout bagay sa yo sé kòmansman doulè yo.

Lè sa-a y-ap fè nou sibi tribilasyon, y-ap touyé nou, tout nasion ap rayi nou poutèt non mouin.

Lè sa-a anpil moun ap bité, youn ap trayi lòt, youn ap rayi lòt. Anpil fo-profèt ap lèvé, y-ap tronpé anpil moun ; paské péché-a ap anpil, charité anpil moun ap vi-n frèt.

Min moun k-ap pèsévéré jouskalafin, sé li minm k-ap sové ».

Paròl Ganmèt la.

JUIYÈ

3 juiyè
S. TOMA, APOT
Fèt

PRÉMIÉ LÉKTU

Nou bati sou fondasion Apot yo.

Léktu lèt apot sin Pòl pou Éfézyin yo 2, 19-22

Frè-m yo :

Nou pa étranjé ak moun vini ankò, min nou sé sitouayin minm péyi ak sin yo, nou sé moun kay Bondié ; nou bati sou fondasion Apot yo ak profèt yo, ròch kouin ki anlè nèt la, sé Kris Jézu ; sé nan li tout kay la ki bati-a ap grandi vi-n yon tanp ki sin nan Granmèt la ; nan li nou minm tou yo bati nou pou nou vi-n tounin kay Bondié nan Éspri-a.

Paròl Granmèt la.

PSÒM RÉPONS

Ps 116, 1. 2 (R: Mk 16, 15)

R: Alé sou tout tè-a, préché Bòn Nouvèl la.

Oubyin Alélduya.

- ¹ Fè louanj Granmèt la, tout nasion yo,
fè louanj li ansanm, tout pèp yo, R:
- ² paské li vi-n asiré mizérikòd li sou nou
vérité Granmèt la diré pou tout tan. R:

ALÉLOUYA

Jan 20, 29

R: Alélouya. Paské ou ouè-m, Toma, ou kouè, sé sa Granmèt la di ;
ala kontantman pou moun ki pa ouè yo, min ki kouè. R: Alélouya.

ÉVANJIL

Granmèt mouin ak Bondié mouin !

✠ **Léktu sint Évanjil la dapré Jan** 20, 24-29

Toma, youn nan douz yo, sa yo rélé Didim nan, li pa-t avèk yo lè Jézu té vini-an.

Lòt disip yo di-l : « Nou ouè Granmèt la ».

Li minm li di yo : « Si-m pa ouè mak klou yo nan min-l, si-m pa mété douèt mouin nan plas klou yo, si-m pa mété min-m nan kòt li, mouin pap kouè ».

Apré ui jou, disip li yo té anndan ankò, Toma té avèk yo.

Jézu rivé, pòt yo té fèmin, li kanpé nan mitan, li di : « Lapè pou nou ».

Apré sa, li di Toma : « Mété douèt ou isit, gadé min-m, lonjé min-ou, mété-l nan kòt mouin : sispann manké lafoua, sé pou-ou kouè ».

Toma réponn, li di-l : « Granmèt mouin ak Bondié mouin ! »

Jézu di-l : « Paské ou ouè-m, Toma, ou kouè ; ala kontantman pou moun ki pa ouè, min ki kouè ».

Paròl Granmèt la.

4 juiyè

S. Élizabèt de Pòtigal

Nan Komin sin yo (pou sa ki té dévoué tèt yo aksion mizérikòd), p. 1852.

PRÉMIÉ LÉKTU : 1 Jan 3, 14-18, p. 1877.

PSÒM RÉPONS : Psòm 111, 1-2. 3-4. 5-7 a. 7 b-8. 9 (R : 1 a), p. 1866.

ALÉLOUYA : Jan 13, 34, p. 1880.

ÉVANJIL : Matié 25, 31-46, p. 1889.

5 juiyè

S. Antoua-n Mari Zakari, prèt

Nan Komin pastè yo, p. 1802 oubyin nan Komin sin yo (pou édikaté yo ak pou rélijyé yo), p. 1852.

PRÉMIÉ LÉKTU : 2 Timoté 1, 13-14 ; 2, 1-3, p. 1819.

PSÒM RÉPONS : Psòm 1, 1-2. 3. 4 é 6 (R : 2 a), p. 1863.

ALÉLOUYA : Cf. Matié 11, 25, p. 1879.

ÉVANJIL : Mark 10, 13-16, p. 1892.

6 juiyè
S. Maria-Goréti, vièj é mati

Nan Komin mati yo, p. 1783 oubyin vièj yo, p. 1844.

PRÉMIÉ LÉKTU

Kò nou sé manb Kris la.

Léktu prémié lèt apot sin Pòl pou Korintyin yo 6, 13 c-15 a. 17-20

Frè-m yo :

Kò-a pa fèt pou fònikasion, min pou Granmèt la, épi Granmèt la pou kò-a. Bondié résisité Granmèt la, l-ap résisité nou pa pouvoua-l. Èské nou pa konnin kò nou sé manb Kris la ? Moun ki kolé kò-l sou Granmèt la, sé yon sèl éspri li yé.

Évité fònikasion. Tout péché yon moun fè, li andéyò kò-a ; min moun ki fè fònikasion-an, sé nan kò-l li fè péché. Oubyin èské nou pa konnin manb nou sé tanp Éspri Sin-an, li minm ki nan nou-an, li minm nou résevoua nan min Bondié-a, épi nou pa mèt tèt nou ? Yo achté nou pou gro pri. Fè louanj Bondié, poté-l nan kò nou.

Paròl Granmèt la.

PSÒM RÉPONS : Psòm 30, 3 cd-4. 6 é 8 ab. 16 bc-17 (**R**: 6 a), p. 1789.

ALÉLOUYA : Jak 1, 12, p. 1797.

ÉVANJIL : Jan 12, 24-26, p. 1800.

9 juiyè
S. Ogustin Zao Rong, prèt, ak konpagnon-l yo, mati
Mati an Chi-n

Nan Komin mati yo, p. 1783.

11 juiyè
S. Bénoua, abé
Mémoua

Nan Komin sin yo (pou rélijyé yo), p. 1852.

PRÉMIÉ LÉKTU

Panché kè-ou pou-ou konnin intélijans la.

Léktu liv Provèb yo

2, 1-9

Pitit mouin, si-ou résevoua paròl mouin yo, si-ou séré kòmandman-m yo byin fon anndan-ou pou zòrèy ou fè ou kapté sajès la, panché kè-ou pou-ou aprann konésans bon konduit la. Si-ou rélé sajès la, si-ou panché kè-ou pou-ou konprann bon konduit la, si-ou chèché-l tankou yon lajan, si-ou fouyé-l tankou yon trézò, lè sa-a ou-ap konprann krint ou doué Granmèt la, ou-ap jouinn sians Bondié-a ; paské Granmèt la bay sajès, sé nan bouch li konésans bon konduit la soti ansanm avèk sians la.

L-ap prezèvé sovè moun ki kòrèk yo sovè-a, l-ap protéjé moun k-ap maché tou sinp yo, l-ap pran souin tras rout jistis la, l-ap konsèvé chémin sin yo. Lè sa-a ou-ap konprann jistis la ak jijman-an ak douatu-a ak tout bon chémin-an.

Paròl Granmèt la.

PSÒM RÉPONS : Psòm 33, 2-3. 4 é 6. 9 é 12. 14-15 (R : 2 a), p. 1865.

ALÉLOUYA : Matié 5, 3, p. 1878.

ÉVANJIL : Matié 19, 27-29, p. 1886.

13 juiyè

S. Anri

Nan Komin sin yo, p. 1852.

PRÉMIÉ LÉKTU : Miché 6, 6-8, p. 1860.

PSÒM RÉPONS : Psòm 1, 1-2. 3. 4 é 6 (R : 2 a), p. 1863.

ALÉLOUYA : Jan 14, 23, p. 1880.

ÉVANJIL : Matié 7, 21-27, p. 1882.

14 juiyè

S. Kamiy de Lélis, prèt

Nan Komin sin yo (pou sa ki té fè aksion mizérikòd), p. 1852.

PRÉMIÉ LÉKTU : 1 Jan 3, 14-18, p. 1877.

PSÒM RÉPONS : Psòm 111, 1-2, 3-4. 5-7 a. 7 b-8. 9 (**R** : 1 a), p. 1866.

ALÉLOUYA : Jan 13, 34, p. 1880.

ÉVANJIL : Jan 15, 9-17, p. 1898.

15 juiyè

S. Bonavantu, évèk é savan sakré Égliz la
Mémoua

Nan Komin pastè yo, p. 1802 oubyin savan sakré Égliz la, p. 1829.

PRÉMIÉ LÉKTU : Éfézyin 3, 14-19, p. 1872.

PSÒM RÉPONS : Psòm 118, 9. 10. 11. 12. 13. 14 (**R** : 12 b), p. 1833.

ALÉLOUYA : Matié 23, 9 b. 10 b, p. 1820.

ÉVANJIL : Matié 23, 8-12, p. 1823.

16 juiyè

S. Vièj Mari du Mon Karmèl

Nan Komin sint Vièj Mari, p. 1762.

PRÉMIÉ LÉKTU : Zakari 2, 14-17, p. 1767.

PSÒM RÉPONS : Luk 1, 46-55, p. 1772.

ALÉLOUYA : Luk 11, 28, p. 1775.

ÉVANJIL : Matié 12, 46-50, p. 1777.

20 juiyè

S. Apolinèr, évèk é mati

Nan Komin mati yo, p. 1783 oubyin pastè yo, p. 1802.

21 juiyè

S. Loran de Brindizi, prèt é savan sakré Égliz la

Nan Komin pastè yo, p. 1802 oubyin savan sakré Égliz la, p. 1829.

PRÉMIÉ LÉKTU : 2 Korintyin 4, 1-2. 5-7, p. 1816.

PSÒM RÉPONS : Psòm 39, 2 é 4 ab. 7-8 a. 8 b-9. 10 (**R** : 8 a é 9 a), p. 1809.

ALÉLOUYA : Sémans la sé paròl Bondié-a..., p. 1839.

ÉVANJIL : Mark 4, 1-10. 13-20, p. 1841.

22 juiyè
S. Mari-Madlèn
 Mémoua

Évanjil mémoua sa-a spésial.

PRÉMIÉ LÉKTU

Mouin jouinn sa-a nanm mouin rinmin-an.

Léktu Kantik Kantik yo

3, 1-4 a

Min paròl épouz la :

« Sou kabann mouin, nannuit mouin chèché sa-a nanm mouin rinmin-an ; mouin chèché-l, mouin pa jouinn li. M-ap lévé, m-ap fè tout tou vil la, nan lari ak sou plas la, m-ap chèché sa-a nanm mouin rinmin-an : mouin chèché-l, mouin pa jouinn li.

Gad yo rankontré-m, yo minm k-ap véyé vil la : “Èské nou ouè sa-a nanm mouin rinmin-an ?” Kon-m fi-n kité yo, mouin jouinn sa-a nanm mouin rinmin-an ».

Paròl Granmèt la.

Oubyin

Koulié-a nou pa konnin Kris la dapré chè-a ankò.

Léktu dézièm lèt apot sin Pòl pou Korintyin yo

5, 14-17

Frè-m yo :

Charité Kris la kinbé nou cho ; nou konsidéré si yon sèl mouri pou tout moun, konsa-a tout moun mouri ; Kris la mouri pou tout moun, pou moun k-ap viv yo, sé pa pou yo minm ankò y-ap viv, min pou sa-a ki mouri pou yo-a épi ki résisité pou yo-a. Sé poussa nou minm dépi koulié-a nou pa konnin pèsòn dapré chè-a ; si nou té konnin Kris la dapré chè-a, koulié-a nou pa konnin-l konsa ankò. Si gin yon nouvo créatu nan Kris la, ansyin yo disparèt ; min li : tout bagay vi-n fèt tou nèf !

Paròl Granmèt la.

PSÒM RÉPONS

Ps 62, 2. 3-4. 5-6. 8-9 (R: 2 b)

- R: Nanm mouin souaf ou, Bondié-m.
- 2 Bondié, sé Bondié-m ou yé ; sé koté-ou m-ap véyé dépi granmatin,
Nanm mouin souaf ou,
chè mouin anvi-ou.
Nan dézè-a ki sèk la, ki san dlo-a, R:
- 3 sé konsa mouin parèt dévan-ou nan Tanp la,
pou-m ouè fòs ou ak gloua-ou.
- 4 Sèké mizèrikòd ou pi bon pasé lavi,
bouch mouin ap fè louanj ou. R:
- 5 Konsa m-ap fè konpliman pou ou nan lavi-m,
o non-ou m-ap lévé min-m.
- 6 Tankou ak viann ak bon manjé gra nanm mouin plin,
ak paròl fèt, bouch mouin ap fè louanj ou. R:
- 8 Paské ou poté-m sékou,
anba voual zèl ou m-ap fété.
- 9 Nanm mouin kolé apré-ou,
min douat ou soutni-m. R:

ALÉLOUYA

- R: Alélouya. Di nou, Mari, ki sa-ou té ouè sou rout la ?
Kavo Kris la ki vivan-an,
ak gloua sa-a ki résisité-a, sé sa mouin té ouè. R: Alélouya.

ÉVANJIL

Madanm, pouki sa ou-ap kriyé ? ki moun ou-ap chèché ?

✠ Léktu sint Évanjil la dapré Jan 20, 1-2. 11-18

Prémié jou sémèn nan, Mari Madlèn rivé granmatin nan kavo-a, pandan té fènoua toujou : li ouè ròch la lévé sot nan kavo-a. Li kouri vi-n kot Simon Piè ak lòt disip la, sa Jézu té rinmin-an, li di yo : « Yo lévé Granmèt la sot nan kavo-a, nou pa konnin koté yo dépozé-l ».

Mari minm kanpé bò kavo-a déyò, l-ap kriyé. Pandan l-ap kriyé, li panché, li égzaminé nan kavo-a : li ouè dé anj abiyé tout an blan, ki chita, youn nan tèt la ak lòt la nan pié yo, koté yo té pozé kò Jézu-a.

Yo di-l : « Madanm, pouki sa ou-ap kriyé ? »

Li di yo : « Sé paské yo pran Granmèt mouin-an, épi mouin pa konnin koté yo dépozé-l ».

Pandan li t-ap di sa, li viré gadé dèyè, li ouè Jézu kanpé ; li pa-t konnin sé té Jézu.

Jézu di-l : « Madam, pouki sa ou-ap kriyé ? ki moun ou-ap chèché ? »

Li minm, li té konprann sé té jéran-an, li di-l : « Granmèt, si sé ou minm ki ouété-l, di-m koté ou dépozé-l, m-a pran-l ».

Jézu di-l : « Mari ».

Li viré, li di-l : « Raboni (sa vlé di mè) ! »

Jézu di-l : « Pa touché-m, mouin pa ko monté kot Papa-m. Min al kot frè-m yo, di yo : “M-ap monté kot Papa-m ak Papa nou-an, Bondié-m nan ak Bondié nou-an” ».

Mari Madlèn rivé, li anonsé disip yo : « Mouin ouè Granmèt la, min sa li di-m ».

Paròl Granmèt la.

23 juiyè

S. Brijit, rélijyé

Nan Komin sin yo (pou rélijyé yo), p. 1852.

PRÉMIÉ LÉKTU : Galat 2, 19-20, p. 1871.

PSÒM RÉPONS : Psòm 33, 2-3. 4-5. 6-7. 8-9. 10-11 (R : 2 a), p. 1865.

ALÉLOUYA : Jan 15, 9 b. 5 b, p. 1881.

ÉVANJIL : Jan 15, 1-8, p. 1898.

24 juiyè

S. Charbèl Makhoulf, prèt

Nan Komin pastè yo, p. 1802 oubyin sin yo, p. 1852.

25 juiyè
S. JAK, APOT
 Fèt

PRÉMIÉ LÉKTU

Tout tan sé soufrans lanmò Jézu n-ap poté nan kò nou.

Léktu dézièm lèt apot sin Pòl pou Korintyin yo

4, 7-15

Frè-m yo :

Nou gin trézò-a nan véso pòslèn, pou gloua-a soti nan puisans Bondié, min pa nan nou. Nan tout okazion sé tribilasyon n-ap pasé, min nou pa krazé ; nou pa konn koté pou nou viré kò nou, min nou pa dézespéré ; n-ap sibi pèsékision min nou pa abandonné pou kont nou ; yo jété nou atè, min nou pa péri ; tout tan sé soufrans lanmò Jézu n-ap poté nan kò nou, pou lavi Jézu-a parèt nan kò nou. Tout tan réyèlman, nou minm ki vivan yo, yo rinmèt nou bay pat lanmò poutèt Jézu, pou lavi Jézu-a parèt nan chè nou k-ap mouri-a. Konsa lanmò-a ap travay nan nou bò isit épi lavi-a nan nou minm lot bò-a.

Min nou gin éspri lafoua-a, jan sa ékri-a : « Mouin kouè, sé pousa mouin palé » ; nou minm tou nou kouè sé poutèt sa n-ap palé, antan nou konnin sa-a ki résisité Jézu-a, l-ap résisité nou avèk Jézu, l-ap mété nou avèk nou. Tou sa poutèt nou minm lot bò-a, pou gras la vi-n an kantité pou anpil moun, pou-l fè yo fè anpil konpliman pou gloua Bondié.

Paròl Granmèt la.

PSÒM RÉPONS

Ps 125, 1-2 a. 2 cd-3. 4-5. 6 (R : 5)

R Moun ki simin ak dlo nan jé, yo ranmasé ak kè kontan.

1 Lè Granmèt la té fè prizonié Siyon yo tounin-an,
 nou té tankou nan rèv.

2 Lè sa-a bouch nou té plin ak kè kontan,
 lang nou ak fèt. **R**

Lè sa-a yo t-ap di nan pami nasion yo :
 « Granmèt la fè mèvèy avèk yo ».

3 Granmèt la fè mèvèy avèk nou ;
 nou vi-n gin kè kontan. **R**

- 4 Granmèt, fè prizonié nou yo tounin
tankou ravi-n nan sid yo.
- 5 Moun ki simin ak dlo nan jé,
yo ranmasé ak fèt. **R.**
- 6 Yo t-apralé, yo t-ap kriyé,
antan y-ap poté sémans pou simin-an ;
y-ap vini sou rout la ak fèt,
pandan y-ap poté zépi yo. **R.**

ALÉLOUYA

Cf. Jan 15, 16

R. Alélouya. Mouin chouazi nou sot sou tè-a,
pou nou alé, pou nou poté foui,
pou foui nou-an diré, sé sa Granmèt la di. **R.** Alélouya.

ÉVANJIL

N-ap bouè kalis mouin-an.

✠ Léktu sint Évanjil la dapré Matié

20, 20-28

Lè sa-a :

Manman pitit Zébédé yo proché ak pitit li yo kot Jézu, li adoré-l, li mandé-l kichòy.

Jézu di-l : « Ki sa-ou vlé ? »

Li minm li di : « Di pou dé pitit mouin sa yo chita, youn adouat ou, lòt la agoch ou, nan péyi roua-ou la ».

Jézu réponn, li di : « Nou pa konnin sa n-ap mandé-a. Èské nou kapab bouè kalis la mouin gin pou-m bouè-a ? »

Yo di : « Nou kapab ».

Li di yo : « Kalis mouin-an, n-ap bouè-l ; min chita adouat mouin oubyin agoch mouin-an, sé pa mouin minm ki kapab ba nou sa, min sé pou moun yo Papa-m paré-l la ».

Lè dis lòt yo tandé sa, yo fè kòlè kont dé frè yo.

Jézu minm rélé yo koté-l, li di : « Nou konnin chèf nasion yo kòmandé sou yo, gran yo fè yo santi pouvoua yo. Sa pa doué fèt konsa nan pami nou, min ninpòt ki moun ki vlé vi-n pi gran nan pami nou, sé pou-l vi-n sèvitè nou ; épi moun ki vlé vi-n premié nan pami nou, sé pou-l ésklav

nou. Konsa Pitit moun nan pa-t vini pou-l fè yo sèvi-l, min pou-l sèvi épi pou-l rinmèt lavi-l kòm rédanmsion pou tout pakèt moun yo ».

Paròl Granmèt la.

26 juiyè

Ss. Jouachin ak A-n, paran sint Vièj Mari

Mémoua

PRÉMIÉ LÉKTU

Non yo vivan nan jénérasin ak jénérasion.

Léktu liv Sirasid

44, 1. 10-15

An nou fè louanj pou moun ki nan gloua yo, ak papa nou yo poutèt ras yo. Yo minm sé moun ki gin mizérikòd, bon santiman yo pa fè défo. Byin yo ap rété anndan ras yo, pitit pitit yo sé yon éritaj ki sin ; ras yo kinbé aliens yo, épi pitit yo diré pou tout tan poutèt yo minm ; ras yo avèk gloua yo pap disparèt.

Kò yo antéré nan lapè, non yo vivan nan jénérasion ak jénérasion. Pèp yo ap rakonté sajès yo, Asanblé-a ap anonsé louanj yo.

Paròl Granmèt la.

PSÒM RÉPONS

Ps 131, 11. 13-14. 17-18 (R : cf. Lk 1, 32 a)

R : Granmèt Bondié ba li tro-n David papa li.

11 Granmèt la fè sèman bay David,
sé vérité, li pap démanti-l :

« Sé nan foui vant ou m-ap mété sou tro-n ou-a ». **R :**

13 Sèké Granmèt la chouazi Siyon,
li té anv-l kòm kay pou li :

14 « Sa-a sé répo-m pou tout tan gin tan ;
sé isit la m-ap abité, paské mouin anv-l. **R :**

17 Sé la m-ap fè kòn David jèmin,
m-ap paré yon lanp pou Kris mouin-an.

18 M-ap fè ènmi-l yo ront,
min sou li sé kouròn li k-ap fléri ». **R :**

ALÉLOUYA

Cf. Lk 2, 25 c

℞ Alélouya. Yo t-ap tann konsolasyon Israèl la.
Éspri Sin-an té nan yo. ℞ Alélouya.

ÉVANJIL

Anpil profèt ak moun ki kòrèk té anvè ouè sa nou ouè yo.

✚ Léktu sint Évanjil la dapré Matié

13, 16-17

Lè sa-a : Jézu di disip li yo :

« Ala kontantman pou jé nou, paské yo ouè ; ni zòrèy nou, paské yo tandé ; amèn mouin di nou, anpil profèt ak moun kòrèk té anvè ouè sa nou ouè yo, yo pa-t ouè, ni tandé sa n-ap tandé yo, yo pa-t tandé ».

Paròl Granmèt la.

29 juiyè

S. Mart

Mémoua

Évanjil mémoua sa-a spésial.

Nan Komin sint yo, p. 1852.

PRÉMIÉ LÉKTU : Jan 4, 7-16, p. 1877.

PSÒM RÉPONS : Psòm 33, 2-3, 4-5. 6-7. 8-9. 10-11 (℞ : 9 a), p. 1865.

ALÉLOUYA : Jan 8, 12, p. 1880.

ÉVANJIL

Mouin kouè ou sé Kris la, Pitit Bondié vivan-an.

✚ Léktu sint Évanjil la dapré Jan

11, 19-27

Lè sa-a :

Anpil nan Juif yo té vi-n kay Mart ak Mari, pou yo konsolé yo poutèt frè yo-a. Lè Mart tandé Jézu té rivé, li kouri al rankontré-l. Mari minm té rét chita lakay la.

Mart di Jézu : « Granmèt, si-ou té isit la, frè-m nan pa ta mouri ; min koulié-a mouin konnin tou sa-ou mandé Bondié, l-ap ba ou-l ».

Jézu di-l : « Frè-ou la ap résisté ».

Mart di-l : « Mouin konnin l-ap résisté nan rézéréksion dènié jou-a ».

Jézu di-l : « Sé mouin minm ki réziréksion-an ak lavi-a : moun ki kouè nan mouin, minm si-l fi-n mouri, l-ap viv ; épi tout moun ki vivan é ki kouè nan mouin, li pap janm mouri. Èské ou kouè sa ? »

Li di-l : « Oui, Granmèt, mouin kouè ou sé Kris la Pitit Bondié vivan-an, ki vini sou tè sa-a ».

Paròl Granmèt la.

Oubyin

Mart, Mart, ou pran tèt chajé ak traka pou anpil bagay.

✠ Léktu sint Évanjil la dapré Luk

10, 38-42

Lè sa-a :

Jézu antré nan yon bouk ; gin yon madanm yo rélé Mart ki résévoua-l lakay li. Li té gin yon sè yo rélé Mari, ki té chita bò pié Granmèt la, li t-ap kouté paròl li.

Mart minm t-ap fatigé kò-l ak yon bann sèvis ; li kanpé, li di : « Granmèt, èské sa pa fè-ou anyin, pou sè-m nan kité-m ap sèvi pou kont mouin ? manyè di-l pou-l édé-m ».

Granmèt la réponn, li di-l : « Mart, Mart, ou pran tèt chajé, ou troublé pou anpil bagay. Min sé yon sèl ki nésésè : Mari chouazi pi bon pòsion-an, yo pap ouété-l nan min-l ».

Paròl Granmèt la.

30 juiyè

S. Piè Krizològ, évèk é savan sakré Égliz la

Nan Komin pastè yo, p. 1802 oubyin savan sakré Égliz la, p. 1829.

PRÉMIÉ LÉKTU : Éfézyin 3, 8-12, p. 1835.

PSÒM RÉPONS : Psòm 118, 9. 10. 11. 12. 13. 14 (R : 12 b), p. 1833.

ALÉLOUYA : Jan 15, 5, p. 1838.

ÉVANJIL : Luk 6, 43-45, p. 1843.

31 juiyè
S. Ignas de Loyola, prèt
Mémoua

Nan Komin Pastè yo, p. 1802 oubyin sin yo (pou rélijyé yo), p. 1852.

PRÉMIÉ LÉKTU

Fè tout bagay pou gloua Bondié.

Léktu prémié lèt apot sin Pòl pou Korintyin yo **10, 31-11, 1**

Frè-m yo :

Soua n-ap manjé, soua n-ap bouè, soua n-ap fè ninpòt lòt bagay, fè tout bagay pou gloua Bondié-a. Pa sèvi bariè pou ni Juif yo ni Grèk yo ni Égliz Bondié-a, minm jan mouin minm mouin fè tout moun plézi nan tout bagay, san-m pa chèché sa-k nan intére mouin, min sa-k nan intére pakèt moun yo, pou yo kapab sové. Pran modèl sou mouin, tankou mouin minm mouin pran modèl sou Kris la.

Paròl Granmèt la.

PSÒM RÉPONS : Psòm 33, 2-3. 4-5. 6-7. 8-9. 10-11 (**R**: 9 a), **p.** 1865.

ALÉLOUYA : Matié 5, 3, **p.** 1878.

ÉVANJIL : Luk 14, 25-33, **p.** 1897.

OUT

Prémié out

S. Alfons Mari de Ligori, évèk é savan sakré Égliz la
Mémoua

Nan Komin pastè yo, p. 1802 oubyin savan sakré Égliz la, p. 1829.

PRÉMIÉ LÉKTU

*Laloua éspri lavi-a nan Kris Jézu
libéré-m sot nan laloua péché-a ak lanmò-a.*

Léktu lèt apot sin Pòl pou Romin yo

8, 1-4

Frè-m yo :

Pa gin okinn kondanasion pou sa yo ki nan Kris Jézu, épi ki pap maché dapré chè-a ; sèké laloua éspri ki fè nou viv nan Kris Jézu-a libéré-m anba laloua péché-a ak lanmò-a. Sèké sa laloua-a pa-t kapab fè paské chè-a té rann li san fòs la, Bondié li minm, li fè-l : antan li voyé Pitit li-a nan yon chè ki parèy ak chè péché-a, li kondané péché-a nan chè-a akòz péché-a, pou-l té kapab réalizé jistis laloua-a nan nou, nou minm ki pap maché dapré chè-a, min dapré éspri-a.

Paròl Granmèt la.

PSÒM RÉPONS : Psòm 118, 9. 10. 11. 12. 13. 14 (R : 12 b), p. 1833.

ALÉLOUYA : Matié 5, 16, p. 1837.

ÉVANJIL : Matié 5, 13-19, p. 1839.

2 out

S. Ézèb de Véséy, évèk

Nan Komin pastè yo, p. 1802.

PRÉMIÉ LÉKTU : 1 Jan 5, 1-5, p. 1796.

PSÒM RÉPONS : Psòm 88, 2-3. 4-5. 21-22. 25 é 27 (R : cf. 2 a), p. 1810.

ALÉLOUYA : Matié 5, 3, p. 1878.

ÉVANJIL : Matié 5, 1-12 a, p. 1881.

Minm jou 2 out la
S. Piè Julyin Éymar, prèt

Nan Komin sin yo (pou rélijyé yo), p. 1852 oubyin pastè yo, p. 1802.

4 out
S. Jan-Mari Viané, prèt
Mémoua

Nan Komin pastè yo, p. 1802.

PRÉMIÉ LÉKTU : Ézékièl 3, 16-21, p. 1806.

PSÒM RÉPONS : Psòm 116, 1. 2 (R : Mk 16, 15), p. 1812.

ALÉLOUYA : Luk 4, 18, p. 1821.

ÉVANJIL

Lè-l ouè foul yo, li pran pitié pou yo.

✠ Léktu sint Évanjil la dapré Matié **9, 35-10, 1**

Lè sa-a, Jézu t-ap fè tout tou vil yo ak bouk yo, li t-ap bay ansègnman nan sinagòg yo, li t-ap préché Bòn Nouvèl péyi roua-a, li t-ap géri tout féblès ak tout maladi. Lè-l ouè foul yo, li pran pitié pou yo, paské yo té bouké, yo té kouché atè-a, tankou mouton ki pa gin gadyin.

Lè sa-a li di disip li yo : « Rékòlt la anpil, min travayè yo sé yon ti kras yo yé ; priyé Granmèt rékòlt la, pou-l voyé travayè nan rékòlt li-a ».

Li rélé douz disip li yo, li ba yo pouvoua sou éspri pa pròp, pou yo chasé yo, pou yo géri tout féblès ak tout maladi.

Paròl Granmèt la.

5 out
Konsékrasion bazilik S. Mari

Nan Komin sint Vièj Mari, p. 1762.

PRÉMIÉ LÉKTU : Apokalips 21, 1-5 a, p. 1769.

PSÒM RÉPONS : Judit 13, 18 bcde. 19, p. 1770.

ALÉLOUYA : Luk 11, 28, p. 1775.

ÉVANJIL : Luk 11, 27-28, p. 1781.

6 out

NAN TRANSFIGIRASION GRANMÈT LA

Fèt

PRÉMIÉ LÉKTU

Rad li té blan tankou nèj.

Léktu liv profèt Danièl

7, 9-10. 13-14

Mouin t-ap gadé, joutan yo pozé tro-n yo ; Ansyin nan jou yo vi-n chita. Rad li té blan tankou nèj, chévé tèt li té tankou linn ki byin pròp ; tro-n li-a sé flanm difé, rou-l yo sé difé ki limin. Yon riviè difé ap koulé byin vit sot dévan fas li ; pakèt mil foua konbyin mil pèsonaj t-ap sèvi-l, di mil foua konbyin san mil té kanpé dévan-l. Jijman-an instalé, liv yo louvri.

Mouin t-ap gadé nan vizion lannuit ; sou nuaj sièl la sé tankou yon pitit moun ki t-ap vini, li rivé jous dévan Ansyin nan jou yo. Yo minn-l dévan-l, yo ba-l pouvoua, konsidèrasion ak péyi roua ; tout pèp, ras, lang ap sèvi-l. Pouvoua-l sé pouvoua tout tan, ki pap disparèt ; péyi roua-l pap détoui.

Paròl Granmèt la.

PSÒM RÉPONS

Ps 96, 1-2. 5-6. 9 (R : l a é 9 a)

- R: Granmèt la roua, li anro nèt anlè tout tè-a.
- 1 Granmèt la roua, tè-a fété,
pakèt zilé yo kontan.
 - 2 Nuaj yo ak brouya entouré-l,
jistis ak jijman sé platfòm tro-n li. R:
 - 5 Mòn yo fonn tankou lasi dévan fas Granmèt la,
dévan fas Granmèt la tout tè-a blayi.
 - 6 Sièl yo anonsé jistis li,
tout pèp yo ouè gloua li. R:
 - 9 Paské ou minm Granmèt, ou anro nèt anlè tout tè-a,
ou anlè byin ro, anlè tout dié yo. R:

PRÉMIÉ LÉKTU

Voua sa-a, nou té tandé-l sot nan sièl la.

Léktu dézièm lèt apot sin Piè**1, 16-19**

Nou minm mouin si tèlman rinmin-an :

Sé pa istoua moun invanté nan tèt yo nou t-ap suiv, lè nou té fè nou konnin pouvoua ak prezans Granmèt nou Jézu-Kri, min sé ak pròp jé nou nou té ouè grandè-l.

Li té résévoua konsidérasion ak gloua nan min Bondié Papa-a, lè voua-a sot nan grandè gloua Bondié Papa-a, désann sou li : « Sa-a sé Pitit mouin-an, sa-m rinmin-an ; nan li mouin jouinn plézi-m ; kouté-l ». Voua sa-a nou té tandé-l sot nan sièl la, lè nou té avèk li sou mòn ki sin-an.

Nou gin paròl profèt yo ki solid ; nou gin rézon rét ap gadé-l tankou yon lanp k-ap kléré nan yon koté ki fènoua, joutan lajounin-an parèt, pou zétoual granmatin-an monté nan kè nou.

Paròl Granmèt la.

ALÉLOUYA

Mt 17, 5 c

✠ Alélouya. Sa-a sé Pitit mouin mouin rinmin-an,
nan li mouin jouinn plézi-m : kouté-l. ✠ Alélouya.

ÉVANJIL

Ané A

Fas li kléré tankou solèy.

✠ Léktu sint Évanjil la dapré Matié**17, 1-9**

Lè sa-a :

Jézu pran Piè, Jak ak Jan, frè-l la, li minnin yo sou yon mòn ki ro anpil, yon koté apa ; li chanjé figi dévan yo. Fas li vi-n kléré tankou solèy, rad li vi-n blan tankou nèj.

Gin Moyiz ak Éli ki vi-n parèt dévan-l k-ap palé avèk li.

Piè pran laparòl, li di Jézu : « Granmèt, sa bon pou nou rét isit la : si-ou vlé, an nou fè toua tant isit la, youn pou ou, youn pou Moyiz ak youn pou Éli ».

Pandan li t-ap palé toujou, yon nuaj kléré vi-n kouvri yo. Yon voua sot nan nuaj la, li di : « Sa-a sé Pitit mouin-an mouin rinmin-an, nan li mouin jouinn bon plézi-m : kouté-l ».

Disip yo ki tandé sa, yo tonbé sou fas yo, yo sézi anpil.

Jézu proché, li touché yo, li di yo : « Lévé, pa pè ». Yo lévé jé yo, yo pa ouè pèsòn, sof Jézu sèl.

Pandan y-ap désann sot sou mòn nan, Jézu pasé yo lòd, li di : « Pa di pèsòn vizion-an, joutan Pitit moun nan résisité sot nan pami mò yo ».

Paròl Granmèt la.

Ané B

Sa-a sé Pitit mouin-an sa-m mouin rinmin anpil la.

✠ Léktu sint Évanjil la dapré Mark

9, 2-10

Lè sa-a :

Jézu pran Piè, Jak ak Jan, li minnin yo sou yon mòn ki ro pou kont yo sèl ; li chanjé figi dévan yo. Rad li vi-n kléré tou blan tankou lanèj, pa gin okinn savon ki kapab fè rad vi-n blanch konsa sou tè-a.

Éli ak Moyiz parèt dévan yo, yo t-ap palé ak Jézu.

Piè pran laparòl, li di Jézu : « Rabi, li bon pou nou rét isit la ; an nou fè toua tant, youn pou ou, youn pou Moyiz ak youn pou Éli ». Li pa-t konnin sa pou-l té di ; sèké yo té sézi anpil.

Vi-n gin yon nuaj ki kouvri yo, yon voua rivé sot nan nuaj la, li di : « Sa-a, sé Pitit mouin-an, sa-m rinmin anpil la : kouté-l ».

Minnm lè-a, yo gadé toutotou, yo pa ouè pèsòn ankò, sof Jézu pou kont li.

Pandan y-ap désann sot sou mòn nan, li pasé yo lòd, pou yo pa di pèsòn bagay sa yo yo té ouè-a, sof lè Pitit moun nan ap résisité sot nan pami mò yo. Yo té kinbé paròl sa-a koté yo, yo t-ap chèché sa sa vlé di : « Lè l-ap résisité sot nan pami mò yo ».

Paròl Granmèt la.

Ané C

Rivé, pandan li t-ap priyé, aparans figi-l vi-n chanjé.

✠ Léktu sint Évanjil la dapré Luk**9, 28 b-36**

Lè sa-a :

Jézu pran Piè, Jak ak Jan, li monté sou mòn nan pou-l priyé.

Rivé, pandan li t-ap priyé, aparans figi-l vi-n chanjé, rad li vi-n blan, kléré. Gin dé mésié ki t-ap palé avèk li.

Sé té Moyiz avèk Éli, ki parèt nan gloua-a ; yo t-ap palé sou dépa-l la, sa-l t-ap réalisé Jérusalèm nan.

Piè minm avèk sa yo ki té avèk li-a, yo té lou avèk somèy. Yo rét jé klè, yo ouè gloua-l la avèk dé mésié yo ki té kanpé avèk li.

Rivé, pandan y-ap kité-l, Piè di Jézu : « Mèt, li bon pou nou rét isit la ; an nou fè toua tant, youn pou ou, youn pou Moyiz ak youn pou Éli » ; li pa-t konnin sa pou-l té di. Pandan li t-ap palé, yon nuaj rivé, li kouvri yo ; yo sézi, pandan y-ap antré nan nuaj la.

Yon voua rivé nan nuaj la, li di : « Sa-a sé Pitit mouin-an, sa-m rinmin-an : kouté-l ». Pandan voua-a rivé-a, Jézu vi-n pou kont li.

Yo minm, yo fè silans ; épi, nan jou sa yo, yo pa di pèsòn anyin nan sa yo té ouè yo.

Paròl Granmèt la.

7 out

S. Sikst II, pap, é konpagnon-l yo, mati

Nan Komin mati yo, p. 1783.

PRÉMIÉ LÉKTU : Sajès 3, 1-9, p. 1786.

PSÒM RÉPONS : Psòm 125, 1-2 ab. 2 cd-3. 4-5. 6 (R : 5), p. 1791.

ALÉLOUYA : Jak 1, 12, p. 1797.

ÉVANJIL : Matié 10, 28-33, p. 1798.

Minm jou 7 out la

S. Kajtan, prèt

Nan Komin pastè yo, p. 1802 oubyin sin yo (pou rélijyé yo), p. 1852.

PRÉMIÉ LÉKTU : Sirasid 2, 7-13, p. 1858.

PSÒM RÉPONS : Psòm 111, 1-2. 3-4. 5-7 a. 7 b-8. 9 (R: 1 a), p. 1866.

ALÉLOUYA : Matié 5, 3, p. 1878.

ÉVANJIL : Luk 12, 32-34, p. 1896.

8 out

S. Dominik, prèt

Mémoua

Nan Komin pastè yo (pou misionè yo), p. 1802 oubyin sin yo (pou rélijyé yo), p. 1852.

PRÉMIÉ LÉKTU : 1 Korintyin 2, 1-10 a, p. 1834.

PSÒM RÉPONS : Psòm 95, 1-2 a. 2 b-3. 7-8 a. 10 (R: 3), p. 1811.

ALÉLOUYA : Jan 8, 12, p. 1880.

ÉVANJIL : Luk 9, 57-62, p. 1895.

9 out

S. Tèrèz Bénédict lakoua, vièj é mati

Nan komin mati yo, p. 1783 oubyin vièj yo, p. 1844.

10 out
S. LORAN, DIAK É MATI
 Fèt

PRÉMIÉ LÉKTU

Bondié rinmin moun ki bay ak kè kontan.

Léktu dézièm lèt apot sin Pòl pou Korintyin yo **9, 6-10**

Frè-m yo :

Moun ki simin chich, li rékòlté chich tou ; min moun ki louvri bra-l pou-l simin, li louvri bra-l pou rékòlté. Chak moun, dapré sa-l té désidé nan kè-l, san sé pa nan chagrin ni nan fòsé ; sèké Bondié rinmin moun ki bay ak kè kontan. Bondié gin pouvoua pou-l fè nou vi-n gin anpil gras, pou nou gin tou sa nou bézouin tout tan, pou nou kapab débòdé nan tout kalité bon aksion, dapré sa-k ékri-a : « Li séparé, li bay pòv yo, jistis li diré pou tout tan gin tan ».

Sa-a k-ap bay sémans pou moun k-ap simin-an, k-ap bay pin pou moun manjé-a, sé li minm k-ap fè sémans nou-an vi-n anpil, k-ap fè plant jistis nou yo grandi.

Paròl Granmèt la.

PSÒM RÉPONS

Ps 111, 1-2. 5-6. 7-8. 9 (R: 5 a)

R: Ala kontantman pou moun ki pran pitié, ki préte.

- ¹ Ala kontantman pou moun ki krinn Granmèt la,
ki mét anvil anpil nan kòmandman-l yo.
- ² Ras li ap gin pouvoua sou tè-a,
jénérasyon moun ki douat yo ap béni. **R:**
- ⁵ Sé kontantman pou moun ki pran pitié, ki préte,
ki réglé afè-l nan jijman,
- ⁶ paské li pap tranblé.
Moun kòrèk la, y-ap sonjé-l tout tan. **R:**
- ⁷ Li pap pè mové nouvèl.
Kè-l paré, li espéré nan Granmèt la.
- ⁸ Kè-l asiré, li pap pè,
joustan li méprizé ènmi-l yo. **R:**

9 Li séparé, li bay pòv yo ;
jistan li diré pou tout tan gin tan,
kòn li ap lévé nan gloua. **R**

ALÉLOUYA

Jan 8, 12 bc

R Alélouya. Moun ki suiv mouin, li pa maché nan fènoua,
min l-ap gin limiè lavi-a, sé sa Granmèt la di. **R** Alélouya.

ÉVANJIL

*Si yon moun ap sèvi-m,
Papa-m ap fè-l jouinn konsidèrasion.*

✠ **Léktu sint Évanjil la dapré Jan**

12, 24-26

Lè sa-a : Jézu di disip li yo :

« Amèn, amèn mouin di nou : si grinn blé-a ki tonbé nan tè-a pa mouri, l-ap rét pou kont li ; min si-l mouri, l-ap donnin anpil foui. Moun ki rinmin lavi-l l-ap pèdi-l, min moun ki rayi lavi-l sou tè sa-a, l-ap konsèvé-l pou lavi tout tan-an.

Si yon moun ap sèvi-m, sé pou-l suiv mouin ; épi koté-m yé-a, sé la sèvitè-m nan ap yé tou. Si yon moun ap sèvi-m, Papa-m ap fè-l jouinn konsidèrasion ».

Paròl Granmèt la.

11 out
S. Klè, vièj
Mémoua

Nan Komin vièj yo, p. 1844 oubyin sint yo (pou rélijijé yo), p. 1852.

PRÉMIÉ LÉKTU : Filipyin 3, 8-14, p. 1873.

PSÒM RÉPONS : Psòm 15, 1-2 a é 5. 7-8. 11 (**R** : 5 a), p. 1864.

ALÉLOUYA : Matié 5, 3, p. 1878.

ÉVANJIL : Matié 19, 27-29, p. 1886.

12 out

S. Ja-n Fransouaz de Chantal, rélijiez

Nan Komin sint yo (pou rélijie yo), p. 1852.

PRÉMIÉ LÉKTU : Provèb 31, 10-13. 19-20. 30-31, p. 1857.

PSÒM RÉPONS : Psòm 130, 1. 2. 3, p. 1867.

ALÉLOUYA : Jan 8, 31 b-32, p. 1880.

ÉVANJIL : Mark 3, 31-35, p. 1891.

13 out

S. Pontyin, pap ak Ipolit, prèt, mati

Nan Komin mati yo, p. 1783 oubyin pastè yo, p. 1802.

PRÉMIÉ LÉKTU : 1 Piè 4, 12-19, p. 1795.

PSÒM RÉPONS : Psòm 123, 2-3. 4-5. 7b-8 (R : 7 a), p. 1790.

ALÉLOUYA : N-ap fè louanj ou, Bondié... lamé mati yo..., p. 1798, 6.

ÉVANJIL : Jan 15, 18-21, p. 1800.

14 out

S. Maksimilyin-Mari Kolbi, prèt é mati**Mémoua**

Nan Komin mati yo, p. 1783 oubyin pastè yo, p. 1802 oubyin sin yo (pou rélijie yo), p. 1852.

PRÉMIÉ LÉKTU : Sajès 3, 1-9, p. 1786 ;

oubyin :

*Nou travèsé sot nan lanmò al nan lavi,
paské nou rinmin frè nou yo.***Léktu prémié lèt apot sin Jan****3, 13-18**

Nou minm mouin rinmin anpil la :

Pa sézi, frè-m yo, si tè-a rayi nou. Nou minm nou konnin nou travèsé sot nan lanmò-a al nan lavi-a, paské nou rinmin frè nou yo. Moun ki pa

rinmin, li rété nan lanmò. Tout moun ki rayi frè-l, sé kriminèl li yé, épi nou konnin okinn kriminèl pa gin lavi tout tan-an ki rété nan li.

Sé nan sa nou konnin rinmin Bondié-a, sèké sa-a té bay lavi-l pou nou ; nou minm tou nou doué bay lavi nou pou frè nou yo.

Moun ki gin byin tè sa-a, épi li ouè frè-l ki nan bézouin, épi malgré sa li fèmin zantray li dévan-l, kijan rinmin Bondié-a kapab rété nan li ?

Ti pitit mouin yo, pa rinmin ak paròl ni ak lang, min nan aksion ak vérité.

Paròl Granmèt la.

PSÒM RÉPONS

Ps 115, 10-13. 16-17

Ⲅ Dévan Bondié, lanmò sin-l yo gin valè.

¹⁰ Mouin gin konfians minm lè-m di :
« Mouin gin tròp traka ».

¹¹ Mouin t-ap di nan tèt chajé-m nan :
« Tout moun sé mantè ». Ⲅ

¹² Kisa pou-m rinmèt Granmèt la
pou tout byin li fè-m ?

¹³ M-ap lévé kalis ki sové nou-an,
antan m-ap rélé non Granmèt la. Ⲅ

¹⁶ Granmèt, mouin sé sèvitè-ou,
mouin sé sèvitè-ou, pitit sèvant ou-a,
ou lagé chinn mouin yo.

¹⁷ M-ap ofri sakrifis pou-m di-ou mèsì
antan m-ap rélé non Granmèt la. Ⲅ

ALÉLOUYA

Jan 12, 25

Ⲅ Alélouya. Moun ki rinmin lavi-l, l-ap pèdi-l ;
Moun ki rayi lavi-l sou tè sa-a, l-ap konsèvé-l
pou lavi ki pap janm fini-an. Ⲅ Alélouya.

ÉVANJIL

Sa-m kòmandé nou, sé pou nou youn rinmin lòt.

✠ Léktu sint Évanjil la dapré Jan**15, 12-16**

Lè sa-a, Jézu di disip li yo :

Min kòmandman-m, sé pou nou youn rinmin lòt, minm jan mouin rinmin nou-an. Pèsòn pa rinmin pi plis pasé moun ki bay lavi-l pou zanmi-l.

Nou minm nou sé zanmi-m, si nou fè sa mouin kòmandé nou yo. Mouin pap rélé nou sèvitè ankò, paské sèvitè-a pa konnin sa mèl li ap fè ; min mouin rélé nou zanmi, paské tou sa-m tandé kot Papa-m, mouin fè nou konnin yo.

Sé pa nou minm ki chouazi-m ; min sé mouin minm ki chouazi nou, mouin mété nou, pou nou alé, pou nou poté foui, pou foui nou-an diré ; épi konsa, pou ninpòt ki sa nou mandé Papa-a o non-m, li ba nou-l.

Paròl Granmèt la.

15 out
NAN ASONPSION SINT VIÈJ MARI
Solanité

Pou Mès nan Vijil la

PRÉMIÉ LÉKTU

*Yo minnin arch-d-aliens la kot Bondié,
yo instalé-l nan mitan tant la, sa David té drésé pou li-a.*

Léktu prémié liv Kronik yo

15, 3-4. 15-16 ; 16, 1-2

Jou sa yo :

David rasanblé tout Israèl nan Jérusalèm, pou yo fè arch-d-aliens Bondié-a monté koté yo té paré pou li-a ; li rasanblé pitit Aaron yo tou, lévité yo.

Pitit lévi yo pran arch-d-aliens Bondié-a, yo mété manch branka-a sou zépòl yo, jan Moyiz té pasé yo lòd la dapré paròl Granmèt la. Épi David di chèf lévité yo pou yo fè frè yo pran plas yo, sa k-ap chanté yo avèk instriman mizik yo, - gita, bandjo, sinbal -, pou son kè kontan-an sonnin byin ro.

Konsa yo minnin arch-d-aliens Bondié-a, yo mété-l nan mitan tant la, sa David té drésé-a, yo ofri sakrifis antié ak sakrifis lapè dévan Bondié.

Lè David fi-n ofri sakrifis antié yo ak sakrifis lapè yo, li béni pèp la o non Granmèt la.

Paròl Granmèt la.

PSÒM RÉPONS

Ps 131, 6-7. 9-10 (R : 8)

- R** Lévé, Granmèt, al nan répo-ou
ou minm ak arch-d-aliens fòs ou-a.
- 6** Min nou tandé li nan Éfrata,
nou jouinn li nan boua Yagar yo.
- 7** An nou antré nan tant li-a.
An nou adoré nan mach éskalié pié-l. **R**
- 9** Prèt ou yo abiyé ak jistis,
sin-ou yo kontan.

- ¹⁰ Poutèt David sèvitè-ou la,
pa viré fas kris ou-a. **R:**
- ¹³ Paské Granmèt la chouazi Siyon,
li anvi-l pou-l abité nan li :
- ¹⁴ « Sa-a sé répo-m nan pou tout tan gin tan ;
sé la m-ap abité, paské mouin anvi-l ». **R:**

DÉZIÈM LÉKTU

Li ba nou viktoua pa lintèmediè Kris la.

Léktu prémié lèt apot sin Pòl pou Korintyin yo 15, 54 b-57

Frè-m yo :

Lè kò sa-a k-ap mouri-a ap abiyé ak fòs pou-l pa mouri-a, lè sa-a paròl ki ékri-a ap réalisé : « Lanmò-a anglouti nan viktoua-a ». « Koté viktoua-ou, lanmò ? Koté pikèt anpouazonnin-ou nan, lanmò ? » Pikèt anpouazonnin lanmò-a sé péché-a, fòs péché-a sé laloua-a. Granmèsi Bondié ki ba nou viktoua pa pouvoua Granmèt nou Jézu-Kri.

Paròl Granmèt la.

ALÉLOUYA

Lk 11, 28

R: Alélouya. Ala kontantman pou moun k-ap kouté paròl Bondié-a épi k-ap konsèvé-l. **R:** Alélouya.

ÉVANJIL

Ala kontantman pou vant ki poté-ou la.

✠ Léktu sint Évanjil la dapré Luk 11, 27-28

Lè sa-a :

Pandan Jézu t-ap palé ak foul yo, gin yon madanm ki lévé voua-l nan foul la, li di-l : « Ala kontantman pou vant ki té poté-ou la, ak tété ou té sousé yo ».

Min li minm li di : « Ala kontantman pito pou moun ki kouté paròl Bondié-a épi ki kinbé-l ».

Paròl Granmèt la

Pou Mès pròp jou-a

PRÉMIÉ LÉKTU

Yon madanm vlopé ak solèy, lali-n nan anba pié-l.

Léktu liv Apokalips apot sin Jan 11, 19 a ; 12, 1-6 a. 10 ab

Tanp Bondié-a louvri nan sièl la, kòf aliens la parèt nan Tanp li-a. Yon gran sign parèt nan sièl la ; sé yon madanm ki vlopé ak solèy, lali-n nan anba pié-l, sou tèt li gin yon kouròn douz zétoual. Li ansint, l-ap pousé rèl tranché, l-ap soufri ak doulè pandan l-ap anfanté-a.

Gin yon lòt sign tou ki parèt nan sièl la : sé yon gro dragon ; li tout-an-difé ; li gin sèt tèt ak dis kòn ; li gin sèt ti kouròn sou tèt li yo. Ak ké-l, li jété yon tiè nan zétoual yo ki nan sièl la, li voyé yo atè-a. Gro dragon-an rét kanpé dévan madanm nan ki prèské akouché-a. Li paré pou-l valé ti pitit gason-l nan, kon-l fèk ap akouché-l.

Madanm nan akouché yon ti pitit gason, li minm ki gin pou-l kondui tout nasion yo ak bagèt an fè-a. Min, yo pran ti gason-l nan, yo lévé-l anlè jous kot Bondié, jous kot tro-n Bondié-a. Madanm nan sovè kò-l nan dézè-a, koté li té gin yon plas Bondié té paré pou li.

Mouin tandé yon gran voua nan sièl la k-ap di : « Koulié-a, sovè Bondié sonvé nou-an rivé ansanm ak fòs la, ak péyi roua Bondié nou-an, ak pouvoua Kris li-a ».

Paròl Granmèt la.

PSÒM RÉPONS

Ps 44, 10 bc. 11-12 a. 16 (R : 10 b)

- R: Rèn nan chita adouat ou, li dékoré ak lò Ofir.
- ¹⁰ Pitit fi roua yo nan pami sa-ou rinmin yo ;
rèn nan chita adouat ou, li dékoré ak lò Ofir. R:
- ¹¹ Kouté, mafi, gadé, panché zòrèy ou,
bliyé pèp ou-a ak kay papa-ou ;
- ¹² roua-a anvì jou-ou bèl.
Paské sé Granmèt ou li yé, sé pou-ou adoré-l. R:
- ¹⁶ Yo minnin-l nan kè kontan ak fèt,
yo kondui-l nan kay roua-a. R:

DÉZIÈM LÉKTU

*Prémié foui-a, sé Kris la,
après sa sé moun yo ki pou Kris la.*

Léktu prémié lèt apot sin Pòl pou Korintyin yo**15, 20-27**

Frè-m yo :

Kris la résisité sot nan pami mò yo, prémié foui nan pami sa-k t-ap dòmni yo ; paské sé pa lintémédiè yon moun lanmò-a té rivé, sé pa lintémédiè yon moun tou réziréksion mò yo. Minm jan tout moun té mouri nan Adan-an, sé konsa tout moun ap gin lavi nan Kris la. Chak moun nan ran-l : prémié foui-a sé Kris la, après sa sé sa yo ki pou Kris la, ki té kouè li t-ap vini-an. Après sa, sé finisman-an, lè l-ap rinmèt péyi roua-a bay Bondié Papa-a, lè l-ap fè tout otorité tout pouvoua ak tout fòs disparèt la.

Li gin pou-l kòmandé « joutan li mété tout ènmi yo anba pié-l ». Dènié ènmi-an, sé lanmò-a k-ap fi-n détoui ; « sèké li fòsé tout bagay rét anba pié-l ».

Paròl Granmèt la.

ALÉLOUYA

✠ Alélouya. Yo fè Mari monté nan sièl :
lamé anj yo kontan. ✠ Alélouya.

ÉVANJIL

*Li fè mèvèy pou mouin, sa-a ki gin pouvoua-a :
li lévé sa-k pòv yo anlè.*

✠ **Léktu sint Évanjil la dapré Luk****1, 39-56**

Jou sa yo, Mari lévé, li pati al nan mòn yo byin vit, nan yon vil Juda. Li antré nan kay Zakari, li salué Élizabèt.

Rivé, kon Élizabèt tandé Mari salué-l, ti pitit la soté nan vant li, Élizabèt vi-n plin ak Éspri Sin-an, li rélé byin fò, li di :

« Ou béni pasé tout fi, épi foui vant ou-a, li béni tou. Koté sa soti pou mouin, pou manman Granmèt mouin-an vi-n lakay mouin ? Gadé, kon voua-ou touché zòrèy mouin pandan ou-ap salué-m nan, ti pitit la soté ak kontantman nan vant mouin. Ala kontantman pou ou minm ki té kouè sa Granmèt la té di-ou yo t-ap réalizé ».

Mari di :

« M-ap fè louanj Granmèt la, éspri-m ap fété nan Bondié sovè-m nan, paské li voyé jé sou pòv ti kondision sèvant li-a ginyin. Gadé vré, dépi koulié-a tout jénérasyon ap di ala kontantman pou mouin ; paské li fè gran mèvèy pou mouin sa-a ki gin pouvoua-a, non-l sin, mizérikòd li ras an ras pou moun ki krinn li yo.

Avèk bra-l, li fè bagay ki mandé fòs, li gayé moun ki té plin lògèy nan kè yo. Li jété sa-k gin pouvoua yo sot sou tro-n yo, li lévé sa-k tou piti yo anlè, li plin sa-k grangou yo ak byin, li ranvouayé sa ki rich yo min vid.

Li soutni Israèl, sèvitè-l la, li sonjé mizérikòd li-a, jan-l té palé ak papa nou yo, Abraam ak ras li-a pou tout tan ».

Mari rété avèk li anviron toua moua ; apré sa, li tounin lakay li.

Paròl Granmèt la.

16 out

S. Étièn de Ongri

Nan Komin sin yo, p. 1852.

PRÉMIÉ LÉKTU : Détéronòm 6, 3-9, p. 1852.

PSÒM RÉPONS : Psòm 111, 1-2. 3-4. 5-7 a. 7 b-8. 9 (R : 1 a), p. 1866.

ALÉLOUYA : Jn 14, 23, p. 1880.

ÉVANJIL : Matié 25, 14-30, p. 1887.

19 out

S. Jan Éd, prèt

Nan Komin pastè yo, p. 1802 oubyin sin yo (pou rélijyé yo), p. 1852.

PRÉMIÉ LÉKTU : Éfézyin 3, 14-19, p. 1872.

PSÒM RÉPONS : Psòm 130, 1. 2. 3, p. 1867.

ALÉLOUYA : Cf. Matié 11, 25, p. 1879.

ÉVANJIL : Matié 11, 25-30, p. 1883.

20 out
S. Bèrnar, abé é savan sakré Égliz la
Mémoua

Nan Komin savan sakré Égliz la, p. 1829 oubyin sin yo (pou rélijyé yo), p. 1852.

PRÉMIÉ LÉKTU : Sirasid 15, 1-6, p. 1830.

PSÒM RÉPONS : Psòm 118, 9. 10. 11. 12. 13. 14 (R : 12 b), p. 1833.

ALÉLOUYA : Jan 15, 9 b. 5 b, p. 1881.

ÉVANJIL : Jan 17, 20-26, p. 1899.

21 out
S. Pi X, pap
Mémoua

Nan komin pastè yo (pou yon Pap), p. 1802.

PRÉMIÉ LÉKTU : 1 Tésalonisyin 2, 2 b-8, p. 1818.

PSÒM RÉPONS : Psòm 88, 2-3. 4-5. 21-22. 25 é 27 (R : cf. 2 a), p. 1810.

ALÉLOUYA : Jan 10, 14, p. 1821.

ÉVANJIL : Jan 21, 15-17, p. 1828.

22 out
S. Vièj Mari rèn
Mémoua

Nan Komin sint Vièj Mari, p. 1762.

PRÉMIÉ LÉKTU : Izayi 9, 1-6, p. 1766.

PSÒM RÉPONS : Psòm 112, 1-2. 3-4. 5-6. 7-8 (R : 2), p. 1771.

ALÉLOUYA : Cf. Luk 1, 28, p. 1774.

ÉVANJIL : Luk 1, 26-38, p. 1778.

23 out
S. Roz de Lima, vièj

Nan Komin vièj yo, p. 1844 oubyin sint yo (pou rélijyé yo), p. 1852.

PRÉMIÉ LÉKTU : 2 Korintyin 10, 17-11, 2, p. 1848.

PSÒM RÉPONS : Psòm 148, 1-2. 11-13 a. 13 c-14 (R : cf. 12 a. 13 a), p. 1846.

ALÉLOUYA : Jan 15, 9 b. 5 b, p. 1881.

ÉVANJIL : Matié, 13, 44-46, p. 1883.

24 out
S. BARTÉLÉMI, APOT
Fèt

PRÉMIÉ LÉKTU

*Nan fondasion yo minm,
té gin douz non Apot Mouton-an.*

Léktu liv Apokalips apot sin Jan

21, 9 b-14

Anj la palé avèk mouin, li di : « Vini, m-ap montré-ou fiansé-a, épouz Mouton-an ».

Li soulvé-m nan éspri sou yon mòn ki gran, ki ro, li montré-m vil ki sin-an, Jérusalèm, k-ap désann sot nan sièl la, kot Bondié, li gin gloua Bondié-a ; limiè-l té tankou piè kalité sipériè, tankou jasp, tankou kristal.

Li té gin yon miray ki gran, ki ro, ki gin douz pòt ; nan pòt yo té gin douz anj, té gin non ki ékri, non douz ras pitit Israèl yo.

Nan diréksion olévan : toua pòt ; nan diréksion nò : toua pòt ; nan diréksion sid : toua pòt ; nan diréksion okouchan : toua pòt. Miray vil la té gin douz kolòn, sou yo té gin douz non douz Apot Mouton yo.

Paròl Granmèt la.

PSÒM RÉPONS

Ps 144, 10-11. 12-13 ab. 17-18 (R : cf. 12 a)

R Granmèt, sé pou sin-ou yo fè konnin gloua péyi roua-ou la.

¹⁰ Sé pou yo fè louanj ou, Granmèt, tou sa-ou fè yo ;
sé pou sin-ou yo fè konpliman pou ou.

- ¹¹ Sé pou yo déklaré gloua péyi roua-ou la,
sé pou yo anonsé pouvoua-ou. **R:**
- ¹² Sé pou yo fè pitit moun yo konnin mèvèy ou yo,
ak gloua grandè péyi roua-ou la.
- ¹³ Péyi roua-ou la sé péyi roua tout tan,
kòmandman-ou nan pou jénérasyon ak jénérasyon. **R:**
- ¹⁷ Granmèt la kòrèk nan tout rout li yo,
li sin nan tout aksion-l yo.
- ¹⁸ Granmèt la tou pré tout moun k-ap rélé-l yo,
tout moun k-ap rélé-l nan vérité. **R:**

ALÉLOUYA

Jan 1, 49 b

R: Alélouya. Rabi, ou sé Pitit Bondié, ou sé roua Israël. **R:** Alélouya.**ÉVANJIL***Min pitit Israël tout bon vré, nan li pa gin manti.***✠ Léktu sint Évanjil la dapré Jan**

1, 45-51

Lè sa-a :

Filip jouinn Natanaèl, li di-l : « Sa-a Moyiz té ékri sou li nan laloua-a ak profèt yo, nou jouinn li, sé Jézu, pitit Jozèf, moun Nazarèt la ».

Natanaèl di-l : « Nazarèt ! èské yon bagay ki bon kapab soti la ? »

Filip di-l : « Vini ou-a ouè ».

Jézu ouè Natanaèl k-ap vi-n koté-l, li di sou li : « Min yon pitit Israël tout bon vré, nan li pa gin manti ».

Natanaèl di-l : « Koté ou konnin-m ? »

Jézu réponn, li di-l : « Anvan Filip té rélé-ou, lè-ou té anba pié figié-a, mouin té ouè-ou ».

Natanaèl réponn li, li di : « Rabi, ou sé Pitit Bondié, ou sé roua Israël ».

Jézu réponn, li di-l : « Paské mouin di-ou “Mouin té ouè-ou anba pié figié-a”, ou kouè : ou-ap ouè pi gran bagay pasé sa ».

Épi li di-l : « Amèn, amèn mouin di nou : n-ap ouè sièl la louvri, épi Anj Bondié yo k-ap monté-désann anlè Pitit moun nan ».

Paròl Granmèt la.

25 out
S. Loui

Nan Komin sin yo, p. 1852.

PRÉMIÉ LÉKTU : Izayi 58, 6-11, p. 1859.

PSÒM RÉPONS : Psòm 111, 1-2. 3-4. 5-7 a. 7 b-8. 9 (R: 1 a), p. 1866.

ALÉLOUYA : Jan 13, 34, p. 1880.

ÉVANJIL : Matié 22, 34-40, p. 1886.

Minm jou 25 out la

S. Jozèf de Kalasanz, prèt

Nan Komin pastè yo, p. 1802 oubyin sin yo (pou édikaté yo) p. 1852.

PRÉMIÉ LÉKTU : 1 Korintyin 12, 31-13, 13, p. 1869.

PSÒM RÉPONS : Psòm 33, 2-3. 4-5. 6-7. 8-9. 10-11 (R: 2 a), p. 1865.

ALÉLOUYA : Jan 15, 9 b. 5 b, p. 1881.

ÉVANJIL : Matié 18, 1-5, p. 1884.

27 out
S. Monik
Mémoua

Nan Komin sint yo, p. 1852.

PRÉMIÉ LÉKTU : Sirasid 26, 1-4. 16-21, p. 1859.

PSÒM RÉPONS : Psòm 130, 1. 2. 3, p. 1867.

ALÉLOUYA : Jan 8, 12, p. 1880.

ÉVANJIL

*Li t-ap réfléchi sou branka-a, pou-ou di pitit vèl la :
Jénòm, mouin di-ou lévé (S. Ogustin, Konfèsion yo, liv 6, n. 2).*

✠ **Léktu sint Évanjil la dapré Luk** 7, 11-17

Lè sa-a :

Jézu t-apral nan yon vil yo rélé Nayi-m ; disip li yo ak yon gran foul moun t-apral avèk li tou. Pandan y-ap proche bò pòt vil la, té gin yon mò yo t-ap poté, sèl pitit gason manman-l ; madanm sa-a té vèl, té gin anpil foul moun vil la avèk li.

Lè Granmèt la ouè sa, li pran pitié pou li, li di-l : « Pa kriyé ». Li proche, li touché sèkèy la. Moun yo ki t-ap poté yo, yo kanpé.

Li di : « Jénòm, mouin di-ou, lévé ». Mò-a chita, li kòmansé palé ; Jézu rinnèt li bay manman-l.

Sézisman pran tout moun, yo fè louanj Bondié, y-ap di : « Yon gran profèt lévé nan pami nou ; Bondié vizité pèp li-a ». Paròl sa-a gayé nan tout Judé-a sou li, ak nan tout réjion alantou-a.

Paròl Granmèt la.

28 out

S. Ogustin, évèk é savan sakré Égliz la

Mémoua

Nan Komin pastè yo, p. 1802 oubyin savan sakré Égliz la, p. 1829.

PRÉMIÉ LÉKTU : 1 Jan 4, 7-16, p. 1877.

PSÒM RÉPONS : Psòm 118, 9. 10. 11. 14, p. 1833.

ALÉLOUYA : Matié 23, 9 b. 10 b, p. 1838.

ÉVANJIL : Matié 23, 8-12, p. 1841.

29 out
Mati S. Jan Batis
Mémoua

Évanjil mémoua sa-a spésial.

PRÉMIÉ LÉKTU

Di yo tou sa-m pasé-ou lòd pou di. Pa pè dévan fas yo.

Léktu liv profèt Jérémi

1, 17-19

Jou sa yo : paròl Granmèt la rivé koté-m, li di :

« Maré rin-ou, lévé, di yo tou sa mouin pasé-ou lòd pou-ou di-a. Pa pè dévan fas yo, mouin pap kité-ou tranblé dévan figu yo. Mouin mété-ou jodi-a tankou yon vil ki byin protéjé, ak yon kolòn fè, ak yon miray asié, anro tout tè-a, dévan roua Juda yo, chèf li yo, prèt yo ak pèp tè-a. Y-ap batay kont ou, yo pap ranpòté viktooua sou ou, paské mouin avèk ou pou-m libéré-ou ; sé sa Granmèt la di ».

Paròl Granmèt la.

PSÒM RÉPONS

Ps 70, 1-2. 3-4 a. 5-6 ab. 15 ab-17 (R: 15 a)

- R:** Bouch mouin ap anonsé jistis ou.
- 1** Sé nan ou, Granmèt, mouin espéré,
pa kité-m ront pou tout tan.
- 2** Nan jistis ou-a libéré-m, épi délivré-m ;
panché zòrèy ou sou mouin, sové-m. **R:**
- 3** Sé pou-ou sèvi-m yon ròch sitadèl ak yon kay byin protéjé,
pou-ou sové-m,
paské fòs mouin ak kachèt mouin, sé ou minm.
- 4** Bondié mouin, ouété-m nan min péchè-a. **R:**
- 5** Paské sé ou minm ki pasians mouin, Granmèt ;
Granmèt, espérans mouin dépi-m tou jèn.
- 6** Sé sou ou mouin apiyé dépi-m nan vant
dépi nan vant manman-m sé ou minm ki soutni-m.
Sé pou ou, tout tan, m-ap fè louanj. **R:**
- 15** Bouch mouin ap anonsé jistis ou ak sékou-ou la, tout jounin.
- 16** M-ap vi-n kot pouvoua Granmèt la :

Granmèt, m-ap fè sonjé jistis ou ki pa gin parèy la.
 17 Bondié, ou ban-m ansègnman dépi-m tou jèn ;
 jous koulié-a m-ap anonsé mèvèy ou yo. **R:**

ALÉLOUYA

Mt 5, 10

R: Alélouya. Ala kontantman pou moun k-ap sibi pèsékision poutèt jistis la,
 paské sé pou yo péyi roua sièl la yé. **R:** Alélouya.

ÉVANJIL

Mouin vlé pou tout-suit ou ban-m tèt Jan-Batis sou yon plat.

✚ Léktu sint Évanjil la dapré Mark

6, 17-29

Lè sa-a :

Éròd voyé arété Jan, li mété-l nan prizon akòz Érodiad, madanm Filip,
 frè-l la, paské li té marié avèk li.

Jan t-ap di Éròd : « Ou pa gin doua gin madanm frè-ou la ». Érodiad
 minm t-ap fè konplo kont li, li té vlé touyé-l, li pa-t kapab. Éròd té pè
 Jan, li té konnin sé té yon moun ki kòrèk, ki sin, li té protéjé-l, li té konn
 kouté-l pou-l fè anpil bagay, sé avèk plézi li té konn kouté-l.

Yon jou rivé ki bay bon okazion : Éròd té fè yon résépsion pou fèt li
 avèk chèf yo ak majistra yo avèk moun gran ras nan Galilé-a.

Pitit fi Érodiad la vi-n antré, li dansé ; sa fè Éròd plézi, ansanm ak lòt
 invité yo ; roua-a di ti fi-a : « Mandé-m sa-ou vlé, m-ap ba ou-l ». Li fè-l
 sèman : « Ninpòt kisa ou mandé, m-ap ba ou-l, té mèt sé mouatié péyi
 roua-m nan ».

Li minm, li soti, li di manman-l : « Ki sa pou-m mandé ? »

Li di : « Tèt Jan-Batis ».

Li antré byin vit ankò kot roua-a, li mandé-l, li di : « Mouin vlé pou
 koulié-a minm ou ban-m tèt Jan-Batis sou yon plat ».

Roua-a pran chagrin : poutèt sèman-an épi poutèt invité yo, li pa-t vlé
 kontrarié-l, li voyé yon gad, li pasé lòd pou yo poté tèt li sou yon plat. Yo
 koupé tèt li nan prizon-an, yo poté-l sou yon plat, yo bay ti fi-a li, ti fi-a
 minm bay manman-l li.

Lè disip yo tandé sa, yo rivé, yo poté kò-l, yo mété-l nan kavo.

Paròl Granmèt la.

SÉPTANM

3 séptanm

S. Grégoua le gran, pap é savan sakré Égliz la

Mémoua

Nan Komin pastè yo (pou yon Pap), p. 1802 oubyin savan sakré Égliz la, p. 1829.

PRÉMIÉ LÉKTU : 2 Korintyin 4, 1-2. 5-7, p. 1816.

PSÒM RÉPONS : Psòm 95, 1-2 a. 2 b-3. 7-8 a. 10 (R : 3), p. 1811.

ALÉLOUYA : Jan 15, 15 b, p. 1821.

ÉVANJIL : Luk 22, 24-30, p. 1826.

8 séptanm

NÉSANS SINT VIÈJ MARI

Fèt

PRÉMIÉ LÉKTU

Lè pou-l anfanté-a rivé.

Léktu liv profèt Miché

5, 1-4 a

Min paròl Granmèt la :

« Kanta ou minm, Bétlèèm Éfrata, ou tou piti nan lamé Juda yo ; sé nan ou l-ap soti pou mouin, sa-a k-ap chèf nan Israël la. Ras papa li soti dépi nan kòmansman, dépi nan jou lontan nèt yo. Sé pou sa l-ap lagé yo jous nan tan-an pou sa-a ki gin pou-l anfanté-a ap fè pitit la, épi rès frè-l yo ap tounin vi-n jouinn Israël.

L-ap kanpé, l-ap okipé mouton yo avèk fòs Granmèt la, avèk gloua non Granmèt Bondié-l la ; y-ap tounin, paské koulié-a l-ap jouinn gran konsidérasion jous nan bout tè-a. Li minm l-ap lapè-a ».

Paròl Granmèt la.

Oubyin

Sa yo Bondié chouazi davans yo, li paré plas pou yo davans tou.

Léktu lèt apot sin Pòl pou Romin yo

8, 28-30

Frè-m yo :

Nou konnin pou moun ki rinmin Bondié, tout bagay sèvi pou byin yo, yo minm li rélé pou yo vi-n sin, dapré désizyon li pran davans. Réyèlman, sa yo li konnin dépi davans pou moun pa-l yo, dépi davans tou li paré yo pou yo vi-n pran minm fòm ak pòtré Pitit li-a, pou li minm li vi-n tounin premié pitit nan pami tout foul frè yo. Sa yo li fi-n paré davans la, li rélé yo tou ; sa yo li rélé-a, li fè yo vi-n sin tou ; sa yo li fè vi-n sin-an, li ba yo gloua-a tou.

Paròl Granmèt la.

PSÒM RÉPONS

Ps 12, 6 ab. 6 cd (R : Iz 61, 10)

R: Sé pa ti kras kontan mouin kontan nan Granmèt la.

⁶ Kanta mouin minm sé nan mizérikòd ou-a mouin espéré.

Kè-m ap fété nan sovè ou sovè nou-an. R:

M-ap chanté pou Granmèt la, li fè-m jouinn byin yo,
m-ap joué mizik pou non Granmèt la ki anro nèt la. R:

ALÉLOUYA

R: Alélouya. Ala kontantman pou ou, Mari ki sin, ki Vièj,
ou mérité tout kalité louanj,
paské sé nan ou li sòti, solèy jistis la,
Kris Bondié nou-an. R: Alélouya.

ÉVANJIL

Sa-a ki pran nésans nan li-a, sé nan Éspri-a li soti.

✠ Léktu sint Évanjil la dapré Matié

1, 1-16. 18-23

Liv anfantman Jézu-Kri, pitit David, pitit Abraam.

Abraam anfanté Izaak, Izaak minm anfanté Jakòb, Jakòb minm anfanté Juda ak frè-l yo. Juda anfanté Farès ak Zara sot nan Tamar, Farès anfanté Ésròn, Ésròn anfanté Aram, Aram anfanté Aminadad. Aminadad

anfanté Naasòn, Naasòn anfanté Salmòn, Salmòn anfanté Boðz sot nan Raab, Boðz anfanté Obèd sot nan Rut, Obèd anfanté Jésé, Jésé anfanté roua David.

Roua David anfanté Salomon sot nan sa-a ki té madanm Uri-a, Salomon anfanté Roboam, Roboam anfanté Abia, Abia anfanté Asa, Asa anfanté Jozafat. Jozafat anfanté Joram, Joram anfanté Ozias, Ozias anfanté Joatam, Joatam anfanté Akaz, Akaz anfanté Ézékiás, Ézékiás anfanté Manasé. Manasé anfanté Amon, Amon anfanté Jozias, Jozias anfanté Jékonias ak frè-l yo, lè égzil Babilòn nan.

Apré égzil Babilòn nan, Jékonias anfanté Salatièl, Salatièl anfanté Zorobabèl, Zorobabèl anfanté Abioud, Abioud anfanté Éliakim, Éliakim anfanté Azòr, Azòr anfanté Sadòk, Sadòk anfanté Akim, Akim anfanté Élioud, Élioud anfanté Éléazar, Éléazar anfanté Matan, Matan anfanté Jakòb. Jakòb minm anfanté Jozèf, ki té marié ak Mari ; sé nan Mari sa-a minm Jézu pran nésans, li minm yo rélé Kris la.

Kanta Kris la minm, min ki jan li té fèt : Mari, manman-l té marié ak Jozèf ; anvan yo vi-n abité ansanm, rivé li vi-n ansint gras a Éspri Sin-an ; Jozèf minm, mari-l la, kòm sé té yon moun kòrèk, li pa-t vlé dénonse-l, li désidé ranvouayé-l an sékrè.

Pandan li t-ap kalkilé sou sa, anj Granmèt la parèt nan rèv, li di-l : « Jozèf, pitit David, pa pè résévoua Mari, madanm ou-an : sèké sa-a ki pran nésans nan li-a, sé nan Éspri Sin-an li soti. L-ap anfanté yon ti gason, ou-ap rélé non-l Jézu ; paské sé li minm k-ap sové pèp li-a sot nan péché-l yo ». Tou sa rivé, pou réalizé sa Granmèt la té di pa lintèmediè Profèt la : « Min Vièj la ap ansint, l-ap anfanté yon ti gason, y-ap rélé non-l Émanuèl, sa vlé di “Bondié avèk nou” ».

Paròl Granmèt la.

oubyin pi kout

✠ Léktu sint Évanjil la dapré Matié

1, 18-23

Kanta Kris la minm, min ki jan li té fèt : Mari, manman-l té marié ak Jozèf ; anvan yo vi-n abité ansanm, rivé li vi-n ansint gras a Éspri Sin-an ; Jozèf minm, mari-l la, kòm sé té yon moun kòrèk, li pa-t vlé dénonse-l, li désidé ranvouayé-l an sékrè.

Pandan li t-ap kalkilé sou sa, anj Granmèt la parèt nan rèv, li di-l : « Jozèf, pitit David, pa pè résévoua Mari, madanm ou-an : sèké sa-a ki pran nésans nan li-a, sé nan Éspri Sin-an li soti. L-ap anfanté yon ti gason, ou-ap rélé non-l Jézu ; paské sé li minm k-ap sové pèp li-a sot nan péché-l yo ». Tou sa rivé, pou réalisé sa Granmèt la té di pa lintèmediè Profèt la : « Min Vièj la ap ansint, l-ap anfanté yon ti gason, y-ap rélé non-l Émanuèl, sa vlé di “Bondié avèk nou” ».

Paròl Granmèt la.

9 séptanm

S. Piè Klavè, prèt

Nan Komin pastè yo, p. 1802 oubyin sin yo (pou sa yo ki té réalisé aksion mizèrikòd yo), p. 1852.

12 séptanm

Trè sin Non Mari

Ouè Mès votiv la, p. 2544.

13 séptanm

**S. Jan Krizostòm, évèk é savan sakré Égliz la
Mémoua**

Nan Komin pastè yo, p. 1802 oubyin savan sakré Égliz la, p. 1829.

PRÉMIÉ LÉKTU : Éfézyin 4, 1-7. 11-13, p. 1817.

PSÒM RÉPONS : Psòm 39, 2 é 4 ab. 7-8 a. 8 b-9. 10 (R: 8 a é 9 a), p. 1809.

ALÉLOUYA : Sémans la sé paròl Bondié-a..., p. 1839, 8.

ÉVANJIL : Mark 4, 1-10. 13-20, p. 1841.

14 séptanm
ÉGZALTASION SINT KOUA-A
 Fèt

PRÉMIÉ LÉKTU

Moun sèpan yo té mòdé yo, lè yo gadé-l, yo géri.

Léktu liv Nonb

21, 4-9

Jou sa yo :

Pèp la kòmansé about anba rédi vouayajé, rédi travay.

Li palé kont Bondié ak kont Moyiz, li di : « Pouki ou té fè nou soti Éjip la, pou nou mouri nan dézè-a ? Pa gin pin, pa gin dlo, nou kòmansé dégouté avèk manjé fad sa-a ».

Sé poua Granmèt la voyé sèpan ki modé-boulé nan pèp la ; lè yo kòmansé fè moun yo malad, fè moun yo mouri, anpil moun vi-n kot Moyiz, yo di : « Nou fè péché, paské nou palé kont Granmèt la ak kont ou minm : priyé pou-l ouété sèpan sa yo sot koté nou ». Moyiz priyé pou pèp la.

Granmèt la palé ak li : « Fè yon sèpan ak kuiv, mété-l kòm yon sign : moun sèpan yo mòdé, lè-l gadé-l, l-ap viv ». Moyiz fè sèpan avèk kuiv, li mété-l kòm sign ; kon moun sèpan té mòdé yo gadé-l, yo vi-n géri.

Paròl Granmèt la.

PSÒM RÉPONS

Ps 77, 1-2. 34-35. 36-37. 38 (R: cf. 7 b)

R: Sé pou nou pa bliyé sa Granmèt la fè.

- ¹ Pèp mouin, konsidéré ansègnman-m nan ;
panché zòrèy ou sou paròl yo k-ap soti nan bouch mouin-an.
- ² M-ap louvri bouch mouin nan parabòl,
m-ap palé bagay ki té kaché dépi lontan anpil. **R:**
- ³⁴ Lè-l t-ap touyé yo-a, yo té vi-n ap chèché-l,
yo konvèti, yo vi-n koté-l granmatin ;
- ³⁵ yo vi-n sonjé sé Bondié k-ap poté yo sékou ;
Bondié ki anro nèt la, sé rédanmètè yo. **R:**
- ³⁶ Min yo ba-l désépsion ak bouch yo,
ak lang yo yo chèché troupé-l ;

- 37 kè yo pa-t douat avèk li,
yo pa-t fidèl nan aliens li-a. **R:**
- 38 Li minm minm li té gin mizérikòd,
li padonnin péché-a, li pa gayé yo.
Anpil foua li viré kòlè-l,
li pa limin tout mové san-l. **R:**

DÉZIÈM LÉKTU

Li imilié pròp tèt li : sé pou sa Bondié lévé-l anlè.

Léktu lèt apot sin Pòl pou Filipyin yo

2, 6-11

Kris Jézu, malgré li té nan kondision Bondié, égal li égal ak Bondié-a, li pa-t konsidéré sa tankou yon bagay li kinbé pou pròp tèt pa-l, min li vidé pròp tèt li antan-l pran kondision ésklav, li vi-n tankou tout moun, épi dapré konpòtman-l, yo ouè li sé yon moun. Li imilié pròp tèt li, antan-l obéyi jous nan lanmò, épi lanmò koua-a. Sé poutèt sa Bondié lévé-l anlè, li ba-l non-an ki anlè tout non. Konsa, o non Jézu, tout jénou fèt pou plouayé nan sièl la, sou tè-a ak anba tè yo, tout lang pou déklaré sé Granmèt Jézu-Kri yé nan gloua Bondié Papa-a.

Paròl Granmèt la.

ALÉLOUYA

R: Alélouya. Nou adoré-ou, Kris, épi n-ap fè konpliman pou ou,
paské ou rachté tè-a gras a koua-ou la. **R:** Alélouya.

ÉVANJIL

Yo gin pou yo lévé Pitit moun nan anlè.

✠ Léktu sint Évanjil la dapré Jan

3, 13-17

Lè sa-a : Jézu di Nikodèm :

« Pèsòn pa monté nan sièl la, sof sa-a ki désann sot nan sièl la, Pitit moun nan ki nan sièl la. Minm jan Moyiz té lévé sèpan-an nan dézè-a, konsa tou yo gin pou yo lévé Pitit moun nan, pou tout moun ki kouè nan li pa péri, min pou yo gin lavi tout tan-an.

Réyèlman Bondié sitèlman rinmin tè-a, li bay Pitit li-a, Sèl Pitit li-a, pou tout moun ki kouè nan li pa péri, min pou yo gin lavi tout tan-an. Sèké Bondié pa voyé Pitit li-a sou tè-a pou-l jijé tè-a, min pou tè-a kapab sovè gras a li ».

Paròl Granmèt la.

15 séptanm
S. Vièj Mari k-ap soufri anpil
Mémoua

Évanjil mémoua sa-a spésial.

PRÉMIÉ LÉKTU

*Li aprann obéyisans,
 li vi-n tounin koz ki sèvi pou sovè tout tana-an.*

Léktu lèt Ébré yo

5, 7-9

Jézu-Kri nan jou li té pasé nan chè-a, li té ofri priyè ak plint avèk gran rèl ak dlo nan jé kot sa-a ki té kapab sovè-l sot nan lanmò-a ; priyè-l la jouinn rézilta poutèt respè li té ginyin. Malgré sé Pitit Bondié li té yé-a, li té aprann obéyisans nan sa-l soufri yo ; lè-l rivé nan bout chémin pou-l té rivé-a, li vi-n tounin koz ki sèvi pou sovè tout tan-an pou tout moun ki mété tèt yo anba lòd li.

Paròl Granmèt la.

PSÒM RÉPONS

Ps 30, 2-3 b. 3 c-4. 5-6. 15-16. 20 (R: 17 b)

R: Sové-m, Granmèt, nan mizérikòd ou-a.

2 Sé nan ou, Granmèt, mouin espéré, pou-m pa ront pou tout tan ;
 nan jistis ou, libéré-m.

3 Panché zòrèy ou sou mouin,
 fè vit, pou-ou délivré-m. **R:**

Sé pou-ou sèvi-m yon ròch kachèt ak yon kay défans
 pou-ou sové-m.

4 Paské fòs mouin ak kachèt mouin sé ou minm,
 poutèt non-ou ou-a kondui-m, ou-a souin-m. **R:**

- 5 Ouété-m sot nan pièj la yo té kaché pou mouin-an,
paské sé ou minm ki fòs mouin.
- 6 Sé nan min-ou mouin rinnèt éspri-m ;
ou rachté-m, Granmèt, Bondié vérité-a. **R**
- 15 Mouin minm sé nan ou mouin éspéré, Granmèt ;
mouin di : « Sé Bondié-m ou yé,
sé nan min-ou éritaj mouin yé ».
Ouété-m sot nan min ènmi-m yo ak pèsékité-m yo. **R**
- 20 Ala anpil yo anpil, kantité dousè-ou yo, Granmèt,
sa-ou rézèvé pou moun ki krinn ou yo :
Sa yo ki konté sou ou-a, ou fè yo vi-n kòrèk nèt,
dévan fas pitit moun yo. **R**

KANTIK (SÉKANS : *Stabat Mater*)

Si yo vlé, yo mèt di kantik sa-a dépi nan kòmansman-l oubyin dépi kouplè
* Manman ki sin.

Manman-an kanpé, li t-ap soufri,
tou kolé koua-a li t-ap kriyé,
pandan Pitit la té pandié.

Li t-ap plinn vré andédan kè-l,
nan lapinn avèk nan soufrans,
yon épé travèsé nanm li.

Ala pasay, ala gro tray
pou fi sa-a ki té béni-an,
manman Sèl Pitit Bondié-a.

Li t-ap plinn vré, li t-ap kriyé,
bon manman-an,
lè-l ouè soufrans Pitit la ki ékstraòdinè-a.

Kilès moun ki pa t-a kriyé,
lè li ouè manman Kris la
nan kalité soufrans sa-a ?

Ki moun ki pa t-ap pran lapinn,
antan l-ap kontanplé bon manman-an
k-ap soufri ak Pitit la ?

Poutèt péché pèp li-a,
li ouè Jézu nan touman,
k-ap sibi pakèt gro kout fouèt.

Li ouè Pitit li ki si dou
k-ap mouri san konsolasion,
pandan l-ap rinnèt éspri-a.

Manman, sous rinmin,
fè-m santi fòs soufrans la,
pou-m kapab kriyé avèk ou.

Fè kè-m vi-n yon kè ki byin cho,
antan-m rinmin Kris Bondié
pou-m kapab fè li plézi.

* Manman ki sin, min sa pou-ou fè :
Jézu yo klouré, yo blésé,
fè-l gravé soufrans li nan kè-m.

Yo blésé bèl Pitit ou-a ;
sé pou mouin l-aksépté souffri.
Fè-m antré nan lapinn li yo.

Fè-m kriyé vré ansanm avè-ou.
Fè-m souffri ak li ki sou koua-a,
pandan tout tan m-ap viv.

Mouin vlé rét tou pré koua-a avè-ou,
épi gin minm santiman ak ou,
nan doulè-a.

Vièj, ki pi bèl plis pasé tout vièj,
pa fè dézagréab avè-m,
kité-m kriyé ansanm avè-ou.

Fè-m poté lanmò Kris la,
fè-m antré nan soufrans la,
fè-m sonjé blès yo.

Fè-m blésé ak blès yo,
fè-m sou avèk koua sa-a,
épi ak san Pitit la.

Pa kité flanm difé boulé-m
 pa lintèmediè-ou, Vièj, sé poum jouinn défans mouin
 nan jou jijman-an.
 Fè koua-a protéjé-m,
 fè lanmò Kris la prezèvé-m,
 fè gras la réfè-m.
 Lè kò-a ap mourì,
 fè nanm nan jouinn
 gloua paradi-a. Amèn.

ALÉLOUYA

✠ Alélouya. Ala kontantman pou ou sint Vièj Mari,
 ou minm ki mérité palm mati-a san ou pa mourì
 anba koua Granmèt la. ✠ Alélouya.

ÉVANJIL

*Li t-ap plinn, li t-ap kriyé, manman sa-a ki si bon-an,
 lè-l ouè soufrans Pitit la ki ékstraòdinè-a (Stabat Mater).*

✠ Léktu sint Évanjil la dapré Jan

19, 25-27

Lè sa-a :

Tou pré koua Jézu-a, manman-l té kanpé, ni sè manman-l nan tou,
 Mari Kléofas, ak Mari Madlèn.

Lè Jézu ouè manman-an ak disip li té rinmin-an ki kanpé, li di
 manman-l : « Madanm, min pitit ou » ; apré sa li di disip-la : « Min
 manman-ou ». Dépi lè sa-a, disip-la pran-l kòm byin pa li.

Paròl Granmèt la.

Oubyin

Yon épé ap travèsé nanm ou.

✠ Léktu sint Évanjil la dapré Luk

2, 33-35

Lè sa-a :

Papa Jézu ak manman-l té sézi poutèt bagay sa yo t-ap di sou li-a.

Siméyon béni yo, li di Mari, manman-l : « Min yo mété sa-a pou anpil moun tonbé, anpil moun lévé nan Israèl, l-ap sèvi yon sign kontradiksyon (épi ou minm, yon épé ap travèsé nanm ou), pou pansé ki nan kè anpil moun kapab révéle ».

Paròl Granmèt la.

16 séptanm

Ss. Kòrnèy, pap, é Sipriyin, évèk, mati

Mémoua

Nan Komin mati yo, p. 1783 oubyin pastè yo, p. 1802.

PRÉMIÉ LÉKTU : 2 Korintyin 4, 7-15, p. 1792.

PSÒM RÉPONS : Psòm 125, 1-2 ab. 2 cd-3. 4-5. 6 (R : 5), p. 1791.

ALÉLOUYA : 2 Korintyin 1, 3 b-4 a, p. 1797.

ÉVANJIL : Jan 17, 11 b-19, p. 1801.

17 séptanm

S. Robèr Bélarmin, évèk é savan sakré Égliz la

Nan Komin pastè yo, p. 1802 oubyin savan sakré Égliz la, p. 1829.

PRÉMIÉ LÉKTU : Sajès 7, 7-10. 15-16, p. 1829.

PSÒM RÉPONS : Psòm 18, 8. 9. 10. 11 (R : 10 b), p. 1832.

ALÉLOUYA : Jan 6, 63 c. 68 c, p. 1838.

ÉVANJIL : Matié 7, 21-29, p. 1840.

19 séptanm

S. Janvié, évèk é mati

Nan Komin mati yo, p. 1783 oubyin pastè yo, p. 1802.

PRÉMIÉ LÉKTU : Ébré 10, 32-36, p. 1794.

PSÒM RÉPONS : Psòm 125, 1-2 ab. 2 cd-3. 4-5. 6 (R : 5), p. 1791.

ALÉLOUYA : Jak 1, 12, p. 1797.

ÉVANJIL : Jan 12, 24-26, p. 1800.

20 séptanm
Ss. André Kim Tae-gon, prèt,
ak Pòl Chong Ha-sang, ak konpagnon yo, mati
Mémoua
Mati nan Koré

Nan Komin mati yo, p. 1783.

21 séptanm
S. MATIÉ, APOT É ÉVANJÉLIS
Fèt

PRÉMIÉ LÉKTU

Li bay kèk moun gras pou yo apot, dèt minm pou yo évanjélis.

Léktu lèt apot sin Pòl pou Éfézyin yo **4, 1-7. 11-13**

Frè-m yo :

Mouin priyé nou, mouin minm prizonié nan Granmèt la, pou nou maché korèk dapré diréksion voua ki rélé nou-an, antan nou rété nan pòv ti kondision moun nou-an, antan nou tou dou, antan nou pran pasians pou nou youn sipòté lòt nan charité-a ; fè éfò pou nou konsèvé éspri ki fè nou fè yon sèl la nan chinn lapè-a : yon sèl kò ak yon sèl éspri, minm jan yo rélé nou nan yon sèl éspérans ki nan bout chémin koté yo rélé nou-an ; yon sèl Granmèt, yon sèl lafoua, yon sèl batèm ; yon sèl Bondié ak Papa tout moun, ki anlè tout moun, ki nan tout bagay épi ki nan nou tout.

Chak moun nan nou jouinn kado gras la dapré sa Kris la mézire pou li-a. Sé li minm ki bay kèk moun gras pou yo apot, kèk lòt minm sé profèt, dèt ankò sé sa-k évanjélis, dèt yo minm sé gadyin ak savan sakré : konsa sin yo kapab vi-n kòrèk nèt nan travay ministè-a, antan kò Kris la ap bati, joutan nou tout nou rivé fè yon sèl nan lafoua-a ak nan konésans Pitit Bondié-a, pou nou tout ansanm nou vi-n sèl moun sa-a ki kòrèk nèt la, nan mézi dènié dévlopman Kris la.

Paròl Granmèt la.

PSÒM RÉPONS

Ps 18, 2-3. 4-5 (R: 5 a)

R: Sou tout tè-a yo tandé voua yo.

- 2 Sièl yo ap rakonté gloua Bondié,
travay min-l, platfòm sièl la ap anonsé-l.
- 3 Jou ap déklaré paròl bay jou,
nannuit ap montré sians bay nuit. **R**
- 4 Pa gin langaj ni paròl,
pou yo pa konprann voua yo.
- 5 Sou tout tè-a boui voua yo soti,
jous nan limit tè-a paròl yo rivé. **R**

ALÉLOUYA

R Alélouya. N-ap fè louanj ou, Bondié, n-ap bat bravo pou ou, Granmèt,
foul Apot yo ki nan gloua-a ap fè louanj ou, Granmèt. **R** Alélouya.

ÉVANJIL

Suiv mouin. Li lèvé, li suiv li.

✠ Léktu sint Évanjil la dapré Matié

9, 9-13

Lè sa-a :

Pandan Jézu t-ap pasé, li ouè yon mésié ki té chita nan biro kontribision-an, yo té rélé-l Matié ; li di-l : « Suiv mouin ». Li lèvé, li suiv li.

Rivé antan li lonjé kò-l nan kay la, anpil kolèktè ak péchè té vini, yo té lonjé kò yo avèk Jézu ak disip li yo.

Lè farizyin yo ouè sa, yo di disip li yo : « Pouki sa mèt nou-an ap manjé avèk prépozé yo ak péchè yo ? »

Jézu minm ki tandé sa, li di : « Sé pa moun ki ansanté ki bézouin doktè, min sé sa ki malad. Al aprann sa sa vlé di : “Sé mizérikòd mouin vlé, sé pa sakrifis” ; sèké mouin pa vini pou-m rélé moun ki kòrèk yo, min sé péchè yo mouin vi-n rélé ».

Paròl Granmèt la.

23 séptanm

S. Pio de Pietrelcina, prèt

Mémoua

Nan Komin pastè yo, p. 1802 oubyin sin yo (pou rélijyé yo), p. 1852.

26 séptanm

Ss. Kòm ak Damyin, mati

Nan Komin mati yo, p. 1783.

PRÉMIÉ LÉKTU : Sajès 3, 1-9, p. 1786.

PSÒM RÉPONS : Psòm 125, 1-2 ab. 2 cd-3. 4-5. 6 (R : 5), p. 1791.

ALÉLOUYA : Jak 1, 12, p. 1797.

ÉVANJIL : Matié 10, 28-33, p. 1798.

27 séptanm

S. Vinsan de Pòl, prèt

Mémoua

Nan Komin pastè yo (pou misionè yo), p. 1802 oubyin sin yo (pou sa yo ki té fè aksion mizèrikòd yo), p. 1852.

PRÉMIÉ LÉKTU : 1 Korintyin 1, 26-31, p. 1868.

PSÒM RÉPONS : Psòm 111, 1-2. 3-4. 5-7 a. 7 b-8.9 (R : 1 a), p. 1866.

ALÉLOUYA : Jan 10, 14, p. 1821.

ÉVANJIL : Matié 9, 35-38, p. 1822.

28 séptanm

S. Vinséslas, mati

Nan Komin mati yo, p. 1783.

PRÉMIÉ LÉKTU : 1 Piè 3, 14-17, p. 1795.

PSÒM RÉPONS : Psòm 125, 1-2 ab. 2 cd-3. 4-5. 6 (R : 5), p. 1791.

ALÉLOUYA : Matié 5, 10, p. 1797.

ÉVANJIL : Matié 10, 34-39, p. 1799.

Minm jou 28 séptanm nan
S. Loran Ruiz, ak konpagnon-l yo, mati
Mati nan zilé Filipi-n

Nan Komin mati yo, p. 1783.

29 séptanm
Ss. MICHÈL, GABRIÈL AK RAFAYÈL, AKANJ
Fèt

PRÉMIÉ LÉKTU

Mil milion t-ap sèvi-l.

Léktu liv profèt Danièl

7, 9-10. 13-14

Mouin t-ap gadé joutan yo pozé tro-n yo ; Ansyin nan jou yo chita. Rad li té blan tankou nèj, chévé tèt li té tankou yon linn byin pròp, tro-n li sé té flanm difé, rou-l yo sé té difé ki limin. Yon gran riviè k-ap flanbé, k-ap kouri vit, t-ap soti nan fas li, mil milion t-ap sèvi-l, di-mil san milion té kanpé koté-l. Jijman-an déklaré, liv yo louvri.

Mouin t-ap gadé nan vizion nannuit, sé tankou yon Pitit moun ki t-ap vini avèk nuaj sièl yo, li rivé jous kot Ansyin nan jou yo. Yo kondui-l dévan fas li ; Ansyin nan jou yo ba-l pouvoua ak konsidérasion ak péyi roua ; épi tout pèp, ras ak lang ap sèvi-l ; pouvoua-l sé pouvoua tout tan, ki pap disparèt ; péyi roua li, sé péyi roua ki pap détoui.

Paròl Granmèt la.

Oubyin

Michèl ak anj li yo t-ap batay kont dragon-an.

Léktu liv Apokalips apot sin Jan

12, 7-12 a

Vi-n gin yon gran batay nan sièl la : Michèl ak anj li yo t-ap batay kont dragon-an, épi dragon-an minm li batay tou ni anj pa-l yo tou ; min yo pa rézisté, ni yo pa jouinn plas yo nan sièl la ankò. Yo voyé gran dragon sa-a jété, sèpan lontan-an, sa yo rélé Djab la épi Satan-an, li minm ki t-ap tronpé tout tè-a ; yo voyé-l jété sou tè-a ; ni anj li yo tou, yo voyé yo ansanm avèk li.

Mouin tandé yon gran voua nan sièl la k-ap di : « Koulié-a yo sové, épi sé pouvoua-a ak péyi roua Bondié nou-an ak otorité Kris li-a, paské yo jété sa-a ki t-ap akizé frè nou yo, li minm ki t-ap akizé yo dévan fas Bondié nou-an lajounin kon lannuit la ; épi yo minm yo ranpòté viktoua sou li poutèt san Mouton-an épi poutèt paròl témouagnaj li-a ; yo bliyé tèt yo jous yo mouri. Sé pou sa sé pou nou kontan, sièl yo, ak sa yo ki abité nan yo ».

Paròl Granmèt la.

PSÒM RÉPONS

Ps 137, 1-2 a ; 2 b-3. 4-5 (R : 1 c)

R: Dévan fas anj yo m-ap chanté pou ou, Granmèt.

¹ M-ap fè louanj ou, Granmèt, ak tout kè-m,
paské ou tandé paròl bouch mouin yo.

² Dévan fas anj yo m-ap chanté pou ou,
m-ap adoré nan Tanp ou-a ki sin-an. R:

M-ap fè louanj pou non-ou
poutèt mizérikòd ou ak vérité-ou,
paské ou fè promès ou-a dépasé tou sa yo konnin sou ou.

³ Ninpòt ki jou mouin rélé-ou ou réponn mouin ;
ou-ap dévlopé fòs nan nanm mouin. R:

⁴ Y-ap fè louanj ou, Granmèt, tout roua sou tè-a,
paské yo tandé promès bouch ou.

⁵ Y-ap chanté rout Granmèt yo,
paské gloua Granmèt la gran. R:

ALÉLOUYA

Ps 102, 21

R: Alélouya. Fè konpliman pou Granmèt la, tout pouvoua-l yo,
sèvitè-l yo, k-ap fè volonté-l yo. R: Alélouya.

ÉVANJIL

*N-ap ouè anj Bondié k-ap monté-désann
anlè Pitit moun nan.*

✠ Léktu sint Évanjil la dapré Jan

1, 47-51

Lè sa-a :

Jézu ouè Natanaèl k-ap vi-n koté-l, li di sou li : « Min yon Israélit tout bon vré, nan li pa gin manti ».

Natanaèl di-l : « Koté-ou konnin-m ? »

Jézu réponn, li di-l : « Anvan Filip té rélé-ou, lè-ou té anba pié figié-a, mouin té ouè-ou ».

Natanaèl réponn li, li di : « Rabi, ou sé Pitit Bondié-a, ou sé roua Israèl la ».

Jézu réponn, li di-l : « Paské mouin di-ou “mouin té ouè-ou anba pié figié-a”, ou kouè ; ou-ap ouè pi gran bagay pasé sa yo ».

Li di-l : « Amèn, amèn, mouin di nou ; n-ap ouè sièl la ouvri, épi anj Bondié yo k-ap monté-désann anlè Pitit moun nan ».

Paròl Granmèt la.

30 séptanm

**S. Jéròm, prêt é savan sakré Égliz la
Mémoua**

Nan Komin savan sakré Égliz la, p. 1829 oubyin pastè yo, p. 1802.

PRÉMIÉ LÉKTU

*Tou sa-k ékri-a, antan sé Bondié ki pousé yo ékri-l,
li sèvi pou bay ansègnman.*

Léktu dézièm lèt apot sin Pòl pou Timoté

3, 14-17

Ou minm mouin rinmin anpil la :

Rété nan sa-ou té aprann yo ak sa-ou té kouè yo, paské ou konnin nan min ki moun ou té aprann yo, épi paské sé dépi-ou piti ou konn sa-k ékri-a ki sakré-a, ki kapab paré-ou pou-ou sové-a, gras a lafoua ki nan Kris Jézu-a.

Tou sa-k ékri-a, antan sé Éspri Bondié ki pousé yo ékri-l, li sèvi pou bay ansègnman, pou montré vérité-a, pou korijé, pou fè moun antré pi fon nan jistis la, pou moun Bondié-a kapab vi-n bon nèt, antan li paré pou tout kalité bon travay.

Paròl Granmèt la.

PSÒM RÉPONS : Psòm 118, 9. 10. 12. 13. 14 (R : 12 b), p. 1833.

ALÉLOUYA : Cf. Travay Apot yo 16, 14 b, p. 1838.

ÉVANJIL : Matié 13, 47-52, p. 1840.

OKTÒB

Prémié oktòb

S. Tèrèz de lanfan Jézu, vièj é savan sakré Égliz la
Mémoua

Nan Komin vièj yo, p. 1844 oubyin savan sakré Égliz la, p. 1829.

PRÉMIÉ LÉKTU : Izayi 66, 10-14 c, p. 972.

PSÒM RÉPONS : Psòm 130, 1. 2. 3, p. 1867.

ALÉLOUYA : Cf. Matié 11, 25, p. 1879.

ÉVANJIL : Matié 18, 1-5, p. 1884.

2 oktòb

Ss. Anj Gadyin yo
Mémoua

Évanjil mémoua sa-a spésial.

PRÉMIÉ LÉKTU

Anj mouin-an ap maché dévan-ou.

Léktu liv Égzòd

23, 20-23 a

Min paròl Granmèt la :

« Min m-ap voyé Anj mouin-an, k-ap maché dévan-ou, l-ap protéjé-ou sou rout la, l-ap fè-ou antré nan koté-m té paré-a. Fè atansyon li, kouté voua-l, pa konprann pou-ou méprizé-l, paské li pap padonnin-ou si-ou fè péché, épi li gin non mouin nan li. Si-ou kouté voua-l, épi ou fè tou sa-m di, m-ap ènmi ènmi-ou yo, m-ap batay kont sa k-ap batay kont ou yo. Anj mouin-an ap maché dévan-ou ».

Paròl Granmèt la.

PSÒM RÉPONS

Ps 90, 1-2. 3-4. 5-6. 10-11 (R : 11)

R Li pasé Anj li yo lòd sou-ou,
pou yo protéjé-ou nan tout rout ou yo.

- 1 Moun ki abité nan protéksion Sa-a ki anro nèt la,
li rété anba lonbraj Sa-a ki gin tout pouvoua-a.
- 2 Li di Granmèt la : « Kachèt mouin
ak fòs mouin, Bondié mouin, mouin espéré nan ou ». R:
- 3 Sèké li minm l-ap libéré-ou sot nan pièj chasè yo
ak nan paròl méchan.
- 4 Ak zèl li yo l-ap kouvri-ou,
anba plim zèl li ou-ap kaché. R:
- 5 Zam ak protéksion, sé vérité-l la ;
ou pap pè bagay k-ap fè moun pè nannuit,
- 6 dévan flèch k-ap volé lajounin,
dévan épidémi k-ap maché nan fènoua,
dévan sa-a k-ap fè ravaj gro midi. R:
- 10 Malè-a pap proché koté-ou,
chatiman pap proché tant ou-a.
- 11 Paské l-ap pasé Anj li yo lòd sou-ou,
pou yo protéjé-ou nan tout rout ou yo. R:

ALÉLOUYA

Ps 102, 21

R: Alélouya. Fè konpliman pou Granmèt la, tout pouvoua-l yo,
sèvitè-l yo, k-ap fè volonté-l. R: Alélouya.

ÉVANJIL

Anj yo tout tan ap gadé fas Papa-m ki nan sièl yo.

✠ Léktu sint Évanjil la dapré Matié

18, 1-5. 10

Lè sa-a disip yo proché kot Jézu, yo di : « Kilès, ou kouè, ki pi gran nan péyi roua sièl yo ? »

Jézu rélé yon ti moun piti, li mété-l kanpé nan mitan yo, li di : « Amèn mouin di nou : si nou pa konvèti pou nou vi-n tankou ti moun piti yo, nou pap antré nan péyi roua sièl yo. Konsa tout moun k-ap rantré nan ti kondision moun li-a tankou ti moun piti sa-a, sé li minm ki pi gran nan péyi roua sièl yo. Moun k-ap résévoua youn nan ti piti sa yo o non mouin, sé mouin minm l-ap résévoua.

Atansion pou nou pa méprizé youn nan ti piti sa yo ; mouin di nou réyèlman, Anj pa yo nan sièl yo, sé tout tan y-ap gadé fas Papa-m ki nan sièl yo ».

Paròl Granmèt la.

4 oktòb

S. Fransoua d-Asiz

Mémoua

Nan Komin sin yo (pou rélijyé yo), p. 1852.

PRÉMIÉ LÉKTU

*Tè-a klouré sou koua-a pou mouin,
ni mouin minm tou pou tè-a.*

Léktu lèt apot sin Pòl pou Galat yo

6, 14-18

Frè-m yo :

Mouin pa gin doua chèché louanj mouin okinn koté, sof nan koua Granmèt nou Jézu-Kri-a ; gras a li, tè-a klouré sou koua pou mouin, épi mouin minm tou pou tè-a.

Réyèlman, nan Kris la, ni sikonsizyon, ni pa sikonsizyon, sa pa vo anyin ; sa ki gin valè sé kréyati tou nèf la. Tout moun ki suiv règ sa-a, lapè sou yo ak mizérikòd, ni sou Israël Bondié-a tou. Apré sa, pèsòn pa doué trakasé-m, paské mouin poté mak Granmèt Jézu nan kò-m.

Gras Granmèt nou Jézu-Kri avèk éspri nou, frè yo. Amèn.

Paròl Granmèt la.

PSÒM RÉPONS : Psòm 15, 1-2 a é 5. 7-8. 11 (R : 5 a), p. 1864.

ALÉLOUYA : Cf. Matié 11, 25, p. 1879.

ÉVANJIL : Matié 11, 25-30, p. 1883.

6 oktòb

S. Bruno, prèt

Nan Komin pastè yo, p. 1802 oubyin sin yo (pou rélijyé yo), p. 1852.

PRÉMIÉ LÉKTU : Filipyin 3, 8-14, p. 1873.

PSÒM RÉPONS : Psòm 1, 1-2. 3. 4 é 6 (R: 2 a), p. 1863.

ALÉLOUYA : Jan 8, 12, p. 1880.

ÉVANJIL : Luk 9, 57-62, p. 1895.

7 oktòb

**Sint Vièj Mari, dapré Rozè-a
Mémoua**

Nan Komin Mari sint Vièj Mari, p. 1762.

PRÉMIÉ LÉKTU : Travay Apot yo 1, 12-14, p. 1768.

PSÒM RÉPONS : Luk 1, 46-47. 48-49. 50-51. 52-53. 54-55, p. 1772.

ALÉLOUYA : Cf. Luk 1, 28, p. 1774.

ÉVANJIL : Luk 1, 26-38, p. 1778.

9 oktòb

S. Déni, évèk ak konpagnon-l yo, mati

Nan Komin mati yo, p. 1783.

PRÉMIÉ LÉKTU : 2 Korintyin 6, 4-10, p. 1793.

PSÒM RÉPONS : Psòm 125, 1-2 ab. 2 cd-3. 4-5. 6 (R: 5), p. 1791.

ALÉLOUYA : Jan 8, 12, p. 1880.

ÉVANJIL : Matié 5, 13-16, p. 1882.

Mínm jou 9 oktòb la

S. Jan Léona, prèt

Nan Komin pastè yo, p. 1802 oubyin sin yo (pou sa ki té réalizé askion mizérikòd), p. 1852.

PRÉMIÉ LÉKTU : 2 Korintyin 4, 1-2. 5-7, p. 1816.

PSÒM RÉPONS : Psòm 95, 1-2 a. 2 b-3. 7-8 a. 10 (R: 3), p. 1811.

ALÉLOUYA : Mark 1, 17, p. 1821.

ÉVANJIL : Luk 5, 1-11, p. 1825.

14 oktòb
S. Kaliks, pap é mati

Nan Komin mati yo, p. 1783 oubyin pastè yo (pou yon Pap), p. 1802.

PRÉMIÉ LÉKTU : 1 Piè 5, 1-4, p. 1820.

PSÒM RÉPONS : Psòm 39, 2 é 4 ab. 7-8 a. 8 b-9. 10 (R : 8 a é 9 a), p. 1809.

ALÉLOUYA : Jan 15, 15 b, p. 1821.

ÉVANJIL : Luk 22, 24-30, p. 1826.

15 oktòb
S. Tèrèz d-Avila, vièj é savan sakré Égliz la
Mémoua

Nan Komin vièj yo, p. 1844 oubyin savan sakré Égliz la, p. 1829.

PRÉMIÉ LÉKTU

*Éspri-a ap priyé pou nou, antan l-ap plinn
yon jan bouch moun pa kapab palé.*

Léktu lèt apot sin Pòl pou Romin yo 8, 22-27

Frè-m yo :

Nou konnin tout kréyatu ap plinn, y-ap soufri doulè akouchman jous koulié-a. Sé pa yo minm sèlman min nou minm tou ki gin premié foui Éspri-a, n-ap plinn anndan nou antan n-ap tann adopsion pitit Bondié yo, rédanmsion kò nou-an. Sèké sé nan éspérans nou sové. Sa n-ap éspéré-a, si nou ouè li, sé pa éspérans li yé, paské sa yon moun ouè, kijan pou-l fè éspéré-l ? Min si nou éspéré sa nou pa ouè-a, sé tann n-ap tann li nan yon chémin pasians.

Konsa tou Éspri-a ap édé féblès nou : sèké nou pa konnin kijan pou nou priyé ; min sé Éspri-a li minm k-ap priyé pou nou antan l-ap plinn yon jan bouch moun pa kapab palé. Sa-a minm ki sondé kè yo, li konnin sa Éspri-a anvi-a : sé dapré Bondié li plédé kòz sin yo.

Paròl Granmèt la.

PSÒM RÉPONS : Psòm 18, 8. 9. 10. 11 (R : Jan 6, 64 b), p. 1832.

ALÉLOUYA : Jan 15, 9 b. 5 b, p. 1881.

ÉVANJIL : Jan 15, 1-8, p. 1898.

16 oktòb
S. Édouidj, rélijjéz

Nan Komin sint yo (pou rélijjé yo), p. 1852.

PRÉMIÉ LÉKTU : Sirasid 26, 1-4. 16-21, p. 1859.

PSÒM RÉPONS : Psòm 127, 1-2. 3. 4-5 (R : 1 a), p. 1867.

ALÉLOUYA : Jan 8, 31 b-32, p. 1880.

ÉVANJIL : Mark 3, 31-35, p. 1891.

Minm jou 16 oktòb la
S. Magérit Mari Alakòk, vièj

Nan Komin vièj yo, p. 1844 oubyin sint yo (pou rélijjé yo), p. 1852.

PRÉMIÉ LÉKTU : Éfézyin 3, 14-19, p. 1872.

PSÒM RÉPONS : Psòm 22, 1-3. 4. 5. 6 (R : 1), p. 1864.

ALÉLOUYA : Cf. Matié 11, 25, p. 1879.

ÉVANJIL : Matié 11, 25-30, p. 1883.

17 oktòb
S. Ignas d-Antiòch
 Mémoua

PRÉMIÉ LÉKTU

Rélasion nou sé nan sièl la.

Léktu lèt apot sin Pòl pou Filipyin yo **3, 17-4, 1**

Frè-m yo, pran modèl sou mouin, gadé sa yo k-ap maché dapré modèl nou minm nou ba nou-an. Réyèlman, tankou mouin té déja di nou sa anpil fouda é koulié-a m-ap répété-l ak dlo nan jé-m, anpil moun, jan y-ap maché-a, sé ènmi koua Kri la yo yé, fmisman yo sé lanmò, dié yo sé vant yo, y-ap vanté tèt yo nan bagay ki pou fè yo ront, sé bagay tè-a yo gouté. Kanta nou minm, sosisié pa nou sé nan sièl la li yé, koté n-ap tann Sovè-a soti, li minm Granmèt nou Jézu-Kri, k-ap réfè pòv kò pousiè nou-an sou modèl kò gloua li-a, dapré aktivité-l ki kapab mét tout bagay anba pouvoua-l.

Sé poussa, frè-m yo mouin rinmin anpil la, mouin anvi ouè anpil la, nou minm ki kè kontan-m ak kouròn mouin, sé konsa pou nou rété nan Granmèt la, nou minm mouin rinmin anpil la.

Paròl Granmèt la.

PSÒM RÉPONS : Psòm 33, 2-3. 4-5. 6-7. 8-9 (R : 5 b), p. 1790.

ALÉLOUYA : Jak 1,12, p. 1797.

ÉVANJIL : Jan 12, 24-26, p. 1800.

Oubyin nan Komin mati yo, p. 1783 oubyin pastè yo, p. 1802.

18 oktòb
S. LUK, ÉVANJÉLIS
 Fèt

PRÉMIÉ LÉKTU

Luk sèl avèk mouin.

Léktu dézièm lèt apot sin Pòl pou Timoté

4, 10-17 b

Ou minm mouin rinmin anpil la :

Démas kité-m, li pito tè sa-a, li pati Tésalonik ; Késans nan Galasi, Tit nan Dalmasi. Luk sèl avèk mouin. Pran Mark, minnin-l avèk ou, li itil mouin réyèlman nan ministè-a. Mouin voyé Tichik Éfèz. Manto-a mouin té kité Troas la kay Karpus la, pran-l vi-n avèk li, ni liv yo tou, spésialman parchémin yo.

Aléksann, òfèv la, montré-m anpil mal ; Granmèt la ap rinmèt li dapré aksion-l yo ; ou minm tou sé pou-ou évité-l, li té rézisté paròl nou yo karéman.

Prémié fouda mouin t-ap défann kòz mouin-an, pèsòn pa-t kanpé avèk mouin, min tout moun té lagé-m : sé pou Bondié padonnin yo. Sèlman Granmèt la té poté-m sékou, li té ban-m asirans, pou prèch la réalizé pa lintèmédiè mouin, pou tout nasion yo tandé.

Paròl Granmèt la.

PSÒM RÉPONS

Ps 144, 10-11. 12-13 ab. 17-18 (R: : cf. 12)

- R:** Sé pou sin-ou yo, Granmèt, fè konnin gloua péyi roua-ou la.
- ¹⁰ Sé pou sa-ou fè yo, fè louanj pou ou, Granmèt,
 sé pou sin-ou yo fè konpliman pou ou,
- ¹¹ Sé pou yo déklaré gloua péyi roua-ou la,
 sé pou yo anonsé pouvoua-ou. **R:**
- ¹² Sé pou yo fè pitit moun yo konnin mèvèy ou yo,
 ak gloua grandè péyi roua-ou la.
- ¹³ Péyi roua-ou la sé péyi roua tout tan,
 kòmandman-ou nan pou jénérasyon ak jénérasyon. **R:**

- ¹⁷ Granmèt la kòrèk nan tout rout li yo,
li sin nan tout aksion-l yo.
- ¹⁸ Granmèt la tou pré tout moun k-ap rélé-l yo,
tout moun k-ap rélé-l nan vérité. **R**

ALÉLOUYA**Cf. Jan 15, 16**

R Alélouya. Mouin chouazi nou sot sou tè-a, pou nou alé,
pou nou donnin foui, pou foui nou-an diré, sé sa Granmèt la di. **R**
Alélouya.

ÉVANJIL*Rékòlt la anpil, min travayè yo sé yon ti kras yo yé.***✠ Léktu sint Évanjil la dapré Luk****10, 1-9**

Lè sa-a :

Granmèt la chouazi souasant-douz lòt ; li voyé yo dé pa dé dévan-l nan tout vil ak bouk koté li té gin pou-l alé.

Li t-ap di yo : « Rékòlt la anpil, min travayè yo sé yon ti kras yo yé. Priyé Granmèt rékòlt la, pou-l voyé travayè nan rékòlt li-a.

Alé : min mouin voyé nou tankou mouton nan pami lou. Pa poté sak, ni bous, ni sapat, pa salué pèsòn nan chémin.

Nan ninpòt kay nou antré, kòmansé di : “Lapè pou kay sa-a”. Si gin yon pitit lapè la, lapè nou-an ap pozé sou li ; otréman, l-ap tounin vi-n jouinn nou. Rété nan minm kay sa-a, manjé, bouè sa yo ginyin ; paské travayè-a mérité salè-l. Pa travèsé sot nan kay al nan kay. Nan ninpòt ki vil nou antré, épi yo résévoua nou, manjé sa yo poté ba nou, géri malad yo ki nan vil la, di yo : “Péyi roua Bondié-a tou pré nou” ».

Paròl Granmèt la.

19 oktòb

Ss. Jan de Brèbèf é Izaak Jòg, prèt, é konpagnon yo, mati

Mati o Kanada

Nan Komin mati yo, p. 1783 oubyin pastè yo (pou misionè yo), p. 1802.

PRÉMIÉ LÉKTU : 2 Korintyin 4, 7-15, p. 1792.

PSÒM RÉPONS : Psòm 125, 1-2 ab. 2 cd-3. 4-5. 6 (R : 5), p. 1791.

ALÉLOUYA : Matié 28, 19 a. 20 b, p. 1820.

ÉVANJIL : Matié 28, 16-20, p. 1823.

Minm jou 19 oktòb la

S. Pòl de la Koua, prèt

Nan Komin pastè yo, p. 1802 oubyin sin yo (pou rélijyé yo), p. 1852.

PRÉMIÉ LÉKTU : 1 Korintyin 1, 18-25, p. 1814.

PSÒM RÉPONS : Psòm 116, 1. 2 (R : Mk 16, 15), p. 1812.

ALÉLOUYA : Matié 5, 6, p. 1879.

ÉVANJIL : Matié 16, 24-27, p. 1884.

23 oktòb

S. Jan de Kapistran, prèt

Nan Komin pastè yo (pou misionè yo), p. 1802.

PRÉMIÉ LÉKTU : 2 Korintyin 5, 14-20, p. 1816.

PSÒM RÉPONS : Psòm 15, 1-2 a é 5. 7-8. 11 (R : 5 a), p. 1808.

ALÉLOUYA : Jan 8, 12, p. 1880.

ÉVANJIL : Luk 9, 57-62, p. 1895.

24 oktòb

S. Antoua-n Mari Klarè, évèk

Nan Komin pastè yo (pou misionè yo), p. 1802.

PRÉMIÉ LÉKTU : Izayi 52, 7-10, p. 1804.

PSÒM RÉPONS : Psòm 95, 1-2 a. 2 b-3. 7-8 a. 10 (R : 3), p. 1811.

ALÉLOUYA : Mark 1, 17, p. 1821.

ÉVANJIL : Mark 1, 14-20, p. 1824.

28 oktòb
SS. SIMON AK JUD, APOT
 Fèt

PRÉMIÉ LÉKTU

Nou bati sou fondasyon Apot yo.

Léktu lèt apot sin Pòl pou Éfézyin yo

2, 19-22

Frè-m yo :

Nou pa étranjé ak moun vini ankò, min nou sé sitouayin péyi sin yo, nou sé moun kay Bondié, nou bati sou fondasyon Apot yo ak profèt yo, ròch kouin ki anlè nèt la, sé Kris Jézu ; sé nan li tout kay la ki bati-a ap monté pou-l vi-n yon Tanp ki sin nan Granmèt la ; nan li nou minm tou yo bati nou ansanm ak lòt yo pou nou vi-n yon sèl kay Bondié nan Éspri-a.

Paròl Granmèt la.

PSÒM RÉPONS

Ps 18, 2-3. 4-5 (R: 5 a)

- R:** Sou tout tè-a boui voua yo maché alé.
- 2** Sièl yo ap rakonté gloua Bondié,
 travay min-l platfòm sièl la ap anonsé-l.
- 3** Jou ap déklaré paròl bay jou,
 nannuit ap montré sians bay nuit. **R:**
- 4** Pa gin langaj ni paròl
 pou yo pa konprann voua yo.
- 5** Sou tout tè-a boui voua yo maché alé,
 jous nan limit tè-a paròl yo rivé. **R:**

ALÉLOUYA

R: Alélouya. N-ap fè louanj ou, Bondié,
 n-ap fè konpliman pou ou, Granmèt ;
 foul Apot yo ki nan gloua-a ap fè louanj ou, Granmèt. **R:** Alélouya.

ÉVANJIL

Li chouazi douz nan yo, li rélé yo Apot.

✠ **Léktu sint Évanjil la dapré Luk** **6, 12-19**

Rivé, jou sa yo Jézu pati al sou mòn nan pou-l priyé, li pasé tout nuit la nan priyé Bondié.

Lè jou-a rivé, li rélé disip li yo, li chouazi douz nan yo, li rélé yo Apot : Simon, sa-l bay ti non Piè-a, avèk André, frè-l la, Jak ak Jan, Filip ak Bartélémi, Matié ak Toma, Jak pitit Alfé-a ak Simon, sa yo rélé moun cho-a, épi Jud pitit Jak la avèk Juda Iskariòt, sa-k té trèt la.

Pandan l-ap désann avèk yo, li kanpé nan plinn nan, té gin yon gran foul pèp ki soti nan tout Judé-a ak Jérusalèm ak réjion bò lanmè Tir ak Sidon, ki té vini pou yo kouté-l, pou-l géri yo sot nan maladi yo. Moun ki té gin éspri mové ap maltrété yo té géri tou.

Tout foul la t-ap chèché touché-l, paské té gin yon puisans ki t-ap soti nan li, ki t-ap géri tout moun.

Paròl Granmèt la.

Pou Mès votiv apot yo oubyin yon sèl apot, yo di léktu yo tankou pi ro-a.

NOVANM

Prémié novanm

TOUT SIN YO

Solanité

PRÉMIÉ LÉKTU

*Mouin ouè yon gran foul, pèsòn pa-t kapab konté-l,
yo té soti nan tout nasion, ras, pèp ak lang.*

Léktu liv Apokalips apot sin Jan

7, 2-4. 9-14

Mouin minm Jan, mouin ouè yon lòt anj k-ap monté olévan, li té gin sign Bondié vivan-an ; li t-ap rélé byin fò bay kat anj yo ki té résévoua pouvoua pou maltrété tè-a ak lanmè-a, li di : "Pa maltrété tè-a ak lanmè-a, ni pié boua yo, joustan nou maké sèvitè Bondié nou yo nan fron yo". Mouin tandé kantité moun ki maké yo : sankarant-kat-mil moun ki maké, nan tout ras pitit Israèl yo.

Apré sa, mouin ouè yon gran foul, pèsòn pa-t kapab konté-l, yo té soti nan tout kalité nasion, ras, pèp ak lang, yo té kanpé dévan tro-n nan ak dévan fas Mouton-an, yo té abiyé ak rad blan, yo té gin branch nan min yo, yo t-ap rélé byin fò, yo t-ap di : « Sé Bondié nou-an ki sové nou, li minm ki chita sou tro-n nan, épi Mouton-an ».

Tout anj yo té kanpé toutotou tro-n nan ak ansyin yo ak kat vivan yo ; yo lagé kò yo sou fas yo dévan tro-n nan, yo adoré Bondié, yo di : « Amèn. Bénédiksyon, gloua, sajès, rémèsiman. konsidérasion, pouvoua ak fòs pou Bondié nou-an pou tout tan k-ap gin tan. Amèn ».

Youn nan ansyin yo pran laparòl, li di-m : « Sa yo ki abiyé ak rad blan-an, kilès yo yé, épi koté yo soti ? »

Mouin di-l : « Monséyè, ou konnin ».

Li di-m : « Sa yo sé sa-k vi-n soti nan gran tribilasyon-an, yo lavé ròb yo, yo blanchi yo nan san Mouton-an ».

Paròl Granmèt la.

PSÒM RÉPONS

Ps 23, 1-2. 3-4 ab. 5-6 (R : 6)

R Sa-a, sé ras moun k-ap chèché fas ou yo, Granmèt.

- 1 Pou Granmèt la tè-a ak sa-k plin-l,
fas tè-a ak sa-k abité ladan-l.
- 2 Sèké sé li minm ki pozé-l sou lanmè yo,
ki rann li solid sou gran riviè yo. **R:**
- 3 Kilès k-ap monté sou mòn Granmèt la,
oubyin kilès k-ap kanpé nan anplasman li ki sin-an ?
- 4 Moun ki gin min-l inosan ak kè-l nèl,
ki pa nonmin non-l pou granmési. **R:**
- 5 Moun sa-a ap résévoua Bénédiksion nan min Granmèt la,
ak jistikasyon nan min Bondié sovè-l la.
- 6 Sa-a sé ras moun k-ap chèché-l yo,
k-ap chèché fas Bondié Jakòb la. **R:**

DÉZIÈM LÉKTU

N-ap ouè Bondié jan-l yé-a.

Léktu prémié lèt apot sin Jan

3, 1-3

Nou minm mouin rinmin anpil la :

Gadé ki kalité rinmin Papa-a gin pou nou : yo rélé nou pitit Bondié, épi sé sa nou yé. Sé pousa tè-a pa rékonèt nou, paské li pa rékonèt li.

Nou minm mouin rinmin anpil la, koulié-a nou sé pitit Bondié, min sa n-ap yé-a pa ko parèt. Nou konnin, lè l-ap parèt, n-ap sanblé ak li, paské n-ap ouè-l jan-l yé-a.

Tout moun ki gin éspérans sa-a nan li, li vi-n sin, minm jan sa-a sin-an.

Paròl Granmèt la.

ALÉLOUYA

Mt 11, 28

R: Alélouya. Vi-n jouinn mouin, nou tout k-ap rédi, k-ap poté chaj,
mouin minm m-ap réfè fòs nou, sé sa Granmèt la di. **R:** Alélouya.

ÉVANJIL

*Fè kè nou kontan, fété,
paské rékonpans nou anpil nan sièl yo.*

✠ Léktu sint Évanjil la dapré Matié

5, 1-12 a

Lè sa-a :

Jézu ouè foul yo, li monté sou mòn nan ; kon-l chita, disip li yo proché koté-l. Li louvri bouch li, li kòmansé ba yo ansègnman, li di :

« Ala kontantman pou moun ki pòv gras a éspri-a, paské sé pou yo minm péyi roua sièl yo yé.

Ala kontantman pou moun ki dou yo, paské yo minm y-ap posédé tè-a.

Ala kontantman pou moun ki nan lapinn yo, paské yo minm y-ap jouinn konsolasion.

Ala kontantman pou moun ki grangou, ki souaf jistis la, paské yo minm y-ap jouinn kont yo.

Ala kontantman pou moun ki gin mizérikòd yo, paské yo minm y-ap jouinn mizérikòd.

Ala kontantman pou moun ki san tach nan kè yo, paské yo minm y-ap ouè Bondié.

Ala kontantman pou moun k-ap travay pou lapè, paské y-ap rélé yo pitit Bondié.

Ala kontantman pou moun k-ap souffri pèsékision poutèt jistis la, paské sé pou yo péyi roua sièl yo yé.

Ala kontantman pou nou, lè y-ap madichonnin nou, lè y-ap pèsékité nou, lè y-ap di tout kalité sa-k mal kont nou, antan y-ap fè manti poutèt mouin : fè kè nou kontan, fété, paské rékonpans nou anpil nan sièl yo ».

Paròl Granmèt la.

2 novanm

NAN SOUVNI TOUT FIDÈL DÉFIN YO

N-a pran léktu yo nan pami léktu pou Mès défin yo, p. 2549.

3 novanm

S. Martin de Porès, rélijé

Nan Komin sin yo (pou rélijé yo), p. 1852.

PRÉMIÉ LÉKTU : Filipyin 4, 4-9, p. 1873.

PSÒM RÉPONS : Ps 130, 1. 2. 3, p. 1867.

ALÉLOUYA : Jan 13, 34, p. 1880.

ÉVANJIL : Matié 22, 34-40, p. 1886.

4 novanm

S. Charl Boromé, évèk

Mémoua

Nan Komin pastè yo, p. 1802.

PRÉMIÉ LÉKTU : Rom 12, 3-13, p. 1813.

PSÒM RÉPONS : Psòm 88, 2-3. 4-5. 21-22. 25 é 27 (R : cf. 2 a), p. 1810.

ALÉLOUYA : Jan 10, 14, p. 1821.

ÉVANJIL : Jan 10, 11-16, p. 1827.

9 novanm

NAN KONSÉKRASION BAZILIK LATRAN-AN

Fèt

Nan pròp bazilik-la yo pran Mès nan Komin Dédikas Égliz yo, p. 1749.

PRÉMIÉ LÉKTU : Ézékièl 47, 1-2. 8-9. 12, p. 1751.

PSÒM RÉPONS : Psòm 45, 2-3. 4-5. 8-9 (R : 5), p. 1754.

DÉZIÈM LÉKTU : 1 Korintyin 3, 9 c-11. 16-17, p. 1756.

ALÉLOUYA : 2 Kronik 7, 16, p. 1758.

ÉVANJIL : Jan 2, 13-22, p. 1760.

10 novanm

S. Léon le Gran, pap é savan sakré Égliz la
Mémoua

Nan Komin pastè yo (pou yon Pap), p. 1802 oubyin savan sakré Égliz la, p. 1829.

PRÉMIÉ LÉKTU : Sirasid 39, 8-14, p. 1830.

PSÒM RÉPONS : Psòm 36, 3-4. 5-6. 30-31 (R : 30 a), p. 1832.

ALÉLOUYA : Mark 1, 17, p. 1821.

ÉVANJIL : Matié 16, 13-19, p. 1822.

11 novanm

S. Martin, évèk
Mémoua

Nan Komin pastè yo, p. 1802 oubyin sin yo (pou rélijyé yo), p. 1852.

PRÉMIÉ LÉKTU : Izayi 61, 1-3 a, p. 1805.

PSÒM RÉPONS : Psòm 88, 2-3. 4-5. 21-22. 25 é 27 (R : cf. 2 a), p. 1810.

ALÉLOUYA : Jan 13, 34, p. 1880.

ÉVANJIL : Matié 25, 31-40, p. 1890.

12 novanm

S. Jozafa, évèk é mati
Mémoua

Nan Komin mati yo, p. 1783 oubyin pastè yo, p. 1802.

PRÉMIÉ LÉKTU : Éfézyin 4, 1-7. 11-13, p. 1817.

PSÒM RÉPONS : Psòm 1, 1-2. 3-4. 5-7 a. 7 b-8. 9 (R : 1 a), p. 1863.

ALÉLOUYA : Jan 15, 9 b. 5 b, p. 1881.

ÉVANJIL : Jan 17, 20-26, p. 1899.

15 novanm

S. Albè le Gran, évèk é savan sakré Égliz la

Nan Komin pastè yo, p. 1802 oubyin savan sakré Égliz la, p. 1829.

PRÉMIÉ LÉKTU : Sirasid 15, 1-6, p. 1830.

PSÒM RÉPONS : Psòm 118, 9. 10. 11. 12. 13. 14 (R: 12 b), p. 1833.

ALÉLOUYA : Cf. Travay Apot yo 16, 14 b, p. 1838.

ÉVANJIL : Matié 13, 47-52, p. 1840.

16 novanm
S. Magérit d-Ékòs

Nan Komin sint yo (pou sa-k té réalizé aksion mizérikòd), p. 1852.

PRÉMIÉ LÉKTU : Izayi 58, 6-11, p. 1859.

PSÒM RÉPONS : Psòm 111, 1-2. 3-4. 5-7 a. 7 b-8. 9 (R: 1 a), p. 1866.

ALÉLOUYA : Jan 13, 34, p. 1880.

ÉVANJIL : Jan 15, 9-17, p. 1898.

Minm jou 16 novanm nan
S. Jèrtrud, vièj

Nan Komin vièj yo, p. 1844 oubyin sint yo (pou rélijyé yo), p. 1852.

PRÉMIÉ LÉKTU : Éfézyin 3, 14-19, p. 1872.

PSÒM RÉPONS : Psòm 22, 1-3. 4. 5. 6 (R: 1), p. 1864.

ALÉLOUYA : Jan 15, 9 b. 5 b, p. 1881.

ÉVANJIL : Jan 15, 1-8, p. 1898.

17 novanm
S. Élizabèt de Ongri
Mémoua

Nan Komin sint yo (pou sa-k té réalizé aksion mizérikòd), p. 1852.

PRÉMIÉ LÉKTU : 1 Jan 3, 14-18, p. 1877.

PSÒM RÉPONS : Psòm 33, 2-3. 4-5. 6-7. 8-9. 10-11 (R: 2 a), p. 1865.

ALÉLOUYA : Jan 13, 34, p. 1880.

ÉVANJIL : Luk 6, 27-38, p. 1894.

18 novanm
Dédikas Bazilik S. Piè é Pòl, apot

Lektu mémoua sa-a spésial.

PRÉMIÉ LÉKTU

Sé konsa nou rivé Ròm.

Léktu Travay Apot yo

28, 11-16. 30-31

Apré toua moua, nou vouayajé nan yon batiman aléksandrin, ki té mouyé sou zilé Malt la, pandan tan frèt la ; li té gin drapo Kastòr yo. Lè nou rivé Sirakuz, nou rété la toua jou. Nou lonjé bò lanmè-a, nou rivé Réjio, épi apré yon jou, van nan-sid la souflé, nou rivé Pouzòl nan landmin ; nou jouinn frè yo la, yo mandé nou pou nou pasé sèt jou lakay yo, sé konsa nou rivé Ròm.

Frè yo ki té nan vil Ròm nan, lè yo tandé nouvèl la, yo kouri vi-n rankontré nou jous nan maché Apius la ak nan Toua-Tant yo ; Lè Pòl ouè yo, li di Bondié mèsè, li pran kouraj.

Lè nou rivé Ròm, yo bay Pòl pèmision pou-l rété pou kont li ansanm ak sòlda-a ki t-ap sivéyè-l la.

Li rété dézan antié nan kay la li té loué-a ; li té konn résévoua tout moun ki té vi-n jouinn li, li t-ap préché péyi roua Bondié-a, li t-ap bay ansègnman sou Granmèt Jézu-Kri avèk asirans, san anpéchman.

Paròl Granmèt la.

PSÒM RÉPONS

Ps 97, 1. 2-3 ab. 3 c-4. 5-6 (R: 2 b)

R: Dévan fas nasion yo, Granmèt la révélé jistis li-a.

- 1** Chanté yon kantik nouvo pou Granmèt la,
 paské li fè mèvèy ;
 min douat li sové pou li,
 ak bra li ki sin-an. **R:**
- 2** Granmèt la fè konnin sové li sové nou-an,
 nan fas nasion yo li révélé jistis li-a.
- 3** Li fè sonjé mizérikòd li-a
 ak vérité-l la pou kay Israèl la. **R:**

Tout limit tè-a ap ouè
 sové Bondié nou-an sové nou.

4 Sonnin tronpèt pou Bondié, tout tè-a,
 éklaté, fété, chanté. **R**

5 Chanté pou Granmèt la sou gita,
 sou gita ak chanté Psòm ;

6 sonnin tronpèt ak kòn,
 sonnin kléron dévan Granmèt la ki roua-a. **R**

ALÉLOUYA

R Alélouya. N-ap fè louanj ou, Bondié,
 n-ap fè konpliman pou ou, Granmèt ;
 foul Apot yo ki nan gloua-a ap fè louanj ou, Granmèt. **R** Alélouya.

ÉVANJIL

Pasé-m lòd pou-m vi-n jouinn ou sou dlo yo.

✠ Léktu sint Évanjil la dapré Matié 14, 22-33

Lè foul la fi-n manjé kont kò-l, minm lè-a Jézu fòsé disip yo pou yo monté nan batiman-an, pou yo pran dévan-l al lòt bò lanmè-a, joustan l-a fi-n ranvouayé foul yo. Lè-l fi-n ranvouayé foul la, li monté sou mòn nan pou kont li pou-l priyé. Asouè rivé, li té pou kont li la.

Batiman-an minm té nan mitan lanmè-a, lanm yo t-ap sakajé-l ; sèké té gin van ki t-ap vini an fas.

Vè touazè dimatin, li rivé sou yo, l-ap maché sou lanmè-a.

Lè yo ouè-l ap maché sou lanmè-a, yo sézi, yo t-ap di : « Sé yon éspri » ; yo rélé, tèlman yo té pè.

Minm lè-a, Jézu palé avèk yo, li di : « Pran konfians, sé mouin minm, pa pè ».

Piè minm pran laparòl, li di : « Granmèt, si sé ou minm, pasé-m lòd pou-m vi-n jouinn ou sou dlo yo ».

Li di : « Vini ». Piè minm désann sot nan batiman-an, li kòmansé maché sou dlo-a pou-l vi-n jouinn Jézu.

Lè-l ouè van-an té rèd, li vi-n pè, épi kòm li kòmansé koulé, li rélé, li di : « Granmèt, sové-m ».

Minnm lè-a Jézu lonjé min-l, li pran-l, li di-l : « Lafoua-ou fèb, pouki ou té fè dout ? » Kon yo monté nan batiman-an, van-an sispann.

Sa-k té nan batiman yo, yo proché, yo adoré-l, yo di : « Réyéلمان ou sé Pitit Bondié-a ».

Paròl Granmèt la.

21 novanm

Nan prézantasion sint Vièj Mari

Mémoua

Nan Komin Sint Vièj Mari, p. 1762.

PRÉMIÉ LÉKTU : Zakari 2, 14-17, p. 1767.

PSÒM RÉPONS : Luk 1, 46-55, p. 1772.

ALÉLOUYA : Luk 11, 28, p. 1775.

ÉVANJIL : Matié 12, 46-50, p. 1777.

22 novanm

S. Sésil, vièj é mati

Mémoua

Nan Komin mati yo, p. 1783 oubyin vièj yo, p. 1844.

PRÉMIÉ LÉKTU : Ozé 2, 16 b. 17 b. 21-22, p. 1844.

PSÒM RÉPONS : Psòm 44, 11-12. 14-15. 16-17, p. 1846.

ALÉLOUYA : Sa-a sé vièj saj la..., p. 1848.

ÉVANJIL : Matié 25, 1-13, p. 1850.

23 novanm

S. Kléman prémié, pap é mati

Nan Komin mati yo, p. 1783 oubyin pastè yo (pou yon Pap), p. 1802.

PRÉMIÉ LÉKTU : 1 Piè 5, 1-4, p. 1820.

PSÒM RÉPONS : Psòm 88, 2-3. 4-5. 21-22. 25 é 27 (R : 2 a) , p. 1810.

ALÉLOUYA : Mark 1, 17, p. 1821.

ÉVANJIL : Matié 16, 13-19, p. 1822.

Minm jou 23 novanm nan

S. Kolonban, abé

Nan Komin pastè yo (pou misionè yo), p. 1802 oubyin sin yo (pou rélijyé yo), p. 1852.

PRÉMIÉ LÉKTU : Izayi 52, 7-10, p. 1804.

PSÒM RÉPONS : Psòm 95, 1-2 a. 2 b-3. 7-8 a. 10 (R : 3), p. 1811.

ALÉLOUYA : Jan 8, 12, p. 1880.

ÉVANJIL : Luk 9, 57-62, p. 1895.

24 novanm

S. André Dung Lac, prèt, ak konpagnon-l yo, mati

Mémoua

Mati nan Viêtnam

Nan Komin mati yo, p. 1783.

25 novanm

S. Katri-n d-Aléksandri, vièj ak mati

Nan Komin mati yo, p. 1783 oubyin vièj yo, p. 1844.

30 novanm
S. ANDRÉ, APOT
 Fèt

PRÉMIÉ LÉKTU

*Lafoua-a vi-n sot nan sa yo tandé-a, sa yo tandé-a minm,
 sé pa lintèmédiè paròl Kris la.*

Léktu lèt apot sin Pòl pou Romin yo

10, 9-18

Si ou rékonèt ak bouch ou Jézu sé Granmèt, épi si-ou kouè nan kè-ou Bondié résisité-l sot nan pami mò yo, ou-ap sové. Moun ki kouè ak kè-l, sé pou jistis la ; moun ki rékonèt ak bouch li, sé pou sové l-ap sové-a.

Sa-k ékri-a di : « Tout moun ki kouè nan li, yo pap ront ».

Nan pouin distinksiyon Juif ak Grèk, paské sé yon sèl Granmèt tout moun, ki fè anpil gras pou tout moun ki rélé-l yo. « Sèké ninpòt ki moun ki rélé non Granmèt la, l-ap sové ».

Min, kijan pou yo priyé sa-a yo pa kouè nan li-a ? Oubyin kijan pou yo kouè nan sa-a yo pa tandé sou li-a ? Kijan pou yo fè tandé, si pa gin moun ki préché ? Kijan pou yo préché, si yo pa voyé yo ? dapré sa sa-k ékri-a di-a : « Ala bèl yo bèl, pié mèsajé bòn nouvèl lapè-a, mèsajé bòn nouvèl byin yo ! »

Min sé pa yo tout ki obéyi Bòn Nouvèl la ; sèké Izayi di : « Granmèt, kilès ki té kouè mèsaj nou-an ? » Konsa lafoua-a rivé nan sa yo tandé-a, épi sa yo tandé-a, sé pa lintèmédiè paròl Kris la.

Min mouin di : « Èské yo pa-t tandé ? » Min oui, « sou tout tè-a mèsaj yo gayé, paròl yo jous nan bout fas tè-a ».

Paròl Granmèt la.

PSÒM RÉPONS

Ps 18, 2-3. 4-5 (R: 5 a)

- R: Sou tout tè-a yo tandé voua yo.
- 2 Sièl yo ap rakonté gloua Bondié,
 travay min-l, platfòm sièl la ap anonsé-l.
- 3 Jou ap déklaré paròl bay jou,
 nuit ap montré sians bay nuit. R:

- 4 Pa gin langaj ni paròl,
pou yo pa konprann voua yo.
- 5 Sou tout tè-a boui voua yo soti,
jous nan limit tè-a paròl yo rivé. **R:**

ALÉLOUYA

Mt 4, 19

R: Alélouya. Vini apré-m, sé sa Granmèt la di,
m-ap fè nou al lapèch moun. **R:** Alélouya.

ÉVANJIL

Yo minm, minm lè-a, yo kité filè yo, yo suiv li.

✠ Léktu sint Évanjil la dapré Matié

4, 18-22

Lè sa-a :

Jézu t-ap maché bò lanmè Galilé-a, li ouè dé frè, Simon, sa yo rélé Piè-a, épi André, frè-l la, yo t-ap voyé filè nan lanmè-a ; sé péchè pouason yo té yé.

Li di yo : « Vini apré-m, m-ap fè nou al lapèch moun ».

Yo minm, minm lè-a, yo kité filè yo, yo suiv li. Li kontinié pi louin, li ouè dé lòt frè, Jak, pitit Zébédé-a, avèk Jan, frè-l la, yo té nan kannòt la avèk Zébédé, papa yo, yo t-ap rapiésé filè yo ; li rélé yo.

Yo minm, minm lè-a, yo kité filè yo ak papa-a ; yo suiv li.

Paròl Granmèt la.

DÉSANNM

3 désannm

S. Fransoua Gzavié, prèt

Mémoua

Nan Komin pastè yo (pou misionè yo), p. 1802.

PRÉMIÉ LÉKTU : 1 Korintyin 9, 16-19. 22-23, p. 1815.

PSÒM RÉPONS : Psòm 116, 1. 2, p. 1812.

ALÉLOUYA : Matié 28, 19 a. 20 b, p. 1820.

ÉVANJIL : Mark 16, 15-20, p. 1824.

4 désannm

S. Jan Damasèn, prèt é savan sakré Égliz la

Nan Komin pastè yo, p. 1802 oubyin savan sakré Égliz la, p. 1829.

PRÉMIÉ LÉKTU : 2 Timoté 1, 13-14 ; 2, 1-3, p. 1819.

PSÒM RÉPONS : Psòm 18, 8. 9. 10. 11 (R : 6, 64 b), p. 1832.

ALÉLOUYA : Jan 14, 23, p. 1880.

ÉVANJIL : Matié 25, 14-30, p. 1887.

6 désannm

S. Nikola, évèk

Nan Komin pastè yo, p. 1802.

PRÉMIÉ LÉKTU : Izayi 6, 1-8, p. 1804.

PSÒM RÉPONS : Psòm 39, 2 é 4 ab. 7-8 a. 8 b-9. 10 (R : 8 a é 9 a), p. 1809.

ALÉLOUYA : Luk 4, 18, p. 1821.

ÉVANJIL : Luk 10, 1-9, p. 1825.

7 désannm

S. Anbouaz, évèk é savan sakré Égliz la

Mémoua

Nan Komin pastè yo, p. 1802 oubyin savan sakré Égliz la, p. 1829.

PRÉMIÉ LÉKTU : Éfézyin 3, 8-12, p. 1835.

PSÒM RÉPONS : Psòm 88, 2-3. 4-5. 21-22. 25 é 27 (R : cf. 2 a), p. 1810.

ALÉLOUYA : Jan 10, 14, p. 1821.

ÉVANJIL : Jan 10, 11-16, p. 1827.

8 désannm
NAN IMAKILÉ KONSÉPSION SINT VIÈJ MARI
 Solanité

PRÉMIÉ LÉKTU

M-ap pozé rayisans ant ras ou ak ras madannm nan.

Léktu liv Jénèz la

3, 9-15. 20

Lè Adan fi-n manjé nan pié boua-a, Granmèt Bondié rélé-l, li di-l :
 « Koté-ou ? »

Adan di : « Mouin té tandé voua-ou nan paradi-a, mouin té pè, paské mouin té nu-kò, mouin kaché kò-m ».

Bondié di : « Ébyin kilès ki té montré-ou ou té nu-kò, sinon paské ou manjé nan pié boua-a, sa-m té pasé-ou lòd pou-ou pa-t manjé ladan-l nan ? »

Adan di : « Sé madannm nan ou té ban mouin kòm asosié-a, sé li minm ki ban-m nan pié boua-a, épi mouin manjé ».

Granmèt Bondié di madannm nan : « Pouki ou fè sa ? »

Li réponn : « Sé sèpan-an ki tronpé-m, épi mouin manjé ».

Granmèt Bondié di sèpan-an : « Poutèt sa ou fè-a, ou madichonnin nan tout vivan ak tout bèt ki sou tè-a : sou vant ou ou-ap maché, épi sé tè ou-ap manjé pandan tout tan lavi-ou. M-ap mété rayisans ant ou minm ak madannm nan, ant ras ou ak ras li ; li minm l-ap krazé tèt ou, ou minm ou-ap mét pièj nan talon-l ».

Paròl Granmèt la.

PSÒM RÉPONS

Ps 97, 1. 2-3 ab. 3 c-4 (R: 1 a)

R: Chanté yon kantik nouvo pou Granmèt la, paské li fè mèvèy.

- ¹ Chanté yon kantik nouvo pou Granmèt la,
 paské li fè mèvèy.
 Min douat li sovè pou li,
 ak bra li ki sin-an. **R:**

- 2 Granmèt la fè konnin sovè li sovè nou-an,
dèvan fas nasion yo li révéle jistis li.
- 3 Li sonjé mizèrikòd li
ak vérité-l pou kay Israèl. **R:**
Tout limit tè-a ap ouè
sovè Bondié nou-an sovè nou.
- 4 Bat bravo pou Bondié, tout tè-a,
éklaté, dansé, chanté. **R:**

DÉZIÈM LÉKTU

Bondié té chouazi nou nan Kris la anvan tè-a té fèt.

Léktu lèt apot sin Pòl pou Éfézyin yo

1, 3-6. 11-12

Konpliman pou Bondié, Papa Granmèt nou Jézu-Kri, li minm ki béni nou nan tout bénédikcion Éspri-a nan sièl la nan Kris la ; sé konsa li té chouazi nou nan li anvan tè-a té fèt, pou nou té kapab sin, san tach dèvan fas li nan rinmin-an ; li minm ki té déstiné nou davans pou nou té vi-n tounin pitit adoptif pa lintèmediè Jézu-Kri pou li minm, dapré désizion volonté-l, pou louanj gloua gras li-a, sa-l fè nou jouinn nan Pitit li-a li rinmin-an.

Sé nan li minm minm yo té rélé nou kòm éritié, nou minm yo té mété apa dépi davans, sèlon désizion-l k-ap kondui tout bagay sèlon plan volonté li-a, pou nou vi-n sèvi louanj gloua li, nou minm ki t-ap éspéré davans nan Kris la.

Paròl Granmèt la.

ALÉLOUYA

Cf. Lk 1, 28

R: Alélouya. Salu, Mari, plin lagras. Granmèt la avèk ou ;
ou béni nan pami tout fi. **R:** Alélouya.

ÉVANJIL

Salu, plin lagras, Granmèt la avèk ou.

✠ **Léktu sint Évanjil la dapré Luk**

1, 26-38

Lè sa-a :

Bondié voyé anj Gabrièl nan yon vil Galilé, yo rélé Nazarèt, kot yon vièj ki té fiancé ak yon mésié, yo rélé Jozèf, nan ras David, non vièj la sé té Mari.

Anj la antré koté-l, li di : « Salu, plin lagras, Granmèt la avèk ou, ou béni nan pami tout fi ».

Lè-l tandé sa, li troublé poutèt paròl anj la, li t-ap kalkilé ki kalité mòd salué sa-a.

Anj la di-l : « Pa pè, Mari ; ou jouinn gras kot Bondié : min ou-ap ansint ou-ap fè yon ti gason, ou-ap rélé non-l Jézu. L-ap gran, y-ap rélé-l Pitit Sa-a ki anro nèt la, Granmèt Bondié ap ba-l tro-n David papa-l, l-ap kòmandé kòm roua nan ras Jakòb la pou tout tan, péyi roua-l la pap janm fini ».

Mari minm di Anj la : « Kijan sa ap fèt, paské lèzòm mouin pa konnin ? »

Anj la réponn, li di-l : « Sé Éspri Sin-an k-ap vi-n désann nan ou, fòs Sa-a ki anro nèt la ap kouvri-ou ak lonbraj li. Sé poua, sa-a k-ap fèt sot nan ou-a, sin-an, y-ap rélé-l Pitit Bondié. Gadé Élizabèt, kouzi-n ou-an, li minm tou li ansint yon ti gason pandan-l tou vié-a ; moua sa-a sé sizièm nan, pou sa-a yo rélé pa ka fè pitit la ; sèké pa gin anyin ki inposib kot Bondié ».

Mari minm di : « Min sèvant Granmèt la ; sé pou sa fèt pou mouin dapré paròl ou-a ». Épi Anj la kité-l.

Paròl Granmèt la.

9 désanm

S. Jan Diégo Kouaoutlatoatzin

Nan Komin sin yo, p. 1852.

11 désanm

S. Damaz prémié, pap

Nan Komin pastè yo (pou yon Pap), p. 1802.

PRÉMIÉ LÉKTU : Travay Apot yo 20, 17-18 a. 28-32. 36, p. 1807.

PSÒM RÉPONS : Psòm 109, 1. 2. 3. 4 (R : 4 bc), p. 1812.

ALÉLOUYA : Jan 15, 15 b, p. 1821.

ÉVANJIL : Jan 15, 9-17, p. 1827.

12 désanm

Sint Vièj Mari de Gouadaloupé

Nan Komin Sint Vièj Mari, p. 1762.

13 désanm

S. Lusi, vièj é mati

Mémoua

Nan Komin mati yo, p. 1783 oubyin vièj yo, p. 1844.

PRÉMIÉ LÉKTU : 2 Korintyin 10, 17-11, 2, p. 1848.

PSÒM RÉPONS : Psòm 30, 3 cd-4. 6 é 8 ab. 16 bc-17 (R : 6 a), p. 1789.

ALÉLOUYA : Sa-a sé vièj saj la..., p. 1848, 2.

ÉVANJIL : Matié 25,1-13, p. 1850.

14 désanm

S. Jan de la Koua, prêt é savan sakré Égliz la

Mémoua

Nan Komin pastè yo, p. 1802 oubyin savan sakré Égliz la, p. 1829.

PRÉMIÉ LÉKTU : 1 Korintyin 2, 1-10 a, p. 1834.

PSÒM RÉPONS : Psòm 36, 3-4. 5-6. 30-31 (R : 30 a), p. 1832.

ALÉLOUYA : Matié 5, 3, p. 1878.

ÉVANJIL : Luk 14, 25-33, p. 1897.

21 désanm

S. Piè Kanizius, prèt é savan sakré Égliz la

Nan Komin pastè yo, p. 1802 oubyin savan sakré Égliz la, p. 1829.

PRÉMIÉ LÉKTU : 2 Timoté 4, 1-5, p. 1819.

PSÒM RÉPONS : Psòm 39, 2 é 4 ab. 7-8 a. 8 b-9. 10 (R : 8 a é 9 a), p. 1809.

ALÉLOUYA : Matié 5, 16, p. 1837.

ÉVANJIL : Matié 5, 13-19, p. 1839.

23 désanm

S. Jan de Kenti, prèt

Nan Komin pastè yo (pou sa-k té réalizé aksion mizérikòd yo), p. 1802.

PRÉMIÉ LÉKTU : Jak 2, 14-17, p. 1875.

PSÒM RÉPONS : Psòm 111, 1-2. 3-4. 5-7 a. 7 b-8. 9 (R : 1 a), p. 1866.

ALÉLOUYA : Jan 13, 34, p. 1880.

ÉVANJIL : Luk 6, 27-38, p. 1894.

26 désanm
S. ÉTIÈN, PRÉMIÉ MATI
 Fèt

PRÉMIÉ LÉKTU

Min mouin ouè sièl yo louvri.

Léktu Travay Apot yo

6, 8-10 ; 7, 54-59

Jou sa yo :

Étièn té plin gras ak fòs, li t-ap fè anpil prodij ak sign nan pèp la. Gin kèk ki lévé, yo té fè pati nan sinagòg sa yo rélé ésklav libéré yo, Sirénéyin yo ak Aléksandrin yo, ak sa ki té nan Silisi ak Azi yo, yo t-ap diskité avèk Étièn. Yo pa-t kapab rézisté sajès la ak Éspri-a ki t-ap palé-a.

Lè yo tandé bagay sa yo, yo t-ap fè kè yo vi-n du kont li, yo t-ap séré dan kont li.

Li minm li té plin ak Éspri Sin-an, li fikse sièl la, li ouè gloua Bondié-a ak Jézu ki kanpé adouat Bondié, li di : « Mouin ouè sièl yo louvri, ak Pitit moun nan ki kanpé adouat Bondié ».

Yo lévé voua yo byin fò, yo fèmin zòrèy yo, yo fonsé ansanm sou li. Yo jété-l déyò vi-l la, yo kòmansé kalonnin-l ak kout ròch. Témouin yo té déposé rad yo nan pié yon jénòm yo té rélé Sòl.

Pandan yo t-ap kalonnin-l ak kout ròch, Étièn t-ap priyé, li t-ap di : « Granmèt, résévoua éspri-m ». Li mété jénou-l atè, li rélé byin fò antan-l di : « Granmèt pa mété péché sa-a sou kont yo ».

Pandan l-ap di sa, li dòmi nan Granmèt la.

Paròl Granmèt la.

PSÒM RÉPONS

Ps 30, 3 cd-4. 6 é 8 ab. 16 bc-17 (R : 6 a)

- R** Sé nan min-ou, Granmèt, mouin rinmèt éspri-m.
- 3** Sé pou-ou sèvi-m yon ròch kachèt ak yon kay défans pou-ou sové-m.
- 4** Paské fòs mouin ak kachèt mouin sé ou minm, poutèt non-ou ou-a kondui-m, ou-a souin-m. **R**
- 6** Sé nan min-ou mouin rinmèt éspri-m ; ou rachté-m, Granmèt, Bondié vérité-a.

- 8 M-ap fété, m-ap kontan nan mizérikòd ou-a,
paské ou voyé jé sou rabésman-m nan. **R:**
- 16 Délivré-m sot nan min ènmi-m yo
ak sa k-ap pèsékité-m yo ;
- 17 Kléré fas ou sou sèvitè-ou la,
Sové-m nan mizérikòd ou-a. **R:**

ALÉLOUYA

Ps 117, 26 a é 27 a

R: Alélouya. Konpliman pou sa-a k-ap vini o non Granmèt la ;
Bondié Granmèt la, li kléré nou. **R:** Alélouya.

ÉVANJIL

*Sé pa nou minm k-ap palé,
min sé Éspri Papa nou-an.*

✠ Léktu sint Évanjil la dapré Matié

10, 17-22

Lè sa-a : Jézu di Apot li yo :

« Atansion moun yo ; y-ap rinmèt nou nan tribinal yo, y-ap bat nou nan sinagòg yo, y-ap kondui nou dévan préfè ak roua yo poutèt mouin, kòm témouagnaj pou yo ak pou nasion yo. Lè yo rinmèt nou, pa réfléchi ki fason oubyin ki sa n-ap di ; y-ap ba nou nan lè sa-a minm sa pou nou di.

Sèké sé pa nou minm k-ap palé, min Éspri Papa nou k-ap palé nan nou. Frè ap rinmèt frè nan lanmò, ni papa ap rinmèt pitit, pitit ap lévé kont paran yo, y-ap fè touyé yo, tout moun ap rayi nou poutèt non mouin ; min moun k-ap pèsévére jous nan finisman, sé li minm k-ap sové ».

Paròl Granmèt la.

27 désanm
S. JAN, APOT É ÉVANJÉLIS
 Fèt

PRÉMIÉ LÉKTU

Sa nou ouè-a ak sa nou tandé-a, nou anonsé nou li.

Kòmansman premié lèt apot sin Jan

1, 1-4

Nou minm mouin rinmin anpil la :

Sa-k té nan kòmansman-an, sa nou té tandé-a, sa nou té ouè ak jé nou yo, sa nou té konsidéré-a, sa min nou té touché-a nan paròl lavi-a ; Lavi-a manifésté, nou ouè, nou sèvi témouin, nou anonsé nou lavi tout tan-an, ki té kot Papa-a épi ki parèt dévan nou-an. Sa nou ouè-a, nou tandé-a, nou anonsé-l ba nou, pou nou kapab gin patispasion avèk nou, pou patispasion nou avèk Papa-a avèk Pitit li-a, Jézu-Kri.

Nou ékri nou bagay sa yo pou nou gin kè kontan, pou kè kontan nou-an plin nèt.

Paròl Granmèt la.

PSÒM RÉPONS

Ps 96, 1-2. 5-6. 11-12 (R : 12 a)

R Fété nan Granmèt la, nou minm ki kòrèk yo.

¹ Granmèt la roua, tè-a fété,
 pakèt zilé yo kontan.

² Nuaj yo ak bouya antouré-l,
 jistis ak jijman sé platfòm tro-n li.

⁵ Mòn yo fonn tankou lasi dévan fas Granmèt la,
 dévan fas Granmèt tout tè-a.

⁶ Sièl yo anonsé jistis li, tout pèp yo ouè gloua-l. **R**

¹¹ Limiè-a lévé pou moun ki kòrèk la,
 ak kè kontan pou kè ki douat yo,

¹² Sé pou nou kontan nan Granmèt la, nou minm ki kòrèk yo,
 fè konpliman pou souvni-l ki sin. **R**

ALÉLOUYA

✠ Alélouya. N-ap fè louanj ou, Bondié,
 n-ap fè konpliman pou ou Granmèt ;
 foul Apot yo ki nan gloua-a ap fè louanj ou, Granmèt. ✠ Alélouya.

ÉVANJIL

*Lòt disip sa-a kouri dévan pi vit pasé Piè,
 li rivé an premié bò kavo-a.*

✠ Léktu sint Évanjil la dapré Jan 20, 2-8

Premié jou sémèn nan, Mari Madlèn kouri vi-n kot Simon Piè ak lòt disip la, sa Jézu té rinmin-an, li di yo : « Yo lévé Granmèt la sot nan kavo-a, nou pa konnin koté yo dépozé-l ».

Piè sòti, ni lòt disip sa-a, yo rivé kot kavo-a. Yo t-ap kouri yo tou lé dé ansanm, lòt disip sa-a té kouri pi vit pasé Piè, li rivé an premié nan kavo-a. Lè-l panché, li ouè bann toual yo ki pozé atè-a ; min li pa antré. Simon ki t-ap suiv li vi-n rivé tou, li antré nan kavo-a, li ouè bann toual yo ki pozé atè-a, ak mouchoua ki té sou tèt li-a, min ki pa-t pozé avèk bann toual yo, min ki té vlopé apa nan minm koté-a.

Lè sa-a atò lòt disip sa-a antré, li minm ki té vi-n an premié bò kavo-a, li ouè, li kouè.

Paròl Granmèt la.

28 désanm
SS. INOSAN YO, MATI
 Fèt

PRÉMIÉ LÉKTU

San Jézu-Kri pròpté nou sot nan tout péché.

Léktu prémié lèt apot sin Jan

1, 5-2, 2

Nou minm mouin rinmin anpil la :

Min mésaj la nou té tandé sot nan Jézu-Kri-a épi nou té anonsé nou-an : Bondié sé limiè, pa gin okinn fènoua nan li. Si nou di nou an kominion avèk li épi n-ap maché nan fènoua, nou fè manti, nou pa fè vérité ; min si n-ap maché nan limiè, minm jan li minm li nan limiè-a, nou an kominion youn ak lòt, épi san Jézu-Kri, Pitit li-a, pròpté nou sot nan tout péché.

Si nou di nou pa gin péché, nou tronpé pròp tèt nou, vérité-a pa nan nou. Si nou konfésé péché nou yo, li fidèl, li kòrèk, pou-l padonnin nou péché nou yo, pou-l pròpté nou sot nan tout fot. Si nou di nou pa fè péché, nou fè-l tounin mantè, épi paròl li-a pa nan nou.

Ti pitit mouin yo, mouin ékri nou sa pou nou pa fè péché ; min si yon moun fè péché, nou gin yon avoka kot Papa-a, Jézu-Kri ki kòrèk la, épi li minm li sé padon pou péché nou yo ; pa pou péché nou yo sèlman, min pou péché tout tè-a tou.

Paròl Granmèt la.

PSÒM RÉPONS

Ps 123, 2-3. 4-5. 7 b-8 (R: 7 a)

- R:** Nan nou tankou yon zouazo ki chapé sot nan pièj chasè yo.
- 2** Si Granmèt la pa-t nan nou,
 lè moun yo lévé kont nou-an,
- 3** Pètèt sé tou vivan yo t-ap valé nou,
 lè raj yo t-ap boulé kont nou-an. **R:**
- 4** Pètèt dlo-a t-ap nouayé nou,
 riviè-a t-ap pasé anlè tèt nou,
- 5** pétèt yo t-ap pasé anlè tèt nou,
 dlo yo k-ap bouyi yo. **R:**

- 7 Pièj la krazé,
nou minm nou chapé,
8 Sèkou nou o non Granmèt la,
ki fè sièl la ak tè-a. **R:**

ALÉLOUYA

R: Alélouya. N-ap fè louanj ou Bondié,
n-ap fè konpliman pou ou Granmèt ;
lamé mati-ou yo ki tout an blan yo, y-ap fè louanj ou, Granmèt. **R:**
Alélouya.

ÉVANJIL

*Èròd touyé tout ti gason,
ki té nan Bétlèèm.*

✠ **Léktu sint Évanjil la dapré Matié** **2, 13-18**

Lè maj yo pati, min Anj Granmèt la parèt nan sonj dévan Jozèf, li di :
« Lévé, pran ti pitit la ak manman-l, sové kò-ou nan Éjip, rété la joutan
m-a di-ou ; sèké Èròd apral chèché ti pitit la pou-l touyé-l ».

Li lévé, li pran ti pitit la ak manman-l nannuit la, li pati Éjip. Li rété la
joutan Èròd mouri, pou paròl Granmèt la té di pa lintèmédiè Profèt la té
kapab akonpli : « Mouin rélé pitit mouin-an sot Éjip ».

Lè sa-a atò, Èròd ouè kijan maj yo té tronpé-l, li faché anpil ; li voyé
tuyé tout ti gason ki té nan Bétlèèm ak nan tout limit li, dépi dézan avèk
pi ba, dapré tan li té kalkilé sou sa maj yo té di-a.

Lè sa-a atò paròl profèt Jérémi-a akonpli : Yo tandé yon voua nan
Rama, l-ap kriyé, l-ap rélé anpil : Rachèl k-ap kriyé pou pitit li yo, li pa
vlé yo konsolé-l, paské yo mouri ».

Paròl Granmèt la.

29 désanm

S. Toma Békèt, évèk é mati

Nan Komin mati yo, p. 1783 oubyin pastè yo, p. 1802.

PRÉMIÉ LÉKTU : 2 Timoté 2, 8-13 ; 3, 10-12, p. 1794.

PSÒM RÉPONS : Psòm 33, 2-3. 4-5. 6-7. 8-9 (R : 5 b), p. 1790.

ALÉLOUYA : Matié 5, 6, p. 1879.

ÉVANJIL : Matié 16, 24-27, p. 1884.

31 désanm

S. Silvès premié, pap

Nan Komin pastè yo (pou yon Pap), p. 1802.

PRÉMIÉ LÉKTU : Ézékièl 34, 11-16, p. 1806.

PSÒM RÉPONS : Psòm 22, 1-3. 4. 5. 6 (R : 1), p. 1809.

ALÉLOUYA : Mark 1, 17, p. 1821.

ÉVANJIL : Matié 16, 13-19, p. 1822.

PRÒP SIN YO POU KALANDRIYÉ ÉGLIZ AYITI-A

JANVIÉ

21 janvié
NOTRE-DAME D'ALTAGRACE
Fèt

Nan Komin Sint Vièj Mari, p. 1762.

PRÉMIÉ LÉKTU

Mari, tro-n Sajès la.

Léktu liv Sirasid

24, 23-31

« Mouin minm tankou yon pié rézin mouin jèmin gras la, flè-m y osé frui onè ak konsidèrasion. Mouin sé manman bèl rinmin-an, krint la, konésans la avèk éspérans ki sin-an. Nan mouin gin gras tout chémin-an avèk vérité-a, nan mouin gin tout éspérans lavi-a ak bon kalité-a.

Vi-n jouinn mouin nou tout ki anvi-m yo, épi plin nou ak frui mouin yo ; éspri-m réyèlman pi dous pasé mièl, épi éritaj mouin dépasé mièl ak gato mièl.

Souvni-m nan jénèrasion sièk yo.

Moun ki manjé-m yo y-ap grangou-m ankò, épi moun ki bouè-m yo y-ap souaf mouin ankò. Sa-k kouté-m li pap ront, épi sa-k aji nan mouin pap fè péché, moun ki fè konnin-m, y-ap gin lavi ki pap janm fini-an ».

Paròl Grammèt la.

ÉVANJIL : Luk 1, 26-38, p. 1778.

MAS

23 mas

S. Turib de Mogrovejo, évèk**Mémoua**

Ouè nan Pròp pou sin yo, p. 1590.

AVRIL

28 avril

S. Loui Mari Grignon de Monfòr, prèt**Mémoua**

Nan Komin pastè yo, p. 1802.

PRÉMIÉ LÉKTU*Avèk yon sèl kè, disip yo t-ap pèsévéré nan priyè-a
avèk Mari Manman Jézu***Léktu Travay Apot yo****1, 6-9. 14 ; 2, 1-4. 42**

Apot yo té rasanblé kot Jézu, yo t-ap pozé-I késion, yo t-ap di : « Granmèt, èské sé nan tan sa-a ou-ap vi-n instalé péyi roua Israèl la ? » Li di yo : « Nou pa bézouin konnin ni tan ni moman Papa-a chouazi ak pròp volonté li, min n-apral résévoua yon fòs ; sé Éspri Sin-an k-ap vi-n désann sou nou. N-ap sèvi-m témouin nan Jérusalèm, nan tout Judé-a ak Samari-a, jous nan bout tè-a ». Lè-l fi-n di sa, yo rété ap gadé-l. Yo ouè-l monté, yon nuaj kaché-l dévan jé yo. Yo tout yo té rét ap priyé ansanm ak kèk médam ; nan pami yo té gin Mari manman Jézu, ansanm ak frè-l yo tou.

Lè jou Pannkot la rivé, yo tout yo té ansanm nan yon sèl koté. Yon ti moman, vi-n gin yon boui ki sot nan sièl la, tankou yon gro kout van ki

rivé. Li plin tout kay la koté yo té rété-a. Vi-n gin yon pakèt moso lang tankou difé ki parèt sou yo, ki vi-n chita sou yo chak. Yo tout vi-n plin ak Éspri Sin-an, yo kòmansé palé dèt lang, sèlon Éspri-a té ba yo pouvoua pou yo palé.

Yo té rét byin fidèl nan instruksion apot yo, nan kominion, nan séparasion pin-an ak nan priyè yo.

Paròl Granmèt la.

PSÒM RÉPONS

Ps 102, 1-2. 3-4. 6-7. 8-10. 19-20 (R: 17-18)

R: Jistis Granmèt la pou pitit pitit yo, pou moun yo ki kinbé alians li-a.

Oubyin : Alélouya.

- 1 Nanm mouin, sé pou-ou fè konpliman pou Granmèt la ;
tout kè-m, sé pou-ou fè konpliman pou non li ki sin.
- 2 Nanm mouin, sé pou-ou fè konpliman pou Granmèt la,
pou-ou pa bliyé tout sèvis li yo. R:
- 3 Li minm ki éfasé tout péché-ou yo,
li minm ki géri tout maladi-ou yo,
- 4 li minm ki délivré lavi-ou sot nan fòs la,
li minm ki vlopé-ou ak rinmin ak mizérikòd. R:
- 6 Granmèt la fè jistis ak jijman
pou tout moun y-ap maltrété.
- 7 Li fè Moyiz konnin chémin-l yo,
li fè pitit Israèl yo konnin konduit li yo. R:
- 8 Granmèt la sé mizérikòd ak gras,
li mal pou faché, li rinmin anpil.
- 10 Sé pa dapré péché nou li aji avèk nou,
sé pa dapré fot nou li pini nou. R:
- 19 Granmèt la fiksé tro-n li nan sièl la,
pouvoua-l kòmandé sou tout bagay.
- 20 Fè konpliman pou Granmèt la, nou minm anj li yo,
nou minm vanyan sòlda yo k-ap égzékité lòd li yo
pou nou obéyi voua paròl li-a. R:

Oubyin

*Sa Bondié préparé pou moun li rinmin yo,
li révéle nou sa, pa lintèmedié Éspri Sin-an*

Léktu premié lèt apot sin Pòl pou Korintyin yo**2, 1-13**

Frè-m yo,

Lè-m rivé lakay nou, mouin pa rivé ak paròl grandizè ni sians, lè-m t-ap anonsé nou témouagnaj Bondié-a. Mouin pa-t konsidéré pou-m té konnin anyin nan pami nou, sof Jézu-Kri, épi li minm ki klouré sou koua. Mouin minm, mouin té tou fèb ; kè-m t-ap soté ; mouin t-ap tranblé anpil, sé konsa mouin té rivé lakay nou. Lè-m t-ap palé, lè-m t-ap préché, mouin pa-t chèché konvink nou avèk paròl sajès, min sa mouin t-ap éspliké-a, sé sou kont Éspri-a avèk otorité. Tou sa, pou lafoua nou pa pozé sou sajès moun, min sou puisans Bondié.

Époutan, sé langaj sajès n-ap palé nan mitan moun ki fi-n rivé apouin yo ; sèlman, sé pa sajès sièk sa-a poutan, ni prins sièk sa-a k-ap détrui yo min n-ap palé sajès Bondié-a nan yon langaj sékrè. Li té kaché. Dépi anvan tout tan Bondié té paré-l pou gloua nou. Chèf yo k-ap dirijé tan sa-a, okinn nan yo pa-t konnin-l, paské si yo té konnin-l, yo pa t-a klouré Granmèt gloua-a sou koua-a. Sèlman, sé jan sa ékri-a : « Bagay sa yo, jé pa-t ouè yo ; zòrèy pa-t tandé yo ; yo pa-t monté nan kè moun. Bondié té paré yo pou moun ki rinmin-l yo ». Sé nou minm Bondié révéle sa, gras a Éspri-a.

Réyèlman, Éspri-a sondé tout bagay, jous fin-fon Bondié. Kilès nan pami moun yo ki konnin afè moun si sé pa éspri moun nan ki anndan-l nan ? Konsa tou, afè Bondié yo, pèsòn pa konnin yo, sof Éspri Bondié-a. Kanta nou minm, sé pa éspri moun yo sou tè-a nou té résévoua, min sé Éspri ki sot nan Bondié-a, pou nou kapab konnin ki kalité gras Bondié fè nou. Bagay sa yo n-ap palé-a, sé pa avèk paròl sajès moun aprann n-ap di yo, min sé avèk paròl Éspri-a aprann nou. Sé bagay Éspri n-ap éspliké avèk mo Éspri.

Paròl Granmèt la.

ALÉLOUYA**1 Kor 1, 23 b-24 b**

R: Alélouya. N-ap préché Kris la yo klouré sou koua,
puisans Bondié ak sajès Bondié. **R:** Alélouya.

ÉVANJIL

Alé, instoui tout nasion yo, mouin avèk nou touléjou.

✠ Léktu sint Évanjil la dapré Matié

28, 16-20

Lè sa-a,

Onz disip yo pati, y-al nan Galilé, sou mòn nan Jézu té indiké yo-a. Lè yo ouè Jézu, yo adoré-l, min kèk douté. Jézu minm proché li palé avèk yo, li di :

« Yo rinmèt mouin tout pouvoua nan sièl la ak sou tè-a. Alé, fè tout nasion yo vi-n tounin disip. Batizé yo o non Papa-a ak Pitit la ak Éspri sin-an. Aprann yo obsèvé tou sa mouin té kòmandé nou. Min mouin avèk nou touléjou, jous longè tan-an fi-n rivé bout li ».

Paròl Granmèt la.

oubyin

Jézu di disip-la : Min manman-ou.

✠ Léktu sint Évanjil la dapré Jan

19, 25-27

Tou pré koua Jézu-a, manman-l té kanpé, ak sè manman-l nan, Mari, madanm Klopas la, avèk Mari Madlèn.

Jézu ouè manman-an, ak disip li té rinmin-an bò koté-l. Li di manman-an : « Madanm, min pitit ou ». Apré sa, li di disip la : « Min manman-ou » ; dépi lè sa-a, disip la pran-l lakay li.

Paròl Granmèt la

JUIN

27 juin

NOTRE-DAME DU PERPÉTUEL SECOURS**Patròn Ayiti****Solanité**

Nan Komin Sint Vièj Mari, p. 1762.

PRÉMIÉ LÉKTU*Fè kè-ou kontan, pitit fi Siyon, min m-ap vini.***Léktu liv profèt Zakari****2, 10-13**

Fè louanj, fè kè-ou kontan, pitit fi Siyon, paské min m-ap vini, m-ap abité nan mitan-ou, sé sa Granmèt la di. Jou sa-a anpil nasion ap kolé kò yo sou Granmèt la, y-ap tounin pèp mouin, m-ap abité nan mitan-ou, ou-ap konnin sé Granmèt lamé yo ki voyé-m koté-ou.

Granmèt la ap posédé Juda kòm pòsion pa-l nan péyi ki sin-an, l-ap chouazi Jérusalèm ankò. Sé pou tout chè fè silans dévan fas Granmèt la, paské l-ap lévé sot nan kay li ki sin-an.

Paròl Granmèt la.

PSÒM RÉPONS**Judit 13, 23 bc-24 a. 25 abc (R: 15, 10 d)****R:** Ou sé gloua pèp nou-an.

23 Konpliman pou ou, mafi, soti nan Granmèt Bondié ki anro nèt la, plis pasé pou tout fi sou tè-a.

24 Konpliman pou Granmèt la ki kréyé sièl la ak tè-a. **R:**

25 Paské jodi-a, non-ou vi-n tèlman gran, louanj ou pap soti nan bouch moun yo, k-ap sonjé pouvoua Granmèt la pou tout tan. **R:**

DÉZIÈM LÉKTU

*Bondié voyé Pitit li-a, ki fèt sot nan yon fi.***Léktu lèt apot sin Pòl pou Galat yo**

4,4-7

Frè-m yo :

Lè tan-an rivé bout li, Bondié voyé Pitit li-a ki fèt sot nan yon fi, ki fèt anba laloua-a, pou-l té kapab rachté nou, nou minm ki té anba laloua-a, pou nou té kapab vi-n tounin pitit adoptif.

Laprèw nou sé pitit, sèké Bondié voyé Éspri Pitit li-a nan kè nou, l-ap rélé : « Aba, Papa ». Konsa pa gin ésklav ankò, min sé pitit ki ginyin. Si sé pitit, sé éritié gras a Dié.

Paròl Granmèt la.

ALÉLOUYA

Cf. Lk 1, 28

✠ Alélouya. Salu, Mari, plin lagras ; Granmèt la avèk ou ;
ou béni pasé tout fi. ✠ Alélouya.

ÉVANJIL

Min pitit ou. Min manman-ou.✠ **Léktu sint Évanjil la dapré Jan**

19, 25-27

Lè sa-a :

Tou kolé koua Jézu-a, manman-l té kanpé, ni sè manman-l nan, Mari Kléofas, ak Mari Madlèn.

Lè Jézu ouè manman-l ak disip li té rinmin-an ki kanpé, li di manman-l : « Madanm, min pitit ou » ; apré sa, li di disip-la : « Min manman-ou ». Dépi lè sa-a, disip-la résevoua-l lakay li.

Paròl Granmèt la.

JUIYÈ

4 juiyè Tout Pap ki sin yo

Mémoua

Nan Komin pastè yo (pou yon Pap), p. 1802.

PRÉMIÉ LÉKTU

Sonjé chèf nou yo ; sé yo minm ki palé paròl Bondié-a avèk nou.

Léktu lèt pou Ébré yo

13, 7-17

Sonjé chèf nou yo ; sé yo minm ki palé paròl Bondié-a avèk nou. Égzaminé kijan lavi yo rivé bout li ; pran modèl sou lafoua yo. Jézu-Kri, ni yè, ni jodi-a, sé li minm minm nan : konsa tou pou tout tan.

Pa kité yo pran tèt nou avèk yon pakèt ansègnman ki sot déyò. Sa bon pou nou konsolidé kè nou avèk gras la min sé pa avèk règléman sou késion manjé. Bagay sa yo pa sèvi anyin pou moun k-ap suiv yo. Nou gin yon lotèl. Moun yo k-ap fè sèvis nan Tanp la, yo pa gin doua manjé ladan-l. Prèt an chèf la pran san bèt yo, li poté-l nan Tanp la pou péché yo. Min, kò bèt sa yo, yo pa kité yo koté pèp la instalé tant li yo, yo soti déyò avèk yo pou yo boulé yo. Sé pou sa, Jézu soufri déyò pòtay la, pou-l té kapab fè pèp la vi-n sin gras a pròp san pa-l.

Konsa nou minm tou, sé pou nou kité koté pèp la yé-a, pou nou soti déyò al jouinn Jézu, pou nou subi minm dézonè avèk li. Isit la, nou pa gin yon vil k-ap duré, min n-ap chèché vil sa-a ki gin pou-l vini-an. Pa lintèmediè Jézu, sé pou nou ofri yon sakrifis louanj pou tout tan bay Bondié, sa vlé di foui bouch nou k-ap fè déklarasyon pou non-l. Pa bliyé fè bon aksion, pa bliyé mét byin yo ansanm. Sé kalité sakrifis sa yo ki fè Bondié plézi.

Sé pou nou fè chèf nou yo konfians ; sé pou nou obéyi yo. Sé yo minm k-ap véyé sou nanm nou, pou yo rann kont sou sa. Konsa sé ak kè kontan y-a fè sa, yo pap jouinn okazion plinyin. Bagay sa-a t-a régrétan pou nou.

Paròl Granmèt la.

PSÒM RÉPONS

Ps 109, 1. 2. 3. 4 (R: 4 bc)

R: Ou sé prèt pou tout tan
dapré ran Mèlkisédek.

- 1 Granmèt la di Granmèt mouin : « Chita adouat mouin,
joutan mouin pozé ènmi-ou yo kòm éskalié pié-ou ». R:
- 2 Baton pouvoua-ou, Granmèt la voyé-l sot nan Siyon :
kòmandé nan mitan ènmi-ou yo. R:
- 3 Pouvoua-a avèk ou jou fòs ou-a,
nan ékla limiè ki sin yo,
nan vant granmatin tankou larouzé mouin anfanté-ou. R:
- 4 Granmèt la fè sèman, li pap régrèt li :
« Ou sé prèt pou tout tan
dapré ran Mèlkisédek ». R:

ALÉLOUYA

Mt 16, 18

R: Alélouya. Ou sé Piè ; sou ròch sa-a m-ap bati Égliz mouin-an,
pòt lanfè yo pap ranpòté viktoua sou li. R: Alélouya.

ÉVANJIL

Ou sé Piè, m-ap ba-ou klé péyi roua sièl yo.

✠ Léktu sint Évanjil la dapré Matié

16, 13-23

Lè sa-a :

Jézu rivé nan réjion Sézaré Filip la, li pozé disip li yo késion, li di :
« Kisa moun yo di sou Pitit moun nan ? »

Yo di : « Yon pòsion sé Jan-Batis, yon lòt sé Éli, yon lòt minm sé
Jérémi oubyin youn nan profèt yo ».

Jézu di yo : « É nou minm, kisa nou di mouin yé ? »

Simon Piè pran laparòl, li di : « Ou sé Kris la, Pitit Bondié ki vivan-
an ».

Jézu minm pran laparòl, li di-l : « Ala kontantman pou ou, Simon, pitit
Jan, paské sé pa chè-a ak san-an ki révéle-ou sa, min sé Papa-m ki nan
sièl la. Mouin minm mouin di-ou : ou sé Piè, é sou ròch sa-a m-ap bati
Égliz mouin-an, pòt lanfè yo pap ranpòté viktoua kont li. M-ap ba-ou klé

péyi roua sièl yo ; tou sa ou-ap maré sou tè-a, l-ap maré nan sièl yo, tou sa ou-ap lagé sou tè-a, l-ap lagé nan sièl yo tou ».

Paròl Granmèt la.

OUT

23 out

S. Roz de Lima, vièj

Fèt

Ouè nan Pròp pou sin yo nan minm jou-a, p. 1668.

PRÉMIÉ LÉKTU

Rinmin-an fò tankou lanmò.

Léktu liv Kantik dè Kantik

8, 6-7

Pozé-m tankou yon sign sou kè-ou, tankou yon sign sou bra-ou, paské rinmin-an fò tankou lanmò, jalouzi-a rèd tankou chalè bafon-an, zéklè-l sé zéklè difé ak flanm yo.

Gran dlo yo pa kapab étinn rinmin-an, ni gran riviè pa kapab nouayé-l. Si yon moun t-a bay tout richès lakay li pou rinmin-an, sé tankou anyin yo t-ap méprizé-l.

Paròl Granmèt la.

PSÒM RÉPONS

Ps 148, 1-2. 11-13a. 13c-14 (R: cf. 12a. 13a)

R: Jèn jan ak vièj, fè louanj pou non Granmèt la.

oubyin : Alélouya.

- ¹ Fè louanj Granmèt la nan sièl la,
fè louanj li nan rotè ki dépasé sièl la,
- ² fè louanj li, nou tout anj li yo,
fè louanj li, tout puisans li yo. **R:**
- ¹¹ Roua yo sou tè-a ak tout pèp yo,
pitit roua yo ak tout jij yo sou tè-a,

- ¹² jèn jan yo ak vièj yo,
 granmoun yo ak ti moun yo,
¹³ sé pou yo fè louanj pou non Granmèt la. **R:**
 Louanj li anlè sièl la ak tè-a,
¹⁴ li lévé kòn pèp li.
 Kantik louanj pou tout sin-l yo,
 pou pitit Israèl yo, pèp ki tou pré li-a. **R:**

DÉZIÈM LÉKTU

*Mouin marié nou avèk yon sèl mésié,
 pou-m ofri nou bay Kris la tankou yon vièj ki rézèvé kò-l intak.*

Léktu dézièm lèt apot sin Pòl pou Korintyin yo **10, 17-11, 2**

Frè-m yo :

Moun k-ap fè louanj tèt li, sé nan Granmèt la pou-l fè louanj tèt li. Sé pa moun ki fè rékòmandasion pou pròp tèt li yo aksépté ; min sé moun Bondié rékòmandé.

Si nou té kapab sipòté yon ti kras nan foli-m nan ; min n-ap sipòté-m. Sèké mouin jalou nou ak jalouzi Bondié ; mouin marié nou ak yon sèl mésié, pou-m prezanté nou bay Kris la tankou yon vièj ki rézèvé kò-l intak.

Paròl Granmèt la.

ALÉLOUYA

Jan 15, 9 b. 5 b

R: Alélouya. Rété nan rinmin-m nan, sé sa Granmèt la di ;
 moun ki rété nan mouin épi mouin minm nan li,
 moun sa-a donnin anpil frui. **R:** Alélouya.

ÉVANJIL

Li vann tou sa-l ginyin, li achté jadin sa-a.

✠ **Léktu sint Évanjil la dapré Matié**

13, 44-46

Lè sa-a :

Jézu di fowl yo : « Péyi roua sièl yo sanblé ak yon trézò ki kaché nan yon jadin ; moun ki jouinn li-a, li kaché-l ; li tèlman kontan, l-alé, li vann tou sa-l ginyin, li achté jadin-an.

Konsa tou péyi roua sièl yo sanblé ak yon machann k-ap chéché bon piè ; lè-l jouinn yon piè ki gin anpil valè, l-alé, li vann tou sa-l ginyin, li achté-l ».

Paròl Granmèt la.

SÉPTANM

2 séptanm

Byinnéré Jak-Jul Bono ak konpagnon-l yo, mati

Mémoua

Nan Komin mati yo, p. 1783.

PRÉMIÉ LÉKTU

Pa pè soufri pou sa ki kòrèk ansanm avèk Kris la.

Léktu prémié lèt apot sin Piè

3,14-17

Frè-m yo,

Si n-ap soufri pou sa-k kòrèk la, ala kontantman pou nou. (Jan sa ékri-a :) « Pa pè moun yo k-ap fè nou pè-a, pa troublé ditou ».

Sé pou nou fè rékonèt Kris la, Granmèt la, sin nan kè nou, sé pou nou toujou paré pou nou réponn tout moun k-ap mandé nou kont sou espérans ki nan nou-an. Min sé pou sa fèt avèk sinplisité, avèk krint, antan nou gin bon konsians. Konsa, sou pouin y-ap palé nou mal la, y-a blijé ront, yo minm k-ap fè kalomni kont bon konduit nou gin nan Kris la.

Pito nou soufri akòz byin n-ap fè, si volonté Bondié pèmèt sa, pasé pou nou soufri poutèt mal n-ap fè.

Paròl Granmèt la.

PSÒM RÉPONS

125, 1-2 ab. 2 cd-3. 4-5. 6 (R: cf. 5)

R: Moun ki simin ak dlo nan jé yo rékòlté ak kè kontan.

¹ Lè Granmèt la té fè prizonié Siyon yo tounin-an,
nou té tankou nan rèv.

² Lè sa-a bouch nou té plin ak kè kontan,
épi lang nou ak chanté fèt. R:

Lè sa-a yo t-ap di nan pami nasion yo :
« Granmèt la fè mèvèy avèk yo ».

³ Granmèt la fè mèvèy avèk nou ;
nou vi-n gin kè kontan. R:

⁴ Granmèt, fè prizonié nou yo tounin
tankou ravi-n nan sid yo.

⁵ Moun ki simin ak dlo nan jé,
yo ranmasé ak chanté fèt. R:

⁶ Yo t-apralé, yo t-ap kriyé,
antan y-ap poté sémans pou simin-an ;
y-ap vini sou rout la ak chanté fèt,
pandan y-ap poté zépi yo. R:

ALÉLOUYA

Mt 5, 10

R: Alélouya. Ala kontantman pou sa y-ap pèsékité poutèt jistis la :
paské sé pou yo péyi roua sièl yo yé. Alélouya.

ÉVANJIL

Diskou nan dènié soupé-a :

Y-ap pèsékité disip yo tankou yo fè-l pou Granmèt la.

✠ Léktu sint Évanjil la dapré Jan

15, 18-21

Lè sa-a, Jézu di disip li yo :

« Si tè-a rayi nou, konnin li té rayi-m anvan nou. Si nou té fè pati tè-a,
tè-a t-a rinmin sa-k pou li ; min paské nou pa fè pati tè-a, okontrè mouin
chouazi nou sot sou tè-a, sé pou sa tè-a rayi nou-an. Sonjé paròl mouin-
an, sa-m té di nou-an : “Sèvitè-a pa pi gran pasé mèt li. Si yo té pèsékité-
m, nou minm tou y-ap pèsékité nou ; si yo té kinbé paròl mouin yo, y-ap

kinbé pa nou yo tou”. Min tout bagay sa yo, y-ap fè nou yo poutèt non mouin, paské yo pa konnin sa-a ki voyé-m nan ».

Paròl Granmèt la.

9 séptanm
S. Piè Klavè, prèt

Mémoua

Ouè nan Pròp pou sin yo, minm jou sa-a, p. 1677.

Nan Komin pastè yo, p. 1802 oubyin sin yo (pou sa-k té réalizé aksion mizérikòd), p. 1852.

PRÉMIÉ LÉKTU

Séparé pin-ou avèk moun ki grangou.

Léktu liv profèt Izayi

58, 6-9 a. 10

Min paròl Granmèt la :

« Èské sé pa jèn sa-a mouin pito : Défèt chinn ki pa korèk yo, lagé kòd ki maré jouk la, moun y-ap maltrété yo, ba yo libèté ; ouété tout chay ? Èské sé pa séparé pin-ou avèk moun ki grangou-a, fè pòv ki pa gin kay yo abité avèk ou ; si-ou ouè yon moun ki ni kò, pou-ou abiyé-l, pou-ou pa fofilé kò-ou sot nan moun nan ki gin minm chè avèk ou-a.

Lè sa-a, limiè-ou ap éklaté tankou granmatin, santé-ou ap lévé byin vit, jistis ou ap maché dévan fas ou, gloua Granmèt la ap vlopé-ou. Lè sa-a ou-ap priyé, Granmèt la ap kouté ; ou-ap rélé, l-ap di : “Min mouin”.

Si ou kité manjé-ou, pou-ou bay moun ki grangou, moun y-ap fè injjistis la, si-ou fè-l jouinn kantité manjé li bézouin, limiè-ou ap lévé nan fènoua, fènoua-a ap tankou gro lajounin pou ou ».

Paròl Granmèt la.

PSÒM RÉPONS

Ps 71, 12. 13. 14

Ⲁ Ala kontantman pou moun ki krinn Bondié.

¹² L-ap libéré pòv la k-ap rélé-a
ak maléré-a ki pa gin moun pou édé-l la. Ⲁ

¹³ L-ap pran pitié pou sa-k fèb la ak sa-k pòv la,
L-ap sové nanm pòv li yo. Ⲁ

¹⁴ Anba min moun k-ap maltréte yo,
 k-ap fè brutal ak yo-a,
 l-ap libéré yo ;
 san yon sé yon trézò dévan jé-l. **R.**

ÉVANJIL

Kilès ki prochin-m.

✠ Léktu sint Évanjil la dapré Luk

10, 29-37

Lè sa-a :

Yon skrib vlé bay tèt li rézon, li di Jézu : « Kilès ki prochin-m ? » Jézu réprann, li di : « Yon mésié t-ap désann sot Jérusalèm al Jériko ; li tonbé nan min asasin, yo pran tou sa-l té ginyin, yo bat li, yo pati kité-l mouatié vivan. Gin yon prèt k-ap pasé, ki t-ap désann nan minm chémin-an ; li ouè-l, li kontinué rout li. Minm jan-an tou, yon lévit, lè-l rivé bò koté-l, li ouè-l, li kontinué chémin-l. Min gin yon Samaritin ki t-ap vouayajé, li rivé bò koté-l, li ouè-l, kè-l fè-l mal. Li proché, li pansé koté-l té blésé yo, li vidé luil ak divin, li mété-l sou milèt li, li minn-l nan yon lotèl, li okipé-l. Nan landmin, li soti dé piès li rinmèt mèt lotèl la, li di : “Okipé-l ; tou sa ou-a dépanse an plis, lè m-a tounin, m-a rinmèt ou”. “Kilès nan toua sa yo ou trouvé ki prochin sa-a ki té tonbé nan min asasin yo ?” Li di : “Sa ki té gin mizérikòd pou li-a”. Jézu di-l : “Alé, ou minm tou fè minm jan”.

Paròl Granmèt la.

NOVANM

3 novanm
S. Martin de Porès

Mémoua

Nan Komin sin yo (pou rélijyé yo), p. 1852.

Ouè nan Pròp sin yo, minm jou-a, p. 1707 .

27 novanm
NOTRE-DAME DE LA MÉDAILLE MIRACULEUSE

Fèt

Nan Komin Sint Vièj Mari, p. 1762.

PRÉMIÉ LÉKTU

Yon gran sign parèt nan sièl la.

Léktu liv Apokalips apot sin Jan

11, 19 ; 12, 1-5. 14-17

Tanp Bondié-a louveri nan sièl la. Yo ouè Arch la parèt nan Tanp la. Vi-n gin zéklè, loraj, tranbléman-tè avèk gro lagrè-l. Yon gran sign parèt nan sièl la : sé yon madanm ki vlopé nan solèy la, lali-n nan anba pié-l, yon kouròn douz zétoual sou tèt li. Li ansint, l-ap pousé rèl tranché, l-ap soufri ak doulè pandan l-ap anfanté-a. Gin yon lòt sign tou ki parèt nan sièl la : sé yon gro dragon ; li tout-an-difé ; li gin sèt tèt ak dis kòn ; li gin sèt ti kouròn sou tèt li yo. Ak ké-l, li jété yon tiè nan zétoual yo ki nan sièl la, li voyé yo atè-a. Gro dragon-an rét kanpé dévan madanm nan ki prèské akouché-a. Li paré pou-l valé ti pitit gason-l nan, kon-l fèk ap akouché-l. Madanm nan akouché yon ti pitit gason, li minm ki gin pou-l kondui tout nasion yo ak bagèt an fè-a. Min, yo pran ti gason-l nan, yo lévé-l anlè jous kot Bondié, jous kot tro-n Bondié-a.

Yo bay madanm nan dé zèl gran ègl la pou-l volé al nan dézè-a, koté yo té paré pou li-a. Sé la y-ap souin-l, pandan yon tan, avèk kèk tan, avèk mouatié yon tan, louin fas sèpan-an. Sèpan-an voyé tankou yon riviè dlo sot nan bouch li dèyè madanm nan pou-l kapab éseyé nouayé-l. Min, tè-a poté madanm nan sékou ; tè-a louveri bouch li, li bouè riviè-a, sa gro

dragon-an té jété sot nan bouch li-a. Gro dragon-an faché kont madanm nan. Li pati, l-ap batay kont rès pitit li yo, sa k-ap obsèvé kòmandman Bondié yo, sa ki gin témouagnaj Jézu-a.

Paròl Granmèt la.

PSÒM RÉPONS

Ps 44, 11-12. 14-15. 16-17 (R: 11 a)

- R: Kouté, mafi, gadé, paré zorèy ou.
- ¹¹ Kouté, pitit fi, gadé, paré zòrèy ou ;
bliyé pèp ou ak kay papa-ou.
- ¹² Roua-a anvi jan-ou bèl ;
sé Granmèt ou li yé ; adoré-l. R:
- ¹⁴ Pitit fi roua-a ap proche ak tout bèlté-l ;
li abiyé ak rad ki koud avèk fil lò.
- ¹⁵ Ak rad brodé, yo minnin-l bay roua-a ;
fi vièj yo dèyè-l, sa-k zanmi-l yo ;
yo minm tou, yo fè yo antré vi-n jouinn ou. R:
- ¹⁶ Yo minnin yo ak kè kontan, ak fèt ;
yo fè yo antré nan palè roua-a.
- ¹⁷ Nan plas papa ou yo, sé pitit ou yo k-ap vini ;
ou-ap mété yo kòm chèf sou tout tè-a. R:

ÉVANJIL

Sa-a, Jézu té fè-l kòm kòmansman sign yo nan Kana Galilé-a.

✠ Léktu sint Évanjil la dapré Jan

2, 1-11

Lè sa-a :

Vi-n gin nòs nan Kana Galilé-a. Manman Jézu té la.

Yo té invité Jézu tou ansanm ak disip li yo nan nòs la. Divin vi-n manké ; manman Jézu di-l : « Yo pa gin divin ».

Jézu di-l : « Sa-k gin ant mouin minm ak ou minm, madanm ? Lè mouin poko rivé ».

Manman-l di sèvitè yo : « Tou sa li di nou, sé pou nou fè li ».

Té gin sis ja dlo an ròch pou Juif yo pròpté kò yo ; yo chak té kinbé dé ou toua mézu. Jézu di yo : « Plin ja yo dlo ». Yo plin yo jous nan bouch.

Jézu di yo : « Tiré koulié-a, poté bay òganizatè résepsion-an ». Yo fè sa.

Òganizatè résepsion-an gouté dlo-a ki té tounin divin-an ; li pa-t konn koté-l soti, min moun yo ki t-ap sèvi-a, yo té konnin, yo minm ki té tiré dlo-a ; òganizatè résepsion-an rélé mésié marié-a. Li di-l : « Tout moun kòmansé mété bon divin ; kon moun yo gri, yo mét sa-k mouin bon ; ou minm minm, ou kinbé bon divin-an jous koulié-a ».

Sa-a, Jézu té fè-l kòm kòmansman sign yo nan Kana Galilé-a ; li fè ouè gloua li, disip li yo kouè nan li.

Paròl Granmèt la.

DÉSANM

12 désanm

SINT VIÈJ MARI DE GOUADALOUPE

Fèt

Nan Komin Sint Vièj Mari, p. 1762.

Ouè nan Pròp pou sin yo, minm jou-a, p. 1720.

KOMIN YO

NAN ANIVÈSÈ DÉDIKAS ÉGLIZ LA

PRÉMIÉ LÉKTU NAN ANSYIN TÉSTAMAN-AN

1

Sé pou jé-ou louvri sou kay sa-a.

Léktu prémié liv Roua yo

8, 22-23. 27-30

Jou sa yo :

Salomon kanpé dévan lotèl Granmèt la an fas pèp Israèl la, li lonjé min-l nan sièl la, li di :

« Granmèt Bondié Israèl, pa gin dié ki sanblé avèk ou nan sièl la anlè-a ni sou tè-a anba-a, ki kinbé aliens ak mizérikòd pou sèvitè-ou yo, k-ap maché dévan-ou ak tout kè yo.

Konsa èské ou kouè réyéman Bondié t-a abité sou tè-a ? Si sièl la ak sièl sièl yo pa kapab kinbé-ou, kòman kay sa-a mouin bati-a t-a kapab kinbé-ou ! Min voyé jé sou priyè sèvitè-ou la ak sou sa l-ap mandé-ou yo, Granmèt Bondié mouin. Kouté kantik ak priyè sèvitè-ou la ap priyé dévan-ou jodi-a. Sé pou jé-ou louvri sou kay sa-a nannuit ak lajounin, sou kay sa-a ou té di osijè-l la : “Non-m ap isit la” ; pou-ou kouté priyè sèvitè-ou la ap fè nan koté sa-a ba ou-a.

Pou-ou kouté priyè sèvitè-ou la ak pèp ou-a Israèl, tou sa y-ap mandé nan koté sa-a. Kouté nan koté ou abité-a, nan sièl la, épi, antan-ou kouté, padonnin ».

Paròl Granmèt la.

2

« Mouin bati yon kay pou-ou rété, pou-ou abité la pou tout tan ».

Léktu dézièm liv Kronik yo

5, 6-10. 13-6, 2

Jou sa yo :

Roua Salomon ak tout mas pèp Israèl la, ak tou sa-k té rasanblé dévan arch la, yo té sakrifé bouk avèk bèf yo pa kapab konté, tèlman viktim yo té anpil.

Prèt yo poté arch aliens Granmèt la nan plas li, sa vlé di nan orakl tanp la, nan sin sin yo anba zèl chérubin yo, yon fason pou chérubin yo lonjé zèl yo anlè koté-a arch la té plasé-a épi pou yo kouvri arch la li minm avèk baro li yo. Bar yo minm ki té sèvi pou poté arch la, kòm yo té yon ti jan pi long, pouint tèt yo té parèt dévan Dabir la ; min si yon moun té andéyò li pa-t kapab ouè yo. Arch la té rét la jous jodi-a. Pa-t gin dèt bagay nan arch la passé dé galèt yo Moyiz té dépozé nan Orèb la, lè Granmèt la té bay pitit Israèl yo laloua-a antan yo té soti Éjip la.

Konsa tout moun ansanm ak tronpèt ak voua ak sinbal ak akòdéon, ak divès kalité mizik yo t-ap chanté yo t-ap lévé voua anlè, yo té tandé son yo pandan lontan ; atèl pouin lè yo kòmansé fè louanj Granmèt la épi y-ap di : « Fè louanj Granmèt la poutèt li bon, poutèt mizérikòd li diré pou tout tan », kay Granmèt la té plin ak nuaj la, prèt yo pa-t kapab kòmansé sèvis yo poutèt nuaj noua-a ; gloua Granmèt la réyèlman té plin kay Bondié-a.

Lè sa-a atò Salomon di : « Granmèt la désidé abité nan nuaj noua-a ; mouin minm minm mouin té bati yon kay pou non-l, pou-l abité la pou tout tan ».

Paròl Granmèt la.

3

Paské kay mouin-an sé kay priyè y-ap rélé-l pou tout pèp yo.

Léktu liv profèt Izayi

56, 1. 6-7

Min paròl Granmèt la : « Kinbé jijman, fè jistis, paské sovè nou gin pou-n sovè-a li san lè pou-l rivé, jistis mouin-an san lè pou-l révéle.

Pitit étranjé yo, ki kolé kò yo sou Granmèt la, pou yo adoré-l, pou yo rinmin non-l, pou yo vi-n tounin sèvitè-l, antan yo kinbé saba-a pou yo pa sal li, antan yo kinbé aliens mouin-an, m-ap minnin yo sou mòn mouin-an ki sin-an, m-ap fè kè yo kontan nan kay priyè-m nan ; sakrifis antié yo ak bèt yo sakrifé yo ap fè-m plézi sou lotèl mouin-an, paské kay mouin-an sé kay priyè y-ap rélé-l pou tout pèp yo ».

Paròl Granmèt la.

4

Kay la té plin ak gloua Granmèt la.

Léktu liv profèt Ézékièl

43, 1-2. 4-7 a

Jou sa yo :

Anj la kondui-m nan pòt la ki gadé nan diréksion olévan-an, min gloua Bondié Israèl la t-ap antré nan diréksion olévan-an, voua-l sé té tankou voua gran dlo yo, tè-a té kléré ak gloua-l.

Gloua Granmèt la antré nan tanp la nan diréksion pòt la ki bay sou olévan-an ; Éspri-a lévé-m, li fè-m antré nan lakou anndan-an, min kay la té plin ak gloua Granmèt la.

Mouin tandé y-ap palé avèk mouin anndan kay la, mésié-a ki té kanpé bò koté-m nan di-m : « Pitit moun, koté sa-a sé koté tro-n mouin-an ak koté plant pié-m, sé koté mouin abité nan mitan pitit Israèl yo pou tout tan ».

Paròl Granmèt la.

5

*Mouin ouè dlo k-ap soti nan tanp la,
tout moun koté dlo sa-a rivé, yo sovè (Ant. Vidi aquam).*

Léktu liv profèt Ézékièl

47, 1-2. 8-9. 12

Jou sa yo :

Anj la fè-m tounin nan pòt kay Granmèt la, mouin ouè dlo ki t-ap soti anba papòt kay la nan diréksion olévan ; sèké fas kay la t-ap gadé nan diréksion olévan, dlo yo minm t-ap désann nan koté Tanp la, adouat, nan mitan lotèl la. Li fè-m soti nan chémin pòt nan nò-a, li fè-m tounin nan chémin déyò-a nan pòt déyò-a, nan chémin ki gadé nan diréksion olévan-an ; mouin ouè dlo yo k-ap gonflé nan koté douat la.

Li di-m : « Dlo sa yo, k-ap pati al nan bann sab nan diréksion olévan-an, épi k-ap désann nan tè plat dézè-a, y-ap antré nan lanmè-a ; y-ap gayé, épi dlo lanmè yo ap réfè ; tout bèt vivan k-ap glisé, tout koté ravi-n dlo-a rivé, l-ap viv, ap gin anpil kantité pouason ; lè dlo sa yo fi-n rivé la-a, tout bagay ravi-n dlo-a touché, y-ap réfè, y-ap viv.

Bò ravi-n nan, nan chak koté, tout kalité pié boua ki donnin foui ap pousé ; pap gin fèy k-ap tonbé sot nan yo, foui yo pap manké, chak moua

y-ap donnin foui nouvo ; paské dlo-l yo sé nan Tanp la yo soti, foui yo ap sèvi kòm manjé, fèy yo ap sèvi kòm rémèd ».

Paròl Granmèt la.

PRÉMIÉ LÉKTU NAN NOUVO TÊSTAMAN-AN POU TAN PASKAL

1

Sa-a ki anro nèl la pa abité nan kay ki fèt ak min moun.

Léktu liv Travay Apot yo

7, 44-50

Jou sa yo :

Étièn t-ap di pèp la ak ansyin yo ak skrib yo :

« Tant témouagnaj la té avèk papa nou yo nan dézè-a, jan Bondié té réglé ba yo-a antan li palé ak Moyiz pou-l té fè-l dapré modèl li té ouè-a. Lè yo fi-n résévoua-l, papa nou yo fè-l antré nan péyi nasion yo yo té posédé-a avèk Jozué, nasion sa yo Bondié té chasé dévan fas papa nou yo, jous nan jou David yo, li minm ki té jouinn gras dévan Bondié-a épi ki té mandé pou-l “jouinn yon tant pou Bondié Jakòb la”.

Salomon minm té bati yon kay pou li. Min Sa-a ki anro nèl la pa abité nan kay ki fèt ak min moun, jan Profèt la di-a : “Sièl la sé tro-n mouin, tè-a minm sé machéskalié pié-m yo. Kilès kay nou t-a bati pou mouin ? Èské sé pa min-m ki té fè tout bagay sa yo ?” »

Paròl Granmèt la.

2

Min tant Bondié-a avèk lézòm yo.

Léktu liv Apokalips apot sin Jan

21, 1-5 a

Mouin minm, Jan, mouin ouè yon sièl nouvo ak yon tè nouvo. Prémié sièl la ak prémié tè-a pati, lanmè-a minm pa gin sa ankò.

Mouin minm Jan, mouin ouè vil ki sin-an, Jérusalèm nouvo-a, k-ap désann sot nan sièl la kot Bondié-a, ki abiyé tankou yon fi k-ap marié ki anbéli pou mari-l. Mouin tandé yon gran voua ki sot nan tro-n nan, k-ap di : « Min tant Bondié-a avèk lézòm yo, l-ap abité avèk yo ; y-ap pèp li, li

minm Bondié avèk yo l-ap Bondié yo. Bondié ap siyé tout dlo sot nan jé yo, pap gin lanmò, ni dèy, ni rèl, ni doule ankò ; paské premié bagay yo pati ».

Sa-a ki té chita sou tro-n nan, li di : « Min mouin fè tout bagay nouvo ».

Paròl Granmèt la.

3

M-ap montré-ou madanm nan ki fèk marié ak Mouton-an.

Léktu liv Apokalips apot sin Jan 21, 9 b-14

Anj la palé avèk mouin, li di : « Vini, m-ap montré-ou madanm nan ki fèk marié ak Mouton-an ».

Li soulvé-m nan éspri sou yon mòn ki gran, ki ro, li montré-m vil ki sin-an, Jérusalèm, k-ap désann sot nan sièl la, kot Bondié, li gin gloua Bondié-a ; limiè-l té tankou piè kalité sipériè, tankou piè yo rélé jasp la, tankou kristal.

Li té gin yon miray ki gran, ki ro, ki gin douz pòt ; nan pòt yo té gin douz anj, té gin non ki ékri, non douz ras pitit Israèl yo.

Nan diréksion olévan : toua pòt ; nan diréksion nò : toua pòt ; nan diréksion sid : toua pòt ; nan diréksion okouchan : toua pòt. Miray vil la té gin douz kolòn, sou yo té gin douz non douz Apot Mouton yo.

Paròl Granmèt la.

PSÒM RÉPONS YO

1

PSÒM RÉPONS 1 Kro 29, 10. 11. 12 (R: 13 b)

R: N-ap fè louanj pou non-ou ki san parèy la, Granmèt.

¹⁰ Konpliman pou ou, Granmèt Bondié Israèl, papa nou, sot nan sièk tan al nan sièk tan. R:

¹¹ Sé pou ou Granmèt, grandè ak pouvoua, ak gloua, ak viktoua, ak louanj sé pou ou ; tout bagay ki nan sièl la ak sou tè-a, sé pou ou yo yé.

Pou ou, Granmèt, péyi-roua-a,
ou anlè tout chèf. **R**

- ¹² Richès sé pou ou, gloua sé pou ou.
Ou-ap kòmandé sou tout bagay, nan min-ou sé otorité ak pouvoua,
nan min-ou sé grandè ak kòmandman tout bagay. **R**

2

PSÒM RÉPONS

Ps 45, 2-3. 5-6. 8-9 (**R** : 5)

- R** Kouran riviè yo mét kè kontan nan vil Bondié-a,
nan tant Sa-a ki anro nèt la, tant ki sin yo.
- ² Bondié sé kachèt nou ak fòs nou,
li poté nou anpil sékou nan tribilasyon nou yo.
- ³ Sé poua nou pap pè, minm si tè-a chanjé,
minm si mòn yo travèsé nan fon lanmè-a. **R**
- ⁵ Kouran riviè yo mét kè kontan nan vil Bondié-a,
nan tant Sa-a ki anro nèt la, nan tant ki sin yo.
- ⁶ Bondié nan mitan-l, li pap souké ;
Bondié ap poté-l sékou granmatin dévan jou. **R**
- ⁸ Granmèt lamé yo avèk nou,
kachèt pou nou, Bondié Jakòb la.
- ⁹ Vini, n-a ouè travay Granmèt la,
li mété prodij sou tè-a. **R**

3

PSÒM RÉPONS

Ps 83, 3. 4. 5 é 10. 11 (**R** : 2 ; oubyin : Ap 21, 3 b)

- R** Ala rinmin nou rinmin tant-ou yo, Granmèt lamé yo !
- oubyin :**
- R** Min tant Bondié ak moun yo.
- ³ Nanm mouin anvì, l-ap dépéri pou kay Granmèt la.
Kè-m ak chè-m ap dansé pou Bondié vivan-an. **R**
- ⁴ Minm ti zouazo jouinn yon kay pou li,
toutrèl la jouinn yon nich, koté li déposé ti pitit li yo :
lotèl ou yo, Granmèt lamé yo, roua-m ak Bondié-m. **R**

- 5 Ala kontantman pou moun ki abité nan kay ou-a,
pou tout tan y-ap fè louanj ou.
- 10 Protéktè nou, gadé, Bondié,
voyé jé sou fas Kris ou-a. **R:**
- 11 Sèké yon jou nan kay ou yo pi bon pasé mil,
mouin chouazi rét sou papòt nan kay Bondié-m nan,
pasé pou-m abité nan tant péchè yo. **R:**

4

PSÒM RÉPONS

Ps 94, 1-2. 3-5. 6-7

- R:** An nou proché dévan fas Granmèt la avèk louanj.
- 1 Vini, an nou fété pou Granmèt la ;
an nou fè fèt pou Bondié sovè nou-an.
- 2 An nou proché dévan fas li avèk louanj,
avèk kantik, an nou fè fèt pou li. **R:**
- 3 Sèké sé Bondié ki gran Granmèt la yé,
yon roua ki gran anlè tout dié yo.
- 4 Paské nan min-l bafon tè-a yé, rotè mòn yo sé pou li.
- 5 Sèké sé pou li lanmè-a yé, sé li minm ki fè-l,
tè sèk la, sé min-l ki fòmé-l. **R:**
- 6 Vini, an nou adoré-l, an nou bésé atè,
an nou ajénou dévan Granmèt la ki fè nou-an,
- 7 paské sé li minm ki Bondié nou,
nou sé pèp pak li ak mouton min-l. **R:**

5

PSÒM RÉPONS

Ps 121, 1-2. 3-4. 8-9 (**R:** : cf. 1)

- R:** Nan kay Granmèt la ak kè kontan n-apralé
- 1 Mouin kontan, lè yo té di-m :
« Nan kay Granmèt la n-apralé ».
- 2 Pié nou déjà kanpé
nan pòt ou yo, Jérusalèm. **R:**
- 3 Jérusalèm ki bati tankou yon vil
koté tout bagay fè blòk nan yon sèl.

- ⁴ Sé la réyèlman fanmiy yo ap monté, fanmiy Granmèt la, témouagnaj Israèl, pou fè louanj pou non Granmèt la. **R**
- ⁸ Poutèt frè-m yo ak prochin-m yo m-ap di : « Lapè nan ou ! »
- ⁹ Poutèt kay Granmèt Bondié nou-an m-ap mandé byin pou ou. **R**

DÉZIÈM LÉKTU NAN NOUVO TÉSTAMAN-AN

1

Nou sé Tanp Bondié-a.

Léktu prémié lèt apot sin Pòl pou Korintyin yo **3, 9 c-11. 16-17**

Frè-m yo :

Nou sé kay Bondié. Daprè gras Bondié-a, sa-l fè-m nan, mouin pozé fondasion tankou yon injéniè ki gin sajès ; yon lòt bati sou li. Min sé pou chak moun gadé byin kijan l-ap bati sou li. Sèké pèsòn pa kapab pozé dòt fondasion pasé sa-k déjà pozé-a, sa vlé di Kris Jézu.

Èské nou pa konnin sé Tanp Bondié-a nou yé, épi Éspr Bondié-a abité nan nou ? Si yon moun sal Tanp Bondié-a, Bondié ap gayé-l. Sèké Tanp Bondié-a sin, épi kay Tanp sa-a sé nou minm.

Paròl Granmèt la.

2

Tout kay la ki bati-a ap grandi vi-n yon tanp ki sin nan Granmèt la.

Léktu lèt apot sin Pòl pou Éfézyin yo **2, 19-22**

Frè-m yo :

Nou pa étranjé ak moun vini ankò, min nou sé sitouayin minm péyi ak sin yo, nou sé moun kay Bondié ; nou bati sou fondasion Apot yo ak profèt yo, ròch kouin ki anlè nèt la, sé Kris Jézu ; sé nan li tout kay la ki bati-a ap grandi vi-n yon tanp ki sin nan Granmèt la ; nan li nou minm tou yo bati nou pou nou vi-n tounin kay Bondié nan Éspr-a.

Paròl Granmèt la.

3

Nou té proché kot mòn Siyon ak vil Bondié ki vivan-an.

Léktu lèt pou Ébré yo

12, 18-19. 22-24

Frè-m yo :

Nou pa-t proché kot yon mòn yo kapab touché ak min, ak yon difé k-ap flanbé, ak fè-noua, ak brouya, ak tanpèt, ak son tronpèt, ak boui paròl, moun yo ki té tandé yo, yo té mandé padon, pou yo pa-t palé ak yo konsa. Sa yo té ouè-a té tèlman térrib. Moyiz di : « Mouin sézi, m-ap tranblé ».

Min nou té proché kot mòn Siyon-an ak vil Bondié ki vivan-an, Jérusalèm sièl la, pakèt foul anj yo k-ap fété yo, avèk asanblé premié pitit yo, ki gin non yo ékri nan sièl la, nou té proché kot Bondié k-ap jijé tout moun nan, avèk éspri moun ki kòrèk yo, ki fi-n bon nèt yo, épi kot Jézu ki sèvi intèmedié nouvo téstaman-an, kot san yo té vidé sou nou-an k-ap palé pi byin pasé san Abèl la.

Paròl Granmèt la.

4

Tankou ròch ki vivan, sé pou nou kité yo bati nou pou nou vi-n tounin yon kay Éspri.

Léktu premié lèt apot sin Piè

2, 4-9

Nou minm mouin rinmin anpil la :

Sé pou nou proché kot Granmèt la, li minm ròch vivan-an, sa lézòm yo réjité-a, min sa Bondié minm chouazi-a, sa-l bay konsidérasion-an, nou minm tou tankou ròch ki vivan, sé pou nou kité yo bati nou pou nou vi-n tounin yon kay Éspri, yon sasèrdòs sin, pou nou ofri sakrifis Éspri, sa Bondié résévoua pa lintèmediè Jézu-Kri-a.

Sé pousa sa ki ékri-a gin : « Min mouin pozé yon ròch ki anlè nèt nan Siyon, yon ròch kouin, yon ròch ki chouazi, ki gin anpil valè ; moun ki kouè nan li pap ront ». Konsa pou nou minm ki kouè yo, sé konsidérasion ; min sé pa pou moun ki pa kouè yo, « ròch la, sa bès mason yo té jété yon koté-a, li vi-n tounin tèt kouin-an », épi « ròch k-ap fè moun bité ak blok ròch k-ap jinnin moun », pou sa yo k-ap bité sou paròl la épi ki pa kouè nan sa-a koté yo pozé-a.

Nou minm nou sé yon ras chouazi, yon péyi roua prèt, yon nasion sin, yon pèp Bondié posédé, pou nou anonsé puisans sa-a ki rélé nou vi-n nan bèl limiè-l la.

Paròl Granmèt la.

ALÉLOUYA AK VÈSÈ ANVAN ÉVANJIL LA

1

2 Kro 7, 16

(R: Alélouya). Mouin chouazi koté sa-a, épi mouin fè-l vi-n sin,
sé sa Granmèt la di, pou non-m rét la tout tan. (R: Alélouya)

2

Iz 66, 1

(R: Alélouya). Sièl la sé tro-n mouin, tè-a sé machpié-m,
sé sa Granmèt la di ;
ki kalité kay sa-a n-ap bati pou mouin-an ? (R: Alélouya)

3

Éz 37, 27

(R: Alélouya). Tant mouin-an ap nan mitan yo,
sé sa Granmèt la di. (R: Alélouya).

4

Cf. Mt 7, 8

(R: Alélouya). Nan kay mouin-an tout moun ki mandé, l-ap résévoua ;
sé sa Granmèt la di ;
moun ki chèché, l-ap jouinn épi moun ki frapé, y-ap louvri ba li. (R:
Alélouya).

5

Mt 16, 18

(R: Alélouya). Ou sé Piè, sou ròch sa-a m-ap bati Égliz mouin-an,
pòt lanfè yo pap ranpòté viktoua kont li. (R: Alélouya).

ÉVANJIL YO

1

Ou sé Piè, m-ap ba-ou clé péyi roua sièl la.

✠ **Léktu sint Évanjil la dapré Matié**

16, 13-19

Lè sa-a :

Jézu rivé nan réjion Sézaré Filip la, li pozé disip li yo késion, li di :
« Ki sa moun yo di Pitit moun nan yé ? »

Yo minm yo di : « Ginyin sé Jan-Batis, dòt minm sé Éli, dòt ankò sé Jérési oubyin youn nan profèt yo ».

Jézu di yo : « É nou minm ki sa nou di mouin yé ? »

Simon Piè pran laparòl, li di : « Ou sé Kris, Pitit Bondié vivan-an ».

Jézu pran laparòl, li di-l : « Ala kontantman pou ou, Simon, pitit Jan, paské sé pa ni chè ni san ki fè ou konn sa, min Papa-m ki nan sièl la. Mouin minm mouin di-ou ou sé Piè, sou ròch sa-a m-ap bati Égliz mouin-an, pòt lanfè yo pap ranpòtè viktoua kont li ; m-ap ba-ou clé péyi roua sièl yo, tou sa ou-ap maré sou tè-a, l-ap maré nan sièl la, tou sa ou-ap lagé sou tè-a, l-ap lagé nan sièl la tou ».

Paròl Granmèt la.

2

Jodi-a sové-a rivé pou kay sa-a.

✠ **Léktu sint Évanjil la dapré Luk**

19, 1-10

Lè sa-a :

Jézu antré Jérési, l-ap travèsé vil la. Yon mésié yo rélé Zaché, ki té chèf koléktè yo, li té rich, li t-ap chèché ouè Jézu, kilès li yé, li pa-t kapab akòz foul la, paské li té tou kout. Li kouri dévan, li monté sou yon pié figié, pou-l ouè-l, paské li té gin pou-l pasé la.

Lè Jézu rivé koté sa-a, li lévé jé-l, li ouè-l, li di-l : « Zaché, fè vit, désann, paské jodi-a sé lakay ou mouin gin pou-m rété ». Li fè vit, li désann, li résévoua-l avèk kè kontan. Lè tout moun ouè sa, yo t-ap kritiké, yo t-ap di sé kay yon péchè l-al manjé.

Zaché minm kanpé, li di Granmèt la : « Min mouatié byin-m yo, Granmèt, mouin bay pòv yo ; si-m té vòlè yon moun, mouin rinmèt li kat fous plis ».

Jézu minm di-l : « Jodi-a salu-a rivé pou kay sa-a, paské li minm tou sé yon pitit Abraam. Sèké Pitit moun nan vini pou-l chèché, pou-l sové sa-k té pèdi ».

Paròl Granmèt la.

3

Li t-ap palé osijè tant kò-l la.

✠ **Léktu sint Évanjil la dapré Jan**

2, 13-22

Pak Juif yo té tou pré, Jézu monté Jérusalèm ; nan Tanp la li jouinn machann bèf ak mouton ak pignon, épi moun k-ap chanjé lajan, ki té chita.

Li fè tankou yon fouèt ak kòd, li chasé yo tout sot nan Tanp la, ansanm ak mouton yo ak bèf yo, li chaviré monnin moun ki t-ap chanjé lajan yo, li viré tab yo bouch anba.

Moun yo ki t-ap vann pignon yo, li di yo : « Ouété bagay sa yo sot isit la, pa fè kay Papa-m nan vi-n tounin kay komès ». Disip li yo vi-n sonjé yo té ékri : « Chalè rinmin pou kay ou-a ap dévoré-m ».

Juif yo pran laparòl, yo di-l : « Ki sign ou-ap montré nou pou sa ou-ap fè-a ? »

Jézu réponn, li di yo : « Détoui Tanp sa-a, épi nan toua jou m-ap drésé-l ».

Juif yo di : « Sé karann-sizan yo pran pou bati Tanp sa-a, épi ou minm nan toua jou ou-ap drésé-l ? » Li minm minm, li t-ap palé sou Tanp kò-l la.

Lè-l résisité sot nan pami mò yo, disip li yo vi-n sonjé li té di sa, yo kouè nan sa-k ékri yo ak nan paròl yo Jézu té di-a.

Paròl Granmèt la.

4

Véritab moun k-ap adoré yo, y-ap adoré Papa-a nan éspri ak vérité.

✠ **Léktu sint Évanjil la dapré Jan**

4, 19-24

Lè sa-a :

Madanm Samaritèn nan di Jézu :

« Granmèt, mouin ouè sé yon profèt ou yé. Papa nou yo té adoré sou mòn sa-a, épi nou minm nou di sé Jérusalèm koté nou doué adoré-a ».

Jézu di-l : « Madanm, kouè-m, lè-a rivé, sé pa ni sou mòn sa-a ni Jérusalèm n-ap adoré Papa-a. Nou minm n-ap adoré sa nou pa konnin, nou minm minm nou adoré sa nou konnin, paské sové nou gin pou nou sové-a sé nan Juif yo li soti. Min lè-a rivé, épi sé koulié-a, koté véritab moun k-ap adoré yo, y-ap adoré Papa-a nan éspri ak vérité. Réyèlman sé kalité moun sa yo Papa-a ap chèché, pou adoré-l. Bondié sé Éspri, moun ki adoré-l yo, sé nan éspri ak vérité yo doué adoré ».

Paròl Granmèt la.

KOMIN SINT VIÈJ MARI

PRÉMIÉ LÉKTU NAN ANSYIN TÉSTAMAN-AN

1

M-ap pozé rayisans ant ras ou ak ras madanm nan.

Léktu liv Jénèz la

3, 9-15. 20

Lè Adan fi-n manjé nan pié boua-a, Granmèt Bondié rélé-l, li di-l : « Koté-ou ? »

Adan di : « Mouin té tandé voua-ou nan paradi-a, mouin té pè, paské mouin té nu-kò, mouin kaché kò-m ».

Bondié di : « Ébyin kilès ki té montré-ou ou té nu-kò, sinon paské ou manjé nan pié boua-a, sa-m té pasé-ou lòd pou-ou pa-t manjé ladan-l nan ? »

Adan di : « Sé madanm nan ou té ban mouin kòm asosié-a, sé li minm ki ban-m nan pié boua-a, épi mouin manjé ».

Granmèt Bondié di madanm nan : « Pouki ou fè sa ? »

Li réponn : « Sé sèpan-an ki tronpé-m, épi mouin manjé ».

Granmèt Bondié di sèpan-an : « Poutèt sa ou fè-a, ou madichonnin nan tout vivan ak tout bèt ki sou tè-a : sou vant ou ou-ap maché, épi sé tè ou-ap manjé pandan tout tan lavi-ou. M-ap mété rayisans ant ou minm ak madanm nan, ant ras ou ak ras li ; li minm l-ap krazé tèt ou, ou minm ou-ap mét pièj nan talon-l ».

Paròl Granmèt la.

2

*Jan-l té palé ak papa nou yo,
Abraam ak ras li-a pou tout tan (Luk 1, 55).*

Léktu liv Jénèz la

12, 1-7

Jou sa yo :

Granmèt la di Abram : « Pati sot nan péyi-ou, ak nan fanmi ou, ak nan kay papa-ou, vini nan péyi-a m-a montré-ou la. M-ap fè-ou vi-n tounin yon gran nasion, m-ap béni-ou, m-ap fè non-ou vi-n gran, ou-ap béni. M-ap béni moun ki béni-ou yo, m-ap madichonnin moun ki madichonnin-ou yo, tout fanmi sou tè-a ap béni nan ou ».

Abram pati, jan Granmèt la té pasé-l lòd la, Lòt té pati avèk li tou. Abram té gin souasant-kinz-an, lè-l kité Aran. Li pran Saray, madanm li, avèk Lòt, pitit frè-l la, ak tou sa-l té posédé, ak tout mouton li té gin nan Aran ; yo pati, y-alé nan péyi Kanaan-an.

Lè yo rivé la, Abram travèsé péyi-a jous nan koté yo rélé Sikèm nan, jous nan tè fon ki gin rénomé-a. Kananéyin-an té nan péyi-a lè sa-a.

Granmèt la parèt dévan Abram, li di-l : « Sé ras ou m-ap bay péyi sa-a ». Li bati yon lotèl pou Granmèt la koté sa-a, Granmèt la ki té parèt dévan-l nan.

Paròl Granmèt la.

3

Granmèt Bondié ap ba-l tro-n David papa-l (Luk 1, 32).

Léktu dézièm liv Samuèl

7, 1-5. 8 b-11. 16

Rivé lè roua David té fi-n instalé nan kay li, lè Granmèt la té fi-n ba-l répo tout koté sot anba min tout ènmi-l yo, li té di profèt Natan : « Gadé kijan mouin minm mouin abité nan kay ki fèt ak planch boua-pin, épi arch Bondié-a minm dépozé nan mitan yon tant ». Natan té di roua-a : « Tou sa ki nan kè-ou, al fè-l, paské Granmèt la avèk ou ».

Rivé nan nuit sa-a minm, min paròl Granmèt la koté Natan, antan l-ap di : « Al di David sèvitè-m nan : “Min sa Granmèt la di : Èské sé ou minm k-ap bati yon kay ban mouin pou-m abité ? Mouin minm mouin té pran-ou sot nan savann zèb la, lè-ou t-ap suiv bann mouton yo, pou-ou té kapab vi-n chèf sou pèp mouin Israël, mouin té avèk ou nan tout okazion tout koté ou té pasé, mouin té touyé tout ènmi-ou yo sot dévan fas ou ; mouin té fè-ou vi-n gin yon non ki gran tankou non gran pèsonaj yo ki sou tè-a.

M-ap mété yon koté pou pèp mouin Israël, m-ap planté-l, l-ap abité la, li pap nan kè soté ankò ; pitit méchansté yo pap vi-n pou yo trakasé-l tankou anvan, dépi jou mouin té instalé jij yo sou pèp mouin Israël la. M-ap ba-ou répo sot anba min tout ènmi-ou yo, Granmèt la avèti-ou davans sé Granmèt la k-ap fè yon kay pou ou.

Kay ou-a ap fidèl, ni péyi-roua-ou la jous pou tout tan dévan fas ou, tro-n ou-an ap solid pou tout tan” ».

Paròl Granmèt la.

4

*Yo minnin arch-d-aliens la kot Bondié,
yo instalé-l nan mitan tant la, sa David té drésé pou li-a.*

Léktu prémié liv Kronik yo

15, 3-4. 15-16 ; 16, 1-2

Jou sa yo :

David rasanblé tout Israèl nan Jérusalèm, pou yo fè arch-d-aliens Bondié-a monté koté yo té paré pou li-a ; li rasanblé pitit Aaron yo tou, lévité yo.

Pitit lévi yo pran arch-d-aliens Bondié-a, yo mété manch branka-a sou zépòl yo, jan Moyiz té pasé yo lòd la dapré paròl Granmèt la. Épi David di chèf lévité yo pou yo fè frè yo pran plas yo, sa k-ap chanté yo avèk instriman mizik yo, - gita, bandjo, sinbal -, pou son kè kontan-an sonnin byin ro.

Konsa yo minnin arch-d-aliens Bondié-a, yo mété-l nan mitan tant la, sa David té drésé-a, yo ofri sakrifis antié ak sakrifis lapè dévan Bondié.

Lè David fi-n ofri sakrifis antié yo ak sakrifis lapè yo, li béni pèp la o non Granmèt la.

Paròl Granmèt la.

5

Mari, tro-n Sajès la.

Léktu liv Provèb yo

8, 22-31

Min Paròl Sajès Bondié-a :

« Granmèt la ginyin-m pou li nan kòmansman chémin-l yo, anvan ninpòt bagay té fèt dépi nan kòmansman. Dépi tout tan mouin konsakré, dépi lontan, anvan tè-a té fèt.

Pa-t ko gin bafon anba yo, mouin minm mouin té déja nan vant ; sous dlo yo pa-t ko éklaté, mòn yo pa-t ko gin konsistans ak gro mas yo-a, anvan ti mòn yo mouin té anfanté ; Granmèt la pa-t ko minm fè tè-a, ni riviè yo, ni kat kouin fas tè-a.

Lè-l t-ap préparé sièl yo, mouin té la ; lè-l t-ap entouré bafon anba yo pou fiksé limit yo ; lè-l t-ap drésé sièl yo solid anlè-a, lè-l t-ap réglé sous dlo yo ; lè-l t-ap trasé ron limit pou lanmè-a, lè-l t-ap pozé fondasion tè-

a byin solid, mouin té avèk li, mouin t-ap pozé tout bagay ansanm avèk li, mouin té jouinn kontantman-m chak jou, antan m-ap joué dévan-l tout tan, antan m-ap joué sou fas tè yo, plézi-m sé té rété avèk pitit moun yo ».

Paròl Granmèt la.

6

Mari, tro-n Sajès la.

Léktu liv Sirasid

24, 1-2. 5-7. 12-16. 26-30

Sajès la ap fè louanj pròp tèt li, l-ap jouinn konsidération-l nan Bondié, nan mitan pèp li-a l-ap lévé tèt li ; nan Asanblé Sa-a ki anro nèt la, l-ap louvri bouch li ; dévan fas pouvoua-l, l-ap lévé tèt li.

Mouin minm sé nan bouch Sa-a ki anro nèt la mouin soti, premié pitit anvan tout kréatu ; mouin té fè pou nan sièl la limiè ki pap janm fini-an parèt, épi tankou yon nuaj mouin fòmé tout tè-a. Mouin minm sé nan anlè nèt la mouin abité épi tro-n mouin nan kolòn nuaj la.

Sa-a ki kréyé tout bagay la, li pasé-m lòd, li di-m, sa-a ki kréyé-m nan ki abité nan tant mouin-an, li di-m : “Abité nan Jakòb, mété éritaj ou nan Israèl, voyé rasi-n ou yo nan sa yo mouin chouazi-a”.

Dépi nan kòmansman, anvan sièk tan yo, mouin kréyé, jous nan sièk tan k-ap vini yo, mouin pap disparèt, nan kay ki sin-an dévan-l mouin sèvi.

Sé konsa nan Siyon mouin instalé fèm, nan vil ki sin-an tou mouin répozé, nan Jérusalèm pouvoua-m instalé.

Mouin pran rasi-n nan pèp ki gin konsidération-an, nan pòsion Bondié-m nan éritaj mouin yé, nan foul sin yo mouin jouinn plézi-m.

Vi-n jouinn mouin nou tout ki anvi-m yo, épi plin nou ak frui mouin yo ; éspri-m réyèlman pi dous pasé mièl, épi éritaj mouin dépasé mièl ak gato mièl.

Souvni-m nan jénérasyon sièk yo.

Moun ki manjé-m yo y-ap grangou-m ankò, épi moun ki bouè-m yo y-ap souaf mouin ankò. Sa-k kouté-m li pap ront, épi sa-k aji nan mouin pap fè péché.

Paròl Granmèt la.

7

Min Vièj la ap vi-n ansint.

Léktu liv profèt Izayi

7, 10-14 ; 8, 10

Jou sa yo :

Granmèt la palé avèk Akaz, li di : « Mandé Granmèt Bondié-ou la yon sign ba ou, nan fon anba-a oubyin anro nèt la ».

Akaz di : « Mouin pap mandé, mouin pap tanté Granmèt la ».

Izayi di : « Kouté, kay David : èské sa trò piti pou nou, pou n-ap fatigé lézòm, pou nou rivé fatigé Bondié-m nan ? Sé poutèt sa Granmèt la li minm ap ba nou yon sign. Min Vièj la ap ansint, l-ap anfanté yon ti gason, y-ap rélé non-l Émanuèl, paské Bondié avèk nou ».

Paròl Granmèt la.

8

Gin yon Pitit yo ba nou.

Léktu liv profèt Izayi

9, 1-6

Pèp la, ki t-ap maché nan fènoua-a, li té ouè yon gran limiè ; moun yo ki abité nan réjion lonbraj lanmò-a, yon limiè té lévé pou yo. Ou té fè fèt la vi-n anpil, ou fè kontantman-an grandi. Y-ap kontan dévan-ou, tankou moun ki kontan nan rékòlt, tankou moun ki ranpòté viktoua k-ap dansé, lè yo fi-n pran byin ènmi-an, lè y-ap séparé richès yo. Sèké jouk la ki t-ap pézé sou li-a, épi baton-an ki té sou zépòl li-a, épi bagèt moun ki t-ap fè-l pasé tray la, ou té krazé-l, tankou nan jou Madian-an.

Sèké tout bòt k-ap frapé ak brui épi rad ki mélé ak san y-ap boulé-l, manjé pou difé.

Yon ti pitit, réyèlman, té fèt pou nou, yon ti gason yo té ba nou, péyi-roua-a té vi-n sou zépòl li, y-ap rélé non-l « Sa-a ki mérité konsidérasion-an, Sa-a k-ap bay konsèy la, Bondié fò, Papa sièk tan k-ap vini yo, Prins lapè ». Péyi-roua-l la ap vi-n anpil, épi lapè-a pap gin finisman, sou tro-n David la ak sou péyi-roua-l la, l-ap instalé, pou-l asiré-l, épi pou-l ranfòsé-l nan jijman-an ak jistis la dépi koulié-a ak pou tout tan. Jalouzi Granmèt lamé yo ap fè sa.

Paròl Granmèt la.

9

*Mouin kontan anpil nan Granmèt la.***Léktu liv profèt Izayi**

61, 9-11

Y-ap rékonèt ras pèp mouin-an pami nasion yo, ak désandans yo nan mitan pèp yo. Tout moun k-ap ouè yo ap rékonèt yo tankou yon ras Granmèt la béni.

Mouin kontan anpil nan Granmèt la, nanm mouin ap dansé nan Bondié-m nan, paské li abiyé-m ak rad ki montré mouin sové-a, li vlopé-m nan manto jistis la, tankou yon mésié k-ap marié, ki gin yon kouròn sou tèt li, épi tankou yon fi k-ap marié, ki bèl ak bijou-l yo. Minm jan tè-a fè sémans li pousé-a, minm jan yon jadin fè sémans li jèmin-an, sé konsa tou Granmèt la Bondié ap fè jistis la jèmin, ni louanj la tou dévan tout nasion yo.

Paròl Granmèt la.

10

*Tan-an koté sa-a ki gin pou-l anfanté-a ap anfanté.***Léktu liv profèt Miché**

5, 1-4 a

Min sa Granmèt la di :

Épi ou minm, Bétléèm Éfrata, ou tou piti nan lamé Juda yo : sé nan ou l-ap soti pou mouin, sa-a k-ap chèf nan Israèl la, épi sous li soti dépi nan kòmansman, nan jou tout tan yo. Sé poutèt sa l-ap rinmèt yo jous nan tan-an koté sa-a ki gin pou-l anfanté-a ap anfanté ; épi rès frè-l yo ap tounin vi-n jouinn pitit Israèl yo. Épi l-ap kanpé, épi l-ap gadiyin mouton yo ak fòs Granmèt la, ak gloua non Granmèt Bondié-l la.

Épi y-ap tounin, paské koulié-a l-ap vi-n gran jous nan bout tè-a. Épi li minm l-ap lapè.

Paròl Granmèt la.

11

*Fè kè-ou kontan, pitit fi Siyon, min m-ap vini.***Léktu liv profèt Zakari**

2, 14-17

Fè louanj, fè kè-ou kontan, pitit fi Siyon, paské min m-ap vini, m-ap abité nan mitan-ou, sé sa Granmèt la di. Jou sa-a anpil nasion ap kolé kò

yo sou Granmèt la, y-ap tounin pèp mouin, m-ap abité nan mitan-ou, ou-ap konnin sé Granmèt lamé yo ki voyé-m koté-ou.

Granmèt la ap posédé Juda kòm pòsion pa-l nan péyi ki sin-an, l-ap chouazi Jérusalèm ankò. Sé pou tout chè fè silans dévan fas Granmèt la, paské l-ap lévé sot nan kay li ki sin-an.

Paròl Granmèt la.

PRÉMIÉ LÉKTU NAN NOUVO TĚSTAMAN-AN POU TAN PASKAL LA

1

Yo t-ap pèsévéré nan priyè avèk Mari manman Jézu.

Léktu Travay Apot yo

1, 12-14

Apré yo fi-n pran Jézu nan sièl la, Apot yo tounin Jérusalèm sot sou mòn yo rélé Olivie-a, ki tou pré Jérusalèm nan, yon chémin saba. Lè yo antré nan chanmòt la, yo monté, koté yo té rété-a : Piè ak Jan, Jak ak André, Filip ak Toma, Bartélémi ak Matié, Jak pitit Alfé-a ak Simon Zélòt la, ak Jud pitit Jak la. Yo tout sa yo t-ap pèsévéré ansanm nan priyè avèk médam yo avèk Mari manman Jézu ak frè-l yo.

Paròl Granmèt la.

2

Yon gran sign parèt nan sièl la.

Léktu liv Apokalips apot sin Jan

11, 19 a ; 12, 1-6 a. 10 ab

Tanp Bondié-a louvri nan sièl la, kòf aliens la parèt nan Tanp li-a. Yon gran sign parèt nan sièl la ; sé yon madanm ki vlopé ak solèy, lali-n nan anba pié-l, sou tèt li gin yon kouròn douz zétoual. Li ansint, l-ap pousé rèl tranché, l-ap soufri ak doulè pandan l-ap anfanté-a.

Gin yon lòt sign tou ki parèt nan sièl la : sé yon gro dragon ; li tout-an-difé ; li gin sèt tèt ak dis kòn ; li gin sèt ti kouròn sou tèt li yo. Ak ké-l, li jété yon tiè nan zétoual yo ki nan sièl la, li voyé yo atè-a. Gro dragon-an rét kanpé dévan madanm nan ki prèské akouché-a. Li paré pou-l valé ti pitit gason-l nan, kon-l fèk ap akouché-l.

Madanm nan akouché yon ti pitit gason, li minm ki gin pou-l kondui tout nasion yo ak bagèt an fè-a. Min, yo pran ti gason-l nan, yo lèvé-l anlè jous kot Bondié, jous kot tro-n Bondié-a. Madanm nan sovè kò-l nan dézè-a, koté li té gin yon plas Bondié té paré pou li.

Mouin tandé yon gran voua nan sièl la k-ap di : « Koulié-a, sovè Bondié sovè nou-an, li rivé ansanm ak fòs la, ak péyi roua Bondié nou-an, ak pouvoua Kris li-a ».

Paròl Granmèt la.

3

Mouin ouè Jérusalèm nouvo-a, ki abiyé tankou yon fi k-ap marié ki anbéli pou mari-l.

Léktu liv Apokalips apot sin Jan 21, 1-5 a

Mouin minm, Jan, mouin ouè yon sièl nouvo ak yon tè nouvo. Prémié sièl la ak prémié tè-a pati, lanmè-a minm pa gin sa ankò.

Mouin minm Jan, mouin ouè vil ki sin-an, Jérusalèm nouvo-a, k-ap désann sot nan sièl la kot Bondié-a, ki abiyé tankou yon fi k-ap marié ki anbéli pou mari-l. Mouin tandé yon gran voua ki sot nan tro-n nan, k-ap di : « Min tant Bondié-a avèk lézòm yo, l-ap abité avèk yo ; y-ap pèp li, li minm Bondié avèk yo l-ap Bondié yo. Bondié ap siyé tout dlo sot nan jé yo, pap gin lanmò, ni dèy, ni rèl, ni doulè ankò ; paské prémié bagay yo pati ».

Sa-a ki té chita sou tro-n nan, li di : « Min mouin fè tout bagay nouvo »

Paròl Granmèt la.

PSÒM RÉPONS YO

1

PSÒM RÉPONS 1 Sam 2, 1. 4-5. 6-7. 8 abcd (R : 1 a)

R Kè-m dansé nan Granmèt la, sovè-m nan.

¹ Kè-m dansé nan Granmèt la :
épi kòn mouin lèvé nan Bondié-m nan ;

- bouch mouin louvri laj kont ènmi-m yo,
paské mouin kontan nan sové ou sové-m nan. **R**
- 4 Zam-flèch sa-k fò yo kasé,
épi fèb yo maré rin-yo ak fòs.
- 5 Sa-k té plin lontan yo pou pin yo loué tèt yo,
épi sa-k té grangou yo yo gin vant plin ;
joutan stéril la anfanté anpil,
sa-k té gin anpil pitit la minm li fébli. **R**
- 6 Granmèt la fè moun mouri, li lévé,
li té fè désann anba tè yo, épi li té fè rémonté ;
- 7 Granmèt la fè vi-n pòv, épi li fè vi-n rich,
li rabésé, épi li lévé anlè. **R**
- 8 Li lévé maléré-a sot nan pousiè-a,
épi li lévé pòv la sot nan fatra-a,
pou-l chita avèk prins yo,
pou-l kinbé tro-n gloua-a. **R**

2

PSÒM RÉPONS

Judt 13, 18 bcde. 19 (**R** : 15, 9 d)

- R** Ou sé onè pèp nou-an.
- 23 Konpliman pou ou, ma fi, o non Granmèt Bondié ki anro nèt la,
nan pami tout fi sou tè-a.
- 24 Konpliman pou Granmèt la, ki kréyé sièl la ak tè-a. **R**
- 25 Paské jodi-a li lévé non-ou anlè yon fason,
pou louanj ou pa sispann soti nan bouch lézòm,
ki sonjé fòs pouvoua Granmèt la pou tout tan. **R**

3

PSÒM RÉPONS

Ps 44, 11-12. 14-15. 16-17 (**R** : 11 a)

- R** Kouté, mafi, gadé, panché zòrèy ou.
- 11 Kouté, mafi, gadé, panché zòrèy ou,
bliyé pèp ou-a ak lakay papa-ou ;
- 12 roua-a anvi bèlté-ou.
Paské sé Granmèt ou li yé, sé pou-ou adoré-l. **R**

- 14 Pitit fi roua-a bèl anpil sou pa anndan,
li abiyé ak rad ki fèt ak fil lò.
- 15 Nan rad ki fèt ak anpil kalité bèl toual, yo minnin-l kot roua-a ;
vièj yo apré-l, zanmi-l yo, y-ap minnin yo ba ou. **R:**
- 16 Yo minnin yo nan kè kontan ak fèt,
yo kondui yo nan lakay roua-a.
- 17 Nan plas papa ou yo ou-ap gin pitit ;
ou-ap instalé yo kòm chèf sou tout tè-a. **R:**

4

PSÒM RÉPONS

Ps 112, 1-2. 3-4. 5-6. 7-8 (**R** : 2)

R: Sé pou non Granmèt la béni pou tout tan.

oubyin : Alélouya.

- 1 Fè louanj, ti moun Granmèt la,
fè louanj pou non Granmèt la.
- 2 Sé pou non Granmèt la béni
dépi koulié-a ak pou tout tan. **R:**
- 3 Dépi sot olévan jous rivé okouchan,
non Granmèt la mérité louanj.
- 4 Granmèt la anlè nèt anro tout nasion yo,
anlè sièl yo gloua li yé. **R:**
- 5 Kilès ki tankou Granmèt Bondié nou-an,
ki abité nan rotè yo,
- 6 ki voyé jé sou pòv yo
nan sièl la ak sou tè-a ? **R:**
- 7 Li lévé pòv la sot atè-a,
li drésé maléré-a sot nan fatra-a,
- 8 pou-l fè-l chita avèk chèf yo,
avèk chèf pèp li-a. **R:**

PSÒM RÉPONS Lk 1, 46-47. 48-49. 50-51. 52-53. 54-55 (R: 49)

R: Li fè gran mèvèy pou mouin, sa-a ki gin pouvoua-a, non-l sin.

oubyin :

R: Ala kontantman pou ou, Vièj Mari,
ou minm ki té poté Pitit Papa-a ki égzisté tout tan-an.

46 M-ap fè louanj Granmèt la,

47 éspri-m ap fété nan Bondié sovè mouin-an. R:

48 Paské li voyé jé sou pòv sèvant li-a,
gadé vré dépi koulié-a tout jénérasyon ap di
ala kontantman pou mouin.

49 Paské li fè gran mèvèy pou mouin, sa-a ki gin pouvoua-a,
non-l sin. R:

50 Épi mizérikòd li sot nan ras al nan ras pou moun ki krinn li yo.

51 Li mété fòs nan bra-l,
li gayé sa-k t-ap fè grandizè nan kè yo-a. R:

52 Li dépozé sa-k gin pouvoua yo sot sou tro-n yo,
épi li lévé pòv yo ;

53 sa-k grangou yo, li plin yo ak byin,
rich yo li ranvouayé yo grangou. R:

54 Li soutni Israèl, sèvitè-l li sonjé mizérikòd li-a,

55 jan-l té palé ak papa nou yo,
Abraam ak ras li-a pou tout tan. R:

DÉZIÈM LÉKTU NAN NOUVO TÉSTAMAN-AN

Koté fot la té anpil la, gras la plin ap ranvèsé.

Léktu lèt apot sin Pòl pou Romìn yo

5, 12. 17-19

Frè-m yo :

Minm jan akoz yon sèl moun péché té antré sou tè sa-a, épi avèk péché-a lanmò-a, sé konsa lanmò pasé nan tout moun, paské tout moun fè péché-a.

Réyèlman si akoz fot yon sèl moun lanmò-a té kòmandé pa lintèmediè yon sèl la, moun yo ki résévoua chaj gras ak kado ak jistis pa lintèmediè yon sèl moun nan, Jézu-Kri, y-ap kòmandé pi plis toujou kòm roua nan lavi-a. Konsa, minm jan pa lintèmediè fot yon sèl moun nan, tout moun té passé anba kondanasion, konsa tou pa lintèmediè jistis yon sèl moun nan, tout moun vi-n kòrèk pou lavi-a. Minm jan akoz dézobéyisans yon sèl moun nan, tout foul moun yo té vi-n gin péché, konsa tou akoz obéyisans yon sèl la, foul moun yo vi-n kòrèk.

Paròl Granmèt la.

2

Sa-a yo li chouazi davans yo, li paré plas yo davans tou.

Léktu lèt apot sin Pòl pou Romin yo

8, 28-30

Frè-m yo :

Nou konnin pou moun yo Bondié rinmin yo, tout bagay sèvi pou byin yo, yo minm li rélé pou yo vi-n sin, dapré désizyon li pran davans la. Réyèlman, sa-a yo li chouazi davans yo, li paré plas yo davans tou, pou yo vi-n moulé nan pòtré Pitit li-a, pou li minm li vi-n tounin premié pitit nan pami tout foul frè yo. Sa-a yo li fi-n paré plas yo-a, li rélé yo tou ; sa-a yo li rélé-a, li fè yo vi-n sin tou ; sa-a yo li fè vi-n sin-an, li ba yo gloua-a tou.

Paròl Granmèt la.

3

Bondié voyé Pitit li-a, ki fèt sot nan madanm nan.

Léktu lèt apot sin Pòl pou Galat yo

4, 4-7

Frè-m yo :

Lè tan-an rivé bout li, Bondié voyé Pitit li-a ki fèt sot nan madanm nan, ki fèt anba laloua-a, pou sa yo ki té anba laloua-a, li té kapab rachté yo, pou nou té kapab vi-n tounin pitit adoptif. Laprèw nou sé pitit, sèké Bondié voyé Éspri Pitit li-a nan kè nou, l-ap rélé : « Aba. Papa ». Konsa pa gin ésklav ankò, min sé pitit ki ginyin. Si sé pitit, sé éritié gras a Bondié.

Paròl Granmèt la.

4

Bondié té chouazi nou nan Kris la anvan tè-a té fèt.

Léktu lèt apot sin Pòl pou Éfézyin yo

1, 3-6. 11-12

Konpliman pou Bondié, Papa Granmèt nou Jézu-Kri, li minm ki béni nou nan tout bénédiksion Éspri-a nan sièl la nan Jézu-Kri ; sé konsa li té chouazi nou nan li anvan tè-a té fèt, pou nou té kapab sin, san tach dévan fas li nan rinmin-an ; li minm ki té déstiné nou davans pou nou té vi-n tounin pitit adoptif pa lintèmediè Jézu-Kri pou li minm, dapré désizyon volonté-l, pou louanj gloua gras li, gras li sa-a li fè nou jouinn nan Pitit li-a li rinmin-an.

Sé nan li minm minm yo té rélé nou kòm éritié, nou minm yo té mété apa dépi davans, sélon désizyon-l k-ap kondui tout bagay sélon plan volonté li-a, pou nou vi-n sèvi louanj gloua li, nou minm ki t-ap éspéré davans nan Kris la.

Paròl Granmèt la.

ALÉLOUYA AK VÈSÈ ANVAN ÉVANJIL LA

1

Cf. Lk 1, 28

(**R.** Alélouya). Salu, plin gras, Granmèt la avèk ou, ou béni nan pami tout médam yo. (**R.** Alélouya).

2

Cf. Lk 1, 45

(**R.** Alélouya). Ala kontantman pou ou, poutèt ou té kouè, paské sa Granmèt la voyé di-ou yo, y-ap réalizé. (**R.** Alélouya).

3

Cf. Lk 2, 19

(**R.** Alélouya). Ala kontantman pou Vièj Mari, ki t-ap konsèvé tout paròl sa yo, li t-ap kalkilé yo nan kè-l. (**R.** Alélouya).

4

Lk 11, 28

(R: Alélouya). Ala kontantman pito pou moun ki kouté paròl Bondié-a épi ki kinbé-l. (R: Alélouya).

5

(R: Alélouya). Ala kontantman pou ou, Sint Vièj Mari, épi ou mérité anpil louanj paské sé nan ou solèy jistis la pran nésans, Kris Bondié nou-an. (R: Alélouya).

6

(R: Alélouya). Ala kontantman pou Mari ki Vièj, li minm ki san lanmò té mérité palm martir la anba koua Granmèt la. (R: Alélouya).

ÉVANJIL YO

1

Sa-a ki pran nésans nan li-a, sé nan Éspri-a li soti.

✠ **Léktu sint Évanjil la daprè Matié** 1, 1-16. 18-23

Liv jénéaloji Jézu-Kri, pitit David, pitit Abraam.

Abraam anfanté Izaak, Izaak minm anfanté Jakòb, Jakòb minm anfanté Juda ak frè-l yo. Juda anfanté Farès ak Zara sot nan Tamar, Farès anfanté Ésròn, Ésròn anfanté Aram, Aram anfanté Aminadad. Aminadad anfanté Naasòn, Naasòn anfanté Salmòn, Salmòn anfanté Boðz sot nan Raab, Boðz anfanté Obèd sot nan Rut, Obèd anfanté Jésé, Jésé anfanté roua David.

Roua David anfanté Salomon sot nan sa-a ki té madanm Uri-a, Salomon anfanté Roboam, Roboam anfanté Abia, Abia anfanté Asa, Asa anfanté Jozafat. Jozafat anfanté Joram, Joram anfanté Ozias, Ozias anfanté Joatam, Joatam anfanté Akaz, Akaz anfanté Ézékiás, Ézékiás

anfanté Manasé. Manasé anfanté Amon, Amon anfanté Jozias, Jozias anfanté Jékonias ak frè-l yo, lè égzil Babilòn nan.

Apré égzil Babilòn nan, Jékonias anfanté Salatièl, Salatièl anfanté Zorobabèl, Zorobabèl anfanté Abioud, Abioud anfanté Éliakim, Éliakim anfanté Azòr, Azòr anfanté Sadòk, Sadòk anfanté Akim, Akim anfanté Élioud, Élioud anfanté Éléazar, Éléazar anfanté Matan, Matan anfanté Jakòb. Jakòb minm anfanté Jozèf, ki té marié ak Mari ; sé nan Mari sa-a minm Jézu pran nésans, li minm yo rélé Kris la.

Kanta Kris la minm, min ki jan li té fèt : Mari, manman-l té marié ak Jozèf ; anvan yo vi-n abité ansanm, rivé li vi-n ansint gras a Éspri Sin-an ; Jozèf minm, mari-l la, kòm sé té yon moun kòrèk, li pa-t vlé dénoncé-l, li désidé ranvouyé-l an sékrè.

Pandan li t-ap kalkilé sou sa, anj Granmèt la parèt nan rèv, li di-l : « Jozèf, pitit David, pa pè résévoua Mari, madanm ou-an : sèké sa-a ki pran nésans nan li-a, sé nan Éspri Sin-an li soti. L-ap anfanté yon ti gason, ou-ap rélé non-l Jézu ; paské sé li minm k-ap sové pèp li-a sot nan péché-l yo ». Tou sa rivé, pou réalizé sa Granmèt la té di pa lintèmediè Profèt la : « Min Vièj la ap ansint, l-ap anfanté yon ti gason, y-ap rélé non-l Émanuèl, sa vlé di “Bondié avèk nou” ».

Paròl Granmèt la.

oubyin pi kout

✠ Léktu sint Évanjil la dapré Matié

1, 18-23

Min jénérasyon Kris la : Mari, manman-l té marié ak Jozèf ; anvan yo vi-n abité ansanm, rivé li vi-n ansint gras a Éspri Sin-an ; Jozèf minm, mari-l la, kòm sé té yon moun kòrèk, li pa-t vlé dénoncé-l, li désidé ranvouyé-l an sékrè.

Pandan li t-ap kalkilé sou sa, anj Granmèt la parèt nan rèv, li di-l : « Jozèf, pitit David, pa pè résévoua Mari, madanm ou-an : sèké sa-a ki pran nésans nan li-a, sé nan Éspri Sin-an li soti. L-ap anfanté yon ti gason, ou-ap rélé non-l Jézu ; paské sé li minm k-ap sové pèp li-a sot nan péché-l yo ». Tou sa rivé, pou réalizé sa Granmèt la té di pa lintèmediè Profèt la : « Min Vièj la ap ansint, l-ap anfanté yon ti gason, y-ap rélé non-l Émanuèl, sa vlé di “Bondié avèk nou” ».

Paròl Granmèt la.

2

Pran pitit la ak manman-l, sové kò-ou nan Éjip.

✠ **Léktu sint Évanjil la dapré Matié** 2, 13-15. 19-23

Lè Maj yo tounin, min Anj Granmèt la parèt nan rèv dévan Jozèf, li di : « Lévé, pran pitit la ak manman-l, sové kò-ou nan Éjip ; rété laba-a joutan m-a di-ou : sèké Éròd apral chèché pitit la pou-l touyé-l ». Li lévé, li pran pitit la ak manman-l nan nuit la, li pati nan Éjip. Li té rété laba-a joutan Éròd mouri, pou sa Granmèt la té di pa lintèmédiè Profèt la té kapab réalisé : « Mouin rélé pitit mouin-an sot Éjip ».

Lè Éròd fi-n mouri, min Anj Granmèt la parèt nan rèv dévan Jozèf nan Éjip la, li di : « Lévé, pran pitit la ak manman-l, al nan péyi Israèl la, sèké yo mouri, sa yo ki t-ap chèché lavi pitit la ». Li lévé, li pran pitit la ak manman-l, li rivé nan péyi Israèl.

Lè-l tandé sé Arkélaous ki t-ap kòmandé nan Judé nan plas Éròd papa-l, li pè al la ; li jouinn avètisman nan rèv, li pati nan réjion Galilé yo. Lè-l rivé, li abité nan yon vil yo rélé Nazarèt, pou sa Bondié té di pa lintèmédiè Profèt yo té kapab réalisé : « Y-ap rélé-l Nazaréyin ».

Paròl Granmèt la.

3

*Li lonjé min-l sou disip yo, li di :
Min manman-m ak frè-m yo.*

✠ **Léktu sint Évanjil la dapré Matié** 12, 46-50

Lè sa-a :

Jézu t-ap palé avèk foul yo, manman-l ak frè-l yo té kanpé déyò, yo t-ap chèché palé avèk li. Yon moun di-l : « Min manman-ou ak frè-ou yo kanpé déyò-a, y-ap chèché-ou ».

Li minm minm li réponn, li di-l : « Kilès ki manman-m, kilès ki frè-m ? »

Li lonjé min sou disip li yo, li di : « Min manman-m ak frè-m. Ninpòt ki moun ki fè volonté Papa-m ki nan sièl la, sé li minm ki frè-m ak sè-m ak manman-m ».

Paròl Granmèt la.

4

Min ou-ap ansint, ou-ap anfanté yon ti gason.

✠ **Léktu sint Évanjil la dapré Luk**

1, 26-38

Sou sizièm moua-a Bondié té voyé anj Gabriyèl nan yon vil Galilé yo rélé Nazarèt, kot yon vièj fiancé avèk yon mésié yo té rélé Jozèf, nan kay David la, non vièj la sé té Mari.

Antan Anj la antré koté-l, li té di-l : « Salu, plin gras, Granmèt la avèk ou, ou béni nan pami tout médam yo ». Li minm, lè-l té tandé sa, li té troublé nan paròl li-a, li t-ap réfléchi ki kalité salitasion sa-a.

Anj la té di-l : « Pa pè, Mari ; ou té jouinn gras réyèlman kot Bondié : min ou-ap ansint, ou-ap anfanté yon ti pitit gason, ou-ap rélé non-l Jézu. Li minm, l-ap gran, sé Pitit Sa-a ki anro nèt la y-ap rélé-l, Granmèt Bondié ap ba-l tro-n David papa-l, l-ap kòmandé kòm roua nan kay Jakòb la pou tout tan, péyi-roua-l la pap janm fini ».

Mari minm té di Anj la : « Kijan pou sa fèt, paské gason, mouin pa konn sa ? »

Antan-l réponn, Anj la té di-l : « Éspri Sin-an ap vini sou ou, fòs Sa-a ki anro nèt la ap kouvri-ou ak lonbraj li. Sé pou sa sa-a k-ap pran nésans sot nan ou-a, Sin-an, y-ap rélé-l Pitit Bondié. Min Élizabèt, kouzi-n ou-an, li minm tou li ansint yon ti gason nan viyéyès li-a, moua sa-a sé sizièm nan pou sa-a yo té rélé stéril la ; paské anyin pa inposib kot Bondié ».

Mari minm té di : « Min sèvant Granmèt la ; sé pou sa fèt pou mouin dapré paròl ou-a ». Épi Anj la té pati kité-l.

Paròl Granmèt la.

5

*Koté sa soti pou mouin,
pou manman Granmèt mouin vi-n koté-m ?*

✠ **Léktu sint Évanjil la dapré Luk**

1, 39-47

Jou sa yo, Mari lévé, li pati al nan mòn yo byin vit, nan yon vil Juda. Li antré nan kay Zakari, li salué Élizabèt.

Rivé, lè Élizabèt tandé Mari salué-l, ti pitit la dansé nan vant li, Élizabèt vi-n plin ak Éspri Sin-an, li rélé byin fò, li di :

« Ou béni pasé tout fi ; li béni tou, foui vant ou-a. Koté sa soti pou mouin, pou manman Granmèt mouin-an vi-n vizité-m ? Gadé, lè voua-ou

rivé nan zòrèy mouin lè-ou salué-m nan, ti pitit la dansé nan vant mouin ak kè kontan. Ala kontantman pou ou, poutèt ou té kouè sa Granmèt la voyé di-ou yo, y-ap réalisé ».

Mari di :

« M-ap fè louanj Granmèt la, éspri-m ap fété nan Bondié sové mouin-an ».

Paròl Granmèt la.

6

Li té anfanté pitit li-a, premié pitit.

✠ **Léktu sint Évanjil la dapré Luk**

2, 1-14

Rivé, jou sa yo, té gin yon lòd Sézar Ogus pasé, pou fè résansman tout fas tè-a. Résansman sa-a sé premié sa-k té fèt pa lintèmediè Sirinus préfè Siri-a. Tout moun t-apralé pou yo té fè résansé yo yo chak nan péyi pa yo.

Jozèf li minm tou té monté sot nan Galilé, sot nan vil Nazarèt la, al nan Judé, nan vil David la, sa yo té rélé Bétléèm nan, paské li té sot nan kay ak fanmiy David : pou-l té fè yo résansé-l ansanm avèk Mari, madanm li ki té ansint.

Rivé, donk, pandan yo té la, jou yo pou-l té akouché-a té rivé bout yo. Li té anfanté pitit li-a, premié pitit ; li té vlopé-l ak ti bann toual, li té mété-l kouché nan yon krèch, paské pa-t gin plas pou yo nan lotèl.

Té gin gadyin mouton nan réjion sa-a, ki t-ap véyé, épi ki t-ap pasé tout nannuit ap véyé sou bann mouton yo. Min Anj Granmèt la té kanpé bò koté yo, klèté Bondié té vlopé yo, yo té pè anpil. Anj la té di yo : « Pa pè ; min mouin anonsé nou yon gran nouvèl, k-ap pou tout pèp la. Sèké yon Sovè fèt pou nou jodi-a, sé Kris Granmèt la, nan vil David la. Sa-a ap sèvi nou kòm sign : n-ap jouinn yon ti pitit vlopé nan bann toual, épi pozé nan yon krèch ». Minm lè-a yon foul lamé sièl la mété avèk Anj la, antan y-ap fè louanj Bondié, épi y-ap di :

« Viv Bondié nan anro nèt yo, épi sou tè-a lapè pou moun bòn volonté yo ».

Paròl Granmèt la.

7

Li t-ap konsèvé tout paròl sa yo, li t-ap kalkilé yo nan kè-l.

✠ **Léktu sint Évanjil la dapré Luk** 2, 15 b-19

Gadyin yo youn di lòt : « An nou travèsé jous Bétlèèm, pou nou ouè paròl sa-a ki rivé-a, sa Granmèt la montré nou-an ».

Yo rivé byin vit ; yo ouè Mari ak Jozèf, épi ti pitit la ki pozé nan koté zannimo yo konn manjé-a. Lè yo ouè sa, yo rakonté paròl yo té palé yo sou ti pitit sa-a. Tout moun ki t-ap tandé yo, yo té sézi, osijè sa gadyin yo t-ap di yo-a.

Mari minm t-ap konsèvé tout paròl sa yo, li t-ap kalkilé yo nan kè-l.

Paròl Granmèt la.

8

Limière pou révélation nasion yo.

✠ **Léktu sint Évanjil la dapré Luk** 2, 27-35

Siméon rivé nan Tanp la nan Éspri-a ; pandan paran Jézu yo t-ap antré avèk li pou yo réalizé sa laloua-a té mandé pou li-a, li résévoua-l nan min-l, li fè konpliman pou Bondié, li di :

« Koulié-a ou mèt ranvouayé sèvitè-ou la, Granmèt, dapré paròl ou-a nan lapè, paské jé-m ouè sovè ou-ap sovè nou-an, sa-ou té paré dévan fas tout pèp yo : limière pou révélation nasion yo, épi gloua pèp ou-a Israël ».

Papa-l ak manman-l té sézi poutèt sa yo t-ap di osijè-l la.

Siméyon béni yo ; li di Mari, manman-l : « Min sa-a instalé pou lanmò ak rézirkéksion anpil moun nan Israël, nan sign k-ap sèvi kontradiksion (kanta pou nanm ou minm, yon épé ap travèsé-l) pou pansé ki nan kè anpil moun révéle ».

Paròl Granmèt la.

9

Papa-ou avèk mouin minm, nou t-ap chèché-ou ak kè-n séré.

✠ **Léktu sint Évanjil la dapré Luk** 2, 41-52

Chak ané paran Jézu yo té konn al Jérusalèm pou fèt Pak la. Lè Jézu vi-n gin douzan, yo monté Jérusalèm, jan yo té konn abitué fè-a pou jou fèt la ; lè yo tounin, ti Jézu té rét Jérusalèm, san paran-l yo pa-t konnin.

Yo té konprann li té nan pami vouayajè yo, yo maché pandan yon jounin ; yo chèché-l nan pami fanmi ak zanmi. Yo pa jouinn li, yo tounin Jérusalèm ap chèché-l.

Apré toua jou, yo jouinn li nan Tanp la, li té chita nan mitan savan yo, li t-ap kouté, li t-ap pozé yo késion. Tout moun ki t-ap kouté-l té sézi poutèt intélijans ak répons li. Lè yo ouè-l, yo sézi.

Manman-l di-l : « Pitit, ki sa-ou fè nou konsa-a ? Gadé, papa-ou avèk mouin minm, nou t-ap chèché-ou ak kè-n séré ».

Li di yo : « Pouki rézon nou t-ap chèché-m ? Èské nou pa-t konnin sé nan afè Papa-m mouin gin pou-m rété » ?

Yo minm yo pa-t konprann paròl li t-ap palé ak yo-a.

Li désann avèk yo, li vi-n Nazarèt ; li té rét obéyisan vizavi yo. Kanta manman-l, li t-ap konsèvé tout paròl sa yo nan kè-l.

Jézu minm t-ap fè progrè nan sa-jès ak nan laj ak nan gras dévan Bondié ak lézòm.

Paròl Granmèt la.

10

Ala kontantman pou vant ki té pòté-ou la.

✠ Léktu sint Évanjil la dapré Luk

11, 27-28

Lè sa-a :

Pandan Jézu t-ap palé ak foul yo, yon madanm lévé voua-l nan foul la, li di-l : « Ala kontantman pou vant la ki té pòté-ou la, ak tété ou té sousé yo ».

Li minm minm, li di : « Ala kontantman pito pou moun ki kouté paròl Bondié-a épi ki kinbé-l ».

Paròl Granmèt la.

11

Manman Jézu té la.

✠ Léktu sint Évanjil la dapré Jan

2, 1-11

Lè sa-a :

Vi-n gin nòs nan Kana Galilé-a. Manman Jézu té la.

Yo té invité Jézu tou ansanm ak disip li yo nan nòs la. Divin vi-n manké ; manman Jézu di-l : « Yo pa gin divin ».

Jézu di-l : « Sa-k gin ant mouin minm ak ou minm, madanm ? Lè mouin poko rivé ».

Manman-l di sèvitè yo : « Tou sa li di nou, sé pou nou fè li ».

Té gin sis ja dlo an ròch pou Juif yo pròpté kò yo ; yo chak té kinbé dé ou toua mézu. Jézu di yo : « Plin ja yo dlo ». Yo plin yo jous nan bouch.

Jézu di yo : « Tiré koulié-a, poté bay òganizatè résépsion-an ». Yo fè sa.

Òganizatè résépsion-an gouté dlo-a ki té tounin divin-an ; li pa-t konn koté-l soti, min moun yo ki t-ap sèvi-a, yo té konnin, yo minm ki té tiré dlo-a ; òganizatè résépsion-an rélé épou-a. Li di-l : « Tout moun kòmansé mété bon divin ; kon moun yo gri, yo mét sa-k mouin bon ; ou minm minm, ou kinbé bon divin-an jous koulié-a ».

Sa-a, Jézu té fè-l kòm kòmansman sign yo nan Kana Galilé-a ; li fè ouè gloua li, disip li yo kouè nan li.

Paròl Granmèt la.

12

Min pitit ou. Min manman-ou.

✠ Léktu sint Évanjil la dapré Jan

19, 25-27

Lè sa-a :

Tou pré koua Jézu-a, manman-l té kanpé, ni sè manman-l nan tou, Mari Kléofas, ak Mari Madlèn.

Lè Jézu ouè manman-an ak disip li té rinmin-an ki kanpé, li di manman-l : « Madanm, min pitit ou » ; apré sa li di disip-la : « Min manman-ou ». Dépi lè sa-a, disip-la pran-l nan pami byin pa li.

Paròl Granmèt la.

KOMIN MATI YO

PRÉMIÉ LÉKTU NAN ANSYIN TÉSTAMAN-AN

1

Zakari nou touyé-a ant tanp la ak lotèl la (Matié 23, 35).

Léktu dézièm liv Kronik yo

24, 18-22

Nan jou sa yo :

Yo kite tanp Granmèt Bondié papa yo, yo sèvi poto ak zidòl yo ; kòlè-a rivé kont Juda ak Jérusalèm poutèt péché sa-a. Yo voyé profèt ba yo pou yo tounin kot Granmèt la ; yo révolté kont yo, yo réfizé kouté.

Éspri Bondié vlopé Zakari, pitit Jozada, prèt la ; li kanpé dévan pèp la, li di-l : « Min paròl Granmèt Bondié-a : Pouki sa nou dézobéyi lòd Granmèt la, sa pa nan avantaj nou, nou lagé Granmèt la, pou-l lagé nou tou ».

Yo rasanblé kont li, yo kalonnin-l sou lòd roua-a nan lakou kay Granmèt la. Roua Joas pa sonjé mizérikòd Jozada té gin pou li, Jozada, papa Zakari, min li fè touyé pitit li-a.

Li minm, lè l-ap mouri, li di : « Sé pou Granmèt la ouè, pou-l mandé kont ».

Paròl Granmèt la.

2

M-ap sipòté soufrans yo ak tout kè-m poutèt krint mouin gin pou ou.

Léktu dézièm liv Makabé yo

6, 18. 21. 24-31

Jou sa yo :

Éléazar té youn nan pi gran skrib yo ; sé té yon moun ki té gin anpil laj, ki té gin bèl aparans. Yo louvri bouch li, yo fòsé-l manjé viann kochon.

Moun yo minm ki té kanpé-a, yo té trésayi ak yon mové santiman pitié poutèt yo té zanmi-l dépi lontan ; yo pran-l apa, yo t-ap sipliyé-l pou-l fè yo poté viann li gin doua manjé, pou-l té fè kòm si li t-ap manjé nan viann sakrifis yo jan roua-a té pasé lòd la.

Li déklaré : « Sa pa kadré avèk laj nou pou nou nan fè sanblan ; pou anpil nan jèn jan yo konprann Éléazar a-katrévindizan travèsé nan mòd lavi étranjé yo, épi yo minm poutèt sanblan mouin fè-a épi poutèt yon ti kras tan lavi k-ap péri-a, yo t-a tronpé, épi konsa mouin t-a résévoua tach sa-a avèk laront sa-a pou viyéès mouin. Réyèlman, minm si mouin chapé sot nan min mové trétman lézòm nan tan koulié-a, min mouin pap chapé sot nan min Sa-a ki gin tout pouvoua-a, ni antan-m vivan ni antan-m mouri.

Sé pousa antan mouin kité lavi-a avèk kouraj, mouin montré mouin réspékté viyéès la ; épi pétèt m-ap kité yon égzanp pou jèn jan yo, si mouin aksépté yon lanmò ki réspéktab avèk tout kè-m, tout kouraj mouin pou laloua yo ki inpòtan anpil yo, ki sin anpil yo ». Kon-l fi-n di sa, minm lè-a, yo kondui-l al pasé mati.

Moun yo minm ki t-ap kondui-l yo, épi ki té byin dou yon ti moman anvan, yo vi-n chanjé, yo vi-n nan kòlè poutèt paròl yo li di-a, yo té konprann sé avèk arogans li té di yo.

Min, pandan l-ap sibi kout fouèt, l-ap plinn, li di : « Granmèt, ou minm ki gin sians ki sin-an, ou byin konnin malgré mouin t-a kapab fè yo délivré-m sot nan lanmò, m-ap sipòté doulè ki rèd nan kò mouin ; épi nan nanm mouin tou m-ap sipòté yo ak tout kè-m poutèt krint mouin gin pou ou ».

Sé konsa li kité lavi-a, antan-l kité souvni lanmò kòm égzanp kouraj ak fòs pa sèlman pou jèn jan yo, min pou tout moun.

Paròl Granmèt la.

3

*Nou paré pou nou mouri,
pasé pou nou dézobéyi laloua Bondié papa nou yo.*

Léktu dézièm liv Makabé yo

7, 1-2. 9-14

Jou sa yo :

Roua-a té arété sèt frè, ansanm avèk manman yo, li t-ap fòsé yo pou yo manjé viann kochon, malgré défans laloua-a, antan li fè bat yo ak fouèt épi rigouaz.

Youn nan yo, pi gran-an, di konsa : « Ki sa ou-ap chèché, ki sa-ou vlé nan min nou ? Nou paré pou nou mouri, pasé pou nou dézobéyi laloua Bondié papa nou yo ».

Dézièm nan minm, lè l-apral mouri, li di : « Ou minm, méchan, ou touyé nou pou lavi sa-a, min Roua tout tè-a ap fè nou lévé nan réziréksion lavi tout tan-an, nou minm ki mouri pa laloua-l yo ».

Apré-l, yo maltrété yon touazièm ; li lonjé lang li minm lè yo mandé-l li-a, li lonjé min-l avèk kouraj, li di avèk asirans : « Sé sièl la ki ban-m bagay sa yo, min poutèt laloua Bondié-a, koulié-a mouin méprizé yo, paské mouin éspéré m-ap résevoua yo nan min-l » ; sé poua roua-a avèk moun yo ki té avèk li-a, yo sézi pou kouraj jénòm nan, ki pa-t konsidéré soufrans sa yo pou anyin.

Lè sa-a fi-n mouri konsa, yo maltrété katriyèm nan minm jan, ak gro soufrans ; li té déjà prèské mouri, li di : « Pito-m mouri nan min moun yo, antan nou éspéré Bondié ap résisité nou ; kanta ou minm minm réziréksion pou lavi-a pap pou ou ».

Paròl Granmèt la.

4

Manman ki mérité konsidérasion, li sipòté sa ak anpil kouraj poutèt éspérans li té gin nan Bondié.

Léktu dézièm liv Makabé yo

7, 1. 20-23. 27 b-29

Jou sa yo :

Yo arété sèt frè, yo pran yo ansanm avèk manman yo, roua-a fòsé yo manjé viann kochon, antan yo bat yo avèk fouèt ak rigouaz.

Manman yo minm mérité konsidérasion dépasé tout jan, li mérité pou bon moun yo sonjé-l : li ouè sèt pitit li yo k-ap mouri nan yon sèl jou, épi li sipòté sa ak anpil kouraj poutèt éspérans li té gin nan Bondié. Li t-ap ankourajé yo chak nan lang papa yo avèk fòs, li té plin sajès, li mété nanm gason nan réfléksion li t-ap fè kòm fi, li di yo : « Mouin pa konnin kijan nou té parèt nan vant mouin, ni kijan mouin té ba nou éspri ak nanm ak lavi, ni sé pa mouin minm ki té konpozé manb nou chak ; min sé Sa-a ki kréyé tè-a, ki fòmé nésans moun, li minm ki jouinn sous tout bagay, sé li minm tou avèk mizérikòd li k-ap rinmèt nou éspri-a ak lavi-a, minm jan koulié-a nou méprizé pròp tè nou poutèt laloua-l yo ».

Li di pi pitit-a nan lang papa yo :

« Pitit mouin, pran pitié pou mouin, sé mouin minm ki té poté-ou nan vant pandan nèf moua épi mouin té ba-ou tété, mouin té souin-ou pandan touazan, mouin fè-ou rivé nan laj sa-a. Mouin mandé-ou, pitit, tanpri, pou-ou gadé nan diréksion sièl la ak tè-a ak tout bagay ki nan yo, pou-ou konprann sé ak anyin Bondié té fè yo, ni ras moun. Konsa pa pè bouro sa-a, min sé pou-ou montré ou mérité minm ran ak frè-ou yo, aksépté lanmò, pou-m résévoua-ou avèk frè-ou yo nan tan mizérikòd la ».

Paròl Granmèt la.

5

Li résévoua yo tankou sakrifis yo boulé tout-antié.

Léktu liv Sajès la

3, 1-9

Nanm moun ki kòrèk yo, sé nan min Bondié yo yé, tray lanmò pap touché yo. Dévan jé moun san sajès yo, sanblé yo mouri ; lè yo pati kité tè sa-a, moun yo konsidéré sa tankou yon malè ; lè y-al fè rout yo kité nou, sa parèt kòm si yo té péri ; époutan yo minm yo nan lapè ; épi minm si dévan moun yo sibi anpil mati, éspérans yo-a konblé ak lavi ki pa kapab mouri-a.

Yo pasé tray nan kèk ti bagay, y-ap byin chita nan anpil bagay ; sèké Bondié té sondé yo, épi li té jouinn yo kòrèk pou li. Li fè yo bay prèv yo, tankou lò nan difé ; tankou sakrifis yo boulé tout-antié, li aksépté yo ; lè tan-an rivé, y-ap kléré.

Moun ki kòrèk yo ap kléré, épi tankou étinsèl y-ap kouri nan difé ; y-ap jijé nasion yo, y-ap kòmandé sou pèp yo, Granmèt yo-a kòmandé kòm roua pou tout tan.

Moun ki mét konfians nan li, y-ap konprann vérité-a. Moun ki fidèl yo ap rét avèk li nan rinmin-an, paské li bay kado ak lapè pou sa yo li chouazi-a.

Paròl Granmèt la.

6

Ou libéré-m dapré kantité mizérikòd non-ou.

Léktu liv Sirasid

51, 1-12

M-ap déklaré mouin rékonèt ou, Granmèt roua. M-ap fè louanj ou Bondié sovè-m. M-ap déklaré mouin rékonèt non-ou, paské ou sèvi-m sékou ak protéktè, ou libéré kò-m sot nan pèdition, sot anba lang méchan-an, épi sot anba po bouch sa k-ap fè manti, épi dévan fas sa-k kanpé yo ou poté-m sékou. Ou libéré-m dapré kantité mizérikòd non-ou, anba min sa-k t-ap rélé yo, ki t'e préparé pou yo manjé-a, anba min sa-k t-ap chèche nanm mouin yo, épi anba pòt tribilasyon yo, ki té antouré-m yo, anba chalè flanm nan, ki t-ap vlopé-m nan, épi nan mitan difé-a mouin pa boulé ; anba profondè van lanfè-a épi anba lang sal la, épi anba paròl manti-a, anba min roua méchan-an épi anba lang ki pa kòrèk la.

Nanm mouin ap fè louanj Granmèt la jous lanmò. Lavi-m t-ap proché nan lanfè anba-a.

Yo té vlopé-m tout koté, pa-t gin pèsòn pou édé-m ; mouin t-ap gadé nan sékou lèzòm, min pa-t ginyin. Mouin sonjé mizérikòd ou, Granmèt, avèk aksion-ou, ki égzisté dépi sièk tan, paské ou délivré moun ki konté sou ou yo, Granmèt, épi ou libéré yo anba min nasion yo.

Paròl Granmèt la.

PRÉMIÉ LÉKTU NAN NOUVO TĒSTAMAN-AN POU TAN PASKAL LA

1

Granmèt Jézu, résévoua éspri-m.

Léktu Travay Apot yo

7, 55-60

Jou sa yo :

Kòm Étièn té plin ak Éspri Sin-an, antan li fiksé sièl la, li té ouè gloua Bondié-a ak Jézu ki kanpé adouat Bondié, li di : « Mouin ouè sièl yo louvri, ak Pitit moun nan ki kanpé adouat Bondié ». Yo lévé voua yo byin fò, yo fèmin zòrèy yo, yo fonsé ansanm sou li. Yo jété-l déyò vil la, yo kòmansé kalonnin-l ak kout ròch. Té mouin yo té dépozé rad yo nan pié yon jénòm yo té rélé Sòl.

Pandan yo t-ap kalonnin-l ak kout ròch, Étièn t-ap priyé, li t-ap di : « Granmèt, résévoua éspri-m ».

Li pozé jénou-l atè, li rélé byin fò, li di : « Granmèt, pa mété péché sa-a sou kont yo ». Pandan l-ap di sa, li dòmi nan Granmèt la. Sòl minm té dakò avèk touyé yo té touyé-l la.

Paròl Granmèt la.

2

Sa yo sé sa ki vi-n sot nan gran tribilasyon-an.

Léktu liv Apokalips apot sin Jan

7, 9-17

Mouin minm Jan, mouin ouè yon gran foul, pèsòn pa-t kapab konté-l, yo té soti nan tout kalité nasion, ras, pèp ak lang, yo té kanpé dévan tro-n la ak dévan fas Mouton-an, yo té abiyé ak rad blan, yo té gin branch nan min yo, yo t-ap rélé byin fò, yo t-ap di : « Sové nou sové-a, sé gras a Bondié nou-an, li minm ki chita sou tro-n nan, épi gras a Mouton-an ».

Tout anj yo té kanpé toutotou tro-n nan ak ansyin yo ak kat vivan yo ; yo lagé kò yo sou fas yo dévan tro-n nan, yo adoré Bondié, yo di : « Amèn. Bénédiksyon, gloua, sajès, rémèsiman. konsidération, pouvoua ak fòs pou Bondié nou-an pou tout tan k-ap gin tan. Amèn ».

Youn nan ansyin yo pran laparòl, li di-m : « Sa yo ki abiyé ak rad blan, kilès yo yé, épi koté yo soti ? »

Mouin di-l : « Monséyè, ou konnin ».

Li di-m : « Sa yo sé sa ki vi-n sot nan gran tribilasyon-an, yo lavé rad yo, yo blanchi yo nan san Mouton-an. Sé poussa yo dévan tro-n Bondié-a, y-ap sèvi-l lajounin kon nannuit nan Tanp li-a, sa-a ki chita sou tro-n nan ap abité anlè yo.

Yo pap grangou ni souaf ankò, solèy pap tonbé sou yo, ni okinn chalè, paské Mouton-an, ki nan mitan tro-n nan, l-ap kondui yo, l-ap minnin yo nan sous dlo lavi-a, Bondié ap souyé tout dlo nan jé yo ».

Paròl Granmèt la.

3

Yo bliyé tèt yo jous yo mouri.

Léktu liv Apokalips apot sin Jan

12, 10-12 a

Mouin minm Jan, mouin tandé yon gran voua nan sièl la k-ap di : « Koulié-a sé sové yo sové nou-an ak pouvoua-a ak péyi roua Bondié nou-an ak otorité Kris li-a, paské yo jété sa-a ki t-ap akizé frè nou yo, li

minm ki t-ap akizé yo dévan fas Bondié nou-an lajounin kon lannuit la ; épi yo minm yo ranpòté viktoua sou li poutèt san Mouton-an épi poutèt paròl témouagnaj li-a ; yo bliyé tèt yo jous yo mouri.

Sé pou sa sé pou nou kontan, sièl yo, ak sa yo ki abité nan yo ».

Paròl Granmèt la.

4

Sa ki ranpòté viktoua-a, l-ap posédé bagay sa yo.

Léktu liv Apokalips apot sin Jan **21, 5-7**

Sa-a ki chita sou tro-n nan di : « Min mouin fè tout bagay nouvo ».

Épi li di-m : « Ékri, paské paròl sa yo, yo fidèl anpil, yo vré ».

Li di-m : « Li réalizé. Mouin sé alfa avèk oméga, kòmansman-an avèk finisman-an. Mouin minm sa-k souaf la, m-ap ba-l nan sous dlo lavi-a gratis. Sa k-ap ranpòté viktoua-a, l-ap posédé bagay sa yo. M-ap Bondié-l épi li minm l-ap pitit mouin ».

Paròl Granmèt la.

PSÒM RÉPONS YO

1

PSÒM RÉPONS **Ps 30, 3 cd-4. 6 é 8 ab. 16 bc-17 (R : 6 a)**

R Sé nan min-ou, Granmèt, mouin rinmèt éspri-m.

³ Sé pou-ou sèvi-m yon ròch kachèt ak yon kay défans, pou-ou kap sové-m.

⁴ Paské fòs mouin ak kachèt mouin sé ou minm, poutèt non-ou ou-a kondui-m, ou-a souin-m. **R**

⁶ Sé nan min-ou mouin rinmèt éspri-m ; ou té rachté-m, Granmèt, Bondié vérité-a.

⁸ M-ap dansé, épi m-ap kontan nan mizérikòd ou-a, poutèt ou voyé jé sou jan mouin pòv. **R**

¹⁶ Raché-m sot nan min ènmi-m yo ak pèsékité-m yo ;

- 17 Kléré fas ou sou sèvitè-ou la.
Sové-m nan mizèrikòd ou-a. **R:**

2

PSÒM RÉPONS

Ps 33, 2-3. 4-5. 6-7. 8-9 (**R:** : 5 b)

- R:** Nan tout tray mouin yo Granmèt la sové-m.
2 M-ap fè konpliman pou Granmèt la tout tan,
tout tan louanj li nan bouch mouin.
3 Nan Granmèt la nanm mouin ap jouinn konsidèrasion-l,
sé pou pòv yo tandé, pou yo kontan. **R:**
4 Fè louanj Granmèt la avèk mouin,
sé pou nou lévé non-l anlè ansanm,
5 mouin chèché Granmèt la, li réponn mouin,
anba tou sa-k fè-m pè, li délivré-m. **R:**
6 Gadé nan diréksion-l, n-ap kléré,
fas nou pap ront.
7 Pòv sa-a rélé, Granmèt la kouté-l,
anba tout tray li li sové-l. **R:**
8 Anj Granmèt la ap véyé alantou moun ki krinn li yo,
l-ap délivré yo.
9 Gouté, n-a ouè jan Granmèt la bon ;
ala kontantman pou moun ki éspéré nan li. **R:**

3

PSÒM RÉPONS

Ps 123, 2-3. 4-5. 7 b-8 (**R:** : 7 a)

- R:** Nanm nou tankou yon zouazo ki chapé sot nan pièj chasè yo.
2 Si Granmèt la pa-t nan nou,
lè moun yo lévé kont nou-an.
3 Pètèt sé tou vivan yo t-ap valé nou,
lè raj yo t-ap boulé kont nou-an. **R:**
4 Pètèt dlo-a t-ap nouayé nou,
riviè-a t-ap pasé anlè tèt nou,
5 pétèt yo t-ap pasé anlè tèt nou,
dlo yo k-ap bouyi yo. **R:**

- 7 Pièj la krazé,
nou minm nou chapé,
8 Sèkou nou nan non Granmèt la,
ki fè sièl la ak tè-a. **R**

4

PSÒM RÉPONS

Ps 125, 1-2 ab. 2 cd-3. 4-5. 6 (**R** : 5)

- R** Moun ki simin ak dlo nan jé, yo ranmasé ak kè kontan.
- 1 Lè Granmèt la té fè prizonié Siyon yo tounin-an,
nou té tankou nan rèv.
- 2 Lè sa-a bouch nou té plin ak kè kontan
épi lang nou ak fèt. **R**
- Lè sa-a yo t-ap di nan pami nasion yo :
« Granmèt la fè mèvèy avèk yo ».
- 3 Granmèt la fè mèvèy avèk nou ;
nou vi-n gin kè kontan. **R**
- 4 Granmèt, fè prizonié nou yo tounin
tankou ravi-n nan sid yo.
- 5 Moun ki simin ak dlo nan jé,
yo ranmasé ak fèt. **R**
- 6 Yo t-apralé, yo t-ap kriyé,
antan y-ap poté sémans pou simin-an,
y-ap vini sou rout la ak fèt,
pandan y-ap poté zépi yo. **R**

DÉZIÈM LÉKTU NAN NOUVO TÉSTAMAN-AN

1

*Nou lévé tèt nou tou nan tribilasyon yo.***Léktu lèt apot sin Pòl pou Romin yo****5, 1-5**

Frè-m yo :

Kòm nou vi-n kòrèk gras a lafoua-a, sé pou nou gin lapè k-ap fè nou
proché kot Bondié pa lantrémiz Granmèt nou Jézu-Kri ; sé pa lantrémiz li

tou, gras a lafoua-a, nou kapab proché nan gras sa-a, koté nou kanpé fèm nan épi ki pèmèt nou lévé tèt nou ak kè kontan, antan n-ap éspéré gloua pitit Bondié yo. Sé pa sa sèlman, min nou lévé tèt nou tou nan tray yo, antan nou konnin tray la donnin pasians, pasians la minm donnin andirans, andirans la minm donnin éspérans ; éspérans la minm pa fè nou ront, paské rinmin Bondié-a vidé nan kè nou pa pouvoua Éspri Sin-an yo ba nou-an.

Paròl Granmèt la.

2

Ni lanmò, ni lavi pa kapab séparé nou sot nan rinmin Bondié-a.

Léktu lèt apot sin Pòl pou Romin yo

8, 31 b-39

Frè-m yo :

Si Bondié pou nou, kilès k-ap kont nou ? Li minm ki pa ménajé pròp Pitit li-a, min ki rinmèt li pou nou tout, kòman li pa t-ap ba nou tout bagay avèk li ? Kilès k-ap fè akizasion kont sa yo Bondié chouazi yo ? Èské sé Bondié, li ki fè nou vi-n kòrèk la ? Kilès k-ap kondané nou ? Kris Jézu, ki mouri, pi plis ki résisité, ki adouat Bondié, k-ap intèsédé pou nou-an ?

Kilès ki kapab séparé nou sot nan rinmin Kris la ? tribilasion, oubyin kè séré, oubyin grangou, oubyin manké rad, oubyin danjé, oubyin pèsékision, oubyin épé ? jan sa ékri-a : « Poutèt ou, n-ap mouri chak jou, yo konsidéré nou tankou mouton labatoua ».

Min nan tout bagay sa yo, nou sipòté poutèt sa-a ki rinmin nou-an. Mouin sètin réyèlman ni lanmò, ni lavi, ni anj, ni chèf, ni pouvoua, ni tan sa-a ni sa k-ap vini-an,-ni fòs, ni rotè, ni profondè, okinn kréatu pa kapab séparé nou sot nan rinmin Bondié-a, ki nan Kris Jézu Granmèt nou-an.

Paròl Granmèt la.

3

Nou poté lanmò Jézu nan kò nou.

Léktu dézièm lèt apot sin Pòl pou Korintyin yo

4, 7-15

Frè-m yo :

Nou gin trézò-a nan véso pòslèn, pou grandè-a soti nan pouvoua Bondié, min pa nan nou. Nan tout okazion sé tribilasyon n-ap pasé, min nou pa krazé ; nou san pozision, min nou pa dézespéré ; n-ap sibi pèsékision, min nou pa abandoné ; yo jété nou atè, min nou pa péri ; tout tan nou poté lanmò Jézu nan kò nou, pou lavi Jézu-a tou parèt nan kò nou.

Tout tan réyèlman, nou minm ki vivan yo, yo mété nou nan lanmò poutèt Jézu, pou lavi Jézu-a tou parèt nan chè nou k-ap mouri-a Konsa lanmò-a ap travay nan nou, lavi-a minm nan nou minm bò lot bò.

Min nou gin éspri lafoua-a, minm jan sa ékri-a : « Mouin kouè, sé pousa mouin palé » ; nou kouè, nou minm tou, poutèt sa n-ap palé, nou konin sa-a ki résisité Jézu-a, l-ap résisité nou avèk Jézu, l-ap mété-n avèk nou minm ki bò lot bò-a.

Tou sa poutèt nou minm, pou gras la vi-n an kantité pou anpil moun, pou-l fè yo fè anpil konpliman pou gloua Bondié.

Paròl Granmèt la.

4

Tankou moun k-ap mouri, époutan min nou vivan.

Léktu dézièm lèt apot sin Pòl pou Korintyin yo

6, 4-10

Frè-m yo :

Nan tout bagay, nou montré nou sé sèvitè Bondié, avèk anpil pasians, nan tribilasyon, nan bézouin, nan kè séré, nan kou, nan prizon, nan konplo, nan travay, nan vèy, nan jèn, nan métrizé kò nou, nan sians, nan pasians, nan dousè, nan Éspri Sin-an, nan rinmin ki pa gin fint, nan paròl vérité-a, nan fòs Bondié ; avèk zam jistis la adouat agòch, nan gloua ak laront, nan mové répitasyon ak bon répitasyon ; kòm moun k-ap chèché trompé, époutan nou di vérité ; tankou moun yo pa konnin, époutan yo konnin nou ; tankou moun k-ap mouri, époutan min nou vivan ; tankou moun yo pini, min ki pa mouri ; tankou moun ki tris, min nou toujou kontan ; tankou pòv, époutan n-ap anrichi anpil moun ; tankou moun ki pa gin anyin, époutan nou posédé tout bagay.

Paròl Granmèt la.

5

Tout moun ki vlé viv sin nan Kris la, y-ap souffri pèsékision.

Léktu dézièm lèt apot sin Pòl pou Timoté

2, 8-13 ; 3, 10-12

Ou minm mouin rinmin anpil la :

Sonjé Granmèt Jézu-Kri té résisité sot nan pami mò yo, li minm ki soti nan ras David la dapré Bòn Nouvèl mouin-an ; sé pou li m-ap souffri jous nan chinn yo tankou you malfètè-a ; min paròl Bondié-a pa maré. Sé poua mouin sipòté tout bagay pou moun yo Bondié chouazi-a, pou yo minm tou yo kapab jouinn sovè yo sovè yo-a ki nan Kris Jézu-a avèk gloua sièl la.

Paròl la sètin : sèké, si nou mouri avèk li, n-ap viv ansanm avèk li ; si nou sipòté, n-ap régné avèk li ; si nou nié-l, l-ap nié nou tou ; si nou pa kouè, li minm li rét fidèl : li pa kapab nié pròp tèt li.

Ou té suiv ansègnman-m nan, konpòtman-m, désizion-m, lafoua-m, fòs mouin pou-m kinbé, rinmin-m, pasians mouin, pèsékision-m, souffrans mouin, ki té rivé-m Antiòch, Ikoniòm, ak Lis, tout kalité pèsékision mouin té sibi épi anba yo tout Granmèt la té délivré-m. Tout moun ki vlé viv sin nan Kris Jézu, y-ap souffri pèsékision.

Paròl Granmèt la.

6

Nou té sipòté souffrans gran batay.

Léktu lèt Ébré yo

10, 32-36

Frè-m yo :

Sonjé jou lontan yo, lè nou té fèk fi-n réservoua limiè-a, nou té sipòté souffrans gran batay ; yon lè yo fè nou sèvi jouèt ak ront ak tribilasion, yon lè minm nou santi nou asosié avèk sa yo k-ap sibi tretman sa yo.

Réyèlman nou té souffri ansanm avèk sa yo ki té prizonié yo, nou kité yo pran byin nou yo ak kè kontan, nou konnin nou gin richès ki pi bon, k-ap diré. Konsa pa pèdi konfians nou-an, ki gin gran rékonpans la. Pasians la nésésè pou nou, pou nou réservoua promès la antan nou fè volonté Bondié.

Paròl Granmèt la.

7

Ala kontantman pou moun sa-a ki souffri tantasion-an.

Léktu lèt apot sin Jak

1, 2-4. 12

Sé pou nou konsidéré tankou tout kalité kè kontan, frè-m yo, lè nou tonbé nan divès espès tantasion, antan nou konnin sondé yo sondé lafoua nou-an, sa fè nou gin pasians.

Pasians la minm, li gin yon travay ki kòrèk nèt, pou nou kapab kòrèk nèt épi gin tout kalité san nou pa manké anyin.

Ala kontantman pou moun ki souffri tantasion-an, paské lè yo fi-n sondé-l la, l-ap résévoua kouròn lavi-a, sa Bondié té promèt moun ki rinmin-l yo.

Paròl Grammèt la.

8

Pa pè moun yo k-ap fè nou pè-a, épi pa troublé.

Léktu prémié lèt apot sin Piè

3, 14-17

Frè-m yo,

Si n-ap souffri pou sa-k kòrèk la, ala kontantman pou nou. (Jan sa ékri-a :) « Pa pè moun yo k-ap fè nou pè-a, pa troublé ditou ».

Sé pou nou fè rékonèt Kris la, Grammèt la, sin nan kè nou, sé pou nou toujou paré pou nou réponn tout moun k-ap mandé nou kont sou espérans ki nan nou-an. Min sé pou sa fèt avèk simplisité, avèk respè, antan nou gin bon konsians. Konsa, sou pouin y-ap palé nou mal la, y-a blijé ront, yo minm k-ap fè kalomni kont bon konduit nou gin nan Kris la.

Pito nou souffri akòz byin n-ap fè, si volonté Bondié pèmèt sa, pasé pou nou souffri poutèt mal n-ap fè.

Paròl Grammèt la.

9

Antan nou patisipé nan souffrans Kris la, sé pou nou kontan.

Léktu prémié lèt apot sin Piè

4, 12-19

Nou minm mouin rinmin anpil la, pa dékontrolé poutèt chalè-a ki rivé sou nou-an pou sondé nou-an, kòm si sé yon bagay nouvo ki touché nou ;

min antan nou patisipé nan soufrans Kris la, sé pou nou kontan, pou nou kapab fété ak kè kontan tou nan révélation gloua-l la.

Si yo manké nou déga poutèt non Kris la ala kontantman pou nou ; paské sa-k onè, gloua épi puisans Bondié, épi sa-k Éspri-l la, li pozé sou nou. Sèlman pèsòn nan nou pa doué soufri pou késion touyé moun oubyin vòlè oubyin jouré oubyin mét lidé sou byin prochin yo. Min si sé kòm krétyin, li pa doué ront, okontrè sé pou-l fè louanj Bondié nan non sa-a.

Sèké tan-an rivé, pou kòmansé jijman-an apati kay Bondié-a. Si donk kòmansman-an apati nou, ki sa finisman pa yo-a ap yé, yo minm ki pa kouè Bòn Nouvèl Bondié-a ? Épi si sa-k kòrèk la, sé apèn si-l sové, méchan-an ak péchè-a, ki koté pou yo y-ap prezanté tèt yo ? Konsa moun yo k-ap soufri dapré volonté Bondié-a, sé pou yo rinnèt nanm yo bay Kréatè ki fidèl la, antan y-ap fè sa-k byin.

Paròl Granmèt la.

10

*Min viktoua-a ki ranpòté viktoua sou tè-a :
sé lafoua nou.*

Léktu prémié lèt apot sin Jan

5, 1-5

Nou minm mouin rinmin anpil la :

Tout moun ki kouè Jézu sé Kris la, sé nan Bondié li fèt ; tout moun, ki rinmin sa-a ki bay nésans la, li rinmin sa-a ki fèt nan li-a tou.

Sé nan sa nou rékonèt nou rinmin sa yo ki fèt nan Bondié yo, sé lè nou rinmin Bondié épi nou fè kòmandman-l yo. Sa-a réyèlman sé charité Bondié-a, pou nou kinbé kòmandman-l yo : épi kòmandman-l yo pa lou..

Sèké tout sa ki fèt nan Bondié li ranpòté viktoua sou tè-a, épi min viktoua-a ki ranpòté viktoua sou tè-a : sé lafoua nou. Kilès sa-a ki ranpòté viktoua sou tè-a, si sé pa sa-a ki kouè Jézu sé Pitit Bondié-a ?

Paròl Granmèt la.

ALÉLOUYA AK VÈSÈ ANVAN ÉVANJIL LA

1

Mt 5, 10

(R: Alélouya). Ala kontantman pou moun k-ap souffri pèsékision poutèt jistis la, paské sé pou yo péyi-roua sièl la yo yé. (R: Alélouya).

2

Jan 17, 19

(R: Alélouya). Pou yo mouin sanktifé pròp tèt mouin, sé sa Granmèt la di, pou yo minm tou yo sanktifé nan vérité-a. (R: Alélouya).

3

2 Kor 1, 3 b-4 a

(R: Alélouya). Papa mizérikòd yo ak Bondié tout konsolasion-an, li minm ki konsolé nou nan tout tribilasyon nou. (R: Alélouya).

4

Jk 1, 12

(R: Alélouya). Ala kontantman pou moun ki souffri tantasion-an, paské, lè yo fi-n fè-l bay prèv li, l-ap résévoua kouròn lavi-a. (R: Alélouya).

5

1 P 4, 14

(R: Alélouya). Si yo fè nou sibi afron pou non Kris la ala kontantman pou nou ; paské Éspri Bondié-a pozé sou nou. (R: Alélouya).

6

(R: Alélouya). N-ap fè louanj ou Bondié,
n-ap déklaré jan-ou gran, Granmèt,
lamé mati-ou yo ki tout an blan yo, y-ap fè louanj ou. (R: Alélouya).

ÉVANJIL YO

1

*Y-ap kondui nou dévan préfè ak roua yo poutèt mouin,
kòm témouagnaj pou yo ak pou nasion yo.*

✠ **Léktu sint Évanjil la dapré Matié** 10, 17-22

Lè sa-a : Jézu di Apot li yo :

« Atansion moun yo ; y-ap rimmèt nou nan tribinal yo, y-ap bat nou nan sinagòg yo, y-ap kondui nou dévan préfè ak roua yo poutèt mouin, kòm témouagnaj pou yo ak pou nasion yo.

Lè yo rimmèt nou, pa kalkilé ki fason oubyin ki sa n-ap di ; y-ap ba nou nan lè sa-a minm sa pou nou di.

Sèké sé pa nou minm k-ap palé, min Éspri Papa nou k-ap palé nan nou. Frè ap rimmèt frè nan lanmò, ni papa ap rimmèt pitit, pitit ap lève kont paran yo, y-ap fè touyé yo, tout moun ap rayi nou poutèt non mouin ; min moun k-ap pèsévééré jous nan finisman, sé li minm k-ap sovè ».

Paròl Granmèt la.

2

Pa pè sila yo k-ap touyé kò-a.

✠ **Léktu sint Évanjil la dapré Matié** 10, 28-33

Lè sa-a :

Jézu di Apòt li yo : « Pa pè sa yo k-ap touyé kò-a, min ki pa kapab touyé nanm nan ; pito nou pè sa-a ki kapab pèdi ni nanm nan ni kò-a nan difé-a.

Èské yo pa vann dé zouazo pou yon piès lajan ; youn nan yo pa tonbé atè san Papa nou pa vlé. Chévé nan tèt nou, yo tout yo konté yo. Konsa, pa pè : nou vo plis pasé anpil zouazo.

Tout moun k-ap rékonèt mouin dévan lézòm, mouin minm tou m-ap rékonèt li dévan Papa-m ki nan sièl la. Min moun k-ap nié-m dévan lézòm, m-ap nié-l tou dévan Papa-m ki nan sièl la ».

Paròl Granmèt la.

3

Mouin pa vi-n poté lapè, min épé.

✠ **Léktu sint Évanjil la dapré Matié**

10, 34-39

Lè sa-a, Jézu di Apot li yo : « Pa konprann sé lapè mouin vi-n mété sou tè-a ; mouin pa vi-n mété lapè, min épé. Sèké mouin vini pou-m séparé moun nan kont papa-l, pitit fi-a kont manman-l, bèl-fi-a kont bèl-mè-l ; moun nan ap gin moun lakay li kòm ènmi-l.

Moun ki rinmin papa-l oubyin manman-l plis pasé-m, li pa mérité pou-l disip mouin, moun ki rinmin pitit gason-l oubyin pitit fi-l plis pasé-m, li pa mérité pou-l disip mouin. Moun ki pa pran koua-l, ki pa suiv mouin, li pa mérité pou-l disip mouin.

Moun ki jouinn lavi-l, l-ap pèdi-l ; moun ki pèdi lavi-l poutèt mouin, l-ap jouinn li ».

Paròl Granmèt la

4

*Moun ki pèdi lavi-l poutèt mouin,
l-ap sové-l.*

✠ **Léktu sint Évanjil la dapré Luk**

9, 23-26

Lè sa-a :

Jézu di yo tout : « Si yon moun vlé vi-n apré-m, sé pou-l rénonse pròp tèt li, pou-l pran koua-l chak jou, pou-l suiv mouin.

Moun ki vlé sové lavi-l l-ap pèdi-l ; sèké moun ki pèdi lavi-l poutèt mouin, l-ap sové-l.

Sa sa sèvi yon moun si-l posédé tout tè-a, épi li pèdi pròp tèt li, li okazioné malè-l ?

Réyèlman, moun ki ront mouin ni paròl mouin yo, moun sa-a Pitit moun nan ap ront li, lè l-ap vini nan grandè-l la ak grandè Papa-l la, ak anj yo ki sin yo ».

Paròl Granmèt la.

5

*Si grinn blé-a mouri,
l-ap donnin anpil foui.*

✚ **Léktu sint Évanjil la dapré Jan**

12, 24-26

Lè sa-a : Jézu di disip li yo :

« Amèn, amèn mouin di nou : si grinn blé-a ki tonbé nan tè-a pa mouri, l-ap rét pou kont li ; min si-l mouri, l-ap donnin anpil foui.

Moun ki rinmin lavi-l l-ap pèdi-l, min moun ki rayi lavi-l sou tè sa-a, l-ap konsèvé-l pou lavi tout tan-an.

Si yon moun ap sèvi-m, sé pou-l suiv mouin ; épi koté-m yé-a, sé la sèvitè-m nan ap yé tou. Si yon moun ap sèvi-m, Papa-m ap fè-l jouinn konsidérasion ».

Paròl Granmèt la.

6

Si yo té pèsékité-m, nou minm tou y-ap pèsékité nou.

✚ **Léktu sint Évanjil la dapré Jan**

15, 18-21

Lè sa-a : Jézu di disip li yo :

« Si tè-a rayi nou, konnin li té rayi-m anvan nou. Si nou té fè pati tè-a, tè-a t-a rinmin sa-k pou li ; min paské nou pa fè pati tè-a, okontrè mouin chouazi nou sot sou tè-a, sé pou sa tè-a rayi nou-an.

Sonjé paròl mouin-an, sa-m té di nou-an : “Sèvitè-a pa pi gran pasé mèt li.

Si yo té pèsékité-m, nou minm tou y-ap pèsékité nou ; si yo té kinbé paròl mouin yo, y-ap kinbé pa nou yo tou”. Min tout bagay sa yo, y-ap fè nou yo poutèt non mouin, paské yo pa konnin sa-a ki voyé-m nan ».

Paròl Granmèt la.

*Tè-a rayi yo.***✠ Léktu sint Évanjil la dapré Jan****17, 11 b-19**

Lè sa-a : Jézu lévé jé-l nan sièl la, li priyé, li di :

« Papa ki sin, konsèvé yo nan non-ou, sa yo ou té ban mouin-an, pou yo kapab fè yon sèl tankou nou minm. lè-m té avèk yo-a, mouin té konsèvé yo nan non-ou. Sa yo ou té ban mouin-an, mouin té véyé sou yo, pèsòn nan yo pa péri, sof piti pèdision-an, pou sa-k ékri-a té kapab réalizé. Koulié-a minm m-ap vi-n jouinn ou, m-ap di bagay sa yo sou tè-a, pou yo kapab gin kè kontan-m nan ki réalizé nan yo minm.

Mouin té ba yo paròl ou-a, tè-a rayi yo, paské yo pa fè pati tè-a, tankou mouin minm mouin pa fè pati tè-a.

Mouin pa priyé pou-ou ouété yo sot sou tè-a, min pou-ou prezèvé yo sot nan sa-k mal la. Yo pa fè pati tè-a, tankou mouin minm mouin pa fè pati tè-a.

Fè yo vi-n sin nan vérité-a : paròl ou-a sé vérité.

Tankou ou té voyé-m sou tè-a, mouin minm tou mouin voyé yo sou tè-a. Mouin konsakré tèt mouin pou yo, pou yo minm tou yo kapab vi-n sin nan vérité-a ».

Paròl Granmèt la.

KOMIN PASTÈ YO

PRÉMIÉ LÉKTU NAN ANSYIN TÊSTAMAN-AN

1

*Li té vlé fè yo disparèt, si Moyiz, sa-l chouazi-a,
pa-t intèsédé pou yo, pou détounin kòlè-l.*

Léktu liv Égzòd

32, 7-14

Jou sa yo :

Granmèt la palé ak Moyiz, li di : « Alé, désann ; pèp ou-a fè péché, li minm ou té fè soti nan péyi Éjip la. Yo gin tan kité chémin-an ou té montré yo-a, yo fè yon ti toro avèk lò yo fonn nan difé, épi yo adoré-l ; yo ofri sakrifis ba li, yo di : “Min dié-ou yo, Israèl, ki té fè-ou soti nan péyi Éjip la” ».

Granmèt la di Moyiz ankò : « Mouin ouè kijan pèp sa-a gin kou-l rèd ; kité-m pou kòlè-m boulé kont yo, pou-m éfasé yo, min m-ap fè-ou vi-n tounin yon gran nasion ».

Moyiz minm pran priyé Granmèt Bondié-l la, li di : « Pouki sa, Granmèt, pou kòlè-ou flanbé kont pèp ou-a, li minm ou té fè soti nan péyi Éjip la ak gran fòs, ak min ki gin pouvoua ? Pa kité Éjipsyin yo di : “Sé nan pièj li pran yo pou-l té fè yo soti, pou-l té kapab touyé yo nan mòn yo, pou-l té éfasé yo sot sou tè-a” : kalmé kòlè-ou, padonnin fot pèp ou-a.

Sonjé Abraam, Izaak ak Israèl, sèvitè-ou yo, yo minm ou té fè sèman ba yo sou pròp tè ou, ou té di : “M-ap fè désandans nou vi-n anpil tankou zétoual sièl la, épi tout tè sa-a mouin té palé-a, m-ap bay désandans nou li, n-ap posédé-l tout tan” ».

Granmèt la vi-n kalmé, li pa fè malè-a li té di li t-ap fè kont pèp li-a.

Paròl Granmèt la.

2

*Granmèt la sé posésion-l.***Léktu liv Détéronòm****10, 8-9**

Nan jou sa yo :

Moyiz palé avèk pèp la, antan li di : « Granmèt la té mété ras Lévi apa, pou-l té poté arch alians Granmèt la, épi pou-l kanpé dévan-l nan ministè-a, épi po-l béni onon li jous joudi-a. Sé poussa Lévi pa-t gin pòsion ni posésion ansanm avèk frè-l yo, paské sé Granmèt la minm ki posésion-l, jan Granmèt Bondié-ou la té promèt li-a.

Paròl Granmèt la.

3

*Lévé, sakré ti piti-a : sé li minm minm.***Léktu prémié liv Samuèl****16, 1 b. 6-13 a**

Jou sa yo :

Granmèt la di Samuèl : « Plin kòn ou-a ak luil, épi vini, pou-m voyé-ou kot Jésé, moun Bétléèm nan : sèké mouin déjà chouazi davans nan pitit li yo yon roua pou mouin ».

Lè yo antré, li ouè Éliab, li di : « Èské Kris Granmèt la pa dévan-l » ?

Granmèt la di Samuèl : « Pa gadé fas li, ni rotè tay li, paské mouin réjité-l. Sé pa dapré konsidérasion moun mouin jijé : moun nan ouè sa-k parèt, Granmèt la minm konsidéré kè-a ». Jésé rélé Abinadad, li minnin-l dévan Samuèl.

Samuèl di : « Ni sa-a tou Granmèt la pa chouazi-l ».

Jésé minnin Sama, li di osijè-l : « Ni sa-a non plis tou Granmèt la pa chouazi-l ».

Konsa Jésé minnin sèt pitit li yo dévan Samuèl, Samuèl di Jésé : « Granmèt la pa chouazi okinn nan sa yo ».

Samuèl di Jésé : « Èské sé tout pitit ou yo sa » ?

Li réponn : « Gin yon ti piti ki rété ankò, l-ap gadé mouton yo ».

Samuèl di Jésé : « Voyé chèché-l ; sèké nou pap atablé anvan li vi-n isit la ». Konsa li voyé chèché-l, li minnin-l. Li té rouj, li té gin bèl aparans ak bèl figi.

Granmèt la di : « Lévé, sakré-l : sé li minm minm ».

Konsa Samuèl pran kòn luil la, li sakré-l nan mitan frè-l yo ; Éspri Granmèt la rivé tou douat nan David dépi jou sa-a pou jous apré. Samuèl lévé, l-al fè rout li Ramata.

Paròl Granmèt la.

4

Kilès m-ap voyé ? Kilès k-apralé pou nou ?

Léktu liv profèt Izayi

6, 1-8

Ané roua Ozaias mouri-a, mouin ouè Granmèt la ki chita sou yon tron byin ro, ki anlè nèt ; sa-k té anba-l yo té plin Tanp la. Sérafin yo té kanpé anlè-I ; yo chak té gin sis zèl : dé pou yo kouvri fas yo, dé pou yo kouvri pié yo, dé pou yo volé.

Youn t-ap rélé bay lòt, yo t-ap di : « Li sin, li sin, li sin, Granmèt Bondié lamé yo ; tout tè-a plin ak gloua-l ». Voua sa-a ki t-ap rélé-a fè gon pòt yo souké, kay la vi-n plin ak lafimin.

Mouin di : « Madichon pou mouin, paské mouin pé bouch, paské mouin sé yon moun ki gin bouch sal, mouin abité nan mitan yon pèp ki gin bouch sal, épi mouin ouè roua-a Granmèt lamé yo ».

Youn nan Sérafin yo volé koté-m. Li té gin yon chabon difé nan min-l, li té pran-l sou lotèl la ak yon pinsèt ; li touché bouch mouin, li di : « Gadé, sa-a touché bouch ou, fot ou-a pati, péché-ou la pròpté ».

Mouin tandé Granmèt la k-ap di : « Kilès m-ap voyé ? Kilès k-apralé pou nou ? » Mouin di : « Min mouin, voyé-m ».

Paròl Granmèt la.

5

Pou misionè yo

Tout limit tè-a ap ouè sové Bondié sové nou-an.

Léktu liv profèt Izayi

52, 7-10

Ala bèl yo bèl sou mòn yo, pié moun k-ap anonsé bòn nouvèl la, k-ap préché lapè-a, k-ap anonsé byin-an, k-ap préché sové Bondié sové-a, k-ap di Siyon : « Bondié-ou la roua » ! Min voua santinèl ou yo : yo lévé voua yo, y-ap fè louanj ansanm, paské y-ap ouè jé nan jé lè Granmèt la ap tounin Siyon.

Fè kè nou kontan, fè louanj ansanm, dézè Jérusalèm yo, paské Granmèt la konsolé pèp li-a, li rachté Jérusalèm. Granmèt la drésé bra-l ki sin-an dévan jé tout nasion yo, tout limit tè-a ap ouè sové Bondié sové nou-an.

Paròl Granmèt la.

6

Granmèt la sakré-m, li voyé-m anonsé pòv yo bon nouvèl la..

Léktu liv profèt Izayi

61, 1-3 a

Éspri Granmèt la sou mouin, sé poua Granmèt la sakré-m, li voyé-m poté nouvèl bay pòv yo, pou-m pansé kè ki krazé yo, pou-m préché padon bay prizonié yo, libérasion bay sa-k nan prizon yo, pou-m préché yon ané koté Granmèt la fè gras, yon jou vanjans pou Bondié nou-an, pou-m konsolé tout moun ki nan lapinn, pou-m mété yon kouròn nan plas sann pou moun Siyon yo ki nan lapinn yo, losion kè kontan nan plas dèy, manto louanj nan plas éspri tristès. Y-ap rélé yo nan li sitadèl jistis, plantasion Granmèt la pou-l jouinn louanj li.

Paròl Granmèt la.

7

Kot tou sa-m voyé-ou, sé pou-ou alé.

Léktu liv profèt Jérémi

1, 4-9

Paròl Granmèt la rivé koté-m, li di : « Anvan-m té fòmé-ou nan vant, mouin té konnin-ou ; anvan-ou té soti nan vant, mouin té fè-ou sin, mouin té voyé-ou kòm profèt pou nasion yo ».

Mouin di : « A a a, Granmèt Bondié ! gadé, mouin pa konn palé, sé yon ti moun mouin yé ».

Granmèt la di-m : « Pa di “Mouin sé timoun” ; min kot tou sa-m voyé-ou, sé pou-ou alé, tou sa m-ap kòmandé-ou, sé pou-ou palé-l. Pa pè dévan fas yo, paské mouin avèk ou, pou-m, délivré-ou », sé sa Granmèt la di.

Granmèt la voyé min-l, li touché bouch mouin ; Granmèt la di-m : « Min mouin mété paròl mouin yo nan bouch ou ».

Paròl Granmèt la.

8

Mouin mété-ou kòm santinèl pou kay Israèl la.

Léktu liv profèt Ézékièl

3, 16-21

Paròl Granmèt la rivé koté-m, li di : « Pitit moun, mouin mété-ou kòm santinèl pou kay Israèl la, ou-ap kouté paròl nan bouch mouin, ou-ap anonsé yo pou mouin. Si-m di méchan-an : “Sé mouri pou-ou mouri”, épi ou pa anonsé-l sa, ou pa palé-l, pou-l viré sot nan mové chémin-l épi pou-l viv, li minm méchan-an l-ap mouri nan méchansté-l, min m-ap mandé-ou kont pou san-l.

Min si-ou anonsé méchan-an sa, épi li pa konvèti sot nan péché-l la ak nan mové chémin-l nan, sé li minm k-ap mouri nan péché-l la, ou minm minm ou-ap délivré nanm ou.

Min si moun ki kòrèk la konvèti sot nan jistis li, épi li fè péché, m-ap mété bariè dévan-l ; li minm l-ap mouri paské ou pa-t anonsé-l ; sé nan péché-l la l-ap mouri, épi yo pap sonjé jistis sa li té konn fè yo ; sèlman m-ap mandé-ou kont pou san-l.

Min si ou té anonsé moun kòrèk la pou-l pa fè péché, épi li pa fè péché, épi sé viv l-ap viv, paské ou té anonsé-l sa, ou minm sé délivré ou délivré nanm ou ».

Paròl Granmèt la.

9

*Minm jan yon gadyin vizité bann mouton-l,
konsa m-ap vizité mouton-m yo.*

Léktu liv profèt Ézékièl

34, 11-16

Min paròl Granmèt Bondié : « Min m-ap chèché mouton-m yo, m-ap vizité yo : minm jan yon gadyin vizité bann mouton-l, jou li nan mitan bann mouton-l yo ki gayé yo, konsa m-ap vizité mouton-m yo, m-ap délivré yo sot nan tout koté yo té gayé jou nuaj ak brouya.

M-ap minnin yo sot nan pami pèp yo, m-ap ranmasé yo sot nan péyi yo, m-ap fè yo antré nan péyi yo-a, m-ap okipé yo sou mòn Israèl yo, bò rivière yo ak nan tout koté moun abité nan péyi-a ; nan bon pak zèb m-ap fè yo manjé, sou mòn Israèl yo ki pi ro yo y-ap jouinn manjé yo.

Mouin minm minm m-ap okipé mouton-m yo, m-ap fè yo kouché, sé sa Granmèt Bondié di.

Sa-k té pèdi-a, m-ap chèché-l ; sa yo té réjité-a, m-ap fè-l tounin ; sa-k té blésé-a, m-ap pansé-l ; sa-k té malad la, m-ap ba-l santé ; sa-k gra-a, ki fò-a, m-ap konsèvé-l ; m-ap okipé yo nan jistis ».

Paròl Granmèt la.

PRÉMIÉ LÉKTU NAN NOUVO TĒSTAMAN-AN POU TAN PASKAL LA

1

Pou misionè yo

Min nou viré nan diréksion nasion yo.

Léktu Travay Apot yo

13, 46-49

Pòl ak Barnabé té di Juif yo : « Sé nou minm nou té gin pou nou palé paròl Bondié-a an prémié ; min kòm nou répousé-l, nou montré nou pa mérité lavi ki pap janm fini-an, min n-ap viré nan diréksion nasion yo. Sé konsa Granmèt la té pasé nou lòd : “Mouin mété-ou kòm limiè nasion yo, pou-ou sèvi nan sa k-ap sové yo-a jous nan bout tè-a” ».

Lè nasion yo tandé sa, yo kontan, yo fè louanj pou paròl Granmèt la, tout sa yo Bondié té rézèvé pou lavi ki pap janm fini-an, yo kouè. Paròl Granmèt la minm t-ap simin nan tout réjion-an.

Paròl Granmèt la.

2

Fè atansion nou, ni tout bann mouton-an, sa Éspri Sin-an instalé nou kòm réponsab sou li-a pou nou kondui Égliz Bondié-a.

Léktu Travay Apot yo

20, 17-18 a. 28-32. 36

Jou sa yo :

Antan Pòl Milè, li voyé Éfèz pou yo rélé chèf Égliz yo.

Lè yo rivé koté-l, yo té rasanblé, li di yo : « « Fè atansion nou, ni tout bann mouton-an, sa Éspri Sin-an instalé nou kòm réponsab sou li-a pou nou kondui Égliz Bondié-a, Égliz sa-a li té achté ak san-l nan. Mouin minm mouin konnin lè-m fi-n pati gin lou méchan k-ap antré nan pami

nou, yo pap ménajé bann mouton-an. Nan nou minm minm gin mésié k-ap lévé, k-ap palé paròl pèvèti, pou yo trinnin disip dèyè yo.

Sé pousa, nou doué véyé, sonjé kijan pandan touazan lannuit kon lajounin mouin pa-t sispann avèti chak moun nan nou avèk dlo nan jé. Koulié-a minm mouin rékòmandé nou bay Bondié ak paròl gras li-a, ki gin pouvoua pou-l bati nou, pou-l ba nou éritaj nan pami tout sin yo ».

Kon-l fi-n di sa, li mét jénou atè, li priyé avèk yo tout.

Paròl Granmèt la.

3

Léktu liv Travay Apot yo

26, 19-23

Jou sa yo :

Pòl di : « Roua Agripa, mouin pa-t fè rébèl ak vizion sièl la ; min ni moun Damas yo dabò, épi ni moun Jérusalèm yo, ni tout réjion Judé-a, ni nasion yo, mouin é anonsé yo pou yo té fè pénitans épi pou yo té konvèti bay Bondié, antan yo fè aksion ki alarotè pénitans la. Sé pou rézon sa-a, pandan mouin té nan tanp la, Juif yo té pran mouin, yo té éséyé touyé mouin.

Gras a sékou Bondié ki édé-m, jous jodi-a, mouin kanpé antan m-ap témouagné ni pou pi piti ni pou pi gran, san-m pa di anyin andéyò sa profèt yo ak Moyiz té di ki gin pou rivé : Kria la ki gin pou-l mouri, prémié nan réziréksion mò yo ; pou yo anonsé-l kòm limiè pou pèp la ak nasion yo ».

Paròl Granmèt la.

PSÒM RÉPONS YO

1

PSÒM RÉPONS**Ps 15, 1-2 a é 5. 7-8. 11 (R: cf. 5 a)**

R: Sé ou minm, Granmèt, ki pòsion éritaj mouin.

- 1 Prézèvé-m, Bondié, paské mouin espéré nan ou.
 2 Mouin té di Granmèt la : « Sé Granmèt mouin ou yé,
 5 Granmèt, pòsion éritaj mouin ak kalis mouin
 sé ou minm ki kinbé déstiné mouin ». R̃
 7 M-ap fè konpliman pou Granmèt la ki ban-m intélijans ;
 minm nannuit rin-m ban-m léson.
 8 Mouin té mété Granmèt la dévan fas mouin tout tan,
 paské li adouat mouin, mouin pap souké. R̃
 11 ou-ap fè-m konnin rout lavi yo,
 kè kontan k-ap plin nèt dévan fas ou,
 plézi adouat ou jous pou tout tan. R̃

2

PSÒM RÉPONS

Ps 22, 1-3 a. 3 b-4. 5. 6 (R̃ : 1)

- R̃ Granmèt la ap okipé-m, mouin pap manké anyin.
 1 Granmèt la ap okipé-m, anyin pap manké-m ;
 2 nan zèb vèt li instalé-m,
 sou bò dlo trankil li minnin-m,
 3 li réfè nanm mouin. R̃
 Li kondui-m nan santié jistis poutèt non-l.
 4 Sèké minm si m-ap maché nan bafon lonbraj lanmò,
 mouin pap pè malè, paské ou avèk mouin.
 Baton-ou ak bagèt ou, sé yo k-ap konsolé-m. R̃
 5 Ou paré yon tab dévan fas mouin
 kont sa yo k-ap fè-m sibi tribilasion-an ;
 ou souin tèt mouin ak losion,
 kalis mouin ap débòdé. R̃
 6 Réyèlman sé bon kè ak mizérikòd k-ap rapousuiv mouin
 tout tan lavi-m,
 m-ap abité nan kay Granmèt la
 pou tout longè tan yo. R̃

3

PSÒM RÉPONS

Ps 39, 2 é 4 ab. 7-8 a. 8 b-9. 10 (R̃ : 8 a é 9 a)

- R̃ Min m-ap vini, Granmèt, pou-m fè volonté-ou.

- 2 Sé pa ti kras tann mouin t-ap tann Granmèt la,
li panché sou mouin.
- 4ab Li mété yon kantik nouvo nan bouch mouin,
yon kantik pou Bondié-m nan. **R:**
- 7 Sakrifis ak kado, ou pa-t vlé sa,
ou louvri zòrèy mouin.
Sakrifis antié ak sakrifis pou péché, ou pa-t mandé sa,
- 8 lè sa-a mouin di : « Min m-ap vini. **R:**
- Nan roulo liv la yo ékri osijè-m
- 9 pou-m fè volonté-ou.
Bondié mouin, mouin dakò,
laloua-ou la nan zantray mouin ». **R:**
- 10 Mouin anonsé jistis ou-a nan gran asanblé-a ;
min mouin pa fèmin bouch mouin, Granmèt, ou konnin. **R:**

4

PSÒM RÉPONS

Ps 88, 2-3. 4-5. 21-22. 25 é 27 (**R:** : cf. 2 a)

- R:** Mizérikòd ou, Granmèt, sé tout tan m-ap chanté-l.
- 2 Mizérikòd Granmèt la sé tout tan m-ap chanté-l,
pou jénérasyon ak jénérasyon
m-ap anonsé vérité-ou nan bouch mouin.
- 3 Sèké ou té di : « Mizérikòd la kanpé pou tout tan »,
nan sièl la ou asiré vérité-ou la. **R:**
- 4 Mouin réglé aliens la avèk sa-a mouin chouazi-a,
mouin fè sèman bay David sèvitè-m nan :
- 5 Pou tout tan m-ap asiré désandans ou-a,
m-ap drésé tro-n ou pou jénérasyon ak jénérasyon. **R:**
- 21 Mouin jouinn David sèvitè-m nan ;
ak luil mouin ki sin-an, mouin sakré-l.
- 22 Min-m ap rét fèm avèk li,
bra-m ap ba li fòs. **R:**
- 25 Vérité-m ak mizérikòd mouin ap avèk li,
o non-m l-ap lévé kòn li.
- 27 Li minm l-ap rélé-m : « Sé Papa-m ou yé,
Bondié-m ak kachèt pou-m sové-a ». **R:**

5

PSÒM RÉPONS

Ps 95, 1-2 a. 2 b-3. 7-8 a. 10 (R : 3)

R: Anonsé mèvèy Granmèt la nan tout pèp yo.

- 1 Chanté pou Granmèt la yon kantik nouvo,
chanté pou Granmèt la, tout tè-a.
- 2 Chanté pou Granmèt la, fè konpliman pou non li. R:
- Anonsé jou an jou sovè li sovè nou-an.
- 3 Anonsé gloua li pou nasion yo,
nan tout pèp yo mèvèy li yo. R:
- 7 Poté bay Granmèt la, fanmi pèp yo,
poté bay Granmèt la gloua ak pouvoua,
- 8 poté bay Granmèt la gloua non-l. R:
- 10 Di nan nasion yo : « Granmèt la roua »,
L-ap drésé fas tè-a pou-l pa souké ;
L-ap jijé pèp yo nan jistis. R:

6

PSÒM RÉPONS

Ps 105, 19-20. 21-22. 23 (R : 4 a)

R: Sonjé nou, Granmèt, nan favè ou fè pèp ou-a.

- 19 Yo fè yon ti toro nan Orèb,
yo adoré yon pòtré ;
- 20 yo chanjé gloua yo
pou pòtré yon toro k-ap manjé zèb. R:
- 21 Yo bliyé Bondié ki té sovè yo-a.
li minm ki té fè bagay éstraòdinè nan Éjip la,
- 22 mèvèy nan péyi Kam nan,
prodij nan lanmè Rouj la. R:
- 23 Li té di li t-ap fè yo disparèt,
si sé pa-t Moyiz sa-a li té chouazi-a, ki té proché.
Li kanpé nan trou miray la, dévan fas li,
pou-l viré kòlè-l pou-l pa fè yo péri. R:

7

PSÒM RÉPONS

Ps 109, 1. 2. 3. 4 (R: 4 bc)

R: Ou sé prèt pou tout tan
dapré ran Mèlkisédek.

- 1 Granmèt la di Granmèt mouin : « Chita adouat mouin,
joustan mouin pozé ènmi-ou yo kòm éskalié pié-ou ». R:
- 2 Baton pouvoua-ou, Granmèt la voyé-l sot nan Siyon :
kòmandé nan mitan ènmi-ou yo. R:
- 3 Pouvoua-a avèk ou jou fòs ou-a,
nan ékla limiè ki sin yo,
nan vant granmatin tankou larouzé mouin anfanté-ou. R:
- 4 Granmèt la fè sèman, li pap régrèt li :
« Ou sé prèt pou tout tan
dapré ran Mèlkisédek ». R:

8

PSÒM RÉPONS

Ps 116, 1. 2 (R: Mk 16, 15)

R: Antan nou alé sou tout tè-a, préché Bòn Nouvèl la.
oubyin : Alélouya.

- 1 Fè louanj Granmèt la, tout nasion yo,
fè louanj li ansanm, tout pèp yo. R:
- 2 Paské li asiré mizérikòd li sou nou,
vérité Granmèt la diré pou tout tan. R:

DÉZIÈM LÉKTU NAN NOUVO TÉSTAMAN-AN

1

Nou gin kado dapré gras yo ba nou-an, kado sa yo divès.

Léktu lèt apot sin Pòl pou Romin yo

12, 3-13

Frè-m yo :

Mouin di pa pouvoua gras la yo ban mouin-an, mouin di tout moun ki an pami nou yo : pa konsidéré tèt nou plis pasé jan nou doué konsidéré-l, min sé pou nou konsidéré-l avèk sa jès, chak moun dapré mézi lafoua Bondié séparé ba li.

Minm jan réyèlman nan yon sèl kò nou gin anpil manb, min tout manb yo pa gin minm ròl, konsa, atout nou anpil la, sé yon sèl kò nou yé nan Kris Jézu, nou chak nou youn sé manb lòt.

Nou gin kado dapré gras yo ba nou-an, kado sa yo divès : soua sé profési-a sèlon mézu lafoua-a ; soua sé ministè-a antan sèvis la ap fèt vré ; soua sé moun k-ap anségné-a antan li nan limit doktri-n nan ; moun k-ap ankourajé lòt antan l-ap ankourajé yo vré ; moun k-ap bay la antan li gin yon kè sinp ; moun k-ap dirijé-a, antan-l ap mété aktivité ; moun k-ap souin maléré, antan li gin bon jan.

Rinmin-an pa gin ipokrizi, sé pou nou rayi sa-k mal, sé pou nou kolé kò nou sou byin-an, sé pou nou youn rinmin lòt avèk charité fratènèl, sé pou nou youn gin pou lòt konsidérasion, pa fè parès nan aktivité nou, sé pou nou cho nan Espri-a, sé pou nou sèvi Granmèt la, sé pou nou gin kè kontan nan éspérans la, sé pou nou gin pasians nan tribilasion, sé pou nou rét fidèl nan priyè sé pou nou séparé bay fidèl ki nan bézouin yo, sé pou nou tout résévoua moun lakay nou.

Paròl Granmèt la.

2

Pou misionè yo

Bondié désidé sové moun ki kouè yo gras a foli prèch la.

Léktu prémié lèt apot sin Pòl pou Korintyin yo

1, 18-25

Frè-m yo :

Paròl koua-a sé yon foli pou moun k-ap péri yo ; min pou sa yo k-ap sové yo, sètadi nou minm, sé pouvoua Bondié.

Min sa-k ékri-a di : « M-ap pèdi sajès saj yo, m-ap réjité intélijans intélijan yo ». Koté saj la ? koté skrib la ? koté moun k-ap ranpòté viktoua sou tè sa-a ? Èské Bondié pa fè sajès tè sa-a vi-n tounin foli ?

Réyèlman, paské nan sajès Bondié-a, tè-a pa-t konprann Bondié, Bondié désidé sové moun ki kouè yo gras a foli prèch la.

Sèké Juif yo ap mandé sign, Grèk yo ap chèché sajès ; nou minm minm n-ap préché Kris la yo klouré sou koua-a, pou Juif yo sé yon skandal, pou nasion yo sé yon foli, min pou sa yo yo rélé yo, Juif ak Grèk, sé Kris la, puisans Bondié ak sajès Bondié-a.

Paské sa-k fou pou Bondié ; li pi saj pasé moun yo ; sa-k fèb la pou Bondié, li pi fò pasé moun yo.

Paròl Granmèt la.

3

Tankou sèvitè Kris la ak moun ki résponsab distribié mistè Bondié yo.

Léktu prémié lèt apot sin Pòl pou Korintyin yo

4, 1-5

Frè-m yo :

Sé pou yo konsidéré nou tankou minis Kris la ak moun ki résponsab distribié mistè Bondié yo. Ki sa yo mandé moun ki résponsab distribié yo, sé pou yo fidèl.

Kanta mouin minm, sa pa fè-m anyin si nou jijé-m, oubyin si yon tribinal moun jijé-m ; minm mouin minm mouin pa jijé pròp tèt mouin ; konsians mouin pa réproché-m anyin, sèlman sé pa pou sa mouin konsidéré-m kòrèk ; sa-a k-ap jijé-m nan, sé Granmèt la.

Sé poua pa jijé anvan tan-an, joustan Granmèt la rivé, li minm k-ap kléré sa-k kaché nan fènoua yo, k-ap montré pansé ki nan kè yo ; lè sa-a chak moun ap jouinn louanj nan min Bondié.

Paròl Granmèt la.

4

Ala malè pou mouin, si-m pa préché Bòn Nouvèl la.

Léktu prémié lèt apot sin Pòl pou Korintyin yo 9, 16-19. 22-23

Frè-m yo :

Si m-ap préché Bòn Nouvèl la, sé pa yon tit louanj li yé pou mouin, sé yon nésésité ki tonbé sou mouin. Ala malè pou mouin, si-m pa préché ! Si-m fè sa ak pròp volonté-m, mouin résevoua rékonpans ; min si sé yon obligasion, sé sèvis Bondié konfié-m nan mouin fè.

Ki rékonpans mouin ? Sèké antan m-ap préché Bòn Nouvèl la, mouin bay Bòn Nouvèl la san-m pa chèché intèrè, pou-m pa fè égzijans sou pouvoua mouin ginyin nan Bòn Nouvèl la.

Sèké, malgré mouin lib parapò a tout moun, mouin vi-n tounin ésklav tout moun, pou-m kapab pran tèt anpil moun.

Mouin vi-n fèb avèk sa yo ki fèb yo, pou-m kapab pran tèt sa-k fèb yo, mouin adapté-m ak tout moun, pou-m kapab sovè tout moun. Mouin fè tout bagay poutèt Bòn Nouvèl la, pou-m kapab jouinn pòsion pa-m nan li.

Paròl Granmèt la.

5

Li fè nou kapab vi-n tounin minis Nouvo Téstaman-an.

Léktu dézièm lèt apot sin Pòl pou Korintyin yo 3, 1-6 a

Frè-m yo :

Èské n-ap rékòmansé rékòmandé pròp tèt pa nou ? oubyin èské nou bézouin, tankou kèk, lèt rékòmandasion pou nou oubyin nan min nou ?

Lèt nou sé nou minm minm sa yé, li ékri nan kè nou, tout moun konnin-l, yo li-l ; sa klè nou sé yon lèt Kris la, nou minm nou ékri-l sé pa

avèk lank li ékri, min avèk Éspri Bondié vivan-an ; sé pa sou galèt ròch, min sou galèt kè chè yo.

Nou gin yon gran asirans dévan Bondié gras a Kris la. Sé pa paské nou gin kapasité pou nou pansé kichòy ki sot nan nou kòm si sé nou minm ki fè-l, min kapasité nou-an sé nan Bondié li soti ; sé li minm ki fè nou kapab vi-n sèvitè nouvo Téstaman-an.

Paròl Granmèt la.

6

N-ap préché Jézu-Kri ; kanta nou minm nou sé sèvitè nou pa lintèmédiè Jézu.

Léktu dézièm lèt apot sin Pòl pou Korintyin yo

4, 1-2. 5-7

Frè-m yo :

Antan nou gin administrasion-an, dapré nou résévoua mizérikòd la, nou pa fébli, min nou rénonse kachotri laront yo, antan nou pa maché nan rizèz, nou pa fè paròl Bondié-a di sa-l pa di, okontrè nan maniféstasion vérité-a antan nou rékòmandé pròp tèt nou bay tout konsians lèzòm dévan Bondié.

Sé pa nou minm réyèlman n-ap préché, min Jézu-Kri Granmèt nou-an, kanta nou minm, sé sèvitè nou nou yé pa lintèmédiè Jézu ; sèké Bondié ki té di sé pou limiè-a kléré sot nan ténèb yo, sé li minm ki kléré nan kè nou yo, pou sians klète Bondié nan fas Kris Jézu-a, li fè-l kléré.

Trézò sa-a minm, nou ginyin-l nan véso ki fèt avèk tè, pou grandè-a kapab soti nan puisans Bondié-a min pa nan nou minm.

Paròl Granmèt la.

7

Li ba nou ministè rékonsiliation-an.

Léktu dézièm lèt apot sin Pòl pou Korintyin yo

5, 14-20

Frè-m yo :

Charité Kris la ap boulé nou ; nou konsidé ré si yon sèl mouri pou tout moun sèké tout moun mouri ; Kris la mouri pou tout moun, pou moun k-ap viv yo, sé pa pou yo minm sèl y-ap viv, min pou sa-a ki mouri pou yo-a épi ki résisité pou yo-a.

Sé poua nou minm apati koulié-a nou pa konnin pèsòn ankò dapré chè-a ; si nou té konnin Kris la dapré chè-a, koulié-a nou pa konnin-l konsa ankò.

Si gin yon nouvo kréatu nan Kris la, ansyin yo disparèt : min tout bagay vi-n fèt tou nèf ; tout bagay vi-n sot nan Bondié, li minm ki rékonsilié nou pa lintèmediè Kris la, li ba nou ministè rékonsiliation-an.

Sèké sé Bondié ki té nan Kris la, l-ap rékonsilié tè-a avèk li, li pa konsidéré fot moun yo té fè, li mété paròl rékonsiliation-an nan bouch nou.

Pou Kris la nou sèvi komisionè, sé tankou sé Bondié k-ap bay ankourajman pa lintèmediè nou. N-ap insisté koté nou pou Kris la : kité yo rékonsilié nou avèk Bondié.

Paròl Granmèt la.

8

Li bay kèk moun gras pou yo apot, dèt minm pou yo évanjélis.

Léktu lèt apot sin Pòl pou Éfézyin yo

4, 1-7. 11-13

Frè-m yo :

Mouin priyé nou, mouin minm prizonié nan Granmèt la, pou nou maché korèk dapré diréksion voua ki rélé nou-an, antan nou rété nan pòv ti kondision moun nou-an, antan nou tou dou, antan nou pran pasians pou nou youn sipòté lèt nan charité-a ; fè éfò pou nou konsèvé éspri ki fè nou fè yon sèl la nan chinn lapè-a.

Yon sèl kò ak yon sèl éspri, minm jan yo rélé nou nan yon sèl éspérans ki nan bout chémin koté yo rélé nou-an ; yon sèl Granmèt, yon sèl lafoua, yon sèl batèm ; yon sèl Bondié ak Papa tout moun, ki anlè tout moun, ki nan tout bagay épi ki nan nou tout.

Chak moun nan nou jouinn kado gras la dapré sa Kris la méziré pou li-a. Sé li minm ki bay kèk moun gras pou yo apot, kèk lèt minm sé profèt, dèt ankò sé évanjélis, dèt yo minm sé pastè ak savan sakré : konsa sin yo kapab vi-n kòrèk nèt nan travay ministè-a, antan kò Kris la ap bati, joutan nou tout nou rivé fè yon sèl nan lafoua-a ak nan konésans Pitit Bondié-a, pou nou vi-n sèl moun sa-a ki kòrèk nèt la, nan mézi dènié dévlopman Kris la.

Paròl Granmèt la.

9

*Mouin vi-n tounin minis Égliz la
dapré jan Bondié distribié-l la.*

Léktu lèt apot sin Pòl pou Kolosyin yo

1, 24-29

Frè-m yo :

Koulié-a mouin kontan nan soufrans m-ap soufri pou nou yo, m-ap konplété sa-k manké nan soufrans Kris la nan chè mouin, pou kò-l ki Égliz la ; sé minis Égliz sa-a mouin vi-n tounin, dapré sèvis Bondié ban mouin pou-m fè nan nou-an, pou-m réalisé paròl Bondié-a.

Mistè-a, ki té kaché dépi sièk tan yo ak jénèrasion yo, koulié-a li manifesté nan sin-l yo. Bondié té vlé montré sin yo richès gloua mistè sa-a nan nasion yo ; mistè sa-a sé Kris la, éspérans gloua-a nan nou.

Nou anonsé-li antan n-ap korijé tout moun, antan n-ap bay tout moun ansègnman nan tout kalité sajès, pou nou prezanté tout moun kòrèk nèt nan Kris Jézu ; sé pou li m-ap travay, m-ap batay dapré aktivité-l k-ap aji nan mouin nan puisans la.

Paròl Granmèt la.

10

*Sé pa sèlman bay Bòn Nouvèl la nou té vlé,
min sé bay ata nanm nou yo.*

Léktu prémié lèt apot sin Pòl pou Tésalonisyin yo

2, 2 b-8

Frè-m yo :

Nou gin asirans nan Bondié nou-an pou nou palé Bòn Nouvèl Bondié-a ba nou, nan anpil tèt chajé. Ankourajman nou-an pa-t soti nan fosté, ni nan sa-k pa pròp, ni nan tronpé ; min sa n-ap di-a, nou di-l tankou moun Bondié sondé, pou-l konfié nou Bòn Nouvèl la ; sé konsa nou palé ; nou pa di-l tankou pou nou fè moun plézi, min pou nou fè Bondié plézi, li minm ki sondé kè nou.

Nou pa-t janm nan palé pou flaté moun, sé bagay nou konnin, ni chèché okazion ranmasé lajan, Bondié témouin ; ni nou pa chèché konsidèrasion nan min moun, ni nan min nou, ni nan min lòt moun.

Malgré nou té kapab fè nou santi sa nou pézé kòm apot Jézu-Kri, nou fè kò nou tou piti nan mitan nou, tankou yon nouris k-ap chofé ti pitit li yo.

Sé pa ti kras anvì nou té anvì ginyin nou, sitèlman sé pa sèlman bay Bòn Nouvèl Bondié-a nou té vlé, min sé bay ata nanm nou yo paské nou vi-n gin anpil valè pou nou.

Paròl Granmèt la.

11

Mouin kinbé bon dépo-a pa pouvoua Éspri Sin-an.

Léktu dézièm lèt apot sin Pòl pou Timoté 1, 13-14 ; 2, 1-3

Ou minm mouin rinmin anpil la :

Kinbé modèl paròl ki an santé yo, sa-ou té tandé nan mouin yo, nan lafoua ak rinmin ki nan Kris Jézu-a. Kinbé bon dépo-a pa pouvoua Éspri Sin-an ki abité nan nou-an.

Ou minm minm, pitit mouin, pran fòs nan gras la ki nan Kris Jézu-a ; sa-ou té tandé nan mouin minm nan, dévan anpil témouin-an, konfié yo bay moun ki fidèl, ki kapab anségné lòt yo sa.

Travay tankou bon sòlda Kris Jézu.

Paròl Granmèt la.

12

Fè travay mèsajé Bòn Nouvèl la, réalizé ministè ou.

Léktu dézièm lèt apot sin Pòl pou Timoté 4, 1-5

Ou minm mouin rinmin anpil la :

Mouin sèvi témouin dévan Bondié ak Jézu-Kri, ki gin pou-l jijé ni vivan yo ni mò yo, lè l-ap vini-an ak péyi-roua-l la : préché paròl la, insisté ni nan bon moman, ni nan mové moman ; bay prèv, fè obsèvasion, fè répròch ak tout kalité pasians ak ansègnman.

Sèké gin yon tan k-ap rivé koté moun yo pap sipòté ansègnman ki an santé-a ankò, min dapré anvì yo y-ap ranmasé yon pakèt mèt ; antan zòrèy yo ap graté yo ; y-ap viré do bay vérité-a pou yo pa tandé-l, min y-ap viré fas yo bay léjann yo.

Kanta ou minm sé pou-ou véyé, nan tout sikonstans sé pou-ou travay, fè travay mèsajé Bòn Nouvèl la, réalizé ministè-ou. Sé pou-ou tanpéran.

Paròl Granmèt la.

13

Okipé bann mouton Bondié yo ki nan mitan nou yo.

Léktu prémié lèt apot sin Piè

5, 1-4

Nou minm mouin rinmin anpil la :

Ansyin yo, ki nan pami nou yo, mouin priyé nou, mouin minm ki ansyin ansanm avèk nou, ki témouin soufrans Kris yo, k-ap kominiké gloua-l la ki gin pou-l révéle apré-a : okipé bann mouton Bondié yo ki nan mitan nou yo, prévoua sa-l bézouin san yo pa bézouin fòsé nou, min avèk tout kè nou dapré Bondié, san nou pa chèché avantaj malonnèt, min ak tout bòn volonté nou ; san nou pa kòmandé kòm mèt sou moun yo nou responsab la, min antan nou vi-n tounin modèl pou bann mouton yo ak tout kè nou.

Konsa, lè chèf pastè yo ap parèt, n-a résévoua kouròn gloua ki pap finnin-an.

Paròl Granmèt la.

ALÉLOUYA AK VÈSÈ ANVAN ÉVANJIL LA

1

Mt 23, 9 b. 10 b

(R: Alélouya). Sé yon sèl la ki Papa nou, ki nan sièl la épi sé yon sèl ki mèt nou, sé Kris la. (R: Alélouya).

2

Mt 28, 19 a. 20 b

(R: Alélouya). Alé, fè tout nasion yo vi-n tounin disip, sé sa Granmèt la di ; mouin avèk nou touléjou, jous longè tan-an fi-n rivé bout li. (R: Alélouya).

3

Mk 1, 17

(R: Alélouya). Vini apré-m, sé sa Granmèt la di,
m-ap fè nou al lapèch moun. (R: Alélouya).

4

Lk 4, 18

(R: Alélouya). Granmèt la voyé-m anonsé pòv yo bòn nouvèl la,
déklaré délivrans bay prizonié yo. (R: Alélouya).

5

Jan 10, 14

(R: Alélouya). Mouin minm mouin sé bon Gadyin-an, sé sa Granmèt la di,
mouin konnin mouton-m yo, épi yo konnin-m tou. (R: Alélouya).

6

Jan 15, 5

(R: Alélouya). Mouin sé pié rézin-an, nou minm nou sé branch yo,
sé sa Granmèt la di ;
moun ki rété nan mouin, épi mouin minm nan li,
moun sa-a donnin anpil foui. (R: Alélouya).

7

Jan 15, 15 b

(R: Alélouya). Mouin rélé nou zanmi, paské tou sa-m tandé kot Papa-m,
mouin fè nou konnin yo. (R: Alélouya).

(**R**: Alélouya). Sé Bondié ki t-ap rékonsilié tè-a nan Kris la avèk li, épi li mété paròl rékonsiliation-an nan nou. (**R**: Alélouya).

ÉVANJIL YO

1

Rékòlt la anpil, min travayè yo yon ti kras.

✚ Léktu sint Évanjil la dapré Matié

9, 35-38

Lè sa-a :

Jézu minm t-ap maché nan tout vil yo ak bouk yo, li t-ap bay ansègnman nan sinagòg yo, li t-ap préché Bòn Nouvèl péyi-roua-a, li t-ap géri tout maladi ak tout féblès. Lè-l ouè foul yo, li pran lapinn pou yo, paské yo té fatigé, yo té kouché tankou mouton ki pa gin gadyin.

Lè sa-a li di disip li yo : « Rékòlt la anpil, min travayè yo yon ti kras ; priyé Granmèt rékòlt la, pou-l voyé travayè nan rékòlt li-a ».

Paròl Granmèt la.

2

Pou yon Pap

Ou sé Piè, sou ròch sa-a m-ap bati Égliz mouin-an.

✚ Léktu sint Évanjil la dapré Matié

16, 13-19

Lè sa-a :

Jézu rivé nan réjion Sézaré Filip la, li pozé disip li yo késion, li di : « Ki sa moun yo di Pitit moun nan yé ? »

Yo minm yo di : « Ginyin sé Jan-Batis, dèt minm sé Éli, dèt ankò sé Jérémi oubyin youn nan profèt yo ».

Jézu di yo : « É nou minm ki sa nou di mouin yé ? »

Simon Piè pran laparòl, li di : « Ou sé Kris, Pitit Bondié vivan-an ».

Jézu pran laparòl, li di-l : « Ala kontantman pou ou, Simon, pitit Jan, paské sé pa ni chè ni san ki révéle-ou sa, min Papa-m ki nan sièl la. Mouin minm mouin di-ou ou sé Piè, sou ròch sa-a m-ap bati Égliz mouin-an, pòt lanfè yo pap ranpòté viktoua kont li ; m-ap ba-ou clé péyi roua sièl yo, tou sa ou-ap maré sou tè-a, l-ap maré nan sièl la, tou sa ou-ap lagé sou tè-a, l-ap lagé nan sièl la tou ».

Paròl Granmèt la.

3

*Sa-a ki pi gran nan nou-an,
sé pou-l tounin sèvitè nou.*

✠ **Léktu sint Évanjil la dapré Matié**

23, 8-12

Lè sa-a :

Jézu di disip li yo : « Pa kité yo rélé nou Rabi ; sèké sé yon sèl mèt nou ginyin, nou tout nou sé frè.

Pa rélé pèsòn papa sou tè-a ; sé yon sèl Papa nou ginyin, ki nan sièl la.

Pa fè yo rélé nou mèt ; paské sé yon sèl mèt nou ginyin, sé Kris la.

Sa-a ki pi gran nan nou-an, sé li k-ap sèvitè nou.

Moun ki lévé tèt li, y-ap rabésé-l ; moun ki rabésé tèt li, y-ap lévé-l anlè ».

Paròl Granmèt la.

4

Pou misionè yo

Alé, fè tout nasion yo vi-n tounin disip.

✠ **Léktu sint Évanjil la dapré Matié**

28, 16-20

Onz disip yo pati, y-al nan Galilé, sou mòn nan koté Jézu té ba yo lòd pou yo alé-a. Lè yo ouè Jézu, yo mét ajénou, min kèk nan yo té douté.

Jézu minm antan-l proche, li palé avèk yo, li di : « Yo rinmèt mouin tout pouvoua nan sièl ak sou tè-a. Alé, fè tout nasion yo vi-n tounin disip. Batizé yo o non Papa-a ak Pitit la ak Éspri Sin-an. Aprann yo obsèvé tou sa mouin té kòmandé nou.

Min mouin avèk nou touléjou, jous longè tan-an fi-n rivé bout li ».

Paròl Granmèt la.

5

M-ap fè nou al lapèch moun.

✠ **Léktu sint Évanjil la dapré Mark**

1, 14-20

Apré yo fi-n arété Jan, Jézu rivé nan Galilé, l-ap préché bòn nouvèl péyi-roua Bondié-a, l-ap di : « Tan-an rivé, péyi-roua Bondié-a proche : fè pénitans, kouè nan bòn nouvèl la ».

Antan l-ap pasé bò lanmè Galilé-a, li ouè Simon avèk André frè-l la k-ap voyé filè nan lanmè-a ; sé péchè pouason yo té yé. Jézu di yo : « Vini apré-m, m-ap fè nou al lapèch moun ». Minm lè-a, yo kité filè yo, yo suiv li.

Li kontinié sot la l-al yon ti kras pi louin, li ouè Jak pitit Zébédé-a avèk Jan, frè-l la, yo t-ap rapiésé filè yo nan batiman-an ; minm lè-a, li rélé yo. Yo kité papa yo Zébédé nan batiman-an avèk anplouayé yo, yo suiv li.

Paròl Granmèt la.

6

Pou misionè yo

Alé sou tout tè-a, préché Bòn Nouvèl la.

✠ **Léktu sint Évanjil la dapré Mark**

16, 15-20

Lè sa-a :

Jézu parèt dévan onz yo, li di yo :

« Alé sou tout tè-a, préché Bòn Nouvèl la bay tout kréatu. Moun k-ap kouè épi k-ap batizé, l-ap sové ; min moun ki pa kouè, l-ap kondané.

Min sign pou moun k-ap kouè yo : o non-m y-ap chasé démon yo, y-ap palé lang nouvo, y-ap pran sèpan ; minm si yo bouè pouazon, sa pap fè yo anyin ; y-ap pozé min sou malad yo, malad yo ap géri ».

Granmèt Jézu, lè-l fi-n di yo sa, yo pran-l nan sièl la, li chita adouat Bondié. Yo minm minm yo pati, y-ap préché tout koté, pandan Granmèt la ap ba yo konkou, ap asiré paròl yo ak sign l-ap fè rivé.

Paròl Granmèt la.

7

Pou misionè yo

Sou paròl ou, m-apral lagé filè-a.

✠ **Léktu sint Évanjil la dapré Luk**

5, 1-11

Lè sa-a :

Kòm foul yo té gonflé sou Jézu pou yo kouté paròl Bondié-a, li té kanpé bò létan Jénézarèt la. Li ouè dé batiman ki akosté bò létan-an ; péchè yo té désann, yo t-ap lavé filè yo.

Li monté nan yon batiman, sa-k té pou Simon-an, li mandé-l pou-l rékilé yon ti kras sot sou tè-a. Li chita, l-ap bay ansègnman nan batiman-an, pou foul yo.

Lè-l fi-n palé, li di Simon : « Pousé nan fon, lagé filè nou yo pou lapèch la ».

Simon pran laparòl, li di-l : « Mèt, tout nannuit, nou fatigé kò nou, san nou pa pran anyin ; sèlman sou paròl ou, n-ap lagé filè-a ».

Yo fè sa, yo ranmasé yon pakèt kantité pouason ; filè yo-a t-ap chiré. Yo fè sign bay asosié yo, ki té nan lòt batiman-an, pou yo vi-n édé yo. Yo vini, yo plin tou lè dé batiman yo, atèl pouin yo t-ap koulé.

Lè Simon Piè ouè sa, li lagé kò-l nan pié Jézu, li di : « Ralé kò-ou sot koté-m, paské sé yon péchè mouin yé, Granmèt ». Sézisman té anvayi-l, ni tout moun ki té avèk li, nan lapèch pouason yo yo té pran-an ; sé minm jan tou pou Jak avèk Jan, pitit Zébédé yo, ki té asosié Simon.

Jézu di Simon : « Pa pè ; apati koulié-a, sé moun ou-ap pran lapèch ». Yo rédi batiman yo atè, yo kité tout bagay, yo suiv li.

Paròl Granmèt la.

8

Rékòlt la anpil, min ouvriyé yo yon ti kras.

✠ **Léktu sint Évanjil la dapré Luk**

10, 1-9

Lè sa-a :

Granmèt la chouazi souasanndouz lòt ; li voyé yo dé pa dé dévan-l nan tout vil ak bouk koté li té gin pou-l alé.

Li t-ap di yo :

« Rékòlt la anpil, min ouvriyé yo yon ti kras. Priyé Granmèt rékòlt la, pou-l voyé ouvriyé nan rékòlt li-a. Alé ; min mouin voyé nou tankou mouton nan pami lou. Pa poté sak, ni bous, ni sapat, pa salué pèsònn nan chémin.

Nan ninpòt kay nou antré, kòmansé di : “Lapè pou kay sa-a” ; si gin yon pitit lapè la, lapè nou-an ap pozé sou li ; otréman, l-ap tounin vi-n jouinn nou. Rété nan minm kay sa-a, manjé, bouè sa yo ginyin ; paské ouvriyé-a mérité salè-l. Pa travèsé sot nan kay al nan kay. Nan ninpòt ki vil nou antré, épi yo résévoua nou, manjé sa yo poté ba nou, géri malad yo ki nan vil la, di yo : “Péyi-roua Bondié-a tou pré nou” ».

Paròl Granmèt la.

9

*Mouin préparé péyi-roua-a pou nou,
tankou Papa-m té préparé-l pou mouin-an.*

✠ **Léktu sint Évanjil la dapré Luk**

22, 24-30

Lè sa-a :

Té gin diskision nan pami Apot yo kilès nan yo yo té konsidéré kòm pi gran.

Jézu minm di yo : « Roua nasion yo kòmandé yo kòm mèt, épi sa yo ki gin pouvoua sou yo-a, yo fè yo rélé yo byinfètè. Kanta nou minm, sa pa doué fèt konsa, min sa-k pi gran nan pami nou-an, sé pou-l vi-n tankou sa-k pi piti-a, épi sa-k chèf la, sé pou-l tankou sèvitè-a. Réyèlman kilès ki pi gran, sa-k lonjé kò-l pou manjé-a oubyin sa k-ap sèvi-a ? Èské sé pa sa-k lonjé kò-l pou manjé-a ? Mouin minm mouin nan mitan nou tankou sa k-ap sèvi-a.

Nou minm minm nou té rét fidèl avèk mouin nan tantasion-m yo ; mouin préparé péyi roua-a pou nou, tankou Papa-m té préparé-l pou mouin, pou nou manjé, pou nou bouè sou tab mouin nan péyi roua-m nan, épi pou nou chita sou tro-n yo, antan n-ap jijé douz fanmi Israèl yo ».

Paròl Granmèt la.

10

*Bon gadyin-an bay lavi-l pou mouton-l yo.***✠ Léktu sint Évanjil la dapré Jan****10, 11-16**

Lè sa-a :

Jézu di : « Mouin sé bon gadyin-an. Bon gadyin-an bay lavi-l pou mouton-l yo. Min anplouayé-a ak sa-a ki pa gadyin-an, sa mouton yo pa pou li-a, lè-l ouè lou-a ap vini, li kité mouton yo, li sovè kò-l, lou-a minm dévoré mouton yo, li gayé yo. Min anplouayé-a minm sovè konsa-a, sé paské sé anplouayé li yé épi li pa okipé mouton yo.

Mouin minm mouin sé bon Gadyin-an, mouin konnin sa-k pou mouin yo, sa-k pou mouin yo konnin-m tou. Jan Papa-a konnin-m épi mouin konnin Papa-a, épi mouin bay lavi-m pou mouton-m yo.

Min gin dèt mouton, ki pa nan patiraj sa-a, yo minm tou mouin gin pou-m minnin yo, y-ap kouté voua-m, ap vi-n gin yon sèl patiraj ak yon sèl gadyin ».

Paròl Granmèt la.

11

*Pa gin yon fason pou yon moun rinmin pi plis pasé pou-l bay lavi-l pou zanmi-l yo.***✠ Léktu sint Évanjil la dapré Jan****15, 9-17**

Lè sa-a : Jézu di disip li yo :

« Minm jan Papa-a rinmin-m nan, sé konsa tou mouin rinmin nou. Sé pou nou rété nan rinmin-m nan. Si nou kinbé kòmandman-m yo, n-ap rété nan rinmin-m nan minm jan mouin minm mouin kinbé kòmandman Papa-m yo, épi mouin rété nan rinmin-l nan.

Mouin di nou bagay sa yo, pou kè kontan-m nan kapab nan nou, pou kè kontan nou-an réyalizé nèt.

Min kòmandman-m nan, sé pou nou youn rinmin lòt, minm jan mouin rinmin nou-an. Pi gran fason pou yon moun rinmin, sé bay lavi-l pou zanmi-l yo.

Nou minm nou sé zanmi-m, si nou fè sa mouin kòmandé nou. Mouin pap rélé nou sèvitè ankò, paské sèvitè-a pa konnin ki sa mèt li ap fè ; min

sé zanmi mouin rélé nou, paské tou sa-m tandé kot Papa-m, mouin fè nou konnin-l.

Sé pa nou minm ki chouazi-m ; min sé mouin minm ki chouazi nou, mouin mété nou, pou nou alé, pou nou donnin foui, pou foui nou-an diré ; konsa, tou sa n-a mandé Papa-a o non-m, l-ap ba nou li.

Sa mouin kòmandé nou, sé pou nou youn rinmin lòt ».

Paròl Granmèt la.

12

Pou yon Pap

Okipé ti mouton-m yo, okipé mouton-m yo.

✠ Léktu sint Évanjil la dapré Jan

21, 15-17

Lè Jézu té parèt dévan disip li yo, li té manjé avèk yo-a, li di Simon Piè : « Simon pitit Jan, èské-ou gin charité pou mouin plis pasé sa yo ? »

Li di-l : « Oui, Granmèt, ou konnin mouin rinmin-ou ».

Li di-l : « Okipé ti mouton-m yo ».

Li di-l ankò : « Simon pitit Jan, èské-ou gin charité pou mouin ? »

Li di-l : « Oui, Granmèt, ou konnin mouin rinmin-ou ».

Li di-l : « Okipé ti mouton-m yo ».

Li di-l pou touazièm foua-a : « Simon pitit Jan, èské-ou rinmin-m ? »

Piè pran lapinn, paské li té di-l touazièm foua-a « Èské-ou rinmin-m ? » Li di-l : « Granmèt, ou konnin tout bagay ; ou konnin mouin rinmin-ou ».

Li di-l : « Okipé mouton-m yo ».

Paròl Granmèt la.

KOMIN DOKTÈ ÉGLIZ LA

PRÉMIÉ LÉKTU NAN ANSYIN TÉSTAMAN-AN

1

Mouin ba-ou yon kè ki gin sajès ki intélijan.

Léktu prémié liv Roua yo

3, 11-14

Jou sa yo :

Granmèt la di Salomon : « Poutèt ou mandé bagay sa-a, ou pa-t mandé lavi long ni richès ni lavi ènmi-ou yo, min ou té mandé sajès pou-ou kapab konprann jijman : min mouin fè pou ou dapré paròl ou yo, mouin ba-ou yon kè ki gin sajès ki intélijan, atèl pouin pèsòn anvan-ou pa-t sanblé-ou, ni apré-ou pap ginyin k-ap lévé.

Min ni bagay sa yo ou pa-t mandé-a, mouin ba ou yo tou, sa vlé di richès ak gloua, pou pa gin pèsòn ki té tankou ou nan roua yo nan tout jou ki fi-n pasé yo. Sèlman si-ou maché nan chémin-m yo épi ou kouté lòd mouin yo ak kòmandman mouin yo, jan papa-ou té maché-a, m-ap fè jou-ou yo vi-n long ».

Paròl Granmèt la.

2

Mouin rinmin sajès la plis pasé santé ak bèl figi.

Léktu liv Sajès la

7, 7-10. 15-16

Mouin priyé, épi yo ban-m intélijans ; mouin mandé, épi éspri sajès la vi-n nan mouin ; mouin pito-l pasé péyi-roua yo ak tro-n yo ; mouin konsidéré richès yo kòm anyin an konparézon-l. Mouin pa konparé piè ki gin gran pri avèk li, paské tout lò an konparézon-l sé yon ti sab tou piti ; dévan fas li yo éstimé lajan tankou labou.

Mouin rinmin-l plis pasé santé ak bèl figi, mouin pi pito ginyin-l pasé limiè, paské limiè-l pa kapab étinn.

Kanta mouin minm minm, Bondié ban-m favè pou-m palé ak konviksion, pou-m pansé lidé ki adapté ak sa-l ban mouin yo, paské li minm li sé chèf sajès la épi li korijé saj yo. Nan min-l réyéلمان ni nou minm ni paròl nou yo rété, ni tout sajès ni sians ak téknik pou travay yo.

Paròl Granmèt la

3

L-ap plin-l ak éspri sajès ak mizérikòd.

Léktu liv Sirasid la

15, 1-6

Moun ki krinn Bondié, l-ap fè sa-k bon, épi moun ki kinbé jistis la, l-ap pran-l ; épi l-ap vi-n rankontré-l tankou yon manman ki onoré, épi tankou yon madanm ki vièj l-ap résévoua-l.

L-ap fè-l manjé pin lavi ak intélizans, l-ap fè-l bouè dlo sajès k-ap sovè-l la ; l-ap asiré non li, li pap fébli, l-ap kinbé-l, li pap ront ; l-ap lévé-l anlè bò prochin-l yo.

Nan mitan asanblé-a l-ap ouvri bouch li, l-ap plin-l ak éspri sajès ak intélizans, l-ap abiyté-l ak rad gloua ; l-ap ranmansé kontantman ak fèt sou li, l-ap fè-l érité non k-ap diré tout tan-an.

Paròl Granmèt la.

4

Li plin-l ak éspri intélizans la.

Léktu liv Sirasid la

39, 8-14

Si Granmèt la ki gran-an vlé, l-ap plin-l ak éspri intélizans. Épi li minm tankou larouzé l-ap voyé paròl sajès li-a, épi l-ap mét konfians li nan Granmèt la nan priyé-l, li minm l-ap dirijé konsèy li ak disipli-n li épi l-ap konséyé-l nan bagay li yo ki kaché yo.

Li minm l-ap fè disipli-n ansègnman li-a vi-n klè, épi l-ap jouinn gloua nan loua aliens Granmèt la ; anpil moun ap fè louanj sajès li, épi jous pou sièk tan li pap éfasé ; souvni-l pap pati ; non li, yo chèché-l sot nan jénérasyon al nan jénérasyon.

Sajès li, nasion yo ap rakonté-l, épi louanj li, asanblé-a ap rakonté-l.

Paròl Granmèt la.

PRÉMIÉ LÉKTU NAN NOUVO TÊSTAMAN-AN POU TAN PASKAL LA

1

Bondié fè-l Granmèt ak Kris.

Léktu Travay Apot yo

2, 14a. 22-24. 32-36

Jou Pannkot la, Piè kanpé avèk onz yo, li lévé voua-l, li déklaré : « Mésié Israèl yo, kouté paròl sa yo : Jézu moun Nazarèt la, mésié sa-a Bondié té sèvi-l témouin nan mitan nou-an, avèk mèvèy, prodij ak sign Bondié té fè pa lintèmediè li nan mitan nou, jan nou konnin-an, sé li minm nou té touyé-a, lè nou fi-n rinmèt li nan min méchan yo pou yo fè-l pasé mati, dapré plan Bondié té fiksé ak prévouayans li. Bondié résisité-l, li détoui soufrans abitasion mò yo, paské sa pa-t posib pou-l té rét kinbé anba-l.

Jézu sa-a, Bondié résisité-l, nou tout nou témouin.

Li lévé réyèlman adouat Bondié, épi antan-l résévoua promès Éspri Si-an nan min Papa-a, li vidé-l, li minm nou ouè épi nou tandé-a.

David pa-t monté nan sièl réyèlman ; li minm minm li di : “Granmèt la di Granmèt mouin : ‘Chita adouat mouin, joustan mouin mété ènmi-ou yo kòm machéskalié pié-ou’ ”.

Sètènman sé pou tout kay Israèl la konn sa, Bondié fè-l Granmèt ak Kris, Jézu sa-a nou té klouré sou koua-a ».

Paròl Granmèt la.

2

Bondié réalizé promès la, antan-l fè Jézu résisité.

Léktu Travay Apot yo

13, 26-33

Jou sa yo : Lè Pòl rivé Antiòch Pisidi, li di nan sinagòg la :

« Mésié frè-m yo, pitit ras Abraam, épi nou minm ki krinn Bondié, sé pou nou yo voyé paròl k-ap sovè nou sa-a.

Sa yo ki té abité Jérusalèm yo, ni chèf li yo, yo pa rékonèt li, ni paròl profèt yo yo konn li chak saba-a, yo réalizé paròl sa yo antan yo jijé-l. Yo pa jouinn okinn koz lanmò nan li, yo mandé Pilat pou yo touyé-l. Lè yo fi-n réalizé tou sa-k té ékri sou li, yo désann li sot sou boua-a, yo dépozé-l nan yon kavò.

Min Bondié résisité-l sot nan pami mò yo sou touazièm jou-a ; li parèt pandan anpil jou dévan sa yo ki té monté avèk li sot Galilé-a rive Jérusalèm nan, yo minm ki sèvi-l témouin jous koulié-a dévan foul la.

Nou minm nou anonsé nou rélizasion promès la yo té fè bay papa nou yo ; Bondié rélizé-l pou pitit nou yo antan-l fè Jézu résisité, jan sa ékri nan Psòm dézièm nan : “Ou sé Pitit mouin ; jodi-a mouin anfanté-ou” ».

Paròl Granmèt la.

PSÒM RÉPONS YO

1

PSÒM RÉPONS Ps 18, 8. 9. 10. 11 (R: 10 b ; oubyin : Jan 6, 63 c)

R: Jijman Granmèt la vré, yo kòrèk yo tout ansanm.

oubyin :

R: Granmèt, ou gin paròl lavi ki pap janm fini-an.

8 Laloua Granmèt la san tach, li réfè nanm moun, témouagnaj Granmèt la fidèl, li bay ti moun yo sajès. R:

9 Jistis Granmèt la douat, yo fè kè kontan, kòmandman Granmèt la klèl, li kléré jé yo. R:

10 Krint Granmèt la nèt, li diré pou tout tan gin tan, jijman Granmèt la vré, yo kòrèk yo tout ansanm. R:

11 Yo pi chè pasé lò, ak piè ki gin anpil pri, yo pi dous pasé siro mièl ak réyon siro mièl k-ap koulé. R:

2

PSÒM RÉPONS Ps 36, 3-4. 5-6. 30-31 (R: 30 a)

R: Bouch moun ki kòrèk la ap kalkilé sajès.

3 Éspéré nan Granmèt la, fè sa-k bon, ou-ap abité tè-a, ou-ap manjé ak konfians.

4 Joui nan Granmèt la, l-ap ba-ou sa kè-ou mandé yo. R:

- 5 Rinmèt Granmèt la chémin-ou yo, éspéré nan li,
sé li minm k-ap aji ;
- 6 L-ap fè jistis ou lévé tankou limiè,
ak jijman-ou tankou midi. **R:**
- 30 Bouch moun ki kòrèk la ap kalkilé sajès,
lang li ap palé jijman ;
- 31 laloua Bondié-l la nan kè-l,
pié-l pap tranblé. **R:**

3

PSÒM RÉPONS

Ps 118, 9. 10. 11. 12. 13. 14 (**R:** : 12 b)

- R:** Aprann mouin désizion-ou yo, Granmèt.
- 9 Kòman pou yon jénòm kapab nèt nan chémin-l ?
Antan-l kinbé paròl ou yo. **R:**
- 10 Ak tout kè-m mouin té chèché-ou,
pa kité-m pèdi rout louin kòmandman-ou yo. **R:**
- 11 Nan kè-m mouin kaché promès ou yo,
pou-m pa fè péché kont ou. **R:**
- 12 Konpliman pou ou, Granmèt
apran mouin désizion-ou yo. **R:**
- 13 Nan bouch mouin
mouin déyayé tout jijman bouch ou yo. **R:**
- 14 Nan rout témouagnaj ou yo mouin jouinn plézi-m
tankou nan tout kalité richès. **R:**

DÉZIÈM LÉKTU NAN NOUVO TÉSTAMAN-AN

1

*Bondié té vlé sovè moun ki kouè yo
gras a foli prèch la.*

Léktu prémié lèt apot sin Pòl pou Korintyin yo

1, 18-25

Frè-m yo :

Paròl koua-a sé yon foli pou moun k-ap péri yo ; min pou sa yo k-ap sovè yo, sètadi nou minm, sé pouvoua Bondié. Min sa-k ékri-a di : « M-ap pèdi sajès saj yo, m-ap réjité intéljans intéljans yo ». Koté saj la ? koté skrib la ? koté moun k-ap ranpòtè viktoua sou tè sa-a ? Èské Bondié pa fè sajès tè sa-a vi-n tounin foli ?

Réyèlman, paské nan sajès Bondié-a, tè-a pa-t konprann Bondié, Bondié desidé sovè moun ki kouè yo gras a foli prèch la. Sèké Juif yo ap mandé sign, Grèk yo ap chèché sajès ; nou minm minm n-ap préché Jézu-Kri yo klouré sou koua-a, pou Juif yo sé yon skandal, pou nasion yo sé yon foli, min pou sa yo yo rélé yo, Juif ak Grèk, sé Kris la, pouvoua Bondié ak sajès Bondié-a ; paské sa-k fou pou Bondié ; li pi saj pasé moun yo ; sa-k fèb pou Bondié, li pi fò pasé moun yo.

Paròl Granmèt la.

2

N-ap palé sajès Bondié-a nan mistè.

Léktu prémié lèt apot sin Pòl pou Korintyin yo

2, 1-10 a

Mouin minm, lè-m rivé kay nou, frè-m yo, mouin pa-t vini avèk paròl grandizè oubyin sajès, antan-m t-ap anonsé nou témouagnaj Kris la.

Mouin pa konsidéré mouin konnin kichòy nan mitan nou, réyèlman, éksépté Jézu-Kri, épi Jézu-Kri yo klouré sou koua-a. Mouin minm sé nan féblès, avèk krintif, ak sézisman anpil, mouin té pasé tan-m, lakay nou ; paròl mouin ak prèch mouin-an sé pa-t nan paròl sajès moun k-ap chèché fòsé moun kouè, min sé nan démonstrasion éspri-a ak puisans la, pou lafoua nou pa pozé nan sajès moun, min pa puisans Bondié.

Min n-ap palé sajès la pami moun ki kòrèk yo, sèlman sé pa sajès sièk sa-a ni chèf sièk sa-a, yo minm k-ap péri-a ; min n-ap palé sajès Bondié nan mistè ki kaché, sa Bondié té mété apa davans dépi anvan tout sièk tan

yo pou gloua nou-an, li minm okinn chèf sièk sa-a pa-t konnin ; paské si yo té konnin-l, yo pa t-a janm klouré Granmèt gloua-a sou koua ; min dapré sa-k ékri-a : « jé pa-t ouè, zòrèy pa-t tandé, sa pa-t monté nan kè moun, sé bagay Bondié té préparé pou sa yo ki rinmin-l nan » ; Min Bondié révéle nou sa pa lintèmediè Éspri-l la.

Paròl Granmèt la.

3

Kanta nou minm nou gin sa-k nan lidé Kris la.

Léktu prémié lèt apot sin Pòl pou Korintyin yo

2, 10 b-16

Frè-m yo :

Éspri-a sondé tout bagay, ata gran sékrè Bondié yo. Kilès réyèlman nan pami lézòm ki konnin afè moun nan, si sé pa éspri moun nan, ki nan li-a ? Konsa tou bagay Bondié yo, pèsonn pa konnin yo, sof Éspri Bondié-a.

Kanta nou minm nou pa résévoua éspri tè sa-a, min sé Éspri ki soti nan Bondié-a, pou nou konnin kado yo Bondié ba nou-an : sé yo minm n-ap palé-a, sé pa ak paròl sajès moun nou anségné, min sé nan anségnman Éspri-a ; afè éspri-a, sé nan sans éspri-a minm n-ap chèché konprann yo.

Moun nan k-ap aji avèk sèl fòs chè-a bay la, li pa ouè bagay ki soti nan Éspri-a ; sé afè moun fou yo yé pou li, li pa kapab konprann, paské sé Éspri-a ki pèmèt moun jijé. Moun Éspri-a minm, li jijé tout bagay ; min li minm, pèsonn pa kapab jijé-l. Kilès réyèlman ki konnin sa-k nan lidé Granmèt la, pou-l ba-l konsèy ?

Kanta nou minm nou gin sa-k nan lidé Kris la.

Paròl Granmèt la.

4

*Poté Bòn Nouvèl la nan nasion yo,
anonsé yo richès Kris la yo pa kapab sondé yo.*

Léktu lèt apot sin Pòl pou Éfézyin yo

3, 8-12

Frè-m yo :

Mouin minm ki pi piti nan tout sin yo, sé mouin minm yo bay gras sa-a pou-m poté Bòn Nouvèl la nan nasion yo, pou-m anonsé yo richès Kris

la yo pa kapab sondé yo, pou-m kléré yo tout, antan-m montré yo kijan mistè sa-a ki té kaché dépi sièk tan nan Bondié ki kréyé tout bagay la, li égzékité koulié-a ; pou chèf yo ak pouvoua yo nan sièl la rékonèt sajès Bondié-a ki san limit la, gras a Égliz la ; dapré plan li té fè nan Kris Jézu Granmèt nou-an dépi tout tan. Nan li nou gin konfians pou nou proché avèk asirans, gras a lafoua nou gin nan li.

Paròl Granmèt la.

5

Nan travay sèvis la, antan kò Kris la ap bati.

Léktu lèt apot sin Pòl pou Éfézyin yo

4, 1-7. 11-13

Frè-m yo :

Mouin priyé nou, mouin minm prizonié nan Granmèt la, pou nou maché korèk dapré diréksion voua ki rélé nou-an, antan nou rété nan pòv ti kondision moun nou-an, antan nou tou dou, antan nou pran pasians pou nou youn sipòté lèt nan charité-a ; fè éfò pou nou konsèvé éspri ki fè nou fè yon sèl la nan chinn lapè-a : yon sèl kò ak yon sèl éspri, minm jan yo rélé nou nan yon sèl éspérans ki nan bout chémin koté yo rélé nou-an ; yon sèl Granmèt, yon sèl lafoua, yon sèl batèm ; yon sèl Bondié ak Papa tout moun, ki anlè tout moun, ki nan tout bagay épi ki nan nou tout.

Chak moun nan nou jouinn kado gras la dapré sa Kris la méziré pou li-a. Sé li minm ki bay kèk moun gras pou yo apot, kèk lèt minm sé profèt, dèt ankò sé sa-k évanjélis, dèt yo minm sé pastè ak savan sakré : konsa sin yo kapab vi-n kòrèk nèt nan travay sèvis la, antan kò Kris la ap bati, joutan nou tout nou rivé fè yon sèl nan lafoua-a ak nan konésans Pitit Bondié-a, pou nou tout ansanm nou vi-n sèl moun sa-a ki kòrèk nèt la, nan mézi dènié dévlopman Jézu-Kri-a.

Paròl Granmèt la.

6

Mouin kinbé bon dépo-a pa pouvoua Éspri Sin-an.

Léktu dézièm lèt apot sin Pòl pou Timoté

1, 13-14 ; 2, 1-3

Ou minm mouin rinmin anpil la :

Kinbé modèl paròl ki nèt yo, sa-ou té tandé nan bouch mouin-an, nan lafoua ak rinmin ki nan Kris Jézu-a. Kinbé bon dépo-a pa pouvoua Éspri Sin-an ki abité nan nou-an.

Ou minm, pitit mouin, pran fòs nan gras la ki nan Kris Jézu-a ; sa-ou té tandé nan mouin minm nan dévan anpil témouin-an, konfié yo bay moun ki fidèl, ki kapab anségné lòt yo sa.

Travay tankou bon sòlda Kris Jézu.

Paròl Granmèt la.

7

Fè travay méyajé Bòn Nouvèl la, réalizé sèvis ou.

Léktu dézièm lèt apot sin Pòl pou Timoté

4, 1-5

Ou minm mouin rinmin anpil la :

Mouin déklaré-ou dévan Bondié ak Jézu-Kri, ki gin pou-l jijé ni vivan yo ni mò yo, lè l-ap vini-an ak lè l-ap kòmandé-a : préché paròl la, insisté ni nan bon moman, ni nan mové moman ; bay prèv, fè obsèvasion, fè répròch ak tout kalité pasians ak ansègnman.

Sèké gin yon tan k-ap rivé koté moun yo pap sipòté ansègnman kòrèk ankò, min dapré anvì yo y-ap ranmasé yon pakèt mèt ; antan zòrèy yo ap graté yo ; y-ap viré do bay vérité-a pou yo pa tandé-l, min y-ap viré fas yo bay fab.

Kanta ou minm sé pou-ou véyé, nan tout sikonstans sé pou-ou travay, fè travay méyajé Bòn Nouvèl la, réalizé sèvis ou. Sé pou-ou véyé sou konduit ou.

Paròl Granmèt la.

ALÉLOUYA AK VÈSÈ ANVAN ÉVANJIL LA

1

Mt 5, 16

(**R.** Alélouya). Sé konsa pou limiè nou kléré dévan moun yo, pou yo ouè bon aksion nou yo, pou yo fè louanj pou Papa nou ki nan sièl la. (**R.** Alélouya).

2

Mt 23, 9 b. 10 b

(R: Alélouya). Yon sèl sé Papa nou, ki nan sièl la ;
épi mèt nou sé yon sèl, sé Kris la. (R: Alélouya).

3

Jan 6, 63 c. 68 c

(R: Alélouya). Paròl ou yo, Granmèt, sé Éspri ak lavi yo yé ;
ou gin paròl lavi tout tan-an. (R: Alélouya).

4

Jan 15, 5

(R: Alélouya). Mouin sé pié rézin-an, nou sé branch yo,
sé sa Granmèt la di ;
moun ki rét nan mouin, épi mouin minm nan li,
moun sa-a donnin anpil foui. (R: Alélouya).

5

Cf. Tr 16, 14 b

(R: Alélouya). Ouvri kè nou, Granmèt,
pou nou fè atansyon nan paròl Pitit ou-a. (R: Alélouya).

6

1 Kor 1, 18

(R: Alélouya). Paròl koua-a sé yon foli pou moun k-ap péri yo ;
min pou sa yo k-ap sové yo, sé puisans Bondié. (R: Alélouya).

7

1 Kor 2, 7

(R. Alélouya). N-ap palé sajès Bondié nan mistè ki kaché,
sa Bondié té mété apa davans dépi anvan tout sièk tan yo
pou gloua nou-an. (R. Alélouya).

8

(R. Alélouya). Sémans la sé paròl Bondié-a,
sa k-ap simin-an minm sé Kris la
tout moun ki jouinn li, l-ap diré pou tout tan. (R. Alélouya).

ÉVANJIL YO

1

Nou sé limiè tè-a.

✠ Léktu sint Évanjil la dapré Matié

5, 13-19

Lè sa-a :

Jézu té di disip li yo : « Nou sé sèl tè-a. Si sèl la vi-n fad, ak ki sa y-ap salé-l ? Li pa vo anyin ankò, sof pou yo jété-l déyò, pou moun pilé-l.

Nou sé limiè tè-a. Yon vil ki pozé sou yon mòn pa kapab kaché. Yo pa limin yon lanp, pou yo mété-l anba bokit ; min sou yon étajè, pou-l kléré tout moun ki nan kay la. Sé konsa pou limiè nou kléré dévan moun yo, pou yo ouè bon aksion nou yo, pou yo fè louanj pou Papa nou ki nan sièl la.

Pa konprann mouin vini pou-m défèt laloua-a oubyin profèt yo : mouin pa vini pou-m défèt, min pou-m réalisé nèt. Amèn mouin di nou, joutan sièl la ak tè-a pasé, yon ti i oubyin yon ti trè pap pasé sot nan Laloua-a, joutan tout bagay rivé. Konsa moun k-ap défèt youn nan pi piti kòmandman sa yo épi k-ap aprann moun yo fè minm jan, y-ap rélé-l pi piti nan péyi roua sièl yo ; min moun k-ap réalisé-l, épi k-ap aprann lòt yo fè minm jan, y-ap rélé-l gran nan péyi roua sièl yo ».

Paròl Granmèt la.

2

Jézu t-ap anségné yo tankou moun ki gin pouvoua.

✠ **Léktu sint Évanjil la dapré Matié**

7, 21-29

Lè sa-a : Jézu di disip li yo :

« Sé pa tout moun k-ap di-m : “Granmèt, Granmèt”, k-ap antré nan péyi roua sièl yo, min sé moun ki fè volonté Papa-m ki nan sièl la, sé li minm k-ap antré nan péyi roua sièl yo. Anpil moun ap di-m jou sa-a : “Granmèt, Granmèt, èské sé pa onon-ou nou té fè travay profèt, èské sé pa o non-ou nou té fè anpil mèvèy ?” Lè sa-a, m-ap déklaré yo : “Mouin pa janm konnin nou : ralé kò nou sot sou mouin, nou minm k-ap fè péché”.

Sèké tout moun ki tandé paròl mouin sa yo, épi ki réalisé yo, li sanblé avèk yon moun saj, ki bati kay li sou ròch ; lapli tonbé, lariviè désann, van souflé, yo fonsé sou kay sa-a, li pa tonbé : sèké fondasion-l té sou ròch.

Tout moun ki tandé paròl mouin sa yo, min ki pa réalisé yo, li sanblé ak yon moun sot, ki bati kay li sou sab ; lapli tonbé, lariviè désann, van souflé, yo fonsé sou kay sa-a, li tonbé, dézas li-a gran ».

Rivé, lè Jézu fi-n di tout paròl sa yo, foul yo té sézi poutèt ansègnman-l : sèké li t-ap anségné yo tankou moun ki gin otorité, min sé pa tankou skrib yo ak farizyàn yo.

Paròl Granmèt la.

3

Sa-k nouvo ak sa-k ansyin.

✠ **Léktu sint Évanjil la dapré Matié**

13, 47-52

Lè sa-a : Jézu di foul yo :

« Péyi roua sièl yo sanblé ankò ak yon sinn yo voyé nan lanmè, ki ranmasé tout kalité pouason. Lè-l plin, yo ralé-l, yo chita bò lanmè-a, yo mété sa-k bon yo apa nan véso ; kanta sa-k mové yo minm, yo jété yo déyò. Sé konsa sa ap fèt nan finisman sièk tan yo : Anj yo ap soti, y-ap séparé mové yo sot nan mitan moun ki kòrèk yo, y-ap jété yo nan boukan difé-a : l-a ap gin kriyé ak manjé dan.

Nou konprann tout bagay sa yo ? »

Yo di-l : « Oui ».

Li di yo : « Konsa tout skrib ki réservoua ansègnman nan péyi roua sièl yo, li sanblé ak yon pèd-fanmiy, ki pran nan trézò-l sa-k nouvo ak sa-k ansyin ».

Paròl Granmèt la.

4

Pa fè yo rélé nou mèt ; paské sé yon sèl mèt nou ginyin, sé Kris la.

✠ **Léktu sint Évanjil la dapré Matié**

23, 8-12

Lè sa-a :

Jézu di disip li yo : « Pa kité yo rélé nou Rabi ; sèké sé yon sèl mèt nou ginyin, nou tout nou sé frè.

Pa rélé pèsòn papa sou tè-a ; sé yon sèl Papa nou ginyin, ki nan sièl la.

Pa fè yo rélé nou mèt ; paské sé yon sèl mèt nou ginyin, sé Kris la.

Sa-a ki pi gran nan mitan nou-an, sé li k-ap sèvitè nou.

Moun ki lévé tèt li, y-ap rabésé-l ; moun ki rabésé tèt li, y-ap lévé-l anlè ».

Paròl Granmèt la.

5

Moun k-ap simin-an, li soti pou-l simin.

✠ **Léktu sint Évanjil la dapré Mark**

4, 1-10. 13-20

Lè sa-a :

Jézu kòmansé bay ansègnman ankò bò lanmè-a ; anpil foul rasanblé koté-l, atèl pouin li blijé monté nan batiman-an, pou-l chita sou lanmè, tout foul la té sou bò lanmè-a, atè-a. Li t-ap ba yo ansègnman an parabòl sou anpil bagay, li t-ap di yo nan ansègnman-l nan :

« Kouté : min moun ki konn simin-an soti pou-l simin. Pandan l-ap simin, gin yon pèsion ki tonbé bò rout la, zouazo sièl yo rivé, yo manjé-l. Yon lòt pèsion tonbé sou koté ki gin ròch, koté pa-t gin anpil tè ; minm lè-a li lévé, paské pa-t gin profondè tè. Lè solèy lévé, li boulé, épi, kòm li

pa-t gin rasi-n, li séché. Yon lòt pòsion tonbé nan pikan yo, pikan yo monté, yo toufé-l, li pa bay foui. Yon lòt pòsion tonbé nan bon tè-a, li bay foui k-ap monté, k-ap dévloé ; li donnin yon pati trant, yon lòt souasant épi yon lòt san ».

Li t-ap di : « Moun ki gin zòrèy pou kouté, sé pou-l kouté ».

Lè-l té pou kont li, douz yo ki té avèk li yo, yo pozé-l késion sou parabòl la.

Li di yo : « Nou pa konprann parabòl sa-a ? Ébyin kijan n-ap fè konprann tout parabòl yo ? Moun nan k-ap simin-an, sé paròl la l-ap simin. Sa yo ki sou bò rout la, koté paròl la simin-an ; lè yo tandé, minm lè-a Satan rivé, li ouété paròl la, ki té simin nan kè yo-a. Minm jan-an tou sa-k simin sou koté ki gin ròch yo, kon yo tandé paròl la, minm lè-a yo résévoua-l ak kè kontan, min yo pa gin rasi-n, sé pou yon tan yo yé, apré sa, lè tray vi-n lévé, ak pèsékision poutèt paròl la, minm lè-a yo bité. Lòt ki simin nan pikan yo ; sé sa yo ki tandé paròl la, min préokipation sièk sa-a avèk atirans richès avèk lòt mové anvi yo antré, yo toufé paròl la, li rété san foui. Sa yo minm ki simin sou bon tè-a, sé moun ki tandé paròl la, yo résévoua-l, yo donnin yon pòsion trant, yon lòt souasant, yon lòt san ».

Paròl Granmèt la.

oubyin pi kout

✠ Léktu sint Évanjil la dapré Mark

4, 1-9

Lè sa-a :

Jézu kòmansé bay ansègnman ankò bò lanmè-a ; anpil foul rasanblé koté-l, atèl pouin li blijé monté nan batiman-an, pou-l chita sou lanmè, tout foul la té sou bò lanmè-a, atè-a. Li t-ap ba yo ansègnman an parabòl sou anpil bagay, li t-ap di yo nan ansègnman-l nan :

« Kouté : min moun ki konn simin-an soti pou-l simin. Pandan l-ap simin, gin yon pòsion ki tonbé bò rout la, zouazo sièl yo rivé, yo manjé-l. Yon lòt pòsion tonbé sou koté ki gin ròch, koté pa-t gin anpil tè ; minm lè-a li lévé, paské pa-t gin profondè tè. Lè solèy lévé, li boulé, épi, kòm li pa-t gin rasi-n, li séché. Yon lòt pòsion tonbé nan pikan yo, pikan yo monté, yo toufé-l, li pa bay foui. Yon lòt pòsion tonbé nan bon tè-a, li

bay foui k-ap monté, k-ap dévlopé ; li donnin yon pati trant, yon lòt souasant épi yon lòt san ».

Paròl Granmèt la.

6

Sa-k débòdé sot nan kè-a, sé sa bouch la palé.

✠ Léktu sint Évanjil la dapré Luk**6, 43-45**

Lè sa-a : Jézu t-ap di disip li yo :

« Yon bon pié boua pa bay mové foui ; ni yon mové pié boua pa bay bon foui. Chak kalité pié boua, yo rékonèt li nan foui-l. Yo pa kéyi pikan sou pié figié dous, yo pa rékòlté rézin sou pié rajé.

Yon bon moun, sé nan trézò kè-l li pran sa-k bon ; yon mové moun, sé nan mové trézò-a li pran sa-k mal la ; paské sa-k débòdé sot nan kè-a, sé sa bouch la palé.

Paròl Granmèt la.

KOMIN VIÈJ YO

PRÉMIÉ LÉKTU NAN ANSYIN TÊSTAMAN-AN

1

Rinmin-an fò tankou lanmò.

Léktu liv Kantik dè Kantik

8, 6-7

Pozé-m tankou yon sign sou kè-ou, tankou yon sign sou bra-ou, paské rinmin-an fò tankou lanmò, jalouzi-a rèd tankou chalè bafon-an, zéklè-l sé zéklè difé ak flanm yo.

Gran dlo yo pa kapab étinn rinmin-an, ni gran riviè pa kapab nouayé-l. Si yon moun t-a bay tout richès lakay li pou rinmin-an, sé tankou anyin yo t-ap méprizé-l.

Paròl Granmèt la.

2

M-ap marié-ou avèk mouin pou tout tan.

Léktu liv profèt Ozé

2, 16 b. 17 b. 21-22

Min paròl Granmèt la :

« Sé mouin minm k-ap kondui-l nan dézè-a, k-ap palé nan kè-l ; l-ap chanté la tankou jou lè-l té jèn nan, tankou jou lè-l té monté sot nan péyi Éjip la.

M-ap marié-ou avèk mouin pou tout tan ; m-ap marié-ou avèk mouin nan jistis avèk jijman, nan mizérikind ak nan bon kè ; m-ap marié-ou avèk mouin nan lafoua, ou-ap konnin mouin sé Granmèt la ».

Paròl Granmèt la.

PRÉMIÉ LÉKTU NAN NOUVO TÊSTAMAN-AN POU TAN PASKAL LA

1

*Li tonbé, gran Babilòn nan.***Léktu liv Apokalips apot sin Jan****19, 1. 5-9 a**

Mouin minm, Jan, mouin tandé tankou voua anpil foul nan sièl la ki t-ap di : « Alélouya. Sové, gloua, pouvoua, sé pou Bondié nou-an yo yé ».

Yon voua soti nan tro-n nan antan l-ap di : « Fè louanj pou Bondié nou-an, sèvitè-l yo, ak sa-k krinn li yo, ni piti, ni gran ».

Mouin tandé tankou voua gran foul, épi tankou voua gran dlo yo avèk tankou voua gran kout loraj yo k-ap di : « Alélouya, sèké li roua, Granmèt Gondié nou-an ki gin tout pouvoua-a. Sé pou nou fè kè nou kontan, sé pou nou fété, sé pou nou ba-l gloua, paské nòs Mouton-an rivé épi madanm li paré tèt li. Yo ba-l favè pou-l abiyé avèk vlou ki bèl anpil épi ki tou blan » ; vlou-a réyèlman sé jistifikasion sin yo.

Li di-m : « Ékri : “Ala kontantman pou sa yo yo invité nan nòs Mouton-an” ».

Paròl Granmèt la.

2

*Mouin ouè Jérusalèm nouvo-a, ki abiyé tankou yon fi k-ap marié ki anbéli pou mari-l.***Léktu liv Apokalips apot sin Jan****21, 1-5 a**

Mouin minm, Jan, mouin ouè yon sièl nouvo ak yon tè nouvo. Prémié sièl la ak prémié tè-a pati, lanmè-a minm pa gin sa ankò. Mouin minm Jan, mouin ouè vil ki sin-an, Jérusalèm nouvo-a, k-ap désann sot nan sièl la kot Bondié-a, ki abiyé tankou yon fi k-ap marié ki anbéli pou mari-l.

Mouin tandé yon gran voua ki sot nan tro-n nan, k-ap di : « Min tant Bondié-a avèk lézòm yo, l-ap abité avèk yo ; y-ap pèp li, li minm Bondié avèk yo l-ap Bondié yo. Bondié ap siyé tout dlo sot nan jé yo, pap gin lanmò, ni dèy, ni rèl, ni doule ankò ; paské prémié bagay yo pati ».

Sa-a ki té chita sou tro-n nan, li di : « Min mouin fè tout bagay nouvo ».

Paròl Granmèt la.

PSÒM RÉPONS YO

1

PSÒM RÉPONS Ps 44, 11-12. 14-15. 16-17 (R: 11 a ; oubyin cf. Mt 25, 6)

R: Kouté, mafi, gadé, panché zòrèy ou.

oubyin :

R: Min mésié k-ap marié-a ap vini : soti al rankontré Kris Granmèt la.

¹¹ Kouté, mafi, gadé, panché zòrèy ou,

bliyé pèp ou-a ak lakay papa-ou ;

¹² roua-a anvi jan-ou bèl.

Paské sé Granmèt ou li yé, sé pou-ou adoré-l. R:

¹⁴ Pitit fi roua-a bèl anpil sou pa anndan,

li abiyé ak rad ki fèt ak fil lò.

¹⁵ Nan rad ki fèt ak anpil kalité bèl toual, yo minnin-l kot roua-a ;

vièj yo apré-l, zanmi-l yo, y-ap minnin yo ba ou. R:

¹⁶ Yo minnin yo nan kè kontan ak fèt,

yo kondui yo nan lakay roua-a.

¹⁷ Nan plas papa ou yo ou-ap gin pitit ;

ou-ap instalé yo kòm chèf sou tout tè-a. R:

2

PSÒM RÉPONS Ps 148, 1-2. 11-13 a. 13 c-14 (R: cf. 12 a. 13 a)

R: Jèn jan ak vièj, fè louanj pou non Granmèt la.

oubyin : Alélouya.

¹ Fè louanj Granmèt la nan sièl la,

fè louanj li nan rotè ki dépasé sièl la,

² fè louanj li, nou tout anj li yo,

fè louanj li, tout puisans li yo. R:

¹¹ Roua yo sou tè-a ak tout pèp yo,

pitit roua yo ak tout jij yo sou tè-a,

¹² jèn jan yo ak vièj yo,

13 granmoun yo ak ti moun yo,
sé pou yo fè louanj pou non Granmèt la. R

14 Louanj li anlè sièl la ak tè-a,
li lévé kòn pèp li.
Kantik louanj pou tout sin-l yo,
pou pitit Israèl yo, pèp ki tou pré li-a. R

DÉZIÈM LÉKTU NAN NOUVO TÉSTAMAN-AN

1

Vièj la ap réfléchi sou afè Granmèt la.

Léktu prémié lèt apot sin Pòl pou Korintyin yo 7, 25-35

Frè-m yo :

Osijè vièj yo, mouin pa gin kòmandman Granmèt la ; min sé yon konsèy m-ap bay tankou yon moun Granmèt la fè favè, pou yo kapab fèm konfians. Mouin konsidéré sé yon bon bagay poutèt nésésité ki la koulié-a, oui, sé yon bon bagay pou moun nan rét jan li yé-a.

Èské ou marié ak yon madanm ? pa chèché séparé. Èské ou pa marié ak yon madanm ? pa chèché marié. Si-ou marié, ou pa fè péché ; si yon vièj marié, li pa fè péché. Sèlman n-ap gin tribilasyon nan chè sa-a ; mouin minm mouin vlé évité nou sa.

Konsa, mouin di nou, frè-m yo : « Tan-an kout ; moun ki marié, sé pou yo viv kòm si yo pa marié ; moun k-ap kriyé, kòm si yo pap kriyé ; moun ki gin kè kontan, kòm si yo pa gin kè kontan ; moun k-ap achté, kòm si yo pa posédé ; moun k-ap sèvi avèk tè sa-a, kòm si yo pap sèvi avèk li ; sèké, figu tè sa-a, l-ap pasé ».

Mouin vlé mouin minm pou nou pa gin préokipasyon.

Moun ki pa gin madanm nan, li gin préokipasyon osijè afè Granmèt la, kijan pou fè Bondié plézi. Sa ki avèk madanm nan minm, li gin préokipasyon osijè afè tè-a, kijan pou-l fè madanm li pézli, épi li séparé.

Madanm nan ki pa marié-a épi ki vièj la, l-ap réfléchi sou afè Granmèt la, pou-l kapab sin nan kò ak nan éspri ; sa-k marié-a minm, l-ap réfléchi sou afè tè-a, kijan pou-l fè mari-a plézi.

Sèlman bagay sa-a, sé pou avantaj nou mouin di-l, sé pa pou-m drésé pièj pou nou, min sé pou sa ki onèt épi pou sa ki ofri fasilité pou priyé Granmèt la san anpéchman.

Paròl Granmèt la.

2

*Mouin marié nou avèk yon sèl mésié,
pou-m ofri nou bay Kris la tankou yon vièj ki rézèvé kò-l intak.*

Léktu dézièm lèt apot sin Pòl pou Korintyin yo **10, 17-11, 2**

Frè-m yo :

Moun k-ap fè louanj tèt li, sé nan Granmèt la pou-l fè louanj tèt li. Sé pa moun ki fè rékòmandasion pou pròp tèt li yo aksépté ; min sé moun Bondié rékòmandé.

Si nou té kapab sipòté yon ti kras nan foli-m nan ; min n-ap sipòté-m. Sèké mouin jalou nou ak jalouzi Bondié ; mouin marié nou ak yon sèl mésié, pou-m prezanté nou bay Kris la tankou yon vièj ki rézèvé kò-l intak.

Paròl Granmèt la.

ALÉLOUYA AK VÈSÈ ANVAN ÉVANJIL LA

1

Jan 14, 23

(R: Alélouya). Si yon moun rinmin-m, l-ap kinbé paròl mouin,
Papa-m ap rinmin-l, n-ap vi-n jouinn li. (R: Alélouya).

2

(R: Alélouya). Sa-a sé vièj saj la, sa Granmèt la jouinn ap véyé-a ;
lè Granmèt la rivé, l-ap antré avèk li nan nòs yo. (R: Alélouya).

3

(R: Alélouya). Vini, épouz Kris la, résévoua kouròn nan,
sa Granmèt la té préparé pou ou dépi tout tan gin tan-an. (R: Alélouya).

ÉVANJIL YO

1

Poutèt péyi roua sièl yo.✠ **Léktu sint Évanjil la dapré Matié****19, 3-12**

Lè sa-a :

Farizyin yo té proche kot Jézu, yo t-ap tanté-l, yo di : « Èské yon mésié gin doua ranvouayé madanm li, pou ninpòt ki rézon ? »

Li réponn, li di yo : « Èské nou pa-t li kijan sa-a ki té fè moun nan nan kòmansman-an, sé gason ak fi li té fè yo, épi li té di : “Sé poutèt sa mésié-a ap kité papa-l ak manman-l, l-ap kolé kò-l kot madanm li, yo tou lé dé ap yon sèl chè” ? Sé pou sa yo pa dé ankò, min sé yon sèl chè yo yé. Konsa sa Bondié maré, pi-nga moun séparé-l ».

Yo di-l : « Ébyin pouki sa Moyiz té pasé lòd pou bay biyé divòs, pou ranvouayé-l ? »

Li di yo : « Sé poutèt kè di nou-an ki fè Moyiz té pèmèt nou ranvouayé madanm nou yo ; min nan kòmansman sa pa-t konsa. Ébyin mouin di nou, ninpòt ki moun ki ranvouayé madanm li, sof si sé dé moun ki t-ap viv ansanm nan mové plézi, épi ki marié ak yon lòt, li fè adiltè, épi moun ki marié ak yon madanm yo ranvouayé, li fè adiltè ».

Disip li yo di-l : « Si sé konsa kondision mésié-a ak madanm nan yé, pito nou pa marié ».

Li di yo : « Sé pa tout moun ki konprann paròl sa-a, min sé moun yo fè favè sa-a. Gin gason ki pa nan kondision pou yo fè pitit, dépi nan vant manman yo sé konsa yo fèt ; gin gason ki pa nan kondision pou yo fè pitit, sé lòt moun ki fè yo sa ; gin gason ki pa nan kondision pou yo fè pitit, sé yo minm ki mété pròp tèt yo nan kondision sa-a poutèt péyi roua sièl yo. Moun ki kapab konprann, sé pou-l konprann ».

Paròl Granmèt la.

2

Min épou-a ap vini : soti al rankontré-l.

✠ **Léktu sint Évanjil la dapré Matié**

25, 1-13

Lè sa-a :

Jézu di disip li yo parabòl sa-a : « Péyi roua sièl yo sanblé ak dis vièj ki pran lanp yo, yo soti al rankontré épou-a ak épouz la. Sink nan yo té sòt, épi sink té gin éspri. Sink sa ki sòt yo, lè yo fi-n pran lanp yo-a, yo pa pran luil avèk yo ; sa-k gin éspri yo minm, yo pran luil nan véso yo avèk lanp yo. Antan y-ap tann mésié marié-a ki té an réta, yo tout yo dòmi, fon somèy.

Nan mitan nannuit, yo tandé yon rèl : “Min épou-a, soti al rankontré-l”. Lè sa-a atò tout vièj sa yo lévé, yo paré lanp yo. Sa-k té sòt yo di sa-k té saj yo : “Ban nou nan luil nou-an, paské lanp nou yo étinn”. Sa-k gin éspri yo di yo : “Riské pap gin kont pou ni nou minm ni nou minm, pito nou alé nan boutik yo, n-a achté”.

Pandan yo t-al achté, épou-a rivé ; sa-k té paré yo antré avèk li nan nòs yo, yo fèmin pòt la.

Alafin lòt vièj yo vi-n rivé, yo di : “Granmèt, Granmèt, ouvri pou nou”.

Li minm minm li réponn, li di : “Amèn mouin di nou, mouin pa konnin nou”. Konsa, sé pou nou véyé, paské nou pa konnin ni jou-a ni lè-a ».

Paròl Granmèt la.

3

Mart réservoua-l lakay li.

Mari chouazi pi bon pòsion-an.

✠ **Léktu sint Évanjil la dapré Luk**

10, 38-42

Lè sa-a :

Jézu antré nan yon bouk ; yon madanm yo rélé Mart réservoua-l lakay li. Li té gin yon sè yo rélé Mari, ki té chita nan pié Granmèt la, li t-ap kouté paròl li.

Mart minm t-ap trakasé kò-l avèk anpil sèvis ; li kanpé, li di : « Granmèt, èské sa pa fè-ou anyin, pou sè-m nan kité-m ap sèvi pou kont mouin ? di-l pou-l édé-m ».

Granmèt la réponn, li di-l : « Mart, Mart, ou pran tèt chajé, ou troublé pou anpil bagay. Min sé yon sèl ki nésésè : Mari chouazi pi bon pòsion-an, yo pap ouété-l nan min-l ».

Paròl Granmèt la.

KOMIN SIN AK SINT YO

PRÉMIÉ LÉKTU NAN ANSYIN TÉSTAMAN-AN

1

Pati sot nan péyi-ou, ak nan fanmi-ou, ak nan kay papa-ou, épi vini.

Léktu liv Jénèz la

12, 1-4 a

Jou sa yo :

Granmèt la di Abram :

« Pati sot nan péyi-ou, ak nan fanmi-ou, ak nan kay papa-ou, vini nan péyi-a m-a montré-ou la. M-ap fè-ou vi-n tounin yon gran nasion, m-ap béni-ou, m-ap fè non-ou vi-n gran, ou-ap béni.

M-ap béni moun ki béni-ou yo ; m-ap madichonnin moun ki madichonnin-ou yo ; tout fanmi sou tè-a ap béni nan ou ».

Abram pati, jan Granmèt la té pasé-l lòd la.

Paròl Granmèt la.

2

Sé pou-ou rinmin prochin-ou tankou ou minm.

Léktu liv Lévitik

19, 1-2. 17-18

Granmèt la palé ak Moyiz, li di :

« Palé ak tout foul pitit Israèl yo, ou-a di yo : “Sé pou nou sin, paské mouin minm mouin sin, Granmèt Bondié nou-an.

Pa rayi frè-ou nan kè-ou, min sé pou-ou réprann li an piblik, pou-ou pa gin péché sou li. Pa chèché vanjans, pa sonjé mové paròl moun minm péyi ak ou yo. Sé pou-ou rinmin prochin-ou tankou ou minm. Sé mouin minm Granmèt la” ».

Paròl Granmèt la.

3

Sé pou-ou rinmin Granmèt la ak tout kè-ou.

Léktu liv Détéronòm

6, 3-9

Moyiz palé ak pèp la, li di : « Kouté, Israèl, obsèvé, pou-ou kapab fè sa Granmèt la kòmandé ou yo, sa ap bon pou ou, ou-ap vi-n anpil, jan

Granmèt Bondié papa ou yo promèt ou-a, nan péyi koté sé lèt ak mièl k-ap koulé-a.

Kouté, Israèl : Granmèt la Bondié nou-an sé yon sèl Granmèt la. Sé pou-ou rinmin Granmèt la Bondié-ou la ak tout kè-ou ak tout nanm ou, ak tout fòs ou. Sé pou paròl sa yo mouin kòmandé-ou jodi-a, rét nan kè-ou, sé pou-ou rakonté yo bay pitit ou yo, sé pou-ou kalkilé sou yo, antan-ou chita lakay ou, antan ou-ap maché sou rout la, antan-ou kouché, antan-ou lévé ; sé pou-ou maré yo tankou yon sign nan min-ou, sé pou-ou mété yo sou fron-ou, pou yo souké dévan jé-ou, sé pou-ou ékri yo sou papòt ou ak nan fénèt lakay-ou ».

Paròl Granmèt la.

4

Pou rélijyé yo

Granmèt la sé posésion-l.

Léktu liv Détéronòm

10, 8-9

Moyiz palé ak pèp la antan-l di : « Bondié té mété ras Lévi-a apa, pou-l té poté arch aliens Granmèt la, épi pou-l té rét kanpé dévan-l nan ministè-a, épi pou-l té béni onon-l jous jodi-a. Sé poussa Lévi pa-t gin pòsion ni posésion avèk frè-l yo, paksé sé Granmèt la minm ki posésion-l, jan Granmèt Bondié-ou la té promèt li-a ».

Paròl Granmèt la.

5

Pou rélijyé yo

Kanpé sou mòn nan dévan Granmèt la.

Léktu prémié liv Roua yo

19, 4-9 a. 11-15 a

Jou sa yo :

Éli maché nan dézè-a pandan yon jou. Li rivé anba yon ti pié jénèv, li chita, li mandé lanmò, li di : « Sa kont mouin, Granmèt ! Ou mèt pran lavi-m ; sèké mouin pa miyò pasé papa mouin yo ». Li lagé kò-l atè, li dòmi anba pié jénèv la.

Gin yon Anj Granmèt la ki touché-l, li di-l : « Lévé, manjé ». Li gadé, li ouè yon pin ki té kuit nan sann ki pozé bò tèt li ak yon véso dlo ; li manjé, li bouè, épi li dòmi ankò.

Anj Granmèt la rétounin koté-l yon dézièm foua, li touché-l, li di-l : « Lévé, manjé, gin yon gran rout ki rété-ou ankò ». Li lévé, li manjé, li bouè, li maché ak fòs manjé sa-a pandan karant jou ak karant nuit, jous nan mòn Bondié-a, Orèb. Lè Éli rivé la, li rété nan trou ròch la.

Paròl Granmèt la rivé koté-l, li di-l : « Soti, kanpé sou mòn nan dévan Granmèt la ». Granmèt la vi-n ap pasé. Yon van pasé, li gran, li fò, l-ap soulvé mòn yo, l-ap krazé ròch yo dévan Granmèt la ; Granmèt la pa-t nan van-an. Apré van-an, yon tranbléman tè ; Granmèt la pa-t nan tranbléman tè-a. Apré tranbléman tè-a, yon difé ; Granmèt la pa-t nan difé-a. Apré difé-a, yon ti briz prèské san boui vi-n ap souflé.

Lè Éli tandé-l, li kouvri fas li ak manto-l, li soti, li kanpé nan papòt trou ròch la ; yon voua rivé koté-l, li di : « Sa ou-ap fè isit la, Éli ? »

Li réponn : « Mouin jalou ak jalouzi pou Granmèt Bondié lamé yo ; paské pitit Israël yo lagé aliens ou-a, yo démoli lotèl ou yo, yo touyé profèt ou yo ak épé ; sé mouin sèl ki rété, épi y-ap chèché ouété lavi-m ».

Granmèt la di-l : « Alé, tounin sou rout ou, nan dézè Damas la ».

Paròl Granmèt la.

6

Pou rélijyé yo

Élizé lévé, li pati, li suiv Éli.

Léktu prémié liv Roua yo

19, 16 b. 19-21

Jou sa yo :

Granmèt la di Éli : « Élizé pitit Safat la, moun Abèl-Méola-a, ou-a sakré-l kòm profèt nan plas ou ».

Éli pati, li jouinn Élizé, pitit Safat la, ki t-ap travay tè avèk doaauz.makòn bèf ; li minm minm li té nan douzièm makòn bèf la ak moun yo ki t-ap travay tè-a. Éli rivé koté-l, li voyé manto-l sou li. Minm lè-a, Élizé kité bèf yo, li kouri dèyè Éli, li di : « Kité-m al anbrasé papa-m ak manman-m, tanpri, apré sa m-a suiv ou ». Éli di-l : « Alé, tounin, sa-m fè-ou la, sé kozé pa-m ».

Min Élizé tounin sot koté-l, li pran dé bèf yo, li touyé yo, ak boua zouti ki t-ap viré tè-a, li kuit viann yo ; li bay pèp la, yo manjé. Li lévé, li pati, li suiv Éli, li sèvi-l.

Paròl Granmèt la.

7

Sé pou nou tou lé dé nou viv byin vié, épi an santé.

Léktu liv Tobi

8, 4 b-8

Nan asouè nòs yo, Tobi di Sara : « Lévé, sè-m nan ! An nou priyé, an nou mandé Granmèt nou-an pou-l fè mizérikòd ak santé sou nou ».

Li lévé. Yo kòmansé priyé épi mandé Granmèt la pou-l ba yo santé. Yo kòmansé di : « Konpliman pou ou, Granmèt, Bondié papa nou yo, konpliman pou non-ou nan tout sièk sièk yo ! Sé pou sièl yo ak tout créatu-ou fè konpliman pou ou nan tout sièk tan yo !

Sé ou minm ki té fè Adan épi ou té ba li yon èd asiré, Èv, épi apati yo dé-a ras lèzòm vi-n fèt. Ou té di li pa bon pou moun-nan pou kont li : “An nou fè yon èd pou li ki sanblé avèk li”.

Koulié-a minm, sé pa pou plézi mouin résévoua sè-m sa-a min sé nan vérité. Pasé lòd, pou-ou pran pitié pou mouin ak pou li, épi pou nou viéyi ansanm an santé ».

Yo di : « Amèn, amèn ! ».

Paròl Granmèt la.

8

Pou sa-k té fè aksion mizérikòd

Priyé, ak jèn, ak charité pi bon.

Léktu liv Tobi

12, 6-13

Jou sa yo :

Anj la di Tobi ak pitit li-a : « Fè konpliman pou Bondié sièl la, épi dévan tout vivan yo sé pou nou fè louanj pou li, paské li fè mizérikòd li-a pou nou. Réyèlman sékrè roua-a li bon pou yo kaché-l, min aktivité Bondié yo, yo mérité pou yo révéle yo, pou yo fè louanj yo.

Sé yon bon bagay priyé épi jèn, épi charité avèk jistis. Pito yon ti kras avèk jistis pasé anpil avèk injistis. Li pi bon pou fè charité pasé pou séré trézò lò. Charité-a libéré sot nan lanmò épi li nètouayé tout péché. Moun ki fè charité yo, yo rasazié ak lavi ; moun ki fè péché ak injistis yo, yo vi-n ènmi nanm yo. Sé tout vérité-a m-ap montré nou, mouin pap kaché nou okinn paròl. Mouin déja montré nou, mouin di : Sékrè roua-a, li bon pou yo kaché-l, min travay Bondié yo, sé yon onè pou révéle yo. Koulié-a minm, lè ou minm ak Sara nou t-ap priyé-a, sé mouin minm ki t-ap prézanté souvni priyé nou nan fas klèté Granmèt la ; épi lè-ou t-ap antéré mò yo, minm jan. Épi paské ou pa-t ézité lévé, kité manjé-ou la, alé, épi antéré mò yo, lè sa-a yo voyé-m koté-ou pou-m fè-ou bay prèv ou ».

Paròl Granmèt la.

9

Pou vèv yo

Li té krinn Granmèt la anpil.

Léktu liv Judit

8, 2-8

Mari Judit, sé té Manasé, li té mouri nan jou yo t-ap rékòlté òj yo, li té kanpé réyèlman anlè moun yo ki t-ap maré pakèt yo nan jadin-an, épi chalè solèy la vi-n sou li, li mouri Bétuli, nan vil li-a, yo antéré-l avèk papa-l yo.

Judit minm rété vèv dépi touazan édmi mariaj. Nan pati anlè kay li-a li fè yon chanm sékrè pou li, koté li rét fèmin avèk ti fi li yo.

Li té gin yon silis sou rin-l yo, li té konn fè jèn chak jou lavi li, sof saba yo avèk nouvèl lu-n yo épi fèt Kay Israèl yo. Li té gin yon aparans élégan anpil ; mari-l té kité anpil richès pou li épi yon fanmiy ki anpil, avèk propriété plin troupo bèf ak bann mouton.

Li minm li té gin anpil konsidérasion nan tout moun paské li té krinn Granmèt la anpil, pa-t gin pèsòn ki té konn di yon mové paròl osijè-l.

Paròl Granmèt la.

10

Mouin pè pou-m pa rinmèt onè Bondié-m nan nan min moun.

Léktu liv Éstèr

4, 17 b-17 g. 171

Jou sa yo :

Mardoché priyé Granmèt la, li di :

« Bondié Abraam ak Bondié Izaak ak Bondié Jakòb, konpliman pou ou, Granmèt, Granmèt, roua ki gin tout pouvoua, nan pouvoua-ou réyèlman tout bagay pozé, pa gin anyin ki kapab rézisté volonté-ou, si-ou désidé sové Israèl.

Sé ou minm réyèlman ki té fè sièl la ak tè-a avèk tout bagay ékstraòdinè ki fèmin alantou sièl la ; ou sé Granmèt tout bagay, pa gin anyin ki kapab rézisté grandè-ou. Ou konnin, Granmèt, sé ak tout kè-m mouin t-a adoré plant pié Aman pou Israèl sové ; bagay sa-a mouin pa fè-l, pou sa pa mét gloua moun anlè gloua Bondié-m nan, épi mouin pap adoré pèsòn sof ou minm, Granmèt, Bondié mouin.

Koulié-a, Granmèt, roua, Bondié Abraam ak Bondié Izaak ak Bondié Jakòb, ménajé pèp ou-a, paské ènmi nou yo vlé pèdi nou épi éfasé éritaj ou-a. Pa méprizé pòsion-ou nan, sa-ou té rachté pou ou sot nan péyi Éjip la. Kouté priyé-m nan, pran pitié pou éritaj ou-a, fè doulè nou-an vi-n tounin kè kontan, pou antan n-ap viv nou fè louanj pou non-ou, Granmèt, pa fèmin bouch moun k-ap chanté pou ou yo ».

Paròl Granmèt la.

11

Madanm ki krinn Granmèt la, sé li minm ki mérité louanj.

Léktu liv Provèb yo

31, 10-13. 19-20. 30-31

Madanm ki gin kouraj la, kilès k-ap jouinn li ? Byin louin dépasé dènié bout péyi, li gin valè.

Kè mari-l gin konfians nan li, li pa manké jouinn avantaj ; pandan tout tan lavi madanm nan, sé byin l-ap fè pou mari-l, sé pa mal ; li chèche linn ak koton, li travay yo avèk ladrès min-l.

Li lonjé min-l nan plèt fil la, douèt li pa pè manyin zégui ; li louvri min-l bay maléré-a, li lonjé plat min-l bay pòv la.

Bèl prezantasion tronpé, bèl figi vid : madanm ki krinn Granmèt la, sé li minm ki mérité louanj. Ba li nan foui min-l, sé pou travay li fè louanj li nan pòt vil yo.

Paròl Granmèt la.

12

Nou minm ki krinn Granmèt la, kouè, éspéré, rinmin.

Léktu liv Sirasid

2, 7-13

Nou minm ki krinn Granmèt la, tann mizérikòd li, pa panché sot nan li pou nou pa tonbé. Nou minm ki krinn Granmèt la, kouè nan li, rékonpans nou pap vidé. Nou minm ki krinn Granmèt la, éspéré nan li, nan kontrariété-a mizérikòd la ap rivé pou nou. Nou minm ki krinn Granmèt la, rinmin-l, kè nou ap kléré.

Pitit yo, gadé nasion moun yo ; aprann sa : pèsòn ki éspéré nan Granmèt la pa janm ront. Kilès ki rété nan kòmandman-l yo épi li lagé ? Oubyin kilès ki té rélé-l, épi li méprizé-l ?

Sèké Bondié bon, li gin mizérikòd, l-ap padonnin péché yo jou tribilasyon-an ; li protéjé tout moun k-ap chèché-l yo nan vérité-a.

Paròl Granmèt la.

13

Imilié tèt ou, konsa ou-ap jouinn gras dévan Bondié.

Léktu liv Sirasid

3, 19-26

Pitit mouin, réalizé afè-ou antan-ou fè kò-ou tou piti, konsa y-a rinmin-ou plis pasé moun ki chèché gloua lézòm. Plis ou gran, imilié tèt ou nan tout bagay, konsa ou-a jouinn gras dévan Bondié, paské sé pouvoua sèl Bondié-a ki gran, sé moun ki rabésé tèt yo ki ba-l konsidérasion.

Pa chèché bagay ki trò ro pou ou épi pa foyé sa-k trò fò pou ou, min, sa Bondié kòmandé-ou yo, sé yo minm pou-ou konsidéré tout tan épi pa fè kiriozité nan anpil aktivité li yo ; li pa nésésè pou ou réyèlman pou-ou ouè ak jé-ou bagay yo ki kaché yo.

Nan bagay ki san valè yo pa foyé anpil foua ; pa fè kiriozité nan pakèt aksion-l yo ; yo montré-ou anpil bagay réyèlman ki anlè intélijans

moun yo ; idé moun yo fè anpil tonbé réyèlman épi sans yo kinbé yo nan bagay ki vid.

Paròl Granmèt la.

14

*Aspè yon bon madanm, tankou solèy lèvé,
mété dékoration nan kay li.*

Léktu liv Sirasid

26, 1-4. 16-21

Yon bon madanm, ala kontantman pou yon mésié ! Kantité ané pou-l viv yo ap doublé. Yon madanm ki gin kouraj, li fè kè mari-l kontan, li konblé lavi mari-l ak lapè.

Yon bon madanm, sé yon bon pòsion Bondié ap bay yon mésié ki sèvi-l byin ; ni pou rich, ni pou pòv, sé kè kontan, tout tan figi yo kontan.

Gras yon madanm ki gin bon karaktè, sa fè mari-l kontan, zo-l ap vi-n gra. Disipli-n li, sé yon kado Bondié li yé ; yon madanm ki gin bon sans, ki fè silans, yo pa kapab chanjé-l pou moun ki gin sians.

Yon madanm ki sin, ki konn kinbé kò-l byin, sé gras sou gras. Nan pouin valè ki pou konparé ak yon nanm ki byin réglé.

Tankou solèy k-ap lèvé sou tè-a nan rotè Bondié yo, konsa aspè yon bon madanm nan dékoration kay li.

Paròl Granmèt la.

15

Pou sa-k té réyalizé aksion mizérikòd yo.

Séparé pin-ou avèk moun ki grangou.

Léktu liv profèt Izayi

58, 6-11

Min paròl Granmèt la :

« Èské sé pa jèn sa-a mouin pito : Dèfèt chinn ki pa korèk yo, lagé kòd ki maré jouk la, moun y-ap maltrété yo, ba yo libèté ; ouété tout chay ? Èské sé pa séparé pin-ou avèk moun ki grangou-a, fè pòv ki pa gin kay yo abité avèk ou ; si-ou ouè yon moun ki ni kò, pou-ou abiyé-l, pou ou pa fofilé kò-ou sot nan moun nan ki gin minm chè avèk ou-a.

Lè sa-a, limiè-ou ap éklaté tankou granmatin, santé-ou ap lévé byin vit, jistis ou ap maché dévan fas ou, gloua Granmèt la ap vlopé-ou. Lè sa-a ou-ap priyé, Granmèt la ap kouté ; ou-ap rélé, l-ap di : “Min mouin”.

Si-ou ouété chinn nan sot nan mitan-ou, épi ou sispann lonjé douèt ou, ni palé bagay ki pa sèvi ; lè ou-a vidé nanm ou bay moun ki grangou-a, lè ou-a plin nanm moun ki nan lapinn nan, limiè-ou ap lévé nan fènoua yo, fènoua-ou yo ap vi-n tankou midi.

Granmèt la ap toujou ba-ou répo, l-ap plin nanm ou ak klèté, l-ap libéré zo-ou ; ou-ap tankou yon jadin ki byin rouzé, tankou yon sous dlo, ki pap manké dlo ».

Paròl Granmèt la.

16

Sé tankou yon difé ki t-ap manjé kè-m.

Léktu liv profèt Jérémi

20, 7-9

Ou pran-m nan pièj, Granmèt, épi mouin kite-ou pran-m nan pièj ; ou té gin plis fòs pasé-m, ou ranpôté viktoua sou mouin, tout jounin yo pasé-m nan rizib, tout moun pran plézi sou do-m. Paské dépi lontan déjà m-ap déklaré péché-a byin fò, m-ap anonsé piyay : konsa paròl Granmèt la vi-n tounin yon okazion laront pou mouin, yon okazion pou yo pasé-m nan jouèt tout lajounin.

Mouin té di : « Mouin pap sonjé-l ankò, épi mouin pap palé sou non-l ankò, min sé tankou yon difé ki t-ap manjé kè-m, ki té fèmin nan zo-m : mouin fébli, mouin pa-t kapab sipôté-l ».

Paròl Granmèt la.

17

M-ap di-ou, monchè, sa Granmèt la mandé-ou.

Léktu liv profèt Miché

6, 6-8

Kisa ki kòrèk pou-m ofri Granmèt la ? M-ap plouayé jénou dévan Bondié ki anro nèt la ? Èské sé pou-m ofri-l sakrifis antié avèk toro ki gin in-nan ? Èské Granmèt la kapab pran plézi nan mil bélié oubyin nan anpil milié bouk byin gra ? Èské m-ap bay premié pitit mouin-an pou krim mouin-an, foui vant mouin-an pou péché nanm mouin-an ?

M-ap di-ou, mòn chè, ki sa ki bon, ki sa Granmèt la mandé-ou : Sètènman sé fè sa ki douat, rinmin mizérikòd, maché avèk atansyon ansanm ak Bondié-ou.

Paròl Granmèt la.

18

*Sé yon pèp ki pòv, ki maléré
m-ap kité nan mitan-ou.*

Léktu liv profèt Sofoni

2, 3 ; 3, 12-13

Chèché Granmèt la, nou tout pòv yo sou tè-a, k-ap réalizé jijman-l nan ; chèché sa-k kòrèk la, chèché sa-k tou dou-a, pou nou kapab rét kaché jou kòlè Granmèt la.

Sé yon pèp ki pòv ki maléré m-ap kité nan mitan-ou, y-ap espéré o non Granmèt la. Rès Israèl yo pap fè sa-k pa kòrèk, yo pap di manti, yo pap jouinn lang manti nan bouch yo, paské y-ap jouinn manjé, y-ap instalé, pap gin pèsòn k-ap fè yo soté.

Paròl Granmèt la.

PRÉMIÉ LÉKTU NAN NOUVO TĒSTAMAN-AN POU TAN PASKAL LA

1

Pou rélijyé yo

Yon sèl kè ak yon sèl nanm.

Léktu Travay Apot yo

4, 32-35

Foul moun ki té kouè yo té gin yon sèl kè ak yon sèl nanm ; pèsòn nan yo pa-t konsidéré sa-l té ginyin kòm pròp byin pa-l, min tout bagay té ansanm pou yo.

Avèk gran fòs, Apot yo t-ap sèvi réziréksion Jézu-Kri Granmèt nou-an témouin, té gin gran gras nan yo tout.

Nan pami yo pa-t gin pèsòn ki té nan bézouin ; tout moun ki té gin jadin oubyin kay, yo vann yo, yo poté pri lavant la, yo dépozé-l nan pié Apot yo ; yo séparé-l bay yo chak, dapré sa chak moun té bézouin.

Paròl Granmèt la.

2

M-ap antré koté-l, m-ap soupé avèk li, li minm avèk mouin.

Léktu liv Apokalips apot sin Jan

3, 14 b. 20-22

Min déklarasion Amèn nan, témouin ki fidèl la, ki vré-a, li minm ki kòmansman tou sa Bondié kréyé-a : « Min mouin kanpé nan pòt la, m-ap frapé : si yon moun tandé voua-m, li louvri pòt la ban mouin, m-ap antré koté-l, m-ap soupé avèk li, li minm avèk mouin.

Moun ki ranpòté viktoua-a, m-ap ba-l posibilite pou-l chita avèk mouin sou tro-n mouin-an, minm jan mouin minm mouin té ranpòté viktoua-a épi mouin chita avèk Papa-m sou tro-n li-a.

Moun ki gin zòrèy, sé pou-l tandé sa Éspri-a di Égliz yo ».

Paròl Granmèt la.

3

Ala kontantman pou moun yo invité nan nòs Mouton-an.

Léktu liv Apokalips apot sin Jan

19, 1. 5-9 a

Mouin minm, Jan, mouin tandé tankou gran voua anpil foul nan sièl la k-ap di : « Alélouya, Bondié nou-an sové nou, konpliman ak otorité pou li ».

Yon voua soti nan tro-n nan, li di : « Fè louanj pou Bondié nou-an, nou tout sèvitè-l yo ak sa ki krinn li yo, ni piti ni gran ».

Mouin tandé tankou voua anpil foul, tankou boui gran dlo yo, tankou boui gro loraj, k-ap di : « Alélouya, li roua, Granmèt la, Bondié nou-an, li minm ki plin pouvoua-a. Sé pou kè nou kontan, sé pou nou dansé, sé pou nou fè louanj pou li, paské mariaj mouton-an rivé, madanm li paré byin-abiyé. Sé mouton-an ki ba-l sa pou-l abiyé, sé toual koton fin ki kléré, tèlman li nèt ». Toual koton fin sa-a, sé lavi sin yo ki kòrèk la.

Li di-m : « Ékri : “Ala kontantman pou sa yo yo invité nan résépsion mariaj mouton-an” ».

Paròl Granmèt la.

PSÒM RÉPONS YO

1

PSÒM RÉPONS

Ps 1, 1-2. 3. 4 é 6

(R: 2 a ; oubyin Ps 39, 5a ; oubyin Ps 91, 13-14)

R: Sé nan laloua Granmèt la li mét volonté-l.

oubyin :

R: Ala kontantman pou moun ki mété éspérans li nan Granmèt la.

oubyin :

R: Moun ki kòrèk la, sé tankou pié palm l-ap fléri
nan lakou Bondié nou-an.

- 1 Ala kontantman pou moun ki pa alé nan réyinion moun ki pa kòrèk yo
ki pa kanpé nan chémin péchè yo,
2 ki pa chita nan group moun mové plézantri yo,
min sé nan laloua Granmèt la li mét volonté-l,
sé nan laloua-l la l-ap kalkilé lajounin kou lannuit. R:
- 3 L-ap tankou yon pié boua ki planté sou bò dlo k-ap kouri,
k-ap bay foui-l nan sézon-l ;
fèy li pap tonbé,
ninpòt ki sa l-ap fè ap réyisi. R:
- 4 Méchan yo pa konsa, yo pa konsa,
min sé tankou pousiè van-an ap broté.
- 6 Sèké Granmèt la konnin chémin moun ki kòrèk yo,
épi rout moun ki pa kòrèk yo ap péri. R:

2

PSÒM RÉPONS

Ps 14, 2-3 ab. 3 cd-4 ab. 5 (R: 1 b)

R: Ki moun k-ap répozé sou mòn ou-an ki sin-an, Granmèt ?

- 2 Moun k-ap maché san fot, k-ap fè jistis ;
k-ap palé vérité nan kè-l,
3 ki pa fè rizèz ak lang li. R:

Li pa fè prochin-l mal,
li pa fè prochin-l afron.

- 4 Li konsidéré méchan-an kòm anyin dévan jé-l,
min li fè louanj pou sa yo ki krinn Granmèt la. **R:**
- 5 Moun ki pa prété lajan ak intèrè,
ki pa aksépté kado sou do inosan.
Moun ki aji konsa, li pap souké minm. **R:**

3

PSÒM RÉPONS

Ps 15, 1-2 a é 5. 7-8. 11 (**R:** : cf. 5 a)

- R:** Sé ou minm, Granmèt, ki pòsion éritaj mouin.
- 1 Prézèvé-m, Bondié, paské mouin espéré nan ou.
2 Mouin té di Granmèt la : « Sé Granmèt mouin ou yé,
5 Granmèt, pòsion éritaj mouin ak kalis mouin
sé ou minm ki kinbé déstiné mouin. **R:**
- 7 M-ap fè konpliman pou Granmèt la ki ban-m intéljans ;
minm nannuit rin-m ban-m léson.
8 Mouin té mété Granmèt la dévan fas mouin tout tan,
paské li adouat mouin, mouin pap souké. **R:**
- 11 Ou-ap fè-m konnin rout lavi yo,
kè kontan k-ap plin nèt dévan fas ou,
plézi adouat ou jous pou tout tan. **R:**

4

PSÒM RÉPONS

Ps 22, 1-3. 4. 5. 6 (**R:** : 1)

- R:** Granmèt la ap souin-m, mouin pap manké anyin.
- 1 Granmèt la ap kondui-m, anyin pap manké-m ;
2 nan zèb vèt li instalé-m,
sou bò dlo trankil li minnin-m,
3 li réfè nanm mouin.
Li kondui-m nan santié jistis poutèt non-l. **R:**
- 4 Sèké minm si m-ap maché nan bafon lonbraj lanmò,
mouin pap pè malè, paské ou avèk mouin.
Baton-ou ak bagèt ou sé yo k-ap konsolé-m. **R:**
- 5 Ou paré yon tab dévan fas mouin
kont sa yo k-ap fè-m pasé tribilasyon-an ;

ou souin tèt mouin ak losion,
kalis mouin ap débòdé. **R:**

- 6 Réyéلمان sé bon kè ak mizèrikòd k-ap rapousuiv mouin
tout tan lavi-m,
m-ap abité nan kay Granmèt la
pou tout longè tan yo. **R:**

5

PSÒM RÉPONS Ps 33, 2-3. 4-5. 6-7. 8-9. 10-11 (**R:** : 2 a ; oubyin 9 a)

R: M-ap fè konpliman pou Granmèt la tout tan.

oubyin :

R: Gouté, n-a ouè kijan Granmèt la bon.

- 2 M-ap fè konpliman pou Granmèt la tout tan,
tout tan louanj li nan bouch mouin.
- 3 Nan Granmèt la nanm mouin ap jouinn konsidèrasion-l,
sé pou pòv yo tandé, pou yo kontan. **R:**
- 4 Fè louanj Granmèt la avèk mouin,
sé pou nou lévé non-l anlè ansanm.
- 5 Mouin chèché Granmèt la, li réponn mouin ;
anba tou sa k-ap fè-m pè, li délivré-m. **R:**
- 6 Gadé nan diréksion-l, n-ap kléré,
fas nou pap ront.
- 7 Pòv sa-a rélé, Granmèt la kouté-l,
anba tout tribilasyon li li sovè-l. **R:**
- 8 Anj Granmèt la ap monté lagad alantou moun ki krinn li yo,
épi l-ap délivré yo.
- 9 Gouté, n-a ouè jan Granmèt la bon ;
ala kontantman pou moun ki éspéré nan li. **R:**
- 10 Krinn Granmèt la, nou minm sin-l yo,
paské pa gin grangou pou moun ki krinn li yo.
- 11 Rich yo nan bézouin, yo grangou,
min sa k-ap chèché Granmèt la yo pap manké okinn byin. **R:**

6

PSÒM RÉPONS

Ps 102, 1-2. 3-4. 8-9. 13-14. 17-18 a (R: 1 a)

R: Fè konpliman pou Granmèt la, nanm mouin.

- ¹ Fè konpliman pou Granmèt la, nanm mouin ;
 tou sa-k anndan-m, fè konpliman pou non-l ki sin.
- ² Fè konpliman pou Granmèt la, nanm mouin,
 pa bliyé tou sa-l fè yo. R:
- ³ Li minm ki padonnin tout fot ou yo,
 ki géri tout maladi-ou yo ;
- ⁴ li minm ki rachté lavi-ou sot nan fòs la,
 ki kouronnin-ou ak mizérikòd ak pitié. R:
- ⁸ Granmèt la pran pitié, li gin mizérikòd,
 li pran pasians, li gin anpil mizérikòd.
- ⁹ Sé pa pou tout tan l-ap fè diskision,
 sé pa pou tout tan li faché. R:
- ¹³ Minm jan papa pran pitié pou pitit yo,
 Granmèt la pran pitié pou sa yo ki krinn li yo.
- ¹⁴ Sèké li konnin ak ki sa nou fèt,
 li sonjé sé pou siè nou yé. R:
- ¹⁷ Mizérikòd Granmèt la minm sot dépi tout tan,
 épi li rivé pou tout tan sou sa yo ki krinn li yo,
 jistis li nan pitit pitit yo ;
- ¹⁸ nan sa yo ki kinbé téstaman-l nan. R:

7

PSÒM RÉPONS

Ps 111, 1-2. 3-4. 5-7 a. 7 b-8. 9 (R: 1 a)

R: Ala kontantman pou moun ki krinn Granmèt la.

oubyin : Alélouya.

- ¹ Ala kontantman pou moun ki krinn Granmèt la,
 ki mét anvil anpil nan kòmandman-l yo.
- ² Ras li ap gin pouvoua sou tè-a,
 jénérasyon moun ki douat yo ap béni. R:
- ³ Gloua ak richès nan kay li,
 jistis li diré pou tout tan k-ap gin tan.

- 4 Limiè-a lévé nan fènoua pou moun ki douat yo,
li gin mizérikòd, li pran pitié, li kòrèk. **R:**
- 5 Ala kontantman pou moun sa-a ki pran pitié,
ki prété, ki réglé afè-l yo kòrèk.
- 6 Paské sé pou tout tan li pap souké.
Moun ki kòrèk la, y-ap sonjé-l tout tan,
- 7 li pap pè, lè-l tandé mové nouvèl. **R:**
Kè-l paré, li espéré nan Granmèt la.
- 8 Kè-l asiré, li pap pè,
joustan li méprizé ènmi-l yo. **R:**
- 9 Li séparé, li bay pòv yo ;
jistis li rété pou tout tan gin tan,
kòn li ap lévé nan gloua-a. **R:**

8

PSÒM RÉPONS

Ps 127, 1-2. 3. 4-5 (**R:** : 1 a)

- R:** Ala kontantman pou tout moun ki krinn Granmèt la.
- 1 Ala kontantman pou tout moun ki krinn Granmèt la,
k-ap maché nan rout li yo.
- 2 Sé foui travay min-ou ou-ap manjé,
ala kontantman pou ou, ou-ap jouinn avantaj. **R:**
- 3 Madanm ou ap tankou yon jadin rézin ki byin donnin
sou bò lakay ou ;
pitit ou yo ap tankou jinn plant pié oliv
alantou tab ou-a. **R:**
- 4 Min sé konsa moun nan ap béni,
sa-k krinn Granmèt la.
- 5 Sé pou Granmèt la béni-ou sot Siyon,
sé pou-ou ouè byin Jérusalèm
tou léjou lavi-ou. **R:**

9

PSÒM RÉPONS

Ps 130, 1. 2. 3

- R:** Kinbé nanm mouin nan lapè koté-ou, Granmèt.
- 1 Granmèt, kè-m pa gonflé,
jé-m pa lévé ;

mouin pa maché nan grandè,
ni nan mèvèy ki anlè-m. R:

- 2 Mouin pozé nanm mouin
byin trankil, an répo ;
tankou yon ti bébé sou léstonmak manman-l,
tankou yon ti bébé, sé konsa nanm mouin yé nan mouin. R:
- 3 Sé pou Israèl espéré nan Granmèt la,
dépi koulié-a jous pou tout tan. R:

DÉZIÈM LÉKTU NAN NOUVO TÉSTAMAN-AN

1

Sa yo li fè vi-n sin-an, li ba yo gloua-a tou.

Léktu lèt apot sin Pòl pou Romin yo

8, 26-30

Frè-m yo :

Éspri-a édé féblès nou : sèké nou pa konnin kijan pou nou priyé ; min sé Espri-a li minm k-ap priyé pou nou ak mo moun pa kapab palé. Sa-a k-ap sondé kè yo, li konnin sa Espri-a anvè-a, sé dapré Bondié li fè demann pou sin yo.

Nou konnin pou moun Bondié rinmin yo, tout bagay sèvi pou byin yo, yo minm li rélé pou yo vi-n sin, dapré désizyon li pran davans. Réyèlman, sa yo li chouazi davans yo, li paré plas yo davans tou, pou yo vi-n moulé nan pòtré Pitit li-a, pou li minm li vi-n tounin premié pitit nan pami tout fowl frè yo. Sa yo li fi-n paré plas yo-a, li rélé yo tou ; sa yo li rélé yo, li fè yo vi-n sin tou ; sa yo li fè vi-n sin-an, li ba yo gloua-a tou.

Paròl Granmèt la.

2

Sé sa-k fèb sou tè-a Bondié chouazi.

Léktu premié lèt apot sin Pòl pou Korintyin yo

1, 26-31

Gadé nan ki sa yo rélé nou, frè-m yo ; sèké pa gin anpil saj dapré chè-a, ni anpil moun ki gin pouvoua, ni anpil moun ki sot nan gran ras.

Min sé sa-k fou sou tè-a Bondié chouazi, pou-l fè saj yo ront ; sé sa-k fèb sou tè-a Bondié chouazi, pou-l fè sa-k fò yo ront ; sé sa-k san konsidérasion ak sa yo méprizé sou tè-a Bondié chouazi, ak sa-k pa anyin, pou-l détoui sa-k kichòy yo, pou okinn chè pa fè grandizè dévan fas li.

Sé gras a li nou nan Kris Jézu, li minm ki vi-n tounin sajès pou nou sot nan Bondié, ak jistis, ak sanktifikasion, ak rédanmsion ; konsa, dapré sa-k ékri-a : « moun k-ap lévé tèt li, sé nan Granmèt la pou-l lévé tèt li ».

Paròl Granmèt la.

3

Charité-a pap janm pasé.

Léktu prémié lèt apot sin Pòl pou Korintyin

12, 31 -13, 13

Frè-m yo :

Sé pou nou chèché kado ki pi bon yo. M-ap montré nou yon rout ki pi bon. Si mouin t-a palé langaj lézòm ak langaj Anj yo, épi mouin pa gin charité, mouin t-a vi-n tankou yon fè k-ap sonnin oubyin yon sinbal k-ap fè boui. Si-m t-a gin profési, si-m t-a konnin tout mistè ak tout sians, épi si-m t-a gin tout lafoua, joutan pou-m t-a déplasé mòn yo, épi mouin pa gin charité, mouin pa anyin. Si-m t-a séparé tout byin mouin yo pou bay pòv yo manjé, si-m t-a rinmèt kò-m pou yo boulé-m, épi mouin pa gin charité, sa pap sèvi-m anyin.

Charité-a gin pasians, li gin bon jan ; charité-a pa fè jalouzi, li pa aji pou-l vanté tèt li, li pa gonflé kò-l, li pa fè anbision, li pa chèché bagay ki pou li yo, li pa fè kòlè, li pa kalkilé sou sa-k mal, li pa kontan poutèt méchansté, okontrè li kontan pou lavérité : li sipòté nan tout okazion, li kouè nan tout okazion, li éspéré nan tout okazion, li andiré nan tout okazion.

Charité-a pap janm pasé, ni profési yo ap disparèt, ni lang yo ap sispann, ni sians yo ap détoui. Sé an mòso réyéلمان nou konnin, sé an mòso nou profétizé. Lè sa-k kòrèk nèt la ap rivé, sa-k an mòso-a ap pasé.

Lè-m té ti moun, mouin té palé tankou ti moun piti, mouin té réfléchi tankou ti moun, mouin té pansé tankou ti moun ; min lè-m vi-n granmoun, mouin fè bagay ti moun yo disparèt.

Nou ouè koulié-a tankou nan glas an parabòl, lè sa-a minm sé fas a fas ; koulié-a mouin konnin an mòso, lè sa-a minm m-ap konnin jan yo konnin mouin-an.

Koulié-a minm yo diré : lafoua-a, éspérans la ak charité-a, toua sa yo ; min pi gran nan yo-a sé charité-a.

Paròl Granmèt la.

oubyin pi kout

Léktu prémié lèt apot sin Pòl pou Korintyin yo

13, 4-13

Frè-m yo :

Charité-a gin pasians, li gin bon jan. Charité-a pa fè jalouzi, li pa fè grandizè, li pa gonflé, li pa fè anbision, li pa chèché intèrè-l, li pa fè kòlè, li pa pansé sa-k mal, li pa kontan poutèt injistis, li kontan okontrè pou vérité-a : li soufri nan tout sikonstans, li kouè nan tout sikonstans, li éspéré nan tout sikonstans, li sipòté nan tout sikonstans.

Charité-a pap janm pasé, ni profési yo ap disparèt, ni lang yo ap sispann, ni sians yo ap détoui. Sé an mòso réyèlman nou konnin, sé an mòso nou profétizé. Lè sa-k kòrèk nèt la ap rivé, sa-k an mòso-a ap pasé.

Lè-m té ti moun, mouin té palé tankou ti moun piti, mouin té réfléchi tankou ti moun, mouin té pansé tankou ti moun ; min lè-m vi-n granmoun, mouin fè bagay ti moun yo disparèt.

Nou ouè koulié-a tankou nan glas an parabòl, lè sa-a minm sé fas a fas ; koulié-a mouin konnin an mòso, lè sa-a minm m-ap konnin jan yo konnin mouin-an.

Koulié-a minm yo diré : lafoua-a, éspérans la ak charité-a, toua sa yo ; min pi gran nan yo-a sé charité-a.

Paròl Granmèt la.

4

*Mouin marié nou avèk yon sèl mésié,
pou-m ofri nou bay Kris la tankou yon vièj ki rézèvé kò-l intak.*

Léktu dézièm lèt apot sin Pòl pou Korintyin yo **10, 17-11, 2**

Frè-m yo :

Moun k-ap fè louanj tèt li, sé nan Granmèt la pou-l fè louanj tèt li. Sé pa moun ki fè rékòmandasion pou pròp tèt li yo aksépté ; min sé moun Bondié rékòmandé.

Si nou té kapab sipòté yon ti kras nan foli-m nan ; min n-ap sipòté-m. Sèké mouin jalou nou ak jalouzi Bondié ; mouin marié nou ak yon sèl mésié, pou-m prezanté nou bay Kris la tankou yon vièj ki rézèvé kò-l intak.

Paròl Granmèt la.

5

*M-ap viv sé vré, min sé pa mouin minm ankò ;
sé Kris la k-ap viv nan mouin.*

Léktu lèt apot sin Pòl pou Galat yo **2, 19-20**

Frè-m yo :

Akoz laloua-a mouin mouri parapò a laloua-a, pou-m viv parapò a Bondié ; mouin klouré sou koua-a avèk Kris la.

Mouin viv, min sé pa mouin minm ankò k-ap viv, sé Kris la k-ap viv nan mouin.

Si m-ap viv koulié-a nan chè-a, sé nan lafoua Pitit Bondié-a m-ap viv, li minm ki rinmin-m, ki bay pròp tèt li pou mouin.

Paròl Granmèt la.

6

*Pa lintèmediè li, tè-a klouré sou koua pou mouin,
épi mouin minm tou pou tè-a.*

Léktu lèt apot sin Pòl pou Galat yo **6, 14-16**

Frè-m yo :

Mouin pa gin doua jouinn konsidérasion-m okinn koté, sof nan koua Granmèt nou Jézu-Kri-a, pa lintèmediè li, tè-a klouré sou koua pou

mouin, épi mouin minm tou pou tè-a. Réyèlman, nan Kris Jézu, ni fè sikonsizyon ni pa fè-l, sa pa gin valè ; sak gin valè sé moun ki réfèt tou nèf la.

Tout moun ki suiv règ sa-a, lapè sou yo ak mizérikòd, ni sou Israèl Bondié-a tou.

Paròl Granmèt la.

7

Konnin rinmin Kris la ki dépasé tout sians la.

Léktu lèt apot sin Pòl sin pou Éfézyin yo

3, 14-19

Frè-m yo :

Mouin mét jénou-m atè dévan Papa Granmèt nou Jézu-Kri. Sé nan li tout papa nan sièl ak sou latè kapab poté non papa-a. Sé pou-l ba nou favè, dapré richès gloua-l, pou, gras a Éspri-l, nou asiré fòs moun nan k-ap dévlopé anndan nou-an ; sé pou Kris la abité nan kè nou gras a lafoua-a ; sé pou nou pousé rasi-n nan charité-a, pou nou pozé fondasyon nou nan li, pou nou kapab konprann, ansanm avèk tout sin yo, ki lajè, ki longè, ki rotè, ki profondè ; pou nou konnin rinmin Kris la ki dépasé tout sians, pou nou kapab plin ak tou sa Bondié plin-an.

Paròl Granmèt la.

8

Pran zam Bondié yo.

Léktu lèt apot sin Pòl pou Éfézyin yo

6, 10-13. 18

Frè-m yo :

Pran kouraj nan Granmèt la ak nan pouvoua fòs li-a.

Abiyé nou ak zam Bondié yo, pou nou kapab kanpé kont pièj djab yo. Sèké sé pa kont chè ak san n-ap batay, min sé kont chèf yo ak pouvoua yo, kont sa yo k-ap dirijé tè fènoua sa yo, kont mové éspri yo ki anlè-a.

Sé poutèt sa, sé pou nou pran zam Bondié yo, pou nou kapab rézisté jou malè-a, épi pou nou kapab rét kanpé yon fason kòrèk nèf nan tout bagay. Avèk tout kalité priyé ak démann, sé pou nou rét ap priyé tout tan nan Éspri-a ; sé pou nou rét ap véyé nan li antan nou pèsisté koté-l épi nou fè démann pou tout sin yo

Paròl Granmèt la.

9

Pou-m rivé nan dènié pouin-an, pou-m jouinn rékonpans la koté Bondié rélé-m anlè-a nan Kris Jézu.

Léktu lèt apot sin Pòl pou Filipyin yo**3, 8-14**

Frè-m yo :

Mouin konsidéré tout bagay kòm dézavantaj poutèt sians Jézu-Kri Granmèt mouin-an ki dépasé tout bagay la : poutèt li mouin konsidéré tout bagay tankou dézavantaj, mouin konsidéré yo tankou fatra, pou-m kapab gingnin Kris la, pou yo jouinn mouin nan li san-m pa gin jistis pa-m ki sot nan laloua-a, min jistis sa-a ki sot nan lafoua Kris Jézu-a, jistis sa-a ki sot nan Bondié-a, jistis nan lafoua-a ; pou-m konnin li min ni fòs réziréksion-l nan, pou-m asosié avèk soufrans li, pou-m sanblé ak lanmò-l, pou-m kapab rivé résisité sot nan pami mò yo.

Sa pa vlé di mouin déja rivé, mouin déja fi-n bon nèt ; min m-ap kontinié pou-m éséyé pran bagay sa yo, minm jan Kris la fi-n pran-m nan. Frè-m yo, mouin pa konsidéré mouin déja pran. Sé yon sèl bagay : mouin bliyé sa-k dèyè, sé sa-k dévan m-ap rapousuiv, pou-m rivé nan dènié pouin-an, pou-m jouinn rékonpans la koté Bondié rélé-m anlè-a nan Kris Jézu.

Paròl Granmèt la.

10

Tou sa-k sin, sé bagay sa yo pou nou kalkilé.

Léktu lèt apot sin Pòl pou Filipyin yo**4, 4-9**

Frè-m yo :

Fè kè nou kontan nan Granmèt la tout tan ; mouin tounin di nou sa ankò : fè kè nou kontan. Sé pou tout moun konnin kijan nou trankil : Granmèt la tou pré.

Pa chajé tèt nou ak anyin ; min nan tout kalité priyé, lè n-ap mandé, avèk aksion-gras, sé pou nou fè Bondié konnin bézouin nou yo, épi lapé Bondié-a, ki dépasé tou sa nou kapab santi, sé pou-l kinbé kè nou ak intélizans nou yo nan Kris Jézu.

Pou rès la, frè-m yo, tou sa-k vré, tou sa-k pròp, tou sa-k kòrèk, tou sa-k sin, tou sa-k mérité rinmin, tou sa-k gin bon rénomé, si gin yon bon kalité, si gin yon bagay ki mérité louanj, sé bagay sa yo pou nou kalkilé.

Sa nou té aprann nan min-m, sa nou té résévoua, sa nou té tandé, sa nou té ouè nan mouin, sé sa pou nou fè ; konsa Bondié lapè-a ap avèk nou.

Paròl Granmèt la.

11

*Sé pou nou gin lacharité,
paské sé kòd réalizasion ki fi-n kòrèk nèt la.*

Léktu lèt apot sin Pòl pou Kolosyin yo

3, 12-17

Frè-m yo :

Abiyé nou, tankou moun Bondié chouazi, ki sin, tankou moun li rinmin, abiyé nou ak zantray mizérikòd, ak bon kè, rabésé tèt nou, fè kò nou tou dou, pran pasians, sipòté nou youn lòt, sé pou youn padonnin lòt, si youn gin kichòy kont lòt : jan Granmèt la padonnin nou, konsa nou minm tou.

Anlè tout bagay sa yo, sé pou nou gin charité, li minm ki kòd ki maré sa ki fi-n kòrèk nèt la ; sé pou lapè Kris la fété nan kè nou, sé nan li yo rélé nou pou nou fè yon sèl kò ; sé pou nou rét ap di Bondié mèsì. Paròl Kris la, sé pou-l abité nan nou jous li plin nou, antan youn ap bay lòt ansègnman antan youn ap réprann lòt nan tout kalité sajès, avèk Psòm, imn épi kantik spirituèl, antan nan gras la n-ap chanté pou Bondié nan kè nou. Tou sa n-ap fè soua nan paròl, soua nan aksion, sé pou nou fè tout bagay o non Granmèt Jézu-Kri, antan n-ap di Bondié Papa-a mèsì pa lintémédiè-l.

Paròl Granmèt la.

12

Pou vèv yo

Sa-k vèk tout bon vré-a épi ki pou kont li-a sé pou-l espéré nan Bondié.

Léktu prémié lèt apot sin Pòl pou Timoté

5, 3-10

Ou minm mouin rinmin anpil la :

Onoré vèw yo, sa-k vèw tout bon vré yo. Si yon vèw minm gin pitit oubyin pitit pitit sé pou-l aprann yo toudabò pou yo okipé kay yo épi rinmèt para yo dèt yo ginyin vizavi yo ; sé sa réyèlman ki fè Bondié plézi.

Sa-k vèw tout bon vré-a minm épi ki pou kont li-a, sé pou-l éspéré nan Bondié, sé pou-l rété ap priyé, épi fè orézon nan nuit ak lajounin ; sa-k nan plézi yo minm, antan l-ap viv la li mouri. Bagay sa-a, sé pou-ou kòmandé-l, pou yo kapab san répròch.

Si yo moun minm pa okipé moun li yo épi sitou moun lakay li yo, li réjité lafoua-a, li pi mal pasé yon infidèl.

Sé pou yo chouazi vèw la pa mouins pasé souasant ané, sa-k té gin yon sèl mari, sé pou-l gin témouagnaj nan bon aksion, si-l té fè édukasion pitit yo, si-l té résévoua pou bay ospitalité, si-l té lavé pié sin yo, si-l té poté sékou bay sa k-ap sibi tribilasyon, si-l té réalizé tout kalité bon aksion.

Paròl Grammèt la.

13

Lafoua-a, si-l pa gin travay yo, li mouri.

Léktu lèt apot sin Jak

2, 14-17

Sa sa sèvi, frè-m yo, si yon moun di li gin lafoua, épi travay lafoua-a mandé yo, li pa ginyin yo ? Èské lafoua-a kapab sovè-l. Si yon frè ak yon sè nu-kò, yo pa gin manjé chak jou, épi youn nan nou di yo : « Alé byin trankil, chofé kò nou, manjé vant plin » ; épi nou pa ba yo sa-k nésésè pou kò-a, sa sa ap sèvi ?

Sé konsa pou lafoua-a, si-l pa gin travay yo, li mouri sou pa anndan.

Paròl Grammèt la.

14

Médam ki té sin yo, ki té éspéré nan Bondié.

Léktu prémié lèt apot sin Piè

3, 1-9

Nou minm mouin rinmin anpil la :

Sé pou médam yo obéyi mari yo, pou, minm si ginyin ki pa kouè nan paròl la, yo rivé konvink yo san paròl, gras a konduit médam yo ; antan

yo konsidéré konduit nou ki onèt, ki aji nan respè. Konpòtman nou pa doué réglé sou bagay ki parèt déyò, très chévé, ronn lò, ni bèl rad ki abiyé nou ; min sé sa-k kaché nan kè moun nan, sa-k pa kapab gaté, yon éspri trankil, tou dou, sé sa ki gin valè dévan fas Bondié.

Sé konsa réyèlman lontan médam ki té sin yo, ki té espéré nan Bondié, yo té konn anbéli kò yo, antan yo té obéyi pròp mari yo, tankou Sara ki té obéyi Abraam, antan li rélé-l mèt ; sé pitit fi li nou yé, antan nou aji byin, san nou pa nan kè soté, san nou pa nan okinn boulvèsman.

Nou minm tou mari yo, antan nou abité ansanm ak madanm nou, nou chèché konprann yo, tankou yon ti véso frajil, sé pou nou trété yo avèk konsidérasion, tankou moun ki éritié lavi gras la ansanm avèk nou, pou priyé nou pa jouinn anpéchman.

Anfin nou tout sé pou nou fè yon sèl, pou nou pran pitié pou lòt yo, pou nou rinmin yo tankou frè, pou nou gin mizérikòd, pou nou tou dou, pou nou viv dapré pòv ti kondision moun nou-an, pou nou pa rinmèt mal pou mal, ni madichon pou madichon, min okontrè sé pou nou souété dibyin, paské sé pou sa yo té rélé nou, pou nou posédé bénédiksyon-an kòm éritaj.

Paròl Granmèt la.

15

*Chak moun, dapré gras li résévoua-a,
sé pou-l mété-l nan sèvis lòt yo.*

Léktu prémié lèt apot sin Piè

4, 7 b-11

Nou minm mouin rinmin anpil la :

Sé pou nou gin ladrès, sé pou nou véyé nan priyé.

Anvan tout bagay, sé pou nou toujou gin charité antré nou, paské charité-a kouvri pakèt péché yo. Sé pou nou youn résévoua lòt lakay nou san plinyin ; chak moun, dapré gras li résévoua-a, sé pou-l mété-l nan sèvis lòt yo, tankou moun ki byin distribué gras Bondié-a ki gin anpil fòm nan.

Si yon moun ap palé, sé tankou si sé paròl Bondié ; si youn ap sèvi, sé tankou avèk fòs Bondié bay la ; pou nan tout bagay Bondié jouinn konsidérasion pa pouvoua Jézu-Kri, konpliman pou li ak otorité pou tout tan gin tan. Amèn.

Paròl Granmèt la.

16

Pou sa-k té réalisé aksion mizérikòd yo

Nou minm tou nou doué bay lavi nou pou frè nou yo.

Léktu prémié lèt apot sin Jan

3, 14-18

Nou minm mouin rinmin anpil la :

Nou minm nou konnin nou travèsé sot nan lanmò al nan lavi-a, paské nou rinmin frè yo.

Moun ki pa rinmin, li rété nan lanmò. Tout moun ki rayi frè-l, li kriminèl, nou konnin okinn kriminèl pa gin lavi tout tan-an ki rété nan li.

Sé nan sa nou konnin charité Bondié-a, sèké sa-a té bay lavi-l pou nou, nou minm tou nou doué bay lavi nou pou frè nou yo. Moun ki gin byin tè sa-a, épi li ouè frè-l ki nan bézouin, malgré sa li fèmin zantray li dévan-l, kijan charité Bondié-a kapab rété nan li ?

Ti pitit mouin yo, pa rinmin ak paròl ni ak lang, min nan aksion ak vérité.

Paròl Granmèt la.

17

Si nou youn rinmin lòt, Bondié rété nan nou.

Léktu prémié lèt apot sin Jan

4, 7-16

Nou minm mouin rinmin anpil la, sé pou nou youn rinmin lòt, paské rinmin-an sé nan Bondié li soti ; épi tout moun ki rinmin, sé nan Bondié li jouinn nésans épi li konnin Bondié. Moun ki pa rinmin, li pa konnin Bondié, paské Bondié sé rinmin.

Sé nan bagay sa-a charité Bondié-a té parèt nan nou, sèké Bondié té voyé sèl Pitit li-a sou tè-a, pou nou viv pa lintèmédiè li.

Mìn kijan rinmin-an yé, sé pa nou minm ki té rinmin Bondié, sé li minm ki té rinmin nou an prémié, épi li voyé Pitit li-a kòm padon pou péché nou yo.

Nou minm mouin rinmin anpil la, si Bondié rinmin nou konsa, sé pou nou youn rinmin lòt tou. Bondié, pèsòn pa janm ouè-l. Si nou youn rinmin lòt, Bondié rété nan nou, épi charité-l nan nou-an li réalisé nèt.

Nan sa nou konnin nou rété nan li épi li minm nan nou, sèké li té ba nou nan Éspri-l la. Nou minm nou ouè, nou sèvi témouin Papa-a voyé Pitit li-a kòm Sovè tè-a.

Tout moun ki rékonèt Jézu sé Pitit Bondié, Bondié rété nan li, épi li minm nan Bondié. Nou minm nou konnin, nou kouè nan charité-a Bondié ginyin pou nou-an.

Bondié sé charité, moun ki rété nan charité-a, li rété nan Bondié, épi Bondié nan li.

Paròl Granmèt la.

18

Sa-a sé viktoua-a ki métrizé tè-a : lafoua nou.

Léktu prémié lèt apot sin Jan

5, 1-5

Nou minm mouin rinmin anpil la :

Tout moun ki kouè Jézu sé Kris la, sé nan Bondié li pran nésans. Épi tout moun ki rinmin sa-a li bay nésans la, li rinmin sa-a tou ki pran nésans sot nan li-a.

Nan sa-a nou konnin nou rinmin sa-k gin nésans Bondié yo, lè nou rinmin Bondié épi nou réalizé kòmandman-l yo. Sa-a réyèlman sé charité Bondié-a, pou nou kinbé kòmandman-l yo : épi kòmandman-l yo pa lou.

Sèké tou sa-k gin nésans sot nan Bondié, li ranpòté viktoua sou tè-a, épi sa-a sé viktoua-a, ki métrizé tè-a, lafoua nou. Kilès sa-a ki ranpòté viktoua sou tè-a, si sé pa sa-a ki kouè Jézu sé Pitit Bondié-a ?

Paròl Granmèt la.

ALÉLOUYA AK VÈSÈ ANVAN ÉVANJIL LA

1

Mt 5, 3

(R: Alélouya). Ala kontantman pou moun ki pòv yo nan éspri-a, paské sé pou yo péyi-roua sièl yo yé. (R: Alélouya).

2

Mt 5, 6

(R: Alélouya). Ala kontantman pou moun ki grangou, ki souaf jistis la paské y-ap jouinn kont yo. (R: Alélouya).

3

Mt 5, 8

(R: Alélouya). Ala kontantman pou moun ki gin kè yo nèt yo, paské y-ap ouè Bondié. (R: Alélouya).

4

Cf. Mt 11, 25

(R: Alélouya). Mouin fè konpliman pou ou, Papa, Granmèt sièl la ak tè-a, paské ou té révéle mistè péyi-roua-a bay ti moun piti yo. (R: Alélouya).

5

Mt 11, 28

(R: Alélouya). Vi-n jouinn mouin, nou tout k-ap fatigé, k-ap rédi anba gro chaj, m-ap réfè fòs nou, sé sa Granmèt la di. (R: Alélouya).

6

Mt 23, 11. 12 b

(R: Alélouya). Moun ki pi gran nan pami nou-an, sé pou-l vi-n tounin sèvitè nou, sé sa Granmèt la di ; moun ki rabésé tèt li, y-ap lévé-l. (R: Alélouya).

7

Lk 21, 36

(R: Alélouya). Sé pou nou véyé, sé pou nou priyé tout tan,
pou nou mérité kanpé dévan Pitit moun nan. (R: Alélouya).

8

Jan 8, 12

(R: Alélouya). Mouin sé limiè tè-a, sé sa Granmèt la di ;
moun k-ap suiv mouin, l-ap gin limiè lavi-a. (R: Alélouya).

9

Jan 8, 31 b-32

(R: Alélouya). Si nou rété nan paròl mouin-an,
n-ap disip mouin tout bon vré,
n-ap konnin vérité-a, sé sa Granmèt la di. (R: Alélouya).

10

Jan 13, 34

(R: Alélouya). Mouin ba nou yon kòmandman nouvo,
pou nou youn rinmin lòt minm jan mouin rinmin nou-an. (R:
Alélouya).

11

Jan 14, 23

(R: Alélouya). Si yon moun rinmin-m, l-ap kinbé paròl mouin,
Papa-m ap rinmin-l, n-ap vi-n jouinn li. (R: Alélouya).

12

Jan 15, 4 a. 5 b

(R: Alélouya). Rété nan mouin, épi mouin minm nan nou,
sé sa Granmèt la di ;
moun ki rété nan mouin, li poté anpil frui. (R: Alélouya).

13

Jan 15, 9 b. 5 b

(R: Alélouya). Rét nan rinmin-m nan, sé sa Granmèt la di ;
moun ki rét nan mouin, épi mouin minm nan li,
moun sa-a donnin anpil foui (R: Alélouya).

ÉVANJIL YO

1

Ala kontantman pou pòv yo nan éspri-a.

✠ Léktu sint Évanjil la dapré Matié

5, 1-12 a

Lè sa-a :

Antan Jézu ouè foul yo, li té monté sou mòn nan ; kon-l chita, disip li yo té proche koté-l. Épi antan-l louvri bouch li, li t-ap anségné yo antan l-ap di :

« Ala kontantman pou moun ki pòv yo nan éspri-a, paské sé pou yo péyi-roua sièl yo yé.

Ala kontantman pou moun ki dou yo, paské sé yo minm k-ap posédé tè-a.

Ala kontantman pou moun k-ap kriyé yo, paské y-ap konsolé.

Ala kontantman pou moun ki grangou, ki souaf jistis la, paské y-ap jouinn kont yo.

Ala kontantman pou moun ki gin mizérikòd yo, paské y-ap jouinn mizérikòd.

Ala kontantman pou moun ki gin kè yo nèt yo, paské y-ap ouè Bondié.

Ala kontantman pou moun k-ap travay pou lapè-a, paské y-ap rélé yo pitit Bondié.

Ala kontantman pou moun k-ap souffri pèsékision poutèt jistis la, paské sé pou yo péyi-roua sièl la yo yé.

Ala kontantman pou nou, lè y-ap madichonnin nou, lè y-ap pèsékité nou, lè y-ap di tout kalité mal kont nou, antan y-ap fè manti, aköz mouin ; fè kè nou kontan, fété, paské rékonpans nou anpil nan sièl yo ».

Paròl Granmèt la.

2

Nou sé limiè tè-a.

✠ Léktu sint Évanjil la dapré Matié

5, 13-16

Lè sa-a : Jézu té di disip li yo :

« Nou sé sèl tè-a. Si sèl la vi-n fad, ak ki sa y-ap salé-l ? Li pa vo anyin ankò, sof pou yo jété-l déyò, pou moun pilé-l.

Nou sé limiè tè-a. Yon vil ki pozé sou yon mòn pa kapab kaché. Yo pa limin yon lanp, pou yo mété-l anba bokit ; min sou yon étajè, pou-l kléré tout moun ki nan kay la.

Sé konsa pou limiè nou kléré dévan moun yo, pou yo ouè bon aksion nou yo, pou yo fè louanj pou Papa nou ki nan sièl la ».

Paròl Granmèt la.

3

Kay ki bati sou ròch avèk kay ki bati sou sab.

✠ Léktu sint Évanjil la dapré Matié

7, 21-27

Lè sa-a : Jézu di disip li yo :

« Sé pa tout moun k-ap di-m : “Granmèt, Granmèt” k-ap antré nan péyi-roua sièl yo ; min sé moun ki fè volonté Papa-m ki nan sièl la, sé li minm k-ap antré nan péyi-roua sièl yo. Anpil moun ap di-m jou sa-a : “Granmèt, Granmèt, èské sé pa o non-ou nou té profétizé, èské sé pa o non-ou nou té chasé démon yo, èské sé pa o non-ou nou té fè anpil mèvèy ?” Lè sa-a, m-ap déklaré yo : “Mouin pa janm konnin nou : ralé kò nou sot sou mouin, nou minm k-ap fè péché”.

Sèké tout moun ki tandé paròl mouin sa yo, épi ki réalisé yo, li sanblé avèk yon moun ki saj, ki bati kay li sou ròch ; lapli tonbé, riviè désann, van souflé, yo fonsé sou kay sa-a, li pa tonbé. Sèké fondasion-l té sou ròch.

Épi tout moun ki tandé paròl mouin sa yo, min ki pa réalisé yo, li sanblé ak yon moun sòt, ki bati kay li sou sab ; lapli tonbé, riviè désann, van souflé, yo fonsé sou kay sa-a, li tonbé, déstriksion-l nan gran ».

Paròl Granmèt la.

4

Ou té kaché bagay sa yo pou saj yo épi ou té révéle yo bay ti moun piti yo.

✝ **Léktu sint Évanjil la dapré Matié**

11, 25-30

Lè sa-a Jézu pran laparòl, li di :

« Mouin fè konpliman pou ou, Papa, Granmèt sièl la ak tè-a, paské ou té kaché bagay sa yo pou saj yo ak intélijan yo, ou té révéle yo bay ti moun piti yo. Oui, Papa, paské sé konsa sa fè-ou plézi. Papa-m rinnèt mouin tout bagay, pèsòn pa konnin Pitit la, sof Papa-a ; ni pèsòn pa konnin Papa-a, sof Pitit la ak moun Pitit la vlé révéle sa.

Vi-n jouinn mouin, nou tout k-ap fatigé, k-ap rédi anba gro chaj, m-ap réfè fòs nou. Pran jouk mouin sou nou, pran léson nan min-m, paské mouin tou dou, mouin pòv nan kè-m ; n-ap jouinn répo pou nanm nou ; jouk mouin fasil pou poté, chaj mouin léjé ».

Paròl Granmèt la.

5

Li vann tou sa-l ginyin, li achte jadin sa-a.

✝ **Léktu sint Évanjil la dapré Matié**

13, 44-46

Lè sa-a : Jézu di fowl yo :

« Péyi roua sièl la sanblé ak yon trézò ki kaché nan yon jadin ; moun ki jouinn li-an, li kaché-l, li tèlman kontan, l-alé, li vann tou sa-l ginyin, li achte jadin sa-a.

Konsa tou péyi roua sièl la sanblé ak yon kòmèsan k-ap chèché bon piè ; lè-l jouinn yon piè ki gin anpil valè, li vann tou sa-l ginyin, li achté-l ».

Paròl Granmèt la.

6

Moun ki vlé pèdi lavi-l poutèt mouin, l-ap jouinn li.

✠ **Léktu sint Évanjil la dapré Matié**

16, 24-27

Lè sa-a :

Jézu di disip li yo : « Si yon moun vlé vi-n apré-m, sé pou-l rénonse pròp tèt li, pou-l pran koua-l, pou-l suiv mouin. Moun ki vlé sové lavi-l, l-ap pèdi-l ; moun ki vlé pèdi lavi-l poutèt mouin, l-ap jouinn li.

Sa sa ap sèvi yon moun si-l posédé tout tè-a, min li péyé sa ak lavi-l ? Oubyin ki sa yon moun kapab bay pou-l péyé lavi-l ?

Pitit moun nan gin pou-l vini nan gloua Papa-l avèk Anj li yo, lè sa-a “l-ap rinmèt chak moun dapré travay li” ».

Paròl Granmèt la.

7

Anj yo tout tan ap gadé fas Papa-m ki nan sièl la.

✠ **Léktu sint Évanjil la dapré Matié**

18, 1-5

Lè sa-a disip yo proché kot Jézu, yo di : « Kilès, ou kouè, ki pi gran nan péyi roua sièl la ? » Jézu rélé yon ti moun piti, li mété-l kanpé nan mitan yo, li di :

« Amèn mouin di nou : si nou pa konvèti pou nou vi-n tankou ti moun piti yo, nou pap antré nan péyi roua sièl la. Konsa tout moun k-ap rantré nan ti kondision moun li-a tankou ti moun piti sa-a, sé li minm ki pi gran nan péyi roua sièl la. Moun k-ap résévoua youn nan ti piti sa yo o non mouin, sé mouin minm l-ap résévoua ».

Paròl Granmèt la.

Pou rélijyé yo

Poutèt péyi roua sièl yo.

✠ Léktu sint Évanjil la dapré Matié

19, 3-12

Lè sa-a :

Farizyin yo té proché kot Jézu, yo t-ap tanté-l, yo di : « Èské yon mésié gin doua ranvouayé madanm li, pou ninpòt ki rézon ? »

Li réponn, li di yo : « Èské nou pa-t li kijan sa-a ki té fè moun nan nan kòmansman-an, sé gason ak fi li té fè yo, épi li té di : “Sé poutèt sa mésié-a ap kité papa-l ak manman-l, l-ap kolé kò-l kot madanm li, yo tou lé dé ap yon sèl chè” ? Sé poua yo pa dé ankò, min sé yon sèl chè yo yé. Konsa sa Bondié maré, moun pa doué séparé-l ».

Yo di-l : « Ébyin pouki sa Moyiz té pasé lòd pou bay biyé divòs, pou ranvouayé-l ? »

Li di yo : « Sé poutèt kè di nou-an ki fè Moyiz té pèmèt nou ranvouayé madanm nou yo ; min nan kòmansman sa pa-t konsa. Ébyin mouin di nou, ninpòt ki moun ki ranvouayé madanm li, sof si sé dé moun ki t-ap viv nan mové plézi ansanm, épi ki marié ak yon lòt, li fè adiltè, épi moun ki marié ak yon madanm yo ranvouayé, li fè adiltè ».

Disip li yo di-l : « Si sé konsa kondision mésié-a ak madanm nan yé, pito nou pa marié ».

Li di yo : « Sé pa tout moun ki konprann paròl sa-a, min sé moun yo fè favè sa-a. Gin gason ki pa nan kondision pou yo fè pitit, dépi nan vant manman yo sé konsa yo fèt ; gin gason ki pa nan kondision pou yo fè pitit, sé lòt moun ki fè yo sa ; gin gason ki pa nan kondision pou yo fè pitit, sé yo minm ki mété pròp tèt yo nan kondision sa-a poutèt péyi roua sièl yo. Moun ki kapab konprann, sé pou-l konprann ».

Paròl Granmèt la.

9

*Nou minm nou kité tout bagay pou nou suiv mouin,
n-ap résévoua san fouda plis .*

✠ **Léktu sint Évanjil la dapré Matié**

19, 27-29

Lè sa-a :

Piè pran laparòl, li di Jézu : « Min nou minm nou kité tout bagay, nou suiv ou ; ki sa n-ap ginyin ? »

Jézu minm di yo : « Amèn mouin di nou, nou minm ki suiv mouin-an, lè tout bagay ap réfèt, lè Pitit moun nan ap chita sou tro-n grandè li, n-ap chita nou minm tou sou douz tro-n, pou nou jijé douz fanmiy Israèl yo. Tout moun k-ap kité kay oubyin frè, oubyin sè, oubyin papa, oubyin manman, oubyin madanm, oubyin pitit, oubyin jadin, poutèt non mouin, l-ap résévoua san fouda plis, l-ap ginyin lavi tout tan-an ».

Paròl Granmèt la.

10

*Sé pou-ou rinmin Granmèt Bondié-ou la,
ak prochin-ou tankou ou minm.*

✠ **Léktu sint Évanjil la dapré Matié**

22, 34-40

Lè sa-a :

Farizyin yo tandé kijan Jézu té fèmin bouch sadiséyin yo, yo rasanblé ansanm. Youn nan yo ki té savan nan laloua-a pozé-l késion, pou-l tanté-l : « Mèt, kilès ki gran kòmandman-an nan laloua-a ? »

Jézu di-l : « “Sé pou-ou rinmin Granmèt Bondié-ou la ak tout kè-ou, ak tout nanm ou, ak tout éspri-ou”. Sa-a sé pi gran, sé premié kòmandman-an. Dézièm nan minm sanblé avèk li : “Sé pou-ou rinmin prochin-an tankou pròp tèt ou”. Sé nan dé kòmandman sa yo tout laloua-a pandié ansanm ak profèt yo ».

Paròl Granmèt la.

11

Min mésié k-ap marié-a ap vini : soti al rankontré-l.

✠ **Léktu sint Évanjil la dapré Matié**

25, 1 -13

Lè sa-a : Jézu di disip li yo parabòl sa-a :

« Péyi roua sièl yo sanblé ak dis vièj ki pran lanp yo, yo soti al rankontré mésié k-ap marié-a ak madanm k-ap marié-a. Sink nan yo té sòt, épi sink té gin adrès. Sink sa ki sòt yo, lè yo fi-n pran lanp yo-a, yo pa pran luil avèk yo ; sa-k gin adrès yo minm, yo pran luil nan véso yo avèk lanp yo. Antan y-ap tann mésié k-ap marié-a ki té an réta, yo tout yo dòmi, fon somèy.

Nan mitan nannuit, yo tandé yon rèl : “Min mésié k-ap marié-a, soti al rankontré-l”. Lè sa-a atò tout vièj sa yo lévé, yo paré lanp yo. Sa-k té sòt yo di sa-k té saj yo : “Ban nou nan luil nou-an, paské lanp nou yo étinn”. Sa-k gin adrès yo di yo : “Riské pap gin kont pou ni nou minm ni nou minm, pito nou alé nan boutik yo, n-a achté”.

Pandan yo t-al achté, mésié k-ap marié-a rivé ; sa-k té paré yo antré avèk li nan nòs yo, yo fèmin pòt la.

Alafin lòt vièj yo vi-n rivé, yo di : “Granmèt, Granmèt, louvri pou nou”. Li minm minm li réponn, li di : “Amèn mouin di nou, mouin pa konnin nou”. Konsa, sé pou nou véyé, paské nou pa konnin ni jou-a ni lè-a ».

Paròl Granmèt la.

12

*Poutèt ou té fidèl sou yon ti bagay,
antré nan kè kontan mèt ou-a.*

✠ Léktu sint Évanjil la dapré Matié

25, 14-30

Lè sa-a :

Jézu di disip li yo parabòl sa-a : « Yon mésié t-ap pati al nan vouayaj, li rélé sèvitè-l yo, li rinnèt yo byin-l yo : youn li ba-l sink talan, yon lòt minm dé, épi yon lòt yon sèl ; chak moun dapré kapasité pa-l ; apré sa li pati la minm.

Sa-k té résévoua sink talan yo, l-alé, li travay avèk yo, li rapòté sink lòt. Min jan-an tou sa-k té résévoua dé talan yo, li rapòté dé lòt. Min sa-k té résévoua yon sèl la, l-al foyé tè-a, li kaché lajan mèt li-a.

Apré anpil tan, mèt sèvitè sa-a yo vini, li mandé yo kont.

Sa-k té résévoua sink talan yo, li proché, li prezanté sink lòt talan, li di : “Mèt, sé sink talan ou té ban mouin : min sink lòt mouin rapòté”. Mèt

li di-l : “Sé byin, bon sèvitè ki fidèl : poutèt ou té fidèl sou yon ti kras, m-ap instalé-ou sou anpil : antré nan kè kontan mèt ou”.

Sa-k té résévoua dé talan yo proche tou, li di : “Mèt, sé dé talan ou té rinnèt mouin, min dé lòt mouin rapòté”. Mèt li di-l : “Sé byin, bon sèvitè ki fidèl : poutèt ou té fidèl sou yon ti kras, m-ap instalé-ou sou anpil : antré nan kè kontan mèt ou”.

Sa-k té résévoua yon sèl talan-an, li proche atò, li di : “Mèt, mouin konnin ou sé yon moun ki rèd : ou rékòlté koté ou pa simin, ou ranmasé koté-ou pa-t planté. Mouin té pè, m-alé, mouin kaché talan-ou nan nan tè-a ; min li, pran afè-ou”.

Mèt li réponn, li di-l : “Mové sèvitè, ou parésé ! Ou té konnin mouin rékòlté koté mouin pa simin, mouin ranmasé koté mouin pa planté : ou té doué rinnèt lajan-m nan labank, lè-m vini mouin t-a résévoua sa-m dépozé-a avèk bénéfis. Pran talan-an nan min-l, bay moun ki gin dis talan yo ; konsa tout moun ki ginyin, y-ap ba li, l-ap gin plis ; moun ki pa ginyin-an minm, sa-l konprann li ginyin-an minm, y-ap ouété-l sot nan min-l. Épi sèvitè sa-a ki pa vo anyin-an, jété-l nan fènoua déyò yo : koté sa-a ap gin rèl ak manjé dan” ».

Paròl Granmèt la.

oubyin pi kout

✠ Léktu sint Évanjil la dapré Matié

25, 14-23

Lè sa-a :

Jézu di disip li yo parabol sa-a : « Yon mésié t-ap pati al nan vouayaj, li rélé sèvitè-l yo, li rinnèt yo byin-l yo : youn li ba-l sink talan, yon lòt minm dé, épi yon lòt yon sèl ; chak moun dapré kapasité pa-l ; apré sa li pati la minm.

Sa-k té résévoua sink talan yo, l-alé, li travay avèk yo, li rapòté sink lòt. Min jan-an tou sa-k té résévoua dé talan yo, li rapòté dé lòt. Min sa-k té résévoua yon sèl la, l-al foyé tè-a, li kaché lajan mèt li-a.

Apré anpil tan, mèt sèvitè sa-a yo vini, li mandé yo kont.

Sa-k té résévoua sink talan yo, li proche, li prezanté sink lòt talan, li di : “Mèt, sé sink talan ou té ban mouin : min sink lòt mouin rapòté”. Mèt

li di-l : “Sé byin, bon sèvitè ki fidèl : poutèt ou té fidèl sou yon ti kras, m-ap instalé-ou sou anpil : antré nan kè kontan mèt ou”.

Sa-k té résévoua dé talan yo proche tou, li di : “Mèt, sé dé talan ou té rinnèt mouin, min dé lòt mouin rapòté”. Mèt li di-l : “Sé byin, bon sèvitè ki fidèl : poutèt ou té fidèl sou yon ti kras, m-ap instalé-ou sou anpil : antré nan kè kontan mèt ou” ».

Paròl Granmèt la.

13

Pou sa-k té réalisé aksion mizérikòd yo

*Chak fousa nou fè pou youn nan pi piti frè-m sa yo,
sé pou mouin minm nou fè.*

✦ Léktu sint Évanjil la dapré Matié

25, 31-46

Lè sa-a : Jézu di disip li yo :

« Lè Pitit moun nan ap rivé nan gloua li, épi tout anj yo avèk li, lè sa-a l-ap chita sou tro-n gloua li. L-ap rasanblé tout nasion yo dévan-l, l-ap séparé yo youn sot kot lòt, tankou yon gadyin séparé mouton yo ak bouk yo. L-ap mét mouton yo kanpé adouat li, bouk yo agoch li.

Lè sa-a roua-a ap di sa-k adouat li yo : “Vini, nou minm Papa-m béni yo, pran posésion péyi roua-a yo té paré pou nou dépi tè-a té kòmansé fèt la. Sèké mouin té grangou, nou té ban-m manjé ; mouin té souaf, nou té ban-m bouè ; mouin té étranjé, nou té résévoua-m ; mouin té ni-kò, nou té abiyé-m ; mouin té malad, nou té rann mouin vizit ; mouin té nan prizon, nou té vi-n jouinn mouin”.

Lè sa-a moun kòrèk yo ap pran laparòl, y-ap di : “Granmèt, kilè nou té ouè-ou grangou épi nou té ba-ou manjé ? oubyin nou té ouè-ou souaf épi nou té ba-ou bouè ? kilè nou té ouè-ou étranjé épi nou té résévoua-ou ? oubyin ni-kò épi nou té abiyé-ou ? oubyin kilè nou té ouè-ou malad oubyin nan prizon épi nou té vi-n jouinn ou ?”

Roua-a ap réponn, l-ap di yo : “Amèn mouin di nou, chak fousa nou té fè sa pou youn nan pi piti nan frè-m sa yo, sé pou mouin minm nou té fè-l”.

Lè sa-a atò l-ap di sa yo ki agoch li yo : “Ralé kò nou sot sou mouin, nou minm ki madichonnin, al nan difé tout tan-an, ki té paré pou djab la ak anj li yo. Mouin té grangou, nou pa-t ban-m manjé ; mouin té souaf, nou pa-t ban-m bouè ; mouin té étranjé, nou pa-t résévoua-m ; mouin té ni-kò, nou pa-t abiyé-m ; mouin té malad épi mouin té nan prizon, min nou pa-t vizité-m”.

Lè sa-a yo minm tou y-ap pran laparòl, y-ap di-l : “Granmèt, kilè nou té ouè-ou grangou, oubyin souaf, oubyin étranjé, oubyin ni-kò, oubyin malad, oubyin nan prizon, épi nou pa-t rann ou sèvis” ?

Lè sa-a l-ap réponn yo, l-ap di : “Amèn mouin di nou, chak foua nou pa-t fè sa pou youn nan pi piti sa yo, sé pou mouin minm tou nou pa-t fè-l”.

Sa yo apral nan chatiman tout tan-an, moun kòrèk yo minm apral nan lavi tout tan-an ».

Paròl Granmèt la.

oubyin pi kout

*Chak foua nou fè pou youn nan pi piti frè-m sa yo,
sé pou mouin minm nou fè.*

✠ Léktu sint Évanjil la dapré Matié

25, 31-40

Lè sa-a : Jézu di disip li yo :

« Lè Pitit moun nan ap rivé nan gloua li, épi tout anj yo avèk li, lè sa-a l-ap chita sou tro-n gloua li. L-ap rasanblé tout nasion yo dévan-l, l-ap séparé yo youn sot kot lòt, tankou yon gadyin séparé mouton yo ak bouk yo. L-ap mét mouton yo kanpé adouat li, bouk yo agoch li.

Lè sa-a roua-a ap di sa-k adouat li yo : “Vini, nou minm Papa-m béni yo, pran posésion péyi roua-a yo té paré pou nou dépi tè-a té kòmansé fèt la. Sèké mouin té grangou, nou té ban-m manjé ; mouin té souaf, nou té ban-m bouè ; mouin té étranjé, nou té résévoua-m ; mouin té ni-kò, nou té abiyé-m ; mouin té malad, nou té rann mouin vizit ; mouin té nan prizon, nou té vi-n jouinn mouin”.

Lè sa-a moun kòrèk yo ap pran laparòl, y-ap di : “Granmèt, kilè nou té ouè-ou grangou épi nou té ba-ou manjé ? oubyin nou té ouè-ou souaf épi nou té ba-ou bouè ? kilè nou té ouè-ou étranjé épi nou té résévoua-ou ?

oubyin ni-kò épi nou té abiyé-ou ? oubyin kilè nou té ouè-ou malad oubyin nan prizon épi nou té vi-n jouinn ou ?”

Roua-a ap réponn, l-ap di yo : “Amèn mouin di nou, chak foua nou té fè sa pou youn nan pi piti nan frè-m sa yo, sé pou mouin minm nou té fè-l” ».

Paròl Granmèt la.

14

*Moun ki fè volonté Bondié, sé li minm ki frè-m
ak sè-m ak manman-m.*

✠ Léktu sint Évanjil la dapré Mark

3, 31-35

Lè sa-a :

Manman Jézu ak frè-l yo rivé ; yo kanpé déyò-a, yo voyé koté-l pou yo rélé-l.

Té gin yon foul ki té chita alantou-l, yo di-l : « Min manman-ou ak frè-ou yo déyò-a y-ap chèché-ou ».

Li réponn yo, li di : « Kilès ki manman-m ak frè-m ? »

Li viré gadé alantou-l, sa yo ki té chita toutotou-l yo, li di : « Min manman-m ak frè-m yo. Moun ki fè volonté Bondié, sé li minm ki frè-m ak sè-m ak manman-m ».

Paròl Granmèt la.

15

Pou édikaté yo

*Ninpòt ki moun ki résévoua kalité ti moun sa yo,
sé mouin minm li résévoua.*

✠ Léktu sint Évanjil la dapré Mark

9, 34-37

Lè sa-a :

Disip Jézu yo sou rout la t-ap diskité kilès nan yo ki pi gran.

Li chita, li rélé douz yo, li di yo : « Si yon moun vlé vi-n premié, sé pou-l vi-n dènié nan pami tout moun, sé pou-l vi-n sèvitè tout moun ».

Li pran yon ti gason, li mété-l kanpé nan mitan yo. Li anbrasé-l, li di yo : « Ninpòt ki moun ki résévoua kalité ti moun sa yo o non mouin, sé mouin minm li résévoua ; épi tout moun ki résévoua-m, sé pa mouin minm li résévoua, min sé sa-a ki voyé-m nan ».

Paròl Granmèt la.

16

Pou édikaté yo

Kité timoun yo vi-n jouinn mouin.

✚ **Léktu sint Évanjil la dapré Mark**

10, 13-16

Lè sa-a :

Yo té prezanté timoun piti bay Jézu pou-l té touché yo ; disip yo minm t-ap kouri dèyè moun yo ki t-ap vi-n prezanté yo-a.

Lè Jézu ouè sa, li faché, li di yo : « Kité timoun yo vi-n jouinn mouin, pa anpéché yo ; sé pou sa-k sanblé ak yo péyi-roua Bondié-a yé. Amèn mouin di nou, tout moun ki pa résévoua péyi-roua Bondié-a tankou yon timoun piti, li pap antré ladan-l ».

Li anbrasé yo, li pozé min sou yo, li béni yo.

Paròl Granmèt la.

17

Pou rélijyé yo

Tou sa-ou ginyin, vann li, épi suiv mouin.

✚ **Léktu sint Évanjil la dapré Mark**

10, 17-30

Lè sa-a :

Pandan Jézu t-ap sòti sou rout la, gin yon moun ki kouri dévan-l, li mét jénou atè dévan-l, li t-ap priyé-l : « Bon mèt, ki sa pou-m fè pou-m éritié lavi k-ap diré tout tan-an ? »

Jézu minm di-l : « Pouki sa ou rélé-m bon-an ? Pèsònn pa bon, sof yon sèl Bondié-a. Ou konnin kòmandman yo : “Pa fè adiltè, pa touyé, pa vòlè, pa sèvi fo-témouin, pa fè moun ditò, krinn papa-ou ak manman-ou” ».

Min li minm li réponn, li di : « Mèt, tout bagay sa yo, mouin té obsèvé yo dépi-m tou jèn ».

Jézu minm gadé-l, li rinmin-l, li di-l : « Yon sèl bagay manké-ou ; alé, tou sa-ou ginyin, vann li, bay pòv yo, épi ou-a gin yon richès nan sièl la ; apré sa, vini, suiv mouin ». Li minm li vi-n tou chagrin nan paròl sa-a, li pati ak mi-n li dékonpozé, paské li té gin anpil byin.

Jézu minm gadé toutalantou, li di disip li yo : « Sé pa ti kras difisil sa difisil pou moun ki gin lajan yo antré nan péyi Bondié ki roua-a ! » Disip yo minm sézi poutèt paròl li yo. Jézu rékòmansé palé, li di yo : « Pitit mouin yo, ala difisil sa difisil pou moun ki mét konfians yo nan richès yo antré nan péyi Bondié ki roua-a. Li pi fasil pou yon chamo passé nan jé zégui, passé pou moun rich antré nan péyi roua Bondié-a ».

Yo minm yo té pi sézi toujou, youn t-ap di lòt : « Épi kilès ki kapab sové ? »

Jézu gadé yo, li di : « Pou lézòm, sa inposib, min pa pou Bondié : sèké tout bagay posib pou Bondié ».

Piè kòmansé di-l : « Min nou kité tout bagay épi nou suiv ou » !

Jézu pran laparòl, li di : « Amèn mouin di nou, pa gin pèsòn k-ap kité kay, oubyin frè, oubyin sè, oubyin papa, oubyin manman, oubyin pitit, oubyin jadin, poutèt mouin minm ak poutèt Bòn Nouvèl la, san-l pa jouinn san foua plis dépi koulié-a nan tan sa-a nan kay, frè, sè, manman, pitit, jadin, avèk pèsékision, épi nan tan k-ap vini-an lavi ki pap janm fini-an ».

Paròl Granmèt la.

oubyin pi kout

✠ Léktu sint Évanjil la dapré Mark

10, 17-27

Lè sa-a :

Pandan Jézu t-ap soti sou rout la, gin yon moun ki kouri dévan-l, li mét jénou atè dévan-l, li t-ap priyé-l : « Bon mèt, ki sa pou-m fè pou-m éritié lavi ki pap janm fini-an ? »

Jézu minm di-l : « Pouki sa ou rélé-m bon-an ? Pèsòn pa bon, sof yon sèl Bondié-a. Ou konnin kòmandman yo : “Pa fè adiltè, pa touyé, pa vòlè, pa sèvi fo-témouin, pa fè moun ditò, krinn papa-ou ak manman-ou” ».

Min li minm li réponn, li di : « Mèt, tout bagay sa yo, mouin té obsèvé yo dépi-m tou jèn ». Jézu minm gadé-l, li rinmin-l, li di-l : « Yon sèl

bagay manké-ou : alé, tou sa-ou ginyin, vann li, bay pòv yo, épi ou-a gin yon richès nan sièl la ; apré sa, vini, suiv mouin ». Li minm li vi-n tou chagrin nan paròl sa-a ; li pati ak mi-n li dékonpozé, sèké li té gin anpil byin.

Jézu minm gadé toutalantou, li di disip li yo : « Sé pa ti kras difisil sa difisil pou moun ki gin lajan yo antré nan péyi Bondié ki roua-a ». Disip yo minm sézi nan paròl li yo. Jézu rékòmansé palé, li di yo : « Pitit mouin yo, ala difisil sa difisil pou moun ki mét konfians yo nan richès yo antré nan péyi Bondié ki roua-a. Li pi fasil pou yon chamo passé nan jé zégui, passé pou moun rich antré nan péyi Bondié ki roua-a ». Yo minm yo té pi sézi toujou, youn t-ap di lòt : « Épi kilès ki kapab sové ? »

Jézu minm gadé yo, li di : « Pou lézòm, sa inposib, min pa pou Bondié, paské tout bagay posib pou Bondié ».

Paròl Granmèt la.

✠ Léktu sint Évanjil la dapré Luk

6, 27-38

Lè sa-a : Jézu di disip li yo :

« Mouin di nou, nou minm k-ap kouté-a : sé pou nou rinmin ènmi nou yo, sé pou nou fè dibyin pou moun ki rayi nou yo, fè konpliman pou moun k-ap madichonnin nou yo, priyé pou sa yo k-ap di manti sou nou yo. Si yon moun frapé-ou sou bò machoua, lonjé lòt la ba li, moun ki pran manto-ou nan min-ou, pa réfizé-l chémiz la non plis tou. Tout moun ki mandé-ou, ba li, moun ki pran sa-k pou ou, pa mandé-l li. Tou sa nou vlé pou lézòm fè pou nou, sé pou nou fè-l pou yo tou.

Si nou rinmin sa yo ki rinmin nou, ki gras k-ap pou nou ? Sèké minm péchè yo youn rinmin lòt. Si sé moun ki fè nou dibyin n-ap fè dibyin, ki gras k-ap pou nou ? Sé konsa tou minm péchè yo yo fè sa. Si nou préte moun nou éspéré résévoua nan min yo, ki gras k-ap pou nou ? Sèké ni péchè yo yo préte péchè yo, pou yo résévoua minm jan.

Vréman, sé pou nou rinmin ènmi nou yo, sé pou yo nou fè dibyin, sé pou nou prété, san nou pa espéré anyin ; konsa rékonpans nou ap anpil, n-ap vi-n tounin pitit Sa-a ki anro nèt la, paské li bon ni pou moun ki pa gin rékonésans, ni pou moun ki mové yo. Sé pou nou gin mizérikòd, tankou Papa nou gin mizérikòd la.

Pa jijé, yo pap jijé nou ; pa kondané, yo pap kondané nou ; padonnin, y-ap padonnin nou ; bay, y-ap ba nou ; sé yon mézi ki bon, ki foulé, ki byin souké, k-ap débòdé, y-ap vidé nan léstomak nou. Ak minm mézi n-ap méziré-a, sé avèk li y-ap rinmèt nou ».

Paròl Granmèt la.

19

Pou rélijé yo

M-ap suiv ou tout koté ou-apralé.

✠ Léktu sint Évanjil la dapré Luk

9, 57-62

Lè sa-a :

Jézu t-ap maché ansanm avèk disip li yo sou rout la, gin yon moun ki di-l : « M-ap suiv ou tout koté ou-apralé ».

Jézu di-l : « Réna yo gin trou yo, zouazo sièl yo gin nich yo ; Pitit moun nan minm pa gin koté pou-l apiyé tèt li ».

Li di yon lòt : « Suiv mouin ». Sa-a minm di : « Granmèt, pèmèt mouin al antéré papa-m anvan ».

Jézu di-l : « Kité mò yo antéré mò pa yo ; kanta ou minm alé, épi anonsé péyi roua Bondié-a ».

Yon lòt di : « M-ap suiv ou, Granmèt, min pèmèt mouin al avèti moun lakay mouin yo anvan ». Jézu di-l : « Moun ki mété min-l nan zouti bèf la ap rédi pou viré tè-a, épi ki gadé dèyè, nan pouin moun konsa ki mérité péyi roua Bondié-a ».

Paròl Granmèt la.

20

*Mart résévoua-l lakay li.
Mari chouazi pi bon pòsion-an.*

✠ **Léktu sint Évanjil la dapré Luk** 10, 38-42

Lè sa-a :

Jézu antré nan yon bouk ; yon madanm yo rélé Mart résévoua-l lakay li. Li té gin yon sè yo rélé Mari, ki té chita nan pié Granmèt la, li t-ap kouté paròl li. Mart minm t-ap trakasé kò-l avèk anpil sèvis ; li kanpé, li di : « Granmèt, èské sa pa fè-ou anyin, pou sè-m nan kité-m ap sèvi pou kont mouin ? di-l pou-l édé-m ».

Granmèt la réponn, li di-l : « Mart, Mart, ou pran tèt chajé, ou troublé pou anpil bagay. Min sé yon sèl ki nésésè : Mari chouazi pi bon pòsion-an, yo pap ouété-l nan min-l ».

Paròl Granmèt la.

21

Pou rélijyé yo

Nou minm tou sé pou nou paré.

✠ **Léktu sint Évanjil la dapré Luk** 12, 32-34

Lè sa-a :

Jézu di disip li yo : « Pa pè, ti bann mouton, paské Papa-a kontan ba nou péyi roua-a.

Vann sa nou posédé, fè lacharité. Fè bous ki pap chiré, richès ki pap manké nan sièl la, koté vòlè pa proché, koté vè pa gaté.

Sèké koté richès nou-an yé-a, sé la kè nou ap yé tou ».

Paròl Granmèt la.

22

Nou minm tou sé pou nou paré.

✠ **Léktu sint Évanjil la dapré Luk** 12, 35-40

Lè sa-a : Jézu di disip li yo :

« Sé pou rin nou maré, pou lanp nou limin nan min nou ; nou minm sé pou nou tankou moun k-ap tann mèt yo, lè-l vi-n sot nan nòs ; pou, kon-l rivé, li frapé, minm lè-a yo louvri ba li.

Ala kontantman pou sèvitè sa yo, si lè mèl la rivé, li jouinn yo ap véyé ; Amèn mouin di nou, l-ap maré rin-l, l-ap fè yo al sou tab l-ap pasé pou-l sèvi yo.

Si-l rivé nan dézièm vèy la, épi si sé nan touazièm vèy la li rivé, épi li jouinn yo konsa, ala kontantman pou sèvitè sa yo.

Aprann sa, si pèd-famiy nan té konnin ki lè vòlè-a t-ap rivé, li t-ap véyé sètènman, li pa t-ap kite yo kasé kay li.

Nou minm tou sé pou nou paré, paské sé lè nou pa pansé-a, Pitit moun nan ap vini ».

Paròl Granmèt la.

23

Pou rélijyé yo

*Moun ki pa rénoncé tou sa-l posédé,
li pa kapab vi-n disip mouin.*

✠ Léktu sint Évanjil la dapré Luk

14, 25-33

Lè sa-a :

Anpil foul t-ap maché avèk Jézu, li viré, li di yo : « Si yon moun vi-n jouinn mouin, épi li pa rayi papa-l ak manman-l ak madanm li, ak pitit gason-l yo ak pitit fi-l yo ak sè-l yo, ata jous lavi-l, li pa kapab vi-n disip mouin.

Moun ki pa poté koua-l, pou-l vi-n apré-m, li pa kapab vi-n disip mouin.

Kilès réyèlman nan pami nou, si-l vlé bati yon kay chanmòt ki ro anpil, pou-l pa kòmansé chita pou-l kalkilé sa-k nésésè, pou-l ouè si-l gin posibilite fini travay la ? Otréman, apré-l fi-n pozé fondasion-an épi li pa kapab fini, tout moun ki ouè sa ap kòmansé pasé-l nan jouèt, y-ap di : “Ki kalité moun sa-a : li kòmansé konstoui épi li pa kapab fini ?”

Oubyin kilès roua-a ki vlé al nan lagè kont yon lòt roua, pou-l pa kòmansé chita, réfléchi, pou-l ouè si avèk di-mil moun li kapab al rankontré lòt la k-ap vi-n sou li ak vin mil sòlda ? Otréman, pandan lòt la louin toujou, li voyé yon group mèsajé pou-l mandé-l kondision lapè-a.

Konsa tou, tout moun nan nou, ki pa rénoncé tou sa-l ginyin, li pa kapab vi-n disip mouin ».

Paròl Granmèt la.

24

*Moun ki rété nan mouin, épi mouin minm nan li,
moun sa-a poté anpil foui.*

✠ Léktu sint Évanjil la dapré Jan

15, 1-8

Lè sa-a : Jézu di disip li yo :

« Mouin sé véritab pié rézin-an, Papa-m sé kiltivatè-a. Tout branch nan mouin ki pa donnin foui, l-ap ouété-l ; tout branch ki donnin foui, l-ap nétouayé-l pou-l donnin plis foui. Nou minm nou déjà pròp gras a paròl la mouin té palé nou-an.

Rété nan mouin, épi mouin minm nan nou. Minm jan branch la pa kapab donnin foui pou kont li-a, si-l pa rét nan pié rézin-an, konsa tou nou minm non plis, si nou pa rété nan mouin.

Mouin sé pié rézin-an, nou sé branch yo ; moun ki rét nan mouin, épi mouin minm nan li, moun sa-a donnin anpil foui, paské san mouin minm nou pa kapab fè anyin. Si yon moun pa rét nan mouin, y-ap jété-l déyò, tankou branch la, l-ap séché, y-ap ranmasé-l y-ap jété-l nan difé, l-ap boulé.

Si nou rét nan mouin, épi paròl mouin yo rété nan nou, tou sa nou vlé, nou mèt mandé-l, l-ap rivé pou nou.

Sé nan sa Papa-m jouinn gloua-l, pou nou donnin anpil foui, pou nou vi-n disip mouin ».

Paròl Granmèt la.

25

*Nou minm nou sé zanmi-m,
si nou fè sa mouin kòmandé nou yo.*

✠ Léktu sint Évanjil la dapré Jan

15, 9-17

Lè sa-a : Jézu di disip li yo :

« Minm jan Papa-a rinmin-m nan, mouin minm tou mouin rinmin-l. Rét nan rinmin-m nan. Si nou kinbé kòmandman-m yo, n-ap rété nan rinmin-m nan ; minm jan mouin minm mouin kinbé kòmandman Papa-m yo, épi mouin rété nan rinmin-l nan. Mouin di nou sa, pou kè kontan-m nan kapab nan nou, épi pou kè nou kapab kontan nèt.

Min kòmandman-m, sé pou nou youn rinmin lòt, minm jan mouin rinmin nou-an. Pèsòn pa rinmin pi plis pasé moun ki bay lavi-l pou zanmi-l nan. Nou minm nou sé zanmi-m, si nou fè sa mouin kòmandé nou yo.

Mouin pap rélé nou sèvitè ankò, paské sèvitè-a pa konnin sa mèt li ap fè ; min mouin rélé nou zanmi, paské tou sa-m tandé kot Papa-m, mouin fè nou konnin yo. Sé pa nou minm ki chouazi-m ; min sé mouin minm ki chouazi nou, mouin mété nou, pou nou alé, pou nou poté foui, pou foui nou-an diré ; konsa, pou ninpòt ki sa nou mandé Papa-a o non-m, li ba nou-l.

Min sa-m kòmandé nou, sé pou youn rinmin lòt ».

Paròl Granmèt la.

26

Mouin vlé pou koté-m yé-a, sé la yo yé tou avè-m.

✠ Léktu sint Évanjil la dapré Jan

17, 20-26

Lè sa-a : Jézu lévé jé-l nan sièl la, li priyé, li di :

« Papa ki sin, sé pa pou yo minm sèlman mouin priyé, min pou sa yo tou k-ap kouè nan mouin gras a paròl yo-a, pou tout moun fè yon sèl, tankou ou minm, Papa, ou nan mouin, épi mouin nan ou, pou yo minm tou yo fè yon sèl nan nou, pou tè-a kouè sé ou minm ki voyé-m.

Mouin minm gloua-ou la ou té ban mouin-an, mouin ba yo-l, pou yo fè yon sèl tankou nou minm nou fè yon sèl la. Mouin minm nan yo, épi ou minm nan mouin, pou yo fè yon sèl nèt, pou tè-a rékonèt sé ou minm ki voyé-m, épi mouin rinmin yo, tankou ou rinmin-m.

Papa, sa yo ou té ban mouin-an, mouin vlé pou koté-m yé-a sé la yo yé tou avè-m, pou yo ouè gloua-m nan, sa ou té ban mouin-an ; paské ou rinmin-m dépi anvan tè-a fèt.

Papa ki kòrèk, tè-a pa-t rékonèt ou ; mouin minm mouin konnin-ou, épi sa yo rékonèt sé ou minm ki voyé-m. Mouin fè yo konnin non-ou, m-ap fè yo konnin-l ankò, pou rinmin ou rinmin-m nan, li kapab nan yo, ni mouin minm nan yo ».

Paròl Granmèt la.

MÈS RITUÈL YO

MÈS RITUÈL YO

I. ANTAN Y-AP ADMINISTRÉ SAKRÉMAN INISIASION KRÉTIÈN NAN

1. POU KATÉKUMÉNA-A ÉPI POU SAKRÉMAN INISIASION ADULT YO

Pou fè vi-n katékumèn

PRÉMIÉ LÉKTU

*Pati sot nan péyi-ou, épi vini
nan péyi-a m-a montré-ou la.*

Léktu liv Jénèz la

12, 1-4 a

Jou sa yo : Granmèt la di Abram :

« Pati sot nan péyi-ou, ak nan fanmi-ou, ak nan kay papa-ou, vini nan péyi-a m-a montré-ou la. M-ap fè-ou vi-n tounin yon gran nasion, m-ap béni-ou, m-ap fè non-ou vi-n gran, ou-ap béni. M-ap béni moun ki béni-ou yo ; m-ap madichonnin moun ki madichonnin-ou yo ; tout fanmi sou tè-a ap béni nan ou ».

Abram pati, jan Granmèt la té pasé-l lòd la.

Paròl Granmèt la.

PSÒM RÉPONS

Ps 32, 4-5. 18-19. 20 é 22 (R : 12 b oubyin 22)

R : Sé kontantman pou pèp sa-a Granmèt la chouazi kòm éritaj li-a.

oubyin : Sé pou mizérikòd ou vi-n sou nou, Granmèt,
tankou nou té éspéré nan ou.

4 Sèké paròl Granmèt la douat,
tout aksion-l yo nan fidélité.

5 Li rinmin jistis ak jijman,
mizérikòd Granmèt la plin tè-a. R :

18 Min jé Granmèt la sou moun ki krinn li yo,
sou moun ki éspéré sou mizérikòd li,

- ¹⁹ pou-l délivré nanm yo sot nan lanmò,
pou-l ba yo manjé nan grangou. **R**
- ²⁰ Nanm nou ap konté sou Granmèt la,
paské sé sèkou nou ak protèksion nou li yé.
- ²² Sé pou mizèrikòd ou vi-n sou nou, Granmèt,
tankou nou té espéré sou ou. **R**

ALÉLOUYA AK VÈSÈ ANVAN ÉVANJIL LA

Jan 1, 41 é 17 b

R: Alélouya. Nou jouinn Mési-a, sé Kris la.
Gras la ak vérité-a sé pa lintèmédiè-l li rivé. **R**: Alélouya.

Min Mouton Bondié-a. Nou jouinn Mési-a.

✠ Léktu sint Évanjil la dapré Jan

1, 35-42

Lè sa-a :

Jan té kanpé épi dé nan disip li yo avèk li. Li gadé Jézu k-ap maché, li di : « Min Mouton Bondié-a ». Dé disip yo tandé l-ap palé, yo suiv Jézu. Jézu minm viré, li ouè y-ap suiv li, li di yo : « Ki sa n-ap chèche » ?

Yo minm yo di-l : « Rabi (sa vlé di Mèt), koté ou abité » ?

Li di yo : « Vini, n-a ouè ». Yo vini, yo ouè koté-l té rété, yo rété lakay li jou sa-a ; lè sa-a, sé té apéprè dizièm è-a.

Té gin André, frè Simon Piè-a, youn nan dé yo, ki té tandé Jan-an, épi ki té suiv li-a. Sa-a rankontré toudabò frè-l la Simon, li di-l : « Nou jouinn Mési-a (sa vlé di Kris la) ». Li minnin-l bay Jézu.

Jézu minm gadé-l, li di : « Ou sé Simon, pitit Jona : y-ap rélé-ou Séfas (sa vlé di Piè) ».

Paròl Granmèt la.

Yo kapab chouazi tou dòt tèks ki adapté.

Pou éléksion-an otréman di pou inskripsion non-an

Si yo fè-l nan prémié Dimanch Karèm, yo kapab pran léktu ninpòt séri Diman sa-a.

Si yo fè-l andéyò Dimanch sa-a, épi si léktu jou-a pa adapté, yo kapb chouazi égalman léktu yo nan pami sa yo dézignin nan prémié Dimanch Karèm nan (pi ro, p. 234), oubyin dòt ki adapté.

Pou prémié skrutin-an

Yo toujou pran léktu touazièm Dimanch Karèm, séri A, avèk chan-l yo (pi ro, p. 276).

Pou dézièm skrutin-an

Yo toujou pran léktu katriyèm Dimanch Karèm, séri A, avèk chan-l yo (pi ro, p. 304). Yo kapab chouazi tou si yo vlé Égz 13, 21-22.

Pou touazièm skrutin-an

Yo toujou pran léktu sinkiyèm Dimanch Karèm, séri A, avèk chan-l yo (pi ro, p. 331).

Nan rinnèt sinbòl la

PRÉMIÉ LÉKTU

Kouté, Israèl : Sé pou-ou rinmin Granmèt la ak tout kè-ou.

Léktu liv Détéronòm

6, 1-7

Moyiz palé ak pèp la, li di : « Min kòmandman ak sérémoni ak jijman Granmèt Bondié nou-an té kòmandé pou aprann nou épi pou nou fè yo sou tè-a koté li t-ap fè nou travèsé pou nou posédé-l la, pou-ou krinn Granmèt la Bondié-ou la, pou-ou kinbé tout kòmandman-l yo ak lòd li yo mouin pasé-ou, ou minm ak pitit ou yo, ak désandans ou yo, pou tout tan ou-ap viv, pou-ou kapab viv lontan.

Kouté, Israèl, obsèvé, pou-ou kapab fè sa Granmèt la kòmandé ou yo, sa ap bon pou ou, ou-ap vi-n anpil, jan Granmèt Bondié papa ou yo promèt ou-a, nan péyi koté sé lèt ak mièl k-ap koulé-a.

Kouté, Israèl : Granmèt la Bondié nou-an sé yon sèl Granmèt la. Sé pou-ou rinmin Granmèt la Bondié-ou la ak tout kè-ou ak tout nanm ou,

ak tout fòs ou. Sé pou paròl sa yo mouin kòmandé-ou jodi-a, rét nan kè-ou, sé pou-ou rakonté yo bay pitit ou yo, sé pou-ou médité sou yo antan-ou chita nan kay ou épi antan ou-ap maché nan chemin, antan ou-ap dòmi épi antan ou-ap lévé ».

Paròl Granmèt la.

PSÒM RÉPONS

Ps 18, 8. 9. 10. 11 (R : Jan 6, 69)

- R: Granmèt, ou gin paròl lavi ki pap janm fini-an.
- 8 Laloua Granmèt la san tach, li réfè nanm, témouagnaj Granmèt la fidèl, li bay timoun yo sajès. R:
- 9 Jistis Granmèt la douat, yo fè kè kontan, kòmandman Granmèt la klè, li kléré jé yo. R:
- 10 Krint Granmèt la nèt, li diré pou tout tan gin tan, jijman Granmèt la vré, yo kòrèk yo tout ansanm. R:
- 11 Yo pi chè pasé lò, ak bijou ki gin anpil pri, yo pi dous pasé mièl, ak réyon mièl k-ap koulé. R:

DÉZIÈM LÉKTU

Déklarasion lafoua moun ki kouè nan Bondié.

Léktu lèt apot sin Pòl pou Romin yo

10, 8-13

Frè-m yo :

Ki sa sa-k ékri-a di ? « Paròl la tou pré nan bouch ou ak nan kè-ou » ; sé paròl lafoua-a, sa n-ap préché-a. Sèké, si-ou rékonèt ak bouch ou Jézu sé Granmèt la, épi nan kè-ou ou kouè Bondié résisité-l sot nan pami mò yo, ou-ap sové. Ak kè-ou, ou kouè pou jistis la, ak bouch ou minm ou fè déklarasion pou sové nou sové-a.

Sèké sa-k ékri-a di : « Tout moun ki kouè nan li, yo pap ront ». Pa gin distinktion ant Juif ak Grèk, sèké sé minm Granmèt tout moun yo, li rich pou tout moun k-ap rélé-l yo. « Sèké ninpòt ki moun k-ap rélé non Granmèt la, l-ap sové ».

Paròl Granmèt la.

oubyin

*Pa lintèmediè Bòn Nouvèl la n-ap sové,
si nou kinbé-l jan mouin té anonsé nou li-a.*

Léktu prémié lèt apot sin Pòl pou Korintyin yo 15, 1-8

Mouin fè nou sonjé frè-m yo, Bòn Nouvèl la mouin té préché nou-an, li minm nou té résévoua-a, nan li nou rété-a, pa lintèmediè-l nou sové-a, si nou kinbé-l jan mouin té anonsé nou li-a, otréman, sé pou granmési nou t-a kouè.

Réyèlman mouin té transmèt nou toudabò sa mouin minm mouin té résévoua-a : Kris la mouri pou péché nou yo, dapré sa-k ékri yo, yo antéré-l, li résisité sou touazièm jou-a, dapré sa-k ékri yo, li parèt dévan Séfas, apré sa dévan onz yo ; apré sa li parèt dévan plis pasé sink-san frè ansanm, nan pami yo gin anpil ki la jous koulié-a, kèk minm mouri ; apré sa li parèt dévan Jak, apré sa dévan tout Apot yo ; apré tout moun, li parèt dévan-m tou, mouin minm ki tankou yon pitit ki fèt anvan tèm.

Paròl Granmèt la.

oubyin pi kout

Léktu prémié lèt apot sin Pòl pou Korintyin yo 15, 1-4

Mouin fè nou sonjé frè-m yo, Bòn Nouvèl la mouin té préché nou-an, li minm nou té résévoua-a, nan li nou rété-a, pa lintèmediè-l nou sové-a, si nou kinbé-l jan mouin té anonsé nou li-a, otréman, sé pou granmési nou t-a kouè.

Réyèlman mouin té transmèt nou toudabò sa mouin minm mouin té résévoua-a : Kris la mouri pou péché nou yo, dapré sa-k ékri yo, yo antéré-l, li résisité sou touazièm jou-a, dapré sa-k ékri yo.

Paròl Granmèt la.

ALÉLOUYA AK VÈSÈ ANVAN ÉVANJIL LA

Jan 3, 16

(**R**: Alélouya). Bondié tèlman rinmin tè-a, li bay Sèl Pitit li-a ;
pou tout moun ki kouè nan li gin lavi tout tan-an. (**R**: Alélouya).

ÉVANJIL

Sou ròch sa-a m-ap bati Égliz mouin-an.

✠ Léktu sint Évanjil la dapré Matié

16, 13-18

Lè sa-a :

Jézu rivé nan réjion Sézaré Filip la, li pozé disip li yo késion, li di :
« Ki sa moun yo di Pitit moun nan yé ? »

Yo minm yo di : « Ginyin sé Jan-Batis, dèt minm sé Éli, dèt ankò sé Jérémi oubyin youn nan profèt yo ».

Jézu di yo : « É nou minm ki sa nou di mouin yé ? »

Simon Piè pran laparòl, li di : « Ou sé Kris, Pitit Bondié vivan-an ».

Jézu pran laparòl, li di-l : « Ala kontantman pou ou, Simon, pitit Jan, paské sé pa ni chè ni san ki fè ou konn sa, min Papa-m ki nan sièl la. Mouin minm mouin di-ou ou sé Piè, sou ròch sa-a m-ap bati Égliz mouin-an, pòt lanfè yo pap ranpòté viktoua kont li ».

Paròl Granmèt la.

oubyin

*Mouin minm limiè-a mouin vi-n sou tè-a,
pou tout moun ki kouè nan mouin, yo pa rété nan fènoua.*

✠ Léktu sint Évanjil la dapré Jan

12, 44-50

Lè sa-a : Jézu rélé byin fò, li di :

« Moun ki kouè nan mouin, sé pa nan mouin minm li kouè, min nan sa-a ki voyé-m nan. Moun ki ouè-m, li ouè sa-a ki voyé-m nan.

Mouin limiè-a mouin vi-n sou tè-a, pou tout moun ki kouè nan mouin, yo pa rété nan fènoua. Si yon moun tandé paròl mouin yo, li pa kinbé yo, sé pa mouin minm k-ap jijé-l ; mouin pa vini pou-m jijé tè-a, min pou-m sovè tè-a.

Moun ki méprizé-m, ki pa résévoua paròl mouin yo, li gin sa-a k-ap jijé-l. Paròl la mouin palé-a, sé li minm k-ap jijé-l nan dènié jou-a.

Paské mouin minm sé pa nan mouin minm mouin pran pou-m palé ; min sa-a ki voyé-m nan, Papa-a, sé li minm ki ban-m kòmandman ki sa pou-m di, épi ki sa pou-m palé.

Mouin konnin kòmandman-l nan sé lavi tout tan-an. Sa-m palé yo, sé jan Papa-a di-m nan, sé konsa mouin palé ».

Paròl Granmèt la.

Yo kapab chouazi tou dòt tèks ki adapté.

Nan rinmèt priyè Granmèt la

PRÉMIÉ LÉKTU

Mouin t-ap minnin nou avèk kòd rinmin-an.

Léktu liv profèt Ozé

11, 1. 3-4. 8 c-9

Min paròl Granmèt la :

« Israèl té piti, mouin té rinmin-l, mouin rélé pitit mouin-an sot Éjip. Yo rélé yo, sé konsa yo pati sot dévan fas yo ; yo t-ap ofri sakrifis bay Baal yo, yo t-ap sakrifé bay zidòl yo.

Mouin minm mouin tankou yon nouris pou Éfrayim, mouin t-ap poté yo sou bra-m, min yo pa-t konnin mouin t-ap souin yo. Avèk kòd Adan mouin t-ap minnin yo, avèk kòd rinmin-an ; pou yo mouin té tankou yon moun k-ap lévé jouk la sou zépòl yo, mouin t-ap panché sou li pou-m fè-l manjé.

Kè-m ap boulvèsé anndan-m, konsa mouin troublé tèlman mouin régrèt. Mouin pap kité kòlè-m éklaté, mouin pap chanjé pou-m gayé Éfrayim, paské sé Bondié mouin yé, sé pa moun ; nan mitan-ou sin-an, mouin pap anvayi lavil la ».

Paròl Granmèt la.

PSÒM RÉPONS

Ps 22, 1-3. 4. 5. 6 (R : 1)

R : Granmèt la ap souin-m, mouin pap manké anyin.

¹ Granmèt la ap kondui-m, anyin pap manké-m ;

² nan zèb vèt li instalé-m,

- sou bò dlo trankil li minnin-m,
 3 li réfè nanm mouin.
 Li kondui-m nan santié jistis poutèt non-l. **R**
- 4 Sèké minm si m-ap maché nan bafon lonbraj lanmò,
 mouin pap pè malè, paské ou avèk mouin.
 Baton-ou ak bagèt ou sé yo k-ap konsolé-m. **R**
- 5 Ou paré yon tab dévan fas mouin
 kont sa yo k-ap fè-m sibi tribilasyon yo ;
 ou souin tèt mouin ak losion,
 kalis mouin ap débòdé. **R**
- 6 Réyéلمان sé bon kè ak mizérikòd k-ap rapousuiv mouin
 tout tan lavi-m,
 m-ap abité nan kay Granmèt la
 pou tout longè tan yo. **R**

oubyin

PSÒM RÉPONS

Ps 102, 1-2. 8 é 10. 11-12. 13 é 18 (**R** : 13)

- R** Tankou papa gin pitié pou pitit li yo,
 Granmèt la gin pitié pou moun ki krinn li yo.
- 1 Fè konpliman pou Granmèt la, nanm mouin ;
 tou sa-k anndan-m, fè konpliman pou non-l ki sin.
- 2 Fè konpliman pou Granmèt la, nanm mouin,
 pa bliyé tou sa-l fè yo. **R**
- 8 Granmèt la pran pitié, li gin mizérikòd,
 li pran pasians, li gin anpil mizérikòd.
- 10 Sé pa dapré péché nou yo li trété nou,
 ni dapré fot nou yo li rinmèt nou. **R**
- 11 Sèké otan sièl la ro anlè tè-a,
 mizérikòd li débòdé sou sa yo ki krinn li yo ;
- 12 otan olévan louin okouchan,
 li ranvouayé péché nou yo louin nou. **R**
- 13 Tankou papa pran pitié pou pitit li yo,
 Granmèt la pran pitié pou moun ki krinn li yo,
- 18 nan sa yo ki kinbé aliens li-a,
 épi ki sonjé kòmandman-l yo pou réalizé yo. **R**

DÉZIÈM LÉKTU

*Nou té résévoua éspri pitit adoptif yo,
li minm nan li nou rélé : Aba, Papa-a.*

Léktu lèt apot sin Pòl pou Romin yo

8, 14-17. 26-27

Frè-m yo :

Moun ki kité Éspri Bondié-a kondui yo, sé pitit Bondié yo yé.

Nou pa-t résévoua éspri ésklavaj la yon lòt foua ankò pou nou nan kè soté, min nou té résévoua éspri pitit adoptif, li minm nan li nou rélé : « Aba, Papa »-a.

Éspri-a li minm, li sèvi témouin, ansanm ak éspri pa nou : nou sé ti pitit Bondié. Si nou sé ti pitit, nou sé éritié tou. Si nou sé éritié Bondié, nou éritié ansanm ak Kris la, paské n-ap soufri ansanm avèk li pou nou jouinn gloua pouvoua-a ansanm avèk li.

Minm jan tou, Éspri-a édé féblès nou : sèké nou pa konnin kijan pou nou priyé ; min sé Éspri-a li minm k-ap priyé pou nou ak mo yo pa kapab palé. Sa-a k-ap sondé kè yo, li konnin sa Éspri-a anvi-a, paské sé dapré Bondié li priyé pou sin yo.

Paròl Granmèt la.

oubyin

Bondié voyé Éspri Pitit li-a nan kè nou, k-ap rélé : Aba, Papa.

Léktu lèt apot sin Pòl pou Galat yo

4, 4-7

Frè-m yo :

Lè tan-an rivé bout li, Bondié voyé Pitit li-a ki fèt sot nan madanm nan, ki fèt anba laloua-a, pou sa yo ki té anba laloua-a, li té kapab rachté yo, pou nou té kapab vi-n tounin pitit adoptif.

Laprè nou sé pitit, sèké Bondié voyé Éspri Pitit li-a nan kè nou, k-ap rélé : « Aba. Papa ». Konsa pa gin ésklav ankò, min sé pitit ki ginyin. Si sé pitit, sé éritié pa pouvoua Bondié.

Paròl Granmèt la.

VÈSÈ ANVAN ÉVANJIL LA

Rm 8, 15

℞ Alélouya. Nou pa-t résévoua éspri ésklavaj la ankò, nan krint,
min nou té résévoua éspri pitit adoptif yo,
li minm nan li nou rélé : Aba, Papa. ℞ Alélouya.

ÉVANJIL

Sé konsa pou nou lapriyé.

✠ Léktu sint Évanjil la dapré Matié

6, 9-13

Lè sa-a :

Jézu di disip li yo : « Min kijan pou nou priyé :

Papa nou ki nan sièl la, sé pou yo respékté non-ou, sé pou yo rékonèt sé ou ki roua, sé pou volonté-ou fèt sou tè-a tankou nan sièl la. Pin nou bézouin chak jou-a, ba nou li jodi-a, padonnin nou sa nou fè-ou, tankou nou padonnin moun ki fè nou kichòy, pa kité nou pran nan pièj, min délivré nou anba sa ki mal ».

Paròl Granmèt la.

Yo kapab chouazi tou dòt tèks ki adapté.

Nan rit « Éffata »-a

ÉVANJIL

« Éféta », sa vlé di « Louvri ».

✠ Léktu sint Évanjil la dapré Mark

7, 31-37

Lè sa-a :

Jézu soti nan téritoua Tir la, li travèsé Sidon, li rivé jous nan lanmè Galilé-a, nan mitan téritoua Dékapòl la.

Yo minnin yon moun soud ba li, moun nan té baba tou, yo t-ap priyé-l pou-l pozé min sou li. Li pran-l apa sot nan foul la, li mét douèt li nan zòrèy li, li kraché, li touché lang li ; li lévé jé nan sièl la, li pousé yon ti

souf, li di-l : « Éféta », sa vlé di « Louvri ». Minm lè-a zòrèy li louvri, kòd lang li lagé, li t-ap palé kòrèk.

Li pasé yo lòd pou yo pa di pèsòn sa. Min plis li t-ap pasé lòd, sé plis yo t-ap préché sa.

Moun yo té sézi anpil, yo t-ap di : « li fè tout bagay byin : li fè moun soud yo tandé, li fè baba yo palé ».

Paròl Granmèt la.

Antan y-ap bay sakréman inisiasion krétièn yo

Nan Vyéyé paskal la

Lè y-ap fè inisiasion krétièn nan nan véyé paskal la, nan léktu yo yo prezanté pou minm vijil la (pi ro-a, p. 413) an plis Égzòd 14 (touazièm léktu-a), y-a chouazi Izayi 55 (sinkièm léktu-a) épi Ézékièl 36 (sésièm léktu-a).

An déyò Véyé paskal la

LÉKTU NAN ANSYIN TÉSTAMAN-AN

1

Sé konsa désandans ou ap yé. Sé ras ou m-ap bay tè sa-a.

Léktu liv Jénèz la

15, 1-6. 18 a

Jou sa yo :

Paròl Granmèt la rivé kot Abram nan yon vizion, li di : « Pa pè, Abram : Mouin sé protéksion-ou, rékonpans ou ap gran anpil ».

Abram di : « Granmèt Bondié, ki sa ou-ap ban mouin ? M-apralé san pitit, (sa k-ap rété) sé pitit jéran lakay mouin-an, Éliézèr moun Damas la ». Abram di ankò : « Kanta mouin minm ou pa ban-m désandans ; min sé yon ésklav k-ap éritié-m ».

Minm lè-a paròl Granmèt la rivé koté-l, li di : « Sé pa sa-a k-ap éritié-ou, min sé sa-a k-ap soti nan vant ou-a, sé li minm ou-ap ginyin kòm éritié ».

Li kondui-l, déyò, li di-l : « Gadé sièl la, konté zétoual yo, si-ou kapab ». Li di-l : « Sé konsa désandans ou ap yé ». Abram kouè nan Bondié, li konté sa pou li kòm jstis.

Jou sa-a, Granmèt la pasé aliens avèk Abram, li di : « Sé ras ou m-ap bay tè sa-a, sot dépi riviè Éjip la rivé jous nan gran riviè Éfrat la ».

Paròl Granmèt la.

2

M-ap mété aliens mouin ant mouin minm ak ou minm épi désandans ou apré-ou nan jénérasyon-l yo, aliens pou tout tan.

Léktu liv Jénèz la

17, 1-8

Apré Abram té kòmansé gin katrévin-diznèf ané, Granmèt la parèt koté-l épi li di-l : « Mouin sé Bondié ki gin tout pouvoua-a ; maché dévan-m, épi sé pou-ou kòrèk nèt. M-ap mété aliens mouin ant mouin minm avèk ou minm, m-ap fè-ou vi-n anpil anpil ». Abram tonbé atè sou fas li.

Bondié di-l : « Sé mouin minm, min aliens mouin avèk ou, ou-ap papa anpil nasion. Yo pap rélé non-ou “Abram” ankò, min y-ap rélé-ou “Abraam”, paské m-ap fè-ou vi-n tounin papa anpil nasion. M-ap fè-ou vi-n anpil anpil, m-ap fè-ou vi-n tounin nasion, gin roua k-ap soti nan ou.

M-ap pasé aliens mouin ant mouin minm ak ou minm, avèk ras ou apré-ou, pou jénérasyon yo, aliens pou tout tan, pou-m Bondié-ou ak Bondié ras ou apré-ou. M-ap ba-ou ni ou minm ni ras ou-a péyi koté-ou yé kòm étranjé-a, tout péyi Kanaan-an, kòm posésion pou tout tan, m-ap Bondié yo ».

Paròl Granmèt la.

3

Ouété dié étranjé yo ki nan mitan nou yo.

Léktu liv Jénèz la

35, 1-4. 6-7 a

Nan jou sa yo :

Bondié palé ak Jakòb : « Lévé, épi monté Bètèl, épi abité la. Fè yon lotèl pou Bondié, ki té parèt ba ou-a, lè-ou t-ap sovè kò-ou sot kot Ézayu frè-ou la ».

Jakòb réyèlman, lè-l fi-n rasanblé tout kay li-a, li di : « Ouété dié étranjé yo, ki nan mitan nou yo, épi pòpté kò nou épi chanjé rad nou. Lévé, n-ap monté Bètèl, pou nou fè yon lotèl koté sa-a pou Bondié, ki té réponn mouin nan jou tribilasyon-m nan, épi ki té akonpagné-m nan chémin-m nan ». Yo rinmèt li réyèlman tout dié étranjé yo, yo té ginyin yo, ni zanno ki té nan zòrèy yo, li minm minm li antéré yo anba térébint la ki apré vil Sikèm nan.

Jakòb rivé donk Louz, ki nan péyi Kanaan-an, sé li minm yo rélé Bètèl la, li minm ak tout pèp ki té avèk li-a. Li bati yon lotèl koté sa-a, li rélé non koté sa-a : Kay Bondié.

Paròl Granmèt la.

4

Chouazi lavi-a, pou-ou viv ansanm ak désandans ou.

Léktu liv Détéronòm**30, 15-20**

Moyiz palé ak pèp la, li di :

« Konsidé ré sa-m prezanté dévan-ou jodi-a : lavi-a ak byin-an, épi an fas : lanmò-a ak malè-a, pou-ou kapab rinmin Granmèt Bondié-ou la, pou-ou maché nan chémin-l yo, pou-ou kinbé kòmandman-l yo ak sérémoni yo, ak jijman yo, pou-ou kapab viv : konsa l-ap fè-ou vi-n anpil, l-ap béni-ou nan péyi-a, koté ou-apral antré pou-ou posédé-l la.

Sèlman si kè-ou viré, ou pa vlé kouté, ou kité mové lidé tronpé-ou, ou adoré dié étranjé, ou sèvi yo, mouin déklaré-ou davans jodi-a ou-ap péri, nan yon ti moman ou-ap mouri nan péyi-a, lòt bò Joudin-an, koté ou-ap antré pou-ou posédé-l la.

Jodi-a mouin pran sièl la ak tè-a pou témouin, mouin prezanté dévan nou lavi-a ak lanmò-a, bénédiksyon-an ak malédiksyon-an. Chouazi lavi-a, pou-ou viv ansanm ak ras ou ; pou-ou rinmin Granmèt la Bondié-ou la, pou-ou obéyi voua-l, pou-ou kòlè sou li (sé li minm vrèman ki lavi-ou ak longè jou-ou yo), pou-ou abité nan péyi-a, sa Granmèt la té fè sèman bay papa-ou yo, Abraam, Izaak ak Jakòb, li t-ap ba yo-a ».

Paròl Granmèt la.

N-ap sèvi Granmèt la, paské sé li minm ki Bondié nou.

Léktu liv Jozué

24, 1-2 a. 15-17. 18 b-25 a

Jou sa yo :

Jozué rasanblé tout ras Israël yo Sikèm, li rélé ansyin yo ak chèf yo ak jij yo ak majistra yo, yo kanpé dévan fas Granmèt la, li palé ak pèp la, li di : « Si nou konsidéré sa mal pou nou sèvi Granmèt la, nou mèt chouazi : jodi-a minm chouazi sa nou pito, sa nou pi pito sèvi, oubyin sé zidòl yo papa nou yo té konn sèvi nan Mézopotami-a, oubyin zidòl Amoréyin yo, nan péyi yo koté nou abité-a ; kanta mouin minm ak kay mouin, n-ap sèvi Granmèt la ».

Pèp la réponn, li di : « Sé pou lidé sa-a rét louin nou, pou nou t-a abandoné Granmèt la pou nou t-a sèvi dié étranjé. Granmèt la Bondié nou-an sé li minm ki minnin nou, ni papa nou yo, sot nan péyi Éjip la, sot nan kay ésklavaj la, li fè nou ouè mèvèy éstraòdinè, li protéjé nou sou tout rout koté nou pasé, ak nan pèp koté nou travèsé. Konsa sé Granmèt la n-ap sèvi, paské sé li minm ki Bondié nou ».

Jozué di pèp la : « Nou pa kapab sèvi Granmèt la. Sèké sé yon Bondié ki sin, ki fò, ki jalou, li pap padonnin fot nou ak péché nou. Si nou lagé Granmèt la pou nou sèvi dié étranjé yo, l-ap viré, l-ap pini nou, l-ap détoui nou, apré-l fi-n fè nou dibyin-an ».

Pèp la di Jozué : « Ou pa doué palé konsa, sé Granmèt la n-ap sèvi ».

Jozué di pèp la : « Nou témouin, sé nou minm ki chouazi Granmèt la pou nou sèvi-l ».

Yo réponn : « Nou témouin ».

Li di : « Koulié-a, ouété dié étranjé yo sot nan mitan nou, viré kè nou kot Granmèt Bondié Israël la ».

Pèp la di Jozué : « Sé Granmèt Bondié nou n-ap sèvi, n-ap obéyi lòd li yo ».

Jou sa-a, Jozué pasé yon aliens.

Paròl Granmèt la.

6

Naaman désann, li lavé kò-l nan Joudin-an sèt foua, épi li géri.

Léktu dézièm liv Roua yo

5, 9-15 a

Jou sa yo :

Naaman, chèf lamé roua Siri-a, rivé ak choual li, ak chario li, li kanpé dévan pòt kay Élizé.

Élizé voyé yon mèsajé koté-l pou-l di : « Al lavé kò-ou sèt foua nan Joudin-an, chè-ou ap rékòmansé jouinn santé, ou-ap géri ».

Naaman faché li kòmansé rékilé pou-l al fè rout li, li di : « Mouin té pansé li t-ap soti vi-n jouinn mouin, li t-ap kanpé pou-l rélé non Granmèt Bondié-l la, li t-ap touché koté-m gin lalèp la ak min-l li t-ap géri-m. Èské gran riviè Damas yo Abana ak Farfar pa pi bon pasé tout dlo Israèl yo, pou-m t-a lavé kò-m nan yo, pou-m t-a géri ? »

Kòm li t-ap viré pou-l al fè rout li byin faché, sèvitè-l yo proché koté-l, yo di-l : « Papa, si sé yon gran bagay profèt la té di-ou, sètènman ou t-ap fè-l ; ou gin plis rézon pou-ou fè sa-l di-ou koulié-a : “Lavé kò-ou, ou-ap géri” ».

Li désann, li lavé kò-l nan Joudin-an sèt foua dapré paròl moun Bondié-a, chè-l vi-n an santé tankou chè yon timoun piti, li géri.

Li tounin kot moun Bondié-a ansanm ak tout group li-a, li rivé, li kanpé dévan-l, li di : « Vrèman mouin konnin pa gin Bondié nan tout tè-a, sof sèlman nan Israèl ! »

Paròl Granmèt la.

7

M-ap vidé éspri-m sou désandans ou-a.

Léktu liv profèt Izayi

44, 1-3

Kouté, Jakòb, sèvitè-m, épi Israèl, sa-m chouazi-a. Min sa Granmèt la di, li minm ki fè-ou, ki fòmé-ou, dépi nan vant mouin poté-ou sékou :

« Pa pè, sèvitè-m Jakòb, ou minm ki douat anpil, ou minm mouin té chouazi-a. M-ap vidé dlo réyèlman sou sa-k souaf la, avèk kouran dlo sou sa-k sèk la ; m-ap vidé éspri-m sou ras ou-a, ak bédiksion-m sou désandans ou-a ».

Paròl Granmèt la.

8

M-ap ékri laloua-m nan nan kè yo.

Léktu liv profèt Jérémi

31, 31-34

« Min jou k-ap rivé, sé sa Granmèt la di, m-ap pasé yon aliens nouvo avèk kay Israèl la, avèk kay Juda-a ; sé pa tankou aliens la mouin té pasé avèk papa yo-a, jou mouin té pran min yo-a, pou-m kondui yo sot nan péyi Éjip la, aliens sa-a, sé yo minm ki té kasé-l, mouin minm mouin té fè yo santi pouvoua-m, sé sa Granmèt la di.

M-ap mété laloua-m nan nan zantray yo, m-ap ékri-l nan kè yo, m-ap Bondié yo, y-ap pèp mouin, pèsonn pap anségné prochin-l ak frè-l ankò, antan l-ap di : “Sé pou-ou konnin Granmèt la” ; sèké tout moun ap konnin-m, dépi pi piti nan yo jous nan pi gran-an, sé sa Granmèt la di ; paské m-ap padonnin fèt yo, mouin pap sonjé péché yo ankò ».

Paròl Granmèt la.

9

*M-ap vidé yon dlo pròp sou nou, épi n-ap vi-n pròp,
sot nan tou sa-k té sal nou yo.*

Léktu liv profèt Ézékièl

36, 24-28

Min paròl Granmèt la :

« M-ap pran nou sot nan nasion yo, m-ap rasanblé nou sot nan tout péyi yo, m-ap minnin nou nan péyi nou-an, m-ap vidé yon dlo pròp sou nou, n-ap nétouayé sot nan tou sa-k té sal nou, anba tout zidòl nou yo m-ap nétouayé nou.

M-ap ba nou yon kè nouvo, m-ap mété yon éspri nouvo nan mitan nou, m-ap ouété kè ròch la sot nan chè nou, m-ap mété éspri-m nan mitan nou, m-ap fè nou maché nan lòd mouin yo, pou nou kinbé jijman-m yo, pou nou réalizé yo.

N-ap abité nan tè-a, sa-m té bay papa nou yo, n-ap pèp mouin, m-ap Bondié nou ».

Paròl Granmèt la.

Oubyin léktu Ansyin Téstaman yo propozé pou Véyé paskal la.

LÉKTU NAN NOUVO TĒSTAMAN-AN

1

*Bondié fè-l Granmèt ak Kris.***Léktu Travay Apot yo**

2, 14 a. 36-40 a. 41-42

Jou Pannkot la, Piè kanpé avèk onz yo, li lévé voua-l, li déklaré : « Sètènman sé pou tout kay Israèl la konn sa, Bondié fè-l Granmèt ak Kris, Jézu sa-a nou té klouré sou koua-a ».

Lè yo tandé paròl sa yo, yo pran lapinn nan kè yo, yo di Piè ak lòt Apot yo : « Ki sa pou nou fè, mésié frè nou yo ? »

Piè minm di yo : « Sé pou nou konvèti, sé pou chak moun nan nou batizé o non Jézu, pou padon péché nou yo, n-a résévoua kado Éspri Sin-an. Sèké, sé pou nou promès la yé, ansanm ak pitit nou yo, ak tout moun ki louin yo, tou sa Granmèt Bondié nou-an rélé yo ».

Ak anpil dèt paròl ankò li t-ap sèvi témouin, li t-ap ankourajé yo. Moun yo ki té résévoua paròl li-a, yo batizé. Jou sa-a té gin apéprè toua mil moun ki vi-n tounin disip. Yo minm yo té pèsévéré nan ansègnman Apot yo, nan kominion séparé pin-an ak nan priyè yo.

Paròl Granmèt la.

2

*Si-ou kouè ak tout kè-ou, ou kapab batizé.***Léktu Travay Apot yo**

8, 26-38

Jou sa yo :

Anj Granmèt la palé ak Filip, li di : « Lévé, al nan sid, sou rout ki désann sot Jérusalèm al Gaza-a : li pa gin pèsòn ». Li lévé, l-alé. Té gin yon mésié Étiopi, yon intandan Kandas, rèn Étiopi-a, li té gin gro pouvoua, sé li minm ki té résponsab tout richès li yo, li té vi-n adoré Jérusalèm. Pandan l-ap tounin, li té chita nan chario li, l-ap li profèt Izayi.

Éspri-a di Filip : « Proché, rivé kot chario sa-a ». Filip proche, li tandé l-ap li profèt Izayi-a ; li di : « Èské ou kouè ou konprann sa ou-ap li-a ? »

Li di : « Épi, kijan mouin t-a kapab, si pèsòn pa montré-m ? » Li mandé Filip pou-l monté, pou-l chita avèk li.

Pasaj sa-k ékri-a li t-ap li-a, min li : « Tankou yon mouton yo kondui labatoua, tankou yon mouton dévan moun k-ap koupé linn li, san voua, sé konsa li pa louvri bouch li. Yo rabésé-l, yo ouété jijman-l. Ras li, ki moun k-ap rakonté-l ? paské yo ouété lavi-l sot sou tè-a ».

Intandan-an pran laparòl, li di Filip : « Tanpri, osijè ki moun profèt la ap di sa-a ? èské sé osijè pròp tèt pa-l oubyin osijè yon lòt ? » Filip ouvri bouch li, li kòmansé dépi nan pasaj sa-k ékri la-a, li ba-l bòn nouvèl Jézu-a.

Pandan yo t-ap vouayajé sou rout la, yo rivé nan yon dlo, intandan-an di : « Min dlo ; ki sa-k anpéché-m batizé ? »

Filip minm di : « Si-ou kouè ak tout kè-ou, ou kapab ».

Li réponn, li di : « Mouin kouè Jézu-Kri sé Pitit Bondié ». Li pasé lòd pou yo fè rété chario-a. Yo tou lé dé désann nan dlo-a, ni Filip, ni intandan-an, li batizé-l.

Paròl Granmèt la.

3

*Nou antéré ansanm avèk li nan batèm nan,
pou nou maché nan nouvo lavi-a.*

Léktu lèt apot sin Pòl pou Romin yo

6, 3-11

Frè-m yo :

Nou tout ki batizé nan Kris Jézu, sé nan lanmò-l nou batizé.

Nou antéré réyèlman ansanm avèk li nan lanmò-a gras a batèm nan, pou minm jan Kris la résisité sot nan pami mò yo gras a gloua Papa-a, konsa tou nou minm n-ap maché nan nouvo lavi-a. Sèké si nou planté ansanm avèk li pou nou sanblé avèk li nan lanmò-l la, konsa tou n-ap ansanm avèk li nan rézirkision-l nan.

Nou konnin moun ansyin nou-an klouré sou koua-a ansanm avèk li, pou kò péché-a kapab détoui, pou nou pa sèvi péché-a ankò. Sa-a ki mouri-a, li kòrèk parapò a péché-a.

Konsa si nou mouri ansanm avèk Kris la, nou kouè n-ap viv ansanm avèk Kris la tou, antan nou konnin Kris la ki résisité sot nan pami mò yo, li pap mouri ankò, lanmò-a pap gin pouvoua sou li ankò. Sa-k mouri

aléga péché-a, li mouri yon foua pou tout ; sa k-ap viv la minm, sé pou Bondié l-ap viv.

Sé konsa nou minm sé pou nou konsidéré nou mouri aléga péché-a, n-ap viv pou Bondié nan Kris Jézu Granmèt nou-an.

Paròl Granmèt la.

oubyin pi kout

Léktu lèt apot sin Pòl pou Romin yo

6, 3-4. 8-11

Frè-m yo :

Nou tout ki batizé nan Kris Jézu, sé nan lanmò-l nou batizé. Nou antéré réyèlman ansanm avèk li nan lanmò-a gras a batèm nan, pou minm jan Kris la résisité sot nan pami mò yo gras a bèlté Papa-a, konsa tou nou minm n-ap maché nan nouvo lavi-a.

Si nou mouri ansanm avèk Kris la, nou kouè n-ap viv ansanm avèk Kris la tou ; antan nou konnin Kris la ki lévé sot nan pami mò yo, li pap mouri ankò, lanmò-a pap gin pouvoua sou li ankò. Sa-k mouri parapò a péché-a, li mouri yon foua pou tout ; sa k-ap viv la minm, sé pou Bondié l-ap viv. Sé konsa nou minm sé pou nou konsidéré nou mouri parapò a péché-a, n-ap viv pou Bondié nan Kris Jézu Granmèt nou-an.

Paròl Granmèt la.

4

Kilès k-ap séparé nou sot nan rinmin Kris la ?

Léktu lèt apot sin Pòl pou Romin yo

8, 28-32. 35. 37-39

Frè-m yo :

Nou konnin pou moun yo Bondié rinmin yo, tout bagay sèvi pou byin yo, yo minm li rélé pou yo vi-n sin, dapré désizyon li pran davans. Réyèlman, sa yo li chouazi davans yo, li paré plas yo davans tou, pou yo vi-n moulé nan pòtré Pitit li-a, pou li minm li vi-n tounin premié pitit nan pami tout foul frè yo. Sa yo li fi-n paré plas yo-a, li rélé yo tou ; sa yo li rélé-a, li fè yo vi-n sin tou ; sa yo li fè vi-n sin-an, li ba yo bèlté-a tou.

Kisa donk pou nou di sou bagay sa yo ? Si Bondié pou nou, kilès ki kapab kont nou ? Èské sé sa-a ki pa-t minm ménajé pròp Pitit li-a min ki té rinnèt li pou nou tout la, kijan fè avèk li li pa t-a ba nou tout bagay ?

Kilès k-ap séparé nou sot nan rinmin Kris la ? Èské sé tribilasyon ? oubyin kè séré ? oubyin grangou ? oubyin manké rad ? oubyin danjé ? oubyin pèsékision ? oubyin épé ?

Min nan tout bagay sa yo nou ranpòté viktoua poutèt sa-a ki rinmin nou-an. Mouin sètin réyèlman ni lanmò, ni lavi, ni anj yo, ni péyi roua, ni puisans, ni sa k-ap rivé koulié-a, ni sa k-ap vini apré, ni fòs, ni rotè, ni profondè, ni lòt kréatu pap kapab séparé nou sot nan rinmin Bondié-a, ki nan Kris Jézu Granmèt nou-an.

Paròl Granmèt la.

5

Nan yon sèl Éspri-a nou tout nou batizé nan yon sèl kò.

Léktu prémié lèt apot sin Pòl pou Korintyin yo

12, 12-13

Frè-m yo :

Minm jan kò-a li yon sèl, min li gin anpil manb, tout manb kò-a, malgré yo anpil la, sé yon sèl kò yo fè : sé konsa tou pou Kris la. Réyèlman sé nan yon sèl Éspri-a nou tout nou té batizé nan yon sèl kò, soua Juif, soua nasion yo, soua ésklav, soua moun lib ; épi nou tout sé nan yon sèl Éspri-a nou té passé souaf nou.

Paròl Granmèt la.

6

Nou tout ki batizé, nou abiyé ak Kris la.

Léktu lèt apot sin Pòl pou Galat yo

3, 26-28

Frè-m yo :

Nou tout nou sé pitit Bondié gras a lafoua-a, ki nan Kris Jézu-a. Réyèlman nou tout ki batizé nan Kris la, nou abiyé ak Kris la. Pa gin késion Juif ni Grèk, nan pouin ni ésklav ni moun lib, pa gin gason ni fi : sèké nou tout sé yon sèl nou fè nan Kris Jézu.

Paròl Granmèt la.

7

*Li té déstiné nou davans pou nou vi-n tounin pitit adoptif
pa lintèmediè Jézu.*

Léktu lèt apot sin Pòl pou Éfézyin yo

1, 3-10. 13-14

Konpliman pou Bondié Papa Granmèt nou Jézu-Kri, li minm ki béni nou ak tout kalité bénédiksion spirituèl nan sièl la nan Kris la. Jan li té chouazi nou nan li anvan tè-a té fèt la, pou nou sin, san répròch dévan-l nan rinmin-an. Li té déstiné nou davans pou nou vi-n tounin pitit adoptif pou li pa lintèmediè Jézu-Kri, dapré désizyon volonté-l, pou louanj gloua gras li. Sé nan gras sa-a li ba nou avantaj nan Pitit li-a li rinmin-an.

Nan li nou gin rédanmsion-an gras a san-l, padon péché yo dapré richès gras li-a, ki débòdé sou nou nan tout kalité sajès ak sians, pou-l té kapab fè nou konnin mistè volonté-l la, dapré bon plézi-l la, sa-l té ranjé davans nan li pou fè tan yo rivé nan dènié bout kous yo, fè tout bagay kanpé nan Kris la, sa-k nan sièl la ak sa-k sou tè-a, nan li.

Nan li minm nou minm tou, lè nou té tandé paròl vérité-a, Bòn Nouvèl sovè nou sovè-a, nou té kouè, nou té maké ak mak Éspri Sin-an yo té promèt nou-an, li minm ki garanti éritaj nou-an, pou rédanmsion n-ap jouinn nan, pou louanj gloua li-a.

Paròl Granmèt la.

8

Yon sèl Granmèt, yon sèl lafoua, yon sèl batèm.

Léktu lèt apot sin Pòl pou Éfézyin yo

4, 1-6

Frè-m yo :

Mouin priyé nou, mouin minm prizonié nan Granmèt la, pou nou maché dapré dirèksion koté yo té rélé nou-an ; antan nou tou piti, tou dou, nan kè-n, sé pou nou pran pasians pou nou youn sipòté lòt nan rinmin-an ; fè éfò pou nou konsèvé éspri ki fè nou fè yon sèl la nan chinn lapè-a : Tankou yo réfè nou nan yon sèl éspérans, sé yon sèl kò ak yon sèl Éspri ki ginyin ; yon sèl Granmèt, yon sèl lafoua, yon sèl batèm ; yon sèl Bondié ak Papa tout moun, ki anlè tout moun, ki nan tout bagay épi ki nan nou tout.

Paròl Granmèt la.

9

Antan nou abiyé ak moun nouvo-a, tankou sa yo Bondié rinmin-an.

Léktu lèt apot sin Pòl pou Kolosyin yo

3, 9 b-17

Frè-m yo :

Nou ouété moun ansyin-an ak tout aksion-l yo ki té abiyé nou-an, nou abiyé ak moun nouvo-a, ki réfèt tou nèf nan konésans la, dapré pòtré sa-a ki té kréyé-l la ; koté sa-a pa gin nasion ak Juif, ni sikonsizion ak pasikonsizion, ni moun sòt ak moun savan, ni ésklav ak moun lib, min sé Kris la ki tout bagay nan tout moun.

Abiyé nou, tankou moun Bondié chouazi, ki sin, tankou moun li rinmin, abiyé nou ak zantray mizérikòd, ak bon kè, rabésé tèt nou, fè kò nou tou dou, pran pasians, sipòté nou youn lòt, sé pou youn padonnin lòt, si youn gin kichòy kont lòt : jan Granmèt la padonnin nou-an, konsa nou minm tou.

Anlè tout bagay sa yo, sé pou nou gin charité, li minm ki kòd ki maré sa ki fi-n kòrèk nèt la ; sé pou lapè Kris la fété nan kè nou, sé nan li yo té rélé nou pou nou fè yon sèl kò ; sé pou nou rét ap di Bondié mèsì.

Paròl Kris la, sé pou-l abité nan nou jous li plin nou, antan youn ap bay lòt ansègnman antan youn ap réprann lòt nan tout kalité sajès, avèk Psòm, kantik avèk chanté spirituèl, antan nan gras la n-ap chanté pou Bondié nan kè nou. Tou sa n-ap fè soua nan paròl, soua nan aksion, sé pou nou fè tout bagay o non Granmèt Jézu-Kri, antan n-ap di Bondié Papa-a mèsì pa lintémédiè-l.

Paròl Granmèt la.

10

Li sovè nou, nan bingn ki réfè nou-an, ki fè nou vi-n tou nèf gras a Éspri Sin-an.

Léktu lèt apot sin Pòl pou Tit

3, 4-7

Lè bon kè Bondié Sovè nou-an té parèt, avèk jan-l sansib pou lézòm, sé pa sou aksion jistis nou fè li gadé, pou-l sovè nou, min sé mizérikòd li li konsidéré ki fè-l sovè nou, nan bingn ki réfè nou-an, ki fè nou vi-n tou nèf gras a Éspri Sin-an, Éspri sa-a li vidé nan nou k-ap débòdé-a, pa pouvoua Jézu-Kri sovè nou-an ; pou nou vi-n kòrèk akòz gras li-a, pou nou vi-n éritié lavi tout tan-an dapré éspérans la.

Paròl Granmèt la.

11

*Antan kè nou fi-n pròpté sot nan mové konsians la,
antan kò nou fi-n lavé ak dlo ki pròp.*

Léktu lèt Ébré yo

10, 22-25

Frè-m yo :

Sé pou nou proché avèk yon kè sinsè nan tout lafoua-a, antan kè nou fi-n pròpté sot nan mové konsians la, antan kò nou fi-n lavé ak dlo ki pròp ; sé pou nou kinbé déklarasion lafoua nou-an san fébli (sa-a ki té promèt la, li fidèl) ; sé pou nou youn fè atansyon lòt la pou nou youn ankourajé lòt nan charité-a ak bon aksion yo, san nou pa lagé asanblé nou-an, jan kèk gin abitud fè-a, min sé pou nou youn konsolé lòt, sitou antan nou ouè kijan jou-a ap proché.

Paròl Granmèt la.

12

Nou minm nou sé yon ras chouazi, yon péyi-roua prèt.

Léktu prémié lèt apot sin Piè

2, 4-5. 9-10

Nou minm moun rinmin anpil la :

Sé pou nou proché koté Granmèt la, li minm ròch vivan-an, sa moun yo réjité-a, min sa Bondié minm chouazi-a, sa-l bay konsidérasion-an, nou minm tou tankou ròch ki vivan, sé pou nou kité yo bati nou, pou nou vi-n tounin yon kay spirituèl, yon réyinion prèt ki sin, pou nou ofri sakrifis spirituèl, sa Bondié résévoua pa lintèmediè Jézu-Kri-a.

Nou minm nou sé yon ras chouazi, yon péyi-roua prèt, yon nasion ki sin, yon pèp Bondié pran pou li, pou nou anonsé mèvèy Sa-a ki rélé nou vi-n nan bèl limiè-l la ; lontan nou pa-t yon pèp, min koulié-a nou sé pèp Bondié-a ; nou pa-t résévoua mizérikòd, min nou résévoua mizérikòd koulié-a.

Paròl Granmèt la.

Ala kontantman pou moun yo invité nan nòs Mouton-an.

Léktu liv Apokalips apot sin Jan

19, 1. 5-9 a

Mouin minm, Jan, mouin tandé tankou gran voua anpil foul nan sièl la k-ap di : « Alélouya, Bondié nou-an sové nou, konpliman ak otorité pou li ».

Yon voua soti nan tro-n nan, li di : « Fè louanj pou Bondié nou-an, nou tout sèvitè-l yo ak sa ki krinn li yo, ni piti ni gran ».

Mouin tandé tankou voua anpil foul, tankou boui gran dlo yo, tankou boui gro loraj, k-ap di : « Alélouya, li roua, Grammèt la, Bondié nou-an, li minm ki plin pouvoua-a. Sé pou kè nou kontan, sé pou nou dansé, sé pou nou fè louanj pou li, paské mariaj mouton-an rivé, madanm li paré byin-abiyé. Sé mouton-an ki ba-l sa pou-l abiyé, sé toual koton fin ki kléré, tèlman li nèt ». Toual koton fin sa-a, sé lavi sin yo ki kòrèk la.

Li di-m : « Ékri : “Ala kontantman pou sa yo yo invité nan résépsion mariaj mouton-an” ».

Paròl Grammèt la.

PSÒM RÉPONS YO

1

PSÒM RÉPONS

Ps 8, 4-5. 6-7. 8-9 (R: 2 a oubyin Éf 5, 14)

R: Grammèt, Grammèt nou, ala gran non-ou gran sou tout tè-a.

oubyin :

R: Lévé, ou minm k-ap dòmi, épi drésé sot nan pami mò yo,
épi Kris la ap kléré-ou.

⁴ Lè-m ouè sièl ou yo, travay douèt ou yo,
lali-n ak zétoual yo fiksé,

⁵ sa moun nan yé, pou-ou sonjé-l ?
oubyin pitit moun nan, pou ou vizité-l ? R:

⁶ Ou fè-l vi-n pi ba yon ti kras anba anj yo,
ak gloua ak konsidérasion ou kouronnin-l ;

⁷ ou instalé-l anlè travay min-ou yo. tout bagay,
ou mété yo anba pié-l. R:

⁸ Ni mouton, ni bèf, yo tout,
minm bèt nan rak boua yo,

- 9 zouazo sièl yo ak pouason lanmè yo,
 tou sa k-ap maché nan santié lanmè yo. **R**

2

PSÒM RÉPONS Ps 22, 1-3. 4. 5. 6 (**R**: 1 oubyin 1 P 2, 25)

R Granmèt la souin-m, mouin pap manké anyin.

oubyin :

R Nou té pèdi rout tankou mouton,
 min nou tounin vi-n jounn gadyin nanm nou yo koulié-a.

- 1 Granmèt la ap kondui-m, anyin pap manké-m ;
 2 Nan zèb vèt li instalé-m,
 sou bò dlo trankil li minnin-m,
 3 li réfè nanm mouin.
 Li kondui-m nan santié jistis poutèt non-l. **R**
 4 Sèké minm si m-ap maché nan bafon lonbraj lanmò,
 mouin pap pè malè, paské ou avèk mouin.
 Baton-ou ak bagèt ou
 sé yo k-ap konsolé-m. **R**
 5 Ou paré yon tab dévan fas mouin
 kont sa yo k-ap fè-m sibi tribilasyon yo ;
 ou souin tèt mouin ak losion,
 kalis mouin ap débòdé. **R**
 6 Réyéلمان sé bon kè ak mizérikòd k-ap rapousuiv mouin
 tout tan lavi-m
 m-ap abité nan kay Granmèt la
 pou tout longè tan yo. **R**

3

PSÒM RÉPONS Ps 26, 1. 4. 8 b-9 abc. 13-14 (**R**: 1 a oubyin Éf 5, 14)

R Granmèt la sé klèté-m, sé sa-k sové-m nan.

oubyin :

R Lévé ou minm k-ap dòmi, épi drésé sot nan pami mò yo,
 épi Kris la ap kléré-ou.

- 1 Granmèt la sé klèté-m, sé sa-k sové-m nan, kilès pou-m pè ?
 Granmèt la sé protéksion lavi-m, dévan kilès pou-m tranblé ? **R**

- 4 Yon sèl bagay mouin mandé Granmèt la, sé sa m-ap chèché :
 abité kay Granmèt la
 tout tan lavi-m,
 pou-m ouè dousè Granmèt la,
 pou-m vizité tanp li-a. **R**
- 8 Sé fas ou, Granmèt, m-ap chèché.
- 9 Pa viré fas ou louin-m,
 pa viré do bay sèvitè-ou la nan kòlè.
 Sé sékou-m ou yé, pa lagé-m. **R**
- 13 Mouin kouè m-ap ouè byin Granmèt la nan péyi vivan yo
- 14 Tann Granmèt la, aji avèk kouraj,
 asiré kè-ou, sé pou-ou tann Granmèt la. **R**

4

PSÒM RÉPONS

Ps 31, 1-2. 5. 11 (**R** : 1 a oubyin 11 a)

R Ala kontantman pou moun yo padonnin fot li-a.

oubyin :

R Fè kè nou kontan nan Granmèt la, fété, nou minm ki kòrèk yo.

- 1 Ala kontantman pou moun yo padonnin fot li-a,
 yo kouvri péché-l la.
- 2 Ala kontantman pou moun Granmèt la pa konsidéré kòm koupab la,
 ki pa gin riz nan éspri-l la. **R**
- 5 Mouin fè-ou konnin péché-m nan,
 mouin pa kaché fot mouin-an.
 Mouin di : « M-ap rékonèt fot mouin-an dévan Granmèt la ».
 Ou minm ou padonnin fot péché-m nan. **R**
- 11 Fè kè nou kontan nan Granmèt la, fété, nou minm ki kòrèk yo.
 Lévé tèt nou, nou tout ki gin kè nou douat yo. **R**

5

PSÒM RÉPONS

Ps 33, 2-3. 4-5. 6-7. 8-9. 14-15. 16-17. 18-19 (**R** : 6 a)

R Gadé nan diréksion-l, n-ap kléré.

- 2 M-ap fè konpliman pou Granmèt la tout tan,
 tout tan louanj li nan bouch mouin.

- 3 Nan Granmèt la nanm mouin ap jouinn gloua,
sé pou pòv yo tandé, pou yo kontan. **R:**
- 4 Fè louanj Granmèt la avèk mouin,
sé pou nou lévé non-l anlè ansanm.
- 5 Mouin chèché Granmèt la, li réponn mouin ;
anba tou sa k-ap fè-m pè, li délivré-m. **R:**
- 6 Gadé nan diréksion-l, n-ap kléré,
fas nou pap ront.
- 7 Pòv sa-a rélé, Granmèt la kouté-l,
anba tout tribilasyon-l yo li sové-l. **R:**
- 8 Anj Granmèt la ap véyé alantou moun ki krinn li yo,
épi l-ap délivré yo.
- 9 Gouté, n-a ouè jan Granmèt la dou ;
ala kontantman pou moun ki éspéré nan li yo. **R:**
- 14 Pa kité lang ou fè sa-k mal,
pa kité po bouch ou palé manti.
- 15 Viré do bay mal, fè byin,
chèché lapè, rapousuiv li. **R:**
- 16 Jé Granmèt la sou moun ki kòrèk yo,
zòrèy li sou rèl yo.
- 17 Fas Granmèt la sou moun k-ap fè mal yo,
pou-l fè souvni yo disparèt sot sou tè-a. **R:**
- 18 Yo rélé, Granmèt la tandé,
nan tout tribilasyon yo li libéré yo.
- 19 Granmèt la tou pré moun ki gin kè yo krazé,
l-ap sové sa-k gin éspri yo sakajé yo. **R:**

6

PSÒM RÉPONS

Ps 41, 2-3 ; 42, 3. 4 (**R:** : cf. 41, 3 a)

- R:** Nanm mouin souaf kot Bondié vivan-an.
- 2 Tankou yon sèrf anvi al nan sous dlo yo,
konsa nanm mouin anvi al koté-ou, Bondié.
- 3 Nanm mouin souaf Bondié, Bondié vivan-an ;
kilè m-apral parèt dévan fas Bondié ? **R:**

- 3 Voyé limiè-ou la ak vérité-ou la,
pou yo kondui-m, pou yo minnin-m
sou mòn ou-a ki sin-an, ak nan tant ou-a. **R:**
- 4 M-ap antré kot lotèl Bondié-a,
kot Bondié kè kontan mouin-an.
M-ap fè louanj ou sou gita, Bondié, Bondié-m. **R:**

7

PSÒM RÉPONS Ps 50, 3-4. 8-9. 12-13. 14 é 17 (R: 12 a oubyin Éz 36, 26)

R: Kréyé yon kè nèt nan mouin, Bondié.

oubyin :

R: M-ap ba nou yon kè nouvo ak yon éspri nouvo nan mitan nou.

- 3 Pitié pou mouin, Bondié, dapré mizérikòd ou-a ;
dapré kantité pitié-ou, éfasé fòt mouin-an.
- 4 Lavé-m nèt sot nan fot mouin-an,
pròpté-m sot nan péché-m nan. **R:**
- 8 Gadé sé vérité ou rinmin nan kè,
nan sékrè ou fè-m ouè sajàs.
- 9 Lavé-m avèk izòp, m-ap vi-n pròp ;
lavé-m, m-a vi-n blan pasé lanèj. **R:**
- 12 Kréyé yon kè pròp nan mouin, Bondié,
réfè yon éspri fèm nan zantray mouin yo.
- 13 Pa jété-m louin fas ou,
éspri sin-ou nan, pa ouété-l sot nan mouin. **R:**
- 14 Rinmèt mouin kè kontan poutèt ou sové-m nan,
asiré-m ak éspri ki pi vif la.
- 17 Granmèt, louvri po bouch mouin,
bouch mouin ap anonsé louanj ou. **R:**

8

PSÒM RÉPONS

Ps 62, 2. 3-4. 5-6. 8-9 (R: 2 a)

R: Nanm mouin souaf ou, Granmèt, Bondié mouin.

- 2 Bondié, sé Bondié-m ou yé.
sé koté-ou m-ap véyé dépi granmatin.
Nanm mouin souaf ou, chè mouin anvi-ou. **R:**

- 3 Nan tè dézè-a, ki sèk la, ki san dlo-a,
 sé konsa mouin té parèt dévan-ou nan tanp la,
 pou-m ouè puisans ou ak gloua-ou.
 4 Sèké mizérikòd ou pi bon pasé lavi yo,
 bouch mouin ap fè louanj ou. **R**
 5 Konsa m-ap fè konpliman pou ou nan lavi-m,
 o non-ou m-ap lévé minm.
 6 Tankou ak viann ak bon manjé gra nanm mouin plin,
 ak paròl fèt bouch mouin ap fè louanj ou. **R**
 8 Paské ou poté-m sékou,
 anba voual zèl ou m-ap fété.
 9 Nanm mouin kolé apré-ou,
 min douat ou soutni-m. **R**

9

PSÒM RÉPONS

Ps 65, 1-3 a. 5-6. 8-9. 16-17 (**R** : 1)

- R** Bat bravo pou Bondié, tout tè-a.
 1 Bat bravo pou Bondié, tout tè-a,
 2 chanté kantik gloua non-l,
 fè gloua louanj li.
 3 Di Bondié : « Ala krint travay ou yo mérité. **R**
 5 Vini, n-a ouè travay Bondié yo,
 li mérité respè nan aksion li fè pou pitit moun yo.
 6 Li fè lanmè-a vi-n tounin tè sèk,
 épi y-ap pasé riviè-a apié ;
 n-ap kontan nan li koté sa-a. **R**
 8 Fè konpliman pou Bondié nou-an, nasion yo,
 fè tandé voua louanj li,
 9 li minm ki mété nanm nou nan lavi,
 épi ki pa kité pié nou tranblé. **R**
 16 Vini, kouté, m-ap rakonté, nou tout ki krinn Bondié,
 tou sa-l fè pou nanm mouin.
 17 Koté-l mouin rélé ak bouch mouin
 mouin lévé-l anlè ak lang mouin. **R**

10

PSÒM RÉPONS

Ps 88, 3-4. 16-17. 21-22. 25 é 27 (R: 2 a)

- R: Mizérikòd ou, Granmèt, sé tout tan m-ap chanté-l.
- 3 Sèké mouin té di : « Pou tout tan mizérikòd la bati »,
nan sièl la vérité-ou la asiré.
- 4 « Mouin té réglé aliens avèk sa-a mouin chouazi-a,
mouin té fè sèman bay David, sèvitè-m nan ». R:
- 16 Ala kontantman pou pèp la ki konn fété-a ;
Granmèt, nan limiè fas ou y-ap maché,
- 17 o non-ou y-ap fété tout jounin,
épi nan jistis ou-a y-ap lévé tèt yo. R:
- 21 Mouin jouinn David sèvitè-m nan ;
ak lui mouin ki sin-an mouin sakré-l.
- 22 Min-m ap rét fèm avèk li,
bra-m ap ba li fòs. R:
- 25 Vérité-m ak mizérikòd mouin ap avèk li,
o non-m l-ap lévé kòn li.
- 27 Li minm l-ap rélé-m : « Sé Papa-m ou yé,
Bondié-m ak kachèt k-ap sové-m nan ». R:

11

PSÒM RÉPONS

Ps 125, 1-2 ab. 2 cd-3. 4-5. 6 (R: 3)

- R: Granmèt la fè mèvèy avèk nou ; nou vi-n gin kè kontan.
- 1 Lè Granmèt la té fè prizonié Siyon yo tounin-an,
nou té tankou nan rèv.
- 2 Lè sa-a bouch nou té plin ak kè kontan
épi lang nou ak fèt. R:
- Lè sa-a yo t-ap di nan pami nasion yo :
« Granmèt la fè mèvèy avèk yo ».
- 3 Granmèt la fè mèvèy avèk nou ;
nou vi-n gin kè kontan. R:
- 4 Granmèt, fè prizonié nou yo tounin
tankou ravi-n nan sid yo.
- 5 Moun ki simin ak dlo nan jé,
yo ranmasé ak fèt. R:

6 Yo t-apralé, yo t-ap kriyé,
 antan y-ap poté sémans pou simin-an,
 y-ap vini sou rout la ak fèt,
 pandan y-ap poté zépi yo. **R**

ALÉLOUYA AK VÈSÈ ANVAN ÉVANJIL LA

1

Mk 16, 15

(**R** Alélouya). Antan nou alé sou tout tè-a,
 préché Bòn Nouvèl la bay tout créatu. (**R** Alélouya).

2

Jan 3, 16

(**R** Alélouya). Bondié tèlman rinmin tè-a, li bay Sèl Pitit li-a ;
 pou tout moun ki kouè nan li gin lavi tout tan-an. (**R** Alélouya).

3

Jan 8, 12

(**R** Alélouya). Mouin sé limiè tè-a, sé sa Granmèt la di ;
 moun k-ap suiv mouin ap gin limiè lavi-a. (**R** Alélouya).

4

Jan 14, 6

(**R** Alélouya). Mouin sé chémin-an, vérité-a ak lavi-a, sé sa Granmèt la di ;
 pèsòn pa vi-n kot Papa-a, sof si-l pasé pa lintèmediè mouin. (**R**
 Alélouya).

5

Éf 4, 5-6 a

(R: Alélouya). Yon sèl Granmèt, yon sèl lafoua, yon sèl batèm ;
yon sèl Bondié ak Papa tout moun. (R: Alélouya).

6

Cf. Kol 2, 12

(R: Alélouya). Nou antéré avèk Kris la nan batèm nan,
nan li tou nou té résisité avèk li. (R: Alélouya).

7

Kol 3, 1

(R: Alélouya). Si nou résisité avèk Kris la,
sé sa-k anlè yo pou nou chèché,
koté Kris la chita adouat Bondié-a. (R: Alélouya).

8

Cf. 2 Tim 1, 10

(R: Alélouya). Sovè nou Jézu-Kri, détoui lanmò-a,
épi li kléré lavi-a gras a bòn nouvèl la. (R: Alélouya).

9

1 P 2, 9

(R: Alélouya). Nou sé yon ras chouazi, yon péyi-roua prêt,
yon nasion ki sin ;
sé pou nou anonsé pouvoua sa-a ki rélé nou sot nan fènoua yo
pou nou vi-n nan bèl limiè-l la. (R: Alélouya).

ÉVANJIL YO

1

Si yon moun vlé vi-n apré-m, sé pou-l rénonse pròp tèt li.

✠ Léktu sint Évanjil la dapré Matié

16, 24-27

Lè sa-a :

Jézu di disip li yo : « Si yon moun vlé vi-n apré-m, sé pou-l rénonse pròp tèt li, pou-l pran koua-l, pou-l suiv mouin. Moun ki vlé sové lavi-l, l-ap pèdi-l ; moun ki vlé pèdi lavi-l poutèt mouin, l-ap jouinn li.

Sa sa ap sèvi yon moun si-l posédé tout tè-a, min li péyé sa ak lavi-l ? Oubyin ki sa yon moun kapab bay pou-l péyé lavi-l ?

Pitit moun nan gin pou-l vini nan gloua Papa-l avèk anj li yo, lè sa-a l-ap rimmèt chak moun dapré travay li ».

Paròl Granmèt la.

2

Fè tout nasion yo vi-n tounin disip, batizé yo o non Papa-a ak Pitit la ak Éspri Sin-an.

✠ Léktu sint Évanjil la dapré Matié

28, 18-20

Jou sa yo :

Jézu minm antan-l proche, li palé avèk douz disip yo, li di : « Yo rimmèt mouin tout pouvoua nan sièl ak sou tè-a. Alé, fè tout nasion yo vi-n tounin disip. Batizé yo o non Papa-a ak Pitit la ak Éspri Sin-an. Aprann yo obsèvé tou sa mouin té kòmandé nou.

Min mouin avèk nou touléjou, jous longè tan-an fi-n rivé bout li ».

Paròl Granmèt la.

3

Li résévoua batèm nan min Jan nan Joudin-an.

✠ Léktu sint Évanjil la dapré Mark

1, 9-11

Lè sa-a :

Rivé, jou sa yo, Jézu vini sot Nazarèt Galilé-a, li résévoua batèm nan min Jan nan Joudin-an.

Minm lè-a antan l-ap monté sot nan dlo-a, li ouè sièl yo louvri épi Éspri-a tankou yon kolonb k-ap désann pozé sou li ; yon voua soti nan sièl yo : « Ou sé Pitit mouin-an sa-m rinmin-an, nan ou mouin jouinn plézi-m ».

Paròl Granmèt la.

4

*Tout moun ki pa résévoua péyi-roua Bondié-a tankou yon ti moun piti,
li pap antré ladan-l.*

✠ Léktu sint Évanjil la dapré Mark

10, 13-16

Lè sa-a :

Yo té prezanté timoun piti bay Jézu pou-l té touché yo ; disip yo minm t-ap ménasé moun yo ki t-ap vi-n prezanté yo-a.

Lè Jézu ouè sa, li faché, li di yo : « Kité timoun yo vi-n jouinn mouin, pa anpéché yo ; sé pou sa-k sanblé ak yo péyi-roua Bondié-a yé. Amèn mouin di nou, tout moun ki pa résévoua péyi-roua Bondié-a tankou yon timoun piti, li pap antré ladan-l ». Li anbrasé yo, li pozé min sou yo, li béni yo.

Paròl Granmèt la.

5

Moun k-ap kouè épi k-ap batizé, l-ap sové.

✠ Léktu sint Évanjil la dapré Mark

16, 15-16. 19-20

Lè sa-a :

Jézu parèt dévan onz yo, li di yo : « Alé sou tout tè-a, préché Bòn Nouvèl la bay tout kréatu. Moun k-ap kouè épi k-ap batizé, l-ap sové ; min moun ki pa kouè, l-ap kondané ».

Granmèt Jézu, lè-l fi-n di yo sa, li monté nan sièl la, li chita adouat Bondié.

Yo minm minm yo pati, y-ap préché tout koté, pandan Granmèt la ap ba yo konkou, ap asiré paròl yo ak sign l-ap fè rivé.

Paròl Granmèt la.

6

*Yo té gin pou yo préché pénitans o non-l
ak padon péché yo nan tout nasion.*

✠ **Léktu sint Évanjil la dapré Luk**

24, 44-53

Lè sa-a :

Jézu di disip li yo : « Sé paròl sa yo mouin té palé nou-an, lè-m té avèk nou toujou-a, li té nésésè pou tou sa-k ékri sou mouin nan laloua Moyiz la ni profèt yo ni psòm yo, pou yo té réalisé ».

Lè sa-a li louvri intéljans yo, pou yo konprann sa-k ékri yo.

Li di yo : « Sé konsa sa té ékri, sé konsa Kris la té gin pou-l souffri, pou-l résisité sot nan pami mò yo sou touazièm jou-a, pou yo préché pénitans nan non-l ak padon péché yo nan tout nasion, kòmansé sou Jérusalèm. Nou minm nou témouin bagay sa yo ».

Mouin minm minm, sa Papa-a té promèt la, mouin voyé-l nan nou ; nou minm minm, rété nan vil la, joutan nou abiyé avèk puisans ki sot anro-a ».

Li kondui yo déyò, nan Bétani ; antan li lévé min-l, li béni yo.

Rivé, pandan l-ap béni yo, li rékilé sot koté yo, épi yo poté-l nan sièl la. Yo minm minm antan yo adoré, yo tounin Jérusalèm avèk anpil kontantman ; tout tan yo té nan tanp la antan y-ap fè louanj épi y-ap fè konpliman pou Bondié.

Paròl Granmèt la.

7

*Li ba yo pouvoua pou yo vi-n tounin pitit Bondié,
yo minm ki kouè o non-l.*

✠ **Kòmansman sint Évanjil la dapré Jan**

1, 1-5. 9-14. 16-18

Nan kòmansman sé té Paròl la, Paròl la té kot Bondié, sé Bondié Paròl la té yé. Li té kot Bondié nan kòmansman. Tout bagay té fèt pa lintèmédiè-l, san li minm anyin pa-t fèt nan sa-k té fèt.

Nan li sé té lavi, lavi-a sé té limiè lézòm ; limiè-a kléré nan fènoua, fènoua yo pa vlopé-l.

Té gin vré limiè-a, sa-k kléré tout moun k-ap vi-n sou tè sa-a.

Li té sou tè-a, sé pa lintèmédiè-l tè-a té fèt, min tè-a pa-t rékonèt li ; li vi-n lakay li, moun lakay li pa-t résévoua-l ; min tout moun ki té

résévoua-l, li ba yo pouvoua pou yo vi-n tounin pitit Bondié, yo minm ki kouè o non-l, ki pa fèt sot nan san yo, ni nan volonté chè-a, ni nan volonté gason, min ki fèt sot nan Bondié.

Paròl la vi-n tounin chè, li abité nan nou ; nou ouè gloua li, gloua tankou pa Sèl Pitit la ki sot nan Papa-a, plin gras ak vérité.

Nan sa-l plin-an, nou tout nou résévoua, épi gras sou gras. Sèké laloua-a yo té bay li pa lintèmediè Moyiz, gras la ak vérité-a minm sé pa lintèmediè Jézu-Kri li rivé.

Bondié, pèsòn pa janm ouè-l ; Sèl Pitit la, ki nan vant Papa-a, li minm li montré-l.

Paròl Granmèt la.

8

Min Mouton Bondié-a ki ouété péché tè-a.

✠ **Léktu sint Évanjil la dapré Jan**

1, 29-34

Lè sa-a :

Jan ouè Jézu k-ap vi-n koté-l li di : « Min Mouton Bondié-a, min sa-a ki ouété péché tè-a.

Sa-a sé osijè-l mouin té di : “Apré-m, gin yon moun k-ap vini, li plasé dévan-m, paské li té égzisté anvan-m”. Mouin minm, mouin pa-t konnin-l ; min sé pou-l té kapab parèt klè nan Israël, sé poua mouin vini mouin minm m-ap batizé nan dlo-a ».

Jan sèvi-l témouin, li di : « Mouin ouè Éspri-a k-ap désann tankou yon kolonb sot nan sièl la, li rété sou li.

Mouin minm mouin pa-t konnin-l ; min sa-a ki voyé-m batizé nan dlo-a, li minm minm li di-m : “Sou moun nan ou-a ouè Éspri-a désann li rété sou li-a, sé li minm k-ap batizé nan Éspri Sin-an”.

Mouin minm mouin ouè, mouin sèvi témouin, sa-a sé Pitit Bondié-a ».

Paròl Granmèt la.

9

*Si yon moun pa réfèt nan dlo-a ak Éspri-a,
li pa kapab ouè péyi-roua Bondié-a.*

✠ **Léktu sint Évanjil la dapré Jan**

3, 1-6

Té gin yon mésié nan pami Farizyin yo, yo té rélé Nikodèm, yon chèf Juif yo.

Li vi-n kot Jézu nannuit, li di-l : « Rabi, nou konnin ou vi-n sot kot Bondié kòm mèt ; pèsòn réyèlman pa kapab fè sign sa yo ou-ap fè-a, si Bondié pa avèk li ».

Jézu réponn, li di-l : « Amèn, amèn mouin di-ou, si yon moun pa réfèt ankò, li pa kapab ouè péyi-roua Bondié-a ».

Nikodèm di-l : « Kijan yon moun kapab fè fèt, lè-l fi-n vié ? Èské li kapab antré ankò nan vant manman-l pou réfèt ».

Jézu réponn : « Amèn, amèn mouin di-ou, si yon moun pa réfèt sot nan dlo ak Éspri Sin-an, li pa kapab antré nan péyi-roua Bondié-a.

Sa-k fèt sot nan chè-a, sé chè li yé, sa-k fèt sot nan Éspri-a, sé éspri li yé ».

Paròl Granmèt la.

10

Pou tout moun ki kouè nan li gin lavi tout tan-an.

✠ **Léktu sint Évanjil la dapré Jan**

3, 16-21

Lè sa-a :

Jézu di Nikodèm : « Bondié tèlman rinmin tè-a, li bay Pitit li-a, sèl Pitit li-a, pou tout moun ki kouè nan li pa péri, min pou-l gin lavi tout tan-an. Sèké Bondié pa-t voyé Pitit li-a sou tè-a pou-l jijé tè-a, min pou tè-a té kapab sové pa lintèmédiè li.

Moun ki kouè nan li, yo pap jijé-l ; moun ki pa kouè-a minm, li déjà jijé, paské li pa kouè o non sèl Pitit Bondié-a.

Min jijman-an, limiè-a vi-n sou tè-a, min moun yo té pi rinmin fènoua yo pasé limiè-a ; sèké travay yo té mové. Réyèlman tout moun k-ap aji mal, li rayi limiè-a, li pa vi-n nan limiè-a, pou yo pa réproché travay li yo.

Min moun ki fè vérité-a, li vi-n nan limiè, pou yo kapab ouè travay li klè, sé nan Bondié yo fèt ».

Paròl Granmèt la.

11

Mouin minm limiè-a mouin vi-n sou tè-a.

✠ Léktu sint Évanjil la dapré Jan

12, 44-50

Lè sa-a :

Jézu rélé byin fò, li di : « Moun ki kouè nan mouin, sé pa nan mouin minm li kouè, min nan sa-a ki voyé-m nan. Moun ki ouè-m, li ouè sa-a ki voyé-m nan.

Mouin limiè-a mouin vi-n sou tè-a, pou tout moun ki kouè nan mouin, yo pa rété nan fènoua. Si yon moun tandé paròl mouin yo, li pa kinbé yo, sé pa mouin minm k-ap jijé-l ; mouin pa vini pou-m jijé tè-a, min pou-m sovè tè-a.

Moun ki méprizé-m, ki pa résévoua paròl mouin yo, li gin sa-a k-ap jijé-l. Paròl la mouin palé-a, sé li minm k-ap jijé-l nan dènié jou-a.

Paské mouin minm sé pa nan mouin minm mouin pran pou-m palé ; min sa-a ki voyé-m nan, Papa-a, sé li minm ki ban-m kòmandman ki sa pou-m di, épi ki sa pou-m palé.

Mouin konnin kòmandman-l nan sé lavi tout tan-an. Sa-m palé yo, sé jan Papa-a di-m nan, sé konsa mouin palé ».

Paròl Granmèt la.

12

*Moun ki rété nan mouin, épi mouin minm nan li,
moun sa-a poté anpil foui.*

✠ Léktu sint Évanjil la dapré Jan

15, 1-11

Lè sa-a :

Jézu di disip li yo : « Mouin sé véritab pié rézin-an, Papa-m sé kiltivatè-a. Tout branch nan mouin ki pa donnin foui, l-ap ouété-l ; tout branch ki donnin foui, l-ap nétouayé-l pou-l donnin plis foui. Nou minm nou déjà pròp gras a paròl la mouin té palé nou-an.

Rété nan mouin, épi mouin minm nan nou. Minm jan branch la pa kapab donnin foui pou kont li-a, si-l pa rét nan pié rézin-an, konsa tou nou minm non plis, si nou pa rété nan mouin.

Mouin sé pié rézin-an, nou sé branch yo ; moun ki rét nan mouin, épi mouin minm nan li, moun sa-a donnin anpil foui, paské san mouin minm nou pa kapab fè anyin. Si yon moun pa rét nan mouin, y-ap jété-l déyò, tankou branch la, l-ap séché, y-ap ranmasé-l y-ap jété-l nan difé, l-ap boulé.

Si nou rét nan mouin, épi paròl mouin yo rété nan nou, tou sa nou vlé, nou mèt mandé-l, l-ap rivé pou nou.

Sé nan sa Papa-m jouinn gloua-l, pou nou donnin anpil foui, pou nou vi-n disip mouin. Minm jan Papa-a rinmin-m nan, mouin minm tou mouin rinmin-l. Rét nan rinmin-m nan.

Si nou kinbé kòmandman-m yo, n-ap rété nan rinmin-m nan ; minm jan mouin minm mouin kinbé kòmandman Papa-m yo, épi mouin rété nan rinmin-l nan.

Mouin di nou sa, pou kè kontan-m nan kapab nan nou, épi pou kè nou kapab kontan nèt ».

Paròl Granmèt la.

2. NAN BATÈM TI MOUN PITI YO

LÉKTU NAN ANSYIN TÉSTAMAN-AN

1

Ba nou dlo pou nou bouè.

Léktu liv Égzòd

17, 3-7

Jou sa yo :

Pèp la té souaf poutèt pa-t gin dlo, li plinyin kont Moyiz, li di : « Pouki sa ou té fè nou pati kité Éjip la, pou-ou touyé nou avèk pitit nou yo avèk bèt yo ak souaf ? »

Moyiz minm rélé kot Granmèt la, li di : « Ki sa-ou fè pèp sa-a ? yon ti kras ankò épi l-ap kalonnin-m ».

Granmèt la di Moyiz : « Pran dévan pèp la, pran nan ansyin Israèl yo avèk ou, ni baton-an, sa-ou té frapé gran riviè-a, pran-l nan min-ou, épi alé. Min m-ap kanpé laba-a dévan-ou sou ròch Orèb la ; ou-ap frapé ròch la, dlo ap soti ladan-l, pou pèp la bouè ».

Moyiz fè konsa dévan ansyin Israèl yo.

Yo rélé non koté sa-a « Tansion » poutèt kont pitit Israèl yo, épi paské yo té tanté Granmèt la, yo t-ap di : « Èské Granmèt la nan mitan nou oubyin non ? »

Paròl Granmèt la.

2

M-ap vidé yon dlo pròp sou nou, n-ap pròpté sot nan tou sa-k sal nou.

Léktu liv profèt Ézékièl

36, 24-28

Min paròl Granmèt la :

« M-ap pran nou sot nan nasion yo, m-ap rasanblé nou sot nan tout péyi yo, m-ap minnin nou nan péyi nou-an, m-ap vidé yon dlo pròp sou nou, n-ap pròpté sot nan tou sa-k sal nou, anba tout zidòl nou yo m-ap pròpté nou.

M-ap ba nou yon kè nouvo, m-ap mété yon éspri nouvo nan mitan nou, m-ap ouété kè ròch la sot nan chè nou, m-ap mété éspri-m nan mitan

nou, m-ap fè nou maché nan lòd mouin yo, pou nou kinbé jijman-m yo, pou nou réalizé yo.

N-ap abité nan tè-a, sa-m té bay papa nou yo, n-ap pèp mouin, m-ap Bondié nou ».

Paròl Granmèt la.

3

Mouin ouè yon dlo k-ap soti nan tanp la, tout moun li rivé sou yo, dlo sa-a sové yo.

Léktu liv profèt Ézékièl

47, 1-9. 12

Jou sa yo :

Anj la fè-m viré jous nan pòt kay Granmèt la, min dlo t-ap soti anba papòt la nan diréksion olévan tanp la, sèké fas kay la t-ap gadé nan diréksion olévan, dlo yo minm t-ap désann bò koté douat nan mitan lotèl la. Li fè-m soti nan chémin ki t-ap gadé nan diréksion olévan-an ; té gin dlo ki t-ap koulé anpil sot nan koté douat la.

Lè mésié-a soti nan diréksion olévan-an, li té gin yon mèt nan min-l, li konté sink-san mèt, li fè-m travèsé nan dlo-a, jous nan talon. Apré sa, li konté sink san mèt, li fè-m travèsé nan dlo-a jous nan jénou ; li konté sink-san épi li fè-m travèsé nan dlo-a jous nan rin. Li konté sink san, sé té yon ravi-n mouin pa-t kapab travèsé, paské dlo ravi-n fon-an t-ap bouyi, yo pa-t kapab travèsé-l. Li di-m : « Sètènman ou ouè, pitit moun ». Li kondui-m, li fè-m travèsé jous sou bò ravi-n nan.

Lè-m viré, mouin ouè anpil pié boua sou bò ravi-n nan, sou chak koté. Li di-m : « Dlo sa yo, k-ap soti pou y-al nan réjion olévan-an, y-ap désann nan plinn dézè-a, y-ap antré nan lanmè-a ; y-ap soti, dlo yo ap sèvi rémèd : tout bèt vivan k-ap mouvmané, y-ap viv, tout koté ravi-n nan ap rivé, ap gin anpil pouason, lè dlo sa yo rivé koté sa-a, tout bagay koté ravi-n nan rivé-a, y-ap géri, y-ap viv.

Anlè ravi-n nan, sou bò-l chak bò, ap gin pié boua k-ap lévé, y-ap donnin foui ; fèy yo pap tonbé, yo pap manké foui ; chak moua l-ap donnin premié foui, paské dlo ravi-n nan sé nan tanp la y-ap soti, foui-l yo ap sèvi manjé, fèy li yo ap sèvi rémèd ».

Paròl Granmèt la.

LÉKTU NAN NOUVO TÈSTAMAN-AN

1

*Nou antéré réyèlman ansanm avèk li gras a batèm nan,
pou nou minm n-ap maché nan nouvo lavi-a.*

Léktu lèt apot sin Pòl pou Romin yo

6, 3-5

Frè-m yo :

Nou tout ki batizé nan Kris Jézu, sé nan lanmò-l nou batizé.

Nou antéré réyèlman ansanm avèk li nan lanmò-a gras a batèm nan, pou minm jan Kris la lévé sot nan pami mò yo gras a gloua Papa-a, konsa tou nou minm n-ap maché nan nouvo lavi-a.

Sèké si nou planté ansanm avèk li pou nou sanblé avèk li nan lanmò-l la, konsa tou n-ap ansanm avèk li nan réziréksion-l nan.

Paròl Granmèt la.

2

Pou nou pran fòm pòtré Pitit li-a.

Léktu lèt apot sin Pòl pou Romin yo

8, 28-32

Frè-m yo :

Nou konnin pou moun yo Bondié rinmin yo, tout bagay sèvi pou byin yo, yo minm li rélé pou yo vi-n sin, dapré désizyon li pran davans. Réyèlman, sa yo li chouazi davans yo, li paré plas yo davans tou, pou yo vi-n moulé nan pòtré Pitit li-a, pou li minm li vi-n tounin premié pitit nan pami tout foul frè yo.

Sa yo li fi-n paré plas yo-a, li rélé yo tou ; sa yo li rélé-a, li fè yo vi-n sin tou ; sa yo li fè vi-n sin-an, li ba yo gloua-a tou.

Kisa donk n-ap di pou bagay sa yo ? Si Bondié pou nou, kilès k-ap kont nou ? Li minm ki pa minm ménajé pròp Pitit li-a, min li rinmèt li pou nou tout, kijan pou-l pa t-a ba nou tout bagay ansanm avèk li ?

Paròl Granmèt la.

3

*Sé nan yon sèl Éspri nou tout nou batizé
nan yon sèl kò.*

Léktu prémié lèt apot sin Pòl pou Korintyin yo

12, 12-13

Frè-m yo :

Minm jan kò-a fè yon sèl, min li gin anpil manb, tout manm kò-a, malgré yo anpil la, sé yon sèl kò yo fè kan minm : sé konsa tou pou Kris la.

Réyèlman sé nan yon sèl Éspri nou tout nou batizé pou nou fè yon sèl kò, soua Juif, soua nasion, soua ésklav, soua moun lib ; épi nou tout sé nan yon sèl Éspri-a nou pasé souaf nou.

Paròl Granmèt la.

4

Nou tout ki batizé, nou abiyé ak Kris la.

Léktu lèt apot sin Pòl pou Galat yo

3, 26-28

Frè-m yo :

Nou tout nou sé pitit Bondié gras a lafoua-a, ki nan Kris Jézu-a. Réyèlman nou tout ki batizé nan Kris la, nou abiyé ak Kris la.

Pa gin késion Juif ni Grèk, nan pouin ni ésklav ni moun lib, pa gin gason ni fi : sèké nou tout sé yon sèl nou fè nan Kris Jézu.

Paròl Granmèt la.

5

Yon sèl Granmèt, yon sèl lafoua, yon sèl batèm.

Léktu lèt apot sin Pòl pou Éfézyin yo

4, 1-6

Frè-m yo :

Mouin priyé nou, mouin minm prizonié nan Granmèt la, pou nou maché dapré diréksion koté yo rélé nou-an, antan nou tou piti nan kè-n, nou tou dou ; sé pou nou pran pasians pou nou youn sipòté lòt nan charité-a ; fè éfò pou nou konsèvé éspri ki fè nou fè yon sèl la nan chinn lapè-a : yon sèl kò ak yon sèl éspri, minm jan sé nan yon sèl éspérans yo rélé nou koté yo rélé nou-an ; yon sèl Granmèt, yon sèl lafoua, yon sèl

batèm ; yon sèl Bondié ak Papa tout moun, ki anlè tout moun, ki nan tout bagay épi ki nan nou tout.

Paròl Granmèt la.

6

Nou minm nou sé yon ras ki chouazi, yon péyi-roua prêt.

Léktu prémié lèt apot sin Piè

2, 4-5. 9-10

Nou minm mouin rinmin anpil la :

Sé pou nou proché kot Granmèt la, li minm ròch vivan-an, sa lézòm yo réjité-a, min sa Bondié minm chouazi-a, sa-l bay konsidérasion-an, nou minm tou tankou ròch ki vivan, sé pou nou kité yo bati nou pou nou vi-n tounin yon kay spirituèl, yon réyinion prêt ki sin, pou nou ofri sakrifis spirituèl, sa Bondié résévoua pa lintèmediè Jézu-Kri.

Nou minm nou sé yon ras chouazi, yon péyi roua prêt, yon nasion ki sin, yon pèp Bondié posédé, pou nou anonsé puisans sa-a ki rélé nou vi-n nan bèl limiè-l la ; lontan nou pa-t yon pèp, min koulié-a nou sé pèp Bondié-a ; nou pa-t résévoua mizérikòd, min nou résévoua mizérikòd koulié-a.

Paròl Granmèt la.

PSÒM RÉPONS YO

1

PSÒM RÉPONS

Ps 22, 1-3. 4. 5. 6 (R: 1)

R: Granmèt la souin-m, mouin pap manké anyin.

¹ Granmèt la ap kondui-m, anyin pap manké-m ;

² Nan zèb vèt li instalé-m,

sou bò dlo trankil li minnin-m,

³ li réfè nanm mouin.

Li kondui-m nan santié jistis poutèt non-l. R:

⁴ Sèké minm si m-ap maché nan bafon lonbraj lanmò,
mouin pap pè malè, paské ou avèk mouin.

Baton-ou ak bagèt ou
sé yo k-ap konsolé-m. **R**

5 Ou paré yon tab dévan fas mouin
kont sa yo k-ap fè-m sibi tribilasion-an ;
ou souin tèt mouin ak losion,
kalis mouin ap débòdé. **R**

6 Réyèlman sé bon kè ak mizèrikòd k-ap rapousuiv mouin
tout tan lavi-m
m-ap abité nan kay Granmèt la
pou tout longè tan yo. **R**

2

PSÒM RÉPONS Ps 26, 1. 4. 8 b-9 abc. 13-14 (**R** : 1 a oubyin Éf 5, 14)

R Granmèt la sé klèté-m, épi li sové-m, kilès pou-m pè ?

oubyin :

R Lévé, ou minm k-ap dòmi, lévé sot nan pami mò yo,
Jézu-Kri ap kléré-ou.

1 Granmèt la sé klèté-m, épi li sové-m, kilès pou-m pè ?
Granmèt la sé protéksion lavi-m, dévan kilès pou-m tranblé ? **R**

4 Yon sèl bagay mouin mandé Granmèt la, sé sa m-ap chèché :
abité kay Granmèt la
tout tan lavi-m,
pou-m ouè dousè Granmèt la,
pou-m vizité tanp li-a. **R**

8 Sé fas ou, Granmèt, m-ap chèché.

9 Pa viré fas ou louin-m,
pa viré do bay sèvitè-ou la nan kòlè.
Sé sékou-m ou yé, pa lagé-m. **R**

13 Mouin kouè m-ap ouè byin Granmèt la nan péyi vivan yo

14 Tann Granmèt la, aji avèk kouraj,
asiré kè-ou, sé pou-ou tann Granmèt la. **R**

3

PSÒM RÉPONS Ps 33, 2-3. 6-7. 8-9. 14-15. 16-17 (R: 6 a oubyin 9 a)

R: Gadé nan diréksion-l, n-ap kléré.

oubyin :

R: Gouté, n-a ouè kijan Granmèt la dou.

- 2 M-ap fè konpliman pou Granmèt la tout tan,
tout tan louanj li nan bouch mouin.
- 3 Nan Granmèt la nanm mouin ap jouinn gloua,
sé pou pòv yo tandé, pou yo kontan. R:
- 6 Gadé nan diréksion-l, n-ap kléré,
fas nou pap ront.
- 7 Pòv sa-a rélé, Granmèt la kouté-l,
anba tout tribilasyon-l yo li sové-l. R:
- 8 Anj Granmèt la ap véyé alantou moun ki krinn li yo,
épi l-ap délivré yo.
- 9 Gouté, n-a ouè jan Granmèt la dou ;
ala kontantman pou moun ki éspéré nan li yo. R:
- 14 Kinbé lang sot nan mal
épi po bouch pou yo pa palé riz.
- 15 Viré do bay mal épi fè byin
chèché lapè épi rapousuiv li. R:
- 16 Jé Granmèt la sou moun kòrèk yo,
zòrèy li nan rèl yo.
- 17 Figi Granmèt la sou moun k-ap fè sa-k mal yo,
pou-l pèdi souvni yo sot sou tè-a. R:

ALÉLOUYA AK VÈSÈ ANVAN ÉVANJIL LA

1

Jan 3, 16

(R: Alélouya). Bondié tèlman rinmin tè-a, li bay Sèl Pitit li-a ;
pou tout moun ki kouè nan li gin lavi tout tan-an. (R: Alélouya).

2

Jan 8, 12

(R: Alélouya). Mouin sé limiè tè-a, sé sa Granmèt la di ;
moun k-ap suiv mouin, l-ap gin limiè lavi-a. (R: Alélouya).

3

Jan 14, 6

(R: Alélouya). Mouin sé chémin-an, vérité-a ak lavi-a, sé sa Granmèt la di ;
pèsòn pa vi-n kot Papa-a, sof si-l pasé pa lintèmediè mouin. (R:
Alélouya).

4

Éf 4, 5-6 a

(R: Alélouya). Yon sèl Granmèt, yon sèl lafoua, yon sèl batèm ;
yon sèl Bondié ak Papa tout moun. (R: Alélouya).

5

Cf. 2 Tim 1, 10

(R: Alélouya). Sovè nou Jézu-Kri, détoui lanmò-a,
épi li kléré lavi-a gras a Bòn Nouvèl la. (R: Alélouya).

6

1 P 2, 9

(R: Alélouya). Nou sé yon ras chouazi, yon péyi-roua prêt,
yon nasion ki sin ;
sé pou nou anonsé pouvoua sa-a ki rélé nou sot nan fènoua yo
pou nou vi-n nan bèl limiè-l la. (R: Alélouya).

ÉVANJIL YO

1

Sa-a sé pi gran, sé premié kòmandman-an.✠ **Léktu sint Évanjil la dapré Matié**

22, 35-40

Lè sa-a :

Youn nan yo ki té savan nan laloua-a pozé Jézu késion, pou-l tanté-l :
« Mèt, kilès ki gran kòmandman-an nan laloua-a ? »

Jézu di-l : « “Sé pou-ou rinmin Granmèt Bondié-ou la ak tout kè-ou, ak tout nanm ou, ak tout éspri-ou”. Sa-a sé pi gran, sé premié kòmandman-an. Dézièm nan minm sanblé avèk li : “Sé pou-ou rinmin prochin-an tankou pròp tèt ou”. Sé nan dé kòmandman sa yo tout laloua-a pandié ansanm ak profèt yo ».

Paròl Granmèt la.

2

Fè tout nasion yo vi-n tounin disip, batizé yo o non Papa-a ak Pitit la ak Éspri Sin-an.✠ **Léktu sint Évanjil la dapré Matié**

28, 18-20

Jézu minm antan-l proché, li palé avèk onz disip yo, li di : « Yo rinmèt mouin tout pouvoua nan sièl ak sou tè-a. Alé, fè tout nasion yo vi-n tounin disip. Batizé yo o non Papa-a ak Pitit la ak Éspri Sin-an. Aprann yo obsèvé tou sa mouin té kòmandé nou.

Min mouin avèk nou touléjou, jous longè tan-an fi-n rivé bout li ».

Paròl Granmèt la.

3

Li résévoua batèm nan min Jan nan Joudin-an.✠ **Léktu sint Évanjil la dapré Mark**

1, 9-11

Jou sa yo, Jézu vini sot Nazarèt Galilé-a, li résévoua batèm nan min Jan nan Joudin-an.

Minm lè-a antan l-ap monté sot nan dlo-a, li ouè sièl yo louvri épi Éspri-a tankou yon kolonb k-ap désann pozé sou li ; yon voua soti nan

sièl yo : « Ou sé Pitit mouin-an sa-m rinmin-an, nan ou mouin jouinn plézi-m ».

Paròl Granmèt la.

4

Kité timoun yo vi-n jouinn mouin.

✠ **Léktu sint Évanjil la dapré Mark**

10, 13-16

Lè sa-a :

Yo té prezanté timoun piti bay Jézu pou-l té touché yo ; disip yo minm t-ap ménasé moun yo ki t-ap vi-n prezanté yo-a.

Lè Jézu ouè sa, li faché, li di yo : « Kité timoun yo vi-n jouinn mouin, pa anpéché yo ; sé pou sa-k sanblé ak yo péyi-roua Bondié-a yé. Amèn mouin di nou, tout moun ki pa résévoua péyi-roua Bondié-a tankou yon timoun piti, li pap antré ladan-l ».

Li anbrasé yo, li pozé min sou yo, li béni yo.

Paròl Granmèt la.

5

Kouté, Israèl, rinmin Granmèt la Bondié-ou la ak tout kè-ou.

✠ **Léktu sint Évanjil la dapré Mark**

12, 28 b-34

Lè sa-a :

Youn nan skrib yo té proché kot Jézu, épi li té pozé-l késion kilès ki prémié nan tout kòmandman yo.

Jézu minm té réponn li : « Prémié nan tout kòmandman yo, sé : “Kouté, Israèl : Granmèt la Bondié-ou la sé yon sèl Bondié-a. Épi sé pou-ou rinmin Granmèt la Bondié-ou la ak tout kè-ou, ak tout nanm ou, ak tout éspri-ou épi ak tout fòs ou”. Sa-a sé prémié kòmandman-an. Dézièm nan sanblé ak li : “Sé pou-ou rinmin prochain-ou tankou ou minm”. Pa gin lòt kòmandman ki pi gran pasé sa yo ».

Skrib la di-l : « Sé byin, Mèt, ou gin rézon di sé yon sèl Bondié-a, épi pa gin lòt andéyò-l, épi sé pou yon moun rinmin-l ak tout kè-l, ak tout intéljans li, ak tout nanm li, épi ak tout fòs li, épi rinmin prochain-an tankou pròp tèt li, sa pi gran pasé tout kalité sakrifis antié ak kado yo ».

Jézu minm ouè li té réponn ak sajès, li di-l : « Ou pa louin péyi-roua Bondié-a ». Épi pèsòn pa-t ozé pozé-l késion ankò.

Paròl Granmèt la.

oubyin pi kout

✝ Léktu sint Évanjil la dapré Mark

12, 28 b-31

Lè sa-a :

Youn nan skrib yo té proché kot Jézu, épi li té pozé-l késion kilès ki prémié nan tout kòmandman yo.

Jézu minm té réponn li : « Prémié nan tout kòmandman yo, sé : “Kouté, Israël : Granmèt la Bondié-ou la sé yon sèl Bondié-a. Épi sé pou-ou rinmin Granmèt la Bondié-ou la ak tout kè-ou, ak tout nanm ou, ak tout éspri-ou épi ak tout fòs ou”. Sa-a sé prémié kòmandman-an.

Dézièm nan sanblé ak li : “Sé pou-ou rinmin prochin-ou tankou ou minm”. Pa gin lòt kòmandman ki pi gran pasé sa yo ».

Paròl Granmèt la.

6

Si yon moun pa réfèt, li pa kapab ouè péyi-roua Bondié-a.

✝ Léktu sint Évanjil la dapré Jan

3, 1-6

Té gin yon mésié nan pami Farizyin yo, yo té rélé Nikodèm, yon chèf Juif yo.

Li vi-n kot Jézu nannuit, li di-l : « Rabi, nou konnin ou vi-n sot kot Bondié kòm mèt ; pèsòn réyèlman pa kapab fè sign sa yo ou-ap fè-a, si Bondié pa avèk li ».

Jézu réponn, li di-l : « Amèn, amèn mouin di-ou, si yon moun pa réfèt ankò, li pa kapab ouè péyi-roua Bondié-a ».

Nikodèm di-l : « Kijan yon moun kapab fè fèt, lè-l fi-n vié ? Èské li kapab antré ankò nan vant manman-l pou réfèt ».

Jézu réponn : « Amèn, amèn mouin di-ou, si yon moun pa réfèt sot nan dlo ak Éspri Sin-an, li pa kapab antré nan péyi-roua Bondié-a.

Sa-k fèt sot nan chè-a, sé chè li yé, sa-k fèt sot nan Éspri-a, sé éspri li yé.

Paròl Granmèt la.

7

Sous dlo k-ap jayi pou lavi ki pap janm fini-an.

✠ **Léktu sint Évanjil la dapré Jan**

4, 5-14

Lè sa-a :

Jézu rivé nan vil Samari-a, sa yo rélé Sikar la, tou pré propriété-a, Jakòb té bay Jozèf pitit li-a. Té gin pui Jakòb la koté sa-a. Jézu minm fatigé ak rout la, li té chita konsa sou bò pui-a.

Sé té apéprè midi. Yon madanm Samari vi-n pou tiré dlo.

Jézu di-l : « Ban-m bouè ». Disip li yo té pati nan vil la, pou yo achte manjé.

Konsa madanm Samaritèn nan di-l : « Kijan ou minm ki Juif, ou kapab mandé-m bouè, mouin minm yon madanm Samaritèn ? » Réyèlman Juif yo pa frékanté Samaritin yo.

Jézu réponn, li di-l : « Si-ou té konn kado Bondié-a épi kilès k-ap di-ou : “Ban-m bouè”-a, pétèt sé ou minm ki t-a mandé-l, épi li t-a ba-ou dlo vivan-an ».

Madanm nan di-l : « Mèt, ou pa minm gin anyin pou-ou tiré dlo-a ladan-l, épi pui-a fon ; koté ou kapab jouinn dlo vivan-an ? Èské ou pi gran pasé Jakòb papa nou-an, ki té ba nou pui-a, épi li té bouè ladan-l, ni pitit li yo ni bèt li yo ? »

Jézu réponn, li di-l : « Tout moun ki bouè nan dlo sa-a, l-ap souaf ankò ; min moun ki bouè nan dlo m-ap ba li-a, li pap souaf pou tout tan ; min dlo m-ap ba li-a, l-ap vi-n tounin yon sous dlo nan li, k-ap jayi pou lavi ki pap janm fini-an ».

Paròl Granmèt la.

8

Moun ki kouè nan mouin, li gin lavi tout tan-an.

✠ **Léktu sint Évanjil la dapré Jan**

6, 44-47

Lè sa-a :

Jézu di fowl yo : « Pèsòn pa kapab vi-n jouinn mouin, si Papa-a ki voyé-m nan pa ralé-l ; épi mouin minm m-ap résisité-l nan dènié jou-a.

Min sa ki ékri nan profèt yo : “Yo tout ap jouinn ansègnman nan min Bondié”. Tout moun ki kouté Papa-a épi ki kité-l ba-l ansègnman, l-ap vi-n jouinn mouin. Sé pa paské gin moun ki ouè Papa-a, sof sa-a ki sot nan Bondié-a, sé li minm ki ouè Papa-a.

Amèn, amèn mouin di nou, moun ki kouè nan mouin, li gin lavi tout tan-an ».

Paròl Granmèt la.

9

Riviè dlo lavi ap koulé.

✠ **Léktu sint Évanjil la dapré Jan**

7, 37 b-39 a

Lè sa-a :

Jézu kanpé, li rélé byin fò, li di : « Si yon moun souaf, sé pou-l vi-n jouinn mouin pou-l bouè. Moun ki kouè nan mouin, dapré sa sa-k ékri-a di-a, sé riviè dlo lavi k-ap koulé sot nan vant li ».

Li t-ap di sa sou Éspri-a moun ki kouè nan li yo té gin pou yo résévoua-a.

Paròl Granmèt la.

10

L-alé, li lavé kò-l, li vini, li ouè.

✠ **Léktu sint Évanjil la dapré Jan**

9, 1-7

Lè sa-a ;

Pandan Jézu ap pasé, li ouè yon moun ki avèg dépi-l té fèt.

Disip li yo pozé-l késion : « Rabi, kilès ki fè péché, sa-a oubyin paran-l yo, pou-l fèt tou avèg la ? »

Jézu réponn : « Ni li minm li pa fè péché, ni paran-l yo ; min sé pou travay Bondié kapab parèt klè nan li. Mouin gin pou-m réalizé travay sa-a ki voyé-m nan, toutotan li jou ; lannuit la ap rivé, koté pèsòn pa kapab travay, toutotan mouin sou tè-a, mouin sé limiè tè-a ».

Kon-l fi-n di sa, li kraché atè-a, li fè labou ak saliv la, li pasé labou-a sou jé-l, li di-l : « Alé, lavé kò-ou, nan basin Siloé-a », sa vlé di « Sa-a yo voyé-a ». Konsa, l-alé, li lavé kò-l, li tounin antan-l ouè.

Paròl Grammèt la.

11

*Moun ki rét nan mouin, épi mouin minm nan li,
moun sa-a donnin anpil foui.*

✚ Léktu sint Évanjil la dapré Jan

15, 1-11

Lè sa-a : Jézu di disip li yo :

« Mouin sé véritab pié rézin-an, Papa-m sé kiltivatè-a. Tout branch nan mouin ki pa donnin foui, l-ap ouété-l ; tout branch ki donnin foui, l-ap nétouayé-l pou-l donnin plis foui. Nou minm nou déjà pròp gras a paròl la mouin té palé nou-an.

Rété nan mouin, épi mouin minm nan nou. Minm jan branch la pa kapab donnin foui pou kont li-a, si-l pa rét nan pié rézin-an, konsa tou nou minm non plis, si nou pa rété nan mouin.

Mouin sé pié rézin-an, nou sé branch yo ; moun ki rét nan mouin, épi mouin minm nan li, moun sa-a donnin anpil foui, paské san mouin minm nou pa kapab fè anyin. Si yon moun pa rét nan mouin, y-ap jété-l déyò, tankou branch la, l-ap séché, y-ap ranmasé-l y-ap jété-l nan difé, l-ap boulé.

Si nou rét nan mouin, épi paròl mouin yo rété nan nou, tou sa nou vlé, nou mèt mandé-l, l-ap rivé pou nou.

Sé nan sa Papa-m jouinn gloua-l, pou nou donnin anpil foui, pou nou vi-n disip mouin. Minm jan Papa-a rinmin-m nan, mouin minm tou mouin rinmin-l. Rét nan rinmin-m nan.

Si nou kinbé kòmandman-m yo, n-ap rété nan rinmin-m nan ; minm jan mouin minm mouin kinbé kòmandman Papa-m yo, épi mouin rété nan rinmin-l nan.

Mouin di nou sa, pou kè kontan-m nan kapab nan nou, épi pou kè nou kapab kontan nèt ».

Paròl Granmèt la.

12

Bò kòt li louvri, san ak dlo koulé.

✠ **Léktu sint Évanjil la dapré Jan**

19, 31-35

Kòm sé té préparasion Pak la, pou kò yo pa-t rété sou koua-a jou saba-a (sèké jou sa-a sé té gran jou saba-a), Juif yo mandé Pilat pou yo krazé janm yo, pou yo ouété yo.

Sòlda yo rivé, yo krazé janm premié-a ak lòt la ki té klouré sou koua-a avèk Jézu-a.

Min lè yo rivé sou Jézu, yo ouè li té déjà mouri, yo pa krazé janm li, min youn nan sòlda yo louvri bò kòt li avèk pik li, minm lè-a san ak dlo koulé.

Moun ki ouè-a, li sèvi témouin, témouagnaj li-a vré. Li minm li konnin li di vérité, pou nou minm tou nou kapab kouè.

Paròl Granmèt la.

3. POU ADMÈT MOUN KI DÉJA BATIZÉ VALIDMAN NAN KOMINION AN PLIN AK ÉGLIZ LA

Léktu yo, psòm répons yo épi vèsè anvan Évanjil la, yo kapab pran yo soua toutantié soua an pati oubyin nan Mès jou-a, oubyin nan Mès pou unité krétyin yo (pi louin, p. 2267), oubyin nan Mès Inisiasion krétyèn nan (pi ro, p. 1903), oubyin nan sa-k suiv yo :

LÉKTU NAN NOUVO TÊSTAMAN-AN

1

Li paré plas yo davans tou, pou yo vi-n moulé nan pòtré Pitit li-a.

Léktu lèt apot sin Pòl pou Romin yo

8, 28-39

Frè-m yo :

Nou konnin pou moun yo Bondié rinmin yo, tout bagay sèvi pou byin yo, yo minm li rélé pou yo vi-n sin, dapré désizion li pran davans la. Réyéلمان, sa-a yo li chouazi davans yo, li paré plas yo davans tou, pou yo vi-n moulé nan pòtré Pitit li-a, pou li minm li vi-n tounin premié pitit nan pami tout foul frè yo. Sa-a yo li fi-n paré plas yo-a, li rélé yo tou ; sa-a yo li rélé-a, li fè yo vi-n sin tou ; sa-a yo li fè vi-n sin-an, li ba yo gloua-a tou.

Kisa donk pou nou di sou bagay sa yo ? Si Bondié pou nou, kilès k-ap kont nou ? Li minm ki pa ménajé pròp Pitit li-a, min ki rinmèt li pou nou tout, kòman li pa t-ap ba nou tout bagay avèk li ? Kilès k-ap fè akizasion kont sa yo Bondié chouazi yo ? Èské sé Bondié, li ki fè nou vi-n kòrèk la ? Kilès k-ap kondané nou ? Kris Jézu, ki mouri, pi plis ki résisité, ki adouat Bondié, k-ap intèsédé pou nou-an ?

Kilès ki kapab séparé nou sot nan rinmin Kris la ? tribilasion, oubyin kè séré, oubyin grangou, oubyin manké rad, oubyin danjé, oubyin pèsékisyon, oubyin épé ? jan sa ékri-a : « Poutèt ou, n-ap mouri chak jou, yo konsidéré nou tankou mouton labatoua ».

Min nan tout bagay sa yo, nou sipòté poutèt sa-a ki rinmin nou-an. Mouin sètin réyéلمان ni lanmò, ni lavi, ni anj, ni chèf, ni pouvoua, ni tan sa-a ni sa k-ap vini-an,-ni fòs, ni rotè, ni profondè, okinn kréatu pa kapab séparé nou sot nan rinmin Bondié-a, ki nan Kris Jézu Granmèt nou-an.

Paròl Granmèt la.

Léktu prémié lèt apot sin Pòl pou Korintyin**12, 31-13, 13**

Frè-m yo :

Sé pou nou chèché kado ki pi bon yo. M-ap montré nou yon rout ki pi bon. Si mouin t-a palé langaj lézòm ak langaj Anj yo, épi mouin pa gin charité, mouin t-a vi-n tankou yon fè k-ap sonnin oubyin yon sinbal k-ap fè boui. Si-m t-a gin profési, si-m t-a konnin tout mistè ak tout sians, épi si-m t-a gin tout lafoua, joutan pou-m t-a déplase mòn yo, épi mouin pa gin charité, mouin pa anyin. Si-m t-a séparé tout byin mouin yo pou bay pòv yo manjé, si-m t-a rinmèt kò-m pou yo boulé-m, épi mouin pa gin charité, sa pap sèvi-m anyin.

Charité-a gin pasians, li gin bon jan ; charité-a pa fè jalouzi, li pa aji pou-l vanté tèt li, li pa gonflé kò-l, li pa fè anbision, li pa chèché bagay ki pou li yo, li pa fè kòlè, li pa kalkilé sou sa-k mal, li pa kontan poutèt méchansté, okontrè li kontan pou lavérité : li sipòté nan tout okazion, li kouè nan tout okazion, li éspéré nan tout okazion, li andiré nan tout okazion.

Charité-a pap janm pasé, ni profési yo ap disparèt, ni lang yo ap sispann, ni sians yo ap détoui. Sé an mòso réyéلمان nou konnin, sé an mòso nou profétizé. Lè sa-k kòrèk nèt la ap rivé, sa-k an mòso-a ap pasé.

Lè-m té ti moun, mouin té palé tankou ti moun piti, mouin té réfléchi tankou ti moun, mouin té pansé tankou ti moun ; min lè-m vi-n granmoun, mouin fè bagay ti moun yo disparèt.

Nou ouè koulié-a tankou nan glas an parabòl, lè sa-a minm sé fas a fas ; koulié-a mouin konnin an mòso, lè sa-a minm m-ap konnin jan yo konnin mouin-an.

Koulié-a minm yo diré : lafoua-a, éspérans la ak charité-a, toua sa yo ; min pi gran nan yo-a sé charité-a.

Paròl Granmèt la.

3

*Bondié chouazi nou nan Kris la pou nou sin,
san répròch dévan-l nan rinmin-an.*

Léktu lèt apot sin Pòl pou Éfézyin yo

1, 3-14

Konpliman pou Bondié Papa Granmèt nou Jézu-Kri, li minm ki béni nou ak tout kalité bénédikcion spirituèl nan sièl la nan Kris la. Jan li té chouazi nou nan li anvan tè-a té fèt la, pou nou sin, san répròch dévan-l nan rinmin-an. Li té déstiné nou davans pou nou vi-n tounin pitit adoptif pou li pa pouvoua Jézu-Kri, dapré désizion volonté-l, pou louanj gloua gras li, koté li fè nou jouinn gras nan Pitit li-a li rinmin-an.

Nan li nou gin rédanmsion gras a san-l, padon péché yo dapré richès gras li-a, ki ranvèsé sou nou nan tout kalité sajès ak sians, pou-l té kapab fè nou konnin mistè volonté-l, dapré bon plézi-l, sa-l té ranjé davans nan li pou fè tan yo rivé nan dènié bout kous yo, fè tout bagay instalé nan Kris la, sa-k nan sièl la ak sa-k sou tè-a, nan li.

Sé nan li minm tou yo chouazi nou, yo rélé nou, nou minm tou, pitit Israèl yo, yo déstiné nou davans dapré plan sa-a ki fè tout bagay gras a désizion volonté-l la, pou nou vi-n sèvi louanj gras li, nou minm ki té espéré davans nan Kris la. Nan li minm nou minm tou, lè nou té tandé paròl vérité-a, Bòn Nouvèl sa-k sovè nou-an, nou té kouè, nou té maké ak mak Éspri Sin yo té promèt nou-an, li minm ki garanti éritaj nou-an, nan rédanmsion n-ap jouinn nan, pou louanj gras li-a.

Paròl Granmèt la.

4

*Yon sèl Granmèt, yon sèl lafoua, yon sèl batèm ;
yon sèl Bondié ak Papa tout moun.*

Léktu lèt apot sin Pòl pou Éfézyin yo

4, 1-7. 11-13

Frè-m yo :

Mouin priyé nou, mouin minm prizonié nan Granmèt la, pou nou maché korèk dapré diréksion voua ki rélé nou-an, antan nou rété nan pòv ti kondision moun nou-an, antan nou tou dou, antan nou pran pasians pou nou youn sipoté lèt nan charité-a ; fè efò pou nou konsèvé éspri ki fè nou fè yon sèl la nan chinn lapè-a.

Yon sèl kò ak yon sèl éspri, minm jan yo rélé nou nan yon sèl éspérans ki nan bout chemin koté yo rélé nou-an ; yon sèl Granmèt, yon sèl lafoua, yon sèl batèm ; yon sèl Bondié ak Papa tout moun, ki anlè tout moun, ki nan tout bagay épi ki nan nou tout.

Chak moun nan nou jouinn kado gras la dapré sa Kris la méziré pou li-a. Sé li minm ki bay kèk moun gras pou yo apot, kèk lòt minm sé profèt, dèt ankò sé évanjélis, dèt yo minm sé pastè ak savan sakré : konsa sin yo kapab vi-n kòrèk nèt nan travay ministè-a, antan kò Kris la ap bati, joutan nou tout nou rivé fè yon sèl nan lafoua-a ak nan konésans Pitit Bondié-a, pou nou vi-n sèl moun sa-a ki kòrèk nèt la, nan mézi dènié dévlopman Kris la.

Paròl Granmèt la.

5

Tou sa-k sin, sé bagay sa yo pou nou kalkilé.

Léktu lèt apot sin Pòl pou Filipyin yo

4, 4-8

Frè-m yo :

Fè kè nou kontan nan Granmèt la tout tan ; mouin tounin di nou sa ankò : fè kè nou kontan. Sé pou tout moun konnin kijan nou trankil : Granmèt la tou pré.

Pa chajé tèt nou ak anyin ; min nan tout kalité priyè, lè n-ap mandé, avèk aksion-gras, sé pou nou fè Bondié konnin bézouin nou yo, épi lapè Bondié-a, ki dépasé tou sa nou kapab santi, sé pou-l kinbé kè nou ak intéljans nou yo nan Kris Jézu.

Pou rès la, frè-m yo, tou sa-k vré, tou sa-k pròp, tou sa-k kòrèk, tou sa-k sin, tou sa-k mérité rinmin, tou sa-k gin bon rénomé, si gin yon bon kalité, si gin yon bagay ki mérité louanj, sé bagay sa yo pou nou kalkilé.

Paròl Granmèt la.

6

*Éspri nou ak nanm nou ak kò nou,
ap konsèvé pou lè Granmèt la rivé.*

Léktu prémié lèt apot sin Pòl pou Tésalonisyin yo

5, 16-24

Frè-m yo :

Sé pou nou kontan tout tan. San rété sé pou nou priyé. Nan tout okazion sé pou nou rann gras : sa-a sé volonté Bondié nan Kris Jézu pou nou tout. Pa étinn Éspri-a ; pa méprizé profési yo ; sèlman sé pou nou éséyé tout bagay, sé sa-k bon-an pou nou kinbé, sé pou nou rét louin tout kalité mal.

Bondié lapè-a minm, sé pou-l fè nou vi-n sin nan tout bagay, pou-l kinbé éspri nou intak, ni nanm nou, ni kò nou san répròch pou lè Granmèt nou Jézu-Kri ap rivé-a. Li fidèl, li minm ki rélé nou-an, sé li minm tou k-ap aji.

Paròl Granmèt la.

PSÒM RÉPONS YO

1

PSÒM RÉPONS

Ps 26, 1. 4. 8 b-9 abc. 13-14 (R: 1 a)

R: Granmèt la sé limiè-m k-ap sovè-m.

- 1** Granmèt la sé limiè-m k-ap sovè-m, kilès pou-m pè ?
Granmèt la sé protéksion lavi-m, dévan kilès pou-m tranblé ? **R:**
- 4** Yon sèl bagay mouin té mandé Granmèt la, sé sa m-ap chèché,
pou-m abité kay Granmèt la tout jou lavi mouin,
pou-m ouè dousè Granmèt la,
épi pou-m vizité tanp li-a. **R:**
- 8** Sé fas ou, Granmèt, m-ap chèché.
- 9** Pa viré fas ou louin-m,
pa viré do bay sèvitè-ou la nan kòlè.
Sé sékou-m ou yé, pa lagé-m. **R:**
- 13** Mouin kouè m-ap ouè byin Granmèt la nan tè vivan yo.
- 14** Tann Granmèt la, pran kouraj,
épi asiré kè-ou, épi apuiyé sou Granmèt la. **R:**

2

PSÒM RÉPONS

Ps 41, 2. 3 ; Ps 42, 3. 4 (R: Ps 41, 3 a)

- R: Nanm mouin souaf Bondié vivan-an.
- 2 Tankou yon sèrf anvì al nan sous dlo yo,
konsa nanm mouin anvì al koté-ou, Bondié. R:
- 3 Nanm mouin souaf Bondié, Bondié vivan-an ;
kilè m-apral parèt dévan fas Bondié ? R:
- 3 Voyé limiè-ou la ak vérité-ou la, pou yo kondui-m,
pou yo minn-m sou mòn ou-a ki sin-an, ak nan tant ou-a. R:
- 4 M-ap antré kot lotèl Bondié-a,
kot Bondié kè kontan mouin-an.
M-ap fè louanj ou sou gita, Bondié, Bondié-m. R:

3

PSÒM RÉPONS

Ps 60, 2-3 a. 3 bc-4. 5-6. 9 (R: 4 a)

- R: Ou sé éspérans mouin, Granmèt.
- 2 Kouté démann mouin, Granmèt,
panché sou priyè-m.
- 3 Dépi nan bout tè-a m-ap rélé koté-ou. R:
Pandan kè-m séré.
Sou ròch yo pa kapab monté-a, kondui-m !
- 4 Paské ou sé éspérans mouin,
sitàdèl fòs an fas ènmi-an. R:
- 5 M-ap abité nan tant ou-a pou tout tan,
m-ap jouinn protéksion nan voual zèl ou yo,
- 6 paské ou minm, Bondié mouin, ou kouté voua-m ;
ou bay éritaj moun ki krinn non-ou yo. R:
- 9 Konsa m-ap chanté psòm ou non-ou pou tout tan gin tan
pou-m rinnèt vé-m yo sot nan jou al nan jou. R:

4

PSÒM RÉPONS

Ps 62, 2. 3-4. 5-6. 8-9 (R: 2 b)

- R: Nanm mouin souaf ou, Granmèt, Bondié mouin.

- 2 Bondié, sé Bondié-m ou yé, dépi granmatin m-ap véyé koté-ou.
Nanm mouin souaf ou,
chè mouin anvi-ou. **R:**
- 3 Nan tè ki pa gin anyin-an, ki sèk la, ki san dlo-a, s
sé konsa mouin parèt dévan-ou nan tanp la,
pou-m ouè puisans ou avèk gloua-ou.
- 4 Paské mizérikòd ou pi bon pasé lavi yo,
bouch mouin ap fè louanj ou. **R:**
- 5 Sé konsa m-ap fè konpliman pou ou nan lavi-m,
o non-ou m-ap lévé min-m.
- 6 Tankou ak grès, ak moual, nanm mouin ap plin,
ak kè kontan sou po bouch mouin m-ap fè louanj. **R:**
- 8 Sèké ou té poté-m sékou,
anba voual zèl ou yo m-ap dansé.
- 9 Nanm mouin kolé apré-ou,
min douat ou soutni-m. **R:**

5

PSÒM RÉPONS

Ps 64, 2-3 a. 3 b-4. 5. 6 (**R:** : 2 a)

- R:** Nou doué-ou kantik, Bondié, nan Siyon.
- 2 Nou doué-ou kantik, Bondié, nan Siyon ;
y-ap rinnèt ou vé nan Jérusalèm.
- 3 Ou minm ki kouté priyè. **R:**
Koté-ou tout chè vini poutèt péché.
- 4 Minm si fot nou yo dépasé anlè nou,
ou minm ou padonnin yo. **R:**
- 5 Ala kontantman pou sa-a ou chouazi-a épi ou pran-an;
l-ap abité nan lakou-ou yo.
Y-ap plin ak byin kay ou-a,
ak sinteté tanp ou-a. **R:**
- 6 Ou ékstraòdinè nan jistis,
ou kouté nou, Bondié ki sové nou-an,
éspérans tout limit tè-a ak lanmè ki louin-an. **R:**

6

PSÒM RÉPONS

Ps 120, 1-2. 3-4. 5-6. 7-8 (R: 2 a)

R: Sékou-m ap vi-n sot nan Granmèt la.

- 1 M-ap lévé jé-m nan mòn yo :
koté sékou-m ap soti ?
- 2 Sékou-m ap vi-n sot nan Granmèt la,
ki té fè sièl la ak tè-a. R:
- 3 Li pap kité pié-ou bité,
li pap dòmi, li minm k-ap véyé sou ou-a.
- 4 Gadé li pap dòmi, li pap fèmin jé-l,
li minm k-ap véyé sou Israèl la. R:
- 5 Granmèt la ap véyé sou ou,
Granmèt la sé lonbraj ou,
li sou bò min douat ou.
- 6 Lajounin solèy pap frapé-ou,
ni lali-n pandan lannuit. R:
- 7 Granmèt la ap véyé sou ou kont tout malè ;
Granmèt la ap véyé sou nanm ou.
- 8 Granmèt la ap véyé sou antré-ou ak sòti-ou,
dépi koulié-a jous pou tout tan. R:

ÉVANJIL YO

1

Fè kè nou kontan, fété, paské rékonpans nou anpil nan sièl yo.

✠ Léktu sint Évanjil la dapré Matié

5, 2-12 a

Lè sa-a :

Jézu t-ap anségné disip li yo, antan l-ap di :

« Ala kontantman pou moun ki pòv yo nan éspri-a, paské sé pou yo péyi-roua sièl yo yé.

Ala kontantman pou moun ki dou yo, paské sé yo minm k-ap posédé tè-a.

Ala kontantman pou moun k-ap kriyé yo, paské y-ap konsolé.

Ala kontantman pou moun ki grangou, ki souaf jistis la, paské y-ap jouinn kont yo.

Ala kontantman pou moun ki gin mizérikòd yo, paské y-ap jouinn mizérikòd.

Ala kontantman pou moun ki gin kè yo nèt yo, paské y-ap ouè Bondié.

Ala kontantman pou moun k-ap travay pou lapè-a, paské y-ap rélé yo pitit Bondié.

Ala kontantman pou moun k-ap souffri pèsékision poutèt jistis la, paské sé pou yo péyi-roua sièl la yo yé.

Ala kontantman pou nou, lè y-ap madichonnin nou, lè y-ap pèsékité nou, lè y-ap di tout kalité mal kont nou, antan y-ap fè manti, akòz mouin ; fè kè nou kontan, fété, paské rékonpans nou anpil nan sièl yo ».

Paròl Granmèt la.

2

Sé konsa pou limiè nou kléré dévan moun yo.

✠ Léktu sint Évanjil la dapré Matié

5, 13-16

Lè sa-a : Jézu té di disip li yo :

« Nou sé sèl tè-a. Si sèl la vi-n fad, ak ki sa y-ap salé-l ? Li pa vo anyin ankò, sof pou yo jété-l déyò, pou moun pilé-l.

Nou sé limiè tè-a. Yon vil ki pozé sou yon mòn pa kapab kaché. Yo pa limin yon lanp, pou yo mété-l anba bokit ; min sou yon étajè, pou-l kléré tout moun ki nan kay la.

Sé konsa pou limiè nou kléré dévan moun yo, pou yo ouè bon aksion nou yo, pou yo fè louanj pou Papa nou ki nan sièl la ».

Paròl Granmèt la.

3

Ou té kaché bagay sa yo pou saj yo épi ou té révéle yo bay ti moun piti yo.

✠ **Léktu sint Évanjil la dapré Matié**

11, 25-30

Lè sa-a Jézu pran laparòl, li di :

« Mouin fè konpliman pou ou, Papa, Granmèt sièl la ak tè-a, paské ou té kaché bagay sa yo pou saj yo ak intélijan yo, ou té révéle yo bay ti moun piti yo. Oui, Papa, paské sé konsa sa fè-ou plézi. Papa-m rinmèt mouin tout bagay, pèsòn pa konnin Pitit la, sof Papa-a ; ni pèsòn pa konnin Papa-a, sof Pitit la ak moun Pitit la vlé révéle sa.

Vi-n jouinn mouin, nou tout k-ap fatigé, k-ap rédi anba gro chaj, m-ap réfè fòs nou. Pran jouk mouin sou nou, pran léson nan min-m, paské mouin tou dou, mouin pòv nan kè-m ; n-ap jouinn répo pou nanm nou ; jouk mouin fasil pou poté, chaj mouin léjé ».

Paròl Granmèt la.

4

Pou tout moun ki kouè nan li gin lavi tout tan-an.

✠ **Léktu sint Évanjil la dapré Jan**

3, 16-21

Lè sa-a :

Jézu di Nikodèm : « Bondié tèlman rinmin tè-a, li bay Pitit li-a, sèl Pitit li-a, pou tout moun ki kouè nan li pa péri, min pou-l gin lavi tout tan-an. Sèké Bondié pa-t voyé Pitit li-a sou tè-a pou-l jijé tè-a, min pou tè-a té kapab sové pa lintèmédiè li.

Moun ki kouè nan li, yo pap jijé-l ; moun ki pa kouè-a minm, li déjà jijé, paské li pa kouè o non sèl Pitit Bondié-a.

Min jijman-an, limiè-a vi-n sou tè-a, min moun yo té pi rinmin fènoua yo pasé limiè-a ; sèké travay yo té mové. Réyéلمان tout moun k-ap aji mal, li rayi limiè-a, li pa vi-n nan limiè-a, pou yo pa réproché travay li yo.

Min moun ki fè vérité-a, li vi-n nan limiè, pou yo kapab ouè travay li klè, sé nan Bondié yo fèt ».

Paròl Granmèt la.

5

N-ap vi-n jouinn li, n-ap abité lakay li.

✠ **Léktu sint Évanjil la dapré Jan**

14, 15-23. 26-27

Lè sa-a : Jézu di disip li yo :

« Si nou rinmin-m kinbé kòmandman-m yo. M-ap priyé Papa-a, l-ap ba nou yon lòt Avoka, pou-l rété avèk nou pou tout tan : Éspri vérité-a, sa tè-a pa kapab résévoua-a, paské li pa ouè-l, ni li pa konnin-l ; min nou minm n-ap konnin-l, paské l-ap rété lakay nou, l-ap nan nou.

Mouin pap kité nou òfélin ; m-ap vi-n jouinn nou. Yon ti moman ankò, tè-a pap ouè-m ; min nou minm n-ap ouè-m, paské mouin vivan épi n-ap viv. Jou sa-a n-ap konnin mouin nan Papa-m, épi nou nan mouin, épi mouin nan nou. Moun ki gin kòmandman-m yo, épi ki kinbé yo, moun sa-a sé li minm ki rinmin-m. Moun ki rinmin-m nan minm, Papa-m ap rinmin-l tou ; m-ap rinmin-l, m-ap parèt dévan-l ».

Jud di-l, sé pa Iskariòt la : « Granmèt, pou ki rézon sé nou minm ou-ap fè ouè-ou, sé pa tè-a ? »

Jézu pran laparòl, li di-l : « Si yon moun rinmin-m, l-ap kinbé paròl mouin, Papa-m ap rinmin-l, n-ap vi-n jouinn li, n-ap abité lakay li.

Avoka-a minm, Éspri Sin-an, sa Papa-a ap voyé o non-m nan, sé li minm k-ap aprann nou tout bagay, l-ap souflé nou tou sa-m té di nou yo. Sé lapè mouin kité pou nou, sé lapè-m nan mouin ba nou ; sé pa tankou tè-a bay li-a mouin ba nou li. Pa kité kè nou troublé, pa kité-l soté ».

Paròl Granmèt la.

6

Mouin sé pié rézin-an, nou sé branch yo.

✠ **Léktu sint Évanjil la dapré Jan**

15, 1-6

Lè sa-a : Jézu di disip li yo :

« Mouin sé véritab pié rézin-an, Papa-m sé kiltivatè-a. Tout branch nan mouin ki pa donnin foui, l-ap ouété-l ; tout branch ki donnin foui, l-ap nétouayé-l pou-l donnin plis foui. Nou minm nou déjà pròp gras a paròl la mouin té palé nou-an.

Rété nan mouin, épi mouin minm nan nou. Minm jan branch la pa kapab donnin foui pou kont li-a, si-l pa rét nan pié rézin-an, konsa tou nou minm non plis, si nou pa rété nan mouin.

Mouin sé pié rézin-an, nou sé branch yo ; moun ki rété nan mouin, épi mouin minm nan li, moun sa-a donnin anpil foui, paské san mouin minm nou pa kapab fè anyin. Si yon moun pa rété nan mouin, y-ap jété-l déyò, tankou branch la, l-ap séché, y-ap ranmasé-l y-ap jété-l nan difé, l-ap boulé ».

Paròl Granmèt la.

4. ANTAN Y-AP ADMINISTRÉ KONFIMASION-AN

LÉKTU NAN ANSYIN TÉSTAMAN-AN

1

*Éspri Granmèt la ap pozé sou li.***Léktu liv profèt Izayi**

11, 1-4 a

Jou sa-a :

Yon ramo ap soti nan rasi-n Jésé, épi yon flè ap monté sot nan rasi-n li, épi Éspri Granmèt la ap pozé sou li : éspri sajès ak intélizans, éspri konsèy ak fòs, éspri sians ak piété, épi éspri krint Granmèt la ap plin-l.

Sé pa dapré sa-k parèt dévan jé l-ap jijé, ni dapré brui ki rivé nan zòrèy l-ap fè répròch ; min l-ap jijé pòv yo nan jistis, épi l-ap fè répròch nan sa ki douat pou pòv yo sou tè-a.

Paròl Granmèt la.

2

*Mouin té mété Éspri-m sou sèvitè-m nan.***Léktu liv profèt Izayi**

42, 1-3

Min paròl Granmèt la :

« Min sèvitè-m nan, m-ap soutni-l, li minm mouin chouazi-a nanm mouin jouinn plézi nan li : mouin té mété Éspri-m sou li, l-ap poté jijman-an nan nasion yo.

Li pap rélé, li pap konsidéré figi moun, yo pap tandé voua-l déyò. Rozo ki féfé-a, li pap krazé-l, mèch k-ap fè lafimin-an, li pap étinn li, sé nan vérité-a l-ap fè jijman-an soti.

Paròl Granmèt la.

3

*Granmèt la sakré-m, li voyé-m anonsé pòv yo Bon Nouvèl la,
ba yo losion kè kontan-an.*

Léktu liv profèt Izayi

61, 1-3 a. 6 a. 8 b-9

Éspri Granmèt la sou mouin, sé poussa Granmèt la sakré-m, li voyé-m poté nouvèl bay pòv yo, pou-m pansé kè ki krazé yo, pou-m préché padon bay prizonié yo, délivrans bay sa-k fèmin yo, pou-m préché yon ané koté Granmèt la fè gras, yon jou vanjans pou Bondié nou-an, pou-m konsolé tout moun ki nan lapinn, pou-m mété yon kouròn nan plas sann pou moun Siyon yo ki nan lapinn yo, losion kè kontan nan plas dèy, manto louanj nan plas éspri chagrin.

Nou minm y-ap rélé nou « prèt Granmèt la », y-ap di nou « sèvitè Bondié nou-an ».

M-ap ba yo rézilta travay yo nan vérité, m-ap passé yon aliens tout tan avèk yo. Y-ap rékonèt ras yo nan nasion yo, ak sa-k sot nan yo nan mitan pèp yo. Tout moun k-ap ouè yo ap rékonèt yo, paské yo sé sémans Granmèt la béni.

Paròl Granmèt la.

4

M-ap mété yon éspri nouvo nan mitan nou.

Léktu liv profèt Ézékièl

36, 24-28

Min paròl Granmèt la :

« M-ap pran nou sot nan nasion yo, m-ap rasanblé nou sot nan tout péyi yo, m-ap minnin nou nan péyi nou-an, m-ap vidé yon dlo pròp sou nou, n-ap pròpté sot nan tou sa-k sal nou, anba tout zidòl nou yo m-ap pròpté nou.

M-ap ba nou yon kè nouvo, m-ap mété yon éspri nouvo nan mitan nou, m-ap ouété kè ròch la sot nan chè nou, m-ap mété éspri-m nan mitan nou, m-ap fè nou maché nan lòd mouin yo, pou nou kinbé jijman-m yo, pou nou réalizé yo.

N-ap abité nan tè-a, sa-m té bay papa nou yo, n-ap pèp mouin, m-ap Bondié nou ».

Paròl Granmèt la.

5

*Sou sèvitè-m yo ak sèvant mouin yo
m-ap vidé Éspri-m.*

Léktu liv profèt Joël

2, 23 a. 26-3, 1-3 a

Min paròl Granmèt la :

« Pitit fi Siyon, fété épi fè kè nou kontan nan Granmèt Bondié nou-an. N-ap manjé byin manjé épi n-ap satisfè ; épi n-ap fè louanj non Granmèt Bondié nou-an, ki té fè mèvèy pou nou-an, pèp mouin-an pap ront pou tout tan. N-ap konnin mouin nan mitan Israèl, épi mouin minm Granmèt Bondié nou-an, épi pa gin dèt ; pèp mouin pap ront pou tout tan.

M-ap vidé éspri-m apré bagay sa yo sou tout chè, pitit gason nou yo ak pitit fi nou yo ap profétizé, granmoun nou yo ap gin mèsaj nan rèv, jèn jan nou yo ap ouè vizion ; minm sou sèvitè-m yo ak sèvant mouin yo jou sa yo m-ap vidé éspri-m. M-ap mété prodij nan sièl la ak sou tè-a ».

Paròl Granmèt la.

LÉKTU NAN NOUVO TÉSTAMAN-AN

1

PRÉMIÉ LÉKTU

N-ap résévoua fòs Éspri Sin-an k-ap vini sou nou, n-ap sèvi-m témouin.

Léktu Travay Apot yo

1, 3-8

Jézu té parèt dévan apot li yo byin vivan apré soufrans li-a avèk anpil prèv, pandan karant jou li parèt dévan yo, l-ap palé yo sou péyi roua Bondié-a.

Pandan l-ap manjé, li pasé yo lòd pou yo pa kité Jérusalèm, min pou yo tann réalizasyon promès Papa-a, li di : « Sa nou té tandé nan bouch mouin-an ; sèké Jan té batizé nan dlo, min nou minm sé nan Éspri Sin-an n-ap résévoua batèm, nan kèk jou ».

Konsa, sa yo ki té rasanblé yo, yo t-ap pozé-l késion, yo t-ap di : « Granmèt, èské sé nan tan sa-a ou-ap réfè péyi roua Israèl la ? »

Li di yo : « Sé pa nou minm k-ap konnin tan ak moman Papa-a desidé nan pouvoua-l ; min n-ap résévoua puisans Éspri Sin-an k-ap vini sou

nou, n-ap sèvi-m témouin Jérusalèm, nan tout Judé-a ak Samari-a, épi jous nan bout tè-a ».

Paròl Granmèt la.

2

Tout moun vi-n plin ak Éspri Sin-an épi yo kòmansé palé.

Léktu Travay Apot yo

2, 1-6. 14. 22 b-23. 32-33

Lè jou Pantkot yo rivé bout, tout moun té ansanm nan minm koté-a ; san-zatann, vi-n gin yon boui ki sot nan sièl la tankou boui van ki rivé byin fò, li plin tout kay la, koté yo té chita-a. Anpil ti mòso lang tankou difé vi-n parèt sou yo, li chita sou yo chak. Tout moun vi-n plin ak Éspri Sin-an, épi yo kòmansé palé divès lang, dapré sa Éspri Sin-an té pèmèt yo palé.

Jérusalèm minm té gin Juif yo ki abité péyi-a, ni moun rélijyé ki sot nan tout nasion ki anba sièl la. Lè voua-a rivé, foul la rasanblé, éspri yo troublé, paské chak moun t-ap tandé nan pròp lang li sa yo ki t-ap palé yo.

Piè kanpé avèk onz yo, li lévé voua-l, li déklaré : « Mésié Juif yo ak nou tout ki abité Jérusalèm, aprann sa, paré zòrèy nou nan paròl mouin yo. Mésié Israèl yo, kouté paròl sa yo : Jézu moun Nazarèt la, mésié sa-a Bondié té sèvi-l témouin nan mitan nou-an, avèk mèvèy, prodij ak sign Bondié té fè pa lintèmédiè li nan mitan nou, jan nou konnin-an, sé li minm nou té touyé-a, lè nou fi-n rinmèt li nan min méchan yo pou yo fè-l pasé tribilasyon, dapré plan Bondié té fiksé ak prévouayans li.

Jézu sa-a, Bondié résisité-l, nou tout nou sèvi-l témouin. Antan-l lévé anlè réyèlman gras a min douat Bondié, épi li résévoua promès Éspri Sin-an nan min Papa-a, li vidé-l, sa nou tandé-a épi nou ouè-a ».

Paròl Granmèt la.

3

Yo pozé min sou yo, yo résévoua Éspri Sin-an.

Léktu Travay Apot yo

8, 1. 4. 14-17

Jou sa yo vi-n gin yon gran pèsékision kont Égliz la ki té Jérusalèm nan ; tout moun sé gayé nan réjion Judé ak Samari-a sof Apot yo.

Konsa sa yo ki té gayé yo, yo t-ap travèsé ap poté bòn nouvèl paròl Bondié-a.

Lè Apot yo ki té Jérusalèm yo tandé, kijan Samari té résévoua paròl Bondié-a, yo voyé Piè ak Jan lakay yo. Lè yo rivé, yo priyé pou yo, pou yo résévoua Éspri Sin-an ; sèké li pa-t ko vini sou pèsòn nan yo, min sé o non Granmèt Jézu sèl yo té batizé.

Lè sa-a atò yo pozé min sou yo, yo résévoua Éspri Sin-an.

Paròl Granmèt la.

4

Éspri Sin-an tonbé sou tout moun ki t-ap kouté paròl la.

Léktu Travay Apot yo

10, 1. 33-34 a. 37-44

Jou sa yo :

Té gin yon mésié nan Sézaré yo rélé Kòrnèy, santirion lamé, sa yo rélé Italik la.

Li di Piè : « Mouin té voyé koté-ou, épi ou minm ou té byin fè vini ; koulié-a min nou tout nou kanpé dévan fas ou, pou nou kouté tout lòd ou-ap pasé nou sot nan Granmèt la ».

Piè louvri bouch li, li di : « Nou konnin, paròl ki rivé nan tout Judé-a, kòmansé dépi sot nan Galilé apré batèm nan, sa Jan té préché-a, Jézu moun Nazarèt la, kijan Bondié sakré-l ak Éspri Sin-an avèk puisans, li minm ki travèsé antan l-ap fè sa-k byin, l-ap géri tout moun ki t-ap sibi tribiliasion anba pouvoua djab la, paské Bondié té avèk li.

Nou minm nou témouin tou sa-l té fè nan réjion Juif yo ak Jérusalèm ; li minm yo té touyé antan yo pandié-l sou boua-a. Bondié résisité-l touazièm jou-a ; li fè-l parèt, non pa dévan tout pèp la, min dévan témouin yo Bondié té chouazi davans yo : nou minm, ki té manjé, ki té bouè avèk li, apré-l té fi-n résisité sot nan pami mò yo.

Li pasé nou lòd pou nou préché pèp la, pou nou sèvi témouin Bondié mété-l kòm jij moun ki vivan yo ak moun ki mouri yo. Tout profèt yo sévi-l témouin tout moun ki kouè nan li ap résévoua padon péché yo o-non-li ».

Pandan Piè ap palé toujou, Éspri Sin-an tonbé sou tout moun ki t-ap kouté paròl la.

Paròl Granmèt la.

5

Èské nou té résévoua Éspri Sin-an lè nou té kouè-a ?

Léktu Travay Apot yo

19, 1 b-6 a

Jou sa yo :

Pòl rivé Éfèz, li jouinn kèk disip.

Li di yo : « Èské nou té résévoua Éspri Sin-an lè nou té kouè-a ? »

Yo di-l : « Nou pa minm tandé palé sou Éspri Sin-an ».

Li di : « Nan ki sa nou té batizé ? »

Yo di : « Nan batèm Jan-an ».

Pòl di : « Jan té batizé pèp la nan batèm pénitans, antan li té di pou yo kouè nan sa-a ki gin pou-l vini apré-l la, sa-a minm sa vlé di nan Jézu ».

Lè yo tandé sa, yo batizé o non Granmèt Jézu. Lè Pòl pozé min sou yo, Éspri Sin-an vi-n sou yo.

Paròl Granmèt la.

6

Rinmin Bondié-a vidé nan kè nou pa lintèmédiè Éspri Sin-an yo ba nou-an.

Léktu lèt apot sin Pòl pou Romin yo

5, 1-2. 5-8

Frè-m yo :

Kòm nou vi-n kòrèk gras a lafoua-a, sé pou nou gin lapè k-ap fè nou proche kot Bondié pa lintèmédiè Granmèt nou Jézu-Kri, sé pa lintèmédiè-l tou nou gin posibilite proche nan gras sa-a pa lintèmédiè lafoua-a, gras sa-a ki pèmèt nou jouinn konsidérasion nou, antan n-ap espéré gloua pitit Bondié yo.

Éspérans la minm pa fè nou ront, paské rinmin Bondié-a vidé nan kè nou pa lintèmédiè Éspri Sin-an yo ba nou-an. Èské Kris la, malgré nou té fèb toujou-a, li pa-t mouri pou péchè yo lè tan-an rivé-a ? Apèn yon moun kapab aksépté mouri pou yon lòt ki kòrèk ; pou yon moun débyin, apèn yon moun kapab riské mouri ?

Min Bondié montré jan-l rinmin nou, paské, malgré sé péchè nou té yé, Kris la mouri pou nou nan tan fiksé-a.

Paròl Granmèt la.

7

*Éspri-a li minm, li sèvi témouin, ansanm ak éspri pa nou :
nou sé ti pitit Bondié.*

Léktu lèt apot sin Pòl pou Romin yo

8, 14-17

Frè-m yo :

Moun ki kité Éspri Bondié-a kondui yo, sé pitit Bondié yo yé.

Nou pa-t résevoua éspri ésklavaj la yon lòt foua ankò pou nou nan kè soté, min nou té résevoua éspri ki fè nou vi-n tounin pitit la. Sé nan li nou rélé : « Aba, Papa ».

Éspri-a li minm, li sèvi témouin, ansanm ak éspri pa nou : nou sé ti pitit Bondié. Si nou sé ti pitit, nou sé éritié tou. Si nou sé éritié Bondié, nou éritié ansanm ak Kris la, paské n-ap soufri ansanm avèk li pou nou jouinn gloua pouvoua-a ansanm avèk li.

Paròl Granmèt la.

8

*Éspri-a ap priyé pou nou antan l-ap plinn
ak mo yo pa kapab déklaré.*

Léktu lèt apot sin Pòl pou Romin yo

8, 26-27

Frè-m yo :

Éspri-a édé féblès nou : sèké nou pa konnin kijan pou nou priyé ; min sé Éspri-a li minm k-ap priyé pou nou ak mo yo pa kapab palé. Sa-a k-ap sondé kè yo, li konnin sa Éspri-a anvi-a, paské sé dapré Bondié li priyé pou sin yo.

Paròl Granmèt la.

9

*Yon sèl ak minm Éspri-a k-ap séparé
bay chak moun jan-l vlé-a.*

Léktu prémié lèt apot sin Pòl pou Korintyin yo

12, 4-13

Gin divès kalité gras, min sé yon sèl Éspri-a. Gin divès kalité sèvis, min sé yon sèl Granmèt la. Gin divès kalité aktivité, min sé yon sèl

Bondié-a ki fè tout bagay nan tout moun. Sèlman yo bay chak moun manifèstasion Éspri-a pou bézouin-an.

Ginyin yon pòsion, pa lintèmediè Éspri-a yo ba yo paròl sajès, yon lòt pòsion minm sé paròl sians dapré minm Éspri-a, dèt sé lafoua nan minm Éspri-a, dèt sé gras gérizon nan yon sèl Éspri-a, dèt sé aktivité pouvoua, dèt sé profési, dèt sé rékonèt kalité éspri yo, dèt sé divès kalité lang, dèt sé bay sans paròl yo.

Tout bagay sa yo, sé yon sèl ak minm Éspri-a ki fè yo, antan li séparé bay chak moun jan-l vlé.

Minm jan kò-a li yon sèl, min li gin anpil manb, tout manb kò-a, malgré yo anpil la, sé yon sèl kò yo fè : sé konsa tou pou Kris la. Réyèlman sé nan yon sèl Éspri-a nou tout nou batizé nan yon sèl kò, soua Juif yo, soua nasion yo, soua ésklav yo, soua moun lib yo ; épi nou tout sé nan yon sèl Éspri, nou pasé souaf nou.

Paròl Granmèt la.

10

*Si sé Éspri-a k-ap fè nou viv,
sé dapré Éspri-a tou pou nou maché.*

Léktu lèt apot sin Pòl pou Galat yo

5, 16-17. 22-23 a. 24-25

Frè-m yo :

Maché nan Éspri-a, konsa nou pap réalizé sa chè-a anvi-a. Sèké chè-a gin anvi ki drésé kont éspri-a, éspri-a tou kont chè-a ; youn ap batay kont lòt, si byin sé pa sa nou vlé nou fè.

Min foui Éspri-a minm sé charité, kè kontan, lapè, pasians, bon jan, bon kè, padon, dousè, lafoua, sinplisité, kontrolé mové tandans, réglé plézi kò-a. Kont kalité bagay sa yo pa gin laloua. Sa-k moun Kris la, yo klouré chè yo sou koua-a avèk mové défo yo ak vié lanvi yo.

Si sé Éspri-a k-ap fè nou viv, sé dapré Éspri-a tou pou nou maché.

Paròl Granmèt la.

11

Nou té maké ak mak Éspri Sin yo té promèt nou-an.

Léktu lèt apot sin Pòl pou Éfézyin yo

1, 3 a. 4 a. 13-19 a

Konpliman pou Bondié Papa Granmèt nou Jézu-Kri : li minm ki té chouazi nou nan li anvan tè-a té fèt la. Nan li minm nou minm tou, lè nou té tandé paròl vérité-a, Bòn Nouvèl sovè nou sovè-a, nou té kouè, nou té maké ak mak Éspri Sin yo té promèt nou-an, li minm ki garanti éritaj nou-an, pou rédanmsion n-ap jouinn nan, pou louanj gloua li-a.

Lè-m tandé palé sou lafoua nou, ki nan Granmèt Jézu-a, ak sou rinmin nou ginyin pou tout sin yo, mouin pa sispann ap di Bondié mèsi pou nou, antan m-ap fè sonjé nou nan priyé-m yo :

Sé pou Bondié Granmèt nou Jézu-Kri, Papa gloua-a, ba nou éspri sajès avèk révélasion ki fè nou konnin-l vré ; sé pou-l kléré jé kè nou, pou nou konnin ki éspérans ki ginyin nan rélé li rélé nou-an, ki richès gloua éritaj li-a ginyin nan sin yo, kijan pouvoua-l gran dépasé mézi nan nou minm ki kouè yo.

Paròl Granmèt la.

12

Yon sèl kò, yon sèl Éspri, yon sèl batèm.

Léktu lèt apot sin Pòl pou Éfézyin yo

4, 1-6

Frè-m yo :

Mouin priyé nou, mouin minm prizonié nan Granmèt la, pou nou maché dapré diréksion yo té rélé nou-an ; antan nou tou piti, tou dou, nan kè-n, sé pou nou pran pasians pou nou youn sipòté lòt nan rinmin-an ; fè éfò pou nou konsèvé éspri ki fè nou fè yon sèl la nan chinn lapè-a :

Tankou yo réfè nou nan yon sèl éspérans, sé yon sèl kò ak yon sèl Éspri ki ginyin ; yon sèl Granmèt, yon sèl lafoua, yon sèl batèm ; yon sèl Bondié ak Papa tout moun, ki anlè tout moun, ki nan tout bagay épi ki nan nou tout.

Paròl Granmèt la.

PSÒM RÉPONS YO

1

PSÒM RÉPONS Ps 21, 23-24, 26-27, 28 é 31-32 (R̥ : 23 a oubyin Jn 15, 26-27)

R̥ M-ap rakonté non-ou bay frè mouin yo.

oubyin :

R̥ Lè Avoka-a ap rivé, nou minm tou n-ap sèvi-m témouin.

²³ M-ap rakonté non-ou bay frè mouin yo,
nan mitan asanblé-a m-ap fè louanj ou.

²⁴ Nou minm ki krinn Granmèt la, sé pou nou fè louanj li,
tout ras Jakòb, déklaré gloua li,
sé pou tout ras Israèl krinn li. R̥

²⁶ Louanj mouin koté-ou, Granmèt, nan foul fidèl yo ;
M-ap réglé sa-m té promèt yo dévan moun ki krinn li yo ;

²⁷ Sé pou pòv yo manjé, sé pou yo gin vant plin,
y-ap fè louanj Granmèt la, sa yo k-ap chèché-l yo.
« Sé pou kè yo viv pou tout tan gin tan ». R̥

²⁸ Y-ap sonjé, y-ap tounin kot Granmèt la
tout limit tè-a,
y-ap adoré dévan-l
tout fanmi nasion yo.

³¹ Épi ras mouin ap sèvi-l.

³² Y-ap palé sou Granmèt la bay jénérasyon k-ap vini-an,
y-ap anonsé jistis li-a bay pèp la k-ap fèt la :
« Sé bagay yo Granmèt la té fè ». R̥

2

PSÒM RÉPONS

Ps 22, 1-3. 4. 5. 6 (R̥ : 1)

R̥ Granmèt la souin-m, mouin pap manké anyin.

¹ Granmèt la ap kondui-m, anyin pap manké-m ;

² Nan zèb vèt li instalé-m,
sou bò dlo trankil li minnin-m,

³ li réfè nanm mouin.

Li kondui-m nan santié jistis poutèt non-l. R̥

- 4 Sèké minm si m-ap maché nan bafon lonbraj lanmò,
mouin pap pè malè, paské ou avèk mouin.
Baton-ou ak bagèt ou
sé yo k-ap konsolé-m. **R**
- 5 Ou paré yon tab dévan fas mouin
kont sa yo k-ap fè-m sibi tribilasyon-an ;
ou souin tèt mouin ak losion,
kalis mouin ap débòdé. **R**
- 6 Réyèlman sé bon kè ak mizèrikòd k-ap rapousuiv mouin
tout tan lavi-m
m-ap abité nan kay Granmèt la
pou tout longè tan yo. **R**

3

PSÒM RÉPONS

Ps 95, 1-2 a. 2 b-3. 9-10 a. 11-12 (**R** : 3)

- R** Anonsé nan tout pèp yo mèvèy Bondié yo.
- 1 Chanté pou Granmèt la yon kantik nouvo,
chanté pou Granmèt la, tout tè-a.
- 2 Chanté pou Granmèt la,
fè konpliman pou li. **R**
- Anonsé jou an jou sovè li sovè nou-an.
- 3 Anonsé gloua li pou nasion yo,
nan tout pèp yo mèvèy li yo. **R**
- 9 Adoré Granmèt la nan gloua-l ki sin-an.
Tranblé dévan fas li, tout tè-a.
- 10 Di nan nasion : « Granmèt la roua ». **R**
- 11 Sé pou sièl yo kontan, pou tè-a dansé,
pou lanmè-a sonnin ansanm ak tou sa-k plin-l,
12 jadin yo ap kontan ansanm ak tou sa ki nan yo.
Lè sa-a tout boua nan rak yo ap dansé. **R**

4

PSÒM RÉPONS

Ps 103, 1 ab é 24. 27-28. 30-31. 33-34 (**R** : 30)

- R** Voyé Éspri-ou la, Granmèt, épi rénovlé fas tè-a.

- 1 Fè konpliman pou Granmèt la, nanm mouin :
Granmèt Bondié-m, ou gran anpil.
- 24 Ala anpil travay ou yo anpil, Granmèt
yo tout sé ak sajès ou fè yo,
tè-a plin ak kréatu-ou. **R:**
- 27 Yo tout ap tann ou,
pou-ou ba yo manjé nan tan yo.
- 28 Antan-ou ba yo, yo rasanblé,
antan-ou louvri min-ou, yo plin ak byin. **R:**
- 30 Ou-ap voyé Éspri-ou, y-ap kréyé,
ou-ap réfè fas tè-a.
- 31 Sé pou gloua Granmèt la pou tout tan ;
sé pou Granmèt la kontan nan travay li yo. **R:**
- 33 M-ap chanté pou Granmèt la nan lavi mouin,
m-ap chanté psòm pou Bondié mouin-an toutotan mouin égzisté.
- 34 Sé pou paròl mouin yo fè-l plézi,
mouin minm minm m-ap kontan nan Granmèt la. **R:**

5

PSÒM RÉPONS

Ps 116, 1. 2 (**R:** : Tr 11, 8)**R:** N-ap sèvi-m jous nan bout tè-a.**oubyin** : Alélouya.

- 1 Fè louanj Granmèt la, tout nasion yo,
fè louanj li ansanm, tout pèp yo. **R:**
- 2 Paské li asiré mizèrikòd li sou nou,
vérité Granmèt la diré pou tout tan. **R:**

6

PSÒM RÉPONS

Ps 144, 2-3. 4-5. 8-9. 10-11. 15-16. 21 (**R:** : 1 b)**R:** M-ap fè konpliman pou non-ou, Granmèt, pou tout tan.

- 2 Chak jou m-ap fè konpliman pou ou,
m-ap fè konpliman pou non-ou,
pou tout tan ak tout tan gin tan.

- 3 Granmèt la gran, li mérité anpil louanj,
yo pa kapab sondé grandè-l. **R:**
- 4 Yon jénérasyon ap fè louanj pou travay li, bay yon lòt jénérasyon,
y-ap rakonté fòs pouvoua-ou.
- 5 Grandè gloua rotè-ou, y-ap déklaré-l,
mèwèy ou yo, y-ap détayé yo. **R:**
- 8 Granmèt la gin pitié, li gin mizérikòd,
li gin pasians, li gin anpil mizérikòd.
- 9 Granmèt la bon pou tout moun,
pitié li yo pou tou sa-l fè. **R:**
- 10 Sé pou yo fè louanj ou, Granmèt tou sa-ou fè yo ;
sé pou sin-ou yo fè konpliman pou ou.
- 11 Sé pou yo déklaré gloua péyi-roua-ou la,
sé pou yo anonsé pouvoua-ou. **R:**
- 15 Jé tout moun ap éspéré sou ou,
épi ou ba yo manjé nan tan favorab la
- 16 Ou louvri min-ou,
épi ou plin tout vivan ak byinvéyans. **R:**
- 21 Sé pou bouch mouin fè louanj Granmèt la,
sé pou tout chè-m fè konpliman pou non-l ki sin
pou tout tan ak tout tan gin tan. **R:**

ALÉLOUYA AK VÈSÈ ANVAN ÉVANJIL LA

1

Jan 14, 16

(**R:** Alélouya). M-ap priyé Papa-a, l-ap ba nou yon lòt Avoka,
pou-l rété avèk nou pou tout tan. (**R:** Alélouya).

2

Jan 15, 26 b. 27 a

R: Alélouya. Éspri vérité-a ap sèvi-m témouin, sé sa Granmèt la di ;
nou minm tou n-ap sèvi-m témouin. **R:** Alélouya.

3

Jan 16, 13 a ; 14, 26 d

(R Alélouya). Min lè Éspri vérité sa-a ap vini, l-ap aprann nou tout vérité-
a,
l-ap souflé nou tou sa-m té di nou yo. (R Alélouya).

4

Ap 1, 5 a. 6 a

(R Alélouya). Jézu-Kri, ou sé témouin fidèl, premié pitit nan pami mò yo :
ou fè nou vi-n tounin péyi-roua ak prèt pou Bondié Papa nou. (R
Alélouya).

5

(R Alélouya). Vini Éspri Sin,
épi voyé réyon limiè-ou la ki sot nan sièl la. (R Alélouya).

6

(R Alélouya). Vini, Éspri Sin,
plin kè fidèl ou yo ;
épi limin difé rinmin-ou nan nan yo. (R Alélouya).

ÉVANJIL YO

1

Sé pou yo péyi roua sièl yo yé.

✠ **Léktu sint Évanjil la dapré Matié**

5, 1-12 a

Lè sa-a :

Jézu ouè foul yo, li monté sou mòn nan ; kon-l chita, disip li yo proché
koté-l. Li louvri bouch li, li kòmansé ba yo ansègnman, li di :

« Ala kontantman pou moun ki pòv yo nan éspri-a, paské sé pou yo péyi roua sièl yo yé.

Ala kontantman pou moun ki dou yo, paské sé yo minm k-ap posédé tè-a,

Ala kontantman pou moun k-ap kriyé yo, paské y-ap konsolé,

Ala kontantman pou moun ki grangou, ki souaf jistis la, paské y-ap jouinn kont yo.

Ala kontantman pou moun ki gin mizérikòd yo, paské y-ap jouinn mizérikòd.

Ala kontantman pou moun ki gin kè yo nèt yo, paské y-ap ouè Bondié,

Ala kontantman pou moun k-ap travay pou lapè-a, paské y-ap rélé yo pitit Bondié.

Ala kontantman pou moun k-ap souffri pèsékision poutèt jistis la, paské sé pou yo péyi roua sièl yo yé.

Ala kontantman pou nou, lè y-ap madichonnin nou, lè y-ap pèsékité nou, lè y-ap di tout kalité sa-k mal kont nou, antan y-ap fè manti, akòz mouin, fè kè nou kontan, dansé, paské rékonpans nou anpil nan sièl yo ».

Paròl Granmèt la.

2

Si yon moun vlé vi-n apré-m, sé pou-l rénonse pròp tèt li.

✠ Léktu sint Évanjil la dapré Matié

16, 24-27

Lè sa-a :

Jézu di disip li yo : « Si yon moun vlé vi-n apré-m, sé pou-l rénonse pròp tèt li, pou-l pran koua-l, pou-l suiv mouin. Moun ki vlé sové lavi-l, l-ap pèdi-l ; moun ki vlé pèdi lavi-l poutèt mouin, l-ap jouinn li.

Sa sa ap sèvi yon moun si-l posédé tout tè-a, min li péyé sa ak lavi-l ? Oubyin ki sa yon moun kapab bay pou-l péyé lavi-l ?

Pitit moun nan gin pou-l vini nan gloua Papa-l avèk anj li yo, lè sa-a l-ap rinmèt chak moun dapré travay li ».

Paròl Granmèt la.

*Poutèt ou té fidèl sou yon ti bagay,
antré nan kè kontan mèt ou-a.*

✠ **Léktu sint Évanjil la dapré Matié**

25, 14-30

Lè sa-a : Jézu di disip li yo parabòl sa-a :

« Yon mésié t-ap pati al nan vouayaj, li rélé sèvitè-l yo, li rinmèt yo byin-l yo : youn li ba-l sink talan, yon lòt minm dé, épi yon lòt yon sèl ; chak moun dapré kapasité pa-l ; apré sa li pati la minm. Sa-k té résévoua sink talan-an, l-alé, li travay avèk yo, li rapòté sink lòt. Min jan-an tou sa-k té résévoua dé talan-an, li rapòté dé lòt. Min sa-k té résévoua yon sèl la, l-al fouyé tè-a, li kaché lajan mèt li-a.

Apré anpil tan, mèt sèvitè sa-a yo vini, li mandé yo kont.

Sa-k té résévoua sink talan-an, li proché, li prezanté sink lòt talan, li di : “Mèt, sé sink talan ou té ban mouin : min sink lòt mouin rapòté”. Mèt li di-l : “Sé byin, bon sèvitè ki fidèl : poutèt ou té fidèl sou yon ti kras, m-ap instalé-ou sou anpil : antré nan kè kontan mèt ou”.

Sa-k té résévoua dé piès talan-an proché tou, li di : “Mèt, sé dé talan ou té rinmèt mouin, min dé lòt mouin rapòté”. Mèt li di-l : “Sé byin, bon sèvitè ki fidèl : poutèt ou té fidèl sou yon ti kras, m-ap instalé-ou sou anpil : antré nan kè kontan mèt ou”.

Sa-k té résévoua yon sèl talan-an, li proché atò, li di : “Mèt, mouin konnin ou sé yon moun ki rèd : ou rékòlté koté ou pa simin, ou ranmasé koté-ou pa-t planté. Mouin té pè, m-alé, mouin kaché talan-ou nan nan tè-a ; min li, pran afè-ou”.

Mèt li réponn, li di-l : “Mové sèvitè, ou parésé ! Ou té konnin mouin rékòlté koté mouin pa simin, mouin ranmasé koté mouin pa planté : ou té doué rinmèt lajan-m nan labank, lè-m vini mouin t-a résévoua sa-m dépozé-a avèk bénéfis. Pran talan-an nan min-l, bay moun ki gin dis talan-an ; konsa tout moun ki ginyin, y-ap ba li, l-ap gin plis ; moun ki pa ginyin-an minm, sa-l konprann li ginyin-an minm, y-ap ouété-l sot nan min-l. Épi sèvitè sa-a ki pa vo anyin-an, jété-l nan fènoua déyò yo : koté sa-a ap gin rèl ak manjé dan” ».

Paròl Granmèt la.

4

*Li ouè Éspri-a k-ap désann pozé sou li.***✠ Léktu sint Évanjil la dapré Mark****1, 9-11**

Lè sa-a :

Rivé, jou sa yo, Jézu vini sot Nazarèt Galilé-a, li résévoua batèm nan min Jan nan Joudin-an.

Minm lè-a antan l-ap monté sot nan dlo-a, li ouè sièl yo louvri épi Éspri-a tankou yon kolonb k-ap désann pozé sou li ; yon voua soti nan sièl yo : « Ou sé Pitit mouin-an sa-m rinmin-an, nan ou mouin jouinn plézi-m ».

Paròl Granmèt la.

5

*Éspri Granmèt la sou mouin.***✠ Léktu sint Évanjil la dapré Luk****4, 16-22 a**

Lè sa-a :

Jézu rivé Nazarèt, koté yo fè édikasion-l nan, li antré nan sinagòg la, jan-l konn fè-a, yon jou saba, li lévé pou-l li. Yo rimmèt li liv profèt Izayi-a.

Kon-l louvri liv la, li jouinn plas la, koté ki té ékri : « Éspri Granmèt la sou mouin ; sé pousa li sakré-m, li voyé-m anonsé pòv yo Bòn Nouvèl la, géri sa-k gin kè yo krazé yo, déklaré délivrans bay prizonié yo, limiè bay avèg yo, ranvouayé sa y-ap krazé yo pou yo lib, anonsé yon ané Granmèt la fè gras, yon jou li bay rékonpans ».

Kon-l roulé liv la, li rimmèt li nan min sèvitè-a, épi li chita. Jé tout moun nan sinagòg la té fiksé sou li.

Li minm li kòmansé di yo : « Sé jodi-a paròl sa-k ékri-a réalizé nan zòrèy nou yo ». Tout moun t-ap fè témouagnaj sou li, yo té sézi pou paròl yo ki t-ap sòti nan bouch li-a.

Paròl Granmèt la.

6

*Sa-k nan bon tè-a, sé sa yo ki kinbé paròl la,
ki donnin foui nan pasians.*

✠ **Léktu sint Évanjil la dapré Luk**

8, 4-10 a. 11 b-15

Lè sa-a :

Kòm anpil foul té rasanblé, yo té vi-n sot nan vil yo pou yo proche kot Jézu, li di sou fòm parabòl : « Sa-a ki konn simin-an soti pou simin sémans li. Pandan l-ap simin, yon pòsion tonbé bò chémin-an, yo foulé-l anba pié, zouazo sièl yo manjé-l. Yon lòt pòsion tonbé sou ròch, kon-l pousé, li séché, paské pa-t gin fréchè. Yon lòt pòsion tonbé nan pami pikan, pikan yo pousé ansanm avèk li, yo toufé-l. Yon lòt pòsion tonbé nan bon tè, li lévé, li bay foui san fous plis ».

Pandan l-ap di sa, li rélé byin fò : « Moun ki gin zòrèy pou kouté, sé pou-l kouté ».

Disip li yo pozé-l késion, sou sans parabòl sa-a.

Li di yo : « Sémans la sé paròl Bondié-a. Sa-k sou bò rout la, sé sa yo ki fi-n tandé, apré sa, djab la rivé, li ouété paròl la sot nan kè yo, pou yo pa kouè, pou yo pa sové. Sa-k sou ròch la, sé sa yo ki fi-n tandé, yo réservoua paròl la avèk kè kontan, min yo pa gin rasi-n, sé pou yon tan yo kouè, épi nan tan difikilté-a, yo rékilé.

Sa-k tonbé nan pikan yo, sé sa yo ki fi-n tandé, min antan y-ap travèsè tèt chajé ak richès ak plézi lavi-a, yo toufé, yo pa donnin foui.

Min sa-k nan bon tè-a, sé sa yo ki tandé paròl la nan yon kè ki bon, ki kòrèk nè, yo donnin foui nan pasians ».

Paròl Granmèt la.

7

*Mouin fè konpliman pou ou, Papa,
paské ou té révéle yo bay sa ki tou piti yo.*

✠ **Léktu sint Évanjil la dapré Luk**

10, 21-24

Lè sa-a :

Jézu trésayi nan Éspri Sin-an épi li di : « Mouin fè konpliman pou ou, Papa, Granmèt sièl la ak tè-a, paské ou té kaché bagay sa yo pou saj yo ak sa-k gin ladrès yo, épi ou té révéle yo bay sa ki tou piti yo. Oui, Papa, paské sé konsa sa té fè-ou plézi. Papa-m rinmèt mouin tout bagay. Épi

pèsonn pa konnin ki sa Pitit la yé, sof Papa-a ; épi ki sa Papa-a yé, sof Pitit la ak moun Pitit la vlé révélé sa ».

Li té viré kot disip li yo, li té di : « Ala kontantman pou jé yo ki ouè sa nou ouè yo. Mouin di nou anpil profèt ak roua té vlé ouè sa nou ouè yo, épi yo pa-t ouè ; épi tandé sa n-ap tandé yo, épi yo pa-t tandé ».

Paròl Granmèt la.

8

Riviè dlo lavi ap koulé.

✠ **Léktu sint Évanjil la dapré Jan**

7, 37 b-39

Lè sa-a :

Jézu rélé byin fò, li di : « Si yon moun souaf, sé pou-l vi-n jouinn mouin pou-l bouè. Moun ki kouè nan mouin, dapré sa sa-k ékri-a di-a, sé riviè dlo lavi k-ap koulé sot nan vant li ».

Li t-ap di sa sou Éspri-a moun ki kouè nan li yo té gin pou yo résévoua-a ; yo pa-t ko bay Éspri-a, paské Jézu pa-t ko nan gloua-a.

Paròl Granmèt la.

9

Éspri vérité-a ap rété lakay nou.

✠ **Léktu sint Évanjil la dapré Jan**

14, 15-17

Lè sa-a : Jézu di disip li yo :

« Si nou rinmin-m kinbé kòmandman-m yo. M-ap priyé Papa-a, l-ap ba nou yon lòt Avoka, pou-l rété avèk nou pou tout tan : Éspri vérité-a, sa tè-a pa kapab résévoua-a, paské li pa ouè-l, ni li pa konnin-l ; min nou minm n-ap konnin-l, paské l-ap rété lakay nou, l-ap nan nou ».

Paròl Granmèt la.

10

*Éspri Sin-an ap aprann nou tout bagay.***✠ Léktu sint Évanjil la dapré Jan****14, 23-26**

Lè sa-a :

Jézu di disip li yo : « Si yon moun rinmin-m, l-ap kinbé paròl mouin, Papa-m ap rinmin-l, n-ap vi-n jouinn li, n-ap abité lakay li. Moun ki pa rinmin-m, li pa kinbé paròl mouin yo. Paròl la nou tandé-a, sé pa nan mouin li soti, min sé nan sa-a ki voyé-m nan, Papa-a.

Mouin di nou bagay sa yo, pandan-m rét avèk nou toujou. Avoka-a minm, Éspri Sin-an, sa Papa-a ap voyé o non-m nan, sé li minm k-ap aprann nou tout bagay, l-ap souflé nou tou sa-m té di nou yo ».

Paròl Granmèt la.

11

*Éspri vérité-a ki soti nan Papa-a,
sé li minm k-ap sèvi-m témouin.***✠ Léktu sint Évanjil la dapré Jan****15, 18-21. 26-27**

Lè sa-a :

Jézu di disip li yo : « Si tè-a rayi nou, konnin li té rayi-m anvan nou. Si nou té fè pati tè-a, tè-a t-a rinmin sa-k pou li ; min paské nou pa fè pati tè-a, okontrè mouin chouazi nou sot sou tè-a, sé pou sa tè-a rayi nou-an.

Sonjé paròl mouin-an, sa-m té di nou-an : “Sèvitè-a pa pi gran pasé mèt li. Si yo té pèsékité-m, nou minm tou y-ap pèsékité nou ; si yo té kinbé paròl mouin yo, y-ap kinbé pa nou yo tou”. Min tout bagay sa yo, y-ap fè nou yo poutèt non mouin, paské yo pa konnin sa-a ki voyé-m nan.

Lè Avoka-a ap rivé, li minm m-ap voyé ba nou sot kot Papa-a, Éspri vérité-a ki soti nan Papa-a, sé li minm k-ap sèvi-m témouin. Nou minm tou n-ap sèvi-m témouin, paské sé dépi nan kòmansman nou avèk mouin ».

Paròl Granmèt la.

Éspri vérité sa-a ap aprann nou tout vérité-a.

✠ **Léktu sint Évanjil la dapré Jan**

16, 5-7. 12-13 a

Lè sa-a : Jézu di disip li yo :

« Koulié-a m-apral jouinn sa-a ki té voyé-m nan, épi pèsòn nan nou pa pozé-m késion : “Koté ou-apralé ?” Min, poutèt bagay sa yo mouin di nou-an, chagrin plin kè nou. Époutan sé vérité mouin di nou : li pi bon pou nou pou-m alé ; sèké si-m pa alé, Avoka-a pap vi-n jouinn nou ; si-m alé, m-ap voyé-l vi-n jouinn nou.

Mouin gin anpil bagay ankò pou-m di nou ; min nou pa kapab poté yo kouliè-a ; min lè Éspri vérité sa-a ap vini, l-ap aprann nou tout vérité-a ».

Paròl Granmèt la.

5. NAN PRÉMIÉ KOMINION TIMOUN YO

Yo kapab pran léktu yo soua yo tout soua yon pati oubyin nan Mès jou-a, oubyin nan Mès Inisiasion krétièn nan (pi ro, p. 1903), oubyin nan Mès votiv Trè Sint Ékaristi-a (pi louin, p. 2481).

II. ANTAN Y-AP BAY ÒD SAKRÉ YO

LÉKTU NAN ANSYIN TĒSTAMAN-AN

1

Pou diak yo

Fè fanmiy Lévi-a avansé pou yo sè Aaron, prèt la.

Léktu liv Nonb yo

3, 5-9

Jou sa yo :

Granmèt la palé ak Moyiz antan li di : « Fè fanmiy Lévi-a avansé épi fè-l kanpé dévan fas Aaron, prèt la, pou yo sèvi li épi y-a véyé, y-a obsèvé tou sa-k konsènè sèvis foul la dévan tant témouagnaj la, y-a konsèvé véso tant la antan y-ap sèvi nan ministè li-a. Ou-a rinmèt lévit yo kòm kado bay Aaron ak pitit li yo, sé pitit Israèl yo ki rinmèt yo ba yo ».

Paròl Granmèt la.

2

Pou prèt yo

M-ap rinmèt éspri-ou pou yo soutni chaj pèp la avèk ou.

Léktu liv Nonb

11, 11 b-12. 14-17. 24-25 a

Jou sa yo :

Moyiz di Granmèt la : « Pouki sa ou mété chaj sa-a sou mouin-an ? Èské sé mouin minm ki té ansint tout foul sa-a oubyin ki té akouché-l, pou-ou di-m : “Poté yo nan léstomak ou, tankou yon nouris konn poté yon ti pitit, épi minnin yo nan péyi-a, sa-m té fè sèman bay papa yo-a ?”

Mouin pa kapab tou sèl soutni tout pèp sa-a, paké li lou pou mouin. Si-ou ouè yon lòt jan, mouin priyé pou-ou touyé-m, épi m-a jouinn gras nan jé-ou, pa kité-m sibi kantité malè sa yo ».

Granmèt la di Moyiz : « Rasanblé souasandis gason ba mouin sot nan ansyin Israèl yo, sa yo ou konnin ki ansyin pèp la ak majistra, minnin yo nan papòt tant aliens la, ou-a fè yo kanpé la ansanm avèk ou, pou-m désann épi mouin palé avèk ou, épi mouin pran nan éspri-ou la épi mouin rinmèt yo, pou yo soutni chaj pèp la avèk ou. Konsa ou pap sèl pou poté chaj la.

Moyiz rivé vré épi li rakonté pèp la paròl Granmèt la antan li rasanblé souasandis gason sot nan ansyin Israèl yo, li fè yo kanpé alantou tant la.

Granmèt la désann atravè nuaj la épi li palé avèk li, antan li pran nan éspri ki té nan Moyiz la, épi antan li bay souasandis gason yo. Lè éspri-a pozé sou yo, yo profétizé.

Paròl Granmèt la.

3

Pou évèk yo ak prèt yo

*Granmèt la sakré-m, li voyé-m anonsé pòv yo bon nouvèl la,
ba yo losion kè kontan-an.*

Léktu liv profèt Izayi

61, 1-3 a

Éspri Granmèt la sou mouin, sé poua Granmèt la sakré-m, li voyé-m poté nouvèl bay pòv yo, pou-m pansé kè ki krazé yo, pou-m préché padon bay prizonié yo, délivrans bay sa-k fèmin yo, pou-m préché yon ané koté Granmèt la fè gras, yon jou vanjans pou Bondié nou-an, pou-m konsolé tout moun ki nan lapinn, pou-m mété yon kouròn nan plas sann pou moun Siyon yo ki nan lapinn yo, losion kè kontan nan plas dèy, manto louanj nan plas éspri chagrin.

Paròl Granmèt la.

4

Kot tou sa-m voyé-ou, sé pou-ou alé.

Léktu liv profèt Jérèmi

1, 4-9

Paròl Granmèt la rivé koté-m, li di : « Anvan-m té fòmé-ou nan vant, mouin té konnin-ou ; anvan-ou té soti nan vant, mouin té fè-ou sin, mouin té voyé-ou kòm profèt pou nasion yo ».

Mouin di : « A a a, Granmèt Bondié ! gadé, mouin pa konn palé, sé yon ti moun mouin yé ».

Granmèt la di-m : « Pa di “Mouin sé timoun” ; min kot tou sa-m voyé-ou, sé pou-ou alé, tou sa m-ap kòmandé-ou, sé pou-ou palé-l. Pa pè dévan fas yo, paské mouin avèk ou, pou-m, délivré-ou », sé sa Granmèt la di.

Granmèt la voyé min-l, li touché bouch mouin ; Granmèt la di-m : « Min mouin mété paròl mouin yo nan bouch ou ».

Paròl Granmèt la.

LÉKTU NAN NOUVO TĚSTAMAN-AN

1

Pou diak yo

Yo chouazi sèt mésié ki plin ak Éspri Sin-an.

Léktu Travay Apot yo

6, 1-7 b

Jou sa yo, foul disip yo t-ap grosi, Grèk yo plinyin kont Ébré yo, paské nan sèvis chak jou-a yo té méprizé vèw pa yo.

Douz yo konvoké foul disip yo, yo di : « Sé pa nòmàl pou nou kité paròl Bondié-a épi pou n-ap sèvi sou tab yo. Frè-m yo, chèché sèt mésié nan pami nou ki gin bon témouagnaj sou yo, ki plin ak Éspri Sin-an ak sajàs, n-a instalé yo pou travay sa-a. Kanta nou minm, n-ap rété nan priyé ak sèvis paròl la ».

Paròl la fè tout foul la plézi, yo chouazi Étièn, yon mésié ki plin lafoua ak Éspri Sin, Filip, Prokòr, Nikamòr, Timon, Parménas, ak Nikola, yon moun Antiòch ki té fèk vi-n tounin disip. Yo prézanté yo dévan Apot yo, yo priyé, yo pozé min sou yo.

Épi Paròl Granmèt la t-ap dévlopé, foul disip yo t-ap vi-n anpil minm nan Jérusalèm.

Paròl Granmèt la.

2

Pou diak yo

*Li kòmansé dépi nan pasaj sa-k ékri la-a,
li ba-l bòn nouvèl Jézu-a.*

Léktu Travay Apot yo

8, 26-40

Jou sa yo :

Anj Granmèt la palé ak Filip, li di : « Lévé, al nan sid, sou rout ki désann sot Jérusalèm al Gaza-a : li pa gin pèsòn ». Li lévé, l-alé. Té gin yon mésié Étiopi, yon intandan Kandas, rèn Étiopi-a, li té gin gro pouvoua, sé li minm ki té résponsab tout richès li yo, li té vi-n adoré Jérusalèm. Pandan l-ap tounin, li té chita nan chario li, l-ap li profèt Izayi.

Éspri-a di Filip : « Proché, rivé kot chario sa-a ». Filip proche, li tandé l-ap li profèt Izayi-a ; li di : « Èské ou kouè ou konprann sa ou-ap li-a ? »

Li di : « Épi, kijan mouin t-a kapab, si pèsòn pa montré-m ? » Li mandé Filip pou-l monté, pou-l chita avèk li.

Pasaj sa-k ékri-a li t-ap li-a, min li : « Tankou yon mouton yo kondui labatoua, tankou yon mouton dévan moun k-ap koupé linn li, san voua, sé konsa li pa louvri bouch li. Yo rabésé-l, yo ouété jijman-l. Ras li, ki moun k-ap rakonté-l ? paské yo ouété lavi-l sot sou tè-a ».

Intandan-an pran laparòl, li di Filip : « Tanpri, osijè ki moun profèt la ap di sa-a ? èské sé osijè pròp tèt pa-l oubyin osijè yon lòt ? » Filip ouvri bouch li, li kòmansé dépi nan pasaj sa-k ékri la-a, li ba-l bòn nouvèl Jézu-a.

Pandan yo t-ap vouayajé sou rout la, yo rivé nan yon dlo, intandan-an di : « Min dlo ; ki sa-k anpéché-m batizé ? »

Filip minm di : « Si-ou kouè ak tout kè-ou, ou kapab ».

Li réponn, li di : « Mouin kouè Jézu-Kri sé Pitit Bondié ». Li pasé lòd pou yo fè rété chario-a. Yo tou lé dé désann nan dlo-a, ni Filip, ni intandan-an, li batizé-l.

Pandan y-ap monté sot nan dlo-a, Éspri Granmèt la sézi Filip, minis la pa ouè-l ankò ; li kontinué rout li ak kè kontan. Filip minm rivé Azòt, li travèsé, l-ap bay bòn nouvèl la nan tout vil yo, joutan li rivé Sézaré.

Paròl Granmèt la.

3

*Nou minm nou témouin tou sa-l té fè
nan réjion Juif yo ak Jérusalèm.*

Léktu Travay Apot yo

10, 37-43

Jou sa yo :

Piè louvri bouch li, li di : « Nou konnin sa-k rivé nan tout Judé, kòmansé dépi Galilé apré batèm nan Jan té préché-a : Jézu moun Nazarèt la, kijan Bondié té sakré-l ak Éspri Sin-an ak fòs : li minm ki travèsé antan l-ap fè byin, l-ap géri tout moun djab la t-ap maltrété, paské Bondié té avèk li.

Nou minm nou témouin tou sa-l té fè nan réjion Juif yo ak Jérusalèm ; li minm yo té touyé antan yo pandié-l sou boua-a. Bondié résisité-l

touazièm jou-a ; li fè-l parèt, non pa dévan tout pèp la, min dévan témouin yo Bondié té chouazi davans yo : nou minm, ki té manjé, ki té bouè avèk li, apré-l té fi-n résisité sot nan pami mò yo.

Li pasé nou lòd pou nou préché pèp la, pou nou sèvi témouin Bondié mété-l kòm jij moun ki vivan yo ak moun ki mouri yo. Tout profèt yo sèvi-l témouin, tout moun ki kouè nan li ap résévoua padon péché yo o non-l ».

Paròl Granmèt la.

4

Pou évèk yo épi prêt yo

Fè atansion nou, ni tout bann mouton-an, sa Éspri Sin-an instalé nou kòm évèk sou li-a pou nou kondui Égliz Bondié-a.

Léktu Travay Apot yo

20, 17-18 a. 28-32. 36

Jou sa yo :

Antan Pòl Milè, li voyé Éfèz pou yo rélé chèf Égliz yo.

Lè yo rivé koté-l, yo té rasanblé, li di yo : « Fè atansion nou, ni tout bann mouton-an, sa Éspri Sin-an instalé nou kòm évèk sou li-a pou nou kondui Égliz Bondié-a, Égliz sa-a li té achté ak san-l nan. Mouin minm mouin konnin lè-m fi-n pati gin lou méchan k-ap antré nan pami nou, yo pap ménajé bann mouton-an. Nan nou minm minm gin mesié k-ap lévé, k-ap palé paròl pèvèti, pou yo trinnin disip dèyè yo.

Sé poua, nou doué véyé, sonjé kijan pandan touazan lannuit kon lajounin mouin pa-t sispann avèti chak moun nan nou avèk dlo nan jé. Koulié-a minm mouin rékòmandé nou bay Bondié ak paròl gras li-a, ki gin pouvoua pou-l bati nou, pou-l ba nou éritaj nan pami tout sin yo ».

Kon-l fi-n di sa, li mét jénou atè, li priyé avèk yo tout.

Paròl Granmèt la.

5

Nou gin kado dapré gras yo ba nou-an, kado sa yo divès.

Léktu lèt apot sin Pòl pou Romin yo

12, 4-8

Frè-m yo :

Tankou nan yon sèl kò nou gin anpil manb, sèlman tout manb yo sé pa minm aksion-an yo ginyin ; atout nou anpil la, sé yon sèl kò nou yé nan

Kris la, nou chak nou youn sé manb lòt. Nou gin kado dapré gras yo ba nou-an, kado sa yo divès : soua sé profesé sèlon mézu lafoua-a ; soua sé sèvis la antan sèvis la ap fèt vré ; soua sé moun k-ap anségné-a antan li nan limit doktri-n nan ; moun k-ap ankourajé lòt antan l-ap ankourajé yo vré ; moun k-ap bay la antan li gin yon kè sinp ; moun k-ap dirijé-a, antan-l ap mété aktivité ; moun k-ap souin maléré, antan li gin bon jan.

Paròl Granmèt la.

6

N-ap préché Jézu-Kri ; kanta nou minm nou sé sèvitè nou pa pouvoua Jézu.

Léktu dézièm lèt apot sin Pòl pou Korintyin yo

4, 1-2. 5-7

Frè-m yo :

Antan nou gin administrasion-an, dapré mizérikòd nou résévoua-a, nou pa fébli, nou rénonse bagay kaché laront yo, antan nou pa maché nan ruz, ni antan nou pa chanjé paròl Bondié-a, min antan nou rékòmandé pròp tèt nou nan maniféstasion vérité-a bay tout konsians moun yo dévan Bondié.

Sé pa nou minm réyèlman n-ap préché, min sé Jézu-Kri Granmèt nou, nou minm minm nou sé sèvitè nou pa pouvoua Jézu ; paské Bondié ki té di pou limiè-a kléré sot nan fènoua yo, sé li minm ki kléré nan kè nou, pou-l fè sians klèté Bondié-a kléré nan fas Kris Jézu.

Nou gin trézò-a nan véso pòslèn, pou gloua-a soti nan pouvoua Bondié, min pa nan nou.

Paròl Granmèt la.

7

Li ba nou sèvis rékonsiliation-an.

Léktu dézièm lèt apot sin Pòl pou Korintyin yo

5, 14-20

Frè-m yo :

Rinmin Kris la ap boulé nou ; nou konsidéré si yon sèl mouri pou tout moun sèké tout moun mouri ; Kris la mouri pou tout moun, pou moun k-ap viv yo, sé pa pou yo minm sèl y-ap viv, min pou sa-a ki mouri pou yo-a épi ki résisité pou yo-a.

Sé poua nou minm apati koulié-a nou pa konnin pèsòn ankò dapré chè-a ; si nou té konnin Kris la dapré chè-a, koulié-a nou pa konnin-l konsa ankò.

Si gin yon nouvo kréatu nan Kris la, ansyin yo disparèt : min tout bagay vi-n fèt tou nèf ; tout bagay vi-n sot nan Bondié, li minm ki rékonsilié nou pa lintèmédiè Kris la, li ba nou sèvis rékonsiliation-an. Sèké sé Bondié ki té nan Kris la, l-ap rékonsilié tè-a avèk li, li pa konsidéré fot moun yo té fè, li mété paròl rékonsiliation-an nan bouch nou. Pou Kris la nou sèvi komisionè, sé tankou sé Bondié k-ap bay ankourajman pa lintèmédiè nou. N-ap insisté koté nou pou Kris la : kité yo rékonsilié nou avèk Bondié.

Paròl Granmèt la.

8

Nan travay sèvis la, antan kò Kris la ap bati.

Léktu lèt apot sin Pòl pou Éfézyin yo

4, 1-7. 11-13

Frè-m yo :

Mouin priyé nou, mouin minm prizonié nan Granmèt la, pou nou maché korèk dapré diréksion voua ki rélé nou-an, antan nou rété nan pòv ti kondision moun nou-an, antan nou tou dou, antan nou pran pasians pou nou youn sipòté lòt nan charité-a ; fè éfò pou nou konsèvé éspri ki fè nou fè yon sèl la nan chinn lapè-a.

Yon sèl kò ak yon sèl éspri, minm jan yo rélé nou nan yon sèl éspérans ki nan bout chémin koté yo rélé nou-an ; yon sèl Granmèt, yon sèl lafoua, yon sèl batèm ; yon sèl Bondié ak Papa tout moun, ki anlè tout moun, ki nan tout bagay épi ki nan nou tout.

Chak moun nan nou jouinn kado gras la dapré sa Kris la mézité pou li-a. Sé li minm ki bay kèk moun gras pou yo apot, kèk lòt minm sé profèt, dèt ankò sé sa-k évanjélis, dèt yo minm sé gadyin ak savan sakré : konsa sin yo kapab vi-n kòrèk nèt nan travay sèvis la, antan kò Kris la ap bati, joutan nou tout nou rivé fè yon sèl nan lafoua-a ak nan konésans Pitit Bondié-a, pou nou tout ansanm nou vi-n sèl moun sa-a ki kòrèk nèt la, nan mézi dènié dévlopman Kris la.

Paròl Granmèt la.

9

Pou diak yo

Yo doué kinbé mistè lafoua-a nan yon konsians ki nèt.

Léktu prémié lèt apot sin Pòl pou Timoté

3, 8-10. 12-13

Ou minm mouin rinmin anpil la :

Sé pou diak yo kinbé kò yo byin, pou yo pa gin dé paròl, pou yo pa lagé kò yo nan anpil divin, pou yo pa chèché avantaj malonèt, pou yo kinbé mistè lafoua-a nan yon konsians ki nèt. Sé pou yo éséyé yo anvan, épi y-a sèvi konsa, si pa gin okinn kritik kont yo.

Diak yo doué gin yon sèl madanm, yo doué kondui pitit yo ak moun lakay yo byin. Moun ki fè sèvis yo byin, yo résévoua yon bon grad, yo gin anpil asirans nan lafoua nan Kris Jézu-a.

Paròl Granmèt la.

10

Pou évèk yo

Pa néglijé gras la ki nan ou-a, sa yo té ba ou-a antan prèt yo té pozé min sou ou-a.

Léktu prémié lèt apot sin Pòl pou Timoté

4, 12-16

Ou minm mouin rinmin anpil la :

Pi-nga pèsòn méprizé ou poutèt ou jèn jan ; min sé pou-ou sèvi modèl pou fidèl yo, nan paròl, nan konduit, nan charité, nan lafoua, nan fason ou kinbé kò-ou san tach. An-atandan mouin rivé, mété tout éfò-ou nan léktu, nan prèch ak nan ansègnman.

Pa néglijé gras la ki nan ou-a, sa yo té ba ou-a gras a paròl profèt yo, antan prèt yo té pozé min sou ou-a. Kalkilé sou sa, mét atansion-ou nan bagay sa yo, pou tout moun ouè klè kijan ou fè progrè. Fè atansion pròp tèt ou ak ansègnman-an, insisté nan yo ; antan-ou fè sa, ou-ap sovè pròp tèt ou, ni sa yo k-ap kouté-ou la.

Paròl Granmèt la.

oubyin

Léktu prémié lèt apot sin Pòl pou Timoté

4, 12 b-16

Ou minm mouin rinmin anpil la :

Sé pou-ou sèvi modèl pou fidèl yo, nan paròl, nan konduit, nan charité, nan lafoua, nan fason ou kinbé kò-ou san tach. An-atandan mouin rivé, mété tout éfò-ou nan léktu, nan prèch ak nan ansègnman.

Pa néglijé gras la ki nan ou-a, sa yo té ba ou-a gras a paròl profèt yo, antan prèt yo té pozé min sou ou-a. Kalkilé sou sa, mét atansion-ou nan bagay sa yo, pou tout moun ouè klè kijan ou fè progrè. Fè atansion pròp tèt ou ak ansègnman-an, insisté nan yo ; antan-ou fè sa, ou-ap sovè pròp tèt ou, ni sa yo k-ap kouté-ou la.

Paròl Granmèt la.

11

Gras Bondié-a ki nan ou-a dépi-m té mét min sou tèt ou-a, résisité-l.

Léktu dézièm lèt apot sin Pòl pou Timoté

1, 6-14

Ou minm mouin rinmin anpil la :

Mouin avèti-ou pou gras Bondié-a ki nan ou-a dépi-m té mét min sou tèt ou-a, ou résisité-l. Bondié pa-t ba nou yon éspri kè soté, min yon éspri ki bay fòs, rinmin ak pouvoua pou métrizé kò nou. Konsa pa ront témouagnaj Granmèt nou-an ni pa ront mouin ki prizonié-l ; min travay pou Bòn Nouvèl la dapré fòs Bondié-a, li minm ki délivré nou, ki rélé nou yon fason pou nou vi-n sin, sé pa dapré aktivité pa nou, min dapré désizyon pa-l ak gras la li té ba nou nan Kris Jézu dépi anvan sièk tan yo.

Koulié-a minm li vi-n klè gras a limiè Sovè nou Jézu-Kri, li minm ki détoui lanmò-a, ki kléré lavi-a avèk posibilite pou nou pa péri nèt la gras a Bòn Nouvèl la : koté yo mété-m mouin minm kòm prédikatè épi apot épi mèt nasion yo. Sé pou sa minm m-ap soufri bagay sa yo, min mouin pa ront. Mouin konnin réyéلمان nan kilès mouin kouè, é mouin sètèn li gin pouvoua konsèvé dépo-m nan nan jou sa-a.

Paròl korèk ou té tandé nan bouch mouin yo, suiv modèl yo ba ou-a, nan lafoua ak rinmin ki nan Kris la. Kinbé bon dépo-a pa pouvoua Éspri Sin-an ki abité nan nou-an.

Paròl Grammèt la.

12

Bondié rélé-l prèt an chèf nan ran Mèlkisédek.

Léktu lèt pou Ébré yo

5, 1-10

Tout prèt an chèf, sé nan pami lézòm yo pran-l, pou instalé-l pou lézòm nan késion ki gin rapò ak Bondié, pou-l ofri kado ak sakrifis pou péché yo ; li kapab gin pitié pou sa yo ki pa gin konprann, ki pèdi rout, paské li minm tou li vlopé ak féblès ; sé pou sa, li gin pou-l ofri sakrifis pou péché pa-l minm jan ak pou pèp la. Pèsòn pa pran mak konsidérasion sa-a ak pròp fòs li, min sé moun Bondié rélé tankou Aaron.

Sé konsa Kris la pa-t bay pròp tèt li gloua antan-l té vi-n prèt an chèf ; min sé sa-a ki té di-l konsa-a : « Ou sé Pitit mouin, mouin minm jodi-a, mouin ba ou nésans » la ; minm jan yon lòt koté, li di : « Ou sé prèt pou tout tan dapré ran Mèlkisékèk ».

Nan jou li té pasé nan chè-a, li té ofri priyè ak plint avèk gran rèl ak dlo nan jé kot sa-a ki té kapab sovè-l sot nan lanmò-a, priyè-l la jouinn rézilta poutèt respè-l. Malgré sé Pitit Bondié li té yé-a, li té aprann obéyisans nan sa-l soufri yo, lè-l rivé nan bout chémin pou-l té rivé-a, li vi-n tounin koz délivrans tout tan-an pou tout moun k-ap obéyi-l, Bondié rélé-l prèt an chèf nan ran Mèlkisédek.

Paròl Grammèt la.

13

Sé pou nou mété bon kè pou séparé gras Bondié-a ki gin anpil fòm nan.

Léktu prémié lèt apot sin Piè

4, 7 b-11

Nou minm mouin rinmin anpil la :

Konsa sé pou nou gin ladrès, sé pou nou véyé nan priyè. Anvan tout bagay, sé pou nou toujou gin charité antré nou, paské « charité-a kouvri pakèt péché yo ».

Sé pou nou youn résevoua lòt lakay nou san plinyin ; chak moun, dapré gras li résevoua-a, sé pou-l mété-l nan sèvis lòt yo, tankou bon gadyin ki résponsab séparé gras Bondié-a ki gin anpil fòm nan.

Si yon moun ap palé, sé tankou si sé paròl Bondié ; si youn ap sèvi, sé tankou avèk fòs Bondié bay la ; pou nan tout bagay Bondié jouinn konsidèrasion pa pouvoua Jézu-Kri, konpliman pou li ak otorité pou tout tan gin tan. Amèn.

Paròl Granmèt la.

14

Okipé bann mouton Bondié yo ki nan mitan nou yo.

Léktu prémié lèt apot sin Piè

5, 1-4

Nou minm mouin rinmin anpil la :

Ansyin yo, ki nan pami nou yo, mouin priyé nou, mouin minm ki ansyin ansanm avèk nou, ki témouin soufrans Kris yo, k-ap kominiké gloua-l la ki gin pou-l révéle apré-a : okipé bann mouton Bondié yo ki nan mitan nou yo, prévoua sa-l bézouin san yo pa bézouin fòsé nou, min avèk tout kè nou dapré Bondié, san nou pa chèché avantaj malonnèt, min ak tout bòn volonté nou ; san nou pa kòmandé kòm mèt sou moun yo nou résponsab la, min antan nou vi-n tounin modèl pou bann mouton yo ak tout kè nou. Konsa, lè chèf gadyin yo ap parèt, n-a résevoua kouròn gloua ki pap finnin-an.

Paròl Granmèt la.

PSÒM RÉPONS YO

1

PSÒM RÉPONS

Ps 22, 1-3. 4. 5. 6 (R : 1)

R: Granmèt la souin-m, mouin pap manké anyin.

¹ Granmèt la ap kondui-m, anyin pap manké-m ;

² Nan zèb vèt li instalé-m,
sou bò dlo trankil li minnin-m,

³ li réfè nanm mouin.

Li kondui-m nan santié jistis poutèt non-l. R:

- 4 Sèké minm si m-ap maché nan bafon lonbraj lanmò,
mouin pap pè malè, paské ou avèk mouin.
Baton-ou ak bagèt ou
sé yo k-ap konsolé-m. **R**
- 5 Ou paré yon tab dévan fas mouin
kont sa yo k-ap fè-m sibi tribilasyon-an ;
ou souin tèt mouin ak losion,
kalis mouin ap débòdé. **R**
- 6 Réyèlman sé bon kè ak mizèrikòd k-ap rapousuiv mouin
tout tan lavi-m
m-ap abité nan kay Granmèt la
pou tout longè tan yo. **R**

2

PSÒM RÉPONS

Ps 83, 3-4. 5 é 11 (**R** : 5 a)

- R** Ala kontantman pou moun ki abité nan kay ou-a, Granmèt.
- 3 Nanm mouin anvi, l-ap dépéri pou kay Granmèt la.
Kè-m ak chè-m ap dansé pou Bondié vivan-an.
- 4 Minm ti zouazo jouinn yon kay pou li,
toutrèl la jouinn yon nich, koté li dépozé ti pitit li yo :
lotèl ou yo, Granmèt lamé yo, roua-m ak Bondié-m. **R**
- 5 Ala kontantman pou moun ki abité nan kay ou-a,
pou tout tan y-ap fè louanj ou.
- 11 Sèké yon jou nan kay ou yo pi bon pasé mil,
mouin chouazi rét sou papòt nan kay Bondié-m nan,
pasé pou-m abité nan tant péchè yo. **R**

3

PSÒM RÉPONS

Ps 88, 21-22. 25 é 27 (**R** : cf. 2 a)

- R** Mizèrikòd ou, Granmèt, sé tout tan m-ap chanté-l.
- 21 Mouin jouinn David sèvitè-m nan ;
ak luil mouin ki sin-an mouin sakré-l.
- 22 Min-m ap rét fèm avèk li,
bra-m ap ba li fòs. **R**
- 25 Vérité-m ak mizèrikòd mouin ap avèk li,
o non-m l-ap lévé kòn li.

- 27 Li minm l-ap rélé-m : « Sé Papa-m ou yé,
Bondié-m ak kachèt k-ap sové-m nan ». R:

4

PSÒM RÉPONS

Ps 95, 1-2 a. 2 b-3. 10 (R: Mt 28, 19)

- R: Antan nou alé sou tout tè-a, anségné tout nasion yo.
- 1 Chanté pou Granmèt la yon kantik nouvo,
chanté pou Granmèt la, tout tè-a.
- 2 Chanté pou Granmèt la, fè konpliman pou non-l. R:
Anonsé jou an jou sové li sové nou-an.
- 3 Anonsé gloua li pami nasion yo,
nan tout pèp yo mèvèy li yo. R:
- 10 Di nan nasion yo : « Granmèt la roua ».
L-ap drésé fas tè-a pou-l pa souké ;
l-ap jijé pèp yo nan jistis. R:

5

PSÒM RÉPONS

Ps 99, 2. 3. 4. 5 (R: Jan 15, 14)

- R: Nou sé zanmi-m si nou fè sa mouin kòmandé nou-an,
sé sa Granmèt la di.
- 2 Fè louanj pou Granmèt la, tout tè-a,
sèvi Granmèt la nan kè kontan ;
antré dévan fas li avèk gran fèt. R:
- 3 Konnin Granmèt la sé li minm ki Bondié ;
sé li minm ki fè nou, sé pou li nou yé,
pèp li ak mouton pak li. R:
- 4 Antré nan pòtay li yo avèk louanj,
nan lakou-l yo avèk kantik,
fè louanj li, fè konpliman pou non-l. R:
- 5 Sèké Granmèt la bon ;
pou tout tan li gin mizérikòd,
pou jénèrasion ak jénèrasion vérité-l la. R:

6

PSÒM RÉPONS Ps 109, 1. 2. 3. 4 (R: Sacerdos in aeternum... oubyin 4 b)

R: Prèt pou tout tan, Kris Granmèt la
dapré ran Mèlkisédek, li ofri pin ak divin.

oubyin :

R: Ou sé prèt pou tout tan dapré ran Mèlkisédek.

- 1 Granmèt la di Granmèt mouin : « Chita adouat mouin, joutan mouin pozé ènmi-ou yo kòm éskalié pié-ou ». R:
- 2 Baton pouvoua-ou, Granmèt la voyé-l sot nan Siyon : kòmandé nan mitan ènmi-ou yo. R:
- 3 Pouvoua-a avèk ou jou fòs ou-a, nan ékla limiè ki sin yo, nan vant granmatin tankou larouzé mouin anfanté-ou. R:
- 4 Granmèt la fè sèman, li pap régrèt li : « Ou sé prèt pou tout tan dapré ran Mèlkisédek ». R:

7

PSÒM RÉPONS Ps 115, 12-13. 17-18 (R: 1 Kor 10, 16)

R: Kalis bédiksion-an sé kominion nan san Kris la.

oubyin : Alélouya.

- 12 Ki sa pou-m rinmèt Granmèt la pou tou sa-l fè pou mouin ?
- 13 M-ap pran kalis ki sovè-m nan, m-ap rélé non Granmèt la. R:
- 17 M-ap sakrifé sakrifis louanj ba ou, m-ap rélé non Granmèt la.
- 18 M-ap rinmèt Granmèt la sa-m té promèt yo, dévan tout pèp la. R:

8

PSÒM RÉPONS Ps 116, 1. 2 (R: Mk 16, 15)

R: Antan nou alé sou tout tè-a, préché Bòn Nouvèl la.

oubyin : Alélouya.

- ¹ Fè louanj Granmèt la, tout nasion yo,
fè louanj li ansanm, tout pèp yo. **R:**
- ² Paské li asiré mizèrikòd li sou nou,
vérité Granmèt la diré pou tout tan. **R:**

ALÉLOUYA AK VÈSÈ ANVAN ÉVANJIL LA

1

Mt 28, 19 a. 20 b

R: Alélouya. Alé anségné tout nasion yo, sé sa Granmèt la di ;
mouin avèk nou tou léjou jous finisman sièk tan yo. **R:** Alélouya.

2

Lk 4, 18

(R: Alélouya). Granmèt la voyé-m poté Bòn Nouvèl la bay pòv yo,
préché padon pou prizonié yo. **(R:** Alélouya).

3

Jan 10, 14

(R: Alélouya). Mouin sé bon gadyin-an, sé sa Granmèt la di ;
épi mouin konnin mouton-m yo, mouton-m yo konnin-m tou. **(R:**
Alélouya).

4

Jan 15, 15 b

(R: Alélouya). Mouin rélé nou zanmi, sé sa Granmèt la di,
paské tout sa mouin tandé nan min Papa-m, mouin fè nou konnin-l. **(R:**
Alélouya).

ÉVANJIL YO

1

*Nou sé limiè tè-a.***✠ Léktu sint Évanjil la dapré Matié****5, 13-16**

Lè sa-a : Jézu té di disip li yo :

« Nou sé sèl tè-a. Si sèl la vi-n fad, ak ki sa y-ap salé-l ? Li pa vo anyin ankò, sof pou yo jété-l déyò, pou moun pilé-l.

Nou sé limiè tè-a. Yon vil ki pozé sou yon mòn pa kapab kaché. Yo pa limin yon lanp, pou yo mété-l anba mamit ; min sou yon étajè, pou-l kléré tout moun ki nan kay la.

Sé konsa pou limiè nou kléré dévan moun yo, pou yo ouè bon aksion nou yo, pou yo fè louanj pou Papa nou ki nan sièl la ».

Paròl Granmèt la.

2

*Priyé Granmèt rékòlt la, pou-l voyé travayè nan rékòlt li-a.***✠ Léktu sint Évanjil la dapré Matié****9, 35-38**

Lè sa-a :

Jézu minm t-ap maché nan tout vil yo ak bouk yo, li t-ap bay ansègnman nan sinagòg yo, li t-ap préché Bòn Nouvèl péyi-roua-a, li t-ap géri tout maladi ak tout féblès. Lè-l ouè foul yo, li pran lapinn pou yo, paské yo té bouké, yo té kouché tankou mouton ki pa gin gadyin.

Lè sa-a li di disip li yo : « Rékòlt la anpil, min travayè yo sé yon ti kras yo yé ; priyé Granmèt rékòlt la, pou-l voyé travayè nan rékòlt li-a ».

Paròl Granmèt la.

3

*Jézu chouazi douz Apot yo épi li voyé yo.***✠ Léktu sint Évanjil la dapré Matié****10, 1-5 a**

Lè sa-a :

Jézu rélé douz disip li yo, li ba yo pouvoua sou éspri pa-pròp yo, pou yo chasé yo, pou yo géri tout maladi ak tout féblès.

Non douz apot yo sé té : Prémie-a Simon, sa yo rélé Piè-a, épi André, frè-l la, Jak pitit Zébédé-a, ak Jan, frè-l la, Filip ak Batélémi, Toma ak Matié, piblikin-an, Jak pitit Alfé-a, ak Tadé, Simon Kananéyin-an ak Juda Iskariòt, sila-a ki té rinnèt li-a.

Douz sa yo, Jézu voyé yo.

Paròl Granmèt la.

4

Ninpòt ki moun ki vlé vi-n pi gran nan pami nou, sé pou-l vi-n sèvitè nou.

✚ **Léktu sint Évanjil la dapré Matié**

20, 25 b-28

Lè sa-a :

Jézu di disip li yo : « Nou konnin chèf nasion yo kòmandé sou yo, gran yo fè yo santi pouvoua yo.

Sa pa doué fèt konsa nan pami nou, min ninpòt ki moun ki vlé vi-n pi gran nan pami nou, sé pou-l vi-n sèvitè nou ; épi moun ki vlé vi-n prémié nan pami nou, sé pou-l ésklav nou.

Konsa Pitit moun nan pa-t vini pou-l fè yo sèvi-l, min pou-l sèvi épi pou-l rinnèt lavi-l kòm rédanmsion pou tout pakèt moun yo ».

Paròl Granmèt la.

5

Rékòlt la anpil, min ouvriyé yo sé yon ti kras yo yé.

✚ **Léktu sint Évanjil la dapré Luk**

10, 1-9

Lè sa-a :

Granmèt la chouazi souasandouz lòt ; li voyé yo dé pa dé dévan-l nan tout vil ak bouk koté li té gin pou-l alé.

Li t-ap di yo :

« Rékòlt la anpil, min ouvriyé yo sé yon ti kras yo yé. Priyé Granmèt rékòlt la, pou-l voyé ouvriyé nan rékòlt li-a. Alé ; min mouin voyé nou tankou mouton nan pami lou. Pa poté sak, ni bous, ni sapat, pa salué pèsònn nan chémin.

Nan ninpòt kay nou antré, kòmansé di : “Lapè pou kay sa-a” ; si gin yon pitit lapè la, lapè nou-an ap pozé sou li ; otréman, l-ap tounin vi-n

jouinn nou. Rété nan minm kay sa-a, manjé, bouè sa yo ginyin ; paské ouvriyé-a mérité salè-l. Pa travèsé sot nan kay al nan kay. Nan ninpòt ki vil nou antré, épi yo résévoua nou, manjé sa yo poté ba nou, géri malad yo ki nan vil la, di yo : “Péyi-roua Bondié-a tou pré nou” ».

Paròl Granmèt la.

6

Ala kontantman pou sèvitè sa yo, si lè mèl la rivé, li jouinn yo ap véyé.

✠ **Léktu sint Évanjil la dapré Luk**

12, 35-44

Lè sa-a :

Jézu di disip li yo : « Sé pou rin nou maré, pou lanp nou limin nan min nou ; nou minm sé pou nou tankou moun k-ap tann mèl yo, lè-l vi-n sot nan nòs ; pou, kon-l rivé, li frapé, minm lè-a yo louvri ba li.

Ala kontantman pou sèvitè sa yo, si lè mèl la rivé, li jouinn yo ap véyé ; amèn mouin di nou, l-ap maré rin-l, l-ap fè yo lonjé kò yo, l-ap pasé pou-l sèvi yo. Si-l rivé nan dézièm vèy la, épi si sé nan touazièm vèy la li rivé, épi li jouinn yo konsa, ala kontantman pou sèvitè sa yo.

Aprann sa, si pèd-famiy nan té konnin ki lè vòlè-a t-ap rivé, li t-ap véyé sètènman, li pa t-ap kité yo kasé kay li. Nou minm tou sé pou nou paré, paské sé lè nou pa pansé-a, Pitit moun nan ap vini ».

Piè minm di-l : « Granmèt, èské sé pou nou ou-ap di parabòl sa-a, oubyin si sé pou tout moun ? »

Granmèt la di : « Kilès intandan ki fidèl, ki gin ladrès, mèl li mété résponsab moun lakay li, pou-l ba yo pòsion manjé yo, lè tan-an rivé ? Ala kontantman pou sèvitè sa-a, si lè mèl la rivé, li jouinn li nan travay li. Réyélmán vré mouin di nou l-ap mété-l résponsab tou sa-l posédé ».

Paròl Granmèt la.

Fè sa pou nou fè sonjé-m.

Mouin minm mouin nan mitan nou tankou sa k-ap sèvi-a.

✠ **Léktu sint Évanjil la dapré Luk**

22, 14-20. 24-30

Lè lè-a rivé, Jézu atablé, avèk douz apot yo avèk li. Li di yo : « Sé pa ti kras anvi mouin té anvi manjé Pak sa-a avèk nou, anvan-m soufri-a. Sèké mouin di nou, mouin pap manjé-l ankò, joustan li réalizé nan péyiroua Bondié-a ».

Li pran kalis la, li di Bondié mèsì, li di : « Pran, séparé antré nou. Mouin di nou sa : mouin pap bouè nan foui pié rézin-an, joustan péyiroua Bondié-a rivé »..

Li pran pin-an, li di Bondié mèsì, li kasé-l, li ba yo, li di : « Sa-a sé Kò-m, yo bay pou nou-an : fè sa pou nou fè sonjé-m ». Minm jan-an tou pou kalis la, lè-l fi-n manjé, li di : « Sa-a sé Kalis nouvo téstaman-an nan san-m nan, ki vidé pou nou-an ».

Té gin diskision nan pami Apot yo kilès nan yo yo té konsidéré kòm pi gran.

Jézu minm di yo : « Roua nasyon yo kòmandé yo kòm mèt, épi sa yo ki gin pouvoua sou yo-a, yo fè yo rélé yo byinfètè. Kanta nou minm, sa pa doué fèt konsa, min sa-k pi gran nan pami nou-an, sé pou-l vi-n tankou sa-k pi piti-a, épi sa-k chèf la, sé pou-l tankou sèvitè-a. Réyéلمان kilès ki pi gran, sa-k lonjé kò-l pou manjé-a oubyin sa k-ap sèvi-a ? Èské sé pa sa-k lonjé kò-l pou manjé-a ? Mouin minm mouin nan mitan nou tankou sa k-ap sèvi-a.

Nou minm minm nou té rét fidèl avèk mouin nan tantasion-m yo ; mouin préparé péyi roua-a pou nou, tankou Papa-m té préparé-l pou mouin, pou nou manjé, pou nou bouè sou tab mouin nan péyi roua-m nan, épi pou nou chita sou tro-n yo, antan n-ap jijé douz fanmi Israèl yo ».

Paròl Granmèt la.

8

Bon gadyin-an bay lavi-l pou mouton-l yo.

✠ **Léktu sint Évanjil la dapré Jan**

10, 11-16

Lè sa-a Jézu di :

« Mouin sé bon gadyin-an. Bon gadyin-an bay lavi-l pou mouton-l yo. Min anplouayé-a ak sa-a ki pa gadyin-an, sa mouton yo pa pou li-a, lè-l ouè lou-a ap vini, li kité mouton yo, li sové kò-l, lou-a minm dévoré mouton yo, li gayé yo. Min anplouayé-a minm sové konsa-a, sé paské sé anplouayé li yé épi li pa okipé mouton yo.

Mouin minm mouin sé bon Gadyin-an, mouin konnin sa-k pou mouin yo, sa-k pou mouin yo konnin-m tou. Jan Papa-a konnin-m épi mouin konnin Papa-a, épi mouin bay lavi-m pou mouton-m yo.

Min gin dèt mouton, ki pa nan patiraj sa-a, yo minm tou mouin gin pou-m minnin yo, y-ap kouté voua-m, ap vi-n gin yon sèl patiraj ak yon sèl gadyin ».

Paròl Granmèt la.

9

Si yon moun ap sèvi-m, sé pou-l suiv mouin.

✠ **Léktu sint Évanjil la dapré Jan**

12, 24-26

Lè sa-a : Jézu di disip li yo :

« Amèn, amèn mouin di nou : si grinn blé-a ki tonbé nan tè-a pa mouri, l-ap rét pou kont li ; min si-l mouri, l-ap donnin anpil foui. Moun ki rinmin lavi-l l-ap pèdi-l, min moun ki rayi lavi-l sou tè sa-a, l-ap konsèvé-l pou lavi tout tan-an.

Si yon moun ap sèvi-m, sé pou-l suiv mouin ; épi koté-m yé-a, sé la sèvitè-m nan ap yé tou. Si yon moun ap sèvi-m, Papa-m ap fè-l jouinn konsidérasion ».

Paròl Granmèt la.

10

*Sé pa nou minm ki chouazi-m,
min sé mouin minm ki chouazi nou.*

✠ Léktu sint Évanjil la dapré Jan

15, 9-17

Lè sa-a : Jézu di disip li yo :

« Minm jan Papa-a rinmin-m nan, mouin minm tou mouin rinmin-l. Rét nan rinmin-m nan. Si nou kinbé kòmandman-m yo, n-ap rété nan rinmin-m nan ; minm jan mouin minm mouin kinbé kòmandman Papa-m yo, épi mouin rété nan rinmin-l nan. Mouin di nou sa, pou kè kontan-m nan kapab nan nou, épi pou kè nou kapab kontan nèt.

Min kòmandman-m, sé pou nou youn rinmin lòt, minm jan mouin rinmin nou-an. Pèsòn pa rinmin pi plis pasé moun ki bay lavi-l pou zanmi-l nan. Nou minm nou sé zanmi-m, si nou fè sa mouin kòmandé nou yo.

Mouin pap rélé nou sèvitè ankò, paské sèvitè-a pa konnin sa mèt li ap fè ; min mouin rélé nou zanmi, paské tou sa-m tandé kot Papa-m, mouin fè nou konnin yo. Sé pa nou minm ki chouazi-m ; min sé mouin minm ki chouazi nou, mouin mété nou, pou nou alé, pou nou poté foui, pou foui nou-an diré ; konsa, pou ninpòt ki sa nou mandé Papa-a o non-m, li ba nou-l.

Min sa-m kòmandé nou, sé pou youn rinmin lòt ».

Paròl Granmèt la.

11

*Mouin konsakré tèt mouin pou yo,
pou yo minm tou yo kapab vi-n sin nan vérité-a.*

✠ Léktu sint Évanjil la dapré Jan

17, 6. 14-19

Lè sa-a :

Antan Jézu lévé jé-l nan sièl la, li té di : « Papa ki sin, fè moun yo rékonèt non-ou, yo minm ou té ban mouin sot sou tè-a. Sé pou ou yo té yé, épi ou té ban mouin yo ; épi yo té kinbé paròl ou-a.

Mouin té ba yo paròl ou-a, tè-a rayi yo, paské yo pa fè pati tè-a, tankou mouin minm mouin pa fè pati tè-a. Mouin pa priyé pou-ou ouété yo sot sou tè-a, min pou-ou prezèvé yo sot nan sa-k mal la.

Yo pa fè pati tè-a, tankou mouin minm mouin pa fè pati tè-a. Fè yo vi-n sin nan vérité-a : paròl ou-a sé vérité. Tankou ou té voyé-m sou tè-a, mouin minm tou mouin voyé yo sou tè-a.

Mouin konsakré tèt mouin pou yo, pou yo minm tou yo kapab vi-n sin nan vérité-a ».

Paròl Granmèt la.

12

*Minm jan Papa-a voyé-m nan, mouin voyé nou :
résévoua Éspri Sin-an.*

✠ **Léktu sint Évanjil la dapré Jan**

20, 19-23

Lè asouè rivé, jou sa-a, premié jou sémèn nan, tout pòt yo té fèmin, koté disip yo té rasanblé poutèt yo té pè Juif yo, Jézu rivé, li kanpé nan mitan, li di yo : « Lapè pou nou ». Pandan l-ap di sa, li montré yo min yo ak bò kòt la. Disip yo kontan, lè yo ouè Granmèt la.

Li di yo yon lòt foua ankò : « Lapè pou nou. Minm jan Papa-a voyé-m nan, mouin minm tou mouin voyé nou ». Lè-l fi-n di sa, li souflé, li di yo : « Résévoua Éspri Sin-an. Moun nou rinmèt péché yo, péché yo ap rinmèt, moun nou kinbé péché yo, y-ap rét kinbé ».

Paròl Granmèt la.

13

Okipé ti mouton-m yo, okipé mouton-m yo.

✠ **Léktu sint Évanjil la dapré Jan**

21, 15-17

Lè Jézu té parèt dévan disip li yo, li té manjé avèk yo-a, li di Simon Piè : « Simon pitit Jan, èské-ou gin charité pou mouin plis pasé sa yo ? »

Li di-l : « Oui, Granmèt, ou konnin mouin rinmin-ou ».

Li di-l : « Okipé ti mouton-m yo ».

Li di-l ankò : « Simon pitit Jan, èské-ou gin charité pou mouin ? »

Li di-l : « Oui, Granmèt, ou konnin mouin rinmin-ou ».

Li di-l : « Okipé ti mouton-m yo ».

Li di-l pou touazièm foua-a : « Simon pitit Jan, èské-ou rinmin-m ? »

Piè pran lapinn, paské li té di-l touazièm foua-a « Èské-ou rinmin-m ? » Li di-l : « Granmèt, ou konnin tout bagay ; ou konnin mouin rinmin-ou ». Li di-l : « Okipé mouton-m yo ».

Paròl Granmèt la.

III. POU ADMISION NAN PAMI KANDIDA KI GIN POU VI-N DIAK OUBYIN PRÈT

LÉKTU NAN ANSYIN TÊSTAMAN-AN

1

Chouazi mésié ki saj, pou nou mété yo kòm chèf nou.

Léktu liv Détéronòm nan

1, 9-14

Jou sa yo : Moyiz palé ak pèp la :

« Mouin té di nou : Mouin pa kapab poté nou pou kont mouin. Granmèt Bondié nou-an fè nou vi-n anpil, épi jodi-a nou vi-n anpil tankou zétoual sièl la. Sé pou Granmèt la, Bondié papa nou yo ajouté milié nan kantité sa-a, épi sé pou-l béni nou, jan li té di nou-an. Mouin pa kapab poté tèt chajé nou yo pou kont mouin ni akizasion nou yo ni diskision nou yo. Chouazi mésié ki saj, ki gin konprann, ki bay prèv nan konduit yo nan fanmiy nou yo, n-a mété yo kòm chèf nou.

Lè sa-a nou té réponn mouin : “Sé yon bon bagay, sa-ou vlé fè-a” ».

Paròl Granmèt la.

2

Li rinmèt kè-l pou-l véyé granmatin kot Granmèt la.

Léktu liv Sirasid

39, 1 b. 5-8

L-ap fouyé sajès kot ansyin yo, l-ap pasé tan-l nan provèb yo. Li vouayajé nan péyi nasion étranjé yo ; l-ap éséyé byin ak mal nan lèzòm. Li rinmèt kè-l pou-l véyé granmatin kot Granmèt la ki té fè-l la, dévan Sa-a ki anro nèt la l-ap priyé. Si Granmèt ki gran-an vlé, l-ap ranpli-l ak éspri intèlijans la.

Paròl Granmèt la.

3

Kilès m-ap voyé ? Ki moun k-apralé pou nou ?

Léktu liv profèt Izayi

6, 1-2 a. 3-8

Ané roua Ozias mouri, mouin ouè Granmèt la ki chita sou yon tro-n byin ro ; sa-k anba-l yo té plin tanp la. Sérafin yo té kanpé anlè-l : yo chak té gin sis zèl ; dé pou yo kouvri fas yo, dé pou yo kouvri pié yo, dé pou yo volé.

Youn t-ap rélé bay lòt, yo t-ap di : « Li sm, li sin, li sin, Granmèt Bondié lamé yo ; tout tè-a plin ak gloua li ». Gon pòt yo souké ak voua sa-a ki t-ap rélé-a, kay la vi-n plin ak lafimin.

Mouin di : « Malè pou mouin, paské mouin pé bouch mouin, paské mouin sé yon moun ki gin po bouch mouin sal, mouin abité nan mitan yon pèp ki gin po bouch li sal, époutan mouin ouè Roua-a, Granmèt lamé yo, ak pròp jé-m ».

Youn nan Sérafin yo volé koté-m, li té gin yon brèz difé nan min-l, li té pran-l sou lotèl la ak pinsèt ; li touché bouch mouin, li di : « Gadé, sa-a touché po bouch ou, fot ou-a éfasé, péché-ou la pròpté ».

Mouin tandé voua Granmèt la k-ap di : « Kilès m-ap voyé ? Ki moun k-apralé pou nou ? » Mouin di : « Min mouin, voyé-m ».

Paròl Granmèt la.

4

Kot tou sa-m voyé-ou, sé pou-ou alé.

Léktu liv profèt Jérémi

1, 4-9

Nan jou Jozias yo :

Paròl Granmèt la rivé koté-m, li di : « Anvan-m té fòmé-ou nan vant, mouin té konnin-ou ; anvan-ou té soti nan vant, mouin té fè-ou sin, mouin té voyé-ou kòm profèt pou nasion yo ».

Mouin di : « A a a, Granmèt Bondié ! gadé, mouin pa konn palé, sé yon ti moun mouin yé ».

Granmèt la di-m : « Pa di “Mouin sé timoun” ; min kot tou sa-m voyé-ou, sé pou-ou alé, tou sa m-ap kòmandé-ou, sé pou-ou palé-l. Pa pè dévan fas yo, paské mouin avèk ou, pou-m, délivré-ou », sé sa Granmèt la di.

Granmèt la voyé min-l, li touché bouch mouin ; Granmèt la di-m : « Min mouin mété paròl mouin yo nan bouch ou ».

Paròl Granmèt la.

LĚKTU NAN NOUVO TĚSTAMAN-AN

1

*Yo instalé Ansyin pou yo nan chak Égliz.***LĚktu Travay Apot yo****14, 21-23**

Jou sa yo :

Pòl ak Barnabé tounin Lis, Ikoniòm, Antiòch, y-ap ankourajé kè disip yo, y-ap ba yo konsèy pou yo rété nan lafoua-a, yo di yo kijan nou gin pou nou pasé anpil tray pou nou antré nan péyi roua Bondié-a. Yo instalé Ansyin pou yo nan chak Égliz, yo priyé, yo fè jèn, yo rimmèt yo nan min Granmèt la yo té kouè nan li-a.

Paròl Granmèt la.

2

*Ala malè pou mouin, si-m pa préché Bòn Nouvèl la.***LĚktu prémié lèt apot sin Pòl pou Korintyin yo****9, 16-19. 22-23**

Frè-m yo :

Si m-ap préché Bòn Nouvèl la, sé pa yon tit louanj li yé pou mouin, sé yon nésésité ki tonbé sou mouin. Ala malè pou mouin, si-m pa préché ! Si-m fè sa ak pròp volonté-m, mouin résévoua rékonpans ; min si sé yon obligasion, sé sèvis Bondié konfié-m nan mouin fè.

Ki rékonpans mouin ? Sèké antan m-ap préché Bòn Nouvèl la, mouin bay Bòn Nouvèl la san-m pa chèché intèrè, pou-m pa fè égzijans sou pouvoua mouin ginyin nan Bòn Nouvèl la.

Sèké, malgré mouin lib parapò a tout moun, mouin vi-n tounin ésklav tout moun, pou-m kapab pran tèt anpil moun.

Mouin vi-n fèb avèk sa yo ki fèb yo, pou-m kapab pran tèt sa-k fèb yo, mouin adapté-m ak tout moun, pou-m kapab sovè tout moun. Mouin fè tout bagay poutèt Bòn Nouvèl la, pou-m kapab jouinn pòsion pa-m nan li.

Paròl Granmèt la.

3

Yo bay chak moun manifèstasion Éspri-a pou bézouin-an.

Léktu prémié lèt apot sin Pòl pou Korintyin yo

12, 4-11

Frè-m yo :

Gin divès kalité gras, min sé yon sèl Éspri-a. Gin divès kalité sèvis, min sé yon sèl Granmèt la. Gin divès kalité aktivité, min sé yon sèl Bondié-a ki fè tout bagay nan tout moun.

Sèlman yo bay chak moun manifèstasion Éspri-a pou bézouin-an : ginyin yon pòsion, pa lintèmédiè Éspri-a yo ba yo paròl sajès, yon lòt pòsion minm sé paròl sians dapré minm Éspri-a, dòt sé lafoua nan minm Éspri-a, dòt sé gras gérizon nan yon sèl Éspri-a, dòt sé aktivité pouvoua, dòt sé sèvis profèt, dòt sé rékonèt kalité éspri yo, dòt sé divès kalité lang, dòt sé bay sans paròl yo.

Tout bagay sa yo, sé yon sèl ak minm Éspri-a ki fè yo, antan li séparé bay chak moun jan-l vlé.

Paròl Granmèt la.

4

Sé pou-ou rété nan sa-ou té aprann yo.

Léktu dézièm lèt apot sin Pòl pou Timoté

3, 10-12. 14-15

Ou minm mouin rinmin anpil la :

Ou té suiv ansègnman-m nan, konpòtman-m, désizion-m, lafoua-m, fòs mouin pou-m kinbé, rinmin-m, pasians mouin, pèsékision-m, soufrans mouin, ki té rivé-m Antiòch, Ikoniòm, ak Lis, tout kalité pèsékision mouin té sibi épi anba yo tout Granmèt la té délivré-m. Tout moun ki vlé viv sin nan Kris la, y-ap souffri pèsékision.

Kanta ou minm sé pou-ou rété nan sa-ou té aprann yo ak sa-ou té kouè yo, paské ou konnin nan min ki moun ou té aprann yo, épi paské sé dépi-ou piti ou konn sa-k ékri yo ki sakré-a, ki kapab instoui-ou pou sovè moun yo, gras a lafoua ki nan Kris Jézu-a.

Paròl Granmèt la.

PSÒM RÉPONS YO

1

PSÒM RÉPONS

Ps 15, 1-2 a é 5. 7-8. 11 (R: cf. 5 a)

R: Granmèt, ou sé pòsion éritaj mouin.

- 1 Prézèvé-m Bondié, paské mouin espéré nan ou.
 2 Mouin di Granmèt la : « Sé Granmèt mouin mouin ou yé,
 5 Granmèt, pòsion éritaj mouin ak kalis mouin :
 sé ou minm ki kinbé déstiné mouin. R
 7 M-ap fè konpliman pou Granmèt la ki ban-m intélijans ;
 minm nannuit rin-m ban-m léson.
 8 Mouin té mété Granmèt la dévan fas mouin tout tan,
 paské li adouat mouin, mouin pap tranblé. R
 11 Ou-ap fè-m konnin rout lavi yo,
 kè kontan k-ap débòdé avèk fas ou,
 plézi adouat ou jous pou tout tan. R

2

PSÒM RÉPONS

Ps 23, 1-2. 3-4 ab. 5-6 (R: cf. 6)

R: Sa-a sé ras moun k-ap chèché fas ou-a, Granmèt.

- 1 Pou Granmèt la tè-a ak sa-k plin-l,
 fas tè-a ak sa-k abité ladan-l.
 2 Sèké sé li minm ki té fiksé-l sou lanmè yo,
 épi ki té rann li solid sou gran riviè yo. R
 3 Kilès k-ap monté sou mòn Granmèt la,
 oubyin kilès k-ap kanpé sou plas li ki sin-an ?
 4 Sa-a ki gin min-l inosan ak kè-l nèt,
 ki pa nonmin non-l pou granmési. R
 5 Moun sa-a ap résévoua bénédiksion nan min Granmèt la
 ak jistis nan min Bondié Sovè-l la.
 6 Sa-a sé ras moun k-ap chèché-l yo,
 k-ap chèché fas Bondié Jakòb la. R

3

PSÒM RÉPONS

Ps 97, 1. 2-3 ab. 3 c-4. 5-6 (R: 2 b)

R: Nan fas nasion yo Granmèt la révéle jistis li-a.

1 Chanté yon kantik nouvo pou Granmèt la,
paské li fè mèvèy ;
min douat li sovè pou li,
avèk bra li ki sin-an. R:

2 Granmèt la fè konnin sovè li sovè-a,
nan fas nasion yo li révéle jistis li-a.

3 Li fè sonjé mizèrikòd li-a
ak vérité-l la pou kay Israèl la. R:

Tout limit tè-a ap ouè
sovè Bondié nou-an sovè nou-an.

4 Sonnin troupèt pou Bondié, tout tè-a,
éklaté, fété, chanté. R:

5 Chanté pou Granmèt la sou gita,
sou gita ak chanté psòm ;

6 sonnin troupèt ak kòn,
sonnin kléron dévan Granmèt la ki roua-a. R:

ALÉLOUYA AK VÈSÈ ANVAN ÉVANJIL LA

1

Mk 1, 17

(R: Alélouya). Vini apré-m, sé sa Granmèt la di,
m-ap fè nou al lapèch moun. (R: Alélouya).

2

Lk 4, 18

(R: Alélouya). Granmèt la voyé-m anonsé pòv yo bòn nouvèl la,
déklaré délivrans bay prizonié yo. (R: Alélouya).

Jan 12, 26

(**R**: Alélouya). Si yon moun ap sèvi-m sé pou-l suiv mouin,
sé sa Granmèt la di ;
épi koté-m yé-a, sé la sèvitè-m nan ap yé tou. (**R**: Alélouya).

ÉVANJIL YO

1

Priyé Granmèt rékòlt la, pou-l voyé travayè nan rékòlt li-a.

✠ Léktu sint Évanjil la dapré Matié

9, 35-38

Lè sa-a :

Jézu minm t-ap maché nan tout vil yo ak bouk yo, li t-ap bay ansègnman nan sinagòg yo, li t-ap préché Bòn Nouvèl péyi-roua-a, li t-ap géri tout maladi ak tout féblès. Lè-l ouè foul yo, li pran lapinn pou yo, paské yo té fatigé, yo té kouché tankou mouton ki pa gin gadyin.

Lè sa-a li di disip li yo : « Rékòlt la anpil, min travayè yo yon ti kras ; priyé Granmèt rékòlt la, pou-l voyé travayè nan rékòlt li-a ».

Paròl Granmèt la.

2

M-ap fè nou al lapèch moun.

✠ Léktu sint Évanjil la dapré Mark

1, 14-20

Apré yo fi-n arété Jan, Jézu rivé nan Galilé, l-ap préché bòn nouvèl péyi-roua Bondié-a, l-ap di : « Tan-an rivé, péyi-roua Bondié-a proche : fè pénitans, kouè nan bòn nouvèl la ».

Antan l-ap pasé bò lanmè Galilé-a, li ouè Simon avèk André frè-l la k-ap voyé filè nan lanmè-a ; sé péchè pouason yo té yé. Jézu di yo : « Vini apré-m, m-ap fè nou al lapèch moun ». Minm lè-a, yo kité filè yo, yo suiv li.

Li kontinié sot la l-al yon ti kras pi louin, li ouè Jak pitit Zébédé-a avèk Jan, frè-l la, yo t-ap rapiésé filè yo nan batiman-an ; minm lè-a, li rélé yo. Yo kité papa yo Zébédé nan batiman-an avèk anplouayé yo, yo suiv li.

Paròl Granmèt la.

3

*Sou paròl ou, m-apral lagé filè-a.***✠ Léktu sint Évanjil la dapré Luk****5, 1-11**

Lè sa-a :

Kòm foul yo té gonflé sou Jézu pou yo kouté paròl Bondié-a, li té kanpé bò létan Jénézarèt la. Li ouè dé batiman ki akosté bò létan-an ; péchè yo té désann, yo t-ap lavé filè yo.

Li monté nan yon batiman, sa-k té pou Simon-an, li mandé-l pou-l rékilé yon ti kras sot sou tè-a. Li chita, l-ap bay ansègnman nan batiman-an, pou foul yo.

Lè-l fi-n palé, li di Simon : « Pousé nan fon, lagé filè nou yo pou lapèch la ».

Simon pran laparòl, li di-l : « Mèt, tout nannuit, nou fatigé kò nou, san nou pa pran anyin ; sèlman sou paròl ou, n-ap lagé filè-a ».

Yo fè sa, yo ranmasé yon pakèt kantité pouason ; filè yo-a t-ap chiré. Yo fè sign bay asosyé yo, ki té nan lòt batiman-an, pou yo vi-n édé yo. Yo vini, yo plin tou lè dé batiman yo, atèl pouin yo t-ap koulé.

Lè Simon Piè ouè sa, li lagé kò-l nan pié Jézu, li di : « Ralé kò-ou sot koté-m, paské sé yon péchè mouin yé, Granmèt ». Sézisman té anvayi-l, ni tout moun ki té avèk li, nan lapèch pouason yo yo té pran-an ; sé minm jan tou pou Jak avèk Jan, pitit Zébedé yo, ki té asosyé Simon.

Jézu di Simon : « Pa pè ; apati koulié-a, sé moun ou-ap pran lapèch ». Yo rédi batiman yo atè, yo kité tout bagay, yo suiv li.

Paròl Granmèt la.

4

*Min Mouton Bondié-a. Nou jouinn Mési-a.***✠ Léktu sint Évanjil la dapré Jan****1, 35-42**

Lè sa-a :

Jan té kanpé épi dé nan disip li yo avèk li. Li gadé Jézu k-ap maché, li di : « Min Mouton Bondié-a ». Dé disip yo tandé l-ap palé, yo suiv Jézu. Jézu minm viré, li ouè y-ap suiv li, li di yo : « Ki sa n-ap chèché » ?

Yo minm yo di-l : « Rabi (sa vlé di Mèt), koté ou abité » ?

Li di yo : « Vini, n-a ouè ». Yo vini, yo ouè koté-l té rété, yo rété lakay li jou sa-a ; lè sa-a, sé té apéprè dizièm è-a.

Té gin André, frè Simon Piè-a, youn nan dé yo, ki té tandé Jan-an, épi ki té suiv li-a. Sa-a rankontré toudabò frè-l la Simon, li di-l : « Nou jouinn Mési-a (sa vlé di Kris la) ». Li minnin-l bay Jézu.

Jézu minm gadé-l, li di : « Ou sé Simon, pitit Jona : y-ap rélé-ou Séfas (sa vlé di Piè) ».

Paròl Granmèt la.

5

Min pitit Israèl tout bon vré, nan li pa gin manti.

✚ **Léktu sint Évanjil la dapré Jan**

1, 45-51

Lè sa-a :

Filip jouinn Natanaèl, li di-l : « Sa-a Moyiz té ékri sou li nan laloua-a ak profèt yo, nou jouinn li, sé Jézu, pitit Jozèf, moun Nazarèt la ».

Natanaèl di-l : « Nazarèt ! èské yon bagay ki bon kapab soti la ? »

Filip di-l : « Vini ou-a ouè ».

Jézu ouè Natanaèl k-ap vi-n koté-l, li di sou li : « Min yon pitit Israèl tout bon vré, nan li pa gin manti ».

Natanaèl di-l : « Koté ou konnin-m ? »

Jézu réponn, li di-l : « Anvan Filip té rélé-ou, lè-ou té anba pié figié-a, mouin té ouè-ou ».

Natanaèl réponn li, li di : « Rabi, ou sé Pitit Bondié, ou sé roua Israèl ».

Jézu réponn, li di-l : « Paské mouin di-ou “Mouin té ouè-ou anba pié figié-a”, ou kouè : ou-ap ouè pi gran bagay pasé sa ».

Épi li di-l : « Amèn, amèn mouin di nou : n-ap ouè sièl la louvri, épi Anj Bondié yo k-ap monté-désann anlè Pitit moun nan ».

Paròl Granmèt la.

IV. ANTAN Y-AP BAY MINISTÈ YO

1. POU INSTITISION LÉKTÈ YO

LÉKTU NAN ANSYIN TÉSTAMAN-AN

1

Sé pou paròl sa yo rét nan kè-ou.

Léktu liv Détéronòm

6, 3-9

« Kouté, Israël, obsèvé, pou-ou kapab fè sa Granmèt la kòmandé ou yo, sa ap bon pou ou, ou-ap vi-n anpil, jan Granmèt Bondié papa ou yo promèt ou-a, nan péyi koté sé lèt ak mièl k-ap koulé-a.

Kouté, Israël : Granmèt la Bondié nou-an sé yon sèl Granmèt la. Sé pou-ou rinmin Granmèt la Bondié-ou la ak tout kè-ou ak tout nanm ou, ak tout fòs ou. Sé pou paròl sa yo mouin kòmandé-ou jodi-a, rét nan kè-ou, sé pou-ou rakonté yo bay pitit ou yo, sé pou-ou kalkilé sou yo, antan-ou chita lakay ou, antan ou-ap maché sou rout la, antan-ou kouché, antan-ou lévé ; sé pou-ou maré yo tankou yon sign nan min-ou, sé pou-ou mété yo sou fron-ou, pou yo souké dévan jé-ou, sé pou-ou ékri yo sou papòt ou ak nan fénèt lakay-ou ».

Paròl Granmèt la.

2

Paròl la bò koté-ou pou-ou réalizé-l.

Léktu liv Détéronòm

30, 10-14

Lè sa-a :

Moyiz palé ak pèp la, li di : « Sé pou-ou kouté voua Granmèt Bondié-ou, pou-ou obsèvé lòd li yo ak désizyon-l yo, ki ékri nan laloua sa-a, pou-ou tounin kot Granmèt Bondié-ou la ak tout kè-ou, ak tout nanm ou.

Kòmandman sa-a mouin kòmandé-ou jodi-a, li pa ni tro ro ni tro louin pou ou, li pa chita nan sièl la, pou-ou t-a di : “Kilès nan nou ki t-a kapab monté nan sièl la, pou-l poté-l ba nou, pou nou kouté-l, pou nou réalizé-l ?” Li pa jous lòt bò lanmè, pou-ou blijé di : “Kilès nan nou ki t-a kapab travèsé lanmè-a pou-l poté-l ba nou, pou nou kapab kouté-l, pou nou fè

sa-l kòmandé-a ?” Min sé bò koté-ou paròl la yé, tou pré-ou, nan bouch ou ak nan kè-ou, pou-ou fè sa-l di-a ».

Paròl Granmèt la.

3

Yo li nan liv Laloua-a, yo konprann, lè yo li-a.

Léktu liv Néémi

8, 2-4 a ; 5-6. 8-10

Jou sa yo :

Prèt Ésdras poté Liv laloua-a dévan fowl gason yo ak fi yo, ak tout moun ki té kapab konprann, nan premié jou moua séptanm nan. Li li ladan-l, avèk yon voua byin klè, sou laplas la, ki té dévan pòt dlo yo, dépi nan matin jouska midi, dévan gason yo ak fi yo ak saj yo ; zòrèy tout pèp la té drésé nan diréksion liv la.

Ésdras, skrib la, té kanpé sou yon éstrad an boua, yo té fè-l pou-l té kapab palé. Ésdras louvri liv la dévan tout pèp la (li té dépasé rotè tout pèp la nèt), kon-l louvri-l, tout pèp la kanpé. Ésdras fè konpliman pou Granmèt Bondié ki gran-an, tout pèp la réponn : « Amèn, Amèn », antan y-ap lévé min yo. Yo plouayé kò yo, yo adoré Bondié, plat atè.

Yo li nan liv Laloua Bondié-a yon fason pozé, yon fason klè pou moun kapab konprann ; yo konprann pandan y-ap li-a. Néémi (li minm ki Atérsata) ak Ésdras, prèt la ak skrib la, ak mésié nan ras Lévi yo, yo t-ap éspliké tout pèp la : « Sé yon jou ki sin pou Granmèt Bondié nou-an, pa rété tris, pa kriyé ». Sèké tout pèp la t-ap kriyé, lè-l tandé paròl Laloua-a. Li di yo : « Alé, manjé bon viann, bouè bon divin, voyé pòsion bay moun ki pa-t paré manjé, paské jou Granmèt sa-a sin. Pa rét tris : kè kontan Granmèt la sé fòs nou ».

Paròl Granmèt la.

4

Lapli-a fè tè-a jèmin.

Léktu liv profèt Izayi

55, 10-11

Min paròl Granmèt la :

« Minm jan lapli ak lanèj désann sot nan sièl, épi li pa tounin la, san-l pa rouzé tè-a, san-l pa plin-l, pou-l fè-l jèmin, pou-l bay sémans pou moun k-ap simin-an ak pin pou moun ki bézouin manjé-a, sé konsa tou

paròl ki soti nan bouch mouin-an, li pa tounin vi-n jouinn mouin vid, min l-ap fè tou sa-m vlé, l-ap réyisi mision-l nan, sa-m voyé-l fè-a ».

Paròl Granmèt la.

LÉKTU NAN NOUVO TĚSTAMAN-AN

1

Antan-m t-ap anonsé nou mistè Bondié-a.

Léktu prémié lèt apot Pol pou Korintyin yo 2, 1-5

Mouin minm, lè-m rivé lakay nou, frè-m yo, mouin pa vini ak gro diskou oubyin ak sajès moun pou-m anonsé nou mistè Bondié-a. Réyèlman mouin pa-t konsidéré mouin té konn kichòy nan pami nou, sof Jézu-Kri épi Jézu-Kri ki klouré sou koua-a. Épi mouin minm sé ak féblès ak kè soté ak anpil sézisman mouin té lakay nou ; paròl mouin ak prèch mouin, sé pa-t paròl k-ap chèché pran tèt nou ak sajès moun, min sé éspri-a ak puisans la mouin té montré, pou lafoua nou pa-t chita sou sajès lézòm, min sou puisans Bondié.

Paròl Granmèt la.

2

*Tou sa-k ékri-a, antan sé Bondié ki pousé yo ékri-l,
li sèvi pou bay ansègnman.*

Léktu dézièm lèt apot sin Pòl pou Timoté 3, 14-17

Ou minm mouin rinmin anpil la :

Rété nan sa-ou té aprann yo ak sa-ou té kouè yo, paské ou konnin nan min ki moun ou té aprann yo, épi paské sé dépi-ou piti ou konn sa-k ékri-a ki sakré-a, ki kapab paré-ou pou-ou sové-a, gras a lafoua ki nan Kris Jézu-a.

Tou sa-k ékri-a, antan sé Éspri Bondié ki pousé yo ékri-l, li sèvi pou bay ansègnman, pou montré vérité-a, pou korijé, pou fè moun antré pi fon nan jistis la, pou moun Bondié-a kapab vi-n bon nèt, antan li paré pou tout kalité bon travay.

Paròl Granmèt la.

3

Fè travay mèsajé Bòn Nouvèl la, réalizé sèvis ou.

Léktu dézièm lèt apot sin Pòl pou Timoté

4, 1-5

Ou minm mouin rinmin anpil la :

Mouin déklaré-ou dévan Bondié ak Jézu-Kri, ki gin pou-l jijé ni vivan yo ni mò yo, lè l-ap vini-an ak lè l-ap kòmandé-a : préché paròl la, insisté ni nan bon moman, ni nan mové moman ; bay prèv, fè obsèvasion, fè répròch ak tout kalité pasians ak ansègnman.

Sèké gin yon tan k-ap rivé koté moun yo pap sipòté ansègnman kòrèk ankò, min dapré anvi yo y-ap ranmasé yon pakèt mèt ; antan zòrèy yo ap graté yo ; y-ap viré do bay vérité-a pou yo pa tandé-l, min y-ap viré fas yo bay kont.

Kanta ou minm sé pou-ou véyé, nan tout sikonstans sé pou-ou travay, fè travay mèsajé Bòn Nouvèl la, réalizé sèvis ou. Sé pou-ou véyé sou konduit ou.

Paròl Granmèt la.

4

Paròl Bondié-a jijé pansé ak intansion kè-a.

Léktu lèt pou Ébré yo

4, 12-13

Paròl Bondié-a vivan, li fè sa pou-l fè, li pi filé pasé tout sab ki koupé dé bò, li touché jous nan séparation nanm ak éspri, jous nan jouinti ak jous nan mouèl, li jijé pansé ak intansion kè-a. Okinn kréatu pa rét kaché dévan-l ; tout bagay aklè, yo tou louvri dévan jé-l, nou gin pou nou rann li kont.

Paròl Granmèt la.

5

Sa nou ouè-a ak sa nou tandé-a, nou anonsé nou li.

Kòmansman prémié lèt apot sin Jan

1, 1-4

Nou minm mouin rinmin anpil la :

Sa-k té nan kòmansman-an, sa nou té tandé-a, sa nou té ouè ak jé nou yo, sa nou té konsidéré-a, sa min nou té touché-a nan paròl lavi-a ; Lavi-a

manifesté, nou ouè, nou sèvi témouin, nou anonsé nou lavi tout tan-an, ki té kot Papa-a épi ki parèt dévan nou-an. Sa nou ouè-a, nou tandé-a, nou anonsé-l ba nou, pou nou kapab gin patisipasion avèk nou, pou patisipasion nou avèk Papa-a avèk Pitit li-a, Jézu-Kri.

Nou ékri nou bagay sa yo pou nou gin kè kontan, pou kè kontan nou-an plin nèt.

Paròl Granmèt la.

PSÒM RÉPONS YO

1

PSÒM RÉPONS

Ps 18, 8. 9. 10. 11 (R: cf. Jan 6, 63 c)

R: Paròl ou yo, Granmèt, sé éspri ak lavi.

8 Laloua Granmèt la san tach, li réfè nanm moun, témouagnaj Granmèt la fidèl, li bay ti moun yo sajàs. R:

9 Jistis Granmèt la douat, yo fè kè kontan, kòmandman Granmèt la klè, li kléré jé yo. R:

10 Krint Granmèt la nèt, li diré pou tout tan gin tan, jijman Granmèt la vré, yo kòrèk yo tout ansanm. R:

11 Yo pi chè pasé lò, ak piè ki gin anpil pri, yo pi dous pasé siro mièl ak réyon siro mièl k-ap koulé. R:

2

PSÒM RÉPONS

Ps 118, 9. 10. 11. 12 (R: 12 b)

R: Aprann mouin désizion-ou yo, Granmèt.

9 Kòman pou yon jénòm kapab nèt nan chémin-l ? Antan-l kinbé paròl ou yo. R:

10 Ak tout kè-m mouin té chèché-ou, pa kité-m pèdi rout louin kòmandman-ou yo. R:

11 Nan kè-m mouin kaché promès ou yo, pou-m pa fè péché kont ou. R:

12 Konpliman pou ou, Granmèt aprann mouin désizion-ou yo. R:

3

PSÒM RÉPONS

Ps 147, 15-16. 17-18. 19-20 (R: 12 a)

- R: Fè louanj Granmèt la, Jérusalèm.
- ¹⁵ Li minm ki voyé promès li sou tè-a,
avèk vitès paròl li-a kouri.
- ¹⁶ Li minm ki bay lanèj tankou linn,
li simin larouzé tankou sann. R:
- ¹⁷ Li voyé ti moso glas li-a tankou ti bouché ;
dévan fas frédi-l la kilès k-ap kanpé ?
- ¹⁸ Li voyé paròl li-a épi li fonn yo,
li souflé souf li, dlo yo koulé. R:
- ¹⁹ Li minm ki anonsé paròl li bay Jakòb,
jistis li ak jijman-l bay Israèl.
- ²⁰ Li pa aji konsa avèk tout nasion,
li pa montré yo jijman-l yo. R:

ALÉLOUYA AK VÈSÈ ANVAN ÉVANJIL LA

1

Cf. Lk 4, 18

(R: Alélouya). Éspri Granmèt la sou mouin ;
li té voyé-m poté bòn nouvèl la bay pòv yo. (R: Alélouya).

2

Jan 6, 63 c. 68 c

(R: Alélouya). Paròl ou yo, Granmèt, sé Éspri ak lavi yo yé ;
ou gin paròl lavi tout tan-an. (R: Alélouya).

3

Cf. Tr 16, 14 b

(**R**: Alélouya). Alélouya. Granmèt, louvri kè nou,
pou nou fè atansyon nan paròl Pitit ou-a. (**R**: Alélouya).

4

(**R**: Alélouya). Sémans la sé paròl Bondié-a,
sa k-ap simin-an minm sé Kris la
tout moun ki jouinn li, l-ap diré pou tout tan. (**R**: Alélouya).

ÉVANJIL YO

1

Nou sé limiè tè-a.

✠ Léktu sint Évanjil la dapré Matié

5, 14-19

Lè sa-a :

Jézu té di disip li yo : « Nou sé limiè tè-a. Yon vil ki pozé sou yon mòn pa kapab kaché. Yo pa limin yon lanp, pou yo mété-l anba bokit ; min sou yon étajè, pou-l kléré tout moun ki nan kay la. Sé konsa pou limiè nou kléré dévan moun yo, pou yo ouè bon aksyon nou yo, pou yo fè louanj pou Papa nou ki nan sièl la.

Pa konprann mouin vini pou-m défèt laloua-a oubyin profèt yo : mouin pa vini pou-m défèt, min pou-m réalizé nèt. Amèn mouin di nou, joutan sièl la ak tè-a pasé, yon ti i oubyin yon ti trè pap pasé sot nan Laloua-a, joutan tout bagay rivé. Konsa moun k-ap défèt youn nan pi piti kòmandman sa yo épi k-ap aprann moun yo fè minm jan, y-ap rélé-l pi piti nan péyi roua sièl yo ; min moun k-ap réalizé-l, épi k-ap aprann lòt yo fè minm jan, y-ap rélé-l gran nan péyi roua sièl yo ».

Paròl Granmèt la.

2

Li t-ap préché nan sinagòg yo.

✠ Léktu sint Évanjil la dapré Mark

1, 35-39

Granmatin Jézu lévé, li soti, l-al nan yon koté ki dézè, épi li t-ap priyé la. Simon minm rapousuiv li, ni moun ki té avèk li yo ; lè yo jouinn li, yo di-l : « Sé tout moun k-ap chèché-ou ».

Li di yo : « An-al nan bouk yo ki tou pré yo ak nan vil yo, pou nou préché la ; sé pou sa minm mouin vini ». Li t-ap préché nan sinagòg yo, ak nan tout Galilé-a, li t-ap chasé démon yo.

Paròl Granmèt la.

3

Éspri Granmèt la sou mouin.

✠ **Léktu sint Évanjil la dapré Luk**

4, 16-21

Lè sa-a :

Jézu rivé Nazarèt, koté yo té fè édikasion-l nan, li antré nan sinagòg la dapré abitud li, jou saba-a, li lévé pou-l li. Yo rinmèt li liv profèt Izayi-a. Li louvri liv la, li jouinn koté ki ékri-a :

« Éspri Granmèt la sou mouin ; sé pou sa li sakré-m, li voyé-m poté bòn nouvèl la bay pòv yo, géri kè ki krazé yo, préché padon pou prizonié yo, ak limiè pou avèg yo, ranvouayé sa k-ap pasé mati yo nan libèté, préché yon ané Granmèt la fè gras, yon jou rékonpans ».

Li pliyé liv la, li rinmèt sèvan-an li, li chita. Jé tout moun nan sinagòg la té fikse sou li. Li kòmansé di yo : « Jodi-a sa-k ékri la-a akonpli nan zòrèy nou ».

Paròl Granmèt la.

4

Jézu voyé apot yo pou yo préché pénitans ak padon péché.

✠ **Léktu sint Évanjil la dapré Luk**

24, 44-48

Lè sa-a : Jézu té di disip li yo :

« Sé paròl sa yo mouin té palé nou-an, lè-m té avèk nou toujou-a, li té nésésé pou tou sa-k ékri sou mouin nan laloua Moyiz la ni profèt yo ni psòm yo, pou yo té akonpli ». Lè sa-a li louvri intélijans yo, pou yo konprann sa-k ékri yo.

Li di yo : « Sé konsa sa té ékri, sé konsa Kris la té gin pou-l souffri, pou-l résisité sot nan pami mò yo sou touazièm jou-a, pou yo préché pénitans nan non-l ak padon péché yo nan tout nasion, kòmansé sou Jérusalèm. Nou minm nou témouin bagay sa yo ».

Paròl Granmèt la.

Ansègnman-m nan pa ansègnman pa-m, min ansègnman Sa-a ki voyé-m nan.

✠ Léktu sint Évanjil la dapré Jan

7, 14-18

Nan mitan jou fèt la, Jézu té monté nan tanp la, li t-ap anségné. Juif yo minm t-ap admiré, antan y-ap di : « Kòman sa-a konnin lèt yo, puiské li pa-t aprann ? » Jézu minm réponn yo, li di : « Ansègnman-m nan pa ansègnman pa-m min ansègnman Sa-a ki voyé-m nan. Si yon moun vlé fè volonté-l, l-a konnin osijè ansègnman-an si sé nan Bondié li soti, oubyin si sé ak pròp tèt mouin mouin palé. Moun ki palé ak pròp tèt li, l-ap chèché pròp gloua li, min moun k-ap chèché gloua Sa-a ki voyé-l la, li minm li vré, pa gin injistis nan li ».

Paròl Granmèt la.

2. POU INSTITISION AKOLIT YO

LÉKTU NAN ANSYIN TÉSTAMAN-AN

1

Li ofri pin ak divin.

Léktu liv Jénèz la

14, 18-20

Jou sa yo :

Mèlkisédek, roua Salèm, poté pin ak divin (li té prèt Bondié ki anro nèt la), li béni Abram, li di : « Konpliman pou Abram onon Bondié ki anro nèt la, li minm ki kréyé sièl la ak tè-a, konpliman pou Bondié ki anro nèt la, gras a protéksion-l, ènmi yo nan min-ou ». Abram ba li dizièm pòsion nan tout bagay.

Paròl Granmèt la.

2

M-ap fè lapli pin tonbé sot nan sièl la pou nou.

Léktu liv Égzòd

16, 2-4. 12-15

Jou sa yo :

Tout foul pitit Israèl yo pran plinyin kont Moyiz ak Aaron nan dézè-a ; pitit Israèl yo di yo : « Pito nou té mouri nan min Granmèt la nan tè Éjip la, lè nou té chita dévan mamit viann yo, lè nou t-ap manjé pin kont kò nou-an ! Pouki sa nou té fè nou soti pou nou minnin nou nan dézè sa-a, pou nou touyé tout foul la avèk grangou-a ? »

Granmèt la di Moyiz : « Min m-ap fè lapli pin tonbé pou nou sot nan sièl la : pèp la ap soti, l-ap ranmasé sa yo bézouin pou chak jou. Konsa m-a sondé-l, pou-m ouè si l-ap maché nan laloua-m nan ou non.

Mouin tandé pitit Israèl yo k-ap plinyin ; palé ak yo, di yo : “Asouè-a n-ap manjé viann, nan matin n-ap jouinn pin kont kò nou, n-ap konnin sé mouin minm Granmèt la Bondié nou-an” ».

Nan asouè vré, gin ti pintad ki volé, ki kouvri kan-an ; nan matin tou té gin yon kouch larouzé ki kouvri tout alantou kan yo. Lè-l évaporé sot sou fas tè-a gin yon ti po tou mins ki parèt, yon bagay ki tou fin tankou lanèj sou tè-a.

Lè pitit Israèl yo ouè sa, youn di lòt : « Ma-nou ? », sa vlé di : « Sa sa-a yé ? » Yo pa-t konnin sa-l té yé.

Moyiz di yo : « Sa-a sé pin, Granmèt la ba nou pou nou manjé ».

Paròl Granmèt la.

3

*Sa-a sé san aliens la,
sa Granmèt la pasé avèk nou-an.*

Léktu liv Égzòd

24, 3-8

Jou sa yo :

Moyiz rivé, li rakonté tout paròl Granmèt la ak jijman-l yo bay pèp la ; tout pèp la réponn avèk yon sèl voua : « Tout paròl Granmèt la di yo, n-ap fè yo ».

Moyiz ékri tout paròl Granmèt la ; granmatin li lévé, li bati yon lotèl nan pié mòn nan, ak douz tit pou douz fanmi Israèl yo. Li voyé jèn jan nan pitit Israèl yo, yo ofri sakrifis antié ; yo sakrifié sakrifis lapè pou Granmèt la, sé té jèn ti toro.

Moyiz pran mouatié pòsion nan san-an, li mété nan basi-n ; pòsion ki rété-a, li vidé-l sou lotèl la.

Li pran roulo aliens la, li li-l, pèp la kouté, pèp la di : « Tout sa Granmèt la di, n-ap fè-l, n-ap obéyi-l ».

San-an li té pran-an, li vidé-l sou pèp la, li di : « Sa-a sé san aliens la, sa Granmèt la pasé avèk nou-an nan tout paròl sa yo ».

Paròl Granmèt la.

4

Li ba-ou manjé ou pa-t konnin, ni ou minm ni papa-ou yo.

Léktu liv Détéronòm

8, 2-3. 14 b-16 a

Jou sa yo :

Moyiz té palé ak pèp la, antan li di : « Ou-a sonjé tout chémin, koté Granmèt Bondié-ou la té kondui-ou pandan karant ané nan dézè-a, pou-l té krazé ògèy-ou, pou-l té sondé-ou, pou yo té kapab konnin ki sa-k t-ap brasé nan nanm ou : si-ou t-ap kinbé kòmandman-l yo oubyin si ou t-ap lagé yo.

Li té maltrété-ou ak grangou, li ba-ou lama-n kòm manjé, bagay ou pa-t konnin, ni papa-ou yo, pou-l té kapab montré-ou sé pa ak pin sèlman yon moun viv, min ak tout paròl ki soti nan bouch Bondié.

Ou-a sonjé Granmèt Bondié-ou la, li minm ki té fè-ou soti nan péyi Éjip la, sot nan kay ésklavaj la, li minm ki té kondui-ou nan dézè-a ki gran-an épi ki térib la, koté ki té gin sèpan ki mòdé boulé kon difé-a, ak skòpion, koté ki sèk la, ki pa gin yon ti tak dlo-a ; li minm ki fè riviè soti nan ròch ki pi di-a, li minm ki ba-ou manjé lama-n nan dézè-a, bagay papa-ou yo pa-t konnin-an ».

Paròl Granmèt la.

5

*Li maché ak fòs manjé sa-a
jous nan mòn Bondié-a.*

Léktu prémié liv Roua yo

19, 4-8

Jou sa yo :

Éli maché nan dézè-a pandan yon jou.

Li rivé anba yon ti pié jénèv, li chita, li mandé lanmò, li di : « Sa kont mouin, Granmèt ! Ou mèt pran lavi-m ; sèké mouin pa pi bon pasé papa mouin yo ». Li lagé kò-l atè, li dòmi anba pié jénèv la.

Min yon Anj Granmèt la ki touché-l, li di-l : « Lévé, manjé ».

Li gadé, li ouè yon pin ki té kuit nan sann ki pozé bò tèt li ak yon véso dlo ; li manjé, li bouè, épi li dòmi ankò.

Anj Granmèt la rétonnin koté-l yon dézièm foua, li touché-l, li di-l : « Lévé, manjé, gin yon gran rout ki rété-ou ankò ».

Li lévé, li manjé, li bouè, li maché ak fòs manjé sa-a pandan karant jou ak karant nuit, jous nan mòn Bondié-a, Orèb.

Paròl Granmèt la.

6

Manjé pin-m, bouè divin-an mouin mélanjé pou nou-an.

Léktu liv Provèb yo

9, 1-6

Sajès la bati kay li, li drésé sèt kolòn li yo, li touyé bèt li yo pou sakrifis la, li mélanjé divin-an, li drésé tab li-a.

Li voyé sèvant li yo pou yo rélé nan pòtay la ak sou rotè vil la : « Si yon moun tou piti, sé pou-l vi-n jouinn mouin ».

Pou moun ki pa gin sajès yo, li di : « Vini, manjé pin-m nan, bouè divin-m nan mouin mélanjé pou nou-an ; kité konduit ti moun nan, vi-n aprann lavi, maché nan chémin intélijans la ».

Paròl Granmèt la.

LÉKTU NAN NOUVO TÊSTAMAN-AN

1

Yo té pèsévéré nan kominion pin-an yo séparé-a.

Léktu Travay Apot yo

2, 42-47

Nan jou sa yo :

Frè yo té pèsévéré nan ansègnman Apot yo, ak kominion pin-an yo séparé-a, ak priyè yo.

Krint té rivé nan tout kè. Té gin anpil prodij ak sign ki t-ap fèt pa lintèmediè Apot yo nan Jérusalèm, té gin gro krintif nan tout moun.

Tout moun ki té kouè yo té ansanm, yo té gin tout bagay an komin : yo té vann propriété yo ak byin yo, yo té séparé yo pou tout moun, dapré sa chak moun té bezouin.

Chak jou yo té pèsévéré ansanm nan tanp la, yo té séparé pin-an lakay yo, yo té konn pran manjé-a avèk kontantman ak yon kè sinp, antan y-ap fè louanj Bondié, yo té gin favè tout foul la. Chak jou Granmèt la té ajouté nan yo lòt moun, ki té sovè yo.

Paròl Granmèt la.

2

*Nou té manjé, nou té bouè avèk li,
aprè li té résisité sot nan pami mò yo.*

Léktu Travay Apot yo

10, 34 a. 37-43

Jou sa yo :

Antan Piè louvri bouch li, li di : « Nou konnin sa-k rivé nan tout Judé, kòmansé dépi Galilé aprè batèm nan Jan té préché-a : Jézu moun Nazarèt la, kijan Bondié té sakré-l ak Éspri Sin-an ak fòs : li minm ki travèsé antan l-ap fè byin, l-ap géri tout moun djab la t-ap maltrété, paské Bondié té avèk li.

Nou minm nou témouin tou sa-l té fè nan réjion Juif yo ak Jérusalèm ; li minm yo té touyé antan yo pandié-l sou boua-a. Bondié résisité-l touazièm jou-a ; li fè-l parèt, non pa dévan tout pèp la, min dévan témouin yo Bondié té chouazi davans yo : nou minm, ki té manjé, ki té bouè avèk li, aprè-l té fi-n résisité sot nan pami mò yo.

Li pasé nou lòd pou nou préché pèp la, pou nou sèvi témouin Bondié mété-l kòm jij moun ki vivan yo ak moun ki mouri yo.

Tout profèt yo sèvi-l témouin, tout moun ki kouè nan li ap résévoua padon péché yo o non-l ».

Paròl Granmèt la.

3

*Yon sèl pin, yon sèl kò ;
sé sa nou minm ki anpil la nou fè.*

Léktu prémié lèt apot sin Pòl pou Korintyin yo

10, 16-17

Frè-m yo :

Kalis bénédiksion-an n-ap béni-an, èské sé pa san Kris la n-ap kòminié ladan-l nan ? Épi, pin-an n-ap kasé-a, èské sé pa kò Granmèt la n-ap patisipé ladan-l nan ?

Kòm sé yon sèl pin, nou minm ki anpil la, nou fè yon sèl kò, nou tout ki patisipé nan yon sèl pin-an.

Paròl Granmèt la.

4

*Chak fousa n-ap manjé pin sa-a, n-ap bouè kalis sa-a,
sé lanmò Granmèt la n-ap anonsé.*

Léktu prémié lèt apot sin Pòl pou Korintyin yo

11, 23-26

Frè-m yo :

Mouin té résévoua nan min Granmèt la sa-m té transmèt nou-an, sèké Granmèt Jézu, nannuit yo té rinmèt li-a, li pran pin, épi antan li rann gras, li kasé-l, li di : « Pran, manjé : sa-a sé kò mouin, sa yo rinmèt pou nou-an ; fè sa pou fè sonjé mouin ».

Minm jan, apré li fi-n manjé, li pran kalis la tou, li di : « Kalis sa-a sé nouvo aliens la nan san mouin ; fè sa, chak fousa n-ap bouè, pou nou fè sonjé-m ».

Chak fousa réyèlman n-ap manjé pin sa-a, n-ap bouè kalis sa-a, sé lanmò Granmèt la n-ap anonsé, joutan li vini.

Paròl Granmèt la.

5

San Kris la nétouayé konsians nou.

Léktu lèt pou Ébré yo

9, 11-15

Frè-m yo :

Kris la rivé kòm prêt an chèf pou byin ki gin pou vini yo. Li travèsé yon tant ki pi gran, ki pi kòrèk, ki pa fèt ak min moun, sa vlé di ki pa sot nan minm konpozision avèk sa Bondié kréyé yo. Li pa pran san bouk ak san ti toro, min sé ak pròp san pa-l li sèvi, yon sèl fousa pou tout li antré nan koté ki sin-an, li rachté nou pou tout tan.

Si réyèlman san bouk ak san toro ak san gazèl yo konn vidé sou moun ki gin tach yo, sa pròpté kò yo pou sèvis Bondié-a, san Kris la ap fè pi byin toujou, li minm ki fi-n ofri tèt li san tach bay Bondié pa pouvoua Éspri ki la pou tout tan-an. L-ap nétouayé konsians nou sot nan aktivité lanmò yo, pou nou kapab sèvi Bondié vivan-an ?

É sé poua li sèvi intèmediè pou yon nouvo aliens. Konsa, lanmò-l sèvi pou rachté nou sot nan péché ki té fèt parapò a prémié aliens la. Moun yo Bondié rélé-a, y-ap résévoua éritaj pou tout tan-an, sa Bondié té promèt la.

Paròl Granmèt la.

PSÒM RÉPONS YO

1

PSÒM RÉPONS

Ps 22, 1-3 a. 3 b-4. 5. 6 (R : 1)

R: Granmèt la ap okipé-m, mouin pap manké anyin.

1 Granmèt la ap okipé-m, anyin pap manké-m ;

2 nan zèb vèt li instalé-m,

sou bò dlo trankil li minnin-m,

3 li réfè nanm mouin. R:

Li kondui-m nan santié jistis poutèt non-l.

4 Sèké minm si m-ap maché nan bafon lonbraj lanmò,

mouin pap pè malè, paské ou avèk mouin.

Baton-ou ak bagèt ou, sé yo k-ap konsolé-m. R:

5 Ou paré yon tab dévan fas mouin

kont sa yo k-ap fè-m sibi tribilasion-an ;

ou souin tèt mouin ak losion,

kalis mouin ap débòdé. R:

6 Réyèlman sé bon kè ak mizérikòd k-ap rapousuiv mouin

tout tan lavi-m,

m-ap abité nan kay Granmèt la

pou tout longè tan yo. R:

2

PSÒM RÉPONS

Ps 33, 2-3. 4-5. 6-7. 8-9. 10-11 (R : 9 a)

R: Gouté, n-a ouè kijan Granmèt la bon.

2 M-ap fè konpliman pou Granmèt la tout tan,

tout tan louanj li nan bouch mouin.

3 Nan Granmèt la nanm mouin ap jouinn konsidération-l,

sé pou pòv yo tandé, pou yo kontan. R:

4 Fè louanj Granmèt la avèk mouin,

sé pou nou lévé non-l anlè ansanm.

5 Mouin chèche Granmèt la, li réponn mouin ;

anba tou sa k-ap fè-m pè, li délivré-m. R:

- 6 Gadé nan diréksion-l, n-ap kléré,
fas nou pap ront.
- 7 Pòv sa-a rélé, Granmèt la kouté-l,
anba tout tribilasyon li li sové-l. **R:**
- 8 Anj Granmèt la ap monté lagad alantou moun ki krinn li yo,
épi l-ap délivré yo.
- 9 Gouté, n-a ouè jan Granmèt la bon ;
ala kontantman pou moun ki éspéré nan li. **R:**
- 10 Krinn Granmèt la, nou minm sin-l yo,
paské pa gin grangou pou moun ki krinn li yo.
- 11 Rich yo nan bézouin, yo grangou,
min sa k-ap chèché Granmèt la yo pap manké okinn byin. **R:**

3

PSÒM RÉPONS

Ps 77, 3 é 4 bc. 23-24. 25 é 54 (**R:** : 24 b)

- R:** Granmèt la ba yo pin sièl la.
- 3 Sé pa ti kras bagay nou té tandé, nou konnin,
épi papa nou yo té rakonté nou,
- 4 antan y-ap rakonté-l bay yon lòt jénérasyon,
louanj Granmèt la ak puisans li yo. **R:**
- 23 Réyèlman li pasé nuaj anro yo lòd,
li louvri pòt sièl yo ;
- 24 li fè lapli lama-n tonbé pou yo pou yo manjé,
li ba yo pin sièl la. **R:**
- 25 Moun nan manjé pin anj Bondié yo,
li voyé manjé pou yo an kantité.
- 54 Li kondui yo jous nan péyi-l ki sin-an,
sou mòn nan min douat li té pran-an. **R:**

4

PSÒM RÉPONS

Ps 109, 1. 2. 3. 4 (**R:** : 4 b)

- R:** Ou sé prèt pou tout tan dapré ran Mèlkisédek.
- 1 Granmèt la di Granmèt mouin : « Chita adouat mouin,
joustan mouin pozé ènmi-ou yo kòm éskalié pié-ou ». **R:**

- 2 Baton pouvoua-ou, Granmèt la voyé-l sot nan Siyon :
kòmandé nan mitan ènmi-ou yo. **R:**
- 3 Pouvoua-a avèk ou jou fòs ou-a,
nan ékla limiè ki sin yo,
nan vant granmatin tankou larouzé mouin anfanté-ou. **R:**
- 4 Granmèt la fè sèman, li pap régrèt li :
« Ou sé prèt pou tout tan
dapré ran Mèlkisédek ». **R:**

5

PSÒM RÉPONS

Ps 115, 12-13. 15 é 16 bc. 17-18 (**R:** : 13)

- R:** M-ap pran kalis k-ap sovè nou-an, m-ap rélé non Granmèt la.
- 12 Ki sa pou-m rinmèt Granmèt la
pou tou sa-l fè pou mouin ?
- 13 M-ap pran kalis k-ap sovè nou-an,
m-ap rélé non Granmèt la. **R:**
- 15 Li gin valè dévan jé Granmèt la
lanmò sin-l yo.
- 16 Mouin sé sèvitè-ou ak pitit sèvant ou.
Ou kasé chinn mouin yo. **R:**
- 17 M-ap sakrifé sakrifis louanj ba ou,
m-ap rélé non Granmèt la.
- 18 M-ap rinmèt Granmèt la sa-m té promèt yo,
dévan tout pèp la. **R:**

6

PSÒM RÉPONS

Ps 144, 10-11. 15-16. 17-18 (**R:** : cf. 16)

- R:** Ou louvri min-ou, Granmèt, ou ba nou manjé vant plin.
- 10 Tou sa ou fè yo, Granmèt, y-ap fè louanj ou ;
sin-ou yo ap fè konpliman pou ou.
- 11 Y-ap déklaré gloua péyi roua-ou la,
y-ap anonsé puisans ou. **R:**
- 15 Jé yo tout ap éspéré sou ou,
ou minm ou ba yo manjé lè tan-an rivé.

- 16 Ou louvri min-ou,
ou plin tout vivan ak byin. **R:**
- 17 Granmèt la kòrèk nan tout chémin-l yo,
li sin nan tout aksion li yo.
- 18 Granmèt la tou pré moun k-ap rélé-l yo,
tout moun yo k-ap rélé-l nan vérité-a. **R:**

7

PSÒM RÉPONS

Ps 147, 12-13. 14-15. 19-20 (**R:** Jan 6, 58 b)

R: Moun ki manjé pin sa-a l-ap viv pou tout tan.

- 12 Fè louanj Granmèt la Jérusalèm ;
fè louanj Bondié-ou, Siyon.
- 13 Paské li ranfòsé krochèt pòtay ou yo,
li béni pitit ou yo nan ou. **R:**
- 14 Li minm ki pozé limit ou yo nan lapè,
li ba-ou kont blé ki gra.
- 15 Li minm ki voyé paròl li sou tè-a,
avèk vitès paròl li-a kouri. **R:**
- 19 Li minm ki anonsé paròl li bay Jakòb,
jistis li ak jijman-l bay Israèl.
- 20 Li pa fè konsa pou okinn nasion,
jijman-l yo, li pa fè konnin yo. **R:**

ALÉLOUYA AK VÈSÈ ANVAN ÉVANJIL LA

1

Jan 6, 35

(**R:** Alélouya). Mouin, mouin sé pin lavi-a ;
moun ki vi-n jouinn mouin pap grangou,
moun ki kouè nan mouin pap janm souaf. (**R:** Alélouya).

2

Jan 6, 51

(R: Alélouya). Mouin sé pin vivan-an, ki désan sot nan sièl la,
sé sa Granmèt la di ;
si yon moun manjé nan pin sa-a, l-ap viv pou tout tan. (R: Alélouya).

3

Jan 6, 56

(R: Alélouya). Moun ki manjé kò-m, ki bouè san-m,
li rété nan mouin, épi mouin minm nan li, sé sa Granmèt la di.
(R: Alélouya).

4

Jan 6, 57

(R: Alélouya). Moun ki manjé chè-m, ki bouè san-m,
li rét nan mouin, mouin nan li, sé sa Granmèt la di. (R: Alélouya).

ÉVANJIL YO

1

Sa-a sé kò-m, sa-a sé san-m.

✠ Léktu sint Évanjil la dapré Mark 14, 12-16. 22-26

Prémié jou azim yo, lè yo t-ap fè sakrifis pak la, disip Jézu yo di-l :
« Ki koté ou vlé n-al paré pou ou manjé pak la ? »

Li voyé dé nan disip li yo, li di yo : « Alé nan vil la, gin yon mésié k-
ap poté yon krich dlo, l-ap rankontré nou, suiv li. Koté l-a antré-a, n-a di
mèt kay la : “Mèt la di ki koté piès mouin-an yé, koté pou-m manjé pak
la avèk disip mouin yo ?” L-a montré nou yon gran piès anro-a, ki paré,
byin kouvri ak tapi ; sé la n-a paré pou nou ».

Disip yo soti, yo rivé nan vil la, yo jouinn jan-l té di yo-a, yo paré pak
la.

Pandan y-ap manjé, Jézu pran pin-an, épi antan li béni-l, li kasé-l, li ba yo-l, li di : « Pran, sa-a sé kò mouin ». Antan li pran kalis la, antan li rann gras, li ba yo li, yo bouè ladan-l yo tout.

Li di yo : « Sa-a sé san mouin, nouvo alians la, ki vidé pou pakèt moun yo. Amèn mouin di nou, mouin pa gin doua janm bouè ankò nan foui pié rézin sa-a jous jou sa-a lè m-a bouè-l tou nouvo nan péyi Bondié-a ».

Lè yo fi-n chanté imn yo, yo soti, y-al sou mòn pié oliv yo.

Paròl Granmèt la.

2

Yo tout manjé vant plin.

✠ **Léktu sint Évanjil la dapré Luk**

9, 11 b-17

Lè sa-a :

Jézu t-ap palé ak foul yo sou péyi roua Bondié-a ; moun ki té bézouin souin, li géri yo.

Jou-a té kòmansé bésé, douz yo proche koté-l, yo di-l : « Voyé foul yo alé, pou y-al nan vil yo ak bouk yo, ki alantou yo, pou yo jouinn koté pou yo dòmi, épi pou yo jouinn manjé ; paské koté sa-a sé nan yon dézè nou yé ».

Li minm li di yo : « Nou minm, ba yo manjé ».

Yo di-l : « Nou pa gin plis passé sink pin ak dé pouason ; sof si n-al achte manjé pou tout foul sa-a ». Yo té prèské sink mil gason.

Li di disip yo : « Fè yo lonjé kò yo sinkant pa sinkant nan dispozision pou yo manjé ». Yo fè sa, yo fè tout moun lonjé kò yo.

Li pran sink pin yo ak dé pouason yo, li lévé jé nan sièl la, li béni yo, li kasé yo, li séparé bay disip li yo, pou yo mét dévan foul yo.

Tout moun manjé vant plin. Yo ranmasé sa-k té an tròp pou yo, douz panié moso pin.

Paròl Granmèt la.

Yo rékonèt li nan kasé pin-an.

✠ **Léktu sint Évanjil la dapré Luk**

24, 13-35

Lè sa-a :

Té gin dé nan disip Jézu yo ki t-apral nan yon bouk, premié jou sémèn sa-a, bouk la té yon distans onz kilomèt parapò a Jérusalèm, yo té rélé-l Émayus. Yo minm yo t-ap palé antré yo sou tou sa-k té pasé.

Rivé, pandan y-ap kozé, y-ap chèché antré yo, Jézu minm proche, l-ap maché avèk yo. Jé yo té gin yon bagay ki kinbé yo, pou yo pa rékonèt li.

Li di yo : « Ki paròl sa yo, n-ap palé antré nou pandan n-ap maché-a, épi ki fè nou gin lapinn nan ? »

Youn yo rélé Kléofas, di-l : « Sé ou minm sèl ki étranjé nan Jérusalèm, ou pa konnin sa-k rivé nan jou sa yo ? »

Li di yo : « Ki bagay ? »

Yo di : « Osijè Jézu moun Nazarèt la, ki té yon profèt, ki gin pouvoua nan aksion ak paròl dévan Bondié ak tout pèp la. Kijan gran prèt yo ak chèf nou yo rimmèt li nan kondanasion lanmò, épi yo klouré-l sou koua.

Nou minm nou té espéré, sé li minm ki t-ap rachté Israèl ; koulié-a minm sou tout bagay sa yo jodi-a sé touazièm jou dépi yo rivé. Min kèk médam nan pami nou té fè nou sézi, yo t-al nan kavo-a dévan-jou, yo pa jouinn kò-l, yo vi-n di yo ouè vizion Anj yo, ki di yo li vivan. Kèk nan nou al nan kavo-a, yo jouinn bagay yo jan médam yo di-a ; min li minm yo pa jouinn li ».

Li di yo : « Nou sòt, nou pran tan nan kè nou kouè tou sa profèt yo té palé yo ! Èské Kris la pa-t gin pou-l souffri, épi sé konsa pou-l antré nan gloua-l la ? » Li kòmansé dépi sou Moyiz ak tout profèt yo, li éspliké yo nan tout sa-k ékri yo sa-k té konsèné-l.

Yo proche bò bouk la koté yo t-apralé-a, li minm li fè kòmisi l-apral pi louin, yo fòsé-l, yo di : « Rét avèk nou, paské asouè rivé, jou-a déjà bésé ». Li antré avèk yo.

Pandan li lonjé kò-l avèk yo, li pran pin, li béni, li kasé, li ba yo. Jé yo louvri, yo rékonèt li. Li minm minm li disparèt sot dévan jé yo.

Youn di lòt : « Èské kè nou pa-t cho anndan nou, pandan li t-ap palé sou chémin-an, li t-ap éspliké nou sa-k ékri yo ? »

Yo lévé minm lè-a, yo tounin Jérusalèm. Yo jouinn onz yo rasanblé, ni sa yo ki té avèk yo-a, yo di Granmèt la lévé vré, li parèt dévan Simon.

Yo rakonté sa-k té pasé sou chémin-an, kijan yo té rékonèt li nan kasé pin-an.

Paròl Granmèt la.

4

*Li séparé bay moun yo ki té lonjé kò yo,
toutotan yo té vlé.*

✚ Léktu sint Évanjil la dapré Jan

6, 1-15

Lè sa-a :

Jézu al lòt bò lanmè lagalilé-a, sé lanmè Tibériad la. Yon gran foul t-ap suiv li, paské yo té ouè sign li t-ap fè sou moun ki té malad yo. Konsa Jézu monté sou mòn nan, li chita la avèk disip li yo. Pak la, jou fèt Juif yo, té tou pré.

Lè Jézu lévé jé-l, li ouè té gin yon gran foul ki t-ap vi-n jouinn li, li di Filip : « Ki koté n-ap achté pin, pou moun sa yo manjé ? » Li té di sa pou-l sondé-l ; li minm minm, li té konnin ki sa-l t-apral fè.

Filip réponn li : « Désan dénié pin pap kont yo, pou chak moun jouinn yon ti moso ».

Youn nan disip li yo, André, frè Simon Piè-a, di-l : « Gin yon ti gason isit la, ki gin sink pin lòj ak dé pouason ; sèlman, ki sa bagay sa yo yé pou tout pakèt moun sa yo ? »

Jézu di : « Fè moun yo lonjé kò yo ». Té gin anpil zèb koté sa-a. Mésié yo lonjé kò yo, yo té sink mil.

Jézu pran pin yo, li fè aksion-gras, li séparé bay moun ki té lonjé kò yo-a, li fè minm jan pou pouason yo, otan yo té vlé.

Lè yo fi-n manjé kont kò yo, li di disip li yo : « Ranmasé moso ki rét an plis yo, pou yo pa pèdi ». Yo ranmasé yo, yo plin douz panié ak moso sink pin lòj yo, ki té rét an plis lè moun yo té fi-n manjé-a.

Moun yo minm, lè yo ouè sign Jézu té fè, yo t-ap di : « Sa-a sé profèt la tout bon vré, ki té gin pou-l vi-n sou tè-a ».

Jézu minm, kòm li té konnin yo t-ap vi-n pou yo pran-l, pou yo fè-l roua, li sové kò-l ankò nan mòn nan, li minm pou kont li.

Paròl Granmèt la.

5

*Moun ki vi-n jouinn mouin pap grangou,
moun ki kouè nan mouin pap souaf.*

Léktu sint Évanjil la dapré Jan

6, 24-35

Lè sa-a :

Lè foul la ouè Jézu pat la ni disip li yo, yo monté nan kannòt yo, yo rivé Kafarnaòm, y-ap chèché Jézu.

Lè yo jouinn li lòt bò lanmè-a, yo di-l : « Rabi, ki lè ou rivé isit la ? »

Jézu réponn yo, li di : « Amèn, amèn mouin di nou, n-ap chèché-m, sé pa paské nou té ouè sign, min paské nou té manjé nan pin yo, épi nou té satisfè. Sé pa pou nou travay pou manjé k-ap disparèt la, min sé pou nou travay pou manjé k-ap duré pou lavi tout tan-an, sa Pitit moun nan ap ba nou-an ; li minm Bondié Papa-a maké ak so-l la ».

Yo di-l : « Ki sa pou nou fè pou nou travay travay Bondié yo ? »

Jézu réponn, li di yo : « Min travay Bondié-a, sé pou nou kouè nan sa-a Bondié voyé-a ».

Yo di-l : « Ki sign ou fè, pou nou ouè, pou nou kouè nan ou ? Ki sa-ou fè ? Papa nou yo té manjé lama-n nan dézè-a, jan sa ékri-a : “Li ba yo pin sot nan sièl la pou yo manjé” ».

Jézu di yo : « Amèn. amèn mouin di nou, sé pa Moyiz ki té ba nou pin sot nan sièl la, min sé Papa-m ki ba nou pin ki sot nan sièl la, vrè pin-an. Pin Bondié-a sé sa-a ki désann sot nan sièl la épi ki bay tè-a lavi-a ».

Yo di-l : « Granmèt, toujou ba nou pin sa-a ».

Jézu di yo : « Mouin, mouin sé pin lavi-a ; moun ki vi-n jouinn mouin pap grangou, moun ki kouè nan mouin pap janm souaf ».

Paròl Granmèt la.

6

Mouin sé pin vivan-an, ki désann sot nan sièl la.

✠ Léktu sint Évanjil la dapré Jan

6, 41-51

Lè sa-a :

Juif yo t-ap plinyin osijè Jézu, paské li té di : « Mouin sé pin vivan-an, ki désann sot nan sièl la ». Yo t-ap di : « Èské sa-a sé pa Jézu, pitit Jozèf

la, sa nou rékonèt papa-l ak manman-l nan ? Kijan sa-a kapab di : “Sé nan sièl mouin désann sòti-a ?” »

Jézu réponn, li di yo : « Pa plinyin antré nou. Pèsòn pa kapab vi-n jouinn mouin, si Papa-a, ki voyé-m nan, pa atiré-l ; épi mouin minm m-ap résisité-l nan dènié jou-a. Min sa ki ékri nan profèt yo : “Yo tout ap jouinn ansègnman nan min Bondié”. Tout moun ki kouté sa Papa-a ap di, épi ki kité-l anségné yo, l-ap vi-n jouinn mouin. Pèsòn pa janm ouè Papa-a, sof sa-a ki sot nan Bondié-a, sé li minm ki ouè Papa-a. Amèn, amèn mouin di nou, moun ki kouè nan mouin, li gin lavi tout tan-an.

Mouin sé pin lavi-a. Papa nou yo té manjé lama-n nan dézè-a, épi yo mouri. Sa-a sé pin ki désann sot nan sièl la, pou, si yon moun manjé ladan-l, li pa mouri. Mouin sé pin vivan-an ki désann sot nan sièl la. Si yon moun manjé nan pin sa-a, l-ap viv tout tan, épi pin-an m-ap bay la, sé chè-m pou lavi tè-a ».

Paròl Granmèt la.

7

*Chè-m sé manjé tout bon vré-a,
san-m sé bouason tout bon vré-a.*

✠ **Léktu sint Évanjil la dapré Jan**

6, 51-59

Lè sa-a : Jézu té di fowl Juif yo :

« Mouin sé pin vivan-an ki désann sot nan sièl la. Si yon moun manjé nan pin sa-a, l-ap viv tout tan, épi pin-an m-ap bay la, sé chè-m pou lavi tè-a ».

Juif yo minm t-ap diskité antré yo, yo t-ap di : « Kijan sa-a kapab ba nou chè-l pou nou manjé ? »

Jézu minm di yo : « Amèn, amèn mouin di nou : si nou pa manjé chè Ptit moun nan, si nou pa bouè san-l, nou pap gin lavi nan nou. Moun ki manjé chè-m, ki bouè san-m, li gin lavi ki pap janm fini-an ; mouin minm m-ap résisité-l nan dènié jou-a.

Chè-m sé manjé tout bon vré-a, san-m sé bouason tout bon vré-a. Moun ki manjé chè-m, ki bouè san-m, li rét nan mouin, mouin minm nan li.

Minm jan Papa-a ki vivan-an voyé-m nan, épi mouin viv akòz Papa-a ; konsa tou moun ki manjé-m, l-ap viv akòz mouin tou. Sa-a sé pin-an

ki désann sot nan sièl la. Sé pa tankou papa nou yo ki té manjé lama-n nan, épi ki té mouri yo. Moun ki manjé pin sa-a l-ap viv pou tout tan ».

Li di sa nan sinagòg la antan l-ap bay ansègnman nan Kafarnaòm.

Paròl Granmèt la.

8

Jézu rivé, li pran pin-an, li ba yo.

✠ **Léktu sint Évanjil la dapré Jan**

21, 1-14

Lè sa-a :

Jézu parèt ankò dévan disip yo bò lanmè Tibériad la. Min kijan li té parèt la. Sé té Simon Piè ak Toma, sa yo rélé Didim nan, ak Natanaèl, moun Kana Galilé-a, ak pitit Zébédé yo ak dé lòt nan disip li yo, yo té ansanm.

Simon Piè di yo : « M-apral lapèch ».

Yo di-l : « N-apralé avèk ou tou ». Yo soti, yo monté nan batiman-an, min nan nuit sa-a yo pa pran anyin.

Lè granmatin rivé, Jézu té kanpé sou bò lanmè-a ; min disip yo pa-t rékonèt sé té Jézu.

Jézu di yo : « Timoun yo, èské nou gin pouason ? »

Yo réponn li : « Non ».

Li di yo : « Voyé filè-a adouat batiman-an, n-a jouinn ». Yo voyé-l, yo pa-t kapab soulvé li, tèlman té gin anpil pouason.

Disip Jézu té rinmin-an di Piè : « Sé Granmèt la ».

Lè Simon Piè tandé sé Granmèt la, li pasé rad li nan rin-l, (li té ni-kò), li lagé kò-l nan lanmè. Lòt disip yo rivé nan batiman-an (yo pa-t louin tè-a, sé té apéprè san mèt) y-ap rémòké filè pouason yo. Lè yo désann atè-a, yo ouè chabon difé ki pozé, ak pin sou li.

Jézu di yo : « Poté nan pouason yo nou sot pran koulié-a ». Simon Piè monté, li soulvé filè-a vi-n sou tè-a plin ak gro pouason, san-sinkantoua. Mlagré yo té anpil la, filè-a pa-t chiré.

Jézu di yo : « Vi-n manjé ».

Pèsòn nan sa-k té lonjé kò yo-a pa-t gin odas mandé-l : « Kilès ou yé ? » yo té konnin sé Granmèt la.

Jézu rivé, li pran pin-an, li ba yo, ni pouason-an tou. Sa té fè touazièm foua Jézu té parèt dévan disip li yo, lè-l, té résisité sot nan pami mò yo.

Paròl Granmèt la.

V. ANTAN Y-AP BAY SAKRÉMAN MALAD YO AK VIATIK LA

1. ANTAN Y-AP BAY ONKSION MALAD YO

LÉKTU NAN ANSYIN TÉSTAMAN-AN

1

Éli fébli nan chémin, Granmèt la ba-l fòs.

Léktu premié liv Roua yo

19, 1-8

Jou sa yo :

Akab anonsé Jézabèl tou sa Éli té fè, épi kijan li té touyé tout profèt yo ak épé. Jézabèl voyé nouvèl bay Éli antan-l di : « Sé pou dié yo fè-m tèl jan épi sé pou yo ajouté tèl maniè si lè sa-a démin mouin pa mété nanm ou tankou nanm youn nan yo ». Éli donk pè, antan-l lévé li pati, pou-l sové nanm li, li rivé Bèrsabé Juda, nan koté sa-a li ranvouayé ti gason-l nan. Épi li maché nan dézè-a chémin yon jounin. Lè-l rivé, li chita anba yon pié jénèv, li mandé lanmò, li di : « Sa kont mouin, Granmèt ! Ou mèt pran lavi-m ; sèké mouin pa pi bon passé papa mouin yo ». Li lagé kò-l atè, li dòmi anba pié jénèv la.

Min yon Anj Granmèt la ki touché-l, li di-l : « Lévé, manjé ».

Li gadé, li ouè yon pin ki té kuit nan sann ki pozé bò tèt li ak yon véso dlo ; li manjé, li bouè, épi li dòmi ankò.

Anj Granmèt la rétonnin koté-l yon dézièm foua, li touché-l, li di-l : « Lévé, manjé, gin yon gran rout ki rété-ou ankò ».

Li lévé, li manjé, li bouè, li maché ak fòs manjé sa-a pandan karant jou ak karant nuit, jous nan mòn Bondié-a, Orèb.

Paròl Granmèt la.

2

Pouki sa yo bay maléré-a limiè-a ?

Léktu liv Jòb

3, 1-3. 11-17. 20-23

Jòb louvri bouch li, li madichonnin jou-l, li di :

« Sé pou jou koté mouin fèt la péri, ni nuit la koté yo té di : “Li ansint yon moun”. Pouki sa mouin pa-t mouri nan vant ? Pouki sa mouin pa-t mouri minm lè mouin té soti nan vant la ? Pouki sa yo té résévoua-m sou jénou ? Pouki sa yo té ban-m bouè lèt nan tété ?

Koulié-a minm mouin t-a dòmi nan silans, mouin t-a répozé nan somèy mouin ansanm avèk roua yo ak chèf tè-a, yo minm ki té bati moniman pou yo, oubyin ansanm avèk chèf yo ki posédé lò, ki plin kay yo avèk lajan ; oubyin tankou ti bébé ki avòté-a, ki kaché, ki pa réyisi viv la, oubyin sa manman-l ansint li min ki pa ouè limiè-a. Koté sa-a méchan yo sispann fè boui, sé la moun ki manké fòs yo répozé.

Pouki sa yo bay maléré-a limiè-a, yo bay moun ki nan lapinn yo lavi ? Yo minm k-ap tann lanmò-a, épi li pa vini, tankou moun k-ap fouyé trézò, yo fè kè yo kontan anpil lè yo jouinn kavo-a. Moun sa-a, chémin-l kaché, Bondié vlopé-l avèk fènoua ? »

Paròl Granmèt la.

3

Sonjé sé van lavi-m yé.

Léktu liv Jòb

7, 1-4. 6-11

Jòb palé, li di :

« Lavi yon moun sou tè-a sé sèvis lamé, jou-l yo sé tankou jou moun k-ap travay pou touché chak jou. Tankou yon sèvitè anvi lonbraj, tankou yon anplouayé ap tann travay li fini, konsa tou mouin minm mouin té gin moua yo vid, mouin té konté nuit yo ki rèd.

Si m-ap dòmi, mouin di : “Kilè pou-m lévé ?” Apré sa m-ap tann asouè, mouin plin doulè jous nan fènoua yo.

Jou-m yo travèsé pi vit pasé toual k-ap kouri nan min moun k-ap fè-l la, yo fini san okinn espérans. Sonjé sé van lavi-m yé, jé-m pap tounin pou-l ouè byin yo ankò. Vizaj moun pap ouè-m ; jé-ou sou mouin, mouiin papa kanpé. Minm jan nuaj yo fini épi yo pati, konsa, nanm nan k-ap désann anba tè-a, li pap monté, li pap tounin ankò nan kay li-a, ni koté-l té abité-a pap konnin-l ankò. Sé poua mouin minm tou mouin pap ménajé bouch mouin ; m-ap palé nan tribilasyon éspri mouin, m-ap antré nan konvèsasyon avèk gou anmè nanm mouin ».

Paròl Granmèt la.

4

Sa moun nan yé pou ou-ap fè-l vi-n gran-an.

Léktu liv Jòb

7, 12-21

Jou sa yo : Jòb palé, li di :

Èské sé lanmè mouin yé oubyin balèn, paské ou mété bariè anlè-m ? Si mouin di : Kabann mouin ap konsolé-m, matla-m ap pran plint mouin, ou fè-m pè ak sonj, ou souké-m yon fason éfréyan ak vizion.

Sé poua nanm mouin chouazi pandézon, zo-m yo lanmò. Mouin dézespéré ; mouin pap janm lévé ankò. Mésajé-m, jou-m yo sé anyin yo yé réyèlman.

Kisa moun nan yé, paské ou fè-l vi-n gran ? Oubyin poukisa ou pozé kè-ou sou li-a ? Ou vizité-l granmatin épi nan chak moman ou sondé-l. Jouskilè ou pap viré jé-ou sot sou mouin ? Ni ou pa padonnin-m, pou-m valé saliv mouin ? Mouin fè péché ; ki sa-m fè-ou, ou minm ki gadyin lèzòm ? Poukisa ou mété-m pou-m ènmi avèk ou, mouin vi-n lou pou pròp tèt pa-m ? Poukisa ou pa lévé péché-m nan, épi poukisa ou pa ouété fot mouin-an ? Min, koulié-a nan pousiè m-ap dòm, épi nan matin ou-ap chèché-m, mouin pap kanpé ! »

Paròl Granmèt la.

5

Pou sa-k prèt pou mouri yo

Mouin konnin Rédanmtè-m nan, li vivan.

Léktu liv Jòb

19, 23-27 a

Jòb di :

« Ki moun ki t-a fè-m favè pou yo ékri paròl mouin yo ? Ki moun ki t-a ban-m posibilité pou yo gravé nan liv avèk yon kréyon fè, avèk yon lam an plon oubyin sizo afoua, pou yo t-a maké nan ròch ki di-a ? Mouin konnin réyèlman Rédanmtè-m nan, li vivan, nan dènié jou-a m-ap lévé sot anba tè-a. M-ap vlopé ak po-m ankò, épi nan chè-m m-ap ouè Bondié-m nan. Sa-a m-ap ouè mouin minm nan, sé ak jé-m m-ap gadé-l, sé pa yon lòt ».

Paròl Granmèt la.

6

*Ki moun ki kapab konnin sa-k nan lidé-ou,
si sé pa ou minm ki bay sajès la.*

Léktu liv Sajès la

9, 9-11. 13-18

Avèk ou sajès la yé, Granmèt mizérikòd, li minm ki konnin aksion-ou yo, épi ki té la lè-ou t-ap fè fas tè yo, ki té konnin sa-k fè plézi nan jé-ou, sa ki douat nan lòd ou yo. Voyé-l sot nan sièl ou yo ki sin-an, épi voyé-l sot nan tro-n grandè-ou la, pou-l kapab réyèlman avèk mouin épi pou-l travay avèk mouin, pou-m konnin sa-k akséptab koté-ou. Li konnin tout bagay réyèlman, li konprann, l-a kondui-m avèk prudans nan aksion-m yo, l-ap konsèvé-m nan gloua li-a.

Kilès nan pami lézòm ki kapab konnin plan Bondié ? oubyin ki kapab pansé ki sa Bondié vlé ? Réfléksion lézòm k-ap mouri yo, sé bagay ki fèb, prévouayans nou pa sètin : sèké yon kò k-ap dékonpozé, li fè nanm nan vi-n pi lou, épi kay tè sa-a nou abité-a, li pézé sou éspri-a k-ap kalkilé sou anpil bagay.

Li difisil pou nou konsidéré bagay ki sou tè-a, épi bagay ki dévan fas nou, nou jouinn yo avèk difikilté ; kanta pou sa-k nan sièl la minm, kilès moun ki kapab fouyé yo ? Ki moun ki kapab konnin sa-k nan lidé-ou, si sé pa ou minm ki bay sajès la, si-ou pa voyé Éspri Sin-ou nan sot anro nèt la, sé konsa chémin moun yo ki sou tè-a yo drésé, épi lézòm ap aprann sa-k fè-ou plézi ? Réyèlman sé pa lantrémiz sajès la yo vi-n géri.

Paròl Granmèt la.

7

Ankourajé min k-ap fébli yo.

Léktu liv profèt Izayi

35, 1-10

Sé pou dézè-a kontan ni tè ki pa gin rout la, épi sé pou tè ki pa-t gin anyin-an dansé, sé pou-l fléri tankou lis. Sé pou-l jèmin byin jèmin, sé pou-l dansé ak kè-l byin kontan, ak louanj l-ap chanté, Yo ba-l gloua Liban-an, ni onè Karmèl la ak Saron-an ; yo minm y-ap ouè gloua Granmèt la ak onè Bondié nou-an.

Ankourajé min k-ap fébli yo, épi jénou ki pèdi fòs yo, asiré yo ; di sa k-ap ézité yo : « Ankourajé, pa pè : Min Bondié nou-an ap minnin vanjans révanj la : sé Bondié li minm k-ap vini, épi l-ap sové nou ».

Lè sa-a jé avèg yo ap ouvri, épi zòrèy soud yo ap ouvri ; lè sa-a bouaté-a ap vòltijé tankou sèrf, épi lang bèbè yo ap ouvri ; paské dlo yo éklaté nan dézè-a, ni ravi-n yo nan tè ki pa-t gin anyin-an. Épi sa-k té sèk la ap vi-n tounin yon létan, épi sa-k té souaf la ap vi-n tounin sous dlo. Nan trou ròch yo, koté dragon yo té abité anvan-an, sé rozo ak jon tou vèt k-ap pousé.

Koté sa-a ap gin santié ak rout, épi y-ap rélé-l rout ki sin ; moun ki sal pap pasé ladan-l ; épi l-ap vi-n tounin yon rout tou douat pou nou, atèl pouin sòt yo pap tronpé ladan-l. Pap gin lion koté sa-a, épi mové bèt pap monté ladan-l, ni yo pap jouinn sa la-a ; épi y-ap maché, sa Granmèt la libéré yo, sa-l rachté yo, y-ap tounin, y-ap rivé nan Siyon avèk louanj ak kè kontan tout tan sou tè yo ; y-ap jouinn kontantman ak fèt, épi soufrans ak plint ap pati.

Paròl Granmèt la.

8

Sé soufrans nou li minm li t-ap poté.

Léktu liv profèt Izayi

52, 13-53, 12

Min sèvitè-m nan ap gin konprann, y-ap lévé-l anlè, y-ap lévé-l byin ro, l-ap anlè nèt. Minm jan anpil moun té sézi osijè-ou, konsa figi-l ap san gloua nan pami lèzòm, ni fòm li nan pami pitit moun yo. L-ap fè anpil nasion kriyé, sou li roua yo ap fèmin bouch yo, paské sé bagay yo pa-t rakonté y-ap ouè osijè-l, sé sa yo pa-t tandé y-ap gadé.

Kilès ki kouè sa nou tandé-a ? Bra Granmèt la bay ki moun li révéle ? L-ap lévé tankou ti rajé dévan-l, tankou rasi-n ki sot nan tè sèk.

Li pa gin aparans ni bèlté, nou té ouè-l, li pa-t gin fòm figi, nou té anvi-l ; li té méprizé, sé dènié nan moun yo, moun soufrans, ki konn maladi, fas li té kòm kaché, li té méprizé, sé poua nou pa-t minm gin konsidération pou li.

Réyéلمان sé maladi nou li minm li t-ap poté, sé soufrans nou li minm li t-ap poté, nou minm nou té konprann li té tankou yon lépré, yon moun Bondié frapé, Bondié imilié.

Li minm minm li blésé pou péché nou, li frapé poutèt krim nou yo, koréksion lapè nou-an sou li, sé gras a koté-l blésé yo nou géri. Nou tout nou té pèdi chémin tankou mouton, chak moun té dévié nan chémin pa-l. Granmèt la mété fot nou tout nan li.

Li ofri tèt li, paské li vlé, li pa louvri bouch, tankou mouton dévan moun k-ap koupé linn li, li rét an silans, li pa louvri bouch li.

Yo maltrété-l, yo kondané-l, yo touyé-l. Ki moun k-ap rakonté ras li ? paské yo ouété-l sot sou tè vivan yo ; poutèt krim pèp mouin-an niouin té frapé-l. Y-ap ba-l méchan pou lantèman-l, ak rich pou lanmò-l, malgré li pa-t fè péché, pa-t gin manti nan bouch li.

Granmèt la té vlé krazé-l nan maladi. Si-l bay lavi-l pou péché-a, l-ap ouè yon désandans k-ap viv lontan, volonté Granmèt la ap dirijé nan min-l. Poutèt nanm li té soufri, l-ap ouè, l-ap konblé. Nan sians li, sèvitè-m nan ki kòrèk la ap rann anpil moun kòrèk, l-ap poté péché yo li minm minm.

Sé pousa m-ap ba-l anpil moun pou pòsion pa-l, l-ap séparé byin anpil moun ki gin pouvoua, poutèt li té bay lavi-l nan lanmò, yo té konsidéré-l nan ran kriminèl, époutan li t-ap poté péché anpil moun yo, li t-ap priyé pou péchè yo.

Paròl Granmèt la.

9

Éspri Granmèt la voyé-m konsolé tout moun ki nan lapinn.

Léktu liv profèt Izayi

61, 1-3 a

Éspri Granmèt la sou mouin, sé pousa Granmèt la sakré-m, li voyé-m poté nouvèl bay pòv yo, pou-m pansé kè ki krazé yo, pou-m préché padon bay prizonié yo, libérasion bay sa-k nan prizon yo, pou-m préché yon ané koté Granmèt la fè gras, yon jou vanjans pou Bondié nou-an, pou-m konsolé tout moun ki nan lapinn, pou-m mété yon kouròn nan plas sann pou moun Siyon yo ki nan lapinn yo, losion kè kontan nan plas dèy, manto louanj nan plas éspri tristès. Y-ap rélé yo nan li sitadèl jistis, plantasion Granmèt la pou-l jouinn louanj li.

Paròl Granmèt la.

LÉKTU NAN NOUVO TÉSTAMAN-AN POU TAN PASKAL LA

1

*O non Jézu-Kri, lévé, maché.***Léktu Travay Apot yo****3, 1-10**

Jou sa yo :

Piè ak Jan t-ap monté nan Tanp la pou lè priyè névièm è-a. Té gin yon mésié ki té infim dépi nan vant manman-l, yo t-ap poté-l. Chak jou yo té konn dépozé-l bò pòt tanp la, sa yo rélé Bèl la, pou-l mandé moun yo k-ap antré nan tanp la lacharité.

Li minm, kon-l ouè Piè ak Jan k-apral antré nan tanp la, li mandé yo pou yo fè-l jouinn lacharité.

Piè minm antan-l l-ap gadé-l byin ansanm ak Jan, li di : « Gadé nou ». Li minm li pozé jé-l sou yo, li té espéré li t-ap jouinn kichòy nan min yo.

Piè minm di : « Lajan ak lò, mouin pa gin sa ; sa-m ginyin-an mouin ba ou-l : o non Jézu-Kri moun Nazarèt la, lévé, maché ». Li pran min douat li, li lévé-l, minm lè-a jouintu ak plant pié-l vi-n solid. Li vòltijé kanpé, li t-ap maché, li antré avèk yo nan tanp la, l-ap maché, l-ap vòltijé, l-ap fè louanj Bondié.

Tout pèp la ouè l-ap maché, l-ap fè louanj Bondié. Yo té rékonèt li, sé li minm ki té konn chita bò Bèl Pòt tanp la, pou lacharité-a, yo té plin ak sézisman, yo té dékontrolé pou sa-k té rivé-l la.

Paròl Granmèt la.

2

*Sé lafoua pa lantrémiz li minm Bondié résisité-a, ki bay santé sa-a ki intak la.***Léktu Travay Apot yo****3, 11-16**

Jou sa yo :

Kòm infim nan ki té géri-a té kinbé Piè ak Jan, tout pèp la kouri koté yo, bò pòtay yo rélé pòtay Salomon-an, yo té sézi. Lè Piè ouè sa, li réponn pèp la : « Mésié Israèl yo, pouki sa nou sézi pou bagay sa-a ? oubyin pouki sa n-ap gadé nou-an, kòm si sé ak fòs nou oubyin sé ak pouvoua nou nou fè mésié sa-a maché-a ? Bondié Abraam ak Bondié Izaak ak Bondié Jakòb la, Bondié papa nou yo fè ouè gloua Pitit li-a

Jézu, li minm nou té bay la, nou té nié dévan fas Pilat la, lè Pilat té jijé pou-l té lagé-l la. Nou minm sé Sin-an ak sa-a ki kòrèk la nou té nié, nou té mandé pou yo ba nou yon moun ki touyé moun ; Lotè lavi-a minm, nou touyé-l, min Bondié résisité-l sot nan pami mò yo, nou sèvi-l témouin. Nan lafoua o non-l, sa-a nou ouè-a, nou konnin-an, non-l fè-l kanpé fèm ; sé lafoua ki réalisé pa lantrémiz li-a, ki bay santé sa-a ki intak la dévan fas nou tout la ».

Paròl Granmèt la.

3

Pa gin okinn non anba sièl la yo bay, ki pèmèt nou sové.

Léktu Travay Apot yo

4, 8-12

Jou sa yo :

Antan Piè plin ak Éspri Sin-an, li di yo : « Chèf pèp la ak ansyin yo, kouté. Si jodi-a y-ap jijé nou pou yon byinfè ki réalisé pou mésié infim nan, si nou bézouin konnin nan kilès li sové, ébyin aprann sa nou tout ak tout pèp Israèl la, sé o non Granmèt nou Jézu-Kri moun Nazarèt la, sa-a nou té klouré sou koua-a, li minm Bondié té résisité sot nan pami mò yo, sé nan li sa-a géri, kanpé dévan nou.

Sa-a sé ròch la, nou minm bòs mason yo nou té réjité-a, ki vi-n tounin tèt kouin-an ; pa gin sové yo kapab sové nan okinn lòt moun ; ni pa gin okinn lòt non anba sièl la yo bay lézòm, ki pèmèt nou sové ».

Paròl Granmèt la.

4

Sa Bondié résisité-a, li pa ouè dékonpozision.

Léktu Travay Apot yo

13, 32-39

Jou sa yo : Pòl té di :

« Nou minm nou anonsé nou rélasizasyon promès la yo té fè bay papa nou yo ; Bondié réalisé-l pou pitit nou yo antan-l fè Jézu résisité, jan sa ékri nan Psòm dézièm nan : “Ou sé Pitit mouin ; jodi-a mouin anfanté-ou”.

Poutèt li résisité-l sot nan pami mò yo, li pap tounin nan dékonpozision ankò, konsa li di : “M-ap ba-ou bagay David yo ki sin yo”. Konsa tou nan yon lòt koté li di : “Ou pap kité Si-ou nan ouè dékonpozision”. David réyéلمان nan jénérasyon-l lè-l fi-n okipé volonté Bondié, li dòmi,

yo dépozé-l kot papa-l yo, li ouè dékonpozision ; sa-a Bondié résisité-a minm li pa ouè dékonpozision.

Sé pou nou konn sa, frè-m yo, sé pa lintèmediè li minm yo anonsé nou padon péché yo ; anba tout bagay nou pa-t kapab jouinn jistifikasion nan laloua Moyiz la, nan li tout moun ki kouè jouinn jistifikasion ».

Paròl Granmèt la.

LÉKTU NAN NOUVO TÉSTAMAN-AN POU LÒT TAN YO

1

Si n-ap soufri ansanm avèk li n-ap jouinn gloua-a ansanm avèk li tou.

Léktu lèt apot sin Pòl pou Romin yo

8, 14-17

Frè-m yo :

Moun ki kité Éspri Bondié-a kondui yo, sé pitit Bondié yo yé.

Nou pa-t résévoua éspri ésklavaj la yon lòt foua ankò pou nou nan kè soté, min nou té résévoua éspri ki fè nou vi-n tounin pitit la. Sé nan li nou rélé : « Aba, Papa ».

Éspri-a li minm, li sèvi témouin, ansanm ak éspri pa nou : nou sé ti pitit Bondié. Si nou sé ti pitit, nou sé éritié tou. Si nou sé éritié Bondié, nou éritié ansanm ak Kris la, paské n-ap soufri ansanm avèk li pou nou jouinn gloua pouvoua-a ansanm avèk li.

Paròl Granmèt la.

2

Antan n-ap tann rédanmsion kò nou.

Léktu lèt apot sin Pòl pou Romin yo

8, 18-27

Frè-m yo :

Mouin konsidéré soufrans tan sa-a pa anyin dévan gloua k-ap vini-an k-ap révéle nan nou-an. Réyéلمان kréyasion-an ap tann gloua-a révéle nan pitit Bondié yo. Kréyasion-an té blijé rété anba sa-k pa anyin-an, san-l pa vlé, min poutèt sa-a ki té mété-l nan éspérans la. Sèké kréyasion-an li minm ap délivré sot anba ésklavaj dékonpozision-an pou antré nan libètè gloua pitit Bondié yo.

Nou konnin réyèlman tout créatu ap plinn, ap anfanté jous koulié-a. Sé pa sèlman yo minm, min nou minm tou, ki gin prémié kado Éspri-a, n-ap plinn anndan kè nou, antan n-ap tann sa pitit adoptif Bondié yo yé-a ak rédanmsion kò nou.

Nou sové réyèlman an éspérans. Éspérans la minm, si yo ouè-l, sé pa éspérans li yé, paské sa yon moun ouè, èské l-ap éspéré-l ? Min si n-ap éspéré sa nou pa ouè, n-ap éspéré-l avèk pasians.

Éspri-a édé feblès nou : sèké nou pa konnin kijan pou nou priyé ; min sé Éspri-a li minm k-ap priyé pou nou ak mo moun pa kapab palé. Sa-a k-ap sondé kè yo, li konnin sa Éspri-a anvi-a, sé dapré Bondié li fè démann pou sin yo.

Paròl Granmèt la.

3

Kilès ki kapab séparé nou sot nan rinmin Kris la ?

Léktu lèt apot sin Pòl pou Romin yo

8, 31 b-35. 37-39

Frè-m yo :

Si Bondié pou nou, kilès k-ap kont nou ? Li minm ki pa ménajé pròp Pitit li-a, min ki rinmèt li pou nou tout, kòman li pa t-ap ba nou tout bagay avèk li ?

Kilès k-ap fè akizasion kont sa yo Bondié chouazi yo ? Èské sé Bondié, li ki fè nou vi-n kòrèk la ? Kilès k-ap kondané nou ? Èské sé Kris Jézu, li minm ki mouri, pi plis ki résisité, ki adouat Bondié, k-ap pran défans nou-an ?

Kilès ki kapab séparé nou sot nan rinmin Kris la ? tribilasion, oubyin kè séré, oubyin grangou, oubyin manké rad, oubyin danjé, oubyin pèsékision, oubyin épé ?

Min nan tout bagay sa yo, nou sipòté poutèt sa-a ki rinmin nou-an. Mouin sètin réyèlman ni lanmò, ni lavi, ni anj, ni chèf, ni puisans, ni tan sa-a ni sa k-ap vini-an,-ni fòs, ni rotè, ni profondè, okinn créatu pa kapab séparé nou sot nan rinmin Bondié-a, ki nan Kris Jézu Granmèt nou-an.

Paròl Granmèt la.

4

Sa-k fèb la pou Bondié, li pi fò pasé moun yo.

Léktu prémié lèt apot sin Pòl pou Korintyin yo

1, 18-25

Frè-m yo :

Paròl koua-a sé yon foli pou moun k-ap péri yo ; min pou sa yo k-ap sovè yo, sètadi nou minm, sé pouvoua Bondié.

Min sa-k ékri-a di : « M-ap pèdi sajès saj yo, m-ap réjité intélizans intélizans yo ». Koté saj la ? koté skrib la ? koté moun k-ap ranpòté viktoua sou tè sa-a ? Èské Bondié pa fè sajès tè sa-a vi-n tounin foli ?

Réyèlman, paské nan sajès Bondié-a, tè-a pa-t konprann Bondié, Bondié désidé sovè moun ki kouè yo gras a foli prèch la.

Sèké Juif yo ap mandé sign, Grèk yo ap chèché sajès ; nou minm minm n-ap préché Kris la yo klouré sou koua-a, pou Juif yo sé yon skandal, pou nasion yo sé yon foli, min pou sa yo yo rélé yo, Juif ak Grèk, sé Kris la, puisans Bondié ak sajès Bondié-a.

Paské sa-k fou pou Bondié ; li pi saj pasé moun yo ; sa-k fèb la pou Bondié, li pi fò pasé moun yo.

Paròl Granmèt la.

5

Pou sa-k prèt pou mouri yo

*Si yon manb ap souffri,
tout manb yo ap souffri ansanm avèk li.*

Léktu prémié lèt apot sin Pòl pou Korintyin yo

12, 12-22. 24 b-27

Frè-m yo :

Minm jan kò-a li yon sèl, min li gin anpil manb, tout manb kò-a, malgré yo anpil la, sé yon sèl kò yo fè : sé konsa tou pou Kris la. Réyèlman sé nan yon sèl Éspri-a nou tout nou batizé nan yon sèl kò, soua Juif, soua payin, soua ésklav, soua moun lib ; épi nou tout sé nan yon sèl Éspri, nou pasé souaf nou. Sèké kò-a sé pa yon sèl manb, min sé anpil. Si pié-a t-a di : « Mouin pa min-an, mouin pa fè pati nan kò-a » ; èské poutèt sa li pa t-a fè pati nan kò-a ? Épi si zòrèy la t-a di : « Mouin pa jé-a, mouin pa fè pati kò-a » ; èské poutèt sa li pa t-a fè pati nan kò-a ? Si tout kò-a sé té jé,

koté yo t-a tandé ? si tout bagay sé té koté pou yo tandé, ki koté pou yo t-a santi ?

Min koulié-a Bondié pozé manb yo, yo chak nan kò-a, jan-l vlé. Si tout bagay sé té yon sèl manb, koté kò-a t-a yé ? Min koulié-a gin anpil manb, min sé yon sèl kò ki ginyin. Konsa jé-a pa kapab di min-an : « Mouin pa bézouin-ou » ; oubyin tèt la non plis tou pa kapab di pié yo : « Nou pa nésésè pou mouin ».

Dayè plis yo konsidéré manb kò-a kòm pi fèb, sé plis yo nésésè ; min Bondié ranjé kò-a yon fason pou manb ki pa gin réspè, yo ba-l plis réspè ; pou pa gin divizion nan kò-a, min pou manb yo youn okipé lòt. Épi, si yon manb ap soufri, tout manb yo ap soufri ansanm avèk li ; si yon manb jouinn konpliman, tout manb yo kontan ansanm avèk li.

Nou minm nou sé kò Jézu-Kri, épi nou youn sé manb lòt.

Paròl Granmèt la.

6

Si mò yo pa résisité, Kris la pa résisité non plis tou.

Léktu prémié lèt apot sin Pòl pou Korintyin yo

15, 12-20

Frè-m yo :

Si y-ap préché Kris la résisité sot nan pami mò yo, kòman fè gin kèk nan pami nou ki di : pa gin réziréksion mò ? Si pa gin réziréksion mò, Kris la pa résisité non plis tou. Min si Kris la pa résisité, prèch nou-an vid, lafoua nou-an vid tou. Nou vi-n tounin moun k-ap sèvi fo-témouin pou Bondié, paské nou sèvi témouin kont Bondié, nou di li lévé Kris la, li minm li pa lévé-a, si mò yo pa résisité. Réyèlman, si mò yo pa résisité, Kris la pa résisité non plis tou. Si Kris la pa résisité, lafoua nou pa vo anyin ; jous koulié-a toujou nou nan péché nou yo ; konsa sa k-ap dòmi nan Kris la, yo péri tou. Si sé pou lavi sa-a sèlman n-ap éspéré nan Kris la, nou pi mizérab pasé tout moun.

Koulié-a minm Kris la résisité sot nan pami mò yo, prémié foui nan pami sa-k t-ap dòmi yo.

Paròl Granmèt la.

7

Pou sa-k prèt pou mouri yo

Moun sou pa anndan-an ap réfèt tou nèf chak jou pi plis.

Léktu dézièm lèt apot sin Pòl pou Korintyin yo

4, 16-18

Frè-m yo :

Nou pa fébli ; min, malgré moun nou-an ki sou pa déyò-a ap dékonpozé, malgré sa, sa-a ki sou pa anndan-an ap réfèt tou nèf chak jou pi plis. Réyèlman, tribilasyon n-ap pasé koulié-a, pou yon moman-an épi ki tou léjè-a, l-ap réyalizé yon chaj gloua nan nou pou tout tan, ki dépasé tout rotè ; nou pap konsidéré bagay yo kapab ouè, min bagay yo pa kapab ouè : sèké bagay yo kapab ouè yo, sé pou yon tan yo la ; min sa yo pa kapab ouè yo minm, yo diré pou tout tan.

Paròl Granmèt la.

8

Nou gin yon kay ki la pou tout tan nan sièl yo.

Léktu dézièm lèt apot sin Pòl pou Korintyin yo

5, 1. 6-10

Frè-m yo :

Nou konnin si kay nou sa-a koté nou abité sou tè-a détoui, nou gin lyon konstriksion ki sot nan Bondié, kay ki pa fèt ak min moun, ki la pou tout tan nan sièl yo.

Nou gin konfians tout tan, nou konnin réyèlman, pandan nou nan kò-a, n-ap fè pélérijaj louin Granmèt la (sèké sé nan lafoua n-ap maché, sé pa nan vizion), min nou gin konfians épi nou t-a pito fè pélérijaj la louin kò-a, pou nou prézan kot Granmèt la. Sé pou sa nou éséyé fè-l plézi, soua nou absan, soua nou prézan.

Sèké nou tout, nou gin pou nou parèt dévan tribinal Kris la, pou chak moun résévoua sélon sa-l té fè, soua byin soua mal, pandan li té nan kò-a.

Paròl Granmèt la.

9

Sé atravè féblès chè-a mouin té poté Bòn Nouvèl la ba nou.

Léktu dézièm lèt apot sin Pòl pou Galat yo

4, 12-19

Frè-m yo :

Sé pou nou tankou mouin minm, paské mouin minm mouin tankou nou ; frè-m yo, mouin sipliyé nou. Nou pa fè-m afron ; sé pou nou konnin kan minm sé atravè féblès chè-a premié foua-a mouin té poté Bòn Nouvèl la ba nou, épi éprèv nou té jouinn nan chè-m nan, nou pa-t méprizé-l, nou pa-t répousé-l, min nou té résévoua-m tankou anj Bondié, tankou Kris Jézu.

Koté kontantman nou-an donk ? Mouin sèvi nou témouin réyèlman, si nou té kapab, nou t-ap raché jé nou épi nou t-a ban mouin. Konsa sé ènmi nou mouin vi-n tounin antan sé sa-k vré mouin di nou-an ? Y-ap fè jalouzi pou nou yon fason ki pa bon, yo vlé détaché nou pou nou kolé sou yo. Li bon pou nou gin atachman ansanm pou sa-k bon pou tout tan, pa sèlman lè-m prézan koté nou, ti pitit mouin yo, nou minm mouin anfanté yon lòt foua ankò-a joustan Kris la fòmé nan nou !

Paròl Granmèt la.

10

Li fèb, min Bondié gin pitié pou li.

Léktu dézièm lèt apot sin Pòl pou Filipyin yo

2, 25-30

Frè-m yo :

Mouin kouè li nésèsè pou-m voyé Épafrodit ba nou, frè-m nan, konpagnon travay mouin-an, konpagnon batay mouin-an, sa nou té voyé-a pou-l okipé nésésité-m nan, paské li té anvi nou tout, li té chagrin poutèt nou té aprann maladi-l la. Réyèlman li té malad jous pou-l mouri, min Bondié pran pitié pou li ; pa sèlman pou li, min réyèlman pou mouin tou pou-m pa gin chagrin sou chagrin. Mouin fè vit donk voyé-l, pou, antan nou ouè-l, nou rékòmansé gin kontantman, épi pou mouin minm mouin pa gin chagrin. Résévoua-l konsa nan Granmèt la ak tout kontantman épi kalité moun konsa, trété yo avèk onè, paské sé pou travay Kris la jous nan lanmò li rivé, antan-l bay nanm li jous nan dènié bout, pou-l ranplase sa-k té manké nan sèvis la nou pa-t kapab fè nou mouin-an.

Paròl Granmèt la.

11

M-ap konplété sa-k manké nan souffrans Kris la nan chè mouin, pou kò li.

Léktu lèt apot sin Pòl pou Kolosyin yo

1, 22-29

Frè-m yo :

Koulié-a minm Bondié rékonsilié nou nan kò chè Kri la gras a lanmò-l, pou-l prezanté nou sin, san tach, san yo pa gin anyin pou réproché nou dévan-l, si réyèlman nou kinbé fèm nan lafoua-a, nou pran rasi-n byin solid san anyin pa dékontolé nou sot nan espérans Bòn Nouvèl la nou té tandé-a, Bòn Nouvèl sa-a y-ap préché bay tou sa Bondié kréyé yo ki anba sièl la, Bòn Nouvèl sa-a mouin minm Pòl m-ap sèvi-a.

Koulié-a mouin kontan nan souffrans m-ap souffri pou nou yo, m-ap konplété sa-k manké nan souffrans Kris la nan chè mouin, pou kò-l ki Égliz la ; sé minis Égliz sa-a mouin vi-n tounin, dapré sèvis Bondié ban mouin pou-m fè nan nou-an, pou-m réalizé paròl Bondié-a.

Mistè-a, ki té kaché dépi sièk tan yo ak jénèrasion yo, koulié-a li manifésté nan sin-l yo. Bondié té vlé montré sin yo richès gloua mistè sa-a nan nasion yo ; mistè sa-a sé Kris la, espérans gloua-a nan nou.

Nou anonsé-li antan n-ap korijé tout moun, antan n-ap bay tout moun ansègnman nan tout kalité sajès, pou nou prezanté tout moun kòrèk nèt nan Kris Jézu ; sé pou li m-ap travay, m-ap batay dapré aktivité-l k-ap aji nan mouin nan puisans la.

Paròl Granmèt la.

12

Nou pa gin yon prèt an chèf ki pa kapab souffri féblès nou avèk nou.

Léktu lèt Ébré yo

4, 14-16 ; 5, 7-9

Frè-m yo :

Kòm nou gin yon gran prèt an chèf, ki antré nan sièl yo, Jézu Pitit Bondié, sé pou nou kinbé profésion lafoua-a. Sèké nou pa gin yon prèt an chèf ki pa kapab souffri féblès nou avèk nou, yo éséyé-l nan tout bagay minm jan avèk nou, sof péché-a. Konsa sé pou nou proché avèk konfians kot fotèy gras la, pou nou jouinn kè sansib, pou nou jouinn gras nan sékou, nan bézouin.

Nan jou Kris la t-ap viv nan chè-a, li ofri lapriyè avèk plint, avèk gro rèl, ak dlo nan jé-l, kot sila-a ki kapab sovè-l sot nan lanmò, li kouté-l poutèt respè-l. Min, malgré sé Pitit Bondié li té yé-a, li aprann obéyisans, nan sa-l soufri yo, lè-l rivé nan dènié pouin pou-l té rivé-a, li vi-n tounin kòz délivrans tout tan-an pou tout moun ki obéyi-l.

Paròl Granmèt la.

13

Priyè lafoua-a ap sovè malad la.

Léktu lèt apot sin Jak

5, 13-16

Nou minm mouin rinmin anpil la :

Èské youn nan nou gin chagrin ? Sé pou-l priyé. Èské li gin kè kontan ? Sé pou-l chanté som.

Èské youn nan nou malad ? Sé pou-l rélé prèt yo nan Égliz la, pou yo priyé sou li, pou yo pasé luil sou li o non Granmèt la ; priyé lafoua-a ap sovè malad la, Granmèt la ap soulajé-l, épi, si-l gin péché, l-ap padonnin-l.

Sé pou nou youn konfésé péché nou yo bay lòt, sé pou nou youn priyé pou lòt, pou nou sovè ; priyé moun ki kòrèk la fè avèk pèsévérans la, li gin anpil valè.

Paròl Granmèt la.

14

Nou gin kè kontan, minm si koulié-a, nou gin pou nou gin chagrin.

Léktu prémié lèt apot sin Piè

1, 3-9

Konpliman pou Bondié, ak Papa Granmèt nou Jézu-Kri, li minm ki té réfè nou nan éspérans vivan-an gras a réziréksion Jézu-Kri sot nan pami mò yo, dapré gran mizéri kòd li-a, pou yon éritaj ki pap détoui, ki pap sal, ki pap vi-n vié, k-ap diré nan sièl la pou nou, nou minm yo présèvé pou sovè nou sovè-a gras a lafoua-a, nan pouvoua Bondié-a, sovè nou sovè sa-a yo paré pou révélé-l nan dènié tan-an.

Nan li nou gin kè kontan, minm si koulié-a, nou gin pou nou gin chagrin nan divès bagay k-ap tanté nou ; pou épèrv lafoua nou-an ki gin plis pri pasé lò-a, sa yo éséyé nan difé-a, li rivé nan louanj ak gloua ak

konsidération nan révélation Jézu-Kri-a, li minm nou rinmin san nou pa ouè-l la ; li minm nou kouè nan li, minm si koulié-a nou pa ouè-l la ; antan nou kouè-a n-ap kontan nan yon kontantman san parèy, ki nan gloua, n-ap jouinn rékonpans lafoua nou nan sovè nanm yo sovè-a.

Paròl Granmèt la.

15

Sa n-ap yé-a pa ko parèt.

Léktu prémié lèt apot sin Jan

3, 1-2

Nou minm mouin rinmin anpil la :

Gadé ki kalité rinmin Papa-a ba nou, joustan yo rélé nou pitit Bondié épi sé sa minm nou yé. Sé pou sa tè-a pa konnin nou, paské nou konnin-l.

Nou minm mouin rinmin anpil la, koulié-a nou sé pitit Bondié, sa n-ap yé-a pa ko parèt. Nou konnin lè l-ap parèt, n-ap sanblé avèk li, paské n-ap ouè-l jan-l yé-a.

Paròl Granmèt la.

16

Pou sa-k prèt pou mouri yo

Pap gin lanmò ankò ni dèy, ni rèl, ni doulè ankò.

Léktu liv Apokalips apot sin Jan

21, 1-7

Mouin minm, Jan, mouin ouè yon sièl nouvo ak yon tè nouvo. Prémié sièl la ak prémié tè-a pati, lanmè-a minm pa gin sa ankò. Mouin minm Jan, mouin ouè vil ki sin-an, Jérusalèm nouvo-a, k-ap désann sot nan sièl la kot Bondié-a, ki abiyé tankou yon madanm k-ap marié ki anbéli pou mari-l.

Mouin tandé yon gran voua ki sot nan tro-n nan, k-ap di : « Min tant Bondié-a avèk moun yo, l-ap abité avèk yo ; y-ap pèp li, li minm “Bondié avèk yo” l-ap Bondié yo. Bondié ap siyé tout dlo sot nan jé yo, pap gin lanmò, ni dèy, ni rèl, ni doulè ankò ; paské prémié bagay yo pati ».

Sa-a ki té chita sou tro-n nan, li di : « Min mouin fè tout bagay nouvo ». Li di-m : « Ékri, paròl sa yo byin fidèl yo vré ». Li di-m : « Li réalizé, mouin sé Alfa épi Oméga, kòmansman ak finisman. Moun ki souaf la, m-ap fè-l kado nan sous dlo lavi-a. Sa-a ki ranpòté viktoua-a, l-ap éritié bagay sa yo ; m-ap Bondié li ; li minm, l-ap pitit mouin ».

Paròl Granmèt la.

17

*Vini, Granmèt Jézu !***Léktu liv Apokalips apot sin Jan**

22, 17. 20-21

Éspri-a avèk Madanm k-ap marié-a di : « Vini ». Sa-a ki tandé-a, sé pou-l di : « Vini ». Moun ki souaf, sé pou-l vini. Moun ki vlé, l-ap réservoua dlo lavi-a gratis.

Sa-a ki sèvi bagay sa yo témouin-an, li di : « Oui, m-ap vini byin vit ».

Amèn. Vini, Granmèt Jézu !

Gras Granmèt Jézu avèk nou tout.

Paròl Granmèt la.

PSÒM RÉPONS YO

1

PSÒM RÉPONS

Iz 38, 10. 11. 12 abcd. 16 (R: cf. 17 b)

R: Ou minm, Granmèt, ou délivré nanm mouin, pou-l pa péri.

¹⁰ Mouin té di : « Nan mitan lavi-m
m-apral nan pòt anba tè-a ;
mouin mandé rès ané-m yo ». R:

¹¹ Mouin té di : « Mouin pap ouè Granmèt Bondié sou tè vivan yo ;
mouin pap ouè moun ankò
ni sa-a ki abité nan lapè-a. R:

¹² Lavi-m koupé, li roulé sot nan mouin
tankou tant gadyin mouton yo ;
yo koupé lavi-m tankou moun k-ap fè toual :
pandan mouin t-ap filé-l toujou, li koupé-m. R:

¹⁶ Granmèt, si sé konsa pou-l jouinn lavi,
si sé nan fason sa-yo pou lavi éspri-m réfèt
ou-a korijé-m, ou-a fè-m viv ». R:

2

PSÒM RÉPONS

Ps 6, 2-4 a. 4 b-6. 9-10 (R: 3 a)

- R: Pitié pou mouin, Granmèt, paské mouin fèb.
- 4 Granmèt, pa réproché-m nan mové san-ou,
ni pa korijé-m nan kòlè-ou.
- 3 Pitié pou mouin, Granmèt, paské mouin fèb ;
géri-m, Granmèt, paské zo-m yo fi-n krazé.
- 4 Nanm mouin troublé anpil. R:
- Min ou minm, Granmèt, jouskilè?
- 5 Tounin, Granmèt, délivré nanm mouin,
sové-m poutèt mizérikòd ou-a.
- 6 Sèké pa gin pèsòn nan lanmò, k-ap sonjé-ou ;
anba tè-a minm kilès k-ap fè louanj ou ? R:
- 9 Ralé kò nou sot sou mouin, nou tout k-ap fè péché-a,
paské Granmèt la kouté voua dlo jé-m.
- 10 Granmèt la kouté démann mouin-an,
Granmèt la résévoua priyè-m nan. R:

3

PSÒM RÉPONS

Ps 24, 4 bc-5 ab. 6 é 7 bc. 8-9. 10 é 14. 15-16 (R: 1 b)

- R: Sé koté-ou, Granmèt, mouin lévé nanm mouin.
- 4 Chémin-ou yo, Granmèt, montré-m yo,
santié-ou yo, aprann mouin yo.
- 5 Dirijé-m nan santié-ou la, ban-m léson,
paské ou sé Bondié sovè mouin. R:
- 6 Sonjé pitié-ou yo, Granmèt,
ak mizérikòd ou yo, paské sé dépi tout tan yo égzisté.
- 7 dapré mizérikòd ou-a, sonjé-m,
poutèt bon kè-ou, Granmèt. R:
- 8 Granmèt la bon, li kòrèk,
poutèt sa, li aprann péchè yo chémin-l
- 9 l-ap dirijé moun ki dosil yo nan jijman-an,
l-ap aprann moun ki dou yo chémin-l yo. R:
- 10 Tout chémin Granmèt la sé mizérikòd ak vérité
pou moun ki obsèvé téstaman-l nan ak témouagnaj li yo.

- 14 Granmèt la ap aji kòm zanmi avèk moun ki krinn li yo,
pou-l montré yo téstaman-l nan. **R**
- 15 Jé-m tout tan kot Granmèt la,
paské li minm li dégajé pié-m yo sot nan pièj la.
- 16 Voyé jé sou mouin, pran pitié pou mouin,
paské mouin pou kont mouin, mouin pòv. **R**

4

PSÒM RÉPONS

Ps 26, 1. 4. 5. 7-8 a. 8 b-9 ab. 9 cd-10 (**R** : 14)

- R** Tann Granmèt la, aji avèk kouraj, sé pou kè-ou jouinn fòs.
- 1 Granmèt la sé klèté-m, épi li sovè-m, kilès pou-m pè ?
Granmèt la sé protéksion lavi-m, dévan kilès pou-m tranblé ? **R**
- 4 Yon sèl bagay mouin mandé Granmèt la, sé sa m-ap chèché :
abité kay Granmèt la
tout tan lavi-m,
pou-m ouè dousè Granmèt la,
pou-m vizité tanp li-a. **R**
- 7 Granmèt, kouté voua-m k-ap rélé,
pitié pou mouin, kouté-m.
- 8 Sé sou ou kè-m té di : « Chèché fas li ». **R**
Sé fas ou, Granmèt, m-ap chèché.
- 9 Pa viré fas ou louin-m,
pa viré do bay sèvitè-ou la nan kòlè. **R**
Sé sékou-m ou yé, pa lagé-m,
pa abandoné-m, Bondié sovè-m.
- 10 Sèké papa-m ak manman-m lagé-m,
Granmèt la minm résévoua-m. **R**

5

PSÒM RÉPONS Ps 33, 2-3. 4-5. 6-7. 10-11. 12-13. 17 é 19 (**R** : 19 a ; oubyin 9 a)**R** Granmèt la tou pré moun ki gin kè yo krazé.

oubyin :

R Gouté, n-a ouè kijan Granmèt la bon.

- 2 M-ap fè konpliman pou Granmèt la tout tan,
tout tan louanj li nan bouch mouin.
- 3 Nan Granmèt la nanm mouin ap jouinn konsidèrasion-l,
sé pou pòv yo tandé, pou yo kontan. **R:**
- 4 Fè louanj Granmèt la avèk mouin,
sé pou nou lévé non-l anlè ansanm.
- 5 Mouin chèché Granmèt la, li réponn mouin ;
anba tou sa k-ap fè-m pè, li délivré-m. **R:**
- 6 Gadé nan diréksion-l, n-ap kléré,
fas nou pap ront.
- 7 Pòv sa-a rélé, Granmèt la kouté-l,
anba tout tribilasion li li sové-l. **R:**
- 10 Krinn Granmèt la, nou minm sin-l yo,
paské pa gin grangou pou moun ki krinn li yo.
- 11 Rich yo nan bézouin, yo grangou,
min sa k-ap chèché Granmèt la yo pap manké okinn byin. **R:**
- 12 Vini, pitit mouin yo, kouté-m :
m-ap aprann nou krint Granmèt la.
- 13 Kilès moun sa-a ki vlé lavi-a,
ki rinmin jou pou-l ouè byin-an ? **R:**
- 17 Fas Granmèt la sou moun k-ap fè mal yo,
pou-l fè souvni yo disparèt sot sou tè-a.
- 19 Granmèt la tou pré moun ki gin kè yo krazé,
l-ap sové sa-k gin éspri yo sakajé yo. **R:**

6

PSÒM RÉPONS

Ps 41, 3. 5 bcd ; Ps 42, 3. 4 (**R:** : Ps 41, 2)

- R:** Tankou yon mouton al nan sous dlo,
konsa nanm mouin anvi al koté-ou, Bondié.
- 3 Nanm mouin souaf kot Bondié, Bondié vivan-an,
kilè m-apralé, pou-m parèt dévan fas Bondié ? **R:**
- 5 Sèké mouin té konn travèsé al kot tant éstraòdinè-a,
jous nan kay Bondié-a,
nan chanté fèt avèk louanj,
fèt foul la k-ap fè louanj la. **R:**

- 3 Voyé limiè-ou ak vérité-ou la ;
sé yo minm k-ap kondui-m, k-ap minnin-m
sou mòn ou ki sin-an, ak nan tant ou-a. **R:**
- 4 M-ap antré kot lotèl Bondié-a,
kot Bondié kè kontan fèt mouin-an.
M-ap fè louanj ou sou gita, Bondié, Bondié-m nan. **R:**

7

PSÒM RÉPONS**Ps 62, 2-3. 4-6. 7-9 (R : 2 b)**

- R:** Nanm mouin souaf ou, Bondié mouin.
- 2 Bondié, sé Bondié-m ou yé, sé koté-ou m-ap véyé dépi granmatin.
Nanm mouin souaf ou,
chè mouin anvi-ou,
nan dézè-a ki sèk la, ki san dlo-a.
- 3 Sé konsa mouin parèt dévan-ou nan tanp la
pou-m ouè fòs ou ak gloua-ou. **R:**
- 4 Sèké mizérikòd ou pi bon pasé lavi yo,
bouch mouin ap fè louanj ou.
- 5 Konsa m-ap fè konpliman pou ou nan lavi-m,
o non-ou m-ap lévé min-m.
- 6 Tankou ak viann, ak bon manjé gra, nanm mouin plin,
ak paròl fèt, bouch mouin ap fè louanj ou. **R:**
- 7 Lè m-ap sonjé-ou sou kabann mouin,
granmatin m-ap médité sou ou,
- 8 paské ou poté-m sékou,
anba voual zèl ou m-ap fété.
- 9 Nanm mouin kolé apré-ou,
min douat ou résévoua-m. **R:**

8

PSÒM RÉPONS**Ps 70, 1-2. 5-6 ab. 8-9. 14-15 ab (R : 12 b oubyin 23)****R:** Bondié mouin, fè vit vi-n poté-m sékou.**oubyin :****R:** Po bouch mouin ap fété, ni nanm mouin ou rachté-a.

- 1 Sé nan ou, Granmèt, mouin espéré,
pa kité-m ront pou tout tan.
- 2 Nan jistis ou-a libéré-m, épi délivré-m ;
panché zòrèy ou sou mouin, sové-m. **R:**
- 5 Sèké sé sou ou mouin konté, Granmèt ;
Granmèt, ou sé espérans mouin dépi-m tou jèn,
- 6 Sé sou ou mouin apiyé dépi-m nan vant,
dépi nan vant manman-m sé ou minm ki poté-m. **R:**
- 8 Sé pou bouch mouin plin ak louanj ou,
tout jounin ak grandè-ou.
- 9 Pa jété-m nan tan viyéyès mouin-an ;
lè fòs mouin fi-n fébli-a, pa lagé-m. **R:**
- 14 Kanta mouin minm tout tan m-ap espéré,
épi m-ap ajouté sou tout louanj ou-a.
- 15 Bouch mouin ap anonsé jistis ou,
tout jounin sové ou sové nou-an. **R:**

9

PSÒM RÉPONS

Ps 85, 1-2. 3-4. 5-6. 11. 12-13. 15-16 ab (**R:** : 1 a oubyin 15 a é 16 a)

R: Panché zòrèy ou, Granmèt, kouté-m.

oubyin :

R: Bondié ki gin pitié épi ki gin mizérikòd,
Voyé jé sou mouin épi pran pitié pou mouin.

- 1 Panché zòrèy ou, Granmèt, kouté-m,
paské mouin maléré, mouin pòv.
- 2 Prézèvé nanm mouin, paské mouin sin ;
sové-m, Bondié mouin, mouin espéré nan ou. **R:**
- 3 Pitié pou mouin, Granmèt, paské m-ap rélé koté-ou tout lajounin.
- 4 Fè nanm sèvitè-ou la jouinn kontantman,
paské sé koté-ou, Granmèt mouin lévé nanm mouin. **R:**
- 5 Paksé Granmèt, ou bon, ou dou,
ou gin mizérikòd anpil pou tout moun k-ap rélé-ou.
- 6 Kouté priyè-m, Granmèt ak zòrèy ou,
kouté voua priyè-m. **R:**

- 11 Aprann mouin chémin-ou nan, Granmèt,
m-a maché nan vérité-ou la ;
fè kè-m vi-n tou sinp,
pou-l krinn non-ou. **R**
- 12 M-a fè louanj ou, Granmèt Bondié mouin, ak tout kè mouin,
m-a montré grandè non-ou pou tout tan,
13 paské mizérikòd ou-a gran sou mouin,
ou délivré nanm mouin anba tè ki anba nèt la. **R**
- 15 Ou minm, Granmèt Bondié ki gin pitié épi ki gin mizérikòd,
ki gin pasians épi anpil mizérikòd ak vérité.
- 16 Voyé jé sou mouin épi pran pitié pou mouin. **R**

10

PSÒM RÉPONS Ps 89, 2. 3-4. 5-6. 9-10 ab. 10 cd é 12. 14 é 16 (**R** : 1)

- R** Granmèt, ou sèvi nou kachèt,
sot nan jénérasyon al nan jénérasyon.
- 2 Anvan mòn yo fèt oubyin tè-a ak fas tè-a gin nésans,
dépi tout tan épi jous pou tout tan ou sé Bondié. **R**
- 3 Ou fè moun nan tounin nan pousiè ;
ou di : « Tounin, pitit moun yo ».
- 4 Sèké mil ané dévan jé-ou
sé tankou jounin yè-a ki pasé,
ak yon vèy nan nuit. **R**
- 5 Ou fè dòmi tonbé sou yo,
6 nan matin, y-ap tankou zèb k-ap pousé :
nan matin li fléri, li grandi,
nan asouè, li finnin, li séché. **R**
- 9 Paské tout jou nou yo disparèt nan kòlè-ou la,
nou fini ané nou yo tankou yon ti souf.
- 10 Jou ané nou yo sé souasanndizan,
oubyin nan santé sé katrévinzan. **R**
- Min pi fò pòsion nan yo sé tray ak soufrans,
paské yo pasé byin vit, épi nou volé.
- 12 Aprann nou konté jou nou yo,
pou nou mété kè nou nan chémin sajès la. **R**

- 14 Plin nou granmatin ak mizérikòd ou,
n-ap fété, n-ap kontan tout jou nou yo.
- 16 Sé pou aksion-ou parèt sou sèvitè-ou yo,
épi gloua-ou sou pitit yo. **R**

11

PSÒM RÉPONS

Ps 101, 2-3. 24-25. 26-28. 19-21 (**R** : 2)

- R** Granmèt, kouté priyè-m,
épi fè rèl mouin-an rivé koté-ou.
- 2 Granmèt, kouté priyè-m,
fè rèl mouin-an rivé koté-ou.
- 3 Pa kaché fas ou louin-m ;
nan ninpòt jou m-ap passé tray la,
panché zòrèy ou koté-m.
Nan ninpòt jou mouin rélé-ou,
fè vit réponn mouin. **R**
- 24 Li rabésé fòs mouin nan chémin-an,
li rakousi jou mouin yo.
Mouin di : « Bondié mouin,
- 25 pa ouété-m sot nan mouatié jou-m yo ;
pou jénérasyon ak jénérasyon ané-m yo. **R**
- 26 Nan kòmansman ou té plasé tè-a sou fondasyon-l ;
tè yo sé travay min-ou,
- 27 Yo minm y-ap péri, ou minm minm ou-ap rété ;
yo tout tankou yon rad y-ap viéyi,
tankou yon manto ou chanjé yo épi yo chanjé.
- 28 Ou minm minm ou rété minm jan-an, ané-ou yo pa fini. **R**
- 19 Sé pou yo ékri bagay sa yo pou lòt jénérasyon-an,
pèp k-ap kréyé-a, l-ap fè louanj Granmèt la.
- 20 Sèké li panché sot nan tanp li-a anro-a,
Granmèt la gadé sou tè-a antan-l nan sièl la ;
- 21 pou-l kouté rèl prizonié yo,
pou-l délivré pitit lanmò yo. **R**

12

PSÒM RÉPONS Ps 102, 1-2. 3-4. 11-12. 13-14. 15-16. 17-18 (R: 1 a oubyin 8)

R: Fè konpliman pou Granmèt la, nanm mouin.

oubyin :

R: Granmèt la pran pitié, li gin mizérikòd
li pran pasians, li gin anpil mizérikòd.

- 1 Fè konpliman pou Granmèt la, nanm mouin ;
tou sa-k anndan-m, fè konpliman pou non-l ki sin.
- 2 Fè konpliman pou Granmèt la, nanm mouin,
pa bliyé tou sa-l fè yo. R
- 3 Li minm ki padonnin tout fot ou yo,
ki géri tout maladi-ou yo ;
- 4 ki déliyé lavi-ou sot nan fòs la,
ki kouronnin-ou ak mizérikòd, ak pitié. R
- 11 Sèké minm jan sièl la ro dépasé tè-a,
mizérikòd li dépasé anlè sa-k krinn li yo.
- 12 Otan olévan louin okouchan,
li ranvouayé péché nou yo louin nou. R
- 13 Tankou papa pran pitié pou pitit li yo,
Granmèt la pran pitié pou moun ki krinn li yo,
- 14 Sèké li minm li konnin ak ki sa nou fèt,
li sonjé kijan sé poussiè nou yé. R
- 15 Moun nan : tankou pay jou-l yé,
tankou flè jadin konsa l-ap fléri,
- 16 Van-an souflé nan li, li pa kanpé,
yo pa rékonèt koté-l té yé-a ankò. R
- 17 Mizérikòd Granmèt la minm sé dépi tout tan,
épi jous pou tout tan sou moun ki krinn li yo,
jistis li nan pitit moun yo ;
- 18 nan sa yo ki kinbé aliens li-a. R

13

PSÒM RÉPONS

Ps 122, 1-2 a. 2 bcd (R: 2 cd)

R: Jé nou kot Granmèt Bondié nou-an, joustan li pran pitié pou nou.

- 1 Koté-ou mouin lévé jé-m,
ou minm ki abité nan sièl yo.
- 2 Min sé tankou jé sèvitè yo
kot min mèt yo. **R:**
- Tankou jé sèvant la kot min mètrès li,
sé konsa jé nou kot Granmèt Bondié nou-an,
joustan li pran pitié pou nou. **R:**

14

PSÒM RÉPONS

Ps 142, 1-2. 5-6. 10 (**R:** : 1 a oubyin 11 a)**R:** Granmèt, kouté priyè-m.

oubyin :

R: Poutèt non-ou, Granmèt, ou-ap fè-m viv.

- 1 Granmèt, kouté priyè-m,
sé pou zòrèy ou sansib pou demann mouin nan vérité-ou la ;
kouté-m nan jistis ou.
- 2 Pa antré nan jijman avèk sèvitè-ou,
paské nan fas ou okinn vivan pa an règ. **R:**
- 5 Mouin sonjé jou lontan yo,
m-ap kalkilé sou tout aksion-ou yo,
sou travay min-ou yo m-ap réfléchi.
- 6 Mouin lonjé min-m koté-ou,
nanm mouin tankou tè san dlo pou ou. **R:**
- 10 Aprann mouin fè bon plézi-ou,
paské sé Bondié-m ou yé.
Sé pou bon éspri-ou la kondui-m nan tè ki égalizé-a. **R:**

ALÉLOUYA AK VÈSÈ ANVAN ÉVANJIL LA

1

Ps 32, 22

(**R:** Alélouya). Sé pou mizèrikòd ou vi-n sou nou, Granmèt,
tankou nou té éspéré nan ou. (**R:** Alélouya).

2

Mt 5, 4

(R: Alélouya). Ala kontantman pou moun k-ap kriyé yo,
paské y-ap konsolé. (R: Alélouya).

3

Mt 8, 17

(R: Alélouya). Li minm minm li té pran féblès nou yo,
li té poté maladi nou yo. (R: Alélouya).

4

Mt 11, 28

(R: Alélouya). Vi-n jouinn mouin, nou tout k-ap fatigé,
k-ap rédi anba gro chaj,
m-ap réfè fòs nou, sé sa Granmèt la di. (R: Alélouya).

5

2 Kor 1, 3 b-4 a

(R: Alélouya). Konpliman pou Papa mizérikòd yo
ak Bondié tout konsolasion-an,
li minm ki konsolé nou nan tout tribilasion nou. (R: Alélouya).

6

Éf 1, 3

(R: Alélouya). Konpliman pou Bondié Papa Granmèt nou Jézu-Kri,
li minm ki béni nou ak tout kalité bénédikcion spirituèl
nan sièl la nan Kris la. (R: Alélouya).

(R: Alélouya). Ala kontantman pou moun ki soufri tantasion-an, paské, lè yo fi-n fè-l bay prèv li, l-ap résévoua kouròn lavi-a. (R: Alélouya).

ÉVANJIL YO

1

Fè kè nou kontan, fété, paské rékonpans nou anpil nan sièl yo.

✠ Léktu sint Évanjil la dapré Matié

5, 1-12 a

Lè sa-a :

Antan Jézu ouè fowl yo, li té monté sou mòn nan ; kon-l chita, disip li yo té proche koté-l. Épi antan-l louvri bouch li, li t-ap anségné yo antan l-ap di :

« Ala kontantman pou moun ki pòv yo nan éspri-a, paské sé pou yo péyi-roua sièl yo yé.

Ala kontantman pou moun ki dou yo, paské sé yo minm k-ap posédé tè-a.

Ala kontantman pou moun k-ap kriyé yo, paské y-ap konsolé.

Ala kontantman pou moun ki grangou, ki souaf jistis la, paské y-ap jouinn kont yo.

Ala kontantman pou moun ki gin mizérikòd yo, paské y-ap jouinn mizérikòd.

Ala kontantman pou moun ki gin kè yo nèt yo, paské y-ap ouè Bondié.

Ala kontantman pou moun k-ap travay pou lapè-a, paské y-ap rélé yo pitit Bondié.

Ala kontantman pou moun k-ap soufri pèsékision poutèt jistis la, paské sé pou yo péyi-roua sièl la yo yé.

Ala kontantman pou nou, lè y-ap madichonnin nou, lè y-ap pèsékité nou, lè y-ap di tout kalité mal kont nou, antan y-ap fè manti, akoz mouin ; fè kè nou kontan, fété, paské rékonpans nou anpil nan sièl yo ».

Paròl Granmèt la.

2

Granmèt, si-ou vlé, ou kapab géri-m.

✠ **Léktu sint Évanjil la dapré Matié**

8, 1-4

Lè sa-a :

Pandan Jézu t-ap désann sot sou mòn nan, anpil foul t-ap suiv li. Min yon moun maladi lalèp antan-l rivé, té adoré-l, antan l-ap di : « Granmèt, si-ou vlé, ou kapab géri-m ». Épi Jézu antan-l lonjé min-l, li té touché-l, antan-l di : « Mouin vlé, sé pou-ou géri ». Minm lè-a lalèp li-a té géri.

Jézu minm té di-l : « Gadé, pa di pèsònn sa ; min alé, montré-ou dévan prèt la, ofri kado-a Moyiz té kòmandé-a kòm témouagnaj pou yo ».

Paròl Granmèt la.

3

Li minm minm li té pran féblès nou yo.

✠ **Léktu sint Évanjil la dapré Matié**

8, 5-17

Lè sa-a :

Pandan Jézu t-ap antré Kafarnaòm, yon santurion té proché koté-l, antan l-ap priyé-l, épi li t-ap di : « Granmèt, ti gason-m nan kouché nan lakay la, li pa kapab fè mouvman, l-ap soufri anpil ». Jézu té di-l : « M-apralé, épi m-ap géri-l ».

Antan santurion-an réponn, li té di : « Granmèt, mouin pa mérité pou-ou antré anba fétay kay mouin, min sèlman di yon paròl, épi ti gason-m nan ap géri. Sèké mouin minm yon moun ki anba pouvoua, antan-m gin sòlda anba lòd mouin, mouin di sa-a : “Alé”, épi l-alé ; épi yon lòt : “Vini”, épi li vini ; épi sèvitè-m nan : “Fè sa”, épi li fè-l ».

Antan Jézu tandé sa, li té étoné, épi li té di moun yo ki t-ap suiv li yo : « Amèn mouin di nou, mouin pa-t jouinn yon lafoua gran konsa nan Israèl. Mouin di nou anpil moun ap vi-n sot olévan ak okouchan épi y-ap lonjé kò yo pou yo manjé avèk Abraam ak Izaak épi Jakòb nan péyi-roua sièl yo ; pitit péyi-roua-a minm, y-ap jété yo nan fènoua déyò yo : koté sa-a ap gin dlo nan jé ak manjé dan ». Épi Jézu té di santurion-an : « Alé, jan-ou kouè-a, sé pou sa fèt konsa ». Pitit la té géri minm lè sa-a.

Lè Jézu antré nan kay Piè-a, li té ouè bèlmè-l kouché épi anba lafièv. Li té touché min-l, épi lafièv la té kité-l ; li té lévé, épi li t-ap sèvi yo.

Antan asouè rivé, yo té prezanté anpil moun ki té gin démon ba li, li té chasé éspri yo avèk yon mo, épi tout moun ki té malad, li té géri yo ; pou sa profèt Izayi té di-a té akonpli, antan-l té di : « Li minm minm li té pran féblès nou yo, li té poté maladi nou yo ».

Paròl Granmèt la.

oubyin pi kout

✚ Léktu sint Évanjil la dapré Matié

8, 5-13

Lè sa-a :

Pandan Jézu t-ap antré Kafarnaòm, yon santurion té proche koté-l, antan l-ap priyé-l, épi li t-ap di : « Granmèt, ti gason-m nan kouché nan lakay la, li pa kapab fè mouvman, l-ap soufri anpil ». Jézu té di-l : « M-apralé, épi m-ap géri-l ».

Antan santurion-an réponn, li té di : « Granmèt, mouin pa mérité pou-ou antré anba fétay kay mouin, min sèlman di yon paròl, épi ti gason-m nan ap géri. Sèké mouin minm yon moun ki anba pouvoua, antan-m gin sòlda anba lòd mouin, mouin di sa-a : “Alé”, épi l-alé ; épi yon lòt : “Vini”, épi li vini ; épi sèvitè-m nan : “Fè sa”, épi li fè-l ».

Antan Jézu tandé sa, li té étoné, épi li té di moun yo ki t-ap suiv li yo : « Amèn mouin di nou, mouin pa-t jouinn yon lafoua gran konsa nan Israèl. Mouin di nou anpil moun ap vi-n sot olévan ak okouchan épi y-ap lonjé kò yo pou yo manjé avèk Abraam ak Izaak épi Jakòb nan péyi-roua sièl yo ; pitit péyi-roua-a minm, y-ap jété yo nan fènoua déyò yo : koté sa-a ap gin dlo nan jé ak manjé dan ». Épi Jézu té di santurion-an : « Alé, jan-ou kouè-a, sé pou sa fèt konsa ». Pitit la té géri minm lè sa-a.

Paròl Granmèt la.

oubyin pi kout

✠ Léktu sint Évanjil la dapré Matié

8, 14-17

Lè sa-a :

Lè Jézu antré nan kay Piè-a, li té ouè bèlmè-l kouché épi anba lafièv. Li té touché min-l, épi lafièv la té kité-l ; li té lévé, épi li t-ap sèvi yo.

Antan asouè rivé, yo té prezanté anpil moun ki té gin démon ba li, li té chasé éspri yo avèk yon mo, épi tout moun ki té malad, li té géri yo ; pou sa profèt Izayi té di-a té akonpli, antan-l té di : « Li minm minm li té pran féblès nou yo, li té poté maladi nou yo ».

Paròl Granmèt la.

4

Vi-n jouinn mouin, nou tout k-ap fatigé.

✠ Léktu sint Évanjil la dapré Matié

11, 25-30

Lè sa-a Jézu pran laparòl, li di :

« Mouin fè konpliman pou ou, Papa, Granmèt sièl la ak tè-a, paské ou té kaché bagay sa yo pou saj yo ak intélijan yo, ou té révéle yo bay ti moun piti yo. Oui, Papa, paské sé konsa sa fè-ou plézi. Papa-m rinnèt mouin tout bagay, pèsòn pa konnin Pitit la, sof Papa-a ; ni pèsòn pa konnin Papa-a, sof Pitit la ak moun Pitit la vlé révéle sa.

Vi-n jouinn mouin, nou tout k-ap fatigé, k-ap rédi anba gro chaj, m-ap réfè fòs nou. Pran jouk mouin sou nou, pran léson nan min-m, paské mouin tou dou, mouin pòv nan kè-m ; n-ap jouinn répo pou nanm nou ; jouk mouin fasil pou poté, chaj mouin léjé ».

Paròl Granmèt la.

5

Jézu géri anpil moun.

✠ Léktu sint Évanjil la dapré Matié

15, 29-31

Lè sa-a :

Jézu rivé bò lanmè Galilé-a, épi antan-l monté sou mòn nan li té chita la. Épi anpil foul té proché koté-l antan yo té gin bèbè ak yo, avèg,

bouaté, malad, ak anpil lòt, épi yo té lagé yo nan pié-l, épi li té géri yo ; a tèl pouin foul yo té sézi antan yo ouè bèbè k-ap palé, bouaté k-ap maché, avèg ki ouè, épi yo t-ap fè louanj Bondié Israèl la.

Paròl Granmèt la.

6

*Chak foua nou fè pou youn nan pi piti frè-m sa yo,
sé pou mouin minm nou fè.*

✠ **Léktu sint Évanjil la dapré Matié**

25, 31-40

Lè sa-a : Jézu di disip li yo :

« Lè Pitit moun nan ap rivé nan gloua li, épi tout anj yo avèk li, lè sa-a l-ap chita sou tro-n gloua li. L-ap rasanblé tout nasion yo dévan-l, l-ap séparé yo youn sot kot lòt, tankou yon gadyin séparé mouton yo ak bouk yo. L-ap mét mouton yo kanpé adouat li, bouk yo agoch li.

Lè sa-a roua-a ap di sa-k adouat li yo : “Vini, nou minm Papa-m béni yo, pran posésion péyi roua-a yo té paré pou nou dépi tè-a té kòmansé fèt la. Sèké mouin té grangou, nou té ban-m manjé ; mouin té souaf, nou té ban-m bouè ; mouin té étranjé, nou té résévoua-m ; mouin té ni-kò, nou té abiyé-m ; mouin té malad, nou té rann mouin vizit ; mouin té nan prizon, nou té vi-n jouinn mouin”.

Lè sa-a moun kòrèk yo ap pran laparòl, y-ap di : “Granmèt, kilè nou té ouè-ou grangou épi nou té ba-ou manjé ? oubyin nou té ouè-ou souaf épi nou té ba-ou bouè ? kilè nou té ouè-ou étranjé épi nou té résévoua-ou ? oubyin ni-kò épi nou té abiyé-ou ? oubyin kilè nou té ouè-ou malad oubyin nan prizon épi nou té vi-n jouinn ou ?”

Roua-a ap réponn, l-ap di yo : “Amèn mouin di nou, chak foua nou té fè sa pou youn nan pi piti nan frè-m sa yo, sé pou mouin minm nou té fè-l” ».

Paròl Granmèt la.

7

Lè Jézu ouè lafoua yo, li di : « Péché-ou yo éfasé ».

✠ **Léktu sint Évanjil la dapré Mark** 2, 1-12

Apré kèk jou, Jézu tounin ankò Kafarnaòm. Lè yo té tandé li té nan kay la, anpil moun rasanblé, atèl pouin kay la pa-t kapab kinbé moun minm nan pòt la, li t-ap anonsé yo paròl la.

Yo vi-n koté-l, antan y-ap poté yon moun ki pa-t kapab maché, sé kat moun ki t-ap poté-l. Kòm yo pa-t kapab prezanté-l ba li akoz foul la, yo défèt plafon-an koté-l té yé-a, yo louvri-l, yo glisé kabann nan koté moun nan ki pa-t kapab maché-a té kouché-a. Lè Jézu ouè lafoua yo, li di moun nan ki pa-t kapab maché-a : « Pitit mouin, péché-ou yo éfasé ».

Té gin kèk skrib la, yo té chita, yo t-ap kalkilé nan kè yo : « Ki sa sa-a ap di konsa-a ? l-ap blasfémé. Kilès ki kapab padonnin péché, si sé pa Bondié sèl ? »

Minm lè-a Jézu konnin nan éspri-l, sé konsa yo t-ap kalkilé anndan kè yo, li di yo : « Ki sa n-ap kalkilé nan kè nou-an ? Ki sa ki pi fasil pou di moun nan ki pa kapab maché-a : “Péché-ou yo éfasé” oubyin : “Lévé, pran kabann ou, maché ?” Ébyin pou nou kapab konnin, Pitit moun nan gin pouvoua sou tè-a pou-l padonnin péché yo, (li di moun nan ki pa-t kapab maché-a) : “Mouin di-ou : Lévé, pran kabann ou, al lakay ou” ».

Minm lè-a li lévé, li pran kabann nan, li pati dévan tout moun, atèl pouin tout moun té sézi, yo t-ap fè konpliman pou Bondié, yo t-ap di : « Nou pa-t janm ouè bagay konsa ».

Paròl Granmèt la.

8

Pouki sa nou timid konsa-a ? nou pa ko gin lafoua ?

✠ **Léktu sint Évanjil la dapré Mark** 4, 35-41

Jou sa-a, kòm asouè té fi-n rivé, Jézu té di disip li yo : « An nou travèsé an fas la ». Épi antan yo ranvouayé foul la, yo té pran-l jan-l té yé-a nan batiman-an, té gin dèt batiman yo avèk li.

Vi-n gin yon gran tanpèt van ; lanm lanmè-a t-ap vòltijé nan batiman-an, atèl pouin batiman-an té plin.

Li minm minm li té nan plas gouvènay la, sou kousin-an, antan l-ap dòmi ; yo té révéyé-l, épi yo té di-l : « Mèt, sa pa fè-ou anyin n-ap péri ? »

Épi antan-l révéyé, li té ménasé van-an, épi li té di lanmè-a : « Silans, pé bouch ou ». Épi van-an té sispann, té vi-n gin yon gran kalmi.

Li té di yo : « Pouki sa nou timid konsa-a ? nou pa ko gin lafoua ? » Yo té pè ak yon gran krint, youn t-ap di lòt : « Kilès ou kouè li yé, sa-a, paské ni van ni lanmè obéyi-l ? »

Paròl Granmèt la.

9

Jézu, pitit David, pran pitié pou mouin .

✠ **Léktu sint Évanjil la dapré Mark**

10, 46-52

Lè sa-a :

Pandan Jézu ap soti Jériko, ansanm ak disip li yo ak yon pakèt foul moun, pitit Timé-a, Bartimé, yon avèg, té chita bò chémin-an, li t-ap mandé charité. Lè-l tandé sé Jézu moun Nazarèt la, li kòmansé rélé byin fò, li di : « Jézu, pitit David, pran pitié pou mouin ». Min foul moun yo t-ap fè-l obsèvasion pou-l pé bouch li ; min li minm sé lè sa-a li t-ap rélé pi rèd : « Pitit David, pran pitié pou mouin ».

Jézu kanpé, li pasé lòd pou yo rélé-l. Yo rélé avèg la, yo di-l : « Pran kouraj ; lévé, l-ap rélé-ou », li minm, li voyé manto-l jété, li vòltijé vi-n jouinn li. Jézu pran laparòl, li di-l : « Ki sa-ou vlé pou-m fè ? »

Avèg la di-l : « Mèt, fè-m ouè ».

Jézu minm di-l : « Alé, lafoua-ou sovè-ou ». Minm lè-a, li ouè, li suiv li sou rout la.

Paròl Granmèt la.

10

Y-ap pozé min sou malad yo, malad yo ap géri.

✠ **Léktu sint Évanjil la dapré Mark**

16, 15-20

Lè sa-a :

Jézu parèt dévan onz yo, li di yo :

« Alé sou tout tè-a, préché Bòn Nouvèl la bay tout créatu. Moun k-ap kouè épi k-ap batizé, l-ap sové ; min moun ki pa kouè, l-ap kondané.

Min sign pou moun k-ap kouè yo : o non-m y-ap chasé démon yo, y-ap palé lang nouvo, y-ap pran sèpan ; minm si yo bouè pouazon, sa pap fè yo anyin ; y-ap pozé min sou malad yo, malad yo ap géri ».

Granmèt Jézu, lè-l fi-n di yo sa, yo pran-l nan sièl la, li chita adouat Bondié. Yo minm minm yo pati, y-ap préché tout koté, pandan Granmèt la ap ba yo konkou, ap asiré paròl yo ak sign l-ap fè rivé.

Paròl Granmèt la.

11

Anonsé Jan sa nou tandé ak sa nou ouè.

✠ Léktu sint Évanjil la dapré Luk

7, 19-23

Lè sa-a :

Jan té rélé dé nan disip li yo, épi li té voyé yo kot Jézu, antan-l di : « Èské sé ou minm sa-a ki té gin pou-ou vini-an, oubyin èské sé yon lòt pou nou tann ? » Lè mésié yo té rivé koté-l, yo té di : « Jan-Batis té voyé nou koté-ou, antan-l di : “Èské sé ou minm sa-a ki té gin pou-ou vini-an, oubyin èské sé yon lòt pou nou tann ?” ».

Nan minm lè sa-a li té géri anpil moun sot nan maladi ak infimité, ak mové éspri, épi li té fè anpil avèg vi-n ouè klè. Épi antan-l réponn, li té di yo :

« Antan nou alé anonsé Jan, sa nou té tandé ak sa nou té ouè : paské avèg yo ouè, bouaté yo maché, lépré yo pròpté, soud yo tandé, mò yo résisité, pòv yo jouinn bon nouvèl la ; épi ala kontantman pou moun ki pa skandalizé akòz mouin ».

Paròl Granmèt la.

12

Géri malad yo.

✠ Léktu sint Évanjil la dapré Luk

10, 5-6. 8-9

Lè sa-a : Jézu té di disip li yo :

Nan ninpòt kay nou antré, kòmansé di : “Lapè pou kay sa-a” ; si gin yon pitit lapè la, lapè nou-an ap pozé sou li ; otréman, l-ap tounin vi-n jouinn nou. Nan ninpòt ki vil nou antré, épi yo résévoua nou, manjé sa yo

poté ba nou, géri malad yo ki nan vil la, di yo : “Péyi-roua Bondié-a tou pré nou” ».

Paròl Granmèt la.

13

Ki moun ki prochin-m ?

✠ Léktu sint Évanjil la dapré Luk

10, 25-37

Lè sa-a :

Gin yon spésialis laloua-a ki lévé pou-l tanté Jézu, li di : « Mèt, ki sa pou-m fè pou-m gin lavi tout tan-an ? »

Jézu di-l : « Nan laloua-a ki sa-k ékri ? Kijan-ou li ? »

Li réponn, li di : « Sé pou-ou rinmin Granmèt Bondié-ou ak tout kè-ou, ak tout nanm ou, ak tout fòs ou, ak tout éspri-òu, épi prochin-ou tankou ou minm ».

Jézu di-l : « Ou réponn byin : fè sa, épi ou-a viv ».

Li minm minm, ki vlé bay tèt li rézon, li di Jézu : « Kilès ki prochin-m ? »

Jézu pran laparòl ankò, li di : « Yon mésié t-ap désann sot Jérusalèm al Jériko, li tonbé nan min asasin, yo vòlè-l, yo bat li, yo pati kité-l prèské mouri. Yon prèt vi-n ap désann sou minm rout sa-a, li ouè-l, li pasé. Minm jan-an tou yon lévité, li rivé tou pré koté-a, li ouè-l, li travèsé.

Min gin yon Samaritin ki t-ap vouayajé, ki rivé tou pré-l, li ouè-l, li trésayi ak mizérikòd. Li proché, li maré koté li té blésé yo, li vidé luil ak divin ; li mété-l sou milèt li, li kondui-l nan yon lotèl, li souin-l.

Nan landmin, li lonjé dé dénié bay mèt lotèl la, li di : “Okipé-l ; tou sa ou-a dépansé an plis, sé mouin minm k-ap rinmèt ou sa, lè-m tounin”.

Kilès nan toua sa yo ou pansé ki prochin moun sa-a ki té tonbé nan min asasin yo ? »

Li minm li di : « Sa-a ki té fè mizérikòd pou li-a ».

Jézu di-l : « Alé, ou minm tou fè minm jan ».

Paròl Granmèt la.

*Mandé, y-ap ba nou.***✠ Léktu sint Évanjil la dapré Luk****11, 5-13**

Lè sa-a : Jézu di disip li yo :

« Kilès nan nou si-l gin yon zanmi k-al koté-l nan mitan nannuit, ki di-l : “Zanmi, prêté-m toua pin, paské mouin gin yon zanmi ki vi-n soti nan vouayaj, li rivé lakay mouin, mouin pa gin anyin pou-m mété dévan-l” ; si lot la réponn anndan-an : “Pa déranjé-m ; pòt la déjà fèmin, ti moun mouin yo avèk mouin nan kabann ; mouin pa kapab lévé pou-m ba ou ?”

Min, si mésié-a kontinué ap frapé, mouin di nou : Minm si li pap lévé pou-l ba li-l kòm zanmi, l-ap lévé kan minm, l-ap ba li tou sa-l bézouin, poutèt san-jèn li-a.

Mouin minm mouin di nou : Mandé, y-ap ba nou ; chèché, n-ap jouinn ; frapé, y-ap louvri ba nou. Sèké tout moun ki mandé li résévoua, moun ki chèché li jouinn, moun ki frapé, yo louvri ba li.

Kilès tou nan nou minm kòm papa, si pitit nou mandé nou pin : èské n-ap ba-l ròch ? oubyin pouason : èské n-ap ba-l koulèv nan plas pouason-an ? oubyin, si-l mandé nou zé, èské n-ap lonjé yon skòpion ba li ? Si nou minm, malgré nou mové-a, nou konn bay pitit nou bon bagay, Papa nou ki nan sièl la ap ba nou bon Éspri-a pi plis toujou pou moun ki mandé-l ».

Paròl Granmèt la.

*Ala kontantman pou sèvitè sa yo, si lè mèl la rivé, li jouinn yo ap véyé.***✠ Léktu sint Évanjil la dapré Luk****12, 35-44**

Lè sa-a :

Jézu di disip li yo : « Sé pou rin nou maré, pou lanp nou limin nan min nou ; nou minm sé pou nou tankou moun k-ap tann mèl yo, lè-l vi-n sot nan nòs ; pou, kon-l rivé, li frapé, minm lè-a yo louvri ba li.

Ala kontantman pou sèvitè sa yo, si lè mèl la rivé, li jouinn yo ap véyé ; amèn mouin di nou, l-ap maré rin-l, l-ap fè yo lonjé kò yo, l-ap pasé pou-l sèvi yo. Si-l rivé nan dézièm vèy la, épi si sé nan touazièm vèy la li rivé, épi li jouinn yo konsa, ala kontantman pou sèvitè sa yo.

Aprann sa, si pèd-famiy nan té konnin ki lè vòlè-a t-ap rivé, li t-ap véyé sètènman, li pa t-ap kitè yo kasé kay li. Nou minm tou sé pou nou paré, paské sé lè nou pa pansé-a, Pitit moun nan ap vini ».

Piè minm di-l : « Granmèt, èské sé pou nou ou-ap di parabòl sa-a, oubyin si sé pou tout moun ? »

Granmèt la di : « Kilès intandan ki fidèl, ki gin ladrès, mèt li mété rèsponsab moun lakay li, pou-l ba yo pòsion manjé yo, lè tan-an rivé ? Ala kontantman pou sèvitè sa-a, si lè mèt la rivé, li jouinn li nan travay li. Réyèlman vré mouin di nou l-ap mété-l rèsponsab tou sa-l posédé ».

Paròl Granmèt la.

16

Bondié, pitié pou mouin péchè.

✠ Léktu sint Évanjil la dapré Luk

18, 9-14

Lè sa-a :

Jézu di parabòl sa-a pou kèk moun ki té mét konfians nan pròp tèt yo kòm si yo té kòrèk, épi ki t-ap méprizé lòt yo : « Dé mésié té monté nan Tanp la pou yo priyé ; youn té Farizyin, épi lòt la té piblikin.

Farizyin-an kanpé la, l-ap priyé nan kè-l : “Bondié, mouin rémèsié-ou, paské mouin pa tankou lòt moun yo, yo vòlè, yo injis, yo adiltè, oubyin tankou piblikin sa-a. Mouin fè jèn dé foua nan sémèn nan, mouin bay dizièm pati nan tou sa-m ginyin”. Piblikin-an minm kanpé louin, li pa-t vlé lévé jé-l nan sièl la, min l-ap frapé pouatri-n li, li di : “Bondié, pitié pou mouin péchè”.

Mouin di nou : li minm li désann an-règ lakay li plis pasé lòt la ; paské tout moun k-ap lévé tèt li, y-ap rabésé-l, moun ki rabésé tèt li, y-ap lévé-l anlè ».

Paròl Granmèt la.

17

*Sa-a, sé volonté Papa-a,
pou tou sa-l ban mouin, mouin pa pèdi yo.*

✠ Léktu sint Évanjil la dapré Jan

6, 35-40

Lè sa-a : Jézu di foul yo :

« Mouin minm mouin sé pin lavi-a ; moun ki vi-n jouinn mouin pap grangou, moun ki kouè nan mouin pap janm souaf. Min mouin té di nou, nou ouè-m, épi nou pa kouè. Tou sa Papa-a ban mouin, l-ap vi-n jouinn mouin ; moun ki vi-n jouinn mouin, mouin pap jété-l déyò ; paské mouin pa désann sot nan sièl la pou-m fè volonté pa-m, min volonté sa-a ki voyé-m nan.

Min volonté sa-a ki voyé-m nan, Papa-a, sèké tou sa-l ban mouin, pou-m pa pèdi anyin nan yo, min pou-m fè-l résisité nan dènié jou-a. Sa-a sé volonté Papa-m nan ki voyé-m nan, pou tout moun ki ouè Pitit la, épi ki kouè nan li, jouinn lavi tout tan-an ; mouin minm m-ap fè-l résisité nan dènié jou-a ».

Paròl Grammèt la.

18

Moun ki manjé pin sa-a l-ap viv pou tout tan.

✠ **Léktu sint Évanjil la dapré Jan**

6, 53-58

Lè sa-a : Jézu di foul yo :

« Amèn, amèn mouin di nou, si nou pa manjé chè Pitit moun nan, si nou pa bouè san-l, nou pap gin lavi nan nou. Moun ki manjé chè-m, ki bouè san-m, li gin lavi ki pap janm fini-an : mouin minm m-ap résisité-l nan dènié jou-a.

Kò-m sé yon manjé tout bon vré, san-m sé yon bouason tout bon vré. Moun ki manjé chè-m, ki bouè san-m, li rét nan mouin, mouin minm nan li.

Minm jan Papa-a ki vivan-an voyé-m nan, épi mouin viv akoz Papa-a ; konsa tou moun ki manjé-m, l-ap viv akoz mouin tou. Sa-a sé pin-an ki désann sot nan sièl la. Sé pa tankou zansèt nou yo ki té manjé ma-n nan, épi ki té mouri yo. Moun ki manjé pin sa-a l-ap viv pou tout tan ».

Paròl Grammèt la.

19

Li pa fè péché, min sé pou travay Bondié kapab parèt klè nan li.

✠ **Léktu sint Évanjil la dapré Jan**

9, 1-7

Lè sa-a ;

Pandan Jézu ap pasé, li ouè yon moun ki avèg dépi-l té fèt.

Disip li yo pozé-l késion : « Rabi, kilès ki fè péché, sa-a oubyin paran-l yo, pou-l fèt tou avèg la ? »

Jézu réponn : « Ni li minm li pa fè péché, ni paran-l yo ; min sé pou travay Bondié kapab parèt klè nan li. Mouin gin pou-m réalisé travay sa-a ki voyé-m nan, toutotan li jou ; lannuit la ap rivé, koté pèsòn pa kapab travay, toutotan mouin sou tè-a, mouin sé limiè tè-a ».

Kon-l fi-n di sa, li kraché atè-a, li fè labou ak saliv la, li pasé labou-a sou jé-l, li di-l : « Alé, lavé kò-ou, nan basin Siloé-a », sa vlé di « Sa-a yo voyé-a ». Konsa, l-alé, li lavé kò-l, li tounin antan-l ouè.

Paròl Granmèt la.

20

Bon gadyin-an bay lavi-l pou mouton-l yo.

✠ Léktu sint Évanjil la dapré Jan

10, 11-18

Lè sa-a :

Jézu di : « Mouin sé bon gadyin-an. Bon gadyin-an bay lavi-l pou mouton-l yo. Min anplouayé-a ak sa-a ki pa gadyin-an, sa mouton yo pa pou li-a, lè-l ouè lou-a ap vini, li kité mouton yo, li sovè kò-l, lou-a minm dévoré mouton yo, li gayé yo. Min anplouayé-a minm sovè konsa-a, sé paské sé anplouayé li yé épi li pa okipé mouton yo.

Mouin minm mouin sé bon gadyin-an, mouin konnin sa-k pou mouin yo, sa-k pou mouin yo konnin-m tou. Jan Papa-a konnin-m nan mouin minm tou mouin konnin Papa-a ; épi mouin bay lavi-m pou mouton-m yo.

Min gin dèt mouton, ki pa nan patiraj sa-a, yo minm tou mouin gin pou-m minnin yo, y-ap kouté voua-m, ap vi-n gin yon sèl patiraj ak yon sèl gadyin.

Sé poua Papa-a rinmin-m nan, paské mouin dépozé nanm mouin, pou-m pran-l yon lòt foua ankò. Pèsòn pa pran-l sot nan min-m, min mouin dépozé-l ak pròp fòs mouin épi mouin gin pouvoua pran-l yon lòt foua ankò : sé kòmandman sa-a mouin té résévoua nan min Papa-m ».

Paròl Granmèt la.

2. ANTAN Y-AP BAY VIATIK LA

LÉKTU NAN ANSYIN TÉSTAMAN-AN

1

*Li maché ak fòs manjé sa-a
jous nan mòn Bondié-a.*

Léktu prémié liv Roua yo

19, 4-8

Jou sa yo :

Éli maché nan dézè-a pandan yon jou.

Li rivé anba yon ti pié jénèv, li chita, li mandé lanmò, li di : « Sa kont mouin, Granmèt ! Ou mèt pran lavi-m ; sèké mouin pa pi bon pasé papa mouin yo ». Li lagé kò-l atè, li dòmni anba pié jénèv la.

Min yon Anj Granmèt la ki touché-l, li di-l : « Lévé, manjé ».

Li gadé, li ouè yon pin ki té kuit nan sann ki pozé bò tèt li ak yon véso dlo ; li manjé, li bouè, épi li dòmni ankò.

Anj Granmèt la rétownin koté-l yon dézièm foua, li touché-l, li di-l : « Lévé, manjé, gin yon gran rout ki rété-ou ankò ».

Li lévé, li manjé, li bouè, li maché ak fòs manjé sa-a pandan karant jou ak karant nuit, jours nan mòn Bondié-a, Orèb.

Paròl Granmèt la.

2

Mouin konnin Rédanmtè-m nan, li vivan.

Léktu liv Jòb

19, 23-27 a

Jòb di :

« Ki moun ki t-a fè-m favè pou yo ékri paròl mouin yo ? Ki moun ki t-a ban-m posibilite pou yo gravé nan liv avèk yon kréyon fè, avèk yon lam an plon oubyin sizo afoua, pou yo t-a maké nan ròch ki di-a ? Mouin konnin réyèlman Rédanmtè-m nan, li vivan, nan dènié jou-a m-ap lévé sot anba tè-a. M-ap vlopé ak po-m ankò, épi nan chè-m m-ap ouè Bondié-m nan. Sa-a m-ap ouè mouin minm nan, sé ak jé-m m-ap gadé-l, sé pa yon lòt ».

Paròl Granmèt la.

LÉKTU NAN NOUVO TÉSTAMAN-AN

1

*Yon sèl pin, yon sèl kò ;
sé sa nou minm ki anpil la nou fè.*

Léktu prémié lèt apot sin Pòl pou Korintyin yo **10, 16-17**

Frè-m yo :

Kalis bénédiksyon-an n-ap béni-an, èské sé pa san Kris la n-ap kòminié ladan-l nan ? Épi, pin-an n-ap kasé-a, èské sé pa kò Granmèt la n-ap patisipé ladan-l nan ?

Kòm sé yon sèl pin, nou minm ki anpil la, nou fè yon sèl kò, nou tout ki patisipé nan yon sèl pin-an.

Paròl Granmèt la.

2

*Chak fousa n-ap manjé pin sa-a, n-ap bouè kalis sa-a,
sé lanmò Granmèt la n-ap anonsé.*

Léktu prémié lèt apot sin Pòl pou Korintyin yo **11, 23-26**

Frè-m yo :

Mouin té résévoua nan min Granmèt la sa-m té transmèt nou-an, sèké Granmèt Jézu, nannuit yo té rinmèt li-a, li pran pin, épi antan li rann gras, li kasé-l, li di : « Pran, manjé : sa-a sé kò mouin, sa yo rinmèt pou nou-an ; fè sa pou fè sonjé mouin ».

Minm jan, apré li fi-n manjé, li pran kalis la tou, li di : « Kalis sa-a sé nouvo alians la nan san mouin ; fè sa, chak fousa n-ap bouè, pou nou fè sonjé-m ».

Chak fousa réyèlman n-ap manjé pin sa-a, n-ap bouè kalis sa-a, sé lanmò Granmèt la n-ap anonsé, joutan li vini.

Paròl Granmèt la.

3

M-ap soupé avèk li, épi li minm avèk mouin.

Léktu liv Apokalips apot sin Jan

3, 14 b. 20-22

Min déklarasion Amèn nan, témouin ki fidèl la, ki vré-a, li minm ki kòmansman tou sa Bondié kréyé-a : « Min mouin kanpé nan pòt la, m-ap frapé : si yon moun tandé voua-m, li louvri pòt la ban mouin, m-ap antré koté-l, m-ap soupé avèk li, li minm avèk mouin.

Moun ki ranpòté viktoua-a, m-ap ba-l posibilité pou-l chita avèk mouin sou tro-n mouin-an, minm jan mouin minm mouin té ranpòté viktoua-a épi mouin chita avèk Papa-m sou tro-n li-a.

Moun ki gin zòrèy, sé pou-l tandé sa Éspri-a di Égliz yo ».

Paròl Granmèt la.

4

Vini, Granmèt Jézu !

Léktu liv Apokalips apot sin Jan

22, 17. 20-21

Éspri-a avèk Madanm k-ap marié-a di : « Vini ». Sa-a ki tandé-a, sé pou-l di : « Vini ». Moun ki souaf, sé pou-l vini. Moun ki vlé, l-ap résévoua dlo lavi-a gratis.

Sa-a ki sèvi bagay sa yo témouin-an, li di : « Oui, m-ap vini byin vit ».

Amèn. Vini, Granmèt Jézu !

Gras Granmèt Jézu avèk nou tout.

Paròl Granmèt la.

PSÒM RÉPONS YO

1

PSÒM RÉPONS

Ps 22, 1-3. 4. 5. 6 (R̥ : 4 ab oubyin 1)

R̥ Minm si m-ap maché nan bafon lonbraj lanmò,
mouin pap pè malè, paské ou avèk mouin.

oubyin :

R̥ Granmèt la ap souin-m, mouin pap manké anyin.

1 Granmèt la ap kondui-m, anyin pap manké-m ;

2 nan zèb vèt li instalé-m,

sou bò dlo trankil li minnin-m,

3 li réfè nanm mouin.

Li kondui-m nan santié jistis poutèt non-l. R̥

4 Sèké minm si m-ap maché nan bafon lonbraj lanmò,
mouin pap pè malè, paské ou avèk mouin.

Baton-ou ak bagèt ou sé yo k-ap konsolé-m. R̥

5 Ou paré yon tab dévan fas mouin
kont sa yo k-ap fè-m pasé tribilasyon-an ;
ou souin tèt mouin ak losion,

kalis mouin ap débòdé. R̥

6 Réyèlman sé bon kè ak mizèrikòd k-ap rapousuiv mouin
tout tan lavi-m,

m-ap abité nan kay Granmèt la

pou tout longè tan yo. R̥

2

PSÒM RÉPONS

Ps 33, 2-3. 4-5. 6-7. 10-11 (R̥ : 9 a)

R̥ Gouté, n-a ouè kijan Granmèt la bon.

2 M-ap fè konpliman pou Granmèt la tout tan,
tout tan louanj li nan bouch mouin.

3 Nan Granmèt la nanm mouin ap jouinn konsidèrasion-l,
sé pou pòv yo tandé, pou yo kontan. R̥

4 Fè louanj Granmèt la avèk mouin,
sé pou nou lévé non-l anlè ansanm.

- 5 Mouin chèché Granmèt la, li réponn mouin ;
 anba tou sa k-ap fè-m pè, li délivré-m. R:
- 6 Gadé nan diréksion-l, n-ap kléré,
 fas nou pap ront.
- 7 Pòv sa-a rélé, Granmèt la kouté-l,
 anba tout tribilasyon li li sové-l. R:
- 10 Krinn Granmèt la, nou minm sin-l yo,
 paské pa gin grangou pou moun ki krinn li yo.
- 11 Rich yo nan bézouin, yo grangou,
 min sa k-ap chèché Granmèt la yo pap manké okinn byin. R:

3

PSÒM RÉPONS

Ps 41, 2. 3. 5 bcd ; Ps 42, 3. 4. 5 (R: Ps 41, 3)

- R: Nanm mouin souaf Bondié vivan-an ;
 kilè m-apral parèt dévan fas Bondié ?
- 2 Tankou yon sèrf anvi al nan sous dlo yo,
 konsa nanm mouin anvi al koté-ou, Bondié. R:
- 3 Nanm mouin souaf Bondié, Bondié vivan-an ;
 kilè m-apral parèt dévan fas Bondié ? R:
- 5 Sèké mouin té konn travèsé al kot tant éstraòdinè-a,
 jous nan kay Bondié-a,
 nan chanté fèt avèk louanj,
 fèt foul la k-ap fè louanj la. R:
- 3 Voyé limiè-ou la ak vérité-ou la, pou yo kondui-m,
 pou yo minnin-m sou mòn ou-a ki sin-an, ak nan tant ou-a. R:
- 4 M-ap antré kot lotèl Bondié-a,
 kot Bondié kè kontan mouin-an.
 M-ap fè louanj ou sou gita, Bondié, Bondié-m. R:
- 5 Pouki ou chagrin-an, nanm mouin,
 épi poukisa ou-ap troublé anndan-m nan ?
 Éspéré nan Bondié, paské m-ap fè louanj li ankò
 salu fas mouin ak Bondié-m. R:

4

PSÒM RÉPONS Ps 115, 12-13. 15 é 16 bc. 17-18 (R: Ps 114, 9 oubyin Ps 115, 13)

R: M-ap maché dévan Granmèt la nan réjion vivan yo.

oubyin :

R: M-ap pran kalis k-ap sové nou-an, m-ap rélé non Granmèt la.

oubyin : Alélouya.

- 12 Ki sa pou-m rinnèt Granmèt la
pou tou sa-l fè pou mouin ?
- 13 M-ap pran kalis k-ap sové nou-an,
m-ap rélé non Granmèt la. R:
- 15 Li gin valè dévan jé Granmèt la
lanmò sin-l yo.
- 16 Mouin sé sèvitè-ou ak pitit sèvant ou.
Ou kasé chinn mouin yo. R:
- 17 M-ap sakrifé sakrifis louanj ba ou,
m-ap rélé non Granmèt la.
- 18 M-ap rinnèt Granmèt la sa-m té promèt yo,
dévan tout pèp la. R:

5

PSÒM RÉPONS

Ps 144, 10-11. 15-16. 17-18 (R: 18)

- R: Granmèt la tou pré moun k-ap rélé-l yo
- 10 Tou sa ou fè yo, Granmèt, y-ap fè louanj ou ;
sin-ou yo ap fè konpliman pou ou.
- 14 Granmèt la soulajé tout moun ki tonbé,
li drésé tout moun ki fébli. R:
- 15 Jé yo tout ap éspéré sou ou,
ou minm ou ba yo manjé lè tan-an rivé.
- 16 Ou louvri min-ou,
ou plin tout vivan ak byin. R:
- 17 Granmèt la kòrèk nan tout chémin-l yo,
li sin nan tout aksion li yo.
- 18 Granmèt la tou pré moun k-ap rélé-l yo,
tout moun yo k-ap rélé-l nan vérité-a. R:

ALÉLOUYA AK VÈSÈ ANVAN ÉVANJIL LA

1

Jan 6, 51

(R: Alélouya). Mouin sé pin vivan-an, ki désan sot nan sièl la,
sé sa Granmèt la di ;
si yon moun manjé nan pin sa-a, l-ap viv pou tout tan. (R: Alélouya).

2

Jan 6, 54

(R: Alélouya). Moun ki manjé chè-m, ki bouè san-m,
li gin lavi ki pap janm fini-an, sé sa Granmèt la di ;
mouin minm m-ap résisité-l nan dènié jou-a. (R: Alélouya).

3

Jan 10, 9

(R: Alélouya). Mouin sé pòt la, sé sa Granmèt la di ;
si yon moun antré pa lantrémiz mouin, l-ap sovè,
l-ap jouinn manjé. (R: Alélouya).

4

Jan 11, 25 ; 14, 6

(R: Alélouya). Mouin sé réziréksion-an ak lavi-a, sé sa Granmèt la di ;
pèsòn pa vi-n kot Papa-a, sof si-l pasè pa lintèmédiè-m. (R:
Alélouya).

ÉVANJIL YO

1

Mouin sé pin vivan-an, ki désann sot nan sièl la.

✠ Léktu sint Évanjil la dapré Jan

6, 41-51

Lè sa-a :

Juif yo t-ap plinyin osijè Jézu, paské li té di : « Mouin sé pin vivan-an, ki désann sot nan sièl la ». Yo t-ap di : « Èské sa-a sé pa Jézu, pitit Jozèf la, sa nou rékonèt papa-l ak manman-l nan ? Kijan sa-a kapab di : “Sé nan sièl mouin désann sòti-a ?” »

Jézu réponn, li di yo : « Pa plinyin antré nou. Pèsòn pa kapab vi-n jouinn mouin, si Papa-a, ki voyé-m nan, pa atiré-l ; épi mouin minm m-ap résisité-l nan dènié jou-a. Min sa ki ékri nan profèt yo : “Yo tout ap jouinn ansègnman nan min Bondié”. Tout moun ki kouté sa Papa-a ap di, épi ki kité-l anségné yo, l-ap vi-n jouinn mouin. Pèsòn pa janm ouè Papa-a, sof sa-a ki sot nan Bondié-a, sé li minm ki ouè Papa-a. Amèn, amèn mouin di nou, moun ki kouè nan mouin, li gin lavi tout tan-an.

Mouin sé pin lavi-a. Papa nou yo té manjé lama-n nan dézè-a, épi yo mouri. Sa-a sé pin ki désann sot nan sièl la, pou, si yon moun manjé ladan-l, li pa mouri. Mouin sé pin vivan-an ki désann sot nan sièl la. Si yon moun manjé nan pin sa-a, l-ap viv tout tan, épi pin-an m-ap bay la, sé chè-m pou lavi tè-a ».

Paròl Granmèt la.

2

*Moun ki manjé chè-m, li gin lavi ki pap janm fini-an ;
mouin minm m-ap résisité-l nan dènié jou-a.*

✠ Léktu sint Évanjil la dapré Jan

6, 51-58

Lè sa-a :

Jézu té di foud Juif yo :

« Mouin sé pin vivan-an, ki désann sot nan sièl la. Si yon moun manjé nan pin sa-a, l-ap viv pou tout tan. Pin-an m-ap bay la, sé chè-m pou lavi tè-a ».

Juif yo minm t-ap diskité antré yo, yo t-ap di : « Kijan sa-a kapab ba nou chè-l pou nou manjé ? »

Jézu minm di yo : « Amèn, amèn mouin di nou : si nou pa manjé chè Pitit moun nan, si nou pa bouè san-l, nou pap gin lavi nan nou. Moun ki manjé chè-m, ki bouè san-m, li gin lavi ki pap janm fini-an ; mouin minm m-ap résisité-l nan dènié jou-a.

Chè-m sé manjé tout bon vré-a, san-m sé bouason tout bon vré-a. Moun ki manjé chè-m, ki bouè san-m, li rét nan mouin, mouin minm nan li.

Minm jan Papa-a ki vivan-an voyé-m nan, épi mouin viv akòz Papa-a ; konsa tou moun ki manjé-m, l-ap viv akòz mouin tou ».

Paròl Granmèt la.

VI. NAN SÉLÉBRASION MARIAJ

LÉKTU NAN ANSYIN TĒSTAMAN-AN

1

Gason ak fi li kréyé yo.

Léktu liv Jénèz la

1, 26-28. 31 a

Bondié di : « An nou fè moun nan sou pòtré nou avèk résanblans nou ; sé pou-l kòmandé sou pouason lanmè yo ak zouazo sièl yo ak tout bèt tè-a ak tou sa k-ap glisé atè-a, ki gin mouvman sou tè-a ».

Bondié kréyé moun nan sou pòtré-l ; sou pòtré Bondié li kréyé-l, gason ak fi li kréyé yo.

Bondié béni yo, li di : « Dévlo pé, vi-n anpil, plin tè-a, mété-l anba lòd nou ; sé pou nou kòmandé sou pouason lanmè-a ak zouazo sièl la ak tout bèt vivan, ki gin mouvman sou tè-a ».

Bondié ouè tou sa-l té fè yo, yo té bon anpil.

Paròl Granmèt la.

2

Y-ap dé nan yon sèl chè.

Léktu liv Jénèz la

2, 18-24

Granmèt Bondié di :

« Li pa bon pou moun nan sèl pou kont li ; an nou fè yon èd pou li ki sanblé ak li ».

Konsa, Granmèt Bondié pran labou, li fòmé tout bèt tè-a ak tout zouazo sièl la, li minnin yo bay Adan, pou-l ouè kijan li t-ap rélé yo ; tou sa Adan rélé nan bèt vivan yo, sé non-l sa. Adan bay tout bèt vivan yo non yo, ni tout zouazo sièl la, ni tout bèt tè-a. Sèlman Adan pa-t jouinn yon èd ki sanblé akli.

Sé poua Granmèt Bondié voyé yon gro dòmi lou nan Adan ; pandan l-ap dòmi, li pran youn nan kot li yo, épi li mété chè nan plas la. Ak kot la li té pran nan Adan-an, Granmèt Bondié fòmé yon madanm, li minnin-l bay Adan.

Adan di : « Sa-a koulié-a sé zo ki soti nan zo-m yo, sé chè ki soti nan chè-m : y-ap rélé sa-a madanm, paské sé nan mésié-a yo té pran-l. Sé poua mésié-a ap kité papa-l ak manman-l épi l-ap kolé kò-I kot madanm li, épi yo toulédé ap yon sèl chè ».

Paròl Granmèt la.

3

*Izaak sitèlman rinmin Rébéka,
li jouinn konsolasion nan soufrans lanmò manman-l nan.*

Léktu liv Jénèz la

24, 48-51. 58-67

Jou sa yo :

Sèvitè Abraam nan di Laban : « Mouin fè konpliman pou Granmèt Bondié mèl mouin Abraam, li minm ki kondui-m nan chémin douat, pou-m pran pitit fi frè mèl mouin pou pitit gason-l nan. Sé poua si nou fè mizérikòd ak vérité avèk mèl mouin, montré-m sa ; min si sé dèt bagay nou gin lidé fè, di-m sa, pou-m al adouat oubyin agoch ».

Laban ak Batuèl réponn : « Sé nan Granmèt la paròl la sòti ; nou pa kapab palé dèt bagay avèk ou andéyò sa-k fè-l plézi. Min Rébéka, li dévan-ou ; pran-l épi pati ; sé pou-l vi-n tounin sè pitit mèl ou-a, jan Granmèt la palé-a ».

Lè yo rélé-l, li vini, yo mandé-l : « Èské-ou vlé alé avèk mésié sa-a ? »

Li di : « M-apralé ».

Konsa yo kité-l pati avèk nouris li-a, ni sèvitè Abraam nan ak moun yo ki té akonpagné-l la, yo souété siksè pou sè yo-a, yo di : « Sé sè nou ou yé, sé pou-ou dévlopé vi-n mil milié, sé pou ras ou-a posédé pòt ènmi-l yo ». Konsa Rébéka ak sèvant li yo, yo monté sou chamo yo, yo suiv mésié-a, li minm li fè vit li tounin al kay mèl li.

Pandan tan sa-a minm Izaak t-ap pronmynnin sou rout ki minninn bò pui-a, sa yo rélé « Pui Sa-a ki Vivan-an épi ki ouè-a » ; sèké li té abité nan péyi nan sid la. Li té soti, li t-al médité nan jadin-an, pandan jou-a té déja ap bésé. Pandan l-ap lévé jé-l, li ouè chamo yo k-ap vini byin louin.

Rébéka li minm tou, lè-l ouè Izaak, li désann sot sou chamo-a, li di ti gason-an : « Kilès mésié sa-a, k-ap vi-n rankontré nou-an nan jadin-an ? »

Li di-l : « Sé mèt mouin-an ». Li minm, li pran voual li, minm lè-a, li kouvri kò-l. Sèvitè-a minm, tou sa-l té réglé yo, li rakonté yo bay Izaak. Li minm li fè Rébéka antré nan tant Sara, manman-l nan, li résévoua-l kòm madanm li ; li tèlman rinmin-l, doulè-a ki té rivé poutèt lanmò manman-l nan, sa kalmé-l.

Paròl Granmèt la.

4

*Sé pou Granmèt sièl la byin réglé pou nou, pitit,
sé pou-l fè mizérikòd ak lapè.*

Léktu liv Tobi

7, 6-14

Jou sa yo :

Ragouèl anbrasé-l antan l-ap kriyé, li di : « Sé pou bénédikcion-an avèk ou, pitit yon bon papa, pi bon papa ki ginyin. Ala malchans malè yo. Li vi-n avèg, mésié sa-a ki kòrèk la, ki fè charité-a ! ». Li lagé kò-l nan kou Tobi, pitit frè-l la antan l-ap kriyé.

Édna, madanm li, kriyé tou sou li. Sara pitit fi yo-a kriyé li minm tou. Li touyé yon bouk nan bèt yo t-ap gadé yo, li résévoua yo ak bon kè. Apré yo fi-n lavé kò yo épi yo fi-n nétouayé yo, yo lonjé kò yo pou yo manjé. Tobi di Rafayèl : « Frè Azarias, di Ragouèl pou-l ban-m Sara sèm nan ». Ragouèl tandé paròl sa-a, li di pitit la : « Manjé, bouè, fè kè-ou kontan nan nuit sa-a. Pa gin pèsòn réyèlman, ki kapab résévoua Sara pitit fi-m nan sof ou minm, frè-m. Minm jan tou mouin pa gin doua bay okinn gason-l sof ou minm, paské sé ou minm ki pi pròch paran-m. Sé vérité mouin di-ou la-a pitit. Mouin té rinmèt li bay sèt frè nou yo, yo tout mouri nan nuit la, lè yo t-apral antré koté-l. Koulié-a minm, manjé, bouè, Granmèt la ap fè nan nou ». Tobi minm di : « Isit la mouin pap manjé, ni mouin pap bouè, joutan sa-k konsènè-m yo, ou asiré yo ». Ragouèl di-l : « M-ap fè yo rinmèt li ba ou dapré jijman liv Moyiz la, épi sé nan sièl la yo jijé sé pou yo ba ou li. Kondui sè-ou la. Apati koulié-a ou sé frè-l, épi li minm li sé sè-ou. Yo ba ou li apati jodi-a pou tout tan. Sé pou Granmèt sièl la byin réglé pou nou, pitit, nan nuit sa-a, sé pou-l fè mizérikòd ak lapè ».

Ragouèl fè pitit fi-l la Sara vini, li rivé koté-l. Antan-l pran min-l, li rinmèt li ba li, li di : « Kondui dapré laloua-a ak jijman-an, ki ékri nan liv

Moyiz la pou yo ba ou-l kòm madanm. Pran-l, kondui-l ak kay papa-ou an santé. Sé pou Bondié sièl la fè nou favè yon bon vouyaj ak lapè ».

Li rélé manman-l, li pasé lòd pou yo poté yon papié, pou-l kouché kontra mariaj la, kijan li rinmèt li kòm madanm ba li dapré jijman laloua Moyiz la. Manman-l poté papié-a, li minm li ékri, li signin.

Dépi lè sa-a yo kòmansé manjé ak bouè.

Paròl Granmèt la.

5

Sé pou nou toulédé, nou viv vié, an santé.

Léktu liv Tobi

8, 4 b-8

Nan asouè nòs yo, Tobi di Sara : « Lévé, sè-m nan ! An nou priyé, an nou mandé Granmèt nou-an pou-l fè mizérikòd ak santé sou nou ».

Li lévé. Yo kòmansé priyé épi mandé Granmèt la pou-l ba yo santé. Yo kòmansé di : « Konpliman pou ou, Granmèt, Bondié papa nou yo, konpliman pou non-ou nan tout sièk sièk yo ! Sé pou sièl yo ak tout kréatu-ou fè konpliman pou ou nan tout sièk tan yo !

Sé ou minm ki té fè Adan épi ou té ba li yon èd asiré, Èv, épi apati yo dé-a ras lèzòm vi-n fèt. Ou té di li pa bon pou moun-nan pou kont li : “An nou fè yon èd pou li ki sanblé avèk li”.

Koulié-a minm, sé pa pou plézi mouin résévoua sè-m sa-a min sé nan vérité. Pasé lòd, pou-ou pran pitié pou mouin ak pou li, épi pou nou viéyi ansanm an santé ».

Yo di : « Amèn, amèn ! ».

Paròl Granmèt la.

6

Rinmin-an fò tankou lanmò.

Léktu liv Kantik dè Kantik

2, 8-10. 14. 16 a ; 8, 6-7 a

Voua rinmin-m nan : min l-ap vini, l-ap vòltijé sou mòn yo, l-ap soté sou ti rotè yo. Rinmin-m nan tankou yon kabrit, yon pitit mouton. Min li, li kanpé déyò miray nou-an, l-ap gadé nan fénèt yo, l-ap obsèvé nan pèsien yo.

Min rinmin-m nan ap palé avèk mouin : « Lévé, fè vit, zanmi-m, toutrèl mouin, bèlté-m, vini, toutrèl mouin, nan fant ròch la, nan trou falèz la. Montré-m fas ou, voua-ou sonnin nan zòrèy mouin, voua-ou dous, figi-ou bèl ».

Rinmin-m nan pou mouin, épi mouin minm mouin pou li.

Li minm ki di-m : « Pozé-m tankou yon so sou kè-ou, tankou yon so sou bra-ou, paské rinmin-an fò tankou lanmò, jalouzi-a rèd tankou bafon anba tè-a ; chalè-l tankou chalè difé ak flanm.

Dlo yo ki gonflé yo, yo pa kapab étinn rinmin-an, ni gran riviè yo pa kapab nouayé-l ».

Paròl Granmèt la.

7

*Tankou solèy k-ap lévé,
konsa bèlté bon madanm dékoré lakay li.*

Léktu liv Sirasid

26, 1-4. 16-21

Yon bon madanm, ala kontantman pou yon mésié ! Kantité ané pou-l viv yo ap doublé. Yon madanm ki gin kouraj, li fè kè mari-l kontan, li konblé lavi mari-l ak lapè.

Yon bon madanm, sé yon bon pòsion Bondié ap bay yon mésié ki sèvi-l byin ; ni pou rich, ni pou pòv, sé kè kontan, tout tan figi yo kontan.

Gras yon madanm ki gin bon karaktè, sa fè mari-l kontan, zo-l ap vi-n gra. Disipli-n li, sé yon kado Bondié li yé ; yon madanm ki gin bon sans, ki fè silans, yo pa kapab chanjé-l ak moun ki gin sians.

Yon madanm ki sin, ki konn kinbé kò-l byin, sé gras sou gras. Nan pouin valè ki pou konparé ak yon nanm ki byin réglé.

Minm jan solèy k-ap lévé sou tè-a mété bèlté nan roté Bondié yo, sé konsa aspè yon bon madanm nan dékoration kay li.

Paròl Granmèt la.

8

M-ap pasé yon aliens nouvo ak kay Israèl la ak kay Juda-a

Léktu liv profèt Jérèmi

31, 31-32 a. 33-34 a

« Min jou k-ap rivé, sé sa Granmèt la di, m-ap pasé yon aliens nouvo avèk kay Israèl la, avèk kay Juda-a ; sé pa tankou aliens la mouin té pasé avèk papa yo-a, jou mouin té pran min yo-a, pou-m kondui yo sot nan péyi Èjip la.

Min sé sa-a aliens la m-ap pasé avèk kay Israèl la apré jou sa yo, sé sa Granmèt la di : M-ap mété laloua-m nan zantray yo, m-ap ékri-l nan kè yo, m-ap Bondié yo, y-ap pèp mouin.

Pèsonn pap anségné prochin-l ak frè-l ankò, antan l-ap di : “Sé pou-ou konnin Granmèt la” ; sèké tout moun ap konnin-m, dépi pi piti nan yo jous nan pi gran-an, sé sa Granmèt la di ».

Paròl Granmèt la.

LÉKTU NAN NOUVO TĚSTAMAN-AN

1

Kilès ki kapab séparé nou sot nan rinmin rinmin Jézu-Kri-a ?

Léktu lèt apot sin Pòl pou Romin yo

8, 31 b-35. 37-39

Frè-m yo :

Si Bondié pou nou, kilès k-ap kont nou ? Li minm ki pa ménajé pròp Pitit li-a, min ki rinmèt li pou nou tout, kòman li pa t-ap ba nou tout bagay avèk li ?

Kilès k-ap fè akizasion kont sa yo Bondié chouazi yo ? Èské sé Bondié, li ki fè nou vi-n kòrèk la ? Kilès k-ap kondané nou ? Èské sé Kris Jézu, li minm ki mouri, pi plis ki lévé vivan, ki adouat Bondié, k-ap pran défans nou-an ?

Kilès ki kapab séparé nou sot nan rinmin Kris la ? tribilasion, oubyin kè séré, oubyin grangou, oubyin manké rad, oubyin danjé, oubyin pèsékision, oubyin épé ? Min nan tout bagay sa yo, nou sipoté poutèt sa-a ki rinmin nou-an.

Mouin sètin réyèlman ni lanmò, ni lavi, ni anj, ni chèf, ni puisans, ni tan sa-a ni sa k-ap vini-an,-ni fòs, ni rotè, ni profondè, okinn kréatu pa

kapab séparé nou sot nan rinmin Bondié-a, ki nan Kris Jézu Granmèt nou-an.

Paròl Granmèt la.

2

Prézanté kò nou tankou sakrifis vivan ki fè Bondié plézi

Léktu lèt apot sin Pòl pou Romin yo

12, 1-2. 9-18

Mouin mandé nou avèk anpil pèsistans, frè-m yo, pa pouvoua mizérikòd Bondié-a, pou nou ofri kò nou tankou sakrifis ki vivan, ki sin, ki fè Bondié plézi, dévoua nou ki rézonab. Pa pran modèl sou sièk sa-a, min sé pou nou rékòmansé fòmé mantalité nou nan sa ki nouvo, pou nou chèché konnin byin ki sa ki volonté Bondié, ki bon, ki fè-l plézi, ki kòrèk nèt.

Rinmin-an pa nan fè sanblan, sé pou nou rayi sa-k mal, sé pou nou kolé kò nou sou sa-k bon, sé pou nou youn rinmin lòt tankou frè, sé pou nou youn bay lòt konsidérasion, sé pou nou gin dévouman san nou pa fè régadan, sé pou nou cho nan Éspri-a, antan n-ap rann sèvis pou Granmèt la, sé pou nou kontan nan éspérans la, sé pou nou gin pasians nan tribilasion-an, sé pou nou pèsévéré nan priyè-a, sé pou nou patisipé nan bézouin sin yo, sé pou nou résévoua étranjé.

Sé pou nou béni moun k-ap pèsékité nou yo : sé pou nou béni yo, sé pa pou nou ba yo madichon.

Sé pou nou kontan avèk moun ki kontan yo, sé pou kriyé avèk moun k-ap kriyé yo, sé pou nou gin yon sèl kè antré nou, pa chèché bagay ki ro, min sé nan bagay ki ba pou nou mété kè nou ansanm.

Pa réglé konpòtman nou sou pròp lidé nou ; pa rinmèt mal pou mal, chèché sa ki byin pa sèlman dévan Bondié min dévan tout moun tou. Si gin posibilite, fè sa nou kapab pou nou gin lapè avèk tout moun.

Paròl Granmèt la.

oubyin pi kout

Léktu lèt apot sin Pòl pou Romin yo

12, 1-2. 9-13

Mouin mandé nou avèk anpil pèsistans, frè-m yo, pa pouvoua mizérikòd Bondié-a, pou nou ofri kò nou tankou sakrifis ki vivan, ki sin, ki fè Bondié plézi, dévoua nou ki rézonab. Pa pran modèl sou sièk sa-a, min sé pou nou rékòmansé fòmé mantalité nou nan sa ki nouvo, pou nou chèché konnin byin ki sa ki volonté Bondié, ki bon, ki fè-l plézi, ki kòrèk nè.

Rinmin-an pa nan fè sanblan, sé pou nou rayi sa-k mal, sé pou nou kolé kò nou sou sa-k bon, sé pou nou youn rinmin lòt tankou frè, sé pou nou youn bay lòt konsidérasion, sé pou nou gin dévouman san nou pa fè régadan, sé pou nou cho nan éspri-a, antan n-ap rann sèvis pou Granmèt la, sé pou nou kontan nan éspérans la, sé pou nou gin pasians nan tribilasion-an, sé pou nou pèsévéré nan priyè-a, sé pou nou patisipé nan bézouin sin yo, sé pou nou résévoua étranjé.

Paròl Granmèt la.

3

Manm ou yo, sé tanp Éspri Sin-an yo yé.

Léktu prémié lèt apot sin Pòl pou Korintyin yo

6,13 c-15 a. 17-20

Frè-m yo :

Kò-a pa fèt pou fònikasion, min pou Granmèt la, épi Granmèt la pou kò-a. Bondié résisité Granmèt la, l-ap résisité nou pa pouvoua-l. Èské nou pa konnin kò nou sé manb Kris la ?

Moun ki kolé kò-l sou Granmèt la, sé yon sèl éspri li yé. Évité fònikasion. Tout péché yon moun fè, li andéyò kò-a ; min moun ki fè fònikasion-an, sé nan kò-l li fè péché.

Oubyin èské nou pa konnin manb nou yo sé tanp Éspri Sin-an, li minm ki nan nou-an, li minm nou résévoua nan min Bondié-a, épi nou pa mèt tèt nou ? Yo achté nou ak gran pri. Fè louanj Bondié, poté-l nan kò nou.

Paròl Granmèt la.

4

*Si-m pa gin rinmin, sa pap sèvi-m anyin.***Léktu prémié lèt apot sin Pòl pou Korintyin****12, 31-13, 8 a**

Frè-m yo :

Sé pou nou chèché kado ki pi bon yo. M-ap montré nou yon rout ki pi bon.

Si mouin t-a palé langaj lézòm ak langaj anj yo, épi mouin pa gin charité, mouin t-a vi-n tankou yon fè k-ap sonnin oubyin yon sinbal k-ap fè boui.

Si-m t-a gin profesé, si-m t-a konnin tout mistè ak tout sians, épi si-m t-a gin tout lafoua, joutan pou-m t-a déplasé mòn yo, épi mouin pa gin charité, mouin pa anyin.

Si-m t-a séparé tout byin mouin yo pou bay pòv yo manjé, si-m t-a rinnèt kò-m pou yo boulé-m, épi mouin pa gin charité, sa pap sèvi-m anyin.

Charité-a gin pasians, li gin bon jan ; charité-a pa fè jalouzi, li pa aji pou-l vanté tèt li, li pa gonflé kò-l, li pa fè lanbision, li pa chèché bagay ki pou li yo, li pa fè kòlè, li pa kalkilé sou sa-k mal, li pa kontan poutèt méchansté, okontrè li kontan pou vérité-a : li sipòté nan tout okazion, li kouè nan tout okazion, li espéré nan tout okazion, li andiré nan tout okazion.

Charité-a pap janm pasé.

Paròl Granmèt la.

5

*Sakréman sa-a gran anpil, m-ap palé pou Kris la ak pou Égliz la.***Léktu lèt apot sin Pòl pou Éfézyin yo****5, 2 a. 21-33**

Frè-m yo :

Maché nan rinmin-an, tankou Kris la té rinmin nou épi li té rinnèt pròp tèt li pou nou.

Sé pou nou youn obéyi lòt nan krint Kris la. Sé pou médam yo obéyi mari yo tankou y-ap obéyi Granmèt la ; paské mésié-a sé tèt madanm nan, tankou Kris la sé tèt Égliz la, li minm ki sovè kò-l la. Min minm jan

Égliz la obéyi Kris la, konsa tou pou médam yo obéyi mari yo nan tout bagay.

Mésié yo, sé pou nou rinmin madanm nou tankou Kris la té rinmin Égliz la épi li rinmèt tèt li pou li, pou-l té kapab fè-l vi-n sin antan-l pròpté-l nan bingn dlo-a nan paròl lavi-a, pou-l ofri Égliz la byin bèl ba li, san-l pa gin tach ni pli ni okinn défo, min pou-l sin, san tach.

Konsa tou mésié yo doué rinmin madam yo tankou kò yo. Moun ki rinmin madanm li, li rinmin pròp tèt li. Réyéلمان, pèsòn pa janm rayi chè-l, min li ba-l manjé, li souin-l, tankou Kris la fè pou Égliz la : paské nou sé manb kò-l, nou fè pati chè-l ak zo-l. « Sé poua mésié-a ap kite papa-l ak manman-l épi l-ap kolé kò-l ak madanm li, yo dé-a y-ap vi-n yon sèl chè ».

Sakréman sa-a gran, mouin palé nan Kris la ak nan Égliz la. Réyéلمان nou chak, sé pou chak moun rinmin madanm li tankou li rinmin pròp tèt li ; madanm nan minm, sé pou-l respékté mari-l.

Paròl Granmèt la.

oubyin pi kout

Léktu lèt apot sin Pòl pou Éfézyin yo

5, 2 a. 25-32

Frè-m yo :

Maché nan rinmin-an, tankou Kris la té rinmin nou épi li té rinmèt pròp tèt li pou nou.

Mésié yo, sé pou nou rinmin madanm nou tankou Kris la té rinmin Égliz la épi li rinmèt tèt li pou li, pou-l té kapab fè-l vi-n sin antan-l pròpté-l nan bingn dlo-a nan paròl lavi-a, pou-l ofri Égliz la byin bèl ba li, san-l pa gin tach ni pli ni okinn défo, min pou-l sin, san tach.

Konsa tou mésié yo doué rinmin madam yo tankou kò yo. Moun ki rinmin madanm li, li rinmin pròp tèt li. Réyéلمان, pèsòn pa janm rayi chè-l, min li ba-l manjé, li souin-l, tankou Kris la fè pou Égliz la : paské nou sé manb kò-l, nou fè pati chè-l ak zo-l. « Sé poua mésié-a ap kite papa-l ak manman-l épi l-ap kolé kò-l ak madanm li, yo dé-a y-ap vi-n yon sèl chè ».

Sakréman sa-a gran, mouin palé nan Kris la ak nan Égliz la.

Paròl Granmèt la.

6

*Anlè tout bagay, sé pou nou gin rinmin-an,
sé chinn nan ki fè tout bagay fi-n bon nèt la*

Léktu lèt apot sin Pòl pou Kolosyin yo

3, 12-17

Frè-m yo :

Abiyé nou, tankou moun Bondié chouazi, ki sin, tankou moun li rinmin, abiyé nou ak zantray mizérikòd, ak bon kè, rabésé tèt nou, fè kò nou tou dou, pran pasians, sipòté nou youn lòt, sé pou youn padonnin lòt, si youn gin kichòy kont lòt : jan Granmèt la padonnin nou, konsa nou minm tou.

Anlè tout bagay sa yo, sé pou nou gin charité, li minm ki kòd ki maré sa ki fi-n kòrèk nèt la ; sé pou lapè Kris la fété nan kè nou, sé nan li yo rélé nou pou nou fè yon sèl kò ; sé pou nou rét ap di Bondié mèsi.

Paròl Kris la, sé pou-l abité nan nou jous li plin nou, antan youn ap bay lòt ansègnman antan youn ap réprann lòt nan tout kalité sajès, avèk psòm, imn avèk kantik spirituèl, antan nan gras la n-ap chanté pou Bondié nan kè nou.

Tou sa n-ap fè soua nan paròl, soua nan aksion, sé pou nou fè tout bagay o non Granmèt Jézu-Kri, antan n-ap di Bondié Papa-a mèsi pa lintémédiè-l.

Paròl Granmèt la.

7

Sé pou nou dakò pou nou youn sipòté lòt, pou nou youn rinmin lòt.

Léktu prémié lèt apot sin Piè

3, 1-9

Nou minm mouin rinmin anpil la :

Sé pou médam yo obéyi mari yo, pou, minm si ginyin ki pa kouè nan paròl la, yo rivé konvink yo san paròl, gras a konduit médam yo ; antan yo konsidéré konduit nou ki onèt, ki aji nan respè. Konpòtman nou pa doué réglé sou bagay ki parèt déyò, très chévé, ronn lò, ni bèl rad ki abiyé nou ; min sé sa-k kaché nan kè moun nan, sa-k pa kapab gaté, yon éspri trankil, tou dou, sé sa ki gin valè dévan fas Bondié.

Sé konsa réyèlman lontan médam ki té sin yo, ki té espéré nan Bondié, yo té konn anbéli kò yo, antan yo té obéyi pròp mari yo, tankou Sara ki té obéyi Abraam, antan li rélé-l mèt ; sé pitit fi li nou yé, antan nou aji byin, san nou pa nan kè soté, san nou pa nan okinn boulvèsman.

Nou minm tou mari yo, antan nou abité ansanm ak madanm nou, nou chèché konprann yo, tankou yon ti véso frajil, sé pou nou trété yo avèk konsidération, tankou moun ki éritié lavi gras la ansanm avèk nou, pou priyé nou pa jouinn anpéchman.

Anfin nou tout sé pou nou fè yon sèl, pou nou pran pitié pou lòt yo, pou nou rinmin yo tankou frè, pou nou gin mizérikòd, pou nou tou dou, pou nou viv dapré pòv ti kondision moun nou-an, pou nou pa rinmèt mal pou mal, ni madichon pou madichon, min okontrè sé pou nou souété dibyin, paské sé pou sa yo té rélé nou, pou nou posédé bénédiksion-an kòm éritaj.

Paròl Granmèt la.

8

Sé pou nou rinmin nan aksion ak vérité

Léktu prémié lèt apot sin Jan

3, 18-24

Ti pitit mouin yo, sé pa nan paròl ak lang pou nou rinmin, min sé nan aksion ak vérité. Konsa nou konnin sé nan vérité-a nou yé, épi dévan-l n-a asiré kè nou, si kè nou fè nou répròch, Bondié pi gran pasé kè nou, li konn tout bagay.

Nou minm mouin rinmin anpil la, si kè nou pa fè nou répròch, nou gin asirans kot Bondié ; ninpòt sa nou mandé, n-ap résévoua-l nan min-l, paské nou kinbé kòmandman-l yo, épi nou fè sa-k fè-l plézi dévan-l.

Min kòmandman-l, sé pou nou kouè o non Pitit li-a Jézu-Kri, épi pou nou youn rinmin lòt, jan-l té pasé nou lòd la. Moun ki kinbé kòmandman-l yo, li rét nan li épi li minm tou li rét nan moun sa-a ; sé konsa nou konnin li rété nan nou, sé gras a Éspri-a li ba nou-an.

Paròl Granmèt la.

Bondié sé rinmin.

Léktu prémié lèt apot sin Jan

4, 7-12

Nou minm mouin rinmin anpil la, sé pou nou youn rinmin lòt, paské charité-a sé nan Bondié li soti ; épi tout moun ki rinmin sé nan Bondié li fèt, li konnin Bondié Moun ki pa rinmin, li pa konnin Bondié, paské Bondié sé rinmin minm.

Min nan kisa charité Bondié-a parèt nan nou : sèké Bondié voyé sèl Pitit li-a sou tè-a, pou nou viv gras a li.

Min nan kisa charité-a yé : sé pa kòm si sé nou ki té rinmin Bondié, min sé li minm ki té rinmin nou an prémié, li voyé Pitit li-a kòm padon pou péché nou yo.

Nou minm mouin rinmin anpil la, si Bondié rinmin nou konsa, sé pou nou youn rinmin lòt tou. Bondié, pèsòn pa janm ouè-l. Si nou youn rinmin lòt, Bondié rété nan nou, charité-l la kòrèk nèt nan nou.

Paròl Granmèt la.

Ala kontantman pou moun yo invité nan nòs Mouton-an.

Léktu liv Apokalips apot sin Jan

19, 1. 5-9 a

Mouin minm, Jan, mouin tandé tankou gran voua anpil foul nan sièl la k-ap di : « Alélouya, Bondié nou-an sové nou, konpliman ak otorité pou li ».

Yon voua soti nan tro-n nan, li di : « Fè louanj pou Bondié nou-an, nou tout sèvitè-l yo ak sa ki krinn li yo, ni piti ni gran ».

Mouin tandé tankou voua anpil foul, tankou boui gran dlo yo, tankou boui gro loraj, k-ap di : « Alélouya, li roua, Granmèt la, Bondié nou-an, li minm ki plin pouvoua-a. Sé pou kè nou kontan, sé pou nou fété, sé pou nou fè louanj pou li, paské mariaj mouton-an rivé, madanm li paré byin-abiyé. Sé mouton-an ki ba-l sa pou-l abiyé, sé toual koton fin ki kléré, tèlman li nèt ». Toual koton fin sa-a, sé lavi sin yo ki kòrèk la.

Li di-m : « Ékri : “Ala kontantman pou sa yo yo invité nan résépsion mariaj mouton-an” ».

Paròl Granmèt la.

PSÒM RÉPONS YO

1

PSÒM RÉPONS

Ps 32, 12 é 18. 20-21. 22 (R: : 5 b)

R: Mizérikòd Granmèt la plin tè-a.

¹⁰ Granmèt la gayé plan nasion yo,
li défèt kalkil pèp yo.

¹¹ Min plan Granmèt la rété pou tout tan,
kalkil kè-l pou jénèrasion ak jénèrasion. R:

¹² Ala kontantman pou nasion-an, ki gin Granmèt la pou Bondié-l,
pèp la li chouazi kòm éritaj li-a.

¹⁸ Min jé Granmèt la sou moun ki krinn li yo,
sou moun ki éspéré sou mizérikòd li. R:

²⁰ Nanm nou ap konté sou Granmèt la,
paské sékou nou ak protéksion nou sé li minm ;

²¹ paské nan li kè nou ap fété,
épi nan non-l ki sin-an n-ap éspéré. R:

²² Sé pou mizérikòd ou vi-n sou nou, Granmèt,
tankou nou té éspéré sou ou. R:

2

PSÒM RÉPONS

Ps 33, 2-3. 4-5. 6-7. 8-9 (R: : 2 a oubyin 9 a)

R: M-ap fè konpliman pou Granmèt la tout tan.

oubyin :

R: Gouté, n-a ouè jan Granmèt la bon.

² M-ap fè konpliman pou Granmèt la tout tan,
tout tan louanj li nan bouch mouin.

³ Nan Granmèt la nanm mouin ap jouinn konsidèrasion-l,
sé pou pòv yo tandé, pou yo kontan. R:

⁴ Fè louanj Granmèt la avèk mouin,
sé pou nou lévé non-l anlè ansanm.

⁵ Mouin chèché Granmèt la, li réponn mouin ;
anba tou sa k-ap fè-m pè, li délivré-m. R:

- 6 Gadé nan diréksion-l, n-ap kléré,
fas nou pap ront.
- 7 Pòv sa-a rélé, Granmèt la kouté-l,
anba tout tribilasyon-l li sové-l. **R:**
- 8 Anj Granmèt la monté lagad alantou moun ki krinn li yo,
pou-l délivré yo.
- 9 Gouté, n-a ouè jan Granmèt la bon ;
ala kontantman pou moun ki éspéré nan li. **R:**

3

PSÒM RÉPONS Ps 102, 1-2. 8 é 13. 17-18 a (**R:** : 8 a oubyin 17)

- R:** Granmèt la pran pitié, li gin mizérikòd.
oubyin :
- R:** Mizérikòd Granmèt la minm sé dépi tout tan,
épi jous pou tout tan pou moun ki krinn li yo.
- 1 Fè konpliman pou Granmèt la, nanm mouin ;
tou sa-k anndan-m, fè konpliman pou non-l ki sin.
- 2 Fè konpliman pou Granmèt la, nanm mouin,
pa bliyé tou sa-l fè yo. **R:**
- 8 Granmèt la pran pitié, li gin mizérikòd,
li pran pasians, li gin anpil mizérikòd.
- 13 Tankou papa gin pitié pou pitit li yo,
Granmèt la gin pitié pou moun ki krinn li yo. **R:**
- 17 Mizérikòd Granmèt la minm sé dépi tout tan,
épi jous pou tout tan pou moun ki krinn li yo,
jistis li nan pitit moun yo ;
- 18 nan sa yo ki kinbé aliens li-a. **R:**

4

PSÒM RÉPONS Ps 111, 1-2. 3-4. 5-7 a. 7 bc-8. 9 (**R:** : cf. 1)

- R:** Ala kontantman pou moun ki mèt plézi-l nèt nan lòd Granmèt la
oubyin : Alélouya.
- 1 Ala kontantman pou moun ki krinn Granmèt la,
ki mèt plézi-l nèt nan lòd li yo.

- 2 Désandans li ap gin pouvoua sou tè-a,
ras moun kòrèk yo ap béni. **R:**
- 3 Gloua ak richès nan kay li,
jistis li ap rété pou tout tan gin tan,
- 4 Limiè-a ap lévé nan fènoua, pou moun kòrèk yo,
li gin mizérikòd, li pran pitié, li kòrèk. **R:**
- 5 Ala kontantman pou moun sa-a ki pran pitié, ki préte,
ki réglé afè-l yo kòrèk,
- 6 paské sé pou tout tan li pap souké.
Sé tout tan y-ap sonjé moun kòrèk la,
- 7 li pap pè, lè-l tandé mové nouvèl. **R:**
- Kè-l paré, li éspéré nan Granmèt la.
- 8 Kè-l asiré, li pap pè,
joustan li méprizé ènmi-l yo. **R:**
- 9 Li séparé, li bay pòv yo ;
jistis li rété pou tout tan gin tan,
kòn li ap lévé nan gloua-a. **R:**

5

PSÒM RÉPONS

Ps 127, 1-2. 3. 4-5 (**R:** : cf. 1 oubyin 4)

R: Ala kontantman pou tout moun ki krinn Granmèt la.

oubyin :

R: Min kijan moun nan béni, sa-k krinn Granmèt la.

- 1 Ala kontantman pou tout moun ki krinn Granmèt la,
k-ap maché nan rout li yo.
- 2 Sé foui travay min-ou ou-ap manjé,
ala kontantman pou ou, ou-ap jouinn avantaj. **R:**
- 3 Madanm ou ap tankou yon jadin rézin ki byin donnin
sou bò lakay ou ;
pitit ou yo ap tankou jinn plant pié oliv
alantou tab ou-a. **R:**
- 4 Min sé konsa moun nan ap béni,
sa-k krinn Granmèt la.
- 5 Sé pou Granmèt la béni-ou sot Siyon,

sé pou-ou ouè byin Jérusalèm
 tou léjou lavi-ou. **R:**

6

PSÒM RÉPONS

Ps 144, 8-9. 10 é 15. 17-18 (**R:** : 9 a)

- R:** Granmèt la bon pou tout moun.
- 8 Granmèt la gin pitié, li gin mizérikòd,
 li gin pasians, li gin anpil mizérikòd.
- 9 Granmèt la bon pou tout moun,
 pitié li yo pou tou sa-l fè. **R:**
- 10 Y-ap fè louanj ou, Granmèt, tou sa-ou fè yo ;
 sin-ou yo ap fè konpliman pou ou.
- 15 Tout moun éspéré nan ou,
 épi ou minm ou ba yo manjé nan tan favorab la. **R:**
- 17 Granmèt la kòrèk nan tout chémin-l yo,
 li sin nan tout travay li yo.
- 18 Granmèt la tou pré moun k-ap rélé-l yo,
 tout moun yo k-ap rélé-l nan vérité-a. **R:**

7

PSÒM RÉPONS

Ps 148, 1-2. 3-4. 9-10. 11-13. 13 c-14 a (**R:** : cf. 13 a)

- R:** Sé pou yo fè louanj pou non Granmèt la.
oubyin : Alélouya.
- 1 Fè louanj Granmèt la dépi sot nan sièl yo,
 fè louanj li nan anro sièl yo.
- 2 Fè louanj li, tout anj li yo,
 fè louanj li, tout pouvoua-l yo. **R:**
- 3 Fè louanj li, solèy ak lali-n,
 fè louanj li, tout zétoual yo ak limiè-a.
- 4 Fè louanj li, sièl sièl yo,
 épi tout dlo yo ki anlè sièl yo. **R:**
- 9 Mòn yo ak tout ti rotè yo,
 pié boua ki bay frui ak tout pié sèd yo,

- 10 bèt boua yo ak tout bèt gadinaj yo,
sèpan yo ak tout zouazo zèl yo. **R:**
- 11 Roua yo sou tè-a ak tout pèp yo,
chèf yo ak tout jij tè yo,
- 12 jèn jan ak vièj yo,
granmoun yo ak timoun yo.
- 13 Sé pou yo fè louanj pou non Granmèt la,
paské sé non-l sèl ki anlè nèt. **R:**
- Louanj li anlè sièl la ak tè-a,
- 14 li lévé kòn pèp li.
Kantik louanj pou tout sin-l yo,
pou pitit Israèl yo, pèp ki tou pré li-a. **R:**

ALÉLOUYA AK VÈSÈ ANVAN ÉVANJIL LA

1

1 Jn 4, 7 b

(**R:** Alélouya). Tout moun ki rinmin sé nan Bondié li fèt, li konnin Bondié. (**R:** Alélouya).

2

1 Jn 4, 8 b. 11

(**R:** Alélouya). Bondié sé rinmin ;
sé pou nou youn rinmin lòt, minm jan Bondié rinmin nou-an. (**R:** Alélouya).

3

1 Jn 4, 12

(**R:** Alélouya). Si nou youn rinmin lòt, Bondié rété nan nou,
charité-l la kòrèk nèt nan nou. (**R:** Alélouya).

4

1 Jn 4, 16

(**R:** Alélouya). Moun ki rété nan charité-a, li rété nan Bondié épi Bondié nan li. (**R:** Alélouya).

ÉVANJIL YO

1

*Sé pou nou kontan, sé pou nou fété,
paské rékonpans nou anpil nan sièl la.*

✠ Léktu sint Évanjil la dapré Matié

5, 1-12 a

Lè sa-a :

Jézu ouè foul yo, li monté sou mòn nan ; kon-l chita, disip li yo proche koté-l. Li louvri bouch li, li kòmansé ba yo ansègnman, li di :

« Ala kontantman pou moun ki pòv yo nan éspri-a, paské sé pou yo péyi roua sièl yo yé.

Ala kontantman pou moun ki dou yo, paské sé yo minm k-ap posédé tè-a,

Ala kontantman pou moun k-ap kriyé yo, paské y-ap konsolé,

Ala kontantman pou moun ki grangou, ki souaf jistis la, paské y-ap jouinn kont yo.

Ala kontantman pou moun ki gin mizérikòd yo, paské y-ap jouinn mizérikòd.

Ala kontantman pou moun ki gin kè yo nèt yo, paské y-ap ouè Bondié,

Ala kontantman pou moun k-ap travay pou lapè-a, paské y-ap rélé yo pitit Bondié.

Ala kontantman pou moun k-ap souffri pèsékision poutèt jistis la, paské sé pou yo péyi roua sièl yo yé.

Ala kontantman pou nou, lè y-ap madichonnin nou, lè y-ap pèsékité nou, lè y-ap di tout kalité sa-k mal kont nou, antan y-ap fè manti, aköz mouin, fè kè nou kontan, fété, paské rékonpans nou anpil nan sièl yo ».

Paròl Granmèt la.

2

*Nou sé limiè tè-a***✠ Léktu sint Évanjil la dapré Matié****5, 13-16**

Lè sa-a :

Jézu té di disip li yo : « Nou sé sèl tè-a. Si sèl la vi-n fad, ak ki sa y-ap salé-l ? Li pa vo anyin ankò, sof pou yo jété-l déyò, pou moun pilé-l.

Nou sé limiè tè-a. Yon vil ki pozé sou yon mòn pa kapab kaché. Yo pa limin yon lanp, pou yo mété-l anba mamit ; min sou yon étajè, pou-l kléré tout moun ki nan kay la. Sé konsa pou limiè nou kléré dévan moun yo, pou yo ouè bon aksion nou yo, pou yo fè louanj pou Papa nou ki nan sièl la ».

Paròl Granmèt la.

3

*Li bati kay li sou ròch***✠ Léktu sint Évanjil la dapré Matié****7, 21. 24-29**

Lè sa-a :

Jézu di disip li yo : « Sé pa tout moun k-ap di-m “Granmèt, Granmèt” k-ap antré nan péyi roua sièl yo ; min sé moun ki fè volonté Papa-m ki nan sièl la, sé li minm k-ap antré nan péyi roua sièl yo.

Tout moun ki kouté paròl mouin sa yo épi ki obsèvé yo, l-ap sanblé ak yon moun ki gin sajès, ki bati kay li sou ròch ; lapli tonbé, riviè désann, van souflé, yo fonsé sou kay sa-a, li pa tonbé ; sèké li té chita solid sou ròch.

Tout moun ki kouté paròl mouin sa yo, min ki pa obsèvé yo, li sanblé ak yon moun ki san éspri ki bati kay li sou sab ; lapli tonbé, riviè désann, van souflé, yo fonsé sou kay sa-a, li tonbé, déstriksion-l nan gran anpil ».

Rivé, lè Jézu fi-n di tout paròl sa yo, foul yo té sézi sou ansègnman-l nan, sèké li t-ap ba yo ansègnman tankou moun ki gin otorité, sé pa tankou profèsè pa yo ak farizyin yo.

Paròl Granmèt la.

oubyin pi kout

✠ Léktu sint Évanjil la dapré Matié

7, 21-24. 25

Lè sa-a :

Jézu di disip li yo : « Sé pa tout moun k-ap di-m “Granmèt, Granmèt” k-ap antré nan péyi roua sièl yo ; min sé moun ki fè volonté Papa-m ki nan sièl, sé li minm k-ap antré nan péyi roua sièl yo.

Tout moun ki kouté paròl mouin sa yo épi ki obsèvé yo, l-ap sanblé ak yon moun ki gin sajès, ki bati kay li sou ròch ; lapli tonbé, riviè désann, van souflé, yo fonsé sou kay sa-a, li pap tonbé ; sèkè li té chita solid sou ròch ».

Paròl Granmèt la.

4

Sa Bondié maré, moun pa gin doua séparé-l.

✠ Léktu sint Évanjil la dapré Matié

19, 3-6

Lè sa-a :

Farizyin yo té proche kot Jézu, yo t-ap tanté-l, yo di : « Èské yon mésié gin doua ranvouayé madanm li, pou ninpòt ki rézon ? »

Li réponn, li di yo : « Èské nou pa-t li kijan sa-a ki té fè moun nan nan kòmansman-an, sé gason ak fi li té fè yo, épi li té di : “Sé poutèt sa mésié-a ap kité papa-l ak manman-l, l-ap kolé kò-l kot madanm li, yo tou lé dé ap yon sèl chè” ? Sé pou sa yo pa dé ankò, min sé yon sèl chè yo yé. Konsa sa Bondié maré, pi-nga moun séparé-l ».

Paròl Granmèt la.

5

Sa-a sé pi gran kòmandman-an, sé premié-a.

Dézièm nan minm sanblé ak sa.

✠ Léktu sint Évanjil la dapré Matié

22, 35-40

Lè sa-a :

Youn nan farizyin yo ki té savan nan laloua-a pozé-l késion, pou-l tanté-l : « Mèt, kilès ki gran kòmandman-an nan laloua-a ? »

Jézu di-l : « “Sé pou-ou rinmin Granmèt Bondié-ou la ak tout kè-ou, ak tout nanm ou, ak tout éspri-ou”. Sa-a sé pi gran, sé premié kòmandman-an. Dézièm nan minm sanblé avèk li : “Sé pou-ou rinmin prochin-an tankou pròp tèt ou”. Sé nan dé kòmandman sa yo tout laloua-a pandié ansanm ak profèt yo ».

Paròl Granmèt la.

6

Yo pa dé, min yon sèl chè.

✠ **Léktu sint Évanjil la dapré Mark**

10, 6-9

Lè sa-a :

Jézu di : « Nan kòmansman kréasion-an, “sé gason ak fi Bondié té fè yo. Sé poutèt sa mésié-a ap kite papa-l ak manman-l épi l-ap kolé kò-l kot madanm li, épi yo dé-a ap yon sèl chè”. Sé pou sa yo pa dé ankò, min yon sèl chè.

Konsa sa Bondié maré, moun pa gin doua séparé-l ».

Paròl Granmèt la.

7

Sa-a Jézu té fè-l kòm kòmansman sign yo, nan Kana Galilé.

✠ **Léktu sint Évanjil la dapré Jan**

2, 1-11

Lè sa-a :

Vi-n gin nòs nan Kana Galilé-a. Manman Jézu té la.

Yo té invité Jézu tou ansanm ak disip li yo nan nòs la. Divin vi-n manké ; manman Jézu di-l : « Yo pa gin divin ».

Jézu di-l : « Sa-k gin ant mouin minm ak ou minm, madanm ? Lè mouin poko rivé ».

Manman-l di sèvitè yo : « Tou sa li di nou, sé pou nou fè li ».

Té gin sis ja dlo an ròch pou Juif yo pròpté kò yo ; yo chak té kinbé dé ou toua mézu. Jézu di yo : « Plin ja yo dlo ». Yo plin yo jous nan bouch.

Jézu di yo : « Tiré koulié-a, poté bay òganizatè résépsion-an ». Yo fè sa.

Òganizatè résépsion-an gouté dlo-a ki té tounin divin-an ; li pa-t konn koté-l soti, min moun yo ki t-ap sèvi-a, yo té konnin, yo minm ki té tiré dlo-a ; òganizatè résépsion-an rélé mésié marié-a. Li di-l : « Tout moun kòmansé mété bon divin ; kon moun yo gri, yo mét sa-k mouin bon ; ou minm minm, ou kinbé bon divin-an jous koulié-a ».

Sa-a, Jézu té fè-l kòm kòmansman sign yo nan Kana Galilé-a ; li fè ouè gloua li, disip li yo kouè nan li.

Paròl Granmèt la.

8

Min kòmandman-m nan, sé pou nou youn rinmin lòt.

✠ **Léktu sint Évanjil la dapré Jan**

15, 9-12

Lè sa-a :

Jézu di disip li yo : « Minm jan Papa-a rinmin-m nan, sé konsa tou mouin rinmin nou. Sé pou nou rété nan rinmin-m nan. Si nou kinbé kòmandman-m yo, n-ap rété nan rinmin-m nan, minm jan mouin minm mouin kinbé kòmandman Papa-m yo, épi mouin rété nan rinmin-l nan. Mouin di nou bagay sa yo, pou kè kontan-m nan kapab nan nou, pou kè kontan nou-an réalizé nèt.

Min kòmandman-m nan, sé pou nou youn rinmin lòt, minm jan mouin rinmin nou-an ».

Paròl Granmèt la.

9

Min sa mouin kòmandé nou : sé pou nou youn rinmin lòt.

✠ **Léktu sint Évanjil la dapré Jan**

15, 12-16

Lè sa-a :

Jézu di disip li yo : « Min kòmandman-m, sé pou nou youn rinmin lòt, minm jan mouin rinmin nou-an. Pèsòn pa rinmin pi plis passé moun ki bay lavi-l pou zanmi-l nan. Nou minm nou sé zanmi-m, si nou fè sa mouin kòmandé nou yo.

Mouin pap rélé nou sèvitè ankò, paské sèvitè-a pa konnin sa mèt li ap fè ; min mouin rélé nou zanmi, paské tou sa-m tandé kot Papa-m, mouin fè nou konnin yo.

Sé pa nou minm ki chouazi-m ; min sé mouin minm ki chouazi nou, mouin mété nou, pou nou alé, pou nou poté foui, pou foui nou-an duré ; konsa, pou ninpòt ki sa nou mandé Papa-a o non-m, li ba nou-l. Min sa-m kòmandé nou, sé pou nou youn rinmin lòt ».

Paròl Granmèt la.

10

Sé pou yo fi-n fè youn nèt.

✠ Léktu sint Évanjil la dapré Jan

17, 20-26

Lè sa-a :

Jézu lévé jé-l nan sièl la, li priyé, li di : « Papa ki sin, sé pa pou yo minm sèlman mouin priyé, min pou sa yo tou k-ap kouè nan mouin gras a paròl yo-a, pou tout moun fè yon sèl, tankou ou minm, Papa, ou nan mouin, épi mouin nan ou, pou yo minm tou yo fè yon sèl nan nou, pou tè-a kouè sé ou minm ki voyé-m.

Mouin minm, gloua-a ou té ban mouin-an, mouin ba yo-l, pou yo fè yon sèl tankou nou minm nou fè yon sèl la. Mouin minm nan yo, épi ou minm nan mouin, pou yo fè yon sèl nèt, pou tè-a rékonèt sé ou minm ki voyé-m, épi mouin rinmin yo, tankou ou rinmin-m.

Papa, sa yo ou té ban mouin-an, mouin vlé pou koté-m yé-a sé la yo yé tou avè-m, pou yo ouè gloua-m nan, sa ou té ban mouin-an ; paské ou rinmin-m dépi anvan tè-a fèt.

Papa ki kòrèk, tè-a pa-t rékonèt ou ; mouin minm mouin konnin-ou, épi sa yo rékonèt sé ou minm ki voyé-m. Mouin fè yo konnin non-ou, m-ap fè yo konnin-l ankò, pou rinmin ou rinmin-m nan, li kapab nan yo, ni mouin minm nan yo ».

Paròl Granmèt la.

oubyin pi kout

✠ Léktu sint Évanjil la dapré Jan

17, 20-23

Lè sa-a :

Jézu lévé jé-l nan sièl la, li priyé, li di : « Papa ki sin, sé pa pou yo minm sèlman mouin priyé, min pou sa yo tou k-ap kouè nan mouin gras

a paròl yo-a, pou tout moun fè yon sèl, tankou ou minm, Papa, ou nan mouin, épi mouin nan ou, pou yo minm tou yo fè yon sèl nan nou, pou tè-a kouè sé ou minm ki voyé-m.

Mouin minm, gloua-a ou té ban mouin-an, mouin ba yo-l, pou yo fè yon sèl tankou nou minm nou fè yon sèl la. Mouin minm nan yo, épi ou minm nan mouin, pou yo fè yon sèl nèt, pou tè-a rékonèt sé ou minm ki voyé-m, épi mouin rinmin yo, tankou ou rinmin-m.

Paròl Granmèt la.

Nan anivèsè Mariaj, yo pran minm léktu yo avèk pi ro-a nan sélébrasion Mariaj la ; min yo kapab pran tou léktu ki sot nan Mès pou di Bondié mèsì tankou pi louin, p. 2414.

VII. NAN BÉNÉDIKSION YON ABÉ OUBYIN YON ABÈS

LÉKTU NAN ANSYIN TÈSTAMAN-AN

1

Panché kè-ou pou-ou konnin intéljans la.

Léktu liv Provèb yo

2, 1-9

Pitit mouin, si-ou résévoua paròl mouin yo, si-ou séré kòmandman-m yo byin fon anndan-ou pou-ou tandé sajès la, ak zòrèy ou panché kè-ou pou-ou aprann konésans bon konduit la.

Si-ou rélé sajès la, si-ou panché kè-ou pou-ou konprann bon konduit la, si-ou chèché-l tankou yon lajan, si-ou foyé-l tankou yon trézò, lè sa-a ou-ap konprann krint ou doué Granmèt la, ou-ap jouinn sians Bondié-a ; paské Granmèt la bay sajès, sé nan bouch li konésans bon konduit la soti ansanm avèk sians la.

L-ap fè moun ki kòrèk yo rét sové byin sové, l-ap véyé sou moun k-ap maché tou sinp yo, l-ap pran souin tras rout jistis la, l-ap konsèvé chémin sin yo.

Lè sa-a ou-ap konprann jistis la ak jijman-an ak sa ki kòrèk la ak tout bon chémin-an.

Paròl Granmèt la.

2

M-ap montré-ou chémin sajès la.

Léktu liv Provèb yo

4, 7-13

Prinsip sajès la, posédé sajès la, épi nan tout posésion-ou chèché ginyin pridans. Konbé-l, épi l-ap lévé-ou anlè, l-ap ba-ou gloua, lè ou-ap anbrasé-l ; l-ap fè tèt ou vi-n gin plis gras, l-ap protéjé-ou ak kouròn san parèy.

Kouté, pitit mouin, épi résévoua paròl mouin yo, pou ané lavi-ou yo vi-n pi plis ; m-ap montré-ou chémin sajès la ; m-ap kondui-ou atravè santié douatu, yo minm lè-ou antré nan yo, démach ou pap séré, épi antan ou-ap kouri ou pap bité.

Kinbé disipli-n nan, pa lagé-l ; konsèvé-l, paské sé li minm ki vi-ou.

Paròl Granmèt la.

LÉKTU NAN NOUVO TĒSTAMAN-AN

1

Tout moun ki té ansanm, yo té gin tout bagay an komin.

Léktu Travay Apot yo

2, 42-47

Frè yo té pèsévéré nan ansègnman Apot yo, ak kominion pin-an yo séparé-a, ak priyè yo.

Krint té rivé nan tout nanm. Té gin anpil prodij ak sign ki t-ap fèt pa lintèmediè Apot yo nan Jérusalèm, té gin gran sézisman nan tout moun.

Tout moun ki té kouè yo té ansanm, yo té gin tout bagay an komin : yo té vann propriété yo ak byin yo, yo té séparé yo pou tout moun, dapré sa chak moun té bezouin.

Chak jou yo té pèsévéré ansanm nan Tanp la, yo té séparé pin-an lakay yo, yo té konn pran manjé-a avèk kontantman ak yon kè sinp, antan y-ap fè louanj Bondié, yo té gin favè tout foul la. Chak jou Granmèt la té ajouté nan yo lòt moun, ki té sovè yo.

Paròl Granmèt la.

2

Fè éfò pou nou konsèvé éspri ki fè nou fè yon sèl la nan chinn lapè-a.

Léktu lèt apot sin Pòl pou Éfézyin yo

4, 1-6

Frè-m yo :

Mouin priyé nou, mouin minm prizonié nan Granmèt la, pou nou maché dapré diréksion yo rélé nou-an ; antan nou tou piti, tou dou, nan kè-n, sé pou nou pran pasians pou nou youn sipòté lòt nan rinmin-an ; fè éfò pou nou konsèvé éspri ki fè nou fè yon sèl la nan chinn lapè-a.

Yon sèl kò ak yon sèl Éspri tankou yo réfè nou nan yon sèl éspérans vokasion nou-an ; yon sèl Granmèt, yon sèl lafoua, yon sèl batèm ; yon sèl Bondié ak Papa tout moun, ki anlè tout moun, ki nan tout bagay épi ki nan nou tout.

Paròl Granmèt la.

3

*Anlè tout bagay sa yo, sé pou nou gin charité,
paské sé kòd réalizasion ki fi-n kòrèk nèt la.*

Léktu lèt apot sin Pòl pou Kolosyin yo

3, 12-17

Frè-m yo :

Abiyé nou, tankou moun Bondié chouazi, ki sin, tankou moun li rinmin, abiyé nou ak zantray mizérikòd, ak bon kè, rabésé tèt nou, fè kò nou tou dou, pran pasians, antan nou youn sipòté lòt, antan nou youn padonnin lòt, si youn gin kichòy kont lòt : jan Granmèt la padonnin nou, konsa nou minm tou.

Anlè tout bagay sa yo, sé pou nou gin charité, li minm ki kòd ki maré sa ki fi-n kòrèk nèt la ; sé pou lapè Kris la fété nan kè nou, sé nan li yo rélé nou pou nou fè yon sèl kò ; sé pou nou rét ap di Bondié mèsi.

Paròl Kris la, sé pou-l abité nan nou jous li plin nou, antan youn ap bay lòt ansègnman antan youn ap réprann lòt nan tout kalité sajès, avèk psòm, imn avèk kantik spirituèl, antan nan gras la n-ap chanté pou Bondié nan kè nou.

Tou sa n-ap fè soua nan paròl, soua nan aksion, sé pou nou fè tout bagay o non Granmèt Jézu-Kri, antan n-ap di Bondié Papa-a mèsi pa lintémédiè-l.

Paròl Granmèt la.

4

Sé pou nou obéyi réponsab nou yo. Priyé pou nou.

Léktu lèt pou Ébré

13, 1-2. 7-8. 17-18

Frè-m yo :

Sé pou charité frè yo rété nan nou ; pa bliyé résévoua étranjé lakay nou : sé konsa kèk té résévoua Anj yo lakay yo san yo pa konnin.

Sonjé réponsab nou yo, ki té palé nou paròl Bondié-a ; konsidéré dènié moman lavi yo, pran modèl sou lafoua yo. Jézu-Kri yè ak jodi-a ; li minm nan tou pou tout tan.

Sé pou nou fè chèf nou yo konfians ; sé pou nou obéyi yo. Sé yo minm k-ap véyé sou nanm nou, pou yo rann kont sou sa. Konsa sé ak kè

kontan y-a fè sa, yo pap jouinn okazion plinyin. Bagay sa-a t-a régrétan pou nou.

Priyé pou nou ; nou gin konfians réyèlman nou gin bon konsians, antan nou vlé kondui tèt nou byin nan tout bagay.

Paròl Granmèt la.

5

Tounin modèl pou bann mouton yo ak tout kè nou.

Léktu prémié lèt apot sin Piè

5, 1-4

Nou minm mouin rinmin anpil la :

Ansyin yo, ki nan pami nou yo, mouin priyé nou, mouin minm ki ansyin ansanm avèk nou, ki témouin soufrans Kris yo, k-ap kominiké gloua-l la ki gin pou-l révéle apré-a : okipé bann mouton Bondié yo ki nan mitan nou yo, prévoua sa-l bézouin san yo pa bézouin fòsé nou, min avèk tout kè nou dapré Bondié, san nou pa chèché avantaj malonnèt, min ak tout bòn volonté nou ; san nou pa kòmandé kòm mèt sou moun yo nou résponsab la, min antan nou vi-n tounin modèl pou bann mouton yo ak tout kè nou.

Konsa, lè chèf gadyin yo ap parèt, n-a résévoua kouròn gloua ki pap finnin-an.

Paròl Granmèt la.

PSÒM RÉPONS YO

1

PSÒM RÉPONS

Ps 1, 1-2. 3. 4 é 6 (R : Ps 39, 5 a)

R: Ala kontantman pou moun ki mété éspérans li nan Granmèt la.

¹ Ala kontantman pou moun ki pa alé nan réyinion méchan yo,
ki pa kanpé nan chémin péchè yo,

ki pa chita nan group moun k-ap passé nan jouèt yo,

² min sé nan laloua Granmèt la volonté-l yé,
sé nan laloua-l la l-ap médité lajounin ak lannuit. R:

- 3 L-ap tankou yon pié boua ki planté sou bò kouran dlo,
k-ap donnin foui-l nan tan li ;
li pap pèdi fèy li, tou sa l-ap fè ap réyisi. **R**
- 4 Sé pa konsa pou méchan yo, sé pa konsa,
min y-ap tankou pousiè van ap voyé jété.
- 6 Sèké Granmèt la konnin chémin moun kòrèk yo,
min rout méchan yo ap péri. **R**

2

PSÒM RÉPONS

Ps 33, 2-3. 4-5. 10-11. 12-13 (**R** : 12)

- R** Pitit mouin yo, kouté-m : m-ap aprann nou krint Granmèt la.
- 2 M-ap fè konpliman pou Granmèt la tout tan,
tout tan louanj li nan bouch mouin.
- 3 Nan Granmèt la nanm mouin ap jouinn gloua-l,
sé pou pòv yo tandé, pou yo kontan. **R**
- 4 Fè louanj Granmèt la avèk mouin,
sé pou nou lévé non-l anlè ansanm.
- 5 Mouin chèché Granmèt la, li réponn mouin,
anba tou sa-k fè-m pè, li délivré-m. **R**
- 10 Sé pou nou krinn Granmèt la, sin-l yo,
paské pa gin bézouin pou moun ki krinn li yo.
- 11 Rich yo vi-n pòv, yo grangou,
min sa k-ap chèché Granmèt la, yo pa manké okinn byin. **R**
- 12 Vini, pitit mouin yo, kouté-m :
m-ap aprann nou krint Granmèt la.
- 13 Kilès moun sa-a ki vlé lavi-a,
ki rinmin jou pou-l ouè byin-an ? **R**

3

PSÒM RÉPONS

Ps 91, 2-3. 13-14. 15-16 (**R** : cf. 2 a)

- R** Sa bon pou fè louanj ou, Granmèt.
- 2 Sa bon pou fè louanj Granmèt la,
pou chanté pou non-ou, ou minm ki anro nèt la,
- 3 pou anonsé mizérikòd ou-a dépi granmatin,
ak vérité-ou la tout nannuit. **R**

- ¹³ Moun ki kòrèk la, sé tankou pié palm l-ap fléri,
tankou pié sèd Liban l-ap grandi.
- ¹⁴ Yo planté nan kay Grammèt la,
nan lakou Bondié nou-an y-ap fléri. **R:**
- ¹⁵ Y-ap donnin foui toujou nan viéyès la,
y-ap donnin an kantité, y-ap byin vèt,
- ¹⁶ pou yo anonsé kijan Grammèt la douat,
kachèt mouin-an, pa gin défo nan li. **R:**

ALÉLOUYA AK VÈSÈ ANVAN ÉVANJIL LA

1

Mt 23, 9 b. 10 b

(**R:** Alélouya). Sé yon sèl la ki Papa nou, ki nan sièl la ;
sé yon sèl Mèt nou ginyin, sé Jézu-Kri. (**R:** Alélouya).

2

Kol 3, 15

(**R:** Alélouya). Sé pou lapè Kris la fété nan kè nou,
sé nan li yo rélé nou pou nou fè yon sèl kò. (**R:** Alélouya).

ÉVANJIL YO

1

*Sa-a ki pi gran nan nou-an,
sé pou-l tounin sèvitè nou.*

✠ Léktu sint Évanjil la dapré Matié

23, 8-12

Lè sa-a :

Jézu di disip li yo : « Pa kité yo rélé nou Rabi ; sèké sé yon sèl mèt nou ginyin, nou tout nou sé frè.

Pa rélé pèsòn papa sou tè-a ; sé yon sèl Papa nou ginyin, ki nan sièl la.

Pa fè yo rélé nou mèt ; paské sé yon sèl mèt nou ginyin, sé Kris la.

Sa-a ki pi gran nan mitan nou-an, sé li k-ap sèvitè nou.

Moun ki lévé tèt li, y-ap rabésé-l ; moun ki rabésé tèt li, y-ap lévé-l anlè ».

Paròl Granmèt la.

2

Mèt li instalé-l kòm résponsab moun lakay la.

✠ Léktu sint Évanjil la dapré Luk

12, 35-44

Lè sa-a : Jézu di disip li yo :

« Sé pou rin nou maré, pou lanp nou limin nan min nou ; nou minm sé pou nou tankou moun k-ap tann mèt yo, lè-l vi-n sot nan nòs ; pou, kon-l rivé, li frapé, minm lè-a yo louvri ba li. Ala kontantman pou sèvitè sa yo, si lè mèt la rivé, li jouinn yo ap véyé ; amèn mouin di nou, l-ap maré rin-l, l-ap fè yo lonjé kò yo l-ap pasé pou-l sèvi yo. Si-l rivé nan dézièm vèy la, épi si sé nan touazièm vèy la li rivé, épi li jouinn yo konsa, ala kontantman pou sèvitè sa yo.

Aprann sa, si pèd-famiy nan té konnin ki lè vòlè-a t-ap rivé, li t-ap véyé sètènman, li pa t-ap kité yo kasé kay li. Nou minm tou sé pou nou paré, paské sé lè nou pa pansé-a, Pitit moun nan ap vini ».

Piè minm di-l : « Granmèt, èské sé pou nou minm ou-ap di parabol sa-a, oubyin si sé pou tout moun ? »

Granmèt la di : « Kilès jéran fidèl ki gin ladrès, pou mèt li instalé-l kòm résponsab moun lakay la, pou-l ba yo pòsion manjé-a nan tan yo bézouin-an ? Ala kontantman pou sèvitè sa-a, si lè mèt la rivé, li jouinn li ap fè sa. Amèn mouin di nou, sé sou tou sa-l posédé l-ap instalé-l ».

Paròl Granmèt la.

Kanta mouin minm mouin nan mitan nou tankou moun k-ap sèvi.

✠ **Léktu sint Évanjil la dapré Luk**

22, 24-27

Lè sa-a :

Té vi-n gin diskision nan pami disip yo : kilès nan yo yo té konsidéré kòm pi gran.

Jézu minm di yo : « Roua nasion yo kòmandé yo kòm mèt, épi sa-k gin otorité sou yo-a, yo fè yo rélé yo ‘byinfètè’. Kanta nou minm, sa pa doué fèt konsa, min sa-k pi gran nan pami nou-an, sé pou-l vi-n tankou pi piti-a, épi sa-k chèf la, sé pou-l tankou sa k-ap sèvi-a.

Réyèlman, kilès ki pi gran, sa-k lonjé kò-l la oubyin sa k-ap sèvi-a ? Èské sé pa sa-k lonjé kò-l la ? Mouin minm minm mouin nan mitan nou tankou sa k-ap sèvi-a.

Paròl Granmèt la.

VIII. NAN KONSÉKRASION VIÈJ YO ÉPI NAN PROFÉSION RÉLIJIEZ

LÉKTU NAN ANSYIN TÉSTAMAN-AN

1

Pati sot nan péyi-ou, ak nan fanmi-ou, épi vini.

Léktu liv Jénèz la

12, 1-4 a

Jou sa yo :

Granmèt la di Abram : « Pati sot nan péyi-ou, ak nan fanmi-ou, ak nan kay papa-ou, vini nan péyi-a m-a montré-ou la. M-ap fè-ou vi-n tounin yon gran nasion, m-ap béni-ou, m-ap fè non-ou vi-n gran, ou-ap béni. M-ap béni moun ki béni-ou yo ; m-ap madichonnin moun ki madichonnin-ou yo ; tout fanmi sou tè-a ap béni nan ou ».

Abram pati, jan Granmèt la té pasé-l lòd la.

Paròl Granmèt la.

2

Palé, Granmèt, paské sèvitè-ou pa kouté.

Léktu prémié liv Samuèl

3, 1-10

Jou sa yo :

Ti Samuèl t-ap sèvi Granmèt la dévan Éli ; paròl Granmèt la té gin pri nan jou sa yo ; pa-t gin vizion ki té parèt. Rivé yon jou Éli té kouché nan plas li, jé-l té voualé, li pa-t kapab ouè. Anvan lanp Bondié-a té étinn, Samuèl t-ap dòmi nan tanp Granmèt la, koté arch Bondié-a té yé-a.

Granmèt la rélé : « Samuèl » ; li réponn, li di : « Min mouin ». Li kouri kot Éli, li di : « Min mouin, paské ou rélé-m ».

Li réponn : « Mouin pa rélé-ou, pitit mouin ; tounin al dòmi ». L-alé épi li dòmi. Granmèt la rékòmansé rélé Samuèl ankò.

Samuèl lévé, l-al kot Éli, épi li di : « Min mouin, paské ou rélé-m ».

Li réponn : « Mouin pa rélé-ou, pitit mouin ; tounin, épi dòmi ». Samuèl pa-t ko konnin Granmèt la, paròl Granmèt la pa-t révélé ba li.

Granmèt la rékòmansé ankò, li rélé Samuèl pou touazièm foua-a ; li lévé, l-al kot Éli, li di : « Min mouin, paské ou rélé-m ».

Éli konprann atò sé Granmèt la ki té rélé pitit la, épi li di Samuèl : « Alé épi dòmi ; épi si yo rélé-ou ankò, ou-a di : “Palé, Granmèt, paské sèvitè-ou ap kouté” ». Samuèl pati konsa épi l-al dòmi nan plas li.

Granmèt la rivé, li kanpé, li rélé tankou li té rélé dé foua : « Samuèl, Samuèl ».

Samuèl di : « Palé, Granmèt, paské sèvitè-ou la ap kouté ».

Paròl Granmèt la.

3

Soti, kanpé sou mòn nan dévan Granmèt la.

Léktu prémié liv Roua yo

19, 4-9 a. 11-15 a

Jou sa yo :

Éli maché nan dézè-a nan pandan yon jou.

Li rivé anba yon ti pié jénè, li chita, li mandé lanmò, li di : « Sa kont mouin, Granmèt ! Ou mèt pran lavi-m ; sèké mouin pa pi bon pasé papa mouin yo ». Li lagé kò-l atè, li dòmi anba pié jénè-a.

Gin yon Anj Granmèt la ki touché-l, li di-l : « Lévé, manjé ». Li gadé, li ouè yon pin ki té kuit nan sann ki pozé bò tèt li ak yon véso dlo ; li manjé, li bouè, épi li dòmi ankò.

Anj Granmèt la rétounin koté-l yon dézièm foua, li touché-l, li di-l : « Lévé, manjé, gin yon gran rout ki rété-ou ankò ». Li lévé, li manjé, li bouè, li maché ak fòs manjé sa-a pandan karant jou ak karant nuit, jous nan mòn Bondié-a, Orèb.

Lè Éli rivé sou mòn Bondié-a, Orèb, li rété nan trou ròch la. Paròl Granmèt la rivé koté-l, li di-l : « Soti, kanpé sou mòn nan dévan Granmèt la ». Granmèt la vi-n ap pasé.

Yon van pasé, li gran, li fò, l-ap soulvé mòn yo, l-ap krazé ròch yo dévan Granmèt la ; Granmèt la pa-t nan van-an. Apré van-an, yon tranbléman-tè ; Granmèt la pa-t nan tranbléman-tè-a. Apré tranbléman-tè-a, yon difé ; Granmèt la pa-t nan difé-a. Apré difé-a, yon ti briz tou fèb vi-n ap souflé.

Lè Éli tandé-l, li kouvri fas li ak manto-l, li soti, li kanpé nan papòt trou ròch la ; yon voua rivé koté-l, li di : « Sa ou-ap fè isit la, Éli ? »

Li réponn : « Mouin jalou ak jalouzi pou Granmèt Bondié lamé yo ; paské pitit Israël yo lagé aliens ou-a, yo démoli lotèl ou yo, yo touyé profèt ou yo ak épé ; sé mouin sèl ki rété, épi y-ap chèché ouété lavi-m ».

Granmèt la di-l : « Alé, tounin sou rout ou, nan dézè Damas la ».

Paròl Granmèt la.

4

Élizé lèvé, li pati, li suiv Éli.

Léktu prémié liv Roua yo

19, 16 b. 19-21

Jou sa yo :

Granmèt la di Éli : « Élizé pitit Safat la, moun Abèl-Méola-a, ou-a sakré-l kòm profèt nan plas ou ».

Éli pati, li jouinn Élizé, pitit Safat la, ki t-ap travay tè avèk doaaaz.makòn bèf ; li minm minm li té nan douzièm makòn bèf la ak moun yo ki t-ap travay tè-a. Éli rivé koté-l, li voyé manto-l sou li. Minm lè-a, Élizé kité bèf yo, li kouri dèyè Éli, li di : « Kité-m al anbrasé papa-m ak manman-m, tanpri, apré sa m-a suiv ou ». Éli di-l : « Alé, tounin, sa-m fè-ou la, sé afè pa-m ».

Min Élizé tounin sot koté-l, li pran dé bèf, li touyé yo, ak boua zouti ki t-ap viré tè-a, li kuit viann yo ; li bay pèp la, yo manjé. Li lèvé, li pati, li suiv Éli, li sèvi-l.

Paròl Granmèt la.

5

Lévé, zanmi-m, épi vini.

Léktu Kantik dè kantik

2, 8-14

Voua rinmin-m nan : min l-ap vini, antan l-ap vòltijé nan mòn yo, l-ap soté sou ti rotè yo. Rinmin-m nan tankou yon kabrit, yon pitit mouton. Min li, li kanpé dèyè miray nou-an, antan l-ap gadé nan fènèt yo, antan l-ap obsèvé nan pèsien yo.

Min rinmin-m nan ap palé avèk mouin : « Lévé, fè vit, zanmi-m, kolonb mouin, bèlté-m. Tan frèt la réyèlman déja passé, lapli-a pati, épi l-

al fè rout li. Flè yo parèt sou tè nou-an, tan romans yo rivé ; nou tandé voua toutrèl la sou tè nou-an ; pié figié-a té donnin premié frui-l yo, pié rézin yo antan yo fléri, yo té bay bon lodè yo.

Lévé, zanmi-m, bèlté-m, épi vini, kolonb mouin, nan fant ròch yo, nan trou falèz la. Montré-m fas ou, voua-ou sonnin nan zòrèy mouin ; voua-ou réyèlman li dous, épi fas ou, li bèl ».

Paròl Granmèt la.

6

Rinmin-an fò tankou lanmò.

Léktu liv Kantik dè Kantik

8, 6-7

Pozé-m tankou yon sign sou kè-ou, tankou yon sign sou bra-ou, paské rinmin-an fò tankou lanmò, jalouzi-a rèd tankou chalè bafon-an, zéklè-l sé zéklè difé ak flanm yo.

Gran dlo yo pa kapab étinn rinmin-an, ni gran riviè pa kapab nouayé-l. Si yon moun t-a bay tout richès lakay li pou rinmin-an, sé tankou anyin yo t-ap méprizé-l.

Paròl Granmèt la.

7

Sa-a ap di : « Sé pou Granmèt la mouin yé ».

Léktu liv profèt Izayi

44, 1-5

Kouté, Jakòb, sèvitè-m, épi Israèl, sa-m chouazi-a. Min sa Granmèt la di, li minm ki fè-ou, ki fòmé-ou, dépi nan vant mouin poté-ou sékou :

« Pa pè, sèvitè-m Jakòb, ou minm ki douat anpil, ou minm mouin té chouazi-a. M-ap vidé dlo réyèlman sou sa-k souaf la, avèk kouran dlo sou sa-k sèk la ; m-ap vidé éspri-m sou ras ou-a, ak bénédikcion-m sou désandans ou-a.

M-ap vidé dlo réyèlman sou tè souaf la ak riviè sou tè sèk la ; m-ap vidé éspri mouin sou ras nou-an ak bénédikcion mouin sou désandans ou-an : y-ap jèmin nan pami zèb yo tankou pié sòl bò dlo k-ap koulé yo. Sa-a ap di : « Sé pou Granmèt la mouin yé » ; yon lòt ap rélé non-l Jakòb ; sa-a minm ap ékri sou min-l : « Pou Granmèt la », y-ap ba-l non Israèl ».

Paròl Granmèt la.

8

Mouin kontan anpil nan Granmèt la.

Léktu liv profèt Izayi

61, 9-11

Y-ap rékonèt ras pèp mouin-an pami nasion yo, ak désandans yo nan mitan pèp yo. Tout moun k-ap ouè yo ap rékonèt yo tankou yon ras Granmèt la béni.

Mouin kontan anpil nan Granmèt la, nanm mouin ap fété nan Bondié-m nan, paské li abiyé-m ak rad ki sové-m nan, li vlopé-m nan manto jistis la, tankou yon mesié k-ap marié, ki gin yon kouròn sou tèt li, épi tankou yon fi k-ap marié, ki bèl ak bijou-l yo. Minm jan tè-a fè sémans li pousé-a, minm jan yon jadin fè sémans li jèmin-an, sé konsa tou Granmèt la Bondié ap fè jistis la jèmin, ni louanj la tou dévan tout nasion yo.

Paròl Granmèt la.

9

M-ap ékri laloua-m nan nan kè yo.

Léktu liv profèt Jérémi

31, 31-37

« Min jou k-ap rivé, sé sa Granmèt la di, m-ap pasé yon aliens nouvo avèk kay Israèl la, avèk kay Juda-a ; sé pa tankou aliens la mouin té pasé avèk papa yo-a, jou mouin té pran min yo-a, pou-m kondui yo sot nan péyi Éjip la, aliens sa-a, sé yo minm ki té kasé-l, mouin minm mouin té fè yo santi pouvoua-m, sé sa Granmèt la di.

M-ap mété laloua-m nan nan zantray yo, m-ap ékri-l nan kè yo, m-ap Bondié yo, y-ap pèp mouin, pèsonn pap anségné prochain-l ak frè-l ankò, antan l-ap di : “Sé pou-ou konnin Granmèt la” ; sèké tout moun ap konnin-m, dépi pi piti nan yo jous nan pi gran-an, sé sa Granmèt la di ; paské m-ap padonnin fèt yo, mouin pap sonjé péché yo ankò.

Min sa Granmèt la di, li minm ki bay solèy kòm limiè jou-a, lòd lali-n nan ak zétoual yo kòm limiè nuit la, ki troublé lanmè, lanm li yo tranblé, Granmèt lamé yo sé non-l sa : « Si loua sa yo dépéri dévan-m, sé sa Granmèt la di, lè sa-a ras Israèl la ap dépéri tou, pou pa gin nasion dévan-m tout jou yo ».

Min sa Granmèt la di : « Si yo kapab méziré sièl yo anlè-a, épi sondé fondasyon tè-a anba-a, mouin minm tou m-a réjité tout ras Israël poutèt tout bagay, sa yo té fè yo, sé sa Granmèt la di ».

Paròl Granmèt la.

10

M-ap marié-ou avèk mouin pou tout tan.

Léktu liv profèt Ozé

2, 16. 21-22

Min paròl Granmèt la :

« Sé mouin minm k-ap ba-l bouè lèt, k-ap kondui-l nan dézè, k-ap palé nan kè-l.

M-ap marié-ou avèk mouin pou tout tan ; m-ap marié-ou avèk mouin nan jistis avèk jijman, nan mizérikòd avèk nan pitié, m-ap marié-ou avèk mouin nan lafoua, ou-ap konnin mouin sé Granmèt la ».

Paròl Granmèt la.

LÉKTU NAN NOUVO TÉSTAMAN-AN

1

*Tout moun ki té ansanm,
yo té gin tout bagay an komin.*

Léktu Travay Apot yo

2, 42-47

Frè yo té pèsévéré nan ansègnman Apot yo, ak kominion pin-an yo séparé-a, ak priyè yo.

Krint té rivé nan tout kè. Té gin anpil prodij ak sign ki t-ap fèt pa lintèmediè Apot yo nan Jérusalèm, té gin gro sézisman nan tout moun. Tout moun ki té kouè yo té ansanm, yo té gin tout bagay an komin : yo té vann propriété yo ak byin yo, yo té séparé yo pou tout moun, dapré sa chak moun té bézouin.

Chak jou yo té pèsévéré ansanm nan tanp la, yo té séparé pin-an lakay yo, yo té konn pran manjé-a avèk kontantman ak yon kè sinp, antan y-ap fè louanj Bondié, yo té gin favè tout foul la. Chak jou Granmèt la té ajouté nan yo lòt moun, ki té sové yo.

Paròl Granmèt la.

2

Yon sèl kè ak yon sèl nanm.

Léktu Travay Apot yo

4, 32-35

Foul moun ki té kouè yo té gin yon sèl kè ak yon sèl nanm ; pèsòn nan yo pa-t konsidéré sa-l té ginyin kòm pròp byin pa-l, min tout bagay té ansanm pou yo.

Avèk gran fòs, Apot yo t-ap sèvi rézireksion Jézu-Kri Granmèt nou-an témouin, té gin gran gras nan yo tout.

Nan pami yo pa-t gin pèsòn ki té nan bézouin ; tout moun ki té gin jadin oubyin kay, yo vann yo, yo poté pri vant la, yo dépozé-l nan pié Apot yo ; yo séparé-l bay yo chak, dapré sa chak moun té bézouin.

Paròl Granmèt la.

3

N-ap maché nan nouvo lavi-a.

Léktu lèt apot sin Pòl pou Romin yo

6, 3-11

Frè-m yo :

Nou tout ki batizé nan Kris Jézu, sé nan lanmò-l nou batizé. Nou antéré réyèlman ansanm avèk li nan lanmò-a gras a batèm nan, pou minm jan Kris la résisité sot nan pami mò yo gras a gloua Papa-a, konsa tou nou minm n-ap maché nan nouvo lavi-a.

Sèké si nou planté ansanm avèk li pou nou sanblé avèk li nan lanmò-l la, konsa tou n-ap ansanm avèk li nan rézireksion-l nan. Nou konnin moun ansyin nou-an klouré sou koua-a ansanm avèk li, pou kò péché-a kapab détoui, pou nou pa sèvi péché-a ankò. Sa-a ki mouri-a, li kòrèk parapò a péché-a.

Konsa si nou mouri ansanm avèk Kris la tou, nou kouè n-ap viv tou avèk Kris la antan nou konnin Kris la ki résisité sot nan pami mò yo, li pap mouri ankò, lanmò-a pap gin pouvoua sou li ankò. Sa-k mouri aléga péché-a, li mouri yon foua pou tout ; sa k-ap viv la minm, sé pou Bondié l-ap viv.

Sé konsa nou minm sé pou nou konsidéré nou mouri aléga péché-a, n-ap viv pou Bondié nan Kris Jézu Granmèt nou-an.

Paròl Granmèt la.

4

Prézanté kò nou yo tankou sakrifis ki vivan ki sin, ki fè Bondié plézi.

Léktu lèt apot sin Pòl pou Romin yo**12, 1-13**

Mouin priyé nou, frè-m yo, pa lintèmédiè mizérikòd Bondié-a, pou nou ofri kò nou tankou sakrifis ki vivan, ki sin, ki fè Bondié plézi, sé konsa pou nou sèvi-l dapré éspri-a. Pa pran modèl sou sièk sa-a, min sé pou nou chanjé, pou nou vi-n tou nèf nan fason n-ap pansé, pou nou chèché konnin sa Bondié vlé ki bon, ki fè-l plézi, ki kòrèk nèt.

Mouin di réyèlman, pa pouvoua gras la yo ban mouin-an, pou tout moun ki nan mitan nou yo : pou nou pa konsidéré tèt nou plis pasé jan nou doué konsidéré-l, min pou nou konsidéré-l avèk modérasion, épi pou chak moun jan Bondié séparé mézi lafoua-a.

Minm jan réyèlman nou yon sèl kò nou gin anpil manb nan, épi tout manb yo pa gin minm aksion, konsa malgré nou anpil la, sé yon sèl kò nou yé nan Kris la épi nou chak nou youn sé manb lòt. Nou gin kado dapré gras yo ba nou-an, kado sa yo divès : soua sé profési sèlon mézu lafoua-a ; soua sé sèvis la antan sèvis la ap fèt vré ; soua sé moun k-ap anségné-a antan li nan limit doktri-n nan ; moun k-ap ankourajé lòt antan l-ap ankourajé yo vré ; moun k-ap bay la antan li gin yon kè sinp ; moun k-ap dirijé-a, antan-l ap mété aktivité ; moun k-ap souin maléré, antan li gin bon jan.

Rinmin-an pa gin ipokrizi, sé pou nou rayi sa-k mal, sé pou nou kolé kò nou sou byin-an, sé pou nou youn rinmin lòt avèk charité frè, sé pou nou youn gin konsidérasion pou lòt, pa fè parès nan aktivité nou, sé pou nou cho nan Éspri-a, sé pou nou sèvi Granmèt la, sé pou nou gin kè kontan nan éspérans la, sé pou nou sipòté tribilasion avèk pasians, sé pou nou rét fidèl nan priyé sé pou nou séparé bay fidèl ki nan bézouin yo, sé pou nou tout résévoua moun lakay nou.

Paròl Granmèt la.

5

Nou minm minm n-ap préché Kris la yo klouré sou koua-a.

Léktu prémié lèt apot sin Pòl pou Korintyin yo

1, 22-31

Frè-m yo :

Juif yo ap mandé sign, Grèk yo ap chèché sajès ; nou minm minm n-ap préché Kris la yo klouré sou koua-a, pou Juif yo sé yon skandal, pou nasion yo sé yon foli, min pou sa yo yo rélé yo, Juif ak Grèk, sé Kris la, puisans Bondié ak sajès Bondié-a ; paské sa-k fou pou Bondié-a li gin plis sajès pasé lézòm, sa-k fèb pou Bondié-a, li pi fò pasé lézòm.

Gadé nan ki sa yo rélé nou, frè-m yo ; sèké pa gin anpil saj dapré chè-a, ni anpil moun ki gin pouvoua, ni anpil moun ki sot nan gran ras.

Min sé sa-k fou sou tè-a Bondié chouazi, pou-l fè saj yo ront ; sé sa-k fèb sou tè-a Bondié chouazi, pou-l fè sa-k fò yo ront ; sé sa-k san konsidérasion ak sa yo méprizé sou tè-a Bondié chouazi, ak sa-k pa anyin, pou-l détoui sa-k kichòy yo, pou okinn chè pa fè grandizè dévan fas li.

Sé gras a li nou nan Kris Jézu-a, li minm ki vi-n tounin sajès pou nou sot nan Bondié, ak jistis, ak sanktifikasion, ak rédanmsion ; konsa, dapré sa-k ékri-a : « moun k-ap lévé tèt li, sé nan Granmèt la pou-l lévé tèt li ».

Paròl Granmèt la.

6

Vièj la pansé sa-k pou Granmèt la.

Léktu prémié lèt apot sin Pòl pou Korintyin yo

7, 25-35

Frè-m yo :

Osijè vièj yo, mouin pa gin kòmandman Granmèt la ; min sé yon konsèy m-ap bay tankou yon moun Granmèt la fè mizérikòd, pou yo kapab fè-m konfians. Mouin konsidéré sé yon bon bagay poutèt nésésité ki la koulié-a, oui, sé yon bon bagay pou moun nan rét jan li yé-a.

Èské ou marié ak yon madanm ? pa chèché séparé. Èské ou pa marié ak yon madanm ? pa chèché marié. Si-ou marié, ou pa fè péché ; si yon vièj marié, li pa fè péché. Sèlman n-ap gin tribilasion nan chè sa-a ; mouin minm mouin vlé évité nou sa.

Konsa, mouin di nou, frè-m yo : Tan-an kout ; moun ki marié, sé pou yo viv kòm si yo pa marié ; moun k-ap kriyé, kòm si yo pap kriyé ; moun

ki gin kè kontan, kòm si yo pa gin kè kontan ; moun k-ap achté, kòm si yo pa posédé ; moun k-ap sèvi avèk tè sa-a, kòm si yo pap sèvi avèk li ; sèké, figu tè sa-a, l-ap pasé.

Mouin vlé pou nou san traka. Sa-k san madanm nan, li pran traka pou sa-k pou Granmèt la, kijan pou-l fè Granmèt la plézi. Sa ki avèk madanm nan minm, li pran traka pou sa-k pou tè-a, kijan pou-l fè madanm li plézi, épi li séparé.

Épi madanm ki pa marié-a épi vièj la, li réfléchi sou sa-k pou Granmèt la, pou-l kapab sin nan kò ak nan éspri ; sa-k marié-a minm l-ap réfléchi sou sa-k pou tè-a, kijan pou-l fè mari-a plézi.

Sèlman sé pou avantaj nou mouin palé, sé pa pou-m fè nou tonbé nan pièj, min sé pou bagay ki onèt, épi sa ki ofri posibilite sèvi Granmèt la san anpèchman.

Paròl Granmèt la.

7

*Bondié chouazi nou nan Kris la pou nou sin,
san répròch dévan-l nan rinmin-an.*

Léktu lèt apot sin Pòl pou Éfézyin yo

1, 3-14

Konpliman pou Bondié Papa Granmèt nou Jézu-Kri, li minm ki béni nou ak tout kalité bédiksion spirituèl nan sièl la nan Kris la. Jan li té chouazi nou nan li anvan tè-a té fèt la, pou nou sin, san répròch dévan-l nan rinmin-an. Li té déstiné nou davans pou nou vi-n tounin pitit adoptif pou li pa pouvoua Jézu-Kri, dapré désizion volonté-l, pou louanj gloua gras li, koté li fè nou jouinn gras nan Pitit li-a li rinmin-an.

Nan li nou gin rédanmsion gras a san-l, padon péché yo dapré richès gras li-a, ki ranvèsé sou nou nan tout kalité sajès ak sians, pou-l té kapab fè nou konnin mistè volonté-l, dapré bon plézi-l, sa-l té ranjé davans nan li pou fè tan yo rivé nan dènié bout kous yo, fè tout bagay instalé nan Kris la, sa-k nan sièl la ak sa-k sou tè-a, nan li.

Sé nan li minm tou yo chouazi nou, yo rélé nou, nou minm tou, pitit Israèl yo, yo déstiné nou davans dapré plan sa-a ki fè tout bagay gras a désizion volonté-l la, pou nou vi-n sèvi louanj gras li, nou minm ki té espéré davans nan Kris la. Nan li minm nou minm tou, lè nou té tandé paròl vérité-a, Bòn Nouvèl sa-k sovè nou-an, nou té kouè, nou té maké ak mak Éspri Sin yo té promèt nou-an, li minm ki garanti éritaj nou-an, nan rédanmsion n-ap jouinn nan, pou louanj gras li-a.

Paròl Granmèt la.

8

*Sé pou nou gin minm charité, yon sèl kè.***Léktu lèt apot sin Pòl pou Filipyin yo**

2, 1-4

Frè-m yo :

Si gin yon konsolasyon nan Kris la, si gin yon ankourajman charité-a donnin, si gin yon kominion Éspri-a bay, si pitié-a bay zantray, fè kè-m kontan nèt, antan nou gin minm charité, yon sèl kè, minm fason pou nou anvizajé bagay yo, pou nou gin minm santiman. Sé pa pou nou gin okinn jalouzi, sé pa pou nou chèché okinn gloua ki vid, min sé pou pou nou rabésé tèt nou antan chak moun konsidéré lòt la kòm pi sipèriè pasé-l, san chak moun pa konsidéré avantaj pèsonèl li, min okontrè afè lòt yo.

Paròl Granmèt la.

9

*Mouin konsidéré tout bagay tankou désavantaj, pou-m posédé Kris la.***Léktu lèt apot sin Pòl pou Filipyin yo**

3, 8-14

Frè-m yo :

Mouin konsidéré tout bagay kòm désavantaj poutèt sians Jézu-Kri Granmèt mouin-an ki dépasé tout bagay la : poutèt li mouin konsidéré tout bagay tankou désavantaj, mouin konsidéré yo tankou fatra, pou-m kapab gingnin Kris la, pou yo jouinn mouin nan li san-m pa gin jistis pa-m ki sot nan laloua-a, min sa-k soti nan lafoua Kris Jézu-a, jistis sa-a ki sot nan Bondié-a, sa-k nan lafoua-a ; pou-m konnin li minm ak puisans rézirkonsion-l nan, pou-m asosié avèk soufrans li, pou-m sanblé ak lanmò-l, pou-m kapab rivé résisité sot nan pami mò yo.

Sa pa vlé di mouin déjà rivé, mouin déjà fi-n bon nèt ; min m-ap kontinié pou-m éséyé pran bagay sa yo, minm jan Kris Jézu fi-n pran-m nan.

Frè-m yo, mouin pa konsidéré mouin déjà pran. Sé yon sèl bagay : mouin bliyé sa-k dèyè, sé sa-k dévan m-ap rapousuiv, pou-m rivé nan dènié pouin-an, pou-m jouinn rékonpans la koté Bondié rélé-m anlè-a nan Kris Jézu-a.

Paròl Granmèt la.

10

Sé bagay anro yo pou nou chèché, sé pa sa-k sou tè-a.

Léktu lèt apot sin Pòl pou Kolosyin yo

3, 1-4

Frè-m yo :

Si nou résisité ansanm avèk Kris la, sé bagay ki anro yo pou nou chèché, koté Kris la chita adouat Bondié-a : sé bagay ki anro yo pou nou gouté, sé pa bagay ki sou tè-a.

Sèké nou mouri, lavi nou kaché avèk Kris la nan Bondié.

Lè Kris la ap parèt, li minm ki lavi nou, lè sa-a nou minm tou n-ap parèt ansanm avèk li nan gloua-a.

Paròl Granmèt la.

11

*Anlè tout bagay, sé pou nou gin charité,
paské sé kòd réalizasion ki fi-n kòrèk nèt la.*

Léktu lèt apot sin Pòl pou Kolosyin yo

3, 12-17

Frè-m yo :

Abiyé nou, tankou moun Bondié chouazi, ki sin, tankou moun li rinmin, abiyé nou ak zantray mizérikòd, ak bon kè, rabésé tèt nou, fè kò nou tou dou, pran pasians, sipòté nou youn lòt, sé pou youn padonnin lòt, si youn gin kichòy kont lòt : jan Granmèt la padonnin nou, konsa nou minm tou.

Anlè tout bagay sa yo, sé pou nou gin charité, li minm ki kòd ki maré sa ki fi-n kòrèk nèt la ; sé pou lapè Kris la fété nan kè nou, sé nan li yo rélé nou pou nou fè yon sèl kò ; sé pou nou rét ap di Bondié mèsì.

Sé pou paròl Kris la abité nan nou jous li plin nou, antan youn ap bay lòt ansègnman antan youn ap réprann lòt nan tout kalité sajès, avèk psòm, kantik avèk chanté spirituèl, antan nan gras la n-ap chanté pou Bondié nan kè nou. Tou sa n-ap fè soua nan paròl, soua nan aksion, sé pou nou fè tout bagay o non Granmèt Jézu-Kri, antan n-ap di Bondié Papa-a mèsì pa lintémédiè-l.

Paròl Granmèt la.

12

*Min volonté Bondié, sé pou nou vi-n sin.***Léktu prémié lèt apot sin Pòl pou Tésalonisyin yo** 4, 1-3 a. 7-12

Frè-m yo, nou priyé nou, n-ap plédé mandé nou nan Granmèt Jézu, pou, dapré sa nou résévoua nan min nou sou jan nou doué maché, jan nou doué fè Bondié plézi-a, sé konsa minm pou nou maché, pou nou kapab fè plis progrè toujou. Nou konnin ki kòmandman nou té ba nou o non Granmèt Jézu.

Min volonté Bondié, sé pou nou vi-n sin.

Sèké Bondié pa rélé nou pou bagay ki pa pròp, min pou nou vi-n sin. Konsa, moun ki méprizé bagay sa yo, sé pa moun li méprizé, min sé Bondié, li minm ki mété Éspri Sin-l nan nan nou.

Sou charité nou doué ginyin pou frè-a, sa pa nésésè pou nou ékri nou sou sa ; sèké nou minm minm nou té aprann nan min Bondié pou nou youn rinmin lòt. Réyèlman, nou fè sa pou tout frè yo nan tout Masédouan.

Sèlman nou priyé nou, frè-m yo, pou nou fè plis progrè, pou nou fè éfò pou nou viv ak lapè, pou nou okipé afè pa nou, pou nou travay avèk min nou, jan nou té pasé nou lòd la, épi pou nou maché yon fason onèt parapò a sa yo ki déyò yo, épi pou pap bézouin anvri anyin ankò.

Paròl Granmèt la.

13

*Avèk Jézu-Kri, li minm nou rinmin san nou pa ouè-l la.***Léktu prémié lèt apot sin Piè** 1, 3-9

Konpliman pou Bondié, ak Papa Granmèt nou Jézu-Kri, li minm ki té réfè nou nan éspérans vivan-an gras a réziréksion Jézu-Kri sot nan pami mò yo, dapré gran mizérikòd li-a, pou yon éritaj ki pap détoui, ki pap sal, ki pap vi-n vié, k-ap diré nan sièl la pou nou, nou minm yo konsèvé pou sovè nou sovè-a gras a lafoua-a, nan puisans Bondié-a, sovè nou sovè sa-a yo paré pou révéle-l nan dènié tan-an.

Nan li nou gin kè kontan, minm si koulié-a, nou gin pou nou gin chagrin nan divès bagay k-ap tanté nou ; pou éprèv lafoua nou-an ki gin plis pri pasé lò-a, sa yo éséyé nan difé-a, li rivé nan louanj ak gloua ak konsidérasion nan révélasion Jézu-Kri-a, li minm nou rinmin san nou pa ouè-l la ; li minm nou kouè nan li, minm si koulié-a nou pa ouè-l la ;

antan nou kouè-a n-ap kontan nan yon kontantman san parèy, ki nan gloua, n-ap jouinn rékonpans lafoua nou nan sovè nanm yo ap sovè-a.

Paròl Granmèt la.

14

Si nou youn rinmin lòt, Bondié rété nan nou.

Léktu prémié lèt apot sin Jan

4, 7-16

Nou minm mouin rinmin anpil la, sé pou nou youn rinmin lòt, paské charité-a sé nan Bondié li soti ; épi tout moun ki rinmin sé nan Bondié li fèt, li konnin Bondié. Moun ki pa rinmin, li pa konnin Bondié, paské Bondié sé rinmin minm.

Min nan kisa charité Bondié-a parèt nan nou : sèké Bondié voyé sèl Pitit li-a sou tè-a, pou nou viv gras a li.

Min nan kisa charité-a yé : sé pa kòm si sé nou ki té rinmin Bondié, min sé li minm ki té rinmin nou an prémié, li voyé Pitit li-a kòm padon pou péché nou yo.

Nou minm mouin rinmin anpil la, si Bondié rinmin nou konsa, sé pou nou youn rinmin lòt tou. Bondié, pèsòn pa janm ouè-l. Si nou youn rinmin lòt, Bondié rété nan nou, charité-l la kòrèk nèt nan nou.

Min nan kisa nou konnin nou rété nan li épi li minm nan nou : sèké li té ba nou nan Éspri-l la. Épi nou minm nou ouè, nou sèvi témouin, Papa-a voyé Pitit li-a kòm sovè tè-a.

Tout moun ki rékonèt Jézu sé Pitit Bondié, Bondié rété nan li, épi li minm nan Bondié. Nou minm nou konnin, nou kouè nan charité-a Bondié ginyin pou nou-an.

Bondié sé charité, moun ki rété nan charité-a, li rété nan Bondié épi Bondié nan li.

Paròl Granmèt la.

15

M-ap soupé avèk li, épi li minm avèk mouin.

Léktu liv Apokalips apot sin Jan

3, 14 b. 20-22

« Min sa-l di, Amèn nan, témouin fidèl la, vré-a, li minm ki kòmansman tou sa Bondié kréyé-a : “Min mouin kanpé nan pòt la, m-ap

frapé : si yon moun tandé voua-m, li louvri pòt la ban mouin, m-ap antré koté-l, m-ap soupé avèk li, li minm avèk mouin.

Moun ki ranpòté viktoua-a, m-ap ba-l posibilite pou-l chita avèk mouin sou tro-n mouin-an, minm jan mouin minm mouin té ranpòté viktoua-a épi mouin chita avèk Papa-m sou tro-n li-a”.

Moun ki gin zòrèy, sé pou-l tandé sa Éspri-a di Égliz yo ».

Paròl Granmèt la.

16

Vini, Granmèt Jézu !

Léktu liv Apokalips apot sin Jan

22, 12-14. 16-17. 20

Mouin minm, Jan, mouin tandé yon voua k-ap di-m :

« Min m-ap vini byin vit, rékonpans mouin avèk mouin, m-ap vi-n rinmèt chak moun dapré aksion-l yo. Mouin sé alfa avèk oméga, premié ak dènié, kòmansman ak finisman. Ala kontantman pou moun ki lavé rad yo nan san Mouton-an, pou yo jouinn pouvoua yo nan pié boua lavi-a, pou yo antré nan pòt yo nan vil la.

Mouin minm, Jézu, mouin voyé anj mouin-an pou-l sèvi témouin dévan nou pou bagay sa yo nan Égliz yo. Mouin sé rasi-n ak ras David, zétoual ki kléré byin bèl la, ki lévé granmatin-an ».

Éspri-a avèk Madanm k-ap marié-a di : « Vini ». Sa-a ki tandé-a, sé pou-l di : « Vini ». Moun ki souaf, sé pou-l vini. Moun ki vlé, l-ap résevoua dlo lavi-a gratis.

Sa-a ki sèvi bagay sa yo témouin-an, li di : « Oui, m-ap vini byin vit ».

Amèn. Vini, Granmèt Jézu !

Paròl Granmèt la.

PSÒM RÉPONS YO

1

PSÒM RÉPONS

Ps 23, 1-2. 3-4 ab. 5-6 (R: : cf. 6)

R: Sa-a, sé ras moun k-ap chèché fas ou yo, Granmèt.

¹ Pou Granmèt la tè-a ak sa-k plin-l, fas tè-a ak sa-k abité ladan-l.

- 2 Sèké sé li minm ki pozé-l sou lanmè yo,
ki rann li solid sou gran riviè yo. **R:**
- 3 Kilès k-ap monté sou mòn Granmèt la,
oubyin kilès k-ap kanpé sou plas li ki sin-an ?
- 4 moun ki gin min-l inosan ak kè-l nèt,
ki pa nonmin non-l pou granmési. **R:**
- 5 Moun sa-a ap résévoua bénédiksyon nan min Granmèt la
ak jistikasyon nan min Bondié sovè-l la.
- 6 Sa-a sé ras moun k-ap chèché-l yo,
k-ap chèché fas Bondié Jakòb la. **R:**

2

PSÒM RÉPONS

Ps 26, 1. 4. 5. 8 b-9 abc. 9 d é 11 (**R:** : 8 b)

- R:** Sé fas ou, Granmèt, m-ap chèché.
- 1 Granmèt la sé klèté-m, épi li sovè-m, kilès pou-m pè ?
Granmèt la sé protékasyon lavi-m, dévan kilès pou-m tranblé ? **R:**
- 4 Yon sèl bagay mouin mandé Granmèt la, sé sa m-ap chèché :
abité kay Granmèt la
tout tan lavi-m,
pou-m ouè dousè Granmèt la,
pou-m vizité tanp li-a. **R:**
- 8 Sé fas ou, Granmèt, m-ap chèché.
- 9 Pa viré fas ou louin-m,
pa viré do bay sèvitè-ou la nan kòlè.
Sé sékou-m ou yé, pa lagé-m. **R:**
- Pa abandoné-m, Bondié sovè-m.
- 11 Montré-m chemin-ou nan, Granmèt,
dirijé-m nan santié douat la poutèt ènmi-m yo. **R:**

3

PSÒM RÉPONS

Ps 32, 2-3. 4-5. 11-12. 13-14. 18-19. 20-21 (**R:** : 12 b)

- R:** Ala kontantman pou pèp sa-a Granmèt la chouazi kòm éritaj li-a.
- 4 Sèké paròl Granmèt la douat ;
tou sa li fè yo, sé nan vérité.

- 5 Li rinmin jistis ak jijman,
mizérikòd Granmèt la plin tè-a. **R**
- 11 Plan Granmèt la minm rété pou tout tan,
kalkil kè-l pou jénérasyon ak jénérasyon.
- 12 Ala kontantman pou nasion-an, ki gin Granmèt la pou Bondié-l la,
pèp la li té chouazi kòm éritaj li-a. **R**
- 13 Antan-l nan sièl la Granmèt la voyé jé-l,
li ouè tout pitit moun yo.
- 14 Antan-l nan koté li abité-a li voyé-jé-l
sou tout moun ki abité tè-a. **R**
- 18 Min jé Granmèt la fiksé sou moun ki krinn li yo,
pou moun ki mét éspérans sou mizérikòd li,
- 19 pou-l délivré yo sot nan lanmò,
pou-l fè yo viv lè gin grangou. **R**
- 20 Nanm nou ap konté sou Granmèt la,
paské sé sékou nou ap protéksion nou li yé ;
- 21 paské sé nan li kè nou ap fété,
sé nan non-l ki sin-an n-ap éspéré. **R**

4

PSÒM RÉPONS

Ps 33, 2-3. 4-5. 6-7. 8-9

oubyin : 10-11. 12-13. 14-15. 17 é 19 (**R** : 2 a oubyin 9 a)**R** M-ap fè konpliman pou Granmèt la tout tan.

oubyin :

R Gouté, n-a ouè jan Granmèt la bon.

- 2 M-ap fè konpliman pou Granmèt la tout tan,
tout tan louanj li nan bouch mouin.
- 3 Nan Granmèt la nanm mouin ap jouinn konsidération-l,
sé pou pòv yo tandé, pou yo kontan. **R**
- 4 Fè louanj Granmèt la avèk mouin,
sé pou nou lévé non-l anlè ansanm.
- 5 Mouin chèché Granmèt la, li réponn mouin ;
anba tou sa k-ap fè-m pè, li délivré-m. **R**
- 6 Gadé nan diréksion-l, n-ap kléré,
fas nou pap ront.

- 7 Pòv sa-a rélé, Granmèt la kouté-l,
anba tout tribilasyon li li sovè-l. **R:**
- 8 Anj Granmèt la monté lagad alantou moun ki krinn li yo,
pou-l délivré yo.
- 9 Gouté, n-a ouè jan Granmèt la bon ;
ala kontantman pou moun ki espéré nan li. **R:**

oubyin :

- 10 Sé pou nou krinn Granmèt la, sin-l yo,
paské pa gin bézouin pou moun ki krinn li yo.
- 11 Rich yo vi-n pòv, yo grangou,
min sa k-ap chèché Granmèt la, yo pa manké okinn byin. **R:**
- 12 Vini, pitit mouin yo, kouté-m :
m-ap aprann nou krint Granmèt la.
- 13 Kilès moun sa-a ki vlé lavi-a,
ki rinmin jou pou-l ouè byin-an ? **R:**
- 14 Pa kité lang ou fè sa-k mal,
pa kité po bouch ou palé manti.
- 15 Viré do bay mal, fè byin,
chèché lapè, rapousuiv li. **R:**
- 17 Fas Granmèt la sou moun k-ap fè sa-k mal yo,
pou-l pèdi souvni yo sot sou tè-a.
- 19 Granmèt la tou pré moun ki gin kè séré yo,
l-ap sovè sa-k gin espri yo krazé yo. **R:**

5

PSÒM RÉPONS

Ps 39, 2 é 4 ab. 7-8 a. 8 b-9. 10. 12 (**R:** : 8 a é 9 a)

- R:** Min m-ap vini, Granmèt, pou-m fè volonté-ou.
- 2 Sé pa ti kras tann mouin t-ap tann, Granmèt la,
li panché sou mouin.
- 4 Li mété yon kantik nouvo nan bouch mouin
yon chanté pou Bondié nou-an. **R:**

- 7 Sakrifis ak kado, ou pa-t vlé sa,
ou louvri zòrèy mouin.
Sakrifis antié ak sakrifis pou péché, ou pa-t mandé sa,
- 8 lè sa-a mouin di : « Min m-ap vini. **R** »
- Nan roulo liv la yo ékri osijè-m
- 9 pou-m fè volonté-ou.
Bondié mouin, mouin dakò,
laloua-ou la nan zantray mouin ». **R** »
- 10 Mouin anonsé jistis ou-a nan gran asanblé-a ;
min mouin pa fèmin bouch mouin, Granmèt, ou konnin. **R** »
- 12 Kanta ou minm Granmèt, pa ouété pitié-ou yo soti sou mouin ;
sé pou mizérikòd ou-a ak vérité-ou la toujou soutni mouin. **R** »

6

PSÒM RÉPONS Ps 44, 11-12. 14-15. 16-17 (**R** : cf. Mt 25, 6)

- R** Min épou-a ap vini : soti al rankontré Kris Granmèt la.
- 11 Kouté, mafi, gadé, panché zòrèy ou,
bliyé pèp ou-a ak lakay papa-ou ;
- 12 roua-a anvi bèlté-ou.
Paské sé Granmèt ou li yé, sé pou-ou adoré-l. **R** »
- 14 Pitit fi roua-a bèl anpil sou pa anndan,
li abiyé ak rad ki fèt ak fil lò.
- 15 Nan rad ki fèt ak anpil kalité bèl toual, yo minnin-l kot roua-a ;
vièj yo apré-l, zanmi-l yo, y-ap minnin yo ba ou. **R** »
- 16 Yo minnin yo nan kontantman ak fèt,
yo kondui yo nan kay roua-a.
- 17 Nan plas papa-ou yo ou-ap gin pitit ;
ou-ap instalé yo kòm chèf sou tout tè-a. **R** »

7

PSÒM RÉPONS Ps 62, 2. 3-4. 5-6. 8-9 (**R** : 2 b)

- R** Nanm mouin souaf ou, Granmèt, Bondié mouin.
- 2 Bondié, sé Bondié-m ou yé, dépi granmatin m-ap véyé koté-ou.
Nanm mouin souaf ou,
chè mouin anvi-ou. **R** »

- 3 Nan tè ki pa gin anyin-an, ki sèk la, ki san dlo-a, s
sé konsa mouin parèt dévan-ou nan tanp la,
pou-m ouè puisans ou ak gloua-ou.
- 4 Paské mizérikòd ou pi bon pasé lavi yo,
bouch mouin ap fè louanj ou. **R:**
- 5 Sé konsa m-ap fè konpliman pou ou nan lavi-m,
o non-ou m-ap lévé min-m.
- 6 Tankou ak grès, ak moual, nanm mouin ap plin,
ak kontantman sou po bouch mouin m-ap fè louanj. **R:**
- 8 Sèké ou té poté-m sékou,
anba voual zèl ou yo m-ap fété.
- 9 Nanm mouin kolé apré-ou,
min douat ou soutni-m. **R:**

8

PSÒM RÉPONS

Ps 83, 3. 4. 5 é 8 a. 11. 12 (**R:** 2)

- R:** Ala rinmin nou rinmin tant-ou yo, Granmèt lamé yo !
- 3 Nanm mouin anvi, l-ap dépéri pou kay Granmèt la.
Kè-m ak chè-m ap fété pou Bondié vivan-an. **R:**
- 4 Minm ti zouazo jouinn yon kay pou li,
toutrèl la jouinn yon nich, koté li dépozé ti pitit li yo :
lotèl ou yo, Granmèt lamé yo, roua-m ak Bondié-m. **R:**
- 5 Ala kontantman pou moun ki abité nan kay ou-a,
pou tout tan y-ap fè louanj ou.
- 8 Y-ap maché sot nan mèvèy al nan mèvèy. **R:**
- 11 Sèké yon jou nan kay ou yo pi bon pasé mil,
mouin chouazi rét sou papòt nan kay Bondié-m nan,
pasé pou-m abité nan tant péchè yo. **R:**
- 12 Sèké Granmèt Bondié-a sé solèy ak boukliyé,
Granmèt la ap bay gras ak gloua ;
li pap anpéché sa yo jouinn byin
yo minm k-ap maché nan inosans la. **R:**

9

PSÒM RÉPONS

Ps 99, 2. 3. 4. 5 (R: 2 c)

- R: Antré dévan fas Granmèt la avèk gran fèt.
- 2 Fè louanj pou Granmèt la tout tè-a,
sèvi Granmèt la nan kè kontan ;
antré dévan fas li avèk gran fèt. R:
- 3 Konnin Granmèt la sé li minm ki Bondié ;
sé li minm ki fè nou, sé pou li nou yé,
pèp li ak mouton pak li. R:
- 4 Antré nan pòtay li yo avèk louanj,
nan lakou-l yo avèk kantik,
fè louanj li, fè konpliman pou non-l. R:
- 5 Sèké Granmèt la bon ;
pou tout tan mizèrikòd li,
pou jénèrasion ak jénèrasion vérité-l la. R:

ALÉLOUYA AK VÈSÈ ANVAN ÉVANJIL LA

1

Ps 132, 1

(R: Alélouya). Ala bon sa bon épi ala kontantman
pou abité kòm frè ansanm. (R: Alélouya).

2

Cf. Mt 11, 25

(R: Alélouya). Mouin fè konpliman pou ou, Papa, Granmèt sièl la ak tè-a,
paské ou révéle mistè péyi-roua-a bay ti moun piti yo. (R: Alélouya).

3

Lk 11, 28

(R: Alélouya). Ala kontantman pito pou moun ki kouté paròl Bondié-a
épi ki kinbé-l. (R: Alélouya).

4

Jan 13, 34

(R: Alélouya). Mouin ba nou yon kòmandman nouvo,
 pou nou youn rinmin lòt minm jan mouin rinmin nou-an. (R:
 Alélouya).

5

Jan 15, 5

(R: Alélouya). Mouin sé pié rézin-an, nou minm nou sé branch yo,
 sé sa Granmèt la di ;
 moun ki rété nan mouin, épi mouin minm nan li,
 moun sa-a donnin anpil foui. (R: Alélouya).

6

2 Kor 8, 9

(R: Alélouya). Jézu-Kri vi-n tounin pòv, malgré li té rich,
 pou-l té kapab fè nou vi-n rich avèk sa-k fè-l vi-n pòv la. (R: Alélouya)

7

Gal 6, 14

(R: Alélouya). Mouin pa gin doua lévé tèt mouin sof nan koua Granmèt
 la,
 ki fè tè-a klouré sou koua-a pou mouin, épi mouin minm pou tè-a. (R:
 Alélouya).

8

Fil 3, 8-9

(R: Alélouya). Mouin konsidéré tout bagay kòm fatra,
 mouin gadé yo kòm débri,
 pou-m jouinn avantaj mouin nan Kris la,
 pou yo jouinn mouin nan li. (R: Alélouya).

ÉVANJIL YO

1

Ala kontantman... fè kè nou kontan, fété.✠ **Léktu sint Évanjil la dapré Matié****5, 1-12 a**

Lè sa-a :

Jézu ouè foul yo, li monté sou mòn nan ; kon-l chita, disip li yo proché koté-l. Li louvri bouch li, li kòmansé ba yo ansègnman, li di :

« Ala kontantman pou moun ki pòv yo nan éspri-a, paské sé pou yo péyi roua sièl yo yé.

Ala kontantman pou moun ki dou yo, paské sé yo minm k-ap posédé tè-a,

Ala kontantman pou moun k-ap kriyé yo, paské y-ap konsolé,

Ala kontantman pou moun ki grangou, ki souaf jistis la, paské y-ap jouinn kont yo.

Ala kontantman pou moun ki gin mizérikòd yo, paské y-ap jouinn mizérikòd.

Ala kontantman pou moun ki gin kè yo nèt yo, paské y-ap ouè Bondié,

Ala kontantman pou moun k-ap travay pou lapè-a, paské y-ap rélé yo pitit Bondié.

Ala kontantman pou moun k-ap souffri pèsékision poutèt jistis la, paské sé pou yo péyi roua sièl yo yé.

Ala kontantman pou nou, lè y-ap madichonnin nou, lè y-ap pèsékité nou, lè y-ap di tout kalité sa-k mal kont nou, antan y-ap fè manti, aköz mouin, fè kè nou kontan, fété, paské rékonpans nou anpil nan sièl yo ».

Paròl Granmèt la.

2

*Ou kaché bagay sa yo pou moun sajès yo
épi ou dévoualé yo bay ti moun piti yo.*

✠ **Léktu sint Évanjil la dapré Matié**

11, 25-30

Lè sa-a :

Jézu pran laparòl, li di : « Mouin fè konpliman pou ou, Papa, Granmèt sièl la ak tè-a, paské ou kaché bagay sa yo pou saj yo ak intélijan yo, ou révéle yo bay ti moun piti yo. Oui, Papa, paské sé konsa sa fè-ou plézi.

Papa-m rimmèt mouin tout bagay, pèsòn pa konnin Pitit la, sof Papa-a ; ni pèsòn pa konnin Papa-a, sof Pitit la ak moun Pitit la vlé révéle sa.

Vi-n jouinn mouin, nou tout k-ap fatigé, k-ap rédi anba gro chaj, m-ap réfè fòs nou. Pran jouk mouin sou nou, pran léson nan min-m, paské mouin tou dou, mouin pòv nan kè-m ; n-ap jouinn répo pou nanm nou ; jouk mouin fasil pou poté, chaj mouin léjé ».

Paròl Granmèt la.

3

Moun ki vlé pèdi lavi-l poutèt mouin, l-ap jouinn li.

✠ **Léktu sint Évanjil la dapré Matié**

16, 24-27

Lè sa-a : Jézu di disip li yo :

« Si yon moun vlé vi-n apré-m, sé pou-l rénonse pròp tèt li, pou-l pran koua-l, pou-l suiv mouin. Moun ki vlé sové lavi-l, l-ap pèdi-l ; moun ki vlé pèdi lavi-l poutèt mouin, l-ap jouinn li.

Sa sa ap sèvi yon moun si-l posédé tout tè-a, min li péyé sa ak lavi-l ?

Oubyin ki sa yon moun kapab bay pou-l péyé lavi-l ?

Pitit moun nan gin pou-l vini nan gloua Papa-l avèk anj li yo, lè sa-a l-ap rimmèt chak moun dapré travay li ».

Paròl Granmèt la.

4

*Poutèt péyi roua sièl yo.***✠ Léktu sint Évanjil la dapré Matié****19, 3-12**

Lè sa-a :

Farizyin yo té proché kot Jézu, antan y-ap tanté-l épi y-ap di : « Èské yon mésié gin doua ranvouayé madanm li, pou ninpòt ki rézon ? »

Li réponn, li di yo : « Èské nou pa-t li kijan sa-a ki té fè moun nan nan kòmansman-an, sé gason ak fi li té fè yo, épi li té di : “Sé poutèt sa mésié-a ap kité papa-l ak manman-l, l-ap kolé kò-l kot madanm li, yo tou lé dé ap yon sèl chè” ? Sé pou sa yo pa dé ankò, min sé yon sèl chè yo yé. Konsa sa Bondié maré, pi-nga moun séparé-l ».

Yo di-l : « Ébyin pouki sa Moyiz té pasé lòd pou bay biyé divòs, pou ranvouayé-l ? »

Li di yo : « Sé poutèt kè di nou-an ki fè Moyiz té pèmèt nou ranvouayé madanm nou yo ; min nan kòmansman sa pa-t konsa. Ébyin mouin di nou, ninpòt ki moun ki ranvouayé madanm li, – sof si sé dé moun ki t-ap viv nan fònikasyon, – épi ki marié ak yon lòt, li fè adiltè, épi moun ki marié ak yon madanm yo ranvouayé, li fè adiltè ».

Disip li yo di-l : « Si sé konsa kondision mésié-a ak madanm nan yé, pito nou pa marié ».

Li di yo : « Sé pa tout moun ki konprann paròl sa-a, min sé moun yo fè favè sa-a. Gin gason ki pa nan kondision pou yo fè pitit, dépi nan vant manman yo sé konsa yo fèt ; gin gason ki pa nan kondision pou yo fè pitit, sé lòt moun ki fè yo sa ; gin gason ki pa nan kondision pou yo fè pitit, sé yo minm ki mété pròp tèt yo nan kondision sa-a poutèt péyi roua sièl yo. Moun ki kapab konprann, sé pou-l konprann ».

Paròl Granmèt la.

5

*Si-ou vlé vi-n kòrèk nèt, alé, vann sa-ou ginyin épi vini, suiv mouin.***✠ Léktu sint Évanjil la dapré Matié****19, 16-26**

Lè sa-a :

Gin yon moun ki proché, li di Jézu : « Bon Mèt, ki sa pou-m fè ki bon pou-m gin lavi tout tan-an ? »

Li di-l : « Pouki sa ou-ap pozé-m késion sou sa-k bon-an ? Sé yon sèl ki bon, sé Bondié. Min si-ou vlé antré nan lavi-a, obsèvé kòmandman yo ».

Li di-l : « Kilès ? »

Jézu minm di-l : « Pa touyé moun, pa fè adiltè, pa vòlè, pa fè fo-témouagnaj, onoré papa-ou ak manman-ou, rinmin prochin-ou tankou ou minm ».

Jénòm nan di-l : « Mouin té kinbé tout bagay sa yo dépi-m tou jèn ; ki sa-m manké ankò ? »

Jézu di-l : « Si-ou vlé vi-n kòrèk nèt, alé, vann sa-ou ginyin, bay pòv yo, ou-ap gin yon trézò nan sièl la ; épi vini, suiv mouin ».

Lè jénòm nan tandé paròl sa-a, li pati tou tris. Sèké li té gin anpil byin.

Jézu di disip li yo : « Amèn, mouin di nou, l-ap difisil pou yon rich antré nan péyi roua sièl yo. Mouin di nou sa ankò : li pi fasil pou yon chamo pasé nan jé zéguiy pasé pou yon rich antré nan péyi roua sièl yo ».

Lè disip yo tandé sa, yo sézi anpil, yo di : « Ébyin kilès ki kapab sové ? »

Jézu gadé, li di yo : « Pou lézòm sa pa posib ; pou Bondié minm, tout bagay posib ».

Paròl Granmèt la.

6

Min mésié k-ap marié-a ap vini : soti al rankontré-l.

✠ Léktu sint Évanjil la dapré Matié

25, 1-13

Lè sa-a : Jézu di disip li yo parabol sa-a :

« Péyi roua sièl yo sanblé ak dis vièj ki pran lanp yo, yo soti al rankontré mésié k-ap marié-a ak madanm k-ap marié-a. Sink nan yo té sòt, épi sink té gin ladrès. Sink sa ki sòt yo, lè yo fi-n pran lanp yo-a, yo pa pran luil avèk yo ; sa-k gin ladrès yo minm, yo pran luil nan véso yo avèk lanp yo. Antan y-ap tann mésié marié-a ki té an réta, yo tout yo dòmi, fon somèy.

Nan mitan nannuit, yo tandé yon rèl : “Min mésié marié-a, soti al rankontré-l”. Lè sa-a atò tout vièj sa yo lévé, yo paré lanp yo. Sa-k té sòt yo di sa-k saj yo : “Ban nou nan luil nou-an, paské lanp nou yo étinn”.

Sa-k gin ladrès yo di yo : “Riské pap gin kont pou ni nou minm ni nou minm, pito nou alé nan boutik yo, n-a achté”.

Pandan yo t-al achté, mésié marié-a rivé ; sa-k té paré yo antré avèk li nan nòs yo, yo fèmin pòt la.

Alafin lòt vièj yo vi-n rivé, yo di : “Granmèt, Granmèt, louvri pou nou”. Li minm minm li réponn, li di : “Amèn mouin di nou, mouin pa konnin nou”.

Konsa, sé pou nou véyé, paské nou pa konnin ni jou-a ni lè-a ».

Paròl Granmèt la.

7

*Moun ki fè volonté Bondié, sé li minm ki frè-m
ak sè-m ak manman-m.*

✠ **Léktu sint Évanjil la dapré Mark**

3, 31-35

Lè sa-a :

Manman Jézu ak frè-l yo rivé ; yo kanpé déyò-a, yo voyé koté-l pou yo rélé-l. Té gin yon foul ki té chita alantou-l, yo di-l : « Min manman-ou ak frè-ou yo déyò-a y-ap chèché-ou ».

Li réponn yo, li di : « Kilès ki manman-m ak frè-m ? » Li viré gadé alantou-l, sa yo ki té chita toutotou-l yo, li di : « Min manman-m ak frè-m yo. Moun ki fè volonté Bondié, sé li minm ki frè-m ak sè-m ak manman-m ».

Paròl Granmèt la.

8

Tou sa-ou ginyin, vann li, épi suiv mouin.

✠ **Léktu sint Évanjil la dapré Mark**

10, 24 b-30

Lè sa-a :

Jézu di disip li yo : « Pitit mouin yo, ala difisil sa difisil pou moun ki mét konfians yo nan richès yo antré nan péyi-roua Bondié-a ! Li pi fasil pou yon chamo pasé nan yon jé zégui pasé pou moun rich antré nan péyi-roua Bondié-a ».

Disip yo minm yo té pi sézi toujou, youn t-ap di lòt : « Épi kilès ki kapab sové ? »

Jézu gadé yo, li di : « Pou lézòm, sa inposib, min pa pou Bondié : sèké tout bagay posib pou Bondié ».

Piè kòmansé di-l : « Min nou kité tout bagay épi nou suiv ou » !

Jézu pran laparòl, li di : « Amèn mouin di nou, pa gin pèsòn k-ap kité kay, oubyin frè, oubyin sè, oubyin papa, oubyin manman, oubyin pitit, oubyin jadin, poutèt mouin minm ak poutèt Bòn Nouvèl la, san-l pa jouinn san foua plis dépi koulié-a nan tan sa-a nan kay, frè, sè, manman, pitit, jadin, avèk pèsékision, épi nan tan k-ap vini-an lavi ki pap janm fini-an ».

Paròl Granmèt la.

9

Min sèvant Granmèt la.

✠ **Léktu sint Évanjil la dapré Luk**

1, 26-38

Sou sizièm moua-a Bondié té voyé anj Gabriyèl nan yon vil Galilé yo rélé Nazarèt, kot yon vièj fiancé avèk yon mésié yo té rélé Jozèf, nan kay David la, non vièj la sé té Mari.

Antan Anj la antré koté-l, li té di-l : « Salu, plin gras, Granmèt la avèk ou, ou béni nan pami tout médam yo ». Li minm, lè-l té tandé sa, li té troublé nan paròl li-a, li t-ap réfléchi ki kalité salitasion sa-a.

Anj la té di-l : « Pa pè, Mari ; ou té jouinn gras réyèlman kot Bondié : min ou-ap ansint, ou-ap anfanté yon ti pitit gason, ou-ap rélé non-l Jézu. Li minm, l-ap gran, sé Pitit Sa-a ki anro nèt la y-ap rélé-l, Granmèt Bondié ap ba-l tro-n David papa-l, l-ap kòmandé kòm roua nan kay Jakòb la pou tout tan, péyi-roua-l la pap janm fini ».

Mari minm té di Anj la : « Kijan pou sa fèt, paské gason, mouin pa konn sa ? »

Antan-l réponn, Anj la té di-l : « Éspri Sin-an ap vini sou ou, fòs Sa-a ki anro nèt la ap kouvri-ou ak lonbraj li. Sé pou sa sa-a k-ap pran nésans sot nan ou-a, Sin-an, y-ap rélé-l Pitit Bondié. Min Élizabèt, kouzi-n ou-an, li minm tou li ansint yon ti gason nan viyéyès li-a, moua sa-a sé sizièm nan pou sa-a yo té rélé stéril la ; paské anyin pa inposib kot Bondié ».

Mari minm té di : « Min sèvant Granmèt la ; sé pou sa fèt pou mouin dapré paròl ou-a ». Épi Anj la té pati kité-l.

Paròl Granmèt la.

10

Moun ki mété min-l nan zouti bèf la ap rédi pou viré tè-a, épi ki gadé dèyè, li pa gin dispozision pou péyi roua Bondié-a.

✠ **Léktu sint Évanjil la dapré Luk**

9, 57-62

Lè sa-a :

Jézu t-ap maché ansanm avèk disip li yo sou rout la, gin yon moun ki di-l : « M-ap suiv ou tout koté ou-apralé ».

Jézu di-l : « Réna yo gin trou yo, zouazo sièl yo gin nich yo ; Pitit moun nan minm pa gin koté pou-l apiyé tèt li ».

Li di yon lòt : « Suiv mouin ». Sa-a minm di : « Granmèt, pèmèt mouin al antéré papa-m anvan ».

Jézu di-l : « Kité mò yo antéré mò pa yo ; kanta ou minm alé, épi anonsé péyi roua Bondié-a ».

Yon lòt di : « M-ap suiv ou, Granmèt, min pèmèt mouin al avèti moun lakay mouin yo anvan ».

Jézu di-l : « Yon moun ki fi-n mét min-l nan zouti pou viré tè-a épi ki gadé dèyè, li pa gin dispozision pou péyi roua Bondié-a ».

Paròl Granmèt la.

11

*Mart réservoua-l lakay li.
Mari chouazi pi bon pòsion-an.*

✠ **Léktu sint Évanjil la dapré Luk**

10, 38-42

Lè sa-a :

Jézu antré nan yon bouk ; yon madanm yo rélé Mart réservoua-l lakay li. Li té gin yon sè yo rélé Mari, ki té chita nan pié Granmèt la, li t-ap kouté paròl li.

Mart minm t-ap trakasé kò-l avèk anpil sèvis ; li kanpé, li di : « Granmèt, èské sa pa fè-ou anyin, pou sè-m nan kité-m ap sèvi pou kont mouin ? di-l pou-l édé-m ».

Granmèt la réponn, li di-l : « Mart, Mart, ou pran tèt chajé, ou troublé pou anpil bagay.

Min sé yon sèl ki nésèsè : Mari chouazi pi bon pòsion-an, yo pap ouété-l nan min-l ».

Paròl Granmèt la.

12

Ala kontantman pito pou moun ki kouté paròl Bondié-a épi ki kinbé-l.

✠ Léktu sint Évanjil la dapré Luk

11, 27-28

Lè sa-a :

Pandan Jézu t-ap palé ak fowl yo, yon madanm lévé voua-l nan fowl la, li di-l : « Ala kontantman pou vant la ki té pòté-ou la, ak tété ou té sousé yo ».

Li minm minm, li di : « Ala kontantman pito pou moun ki kouté paròl Bondié-a épi ki kinbé-l ».

Paròl Granmèt la.

13

Si grinn blé-a mouri, l-ap donnin anpil foui.

✠ Léktu sint Évanjil la dapré Jan

12, 24-26

Lè sa-a :

Jézu di disip li yo : « Amèn, amèn, mouin di nou, si grinn blé-a ki tonbé nan tè-a pa mouri, l-ap rét pou kont li ; min si-l mouri, l-ap donnin anpil foui.

Moun ki rinmin nanm li, l-ap pèdi-l ; min moun ki rayi nanm li sou tè sa-a, l-ap kinbé-l pou lavi ki pap janm fini-an.

Si yon moun ap sèvi-m, sé pou-l suiv mouin ; koté-m yé-a, sé la tou sèvitè-m nan ap yé. Si yon moun ap sèvi-m, Papa-m ap fè-l jouinn konsidérasion ».

Paròl Granmèt la.

14

*Rété nan mouin, épi mouin minm nan nou.***✠ Léktu sint Évanjil la dapré Jan****15, 1-8**

Lè sa-a : Jézu di disip li yo :

« Mouin sé véritab pié rézin-an, Papa-m sé kiltivatè-a. Tout branch nan mouin ki pa donnin foui, l-ap ouété-l ; tout branch ki donnin foui, l-ap nétouayé-l pou-l donnin plis foui. Nou minm nou déjà pròp gras a paròl la mouin té palé nou-an.

Rété nan mouin, épi mouin minm nan nou. Minm jan branch la pa kapab donnin foui pou kont li-a, si-l pa rét nan pié rézin-an, konsa tou nou minm non plis, si nou pa rété nan mouin.

Mouin sé pié rézin-an, nou sé branch yo ; moun ki rét nan mouin, épi mouin minm nan li, moun sa-a donnin anpil foui, paské san mouin minm nou pa kapab fè anyin. Si yon moun pa rét nan mouin, y-ap jété-l déyò, tankou branch la, l-ap séché, y-ap ranmasé-l y-ap jété-l nan difé, l-ap boulé.

Si nou rét nan mouin, épi paròl mouin yo rété nan nou, tou sa nou vlé, nou mèt mandé-l, l-ap rivé pou nou. Sé nan sa Papa-m jouinn gloua-l, pou nou donnin anpil foui, pou nou vi-n disip mouin ».

Paròl Granmèt la.

15

*Nou minm nou sé zanmi-m, si nou fè sa mouin kòmandé nou.***✠ Léktu sint Évanjil la dapré Jan****15, 9-17**

Lè sa-a : Jézu di disip li yo :

« Minm jan Papa-a rinmin-m nan, sé konsa tou mouin rinmin nou. Sé pou nou rété nan rinmin-m nan. Si nou kinbé kòmandman-m yo, n-ap rété nan rinmin-m nan minm jan mouin minm mouin kinbé kòmandman Papa-m yo, épi mouin rété nan rinmin-l nan.

Mouin di nou bagay sa yo, pou kè kontan-m nan kapab nan nou, pou kè kontan nou-an réalizé nèt.

Min kòmandman-m nan, sé pou nou youn rinmin lòt, minm jan mouin rinmin nou-an. Pi gran fason pou yon moun rinmin, sé bay lavi-l pou zanmi-l yo.

Nou minm nou sé zanmi-m, si nou fè sa mouin kòmandé nou. Mouin pap rélé nou sèvitè ankò, paské sèvitè-a pa konnin ki sa mèt li ap fè ; min sé zanmi mouin rélé nou, paské tou sa-m tandé kot Papa-m, mouin fè nou konnin-l.

Sé pa nou minm ki chouazi-m ; min sé mouin minm ki chouazi nou, mouin mété nou, pou nou alé, pou nou donnin foui, pou foui nou-an diré ; konsa, tou sa n-a mandé Papa-a o non-m, l-ap ba nou li.

Sa mouin kòmandé nou, sé pou nou youn rinmin lòt ».

Paròl Granmèt la.

16

Mouin vlé pou koté-m yé-a sé la yo yé tou avè-m.

✠ Léktu sint Évanjil la dapré Jan

17, 20-26

Lè sa-a :

Jézu lévé jé-l nan sièl la, li priyé, li di : « Papa ki sin, sé pa pou yo minm sèlman mouin priyé, min pou sa yo tou k-ap kouè nan mouin gras a paròl yo-a, pou tout moun fè yon sèl, tankou ou minm, Papa, ou nan mouin, épi mouin nan ou, pou yo minm tou yo fè yon sèl nan nou, pou tè-a kouè sé ou minm ki voyé-m.

Mouin minm gloua-ou la ou té ban mouin-an, mouin ba yo-l, pou yo fè yon sèl tankou nou minm nou fè yon sèl la. Mouin minm nan yo, épi ou minm nan mouin, pou yo fè yon sèl nèt, pou tè-a rékonèt sé ou minm ki voyé-m, épi mouin rinmin yo, tankou ou rinmin-m.

Papa, sa yo ou té ban mouin-an, mouin vlé pou koté-m yé-a sé la yo yé tou avè-m, pou yo ouè gloua-m nan, sa ou té ban mouin-an ; paské ou rinmin-m dépi anvan tè-a fèt.

Papa ki kòrèk, tè-a pa-t rékonèt ou ; mouin minm mouin konnin-ou, épi sa yo rékonèt sé ou minm ki voyé-m. Mouin fè yo konnin non-ou, m-ap fè yo konnin-l ankò, pou rinmin ou rinmin-m nan, li kapab nan yo, ni mouin minm nan yo ».

Paròl Granmèt la.

IX. NAN DÉDIKAS OUBYIN BÉNÉDIKSION YON ÉGLIZ OUBYIN YON OTÈL

1. NAN DÉDIKAS ÉGLIZ LA

PRÉMIÉ LÉKTU

Yo li nan liv Laloua-a, yo konprann, lè yo li-a.

Léktu liv Néémi

8, 2-4 a. 5-6. 8-10

Jou sa yo :

Prèt Ésdras poté Liv laloua-a dévan fowl gason yo ak fi yo, ak tout moun ki té kapab konprann, nan premié jou moua séptanm nan. Li li ladan-l, avèk yon voua byin klè, sou laplas la, ki té dévan pòt dlo yo, dépi nan matin jouska midi, dévan gason yo ak fi yo ak saj yo ; zòrèy tout pèp la té drésé nan diréksion liv la.

Ésdras, skrib la, té kanpé sou yon éstrad an boua, yo té fè-l pou-l té kapab palé. Ésdras louvri liv la dévan tout pèp la (li té dépasé rotè tout pèp la nèt), kon-l louvri-l, tout pèp la kanpé. Ésdras fè konpliman pou Granmèt Bondié ki gran-an, tout pèp la réponn : « Amèn, Amèn », antan y-ap lévé min yo. Yo plouayé kò yo, yo adoré Bondié, plat atè.

Yo li nan liv Laloua Bondié-a yon fason pozé, yon fason klè pou moun kapab konprann ; yo konprann pandan y-ap li-a. Néémi (li minm ki Atérsata) ak Ésdras, prêt la ak skrib la, ak mésié nan ras Lévi yo, yo t-ap éspliké tout pèp la : « Sé yon jou ki sin pou Granmèt Bondié nou-an, pa rété tris, pa kriyé ». Sèké tout pèp la t-ap kriyé, lè-l tandé paròl Laloua-a. Li di yo : « Alé, manjé bon viann, bouè bon divin, voyé pòsion bay moun ki pa-t paré manjé, paské jou Granmèt sa-a sin. Pa rét tris : kè kontan Granmèt la sé fòs nou ».

Paròl Granmèt la.

PSÒM RÉPONS

Ps 18 B, 8-9. 10. 15 (R : Jan 6, 63 c)

- R Paròl ou yo, Granmèt, sé éspri ak lavi.
- 8 Laloua Granmèt la san tach, li réfè nanm, témouagnaj Granmèt la fidèl, li bay timoun yo sajès.
- 9 Jistis Granmèt la douat, yo fè kè kontan.
Kòmmandman Granmèt la klè, li kléré jé yo. R

- ¹⁰ Krint Granmèt la pròp, li diré pou tout tan gin tan,
jijman Granmèt la vré, yo kòrèk, yo tout ansanm. **R**
- ¹⁵ Sé pou paròl bouch mouin fè-ou plézi,
ni réfléksion kè-m dévan fas ou.
Granmèt, ou k-ap poté-m sékou, k-ap rachté-m. **R**

DÉZIÈM LÉKTU

Tankou pi ro-a nan anivèsè dédikas Égliz la, p. 1749.

Nan tan paskal yo kapab chouazi tou Ap 21, 1-5 a oubyin Ap 21, 9 b-14, yo propozé pi ro-a nan anivèsè dédikas la kòm premié léktu, p. 1749.

ÉVANJIL

Tankou pi ro-a nan anivèsè dédikas Égliz la, p. 1749.

2. NAN DÉDIKAS OTÈL LA

PRÉMIÉ LÉKTU NAN ANSYIN TÉSTAMAN-AN

1

Jakòb lèvé, li pran ròch la, li vidé luil sou li.

Léktu liv Jénèz la

28, 11-18

Jou sa yo :

Lè Jakòb rivé yon koté, li té vlé pozé la, lè solèy la fi-n kouché. Li pran nan ròch yo ki té atè-a, li mété anba tèt li, li dòmi la minm.

Pandan-l nan dòmi-an, li ouè yon néchèl ki kanpé atè-a, ak tèt néchèl la ki touché sièl la, anj Bondié yo ki t-ap monté-désann sou li, ak Granmèt la ki té apiyé sou néchèl la, ki t-ap di-l : « Sé mouin minm Granmèt Bondié Abraam, papa-ou la, ak Bondié Izaak. Tè-a koté ou-ap dòmi-an, sé ou minm m-ap bay li, ansanm ak ras ou. Ras ou ap tankou pou siè tèt-a, ou-ap dévlo pé jous nan diréksion okouchan ak nan diréksion olévan ak nan nò ak nan sid, tout fanmi sou tè-a ap béni nan ou ak nan ras ou. M-ap sèvi-ou protéksion tout koté ou-ap pasé, m-ap fè-ou tounin

nan péyi sa-a ; mouin pap lagé, toutotan mouin pa fi-n réalizé tou sa-m di-a ».

Lè Jakòb révéyé sot nan dòmi-an, li di : « Réyéلمان, Granmèt la nan koté sa-a, épi mouin pa-t konn sa ».

Li vi-n pè, li di : « Ala koté ki térib, sé koté sa-a ! Isit la pa dèt bagay pasé kay Bondié ak pòt sièl la ». Jakòb lévé granmatin, li pran ròch la li té pozé anba tèt li-a, li drésé-l kòm yon signal, li vidé luil sou li.

Paròl Granmèt la.

2

Jozué bati yon otèl pou Granmèt la.

Léktu liv Jozué

8, 30-35

Jou sa yo :

Jozué bati yon otèl pou Granmèt Bondié Israèl la sou mòn Ébal, jan Moyiz, sèvitè Granmèt la, té kòmandé pitit Israèl yo, épi li ékri nan liv laloua Granmèt la : otèl la minm sé pou-l té fèt avèk ròch ki pa sal, sa fè pa-t touché. Li ofri sakrifis antié bay Granmèt la sou li, épi li sakrifié viktim lapè. Épi sou ròch yo li ékri yon kopi laloua Moyiz la, sa li minm li té ékri dévan pitit Israèl yo.

Tout pèp la minm, ak moun gran nésans yo, chèf yo ak jij yo té kanpé chak koté arch la, an fas prèt yo ki t-ap poté arch aliens Granmèt la, ni étranjé-a ni moun péyi-a. Mouatié pòsion nan yo tou kolé mòn Garizim nan, épi mouatié tou kolé mòn Ébal la, jan Moyiz, sèvitè Granmèt la, té pasé lòd la. Épi toudabò li béni pèp Israèl la ; apré sa li li tout paròl bénédiksion ak malédiksion sa yo épi tou sa-k té ékri nan liv laloua-a. Pa gin anyin nan bagay sa yo Moyiz té kòmandé-a li pa-t li, min li répété tout bagay dévan tout foul Israèl la, médam yo ak ti moun yo épi étranjé yo ki té rété nan mitan yo-a.

Paròl Granmèt la.

3

Yo fè konsékrasyon lotèl la, yo ofri sakrifis avèk kè kontan.

Léktu prémié liv Makabé yo

4, 52-59

Jou sa yo :

Yo lévé byin bonè, granmatin, vinnsinkiem jou névièm moua-a (sé moua Kaslé-a) sankatrévin-uitièm ané-a ; yo ofri sakrifis dapré laloua-a sou lotèl nouvo, lotèl sakrifis antié yo, sa yo té fè-a. Dapré tan-an ak dapré jou-a, koté nasion yo té sal li-a, sé minm dat sa-a yo rénouvle-l avèk kantik ak gita ak bandjo ak sinbal.

Tout pèp la tonbé sou fas li, yo adoré, yo fè konpliman nan sièl la pou sa-a ki té fè yo ranpòté viktoua-a, yo fè konsékrasyon lotèl la pandan ui jou, yo ofri sakrifis antié avèk kè kontan, épi sakrifis k-ap sové nou-an ak louanj : yo dékoré fasad Tanp la avèk kouròn lò ak zam défans, yo konsakré pòt yo ak sal yo, yo mété pòt pou yo. Vi-n gin yon gran kè kontan nan pèp la anpil ; laront nasion yo té poté-a, li éfasé.

Juda désidé avèk frè-l yo ak tout asanblé Israèl la, pou gin jou konsékrasyon otèl la nan tan-l yo chak ané pandan ui jou, vinnsinkiem jou moua Kaslé-a, ak kontantman ak lajoua.

Paròl Granmèt la.

PRÉMIÉ LÉKTU NAN NOUVO TÈSTAMAN-AN POU TAN PASKAL LA

1

Frè yo té pèsévéré nan kominion pin-an yo séparé-a.

Léktu Travay Apot yo

2, 42-47

Frè yo té pèsévéré nan ansègnman Apot yo, ak kominion pin-an yo séparé-a, ak priyé yo.

Krint té rivé nan tout kè. Anpil prodij ak sign t-ap fèt pa lintèmédiè Apot yo nan Jérusalèm, épi yon gro krint nan tout moun. Tout moun ki té kouè yo, yo té ansanm, yo té gin tout bagay an komin : propriété yo ak byin yo, yo té konn vann yo épi yo konn séparé yo bay tout moun, dapré sa chak moun té bézouin.

Chak jou yo té konn pèsévéré ansanm nan Tanp la, épi antan yo séparé pin-an lakay yo, yo té konn pran manjé-a avèk kontantman ak yon kè

sinp, antan y-ap fè louanj Bondié épi antan yo té gin favè nan tout foul la. Granmèt la minm t-ap ajouté sa ki té pou yo sovè yo chak jou antan yo fè yon sèl.

Paròl Granmèt la.

2

Anj la kanpé dévan otèl la.

Léktu liv Apokalips apot sin Jan

8, 3-4

Mouin minm Jan mouin ouè : yon lòt anj vini, li kanpé dévan otèl la antan-l gin yon ansansoua an lò, yo ba-l anpil ansan, pou-l mété sot nan priyè tout sin yo sou otèl an lò-a, ki dévan tro-n Bondié-a. Lafimin ansan-an monté sot nan priyè sin yo sot nan min anj la, dévan Bondié.

Paròl Granmèt la.

PSÒM RÉPONS YO

1

PSÒM RÉPONS

Ps 83, 3. 4. 5 é 10. 11 (R: 2 oubyin Ap 21, 3 b)

R: Ala rinmin nou rinmin tant-ou yo, Granmèt lamé yo !

oubyin :

R: Min tant Bondié-a avèk lézòm yo.

R: Bondié avèk yo ap Bondié yo.

3 Nanm mouin anvi, l-ap dépéri pou kay Granmèt la.
Kè-m ak chè-m ap dansé pou Bondié vivan-an. R:

4 Minm ti zouazo jouinn yon kay pou li,
toutrèl la jouinn yon nich, koté li dépozé ti pitit li yo :
lotèl ou yo, Granmèt lamé yo, roua-m ak Bondié-m. R:

5 Ala kontantman pou moun ki abité nan kay ou-a,
pou tout tan y-ap fè louanj ou.

10 Protéktè nou, gadé, Bondié,
voyé jé sou fas Kris ou-a. R:

11 Sèké yon jou nan kay ou yo pi bon passé mil,
mouin chouazi rét sou papòt nan kay Bondié-m nan,
pasé pou-m abité nan tant péchè yo. R:

2

PSÒM RÉPONS

Ps 94, 1-2. 3-5. 6-7 (R: cf. 2 a)

- R: An nou proché nan fas Granmèt la avèk louanj yo.
- 1 Vini, an nou fété pou Granmèt la ;
an nou fè kè nou kontan pou Bondié sovè nou-an.
- 2 An nou proché dévan fas li avèk louanj yo,
épi avèk psòm, an nou fè fèt pou li. R:
- 3 Sèké sé Bondié ki gran Granmèt la yé,
yon roua ki gran anlè tout dié yo.
- 4 Paské nan min-l bafon tè-a yé, rotè mòn yo sé pou li.
- 5 Sèké sé pou li lanmè-a yé, sé li minm ki fè-l,
tè sèk la, sé min-l ki fòmé-l. R:
- 6 Vini, an nou adoré-l, an nou bésé atè,
an nou ajénou dévan Granmèt la ki fè nou-an,
- 7 paské sé li minm ki Bondié nou,
nou sé pèp pak li ak mouton min-l. R:

3

PSÒM RÉPONS

Ps 117, 15-16. 19-20. 22-23. 27 (R: 1)

- R: Fè louanj Granmèt la, poutèt mizérikòd li nan sièk tan yo.
oubyin : Alélouya.
- 15 Voua kè kontan ak sové nou sové-a
nan tant moun ki kòrèk yo.
- 16 Min douat Granmèt la té fè mèvèy,
min douat Granmèt la té lévé-m anlè ;
min douat Granmèt la fè mèvèy. R:
- 19 Louvri pòt jistis la pou mouin,
lè-m antré nan yo m-ap fè louanj Granmèt la ;
- 20 Min pòt Granmèt la, sa-k kòrèk yo ap antré nan li. R:
- 22 Ròch la bòs mason yo té réjité-a,
sé li minm ki vi-n tounin tèt kouin-an,
- 23 sé nan Granmèt la sa soti pou-l fèt,
li éstraòdinè nan jé nou. R:

- 27 Sé Bondié Granmèt la yé, l-ap kléré nou,
 Òganizé solanité-a nan ramo ki byin founi,
 jous nan kòn otèl la. **R:**

4

PSÒM RÉPONS Ps 118, 129. 130. 133. 135. 144 (**R:** : 105 a)

- R:** Yon lanp pou pié-m yo, paròl ou-a, Granmèt.
- 129 Témouagnaj ou yo éstraòdinè,
 sé poussa nanm mouin kinbé yo. **R:**
- 130 Déklarasion paròl ou yo kléré,
 li bay ti moun yo intéljans. **R:**
- 133 Dirijé démach mouin dapré promès ou-a,
 pou okinn péché pa kòmandé sou mouin. **R:**
- 135 Fè fas ou kléré sou sèvitè-ou la,
 épi aprann mouin désizion-ou yo. **R:**
- 144 Jistis témouagnaj ou yo pou tout tan ;
 ban-m intéljans, épi m-a viv. **R:**

5

PSÒM RÉPONS Ps 121, 1-2. 3-4. 8-9 (**R:** : cf. 1)

- R:** Nan kay Granmèt la ak kè kontan n-apralé.
- 1 Mouin kontan, lè yo té di-m :
 « Nan kay Granmèt la n-apralé ».
- 2 Pié nou déjà kanpé
 nan pòt ou yo, Jérusalèm. **R:**
- 3 Jérusalèm, ki bati tankou yon vil,
 li fè mas nan li minm nan yon sèl.
- 4 Sé la réyèlman fanmiy yo ap monté, fanmiy Granmèt la,
 témouagnaj Israèl, pou fè louanj pou non Granmèt la. **R:**
- 8 Poutèt frè-m yo ak prochin-m yo
 m-ap di : « Lapè nan ou ! »
- 9 Poutèt kay Granmèt Bondié nou-an
 m-ap mandé byin pou ou. **R:**

DÉZIÈM LÉKTU NAN NOUVO TÉSTAMAN-AN

1

*Nou pa kapab patisipé nan tab Granmèt la
ak nan tab démon yo.*

Léktu prémié lèt apot sin Pòl pou Korintyin yo**10, 16-21**

Frè-m yo :

Kalis bénédiksyon-an ki sèvi pou nou béni-an, èské sé pa kominion san Kris la li yé ? épi, pin-an n-ap kasé-a, èské sé pa patisipasyon kò Granmèt la li yé ? Kòm sé yon sèl pin, nou minm ki anpil la, nou fè yon sèl kò, nou tout ki patisipé nan yon sèl pin-an.

Gadé Israèl dapré chè-a : èské yo minm ki manjé sakrifis yo, yo pa fè youn ak otèl la ? Ki sa minm mouin di ? sa yo sakrifyé bay zidòl yo sé kichòy ? oubyin zidòl la sé kichòy ? Min sa moun yo sakrifyé yo, sé bay démon yo yo sakrifyé yo, sé pa bay Bondié ; ébyin mouin pa vlé pou nou vi-n asosyé ak démon yo ; nou pa kapab bouè kalis Granmèt la ak kalis démon yo, nou pa kapab patisipé nan tab Granmèt la ak nan tab démon yo.

Paròl Granmèt la.

2

*Nou gin yon otèl,
koté moun yo k-ap fè sèvis nan tant la,
yo pa gin doua manjé ladan-l.*

Léktu lèt pou Ébré yo**13, 8-15**

Jézu-Kri yè ak jodi-a ; sé minm li minm nan nan sièk tan-an. Pa kite yo pran tèt nou avèk yon pakèt ansègnman ki sot déyò. Sa bon pou nou konsolidé kè nou avèk gras la min sé pa avèk règléman sou kèsion manjé. Bagay sa yo pa sèvi anyin pou moun k-ap suiv yo.

Nou gin yon otèl. Moun yo k-ap fè sèvis nan tant la, yo pa gin doua manjé ladan-l. Prèt an chèf la pran san bèt yo, li poté-l nan Tanp la pou péché yo. Kò bèt sa yo, yo boulé yo andéyò kan-an. Sé pou sa, Jézu soufri déyò pòt la, pou-l té kapab sanktifyé pèp la gras a pròp san pa-l. Konsa, sé pou nou soti al jouinn li andéyò kan-an, antan n-ap poté dézonè li-a. Isit la, nou pa gin yon vil k-ap duré, min sé sa-a ki gin pou-l vini-an n-ap chèché.

Pa lintèmédiè li, sé pou nou ofri yon sakrifis louanj pou tout tan bay Bondié, sa vlé di foui bouch nou k-ap fè déklarasion pou non-l.

Paròl Granmèt la.

ALÉLOUYA AK VÈSÈ ANVAN ÉVANJIL LA

1

Éz 37, 27

(R: Alélouya). Tant mouin-an ap nan mitan yo, sé sa Granmèt la di. (R: Alélouya).

2

Cf. Jan 4, 23. 24

(R: Alélouya). Papa-a ap chèché véribab moun k-ap adoré yo, sa k-ap adoré-l nan éspri ak vérité. (R: Alélouya).

3

Ébr 13, 8

(R: Alélouya). Kris la yè ak jodi-a, sé minm li minm nan nan sièk tan-an. (R: Alélouya).

ÉVANJIL YO

1

Al rékonsilié avèk frè-ou la, apré sa ou-a ofri kado-ou la.

✠ **Léktu sint Évanjil la dapré Matié**

5, 23-24

Lè sa-a : Jézu di disip li yo :

« Si ou-ap ofri kado-ou dévan otèl la, épi lè-ou rivé la, ou sonjé frè-ou gin kichòy kont ou, kité kado-ou la la minm dévan otèl la, al rékonsilié avèk frè-ou la anvan ; apré sa antan-ou vini, ou-a ofri kado-ou la ».

Paròl Granmèt la.

2

Véritab moun k-ap adoré yo, y-ap adoré Papa-a nan éspri ak vérité.

✠ **Léktu sint Évanjil la dapré Jan**

4, 19-24

Lè sa-a :

Madanm Samaritèn nan di Jézu :

« Grammèt, mouin ouè sé yon profèt ou yé. Papa nou yo té adoré sou mòn sa-a, épi nou minm nou di sé Jérusalèm koté nou doué adoré-a ».

Jézu di-l : « Madanm, kouè-m, lè-a rivé, sé pa ni sou mòn sa-a ni Jérusalèm n-ap adoré Papa-a. Nou minm n-ap adoré sa nou pa konnin, nou minm minm nou adoré sa nou konnin, paské sové nou gin pou nou sové-a sé nan Juif yo li soti. Min lè-a rivé, épi sé koulié-a, koté véritab moun k-ap adoré yo, y-ap adoré Papa-a nan éspri ak vérité. Réyèlman sé kalité moun sa yo Papa-a ap chèché, pou adoré-l. Bondié sé Éspri, moun ki adoré-l yo, sé nan éspri ak vérité yo doué adoré ».

Paròl Grammèt la.

3

Lè y-a lévé-m anlè sot sou tè-a m-ap rédi tout bagay vi-n jouinn mouin.

✠ **Léktu sint Évanjil la dapré Jan**

12, 31-36 a

Lè sa-a :

Jézu di foul la : « Koulié-a sé jijman tè-a, koulié-a chèf tè sa-a, yo jété-l déyò.

Mouin minm minm, lè y-ap lévé-m anlè sot sou tè-a, m-ap rédi tout bagay vi-n jouinn mouin ». Li t-ap di sa pou montré ki lanmò li té gin pou-l mouri.

Foul la réponn li : « Nou té tandé nan laloua-a Kris la t-ap rété pou tout tan, ébyin kijan fè ou-ap di : “Pitit moun nan gin pou yo lévé-l anlè-a” ? Kilès li yé, Pitit moun sa-a ? »

Jézu minm di yo : « Pou yon ti moman ankò limiè-a avèk nou. Maché toutotan nou gin limiè-a, pou ténèb la pa sézi nou ; épi moun k-ap maché nan ténèb yo, li pa konnin ki koté l-apralé.

Pandan nou gin limiè-a, sé pou nou kouè nan limiè-a, pou nou vi-n tounin pitit limiè-a »

Paròl Grammèt la.

3. NAN BÉNÉDIKSION KALIS AK PATÈN

LÉKTU NAN NOUVO TĒSTAMAN-AN

1

*Kalis bénédikcion-an nou béni-an,
èské sé pa kominion nan san Jézu li yé ?.*

Léktu prémié lèt apot sin Pòl pou Korintyin yo **10, 14-22 a**

Nou minm mouin rinmin anpil la, sé pou nou viré do louin sèvis zidòl yo. M-ap palé ak nou tankou ak moun ki gin sajès ; nou minm minm nou mèt jijé sa-m di-a. Kalis bénédikcion-an nou béni-an, èské sé pa kominion nan san Jézu li yé ? Épi, pin-an n-ap kasé-a, èské sé pa patisipasion kò Granmèt la li yé ? Kòm sé yon sèl pin, nou minm ki anpil la, nou fè yon sèl kò, nou tout ki patisipé nan yon sèl pin-an. Gadé Israèl k-ap viv dapré chè-a : èské yo minm ki manjé sakrifis yo, yo pa fè youn ak lotèl la ?

Ki sa ? Èské mouin di sa yo sakrifé bay zidòl yo sé kichòy, oubyin zidòl la sé kichòy ? Non, min sa moun yo sakrifé yo, sé bay démon yo yo sakrifé yo, sé pa bay Bondié. Ébyin mouin pa vlé pou nou vi-n asosié ak démon yo. Nou pa kapab patisipé nan tab Granmèt la ak nan tab démon yo. Oubyin èské nou vlé fè Granmèt la jalou ?

Paròl Granmèt la.

2

Kalis sa-a sé nouvo aliens la nan san mouin.

Léktu prémié lèt apot sin Pòl pou Korintyin yo **11, 23-26**

Frè-m yo :

Mouin té résévoua nan min Granmèt la sa-m té transmèt nou-an, sèké Granmèt Jézu, nannuit yo té rinnèt li-a, li pran pin, épi antan li rann gras, li kasé-l, li di : « Pran, manjé : sa-a sé kò mouin, sa yo rinnèt pou nou-an ; fè sa pou fè sonjé mouin ».

Minm jan, apré li fi-n manjé, li pran kalis la tou, li di : « Kalis sa-a sé nouvo aliens la nan san mouin ; fè sa, chak fouda n-ap bouè, pou nou fè sonjé-m ».

Chak fouda réyèlman n-ap manjé pin sa-a, n-ap bouè kalis sa-a, sé lanmò Granmèt la n-ap anonsé, joutan li vini.

Paròl Granmèt la.

PSÒM RÉPONS YO

1

PSÒM RÉPONS

Ps 15, 5 é 8. 9-10. 11 (R: : 5 a)

- R: Granmèt, pòsion éritaj mouin ak kalis mouin.
- 5 Granmèt, pòsion éritaj mouin ak kalis mouin :
sé ou minm ki kinbé déstiné mouin.
- 8 Mouin té mété Granmèt la dévan fas mouin tout tan,
paské li adouat mouin, mouin pap tranblé. R:
- 9 Sé poussa kè-m kontan,
tout anndan fon kè-m ap dansé ;
minm chè-m pozé nan éspérans,
- 10 Paské ou pap lagé nanm mouin nan rézidans mò yo,
ou pap kité sin-ou nan ouè dékonpozision. R:
- 11 Ou-ap fè-m konnin rout lavi yo,
kè kontan k-ap débòdé avèk fas ou,
plézi adouat ou jous pou tout tan. R:

2

PSÒM RÉPONS

Ps 22, 1-3 a. 3 b-4. 5. 6 (R: : 5 a.d)

- R: Ou paré yon tab dévan fas mouin, kalis mouin ap débòdé.
- 1 Granmèt la ap okipé-m, anyin pap manké-m ;
- 2 nan zèb vèt li instalé-m,
sou bò dlo trankil li minnin-m,
- 3 li réfè nanm mouin. R:
- Li kondui-m nan santié jistis poutèt non-l.
- 4 Sèké minm si m-ap maché nan bafon lonbraj lanmò,

mouin pap pè malè, paské ou avèk mouin.

Baton-ou ak bagèt ou, sé yo k-ap konsolé-m. **R**

- 5 Ou paré yon tab dévan fas mouin
kont sa yo k-ap fè-m sibi tribilasyon-an ;
ou souin tèt mouin ak losion,
kalis mouin ap débòdé. **R**
- 6 Réyéلمان sé bon kè ak mizérikòd k-ap rapousuiv mouin
tout tan lavi-m,
m-ap abité nan kay Granmèt la
pou tout longè tan yo. **R**

ALÉLOUYA AK VÈSÈ ANVAN ÉVANJIL LA

1

Jan 6, 56

(**R** Alélouya). Moun ki manjé kò-m, ki bouè san-m,
li rété nan mouin, épi mouin minm nan li, sé sa Granmèt la di.

(**R** Alélouya).

2

Jan 6, 57

(**R** Alélouya). Moun ki manjé chè-m, ki bouè san-m,
li rét nan mouin, mouin nan li, sé sa Granmèt la di. (**R** Alélouya).

ÉVANJIL YO

1

N-ap bouè kalis mouin-an.

✠ Léktu sint Évanjil la dapré Matié

20, 20-28

Lè sa-a :

Manman pitit Zébédé yo proché ak pitit li yo kot Jézu, li adoré-l, li mandé-l kichòy.

Jézu di-l : « Ki sa-ou vlé ? »

Li minm li di : « Di pou dé pitit mouin sa yo chita, youn adouat ou, lòt la agoch ou, nan péyi roua-ou la ».

Jézu réponn, li di : « Nou pa konnin sa n-ap mandé-a. Èské nou kapab bouè kalis la mouin gin pou-m bouè-a ? »

Yo di : « Nou kapab ».

Li di yo : « Kalis mouin-an, n-ap bouè-l ; min chita adouat mouin oubyin agoch mouin-an, sé pa mouin minm ki kapab ba nou sa, min sé pou moun yo Papa-m paré-l la ».

Lè dis lòt yo tandé sa, yo fè kòlè kont dé frè yo.

Jézu minm rélé yo koté-l, li di : « Nou konnin chèf nasion yo kòmandé sou yo, gran yo fè yo santi pouvoua yo. Sa pa doué fèt konsa nan pami nou, min ninpòt ki moun ki vlé vi-n pi gran nan pami nou, sé pou-l vi-n sèvitè nou ; épi moun ki vlé vi-n prémié nan pami nou, sé pou-l ésklav nou. Konsa Pitit moun nan pa-t vini pou-l fè yo sèvi-l, min pou-l sèvi épi pou-l rinmèt lavi-l kòm rédanmsion pou tout pakèt moun yo ».

Paròl Granmèt la.

2

*Antan li pran kalis la, antan li rann gras, li ba yo li,
yo bouè ladan-l yo tout.*

✠ Léktu sint Évanjil la dapré Mark

14, 12-16. 22-26

Prémié jou azim yo, lè yo t-ap fè sakrifis pak la, disip Jézu yo di-l : « Ki koté ou vlé n-al paré pou ou manjé pak la ? »

Li voyé dé nan disip li yo, li di yo : « Alé nan vil la, gin yon mésié k-ap poté yon krich dlo, l-ap rankontré nou, suiv li. Koté l-a antré-a, n-a di mèt kay la : “Mèt la di ki koté piès mouin-an yé, koté pou-m manjé pak la avèk disip mouin yo ?” L-a montré nou yon gran piès anro-a, ki paré, byin kouvri ak tapi ; sé la n-a paré pou nou ».

Disip yo soti, yo rivé nan vil la, yo jouinn jan-l té di yo-a, yo paré pak la.

Pandan y-ap manjé, Jézu pran pin-an, épi antan li béni-l, li kasé-l, li ba yo-l, li di : « Pran, sa-a sé kò mouin ». Antan li pran kalis la, antan li rann gras, li ba yo li, yo bouè ladan-l yo tout.

Li di yo : « Sa-a sé san mouin, nouvo aliens la, ki vidé pou pakèt moun yo. Amèn mouin di nou, mouin pa gin doua janm bouè ankò nan

foui pié rézin sa-a jous jou sa-a lè m-a bouè-l tou nouvo nan péyi Bondié-
a ».

Lè yo fi-n chanté imn yo, yo soti, y-al sou mòn pié oliv yo.

Paròl Granmèt la.

NAN MÈS
POU DIVÈS NÉSÉSITÉ

I. POU ÉGLIZ LA KI SIN-AN

1. POU ÉGLIZ LA

LÉKTU NAN ANSYIN TÉSTAMAN-AN

1

Kay mouin-an sé kay priyè y-ap rélé-l pou tout pèp yo.

Léktu liv profèt Izayi

56, 1. 6-7

Min paròl Granmèt la : « Kinbé jijman, fè jistis, paské sové nou gin pou-n sové-a li san lè pou-l rivé, jistis mouin-an san lè pou-l révélé.

Pitit étranjé yo, ki kolé kò yo sou Granmèt la, pou yo adoré-l, pou yo rinmin non-l, pou yo vi-n tounin sèvitè-l, antan yo kinbé saba-a pou yo pa sal li, antan yo kinbé aliens mouin-an, m-ap minnin yo sou mòn mouin-an ki sin-an, m-ap fè kè yo kontan nan kay priyè-m nan ; sakrifis antié yo ak bèt yo sakrifé yo ap fè-m plézi sou lotèl mouin-an, paské kay mouin-an sé kay priyè y-ap rélé-l pou tout pèp yo ».

Paròl Granmèt la.

2

Nasion yo ap maché nan limiè-ou.

Léktu liv profèt Izayi

60, 1-6

Lévé, kléré, Jérusalèm, paské limiè-ou la rivé, gloua Granmèt la lévé sou ou. Sèké min fènoua yo ap kouvri tè-a, tènèb ap kouvri pèp yo ; min sou ou sé Granmèt la ki lévé, y-ap ouè gloua-l nan ou.

Nasion yo ap maché nan limiè-ou, roua yo nan klèté nésans ou-a. Lévé jé-ou toutalantou, gadé : tout sa yo rasanblé, y-ap vi-n jouinn ou ; pitit ou yo ap vi-n sot byin louin, pitit fi-ou yo ap parèt, y-ap poté yo sou bra.

Lè sa-a ou-ap ouè, ou-ap plin richès, kè-ou ap sézi, l-ap gonflé, lè kantité richès lanmè-a ap rivé sou ou-a, lè foul nasion yo ap rivé sou ou-a, sé yon riviè chamo k-ap kouvri-ou, dromadè Madian ak Éfa ; yo tout ap vi-n sot Saba, y-ap poté lò ak lansan, y-ap chanté louanj Granmèt la.

Paròl Granmèt la.

3

*Minm jan yon gadyin vizité bann mouton-l,
konsa m-ap vizité mouton-m yo.*

Léktu liv profèt Ézékièl

34, 11-16

Min paròl Granmèt Bondié : « Min m-ap chèché mouton-m yo, m-ap vizité yo : minm jan yon gadyin vizité bann mouton-l, jou li nan mitan bann mouton-l yo ki gayé yo, konsa m-ap vizité mouton-m yo, m-ap délivré yo sot nan tout koté yo té gayé jou nuaj ak brouya.

M-ap minnin yo sot nan pami pèp yo, m-ap ranmasé yo sot nan péyi yo, m-ap fè yo antré nan péyi yo-a, m-ap okipé yo sou mòn Israèl yo, bò rivière yo ak nan tout koté moun abité nan péyi-a ; nan bon pak zèb m-ap fè yo manjé, sou mòn Israèl yo ki pi ro yo y-ap jouinn manjé yo.

Mouin minm minm m-ap okipé mouton-m yo, m-ap fè yo kouché, sé sa Granmèt Bondié di.

Sa-k té pèdi-a, m-ap chèché-l ; sa yo té réjité-a, m-ap fè-l tounin ; sa-k té blésé-a, m-ap pansé-l ; sa-k té malad la, m-ap ba-l santé ; sa-k gra-a, ki fò-a, m-ap konsèvé-l ; m-ap okipé yo nan jistis ».

4

M-ap marié-ou avèk mouin pou tout tan.

Léktu liv profèt Ozé

2, 16 b. 17 b. 21-22

Min paròl Granmèt la :

« Sé mouin minm k-ap kondui-l nan dézè-a, k-ap palé nan kè-l ; l-ap chanté la tankou jou lè-l té jèn nan, tankou jou lè-l té monté sot nan péyi Éjip la.

M-ap marié-ou avèk mouin pou tout tan ; m-ap marié-ou avèk mouin nan jistis avèk jijman, nan mizérikòd ak nan bon kè ; m-ap marié-ou avèk mouin nan lafoua, ou-ap konnin mouin sé Granmèt la ».

Paròl Granmèt la.

5

*Roua Israël la sé Granmèt la nan mitan-ou.***Léktu liv profèt Sofoni****3, 14-18 a**

Fè louanj, pitit fi Siyon ! Kléronnin, Israël ! Fè kè-ou kontan, épi sé pou-ou dansé ak tout kè-ou, pitit fi Jérusalèm ! Granmèt la té ouété kondanasion-ou nan, li té détounin ènmi-ou yo ; roua Israël la, Granmèt la, nan mitan-ou, ou pap pè malè ankò.

Jou sa-a, y-ap di Jérusalèm : « Pa pè, Siyon ; pa kité min-ou fébli. Granmèt Bondié-ou la nan mitan-ou, li fò, li minm l-ap sové ; l-ap kontan anpil sou ou, l-ap fè silans nan rinmin-l nan, l-ap dansé ak louanj pou ou ».

Paròl Granmèt la.

LÉKTU NAN NOUVO TÉSTAMAN-AN

1

*Tout moun ki té kouè yo té ansanm,
yo té gin tout bagay an komin.*

Léktu Travay Apot yo**2, 42-47**

Nan jou sa yo :

Frè yo té pèsévéré nan ansègnman Apot yo, ak kominion pin-an yo séparé-a, ak priyè yo.

Krint té rivé nan tout kè. Té gin anpil prodij ak sign ki t-ap fèt pa lintèmediè Apot yo nan Jérusalèm, té gin gro krintif nan tout moun.

Tout moun ki té kouè yo té ansanm, yo té gin tout bagay an komin : yo té vann propriété yo ak byin yo, yo té séparé yo pou tout moun, dapré sa chak moun té bézouin.

Chak jou yo té pèsévéré ansanm nan tanp la, yo té séparé pin-an lakay yo, yo té konn pran manjé-a avèk kontantman ak yon kè sinp, antan y-ap fè louanj Bondié, yo té gin favè tout foul la. Chak jou Granmèt la té ajouté nan yo lòt moun, ki té sové yo.

Paròl Granmèt la.

2

Nou sé Tanp Bondié-a.

Léktu prémié lèt apot sin Pòl pou Korintyin yo 3, 9 c-11. 16-17

Frè-m yo :

Nou sé kay Bondié. Dapré gras Bondié-a, sa-l fè-m nan, mouin pozé fondasion tankou yon injéniè ki gin sajès ; yon lòt bati sou li. Min sé pou chak moun gadé byin kijan l-ap bati sou li. Sèké pèsòn pa kapab pozé dòt fondasion pasé sa-k déjà pozé-a, sa vlé di Kris Jézu.

Èské nou pa konnin sé Tanp Bondié-a nou yé, épi Éspri Bondié-a abité nan nou ? Si yon moun sal Tanp Bondié-a, Bondié ap gayé-l. Sèké Tanp Bondié-a sin, épi kay Tanp sa-a sé nou minm.

Paròl Granmèt la.

3

Sé nan yon sèl Éspri nou tout nou batizé nan yon sèl kò.

Léktu prémié lèt apot sin Pòl pou Korintyin yo 12, 3 b-7. 12-13

Frè-m yo :

Pèsòn pa kapab di : « Granmèt Jézu », si sé pa nan Éspri Sin-an.

Gin divès kalité gras, min sé yon sèl Éspri-a. Gin divès kalité sèvis, min sé yon sèl Granmèt la. Gin divès kalité aktivité, min sé yon sèl Bondié-a ki fè tout bagay nan tout moun. Sèlman yo bay chak moun maniféstasion Éspri-a pou bézouin-an.

Sèké minm jan kò-a fè yon sèl, min li gin anpil manb, tout manm kò-a, malgré yo anpil la, sé yon sèl kò yo fè kan minm : sé konsa tou pou Jézu-Kri. Réyèlman sé nan yon sèl Éspri nou tout nou batizé pou nou fè yon sèl kò, soua Juif, soua nasion, soua ésklav, soua moun lib ; épi nou tout sé nan yon sèl Éspri-a nou pasé souaf nou.

Paròl Granmèt la.

4

Li té chouazi nou nan Kris la anvan tè-a té fèt.

Léktu lèt apot sin Pòl pou Éfézyin yo

1, 3-14

Konpliman pou Bondié Papa Granmèt nou Jézu-Kri, li minm ki béni nou ak tout kalité bénédiksion spirituèl nan sièl la nan Kris la. Jan li té chouazi nou nan li anvan tè-a té fèt la, pou nou sin, san répròch dévan-l nan rinmin-an. Li té déstiné nou davans pou nou vi-n tounin pitit adoptif pou li pa pouvoua Jézu-Kri, dapré désizion volonté-l, pou louanj gloua gras li, koté li fè nou jouinn gras nan Pitit li-a li rinmin-an.

Nan li nou gin rédanmsion gras a san-l, padon péché yo dapré richès gras li-a, ki ranvèsé sou nou nan tout kalité sajès ak sians, pou-l té kapab fè nou konnin mistè volonté-l, dapré bon plézi-l, sa-l té ranjé davans nan li pou fè tan yo rivé nan dènié bout kous yo, fè tout bagay instalé nan Kris la, sa-k nan sièl la ak sa-k sou tè-a, nan li.

Sé nan li minm tou yo chouazi nou, yo rélé nou, nou minm tou, pitit Israèl yo, yo déstiné nou davans dapré plan sa-a ki fè tout bagay gras a désizion volonté-l la, pou nou vi-n sèvi louanj gras li, nou minm ki té espéré davans nan Kris la. Nan li minm nou minm tou, lè nou té tandé paròl vérité-a, Bòn Nouvèl sa-k sovè nou-an, nou té kouè, nou té maké ak mak Éspri Sin yo té promèt nou-an, li minm ki garanti éritaj nou-an, nan rédanmsion n-ap jouinn nan, pou louanj gras li-a.

Paròl Granmèt la.

5

Tout kay la ki bati-a ap grandi vi-n yon tanp ki sin nan Granmèt la.

Léktu lèt apot sin Pòl pou Éfézyin yo

2, 19-22

Frè-m yo :

Nou pa étranjé ak moun vini ankò, min nou sé sitouayin minm péyi ak sin yo, nou sé moun kay Bondié ; nou bati sou fondasion Apot yo ak profèt yo, ròch kouin ki anlè nèt la, sé Kris Jézu ; sé nan li tout kay la ki bati-a ap grandi vi-n yon tanp ki sin nan Granmèt la ; nan li nou minm tou yo bati nou pou nou vi-n tounin kay Bondié nan Éspri-a.

Paròl Granmèt la.

6

*Tankou ròch ki vivan, sé pou nou kité yo bati nou
pou nou vi-n tounin yon kay Éspri.*

Léktu prémié lèt apot sin Piè

2, 4-9

Nou minm mouin rinmin anpil la :

Sé pou nou proché kot Granmèt la, li minm ròch vivan-an, sa lézòm yo réjité-a, min sa Bondié minm chouazi-a, sa-l bay konsidérasion-an, nou minm tou tankou ròch ki vivan, sé pou nou kité yo bati nou pou nou vi-n tounin yon kay Éspri, yon sasèrdòs sin, pou nou ofri sakrifis Éspri, sa Bondié résévoua pa lintèmediè Jézu-Kri-a.

Sé pou sa ki ékri-a gin : « Min mouin pozé yon ròch ki anlè nèt nan Siyon, yon ròch kouin, yon ròch ki chouazi, ki gin anpil valè ; moun ki kouè nan li pap ront ». Konsa pou nou minm ki kouè yo, sé konsidérasion ; min sé pa pou moun ki pa kouè yo, « ròch la, sa bès mason yo té jété yon koté-a, li vi-n tounin tèt kouin-an », épi « ròch k-ap fè moun bité ak blok ròch k-ap jinnin moun », pou sa yo k-ap bité sou paròl la épi ki pa kouè nan sa-a koté yo pozé-a.

Nou minm nou sé yon ras chouazi, yon péyi roua prêt, yon nasion sin, yon pèp Bondié posédé, pou nou anonsé puisans sa-a ki rélé nou vi-n nan bèl limiè-l la.

Paròl Granmèt la.

7

*Mouin ouè yon gran foul, pèsòn pa-t kapab konté-l,
yo té soti nan tout nasion, ras, pèp ak lang.*

Léktu liv Apokalips apot sin Jan

7, 2-4. 9-14

Mouin minm Jan, mouin ouè yon lòt anj k-ap monté olévan, li té gin sign Bondié vivan-an ; li t-ap rélé byin fò bay kat anj yo ki té résévoua pouvoua pou maltrété tè-a ak lanmè-a, li di : "Pa maltrété tè-a ak lanmè-a, ni pié boua yo, joustan nou maké sèvitè Bondié nou yo nan fron yo". Mouin tandé kantité moun ki maké yo : sankarant-kat-mil moun ki maké, nan tout ras pitit Israèl yo.

Apré sa, mouin ouè yon gran foul, pèsòn pa-t kapab konté-l, yo té soti nan tout kalité nasion, ras, pèp ak lang, yo té kanpé dévan tro-n nan ak dévan fas Mouton-an, yo té abiyé ak rad blan, yo té gin branch nan min

yo, yo t-ap rélé byin fò, yo t-ap di : « Sé Bondié nou-an ki sovè nou, li minm ki chita sou tro-n nan, épi Mouton-an ».

Tout anj yo té kanpé toutotou tro-n nan ak ansyin yo ak kat vivan yo ; yo lagé kò yo sou fas yo dévan tro-n nan, yo adoré Bondié, yo di : « Amèn. Bénédikcion, gloua, sajès, rémèsiman. konsidérasion, pouvoua ak fòs pou Bondié nou-an pou tout tan k-ap gin tan. Amèn ».

Youn nan ansyin yo pran laparòl, li di-m : « Sa yo ki abiyé ak rad blan-an, kilès yo yé, épi koté yo soti ? »

Mouin di-l : « Monséyè, ou konnin ».

Li di-m : « Sa yo sé sa-k vi-n soti nan gran tribilasion-an, yo lavé ròb yo, yo blanchi yo nan san Mouton-an ».

Paròl Granmèt la.

8

Min tant Bondié-a avèk lézòm yo.

Léktu liv Apokalips apot sin Jan

21, 1-5 a

Mouin minm, Jan, mouin ouè yon sièl nouvo ak yon tè nouvo. Premié sièl la ak premié tè-a pati, lanmè-a minm pa gin sa ankò.

Mouin minm Jan, mouin ouè vil ki sin-an, Jérusalèm nouvo-a, k-ap désann sot nan sièl la kot Bondié-a, ki abiyé tankou yon fi k-ap marié ki anbéli pou mari-l. Mouin tandé yon gran voua ki sot nan tro-n nan, k-ap di : « Min tant Bondié-a avèk lézòm yo, l-ap abité avèk yo ; y-ap pèp li, li minm Bondié avèk yo l-ap Bondié yo. Bondié ap siyé tout dlo sot nan jé yo, pap gin lanmò, ni dèy, ni rèl, ni doulè ankò ; paské premié bagay yo pati ».

Sa-a ki té chita sou tro-n nan, li di : « Min mouin fè tout bagay nouvo »

Paròl Granmèt la.

9

M-ap montré-ou madanm nan ki fèk marié ak Mouton-an.

Léktu liv Apokalips apot sin Jan

21, 9 b-14

Anj la palé avèk mouin, li di : « Vini, m-ap montré-ou madanm nan ki fèk marié ak Mouton-an ».

Li soulvé-m nan éspri sou yon mòn ki gran, ki ro, li montré-m vil ki sin-an, Jérusalèm, k-ap désann sot nan sièl la, kot Bondié, li gin gloua Bondié-a ; limiè-l té tankou piè kalité sipériè, tankou piè yo rélé jasp la, tankou kristal.

Li té gin yon miray ki gran, ki ro, ki gin douz pòt ; nan pòt yo té gin douz anj, té gin non ki ékri, non douz ras pitit Israèl yo.

Nan diréksion olévan : toua pòt ; nan diréksion nò : toua pòt ; nan diréksion sid : toua pòt ; nan diréksion okouchan : toua pòt. Miray vil la té gin douz kolòn, sou yo té gin douz non douz Apot Mouton yo.

Paròl Granmèt la.

PSÒM RÉPONS YO

1

PSÒM RÉPONS

Ps 18, 2-3. 4-5. 6-7 (R: 5 a)

- R: Sou tout tè-a yo tandé voua yo
- 2 Sièl yo ap rakonté gloua Bondié,
travay min-l, platfòm sièl la ap anonsé-l.
- 3 Jou ap déklaré paròl bay jou,
nannuit ap montré sians bay nuit. R:
- 4 Pa gin langaj ni paròl,
pou yo pa konprann voua yo.
- 5 Sou tout tè-a brui voua yo soti,
jous nan limit tè-a paròl yo rivé. R:
- 6 Pou solèy la li té pozé yon tant pou yo,
li minm minm, tankou yon épou k-ap sot nan chanm li,
li kontan tankou yon jéan pou-l kouri sou rout la.
- 7 Dépi nan bout sièl yo li soti,
chémin-l jous nan finisman yo,
pa gin anyin ki kaché dévan chalè-l. R:

2

PSÒM RÉPONS

Ps 24, 4-5 ab. 6-7 bc. 8-9. 10. 14 (R: 6 a)

- R: Sonjé pitié-ou yo, Granmèt.
- 4 Chémin-ou yo, Granmèt, montré-m yo,
santié-ou yo, aprann mouin yo.
- 5 Dirijé-m nan santié-ou la, ban-m léson,
paské ou sé Bondié sovè mouin. R:
- 6 Sonjé pitié-ou yo, Granmèt,
ak mizérikòd ou yo, paské sé dépi tout tan yo égzisté.
- 7 dapré mizérikòd ou-a, sonjé-m,
poutèt bon kè-ou, Granmèt. R:
- 8 Granmèt la bon, li kòrèk,
poutèt sa, li aprann péchè yo chémin-l
- 9 l-ap dirijé moun ki dosil yo nan jijman-an,
l-ap aprann moun ki dou yo chémin-l yo. R:
- 10 Tout chémin Granmèt la sé mizérikòd ak vérité
pou moun ki obsèvé téstaman-l nan ak témouagnaj li yo. R:
- 14 Granmèt la ap aji kòm zanmi avèk moun ki krinn li yo,
pou-l montré yo téstaman-l nan. R:

3

PSÒM RÉPONS

Ps 26, 1. 2. 3. 5 (R: cf. 9 d)

- R: Pa lagé-m, Bondié ki sové-m !
- 1 Granmèt la sé klèté-m ak sa k-ap sové-m nan, kilès ki pou fè-m pè ?
Granmèt la sé protèktè-m, dévan kilès pou-m tranblé ? R:
- 2 Lè moun k-ap chèché fè-m ditò yo proche sou mouin,
pou yo manjé chè-m ;
sa yo k-ap fè-m sibi tribilasyon-an ak ènmi-m yo,
sé yo minm ki fébli, épi ki tonbé. R:
- 3 Si lamé kanpé an fas mouin,
kè-m pa gin doua pè ;
si batay lévé kont mouin,
sé nan sa mouin minm m-ap espéré. R:
- 5 Sèké l-ap kaché-m nan tant li,
jou malè yo.

L-ap kaché-m nan kachèt tant li,
nan ròch la l-ap lévé-m. **R:**

4

PSÒM RÉPONS**Ps 66, 2-3. 5. 7-8 (R: : 4)**

- R:** Sé pou yo fè louanj ou, pèp yo, Bondié,
sé pou tout pèp yo fè louanj ou.
- 2** Sé pou Bondié pran pitié pou nou, sé pou-l béni nou ;
sé pou-l fè figi-l kléré sou nou.
- 3** Pou yo rékonèt chémin-ou yo sou tè-a,
épi sové ou sové nou-an nan tout nasion yo. **R:**
- 5** Sé pou nasion yo kontan,
épi sé pou yo fété,
paské ou jijé pèp yo nan douatu,
épi ou dirijé nasion yo sou tè-a. **R:**
- 7** Tè-a té bay frui-l ;
Bondié béni nou, Bondié nou-an ;
- 8** sé pou Bondié nou-an béni nou,
épi sé pou tout limit tè-a krinn li. **R:**

5

PSÒM RÉPONS Ps 95, 1-2 a. 2 b-3. 7-8 a. 9-10a (R: : 3 oubyin cf. Mt 28, 19)

- R:** Anonsé mèvèy Granmèt la nan tout pèp yo.
- oubyin :**
- R:** Antan nou alé sou tout tè-a, anségné tout nasion yo.
- 1** Chanté pou Granmèt la yon kantik nouvo,
chanté pou Granmèt la, tout tè-a.
- 2** Chanté pou Granmèt la, fè konpliman pou non li. **R:**
- Anonsé jou an jou sové li sové nou-an.
- 3** Anonsé gloua li pou nasion yo,
nan tout pèp yo mèvèy li yo. **R:**
- 7** Poté bay Granmèt la, fanmi pèp yo,
poté bay Granmèt la gloua ak pouvoua,
- 8** poté bay Granmèt la gloua non-l. **R:**

- 9 Adoré Granmèt la nan gloua li ki sin-an.
Tranblé dévan fas li, tout tè-a.
- 10 Di nan nasion : « Granmèt la roua ». R:

6

PSÒM RÉPONS

Ps 97, 1. 2-3 ab. 3 c-4. 5-6 (R: 2 b)

- R: Nan fas nasion yo Granmèt la révéle jistis li-a.
- 1 Chanté yon kantik nouvo pou Granmèt la,
paské li fè mèvèy ;
min douat li sové pou li,
avèk bra li ki sin-an. R:
- 2 Granmèt la fè konnin sové li sové-a,
nan fas nasion yo li révéle jistis li-a.
- 3 Li fè sonjé mizérikòd li-a
ak vérité-l la pou kay Israël la. R:
- Tout limit tè-a ap ouè
sové Bondié nou-an sové nou-an.
- 4 Sonnin troupèt pou Bondié, tout tè-a,
éklaté, fété, chanté. R:
- 5 Chanté pou Granmèt la sou gita,
sou gita ak chanté psòm ;
- 6 sonnin troupèt ak kòn,
sonnin kléron dévan Granmèt la ki roua-a. R:

7

PSÒM RÉPONS

Ps 109, 1. 2. 3. 4 (R: 4 b)

- R: Ou sé prèt pou tout tan dapré ran Mèlkisédek.
- 1 Granmèt la di Granmèt mouin : « Chita adouat mouin,
joutan mouin pozé ènmi-ou yo kòm éskalié pié-ou ». R:
- 2 Baton pouvoua-ou, Granmèt la voyé-l sot nan Siyon :
kòmandé nan mitan ènmi-ou yo. R:
- 3 Pouvoua-a avèk ou jou fòs ou-a,
nan ékla limiè ki sin yo,
nan vant granmatin tankou larouzé mouin anfanté-ou. R:

- 4 Granmèt la fè sèman, li pap régrèt li :
« Ou sé prèt pou tout tan
dapré ran Mèlkisédèk ». R:

8

PSÒM RÉPONS

Ps 116, 1. 2 (R : Mk 16, 15)

R: Antan nou alé sou tout tè-a, préché Bòn Nouvèl la.

oubyin : Alélouya.

- 1 Fè louanj Granmèt la, tout nasion yo,
fè louanj li ansanm, tout pèp yo. R:
- 2 Paské li asiré mizèrikòd li sou nou,
vérité Granmèt la diré pou tout tan. R:

9

PSÒM RÉPONS

Ps 122, 1. 2 (R : 2 cd oubyin 3 a)

R: Jé nou kot Granmèt Bondié nou-an, joutan li pran pitié pou nou.

oubyin :

R: Pitié pou nou, Granmèt, pitié pou nou

- 1 Koté-ou mouin lévé jé-m,
ou minm ki abité nan sièl yo. R:
- 2 Min sé tankou jé sèvitè yo
kot min mèt yo.
Tankou jé sèvant la kot min mètrès li,
sé konsa jé nou kot Granmèt Bondié nou-an,
joutan li pran pitié pou nou. R:

ALÉLOUYA AK VÈSÈ ANVAN ÉVANJIL LA

1

Ps 132, 1

(R: Alélouya). Ala bon sa bon épi ala kontantman
pou abité tankou frè ansanm ! (R: Alélouya).

2

Mt 16, 18

(R: Alélouya). Ou sé Piè, sou ròch sa-a m-ap bati Égliz mouin-an,
pòt lanfè yo pap ranpòté viktoua kont li. (R: Alélouya).

3

Mt 28, 19 a. 20 b

(R: Alélouya). Alé, anségné tout nasion, sé sa Granmèt la di ;
mouin avèk nou tou lé jou jous nan finisman sièk tan-an. (R:
Alélouya).

4

Jan 10, 11

(R: Alélouya). Mouin sé bon gadyin-an, sé sa Granmèt la di ;
Bon gadyin-an bay lavi-l pou mouton-l yo. (R: Alélouya).

5

Jan 10, 14

(R: Alélouya). Mouin minm mouin sé bon Gadyin-an, sé sa Granmèt la di,
mouin konnin mouton-m yo, épi yo konnin-m tou. (R: Alélouya).

6

Jan 15, 4 a. 5 b

(R: Alélouya). Rété nan mouin, épi mouin minm nan nou,
sé sa Granmèt la di ;
moun ki rété nan mouin, li poté anpil frui. (R: Alélouya).

ÉVANJIL YO

1

Ou sé Piè, sou ròch sa-a m-ap bati Égliz mouin-an.

✠ Léktu sint Évanjil la dapré Matié

16, 13-19

Lè sa-a :

Jézu rivé nan réjion Sézaré Filip la, li pozé disip li yo késion, li di :
« Ki sa moun yo di Pitit moun nan yé ? »

Yo minm yo di : « Ginyin sé Jan-Batis, dòt minm sé Éli, dòt ankò sé Jérési oubyin youn nan profèt yo ».

Jézu di yo : « É nou minm ki sa nou di mouin yé ? »

Simon Piè pran laparòl, li di : « Ou sé Kris, Pitit Bondié vivan-an ».

Jézu pran laparòl, li di-l : « Ala kontantman pou ou, Simon, pitit Jan, paské sé pa ni chè ni san ki fè ou konn sa, min Papa-m ki nan sièl la. Mouin minm mouin di-ou ou sé Piè, sou ròch sa-a m-ap bati Égliz mouin-an, pòt lanfè yo pap ranpòté viktoua kont li ; m-ap ba-ou clé péyi roua sièl yo, tou sa ou-ap maré sou tè-a, l-ap maré nan sièl la, tou sa ou-ap lagé sou tè-a, l-ap lagé nan sièl la tou ».

Paròl Granmèt la.

2

Si-l kouté-ou, ou-ap pran tèt frè-ou la.

✠ Léktu sint Évanjil la dapré Matié

18, 15-20

Lè sa-a : Jézu di disip li yo :

« Si frè-ou fè péché kont ou, alé pran-l apa, korijé-l. Si-l kouté-ou, ou-ap pran tèt frè-ou la ; min si-l pa kouté-ou, pran youn oubyin dé avèk ou ankò, pou tout paròl kapab fiské nan bouch dé oubyin toua témouin. Si-l pa kouté yo, di Égliz la sa ; si-l pa kouté Égliz la, sé pou-l tankou nasion ak piblikin pou ou.

Amèn mouin di nou, tou sa n-ap maré sou tè-a, l-ap maré nan sièl la tou ; tou sa n-ap lagé sou tè-a, l-ap lagé nan sièl la tou.

Mouin di nou ankò, si dé nan nou mété yo dakò sou tè-a, pou yo mandé ninpòt ki bagay, y-ap jouinn li nan min Papa-m ki nan sièl yo.

Sèké koté gin dé oubyin toua moun ki rasanblé o non-m, mouin la nan mitan yo ».

Paròl Granmèt la.

3

Alé, fè tout nasion yo vi-n tounin disip.

✠ **Léktu sint Évanjil la dapré Matié**

28, 16-20

Onz disip yo pati, y-al nan Galilé, sou mòn nan koté Jézu té ba yo lòd pou yo alé-a. Lè yo ouè Jézu, yo mét ajénou, min kèk nan yo té douté.

Jézu minm antan-l proché, li palé avèk yo, li di : « Yo rinmèt mouin tout pouvoua nan sièl ak sou tè-a. Alé, fè tout nasion yo vi-n tounin disip. Batizé yo o non Papa-a ak Pitit la ak Éspri Sin-an. Aprann yo obsèvé tou sa mouin té kòmandé nou.

Min mouin avèk nou touléjou, jous longè tan-an fi-n rivé bout li ».

Paròl Granmèt la.

4

*Moun ki rété nan mouin, épi mouin minm nan li,
moun sa-a poté anpil foui.*

✠ **Léktu sint Évanjil la dapré Jan**

15, 1-8

Lè sa-a : Jézu di disip li yo :

« Mouin sé véritab pié rézin-an, Papa-m sé kiltivatè-a. Tout branch nan mouin ki pa donnin foui, l-ap ouété-l ; tout branch ki donnin foui, l-ap nétouayé-l pou-l donnin plis foui. Nou minm nou déjà pròp gras a paròl la mouin té palé nou-an.

Rété nan mouin, épi mouin minm nan nou. Minm jan branch la pa kapab donnin foui pou kont li-a, si-l pa rét nan pié rézin-an, konsa tou nou minm non plis, si nou pa rété nan mouin.

Mouin sé pié rézin-an, nou sé branch yo ; moun ki rét nan mouin, épi mouin minm nan li, moun sa-a donnin anpil foui, paské san mouin minm nou pa kapab fè anyin. Si yon moun pa rét nan mouin, y-ap jété-l déyò, tankou branch la, l-ap séché, y-ap ranmasé-l y-ap jété-l nan difé, l-ap boulé.

Si nou rét nan mouin, épi paròl mouin yo rété nan nou, tou sa nou vlé, nou mèt mandé-l, l-ap rivé pou nou.

Sé nan sa Papa-m jouinn gloua-l, pou nou donnin anpil foui, pou nou vi-n disip mouin ».

Paròl Granmèt la.

5

*Tankou ou té voyé-m sou tè-a,
mouin minm tou mouin voyé yo sou tè-a.*

✠ Léktu sint Évanjil la dapré Jan

17, 11 b. 17-23

Lè sa-a :

Jézu lévé jé-l nan sièl la, li priyé, li di : « Papa ki sin, konsèvé yo non-ou, sa yo ou té ban mouin-an, pou yo kapab fè yon sèl tankou nou minm.

Fè yo vi-n sin nan vérité-a : paròl ou-a sé vérité. Tankou ou té voyé-m sou tè-a, mouin minm tou mouin voyé yo sou tè-a. Mouin konsakré tèt mouin pou yo, pou yo minm tou yo kapab vi-n sin nan vérité-a.

Sé pa pou yo minm sèlman mouin priyé, min pou sa yo tou k-ap kouè nan mouin gras a paròl yo-a, pou tout moun fè yon sèl, tankou ou minm, Papa, ou nan mouin, épi mouin nan ou, pou yo minm tou yo fè yon sèl nan nou, pou tè-a kouè sé ou minm ki voyé-m.

Mouin minm gloua-ou la ou té ban mouin-an, mouin ba yo-l, pou yo fè yon sèl tankou nou minm nou fè yon sèl la. Mouin minm nan yo, épi ou minm nan mouin, pou yo fè yon sèl nèt, pou tè-a rékonèt sé ou minm ki voyé-m, épi mouin rinmin yo, tankou ou rinmin-m ».

Paròl Granmèt la.

6

Okipé ti mouton-m yo, okipé mouton-m yo.

✠ Léktu sint Évanjil la dapré Jan

21, 15-17

Lè Jézu té parèt dévan disip li yo, li té manjé avèk yo-a, li di Simon Piè : « Simon pitit Jan, èské-ou gin charité pou mouin plis pasé sa yo ? »

Li di-l : « Oui, Granmèt, ou konnin mouin rinmin-ou ».

Li di-l : « Okipé ti mouton-m yo ».

Li di-l ankò : « Simon pitit Jan, èské-ou gin charité pou mouin ? »

Li di-l : « Oui, Granmèt, ou konnin mouin rinmin-ou ».

Li di-l : « Okipé ti mouton-m yo ».

Li di-l pou touazièm foua-a : « Simon pitit Jan, èské-ou rinmin-m ? »

Piè pran lapinn, paské li té di-l touazièm foua-a « Èské-ou rinmin-m ? » Li di-l : « Granmèt, ou konnin tout bagay ; ou konnin mouin rinmin-ou ».

Li di-l : « Okipé mouton-m yo ».

Paròl Granmèt la.

2. POU PAP LA OUBYIN ÉVÈK LA sitou nan anivèsè yo

Yo pran tèks ki pi adapté yo nan sa yo propozé nan Komin pastè yo, pi ro p. 1802.

3. POU ÉLÉKSION PAP LA OUBYIN ÉVÈK LA

LÉKTU NAN ANSYIN TÉSTAMAN-AN

Granmèt la sakré-m, li voyé-m anonsé Bòn Nouvèl la bay pòv yo.

Léktu liv profèt Izayi

61, 1-3 a

Éspri Granmèt la sou mouin, sé poua Granmèt la sakré-m, li voyé-m poté nouvèl bay pòv yo, pou-m pansé kè ki krazé yo, pou-m préché padon bay prizonié yo, libérasion bay sa-k fèmin yo, pou-m préché yon ané koté Granmèt la fè gras, yon jou vanjans pou Bondié nou-an, pou-m konsolé tout moun ki nan lapinn, pou-m mété yon kouròn nan plas sann pou moun Siyon yo ki nan lapinn yo, losion kè kontan nan plas dèy, manto louanj nan plas éspri tristès.

Paròl Granmèt la.

LÉKTU NAN NOUVO TÊSTAMAN-AN

1

*Pou kò-a dévlopé antan l-ap bati nan rinmin an.***Léktu lèt apot sin Pòl pou Éfézyin yo****4, 11-16**

Frè-m yo :

Kris la bay kèk moun gras pou yo apot, kèk moun minm sé profèt, dèt ankò évanjélis, dèt minm sé gadyin ak savan sakré. Kado sa yo sé pou sin yo kapab vi-n kòrèk nèt nan travay sèvis la, antan kò Kris la ap bati, joutan nou tout nou rivé fè yon sèl nan lafoua-a ak konésans Pitit Bondié-a, pou nou rivé nan moun sa-a ki kòrèk nèt la, nan mézi plénitud laj Kris la.

Konsa nou pap tankou ti moun piti ankò k-ap ézité, nou pap kité yo fè nou fè lavironn nan tout van mové anségnman moun, nan riz moun k-ap toudi nou nan mové chémin ; okontrè, antan n-ap fè vérité-a nan rinmin, n-a dévlopé nan tout bagay nan li minm, Kris la ki tèt la ; sé nan li tout kò-a fè yon sèl, li maré ak tout kalité jouinti k-ap transmèt mouvman-an, dapré aktivité ki nan mézi chak manb, pou kò-a dévlopé antan l-ap bati nan rinmin an.

Paròl Granmèt la.

2

*Bondié rélé Kris la prèt an chèf nan ran Mèlkisédek.***Léktu lèt pou Ébré yo****5, 1-10**

Tout prèt an chèf, sé nan pami lézòm yo pran-l, pou instalé-l pou lézòm nan késion ki gin rapò ak Bondié, pou-l ofri kado ak sakrifis pou péché yo ; li kapab gin pitié pou sa yo ki pa gin konprann, ki pèdi rout, paské li minm tou li vlopé ak féblès ; sé pou sa, li gin pou-l ofri sakrifis pou péché pa-l minm jan ak pou pèp la.

Pèsòn pa pran mak konsidérasion sa-a ak pròp fòs li, min sé moun Bondié rélé tankou Aaron.

Sé konsa Kris la pa-t bay pròp tèt li gloua antan-l té vi-n prèt an chèf ; min sé sa-a ki té di-l konsa-a :

« Ou sé Pitit mouin, mouin minm jodi-a, mouin ba ou nésans » la ; minm jan yon lòt koté, li di :

« Ou sé prèt pou tout tan dapré ran Mèlkisèkèk ».

Nan jou li té pasé nan chè-a, li té ofri priyè ak plint avèk gran rèl ak dlo nan jé kot sa-a ki té kapab sovè-l sot nan lanmò-a, priyè-l la jouinn rézilta poutèt piété-l.

Malgré sé Pitit Bondié li té yé-a, li té aprann obéyisans nan sa-l soufri yo, lè-l rivé nan bout chémin pou-l té rivé-a, li vi-n tounin koz pou tout moun k-ap obéyi-l sovè pou tout tan, Bondié rélé-l prèt an chèf nan ran Mèlkisédèk.

Paròl Grammèt la.

PSÒM RÉPONS

PSÒM RÉPONS

Ps 88, 4-5. 21-22. 25 é 27 (R : cf. 2 a)

R Mizérikòd Grammèt la, sé tout tan m-ap chanté-l.

⁴ « Mouin té pasé aliens avèk sa-a mouin chouazi-a, mouin té fè sèman bay David sèvitè-m nan :

⁵ Pou tout tan m-ap asiré désandans ou, m-ap drésé tro-n ou-a pou jénérasyon ak jénérasyon ». R

²¹ Mouin jouinn David sèvitè-m nan ; ak luil mouin ki sin-an mouin sakré-l.

²² Min-m ap rét fèm avèk li, épi bra-m ap ba li fòs. R

²⁵ Vérité-m ak mizérikòd mouin ap avèk li, o non-m l-ap lévé kòn li.

²⁷ Li minm l-ap rélé-m : « Sé Papa-m ou yé, Bondié-m ak kachèt k-ap sovè-m nan. R

ALÉLOUYA AK VÈSÈ ANVAN ÉVANJIL LA

Jan 10, 11

(**R**: Alélouya). Mouin sé bon gadyin-an, sé sa Granmèt la di ;
Bon gadyin-an bay lavi-l pou mouton-l yo. (**R**: Alélouya).

ÉVANJIL YO

1

*Sé mouin minm ki chouazi nou, mouin mété nou,
pou nou donnin foui.*

✠ Léktu sint Évanjil la dapré Jan

15, 9-17

Lè sa-a : Jézu di disip li yo :

« Minm jan Papa-a rinmin-m nan, sé konsa tou mouin rinmin nou. Sé pou nou rété nan rinmin-m nan. Si nou kinbé kòmandman-m yo, n-ap rété nan rinmin-m nan minm jan mouin minm mouin kinbé kòmandman Papa-m yo, épi mouin rété nan rinmin-l nan.

Mouin di nou bagay sa yo, pou kè kontan-m nan kapab nan nou, pou kè kontan nou-an réalizé nèt.

Min kòmandman-m nan, sé pou nou youn rinmin lòt, minm jan mouin rinmin nou-an. Pi gran fason pou yon moun rinmin, sé bay lavi-l pou zanmi-l yo.

Nou minm nou sé zanmi-m, si nou fè sa mouin kòmandé nou. Mouin pap rélé nou sèvitè ankò, paské sèvitè-a pa konnin ki sa mèt li ap fè ; min sé zanmi mouin rélé nou, paské tou sa-m tandé kot Papa-m, mouin fè nou konnin-l.

Sé pa nou minm ki chouazi-m ; min sé mouin minm ki chouazi nou, mouin mété nou, pou nou alé, pou nou donnin foui, pou foui nou-an diré ; konsa, tou sa n-a mandé Papa-a o non-m, l-ap ba nou li.

Sa mouin kòmandé nou, sé pou nou youn rinmin lòt ».

Paròl Granmèt la.

2

*Tankou ou té voyé-m sou tè-a,
mouin minm tou mouin voyé yo sou tè-a.*

✠ Léktu sint Évanjil la dapré Jan

17, 11 b. 17-23

Lè sa-a :

Jézu lévé jé-l nan sièl la, li priyé, li di : « Papa ki sin, konsèvé yo non-ou, sa yo ou té ban mouin-an, pou yo kapab fè yon sèl tankou nou minm.

Fè yo vi-n sin nan vérité-a : paròl ou-a sé vérité. Tankou ou té voyé-m sou tè-a, mouin minm tou mouin voyé yo sou tè-a. Mouin konsakré tèt mouin pou yo, pou yo minm tou yo kapab vi-n sin nan vérité-a.

Sé pa pou yo minm sèlman mouin priyé, min pou sa yo tou k-ap kouè nan mouin gras a paròl yo-a, pou tout moun fè yon sèl, tankou ou minm, Papa, ou nan mouin, épi mouin nan ou, pou yo minm tou yo fè yon sèl nan nou, pou tè-a kouè sé ou minm ki voyé-m.

Mouin minm gloua-ou la ou té ban mouin-an, mouin ba yo-l, pou yo fè yon sèl tankou nou minm nou fè yon sèl la. Mouin minm nan yo, épi ou minm nan mouin, pou yo fè yon sèl nèt, pou tè-a rékonèt sé ou minm ki voyé-m, épi mouin rinmin yo, tankou ou rinmin-m ».

Paròl Granmèt la.

4. POU KONSIL OUBYIN SINÒD, POU RÉYINION SPIRITUÈL OUBYIN PASTORAL

LÉKTU NAN ANSYIN TÉSTAMAN-AN

Paròl la bò koté-ou pou-ou réalizé-l.

Léktu liv Détéronòm

30, 10-14

Lè sa-a :

Moyiz palé ak pèp la, li di : « Sé pou-ou kouté voua Granmèt Bondié-ou, pou-ou obsèvé lòd li yo ak désizyon-l yo, ki ékri nan laloua sa-a, pou-ou tounin kot Granmèt Bondié-ou la ak tout kè-ou, ak tout nanm ou.

Kòmandman sa-a mouin kòmandé-ou jodi-a, li pa ni tro ro ni tro louin pou ou, li pa chita nan sièl la, pou-ou t-a di : “Kilès nan nou ki t-a kapab monté nan sièl la, pou-l poté-l ba nou, pou nou kouté-l, pou nou réalizé-l ?” Li pa jous lòt bò lanmè, pou-ou blijé di : “Kilès nan nou ki t-a kapab travèsé lanmè-a pou-l poté-l ba nou, pou nou kapab kouté-l, pou nou fè sa-l kòmandé-a ?” Min sé bò koté-ou paròl la yé, tou pré-ou, nan bouch ou ak nan kè-ou, pou-ou fè sa-l di-a ».

Paròl Granmèt la.

LÉKTU NAN NOUVO TĚSTAMAN-AN

*Sé nou gin minm charité, yon sèl kè,
minm fason pou nou anvizajé bagay yo.*

Léktu lèt apot sin Pòl pou Filipyin yo

2, 1-4

Frè-m yo :

Si gin yon konsolasyon nan Kris la, si gin yon ankourajman charité-a donnin, si gin yon kominion Éspri-a bay, si pitié-a bay zantray, fè kè-m kontan nèt, antan nou gin minm charité, yon sèl kè, minm fason pou nou anvizajé bagay yo, pou nou gin minm santiman. Sé pa pou nou gin okinn jalouzi, sé pa pou nou chèché okinn gloua ki vid, min sé pou pou nou rabésé tèt nou antan chak moun konsidéré lòt la kòm pi sipériè pasé-l, san chak moun pa konsidéré avantaj pèsoneèl li, min okontrè afè lòt yo.

Paròl Granmèt la.

PSÒM RÉPONS

PSÒM RÉPONS

Ps 18, 8. 9. 10. 11 (R: Jan 6, 68 c)

R: Granmèt, ou gin paròl lavi ki pap janm fini-an.

- 8 Laloua Granmèt la san tach, li réfè nanm,
témouagnaj Granmèt la fidèl, li bay timoun yo sajàs. R:
- 9 Jistis Granmèt la douat, yo fè kè kontan,
kòmandman Granmèt la klèl, li kléré jé yo. R:
- 10 Krint Granmèt la nèt, li diré pou tout tan gin tan,
jijman Granmèt la vré, yo kòrèk yo tout ansanm. R:

¹¹ Yo pi chè pasé lò, ak bijou ki gin anpil pri,
yo pi dous pasé mièl, ak réyon mièl k-ap koulé. **R**

ALÉLOUYA AK VÈSÈ ANVAN ÉVANJIL LA

1

Ps 132, 1

(**R** Alélouya). Ala bon sa bon épi ala kontantman
pou abité tankou frè ansanm. (**R** Alélouya).

2

Jan 16, 33 a ; 14, 26 d

(**R** Alélouya). Lè Éspri vérité-a ap vini, l-ap aprann nou tout vérité-a ;
épi l-ap raplé nou tout bagay yo mouin té di nou-an. (**R** Alélouya).

ÉVANJIL

1

*Koté gin dé oubyin toua moun ki rasanblé o non-m,
mouin la nan mitan yo.*

✠ Léktu sint Évanjil la dapré Matié

18, 15-20

Lè sa-a : Jézu di disip li yo :

« Si frè-ou fè péché kont ou, alé pran-l apa, korijé-l. Si-l kouté-ou, ou-
ap pran tèt frè-ou la ; min si-l pa kouté-ou, pran youn oubyin dé avèk ou
ankò, pou tout paròl kapab fiské nan bouch dé oubyin toua témouin. Si-l
pa kouté yo, di Égliz la sa ; si-l pa kouté Égliz la, sé pou-l tankou nasion
ak piblikin pou ou.

Amèn mouin di nou, tou sa n-ap maré sou tè-a, l-ap maré nan sièl la
tou ; tou sa n-ap lagé sou tè-a, l-ap lagé nan sièl la tou.

Mouin di nou ankò, si dé nan nou mété yo dakò sou tè-a, pou yo
mandé ninpòt ki bagay, y-ap jouinn li nan min Papa-m ki nan sièl yo.

Sèké koté gin dé oubyin toua moun ki rasanblé o non-m, mouin la nan
mitan yo ».

Paròl Granmèt la.

2

Vini apa, yon koté ki pa gin pèsòn, pran yon ti répo.

✠ **Léktu sint Évanjil la dapré Mark**

6, 30-34

Lè sa-a :

Apot yo rasanblé kot Jézu, yo rakonté-l tou sa yo té fè, ak sa yo té anségné. Li di yo : « Vini apa, yon koté ki pa gin pèsòn, pran yon ti répo ». Sèké té si tèlman gin moun ki t-ap alé vini, yo pa-t gin tan pou yo manjé.

Yo monté nan batiman-an, y-al nan yon koté ki dézè, ki apa. Lè yo ouè y-apralé, anpil moun konprann : yo soti a pié nan tout vil yo, yo vi-n rankontré yo la, yo rivé anvan yo.

Lè Jézu soti, li ouè anpil foul, li pran pitié pou yo, paské yo té tankou mouton ki pa gin gadyin, li kòmansé ba yo ansègnman anpil.

Paròl Granmèt la.

3

Avoka-a minm ap souflé nou tou sa m-ap di nou.

✠ **Léktu sint Évanjil la dapré Jan**

14, 23-29

Lè sa-a : Jézu di disip li yo :

« Si yon moun rinmin-m, l-ap kinbé paròl mouin, Papa-m ap rinmin-l, n-ap vi-n jouinn li, n-ap abité lakay li. Moun ki pa rinmin-m, li pa kinbé paròl mouin yo. Paròl la nou tandé-a, sé pa nan mouin li soti, min sé nan sa-a ki voyé-m nan, Papa-a.

Mouin di nou bagay sa yo, pandan-m rét avèk nou toujou. Avoka-a minm, Éspri Sin-an, sa Papa-a ap voyé o non-m nan, sé li minm k-ap aprann nou tout bagay, l-ap souflé nou tou sa-m té di nou yo.

Sé lapè mouin kité pou nou, sé lapè-m nan mouin ba nou ; sé pa tankou tè-a bay li-a mouin ba nou li. Pa kité kè nou troublé, pa kité-l soté. Nou té tandé mouin té di nou : “M-apralé épi m-ap vi-n jouinn nou”. Si nou té rinmin-m, nou t-a kontan sètènman poutèt m-apral kay Papa-a, paské Papa-a pi gran passé-m. Koulié-a minm mouin di nou sa anvan sa rivé, pou lè-l rivé nou kapab kouè ».

Paròl Granmèt la.

5. POU PRÈT YO

LÉKTU NAN ANSYIN TÊSTAMAN-AN

1

Granmèt la sakré-m, li voyé-m anonsé pòv yo bon nouvèl la..

Léktu liv profèt Izayi

61, 1-3 a

Éspri Granmèt la sou mouin, sé poussa Granmèt la sakré-m, li voyé-m poté nouvèl bay pòv yo, pou-m pansé kè ki krazé yo, pou-m préché padon bay prizonié yo, libérasion bay sa-k nan prizon yo, pou-m préché yon ané koté Granmèt la fè gras, yon jou vanjans pou Bondié nou-an, pou-m konsolé tout moun ki nan lapinn, pou-m mété yon kouròn nan plas sann pou moun Siyon yo ki nan lapinn yo, losion kè kontan nan plas dèy, manto louanj nan plas éspri tristès. Y-ap rélé yo nan li sitadèl jistis, plantasion Granmèt la pou-l jouinn louanj li.

Paròl Granmèt la.

2

Kot tou sa-m voyé-ou, sé pou-ou alé.

Léktu liv profèt Jérémi

1, 4-9

Paròl Granmèt la rivé koté-m, li di : « Anvan-m té fòmé-ou nan vant, mouin té konnin-ou ; anvan-ou té soti nan vant, mouin té fè-ou sin, mouin té voyé-ou kòm profèt pou nasion yo ».

Mouin di : « A a a, Granmèt Bondié ! gadé, mouin pa konn palé, sé yon ti moun mouin yé ».

Granmèt la di-m : « Pa di “Mouin sé timoun” ; min kot tou sa-m voyé-ou, sé pou-ou alé, tou sa m-ap kòmandé-ou, sé pou-ou palé-l. Pa pè dévan fas yo, paské mouin avèk ou, pou-m, délivré-ou », sé sa Granmèt la di.

Granmèt la voyé min-l, li touché bouch mouin ; Granmèt la di-m : « Min mouin mété paròl mouin yo nan bouch ou ».

Paròl Granmèt la.

LÉKTU NAN NOUVO TÊSTAMAN-AN

1

Chak fousa n-ap manjé, n-ap bouè, sé lanmò Granmèt la n-ap anonsé.

Léktu prémié lèt apot sin Pòl pou Korintyin yo**11, 23-26**

Frè-m yo :

Mouin té résévoua nan min Granmèt la sa-m té transmèt nou-an, sèké Granmèt Jézu, nannuit yo té rimmèt li-a, li pran pin, épi antan li rann gras, li kasé-l, li di : « Pran, manjé : sa-a sé kò mouin, sa yo rimmèt pou nou-an ; fè sa pou fè sonjé mouin ».

Minm jan, apré li fi-n manjé, li pran kalis la tou, li di : « Kalis sa-a sé nouvo aliens la nan san mouin ; fè sa, chak fousa n-ap bouè, pou nou fè sonjé-m ».

Chak fousa réyèlman n-ap manjé pin sa-a, n-ap bouè kalis sa-a, sé lanmò Granmèt la n-ap anonsé, joutan li vini.

Paròl Granmèt la.

2

N-ap préché Jézu-Kri ; kanta nou minm nou sé sèvitè nou pa lintèmediè Jézu.

Léktu dézièm lèt apot sin Pòl pou Korintyin yo**4, 1-2. 5-7**

Frè-m yo :

Antan nou gin administrasion-an, dapré nou résévoua mizèrikòd la, nou pa fébli, min nou rénonse kachotri laront yo, antan nou pa maché nan rizèz, nou pa fè paròl Bondié-a di sa-l pa di, okontrè nan maniféstasion vérité-a antan nou rékòmandé pròp tèt nou bay tout konsians lèzòm dévan Bondié.

Sé pa nou minm réyèlman n-ap préché, min Jézu-Kri Granmèt nou-an, kanta nou minm, sé sèvitè nou nou yé pa lintèmediè Jézu ; sèké Bondié ki té di sé pou limiè-a kléré sot nan tènèb yo, sé li minm ki kléré nan kè nou yo, pou sians klèté Bondié nan fas Kris Jézu-a, li fè-l kléré.

Trezò sa-a minm, nou ginyin-l nan véso ki fèt avèk tè, pou grandè-a kapab soti nan puisans Bondié-a min pa nan nou minm.

Paròl Granmèt la.

3

Li ba nou ministè rékonsiliation-an.

Léktu dézièm lèt apot sin Pòl pou Korintyin yo

5, 14-20

Frè-m yo :

Charité Kris la ap boulé nou ; nou konsidéré si yon sèl mouri pou tout moun sèké tout moun mouri ; Kris la mouri pou tout moun, pou moun k-ap viv yo, sé pa pou yo minm sèl y-ap viv, min pou sa-a ki mouri pou yo-a épi ki résisité pou yo-a.

Sé pousa nou minm apati koulié-a nou pa konnin pèsòn ankò dapré chè-a ; si nou té konnin Kris la dapré chè-a, koulié-a nou pa konnin-l konsa ankò.

Si gin yon nouvo kréatu nan Kris la, ansyin yo disparèt : min tout bagay vi-n fèt tou nèf ; tout bagay vi-n sot nan Bondié, li minm ki rékonsilié nou pa lintèmediè Kris la, li ba nou ministè rékonsiliation-an.

Sèké sé Bondié ki té nan Kris la, l-ap rékonsilié tè-a avèk li, li pa konsidéré fot moun yo té fè, li mété paròl rékonsiliation-an nan bouch nou.

Pou Kris la nou sèvi komisionè, sé tankou sé Bondié k-ap bay ankourajman pa lintèmediè nou. N-ap insisté koté nou pou Kris la : kité yo rékonsilié nou avèk Bondié.

Paròl Granmèt la.

4

Nan travay ministè-a, antan kò Kris la ap bati.

Léktu lèt apot sin Pòl pou Éfézyin yo

4, 1-7. 11-13

Frè-m yo :

Mouin priyé nou, mouin minm prizonié nan Granmèt la, pou nou maché korèk dapré diréksion voua ki rélé nou-an, antan nou rété nan pòv ti kondision moun nou-an, antan nou tou dou, antan nou pran pasians pou nou youn sipòté lòt nan charité-a ; fè éfò pou nou konsèvé éspri ki fè nou fè yon sèl la nan chinn lapè-a.

Yon sèl kò ak yon sèl éspri, minm jan yo rélé nou nan yon sèl éspérans ki nan bout chémin koté yo rélé nou-an ; yon sèl Granmèt, yon sèl lafoua, yon sèl batèm ; yon sèl Bondié ak Papa tout moun, ki anlè tout moun, ki nan tout bagay épi ki nan nou tout.

Chak moun nan nou jouinn kado gras la dapré sa Kris la méziré pou li-a. Sé li minm ki bay kèk moun gras pou yo apot, kèk lòt minm sé profèt, dòt ankò sé évanjélis, dòt yo minm sé pastè ak savan sakré : konsa sin yo kapab vi-n kòrèk nèt nan travay ministè-a, antan kò Kris la ap bati, joutan nou tout nou rivé fè yon sèl nan lafoua-a ak nan konésans Pitit Bondié-a, pou nou vi-n sèl moun sa-a ki kòrèk nèt la, nan mézi dènié dévlopman Kris la.

Paròl Granmèt la.

5

*Mouin vi-n tounin minis Égliz la
dapré jan Bondié distribié-l la.*

Léktu lèt apot sin Pòl pou Kolosyin yo

1, 24-29

Frè-m yo :

Koulié-a mouin kontan nan soufrans m-ap soufri pou nou yo, m-ap konplété sa-k manké nan soufrans Kris la nan chè mouin, pou kò-l ki Égliz la ; sé minis Égliz sa-a mouin vi-n tounin, dapré sèvis Bondié ban mouin pou-m fè nan nou-an, pou-m réalizé paròl Bondié-a.

Mistè-a, ki té kaché dépi sièk tan yo ak jénérasyon yo, koulié-a li manifésté nan sin-l yo. Bondié té vlé montré sin yo richès gloua mistè sa-a nan nasion yo ; mistè sa-a sé Kris la, éspérans gloua-a nan nou.

Nou anonsé-li antan n-ap korijé tout moun, antan n-ap bay tout moun ansègnman nan tout kalité sajès, pou nou prezanté tout moun kòrèk nèt nan Kris Jézu ; sé pou li m-ap travay, m-ap batay dapré aktivité-l k-ap aji nan mouin nan puisans la.

Paròl Granmèt la.

6

*Sé pa sèlman bay Bòn Nouvèl la nou té vlé,
min sé bay ata nanm nou yo.*

Léktu prémié lèt apot sin Pòl pou Tésalonisyin yo

2, 2 b-8

Frè-m yo :

Nou gin asirans nan Bondié nou-an pou nou palé Bòn Nouvèl Bondié-a ba nou, nan anpil tèt chajé. Ankourajman nou-an pa-t soti nan fosté, ni nan sa-k pa pròp, ni nan tronpé ; min sa n-ap di-a, nou di-l tankou moun

Bondié sondé, pou-l konfié nou Bòn Nouvèl la ; sé konsa nou palé ; nou pa di-l tankou pou nou fè moun plézi, min pou nou fè Bondié plézi, li minm ki sondé kè nou.

Nou pa-t janm nan palé pou flaté moun, sé bagay nou konnin, ni chèché okazion ranmasé lajan, Bondié témouin ; ni nou pa chèché konsidérasion nan min moun, ni nan min nou, ni nan min lòt moun.

Malgré nou té kapab fè nou santi sa nou pézé kòm apot Jézu-Kri, nou fè kò nou tou piti nan mitan nou, tankou yon nouris k-ap chofé ti pitit li yo.

Sé pa ti kras anvì nou té anvì ginyin nou, sitèlman sé pa sèlman bay Bòn Nouvèl Bondié-a nou té vlé, min sé bay ata nanm nou yo paské nou vi-n gin anpil valè pou nou.

Paròl Granmèt la.

PSÒM RÉPONS YO

1

PSÒM RÉPONS

Ps 15, 1-2 a é 5. 7-8. 11 (R: : cf. 5 a)

R: Sé ou minm, Granmèt, ki pòsion éritaj mouin.

¹ Prézèvé-m, Bondié, paské mouin espéré nan ou.

² Mouin té di Granmèt la : « Sé Granmèt mouin ou yé,

⁵ Granmèt, pòsion éritaj mouin ak kalis mouin

sé ou minm ki kinbé déstiné mouin ». R:

⁷ M-ap fè konpliman pou Granmèt la ki ban-m intéljans ; minm nannuit rin-m ban-m léson.

⁸ Mouin té mété Granmèt la dévan fas mouin tout tan, paské li adouat mouin, mouin pap souké. R:

¹¹ ou-ap fè-m konnin rout lavi yo, kè kontan k-ap plin nèt dévan fas ou, plézi adouat ou jous pou tout tan. R:

2

PSÒM RÉPONS

Ps 18, 2-3. 4-5. 6-7 (R: 5 a)

- R Sou tout tè-a yo tandé voua yo
- 2 Sièl yo ap rakonté gloua Bondié,
travay min-l, platfòm sièl la ap anonsé-l.
- 3 Jou ap déklaré paròl bay jou,
nannuit ap montré sians bay nuit. R
- 4 Pa gin langaj ni paròl,
pou yo pa konprann voua yo.
- 5 Sou tout tè-a brui voua yo soti,
jous nan limit tè-a paròl yo rivé. R
- 6 Pou solèy la li té pozé yon tant pou yo,
li minm minm, tankou yon épou k-ap sot nan chanm li,
li kontan tankou yon jéan pou-l kouri sou rout la.
- 7 Dépi nan bout sièl yo li soti,
chémin-l jous nan finisman yo,
pa gin anyin ki kaché dévan chalè-l. R

3

PSÒM RÉPONS

Ps 26, 1. 4. 5. 7-8 a. 8 b-9 ab. 9 cd-10 (R: cf. 8)

- R Sé fas ou, Granmèt, m-ap chèché.
- 1 Granmèt la sé klété-m, épi li sové-m, kilès pou-m pè ?
Granmèt la sé protéksion lavi-m, dévan kilès pou-m tranblé ? R
- 4 Yon sèl bagay mouin mandé Granmèt la, sé sa m-ap chèché :
abité kay Granmèt la
tout tan lavi-m,
pou-m ouè dousè Granmèt la,
pou-m vizité tanp li-a. R
- 5 Sèké l-ap kaché-m nan tant li,
jou malè yo.
L-ap kaché-m nan kachèt tant li,
nan ròch la l-ap lévé-m. R
- 7 Granmèt, kouté voua-m k-ap rélé,
pitié pou mouin, kouté-m.
- 8 Sé sou ou kè-m té di : « Chèché fas li ». R

- Sé fas ou, Granmèt, m-ap chèché.
 9 Pa viré fas ou louin-m,
 pa viré do bay sèvitè-ou la nan kòlè. **R:**
 Sé sékou-m ou yé, pa lagé-m,
 pa abandoné-m, Bondié sovè-m.
 10 Sèké papa-m ak manman-m lagé-m,
 Granmèt la minm résévoua-m. **R:**

4

PSÒM RÉPONS

Ps 83, 3. 4. 5. 6 a é 8 a. 11 (**R:** : 5)

- R:** Ala kontantman pou moun ki abité nan kay ou-a, Granmèt.
 3 Nanm mouin anvi, l-ap dépéri pou kay Granmèt la.
 Kè-m ak chè-m ap fété pou Bondié vivan-an. **R:**
 4 Minm ti zouazo jouinn yon kay pou li,
 toutrèl la jouinn yon nich, koté li dépozé ti pitit li yo :
 lotèl ou yo, Granmèt lamé yo, roua-m ak Bondié-m. **R:**
 5 Ala kontantman pou moun ki abité nan kay ou-a,
 pou tout tan y-ap fè louanj ou. **R:**
 6 Ala kontantman pou moun ki jouinn sékou-l nan ou ;
 8 y-ap maché sot nan puisans al nan puisans. **R:**
 11 Sèké yon jou nan kay ou yo pi bon passé mil,
 mouin chouazi rét sou papòt nan kay Bondié-m nan,
 passé pou-m abité nan tant péchè yo. **R:**

5

PSÒM RÉPONS

Ps 109, 1. 2. 3. 4 (**R:** : 4 bc)

- R:** Ou sé prèt pou tout tan
 dapré ran Mèlkisédek.
 1 Granmèt la di Granmèt mouin : « Chita adouat mouin,
 joustan mouin pozé ènmi-ou yo kòm éskalié pié-ou ». **R:**
 2 Baton pouvoua-ou, Granmèt la voyé-l sot nan Siyon :
 kòmandé nan mitan ènmi-ou yo. **R:**

- 3 Pouvoua-a avèk ou jou fòs ou-a,
nan ékla limiè ki sin yo,
nan vant granmatin tankou larouzé mouin anfanté-ou. **R:**
- 4 Granmèt la fè sèman, li pap régrèt li :
« Ou sé prèt pou tout tan
dapré ran Mèlkisédek ». **R:**

ALÉLOUYA AK VÈSÈ ANVAN ÉVANJIL LA

1

Mt 28, 19 a. 20 b

(**R:** Alélouya). Alé, anségné tout nasion, sé sa Granmèt la di ;
mouin avèk nou tou lé jou jous nan finisman sièk tan-an. (**R:**
Alélouya).

2

Jan 10, 14

(**R:** Alélouya). Mouin minm mouin sé bon Gadyin-an, sé sa Granmèt la di,
mouin konnin mouton-m yo, épi yo konnin-m tou. (**R:** Alélouya).

3

Jan 12, 26

(**R:** Alélouya). Si yon moun ap sèvi-m sé pou-l suiv mouin,
sé sa Granmèt la di ;
épi koté-m yé-a, sé la sèvitè-m nan ap yé tou. (**R:** Alélouya).

4

Jan 15, 9

(**R:** Alélouya). Minm jan Papa-a rinmin-m nan,
sé konsa tou mouin rinmin nou ;
sé pou nou rété nan rinmin-m nan, sé sa Granmèt la di. (**R:** Alélouya).

Cf. Jan 15, 16

(R Alélouya). Mouin chouazi nou sot sou tè-a, pou nou alé,
 pou nou donnin foui, pou foui nou-an diré, sé sa Granmèt la di. (R
 Alélouya).

ÉVANJIL YO

1

N-ap bouè kalis mouin-an.

✠ Léktu sint Évanjil la dapré Matié

20, 20-28

Lè sa-a :

Manman pitit Zébédé yo proché ak pitit li yo kot Jézu, li adoré-l, li mandé-l kichòy.

Jézu di-l : « Ki sa-ou vlé ? »

Li minm li di : « Di pou dé pitit mouin sa yo chita, youn adouat ou, lòt la agoch ou, nan péyi roua-ou la ».

Jézu réponn, li di : « Nou pa konnin sa n-ap mandé-a. Èské nou kapab bouè kalis la mouin gin pou-m bouè-a ? »

Yo di : « Nou kapab ».

Li di yo : « Kalis mouin-an, n-ap bouè-l ; min chita adouat mouin oubyin agoch mouin-an, sé pa mouin minm ki kapab ba nou sa, min sé pou moun yo Papa-m paré-l la ».

Lè dis lòt yo tandé sa, yo fè kòlè kont dé frè yo.

Jézu minm rélé yo koté-l, li di : « Nou konnin chèf nasion yo kòmandé sou yo, gran yo fè yo santi pouvoua yo. Sa pa doué fèt konsa nan pami nou, min ninpòt ki moun ki vlé vi-n pi gran nan pami nou, sé pou-l vi-n sèvitè nou ; épi moun ki vlé vi-n premié nan pami nou, sé pou-l ésklav nou. Konsa Pitit moun nan pa-t vini pou-l fè yo sèvi-l, min pou-l sèvi épi pou-l rinmèt lavi-l kòm rédanmsion pou tout pakèt moun yo ».

Paròl Granmèt la.

2

Alé, fè tout nasion yo vi-n tounin disip.

✠ **Léktu sint Évanjil la dapré Matié**

28, 16-20

Onz disip yo pati, y-al nan Galilé, sou mòn nan koté Jézu té ba yo lòd pou yo alé-a. Lè yo ouè Jézu, yo mét ajénou, min kèk nan yo té douté.

Jézu minm antan-l proché, li palé avèk yo, li di : « Yo rinmèt mouin tout pouvoua nan sièl ak sou tè-a. Alé, fè tout nasion yo vi-n tounin disip. Batizé yo o non Papa-a ak Pitit la ak Éspri Sin-an. Aprann yo obsèvé tou sa mouin té kòmandé nou.

Min mouin avèk nou touléjou, jous longè tan-an fi-n rivé bout li ».

Paròl Granmèt la.

3

Rékòlt la anpil, min ouvriyé yo yon ti kras.

✠ **Léktu sint Évanjil la dapré Luk**

10, 1-9

Lè sa-a :

Granmèt la chouazi souasandouz lòt ; li voyé yo dé pa dé dévan-l nan tout vil ak bouk koté li té gin pou-l alé.

Li t-ap di yo :

« Rékòlt la anpil, min ouvriyé yo yon ti kras. Priyé Granmèt rékòlt la, pou-l voyé ouvriyé nan rékòlt li-a. Alé ; min mouin voyé nou tankou mouton nan pami lou. Pa poté sak, ni bous, ni sapat, pa salué pèsònn nan chémin.

Nan ninpòt kay nou antré, kòmansé di : “Lapè pou kay sa-a” ; si gin yon pitit lapè la, lapè nou-an ap pozé sou li ; otréman, l-ap tounin vi-n jouinn nou. Rété nan minm kay sa-a, manjé, bouè sa yo ginyin ; paské ouvriyé-a mérité salè-l. Pa travèsé sot nan kay al nan kay. Nan ninpòt ki vil nou antré, épi yo résevoua nou, manjé sa yo poté ba nou, géri malad yo ki nan vil la, di yo : “Péyi-roua Bondié-a tou pré nou” ».

Paròl Granmèt la.

4

*Mouin préparé péyi-roua-a pou nou,
tankou Papa-m té préparé-l pou mouin-an.*

✠ **Léktu sint Évanjil la dapré Luk**

22, 24-30

Lè sa-a :

Té gin diskision nan pami Apot yo kilès nan yo yo té konsidéré kòm pi gran.

Jézu minm di yo : « Roua nasion yo kòmandé yo kòm mèt, épi sa yo ki gin pouvoua sou yo-a, yo fè yo rélé yo byinfètè. Kanta nou minm, sa pa doué fèt konsa, min sa-k pi gran nan pami nou-an, sé pou-l vi-n tankou sa-k pi piti-a, épi sa-k chèf la, sé pou-l tankou sèvitè-a. Réyèlman kilès ki pi gran, sa-k lonjé kò-l pou manjé-a oubyin sa k-ap sèvi-a ? Èské sé pa sa-k lonjé kò-l pou manjé-a ? Mouin minm mouin nan mitan nou tankou sa k-ap sèvi-a.

Nou minm minm nou té rét fidèl avèk mouin nan tantasion-m yo ; mouin préparé péyi roua-a pou nou, tankou Papa-m té préparé-l pou mouin, pou nou manjé, pou nou bouè sou tab mouin nan péyi roua-m nan, épi pou nou chita sou tro-n yo, antan n-ap jijé douz fanmi Israèl yo ».

Paròl Granmèt la.

5

Bon gadyin-an bay lavi-l pou mouton-l yo.

✠ **Léktu sint Évanjil la dapré Jan**

10, 11-16

Lè sa-a :

Jézu di : « Mouin sé bon gadyin-an. Bon gadyin-an bay lavi-l pou mouton-l yo. Min anplouayé-a ak sa-a ki pa gadyin-an, sa mouton yo pa pou li-a, lè-l ouè lou-a ap vini, li kité mouton yo, li sovè kò-l, lou-a minm dévoré mouton yo, li gayé yo. Min anplouayé-a minm sovè konsa-a, sé paské sé anplouayé li yé épi li pa okipé mouton yo.

Mouin minm mouin sé bon Gadyin-an, mouin konnin sa-k pou mouin yo, sa-k pou mouin yo konnin-m tou. Jan Papa-a konnin-m épi mouin konnin Papa-a, épi mouin bay lavi-m pou mouton-m yo.

Min gin dòt mouton, ki pa nan patiraj sa-a, yo minm tou mouin gin pou-m minnin yo, y-ap kouté voua-m, ap vi-n gin yon sèl patiraj ak yon sèl gadyin ».

Paròl Granmèt la.

6

Mouin pap rélé nou sèvitè ankò ;; min mouin rélé nou zanmi.

✠ **Léktu sint Évanjil la dapré Jan**

15, 9-17

Lè sa-a : Jézu di disip li yo :

« Minm jan Papa-a rinmin-m nan, mouin minm tou mouin rinmin-l. Rét nan rinmin-m nan. Si nou kinbé kòmandman-m yo, n-ap rété nan rinmin-m nan ; minm jan mouin minm mouin kinbé kòmandman Papa-m yo, épi mouin rété nan rinmin-l nan. Mouin di nou sa, pou kè kontan-m nan kapab nan nou, épi pou kè nou kapab kontan nèt.

Min kòmandman-m, sé pou nou youn rinmin lòt, minm jan mouin rinmin nou-an. Pèsòn pa rinmin pi plis pasé moun ki bay lavi-l pou zanmi-l nan. Nou minm nou sé zanmi-m, si nou fè sa mouin kòmandé nou yo.

Mouin pap rélé nou sèvitè ankò, paské sèvitè-a pa konnin sa mèt li ap fè ; min mouin rélé nou zanmi, paské tou sa-m tandé kot Papa-m, mouin fè nou konnin yo. Sé pa nou minm ki chouazi-m ; min sé mouin minm ki chouazi nou, mouin mété nou, pou nou alé, pou nou poté foui, pou foui nou-an diré ; konsa, pou ninpòt ki sa nou mandé Papa-a o non-m, li ba nou-l.

Min sa-m kòmandé nou, sé pou youn rinmin lòt ».

Paròl Granmèt la.

7

Okipé ti mouton-m yo, okipé mouton-m yo.

✠ **Léktu sint Évanjil la dapré Jan**

21, 15-17

Lè Jézu té parèt dévan disip li yo, li té manjé avèk yo-a, li di Simon Piè : « Simon pitit Jan, èské-ou gin charité pou mouin plis pasé sa yo ? »

Li di-l : « Oui, Granmèt, ou konnin mouin rinmin-ou ».

Li di-l : « Okipé ti mouton-m yo ».

Li di-l ankò : « Simon pitit Jan, èské-ou gin charité pou mouin ? »

Li di-l : « Oui, Granmèt, ou konnin mouin rinmin-ou ».

Li di-l : « Okipé ti mouton-m yo ».

Li di-l pou touazièm foua-a : « Simon pitit Jan, èské-ou rinmin-m ? »

Piè pran lapinn, paské li té di-l touazièm foua-a « Èské-ou rinmin-m ? » Li di-l : « Granmèt, ou konnin tout bagay ; ou konnin mouin rinmin-ou ».

Li di-l : « Okipé mouton-m yo ».

Paròl Granmèt la.

6. POU MINIS ÉGLIZ LA

LÉKTU NAN NOUVO TÊSTAMAN-AN

1

Ala malè pou mouin, si-m pa préché Bòn Nouvèl la.

Léktu premié lèt apot sin Pòl pou Korintyin yo 9, 16-19. 22-23

Frè-m yo :

Si m-ap préché Bòn Nouvèl la, sé pa yon tit louanj li yé pou mouin, sé yon nésésité ki tonbé sou mouin. Ala malè pou mouin, si-m pa préché ! Si-m fè sa ak pròp volonté-m, mouin résévoua rékonpans ; min si sé yon obligasion, sé sèvis Bondié konfié-m nan mouin fè.

Ki rékonpans mouin ? Sèké antan m-ap préché Bòn Nouvèl la, mouin bay Bòn Nouvèl la san-m pa chèché intèrè, pou-m pa fè égzijans sou pouvoua mouin ginyin nan Bòn Nouvèl la.

Sèké, malgré mouin lib parapò a tout moun, mouin vi-n tounin ésklav tout moun, pou-m kapab pran tèt anpil moun.

Mouin vi-n fèb avèk sa yo ki fèb yo, pou-m kapab pran tèt sa-k fèb yo, mouin adapté-m ak tout moun, pou-m kapab sovè tout moun. Mouin fè tout bagay poutèt Bòn Nouvèl la, pou-m kapab jouinn pòsion pa-m nan li.

Paròl Granmèt la.

2

Sé nan yon sèl Éspri nou tout nou batizé nan yon sèl kò.

Léktu prémié lèt apot sin Pòl pou Korintyin yo 12, 3 b-7. 12-13

Frè-m yo :

Pèsòn pa kapab di : « Granmèt Jézu », si sé pa nan Éspri Sin-an.

Gin divès kalité gras, min sé yon sèl Éspri-a. Gin divès kalité sèvis, min sé yon sèl Granmèt la. Gin divès kalité aktivité, min sé yon sèl Bondié-a ki fè tout bagay nan tout moun. Sèlman yo bay chak moun manifèstasion Éspri-a pou bezouin-an.

Sèké minm jan kò-a fè yon sèl, min li gin anpil manb, tout manm kò-a, malgré yo anpil la, sé yon sèl kò yo fè kan minm : sé konsa tou pou Jézu-Kri. Réyèlman sé nan yon sèl Éspri nou tout nou batizé pou nou fè yon sèl kò, soua Juif, soua nasion, soua ésklav, soua moun lib ; épi nou tout sé nan yon sèl Éspri-a nou pasé souaf nou.

Paròl Granmèt la.

3

Nan travay ministè-a, antan kò Kris la ap bati.

Léktu lèt apot sin Pòl pou Éfézyin yo 4, 1-7. 11-13

Frè-m yo :

Mouin priyé nou, mouin minm prizonié nan Granmèt la, pou nou maché korèk dapré diréksion voua ki rélé nou-an, antan nou rété nan pòv ti kondision moun nou-an, antan nou tou dou, antan nou pran pasians pou nou youn sipòté lòt nan charité-a ; fè éfò pou nou konsèvé éspri ki fè nou fè yon sèl la nan chinn lapè-a.

Yon sèl kò ak yon sèl éspri, minm jan yo rélé nou nan yon sèl éspérans ki nan bout chémin koté yo rélé nou-an ; yon sèl Granmèt, yon sèl lafoua, yon sèl batèm ; yon sèl Bondié ak Papa tout moun, ki anlè tout moun, ki nan tout bagay épi ki nan nou tout.

Chak moun nan nou jouinn kado gras la dapré sa Kris la méziré pou li-a. Sé li minm ki bay kèk moun gras pou yo apot, kèk lòt minm sé profèt, dèt ankò sé évanjélis, dèt yo minm sé pastè ak savan sakré : konsa sin yo kapab vi-n kòrèk nèt nan travay ministè-a, antan kò Kris la ap bati, joutan nou tout nou rivé fè yon sèl nan lafoua-a ak nan konésans Pitit

Bondié-a, pou nou vi-n sèl moun sa-a ki kòrèk nèt la, nan mézi dènié dévlopman Kris la.

Paròl Granmèt la.

4

*Mouin vi-n tounin minis Égliz la
dapré jan Bondié distribié-l la.*

Léktu lèt apot sin Pòl pou Kolosyin yo

1, 24-29

Frè-m yo :

Koulié-a mouin kontan nan soufrans m-ap souffri pou nou yo, m-ap konplété sa-k manké nan soufrans Kris la nan chè mouin, pou kò-l ki Égliz la ; sé minis Égliz sa-a mouin vi-n tounin, dapré sèvis Bondié ban mouin pou-m fè nan nou-an, pou-m réalisé paròl Bondié-a.

Mistè-a, ki té kaché dépi sièk tan yo ak jénérasyon yo, koulié-a li manifésté nan sin-l yo. Bondié té vlé montré sin yo richès gloua mistè sa-a nan nasion yo ; mistè sa-a sé Kris la, éspérans gloua-a nan nou.

Nou anonsé-li antan n-ap korijé tout moun, antan n-ap bay tout moun ansègnman nan tout kalité sajès, pou nou prézanté tout moun kòrèk nèt nan Kris Jézu ; sé pou li m-ap travay, m-ap batay dapré aktivité-l k-ap aji nan mouin nan puisans la.

Paròl Granmèt la.

5

Fè travay mésajé Bòn Nouvèl la, réalisé sèvis ou.

Léktu dézièm lèt apot sin Pòl pou Timoté

4, 1-5

Ou minm mouin rinmin anpil la :

Mouin déklaré-ou dévan Bondié ak Jézu-Kri, ki gin pou-l jijé ni vivan yo ni mò yo, lè l-ap vini-an ak lè l-ap kòmandé-a : préché paròl la, insisté ni nan bon moman, ni nan mové moman ; bay prèv, fè obsèvasion, fè répròch ak tout kalité pasians ak ansègnman.

Sèké gin yon tan k-ap rivé koté moun yo pap sipòté ansègnman kòrèk ankò, min dapré anvi yo y-ap ranmasé yon pakèt mèt ; antan zòrèy yo ap graté yo ; y-ap viré do bay vérité-a pou yo pa tandé-l, min y-ap viré fas yo bay kont.

Kanta ou minm sé pou-ou véyé, nan tout sikonstans sé pou-ou travay, fè travay méyajé Bòn Nouvèl la, réalizé sèvis ou. Sé pou-ou véyé sou konduit ou.

Paròl Granmèt la.

PSÒM RÉPONS YO

1

PSÒM RÉPONS

Ps 18, 8. 9. 10. 11 (R: 10 b)

- R: Jijman Granmèt la vré, yo kòrèk yo tout ansanm.
- 8 Laloua Granmèt la san tach, li réfè nanm moun, témouagnaj Granmèt la fidèl, li bay ti moun yo sajès. R:
- 9 Jistis Granmèt la douat, yo fè kè kontan, kòmandman Granmèt la klèl, li kléré jé yo. R:
- 10 Krint Granmèt la nèt, li diré pou tout tan gin tan, jijman Granmèt la vré, yo kòrèk yo tout ansanm. R:
- 11 Yo pi chè pasé lò, ak piè ki gin anpil pri, yo pi dous pasé siro mièl ak réyon siro mièl k-ap koulé. R:

2

PSÒM RÉPONS

Ps 33, 2-3. 4-5. 6-7. 8-9. 10-11 (R: 2 a)

- R: M-ap fè konpliman pou Granmèt la tout tan.
- 2 M-ap fè konpliman pou Granmèt la tout tan, tout tan louanj li nan bouch mouin.
- 3 Nan Granmèt la nanm mouin ap jouinn konsidèrasion-l, sé pou pòv yo tandé, pou yo kontan. R:
- 4 Fè louanj Granmèt la avèk mouin, sé pou nou lévé non-l anlè ansanm.
- 5 Mouin chèché Granmèt la, li réponn mouin ; anba tou sa k-ap fè-m pè, li délivré-m. R:
- 6 Gadé nan diréksion-l, n-ap kléré, fas nou pap ront.

- 7 Pòv sa-a rélé, Granmèt la kouté-l,
anba tout tribilasyon li li sovè-l. **R**
- 8 Anj Granmèt la ap monté lagad alantou moun ki krinn li yo,
épi l-ap délivré yo.
- 9 Gouté, n-a ouè jan Granmèt la bon ;
ala kontantman pou moun ki espéré nan li. **R**
- 10 Krinn Granmèt la, nou minm sin-l yo,
paské pa gin grangou pou moun ki krinn li yo.
- 11 Rich yo nan bézouin, yo grangou,
min sa k-ap chèché Granmèt la yo pap manké okinn byin. **R**

3

PSÒM RÉPONS

Ps 95, 1-2 a. 2 b-3. 7-8 a. 10 (**R** : 3)

- R** Anonsé mèvèy Granmèt la nan tout pèp yo.
- 1 Chanté pou Granmèt la yon kantik nouvo,
chanté pou Granmèt la, tout tè-a.
- 2 Chanté pou Granmèt la, fè konpliman pou non li. **R**
- Anonsé jou an jou sovè li sovè nou-an.
- 3 Anonsé gloua li pou nasion yo,
nan tout pèp yo mèvèy li yo. **R**
- 7 Poté bay Granmèt la, fanmi pèp yo,
poté bay Granmèt la gloua ak pouvoua,
- 8 poté bay Granmèt la gloua non-l. **R**
- 10 Di nan nasion yo : « Granmèt la roua »,
L-ap drésé fas tè-a pou-l pa souké ;
L-ap jijé pèp yo nan jistis. **R**

ALÉLOUYA AK VÈSÈ ANVAN ÉVANJIL LA

1

Mt 28, 19 a. 20 b

(R: Alélouya). Alé, anségné tout nasion, sé sa Granmèt la di ;
mouin avèk nou tou lé jou jous nan finisman sièk tan-an. (R:
Alélouya).

2

Cf. Jan 15, 16

(R: Alélouya). Mouin chouazi nou sot sou tè-a, pou nou alé,
pou nou donnin foui, pou foui nou-an diré, sé sa Granmèt la di. (R:
Alélouya).

3

1 Kor 1, 23 b-24 b

(R: Alélouya). N-ap préché Kris la yo klouré sou koua,
puisans Bondié ak sa jès Bondié. (R: Alélouya).

ÉVANJIL YO

1

N-ap bouè kalis mouin-an.✠ **Léktu sint Évanjil la dapré Matié**

20, 20-28

Lè sa-a :

Manman pitit Zébédé yo proche ak pitit li yo kot Jézu, li adoré-l, li mandé-l kichòy.

Jézu di-l : « Ki sa-ou vlé ? »

Li minm li di : « Di pou dé pitit mouin sa yo chita, youn adouat ou, lòt la agoch ou, nan péyi roua-ou la ».

Jézu réponn, li di : « Nou pa konnin sa n-ap mandé-a. Èské nou kapab bouè kalis la mouin gin pou-m bouè-a ? »

Yo di : « Nou kapab ».

Li di yo : « Kalis mouin-an, n-ap bouè-l ; min chita adouat mouin oubyin agoch mouin-an, sé pa mouin minm ki kapab ba nou sa, min sé pou moun yo Papa-m paré-l la ».

Lè dis lòt yo tandé sa, yo fè kòlè kont dé frè yo.

Jézu minm rélé yo koté-l, li di : « Nou konnin chèf nasion yo kòmandé sou yo, gran yo fè yo santi pouvoua yo. Sa pa doué fèt konsa nan pami nou, min ninpòt ki moun ki vlé vi-n pi gran nan pami nou, sé pou-l vi-n sèvitè nou ; épi moun ki vlé vi-n premié nan pami nou, sé pou-l ésklav nou. Konsa Pitit moun nan pa-t vini pou-l fè yo sèvi-l, min pou-l sèvi épi pou-l rinmèt lavi-l kòm rédanmsion pou tout pakèt moun yo ».

Paròl Granmèt la.

2

Alé sou tout tè-a, préché Bòn Nouvèl la.

✠ Léktu sint Évanjil la dapré Mark

16, 15-20

Lè sa-a :

Jézu parèt dévan onz yo, li di yo :

« Alé sou tout tè-a, préché Bòn Nouvèl la bay tout kréatu. Moun k-ap kouè épi k-ap batizé, l-ap sové ; min moun ki pa kouè, l-ap kondané.

Min sign pou moun k-ap kouè yo : o non-m y-ap chasé démon yo, y-ap palé lang nouvo, y-ap pran sèpan ; minm si yo bouè pouazon, sa pap fè yo anyin ; y-ap pozé min sou malad yo, malad yo ap géri ».

Granmèt Jézu, lè-l fi-n di yo sa, yo pran-l nan sièl la, li chita adouat Bondié. Yo minm minm yo pati, y-ap préché tout koté, pandan Granmèt la ap ba yo konkou, ap asiré paròl yo ak sign l-ap fè rivé.

Paròl Granmèt la.

3

*Rékòlt la anpil, min ouvriyé yo yon ti kras.***✠ Léktu sint Évanjil la dapré Luk****10, 1-9**

Lè sa-a :

Granmèt la chouazi souasanndouz lòt ; li voyé yo dé pa dé dévan-l nan tout vil ak bouk koté li té gin pou-l alé.

Li t-ap di yo :

« Rékòlt la anpil, min ouvriyé yo yon ti kras. Priyé Granmèt rékòlt la, pou-l voyé ouvriyé nan rékòlt li-a. Alé ; min mouin voyé nou tankou mouton nan pami lou. Pa poté sak, ni bous, ni sapat, pa salué pèsònn nan chémin.

Nan ninpòt kay nou antré, kòmansé di : “Lapè pou kay sa-a” ; si gin yon pitit lapè la, lapè nou-an ap pozé sou li ; otréman, l-ap tounin vi-n jouinn nou. Rété nan minm kay sa-a, manjé, bouè sa yo ginyin ; paské ouvriyé-a mérité salè-l. Pa travèsé sot nan kay al nan kay. Nan ninpòt ki vil nou antré, épi yo résévoua nou, manjé sa yo poté ba nou, géri malad yo ki nan vil la, di yo : “Péyi-roua Bondié-a tou pré nou” ».

Paròl Granmèt la.

7. POU RÉLIJIE YO**LÉKTU NAN ANSYIN TÉSTAMAN-AN**

1

*Kanpé sou mòn nan dévan Granmèt la.***Léktu premié liv Roua yo****19, 4-9 a. 11-15 a**

Jou sa yo :

Éli maché nan dézè-a pandan yon jou. Li rivé anba yon ti pié jénèv, li chita, li mandé lanmò, li di : « Sa kont mouin, Granmèt ! Ou mèt pran lavi-m ; sèké mouin pa miyò pasé papa mouin yo ». Li lagé kò-l atè, li dòmi anba pié jénèv la.

Gin yon Anj Granmèt la ki touché-l, li di-l : « Lévé, manjé ». Li gadé, li ouè yon pin ki té kuit nan sann ki pozé bò tèt li ak yon véso dlo ; li manjé, li bouè, épi li dòmi ankò.

Anj Granmèt la rétounin koté-l yon dézièm foua, li touché-l, li di-l : « Lévé, manjé, gin yon gran rout ki rété-ou ankò ». Li lévé, li manjé, li bouè, li maché ak fòs manjé sa-a pandan karant jou ak karant nuit, jous nan mòn Bondié-a, Orèb. Lè Éli rivé la, li rété nan trou ròch la.

Paròl Granmèt la rivé koté-l, li di-l : « Soti, kanpé sou mòn nan dévan Granmèt la ». Granmèt la vi-n ap pasé. Yon van pasé, li gran, li fò, l-ap soulvé mòn yo, l-ap krazé ròch yo dévan Granmèt la ; Granmèt la pa-t nan van-an. Apré van-an, yon tranbléman tè ; Granmèt la pa-t nan tranbléman tè-a. Apré tranbléman tè-a, yon difé ; Granmèt la pa-t nan difé-a. Apré difé-a, yon ti briz prèské san boui vi-n ap souflé.

Lè Éli tandé-l, li kouvri fas li ak manto-l, li soti, li kanpé nan papòt trou ròch la ; yon voua rivé koté-l, li di : « Sa ou-ap fè isit la, Éli ? »

Li réponn : « Mouin jalou ak jalouzi pou Granmèt Bondié lamé yo ; paské pitit Israël yo lagé alians ou-a, yo démoli lotèl ou yo, yo touyé profèt ou yo ak épi ; sé mouin sèl ki rété, épi y-ap chèché ouété lavi-m ».

Granmèt la di-l : « Alé, tounin sou rout ou, nan dézè Damas la ».

Paròl Granmèt la.

2

Rinmin-an fò tankou lanmò.

Léktu liv Kantik dè Kantik

8, 6-7

Pozé-m tankou yon sign sou kè-ou, tankou yon sign sou bra-ou, paské rinmin-an fò tankou lanmò, jalouzi-a rèd tankou chalè bafon-an, zéklè-l sé zéklè difé ak flanm yo.

Gran dlo yo pa kapab étinn rinmin-an, ni gran riviè pa kapab nouayé-l. Si yon moun t-a bay tout richès lakay li pou rinmin-an, sé tankou anyin yo t-ap méprizé-l.

Paròl Granmèt la.

3

Mouin kontan anpil nan Granmèt la.

Léktu liv profèt Izayi

61, 9-11

Y-ap rékonèt ras pèp mouin-an pami nasion yo, ak désandans yo nan mitan pèp yo. Tout moun k-ap ouè yo ap rékonèt yo tankou yon ras Granmèt la béni.

Mouin kontan anpil nan Granmèt la, nanm mouin ap dansé nan Bondié-m nan, paské li abiyé-m ak rad ki montré mouin sovè-a, li vlopé-m nan manto jistis la, tankou yon mésié k-ap marié, ki gin yon kouròn sou tèt li, épi tankou yon fi k-ap marié, ki bèl ak bijou-l yo. Minm jan tè-a fè sémans li pousé-a, minm jan yon jadin fè sémans li jèmin-an, sé konsa tou Granmèt la Bondié ap fè jistis la jèmin, ni louanj la tou dévan tout nasion yo.

Paròl Granmèt la.

4

M-ap marié-ou avèk mouin pou tout tan.

Léktu liv profèt Ozé

2, 16. 21-22

Min paròl Granmèt la :

« Sé mouin minm k-ap ba-l bouè lèt, k-ap kondui-l nan dézè, k-ap palé nan kè-l.

M-ap marié-ou avèk mouin pou tout tan ; m-ap marié-ou avèk mouin nan jistis avèk jijman, nan mizérikòd ak nan bon kè ; m-ap marié-ou avèk mouin nan lafoua, ou-ap konnin mouin sé Granmèt la ».

Paròl Granmèt la.

LÉKTU NAN NOUVO TÉSTAMAN-AN

1

*Tout moun ki té kouè yo té ansanm,
yo té gin tout bagay an komin.*

Léktu Travay Apot yo

2, 42-47

Nan jou sa yo :

Frè yo té pèsévéré nan ansègnman Apot yo, ak kominion pin-an yo séparé-a, ak priyè yo.

Krint té rivé nan tout kè. Té gin anpil prodij ak sign ki t-ap fèt pa lintèmediè Apot yo nan Jérusalèm, té gin gro krintif nan tout moun.

Tout moun ki té kouè yo té ansanm, yo té gin tout bagay an komin : yo té vann propriété yo ak byin yo, yo té séparé yo pou tout moun, dapré sa chak moun té bézouin.

Chak jou yo té pèsévéré ansanm nan tanp la, yo té séparé pin-an lakay yo, yo té konn pran manjé-a avèk kontantman ak yon kè sinp, antan y-ap fè louanj Bondié, yo té gin favè tout foul la. Chak jou Granmèt la té ajouté nan yo lòt moun, ki té sové yo.

Paròl Granmèt la.

2

Nou minm minm n-ap préché Kris la yo klouré sou koua-a.

Léktu prémié lèt apot sin Pòl pou Korintyin yo

1, 22-31

Frè-m yo :

Juif yo ap mandé sign, Grèk yo ap chèché sajès ; nou minm minm n-ap préché Kris la yo klouré sou koua-a, pou Juif yo sé yon skandal, pou nasion yo sé yon foli, min pou sa yo yo rélé yo, Juif ak Grèk, sé Kris la, puisans Bondié ak sajès Bondié-a ; paské sa-k fou pou Bondié-a li gin plis sajès pasé lézòm, sa-k fèb pou Bondié-a, li pi fò pasé lézòm.

Gadé nan ki sa yo rélé nou, frè-m yo ; sèk pa gin anpil saj dapré chè-a, ni anpil moun ki gin pouvoua, ni anpil moun ki sot nan gran ras.

Min sé sa-k fou sou tè-a Bondié chouazi, pou-l fè saj yo ront ; sé sa-k fèb sou tè-a Bondié chouazi, pou-l fè sa-k fò yo ront ; sé sa-k san konsidèrasion ak sa yo méprizé sou tè-a Bondié chouazi, ak sa-k pa

anyin, pou-l détoui sa-k kichòy yo, pou okinn chè pa fè grandizè dévan fas li.

Sé gras a li nou nan Kris Jézu-a, li minm ki vi-n tounin sajès pou nou sot nan Bondié, ak jistis, ak sanktifikasyon, ak rédanmsion ; konsa, dapré sa-k ékri-a : « moun k-ap lévé tèt li, sé nan Granmèt la pou-l lévé tèt li ».

Paròl Granmèt la.

3

Vièj la ap réfléchi sou afè Granmèt la.

Léktu prémié lèt apot sin Pòl pou Korintyin yo

7, 25-35

Frè-m yo :

Osijè vièj yo, mouin pa gin kòmandman Granmèt la ; min sé yon konsèy m-ap bay tankou yon moun Granmèt la fè favè, pou yo kapab fèm konfians. Mouin konsidéré sé yon bon bagay poutèt nésésité ki la koulié-a, oui, sé yon bon bagay pou moun nan rét jan li yé-a.

Èské ou marié ak yon madanm ? pa chèché séparé. Èské ou pa marié ak yon madanm ? pa chèché marié. Si-ou marié, ou pa fè péché ; si yon vièj marié, li pa fè péché. Sèlman n-ap gin tribilasyon nan chè sa-a ; mouin minm mouin vlé évité nou sa.

Konsa, mouin di nou, frè-m yo : « Tan-an kout ; moun ki marié, sé pou yo viv kòm si yo pa marié ; moun k-ap kriyé, kòm si yo pap kriyé ; moun ki gin kè kontan, kòm si yo pa gin kè kontan ; moun k-ap achté, kòm si yo pa posédé ; moun k-ap sèvi avèk tè sa-a, kòm si yo pap sèvi avèk li ; sèké, figu tè sa-a, l-ap pasé ».

Mouin vlé mouin minm pou nou pa gin préokipasyon.

Moun ki pa gin madanm nan, li gin préokipasyon osijè afè Granmèt la, kijan pou fè Bondié plézi. Sa ki avèk madanm nan minm, li gin préokipasyon osijè afè tè-a, kijan pou-l fè madanm li pézli, épi li séparé.

Madanm nan ki pa marié-a épi ki vièj la, l-ap réfléchi sou afè Granmèt la, pou-l kapab sin nan kò ak nan éspri ; sa-k marié-a minm, l-ap réfléchi sou afè tè-a, kijan pou-l fè mari-a plézi.

Sèlman bagay sa-a, sé pou avantaj nou mouin di-l, sé pa pou-m drésé pièj pou nou, min sé pou sa ki onèt épi pou sa ki ofri fasilité pou priyé Granmèt la san anpéchman.

Paròl Granmèt la.

4

*Sé nou gin minm charité, yon sèl kè,
minm fason pou nou anvizajé bagay yo.*

Léktu lèt apot sin Pòl pou Filipyin yo

2, 1-4

Frè-m yo :

Si gin yon konsolasion nan Kris la, si gin yon ankourajman charité-a donnin, si gin yon kominion Éspri-a bay, si pitié-a bay zantray, fè kè-m kontan nèt, antan nou gin minm charité, yon sèl kè, minm fason pou nou anvizajé bagay yo, pou nou gin minm santiman. Sé pa pou nou gin okinn jalouzi, sé pa pou nou chèché okinn gloua ki vid, min sé pou pou nou rabésé tèt nou antan chak moun konsidéré lòt la kòm pi sipérior pasé-l, san chak moun pa konsidéré avantaj pèsonèl li, min okontrè afè lòt yo.

Paròl Granmèt la.

5

Ansanm ak Jézu-Kri, li minm nou rinmin san nou pa ouè-l la.

Léktu prémié lèt apot sin Piè

1, 3-9

Konpliman pou Bondié, ak Papa Granmèt nou Jézu-Kri, li minm ki té réfè nou nan éspérans vivan-an gras a rézireksion Jézu-Kri sot nan pami mò yo, dapré gran mizérikiòd li-a, pou yon éritaj ki pap détoui, ki pap sal, ki pap vi-n vié, k-ap diré nan sièl la pou nou, nou minm yo prezèvé pou sovè nou sovè-a gras a lafoua-a, nan pouvoua Bondié-a, sovè nou sovè sa-a yo paré pou révéle-l nan dènié tan-an.

Nan li nou gin kè kontan, minm si koulié-a, nou gin pou nou gin chagrin nan divès bagay k-ap tanté nou ; pou éprèv lafoua nou-an ki gin plis pri pasé lò-a, sa yo éséyé nan difé-a, li rivé nan louanj ak gloua ak konsidérasion nan révélasion Jézu-Kri-a, li minm nou rinmin san nou pa ouè-l la ; li minm nou kouè nan li, minm si koulié-a nou pa ouè-l la ; antan nou kouè-a n-ap kontan nan yon kontantman san parèy, ki nan gloua, n-ap jouinn rékonpans lafoua nou nan sovè nanm yo sovè-a.

Paròl Granmèt la.

6

M-ap soupé avèk li, épi li minm avèk mouin.

Léktu liv Apokalips apot sin Jan**3, 14 b. 20-22**

Min déklarasion Amèn nan, témouin ki fidèl la, ki vré-a, li minm ki kòmansman tou sa Bondié kréyé-a : « Min mouin kanpé nan pòt la, m-ap frapé : si yon moun tandé voua-m, li louvri pòt la ban mouin, m-ap antré koté-l, m-ap soupé avèk li, li minm avèk mouin.

Moun ki ranpòté viktoua-a, m-ap ba-l posibilite pou-l chita avèk mouin sou tro-n mouin-an, minm jan mouin minm mouin té ranpòté viktoua-a épi mouin chita avèk Papa-m sou tro-n li-a.

Moun ki gin zòrèy, sé pou-l tandé sa Éspri-a di Égliz yo ».

Paròl Granmèt la.

PSÒM RÉPONS YO

1

PSÒM RÉPONS**Ps 18, 8. 9. 10. 11 (R : Jan 6, 63 c)**

- R: Granmèt, ou gin paròl lavi ki pap janm fini-an.
- 8 Laloua Granmèt la san tach, li réfè nanm moun, témouagnaj Granmèt la fidèl, li bay ti moun yo sajàs. R:
- 9 Jistis Granmèt la douat, yo fè kè kontan, kòmandman Granmèt la klè, li kléré jé yo. R:
- 10 Krint Granmèt la nèt, li diré pou tout tan gin tan, jijman Granmèt la vré, yo kòrèk yo tout ansanm. R:
- 11 Yo pi chè pasé lò, ak piè ki gin anpil pri, yo pi dous pasé siro mièl ak réyon siro mièl k-ap koulé. R:

2

PSÒM RÉPONS**Ps 26, 1. 2. 3. 5 (R : cf. 9 d)**

- R: Pa lagé-m, Bondié ki sové-m !
- 1 Granmèt la sé klété-m ak sa k-ap sové-m nan, kilès ki pou fè-m pè ? Granmèt la sé protèktè-m, dévan kilès pou-m tranblé ? R:

- 2 Lè moun k-ap chèché fè-m ditò yo proche sou mouin,
pou yo manjé chè-m ;
sa yo k-ap fè-m sibi tribilasyon-an ak ènmi-m yo,
sé yo minm ki fébli, épi ki tonbé. **R**
- 3 Si lamé kanpé an fas mouin,
kè-m pa gin doua pè ;
si batay lévé kont mouin,
sé nan sa mouin minm m-ap éspéré. **R**
- 5 Sèké l-ap kaché-m nan tant li,
jou malè yo.
L-ap kaché-m nan kachèt tant li,
nan ròch la l-ap lévé-m. **R**

3

PSÒM RÉPONS Ps 44, 11-12. 14-15. 16-17 (**R** : 11 a ; oubyin cf. Mt 25, 6)

R Kouté, mafi, gadé, panché zòrèy ou.

oubyin :

R Min mésié k-ap marié-a ap vini : soti al rankontré Kris Granmèt la.

- 11 Kouté, mafi, gadé, panché zòrèy ou,
bliyé pèp ou-a ak lakay papa-ou ;
- 12 roua-a anvi jan-ou bèl.
Paské sé Granmèt ou li yé, sé pou-ou adoré-l. **R**
- 14 Pitit fi roua-a bèl anpil sou pa anndan,
li abiyé ak rad ki fèt ak fil lò.
- 15 Nan rad ki fèt ak anpil kalité bèl toual, yo minnin-l kot roua-a ;
vièj yo apré-l, zanmi-l yo, y-ap minnin yo ba ou. **R**
- 16 Yo minnin yo nan kè kontan ak fèt,
yo kondui yo nan lakay roua-a.
- 17 Nan plas papa ou yo ou-ap gin pitit ;
ou-ap instalé yo kòm chèf sou tout tè-a. **R**

4

PSÒM RÉPONS

Ps 111, 1-2. 3-4. 5-6. 7-8. 9 (**R** : 1 a)

R Ala kontantman pou moun ki krinn Granmèt la.

- 1 Ala kontantman pou moun ki krinn Granmèt la,
ki mét anvi-l anpil nan kòmandman-l yo.
- 2 Ras li ap gin pouvoua sou tè-a,
jénérasyon moun ki douat yo ap béni. **R:**
- 3 Gloua ak richès nan kay li,
jistis li diré pou tout tan k-ap gin tan.
- 4 Limiè-a lévé nan fènoua pou moun ki douat yo,
li gin mizérikòd, li pran pitié, li kòrèk. **R:**
- 5 Sé kontantman pou moun ki pran pitié, ki prété,
ki réglé afè-l nan jijman,
- 6 paské li pap tranblé.
Moun kòrèk la, y-ap sonjé-l tout tan. **R:**
- 7 Li pap pè mové nouvèl.
Kè-l paré, li éspéré nan Granmèt la.
- 8 Kè-l asiré, li pap pè,
joustan li méprizé ènmi-l yo. **R:**
- 9 Li séparé, li bay pòv yo ;
jistan li diré pou tout tan gin tan,
kòn li ap lévé nan gloua. **R:**

5

PSÒM RÉPONS

Ps 122, 1-2 a. 2 bcd (**R** : 2)

- R:** Jé nou kot Granmèt Bondié nou-an, joustan li pran pitié pou nou.
- 1 Koté-ou mouin lévé jé-m,
ou minm ki abité nan sièl yo.
- 2 Min sé tankou jé sèvitè yo
kot min mèt yo. **R:**
- Tankou jé sèvant la kot min mètrès li,
sé konsa jé nou kot Granmèt Bondié nou-an,
joustan li pran pitié pou nou. **R:**

6

PSÒM RÉPONS

Ps 148, 1-2. 11-13 ab. 13 c-14 (**R** : cf. 12 a. 13 a)

- R:** Jèn jan ak vièj, fè louanj pou non Granmèt la.

- 1 Fè louanj Granmèt la nan sièl la,
fè louanj li nan rotè ki dépasé sièl la,
- 2 fè louanj li, nou tout anj li yo,
fè louanj li, tout puisans li yo. **R:**
- 11 Roua yo sou tè-a ak tout pèp yo,
piti roua yo ak tout jij yo sou tè-a,
- 12 jèn jan yo ak vièj yo,
granmoun yo ak ti moun yo,
- 13 sé pou yo fè louanj pou non Granmèt la,
paské sé non-l sèl ki anlè nè. **R:**
- Louanj li anlè sièl la ak tè-a,
- 14 li lévé kòn pèp li.
Kantik louanj pou tout sin-l yo,
pou pitit Israèl yo, pèp ki tou pré li-a. **R:**

ALÉLOUYA AK VÈSÈ ANVAN ÉVANJIL LA

1

Mt 5, 6

(**R:** Alélouya). Ala kontantman pou moun ki grangou, ki souaf jistis la
paské y-ap jouinn kont yo. (**R:** Alélouya).

2

Cf. Mt 11, 25

(**R:** Alélouya). Mouin fè konpliman pou ou, Papa, Granmèt sièl la ak tè-a,
paské ou té révéle mistè péyi-roua-a bay ti moun piti yo. (**R:**
Alélouya).

3

Jan 8, 31 b-32

(**R:** Alélouya). Si nou rété nan paròl mouin-an,
n-ap disip mouin tout bon vré,
n-ap konnin vérité-a, sé sa Granmèt la di. (**R:** Alélouya).

4

Jan 14, 23

(R: Alélouya). Si yon moun rinmin-m, l-ap kinbé paròl mouin,
Papa-m ap rinmin-l, n-ap vi-n jouinn li. (R: Alélouya).

5

Jan 15, 9 b. 5 b

(R: Alélouya). Rét nan rinmin-m nan, sé sa Granmèt la di ;
moun ki rét nan mouin, épi mouin minm nan li,
moun sa-a donnin anpil foui (R: Alélouya).

ÉVANJIL YO

1

*Ou té kaché bagay sa yo pou saj yo
épi ou té révéle yo bay ti moun piti yo.*

✠ Léktu sint Évanjil la dapré Matié

11, 25-30

Lè sa-a Jézu pran laparòl, li di :

« Mouin fè konpliman pou ou, Papa, Granmèt sièl la ak tè-a, paské ou té kaché bagay sa yo pou saj yo ak intélijan yo, ou té révéle yo bay ti moun piti yo. Oui, Papa, paské sé konsa sa fè-ou plézi. Papa-m rinmèt mouin tout bagay, pèsòn pa konnin Pitit la, sof Papa-a ; ni pèsòn pa konnin Papa-a, sof Pitit la ak moun Pitit la vlé révéle sa.

Vi-n jouinn mouin, nou tout k-ap fatigé, k-ap rédi anba gro chaj, m-ap réfè fòs nou. Pran jouk mouin sou nou, pran léson nan min-m, paské mouin tou dou, mouin pòv nan kè-m ; n-ap jouinn répo pou nanm nou ; jouk mouin fasil pou poté, chaj mouin léjé ».

Paròl Granmèt la.

2

Moun ki vlé pèdi lavi-l poutèt moun, l-ap jouinn li.

✠ **Léktu sint Évanjil la dapré Matié**

16, 24-27

Lè sa-a :

Jézu di disip li yo : « Si yon moun vlé vi-n apré-m, sé pou-l rénonse pròp tèt li, pou-l pran koua-l, pou-l suiv moun. Moun ki vlé sové lavi-l, l-ap pèdi-l ; moun ki vlé pèdi lavi-l poutèt moun, l-ap jouinn li.

Sa sa ap sèvi yon moun si-l posédé tout tè-a, min li péyé sa ak lavi-l ? Oubyin ki sa yon moun kapab bay pou-l péyé lavi-l ?

Pitit moun nan gin pou-l vini nan gloua Papa-l avèk Anj li yo, lè sa-a “l-ap rinmèt chak moun dapré travay li” ».

Paròl Granmèt la.

3

Poutèt péyi roua sièl yo.

✠ **Léktu sint Évanjil la dapré Matié**

19, 3-12

Lè sa-a :

Farizyin yo té proché kot Jézu, yo t-ap tanté-l, yo di : « Èské yon mésié gin doua ranvouayé madanm li, pou ninpòt ki rézon ? »

Li réponn, li di yo : « Èské nou pa-t li kijan sa-a ki té fè moun nan nan kòmansman-an, sé gason ak fi li té fè yo, épi li té di : “Sé poutèt sa mésié-a ap kité papa-l ak manman-l, l-ap kolé kò-l kot madanm li, yo tou lé dé ap yon sèl chè” ? Sé poua yo pa dé ankò, min sé yon sèl chè yo yé. Konsa sa Bondié maré, moun pa doué séparé-l ».

Yo di-l : « Ébyin pouki sa Moyiz té passé lòd pou bay biyé divòs, pou ranvouayé-l ? »

Li di yo : « Sé poutèt kè di nou-an ki fè Moyiz té pèmèt nou ranvouayé madanm nou yo ; min nan kòmansman sa pa-t konsa. Ébyin moun di nou, ninpòt ki moun ki ranvouayé madanm li, sof si sé dé moun ki t-ap viv nan mové plézi ansanm, épi ki marié ak yon lòt, li fè adiltè, épi moun ki marié ak yon madanm yo ranvouayé, li fè adiltè ».

Disip li yo di-l : « Si sé konsa kondision mésié-a ak madanm nan yé, pito nou pa marié ».

Li di yo : « Sé pa tout moun ki konprann paròl sa-a, min sé moun yo fè favè sa-a. Gin gason ki pa nan kondision pou yo fè pitit, dépi nan vant manman yo sé konsa yo fèt ; gin gason ki pa nan kondision pou yo fè pitit, sé lòt moun ki fè yo sa ; gin gason ki pa nan kondision pou yo fè pitit, sé yo minm ki mété pròp tèt yo nan kondision sa-a poutèt péyi roua sièl yo. Moun ki kapab konprann, sé pou-l konprann ».

Paròl Granmèt la.

4

*Moun ki fè volonté Bondié, sé li minm ki frè-m
ak sè-m ak manman-m.*

✠ Léktu sint Évanjil la dapré Mark

3, 31-35

Lè sa-a :

Manman Jézu ak frè-l yo rivé ; yo kanpé déyò-a, yo voyé koté-l pou yo rélé-l.

Té gin yon foul ki té chita alantou-l, yo di-l : « Min manman-ou ak frè-ou yo déyò-a y-ap chèché-ou ».

Li réponn yo, li di : « Kilès ki manman-m ak frè-m ? »

Li viré gadé alantou-l, sa yo ki té chita toutotou-l yo, li di : « Min manman-m ak frè-m yo. Moun ki fè volonté Bondié, sé li minm ki frè-m ak sè-m ak manman-m ».

Paròl Granmèt la.

5

*Mart réservoua-l lakay li.
Mari chouazi pi bon pòsion-an.*

✠ Léktu sint Évanjil la dapré Luk

10, 38-42

Lè sa-a :

Jézu antré nan yon bouk ; yon madanm yo rélé Mart réservoua-l lakay li. Li té gin yon sè yo rélé Mari, ki té chita nan pié Granmèt la, li t-ap kouté paròl li. Mart minm t-ap trakasé kò-l avèk anpil sèvis ; li kanpé, li di : « Granmèt, èské sa pa fè-ou anyin, pou sè-m nan kité-m ap sèvi pou kont mouin ? di-l pou-l édé-m ».

Granmèt la réponn, li di-l : « Mart, Mart, ou pran tèt chajé, ou troublé pou anpil bagay. Min sé yon sèl ki nésésè : Mari chouazi pi bon pòsion-an, yo pap ouété-l nan min-l ».

Paròl Granmèt la.

6

*Moun ki rété nan mouin, épi mouin minm nan li,
moun sa-a poté anpil foui.*

✠ Léktu sint Évanjil la dapré Jan

15, 1-8

Lè sa-a : Jézu di disip li yo :

« Mouin sé véritab pié rézin-an, Papa-m sé kiltivatè-a. Tout branch nan mouin ki pa donnin foui, l-ap ouété-l ; tout branch ki donnin foui, l-ap nétouayé-l pou-l donnin plis foui. Nou minm nou déjà pròp gras a paròl la mouin té palé nou-an.

Rété nan mouin, épi mouin minm nan nou. Minm jan branch la pa kapab donnin foui pou kont li-a, si-l pa rét nan pié rézin-an, konsa tou nou minm non plis, si nou pa rété nan mouin.

Mouin sé pié rézin-an, nou sé branch yo ; moun ki rét nan mouin, épi mouin minm nan li, moun sa-a donnin anpil foui, paské san mouin minm nou pa kapab fè anyin. Si yon moun pa rét nan mouin, y-ap jété-l déyò, tankou branch la, l-ap séché, y-ap ranmasé-l y-ap jété-l nan difé, l-ap boulé.

Si nou rét nan mouin, épi paròl mouin yo rété nan nou, tou sa nou vlé, nou mèt mandé-l, l-ap rivé pou nou.

Sé nan sa Papa-m jouinn gloua-l, pou nou donnin anpil foui, pou nou vi-n disip mouin ».

Paròl Granmèt la.

8. POU VOKASION NAN LÒD SAKRÉ YO OUBYIN NAN LAVI RÉLIJÉZ LA

LÉKTU NAN ANSYIN TÉSTAMAN-AN

1

Pati sot nan péyi-ou, ak nan fanmi-ou, épi vini

Léktu liv Jénèz la

12, 1-4 a

Jou sa yo :

Granmèt la di Abram : « Pati sot nan péyi-ou, ak nan fanmi-ou, ak nan kay papa-ou, vini nan péyi-a m-a montré-ou la. M-ap fè-ou vi-n tounin yon gran nasion, m-ap béni-ou, m-ap fè non-ou vi-n gran, ou-ap béni. M-ap béni moun ki béni-ou yo ; m-ap madichonnin moun ki madichonnin-ou yo ; tout fanmi sou tè-a ap béni nan ou ».

Abram pati, jan Granmèt la té pasé-l lòd la.

Paròl Granmèt la.

2

M-ap avèk ou.

Léktu liv Égzòd

3, 1-6. 9-12

Jou sa yo :

Moyiz t-ap gadyin mouton Jétro, bò-pè-l, prèt Madian ; antan-l ap kondui bann mouton yo nan fon dézè-a, li rivé sou mòn Bondié-a, Orèb. Granmèt la parèt dévan-l nan yon flamm difé, anndan yon touf rajé ; li ouè touf rajé-a ap flanbé san-l pa fè sann.

Moyiz di : « M-ap proche pou-m ouè kalité gran vizion sa-a ; pouki touf rajé-a pa fè sann nan ». Granmèt la obsèvé kijan li t-ap proche pou-l gadé, li rélé-l antan-l nan touf rajé-a, li di : « Moyiz, Moyiz ! » Li réponn : « Min mouin ». Li di : « Pa proche isit la ; ouété sapat ou nan pié-ou : sèké koté-ou kanpé-a, sé yon tè ki sin ».

Li di : « Sé mouin minm Bondié papa-ou la, Bondié Abraam, Bondié Izaak ak Bondié Jakòb ». Moyiz kaché fas li ; li pa-t ozé fiksé jé-l pou-l kontré ak Bondié.

Granmèt la di : « Rèl pitit Israël yo rivé koté-m, mouin ouè mové tretman yo, sa Éjipsyin yo ap fè yo soufri-a. Min, vini, m-ap voyé-ou kot Faraon, pou-ou fè pèp mouin, pitit Israël yo, soti Éjip la ».

Moyiz di Bondié : « Kilès mouin yé pou-m al kot Faraon-an, pou-m fè pitit Israël yo sot Éjip la ? »

Li di-l : « M-ap avèk ou, ou-ap gin sa-a kòm sign, sé mouin minm ki voyé-ou : lè ou-a fè pèp mouin soti Éjip la, ou-a ofri sakrifis pou Bondié sou mòn sa-a ».

Paròl Granmèt la.

3

Palé, Granmèt, paské sèvitè-ou pa kouté.

Léktu prémié liv Samuèl**3, 1-10**

Jou sa yo :

Ti Samuèl t-ap sèvi Granmèt la dévan Éli ; paròl Granmèt la té gin pri nan jou sa yo ; pa-t gin vizion ki té parèt. Rivé yon jou Éli té kouché nan plas li, jé-l té voualé, li pa-t kapab ouè. Anvan lanp Bondié-a té étinn, Samuèl t-ap dòmi nan tanp Granmèt la, koté ach Bondié-a té yé-a.

Granmèt la rélé : « Samuèl » ; li réponn, li di : « Min mouin ». Li kouri kot Éli, li di : « Min mouin, paské ou rélé-m ».

Li réponn : « Mouin pa rélé-ou, pitit mouin ; tounin al dòmi ». Granmèt la rékòmansé rélé Samuèl ankò.

Samuèl lévé, l-al kot Éli, épi li di : « Min mouin, paské ou rélé-m ». Li réponn : « Mouin pa rélé-ou, pitit mouin ; tounin, épi dòmi ». Samuèl pa-t ko konnin Granmèt la, paròl Granmèt la pa-t révélé ba li.

Granmèt la rékòmansé ankò, li rélé Samuèl pou touazièm foua-a ; li lévé, l-al kot Éli, li di : « Min mouin, paské ou rélé-m ».

Éli konprann atò sé Granmèt la ki té rélé pitit la, épi li di Samuèl : « Alé épi dòmi ; épi si yo rélé-ou ankò, ou-a di : “Palé, Granmèt, paské sèvitè-ou ap kouté” ». Samuèl pati, l-al dòmi nan plas li.

Granmèt la rivé, li kanpé, li rélé tankou li té rélé dé foua : « Samuèl, Samuèl ». Samuèl di : « Palé, Granmèt, paské sèvitè-ou la ap kouté ».

Paròl Granmèt la.

4

*Élizé lèvé, li pati, li suiv Éli.***Léktu prémié liv Roua yo****19, 16b. 19-21**

Jou sa yo :

Granmèt la di Éli : « Élizé pitit Safat la, moun Abèl-Méola-a, ou-a sakré-l kòm profèt nan plas ou ».

Éli pati, li jouinn Élizé, pitit Safat la, ki t-ap travay tè avèk douz makòn bèf ; li minm minm li té nan douzièm makòn bèf la ak moun yo ki t-ap travay tè-a. Éli rivé koté-l, li voyé manto-l sou li.

Minm lè-a, Élizé kité bèf yo, li kouri dèyè Éli, li di : « Kité-m al anbrasé papa-m ak manman-m, tanpri, apré sa m-a suiv ou ».

Li di-l : « Alé, tounin, sa-m fè-ou la, sé afè pa-m ».

Min Élizé tounin sot koté-l, li pran dé bèf, li touyé yo, ak boua zouti ki t-ap viré tè-a, li kuit viann yo ; li bay pèp la, yo manjé. Li lèvé, li pati, li suiv Éli, li sèvi-l.

Paròl Granmèt la.

5

*Kilès m-ap voyé ? Kilès k-apralé pou nou ?***Léktu liv profèt Izayi****6, 1. 6-8**

Ané roua Ozias mouri-a, mouin ouè Granmèt la ki chita sou yon tro-n byin ro, ki anlè nèt ; sa-k té anba-l yo té plin tanp la. Youn nan sérafin yo volé koté-m. Li té gin yon chabon difé nan min-l, li té pran-l sou lotèl la ak yon pinsèt ; li touché bouch mouin, li di : « Gadé, sa-a touché bouch ou, fot ou-a pati, péché-ou la pròpté ». Mouin tandé Granmèt la k-ap di : « Kilès m-ap voyé ? Kilès k-apralé pou nou ? » Mouin di : « Min mouin, voyé-m ».

Paròl Granmèt la.

6

*Kot tou sa-m voyé-ou, sé pou-ou alé.***Léktu liv profèt Jérémi****1, 4-9**

Nan jou Jozias yo :

Paròl Granmèt la rivé koté-m, li di : « Anvan-m té fòmé-ou nan vant, mouin té konnin-ou ; anvan-ou té soti nan vant, mouin té fè-ou sin, mouin té voyé-ou kòm profèt pou nasion yo ».

Mouin di : « A a a, Granmèt Bondié ! gadé, mouin pa konn palé, sé yon ti moun mouin yé ».

Granmèt la di-m : « Pa di “Mouin sé timoun” ; min kot tou sa-m voyé-ou, sé pou-ou alé, tou sa m-ap kòmandé-ou, sé pou-ou palé-l. Pa pè dévan fas yo, paské mouin avèk ou, pou-m, délivré-ou », sé sa Granmèt la di.

Granmèt la voyé min-l, li touché bouch mouin ; Granmèt la di-m : « Min mouin mété paròl mouin yo nan bouch ou ».

Paròl Granmèt la.

7

Sé tankou yon difé ki t-ap manjé kè-m.

Léktu liv profèt Jérémi

20, 7-9

Ou pran-m nan pièj, Granmèt, épi mouin kite-ou pran-m nan pièj ; ou té gin plis fòs pasé-m, ou ranpòté viktoua sou mouin, tout lajounin yo pasé-m nan jouèt, tout moun pran plézi sou do-m. Paské dépi lontan déjà m-ap déklaré péché-a byin fò, m-ap anonsé piyay : konsa paròl Granmèt la vi-n tounin yon okazion laront pou mouin, yon okazion pou yo pasé-m nan jouèt tout lajounin.

Mouin té di : « Mouin pap sonjé-l ankò, épi mouin pap palé sou non-l ankò, min sé tankou yon difé ki t-ap manjé kè-m, ki té fèmin nan zo-m : mouin fébli, mouin pa-t kapab sipòté-l ».

Paròl Granmèt la.

LÉKTU NAN NOUVO TĚSTAMAN-AN

1

Pou vokasion sasèrdotal yo

*Bondié ba nou sèvis rékonsiliation-an.***Léktu dézièm lèt apot sin Pòl pou Korintyin yo**

5, 14-20

Frè-m yo :

Rinmin Kris la ap boulé nou ; nou konsidéré si yon sèl mouri pou tout moun sèké tout moun mouri ; Kris la mouri pou tout moun, pou moun k-ap viv yo, sé pa pou yo minm sèl y-ap viv, min pou sa-a ki mouri pou yo-a épi ki résisité pou yo-a. Sé pousa nou minm apati koulié-a nou pa konnin pèsòn ankò dapré chè-a ; si nou té konnin Kris la dapré chè-a, koulié-a nou pa konnin-l konsa ankò.

Si gin yon nouvo kréatu nan Kris la, ansyin yo disparèt : min tout bagay vi-n fèt tou nèf ; tout bagay vi-n sot nan Bondié, li minm ki rékonsilié nou pa pouvoua Kris la, li ba nou sèvis rékonsiliation-an. Sèké sé Bondié ki té nan Kris la, l-ap rékonsilié tè-a avèk li, li pa konsidéré fot moun yo té fè, li mété paròl rékonsiliation-an nan bouch nou.

Pou Kris la nou sèvi komisionè, sé tankou sé Bondié k-ap bay ankourajman pa lintèmédiè nou. N-ap insisté koté nou pou Kris la : kité yo rékonsilié nou avèk Bondié.

Paròl Granmèt la.

2

*Mouin konsidéré tout bagay tankou dézavantaj,
pou-m kapab gingnin Kris la.***Léktu lèt apot sin Pòl pou Filipyin yo**

3, 8-14

Frè-m yo :

Mouin konsidéré tout bagay kòm dézavantaj poutèt sians Jézu-Kri Granmèt mouin-an ki dépasé tout bagay la : poutèt li mouin konsidéré tout bagay tankou dézavantaj, mouin konsidéré yo tankou fatra, pou-m kapab posédé Kris la, pou yo jouinn mouin nan li san-m pa gin jistis pa-m ki sot nan laloua-a, min sa-a ki sot nan lafoua Kris Jézu-a, sa-a ki sot nan Bondié-a, jistis nan lafoua-a ; pou-m konnin li minm ak puisans

réziréksion-l nan, pou-m asosié avèk soufrans li, pou-m sanblé ak lanmò-l, pou-m kapab rankontré ak réziréksion-an sot nan pami mò yo.

Sa pa vlé di mouin déjà rivé, mouin déjà fi-n bon nèt ; min m-ap kontinié pou-m éséyé pran bagay sa yo, minm jan Kris la fi-n pran-m nan.

Frè-m yo, mouin pa konsidéré mouin déjà pran. Sé yon sèl bagay : mouin bliyé sa-k dèyè, sé sa-k dévan m-ap rapousuiv, pou-m rivé nan dènié pouin-an, pou-m jouinn rékonpans la koté Bondié rélé-m anlè-a nan Kris Jézu.

Paròl Granmèt la.

3

Pou vokasion sasèrdotal yo

Bondié rélé Kris la prèt an chèf nan ran Mèlkisédek.

Léktu lèt pou Ébré yo

5, 1-10

Tout prèt an chèf, sé nan pami lézòm yo pran-l, pou instalé-l pou lézòm nan késion ki gin rapò ak Bondié, pou-l ofri kado ak sakrifis pou péché yo ; li kapab gin pitié pou sa yo ki gin ignorans, ki pèdi rout, paské li minm tou li vlopé ak féblès ; sé pou sa, li gin pou-l ofri sakrifis pou péché pa-l minm jan ak pou pèp la.

Pèsòn pa pran mak konsidérasion sa-a ak pròp fòs li, min sé moun Bondié rélé tankou Aaron.

Sé konsa Kris la pa-t bay pròp tèt li gloua antan-l té vi-n prèt an chèf ; min sé sa-a ki té di-l konsa-a :

« Ou sé Pitit mouin, mouin minm jodi-a, mouin ba ou nésans » la ; minm jan yon lòt koté, li di :

« Ou sé prèt pou tout tan dapré ran Mèlkisékèk ».

Nan jou li té pasé nan chè-a, li té ofri priyè ak plint avèk gran rèl ak dlo nan jé kot sa-a ki té kapab sovè-l sot nan lanmò-a, priyè-l la jouinn rézilta poutèt piété-l.

Malgré sé Pitit Bondié li té yé-a, li té aprann obéyisans nan sa-l soufri yo, lè-l rivé nan bout chémin pou-l té rivé-a, li vi-n tounin koz pou tout moun k-ap obéyi-l sovè pou tout tan, Bondié rélé-l prèt an chèf nan ran Mèlkisédek.

Paròl Granmèt la.

PSÒM RÉPONS YO

1

PSÒM RÉPONS

Ps 15, 1-2 a é 5. 7-8. 11 (R: cf. 5 a)

R: Sé ou minm, Granmèt, ki pòsion éritaj mouin.

- 1 Prézèvé-m, Bondié, paské mouin espéré nan ou.
 2 Mouin té di Granmèt la : « Sé Granmèt mouin ou yé,
 5 Granmèt, pòsion éritaj mouin ak kalis mouin
 sé ou minm ki kinbé déstiné mouin. R:
 7 M-ap fè konpliman pou Granmèt la ki ban-m intéljans ;
 minm nannuit rin-m ban-m léson.
 8 Mouin té mété Granmèt la dévan fas mouin tout tan,
 paské li adouat mouin, mouin pap souké. R:
 11 Ou-ap fè-m konnin rout lavi yo,
 kè kontan k-ap plin nèt dévan fas ou,
 plézi adouat ou jous pou tout tan. R:

2

PSÒM RÉPONS

Ps 26, 1. 4. 5. 8 b-9 ab. 9 cd é 11 (R: 8 b)

R: Sé fas ou, Granmèt, m-ap chèché.

- 1 Granmèt la sé klété-m, épi li sové-m, kilès pou-m pè ?
 Granmèt la sé protéksion lavi-m, dévan kilès pou-m tranblé ? R:
 4 Yon sèl bagay mouin mandé Granmèt la, sé sa m-ap chèché :
 abité kay Granmèt la
 tout tan lavi-m,
 pou-m ouè dousè Granmèt la,
 pou-m vizité tanp li-a. R:
 5 Sèké l-ap kaché-m nan tant li,
 jou malè yo.
 L-ap kaché-m nan kachèt tant li,
 nan ròch la l-ap lévé-m. R:

- 8 Sé fas ou, Granmèt, m-ap chèché.
 9 Pa viré fas ou louin-m,
 pa viré do bay sèvitè-ou la nan kòlè. **R:**
 Sé sékou-m ou yé, pa réjité-m.
 pa lagé-m, Bondié ki sové-m.
 11 Montré-m chémin-ou nan, Granmèt,
 dirijé-m nan santié-ou la ki douat la poutèt ènmi-m yo. **R:**

3

PSÒM RÉPONS Ps 39, 2 é 4 ab. 7-8 a. 8 b-9. 10. 12 (**R:** : 8 a é 9 a)

- R:** Min m-ap vini, Granmèt, pou-m fè volonté-ou.
 2 Sé pa ti kras tann mouin t-ap tann Granmèt la,
 li panché sou mouin.
 4 Li mété yon kantik nouvo nan bouch mouin,
 yon chanté pou Bondié nou-an. **R:**
 7 Sakrifis ak kado, ou pa-t vlé sa,
 ou louvri zòrèy mouin.
 Sakrifis antié ak sakrifis pou péché, ou pa-t mandé sa,
 8 lè sa-a mouin di : « Min m-ap vini. **R:**
 Nan roulo liv la yo ékri osijè-m
 9 pou-m fè volonté-ou.
 Bondié mouin, mouin dakò,
 laloua-ou la nan zantray mouin ». **R:**
 10 Mouin anonsé jistis ou-a nan gran asanblé-a ;
 min mouin pa fèmin bouch mouin, Granmèt, ou konnin. **R:**
 12 Kanta ou minm, Granmèt, pa ouété pitié-ou yo sot sou mouin ;
 sé pou mizérikòd ou-a ak vérité-ou la toujou réservés-m. **R:**

4

PSÒM RÉPONS Ps 83, 3-4. 5 é 8 a. 11 (**R:** : 5 a)

- R:** Ala kontantman pou moun ki abité nan kay ou-a, Granmèt.
 3 Nanm mouin anvi, l-ap dépéri pou kay Granmèt la.
 Kè-m ak chè-m ap fété pou Bondié vivan-an.
 4 Minm ti zouazo jouinn yon kay pou li,

toutrèl la jouinn yon nich, koté li dépozé ti pitit li yo :
lotèl ou yo, Granmèt lamé yo, roua-m ak Bondié-m. **R:**

5 Ala kontantman pou moun ki abité nan kay ou-a,
pou tout tan y-ap fè louanj ou.

8 Y-ap monté sot nan puisans al nan puisans. **R:**

11 Sèké yon jou nan kay ou yo pi bon pasé mil,
mouin chouazi rét sou papòt nan kay Bondié-m nan,
pasé pou-m abité nan tant péchè yo. **R:**

ALÉLOUYA AK VÈSÈ ANVAN ÉVANJIL LA

1

Mk 1, 17

(**R:** Alélouya). Vini apré-m sé sa Granmèt la di,
épi m-ap fè nou al lapèch moun. (**R:** Alélouya).

2

Jan 15, 5

(**R:** Alélouya). Mouin sé pié rézin-an, nou minm nou sé branch yo,
sé sa Granmèt la di ;
moun ki rété nan mouin, épi mouin minm nan li,
moun sa-a donnin anpil foui. (**R:** Alélouya).

3

Cf. Jan 15, 16

(**R:** Alélouya). Mouin chouazi nou sot sou tè-a, pou nou alé,
pou nou donnin foui,
épi pou foui nou-an diré, sé sa Granmèt la di. (**R:** Alélouya).

4

Fil 3, 8-9

(R: Alélouya). Mouin konsidéré tout bagay kòm fatra,
 mouin gadé yo kòm débri,
 pou-m jouinn avantaj mouin nan Kris la,
 pou yo jouinn mouin nan li. (R: Alélouya).

ÉVANJIL YO

1

Rékòlt la anpil, min travayè yo sé yon ti kras yo yé.

✚ Léktu sint Évanjil la dapré Matié

9, 35-38

Lè sa-a :

Jézu t-ap maché nan tout vil yo ak bouk yo, li t-ap bay ansègnman nan sinagòg yo, li t-ap préché Bòn Nouvèl péyi roua-a, li t-ap géri tout maladi ak tout féblès. Lè-l ouè foul yo, li pran lapinn pou yo, paské yo té bouké, yo té kouché tankou mouton ki pa gin gadyin.

Lè sa-a li di disip li yo : « Rékòlt la anpil, min travayè yo sé yon ti kras yo yé ; priyé Granmèt rékòlt la, pou-l voyé travayè nan rékòlt li-a ».

Paròl Granmèt la.

2

Tou sa-ou ginyin, vann li, épi suiv mouin.

✚ Léktu sint Évanjil la dapré Mark

10, 17-27

Lè sa-a :

Pandan Jézu t-ap soti sou rout la, gin yon moun ki kouri dévan-l, li mét jénou atè dévan-l, li t-ap priyé-l : « Bon mèt, ki sa pou-m fè pou-m éritié lavi tout tan-an ? »

Jézu minm di-l : « Pouki sa ou rélé-m bon ? Pèsòn pa bon, sof yon sèl Bondié-a. Ou konnin kòmandman yo : “Pa fè adiltè, pa touyé, pa vòlè, pa sèvi fo-témouin, pa fè moun ditò, onoré papa-ou ak manman-ou” ».

Min li minm li réponn, li di : « Mèt, tout bagay sa yo, mouin té obsèvé yo dépi-m tou jèn ».

Jézu minm gadé-l, li rinmin-l, li di-l : « Yon sèl bagay manké-ou ; alé, tou sa-ou ginyin, vann li, bay pòv yo, épi ou-a gin yon richès nan sièl la ; apré sa, vini, suiv mouin ». Li minm li vi-n tou tris nan paròl sa-a ; li pati ak mi-n li dékonpozé, sèké li té gin anpil byin.

Jézu minm gadé toutalantou, li di disip li yo : « Sé pa ti kras difisil sa difisil pou moun ki gin lajan yo antré nan péyi-roua Bondié-a ». disip yo minm sézi nan paròl li yo.

Jézu minm rékòmansé pran laparòl, li di yo : « Pitit mouin yo, ala difisil sa difisil pou moun ki mét konfians yo nan richès yo antré nan péyi-roua Bondié-a. Li pi fasil pou yon chamo pasé nan yon jé zégui pasé pou moun rich antré nan péyi-roua Bondié-a ».

Yo minm yo té pi sézi toujou, youn t-ap di lòt : « Épi kilès ki kapab sové ? »

Jézu minm gadé yo, li di : « Sou bò moun yo, sa inposib, min pa sou bò Bondié, paské tout bagay posib pou Bondié ».

Paròl Granmèt la.

3

*N-ap résévoua san foua plis nan tan sa-a avèk pèsékision,
épi lavi ki pap janm fini-an nan sièk k-ap vini-an.*

✠ Léktu sint Évanjil la dapré Mark

10, 28-30

Lè sa-a :

Piè kòmansé di Jézu : « Min nou kité tout bagay épi nou suiv ou ».

Jézu pran laparòl, li di : « Amèn mouin di nou, pap gin pèsòn k-ap kité kay, oubyin frè, oubyin sè, oubyin papa, oubyin manman, oubyin pitit, oubyin jadin, poutèt mouin ak poutèt bòn nouvèl la, ki pap jouinn san foua plis dépi koulié-a nan tan sa-a nan kay, frè, sè, manman, pitit, jadin, avèk pèsékision, épi nan tan k-ap vini-an lavi ki pap janm fini-an ».

Paròl Granmèt la.

4

Pou vokasion nan lòd sakré yo*Apati koulié-a, sé moun ou-ap pran antan ou-ap fè lapèch.***✠ Léktu sint Évanjil la dapré Luk****5, 1-11**

Lè sa-a :

Kòm foul yo té gonflé sou Jézu pou yo kouté paròl Bondié-a, li té kanpé bò létan Jénézarèt la. Li ouè dé batiman ki akosté bò létan-an ; péchè yo té désann, yo t-ap lavé filè yo. Li monté nan yon batiman, sa-k té pou Simon-an, li mandé-l pou-l rékilé yon ti kras sot sou tè-a. Li chita, l-ap bay ansègnman nan batiman-an, pou foul yo.

Lè-l fi-n palé, li di Simon : « Pousé nan fon, lagé filè nou yo pou lapèch la ». Simon pran laparòl, li di-l : « Mèt, tout nannuit, nou fatigé kò nou, san nou pa pran anyin ; sèlman sou paròl ou, n-ap lagé filè-a ». Yo fè sa, yo ranmasé yon pakèt kantité pouason ; filè yo-a t-ap chiré. Yo fè sign bay asosié yo, ki té nan lòt batiman-an, pou yo vi-n édé yo. Yo vini, yo plin tou lè dé batiman yo, atèl pouin yo t-ap koulé.

Lè Simon Piè ouè sa, li lagé kò-l nan pié Jézu, li di : « Ralé kò-ou sot koté-m, paské sé yon péchè mouin yé, Granmèt ». Sézisman té anvayi-l, ni tout moun ki té avèk li, nan lapèch pouason yo yo té pran-an ; sé minm jan tou pou Jak avèk Jan, pitit Zébédé yo, ki té asosié Simon. Jézu di Simon : « Pa pè ; apati koulié-a, sé moun ou-ap pran antan ou-ap fè lapèch ».

Yo rédi batiman yo atè, yo kité tout bagay, yo suiv li.

Paròl Granmèt la.

5

*Moun ki mété min-l nan zouti bèf la ap rédi pou viré tè-a, épi ki gadé dèyè, li pa gin dispozision pou péyi roua Bondié-a.***✠ Léktu sint Évanjil la dapré Luk****9, 57-62**

Lè sa-a :

Jézu t-ap maché ansanm avèk disip li yo sou rout la, gin yon moun ki di-l : « M-ap suiv ou tout koté ou-apralé ».

Jézu di-l : « Réna yo gin trou yo, zouazo sièl yo gin nich yo ; Pitit moun nan minm pa gin koté pou-l apiyé tèt li ».

Li di yon lòt : « Suiv mouin ». Sa-a minm di : « Granmèt, pèmèt mouin al antéré papa-m anvan ».

Jézu di-l : « Kité mò yo antéré mò pa yo ; kanta ou minm alé, épi anonsé péyi Bondié-a ».

Yon lòt di : « M-ap suiv ou, Granmèt, min pèmèt mouin al avèti moun lakay mouin yo anvan ». Jézu di-l : « Moun ki mété min-l nan zouti bèl la ap rédi pou viré tè-a, épi ki gadé dèyè, li pa gin dispozision pou péyi roua Bondié-a ».

Paròl Granmèt la.

6

*Moun ki pa poté koua-l, pou-l vi-n apré-m,
li pa kapab vi-n disip mouin.*

✠ Léktu sint Évanjil la dapré Luk

14, 25-33

Lè sa-a :

Anpil foul t-ap maché avèk Jézu, li viré, li di yo : « Si yon moun vi-n jouinn mouin, épi li pa rayi papa-l ak manman-l ak madanm li, ak pitit gason-l yo ak pitit fi-l yo ak sè-l yo, ata jous lavi-l, li pa kapab vi-n disip mouin. Moun ki pa poté koua-l, pou-l vi-n apré-m, li pa kapab vi-n disip mouin.

Kilès réyèlman nan pami nou, si-l vlé bati yon kay ki ro anpil, pou-l pa kòmansé chita pou-l kalkilé sa-k nésésè, pou-l ouè si-l gin posibilite fini travay la ? Otréman, apré-l fi-n pozé fondasyon-an épi li pa kapab fini, tout moun ki ouè sa y-ap kòmansé pasé-l nan jouèt, y-ap di : “Ki kalité moun sa-a : li kòmansé bati épi li pa kapab fini ?”

Oubyin kilès roua-a ki vlé al nan lagè kont yon lòt roua, pou-l pa kòmansé chita, réfléchi, pou-l ouè si avèk di-mil moun li kapab al rankontré lòt la k-ap vi-n sou li ak vin mil sòlda ? Otréman, pandan lòt la louin toujou, li voyé yon group mèsajé pou-l mandé-l kondision lapè-a.

Konsa tou, tout moun nan nou, ki pa rénonse tou sa-l ginyin, li pa kapab vi-n disip mouin ».

Paròl Granmèt la.

Yo ouè koté-l té rété, yo rété lakay li.

✠ Léktu sint Évanjil la dapré Jan

1, 35-51

Lè sa-a :

Jan té kanpé épi dé nan disip li yo avèk li. Li gadé Jézu k-ap maché, li di : « Min Mouton Bondié-a ». Dé disip yo tandé l-ap palé, yo suiv Jézu. Jézu minm viré, li ouè y-ap suiv li, li di yo : « Ki sa n-ap chèché » ?

Yo minm yo di-l : « Rabi (sa vlé di Mèt), koté ou abité » ?

Li di yo : « Vini, n-a ouè ». Yo vini, yo ouè koté-l té rété, yo rété lakay li jou sa-a ; lè sa-a, sé té apéprè dizièm è-a.

Té gin André, frè Simon Piè-a, youn nan dé yo, ki té tandé Jan-an, épi ki té suiv li-a. Sa-a rankontré toudabò frè-l la Simon, li di-l : « Nou jouinn Mési-a (sa vlé di Kris la) ». Li minnin-l bay Jézu.

Jézu minm gadé-l, li di : « Ou sé Simon, pitit Jona : y-ap rélé-ou Séfas (sa vlé di Piè) ».

Jézu té vlé pati al nan Galilé ; li jouinn Filip.

Jézu di-l : « Suiv mouin ». Filip minm sé té moun Bétsayid, vil André ak Piè-a.

Filip jouinn Natanaèl, li di-l : « Sa-a Moyiz té ékri sou li nan laloua-a ak profèt yo, nou jouinn li, sé Jézu, pitit Jozèf moun Nazarèt la ».

Natanaèl di-l : « Nan Nazarèt, ki sa ki kapab soti ki bon » ?

Filip di-l : « Vini, ou-a ouè ».

Jézu ouè Natanaèl k-ap vi-n koté-l li di osijè-l : « Min yon pitit Israèl tout bon vré, nan li pa gin manti ».

Natanaèl di-l : « Koté ou konnin-m » ?

Jézu réponn, li di-l : « Anvan Filip té rélé-ou, lè-ou té anba pié figié-a, mouin té ouè-ou ».

Natanaèl réponn li, li di : « Rabi, ou sé Pitit Bondié, ou sé roua Israèl ».

Jézu réponn, li di-l : « Paské mouin di-ou “Mouin té ouè-ou anba pié figié-a”, ou kouè : ou-ap ouè pi gran pasé bagay sa yo ».

Li di-l : « Amèn, amèn mouin di nou : n-ap ouè sièl la louvri, ak anj Bondié yo k-ap monté-désann anlè Pitit moun nan ».

Paròl Granmèt la.

oubyin pi kout

✠ Léktu sint Évanjil la dapré Jan

1, 35-42

Lè sa-a :

Jan té kanpé épi dé nan disip li yo avèk li. Li gadé Jézu k-ap maché, li di : « Min Mouton Bondié-a ». Dé disip yo tandé l-ap palé, yo suiv Jézu. Jézu minm viré, li ouè y-ap suiv li, li di yo : « Ki sa n-ap chèché » ?

Yo minm yo di-l : « Rabi (sa vlé di Mèt), koté ou abité » ?

Li di yo : « Vini, n-a ouè ». Yo vini, yo ouè koté-l té rété, yo rété lakay li jou sa-a ; lè sa-a, sé té apéprè dizièm è-a.

Té gin André, frè Simon Piè-a, youn nan dé yo, ki té tandé Jan-an, épi ki té suiv li-a. Sa-a rankontré toudabò frè-l la Simon, li di-l : « Nou jouinn Mési-a (sa vlé di Kris la) ». Li minnin-l bay Jézu.

Jézu minm gadé-l, li di : « Ou sé Simon, pitit Jona : y-ap rélé-ou Séfas (sa vlé di Piè) ».

Paròl Granmèt la.

8

*Sé pa nou minm ki chouazi-m ;
min sé mouin minm ki chouazi nou.*

✠ Léktu sint Évanjil la dapré Jan

15, 9-17

Lè sa-a : Jézu di disip li yo :

« Minm jan Papa-a rinmin-m nan, sé konsa tou mouin rinmin nou. Sé pou nou rété nan rinmin-m nan. Si nou kinbé kòmandman-m yo, n-ap rété nan rinmin-m nan minm jan mouin minm mouin kinbé kòmandman Papa-m yo, épi mouin rété nan rinmin-l nan.

Mouin di nou bagay sa yo, pou kè kontan-m nan kapab nan nou, pou kè kontan nou-an réalizé nèt.

Min kòmandman-m nan, sé pou nou youn rinmin lòt, minm jan mouin rinmin nou-an. Pi gran fason pou yon moun rinmin, sé bay lavi-l pou zanmi-l yo.

Nou minm nou sé zanmi-m, si nou fè sa mouin kòmandé nou. Mouin pap rélé nou sèvitè ankò, paské sèvitè-a pa konnin ki sa mèl li ap fè ; min sé zanmi mouin rélé nou, paské tou sa-m tandé kot Papa-m, mouin fè nou konnin-l.

Sé pa nou minm ki chouazi-m ; min sé mouin minm ki chouazi nou, mouin mété nou, pou nou alé, pou nou donnin foui, pou foui nou-an diré ; konsa, tou sa n-a mandé Papa-a o non-m, l-ap ba nou li.

Sa mouin kòmandé nou, sé pou nou youn rinmin lòt ».

Paròl Granmèt la.

9. POU LAYIK YO

LÉKTU NAN ANSYIN TĒSTAMAN-AN

1

M-ap ba nou yon kè nouvo, m-ap mété yon éspri nouvo nan mitan nou.

Léktu liv profèt Ézékièl

36, 24-28

Min paròl Granmèt la : « M-ap pran nou sot nan nasion yo, m-ap rasanblé nou sot nan tout péyi yo, m-ap minnin nou nan péyi nou-an, m-ap vidé yon dlo pròp sou nou, n-ap pròpté sot nan tou sa-k sal nou, anba tout zidòl nou yo m-ap pròpté nou.

M-ap ba nou yon kè nouvo, m-ap mété yon éspri nouvo nan mitan nou, m-ap ouété kè ròch la sot nan chè nou, m-ap mété éspri-m nan mitan nou, m-ap fè nou maché nan lòd mouin yo, pou nou kinbé jijman-m yo, pou nou réalizé yo. N-ap abité nan tè-a, sa-m té bay papa nou yo, n-ap pèp mouin, m-ap Bondié nou ».

Paròl Granmèt la.

2

Sou sèvitè-m yo ak sèvant mouin yo m-ap vidé Éspri-m.

Léktu liv profèt Joèl

3, 1 a-5

Min paròl Granmèt la :

« M-ap vidé éspri-m sou tout chè, pitit gason nou yo ak pitit fi nou yo ap profétizé, granmoun nou yo ap gin mèsaj nan rèv, jèn jan nou yo ap

ouè vizion ; minm sou sèvitè-m yo ak sèvant mouin yo jou sa yo m-ap vidé éspri-m.

M-ap mété prodij nan sièl la ak sou tè-a, san, difé, vapè lafimin. Solèy la ap vi-n tounin fènoua, lalou-n nan ap vi-n tounin san, anvan Jou Granmèt la rivé, jou sa-a ki gran, ki térib la.

Rivé : tout moun k-ap rélé non Granmèt la l-ap sové, paské sou mòn Siyon-an ak nan Jérusalèm ap gin koté pou sové, jan Granmèt la té di-a, ni nan rèz yo Granmèt la ap rélé-a ».

Paròl Granmèt la.

LÉKTU NAN NOUVO TĚSTAMAN-AN

1

Tout moun vi-n plin ak Éspri Sin-an épi yo kòmansé palé.

Léktu Travay Apot yo

2, 1-11

Lè jou Pantkot yo rivé bout, tout moun té ansanm nan minm koté-a ; san-zatann, vi-n gin yon boui ki sot nan sièl la tankou boui van ki rivé byin fò, li plin tout kay la, koté yo té chita-a. Anpil ti mòso lang tankou difé vi-n parèt sou yo, li chita sou yo chak. Tout moun vi-n plin ak Éspri Sin-an, épi yo kòmansé palé divès lang, dapré sa Éspri Sin-an té pèmèt yo palé.

Jérusalèm minm té gin Juif yo ki abité péyi-a, ni moun rélijyé ki sot nan tout nasion ki anba sièl la. Lè voua-a rivé, foul la rasanblé, éspri yo troublé, paské chak moun t-ap tandé nan pròp lang li sa yo ki t-ap palé yo. Tout moun té sézi, yo t-ap gadé, yo t-ap di :

« Èské tout mésié sa yo k-ap palé yo, sé pa moun Galilé yo yé ? Kòman fè n-ap tandé yo nou chak nan lang pa nou, koté nou fèt la ? Part, Mèd, Élamit ak moun ki abité Mézopotami, Judé, Kapadòs, Pon ak Azi, Friji ak Panfili, Éjip ak pati Libi-a ki bò Sirèn nan, étranjé ki sot a Ròm, Juif tou ak nasion ki antré nan rélijyon-an, Krèt ak Arab, nou tandé y-ap palé mèvèy Bondié yo nan lang nou ».

Paròl Granmèt la.

2

*Konsidéré nou mouri parapò a péché-a,
min nou vivan parapò a Bondié.*

Léktu lèt apot sin Pòl pou Romin yo

6, 2-4. 12-14

Frè-m yo :

Nou minm ki mouri parapò a péché-a, kòman fè n-ap viv ankò nan li ? Èské nou pa konnin nou tout ki batizé nan Kris Jézu, sé nan lanmò-l nou batizé ?

Nou antéré réyèlman ansanm avèk li nan lanmò-a gras a batèm nan, pou minm jan Kris la résisité sot nan pami mò yo gras a gloua Papa-a, konsa tou nou minm n-ap maché nan nouvo lavi-a.

Pa kité péché-a kòmandé nan kò nou k-ap mouri-a, pou nou obéyi mové anvi-l yo. Ni non plis tou, pa mété manb nou tankou zam méchansté nan sèvis péché-a ; min sé pou nou ofri pròp tèt nou bay Bondié tankou moun ki vivan sot nan pami mò yo ; ofri manb nou tankou zam jistis bay Bondié.

Sèké péché-a pap kòmandé nan nou ; paské nou pa anba laloua-a, min anba gras la.

Paròl Granmèt la.

3

*Ni lanmò, ni lavi pa kapab séparé nou
sot nan rinmin Bondié-a.*

Léktu lèt apot sin Pòl pou Romin yo

8, 31 b-39

Frè-m yo :

Si Bondié pou nou, kilès k-ap kont nou ? Li minm ki pa ménajé pròp Pitit li-a, min ki rinmèt li pou nou tout, kòman li pa t-ap ba nou tout bagay avèk li ? Kilès k-ap fè akizasion kont sa yo Bondié chouazi yo ? Èské sé Bondié, li ki fè nou vi-n kòrèk la ? Kilès k-ap kondané nou ? Kris Jézu, ki mouri, pi plis ki résisité, ki adouat Bondié, k-ap intèsédé pou nou-an ?

Kilès ki kapab séparé nou sot nan rinmin Kris la ? tribilasion, oubyin kè séré, oubyin grangou, oubyin manké rad, oubyin danjé, oubyin pèsékision, oubyin épé ? jan sa ékri-a : « Poutèt ou, n-ap mouri chak jou, yo konsidéré nou tankou mouton labatoua ».

Min nan tout bagay sa yo, nou sipòté poutèt sa-a ki rinmin nou-an. Mouin sètin réyèlman ni lanmò, ni lavi, ni anj, ni chèf, ni pouvoua, ni tan sa-a ni sa k-ap vini-an,-ni fòs, ni rotè, ni profondè, okinn kréatu pa kapab séparé nou sot nan rinmin Bondié-a, ki nan Kris Jézu Granmèt nou-an.

Paròl Granmèt la.

4

Ofri kò nou tankou sakrifis ki vivan, ki sin, ki fè Bondié plézi.

Léktu lèt apot sin Pòl pou Romin yo

12, 1-13

Frè-m yo :

Mouin mandé nou avèk anpil pèsistans, frè-m yo, pa pouvoua mizéri-kòd Bondié-a, pou nou ofri kò nou tankou sakrifis ki vivan, ki sin, ki fè Bondié plézi, dévoua nou ki rézonab. Pa pran modèl sou sièk sa-a, min sé pou nou rékòmansé fòmé mantalite nou nan sa ki nouvo, pou nou chèché konnin byin ki sa ki volonté Bondié, ki bon, ki fè-l plézi, ki kòrèk nè.

Mouin di pa pouvoua gras la yo ban mouin-an, mouin di tout moun ki nan pami nou yo : pa konsidéré tèt nou plis pasé jan nou doué konsidéré-l, min sé pou nou konsidéré-l avèk sajès, chak moun dapré mézi lafoua Bondié séparé ba li.

Minm jan réyèlman nan yon sèl kò nou gin anpil manb, min tout manb yo pa gin minm ròl, konsa, atout nou anpil la, sé yon sèl kò nou yé nan Kris Jézu, nou chak nou youn sé manb lòt.

Nou gin kado dapré gras yo ba nou-an, kado sa yo divès : soua sé profési-a sèlon mézu lafoua-a ; soua sé ministè-a antan sèvis la ap fèt vré ; soua sé moun k-ap anségné-a antan li nan limit doktri-n nan ; moun k-ap ankourajé lòt antan l-ap ankourajé yo vré ; moun k-ap bay la antan li gin yon kè sinp ; moun k-ap dirijé-a, antan-l ap mété aktivité ; moun k-ap souin maléré, antan li gin bon jan.

Rinmin-an pa gin ipokrizi, sé pou nou rayi sa-k mal, sé pou nou kolé kò nou sou byin-an, sé pou nou youn rinmin lòt avèk charité fratènèl, sé pou nou youn gin pou lòt konsidérasion, pa fè parès nan aktivité nou, sé pou nou cho nan Éspri-a, sé pou nou sèvi Granmèt la, sé pou nou gin kè kontan nan éspérans la, sé pou nou gin pasians nan tribilasion, sé pou nou rét fidèl nan priyè sé pou nou séparé bay fidèl ki nan bézouin yo, sé pou nou tout résévoua moun lakay nou.

Paròl Granmèt la.

5

Sé nan yon sèl Éspri nou tout nou batizé nan yon sèl kò.

Léktu prémié lèt apot sin Pòl pou Korintyin yo **12, 3 b-7. 12-13**

Frè-m yo :

Pèsòn pa kapab di : « Granmèt Jézu », si sé pa nan Éspri Sin-an.

Gin divès kalité gras, min sé yon sèl Éspri-a. Gin divès kalité sèvis, min sé yon sèl Granmèt la. Gin divès kalité aktivité, min sé yon sèl Bondié-a ki fè tout bagay nan tout moun. Sèlman yo bay chak moun manifèstasion Éspri-a pou bézouin-an.

Sèké minm jan kò-a fè yon sèl, min li gin anpil manb, tout manm kò-a, malgré yo anpil la, sé yon sèl kò yo fè kan minm : sé konsa tou pou Jézu-Kri. Réyèlman sé nan yon sèl Éspri nou tout nou batizé pou nou fè yon sèl kò, soua Juif, soua nasion, soua ésklav, soua moun lib ; épi nou tout sé nan yon sèl Éspri-a nou pasé souaf nou.

Paròl Granmèt la.

6

*Bondié té chouazi nou nan Kris la
pou nou sin, san répròch dévan-l nan rinmin-an.*

Léktu lèt apot sin Pòl pou Éfézyin yo **1, 3-14**

Konpliman pou Bondié Papa Granmèt nou Jézu-Kri, li minm ki béni nou ak tout kalité bénédiksion spirituèl nan sièl la nan Kris la. Jan li té chouazi nou nan li anvan tè-a té fèt la, pou nou sin, san répròch dévan-l nan rinmin-an. Li té déstiné nou davans pou nou vi-n tounin pitit adoptif pou li pa pouvoua Jézu-Kri, dapré désizion volonté-l, pou louanj gloua gras li, koté li fè nou jouinn gras nan Pitit li-a li rinmin-an.

Nan li nou gin rédanmsion gras a san-l, padon péché yo dapré richès gras li-a, ki ranvèsé sou nou nan tout kalité sajès ak sians, pou-l té kapab fè nou konnin mistè volonté-l, dapré bon plézi-l, sa-l té ranjé davans nan li pou fè tan yo rivé nan dènié bout kous yo, fè tout bagay instalé nan Kris la, sa-k nan sièl la ak sa-k sou tè-a, nan li.

Sé nan li minm tou yo chouazi nou, yo rélé nou, nou minm tou, pitit Israèl yo, yo déstiné nou davans dapré plan sa-a ki fè tout bagay gras a désizion volonté-l la, pou nou vi-n sèvi louanj gras li, nou minm ki té

éspéré davans nan Kris la. Nan li minm nou minm tou, lè nou té tandé paròl vérité-a, Bòn Nouvèl sa-k sovè nou-an, nou té kouè, nou té maké ak mak Éspri Sin yo té promèt nou-an, li minm ki garanti éritaj nou-an, nan rédanmsion n-ap jouinn nan, pou louanj gras li-a.

Paròl Granmèt la.

7

Yon sèl Granmèt, yon sèl lafoua, yon sèl batèm.

Léktu lèt apot sin Pòl pou Éfézyin yo

4, 1-6

Frè-m yo :

Mouin priyé nou, mouin minm prizonié nan Granmèt la, pou nou maché dapré diréksion koté yo rélé nou-an ; antan nou tou piti, tou dou, nan kè-n, sé pou nou pran pasians pou nou youn sipòté lòt nan rinmin-an ; fè éfò pou nou konsèvé éspri ki fè nou fè yon sèl la nan chinn lapè-a :

Tankou yo réfè nou nan yon sèl éspérans, sé yon sèl kò ak yon sèl Éspri ki ginyin ; yon sèl Granmèt, yon sèl lafoua, yon sèl batèm ; yon sèl Bondié ak Papa tout moun, ki anlè tout moun, ki nan tout bagay épi ki nan nou tout.

Paròl Granmèt la.

8

Nou minm nou sé yon ras ki chouazi, yon péyi-roua prèt.

Léktu prémié lèt apot sin Piè

2, 4-10

Nou minm mouin rinmin anpil la :

Sé pou nou proché kot Granmèt la, li minm ròch vivan-an, sa lézòm yo réjté-a, min sa Bondié minm chouazi-a, sa-l bay konsidèrasion-an, nou minm tou tankou ròch ki vivan, sé pou nou kité yo bati nou pou nou vi-n tounin yon kay Éspri, yon sasèrdòs sin, pou nou ofri sakrifis Éspri, sa Bondié résévoua pa lintèmédiè Jézu-Kri-a.

Sé pou sa ki ékri-a gin : « Min mouin pozé yon ròch ki anlè nèt nan Siyon, yon ròch kouin, yon ròch ki chouazi, ki gin anpil valè ; moun ki kouè nan li pap ront ». Konsa pou nou minm ki kouè yo, sé konsidèrasion ; min sé pa pou moun ki pa kouè yo, « ròch la, sa bòs mason yo té jété yon koté-a, li vi-n tounin tèt kouin-an », épi « ròch k-ap fè moun bité

ak blok ròch k-ap jinnin moun », pou sa yo k-ap bité sou paròl la épi ki pa kouè nan sa-a koté yo pozé-a.

Nou minm nou sé yon ras chouazi, yon péyi roua prèt, yon nasion ki sin, yon pèp Bondié posédé, pou nou anonsé puisans sa-a ki rélé nou vi-n nan bèl limiè-l la ; lontan nou pa-t yon pèp, min koulié-a nou sé pèp Bondié-a ; nou pa-t résévoua mizérikòd, min nou résévoua mizérikòd koulié-a.

Paròl Granmèt la.

PSÒM RÉPONS YO

1

PSÒM RÉPONS

Ps 84, 2-4. 5-6. 7-8 (R : 8)

- R: Montré nou mizérikòd ou-a, Granmèt,
ba nou sovè ou sovè nou-an.
- 2 Ou jouinn jouisans ou, Granmèt, nan tè-ou la,
ou fè prizonié Jakòb yo tounin.
- 3 Ou padonnin fot pèp ou-a,
ou kouvri tout péché-l yo.
- 4 Ou réfoulé tout kòlè-ou la,
ou tounin sot nan chalè mové san-ou nan. R:
- 5 Fè nou tounin, Bondié sovè nou,
viré kòlè-ou la sot sou nou.
- 6 Èské sé pou tout tan ou-ap faché kont nou,
oubyin ou-ap blayi kòlè-ou la sot nan jénérasyon al nan jénérasyon ? R:
- 7 Èské sé pa ou minm ki pou tounin vi-n ba nou lavi,
épi pèp ou-a ap kontan nan ou ?
- 8 Montré nou mizérikòd ou-a, Granmèt,
sovè ou sovè nou-an ba nou li. R:

2

PSÒM RÉPONS

Ps 99, 2. 3. 4. 5 (R : 3 c)

R: Nou sé pèp li ak mouton pak li.

- 2 Fè louanj pou Granmèt la tout tè-a,
sèvi Granmèt la nan kè kontan ;
antré dévan fas li avèk gran fèt. **R:**
- 3 Konnin Granmèt la sé li minm ki Bondié ;
sé li minm ki fè nou, sé pou li nou yé,
pèp li ak mouton pak li. **R:**
- 4 Antré nan pòtay li yo avèk louanj,
nan lakou-l yo avèk kantik,
fè louanj li, fè konpliman pou non-l. **R:**
- 5 Sèké Granmèt la bon ;
pou tout tan mizérikòd li,
pou jénérasyon ak jénérasyon vérité-l la. **R:**

3

PSÒM RÉPONS Ps 102, 1-2. 3-4. 8-9. 11-12 (**R:** : 10 a oubyin 8 a)

R: Sé pa dapré péché nou yo li trété nou.

oubyin :

R: Granmèt la pran pitié, li gin mizérikòd.

- 1 Fè konpliman pou Granmèt la, nanm mouin ;
tou sa-k anndan-m, fè konpliman pou non-l ki sin.
- 2 Fè konpliman pou Granmèt la, nanm mouin,
pa bliyé tou sa-l fè yo. **R:**
- 3 Li minm ki padonnin tout fot ou yo,
ki géri tout maladi-ou yo ;
- 4 li minm ki rachté lavi-ou sot nan fòs la,
ki kouronnin-ou ak mizérikòd, ak pitié. **R:**
- 8 Granmèt la pran pitié, li gin mizérikòd,
li pran pasians, li gin anpil mizérikòd.
- 9 Sé pa pou tout tan l-ap fè diskision,
sé pa pou tout tan li faché. **R:**
- 11 Sèké otan sièl la ro anlè tè-a,
mizérikòd li-a débòdé sou sa-k krinn li yo ;
- 12 otan olévan louin ak okouchan,
li ranvouayé péché nou yo louin nou. **R:**

4

PSÒM RÉPONS

Ps 112, 1-2. 4-6. 7-8 (R : 2)

- R: Sé pou non Granmèt la béni pou tout tan.
- 1 Fè louanj, ti moun Granmèt la,
fè louanj pou non Granmèt la.
- 2 Sé pou non Granmèt la béni
dépi koulié-a ak pou tout tan. R:
- 4 Granmèt la anlè nèt anro tout nasion yo,
anlè sièl yo gloua li yé.
- 5 Kilès ki tankou Granmèt Bondié nou-an,
ki abité nan rotè yo,
- 6 ki voyé jé sou pòv yo
nan sièl la ak sou tè-a ? R:
- 7 Li lèvé pòv la sot atè-a,
li drésé maléré-a sot nan fatra-a,
- 8 pou-l fè-l chita avèk chèf yo,
avèk chèf pèp li-a. R:

ALÉLOUYA AK VÈSÈ ANVAN ÉVANJIL LA

1

Mt 5, 9

(R: Alélouya). Ala kontantman pou moun k-ap travay pou lapè-a,
paské y-ap rélé yo pitit Bondié. (R: Alélouya).

2

Jan 8, 12

(R: Alélouya). Mouin sé limiè tè-a, sé sa Granmèt la di ;
moun k-ap suiv mouin, l-ap gin limiè lavi-a. (R: Alélouya).

3

Jan 15, 4 a. 5 b

(R: Alélouya). Rété nan mouin, épi mouin minm nan nou,
sé sa Granmèt la di ;
moun ki rété nan mouin, li poté anpil frui. (R: Alélouya).

4

Cf. Jan 15, 16

(R: Alélouya). Mouin chouazi nou sot sou tè-a, pou nou alé,
pou nou donnin foui,
épi pou foui nou-an diré, sé sa Granmèt la di. (R: Alélouya).

5

Jk 1, 12

(R: Alélouya). Ala kontantman pou moun ki soufri tantasion-an,
paské, lè yo fi-n fè-l bay prèv li, l-ap résévoua kouròn lavi-a. (R:
Alélouya).

6

(R: Alélouya). Sémans la sé paròl Bondié-a,
sa k-ap simin-an minm sé Kris la
tout moun ki jouinn li, l-ap diré pou tout tan. (R: Alélouya).

ÉVANJIL YO

1

Fè kè nou kontan, fété, paské rékonpans nou anpil nan sièl yo.

✠ **Léktu sint Évanjil la dapré Matié**

5, 1-12 a

Lè sa-a :

Antan Jézu ouè foul yo, li té monté sou mòn nan ; kon-l chita, disip li
yo té proche koté-l. Épi antan-l louvri bouch li, li t-ap anségné yo antan l-
ap di :

« Ala kontantman pou moun ki pòv yo nan éspri-a, paské sé pou yo péyi-roua sièl yo yé.

Ala kontantman pou moun ki dou yo, paské sé yo minm k-ap posédé tè-a.

Ala kontantman pou moun k-ap kriyé yo, paské y-ap konsolé.

Ala kontantman pou moun ki grangou, ki souaf jistis la, paské y-ap jouinn kont yo.

Ala kontantman pou moun ki gin mizérikòd yo, paské y-ap jouinn mizérikòd.

Ala kontantman pou moun ki gin kè yo nèt yo, paské y-ap ouè Bondié.

Ala kontantman pou moun k-ap travay pou lapè-a, paské y-ap rélé yo pitit Bondié.

Ala kontantman pou moun k-ap soufri pèsékision poutèt jistis la, paské sé pou yo péyi-roua sièl la yo yé.

Ala kontantman pou nou, lè y-ap madichonnin nou, lè y-ap pèsékité nou, lè y-ap dí tout kalité mal kont nou, antan y-ap fè manti, akoz mouin ; fè kè nou kontan, fété, paské rékonpans nou anpil nan sièl yo ».

Paròl Granmèt la.

2

Moun ki vlé pèdi lavi-l poutèt mouin, l-ap jouinn li.

✠ Léktu sint Évanjil la dapré Matié

16, 24-27

Lè sa-a :

Jézu di disip li yo : « Si yon moun vlé vi-n apré-m, sé pou-l rénonse pròp tèt li, pou-l pran koua-l, pou-l suiv mouin. Moun ki vlé sové lavi-l, l-ap pèdi-l ; moun ki vlé pèdi lavi-l poutèt mouin, l-ap jouinn li.

Sa sa ap sèvi yon moun si-l posédé tout tè-a, min li péyé sa ak lavi-l ? Oubyin ki sa yon moun kapab bay pou-l péyé lavi-l ?

Pitit moun nan gin pou-l vini nan gloua Papa-l avèk Anj li yo, lè sa-a “l-ap rinmèt chak moun dapré travay li” ».

Paròl Granmèt la.

3

*Poutèt ou té fidèl sou yon ti bagay,
antré nan kè kontan mèl ou-a.*

✠ **Léktu sint Évanjil la dapré Matié**

25, 14-30

Lè sa-a :

Jézu di disip li yo parabòl sa-a : « Yon mésié t-ap pati al nan vouayaj, li rélé sèvitè-l yo, li rinmèt yo byin-l yo : youn li ba-l sink talan, yon lòt minm dé, épi yon lòt yon sèl ; chak moun dapré kapasité pa-l ; apré sa li pati la minm.

Sa-k té résevoua sink talan yo, l-alé, li travay avèk yo, li rapòté sink lòt. Min jan-an tou sa-k té résevoua dé talan yo, li rapòté dé lòt. Min sa-k té résevoua yon sèl la, l-al fouyé tè-a, li kaché lajan mèl li-a.

Apré anpil tan, mèl sèvitè sa-a yo vini, li mandé yo kont.

Sa-k té résevoua sink talan yo, li proché, li prézanté sink lòt talan, li di : “Mèl, sé sink talan ou té ban mouin : min sink lòt mouin rapòté”. Mèl li di-l : “Sé byin, bon sèvitè ki fidèl : poutèt ou té fidèl sou yon ti kras, m-ap instalé-ou sou anpil : antré nan kè kontan mèl ou”.

Sa-k té résevoua dé talan yo proché tou, li di : “Mèl, sé dé talan ou té rinmèt mouin, min dé lòt mouin rapòté”. Mèl li di-l : “Sé byin, bon sèvitè ki fidèl : poutèt ou té fidèl sou yon ti kras, m-ap instalé-ou sou anpil : antré nan kè kontan mèl ou”.

Sa-k té résevoua yon sèl talan-an, li proché atò, li di : “Mèl, mouin konnin ou sé yon moun ki rèd : ou rékòlté koté ou pa simin, ou ranmasé koté-ou pa-t planté. Mouin té pè, m-alé, mouin kaché talan-ou nan nan tè-a ; min li, pran afè-ou”.

Mèl li réponn, li di-l : “Mové sèvitè, ou parésé ! Ou té konnin mouin rékòlté koté mouin pa simin, mouin ranmasé koté mouin pa planté : ou té doué rinmèt lajan-m nan labank, lè-m vini mouin t-a résevoua sa-m dépozé-a avèk bénéfis. Pran talan-an nan min-l, bay moun ki gin dis talan yo ; konsa tout moun ki ginyin, y-ap ba li, l-ap gin plis ; moun ki pa ginyin-an minm, sa-l konprann li ginyin-an minm, y-ap ouété-l sot nan min-l. Épi sèvitè sa-a ki pa vo anyin-an, jété-l nan fènoua déyò yo : koté sa-a ap gin rèl ak manjé dan” ».

Paròl Granmèt la.

4

*Moun ki fè volonté Bondié, sé li minm ki frè-m
ak sè-m ak manman-m.*

✠ **Léktu sint Évanjil la dapré Mark**

3, 31-35

Lè sa-a :

Manman Jézu ak frè-l yo rivé ; yo kanpé déyò-a, yo voyé koté-l pou yo rélé-l.

Té gin yon foul ki té chita alantou-l, yo di-l : « Min manman-ou ak frè-ou yo déyò-a y-ap chèché-ou ».

Li réponn yo, li di : « Kilès ki manman-m ak frè-m ? »

Li viré gadé alantou-l, sa yo ki té chita toutotou-l yo, li di : « Min manman-m ak frè-m yo. Moun ki fè volonté Bondié, sé li minm ki frè-m ak sè-m ak manman-m ».

Paròl Granmèt la.

5

Min moun ki konn simin-an soti pou-l simin.

✠ **Léktu sint Évanjil la dapré Mark**

4, 1-9

Lè sa-a :

Jézu kòmansé bay ansègnman ankò bò lanmè-a ; anpil foul rasanblé koté-l, atèl pouin li blijé monté nan batiman-an, pou-l chita sou lanmè, tout foul la té sou bò lanmè-a, atè-a. Li t-ap ba yo ansègnman an parabòl sou anpil bagay, li t-ap di yo nan ansègnman-l nan :

« Kouté : min moun ki konn simin-an soti pou-l simin. Pandan l-ap simin, gin yon pòsion ki tonbé bò rout la, zouazo sièl yo rivé, yo manjé-l. Yon lòt pòsion tonbé sou koté ki gin ròch, koté pa-t gin anpil tè ; minm lè-a li lévé, paské pa-t gin profondè tè. Lè solèy lévé, li boulé, épi, kòm li pa-t gin rasi-n, li séché. Yon lòt pòsion tonbé nan pikan yo, pikan yo monté, yo toufé-l, li pa bay foui. Yon lòt pòsion tonbé nan bon tè-a, li bay foui k-ap monté, k-ap dévlopé ; li donnin yon pati trant, yon lòt sousant épi yon lòt san ».

Paròl Granmèt la.

6

*Moun ki rété nan mouin, épi mouin minm nan li,
moun sa-a poté anpil foui.*

✠ **Léktu sint Évanjil la dapré Jan**

15, 1-8

Lè sa-a : Jézu di disip li yo :

« Mouin sé véritab pié rézin-an, Papa-m sé kiltivatè-a. Tout branch nan mouin ki pa donnin foui, l-ap ouété-l ; tout branch ki donnin foui, l-ap nétouayé-l pou-l donnin plis foui. Nou minm nou déjà pròp gras a paròl la mouin té palé nou-an.

Rété nan mouin, épi mouin minm nan nou. Minm jan branch la pa kapab donnin foui pou kont li-a, si-l pa rét nan pié rézin-an, konsa tou nou minm non plis, si nou pa rété nan mouin.

Mouin sé pié rézin-an, nou sé branch yo ; moun ki rét nan mouin, épi mouin minm nan li, moun sa-a donnin anpil foui, paské san mouin minm nou pa kapab fè anyin. Si yon moun pa rét nan mouin, y-ap jété-l déyò, tankou branch la, l-ap séché, y-ap ranmasé-l y-ap jété-l nan difé, l-ap boulé.

Si nou rét nan mouin, épi paròl mouin yo rété nan nou, tou sa nou vlé, nou mèt mandé-l, l-ap rivé pou nou.

Sé nan sa Papa-m jouinn gloua-l, pou nou donnin anpil foui, pou nou vi-n disip mouin ».

Paròl Granmèt la.

7

Si yo té pèsékité-m, nou minm tou y-ap pèsékité nou.

✠ **Léktu sint Évanjil la dapré Jan**

15, 18-21

Lè sa-a : Jézu di disip li yo :

« Si tè-a rayi nou, konnin li té rayi-m anvan nou. Si nou té fè pati tè-a, tè-a t-a rinmin sa-k pou li ; min paské nou pa fè pati tè-a, okontrè mouin chouazi nou sot sou tè-a, sé poua tè-a rayi nou-an.

Sonjé paròl mouin-an, sa-m té di nou-an : “Sèvitè-a pa pi gran pasé mèl li.

Si yo té pèsékité-m, nou minm tou y-ap pèsékité nou ; si yo té kinbé paròl mouin yo, y-ap kinbé pa nou yo tou”. Min tout bagay sa yo, y-ap fè nou yo poutèt non mouin, paské yo pa konnin sa-a ki voyé-m nan ».

Paròl Granmèt la.

10. POU UNITÉ KRÉTYIN YO

LÉKTU NAN ANSYIN TÊSTAMAN-AN

1

Granmèt la ap rasanblé-ou ankò sot nan tout pèp yo koté li té gayé-ou la.

Léktu liv Détéronòm

30, 1-4

Jou sa yo :

Moyiz palé ak pèp la antan-l di : « Lè tout paròl sa yo ap rivé sou ou, bénédiksion-an oubyin malédiksion-an, sa mouin prezanté dévan-ou nan épi ou-a kité yo kondui-ou pou-ou régrèt anndan kè-ou, nan tout nasion yo, koté Granmèt la ap gayé-ou la, épi ou-ap tounin koté-l, ou-ap obéyi kòmandman-l yo jan mouin kòmandé-ou jodi-a, avèk pitit ou yo nan tout kè-ou ak nan tout nanm ou, Granmèt la ap fè prizonié-ou yo tounin, l-ap pran pitié pou ou, épi l-ap rasanblé-ou ankò sot nan pèp yo koté li té gayé-ou anvan-an.

Si nou t-a gayé nan kat kouin sièl la, Granmèt Bondié-ou la t-ap fè-ou tounin sot la ».

Paròl Granmèt la.

2

M-ap rasanblé nou sot nan tout péyi yo. M-ap ba nou yon kè nouvo.

Léktu liv profèt Ézékièl

36, 24-28

Min paròl Granmèt la : « M-ap pran nou sot nan nasion yo, m-ap rasanblé nou sot nan tout péyi yo, m-ap minnin nou nan péyi nou-an, m-ap vidé yon dlo pròp sou nou, n-ap pròpté sot nan tou sa-k sal nou, anba tout zidòl nou yo m-ap pròpté nou.

M-ap ba nou yon kè nouvo, m-ap mété yon éspri nouvo nan mitan nou, m-ap ouété kè ròch la sot nan chè nou, m-ap mété éspri-m nan mitan nou, m-ap fè nou maché nan lòd mouin yo, pou nou kinbé jijman-m yo, pou nou réalizé yo. N-ap abité nan tè-a, sa-m té bay papa nou yo, n-ap pèp mouin, m-ap Bondié nou ».

Paròl Granmèt la.

3

Yo pap dé nasion ankò.

Léktu liv profèt Ézékièl

37, 15-19. 21 b-22. 26-28

Jou sa yo :

Paròl Granmèt la rivé koté-m, li di : « Ou minm, pitit moun, pran yon boua pou ou épi ékri sou li : “Juda ak pitit Israël yo asosié-l yo” ; épi pran yon lòt boua, ékri sou li : “Jozèf pou boua Éfrayim nan, ak tout kay Israël la avèk asosié-l yo”, rapproché yo youn ak lòt pou ou nan yon sèl boua, y-ap fè yon sèl nan min-ou.

Lè pitit pèp ou yo minm ap di-ou antan y-ap palé : “Èské ou pap montré nou ki sa-ou vlé nan bagay sa yo ?” ou-a di yo : “Min sa Granmèt Bondié-a di : Min m-ap pou boua Jozèf la, ki nan min Éfrayim nan, épi ras Israël la, ki ajouté nan li-a, m-ap rimmèt yo ansanm ak boua Juda-a, m-ap fè yo vi-n tounin yon sèl boua, y-ap vi-n tounin yon sèl nan min-l”.

Min m-ap pran pitit Israël yo sot nan mitan nasion yo, koté yo té pati-a, m-ap rasanblé yo sot tout koté, m-ap minnin yo nan tè yo-a.

M-ap fè yo vi-n tounin yon sèl nasion nan péyi-a, sou mòn Israël yo ; sé yon sèl roua k-ap kòmandé yo tout, yo pap dé nasion ankò, yo pap séparé nan dé péyi-roua ankò.

M-ap pasé aliens lapè avèk yo, sé yon aliens tout tan l-ap yé pou yo, map asiré yo, m-ap fè yo vi-n anpil ; m-ap mété tanp mouin-an nan mitan yo pou tout tan, tant mouin-an ap nan mitan yo, m-ap Bondié yo, yo minm y-ap pèp mouin ; nasion yo ap konnin mouin sé Granmèt la k-ap fè Israël vi-n sin, paské tanp mouin-an ap nan mitan yo pou tout tan ».

Paròl Granmèt la.

4

Nan tan koté m-ap rasanblé nou-an.

Léktu liv profèt Sofoni**3, 16-20**

« Pa pè, Siyon ; pa kité min-ou fébli. Granmèt Bondié-ou la nan mitan-ou, li minm ki fò-a, l-ap sovè-ou ; l-ap kontan nan ou avèk anpil kontantman, l-ap fè silans nan rinmin-l nan, l-ap fété pou ou avèk louanj. Moun ki té pèdi chémin, ki té pati louin laloua-a, m-ap rasanblé yo, paské sé nan ou yo té soti ; konsa ou pap gin laront ankò sou ou.

Min m-ap touyé tou sa-k t-ap maltrété-ou yo nan tan sa-a, m-ap sovè sa k-ap bouété-a, sa yo té mét déyò-a, m-ap rasanblé-l, m-ap fè yo jouinn louanj ak répitasyon nan tout péyi laront yo-a, nan tan koté m-ap kondui nou-an, épi nan tan koté m-ap rasanblé nou-an.

M-ap ba nou répitasyon ak louanj aléga tout pèp tè-a, lè m-ap fè prizonié nou yo tounin dévan jé nou », sé sa Granmèt la di.

Paròl Granmèt la.

LÉKTU NAN NOUVO TÉSTAMAN-AN

1

Pa doué gin divizion nan nou. Èské Kris la divizé ?

Léktu premié lèt apot sin Pòl pou Korintyin yo**1, 10-13**

Mouin mandé nou avèk insistans, frè-m yo, o non Granmèt nou Jézu-Kri, pou nou tout nou gin minm santiman, pou pa gin divizion nan nou ; sé pou nou kòrèk nèt nan minm santiman ak nan minm prinsip. Sèké yo ban-m nouvèl sou nou, frè-m yo, sé moun Kloé yo ki di-m sa, gin divizion nan pami nou.

Mouin di sa, paské chak moun nan nou ap di : « Mouin minm mouin sé moun Pòl », « Mouin minm mouin sé moun Apolon », « Mouin minm minm mouin sé moun Séfas », « Kanta mouin minm mouin sé moun Kris la ».

Èské Kris la divizé ? Èské sé Pòl yo té klouré sou koua-a pou nou ? Oubyin èské sé o non Pòl yo té batizé nou ?

Paròl Granmèt la.

2

*Nou bati sou fondasion Apot yo,
ròch kouin ki anlè nèt la, sé Kris Jézu.*

Léktu lèt apot sin Pòl pou Éfézyin yo

2, 19-22

Frè-m yo :

Nou pa étranjé ak moun vini ankò, min nou sé sitouayin minm péyi ak sin yo, nou sé moun kay Bondié ; nou bati sou fondasion Apot yo ak profèt yo, ròch kouin ki anlè nèt la, sé Kris Jézu ; sé nan li tout kay la ki bati-a ap grandi vi-n yon tanp ki sin nan Granmèt la ; nan li nou minm tou yo bati nou pou nou vi-n tounin kay Bondié nan Éspri-a.

Paròl Granmèt la.

3

Fè éfò pou nou konsèvé éspri ki fè nou fè yon sèl la nan chinn lapè-a.

Léktu lèt apot sin Pòl pou Éfézyin yo

4, 1-6

Frè-m yo :

Mouin priyé nou, mouin minm prizonié nan Granmèt la, pou nou maché dapré diréksion koté yo rélé nou-an ; antan nou tou piti, tou dou, nan kè-n, sé pou nou pran pasians pou nou youn sipòté lòt nan rinmin-an ; fè éfò pou nou konsèvé éspri ki fè nou fè yon sèl la nan chinn lapè-a :

Tankou yo réfè nou nan yon sèl éspérans, sé yon sèl kò ak yon sèl Éspri ki ginyin ; yon sèl Granmèt, yon sèl lafoua, yon sèl batèm ; yon sèl Bondié ak Papa tout moun, ki anlè tout moun, ki nan tout bagay épi ki nan nou tout.

Paròl Granmèt la.

4

*Sé pou youn padonnin lòt,
tankou Bondié té padonnin nou nan Kris la.*

Léktu lèt apot sin Pòl pou Éfézyin yo

4, 30-5, 2

Frè-m yo :

Pa kontrarié Éspri Sin Bondié-a, sé nan li yo té maké nou pou jou rédanmsion-an. Tout mové jan, kòlè, kontrariété, rèl, madichon ouété sa sot koté nou ak tout méchansté.

Okontrè sé pou nou bon youn pou lòt, pou nou gin mizérikòd, pou youn padonnin lòt, tankou Bondié té padonnin nou nan Kris la.

Konsa sé pou nou pran modèl sou Bondié, tankou pitit li rinmin anpil ; Maché nan rinmin-an, tankou Kris la té rinmin nou, li té rinnèt tèt li pou nou kòm sakrifis ki santi bon lodè pou Bondié.

Paròl Granmèt la.

5

Sé pou nou gin minm santiman, pou nou fè yon sèl kè.

Léktu lèt apot sin Pòl pou Filipyin yo

2, 1-13

Frè-m yo :

Si gin yon konsolasyon nan Kris la, si gin yon ankourajman charité, si gin yon kominion éspri-a, si gin zantray pitié, fè kè-m kontan nèt, antan nou gin minm santiman, nou gin minm charité-a, nou fè yon sèl kè, nou gin minm fason pou nou anvizajé bagay yo. Viv san nou pa gin okinn jalouzi, san nou pa chèché okinn gloua ki vid, min antan nou rabésé tèt nou pou chak moun konsidéré lòt la kòm pi sipériè pasé-l, san chak moun pa konsidéré avantaj pèsònèl li, min okontrè afè lòt yo.

Sé pou nan nou gin minm santiman sa yo ki té nan Kris Jézu-a : Li minm, malgré li té nan kondision Bondié, égal li égal avèk Bondié-a, li pa-t konsidéré sa tankou yon bagay li kinbé pou pròp tèt pa-l, min li vidé pròp tèt li antan li pran kondision ésklav, li vi-n tankou tout moun, é dapré konpòtman-l yo ouè li sé yon moun. Li rabésé pròp tèt li, antan li obéyi jous nan lanmò, lanmò lakoua-a minm. Sé poutèt sa Bondié lévé-l anlè, li ba-l yon non, ki anlè tout non. Konsa, o non Jézu, tout jénou fèt pou plouayé nan sièl la, sou tè-a ak anba tè-a, épi tout lang pou déklaré sé Granmèt Jézu-Kri yé pou gloua Bondié Papa-a.

Nou minm mouin rinmin anpil la, jan nou toujou fè sa yo mandé-a, pa sèlman lè-m la avèk nou, min pi plis toujou koulié-a lè-m pa la-a, sé pou nou travay avèk krint ak tranbléman pou nou sové. Sèké ni travay pou nou vlé fè kichoy la ni travay pou nou fè-l vré-a, sé Bondié ki réalizé-l nan nou, poutèt byin li vlé-a.

Paròl Granmèt la.

6

Yo rélé nou pou nou vi-n tounin yon sèl kò.

Léktu lèt apot sin Pòl pou Kolosyin yo

3, 9 b-17

Frè-m yo :

Sé pou nou ouété moun ansyin-an avèk aksion-l yo sot sou nou, abiyé nou ak moun nouvo-a, k-ap réfèt tou nèf nan konésans la dapré pòtré sa-a ki kréyé-l la ; koté pa gin nasion ak Juif, sikonsizyon ak po ti kò, moun sovaj ak moun lélit, ésklav ak moun lib, min Kris la ki tout bagay nan tout moun.

Abiyé nou, tankou moun Bondié chouazi, ki sin, tankou moun li rinmin, abiyé nou ak zantray mizérikòd, ak bon kè, rabésé tèt nou, fè kò nou tou dou, pran pasians, sipòté nou youn lòt, sé pou youn padonnin lòt, si youn gin kichòy kont lòt : jan Grammèt la padonnin nou, konsa nou minm tou.

Anlè tout bagay sa yo, sé pou nou gin charité, li minm ki kòd ki maré sa ki fi-n kòrèk nèt la ; sé pou lapè Kris la fété nan kè nou, sé nan li yo rélé nou pou nou fè yon sèl kò ; sé pou nou rét ap di Bondié mèsì.

Sé pou paròl Kris la abité nan nou jous li plin nou, antan youn ap bay lòt ansègnman antan youn ap réprann lòt nan tout kalité sajès, avèk psòm, kantik avèk chanté spirituèl, antan nan gras la n-ap chanté pou Bondié nan kè nou. Tou sa n-ap fè soua nan paròl, soua nan aksion, sé pou nou fè tout bagay o non Grammèt Jézu-Kri, antan n-ap di Bondié Papa-a mèsì pa lintémédiè-l.

Paròl Grammèt la.

7

*Sé yon sèl intémédiè tou ki ginyin ant Bondié ak lézòm,
sé moun sa-a, ki Kris la, Jézu.*

Léktu prémié lèt apot sin Pòl pou Timoté

2, 5-8

Ou minm mouin si tèlman rinmin-an :

Sé yon sèl Bondié ki ginyin, sé yon sèl intémédiè tou ki ginyin ant Bondié ak lézòm, sé moun sa-a, ki Kris la, Jézu, li minm ki rinmèt pròp tèt li kòm pri délivrans pou tout moun, kòm témouagnaj nan tan ki byin chouazi yo ; sé pou témouagnaj sa-a minm yo mété-m kòm prédikatè ak

apot (sé lavérité mouin di, mouin pa bay manti), kòm anségnan nasion yo nan lafoua ak lavérité.

Konsa mouin vlé pou moun yo priyé tout koté, antan yo lévé min ki pròp, san kòlè ni diskision.

Paròl Granmèt la.

8

*Si Bondié rinmin nou konsa,
sé pou nou youn rinmin lòt tou.*

Léktu prémié lèt apot sin Jan

4, 9-15

Nou minm mouin rinmin anpil la :

Min nan kisa charité Bondié-a parèt nan nou : sèké Bondié voyé sèl Pitit li-a sou tè-a, pou nou viv gras a li. Min nan kisa charité-a yé : sé pa kòm si sé nou ki té rinmin Bondié, min sé li minm ki té rinmin nou an prémié, li voyé Pitit li-a kòm padon pou péché nou yo.

Nou minm mouin rinmin anpil la, si Bondié rinmin nou konsa, sé pou nou youn rinmin lòt tou. Bondié, pèsòn pa janm ouè-l. Si nou youn rinmin lòt, Bondié rété nan nou, charité-l la kòrèk nèt nan nou. Min nan kisa nou konnin nou rété nan li épi li minm nan nou : sèké li té ba nou nan Éspri-l la.

Épi nou minm nou ouè, nou sèvi témouin, Papa-a voyé Pitit li-a kòm sovè tè-a. Tout moun ki rékonèt Jézu sé Pitit Bondié, Bondié rété nan li, épi li minm nan Bondié.

Paròl Granmèt la.

PSÒM RÉPONS YO

1

PSÒM RÉPONS

Jér 31, 10. 11-12 ab. 13-14 (R : cf. 10 c)

R: Rasanblé pèp ou-a ki té gayé-a, Granmèt.

¹⁰ Kouté paròl Granmèt la, nasion yo,
anonsé sa nan zilé yo ki louin yo,

di : « Sa-a ki té gayé Israèl la, l-ap rasanblé-l,
l-ap véyé sou li tankou yon gadyin fè pou bann mouton-l ». R:

- 11 Granmèt la rachté Jakòb,
li libéré-l sot nan min sa-k pi fò.
- 12 Y-ap rivé, y-ap fè louanj sou mòn Siyon,
y-ap vi-n ansanm nan byin Granmèt yo. R:
- 13 Lè sa-a vièj la ap fété nan dans,
jèn jan yo ak vié granmoun yo tou.
« M-ap fè dèy yo-a vi-n tounin kè kontan,
m-ap konsolé yo, m-ap fè kè yo kontan nan plas soufrans yo-a ;
- 14 m-ap plin nanm prèt yo ak grès
épi pèp mouin-an ap plin ak byin-m yo ». R:

2

PSÒM RÉPONS

Ps 22, 1-3. 4. 5. 6 (R : 1)

- R: Granmèt la souin-m, mouin pap manké anyin.
- 1 Granmèt la ap kondui-m, anyin pap manké-m ;
- 2 Nan zèb vèt li instalé-m,
sou bò dlo trankil li minnin-m,
- 3 li réfè nanm mouin.
Li kondui-m nan santié jistis poutèt non-l. R:
- 4 Sèké minm si m-ap maché nan bafon lonbraj lanmò,
mouin pap pè malè, paské ou avèk mouin.
Baton-ou ak bagèt ou
sé yo k-ap konsolé-m. R:
- 5 Ou paré yon tab dévan fas mouin
kont sa yo k-ap fè-m sibi tribilasion-an ;
ou souin tèt mouin ak losion,
kalis mouin ap débòdé. R:
- 6 Réyèlman sé bon kè ak mizèrikòd k-ap rapousuiv mouin
tout tan lavi-m
m-ap abité nan kay Granmèt la
pou tout longè tan yo. R:

3

PSÒM RÉPONS

Ps 99, 2. 3. 4. 5 (R: 3 c oubyin 2 c)

R: Nou sé pèp li ak mouton pak li.

oubyin :

R: antré dévan fas li avèk gran fèt.

2 Fè louanj pou Granmèt la tout tè-a,
sèvi Granmèt la nan kè kontan ;
antré dévan fas li avèk gran fèt. R:

3 Konnin Granmèt la sé li minm ki Bondié ;
sé li minm ki fè nou, sé pou li nou yé,
pèp li ak mouton pak li. R:

4 Antré nan pòtay li yo avèk louanj,
nan lakou-l yo avèk kantik,
fè louanj li, fè konpliman pou non-l. R:

5 Sèké Granmèt la bon ;
pou tout tan mizèrikòd li,
pou jénèrasion ak jénèrasion vérité-l la. R:

4

PSÒM RÉPONS

Ps 117, 22-23. 25-26. 28 (R: 22)

R: Ròch la bòs mason yo réjité-a,
sé li minm ki vi-n tounin tèt kouin-an.

oubyin : Alélouya.

22 Ròch la bòs mason yo té réjité-a,
sé li minm ki vi-n tounin tèt kouin-an,

23 sé nan Granmèt la sa soti pou-l fèt,
sé yon bagay éstraòdinè nan jé nou. R:

25 Granmèt, sové-m,
Granmèt, bay kè kontan.

26 Konpliman pou sa-a k-ap vini o non Granmèt la.
Konpliman pou nou sot nan kay Granmèt la. R:

- 28 Sé Bondié-m ou yé, m-ap fè louanj ou,
Bondié mouin, m-ap fè bèl louanj pou ou. **R:**

5

PSÒM RÉPONS Ps 121, 1-2. 4-5. 6-7. 8-9 (**R:** : 1 oubyin Iz 66, 10)

R: Mouin kontan poutèt yo di-m :
« Nan kay Granmèt la n-apralé ».

oubyin :

R: N-apralé ak kè kontan nan kay Granmèt la.

oubyin :

R: Fè kè nou kontan avèk Jérusalèm épi fété nan li.

- 1 Mouin kontan poutèt yo di-m :
« Nan kay Granmèt la n-apralé ».
- 2 Pié nou déjà kanpé
nan pòt ou yo, Jérusalèm. **R:**
- 4 Sèké sé la ras yo ap monté, ras Granmèt la,
témouagnaj Israèl, pou fè louanj non Granmèt la.
- 5 Sèké sé la tro-n yo instalé pou jijman-an,
tro-n kay David la. **R:**
- 6 Mandé bagay ki konsèné lapè pou Jérusalèm,
sé pou yo protéjé, sa yo ki rinmin-ou nan.
- 7 Sé pou gin lapè nan miray ou yo,
avèk asirans nan sitadèl ou yo. **R:**
- 8 Poutèt frè-m yo ak prochin-m yo
m-ap di : « Lapè nan ou ! »
- 9 Poutèt kay Granmèt Bondié nou-an
m-ap chèché byin pou ou. **R:**

ALÉLOUYA AK VÈSÈ ANVAN ÉVANJIL LA

1

Jan 17, 21

(R: Alélouya). Sé pou yo tout fè yon sèl,
tankou ou minm, Papa, avèk mouin nan ou,
pou tè-a kouè sé ou minm ki voyé-m. (R: Alélouya).

2

Éf 4, 5. 6 a

(R: Alélouya). Yon sèl Granmèt, yon sèl lafoua, yon sèl batèm ;
yon sèl Bondié ak Papa tout moun. (R: Alélouya).

3

Kol 3, 15

(R: Alélouya). Sé pou lapè Kris la fété nan kè nou,
sé nan li yo rélé nou pou nou fè yon sèl kò. (R: Alélouya).

4

(R: Alélouya). Sé pou Égliz ou-a rasanblé, Granmèt,
sot nan bout tè-a nan péyi roua-ou la,
paské gloua-a ak puisans la sé pou ou pa pouvoua Jézu-Kri
nan tout sièk tan. (R: Alélouya).

5

(R: Alélouya). Égliz Granmèt la sé yon sèl limiè
ki gayé toupatou, san kò-a ki fè yon sèl la pa séparé. (R: Alélouya).

ÉVANJIL YO

1

*Koté gin dé oubyin toua moun ki rasanblé o non-m,
mouin la nan mitan yo.*

✚ Léktu sint Évanjil la dapré Matié

18, 19-22

Lè sa-a :

Jézu di disip li yo : « Si dé nan nou mété yo dakò sou tè-a, pou yo mandé ninpòt ki bagay, y-ap jouinn li nan min Papa-m ki nan sièl la. Sèké koté gin dé oubyin toua moun ki rasanblé o non-m, mouin la nan mitan yo ».

Piè proche kot Jézu, li di : « Granmèt, konbyin foua pou frè-m fè péché kont mouin, pou-m padonnin-l ? Èské sé sèt foua ? »

Jézu di-l : « Mouin pa di-ou jouska sèt foua, min jouska souasant-dis foua sèt foua ».

Paròl Granmèt la.

2

Moun ki pa kont nou, sé pou nou li yé.

✚ Léktu sint Évanjil la dapré Luk

9, 49-56

Lè sa-a :

Jan pran laparòl, li di Jézu : « Mèt, nou té ouè yon moun ki t-ap chasé démon yo o non-ou, nou té anpéché-l, paské li pa t-ap suiv avèk nou ».

Jézu minm di-l : « Pa anpéché-l ; paské moun ki pa kont nou, sé pou nou li yé ».

Lè jou yo rivé pou yo pran Jézu, li maré mi-n li pou-l monté Jérusalèm. Li voyé méyajé dévan-l, y-alé yo antré nan yon vil Samaritin yo pou yo paré manjé pou li. Min yo pa résévoua yo, paské fas li té bay nan diréksion Jérusalèm.

Lè disip li yo, Jak avèk Jan, ouè sa, yo di : « Granmèt, èské ou vlé pou nou di difé désann sot nan sièl la pou-l boulé yo ? »

Li viré, li fè yo obsèvasion, li di : « Nou pa konnin ki éspri nou ginyin. Pitit moun nan pa vini pou-l touyé, min pou-l sové ». Épi y-alé nan yon lòt vil.

Paròl Granmèt la.

3

Ap vi-n gin yon sèl patiraj ak yon sèl gadyin.

✠ **Léktu sint Évanjil la dapré Jan**

10, 11-16

Lè sa-a :

Jézu di : « Mouin sé bon gadyin-an. Bon gadyin-an bay lavi-l pou mouton-l yo. Min anplouayé-a ak sa-a ki pa gadyin-an, sa mouton yo pa pou li-a, lè-l ouè lou-a ap vini, li kité mouton yo, li sovè kò-l, lou-a minm dévoré mouton yo, li gayé yo. Min anplouayé-a minm sovè konsa-a, sé paské sé anplouayé li yé épi li pa okipé mouton yo.

Mouin minm mouin sé bon gadyin-an, mouin konnin sa-k pou mouin yo, sa-k pou mouin yo konnin-m tou. Jan Papa-a konnin-m épi mouin konnin Papa-a, épi mouin bay lavi-m pou mouton-m yo.

Min gin dòt mouton, ki pa nan patiraj sa-a, yo minm tou mouin gin pou-m minnin yo, y-ap kouté voua-m, ap vi-n gin yon sèl patiraj ak yon sèl gadyin.

Paròl Granmèt la.

4

*Sé pou pitit Bondié yo, ki té gayé yo,
té kapab rasanblé vi-n tounin yon sèl.*

✠ **Léktu sint Évanjil la dapré Jan**

11, 45-52

Lè sa-a :

Anpil nan Juif yo, ki té vi-n kot Mari ak Mart, ki té ouè sa Jézu té fè, yo té vi-n kouè nan li. Min kèk nan yo al jouinn farizyin yo, yo di yo sa Jézu té fè.

Konsa, chèf prèt yo ak farizyin yo rasanblé yon réyinion, yo di : « Ki sa n-ap fè, paské mésié sa-a ap fè anpil sign ? Si nou kité-l konsa, tout moun ap kouè nan li, Romin yo ap rivé, y-ap pran plas nou-an ak nasion nou-an ».

Youn nan yo yo té rélé Kayif, ki té chèf prèt ané sa-a, li di yo : Nou minm minm nou pa konprann anyin ; nou pa réfléchi li pi bon pou nou, si yon sèl moun nan mouri pou pèp la, pou tout nasion-an pa péri ».

Bagay sa-a, sé pa nan li minm sa soti ki fè-l di-l ; min kòm li té chèf prèt ané sa-a, li té profétizé Jézu té gin pou-I té mouri pou nasion-an, épi sé pa nou nasion-an sèlman min pou pitit Bondié yo, ki té gayé yo, pou yo té kapab rasanblé fè yon sèl.

Paròl Granmèt la.

5

Mouin ba nou égzanp, pou jan-m fè avèk nou-an konsa pou nou fè tou.

✠ **Léktu sint Évanjil la dapré Jan**

13, 1-15

Anvan jou fèt Pak la, Jézu té konnin lè-l rivé pou-l travèsé sot sou tè sa-a al kay Papa-a ; kòm li té rinmin disip li yo ki té sou tè-a, sé jouskalafin li rinmin yo.

Soupé-a fi-n fèt, kòm djab la té nan kè Juda pitit Simon Iskariòt pou-l bay li, Jézu minm konnin Papa-a té rinmèt li tout bagay nan min, épi sé nan Bondié li té soti, é sé kot Bondié li t-apralé, li lévé sot nan soupé-a, li dépozé manto-l, li pran yon sèvièt, li pasé nan rin-l. Apré sa, li vidé dlo nan yon basi-n, li kòmansé lavé pié disip yo, li siyé yo ak sèvièt la ki té pasé nan rin-l nan. Li rivé kot Simon Piè.

Épi Piè di-l : « Granmèt, ou minm ou-ap lavé pié-m ? »

Jézu réponn li : « Si-m pa lavé-ou, ou pap gin mòso pa-ou avèk mouin ».

Simon Piè di-l : « Granmèt, sé pa pié-m yo sèlman, min ni min ni tèt ».

Jézu di-l : « Moun ki fi-n bingnin pa bézouin lavé sof pié-l sèlman, paské li pròp nèt. Nou minm nou pròp, min sé pa nou tout ». Sèké li té konnin kilès ki t-ap bay li-a ; sé pou sa li té di : « Sé pa nou tout ki pròp ».

Apré li fi-n lavé pié yo, li pran rad li, l-al sou tab ankò, li di yo : « Nou konnin ki sa-m fè nou-an ? Nou rélé-m “Mèt” épi “Granmèt” ; nou di byin, paské sé sa-m yé. Min si-m lavé pié nou, mouin minm ki Granmèt ak Mèt, nou minm tou nou doué youn lavé pié lòt. Mouin ba nou égzanp, pou jan-m fè avèk nou-an konsa pou nou fè tou ».

Paròl Granmèt la.

6

*Sé pou ou yo té yé, ou té ban mouin yo ;
yo té kinbé paròl ou-a.*

✠ Léktu sint Évanjil la dapré Jan

17, 1-11 a

Lè sa-a :

Antan Jézu lévé jé-l nan sièl la, li té di :

« Papa, lè-a rivé, bay Pitit ou-a gloua-a, pou Pitit ou-a fè ouè gloua-ou ; minm jan ou té ba-l pouvoua sou tout chè-a, pou tou sa-ou té ba-l, li ba yo lavi tout tan-an.

Mouin té fè ouè gloua-ou sou tè-a ; mouin fini sa-ou té ban-m fè-a. Koulié-a ban-m gloua-a, Papa, koté-ou, gloua sa-a mouin té ginyin-an, anvan tè-a té fèt la, koté-ou la.

Mouin té fè moun yo ouè non-ou, yo minm ou té ban mouin sot sou tè-a. Sé pou ou yo té yé, ou té ban mouin yo ; yo té kinbé paròl ou-a. Koulié-a yo konnin tou sa ou té ban mouin yo, sé nan ou yo soti, paské ou ba yo paròl yo ou té ban mouin-an ; yo minm yo résévoua yo, yo konnin réyèlman sé nan ou mouin soti, yo kouè sé ou minm ki té voyé-m.

Mouin priyé pou yo : sé pa pou tè-a mouin priyé, min pou sa yo ou té ban mouin yo ; paské sé pou ou yo yé. Tou sa-m ginyin sé pou ou yo yé, épi sa-ou ginyin sé pou mouin yo yé, épi mouin jouinn gloua-m nan yo. Mouin déjà pa sou tè-a, yo minm yo sou tè-a, mouin minm m-ap vi-n jouinn ou ».

Paròl Granmèt la.

7

Sé pou yo fè yon sèl tankou nou minm !

✠ Léktu sint Évanjil la dapré Jan

17, 11 b-19

Lè sa-a :

Jézu lévé jé-l nan sièl la, li priyé, li di : « Papa ki sin, konsèvé yo nan non-ou, sa yo ou té ban mouin-an, pou yo kapab fè yon sèl tankou nou minm. Lè-m té avèk yo-a, mouin té konsèvé yo nan non-ou. Sa yo ou té ban mouin-an, mouin té véyé sou yo, pèsòn nan yo pa péri, sof piti pèdision-an, pou sa-k ékri-a té kapab réalizé.

Koulié-a minm m-ap vi-n jouinn ou, m-ap di bagay sa yo sou tè-a, pou yo kapab gin kè kontan-m nan ki réalizé nan yo minm. Mouin té ba yo paròl ou-a, tè-a rayi yo, paské yo pa fè pati tè-a, tankou mouin minm

mouin pa fè pati tè-a. Mouin pa priyé pou-ou ouété yo sot sou tè-a, min pou-ou prézèvé yo sot nan sa-k mal la. Yo pa fè pati tè-a, tankou mouin minm mouin pa fè pati tè-a.

Fè yo vi-n sin nan vérité-a : paròl ou-a sé vérité. Tankou ou té voyé-m sou tè-a, mouin minm tou mouin voyé yo sou tè-a. Mouin konsakré tèt mouin pou yo, pou yo minm tou yo kapab vi-n sin nan vérité-a ».

Paròl Granmèt la.

8

Sé pou yo fè yon sèl nèt !

✠ **Léktu sint Évanjil la dapré Jan**

17, 20-26

Lè sa-a :

Jézu lévé jé-l nan sièl la, li priyé, li di : « Papa ki sin, sé pa pou yo minm sèlman mouin priyé, min pou sa yo tou k-ap kouè nan mouin gras a paròl yo-a, pou tout moun fè yon sèl, tankou ou minm, Papa, ou nan mouin, épi mouin nan ou, pou yo minm tou yo fè yon sèl nan nou, pou tè-a kouè sé ou minm ki voyé-m.

Mouin minm gloua-ou la ou té ban mouin-an, mouin ba yo-l, pou yo fè yon sèl tankou nou minm nou fè yon sèl la. Mouin minm nan yo, épi ou minm nan mouin, pou yo fè yon sèl nèt, pou tè-a rékonèt sé ou minm ki voyé-m, épi mouin rinmin yo, tankou ou rinmin-m.

Papa, sa yo ou té ban mouin-an, mouin vlé pou koté-m yé-a sé la yo yé tou avè-m, pou yo ouè gloua-m nan, sa ou té ban mouin-an ; paské ou rinmin-m dépi anvan tè-a fèt. Papa ki kòrèk, tè-a pa-t rékonèt ou ; mouin minm mouin konnin-ou, épi sa yo rékonèt sé ou minm ki voyé-m. Mouin fè yo konnin non-ou, m-ap fè yo konnin-l ankò, pou rinmin ou rinmin-m nan, li kapab nan yo, ni mouin minm nan yo ».

Paròl Granmèt la.

11. POU ÉVANJÉLIZASION PÈP YO

LÉKTU NAN ANSYIN TÉSTAMAN-AN

1

Tout nasion yo ap koulé vi-n jouinn mòn Granmèt la.

Léktu liv profèt Izayi

2, 1-5

Paròl Izayi, pitit Amòs la, sa-l té ouè osijè Juda ak Jérusalèm nan.

Ap rivé nan dènié jou yo, mòn kay Granmèt la ap paré anlè tèt mòn yo, épi l-ap lévé anlè ti mòn yo, épi tout nasion yo ap koulé vi-n jouinn li.

Épi anpil pèp ap vini épi y-ap di : « Vini, épi an nou monté sou mòn Granmèt la, ak nan kay Bondié Jakòb la, l-ap aprann nou chemin-l yo, n-ap maché nan santié-l yo ; paské sé nan Siyon laloua-a ap soti, épi paròl Granmèt la ap vi-n sot nan Jérusalèm.

L-ap jijé nasion yo, l-ap korijé anpil pèp : y-ap fonn épé yo nan pikoua, épi lans yo nan sèpèt. Nasion pap lévé épé kont nasion, ni yo pap aprann fè lagè ankò.

Kay Jakòb, vini épi an nou maché nan limiè Granmèt la ».

Paròl Granmèt la.

2

Kay mouin-an sé kay priyè y-ap rélé-l pou tout pèp yo.

Léktu liv profèt Izayi

56, 1. 6-7

Min paròl Granmèt la : « Kinbé jijman, fè jistis, paské sovè m-ap sovè-a san lè pou-l rivé, jistis mouin-an san lè pou-l révé.

Pitit étranjé yo, ki kolé kò yo sou Granmèt la, pou yo adoré-l, pou yo rinmin non-l, pou yo vi-n tounin sèvitè-l, antan yo kinbé saba-a pou yo pa sal li, antan yo kinbé aliens mouin-an, m-ap minnin yo sou mòn mouin-an ki sin-an, m-ap fè kè yo kontan nan kay priyè-m nan ; sakrifis antié yo ak bèt yo sakrifé yo ap fè-m plézi sou lotèl mouin-an, paské kay mouin-an sé kay priyè y-ap rélé-l pou tout pèp yo ».

Paròl Granmèt la.

3

Nasion yo ap maché nan limiè-ou.

Léktu liv profèt Izayi

60, 1-6

Lévé, kléré, Jérusalèm, paské limiè-ou la rivé, gloua Granmèt la lévé sou ou. Sèké min fènoua yo ap kouvri tè-a, ténèb ap kouvri pèp yo ; min sou ou sé Granmèt la ki lévé, y-ap ouè gloua-l nan ou.

Nasion yo ap maché nan limiè-ou, roua yo nan klèté nésans ou-a. Lévé jé-ou toutalantou, gadé : tout sa yo rasanblé, y-ap vi-n jouinn ou ; pitit ou yo ap vi-n sot byin louin, pitit fi-ou yo ap parèt, y-ap poté yo sou bra.

Lè sa-a ou-ap ouè, ou-ap plin richès, kè-ou ap sézi, l-ap gonflé, lè kantité richès lanmè-a ap rivé sou ou-a, lè foul nasion yo ap rivé sou ou-a, sé yon rivè chamo k-ap kouvri-ou, dromadè Madian ak Éfa ; yo tout ap vi-n sot Saba, y-ap poté lò ak lansan, y-ap chanté louanj Granmèt la.

Paròl Granmèt la.

4

Épi mouin minm mouin pa t-a pran pitié pou Niniv.

Léktu liv profèt Jonas

3, 10-4, 11

Bondié ouè aksion moun Niniv yo, kijan yo chanjé sot nan mové chémin yo, Bondié pran pitié osijè malè li té di li t-ap fè-a, li pa fè-l.

Jonas vi-n gin yon gran lapinn, li faché, li priyé kot Granmèt la, li di : « Tanpri, Granmèt : èské sé pa sa mouin té di, lè-m té nan péyi-m nan toujou-a ? Sé poua minm mouin té chèché sovè kò-m Tarsis la ; sèké mouin konnin ou sé yon Bondié ki bon, ki gin mizérikòd, ki gin pasians, ki gin anpil pitié, ki padonnin anpil mal. Koulié-a, Granmèt, ou mèt pran lavi-m, paské lanmò pi bon pou mouin pasé lavi ».

Granmèt la di : « Èské ou gin rézon faché-a ? »

Jonas soti nan vil la, l-al chita nan diréksion olévan, parapò a vil la, li fè yon ti tant la, li chita anba lonbraj li, pou-l ouè sa k-ap rivé vil la. Granmèt la paré yon pié maskriti, li monté anlè tèt Jonas, pou-l fè lonbraj anlè tèt li, pou-l protéjé-l ; sèké li té gin lapinn. Jonas minm kontan poutèt pié maskriti-a, li kontan anpil. Bondié paré yon ti vè ki monté granmatin nan landmin, li piké pié maskriti-a ; pié maskriti-a mouri.

Lè solèy la lèvé, Granmèt la pasé lòd pou yon van cho rivé, pou-l boulé, solèy la frapé anlè tèt Jonas, Jonas pran kout-solèy, li mandé lanmò, li di : « Pito-m mouri pasé-m viv ».

Granmèt la di Jonas : « Èské ou gin rézon faché poutèt maskriti-a ? »

Li di : « Mouin gin rézon faché minm jous pou-m mouri ».

Granmèt la di : « Ou pran lapinn poutèt pié maskriti-a, ou pa-t travay, ou pa-t fè-l grandi, nan yon sèl nuit li fèt, épi nan yon sèl nuit li mouri ; épi mouin minm mouin pa t-a pran pitié pou Niniv, gran vil la, koté gin plis pasé san-vin-mil moun ki pa konnin sa-k min douat yo ak min goch yo, épi yon pakèt zannimo ? »

Paròl Granmèt la.

5

*Anpil pèp ap vini pou yo chèché Granmèt la
nan Jérusalèm.*

Léktu liv profèt Zakari

8, 20-23

Min paròl Granmèt lamé yo : « Pèp yo ap vi-n soti byin louin, yo minm ki abité nan anpil vil yo, youn apral kot lòt, y-ap di : “An-al priyé fas Granmèt la, an-al chèché Granmèt lamé yo ; antouka, mouin minm m-apralé”. Anpil pèp ap vini, ak nasion ki gin pouvoua, pou yo chèché Granmèt lamé yo nan Jérusalèm, épi pou yo priyé fas Granmèt la ».

Min paròl Granmèt lamé yo :

« Jou sa yo, dis moun ap soti nan tout lang nasion yo, y-ap kinbé fil rad yon Juif, y-ap di : “N-apral avèk nou, n-ap kouté nou, paské Bondié avèk nou” ».

Paròl Granmèt la.

LÉKTU NAN NOUVO TÊSTAMAN-AN

1

*N-ap sèvi-m témouin jous nan bout tè-a.***Léktu Travay Apot yo**

1, 3-8

Nan jou sa yo :

Jézu montré Apot li yo li byin vivan apré soufrans li-a avèk anpil prèv, pandan karant jou li parèt dévan yo, l-ap palé yo sou péyi roua Bondié-a.

Pandan l-ap manjé, li pasé yo lòd pou yo pa kité Jérusalèm, min pou yo tann rérealizasyon promès Papa-a, li di : « Sa nou té tandé nan bouch mouin-an ; sèké Jan té batizé nan dlo, min nou minm sé nan Éspri Sin-an n-ap rérévoua batèm, nan kèk jou ».

Konsa, sa yo té rasanblé yo, yo t-ap pozé-l késion, yo t-ap di : « Granmèt, èské sé nan tan sa-a ou-ap réfè péyi roua Israèl la ? »

Li di yo : « Sé pa nou minm k-ap konnin tan ak moman Papa-a desidé nan pouvoua-l ; min n-ap rérévoua fòs Éspri Sin-an k-ap vini sou nou, n-ap sèvi-m témouin Jérusalèm, nan tout Judé-a ak Samari-a, épi jous nan bout tè-a ».

Paròl Granmèt la.

2

*Yo t-ap palé ak Grèk yo tou,
yo t-ap anonsé yo Granmèt Jézu.***Léktu Travay Apot yo**

11, 19-26

Jou sa yo :

Sa yo ki té gayé akòz tribilasyon-an, ki té rivé sou Étièn nan, yo travèsé jous Fénési, Chip ak Antiòch, san yo pa déklaré paròl la bay pèsòn, sof Juif yo sèlman. Kèk nan yo té moun Chip ak Sirèn, konsa lè yo rivé Antiòch, yo té palé ak Grèk yo tou, yo té anonsé yo Granmèt Jézu. Min Granmèt la té avèk yo, anpil kantité moun ki kouè vi-n tounin kot Granmèt la.

Paròl la rivé nan zòrèy Égliz la ki Jérusalèm nan, osijè bagay sa yo, yo voyé Barnabé jous Antiòch. Lè-l rivé, li ouè gras Bondié-a, li kontan ; li ankourajé tout moun pou yo rété nan bon dispozision kè yo nan Granmèt

la ; paské sé té yon mésié ki bon, ki té plin ak Éspri Sin ak lafoua. Anpil foul vi-n jouinn Granmèt la.

Barnabé pati al Tars, pou-l chèché Sòl ; lè-l jouinn li, li minnin-l Antiòch. Yo rété pandan tout ané-a la nan Égliz la, yo t-ap bay anpil foul ansègnman, atèl pouin pou premié foua yo rélé disip Antiòch yo « krétyin ».

Paròl Granmèt la.

3

Min nou viré nan diréksion nasion yo.

Léktu Travay Apot yo

13, 46-59

Nan jou sa yo :

Pòl ak Barnabé di Juif yo : « Sé nou minm nou té gin pou nou palé paròl Bondié-a an premié ; min kòm nou répousé-l, nou montré nou pa mérité lavi ki pap janm fini-an, min n-ap viré nan diréksion nasion yo.

Sé konsa Granmèt la té pasé nou lòd : “Mouin mété-ou kòm limiè nasion yo, pou-ou sèvi mouayin k-ap sové jous nan bout tè-a” ».

Lè nasion yo tandé sa, yo kontan, yo fè louanj pou paròl Granmèt la, tout sa yo Bondié té rézèvé pou lavi ki pap janm fini-an, yo kouè. Paròl Granmèt la minm t-ap simin nan tout réjion-an.

Paròl Granmèt la.

4

*Kijan pou yo fè tandé, si pa gin moun ki préché ?
Kijan pou yo préché, si yo pa voyé yo ?*

Léktu lèt apot sin Pòl pou Romin yo

10, 9-18

Si ou rékonèt ak bouch ou Jézu sé Granmèt, épi si-ou kouè nan kè-ou Bondié fè-l lévé sot nan pami mò yo, ou-ap sové. Moun ki kouè ak kè-l, sé pou jistis la ; moun ki rékonèt ak bouch li, sé pou sové li sové-a.

Sa-k ékri-a di : « Tout moun ki kouè nan li, yo pap ront ». Nan pouin distinktion Juif ak Grèk, paské sé yon sèl Granmèt tout moun, ki fè anpil gras pou tout moun ki rélé-l yo.

« Sèké ninpòt ki moun ki rélé non Granmèt la, l-ap sové ».

Min, kijan pou yo priyé sa-a yo pa kouè nan li-a ? Oubyin kijan pou yo kouè nan sa-a yo pa tandé sou li-a ? Kijan pou yo fè tandé, si pa gin

moun ki préché ? Kijan pou yo préché, si yo pa voyé yo ? dapré sa sa-k ékri-a di-a : « Ala bèl yo bèl, pié mèsajé bòn nouvèl lapè-a, mèsajé bòn nouvèl byin ki rivé yo ! »

Min sé pa yo tout ki obéyi Bòn Nouvèl la.

Sèké Izayi di : « Granmèt, kilès ki té kouè mèsaj nou-an ? » Konsa lafoua-a rivé nan sa yo tandé-a, épi sa yo tandé-a, sé pa lintèmédiè paròl Kris la.

Min mouin di : « Èské yo pa-t tandé ? » Min oui, « sou tout tè-a mèsaj yo gayé, paròl yo jous nan bout fas tè-a ».

Paròl Granmèt la.

5

*Koulié-a yo révéle mistè Kris la,
nasion yo vi-n éritié promès la tou.*

Léktu lèt apot sin Pòl pou Éfézyin yo

3, 2-12

Frè-m yo :

Si nou té tandé ki réskonsabilité gras Bondié-a, yo té ban-m pou nou-an ! sèké dapré sa yo révéle ban mouin-an, yo fè-m konnin mistè-a, jan-m té ékri dé mo sou sa pi ro-a ; antan n-ap li-l, nou kapab konprann konésans afon mouin ginyin nan mistè Kris la, sa pitit moun yo pa-t konnin nan lòt jénérasion yo jan yo révéle-l koulié-a bay apot li yo ki sin yo épi bay profèt yo nan Éspri-a : nasion yo gin minm éritaj la, yo manb minm kò-a, yo patisipé nan minm promès li-a nan Kris Jézu, pa lintèmédiè Bòn Nouvèl la, sa mouin vi-n tounin sèvitè-l la, dapré kado gras Bondié ban mouin-an gras a fòs pouvoua-l la.

Mouin minm ki pi piti nan tout sin yo, sé mouin minm yo fè gras sa-a pou-m anonsé nasion yo richès Kris la yo pa kapab sondé yo, pou-m fè tout moun ouè byin klè valè mistè-a ki kaché dépi sièk tan nan Bondié, li minm ki kréyé tout bagay la ; pou chèf yo ak otorité yo nan sièl yo rékonèt sajès Bondié-a nan divès fòm li pa lintèmédiè Égliz la. Min sa-l vi-n réalizé nan Kris Jézu Granmèt nou-an, dapré désizion ki té réglé dépi sièk tan davans, li minm nou gin konfians nan li-a épi nou kapab proche avèk asirans koté-l la gras a lafoua nan li-a.

Paròl Granmèt la.

6

*Bondié vlé pou tout moun sové.***Léktu prémié lèt apot sin Pòl pou Timoté****2, 1-8**

Ou minm mouin si tèlman rinmin-an :

Mouin mandé toudabò pou yo pèsisté kot Bondié, pou yo priyé, pou yo fè démann, pou yo di mèsi, pou tout moun : pou roua yo ak tout moun ki nan yon plas ki ro, pou nou kapab viv an pè, byin trankil, nan tout dévoua rélijion-an, antan nou sérié.

An vérité, sé sa ki bon, sé sa ki fè Bondié sovè nou-an plézi, li minm ki vlé pou tout moun sové, pou yo rivé jouinn konésans vérité-a.

Sèké sé yon sèl Bondié ki ginyin, sé yon sèl intèmediè tou ki ginyin ant Bondié ak lézòm, sé moun sa-a, ki Kris la, Jézu, li minm ki rinmèt pròp tèt li kòm pri délivrans pou tout moun, kòm témouagnaj nan tan ki byin chouazi yo ; sé pou témouagnaj sa-a minm yo mété-m kòm prédikatè ak kòm apot (sé vérité mouin di, mouin pa bay manti), kòm anségnan nasion yo nan lafoua ak lavérité.

Konsa mouin vlé pou moun yo priyé tout koté, antan yo lévé min ki pròp, san kòlè ni diskision.

Paròl Granmèt la.

PSÒM RÉPONS YO

1

PSÒM RÉPONS**Ps 18, 2-3. 4-5 (R : 5 a)**

- R** Sou tout tè-a yo tandé voua yo
- 2** Sièl yo ap rakonté gloua Bondié,
travay min-l, platfòm sièl la ap anonsé-l.
- 3** Jou ap déklaré paròl bay jou,
nannuit ap montré sians bay nuit. **R**
- 4** Pa gin langaj ni paròl,
pou yo pa konprann voua yo.
- 5** Sou tout tè-a brui voua yo soti,
jous nan limit tè-a paròl yo rivé. **R**

2

PSÒM RÉPONS

Ps 66, 2-3. 5. 7-8 (R: 4 oubyin 3)

R: Sé pou yo fè louanj ou, pèp yo, Bondié,
sé pou tout pèp yo fè louanj ou.

oubyin :

R: Sé pou yo rékonèt sové ou sové nou-an nan tout nasion yo.

2 Sé pou Bondié pran pitié pou nou, sé pou-l béni nou ;
sé pou-l fè figi-l kléré sou nou.

3 Pou yo rékonèt chémin-ou yo sou tè-a,
épi sové ou sové nou-an nan tout nasion yo. R:

5 Sé pou nasion yo kontan,
épi sé pou yo dansé,
paské ou jijé pèp yo nan sa-k douat,
épi ou dirijé nasion yo sou tè-a. R:

7 Tè-a té bay frui-l ;
Bondié béni nou, Bondié nou-an ;

8 sé pou Bondié nou-an béni nou,
épi sé pou tout limit tè-a krinn li. R:

3

PSÒM RÉPONS Ps 95, 1-2 a. 2 b-3. 7-8 a. 9-10 a (R: 3 oubyin Mt 28, 19)

R: Anonsé nan tout pèp yo mèvèy li yo.

oubyin :

R: Antan nou alé sou tout tè-a, alélouya,
anségné tout nasion yo, alélouya.

1 Chanté pou Granmèt la yon kantik nouvo,
chanté pou Granmèt la, tout tè-a.

2 Chanté pou Granmèt la, fè konpliman pou li. R:

Anonsé jou an jou sové li sové-a.

3 Anonsé gloua-l pou nasion yo,
nan tout pèp yo mèvèy li yo. R:

7 Poté bay Granmèt la, fanmi pèp yo,
poté bay Granmèt la gloua ak pouvoua,

8 poté bay Granmèt la gloua non-l. R:

- 9 Adoré Granmèt la nan gloua li ki sin-an.
Tranblé dévan fas li, tout tè-a.
- 10 Di nan nasion : « Granmèt la roua ». R:

4

PSÒM RÉPONS Ps 97, 1. 2-3 ab. 3 c-4. 5-6 (R: 2 b oubyin 3 d)

R: Dévan fas nasion yo, Granmèt la révelé jistis li-a.

oubyin :

R: Tout limit tè-a ap ouè sové Bondié nou-an sové nou-an.

- 1 Chanté yon kantik nouvo pou Granmèt la,
paské li fè mèvèy ;
Min douat li sové pou li,
ak bra li ki sin-an. R:
- 2 Granmèt la fè konnin sové li sové nou-an,
nan fas nasion yo li révelé jistis li-a.
- 3 Li fè sonjé mizérikòd li-a
ak vérité-l la pou kay Israèl la. R:
- Tout limit tè-a ap ouè
sové Bondié sové nou-an.
- 4 Sonnin troupèt pou Bondié, tout tè-a,
éklaté, fété, chanté. R:
- 5 Chanté pou Granmèt la sou gita,
sou gita ak chanté psòm ;
- 6 sonnin troupèt ak kòn,
sonnin kléron dévan Granmèt la ki roua-a. R:

5

PSÒM RÉPONS Ps 116, 1. 2 (R: Mk 16, 15)

R: Antan nou alé sou tout tè-a, préché Bòn Nouvèl la.

- 1 Fè louanj Granmèt la, tout nasion yo,
fè louanj li ansanm, tout pèp yo. R:
- 2 Paské li asiré mizérikòd li sou nou,
vérité Granmèt la diré pou tout tan. R:

ALÉLOUYA AK VÈSÈ ANVAN ÉVANJIL LA

1

Mt 28, 19 a. 20 b

(R: Alélouya). Alé anségné tout nasion yo, sé sa Granmèt la di ;
mouin avèk nou tou léjou jous finisman sièk tan yo. (R: Alélouya).

2

Mk 16, 15

(R: Alélouya). Antan nou alé sou tout tè-a, préché Bòn Nouvèl la. (R:
Alélouya).

3

Jan 3, 16

(R: Alélouya). Bondié tèlman rinmin tè-a, li bay Pitit li-a Sèl Pitit li-a ;
tout moun ki kouè nan li ap gin lavi tout tan-an. (R: Alélouya).

ÉVANJIL

1

Alé, fè tout nasion yo vi-n tounin disip.

✠ Léktu sint Évanjil la dapré Matié

28, 16-20

Lè sa-a :

Onz disip yo pati, y-al nan Galilé, sou mòn nan koté Jézu té ba yo lòd
pou yo alé-a. Lè yo ouè Jézu, yo mét ajénou, min yo pa-t fi-n kouè nè.

Jézu minm antan-l proché, li palé avèk yo, li di : « Yo rinmèt mouin
tout pouvoua nan sièl ak sou tè-a. Alé, fè tout nasion yo vi-n tounin disip.
Batizé yo o non Papa-a ak Pitit la ak Éspri Sin-an. Aprann yo obsèvé tou
sa mouin té kòmandé nou.

Min mouin avèk nou touléjou, jous longè tan-an fi-n rivé bout li ».

Paròl Granmèt la.

2

Alé sou tout tè-a, préché Bòn Nouvèl la.

✠ **Léktu sint Évanjil la dapré Mark**

16, 15-20

Lè sa-a :

Jézu parèt dévan onz yo, li di yo : « Alé sou tout tè-a, préché Bòn Nouvèl la bay tout kréatu. Moun k-ap kouè épi k-ap batizé, l-ap sové ; min moun ki pa kouè, l-ap kondané.

Min sign pou moun k-ap kouè yo : o non-m y-ap chasé démon yo, y-ap palé lang nouvo, y-ap pran sèpan ; minm si yo bouè pouazon, sa pap fè yo anyin ; y-ap pozé min sou malad yo, malad yo ap géri ».

Granmèt Jézu, lè-l fi-n di yo sa, li monté nan sièl la, li chita adouat Bondié.

Yo minm minm yo pati, y-ap préché tout koté, pandan Granmèt la ap ba yo konkou, ap asiré paròl yo ak sign l-ap fè rivé.

Paròl Granmèt la.

3

Sé konsa yo té gin pou yo préché pénitans nan non-l ak padon péché yo nan tout nasion.

✠ **Léktu sint Évanjil la dapré Luk**

24, 44-53

Lè sa-a :

Jézu té di disip li yo : « Sé paròl sa yo mouin té palé nou-an, lè-m té avèk nou toujou-a, li té nésésè pou tou sa-k ékri sou mouin nan laloua Moyiz la ni profèt yo ni psòm yo, pou yo té réalizé ». Lè sa-a li louvri intéljans yo, pou yo konprann sa-k ékri yo.

Li di yo : « Sé konsa sa té ékri, sé konsa Kris la té gin pou-l souffri, pou-l résisité sot nan pami mò yo sou touazièm jou-a, pou yo préché pénitans nan non-l ak padon péché yo nan tout nasion, kòmansé sou Jérusalèm. Nou minm nou témouin bagay sa yo.

Mouin minm m-ap voyé promès Papa-m nan nan nou ; kanta nou minm rété nan vil la, joustan nou abiyé ak puisans ki sot anro-a ».

Li kondui yo nan diréksion Bétani ; antan li lévé min-l, li béni yo.

Rivé, pandan l-ap béni yo, li pati sot koté yo épi yo poté-l nan sièl la.

Yo minm antan y-ap adoré yo tounin Jérusalèm avèk anpil kè kontan ; yo té tout tan nan tanp la, antan y-ap fè louanj épi y-ap fè konpliman pou Bondié.

Paròl Granmèt la.

4

*Sé pou pitit Bondié yo, ki té gayé yo,
té kapab rasanblé vi-n tounin yon sèl.*

✠ Léktu sint Évanjil la dapré Jan

11, 45-52

Lè sa-a :

Anpil nan Juif yo, ki té vi-n kot Mari ak Mart, ki té ouè sa Jézu té fè, yo té vi-n kouè nan li. Min kèk nan yo al jouinn farizyin yo, yo di yo sa Jézu té fè.

Konsa, chèf prèt yo ak farizyin yo rasanblé yon réyinion, yo di : « Ki sa n-ap fè, paské mésié sa-a ap fè anpil sign ? Si nou kité-l konsa, tout moun ap kouè nan li, Romin yo ap rivé, y-ap pran plas nou-an ak nasion nou-an ». Youn nan yo yo té rélé Kayif, ki té chèf prèt ané sa-a, li di yo : Nou minm minm nou pa konprann anyin ; nou pa réfléchi li pi bon pou nou, si yon sèl moun nan mouri pou pèp la, pou tout nasion-an pa péri ».

Bagay sa-a, sé pa nan li minm sa soti ki fè-l di-l ; min kòm li té chèf prèt ané sa-a, li té profétizé Jézu té gin pou-I té mouri pou nasion-an, épi sé pa nou nasion-an sèlman min pou pitit Bondié yo, ki té gayé yo, pou yo té kapab rasanblé fè yon sèl.

Paròl Granmèt la.

5

*Tankou ou té voyé-m sou tè-a,
mouin minm tou mouin voyé yo sou tè-a.*

✠ Léktu sint Évanjil la dapré Jan

17, 11 b. 17-23

Lè sa-a :

Jézu lévé jé-l nan sièl la, li priyé, li di : « Papa ki sin, konsèvé yo non-ou, sa yo ou té ban mouin-an, pou yo kapab fè yon sèl tankou nou minm.

Fè yo vi-n sin nan vérité-a : paròl ou-a sé vérité. Tankou ou té voyé-m sou tè-a, mouin minm tou mouin voyé yo sou tè-a. Mouin konsakré tèt mouin pou yo, pou yo minm tou yo kapab vi-n sin nan vérité-a.

Sé pa pou yo minm sèlman mouin priyé, min pou sa yo tou k-ap kouè nan mouin gras a paròl yo-a, pou tout moun fè yon sèl, tankou ou minm, Papa, ou nan mouin, épi mouin nan ou, pou yo minm tou yo fè yon sèl nan nou, pou tè-a kouè sé ou minm ki voyé-m.

Mouin minm gloua-ou la ou té ban mouin-an, mouin ba yo-l, pou yo fè yon sèl tankou nou minm nou fè yon sèl la. Mouin minm nan yo, épi ou minm nan mouin, pou yo fè yon sèl nèt, pou tè-a rékonèt sé ou minm ki voyé-m, épi mouin rinmin yo, tankou ou rinmin-m ».

Paròl Granmèt la.

12. POU KRÉTYIN K-AP SIBI PÈSÉKISION YO

1857

LÉKTU NAN ANSYIN TÈSTAMAN-AN

1

Pran pitié pou pèp ou-a paské yo vlé détoui éritaj ou-a.

Léktu liv Éstè

4, 17 b-17 e. 17 i-17 l

Jou sa yo :

Mardoché priyé Granmèt la, li di :

« Bondié Abraam ak Bondié Izaak ak Bondié Jakòb, konpliman pou ou, Granmèt, Granmèt, roua ki gin tout pouvoua, nan pouvoua-ou réyèlman tout bagay pozé, pa gin anyin ki kapab rézisté volonté-ou, si-ou desidé sovè Israël.

Sé ou minm réyèlman ki té fè sièl la ak tè-a avèk tout bagay ékstraòdinè ki fèmin alantou sièl la ; ou sé Granmèt tout bagay, pa gin anyin ki kapab rézisté grandè-ou.

Koulié-a, Granmèt, roua, Bondié Abraam ak Bondié Izaak ak Bondié Jakòb, ménajé pèp ou-a, paské ènmi nou yo vlé pèdi nou épi éfasé éritaj ou-a. Pa méprizé pòsion-ou nan, sa-ou té rachté pou ou sot nan péyi Éjip la. Kouté priyé-m nan, pran pitié pou éritaj ou-a, fè doulè nou-an vi-n

tounin kè kontan, pou antan n-ap viv nou fè louanj pou non-ou, Granmèt, pa fèmin bouch moun k-ap chanté pou ou yo ».

Paròl Granmèt la.

2

Tout moun ki espéré nan Bondié yo, yo pap fébli.

Léktu premié liv Makabé yo

2, 49-52. 57-64

Jou pou Matatias té mouri-a yo t-ap proché, li di pitit li yo : « Koulié-a arogans la avèk afron-an byin instalé, sé tan boulvèsman-an ak raj kòlè-a. Koulié-a konsa, pitit mouin yo, sé pou nou fè jalouzi pou laloua-a ; sé pou nou bay nanm nou pou téstaman Papa nou yo, sonjé travay papa yo, sa yo té fè nan jénérasyon yo, n-ap résévoua gran gloua avèk non k-ap diré tout tan.

Abraam, èské sé pa nan tantasion yo té jouinn li fidèl, épi yo té konté sa pou li kòm jistis ? ». David, nan mizérikòd li li résévoua tro-n péyi roua pou tout sièk tan ; Éli, sé pandan li té jalou jalouzi laloua-a yo résévoua-l nan sièl la ; Ananias, Azarias ak Mizaèl sé antan yo kouè yo té libéré sot nan flam nan ; Danièl sé nan sinplisité-l yo libéré-l sot nan bouch lion yo.

Konsa sonjé, sot nan jénérasyon al nan jénérasyon, sèké tout moun ki espéré nan li yo yo pa fébli. Dévan paròl moun péché-a pa pè, paské gloua li-a sé fatra avèk vè : jodi-a li lévé épi démin yo pa jouinn li, paské li rétonnin nan tè-l la épi pansé-l la péri.

Nou minm konsa, pitit mouin yo, pran kouraj, aji tankou gason nan laloua-a paské sé ladan-l n-ap jouinn gloua.

Paròl Granmèt la.

3

Sé sèvitè-m ou yé, mouin chouazi-ou, mouin pa réjté-ou.

Léktu liv profèt Izayi

41, 8-10. 13-14

Min paròl Granmèt Bondié :

« Ou minm, Israèl, sèvitè-m, Jakòb, sa-m chouazi-a, désandans Abraam zanmi-m nan ; koté mouin té pran-ou sot nan bout tè-a épi mouin té rélé-ou sot nan koté-l yo ki byin louin yo, épi mouin té di-ou : “Sé

sèvitè-m ou yé, mouin chouazi-ou, mouin pa lagé-ou. Pa pè, paské mouin avèk ou, ou papa fébli paské mouin sé Bondié-ou, mouin ba-ou asirans ; mouin poté-ou sékou, min sa-m ginyin ki kòrèk la soutni-ou.

Paské sé mouin minm Granmèt Bondié-ou la ki pran-ou nan min, ki di-ou : “Pa pè, mouin poté-ou sékou”.

Pa pè, vè-tè Jakòb, nou minm ki té mouri nan Israèl la ; sé mouin minm ki poté-ou sékou, sé sa Granmèt la ak rédanmèt-ou la, Sin Israèl la di ».

Paròl Granmèt la.

4

Pa lagé nou pou tout tan poutèt non-ou.

Léktu liv profèt Danièl

3, 25. 34-43

Jou sa yo :

Azarias kanpé, li priyé konsa : li louvri bouch li nan mitan difé-a, li di : « Tanpri, pa lagé nou pou tout tan poutèt non-ou, pa kasé téstaman-ou nan, pa ouété mizérikòd ou-a sot nan nou, poutèt Abraam, sa-a ou rinmin-an, ak Izaak sèvitè-ou la, ak Israèl sin-ou nan, yo minm ou palé ak yo-a, antan-ou té promèt ou t-ap fè ras yo vi-n anpil tankou zétoual sièl la ak tankou sab ki sou bò lanmè-a.

Sèké, Granmèt, nou vi-n pi piti pasé tout nasion yo, nou vi-n rabésé sou tout tè-a jodi-a poutèt péché nou yo, nan tan sa-a pa gin roua ni chèf ni profèt, ni sakrifis antié, ni sakrifis, ni kado, ni lansan, ni koté pou yo ofri prémié foui dévan-ou, pou nou kapab jouinn mizérikòd ou.

Min ak kè nou krazé, ak éspri nou rabésé ou-ap résévoua nou ; tankou ak sakrifis antié bouk ak toro, ak tankou avèk mil mouton gra, sé konsa pou sakrifis nou-an yé jodi-a dévan-ou, pou-l fè-ou plézi, paské pa gin ront pou moun ki mét konfians nan ou.

Koulié-a n-ap suiv ou ak tout kè nou, n-ap krinn ou, n-ap chèché fas ou. Pa fè nou ront, min aji avèk nou dapré bon kè-ou, dapré tout pakèt mizérikòd ou, délivré nou, ak mèvèy ou yo, fè ouè gloua non-ou, Granmèt ».

Paròl Granmèt la.

LÉKTU NAN NOUVO TĚSTAMAN-AN

1

Nou pa kapab pa di sa nou ouè ak sa nou tandé.

Léktu Travay Apot yo

4, 1-5. 18-21

Jou sa yo :

Piè ak Jan t-ap palé ak pèp la toujou, apré gérizon infim nan, prèt yo vi-n rivé ak majistra tanp la ak sadiséyin yo, yo té kontrarié poutèt yo t-ap bay pèp la ansègnman-an, yo t-ap anonsé rézireksion sot nan pami mò yo nan Jézu. Yo mét min sou yo, yo mété yo nan prizon nan landmin ; paské asouè té déjà rivé. Anpil nan moun yo ki té tandé paròl la, yo té vi-n kouè ; total mésié yo sé té kinz mil.

Rivé nan landmin, chèf yo rasanblé ak ansyin yo ak skrib yo nan Jérusalèm. Yo rélé yo, yo déklaré yo pou yo pa janm palé, ni bay ansègnman o non Jézu.

Piè minm ak Jan réponn, yo di yo : « Si sa kòrèk dévan fas Bondié pou nou kouté nou pasé Bondié, jijé sa. Nou pa kapab pa di sa nou ouè ak sa nou tandé ». Yo minm minm yo ménasé yo, yo ranvouayé yo, yo pa jouinn kijan pou yo pini yo, akoz pèp la ; paské tout moun t-ap fè louanj pou sa-k té fèt nan mésié-a.

Paròl Granmèt la.

2

Koulié-a Granmèt, voyé jé sou ménas yo.

Léktu Travay Apot yo

4, 23-31

Jou sa yo :

Lè yo fi-n lagé Piè ak Jan, yo vi-n jouinn disip yo ; yo anonsé yo tou sa gran prèt yo ak ansyin yo té di yo.

Lè yo tandé sa, yo tout lévé voua yo kot Bondié, yo di : « Granmèt, sé ou minm ki té fè sièl la ak tè-a, lanmè-a ak tou sa-k nan yo ; ou minm ki té di David, sèvitè-ou la, nan bouch papa nou yo gras a Éspri Sin-an : “Pouki sa nasion yo ap boulvèsé, pèp yo ap fè konplo pou granmési ? Roua yo sou tè-a yo kanpé, chèf yo rasanblé fè yon sèl, kont Granmèt la ak kont Kris li-a”.

Réyèlman nan vil sa-a Èròd ak Pons Pilat ak nasion yo ak pèp Israèl la, yo rasanblé kont Pitit ou Jézu ki sin-an, li minm ou té sakré-a, pou yo fè sa min-ou ak plan-ou té réglé davans pou-l fèt la.

Koulié-a Granmèt, voyé jé sou ménas yo, bay sèvitè-ou yo favè pou yo palé paròl ou-a avèk tout asirans, antan-ou lonjé min-ou fè gérizon ak sign ak prodij o non Pitit ou Jézu ki sin-an ».

Pandan yo t-ap priyé, koté yo té rasanblé-a pran tranblé, yo tout vi-n plin ak Éspri Sin-an, yo t-ap palé paròl Bondié-a avèk asirans.

Paròl Granmèt la.

3

*Apot yo pati tou kontan,
paské yo té konsidéré yo té mérité souffri mové trétman pou non Jézu.*

Léktu Travay Apot yo

5, 27 b-32. 40 b-42

Jou sa yo :

Gran prèt la pozé Apot yo késion, li di : « Nou té passé nou lòd sévé pou nou pa-t bay ansègnman sou non sa-a ; épi gadé nou plin Jérusalèm ak ansègnman nou-an nou vlé fè san mésié sa-a tonbé sou nou ».

Piè minm réponn ak Apot yo, yo di : « Nou doué obéyi Bondié plis passé lézòm. Bondié papa nou yo té résisité Jézu, li minm nou té touyé-a antan nou té pandié-l sou koua-a. Bondié lévé-l adouat li kòm chèf ak sovè, pou-l bay Israèl régrè ak padon péché yo. Kanta nou minm, nou sèvi paròl sa yo témouin, ak Éspri Sin-an Bondié bay tout moun ki obéyi-l yo ».

Yo avèti Apot yo pou yo pa janm palé o non Jézu, épi yo lagé yo.

Yo minm minm yo pati tou kontan sot dévan tribinal la paské yo té konsidéré yo té mérité souffri mové trétman pou non Jézu. Tout jounin yo pa-t sispann rété nan Tanp la ak nan lakay yo ap bay ansègnman, ap anonsé bòn nouvèl Jézu sé Kris.

Paròl Granmèt la.

4

Yo fè nou favè pou Kris la, pou nou soufri pou li tou.

Léktu lèt apot sin Pòl pou Filipyin yo

1, 27-30

Frè-m yo :

Sèlman kondui tèt nou yon fason ki kòrèk parapò a Bòn Nouvèl Kris la pou soua lè-m vini épi mouin ouè ou, soua antan mouin absan mouin tandé palé osijè nou, nou rété gin yon sèl nanm nan yon sèl éspri, antan n-ap aji ansanm nan lafoua Bòn Nouvèl la ; épi nou pa kité ènmi yo fè nou pè ditou, sa ki kòz pou yo pèdi yo minm, min nou minm pou nou sovè, épi sa vi-n sot nan Bondié ; sèké yo fè nou favè pou Kris la, pou non sèlman nou kouè nan li, min pou nou soufri pou li tou, antan nou gin minm batay la, sa nou ouè nan mouin-an épi koulié-a nou tandé osijè-m nan.

Paròl Granmèt la.

5

Kilès pitit papa pa korijé ?

Léktu lèt pou Ébré yo

12, 2-13

Frè-m yo :

Gadé lotè lafoua nou-an, Jézu ki fè lafoua-a vi-n kòrèk nèt la, li minm, yo té prezanté kè kontan dévan-l, min li té sipòté lakoua-a, li té méprizé ront la, li chita adouat Bondié. Sonjé sa-a ki té sipòté kontrariété péchè yo té drésé kont li-a, pou nou pa kité féblès pran nanm nou.

Nou pa ko rézisté ankò jous nan san, antan n-ap batay kont péché-a, épi nou bliyé konsolasion-an ki palé ak nou tankou ak pitit yo antan l-ap di : « Pitit mouin, pa néglijé disipli-n Granmèt la, pa dékourajé pandan l-ap réprann ou. Moun Granmèt la rinmin réyèlman, li korijé-l, li frapé tout pitit li résévoua.

Pèsévéré nan disipli-n nan. Bondié ofri tèt li ba nou tankou bay pitit li yo. Kilès pitit papa pa korijé ? Si sé andéyò disipli-n nan nou yé, sa tout moun patisipé ladan-l nan, sé pitit déyò nou yé, sé pa pitit kay.

Dayè nou té gin papa yo dapré chè nou-an pou korijé nou, épi nou gin respè pou yo ; èské nou pap obéyi Papa éspri yo pi plis pou nou gin lavi ? Yo minm réyèlman sé pandan yon ti bout tan yo té korijé nou dapré volonté-l ; li minm minm sé pou sa-k nan avantaj nou pou nou résévoua

sanktifikasion-l nan. Tout disipli-n réyèlman nan moman prézan-an pa sanblé bay kontantman, min chagrin ; min apré sa li rinmèt frui trankil jistis bay moun li fi-n travay la.

Sé poua drésé min ki tonbé yo ak jénou ki fébli yo, fè santié krochi yo vi-n douat pou pié nou, pou moun k-ap bouaté-a pa pèdi rout, min okontrè pou-l géri.

Paròl Granmèt la.

6

Nou gin kè kontan, minm si koulié-a, nou gin pou nou gin chagrin.

Léktu prémié lèt apot sin Piè

1, 3-9

Konpliman pou Bondié, ak Papa Granmèt nou Jézu-Kri, li minm ki té réfè nou nan éspérans vivan-an gras a réziréksion Jézu-Kri sot nan pami mò yo, dapré gran mizirikòd li-a, pou yon éritaj ki pap détoui, ki pap sal, ki pap vi-n vié, k-ap diré nan sièl la pou nou, nou minm yo présèvé pou sové nou sové-a gras a lafoua-a, nan pouvoua Bondié-a, sové nou sové sa-a yo paré pou révéle-l nan dènié tan-an.

Nan li nou gin kè kontan, minm si koulié-a, nou gin pou nou gin chagrin nan divès bagay k-ap tanté nou ; pou éprèv lafoua nou-an ki gin plis pri pasé lò-a, sa yo éséyé nan difé-a, li rivé nan louanj ak gloua ak konsidérasion nan révélasion Jézu-Kri-a, li minm nou rinmin san nou pa ouè-l la ; li minm nou kouè nan li, minm si koulié-a nou pa ouè-l la ; antan nou kouè-a n-ap kontan nan yon kontantman san parèy, ki nan gloua, n-ap jouinn rékonpans lafoua nou nan sové nanm yo sové-a.

Paròl Granmèt la.

7

Sa yo sé yo minm ki vi-n soti nan gran tribilasion-an.

Léktu liv Apokalips apot sin Jan

7, 9-10. 14 b-17

Mouin minm Jan, mouin ouè yon gran foul, pèsòn pa-t kapab konté-l, li té soti nan tout nasion, ras pèp ak lang, yo té kanpé dévan tro-n nan ak dévan Mouton-an, yo té abiyé ak rad blan, branch palm nan min yo, yo t-ap rélé byin fò antan y-ap di : « Sé gras a Bondié nou-an nou sové, li minm ki chita sou tro-n nan, épi gras a Mouton-an ».

Sa yo sé sa ki vi-n sot nan gran tribilasyon-an, yo lavé rad yo, yo blanchi yo nan san Mouton-an. Sé pou sa yo dévan tro-n Bondié-a, y-ap sèvi-l lajounin kon nannuit nan tanp li-a, sa-a ki chita sou tro-n nan ap abité anlè yo.

Yo pap grangou ni souaf ankò, solèy pap tonbé sou yo, ni okinn chalè, paské Mouton-an, ki nan mitan tro-n nan, l-ap kondui yo, l-ap minnin yo nan sous dlo lavi-a, Bondié ap souyé tout dlo nan jé yo.

Paròl Grammèt la.

PSÒM RÉPONS YO

1

PSÒM RÉPONS

Ps 2, 1-3. 4-6. 10-11 (R: 12 d)

R: Ala kontantman pou tout moun ki mét konfians yo nan Grammèt la.

Oubyin Alélouya.

¹ Pouki sa nasion yo ap boulvèsé,
pèp yo ap fè plan pou bagay ki pa gin konsistans ?

² Roua yo sou tè-a kanpé,
chèf yo rasanblé fè yon sèl kont Grammèt la ak kont Kris li-a :

³ « An nou kasé chinn yo,
an nou jété jouk yo-a sot sou nou ! » R:

⁴ Sa-a ki abité nan sièl la ap ri yo,
Grammèt la- ap pasé yo nan jouèt.

⁵ Lè sa-a atò li palé ak yo nan kòlè-l,
nan mové san-l, li boulvèsé yo :

⁶ « Sé mouin minm ki instalé roua-m nan sou Siyon,
mòn mouin ki sin-an ! » R:

¹⁰ Koulié-a, roua yo, konprann,
pran léson, nou minm k-ap jijé tè-a.

¹¹ Sèvi Grammèt la ak krint,
fété dévan-l avèk sézisman. R:

2

PSÒM RÉPONS

Ps 26, 1. 2. 3. 5 (R : cf. 9 d oubyin 1 a)

R: Pa lagé-m, Bondié ki sové-m.

oubyin :

R: Granmèt la sé klèté-m ak sa k-ap sové-m nan.

- 1 Granmèt la sé klèté-m ak sa k-ap sové-m nan, kilès ki pou fè-m pè ?
Granmèt la sé protéktè-m, dévan kilès pou-m tranblé ? R:
- 2 Lè moun k-ap chèche fè-m ditò yo proche sou mouin,
pou yo manjé chè-m ;
sa yo k-ap fè-m sibi tribilasyon-an ak ènmi-m yo,
sé yo minm ki fébli, épi ki tonbé. R:
- 3 Si lamé kanpé an fas mouin,
kè-m pa gin doua pè ;
si batay lévé kont mouin,
sé nan sa mouin minm m-ap espéré. R:
- 5 Sèké l-ap kaché-m nan tant li,
jou malè yo.
L-ap kaché-m nan kachèt tant li,
nan ròch la l-ap lévé-m. R:

3

PSÒM RÉPONS

Ps 122, 1. 2 (R : 3 a oubyin 2 bcd)

R: Pran pitié pou nou, Granmèt, pran pitié pou nou.

oubyin :

R: Jé nou kot Granmèt Bondié nou-an, joutan li pran pitié pou nou.

- 1 Koté-ou mouin lévé jé-m,
ou minm ki abité nan sièl yo. R:
- 2 Min sé tankou jé sèvitè yo kot min mèt yo,
tankou jé sèvant la kot min mètrès li,
sé konsa jé nou kot Granmèt Bondié nou-an,
joutan li pran pitié pou nou. R:

4

PSÒM RÉPONS

Ps 123, 2-3. 4-5. 7 b-8 (R: 7 ab)

- R: Nanm nou tankou yon zouazo ki chapé sot nan pièj chasè yo.
- 2 Si Granmèt la pa-t nan nou,
lè moun yo lèvé kont nou-an.
- 3 Pètèt sé tou vivan yo t-ap valé nou,
lè raj yo t-ap boulé kont nou-an. R:
- 4 Pètèt dlo-a t-ap nouayé nou,
riviè-a t-ap passé anlè tèt nou,
- 5 pètèt yo t-ap passé anlè tèt nou,
dlo yo k-ap bouyi yo. R:
- 7 Pièj la krazé,
nou minm nou chapé,
- 8 Sékou nou nan non Granmèt la,
ki fè sièl la ak tè-a. R:

ALÉLOUYA AK VÈSÈ ANVAN ÉVANJIL LA

1

Mt 5, 10

- (R: Alélouya). Ala kontantman pou moun k-ap sibi pèsékision
poutèt jistis la,
paské sé pou yo péyi roua sièl yo yé. (R: Alélouya).

2

2 Kor 1, 3 b-4 a

- (R: Alélouya). Konpliman pou Papa mizérikòd yo
ak Bondié tout konsolasion-an,
li minm ki konsolé ou nan tout tribilasyon nou-an. (R: Alélouya).

3

Jk 1, 12

(R: Alélouya). Ala kontantman pou moun ki soufri tantasion,
paské, lè yo fi-n fè-l bay prèv li, l-ap résévoua kouròn lavi-a. (R:
Alélouya).

4

1 P 4, 14

(R: Alélouya). Si yo manké nou réspè pou non Kris la,
ala kontantman pou nou,
paské Éspri Bondié-a répozé sou nou. (R: Alélouya).

ÉVANJIL YO

1

*Ala kontantman pou nou, lè y-ap madichonnin nou,
lè y-ap pèsékité nou.*

✠ Léktu sint Évanjil la dapré Matié

5, 1-12 a

Lè sa-a :

Jézu ouè foul yo, li monté sou mòn nan ; kon-l chita, disip li yo proché koté-l. Li louvri bouch li, li kòmansé ba yo ansègnman, li di :

« Ala kontantman pou moun ki pòv yo nan éspri-a, paské sé pou yo péyi roua sièl yo yé.

Ala kontantman pou moun ki dou yo, paské sé yo minm k-ap posédé tè-a,

Ala kontantman pou moun k-ap kriyé yo, paské y-ap konsolé,

Ala kontantman pou moun ki grangou, ki souaf jistis la, paské y-ap jouinn kont yo.

Ala kontantman pou moun ki gin mizérikòd yo, paské y-ap jouinn mizérikòd.

Ala kontantman pou moun ki gin kè yo nèt yo, paské y-ap ouè Bondié,

Ala kontantman pou moun k-ap travay pou lapè-a, paské y-ap rélé yo pitit Bondié.

Ala kontantman pou moun k-ap souffri pèsékision poutèt jistis la, paské sé pou yo péyi roua sièl yo yé.

Ala kontantman pou nou, lè y-ap madichonnin nou, lè y-ap pèsékité nou, lè y-ap di tout kalité sa-k mal kont nou, antan y-ap fè manti, akoz mouin, fè kè nou kontan, dansé, paské rékonpans nou anpil nan sièl yo ».

Paròl Granmèt la.

2

Tout moun ap rayi nou poutèt non mouin.

✠ **Léktu sint Évanjil la dapré Matié**

10, 17-22

Lè sa-a :

Jézu di Apot li yo : « Atansion moun yo ; y-ap rimmèt nou nan tribinal yo, y-ap bat nou nan sinagòg yo, y-ap kondui nou dévan préfè ak roua yo poutèt mouin, kòm témouagnaj pou yo ak pou nasion yo.

Lè yo rimmèt nou, pa kalkilé ki fason oubyin ki sa n-ap di ; y-ap ba nou nan lè sa-a minm sa pou nou di. Sèké sé pa nou minm k-ap palé, min Éspri Papa nou k-ap palé nan nou.

Frè ap rimmèt frè nan lanmò, ni papa ap rimmèt pitit, pitit ap lévé kont paran yo, y-ap fè touyé yo.

Tout moun ap rayi nou poutèt non mouin ; min moun k-ap pèsévééré jous nan finisman, sé li minm k-ap sové ».

Paròl Granmèt la.

3

Pa pè sa yo k-ap touyé kò-a.

✠ **Léktu sint Évanjil la dapré Matié**

10, 26-33

Lè sa-a : Jézu di Apòt li yo :

« Pa pè moun yo. Nan pouin anyin ki kaché yo pap konnin. Sa-m di nou nan fènoua, di-l nan limiè ; sa nou tandé nan zòrèy, préché-l sou tèt kay.

Épi pa pè sa yo k-ap touyé kò-a, min ki pa kapab touyé nanm nan ; pito nou pè sa-a ki kapab pèdi ni nanm nan ni kò-a nan difé-a. Èské yo pa

vann dé zouazo pou yon as ; youn nan yo pa tonbé atè san Papa nou pa vlé. Chévé nan tèt nou, yo tout yo konté yo. Konsa, pa pè : nou vo plis pasé anpil zouazo.

Tout moun k-ap rékonèt mouin dévan lézòm, mouin minm tou m-ap rékonèt li dévan Papa-m ki nan sièl la. Min moun k-ap nié-m dévan lézòm, m-ap nié-l tou dévan Papa-m ki nan sièl la ».

Paròl Granmèt la.

4

Si yo té pèsékité-m, nou minm tou y-ap pèsékité nou.

✠ **Léktu sint Évanjil la dapré Jan**

15, 18-21. 26-16, 4

Lè sa-a :

Jézu di disip li yo : « Si tè-a rayi nou, konnin li té rayi-m anvan nou. Si nou té fè pati tè-a, tè-a t-a rinmin sa-k pou li ; min paské nou pa fè pati tè-a, okontrè mouin chouazi nou sot sou tè-a, sé pousa tè-a rayi nou-an. Sonjé paròl mouin-an, sa-m té di nou-an : “Sèvitè-a pa pi gran pasé mèt li. Si yo té pèsékité-m, nou minm tou y-ap pèsékité nou ; si yo té kinbé paròl mouin yo, y-ap kinbé pa nou yo tou”. Min tout bagay sa yo, y-ap fè nou yo poutèt non mouin, paské yo pa konnin sa-a ki voyé-m nan.

Lè Avoka-a ap rivé, li minm m-ap voyé ba nou sot kot Papa-a, Éspri vérité-a ki sot nan Papa-a, sé li minm k-ap sèvi-m témouin. Nou minm tou n-ap sèvi-m témouin, paské sé dépi nan kòmansman nou avèk mouin.

Mouin di nou bagay sa yo, pou nou pa dékontrolé. Y-ap mété nou déyò nan sinagòg yo. Min lè-a ap rivé, tout moun k-ap touyé nou, y-ap konprann sé yon sèvis yo rann Bondié. Y-ap fè nou sa, paské yo pa konnin ni Papa-a ni mouin minm. Min mouin di nou bagay sa yo, pou lè lè pa yo-a rivé, nou sonjé mouin té di nou sa ».

Paròl Granmèt la.

5

Tè-a rayi yo.

✠ **Léktu sint Évanjil la dapré Jan**

17, 11 b-19

Lè sa-a : Jézu lévé jé-l nan sièl la, li priyé, li di :

« Papa ki sin, konsèvé yo nan non-ou, sa yo ou té ban mouin-an, pou yo kapab fè yon sèl tankou nou minm. Lè-m té avèk yo-a, mouin té

konsèvé yo o non-ou. Sa yo ou té ban mouin-an, mouin té véyé sou yo, pèsòn nan yo pa péri, sof piti pèdision-an, pou sa-k ékri-a té kapab réalizé.

Koulié-a minm m-ap vi-n jouinn ou, m-ap di bagay sa yo sou tè-a, pou yo kapab gin kè kontan-m nan ki réalizé nan yo minm.

Mouin té ba yo paròl ou-a, tè-a rayi yo, paské yo pa fè pati tè-a, tankou mouin minm mouin pa fè pati tè-a. Mouin pa priyé pou-ou ouété yo sot sou tè-a, min pou-ou prezèvé yo sot nan sa-k mal la. Yo pa fè pati tè-a, tankou mouin minm mouin pa fè pati tè-a.

Fè yo vi-n sin nan vérité-a : paròl ou-a sé vérité. Tankou ou té voyé-m sou tè-a, mouin minm tou mouin voyé yo sou tè-a.

Mouin konsakré tèt mouin pou yo, pou yo minm tou yo kapab vi-n sin nan vérité-a ».

Paròl Granmèt la.

II. POU SIKONSTANS PIBLIK

13. - POU PATRI-A OUBYIN VIL LA - POU MOUN YO K-AP KÒMANDÉ AFÈ LÉTA-A - POU RASANBLÉMAN MOUN K-AP KÒMANDÉ NASION YO - POU MOUN K-AP KÒMANDÉ NASION-AN ANLÈ NÈT LA OUBYIN ROUA-A - POU DÉVLÒPMAN PÈP YO

LÉKTU NAN ANSYIN TÉSTAMAN-AN

1

Plin tè-a, mété-l anba lòd nou.

Léktu liv Jénèz la

1, 26 - 2, 3

Bondié di : « An nou fè moun nan sou pòtré nou ak résanblans nou ; sé pou-l kòmandé sou pouason lanmè yo ak zouazo sièl yo ak tout bèt tè-a ak tout sa k-ap glisé atè, ki gin mouvman sou tè-a ».

Bondié kréyé moun nan sou pòtré-l ; sou pòtré Bondié li kréyé-l ; gason ak fi li kréyé yo.

Bondié béni yo, li di : « Dévlo pé, vi-n anpil, plin tè-a, mété-l anba lòd nou ; sé pou nou kòmandé sou pouason lanmè-a ak zouazo sièl la, ak tout bèt vivan, ki gin mouvman sou tè-a ».

Bondié di : « Min mouin ba nou tout zèb ki poté sémans sou tè-a ak tout kalité pié boua ki gin sémans ras yo nan yo, pou yo sèvi nou kòm manjé, ni pou tout bèt vivan sou tè-a, ni pou tou sa ki an mouvman sou tè-a, ki gin lavi nan yo, pou yo kapab jouinn manjé ».

Sa fèt konsa. Bondié ouè tou sa-l té fè yo, yo té bon anpil. Vi-n gin yon asouè ak yon matin, sizièm jou.

Konsa sièl la ak tè-a réyalizé, ak tout dékòrasion yo. Sésièm jou-a Bondié konplété travay li-a li té fè-a, li répozé sésièm jou-a pou travay li té fè yo. Li béni sésièm jou-a, li fè-l vi-n sin, paské sé nan li lité sispann tout travay li, sa Bondié té kréyé-a pou-l té fè-l la.

Paròl Granmèt la.

2

Granmèt la mété moun nan nan paradi pou-l travay li.

Léktu liv Jénèz la

2, 4 b-9. 15

Jou Granmèt Bondié té fè sièl la ak tè-a, pa-t gin okinn ti pié boua ki té lévé sou tè-a, ni okinn zèb jadin pa-t ko jèmin ; sèké Granmèt Bondié pa-t fè lapli tonbé sou tè-a, pa-t ko gin moun pou té travay tè-a ; min yon ti sous t-ap monté sot nan tè-a pou-l rouzé tout fas tè-a.

Konsa Granmèt Bondié fòmé moun nan ak labou tè-a, li souflé yon souf lavi nan fas li, moun nan vi-n tounin yon nanm ki vivan.

Granmèt Bondié planté yon paradi plézi dépi nan kòmansman, li mété moun nan li té fòmé-a ladan-l. Ak tè rouzé-a, Granmèt Bondié fè tout kalité pié boua pousé, ki bèl pou gadé, ki dous pou manjé ; minm pié boua lavi-a té nan mitan paradi-a ak pié boua sians byin ak mal la.

Granmèt Bondié pran moun nan, li mété-l nan paradi plézi-a, pou-l travay li, pou-l gadé-l ».

Paròl Granmèt la.

3

Kayin lévé kont frè-l Abèl, li touyé-l.

Léktu liv Jénèz la

4, 3-10

Lè sa-a :

Rivé Kayin t-al ofri nan foui tè-a kòm kado pou Granmèt la. Abèl tou té ofri nan prémié pitit mouton-l yo, ak nan grès yo. Granmèt la voyé jé sou Abèl ak sou kado-l yo ; min kanta Kayin minm ak kado-l yo, li pa gadé yo. Kayin faché anpil, figi-l vi-n finnin.

Granmèt la di-l : « Pouki sa ou faché-a ? épi pouki sa figi-ou finnin-an ? Èské si-ou aji byin, ou pap jouinn rékonpans ; otréman si-ou aji mal, minm lè-a péché-a kanpé nan papòt la ? Min sé anba-ou anvi-l ap yé, sé ou minm k-ap krazé-l ».

Kayin di Abèl frè-l la : « An nou soti déyò ». Lè yo rivé nan jadin, Kayin lévé kont frè-l Abèl, li touyé-l.

Granmèt la di Kayin : « Kot Abèl frè-ou la ? »

Li réponn : « Mouin pa konnin ; èské sé gadyin frè-m nan mouin yé ? »

Li di-l : « Ki sa-ou fè ? Voua san frè-ou la ap rélé koté-m sot nan tè-a ».

Paròl Granmèt la.

4

*Y-ap priyé non-m sou pitit Israèl yo,
épi mouin minm m-ap béni yo.*

Léktu liv Nonb

6, 22-27

Granmèt la palé ak Moyiz, li di : « Palé ak Aaron ak pitit li yo : Min kijan n-a béni pitit Israèl yo, n-a di yo : “Sé pou Granmèt la béni-ou, sé pou-l konsèvé-ou ; sé pou Granmèt la montré-ou fas li, pou-l pran pitié pou ou. Sé pou Granmèt la viré figi-l ba ou pou-l ba-ou lapè”.

Y-ap priyé non-m sou pitit Israèl yo, épi mouin minm m-ap béni yo ».

Paròl Granmèt la.

5

Mouin ba-ou yon kè ki gin sajès, ki intélijan.

Léktu prémié liv Roua yo

3, 11-14

Jou sa yo :

Granmèt la di Salomon : « Poutèt ou mandé bagay sa-a, ou pa-t mandé lavi long ni richès ni lavi ènmi-ou yo, min ou té mandé sajès pou-ou kapab konprann jijman : min mouin fè pou ou dapré paròl ou yo, mouin ba-ou yon kè ki gin sajès, ki intélijan, atèl pouin pèsòn anvan-ou pa-t sanblé-ou, ni apré-ou pap ginyin k-ap lévé.

Min ni bagay sa yo ou pa-t mandé-a, mouin ba ou yo tou, sa vlé di richès ak gloua, pou pa gin pèsòn ki té tankou ou nan roua yo nan tout jou ki fi-n pasé yo. Sèlman si-ou maché nan chémin-m yo épi ou kouté lòd mouin yo ak kòmandman mouin yo, jan papa-ou té maché-a, m-ap fè jou-ou yo vi-n long ».

Paròl Granmèt la.

6

Fè dèy nou-an vi-n tounin kè kontan.

Léktu liv Éstè

4, 17 b-17 e. 17 i-17 l

Jou sa yo :

Mardoché priyé Granmèt la, li di :

« Bondié Abraam ak Bondié Izaak ak Bondié Jakòb, konpliman pou ou, Granmèt, Granmèt, roua ki gin tout pouvoua, nan pouvoua-ou réyèlman tout bagay pozé, pa gin anyin ki kapab rézisté volonté-ou, si-ou désidé sovè Israèl.

Sé ou minm réyèlman ki té fè sièl la ak tè-a avèk tout bagay ékstraòdinè ki fèmin alantou sièl la ; ou sé Granmèt tout bagay, pa gin anyin ki kapab rézisté grandè-ou.

Koulié-a, Granmèt, roua, Bondié Abraam ak Bondié Izaak ak Bondié Jakòb, ménajé pèp ou-a, paské ènmi nou yo vlé pèdi nou épi éfasé éritaj ou-a. Pa méprizé pòsion-ou nan, sa-ou té rachté pou ou sot nan péyi Éjip la. Kouté priyé-m nan, pran pitié pou éritaj ou-a, fè doulè nou-an vi-n tounin kè kontan, pou antan n-ap viv nou fè louanj pou non-ou, Granmèt, pa fèmin bouch moun k-ap chanté pou ou yo ».

Paròl Granmèt la.

7

*Si-m té manjé bouché-m nan pou kont mouin,
épi òfélin-an pa-t manjé ladan-l.*

Léktu liv Jòb

31, 16-20. 24-25. 31-32

Si-m té réfizé pòv yo sa yo té vlé-a, épi mouin té fè jé vèv la fébli ; si-m té manjé bouché-m nan pou kont mouin, épi òfélin-an pa-t manjé ladan-l, paské dépi-m tou piti mouin té éduké tankou yon papa épi dépi nan vant manman-m mouin té dirijé-l ; si-m té méprizé sa k-ap pasé-a, poutèt li pa gin rad la, ni pòv la ki pa gin anyin pou kouvri kò-l la, si kòt li pa-t béni mouin, ak po mouton-m yo li té chofé kò-l.

Si-m té konsidéré lò tankou sékirité-m, mouin té di lò kalité sipériè-a : Konfians mouin !; si-m té kontan poutèt pakèt richès mouin yo, épi poutèt minm té jouinn anpil ; si moun tant mouin yo pa-t di : « Kilès ki t-a bay moun ki pa-t manjé vant plin ak viann li yo ? » ; étranjé pa rét déyò, pòt mouin louvri pou vouayajè.

Paròl Granmèt la.

8

*Travay jistis la ap lapè.***Léktu liv profèt Izayi****32, 15-18**

Nan jou sa yo :

Y-ap vidé éspri ki sot anro-a sou nou. Dézè-a ap vi-n tounin Karmèl. Karmèl la y-ap konsidéré-l tankou yon koté ki plin pié boua, jijman-an ap abité nan dézè-a, épi jistis la ap instalé nan Karmèl la, travay jistis la ap lapè, rézilta jistis la ap répo avèk sékirité pou tout tan.

Pèp mouin-an ap abité nan bèlté lapè, nan tout konfians ak nan répo rich.

Paròl Granmèt la.

9

*Séparé pin-ou avèk moun ki grangou.***Léktu liv profèt Izayi****58, 6-11**

Min paròl Granmèt la :

« Èské sé pa jèn sa-a mouin pito : Défèt chinn ki pa korèk yo, lagé kòd ki maré jouk la, moun y-ap maltrété yo, ba yo libèté ; ouété tout chay ? Èské sé pa séparé pin-ou avèk moun ki grangou-a, fè pòv ki pa gin kay yo abité avèk ou ; si-ou ouè yon moun ki ni kò, pou-ou abiyé-l, pou ou pa fofilé kò-ou sot nan moun nan ki gin minm chè avèk ou-a.

Lè sa-a, limiè-ou ap éklaté tankou granmatin, santé-ou ap lévé byin vit, jistis ou ap maché dévan fas ou, gloua Granmèt la ap vlopé-ou. Lè sa-a ou-ap priyé, Granmèt la ap kouté ; ou-ap rélé, l-ap di : “Min mouin”.

Si-ou ouété chinn nan sot nan mitan-ou, épi ou sispann lonjé douèt ou, ni palé bagay ki pa sèvi ; lè ou-a vidé nanm ou bay moun ki grangou-a, lè ou-a plin nanm moun ki nan lapinn nan, limiè-ou ap lévé nan fènoua yo, fènoua-ou yo ap vi-n tankou midi.

Granmèt la ap toujou ba-ou répo, l-ap plin nanm ou ak klèté, l-ap libéré zo-ou ; ou-ap tankou yon jadin ki byin rouzé, tankou yon sous dlo, ki pap manké dlo ».

Paròl Granmèt la.

10

Mouin mété-ou kòm santinèl pou kay Israël la.

Léktu liv profèt Ézékièl**3, 16-21**

Paròl Granmèt la rivé koté-m, li di : « Pitit moun, mouin mété-ou kòm santinèl pou kay Israël la, ou-ap kouté paròl nan bouch mouin, ou-ap anonsé yo pou mouin. Si-m di méchan-an : “Sé mouri pou-ou mouri”, épi ou pa anonsé-l sa, ou pa palé-l, pou-l viré sot nan mové chémin-l épi pou-l viv, li minm méchan-an l-ap mouri nan méchansté-l, min m-ap mandé-ou kont pou san-l.

Min si-ou anonsé méchan-an sa, épi li pa konvèti sot nan péché-l la ak nan mové chémin-l nan, sé li minm k-ap mouri nan péché-l la, ou minm minm ou-ap délivré nanm ou.

Min si moun ki kòrèk la konvèti sot nan jistis li, épi li fè péché, m-ap mété bariè dévan-l ; li minm l-ap mouri paské ou pa-t anonsé-l ; sé nan péché-l la l-ap mouri, épi yo pap sonjé jistis sa li té konn fè yo ; sèlman m-ap mandé-ou kont pou san-l.

Min si ou té anonsé moun kòrèk la pou-l pa fè péché, épi li pa fè péché, épi sé viv l-ap viv, paské ou té anonsé-l sa, ou minm sé délivré ou délivré nanm ou ».

Paròl Granmèt la.

LÉKTU NAN NOUVO TÊSTAMAN-AN

1

*Disip yo, dapré sa chak moun té ginyin,
yo té désidé yo chak pou yo voyé sékou bay frè yo ki abité nan Judé-a.*

Léktu Travay Apot yo**11, 27-30**

Nan jou sa yo :

Gin profèt ki sot Jérusalèm vi-n Antiòch, youn nan yo yo rélé Agabus lévé, li té anonsé pa pouvoua Éspri-a yon gro grangou ki t-apral rivé sou tout fas tè yo, sa-k té rivé sou Klod la.

Disip yo minm dapré sa chak moun té ginyin, yo té désidé yo chak pou yo voyé sékou bay frè yo ki abité nan Judé-a. Yo fè sa réyèlman, antan yo voyé bay ansyin yo nan min Barnabé ak Sòl.

Paròl Granmèt la.

2

*Moun ki rinmin Bondié yo,
tout bagay sèvi avèk yo pou byin-an.*

Léktu lèt apot sin Pòl pou Romin yo**8, 18-30**

Frè-m yo :

Mouin konsidéré soufrans tan sa-a pa anyin dévan gloua k-ap vini-an k-ap révéle nan nou-an. Réyèlman kréyasyon-an ap tann gloua-a révéle nan pitit Bondié yo. Kréyasyon-an té bliyé rété anba sa-k pa anyin-an, san-l pa vlé, min poutèt sa-a ki té mété-l nan éspérans la. Sèké kréyasyon-an li minm ap délivré sot anba ésklavaj dékonpozision-an pou antré nan libètè gloua pitit Bondié yo.

Nou konnin réyèlman tout kréatu ap plinn, ap anfanté jous koulié-a. Sé pa sèlman yo minm, min nou minm tou, ki gin premié kado Éspri-a, n-ap plinn anndan kè nou, antan n-ap tann sa pitit adoptif Bondié yo yé-a ak rédanmsion kò nou.

Nou sové réyèlman an éspérans. Éspérans la minm, si yo ouè-l, sé pa éspérans li yé, paské sa yon moun ouè, èské l-ap éspéré-l ? Min si n-ap éspéré sa nou pa ouè, n-ap éspéré-l avèk pasians.

Éspri-a édé féblès nou : sèké nou pa konnin kijan pou nou priyé ; min sé Éspri-a li minm k-ap priyé pou nou ak mo moun pa kapab palé. Sa-a k-ap sondé kè yo, li konnin sa Éspri-a anvi-a, sé dapré Bondié li fè démann pou sin yo.

Nou konnin pou moun Bondié rinmin yo, tout bagay sèvi avèk yo pou byin-an, yo minm li rélé pou yo vi-n sin, dapré désizyon li pran davans. Réyèlman, sa yo li chouazi davans yo, li paré plas yo davans tou, pou yo vi-n moulé nan pòtré Pitit li-a, pou li minm li vi-n tounin premié pitit nan pami tout foul frè yo.

Sa yo li fi-n paré plas yo-a, li rélé yo tou ; sa yo li rélé yo, li fè yo vi-n sin tou ; sa yo li fè vi-n sin-an, li ba yo gloua-a tou.

Paròl Granmèt la.

3

Sa nou gin ki tròp l-ap sèvi pou édé sa yo manké.

Léktu dézièm lèt apot sin Pòl pou Korintyin yo **8, 1-5. 9-15**

Frè-m yo, nou fè nou konnin gras Bondié-a, sa-l té bay nan Égliz Masédoua-n nan, nan anpil tribilasyon yo t-ap pasé, kè kontan yo té plin, malgré yo té pòv anpil, yo plin ak richès sinplisité yo ; paské dapré pouvoua yo, mouin rann yo témouagnaj, épi plis pasé pouvoua yo, yo ofri tèt yo avèk anpil insistans pou yo mandé nou gras pou yo patisipé nan sèvis la k-ap fèt pou sin yo. Yo dépasé éspérans nou, yo kòmansé rinmèt tèt yo bay Granmèt la, apré sa yo rinmèt tèt yo ba nou pou volonté Bondié-a.

Nou konnin gras Granmèt nou Jézu-Kri, poutèt nou li vi-n pòv, malgré li té rich, pou nou té kapab vi-n rich antan-l vi-n pòv. Mouin ba nou yon konsèy nan sa ; sa util nou, nou minm ki non sèlman té kòmansé fè kichòy (pou édé frè nou yo), min ki té désidé-l an premié dépi ané pasé ; koulié-a minm réalisé sa, pou, minm jan nou té cho pou nou té vlé-l la, sé pou réalisé-l ak sa nou ginyin.

Si volonté-a cho, n-ap fè moun plézi dapré sa nou ginyin, mouin pa palé pou sa nou pa ginyin ; yo pa mandé pou nou nan tribilasyon poutèt nou soulajé lòt, min sé égalité.

Koulié-a sa nou gin ki tròp l-ap sèvi pou édé sa yo manké, pou sa yo minm y-ap gin ki tròp tou rivé konplété sa nou manké, pou kapab gin égalité, dapré sa-k ékri-a : « Moun ki té gin anpil, li pa-t gin tròp, moun ki té gin ti kras, li pa-t manké ».

Paròl Granmèt la.

4

Chak moun, dapré sa-l té désidé nan kè-l, san sé pa nan chagrin oubyin nan fòsé.

Léktu dézièm lèt apot sin Pòl pou Korintyin **9, 6-15**

Frè-m yo :

Moun ki simin ti kras, li rékòlté ti kras tou ; min moun ki simin nan bénédiksion, li rékòlté nan bénédiksion. Chak moun, dapré sa-l té désidé

nan kè-l, san sé pa nan chagrin oubyin nan fòsé, sèké Bondié rinmin moun ki bay ak kè kontan.

Bondié gin pouvoua pou-l fè nou vi-n gin anpil gras, pou nou gin tou sa nou bézouin tout tan, pou nou plin ap ranvèsé nan tout kalité bon aksion, dapré sa-k ékri-a : « Li séparé, li bay pòv yo, jistis li diré pou tout tan gin tan ».

Sa-a k-ap bay sémans pou moun k-ap simin-an, k-ap bay pin pou moun k-ap manjé-a, sé li minm k-ap fè sémans nou-an vi-n anpil, k-ap fè plant jistis nou yo grandi, pou nou kapab vi-n rich nan tout bagay, pou nou kapab plin nan tout sinplisité, sa n-ap fè vi-n tounin rémèsiman pou Bondié-a.

Sèké sèvis ofrann sa-a li pa sèlman konblé sa sin yo manké min an plis l-ap débòdé avèk anpil aksion-gras nan Granmèt la, épi antan sèvis sa-a montré sa nou yé, yo fè gloua pou Bondié poutèt obéyisans nou nan lafoua nou proklamé nan Bòn Nouvèl Kris la, poutèt sinplisité kominikasyon nou avèk yo épi avèk tout moun, priyè yo pou nou montré jan yo sansib pou nou poutèt gras ékstraòdinè Bondié fè nou-an. Nou di Bondié mési pou kado li-a yo pa kapab palé-a.

Paròl Granmèt la.

5

Travay chè-a yo ènmi, kòlè, batay, kont.

Léktu lèt apot sin Pòl pou Galat yo

5, 17-26

Frè-m yo :

Chè-a réyèlman anvi kont éspri-a, éspri-a minm kont chè-a ; youn ap batay kont lòt, si byin sé pa sa nou vlé nou fè. Si nou kité Éspri-a kondui nou, nou pa anba laloua-a.

Aktivité chè-a, yo dévoualé, sé fònikasyon, bagay ki pa pròp, mové konduit, banbòch, sèvis zidòl, maji, rayisans, diskision, jalouzi, kòlè, batay, kont, divizion, anvi, krim, vi-n sou, manjé tròp, ak bagay konsa. Mouin di nou sa davans, jan-m té déjà di nou li : moun ki aji konsa yo, yo pap jouinn péyi roua Bondié-a.

Min foui Éspri-a minm sé charité, kè kontan, lapè, pasians, bon jan, bon kè, padon, dousè, lafoua, sinplisité, kontrolé mové tandans, réglé

plézi kò-a. Kont kalité bagay sa yo pa gin laloua. Moun ki disip Kris la, yo klouré chè yo sou koua-a avèk mové défo yo ak vié anvi yo.

Si sé Éspri-a k-ap fè nou viv, sé dapré Éspri-a tou pou nou maché. Nou pa doué anvi gloua ki vid, antan youn ap provoké lòt, youn ap anvi lòt.

Paròl Granmèt la.

6

Tout mové jan, kòlè, kontrariété, rèl, madichon ouété sa sot koté nou.

Léktu lèt apot sin Pòl pou Éfézyin yo

4, 30-5, 2

Frè-m yo :

Pa kontrarié Éspri Sin Bondié-a, sé nan li yo té maké nou pou jou rédanmsion-an.

Tout mové jan, kòlè, kontrariété, rèl, madichon ouété sa sot koté nou ak tout méchansté. Okontrè sé pou nou bon youn pou lòt, pou nou gin mizérikòd, pou youn padonnin lòt, tankou Bondié té padonnin nou nan Kris la.

Konsa sé pou nou pran modèl sou Bondié, tankou pitit li rinmin anpil ; Maché nan rinmin-an, tankou Kris la té rinmin nou, li té rinnèt tèt li pou nou kòm sakrifis ki santi bon lodè pou Bondié.

Paròl Granmèt la.

7

Yo rélé nou pou nou vi-n tounin yon sèl kò.

Léktu lèt apot sin Pòl pou Kolosyin yo

3, 9 b-17

Frè-m yo :

Sé pou nou ouété moun ansyin-an avèk aksion-l yo sot sou nou, abiyé nou ak moun nouvo-a, k-ap réfèt tou nèf nan konésans la dapré pòtré sa-a ki kréyé-l la ; koté pa gin nasion ak Juif, sikonsizyon ak po ti kò, moun sovaj ak moun lélit, ésklav ak moun lib, min Kris la ki tout bagay nan tout moun.

Abiyé nou, tankou moun Bondié chouazi, ki sin, tankou moun li rinmin, abiyé nou ak zantray mizérikòd, ak bon kè, rabésé tèt nou, fè kò

nou tou dou, pran pasians, sipòté nou youn lòt, sé pou youn padonnin lòt, si youn gin kichòy kont lòt : jan Granmèt la padonnin nou, konsa nou minm tou.

Anlè tout bagay sa yo, sé pou nou gin charité, li minm ki kòd ki maré sa ki fi-n kòrèk nèt la ; sé pou lapè Kris la fété nan kè nou, sé nan li yo rélé nou pou nou fè yon sèl kò ; sé pou nou rét ap di Bondié mèsi.

Sé pou paròl Kris la abité nan nou jous li plin nou, antan youn ap bay lòt ansègnman antan youn ap réprann lòt nan tout kalité sajès, avèk psòm, kantik avèk chanté spirituèl, antan nan gras la n-ap chanté pou Bondié nan kè nou. Tou sa n-ap fè soua nan paròl, soua nan aksion, sé pou nou fè tout bagay o non Granmèt Jézu-Kri, antan n-ap di Bondié Papa-a mèsi pa lintémédiè-l.

Paròl Granmèt la.

8

Kòmandé rich yo pou yo pa éspéré sou richès ki pa gin asirans yo.

Léktu prémié lèt apot sin Pòl pou Timoté

6, 6-11. 17-19

Ou minm mouin rinmin anpil la :

Gin gran avantaj nan santiman rélijjié-a si nou kontanté nou ak sa nou ginyin. Nou pa-t poté anyin sou tè sa-a : konsa tou, pa gin dout sou sa, nou pa kapab poté anyin sot sou tè sa-a. Si nou gin manjé ak sa nou bézouin pou nou abiyé, nou mèt satisfè avèk bagay sa yo.

Sèké moun ki vlé vi-n rich yo, yo tonbé nan tantasion ak nan pièj djab la, ak yon pakèt anvi ki pa sèvi anyin, ki pa bon, k-ap nouayé moun yo nan lanmò k-ap pèdi yo. Rasi-n tout mal yo sé rinmin lajan, moun ki mét lidé yo sou sa, yo dévié sot nan lafoua-a, yo ralé anpil soufrans sou pròp tèt yo.

Kanta ou minm, moun Bondié, sovè kò-ou louin bagay sa yo ; suiv jis-tis la okontrè, santiman rélijjié-a, lafoua-a, charité-a, pasians la, dousè-a.

Rich yo nan sièk sa-a kòmandé yo pou yo pa jijé antan y-ap lévé tèt yo ni pou yo pa éspéré nan richès ki pa gin asirans yo, min nan Bondié vivan-an, ki ba nou tout bagay dépasé mézi pou nou joui : aji byin, vi-n rich nan bon aksion, bay avèk fasilité, séparé, ranmasé yon bon baz richès pou tan k-ap vini-an, pou yo jouinn vré lavi-a.

Paròl Granmèt la.

9

Foui jistis la sé nan lapè li simin, pou moun yo k-ap fè lapè-a.

Léktu lèt apot sin Jak

3, 13-18

Nou minm moun rinmin anpil la :

Kilès ki saj épi ki gin disipli-n nan pami nou ? Sé pou-l montré travay li nan dousè sajès la apati yon bon konduit. Min si nou gin yon anvè ki anmè, avèk si gin jalouzi nan kè nou, pa vanté tèt nou, pou nou vi-n tounin moun k-ap bay manti kont vérité-a.

Sèké sé pa sajès sa-a ki désann sot anro-a, min sé sou tè-a li soti, nan bèt, nan djab. Sèké koté ki gin jalouzi ak batay, sé dézòd ak tout kalité mové aksion. Min sajès la ki sot anro-a, toudabò li gin yon konduit respéktab, épi li chèché lapè, li tou dou, li gin bon jan, li mété kè-l nan sa-k bon, li plin mizérikòd ak bon foui, li pa gin préjijé, li pa fè ipokrit. Foui jistis la sé nan lapè li simin, pou moun yo k-ap fè lapè-a.

Paròl Granmèt la.

10

N-ap batay épi n-ap fè lagè.

Léktu lèt apot sin Jak

4, 1-10

Nou minm moun rinmin anpil la :

Kot lagè ak batay soti nan nou-an ? Èské sé pa akoz anvè nou, k-ap batay nan manb nou yo ? Nou anvè, épi nou pa ginyin : n-ap touyé. N-ap fè jalouzi épi nou pa jouinn, n-ap batay épi n-ap fè lagè épi nou pa ginyin, paské nou pa mandé. Nou mandé, min nou pa jouinn, paské nou mandé mal, pou nou dépansé pou anvè nou.

Nou minm ki nan adiltè-a, èské nou pa konnin si nou fè zanmi ak tè sa-a, nou vi-n ènmi Bondié ? Moun ki vlé zanmi tè sa-a, li fè tèt li vi-n ènmi Bondié.

Èské nou kouè sé pou granmès sa-k ékri-a di : « Éspri ki abité nan nou-an, l-ap chèché jouinn sa-l anvè-a ? »

Min li bay yon pi gran gras ; sé pou sa li di : « Bondié mét antrav kont sa ki kouè yo plis pasé lòt yo ; sa-k konsidéré yo pa anyin yo, sé yo minm li bay gras ».

Mété nou anba lòd Bondié, fè fòs kont djab la, l-ap kouri sot koté nou. Proché kot Bondié, l-ap proche koté nou. Nétouayé min nou, nou minm péchè ; pròpté kè nou, nou minm ki gin kè doub. Konsidéré mizè nou, pran dèy, kriyé. Fè plézi nou-an tounin rèl dèy, fè kè kontan nou-an tounin lapinn.

Bésé tèt nou dévan Granmèt la, l-ap lévé nou anlè.

Paròl Granmèt la.

PSÒM RÉPONS YO

1

PSÒM RÉPONS

Ps 8, 4-5. 6-7 a. 7 b-9 (R: 2)

R: Granmèt, Granmèt nou
ala gran non-ou gran sou tout tè-a !

4 Lè-m ouè sièl ou yo, travay douèt ou yo,
lali-n ak zétoual yo ou fiksé ;

5 sa moun nan yé, pou-ou sonjé-l ?
oubyin pitit moun nan, pou-ou vizité-l ? R:

6 Ou fè-l vi-n pi ba yon ti kras anba anj yo,
ak gloua ak konsidérasion ou kouronnin-l ;

7 ou instalé-l anlè travay min-ou yo. R:

Tout bagay, ou mété yo anba pié-l.

8 Ni mouton, ni bèf yo tout,
minm bèt nan rak boua yo,

9 zouazo sièl yo ak pouason lanmè yo,
tou sa k-ap déplasé nan santié lanmè yo. R:

2

PSÒM RÉPONS

Ps 79, 2-3. 5-7 (R: 4 b)

R: Kléré fas ou, Granmèt, n-a sové.

2 Ou minm k-ap kondui Israèl, fè atansion,
ou minm k-ap kondui Jozèf tankou mouton-an,
ou minm ki chita anlè Chéribin yo, kléré.

- 3 dévan Éfrayim, Benjamin ak Manasé,
drésé pouvoua-ou, épi vini,
pou-ou sové nou. **R:**
- 5 Granmèt Bondié lamé yo,
jouskilè ou-ap fè kòlè sou priyè pèp ou-a ?
- 6 Ou fè nou manjé pin dlo ki sot nan jé nou,
ou ba nou bouè nan dlo ki sot nan jé nou kont kò nou.
- 7 Ou fè nou vi-n tounin kontradiksyon pou vouazin nou yo,
ènmi nou yo ap pasé nou nan jouèt. **R:**

3

PSÒM RÉPONS

Ps 84, 9 ab-10. 11-12. 13-14 (cf. 9)

- R:** Sé lapè, Granmèt la ap palé ak pèp li-a.
- 9 M-ap kouté sa Granmèt Bondié ap di,
sé lapè l-ap palé pou pèp li-a ak sin-l yo.
- 10 Réyéلمان li tou pré moun ki krinn li yo, sové li sové nou-an,
pou gloua-a abité sou tè nou-an. **R:**
- 11 Mizérikòd ak vérité rankontré,
jistis ak lapè anbrasé.
- 12 Vérité-a lévé sot sou tè-a,
jistis la panché sot nan sièl la. **R:**
- 13 Oui, Granmèt la ap bay bon kè-a,
tè nou-an ap bay foui-l.
- 14 Jistis ap maché dévan-l,
l-ap pozé pié-l sou rout la. **R:**

4

PSÒM RÉPONS

Ps 99, 2. 3. 4. 5 (**R:** : 3 c)

- R:** Nou sé pèp li ak mouton pak li.
- 2 Fè louanj pou Granmèt la tout tè-a,
sèvi Granmèt la nan kè kontan ;
antré dévan fas li avèk gran fèt. **R:**

- 3 Konnin Granmèt la sé li minm ki Bondié ;
sé li minm ki fè nou, sé pou li nou yé,
pèp li ak mouton pak li. R:
- 4 Antré nan pòtay li yo avèk louanj,
nan lakou-l yo avèk kantik,
fè louanj li, fè konpliman pou non-l. R:
- 5 Sèké Granmèt la bon ;
pou tout tan mizèrikòd li,
pou jénèrasion ak jénèrasion vérité-l la. R:

5

PSÒM RÉPONS

Ps 106, 2-3. 4-5. 6-7. 8-9 (R: 1)

- R: Fè louanj Granmèt la,
poutèt kè-l sansib pou tout tan.
- 2 Sé pou yo di, sa-a yo Granmèt la rachté-a,
yo minm li rachté sot nan min ènmi-an,
- 3 sa li rasanblé yo sot nan péyi yo,
sot nan solèy lévé ak nan solèy kouché,
sot olévan avèk okouchan. R:
- 4 Yo t-ap alé-vini nan dézè-a, nan tè sèk la,
yo pa-t jouinn rout vil ki abité.
- 5 Yo té grangou, yo té souaf,
lavi yo t-ap dépéri nan yo. R:
- 6 Yo rélé kot Granmèt la, lè yo t-ap sibi tribilasion,
li délivré yo sot nan bézouin yo.
- 7 Li kondui yo sou yon rout ki douat,
pou yo alé nan vil ki abité. R:
- 8 Sé pou yo fè louanj Granmèt la poutèt mizèrikòd li,
ak mèvèy li pou pitit moun yo ;
- 9 paské li kalmé nanm ki té souaf la,
nanm ki té grangou-a, li plin-l ak byin. R:

6

PSÒM RÉPONS

Ps 111, 1-2. 3-4. 5-7 a. 7 bc-8. 9 (R: cf. 1 a. 9 a)

R: Ala kontantman pou moun ki mèt plézi-l nèt nan lòd Granmèt la

- 1 Ala kontantman pou moun ki krinn Granmèt la,
ki mèt plézi-l nèt nan lòd li yo.
- 2 Désandans li ap gin pouvoua sou tè-a,
ras moun kòrèk yo ap béni. R:
- 3 Gloua ak richès nan kay li,
jistis li ap rété pou tout tan gin tan,
- 4 Limiè-a ap lévé nan fènoua, pou moun kòrèk yo,
li sansib, li pran pitié, li kòrèk. R:
- 5 Ala kontantman pou moun sa-a ki pran pitié, ki préte,
ki réglé afè-l yo kòrèk,
- 6 paské sé pou tout tan li pap souké.
- 7 Y-ap sonjé moun kòrèk la pou tout tan. R:
- Li pap pè, lè-l tandé mové nouvèl.
Kè-l paré, li espéré nan Granmèt la.
- 8 Kè-l asiré, li pap pè,
joustan li méprizé ènmi-l yo. R:
- 9 Li séparé, li bay pòv yo ;
jistis li rété pou tout tan gin tan,
kòn li ap lévé nan gloua-a. R:

7

PSÒM RÉPONS

Ps 121, 1-2. 4-5. 6-7. 8-9 (R: cf. Sir 36, 18)

R: Bay lapè, Granmèt, pou moun yo k-ap espéré-ou yo.

- 1 Mouin kontan poutèt yo di-m :
« Nan kay Granmèt la n-apralé ».
- 2 Pié nou déjà kanpé
nan pòt ou yo, Jérusalèm. R:
- 4 Sèké sé la ras yo ap monté, ras Granmèt la,
témouagnaj Israèl, pou fè louanj non Granmèt la.
- 5 Sèké sé la tro-n yo instalé pou jijman-an,
tro-n kay David la. R:

- 6 Mandé bagay ki konsèné lapè pou Jérusalèm,
sé pou yo protéjé, sila yo ki rinmin-ou nan.
- 7 Sé pou gin lapè nan miray ou yo,
avèk asirans nan sitadèl ou yo. **R:**
- 8 Poutèt frè-m yo ak prochin-m yo
m-ap di : « Lapè nan ou ! »
- 9 Poutèt kay Granmèt Bondié nou-an
m-ap chèché byin pou ou. **R:**

8

PSÒM RÉPONS

Ps 122, 1-2 a. 2 bcd (**R:** : 2 cd oubyin 3 a)

R: Jé nou kot Granmèt Bondié nou-an, joutan li pran pitié pou nou.

oubyin :

R: Pitié pou nou, Granmèt, pitié pou nou

- 1 Koté-ou mouin lévé jé-m,
ou minm ki abité nan sièl yo.
- 2 Min sé tankou jé sèvitè yo
kot min mèt yo. **R:**
- Tankou jé sèvant la kot min mètrès li,
sé konsa jé nou kot Granmèt Bondié nou-an,
joutan li pran pitié pou nou. **R:**

9

PSÒM RÉPONS

Ps 126, 1. 2. (**R:** : cf. 1)

R: Sé pou Granmèt la bati kay la pou nou, pou-l véyé sou vil la.

- 1 Si Granmèt la pa bati kay la,
sé pou granmèsi y-ap travay moun k-ap bati yo.
Si Granmèt la pa véyé sou vil la,
sé pou granmèsi l-ap véyé moun k-ap véyé sou li-a. **R:**
- 2 Sé pou granmèsi ou-ap lévé anvan limiè-a,
n-ap kouché byin ta, n-ap manjé pin fatig.
Rèyèlman l-ap bay moun li rinmin yo dé foua plis. **R:**

ALÉLOUYA AK VÈSÈ ANVAN ÉVANJIL LA

1

1 Kro 29, 10 b. 11 b

(R: Alélouya). Konpliman pou ou, Granmèt Bondié Israèl, papa nou-an ;
 tou sa-k nan sièl la ak sou tè-a sé pou ou. (R: Alélouya)

2

Ps 125, 5

(R: Alélouya). Moun ki simin nan dlo jé,
 yo rékòlté nan kè kontan. (R: Alélouya).

3

Mt 5, 9

(R: Alélouya). Ala kontantman pou moun k-ap travay pou lapè-a,
 paské y-ap rélé yo pitit Bondié. (R: Alélouya).

4

Mt 25, 34

(R: Alélouya). Vini, nou minm Papa-m béni yo,
 pran posésion péyi roua-a yo té paré pou nou
 dépi tè-a té kòmansé fèt la. (R: Alélouya).

5

Lk 21, 36

(R: Alélouya). Véyé, priyé nan tout tan,
 pou nou kapab mérité kanpé dévan Pitit moun nan. (R: Alélouya).

6

Jan 8, 12

(R: Alélouya). Mouin sé limiè tè-a, sé sa Granmèt la di ;
 moun k-ap suiv mouin, l-ap gin limiè lavi-a. (R: Alélouya).

7

Jan 12, 26

(R: Alélouya). Si yon moun ap sèvi-m sé pou-l suiv mouin,
sé sa Granmèt la di ;
épi koté-m yé-a, sé la sèvitè-m nan ap yé tou. (R: Alélouya).

8

Jan 13, 34

(R: Alélouya). Mouin ba nou yon kòmandman nouvo,
pou nou youn rinmin lòt minm jan mouin rinmin nou-an. (R:
Alélouya).

9

2 Kor 8, 9

(R: Alélouya). Jézu-Kri vi-n pòv, malgré li té rich,
pou nou kapab vi-n rich nan sa-k fè-l vi-n pòv la. (R: Alélouya).

ÉVANJIL YO

1

*Ala kontantman pou moun k-ap travay pou lapè-a,
paské y-ap rélé yo pitit Bondié.*

✠ Léktu sint Évanjil la dapré Matié

5, 1-12 a

Lè sa-a :

Antan Jézu ouè foul yo, li té monté sou mòn nan ; kon-l chita, disip li
yo té proche koté-l. Épi antan-l louvri bouch li, li t-ap anségné yo antan l-
ap di :

« Ala kontantman pou moun ki pòv yo nan éspri-a, paské sé pou yo
péyi-roua sièl yo yé.

Ala kontantman pou moun ki dou yo, paské sé yo minm k-ap posédé
tè-a.

Ala kontantman pou moun k-ap kriyé yo, paské y-ap konsolé.

Ala kontantman pou moun ki grangou, ki souaf jistis la, paské y-ap jouinn kont yo.

Ala kontantman pou moun ki gin mizérikòd yo, paské y-ap jouinn mizérikòd.

Ala kontantman pou moun ki gin kè yo nèt yo, paské y-ap ouè Bondié.

Ala kontantman pou moun k-ap travay pou lapè-a, paské y-ap rélé yo pitit Bondié.

Ala kontantman pou moun k-ap souffri pèsékision poutèt jistis la, paské sé pou yo péyi-roua sièl la yo yé.

Ala kontantman pou nou, lè y-ap madichonnin nou, lè y-ap pèsékité nou, lè y-ap di tout kalité mal kont nou, antan y-ap fè manti, akòz mouin ; fè kè nou kontan, fété, paské rékonpans nou anpil nan sièl yo ».

Paròl Granmèt la.

2

Tout moun ki fè kòlè kont yon frè, li mérité jijman.

✠ Léktu sint Évanjil la dapré Matié

5, 20-24

Lè sa-a :

Jézu di disip li yo : « Si jistis nou pa dépasé pa skrib yo ak farizyin yo, nou pap antré nan péyi roua sièl yo.

Nou té tandé ansyin yo té di : “Pa touyé” ; moun ki touyé, li mérité jijman.

Mouin minm mouin di nou : Tout moun ki fè kòlè kont frè-l, li mérité jijman. Moun ki di frè-l : “Tèt vid”, li mérité tribinal. Moun ki di : “Moun fou”, li mérité boukan difé-a.

Konsa, si ou-ap ofri kado-ou dévan lotèl la, épi lè-ou rivé la, ou sonjé frè-ou gin kichòy kont ou, kité kado-ou la la minm dévan lotèl la, al rékonsilié avèk frè-ou la anvan ; apré sa ou-a vini, ou-a ofri kado-ou la ».

Paròl Granmèt la.

3

Mouin minm mouin di nou pa rézisté méchan-an.

✠ **Léktu sint Évanjil la dapré Matié**

5, 38-48

Lè sa-a :

Jézu di disip li yo : « Nou té tandé yo té di : “Jé pou jé, dan pou dan”.

Mouin minm mouin di nou pa rézisté méchan-an ; min si yon moun frapé-ou sou machoua douat ou, prezanté-l bò gòch la tou ; moun ki vlé fè prosè nan jijman avèk ou pou-l pran chémiz ou, kité manto-a pou li tou ; ninpòt ki moun ki fòsé-ou fè mil pa, alé, fè dé mil pa avèk li. Moun ki mandé-ou, ba li ; moun ki vlé prété nan min-ou, pa viré do ba li.

Nou té tandé yo té di : “Sé pou-ou rinmin prochin-ou, pou-ou rayi ènmi-ou”.

Mouin minm mouin di nou : Rinmin ènmi nou, fè dibyin pou moun ki rayi nou yo, priyé pou moun k-ap pèsékité nou yo, k-ap fè manti sou nou ; pou nou kapab vi-n tounin pitit Papa nou ki nan sièl la, li minm ki fè solèy li lévé sou bon yo ak mové yo, ki fè lapli tonbé sou moun kòrèk yo ak sou méchan yo.

Si nou rinmin sa-k rinmin nou yo, ki rékonpans nou ginyin ? Èské piblikin yo pa fè sa ? Si nou salié frè nou yo sèlman, ki sa nou fè an plis ? Èské nasion yo pa fè sa ?

Konsa sé pou nou kòrèk nè, tankou Papa nou ki nan sièl la li kòrèk nè ».

Paròl Granmèt la.

4

*Rinmèt Sézar sa-k pou Sézar,
épi Bondié sa-k pou Bondié.*

✠ **Léktu sint Évanjil la dapré Matié**

22, 15-21

Lè sa-a :

Farizyin yo pati, yo fè konplo pou yo kinbé Jézu nan paròl.

Yo voyé disip pa yo koté-l avèk disip Éròd yo, yo di : « Mèt, nou konnin ou di vérité, ou anségné chémin Bondié-a nan vérité, ou pa okipé pèsòn ; réyèlman, ou pa kité figi moun dékontrolé-ou. Konsa di nou : “Ki sa-ou di nan sa ? Èské nou gin doua péyé taks bay Sézar, oui ou non ?” »

Jézu minm té konnin méchansté yo, li di : « Ipokrit pouki sa n-ap tanté-m nan ? Montré-m piès lajan taks la ». Yo poté yon goud ba li.

Jézu di yo : « Pòtré ki moun sa-a yé, épi ki non ki ékri sou li ? »

Yo di-l : « Sézar ».

Lè sa-a atò li di yo : « Rinmèt Sézar sa-k pou Sézar, épi Bondié sa-k pou Bondié ».

Paròl Granmèt la.

5

*Poutèt ou té fidèl sou yon ti bagay,
antré nan kè kontan mèt ou-a.*

✠ Léktu sint Évanjil la dapré Matié

25, 14-30

Lè sa-a :

Jézu di disip li yo parabòl sa-a : « Yon mésié t-ap pati al nan vouayaj, li rélé sèvitè-l yo, li rinmèt yo byin-l yo : youn li ba-l sink talan, yon lòt minm dé, épi yon lòt yon sèl ; chak moun dapré kapasité pa-l ; apré sa li pati la minm.

Sa-k té résévoua sink talan yo, l-alé, li travay avèk yo, li rapòté sink lòt. Min jan-an tou sa-k té résévoua dé talan yo, li rapòté dé lòt. Min sa-k té résévoua yon sèl la, l-al foyé tè-a, li kaché lajan mèt li-a.

Apré anpil tan, mèt sèvitè sa-a yo vini, li mandé yo kont.

Sa-k té résévoua sink talan yo, li proché, li prezanté sink lòt talan, li di : “Mèt, sé sink talan ou té ban mouin : min sink lòt mouin rapòté”. Mèt li di-l : “Sé byin, bon sèvitè ki fidèl : poutèt ou té fidèl sou yon ti kras, m-ap instalé-ou sou anpil : antré nan kè kontan mèt ou”.

Sa-k té résévoua dé talan yo proché tou, li di : “Mèt, sé dé talan ou té rinmèt mouin, min dé lòt mouin rapòté”. Mèt li di-l : “Sé byin, bon sèvitè ki fidèl : poutèt ou té fidèl sou yon ti kras, m-ap instalé-ou sou anpil : antré nan kè kontan mèt ou”.

Sa-k té résévoua yon sèl talan-an, li proché atò, li di : “Mèt, mouin konnin ou sé yon moun ki rèd : ou rékòlté koté ou pa simin, ou ranmasé koté-ou pa-t planté. Mouin té pè, m-alé, mouin kaché talan-ou nan nan tè-a ; min li, pran afè-ou”.

Mèt li réponn, li di-l : “Mové sèvitè, ou parésé ! Ou té konnin mouin rékòlté koté mouin pa simin, mouin ranmasé koté mouin pa planté : ou té

doué rinmèt lajan-m nan labank, lè-m vini mouin t-a résévoua sa-m dépozé-a avèk bénéfis. Pran talan-an nan min-l, bay moun ki gin dis talan yo ; konsa tout moun ki ginyin, y-ap ba li, l-ap gin plis ; moun ki pa ginyin-an minm, sa-l konprann li ginyin-an minm, y-ap ouété-l sot nan min-l. Épi sèvitè sa-a ki pa vo anyin-an, jété-l nan fènoua déyò yo : koté sa-a ap gin rèl ak manjé dan” ».

Paròl Granmèt la.

6

*Chak foua nou fè pou youn nan pi piti frè-m sa yo,
sé pou mouin minm nou fè.*

✠ Léktu sint Évanjil la dapré Matié

25, 31-46

Lè sa-a : Jézu di disip li yo :

« Lè Pitit moun nan ap rivé nan gloua li, épi tout anj yo avèk li, lè sa-a l-ap chita sou tro-n gloua li. L-ap rasanblé tout nasion yo dévan-l, l-ap séparé yo youn sot kot lòt, tankou yon gadyin séparé mouton yo ak bouk yo. L-ap mét mouton yo kanpé adouat li, bouk yo agoch li.

Lè sa-a roua-a ap di sa-k adouat li yo : “Vini, nou minm Papa-m béni yo, pran posésion péyi roua-a yo té paré pou nou dépi tè-a té kòmansé fèt la. Sèké mouin té grangou, nou té ban-m manjé ; mouin té souaf, nou té ban-m bouè ; mouin té étranjé, nou té résévoua-m ; mouin té ni-kò, nou té abiyé-m ; mouin té malad, nou té rann mouin vizit ; mouin té nan prizon, nou té vi-n jouinn mouin”.

Lè sa-a moun kòrèk yo ap pran laparòl, y-ap di : “Granmèt, kilè nou té ouè-ou grangou épi nou té ba-ou manjé ? oubyin nou té ouè-ou souaf épi nou té ba-ou bouè ? kilè nou té ouè-ou étranjé épi nou té résévoua-ou ? oubyin ni-kò épi nou té abiyé-ou ? oubyin kilè nou té ouè-ou malad oubyin nan prizon épi nou té vi-n jouinn ou ?”

Roua-a ap réponn, l-ap di yo : “Amèn mouin di nou, chak foua nou té fè sa pou youn nan pi piti nan frè-m sa yo, sé pou mouin minm nou té fè-l”.

Lè sa-a atò l-ap di sa yo ki agoch li yo : “Ralé kò nou sot sou mouin, nou minm ki madichonnin, al nan difé tout tan-an, ki té paré pou djab la ak anj li yo. Mouin té grangou, nou pa-t ban-m manjé ; mouin té souaf, nou pa-t ban-m bouè ; mouin té étranjé, nou pa-t résévoua-m ; mouin té ni-kò, nou pa-t abiyé-m ; mouin té malad épi mouin té nan prizon, min nou pa-t vizité-m”.

Lè sa-a yo minm tou y-ap pran laparòl, y-ap di-l : “Granmèt, kilè nou té ouè-ou grangou, oubyin souaf, oubyin étranjé, oubyin ni-kò, oubyin malad, oubyin nan prizon, épi nou pa-t rann ou sèvis” ?

Lè sa-a l-ap réponn yo, l-ap di : “Amèn mouin di nou, chak foua nou pa-t fè sa pou youn nan pi piti sa yo, sé pou mouin minm tou nou pa-t fè-l”.

Sa yo apral nan chatiman tout tan-an, moun kòrèk yo minm apral nan lavi tout tan-an ».

Paròl Granmèt la.

7

Sé pa nan kantité richès yon moun lavi li asiré, apati sa li posédé.

✠ **Léktu sint Évanjil la dapré Luk**

12, 15-21

Lè sa-a :

Jézu di foul yo : « Fè atansyon, évité tout anvi lajan ; paské sé pa nan richès yon moun lavi-l yé, sé pa nan sa-l posédé yo ».

Li di yon parabòl pou yo, li di : « Yon moun rich té gin yon jadin ki rapòté-l anpil foui, li t-ap kalkilé nan kè-l, li t-ap di : “Ki sa pou-m fè, paské mouin pa gin koté pou-m ranmasé foui-m yo ?”

Li di : “Min sa m-ap fè : m-ap détoui dépo-m yo, m-ap fè dèt ki pi gran, sé la m-ap ranmasé tout richès mouin yo ak byin-m yo. M-ap di nanm mouin : Nanm mouin, ou gin anpil byin an dépo pou anpil ané ; répozé, manjé, bouè, fété”.

Min Bondié di-l : “Inbésil, nannuit sa-a minm y-ap mandé-ou nanm ou ; sa-ou paré-a, pou ki moun y-ap yé ?”

Sé konsa sa yé pou moun k-ap ranmasé richès pou pròp tèt pa-l, ki pa rich nan Bondié ».

Paròl Granmèt la.

8

*Nou minm tou sé pou nou paré.***✠ Léktu sint Évanjil la dapré Luk****12, 35-40**

Lè sa-a : Jézu di disip li yo :

« Sé pou rin nou maré, pou lanp nou limin nan min nou ; nou minm sé pou nou tankou moun k-ap tann mèt yo, lè-l vi-n sot nan nòs ; pou, kon-l rivé, li frapé, minm lè-a yo louvri ba li.

Ala kontantman pou sèvitè sa yo, si lè mèt la rivé, li jouinn yo ap veyé ; Amèn mouin di nou, l-ap maré rin-l, l-ap fè yo al sou tab l-ap pasé pou-l sèvi yo.

Si-l rivé nan dézièm vèy la, épi si sé nan touazièm vèy la li rivé, épi li jouinn yo konsa, ala kontantman pou sèvitè sa yo.

Aprann sa, si pèd-famiy nan té konnin ki lè vòlè-a t-ap rivé, li t-ap veyé sètènman, li pa t-ap kité yo kasé kay li.

Nou minm tou sé pou nou paré, paské sé lè nou pa pansé-a, Pitit moun nan ap vini ».

Paròl Granmèt la.

9

*Lè-ou ap fè yon résépsion, invité pòv yo.***✠ Léktu sint Évanjil la dapré Luk****14, 12-14**

Lè sa-a :

Jézu t-ap di yon chèf farizyin yo ki té invité-l : « Lè ou-ap fè yon diné oubyin yon soupé, pa invité zanmi-ou yo ni frè-ou yo ni fanmi ou yo, ni vouazin-ou yo ki rich yo, pou yo minm yo pa riské invité-ou tou, pou yo rinmèt ou politès la.

Mìn, lè-ou ap fè yon résépsion, invité pòv yo, malad yo, bouaté yo, avèg yo. Ala kontantman pou ou, paské yo pa gin pou rinmèt ou ; ou-a jouinn rékonpans ou nan rézireksion moun kòrèk yo ».

Paròl Granmèt la.

✠ Léktu sint Évanjil la dapré Luk**16, 19-31**

Lè sa-a :

Jézu di Farizyin yo : « Té gin yon mésié ki té rich, li té konn abiyé ak vlou ak soua, chak jou li té konn ap fè bèl résépsion. Min té gin yon pòv tou, yo té rélé Lazar, ki té kouché nan papòt li, li té plin ak blésu, li té anvè plin vant li ak ti kal manjé ki té konn ap tonbé sot sou tab rich la, min pèsòn pa-t konn ba li ; okontrè sé chyin yo ki té konn vi-n ap niché koté-l té malad yo.

Rivé pòv la vi-n mouri, anj yo poté-l nan léstomak Abraam ; rich la vi-n mouri tou, yo antéré-l nan lanfè.

Li lévé jé-l anlè, pandan li t-ap souffri-a, li ouè Abraam byin louin avèk Lazar nan léstomak li. Li rélé byin fò, li di : “Papa Abraam, pitié pou mouin, voyé Lazar, pou-l tranpé ti bout douèt li nan dlo, pou-l rafréchi lang mouin, paské m-ap souffri nan flanm sa-a”.

Abraam di-l : “Pitit, sonjé ou té résévoua byin yo nan lavi-ou, Lazar minm té résévoua malè ; koulié-a atò li jouinn konsolasion isit la, ou minm minm ou-ap souffri. Ak tou sa, ant nou minm épi ou minm gin yon gran vid ki égzisté, atèl pouin moun ki t-a vlé sot isit la pou y-al travèsé koté-ou, yo pa kapab, ni sot koté-ou pou travèsé isit la”.

Li di : “Mouin priyé-ou, Papa, pou-ou voyé-l kay papa-m (sèké mouin gin sink frè), pou-l bay témouagnaj dévan yo, pou yo minm tou yo pa vi-n nan koté soufrans sa yo isit la”.

Abraam di-l : “Yo gin Moyiz ak profèt yo : sé pou yo kouté yo”.

Li di-l : “Non, Papa Abraam ; min, si youn nan mò yo al koté yo, y-ap fè pénitans”.

Li di-l : “Si ata Moyiz ak Profèt yo yo pa kouté yo, sé pa yon moun ki t-a lévé sot nan pami mò yo yo t-a kouté” ».

Paròl Granmèt la.

11

*Mouin préparé péyi-roua-a pou nou,
tankou Papa-m té préparé-l pou mouin-an.*

✠ **Léktu sint Évanjil la dapré Luk**

22, 24-30

Lè sa-a :

Té gin diskision nan pami Apot yo kilès nan yo yo té konsidéré kòm pi gran.

Jézu minm di yo : « Roua nasyon yo kòmandé yo kòm mèt, épi sa yo ki gin pouvoua sou yo-a, yo fè yo rélé yo byinfètè. Kanta nou minm, sa pa doué fèt konsa, min sa-k pi gran nan pami nou-an, sé pou-l vi-n tankou sa-k pi piti-a, épi sa-k chèf la, sé pou-l tankou sèvitè-a. Réyèlman kilès ki pi gran, sa-k lonjé kò-l pou manjé-a oubyin sa k-ap sèvi-a ? Èské sé pa sa-k lonjé kò-l pou manjé-a ? Mouin minm mouin nan mitan nou tankou sa k-ap sèvi-a.

Nou minm minm nou té rét fidèl avèk mouin nan tantasion-m yo ; mouin préparé péyi roua-a pou nou, tankou Papa-m té préparé-l pou mouin, pou nou manjé, pou nou bouè sou tab mouin nan péyi roua-m nan, épi pou nou chita sou tro-n yo, antan n-ap jijé douz fanmi Israèl yo ».

Paròl Granmèt la.

12

Sé pou nou youn rinmin lòt, minm jan mouin rinmin nou-an.

✠ **Léktu sint Évanjil la dapré Jan**

15, 9-12

Lè sa-a :

Jézu di disip li yo : « Minm jan Papa-a rinmin-m nan, sé konsa tou mouin rinmin nou. Sé pou nou rété nan rinmin-m nan. Si nou kinbé kòmandman-m yo, n-ap rété nan rinmin-m nan, minm jan mouin minm mouin kinbé kòmandman Papa-m yo, épi mouin rété nan rinmin-l nan. Mouin di nou bagay sa yo, pou kè kontan-m nan kapab nan nou, pou kè kontan nou-an réalizé nèt.

Mìn kòmandman-m nan, sé pou nou youn rinmin lòt, minm jan mouin rinmin nou-an ».

Paròl Granmèt la.

14. POU KONSÈVÉ LAPÈ AK JISTIS

LÉKTU NAN ANSYIN TÊSTAMAN-AN

1

Pouvoua-l ap grandi, lapè-l pap gin finisman.

Léktu liv profèt Izayi

9, 1-6

Pèp ki tap maché nan fènoua yo, li ouè yon gran limiè ; moun yo ki abité nan réjion lonbraj lanmò-a, yon limiè lévé pou yo. Ou té fè nasion-an vi-n anpil, min ou pa-t fè kè kontan-an vi-n anpil. Y-ap kontan dévan-ou, tankou moun ki kontan nan rékòlt, tankou moun ki ranpòté viktoua k-ap fété, lè yo fi-n pran byin ènmi-an, lè y-ap séparé richès yo. Sèké jouk la ki t-ap pézé sou li-a, épi baton-an ki té sou zépòl li-a, épi bagèt moun ki t-ap fè-l pasé mizè-a, ou té krazé-l, tankou nan jou Madian-an.

Sèké tout sa yo pran nan lagè avèk brui, rad ki mélé nan san, y-ap boulé yo, difé ap dévoré yo.

Yon ti pitit, réyèlman, té fèt pou nou, yon ti gason yo té ba nou, péyi-roua-a té vi-n sou zépòl li, y-ap rélé non-l « Sa-a ki mérité konsidèrasion-an, Sa-a k-ap bay konsèy la, Bondié fò, Papa sièk tan k-ap vini yo, Prins lapè ».

Péyi-roua-l la ap vi-n anpil, épi lapè-a pap gin finisman, sou tro-n David la ak sou péyi-roua-l la, l-ap instalé, pou-l asiré-l, épi pou-l ranfòsé-l nan jijman-an ak jistis la dépi koulié-a ak pou tout tan. Jalouzi Granmèt lamé yo ap fè sa.

Paròl Granmèt la.

2

Travay jistis la ap lapè.

Léktu liv profèt Izayi

32, 15-18

Nan jou sa yo :

Y-ap vidé éspri ki sot anro-a sou nou. Dézè-a ap vi-n tounin Karmèl. Karmèl la y-ap konsidéré-l tankou yon koté ki plin pié boua, jijman-an ap

abité nan dézè-a, épi jistis la ap instalé nan Karmèl la, travay jistis la ap lapè, rézilta jistis la ap répo avèk sékirité pou tout tan.

Pèp mouin-an ap abité nan bèlté lapè, nan tout konfians ak nan répo rich.

Paròl Granmèt la.

3

Lapè pou sa-a ki louin-an épi pou sa-a ki pré-a.

Léktu liv profèt Izayi

57, 15-19

Min paròl sa-a ki anlè nèt la ak sa-a ki dépasé tout bagay la, ki abité éternité-a, non-l sin, li abité anlè nèt la, nan Sin-an, li avèk éspri ki krazé-a épi ki rabésé-a, pou-l fè éspri ki rabésé-a jouinn lavi, pou-l fè kè ki krazé-a jouinn lavi : « Sé pa tout tan m-ap fè diskision, ni jouskalafin m-ap fè kòlè, paské dévan fas mouin éspri-a ap soti, ni souf la mouin fè-a.

Poutèt péché rinmin lajan-l nan mouin faché épi mouin frapé-l, mouin kaché fas mouin dévan-ou épi mouin fè kòlè ; li pati san diréksion nan chémin kè-l. Mouin ouè chémin-l yo mouin géri-l, mouin fè-l rétonnin, mouin rinmèt li konsolasion yo ni moun li yo ki té nan lapinn yo.

Mouin kréyé frui po bouch yo lapè : lapè pou sa-a ki louin-an épi pou sa-a ki pré-a, sé sa Granmèt la di ; épi mouin géri-l ».

Paròl Granmèt la.

LÉKTU NAN NOUVO TÉSTAMAN-AN

1

*Sé pou lapè Bondié-a kinbé kè nou
ak intéljans nou yo.*

Léktu lèt apot sin Pòl pou Filipyin yo

4, 6-9

Frè-m yo :

Pa chajé tèt nou ak anyin ; min nan tout kalité priyé ak démann, antan n-ap di Bondié mési, sé pou nou fè Bondié konnin sa nou bézouin, épi lapè Bondié-a, ki dépasé tou sa nou kapab santi, sé pou-l kinbé kè nou ak intéljans nou yo nan Kris Jézu.

Pou rèz la, frè-m yo, tou sa-k vré, tou sa-k pròp, tou sa-k kòrèk, tou sa-k sin, tou sa-k mérité rinmin, tou sa-k gin bon rénomé, si gin yon bon kalité, si gin yon bagay ki mérité louanj, sé bagay sa yo pou nou kalkilé. Sa nou té aprann nan min-m, sa nou té résevoua, sa nou té tandé, sa nou té ouè nan mouin, sé sa pou nou fè ; konsa Bondié lapè-a ap avèk nou.

Paròl Granmèt la.

2

Sé pou lapè Kris la fété nan kè nou.

Léktu lèt apot sin Pòl pou Kolosyin yo

3, 12-15

Frè-m yo :

Abiyé nou, tankou moun Bondié chouazi, ki sin, tankou moun li rinmin, abiyé nou ak zantray mizérikòd, ak bon kè, rabésé tèt nou, fè kò nou tou dou, pran pasians, sipòté nou youn lòt, sé pou youn padonnin lòt, si youn gin kichòy kont lòt : jan Granmèt la padonnin nou, konsa nou minm tou.

Anlè tout bagay sa yo, sé pou nou gin charité, li minm ki kòd ki maré sa ki fi-n kòrèk nèt la ; sé pou lapè Kris la fété nan kè nou, sé nan li yo rélé nou pou nou fè yon sèl kò ; sé pou nou rét ap di Bondié mèsi.

Paròl Granmèt la.

3

Foui jistis la sé nan lapè li simin, pou moun yo k-ap fè lapè-a.

Léktu lèt apot sin Jak

3, 13-18

Nou minm mouin rinmin anpil la :

Kilès ki saj épi ki gin disipli-n nan pami nou ? Sé pou-l montré travay li nan dousè sajès la apati yon bon konduit. Min si nou gin yon anvè ki anmè, avèk si gin jalouzi nan kè nou, pa vanté tèt nou, pou nou vi-n tounin moun k-ap bay manti kont vérité-a.

Sèké sé pa sajès sa-a ki désann sot anro-a, min sé sou tè-a li soti, nan bèt, nan djab. Sèké koté ki gin jalouzi ak batay, sé dézòd ak tout kalité mové aksion. Min sajès la ki sot anro-a, toudabò li gin yon konduit respéktab, épi li chèche lapè, li tou dou, li gin bon jan, li mété kè-l nan sa-k bon, li plin mizérikòd ak bon foui, li pa gin préjijé, li pa fè ipokrit. Foui jistis la sé nan lapè li simin, pou moun yo k-ap fè lapè-a.

Paròl Granmèt la.

PSÒM RÉPONS YO

1

PSÒM RÉPONS

Ps 71, 2. 3-4 ab. 7-8. 12-13. 17 (R: 7)

R: Jistis ap fléri nan jou-l yo épi lapè an kantité pou tout tan.

- 1 Bondié, bay roua-a jijman-ou,
épi jistis ou pou pitit roua-a.
- 2 L-ap jijé pèp ou-a nan jistis,
épi pòv ou yo nan jijman. R:
- 3 Sé pou mòn yo poté lapè-a pou pèp la,
épi ti rotè yo jistis la.
- 4 L-ap jijé pòv yo nan pèp la,
l-ap sové pitit maléré yo. R:
- 7 Nan tan-l yo jistis ap fléri ak lapè an kantité
joustan lali-n nan disparèt.
- 8 Épi l-ap kòmandé sot nan lanmè al nan lanmè,
épi sot nan gran riviè-a jous nan bout fas tè yo. R:
- 12 Sèké l-ap délivré maléré-a k-ap rélé-a,
ak pòv la ki pa gin sékou-a.
- 13 L-ap pran pitié pou pòv la ak mizérab la,
épi nanm pòv yo, l-ap sové yo. R:

2

PSÒM RÉPONS

Ps 84, 9 ab-10. 11-12. 13-14 (R: cf. 9)

R: Sé lapè Granmèt la ap palé pou pèp li-a.

- 9 M-ap kouté sa Granmèt Bondié ap di,
sèké sé lapè l-ap palé pou pèp li-a ak sin-l yo.
- 10 Réyèlman, sové li sové yo-a toupré sa-k krinn li yo,
pou gloua-a abité sou tè nou-an. R:
- 11 Mizérikòd ak vérité rankontré,
jistis ak lapè anbrasé.
- 12 Vérité-a lévé sot sou tè-a,
épi jistis la panché sot nan sièl la. R:

- 13 Oui, Granmèt la ap bay bon kè,
épi tè nou-an ap bay foui-l.
- 14 Jistis-la sé dévan-l l-ap maché,
épi l-ap pozé pié-l sou rout la. **R:**

3

PSÒM RÉPONS

Ps 121, 1-2. 4-5. 6-7. 8-9 (**R:** Sir 36, 18)

- R:** Bay lapè, Granmèt, pou moun yo k-ap espéré-ou yo.
- 1 Mouin kontan poutèt yo di-m :
« Nan kay Granmèt la n-apralé ».
- 2 Pié nou déjà kanpé
nan pòt ou yo, Jérusalèm. **R:**
- 4 Sèké sé la ras yo ap monté, ras Granmèt la,
témouagnaj Israèl, pou fè louanj non Granmèt la.
- 5 Sèké sé la tro-n yo instalé pou jijman-an,
tro-n kay David la. **R:**
- 6 Mandé bagay ki konsèné lapè pou Jérusalèm,
sé pou yo protéjé, sila yo ki rinmin-ou nan.
- 7 Sé pou gin lapè nan miray ou yo,
avèk asirans nan sitadèl ou yo. **R:**
- 8 Poutèt frè-m yo ak prochain-m yo
m-ap di : « Lapè nan ou ! »
- 9 Poutèt kay Granmèt Bondié nou-an
m-ap chèche byin pou ou. **R:**

ALÉLOUYA AK VÈSÈ ANVAN ÉVANJIL LA

1

Mt 5, 9

(**R:** Alélouya). Ala kontantman pou moun k-ap travay pou lapè-a,
paské y-ap rélé yo pitit Bondié. (**R:** Alélouya).

Jan 14, 27

(R: Alélouya). Sé lapè mouin kité pou nou,
sé lapè-m nan mouin ba nou. (R: Alélouya).

ÉVANJIL YO

1

*Ala kontantman pou moun k-ap travay pou lapè-a,
paské y-ap rélé yo pitit Bondié.*

✠ Léktu sint Évanjil la dapré Matié

5, 1-12 a

Lè sa-a :

Jézu ouè foul yo, li monté sou mòn nan ; kon-l chita, disip li yo
proché koté-l. Li louvri bouch li, li kòmansé ba yo ansègnman, li di :

« Ala kontantman pou moun ki pòv yo nan éspri-a, paské sé pou yo
péyi roua sièl yo yé.

Ala kontantman pou moun ki dou yo, paské sé yo minm k-ap posédé
tè-a,

Ala kontantman pou moun k-ap kriyé yo, paské y-ap konsolé,

Ala kontantman pou moun ki grangou, ki souaf jistis la, paské y-ap
jouinn kont yo.

Ala kontantman pou moun ki gin mizérikòd yo, paské y-ap jouinn
mizérikòd.

Ala kontantman pou moun ki gin kè yo nèt yo, paské y-ap ouè
Bondié,

Ala kontantman pou moun k-ap travay pou lapè-a, paské y-ap rélé yo
pitit Bondié.

Ala kontantman pou moun k-ap souffri pèsékision poutèt jistis la,
paské sé pou yo péyi roua sièl yo yé.

Ala kontantman pou nou, lè y-ap madichonnin nou, lè y-ap pèsékité
nou, lè y-ap di tout kalité sa-k mal kont nou, antan y-ap fè manti, akoz
mouin, fè kè nou kontan, dansé, paské rékonpans nou anpil nan sièl yo ».

Paròl Granmèt la.

2

Mouin minm mouin di nou pa rézisté méchan-an.

✠ **Léktu sint Évanjil la dapré Matié**

5, 38-48

Lè sa-a :

Jézu di disip li yo : « Nou té tandé yo té di : “Jé pou jé, dan pou dan”.

Mouin minm mouin di nou pa rézisté méchan-an ; min si yon moun frapé-ou sou machoua douat ou, prezanté-l bò gòch la tou ; moun ki vlé fè prosè nan jijman avèk ou pou-l pran chémiz ou, kité manto-a pou li tou ; ninpòt ki moun ki fòsé-ou fè mil pa, alé, fè dé mil pa avèk li. Moun ki mandé-ou, ba li ; moun ki vlé prété nan min-ou, pa viré do ba li.

Nou té tandé yo té di : “Sé pou-ou rinmin prochin-ou, pou-ou rayi ènmi-ou”.

Mouin minm mouin di nou : Rinmin ènmi nou, fè dibyin pou moun ki rayi nou yo, priyé pou moun k-ap pèsékité nou yo, k-ap fè manti sou nou ; pou nou kapab vi-n tounin pitit Papa nou ki nan sièl la, li minm ki fè solèy li lévé sou bon yo ak mové yo, ki fè lapli tonbé sou moun kòrèk yo ak sou méchan yo.

Si nou rinmin sa-k rinmin nou yo, ki rékonpans nou ginyin ? Èské piblikin yo pa fè sa ? Si nou salié frè nou yo sèlman, ki sa nou fè an plis ? Èské nasion yo pa fè sa ?

Konsa sé pou nou kòrèk nè, tankou Papa nou ki nan sièl la li kòrèk nè ».

Paròl Granmèt la.

3

Sé lapè-m nan mouin ba nou.

✠ **Léktu sint Évanjil la dapré Jan**

14, 23-29

Lè sa-a :

Jézu di disip li yo : « Si yon moun rinmin-m, l-ap kinbé paròl mouin, Papa-m ap rinmin-l, n-ap vi-n jouinn li, n-ap abité lakay li.

Moun ki pa rinmin-m, li pa kinbé paròl mouin yo. Paròl la nou tandé-a, sé pa nan mouin li soti, min sé nan sa-a ki voyé-m nan, Papa-a.

Mouin di nou bagay sa yo, pandan-m rét avèk nou toujou. Avoka-a minm, Éspri Sin-an, sa Papa-a ap voyé o non-m nan, sé li minm k-ap aprann nou tout bagay, l-ap souflé nou tou sa-m té di nou yo.

Sé lapè mouin kité pou nou, sé lapè-m nan mouin ba nou ; sé pa tankou tè-a bay li-a mouin ba nou li. Pa kité kè nou troublé, pa kité-l soté.

Nou té tandé mouin té di nou : “M-apralé épi m-ap vi-n jouinn nou”. Si nou té rinmin-m, nou t-a kontan sètènman poutèt m-apral kay Papa-a, paské Papa-a pi gran pasé-m. Koulié-a minm mouin di nou sa anvan sa rivé, pou lè-l rivé nou kapab kouè ».

Paròl Granmèt la.

4

Lapè pou nou.

✠ Léktu sint Évanjil la dapré Jan

20, 19-23

Lè asouè rivé, jou sa-a, premié jou sémèn nan, tout pòt yo té fèmin, koté disip yo té rasanblé poutèt yo té pè Juif yo, Jézu rivé, li kanpé nan mitan, li di yo : « Lapè pou nou ». Pandan l-ap di sa, li montré yo min yo ak bò kòt la. Disip yo kontan, lè yo ouè Granmèt la.

Li di yo yon lòt foua ankò : « Lapè pou nou. Minm jan Papa-a voyé-m nan, mouin minm tou mouin voyé nou ».

Lè-l fi-n di sa, li souflé, li di yo : « Résévoua Éspri Sin-an. Moun nou rinmèt péché yo, péché yo ap rinmèt, moun nou kinbé péché yo, y-ap rét kinbé ».

Paròl Granmèt la.

15. POU RÉKONSILIASION-AN

LÉKTU NAN ANSYIN TÉSTAMAN-AN

1

Chèché Granmèt la.

Léktu liv profèt Izayi

55, 1-3. 6-9

Min paròl Granmèt la :

« Nou tout ki souaf, vi-n nan dlo yo ; nou minm ki pa gin lajan, proché, achté, manjé ; vini achté divin ak lèt san lajan, san troké anyin.

Pouki n-ap dépanse lajan nou nan sa-k pa pin, fòs travay nou nan sa-k pa konblé nou ? Kouté, panché zòrèy nou sou mouin, manjé sa-k bon, nanm nou ap jouinn plézi nan sa-k gin konsistans.

Panché zòrèy nou, vi-n jouinn mouin ; kouté, nanm nou ap viv, m-ap pasé yon kontra ki pap janm fini avèk nou, mizérikòd yo ki fidèl pou David la ».

Chèché Granmèt la pandan yo kapab jouinn li ; rélé-l pandan li tou pré. Sé pou méchan-an kité rout li, pou péchè-a kité kalkil li yo ; sé pou-l tounin kot Granmèt la, l-ap pran pitié pou li ; sé pou-l tounin kot Bondié nou-an, paské li byin dispozé pou-l padonnin.

Sèké pansé-m yo pa pansé pa nou, rout mouin yo pa rout pa nou, sé sa Granmèt la di. Sèké minm jan sièl la ro anlè tè-a, konsa rout mouin yo ro anlè rout pa nou yo, pansé-m yo ro anlè pansé nou yo.

Paròl Granmèt la.

2

Mouin pap sonjé péché yo ankò.

Léktu liv profèt Jérémi

31, 31-34

« Min jou k-ap rivé, sé sa Granmèt la di, m-ap pasé yon aliens nouvo avèk kay Israèl la, avèk kay Juda-a ; sé pa tankou aliens la mouin té pasé avèk papa yo-a, jou mouin té pran min yo-a, pou-m kondui yo sot nan péyi Éjip la, aliens sa-a, sé yo minm ki té kasé-l, mouin minm mouin té fè yo santi pouvoua-m, sé sa Granmèt la di.

M-ap mété laloua-m nan nan zantray yo, m-ap ékri-l nan kè yo, m-ap Bondié yo, y-ap pèp mouin, pèsonn pap anségné prochin-l ak frè-l ankò, antan l-ap di : “Sé pou-ou konnin Granmèt la” ; sèké tout moun ap konnin-m, dépi pi piti nan yo jous nan pi gran-an, sé sa Granmèt la di ; paské m-ap padonnin fòt yo, mouin pap sonjé péché yo ankò ».

Paròl Granmèt la.

3

*Ouété boui kantik nou yo sot koté-m,
sé pou jistis la tankou gran ravi-n.*

Léktu liv profèt Amòs

5, 4. 14-15. 21-24

Min sa Granmèt kay Israèl la di : « Chèché-m, n-a viv. Chèché byin, épi pa chèché mal, pou nou viv, épi Granmèt Bondié lamé yo ap avèk

nou, jan nou té di-a. Rayi mal, épi rinmin byin, mété jistis nan tribinal la ; pétèt Granmèt Bondié lamé yo a gin pitié pou rès Jozèf yo.

« Mouin té rayi épi mouin té réjité fèt nou yo, sé sa Granmèt la di, mouin pa kapab santi lodè réyinion nou yo. Sé pou sa si nou ofri-m sakrifis antié ak kado nou yo, mouin pap résevoua yo, ni ofrann nou yo ki byin gra-a, mouin pap gadé yo. Ouété boui kantik ou yo sot koté-m, épi kantik gita-ou yo mouin papa kouté yo. Épi jijman-an ap révéle tankou dlo, épi jistis la tankou ravi-n ki fò ».

Paròl Granmèt la.

LÉKTU NAN NOUVO TÉSTAMAN-AN

1

Sé pou nou régrèt, sé pou nou konvèti.

Léktu Travay Apot yo

3, 13-15. 17-19

Jou sa yo : Piè di pèp la :

« Bondié Abraam ak Bondié Izaak ak Bondié Jakòb la, Bondié zansèt nou yo fè ouè gloua Pitit li-a Jézu, li minm nou té rinnèt la, nou té nié dévan fas Pilat la, lè Pilat té jijé pou-l té lagé-l la. Nou minm sé Sin-an ak Sa-a ki kòrèk la nou té nié, nou té mandé pou yo ba nou yon moun ki touyé moun ; Lotè lavi-a minm, nou té touyé-l li minm Bondié té résisité sot nan pami mò yo, nou sèvi-l témouin.

Koulié-a, frè-m yo, mouin konnin sé paské nou pa-t konnin ki fè nou fè sa, minm jan ak chèf nou yo. Min Bondié, sa-l té anonsé davans nan bouch profèt yo, pou Kris li-a soufri-a, sé konsa li réalizé-l. Konsa sé pou nou régrèt, sé pou nou konvèti, pou péché nou yo éfasé ».

Paròl Granmèt la.

2

Rékonsilié ak Bondié.

Léktu dézièm lèt apot sin Pòl pou Korintyin yo

5, 17-6, 2

Si gin yon nouvo kréatu nan Kris la, ansyin-an pasé : min tout bagay vi-n sot nan Bondié, li minm ki rékonsilié nou pa lintèmédiè Jézu-Kri, li

ba nou sèvis rékonsiliation-an. Sèké sé Bondié ki té nan Jézu-Kri, l-ap rékonsilié tè-a avèk li, li pa konsidéré fot moun yo té fè, li mété paròl rékonsiliation-an nan bouch nou. Pou Kris la, n-ap fè sèvis komisionè, tankou sé Bondié k-ap ankourajé pa intèmediè nou. Nou insisté pou Kris la : rékonsilié ak Bondié ; li minm ki pa-t konnin péché, Bondié fè-l vi-n tounin péché pou nou, pou jistis Bondié té kapab réalizé nan li.

Kòm n-ap plédé, nou ankourajé nou, pou nou pa résévoua gras Bondié-a pou granmési. Sèké li di : « Nan tan gras la mouin réponn ou, jou sové-a, mouin poté-ou sékou ». Min li koulié-a, tan gras la, min li koulié-a, jou sové Bondié sové nou-an.

Paròl Granmèt la.

3

Li minm minm li sé padon pou péché nou yo.

Léktu prémié lèt apot sin Jan

2, 1-5

Ti pitit mouin yo, mouin ékri nou bagay sa yo pou nou pa fè péché ; min si yon moun fè péché, nou gin yon avoka bò kot Papa-a, Jézu-Kri ki kòrèk la, li minm minm li sé padon pou péché nou yo ; pa pou pa nou yo sèlman, min tou pou pa tout tè-a.

Épi sé nan sa nou rékonèt nou konnin-l : si nou kinbé kòmandman-l yo. Moun k-ap di : « Mouin konnin-l », épi li pa kinbé kòmandman-l yo, sé yon mantè, vérité-a pa nan li ; moun ki kinbé paròl li-a minm, rinmin Bondié-a réalizé nèt tout bon vré nan moun sa-a. Nan sa nou konnin sé nan li nou yé.

Paròl Granmèt la.

PSÒM RÉPONS YO

1

PSÒM RÉPONS

Ps 50, 3-4. 12-13. 14-15 (R : 12 a)

R Kréyé yon kè nèt nan mouin, Bondié.

- ³ Pitié pou mouin, Bondié, dapré mizérikòd ou-a ;
dapré kantité pitié-ou, éfasé fòt mouin-an.

- 4 Lavé-m nèt sot nan fot mouin-an,
pròpté-m sot nan péché-m nan. **R:**
- 12 Kréyé yon kè pròp nan mouin, Bondié,
réfè yon éspri fèm nan zantray mouin yo.
- 13 Pa jété-m louin fas ou,
éspri sin-ou nan, pa ouété-l sot nan mouin. **R:**
- 14 Rinmèt mouin kè kontan sovè ou sovè nou-an,
asiré-m ak éspri ki pi vif la.
- 15 M-ap aprann péchè yo chémin-ou yo,
méchan yo ap tounin vi-n jouinn ou. **R:**

2

PSÒM RÉPONS

Ps 129, 1-2. 3-4 b. 4 c-6. 7-8 (**R:** : 7 bc)

- R:** Kot Granmèt la sé mizérikòd,
avèk rédanmsion an kantité koté-l.
- 1 Nan bafon yo m-ap rélé koté-ou, Granmèt ;
Granmèt, kouté voua-m.
- 2 Sé pou zòrèy ou panché
nan voua priyè-m nan. **R:**
- 3 Si-ou kinbé fot yo, Granmèt,
Granmèt, ki moun k-ap kanpé ?
- 4 Paské koté-ou sé padon,
nou krinn ou. **R:**
- 5 M-ap tann ou, Granmèt ;
nanm mouin ap tann nan paròl li,
- 6 nanm mouin éspéré nan Granmèt la. **R:**
- 7 Sé pou Israèl éspéré nan Granmèt la.
Paské kot Granmèt la sé mizérikòd,
sé rédanmsion an kantité koté-l.
- 8 Sé li minm k-ap rachté Israèl
sot nan tout fot li yo. **R:**

ALÉLOUYA AK VÈSÈ ANVAN ÉVANJIL LA

1

Éz 33, 11

(R: Alélouya). Mouin pa vlé lanmò méchan-an, sé sa Granmèt la di,
min mouin vlé pou-l konvèti épi pou-l viv. (R: Alélouya).

2

Mt 5, 9

(R: Alélouya). Ala kontantman pou moun k-ap travay pou lapè-a,
paské y-ap rélé yo pitit Bondié. (R: Alélouya).

3

Mk 1, 15

(R: Alélouya). Péyi-roua Bondié-a tou pré, sé sa Granmèt la di :
fè pénitans, kouè nan Bòn Nouvèl la. (R: Alélouya).

ÉVANJIL YO

1

Fè kè nou kontan, fété.

✠ Léktu sint Évanjil la dapré Matié

5, 1-12 a

Lè sa-a :

Antan Jézu ouè foul yo, li té monté sou mòn nan ; kon-l chita, disip li
yo té proche koté-l. Épi antan-l louvri bouch li, li t-ap anségné yo antan l-
ap di :

« Ala kontantman pou moun ki pòv yo nan éspri-a, paské sé pou yo
péyi-roua sièl yo yé.

Ala kontantman pou moun ki dou yo, paské sé yo minm k-ap posédé
tè-a.

Ala kontantman pou moun k-ap kriyé yo, paské y-ap konsolé.

Ala kontantman pou moun ki grangou, ki souaf jistis la, paské y-ap jouinn kont yo.

Ala kontantman pou moun ki gin mizérikòd yo, paské y-ap jouinn mizérikòd.

Ala kontantman pou moun ki gin kè yo nèt yo, paské y-ap ouè Bondié.

Ala kontantman pou moun k-ap travay pou lapè-a, paské y-ap rélé yo pitit Bondié.

Ala kontantman pou moun k-ap souffri pèsékision poutèt jistis la, paské sé pou yo péyi-roua sièl la yo yé.

Ala kontantman pou nou, lè y-ap madichonnin nou, lè y-ap pèsékité nou, lè y-ap di tout kalité mal kont nou, antan y-ap fè manti, akòz mouin ; fè kè nou kontan, fété, paské rékonpans nou anpil nan sièl yo ».

Paròl Granmèt la.

2

Ki sa pou nou fè nou minm ?

✚ Léktu sint Évanjil la dapré Luk

3, 7-18

Lè sa-a :

Foul yo ki té soti pou-l batizé yo-a, li t-ap di yo : « Ras vipè, kilès ki té aprann nou sovè kòn ou yo sot nan kòlè k-ap vini-an ? Donnin frui ki fè pénitans la onè, pa kòmansé ap di anndan nou minm minm : “Nou gin yon papa, sé Abraam” ; mouin di réyèlman, Bondié kapab fè pitit lévé pou Abraam apati ròch sa yo. Déjà réyèlman rach la pozé nan rasi-n pié boua yo ; konsa tout pié boua ki pa donnin bon frui y-ap koupé-l, y-ap jété-l nan difé ».

Foul yo t-ap pozé Jan késion, yo t-ap di : « Ki sa pou nou fè ? »

Antan-l réponn, li té di yo : « Moun ki gin dé chémiz, sé pou-l bay sa-k pa ginyin ; moun ki gin manjé, sé pou-l fè minm jan ».

Koléktè yo té vini tou pou-l té batizé yo, yo t-ap di-l : « Mèt, ki sa pou nou fè ? »

Min li minm li té di yo : « Pa fè anyin pi plis pasé sa yo mété nou pou nou fè-a ».

Sòlda yo t-ap pozé-l kèsion, antan y-ap di : « Ki sa pou nou fè nou minm ? »

Épi li té di yo : « Pa fè brital ak pèsòn, pa dénonse pèsòn antan n-ap fè manti, kontanté nou ak apouintman nou yo ».

Antan pèp la t-ap kalkilé, épi tout moun t-ap réfléchi nan kè yo osijè Jan, si sé pa li minm ki té Kris la paraza. Jan té pran laparòl, antan-l di tout moun : « Mouin minm réyèlman sé nan dlo m-ap batizé nou ; min gin youn ki pi fò pasé-m, k-ap vini, li minm mouin pa mérité défèt lasèt sandal li-a ; li minm minm l-ap batizé nou nan Éspri Sin-an ak nan difé. Pèl la nan min-l, l-ap nétouayé glasi-l, l-ap ranmasé blé-l nan dépo-l ; kanta pay yo minm, l-ap boulé yo nan difé ki pap étinn nan ».

Avèk anpil lòt bagay ankò li t-ap ankourajé pèp la antan l-ap bay bon nouvèl la.

Paròl Granmèt la.

3

Papa, mouin fè péché.

✠ **Léktu sint Évanjil la dapré Luk**

15, 1-3. 11-32

Lè sa-a :

Biblikin yo ak péchè yo t-ap proché kot Jézu, pou yo kouté-l.

Farizyin yo ak skrib yo t-ap plinyin, yo t-ap di. « Sa-a réservoua péchè yo, li manjé avèk yo ».

Li di parabòl sa-a pou yo, li di : « Té gin yon mésié ki té gin dé pitit, pi jèn nan yo-a di papa-a : “Papa, ban-m pòsion éritaj ki destiné pou mouin-an”. Li séparé éritaj la ba yo.

Pa gin anpil jou ki pasé, pi jèn ti gason-an ranmasé tout afè-l, li pati, l-al fè rout li nan yon péyi byin louin ; lè-l rivé la, li gaspiyé éritaj li-a antan l-ap viv nan libètinaj.

Lè-l fi-n dépansé tout bagay, vi-n gin yon gro grangou nan réjion sa-a, li minm li kòmansé nan bézouin. Li pati, l-al nan sèvis yon mésié nan péyi sa-a, mésié-a voyé-l nan jadin-l, pou-l gadé kochon. Li té anvi plin vant li ak grinn boua yo, sa kochon yo t-ap manjé yo ; min pèsòn pa-t ba li.

Li antré nan fon kè-l, li di : “Konbyin jounalié nan kay papa-m gin kont pin yo, kanta mouin minm minm m-ap mouri grangou isit la ! M-ap

lévé, m-apral kay papa-m, m-ap di-l : Papa, mouin fè péché dévan sièl la ak dévan-ou : mouin déjà pa mérité pou yo rélé-m pitit ou ; trété-m tankou youn nan jounalié-ou yo”.

Li lévé, li vi-n jouinn papa-l. Pandan-l té louin toujou, papa-l ouè-l, kè-l boulvèsé ak mizérikòd, li kouri, li lagé kò-l nan kou-l li anbrasé-l.

Pitit la di-l : “Papa, mouin fè péché dévan sièl la ak dévan-ou : mouin déjà pa mérité pou yo rélé-m pitit ou.”

Papa-a minm di sèvitè yo : “Fè vit poté pi bèl rad la, abiyé-l ; mété yon bag nan min-l, ak soulié nan pié-l. Minnin toro-a yo t-ap angrésé-a, touyé-l, n-ap manjé, n-ap fété ; paské pitit mouin sa-a ki té mouri-a, li réviv, li té péri, nou jouinn li”. Épi yo kòmansé fété.

Min pi gran pitit li-a té nan jadin ; lè-l rivé li proche bò kay la, li tandé chanté-dansé, li rélé youn nan sèvitè yo, li pozé-l késion ki kalité bagay sa yo.

Sa-a minm di-l : “Sé frè-ou la ki vini, papa-ou fè touyé toro-a yo t-ap angrésé-a, paské li jouinn pitit la an santé”. Lèt la minm faché, li réfizé antré ; papa-l blijé soti, li kòmansé priyé-l.

Li minm minm li réponn, li di papa-l : “Min konbyin ané m-ap sèvi-ou, mouin pa janm dézobéyi yon kòmandman-ou époutan ou pa janm ban-m yon ti kabrit, pou-m fété avèk zanmi-m yo ; min pitit ou sa-a, ki fi-n dévoré éritaj li-a avèk médam plézi yo, kon-l rivé, ou touyé toro yo t-ap angrésé-a, akoz li”.

Li minm li di-l : “Pitit mouin, ou toujou avèk mouin, tou sa-m ginyin sé pou ou. Sèlman sé pou nou té fété, sé pou nou té fè kè nou kontan, paské frè-ou sa-a té mouri, li réviv, li té péri, nou jouinn li” ».

Paròl Granmèt la.

16. NAN TAN LAGÈ OUBYIN BOULVÈSMAN

LÉKTU NAN ANSYIN TÉSTAMAN-AN

1

Kayin lévé kont frè-l Abèl, li touyé-l.

Léktu liv Jénèz la

4, 3-10

Lè sa-a :

Rivé Kayin t-al ofri nan foui tè-a kòm kado pou Granmèt la. Abèl tou té ofri nan premié pitié mouton-l yo, ak nan grès yo. Granmèt la voyé jé sou Abèl ak sou kado-l yo ; min kanta Kayin minm ak kado-l yo, li pa gadé yo. Kayin faché anpil, figi-l vi-n finnin.

Granmèt la di-l : « Pouki sa ou faché-a ? épi pouki sa figi-ou finnin-an ? Èské si-ou aji byin, ou pap jouinn rékonpans ; otréman si-ou aji mal, minm lè-a péché-a kanpé nan papòt la ? Min sé anba-ou anvi-l ap yé, sé ou minm k-ap krazé-l ».

Kayin di Abèl frè-l la : « An nou soti déyò ». Lè yo rivé nan jadin, Kayin lévé kont frè-l Abèl, li touyé-l.

Granmèt la di Kayin : « Kot Abèl frè-ou la ? »

Li réponn : « Mouin pa konnin ; èské sé gadyin frè-m nan mouin yé ? »

Li di-l : « Ki sa-ou fè ? Voua san frè-ou la ap rélé koté-m sot nan tè-a ».

Paròl Granmèt la.

2

Yo pap aprann fè lagè ankò.

Léktu liv profèt Miché

4, 1-4

Nan dènié jou yo, mòn Granmèt la ap instalé anlè pouint tèt mòn yo, l-ap byin ro anlè roté yo ; pèp ap koulé vi-n jouinn li.

Anpil nasyon ap kouvri vini, y-ap di : « Vini, an nou monté nan prézans mòn Granmèt la avèk kay Bondié Jakòb la, l-ap aprann nou

chémin-l yo, n-apralé nan santié-l yo ; paské sé nan Siyon laloua-a ap soti épi paròl Granmèt la sot Jérusalèm ».

L-ap fè jijman ant anpil pèp, l-ap korijé nasion ki gin puisans yo jous byin louin, y-ap kasé épé yo pou yo fè yo tounin lam k-ap viré tè-a épi lam yo pou yo fè yo tounin sèpèt ; nasion pap kinbé épé kont nasion ankò épi yo pap aprann fè lagè ankò.

Chak moun ap chita anba pié rézin-l épi anba pié fig li, pap gin moun k-ap fè kè-l soté, paské bouch Granmèt lamé yo palé.

Paròl Granmèt la.

3

Zam k-ap tiré flèch pou lagè-a ap gayé.

Léktu liv profèt Zakari

9, 9-10

Min paròl Granmèt la : « Fété kont kò-ou, pitit fi Siyon, éklaté ak fèt, pitit fi Jérusalèm : min Roua-ou la ap vi-n jouinn ou, li kòrèk, li minm k-ap sovè-ou ; li pòv, li monté sou yon bourik, ak sou yon ti pitit bourik.

M-ap gayé chario lagè yo sot nan Éfrayim, ak choual yo sot nan Jérusalèm, zam k-ap tiré flèch pou lagè-a ap gayé. L-ap palé lapè pou nasion yo, pouvoua-l ap sot nan lanmè rivé jous nan lanmè épi sot nan gran riviè yo rivé jous nan bout tè-a ».

Paròl Granmèt la.

LÉKTU NAN NOUVO TĚSTAMAN-AN

1

Travay chè-a yo ènmi, kòlè, batay, kont.

Léktu lèt apot sin Pòl pou Galat yo

5, 17-26

Frè-m yo :

Chè-a réyelman anvi kont éspri-a, éspri-a minm kont chè-a ; youn ap batay kont lòt, si byin sé pa sa nou vlé nou fè. Si nou kité Éspri-a kondui nou, nou pa anba laloua-a.

Aktivité chè-a, yo dévoualé, sé fònikasion, bagay ki pa pròp, mové konduit, banbòch, sèvis zidòl, maji, rayisans, diskision, jalouzi, kòlè,

batay, kont, divizion, anvi, krim, vi-n sou, manjé tròp, ak bagay konsa. Mouin di nou sa davans, jan-m té déjà di nou li : moun ki aji konsa yo, yo pap jouinn péyi roua Bondié-a.

Min foui Éspri-a minm sé charité, kè kontan, lapè, pasians, bon jan, bon kè, padon, dousè, lafoua, sinplisité, kontrolé mové tandans, réglé plézi kò-a. Kont kalité bagay sa yo pa gin laloua. Moun ki disip Kris la, yo klouré chè yo sou koua-a avèk mové défo yo ak vié anvi yo.

Si sé Éspri-a k-ap fè nou viv, sé dapré Éspri-a tou pou nou maché. Nou pa doué anvi gloua ki vid, antan youn ap provoké lòt, youn ap anvi lòt.

Paròl Granmèt la.

2

Tout mové jan, kòlè, kontrariété, rèl, madichon ouété sa sot koté nou.

Léktu lèt apot sin Pòl pou Éfézyin yo

4, 30-5, 2

Frè-m yo :

Pa kontrarié Éspri Sin Bondié-a, sé nan li yo té maké nou pou jou rédanmsion-an.

Tout mové jan, kòlè, kontrariété, rèl, madichon ouété sa sot koté nou ak tout méchansté. Okontrè sé pou nou bon youn pou lòt, pou nou gin mizérikòd, pou youn padonnin lòt, tankou Bondié té padonnin nou nan Kris la.

Konsa sé pou nou pran modèl sou Bondié, tankou pitit li rinmin anpil ; Maché nan rinmin-an, tankou Kris la té rinmin nou, li té rinnèt tèt li pou nou kòm sakrifis ki santi bon lodè pou Bondié.

Paròl Granmèt la.

3

N-ap batay épi n-ap fè lagè.

Léktu lèt apot sin Jak

4, 1-10

Nou minm mouin rinmin anpil la :

Kot lagè ak batay soti nan nou-an ? Èské sé pa akòz anvi nou, k-ap batay nan manb nou yo ? Nou anvi, épi nou pa ginyin : n-ap touyé. N-ap

fè jalouzi épi nou pa jouinn, n-ap batay épi n-ap fè lagè épi nou pa ginyin, paské nou pa mandé. Nou mandé, min nou pa jouinn, paské nou mandé mal, pou nou dépanse pou anvi nou.

Nou minm ki nan adiltè-a, èské nou pa konnin si nou fè zanmi ak tè sa-a, nou vi-n ènmi Bondié ? Moun ki vlé zanmi tè sa-a, li fè tèt li vi-n ènmi Bondié.

Èské nou kouè sé pou granmèsi sa-k ékri-a di : « Éspri ki abité nan nou-an, l-ap chèche jouinn sa-l anvi-a ? »

Min li bay yon pi gran gras ; sé pou sa li di : « Bondié mét antrav kont sa ki kouè yo plis pasé lòt yo ; sa-k konsidéré yo pa anyin yo, sé yo minm li bay gras ».

Mété nou anba lòd Bondié, fè fòs kont djab la, l-ap kouri sot koté nou. Proché kot Bondié, l-ap proche koté nou. Nétouayé min nou, nou minm péchè ; pròpté kè nou, nou minm ki gin kè doub. Konsidéré mizè nou, pran dèy, kriyé. Fè plézi nou-an tounin rèl dèy, fè kè kontan nou-an tounin lapinn.

Bésé tèt nou dévan Granmèt la, l-ap lévé nou anlè.

Paròl Granmèt la.

PSÒM RÉPONS YO

1

PSÒM RÉPONS

Ps 71, 2. 3-4 ab. 7-8. 12-13. 17 (R : 7)

R: Jistis ap fléri nan jou-l yo
épi lapè an kantité pou tout tan.

¹ Bondié, bay roua-a jijman-ou,
épi jistis ou pou pitit roua-a.

² L-ap jijé pèp ou-a nan jistis,
épi pòv ou yo nan jijman. R:

³ Sé pou mòn yo poté lapè-a pou pèp la,
épi ti rotè yo jistis la.

⁴ L-ap jijé pòv yo nan pèp la,
l-ap sovè pitit maléré yo. R:

- 7 Nan tan-l yo jistis ap fléri ak lapè an kantité
joutan lali-n nan disparèt.
- 8 Épi l-ap kòmandé sot nan lanmè al nan lanmè,
épi sot nan gran riviè-a jous nan bout fas tè yo. **R**
- 12 Sèké l-ap délivré maléré-a k-ap rélé-a,
ak pòv la ki pa gin sékou-a.
- 13 L-ap pran pitié pou pòv la ak mizérab la,
épi nanm pòv yo, l-ap sové yo. **R**
- 17 Sé pou non-l béni pou sièk tan yo,
dévan solèy la sé pou non-l diré.
Sé pou tout ras tè-a jouinn bédiksyon nan li
tout nasion yo ap fè louanj li. **R**

2

PSÒM RÉPONS

Ps 84, 9 ab-10. 11-12. 13-14 (**R** : cf. 9 b)

- R** Sé lapè Granmèt la ap palé pou pèp li-a.
- 9 M-ap kouté sa Granmèt Bondié ap di,
sèké sé lapè l-ap palé pou pèp li-a ak sin-l yo.
- 10 Réyéلمان, sové li sové yo-a toupré sa-k krinn li yo,
pou gloua-a abité sou tè nou-an. **R**
- 11 Mizérikòd ak vérité rankontré,
jistis ak lapè anbrasé.
- 12 Vérité-a lévé sot sou tè-a,
épi jistis la panché sot nan sièl la. **R**
- 13 Oui, Granmèt la ap bay bon kè,
épi tè nou-an ap bay foui-l.
- 14 Jistis-la sé dévan-l l-ap maché,
épi l-ap pozé pié-l sou rout la. **R**

ALÉLOUYA AK VÈSÈ ANVAN ÉVANJIL LA

1

Mt 5, 9

(R: Alélouya). Ala kontantman pou moun k-ap travay pou lapè-a, paské y-ap rélé yo pitit Bondié. (R: Alélouya).

2

2 Kor 1, 3 b-4 a

(R: Alélouya). Papa mizérikòd yo ak Bondié tout konsolasyon-an, li minm ki konsolé nou nan tout tribilasyon nou. (R: Alélouya).

3

Jan 13, 34

(R: Alélouya). Sé yon kòmandman nouvo mouin ba nou, sé sa Granmèt la di,
pou nou youn rinmin lòt, jan-m té rinmin nou-an. (R: Alélouya).

ÉVANJIL

1

Tout moun ki fè kòlè kont yon frè, li mérité jijman.

✠ **Léktu sint Évanjil la dapré Matié**

5, 20-24

Lè sa-a :

Jézu di disip li yo : « Si jistis nou pa dépasé pa skrib yo ak farizyin yo, nou pap antré nan péyi roua sièl yo.

Nou té tandé ansyin yo té di : “Pa touyé” ; moun ki touyé, li mérité jijman.

Mouin minm mouin di nou : Tout moun ki fè kòlè kont frè-l, li mérité jijman. Moun ki di frè-l : “Tèt vid”, li mérité tribinal. Moun ki di : “Moun fou”, li mérité boukan difé-a.

Konsa, si ou-ap ofri kado-ou dévan lotèl la, épi lè-ou rivé la, ou sonjé frè-ou gin kichòy kont ou, kité kado-ou la la minm dévan lotèl la, al rékonsilié avèk frè-ou la anvan ; apré sa ou-a vini, ou-a ofri kado-ou la ».

Paròl Granmèt la.

2

Min kòmandman-m nan :

Sé pou nou youn rinmin lòt, minm jan mouin rinmin nou-an.

✠ **Léktu sint Évanjil la dapré Jan**

15, 9-12

Lè sa-a :

Jézu di disip li yo : « Minm jan Papa-a rinmin-m nan, sé konsa tou mouin rinmin nou. Sé pou nou rété nan rinmin-m nan. Si nou kinbé kòmandman-m yo, n-ap rété nan rinmin-m nan, minm jan mouin minm mouin kinbé kòmandman Papa-m yo, épi mouin rété nan rinmin-l nan. Mouin di nou bagay sa yo, pou kè kontan-m nan kapab nan nou, pou kè kontan nou-an réalisé nèt.

Min kòmandman-m nan, sé pou nou youn rinmin lòt, minm jan mouin rinmin nou-an ».

Paròl Granmèt la.

Yo kapab pran tou léktu Mès pou konsèvé lapè ak jistis, pi ro, p. 2336.

III. POU DIVÈS SIKONSTANS PIBLIK

17. KÒMANSMAN ANÉ SIVIL LA

LÉKTU NAN ANSYIN TÈSTAMAN-AN

1

Sé pou gin limiè pou sèvi kòm sign, tan, jou ak ané.

Léktu liv Jénèz la

1, 14-18

Bondié di : « Sé pou gin limiè nan supò sièl la, pou yo séparé lajounin ak lannuit ; sé pou yo sèvi kòm sign, tan, jou ak ané, pou yo kléré nan supò sièl la, pou yo kléré tè-a ». Sa fèt konsa.

Bondié fè dé gran limiè : pi gran limiè-a, pou kòmandé jou-a, pi piti limiè-a, pou kòmandé nannuit la, épi li fè zétoual yo tou. Li mété yo nan supò sièl la, pou yo kléré sou tè-a, pou yo kòmandé sou lajounin ak lannuit, épi pou yo séparé limiè-a ak fènoua yo. Bondié ouè sa té bon.

Paròl Granmèt la.

2

*Y-ap priyé non-m sou pitit Israèl yo,
épi mouin minm m-ap béni yo.*

Léktu liv Nonb

6, 22-27

Granmèt la palé ak Moyiz, li di : « Palé ak Aaron ak pitit li yo : Min kijan n-a béni pitit Israèl yo, n-a di yo : “Sé pou Granmèt la béni-ou, sé pou-l konsèvé-ou ; sé pou Granmèt la montré-ou fas li, pou-l pran pitié pou ou. Sé pou Granmèt la viré figi-l ba ou pou-l ba-ou lapè”.

Y-ap priyé non-m sou pitit Israèl yo, épi mouin minm m-ap béni yo ».

Paròl Granmèt la.

LÉKTU NAN NOUVO TĒSTAMAN-AN

1

*Figi tè sa-a ap pasé.***Léktu prémié lèt apot sin Pòl pou Korintyin yo**

7, 29-31

Mouin di nou sa, frè-m yo : Tan-an kout : moun ki marié, sé pou yo viv kòm si yo pa marié ; moun k-ap kriyé, kòm si yo pap kriyé, moun ki gin kè kontan, kòm si yo pa gin kè kontan ; moun k-ap achté, kòm si yo pa posédé ; moun k-ap sèvi avèk tè sa-a, kòm si yo pap sèvi avèk li ; sèké l-ap pasé, figi tè sa-a.

Paròl Granmèt la.

2

*Nou minm ki pa konnin sa démin-an ap yé-a.***Léktu lèt apot sin Jak**

4, 13 b-15

Nou minm mouin rinmin anpil la :

Min koulié-a nou minm k-ap di : « Jodi-a oubyin démin n-apralé nan tèl vil, n-ap pasé ané-a laba-a, n-ap fè komès, n-ap fè bénéfis » : nou minm ki pa konnin sa démin-an ap yé-a. Ki sa lavi nou yé ? Yon vapè ki parèt yon ti moman, épi apré sa ki disparèt ; sé poua pito nou di : « Si Granmèt la vlé », épi : « Si nou vivan, n-ap fè tèl bagay oubyin tèl lòt ».

Paròl Granmèt la.

PSÒM RÉPONS YO

1

PSÒM RÉPONS

Ps 8, 4-5. 6-7 a. 7 b-9 (R : 2)

R: Granmèt, Granmèt nou
ala gran non-ou gran sou tout tè-a !

⁴ Lè-m ouè sièl ou yo, travay douèt ou yo,
lali-n ak zétoual yo ou fiksé ;

- 5 sa moun nan yé, pou-ou sonjé-l ?
oubyin pitit moun nan, pou-ou vizité-l ? **R:**
- 6 Ou fè-l vi-n pi ba yon ti kras anba anj yo,
ak gloua ak konsidérasion ou kouronnin-l ;
- 7 ou instalé-l anlè travay min-ou yo. **R:**
- Tout bagay, ou mété yo anba pié-l.
- 8 Ni mouton, ni bèf yo tout,
minm bèt nan rak boua yo,
- 9 zouazo sièl yo ak pouason lanmè yo,
tou sa k-ap déplasé nan santié lanmè yo. **R:**

2

PSÒM RÉPONS Ps 48, 2-3. 6-7. 8-10. 11. 17-18 (**R:** Mt 5, 3 oubyin Mt 6, 33 a)

R: Ala kontantman pou sa yo ki pòv nan éspri-a,
paské sé pou yo péyi roua sièl yo yé.

oubyin :

- R:** Chèché toudabò péyi-roua Bondié-a ak jistis li.
- 2 Kouté sa, tout nasion yo,
louvri zòrèy nou, nou tout ki abité sou tè-a.
- 3 Ni moun ki ba ni moun ki nan gran kondision,
ni rich ni pòv ansanm. **R:**
- 6 Pouki pou-m pè jou malè yo,
lè méchansté profitè yo ap antouré-m nan ?
- 7 Yo minm ki mét konfians nan fòs yo,
yo minm k-ap bay tèt yo gloua poutèt pakèt richès yo ? **R:**
- 8 Sèké yon moun pa rachté pròp tèt li ;
li pap bay Bondié sa k-ap fè-l jouinn padon-an.
- 9 Pri rédanmsion nanm li trò chè :
nan dènié bout, l-ap manké,
- 10 pou-l t-a viv jouskalafin, pou-l pa t-a ouè lanmò. **R:**
- 11 L-ap ouè saj yo k-ap mouri ;
ni moun san konprann ni moun sot ap péri ansanm,
y-ap kité richès yo bay lòt. **R:**
- 17 Pa pè, lè yon moun vi-n rich,
lè gloua lakay li ap vi-n anpil.

- ¹⁸ Sèké, lè l-ap mouri, li pap poté tout bagay sa yo,
gloua li pap désann avèk li. **R:**

3

PSÒM RÉPONS

Ps 89, 2. 3-4. 5-6. 12-13. 14 é 16 (**R:** 17 b)

- R:** Asiré travay min nou, Granmèt.
- ² Anvan mòn yo fèt oubyin tè-a ak fas tè-a pran nésans,
dépi tout tan ak pou tout tan ou sé Bondié. **R:**
- ³ Ou fè moun nan tounin nan pousiè-a ;
ou di : « Tounin, pitit moun yo ».
- ⁴ Sèké mil-an dévan jé-ou tankou jounin yè-a ki pasé,
ak yon vèy nan nuit. **R:**
- ⁵ Ou fè dòmi tonbé sou yo,
⁶ nan matin, y-ap tankou zèb k-ap pousé :
nan matin li fléri, li grandí,
nan asouè, li finnin, li séché. **R:**
- ¹² Aprann nou konté jou nou yo,
pou nou mété kè nou nan chémin sajès la.
- ¹³ Tounin, Granmèt, jouskilè ?
Pran pitié pou sèvitè-ou yo. **R:**
- ¹⁴ Plin nou granmatin ak mizérikòd ou,
n-ap fété, n-ap kontan tout jou nou yo.
- ¹⁶ Sé pou aksion-ou parèt sou sèvitè-ou yo,
épi gloua-ou sou pitit yo. **R:**

ALÉLOUYA AK VÈSÈ ANVAN ÉVANJIL LA

1

1 Kr 29, 10. 11 b

- (**R:** Alélouya). Konpliman pou ou, Granmèt Bondié Israèl papa nou-an ;
tou sa-k nan sièl la ak sou tè-a sé pou. (**R:** Alélouya).

2

(R: Alélouya). Chak jou n-ap fè konpliman pou ou,
épi n-ap fè louanj non-ou pou tout sièk tan. (R: Alélouya).

ÉVANJIL

1

Pa pran tèt chajé pou démin.

✠ Léktu sint Évanjil la dapré Matié

6, 31-34

Lè sa-a :

Jézu di disip li yo : « Pa pran tèt chajé, ap di : “Ki sa n-ap manjé ?”
oubyin “Ki sa n-ap bouè ?”, oubyin “Ak ki sa n-ap abiyé ?” Tout bagay
sa yo, nasion yo ap chèché yo ; Papa nou konnin nou bézouin tout bagay
sa yo.

Konsa kòmansé chèché péyi-roua Bondié-a ak jistis li, épi tout bagay
sa yo ap vi-n an plis pou nou.

Pa pran tèt chajé pou démin ; jou démin-an ap pran tèt chajé pou kont
pa-l : mizè chak jou kont pou jou-a ».

Paròl Granmèt la.

2

Nou minm tou sé pou nou paré.

✠ Léktu sint Évanjil la dapré Luk

12, 35-40

Lè sa-a :

Jézu di disip li yo : « Sé pou rin nou maré, pou lanp nou limin nan min
nou ; nou minm sé pou nou tankou moun k-ap tann mèt yo, lè-l vi-n sot
nan nòs ; pou, kon-l rivé, li frapé, minm lè-a yo louvri ba li.

Ala kontantman pou sèvitè sa yo, si lè mèt la rivé, li jouinn yo ap
véyé ; amèn mouin di nou, l-ap maré rin-l, l-ap fè yo lonjé kò yo l-ap
pasé pou-l sèvi yo. Si-l rivé nan dézièm vèy la, épi si sé nan touazièm vèy
la li rivé, épi li jouinn yo konsa, ala kontantman pou sèvitè sa yo.

Aprann sa, si pèd-famiy nan té konnin ki lè vòlè-a t-ap rivé, li t-ap véyé sètènman, li pa t-ap kité yo kasé kay li.

Nou minm tou sé pou nou paré, paské sé lè nou pa pansé-a, Pitit moun nan ap vini ».

Paròl Granmèt la.

18. POU SANKTIFIÉ TRAVAY LÈZÒM

LÉKTU NAN ANSYIN TÉSTAMAN-AN

1

Plin tè-a, mété-l anba lòd nou.

Léktu liv Jénèz la

1, 26 - 2, 3

Bondié di : « An nou fè moun nan sou pòtré nou ak résanblans nou ; sé pou-l kòmandé sou pouason lanmè yo ak zouazo sièl yo ak tout bèt tè-a ak tout sa k-ap glisé atè, ki gin mouvman sou tè-a ».

Bondié kréyé moun nan sou pòtré-l ; sou pòtré Bondié li kréyé-l ; gason ak fi li kréyé yo.

Bondié béni yo, li di : « Dévelopé, vi-n anpil, plin tè-a, mété-l anba lòd nou ; sé pou nou kòmandé sou pouason lanmè-a ak zouazo sièl la, ak tout bèt vivan, ki gin mouvman sou tè-a ».

Bondié di : « Min mouin ba nou tout zèb ki poté sémans sou tè-a ak tout kalité pié boua ki gin sémans ras yo nan yo, pou yo sèvi nou kòm manjé, ni pou tout bèt vivan sou tè-a, ni pou tou sa ki an mouvman sou tè-a, ki gin lavi nan yo, pou yo kapab jouinn manjé ».

Sa fèt konsa. Bondié ouè tou sa-l té fè yo, yo té bon anpil. Vi-n gin yon asouè ak yon matin, sizièm jou.

Konsa sièl la ak tè-a réalizé, ak tout dékoration yo. Sésièm jou-a Bondié konplété travay li-a li té fè-a, li répozé sésièm jou-a pou travay li té fè yo. Li béni sésièm jou-a, li fè-l vi-n sin, paské sé nan li lité sispann tout travay li, sa Bondié té kréyé-a pou-l té fè-l la.

Paròl Granmèt la.

2

Granmèt la mété moun nan nan paradi pou-l travay li.

Léktu liv Jénèz la**2, 4 b-9. 15**

Jou Granmèt Bondié té fè sièl la ak tè-a, pa-t gin okinn ti pié boua ki té lévé sou tè-a, ni okinn zèb jadin pa-t ko jèmin ; sèké Granmèt Bondié pa-t fè lapli tonbé sou tè-a, pa-t ko gin moun pou té travay tè-a ; min yon ti sous t-ap monté sot nan tè-a pou-l rouzé tout fas tè-a.

Konsa Granmèt Bondié fòmé moun nan ak labou tè-a, li souflé yon souf lavi nan fas li, moun nan vi-n tounin yon nanm ki vivan.

Granmèt Bondié planté yon paradi plézi dépi nan kòmansman, li mété moun nan li té fòmé-a ladan-l. Ak tè rouzé-a, Granmèt Bondié fè tout kalité pié boua pousé, ki bèl pou gadé, ki dous pou manjé ; minm pié boua lavi-a té nan mitan paradi-a ak pié boua sians byin ak mal la.

Granmèt Bondié pran moun nan, li mété-l nan paradi plézi-a, pou-l travay li, pou-l gadé-l ».

Paròl Granmèt la.

LÉKTU NAN NOUVO TÉSTAMAN-AN

1

*Pou nou travay avèk min nou,
pou nou maché yon fason onèt.*

Léktu prémié lèt apot sin Pòl pou Tésalonisyin yo**4, 1 b-2. 9-12**

Frè-m yo, nou priyé nou, n-ap plédé mandé nou nan Granmèt Jézu, pou, dapré sa nou résévoua nan min nou sou jan nou doué maché, jan nou doué fè Bondié plézi-a, sé konsa minm pou nou maché, pou nou kapab fè plis progrè toujou. Nou konnin ki kòmmandman nou té ba nou o non Granmèt Jézu.

Sou charité nou doué ginyin pou frè-a, sa pa nésésè pou nou ékri nou sou sa ; sèké nou minm minm nou té aprann nan min Bondié pou nou youn rinmin lòt. Réyèlman, nou fè sa pou tout frè yo nan tout Masédouan.

Sèlman nou priyé nou, frè-m yo, pou nou fè plis progrè, pou nou fè éfò pou nou viv ak lapè, pou nou okipé afè pa nou, pou nou travay avèk min nou, jan nou té pasé nou lòd la, épi pou nou maché yon fason onèt parapò a sa yo ki déyò yo, épi pou pap bezouin anvì anyin ankò.

Paròl Granmèt la.

2

Si yon moun pa vlé travay, li pa doué manjé.

Léktu dézièm lèt apot sin Pòl pou Tésalonisyin yo 3, 6-12. 16

Nou avèti nou, frè-m yo, o non Granmèt nou Jézu-Kri, pou nou pran distans nou ak tout frè k-ap maché san lòd, ki pa suiv ansègnmnn nou té transmèt yo-a.

Nou konnin kijan pou nou pran modèl sou nou, paské nou pa-t rété nan mitan nou san nou pa fè anyin, nou pa-t manjé pin lòt moun pou granmési ; min sé nan travay avèk fatig nannuit ak lajounnin nou t-ap rédi, pou nou pa pézè sou kont pèsònn nan nou. Sé pa paské nou pa t-a gin doua, min sé pou nou té kapab mété nou kòm modèl pou nou imité.

Réyèlman, lè nou té lakay nou-an, nou té konn déklaré nou sa : si yon moun pa vlé travay, li pa doué manjé non plis tou. Nou tandé gin kèk moun nan pami nou k-ap maché san yo pa fè anyin, yo san souf, y-ap okipé sa-k pa gadé yo.

Moun sa yo, k-ap aji konsa-a, nou dénonse yo, nou mandé yo, tanpri, o non Granmèt Jézu-Kri, pou yo travay trankil, pou yo manjé pin pa yo.

Sé pou Granmèt lapè-a ba nou lapè tout tan tout koté. Sé pou Granmèt la avèk nou tout.

Paròl Granmèt la.

PSÒM RÉPONS YO

1

PSÒM RÉPONS

Ps 89, 2. 3-4. 12-13. 14 é 16 (R: : 17 c)

R: Asiré travay min nou, Granmèt.

2 Anvan mòn yo fèt oubyin tè-a ak fas tè-a pran nésans, dépi tout tan ak pou tout tan ou sé Bondié. **R:**

- 3 Ou fè moun nan tounin nan poussiè-a ;
ou di : « Tounin, pitit moun yo ».
- 4 Sèké mil-an dévan jé-ou tankou jounin yè-a ki pasé,
ak yon vèy nan nuit. **R:**
- 12 Aprann nou konté jou nou yo,
pou nou mété kè nou nan chémin sajès la.
- 13 Tounin, Granmèt, jouskilè ?
Pran pitié pou sèvitè-ou yo. **R:**
- 14 Plin nou granmatin ak mizérikòd ou,
n-ap fété, n-ap kontan tout jou nou yo.
- 16 Sé pou aksion-ou parèt sou sèvitè-ou yo,
épi gloua-ou sou pitit yo. **R:**

2

PSÒM RÉPONS

Ps 126, 1. 2. (**R:** : cf. 1)

- R:** Sé pou Granmèt la bati kay la pou nou, pou-l véyé sou vil la.
- 1 Si Granmèt la pa bati kay la,
sé pou granmési y-ap travay moun k-ap bati yo.
Si Granmèt la pa véyé sou vil la,
sé pou granmési l-ap véyé moun k-ap véyé sou li-a. **R:**
- 2 Sé pou granmési ou-ap lévé anvan limiè-a,
n-ap kouché byin ta, n-ap manjé pin fatig.
Réyéلمان l-ap bay moun li rinmin yo dé foua plis. **R:**

ALÉLOUYA AK VÈSÈ ANVAN ÉVANJIL LA

1

Ps 67, 20

- (**R:** Alélouya). Konpliman pou Granmèt la chak jou ;
Bondié sovè nou-an ap poté nou. (**R:** Alélouya).

2

Mt 11, 28

(**R**: Alélouya). Vini jouinn mouin, nou tout k-ap rédi, k-ap poté gro chaj, épi m-ap réfè nou, sé sa Granmèt la di. (**R**: Alélouya).

ÉVANJIL YO

1

Pa pran tèt chajé pou démin.

✠ Léktu sint Évanjil la dapré Matié

6, 31-34

Lè sa-a :

Jézu di disip li yo : « Pa pran tèt chajé, ap di : « Ki sa n-ap manjé ? » oubyin « Ki sa n-ap bouè ? », oubyin « Ak ki sa n-ap abiyé ? » Tout bagay sa yo, nasion yo ap chèché yo ; Papa nou réyéلمان konnin nou bézouin tout bagay sa yo.

Konsa kòmansé chèché péyi-roua Bondié-a ak jistis li, épi tout bagay sa yo ap vi-n an plis pou nou.

Pa pran tèt chajé pou démin ; jou démin-an ap pran tèt chajé pou kont pa-l : mizè chak jou kont pou jou-a ».

Paròl Granmèt la.

2

*Poutèt ou té fidèl sou yon ti bagay,
antré nan kontantman mèl ou-a.*

✠ Léktu sint Évanjil la dapré Matié

25, 14-30

Lè sa-a : Jézu di disip li yo parabòl sa-a :

« Yon mésié t-ap pati al nan vouayaj, li rélé sèvitè-l yo, li rinmèt yo byin-l yo : youn li ba-l sink talan, yon lòt minm dé, épi yon lòt yon sèl ; chak moun dapré kapasité pa-l ; apré sa li pati la minm. Sa-k té résévoua sink talan-an, l-alé, li travay avèk yo, li rapòté sink lòt. Minm jan-an tou sa-k té résévoua dé talan-an, li rapòté dé lòt. Min sa-k té résévoua yon sèl la, l-al foyé tè-a, li kaché lajan mèl li-a.

Apré anpil tan, mèl sèvitè sa-a yo vini, li mandé yo kont.

Sa-k té résévoua sink talan-an, li proché, li prézanté sink lòt talan, li di : “Mèt, sé sink talan ou té ban mouin : min sink lòt mouin rapòté”. Mèt

li di-l : “Sé byin, bon sèvitè ki fidèl : poutèt ou té fidèl sou yon ti kras, m-ap instalé-ou sou anpil : antré nan kè kontan mèt ou”.

Sa-k té résévoua dé talan-an proche tou, li di : “Mèt, sé dé talan ou té rinnèt mouin, min dé lòt mouin rapòté”.

Mèt li di-l : “Sé byin, bon sèvitè ki fidèl : poutèt ou té fidèl sou yon ti kras, m-ap instalé-ou sou anpil : antré nan kè kontan mèt ou”.

Sa-k té résévoua yon sèl talan-an, li proche atò, li di : “Mèt, mouin konnin ou sé yon moun ki rèd : ou rékòlté koté ou pa simin, ou ranmasé koté-ou pa-t planté. Mouin té pè, m-alé, mouin kaché talan-ou nan nan tè-a ; min li, pran afè-ou”.

Mèt li réponn, li di-l : “Mové sèvitè, ou parésé ! Ou té konnin mouin rékòlté koté mouin pa simin, mouin ranmasé koté mouin pa planté : ou té doué rinnèt lajan-m nan labank, lè-m vini mouin t-a résévoua sa-m dépozé-a avèk bénéfis.

Pran talan-an nan min-l, bay moun ki gin dis talan-an ; konsa tout moun ki ginyin, y-ap ba li, l-ap gin plis ; moun ki pa ginyin-an minm, sa-l konprann li ginyin-an minm, y-ap ouété-l sot nan min-l.

Épi sèvitè sa-a ki pa vo anyin-an, jété-l nan fènoua déyò yo : koté sa-a ap gin rèl ak manjé dan” ».

Paròl Granmèt la.

19. LÈ Y-AP MÉTÉ SÉMANS NAN JADIN YO

LÉKTU NAN ANSYIN TÉSTAMAN-AN

1

Tè-a bay zèb vèt, ki fè sémans dapré ras yo.

Léktu liv Jénèz la

1, 11-12

Bondié di : « Sé pou tè-a jèmin zèb vèt ki fè sémans, ak pié boua ki kapab bay foui, ki donnin foui dapré ras yo, ki gin sémans nan yo sou tè-a ». Sa fèt konsa.

Tè-a bay zèb vèt, ki fè sémans dapré ras yo, ak pié boua ki donnin foui, ki gin sémans yo yo chak dapré espès yo. Bondié ouè sa té bon.

Paròl Granmèt la.

2

*Vi-n jouinn mouin, nanm nou ap viv,
m-ap pasé yon aliens tout tan avèk nou.*

Léktu liv profèt Izayi

55, 6-13

Min paròl Granmèt la :

« Chèché Granmèt la pandan yo kapab jouinn li ; rélé-l pandan li tou pré. Sé pou méchan-an kité rout li, pou péchè-a kité kalkil li yo ; sé pou-l tounin kot Granmèt la, l-ap pran pitié pou li ; sé pou-l tounin kot Bondié nou-an, paské li paré byin paré pou-l padonnin. Sèké pansé-m yo pa pansé pa nou, rout mouin sé pa rout pa nou, sé sa Granmèt la di. Sèké minm jan sièl la ro anlè tè-a, sé konsa rout mouin yo ro anlè rout pa nou yo, pansé-m yo anlè pansé pa nou yo.

Minm jan lapli ak lanèj désann sot nan sièl la, épi li pa tounin la ankò, min li rouzé tè-a, li inbibé-l, li fè-l jèmin, li bay moun k-ap simin-an sémans, li bay pin pou moun manjé ; sé konsa paròl mouin-an ki sot nan bouch mouin : li pa tounin vi-n jouinn mouin vid, min li fè tou sa-m vlé, li réyisi nan sa-m voyé-l fè-a. Sèké nan kontantman n-ap pati épi nan lapè y-ap ramné nou ; mòn yo ak ti rotè yo ap chanté louanj dévan nou, tout pié boua réjion-an ap bat bravo. Nan plas pikan yo sé pié siprè k-ap pousé, nan plas orti sé pié mirt k-ap dévlopé ; sa ap gloua pou Granmèt la, sign tout tan, yo pap ouété ».

Paròl Granmèt la.

LÉKTU NAN NOUVO TÉSTAMAN-AN

1

Bondié bay pin pou moun manjé-a.

Léktu dézièm lèt apot sin Pòl pou Korintyin

9, 8-11

Frè-m yo :

Bondié gin pouvoua pou-l fè nou vi-n gin anpil gras, pou nou gin tou sa nou bézouin tout tan, pou nou plin ap ranvèsé nan tout kalité bon

aksion, dapré sa-k ékri-a : « Li séparé, li bay pòv yo, jistis li diré pou tout tan gin tan ».

Sa-a k-ap bay sémans pou moun k-ap simin-an, k-ap bay pin pou moun k-ap manjé-a, sé li minm k-ap fè sémans nou-an vi-n anpil, k-ap fè plant jistis nou yo grandi, pou nou kapab vi-n rich nan tout bagay, pou nou kapab plin tout sinplisité, sa n-ap fè vi-n tounin rémèsiman pou Bondié-a.

Paròl Granmèt la.

2

Asiré kè nou, paské Granmèt la pré rivé.

Léktu lèt apot sin Jak

5, 7-8. 16 c-18

Sé pou nou pran pasians, frè-m yo, joutan Granmèt la rivé. Gadé moun k-ap fè jadin-an, l-ap tann foui tè-a ki gin anpil valè-a, li pran pasians, joutan li jouinn lapli premié sèzon-an ak dènié sèzon-an. Konsa sé pou nou pran pasians nou minm tou, sé pou nou asiré kè nou, paské Granmèt la prèt pou-l rivé.

Priyé moun ki kòrèk la fè avèk pèsévérans la, li gin anpil valè. Éli sé té yon moun tankou nou minm, ki fèb, li priyé anpil, pou lapli pa tonbé sou tè-a ; épi lapli pa tonbé pandan touazan ak si moua. Li priyé ankò, sièl la bay lapli, tè-a bay foui-l.

Paròl Granmèt la.

PSÒM RÉPONS YO

1

PSÒM RÉPONS

Ps 64, 10. 11-12. 13-14 (R: 6)

R: Kouté nou, Bondié sovè nou-an.

- ¹⁰ Ou vizité tè-a, ou rouzé-l ;
ou fè-l vi-n rich anpil.
Lariviè Bondié-a plin ak dlo ;
ou paré blé yo.
Sé konsa ou paré-l.. R:

- 11 Ou fè dlo koulé nan kannal li yo, ou égalizé bit tè-l yo ;
ou fè-l vi-n mòl ak gro lapli, ou béni jèm li yo.
- 12 Ou kouronnin ané-a ak bon kè-ou,
tras pié-ou ap dégouté ak grès. **R**
- 13 Pak zèb savann yo ap dégouté,
ti mòn yo vlopé ak kontantman.
- 14 Pak zèb yo abiyé ak mouton,
plinn yo ap poté anpil kantité blé
y-ap rélé, réyèlman y-ap chanté kantik. **R**

2

PSÒM RÉPONS

Ps 103, 1-2 a. 14-15. 24. 27-28 (**R** : 24 c)

- R** Tè-a plin ak kréatu-ou, Granmèt.
- 1 Fè konpliman pou Granmèt la, nanm mouin :
Granmèt Bondié-m, ou gran anpil.
Ou abiyé ak louanj, ak gloua,
ou vlopé ak limiè tankou yon rad. **R**
- 14 Ou bay zèb pou bèt yo,
ak ti plant pou sa-k nan sèvis moun nan.
Ou fè pin soti nan tè-a,
ak divin ki fè kè moun kontan.
Antan-ou mét gété nan fas li ak luil,
pin-an minm bay kè moun nan fòs. **R**
- 24 Ala anpil yo anpil travay ou yo, Granmèt :
yo tout sé nan sajès ou fè yo.
tè-a plin avèk kréatu-ou. **R**
- 27 Yo tout ap éspéré sou ou,
pou-ou ba yo manjé lè tan-an rivé.
- 28 Antan-ou ba yo, yo ranmasé,
antan-ou louvri min-ou, yo plin ak byin. **R**

3

PSÒM RÉPONS

Ps 106, 35-36. 37-38. 41-42 (**R** : 1 b)

- R** Fè louanj pou Granmèt la, poutèt li bon !

- 35 Li fè dézè-a vi-n tounin ma dlo,
tè san dlo-a minm sous dlo.
- 36 Li fè moun ki grangou yo abité la,
yo instalé yon vil kioté yo abité. **R:**
- 37 Y-ap simin jadin, y-ap planté rézin,
y-ap fè frui nan rékòlt yo.
- 38 L-ap béni yo, y-ap vi-n anpil anpil,
bèt yo pap diminué. **R:**
- 41 Li lévé pòv la sot nan mizè-a,
li fè fanmiy yo vi-n tankou bann mouton.
- 42 Moun ki douat yo yo ouè, yo kontan,
tout méchansté fèmin bouch li. **R:**

ALÉLOUYA AK VÈSÈ ANVAN ÉVANJIL LA

1

Ps 84, 13

(**R:** Alélouya). Oui, Granmèt la ap bay bon kè,
épi tè nou-an ap bay foui-l. (**R:** Alélouya).

2

Ps 125, 5

(**R:** Alélouya). Moun ki simin nan dlo jé,
yo rékòlté nan kè kontan. (**R:** Alélouya).

ÉVANJIL

1

Sa k-ap simin-an soti pou-l simin.✚ **Léktu sint Évanjil la dapré Matié**

13, 1-9

Jou sa-a, Jézu soti nan lakay la, li chita bò lanmè-a. Foul yo rasanblé koté-l, si tèlman li blijé monté nan yon batiman pou-l chita ; tout foul la té kanpé sou bò lanmè-a.

Li t-ap palé avèk yo anpil nan parabòl, li t-ap di : « Sa-a k-ap simin-an soti pou-l simin. Pandan l-ap simin-an, gin kèk grinn ki tonbé sou bò rout la, zouazo sièl yo rivé, yo manjé yo. Dòt minm tonbé nan téréin ròch, koté pa-t gin anpil tè ; minm lè-a, yo pousé, paské yo pa-t gin tè ki fon ; lè solèy la lévé, chalè-l boulé yo, épi kòm yo pa-t gin rasi-n, yo séché. Dòt minm tonbé nan pikan, yo grandi avèk pikan yo, ki toufé yo.

Dòt ankò tonbé nan bon tè ; yo bay foui, yon pòsion san foua plis, yon lòt souasant foua plis, yon lòt trant foua plis.

Moun ki gin zòrèy, pou-l kouté, sé pou-l kouté ».

Paròl Granmèt la.

2

Moun nan jété sémans la épi li dòmi, sémans la dévlopé, san li minm li pa konnin.✚ **Léktu sint Évanjil la dapré Mark**

4, 26-29

Lè sa-a :

Jézu t-ap di foul yo : « Min kijan péyi roua Bondié-a yé, sé tankou si yon moun jété sémans nan tè-a épi li dòmi épi li lévé lannuit ak lajounin, sémans la minm ap jèmin, l-ap dévlopé, san li minm li pa konnin. Pou kont li réyèlman tè-a donnin : dabò sé zèb, apré sa sé zépi, apré sa sé plin blé nan zépi-a.

Lè-l produi frui, minm lè-a yo voyé sèpèt, paské rékòlt la rivé.

Paròl Granmèt la.

Yo kapab pran tou léktu Mès pou sanktifé travay moun nan, pi ro, p. 2364.

20. APRÉ RÉKÒLT FOUÏ TÈ-A

LÉKTU NAN ANSYIN TĒSTAMAN-AN

1

Sonjé Granmèt Bondié-ou la, paské sé li minm ki ba ou fòs yo.

Léktu liv Détéronòm

8, 7-18

Jou sa yo :

Moyiz té palé ak pèp la, antan li di : « Granmèt Bondié-ou la ap fè-ou antré nan yon bon tè, tè riviè, dlo, sous, nan valé li yo ak nan mòn li yo riviè ap soti anba tè, tè blé, òj ak pié rézin, koté sa gin pié fig, grénad avèk oliv ki pran nésans, tè luil ak mièl, koté san pa janm manké ou-ap manjé pin-ou, koté ou-ap gin tout bagay an abondans ; koté ki gin piè an fè, koté ou-ap fouyé bronz nan mòn li yo ; pou, lè-ou manjé épi ou jouinn satisfaksion, ou fè konpliman pou Granmèt Bondié-ou la pou bon péyi sa-a li ba ou-a.

Konsidéré, fè atansion pou-ou pa janm bliyé Granmèt Bondié-ou la pou-ou t-a néglijé kòmandman-l yo ak jijman-l yo ak sérémoni-l yo, yo minm mouin kòmandé-ou jodi-a.

Pinga apré ou fi-n manjé épi ou fi-n jouinn satisfaksion, ou fi-n bati bèl kay épi ou abité nan yo, ou gin bann bèf ak pakèt mouton, lajan ak lò épi richès tout bagay sa yo, kè-ou lévé, ou pa sonjé Granmèt Bondié-ou-la, ki té kondui-ou sot nan tè Éjip la, sot nan kay ésklavaj la, épi ki té sèvi-ou kòm gid nan dézè-a ki gran-an, ki térrib la, koté té gin sèpan ak souf k-ap boulé épi skòpion, épi souaf, épi san pa-t gin okinn dlo ditou, li té fè riviè koulé sot nan ròch ki pi di-a épi li té ba-ou manjé lama-n nan dézè-a, bagay papa-ou yo pa-t konnin.

Apré li fè-ou pasé mizé épi li fè-ou bay prèv ou, alafin li pran pitié pou ou, pou-ou pa di nan kè-ou : « Sé fòs mouin ak puisans min-m ki ba-m tout bagay sa yo », min sé pou-ou sonjé Granmèt Bondié-ou la, li minm ki té ba-ou fòs yo, pou-l akonpli aliens li-a, osijè sa-l té fè sèman bay papa-ou yo jan jou sa-a montré-a ».

Paròl Granmèt la.

2

Glasi yo ap plin ak blé.

Léktu liv profèt Joèl

2, 21-24. 26-27

Pa pè, tè-a ; fété, fè kè-ou kontan, paské Granmèt la mété grandè pou-l aji. Pa pè, bèt yo nan réjion-an, paské dézè yo jèmin bèl bagay, paské pié boua-a poté frui li, pié fig la ak rézin-an bay richès yo.

Épi nou min, pitit Siyon yo, fété, fè kè nou kontan nan Granmèt Bondié nou-an, paské li ba nou savan sakré jistis la, li tè larouzé granmatin-an désann sou nou ni larouzé asouè-a, tankou nan kòmansman.

Glasi yo ap plin ak blé, épi présoua yo ap débòdé ak divin ak luil. N-ap manjé jous nou jouinn satisfaksion, n-ap fè louanj Granmèt Bondié nou-an ki fè mèvèy pou nou, pèp mouin-an pap ront pou tout tan.

N-ap konnin nan mitan Israël mouin la, épi mouin minm Granmèt Bondié nou-an, épi pa gin dèt ; pèp mouin-an pap ront pou tout tan.

Paròl Granmèt la.

LÉKTU NAN NOUVO TÈSTAMAN-AN

1

Sa-k fè pousé-a, sé Bondié.

Léktu prémié lèt apot sin Pòl pou Korintyin yo

3, 6-10

Mouin minm mouin té planté, Apolon té rouzé, min sé Bondié ki té fè plant la pousé. Konsa ni sa-k planté-a pa kichòy, ni sa-k rouzé-a, min sé sa-k fè pousé-a, sé Bondié. Sa-a ki planté-a ak sa-a ki rouzé-a sé yon sèl yo yé : chak moun ap résévoua pròp rékonpans li dapré travay li. Sé asosié Bondié nou yé ; nou minm minm nou sé jadin Bondié, nou sé kay Bondié ap bati. Dapré gras Bondié-a, sa-l fè-m nan, mouin pozé fondasion tankou yon injéniè ki gin sajès ; yon lòt bati sou li. Min sé pou chak moun gadé byin kijan l-ap bati sou li.

Paròl Granmèt la.

2

Kòmandé rich yo pou yo pa éspéré sou richès ki pa gin asirans yo.

Léktu prémié lèt apot sin Pòl pou Timoté

6, 6-11. 17-19

Ou minm mouin rinmin anpil la :

Gin gran avantaj nan santiman rélijjié-a si nou kontanté nou ak sa nou ginyin. Nou pa-t poté anyin sou tè sa-a : konsa tou, pa gin dout sou sa, nou pa kapab poté anyin sot sou tè sa-a. Si nou gin manjé ak sa nou bézouin pou nou abiyé, nou mèt satisfè avèk bagay sa yo.

Sèké moun ki vlé vi-n rich yo, yo tonbé nan tantasion ak nan pièj djab la, ak yon pakèt anvi ki pa sèvi anyin, ki pa bon, k-ap nouayé moun yo nan lanmò k-ap pèdi yo. Rasi-n tout mal yo sé rinmin lajan, moun ki mét lidé yo sou sa, yo dévié sot nan lafoua-a, yo ralé anpil soufrans sou pròp tèt yo.

Kanta ou minm, moun Bondié, sovè kò-ou louin bagay sa yo ; suiv jistis la okontrè, santiman rélijjié-a, lafoua-a, charité-a, pasians la, dousè-a.

Rich yo nan sièk sa-a kòmandé yo pou yo pa jijé antan y-ap lévé tèt yo ni pou yo pa éspéré nan richès ki pa gin asirans yo, min nan Bondié vivan-an, ki ba nou tout bagay dépasé mézi pou nou joui : aji byin, vi-n rich nan bon aksion, bay avèk fasilité, séparé, ranmasé yon bon baz richès pou tan k-ap vini-an, pou yo jouinn vré lavi-a.

Paròl Granmèt la.

PSÒM RÉPONS YO

1

PSÒM RÉPONS

Ps 66, 2-3. 5. 7-8 (R: : 7 oubyin 4)

R: Tè-a té bay frui-l ;
Bondié béni nou, Bondié nou-an.

oubyin :

R: Sé pou yo fè louanj ou, pèp yo, Bondié,
sé pou tout pèp yo fè louanj ou.

- 2 Sé pou Bondié pran pitié pou nou, sé pou-l béni nou ;
sé pou-l fè figi-l kléré sou nou.
- 3 Pou yo rékonèt chémin-ou yo sou tè-a,
épi sové ou sové nou-an nan tout nasion yo. **R:**
- 5 Sé pou nasion yo kontan,
épi sé pou yo fété,
paské ou jijé pèp yo nan douatu,
épi ou dirijé nasion yo sou tè-a. **R:**
- 7 Tè-a té bay frui-l ;
Bondié béni nou, Bondié nou-an ;
- 8 sé pou Bondié nou-an béni nou,
épi sé pou tout limit tè-a krinn li. **R:**

2

PSÒM RÉPONS

Ps 125, 2 b-3. 4-5. 6 (**R:** 3)

- R:** Granmèt la fè mèvèy avèk nou.
- 2 Lè sa-a yo t-ap di nan pami nasion yo :
« Granmèt la fè mèvèy avèk yo ».
- 3 Granmèt la fè mèvèy avèk nou ;
nou vi-n gin kè kontan. **R:**
- 4 Granmèt, fè prizonié nou yo tounin
tankou ravi-n nan sid yo.
- 5 Moun ki simin ak dlo nan jé,
yo ranmasé ak fèt. **R:**
- 6 Yo t-apralé, yo t-ap kriyé,
antan y-ap poté sémans pou simin-an,
y-ap vini sou rout la ak fèt,
pandan y-ap poté zépi yo. **R:**

ALÉLOUYA AK VÈSÈ ANVAN ÉVANJIL LA

1

Ps 125, 5

(R: Alélouya). Moun ki simin nan dlo jé,
yo rékòlté nan kè kontan. (R: Alélouya).

ÉVANJIL YO

1

Sé pa nan kantité richès yon moun lavi li asiré, apati sa li posédé.

✠ **Léktu sint Évanjil la dapré Luk**

12, 15-21

Lè sa-a :

Jézu di fowl yo : « Fè atansyon, évité tout anvi lajan ; paské sé pa nan richès yon moun lavi-l yé, sé pa nan sa-l posédé yo ».

Li di yon parabol pou yo, li di : « Yon moun rich té gin yon jadin ki rapòté-l anpil foui, li t-ap kalkilé nan kè-l, li t-ap di : “Ki sa pou-m fè, paské mouin pa gin koté pou-m ranmasé foui-m yo ?”

Li di : “Min sa m-ap fè : m-ap détoui dépo-m yo, m-ap fè dèt ki pi gran, sé la m-ap ranmasé tout richès mouin yo ak byin-m yo. M-ap di nanm mouin : Nanm mouin, ou gin anpil byin an dépo pou anpil ané ; répozé, manjé, bouè, fété”.

Min Bondié di-l : “Inbésil, nannuit sa-a minm y-ap mandé-ou nanm ou ; sa-ou paré-a, pou ki moun y-ap yé ?”

Sé konsa sa yé pou moun k-ap ranmasé richès pou pròp tèt pa-l, ki pa rich nan Bondié ».

Paròl Granmèt la.

2

*Li tonbé sou fas li dévan pié Jézu,
l-ap di-l mési.*

✠ Léktu sint Évanjil la dapré Luk

17, 11-19

Lè sa-a :

Rivé, pandan Jézu t-apral Jérusalèm, li t-ap travèsé nan mitan Samari ak Galilé.

Pandan l-ap antré nan yon bouk, gin dis lépré ki vi-n dévan-l, yo kanpé byin louin, yo lévé voua yo, yo di : « Jézu, mèt, pitié pou nou ».

Lè-l ouè yo, li di : « Alé, fè prèt yo ouè nou ». Rivé, pandan y-apralé, yo géri.

Youn nan yo, lè-l ouè li géri, li tounin antan l-ap rélé byin fò, l-ap fè konpliman pou Bondié ; li tonbé sou fas li dévan pié Jézu, l-ap di-l mési : sé té yon Samaritin.

Jézu pran laparòl, li di : « Èské dis yo pa-t géri ? É nèf yo koté yo ? Pa gin pèsònn ki tounin pou di Bondié mési, sof étranjé sa-a ».

Li di-l : « Lévé, alé, paské lafoua-ou sové-ou ».

Paròl Granmèt la.

Yo kapab pran tou léktu osijè Mès Pou rann Bondié gras, **tankou pi louin-an, p. 2414.**

21. NAN TAN GRANGO OUBYIN POU SA K-AP SOUFRI GRANGO

LÉKTU NAN ANSYIN TÈSTAMAN-AN

1

Étranjé-a, òfélin-an ak vèv la, kité yo pran zépi ki rété yo.

Léktu liv Détéronòm

24, 17-22

Nan jou sa yo :

Moyiz palé ak pèp la, antan-l di : « Pa tòdié doua étranjé-a avèk òfélin-an, pa pran rad vèv la kòm garanti. Sonjé ou té ésklav nan Éjip épi

Granmèt Bondié-ou la té fè-ou soti la ; sé pou sa mouin psé-ou lòd pou-ou fè bagay sa-a.

Lè ou-ap rékòlté sa-ou planté nan jadin-ou épi ou bliyé yon paké zépi, pa tounin pou-ou pran-l ; min sé étranjé-a, òfélin-an ak vèv la pou-ou kité pran-l, pou Granmèt Bondié-ou la béni-ou nan tout travay min-ou yo.

Si ou-ap kéyi frui oliv yo, tou sa ki rété nan pié boua yo pa tounin al kéyi yo ; min kité yo pou étranjé-a, òfélin-an ak vèv la. Si ou-ap rékòlté jadin rézin-an, pa ranmasé grap ki rété yo, min kité yo pou sèvis étranjé-a, òfélin-an ak vèv la.

Sonjé ou minm tou ou té ésklav nan Éjip, épi sé pou sa mouin pasé-ou lòd pou-ou fè bagay sa yo ».

Paròl Granmèt la.

2

*Si mouin té manjé bouché-m nan pou kont mouin,
épi òfélin-an pa manjé ladan-l.*

Léktu liv Jòb

31, 16-20. 24-25. 31-32

Si mouin pa-t rékonèt sa yo té vlé pou pòv yo, épi mouin té fè jé vèv la tann, si mouin té manjé bouché-m nan pou kont mouin, épi òfélin-an pa-t manjé ladan-l (paské dépi-m tou piti pitié-a grandi avèk mouin épi dépi nan vant manman-m li soti avèk mouin).

Si mouin té méprizé vouayajè-a, poutèt li pa gin rad la, ak pòv la ki pa gin anyin pou kouvri-l la, si rin-l pa-t béni-m, épi po mouton-m yo pa-t réchofé-l.

Si mouin té konsidéré lò-a tankou fòs mouin épi mouin té rélé lò fin-an : « Konfians mouin » ; si mouin té kontan poutèt anpil richès mouin yo, épi paské min moun yo té ranmansé anpil.

Si moun tant mouin yo pa-t di : « Kilès k-ap ba nou nan chè li pou nou manjé kont kò nou ? » Pèlerin-an pa-t rété déyò, pòt mouin té louvri bay vouayajè-a.

Paròl Granmèt la.

3

Séparé pin-ou avèk moun ki grangou-a.

Léktu liv profèt Izayi

58, 6-11

Min paròl Granmèt la : « Dèfèt chinn ki pa korèk yo, lagé kòd ki maré jouk la, moun y-ap maltréte yo, ba yo libète ; ouété tout chay ?

Séparé pin-ou avèk moun ki grangou-a, fè pòv la ak moun ki pa gin kay la antré nan kay ou ; lè-ou ouè yon moun ki ni-kò, kouvri-l, pa méprizé pròp chè-ou.

Lè sa-a, limiè-ou ap éklaté tankou granmatin, santé-ou ap lévé byin vit, jistis ou ap maché dévan fas ou, gloua Granmèt la ap vlopé-ou. Lè sa-a ou-ap rélé, Granmèt la ap kouté, ou-ap rélé, l-ap di : “Min mouin”. Si-ou ouété chinn nan sot nan mitan-ou, épi ou sispann lonjé douèt ou, ni palé bagay ki pa sèvi ; lè ou-a vidé nanm ou bay moun ki grangou-a, lè ou-a plin nanm moun ki nan lapinn nan, limiè-ou ap lévé nan fènoua yo, fènoua-ou yo ap vi-n tankou midi.

Granmèt la ap toujou ba-ou répo, l-ap plin nanm ou ak klèté, l-ap libéré zo-ou ; ou-ap tankou yon jadin ki byin rouzé, tankou yon sous dlo, ki pap manké dlo ».

Paròl Granmèt la.

LÉKTU NAN NOUVO TÉSTAMAN-AN

1

Disip yo, dapré sa chak moun té ginyin.

Léktu Travay Apot yo

11, 27-30

Nan jou sa yo :

Gin profèt ki sot Jérusalèm vi-n Antiòch, youn nan yo yo rélé Agabus lévé, li té anonsé pa pouvoua Éspri-a yon gro grangou ki t-apral rivé sou tout fas tè yo, sa-k té rivé sou Klod la.

Disip yo minm dapré sa chak moun té ginyin, yo té désidé yo chak pou yo voyé sékou bay frè yo ki abité nan Judé-a. Yo fè sa réyèlman, antan yo voyé bay ansyin yo nan min Barnabé ak Sòl.

Paròl Granmèt la.

2

Sa nou gin ki tròp l-ap sèvi pou édé sa yo manké.

Léktu dézièm lèt apot sin Pòl pou Korintyin yo 8, 1-5. 9-15

Frè-m yo, nou fè nou konnin gras Bondié-a, sa-l té bay nan Égliz Masédoua-n nan, nan anpil tribilasyon yo t-ap pasé, kè kontan yo té plin, malgré yo té pòv anpil, yo plin ak richès sinplisité yo ; paské dapré pouvoua yo, mouin rann yo témouagnaj, épi plis pasé pouvoua yo, yo ofri tèt yo avèk anpil insistans pou yo mandé nou gras pou yo patisipé nan sèvis la k-ap fèt pou sin yo. Yo dépasé éspérans nou, yo kòmansé rinmèt tèt yo bay Granmèt la, apré sa yo rinmèt tèt yo ba nou pou volonté Bondié-a.

Nou konnin gras Granmèt nou Jézu-Kri, poutèt nou li vi-n pòv, malgré li té rich, pou nou té kapab vi-n rich antan-l vi-n pòv. Mouin ba nou yon konsèy nan sa ; sa util nou, nou minm ki non sèlman té kòmansé fè kichòy (pou édé frè nou yo), min ki té désidé-l an prémié dépi ané pasé ; koulié-a minm réalizé sa, pou, minm jan nou té cho pou nou té vlé-l la, sé pou réalizé-l ak sa nou ginyin.

Si volonté-a cho, n-ap fè moun plézi dapré sa nou ginyin, mouin pa palé pou sa nou pa ginyin ; yo pa mandé pou nou nan tribilasyon poutèt nou soulajé lòt, min sé égalité.

Koulié-a sa nou gin ki tròp l-ap sèvi pou édé sa yo manké, pou sa yo minm y-ap gin ki tròp tou rivé konplété sa nou manké, pou kapab gin égalité, dapré sa-k ékri-a : « Moun ki té gin anpil, li pa-t gin tròp, moun ki té gin ti kras, li pa-t manké ».

Paròl Granmèt la.

3

Chak moun, dapré sa-l té désidé nan kè-l, san sé pa nan chagrin oubyin nan fòsé.

Léktu dézièm lèt apot sin Pòl pou Korintyin 9, 6-15

Frè-m yo :

Moun ki simin ti kras, li rékòlté ti kras tou ; min moun ki simin nan bénédiksion, li rékòlté nan bénédiksion. Chak moun, dapré sa-l té désidé nan kè-l, san sé pa nan chagrin oubyin nan fòsé, sèké Bondié rinmin moun ki bay ak kè kontan.

Bondié gin pouvoua pou-l fè nou vi-n gin anpil gras, pou nou gin tou sa nou bezouin tout tan, pou nou plin ap ranvèsé nan tout kalité bon aksion, dapré sa-k ékri-a : « Li séparé, li bay pòv yo, jistis li diré pou tout tan gin tan ».

Sa-a k-ap bay sémans pou moun k-ap simin-an, k-ap bay pin pou moun k-ap manjé-a, sé li minm k-ap fè sémans nou-an vi-n anpil, k-ap fè plant jistis nou yo grandi, pou nou kapab vi-n rich nan tout bagay, pou nou kapab plin nan tout sinplisité, sa n-ap fè vi-n tounin rémèsiman pou Bondié-a.

Sèké sèvis ofrann sa-a li pa sèlman konblé sa sin yo manké min an plis l-ap débodé avèk anpil aksion-gras nan Granmèt la, épi antan sèvis sa-a montré sa nou yé, yo fè gloua pou Bondié poutèt obéyisans nou nan lafoua nou proklamé nan Bòn Nouvèl Kris la, poutèt sinplisité kominikasyon nou avèk yo épi avèk tout moun, priyé yo pou nou montré jan yo sansib pou nou poutèt gras ékstraòdinè Bondié fè nou-an. Nou di Bondié mési pou kado li-a yo pa kapab palé-a.

Paròl Granmèt la.

PSÒM RÉPONS YO

1

PSÒM RÉPONS

Ps 21, 23-24. 26-27. 28 é 31-32 (R: 27 a)

- R: Sé pou pòv yo manjé, sé pou yo gin vant plin.
- ²³ M-ap rakonté non-ou bay frè mouin yo, nan mitan asanblé-a m-ap fè louanj ou.
- ²⁴ Nou minm ki krinn Granmèt la, sé pou nou fè louanj li, tout ras Jakòb, déklaré gloua li, sé pou tout ras Israèl krinn li. R:
- ²⁶ Louanj mouin koté-ou, Granmèt, nan foul fidèl yo ; M-ap réglé sa-m té promèt yo dévan moun ki krinn li yo ;
- ²⁷ Sé pou pòv yo manjé, sé pou yo gin vant plin, y-ap fè louanj Granmèt la, sa yo k-ap chèché-l yo. « Sé pou kè yo viv pou tout tan gin tan ». R:
- ²⁸ Y-ap sonjé, y-ap tounin kot Granmèt la tout limit tè-a, y-ap adoré dévan-l

- tout fanmi nasion yo.
³¹ Épi ras mouin ap sèvi-l.
 Y-ap palé sou Granmèt la bay jénérasyon k-ap vini-an,
³² y-ap anonsé jistis li-a bay pèp la k-ap fèt la :
 « Sé bagay yo Granmèt la té fè ». **R:**

2

PSÒM RÉPONS

Ps 106, 2-3. 4-5. 6-7. 8-9 (**R** : 1)

- R:** Fè louanj Granmèt la,
 poutèt kè-l sansib pou tout tan.
oubyin : Alélouya.
² Sé pou yo di, sa-a yo Granmèt la rachté-a,
 yo minm li rachté sot nan min ènmi-an,
³ sa li rasanblé yo sot nan péyi yo,
 sot nan solèy lévé ak nan solèy kouché,
 sot olévan avèk okouchan. **R:**
⁴ Yo t-ap alé-vini nan dézè-a, nan tè sèk la,
 yo pa-t jouinn rout vil ki abité.
⁵ Yo té grangou, yo té souaf,
 lavi yo t-ap dépéri nan yo. **R:**
⁶ Yo rélé kot Granmèt la, lè yo t-ap sibi tribilasyon,
 li délivré yo sot nan bézouin yo.
⁷ Li kondui yo sou yon rout ki douat,
 pou yo alé nan vil ki abité. **R:**
⁸ Sé pou yo fè louanj Granmèt la poutèt mizérikòd li,
 ak mèvèy li pou pitit moun yo ;
⁹ paské li kalmé nanm ki té souaf la,
 nanm ki té grangou-a, li plin-l ak byin. **R:**

3

PSÒM RÉPONS

Ps 111, 1-2. 3-4. 5-7 a. 7 bc-8. 9 (**R** : cf. 1 a. 9 a)

- R:** Ala kontantman pou moun ki mèt plézi-l nèt nan lòd Granmèt la
oubyin : Alélouya.
¹ Ala kontantman pou moun ki krinn Granmèt la,
 ki mèt plézi-l nèt nan lòd li yo.

- 2 Désandans li ap gin pouvoua sou tè-a,
ras moun kòrèk yo ap béni. **R:**
- 3 Gloua ak richès nan kay li,
jistis li ap rété pou tout tan gin tan,
- 4 Limiè-a ap lévé nan fènoua, pou moun kòrèk yo,
li sansib, li pran pitié, li kòrèk. **R:**
- 5 Ala kontantman pou moun sa-a ki pran pitié, ki préte,
ki réglé afè-l yo kòrèk,
- 6 paské sé pou tout tan li pap souké.
- 7 Y-ap sonjé moun kòrèk la pou tout tan. **R:**
- Li pap pè, lè-l tandé mové nouvèl.
Kè-l paré, li éspéré nan Granmèt la.
- 8 Kè-l asiré, li pap pè,
joustan li méprizé ènmi-l yo. **R:**
- 9 Li séparé, li bay pòv yo ;
jistis li rété pou tout tan gin tan,
kòn li ap lévé nan gloua-a. **R:**

ALÉLOUYA AK VÈSÈ ANVAN ÉVANJIL LA

1

Mt 25, 34

(**R:** Alélouya). Vini, nou minm Papa-m béni yo,
pran posésion péyi roua-a yo té paré pou nou
dépi tè-a té kòmansé fèt la. (**R:** Alélouya).

2

2 Kor 8, 9

(**R:** Alélouya). Jézu-Kri vi-n pòv, malgré li té rich,
pou nou kapab vi-n rich nan sa-k fè-l vi-n pòv la. (**R:** Alélouya).

ÉVANJIL

1

Mouin té grangou, nou té ban-m manjé.

✚ Léktu sint Évanjil la dapré Matié

25, 31-46

Lè sa-a :

Jézu di disip li yo : « Lè Pitit moun nan ap rivé nan gloua li, épi tout anj yo avèk li, lè sa-a l-ap chita sou tro-n gloua li. L-ap rasanblé tout nasion yo dévan-l, l-ap séparé yo youn sot kot lòt, tankou yon gadyin séparé mouton yo ak bouk yo. L-ap mét mouton yo kanpé adouat li, bouk yo agoch li.

Lè sa-a roua-a ap di sa-k adouat li yo : “Vini, nou minm Papa-m béni yo, pran posésion péyi roua-a yo té paré pou nou dépi tè-a té kòmansé fèt la. Sèké mouin té grangou, nou té ban-m manjé ; mouin té souaf, nou té ban-m bouè ; mouin té étranjé, nou té résévoua-m ; mouin té ni-kò, nou té abiyé-m ; mouin té malad, nou té rann mouin vizit ; mouin té nan prizon, nou té vi-n jouinn mouin”.

Lè sa-a moun kòrèk yo ap pran laparòl, y-ap di : “Granmèt, kilè nou té ouè-ou grangou épi nou té ba-ou manjé ? oubyin nou té ouè-ou souaf épi nou té ba-ou bouè ? kilè nou té ouè-ou étranjé épi nou té résévoua-ou ? oubyin ni-kò épi nou té abiyé-ou ? oubyin kilè nou té ouè-ou malad oubyin nan prizon épi nou té vi-n jouinn ou ?”

Roua-a ap réponn, l-ap di yo : “Amèn mouin di nou, chak foua nou té fè sa pou youn nan pi piti nan frè-m sa yo, sé pou mouin minm nou té fè-l”.

Lè sa-a atò l-ap di sa yo ki agoch li yo : “Ralé kò nou sot sou mouin, nou minm ki madichonnin, al nan difé tout tan-an, ki té paré pou djab la ak anj li yo. Mouin té grangou, nou pa-t ban-m manjé ; mouin té souaf, nou pa-t ban-m bouè ; mouin té étranjé, nou pa-t résévoua-m ; mouin té ni-kò, nou pa-t abiyé-m ; mouin té malad épi mouin té nan prizon, min nou pa-t vizité-m”.

Lè sa-a yo minm tou y-ap pran laparòl, y-ap di-l : “Granmèt, kilè nou té ouè-ou grangou, oubyin souaf, oubyin étranjé, oubyin ni-kò, oubyin malad, oubyin nan prizon, épi nou pa-t rann ou sèvis” ?

Lè sa-a l-ap réponn yo, l-ap di : “Amèn mouin di nou, chak foua nou pa-t fè sa pou youn nan pi piti sa yo, sé pou mouin minm tou nou pa-t fè-l”.

Sa yo apral nan chatiman tout tan-an, moun kòrèk yo minm apral nan lavi tout tan-an ».

Paròl Granmèt la.

2

Ba yo manjé nou minm.

✠ Léktu sint Évanjil la dapré Mark

6, 34-44

Lè sa-a :

Jézu ouè anpil foul, li pran pitié pou yo, paské yo té « tankou mouton ki pa gin gadyin » ; li kòmansé ba yo anségnman anpil.

Kòm lè-a té ta anpil, disip li yo proche, yo di : « Koté sa-a sé yon dézè, épi lè-a déjà ap fi-n ta ; ranvouayé yo, pou y-al nan vil yo ki tou pré yo, ak nan bouk yo, y-a achté manjé pou yo manjé ».

Li réponn, li di yo : « Ba yo manjé nou minm ».

Yo di-l : « N-apral achté désan dénié pin, pou nou ba yo manjé ».

Li di yo : « Konbyin pin nou ginyin ? Al gadé ».

Lè yo o kouran, yo di : « Sink avèk dé pouason ».

Li pasé yo lòd pou yo fè tout moun kouché pa group sou zèb fré-a, yo kouché pòsion san, pòsion sinkant.

Li pran sink pin yo ak dé pouason yo, li gadé nan sièl la, li béni pin yo, li kasé yo, li bay disip li yo, pou yo mété dévan moun yo, ni dé pouason yo tou li séparé yo pou tout moun.

Tout moun manjé vant plin. Yo ranmasé rèss moso yo plin douz panié, ni nan pouason yo tou. Moun yo ki té manjé yo minm yo té sink mil gason.

Paròl Granmèt la.

3

Lè-ou ap fè yon résépsion, invité pòv yo.

✠ Léktu sint Évanjil la dapré Luk

14, 12-14

Lè sa-a :

Jézu t-ap di yon chèf farizyin yo ki té invité-l : « Lè ou-ap fè yon diné oubyin yon soupé, pa invité zanmi-ou yo ni frè-ou yo ni fanmi ou yo, ni

vouazin-ou yo ki rich yo, pou yo minm yo pa riské invité-ou tou, pou yo rinmèt ou politès la.

Min, lè-ou ap fè yon résépsion, invité pòv yo, malad yo, bouaté yo, avèg yo. Ala kontantman pou ou, paské yo pa gin pou rinmèt ou ; ou-a jouinn rékonpans ou nan rézireksion moun kòrèk yo ».

Paròl Granmèt la.

4

Té gin yon pòv tou, yo té rélé Lazar.

✠ **Léktu sint Évanjil la dapré Luk**

16, 19-31

Lè sa-a :

Jézu di Farizyin yo : « Té gin yon mésié ki té rich, li té konn abiyé ak vlou ak soua, chak jou li té konn ap fè bèl résépsion. Min té gin yon pòv tou, yo té rélé Lazar, ki té kouché nan papòt li, li té plin ak blésu, li té anvè plin vant li ak ti kal manjé ki té konn ap tonbé sot sou tab rich la, min pèsòn pa-t konn ba li ; okontrè sé chyin yo ki té konn vi-n ap niché koté-l té malad yo.

Rivé pòv la vi-n mouri, anj yo poté-l nan léstomak Abraam ; rich la vi-n mouri tou, yo antéré-l nan lanfè.

Li lévé jé-l anlè, pandan li t-ap soufri-a, li ouè Abraam byin louin avèk Lazar nan léstomak li. Li rélé byin fò, li di : “Papa Abraam, pitié pou mouin, voyé Lazar, pou-l tranpé ti bout douèt li nan dlo, pou-l rafréchi lang mouin, paské m-ap soufri nan flanm sa-a”.

Abraam di-l : “Pitit, sonjé ou té résévoua byin yo nan lavi-ou, Lazar minm té résévoua malè ; koulié-a atò li jouinn konsolasion isit la, ou minm minm ou-ap soufri. Ak tou sa, ant nou minm épi ou minm gin yon gran vid ki égzisté, atèl pouin moun ki t-a vlé sot isit la pou y-al travèsé koté-ou, yo pa kapab, ni sot koté-ou pou travèsé isit la”.

Li di : “Mouin priyé-ou, Papa, pou-ou voyé-l kay papa-m (sèké mouin gin sink frè), pou-l bay témouagnaj dévan yo, pou yo minm tou yo pa vi-n nan koté soufrans sa yo isit la”.

Abraam di-l : “Yo gin Moyiz ak profèt yo : sé pou yo kouté yo”.

Li di-l : “Non, Papa Abraam ; min, si youn nan mò yo al koté yo, y-ap fè pénitans”.

Li di-l : “Si ata Moyiz ak Profèt yo yo pa kouté yo, sé pa yon moun ki t-a lèvé sot nan pami mò yo yo t-a kouté” ».

Paròl Granmèt la.

22. POU RÉFLIJE YO AVÈK ÉGZILÉ YO

LÉKTU NAN ANSYIN TÉSTAMAN-AN

1

Bondié rinmin étranjé épi li ba-l manjé ak rad.

Léktu liv Détéronòm

10, 17-19

Jou sa yo :

Moyiz palé ak pèp la, li di : « Granmèt Bondié nou an, sé li minm ki Bondié dié yo, ak Granmèt mèt yo, Bondié ki gran, ki gin pouvoua, ki térib, ki pa konsidéré figi moun ni kado, ki fè jijman pou òfélin ak vèv, ki rinmin étranjé, ki ba-l manjé ak rad. Nou minm tou, sé pou nou rinmin étranjé yo, paské nou minm tou nou té étranjé nan péyi Éjip la ».

Paròl Granmèt la.

2

Kité étranjé-a pran paké zépi ki rété-a.

Léktu liv Détéronòm

24, 17-22

Nan jou sa yo :

Moyiz palé ak pèp la, antan-l di : « Pa tòdié doua étranjé-a avèk òfélin-an, pa pran rad vèv la kòm garanti. Sonjé ou té ésklav nan Éjip épi Granmèt Bondié-ou la té fè-ou soti la ; sé poua mouin psé-ou lòd pou-ou fè bagay sa-a.

Lè ou-ap rékòlté sa-ou planté nan jadin-ou épi ou bliyé yon paké zépi, pa tounin pou-ou pran-l ; min sé étranjé-a, òfélin-an ak vèv la pou-ou kité pran-l, pou Granmèt Bondié-ou la béni-ou nan tout travay min-ou yo.

Si ou-ap kéyi frui oliv yo, tou sa ki rété nan pié boua yo pa tounin al kéyi yo ; min kité yo pou étranjé-a, òfélin-an ak vèv la. Si ou-ap rékòlté

jadin rézin-an, pa ranmasé grap ki rété yo, min kité yo pou sèvis étranjé-a, òfélin-an ak vèv la.

Sonjé ou minm tou ou té ésklav nan Éjip, épi sé pou sa mouin pasé-ou lòd pou-ou fè bagay sa yo ».

Paròl Granmèt la.

LÉKTU NAN NOUVO TÊSTAMAN-AN

1

Sé pou nou résévoua étranjé.

Léktu lèt apot sin Pòl pou Romin yo

12, 9-16 b

Frè-m yo :

Rinmin-an pa nan fè sanblan, sé pou nou rayi sa-k mal, sé pou nou kolé kò nou sou sa-k bon, sé pou nou youn rinmin lòt tankou frè, sé pou nou youn bay lòt konsidérasion, sé pou nou gin dévouman san nou pa fè régadan, sé pou nou cho nan Éspri-a, antan n-ap rann sèvis pou Granmèt la, sé pou nou kontan nan éspérans la, sé pou nou gin pasians nan tribilasion-an, sé pou nou pèsévéré nan priyè-a, sé pou nou patisipé nan bézouin sin yo, sé pou nou résévoua étranjé.

Sé pou nou béni moun k-ap pèsékité nou yo : sé pou nou béni yo, sé pa pou nou ba yo madichon. Sé pou nou kontan avèk moun ki kontan yo, sé pou nou kriyé avèk moun k-ap kriyé yo, sé pou nou gin yon sèl kè antré nou, pa chèche bagay ki ro, min sé nan bagay ki ba pou nou mété kè nou ansanm.

Paròl Granmèt la.

2

Sa vlé di yo t-ap chèche yon patri.

Léktu lèt Ébré yo

11, 13-16

Frè-m yo :

Si sèlon lafoua-a tout patriarch yo mouri, san yo pa résévoua promès la, min antan yo apèsévoua-l yo salué-l byin louin, yo té gin konfians, paské sé pèlerin ak étranjé yo yé sou tè-a.

Moun yo ki di bagay sa yo réyèlman yo montré yo t-ap chèché yon patri. Si yo té sonjé pa yo-a sa yo té soti ladan-l nan, yo t-a gin tan tounin sètènman.

Koulié-a minm yo anvi youn ki pi bon, sé sièl la.

Sé poussa Bondié pa ront rélé tèt li Bondié yo ; li t-ap paré yon vil pou yo réyèlman.

Paròl Granmèt la.

3

Pa bliyé résévoua étranjé lakay nou.

Léktu lèt pou Ébré

13, 1-3. 14-16

Frè-m yo :

Sé pou charité frè yo rété nan nou ; pa bliyé résévoua étranjé lakay nou : sé konsa kèk té résévoua anj yo lakay yo san yo pa konnin. Sonjé moun ki nan prizon yo kòm si nou prizonié ansanm avèk yo, sonjé moun k-ap souffri yo paské nou minm tou sé nan yon kò nou yé.

Isit la, nou pa gin yon vil k-ap duré, min n-ap chèché vil sa-a ki gin pou-l vini-an. Pa lintèmédiè Jézu donk, sé pou nou ofri yon sakrifis louanj pou tout tan bay Bondié, sa vlé di foui bouch nou k-ap fè déklarasion pou non-l. Pa bliyé fè bon aksion, pa bliyé mét byin yo ansanm. Sé kalité sakrifis sa yo ki fè Bondié plézi.

Paròl Granmèt la.

PSÒM RÉPONS YO

1

PSÒM RÉPONS

Tob 13, 2. 3-4. 6. 7. 8 (R: 2 a)

R: Konpliman pou Bondié, ki vivan pou tout tan.

2 Konpliman pou Bondié ki vivan pou tout tan, épi pou péyi roua-l la.
Sèké sé ou minm ki frapé, ki pran pitié,
ki kondui anba tè, ki fè rémonté anlè,
ki ouété sot nan gran pèdision-l nan,
pèsòn pa chapé nan min-l. **R:**

- 3 Fè louanj li, pitit Israèl yo, dévan nasion yo,
paské li minm li té gayé nou nan mitan yo,
- 4 épi la-a li té montré grandè-l.
Lévé-l anlè dévan tout vivan,
paské li sé Granmèt nou, li minm li sé papa nou,
li minm, li sé Bondié nou nan tout sièl. **R:**
- 6 Lè n-a tounin koté-l
ak tout kè ou épi ak tout nanm nou,
pou nou fè vérité dévan-l,
lè sa-a l-ap rétounin koté nou,
li pap kaché fas li louin nou ankò.
Koulié-a gadé, sa-l fè nou,
fè louanj li ak tout bouch nou.
Fè konpliman pou Granmèt jisitis la,
lévé roua sièk tan yo anlè.
Mouinminm nan péyi koté-m égzilé-a, m-ap fè louanj li,
paské li montré bèlté-l nan yon nasion péchè.
Konsa sé pou nou konvèti, péchè yo,
fè jistis dévan Bondié.
Sa-k konnin si-l rinmin nou épi l-ap fè mizérikòd pou nou ?
antan nou kouè l-ap fè mizérikòd li pou nou. **R:**
- 7 Mouin minm ak nanm mouin m-ap di kontantman roua sièl la.
Nanm mouin ap kontan tout jou lavi-l. **R:**
- 8 Fè konpliman pou Granmèt la, nou tout li chouazi yo ;
nou tout, fè louanj grandè-l.
Òganizé jou fèt, fè louanj pou li. **R:**

2

PSÒM RÉPONS

Ps 106, 33-34. 35-36. 41-42 (**R:** : 1)

R: Fè louanj Granmèt la,
poutèt mizérikòd li-a pou tout tan.

oubyin : Alélouya.

- 33 Li fè gran riviè vi-n tounin dézè,
sous dlo vi-n tounin souaf,
- 34 tè k-ap donnin frui vi-n tounin lasali-n,
akòz méchansté moun ki abité ladan-l yo. **R:**

- 35 Li fè dézè-a vi-n tounin ma dlo,
tè san dlo-a minm sous dlo.
- 36 Li fè moun ki grangou yo abité la,
yo instalé yon vil kioté yo abité. **R:**
- 41 Li lévé pòv la sot nan mizè-a,
li fè fanmiy yo vi-n tankou bann mouton.
- 42 Moun ki douat yo yo ouè, yo kontan,
tout méchansté fèmin bouch li. **R:**

3

PSÒM RÉPONS

Ps 120, 1-2. 3-4. 5-6. 7-8 (**R:** : cf. 2)

- R:** Sékou nou o non Granmèt la,
ki té fè sièl la ak tè-a.
- 1 M-ap lévé jé-m nan mòn yo :
koté sékou-m ap soti ?
- 2 Sékou-m ap vi-n sot nan Granmèt la,
ki té fè sièl la ak tè-a. **R:**
- 3 Li pap kité pié-ou bité,
li pap dòmi, li minm k-ap véyé sou ou-a.
- 4 Gadé li pap dòmi, li pap fèmin jé-l,
li minm k-ap véyé sou Israèl la. **R:**
- 5 Granmèt la ap véyé sou ou,
Granmèt la sé lonbraj ou,
li sou bò min douat ou.
- 6 Lajounin solèy pap frapé-ou,
ni lali-n pandan lannuit. **R:**
- 7 Granmèt la ap véyé sou ou kont tout malè ;
Granmèt la ap véyé sou nanm ou.
- 8 Granmèt la ap véyé sou antré-ou ak sòti-ou,
dépi koulié-a jous pou tout tan. **R:**

ALÉLOUYA AK VÈSÈ ANVAN ÉVANJIL LA

1

2 Kor 1, 3 b-4 a

(R. Alélouya). Konpliman pou Papa mizérikòd yo
ak Bondié tout konsolasion-an,
li minm ki konsolé nou nan tout tribilasyon nou-an. (R. Alélouya).

2

Ébr 13, 14

(R. Alélouya). Isit la, nou pa gin yon vil k-ap duré,
min n-ap chèché vil sa-a ki gin pou-l vini-an. (R. Alélouya).

ÉVANJIL

1

*Pran pitit la ak manman-l,
épi sové kò-ou al nan Éjip.*

✠ **Léktu sint Évanjil la dapré Matié** 2, 13-15. 19-23

Lè maj yo pati, min anj Granmèt la parèt nan sonj dévan Jozèf, li di :
« Lévé, pran ti pitit la ak manman-l, sové kò-ou nan Éjip, rété la joutan
m-a di-ou ; sèké Éròd apral chèché ti pitit la pou-l touyé-l ».

Li lévé, li pran ti pitit la ak manman-l nannuit la, li pati Éjip. Li rété la
joutan Éròd mouri, pou paròl Granmèt la té di pa lintèmédiè Profèt la té
kapab akonpli : « M-ap rélé pitit mouin-an sot Éjip ».

Lè Éròd fi-n mouri, min anj Granmèt la parèt nan sonj dévan Jozèf
nan Éjip la, li di : « Lévé, pran pitit la ak manman-l, al nan péyi Israèl la,
sèké yo mouri, sa yo ki t-ap chèché lavi pitit la ».

Li lévé, li pran pitit la ak manman-l, li rivé nan péyi Israèl. Lè-l tandé
sé Arkélaous ki t-ap kòmandé nan Judé nan plas Éròd papa-l, li pè al la ;
li jouinn avètisman nan sonj, li pati nan réjion Galilé yo. Lè-l rivé, li abité
nan yon vil yo rélé Nazarèt, pou sa Bondié té di pa lintèmédiè Profèt yo
té kapab akonpli : « Y-ap rélé-l Nazaréyin ».

Paròl Granmèt la.

2

*Chak foua nou fè pou youn nan pi piti frè-m sa yo,
sé pou mouin minm nou fè.*

✠ **Léktu sint Évanjil la dapré Matié**

25, 31-46

Lè sa-a : Jézu di disip li yo :

« Lè Pitit moun nan ap rivé nan gloua li, épi tout anj yo avèk li, lè sa-a l-ap chita sou tro-n gloua li. L-ap rasanblé tout nasion yo dévan-l, l-ap séparé yo youn sot kot lòt, tankou yon gadyin séparé mouton yo ak bouk yo. L-ap mét mouton yo kanpé adouat li, bouk yo agoch li.

Lè sa-a roua-a ap di sa-k adouat li yo : “Vini, nou minm Papa-m béni yo, pran posésion péyi roua-a yo té paré pou nou dépi tè-a té kòmansé fèt la. Sèké mouin té grangou, nou té ban-m manjé ; mouin té souaf, nou té ban-m bouè ; mouin té étranjé, nou té résévoua-m ; mouin té ni-kò, nou té abiyé-m ; mouin té malad, nou té rann mouin vizit ; mouin té nan prizon, nou té vi-n jouinn mouin”.

Lè sa-a moun kòrèk yo ap pran laparòl, y-ap di : “Granmèt, kilè nou té ouè-ou grangou épi nou té ba-ou manjé ? oubyin nou té ouè-ou souaf épi nou té ba-ou bouè ? kilè nou té ouè-ou étranjé épi nou té résévoua-ou ? oubyin ni-kò épi nou té abiyé-ou ? oubyin kilè nou té ouè-ou malad oubyin nan prizon épi nou té vi-n jouinn ou ?”

Roua-a ap réponn, l-ap di yo : “Amèn mouin di nou, chak foua nou té fè sa pou youn nan pi piti nan frè-m sa yo, sé pou mouin minm nou té fè-l”.

Lè sa-a atò l-ap di sa yo ki agoch li yo : “Ralé kò nou sot sou mouin, nou minm ki madichonnin, al nan difé tout tan-an, ki té paré pou djab la ak anj li yo. Mouin té grangou, nou pa-t ban-m manjé ; mouin té souaf, nou pa-t ban-m bouè ; mouin té étranjé, nou pa-t résévoua-m ; mouin té ni-kò, nou pa-t abiyé-m ; mouin té malad épi mouin té nan prizon, min nou pa-t vizité-m”.

Lè sa-a yo minm tou y-ap pran laparòl, y-ap di-l : “Granmèt, kilè nou té ouè-ou grangou, oubyin souaf, oubyin étranjé, oubyin ni-kò, oubyin malad, oubyin nan prizon, épi nou pa-t rann ou sèvis” ?

Lè sa-a l-ap réponn yo, l-ap di : “Amèn mouin di nou, chak foua nou pa-t fè sa pou youn nan pi piti sa yo, sé pou mouin minm tou nou pa-t fè-l”.

Sa yo apral nan chatiman tout tan-an, moun kòrèk yo minm apral nan lavi tout tan-an ».

Paròl Granmèt la.

*Ki moun ki prochin-m ?***✠ Léktu sint Évanjil la dapré Luk****10, 25-37**

Lè sa-a :

Gin yon spésialis laloua-a ki lévé pou-l tanté Jézu, li di : « Mèt, ki sa pou-m fè pou-m gin lavi tout tan-an ? »

Jézu di-l : « Nan laloua-a ki sa-k ékri ? Kijan-ou li ? »

Li réponn, li di : « Sé pou-ou rinmin Granmèt Bondié-ou ak tout kè-ou, ak tout nanm ou, ak tout fòs ou, ak tout éspri-òu, épi prochin-ou tankou ou minm ».

Jézu di-l : « Ou réponn byin : fè sa, épi ou-a viv ».

Li minm minm, ki vlé bay tèt li rézon, li di Jézu : « Kilès ki prochin-m ? »

Jézu pran laparòl ankò, li di : « Yon mésié t-ap désann sot Jérusalèm al Jériko, li tonbé nan min asasin, yo vòlè-l, yo bat li, yo pati kité-l prèské mouri. Yon prèt vi-n ap désann sou minm rout sa-a, li ouè-l, li pasé. Minm jan-an tou yon lévit, li rivé tou pré koté-a, li ouè-l, li travèsé.

Min gin yon Samaritin ki t-ap vouayajé, ki rivé tou pré-l, li ouè-l, li trésayi ak mizérikòd. Li proché, li maré koté li té blésé yo, li vidé luil ak divin ; li mété-l sou milèt li, li kondui-l nan yon lotèl, li souin-l.

Nan landmin, li lonjé dé dénié bay mèt lotèl la, li di : “Okipé-l ; tou sa ou-a dépanse an plis, sé mouin minm k-ap rinmèt ou sa, lè-m tounin”.

Kilès nan toua sa yo ou pansé ki prochin moun sa-a ki té tonbé nan min asasin yo ? »

Li minm li di : « Sa-a ki té fè mizérikòd pou li-a ».

Jézu di-l : « Alé, ou minm tou fè minm jan ».

Paròl Granmèt la.

23. POU MOUN YO KINBÉ KÒM PRIZONIÉ LAGÈ - POU MOUN YO KINBÉ NAN PRIZON

Yo kapab pran léktu Mès pou ninpòt nésésité, pi ba-a, p. 2406, avèk évanjil sa-a :

Mouin té nan prizon, nou té vi-n jouinn mouin.

✠ Léktu sint Évanjil la dapré Matié

25, 31-46

Lè sa-a : Jézu di disip li yo :

« Lè Pitit moun nan ap rivé nan gloua li, épi tout anj yo avèk li, lè sa-a l-ap chita sou tro-n gloua li. L-ap rasanblé tout nasion yo dévan-l, l-ap séparé yo youn sot kot lòt, tankou yon gadyin séparé mouton yo ak bouk yo. L-ap mét mouton yo kanpé adouat li, bouk yo agoch li.

Lè sa-a roua-a ap di sa-k adouat li yo : “Vini, nou minm Papa-m béni yo, pran posésion péyi roua-a yo té paré pou nou dépi tè-a té kòmansé fèt la. Sèké mouin té grangou, nou té ban-m manjé ; mouin té souaf, nou té ban-m bouè ; mouin té étranjé, nou té résévoua-m ; mouin té ni-kò, nou té abiyé-m ; mouin té malad, nou té rann mouin vizit ; mouin té nan prizon, nou té vi-n jouinn mouin”.

Lè sa-a moun kòrèk yo ap pran laparòl, y-ap di : “Granmèt, kilè nou té ouè-ou grangou épi nou té ba-ou manjé ? oubyin nou té ouè-ou souaf épi nou té ba-ou bouè ? kilè nou té ouè-ou étranjé épi nou té résévoua-ou ? oubyin ni-kò épi nou té abiyé-ou ? oubyin kilè nou té ouè-ou malad oubyin nan prizon épi nou té vi-n jouinn ou ?”

Roua-a ap réponn, l-ap di yo : “Amèn mouin di nou, chak foua nou té fè sa pou youn nan pi piti nan frè-m sa yo, sé pou mouin minm nou té fè-l”.

Lè sa-a atò l-ap di sa yo ki agoch li yo : “Ralé kò nou sot sou mouin, nou minm ki madichonnin, al nan difé tout tan-an, ki té paré pou djab la ak anj li yo. Mouin té grangou, nou pa-t ban-m manjé ; mouin té souaf, nou pa-t ban-m bouè ; mouin té étranjé, nou pa-t résévoua-m ; mouin té ni-kò, nou pa-t abiyé-m ; mouin té malad épi mouin té nan prizon, min nou pa-t vizité-m”.

Lè sa-a yo minm tou y-ap pran laparòl, y-ap di-l : “Granmèt, kilè nou té ouè-ou grangou, oubyin souaf, oubyin étranjé, oubyin ni-kò, oubyin malad, oubyin nan prizon, épi nou pa-t rann ou sèvis” ?

Lè sa-a l-ap réponn yo, l-ap di : “Amèn mouin di nou, chak foua nou pa-t fè sa pou youn nan pi piti sa yo, sé pou mouin minm tou nou pa-t fè-l”.

Sa yo apral nan chatiman tout tan-an, moun kòrèk yo minm apral nan lavi tout tan-an ».

Paròl Granmèt la.

24. POU MALAD YO

LÉKTU NAN ANSYIN TÉSTAMAN-AN

1

Mouin ouè dlo yo k-ap koulé sot nan jé-ou. Min m-ap géri-ou.

Léktu dézièm liv Roua yo

20, 1-6

Jou sa yo roua Ézékias té malad jous pou-l mouri ; Izayi pitit Amòs la, profèt la, vi-n koté-l, li di-l : « Min sa Granmèt Bondié di : Pasé lòd bay kay ou-a, ou-ap mouri réyèlman ou minm, ou pap viv ».

Li viré fas li nan miray la, li priyé Granmèt la antan-l di : « Mouin priyé, Granmèt, sonjé, tanpri, sonjé kijan mouin té maché dévan-ou nan vérité ak nan kè kòrèk, sé sa ki fè-ou plézi mouin té fè dévan-ou ». Ézékias kriyé konsa avèk gran plint.

Anvan Izayi soti nan mouatié pati lakou-a, paròl Granmèt la rivé koté-l, antan-l di : « Tounin, di Ézékias k-ap kondui pèp mouin-an : Min sa Granmèt Bondié papa-ou David la di : Mouin tandé priyé-ou la, mouin ouè dlo yo k-ap koulé sot nan jé-ou yo, min m-ap géri-ou : nan toua jou ou-ap monté nan Tanp Granmèt la.

M-ap ajouté kinz ané nan jou-ou yo ; anplis sa m-ap libéré-ou sot nan min roua Asiryin yo ansanm ak vil sa-a, m-ap protété vil sa-a poutèt mouin minm ak poutèt David sèvitè-m nan ».

Paròl Granmèt la.

2

Réyèlman sé maladi nou li minm li t-ap poté.

Léktu liv profèt Izayi

53, 1-5. 10-11

Kilès ki kouè sa nou tandé-a ? Bra Granmèt la bay ki moun li révéle ? L-ap lévé tankou yon ti kréyòl, tankou rasi-n ki sot nan tè sèk.

Li pa gin aparans ni bèlté, nou té ouè-l, li pa-t gin fòm figi, nou té anvè-l ; li té méprizé, sé dènié nan moun yo, moun soufrans, ki konn maladi, fas li té kòm kaché, li té méprizé, sé poussa nou pa-t minm gin konsidérasion pou li.

Réyèlman sé maladi nou li minm li t-ap poté, sé soufrans nou li minm li t-ap poté, nou minm nou té konprann li té tankou yon lépré, yon moun Bondié frapé, Bondié imilié. Li minm minm li blésé pou péché nou, li frapé poutèt krim nou yo, koréksion lapè nou-an sou li, sé gras a koté-l blésé yo nou géri.

Granmèt la té vlé krazé-l nan maladi. Si-l bay lavi-l pou péché-a, l-ap ouè yon désandans k-ap viv lontan, volonté Granmèt la ap dirijé nan min-l. Poutèt nanm li té soufri, l-ap ouè, l-ap konblé. Nan sians li, sèvitè-m nan ki kòrèk la ap rann anpil moun kòrèk, l-ap poté péché yo li minm minm.

Paròl Granmèt la.

LÉKTU NAN NOUVO TÈSTAMAN-AN

1

Tout moun ki té gin maladi nan zilé-a, yo té vini kot Pòl, li té géri yo.

Léktu Travay Apot yo

28, 7-10

Jou sa yo :

Nan koté sa yo té gin propriété chèf zilé Malt la yo rélé Publius. Li résévoua nou, li okipé nou avèk bon kè pandan toua jou. Rivé papa Publius minm té kouché antan lafièv ak disantri t-ap maltrété-l. Pòl antré koté-l, pandan li priyé épi li pozé min sou li, li sovè-l.

Lè bagay sa-a fi-n fèt, tout moun nan zilé-a ki té gin maladi yo té vini épi yo té géri. Yo onoré nou avèk anpil onè, épi lè n-ap vouayajé nan batiman-an yo ba nou sa nou té bézouin.

Paròl Granmèt la.

2

Yo mété nou nan lanmò poutèt Jézu.

Léktu dézièm lèt apot sin Pòl pou Korintyin yo

4, 10-18

Frè-m yo :

Tout tan nou poté lanmò Jézu nan kò nou, pou lavi Jézu-a parèt nan kò pa nou. Tout tan vrèman, nou minm ki vivan yo, yo mété nou nan lanmò poutèt Jézu, pou lavi Jézu-a parèt nan chè nou k-ap mouri-a.

Antan nou gin minm éspri lafoua-a, jan sa ékri-a : « Mouin kouè, sé pousa mouin palé » ; nou minm tou nou kouè, poutèt sa n-ap palé, nou konnin sa-a ki té résisité Jézu-a, l-ap résisité nou avèk Jézu, l-ap mété-n avèk nou. Tou sa poutèt nou, pou gras la vi-n an kantité pou anpil moun, pou-l fè yo rann gras an kantité pou gloua Bondié-a.

Sé pousa nou pa fébli ; min, malgré moun nou-an ki sou pa déyò-a ap dékonpozé, malgré sa, sa-a ki sou pa anndan-an ap réfèt tou nèf chak jou pi plis. Réyèlman, tribilasyon n-ap passé koulié-a, pou yon moman-an épi ki tou léjè-a, l-ap réyalizé yon chaj gloua nan nou pou tout tan, ki dépasé tout rotè ; nou pap konsidéré bagay yo kapab ouè, min bagay yo pa kapab ouè : sèké bagay yo kapab ouè yo, sé pou yon tan yo la ; min sa yo pa kapab ouè yo minm, yo diré pou tout tan.

Paròl Granmèt la.

3

*Gras mouin kont ou,
sèké fòs la sé nan féblès la li réyalizé.*

Léktu dézièm lèt apot sin Pòl pou Korintyin yo

12, 7 b-10

Frè-m yo :

Yo té ban-m yon pikan nan chè-m, yon anj Satan k-ap souflété-m.

Sou késion sa-a toua foua mouin té priyé Granmèt la pou-l té ouété-l sot nan mouin épi li té di-m : « Gras mouin kont ou, sèké fòs la sé nan féblès la li réyalizé ». Konsa sé ak tout kè-m m-ap fè louanj tèt mouin nan féblès mouin yo, pou puisans Kris la abité nan mouin.

Sé poua mouin jouinn plézi-m nan féblès mouin yo, nan mank déga, nan bézouin, nan pèsékision, nan kè séré pou Kris la : lè-m fèb, sé lè sa-a mouin fò.

Paròl Granmèt la.

4

Priyè lafoua-a ap sové malad la.

Léktu lèt apot sin Jak

5, 13-16

Nou minm mouin rinmin anpil la :

Èské youn nan nou gin chagrin ? Sé pou-l priyé. Èské li gin kè kontan ? Sé pou-l chanté som.

Èské youn nan nou malad ? Sé pou-l rélé prèt yo nan Égliz la, pou yo priyé sou li, pou yo pasé luil sou li o non Granmèt la ; priyè lafoua-a ap sové malad la, Granmèt la ap soulajé-l, épi, si-l gin péché, l-ap padonnin-l.

Sé pou nou youn konfésé péché nou yo bay lòt, sé pou nou youn priyé pou lòt, pou nou sové ; priyè moun ki kòrèk la fè avèk pèsévérans la, li gin anpil valè.

Paròl Granmèt la.

PSÒM RÉPONS YO

1

PSÒM RÉPONS

Iz 38, 10. 11. 12 abcd. 16 (R : cf. 17 b)

R Ou minm Granmèt, ou rétiré nanm mouin pou-l pa péri.

¹⁰ Mouin té di : « Nan mouatié jou mouin yo m-apralé nan pòt lanfè-a : mouin té mandé rès ané-m yo ». R

¹¹ Mouin té di : « Mouin pap ouè Granmèt Bondié sou tè vivan yo ; mouin pap apèsi moun ankò avèk sa-k abité répo yo ». R

¹² Tant mouin-an yo ouété-l, yo roulé-l louin-m tankou tant gadyin mouton yo ;

yo koupé lavi-m tankou moun k-ap fè toual la konn fè-a ;
pandan yo t-ap trésé-m toujou li koupé-m. **R:**

- 16 Granmèt, si sé konsa li viv,
nan kalité bagay sa yo lavi éspri mouin,
ou-ap korijé-m épi ou-ap fè-m viv. **R:**

2

PSÒM RÉPONS

Ps 101, 2-3. 24-25. 19-21 (**R:** 2)

- R:** Granmèt, kouté priyè-m,
épi fè rèl mouin-an rivé koté-ou.
- 2 Granmèt, kouté priyè-m,
fè rèl mouin-an rivé koté-ou.
- 3 Pa kaché fas ou louin-m ;
nan ninpòt jou m-ap pasé tray la,
panché zòrèy ou koté-m.
Nan ninpòt jou mouin rélé-ou,
fè vit réponn mouin. **R:**
- 24 Li rabésé fòs mouin nan chémin-an,
li rakousi jou mouin yo.
Mouin di : « Bondié mouin,
25 pa ouété-m sot nan mouatié jou-m yo ;
pou jénérasyon ak jénérasyon ané-m yo. **R:**
- 19 Sé pou yo ékri bagay sa yo pou lòt jénérasyon-an,
pèp k-ap kréyé-a, l-ap fè louanj Granmèt la.
- 20 Sèké li panché sot nan tanp li-a anro-a,
Granmèt la gadé sou tè-a antan-l nan sièl la ;
- 21 pou-l kouté rèl prizonié yo,
pou-l délivré pitit lanmò yo. **R:**

ALÉLOUYA AK VÈSÈ ANVAN ÉVANJIL LA

1

Mt 8, 17

(**R:** Alélouya). Li minm minm li té pran féblès nou yo,
li té poté maladi nou yo. (**R:** Alélouya).

2

2 Kor 1, 3 b-4 a

(R: Alélouya). Konpliman pou Papa mizérikòd yo
ak Bondié tout konsolasion-an,
ki konsolé nou nan tout tribilasyon nou-an. (R: Alélouya).

3

Kol 1, 24 b

(R: Alélouya). M-ap konplété sa-k manké nan soufrans Kris la nan chè-m
pou kò-l, ki Égliz la. (R: Alélouya).

ÉVANJIL YO

1

Li minm minm li té pran féblès nou yo.

✠ **Léktu sint Évanjil la dapré Matié**

8, 14-17

Lè sa-a :

Lè Jézu antré nan kay Piè-a, li té ouè bèlmè-l kouché épi li té gin lafièv. Li té touché min-l, épi lafièv la té kité-l ; li té lévé, épi li t-ap sèvi yo.

Antan asouè rivé, yo té prezanté anpil moun ki té gin démon ba li, li té chasé éspri yo avèk yon mo, épi tout moun ki té malad, li té géri yo ; pou sa profèt Izayi té di-a té akonpli, antan-l té di : « Li minm minm li té pran féblès nou yo, li té poté maladi nou yo ».

Paròl Granmèt la.

2

Y-ap pozé min sou malad yo, malad yo ap jouinn soulajman.

✠ **Léktu sint Évanjil la dapré Mark**

16, 15-20

Lè sa-a :

Jézu parèt dévan onz yo, li di yo : « Alé sou tout tè-a, préché Bòn Nouvèl la bay tout kréatu. Moun k-ap kouè épi k-ap batizé, l-ap sové ; min moun ki pa kouè, l-ap kondané.

Min sign pou moun k-ap kouè yo : o non-m y-ap chasé démon yo, y-ap palé lang nouvo, y-ap pran sèpan ; minm si yo bouè pouazon, sa pap fè yo anyin ; y-ap pozé min sou malad yo, malad yo ap géri ».

Granmèt Jézu, lè-l fi-n palé avèk yo, li monté nan sièl la, li chita adouat Bondié.

Yo minm minm yo pati, y-ap préché tout koté, pandan Granmèt la ap ba yo konkou, ap asiré paròl yo ak sign l-ap fè rivé.

Paròl Granmèt la.

3

Papa sé pa volonté-m ki pou fèt min sé pa-ou la.

✠ **Léktu sint Évanjil la dapré Luk**

22, 39-43

Lè sa-a :

Jézu soti nan sal la, l-alé jan-l konn abitué fè-a sou mòn Oliv yo. Disip li yo suiv li.

Lè yo rivé nan koté-a, li di yo : « Priyé, pou nou pa antré nan tantasion ».

Li séparé sot koté yo distans yo kapab voyé yon ròch ; li pozé jénou atè, li priyé antan-l di : « Papa, si-ou vlé, déplasé kalis sa-a sot koté-m ; sèlman sé pa volonté pa-m ki pou fèt, min sé pou-ou la ».

Yon anj parèt dévan-l sot nan sièl la l-ap ankourajé-l. Li antré nan agoni l-ap priyé pi fon.

Paròl Granmèt la.

4

Tout branch ki donnin foui, l-ap nétouayé-l pou-l donnin plis foui.

✠ **Léktu sint Évanjil la dapré Jan**

15, 1-8

Lè sa-a :

Jézu di disip li yo : « Mouin sé véritab pié rézin-an, Papa-m sé kiltivatè-a.

Tout branch nan mouin ki pa donnin foui, l-ap ouété-l ; tout branch ki donnin foui, l-ap nétouayé-l pou-l donnin plis foui. Nou minm nou déjà pròp gras a paròl la mouin té palé nou-an.

Rété nan mouin, épi mouin minm nan nou. Minm jan branch la pa kapab donnin foui pou kont li-a, si-l pa rété nan pié rézin-an, konsa tou nou minm non plis, si nou pa rété nan mouin. Mouin sé pié rézin-an, nou sé branch yo ; moun ki rété nan mouin, épi mouin minm nan li, moun sa-a donnin anpil foui, paské san mouin minm nou pa kapab fè anyin.

Si yon moun pa rété nan mouin, y-ap jété-l déyò, tankou branch la, l-ap séché, y-ap ranmasé-l y-ap jété-l nan difé, l-ap boulé. Si nou rété nan mouin, épi paròl mouin yo rété nan nou, tou sa nou vlé, nou mèt mandé-l, l-ap rivé pou nou.

Sé nan sa Papa-m jouinn gloua-l, pou nou donnin anpil foui, pou nou vi-n disip mouin ».

Paròl Granmèt la.

Pou moun k-ap mouri yo, yo kapab pran léktu ki sèvi pou administré sakréman malada ak moun k-ap mouri yo, p. 2049.

25. - NAN TAN TRANBLÉMAN-TÈ
- POU MANDÉ LAPLI
- POU MANDÉ BO-TAN
- POU RÉPOUSÉ TANPÈT
- POU NINPÒT KI BÉZOUIN

LÉKTU NAN ANSYIN TÉSTAMAN-AN

1

Fè dèy nou-an vi-n tounin kè kontan.

Léktu liv Éstè

4, 17 b-17 e. 17 i-17 l

Jou sa yo :

Mardoché priyé Granmèt la, li di :

« Bondié Abraam ak Bondié Izaak ak Bondié Jakòb, konpliman pou ou, Granmèt, Granmèt, roua ki gin tout pouvoua, nan pouvoua-ou réyèlman tout bagay pozé, pa gin anyin ki kapab rézisté volonté-ou, si-ou désidé sovè Israël.

Sé ou minm réyèlman ki té fè sièl la ak tè-a avèk tout bagay ékstraòdinè ki fèmin alantou sièl la ; ou sé Granmèt tout bagay, pa gin anyin ki kapab rézisté grandè-ou.

Koulié-a, Granmèt, roua, Bondié Abraam ak Bondié Izaak ak Bondié Jakòb, ménajé pèp ou-a, paské ènmi nou yo vlé pèdi nou épi éfasé éritaj ou-a. Pa méprizé pòsion-ou nan, sa-ou té rachté pou ou sot nan péyi Éjip la. Kouté priyè-m nan, pran pitié pou éritaj ou-a, fè doulè nou-an vi-n tounin kè kontan, pou antan n-ap viv nou fè louanj pou non-ou, Granmèt, pa fèmin bouch moun k-ap chanté pou ou yo ».

Paròl Granmèt la.

2

Li bon pou rét an silans ap tann sové Bondié-a.

Léktu liv Lamantasion

3, 17-26

Nanm mouin égzilé sot nan lapè-a, mouin bliyé byin yo. Mouin di : « Bèl bagay mouin t-ap chèché-a fini ansanm ak éspérans mouin-an ki té sot nan Granmèt la ».

Sonjé kijan-m pòv, kijan m-ap trinnin : sé labsint ak fièl. Mémoua-a sonjé, nanm mouin fonn anndan mouin : min sa m-ap sonjé nan kè-m pou-m kapab éspéré.

Mizérikòd Granmèt la, paské nou pa dépéri, bon kè-l pa pati. Chak matin yo tou nèf, fidéлитé-ou gran.

« Pòsion-m sé Granmèt la, sé sa nanm mouin di ; sé poua m-ap tann li ».

Granmèt la bon pou moun ki konté sou li yo, pou nanm k-ap chèché-l yo. Sa bon pou tann nan silans sové Granmèt la ap sové nou-an.

Paròl Granmèt la.

3

Délivré nou, ak mèvèy ou yo.

Léktu liv profèt Danièl

3, 25. 34-43

Jou sa yo :

Azarias kanpé, li priyé konsa : li louvri bouch li nan mitan difé-a, li di : « Tanpri, pa lagé nou pou tout tan poutèt non-ou, pa kasé téstaman-

ou nan, pa ouété mizérikòd ou-a sot nan nou, poutèt Abraam, sa-a ou rinmin-an, ak Izaak sèvitè-ou la, ak Israël sin-ou nan, yo minm ou palé ak yo-a, antan-ou té promèt ou t-ap fè ras yo vi-n anpil tankou zétoual sièl la ak tankou sab ki sou bò lanmè-a.

Sèké, Granmèt, nou vi-n pi piti pasé tout nasion yo, nou vi-n rabésé sou tout tè-a jodi-a poutèt péché nou yo, nan tan sa-a pa gin roua ni chèf ni profèt, ni sakrifis antié, ni sakrifis, ni kado, ni lansan, ni koté pou yo ofri premié foui dévan-ou, pou nou kapab jouinn mizérikòd ou. Min ak kè nou krazé, ak éspri nou rabésé ou-ap résévoua nou.

Tankou ak sakrifis antié bouk ak toro, ak tankou avèk mil mouton gra, sé konsa pou sakrifis nou-an yé jodi-a dévan-ou, pou-l fè-ou plézi, paské pa gin ront pou moun ki mét konfians nan ou.

Koulié-a n-ap suiv ou ak tout kè nou, n-ap krinn ou, n-ap chèché fas ou. Pa fè nou ront, min aji avèk nou dapré bon kè-ou, dapré tout pakèt mizérikòd ou, délivré nou, ak mèvèy ou yo, fè ouè gloua non-ou, Granmèt ».

Paròl Granmèt la.

LÉKTU NAN NOUVO TÉSTAMAN-AN

1

*Moun ki rinmin Bondié yo,
tout bagay sèvi avèk yo pou byin-an.*

Léktu lèt apot sin Pòl pou Romin yo

8, 18-30

Frè-m yo :

Mouin konsidéré soufrans tan sa-a pa anyin dévan gloua k-ap vini-an k-ap révéle nan nou-an. Réyèlman kréyasyon-an ap tann gloua-a révéle nan pitit Bondié yo. Kréyasyon-an té blijé rété anba sa-k pa anyin-an, san-l pa vlé, min poutèt sa-a ki té mété-l nan éspérans la. Sèké kréyasyon-an li minm ap délivré sot anba ésklavaj dékonpozision-an pou antré nan libèté gloua pitit Bondié yo.

Nou konnin réyèlman tout créatu ap plinn, ap anfanté jous koulié-a. Sé pa sèlman yo minm, min nou minm tou, ki gin premié kado Éspri-a, n-ap plinn anndan kè nou, antan n-ap tann sa pitit adoptif Bondié yo yé-a ak rédanmsion kò nou.

Nou sovè réyèlman an éspérans. Éspérans la minm, si yo ouè-l, sé pa éspérans li yé, paské sa yon moun ouè, èské l-ap éspéré-l ? Min si n-ap éspéré sa nou pa ouè, n-ap éspéré-l avèk pasians.

Éspri-a édé féblès nou : sèké nou pa konnin kijan pou nou priyé ; min sé Éspri-a li minm k-ap priyé pou nou ak mo moun pa kapab palé. Sa-a k-ap sondé kè yo, li konnin sa Éspri-a anvi-a, sé dapré Bondié li fè démann pou sin yo.

Nou konnin pou moun Bondié rinmin yo, tout bagay sèvi avèk yo pou byin-an, yo minm li rélé pou yo vi-n sin, dapré désizyon li pran davans. Réyèlman, sa yo li chouazi davans yo, li paré plas yo davans tou, pou yo vi-n moulé nan pòtré Pitit li-a, pou li minm li vi-n tounin premié pitit nan pami tout foul frè yo.

Sa yo li fi-n paré plas yo-a, li rélé yo tou ; sa yo li rélé yo, li fè yo vi-n sin tou ; sa yo li fè vi-n sin-an, li ba yo gloua-a tou.

Paròl Granmèt la.

2

*Ni lanmò, ni lavi pa kapab séparé nou
sot nan rinmin Bondié-a.*

Léktu lèt apot sin Pòl pou Romin yo

8, 31 b-39

Frè-m yo :

Si Bondié pou nou, kilès k-ap kont nou ? Li minm ki pa ménajé pròp Pitit li-a, min ki rinmèt li pou nou tout, kòman li pa t-ap ba nou tout bagay avèk li ?

Kilès k-ap fè akizasyon kont sa yo Bondié chouazi yo ? Èské sé Bondié, li ki fè nou vi-n kòrèk la ? Kilès k-ap kondané nou ? Èské sé Kris Jézu, li minm ki mouri, pi plis ki résisité, ki adouat Bondié, k-ap pran défans nou-an ?

Kilès ki kapab séparé nou sot nan rinmin Kris la ? tribilasyon, oubyin kè séré, oubyin grangou, oubyin manké rad, oubyin danjé, oubyin pèsékision, oubyin épé ? jan sa ékri-a : « Poutèt ou, n-ap mouri chak jou, yo konsidé ré nou tankou mouton labatoua ».

Min nan tout bagay sa yo, nou sipoté poutèt sa-a ki rinmin nou-an. Mouin sètin réyèlman ni lanmò, ni lavi, ni anj, ni chèf, ni puisans, ni tan sa-a ni sa k-ap vini-an,-ni fòs, ni rotè, ni profondè, okinn créatu pa kapab séparé nou sot nan rinmin Bondié-a, ki nan Kris Jézu Granmèt nou-an.

Paròl Granmèt la.

3

Ala kontantman pou moun ki souffri y-ap tanté-l.

Léktu lèt apot sin Jak

1, 2-4. 12

Nou minm mouin rinmin anpil la :

Sé pou nou konsidé ré tankou tout kalité kontantman, frèm-yo, lè nou tonbé nan divès tantasion, antan nou konnin lè yo donsé lafoua nou-an li réalisé pasians. Pasians la minm gin yon rézilta ki kòrèk nèt pou nou kapab kòrèk nèt épi san répròch antan nou pa manké anyin.

Ala kontantman pou moun ki souffri tantasion, paské, lè-l fi-n bay prèb li, l-ap résevoua kouròn lavi-a, sa Bondié promèt moun ki rinmin-l yo.

Paròl Granmèt la.

4

Pap gin lanmò, ni dèy, ni rèl, ni doulè ankò.

Léktu liv Apokalips apot sin Jan

21, 1-5 a. 6 b-7

Mouin minm, Jan, mouin ouè yon sièl nouvo ak yon tè nouvo. Prémie sièl la ak prémie tè-a pati, lanmè-a minm pa gin sa ankò. Mouin minm Jan, mouin ouè vil ki sin-an, Jérusalèm nouvo-a, k-ap désann sot nan sièl la kot Bondié-a, ki abiyé tankou yon madanm k-ap marié ki anbéli pou mari-l.

Mouin tandé yon gran voua ki sot nan tro-n nan, k-ap di : « Min tant Bondié-a avèk moun yo, l-ap abité avèk yo ; y-ap pèp li, li minm “Bondié avèk yo” l-ap Bondié yo. Bondié ap siyé tout dlo sot nan jé yo, pap gin lanmò, ni dèy, ni rèl, ni doulè ankò ; paské prémie bagay yo pati ».

Sa-a ki té chita sou tro-n nan, li di : « Min mouin fè tout bagay nouvo. Mouin sé alfa-a ak oméga-a, kòmansman-an ak finisman-an. Moun ki souaf la, m-ap fè-l kado nan sous dlo lavi-a. Sa-a ki ranpòté viktoua-a, l-ap éritié bagay sa yo ; m-ap Bondié li ; li minm, l-ap pitit mouin ».

Paròl Granmèt la.

PSÒM RÉPONS YO

1

PSÒM RÉPONS

Ps 79, 2 ac é 3 b. 5-7 (R: : 4 b)

- R: Kléré fas ou, Granmèt, n-a sové.
- 2 Ou minm k-ap gadiyin Israël la, paré zòrèy ou,
ou minm ki chita anlè chéribin yo, kléré.
- 3 Révéyé pouvoua-ou, épi vini
pou-ou sové nou. R:
- 5 Granmèt Bondié lamé yo,
jouskilè ou-ap fè kòlè sou priyè pèp ou-a ?
- 6 Ou fè nou manjé pin dlo ki sot nan jé nou,
ou ba nou bouè nan dlo ki sot nan jé nou kont kò nou.
- 7 Ou fè nou vi-n tounin kontradiksyon pou vouazin nou yo,
ènmi nou yo ap pasé nou nan jouèt. R:

2

PSÒM RÉPONS

Ps 84, 2-4. 5-6. 7-8 (R: : 8)

- R: Montré nou mizérikòd ou-a, Granmèt,
ba nou sové ou sové nou-an.
- 2 Ou jouinn jouisans ou, Granmèt, nan tè-ou la,
ou fè prizonié Jakòb yo tounin.
- 3 Ou padonnin fot pèp ou-a,
ou kouvri tout péché-l yo.
- 4 Ou réfoulé tout kòlè-ou la,
ou tounin sot nan chalè mové san-ou nan. R:
- 5 Fè nou tounin, Bondié sovè nou,
viré kòlè-ou la sot sou nou.
- 6 Èské sé pou tout tan ou-ap faché kont nou,
oubyin ou-ap blayi kòlè-ou la sot nan jénérasyon al nan jénérasyon ?
- R:
- 7 Èské sé pa ou minm ki pou tounin vi-n ba nou lavi,
épi pèp ou-a ap kontan nan ou ?
- 8 Montré nou mizérikòd ou-a, Granmèt,
sové ou sové nou-an ba nou li. R:

3

PSÒM RÉPONS

Ps 122, 1-2 a. 2 bcd (R: 3 a oubyin 2 cd)

R: Pitié pou nou, Granmèt, pitié pou nou.

oubyin :

R: Jé nou kot Granmèt Bondié nou-an, joutan li pran pitié pou nou.

1 Koté-ou mouin lévé jé-m,
ou minm ki abité nan sièl yo2 Min sé tankou jé sèvitè yo
kot min mèt yo. R:Tankou jé sèvant la kot min mètrès li,
sé konsa jé nou kot Granmèt Bondié nou-an,
joutan li pran pitié pou nou. R:

ALÉLOUYA AK VÈSÈ ANVAN ÉVANJIL LA

1

Ps 32, 22

(R: Alélouya). Sé pou mizérikòd ou vi-n sou nou, Granmèt,
tankou nou té éspéré nan ou. (R: Alélouya).

2

2 Kor 1, 3 b-4 a

(R: Alélouya). Konpliman pou Papa mizérikòd yo
ak Bondié tout konsolasion-an,
li minm ki konsolé nou nan tout tribiliasion nou-an. (R: Alélouya).

3

Jk 1, 12

(R: Alélouya). Ala kontantman pou moun ki soufri tantasion,
paské, lè-l fi-n bay prèv li, l-ap résévoua kouròn lavi-a. (R: Alélouya).

ÉVANJIL

1

Tout moun ki mandé, l-ap jouinn.✠ **Léktu sint Évanjil la dapré Matié**

7, 7-11

Lè sa-a :

Jézu di disip li yo : « Mandé, y-ap ba nou ; chèché, n-ap jouinn ; frapé, y-ap louvri ba nou.

Sèké tout moun ki mandé, l-ap résévoua ; moun ki chèché, l-ap jouinn ; moun ki frapé, y-ap louvri ba li.

Oubyin kilès nan pami nou, si pitit li mandé-l yon pin, pou-l lonjé yon ròch ba li ? Oubyin si-l mandé yon pouason, èské sé yon sèpan l-ap lonjé ba li ?

Konsa si nou minm, malgré nou mové-a, nou konn bay pitit nou yo bon bagay, èské Papa nou ki nan sièl la pap fè pi plis toujou, pou-l bay moun k-ap mandé-l yo sa ki bon ? »

Paròl Granmèt la.

2

Kilès ou kouè li yé, sa-a, paské ni van ni lanmè obéyi-l ?✠ **Léktu sint Évanjil la dapré Mark**

4, 35-41

Jou sa-a, kòm asouè té fi-n rivé, Jézu té di disip li yo : « An nou travèsé an fas la ». Épi antan yo ranvouayé foul la, yo té pran-l jan-l té yé-a nan batiman-an, té gin dèt batiman yo avèk li.

Vi-n gin yon gran tanpèt van ; lanm lanmè-a t-ap vòltijé nan batiman-an, atèl pouin batiman-an té plin.

Li minm minm li té nan plas gouvènay la, sou kousin-an, antan l-ap dòmi ; yo té révéyé-l, épi yo té di-l : « Mèt, sa pa fè-ou anyin n-ap péri ? »

Épi antan-l révéyé, li té ménasé van-an, épi li té di lanmè-a : « Silans, pé bouch ou ». Épi van-an té sispann, té vi-n gin yon gran kalmi.

Li té di yo : « Pouki sa nou timid konsa-a ? nou pa ko gin lafoua ? » Yo té pè ak yon gran krint, youn t-ap di lòt : « Kilès ou kouè li yé, sa-a, paské ni van ni lanmè obéyi-l ? »

Paròl Granmèt la.

3

*Bondié ap tiré vanjans pou moun li chouazi yo
k-ap rélé koté-l yo.*

✚ **Léktu sint Évanjil la dapré Luk**

18, 1-8

Lè sa-a :

Jézu t-ap di disip li yo yon parabòl pou-l montré pou yo priyé tout tan, san fébli, li di : « Té gin yon jij nan yon vil, li pa-t konn Bondié, li pa-t respékté moun.

Té gin yon vèw nan vil sa-a ki té konn koté-l, ap di : “Rann mouin jistis kont ènmi-m nan”. Li pa-t konn vlé pandan lontan.

Apré sa, li di nan kè-l : “Minm si mouin pa krinn Bondié, minm si mouin pa respékté moun, sèlman paské vèw sa-a ap kasé tèt mouin-an, m-ap rann li jistis, pou-l pa vi-n trakasé-m ankò” ».

Granmèt la di : « Nou tandé sa mové jij la di. Èské Bondié pap fè jistis pou moun li chouazi yo k-ap rélé koté-l lajounin kon lannuit, èské l-ap fè yo tann ?

Mouin di nou l-ap rann yo jistis byin vit. Sèlman lè Pitit moun nan ap vini, èské nou kouè l-ap jouinn lafoua sou tè-a ? »

Paròl Granmèt la.

26. POU RANN BONDIÉ GRAS

LÉKTU NAN ANSYIN TÈSTAMAN-AN

1

Konpliman pou Bondié Granmèt la, ki bay pèp li-a répo.

Léktu prémié liv Roua yo

8, 55-61

Jou sa yo :

Roua Salomon kanpé, li béni tout asanblé Israèl la avèk gran voua, antan-l di : « Konpliman pou Granmèt la ki bay pèp li Israèl répo, dapré

tou sa-l té di ; pa minm gin yon sèl paròl ki tonbé nan tout bon bagay yo, li té palé pa lintèmédiè Moyiz sèvitè-l la.

Sé pou Granmèt Bondié nou-an avèk nou, minm jan li té avèk papa nou yo, san-l pa lagé nou ni li pa jété nou ; min sé pou-l fè kè nou panché nan diréksion-l, pou nou maché nan tout chémin-l yo, pou nou kinbé kòmandman-l yo ak sérémoni li yo ak jijman-l yo, tou sa papa nou yo té kòmandé nou yo.

Paròl nou sa yo, sa n-ap priyé avèk yo dévan Granmèt la, sé pou yo proché kot Granmèt Bondié nou-an lajounin ak lannuit, pou-l fè jistis pou sèvitè-l ak pèp li Israèl chak jou, pou tout pèp tè-a konnin Granmèt la sé li minm ki Bondié épi pa gin dèt andéyò li.

Sé pou kè nou kòrèk nèt tou avèk Granmèt Bondié nou-an, pou nou maché nan désizion-l yo, épi pou nou kinbé kòmandman-l yo tankou jodi-a.

Paròl Granmèt la.

2

Bondié fè gran bagay sou tout tè-a.

Léktu liv Sirasid

50, 24-26

Priyé Bondié tout bagay ki fè gran bagay sou tout tè-a, ki fè jou nou yo vi-n pi plis dépi nan vant manman nou, épi ki aji avèk nou dapré mizérikòd li.

Sé pou-l fè kè nou kontan, sé pou-l mété lapè nan jou nou yo nan Israèl pou tout tan ; sé pou Israèl kouè mizérikòd Bondié-a avèk nou, pou-l libéré nou nan jou li yo.

Paròl Granmèt la.

3

M-ap fè sonjé louanj Granmèt la poutèt tout pakèt byin pèp Israèl la.

Léktu liv profèt Izayi

63, 7-9

M-ap fè sonjé pitié Granmèt la, louanj Granmèt la poutèt tout bagay Granmèt la ba nou yo, épi poutèt pakèt byin pèp Israèl la, sa-l ba yo dapré padon li épi dapré kantité mizérikòd li yo.

Li di : « Réyèlman sé pèp mouin li yé, pitit ki pa nié » ; li vi-n tounin sovè yo. Nan tout tribilasyon yo, sé pa yon anbasadè ni yon anj, min sé li minm ki té sovè yo. Nan amou li épi nan padon li sé li minm ki rachté yo, li poté yo, li lévé yo chak jou sièk tan-an.

Paròl Granmèt la.

4

Roua Israèl la Granmèt la nan mitan-ou.

Léktu liv profèt Sofoni

3, 14-15

Fè louanj, pitit fi Siyon ; bat bravo, Israèl ; fè kè-ou kontan, fété ak tout kè-ou, pitit fi Jérusalèm : Granmèt la lévé kondanasion-ou nan, li pousé ènmi-ou yo ; roua Israèl la Granmèt la nan mitan-ou, ou pa bézouin pè malè ankò.

Paròl Granmèt la.

LÉKTU NAN NOUVO TÉSTAMAN-AN

1

M-ap di Bondié-m nan mèsì tout tan pou nou.

Léktu prémié lèt apot sin Pòl pou Korintyin yo

1, 3-9

Frè-m yo :

Gras pou nou ak lapè sot nan Bondié Papa nou ak Granmèt Jézu-Kri.

M-ap di Bondié-m nan mèsì tout tan pou nou nan gras Bondié-a, sa yo ba nou nan Kris Jézu-a, paské nan tout kalité bagay nou vi-n rich nan li, nan tout kalité paròl ak nan tout kalité sians, jan témouagnaj Kris la asiré nan nou-an.

Pou anyin pa manké nou nan okinn gras, nou minm k-ap tann révélation Granmèt nou Jézu-Kri-a, li minm k-ap asiré nou jouskalafin san fot, pou jou vini Granmèt nou Jézu-Kri ap vini-an.

Bondié fidèl, li minm pa lintèmediè-l yo rélé nou nan sosiété Pitit li Jézu-Kri Granmèt nou-an.

Paròl Granmèt la.

2

*Pou louanj bèlté favè-l.***Léktu lèt apot sin Pòl pou Éfézyin yo**

1, 3-14

Konpliman pou Bondié Papa Granmèt nou Jézu-Kri, li minm ki béni nou ak tout kalité bénédiksion spirituèl nan sièl la nan Kris la ; jan li té chouazi nou nan li anvan tè-a té fèt la, pou nou sin, san répròch dévan-l nan rinmin-an ; li minm ki té déstiné nou davans pou nou vi-n tounin pitit adoptif pou li gras a Jézu-Kri, dapré désizion volonté-l, pou louanj gloua gras li-a, sa-l fè nou gras nan li-a, nan Pitit li-a li rinmin-an.

Nan li nou gin rédanmsion gras a san-l, padon péché yo dapré richès gras li, ki ranvèsé sou nou nan tout kalité sajès ak sians ; pou-l té kapab fè nou konnin mistè volonté-l, dapré bon plézi-l, sa-l té ranjé davans nan li pou fè tan yo rivé nan dènié bout kous yo, fè tout bagay kanpé nan Kris la, sa-k nan sièl la ak sa-k sou tè-a, nan li.

Sé nan li minm tou yo chouazi nou, yo rélé nou, nou minm tou, pitit Israèl yo, yo déstiné nou davans dapré plan sa-a ki fè tout bagay gras a désizion volonté-l la, pou nou vi-n sèvi louanj gloua li, nou minm ki té éspéré davans nan Kris la. Nan li minm nou minm tou, lè nou té tandé paròl vérité-a, Bòn Nouvèl sovè nou sovè-a, nou té kouè, nou té maké ak mak Éspri Sin yo té promèt nou-an, li minm ki garanti éritaj nou-an, pou rédanmsion n-ap jouinn nan, pou louanj gloua li-a.

Paròl Granmèt la.

3

*Antan n-ap di Bondié Papa-a mèsì pa lintémédiè Kris la.***Léktu lèt apot sin Pòl pou Kolosyin yo**

3, 12-17

Frè-m yo :

Abiyé nou, tankou moun Bondié chouazi, ki sin, tankou moun li rinmin, abiyé nou ak zantray mizérikòd, ak bon kè, rabésé tèt nou, fè kò nou tou dou, pran pasians, sipòté nou youn lòt, sé pou youn padonnin lòt, si youn gin kichòy kont lòt : jan Granmèt la padonnin nou, konsa nou minm tou.

Anlè tout bagay sa yo, sé pou nou gin charité, li minm ki kòd ki maré sa ki fi-n kòrèk nèl la ; sé pou lapè Kris la fété nan kè nou, sé nan li yo rélé nou pou nou fè yon sèl kò ; sé pou nou rét ap di Bondié mèsi.

Sé pou paròl Kris la abité nan nou jous li plin nou, antan youn ap bay lòt ansègnman antan youn ap réprann lòt nan tout kalité sajès, avèk psòm, kantik avèk chanté spirituèl, antan nan gras la n-ap chanté pou Bondié nan kè nou. Tou sa n-ap fè soua nan paròl, soua nan aksion, sé pou nou fè tout bagay o non Granmèt Jézu-Kri, antan n-ap di Bondié Papa-a mèsi pa lintémédiè-l.

Paròl Granmèt la.

PSÒM RÉPONS YO

1

PSÒM RÉPONS

1 Kro 29, 10 bc. 11. 12 (R : 13 b)

R: N-ap fè louanj pou non-ou ki ékstraòdinè-a, Granmèt.

- ¹⁰ Konpliman pou ou, Granmèt Bondié Israèl, papa nou,
sot nan sièk tan al nan sièk tan. R:
- ¹¹ Sé pou ou Granmèt, grandè ak pouvoua, ak gloua,
ak viktoua, ak louanj sé pou ou ;
tout bagay ki nan sièl la ak sou tè-a, sé pou ou yo yé.
Pou ou, Granmèt, péyi-roua-a,
ou anlè tout chèf. . R:
- ¹² Richès sé pou ou, gloua sé pou ou ;
Ou-ap kòmandé sou tout bagay,
nan min-ou sé otorité ak pouvoua,
nan min-ou sé grandè ak kòmandman tout bagay. R:

2

PSÒM RÉPONS

Ps 112, 1-2. 3-4. 5-6. 7-8 (R : 2)

R: Sé pou non Granmèt la béni pou tout tan.

oubyin : Alélouya.

- ¹ Fè louanj, ti moun Granmèt la,
fè louanj pou non Granmèt la.

- 2 Sé pou non Granmèt la béni
dèpi koulié-a ak pou tout tan. **R**
- 3 Dèpi sot olévan jous rivé okouchan,
non Granmèt la mérité louanj.
- 4 Granmèt la anlè nèt anro tout nasion yo,
anlè sièl yo gloua li yé. **R**
- 5 Kilès ki tankou Granmèt Bondié nou-an,
ki abité nan rotè yo,
- 6 ki voyé jé sou pòv yo
nan sièl la ak sou tè-a ? **R**
- 7 Li lèvé pòv la sot atè-a,
li drésé maléré-a sot nan fatra-a,
- 8 pou-l fè-l chita avèk chèf yo,
avèk chèf pèp li-a. **R**

3

PSÒM RÉPONS

Ps 137, 1-2 a. 2 bc-3. 4-5 (**R**: 2 bc)

- R** M-ap fè louanj pou non-ou
poutèt mizérikòd ou ak vérité-ou.
- 1 M-ap fè louanj ou, Granmèt, ak tout kè-m,
paské ou tandé paròl bouch mouin yo.
Dévan fas anj yo m-ap chanté pou ou,
- 2 m-ap adoré nan tanp ou-a ki sin-an. **R**
- M-ap fè louanj pou non-ou
poutèt mizérikòd ou ak vérité-ou,
paské ou fè promès ou-a dépasé tou sa yo konnin sou ou.
- 3 Ninpòt ki jou mouin rélé-ou ou réponn mouin ;
ou-ap dévlopé fòs nan nanm mouin. **R**
- 4 Y-ap fè louanj ou, Granmèt, tout roua sou tè-a,
paské yo tandé promès bouch ou.
- 5 Y-ap chanté rout Granmèt yo,
paské gloua Granmèt la gran. **R**

4

PSÒM RÉPONS

Ps 144, 2-3. 4-5. 6-7. 8-9. 10-11 (R: 1 b)

- R: M-ap fè konpliman pou non-ou, Granmèt, pou tout tan.
- 2 Chak jou m-ap fè konpliman pou ou,
m-ap fè konpliman pou non-ou,
pou tout tan ak tout tan gin tan.
- 3 Granmèt la gran, li mérité anpil louanj,
yo pa kapab sondé grandè-l. R:
- 4 Yon jénérasyon ap fè louanj pou travay li, bay yon lòt jénérasyon,
y-ap rakonté fòs pouvoua-ou.
- 5 Grandè gloua rotè-ou, y-ap déklaré-l,
mèwèy ou yo, y-ap détayé yo. R:
- 6 Y-ap di puisans ou ki térib,
épi y-ap rakonté grandè-ou.
- 7 Y-ap déklaré souvni dousè-ou k-ap débòdé,
y-ap fété poutèt jistis ou. R:
- 8 Granmèt la gin pitié, li gin mizérikòd,
li gin pasians, li gin anpil mizérikòd.
- 9 Granmèt la bon pou tout moun,
pitié-l yo pou tou sa-l fè. R:
- 10 Sé pou yo fè louanj ou, Granmèt tou sa-ou fè yo ;
sé pou sin-ou yo fè konpliman pou ou.
- 11 Sé pou yo déklaré gloua péyi-roua-ou la,
sé pou yo anonsé pouvoua-ou. R:

ALÉLOUYA AK VÈSÈ ANVAN ÉVANJIL LA

1

Ps 65, 16

- (R: Alélouya). Vini, kouté, m-ap rakonté,
tou sa Granmèt la fè pou nanm mouin. (R: Alélouya).

2

Ps 137, 1 bc

- (R: Alélouya). M-ap fè louanj ou, Granmèt, ak tout kè-m,
paské ou kouté paròl bouch mouin. (R: Alélouya).

3

Cf. Mt 11, 25

(R: Alélouya). Konpliman pou ou, Papa, Granmèt sièl ak tè-a,
paské ou révéle mistè péyi-roua-a bay sa-k tou piti yo. (R: Alélouya).

4

Lk 1, 49

(R: Alélouya). Paské li fè gran mèvèy pou mouin, sa-a ki gin pouvoua-a,
non-l sin. (R: Alélouya).

5

Jan 15, 11

(R: Alélouya). Mouin di nou bagay sa yo,
pou kè kontan-m nan kapab nan nou,
pou kè kontan nou-an réalizé nèt. (R: Alélouya).

6

Éf 1, 3

(R: Alélouya). Konpliman pou Bondié Papa Granmèt nou Jézu-Kri,
li minm ki béni nou ak tout kalité bénédiksion spirituèl
nan sièl la nan Kris la. (R: Alélouya).

7

1 Tés 5, 18

(R: Alélouya). Nan tout sikonstans sé pou nou di Bondié mèsi :
sa sé volonté Bondié nan Kris Jézu pou nou tout. (R: Alélouya).

8

(R: Alélouya). N-ap fè louanj ou Bondié, n-ap déklaré grandè-ou Granmèt
sou tout fas tè-a sint Égliz la ap déklaré grandè-ou. (R: Alélouya).

ÉVANJIL

1

Tout moun ki mandé, l-ap jouinn.✚ **Léktu sint Évanjil la dapré Matié**

7, 7-11

Lè sa-a : Jézu di disip li yo :

« Mandé, y-ap ba nou ; chèché, n-ap jouinn ; frapé, y-ap louvri ba nou. Sèké tout moun ki mandé, l-ap résévoua ; moun ki chèché, l-ap jouinn ; moun ki frapé, y-ap louvri ba li.

Oubyin kilès nan pami nou, si pitit li mandé-l yon pin, pou-l lonjé yon ròch ba li ? Oubyin si-l mandé yon pouason, èské sé yon sèpan l-ap lonjé ba li ? Konsa si nou minm, malgré nou mové-a, nou konn bay pitit nou yo bon bagay, èské Papa nou ki nan sièl la pap fè pi plis toujou, pou-l bay moun k-ap mandé-l yo sa ki bon ? »

Paròl Granmèt la.

2

Ou té kaché bagay sa yo pou saj yo épi ou té révéle yo bay ti moun piti yo.✚ **Léktu sint Évanjil la dapré Matié**

11, 25-30

Lè sa-a antan Jézu pran laparòl, li té di : « Mouin fè konpliman pou ou, Papa, Granmèt sièl la ak tè-a, paské ou té kaché bagay sa yo pou saj yo ak sa-k gin ladrès yo, épi ou té révéle yo bay ti moun piti yo.

Oui, Papa, paské sé konsa sa fè-ou plézi. Papa-m té rinmèt mouin tout bagay, pèsòn pa konnin Pitit la, sof Papa-a ; ni pèsòn pa konnin Papa-a, sof Pitit la ak moun Pitit la vlé révéle sa.

Vi-n jouinn mouin, nou tout k-ap fatigé, k-ap rédi anba gro chaj, m-ap réfè fòs nou.

Pran jouk mouin sou nou, pran léson nan min-m, paské mouin tou dou, mouin pòv nan kè-m ; n-ap jouinn répo pou nanm nou ; jouk mouin fasil pou poté, chaj mouin léjé ».

Paròl Granmèt la.

3

Anonsé yo tou sa Granmèt la fè pou ou.

✠ **Léktu sint Évanjil la dapré Mark**

5, 18-20

Lè sa-a :

Pandan Jézu ap monté nan batiman-an, mésié-a démon-an té konn ap maltrété-a priyé-l, pou-l akonpagné-l.

Li pa aksépté-l, min li di-l : « Al lakay ou kot moun ou yo, anonsé yo tou sa Granmèt la fè pou ou, kijan-l gin pitié pou ou ».

Li pati, li kòmansé préché nan Dékapòl la tou sa Jézu té fè ; tout moun té sézi.

Paròl Granmèt la.

4

Nanm mouin ap fè louanj Granmèt la

✠ **Léktu sint Évanjil la dapré Luk**

1, 39-55

Jou sa yo, Mari lévé, li pati al nan mòn yo byin vit, nan yon vil Juda. Li antré nan kay Zakari, li salué Élizabèt.

Rivé, lè Élizabèt tandé Mari salué-l, ti pitit la dansé nan vant li, Élizabèt vi-n plin ak Éspri Sin-an, li rélé byin fò, li di :

« Ou béni pasé tout fi ; li béni tou, foui vant ou-a. Koté sa soti pou mouin, pou manman Granmèt mouin-an vi-n vizité-m ? Gadé, lè voua-ou rivé nan zòrèy mouin lè-ou salué-m nan, ti pitit la dansé nan vant mouin ak kè kontan. Ala kontantman pou ou, poutèt ou té kouè sa Granmèt la voyé di-ou yo, y-ap réalizé ».

Mari di :

« M-ap fè louanj Granmèt la, éspri-m ap fété nan Bondié sové mouin-an, paské li voyé jé sou pòv sèvant li-a.

Gadé vré dépi koulié-a tout jénérasyon ap di ala kontantman pou mouin : paské li fè gran mèvèy pou mouin, sa-a ki gin pouvoua-a, non-l sin, mizérikòd li sot nan ras al nan ras pou moun ki krinn li yo.

Li mété fòs nan bra-l, li gayé sa-k t-ap fè grandizè nan kè yo-a ; li dépozé sa-k gin pouvoua yo sot sou tro-n nan, li lévé pòv yo ; sa-k grangou yo, li plin yo ak byin, rich yo li ranvouayé yo grangou.

Li soutni Israèl, sèvitè-l li sonjé mizérikòd li-a, jan-l té palé ak zansèt nou yo, Abraam ak ras li-a pou tout tan ».

Paròl Granmèt la.

5

Fè kè nou kontan paské non nou ékri nan sièl yo.

✠ **Léktu sint Évanjil la dapré Luk**

10, 17-24

Lè sa-a :

Souasann douz yo tounin avèk kè kontan, y-ap di : « Granmèt, minm démon yo, yo obéyi nou o non-ou ».

Li di yo : « Mouin té ouè Satan tankou zéklè ki t-ap tonbé sot nan sièl la. Min mouin ba nou pouvoua pou nou maché sou sèpan ak skòpion ak sou tout puisans ènmi-an, épi anyin pap fè nou sa-k mal. Sèlman sé pa pou sa pou nou fè kè nou kontan, poutèt éspri yo obéyi nou-an ; sé pou nou fè kè nou kontan pito paské non nou ékri nan sièl la ».

Lè sa-a minm li trésayi nan Éspri Sin-an, li di : « Mouin fè konpliman pou ou, Papa, Granmèt sièl la ak tè-a, paské ou té kaché bagay sa yo pou savan yo ak moun intélijan yo, épi ou té révéle yo bay sa ki pòv yo. Oui, Papa, sé konsa sa té fè-ou plézi. Papa-m rinmèt mouin tout bagay. Pèsònn pa konnin sa Pitit la yé, sof Papa-a, épi sa Papa-a yé, sof Pitit la ak moun Pitit la vlé révéle sa ».

Li viré kot disip li yo, li di : « Ala kontantman pou jé yo ki ouè sa n-ap ouè yo ; paské mouin di nou anpil profèt ak roua té vlé ouè sa n-ap ouè yo, min yo pa-t ouè-l, épi tandé sa n-ap tandé yo, min yo pa-t tandé-l ».

Paròl Granmèt la.

6

Li tonbé sou fas li dévan pié Jézu, l-ap di-l mèsì.

✠ **Léktu sint Évanjil la dapré Luk**

17, 11-19

Lè sa-a :

Rivé, pandan Jézu t-apral Jéruzalèm, li t-ap travèsé nan mitan Samari ak Galilé.

Pandan l-ap antré nan yon bouk, gin dis lépré ki vi-n dévan-l, yo kanpé byin louin, yo lévé voua yo, yo di : « Jézu, mèt, pitié pou nou ».

Lè-l ouè yo, li di : « Alé, fè prèt yo ouè nou ». Rivé, pandan y-apralé, yo géri.

Youn nan yo, lè-l ouè li géri, li tounin antan l-ap rélé byin fò, l-ap fè konpliman pou Bondié ; li tonbé sou fas li dévan pié Jézu, l-ap di-l mèsi : sé té yon Samaritin.

Jézu pran laparòl, li di : « Èské dis yo pa-t géri ? É nèf yo koté yo ? Pa gin pèsònn ki tounin pou di Bondié mèsi, sof étranjé sa-a ».

Li di-l : « Lévé, alé, paské lafoua-ou sové-ou ».

Paròl Granmèt la.

7

Sa mouin kòmandé nou, sé pou nou youn rinmin lòt.

✠ Léktu sint Évanjil la dapré Jan

15, 9-17

Lè sa-a : Jézu di disip li yo :

« Minm jan Papa-a rinmin-m nan, sé konsa tou mouin rinmin nou. Sé pou nou rété nan rinmin-m nan. Si nou kinbé kòmandman-m yo, n-ap rété nan rinmin-m nan minm jan mouin minm mouin kinbé kòmandman Papa-m yo, épi mouin rété nan rinmin-l nan.

Mouin di nou bagay sa yo, pou kè kontan-m nan kapab nan nou, pou kè kontan nou-an réalizé nèt.

Min kòmandman-m nan, sé pou nou youn rinmin lòt, minm jan mouin rinmin nou-an. Pi gran fason pou yon moun rinmin, sé bay lavi-l pou zanmi-l yo.

Nou minm nou sé zanmi-m, si nou fè sa mouin kòmandé nou. Mouin pap rélé nou sèvitè ankò, paské sèvitè-a pa konnin ki sa mèt li ap fè ; min sé zanmi mouin rélé nou, paské tou sa-m tandé kot Papa-m, mouin fè nou konnin-l.

Sé pa nou minm ki chouazi-m ; min sé mouin minm ki chouazi nou, mouin mété nou, pou nou alé, pou nou donnin foui, pou foui nou-an diré ; konsa, tou sa n-a mandé Papa-a o non-m, l-ap ba nou li.

Sa mouin kòmandé nou, sé pou nou youn rinmin lòt ».

Paròl Granmèt la.

8

*Kè kontan nou-an, pèsòn pap ouété-l sot nan nou.***✠ Léktu sint Évanjil la dapré Jan****16, 20-22**

Lè sa-a : Jézu di disip li yo :

« Amèn, amèn, mouin di nou, n-ap kriyé, n-ap plinn, tè-a minm ap nan kè kontan. N-ap gin lapinn, min lapinn nou-an ap vi-n tounin kè kontan.

Yon madanm k-ap anfanté, li nan lapinn, paské lè-l rivé ; min lè-l fi-n fè pitit la, li pa sonjé soufrans la ankò akòz kè kontan-an, paské yon moun fèt sou tè-a.

Konsa nou minm tou koulié-a nou gin lapinn ; min m-ap ouè nou ankò, kè nou ap kontan, kè kontan nou-an, pèsòn pap pran-l sot nan nou ».

Paròl Granmèt la.

IV. POU KÈK NÉSÉSITÉ PATIKILIÉ

27. POU PADON PÉCHÉ YO

LÉKTU NAN ANSYIN TÉSTAMAN-AN

1

*Sé pou-l tounin kot Granmèt la,
paské li paré byin paré pou-l padonnin.*

Léktu liv profèt Izayi

55, 6-9

Chèché Granmèt la pandan yo kapab jouinn li ; rélé-l pandan li tou pré. Sé pou méchan-an kité rout li, pou péchè-a kité kalkil li yo ; sé pou-l tounin kot Granmèt la, l-ap pran pitié pou li ; sé pou-l tounin kot Bondié nou-an, paské li byin dispozé pou-l padonnin.

Sèké pansé-m yo pa pansé pa nou, rout mouin yo pa rout pa nou, sé sa Granmèt la di. Sèké minm jan sièl la ro anlè tè-a, konsa rout mouin yo ro anlè rout pa nou yo, pansé-m yo ro anlè pansé nou yo.

Paròl Granmèt la.

2

Chanjé konduit, fè pénitans sot nan tout fot nou yo.

Léktu liv profèt Ézékièl

18, 21-23. 30-32

Min sa Granmèt Bondié-a di :

« Si moun ki pa kòrèk la fè pénitans sot nan tout péché-l yo, sa-l té fè yo, épi li kinbé tout kòmandman-m yo, li fè jijman ak jistis, l-ap viv byin pròp, li pap mouri. Tou sa-l té fè ki pa kòrèk yo, yo pap sonjé yo ; sé nan jistis li réalizé-a l-ap viv.

Èské volonté-m sé lanmò moun ki pa kòrèk la, sé sa Granmèt Bondié-a di, èské sé pa pou-l chanjé sot nan chémin-l yo, pou-l viv ?

Konsa nou chak, m-ap jijé nou dapré rout nou, kay Israèl, sé sa Granmèt Bondié di.

Chanjé konduit, fè pénitans sot nan tout fot nou yo, konsa péché-a pap détoui nou. Jété tout mové aksion nou yo louin nou, sa nou té fè ki pa

bon yo, fè yon kè nouvo ak yon éspri nouvo nan nou. Épi pouki sa pou nou t-a mouri-a, kay Israël ?

Paské mouin pa vlé lanmò moun k-ap mouri-a, sé sa Granmèt Bondié di ; tounin, n-a viv ».

Paròl Granmèt la.

3

Chiré kè nou, pa chiré rad nou.

Léktu liv profèt Joël

2, 12-18

Koulié-a, sé sa Granmèt la di, tounin vi-n jouinn mouin ak tout kè nou, nan jèn, ak dlo nan jé, nan rèl ; chiré kè nou, pa chiré rad nou, tounin vi-n jouinn Bondié nou-an, paské li bon, li gin mizérikòd, li gin pasians, ak anpil mizérikòd, li padonnin fasilman anlè méchansté-a. Ki moun ki konnin, si-l t-a tounin, épi li padonnin, épi li kité yon bénédiksion apré-l, sakrifis ak ofrann likè pou Granmèt la, Bondié nou-an ?

Sonnin tronpèt nan Siyon, déklaré yon jèn sakré, rélé foul, rasanblé pèp, konsakré kominoté, rasanblé vié granmoun yo, rasanblé timoun yo ak sa-k nan tété ; sé pou mésié ki fèk marié-a kité kabann li, sé pou madanm ki marié-a kité chanm li.

Ant koté yo mété rad yo ak lotèl la, sé pou prèt yo kriyé, yo minm sèvitè Granmèt la, sé pou yo di : « Pitié, Granmèt, pitié pou pèp ou-a, pa rinmèt éritaj ou-a nan dézonè, pou nasion yo pa kòmandé sou yo. Pouki pou yo t-a di nan pèp yo : “Koté Bondié yo-a ?” »

Granmèt la vi-n jalou pou péyi-l la, li ménajé pèp li-a.

Paròl Granmèt la.

4

Moun Niniv yo chanjé konduit sot nan mové chémin yo.

Léktu liv profèt Jonas

3, 1-10

Rivé paròl Granmèt la di Jonas : « Lévé, al Niniv, gran vil la, préché prèch la mouin té palé-ou la ladan-l ».

Jonas lévé, l-al Niniv dapré paròl Granmèt la. Niniv sé yon gran vil ki té mandé toua jou pou travèsé-l.

Jonas kòmansé antré nan vil la, li maché pandan yon jounin ; li rélé byin fò, li di : « Apré karant jou, Niniv ap détoui ».

Moun Niniv yo kouè nan Bondié, yo préché yon jèn, yo abiyé ak sak sot dépi pi gran-an jous pi piti-a. Paròl la rivé kot roua Niniv la, li lévé sot sou tro-n li, li ouété rad li, li abiyé ak yon sak, li chita nan sann.

Li fè déklarasion, li palé nan Niniv, nan bouch roua-a ak chèf li yo, li di : « Ni moun ni bèt, ni bèf, ni mouton pap gouté anyin, pap manjé zèb, pap bouè dlo ; y-ap kouvri ak sak, ni moun ni bèt, y-ap rélé kot Granmèt la avèk fòs, sé pou chak moun kité mové chémin-l ak péché-l, ki nan min-l. Kilès ki konnin si Bondié pap chanjé, si-l pap padonnin, si-l pap tounin sot nan chalè kòlè-l la, pou nou pa péri ? »

Bondié ouè aksion yo, kijan yo chanjé sot nan mové chémin yo, Bondié pran pitié osijè malè li té di li t-ap fè-a, li pa fè-l.

Paròl Granmèt la.

LÉKTU NAN NOUVO TĒSTAMAN-AN

1

*Konsidéré nou mouri parapò a péché-a,
min nou vivan parapò a Bondié.*

Léktu lèt apot sin Pòl pou Romin yo

6, 2-14

Frè-m yo :

Nou minm ki mouri parapò a péché-a, kòman fè n-ap viv ankò nan li ? Èské nou pa konnin nou tout ki batizé nan Kris Jézu, sé nan lanmò-l nou batizé ?

Nou antéré réyèlman ansanm avèk li nan lanmò-a gras a batèm nan, pou minm jan Kris la résisité sot nan pami mò yo gras a gloua Papa-a, konsa tou nou minm n-ap maché nan nouvo lavi-a.

Sèké si nou planté ansanm avèk li pou nou sanblé avèk li nan lanmò-l la, konsa tou n-ap ansanm avèk li nan rézireksion-l nan. Nou konnin moun ansyin nou-an klouré sou koua-a ansanm avèk li, pou kò péché-a kapab détoui, pou nou pa sèvi péché-a ankò. Sa-a ki mouri-a, li kòrèk parapò a péché-a. Konsa si nou mouri ansanm avèk Kris la, nou kouè n-

ap viv tou ansanm avèk Kris la, antan nou konnin Kris la ki résisité sot nan pami mò yo, li pap janm mouri, lanmò-a pap gin pouvoua sou li ankò. Sa-k mouri aléga péché-a, li mouri yon foua pou tout ; sa k-ap viv la minm, sé pou Bondié l-ap viv. Sé konsa nou minm sé pou nou konsidéré nou mouri aléga péché-a, n-ap viv pou Bondié nan Kris Jézu Granmèt nou-an.

Pa kité péché-a kòmandé nan kò nou k-ap mouri-a, pou nou obéyi mové anvi-l yo. Ni non plis tou, pa mété manb nou tankou zam méchansté nan sèvis péché-a ; min sé pou nou ofri pròp tèt nou bay Bondié tankou moun ki vivan sot nan pami mò yo ; ofri manb nou tankou zam jistis bay Bondié.

Sèké péché-a pap kòmandé nan nou ; paské nou pa anba laloua-a, min anba gras la.

Paròl Granmèt la.

2

San Jézu-Kri pròpté nou anba tout péché.

Léktu prémié lèt apot sin Jan

1, 5-2, 2

Nou minm nou rinmin anpil la :

Min mésaj la, sa nou té tandé sot nan Jézu-Kri-a épi sa nou té anonsé nou-an, sèké Bondié sé limiè, pa gin okinn ténèb nan li. Si nou di nou nan kominion avèk li, épi n-ap maché nan ténèb, nou fè manti épi nou pa fè vérité ; min si n-ap maché nan limiè, minm jan li minm li nan limiè-a, nou nan kominion youn ak lòt, épi san Jézu-Kri, Pitit li-a, pròpté nou anba tout péché. Si nou di nou pa gin péché, nou pran pròp tèt pa nou nan pièj, épi vérité-a pa nan nou.

Si nou konfésé péché nou yo, li fidèl épi li kòrèk, pou-l padonnin nou péché nou yo épi pou-l nètouayé nou sot nan tout fot. Si nou di nou pa fè péché, nou fè-l tounin mantè, épi paròl li-a pa nan nou.

Ti pitit mouin yo, mouin ékri nou bagay sa yo pou nou pa fè péché ; min si yon moun fè péché, nou gin yon avoka bò kot Papa-a, Jézu-Kri ki kòrèk la, li minm minm li sé padon pou péché nou yo ; pa pou pa nou yo sèlman, min tou pou pa tout tè-a.

Paròl Granmèt la.

PSÒM RÉPONS YO

1

PSÒM RÉPONS

Ps 50, 3-4. 5-6 a. 12-13. 14 é 17 (R: cf. 3 a)

R: Pitié, Granmèt, paské nou fè péché.

- 3 Pitié pou mouin, Bondié, dapré mizérikòd ou ;
épi dapré kantité pitié-ou yo,
éfasé fot mouin-an.
- 4 Lavé-m nèt sot nan fot mouin-an,
pròpté-m sot nan péché-m nan. R
- 5 Sèké fot mouin-an sé mouin minm ki konnin-l,
péché-m nan dévan-m tout tan.
- 6 Kont ou, kont ou sèl mouin fè péché,
épi sa-k mal dévan-ou la, mouin fè-l. R
- 12 Kréyé yon kè pròp nan mouin, Bondié,
réfè yon éspri fèm nan zantray mouin.
- 13 Pa jété-m louin fas ou,
Éspri Sin-ou nan, pa ouété-l sot nan mouin. R
- 14 Rinmèt mouin kè kontan sové ou sové-m nan,
asiré-m ak éspri ki pi vif la.
- 17 Granmèt, louvri po bouch mouin,
bouch mouin ap anonsé louanj ou. R

2

PSÒM RÉPONS

Ps 102, 1-2. 3-4. 8-9. 11-12 (R: 10 oubyin 8 a)

R: Sé pa dapré péché nou yo li trété nou.

oubyin :

R: Granmèt la pran pitié, li gin mizérikòd.

- 1 Fè konpliman pou Granmèt la, nanm mouin ;
tou sa-k anndan-m, fè konpliman pou non-l ki sin.
- 2 Fè konpliman pou Granmèt la, nanm mouin,
pa bliyé tou sa-l fè yo. R
- 3 Li minm ki padonnin tout fot ou yo,
ki géri tout maladi-ou yo ;

- 4 li minm ki rachté lavi-ou sot nan fòs la,
ki kouronnin-ou ak mizérikòd, ak pitié. **R:**
- 8 Granmèt la pran pitié, li gin mizérikòd,
li pran pasians, li gin anpil mizérikòd.
- 9 Sé pa pou tout tan l-ap fè diskision,
sé pa pou tout tan li faché. **R:**
- 11 Sèké otan sièl la ro anlè tè-a,
mizérikòd li-a débòdé sou sa-k krinn li yo ;
- 12 otan olévan louin ak okouchan,
li ranvouayé péché nou yo louin nou. **R:**

3

PSÒM RÉPONS

Ps 129, 1-2. 3-4. 5-6 a. 6 b-7. 8 (**R** : 3)

- R:** Si-ou kinbé fot yo, Granmèt, Granmèt, ki moun k-ap kanpé ?
- 1 Nan bafon yo m-ap rélé koté-ou, Granmèt ;
- 2 Granmèt, kouté voua-m.
Sé pou zòrèy ou panché
nan voua priyè-m nan. **R:**
- 3 Si-ou kinbé fot yo, Granmèt,
Granmèt, ki moun k-ap kanpé ?
- 4 Paské koté-ou sé padon,
épi nou krinn ou. **R:**
- 5 M-ap tann ou, Granmèt ;
nanm mouin ap tann nan paròl li,
- 6 nanm mouin éspéré nan Granmèt la. **R:**
- 7 Plis pasé yon santinèl kap éspéré dévan-jou,
sé pou Israël éspéré nan Granmèt la.
Paské kot Granmèt la sé mizérikòd,
sé rédanmsion an kantité koté-l. **R:**
- 8 Sé li minm k-ap rachté Israël
sot nan tout fot li yo. **R:**

ALÉLOUYA AK VÈSÈ ANVAN ÉVANJIL LA

1

Éz 33, 11

(R: Alélouya). Mouin pa vlé lanmò méchan-an, sé sa Granmèt la di,
min mouin vlé pou-l konvèti épi pou-l viv. (R: Alélouya).

2

Mk 1, 15

(R: Alélouya). Péyi-roua Bondié-a tou pré, sé sa Granmèt la di :
fè pénitans, kouè nan Bòn Nouvèl la. (R: Alélouya).

3

Cf. Ap 1, 5 ab

(R: Alélouya). Jézu-Kri, ou sé témouin fidèl la,
prémié pitit nan pami mò yo ;
ou rinmin nou, épi ou lavé péché nou yo nan san-ou nan. (R:
Alélouya).

ÉVANJIL

1

Yo fè louanj Bondié, ki té bay lézòm yon si gran pouvoua.

✠ **Léktu sint Évanjil la dapré Matié**

9, 1-8

Lè sa-a :

Antan Jézu monté nan yon batiman, li té travèsé lanmè, li té rivé nan vil li-a. Min yo t-ap prezanté-l yon paralizé kouché sou yon kabann.

Antan Jézu ouè lafoua yo, li té di paralizé-a : « Pran konfians, pitit, péché-ou yo éfasé ».

Min kèk nan skrib yo t-ap di nan kè yo : « Sa-a ap blasfémé ».

Kòm Jézu té ouè pansé yo, li té di : « Pouki sa n-ap kalkilé sa-k mal nan kè nou yo ? Sa-k pi fasil pou di : “Péché-ou yo padonnin”, oubyin di : “Lévé, épi maché” ? Ébyin pou nou kapab konnin Pitit moun nan gin

pouvoua sou tè-a pou-l padonnin péché yo », lè sa-a li té di paralizé-a : « Lévé, pran kabann ou, épi al lakay ou ».

Li té lévé, li té pati al lakay li.

Antan foul yo ouè sa, yo té sézi, yo té fè louanj Bondié, ki té bay lézòm yon si gran pouvoua.

Paròl Granmèt la.

2

Fè pénitans, kouè nan Bòn Nouvèl la.

✠ **Léktu sint Évanjil la dapré Mark**

1, 1-8. 14-15

Kòmansman Évanjil Jézu-Kri Pitit Bondié.

Jan sa ékri nan profèt Izayi-a : « Min mouin voyé anj mouin-an dévan fas ou, sé li minm k-ap préparé chémin-ou nan dévan-ou. Voua moun nan k-ap rélé nan dézè-a : “Paré chémin Granmèt la, drésé santié-l yo douat” ».

Jan té nan dézè-a, antan l-ap batizé, antan l-ap préché yon batèm pénitans pou padon péché yo. Tout réjion Judé-a té soti vi-n jouinn li, ak tout moun Jérusalèm, yo t-ap résévoua batèm nan min-l nan riviè Joudin-an, antan y-ap konfésé péché yo.

Jan té abiyé avèk poual chamo, yon sinti po té pasé nan tay li, sé krikèt ak mièl sovaj li té konn manjé, li t-ap préché, antan l-ap di : « Gin youn ki pi fò pasé-m k-ap vini apré-m, mouin pa mérité bésé pou-m défèt lasèt sandal li yo. Mouin minm mouin té batizé nou nan dlo, li minm minm l-ap batizé nou nan Éspri Sin-an ».

Apré yo fi-n arété Jan, Jézu rivé nan Galilé, l-ap préché bòn nouvèl péyi-roua Bondié-a, l-ap di : « Tan-an rivé, péyi-roua Bondié-a proché : fè pénitans, kouè nan bòn nouvèl la ».

Paròl Granmèt la.

3

*Yo rinmèt li pakèt péché yo,
sé poua li rinmin anpil la.*

✠ **Léktu sint Évanjil la dapré Luk**

7, 36-50

Lè sa-a :

Youn nan farizyin yo té mandé Jézu pou-l vi-n manjé avèk li. Épi antan Jézu antré nan kay farizyin-an, li té lonjé kò-l.

Yon madanm ki té péchrès nan vil la, lè-l té konnin Jézu té lonjé kò-l nan kay farizyin-an, li té poté yon boutèy losion ; épi antan-l kanpé dèyè bò pié-l, li té kòmansé ap rouzé pié-l ak dlo k-ap sot nan jé-l, épi ak chévé tèt li, li t-ap suiyé yo, épi li t-ap bo pié-l, épi ak losion-an li t-ap froté yo.

Antan farizyin-an minm ki té invité Jézu-a ouè sa, li t-ap di nan kè-l : « Sa-a, si sé té profèt li té yé, li t-a konnin sètènman kilès madanm sa-a, épi ki kalité moun li yé, sa-a k-ap touché-l la, paské sé yon péchrès ».

Antan Jézu pran laparòl, li té di-l : « Simon, mouin gin kichòy pou-m di-ou ».

Li minm minm li di : « Mèt, ou mèt palé ».

« Dé moun té doué yon moun ki konn préte lajan ; youn té doué sinksan dénié, lòt la sinkant. Kòm yo pa-t kapab rinmèt li, li fè yo toulédé kado lajan-an. Kilès donk k-ap rinmin-l pi plis ? »

Antan-l réponn, Simon di : « Mouin konsidéré sé sa li té fè kado plis la ».

Li minm minm li di-l : « Ou jijé douat ».

Épi antan-l viré kot madanm nan, li t-ap di Simon : « Ou ouè madanm sa-a ? Mouin té antré lakay ou, ou pa-t ban-m dlo pou pié-m ; li minm minm sé ak dlo nan jé-l li té rouzé pié-m, épi ak chévé-l li té suyé-yo. Ou pa-t bo-m ; li minm minm, dépi-l antré, li pa-t sispenn bo pié-m. Ou pa-t froté tèt mouin ak luil ; li minm minm ak losion li té froté pié-m. Sé poussa mouin di-ou : Yo rinmèt li pakèt péché yo, sé poussa li rinmin anpil la. Moun yo padonnin ti kras, li rinmin ti kras ».

Li di-l : « Yo rinmèt ou péché yo ».

Moun yo ki té lonjé kò yo ansanm ak li yo, yo té kòmansé ap di anndan kè yo : « Kilès sa-a, k-ap padonnin ata péché yo ? »

Li minm li di madanm nan : « Lafoua-ou sové-ou ; alé an pè ».

Paròl Granmèt la.

4

*Sé pou nou té fè kè nou kontan,
paské frè-ou sa-a té mouri, li réviv.*

✠ **Léktu sint Évanjil la dapré Luk**

15, 1-3. 11-32

Lè sa-a :

Piblikin yo ak péchè yo t-ap proché kot Jézu, pou yo kouté-l.

Farizyin yo ak skrib yo t-ap plinyin, yo t-ap di. « Sa-a résévoua péchè yo, li manjé avèk yo ».

Li di parabòl sa-a pou yo, li di : « Té gin yon mésié ki té gin dé pitit, pi jèn nan yo-a di papa-a : “Papa, ban-m pòsion éritaj ki déstiné pou mouin-an”. Li séparé éritaj la ba yo.

Pa gin anpil jou ki pasé, pi jèn ti gason-an ranmasé tout afè-l, li pati, l-al fè rout li nan yon péyi byin louin ; lè-l rivé la, li gaspiyé éritaj li-a antan l-ap viv nan libètinaj.

Lè-l fi-n dépansé tout bagay, vi-n gin yon gro grangou nan réjion sa-a, li minm li kòmansé nan bézouin. Li pati, l-al nan sèvis yon mésié nan péyi sa-a, mésié-a voyé-l nan jadin-l, pou-l gadé kochon. Li té anvi plin vant li ak grinn boua yo, sa kochon yo t-ap manjé yo ; min pèsòn pa-t ba li.

Li antré nan fon kè-l, li di : “Konbyin jounalié nan kay papa-m gin kont pin yo, kanta mouin minm minm m-ap mouri grangou isit la ! M-ap lévé, m-apral kay papa-m, m-ap di-l : Papa, mouin fè péché dévan sièl la ak dévan-ou : mouin déjà pa mérité pou yo rélé-m pitit ou ; trété-m tankou youn nan jounalié-ou yo”.

Li lévé, li vi-n jouinn papa-l. Pandan-l té louin toujou, papa-l ouè-l, kè-l boulvèsé ak mizérikòd, li kouri, li lagé kò-l nan kou-l li anbrasé-l. Pitit la di-l : “Papa, mouin fè péché dévan sièl la ak dévan-ou : mouin déjà pa mérité pou yo rélé-m pitit ou.”

Papa-a minm di sèvitè yo : “Fè vit poté pi bèl rad la, abiyé-l ; mété yon bag nan min-l, ak soulié nan pié-l. Minnin toro-a yo t-ap angrésé-a, touyé-l, n-ap manjé, n-ap fété ; paské pitit mouin sa-a ki té mouri-a, li réviv, li té péri, nou jouinn li. Épi yo kòmansé fété.

Min pi gran pitit li-a té nan jadin ; lè-l rivé li proché bò kay la, li tandé chanté-dansé, li rélé youn nan sèvitè yo, li pozé-l kèsion ki kalité bagay sa yo.

Sa-a minm di-l : “Sé frè-ou la ki vini, papa-ou fè touyé toro-a yo t-ap angrésé-a, paské li jouinn pitit la an santé”. Lòt la minm faché, li réfizé antré ; papa-l blijé soti, li kòmansé priyé-l.

Li minm minm li réponn, li di papa-l : “Min konbyin ané m-ap sèvi-ou, mouin pa janm dézobéyi yon kòmandman-ou époutan ou pa janm ban-m yon ti kabrit, pou-m fété avèk zanmi-m yo ; min pitit ou sa-a, ki fin dévoré éritaj li-a avèk médam plézi yo, kon-l rivé, ou touyé toro yo t-ap angrésé-a, akòz li”.

Li minm li di-l : “Pitit mouin, ou toujou avèk mouin, tou sa-m ginyin sé pou ou. Sèlman sé pou nou té fété, sé pou nou té fè kè nou kontan, paské frè-ou sa-a té mouri, li réviv, li té péri, nou jouinn li” ».

Paròl Granmèt la.

5

*Jézu voyé apot yo préché pénitans
ak padon péché yo.*

✠ Léktu sint Évanjil la dapré Luk

24, 46-48

Lè sa-a :

Jézu té di disip li yo : « Sé konsa sa té ékri, sé konsa Kris la té gin pou-l souffri, pou-l résisité sot nan pami mò yo sou touazièm jou-a, pou yo préché pénitans nan non-l ak padon péché yo nan tout nasion, kòmansé sou Jérusalèm. Nou minm nou témouin bagay sa yo ».

Paròl Granmèt la.

**28. - POU MANDÉ CHARITÉ
- POU ANNKOURAJÉ LAPÈ
- POU FANMIY AK ZANMI YO**

LÉKTU NAN NOUVO TĒSTAMAN-AN

1

Nou gin kado dapré gras yo ba nou-an, kado sa yo divès.

Léktu lèt apot sin Pòl pou Romin yo

12, 3-13

Frè-m yo :

Mouin di pa pouvoua gras la yo ban mouin-an, mouin di tout moun ki an pami nou yo : pa konsidéré tèt nou plis pasé jan nou doué konsidéré-l, min sé pou nou konsidéré-l avèk sajès, chak moun dapré mézi lafoua Bondié séparé ba li.

Minm jan réyèlman nan yon sèl kò nou gin anpil manb, min tout manb yo pa gin minm ròl, konsa, atout nou anpil la, sé yon sèl kò nou yé nan Kris Jézu, nou chak nou youn sé manb lòt.

Nou gin kado dapré gras yo ba nou-an, kado sa yo divès : soua sé profési-a sèlon mézu lafoua-a ; soua sé ministè-a antan sèvis la ap fèt vré ; soua sé moun k-ap anségné-a antan li nan limit doktri-n nan ; moun k-ap ankourajé lòt antan l-ap ankourajé yo vré ; moun k-ap bay la antan li gin yon kè sinp ; moun k-ap dirijé-a, antan-l ap mété aktivité ; moun k-ap souin maléré, antan li gin bon jan.

Rinmin-an pa gin ipokrizi, sé pou nou rayi sa-k mal, sé pou nou kolé kò nou sou byin-an, sé pou nou youn rinmin lòt avèk charité fratènèl, sé pou nou youn gin pou lòt konsidérasion, pa fè parès nan aktivité nou, sé pou nou cho nan Éspri-a, sé pou nou sèvi Granmèt la, sé pou nou gin kè kontan nan éspérans la, sé pou nou gin pasians nan tribilasion, sé pou nou rét fidèl nan priyè sé pou nou séparé bay fidèl ki nan bézouin yo, sé pou nou tout résvoua moun lakay nou.

Paròl Granmèt la.

2

*Koulié-a minm yo diré : lafoua-a, éspérans la ak charité-a, toua sa yo ;
min pi gran nan yo-a sé charité-a.*

Léktu prémié lèt apot sin Pòl pou Korintyin**12, 31-13, 13**

Frè-m yo :

Sé pou nou chèché kado ki pi bon yo. M-ap montré nou yon rout ki pi bon. Si mouin t-a palé langaj lézòm ak langaj Anj yo, épi mouin pa gin charité, mouin t-a vi-n tankou yon fè k-ap sonnin oubyin yon sinbal k-ap fè boui. Si-m t-a gin profési, si-m t-a konnin tout mistè ak tout sians, épi si-m t-a gin tout lafoua, joutan pou-m t-a déplásé mòn yo, épi mouin pa gin charité, mouin pa anyin. Si-m t-a séparé tout byin mouin yo pou bay pòv yo manjé, si-m t-a rinmèt kò-m pou yo boulé-m, épi mouin pa gin charité, sa pap sèvi-m anyin.

Charité-a gin pasians, li gin bon jan ; charité-a pa fè jalouzi, li pa aji pou-l vanté tèt li, li pa gonflé kò-l, li pa fè anbision, li pa chèché bagay ki pou li yo, li pa fè kòlè, li pa kalkilé sou sa-k mal, li pa kontan poutèt méchansté, okontrè li kontan pou lavérité : li sipòté nan tout okazion, li kouè nan tout okazion, li éspéré nan tout okazion, li andiré nan tout okazion.

Charité-a pap janm pasé, ni profési yo ap disparèt, ni lang yo ap sispann, ni sians yo ap détoui. Sé an mòso réyéلمان nou konnin, sé an mòso nou profétizé. Lè sa-k kòrèk nèt la ap rivé, sa-k an mòso-a ap pasé.

Lè-m té ti moun, mouin té palé tankou ti moun piti, mouin té réfléchi tankou ti moun, mouin té pansé tankou ti moun ; min lè-m vi-n granmoun, mouin fè bagay ti moun yo disparèt.

Nou ouè koulié-a tankou nan glas an parabòl, lè sa-a minm sé fas a fas ; koulié-a mouin konnin an mòso, lè sa-a minm m-ap konnin jan yo konnin mouin-an.

Koulié-a minm yo diré : lafoua-a, éspérans la ak charité-a, toua sa yo ; min pi gran nan yo-a sé charité-a.

Paròl Granmèt la.

3

Nou minm tou nou doué bay lavi nou pou frè nou yo.

Léktu prémié lèt apot sin Jan

3, 14-18

Nou minm mouin rinmin anpil la :

Nou minm nou konnin nou travèsé sot nan lanmò al nan lavi-a, paské nou rinmin frè yo.

Moun ki pa rinmin, li rété nan lanmò. Tout moun ki rayi frè-l, li kriminèl, nou konnin okinn kriminèl pa gin lavi tout tan-an ki rété nan li.

Sé nan sa nou konnin charité Bondié-a, sèké sa-a té bay lavi-l pou nou, nou minm tou nou doué bay lavi nou pou frè nou yo. Moun ki gin byin tè sa-a, épi li ouè frè-l ki nan bézouin, malgré sa li fèmin zantray li dévan-l, kijan charité Bondié-a kapab rété nan li ?

Ti pitit mouin yo, pa rinmin ak paròl ni ak lang, min nan aksion ak vérité.

Paròl Granmèt la.

PSÒM RÉPONS YO

1

PSÒM RÉPONS

Ps 84, 7-8. 9. 11-12 (R: 9 c)

- R: Sé lapè Granmèt la ap palé pou pèp li-a.
- 7 Èské sé pa ou minm ki pou tounin vi-n ba nou lavi,
épi pèp ou-a ap kontan nan ou ?
- 8 Montré nou mizérikòd ou-a, Granmèt,
sové ou sové nou-an ba nou li. R:
- 9 M-ap kouté sa Granmèt Bondié ap di,
sé lapè l-ap palé pou pèp li-a ak sin-l yo. R:
- 11 Mizérikòd ak vérité rankontré,
jistis ak lapè anbrasé.
- 12 Vérité-a lévé sot sou tè-a,
jistis la panché sot nan sièl la. R:

2

PSÒM RÉPONS

Ps 99, 2. 3. 4. 5 (R: 3 c)

- R: Nou sé pèp li ak mouton pak li.
- 2 Fè louanj pou Granmèt la tout tè-a,
sèvi Granmèt la nan kè kontan ;
antré dévan fas li avèk gran fèt. R:
- 3 Konnin Granmèt la sé li minm ki Bondié ;
sé li minm ki fè nou, sé pou li nou yé,
pèp li ak mouton pak li. R:
- 4 Antré nan pòtay li yo avèk louanj,
nan lakou-l yo avèk kantik,
fè louanj li, fè konpliman pou non-l. R:
- 5 Sèké Granmèt la bon ;
pou tout tan mizèrikòd li,
pou jénèrasion ak jénèrasion vérité-l la. R:

ALÉLOUYA AK VÈSÈ ANVAN ÉVANJIL LA

1

Ps 132, 1

(R: Alélouya). Ala bon sa bon épi ala kontantman
pou abité tankou frè ansanm ! (R: Alélouya).

2

Jan 15, 12

(R: Alélouya). Min kòmandman-m, sé pou nou youn rinmin lòt,
minm jan mouin rinmin nou-an. (R: Alélouya).

ÉVANJIL YO

1

*Koté gin dé oubyin toua moun ki rasanblé o non-m,
mouin la nan mitan yo.*

✠ Léktu sint Évanjil la dapré Matié

18, 15-20

Lè sa-a : Jézu di disip li yo :

« Si frè-ou fè péché kont ou, alé pran-l apa, korijé-l. Si-l kouté-ou, ou-
ap pran tèt frè-ou la ; min si-l pa kouté-ou, pran youn oubyin dé avèk ou
ankò, pou tout paròl kapab fiské nan bouch dé oubyin toua témouin. Si-l
pa kouté yo, di Égliz la sa ; si-l pa kouté Égliz la, sé pou-l tankou nasion
ak piblikin pou ou.

Amèn mouin di nou, tou sa n-ap maré sou tè-a, l-ap maré nan sièl la
tou ; tou sa n-ap lagé sou tè-a, l-ap lagé nan sièl la tou.

Mouin di nou ankò, si dé nan nou mété yo dakò sou tè-a, pou yo
mandé ninpòt ki bagay, y-ap jouinn li nan min Papa-m ki nan sièl yo.

Sèké koté gin dé oubyin toua moun ki rasanblé o non-m, mouin la nan
mitan yo ».

Paròl Granmèt la.

2

Sa-m kòmandé nou, sé pou nou youn rinmin lòt.

✠ Léktu sint Évanjil la dapré Jan

15, 12-17

Lè sa-a : Jézu di disip li yo :

« Min kòmandman-m, sé pou nou youn rinmin lòt, minm jan mouin
rinmin nou-an. Pèsòn pa rinmin pi plis pasé moun ki bay lavi-l pou
zanmi-l nan.

Nou minm nou sé zanmi-m, si nou fè sa mouin kòmandé nou yo.
Mouin pap rélé nou sèvitè ankò, paské sèvitè-a pa konnin sa mèl li ap fè ;
min mouin rélé nou zanmi, paské tou sa-m tandé kot Papa-m, mouin fè
nou konnin yo.

Sé pa nou minm ki chouazi-m ; min sé mouin minm ki chouazi nou,
mouin mété nou, pou nou alé, pou nou poté foui, pou foui nou-an duré ;
konsa, pou ninpòt ki sa nou mandé Papa-a o non-m, li ba nou-l. Min sa-m
kòmandé nou, sé pou nou youn rimnin lòt ».

Paròl Granmèt la.

29. POU FANMI-AN

Yo kapab pran léktu Mès fèt Sint Fanmiy, Jézu, Mari, Jozèf. p. 165, oubyin léktu Mès pou fanmiy ak zanmi, p. 2438.

30. POU MOUN K-AP FÈ NOU PASÉ TRAY

LÉKTU NAN ANSYIN TÉSTAMAN-AN

1

*Granmèt la té rinnèt ou nan min-m,
min mouin pa-t vlé lonjé min-m.*

Léktu prémié liv Samuèl

26, 2. 7-9. 12-13. 22-23

Jou sa yo :

Sayul lévé, li désann nan dézè Zif la, té gin toua mil moun avèk li nan pi bon sòlda Israèl yo, pou yo chèché David nan dézè Sif la.

David avèk Abisayi rivé nannuit kot pèp la, yo jouinn Sayul kouché, ap dòmi nan tant la, lans la planté nan tè-a bò tèt li, Abnèr minm ak pèp la t-ap dòmi alantou-l. Abisayi di David : « Bondié fèmin ènmi-ou nan jodi-a nan min-ou ; koulié-a kitè-m pèsé-l ak yon sèl kout lans atè-a, mouin pap bézouin ba-l yon dézièm ». David di Abisayi : « Pa touyé-l ; ki moun ki t-a lonjé min-l sou kris Granmèt la pou-l t-a inosan ? »

David pran lans la ak boutèy dlo-a ki té bò tèt Sayul, épi yo pati ; pa-t gin pèsòn ki té ouè ni ki té tandé, ni ki té révéyé, min yo tout t-ap dòmi, paské somèy Granmèt la té tonbé sou yo.

Lè David travèsé an fas, li kanpé sou tèt mòn nan, byin louin, té gin yon gran éspas antré yo, David di : « Min lans roua-a : sé pou youn nan sèvitè roua-a travèsé vi-n pran-l. Granmèt la ap rinnèt chak moun dapré jistis li ak lafoua-l ; jodi-a minm Granmèt la té rinnèt ou nan min-m, min mouin pa-t vlé lonjé min-m sou kris Granmèt la ».

Paròl Granmèt la.

2

Mouin pa viré fas mouin louin moun k-ap maltrété-m yo.

Léktu liv profèt Izayi

50, 4-9 a

Granmèt la ban-m yon lang ki gin konésans, pou-m kapab soutni ak paròl moun ki bouké-a. Dépi granmatin li révéyé, granmatin li révéyé zòrèy mouin, pou-m kouté tankou sé yon mèt k-ap palé. Granmèt la louvri zòrèy mouin. Mouin minm mouin pa kontrarié, mouin pa rékilé dèyè.

Mouin rinmèt kòm bay moun yo k-ap frapé-m nan ; mouin rinmèt figi-m bay moun yo k-ap mété voual sou mouin-an ; mouin pa kaché fas mouin bay moun yo k-ap maltrété-m nan, k-ap kraché sou mouin-an.

Granmèt Bondié ap poté-m sékou, sé poua mouin pa ront, sé poua mouin fè fas mouin vi-n tankou ròch ki pi di-a, mouin konnin mouin pap ront.

Li tou pré, sa-a k-ap rann mouin jistis la, kilès k-ap plédé kont mouin ? An nou kanpé ansanm ; kilès ki ènmi-m ? sé pou-l proche koté-m.

Min Granmèt Bondié k-ap poté-m sékou ; kilès k-ap kondané-m ?

Paròl Granmèt la.

LÉKTU NAN NOUVO TĚSTAMAN-AN

1

Granmèt, pa mété péché sa-a sou kont yo.

Léktu Travay Apot yo

7, 55-60

Jou sa yo :

Kòm Étièn té plin ak Éspri Sin-an, antan li fiksé sièl la, li té ouè gloua Bondié-a ak Jézu ki kanpé adouat Bondié, li di : « Mouin ouè sièl yo louvri, ak Pitit moun nan ki kanpé adouat Bondié ». Yo lévé voua yo byin fò, yo fèmin zòrèy yo, yo fonsé ansanm sou li. Yo jété-l déyò vil la, yo kòmansé kalonnin-l ak kout ròch. Té mouin yo té dépozé rad yo nan pié yon jénòm yo té rélé Sòl.

Pandan yo t-ap kalonnin-l ak kout ròch, Étièn t-ap priyé, li t-ap di : « Granmèt, résévoua éspri-m ».

Li pozé jénou-l atè, li rélé byin fò, li di : « Granmèt, pa mété péché sa-a sou kont yo ». Pandan l-ap di sa, li dòmi nan Granmèt la. Sòl minm té dakò avèk touyé yo té touyé-l la.

Paròl Granmèt la.

2

Sé pou lapè Kris la fété nan kè nou.

Léktu lèt apot sin Pòl pou Kolosyin yo**3, 12-15**

Frè-m yo :

Abiyé nou, tankou moun Bondié chouazi, ki sin, tankou moun li rinmin, abiyé nou ak zantray mizérikòd, ak bon kè, rabésé tèt nou, fè kò nou tou dou, pran pasians, sipòté nou youn lòt, sé pou youn padonnin lòt, si youn gin kichòy kont lòt : jan Granmèt la padonnin nou, konsa nou minm tou.

Anlè tout bagay sa yo, sé pou nou gin charité, li minm ki kòd ki maré sa ki fi-n kòrèk nèt la ; sé pou lapè Kris la fété nan kè nou, sé nan li yo rélé nou pou nou fè yon sèl kò ; sé pou nou rét ap di Bondié mèsi.

Paròl Granmèt la.

PSÒM RÉPONS YO

1

PSÒM RÉPONS**Ps 85, 1-2. 3-4. 5-6. 14. 17 (R: 6 b)**

R: Granmèt, kouté voua priyé-m.

1 Panché zòrèy ou, Granmèt, kouté-m,
paské mouin maléré, mouin pòv.

2 Prézèvé nanm mouin, paské mouin sin ;
sové-m, Bondié mouin, mouin éspéré nan ou. **R:**

3 Pitié pou mouin, Granmèt, paské m-ap rélé koté-ou tout lajounin.

4 Fè nanm sèvitè-ou la jouinn kontantman,
paské sé koté-ou, Granmèt mouin lévé nanm mouin. **R:**

- 5 Paksé Granmèt, ou bon, ou dou,
ou gin mizérikòd anpil pou tout moun k-ap rélé-ou.
- 6 Kouté priyè-m, Granmèt ak zòrèy ou,
kouté voua priyè-m. **R:**
- 14 Bondié, ògèyé yo té soulvé kont mouin,
asanblé pisan yo t-ap chèché nanm mouin,
yo pa-t mété-ou dévan fas yo. **R:**
- 17 Fè yon sign avèk mouin nan sa-k bon-an,
pou yo ouè, sa-k rayi-m yo, pou yo ront,
paské ou minm, Granmèt, ou poté-m sékou ou konsolé-m. **R:**

2

PSÒM RÉPONS

Ps 102, 1-2. 3-4. 8-9. 11-12 (**R:** : 8 a)

- R:** Granmèt la pran pitié, li gin mizérikòd.
- 1 Fè konpliman pou Granmèt la, nanm mouin ;
tou sa-k anndan-m, fè konpliman pou non-l ki sin.
- 2 Fè konpliman pou Granmèt la, nanm mouin,
pa bliyé tou sa-l fè yo. **R:**
- 3 Li minm ki padonnin tout fot ou yo,
ki géri tout maladi-ou yo ;
- 4 li minm ki rachté lavi-ou sot nan fòs la,
ki kouronnin-ou ak mizérikòd ak pitié. **R:**
- 8 Granmèt la pran pitié, li gin mizérikòd,
li pran pasians, li gin anpil mizérikòd.
- 9 Sé pa pou tout tan l-ap fè diskision,
sé pa pou tout tan li faché. **R:**
- 11 Sèké otan sièl la ro anlè tè-a,
mizérikòd li-a débòdé sou sa-k krinn li yo ;
- 12 otan olévan louin ak okouchan,
li ranvouayé péché nou yo louin nou. **R:**

ALÉLOUYA AK VÈSÈ ANVAN ÉVANJIL LA

1

Mt 5, 9

(R: Alélouya). Ala kontantman pou moun k-ap travay pou lapè-a, paské y-ap rélé yo pitit Bondié. (R: Alélouya).

2

Jan 13, 34

(R: Alélouya). Mouin ba nou yon kòmandman nouvo, pou nou youn rinmin lòt minm jan mouin rinmin nou-an. (R: Alélouya).

ÉVANJIL YO

1

Rinmin ènmi nou.

✠ Léktu sint Évanjil la dapré Matié

5, 38-48

Lè sa-a :

Jézu di disip li yo : « Nou té tandé yo té di : “Jé pou jé, dan pou dan”.

Mouin minm mouin di nou pa rézisté méchan-an ; min si yon moun frapé-ou sou machoua douat ou, prezanté-l bò gòch la tou ; moun ki vlé fè prosè nan jijman avèk ou pou-l pran chémiz ou, kité manto-a pou li tou ; ninpòt ki moun ki fòsé-ou fè mil pa, alé, fè dé mil pa avèk li. Moun ki mandé-ou, ba li ; moun ki vlé prété nan min-ou, pa viré do ba li.

Nou té tandé yo té di : “Sé pou-ou rinmin prochin-ou, pou-ou rayi ènmi-ou”.

Mouin minm mouin di nou : Rinmin ènmi nou, fè dibyin pou moun ki rayi nou yo, priyé pou moun k-ap pèsékité nou yo, k-ap fè manti sou nou ; pou nou kapab vi-n tounin pitit Papa nou ki nan sièl la, li minm ki fè solèy li lévé sou bon yo ak mové yo, ki fè lapli tonbé sou moun kòrèk yo ak sou méchan yo.

Si nou rinmin sa-k rinmin nou yo, ki rékonpans nou ginyin ? Èské piblikin yo pa fè sa ? Si nou salié frè nou yo sèlman, ki sa nou fè an plis ? Èské nasion yo pa fè sa ?

Konsa sé pou nou kòrèk nèt, tankou Papa nou ki nan sièl la li kòrèk nèt ».

Paròl Granmèt la.

2

*Sé pou nou gin mizérikòd,
tankou Papa nou gin mizérikòd”*

✠ **Léktu sint Évanjil la dapré Luk**

6, 27-38

Lè sa-a : Jézu di disip li yo :

« Mouin di nou, nou minm k-ap kouté-a : sé pou nou rinmin ènmi nou yo, sé pou nou fè dibyin pou moun ki rayi nou yo, fè konpliman pou moun k-ap madichonnin nou yo, priyé pou sa yo k-ap di manti sou nou yo. Si yon moun frapé-ou sou bò machoua, lonjé lòt la ba li, moun ki pran manto-ou nan min-ou, pa réfizé-l chémiz la non plis tou. Tout moun ki mandé-ou, ba li, moun ki pran sa-k pou ou, pa mandé-l li. Tou sa nou vlé pou lézòm fè pou nou, sé pou nou fè-l pou yo tou.

Si nou rinmin sa yo ki rinmin nou, ki gras k-ap pou nou ? Sèké minm péchè yo youn rinmin lòt. Si sé moun ki fè nou dibyin n-ap fè dibyin, ki gras k-ap pou nou ? Sé konsa tou minm péchè yo yo fè sa. Si nou prété moun nou éspéré résévoua nan min yo, ki gras k-ap pou nou ? Sèké ni péchè yo yo prété péchè yo, pou yo résévoua minm jan.

Vréman, sé pou nou rinmin ènmi nou yo, sé pou yo nou fè dibyin, sé pou nou prété, san nou pa éspéré anyin ; konsa rékonpans nou ap anpil, n-ap vi-n tounin pitit Sa-a ki anro nèt la, paské li bon ni pou moun ki pa gin rékonésans, ni pou moun ki mové yo. Sé pou nou gin mizérikòd, tankou Papa nou gin mizérikòd la.

Pa jijé, yo pap jijé nou ; pa kondané, yo pap kondané nou ; padonnin, y-ap padonnin nou ; bay, y-ap ba nou ; sé yon mézi ki bon, ki foulé, ki byin souké, k-ap débòdé, y-ap vidé nan léstomak nou. Ak minm mézi n-ap méziré-a, sé avèk li y-ap rinmèt nou ».

Paròl Granmèt la.

31. POU MANDÉ LAGRAS POU MOURI BYIN

LÉKTU NAN ANSYIN TÉSTAMAN-AN

1

*L-ap chaviré lanmò-a pou tout tan.***Léktu liv profèt Izayi**

25, 6-10 a

Jou sa-a :

Granmèt lamé yo ap fè yon résépsion bon viann pou tout pèp yo sou mòn sa-a, résépsion bon divin, viann ki gin bon gou, divin ki byin pozé. Sou mòn sa-a, l-ap chaviré fas chinn nan ki té maré sou tout pèp yo, ak voual la ki té vlopé sou tout nasion yo.

L-ap chaviré lanmò-a pou tout tan, Granmèt Bondié ap ouété dlo sot nan tout figi, épi l-ap ouété laront pèp li-a sot sou tout tè-a, paské Granmèt la palé.

Jou sa-a y-ap di : « Min Bondié nou sa-a, nou t-ap tann li, épi l-ap sovè nou ; sé li minm Granmèt la, nou t-ap espéré li, n-ap fété, épi n-ap fè kè nou kontan nan sovè li sovè nou-an. Paské min Granmèt la ap pozé sou mòn sa-a ».

Paròl Granmèt la.

LÉKTU NAN NOUVO TÉSTAMAN-AN

*Soua n-ap viv, soua nou mouri,
sé pou Granmèt la nou yé.***Léktu lèt apot sin Pòl pou Romin yo**

14, 7-9. 10 c-12

Frè-m yo :

Pèsonn nan nou pa viv pou pròp tèt li, épi pèsonn pa mouri pou pròp tèt li. Paské si n-ap viv, sé pou Granmèt la n-ap viv, si nou mouri, sé pou Granmèt la nou mouri. Konsa, soua n-ap viv, soua nou mouri, sé pou Granmèt la nou yé.

Sé pou sa réyèlman Kris la mouri, li lèvé, pou-l kòmandé ni moun ki mouri yo ni moun ki vivan yo.

Nou tout n-ap konparèt dévan tribinal Kris la. Réyèlman, sa ékri : « Mouin vivan, sé sa Granmèt la di, paské tout jénou ap plouayé dévan-m, tout lang ap fè louanj Bondié ». Konsa chak moun nan nou ap rann Bondié kont pou pròp tèt pa-l.

Paròl Granmèt la.

PSÒM RÉPONS LA

PSÒM RÉPONS Ps 30, 2 é 6. 8 bc-9. 15-16. 17 é 25 (R: : Lk 23, 46)

- R: Papa, nan min-ou mouin rinmèt éspri mouin.
- 2 Nan ou, Granmèt, mouin éspéré, pa kité-m ront pou tout tan ;
nan jistis ou délivré-m.
- 6 Nan min-ou mouin rinmèt éspri mouin ;
ou rachté-m, Granmèt, Bondié vérité-a. R:
- 8 Paské ou voyé jé sou rabésman mouin,
pou rékonèt nésésité nanm mouin,
9 ou pa fèmin-m nan min ènmi-an,
ou pozé pié-m nan koté ki laj la. R:
- 15 Min mouin minm sé nan ou mouin éspéré, Granmèt ;
mouin di : « Sé Bondié-m ou yé,
16 nan min-ou déstiné-m yé ».
Délivré-m sot nan min ènmi-m yo
ak sa k-ap pèsékité-m yo. R:
- 17 Kléré fas ou sou sèvitè-ou,
sové-m nan mizèrikòd ou.
- 25 Aji avèk kouraj, rafèmi kè nou,
nou tout ki éspéré nan Granmèt la. R:

ALÉLOUYA AK VÈSÈ ANVAN ÉVANJIL LA

1

Mt 24, 42 a. 44

(R: Alélouya). Véyé, rét paré
paské nou pa konnin kilè Pitit moun nan ap vini. (R: Alélouya).

2

Lk 21, 36

(R: Alélouya). Véyé, priyé nan tout tan,
pou nou kapab mérité kanpé dévan Pitit moun nan. (R: Alélouya).

3

Jan 13, 1

(R: Alélouya). Jézu té konnin lè-l rivé
pou-l travèsé sot sou tè sa-a al kay Papa-a ;
kòm li té rinmin disip li yo ki té sou tè-a,
sé jouskalafin li rinmin yo. (R: Alélouya).

4

Ap 2, 10 c

(R: Alélouya). Sé pou-ou rét fidèl jous nan lanmò, sé sa Granmèt la di,
m-ap ba-ou kouròn lavi-a. (R: Alélouya).

ÉVANJIL YO

1

Min mésié k-ap marié-a ap vini : soti al rankontré-l.

✠ **Léktu sint Évanjil la dapré Matié**

25, 1-13

Lè sa-a : Jézu di disip li yo parabol sa-a :

« Péyi roua sièl yo sanblé ak dis vièj ki pran lanp yo, yo soti al rankontré mésié k-ap marié-a ak madanm k-ap marié-a. Sink nan yo té

sòt, épi sink té gin ladrès. Sink sa ki sòt yo, lè yo fi-n pran lanp yo-a, yo pa pran luil avèk yo ; sa-k gin ladrès yo minm, yo pran luil nan véso yo avèk lanp yo.

Antan y-ap tann mésié marié-a ki té an réta, yo tout yo dòmi, fon somèy.

Nan mitan nannuit, yo tandé yon rèl : “Min mésié k-ap marié-a, soti al rankontré-l”. Lè sa-a atò tout vièj sa yo lévé, yo paré lanp yo.

Sa-k té sòt yo di sa-k té gin sajès yo : “Ban nou nan luil nou-an, paské lanp nou yo étinn”.

Sa-k gin ladrès yo réponn, yo di yo : “Riské pap gin kont pou ni nou minm ni nou minm, pito nou alé nan boutik yo, n-a achté”.

Pandan yo t-al achté, mésié k-ap marié-a rivé ; sa-k té paré yo antré avèk li nan nòs yo, yo fèmin pòt la.

Alafin lòt vièj yo vi-n rivé, yo di : “Granmèt, Granmèt, louvri pou nou”. Li minm minm li réponn, li di : “Amèn mouin di nou, mouin pa konnin nou”.

Konsa, sé pou nou véyé, paské nou pa konnin ni jou-a ni lè-a ».

Paròl Granmèt la.

2

Sé lè nou pa pansé-a, Pitit moun nan ap vini.

✠ Léktu sint Évanjil la dapré Luk

12, 35-40

Lè sa-a : Jézu di disip li yo :

« Sé pou rin nou maré, pou lanp nou limin nan min nou ; nou minm sé pou nou tankou moun k-ap tann mèl yo, lè-l vi-n sot nan nòs ; pou, kon-l rivé, li frapé, minm lè-a yo louvri ba li.

Ala kontantman pou sèvitè sa yo, si lè mèl la rivé, li jouinn yo ap véyé ; amèn mouin di nou, l-ap maré rin-l, l-ap fè yo al sou tab l-ap pasé pou-l sèvi yo. Si-l rivé nan dézièm vèy la, épi si sé nan touazièm vèy la li rivé, épi li jouinn yo konsa, ala kontantman pou sèvitè sa yo.

Aprann sa, si pèd-famiy nan té konnin ki lè vòlè-a t-ap rivé, li t-ap véyé sètènman, li pa t-ap kité yo kasé kay li. Nou minm tou sé pou nou paré, paské sé lè nou pa pansé-a, Pitit moun nan ap vini ».

Paròl Granmèt la.

3

Véyé, antan n-ap priyé tout tan.

✠ **Léktu sint Évanjil la dapré Luk**

21, 34-36

Lè sa-a : Jézu di disip li yo :

« Fè atansion, pou kè nou pa vi-n lou ni nan bouason k-ap monté nan tèt nou, k-ap fè nou vi-n sou, ni nan tèt chajé pou lavi sa-a, pou jou sa-a pa tonbé sou nou sanzatan ; réyèlman, l-ap rivé sou tout moun ki chita sou fas tout tè-a.

Konsa, sé pou nou véyé, antan n-ap priyé tout tan, pou nou mérité chapé anba tout bagay sa yo k-ap vini yo, pou nou kanpé dévan Pitit moun nan ».

Paròl Granmèt la.

4

Papa, nan min-ou mouin rinmèt éspri-m.

✠ **Léktu sint Évanjil la dapré Luk**

23, 39-46

Lè sa-a :

Youn nan asasin yo ki té pandié bò koté-l la, li t-ap blasfémé Jézu antan l-ap di : « Si-ou sé Kris la, sové pròp tèt ou avèk nou ».

Lòt la minm réponn, li fè-l répròch, li di-l : « Ou minm tou, ou pa krinn Bondié, ou minm ki nan minm kondanasion-an ? Nou minm, sé jistis paské nou résévoua dapré sa nou té fè-a ; min li minm li pa fè anyin ki mal ».

Li t-ap di Jézu : « Granmèt, sonjé-m, lè ou-ap vini nan péyi roua-ou la ».

Jézu di-l : « Amèn, mouin di-ou, jodi-a minm ou-ap avèk mouin nan paradi-a ».

Li té prèské szièm è-a, fènoua té rivé sou tout tè-a, jouska touazè. Solèy la vi-n tou noua, voual tanp la chiré nan mitan.

Jézu pousé yon rèl avèk voua-l byin fò, li di : « Papa, nan min-ou mouin rinmèt éspri mouin ».

Pandan l-ap di sa, souf li pati.

Paròl Granmèt la.

MÈS VOTIV YO

N. B. yo sèvi ak premié léktu nan tan paskal la, lè yo kapab sélébré Mès votiv la dapré règléman Institision jénéral Misèl Romin-an.

TRÈ SINT TRINITÉ

Yo pran léktu yo nan solanité Trè Sint Trinité-a, premié dimanch apré Pannkot, p. 586.

MISTÈ SINT KOUA

LÉKTU NAN ANSYIN TÉSTAMAN-AN

1

Kòmandman pou soupé pak la.

Léktu liv Égzòd

12, 1-8. 11-14

Jou sa yo :

Granmèt la di Moyiz avèk Aaron nan péyi Éjip : « Moua sa-a sé kòmansman nan moua yo li yé pou nou, l-ap premié nan moua ané-a.

Palé ak tout foul pitit Israèl yo, di yo : « Sou dizièm jou moua sa-a sé pou chak moun pran yon mouton pou fanmi yo ak kay yo. Si kantité moun yo pa kont pou yo kapab manjé mouton-an, l-a invité vouazin-l, ki tou kolé lakay li, dapré kantité moun ki pou réyisi manjé mouton-an. Mouton-an doué san tach, yon mal, ki gin yon ané ; pou sérémoni sa-a, n-a pran kabrit tou.

N-a konsèvé-l jous sou katòzièm jou moua sa-a ; tout foul pitit Israèl yo ap sakrifé-l nan asouè. Y-a pran nan san-l, y-a mété sou montan pòt la ak sou travès anlè kay yo, koté y-ap manjé-l la. Y-a manjé chè yo nan nuit sa-a, griyé nan difé, ni pin san lévin avèk létu maron.

Min kijan pou nou manjé-l : maré rin nou, mét sapat nan pié nou, kinbé baton nan min nou, n-a manjé-l an vitès, sèké sé Pak (sa vlé di pasaj) Granmèt la.

M-ap travèsé nan péyi Éjip la nannuit sa-a, m-ap frapé tout premié pitit nan péyi Éjip la dépi moun jous sou bèt y-ap gadiyin, m-ap fè jijman sou tout dié Éjip yo : sé mouin minm Granmèt la. San-an ap sèvi nou sign nan kay koté n-ap yé yo ; lè-m ouè san-an, m-ap travèsé pou-m évité nou ; pap gin chatiman k-ap gayé nou, lè m-ap frapé péyi Éjip la.

N-ap gin jou sa-a kòm souvni n-ap fété-l tankou yon gran fèt pou Granmèt la nan jénérasyon nou ak yon sèvis pou tout tan.

Paròl Granmèt la.

2

Sé mò laront n-ap kondané-l.

Léktu liv Sajès la

2, 1 a. 12-22

Méchan yo di, antan y-ap kalkilé sa-k pa kòrèk nan kè yo : « An nou fè konplo kont sa-a ki kòrèk la, paské li pa sèvi nou anyin, l-ap kontrarié aktivité nou, l-ap réproché nou péché nou fè kont laloua-a, l-ap déklaré péché nou fè kont édikasion nou.

Li prétann li gin sians Bondié, li nonmin pròp tèt li pitit Bondié. Li jinnin pansé nou : sé yon chaj li yé pou nou, minm pou nou gadé-l ; paské lavi-l pa minm avèk lòt yo, chémin-l yo pa chanjé.

Li konsidéré nou tankou bagay ki pa gin valè, li évité chémin nou yo tankou bagay ki pa pròp ; li déklaré moun kòrèk yo ap kanpé nan dènié tan-an, li fè louanj di li gin Bondié kòm Papa.

Ébyin an nou ouè si paròl li yo vré, an nou tanté-l pou nou ouè sa k-ap rivé-l, n-a konnin kijan l-ap yé nan dènié tan-an. Si sé pitit Bondié vré li yé, sé pou Bondié résévoua-l, 1-a délivré-l sot nan min moun k-ap ataké-l yo.

Ak afron, ak mové trétman n-ap pozé-l késion, pou nou konnin respè-l, pou nou sondé pasians li. Ak lanmò gro laront n-a kondané-l ; sèkè dapré paròl li yo gin pèsonaj pou véyé sou li ».

Sé sa y-ap kalkilé, yo tronpé ; méchansté yo avéglé yo. Yo pa konnin mistè Bondié yo, yo pa éspéré rékonpans jistis la, yo pa jijé onè nanm sin yo.

Paròl Granmèt la.

3

Mouin pa viré fas mouin louin moun k-ap maltrété-m yo.

Léktu liv profèt Izayi

50, 4-9 a

Granmèt la ban-m yon lang ki gin konésans, pou-m kapab soutni ak paròl moun ki bouké-a. Dépi granmatin li révèyé, granmatin li révèyé zòrèy mouin, pou-m kouté tankou sé yon mèt k-ap palé. Granmèt la louvri zòrèy mouin. Mouin minm mouin pa kontrarié, mouin pa rékilé dèyè.

Mouin rinmèt kòm bay moun yo k-ap frapé-m nan ; mouin rinmèt figi-m bay moun yo k-ap mété voual sou mouin-an ; mouin pa kaché fas mouin bay moun yo k-ap maltrété-m nan, k-ap kraché sou mouin-an.

Granmèt Bondié ap poté-m sékou, sé poussa mouin pa ront, sé poussa mouin fè fas mouin vi-n tankou ròch ki pi di-a, mouin konnin mouin pap ront.

Li tou pré, sa-a k-ap rann mouin jistis la, kilès k-ap plédé kont mouin ? An nou kanpé ansanm ; kilès ki ènmi-m ? sé pou-l proche koté-m.

Min Granmèt Bondié k-ap poté-m sékou ; kilès k-ap kondané-m ?

Paròl Granmèt la.

4

Li blésé poutèt péché nou yo.

Léktu liv profèt Izayi

52, 13-53, 12

Min sèvitè-m nan ap gin konprann, y-ap lévé-l anlè, y-ap lévé-l byin ro, l-ap anlè nèt. Minm jan anpil moun té sézi osijè-ou, konsa figi-l ap san gloua nan pami lèzòm, ni fòm li nan pami pitit moun yo. L-ap fè anpil nasion kriyé, sou li roua yo ap fèmin bouch yo, paské sé bagay yo pa-t rakonté y-ap ouè osijè-l, sé sa yo pa-t tandé y-ap gadé.

Kilès ki koué sa nou tandé-a ? Bra Granmèt la bay ki moun li révéle ? L-ap lévé tankou ti rajé dévan-l, tankou rasi-n ki sot nan tè sèk.

Li pa gin aparans ni bèlté, nou té ouè-l, li pa-t gin fòm figi, nou té anvi-l ; li té méprizé, sé dènié nan moun yo, moun soufrans, ki konn maladi, fas li té kòm kaché, li té méprizé, sé poussa nou pa-t minm gin konsidérasion pou li.

Réyèlman sé maladi nou li minm li t-ap poté, sé soufrans nou li minm li t-ap poté, nou minm nou té konprann li té tankou yon lépré, yon moun Bondié frapé, Bondié imilié.

Li minm minm li blésé pou péché nou, li frapé poutèt krim nou yo, koréksion lapè nou-an sou li, sé gras a koté-l blésé yo nou géri. Nou tout nou té pèdi chémin tankou mouton, chak moun té dévié nan chémin pa-l. Granmèt la mété fot nou tout nan li.

Li ofri tèt li, paské li vlé, li pa louvri bouch, tankou mouton dévan moun k-ap koupé linn li, li rét an silans, li pa louvri bouch li.

Yo maltréte-l, yo kondané-l, yo touyé-l. Ki moun k-ap rakonté ras li ? paské yo ouété-l sot sou tè vivan yo ; poutèt krim pèp mouin-an niouin té frapé-l. Y-ap ba-l méchan pou lantèman-l, ak rich pou lanmò-l, malgré li pa-t fè péché, pa-t gin manti nan bouch li.

Granmèt la té vlé krazé-l nan maladi. Si-l bay lavi-l pou péché-a, l-ap ouè yon désandans k-ap viv lontan, volonté Granmèt la ap dirijé nan min-l. Poutèt nanm li té soufri, l-ap ouè, l-ap konblé. Nan sians li, sèvitè-m nan ki kòrèk la ap rann anpil moun kòrèk, l-ap poté péché yo li minm minm.

Sé poua m-ap ba-l anpil moun pou pòsion pa-l, l-ap séparé byin anpil moun ki gin pouvoua, poutèt li té bay lavi-l nan lanmò, yo té konsidéré-l nan ran kriminèl, époutan li t-ap poté péché anpil moun yo, li t-ap priyé pou péchè yo.

Paròl Granmèt la.

5

Y-ap gadé sa-a yo té transpèsé-a.

Léktu liv profèt Zakari

12, 10-11 ; 13, 6-7

Min paròl Granmèt la : « M-ap vidé yon éspri gras ak priyé sou kay David la ak sou moun ki abité Jérusalèm yo : y-ap gadé-m, mouin minm yo té transpèsé-a, y-ap kriyé sou li ak yon rèl tankou pou yon sèl pitit gason, y-ap plinn sou li, tankou yo konn plinn pou lanmò premié pitit gason. Jou sa-a, rèl la ap gran nan Jérusalèm, tankou rèl Adadrémon nan plinn Mégido-a.

Y-ap di-l : “Sa blès sa yo yé nan mitan min-ou yo ?”

L-ap di : “Sa yo sé koté yo frapé-m nan kay sa yo ki rinmin-m nan”.

Lans, lévé kont pastè-m nan, ak kont bon zanmi-m nan, sé sa Granmèt Bondié lamé yo di : M-ap frapé pastè-a, épi bann mouton yo ap gayé, min m-ap viré min-m kot ti piti yo ».

Paròl Granmèt la.

LÉKTU NAN NOUVO TĚSTAMAN-AN POU TAN PASKAL LA

1

*Li minm yo té touyé antan yo té pandié-l sou boua-a,
Bondié résisité-l, sou touazièm jou-a.*

Léktu Travay Apot yo**10, 34-43**

Jou sa yo :

Antan Piè louvri bouch li, li di : « Amèn, mouin rékonèt Bondié pa gadé sou figi moun, min nan tout nasion, moun ki krinn li, ki fè sa-k kòrèk, sé li minm li résévoua. Bondié voyé paròl la bay pitit Israèl yo, li anonsé lapè pa lintèmédiè Jézu-Kri : sa-a sé Granmèt tout moun. Nou konnin, paròl ki rivé nan tout Judé-a, kòmansé dépi sot nan Galilé apré batèm nan, sa Jan té préché-a, Jézu moun Nazarèt la, kijan Bondié sakré-l ak Éspri Sin-an avèk puisans, li minm ki travèsé antan l-ap fè sa-k byin, l-ap géri tout moun djab la ap maltrétre yo, paské Bondié té avèk li.

Nou minm nou témouin tou sa-l té fè nan réjion Juif yo ak Jérusalèm ; li minm yo té touyé antan yo pandié-l sou boua-a. Bondié résisité-l touazièm jou-a ; li fè-l parèt, non pa dévan tout pèp la, min dévan témouin yo Bondié té chouazi davans yo : nou minm, ki té manjé, ki té bouè avèk li, apré-l té fi-n résisité sot nan pami mò yo.

Li pasé nou lòd pou nou préché pèp la, pou nou sèvi témouin Bondié mété-l kòm jij moun ki vivan yo ak moun ki mouri yo. Tout profèt yo sévi-l témouin tout moun ki kouè nan li ap résévoua padon péché yo o-non-li ».

Paròl Granmèt la.

2

Bondié réalizé promès la, antan-l fè Jézu résisité.

Léktu Travay Apot yo**13, 26-33**

Jou sa yo :

Lè Pòl rivé Antiòch Pisidi, li di nan sinagòg la : « Mésié frè-m yo, pitit ras Abraam, épi nou minm ki krinn Bondié, sé pou nou yo voyé paròl k-ap sové nou sa-a. Sa-a yo ki té abité Jérusalèm yo, ni chèf li yo antan yo pa rékonèt li, ni paròl profèt yo yo konn li chak saba-a, yo akonpli paròl sa yo antan yo jijé-l. San yo pa jouinn okinn koz lanmò nan

li, yo mandé Pilat pou yo touyé-l. Lè yo fi-n akonpli nèt tou sa-k té ékri sou li, yo désann li sot sou boua-a, yo déposé-l nan yon kavò.

Min Bondié résisité-l sot nan pami mò yo sou touazièm jou-a ; li parèt pandan anpil jou dévan sa yo ki té monté avèk li sot Galilé-a rivé Jérusalèm nan, yo minm ki sèvi-l témouin jous koulié-a dévan foul la.

Nou minm nou anonsé nou rérealizasyon promès la yo té fè bay papa nou yo ; Bondié akonpli-l pou pitit nou yo antan-l résisité Jézu, jan sa ékri nan psòm dézièm nan : “Ou sé Pitit mouin ; jodi-a mouin anfanté-ou” ».

Paròl Granmèt la.

3

*Prémié pitit nan pami mò yo, ak chèf roua yo ki sou tè-a,
li minm ki rinmin nou, ki lavé nou sot nan péché nou yo nan san-l.*

Léktu liv Apokalips apot sin Jan

1, 5-8

Gras pou nou ak lapè sot nan Jézu-Kri, ki témouin fidèl la, prémié pitit nan pami mò yo, ak chèf roua yo ki sou tè-a, li minm ki rinmin nou, ki lavé nou sot nan péché nou yo nan san-l, ki fè nou vi-n tounin péyi-roua ak prèt pou Bondié Papa-l ; konpliman pou li ak otorité pou tout tan gin tan. Amèn.

Min l-ap vini avèk niaj yo, tout jé ap ouè-l, minm sa-k té transpèsé-l yo ; tout ras sou tè-a ap plinn sou li. Oui. Amèn.

Mouin sé alfa-a avèk oméga-a, kòmansman-an ak finisman-an, sé sa Granmèt la di, li minm ki la, ki té la, k-ap vini, li minm ki gin tout pouvoua-a.

Paròl Granmèt la.

4

Ou délivré nou pou Bondié nan san-ou.

Léktu liv Apokalips apot sin Jan

5, 6-12

Mouin minm, Jan, mouin ouè, épi nan mitan tro-n nan ak kat vivan yo ak nan mitan ansyin yo, min yon Mouton té kanpé tankou si yo té touyé-l, li té gin sèt kòn ak sèt jé, sé sèt éspri Bondié yo, yo voyé sou tout tè-a. Li rivé, li pran liv la nan min douat sa-a ki té chita sou tro-n nan. Kon-l

louvre liv la, kat vivan yo ak vinnkat ansyin yo tonbé dévan Mouton-an, yo chak té gin gita ak véso an lò ki plin losion, sé priyè sin yo.

Yo t-ap chanté yon kantik nouvo, yo t-ap di : « Ou mérité sa vré, Granmèt, pou-ou résévoua liv la, pou-ou ouété sélé-l yo, paské yo té touyé-ou, épi ou rachté nou pou Bondié nan san-ou sot nan tout ras, lang, pèp ak nasion, épi ou fè nou vi-n tounin péyi roua ak prèt pou Bondié nou, n-ap kòmandé kòm roua sou tè-a ».

Mouin ouè, mouin tandé voua anpil anj alantou tro-n nan ak vivan yo ak ansyin yo, kantité yo sé té mil milié k-ap di ak gran voua : « Li mérité sa, Mouton-an yo té touyé-a, pou-l résévoua puisans, divinité, sajès, fòs, onè, gloua ak bénédiksion ».

Paròl Granmèt la.

PSÒM RÉPONS YO

1

PSÒM RÉPONS Ps 21, 8-9. 17-18 a. 19-20. 23-24 (R : 2 a oubyin Mt 26, 42)

R Bondié mouin, Bondié mouin, pou ki sa ou lagé-m ?

oubyin :

R Papa-m, sé pou volonté-ou fèt.

8 Tout moun ki ouè-m yo pasé-m nan jouèt ;
yo tiré lang, yo souké tèt :

9 « Li té éspéré nan Granmèt la, sé pou-l délivré-l ;
sé pou-l sové-l, paské li rinmin-l ». R

17 Sèké anpil chyin sènin-m,
yon bann moun méchan fè lavironn mouin.

Yo pèsé min-m ak pié-m,
18 yo konté tout zo mouin yo. R

19 Yo séparé rad mouin yo antré yo,
yo tiré manto-m nan osò.

20 Ou minm, Granmèt, pa rét louin,
fòs mouin, fè vit vi-n édé mouin. R

- 23 M-ap rakonté non-ou bay frè mouin yo,
nan mitan asanblé-a m-ap fè louanj ou.
- 24 Nou minm ki krinn Granmèt la, sé pou nou fè louanj li,
tout ras Jakòb, déklaré gloua li,
sé pou tout ras Israèl krinn li. **R**

2

PSÒM RÉPONS Ps 30, 2 é 6. 12-13. 15-16. 17 é 25 (**R** : Lk 23, 46)

- R** Papa, nan min-ou mouin rinmèt éspri mouin.
- 2 Nan ou, Granmèt, mouin éspéré, pa kitè-m ront pou tout tan ;
nan jistis ou délivré-m.
- 6 Nan min-ou mouin rinmèt éspri mouin ;
ou rachté-m, Granmèt, Bondié vérité-a. **R**
- 12 Dévan tout ènmi-m yo mouin vi-n tounin dézonè,
ni pou vouazin-m yo minm, sézisman pou zanmi-m yo :
sa-k té konn ouè-m déyò, yo sovè pou mouin.
- 13 Yo bliyé-m nan kè, tankou yon moun mouri ;
mouin tankou yon véso ki pèdi. **R**
- 15 Min mouin minm sé nan ou mouin éspéré, Granmèt ;
mouin di : « Sé Bondié-m ou yé,
- 16 nan min-ou déstiné-m yé ».
Délivré-m sot nan min ènmi-m yo ak sa k-ap pèsékité-m yo. **R**
- 17 Kléré fas ou sou sèvitè-ou,
sovè-m nan mizèrikòd ou.
- 25 Aji avèk kouraj, rafèmi kè nou,
nou tout ki éspéré nan Granmèt la. **R**

3

PSÒM RÉPONS Ps 54, 5-6. 13. 14-15. 17-18. 23 (**R** : 23 a)

- R** Lagé tèt chajé-ou sou Granmèt la, sé li minm k-ap nourri ou.
oubyin : Alélouya.
- 5 Kè-m ap tòdé anndan-m
krint laront tonbé sou mouin.
- 6 Krint ak tranbléman rivé sou mouin, sézisman vlopé-m. **R**

- 13 Sèké si ènmi-m nan té madichonnin-m,
mouin t-ap sipòté-l ;
épi si sa ki rayi-m nan té fè grandizè anlè mouin,
mouin t-a kaché kò-m pétèt sot bò koté-l. **R:**
- 14 Min sé ou minm, moun ki égal mouin-an,
ki abitué avèk mouin, ki zanmi mouin,
15 ki konn gin bon jan rélasyon ansanm antré nou,
nan kay Bondié-a nou konn ap alé nan asanblé-a. **R:**
- 17 Mouin minm minm m-ap rélé kot Bondié,
Granmèt la sovè-m.
- 18 Asouè, granmatin, a midi, m-ap médité épi m-ap plinn,
l-ap kouté voua-m. **R:**
- 23 Jété tèt chajé-ou sou Granmèt la,
sé li minm k-ap okipé-ou ;
li pap kitè moun kòrèk la nan boulvès tout tan. **R:**

4

PSÒM RÉPONS

Ps 68, 8-10. 15-16. 17-19. 20-21. 22 é 27. 31 é 33-34 (**R:** 14 c oubyin cf. 21 cd)

R: Nan pakèt mizèrikòd ou-a,
réponn mouin, Granmèt.

oubyin :

R: Mouin t-ap tann moun ki pran pitié, min pa-t ginyin,
ak moun k-ap konsolé, mi mouin pa-t jouinn.

- 8 Sèké sé poutèt ou mouin sipòté afron,
laront kouvri fas mouin.
- 9 mouin vi-n tounin étranjé pou frè-m yo,
ak moun déyò pou pitit manman-m yo.
- 10 Sèké jalouzi kay ou-a dévoré-m,
afron moun k-ap manké-ou déga yo, yo tonbé sou mouin. **R:**
- 15 Délivré-m sot nan labou-a, pou-m pa fonsé,
délivré-m anba min sa yo ki rayi-m yo,
sot nan fon dlo yo.
- 16 Pa kitè lanm dlo yo nouayé-m,

- pa kité bafon-an valé-m ;
 pa kité fos la séré bouch li sou mouin. **R**
- 17 Réponn mouin, Granmèt, paské mizérikòd ou-a ap chèché fè byin ;
 dapré kantité pitié-ou yo voyé jé sou mouin.
- 18 Pa viré fas ou louin sèvitè-ou la,
 paské m-ap sibi tribilasyon fè vit réponn mouin.
- 19 Proché kot nanm mouin, vanjé-l,
 akòz ènmi-m yo rachté mouin. **R**
- 20 Ou donnin afron mouin-an
 laront mouin-an ak krint mouin-an.
- 21 Afron-an krazé kè-m, mouin fébli.
 Mouin t-ap tann moun ki pou pran lapinn avèk mouin, pa ginyin,
 moun ki pou konsolé-m, mouin pa jouinn. **R**
- 22 Yo mété fièl nan manjé-m,
 nan souaf mouin yo ban-m bouè vinèg.
- 27 Paské sa-a ou fi-n frapé-a, y-ap pèsékité-l,
 sou doulè-l la, li minm ou fi-n blésé-a, y-ap ajouté. **R**
- 31 M-ap fè louanj non Bondié-a avèk kantik,
 m-ap fè konpliman pou li nan louanj.
- 33 Sé pou pòv yo ouè, pou yo kontan ;
 chèché Bondié, sé pou kè nou viv.
- 34 Paské Granmèt la kouté pòv yo,
 li pa méprizé prizonié-l yo. **R**

5

PSÒM RÉPONS Ps 117, [5-7. 10-12. 13-15.] 16 ab-18. 19-21. 22-24 (R : 1)

- R** Fè louanj Granmèt la,
 paské pou tout tan mizérikòd li-a.
- oubyin** : Alélouya.
- 5 Nan tribilasyon-an mouin rélé Granmèt la,
 Granmèt la kouté-m antan li fè-m soti nan koté ki laj.
- 6 Granmèt la avèk mouin,
 mouin pa pè sa yon moun kapab fè-m.
- 7 Granmèt la avèk mouin kòm sékou mouin,
 mouin minm minm m-ap méprizé ènmi-m yo. **R**

- 10 Tout nasion yo antouré-m,
o non Granmèt la mouin chasé yo.
- 11 Yo ansèklé-m byin ansèklé,
o non Granmèt la mouin chasé yo.
- 12 Yo ansèklé-m tankou mièl,
yo flanbé tankou difé nan pikan,
o non Granmèt la mouin chasé yo. **R:**
- 13 Yo pousé-m byin pousé pou-m tonbé,
Granmèt la poté-m sékou.
- 14 Fòs mouin ak louanj mouin sé Granmèt la,
li vi-n tounin sékou-m.
- 15 Voua fèt ak sové nou sové-a
nan tant moun ki kòrèk yo. **R:**
- 16 Min douat Granmèt la fè mèvèy,
min douat Granmèt la lévé byin ro ;
- 18 Granmèt la korijé-m byin korijé,
min li pa lagé-m nan lanmò. **R:**
- 19 Louvri pòt jistis yo pou mouin,
m-ap antré nan yo pou-m fè louanj Granmèt la.
- 20 Sa-a sé pòt Granmèt la, moun ki kòrèk yo ap antré ladan-l.
- 21 M-ap fè louanj ou, paské ou kouté-m,
ou vi-n tounin pou mouin sa-a ki sové-m nan. **R:**
- 22 Ròch la bòs mason yo té réjité-a,
sé li minm ki vi-n tounin tèt kouin-an,
- 23 sé nan Granmèt la sa soti pou-l fèt,
sé yon bagay éstraòdinè nan jé nou. **R:**

DÉZIÈM LÉKTU NAN NOUVO TÉSTAMAN-AN

1

Nou minm minm n-ap préché Kris la yo klouré sou koua-a.

Léktu premié lèt apot sin Pòl pou Korintyin yo

1, 18-25

Frè-m yo :

Paròl koua-a sé yon foli pou moun k-ap péri yo ; min pou sa yo k-ap sovè yo, sa vlé di nou minm, sé puisans Bondié. Min sa-k ékri-a di : « M-ap pèdi sajès saj yo, m-ap réjé intélijans intélijan yo ». Koté saj la ? koté skrib la ? koté moun k-ap ranpòté viktoua sou tè sa-a ? Èské Bondié pa fè sajès tè sa-a vi-n tounin foli ?

Réyèlman, paské nan sajès Bondié-a, tè-a pa-t konprann Bondié, Bondié désidé sovè moun ki kouè yo gras a foli prèch la.

Sèké Juif yo ap mandé sign, Grèk yo ap chèché sajès ; nou minm minm n-ap préché Kris la yo klouré sou koua-a, pou Juif yo sé yon skandal, pou nasion yo sé yon foli, min pou sa yo yo rélé yo, Juif ak Grèk, sé Kris la, puisans Bondié ak sajès Bondié ; paské sa-k fou pou Bondié ; li pi saj pasé moun yo ; sa-k fèb la pou Bondié, li pi fò pasé moun yo.

Paròl Granmèt la.

2

Sé li minm ki lapè nou, li krazé rayisans la, nan chè li

Léktu lèt apot sin Pòl pou Éfézyin yo

2, 13-18

Frè-m yo :

Koulié-a minm, nan Kris Jézu, nou minm ki té louin lontan-an, nou vi-n tou pré nan san Kris la. Sé li minm ki lapè nou, li minm ki fè toulédé vi-n tounin yon sèl la, li krazé miray lantouraj la ki té séparé nou-an, rayisans la, nan chè li, li siprimé obligasion laloua kòmandman yo, pou-l té kapab rasanblé toulédé nan li minm nan yon moun nouvo, antan-l fè lapè, li té vlé rékonsilié tou lé dé nan yon sèl kò avèk Bondié pa lintèmédiè koua-a, antan-l touyé rayisans la nan li minm.

Li vini, li anonsé Bon Nouvèl lapè-a ba nou, nou minm ki té louin yo, épi lapè tou pou sa yo ki té tou pré yo ; paské pa lintèmédiè li minm, nou kapab proché nou tou lé dé nan yon sèl éspri-a kot Papa-a.

Paròl Granmèt la.

3

*Li imilié tèt li :
sé poussa Bondié lève-l anlè.*

Léktu lèt apot sin Pòl pou Filipyin yo

2, 6-11

Kris Jézu, malgré sé sa Bondié yé-a li yé, li pa konsidéré rét égal ak Bondié-a tankou yon bagay pou-l kinbé pou li sèl, min li fè pròp tèt li vi-n pa anyin, antan li pran natu ésklav, li vi-n sanblé ak lézòm, yo rékonèt li tankou moun.

Li imilié tèt li, antan li obéyi jous nan lanmò, épi lanmò koua-a.

Sé pousa Bondié lévé-l anlè, li ba-l non ki anlè tout non, pou o non Jézu sa-a, tout jénou bésé nan sièl, sou tè, ak anba tè, épi tout lang déklaré sé Granmèt Jézu-Kri yé, nan gloua Bondié Papa-a.

Paròl Granmèt la.

4

*Pou-m konnin Kris la ni fòs réziréksion-l nan,
pou-m asosié avèk soufrans li.*

Léktu lèt apot sin Pòl pou Filipyin yo**3, 8-14**

Frè-m yo :

Mouin konsidéré tout bagay kòm dézavantaj poutèt sians Jézu-Kri Granmèt mouin-an ki dépasé tout bagay la : poutèt li mouin konsidéré tout bagay tankou dézavantaj, mouin konsidéré yo tankou fatra, pou-m kapab gingnin Kris la, pou yo jouinn mouin nan li san-m pa gin jistis pa-m ki sot nan laloua-a, min jistis sa-a ki sot nan lafoua Kris Jézu-a, jistis sa-a ki sot nan Bondié-a, jistis nan lafoua-a ; pou-m konnin li minm avèk fòs réziréksion-l nan, pou-m asosié avèk soufrans li, pou-m sanblé ak lanmò-l, pou-m kapab rivé résisité sot nan pami mò yo.

Sa pa vlé di mouin déjà rivé, mouin déjà fi-n bon nèt ; min m-ap kontinié pou-m éséyé pran bagay sa yo, minm jan Kris la fi-n pran-m nan.

Frè-m yo, mouin pa konsidéré mouin déjà pran. Sé yon sèl bagay : mouin bliyé sa-k dèyè, sé sa-k dévan m-ap rapousuiv, pou-m rivé nan dènié pouin-an, pou-m jouinn rékonpans la koté Bondié rélé-m anlè-a nan Kris Jézu-a.

Paròl Granmèt la.

5

*Li aprann obéyisans,
li vi-n tounin koz sovè nou sovè-a ki pap janm fini-an.*

Léktu lèt pou Ébré yo

5, 7-9

Frè-m yo :

Kris la, nan jou li té pasé nan chè-a, li té ofri priyè ak plint avèk gran rèl ak dlo nan jé kot sa-a ki té kapab sovè-l sot nan lanmò-a, priyè-l la jouinn rézilta poutèt li rabèsè tèt li.

Malgré sé Pitit Bondié li té yé-a, li té aprann obéyisans nan sa-l soufri yo, lè-l rivé nan bout chémin pou-l té rivé-a, li vi-n tounin koz sovè nou sovè tout tan pou tout moun k-ap obéyi-l.

Paròl Granmèt la.

ALÉLOUYA AK VÈSÈ ANVAN ÉVANJIL LA

1

Fil 2, 8-9

(R: Alélouya). Kris la obéyi pou nou
jous nan lanmò, épi lanmò koua-a.
Sé pousa Bondié lévè-l anlè,
li ba-l non, ki anlè tout non-an. (R: Alélouya).

2

(R: Alélouya). Nou adoré-ou, Kris, épi nou fè konpliman pou ou,
paské ou té rachté tè-a pa lintèmediè koua-ou la. (R: Alélouya).

3

(R: Alélouya). Pa lintèmediè boua-a nou té vi-n tounin ésklav
épi pa lintèmediè sint koua-a nou libéré ;
frui pié boua-a té pran nou nan pièj, Pitit Bondié-a rachté nou. (R:
Alélouya).

ÉVANJIL YO

1

Pitit moun nan gin pou-l souffri anpil.✠ **Léktu sint Évanjil la dapré Mark****8, 31-34**

Lè sa-a :

Jézu kòmansé aprann disip li yo, Pitit moun nan gin pou-l souffri anpil, pou ansyin yo ak chèf prèt yo ak skrib yo réjité-l, pou yo touyé-l, épi aprè toua jou pou-l résisité. Sé aklè li t-ap déklaré paròl la.

Piè minm pran-l, li kòmansé fè-l répròch.

Li minm li viré épi li ouè disip li yo, li ménasé Piè, li di : « Pasé dèyèm, Satan ; paské ou pa gouté bagay ki sot nan Bondié, sé bagay lézòm ou gouté ».

Li rélé foul la ansanm ak disip li yo, li di yo : « Si yon moun vlé suiv mouin, sé pou-l rénonse pròp tèt li, pou-l pran koua-l, épi pou-l suiv mouin ».

Paròl Granmèt la.

2

Yo sézi pitit li rinmin anpil la, yo touyé-l, yo jété-l déyò jadin rézin-an.✠ **Léktu sint Évanjil la dapré Mark****12, 1-12**

Lè sa-a :

Jézu kòmansé palé an parabòl avèk chèf prèt yo, ak skrib yo, ak ansyin yo : « Yon moun té planté yon jadin rézin, li antouré-l ak miray, li fouyé yon koté, li bati yon kay ro ; li loué jadin rézin-an bay kiltivatè, épi li pati byin louin.

Lè sèzon-an rivé, li voyé sèvitè-l kot kiltivatè yo, pou yo ba-l nan foui jadin rézin-an. Yo minm minm yo sézi-l, yo bat li, yo voyé-l tounin min vid. Apré sa, li voyé yon lòt sèvitè koté yo, li minm minm yo blésé-l nan tèt, you jouté-l byin jouté. Li voyé yon lòt ankò ; sa-a minm yo touyé-l ; li voyé anpil lòt ankò, ginyin yo bat, gin dòt, yo touyé yo.

Li té gin yon pitit li té rinmin anpil, yon sèl la, alafin li voyé-l koté yo, li di : “Y-a réspékté pitit mouin-an”.

Min kiltivatè yo minm youn di lòt : “Min éritié-a : vini, an nou touyé-l, éritaj la ap pou nou”. Yo sézi-l, yo touyé-l, yo jété-l déyò jadin rézin-an.

Konsa ki sa mèt jadin-an ap fè ? L-ap vini, l-ap touyé kiltivatè sa yo, l-ap bay dèt moun jadin rézin-an. Èské nou pa-t li nan sa-k ékri-a : “Ròch la moun ki t-ap bati yo jété yon koté-a, sé li minm ki vi-n tounin tèt kouin-an ; sé nan Granmèt la sa soti, sé bagay ki bèl anpil nan jé nou” ? »

Yo t-ap chèché sézi-l, min yo té pè foul la. Sèké yo té rékonèt sé pou yo li t-ap di parabol sa-a. Yo kité-l, yo pati.

Paròl Granmèt la.

3

Gadé min-m yo ak pié-m yo.

✚ Léktu sint Évanjil la dapré Luk

24, 35-48

Lè sa-a :

Disip yo t-ap rakonté bagay ki té pasé sou chémin-an, kijan yo té rékonèt Jézu nan kasé pin-an.

Pandan y-ap palé bagay sa yo, Jézu kanpé nan mitan yo, li di yo : « Lapè pou nou : sé mouin minm, pa pè ». Yo troublé, yo sézi, yo té konprann sé yon éspri yo té ouè-a.

Li di yo : « Pouki sa nou troublé-a, ak pansé sa yo k-ap monté nan kè nou-an ? Gadé min-m yo ak pié-m yo, sé mouin minm minm ; touché pou nou ouè ; yon éspri pa gin chè ak zo, jan nou ouè mouin ginyin-an ».

Pandan l-ap di sa, li montré yo min yo ak pié yo.

Yo pa-t ko kouè, yo té sézi ak kontantman, li di : « Èské nou gin kichòy pou manjé isit la ? » Yo ofri-l yon moso pouason griyé ak yon gato mièl. Li manjé dévan yo, li pran rès yo, li ba yo.

Li di yo : « Sé paròl sa yo mouin té palé nou-an, lè-m té avèk nou toujou-a, li té nésèsè pou tou sa-k ékri sou mouin nan laloua Moyiz la ni profèt yo ni psòm yo, pou yo té akonpli ». Lè sa-a li louvri intélizans yo, pou yo konprann sa-k ékri yo.

Li di yo : « Sé konsa sa té ékri, sé konsa Kris la té gin pou-l souffri, pou-l résisité sot nan pami mò yo sou touazièm jou-a, pou yo préché pénitans nan non-l ak padon péché yo nan tout nasion, kòmansé sou Jérusalèm. Nou minm nou témouin bagay sa yo ».

Paròl Granmèt la.

4

*Lè y-a lèvé-m anlè sot sou tè-a,
m-ap atiré tout bagay vi-n jouinn mouin.*

✚ **Léktu sint Évanjil la dapré Jan**

12, 31-36 a

Lè sa-a :

Jézu té di foul la : « Koulié-a sé jijman tè-a, koulié-a chèf tè sa-a, yo jété-l déyò.

Mouin minm minm, lè y-ap lèvé-m anlè sot sou tè-a, m-ap atiré tout bagay vi-n jouinn mouin ». Li t-ap di sa minm antan l-ap montré ki kalité lanmò li té gin pou-l mouri.

Foul la réponn li : « Nou té tandé nan laloua-a Kris la gin pou-l rété tout tan, kòman fè ou minm ou di : “Yo gin pou lèvé Pitit moun nan anlè” ? Kilès sa-a Pitit moun-nan ? »

Jézu di yo donk : « Pou yon ti moman ankò limiè-a nan mitan nou. Maché pandan nou gin limiè-a, pou ténèb yo pa vlopé nou ; moun k-ap maché nan ténèb yo li pa konnin koté l-apralé. Pandan nou gin limiè-a, kouè nan limiè-a, pou nou vi-n tounin pitit limiè ».

Paròl Granmèt la.

LÉKTU OSIJÈ SOUFRANS GRANMÈT LA

1

Tankou pou yon vòlè nou sòti avèk épé épi baton pou nou sézi-m.

✠ **Léktu sint Évanjil la dapré Matié** 26, 47-56

Pandan Jézu ap palé ak disip yo, min Juda, youn nan douz yo, ki rivé, avèk li té gin yon pakèt foul avèk épé avèk baton, sé chèf prèt yo ak ansyin pèp yo ki té voyé yo.

Sa-a minm ki té rinmèt li-a té ba yo yon sign antan-l té di : « Sa-a m-ap bo-a, sé li minm, kinbé-l ». Minm lè-a, li proché kot Jézu, li di : « Salu, Rabi ». Li bo-l.

Jézu di-l : « Zanmi, sa-ou vi-n fè ? » Lè sa-a yo proché, yo mét min sou Jézu, yo sézi-l. Youn nan sa-k té avèk Jézu yo, antan-l lonjé min-l, li ralé épé-l, li frapé sèvitè chèf prèt yo, li koupé ti bout zòrèy li.

Lè sa-a Jézu di-l : « Rinmèt épé-ou nan plas li ; tout moun ki pran épé réyèlman, y-ap péri ak épé. Oubyin èské-ou kouè, mouin pa kapab priyé Papa-m, épi li t-ap voyé plis pasé douz léjion anj ban mouin ? Kijan donk pou sa-k ékri yo akonpli, paské sé konsa pou sa fèt ? »

Lè sa-a Jézu di foul yo : « Tankou pou yon vòlè, nou soti avèk épé ak baton, pou nou sézi-m : chak jou lakay nou mouin té chita antan m-ap anségné nan tanp la, épi nou pa-t kinbé-m ». Tout bagay sa yo minm rivé pou sa profèt yo ékri yo akonpli.

Lè sa-a tout disip li yo kité-l, yo sové kò yo.

Paròl Granmèt la.

2

Jézu rékòmansé rélé ak yon gran voua, li rinmèt éspri-a.

✠ **Léktu sint Évanjil la dapré Matié** 27, 33-50

Lè sa-a :

Sòlda yo rivé nan yon koté yo rélé Gòlgota-a, sé plas Kalvè-a.

Yo bay Jézu vinèg pou-l bouè ki mélé avèk fièl, li minm kon-l gouté-l, li pa vlé bouè.

Apré yo fi-n klouré-l sou koua-a, yo séparé rad li yo, antan yo voyé zo, pou sa yo Profèt la té di-a té akonpli : « Yo séparé rad mouin yo, épi sou rad mouin yo yo voyé zo ». Antan yo chita, yo t-ap veyé-l.

Yo mété kòz li-a anlè tèt li, li ékri : « Sa-a sé Jézu roua Juif yo ». Lè sa-a yo té klouré dé asasin avèk li sou koua, youn adouat épi youn agoch.

Moun ki t-ap pasé yo minm, yo t-ap blasfémé-l, antan y-ap souké tèt yo, épi y-ap di : « Alé, ou minm k-ap krazé tanp Bondié-a épi nan toua jou ou-ap rébati-l ! sovè pròp tèt ou ; si sé Pitit Bondié ou yé, désann sot sou koua-a ». Konsa tou chèf prèt yo antan y-ap pasé-l nan jouèt avèk skrib yo épi ansyin yo, yo t-ap di : « Li té sovè lòt moun, li minm minm li pa kapab sovè pròp tèt pa-l : si sé roua Israèl li yé, sé pou-l désann koulié-a sot sou koua-a, épi n-a kouè nan li. Li té mét konfians nan Bondié : sé pou-l libéré-l koulié-a, si-l rinmin-l ; li té di réyèlman : “Sé Pitit Bondié mouin yé” ». Konsa tou asasin yo, ki té klouré sou koua ansanm avèk li yo, yo t-ap jouré-l.

Nan sizièm è-a minm, ténèb rivé sou tout fas tè-a jous nan névièm è-a.

Nan névièm è-a, Jézu rélé byin fò avèk yon gran voua antan-l di : « Éli, Éli lama sabaktani ? » sa vlé di : « Bondié mouin, Bondié mouin, pouki sa ou lagé-m nan ? »

Kèk moun ki té kanpé la épi ki t-ap tandé, yo t-ap di : « Sé Éli li minm l-ap rélé ».

Minm lè-a, youn nan yo ki kouri, ki pran yon éponj, li plin-l ak vinèg, li fiksé-l nan yon rozo, li t-ap ba-l bouè.

Lòt yo minm t-ap di : « Kité, an nou ouè si Éli ap vi-n lbéré-l ».

Jézu minm antan-l rélé byin fò ankò ak yon gran voua, rinmèt éspri-a.

Paròl Granmèt la.

3

Nanm mouin tris jous lanmò.

✠ Léktu sint Évanjil la dapré Mark

14, 32-41

Lè sa-a :

Jézu rivé nan yon propriété yo rélé Jétsémani, li di disip li yo : « Rété isit la pandan m-ap priyé ». Li pran Piè, Jak avèk Jan ansanm avèk li, li kòmansé tranblé épi gin dégoutans.

Li di yo . « Nanm mouin tris jous lanmò ; rété isit la épi véyé ».

Li avansé pi louin, li tonbé sou tè-a ; li t-ap priyé pou, si sa té kapab fèt, lè-a pasé louin-l, li di : « Abba, Papa, tout bagay posib pou ou ; fè kalis sa-a pasé louin-m ; min sé sa mouin vlé, min sa ou minm ou vlé ». Li rivé, li jouinn yo ap dòmi.

Li di Piè : « Simon, ou-ap dòmi ? ou pa-t kapab véyé un-èd-tan ? Véyé épi priyé, pou nou pa antré nan tantasion. Éspri-a vif, sé vré, chè-a minm fèb ».

Antan li alé ankò, li priyé antan-l di minm paròl la. Antan-l tounin ankò, li jouinn yo ap dòmi ; jé yo té lou réyèlman, yo pa-t konn ki sa pou yo té réponn li.

Li vini yon touazièm foua, li di yo : « Nou mèt dòmi atò épi répozé. Sa kont : lè-a rivé : min yo rinmèt Pitit moun nan nan min péchè yo ».

Paròl Granmèt la.

4

Yo tout kondané-l kòm koupab lanmò.

✚ Léktu sint Évanjil la dapré Mark

14, 55-65

Lè sa-a :

Chèf prèt yo ak tout konsèy la t-ap chèché témouin kont Jézu, pou yo té rinmèt li nan lanmò, min yo pa-t jouinn. Anpil t-ap di fo-témouagnaj kont li, min témouagnaj yo pa-t konkòdé.

Kèk moun antan yo lévé, yo poté témouagnaj kont li antan yo di : « Nou té tandé li di : “Mouin minm m-ap krazé Tanp sa-a ki fèt ak min moun nan, épi nan toua jou m-ap drésé yon lòt ki pa fèt ak min moun” ». Témouagnaj yo-a pa-t konkòdé.

Antan chèf prèt la kanpé nan mitan, li pozé Jézu késion antan-l di : « Ou pa réponn anyin nan sa moun sa yo akizé kont ou-a ? »

Li minm li té pé bouch li, li pa-t réponn anyin.

Prèt an chèf la t-ap pozé-l késion ankò, li di-l : « Ou sé Kris la, Pitit Bondié ki béni-an ? »

Jézu minm di li : « Sé sa mouin yé ; n-ap ouè Pitit moun nan ki chita adouat puisans Bondié-a k-ap vini avèk nuaj sièl yo ».

Chèf prèt la minm antan-l chiré rad li, li di : « Sa nou bézouin témouin ankò ? Nou tandé blasfèm nan ; sa nou di nan sa ? »

Yo tout kondané-l li mérité lanmò.

Kèk moun kòmansé kraché sou li, voualé fas li, frapé-l ak kout-pouin, épi di-l : « Profétizé ». Sèvitè yo minm t-ap frapé-l ak souflèt.

Paròl Granmèt la.

5

*Kisa nou vlé pou-m fè roua Juif yo ?
Klouré-l sou koua-a.*

✠ Léktu sint Évanjil la dapré Mark

15, 1-15

Lè sa-a :

Minm lè-a, granmatin, chèf prèt yo fè konsèy avèk anyin yo épi skrib yo épi tout asanblé-a antan yo maré Jézu, yo kondui-l épi yo rinmèt li bay Pilat. Pilat pozé-l késion : « Èské-ou sé roua Juif yo ? »

Min li minm antan-l réponn, li di : « Ou minm minm ou di-l ». Chèf prèt yo t-ap akizé-l sou anpil pouin.

Pilat minm pozé-l késion ankò, li di-l : « Ou pa réponn anyin ? Gadé sou kantité pouin y-ap akizé-ou ».

Jézu minm pa réponn anyin pi plis, atèl pouin Pilat té sézi.

Pou fèt la minm, li té konn abitué lagé youn nan prizonié yo ba yo, ninpòt kilès yo mandé. Té gin youn yo té rélé Barabas, ki té prizonié poutèt soulèvman, ki té touyé moun nan soulèvman-an. Lè foul la monté, li kòmansé mandé, jan-l té konn abitué fè-a. Pilat minm réponn yo li di : « Èské nou vlé mouin lagé roua Juif la ba nou ? » Li té byin konnin sé poutèt anvi chèf prèt yo té rinmèt li.

Granprèt yo minm t-ap éksité foul la, pou-l lagé Barabas pito ba yo.

Pilat minm antan-l réponn ankò li di yo : « Ki sa nou vlé pou-m fè roua Juif yo ? »

Yo minm minm yo rékòmansé rélé byin fò : « Klouré-l sou koua-a ».

Pilat minm t-ap di yo : « Ki sa-l fè donk ki mal ? »

Yo minm minm yo t-ap rélé pi plis : « Klouré-l sou koua ».

Pilat minm antan-l vlé bay pèp la satisfaksion, li lagé Barabas ba yo, épi li rinmèt Jézu pou apré yo fi-n ba-l kout fouèt yo klouré-l sou koua-a.

Paròl Granmèt la.

6

Yo abiyé-l avèk rad vlou rouj épi yo pozé kouròn yo trésé ak pikan sou tèt li.

✠ **Léktu sint Évanjil la dapré Mark**

15, 16-20

Lè sa-a :

Sòlda yo kondui Jézu nan lakou palè-a, épi yo rasanblé tout foul la. Yo abiyé-l avèk rad vlou rouj épi yo mété kouròn yo trésé ak pikan sou tèt li. Yo kòmansé salué-l : « Salu, roua Juif yo ». Yo t-ap frapé tèt li avèk yon rozo, yo t-ap kraché sou li, yo t-ap pozé jénou atè épi yo t-ap adoré-l.

Lè yo fi-n pasé-l nan jouèt, yo rétiré rad vlou rouj la, yo abiyé-l ak rad li yo, épi yo kondui-l déyò pou yo klouré-l sou koua.

Paròl Granmèt la.

7

Jézu n-ap chèché-a, moun Nazarèt la yo klouré sou koua-a ; li résisité.

✠ **Léktu sint Évanjil la dapré Mark**

15, 33-39 ; 16, 1-6

Lè-l sizièm è-a, fènoua rivé sou tout tè-a jous névièm è-a.

A névièm è-a, Jézu pousé yon gran rèl, li di : « Éloyi, Éloyi, lama sabaktani ? » sa vlé di : « Bondié mouin, Bondié mouin, pouki sa ou lagé-m nan ? »

Kèk nan sa-k té kanpé la-a, yo tandé, yo di : « Gadé, l-ap rélé Éli ».

Youn nan yo kouri, li plin éponj ak vinèg, li mété-l nan pouint yon rozo, li t-ap ba-l bouè antan l-ap di : « Kité, n-ap ouè si Éli ap vi-n pou-l désann li ».

Jézu minm lagé yon gran rèl, li rann souf li.

Voual Tanp la chiré an dé, dépi anro jous anba.

Lè santurion-an ouè sa, li minm ki té kanpé an fas la, kijan-l rélé byin fò, épi li rann souf li-a, li di : « Réyèlman mésié sa-a sé Pitit Bondié li té yé ».

Lè saba-a fi-n pasé, Mari Madlèn ak Mari manman Jak ak Salomé yo achté pafin, yo vini pou yo anbomin Jézu. Granmatin premié jou sémèn nan, yo rivé nan kavo-a, solèy déjà kòmansé ap lévé.

Youn t-ap di lòt : « Kilès k-ap roulé ròch la pou nou, sot nan bouch kavo-a ? » Yo gadé, yo ouè ròch la té gin tan roulé ; li té gran anpil.

Antan yo antré nan kavo-a, yo ouè yon jénòm ki chita adouat, li abiyé ak rad blan, yo pè.

Li di yo : « Pa pè, Jézu n-ap chèché-a, moun Nazarèt la yo klouré sou koua-a ; li lévé vivan, li pa isit la. Min plas koté yo té dépozé-l la ».

Paròl Granmèt la.

8

Papa, nan min-ou mouin rinmèt éspri-m.

✠ Léktu sint Évanjil la dapré Luk

23, 33-34. 39-46

Lè sa-a :

Apré sòlda yo té rivé koté yo rélé Kalvè-a, yo klouré Jézu sou koua-a koté sa-a minm avèk asasin yo, youn adouat épi lòt la agòch.

Jézu minm t-ap di : « Papa, padonnin yo, yo pa konnin réyèlman sa y-ap fè ».

Antan yo séparé rad li yo, yo tiré osò.

Youn nan sa yo minm ki té pandié yo, nan asasin yo, li t-ap blasfémé-l antan l-ap di : « Si-ou sé Kris la, sové pròp tèt ou, ni nou minm tou ».

Lòt la minm antan-l pran laparòl, li fè-l répròch, antan-l di : « Ou minm tou, ou pa krinn Bondié, sé nan minm kondanasion-an ou yé ? Pou nou, sé jistis, paské nou résévoua sa nou mérité pou aksion nou yo ; sa-a minm, li pa-t fè anyin ki mal ».

Li tap di Jézu : « Granmèt, sonjé-m, lè ou-ap vini nan péyi roua-ou la ».

Jézu di-l : « Amèn, mouin di-ou, jodi-a minm ou-ap avèk mouin nan paradi-a ».

Li té prèské sizièm è-a, fènoua té rivé sou tout tè-a, jouska névièm è-a. Solèy la vi-n tou noua, voual tanp la chiré nan mitan.

Jézu rélé byin fò avèk yon gran voua, li di : « Papa, “nan min-ou mouin rinmèt éspri-m” ».

Pandan l-ap di sa, souf li pati.

Paròl Granmèt la.

Kòt li louvri, san ak dlo soti.

✠ **Léktu sint Évanjil la dapré Jan**

19, 28-37

Lè sa-a :

Jézu konnin tout bagay fi-n réalisé, pou sa-k ékri-a té kapab réalisé, li di : « Mouin souaf ».

Té gin yon véso plin vinèg ki té dépozé la ; yo minm yo pran yon éponj plin vinèg, yo mété nan pouint yon branch izòp, yo proche-l bò bouch li.

Lè Jézu pran vinèg la, li di : « Li fi-n réalisé ». Li bésé tèt li, li rinmèt éspri-a.

Kòm sé té préparasion Pak la, pou kò yo pa-t rété sou koua-a jou saba-a (sèké jou sa-a sé té gran jou saba-a), Juif yo mandé Pilat pou yo krazé janm yo, pou yo ouété yo.

Sòlda yo rivé, yo krazé janm premié-a ak lòt la ki té klouré sou koua-a avèk Jézu-a.

Min lè yo rivé sou Jézu, yo ouè li té déjà mouri, yo pa krazé janm li, min youn nan sòlda yo louvri bò kòt li avèk pik li, minm lè-a san ak dlo koulé.

Moun ki ouè-a, li sèvi témouin, témouagnaj li-a vré. Li minm li konnin li di vérité, pou nou minm tou nou kapab kouè.

Bagay sa yo fèt pou sa ki ékri-a té kapab akonpli : « Nou pap krazé zo nan li ». Épi tou yon lòt pasaj sa ki ékri-a di : « Y-ap gadé sa-a yo transpèsé-a ».

Paròl Granmèt la.

TRÈ SINT ÉKARISTI

PRÉMIÉ LÉKTU NAN ANSYIN TÉSTAMAN-AN

1

*Li ofri pin ak divin.***Léktu liv Jénèz la****14, 18-20**

Jou sa yo :

Mèlkisédek, roua Salèm, poté pin ak divin (li té prèt Bondié ki anro nèt la), li béni Abram, li di : « Konpliman pou Abram onon Bondié ki anro nèt la, li minm ki kréyé sièl la ak tè-a, konpliman pou Bondié ki anro nèt la, gras a protéksion-l, ènmi yo nan min-ou ». Abram ba li dizièm pòsion nan tout bagay.

Paròl Granmèt la.

2

*Lè Granmèt la ap ouè san-an,
l-ap pasé anlè papòt kay la.***Léktu liv Égzòd****12, 21-27**

Jou sa yo :

Moyiz télé tout ansyin pitit Israèl yo, li diyo : « Alé, antan nou pran yon bèt pou chak fanmiy nou yo, n-ap sakrifé Pak la. N-a tranpé yon paké izòp nan san-an ki nan basi-n nan épi avèk li n-ap rouzé anlè papòt la avèk chak pantu yo.

Pèsonn nan nou pa doué soti déyò papòt kay li-a jous nan matin, Granmèt la ap travèsé réyèlman antan l-ap frapé Éjipsyin yo.

Lè l-ap ouè san-an anlè papòt la épi nan chak pantu yo, l-ap pasé anlè pòt kay la, li pap kité sa-a k-ap frapé-a antré nan kay nou yo épi frapé.

N-a kinbé paròl sa-a tankou yon loua pou ou minm ak pitit ou yo, jous pou tout tan. Lè ou-a antré nan tè-a, sa Granmèt la t-ap ba nou-an, jan-l té promèt la, nou-a obsèvé sérèmoni sa yo.

Lè pitit nou yo ap di nou : “Ki rélijion sa-a ?”, n-a di yo : “Sé sakrifis pasaj Granmèt la li yé, lè-l té pasé anlè kay pitit Israèl yo nan Éjip la, antan l-ap frapé Éjipsyin yo, épi l-ap libéré kay nou yo” ».

Pèp la plouayé kò-l, li adoré.

Paròl Granmèt la.

3

M-ap fè lapli pin tonbé sot nan sièl la pou nou.

Léktu liv Égzòd

16, 2-4. 12-15

Jou sa yo :

Tout foul pitit Israèl yo pran plinyin kont Moyiz ak Aaron nan dézè-a ; pitit Israèl yo di yo : « Pito nou té mouri nan min Granmèt la nan tè Éjip la, lè nou té chita dévan mamit viann yo, lè nou t-ap manjé pin kont kò nou-an ! Pouki sa nou té fè nou soti pou nou minnin nou nan dézè sa-a, pou nou touyé tout foul la avèk grangou-a ? »

Granmèt la di Moyiz : « Min m-ap fè lapli pin tonbé pou nou sot nan sièl la : pèp la ap soti, l-ap ranmasé sa yo bézouin pou chak jou. Konsa m-a sondé-l, pou-m ouè si l-ap maché nan laloua-m nan ou non.

Mouin tandé pitit Israèl yo k-ap plinyin ; palé ak yo, di yo : “Asouè-a n-ap manjé viann, nan matin n-ap jouinn pin kont kò nou, n-ap konnin sé mouin minm Granmèt la Bondié nou-an” ».

Nan asouè vré, gin ti pintad ki volé, ki kouvri kan-an ; nan matin tou té gin yon kouch larouzé ki kouvri tout alantou kan yo. Lè-l évaporé sot sou fas tè-a gin yon ti po tou mins ki parèt, yon bagay ki tou fin tankou lanèj sou tè-a.

Lè pitit Israèl yo ouè sa, youn di lòt : « Ma-nou ? », sa vlé di : « Sa sa-a yé ? » Yo pa-t konnin sa-l té yé.

Moyiz di yo : « Sa-a sé pin, Granmèt la ba nou pou nou manjé ».

Paròl Granmèt la.

4

*Sa-a sé san aliens la,
sa Granmèt la pasé avèk nou-an.*

Léktu liv Égzòd

24, 3-8

Jou sa yo :

Moyiz rivé, li rakonté tout paròl Granmèt la ak jijman-l yo bay pèp la ; tout pèp la réponn avèk yon sèl voua : « Tout paròl Granmèt la di yo, n-ap fè yo ».

Moyiz ékri tout paròl Granmèt la ; granmatin li lévé, li bati yon lotèl nan pié mòn nan, ak douz tit pou douz fanmi Israèl yo. Li voyé jèn jan

nan pitit Israèl yo, yo ofri sakrifis antié ; yo sakrifié sakrifis lapè pou Granmèt la, sé té jèn ti toro.

Moyiz pran mouatié pòsion nan san-an, li mété nan basi-n ; pòsion ki rété-a, li vidé-l sou lotèl la.

Li pran roulo aliens la, li li-l, antan pèp la kouté, yo di : « Tout sa Granmèt la di, n-ap fè-l, n-ap obéyi-l ».

San-an li té pran-an, li vidé-l sou pèp la, li di : « Sa-a sé san aliens la, sa Granmèt la pasé avèk nou-an nan tout paròl sa yo ».

Paròl Granmèt la.

5

Li ba-ou manjé ou pa-t konnin, ni ou minm ni papa-ou yo.

Léktu liv Détéronòm

8, 2-3. 14 b-16 a

Jou sa yo :

Moyiz té palé ak pèp la, antan li di : « Ou-a sonjé tout chémin, koté Granmèt Bondié-ou la té kondui-ou pandan karant ané nan dézè-a, pou-l té krazé ògèy-ou, pou-l té sondé-ou, pou yo té kapab konnin ki sa-k t-ap brasé nan nanm ou : si-ou t-ap kinbé kòmandman-l yo oubyin si ou t-ap lagé yo.

Li té maltrété-ou ak grangou, li ba-ou lama-n kòm manjé, bagay ou pa-t konnin, ni papa-ou yo, pou-l té kapab montré-ou sé pa ak pin sèlman yon moun viv, min ak tout paròl ki soti nan bouch Bondié.

Ou-a sonjé Granmèt Bondié-ou la, li minm ki té fè-ou soti nan péyi Éjip la, sot nan kay ésklavaj la, li minm ki té kondui-ou nan dézè-a ki gran-an épi ki térrib la, koté ki té gin sèpan ki mòdé boulé kon difé-a, ak skòpion, koté ki sèk la, ki pa gin yon ti tak dlo-a ; li minm ki fè riviè soti nan ròch ki pi di-a, li minm ki ba-ou manjé lama-n nan dézè-a, bagay papa-ou yo pa-t konnin-an ».

Paròl Granmèt la.

6

*Li maché ak fòs manjé sa-a
jous nan mòn Bondié-a.*

Léktu prémié liv Roua yo

19, 4-8

Jou sa yo :

Éli maché nan dézè-a pandan yon jou.

Li rivé anba yon ti pié jénèv, li chita, li mandé lanmò, li di : « Sa kont mouin, Granmèt ! Ou mèt pran lavi-m ; sèké mouin pa pi bon pasé papa mouin yo ». Li lagé kò-l atè, li dòmi anba pié jénèv la.

Mìn yon Anj Granmèt la ki touché-l, li di-l : « Lévé, manjé ».

Li gadé, li ouè yon pin ki té kuit nan sann ki pozé bò tèt li ak yon véso dlo ; li manjé, li bouè, épi li dòmi ankò.

Anj Granmèt la rétownin koté-l yon dézièm foua, li touché-l, li di-l : « Lévé, manjé, gin yon gran rout ki rété-ou ankò ».

Li lévé, li manjé, li bouè, li maché ak fòs manjé sa-a pandan karant jou ak karant nuit, jous nan mòn Bondié-a, Orèb.

Paròl Granmèt la.

7

Manjé pin-m, bouè divin-an mouin mélanjé pou nou-an.

Léktu liv Provèb yo

9, 1-6

Sajès la bati kay li, li drésé sèt kolòn li yo, li touyé bèt li yo pou sakrifis la, li mélanjé divin-an, li drésé tab li-a.

Li voyé sèvant li yo pou yo rélé nan pòtay la ak sou rotè vil la : « Si yon moun tou piti, sé pou-l vi-n jouinn mouin ».

Pou moun ki pa gin sajès yo, li di : « Vini, manjé pin-m nan, bouè divin-m nan mouin mélanjé pou nou-an ; kité konduit ti moun nan, vi-n aprann lavi, maché nan chémin intélijans la ».

Paròl Granmèt la

PRÉMIÉ LÉKTU NAN NOUVO TÊSTAMAN-AN POU TAN PASKAL LA

1

Yo té pèsévéré nan kominion pin-an yo séparé-a.

Léktu Travay Apot yo

2, 42-47

Nan jou sa yo :

Frè yo té pèsévéré nan ansègnman Apot yo, ak kominion pin-an yo séparé-a, ak priyè yo.

Krint té rivé nan tout kè. Té gin anpil prodij ak sign ki t-ap fèt pa lintèmédiè Apot yo nan Jérusalèm, té gin gro krintif nan tout moun.

Tout moun ki té kouè yo té ansanm, yo té gin tout bagay an komin : yo té vann propriété yo ak byin yo, yo té séparé yo pou tout moun, dapré sa chak moun té bézouin.

Chak jou yo té pèsévéré ansanm nan tanp la, yo té séparé pin-an lakay yo, yo té konn pran manjé-a avèk kontantman ak yon kè sinp, antan y-ap fè louanj Bondié, yo té gin favè tout foul la. Chak jou Granmèt la té ajouté nan yo lòt moun, ki té sovè yo.

Paròl Granmèt la.

2

*Nou té manjé, nou té bouè avèk li,
aprè li té résisité sot nan pami mò yo.*

Léktu Travay Apot yo

10, 34 a. 37-43

Jou sa yo :

Antan Piè louvri bouch li, li di : « Nou konnin sa-k rivé nan tout Judé, kòmansé dépi Galilé aprè batèm nan Jan té préché-a : Jézu moun Nazarèt la, kijan Bondié té sakré-l ak Éspri Sin-an ak fòs : li minm ki travèsé antan l-ap fè byin, l-ap géri tout moun djab la t-ap maltrété, paské Bondié té avèk li.

Nou minm nou témouin tou sa-l té fè nan réjion Juif yo ak Jérusalèm ; li minm yo té touyé antan yo pandié-l sou boua-a. Bondié résisité-l touazièm jou-a ; li fè-l parèt, non pa dévan tout pèp la, min dévan témouin yo Bondié té chouazi davans yo : nou minm, ki té manjé, ki té bouè avèk li, aprè-l té fi-n résisité sot nan pami mò yo.

Li pasé nou lòd pou nou préché pèp la, pou nou sèvi témouin Bondié mété-l kòm jij moun ki vivan yo ak moun ki mouri yo.

Tout profèt yo sèvi-l témouin, tout moun ki kouè nan li ap résévoua padon péché yo o non-l ».

Paròl Granmèt la.

3

*Li rinmin nou,
li lavé nou sot nan péché nou yo nan san-l.*

Léktu liv Apokalips apot sin Jan

1, 5-8

Gras pou nou ak lapè sot nan Jézu Kri, ki témouin fidèl la, premié pitit nan pami mò yo, ak chèf roua yo ki sou tè-a, li minm ki rinmin nou, ki lavé nou sot nan péché nou yo nan san-l, ki fè nou vi-n tounin péyi-roua ak prèt pou Bondié Papa-l ; konpliman pou li ak otorité pou tout tan gin tan. Amèn.

Min l-ap vini avèk nuaj yo, tout jé ap ouè-l, minm sa-k té transpèsé-l yo ; tout ras sou tè-a ap plinn sou li. Oui. Amèn.

Sé mouin minm alfa-a ak oméga-a, kòmansman-an ak finisman-an, sé sa Granmèt la di, li minm ki la, ki té la, k-ap vini, li minm ki gin tout pouvoua-a.

Paròl Granmèt la.

4

Yo lavé ròb yo, yo blanchi yo nan san Mouton-an.

Léktu liv Apokalips apot sin Jan

7, 9-14

Mouin minm Jan, mouin ouè yon gran foul, pèsòn pa-t kapab konté-l, yo té soti nan tout kalité nasion, ras, pèp ak lang, yo té kanpé dévan tro-n la ak dévan fas Mouton-an, yo té abiyé ak rad blan, yo té gin branch nan min yo, yo t-ap rélé byin fò, yo t-ap di : « Sové nou sové-a sé gras a Bondié nou-an, li minm ki chita sou tro-n nan, épi gras a Mouton-an ».

Tout anj yo té kanpé toutotou tro-n nan ak ansyin yo ak kat vivan yo ; yo lagé kò yo sou fas yo dévan tro-n nan, yo adoré Bondié, yo di : « Amèn. Bénédikcion, gloua, sajès, rémèsiman. konsidérasion, pouvoua ak fòs pou Bondié nou-an pou tout tan k-ap gin tan. Amèn ».

Youn nan ansyin yo pran laparòl, li di-m : « Sa yo ki abiyé ak rad blan yo, kilès yo yé, épi koté yo soti ? »

Mouin di-l : « Granmèt mouin, ou konnin ».

Li di-m : « Sa yo sé sa-k vi-n soti nan gran tribilasyon-an, yo lavé ròb yo, yo blanchi yo nan san Mouton-an ».

Paròl Granmèt la.

PSÒM RÉPONS YO

1

PSÒM RÉPONS

Ps 22, 1-3. 4. 5. 6 (R : 1)

R Granmèt la ap souin-m, mouin pap manké anyin.

oubyin : Alélouya.

- 1 Granmèt la ap souin-m, anyin pap manké-m ;
- 2 Nan zèb vèt li instalé-m,
sou bò dlo trankil li minnin-m,
- 3 li réfè nanm mouin.
Li kondui-m nan santié jistis poutèt non-l. R
- 4 Sèké minm si m-ap maché nan bafon lonbraj lanmò,
mouin pap pè malè, paské ou avèk mouin.
Baton-ou ak bagèt ou
sé yo k-ap konsolé-m. R
- 5 Ou paré yon tab dévan fas mouin
kont sa yo k-ap fè-m sibi tribilasyon-an ;
ou souin tèt mouin ak losion,
kalis mouin ap débòdé. R
- 6 Réyèlman sé bon kè ak mizèrikòd k-ap rapousuiv mouin
tout tan lavi-m
m-ap abité nan kay Granmèt la
pou tout longè tan yo. R

2

PSÒM RÉPONS

Ps 33, 2-3. 4-5. 6-7. 8-9. 10-11 (R: : 9 a)

R: Gouté, n-a ouè kijan Granmèt la dou.

oubyin : Alélouya.

- 2 M-ap fè konpliman pou Granmèt la tout tan,
tout tan louanj li nan bouch mouin.
- 3 Nan Granmèt la nanm mouin ap jouinn gloua,
sé pou pòv yo tandé, pou yo kontan. R:
- 4 Fè louanj Granmèt la avèk mouin,
sé pou nou lévé non-l anlè ansanm,
- 5 mouin chèché Granmèt la, li réponn mouin,
anba tou sa-k fè-m pè yo, li délivré-m. R:
- 6 Gadé nan diréksion-l, n-ap kléré,
fas nou pap ront.
- 7 Pòv sa-a rélé, Granmèt la kouté-l,
anba tout tribilasion li yo li sové-l. R:
- 8 Anj Granmèt la ap véyé alantou moun ki krinn li yo,
épi l-ap délivré yo.
- 9 Gouté, n-a ouè jan Granmèt la dou ;
ala kontantman pou moun ki espéré nan li yo. R:
- 10 Krinn Granmèt la, nou minm sin-l yo,
paské pa gin grangou pou moun ki krinn li yo.
- 11 Rich yo nan bézouin, yo grangou,
min sa k-ap chèché Granmèt la yo pap manké okinn byin. R:

3

PSÒM RÉPONS

Ps 39, 2 é 4 ab. 7-8 a. 8 b-9. 10 (R: : 8 a é 9 a)

R: Min m-ap vini, Granmèt, pou-m fè volonté-ou.

- 2 Sé pa ti kras tann mouin t-ap tann Granmèt la,
li panché sou mouin.
- 4ab Li mété yon kantik nouvo nan bouch mouin,
yon kantik pou Bondié-m nan. R:
- 7 Sakrifis ak kado, ou pa-t vlé sa,
ou louvri zòrèy mouin.

- 8 Sakrifis antié ak sakrifis pou péché, ou pa-t mandé sa,
lè sa-a mouin di : « Min m-ap vini. **R:**
- 9 Nan roulo liv la yo ékri osijè-m
pou-m fè volonté-ou.
Bondié mouin, mouin dakò,
laloua-ou la nan zantray mouin ». **R:**
- 10 Mouin anonsé jistis ou-a nan gran asanblé-a ;
min mouin pa fèmin bouch mouin, Granmèt, ou konnin. **R:**

4

PSÒM RÉPONS Ps 77, 3 é 4 a é 7 ab. 23-24. 25 é 54 (**R:** : 24 b)

- R:** Granmèt la ba yo pin sièl la.
- 3 Sé pa ti kras bagay nou tandé, nou konnin,
épi papa nou yo rakonté nou,
4 nou pap kaché bay pitit yo,
7 pou yo mété éspérans yo nan Bondié,
pou yo pa bliyé aksion Bondié yo. **R:**
- 23 Réyèlman li pasé nuaj anro yo lòd,
li louvri pòt sièl yo ;
24 li fè lapli lama-n tonbé pou yo pou yo manjé,
li ba yo pin sièl la. **R:**
- 25 Moun nan manjé pin anj Bondié yo,
li voyé manjé pou yo an kantité.
- 54 Li kondui yo jous nan péyi-l ki sin-an,
sou mòn nan min douat li té pran-an. **R:**

5

PSÒM RÉPONS Ps 109, 1. 2. 3. 4 (**R:** : 4 bc)

R: Prèt pou tout tan dapré ran Mèlkisèkèk, Kris Granmèt ofri pin ak divin.

oubyin :

- R:** Ou sé prèt pou tout tan
dapré ran Mèlkisédèk.

- 1 Granmèt la di Granmèt mouin : « Chita adouat mouin,
joustan mouin pozé ènmi-ou yo kòm éskalié pié-ou ». R:
- 2 Baton pouvoua-ou, Granmèt la voyé-l sot nan Siyon :
kòmandé nan mitan ènmi-ou yo. R:
- 3 Pouvoua-a avèk ou jou fòs ou-a,
nan ékla limiè ki sin yo,
nan vant granmatin tankou larouzé mouin anfanté-ou. R:
- 4 Granmèt la fè sèman, li pap régrèt li :
« Ou sé prèt pou tout tan
dapré ran Mèlkisédek ». R:

6

PSÒM RÉPONS Ps 115, 12-13. 15-16 b c. 17-18 (R: cf. 1 Kor 10, 16)

R: Kalis bénédiksion-an sé kominion San Kris la li yé.

oubyin : Alélouya.

- 12 Ki sa pou-m rinmèt Granmèt la
pou tou sa-l fè pou mouin ?
- 13 M-ap pran kalis ki sové nou-an,
m-ap rélé non Granmèt la. R:
- 15 Li gin valè dévan jé Granmèt la
lanmò sin-l yo.
- 16 Mouin sé sèvitè-ou ak pitit sèvant ou.
Ou kasé chinn mouin yo. R:
- 17 M-ap sakrifé sakrifis louanj ba ou,
m-ap rélé non Granmèt la.
- 18 M-ap rinmèt Granmèt la sa-m té promèt yo,
dévan tout pèp li-a. R:

7

PSÒM RÉPONS Ps 144, 10-11. 15-16. 17-18 (R: cf. 16)

R: Ou louvri min-ou, Granmèt, ou ba nou manjé vant plin.

- 10 Tou sa ou fè yo, Granmèt, y-ap fè louanj ou ;
sin-ou yo ap fè konpliman pou ou.

- 11 Y-ap déklaré gloua péyi roua-ou la,
y-ap anonsé puisans ou. **R**
- 15 Jé yo tout ap espéré sou ou,
ou minm ou ba yo manjé lè tan-an rivé.
- 16 Ou louvri min-ou,
ou plin tout vivan ak byin. **R**
- 17 Granmèt la kòrèk nan tout chémin-l yo,
li sin nan tout aksion li yo.
- 18 Granmèt la tou pré moun k-ap rélé-l yo,
tout moun yo k-ap rélé-l nan vérité-a. **R**

8

PSÒM RÉPONS

Ps 147, 12-13. 14-15. 19-20 (**R** : Jan 6, 58 b)

- R** Moun ki manjé pin sa-a l-ap viv pou tout tan.
oubyin : Alélouya.
- 12 Fè louanj Granmèt la Jérusalèm ;
fè louanj Bondié-ou, Siyon.
- 13 Paské li ranfòsé krochèt pòtay ou yo,
li béni pitit ou yo nan ou. **R**
- 14 Li minm ki pozé limit ou yo nan lapè,
li ba-ou kont blé ki gra.
- 15 Li minm ki voyé paròl li sou tè-a,
avèk vitès paròl li-a kouri. **R**
- 19 Li minm ki anonsé paròl li bay Jakòb,
jistis li ak jijman-l bay Israèl.
- 20 Li pa fè konsa pou okinn nasion,
jijman-l yo, li pa fè konnin yo. **R**

DÉZIÈM LÉKTU NAN NOUVO TÉSTAMAN-AN

1

*Yon sèl pin, yon sèl kò ;
sé sa nou minm ki anpil la nou fè.*

Léktu prémié lèt apot sin Pòl pou Korintyin yo**10, 16-17**

Frè-m yo :

Kalis bénédiksion-an n-ap béni-an, èské sé pa san Kris la n-ap kòminié ladan-l nan ? Épi, pin-an n-ap kasé-a, èské sé pa kò Granmèt la n-ap patisipé ladan-l nan ?

Kòm sé yon sèl pin, nou minm ki anpil la, nou fè yon sèl kò, nou tout ki patisipé nan yon sèl pin-an.

Paròl Granmèt la.

2

*Chak foua n-ap manjé pin sa-a, n-ap bouè kalis sa-a,
sé lanmò Granmèt la n-ap anonsé.*

Léktu prémié lèt apot sin Pòl pou Korintyin yo**11, 23-26**

Frè-m yo :

Mouin té résévoua nan min Granmèt la sa-m té transmèt nou-an, sèké Granmèt Jézu, nannuit yo té rinnèt li-a, li pran pin, épi antan li rann gras, li kasé-l, li di : « Pran, manjé : sa-a sé kò mouin, sa yo rinnèt pou nou-an ; fè sa pou fè sonjé mouin ».

Minm jan, apré li fi-n manjé, li pran kalis la tou, li di : « Kalis sa-a sé nouvo aliens la nan san mouin ; fè sa, chak foua n-ap bouè, pou nou fè sonjé-m ».

Chak foua réyèlman n-ap manjé pin sa-a, n-ap bouè kalis sa-a, sé lanmò Granmèt la n-ap anonsé, joustan li vini.

Paròl Granmèt la.

3

San Kris la nétouayé konsians nou.

Léktu lèt pou Ébré yo

9, 11-15

Frè-m yo :

Kris la rivé kòm prèt an chèf pou byin ki gin pou vini yo. Li travèsé yon tant ki pi gran, ki pi kòrèk, ki pa fèt ak min moun, sa vlé di ki pa sot nan minm konpozision avèk sa Bondié kréyé yo. Li pa pran san bouk ak san ti toro, min sé ak pròp san pa-l li sèvi, yon sèl foua pou tout li antré nan koté ki sin-an, li rachté nou pou tout tan.

Si réyèlman san bouk ak san toro ak san gazèl yo konn vidé sou moun ki gin tach yo, sa pròpté kò yo pou sèvis Bondié-a, san Kris la ap fè pi byin toujou, li minm ki fi-n ofri tèt li san tach bay Bondié pa pouvoua Éspri ki la pou tout tan-an. L-ap nétouayé konsians nou sot nan aktivité lanmò yo, pou nou kapab sèvi Bondié vivan-an ?

É sé pou sa li sèvi intèmediè pou yon nouvo aliens. Konsa, lanmò-l sèvi pou rachté nou sot nan péché ki té fèt parapò a premié aliens la. Moun yo Bondié rélé-a, y-ap résévoua éritaj pou tout tan-an, sa Bondié té promèt la.

Paròl Granmèt la.

4

*Nou té proché kot san yo té vidé sou nou-an
k-ap palé pi byin pasé san Abèl la.*

Léktu lèt pou Ébré yo

12, 18-19. 22-24

Frè-m yo :

Nou pa-t proché kot yon mòn yo kapab touché ak min, ak yon difé k-ap flanbé, ak fè-noua, ak brouya, ak tanpèt, ak son tronpèt, ak boui paròl, moun yo ki té tandé yo, yo té mandé padon, pou yo pa-t palé ak yo konsa. Sa yo té ouè-a té tèlman térib. Moyiz di : « Mouin sézi, m-ap tranblé ».

Min nou té proché kot mòn Siyon-an ak vil Bondié ki vivan-an, Jérusalèm sièl la, pakèt foul anj yo k-ap fété yo, avèk asanblé premié pitit yo, ki gin non yo ékri nan sièl la, nou té proché kot Bondié k-ap jijé tout moun nan, avèk éspri moun ki kòrèk yo, ki fi-n bon nèt yo, épi kot Jézu ki sèvi intèmedié nouvo téstaman-an, kot san yo té vidé sou nou-an k-ap palé pi byin pasé san Abèl la.

Paròl Granmèt la.

5

*Nou rachté ak yon san ki gin anpil valè, san Kris la
ki tankou san Mouton ki san tach la.*

Léktu prémié lèt apot sin Piè

1, 17-21

Nou minm mouin rinmin anpil la :

Si nou rélé sa-a Papa, li minm ki jijé dapré aksion chak moun nan san-l pa gadé sou figi moun, sé pou nou viv nan krint Bondié pandan tan nou abité sou tè-a, antan nou konnin sé pa avèk bagay k-ap gaté, lò oubyin lajan, nou rachté sot nan konduit papa nou yo té transmèt nou-an, ki pa vo anyin-an, min sé ak san ki gin anpil valè-a, tankou san Mouton ki san tach la Kris la, san sa-a ki pa sal la, li minm Bondié té prévoua dépi anvan tè-a fèt la, min li montré-l nan dènié tan yo poutèt nou, nou minm ki fidèl nan Bondié, Bondié minm ki résisité-l sot nan pami mò yo, ki ba-l gloua, pou lafoua nou ak éspérans nou kapab nan Bondié.

Paròl Granmèt la.

6

Sé yo toua k-ap sèvi témouin : Éspri-a ak dlo-a ak san-an.

Léktu prémié lèt apot sin Jan

5, 4-8

Nou minm mouin rinmin anpil la :

Tout moun ki kouè Jézu sé Kris la, sé nan Bondié li fèt ; tout moun, ki rinmin sa-a ki bay nésans la, li rinmin sa-a ki fèt nan li-a tou.

Sé nan sa nou rékonèt nou rinmin sa yo ki fèt nan Bondié yo, sé lè nou rinmin Bondié épi nou fè kòmandman-l yo. Sa-a réyèlman sé charité Bondié-a, pou nou kinbé kòmandman-l yo : épi kòmandman-l yo pa lou..

Sèké tout sa ki fèt nan Bondié li ranpòté viktoua sou tè-a, épi min viktoua-a ki ranpòté viktoua sou tè-a : sé lafoua nou.

Kilès sa-a ki ranpòté viktoua sou tè-a, si sé pa sa-a ki kouè Jézu sé Pitit Bondié-a ?

Sa-a sé li minm ki vini nan dlo-a ak san-an, Jézu-Kri ; pa nan dlo-a sèlman, min nan dlo-a ak san-an. Épi sé Éspri-a ki sèvi témouin, paské Éspri-a sé vérité. Sé yo toua k-ap sèvi témouin : Éspri-a ak dlo-a ak san-an, épi toua sa yo, sé yon sèl yo yé.

Si nou résévoua témouagnaj moun yo, témouagnaj Bondié-a pi gran ; paské min témouagnaj Bondié-a, ki pi gran-an, li sèvi témouin osijè Pitit li-a.

Paròl Granmèt la.

ALÉLOUYA AK VÈSÈ ANVAN ÉVANJIL LA

1

Jan 6, 51

(R. Alélouya). Mouin sé pin vivan-an, ki désann sot nan sièl la, sé sa Granmèt la di ;
si yon moun manjé nan pin sa-a,
l-ap viv pou tout tan. (R. Alélouya).

2

Jan 6, 56

(R. Alélouya). Moun ki manjé chè-m, ki bouè san-m, li rétt nan mouin, mouin nan li, sé sa Granmèt la di. (R. Alélouya).

3

Jan 6, 57

(R. Alélouya). Minm jan Papa-a ki vivan-an voyé-m nan, épi mouin viv akòz Papa-a ;
konsa tou moun ki manjé-m, l-ap viv akòz mouin tou, sé sa Granmèt la di. (R. Alélouya).

4

Cf. Ap 1, 5 ab

(R. Alélouya). Jézu-Kri, ou sé témouin fidèl, prémié Pitit nan pami mò yo ; ou té rinmin nou, ou té lavé péché nou yo nan san-ou. (R. Alélouya).

(R: Alélouya). Ou mérité sa vré, Granmèt, pou-ou résévoua liv la,
 pou-ou ouété sélé-l yo,
 paské yo té touyé-ou, épi ou rachté nou pou Bondié
 nan san-ou. (R: Alélouya).

ÉVANJIL YO

1

Sa-a sé kò-m, sa-a sé san-m.

✠ Léktu sint Évanjil la dapré Mark

14, 12-16. 22-26

Prémié jou azim yo, lè yo t-ap fè sakrifis pak la, disip Jézu yo di-l :
 « Ki koté ou vlé n-al paré pou ou manjé pak la ? »

Li voyé dé nan disip li yo, li di yo : « Alé nan vil la, gin yon mésié k-
 ap poté yon krich dlo, l-ap rankontré nou, suiv li. Koté l-a antré-a, n-a di
 mèt kay la : “Mèt la di ki koté piès mouin-an yé, koté pou-m manjé pak
 la avèk disip mouin yo ?” L-a montré nou yon gran piès anro-a, ki paré,
 byin kouvri ak tapi ; sé la n-a paré pou nou ».

Disip yo soti, yo rivé nan vil la, yo jouinn jan-l té di yo-a, yo paré pak
 la.

Pandan y-ap manjé, Jézu pran pin-an, épi antan li béni-l, li kasé-l, li ba
 yo-l, li di : « Pran, sa-a sé kò mouin ». Antan li pran kalis la, antan li rann
 gras, li ba yo li, yo bouè ladan-l yo tout.

Li di yo : « Sa-a sé san mouin, nouvo aliens la, ki vidé pou pakèt
 moun yo. Amèn mouin di nou, mouin pa gin doua janm bouè ankò nan
 foui pié rézin sa-a jous jou sa-a lè m-a bouè-l tou nouvo nan péyi Bondié-
 a ».

Lè yo fi-n chanté imn yo, yo soti, y-al sou mòn pié oliv yo.

Paròl Granmèt la.

2

Yo abiyé-l avèk rad vlou rouj épi yo pozé kouròn yo trésé ak pikan sou tèt li.

✠ **Léktu sint Évanjil la dapré Mark**

15, 16-20

Lè sa-a :

Sòlda yo kondui Jézu nan lakou palè-a, épi yo rasanblé tout foul la. Yo abiyé-l avèk rad vlou rouj épi yo mété kouròn yo trésé ak pikan sou tèt li. Yo kòmansé salué-l : « Salu, roua Juif yo ». Yo t-ap frapé tèt li avèk yon rozo, yo t-ap kraché sou li, yo t-ap pozé jénou atè épi yo t-ap adoré-l.

Lè yo fi-n pasé-l nan jouèt, yo rétiré rad vlou rouj la, yo abiyé-l ak rad li yo, épi yo kondui-l déyò pou yo klouré-l sou koua.

Paròl Granmèt la.

3

Yo tout manjé vant plin.

✠ **Léktu sint Évanjil la dapré Luk**

9, 11 b-17

Lè sa-a :

Jézu t-ap palé ak foul yo sou péyi roua Bondié-a ; moun ki té bézouin souin, li géri yo.

Jou-a té kòmansé bésé, douz yo proché koté-l, yo di-l : « Voyé foul yo alé, pou y-al nan vil yo ak bouk yo, ki alantou yo, pou yo jouinn koté pou yo dòmi, épi pou yo jouinn manjé ; paské koté sa-a sé nan yon dézè nou yé ».

Li minm li di yo : « Nou minm, ba yo manjé ».

Yo di-l : « Nou pa gin plis pasé sink pin ak dé pouason ; sof si n-al achte manjé pou tout foul sa-a ». Yo té prèské sink mil gason.

Li di disip yo : « Fè yo lonjé kò yo sinkant pa sinkant nan dispozision pou yo manjé ». Yo fè sa, yo fè tout moun lonjé kò yo.

Li pran sink pin yo ak dé pouason yo, li lévé jé nan sièl la, li béni yo, li kasé yo, li séparé bay disip li yo, pou yo mét dévan foul yo.

Tout moun manjé vant plin. Yo ranmasé sa-k té an tròp pou yo, douz panié moso pin.

Paròl Granmèt la.

4

Suè li vi-n tankou gout san k-ap koulé tonbé atè.

✠ **Léktu sint Évanjil la dapré Luk**

22, 39-44

Lè sa-a :

Jézu t-apralé jan-l té konn abitué fè-a sou mòn Oliv yo. Disip li yo té suiv li.

Lè-l rivé nan koté-a, li di yo : « Priyé, pou nou pa antré nan tantasion ».

Li minm minm li élouagné sot koté yo distans yo kapab voyé yon ròch ; antan-l mété jénou atè, li t-ap priyé antan l-ap di : « Papa, si-ou vlé, fè kalis sa-a pasé louin-m ; sèlman sé pa volonté pa-m, min sé pou-ou la ki pou fèt ».

Yon anj parèt koté-l sot nan sièl la antan l-ap ankourajé-l. Antan li antré nan agoni, li t-ap priyé pi plis.

Suè-l té tankou gout san k-ap koulé tonbé atè-a.

Paròl Granmèt la.

5

Yo rékonèt li nan kasé pin-an.

✠ **Léktu sint Évanjil la dapré Luk**

24, 13-35

Té gin dé nan disip Jézu yo ki t-apral nan yon bouk, premié jou sémèn sa-a, bouk la té yon distans onz kilomèt parapò a Jérusalèm, yo té rélé-l Émayus. Yo minm yo t-ap palé antré yo sou tou sa-k té pasé.

Rivé, pandan y-ap kozé, y-ap chèché antré yo, Jézu minm proché, l-ap maché avèk yo. Jé yo té gin yon bagay ki kinbé yo, pou yo pa rékonèt li.

Li di yo : « Ki paròl sa yo, n-ap palé antré nou pandan n-ap maché-a, épi ki fè nou gin lapinn nan ? »

Youn yo rélé Kléofas, di-l : « Sé ou minm sèl ki étranjé nan Jérusalèm, ou pa konnin sa-k rivé nan jou sa yo ? »

Li di yo : « Ki bagay ? »

Yo di : « Osijè Jézu moun Nazarèt la, ki té yon profèt, ki gin pouvoua nan aksion ak paròl dévan Bondié ak tout pèp la. Kijan gran prèt yo ak chèf nou yo rinnèt li nan kondanasion lanmò, épi yo klouré-l sou koua.

Nou minm nou té espéré, sé li minm ki t-ap rachté Israèl ; koulié-a minm sou tout bagay sa yo jodi-a sé touazièm jou dépi yo rivé. Min kèk médam nan pami nou té fè nou sézi, yo t-al nan kavo-a dévan-jou, yo pa jouinn kò-l, yo vi-n di yo ouè vizion Anj yo, ki di yo li vivan. Kèk nan nou al nan kavo-a, yo jouinn bagay yo jan médam yo di-a ; min li minm yo pa jouinn li ».

Li di yo : « Nou sòt, nou pran tan nan kè nou kouè tou sa profèt yo té palé yo ! Èské Kris la pa-t gin pou-l souffri, épi sé konsa pou-l antré nan gloua-l la ? » Li kòmansé dépi sou Moyiz ak tout profèt yo, li éspliké yo nan tout sa-k ékri yo sa-k té konsèné-l.

Yo proche bò bouk la koté yo t-apralé-a, li minm li fè kòmси l-apral pi louin, yo fòsé-l, yo di : « Rét avèk nou, paské asouè rivé, jou-a déjà bésé ». Li antré avèk yo.

Pandan li lonjé kò-l avèk yo, li pran pin, li béni, li kasé, li ba yo. Jé yo louvri, yo rékonèt li. Li minm minm li disparèt sot dévan jé yo.

Youn di lòt : « Èské kè nou pa-t cho anndan nou, pandan li t-ap palé sou chémin-an, li t-ap éspliké nou sa-k ékri yo ? »

Yo lévé minm lè-a, yo tounin Jérusalèm. Yo jouinn onz yo rasanblé, ni sa yo ki té avèk yo-a, yo di Granmèt la lévé vré, li parèt dévan Simon. Yo rakonté sa-k té passé sou chémin-an, kijan yo té rékonèt li nan kasé pin-an.

Paròl Granmèt la.

oubyin pi kout

✠ Léktu sint Évanjil la dapré Luk

24, 13-16. 28-35

Min dé nan disip Jézu yo t-apral nan yon bouk, premié jou sémèn sa-a, bouk la té yon distans souasant stad parapò a Jérusalèm, yo té rélé-l Émayus. Yo minm yo t-ap palé antré yo sou tou sa-k té passé. Rivé, pandan y-ap chanjé nouvèl, y-ap chèché antré yo, Jézu minm proche, l-ap maché avèk yo. Jé yo té gin yon bagay ki kinbé yo, pou yo pa rékonèt li.

Yo proche bò bouk la koté yo t-apralé-a, li minm li fè kòmси l-apral pi louin, yo fòsé-l, antan yo di : « Rét avèk nou, paské asouè rivé, jou-a déjà bésé ». Li antré avèk yo.

Pandan li lonjé kò-l avèk yo, li pran pin, li béni, li kasé, li ba yo. Jé yo louvri, yo rékonèt li. Li minm minm li disparèt sot dévan jé yo.

Youn di lòt : « Èské kè nou pa-t cho anndan nou, pandan li t-ap palé sou chémin-an, li t-ap éspliké nou sa-k ékri yo ? » Yo lévé minm lè-a, yo tounin Jérusalèm. Yo jouinn onz yo rasanblé, ni sa yo ki té avèk yo-a, yo di Grammèt la lévé vré, li parèt dévan Simon.

Yo rakonté sa-k té pasé sou chémin-an, kijan yo té rékonèt li nan kasé pin-an.

Paròl Grammèt la.

6

*Li séparé bay moun yo ki té lonjé kò yo,
toutotan yo té vlé.*

✠ **Léktu sint Évanjil la dapré Jan**

6, 1-15

Lè sa-a :

Jézu al lòt bò lanmè lagalilé-a, sé lanmè Tibériad la. Yon gran foul t-ap suiv li, paské yo té ouè sign li t-ap fè sou moun ki té malad yo. Konsa Jézu monté sou mòn nan, li chita la avèk disip li yo. Pak la, jou fèt Juif yo, té tou pré.

Lè Jézu lévé jé-l, li ouè té gin yon gran foul ki t-ap vi-n jouinn li, li di Filip : « Ki koté n-ap achte pin, pou moun sa yo manjé ? » Li té di sa pou-l sondé-l ; li minm minm, li té konnin ki sa-l t-apral fè.

Filip réponn li : « Désan dénié pin pap kont yo, pou chak moun jouinn yon ti moso ».

Youn nan disip li yo, André, frè Simon Piè-a, di-l : « Gin yon ti gason isit la, ki gin sink pin lòj ak dé pouason ; sèlman, ki sa bagay sa yo yé pou tout pakèt moun sa yo ? »

Jézu di : « Fè moun yo lonjé kò yo ». Té gin anpil zèb koté sa-a. Mésié yo lonjé kò yo, yo té sink mil.

Jézu pran pin yo, li fè aksion-gras, li séparé bay moun ki té lonjé kò yo-a, li fè minm jan pou pouason yo, otan yo té vlé.

Lè yo fi-n manjé kont kò yo, li di disip li yo : « Ranmasé moso ki rét an plis yo, pou yo pa pèdi ». Yo ranmasé yo, yo plin douz panié ak moso sink pin lòj yo, ki té rét an plis lè moun yo té fi-n manjé-a.

Moun yo minm, lè yo ouè sign Jézu té fè, yo t-ap di : « Sa-a sé profèt la tout bon vré, ki té gin pou-l vi-n sou tè-a ».

Jézu minm, kòm li té konnin yo t-ap vi-n pou yo pran-l, pou yo fè-l roua, li sovè kò-l ankò nan mòn nan, li minm pou kont li.

Paròl Granmèt la.

7

*Moun ki vi-n jouinn mouin pap grangou,
moun ki kouè nan mouin pap souaf.*

Léktu sint Évanjil la dapré Jan

6, 24-35

Lè sa-a :

Lè foul la ouè Jézu pat la ni disip li yo, yo monté nan kannòt yo, yo rivé Kafarnaòm, y-ap chèché Jézu.

Lè yo jouinn li lòt bò lanmè-a, yo di-l : « Rabi, ki lè ou rivé isit la ? »

Jézu réponn yo, li di : « Amèn, amèn mouin di nou, n-ap chèché-m, sé pa paské nou té ouè sign, min paské nou té manjé nan pin yo, épi nou té satisfè. Sé pa pou nou travay pou manjé k-ap disparèt la, min sé pou nou travay pou manjé k-ap duré pou lavi tout tan-an, sa Pitit moun nan ap ba nou-an ; li minm Bondié Papa-a maké ak so-l la ».

Yo di-l : « Ki sa pou nou fè pou nou travay travay Bondié yo ? »

Jézu réponn, li di yo : « Min travay Bondié-a, sé pou nou kouè nan sa-a Bondié voyé-a ».

Yo di-l : « Ki sign ou fè, pou nou ouè, pou nou kouè nan ou ? Ki sa-ou fè ? Papa nou yo té manjé lama-n nan dézè-a, jan sa ékri-a : “Li ba yo pin sot nan sièl la pou yo manjé” ».

Jézu di yo : « Amèn. amèn mouin di nou, sé pa Moyiz ki té ba nou pin sot nan sièl la, min sé Papa-m ki ba nou pin ki sot nan sièl la, vrè pin-an. Pin Bondié-a sé sa-a ki désann sot nan sièl la épi ki bay tè-a lavi-a ».

Yo di-l : « Granmèt, toujou ba nou pin sa-a ».

Jézu di yo : « Mouin, mouin sé pin lavi-a ; moun ki vi-n jouinn mouin pap grangou, moun ki kouè nan mouin pap janm souaf ».

Paròl Granmèt la.

8

Mouin sé pin vivan-an, ki désann sot nan sièl la.

✠ **Léktu sint Évanjil la dapré Jan**

6, 41-51

Lè sa-a :

Juif yo t-ap plinyin osijè Jézu, paské li té di : « Mouin sé pin vivan-an, ki désann sot nan sièl la ». Yo t-ap di : « Èské sa-a sé pa Jézu, pitit Jozèf la, sa nou rékonèt papa-l ak manman-l nan ? Kijan sa-a kapab di : “Sé nan sièl mouin désann sòti-a ?” »

Jézu réponn, li di yo : « Pa plinyin antré nou. Pèsòn pa kapab vi-n jouinn mouin, si Papa-a, ki voyé-m nan, pa atiré-l ; épi mouin minm m-ap résisité-l nan dènié jou-a. Min sa ki ékri nan profèt yo : “Yo tout ap jouinn ansègnman nan min Bondié”. Tout moun ki kouté sa Papa-a ap di, épi ki kité-l anségné yo, l-ap vi-n jouinn mouin. Pèsòn pa janm ouè Papa-a, sof sa-a ki sot nan Bondié-a, sé li minm ki ouè Papa-a. Amèn, amèn mouin di nou, moun ki kouè nan mouin, li gin lavi tout tan-an.

Mouin sé pin lavi-a. Papa nou yo té manjé lama-n nan dézè-a, épi yo mouri. Sa-a sé pin ki désann sot nan sièl la, pou, si yon moun manjé ladan-l, li pa mouri. Mouin sé pin vivan-an ki désann sot nan sièl la. Si yon moun manjé nan pin sa-a, l-ap viv tout tan, épi pin-an m-ap bay la, sé chè-m pou lavi tè-a ».

Paròl Granmèt la.

9

*Chè-m sé manjé tout bon vré-a,
san-m sé bouason tout bon vré-a.*

✠ **Léktu sint Évanjil la dapré Jan**

6, 51-58

Lè sa-a :

Jézu té di foud Juif yo :

« Mouin sé pin vivan-an, ki désann sot nan sièl la. Si yon moun manjé nan pin sa-a, l-ap viv pou tout tan. Pin-an m-ap bay la, sé chè-m pou lavi tè-a ».

Juif yo minm t-ap diskité antré yo, yo t-ap di : « Kijan sa-a kapab ba nou chè-l pou nou manjé ? »

Jézu minm di yo : « Amèn, amèn mouin di nou : si nou pa manjé chè Pitit moun nan, si nou pa bouè san-l, nou pap gin lavi nan nou. Moun ki manjé chè-m, ki bouè san-m, li gin lavi ki pap janm fini-an ; mouin minm m-ap résisité-l nan dènié jou-a.

Chè-m sé manjé tout bon vré-a, san-m sé bouason tout bon vré-a. Moun ki manjé chè-m, ki bouè san-m, li rét nan mouin, mouin minm nan li.

Minm jan Papa-a ki vivan-an voyé-m nan, épi mouin viv akòz Papa-a ; konsa tou moun ki manjé-m, l-ap viv akòz mouin tou. Sa-a sé pin-an ki désann sot nan sièl la. Sé pa tankou papa nou yo ki té manjé lama-n nan, épi ki té mouri yo. Moun ki manjé pin sa-a l-ap viv pou tout tan ».

Paròl Granmèt la.

10

Bò kòt li louvri, san ak dlo koulé.

✠ Léktu sint Évanjil la dapré Jan

19, 31-37

Lè sa-a :

Kòm sé té préparasion Pak la, pou kò yo pa-t rété sou koua-a jou saba-a (sèké jou sa-a sé té gran jou saba-a), Juif yo mandé Pilat pou yo krazé janm yo, pou yo ouété yo. Sòlda yo rivé, yo krazé janm premié-a ak lòt la ki té klouré sou koua-a avèk li-a.

Min lè yo rivé sou Jézu, yo ouè li té déjà mouri, yo pa krazé janm li, min youn nan sòlda yo louvri bò kòt li avèk lans li, minm lè-a san ak dlo koulé.

Moun ki ouè-a, li sèvi témouin, témouagnaj li-a vré. Li minm li konnin li di vérité, pou nou minm tou nou kapab kouè.

Bagay sa yo fèt pou sa ki ékri-a té kapab réalizé : « Nou pap krazé zo nan li ». Épi tou yon lòt pasaj sa ki ékri-a di : « Y-ap gadé sa-a yo transpèsé-a ».

Paròl Granmèt la.

Jézu pran pin-an, li ba yo.

✠ **Léktu sint Évanjil la dapré Jan**

21, 1-14

Lè sa-a :

Jézu parèt ankò dévan disip yo bò lanmè Tibériad la. Min kijan li té parèt la. Sé té Simon Piè ak Toma, sa yo rélé Didim nan, ak Natanaèl, moun Kana Galilé-a, ak pitit Zébédé yo ak dé lòt nan disip li yo, yo té ansanm.

Simon Piè di yo : « M-apral lapèch ».

Yo di-l : « N-apralé avèk ou tou ». Yo soti, yo monté nan batiman-an, min nan nuit sa-a yo pa pran anyin.

Lè granmatin rivé, Jézu té kanpé sou bò lanmè-a ; min disip yo pa-t rékonèt sé té Jézu.

Jézu di yo : « Timoun yo, èské nou gin pouason ? »

Yo réponn li : « Non ».

Li di yo : « Voyé filè-a adouat batiman-an, n-a jouinn ». Yo voyé-l, yo pa-t kapab soulvé li, tèlman té gin anpil pouason.

Disip Jézu té rinmin-an di Piè : « Sé Granmèt la ».

Lè Simon Piè tandé sé Granmèt la, li pasé rad li nan rin-l, (li té ni-kò), li lagé kò-l nan lanmè. Lòt disip yo rivé nan batiman-an (yo pa-t louin tè-a, sé té apéprè san mè) y-ap rémòké filè pouason yo. Lè yo désann atè-a, yo ouè chabon difé ki pozé, ak pin sou li.

Jézu di yo : « Poté nan pouason yo nou sot pran koulié-a ». Simon Piè monté, li soulvé filè-a vi-n sou tè-a plin ak gro pouason, san-sinkant-toua. Mlagré yo té anpil la, filè-a pa-t chiré.

Jézu di yo : « Vi-n manjé ».

Pèsòn nan sa-k té lonjé kò yo-a pa-t gin odas mandé-l : « Kilès ou yé ? » yo té konnin sé Granmèt la.

Jézu rivé, li pran pin-an, li ba yo, ni pouason-an tou. Sa té fè touazièm foua Jézu té parèt dévan disip li yo, lè-l, té résisité sot nan pami mò yo.

Paròl Granmèt la.

GRANMÈT NOU JÉZU-KRI GRAN PRÈT ÉTÈNÈL

PRÉMIÉ LÉKTU

Li minm minm li blésé pou péché nou.

Léktu liv profèt Izayi

52, 13-53, 12

Min sèvitè-m nan ap gin konprann, y-ap lévé-l anlè, y-ap lévé-l byin ro, l-ap anlè nèt. Minm jan anpil moun té sézi osijè-ou, konsa figi-l ap san gloua nan pami lèzòm, ni fòm li nan pami pitit moun yo. L-ap fè anpil nasion kriyé, sou li roua yo ap fèmin bouch yo, paské sé bagay yo pa-t rakonté y-ap ouè osijè-l, sé sa yo pa-t tandé y-ap gadé.

Kilès ki kouè sa nou tandé-a ? Bra Granmèt la bay ki moun li révéle ? L-ap lévé tankou ti rajé dévan-l, tankou rasi-n ki sot nan tè sèk.

Li pa gin aparans ni bèlté, nou té ouè-l, li pa-t gin fòm figi, nou té anvi-l ; li té méprizé, sé dènié nan moun yo, moun soufrans, ki konn maladi, fas li té kòm kaché, li té méprizé, sé poussa nou pa-t minm gin konsidérasion pou li.

Réyèlman sé maladi nou li minm li t-ap poté, sé soufrans nou li minm li t-ap poté, nou minm nou té konprann li té tankou yon lépré, yon moun Bondié frapé, Bondié imilié.

Li minm minm li blésé pou péché nou, li frapé poutèt krim nou yo, koréksion lapè nou-an sou li, sé gras a koté-l blésé yo nou géri. Nou tout nou té pèdi chémin tankou mouton, chak moun té dévié nan chémin pa-l. Granmèt la mété fot nou tout nan li.

Li ofri tèt li, paské li vlé, li pa louvri bouch, tankou mouton dévan moun k-ap koupé linn li, li rét an silans, li pa louvri bouch li.

Yo maltrété-l, yo kondané-l, yo touyé-l. Ki moun k-ap rakonté ras li ? paské yo ouété-l sot sou tè vivan yo ; poutèt krim pèp mouin-an niouin té frapé-l. Y-ap ba-l méchan pou lantèman-l, ak rich pou lanmò-l, malgré li pa-t fè péché, pa-t gin manti nan bouch li.

Granmèt la té vlé krazé-l nan maladi. Si-l bay lavi-l pou péché-a, l-ap ouè yon désandans k-ap viv lontan, volonté Granmèt la ap dirijé nan min-l. Poutèt nanm li té soufri, l-ap ouè, l-ap konblé. Nan sians li, sèvitè-m nan ki kòrèk la ap rann anpil moun kòrèk, l-ap poté péché yo li minm minm.

Sé poussa m-ap ba-l anpil moun pou pòsion pa-l, l-ap séparé byin anpil moun ki gin pouvoua, poutèt li té bay lavi-l nan lanmò, yo té konsidéré-l

nan ran kriminèl, époutan li t-ap poté péché anpil moun yo, li t-ap priyé pou péchè yo.

Paròl Granmèt la.

oubyin

Sa yo li fè vi-n sin yo, li fè yo vi-n kòrèk nèt pou tout tan.

Léktu lèt Ébré yo

10, 12-23

Kris la ofri yon sèl sakrifis pou péché yo, li chita pou tout tan adouat Bondié, l-ap tann apré sa « joutan yo plasé ènmi-l yo kòm machéskalié pou pié-l ». Avèk yon sèl sakrifis, li fè moun yo ki vi-n sin yo vi-n kòrèk nèt pou tout tan.

Éspri Sin-an li minm minm ba nou témouagnaj ; apré li fi-n di : « Min aliens la m-ap passé avèk yo apré jou sa yo, sé sa Granmèt la di ; m-ap mété laloua-m yo nan kè yo, m-ap ékri yo nan éspri yo ; mouin pap sonjé péché yo ak fot yo ankò ».

Koté yo jouinn padon-an, yo pa bézouin sakrifis pou péché-a.

Frè-m yo, antan nou gin asirans pou nou antré nan tanp la avèk san Kris la, sé yon chémin nouvo ki vivan li louvri pou nou lè-l travèsé voua-l la, sa vlé di chè-l la, kòm prèt an chèf sou kay Bondié-a ; sé pou nou proché avèk yon kè sinsè nan tout lafoua-a, antan kè nou fi-n pròpté sot nan mové konsians la, antan kò nou fi-n lavé ak dlo ki pròp.

Sé pou nou kinbé déklarasion lafoua nou-an san fébli (sa-a ki té promèt la, li fidèl).

Paròl Granmèt la.

PSÒM RÉPONS

Ps 39, 6 ab. 9 bc. 10. 11 ab (R: 8 a é 9 a)

R: Min m-ap vini, Granmèt, pou-m fè volonté-ou.

6 Ou té fè yo anpil, Granmèt Bondié mouin, mèvèy ou yo, épi pansé-ou yo pou nou : pa gin ki sanblé avèk ou. **R:**

9 Bondié mouin, mouin dakò, laloua-ou la nan zantray mouin. **R:**

10 Mouin anonsé jistis ou-a nan gran asanblé-a ; min mouin pa fèmin bouch mouin, Granmèt, ou konnin. **R:**

11 Jistis ou-a mouin pa kaché-l nan kè-m, vérité-ou la ak sékou-ou la, mouin di-l. **R:**

ALÉLOUYA

Iz 42, 1

℟: Alélouya. Min sèvitè-m nan, m-ap soutni-l,
li minm mouin chouazi-a nanm mouin jouinn plézi nan li :
mouin té mété Éspri-m sou li,
l-ap poté jijman-an nan nasion yo. ℟: Alélouya.

ÉVANJIL

Fè sa pou nou fè sonjé-m.

✠ Léktu sint Évanjil la dapré Luk

22, 14-20

Lè lè-a rivé, Jézu atablé, avèk douz apot yo avèk li. Li di yo : « Sé pa ti kras anvì mouin té anvì manjé Pak sa-a avèk nou, anvan-m soufri-a. Sèké mouin di nou, mouin pap manjé-l ankò, joutan li réalizé nan péyiroua Bondié-a ».

Li pran kalis la, li di Bondié mèsì, li di : « Pran, séparé antré nou. Mouin di nou sa : mouin pap bouè nan foui pié rézin-an, joutan péyiroua Bondié-a rivé »..

Li pran pin-an, li di Bondié mèsì, li kasé-l, li ba yo, li di : « Sa-a sé Kò-m, yo bay pou nou-an : fè sa pou nou fè sonjé-m ». Minm jan-an tou pou kalis la, lè-l fi-n manjé, li di : « Sa-a sé Kalis nouvo téstaman-an nan san-m nan, ki vidé pou nou-an ».

Paròl Granmèt la.

TRÈ SIN NON JÉZU

PRÉMIÉ LÉKTU NAN ANSYIN TÉSTAMAN-AN

1

Sé mouin sa-a ki toujou la-a. Sé non-m sa pou tout tan.

Léktu liv Égzòd

3, 11-15

Jou sa yo :

Moyiz tandé voua Granmèt la nan mitan touf pikan-an, li di-l : « Kilès mouin yé pou-m al kot Faraon-an, pou-m fè pitit Israèl yo sot Éjip la ? »

Li di-l : « M-ap avèk ou, ou-ap gin sa-a kòm sign, sé mouin minm ki voyé-ou : lè ou-a fè pèp mouin soti Éjip la, ou-a ofri sakrifis pou Bondié sou mòn sa-a ».

« M-apral kot pitit Israèl yo, m-ap di yo : “Bondié papa nou yo voyé-m koté nou”. Si yo di-m : “Ki non-l ?” Ki sa pou-m di yo ? »

Bondié di Moyiz : « Sé mouin minm sa-a ki toujou la-a ». Li di : « Sé konsa ou-a di pitit Israèl yo : “Sa-a ki toujou la-a voyé-m koté nou” ».

Bondié di Moyiz ankò : « Min sa ou-a di pitit Israèl yo : “Granmèt Bondié papa nou yo, Bondié Abraam, Bondié Izaak ak Bondié Jakòb voyé-m koté nou ; sé non sa-a m-ap gin pou tout tan, sé souvni-m sa pou jénérasyon ak jénérasyon” ».

Paròl Granmèt la.

2

M-ap fè louanj non-ou tout tan.

Léktu liv Sirasid

51, 11-17

Mouin sonjé mizérikòd ou-a, Granmèt, épi aksion-ou nan, yo minm ki la dépi tout tan, sèké ou délivré moun yo ki t-ap espéré-ou yo, Granmèt, épi ou libéré yo anba min nasion yo. Mouin fè siplikasion-m monté sot sou tè-a, mouin priyé pou-ou délivré-m anba lanmò-a k-ap koulé-m.

Mouin rélé Granmèt la, papa Granmèt mouin-an, pou-l pa lagé-m nan jou tribilasyon mouin-an, avèk nan tan ògèyé yo san sékou-a.

M-ap fè louanj non-ou avèk insistans, m-ap fè louanj li nan rékonésans, ou kouté priyè-m nan. Ou libéré-m sot nan koté mouin t-ap pèdi-a, ou délivré-m sot nan tan mové-a ; sé poua m-ap rékonèt, m-ap fè louanj pou ou, m-ap fè konpliman pou non Granmèt la.

Paròl Granmèt la.

PRÉMIÉ LÉKTU NAN NOUVO TĒSTAMAN-AN POU TAN PASKAL LA

1

O non Jézu-Kri, lévé, maché.

Léktu Travay Apot yo

3, 1-10

Jou sa yo :

Piè ak Jan t-ap monté nan Tanp la pou lè priyè névièm è-a. Té gin yon mésié ki té infim dépi nan vant manman-l, yo t-ap poté-l. Chak jou yo té konn dépozé-l bò pòt tanp la, sa yo rélé Bèl la, pou-l mandé moun yo k-ap antré nan tanp la lacharité.

Li minm, kon-l ouè Piè ak Jan k-apral antré nan tanp la, li mandé yo pou yo fè-l jouinn lacharité.

Piè minm antan-l l-ap gadé-l byin ansanm ak Jan, li di : « Gadé nou ». Li minm li pozé jé-l sou yo, li té espéré li t-ap jouinn kichòy nan min yo.

Piè minm di : « Lajan ak lò, mouin pa gin sa ; sa-m ginyin-an mouin ba ou-l : o non Jézu-Kri moun Nazarèt la, lévé, maché ». Li pran min douat li, li lévé-l, minm lè-a jouintu ak plant pié-l vi-n solid. Li vòltijé kanpé, li t-ap maché, li antré avèk yo nan tanp la, l-ap maché, l-ap vòltijé, l-ap fè louanj Bondié.

Tout pèp la ouè l-ap maché, l-ap fè louanj Bondié. Yo té rékonèt li, sé li minm ki té konn chita bò Bèl Pòt tanp la, pou lacharité-a, yo té plin ak sézisman, yo té dékontrolé pou sa-k té rivé-l la.

Paròl Granmèt la.

2

Pa gin okinn non anba sièl la yo bay, ki pèmèt nou sové.

Léktu Travay Apot yo

4, 8-12

Jou sa yo :

Antan Piè plin ak Éspri Sin-an, li di yo : « Chèf pèp la ak ansyin yo, kouté. Si jodi-a y-ap jijé nou pou yon byinfè ki réalizé pou mésié infim nan, si nou bezouin konnin nan kilès li sové, ébyin aprann sa nou tout ak tout pèp Israël la, sé o non Granmèt nou Jézu-Kri moun Nazarèt la, sa-a nou té klouré sou koua-a, li minm Bondié té résisité sot nan pami mò yo, sé nan li sa-a géri, kanpé dévan nou.

Sa-a sé ròch la, nou minm bòs mason yo nou té réjté-a, ki vi-n tounin tèt kouin-an ; pa gin sové yo kapab sové nan okinn lòt moun ; ni pa gin okinn lòt non anba sièl la yo bay lézòm, ki pèmèt nou sové ».

Paròl Granmèt la.

3

Apot yo pati tou kontan paské yo té konsidéré yo té mérité soufri mové trétman pou non Jézu.

Léktu Travay Apot yo

5, 27 b-32. 40 b-42

Jou sa yo :

Gran prèt la pozé Apot yo késion, li di : « Nou té pasé nou lòd sévè pou nou pa-t bay ansègnman sou non sa-a ; épi gadé nou plin Jérusalèm ak ansègnman nou-an nou vlé fè san mésié sa-a tonbé sou nou ».

Piè minm réponn ak Apot yo, yo di : « Nou doué obéyi Bondié plis pasé lézòm. Bondié papa nou yo té résisité Jézu, li minm nou té touyé-a antan nou té pandié-l sou koua-a. Bondié lévé-l adouat li kòm chèf ak sovè, pou-l bay Israël régrè ak padon péché yo. Kanta nou minm, nou sèvi paròl sa yo témouin, ak Éspri Sin-an Bondié bay tout moun ki obéyi-l yo ».

Yo avèti Apot yo pou yo pa janm palé o non Jézu, épi yo lagé yo.

Yo minm minm yo pati tou kontan sot dévan tribinal la paské yo té konsidéré yo té mérité soufri mové trétman pou non Jézu. Tout jounin yo pa-t sispann rét nan tanp la ak nan lakay yo ap bay ansègnman, ap anonsé Bòn Nouvèl sé Kris Jézu yé.

Paròl Granmèt la.

PSÒM RÉPONS YO

1

PSÒM RÉPONS

Iz 12, 2-3. 4 bcd. 5-6 (R: 4 a)

- R: Fè louanj Granmèt la, épi rélé non li.
- 2 Min Bondié sovè-m nan, mouin gin konfians, mouin pap pè,
paské fòs mouin ak louanj mouin, sé Granmèt la,
sé li minm ki vi-n sovè-m.
- 3 N-ap tiré dlo ak kè kontan sot nan sous sovè-a. R:
- 4 Fè louanj Granmèt la, épi rélé non li,
fè konnin mèvèy li yo nan pèp yo,
fè sonjé kijan non-l anlè nèt. R:
- 5 Chanté pou Granmèt la, paské li fè mèvèy,
anonsé sa sou tout tè-a.
- 6 Fété, fè louanj, pèp Siyon
paské li gran nan mitan-ou, Sin Israèl la. R:

2

PSÒM RÉPONS

Ps 112, 1-2. 3-4. 5-6 (R: 2)

- R: Sé pou non Granmèt la béni pou tout tan.
oubyin : Alélouya.
- 1 Fè louanj, ti moun Granmèt la,
fè louanj pou non Granmèt la.
- 2 Sé pou non Granmèt la béni
dépi koulié-a ak pou tout tan. R:
- 3 Dépi sot olévan jous rivé okouchan,
non Granmèt la mérité louanj.
- 4 Granmèt la anlè nèt anro tout nasion yo,
anlè sièl yo gloua li yé. R:
- 5 Kilès ki tankou Granmèt Bondié nou-an,
ki abité nan rotè yo,
- 6 ki voyé jé sou pòv yo
nan sièl la ak sou tè-a ? R:

DÉZIÈM LÉKTU NAN NOUVO TÉSTAMAN-AN

1

Avèk tout moun ki rélé non Granmèt nou Jézu-Kri.

Léktu prémié lèt apot sin Pòl pou Korintyin yo **1, 1-3**

Pòl yo rélé kòm apot Jézu Kri pa pouvoua volonté Bondié, avèk Sostèn, frè-a, pou Égliz Bondié-a, sa ki Korint la, pou sa ki sanktifié nan Kris Jézu yo, sa yo rélé yo ki sin yo, avèk tou sa yo k-ap rélé non Granmèt nou Jézu Kri-a, nan tout koté yo yé-a épi lakay nou : gras pou nou ak lapè sot nan Bondié Papa nou ak Granmèt Jézu Kri.

Paròl Granmèt la.

2

Bondié ba li non ki anlè tout non.

Léktu lèt apot sin Pòl pou Filipyin yo **2, 6-11**

Kris Jézu, malgré sé sa Bondié yé-a li yé, li pa konsidéré rét égal ak Bondié-a tankou yon bagay pou-l kinbé pou li sèl, min li fè pròp tèt li vi-n pa anyin, antan li pran natu ésklav, li vi-n sanblé ak lézòm, yo rékonèt li tankou moun. Li imilié tèt li, antan li vi-n obéyisan jous nan lanmò, épi lanmò lakoua.

Sé pousa Bondié lévé-l anlè, li ba-l non ki anlè tout non, pou o non Jézu sa-a, tout jénou bésé nan sièl, sou tè, ak anba tè, épi tout lang déklaré sé Granmèt Jézu-Kri yé, nan gloua Bondié Papa-a.

Paròl Granmèt la.

3

Sé pou nou fè tout bagay o non Granmèt Jézu-Kri.

Léktu lèt apot sin Pòl pou Kolosyin yo **3, 12-17**

Frè-m yo :

Abiyé nou, tankou moun Bondié chouazi, ki sin, tankou moun li rinmin, abiyé nou ak zantray kè sansib, ak bon kè, rabésé tèt nou, fè kò nou tou dou, pran pasians, sipòté nou youn lòt, sé pou youn padonnin lòt,

si youn gin kichòy kont lòt : jan Granmèt la padonnin nou, konsa nou minm tou.

Anlè tout bagay sa yo, sé pou nou gin charité, li minm ki kòd ki maré sa ki fi-n kòrèk nèt la ; sé pou lapè Kris la fété nan kè nou, sé nan li yo rélé nou pou nou fè yon sèl kò ; sé pou nou rét ap di Bondié mèsi. Sé pou paròl Kris la abité nan nou jous li plin nou, antan youn ap bay lòt ansègnman antan youn ap réprann lòt nan tout kalité sajès, avèk psòm, imn avèk chanté spirituèl, antan n-ap chanté nan gras la pou Bondié nan kè nou.

Tou sa n-ap fè soua nan paròl, soua nan aksion, sé pou nou fè tout bagay o non Granmèt Jézu-Kri, antan n-ap di Bondié Papa-a mèsi pa lintémédiè-l.

Paròl Granmèt la.

ALÉLOUYA AK VÈSÈ ANVAN ÉVANJIL LA

1

Ps 95, 2

(R: Alélouya). Chanté pou Granmèt la, fè konpliman pou non-l, anonsé jou an jou sovè li sovè nou-an. (R: Alélouya).

2

Dan 3, 52 b

(R: Alélouya). Konpliman pou non gloua-ou la ki sin-an. Li mérité louanj, li anlè nèt pou tout tan. (R: Alélouya).

ÉVANJIL

1

Y-ap rélé non-l Jézu.

✠ Léktu sint Évanjil la dapré Matié

1, 18-25

Min kijan Kris la té fèt : Lè manman-l Mari té fiancé avèk Jozèf, anvan yo té abité ansanm, rivé li té vi-n ansint pa pouvoua Éspri Sin-an ; Jozèf minm, mari-l, kòm li té kòrèk, épi li pa-t vlé dénonse-l, li té vlé ranvouayé-l an kachèt.

Pandan li t-ap réfléchi sou sa, min anj Granmèt la té parèt dévan-l nan rèv, antan-l di : « Jozèf, pitit David, pa pè résévoua Mari, madanm ou-an : sa-k pran nésans nan li-a, réyèlman, sé nan Éspri Sin-an li soti. L-ap anfanté yon ti gason, épi ou-ap rélé non-l Jézu ; li minm réyèlman ap sovè pèp li-a sot nan péché-l yo ».

Tou sa minm rivé pou paròl Granmèt la té di pa lintèmédiè profèt la té akonpli antan-l di : « Min vièj la ap vi-n ansint, l-ap anfanté yon ti gason ; y-ap rélé non-l Émanuèl, sa vlé di Bondié avèk nou ».

Antan Jozèf lévé sot nan dòmi, li té aji jan Anj Granmèt la té pasé lòd la, li té résévoua madanm li-an ; li pa-t gin rélasyon avèk li, joutan li té anfanté premié pitit gason-l nan, li té rélé non-l Jézu.

Paròl Granmèt la.

2

Yo rélé non-l Jézu.

✠ **Léktu sint Évanjil la dapré Luk**

2, 16-21

Lè sa-a :

Gadyin-mouton yo rivé byin vit jous Bétlèèm, yo jouinn Mari ak Jozèf, épi ti pitit la ki pozé nan krèch la. Lè yo ouè sa, yo anonsé paròl la yo té di yo osijè ti pitit sa-a. Tout moun ki t-ap tandé yo té sézi osijè sa gadyin-mouton yo t-ap di yo-a.

Kanta Mari, li t-ap konsèvé tout paròl sa yo, antan l-ap kalkilé yo nan kè-l. Gadyin-mouton yo tounin, y-ap fè konpliman ak louanj pou Bondié pou tou sa yo té tandé ak sa yo té ouè, dapré sa yo té di yo-a.

Lè ui jou yo fi-n pasé, pou yo fè sikonsizyon ti pitit la, yo rélé non-l Jézu, non sa-a anj la té bay la, avan li té fèt nan vant.

Paròl Granmèt la.

3

Ninpòt ki sa n-ap mandé Papa-a o non-m, m-ap fè-l.

✠ **Léktu sint Évanjil la dapré Jan**

14, 6-14

Lè sa-a :

Jézu di Toma : « Mouin sé chémin-an, vérité-a ak lavi-a. Pèsòn pa vi-n kot Papa-a, sof si-l pasé pa lintèmédiè-m. Si nou té konnin-m, nou t-a konnin Papa-m tou ; koulié-a nou konnin-l, épi nou ouè-l ».

Filip di-l : « Granmèt, montré nou Papa-a, épi sa ap kont nou ».

Jézu di-l : « Dépi tout tan sa-a mouin avèk nou, épi nou pa konnin-m ? Filip, moun ki ouè-m, li ouè Papa-a tou.

Kijan ou fè di : “Montré nou Papa-a” ? Ou pa kouè mouin nan Papa-a, épi Papa-a nan mouin ? Paròl yo mouin palé nou-an, sé pa nan mouin minm mouin palé yo. Papa-a ki rété nan mouin-an, sé li minm ki fè aksion yo.

Nou pa kouè mouin nan Papa-a, épi Papa-a nan mouin ? Omouin poutèt aksion yo sé pou nou kouè.

Amèn, amèn, mouin di nou, sa ki kouè nan mouin, aksion mouin fè yo, l-ap fè yo tou, l-ap fè pi gran pasé yo minm, paské m-apral kay Papa-a ; ninpòt ki sa n-ap mandé Papa-a o non-m, m-ap fè-l, pou Papa-a kapab jouinn gloua nan Pitit la. Si nou mandé yon bagay o non-m, m-ap fè-l ».

Paròl Granmèt la.

SAN GRANMÈT NOU JÉZU KI GIN ANPIL VALÈ-A

PRÉMIÉ LÉKTU NAN ANSYIN TÉSTAMAN-AN

1

Lè Granmèt la ap ouè san-an anlè papòt la épi nan chak pantu yo, l-ap pasé anlè papòt kay la.

Léktu liv Égzòd

12, 21-27

Jou sa yo :

Moyiz télé tout ansyin pitit Israèl yo, li diyo : « Alé, antan nou pran yon bèt pou chak fanmiy nou yo, n-ap sakrifé Pak la. N-a tranpé yon paké izòp nan san-an ki nan basi-n nan épi avèk li n-ap rouzé anlè papòt la avèk chak pantu yo.

Pèsonn nan nou pa doué soti déyò papòt kay li-a jous nan matin, Granmèt la ap travèsé réyèlman antan l-ap frapé Éjipsyin yo.

Lè l-ap ouè san-an anlè papòt la épi nan chak pantu yo, l-ap pasé anlè pòt kay la, li pap kite sa-a k-ap frapé-a antré nan kay nou yo épi frapé.

N-a kinbé paròl sa-a tankou yon loua pou ou minm ak pitit ou yo, jous pou tout tan. Lè ou-a antré nan tè-a, sa Granmèt la t-ap ba nou-an, jan-l té promèt la, nou-a obsèvé sérémoni sa yo.

Lè pitit nou yo ap di nou : “Ki rélijion sa-a ?”, n-a di yo : “Sé sakrifis pasaj Granmèt la li yé, lè-l té pasé anlè kay pitit Israèl yo nan Éjip la, antan l-ap frapé Éjipsyin yo, épi l-ap libéré kay nou yo” ».

Pèp la plouayé kò-l, li adoré.

Paròl Granmèt la.

2

Sa-a sé san aliens la, sa Granmèt la pasé avèk nou-an.

Léktu liv Égzòd

24, 3-8

Jou sa yo :

Moyiz rivé, li rakonté tout paròl Granmèt la ak jijman-l yo bay pèp la ; tout pèp la réponn avèk yon sèl voua : « Tout paròl Granmèt la di yo, n-ap fè yo ».

Moyiz ékri tout paròl Granmèt la ; granmatin li lévé, li bati yon lotèl nan pié mòn nan, ak douz tit pou douz fanmi Israèl yo. Li voyé jèn jan nan pitit Israèl yo, yo ofri sakrifis antié ; yo sakrifé sakrifis lapè pou Granmèt la, sé té jèn ti toro.

Moyiz pran mouatié pòsion nan san-an, li mété nan basi-n ; pòsion ki rété-a, li vidé-l sou lotèl la.

Li pran roulo aliens la, li li-l, pèp la kouté, pèp la di : « Tout sa Granmèt la di, n-ap fè-l, n-ap obéyi-l ».

San-an li té pran-an, li vidé-l sou pèp la, li di : « Sa-a sé san aliens la, sa Granmèt la pasé avèk nou-an nan tout paròl sa yo ».

Paròl Granmèt la.

PRÉMIÉ LÉKTU NAN NOUVO TÊSTAMAN-AN POU TAN PASKAL LA

1

*Li rinmin nou,
li lavé nou sot nan péché nou yo nan san-l.*

Léktu liv Apokalips apot sin Jan

1, 5-8

Gras pou nou ak lapè sot nan Jézu Kri, ki témouin fidèl la, prémié pitit nan pami mò yo, ak chèf roua yo ki sou tè-a, li minm ki rinmin nou, ki lavé nou sot nan péché nou yo nan san-l, ki fè nou vi-n tounin péyi-roua ak prêt pou Bondié Papa-l ; konpliman pou li ak otorité pou tout tan gin tan. Amèn.

Min l-ap vini avèk nuaj yo, tout jé ap ouè-l, minm sa-k té transpèsé-l yo ; tout ras sou tè-a ap plinn sou li. Oui. Amèn.

Sé mouin minm alfa-a ak oméga-a, kòmansman-an ak finisman-an, sé sa Granmèt la di, li minm ki la, ki té la, k-ap vini, li minm ki gin tout pouvoua-a.

Paròl Granmèt la.

2

Yo lavé ròb yo, yo blanchi yo nan san Mouton-an.

Léktu liv Apokalips apot sin Jan

7, 9-14

Mouin minm Jan, mouin ouè yon gran foul, pèsòn pa-t kapab konté-l, yo té soti nan tout kalité nasion, ras, pèp ak lang, yo té kanpé dévan tro-n

la ak dévan fas Mouton-an, yo té abiyé ak rad blan, yo té gin branch nan min yo, yo t-ap rélé byin fò, yo t-ap di : « Sové nou sové-a sé gras a Bondié nou-an, li minm ki chita sou tro-n nan, épi gras a Mouton-an ».

Tout anj yo té kanpé toutotou tro-n nan ak ansyin yo ak kat vivan yo ; yo lagé kò yo sou fas yo dévan tro-n nan, yo adoré Bondié, yo di : « Amèn. Bénédiksion, gloua, sajès, rémèsiman. konsidérasion, pouvoua ak fòs pou Bondié nou-an pou tout tan k-ap gin tan. Amèn ».

Youn nan ansyin yo pran laparòl, li di-m : « Sa yo ki abiyé ak rad blan yo, kilès yo yé, épi koté yo soti ? »

Mouin di-l : « Granmèt mouin, ou konnin ».

Li di-m : « Sa yo sé sa-k vi-n soti nan gran tribilasion-an, yo lavé ròb yo, yo blanchi yo nan san Mouton-an ».

Paròl Granmèt la.

PSÒM RÉPONS YO

1

PSÒM RÉPONS

Ps 39, 2 é 4 ab. 7-8 a. 8 b-9. 10 (R: 8 a é 9 a)

- R: Min m-ap vini, Granmèt, pou-m fè volonté-ou.
- 2 Sé pa ti kras tann mouin t-ap tann Granmèt la,
li panché sou mouin.
- 4 Li mété yon kantik nouvo nan bouch mouin,
yon chanté pou Bondié nou-an. R:
- 7 Sakrifis ak kado, ou pa-t vlé sa,
ou louvri zòrèy mouin.
Sakrifis antié ak sakrifis pou péché, ou pa-t mandé sa,
- 8 lè sa-a mouin di : « Min m-ap vini. R:
- 9 Nan roulo liv la yo ékri osijè-m
pou-m fè volonté-ou.
Bondié mouin, mouin dakò,
laloua-ou la nan zantray mouin ». R:
- 10 Mouin anonsé jistis ou-a nan gran asanblé-a ;
min mouin pa fèmin bouch mouin, Granmèt, ou konnin. R:

2

PSÒM RÉPONS Ps 115, 12-13. 15-16 b c. 17-18 (R: cf. 1 Kor 10, 16)

R: Kalis bénédiksion-an sé kominion san Kris la.

oubyin : Alélouya.

- 12 Ki sa pou-m rinnèt Granmèt la
pou tou sa-l fè pou mouin ?
- 13 M-ap pran kalis k-ap sovè nou-an,
m-ap rélé non Granmèt la. R:
- 15 Li gin valè dévan jé Granmèt la
lanmò sin-l yo.
- 16 Mouin sé sèvitè-ou ak pitit sèvant ou.
Ou kasé chinn mouin yo. R:
- 17 M-ap sakrifé sakrifis louanj ba ou,
m-ap rélé non Granmèt la.
- 18 M-ap rinnèt Granmèt la sa-m té promèt yo,
dévan tout pèp la. R:

DÉZIÈM LÉKTU NAN NOUVO TÉSTAMAN-AN

1

Avèk pròp san-l li antré yon foua pou tout nan tanp la.

Léktu lèt pou Ébré yo

9, 11-15

Kris la rivé kòm prèt an chèf pou byin ki gin pou vini yo. Li travèsé yon tant ki pi gran, ki pi kòrèk, ki pa fèt ak min moun, sa vlé di ki pa sot nan minm konpozision avèk sa Bondié kréyé yo. Li pa pran san bouk ak san ti toro, min sé ak pròp san pa-l li sèvi, yon sèl foua pou tout li antré nan tanp la, li rachté nou pou tout tan.

Si réyèlman san bouk ak san toro ak san gazèl yo konn vidé sou moun ki gin tach yo, sa pròpté kò yo pou sèvis Bondié-a, san Kris la ap fè pi byin toujou, li minm ki fi-n ofri tèt li san tach bay Bondié pa pouvoua Éspri ki la pou tout tan-an. L-ap nètouayé konsians nou sot nan aktivité lanmò yo, pou nou kapab sèvi Bondié vivan-an ?

Sé pousa li sèvi intèmédiè pou yon nouvo aliens. Konsa, lanmò-l sèvi pou rachté nou sot nan péché ki té fèt parapò a premié aliens la. Moun yo

Bondié rélé-a, y-ap résévoua éritaj pou tout tan-an, sa Bondié té promèt la.

Paròl Granmèt la.

2

*Nou té proche kot san yo vidé-a
k-ap palé pi byin pasé pa Abèl la.*

Léktu lèt pou Ébré yo

12, 18-19. 22-24

Frè-m yo :

Nou pa-t proche kot yon mòn yo kapab touché, ak difé k-ap flanbé, ak fè-noua, ak dékou, ak tanpèt, ak son kléron, ak boui paròl ; moun yo ki té tandé yo-a, yo té mandé padon, pou bagay sa-a sispann pou yo.

Min nou té proche kot mòn Siyon-an ak vil Bondié ki vivan-an, Jérusalèm nan sièl la, ak pakèt milié anj yo k-ap fété yo, ak foul premié pitit yo ki gin non yo ékri nan sièl yo, ak Bondié ki jij tout moun yo, ak nanm moun ki kòrèk yo ki fi-n bon nèt yo, ak Jézu ki sèvi intèmediè nouvo téstaman-an, ak san yo vidé-a k-ap palé pi byin pasé san Abèl la.

Paròl Granmèt la.

3

*Nou rachté ak yon san ki gin anpil valè, san Jézu-Kri-a
ki tankou san Mouton ki san tach la.*

Léktu premié lèt apot sin Piè

1, 17-21

Nou minm mouin rinmin anpil la :

Si nou rélé sa-a Papa, li minm ki jijé dapré aksion chak moun nan san-l pa gadé sou figi moun, sé pou nou viv nan krint Bondié pandan tan nou abité sou tè-a, antan nou konnin sé pa avèk bagay k-ap gaté, lò oubyin lajan, nou rachté sot nan konduit papa nou yo té transmèt nou-an, ki pa vo anyin-an, min sé ak san ki gin anpil valè-a, tankou san Mouton ki san tach la Kris la, san sa-a ki pa sal la, li minm Bondié té prévoua dépi anvan tè-a fèt la, min li montré-l nan dènié tan yo poutèt nou, nou minm ki fidèl nan Bondié, Bondié minm ki résisitè-l sot nan pami mò yo, ki ba-l gloua, pou lafoua nou ak éspérans nou kapab nan Bondié.

Paròl Granmèt la.

4

Sé yo toua-a k-ap sèvi témouin sou tè-a : Éspri-a ak dlo-a ak san-an.

Léktu prémié lèt apot sin Jan

5, 4-8

Nou minm mouin rinmin anpil la :

Tou sa ki pran nésans sot nan Bondié li ranpòté viktoua sou tè-a. Min viktoua-a, sa ki ranpòté viktoua sou tè-a, sé lafoua nou. Kilès sa-a ki ranpòté viktoua sou tè-a, si sé pa sa-a ki kouè Jézu sé Pitit Bondié-a ?

Sa-a sé li minm ki vini nan dlo-a ak san-an, Jézu-Kri ; pa nan dlo-a sèlman, min nan dlo-a ak san-an. Épi sé Éspri-a ki sèvi témouin, paské Éspri-a sé vérité.

Sèké sé yo toua-a k-ap sèvi témouin : Éspri-a ak dlo-a ak san-an, épi toua sa yo, sé yon sèl yo yé.

Paròl Granmèt la.

ALÉLOUYA AK VÈSÈ ANVAN ÉVANJIL LA

1

Cf. Ap 1, 5 ab

(**R.** Alélouya). Jézu-Kri, ou sé témouin fidèl,
 prémié pitit nan pami mò yo :
 ou rinmin nou, ou lavé péché nou yo
 nan san-ou. (**R.** Alélouya).

2

Ap 5, 9

(**R.** Alélouya). Ou mérité sa vré, Granmèt, pou-ou résévoua liv la,
 pou-ou ouété sélé-l yo,
 paské yo té touyé-ou, épi ou rachté nou pou Bondié
 nan san-ou. (**R.** Alélouya).

ÉVANJIL

1

Sa-a sé kò-m, sa-a sé san-m.

✠ Léktu sint Évanjil la dapré Mark

14, 12-16. 22-26

Prémié jou azim yo, lè yo t-ap fè sakrifis pak la, disip Jézu yo di-l : « Ki koté ou vlé n-al paré pou ou manjé pak la ? »

Li voyé dé nan disip li yo, li di yo : « Alé nan vil la, gin yon mésié k-ap poté yon krich dlo, l-ap rankontré nou, suiv li. Koté l-a antré-a, n-a di mèt kay la : “Mèt la di ki koté piès mouin-an yé, koté pou-m manjé pak la avèk disip mouin yo ? “ L-a montré nou yon gran piès anro-a, ki paré, byin kouvri ak tapi ; sé la n-a paré pou nou ».

Disip yo soti, yo rivé nan vil la, yo jouinn jan-l té di yo-a, yo paré pak la.

Pandan y-ap manjé, Jézu pran pin-an, antan li béni-l, li kasé-l, li ba yo-l, li di : « Pran, sa-a sé kò mouin ». Antan li pran kalis la, antan li rann gras, li ba yo li, yo bouè ladan-l yo tout.

Li di yo : « Sa-a sé san mouin, nouvo aliens la, ki vidé pou pakèt moun yo. Amèn mouin di nou, mouin pa gin doua janm bouè ankò nan foui pié rézin sa-a jous jou sa-a lè m-a bouè-l tou nouvo nan péyi-roua Bondié-a ».

Lè yo fi-n chanté imn yo, yo soti, y-al sou mòn pié oliv yo.

Paròl Granmèt la.

2

Yo abiyé-l avèk rad vlou rouj épi yo pozé kouròn yo trésé ak pikan sou tèt li.

✠ Léktu sint Évanjil la dapré Mark

15, 16-20

Lè sa-a :

Sòlda yo kondui Jézu nan lakou palè-a, épi yo rasanblé tout foul la. Yo abiyé-l avèk rad vlou rouj épi yo mété kouròn yo trésé ak pikan sou tèt li. Yo kòmansé salué-l : « Salu, roua Juif yo ». Yo t-ap frapé tèt li avèk yon rozo, yo t-ap kraché sou li, yo t-ap pozé jénou atè épi yo t-ap adoré-l.

Lè yo fi-n pasé-l nan jouèt, yo rétiré rad vlou rouj la, yo abiyé-l ak rad li yo, épi yo kondui-l déyò pou yo klouré-l sou koua.

Paròl Granmèt la.

3

Suè li vi-n tankou gout san k-ap koulé tonbé atè.

✠ **Léktu sint Évanjil la dapré Luk**

22, 39-44

Lè sa-a :

Jézu t-apralé jan-l té konn abitué fè-a sou mòn Oliv yo. Disip li yo té suiv li.

Lè-l rivé nan koté-a, li di yo : « Priyé, pou nou pa antré nan tantasion ».

Li minm minm li élouagné sot koté yo distans yo kapab voyé yon ròch ; antan-l mété jénou atè, li t-ap priyé antan l-ap di : « Papa, si-ou vlé, fè kalis sa-a pasé louin-m ; sèlman sé pa volonté pa-m, min sé pou-ou la ki pou fèt ».

Yon anj parèt koté-l sot nan sièl la antan l-ap ankourajé-l. Antan li antré nan agoni, li t-ap priyé pi plis.

Suè-l té tankou gout san k-ap koulé tonbé atè-a.

Paròl Granmèt la.

4

Bò kòt li louvri, san ak dlo koulé.

✠ **Léktu sint Évanjil la dapré Jan**

19, 31-37

Lè sa-a :

Kòm sé té préparasion Pak la, pou kò yo pa-t rété sou koua-a jou saba-a (sèké jou sa-a sé té gran jou saba-a), Juif yo mandé Pilat pou yo krazé janm yo, pou yo ouété yo. Sòlda yo rivé, yo krazé janm premié-a ak lòt la ki té klouré sou koua-a avèk Jézu-a.

Min lè yo rivé sou Jézu, yo ouè li té déjà mouri, yo pa krazé janm li, min youn nan sòlda yo louvri bò kòt li avèk lans li-a, minm lè-a san ak dlo koulé.

Moun ki ouè-a, li sèvi témouin, témouagnaj li-a vré. Li minm li konnin li di vérité, pou nou minm tou nou kapab kouè.

Bagay sa yo fèt pou sa ki ékri-a té kapab akonpli : « Nou pap krazé zo nan li ». Épi tou yon lòt pasaj sa ki ékri-a di : « Y-ap gadé sa-a yo transpèsé-a ».

Paròl Granmèt la.

KÈ JÉZU-KRI KI SAKRÉ ANPIL LA**PRÉMIÉ LÉKTU NAN NOUVO TÊSTAMAN-AN**

1

*Granmèt Granmèt Bondié, ki gin mizérikòd, ki bon.***Léktu liv Égzòd**

34, 4 b-6. 8-9

Jou sa yo :

Nan nuit Moyiz léyé, li monté sou mòn Sinayi-a, jan Granmèt la té pasé-l lòd la, li té pòté galèt roch yo avèk li.

Lè Granmèt la désann nan nuaj la, Moyiz kanpé avèk li, li rélé non Granmèt la. Pandan l-ap pasé dévan-l, li di : « Granmèt Bondié, ki dominé tou sa ki égzisté-a, ki gin mizérikòd épi ki bon, ki gin pasians, ki gin anpil pitié, ki fidèl, ki kinbé mizérikòd pou milié, ki ouété fot, krim avèk péché ».

Moyiz fè vit, li plouayé kò-l plat atè-a, li adoré, li di : « Si mouin jouinn gras dévan fas ou, Granmèt, mouin priyé pou-ou maché avèk nou (sèké pèp la gin kou rèd), ouété fot nou yo, pran nou pou ou nèt ».

Paròl Granmèt la.

2

*Granmèt la rinmin nou, li chouazi nou.***Léktu liv Détéronòm**

7, 6-11

Jou sa yo :

Moyiz té palé ak pèp la antan li di : « Sé yon pèp ki sin ou yé pou Granmèt Bondié-ou la. Granmèt Bondié-ou la chouazi-ou, pou-ou kapab vi-n tounin yon pèp apa pou li nan pami tout pèp yo ki sou tè-a.

Si Granmèt la kolé kò-l sou nou, si li chouazi nou, sé pa paské nou té gin plis moun pasé tout lòt pèp yo, okontrè sé nou minm ki pi piti nan pami tout pèp yo ; min sé paské Granmèt la rinmin nou, épi pou-l kinbé sèman-an, sa-l té sèmanté bay papa nou yo, sé poutèt sa li fè nou soti ak fòs min li, li rachté nou sot nan kay ésklavaj la, sot nan min Faraon, roua Éjip la.

Ou-a konnin sé li minm Granmèt Bondié-ou la ki Bondié ki fò, ki fidèl, ki kinbé aliens la ak mizèrikòd la pou moun ki rinmin-l, ki kinbé lòd li yo pou mil jénèrasion ; min moun ki rayi-l yo, li rinnèt yo sa minm lè-a, ki fè li gayé yo, li pa tann pi lontan, sé la minm li rinnèt yo sa yo mérité-a.

Konsa sé pou-ou kinbé lòd yo ak désizion yo ak jijman yo, sa mouin kòmandé-ou jodi-a pou-ou fè-a ».

Paròl Granmèt l.a.

3

Li rinmin yo, li chouazi désandans yo apré yo.

Léktu liv Détéronòm

10, 12-22

Jou sa yo :

Moyiz palé ak pèp la, antan-l di : « Koulié-a, Israël, ki sa Granmèt Bondié-ou la mandé-ou, si sé pa pou-ou krinn Granmèt Bondié-ou la, pou-ou maché nan chémin-l yo, pou rinmin-l ; pou-ou sèvi Granmèt Bondié-ou la ak tout kè-ou, ak tout nanm ou ; pou-ou kinbé kòmandman Granmèt yo ak désizion-l yo, sa mouin kòmandé-ou jodi-a, pou sa kapab bon pou ou ?

Min sièl la ak sièl ki anlè sièl la, sé pou Granmèt Bondié-ou la yo yé, ni tè-a ak tou sa-k nan li ; époutan sé ak papa-ou yo Granmèt la té fè zanmi, li rinmin yo, li chouazi désandans yo apré yo, sa vlé di nou minm minm, sot nan pami tout nasion, jan yo kapab konstaté sa jodi-a.

Konsa, sé pou nou koupé chè ki vlòpé kè nou-an, pa fè kou nou vi-n rèd ankò ; paské Granmèt Bondié nou an, sé li minm ki Bondié dié yo, ak Granmèt mèt yo, Bondié ki gran, ki gin pouvoua, ki térib, ki pa konsidéré figi moun ni kado, ki fè jijman pou òfélin ak vèv, ki rinmin étranjé, ki bal manjé ak rad. Nou minm tou, sé pou nou rinmin étranjé yo, paské nou minm tou nou té étranjé nan péyi Éjip la.

Sé pou-ou krinn Granmèt Bondié-ou la, sé li minm sèl pou-ou sèvi, sé sou li pou-ou kolé kò-ou, sé o non-l pou-ou fè sèman. Sé li minm ki louanj ou ak Bondié-ou, li minm ki té fè mèvèy sa yo ak prodij sa yo pou ou, sa jé-ou ouè yo. Sé ak souasann-dis moun papa-ou yo té désann nan Éjip ; koulié-a gadé, Granmèt Bondié-ou la fè-ou vi-n anpil, tankou zétoual sièl yo ».

Paròl Granmèt la.

4

*Minm si yon manman ta bliyé pitit li,
mouin minm mouin pap bliyé-ou.*

Léktu liv profèt Izayi

49, 13-15

Fè louanj, sièl yo, fété tè-a ; fè louanj éklaté, mòn yo, paské Granmèt la konsolé pèp li-a, li pran pitié pou pòv li yo.

Siyon t-ap di : « Granmèt la lagé-m, Granmèt la bliyé-m ». Èské yon madanm kapab bliyé ti pitit li, pou-l pa gin pitié pou pitit zantray li ? Minm si youn t-ap bliyé, mouin minm mouin pap bliyé-ou.

Paròl Granmèt la.

5

Mouin rinmin-ou ak yon rinmin k-ap diré tout tan.

Léktu liv profèt Jérémi

31, 1-4

« Lè sa-a, sé sa Granmèt la di, m-ap Bondié tout fanmi Israèl yo, yo minm y-ap pèp mouin ».

Min sa Granmèt la di : « Pèp la ki chapé anba épé-a, li jouinn gras nan dézè-a ; Israèl ap maché al nan répo-l. Dépi byin louin Granmèt la parèt dévan-m, li di pou pèp la : Mouin rinmin-ou ak yon rinmin k-ap diré tout tan ; sé pousa m-ap atiré-ou antan-m pran pitié. M-ap bati-ou ankò, ou-ap rébati, vièj Israèl : ou-ap vi-n bèl ak tanbou-ou yo, ou-ap soti nan group k-ap joué yo ».

Paròl Granmèt la.

6

*Mouin minm minm m-ap okipé mouton-m yo,
m-ap fè yo kouché.*

Léktu liv profèt Ézékièl

34, 11-16

Min sa Granmèt Bondié-a di : « Min m-ap chèché mouton-m yo, m-ap vizité yo : minm jan yon gadyin vizité bann mouton-l, jou li nan mitan bann mouton-l yo ki gayé yo, konsa m-ap vizité mouton-m yo, m-ap délivré yo sot nan tout koté yo té gayé jou nuaj ak brouya.

M-ap fè yo soti nan pèp yo, m-ap ranmasé yo sot nan péyi yo, m-ap fè yo antré nan péyi yo-a, m-ap okipé yo sou mòn Israël yo, bò riviè yo ak nan tout koté moun abité nan péyi-a ; nan bon pak zèb m-ap fè yo manjé, sou mòn Israël yo ki pi ro yo y-ap jouinn manjé yo.

Mouin minm minm m-ap okipé mouton-m yo, m-ap fè yo kouché, sé sa Granmèt Bondié-a di. Sa-k té pèdi-a, m-ap chèché-l ; sa yo té réjité-a, m-ap fè-l tounin ; sa-k té blésé-a, m-ap pansé-l ; sa-k té malad la, m-ap ba-l santé ; sa-k gra-a, ki fò-a, m-ap konsèvé-l ; m-ap okipé yo nan jistis ».

Paròl Granmèt la.

7

Kè-m chaviré anndan-m.

Léktu liv profèt Ozé

11, 1. 3-4. 8 c-9

Min sa Granmèt la di : « Israël té piti, mouin té rinmin-l, mouin té rélé pitit mouin-an sot Éjip. Mouin minm mouin tankou yon nouris pou Éfrayim, mouin t-ap poté yo sou bra-m, min yo pa-t konnin mouin t-ap souin yo.

Avèk kòd Adan mouin t-ap minnin yo, avèk kòd rinmin-an ; pou yo mouin té tankou yon moun k-ap lévé jouk la sou zépòl yo, mouin t-ap panché sou li pou-m fè-l manjé.

Kè-m ap boulvèsé anndan-m, konsa mouin trublé tèlman mouin régrèt. Mouin pap kité kòlè-m éklaté, mouin pap chanjé pou-m gayé Éfrayim, paské sé Bondié mouin yé, sé pa moun ; nan mitan-ou sin-an, épi mouin pap antré nan vil la ».

Paròl Granmèt la.

PRÉMIÉ LÉKTU NAN NOUVO TÊSTAMAN-AN POU TAN PASKAL LA

1

M-ap soupé avèk li, li minm avèk mouin.

Léktu liv Apokalips apot sin Jan

3, 14 b. 20-22

Min sa-l di, Amèn nan, témouin fidèl la, vré-a, li minm ki kòmansman créatu Bondié-a : « Min mouin kanpé nan pòt la, m-ap frapé : si yon

moun tandé voua-m, li louvri pòt la ban mouin, m-ap antré koté-l, m-ap soupé avèk li, li minm avèk mouin.

Moun ki ranpòté viktoua-a, m-ap ba-l posibilite pou-l chita avèk mouin sou tro-n mouin-an, minm jan mouin minm mouin té ranpòté viktoua-a épi mouin chita avèk Papa-m sou tro-n li-an. Moun ki gin zòrèy, sé pou-l tandé sa Éspri-a di Égliz yo ».

Paròl Granmèt la.

2

Ou rachté nou pou Bondié nan san-ou.

Léktu liv Apokalips apot sin Jan

5, 6-12

Mouin minm, Jan, mouin ouè, épi nan mitan tro-n nan ak kat vivan yo ak nan mitan ansyin yo, min yon Mouton té kanpé tankou si yo té touyé-l, li té gin sèt kòn ak sèt jé, sé sèt éspri Bondié yo, yo voyé sou tout tè-a. Li rivé, li pran liv la nan min douat sa-a ki té chita sou tro-n nan. Kon-l louvri liv la, kat vivan yo ak vinnkat ansyin yo tonbé dévan Mouton-an, yo chak té gin gita ak véso an lò ki plin losion, sé priyé sin yo.

Yo t-ap chanté yon kantik nouvo, yo t-ap di : « Ou mérité sa vré, Granmèt, pou-ou résévoua liv la, pou-ou ouété sélé-l yo, paské yo té touyé-ou, épi ou rachté nou pou Bondié nan san-ou sot nan tout ras, lang, pèp ak nasion, épi ou fè nou vi-n tounin péyi roua ak prêt pou Bondié nou, n-ap kòmandé kòm roua sou tè-a ».

Mouin ouè, mouin tandé voua anpil anj toutalantou tro-n nan ak vivan yo ak ansyin yo ; kantité yo sé té mil milié ki t-ap di avèk yon gran voua : « Li mérité, Mouton-an yo té touyé-a, pou-l résévoua puisans, divinité, sajès, fòs, onè, gloua ak konpliman ».

Paròl Granmèt la.

PSÒM RÉPONS YO

1

PSÒM RÉPONS

Iz 12, 2-3, 4 bcd. 5-6 (R : 3)

- R: N-ap tiré dlo ak kè kontan sot nan sous Sovè-a.
- 2 Min Bondié sovè-m nan, mouin gin konfians, mouin pap pè,
paské fòs mouin ak louanj mouin, sé Granmèt la,
sé li minm ki vi-n sovè-m.
- 3 N-ap tiré dlo ak kè kontan sot nan sous Sovè-a. R:
- 4 Fè louanj Granmèt la, rélé non li,
fè konnin mèvèy li yo nan pèp yo,
fè sonjé kijan non-l anlè nèt. R:
- 5 Chanté pou Granmèt la, paské li fè mèvèy,
anonsé sa sou tout tè-a.
- 6 Fété, fè louanj, pèp Siyon
paské li gran nan mitan-ou, Sin Israèl la. R:

2

PSÒM RÉPONS

Ps 22, 1-3. 4. 5. 6 (R : 1)

- R: Granmèt la ap okipé-m, mouin pap manké anyin.
- 1 Granmèt la ap okipé-m, anyin pap manké-m ;
nan zèb vèt li instalé-m,
- 2 sou bò dlo trankil li minnin-m,
li réfè nanm mouin.
- 3 Li kondui-m nan santié jistis poutèt non-l. R:
- 4 Sèké minm si m-ap maché nan bafon lonbraj lanmò,
mouin pap pè malè, paské ou avèk mouin.
Baton-ou ak bagèt ou, sé yo k-ap konsolé-m. R:
- 5 Ou paré yon tab dévan fas mouin
kont sa yo k-ap fè-m sibi tribilasyon-an ;
ou souin tèt mouin ak losion,
kalis mouin ap débòdé. R:
- 6 Réyéلمان sé bon kè ak mizérikòd k-ap rapousuiv mouin
tout tan lavi-m,

m-ap abité nan kay Granmèt la
pou tout longè tan yo. **R**

3

PSÒM RÉPONS Ps 24, 4 bc-5 ab. 6 é 7 bc. 8-9. 10 é 14 (**R**: 6 a)

- R** Sonjé mizérikòd ou yo, Granmèt ;
- 4 Chémin-ou yo, Granmèt, montré-m yo,
santié-ou yo, aprann mouin yo.
- 5 Dirijé-m nan vérité-ou la, ban-m léson,
paské ou sé Bondié sovè mouin. **R**
- 6 Sonjé bon kè-ou, Granmèt,
ak mizérikòd ou, paské sé dépi tout tan yo égzisté.
- 7 Dapré mizérikòd ou, sonjé-m,
poutèt bon kè-ou, Granmèt. **R**
- 8 Granmèt la bon, li kòrèk,
poutèt sa, li aprann péchè yo chémin-l
- 9 l-ap dirijé moun ki dosil yo nan jijman-an,
l-ap aprann moun ki dou yo chémin-l yo. **R**
- 10 Tout chémin Granmèt la sé mizérikòd ak vérité
pou moun ki obsèvé téstaman-l nan ak témouagnaj li yo.
- 14 Granmèt la ap aji kòm zanmi avèk moun ki krinn li yo,
pou-l montré yo téstaman-l nan. **R**

4

PSÒM RÉPONS Ps 32, 1-2. 4-5. 11-12. 18-19. 20-21 (**R**: 5 b)

- R** Mizérikòd Granmèt la plin tè-a.
- 1 Fété nan Granmèt la, nou minm ki kòrèk yo ;
louanj la alé ak moun ki douat yo.
- 2 Fè louanj pou Granmèt la sou gita,
sou instriman dis kòd la, chanté pou li. **R**
- 4 Sèké paròl Granmèt la douat,
tout aksion-l yo nan fidélimité.
- 5 Li rinmin jistis ak jijman,
mizérikòd Granmèt la plin tè-a. **R**

- 11 Min plan Granmèt la rété pou tout tan,
kalkil kè-l pou jénérasyon ak jénérasyon.
- 12 Ala kontantman pou nasion-an, ki gin Granmèt la pou Bondié-l,
pèp la li chouazi kòm éritaj li-a. **R:**
- 18 Min jé Granmèt la sou moun ki krinn yo,
sou moun ki mét éspérans sou mizérikòd li,
19 pou-l délivré nanm yo sot nan lanmò,
pou-l ba yo manjé nan grangou. **R:**
- 20 Nanm nou ap konté sou Granmèt la,
paské sékou nou ak protéksion nou sé li minm ;
21 paské nan li kè nou ap fété,
épi nan non-l ki sin-an n-ap éspéré. **R:**

5

PSÒM RÉPONS

Ps 33, 2-3. 4-5. 6-7. 8-9. 17-18. 19 é 23 (**R:** : 9 a)

- R:** Gouté, n-a ouè kijan Granmèt la bon.
- 2 M-ap fè konpliman pou Granmèt la tout tan,
tout tan louanj li nan bouch mouin.
- 3 Nan Granmèt la nanm mouin ap jouinn gloua-l,
sé pou pòv yo tandé, pou yo kontan. **R:**
- 4 Fè louanj Granmèt la avèk mouin,
sé pou nou lévé non-l anlè ansanm.
- 5 Mouin chèché Granmèt la, li réponn mouin,
anba tou sa-k fè-m pè, li délivré-m. **R:**
- 6 Gadé nan diréksion-l, n-ap kléré,
fas nou pap ront.
- 7 Pòv sa-a rélé, Granmèt la tandé-l
anba tout tribilasyon li sové-l. **R:**
- 8 Anj Granmèt la ap monté lagad alantou moun ki krinn li yo,
épi l-ap délivré yo.
- 9 Gouté, n-a ouè jan Granmèt la bon ;
ala kontantman pou moun ki éspéré nan li. **R:**
- 17 Fas Granmèt la sou moun k-ap fè mal yo,
pou-l fè souvni yo disparèt sot sou tè-a.

- 18 Yo rélé, Granmèt la tandé,
 anba tout tribilasyon yo li délivré yo. **R:**
- 19 Granmèt la tou pré moun ki gin kè yo krazé yo,
 l-ap sovè sa-k gin éspri yo boulvèsé yo.
- 23 Granmèt la ap rachté nanm sèvitè-l yo,
 li pap pini tout moun ki espéré nan li yo. **R:**

6

PSÒM RÉPONS

Ps 102, 1-2. 3-4. 6-7. 8 é 10 (**R:** : 17)

- R:** Mizérikòd Granmèt la pou tout tan sou moun ki krinn li yo.
- 1 Fè konpliman pou Granmèt la, nanm mouin ;
 tou sa-k anndan-m, fè konpliman pou non-l ki sin.
- 2 Fè konpliman pou Granmèt la, nanm mouin,
 pa bliyé tou sa-l fè yo. **R:**
- 3 Li minm ki padonnin tout fot ou yo,
 ki géri tout maladi-ou yo ;
- 4 li minm ki rachté lavi-ou sot nan fòs la,
 ki kouronnin-ou ak mizérikòd, ak pitié. **R:**
- 6 Granmèt la fè jistis
 ak jijman pou tout moun k-ap soufri afron.
- 7 Li fè Moyiz konnin chémin-l yo,
 li fè pitit Israèl yo konnin mèvèy li yo. **R:**
- 8 Granmèt la pran pitié, li gin mizérikòd,
 li pran pasians, li gin anpil mizérikòd.
- 10 Sé pa dapré péché nou yo li aji avèk nou,
 ni dapré fot nou yo li rinmèt nou. **R:**

DÉZIÈM LÉKTU NAN NOUVO TÉSTAMAN-AN

1

Rinmin Bondié-a gayé nan kè nou yo.

Léktu lèt apot sin Pòl pou Romin yo**5, 5-11**

Frè-m yo :

Éspérans la pa fè ront paské rinmin Bondié-a gayé nan kè nou gras a Éspri Sin-an li ba nou-an.

Pouki sa Kris la, malgré nou té fèb toujou-a, li mouri pou péchè yo, lè tan-an rivé-a ? Apèn réyèlman pou sa ki kòrèk la yon moun kapab mouri ; sèké pou yon moun ki bon paraza kilès k-ap ozé mouri ?

Min Bondié montré jan-l rinmin nou, paské, malgré sé péchè nou té yé, Kris la mouri pou nou nan tan fiksé-a. Konsa koulié-a minm, étan nou vi-n kòrèk pi plis ankò gras a san-l nan, n-ap sové gras a li sot nan kòlè-a.

Si malgré nou té ènmi, nou vi-n rékonsilié ak Bondié nan lanmò Pitit li-a, koulié-a minm étan nou fi-n rékonsilié avèk li-a, sé piplis toujou n-ap sové nan lavi-l. Sé pa sèlman sa, min n-ap jouinn gloua nan Bondié pa lintèmédiè Granmèt nou Jézu-Kri ki rékonsilié nou-an.

Paròl Granmèt la.

2

Dapré richès gras li-a, ki débòdé sou nou-an.

Léktu lèt apot sin Pòl pou Éfézyin yo**1, 3-10**

Konpliman pou Bondié Granmèt nou Jézu Kri, li minm ki béni nou ak tout kalité bénédikcion spirituèl nan sièl la nan Jézu Kri. Jan li té chouazi nou nan li anvan tè-a té fèt la, pou nou sin, san répròch dévan-l nan rinmin-an. Li té destiné nou davans pou nou vi-n tounin pitit adoptif pou li gras a Jézu-Kri, dapré désizion volonté-l, pou louanj gloua gras li-a, sa-l fè nou jouinn gras nan li-a nan Pitit li-a li rinmin-an.

Nan li nou gin rédanmsion gras a san-l, padon péché dapré richès grsa li-a ki débòdé sou nou-an nan tout kalité sajès ak sians, pou-l té kapab fè nou konnin mistè volonté-l, dapré bon plézi-l, sa-l té ranjé davans nan li pou fè tan yo rivé nan dènié bout kous yo, fè tout bagay kanpé nan Kris la, sa-k nan sièl la ak sa-k sou tè-a, nan li.

Paròl Granmèt la.

3

Anonsé nasion yo richès Kris la yo pa kapab sondé yo.

Léktu lèt apot sin Pòl pou Éfézyin yo

3, 8-12

Frè-m yo :

Mouin minm ki pi piti nan tout sin yo, sé mouin minm yo bay gras sa-a pou-m anonsé nasion yo richès Kris la yo pa kapab sondé yo, pou-m fè tout moun ouè byin klè valè mistè-a ki kaché dépi sièk tan nan Bondié, li minm ki kréyé tout bagay la ; pou chèf yo ak otorité yo nan sièl yo rékonèt sajès Bondié-a nan divès fòm li gras a Égliz la, dapré désizion ki té réglé dépi sièk tan davans la, sa-l fè nan Kris Jézu Granmèt nou-an, li minm nou gin konfians nan li-a avèk posibilite pou nou proché nan asirans pa pouvoua lafoua-l la.

Paròl Granmèt la.

4

Konnin rinmin Kris la ki dépasé tout sians la.

Léktu lèt apot sin Pòl sin pou Éfézyin yo

3, 14-19

Frè-m yo :

Mouin mét jénou-m atè dévan Papa Granmèt nou Jézu-Kri. Sé nan li tout papa nan sièl ak sou tè kapab poté non papa-a ; pou-l ba nou favè, dapré richès gloua-l, pou, gras a éspri-l, nou asiré fòs moun nan k-ap dévlopé anndan nou-an ; sé pou Kris la abité nan kè nou gras a lafoua-a ; sé pou nou pousé rasi-n nan charité-a, pou nou pozé fondasion nou nan li, pou nou kapab konprann, ansanm avèk tout sin yo, ki lajè, ki longè, ki rotè, ki profondè ; pou nou konnin rinmin Kris la ki dépasé tout sians la, pou nou kapab plin ak tou sa Bondié plin-an.

Paròl Granmèt la.

5

Nan zantray Jézu-Kri.

Léktu lèt apot sin Pòl pou Filipyin yo

1, 8-11

Frè-m yo :

Bondié sèvi-m témouin, kijan mouin rinmin nou tout nan zantray Jézu-Kri. Épi mouin priyé konsa pou charité nou-an débodé tout tan pi

plis nan sians ak tout kalité bon sans, pou nou sondé bagay ki pi bon yo, pou nou kapab sinsè, san répròch nan jou Kris la, antan nou plin ak foui jistis la, pa pouvoua Jézu-Kri, pou gloua ak louanj Bondié.

Paròl Granmèt la.

6

Sé li minm ki té rinmin nou an prémié.

Léktu prémié lèt apot sin Jan

4, 7-16

Nou minm mouin rinmin anpil la, sé pou nou youn rinmin lòt, paské rinmin-an sé nan Bondié li soti ; épi tout moun ki rinmin, sé nan Bondié li jouinn nésans épi li konnin Bondié. Moun ki pa rinmin, li pa konnin Bondié, paské Bondié voyé sèl Pitit li-a sou tè-a, pou nou viv pa lintèmediè-l.

Min kijan rinmin-an yé, sé pa nou minm ki té rinmin Bondié, sé li minm ki té rinmin nou an prémié, épi li voyé Pitit li-a kòm padon pou péché nou yo.

Nou minm mouin rinmin anpil la, si Bondié rinmin nou konsa, sé pou nou youn rinmin lòt tou. Bondié, pèsòn pa janm ouè-l. Si nou youn rinmin lòt, Bondié rété nan nou charité-l nan nou-an réalisé nèt. Nan sa nou konnin nou rété nan li épi li minm nan nou, sèké li té ba nou nan éspri-l la.

Nou minm nou ouè, nou sèvi témouin Papa-a voyé Pitit li-a kòm sovè tè-a. Tout moun ki rékonèt Jézu sé Pitit Bondié, Bondié rété nan li, épi li minm nan Bondié.

Nou minm nou konnin, nou kouè nan charité-a Bondié ginyin pou nou-an. Bondié sé charité, moun ki rété nan charité-a, li rété nan Bondié, épi Bondié nan li.

Paròl Granmèt la.

ALÉLOUYA AK VÈSÈ ANVAN ÉVANJIL LA

1

Cf. Mt 11, 25

(R: Alélouya). Mouin fè konpliman pou ou, Papa, Granmèt sièl la ak tè-a,
paské ou té révéle mistè péyi-roua-a bay ti moun piti yo. (R:
Alélouya).

2

Mt 11, 28

(R: Alélouya). Vi-n jouinn mouin, nou tout k-ap fatigé,
k-ap rédi anba gro chaj,
m-ap réfè fòs nou, sé sa Granmèt la di. (R: Alélouya).

3

Mt 11, 29 ab

(R: Alélouya). Pran jouk mouin sou nou,
sé sa Granmèt la di,
épi pran léson nan min-m,
paské mouin tou dou, mouin pòv nan kè-m. (R: Alélouya).

4

Jan 10, 14

(R: Alélouya). Mouin minm mouin sé bon gadyin-an,
sé sa Granmèt la di,
mouin konnin sa-k pou mouin yo,
épi sa-k pou mouin yo konnin-m tou. (R: Alélouya).

5

Jan 15, 9

(R: Alélouya). Minm jan Papa-a rinmin-m nan,
sé konsa tou mouin rinmin nou ;
sé pou nou rété nan rinmin-m nan, sé sa Granmèt la di. (R: Alélouya).

6

1 Jn 4, 10 b

(R: Alélouya). Bondié té rinmin nou an prémié,
épi li té voyé Pitit li-a kòm padon pou péché nou yo. (R: Alélouya).

ÉVANJIL YO

1

Mouin tou dou, mouin gin kè-m tou pòv.

✠ **Léktu sint Évanjil la dapré Matié** 11, 25-30

Lè sa-a antan Jézu pran laparòl, li té di : « Mouin fè konpliman pou ou, Papa, Granmèt sièl la ak tè-a, paské ou té kaché bagay sa yo pou saj yo ak intèlijan yo, épi ou té révéle yo bay ti moun piti yo.

Oui, Papa, paské sé konsa sa fè-ou plézi.

Papa-m té rinmèt mouin tout bagay, pèsòn pa konnin Pitit la, sof Papa-a ; ni pèsòn pa konnin Papa-a, sof Pitit la ak moun Pitit la vlé révéle sa.

Vi-n jouinn mouin, nou tout k-ap fatigé, k-ap rédi anba gro chaj, m-ap réfè fòs nou.

Pran jouk mouin sou nou, pran léson nan min-m, paské mouin tou dou, mouin pòv nan kè-m ; n-ap jouinn répo pou nanm nou ; jouk mouin fasil pou poté, chaj mouin léjé ».

Paròl Granmèt la.

2

Ap gin plis kè kontan nan sièl la pou yon sèl péchè ki fè pénitans.

✠ **Léktu sint Évanjil la dapré Luk** 15, 1-10

Lè sa-a :

Piblikin yo ak péchè yo t-ap proche kot Jézu, pou yo kouté-l.

Farizyin yo ak skrib yo t-ap plinyin, yo t-ap di : « Sa-a résévoua péchè yo, li manjé avèk yo ».

Li bay parabòl sa-a pou yo, li di : « Kilès nan nou, si-l gin san mouton épi, si-l pèdi youn nan yo, pou-l pa kité katrévindsnèf yo nan dézè-a pou-l al chèché sa-k pèdi-a joutan li jouinn li ?

Épi, lè-l jouinn li, li mété-l sou zépòl li ak kè kontan, li rivé lakay li, li rasanblé zanmi ak vouazin yo, li di yo : “Fè kè nou kontan avèk mouin, paské mouin jouinn mouton-m nan ki té pèdi-a”.

Mouin di nou ap gin plis kè kontan nan sièl la pou yon péchè ki fè pénitans, pasé pou katrévindsnèf moun kòrèk ki pa bézouin pénitans.

Oubyin kilès madanm, si-l gin dis dragm, épi li pèdi yon sèl dragm, pou-l pa limin lanp, balé kay la, chèché avèk souin, joutan li jouinn li ?

Lè-l jouinn li, li rasanblé zanmi ak vouazi-n, li di : “Fè kè nou kontan avèk mouin, paské mouin jouinn dragm nan mouin té pèdi-a”.

Sé konsa, mouin di nou, ap gin kè kontan dévan anj Bondié yo pou yon sèl péchè ki fè pénitans ».

Paròl Grammèt la.

3

*Sé pou nou té fè kè nou kontan,
paské frè-ou sa-a té mouri, li réviv.*

✠ **Léktu sint Évanjil la dapré Luk**

15, 1-3. 11-32

Lè sa-a :

Piblikin yo ak péchè yo t-ap proché kot Jézu, pou yo kouté-l.

Farizyin yo ak skrib yo t-ap plinyin, yo t-ap di. « Sa-a résévoua péchè yo, li manjé avèk yo ».

Li di parabòl sa-a pou yo, li di : « Té gin yon mésié ki té gin dé pitit, pi jèn nan yo-a di papa-a : “Papa, ban-m pòsion éritaj ki déstiné pou mouin-an”. Li séparé éritaj la ba yo.

Pa gin anpil jou ki pasé, pi jèn ti gason-an ranmasé tout afè-l, li pati, l-al fè rout li nan yon péyi byin louin ; lè-l rivé la, li gaspiyé éritaj li-a antan l-ap viv nan libètinaj.

Lè-l fi-n dépansé tout bagay, vi-n gin yon gro grangou nan réjion sa-a, li minm li kòmansé nan bézouin. Li pati, l-al nan sèvis yon mésié nan péyi sa-a, mésié-a voyé-l nan jadin-l, pou-l gadé kochon. Li té anvi plin vant li ak grinn boua yo, sa kochon yo t-ap manjé yo ; min pèsòn pa-t ba li.

Li antré nan fon kè-l, li di : “Konbyin jounalié nan kay papa-m gin kont pin yo, kanta mouin minm minm m-ap mouri grangou isit la ! M-ap lévé, m-apral kay papa-m, m-ap di-l : Papa, mouin fè péché dévan sièl la ak dévan-ou : mouin déjà pa mérité pou yo rélé-m pitit ou ; trété-m tankou youn nan jounalié-ou yo”.

Li lévé, li vi-n jouinn papa-l. Pandan-l té louin toujou, papa-l ouè-l, kè-l boulvèsé ak mizérikòd, li kouri, li lagé kò-l nan kou-l li anbrasé-l.

Pitit la di-l : “Papa, mouin fè péché dévan sièl la ak dévan-ou : mouin déjà pa mérité pou yo rélé-m pitit ou.”

Papa-a minm di sèvitè yo : “Fè vit poté pi bèl rad la, abiyé-l ; mété yon bag nan min-l, ak soulié nan pié-l. Minnin toro-a yo t-ap angrésé-a, touyé-l, n-ap manjé, n-ap fété ; paské pitit mouin sa-a ki té mouri-a, li réviv, li té péri, nou jouinn li”. Épi yo kòmansé fété.

Min pi gran pitit li-a té nan jadin ; lè-l rivé li proche bò kay la, li tandé chanté-dansé, li rélé youn nan sèvitè yo, li pozé-l kèsion ki kalité bagay sa yo.

Sa-a minm di-l : “Sé frè-ou la ki vini, papa-ou fè touyé toro-a yo t-ap angrésé-a, paské li jouinn pitit la an santé”. Lòt la minm faché, li réfizé antré ; papa-l blijé soti, li kòmansé priyé-l.

Li minm minm li réponn, li di papa-l : “Min konbyin ané m-ap sèvi-ou, mouin pa janm dézobéyi yon kòmandman-ou époutan ou pa janm ban-m yon ti kabrit, pou-m fété avèk zanmi-m yo ; min pitit ou sa-a, ki fin dévoré éritaj li-a avèk médam plézi yo, kon-l rivé, ou touyé toro yo t-ap angrésé-a, akoz li”.

Li minm li di-l : “Pitit mouin, ou toujou avèk mouin, tou sa-m ginyin sé pou ou. Sèlman sé pou nou té fété, sé pou nou té fè kè nou kontan, paské frè-ou sa-a té mouri, li réviv, li té péri, nou jouinn li” ».

Paròl Granmèt la.

4

Bon gadyin-an bay lavi-l pou mouton-l yo.

✠ Léktu sint Évanjil la dapré Jan

10, 11-18

Lè sa-a :

Jézu di : « Mouin sé bon gadyin-an. Bon gadyin-an bay lavi-l pou mouton-l yo. Min anplouayé-a ak sa-a ki pa gadyin-an, sa mouton yo pa

pou li-a, lè-l ouè lou-a ap vini, li kité mouton yo, li sovè kò-l, lou-a minm dévoré mouton yo, li gayé yo. Min anlouayé-a minm sovè konsa-a, sé paské sé anlouayé li yé épi li pa okipé mouton yo.

Mouin minm mouin sé bon gadyin-an, mouin konnin sa-k pou mouin yo, sa-k pou mouin yo konnin-m tou. Jan Papa-a konnin-m nan mouin minm tou mouin konnin Papa-a ; épi mouin bay lavi-m pou mouton-m yo.

Min gin dèt mouton, ki pa nan patiraj sa-a, yo minm tou mouin gin pou-m minnin yo, y-ap kouté voua-m, ap vi-n gin yon sèl patiraj ak yon sèl gadyin.

Sé poua Papa-a rinmin-m nan, paské mouin dépozé nanm mouin, pou-m pran-l yon lòt foua ankò. Pèsòn pa pran-l sot nan min-m, min mouin dépozé-l ak pròp fòs mouin épi mouin gin pouvoua pran-l yon lòt foua ankò : sé kòmandman sa-a mouin té résévoua nan min Papa-m ».

Paròl Granmèt la.

5

Rété nan mouin, épi mouin minm nan nou.

✠ Léktu sint Évanjil la dapré Jan

15, 1-8

Lè sa-a :

Jézu di disip li yo : « Mouin sé véritab pié rézin-an, Papa-m sé kiltivatè-a. Tout branch nan mouin ki pa donnin foui, l-ap ouété-l ; tout branch ki donnin foui, l-ap nétouayé-l pou-l donnin plis foui. Nou minm nou déjà pròp gras a paròl la mouin té palé nou-an.

Rété nan mouin, épi mouin minm nan nou. Minm jan branch la pa kapab donnin foui pou kont li-a, si-l pa rét nan pié rézin-an, konsa tou nou minm non plis, si nou pa rété nan mouin.

Mouin sé pié rézin-an, nou sé branch yo ; moun ki rét nan mouin, épi mouin minm nan li, moun sa-a donnin anpil foui, paské san mouin minm nou pa kapab fè anyin. Si yon moun pa rét nan mouin, y-ap jété-l déyò, tankou branch la, l-ap séché, y-ap ranmasé-l y-ap jété-l nan difé, l-ap boulé.

Si nou rét nan mouin, épi paròl mouin yo rété nan nou, tou sa nou vlé, nou mèt mandé-l, l-ap rivé pou nou. Sé nan sa Papa-m jouinn gloua-l, pou nou donnin anpil foui, pou nou vi-n disip mouin ».

Paròl Granmèt la.

6

*Min kòmandman-m nan, sé pou nou youn rinmin lòt,
minm jan mouin rinmin nou-an.*

✠ Léktu sint Évanjil la dapré Jan

15, 9-17

Lè sa-a :

Jézu di disip li yo : « Minm jan Papa-a rinmin-m nan, sé konsa tou mouin rinmin nou. Sé pou nou rété nan rinmin-m nan. Si nou kinbé kòmandman-m yo, n-ap rété nan rinmin-m nan minm jan mouin minm mouin kinbé kòmandman Papa-m yo, épi mouin rété nan rinmin-l nan.

Mouin di nou bagay sa yo, pou kè kontan-m nan kapab nan nou, pou kè kontan nou-an réyalizé nèt.

Min kòmandman-m nan, sé pou nou youn rinmin lòt, minm jan mouin rinmin nou-an. Pi gran fason pou yon moun rinmin, sé bay lavi-l pou zanmi-l yo. Nou minm nou sé zanmi-m, si nou fè sa mouin kòmandé nou.

Mouin pap rélé nou sèvitè ankò, paské sèvitè-a pa konnin ki sa mèt li ap fè ; min sé zanmi mouin rélé nou, paské tou sa-m tandé kot Papa-m, mouin fè nou konnin-l.

Sé pa nou minm ki chouazi-m ; min sé mouin minm ki chouazi nou, mouin mété nou, pou nou alé, pou nou donnin foui, pou foui nou-an diré ; konsa, tou sa n-a mandé Papa-a o non-m, l-ap ba nou li.

Sa mouin kòmandé nou, sé pou nou youn rinmin lòt ».

Paròl Granmèt la.

7

Mouin rinmin yo, tankou ou rinmin-m.

✠ Léktu sint Évanjil la dapré Jan

17, 20-26

Lè sa-a :

Antan Jézu lévé jé-l nan sièl la, li priyé, li di : « Papa ki sin, sé pa pou yo minm sèlman mouin priyé, min pou sa yo tou k-ap kouè nan mouin gras a paròl yo-a, pou tout moun fè yon sèl, tankou ou minm, Papa, ou nan mouin, épi mouin nan ou, pou yo minm tou yo fè yon sèl nan nou, pou tè-a kouè sé ou minm ki voyé-m.

Mouin minm gloua-ou la ou té ban mouin-an, mouin ba yo-l, pou yo fè yon sèl tankou nou minm nou fè yon sèl la. Mouin minm nan yo, épi ou minm nan mouin, pou yo fè yon sèl nèt, pou tè-a rékonèt sé ou minm ki voyé-m, épi mouin rinmin yo, tankou ou rinmin-m.

Papa, sa yo ou té ban mouin-an, mouin vlé pou koté-m yé-a sé la yo yé tou avè-m, pou yo ouè gloua-m nan, sa ou té ban mouin-an ; paské ou rinmin-m dépi anvan tè-a fèt. Papa ki kòrèk, tè-a pa-t rékonèt ou ; mouin minm mouin konnin-ou, épi sa yo rékonèt sé ou minm ki voyé-m.

Mouin fè yo konnin non-ou, m-ap fè yo konnin-l ankò, pou rinmin ou rinmin-m nan, li kapab nan yo, ni mouin minm nan yo ».

Paròl Granmèt la.

8

Bò kòt li louvri, san ak dlo koulé.

✠ **Léktu sint Évanjil la dapré Jan**

19, 31-37

Lè sa-a :

Kòm sé té préparasion Pak la, pou kò yo pa-t rété sou koua-a jou saba-a (sèk jou sa-a sé té gran jou saba-a), Juif yo mandé Pilat pou yo krazé janm yo, pou yo ouété yo. Sòlda yo rivé, yo krazé janm premié-a ak lòt la ki té klouré sou koua-a avèk li-a.

Min lè yo rivé sou Jézu, yo ouè li té déjà mouri, yo pa krazé janm li, min youn nan sòlda yo louvri bò kòt li avèk lans li, minm lè-a san ak dlo koulé.

Moun ki ouè-a, li sèvi témouin, témouagnaj li-a vré. Li minm li konnin li di vérité, pou nou minm tou nou kapab kouè.

Bagay sa yo fèt pou sa ki ékri-a té kapab réalisé : « Nou pap krazé zo nan li ». Épi tou yon lòt pasaj sa ki ékri-a di : « Y-ap gadé sa-a yo transpèsé-a ».

Paròl Granmèt la.

ÉSPRI SIN-AN

Yo pran léktu dimanch Pantkot la, p. 571, oubyin pou lè y-ap bay Konfirmasion-an, p. 1957.

TRÈ SINT VIÈJ MARI

Yo pran léktu yo nan Komin Sint Vièj Mari-a, p. 1762.

SINT MARI, MANMAN ÉGLIZ LA

PRÉMIÉ LÉKTU : Jénèz 3, 9-15. 20, p. 1762.

oubyin Travay Apot yo 1, 12-14, p. 1768.

PSÒM RÉPONS : Judit 13, 18 bcde. 19, p. 1770.

ALÉLOUYA : Ala kontantman pou ou, Sint Vièj Mari ..., p. 1775, 5.

ÉVANJIL : Jan 19, 25-27, p. 1782.

NON MARI KI SIN ANPIL LA

PRÉMIÉ LÉKTU : Gal 4, 4-7, p. 1773,

oubyin : Éfézyin 1, 3-6. 11-12, p. 1774.

PSÒM RÉPONS : Luk 1, 46-47. 48-49. 50-51. 52-53. 54-55, p. 1772.

ALÉLOUYA : Cf. Luk 1, 45, p. 1774.

ÉVANJIL : Luk 1, 39-47, p. 1778.

SIN ANJ YO

Yo pran léktu yo nan fè Ss. Arkanj yo, 29 séptanm, p. 1688, oubyin Ss. Anj Gadyin yo, 2 oktòb, p. 1692.

SIN JOZÈF

Yo pran léktu yo nan solanité S. Jozèf, 19 mars, p. 1588, oubyin nan mémoua S. Jozèf Travayè, 1é mé, p. 1601.

TOUT SIN APOT YO

Yo pran léktu yo nan fèt Ss. Simon ak Jud, 28 oktòb, p. 1702.

S. PIÈ AK S. PÒL, APOT

Yo pran léktu yo nan mémoua dédikas bazilik minm apot sa yo, 18 novanm, p. 1710.

S. PIÈ, APOT

Yo pran léktu yo nan fèt Katèd S. Piè-a, 22 févriyé, p. 1583.

S. PÒL, APOT

Yo pran léktu yo nan fèt Konvèsion S. Pòl, 25 janvié, p. 1570.

NINPÒT KI APOT

Yo pran léktu yo tankou nan pròp fèt Apot la. Min si y-ap sélébré-l ansanm ak yon lòt Apot, épi tèks léktu Mès la mouin korésponn ak lòt Apot la, yo pran léktu yo nan Mès Ss. Simon ak Jud, 28 oktòb, p. 1702.

TOUT SIN YO

Yo pran léktu yo nan solanité Tout Sin yo, 1é novanm, p. 1704.

MÈS DÉFIN YO

MÈS DÉFIN YO

PRÉMIÉ LÉKTU NAN ANSYIN TÉSTAMAN-AN

1

Li aji byin, avèk santiman rélijyé, antan li pansé osijè réziréksion-an.

Léktu dézièm liv Makabé yo

12, 43-46

Jou sa yo :

Juda, chèf Israèl la, fè yon kèt, chak moun bay ladan-l, li rivé alantou dé mil dragm, li voyé-l Jérusalèm pou ofri sakrifis pou péché moun mouri yo ; sa-l fè-a bon, li byin bèl, sé sonjé li sonjé réziréksion-an. (Sèké sa yo ki tonbé-a, si-l pa-t espéré yo t-ap résisité, li t-a trouvé priyé pou mò yo, sa t-ap yon gaspiyaj, sa pa t-ap sèvi anyin). Épi tou li té konsidéré sa yo ki té pran domi-an nan sèvis Bondié-a, yo t-ap jouinn pi bèl rékonpans séré ap tann yo.

Sé pousa li fè sakrifis padon pou mò yo, pou yo té kapab délivré anba kòd péché-a.

Paròl Granmèt la.

2

Mouin konnin Rédanmèt-m nan ap viv.

Léktu liv Jòb

19, 1. 23-27 a

Antan Jòb pran laparòl li di : « Ki moun ki t-a fè-m favè pou yo ékri paròl mouin yo ? Ki moun ki t-a ban-m posibilité pou yo gravé nan liv avèk yon kréyon fè, avèk yon lam an plon oubyin sizo afoua, pou yo t-a maké nan ròch ki di-a ?

Mouin konnin réyèlman rédanmèt-m nan ap viv, nan dènié jou-a m-ap résisité sot anba tè-a. M-ap vlopé ak po-m ankò, épi nan chè-m m-ap ouè Bondié-m nan. Sa-a m-ap ouè mouin minm nan, sé ak jé-m m-ap gadé-l ».

Paròl Granmèt la.

3

Li résévoua yo tankou sakrifis yo boulé tout-antié.

Léktu liv Sajès la

3, 1-9

Nanm moun ki kòrèk yo, sé nan min Bondié yo yé, touman lanmò pap touché yo. Dévan jé moun san sajès yo, yo sanblé yo mouri ; lè yo pati

kité tè sa-a, moun yo konsidéré sa tankou yon malè ; lè y-al fè rout yo kité nou, sa parèt kòm si yo té péri ; époutan yo minm yo nan lapè.

Minm si dévan moun yo sibi anpil mati, éspérans yo-a konblé ak lavi ki pa kapab mouri-a.

Yo jouinn koréksion nan ti kras, y-ap jouinn bon pozision nan anpil ; sèké Bondié té sondé yo, épi li té jouinn yo kòrèk pou li.

Li fè yo bay prèv yo, tankou lò nan difé ; tankou sakrifis yo boulé tout-antié, li aksépté yo ; lè tan-an rivé, y-ap kléré.

Moun ki kòrèk yo ap kléré, tankou étinsèl y-ap kouri nan difé ; y-ap jijé nasion yo, y-ap kòmandé sou pèp yo, Granmèt yo-a kòmandé kòm roua pou tout tan.

Moun ki mét konfians nan li, y-ap konprann vérité-a. Moun ki fidèl yo ap rét avèk li nan rinmin-an, paské li bay kado ak lapè pou sa yo li chouazi-a.

Paròl Granmèt la.

oubyin pi kout

Léktu liv Sajès la

3, 1-6. 9

Nanm moun ki kòrèk yo, sé nan min Bondié yo yé, touman lanmò pap touché yo. Dévan jé moun san sajès yo, yo sanblé yo mouri ; lè yo pati kité tè sa-a, moun yo konsidéré sa tankou yon malè ; lè y-al fè rout yo kité nou, sa parèt kòm si yo té péri ; époutan yo minm yo nan lapè.

Minm si dévan moun yo sibi anpil mati, éspérans yo-a konblé ak lavi ki pa kapab mouri-a.

Yo jouinn koréksion nan ti kras, y-ap jouinn bon pozision nan anpil ; sèké Bondié té sondé yo, épi li té jouinn yo kòrèk pou li.

Li fè yo bay prèv yo, tankou lò nan difé ; tankou sakrifis yo boulé tout-antié, li aksépté yo ; lè tan-an rivé, y-ap kléré.

Moun ki mét konfians nan li, y-ap konprann vérité-a. Moun ki fidèl yo ap rét avèk li nan rinmin-an, paské li bay kado ak lapè pou sa yo li chouazi-a.

Paròl Granmèt la.

4

Yon vi san tach, sé laj viyéès.

Léktu liv Sajès la

4, 7-15

Moun ki kòrèk la minm, si-l mouri anvan-l gin tan réglé kichòy, sé nan fréchè l-ap yé. Vié granmoun ki mérité konsidérasion, sé pa sa-k viv lontan, sé pa sou kantité ané yo konsidéré-l ; intélijans moun sé sa ki chévé blan, lavi san tach sé sa ki laj vié granmoun.

Étan-l fè Bondié plézi, Bondié rinmin-l, étan l-ap viv nan pami péchè yo Bondié pozé-l yon lòt koté, li ouété-l ak fòs pou méchansté pa chanjé intélijans li, oubyin pou aparans byin pa tronpé nanm li. Sèké atirans mal la voualé byin yo, toubiyon mové anvi-a gaté yon éspri ki pa gin méchansté.

Antan li fi-n kòrèk nèt nan yon ti moman-tan, sa fè li réalizé bagay ki mandé anpil tan ; sèké nanm li fè Bondié plézi, sé pou sa yo li vit li ouété-l sot nan mitan péché-a.

Pèp yo minm ouè sa, sèlman yo pa konprann, kè yo pa ouè kijan gras Bondié-a ak mizérikòd li-a, sé pou sa yo li chouazi-a, épi vizit li sé pou sin-l yo.

Paròl Granmèt la.

5

L-ap chaviré lanmò-a pou tout tan.

Léktu liv profèt Izayi

25, 6 a. 7-9

Jou sa-a :

Granmèt lamé yo ap fè yon résépsion bon viann pou tout pèp yo sou mòn sa-a.

Sou mòn sa-a, l-ap chaviré fas chinn nan ki té maré sou tout pèp yo, ak voual la ki té vlopé sou tout nasion yo.

L-ap chaviré lanmò-a pou tout tan, Granmèt Bondié ap ouété dlo sot nan tout figi, l-ap ouété laront pèp li-a sot sou tout tè-a, paské Granmèt la palé.

Jou sa-a y-ap di : « Min Bondié nou sa-a, nou t-ap tann li, épi l-ap sovè nou ; sé li minm Granmèt la, nou t-ap éspéré li, n-ap fété, n-ap fè kè nou kontan nan sovè li sovè nou-an ».

Paròl Granmèt la.

6

Li bon pou rét an silans ap tann sové Bondié ap sové nou-an.

Léktu liv Lamantasion

3, 17-26

Nanm mouin égzilé sot nan lapè-a, mouin bliyé byin yo. Mouin di : « Bèl bagay mouin t-ap chèché-a fini ansanm ak éspérans mouin-an ki té sot nan Granmèt la ».

Sonjé kijan-m pòv, kijan m-ap trinnin : sé labsint ak fièl. Mémoua-a sonjé, nanm mouin fonn anndan mouin : min sa m-ap sonjé nan kè-m pou-m kapab éspéré.

Mizérikòd Granmèt la, paské nou pa dépéri, bon kè-l pa pati. Chak matin yo tou nèf, fidéлитé-ou gran.

« Pòsion-m sé Granmèt la, sé sa nanm mouin di ; sé pou sa m-ap tann li ».

Granmèt la bon pou moun ki konté sou li yo, pou nanm k-ap chèché-l yo. Sa bon pou tann nan silans sové Granmèt la ap sové nou-an.

Paròl Granmèt la.

7

Sa k-ap dòmi nan pousiè tè-a y-ap révéyé.

Léktu liv profèt Danièl

12, 1-3

Nan jou sa yo, mouin minm Danièl mouin t-ap plinn, mouin tand'e paròl sa-a Granmèt la di : « Lè sa-a, Michèl gran chèf la ap lévé, li minm ki kanpé pou pitit pèp ou-a ; gin yon tan k-ap rivé ki pa-t gin parèy li dépi nasyon yo té kòmansé égzisté jous nan tan sa-a.

Épi nan tan sa-a, pèp ou-a ap sové, tout moun y-ap jouinn non yo ékri nan liv la.

Anpil nan sa yo k-ap dòmi nan pousiè tè-a, y-ap révéyé ; yon pòsion pou lavi tout tan-an, lòt yo pou laront la, pou sé laront yo ouè tout tan.

Moun yo ki té aksépté ansègnman-an, y-ap kléré tankou klèté sièl la, épi moun yo ki té bay anpil lòt yo ansègnman sou jistis la, y-ap tankou zétoual yo pou tout tan gin tan ».

Paròl Granmèt la.

PRÉMIÉ LÉKTU NAN NOUVO TÊSTAMAN-AN POU TAN PASKAL LA

1

Sé li minm Bondié instalé jij vivan yo ak mò yo.

Léktu Travay Apot yo

10, 34-43

Jou sa yo :

Antan Piè louvri bouch li, li di : « Amèn, mouin rékonèt Bondié pa gadé sou figi moun, min nan tout nasion, moun ki krinn li, ki fè sa-k kòrèk, sé li minm li résévoua. Bondié voyé paròl la bay pitit Israèl yo, li anonsé lapè pa lintèmédiè Jézu-Kri : sa-a sé Granmèt tout moun.

Nou minm nou konnin, paròl ki rivé nan tout Judé-a, kòmansé dépi sot nan Galilé apré batèm nan, sa Jan té préché-a, Jézu moun Nazarèt la, kijan Bondié sakré-l ak Éspri Sin-an avèk puisans, li minm ki travèsé antan l-ap fè sa-k byin, l-ap géri tout moun djab la t-ap maltrété, paské Bondié té avèk li.

Nou minm nou témouin tou sa-l té fè nan réjion Juif yo ak Jérusalèm ; li minm yo té touyé antan yo pandié-l sou boua-a. Bondié résisité-l touazièm jou-a ; li fè-l parèt, non pa dévan tout pèp la, min dévan témouin yo Bondié té chouazi davans yo : nou minm, ki té manjé, ki té bouè avèk li, apré-l té fi-n résisité sot nan pami mò yo.

Li pasé nou lòd pou nou préché pèp la, pou nou sèvi témouin Bondié mété-l kòm jij moun ki vivan yo ak moun ki mouri yo. Tout profèt yo sévi-l témouin tout moun ki kouè nan li ap résévoua padon péché yo o-non-li ».

Paròl Granmèt la.

oubyin pi kout**Léktu Travay Apot yo**

10, 34-36. 42-43

Jou sa yo :

Antan Piè louvri bouch li, li di : « Amèn, mouin rékonèt Bondié pa gadé sou figi moun, min nan tout nasion, moun ki krinn li, ki fè sa-k kòrèk, sé li minm li résévoua. Bondié voyé paròl la bay pitit Israèl yo, li anonsé lapè pa lintèmédiè Jézu-Kri : sa-a sé Granmèt tout moun.

Li pasé nou lòd pou nou préché pèp la, pou nou sèvi témouin Bondié mété-l kòm jij moun ki vivan yo ak moun ki mouri yo. Tout profèt yo sévi-l témouin tout moun ki kouè nan li ap résévoua padon péché yo o-non-li ».

Paròl Granmèt la.

2

Ala kontantman pou mò yo ki mouri nan Granmèt la.

Léktu liv Apokalips apot sin Jan

14, 13

Mouin minm Jan, mouin tandé yon voua ki sot nan sièl la, l-ap di : « Ékri : “Ala kontantman pou mò yo ki mouri nan Granmèt la”. Dépi koulié-a, Éspri-a ap di sé pou yo répozé pou tout fatig yo pran ; sa yo té fè-a ap suiv yo ».

Paròl Granmèt la.

3

Yo jijé mò yo dapré aksion yo.

Léktu liv Apokalips apot sin Jan

20, 11-21, 1

Mouin minm Jan, mouin ouè yon tro-n gran tou blan, sa-a ki chita sou li-a tè-a ak sièl la sovè kò yo dévan fas li, yo pa jouinn plas pou yo.

Mouin ouè mò yo gran ak piti kanpé an fas tro-n nan ; liv yo louri, yon lòt liv louvri, sé liv lavi-a ; yo jijé mò yo apati bagay yo, ki té ékri nan liv yo, dapré aksion yo.

Lanmè-a rinmèt mò yo ki té ladan yo. Lanmè-a ak lanfè-a rinmèt mò pa yo ki té nan yo ; yo jijé chak moun dapré aksion yo.

Yo voyé lanfè-a ak lanmè-a nan étan difé-a. Sa-a sé dézièm lanmè-a. Sa yo pa jouinn ékri nan liv lavi-a yo voyé-l nan étan difé-a.

Mouin ouè yon sièl nouvo ak yon tè nouvo.

Prémié sièl la réyéman ak prémié tè-a pati, pa gin lanmè ankò.

Paròl Granmèt la.

*Pap gin lanmò ankò.***Léktu liv Apokalips apot sin Jan****21, 1-5 a. 6 b-7**

Mouin minm, Jan, mouin ouè yon sièl nouvo ak yon tè nouvo. Prèmié sièl la ak prèmié tè-a pati, lanmè-a minm pa gin sa ankò. Mouin minm Jan, mouin ouè vil ki sin-an, Jérusalèm nouvo-a, k-ap désann sot nan sièl la kot Bondié-a, ki abiyé tankou yon madanm k-ap marié ki anbéli pou mari-l.

Mouin tandé yon gran voua ki sot nan tro-n nan, k-ap di : « Min tant Bondié-a avèk moun yo, l-ap abité avèk yo ; y-ap pèp li, li minm “Bondié avèk yo” l-ap Bondié yo. Bondié ap siyé tout dlo sot nan jé yo, pap gin lanmò, ni dèy, ni rèl, ni doulè ankò ; paské prèmié bagay yo pati ».

Sa-a ki té chita sou tro-n nan, li di : « Min mouin fè tout bagay nouvo ». Li di-m : « Ékri, paròl sa yo byin fidèl yo vré. Moun ki souaf la, m-ap fè-l kado nan sous dlo lavi-a. Sa-a ki ranpòté viktoua-a, l-ap éritié bagay sa yo ; m-ap Bondié li ; li minm, l-ap pitit mouin ».

Paròl Granmèt la.

PSÒM RÉPONS YO

1

PSÒM RÉPONS**Ps 22, 1-3. 4. 5. 6 (R: 1 oubyin 4 a b)**

R: Granmèt la ap kondui-m, anyin pap manké-m.

oubyin :

R: Minm si m-ap maché nan bafon lonbraj lanmò, mouin pap pè malè, paské ou avèk mouin.

1 Granmèt la ap kondui-m, anyin pap manké-m ;

2 Nan zèb vèt li instalé-m,

sou bò dlo trankil li minnin-m,

3 li réfè nanm mouin.

Li kondui-m nan santié jistis poutèt non-l. **R:**

4 Sèké minm si m-ap maché nan bafon lonbraj lanmò, mouin pap pè malè, paské ou avèk mouin.

Baton-ou ak bagèt ou

sé yo k-ap konsolé-m. **R:**

- 5 Ou paré yon tab dévan fas mouin
kont sa yo k-ap fè-m sibi tribilasyon-an ;
ou souin tèt mouin ak losion,
kalis mouin ap débòdé. **R**
- 6 Réyèlman sé bon kè ak mizérikòd k-ap rapousuiv mouin
tout tan lavi-m
m-ap abité nan kay Granmèt la
pou tout longè tan yo. **R**

2

PSÒM RÉPONS Ps 24, 6-7 bc. 17-18. 20-21 (**R** : 1 oubyin 3)

R Sé koté-ou, Granmèt, mouin lévé nanm mouin.

oubyin :

R Moun ki konté sou ou yo, Granmèt, yo pap ront.

- 6 Sonjé pitié-ou, Granmèt,
ak mizérikòd ou yo, paské sé dépi tout tan yo la.
- 7 Dapré mizérikòd ou-a sonjé-m,
poutèt bon kè-ou, Granmèt. **R**
- 17 Louvri pòt kè-m ki fèmin,
Dégajé-m sot nan malè mouin yo,
- 18 Gadé rabésman-m ak fatig mouin,
padonnin tout fot mouin yo. **R**
- 20 Protéjé nanm mouin, dégajé-m ;
mouin pap ront, paské mouin éspéré sou ou.
- 21 Sé pou-m san fot, sé pou-m douat pou-m jouinn protéksion,
paské mouin konté sou ou. **R**

3

PSÒM RÉPONS Ps 26, 1. 4. 7 é 8 b é 9 a. 13-14 (**R** : 1 a oubyin 13)

R Granmèt la sé limiè-m, sé li k-ap sové-m.

oubyin :

R Mouin kouè m-ap ouè byin Granmèt la nan tè vivan yo.

- 1 Granmèt la sé limiè-m, sé li k-ap sové-m, kilès ki pou fè-m pè ?
Granmèt la sé protéksion lavi-m, dévan kilès pou-m tranblé ? **R**

- 4 Yon sèl bagay mouin mandé Granmèt la, sé sa m-ap chèché :
 pou-m abité nan kay Granmèt la
 tout tan lavi-m,
 pou-m ouè dousè Granmèt la,
 pou-m vizité tanp li-a. **R:**
- 7 Granmèt, kouté voua-m k-ap rélé,
 pitié pou mouin, kouté-m.
- 8 Sé fas ou, Granmèt, m-ap chèché.
- 9 Pa viré fas ou louin-m. **R:**
- 13 Mouin kouè m-ap ouè byin Granmèt la nan tè vivan yo.
- 14 Tann Granmèt la, aji avèk kouraj,
 asiré kè-ou, sé pou-ou tann Granmèt la.

4

PSÒM RÉPONS Ps 41, 2. 3. 5 bcd ; Ps 42, 3. 4. 5 (**R:** Ps 41, 3 a)

- R:** Nanm mouin souaf nan diréksion Bondié ki vivan-an.
- 2 Tankou yon sèrf anvi al nan sous dlo,
 konsa nanm mouin anvi al koté-ou, Bondié. **R:**
- 3 Nanm mouin souaf nan diréksion Bondié, Bondié ki vivan-an ;
 kilè m-a rivé pou-m parèt dévan fas Bondié ? **R:**
- 5 Sèké mouin té konn travèsé nan koté tant éstraòdinè-a yé-a
 jous al nan kay Bondié-a, nan mitan voua fèt ak louanj. **R:**
- 3 Voyé limiè-ou la ak vérité-ou la, pou yo kondui-m,
 pou yo minnin-m sou mòn ou-a ki sin-an, ak nan tant ou-a. **R:**
- 4 M-ap antré kot lotèl Bondié-a,
 kot Bondié kè kontan mouin-an.
 M-ap fè louanj ou sou gita, Bondié, Bondié-m. **R:**
- 5 Poukisa ou chagrin, nanm mouin,
 épi poukisa ou troublé anndan mouin ?
 Éspéré nan Bondié, paské m-ap fè louanj li koulié-a.
 Sovè fas mouin ak Bondié mouin. **R:**

5

PSÒM RÉPONS

Ps 62, 2. 3-4. 5-6. 8-9 (R: 2 b)

- R: Nanm mouin souaf ou, Granmèt, Bondié mouin.
- 2 Bondié, sé Bondié-m ou yé.
sé koté-ou m-ap véyé dépi granmatin.
Nanm mouin souaf ou, chè mouin anvi-ou. R:
- 3 Nan tè dézè-a, ki sèk la, ki san dlo-a,
sé konsa mouin té parèt dévan-ou nan tanp la,
pou-m ouè puisans ou ak gloua-ou.
- 4 Sèké mizérikòd ou pi bon pasé lavi yo,
bouch mouin ap fè louanj ou. R:
- 5 Konsa m-ap fè konpliman pou ou nan lavi-m,
o non-ou m-ap lévé minm.
- 6 Tankou ak viann ak bon manjé gra nanm mouin plin,
ak paròl fèt bouch mouin ap fè louanj ou. R:
- 8 Paské ou poté-m sékou,
anba voual zèl ou m-ap fété.
- 9 Nanm mouin kolé apré-ou,
min douat ou soutni-m. R:

6

PSÒM RÉPONS Ps 102, 8 é 10. 13-14. 15-16. 17-18 (R: 8a oubyin Ps 36, 39 a)

- R: Granmèt la pran pitié, li gin mizérikòd.
oubyin :
- R: Sové moun ki kòrèk yo sové-a, sé nan Granmèt la li sòti.
- 8 Granmèt la pran pitié, li gin mizérikòd,
li pran pasians, li gin anpil mizérikòd.
- 10 Sé pa dapré péché nou yo li trété nou,
ni dapré fot nou yo li rinnèt nou. R:
- 13 Tankou papa pran pitié pou pitit li yo,
Granmèt la pran pitié pou moun ki krinn li yo.
- 14 Sèké li minm li konnin kijan nou fèt,
li sonjé sé pou siè nou yé. R:

- 15 Moun nan sé tankou zèb chèch jou-l yo yé,
tankou flè jadin konsa-l fléri.
- 16 Van-an souflé sou li, li pa rézisté,
koté-l té yé-a pa rékonèt li ankò. **R**
- 17 Mizérikòd Granmèt la minm li la dépi tout tan
épi jous pou tout tan sou moun ki krinn li yo,
ni jistis li nan pitit pitit yo ;
- 18 nan sa yo ki kinbé téstaman-l nan,
épi ki sonjé kòmandman-l pou yo obsèvé yo. **R**

7

PSÒM RÉPONS Ps 114, 5 é 6 ; Ps 115, 10-11. 15-16 ac (**R** : Ps 114, 9)

R M-ap maché dévan Granmèt la nan péyi vivan yo.

oubyin : Alélouya.

- 5 Granmèt la gin mizérikòd, li kòrèk,
Bondié nou-an pran pitié.
- 6 Granmèt la protéjé ti piti yo ;
mouin té imilié, li sové-m. **R**
- 10 Mouin kouè, minm lè-m di :
« Mouin imilié anpil ».
- 11 Mouin té di nan trò présé-m nan :
« Tout moun mantè ». **R**
- 15 Li gin valè nan fas Granmèt la,
lanmò sin-l yo.
- 16 Granmèt, mouin sé sèvitè-ou.
Ou kasé chinn mouin yo. **R**

8

PSÒM RÉPONS Ps 121, 1-2. 4-5. 6-7. 8-9 (**R** : 1 oubyin cf. 1)

R Mouin kontan poutèt yo di-m :
« Nan kay Granmèt la n-apralé ».

oubyin :

R Nan kay Granmèt la n-apralé ak kè kontan.

- 1 Mouin kontan poutèt yo di-m :
« Nan kay Granmèt la n-apralé ».
- 2 Pié nou déjà kanpé
nan pòt ou yo, Jérusalèm. **R:**
- 4 Sèké sé la ras yo ap monté, ras Granmèt la,
témouagnaj Israèl, pou fè louanj non Granmèt la.
- 5 Sèké sé la tro-n yo instalé pou jijman-an,
tro-n kay David la. **R:**
- 6 Mandé bagay ki konsèné lapè pou Jérusalèm,
sé pou yo protéjé, sa yo ki rinmin-ou nan.
- 7 Sé pou gin lapè nan miray ou yo,
avèk asirans nan sitadèl ou yo. **R:**
- 8 Poutèt frè-m yo ak prochin-m yo
m-ap di : « Lapè nan ou ! »
- 9 Poutèt kay Granmèt Bondié nou-an
m-ap chèché byin pou ou. **R:**

9

PSÒM RÉPONS Ps 129, 1-2. 3-4. 5-6 a. 6 b-7. 8 (**R:** : cf. 1 oubyin cf. 5)

R: Nan bafon yo m-ap rélé koté-ou, Granmèt.

oubyin :

R: Mouin espéré nan Granmèt la, mouin espéré nan paròl li.

- 1 Nan bafon yo m-ap rélé koté-ou, Granmèt ;
- 2 Granmèt, kouté voua-m.
Sé pou zòrèy ou panché
nan voua priyè-m nan. **R:**
- 3 Si-ou kinbé fot yo, Granmèt,
Granmèt, ki moun k-ap kanpé ?
- 4 Paské koté-ou sé padon,
épi nou krinn-ou. **R:**
- 5 M-ap tann ou, Granmèt ;
nanm mouin ap tann nan paròl li,
- 6 nanm mouin espéré nan Granmèt la. **R:**
- 7 Plis pasé yon santinèl kap espéré dévan-jou,
sé pou Israèl espéré nan Granmèt la.

Paské kot Granmèt la sé mizérikòd,
sé rédanmsion an kantité koté-l. **R:**

- 8 Sé li minm k-ap rachté Israèl
sot nan tout fot li yo. **R:**

10

PSÒM RÉPONS

Ps 142, 1-2. 5-6. 7 ab é 8 ab. 10 (**R:** : 1 a)

R: Granmèt, kouté priyè-m.

- 1 Granmèt, kouté priyè-m,
sé pou zòrèy ou sansib pou démann mouin nan vérité-ou la ;
kouté-m nan jistis ou.
- 2 Pa antré nan jijman avèk sèvitè-ou,
paské nan fas ou okinn vivan pa an règ. **R:**
- 5 Mouin sonjé jou lontan yo,
m-ap kalkilé sou tout aksion-ou yo,
sou travay min-ou yo m-ap réfléchi.
- 6 Mouin lonjé min-m koté-ou,
nanm mouin tankou tè san dlo pou ou. **R:**
- 7 Fè vit réponn mouin, Granmèt ;
éspri-m ap fébli.
- 8 Fè-m tandé mizérikòd ou granmatin,
paské sé nan ou mouin espéré. **R:**
- 10 Aprann mouin fè bon plézi-ou,
paské sé Bondié-m ou yé.
Sé pou bon espri-ou la kondui-m nan tè ki égalizé-a. **R:**

DÉZIÈM LÉKTU NAN NOUVO TÉSTAMAN-AN

1

*Étan nou vi-n kòrèk nan san-l,
n-ap sovè gras a li sot nan kòlè-a.*

Léktu lèt apot sin Pòl pou Romin yo

5, 5-11

Frè-m yo :

Éspérans la pa fè ront paské rinmin Bondié-a gayé nan kè nou gras a Éspri Sin-an li ba nou-an. Pouki sa réyéلمان Kris la, malgré nou té fèb toujou-a, li mouri pou péchè yo, lè tan-an rivé-a ? Apèn réyéلمان pou yon moun kòrèk kilès ki t-a mouri ?; réyéلمان pou yon bon moun paraza kilès k-ap ozé mouri ?

Min Bondié montré jan-l rinmin nou, paské, malgré sé péchè nou té yé, Kris la mouri pou nou nan tan fiksé-a. Konsa koulié-a minm, étan nou vi-n kòrèk pi plis ankò gras a san-l, n-ap sovè gras a li sot nan kòlè-a.

Si malgré nou té ènmi, nou vi-n rékonsilié ak Bondié nan lanmò Pitit li-a, koulié-a minm étan nou fi-n rékonsilié avèk li-a, sé piplis toujou n-ap sovè nan lavi-l. Sé pa sèلمان sa, min n-ap jouinn gloua nan Bondié pa lintèmediè Granmèt nou Jézu-Kri, li minm koulié-a nou jouinn rékonsiliation pa lintèmediè-l la.

Paròl Granmèt la.

2

Koté fot la t-ap débòdé-a, gras la débòdé pi plis.

Léktu lèt apot sin Pòl pou Romin yo

5, 17-21

Frè-m yo :

Si akoz fot yon sèl moun lanmò-a té kòmandé pa lintèmediè yon sèl la, moun yo ki résévoua chaj gras ak kado ak jistis pa lintèmediè yon sèl moun nan, Jézu-Kri, y-ap kòmandé pi plis toujou kòm roua nan lavi-a.

Konsa, minm jan pa lintèmediè fot yon sèl moun nan, tout moun té pasé anba kondanasion, konsa tou pa lintèmediè jistis yon sèl moun nan, tout moun vi-n kòrèk pou lavi-a.

Minm jan réyéلمان akoz dézobéyisans yon sèl moun nan, tout foul moun yo té vi-n péchè-a, konsa tou akoz obéyisans yon sèl la, foul moun

yo vi-n kòrèk. Laloua-a minm té vi-n antré anba pou fot la té kapab débòdé.

Koté fot la minm t-ap débòdé-a, gras la débòdé pi plis ; konsa minm jan péché-a té kòmandé pou lanmò-a, konsa tou gras la ap kòmandé pa lintèmédiè jistis la pou lavi tout tan-an pa pouvoua Jézu-Kri Granmèt nou-an.

Paròl Granmèt la.

3

N-ap maché nan nouvoté lavi-a.

Léktu lèt apot sin Pòl pou Romin yo

6, 3-9

Frè-m yo :

Èské nou pa konnin nou tout ki batizé nan Kris Jézu-a, sé nan lanmò-l nou batizé ? Nou antéré réyéلمان ansanm avèk li nan lanmò-a gras a batèm nan, pou minm jan Kris la résisité sot nan pami mò yo gras a gloua Papa-a, konsa tou nou minm n-ap maché nan nouvoté lavi-a.

Sèké si nou planté ansanm avèk li pou nou sanblé avèk li nan lanmò-l la, konsa tou n-ap ansanm avèk li nan rézireksion-l nan. Nou konnin moun ansyin nou-an klouré sou koua-a ansanm avèk li, pou kò péché-a kapab détoui, pou nou pa sèvi péché-a ankò. Sa-a ki mouri-a, li kòrèk parapò a péché-a.

Konsa si nou mouri ansanm avèk Kris la, nou kouè n-ap viv tou ansanm avèk Kris la, antan nou konnin Kris la ki résisité sot nan pami mò yo, li pap janm mouri, lanmò-a pap gin pouvoua sou li ankò.

Paròl Granmèt la.

oubyin pi kout

Léktu lèt apot sin Pòl pou Romin yo

6, 3-4. 8-9

Frè-m yo :

Èské nou pa konnin nou tout ki batizé nan Kris Jézu-a, sé nan lanmò-l nou batizé ? Nou antéré réyéلمان ansanm avèk li nan lanmò-a gras a

batèm nan, pou minm jan Kris la résisité sot nan pami mò yo gras a gloua Papa-a, konsa tou nou minm n-ap maché nan nouvo té lavi-a.

Konsa si nou mouri ansanm avèk Kris la, nou kouè n-ap viv tou ansanm avèk Kris la, antan nou konnin Kris la ki résisité sot nan pami mò yo, li pap janm mouri, lanmò-a pap gin pouvoua sou li ankò.

Paròl Granmèt la.

4

N-ap tann rédanmsion kò-nou.

Léktu lèt apot sin Pòl pou Romin yo

8, 14-23

Frè-m yo :

Ninpòt ki moun ki kité Éspri Bondié-a kondui yo, sé pitit Bondié yo yé. Nou pa-t résevoua éspri ésklavaj la yon lòt foua ankò pou nou nan kè soté, min nou té résevoua éspri ki fè nou vi-n tounin pitit la. Sé nan li nou rélé : « Aba, Papa ». Éspri-a li minm, li sèvi témouin, ansanm ak éspri pa nou : nou sé ti pitit Bondié.

Si nou sé ti pitit, nou sé éritié tou. Si nou sé éritié Bondié, nou éritié ansanm ak Kris la, paské n-ap soufri ansanm avèk li pou nou jouinn gloua pouvoua-a ansanm avèk li.

Mouin konsidéré soufrans tan sa-a pa anyin dévan gloua k-ap vini-an k-ap révéle nan nou-an. Réyèlman kréyasyon-an ap tann révélation pitit Bondié yo.

Kréyasyon-an té bliyé obéyi sa-k pa anyin-an, san-l pa vlé, min poutèt Sa-a ki té rabésé-l konsa-a. Min li gin éspérans. Sèké kréyasyon-an li minm tou ap délivré sot anba ésklavaj dékonpozision-an pou-l antré nan libète gloua pitit Bondié yo.

Nou konnin réyèlman tout kréyatu ap jémi, ap anfanté jous koulié-a. Sé pa sèlman yo minm, min nou minm tou ki gin premié kado Éspri-a, n-ap plinn anndan kè nou, antan n-ap tann adopsion pitit Bondié yo, rédanmsion kò nou-an.

Paròl Granmèt la.

5

Kilès ki kapab séparé nou sot nan rinmin Kris la ?

Léktu lèt apot sin Pòl pou Romin yo

8, 31 b-35. 37-39

Frè-m yo :

Si Bondié pou nou, kilès k-ap kont nou ? Li minm ki pa ménajé pròp Pitit li-a, min ki rinmèt li pou nou tout, kòman li pa t-ap ba nou tout bagay avèk li ?

Kilès k-ap fè akizasion kont sa yo Bondié chouazi yo ? Èské sé Bondié, li ki fè nou vi-n kòrèk la ? Kilès k-ap kondané nou ? Èské sé Kris Jézu, li minm ki mouri, pi plis ki résisité, ki adouat Bondié, k-ap pran défans nou-an ?

Kilès ki kapab séparé nou sot nan rinmin Kris la ? tribilasion, oubyin kè séré, oubyin grangou, oubyin manké rad, oubyin danjé, oubyin pèsékision, oubyin épé ?

Min nan tout bagay sa yo, nou sipòté poutèt sa-a ki rinmin nou-an. Mouin sètin réyèlman ni lanmò, ni lavi, ni anj, ni chèf, ni puisans, ni tan sa-a ni sa k-ap vini-an, ni fòs, ni rotè, ni profondè, okinn kréatu pa kapab séparé nou sot nan rinmin Bondié-a, ki nan Kris Jézu Granmèt nou-an.

Paròl Granmèt la.

6

*Soua n-ap viv, soua nou mouri,
sé pou Granmèt la nou yé.*

Léktu lèt apot sin Pòl pou Romin yo

14, 7-9. 10 c-12

Frè-m yo :

Pèsonn nan nou pa viv pou pròp tèt li, épi pèsonn pa mouri pou pròp tèt li. Paské si n-ap viv, sé pou Granmèt la n-ap viv, si nou mouri, sé pou Granmèt la nou mouri. Konsa, soua n-ap viv, soua nou mouri, sé pou Granmèt la nou yé. Sé pou sa réyèlman Kris la mouri, li résisité, pou-l kòmandé ni moun ki mouri yo ni moun ki vivan yo.

Nou tout n-ap konparèt dévan tribinal Kris la. Réyèlman, sa ékri : « Mouin vivan, sé sa Granmèt la di, paské tout jénou ap plouayé dévan-m, tout lang ap fè louanj Bondié ».

Konsa chak moun nan nou ap rann Bondié kont pou pròp tèt pa-l.

Paròl Granmèt la.

7

Tout moun ap gin lavi nan Kris la.

Léktu prémié lèt apot sin Pòl pou Korintyin yo 15, 20-24 a. 25-28

Frè-m yo :

Koulié-a minm Kris la résisité sot nan pami mò yo, prémié foui nan pami sa-k t-ap dòmi yo ; paské sé pa lintémédiè yon moun lanmò-a té rivé, sé pa lintémédiè yon moun tou n-ap résisité sot nan pami mò yo.

Minm jan tout moun té mouri nan Adan-an, sé konsa tout moun ap gin lavi nan Kris la. Chak moun nan ran-l : prémié foui-a sé Kris la, apré sa sé sa yo ki pou Kris la, ki té kouè li t-ap vini-an. Apré sa, sé fmisman-an, lè l-ap rinmèt péyi roua-a bay Bondié Papa-a.

Li gin pou-l kòmandé « joutan li mété tout ènmi yo anba pié-l ». Dènié ènmi-an, sé lanmò-a k-ap fi-n détoui ; « sèké li fòsé tout bagay rét anba pié-l ».

Lè l-ap di : « Tout bagay obéyi-l » la, san dout sé a léksépsion Sa-a ki mété tout bagay anba pié-l la. Min lè tout bagay ap obéyi anba-l, lè sa-a atò Pitit la li minm ap rinmèt tèt li bay Sa-a ki té mété tout bagay yo anba pié-l la, pou Bondié kapab tout bagay nan tout moun.

Paròl Granmèt la.

oubyin pi kout

Léktu prémié lèt apot sin Pòl pou Korintyin yo 15, 20-23

Frè-m yo :

Koulié-a minm Kris la résisité sot nan pami mò yo, prémié foui nan pami sa-k t-ap dòmi yo ; paské sé pa lintémédiè yon moun lanmò-a té rivé, sé pa lintémédiè yon moun tou n-ap résisité sot nan pami mò yo.

Minm jan tout moun té mouri nan Adan-an, sé konsa tout moun ap gin lavi nan Kris la. Chak moun nan ran-l : prémié foui-a sé Kris la, apré sa sé sa yo ki pou Kris la, ki té kouè li t-ap vini-an.

Paròl Granmèt la.

8

*Lanmò-a valé nan viktoua-a.***Léktu prémié lèt apot sin Pòl pou Korintyin yo****15, 51-57**

Frè-m yo :

Min yon mistè m-ap di nou : Nou tout sètènman n-ap résisité, min sé pa nou tout k-ap chanjé.

Nan yon moman, nan yon mouvman jé, nan dènié tronpèt la ; tronpèt la ap sonnin réyèlman, épi mò yo ap résisité intak épi nou minm n-ap chanjé. Fò kò sa-a k-ap gaté-a réyèlman abiyé avèk posibilite pou pa gaté-a, épi fò kò sa-a k-ap mouri-a abiyé avèk posibilite pou pa mouri.

Lè kò sa-a k-ap mouri-a ap abiyé ak fòs pou-l pa mouri-a, lè sa-a paròl ki ékri-a ap réyalizé : « Lanmò-a anglouti nan viktoua-a ». « Koté viktoua-ou, lanmò ? Koté pikèt anpouazonnin-ou nan, lanmò ? »

Pikèt anpouazonnin lanmò-a sé péché-a, fòs péché-a sé laloua-a. Granmèsi Bondié ki ba nou viktoua pa pouvoua Granmèt nou Jézu-Kri.

Paròl Granmèt la.

9

*Bagay yo kapab ouè yo, sé pou yon tan yo la ; min sa yo pa kapab ouè yo minm, yo la pou tout tan.***Léktu dézièm lèt apot sin Pòl pou Korintyin yo****4, 14-5, 1**

Frè-m yo :

Nou konnin sa-a ki té résisité Jézu-a, l-ap résisité nou avèk Jézu, l-ap mété-n avèk nou. Tou sa poutèt nou, pou gras la vi-n an kantité pou anpil moun, pou-l fè yo rann gras an kantité pou gloua Bondié-a.

Sé poua nou pa fébli ; min, malgré moun nou-an ki sou pa déyò-a ap dékonpozé, malgré sa, sa-a ki sou pa anndan-an ap réfèt tou nèf chak jou pi plis. Réyèlman, tribilasyon n-ap pasé koulié-a, pou yon moman-an épi ki tou léjè-a, l-ap réyalizé yon chaj gloua nan nou pou tout tan, ki dépasé tout rotè ; nou pap konsidéré bagay yo kapab ouè, min bagay yo pa kapab ouè : sèké bagay yo kapab ouè yo, sé pou yon tan yo la ; min sa yo pa kapab ouè yo minm, yo la pou tout tan.

Nou konnin réyèlman si kay nou sa-a ki sou tè-a, koté nou abité-a, li vi-n détoui, nou gin nan sièl yo yon kay ki pa fèt ak min moun, sa Bondié bati pou nou-an, ki la pou tout tan.

Paròl Granmèt la.

10

Nou gin yon kay ki la pou tout tan nan sièl yo.

Léktu dézièm lèt apot sin Pòl pou Korintyin yo **5, 1. 6-10**

Frè-m yo :

Nou konnin si kay nou sa-a koté nou abité sou tè-a détoui, nou gin lyon konstriksion ki sot nan Bondié, kay ki pa fèt ak min moun, ki la pou tout tan nan sièl yo.

Nou gin konfians tout tan, nou konnin réyèlman, pandan nou nan kò-a, n-ap fè pèlerinaj louin Granmèt la (sèké sé nan lafoua n-ap maché, sé pa nan vizion), min nou gin konfians épi nou t-a pito fè pèlerinaj la louin kò-a, pou nou prézan kot Granmèt la. Sé poua nou éséyé fè-l plézi, soua nou absan, soua nou prézan.

Sèké nou tout, nou gin pou nou parèt dévan tribinal Kris la, pou chak moun résévoua sèlon sa-l té fè, soua byin soua mal, pandan li té nan kò-a.

Paròl Granmèt la.

11

L-ap réfè kò féblès nou-an pou-l fè-l sanblé ak kò gloua li-a.

Léktu lèt apot sin Pòl pou Filipyin yo **3, 20-21**

Frè-m yo :

Péyi nou-an, sé nan sièl yo li yé, sé la n-ap tann Sovè nou-an, Granmèt nou Jézu-Kri, li minm k-ap réfè kò féblès nou-an pou-l fè-l sanblé ak kò gloua li-a, dapré fòs sa-a ki sèvi-l pou-l kapab mété tout bagay anba pouvoua-l la.

Paròl Granmèt la.

12

*N-ap toujou avèk Granmèt la.***Léktu prémié lèt apot sin Pòl pou Tésalonisyin yo** 4, 13-18

Frè-m yo, sou késion moun k-ap dòmi yo, nou pa vlé pou nou pa konnin, dékoua pou nou pa pran lapinn tankou lòt moun yo ki pa gin espérans yo. Si réyèlman nou kouè Jézu mouri épi li résisité, konsa tou moun yo k-ap dòmi nan Jézu yo, Bondié ap minnin yo avèk li.

Min sa nou di nou nan paròl Granmèt la, nou minm k-ap viv la, k-ap la toujou lè Granmèt la ap vini-an, nou pap pran dévan sa yo k-ap dòmi-an. Paské Granmèt la li minm, sou lòd ak nan voua Chèf Anj yo ak nan son tronpèt Bondié-a, l-ap désann sot nan sièl la, épi moun yo ki mouri nan Kris la, y-ap résisité an prémié. Apré sa, sé nou minm k-ap viv yo, ki rété yo, y-ap pran nou nan nuaj yo al rankontré Kris la nan lè-a, konsa n-ap toujou avèk Granmèt la. Sé pou nou youn ankourajé lòt ak paròl sa yo.

Paròl Granmèt la.

13

*Si nou mouri avèk li, n-ap viv ansanm avèk li.***Léktu dézièm lèt apot sin Pòl pou Timoté** 2, 8-13

Ou minm mouin rinmin anpil la :

Sonjé Granmèt Jézu-Kri té résisité sot nan pami mò yo, li minm ki soti nan ras David la dapré Bòn Nouvèl mouin-an ; sé pou li m-ap soufri jous nan chinn yo tankou you malfètè-a ; min paròl Bondié-a pa maré. Sé poua mouin sipòté tout bagay pou moun yo Bondié chouazi-a, pou yo minm tou yo kapab jouinn sovè nou sovè-a ki nan Kris Jézu-a, avèk gloua sièl la.

Paròl la sètin ; sèké, si nou mouri avèk li, n-ap viv ansanm avèk li ; si nou soufri, n-ap kòmandé kòm roua avèk li ; si nou nié-l, l-ap nié nou tou ; si nou pa kouè, li minm li rété fidèl : li pa kapab nié pròp tèt li.

Paròl Granmèt la.

14

*N-ap ouè-l jan-l yé-a.***Léktu prémié lèt apot sin Jan**

3, 1-2

Nou minm mouin rinmin anpil la :

Gadé ki kalité rinmin Papa-a ba nou, joutan yo rélé nou pitit Bondié épi sé sa minm nou yé. Sé pou sa tè-a pa konnin nou, paské nou konnin-l.

Nou minm mouin rinmin anpil la, koulié-a nou sé pitit Bondié, sa n-ap yé-a pa ko parèt. Nou konnin lè l-ap parèt, n-ap sanblé avèk li, paské n-ap ouè-l jan-l yé-a.

Paròl Granmèt la.

15

*Nou travèsé sot nan lanmò al nan lavi paské nou rinmin frè nou yo.***Léktu prémié lèt apot sin Jan**

3, 14-16

Nou minm mouin rinmin anpil la :

Nou minm nou konnin nou travèsé sot nan lanmò-a al nan lavi-a, paské nou rinmin frè yo. Moun ki pa rinmin, li rété nan lanmò. Tout moun ki rayi frè-l, li sé kriminèl ; nou konnin okinn kriminèl pa gin lavi tout tan-an ki rété nan li.

Sé nan sa nou konnin charité Bondié-a : sèké sa-a té bay lavi-l pou nou ; nou minm tou nou doué bay lavi nou pou frè nou yo.

Paròl Granmèt la.

ALÉLOUYA AK VÈSÈ ANVAN ÉVANJIL LA

1

Cf. Mt 11, 25

(**R**: Alélouya). Mouin fè konpliman pou ou, Papa, Granmèt sièl la ak tè-a, paské ou révéle mistè péyi-roua-a bay ti moun piti yo. (**R**: Alélouya).

2

Mt 25, 34

(R. Alélouya). Vini, nou minm Papa-m béni yo,
pran posésion péyi roua-a yo té paré pou nou
dépi tè-a té kòmansé fèt la. (R. Alélouya).

3

Jan 3, 16

(R. Alélouya). Bondié tèlman rinmin tè-a, li bay Sèl Pitit li-a ;
pou tout moun ki kouè nan li gin lavi tout tan-an. (R. Alélouya).

4

Jan 6, 39

(R. Alélouya). Sa-a sé volonté Papa-m ki voyé-m nan,
sèké tou sa-l ban mouin, pou-m pa pèdi anyin nan yo,
min pou-m fè-l résisité nan dènié jou-a,
sé sa Granmèt la di. (R. Alélouya).

5

Jan 6, 40

(R. Alélouya). Tout moun ki kouè nan Pitit la, li gin lavi tout tan-an ;
mouin minm m-ap résisité-l nan dènié jou-a, sé sa Granmèt la di. (R.
Alélouya).

6

Jan 6, 51

(R. Alélouya). Mouin sé pin vivan-an, ki désann sot nan sièl la,
sé sa Granmèt la di ;
si yon moun manjé nan pin sa-a,
l-ap viv pou tout tan. (R. Alélouya).

7

Jan 11, 25 a. 26

(R. Alélouya). Mouin sé réziréksion-an ak lavi-a, sé sa Granmèt la di ;
moun ki kouè nan mouin, li pap janm mouri. (R. Alélouya).

8

Cf. Fil 3, 20

(R: Alélouya). Péyi nou-an, sé nan sièl la li yé,
sé la n-ap tann Sovè nou-an, Granmèt nou Jézu-Kri. (R: Alélouya).

9

2 Tim 2, 11-12a

(R: Alélouya). Si nou mouri avèk li, n-ap viv ansanm avèk li ;
si nou sipòté tray, n-ap régné ansanm avèk li. (R: Alélouya).

10

Ap 1, 5 a. 6 b

(R: Alélouya). Jézu-Kri sé premié pitit nan pami mò yo ;
konpliman pou li ak otorité
pou tout tan gin tan. Amèn. (R: Alélouya).

11

Ap 14, 13

(R: Alélouya). Ala kontantman pou mò yo ki mouri nan Granmèt la ;
dépi koulié-a sé pou yo répozé pou tout fatig yo pran ;
sa yo té fè-a ap suiv yo. (R: Alélouya).

ÉVANJIL

1

*Fè kè nou kontan, fété,
paské rékonpans nou anpil nan sièl yo.*

✠ **Léktu sint Évanjil la dapré Matié**

5, 1-12 a

Lè sa-a :

Antan Jézu ouè foul yo, li monté sou mòn nan ; kon-l chita, disip li yo
proché koté-l. Antan li louvri bouch li, li t-ap ba yo ansègnman antan-l
di :

« Ala kontantman pou moun ki pòv yo nan éspri-a, paské sé pou yo péyi roua sièl yo yé.

Ala kontantman pou moun ki dou yo, paské sé yo minm k-ap posédé tè-a,

Ala kontantman pou moun k-ap kriyé yo, paské y-ap konsolé,

Ala kontantman pou moun ki grangou, ki souaf jistis la, paské y-ap jouinn kont yo.

Ala kontantman pou moun ki gin mizérikòd yo, paské y-ap jouinn mizérikòd.

Ala kontantman pou moun ki gin kè yo nèl yo, paské y-ap ouè Bondié,

Ala kontantman pou moun k-ap travay pou lapè-a, paské y-ap rélé yo pitit Bondié.

Ala kontantman pou moun k-ap souffri pèsékision poutèt jistis la, paské sé pou yo péyi roua sièl yo yé.

Ala kontantman pou nou, lè y-ap madichonnin nou, lè y-ap pèsékité nou, lè y-ap di tout kalité sa-k mal kont nou, antan y-ap fè manti, akoz mouin, fè kè nou kontan, fété, paské rékonpans nou anpil nan sièl yo ».

Paròl Granmèt la.

2

Vi-n jouinn mouin, ... m-ap réfè fòs nou.

✠ Léktu sint Évanjil la dapré Matié

11, 25-30

Lè sa-a antan Jézu pran laparòl, li té di : « Mouin fè konpliman pou ou, Papa, Granmèt sièl la ak tè-a, paské ou té kaché bagay sa yo pou saj yo ak intèlijans yo, épi ou té révéle yo bay ti moun piti yo.

Oui, Papa, paské sé konsa sa fè-ou plézi. Papa-m té rinmèt mouin tout bagay, pèsòn pa konnin Pitit la, sof Papa-a ; ni pèsòn pa konnin Papa-a, sof Pitit la ak moun Pitit la vlé révéle sa.

Vi-n jouinn mouin, nou tout k-ap fatigé, k-ap rédi anba gro chaj, m-ap réfè fòs nou.

Pran jouk mouin sou nou, pran léson nan min-m, paské mouin tou dou, mouin pòv nan kè-m ; n-ap jouinn répo pou nanm nou ; jouk mouin fasil pou poté, chaj mouin léjé ».

Paròl Granmèt la.

3

Min mésié k-ap marié-a ap vini, soti al rankontré-l.

✠ **Léktu sint Évanjil la dapré Matié**

25, 1-13

Lè sa-a :

Jézu di disip li yo parabol sa-a : « Péyi roua sièl yo sanblé ak dis vièj ki pran lanp yo, yo soti al rankontré mésié k-ap marié-a ak madanm k-ap marié-a. Sink nan yo té sòt, épi sink té intèlijan. Sink sa ki sòt yo, lè yo fi-n pran lanp yo-a, yo pa pran luil avèk yo ; sa-k té intèlijan yo minm, yo pran luil nan véso yo avèk lanp yo.

Antan y-ap tann mésié k-ap marié-a ki té an réta, yo tout yo dòmi, fon somèy.

Nan mitan nannuit, yo tandé yon rèl : “Min mésié k-ap marié-a, soti al rankontré-l”. Lè sa-a atò tout vièj sa yo lévé, yo paré lanp yo.

Sa-k té sòt yo di sa-k té gin sajès yo : “Ban nou nan luil nou-an, paské lanp nou yo étinn”.

Sa-k intèlijan yo di yo : “Riské pap gin kont pou ni nou minm ni nou minm, pito nou alé nan boutik yo, n-a achté”.

Pandan yo t-al achté, mésié k-ap marié-a rivé ; sa-k té paré yo antré avèk li nan nòs yo, yo fèmin pòt la.

Alafin lòt vièj yo vi-n rivé, yo di : “Granmèt, Granmèt, louvri pou nou”. Li minm minm li réponn, li di : “Amèn mouin di nou, mouin pa konnin nou”.

Sé pou nou véyé konsa, paské nou pa konnin ni jou-a ni lè-a ».

Paròl Granmèt la.

4

Vini, nou minm Papa-m béni yo.

✠ **Léktu sint Évanjil la dapré Matié**

25, 31-46

Lè sa-a :

Jézu di disip li yo : « Lè Pitit moun nan ap rivé nan gloua li, épi tout anj yo avèk li, lè sa-a l-ap chita sou tro-n gloua li. L-ap rasanblé tout nasion yo dévan-l, l-ap séparé yo youn sot kot lòt, tankou yon gadyin

séparé mouton yo ak bouk yo. L-ap mét mouton yo kanpé adouat li, bouk yo agoch li.

Lè sa-a roua-a ap di sa-k adouat li yo : “Vini, nou minm Papa-m béni yo, pran posésion péyi roua-a yo té paré pou nou dépi tè-a té kòmansé fèt la. Sèké mouin té grangou, nou té ban-m manjé ; mouin té souaf, nou té ban-m bouè ; mouin té étranjé, nou té résévoua-m ; mouin té ni-kò, nou té abiyé-m ; mouin té malad, nou té rann mouin vizit ; mouin té nan prizon, nou té vi-n jouinn mouin”.

Lè sa-a moun kòrèk yo ap pran laparòl, antan y-ap di : “Granmèt, kilè nou té ouè-ou grangou épi nou té ba-ou manjé ? oubyin nou té ouè-ou souaf épi nou té ba-ou bouè ? kilè nou té ouè-ou étranjé épi nou té résévoua-ou ? oubyin ni-kò épi nou té abiyé-ou ? oubyin kilè nou té ouè-ou malad oubyin nan prizon épi nou té vi-n jouinn ou ?”

Roua-a ap réponn, l-ap di yo : “Amèn mouin di nou, chak foua nou té fè sa pou youn nan pi piti nan frè-m sa yo, sé pou mouin minm nou té fè-l”.

Lè sa-a atò l-ap di sa yo ki agoch li yo : “Ralé kò nou sot sou mouin, nou minm ki madichonnin, al nan difé tout tan-an, ki té paré pou djab la ak anj li yo. Mouin té grangou, nou pa-t ban-m manjé ; mouin té souaf, nou pa-t ban-m bouè ; mouin té étranjé, nou pa-t résévoua-m ; mouin té ni-kò, nou pa-t abiyé-m ; mouin té malad épi mouin té nan prizon, min nou pa-t vizité-m”.

Lè sa-a yo minm tou y-ap pran laparòl, antan y-ap di-l : “Granmèt, kilè nou té ouè-ou grangou, oubyin souaf, oubyin étranjé, oubyin ni-kò, oubyin malad, oubyin nan prizon, épi nou pa-t rann ou sèvis” ?

Lè sa-a l-ap réponn yo, antan l-ap di : “Amèn mouin di nou, chak foua nou pa-t fè sa pou youn nan pi piti sa yo, sé pou mouin minm tou nou pa-t fè-l”.

Sa yo apral nan chatiman tout tan-an, moun kòrèk yo minm apral nan lavi tout tan-an ».

Paròl Granmèt la.

5

Jézu minm lagé yon gran rèl, li rann souf li.

✠ **Léktu sint Évanjil la dapré Mark** 15, 33-39 ; 16, 1-6

Lè-l sizièm è-a, fènoua rivé sou tout tè-a jous névièm è-a.

A névièm è-a, Jézu pousé yon gran rèl, li di : « Éloyi, Éloyi, lama sabaktani ? » sa vlé di : « Bondié mouin, Bondié mouin, pouki sa ou lagé-m nan ? »

Kèk nan sa-k té kanpé la-a, yo tandé, yo di : « Gadé, l-ap rélé Éli ».

Youn nan yo kouri, li plin éponj ak vinèg, li mété-l nan pouint yon rozo, li t-ap ba-l bouè antan l-ap di : « Kité, n-ap ouè si Éli ap vi-n pou-l désann li ».

Jézu minm lagé yon gran rèl, li rann souf li.

Voual Tanp la chiré an dé, dépi anro jous anba.

Lè santurion-an ouè sa, li minm ki té kanpé an fas la, kijan-l rélé byin fò, épi li rann souf li-a, li di : « Réyèlman mésié sa-a sé Pitit Bondié li té yé ».

Lè saba-a fi-n pasé, Mari Madlèn ak Mari manman Jak ak Salomé yo achté pafin, yo vini pou yo anbomin Jézu. Granmatin premié jou sémèn nan, yo rivé nan kavo-a, solèy déjà kòmansé ap lévé.

Youn t-ap di lòt : « Kilès k-ap roulé ròch la pou nou, sot nan bouch kavo-a ? » Yo gadé, yo ouè ròch la té gin tan roulé ; li té gran anpil.

Antan yo antré nan kavo-a, yo ouè yon jénòm ki chita adouat, li abiyé ak rad blan, yo pè.

Li di yo : « Pa pè, Jézu n-ap chèché-a, moun Nazarèt la yo klouré sou koua-a ; li lévé vivan, li pa isit la. Min plas koté yo té dépozé-l la ».

Paròl Granmèt la.

oubyin pi kout

✠ **Léktu sint Évanjil la dapré Mark** 15, 33-39

Lè-l sizièm è-a, fènoua rivé sou tout tè-a jous névièm è-a.

A névièm è-a, Jézu pousé yon gran rèl, li di : « Éloyi, Éloyi, lama sabaktani ? » sa vlé di : « Bondié mouin, Bondié mouin, pouki sa ou lagé-m nan ? »

Kèk nan sa-k té kanpé la-a, yo tandé, yo di : « Gadé, l-ap rélé Éli ».

Youn nan yo kouri, li plin éponj ak vinèg, li mété-l nan pouint yon rozo, li t-ap ba-l bouè antan l-ap di : « Kité, n-ap ouè si Éli ap vi-n pou-l désann li ».

Jézu minm lagé yon gran rèl, li rann souf li.

Voual Tanp la chiré an dé, dépi anro jous anba.

Lè santurion-an ouè sa, li minm ki té kanpé an fas la, kijan-l rélé byin fò, épi li rann souf li-a, li di : « Réyèlman mésié sa-a sé Pitit Bondié li té yé ».

6

Jénòm, mouin di-ou : lévé.

✠ **Léktu sint Évanjil la dapré Luk**

7, 11-17

Lè sa-a :

Jézu t-apral nan yon vil yo rélé Nayi-m ; disip li yo ak yon gran foul t-apral avèk li tou.

Pandan y-ap proche bò pòt vil la, té gin yon mò yo t-ap poté, sèl pitit gason manman-l ; madanm sa-a té vèv, té gin anpil foul lavil la avèk li.

Lè Granmèt la ouè sa, li pran pitié pou li, li di-l : « Pa kriyé ».

Li proche, li touché sèkèy la. Moun yo ki t-ap poté yo, yo kanpé.

Li di : « Jénòm, mouin di-ou, lévé ». Mò-a chita, li kòmansé palé ; Jézu rinnèt li bay manman-l.

Sézisman pran tout moun, yo fè louanj Bondié, y-ap di : « Yon gran profèt lévé nan pami nou, Bondié vizité pèp li-a ». Paròl sa-a gayé nan tout lajudé sou li, ak nan tout réjion alantou-a.

Paròl Granmèt la.

7

Nou minm tou sé pou nou paré.

✠ **Léktu sint Évanjil la dapré Luk**

12, 35-40

Lè sa-a :

Jézu di disip li yo : « Sé pou rin nou maré, pou lanp nou limin nan min nou ; nou minm sé pou nou tankou moun k-ap tann mèt yo, lè-l vi-n sot nan nòs ; pou, kon-l rivé, li frapé, minm lè-a yo louvri ba li.

Ala kontantman pou sèvitè sa yo, si lè mèl la rivé, li jouinn yo ap véyé ; amèn mouin di nou, l-ap maré rin-l, l-ap fè yo lonjé kò yo, l-ap pasé pou-l sèvi yo.

Si-l rivé nan dézièm vèy la, épi si sé nan touazièm vèy la li rivé, épi li jouinn yo konsa, ala kontantman pou sèvitè sa yo. Aprann sa, si pèd-famiy nan té konnin ki lè vòlè-a t-ap rivé, li t-ap véyé sètènman, li pa t-ap kité yo kasé kay li.

Nou minm tou sé pou nou paré, paské sé lè nou pa pansé-a, Pitit moun nan ap vini ».

Paròl Granmèt la.

8

Jodi-a minm ou-ap avèk mouin nan paradi-a.

✠ **Léktu sint Évanjil la dapré Luk** 23, 33. 39-43

Apré sòlda yo té rivé koté yo rélé Kalvè-a, yo klouré-l sou koua-a koté sa-a minm avèk asasin yo, youn adouat épi lòt la agòch.

Youn nan sa yo ki té pandié yo, nan asasin yo, li t-ap blasfémé-l, li t-ap di : « Si-ou sé Kris la, sové pròp tèt ou, ni nou minm tou ».

Lòt la minm pran laparòl, li fè-l répròch, antan l-ap di : « Ou minm tou, ou pa krinn Bondié, sé nan minm kondanasion-an ou yé ? Pou nou, sé jistis, paské nou résévoua sa nou mérité pou aksion nou yo ; sa-a minm, li pa-t fè anyin ki mal ».

Li tap di Jézu : « Granmèt, sonjé-m, lè ou-ap vini nan péyi roua-ou la ».

Jézu di-l : « Amèn, mouin di-ou, jodi-a minm ou-ap avèk mouin nan Paradi-a ».

Paròl Granmèt la.

9

Papa, nan min-ou mouin rinmèt éspri-m.

✠ **Léktu sint Évanjil la dapré Luk** 23, 44-46. 50. 52-53 ; 24, 1-6 a

Li té prèské sizièm è-a, fènoua té rivé sou tout tè-a, jouska névièm è-a. Solèy la vi-n tou noua, voual tanp la chiré nan mitan.

Antan Jézu pousé yon rèl avèk voua-l byin fò, li di : « Papa, nan min-ou mouin rinmèt éspri-m ». Pandan l-ap di sa, souf li pati.

Gin yon mésié yo rélé Jozèf, li té manb nan sanédrin-an, sé yon moun ki bon, ki kòrèk, li proche kot Pilat, li mandé kò Jézu ; li vlopé-l nan yon dra, lè yo fi-n désann li sou koua-a, li dépozé-l nan yon kavò ki fouyé nan ròch, koté yo pa-t ko mété pèsòn.

Prémié jou sémèn nan, granmatin, médam yo rivé nan kavò-a, yo poté pomad yo té paré yo ; yo jouinn ròch la ki roulé sot nan kavò-a. Yo antré, yo pa jouinn kò Granmèt la.

Rivé, pandan yo rét sézi nan éspri yo pou bagay sa-a, gin dé mésié ki kanpé bò koté yo ak rad kléré.

Kòm médam yo té pè, yo té bésé fas yo atè, mésié yo di yo : « Pouki sa n-ap chèché vivan-an avèk mò yo ? Li pa isit la, li résisité ».

Paròl Granmèt la.

oubyin pi kout

✠ Léktu sint Évanjil la dapré Luk

23, 44-46. 50. 52-53

Li té prèské szièm è-a, fènoua té rivé sou tout tè-a, jouska névièm è-a. Solèy la vi-n tou noua, voual tanp la chiré nan mitan.

Antan Jézu pousé yon rèl avèk voua-l byin fò, li di : « Papa, nan min-ou mouin rinnèt éspri-m ». Pandan l-ap di sa, souf li pati.

Gin yon mésié yo rélé Jozèf, li té manb nan sanédrin-an, sé yon moun ki bon, ki kòrèk, li proche kot Pilat, li mandé kò Jézu ; li vlopé-l nan yon dra, lè yo fi-n désann li sou koua-a, li dépozé-l nan yon kavò ki fouyé nan ròch, koté yo pa-t ko mété pèsòn.

Paròl Granmèt la.

10

*Èské Kris la pa-t gin pou-l soufri,
épi sé konsa pou-l antré nan gloua-l la ?*

✠ Léktu sint Évanjil la dapré Luk

24, 13-35

Min dé nan disip Jézu yo t-apral nan yon bouk, prémié jou sémèn sa-a, bouk la té yon distans souasant stad parapò a Jérusalèm, yo té rélé-l Émayus. Yo minm yo t-ap palé antré yo sou tou sa-k té pasé. Rivé,

pandan y-ap chanjé nouvèl, y-ap chèché antré yo, Jézu minm proché, l-ap maché avèk yo. Jé yo té gin yon bagay ki kinbé yo, pou yo pa rékonèt li.

Li di yo : « Ki paròl sa yo, n-ap palé antré nou pandan n-ap maché-a, épi ki fè nou gin lapinn nan ? »

Youn yo rélé Kléofas, di-l : « Sé ou minm sèl ki étranjé nan Jérusalem, ou pa konnin sa-k rivé nan jou sa yo ? »

Li di yo : « Ki bagay ? »

Yo di : « Osijè Jézu moun Nazarèt la, ki té yon profèt, ki gin pouvoua nan aksion ak paròl dévan Bondié ak tout pèp la. Kijan gran prèt yo ak chèf nou yo rinmèt li nan kondanasion lanmò, épi yo klouré-l sou koua.

Nou minm nou té espéré, sé li minm ki t-ap rachté Israèl ; koulié-a minm sou tout bagay sa yo jodi-a sé touazièm jou dépi yo rivé.

Min kèk médam nan pami nou té fè nou sézi, yo t-al nan kavo-a dévan-jou, yo pa jouinn kò-l, yo vi-n di yo ouè vizion anj yo, ki di yo li vivan. Kèk nan nou al nan kavo-a, yo jouinn bagay yo jan médam yo di-a ; min li minm yo pa jouinn li ».

Li minm minm li di yo : « Nou sòt, nou pran tan nan kè nou kouè tou sa profèt yo té palé yo ! Èské Kris la pa-t gin pou-l souffri, épi sé konsa pou-l antré nan gloua-l la ? »

Antan li kòmansé dépi sou Moyiz ak tout profèt yo, li éspliké yo nan tout sa-k ékri yo sa-k té konsèné-l.

Yo proché bò bouk la koté yo t-apralé-a, li minm li fè kòmisi l-apral pi louin, yo fòsé-l, antan yo di : « Rét avèk nou, paské asouè rivé, jou-a déjà bésé ». Li antré avèk yo.

Pandan li lonjé kò-l avèk yo, li pran pin, li béni, li kasé, li ba yo. Jé yo louvri, yo rékonèt li. Li minm minm li disparèt sot dévan jé yo.

Youn di lòt : « Èské kè nou pa-t cho anndan nou, pandan li t-ap palé sou chémin-an, li t-ap éspliké nou sa-k ékri yo ? » Yo lévé minm là-a, yo tounin Jérusalem. Yo jouinn onz yo rasanblé, ni sa yo ki té avèk yo-a, yo di Granmèt la lévé vré, li parèt dévan Simon.

Yo rakonté sa-k té passé sou chémin-an, kijan yo té rékonèt li nan kasé pin-an.

Paròl Granmèt la.

oubyin pi kout

✠ Léktu sint Évanjil la dapré Luk

24, 13-16. 28-35

Min dé nan disip Jézu yo t-apral nan yon bouk, premié jou sémèn sa-a, bouk la té yon distans souasant stad parapò a Jérusalèm, yo té rélé-l Émayus. Yo minm yo t-ap palé antré yo sou tou sa-k té passé. Rivé, pandan y-ap chanjé nouèl, y-ap chèché antré yo, Jézu minm proché, l-ap maché avèk yo. Jé yo té gin yon bagay ki kinbé yo, pou yo pa rékonèt li.

Yo proché bò bouk la koté yo t-apralé-a, li minm li fè kòm si l-apral pi louin, yo fòsé-l, antan yo di : « Rét avèk nou, paské asouè rivé, jou-a déjà bésé ». Li antré avèk yo.

Pandan li lonjé kò-l avèk yo, li pran pin, li béni, li kasé, li ba yo. Jé yo louvri, yo rékonèt li. Li minm minm li disparèt sot dévan jé yo.

Youn di lòt : « Èské kè nou pa-t cho anndan nou, pandan li t-ap palé sou chémin-an, li t-ap éspliké nou sa-k ékri yo ? » Yo lévé minm lè-a, yo tounin Jérusalèm. Yo jouinn onz yo rasanblé, ni sa yo ki té avèk yo-a, yo di Granmèt la lévé vré, li parèt dévan Simon.

Yo rakonté sa-k té passé sou chémin-an, kijan yo té rékonèt li nan kasé pin-an.

Paròl Granmèt la.

11

*Moun ki kouté paròl mouin épi ki kouè
... li travèsé sot nan lanmò al nan lavi.*

✠ Léktu sint Évanjil la dapré Jan

5, 24-29

Lè sa-a :

Jézu réponn Juif yo : « Amèn, amèn mouin di nou moun ki kouté paròl mouin, ki kouè sa-a ki voyé-m nan, li gin lavi tout tan-an, li pa antré nan jijman, min li travèsé sot nan lanmò al nan lavi.

Amèn, amèn mouin di nou, lè-a rivé, épi sé koulié-a, lè mò yo ap tandé voua Pitit Bondié-a. Moun ki tandé yo, y-ap viv. Minm jan Papa-a gin lavi nan li minm nan, konsa li bay Pitit la pouvoua pou-l gin lavi nan li minm, li ba-l pouvoua tou pou-l fè jijman, paské sé Pitit moun li yé.

Pa sézi pou sa, sèké là-a rivé, koté tout sa ki nan kavò yo, y-ap tandé voua Pitit Bondié-a ; y-ap sot, sa-k té fè byin yo, sé pou rézireksion lavi-a, sa-k té fè mal yo minm sé pou rézireksion jijman-an ».

Paròl Grammèt la.

12

*Moun ki kouè nan Pitit la, li gin lavi tout tan-an ;
mouin minm m-ap résisité-l nan dènié jou-a.*

✠ Léktu sint Évanjil la dapré Jan

6, 37-40

Lè sa-a :

Jézu di fòul yo : « Tou sa Papa-a ban mouin, l-ap vi-n jouinn mouin ; mouin ki vi-n jouinn mouin, mouin pap jété-l déyò ; paské mouin pa désann sot nan sièl la pou-m fè volonté pa-m, min volonté sa-a ki voyé-m nan. Min volonté sa-a ki voyé-m nan, Papa-a, sèké tou sa-l ban mouin, pou-m pa pèdi anyin nan yo, min pou-m fè-l résisité nan dènié jou-a.

Sa-a sé volonté Papa-m ki voyé-m nan, pou tout mouin ki ouè Pitit la, épi ki kouè nan li, jouinn lavi ki pap janm fini-an ; mouin minm m-ap fè-l résisité nan dènié jou-a ».

Paròl Grammèt la.

13

*Si yon moun manjé nan pin sa-a, l-ap viv pou tout tan,
épi mouin minm m-ap résisité-l nan dènié jou-a.*

✠ Léktu sint Évanjil la dapré Jan

6, 51-58

Lè sa-a :

Jézu té di fòul Juif yo : « Mouin sé pin vivan-an, ki désann sot nan sièl la. Si yon moun manjé nan pin sa-a, l-ap viv pou tout tan. Pin-an m-ap bay la, sé chè-m pou lavi tè-a ».

Juif yo minm t-ap diskité antré yo, yo t-ap di : « Kijan sa-a kapab ba nou chè-l pou nou manjé ? »

Jézu minm di yo : « Amèn, amèn mouin di nou : si nou pa manjé chè Pitit moun nan, si nou pa bouè san-l, nou pap gin lavi nan nou.

Moun ki manjé chè-m, ki bouè san-m, li gin lavi ki pap janm fini-an ; mouin minm m-ap résisité-l nan dènié jou-a.

Chè-m sé manjé tout bon vré-a, san-m sé bouason tout bon vré-a. Moun ki manjé chè-m, ki bouè san-m, li rét nan mouin, mouin minm nan

li. Minm jan Papa-a ki vivan-an voyé-m nan, épi mouin viv akòz Papa-a ; konsa tou moun ki manjé-m, l-ap viv akòz mouin tou.

Sa-a sé pin-an ki désann sot nan sièl la. Sé pa tankou papa nou yo ki té manjé lama-n nan, épi ki té mouri yo.

Moun ki manjé pin sa-a l-ap viv pou tout tan ».

Paròl Granmèt la.

14

Mouin sé réziréksion-an ak lavi-a.

✠ **Léktu sint Évanjil la dapré Jan**

11, 17-27

Lè sa-a :

Jézu rivé Bétani, li jouinn Lazar dépi kat jou nan kavo. Bétani té pré Jérusalèm, apéprè kinz stad. Anpil nan Juif yo té vi-n kot Mart ak Mari, pou yo konsolé-l pou frè-l la.

Mart minm, lè-l tandé Jézu vini, li kouri al rankontré-l ; kanta Mari li minm, li té rét chita lakay la.

Mart minm di Jézu : « Granmèt, si-ou té isit la, frè-m nan pa t-ap mouri ; min koulié-a mouin konnin tou sa-ou mandé Bondié, Bondié ap ba ou li ».

Jézu di-l : « Frè-ou la ap résisité ».

Mart di-l : « Mouin konnin l-ap résisité nan réziréksion nan dènié jou-a ».

Jézu di-l : « Mouin sé réziréksion-an ak lavi-a ; moun ki kouè nan mouin, minm si-l mouri, l-ap viv, épi tout moun k-ap viv épi ki kouè nan mouin, li pap janm mouri. Èské ou kouè sa ? »

Li di-l : « Oui, Granmèt, mouin kouè ou sé Kris Pitit Bondié vivan-an, ki té vi-n sou tè sa-a ».

Paròl Granmèt la.

oubyin pi kout

✠ **Léktu sint Évanjil la dapré Jan**

11, 21-27

Lè sa-a :

Mart minm di Jézu : « Granmèt, si-ou té isit la, frè-m nan pa t-ap mouri ; min koulié-a mouin konnin tou sa-ou mandé Bondié, Bondié ap ba-ou li ».

Jézu di-l : « Frè-ou la ap résisité ».

Mart di-l : « Mouin konnin l-ap résisité nan réziréksion nan dènié jou-a ».

Jézu di-l : « Mouin sé réziréksion-an ak lavi-a : moun ki kouè nan mouin, minm si-l mouri, l-ap viv, épi tout moun k-ap viv épi ki kouè nan mouin, li pap janm mouri, Èské-ou kouè sa ? »

Li di-l : « Oui, Granmèt, mouin kouè ou sé Kris Pitit Bondié vivan-an, ki té vi-n sou tè sa-a ».

Paròl Granmèt la.

15

Lazar, vini déyò.

✠ **Léktu sint Évanjil la dapré Jan**

11, 32-45

Lè sa-a :

Mari minm, lè-l rivé koté Jézu té yé-a, kon-l ouè-l, li tonbé nan pié-l, li di-l : « Granmèt si-ou té isit la, frè-m nan pa t-ap mouri ».

Jézu minm, lè-l ouè l-ap kriyé, ni Juif yo tou ki té vi-n avèk li-a ki t-ap kriyé, li santi éspri-l trésayi li troublé anndan li minm, li di : « Koté nou té dépozé-l ? »

Yo di-l : « Granmèt, vini, ou-a ouè ». Jézu kriyé.

Juif yo di : « Gadé kijan li té rinmin-l ! »

Kèk nan yo minm té di : « Èské li pa-t kapab fè pou sa-a pa mouri, li minm ki té louvri jé moun ki té fèt tou avèg la ».

Jézu minm trésayi ankò anndan li minm, li rivé nan kavo-a. Sé té yon trou ròch, yon ròch té pozé sou li.

Jézu di : « Ouété ròch la ». Mart, sè mò-a, di-l : « Granmèt, li déjà gin mové sant, sa fè katriyèm jou li la ».

Jézu di-l : « Èské-m pa di-ou, si-ou kouè, ou-ap ouè gloua Bondié-a ? »

Yo ouété ròch la. Jézu minm lévé jé-l anlè, li di : « Papa, mouin fè konpliman pou ou, poutèt ou kouté-m. Mouin té konnin ou toujou kouté-m ; min sé poutèt pèp la ki antouré-m nan, mouin palé, pou yo kouè sé ou minm ki voyé-m ».

Kon-l fi-n di sa, li rélé byin fò : « Lazar, vini déyò ». Minm lè-a li sòti, pié-l ak min-l byin maré ak bann toual, figi-l té maré ak yon mouchoua.

Jézu di yo : « Lagé-l, kité-l alé ».

Anpil nan Juif yo ki té vi-n kot Mari ak Mart la, lè yo ouè sa Jézu fè, yo vi-n kouè nan li.

Paròl Granmèt la.

16

Si grinn blé-a mouri, l-ap donnin anpil foui.

✠ Léktu sint Évanjil la dapré Jan

12, 23-28

Lè sa-a :

Jézu di disip li yo : « Lè-a rivé pou yo ouè sa Pitit moun nan yé. Amèn, amèn, mouin di nou, si grinn blé-a ki tonbé nan tè-a pa mouri, l-ap rét pou kont li ; min si-l mouri, l-ap donnin anpil foui.

Moun ki rinmin nanm li, l-ap pèdi-l ; min moun ki rayi nanm li sou tè-a, l-ap kinbé-l pou lavi ki pap janm fini-an. Si yon moun ap sèvi-m, sé pou-l suiv mouin ; koté-m yé-a, sé la tou sèvitè-m nan ap yé. Si yon moun ap sèvi-m, Papa-m ap fè-l jouinn konsidérasion.

Koulié-a nanm mouin troulé : ki sa pou-m di ? Papa, sové-m sot nan lè sa-a. Min sé pousa mouin vi-n nan lè sa-a. Papa, fè ouè non-ou aklè ».

Yon voua rivé sot nan sièl la : « Mouin fè ouè gloua-l, m-ap fè ouè gloua-l ankò ».

Paròl Granmèt la

oubyin pi kout

✠ Léktu sint Évanjil la dapré Jan

12, 23-26

Lè sa-a :

Jézu di disip li yo : « Lè-a rivé pou yo ouè sa Pitit moun nan yé. Amèn, amèn, mouin di nou, si grinn blé-a ki tonbé nan tè-a pa mouri, l-ap rét pou kont li ; min si-l mouri, l-ap donnin anpil foui.

Moun ki rinmin nanm li, l-ap pèdi-l ; min moun ki rayi nanm li sou tè sa-a, l-ap kinbé-l pou lavi ki pap janm fini-an. Si yon moun ap sèvi-m, sé pou-l suiv mouin ; koté-m yé-a, sé la tou sèvitè-m nan ap yé. Si yon moun ap sèvi-m, Papa-m ap fè-l jouinn konsidérasion ».

Paròl Granmèt la.

17

Nan kay Papa-m nan gin anpil koté pou rété.

✠ Léktu sint Évanjil la dapré Jan

14, 1-6

Lè sa-a :

Jézu di disip li yo : « Pa kite kè nou troublé. Sé pou nou kouè nan Bondié, épi kouè nan mouin minm tou. Nan kay Papa-m nan gin anpil koté pou rété. Otréman mouin t-a di nou, paské m-apralé paré yon plas pou nou.

Lè m-a fi-n al préparé plas la pou nou-an, m-a tounin vi-n pran nou avèk mouin, konsa, koté m-ap yé-a, sé la n-a yé tou. Épi koté m-apralé-a, n-a konnin-l, n-a konnin chémin-an ».

Toma di-l : « Granmèt, nou pa konnin koté ou-apralé ; kòman nou kapab fè konnin chémin-an ? »

Jézu di-l : « Mouin sé chémin-an, vérité-a, ak lavi-a. Pèsòn pa vi-n koté Papa-a, sof si-l pasé pa lintèmediè mouin ».

Paròl Granmèt la.

18

*Mouin vlé pou koté-m yé-a, sé la yo minm tou yo yé.***✠ Léktu sint Évanjil la dapré Jan**

17, 24-26

Lè sa-a :

Antan Jézu lévé jé-l nan sièl la, li priyé, antan-l di : « Papa, sa yo ou té ban mouin-an, mouin vlé pou koté-m yé-a sé la yo yé tou avè-m, pou yo ouè gloua-m nan, sa ou té ban mouin-an ; paské ou rinmin-m dépi anvan tè-a fèt.

Papa ki kòrèk, tè-a pa-t rékonèt ou ; mouin minm mouin konnin-ou, épi sa yo rékonèt sé ou minm ki voyé-m. Mouin fè yo konnin non-ou, m-ap fè yo konnin-l ankò pou rinmin-an ou rinmin-m nan, li kapab nan yo, ni mouin minm nan yo ».

Paròl Granmèt la.

19

*Li bésé tèt li, li rimmèt éspri-a.***✠ Léktu sint Évanjil la dapré Jan**

19, 17-18. 25-39

Lè sa-a :

Antan Jézu ap poté koua-a li minm minm, l-alé koté yo rélé Kalvè-a, nan langaj ébré sé Gòlgota, sé la yo klouré-l sou koua ; avèk li té gin dé lòt, youn yon bò, lòt la lòt bò-a, Jézu minm nan mitan.

Tou kolé koua Jézu-a, manman-l té kanpé, ni sè manman-l nan, Mari Kléofas, ak Mari Madlèn. Lè Jézu ouè manman-l ak disip li té rinmin-an ki kanpé, li di manman-l : « Madanm, min pitit ou » ; apré sa, li di disip la : « Min manman-ou ».

Dépi lè sa-a, disip la résévoua-l kòm byin pa li.

Apré sa, Jézu konnin tout bagay fi-n réalisé, pou sa-k ékri-a té kapab réalisé, li di : « Mouin souaf ». Té gin yon véso plin vinèg ki té dépozé la ; yo minm yo pran yon éponj plin vinèg, yo mété nan pouint yon branch izòp, yo proché-l bò bouch li. Lè Jézu pran vinèg la, li di : « Li fi-n réalisé ».

Li bésé tèt li, li rimmèt éspri-a.

Juif yo minm, kòm sé té préparasion Pak la, pou kò yo pa rété sou koua-a jou saba-a, (sèké sé té gran jou saba jou sa-a), yo mandé Pilat pou yo krazé janm yo, pou yo ouété yo.

Sòlda yo vini, yo krazé janm prémié-a ak lòt la ki té klouré-a avèk li-a. Min lè yo rivé sou Jézu, kòm yo ouè li té déjà mouri, yo pa krazé janm li, min youn nan sòlda yo louvri kòt li ak pik li-a, minm lè-a dlo ak san soti.

Moun ki ouè-a, li sèvi témouin, témouagnaj li-a vré. Li minm li konnin li di vérité, pou nou minm tou nou kapab kouè. Bagay sa yo fèt pou sa ki ékri-a té kapab réalizé : « Nou pap krazé zo nan li ». Épi tou yon lòt pasaj sa ki ékri-a di : « Y-ap gadé sa-a yo transpèsé-a ».

Apré bagay sa yo, Jozèf moun Arimati-a, mandé Pilat pou-l ouété kò Jézu, sé disip Jézu li té yé, min an kachèt paské li té pè Juif yo. Pilat ba-l pèmision. Li rivé, li pran kò Jézu. Nikodèm rivé tou, li minm ki té vi-n kot Jézu nannuit prémié foua-a, li poté yon mélanj lamir ak aloès, apéprè san liv.

Paròl Granmèt la.

NAN ANTÈMAN TIMOUN

A. Nan antèman timoun ki batizé

PRÉMIÉ LÉKTU NAN ANSYIN TÉSTAMAN-AN

1

*L-ap chaviré lanmò-a pou tout tan.***Léktu liv profèt Izayi**

25, 6 a. 7-9

Jou sa-a :

Granmèt lamé yo ap fè yon résepsion bon viann pou tout pèp yo sou mòn sa-a.

Sou mòn sa-a, l-ap chaviré fas chinn nan ki té maré sou tout pèp yo, ak voual la ki té vlopé sou tout nasion yo.

L-ap chaviré lanmò-a pou tout tan, Granmèt Bondié ap ouété dlo sot nan tout figi, épi l-ap ouété laront pèp li-a sot sou tout tè-a, paské Granmèt la palé.

Jou sa-a y-ap di : « Min Bondié nou sa-a, nou t-ap tann li, épi l-ap sové nou ; sé li minm Granmèt la, nou t-ap éspéré li, n-ap fété, épi n-ap fè kè nou kontan nan sové li sové nou-an ».

Paròl Granmèt la.

2

*Li bon pou rét an silans ap tann sové Bondié ap sové nou-an.***Léktu liv Lamantasion**

3, 22-26

Mizérikòd Granmèt la, paské nou pa dépéri, bon kè-l pa pati. Chak matin yo tou nèf, fidéлитé-ou gran.

« Pòsion-m sé Granmèt la, sé sa nanm mouin di ; sé poua m-ap tann li ».

Granmèt la bon pou moun ki konté sou li yo, pou nanm k-ap chèché-l yo. Sa bon pou tann nan silans sové Granmèt la ap sové nou-an.

Paròl Granmèt la.

PRÉMIÉ LÉKTU NAN NOUVO TĚSTAMAN-AN POU TAN PASKAL LA

1

Bondié ap suiyé tout dlo nan jé yo.

Léktu liv Apokalips apot sin Jan

7, 9-10. 15-17

Mouin minm Jan, mouin ouè yon gran foul, pèsòn pa-t kapab konté-l, li té soti nan tout nasion, ras pèp ak lang, yo té kanpé dévan tro-n nan ak dévan Mouton-an, yo té abiyé ak rad blan, branch palm nan min yo, yo t-ap rélé byin fò, antan y-ap di : « Sové nou sové-a sé gras a Bondié nou-an, li minm ki chita sou tro-n nan, épi gras a Mouton-an ».

Yo dévan tro-n Bondié-a, y-ap sèvi-l lajounin kon nannuit nan tanp li-a, sa-a ki chita sou tro-n nan ap abité anlè yo.

Yo pap grangou ni souaf ankò, solèy pap tonbé sou yo, ni okinn chalè, paské Mouton-an, ki nan mitan tro-n nan, l-ap kondui yo, l-ap minnin yo nan sous dlo lavi-a, Bondié ap suiyé tout dlo nan jé yo.

Paròl Granmèt la.

2

Pap gin lanmò ankò.

Léktu liv Apokalips apot sin Jan

21, l a. 3-5 a

Mouin minm, Jan, mouin ouè yon sièl nouvo ak yon tè nouvo.

Mouin tandé yon gran voua ki sot nan tro-n nan, k-ap di : « Min tant Bondié-a avèk lézòm yo, l-ap abité avèk yo ; y-ap pèp li, li minm Bondié avèk yo l-ap Bondié yo. Bondié ap siyé tout dlo sot nan jé yo, pap gin lanmò, ni dèy, ni rèl, ni doulè ankò ; paské prémié bagay yo pati ».

Sa-a ki té chita sou tro-n nan, li di : « Min mouin fè tout bagay nouvo ».

Paròl Granmèt la.

PSÒM RÉPONS YO

1

PSÒM RÉPONS

Ps 22, 1-3. 4. 5. 6 (R : 1)

R: Granmèt la souin-m, mouin pap manké anyin.

1 Granmèt la ap kondui-m, anyin pap manké-m ;

2 Nan zèb vèt li instalé-m,
sou bò dlo trankil li minnin-m,

3 li réfè nanm mouin.

Li kondui-m nan santié jistis poutèt non-l. R:

4 Sèké minm si m-ap maché nan bafon lonbraj lanmò,
mouin pap pè malè, paské ou avèk mouin.

Baton-ou ak bagèt ou
sé yo k-ap konsolé-m. R:

5 Ou paré yon tab dévan fas mouin
kont sa yo k-ap fè-m sibi tribilasion-an ;
ou souin tèt mouin ak losion,
kalis mouin ap débòdé. R:

6 Réyéلمان sé bon kè ak mizérikòd k-ap rapousuiv mouin
tout tan lavi-m
m-ap abité nan kay Granmèt la
pou tout longè tan yo. R:

2

PSÒM RÉPONS

Ps 24, 4 bc-5 ab. 6 é 7 bc. 20-21 (R : 1 b)

R: Sé koté-ou, Granmèt, mouin lévé nanm mouin.

4 Chémin-ou yo, Granmèt, montré-m yo,
santié-ou yo, aprann mouin yo.

5 Dirijé-m nan santié-ou la, ban-m léson,
paské ou sé Bondié ki sové-m nan. R:

6 Sonjé pitié-ou yo, Granmèt,
ak mizérikòd ou yo, paské sé dépi tout tan yo égzisté.

7 dapré mizérikòd ou-a, sonjé-m,
poutèt bon kè-ou, Granmèt. R:

- 20 Protéjé nanm mouin, délivré-m ;
mouin pap ront paské mouin espéré nan ou.
- 21 Inosans la ak douati-a ap protéjé-m,
paské mouin espéré nan ou. **R**

3

PSÒM RÉPONS

Ps 41, 2. 3. 5 bcd ; 42, 3. 4. (**R** : 41, 3 a)

R Nanm mouin souaf koté Bondié vivan-an.

oubyin : Alélouya.

- 2 Tankou yon mouton ki anvi al nan sous dlo yo,
konsa nanm mouin anvi al koté-ou, Bondié. **R**
- 3 Nanm mouin souaf kot Bondié, Bondié vivan-an,
kilè m-apralé, pou-m parèt dévan fas Bondié ?
- 5 Sèké mouin té konn travèsé al kot tant éstraòdinè-a,
jous nan kay Bondié-a,
nan chanté fèt avèk louanj,
fèt foul la k-ap fè louanj la. **R**
- 3 Voyé limiè-ou la ak vérité-ou la ;
sé yo minm k-ap kondui-m, k-ap minnin-m,
sou mòn ou ki sin-an, ak nan tant ou-a. **R**
- 4 M-ap antré kot lotèl Bondié-a,
kot Bondié kontantman fèt mouin-an.
M-ap fè louanj pou ou nan gita, Bondié, Bondié mouin. **R**

4

PSÒM RÉPONS

Ps 148, 1-2. 11-13. 14 (**R** : cf. 13 a)

R Sé pou yo fè louanj pou non Granmèt la.

oubyin : Alélouya.

- 1 Fè louanj Granmèt la dépi sot nan sièl yo,
fè louanj li nan anro sièl yo.
- 2 Fè louanj li, tout anj li yo,
fè louanj li, tout pouvoua-l yo. **R**

- 11 Roua yo sou tè-a ak tout pèp yo,
chèf yo ak tout jij tè yo,
- 12 jèn jan ak vièj yo,
granmoun yo ak timoun yo.
- 13 Sé pou yo fè louanj pou non Granmèt la,
paské sé non-l sèl ki anlè nèt. *R.*
- Louanj li anlè sièl la ak tè-a.
- 14 Li lévé kòn pèp li.
Louanj pou tout sin-l yo,
pou pitit Israèl yo, pèp ki tou pré-l la. *R.*

DÉZIÈM LÉKTU NAN NOUVO TÉSTAMAN-AN

1

Nou kouè n-ap viv ansanm ak Kris la tou.

Léktu lèt apot sin Pòl pou Romin yo

6, 3-4. 8-9

Frè-m yo :

Èské nou pa konnin nou tout ki batizé nan Kris Jézu, sé nan lanmò-l nou batizé ? Nou antéré réyéلمان ansanm avèk li nan lanmò-a gras a batèm nan, pou minm jan Kris la résisité sot nan pami mò yo gras a gloua Papa-a, konsa tou nou minm n-ap maché nan nouvoté lavi-a.

Konsa si nou mouri ansanm avèk Jézu-Kri, nou kouè n-ap viv ansanm ak Kris la tou, antan nou konnin Kris la ki résisité sot nan pami mò yo, li pap janm mouri, lanmò-a pap gin pouvoua sou li ankò.

Paròl Granmèt la.

2

Soua n-ap viv, soua nou mouri, sé pou Granmèt la nou yé.

Léktu lèt apot sin Pòl pou Romin yo

14, 7-9

Frè-m yo :

Pèsòn nan nou pa viv pou pròp tèt li, épi pèsòn pa mouri pou pròp tèt li. Sèké si n-ap viv, sé pou Granmèt la n-ap viv ; si nou mouri, sé pou

Granmèt la nou mouri. Konsa, soua n-ap viv, soua nou mouri, sé pou Granmèt la nou yé.

Sé pou sa réyéman Kris la mouri, li résisité, pou-l kòmandé ni moun ki mouri yo ni moun ki vivan yo.

Paròl Granmèt la.

3

Tout moun ap gin lavi nan Jézu-Kri.

Léktu prémié lèt apot sin Pòl pou Korintyin yo 15, 20-23

Frè-m yo :

Koulié-a Kris la résisité sot nan pami mò yo, prémié foui nan pami sa-k t-ap dòmi yo ; paské sé pa lintémédiè yon moun lanmò-a té rivé, sé pa lintémédiè yon moun tou réziréksion-an sot nan pami mò yo.

Minm jan tout moun té mouri nan Adan-an, sé konsa tout moun ap gin lavi nan Kris la. Chak moun nan ran-l : prémié foui-a sé Kris la, après sa sé sa yo ki pou Kris la, yo minm ki té kouè li t-ap vini-an.

Paròl Granmèt la.

4

Li té chouazi nou nan li anvan tè-a té fèt la, pou nou sin.

Léktu lèt apot sin Pòl pou Éfézyin yo 1, 3-5

Konpliman pou Bondié Granmèt nou Jézu-Kri, li minm ki béni nou ak tout kalité bénédiksion spirituèl nan sièl la nan Jézu-Kri. Jan li té chouazi nou nan li anvan tè-a té fèt la, pou nou sin, san répròch dévan-l nan rinmin-an. Li té déstiné nou davans pou nou vi-n tounin pitit adoptif pou li gras a Jézu-Kri nan li minm, dapré désizion volonté-l.

Paròl Granmèt la.

5

N-ap toujou avèk Granmèt la.

Léktu prémié lèt apot sin Pòl pou Tésalonisyin yo 4, 13-14. 18

Nou pa vlé, frè-m yo, pou nou pa konnin vérité sou moun k-ap dòmi yo, pou nou pa pran lapinn tankou lòt moun yo ki pa gin éspérans yo.

Si réyèlman nou kouè Jézu mouri épi li résisité, konsa tou moun yo k-
ap dòmi nan Jézu yo, Bondié ap minnin yo avèk li.

Sé pou nou youn ankourajé lòt ak paròl sa yo.

Paròl Granmèt la.

ALÉLOUYA AK VÈSÈ ANVAN ÉVANJIL LA

1

Cf. Mt 11, 25

(R: Alélouya). Konpliman pou ou, Papa, Granmèt sièl la ak tè-a,
paské ou révéle mistè péyi-roua-a nan bay sa-k tou piti yo. (R:
Alélouya).

2

Jan 6, 39

(R: Alélouya). Sa-a sé volonté Papa-m ki voyé-m nan,
sèké tou sa-l ban mouin, pou-m pa pèdi anyin nan yo,
min pou-m résisité-l nan dènié jou-a,
sé sa Granmèt la di. (R: Alélouya).

3

2 Kor 1, 3 b-4 a

(R: Alélouya). Konpliman pou Papa mizérikòd yo
ak Bondié tout konsolasion-an,
li minm ki konsolé nou nan tout tribilasion nou-an. (R: Alélouya).

ÉVANJIL

1

*Ou kaché bagay sa yo pou saj yo ak intélijan yo,
ou révéle yo bay ti moun piti yo.*

✠ Léktu sint Évanjil la dapré Matié

11, 25-30

Lè sa-a, antan Jézu pran laparòl, li té di : « Mouin fè konpliman pou ou, Papa, Granmèt sièl la ak tè-a, paské ou kaché bagay sa yo pou saj yo ak intélijan yo, ou révéle yo bay ti moun piti yo.

Oui, Papa, paské sé konsa sa fè-ou plézi. Papa-m rinnèt mouin tout bagay ; pèsòn pa konnin Pitit la sof Papa-a, ni pèsòn pa konnin Papa-a, sof Pitit la ak moun Pitit la vlé révéle sa.

Vi-n jouinn mouin, nou tout k-ap travay di, k-ap rédi anba gro chaj, m-ap réfè fòs nou.

Pran jouk mouin sou nou, pran léson nan min-m, paské mouin tou dou, mouin pòv nan kè-m ; n-ap jouinn répo pou nanm nou ; jouk mouin fasil pou poté, chaj mouin léjè ».

Paròl Granmèt la.

2

*Min volonté sa-a ki voyé-m nan, Papa-a,
sèké tou sa-l ban mouin, pou-m pa pèdi anyin nan yo.*

✠ Léktu sint Évanjil la dapré Jan

6, 37-40

Lè sa-a :

Jézu di foul yo : « Tou sa Papa-a ban mouin, l-ap vi-n jouinn mouin ; moun ki vi-n jouinn mouin, mouin pap jété-l déyò ; paské mouin pa désann sot nan sièl la pou-m fè volonté pa-m, min volonté sa-a ki voyé-m nan. Min volonté sa-a ki voyé-m nan, Papa-a, sèké tou sa-l ban mouin, pou-m pa pèdi anyin nan yo, min pou-m résisité-l nan dènié jou-a.

Sa-a sé volonté Papa-m ki voyé-m nan, pou tout moun ki ouè Pitit la, épi ki kouè nan li, jouinn lavi ki pap janm fini-an ; mouin minm m-ap résisité-l nan dènié jou-a ».

Paròl Granmèt la.

oubyin pi kout

✠ Léktu sint Évanjil la dapré Jan

6, 37-39

Lè sa-a :

Jézu di fowl yo : « Tou sa Papa-a ban mouin, l-ap vi-n jouinn mouin ; moun ki vi-n jouinn mouin, mouin pap jété-l déyò ; paské mouin pa désann sot nan sièl la pou-m fè volonté pa-m, min volonté sa-a ki voyé-m nan.

Min volonté Sa-a ki voyé-m nan, Papa-a, sèké tou sa-l ban mouin, pou-m pa pèdi anyin nan yo, min pou-m résisité-l nan dènié jou-a ».

Paròl Granmèt la.

3

Si-ou kouè, ou-ap ouè gloua Bondié.

✠ Léktu sint Évanjil la dapré Jan

11, 32-38. 40

Lè sa-a :

Mari minm, sè Laza-a, lè-l rivé koté Jézu té yé-a, kon-l ouè-l, li tonbé nan pié-l, li di-l : « Granmèt si-ou té isit la, frè-m nan pa t-ap mouri ».

Jézu minm, lè-l ouè l-ap kriyé, ni Juif yo tou ki té vi-n avèk li-a ki t-ap kriyé, li santi éspri-l trésayi li troublé anndan li minm, li di : « Koté nou té dépozé-l ? »

Yo di-l : « Granmèt, vini, ou-a ouè ». Jézu kriyé.

Juif yo di : « Gadé kijan li té rinmin-l ! »

Kèk nan yo minm té di : « Èské li pa-t kapab fè pou sa-a pa mouri, li minm ki té louvri jé moun ki té fèt tou avèg la ». Jézu minm trésayi ankò anndan li minm, li rivé nan kavo-a. Sé té yon trou ròch, yon ròch té pozé sou li.

Jézu di Mart : « Èské-m pa di-ou, si-ou kouè, ou-ap ouè gloua Bondié-a ? »

Paròl Granmèt la.

✠ Léktu sint Évanjil la dapré Jan**19, 25-30**

Lè sa-a :

Tou kolé koua Jézu-a, manman-l té kanpé, ni sè manman-l nan, Mari Kléofas, ak Mari Madlèn. Lè Jézu ouè manman-l ak disip li té rinmin-an ki kanpé, li di manman-l : « Madanm, min pitit ou » ; apré sa, li di disip la : « Min manman-ou ».

Dépi lè sa-a, disip la résevoua-l kòm byin pa li.

Apré sa, Jézu konnin tout bagay fi-n réalisé, pou sa-k ékri-a té kapab réalisé, li di : « Mouin souaf ». Té gin yon véso plin vinèg ki té dépozé la ; yo minm yo pran yon éponj plin vinèg, yo mété nan pouint yon branch izòp, yo proché-l bò bouch li. Lè Jézu pran vinèg la, li di : « Li fi-n réalisé ».

Li bésé tèt li, li rinmèt éspri-a.

Paròl Granmèt la.

B. Nan antèman timoun ki pa ko batizé**PRÉMIÉ LÉKTU NAN ANSYIN TÉSTAMAN-AN****Léktu liv profèt Izayi****25, 6 a. 7-8 b**

Jou sa-a :

Granmèt lamé yo ap fè yon résepsion bon viann pou tout pèp yo sou mòn sa-a.

Sou mòn sa-a, l-ap chaviré fas chinn nan ki té maré sou tout pèp yo, ak voual la ki té vlopé sou tout nasion yo.

L-ap chaviré lanmò-a pou tout tan, Granmèt Bondié ap ouété dlo sot nan tout figi.

Paròl Granmèt la.

2

*Li bon pou ré t an silans ap tann sové Bondié ap sové nou-an.***Léktu liv Lamantasion****3, 22-26**

Mizérikòd Granmèt la, paské nou pa déperi, bon kè-l pa pati. Chak matin yo tou nèf, fidéлитé-ou gran.

« Pòsion-m sé Granmèt la, sé sa nanm mouin di ; sé pou sa m-ap tann li ».

Granmèt la bon pou moun ki konté sou li yo, pou nanm k-ap chèché-l yo. Sa bon pou tann nan silans sové Granmèt la ap sové nou-an.

Paròl Granmèt la.

PSÒM RÉPONS LA

PSÒM RÉPONS Ps 24, 4 bc-5 ab. 6 é 7 bc. 20-21 (R: 1 b oubyin 3 a)

R: Sé koté-ou, Granmèt, mouin lévé nanm mouin.

oubyin :

R: Tout moun ki konté sou ou, Granmèt, yo pap ront.

4 Chémin-ou yo, Granmèt, montré-m yo, santié-ou yo, aprann mouin yo.

5 Dirijé-m nan santié-ou la, ban-m léson, paské ou sé Bondié sovè mouin. R:

6 Sonjé pitié-ou yo, Granmèt, ak mizérikòd ou yo, paské sé dépi tout tan yo égzisté.

7 dapré mizérikòd ou-a, sonjé-m, poutèt bon kè-ou, Granmèt. R:

17 Laché sa-k fè kè-m séré-a, anba malè-m yo dégajé-m.

20 Protéjé nanm mouin, dégajé-m ; mouin pap ront, paské mouin éspéré nan nou. R:

ALÉLOUYA AK VÈSÈ ANVAN ÉVANJIL LA

1

2 Kor 1, 3 b-4 a

(R: Alélouya). Konpliman pou Papa mizérikòd yo
ak Bondié tout konsolasion-an,
li minm ki konsolé nou nan tout tribilasyon nou-an. (R: Alélouya).

2

Ap 1, 5 a-6 b

(R: Alélouya). Jézu-Kri sé premié pitit nan pami mò yo ;
konpliman pou li ak otorité
pou tout tan gin tan. Amèn. (R: Alélouya).

ÉVANJIL YO

1

*Ou kaché bagay sa yo pou saj yo ak intélijan yo,
ou révéle yo bay ti moun piti yo.*

✠ Léktu sint Évanjil la dapré Matié

11, 25-30

Lè sa-a, antan Jézu pran laparòl, li té di : « Mouin fè konpliman pou ou, Papa, Granmèt sièl la ak tè-a, paské ou kaché bagay sa yo pou saj yo ak intélijan yo, ou révéle yo bay ti moun piti yo.

Oui, Papa, paské sé konsa sa fè-ou plézi. Papa-m rinmèt mouin tout bagay ; pèsòn pa konnin Pitit la sof Papa-a, ni pèsòn pa konnin Papa-a, sof Pitit la ak moun Pitit la vlé révéle sa.

Vi-n jouinn mouin, nou tout k-ap travay di, k-ap rédi anba gro chaj, m-ap réfè fòs nou.

Pran jouk mouin sou nou, pran léson nan min-m, paské mouin tou dou, mouin pòv nan kè-m ; n-ap jouinn répo pou nanm nou ; jouk mouin fasil pou poté, chaj mouin léjè ».

Paròl Granmèt la.

2

Jézu minm lagé yon gran rèl, li rann souf li.

✠ **Léktu sint Évanjil la dapré Mark**

15, 33-46

Lè-l sizièm è-a, fènoua rivé sou tout tè-a jous névièm è-a.

A névièm è-a, Jézu pousé yon gran rèl, li di : « Éloyi, Éloyi, lama sabaktani ? » sa vlé di : « Bondié mouin, Bondié mouin, pouki sa ou lagé-m nan ? »

Kèk nan sa-k té kanpé la-a, yo tandé, yo di : « Gadé, l-ap rélé Éli ».

Youn nan yo kouri, li plin éponj ak vinèg, li mété-l nan pouint yon rozo, li t-ap ba-l bouè antan l-ap di : « Kité, n-ap ouè si Éli ap vi-n pou-l désann li ».

Jézu minm lagé yon gran rèl, li rann souf li.

Voual Tanp la chiré an dé, dépi anro jous anba.

Lè santurion-an ouè sa, li minm ki té kanpé an fas la, kijan-l rélé byin fò, épi li rann souf li-a, li di : « Réyèlman mésié sa-a sé Pitit Bondié li té yé ».

Té gin médam ki t-ap gadé dé louin, nan pami yo té gin Mari Madlèn, ak Mari manman ti Jak ak Jozèf, ak Salomé, lè yo té nan Galilé, yo té konn ap suiv li, yo té konn okipé-l, té gin anpil dèt médam tou ki té monté ansanm avèk li Jérusalèm.

Kòm asouè té déjà rivé, sé té pou préparasion-an, lavèy saba-a, Jozèf moun Arimati-a rivé, sé té yon moun ki gin konsidérasion, li té fè pati konsèy la ; li minm tou li t-ap tann péyi-roua Bondié-a, li antré kot Pilat avèk asirans, li mandé kò Jézu. Pilat minm sézi pou Jézu t-a mouri déjà, li fè rélé santurion-an, li mandé-l si Jézu té mouri déjà. Lè santurion-an fè-l konnin sa, li rinmèt Jozèf kò-a. Jozèf minm achté yon dra, li désann li, li vlopé-l nan dra-a, li pozé-l nan kavo-a, ki té fouyé nan ròch la, li roulé yon ròch sou bouch kavo-a.

Paròl Granmèt la.

3

Min manman-ou.

✠ **Léktu sint Évanjil la dapré Jan**

19, 25-30

Lè sa-a :

Tou kolé koua Jézu-a, manman-l té kanpé, ni sè manman-l nan, Mari Kléofas, ak Mari Madlèn. Lè Jézu ouè manman-l ak disip li té rinmin-an

ki kanpé, li di manman-l : « Madanm, min pitit ou » ; apré sa, li di disip la : « Min manman-ou ».

Dépi lè sa-a, disip la résévoua-l kòm byin pa li.

Apré sa, Jézu konnin tout bagay fi-n réalisé, pou sa-k ékri-a té kapab réalisé, li di : « Mouin souaf ». Té gin yon véso plin vinèg ki té dépozé la ; yo minm yo pran yon éponj plin vinèg, yo mété nan pouint yon branch izòp, yo proché-l bò bouch li. Lè Jézu pran vinèg la, li di : « Li fi-n réalisé ».

Li bésé tèt li, li rinmèt éspri-a.

Paròl Granmèt la.

Corrections terminées le
27 juin 2012
Notre-Dame du Perpétuel Secours
Patronne d'Haïti
Saint Cyrille d'Alexandrie

Révision et mise en page terminées le
28 octobre 2012
Sts Simon et Jude

GID JÉNÉRAL LÉKTU YO

dapré lòd Liv ki sin yo

Pròp pou tan-an (dominikal, férial) – épi Pròp ak Komin Sin yo, Mès rituèl yo,
Mès pou divès sikonstans yo, Mès votiv yo épi Mès pou défin yo

Réfèrans	Paj	
	Dominikal - Férial	Sanktoral - Rituèl - Divès
Jén 1, 1-2, 2*	413	
Jén 1, 1-19	721	
Jén 1, 11-12		2369
Jén 1, 14-18		2359
Jén 1, 20-2, 4a	725	
Jén 1, 26 – 2, 3		1601, 2309, 2364
Jén 1, 26-28, 31a		2099
Jén 2, 4b-9, 15		2310, 2365
Jén 2, 4b-9, 15-17	728	
Jén 2, 7-9; 3, 1-7	236	
Jén 2, 18-24	1328	
Jén 2, 18-24		2099
Jén 2, 18-25	732	
Jén 3, 1-8	735	
Jén 3, 9-15	853	
Jén 3, 9-15, 20		1717, 1762, 2544
Jén 3, 9-24	738	
Jén 4, 1-15, 25	750	
Jén 4, 3-10		2310, 2352
Jén 6, 5-8; 7, 1-5, 10	753	
Jén 8, 6-13, 20-22	756	
Jén 9, 1-13	759	
Jén 9, 8-15	239	
Jén 11, 1-9	571, 762	
Jén 12, 1-4a	256,	1852, 1903, 2132, 2238
Jén 12, 1-7		1762
Jén 12, 1-9	915	
Jén 13, 2, 5-18	918	
Jén 14, 18-20	600	2031, 2481
Jén 15, 1-12, 17-18	921	
Jén 15, 1-6, 18a		1913
Jén 15, 1-6; 21, 1-3	169	
Jén 15, 5-12, 17-18	260	
Jén 16, 1-12, 15-16*	925	
Jén 17, 1, 9-10, 15-22	929	
Jén 17, 1-8		1914
Jén 17, 3-9	355	
Jén 18, 1-10a	1030	

Jén 18, 1-15	933	
Jén 18, 16-33	946	
Jén 18, 20-32	1058	
Jén 19, 15-29	950	
Jén 21, 5. 8-20	953	
Jén 22, 1-18*	416	
Jén 22, 1-19	957	
Jén 22, 1-2. 9a. 10-13. 15-18	258	
Jén 23, 1-4. 19; 24, 1-8. 62-67	961	
Jén 24, 48-51. 58-67		2100
Jén 27, 1-5. 15-29	964	
Jén 28, 10-22a	975	
Jén 28, 11-18		2165
Jén 32, 22-32	979	
Jén 35, 1-4. 6-7a		1914
Jén 37, 3-4. 12-13a. 17b-28	271	
Jén 41, 55-57; 42, 5-7a. 17-24a	982	
Jén 44, 18-21. 23b-29; 45, 1-5	985	
Jén 46, 1-7. 28-30	988	
Jén 49, 2. 8-10	135	
Jén 49, 29-32; 50, 15-26a	992	
Égz 1, 8-14. 22	1005	
Égz 2, 1-15a	1008	
Égz 3, 1-6. 9-12	1012	2238
Égz 3, 1-8a. 13-15	284	
Égz 3, 11-15		2508
Égz 3, 13-20	1015	
Égz 11, 10-12, 14	1018	
Égz 12, 1-8. 11-14	402	2457
Égz 12, 21-27		2516
Égz 12, 37-42	1021	
Égz 14, 5-18	1033	
Égz 14, 15-15. 1	419	
Égz 14, 21-15. 1	1036	
Égz 16, 1-5. 9-15	1039	
Égz 16, 2-4. 12-15	1083	2482
Égz 17, 1-7	287	
Égz 17, 3-7	276	1942
Égz 17, 8-13	1385	
Égz 19, 1-2. 9-11. 16-20b	1043	
Égz 19, 2-6a	878	
Égz 19, 3-8a. 16-20b	571	
Égz 20, 1-17*	281, 1046	
Égz 22, 20-26	1406	

Égz 23, 20-23		1692
Égz 24, 3-8	598, 1049	2032, 2482, 2516
Égz 32, 7-11. 13-14	1248	
Égz 32, 7-14	324	1802
Égz 32, 15-24. 30-34	1061	
Égz 33, 7-11; 34, 5b-9. 28	1065	
Égz 34, 4b-6. 8-9	586	2525
Égz 34, 29-35	1068	
Égz 40, 16-21. 34-38	1071	
Lév 13, 1-2. 44-46	745	
Lév 19, 1-2. 11-18	244	
Lév 19, 1-2. 17-18	769	
Lév 19, 1-2. 17-18		1852
Lév 23, 1. 4-11. 15-16. 27. 34b-37	1074	
Lév 25, 1. 8-17	1077	
Nb 3, 5-9		1990
Nb 6, 22-27	180	2311, 2359
Nb 11, 4b-15	1088	
Nb 11, 11b-12.14-17. 24-25a		1990
Nb 11, 25-29	1300	
Nb 12, 1-13	1092	
Nb 13, 1-2. 25-14, 1. 26-29. 34-35	1097	
Nb 20, 1-13	1100	
Nb 21, 4-9	350	1678
Nb 24, 2-7. 15-17a	116	
Dét 1, 9-14		2013
Dét 4, 1. 5-9	296	
Dét 4, 1-2. 6-8	1195	
Dét 4, 32-34. 39-40	588	
Dét 4, 32-40	1104	
Dét 5, 12-15	823823	
Dét 6, 1-7		1905
Dét 6, 2-6	1432	
Dét 6, 3-9		1666, 1852, 2022
Dét 6, 4-13	1107	
Dét 7, 6-11	603	2525
Dét 8, 2-3. 14b-16a	593	2032, 2483
Dét 8, 7-18		2375
Dét 10, 8-9		1803, 1853
Dét 10, 12-22	1119	2526
Dét 10, 17-19		2390
Dét 11, 18. 26-28. 32	821	
Dét 18, 15-20	687	
Dét 24, 17-22		2380, 2390

Dét 26, 4-10	241	
Dét 26, 16-19	254	
Dét 30, 1-4		2267
Dét 30, 10-14	1002	2022, 2201
Dét 30, 15-20	228	1915
Dét 31, 1-8	1122	
Dét 34, 1-12	1125	
Joz 3, 7-10a. 11. 13-17	1128	
Joz 5, 9a. 10-12	311	
Joz 8, 30-35		2166
Joz 24, 1-13	1132	
Joz 24, 1-2a. 15.17. 18b	1171	
Joz 24, 1-2a. 15-17. 18b-25a		1916
Joz 24, 14-29	1137	
Jij 2, 11-19	1147	
Jij 6, 11-24a	1151	
Jij 9, 6-15	1154	
Jij 11, 29-39a	1158	
Jij 13, 2-7. 24-25a	139	
Rut 1, 1. 3-6. 14b-16. 22	1162	
Rut 2, 1-3. 8-11; 4, 13-17	1165	
1 Sam 1, 1-8	612	
1 Sam 1, 9-20	615	
1 Sam 1, 20-22. 24-28	171	
1 Sam 1, 24-28	145	
1 Sam 3, 1-10		2132, 2239
1 Sam 3, 1-10. 19-20	618	
1 Sam 3, 3b-10. 19	632	
1 Sam 4, 1-11	621	
1 Sam 8, 4-7. 10-22a	624	
1 Sam 9, 1-4. 17-19; 10, 1a	628	
1 Sam 15, 16-23	638	
1 Sam 16, 1-13	641	
1 Sam 16, 1b. 6-13a		1803
1 Sam 16, 1b. 6-7. 10-13a	304	
1 Sam 17, 32-33. 37. 40-51	644	
1 Sam 18, 6-9; 19, 1-7	648	
1 Sam 24, 3-21	651	
1 Sam 26, 2. 7-9. 12-13. 22-23	773	2443
2 Sam 1, 1-4. 11-12. 19. 23-27	654	
2 Sam 5, 1-3	1519	
2 Sam 5, 1-7. 10	666	
2 Sam 6, 12b-15. 17-19	669	
2 Sam 7, 1-5. 8b-11. 16		1763

2 Sam 7, 1-5. 8b-12. 14a. 16	130, 149	
2 Sam 7, 4-17	672	
2 Sam 7, 4-5a. 12-14a. 16		1588
2 Sam 7, 18-19. 24. 29	676	
2 Sam 11, 1-4a. 5-10a. 13-17	679	
2 Sam 12, 1-7a. 10-17	682	
2 Sam 12, 7-10. 13	882	
2 Sam 15, 13-14. 30; 16, 5-13a	694	
2 Sam 18, 9-10. 14b. 24-25a. 30-19, 3	698	
2 Sam 24, 2. 9-17	702	
1 Roua 2, 1-4. 10-12	705	
1 Roua 3, 4-13	712	
1 Roua 3, 5. 7-12	1053	
1 Roua 3, 11-14		1829, 2311
1 Roua 8, 1-7. 9-13	723	
1 Roua 8, 22-23. 27-30	726	1749
1 Roua 8, 41-43	826	
1 Roua 8, 55-61		2414
1 Roua 10, 1-10	729	
1 Roua 11, 4-13	733	
1 Roua 11, 29-32; 12, 19	736	
1 Roua 12, 26-32; 13, 33-34	739	
1 Roua 17, 1-6	860	
1 Roua 17, 7-16	863	
1 Roua 17, 10-16	1458	
1 Roua 17, 17-24	856	
1 Roua 18, 20-39	866	
1 Roua 18, 41-46	869	
1 Roua 19, 1-8	2049	
1 Roua 19, 4-8	1112	2033, 2090, 2484
1 Roua 19, 4-9a. 11-15a		1853, 2133, 2224
1 Roua 19, 9a. 11-13a	1110	
1 Roua 19, 9a. 11-16	872	
1 Roua 19, 16b. 19-21	944	1854, 2134, 2240
1 Roua 19, 19-21	876	
1 Roua 21, 1-16	887	
1 Roua 21, 17-29	891	
2 Roua 2, 1. 6-14	894	
2 Roua 4, 8-11. 14-16a	938	
2 Roua 4, 18b-21. 32-37	341	
2 Roua 4, 42-44	1056	
2 Roua 5, 1-15a	291	1917
2 Roua 5, 14-17	1359	
2 Roua 11, 1-4. 9-18. 20	901	

2 Roua 17, 5-8. 13-15a. 18	916	
2 Roua 19, 9b-11. 14-21. 31-35a. 36	919	
2 Roua 20, 1-6		2399
2 Roua 22, 8-13; 23, 1-3	923	
2 Roua 24, 8-17	927	
2 Roua 25, 1-12	931	
1 Kr 15, 3-4. 15-16; 16, 1-2		1662, 1764
2 Kr 5, 6-10. 13 — 6, 2		1749
2 Kr 24, 17-25	905	
2 Kr 24, 18-22		1783
2 Kr 36, 14-16. 19-23	309	
Esd 1, 1-6	1279	
Esd 6, 7-8. 12b. 14-20	1281	
Esd 9, 5-9	1284	
Néé 2, 1-8	1311	
Néé 8, 1-4a. 5-6. 7b-12	1315	
Néé 8, 2-4a. 5-6. 8-10	661	2023, 2164
Tob 1, 3; 2, 1a-8	828	
Tob 2, 9-14	832	
Tob 3, 1-11a. 16-17a	835	
Tob 6, 10-11; 7, 1. 9-17; 8, 4-9a	839	
Tob 7, 6-14		2101
Tob 8, 4b-8		1855, 2102
Tob 11, 5-17	843	
Tob 12, 1. 5-15. 20	846	
Tob 12, 6-13		1855
Judt 8, 2-8		1856
Ést 4, 17. n; p-r; aa-bb. gg-hh	250	
Ést 4, 17b-17e. 17i-17l		2295, 2312, 2406
Ést 4, 17b-17g. 17l		1857
1 Mak 1,10-15. 41-43. 54-57. 62-64	1491	
1 Mak 2, 15-29	1503	
1 Mak 2, 49-52. 57-64		2296
1 Mak 4, 36-37. 52-59	1507	
1 Mak 4, 52-59		2167
1 Mak 6, 1-13	1509	
2 Mak 6, 18. 21. 24-31		1783
2 Mak 6, 18-31	1495	
2 Mak 7, 1. 20-23. 27b-29		1785
2 Mak 7, 1. 20-31	1499	
2 Mak 7, 1-2. 9-14	1461	1616, 1784
2 Mak 12, 43-46		2549
Jòb 1, 6-22	1306	
Jòb 3, 1-3. 11-17. 20-23	1309	2049

Jòb 7, 1-4. 6-11		2050
Jòb 7, 1-4. 6-7	716	
Jòb 7, 12-21		2051
Jòb 9, 1-12. 14-16	1313	
Jòb 19, 1. 23-27a		2549
Jòb 19, 21-27	1316	
Jòb 19, 23-27a		2051, 2090
Jòb 31, 16-20. 24-25. 31-32		2049, 2312
Jòb 38, 1. 12-21; 40, 3-5	1319	
Jòb 38, 1. 8-11	910	
Jòb 42, 1-3. 5-6. 12-16	1322	
Prov 2, 1-9		1639, 2124
Prov 3, 27-34	1280	
Prov 4, 7-13		2124
Prov 8, 22-31	590	1764
Prov 9, 1-6	1143	2034, 2484
Prov 21, 1-6. 10-13	1283	
Prov 30, 5-9	1286	
Prov 31, 10-13. 19-20. 30-31	1484	1586, 1659, 1857
Ko 1, 2; 2, 21-23	1086	
Ko 1, 2-11	1288	
Ko 3, 1-11	1291	
Ko 11, 9-12, 8	1294	
Kant 2, 8-10. 14. 16a; 8, 6-7a		2102
Kant 2, 8-14	143	2134
Kant 3, 1-4a	1641	
Kant 8, 6-7		1581, 1738, 1844, 2135, 2225
Saj 1, 1-7	1465	
Saj 1, 13-15; 2, 23-24	940	
Saj 2, 1a. 12-22	326	2458
Saj 2, 12a. 17-20	1273	
Saj 2, 23-03, 9	1468	
Saj 3, 1-9*		1655, 1786, 2549
Saj 4, 7-15		2551
Saj 6, 1-11	1471	
Saj 6, 12-16	1456	
Saj 7, 7-10. 15-16		1575, 1684, 1829
Saj 7, 7-11	1356	
Saj 7, 22 — 8, 1	1474	
Saj 9, 9-11. 13-18		2052
Saj 9, 13-19	1222	
Saj 11, 22—12, 2	1434	
Saj 12, 13. 16-19	1025	

Saj 13, 1-9	1477	
Saj 18, 6-9	1115	
Saj 18, 14-16; 19, 6-9	1480	
Sir 1, 1-10	776	
Sir 2, 1-13	779	
Sir 2, 7-13		1656, 1858
Sir 3, 3-7. 14-17a	165	
Sir 3, 19-21. 30-31	1197	
Sir 3, 19-26	1858	
Sir 4, 12-22	783	
Sir 5, 1-10	785	
Sir 6, 5-17	789	
Sir 15, 1-6		1667, 1708, 1830
Sir 15, 16-21	742	
Sir 17, 1-13	792	
Sir 17, 20-28	801	
Sir 24, 1-2. 5-7. 12-16. 26-30		1765
Sir 24, 1-4. 12-16	182	
Sir 24, 23-31		1729
Sir 26, 1-4. 16-21		1670, 1697, 1859, 2103
Sir 27, 5-8	799	
Sir 27, 33-28. 9	1243	
Sir 35, 1-15	804	
Sir 35, 15b-17. 20-22a	1410	
Sir 36, 1-2a. 5-6. 13-19	807	
Sir 39, 1. 5-8		2013
Sir 39, 8-14		1708, 1830
Sir 42, 15-26	811	
Sir 44, 1. 10-15		1646
Sir 44, 1. 9-13	814	
Sir 47, 2-13	708	
Sir 48, 1-15	897	
Sir 48, 1-4. 9-11	106	
Sir 50, 24-26		2415
Sir 51, 1-12		1786
Sir 51, 11-17		2508
Sir 51, 17-27	817	
Iz 1, 10. 16-20	265	
Iz 1, 10-17	1006	
Iz 2, 1-5	71, 77	2283
Iz 4, 2-6	78	
Iz 5, 1-7	1325	
Iz 6, 1. 6-8		2240
Iz 6, 1-2a. 3-8	718	2013

Iz 6, 1-8	993	1716, 1804
Iz 7, 1-9	1010	
Iz 7, 10-14	128, 141	
Iz 7, 10-14; 8, 10		1591, 1766
Iz 8, 23b-09,3	657	
Iz 9, 1-6	157	1667, 1766, 2336
Iz 10, 5-7. 13-16	1013	
Iz 11, 1-10	80, 90	
Iz 11, 1-4a		1969
Iz 22, 19-23	1169	
Iz 25, 6-10a	82, 1353	2449
Iz 25, 6a. 7-8b		2598
Iz 25, 6a. 7-9		2551, 2589
Iz 26, 1-6	84	
Iz 26, 7-9. 12. 16-19	1016	
Iz 29, 17-24	85	
Iz 30, 19-21. 23-26	87	
Iz 32, 15-18		2313, 2336
Iz 35, 1-10	98	2052
Iz 35, 1-6a. 10	109	
Iz 35, 4-7a	1220	
Iz 38, 1-6. 21-22. 7-8	1019	
Iz 40, 1-11	100	
Iz 40, 1-5. 9-11	93, 221	
Iz 40, 25-31	102	
Iz 41, 8-10. 13-14		2296
Iz 41, 13-20	103	
Iz 42, 1-3		1969
Iz 42, 1-4. 6-7	216	
Iz 42, 1-7	393	
Iz 43, 16-21	338	
Iz 43, 18-19. 21-22. 24b-25	771	
Iz 44, 1-3		1917
Iz 44, 1-5		2135
Iz 45, 1. 4-6	1380	
Iz 45, 6b-8. 18. 21b-25	120	
Iz 48, 17-19	105	
Iz 49, 1-6	395	1624
Iz 49, 3. 5-6	630	
Iz 49, 8-15	322	
Iz 49, 13-15		2527
Iz 49, 14-15	795	
Iz 50, 4-7	365	
Iz 50, 4-9a	397	2444, 2458

Iz 50, 5-9a	1245	
Iz 52, 7-10	161	1579, 1701, 1713, 1804
Iz 52, 13 — 53, 12		2053, 2459, 2505
Iz 52, 13-53, 12	405	
Iz 53, 1-5. 10-11		2400
Iz 53, 10-11	1382	
Iz 54, 1-10	122	
Iz 54, 5-14	420	
Iz 55, 1-11	219	
Iz 55, 1-3	1081	
Iz 55, 1-3. 6-9		2343
Iz 55, 6-13		2370
Iz 55, 6-9	1271	2427
Iz 55, 10-11	996	2023
Iz 56, 1. 6-7	1141	1750, 2283
Iz 56, 1-3a. 6-8	124	
Iz 57, 15-19		2337
Iz 58, 1-9a	230	
Iz 58, 6-9a. 10		1742
Iz 58, 6-11		1670, 1709, 1859, 2313, 2382
Iz 58, 7-10	714	
Iz 58, 9b-14	232	
Iz 60, 1-6	195	2284
Iz 61, 1-2a. 10-11	111	
Iz 61, 1-3a		1620, 1708, 1805, 1991, 2054, 2197, 2205
Iz 61, 1-3a. 6a. 8b-9	400	1970
Iz 61, 9-11		1614, 1767, 2136, 2226
Iz 62, 1-5	153, 634	
Iz 62, 11-12	159	
Iz 63, 7-9		2415
Iz 63, 16b-17. 19b; 64, 2b-7	73	
Iz 65, 17-21	317	
Iz 66, 10-14c	972	1581, 1692
Iz 66, 18-21	1173	
Jér 1, 1. 4-10		1622
Jér 1, 4-09		1805, 1991, 2014, 2205, 2240, 2240
Jér 1, 4-10		1622
Jér 1, 4-5. 17-19	689	
Jér 1, 17-19		1672
Jér 2, 1-3. 7-8. 12-13	1044	
Jér 3, 14-17	1047	

Jér 7, 1-11	1050	
Jér 7, 23-28	297	
Jér 11, 18-20	328	
Jér 13, 1-11	1063	
Jér 14, 17-22	1066	
Jér 15, 10. 16-21	1069	
Jér 17, 5-10	269	
Jér 17, 5-8	747	
Jér 18, 1-6	1072	
Jér 18, 18-20	267	
Jér 20, 7-9	1193	1860, 2241
Jér 20, 10-13	357, 908	
Jér 23, 1-6	1028	
Jér 23, 5-8	137	
Jér 26, 1-9	1075	
Jér 26, 11-16. 24	1079	
Jér 28, 1-17	1090	
Jér 30, 1-2. 12-15. 18-22	1094	
Jér 31, 1-4		2527
Jér 31, 1-7	1098	
Jér 31, 7-9	1408	
Jér 31, 31-32a. 33-34a		2104
Jér 31, 31-34	336, 1102	1918, 2344
Jér 31, 31-37		2136
Jér 33, 14-16	75	
Jér 38, 4-6. 8-10	1145	
Lam 2, 2. 10-14. 18-19	934	
Lam 3, 17-26		2407, 2552
Lam 3, 22-26		2589, 2599
Bar 1, 15-22	1318	
Bar 3, 9-15. 32 — 4, 4	423	
Bar 4, 5-12. 27-29	1321	
Bar 5, 1-9	95	
Éz 1, 2-5. 24-28c	1120	
Éz 2, 2-5	970	
Éz 2, 8-3, 4	1123	
Éz 3, 16-21		1651, 1806, 2314
Éz 9, 1-7; 10, 18-22	1126	
Éz 12, 1-12	1130	
Éz 16, 1-15. 60. 63	1134	
Éz 16, 59-63	1135	
Éz 17, 22-24	880	
Éz 18, 1-10. 13b. 30-32	1139	
Éz 18, 21-23. 30-32		2427

Éz 18, 21-28	252	
Éz 18, 25-28	1297	
Éz 24, 15-24	1149	
Éz 28, 1-10	1152	
Éz 33, 7-9	1218	
Éz 34, 1-11	1156	
Éz 34, 11-12. 15-17	1514	
Éz 34, 11-16	608	1617, 1728, 1806, 2182, 2527
Éz 36, 16-17a. 18-28	424	
Éz 36, 23-28	1160	
Éz 36, 24-28		1918, 1942, 1970, 2253, 2267
Éz 37, 1-14	572, 1163	
Éz 37, 12-14	331	
Éz 37, 15-19. 21b-22. 26-28		2268
Éz 37, 21-28	359	
Éz 43, 1-2. 4-7a		1751
Éz 43, 1-7a	1167	
Éz 47, 1-2. 8-9. 12		1707, 1751
Éz 47, 1-9. 12	319	1943
Dan 1, 1-6. 8-20	1521	
Dan 2, 31-45	1525	
Dan 3, 14-20. 91-92. 95	353	
Dan 3, 25. 34-43	293	2407
Dan 5, 1-6. 13-14. 16-17. 23-28	1528	
Dan 6, 12-28	1532	
Dan 7, 2-14	1536	
Dan 7, 9-10. 13-14		1652, 1688
Dan 7, 13-14	1517	
Dan 7, 15-27	1539	
Dan 9, 4b-10	263	
Dan 12, 1-3	1487	2552
Dan 13, 1-9. 15-17. 19-30. 33-62*	344	
Oz 2, 16. 17b-18. 21-22	977	
Oz 2, 16. 21-22		2137, 2226
Oz 2, 16b. 17b. 21-22	797	1712, 1844, 2182
Oz 6, 1-6	301	
Oz 6, 3-6	851	
Oz 8, 4-7. 11-13	980	
Oz 10, 1-3. 7-8. 12	983	
Oz 11, 1. 3-4. 8c-9	606	1909, 2528
Oz 11, 1-4. 8c-9	987	
Oz 14, 2-10	990	

Joèl 1, 13-15; 2, 1-2	1346	
Joèl 2, 12-18	225	2428
Joèl 2, 21-24. 26-27		2376
Joèl 2, 23a — 3, 1-3a		1971
Joèl 3, 1-5	573	
Joèl 3, 1a-5		2253
Joèl 4, 12-21	1349	
Am 2, 6-10. 13-16	948	
Am 3, 1-8; 4, 11-12	952	
Am 5, 4, 14-15. 21-24		2344
Am 5, 14-15. 21-24	955	
Am 6, 1a. 4-7	1302	
Am 7, 10-17	959	
Am 7, 12-15	999	
Am 8, 4-6. 9-12	962	
Am 8, 4-7	1275	
Am 9, 11-15	966	
Jon 1, 1 — 2, 1. 11	1333	
Jon 3, 1-10	248, 1337	2428
Jon 3, 1-5. 10	659	
Jon 3, 10 — 4, 11		2284
Jon 4, 1-11	1340	
Mi 2, 1-5	1023	
Mi 4, 1-4		2352
Mi 5, 1-4a	133	1767, 1674
Mi 6, 1-4. 6-8	1034	
Mi 6, 6-8		1639, 1860
Mi 7, 7-9	314	
Mi, 7, 14-15. 18-20	1038	
Na 2, 1-3; 3, 1-3. 6-7	1105	
Abak 1, 2-3; 2, 2-4	1331	
Abak 1,12-02, 4	1108	
Sof 2, 3; 3, 12-13	685	1861
Sof 3, 1-2. 9-13	118	
Sof 3, 14-15		2416
Sof 3, 14-18		1612
Sof 3, 14-18a	144	2183
Sof 3, 16-20		2269
Aj 1, 1-8	1287	
Aj 1, 15b-02, 9	1290	
Zak 2, 5-9. 14-15a	1293	
Zak 2, 10-13		1734
Zak 2, 14-17		1640, 1712, 1767
Zak 8, 1-8	1305	

Zak 8, 20-23	1308	2285
Zak 9, 9-10	968	2353
Zak 12, 10-11-13, 6-7		2460
Zak 12, 10-11-13, 1	912	
Mal 1, 14b — 2, 2b. 8-10	1430	
Mal 3, 1-4		1576
Mal 3, 1-4. 23-24	147	
Mal 3, 13-20a	1343	
Mal 3, 19-20a	1489	
Mt 1, 1-16. 18-23		1675, 1775
Mt 1, 1-17	136	
Mt 1, 1-25*	154	
Mt 1, 16. 18-21. 24a		1589
Mt 1, 18-24	129, 138	
Mt 1, 18-25		2513
Mt 2, 1-12	196	
Mt 2, 13-15. 19-23	167	1777, 2395
Mt 2, 13-18	1727	
Mt 3, 1-12	92	
Mt 3, 13-17	217	
Mt 4, 1-11	239	
Mt 4, 12-17. 23-25	204	
Mt 4, 12-23*	658	
Mt 4, 18-22		1715
Mt 5, 1-12	861	
Mt 5, 1-12a	686	1616, 1650, 1706, 1881, 1982, 2077, 2117, 2154, 2262 2305, 2327, 2341, 2341, 2348, 2572, 2572
Mt 5, 2-12a		1964
Mt 5, 13-16	864	1695, 1882, 1965, 2005, 2118
Mt 5, 13-19		1566, 1616, 1627, 1650, 1721, 1839
Mt 5, 14-19		2028
Mt 5, 17-19	297, 868	
Mt 5, 17-37*	743	
Mt 5, 20-24		2328, 2357
Mt 5, 20-26	253, 871	
Mt 5, 23-24		2172
Mt 5, 27-32	874	
Mt 5, 33-37	877	
Mt 5, 38-42	889	

Mt 5, 38-48	770	2329, 2342, 2447
Mt 5, 43-48	255, 892	
Mt 6, 1-6. 16-18	227, 895	
Mt 6, 7-15	247, 899	
Mt 6, 9-13	1912	
Mt 6, 19-23	903	
Mt 6, 24-34	796, 906	
Mt 6, 31-34		2363, 2368
Mt 7, 1-5	917	
Mt 7, 6. 12-14	921	
Mt 7, 7-11		2413, 2422
Mt 7, 7-12	251	
Mt 7, 15-20	924	
Mt 7, 21. 24-27	85	
Mt 7, 21. 24-29*		2118
Mt 7, 21-27	822	1639
Mt 7, 21-29	928	1596, 1610, 1684, 1840
Mt 8, 1-4	932	2078
Mt 8, 5-11	79	
Mt 8, 5-17*	936	2078
Mt 8, 14-17		2404
Mt 8, 18-22	950	
Mt 8, 23-27	953	
Mt 8, 28-34	956	
Mt 9, 1-8	960	2433
Mt 9, 9-13	852, 964	1686
Mt 9, 14-15	231	
Mt 9, 14-17	967	
Mt 9, 18-26	978	
Mt 9, 27-31	86	
Mt 9, 32-38	981	
Mt 9, 35 – 10, 1		1651
Mt 9, 35 — 10, 1. 6-8	88	
Mt 9, 35-38		1590, 1611, 1687, 1822, 2005, 2019, 2247
Mt 9, 36 — 10, 8	879	
Mt 10, 1-5a		2005
Mt 10, 1-7	985	
Mt 10, 7-13		1619
Mt 10, 7-15	988	
Mt 10, 16-23	991	
Mt 10, 17-22		1568, 1606, 1723, 1798, 2306
Mt 10, 22-25a		1603

Mt 10, 24-33	994	
Mt 10, 26-33	910	2306
Mt 10, 28-33		1568, 1655, 1687, 1798
Mt 10, 34—11, 1	1008	
Mt 10, 34-39		1586, 1622, 1687, 1799
Mt 10, 37-42	939	
Mt 11, 2-11	110	
Mt 11, 11-15	105	
Mt 11, 16-19	106	
Mt 11, 20-24	1011	
Mt 11, 25-27	1014	
Mt 11, 25-30	605, 969	1600, 1606, 1666, 1694, 1697, 1883, 1966, 2080, 2155, 2234, 2422, 2538, 2573, 2596, 2600,
Mt 11, 28-30	103, 1017	
Mt 12, 1-8	1021	
Mt 12, 14-21	1024	
Mt 12, 38-42	1036	
Mt 12, 46-50	1039	1640, 1712, 1777
Mt 13, 1-23*	997	
Mt 13, 1-9	1042	2374
Mt 13, 10-17	1045	1647
Mt 13, 18-23	1048	
Mt 13, 24-30	1051	
Mt 13, 24-43*	1026	
Mt 13, 31-35	1064	
Mt 13, 36-43	1067	
Mt 13, 44-46	1055	1568, 1668, 1740, 1883
Mt 13, 44-52*	1055	
Mt 13, 47-52		1840
Mt 13, 47-53	1073	
Mt 13, 54-58	1077	1603
Mt 14, 1-12	1080	
Mt 14, 13-21	1082, 1091	
Mt 14, 22-33	1111	1711
Mt 14, 22-36	1095	
Mt 15, 1-2, 10-14	1096	
Mt 15, 21-28	1142	
Mt 15, 29-31		2080
Mt 15, 29-37	83	
Mt 16, 13-18		1908
Mt 16, 13-19		1584, 1610, 1633,

		1708, 1713, 1728, 1759, 1822, 2194
Mt 16, 13-20	1170	
Mt 16, 13-23	1103	1737
Mt 16, 21-27	1194	
Mt 16, 24-27		1701, 1728, 1884, 1935, 1983, 2155, 2235, 2263
Mt 16, 24-28	1106	
Mt 17, 1-9	257	1653
Mt 17, 10-13	108	
Mt 17, 14-20	1109	
Mt 17, 22-27	1121	
Mt 18, 1-5		1575, 1595, 1670, 1692, 1884
Mt 18, 1-5. 10		1693
Mt 18, 1-5. 10. 12-14	1124	
Mt 18, 12-14	101	
Mt 18, 15-20	1128, 1219	2194, 2203, 2442
Mt 18, 19-22		2278
Mt 18, 21—19, 1	1131	
Mt 18, 21-35	295, 1244	
Mt 19, 3-12	1136	1849, 1885, 2156, 2235
Mt 19, 3-6		2119
Mt 19, 13-15	1140	
Mt 19, 16-22	1150	
Mt 19, 16-26		2156
Mt 19, 23-30	1154	
Mt 19, 27-29		1582, 1639, 1658, 1886
Mt 20, 1-16a	1157, 1272	
Mt 20, 17-28	268	
Mt 20, 20-28		1645, 2176, 2213, 2222
Mt 20, 25b-28		2006
Mt 21, 1-11	362	
Mt 21, 23-27	117	
Mt 21, 28-32	119, 1299	
Mt 21, 33-43	1327	
Mt 21, 33-43. 45-46	272	
Mt 22, 1-14*	1161, 1354	
Mt 22, 15-21	1381	
Mt 22, 15-21	1381	
Mt 22, 34-40	1165, 1407	1587, 1620, 1670, 1707, 1886
Mt 22, 35-40		1950, 2119

Mt 23, 1-12	266, 1168, 1431	
Mt 23, 8-12		1565, 1575, 1640, 1671, 1823, 1841, 2129,
Mt 23, 13-22	1178	
Mt 23, 23-26	1181	
Mt 23, 27-32	1183	
Mt 24, 4-13		1634
Mt 24, 37-44	72	
Mt 24, 42-51	1186	
Mt 25, 1-13	1189, 1458	1850, 1886, 2157, 2451, 2574
Mt 25, 14-30*	1192, 1485	1666, 1716, 1887, 1984, 2264, 2330, 2368, 2368
Mt 25, 31-40		1586, 1890, 2081
Mt 25, 31-46*	245, 1516	1637, 1889, 2331, 2387, 2387, 2396, 2398, 2574, 2574
Mt 26, 14 — 27, 66*	367	
Mt 26, 14-25	399	
Mt 26, 47-56		2474
Mt 27, 33-50		2474
Mt 28, 1-10	427	
Mt 28, 8-15	434	
Mt 28, 16-20	542, 589	1580, 1701, 1733, 1823, 2195, 2214, 2292
Mt 28, 18-20		1935, 1950
Mk 1, 1-8	95	
Mk 1, 1-8. 14-15		2434
Mk 1, 7-11	199, 218	
Mk 1, 9-11		1935, 1950, 1985
Mk 1, 12-15	241	
Mk 1, 14-20	613, 661	1579, 1599, 1701, 1824, 2019
Mk 1, 21b-28	617, 689	
Mk 1, 29-39	620, 717	
Mk 1, 35-39	2028	
Mk 1, 40-45	623, 747	
Mk 2, 1-12	626, 772	2082
Mk 2, 13-17	629	
Mk 2, 18-22	639, 799	
Mk 2, 23-28	643643	

Mk 2, 23—3, 6*	825825	
Mk 3, 1-6	646	
Mk 3, 7-12	649	
Mk 3, 13-19	653	
Mk 3, 20-21	656	
Mk 3, 20-35	855	
Mk 3, 22-30	667	
Mk 3, 31-35	670	1610, 1659, 1697, 1891, 2158, 2236, 2265
Mk 4, 1-10. 13-20*		1841 1641, 1677
Mk 4, 1-20	674	
Mk 4, 1-9		1842
Mk 4, 21-25	677	
Mk 4, 26-29		2374
Mk 4, 26-34	680, 882	
Mk 4, 35-41	684, 912	2082, 2413
Mk 5, 1-20	696	
Mk 5, 18-20		2423
Mk 5, 21-43*	699, 942	
Mk 6, 1-6	703, 971	
Mk 6, 7-13	706, 1002	
Mk 6, 14-29	709	
Mk 6, 17-29		1673
Mk 6, 30-34	713, 1030	2204
Mk 6, 34-44	206	2388
Mk 6, 45-52	208	
Mk 6, 53-56	724	
Mk 7, 1-13	727	
Mk 7, 1-8. 14-15. 21-23	1196	
Mk 7, 14-23	731	
Mk 7, 24-30	734	
Mk 7, 31-37	737, 1221	1912
Mk 8, 1-10	741	
Mk 8, 11-13	753	
Mk 8, 14-21	755	
Mk 8, 22-26	758	
Mk 8, 27-33	762	
Mk 8, 27-35	1247	
Mk 8, 31-34		2471
Mk 8, 34 — 9, 1	765	
Mk 9, 2-10	260	1654
Mk 9, 2-13	768	
Mk 9, 14-29	778	
Mk 9, 30-37	782, 1275	

Mk 9, 34-37		1575, 1891
Mk 9, 38. 43. 45. 47-48	1301	
Mk 9, 38-40	785	
Mk 9, 41-50	788	
Mk 10, 1-12	791	
Mk 10, 2-16*	1329	
Mk 10, 6-9		2120
Mk 10, 13-16	794	1637, 1892, 1936, 1951
Mk 10, 17-27	804	1893, 2247
Mk 10, 17-30*	1357	1580, 1892
Mk 10, 24b-30		2158
Mk 10, 28-30		2248
Mk 10, 28-31	807	
Mk 10, 32-45	810	
Mk 10, 35-45*	1383	
Mk 10, 46-52	814, 1409	2083
Mk 11, 1-10	362	
Mk 11, 11-26	816	
Mk 11, 27-33	820	
Mk 12, 1-12	831	2471
Mk 12, 13-17	834	
Mk 12, 18-27	838	
Mk 12, 28b-34	842, 1434	1951
Mk 12, 35-37	846	
Mk 12, 38-44*	849, 1460	
Mk 13, 24-32	1488	
Mk 13, 33-37	75	
Mk 14, 1 —15, 47*	376	
Mk 14, 12-16. 22-26	599	2041, 2177, 2496, 2522
Mk 14, 32-41		2475
Mk 14, 55-65		2476
Mk 15, 1-15		2477
Mk 15, 16-20		2478, 2497, 2522
Mk 15, 33-39 — 16, 1-6		2478, 2576
Mk 15, 33-46		2601
Mk 16, 1-7	428	
Mk 16, 9-15	445	
Mk 16, 15-16. 19-20		1936
Mk 16, 15-18		1573
Mk 16, 15-20	542	1579, 1598, 1716, 1824, 2083, 2293, 2404, 2223,
Lk 1, 1-4; 4, 14-21	664	
Lk 1, 5-17		1624

Lk 1, 5-25	140	
Lk 1, 26-38	132, 142	1592, 1667, 1695, 1719, 1778, 2159
Lk 1, 39-45	134, 145	
Lk 1, 39-47		1778, 2544
Lk 1, 39-55		2423
Lk 1, 39-56		1613, 1665
Lk 1, 46-56	147	
Lk 1, 57-66	148	
Lk 1, 57-66. 80		1626
Lk 1, 67-69	151	
Lk 2, 1-14	158	1779
Lk 2, 15-20	160	
Lk 2, 15b-19		1780
Lk 2, 16-21	181	2514
Lk 2, 22-35	175	
Lk 2, 22-40*	167	1577
Lk 2, 27-35		1780
Lk 2, 33-35		1683
Lk 2, 36-40	177	
Lk 2, 41-51		1615
Lk 2, 41-51a		1590
Lk 2, 41-52	169	1780
Lk 3, 1-6	97	
Lk 3, 7-18		2349
Lk 3, 10-18	115	
Lk 3, 15-16. 21-22	218	
Lk 3, 23-38*	199	
Lk 4, 1-13	243	
Lk 4, 14-21	664	
Lk 4, 14-22a	209	
Lk 4, 16-21	401	2029
Lk 4, 16-22a		1985
Lk 4, 16-30	1202	
Lk 4, 21-30	692	
Lk 4, 24-30	293	
Lk 4, 31-37	1205	
Lk 4, 38-44	1208	
Lk 5, 1-11	721, 1211	1587, 1695, 1825, 2020, 2249
Lk 5, 12-16	211	
Lk 5, 17-26	99	
Lk 5, 27-32	233	
Lk 5, 33-39	1214	

Lk 6, 1-5	1217	
Lk 6, 6-11	1227	
Lk 6, 12-19	1230	1703
Lk 6, 17. 20-26	749	
Lk 6, 20-26	1233	
Lk 6, 27-38	775, 1236	1709, 1721, 1894, 2448
Lk 6, 36-38	265	
Lk 6, 39-42	1239	
Lk 6, 39-45	801	
Lk 6, 43-45		1594, 1617, 1648, 1843
Lk 6, 43-49	1242	
Lk 7, 1-10	827, 1255	
Lk 7, 11-17	858, 1258	1671, 2577
Lk 7, 19-23	121	2084
Lk 7, 24-30	123	
Lk 7, 31-35	1261	
Lk 7, 36 — 8, 3*	884	
Lk 7, 36-50	885, 1263	2434
Lk 8, 1-3	1267	
Lk 8, 4-10a. 11b-15		1986
Lk 8, 4-15	1270	
Lk 8, 16-18	1281	
Lk 8, 19-21	1284	
Lk 9, 1-6	1287	
Lk 9, 7-9	1290	
Lk 9, 11b-17	602	2042, 2497
Lk 9, 18-22	1292	
Lk 9, 18-24	914	
Lk 9, 22-25	229	
Lk 9, 23-26		1580, 1596, 1799
Lk 9, 28b-36	263	1655
Lk 9, 43b-45	1296	
Lk 9, 46-50	1308	
Lk 9, 49-56		2278
Lk 9, 51-56	1311	
Lk 9, 51-62	945	
Lk 9, 57-62	1314	1609, 1656, 1695, 1701, 1713, 1895, 2160, 2249
Lk 10, 1-12	1317	
Lk 10, 1-12. 17-20*	974	
Lk 10, 1-9		1574, 1582, 1620, 1700, 1716, 1825, 2006, 2214, 2224

Lk 10, 5-6. 8-9		2084
Lk 10, 13-16	1320	
Lk 10, 17-24	1323	2424
Lk 10, 21-24	81	1986
Lk 10, 25-37	1004, 1336	2085, 2397, 2397
Lk 10, 29-37		1743
Lk 10, 38-42	1032, 1339	1581, 1648, 1896, 1850, 2160, 2236
Lk 11, 1-13	1060	
Lk 11, 1-4	1343	
Lk 11, 5-13	1345	2086
Lk 11, 14-23	299	
Lk 11, 15-26	1348	
Lk 11, 27-28	1352	1652, 1663, 1781, 2161
Lk 11, 29-32	249, 1364	
Lk 11, 37-41	1367	
Lk 11, 42-46	1370	
Lk 11, 47-54	1373	
Lk 12, 1-7	1376	
Lk 12, 8-12	1379	
Lk 12, 13-21	1087, 1389	
Lk 12, 15-21		2332, 2379, 2379
Lk 12, 32-34		1594, 1621, 1656, 1896
Lk 12, 32-48*	1117	
Lk 12, 35-38	1393	
Lk 12, 35-40		1566, 1594, 1896, 2333, 2363, 2452, 2577, 2577
Lk 12, 35-44		2130, 2007, 2086
Lk 12, 39-48	1396	
Lk 12, 49-53	1147, 1399	
Lk 12, 54-59	1401	
Lk 13, 1-9	286, 1404	
Lk 13, 10-17	1415	
Lk 13, 18-21	1418	
Lk 13, 22-30	1175, 1420	
Lk 13, 31-35	1424	
Lk 14, 1. 7-11	1429	
Lk 14, 1. 7-14	1199	
Lk 14, 1-6	1426	
Lk 14, 12-14	1439	2333, 2388, 2388
Lk 14, 15-24	1442	
Lk 14, 25-33	1224, 1445	1617, 1620, 1649, 1721, 1897, 2250

Lk 15, 1-10	1251, 1448	2538
Lk 15, 1-3. 11-32	313	2350, 2436, 2436, 2539, 2539
Lk 15, 1-32*	1250	
Lk 15, 3-7	610	
Lk 16, 1-13*	1277	
Lk 16, 1-8	1451	
Lk 16, 9-15	1454	
Lk 16, 10-13	1278	
Lk 16, 19-31	270, 1304	2334, 2389, 2389
Lk 17, 1-6	1467	
Lk 17, 5-10	1332	
Lk 17, 7-10	1470	
Lk 17, 11-19	1361, 1473	2380, 2424
Lk 17, 20-25	1476	
Lk 17, 26-37	1479	
Lk 18, 1-8	1386, 1482	2414
Lk 18, 9-14	302, 1412	2087
Lk 18, 35-43	1494	
Lk 19, 1-10	1436, 1498	1759
Lk 19, 11-28	1502	
Lk 19, 28-40	364	
Lk 19, 41-44	1506	
Lk 19, 45-48	1509	
Lk 20, 27-38*	1463	
Lk 20, 27-40	1512	
Lk 21, 1-4	1524	
Lk 21, 5-11	1528	
Lk 21, 5-19	1490	
Lk 21, 12-19	1531	
Lk 21, 20-28	1535	
Lk 21, 25-28. 34-36	77	
Lk 21, 29-33	1539	
Lk 21, 34-36	1542	2453
Lk 22, 14 — 23, 56* .	384	
Lk 22, 14-20		2507
Lk 22, 14-20. 24-30		2008
Lk 22, 24-27		2131
Lk 22, 24-30		1608, 1674, 1696, 1826, 2215, 2335
Lk 22, 39-43		2405
Lk 22, 39-44		2498, 2523, 2523
Lk 23, 33. 39-43		2578
Lk 23, 33-34. 39-46		2479

Lk 23, 35-43	1520	
Lk 23, 39-46		2453
Lk 23, 44-46. 50. 52-53; 24, 1-6a		2578
Lk 24, 1-12	428	
Lk 24, 13-35*	438, 467	2043, 2498, 2579
Lk 24, 35-48	441, 469	2472
Lk 24, 44-48		2029
Lk 24, 44-53		1937, 2293
Lk 24, 46-48		2437
Lk 24, 46-53	542	
Jan 1, 1-18*	162, 178, 184	
Jan 1, 1-5. 9-14. 16-18		1937
Jan 1, 6-8. 19-28	112	
Jan 1, 19-28	187	
Jan 1, 29-34	189, 631	1938
Jan 1, 35-42	190, 634	1904, 2252
Jan 1, 35-51*	2251	
Jan 1, 43-51	192	1669, 2021
Jan 1, 47-51		1690
Jan 2, 1-11	202, 636	1745, 1781, 2120
Jan 2, 13-22		1707, 1760
Jan 2, 13-25	283	
Jan 3, 1-6		1939, 1952
Jan 3, 1-8	455	
Jan 3, 7b-15	457	
Jan 3, 13-17		1679
Jan 3, 14-21	311	
Jan 3, 16-18	587	
Jan 3, 16-21	459	1939, 1966
Jan 3, 22-30	213	
Jan 3, 31-36	460	
Jan 4, 5-14		1953
Jan 4, 5-42*	277, 289	
Jan 4, 19-24		1760, 2173
Jan 4, 43-54	318	
Jan 5, 1-16	321	
Jan 5, 17-30	323	
Jan 5, 24-29		2581
Jan 5, 31-47	325	
Jan 5, 33-36	125	
Jan 6, 1-15	462, 1057	2044, 2500
Jan 6, 16-21	464	
Jan 6, 22-29	475	
Jan 6, 24-35	1085	2501

Jan 6, 30-35	477	
Jan 6, 35-40	479	2087
Jan 6, 37-40*		2582, 2596
Jan 6, 41-51	1114	2045, 2097, 2502
Jan 6, 44-47		1954
Jan 6, 44-51	481	
Jan 6, 51-58	597, 1144	2097, 2502, 2582
Jan 6, 51-59		2046
Jan 6, 52-59	483	
Jan 6, 53-58		2088
Jan 6, 60-69	486, 1173	
Jan 7, 1-2. 10. 25-30	328	
Jan 7, 14-18		2030
Jan 7, 37-39	575	
Jan 7, 37b-39a		1954, 1987
Jan 7, 40-53	329	
Jan 8, 1-11	340, 349	
Jan 8, 12-20	349	
Jan 8, 21-30	352	
Jan 8, 31-42	354	
Jan 8, 51-59	356	
Jan 9, 1-41*	306, 315	
Jan 9, 1-7		1954, 2088
Jan 10, 1-10	489, 495	
Jan 10, 11-16		1617, 1707, 1716, 1827, 2009, 2215, 2279
Jan 10, 11-18	491, 496	2089, 2540
Jan 10, 22-30	498	
Jan 10, 27-30	493	
Jan 10, 31-42	358	
Jan 11, 1-45*	332, 342	
Jan 11, 17-27*		2583
Jan 11, 19-27		1647
Jan 11, 32-38. 40		2597
Jan 11, 32-45		2584
Jan 11, 45-52		2279, 2294
Jan 11, 45-56	360	
Jan 12, 1-11	394	
Jan 12, 12-16	363	
Jan 12, 20-33	337	
Jan 12, 23-28*		2585
Jan 12, 24-26		1638, 1658, 1684, 1698, 1800, 2009, 2161

Jan 12, 31-36a		2173, 2473
Jan 12, 44-50	500	1908, 1940
Jan 13, 1-15	404	2280
Jan 13, 16-20	502	
Jan 13, 21-33. 36-38	396	
Jan 13, 31-33a. 34-35	513	
Jan 14, 1-12	509	
Jan 14, 1-6	503	2586
Jan 14, 6-14		1605, 2514
Jan 14, 7-14	505	
Jan 14, 15-16; 23b-26	580	
Jan 14, 15-17		1987
Jan 14, 15-21	528	
Jan 14, 15-23. 26-27		1967
Jan 14, 21-26	515	
Jan 14, 23-26		1988
Jan 14, 23-29	533	2204, 2342
Jan 14, 27-31a	517	
Jan 15, 1-11		1940, 1955
Jan 15, 1-6		1967
Jan 15, 1-8	511, 519	1582, 1587, 1643, 1696, 1709, 1898, 2162, 2195, 2237, 2266, 2405, 2541
Jan 15, 9-11	521	
Jan 15, 9-12		2121, 2121, 2358
Jan 15, 9-17	530	1569, 1586, 1608, 1640, 1709, 1720, 1898, 1827, 2010, 2162, 2200, 2216, 2252, 2425, 2542
Jan 15, 12-16		2121
Jan 15, 12-17	523	2442
Jan 15, 18-21	525	1585, 1595, 1659, 1741, 1800, 2266
Jan 15, 18-21. 26-16, 4		2307
Jan 15, 18-21. 26-27		1988
Jan 15, 26 —16, 4a	535	
Jan 15, 26-27; 16, 12-15	579	
Jan 16, 5-11	537	
Jan 16, 5b-7. 12-13a		1989
Jan 16, 12-15	539, 592	
Jan 16, 16-20	547	
Jan 16, 20-22		2426

Dominikal - Férial Sanktoral - Rituèl - Divès

Jan 16, 20-23a	549	
Jan 16, 23b-28	551	
Jan 16, 29-33	560	
Jan 17, 1-11a	553, 562	2281
Jan 17, 6. 14-19		2010
Jan 17, 11b. 17-23		2196, 2201, 2294
Jan 17, 11b-19	556,564	1595, 1616, 1684, 1801, 2281, 2307
Jan 17, 20-26*	558, 566	1596, 1611, 1628, 1667, 1708, 1899, 2122, 2163, 2282, 2542, 2542
Jan 17, 24-26		25872587
Jan 18, 1 — 19, 42	407	
Jan 18, 33b-37	1518	
Jan 19, 17-18. 25-39		2587
Jan 19, 25-27		1683, 1733, 1735, 1782
Jan 19, 25-30		2598
Jan 19, 28-37		2480
Jan 19, 31-35		1956
Jan 19, 31-37	608	2523, 2543, 2503, 2543
Jan 20, 1-2. 11-18		1642
Jan 20, 1-9	432	
Jan 20, 2-8		1725
Jan 20, 11-18	436	
Jan 20, 19-23	578	2011, 2343
Jan 20, 19-31	448	
Jan 20, 24-29		1636
Jan 21, 1-14	473	2504
Jan 21, 1-19*	472	
Jan 21, 15-17		1568, 1600, 1667, 1828, 2011, 2196, 2216
Jan 21, 15-19	568	1631
Jan 21, 20-25	570	
Tr 1, 1-11	540	
Tr 1, 3-8		1971, 2286
Tr 1, 6-9. 14 ; 2, 1-4. 42		1730
Tr 1, 12-14	552	1695, 1768, 2544
Tr 1, 15-17. 20-26		1606
Tr 1, 15-17. 20a. 20c-26	554	
Tr 2, 1-11	575	2254
Tr 2, 1-6. 14. 22b-23. 32-33		1972
Tr 2, 14. 22-33	433, 465	
Tr 2, 14a. 22-24. 32-36		1831

Tr 2, 14a. 36-40a. 41-42		1919
Tr 2, 14a. 36-41	487	
Tr 2, 36-41	435	
Tr 2, 42-47	446	2034, 2167, 2125, 2137, 2183, 2227, 2485
Tr 3, 1-10	436	1629, 2509, 2055
Tr 3, 11-16		2055
Tr 3, 11-26	439	
Tr 3, 13-15. 17-19	468	2345
Tr 4, 1-12	442	
Tr 4, 1-5. 18-21		2298
Tr 4, 8-12	489	1609, 2510, 2056
Tr 4, 13-21	444	
Tr 4, 23-31	454	2298
Tr 4, 32-35	449	1861, 2138
Tr 4, 32-37	456	
Tr 5, 12-16	451	
Tr 5, 17-26	457	
Tr 5, 27-33	459	
Tr 5, 27b-32. 40b-41	470	
Tr 5, 27b-32. 40b-42		2299, 2510
Tr 5, 34-42	461	
Tr 6, 1-7	463, 507	
Tr 6, 1-7b		1992
Tr 6, 8-10; 7, 54-59		1722
Tr 6, 8-15	474	
Tr 7, 44-50		1752
Tr 7, 51 —8, 1a	476	
Tr 7, 55-60	556	1787
Tr 8, 1. 4. 14-17		1972
Tr 8, 1b-8	478	
Tr 8, 5-8. 14-17	526	
Tr 8, 26-38		1919
Tr 8, 26-40	479	1992
Tr 9, 1-20	482	
Tr 9, 1-22		1571
Tr 9, 26-31	509	
Tr 9, 31-42	484	
Tr 10, 1. 33-34a. 37-44		1973
Tr 10, 25-26. 34-35. 44-48	528	
Tr 10, 34-38	217	
Tr 10, 34-43*		2461, 2553
Tr 10, 34a. 37-43	429	2485, 2035
Tr 10, 37-43	1993	

Tr 11, 1-18	494	
Tr 11, 19-26	497	2286
Tr 11, 21b-26; 13, 1-3		1618
Tr 11, 27-30		2314, 2382
Tr 12, 1-11		1631
Tr 12, 24—13, 5a	498	
Tr 13, 13-25	500	
Tr 13, 14, 43-52	492	
Tr 13, 16-17, 22-25	154	
Tr 13, 22-26		1626
Tr 13, 26-33		1831, 2461
Tr 13, 26b-33	502	
Tr 13, 32-39		2056
Tr 13, 44-52	504	
Tr 13, 46-49		1807
Tr 14, 5-18	514	
Tr 14, 19-28	516	
Tr 14, 21-23		2015
Tr 14, 21b-27	512	
Tr 15, 1-2, 22-29	531	
Tr 15, 1-6	518	
Tr 15, 7-21	520	
Tr 15, 22-31	522	
Tr 16, 1-10	524	
Tr 16, 11-15	533	
Tr 16, 22-34	535	
Tr 17, 15, 22 —18, 1	537	
Tr 18, 1-8	546	
Tr 18, 9-18	548	
Tr 18, 23-28	550	
Tr 19, 1-8	559	
Tr 19, 1b-6a		1974
Tr 20, 17-18a, 28-32, 36		1807, 1994
Tr 20, 17-27	560	
Tr 20, 28-38	563	
Tr 22, 3-16		1570
Tr 22, 30; 23, 6-11	565	
Tr 25, 13b-21	567	
Tr 26, 19-23		1617, 1808
Tr 28, 11-16, 30-31		1710
Tr 28, 16-20, 30-31	569	
Tr 28, 7-10		2400
Rm 1, 1-7	129, 1362	
Rm 1, 16-25	1364	

Rm 2, 1-11	1367	
Rm 3, 21-25a. 28	822822	
Rm 3, 21-30	1370	
Rm 4, 1-8	1374	
Rm 4, 13. 16-18	1376	
Rm 4, 13. 16-18. 22		1589
Rm 4, 18-25	852	
Rm 4, 20-25	1387	
Rm 5, 1-2. 5-8	277	
Rm 5, 1-2. 5-8		1974
Rm 5, 1-5	591	
Rm 5, 1-5		1579, 1791
Rm 5, 5-11		2534, 2562
Rm 5, 5b-11	609	
Rm 5, 6-11	879	
Rm 5, 12. 17-19		1772
Rm 5, 12-19*	237	
Rm 5, 17-21		2562
Rm 6, 2-14		2429
Rm 6, 2-4. 12-14		2255
Rm 6, 3-11*	426	1920, 2138
Rm 6, 3-4. 8-9		2563, 2593
Rm 6, 3-4. 8-11	939	1921
Rm 6, 3-5		1944
Rm 6, 3-9*		2563
Rm 6, 12-18	1393	
Rm 6, 19-23	1396	
Rm 7, 18-25a	1399	
Rm 8, 1-11	1402	
Rm 8, 1-4		1650
Rm 8, 8-11	332	
Rm 8, 8-17	579	
Rm 8, 9. 11-13	969	
Rm 8, 12-17	1412	
Rm 8, 14-17	589	1975, 2057
Rm 8, 14-17. 26-27		1911
Rm 8, 14-23		2564
Rm 8, 18-23	997	
Rm 8, 18-25	1415	
Rm 8, 18-27		2057
Rm 8, 18-30		2315, 2408
Rm 8, 22-27	574	1696
Rm 8, 26-27	1026	1026, 1975
Rm 8, 26-30	1418	1582, 1868

Rm 8, 28-30	1054	1675, 1773
Rm 8, 28-32		1944
Rm 8, 28-32. 35. 37-39		1921
Rm 8, 28-39		1957
Rm 8, 31b-34	259	
Rm 8, 31b-35. 37-39		2058, 2104, 2565
Rm 8, 31b-39	1421	1586, 1634, 1792, 2255, 2409
Rm 8, 35. 37-39	1082	
Rm 9, 1-5	1111, 1424	
Rm 10, 8-13	243	1906
Rm 10, 9-18		1714, 2287
Rm 11, 1-2a. 11-12. 25-29	1427	
Rm 11, 13-15. 29-32	1142	
Rm 11, 29-36	1437	
Rm 11, 33-36	1170	
Rm 12, 1-13		2139, 2256
Rm 12, 1-2	1194	
Rm 12, 1-2. 9-18*		2105
Rm 12, 3-13		1707, 1813, 2438
Rm 12, 4-8		1994
Rm 12, 5-16a	1439	
Rm 12, 9-16b		1612, 2391
Rm 13, 8-10	1219, 1443	
Rm 13, 11-14a	72	
Rm 14, 7-12	1446	
Rm 14, 7-9	1244	2593
Rm 14, 7-9. 10c-12		2449, 2565
Rm 15, 4-9	91	
Rm 15, 14-21	1449	
Rm 16, 3-9. 16. 22-27	1452	
Rm 16, 25-27	131	
1 Kor 1, 1-3	631	2512
1 Kor 1, 1-9	1185	
1 Kor 1, 3-9	74	2416
1 Kor 1, 10-13		2269
1 Kor 1, 10-13. 17	658	
1 Kor 1, 17-25	1188	
1 Kor 1, 18-25		1599, 1616, 1701, 1814, 1834, 2059, 2467
1 Kor 1, 22-25	283	
1 Kor 1, 22-31		2140, 2227
1 Kor 1, 26-31	686, 1191	1568, 1580, 1687, 1868
1 Kor 2, 1-5	715, 1201	2024

1 Kor 2, 1-10a		1656, 1720, 1834
1 Kor 2, 1-13		1732
1 Kor 2, 6-10	743	
1 Kor 2, 10b-16	1204	1610, 1835
1 Kor 3, 1-9	1207	
1 Kor 3, 6-10		2376
1 Kor 3, 9c-11. 16-17		1707, 1756, 2184
1 Kor 3, 16-23	770	
1 Kor 3, 18-23	1210	
1 Kor 4, 1-5	795, 1213	1600, 1814
1 Kor 4, 6b-15	1215	
1 Kor 5, 1-8	1225	
1 Kor 5, 6b-8	431	
1 Kor 6, 1-11	1228	
1 Kor 6, 13c-15a. 17-20	633	1638, 2106
1 Kor 7, 25-31	1232	
1 Kor 7, 25-35		1610, 1847, 2140, 2228
1 Kor 7, 29-31	660	2360
1 Kor 7, 32-35	688	
1 Kor 8, 1b-7. 11-13	1235	
1 Kor 9, 16-19. 22-23	717	1716, 1815 2015, 2217
1 Kor 9, 16-19. 22b-27	1238	
1 Kor 10, 1-6. 10-12	286	
1 Kor 10, 14-22	1241	
1 Kor 10, 14-22a		2174
1 Kor 10, 16-17	594	2035, 2091, 2492
1 Kor 10, 16-21		2171
1 Kor 10, 31 — 11, 1	746	1649
1 Kor 11, 17-26. 33	1253	
1 Kor 11, 23-26	403, 601	2036, 2091, 2174, 2206, 2492
1 Kor 12, 3b-7. 12-13	576	2184, 2218, 2257
1 Kor 12, 4-11	635	2016
1 Kor 12, 4-13		1975
1 Kor 12, 12-13		1922, 1945
1 Kor 12, 12-14. 27-31a	1257	
1 Kor 12, 12-22. 24b-27		2059
1 Kor 12, 12-30*	662	
1 Kor 12, 31 — 13, 13*	690, 1259	1670, 1869, 1958, 2439
1 Kor 12, 31 — 13, 8a		2107
1 Kor 15, 1-11*	719, 1262	
1 Kor 15, 1-8*		1604, 1907
1 Kor 15, 12. 16-20	748	
1 Kor 15, 12-20	1266	2060

1 Kor 15, 20-23		2566, 2594
1 Kor 15, 20-24a. 25-28*		2566
1 Kor 15, 20-26. 28	1515	
1 Kor 15, 20-27		1665
1 Kor 15, 35-37. 42-49	1268	
1 Kor 15, 45-49	775	
1 Kor 15, 51-57		2567
1 Kor 15, 54-58	800	
1 Kor 15, 54b-57		1663
2 Kor 1, 1-7	858	
2 Kor 1, 18-22	772, 862	
2 Kor 3, 1-6a		1815
2 Kor 3, 1b-6	798	
2 Kor 3, 4-11	865	
2 Kor 3, 15 — 4, 1. 3-6	868	
2 Kor 4, 1-2. 5-7		1594, 1640, 1674, 1695, 1816, 1995, 2206
2 Kor 4, 6-11	824824	
2 Kor 4, 7-15	871	1568, 1644, 1684, 1701, 1792
2 Kor 4, 10-18		2401
2 Kor 4, 13 — 5, 1	854	
2 Kor 4, 14 — 5, 1		2567
2 Kor 4, 16-18		2061
2 Kor 5, 1. 6-10		2061, 2568
2 Kor 5, 6-10	881	
2 Kor 5, 14-17	911	1641
2 Kor 5, 14-20		1565, 1701, 1816, 1995, 2207, 2242
2 Kor 5, 14-21	874	
2 Kor 5, 17 — 6, 2		2345
2 Kor 5, 17-21	312	
2 Kor 5, 20—6, 2	226	
2 Kor 6, 1-10	886	
2 Kor 6, 4-10		1616, 1695, 1793
2 Kor 8, 1-5. 9-15		2316, 2383
2 Kor 8, 1-9	890	
2 Kor 8, 7. 9. 13-15	941	
2 Kor 8, 9-15		1621
2 Kor 9, 6-10		1657
2 Kor 9, 6-11	893	
2 Kor 9, 6-15		2316, 2383
2 Kor 9, 8-11		2370
2 Kor 10, 17 — 11, 2		1739, 1848, 1871

2 Kor 11, 1-11	896	
2 Kor 11, 18. 21b-30	900	
2 Kor 12, 1-10	903	
2 Kor 12, 7-10	971	
2 Kor 12, 7b-10		2401
2 Kor 13, 11-13	587	
Gal 1, 1-2. 6-10	827	
Gal 1, 6-12	1335	
Gal 1, 11-19	857	
Gal 1, 11-20		1630
Gal 1, 13-24	1338	
Gal 2, 1-2. 7-14	1341	
Gal 2, 16. 19-21	883	
Gal 2, 19-20		1580, 1643, 1871
Gal 3, 1-5	1344	
Gal 3, 7-14	1347	
Gal 3, 22-29	1350	
Gal 3, 26-28		1922, 1945
Gal 3, 26-29	913	
Gal 4, 4-7	181	1735, 1773, 1911
Gal 4, 12-19		2062
Gal 4, 22-24. 26-27. 31—5, 1	1363	
Gal 5, 1. 13-18	945	
Gal 5, 1-6	1366	
Gal 5, 16-17. 22-23a. 24-25		1976
Gal 5, 16-25	578	
Gal 5, 17-26		2317, 2353
Gal 5, 18-25	1369	
Gal 6, 14-16		1871
Gal 6, 14-18	973	1694, 1871
Éf 1, 1-10	1372	
Éf 1, 3-10		2534
Éf 1, 3-10. 13-14		1923
Éf 1, 3-14		1959, 2141, 2185, 2257, 2417
Éf 1, 3-14*	1000	
Éf 1, 3-5		2594
Éf 1, 3-6. 11-12		1718, 1774
Éf 1, 3-6. 15-18	183	
Éf 1, 3a. 4a. 13-19a		1977
Éf 1, 11-14	1375	
Éf 1, 15-23	1377	
Éf 1, 17-23	541	
Éf 2, 1-10	1388	

Dominikal - Férial Sanktoral - Rituèl - Divès

Éf 2, 4-10	310	
Éf 2, 12-22	1391	
Éf 2, 13-18	1029	2468
Éf 2, 19-22		1636, 1702, 1756, 2185, 2270
Éf 3, 2-12	1394	2288
Éf 3, 2-3a. 5-6	196	
Éf 3, 8-12		1569, 1648, 1716, 1835, 2535
Éf 3, 8-12. 14-19	607	
Éf 3, 14-19		1595, 1640, 1666, 1697, 1709, 1872, 2535
Éf 3, 14-21	1397	
Éf 4, 1-13*	543	
Éf 4, 1-6	1057, 1400	1923, 1945, 1977, 2125, 2258, 2270
Éf 4, 1-7. 11-13		1565, 1677, 1685, 1708, 1817, 1836, 1959, 1996, 2218
Éf 4, 7-16	1403	
Éf 4, 11-16		2198
Éf 4, 17. 20-24	1084	
Éf 4, 30 — 5, 2		2270, 2318, 2354
Éf 4, 30-05, 2	1113	
Éf 4, 32-5, 8	1413	
Éf 5, 2a. 21-33*		2107
Éf 5, 8-14	305	
Éf 5, 15-20	1144	
Éf 5, 21-32	1172	
Éf 5, 21-33	1417	
Éf 6, 1-9	1419	
Éf 6, 10-13. 18		1567, 1872
Éf 6, 10-20	1422	
Fil 1, 1-11	1425	
Fil 1, 4-6. 8-11	97	
Fil 1, 8-11		2535
Fil 1, 18b-26	1428	
Fil 1, 20c-24. 27a	1272	
Fil 1, 27-30		2300
Fil 2, 1-11*	1298	
Fil 2, 1-13		2271
Fil 2, 1-4	1438	2142, 2202, 2229
Fil 2, 5-11	1441	
Fil 2, 6-11	366	1679, 2468, 2512

Fil 2, 12-18	1444	
Fil 2, 25-30		2062
Fil 3, 3-8a	1447	
Fil 3, 8-14	339	1586, 1594, 1620, 1658, 1695, 1873, 2142, 2242, 2469
Fil 3, 17 — 4, 1*	262, 1450	1697
Fil 3, 20-21		2568
Fil 4, 4-7	114	
Fil 4, 4-8		1960
Fil 4, 4-9		1575, 1610, 1707, 1873
Fil 4, 6-9	1326	2337
Fil 4, 10-19	1453	
Fil 4, 12-14. 19-20	1354	
Kol 1, 1-8	1206	
Kol 1, 9-14	1209	
Kol 1, 12-20	1520	
Kol 1, 15-20	1004, 1212	
Kol 1, 21-23	1214	
Kol 1, 22-29		2063
Kol 1, 24 — 2, 3	1224	
Kol 1, 24-28	1032	
Kol 1, 24-29		1596, 1818, 2208, 2219
Kol 2, 6-15	1227	
Kol 2, 12-14	1060	
Kol 3, 1-11	1230	
Kol 3, 1-4	430	2143
Kol 3, 1-5. 9-11	1087	
Kol 3, 9b-17		1924, 2272, 2318
Kol 3, 12-15		2338, 2445
Kol 3, 12-17	1234	1874, 1617, 2109, 2126, 2143, 2417, 2512
Kol 3, 12-21	166	
Kol 3, 14-15. 17. 23-24		1602
I Tés 1, 1-5. 8b-10	1176	
I Tés 1, 1-5b	1381	
I Tés 1, 5c-10	1407	
I Tés 2, 1-8	1179	
I Tés 2, 2b-8		1611, 1667, 1818, 2208
I Tés 2, 7b-9. 13	1431	
I Tés 2, 9-13	1181	
I Tés 3, 7-13	1184	
I Tés 3, 12 — 4, 2	76	
I Tés 4, 1-3a. 7-12		2144

1 Tés 4, 1-8	1187	
1 Tés 4, 1b-2. 9-12		2365
1 Tés 4, 9-11	1190	
1 Tés 4, 13-14. 18		2594
1 Tés 4, 13-18*	1200, 1457	2569
1 Tés 5, 1-6	1485	
1 Tés 5, 1-6. 9-11	1203	
1 Tés 5, 16-24	112	1961
2 Tés 1, 1-5. 11b-12	1177	
2 Tés 1, 11 — 2, 2	1436	
2 Tés 2, 1-3a. 14-17	1180	
2 Tés 2, 16 — 3, 5	1463	
2 Tés 3, 6-10. 16-18	1182	
2 Tés 3, 6-12. 16		2366
2 Tés 3, 7-12	1490	
1 Tim 1, 1-2. 12-14	1237	
1 Tim 1, 12-17	1249	
1 Tim 1, 15-17	1240	
1 Tim 2, 1-8	1252, 1276	2289
1 Tim 2, 5-8		2272
1 Tim 3, 1-13	1255	
1 Tim 3, 8-10. 12-13		1997
1 Tim 3, 14-16	1258	
1 Tim 4, 12-16	1261	1997
1 Tim 5, 3-10		1874
1 Tim 6, 2c-12	1264	
1 Tim 6, 6-11. 17-19		2319, 2377
1 Tim 6, 11-16	1303	
1 Tim 6, 13-16	1267	
2 Tim 1, 1-3. 6-12	837	
2 Tim 1, 1-8		1573
2 Tim 1, 6-14		1998
2 Tim 1, 6-8. 13-14	1332	
2 Tim 1, 8b-10	257	
2 Tim 1, 13-14; 2, 1-3		1590, 1595, 1637, 1716, 1819, 1836
2 Tim 2, 8-13	1360	2569
2 Tim 2, 8-13; 3, 10-12		1595, 1728, 1794
2 Tim 2, 8-15	841	
2 Tim 2, 22b-26		1627
2 Tim 3, 10-12. 14-15		2016
2 Tim 3, 10-17	845	
2 Tim 3, 14 — 4, 2	1386	
2 Tim 3, 14-17		1690

2 Tim 4, 1-5		1582, 1594, 1627, 1721, 1819, 1837, 2025, 2219
2 Tim 4, 1-8	848	
2 Tim 4, 6-8. 16-18	1411	1633
2 Tim 4, 10-17b		1699
Tit 1, 1-5		1574
Tit 1, 1-9	1466	
Tit 2, 1-8. 11-14	1469	
Tit 2, 11-14; 3, 4-7	222	
Tit 3, 1-7	1472	
Tit 3, 4-7	160	1924
Fm 7-20	1475	
Fm 9b-10. 12-17	1223	
Èbr 1, 1-6	162, 611	
Èbr 2, 5-12	614	
Èbr 2, 9-11	1329	
Èbr 2, 14-18	617	1577
Èbr 3, 7-14	620	
Èbr 4, 1-5. 11	623	
Èbr 4, 12-13	1357	2025
Èbr 4, 12-16	627	
Èbr 4, 14-16	1383	
Èbr 4, 14-16; 5, 7-9	406	2063
Èbr 5, 1-10	637	1999, 2198, 2243
Èbr 5, 1-6	1409	
Èbr 5, 7-9	337	1680, 2470
Èbr 6, 10-20	640	
Èbr 7, 1-3. 15-17	643	
Èbr 7, 23-28	1433	
Èbr 7, 25 — 8, 6	646	
Èbr 8, 6-13	650	
Èbr 9, 2-3. 11-14	653	
Èbr 9, 11-15	599	2036, 2493, 2519
Èbr 9, 15. 24-28	665	
Èbr 9, 24-28	1460	
Èbr 9, 24-28; 10, 19-23	545	
Èbr 10, 1-10	668	
Èbr 10, 4-10		1592
Èbr 10, 5-10	134	
Èbr 10, 11-14. 18	1488	
Èbr 10, 11-18	671	
Èbr 10, 12-23		1925
Èbr 10, 19-25	675	

Èbr 10, 22-25		1925
Èbr 10, 32-36		1684, 1794
Èbr 10, 32-39	678	
Èbr 11, 1-2. 8-19*	1116	
Èbr 11, 1-7	765	
Èbr 11, 8. 11-12. 17-19	171	
Èbr 11, 13-16		2391
Èbr 11, 32-40	693	
Èbr 12, 1-4	697, 1146	
Èbr 12, 2-13		2300
Èbr 12, 4-7. 11-15	701	
Èbr 12, 5-7. 11-13	1174	
Èbr 12, 18-19. 21-24	704	
Èbr 12, 18-19. 22-24		1757, 2493, 2520
Èbr 12, 18-19. 22-24a	1198	
Èbr 13, 1-2. 7-8. 17-18		2126
Èbr 13, 1-3. 14-16		2392
Èbr 13, 1-8	707	
Èbr 13, 7-17		1736
Èbr 13, 8-15		2171
Èbr 13, 15-17. 20-21	710	
Jk 1, 1-11	751	
Jk 1, 2-4. 12		1795, 2410
Jk 1, 12-18	754	
Jk 1, 17-18. 21b-22. 27	1196	
Jk 1, 19-27	757	
Jk 2, 1-5	1221	
Jk 2, 1-9	760	
Jk 2, 14-17		1721, 1875
Jk 2, 14-18	1246	
Jk 2, 14-24. 26	763	
Jk 3, 1-10	766	
Jk 3, 13-18	777	2338
Jk 3, 16 — 4, 3	1274	
Jk 4, 1-10	781	2320, 2354
Jk 4, 13-15	2360	
Jk 4, 13-17	784	
Jk 5, 1-6	787, 1301	
Jk 5, 7-08. 16c-18		2371
Jk 5, 7-10	110	
Jk 5, 9-12	790	
Jk 5, 13-16		2064, 2402
Jk 5, 13-20	793	
1 P 1, 3-9	447, 802	2064, 2144, 2229, 2301

1 P 1, 8-12		1623
1 P 1, 10-16	806	
1 P 1, 17-21	466	2494, 2520
1 P 1, 18-25	809	
1 P 2, 2-5. 9-12	812	
1 P 2, 4-10		2258
1 P 2, 4-5. 9-10		1925, 1946
1 P 2, 4-9	508	1757, 2186
1 P 2, 20b-25	488	
1 P 3, 1-9		1875, 2109
1 P 3, 14-17		1568, 1687, 1740, 1795
1 P 3, 15-18	527	
1 P 3, 18-22	240	
1 P 4, 7-13	815	
1 P 4, 7b-11		1575, 1587, 1876, 1999
1 P 4, 12-19		1621, 1659, 1795
1 P 4, 13-16	553	
1 P 5, 1-4		1567, 1583, 1696, 1712, 1820, 2000, 2127
1 P 5, 5b-14		1597
2 P 1, 2-7	830	
2 P 1, 16-19		1653
2 P 3, 8-14	94	
2 P 3, 12-15a. 17-18	833	
1 Jn 1, 1-4		1724, 2025
1 Jn 1, 5 — 2, 2		1599, 1726, 2430
1 Jn 2, 1-5		2346
1 Jn 2, 1-5a	469	
1 Jn 2, 3-11	174	
1 Jn 2, 12-17	176	
1 Jn 2, 18-21	177	
1 Jn 2, 18-25		1566
1 Jn 2, 22-28	186	
1 Jn 2, 29 — 3, 6	188	
1 Jn 3, 1-2	490	2065, 2570
1 Jn 3, 1-2. 21-24	173	
1 Jn 3, 1-3		1705
1 Jn 3, 7-10	189	
1 Jn 3, 11-21	191	
1 Jn 3, 14-16		2570
1 Jn 3, 14-18		1586, 1637, 1639, 1709, 1877, 2440
1 Jn 3, 18-24	511	2110
1 Jn 3, 22 — 4, 6	203	

1 Jn 4, 7-10	529	
1 Jn 4, 7-12		2111
1 Jn 4, 7-16	604	1647, 1671, 1877, 2145, 2536
1 Jn 4, 9-15		2273
1 Jn 4, 11-16	555	
1 Jn 4, 11-18	206	
1 Jn 4, 19 — 5, 4	208	
1 Jn 5, 1-5		1587, 1603, 1620, 1650, 1796, 1878
1 Jn 5, 1-6	450	
1 Jn 5, 1-9	220	
1 Jn 5, 4-8		2494, 2521
1 Jn 5, 5-13	197, 210	
1 Jn 5, 14-21	212	
2 Jn 4-9	1478	
3 Jn 5-8	1481	
Jud 17, 20b-25	818	
Ap 1, 1-4; 2, 1-5a	1493	
Ap 1, 5-8	401, 1518	2462, 2486, 2517
Ap 1, 9-11a. 12-13. 17-19	452	
Ap 2, 8-11		1585
Ap 3, 1-6. 14-22	1497	
Ap 3, 14b. 20-22		1608, 1862, 2092, 2230, 2528
Ap 4, 1-11	1501	
Ap 5, 1-10	1505	
Ap 5, 6-12		2462, 2529
Ap 5, 11-14	471	
Ap 7, 2-4. 9-14		1704, 2186
Ap 7, 9. 14b-17	493	
Ap 7, 9-10. 14b-17		2301
Ap 7, 9-10. 15-17		2590
Ap 7, 9-14		2517
Ap 7, 9-17		1606, 1788
Ap 8, 3-4		2168
Ap 10, 8-11	1508	
Ap 11, 4-12	1511	
Ap 11, 19a — 12, 1. 3-6a. 10ab		1664, 1768
Ap 11, 19; 12, 1-5. 14-17		1744
Ap 12, 7-12a		1688
Ap 12, 10-12a		1595, 1788
Ap 14, 1-3. 4b-5	1523	
Ap 14, 13		2554

Ap 14, 14-19	1526	
Ap 15, 1-4	1530	
Ap 18, 1-2. 21-23; 19, 1-3. 9a	1534	
Ap 19, 1. 5-9a		1606, 1845, 1862, 1926, 2111
Ap 20, 1-4. 11 — 21, 2	1537	
Ap 20, 11-21, 1		2554
Ap 21, 1-5a	513	1651, 1752, 1769, 1845, 2165, 2187
Ap 21, 1-5a. 6b-7		2410, 2555
Ap 21, 1-7	1541	
Ap 21, 1a. 3-5a		2590
Ap 21, 5-7		1596, 1789
Ap 21, 9b-14		1668, 1753, 2165, 2187
Ap 21, 10-14. 22-23	532	
Ap 22, 1-7	1541	
Ap 22, 12-14. 16-17. 20	557	2146
Ap 22, 17. 20-21		2066, 2092

GID PSÒM YO AK KANTIK YO

Ps 1, 1-2. 3. 4 é 6 (R/ : 2 a ; oubyin Ps 39, 5a ; oubyin Ps 91, 13-14)	1863
Ps 1, 1-2. 3. 4 é 6 (R/ : 2 a)	1637, 1639, 1695
Ps 1, 1-2. 3. 4 é 6 (R/ : 3 a)	1595
Ps 1, 1-2. 3. 4 é 6 (R/ : Ap 2, 7 b)	1493
Ps 1, 1-2. 3. 4 é 6 (R/ : cf. Ēf. 5, 1)	1414
Ps 1, 1-2. 3. 4 é 6 (R/ : cf. Jan 8, 12)	105, 1369
Ps 1, 1-2. 3. 4 é 6 (R/ : Ps 39, 5 a)	228, 269, 748, 786, 1344
Ps 1, 1-2. 3. 4 é 6 (R/ : Ps 39, 5 a)	1397, 2127
Ps 1, 1-2. 3-4. 5-7 a. 7 b-8. 9 (R/ : 1 a)	1708
Ps 2, 1-3. 4-6. 10-11 (R/ : 12 d)	2302
Ps 2, 1-3. 4-6. 7-9 (R/ : cf. 12 d)	454
Ps 2, 6-7. 8-9. 10-11 (R/ : 7)	503
Ps 2, 7-8. 10-11 (R/ : 8 a)	203
Ps 3, 2-3. 4-5. 6-7 (R/ : 6 b)	1496
Ps 3, 2-3. 4-5. 6-7 (R/ : 7 b)	695
Ps 4, 2. 7. 9 (R/ : 7 a)	468
Ps 4, 2-3. 4-5. 7-8 (R/ : 7)	863
Ps 5, 2-3. 5-6. 7 (R/ : 2 b)	889
Ps 5, 5-6. 7. 12 (R/ : 9 a)	1226
Ps 5, 5-6. 7. 8 (R/ : 9 a)	952
Ps 6, 2-4 a. 4 b-6. 9-10 (R/ : 3 a)	2067
Ps 7, 2-3. 9 bc-10. 11-12 (R/ : 2 a)	329
Ps 8, 2 a é 5. 6-7. 8-9 (R/ : 2 ab)	440
Ps 8, 2 a é 5. 6-7. 8-9 (R/ : cf. 7)	614
Ps 8, 2-3 a. 4-5. 6-7 (R/ : 7)	1378
Ps 8, 4-5. 6-7 a. 7 b-9 (R/ : 2)	2321, 2360
Ps 8, 4-5. 6-7. 8-9 (R/ : 2 a oubyin Ēf 5, 14)	1926
Ps 8, 4-5. 6-7. 8-9 (R/ : 2 a)	590, 726
Ps 9, 22-23. 24-25. 28-29. 35 (R/ : 12 b)	1023
Ps 9, 2-3. 4 é 6. 16 b é 19 (R/ : cf. 16 a)	1510
Ps 9, 2-3. 6 é 16. 8-9 (R/ : 9 a)	1346
Ps 9, 8-9. 10-11. 12-13 (R/ : 11 b)	1108
Ps 10, 4. 5 é 7 (R/ : cf. 7 b)	569
Ps 11, 2-3. 4-5. 7-8 (R/ : 8 a)	767
Ps 12, 4-5. 6 (R/ : 6 a)	1419

Ps 12, 6 ab. 6 cd (R/ : Iz 61, 10)	1675
Ps 14, 2-3 a. 3 cd-4 ab. 5 (R/ : 1 a)	1195
Ps 14, 2-3 ab. 3 cd-4 ab. 5 (R/ : 1 b)	758, 919, 1280, 1586, 1863
Ps 14, 2-3 ab. 3 cd-4 ab. 5 (R/ : Ap 3, 21)	1498
Ps 14, 2-3 ab. 3 cd-4 ab. 5 (R/ : 1 a)	1031
Ps 15, 1-2 a é 5. 7-8. 11 (R/ : 5 a)	1582, 1620, 1658, 1694, 1701
Ps 15, 1-2 a é 5. 7-8. 11 (R/ : cf. 5 a)	1567, 1594
Ps 15, 5 é 8. 9-10. 11 (R/ : 1)	418, 1487
Ps 15, 1-2 a é 5. 7-8. 11 (R/ : 5 a)	1694
Ps 15, 1-2 a é 5. 7-8. 11 (R/ : cf. 5 a)	1138, 1237, 1808, 1864, 2017, 2209, 2244
Ps 15, 1-2 a é 5. 7-8. 9-10. 11 (R/ : 1)	433, 565
Ps 15, 1-2 a é 5. 7-8. 9-10. 11 (R/ : 11 a)	465
Ps 15, 1-2 a é 5. 7-8. 9-10. 11 (R/ : cf. 5 a)	944
Ps 15, 1-2 a. 4. 5 é 8. 11 (R/ : 1)	867
Ps 15, 1-2 a. é 5. 7-8. 9-10 (R/ : cf. 5 a)	876
Ps 16, 1. 2-3. 6-7 (R/ : 6 b)	1307
Ps 16, 1. 2-3. 6-7. 8 b é 15 (R/ : 15 a)	979
Ps 16, 1. 5-6. 8 b é 15 (R/ : 15 b)	341, 1266, 1462, 1500
Ps 17, 2-3 a. 3 bc-4. 47 é 51 a (R/ : 2)	1432
Ps 17, 2-3 a. 3 bc-4. 47 é 51 ab (R/ : 2)	1107, 1406
Ps 17, 2-3 a. 3 bc-4. 5-6. 7 (R/ : cf. 7)	357
Ps 17, 31. 47 é 50. 51 (R/ : cf. 47 b)	709
Ps 18, 2-3. 4-5 (R/ : 2 a)	1365, 1478
Ps 18, 2-3. 4-5 (R/ : 5 a)	1604, 1629, 1685, 1702, 1714, 2289
Ps 18, 2-3. 4-5. 6-7 (R/ : 5 a)	2188, 2210
Ps 18, 8. 10. 12-13. 14 (R/ : 9 a)	1300
Ps 18, 8. 9. 10. 11 (R/ : 10 b ; oubyin R/ : Jan 6, 63 c)	1832
Ps 18, 8. 9. 10. 11 (R/ : 10 b)	959, 1587, 1684, 2220,
Ps 18, 8. 9. 10. 11 (R/ : 6, 64 b)	1716
Ps 18, 8. 9. 10. 11 (R/ : 9 a)	1003, 1316
Ps 18, 8. 9. 10. 11 (R/ : cf. Jan 6, 63 c)	2026, 2230
Ps 18, 8. 9. 10. 11 (R/ : Jan 6, 64 b)	1696

Ps 18, 8. 9. 10. 11 (R/ : Jan 6, 68 c oubyin Jan 6, 63 c)	1556
Ps 18, 8. 9. 10. 11 (R/ : Jan 6, 68 c)	282, 424, 1047, 2202
Ps 18, 8. 9. 10. 11 (R/ : Jan 6, 69)	1906
Ps 18, 8. 9. 10. 15 (R/ : 9 a)	778, 818
Ps 18, 8. 9. 10. 15 (R/ : Jan 6, 63 c)	627, 662
Ps 18, 8. 9. 10. 15 (R/ : Jan 6, 63)	245
Ps 20, 2-3. 4-5. 6-7 (R/ : 2 a)	628, 1155
Ps 21 8-9. 17-18 a. 19-20. 23-24 (R/ : 2 a)	365
Ps 21, 23-24. 26-27. 28 é 31-32 (R/ : 23 a oubyin Jn 15, 26-27)	1978
Ps 21, 23-24. 26-27. 28 é 31-32 (R/ : 27 a)	2384
Ps 21, 26 b-27. 28 é 30. 31-32 (R/ : 26 a)	510
Ps 21, 26 b-27. 28 é 30. 31-32 (R/ : cf. 27 b)	697
Ps 21, 26 b-27. 28-30 a. 31-32 (R/ : 26 a)	1441
Ps 21, 8-9. 17-18 a. 19-20. 23-24 (R/ : 2 a oubyin Mt 26, 42)	2463
Ps 21. 8-9. 17-18 a. 19-20. 23-24 (R/ : 2 a)	1553
Ps 22, 1-3. 4. 5. 6 (R/ : 1 oubyin 1 P 2, 25)	1927
Ps 22, 1-3. 4. 5. 6 (R/ : 1 oubyin 4 a b)	2555
Ps 22, 1-3. 4. 5. 6 (R/ : 1)	1565, 1568, 1583, 1608, 1617, 1697, 1709, 1728, 1864, 1909, 1946, 1978, 2000, 2274, 2487, 2530, 2591
Ps 22, 1-3. 4. 5. 6 (R/ : 4 ab oubyin 1)	2093
Ps 22, 1-3 a. 3 b-4. 5. 6 (R/ : 1)	304, 487, 609, 711, 1029, 1156, 1472, 1514, 1809, 2037,
Ps 22, 1-3 a. 3 b-4. 5. 6 (R/ : 4 a)	348
Ps 22, 1-3 a. 3 b-4. 5. 6 (R/ : 6 cd)	82, 1353
Ps 23, 1-2. 3-4 ab. 5-6 (R/ : 6)	1704
Ps 23, 1-2. 3-4 ab. 5-6 (R/ : 7 c é 10 b)	142
Ps 23, 1-2. 3-4 ab. 5-6 (R/ : cf. 6)	675, 1400, 1467, 1523, 2146, 2017
Ps 23, 1-2. 3-4 ab. 5-6 (R/ : cf. 7 c é 10 b)	128
Ps 23, 1-2. 3-4 ab. 5-6 (R/ : 1 a)	1210
Ps 23, 7. 8. 9. 10 (R/ : 10 b)	1576

Ps 23, 7. 8. 9. 10 (R/ : cf. 8 a)	670
Ps 24, 2-4 a. 4 b-5 ab. 6-7 bc. 8-9 (R/ : 1 b)	836
Ps 24, 4 b c-5 ab. 6-7 bc. 8-9 (R/ : 6 a)	294
Ps 24, 4 bc-5 ab, 8-9. 10 é 14 (R/ : 1 b)	76
Ps 24, 4 bc-5 ab. 6 é 7 bc. 20-21 (R/ : 1 b oubyin 3 a)	2599
Ps 24, 4 bc-5 ab. 6 é 7 bc. 20-21 (R/ : 1 b)	2591
Ps 24, 4 bc-5 ab. 6 é 7 bc. 8-9. 10 é 14 (R/ : 6 a)	2531
Ps 24, 4 bc-5 ab. 6 é 7 bc. 8-9. 10 é 14. 15-16 (R/ : 1 b)	2067
Ps 24, 4 bc-5 ab. 6-7 bc. 8-9 (R/ : 4 a)	660
Ps 24, 4 bc-5 ab. 6-7 bc. 8-9 (R/ : 4 b)	116
Ps 24, 4 bc-5 ab. 6-7 bc. 8-9 (R/ : cf. 10)	240
Ps 24, 4 bc-5 ab. 8-9. 10 é 14 (R/ : 1 b)	1549
Ps 24, 4 bc-5 ab. 8-9. 10 é 14 (R/ : 4 a)	842
Ps 24, 4 bc-5 ab. 8-9. 10 é 14 (R/ : Lk 21, 28)	148
Ps 24, 4 bc-5. 6-7. 8-9 (R/ : 6 a)	1297
Ps 24, 4-5 ab. 6-7 bc. 8-9. 10. 14 (R/ : 6 a)	2189
Ps 24, 6-7 bc. 17-18. 20-21 (R/ : 1 oubyin 3)	2556
Ps 25, 2-3. 9-10. 11-12 (R/ : 3 a)	951
Ps 26, 1. 2. 3. 13-15 (R/ : 1 a)	394
Ps 26, 1. 2. 3. 5 (R/ : cf. 9 d oubyin 1 a)	2303
Ps 26, 1. 2. 3. 5 (R/ : cf. 9 d)	2189, 2230
Ps 26, 1. 3. 5. 8 b-9 abc (R/ : 1 a)	707
Ps 26, 1. 4. 13-14 (R/ : 1 a)	86, 657
Ps 26, 1. 4. 13-14 (R/ : 13)	1203, 1446
Ps 26, 1. 4. 13-14 (R/ : cf. 4 ab)	461
Ps 26, 1. 4. 13-14 (R/ : 1 a)	1444, 1557
Ps 26, 1. 4. 5. 7-8 a. 8 b-9 ab. 9 cd-10 (R/ : 14)	2068
Ps 26, 1. 4. 5. 7-8 a. 8 b-9 ab. 9 cd-10 (R/ : cf. 8)	2210
Ps 26, 1. 4. 5. 8 b-9 ab. 9 cd é 11 (R/ : 8 b)	2147, 2244
Ps 26, 1. 4. 7 é 8 b é 9 a. 13-14 (R/ : 1 a oubyin 13)	2556
Ps 26, 1. 4. 7-8 a (R/ : 13)	552
Ps 26, 1. 4. 8 b-9 abc. 13-14 (R/ : 1 a oubyin Éf 5, 14)	1927, 1947
Ps 26, 1. 4. 8 b-9 abc. 13-14 (R/ : 1 a)	1961
Ps 26, 1. 7-8 a. 8 b-9 abc. 13-14 (R/ : 1 a)	315
Ps 26, 1. 7-8. 9 abc. 13-14 (R/ : 1 a)	261
Ps 26, 7-8 a. 8 ab-9 abc. 13-14 (R/ : 8 b)	873
Ps 27, 2. 7. 8-9 (R/ : 6)	1253
Ps 28, 1 a é 2. 3 ac-4. 3 b é 9 b-10 (R/ : 11 b)	216, 754
Ps 29, 1-2. 3-4 ab. 5-6. (R/ : cf. 6)	1402
Ps 29, 2 é 4. 5-6. 11-12 a é 13 b (R/ : 2 a)	122, 318, 421,

	471, 856, 940
Ps 30, 2 é 6. 12-13. 15-16. 17 é 25 (R/ : Lk 23, 46)	406, 2464, 2450
Ps 30, 20. 21. 22. 23. 24 (R/ : 25)	694
Ps 30, 20. 21. 24 (R/ : 25)	895
Ps 30, 2-3 a. 3 bc-4. 17 é 25 (R/ : 3 b)	821
Ps 30, 2-3 b. 3 c-4. 5-6. 15-16. 20 (R/ : 17 b)	1680
Ps 30, 3 cd.4. 6 é 8 ab. 16 bc-17 (R/ : 6 a)	1580, 1585, 1638
Ps 30, 3 cd-4. 6 ab é 7 b é 8 a. 17 é 21 ab (R/ : 6 a)	477
Ps 30, 3 cd-4. 6 é 8 ab. 16 bc-17 (R/ : 6 a)	1720, 1722, 1789
Ps 30, 5-6. 14. 5-16 (R/ : 17 b)	267
Ps 31, 1-2. 5. 11 (R/ : cf. 7)	746, 1374
Ps 31, 1-2. 5. 11(R/ : l a oubyin 11 a)	1928
Ps 31, 1-2. 5. 6. 7 (R/ : 11 a)	802
Ps 31, 1-2. 5. 6. 7 (R/ : cf. 5 c)	703
Ps 31, 1-2. 5. 6. 7 (R/ : l a)	735
Ps 31, 1-2. 5. 7. 11 (R/ : cf. 5 c)	883
Ps 32, 1 é 12. 18-19. 20 é 22 (R/ : 12 b)	1115
Ps 32, 10-11. 12-13. 14-15 (R/ : 12 b)	763
Ps 32, 12 é 18. 20-21. 22 (R/ : 5 b)	2112
Ps 32, 1-2. 4-5. 10 ab é 11 (R/ : 5 b)	1188
Ps 32, 1-2. 4-5. 11-12. 18-19 (R/ : 5 b)	1398
Ps 32, 1-2. 4-5. 11-12. 18-19. 20-21 (R/ : 5 b)	2531
Ps 32, 1-2. 4-5. 12-13 (R/ : 12 b)	1375
Ps 32, 1-2. 4-5. 18-19 (R/ : 22)	463, 507
Ps 32, 12-13. 14-15. 20-21 (R/ : 12 b)	1207
Ps 32, 12-13. 18-19. 20 é 22 (R/ : 12 b)	915
Ps 32, 12-13. 18-19. 20-21 (R/ : cf. 12 b)	1191
Ps 32, 2-3. 10-11. 18-19 (R/ : 22)	983
Ps 32, 2-3. 11-12. 20-21 (R/ : l a é 3 a)	144
Ps 32, 2-3. 4-5. 11-12. 13-14. 18-19. 20-21 (R/ : 12 b)	2147
Ps 32, 2-3. 4-5. 12 é 22 (R/ : 12 b)	1260
Ps 32, 2-3. 4-5. 6-7. 8-9 (R/ : 6 a)	812
Ps 32, 4-5. 18-19. 20 é 22 (R/ : 12 b oubyin 22)	1903
Ps 32, 4-5. 18-19. 20 é 22 (R/ : 22)	256, 1382
Ps 32, 4-5. 18-19. 20 ; 22 (R/ : 5b)	435
Ps 32, 4-5. 6 é 9. 18-19. 20 é 22 (R/ : 12 b)	588
Ps 33, 17-18. 19-20. 21 é 23 (R/ : 19 a)	327
Ps 33, 2 é 9. 17-18. 19-20 (R/ : 7 a)	460

Ps 33, 2-3. 10-11. 12-13. 14-15 (R/ : 9 a)	1143
Ps 33, 2-3. 16-17. 18-19 (R/ : 2 a)	1468
Ps 33, 2-3. 16-17. 18-19. 20. 21. 22-23 (R/ : 9 a)	1171
Ps 33, 2-3. 17-18. 19 é 23 (R/ : 7 a)	1410
Ps 33, 2-3. 4 é 6. 9 é 12. 14-15 (R/ : 2 a)	1639
Ps 33, 2-3. 4-5. 10-11. 12-13 (R/ : 12)	2128
Ps 33, 2-3. 4-5. 6-7 (R/ : 7 a)	761
Ps 33, 2-3. 4-5. 6-7 (R/ : 9 a)	312
Ps 33, 2-3. 4-5. 6-7 (R/ : cf. 18 b)	900
Ps 33, 2-3. 4-5. 6-7. 10-11 (R/ : 9 a)	2093
Ps 33, 2-3. 4-5. 6-7. 10-11. 12-13. 17 é 19 (R/ : 19 a ; oubyin 9 a)	2068
Ps 33, 2-3. 4-5. 6-7. 8-9 (R/ : 2 a oubyin 9 a)	2112, 1557
Ps 33, 2-3. 4-5. 6-7. 8-9 (R/ : 5 b)	1595, 1596, 1632, 1698, 1728, 1790, 1616, 1790, 1568, 1568
Ps 33, 2-3. 4-5. 6-7. 8-9 (R/ : 7 a)	458
Ps 33, 2-3. 4-5. 6-7. 8-9 (R/ : 9 a)	859
Ps 33, 2-3. 4-5. 6-7. 8-9 oubyin 10-11. 12-13. 14-15. 17 é 19 (R/ : 2 a oubyin 9 a)	2148
Ps 33, 2-3. 4-5. 6-7. 8-9. 10-11 (R/ : 2 a ; oubyin 9 a)	1580, 1865
Ps 33, 2-3. 4-5. 6-7. 8-9. 10-11 (R/ : 2 a)	1587, 1595, 1643, 1647, 1649, 1670, 1709, 2220
Ps 33, 2-3. 4-5. 6-7. 8-9. 10-11 (R/ : 9 a)	1611, 2037, 2488, 1582
Ps 33, 2-3. 4-5. 6-7. 8-9. 14-15. 16-17. 18-19 (R/ : 6 a)	1928
Ps 33, 2-3. 4-5. 6-7. 8-9. 17-18. 19 é 23 (R/ : 9 a)	2532
Ps 33, 2-3. 6-7. 17-18. 19 é 23 (R/ : 7 a)	118
Ps 33, 2-3. 6-7. 8-9. 14-15. 16-17 (R/ : 6 a oubyin 9 a)	1948
Ps 33, 4-5. 6-7. 16-17. 18-19 (R/ : 18 b)	247
Ps 33, 7-8. 10-11. 12-13 (R/ : 7 a)	954
Ps 33, 8-9. 10-11. 12-13 (R/ : 9 a)	904
Ps 33, 2-3. 4-5. 6-7. 8-9 (R/ : 9 a)	1113
Ps 35, 6-7 ab. 8-9. 10-11 (R/ : 10 a)	1045
Ps 36, 3-4. 18 é 23. 27 é 29 (R/ : 39 a)	1470
Ps 36, 3-4. 18-19. 27-28. 39-40 (R/ : 39 a)	989
Ps 36, 3-4. 18-19. 27-28. 39-40 (R/ : cf. 5)	780
Ps 36, 3-4. 5-6. 23-24. 39-40 (R/ : 39 a)	678, 1213

Ps 36, 3-4. 5-6. 30-31 (R/ : 30a)	1569, 1594, 1603, 1617, 1628, 1708, 1721, 1832, 1832
Ps 36, 5-6. 30-31. 39-40 (R/ : 30 a)	730
Ps 39, 2 é 4 ab. 7-8 a. 10. 11 (R/ : cf. 8 a é 9 a)	669
Ps 39, 2 é 4 ab. 7-8 a. 8 b-9. 10 (R/ : 8 a é 9 a)	630, 632, 1621, 1677, 1696, 1721, 1809 2488, 2518, 2506
Ps 39, 2 é 4 ab. 7-8 a. 8 b-9. 10. 12 (R/ : 8 a é 9 a)	2149, 2245
Ps 39, 2 é 4ab. 7-8a. 8b-9. 10 (R/ : 8a é 9a)	619, 1640
Ps 39, 2. 3. 4. 18 (R/ : 14 b)	1146
Ps 39, 5. 7-8 a. 8 b-9. 10 (R/ : cf. 8 a é 9 a)	1159
Ps 39, 6 ab. 9 bc. 10. 11 ab (R/ : 8 a é 9 a)	2506
Ps 39, 7-8 a. 8 b-9. 10 (R/ : 8 a é 9 a)	1609
Ps 39, 7-8 a. 8 b-9. 10. 17 (R/ : 1 Kor 11, 26 b)	1254
Ps 39, 7-8 a. 8 b-9. 10. 17 (R/ : cf. 8 a é 9 a)	647, 1391
Ps 39, 7-8 a. 8 b-9. 10.11 (R/ : 8 a é 9 a)	1591
Ps 40, 2-3. 4-5. 13-14 (R/ : 5 b)	771
Ps 41, 2. 3 ; Ps 42, 3. 4 (R/ : Ps 41, 3 a)	292, 1962
Ps 41, 2. 3. 5 bcd (R/ : 3 a)	1429
Ps 41, 2. 3. 5 bcd ; 42, 3. 4. (R/ : 41, 3 a)	2592
Ps 41, 2. 3. 5 bcd ; Ps 42, 3. 4. 5 (R/ : Ps 41, 3 a)	2557
Ps 41, 2. 3. 5 bcd ; Ps 42, 3. 4. 5 (R/ : Ps 41, 3)	2094
Ps 41, 2-3 ; 42, 3. 4 (R/ : cf. 41, 3 a)	1929
Ps 41, 2-3 ; Ps 42, 3. 4 (R/ : cf. Ps 41, 3 a)	495
Ps 41, 3. 5 bcd ; Ps 42, 3. 4 (R/ : Ps 41, 2)	425, 2069
Ps 42, 1. 2. 3. 4 (R/ : cf. 5 bc)	1291
Ps 43, 10-11. 14-15. 24-25 (R/ : 26 d)	622
Ps 44, 10 bc. 11-12 a. 16 (R/ : 10 b)	1664
Ps 44, 11-12. 14-15. 16-17	1712
Ps 44, 11-12. 14-15. 16-17 (R/ : 11 a ; oubyin cf. Mt 25, 6)	2231, 1846
Ps 44, 11-12. 14-15. 16-17 (R/ : cf. Mt 25, 6)	2150
Ps 44, 11-12. 14-15. 16-17 (R/ : 11 a)	1232,1745, 1770
Ps 45, 2-3. 4-5. 8-9 (R/ : 5)	1707, 1754, 1754
Ps 45, 2-3. 5-6. 8-9 (R/ : 8)	320
Ps 46, 2-3, 6-7. 8-9 (R/ : 6)	654, 654, 540

Ps 46, 2-3. 4-5. 6-7 (R/ : 8 a)	548
Ps 46, 2-3. 8-9. 10 (R/ : 8 a)	550
Ps 47, 2-3 a. 3 b-4. 10-11 (R/ : cf. 9 d)	920
Ps 47, 2-3 a. 3 b-4. 5-6. 7-8 (R/ : 9 d)	1010
Ps 47, 2-3 a. 3 b-4. 9. 10-11 (R/ : cf. 10)	704, 1555
Ps 48, 14-15 ab. 15 cd-16. 17-18. 19-20 (R/ : Mt 5, 3)	787
Ps 48, 2-3. 6-7. 8-10. 11 (R/ : Mt 5, 3)	784
Ps 48, 2-3. 6-7. 8-10. 11. 17-18 (R/ : Mt 5, 3 oubyin Mt 6, 33 a)	2361
Ps 48, 6-7. 8-10. 17-18. 19-20 (R/ : Mt 5, 3)	1265
Ps 49, 1 é 8. 12-13. 14-15 (R/ : 23 b)	851
Ps 49, 1 é 8. 16 bc-17. 20-21 (R/ : 14 a)	751
Ps 49, 1-2. 5-6. 14-15 (R/ : 23 b)	1049
Ps 49, 16 bc-17. 18-19. 20-21. 22-23 (R/ : 22 a)	949
Ps 49, 5-6. 7-8. 14 é 23 (R/ : 23b)	805
Ps 49, 5-6. 8-9. 16 bc-17. 21 é 23 (R/ : 23 b)	1035
Ps 49, 7. 8-9. 10-11. 12-13. 16 bc-17 (R/ : 23 b)	955
Ps 49, 8-9. 16 b c-17. 21 é 23 (R/ : 23 b)	265, 638, 1007
Ps 50, 12-13. 14-15. 16-17 (R/ : 12 a)	683, 1102, 1139
Ps 50, 12-13. 14-15. 18-19 (R/ : Éz 36, 25)	1160
Ps 50, 3-4. 12-13. 14-15 (R/ : 12 a)	336, 2346
Ps 50, 3-4. 12-13. 17 é 19 (R/ : Lk 15, 18)	1248
Ps 50, 3-4. 12-13. 18-19. (R/ : 19 b)	249
Ps 50, 3-4. 18-19. 20-21 ab (R/ : Oz 6, 6)	302
Ps 50, 3-4. 5-6 a. 11 é 16 (R/ : cf. 3 a)	892
Ps 50, 3-4. 5-6 a. 12-13. 14 é 17 (R/ : cf. 3 a)	236, 1551, 2431
Ps 50, 3-4. 5-6 a. 18-19 (R/ : 19 b)	229
Ps 50, 3-4. 5-6 a. 6 bc-7. 10-11 (R/ : cf. 3 a)	680, 1093
Ps 50, 3-4. 8-9. 12-13. 14 é 17 (R/ : 12 a oubyin Éz 36, 26)	1930
Ps 50, 3-4. 8-9. 12-13. 14 é 17 (R/ : 17 b)	990
Ps 51, 10. 11 (R/ : cf. 10 b)	1206
Ps 53, 3-4. 5. 6 é 8 (R/ : 6 b)	1274
Ps 53, 3-4. 6 é 8 (R/ : 6 a)	1215
Ps 54, 5-6. 13. 14-15. 17-18. 23 (R/ : 23 a)	2464
Ps 54, 7-8. 9-10 a. 10 b-11 a. 23 (R/ : 23 a)	781
Ps 55, 10. 11-12. 13-14 (R/ : cf. 14 c)	1269
Ps 55, 2-3. 9-10 ab. 10 c-11. 12-13 (R/ : 5 bc)	648
Ps 56, 2. 3-4. 6 é 11 (R/ : 2 a)	652
Ps 56, 8-9. 10-12 (R/ : 10 a)	522
Ps 58, 2-3. 4-5 a. 10-11. 17. 18 (R/ : 17 d)	1070
Ps 59, 3. 4-5. 12-13 (R/ : 7 b)	917

Ps 60, 2-3 a. 3 bc-4. 5-6. 9 (R/ : 4 a)	1962
Ps 61, 2-3. 6-7. 8-9 ab (R/ : 2 a)	795
Ps 61, 2-3. 6-7. 9 (R/ : 13 b)	1368
Ps 61, 6-7. 9 (R/ : 8 a)	1225
Ps 62, 2 abcd. 2 e-4. 5-6. 8-9 (R/ : 2 b)	913
Ps 62, 2. 3-4. 5-6 (R/ : cf. 2 b)	819
Ps 62, 2. 3-4. 5-6. 7-8 (R/ : 2 b)	1193, 1642, 1456, 1558, 1930, 1962, 2150, 2558
Ps 62, 2-3. 4-6. 7-9 (R/ : 2 b)	2070
Ps 64, 10 abcd. 10 e-11. 12-13 (R/ : 2 a)	870
Ps 64, 10 abcd. 10 e-11. 12-13. 14 (R/ : Lk 8, 8)	996
Ps 64, 10. 11-12. 13-14 (R/ : 6)	2371
Ps 64, 2-3 a. 3 b-4. 5. 6 (R/ : 2 a)	1963
Ps 65, 1-3 a. 5-6. 8-9. 16-17 (R/ : 1)	1931
Ps 65, 8-9. 16-17. 20 (R/ : 1)	480
Ps 65, 1-3 a. 4-5. 6-7 a (R/ : 1)	478
Ps 65, 1-3 a. 4-5. 6-7 a. 16 é 20 (R/ : 1)	526, 972, 1555
Ps 65, 1-3 a. 5 é 8. 16-17 (R/ : cf. 20 a é 9 a)	1126
Ps 66, 2-3. 5. 6 é 8 (R/ : 2 a)	180
Ps 66, 2-3. 5. 6 é 8 (R/ : 4)	499, 531, 1141
Ps 66, 2-3. 5. 7-8 (R/ : 4 oubyin 3)	2290
Ps 66, 2-3. 5. 7-8 (R/ : 4)	2190, 1078
Ps 66, 2-3. 5. 7-8 (R/ : 7 oubyin 4)	2377
Ps 67, 10-11. 20-21 (R/ : 33 a)	561
Ps 67, 2 é 4. 6-7 ab. 20-21 (R/ : 21 a)	1413
Ps 67, 2-3. 4-5 ac. 6-7 ab (R/ : 33 a)	559
Ps 67, 29-30. 33-34 a. 35 b-36 c (R/ : 33 a)	563
Ps 67, 4-5 ac. 6-7 ab. 10-11 (R/ : cf. 11 b)	1198
Ps 68, 14 é 17. 30-31. 33-34. 36 ab é 37 (R/ : cf. 33)	1003
Ps 68, 15-16. 30-31. 33-34 (R/ : cf. 14)	1079
Ps 68, 3. 14. 30-31. 33-34 (R/ : cf. 33)	1009
Ps 68, 30-31. 33-34. 36-37 (R/ : 14 c)	1437
Ps 68, 33-35. 36-37 (R/ : 34 a)	1322
Ps 68, 5. 8-10. 14 (R/ : 14 c)	1076
Ps 68, 8-10. 14 é 17. 33-35 (R/ : 14 c)	908
Ps 68, 8-10. 15-16. 17-19. 20-21. 22 é 27. 31 é 33-34 (R/ : 14 c oubyin cf. 21 cd)	2465
Ps 68, 8-10. 21 bcd-22. 31 é 33-34 (R/ : 14 c é b)	398

Ps 70, 1-2. 3-4 a. 5-6 a. 15 ab é 17 (R/ : 6 b)	1622
Ps 70, 1-2. 3-4 a. 5-6 ab. 15 ab é 17 (R/ : cf. 15 ab)	690
Ps 70, 1-2. 3-4 a. 5-6 ab. 15 ab é 17 (R/ : cf. 15)	1041
Ps 70, 1-2. 3-4 a. 5-6 ab. 15 ab-17 (R/ : 15 a)	1672
Ps 70, 1-2. 3-4 a. 5-6 ab. 15 é 17 (R/ : cf. 15)	396
Ps 70, 3-4 a. 5-6 ab. 16-17 (R/ : cf. 8 a)	139
Ps 70, 8-9. 14-15 ab. 16-17. 22 (R/ : cf. 15 a)	849
Ps 71, 2. 10-11. 12-13 (R/ : cf. 11)	207
Ps 71, 2. 12-13. 18-19 (R/ : cf. 7)	137
Ps 71, 2. 14-15 bc. 17 (R/ : cf. 11)	209
Ps 71, 2. 3-4 ab. 7-8 (R/ : cf. 11)	205
Ps 71, 2. 3-4 ab. 7-8. 12-13. 17 (R/ : 7)	2339, 2355
Ps 71, 2. 3-4 ab. 7-8. 17 (R/ : cf. 7)	135
Ps 71, 2. 7-8. 10-11. 12-13 (R/ : 11)	1550
Ps 71, 2. 7-8. 10-11. 12-13 (R/ : cf. 11)	195
Ps 71, 2. 7-8. 12-13. 17 (R/ : 7)	90
Ps 71, 2. 7-8. 12-13. 17 (R/ : cf. 7)	80
Ps 71, 12. 13. 14	1742
Ps 73, 1-2. 3-5 a. 5 b-7. 20-21 (R/ : 19 b)	935
Ps 76, 12-13, 14-15. 16 é 21 (R/ : 12 a)	1104
Ps 77, 1-2. 34-35. 36-37. 38 (R/ : cf. 7 b)	1678
Ps 77, 18-19. 23-24. 25-26. 27-28 (R/ : 24 b)	1040
Ps 77, 3 4 bc. 6 c-7. 8 (R/ : cf. 7 c)	624
Ps 77, 3 é 4 a é 7 ab. 23-24. 25 é 54 (R/ : 24 b)	2489
Ps 77, 3 é 4 bc. 23-24. 25 é 54 (R/ : 24 b)	1084, 2038
Ps 77, 56-57. 58-59. 61-62 (R/ : cf. 7 c)	1130
Ps 78, 1-2. 3-5. 8. 9 (R/ : 9 b)	928, 1318
Ps 78, 8. 9. 11 é 13 (R/ : Ps 102, 10 a)	264
Ps 78, 8. 9. 11. 13 (R/ : 9 bc)	1067
Ps 78, 8. 9. 11. 13 (R/ : Sir 36, 1 b)	808
Ps 79, 2 ac é 3 b. 15-16 (R/ : 4 b)	987
Ps 79, 2 ac é 3 b. 15-16. 18-19 (R/ : 4)	74, 107, 133
Ps 79, 2 ac é 3 b. 5-7 (R/ : 4 b)	2411
Ps 79, 2-3. 5-7 (R/ : 4 b)	655, 2321
Ps 79, 9 é 12. 13-14. 15-16. 19-20 (R/ : Iz 5, 7 a)	1325
Ps 80, 10-11 ab. 12-13. 14-15 (R/ : cf. 11 a é 9 a)	736
Ps 80, 12-13. 14-15. 16-17 (R/ : 2 a)	1089
Ps 80, 3-4, 5-6 ab. 6 c-8 a. 10-11 b (R/ : 2 a)	823
Ps 80, 3-4. 5-6 ab. 10-11 ab (R/ : 2 a)	1075
Ps 80, 6 c-8 a. 8 bc-9. 10-11 ab. 14 é 17 (R/ : cf. 11 é 9 a)	300

Ps 81, 3-4. 6-7 (R/ : 8 a)	1471
Ps 83, 2-3. 5-6. 9-10 (R/ : cf. 5 a)	172
Ps 83, 3. 4. 5 é 10. 11 (R/ : 2 oubyin R/ : Ap 21, 3 b)	2168, 1754
Ps 83, 3. 4. 5 é 10. 11 (R/ : 2)	727
Ps 83, 3. 4. 5 é 8 a. 11. 12 (R/ : 2)	2151
Ps 83, 3. 4. 5. 6 a é 8 a. 11 (R/ : 5)	2211
Ps 83, 3. 4. 5-6 a é 8 a (R/ : Ap 21, 3 b)	1538
Ps 83, 3. 4. 5-6 a é 8 a. 11 (R/ : 2)	1051, 1072
Ps 83, 3. 4. 5-6. 12 (R/ : 2)	1239
Ps 83, 3-4. 5 é 11 (R/ : 5 a)	2001
Ps 83, 3-4. 5 é 8 a. 11 (R/ : 5 a)	2245
Ps 84, 2-3. 5-6. 7-8 (R/ : 8 a)	1038
Ps 84, 2-4. 5-6. 7-8 (R/ : 8)	2259, 2411
Ps 84, 7-8. 9. 11-12 (R/ : 9 c)	2440
Ps 84, 8 é 10. 11-12. 13-14 (R/ : 11 a)	650
Ps 84, 9 ab-10. 11-12. 13-14 (cf. 9)	1392, 2322
Ps 84, 9 ab-10. 11-12. 13-14 (R/ : 8 a)	1549
Ps 84, 9 ab-10. 11-12. 13-14 (R/ : 8)	93, 1000, 1110
Ps 84, 9 ab-10. 11-12. 13-14 (R/ : cf. 10 b)	869, 1167
Ps 84, 9 ab-10. 11-12. 13-14 (R/ : cf. 9 b)	2356
Ps 84, 9 ab-10. 11-12. 13-14 (R/ : cf. 9)	2339
Ps 84, 9 ab-10. 11-12. 13-14 (R/ : Iz 35, 4 d)	98
Ps 84, 9 ab-10. 11-12. 13-14 (R/ : Iz 45, 8)	120
Ps 84, 9. 11-12. 13-14 (R/ : 9 b)	1152
Ps 84, 9. 11-12. 13-14 (R/ : 9)	967
Ps 85, 1-2. 3-4. 5-6 (R/ : 1 a)	699
Ps 85, 1-2. 3-4. 5-6 (R/ : 11 a)	232
Ps 85, 1-2. 3-4. 5-6. 11. 12-13. 15-16 ab (R/ : 1 a oubyin 15 a é 16 a)	2071
Ps 85, 1-2. 3-4. 5-6. 14. 17 (R/ : 6 b)	2445
Ps 85, 3-4. 5-6. 9-10 (R/ : 15 b)	1341
Ps 85, 5-6. 9-10. 15-16 a (R/ : 5 a)	1025
Ps 86, 1-3. 4-5. 6-7 (R/ : Ps 116, 1 a)	497
Ps 86, 1-3. 4-5. 6-7 (R/ : Zak 8, 23)	1309
Ps 87, 10 bc-11. 12-13. 14-15 (R/ : 3 a)	1313
Ps 87, 2-3. 4-5. 6. 7-8 (R/ : 3 a)	1310
Ps 88, 16-17. 18-19 (R/ : cf. 2 a)	625
Ps 88, 20. 21-22. 25-26 (R/ : 25 a)	667
Ps 88, 20. 21-22. 27-28 (R/ : 21 a)	642
Ps 88, 21-22. 25 é 27 (R/ : cf. 2 a)	400, 2001
Ps 88, 2-3. 16-17. 18-19 (R/ : 2 a)	938

Ps 88, 2-3. 21-22. 25 é 27 (R/ : cf. 2 a)	501
Ps 88, 2-3. 4-5. 21-22 é 27 (R/ : cf. 2 a)	1620
Ps 88, 2-3. 4-5. 21-22. 25 é 27 (R/ : 2 a)	1712
Ps 88, 2-3. 4-5. 21-22. 25 é 27 (R/ : cf. 2 a)	1627, 1650, 1667, 1707, 1708, 1716, 1810
Ps 88, 2-3. 4-5. 27 é 29 (R/ : 37)	1588
Ps 88, 2-3. 4-5. 27 é 29 (R/ : cf. 2 a)	131, 150
Ps 88, 2-3. 6-7. 16-17 (R/ : cf. 2 a)	1597
Ps 88, 3-4. 16-17. 21-22. 25 é 27 (R/ : 2 a)	1932
Ps 88, 4-5. 16-17. 27 é 29 (R/ : cf. 2 a)	153
Ps 88, 4-5. 21-22. 25 é 27 (R/ : cf. 2 a)	2199
Ps 88, 4-5. 27-28. 29-30 (R/ : 29 a)	673
Ps 88, 4-5. 29-30. 31-32. 33-34 (R/ : 29 a)	905
Ps 89, 12-13. 14-15. 16-17 (R/ : 14)	1356
Ps 89, 2. 3-4. 10. 14 é 16 (R/ : 1)	833
Ps 89, 2. 3-4. 12-13. 14 é 16 (R/ : 17 c)	1602, 2366
Ps 89, 2. 3-4. 5-6. 12-13 (R/ : 1)	739
Ps 89, 2. 3-4. 5-6. 12-13. 14 é 16 (R/ : 17 b)	2362
Ps 89, 2. 3-4. 5-6. 9-10 ab. 10 cd é 12. 14 é 16 (R/ : 1)	2072
Ps 89, 3-4. 12-13. 14 é 17 (R/ : 14)	1184
Ps 89, 3-4. 5-6. 12-13. 14 é 17 (R/ : 1)	1222, 1289, 1295
Ps 90, 1-2. 10-11. 12-13. 14-15 (R/ : cf. 15 b)	242, 1552
Ps 90, 1-2. 14-15 ab. 15 c-16 (R/ : cf. 2 b)	830
Ps 90, 1-2. 3-4. 14-15 ab (R/ : cf. 2 b)	976
Ps 90, 1-2. 3-4. 5-6. 10-11 (R/ : 11)	1692
Ps 91, 2-3. 13-14. 15-16 (R/ : cf. 2 a)	799, 880, 2128
Ps 92, 1 ab. 1 c-2. 5 (R/ : 1 a)	1517
Ps 92, 1 ab. 1 c-2. 5 (R/ : 1 a)	777, 456
Ps 93, 12-13 a. 14-15. 17-18 (R/ : 14 a)	1428
Ps 93, 12-13 a. 14-15. 18-19 (R/ : 12 a)	755
Ps 93, 5-6. 7-8. 9-10. 14-15 (R/ : 14 a)	1013
Ps 94, 1-2. 3-5. 6-7	1755, 1755
Ps 94, 1-2. 3-5. 6-7 (R/ : 1 Kor 16, 22 b é Ap 22, 20 c)	1541
Ps 94, 1-2. 3-5. 6-7 (R/ : cf. 2 a)	2169
Ps 94, 1-2. 6-7. 8-9 (R/ : 8 ab)	1101
Ps 94, 1-2. 6-7. 8-9 (R/ : 8)	688, 276, 288, 298
Ps 94, 1-2. 6-7. 8-9 (R/ : 8)	1218, 1331

Ps 94, 1-2. 6-7. 8-9 ab (R/ : 8 ab)	1558
Ps 94, 6-7. 8-9. 10-11 (R/ : 8)	621
Ps 95, 1 é 3. 4-5. 11-12. 13 (R/ : 13 b)	1200
Ps 95, 1 é 3. 4-5. 7-8. 9-10 a é c (R/ : 7 b)	1380
Ps 95, 10. 11-12 a. 12 b-13 (R/ : 13 b)	1180
Ps 95, 10. 11-12. 13 (R/ : 13 ab)	816
Ps 95, 10. 11-12. 13 (R/ : 13 b)	1527
Ps 95, 1-2 a. 2 b-3. 10 (R/ : Mt 28, 19)	2002
Ps 95, 1-2 a. 2 b-3. 5 b-6 (R/ : 11 a)	174
Ps 95, 1-2 a. 2 b-3. 7-8 a. 10 (R/ : 3)	1574, 1579, 1587
Ps 95, 1-2 a. 2 b-3. 7-8 a. 9-10 a (R/ : 3 oubyin Mt 28, 19)	2290
Ps 95, 1-2 a. 2 b-3. 9-10 a. 11-12 (R/ : 3)	1979
Ps 95, 1-2. 11-12. 13 (R/ : 11 a)	178
Ps 95, 1-2. 3 é 10 ac. 11-12. 13 (R/ : Iz 40, 9-10)	101
Ps 95, 1-2a. 2b-3. 7-8a. 10 (R/ : 3)	1590, 1611, 1656, 1674, 1695, 1701, 1713, 1811
Ps 95, 7-8 a. 8 b-9. 10 (R/ : 11 a)	176
Ps 95, 1-2 a. 2 b-3. 10 (R/ : cf. 3)	521
Ps 95, 1-2 a. 2 b-3. 11-12. 13 (R/ : Lk 2, 11)	157
Ps 95, 1-2 a. 2 b-3. 4-5 (R/ : 3)	1177
Ps 95, 1-2 a. 2 b-3. 7-8 a. 10 (R/ : 3)	2221, 1811
Ps 95, 1-2 a. 2 b-3. 7-8 a. 9-10a (R/ : 3 oubyin cf. Mt 28, 19)	2190
Ps 95, 1-2 a. 2 b-3. 7-8. 9-10 a é c (R/ : 3)	635
Ps 96, 1 é 2 b. 5-6. 10. 11-12 (R/ : 12 a)	1187
Ps 96, 1 é 2 b. 6 é 7 c. 9 (R/ : cf. 7 c)	611
Ps 96, 1 é 2 b. 6 é 7 c. 9 (R/ : 1 a é 9 a)	557
Ps 96, 1 é 6. 11-12	159
Ps 96, 1-2. 3-4. 5-6. 7 (R/ : 12 a)	898
Ps 96, 1-2. 5-6. 11-12 (R/ : 12 a)	1350, 1724
Ps 96, 1-2. 5-6. 9 (R/ : 1 a é 9 a)	1652
Ps 97, 1. 2-3 a. 3 c-4. 5-6 (R/ : 2 b)	1618
Ps 97, 1. 2-3 ab. 3 c-4 (R/ : 1 a)	1717
Ps 97, 1. 2-3 ab. 3 c-4 (R/ : 2 a)	806
Ps 97, 1. 2-3 ab. 3 c-4. 5-6 (R/ : 2 b oubyin 3 d)	2291
Ps 97, 1. 2-3 ab. 3 c-4. 5-6 (R/ : 2 b)	1710, 2018, 2191
Ps 97, 1. 2-3 ab. 3 cd-4 (R/ : 2 a)	887, 1362
Ps 97, 1. 2-3 ab. 3 cd-4 (R/ : 3 a)	186

Ps 97, 1. 2-3 ab. 3 cd-4 (R/ : 3 cd)	504
Ps 97, 1. 2-3 ab. 3 cd-4 (R/ : cf. 2 b)	529, 546, 1360, 1449
Ps 97, 1. 2-3 ab. 3 cd-4. 5-6 (R/ : 2 a)	1372
Ps 97, 1. 2-3 ab. 3 cd-4. 5-6 (R/ : 3 c)	161, 1550
Ps 97, 1. 2-3 ab. 3 cd-4. 5-6 (R/ : 1 a)	665
Ps 97, 1. 2-3 ab. 7-8. 9 (R/ : Ap 15, 3 b)	1530
Ps 97, 1. 3 cd-4. 5-6 (R/ : 3 a)	188
Ps 97, 1. 7-8. 9 (R/ : 3 a)	190
Ps 97, 1. 7-8. 9 (R/ : cf. 9)	1190
Ps 97, 2-3 ab. 3 cd-4. 5-6 (R/ : 2 a)	1209
Ps 97, 5-6. 7-9 a. 9 bc (R/ : cf. 9)	1489
Ps 98, 5. 6. 7. 8. 9 (R/ : cf. 9 c)	865
Ps 98, 5. 6. 7. 9 (R/ : cf. 9 c)	1068
Ps 99, 2. 3. 4. 5 (R/ : 2 a)	192
Ps 99, 2. 3. 4. 5 (R/ : 2 c)	813, 1212, 1268, 2152
Ps 99, 2. 3. 4. 5 (R/ : 3 b)	1389
Ps 99, 2. 3. 4. 5 (R/ : 3 c oubyin 2 c)	2275
Ps 99, 2. 3. 4. 5 (R/ : 3 c)	1257, 2259, 2322, 2441
Ps 99, 2. 3. 4. 5 (R/ : Ap 19, 9 a)	1534
Ps 99, 2. 3. 4. 5 (R/ : Jan 15, 14)	2002
Ps 99, 2. 3. 5 (R/ : 3 c)	492, 878, 1559
Ps 99, 2. 3. 5. (R/ : 2 a)	524
Ps 100, 1-2 ab. 2 cd-3 ab. 5. 6 (R/ : 2 b)	1256
Ps 101, 13-14 ab é 15. 16-18. 19-21 (R/ : 20 b)	1017
Ps 101, 16-18. 19-21. 29 é 22-23 (R/ : 17)	1094, 1305
Ps 101, 16-18. 19-21. 29 é 22-23 (R/ : 20 b)	760
Ps 101, 2-3. 16-18. 19-21 (R/ : 2)	351
Ps 101, 2-3. 24-25. 19-21 (R/ : 2)	2403
Ps 101, 2-3. 24-25. 26-28. 19-21 (R/ : 2)	2073
Ps 102, 1-2. 11-12. 19-20 ab (R/ : 19 a)	555, 567
Ps 102, 1-2. 13-14. 17-18 a (R/ : cf. 17)	701
Ps 102, 1-2. 3-4. 11-12. 13-14. 15-16. 17-18 (R/ : 1 a oubyin 8)	2074
Ps 102, 1-2. 3-4. 6-7 (R/ : 8 a)	1012
Ps 102, 1-2. 3-4. 6-7. 8 é 10 (R/ : 17)	603, 2533
Ps 102, 1-2. 3-4. 6-7. 8-10. 19-20 (R/ : 17-18)	1731
Ps 102, 1-2. 3-4. 6-7. 8 é 11 (R/ : 8 a)	285
Ps 102, 1-2. 3-4. 8 é 10 (R/ : 1 a)	102

Ps 102, 1-2. 3-4. 8 é 10. 12-13 (R/ : 8 a)	769, 774, 797, 1559
Ps 102, 1-2. 3-4. 8-9. 11-12 (R/ : 10 a oubyin 8 a)	2260
Ps 102, 1-2. 3-4. 8-9. 11-12 (R/ : 10 oubyin 8 a)	2431
Ps 102, 1-2. 3-4. 8-9. 11-12 (R/ : 8 a)	790, 875, 948, 2446
Ps 102, 1-2. 3-4. 8-9. 13-14. 17-18 a (R/ : 1 a)	1566, 1575, 1600, 1606, 1866
Ps 102, 1-2. 3-4. 9-10. 11-12 (R/ : 8 a)	274
Ps 102, 1-2. 3-4. 9-10. 11-12 (R/ : 8)	1243
Ps 102, 1-2. 8 é 10. 11-12. 13 é 18 (R/ : 13)	1910
Ps 102, 1-2. 8 é 13. 17-18 a (R/ : 8 a oubyin 17)	2113
Ps 102, 13-14. 15-16. 17-18 a (R/ : cf. 7)	792
Ps 102, 6-7. 8-9. 10-11. 12-13 (R/ : 8 a)	1065
Ps 102, 8 é 10. 13-14. 15-16. 17-18 (R/ : 8a oubyin Ps 36, 39 a)	2558
Ps 103, 1 ab é 24 ac. 29 bc-30. 31 é 34 (R/ : cf. 30)	576, 1556
Ps 103, 1 ab é 24. 27-28. 30-31. 33-34 (R/ : 30)	1979
Ps 103, 1-2 a. 14-15. 24. 27-28 (R/ : 24 c)	2372
Ps 103, 1-2 a. 24 é 35 c. 27-28. 29 bc-30 (R/ : cf. 30)	574
Ps 103, 1-2 a. 27-28. 29 bc-30 (R/ : 1 a)	729
Ps 103, 1-2 a. 5-6. 10 é 12. 13-14. 24 é 35 c (R/ : cf. 30)	415
Ps 103, 1-2 a. 5-6. 10 é 12. 24 é 35 c (R/ : 31 b)	722
Ps 103, 1 b-2. 3-4. 24-25. 27-28. 29-30 (R/ : cf. 1)	221
Ps 104, 1 b-2. 3-4. 5-6. 8-9 (R/ : 7 a. 8 a)	170
Ps 104, 1 é 5. 8-9. 24-25. 26-27 (R/ : 8 a)	1015
Ps 104, 1-2. 3-4. 6-7 (R/ : cf. Ps 68, 33)	993
Ps 104, 1-2. 3-4. 6-7. 8-9 (R/ : 3 b)	437
Ps 104, 1-2. 3-4. 6-7. 8-9 (R/ : 8 a)	618, 922
Ps 104, 16-17. 18-19. 20-21 (R/ : 5 a)	272, 986
Ps 104, 2-3. 36-37. 42-43 (R/ : 5 a)	1481
Ps 104, 2-3. 4-5. 6-7 (R/ : 3 b)	1447
Ps 104, 2-3. 4-5. 6-7 (R/ : 4 b)	984
Ps 104, 2-3. 4-5. 6-7 (R/ : 8 a)	1351
Ps 104, 4-5. 6-7. 8-9 (R/ : 8 a)	356
Ps 104, 6-7. 8-9. 42-43 (R/ : 8 a)	1377
Ps 105, 1-2. 3-4 a. 4 b-5 (R/ : 1 a)	926, 962
Ps 105, 19-20. 21-22. 23 (R/ : 4 a)	325, 1811
Ps 105, 19-20. 21-22. 23 (R/ : 1 a)	1062
Ps 105, 3-4. 35-36. 37 é 40 (R/ : 4 a)	733
Ps 105, 34-35. 36-37. 39-40. 43 ab é 44 (R/ : 4 a)	1148

Ps 105, 6-7 a. 13-14. 21-22. 23 (R/ : 4 a)	1098
Ps 105, 6-7 a. 19-20. 21-22 (R/ : 4 a)	740
Ps 106, 2-3. 4-5. 6-7. 8-9 (R/ : 1)	1164, 2323, 2385
Ps 106, 23-24. 25-26. 28-29. 30-31 (R/ : 1 b)	911, 915
Ps 106, 33-34. 35-36. 41-42 (R/ : 1)	2393
Ps 106, 35-36. 37-38. 41-42 (R/ : 1 b)	2372
Ps 108, 21-22. 26-27. 30-31 (R/ : 26 b)	1422
Ps 109, 1. 2. 3. 4 (Sacerdos in aeternum... oubyin 4 b)	2003
Ps 109, 1. 2. 3. 4 (R/ : 4 b)	2038, 2191
Ps 109, 1. 2. 3. 4 (R/ : 4 bc)	600, 637, 644, 671, 1566, 1600, 1610, 1720, 1737, 1812, 2211, 2489
Ps 110, 1-2. 3-4. 5-6 (R/ : 2 a)	1259, 1426
Ps 110, 1-2. 3-4. 5-6 (R/ : 5 b)	1348
Ps 110, 1-2. 3-4. 7-8 (R/ : 7 a)	897
Ps 110, 1-2. 4-5. 9 é 10 c (R/ : 5 b)	640, 803
Ps 110, 1-2. 7-8. 9 é 10 c (R/ : 5 b)	1335
Ps 110, 7-8. 9. 10 (R/ : 2 a)	1262
Ps 111, 1-2. 3-4. 5-6 (R/ : cf. 1 b)	764
Ps 111, 1-2. 3-4. 5-6 (R/ : 1 a)	829, 1482
Ps 111, 1-2. 3-4. 5-6. 7-8. 9 (R/ : 1 a)	2231
Ps 111, 1-2. 3-4. 5-7 a. 7 b-8. 9 (R/ : 1 a)	1586, 1637, 1640, 1656, 1666, 1670, 1687, 1709, 1721, 1866
Ps 111, 1-2. 3-4. 5-7 a. 7 bc-8. 9 (R/ : cf. 1 a. 9 a)	2324, 2385
Ps 111, 1-2. 3-4. 5-7 a. 7 bc-8. 9 (R/ : cf. 1)	2113
Ps 111, 1-2. 3-4. 9 (R/ : 1 a)	893
Ps 111, 1-2. 4-5. 9 (R/ : 5 a)	1443
Ps 111, 1-2. 5-6. 7-8. 9 (R/ : 5 a)	1657
Ps 111, 1-2. 5-6. 8 a é 9 (R/ : 1 a)	1454
Ps 111, 1-2. 7 bc-8. 9 (R/ : cf. 7 c)	832
Ps 111, 4-5. 6-7. 8 a é 9 (R/ : 4 a)	714
Ps 112, 1-2. 3-4. 5 a é 6-7 (R/ : cf. 2)	1240, 1363
Ps 112, 1-2. 3-4. 5-6 (R/ : 2)	2511
Ps 112, 1-2. 3-4. 5-6 (R/ : 4 b)	1127
Ps 112, 1-2. 3-4. 5-6. 7-8 (R/ : 2)	1667, 1771, 2418

Ps 112, 1-2. 3-4. 5-6. 7-8 (R/ : 8)	1607
Ps 112, 1-2. 4-6. 7-8 (R/ : 2)	2261
Ps 112, 1-2. 4-6. 7-8 (R/ : cf. 1 a é 7 b)	1276
Ps 113 A, 1-2. 3-4. 5-6	1129
Ps 113 B, 1-2. 3-4. 15-16 (R/ : 1)	515
Ps 113 B, 3-4. 5-6. 7 ab-8. 9-10 (R/ : 9 a)	980
Ps 114, 1-2. 3-4. 5-6. 8-9 (R/ : 9)	958, 1246
Ps 114, 5 é 6 ; Ps 115, 10-11. 15-16 ac (R/ : Ps 114, 9)	2559
Ps 115, 10 é 15. 16-17. 18-19 (R/ : Ps 114, 9)	259
Ps 115, 10-11. 15-16. 17-18 (R/ : 17 a)	872
Ps 115, 10-13. 16-17	1659
Ps 115, 12-13. 14 é 17. 18-19 (R/ : 17 a)	612
Ps 115, 12-13. 14-15. 16-17 (R/ : 12)	485
Ps 115, 12-13. 14-15. 18-19 (R/ : 17 a)	757
Ps 115, 12-13. 15 é 16 bc. 17-18	598
Ps 115, 12-13. 15 é 16 bc. 17-18 (R/ : 13)	2039
Ps 115, 12-13. 15 é 16 bc. 17-18 (R/ : Ps 114, 9 oubyin Ps 115, 13)	2095
Ps 115, 12-13. 15-16 b c. 17-18 (R/ : cf. 1 Kor 10, 16)	2490, 2519
Ps 115, 12-13. 15-16 bc. 17-18 (R/ : 13)	1019
Ps 115, 12-13. 15-16 bc. 17-18 (R/ : cf. 1 Kor 10, 16)	403
Ps 115, 12-13. 17-18 (R/ : 1 Kor 10, 16)	2003
Ps 115, 12-13. 17-18 (R/ : 17 a)	1241
Ps 116, 1. 2 (R/ : Mk 16, 15)	826, 483, 2192, 1174, 1342, 1572, 1582, 1617, 1636, 1651, 1701, 1812, 2003, 2291
Ps 116, 1. 2 (R/ : Tr 11, 8)	1980
Ps 116, 1. 2	1812
Ps 117, [5-7. 10-12. 13-15.] 16 ab-18. 19-21. 22-24 (R/ : 1)	2466
Ps 117, 1 é 8-9. 19-21. 25-27 a (R/ : 26 a)	84
Ps 117, 1 é 8-9. 21-23. 26 é 28 cd é 29 (R/ : 22)	490
Ps 117, 1. 14-15. 16 ab-18. 19-21 (R/ : 21 a)	444
Ps 117, 1-2 é 4. 22-24. 25-27 a (R/ : 22)	442
Ps 117, 1-2. 16 ab-17. 22-23	427
Ps 117, 1-2. 16 ab-17. 22-23 (R/ : 24)	430, 1554
Ps 117, 1-2. 16 ab-17. 28 (R/ : 1)	1263
Ps 117, 15-16. 19-20. 22-23. 27 (R/ : 1)	2169
Ps 117, 22-23. 25-26. 28 (R/ : 22)	2275

Ps 117, 2-4. 13-15. 22-24 (R/ : 1)	446
Ps 117, 2-4. 16 ab-18. 22-24 (R/ : 1)	449
Ps 117, 2-4. 22-24. 25-27 a (R/ : 1)	452
Ps 118, 1. 2. 10. 17. 18 (R/ : 1 b)	1474, 1479
Ps 118, 1. 27. 30. 34. 35. 44 (R/ : 35 a)	1283
Ps 118, 12. 16. 18. 27. 34. 35 (R/ : 35 a)	789
Ps 118, 1-2. 4-5. 17-18. 33-34 (R/ : 1 b)	742
Ps 118, 1-2. 4-5. 7-8 (R/ : cf. 1 b)	254
Ps 118, 129. 130. 131. 132. 133. 135 (R/ : 135 a)	862
Ps 118, 129. 130. 133. 135. 144 (R/ : 105 a)	2170
Ps 118, 14. 24. 72. 103. 111. 131 (R/ : 103 a)	1124, 1508
Ps 118, 157. 160. 161. 165. 166. 168 (R/ : 165 a)	845
Ps 118, 165. 168. 171. 172. 174. 175 (R/ : 165 a)	783
Ps 118, 2. 10. 20. 30. 40. 131 (R/ : Mt 4, 4)	963
Ps 118, 23-24. 26-27. 29-30 (R/ : 1)	475
Ps 118, 29. 43. 79. 80. 95. 102 (R/ : 68 b)	1091
Ps 118, 29. 72. 89. 101. 104. 163 (R/ : 105 a)	1286
Ps 118, 33. 34. 35. 36. 37. 40 (R/ : 33 a)	924
Ps 118, 41. 43. 44. 45. 47. 48 (R/ : 41 a)	1366
Ps 118, 53. 61. 134. 150. 155. 158 (R/ : cf. 88)	1492
Ps 118, 57 é 72. 76-77. 127-128. 129-130 (R/ : 97 a)	1053
Ps 118, 66. 68. 76. 77. 93. 94 (R/ : 68 b)	1400
Ps 118, 66. 71. 75. 91. 125. 130 (R/ : 135 a)	1323
Ps 118, 67. 68. 71. 72. 75. 76 (R/ : 77 a)	752
Ps 118, 9. 10. 11. 12 (R/ : 12 b)	2026
Ps 118, 9. 10. 11. 12. 13. 14 (R/ : 12 b)	1709, 712, 1610, 1640, 1648, 1650, 1667, 1833, 1833, 1575
Ps 118, 9. 10. 11. 14	1671
Ps 118, 9. 10. 12. 13. 14 (R/ : 12 b)	1691
Ps 120, 1-2. 3-4. 5-6. 7-8 (R/ : 2 a)	1964
Ps 120, 1-2. 3-4. 5-6. 7-8 (R/ : cf. 2)	860, 1385, 2394
Ps 121, 1-2. 3-4 a. (4 b-5. 6-7.) 8-9 (R/ : cf. 1)	78
Ps 121, 1-2. 3-4 a. 4 b-5 (R/ : 1)	518, 1404, 1450
Ps 121, 1-2. 3-4 a. 4 b-5 (R/ : cf. 1)	1282
Ps 121, 1-2. 3-4. 8-9 (R/ : cf. 1)	1755, 2170
Ps 121, 1-2. 4-5 (R/ : cf. 1)	1519

Ps 121, 1-2. 4-5. 6-7. 8-9 (R/ : 1 oubyin cf. 1)	2559
Ps 121, 1-2. 4-5. 6-7. 8-9 (R/ : 1 oubyin Iz 66, 10)	2276
Ps 121, 1-2. 4-5. 6-7. 8-9 (R/ : cf. Sir 36, 18)	2324
Ps 121, 1-2. 4-5. 6-7. 8-9 (R/ : Sir 36, 18)	2340
Ps 121, 1-2. 3-4 a. 4 b-5. 6-7. 8-9 (R/ : cf. 1)	1560
Ps 121, 1-2. 4-5. 6-7. 8-9 (R/ : cf. 1)	71
Ps 122, 1. 2 (R/ : 2 cd oubyin 3 a)	2192
Ps 122, 1. 2 (R/ : 3 a oubyin 2 bcd)	2303
Ps 122, 1-2 a. 2 bcd (R/ : 3 a oubyin 2 cd)	2412
Ps 122, 1-2 a. 2 bcd (R/ : 2 cd oubyin 3 a)	2325
Ps 122, 1-2 a. 2 bcd (R/ : 2 cd)	2074
Ps 122, 1-2 a. 2 bcd (R/ : 2)	2232
Ps 122, 1-2 a. 2 bcd (R/ : 1 a)	837
Ps 122, 1-2 a. 2 bcd. 3-4 (R/ : 2 cd)	970
Ps 123, 1-3. 4-6. 7-8 (R/ : 8 a)	1006, 1394
Ps 123, 2-3. 4-5. 7 b-8 (R/ : 7 a)	1586, 1606, 1616, 1616, 1634, 1659, 1726, 1790
Ps 123, 2-3. 4-5. 7 b-8 (R/ : 7 ab)	2304
Ps 125, 1-2 ab. 2 cd-3. 4-5. 6 (R/ : 3)	1932
Ps 125, 1-2 ab. 2 cd-3. 4-5. 6 (R/ : 5)	1580, 1595, 1622, 1644, 1655, 1684, 1687, 1695, 1741, 1791, 1932
Ps 125, 2 b-3. 4-5. 6 (R/ : 3)	2378
Ps 125, 1-2 ab. 2 cd-3. 4-5. 6 (R/ : 3 a)	1279, 1416
Ps 125, 1-2 ab. 2 cd-3. 4-5. 6 (R/ : 3)	96, 339, 1408
Ps 126, 1. 2. (R/ : cf. 1)	2367, 2325
Ps 127, 1-2. 3. 4-5 (R/ : 1 a)	1697, 1867
Ps 127, 1-2. 3. 4-5 (R/ : 4)	930, 1166
Ps 127, 1-2. 3. 4-5 (R/ : cf. 1 oubyin 4)	2114
Ps 127, 1-2. 3. 4-5 (R/ : cf. 1)	165
Ps 127, 1-2. 3. 4-5 (R/ : cf. 1 a)	732, 840, 1417, 1484
Ps 127, 1-2. 3. 4-5 (R/ : 1 a)	1867
Ps 127, 1-2. 3. 4-5. 6 (R/ : cf. 5)	1328
Ps 127, 1-2. 4-5 (R/ : e# 1 a)	1183
Ps 129, 1-2. 3-4 ab. 4 c-6. 7-8 (R/ : 3)	252

Ps 129, 1-2. 3-4 ab. 4 c-6. 7-8 (R/ : 7)	853
Ps 129, 1-2. 3-4 ab. 7-8 (R/ : 3)	1337
Ps 129, 1-2. 3-4 ab. 5-6. 7-8 (R/ : 7)	331
Ps 129, 1-2. 3-4 b. 4 c-6 (R/ : 7)	1371
Ps 129, 1-2. 3-4 b. 4 c-6. 7-8 (R/ : 7 bc)	2347
Ps 129, 1-2. 3-4. 5-6 a. 6 b-7. 8 (R/ : 3)	2432
Ps 129, 1-2. 3-4. 5-6 a. 6 b-7. 8 (R/ : cf. 1 oubyin cf. 5)	2560
Ps 129. 1-2. 3-4 ab. 4 c-6. 7-8 (R/ : 7)	1552
Ps 130, 1. 2. 3	1430, 1438, 1440, 1620, 1659, 1666, 1670, 1692, 1707, 1867
Ps 131, 11. 12. 13-14. 17-18 (R/ : 13)	902
Ps 131, 11. 13-14. 17-18 (R/ : cf. Lk 1, 32 a)	1646
Ps 131, 1-2. 3-4. 11. 12. 13-14 (R/ : Lk 1, 32 b)	676
Ps 131, 6-7. 8-10 (R/ : 8 a)	723
Ps 131, 6-7. 9-10 (R/ : 8)	1662
Ps 134, 1-2. 3-4. 5-6 (R/ : 3 a)	965
Ps 135, 1 é 23-24. 10-12. 13-15	1022
Ps 135, 1 é 3 é 16. 21-23. 24-26 (R/ : 1 b)	1554
Ps 135, 1-3. 16-18. 21-22 é 24	1133
Ps 135, 1-3. 4-6. 7-9. 24-26 (R/ : 1 b)	1553
Ps 136, 1-2. 3. 4-5. 6 (R/ : 6 a)	309, 931, 1312
Ps 137, 1-2 a. 2 bc-3. 4-5 (R/ : 2 bc)	2419
Ps 137, 1-2 a ; 2 b-3. 4-5 (R/ : 1 c)	1689
Ps 137, 1-2 a. 2 bc-3. 4-5. 7 c-8 (R/ : 1 c)	719
Ps 137, 1-2 a. 2 bc-3. 6 é 8 bc (R/ : 8 bc)	1169
Ps 137, 1-2 a. 2 bc-3. 7 c-8 (R/ : 3 a)	250
Ps 137, 1-2 a. 2 bc-3. 7 c-8 (R/ : 7 c)	536
Ps 137, 1-2 a. 2bc-3. 6-7 ab. 7 c-8 (R/ : 3 a)	1059
Ps 138, 1-3. 13-14 ab. 14 c-15 (R/ : 24 b)	1339
Ps 138, 1-3. 13-14 ab. 23-24 (R/ : 24 b)	1235
Ps 138, 1-3. 4-6 (R/ : 1)	1179
Ps 138, 1-3. 4-6. 7-8. 9-10 (R/ : 24 b)	1465
Ps 138, 1-3. 7-8. 9-10. 13-14 ab (R/ : 24 b)	1319
Ps 138, 1-3.-14.15 (R/ : 14 a)	1625
Ps 138, 7-8. 9-10. 11-12 ab (R/ : 1)	1182
Ps 140, 1-2. 3 é 8 (R/ : 2 a)	793
Ps 142, 1-2. 5-6. 7 ab é 8 ab. 10 (R/ : 1 a)	2561

Ps 143, 1 a é 2 abc. 3-4 (R/ : 1 a)	1292
Ps 143, 1. 2. 9-10 (R/ : 1 a)	645, 1423, 1511
Ps 144, 1 é 9. 10-11. 12-13 ab (R/ : 8)	104
Ps 144, 10-11. 12-13 ab. 13 cd-14 (R/ : 13 c)	1420
Ps 144, 10-11. 12-13 ab. 17-18 (R/ : cf. 12 a)	1668
Ps 144, 10-11. 12-13 ab. 17-18 (R/ : cf. 12)	1699
Ps 144, 10-11. 12-13 ab. 21 (R/ : cf. 12 a)	517
Ps 144, 10-11. 15-16. 17-18 (R/ : 18)	2095
Ps 144, 10-11. 15-16. 17-18 (R/ : cf. 16)	1056, 2039, 2490
Ps 144, 1-2. 8-9. 10-11 (R/ : 9 a)	1228
Ps 144, 1-2. 8-9. 10-11. 13 cd-14 (R/ : 1)	968
Ps 144, 1-2. 8-9. 10-11. 13 cd-14 (R/ : cf. 1)	1435, 1560
Ps 144, 17-18. 19-20. 21 (R/ : 18 a)	1216
Ps 144, 2-3. 10-11. 12-13 ab (R/ : 9 a)	1231
Ps 144, 2-3. 4-5. 10-11 (R/ : cf. 1 b)	766, 1452
Ps 144, 2-3. 4-5. 6-7 (R/ : cf. 1 b)	1185
Ps 144, 2-3. 4-5. 6-7. 8-9 (R/ : 8 a)	977
Ps 144, 2-3. 4-5. 6-7. 8-9. 10-11 (R/ : 1 b)	2420
Ps 144, 2-3. 4-5. 8-9. 10-11. 15-16. 21 (R/ : 1 b)	1980
Ps 144, 2-3. 8-9. 17-18 (R/ : 18 a)	1271
Ps 144, 8-9. 10 é 15. 17-18 (R/ : 9 a)	2115
Ps 144, 8-9. 10-11. 12-13 ab (R/ : cf. 1)	512
Ps 144, 8-9. 10-11. 12-13 ab. 13 cd-14 (R/ : 17 a)	1204
Ps 144, 8-9. 13 cd-14. 17-18 (R/ : 8 a)	322
Ps 144, 8-9. 15-16. 17-18 (R/ : cf. 16)	1081
Ps 145, 2 abc. 2 d-4. 5-6 (R/ : 5 a)	1073
Ps 145, 2 abc. 7. 8-9 a. 9 bc-10 (R/ : 1 b)	844
Ps 145, 2. 5-6. 7. 8-9 a (R/ : 2 a)	890
Ps 145, 5-6. 7. 8-9 a. 9 bc-10 (R/ : 2 a)	1162
Ps 145, 7. 8-9 a. 9 bc. 10 (R/ : Mt 5, 3)	685
Ps 145, 7. 8-9 a. 9 bc-10 (R/ : 1 b)	1302
Ps 145, 7. 8-9 a. 9 bc-10 (R/ : 1)	1220, 1459
Ps 145, 7. 8-9 a. 9 bc-10 (R/ : 5 a)	1476
Ps 145, 7. 8-9 a. 9 bc-10 (R/ : cf. Iz 35, 4)	109
Ps 146, 1-2. 3-4. 5-6 (R/ : cf. 3 a)	716
Ps 146, 1-2. 3-4. 5-6 (R/ : Iz 30, 18)	88
Ps 147, 12-13. 14-15. 19-20 (R/ : 12 a)	198, 211, 809, 296, 593, 1119, 1425

Ps 147, 12-13. 14-15. 19-20 (R/ : Jan 1, 14)	182
Ps 147, 12-13. 14-15. 19-20 (R/ : Jan 6, 58 b)	2491, 2040
Ps 148, 1-2. 11-12 ab. 12 c-14 a. 14 bcd	538, 1121
Ps 148, 1-2. 11-13 a. 13 c-14 (R/ : cf. 12 a. 13 a)	1575, 1581, 1610, 1668, 1738, 1846, 2232
Ps 148, 1-2. 11-13. 14 (R/ : cf. 13 a)	2592
Ps 148, 1-2. 3-4. 9-10. 11-13. 13 c-14 a (R/ : cf. 13 a)	2115
Ps 149, 1-2. 3-4. 5 é 6 a é 9 b (R/ : 4 a)	201, 212, 815, 534, 1176, 1229, 1288
Ps 149, 1-2. 3-4. 5-6 a é 9 b (R/ : Ap 5, 10)	1506
Ps 150, 1-2. 3-4. 5-6 (R/ : 6)	1234
Ps 150, 1-2. 3-4. 5-6 (R/ : Ap 4, 8 b)	1501
Égz 15, 1-2. 3-4. 5-6 (R/ : 1 b)	1034
Égz 15, 1-2. 3-4. 5-6. 17-18 (R/ : 1 a)	420
Égz 15, 8-9. 10 é 12. 17 (R/ : 1 a)	1037
Dét 32, 18-19. 20-21 (R/ : cf. 18 a)	1064, 1149
Dét 32, 26-27 ab. 27 cd-28 a. 30. 35 cd-36 ab (R/ : 39 c)	1153
Dét 32, 3-4 a. 7. 8. 9 é 12 (R/ : 9 a)	1123
Dét 32, 35 cd-36 ab. 39 abcd. 41 (R/ : 39 c)	1105
1 Sam 2, 1. 4-5. 6-7. 8 abcd (R/ : 1 a)	146, 1769
1 Sam 2, 1. 4-5. 6-7. 8 abcd (R/ : cf. 1 a)	616, 1614
1 Kr 29, 10. 11 abc. 11 d-12 a. 12 bcd (R/ : 13 b)	1507
1 Kro 29, 10 bc. 11. 12 (R/ : 13 b)	2418
1 Kro 29, 10. 11. 12 (R/ : 13 b)	1753
Tob 13, 2. 3-4 a. 4 bcd. 5. 8 (R/ : 2 a)	1285
Tob 13, 2. 3-4. 6. 7. 8 (R/ : 2 a)	2392
Tob 13, 2. 6. 7. 8 (R/ : 2 a)	847
Jdt 13, 18 bcde. 19	1651
Jdt 13, 18 bcde. 19 (R/ : 15, 9 d)	1581, 1770
Jdt 13, 23 bc-24 a. 25 abc (R/ : 15, 10 d)	1734
Iz 12, 2-3. 4 bcd. 5-6 (R/ : 3)	2530
Iz 12, 2-3. 4 bcd. 5-6 (R/ : 6 b)	1613
Iz 12, 2-3. 4 bcd. 5-6 (R/ : 3)	423, 606
Iz 12, 2-3. 4 bcd. 5-6 (R/ : 4 a)	2511
Iz 12, 2-3. 4 bcd. 5-6 (R/ : 6)	114
Iz 12, 2-3. 4 bcd. 5-6 (R/ : cf. 3)	219, 1395
Iz 12, 2-3. 4 bcd. 5-6 (R/ : 1 c)	1135
Iz 38, 10. 11. 12 abcd. 16 (R/ : cf. 17 b)	1020, 2402

Jér 31, 10. 11-12 ab. 13 (R/ : 10 d)	360, 1048, 1293
Jér 31, 10. 11-12 ab. 13 (R/ : cf. 10 d)	1099
Jér 31, 10. 11-12 ab. 13 ed 14 (R/ : cf. 10 c)	2273
Dan 3, 52. 53. 54. 55. 56 (52 b)	586, 1043, 1522, 1526
Dan 3, 62. 63. 64. 65. 66. 67 (59 b)	1529
Dan 3, 68. 69. 70. 71. 72. 73. 74 (59 b)	1533
Dan 3, 75. 76. 77. 78. 79. 80. 81 (59 b)	1537
Dan 3, 82. 83. 84. 85. 86. 87 (59 b)	1540
Jon 2, 3. 4. 5. 8 (R/ : 7 c)	1334
Lk 1, 46-47. 48-49. 50 é 53. 54-55 (R/ : 54 b)	934
Lk 1, 46-47. 48-49. 50-51. 52-53. 54-55	1695
Lk 1, 46-47. 48-49. 50-51. 52-53. 54-55 (R/ : 49)	1772
Lk 1, 46-48. 49-50. 53-54 (R/ : Iz 61, 10 b)	111
Lk 1, 46-55	1640, 1712
Lk 1, 69-70. 71-72. 73-75 (R/ : cf. 68)	682, 1345, 1387

GID ALÉLOUYA AK VÈSÈ ANVAN ÉVANJIL LA

1 Sam 3, 9; Jan 6, 68c	945, 1543
1 Kr 29, 10b. 11b	2326
2 Kr 7, 16	1707, 1758
Cf. Ps 18, 9	1543
Ps 24, 4b. 5a	868, 1165, 1543
Cf. Ps 26, 11	1543
Ps 32, 22	1375, 2412, 2075
Ps 50, 12a. 14a	234, 251, 321
Ps 65, 16	2420
Ps 67, 20	1603, 2367
Cf. Ps 79, 4	79, 126
Ps 83, 5	1589
Ps 84, 8	75, 76, 117, 126
Ps 84, 13	2373
Cf. Ps 94, 8ab	226, 234, 302, 356, 950, 1011, 1036, 1161, 1320, 1364, 1506, 1543
Ps 95, 2	2513
Ps 102, 21	1689, 1693
Ps 110, 7b-8a	1543
Ps 117, 24	434, 436, 438, 440, 443, 445
Ps 117, 26a. 27a	1723
Ps 118, 18	1543
Ps 118, 27	1543
Ps 118, 34	842, 1543
Ps 118, 36a. 29b	727, 1543877, 1543
Ps 118, 88	1544
Ps 118, 105	677, 1544, 889,
Ps 118, 135	1131, 1223, 1544
Ps 125, 5	2326, 2373, 2379
Ps 129, 5	953, 1111, 1544
Cf. Ps 129, 5. 7	234, 293
Ps 132, 1	2152, 2192, 2203, 2441
Ps 137, 1bc	2420
Ps 144, 13cd	1544
Ps 147, 12a. 15a	1544
Iz 33, 22	88, 126
Iz 40, 9-10	121, 126
Cf. Iz 45, 8	104, 126
Iz 55, 6	85, 126
Iz 61, 1	112, 401
Iz 66, 1	1758
Éz 18, 31	234, 253, 266, 360
Éz 33, 11	233, 348, 234, 1404, 2348, 2433
Éz 37, 27	1758, 2172

Dan 3, 52b	2513
Joël 2, 12-13	234, 249, 294, 298, 340
Cf. Am 5, 14	231, 234, 318
Mt 1, 23	129
Mt 2, 2	196
Mt 4, 4b	234, 238, 241, 243, 247, 327, 462, 475, 581, 740, 1082, 1084, 1091, 1544
Mt 4, 16	213, 215, 689
Mt 4, 17	229, 234, 286, 300
Mt 4, 19	720, 1211, 1715
Cf. Mt 4, 23	204, 211, 215, 623, 646, 658, 724, 1142, 1221
Mt 5, 3	849, 903, 1087, 1150, 1357, 1389, 1460, 1580, 1582, 1594, 1616, 1617, 1620, 1621, 1639, 1649, 1650, 1656, 1658, 1721, 1878
Mt 5, 4	2076
Mt 5, 6	1701, 1728, 1879, 2233
Mt 5, 8	1879
Mt 5, 9	2261, 2326, 2340, 2348, 2357, 2447
Mt 5, 10	1007, 1080, 1106, 1568, 1586, 1606, 1622, 1634, 1673, 1687, 1741, 1797, 2304
Mt 5, 12a	686, 861
Mt 5, 16	864, 1281, 1566, 1616, 1627, 1650, 1721, 1837
Cf. Mt 7, 8	1758
Mt 8, 17	699, 717, 932, 936, 2076, 2403
Cf. Mt 11, 25	670, 680, 743, 794, 807, 969, 1014, 1026, 1045, 1054, 1140, 1267, 1323, 1401, 1418, 1544, 1575, 1600, 1606, 1637, 1666, 1692, 1694, 1697, 1879, 2152, 2233, 2421, 2537, 2570, 2595
Mt 11, 28	963, 1017, 1263, 1442, 1448, 1705, 1879, 2367, 2537, 2076,
Mt 11, 29ab	605, 607, 610, 1124, 1198, 1429, 2537
Mt 16, 18	1102, 1170, 1584, 1633, 1737, 1758
Mt 17, 5c	1653
Mt 23, 9b. 10b	1168, 1431, 1565, 1575, 1640, 1671, 1820, 1838, 2129
Mt 23, 11. 12b	1575, 1595, 1879
Mt 24, 42a. 44	1117, 1186, 1395, 1457, 1524, 1547, 2451
Mt 25, 34	2326, 2386, 2571
Mt 28, 19a. 20b	541, 584, 1579, 1580, 1619, 1716, 1716, 1820, 2004, 2193, 2212, 2222, 2292
Mk 1, 15	613, 661, 706, 879, 984, 988, 1286, 1317, 2433, 2348
Mk 1, 17	1579, 1587, 1599, 1610, 1695, 1701, 1708, 1713, 1728, 1821, 2018, 2246
Cf. Mk 9, 6	198, 217, 768
Mk 10, 45	810, 1292, 1308, 1310, 1383
Mk 11, 9. 10	1515, 1518, 1520
Mk 16, 15	1933, 2292
Cf. Lk 1, 28	1695, 1718, 1735, 1774

Lk 1, 38	132, 134
Cf. Lk 1, 45	1581, 1613, 1774, 2544
Lk 1, 49	2421
Cf. Lk 1, 76	1626
Lk 2, 10-11	158
Lk 2, 14	160
Cf. Lk 2, 19	1774, 1775
Cf. Lk 2, 25c	1647
Lk 2, 32	175, 1577
Lk 3, 4. 6	91, 94, 97, 107, 123, 126
Cf. Lk 3, 16	223
Lk 4, 18	205, 209, 215, 629, 664, 692, 772, 852, 1208, 1574, 1582, 1620, 1651, 1716, 1821, 2004, 2018
Cf. Lk 4, 18	971, 1202, 2027
Lk 6, 23ab	749, 1233
Lk 7, 16	201, 215, 626, 696, 747, 858, 912, 1057, 1099, 1205, 1258
Cf. Lk 8, 15	234, 270, 329, 354, 709, 1032, 1048, 1269, 1544
Lk 11, 28	1284, 1339, 1351, 1640, 1652, 1663, 1712, 1775, 2152
Lk 15, 18	274, 234, 313
Cf. Lk 19, 38; 2, 14	1423, 1544
Lk 21, 28	1479, 1490, 1535, 1538, 1547
Lk 21, 36	1189, 1392, 1488, 1542, 1547, 1566, 1594, 1880, 2451, 2326
Cf. Lk 24, 32	466, 469
Cf. Lk 24, 46. 26	517, 549, 581
Cf. Jan 1, 29	221
Cf. Jan 1, 7; Lk 1, 17	1624
Jan 1, 14a. 12a	178, 189, 194, 631, 1545
Jan 1, 14ab	1592
Jan 1, 41. 17b	633, 1904
Jan 1, 49b	1095, 1669
Jan 3, 15	457, 581
Jan 3, 16	234, 272, 283, 310, 325, 329, 459, 581, 684, 1254, 1436, 1907, 1933, 1948, 2292, 2571
Cf. Jan 4, 23. 24	2172
Cf. Jan 4, 42. 15	277, 289
Jan 6, 35	2040
Jan 6, 35ab	477, 581
Jan 6, 39	2571, 2595
Cf. Jan 6, 40	479, 581
Jan 6, 40	2571
Jan 6, 51	481, 581, 597, 599, 601, 1114, 2041, 2096, 2495, 2571
Jan 6, 54	2096
Jan 6, 56	483, 581, 1144, 2041, 2176, 2495
Jan 6, 57	2041, 2176, 2495
Cf. Jan 6, 63c. 68c	234, 264, 297, 358, 485, 582, 761, 1004, 1172, 1261, 1545,

	1596, 1610, 1684, 1838, 2027
Jan 6, 64b. 69b	1596
Jan 8, 12	234, 268, 305, 315, 499, 582, 715, 813, 921, 1214, 1494, 1545, 1609, 1647, 1656, 1670, 1695, 1695, 1701, 1713, 1880, 1933, 1949, 2261, 2326
Jan 8, 12bc	1658
Jan 8, 31b-32	505, 582, 1439, 1567, 1610, 1659, 1697, 1880, 2233
Jan 10, 9	2096
Jan 10, 11	2193, 2200
Jan 10, 14	488, 491, 493, 495, 582, 610, 981, 1568, 1590, 1600, 1611, 1617, 1667, 1687, 1707, 1716, 1821, 2004, 2193, 2212, 2537,
Jan 10, 27	498, 521, 582, 619, 703, 713, 914, 967, 1020, 1030, 1147, 1178, 1226, 1299, 1370, 1426, 1509, 1545
Jan 11, 25; 14, 6	2096
Jan 11, 25a. 26	234, 323, 332, 342, 838, 2571
Jan 12, 25	1660
Jan 12, 26	337, 2019, 2212, 2327
Jan 12, 31b-32	855, 1348
Jan 13, 1	2451
Jan 13, 34	403, 513, 775, 870, 892, 1191, 1244, 1336, 1569, 1586, 1586, 1587, 1596, 1620, 1637, 1640, 1670, 1707, 1708, 1709, 1709, 1721, 1880, 2153, 2327, 2357, 2447
Jan 14, 6	503, 508, 582, 752, 785, 1175, 1216, 1290, 1373, 1545, 1933, 1949
Jan 14, 6b. 9c	1605
Jan 14, 16	539, 562, 584, 1981
Cf. Jan 14, 18	547, 553, 556, 558, 584
Jan 14, 23	755, 527, 530, 532, 846, 895, 928, 1039, 1242, 1407, 1433, 1470, 1545, 1581, 1639, 1666, 1716, 1848, 1880, 2234
Jan 14, 26	515, 568, 584
Jan 14, 27	2341
Jan 15, 4a. 5b	511, 519, 582, 924, 1485, 1881, 2193, 2262
Jan 15, 5	822, 1476, 1594, 1617, 1648, 1821, 1838, 2153, 2246
Jan 15, 9	2212, 2537
Jan 15, 9b. 5b	1568, 1582, 1587, 1611, 1628, 1643, 1667, 1668, 1670, 1696, 1708, 1709, 1739, 1881, 2234
Jan 15, 11	2421
Jan 15, 12	2441
Jan 15, 15b	523, 582, 765, 1070, 1545, 1608, 1674, 1696, 1720, 1821, 2004
Cf. Jan 15, 16	816, 1230, 1326, 1502, 1573, 1608, 1645, 1700, 2213, 2222, 2246, 2262
Jan 15, 26b. 27a	534, 584, 909, 1378, 1981
Cf. Jan 16, 7. 13	536, 570
Jan 16, 13a; 14, 26b	991, 1982, 2203

Jan 16, 28	551, 584
Cf. Jan 17, 17ba	564, 584, 731, 791, 824, 1239, 1301, 1414, 1545
Jan 17, 19	1797
Jan 17, 21	566, 584, 2277
Jan 20, 29	447, 450, 453, 460, 582, 1636
Jan 21, 17d	1630
Cf. Tr Ap 16, 14b	173, 656, 737, 1073, 1272, 1345, 1545, 1691, 1709, 1838, 2027
Rom 6, 9	582
Rom 8, 15	1912
Rom 8, 15bc	899, 1060, 1342
1 Kor 1, 18	1838
1 Kor 1, 23a-24b	1598, 1732, 2222
1 Kor 2, 7	1839
1 Kor 5, 7b-8a	432
2 Kor 1, 3b-4a	1616, 1595, 1684, 1797, 2076, 2304, 2357, 2395, 2404, 2412, 2595, 2600
2 Kor 5, 19	653, 960, 1024, 1128, 1219, 1249, 1411, 1545, 1822
2 Kor 6, 2b	245, 255, 234
2 Kor 8, 9	803, 906, 1153, 1277, 1303, 1454, 2153, 2327, 2386
Gal 6, 14	782, 1247, 2153
Éféz 1, 3	2076, 2421
Cf. Éféz 1, 17-18	642, 758, 834, 1001, 1546, 1194, 1354
Éféz 4, 5. 6a	1934, 1949, 2277
Fil 2, 8-9	366, 407, 2470,
Fil 2, 15d. 16a	800, 873, 1467, 1381, 1546
Fil 3, 8-9	1314, 1398, 2153, 2247,
Cf. Fil 3, 20	2572
Kol 1, 24b	2404
Cf. Kol 2, 12	1934
Kol 3, 1	455, 525, 560, 583, 585, 1934
Kol 3, 15	2129, 2277
Kol 3, 15a. 16a	166, 973
Cf. Kol 3, 16a. 17c	819, 1546
Cf. 1 Tés 2, 13	616, 788, 1136, 1546
1 Tés 5, 18	1361, 1473, 2421
Cf. 2 Tés 2, 14	636, 1121, 1274, 1420, 1482, 1546
Cf. 1 Tim 3, 16	183, 207, 215
Cf. 2 Tim 1, 10	649, 667, 778, 842, 941, 978, 1109, 1295, 1409, 1512, 1934, 1949, 1546
2 Tim 2, 11-12a	2572
Ébr 1, 1-2	181, 187, 190, 194
Ébr 4, 12	639, 796, 917, 1157, 1181, 1367, 1386, 1546
Ébr 13, 8	2172
Ébr 13, 14	2395

Jak 1, 12	1568, 1638, 1655, 1684, 1687, 1698, 1797, 2077, 2262, 2305, 2412
Jak 1, 18	798, 1546, 956, 1064, 1196
Jak 1, 21bc	734, 1051, 1546
1 Piè 1, 25	1547, 1077, 1332
1 Piè 2, 9	939, 1934, 1949
1 Piè 4, 14	994, 1445, 1580, 1596, 1797, 2305
1 Jn 2, 5	1547, 1183, 1451
1 Jn 4, 7b	2116
1 Jn 4, 8b. 11	2116
1 Jn 4, 10b	607, 884, 1498, 2538
1 Jn 4, 12	1236, 1329, 2116
1 Jn 4, 16	2116,
Cf. Ap 1, 5ab	501, 583, 831, 2433, 2495, 2521
Ap 1, 5a. 6b	1463, 2572, 2600
Ap 1, 5a. 6a	1982
Cf. Ap 1, 8	587, 589, 591
Ap 2, 10c	1527, 1531, 1547, 2451
Ap 5, 9	2496, 2521
Ap 14, 13	2572
Ap 21, 3	
Ala kontantman pou Mari (Felix est):	1683, 1775
Ala kontantman pou ou Sint Vièj Mari (Felix es):	1675, 1775, 2544
Chak jou n-ap fè konpliman (Per singulos dies):	2363
Chèf kay Israèl la (Dux Domus):	138, 152
Démin péché tè-a ap éfasé (Crastina Die):	154
Di nou Mari (Dic nobis):	1642
Égliz Granmèt la sé yon limiè (Ecclesia Domini):	2277
Émanuèl, Roua (Emmanuel, Rex):	145, 152
Granmèt la ap vini (Dominus veniet):	106, 127
Granmèt la résisité sot nan kavo-a (Surrexit Dominus):	583
Klé David la (Clavis David):	142, 152
Kris la résisité, li kléré nou (Surrexit Christus et illuxit):	583
Kris la résisité, li minm ki kréyé (Surrexit Christus qui creavit):	464, 472, 583
Li tou pré jou Granmèt la (Prope est):	101, 127
Mín Granmèt la ap vini (Ecce veniet Dominus):	83, 103, 127
Mín Granmèt nou-an ap vini (Ecce Dominus):	81, 86, 127
Mín Roua-a ap vini (Ecce veniet Rex):	99, 127
Nan niaj ki kléré-a (In splendori):	257, 260, 263
N-ap fè louanj ou Bondié... foul apot yo (Te Deum... te gloriosus apostolorum):	1702, 1711, 1725, 1686
N-ap fè louanj ou Bondié... lamé mati yo (Te Deum... te martyrurum):	1595, 1727, 1798, 1585, 1659

N-ap fè louanj ou Bondié... sou tout fas tè-a (Te Deum... te per orbem):	2421
Nou adoré-ou Kris (Adoramus Te):	1679, 2470
Nou konnin Kris la résisité vré (Scimus Christum):	583
Pa lintèmediè boua-a (Per lignum):	2470
Rasi-n Jésé-a ki kanpé (Radix Iesse):	140, 152
Roua nasion yo (Rex gentium):	146, 148, 152
Sa-a sé vièj saj la (Haec est virgo):	1712, 1720, 1848
Sajès Sa-a ki anro nèt la (Sapientia altissimi):	136, 152
Salu, Roua nou-an : sé ou minm sèl ki pran pitié (Ave, Rex noster : Tu solus) :	394
Salu, Roua nou-an, ou minm ki obéyi Papa-a (Ave, Rex noster, Patri):	396, 399
Sé pou Égliz ou-a rasanblé, Granmèt (Colligatur ecclesia tua):	2277
Sémans la sé paròl Bondié-a (Semen est):	351, 234, 673, 881, 997, 1042, 1067, 1641, 1677, 1839, 2028, 2262
Solèy k-ap lévé, klèté (Oriens, splendor):	152, 150
Vini Éspri Sin, voyé réyon limiè-ou la (Veni, Sancte Spiritus, et emitte):	1982
Vini épouz Kris la (Veni sponsa):	1848
Vini Éspri Sin, plin kè fidèl ou yo (Veni, Sancte Spiritus, reple):	575, 577, 1982
Vini Granmèt, pa mizé (Veni Domine et noli):	119, 127
Vini Granmèt, vizité nou nan lapè (Veni Domine visitare):	125, 127
Yo fè Mari monté nan sièl (Assumpta est):	1665
Yon jou ki sin kléré pou nou (Dies sanctificatus):	162, 177, 192, 194

GID KANTIK YO (SÉKANS YO)

<i>Lauda, Sion</i> - Fè louanj Sovè-a, Siyon	594
<i>Stabat Mater</i> - Manman-an kanpé, li t-ap soufri	1681
<i>Veni Sancte Spiritus</i> - Vini, Éspri Sin	577
<i>Victimae paschali</i> - Sé pou Krétyin yo imolé louanj pou viktim paskal la	431

GID JÉNÉRAL

Dékrè Kongrégasyon Sakré pou Sakréman yo épi Sèvis Bondié-a osijè dézièm édisyon tipik Lòd léktu Mès la an 1981	5
Dékrè Kongrégasyon Sakré pou Sèvis Bondié-a osijè premié édisyon tipik Léksionè Misèl la an 1970.....	7
Dékrè Kongrégasyon Sakré pou Sèvis Bondié-a osijè premié édisyon tipik Lòd léktu Mès la an 1969.....	8

AVÈTISMAN JÉNÉRAL

INTRODIKSION

Chapit I: *Prinsip jénéral pou sélébrasyon litijik paròl Bondié-a*

1. <i>Kèk prémis</i>	
a) Inpòtans paròl Bondié-a nan sélébrasyon litijik la.....	11
b) Mo ki sèvi pou dézignin paròl Bondié-a	12
c) Signifikasyon litijik paròl Bondié-a	12
2. <i>Sélébrasyon litijik paròl Bondié-a</i>	
a) Karaktèistik spésial paròl Bondié-a nan aksion litijik la	12
b) Paròl Bondié-a nan fason sovè nou sovè-a distribiyé-a	13
c) Paròl Bondié-a nan patisipasyon litijik fidèl yo.....	14
3. <i>Paròl Bondié-a nan lavi pèp « aliens » la</i>	
a) Paròl Bondié-a nan lavi Égliz la.....	14
b) Paròl Bondié-a yo proklamé nan Égliz la.....	15
c) Rapò séré ki ginyin ant paròl Bondié yo proklamé-a ak aksion Éspri Sin-an	15
d) Konéksion intim ant paròl Bondié-a ak mistè ékaristik la	16

PRÉMIÉ PATI

PARÒL BONDIÉ-A NAN SÉLÉBRASION MÈS LA

Chapit II: *Sélébrasyon litiji paròl la nan Mès la*

1. <i>Éléman litiji paròl la épi rit yo</i>	17
a) Léktu bibliik yo.....	17
b) Psòm réponsorial la.....	18
c) Aklamasyon anvan léktu Évanjil la.....	19
d) Oméli-a	20
e) Silans la	21

f) Déklarasion lafoua-a.....	21
g) Priyè inivèsèl la oubyin priyè fidèl yo.....	22
2. Osijè sa ki pèmèt sélébré litiji paròl la jan sa doué fèt la	
a) Koté yo doué proklamé paròl Bondié-a	22
b) Liv pou anonsé paròl Bondié-a nan sélébrasion yo.....	23

Chapit III: *Fonksion yo ak ministè yo nan sélébrasion litiji paròl la nan Mès la*

1. <i>Fonksion sa k-ap prezidé-a nan litiji paròl la</i>	24
2. <i>Fonksion fidèl yo nan litiji paròl la</i>	25
3. <i>Ministè yo nan litiji paròl la</i>	26

DÉZIÈM PATI
DISPOZISION LÒD LÉKTU MÈS LA

Chapit IV: *Lòd jénéral léktu Mès la*

1. <i>Objéktif pastoral Lòd léktu Mès la</i>	29
2. <i>Prinsip yo suiv pou élaboré Lòd léktu Mès la</i>	31
a) Choua tèk yo	31
b) Aranjman léktu yo pou dimanch yo ak fèt yo	31
c) Aranjman léktu yo pou lasémèn.....	32
d) Léktu pou fèt Sin yo.....	33
e) Léktu pou Mès rituèl yo, pou divès sikonstans yo, votiv yo épi défin yo... 33	
f) Pi bon kritè pou yo anplouayé nan chouazi léktu yo épi ranjé yo.....	33
3. <i>Prinsip yo doué suiv pou sèvi ak Lòd léktu yo</i>	
a) Posibilité pou chouazi kèk tèks	35
b) Psòm réponsorial la épi aklamasion anvan Évanjil la	38

Chapit V: *Déskripsion lòd léktu yo*

1. <i>Tan Avan-an</i>	
a) Nan dimanch yo	40
b) Nan sémèn yo.....	40
2. <i>Tan Nésans Granmèt la</i>	
a) Nan solanité yo, fèt yo épi dimanch yo.....	40
b) Nan sémèn yo.....	41
3. <i>Tan Karèm</i>	
a) Nan dimanch yo	41
b) Nan sémèn yo.....	42

4.	<i>Toua jou sakré yo épi tan paskal la</i>	
a)	Nan Tridiòm paskal la ki sakré-a	42
b)	Nan dimanch yo	43
c)	Nan sémèn yo	43
d)	Nan solanité Asansion ak Pantkot	43

5.	<i>Tan « nan kouran ané-a »</i>	
a)	Aranjman ak fason yo chouazi tèks yo	44
b)	Léktu pou dimanch yo	45
c)	Léktu pou gran fèt Granmèt la « nan kouran ané-a »	46
d)	Léktu lasémèn yo	46

Chapit VI: *Adaptasion, tradiksyon nan lang pèp yo épi référans lòd léktu yo*

1.	<i>Adaptasion yo ak tradiksyon yo</i>	48
2.	<i>Référans chak léktu yo</i>	49
a)	Indikasyon tèks la	49
b)	Tit la	50
c)	« Incipit » la	51
d)	Aklamasyon alafin-an	51

Tablo I:	Tablo roulman fèt yo ak dimanch yo pou réglé léktu yo	52
Tablo II:	Òganizasyon dézièm léktu-a nan dimanch yo « nan kouran ané-a »	53
Tablo III:	Òganizasyon premié léktu-a nan sémèn yo « nan kouran ané-a »	54
Kalandriyé romin jénéral		55
Gid sign yo		67

LÒD LÉKTU MÈS LA

PRÒP POU TAN-AN

Léktu pou dimanch ak lòt jou sémèn nan	71
Tan Lavan	71
Alélouya pou tan Lavan-an	126
Alélouya pou jou 14 rivé 24 désanm	152
Tan Nésans Granmèt la	153
Alélouya pou sémèn anvan Épifani	194
Alélouya pou sémèn apré Épifani	215
Tan Karèm	225
Aklamasyon pou tan Karèm	234
Tridiòm paskal épi tan paskal la	402
Alélouya apré Asansion	584

Gran fèt Granmèt la « nan kouran ané-a » apré Pantkot la	586
Tan « nan kouran ané-a » (« òdinè »).....	611
Alélouya pou dimanch ak jou sémèn nan « tan kouran ané-a »	1543
Tèks komin pou chanté psòm rèsponsorial la.....	1548

PRÒP POU SIN YO

Janvié.....	1565
Févrieré	1576
Mars.....	1586
Avril	1594
Mé.....	1601
Juin	1616
Juiyè.....	1636
Out	1650
Séptanm.....	1674
Oktòb	1692
Novanm	1704
Désanm.....	1716
Pròp pou Sin yo pou kalandriyé Égliz Ayiti-a.....	1729

KOMIN YO

Komin pou konsékrasyon yon égliz	1749
Komin Sint Vièj Mari.....	1762
Komin Mati yo	1783
Komin Pastè yo.....	1802
Komin Doktè Égliz la.....	1829
Komin Vièj yo.....	1844
Komin Sin ak Sint yo	1852

MÈS RITUÈL YO

I. Lè y-ap bay sakréman inisiasion krétyin yo.....	1903
1. Pou katékumèn yo épi inisiasion adult yo nan sakréman yo.....	1903
2. Nan Batèm ti moun piti yo.....	1942
3. Pou admèt moun ki déjà batizé validman nan kominion an plin ak Égliz la	1957
4. Antan y-ap administré sakréman Konfimasyon-an	1957
5. Nan premié kominion ti moun yo	1989

II. Antan y-ap bay Òd sakré yo.....	1990
III. Pou admision nan pami kandida ki gin pou vi-n diak oubyin prèt	2013
IV. Antan y-ap bay ministè yo.....	2022
1. Nan institision Léktè yo	2022
2. Nan institision Akolit yo	2031
V. Antan y-ap bay sakréman onksion malad yo épi sa-k pral mouri yo	2049
1. Antan y-ap bay Onksion malad yo.....	2049
2. Antan y-ap bay viatik la.....	2090
VI. Nan sélébrasion Mariaj.....	2013
VII. Nan bénédikcion yon Abé oubyin yon Abès.....	2124
VIII. Nan konsékrasion vièj yo épi nan profésion rélijéz.....	2132
IX. Nan dédikas oubyin bénédikcion égliz avèk otèl	2164
1. Nan dédikas égliz.....	2164
2. Nan dédikas otèl.....	
3. Nan bénédikcion kalis ak patèn.....	2174

MÈS POU DIVÈS NÉSÉSITÉ

I. Pou Égliz la ki sin-an	
1. Pou Égliz la	2181
2. Pou Pap la oubyin yon Évèk sitou nan anivèsè éléksion yo	2197
3. Pou éléksion Pap poubyin Évèk	2197
4. Pou Konsil oubyin Sinòd, pou réyinion spirituèl oubyin pastoral.....	2201
5. Pou prèt yo	2205
6. Pou minis Égliz la	2217
7. Pou rélijyé yo	2224
8. Pou vokasion nan Òd sakré yo oubyin nan vi rélijyé la	2238
9. Pou layik yo.....	2253
10. Pou unité krétyin yo	2267
11. Pou évanjélizasion pèp yo	2283
12. Pou krétyin yo k-ap sibi pèsékision	2295
II. Pou sikonstans piblik	
13. Pou patri-a oubyin vil la ; pou moun yo k-ap kòmandé afè léta-a ; pou rasanbléman moun k-ap kòmandé nasion yo ; pou moun k-ap kòmandé nasion-an anlè nèt la oubyin roua-a ; pou dévlòpman pèp yo	2309
14. Pou konsèvé lapè ak jistis.....	2336
15. Pou rékonsiliasion-an	2343
16. Nan tan lagè oubyin boulvèsman	2352

III. Pou divès sikonstans piblik	
17. Kòmansman ané sivil la	2359
18. Pou sanktifé travay lèzòm	2364
19. Lè y-ap mété sémans nan jadin yo	2369
20. Apré rékòlt foui tè-a	
21. Nan tan grangou oubyin pou sa k-ap souffri grangou	2380
22. Pou réfijé yo avèk égzilé yo	2390
23. Pou moun yo kinbé kòm prizonié lagè; pou moun yo kinbé nan prizon	2398
24. Pou malad yo	2399
25. Nan tan tranbléman-tè; pou mandé lapli; pou mandé bo-tan; pou répousé tanpèt; pou ninpòt ki bézouin	2406
26. Pou rann Bondié gras	2414
IV. Pou kèk nésésité patikilié	
27. Pou padoné péché yo	2427
28. Pou mandé charité; pou annkourajé lapè; pou fanmiy ak zanmi yo	2438
29. Pou fanmi-an	2443
30. Pou moun k-ap fè nou pasé tray	2443
31. Pou mandé lagras pou byin mouri	2449

MÈS VOTIV YO

Trè Sint Trinité-a	2457
Mistè sint Koua-a	2457
Trè Sint Ékaristi-a	2481
Granmèt nou Jézu-Kri gran prèt étènèl	2505
Trè Sin Non Jézu	2508
San Granmèt nou Jézu-Kri ki gin anpil valè-a	2516
Kè Jézu-Kri ki sakré anpil la	2525
Éspri Sin	2544
Sint Vièj Mari	2544
- Sint Mari, Manman Égliz la	2544
- Non Mari ki sin anpil la	2544
Sin Anj yo	2545
Sin Jozèf	2545
Tout sin Apot yo	2545
Sin Piè ak Sin Pòl, Apot	2545
Sin Piè, Apot	2545
Sin Pòl, Apot	2545
Ninpòt ki Sin Apot	2545
Tout Sin yo	2545

MÈS DÉFIN YO

Pou Mès défin yo.....	2549
Nan antèman timoun ki batizé.....	2589
Nan antèman timoun ki pa ko batizé	2598
GID LÉKTU YO DAPRÉ LÒD LIV KI SIN YO	2603
GID PSÒM RÉSPONSORIAL YO	2647
GID ALÉLOUYA AK VÈSÈ ANVAN ÉVANJIL LA.....	2671
GID KANTIK (SÉKANS) YO	2677
GID JÉNÉRAL.....	2679

